

IN AMBAS APOSTO-  
li Pauli ad Corinthios Epi-  
stolas, Commen-  
tarij.

PER VVOLFGANGVM MV-  
SCVLVM DV SANVM.

Cum Indice rerum & uerborum locupletissimo.



BASILEAE, PER IOANNEM  
Heruagium, Anno M. D. LIX.

*Summ bibliothecae Tigurinae*



IN AMBAS APOSTOLIS  
et Pontificatus  
Romae Commemoratione

PER VOLUNTARIUM  
M. V. D. N. M.

Cum Iacobus et alii per hoc locum



BASILEAE PER IOHANNEM  
Heringer, Anno M. D. LIX.



# ORNATISSIMIS AC MAGNIFICENTISSIMIS INCLYTAE CIVITATIS BASILIENSIS CONSULIBUS ac Senatoribus, Dominis in Christo colendis,

VITATIS BASILIENSIS CONSULIBUS ac Senatoribus, Dominis in Christo colendis,

libus ac Senatoribus, Dominis in Christo colendis,

WOLFGANGVS MUSCVLVS, VERAM AC IV-

gem felicitatem precatur in Domino.



NIVERSAM quidem Helvetiae gentem, Viri clarissimi ac celeberrimi, multis nominibus plurimi faciendam esse non ignoro, eos tamen ex illa non immerito singulari quadam observantia prosequor, & amantius complector, quibus me veritatis Evangelicae communicatio, ac sincerae fidei societas arctius aliquanto in communi Servatore Christo Domino coniunxit. Horum celebritati & existimationi, si qua in re cumulum aliquem adijcere possem, eius me officij debitorem haud grauatim agnosco, & ad id quod debeo, propensum esse profiteor, praestaremque ex animo quicquid huc facere possit, si tanta esset ingenij facultas, quanta est animi in id officij propensio. In horum autem albo haud postremo mihi loco est urbs uestra uere Basilea, id est, Regia, non iuxta saeculum tantum longe lateque clara, sed & propter Christianae religionis ac fidei puritatem Regi Regum Christo Domino cum primis sacra. In hac praeter alia dona Dei ualde suspicienda est primum insignis Ecclesia ad Canonem Evangelicae doctrinae pientissimorum uirorum opera ac ministerio per gratiam Dei reformata, qua in re alij plantando, alij rigando fideliter cooperati sunt Domino, & adhuc cooperantur fratres aliquot pij & eruditi, & haud poenitendis dotibus ad id muneris instructi, quorum laboribus benedictionem apprecor a Domino. Post Ecclesiam deprædicanda uenit Academiae uestrae omnis generis disciplinis instructae celebritas, in qua per eximios cum artium, tum sacrae Theologiae professores, ingenia adolescentum non uestratum tantum, sed & exteriorum haud infeliciter excoluntur, & ut olim Ecclesijs ac Rebus publicis prodesse queant instituuntur. Et hoc beneficij genus in filium meum Abrahamum Musculum collatum, haudquaquam dissimulare debeo. Is enim non modo magnam eruditionis suae partem, sed & Magisterij sui gradum Scholae uestrae debet. Est ea quidem a Pio secundo Romano Pontifice, secundum Historicorum commentarios, erecta & confirmata, uerum singulari dono Dei factum est, ut seruiat iam non Romano, sed coelesti Pontifici Christo. De Typographia quid dicam, cuius inuentione Dominus Germaniam nostram tum temporis decorare coepit, cum in propinquo esset, ut & barbariem, errorum matrem, eliminaret, & mysterium iniquitatis, quod in Ecclesia saeculis iam aliquot omnium licentiosissime grassatum est, detegeret? Propter luculentissima Typographiae commoda urbem uestram merito amat, & laudibus extollunt omnes, cum eruditi, tum pij. In hac enim illa potiore quam habet in



EPISTOLA NVNCVPATORIA.

Germania sedem iam olim nō sine singulari consilio Dei fixit, cui eximiam operā suam non solum Frobeniana domus, singulari artis huius industria ac sedulitate clara, sed & multi alij industrij ac præstantes Typographi sedulo contulerunt, è quibus haud postremus extitit Ioannes Heruagius, piæ recordationis, uir eximius, mihiq; à multis annis admodum amicus, cuius uestigijs hæredes Ioannem Heruagium & Bernardum Brand, amicos charissimos, dextre inhaesuros spero. Quis autem condigne explicuerit quā multis illi, quā uarijs, quā præclaris & utilibus monumentis omnes artis suæ compendio repleuerint ac ditarint nationes, effecerintq; ut non in plateis tantum, sed & in toto passim orbe Sapientia clamare, & ad disciplinam suam rudes & imperitos uocare cœperit? Quid aliud doctissimum Erasmus Basileam pellexit, quā insignis Typographiæ commoditas? Delectatus quidem est & cœli uestri puritate, urbisq; amœnitate: uerum q̄ sit Typographicis emolumentis sedulo ac feliciter usus, haud opus est ut commemorem. Quid de insigni Christi organo dicam, qui haud nomine tantum, sed & re ipsa Oecolampadius erat, uir pius & doctus, uir clarus nomine utroq; Lampas clara domus ô Basilea tuæ? Duobus hisce recte coniunxero eruditissimū Simonem Grynæum, cuius ingenium & eruditionem in conuentu VVormatiensi Anno millesimo, quingentesimo, quadragesimo, multi boni & haud indocti uiri exosculabantur. Trium istorum cineres sub eodem apud uos tecto non sine singulari munere Dei asseruantur. Celebratur iandiu nescio quis locus, in quo triū Magorum corpora quiescere dicuntur. Quod si Magi sunt quos singularis sapientia reddit illustres, reuera felix poteris Basilea uideri, omnino Magis nobilitata tribus. Verum ne quod nemini non est manifestum, studiosius persequar urbis uestræ felicitatem doctioribus, & ad hanc causam prosequendam instructoribus permittens, præsentis instituti mei consilium paucis expediam. Ambas Apostoli Epistolas ad Corinthios scriptas, in Scholæ nostræ collegio hic Bernæ q̄ potui, fideliter explicui, & explicationem illarum in hosce quos uidetis Commentarios redegei. Et quoniam ante annos aliquot scripta mea in urbe uestra per supra dictum Heruagium imprimi, uulgariq; cœperunt, hæc quoque uisum est consueti prælo subijcere, & publico usui destinare. Ne uero perpetuo commodis urbis uestræ, quibus ego quoq; cum multis alijs bene sum usus, ingratus uidear, uisum est, Viri præstantissimi, laborem hunc meum nomini uestro ad hoc nuncupare, ut aliqua saltem ratione animi mei erga Ecclesiam, Rempublicam, Academiam, & uniuersam simul urbem uestram, propensionem ac gratitudinem declarem. Hoc consilium meum ut æqui boniq; consulatis, & nuncupatum uobis opus, qua estis humanitate præditi, amanter complectamini oro. Christus Dominus, communis noster Seruator, concedat Vobis, Vrbi, Ecclesiæ & Academiae uestræ, rerum omnium in hisce exulceratis temporibus tranquillitatem ac prosperitatem, cum primis uero constantem in ueritate Dei ac uera pietate progressum. Bernæ Heluetiorum, Anno millesimo quingentesimo, quinquagesimo nono, ultima Ianuarij.



# RERVM ET VERBORVM MEMORA-

BILIVM INDEX LOGVPLETIS SIMVS, IN

quo unitatis numerus priorē Pauli ad Corinthios episto-  
lam concernit, binarius uero posteriorem.



<b>A</b>			
Abatiffæ pœna rusti-	Aemulatores spirituum cur apostolus	ἀγροφῶ	194.b.1
cis infligat 386.b.1	Corinthios uocet 548.a.1	in Agricolatione laborantes quomodo	
Abelis patientia illu-	Aemulandi uerbum quomodo interdū	unum fiat 87.b.1	
stris 16.b.2	sumatur 355.b.1	Agricola quomodo benedictionem do-	
Abrahami cū isaaco	Aemulari 506.a.1	mini experiatur 285.b.2	
in tabernaculis habitatio 151.b.2	Aeneas perfidus 199.b.1	ἀσχημονέν	508.a.1
ad Abraham semē qui pertineat 355.a.2	Aenigma 523.a.1	ἀσχημοσύνη	508.b.1
Abrahæ semen Christus 355.b.2	in Aerem qui loqui dicatur 545.b.1	ἀναστασία	586.b.1
Abortiuus 617.b.1	Aesopica cornicula 116.b.1	ἀνασῖα 182. b. 1. quomodo diuinitus	
Abortiuo cur se similet apostolus. 617.	Affectus paternus in arguendo qualis	tam uiris quā mulieribus indita	
b.1. & 618.b.1	122.b.1	182.b.1	
Abstrusa quæ physici uocent 396.a.1	Afflictio Pauli in Asia qualis 23. a. 2.	ἀνασῖαν interdum pro ἀνοσῖαν su-	
Abundantiam quæ iustum beneficent-	et 24.b.2	mi 182.a.1. naturalem non esse pec-	
tiæ modum excedit in Christiana	Afflictiones Christi non solum in Pau-	catum 182.b.1	
pietate locum non habere. 729.a.1	lo excelluisse, sed etiam consolatio-	Aliquid alicuius esse, multifariam di-	
Abundare in opere domini 729.a.1	nes spiritus 22.b.2. cur tolleranter	ci 102.a.1	
Accipiendi uerbū uarie sumi apud La-	pro Christi nomine ferendæ. 145.	Amantium fors 386.b.2	
tinios 605.a.1	a. 2. Christi quas uocet Paulus	ἀμαρτία	332.a.2
Achabi humiliatio 444.b.1	15.a.2.	Ambulare simpliciter 450.a.1. secun-	
Achas signum petens culpatus 41.1	Afflictiones nostras non salutem opera-	dū carnē latissime patere 297.a.2	
in Acta non omnia relata quæ Paulus	ri 19.b.2	Amen uox Hæbraica 552.a.1	
gesserit 673.b.1	liationes Christi suauissimum fru-	ἀμτανιντ	727.b.1
Actionum omniū certus finis. 147.b.2	ctum gignere 18.b.2. Christi quo-	Amicos cur deducamus 745.a.1	
Adam cur non seductus 325.b.2	modo commēdet apostolus 18.b.2.	Amicos suos quos uocarit Christus	
in Animam uiuentem quomodo factus	fidelibus cur immittantur 6.b.2.	106.b.1	
705.a.1	quomodo Christi esse dicantur 17.	Amicus Christi quis 656.a.1	
Adam quomodo de terra 706.b.1. pri-	a.2	Amoris cæcitas 113.b.1	
mus homo cur terrenus 704. b.1.	Afflictionis extenuatio duplex 145.	Anabaptistarū separatio qualis 200.	
et 705. a. 1. quomodo terrenus	a.2	a.1	
707.a.1	Afflictiones suas cur Paulus uocet mor-	Anabaptistis qui infideles habeantur	
Adamus cur primus homo ab Aposto-	tem magnam 30.b.2	207.b.2	
lo dicatur 700.a.1. & 701.a.1	Afflictionum fructus quibus competat	Anabaptistæ tres propria temeritate	
Adami malum quomodo uniuersale	146.b.2	Augustæ ad populū loquuti 577.b.1	
ἀδάμῃ omnia in ecclesia 292.a.1	Afflictiones quibus respectibus Paulus	Anathemati deuouere quempiam an-	
Adglutinari Christo per gratiā. 167.	constanter ferat 143. b. 2. Christi	liceat apostolo 781.a.1	
b.1	quam gloriam pariant 147. b. 2.	ἀναγινώσκω	40.a.2
Adolescentes nuptijs immaturi quomo-	Pauli in Macedonia quales. 222.	ἀναξίως qui communicent 436.b.1	
do se gerant 192.b.1. & 193.a.1	a.2	Angelos electis Dei seruire 12.b.2	
in Adoptionem filiorum Dei quomodo	in Afflictionibus suis Paulus nō deser-	Angeli administratorij spiritus 706.	
simus assumpti 156.b.1	tus 11. b. 2. cur Paulus consolatus	a.1	
in Aduentū domini uiuos non esse dor-	12.a.2.	Angeli & electi quomodo uisuri faciē	
mituros cur à nonnullis negetur	in Afflictionibus constituti quomodo	domini 524.a.1	
714.b.1	nos consolemur 146.a.2. quomodo	Angeli uocem uarie usurpari 392.a.1	
Aduentui Christi futuro quæ tribuat	se gerat Christianus 333.a.1	Angelum cur Deus non ad sui imagin-	
apostolus 650.b.1	Afflictionum Christi consortes etiam	nem condiderit 643.a.1	
Aduentus Christi propter electos pro-	consolationum 22.a.2. earundem	Angeli à sanctis quomodo damnentur	
trahi 650. b. 1. domini qualis futu-	finis 30.a.2. sensus diuersus 25.b.2	151.a.1	
rus 718.a.1	Afflictionis grauitas duplex 145.a.2	Angelus exterminatur 327.b.1	
Aduentus Christi solis exortui compa-	Afflictionum Christi utilitas 15.b.2	de Angelis uaria iudicia 150.b.1	
rari 112.a.1	ἀγαπᾷ cur minus cōmoda regno cœ-	Angelus lucis 345.b.2	
per Adulterium rumpi coniugij uincu-	lorum 185.b.1	Animalis corporis conditio 697.b.1	
lum 195.b.1	ἀγαπᾷ 189.b.1	Animalis homo unde dicatur 70.b.1	
Aedificare seipsum 536.b.1	Agnitio Dei, salutis fundamentum	Animalis hominis in rebus diuinis stu-	
Aedificationis ecclesiæ partes 582.b.1	526.a.1	piditas 75.a.1	
	Agnus paschalis cur noctū edebatur	Animalis homo sibi perpetuo similis	
	415.b.1	72.b.1. cur non approbet Euange-	



# INDEX

lium 72.a.1  
 Animalis homo quomodo cōparatus  
 70.a.1. cur non intelligat quæ Dei  
 sunt 71.b.1. cur quæ Dei sunt reij-  
 ciat 72. b.1. cur non possit spiritua-  
 lia cognoscere 73.a.1  
 Animalis & spiritualis corporis condi-  
 tio 704.a.1  
 Animali homini quæ tribuat aposto-  
 lus 71.a.1  
 per Animalem hominem quid intelli-  
 gat apost. 71.b.1  
 Animas mortaliū Christo lucrifacere,  
 ecclesiæ lucrum 294.a.1  
 Animarum rigandarum quanta cura  
 84.b.1  
 inter Animam uiuentem & spiritum  
 uiuificantem quid intersit. 702.b.1  
 Animas tam fidelium quā infideliū  
 superesse 636.b.1  
 Animi infirmi argumentum 117.a.1  
 Animus Christiani qualis esse debeat  
 148.b.1  
 Anthropologia 524.a.1  
 ἀνθρωπολογία 487.a.1  
 Antichristi mystæ quid prædicando  
 querant 121.a.2  
 ἀπαγγέλλειν 570.b.1  
 Aperto ore loqui, ministrum Christi  
 decere 205.b.2  
 ἀπὸ τοῦ 199.b.1  
 ἀπὸ τοῦ 207.b.2  
 ἀφ' ὧν 682.a.1  
 ἀφ' ὧν 340.a.2  
 ἀφ' ὧν 546.a.1  
 ἀφ' ὧν pro ἀφ' ὧν ὅν unde 546.b.1  
 Apollo 22.a.1  
 Apollo quomodo rigarit 84.a.1  
 Apollo cur frater à Paulo uocetur  
 760.b.1.  
 ἀπολογία 268.b.1  
 ἀπολογία 131.a.2  
 ἀπολογία 178.a.1  
 Apostoli prudentia qualis 184.b.1  
 Apostolica gratia 622.b.1  
 Apostoli in exhortando sedulitas 536.  
 a.1  
 Apostolorum munus peculiare 635.a.1  
 Apostolus cur omnes uelit prophetare  
 538. b.1. de qua spiritus præsentia  
 loquatur 133.a.1. qualis fuerit 186.  
 a.1. quomodo suo apostolatu fun-  
 ctus 748.a.1. Corinthiis Christum  
 primum prædicasse 51.b.1  
 Apostoli de uiginti tribus hominum  
 milibus occisis defensio 323.a.1  
 Apostolus uerus 343.b.2  
 Apostoli nomen quid significet 485.  
 b.1. spectacula mundi 118.a. b.1. à  
 Deo positi 485.b.1. prudentia in re  
 præhensione cuiusmodi 367. a.1.  
 prudentiam doctores ecclesiæ quo  
 modo imitentur 184.b.1

Apostoli dispar sors 119.a.b.1  
 Apostolorum officium 485.b.1  
 Apostolos coniuges habuisse manife-  
 stum 272.a.1  
 Apostolus quando dominum uiderit.  
 617. b.1. quomodo se parentem Co-  
 rinthiorū uocet 123.b.1. nulla mun-  
 di potentia suffultus 51.b.1. cur non  
 dicat quisquis ederit corpus domi-  
 ni 434.b.1. quomodo seruator mor-  
 talium 297.a.1. per quam gloria-  
 tionem iuravit 671. a. 1. quomodo  
 omnibus se placere dicat 361. b. 1.  
 quomodo mortis periculis quoti-  
 die obnoxius redditus 670. b. 1.  
 quomodo apud Corinthios uersa-  
 tus 51.a.1. cur detrectarit beneficia  
 accipere 246.b.2  
 Apostolus Corinthiorū in Christo pa-  
 rens 123.a.1. cur se nouissimum uo-  
 cet 118.b.1. quomodo nullius rei si-  
 bi conscius 109.a.1. unde potissimū  
 laudandus 52. b. 1. diuinitus morti  
 destinatus 118.b.1  
 de Apostolica sede quid iudicandum  
 219.a.2  
 Apostolicos qui se olim dixerint 23.  
 b.1  
 Apostolicum ministeriū res laboriosa  
 197.b.2  
 Apostoli quales Euāgelij ministri 42.  
 b.1. quomodo infantes 79.a. 1. ui-  
 sio Corinthi qualis 52.b.1. apostoli  
 reconciliationis legati 183.a.2  
 Apostoli fides 139.a. 2. deiecio qualis  
 83.b.1  
 Apostoli ueri signum 351.b.2  
 Apostoli eodem affectu præditi erga  
 Christum 378.a.2  
 Apostoli utriusq; peccatis & filij te-  
 stes 48.b.1  
 Apostoli innocentia quanta 109.b.1  
 Apostoli scientia quid complectatur.  
 50.b.1. primarius scopus quis 558.  
 a.1. ueri & falsi magnum discrimen  
 44.b.2  
 Apostolo idem contingere quod Chri-  
 sto 202.b.2  
 Apostoli affectus paternus 186.b.2  
 Apostoli mira philosophia 735.a.1  
 Apostoli sollicita prouidentia 220.b.2  
 Apostoli quomodo angeli 392.a.1  
 Apostolus ad Euangelizandum missus  
 30.b.1  
 Apostolorum sors in hoc mundo qualis  
 fuerit 128.b.2  
 Apostolum peccatis non caruisse 110.  
 a.1  
 Apostolus cur non diiudicat seipsum  
 109.b.1  
 Apostolus prius illuminatus à Deo,  
 quā alios illuminaret 124. b.2  
 Apostolus uerus quomodo inuolat ec-

clesiam 44.b.2  
 Apostolus cur de donis quæ non jaluāt  
 loquatur 12.b.1  
 Apostolus falsus quomodo inuolat ec-  
 clesiam 44.b.2  
 Apostolus signa quæ peregerit 54. a.  
 1. quomodo ex Dei spiritu locutus  
 53.b.1  
 Apostolis falsis seruiliter seruire, qui  
 in papatu sunt 248.a.2  
 Apostolus cur baptisat quum non ad  
 baptisandum fuerit missus 30.b.1  
 Apostolus quomodo Corinthios hortetur  
 ut sensibus sint perfecti 561.a.1  
 Apostolus quomodo in timore & tre-  
 more apud Corinthios fuerit 52.  
 b.1.  
 Apostolos ueros à falsis differre 219.  
 a.2.  
 Apostolorum corpora qualia 144.a.2  
 Apostolos ueros & falsos dispari spe-  
 discerni 21.b.2  
 Apostolus cur quinq; uerba uelit men-  
 te sua loqui 558.a.1  
 Apostolus quomodo gignat & potest  
 recens genitos 471.b.1  
 ἀπόταξις 75.a.2  
 ἀποτάξις 74.b.2  
 Apparitio domini Petro exhibita, cur  
 primo loco ponatur 614.b.1  
 Apparitionum domini quot in historijs  
 Euangelicis mentio fiat 614.a.1  
 ἀπρόσκλητος 369.a.1  
 Aqua spiritualis cur uocetur 315.a.1  
 Aqua lustralis unde 668.b.1  
 Aquilæ & Priscillæ hospitalitas erga  
 Paulum 775.b.1  
 Aquila eiusdem cum Paulo artificij.  
 776.b.1  
 Aquila unde ortus 776.b.1  
 Arbor quando dicatur facere fructus.  
 368.b.1  
 Arbores steriles in ecclesia quæ 736.  
 b.1  
 Archangeli uox qualis futura 718.b.1  
 ἀρχαγγέλων & δυνάμεων quomodo dis-  
 tinguantur 654.a.1  
 Architectus sapiens apostolus 89.a.1  
 Arguendum quomodo 122.a.1  
 Arma iusticiæ 201.b.2  
 Arma carnalia qualia 299.b.2  
 Arrogans folli similis 507. b.1  
 Arra 53.b.2  
 Arram spiritus sui Deum dare in cor-  
 da nostra 53.b.2. accipiens uenditio-  
 nem confirmare 53.b.2  
 Arrianos spiritus sancti diuinitatem ne-  
 gasse 172.a.1  
 ἀρετή 18.b.1  
 Asbestos lapis 191.b.1  
 Asdrubalis uxoris interitus qualis.  
 503.b.1  
 ἀστυς quæ nobis Germanis 545.a.1  
 Αστυς



# INDEX.

Assentatoris adulatio malū colloquū  
677.b.1

Assentatio 221.a.2

in Astutia non ambulare se quomodo  
apostolus dicat 112.a.2

in Astutia quinam ambulare dicantur  
112.a.2.

Atiqua 695.a.1

Atomos 717.b.1. quid peculiare ha-  
beat 169.b.1

Auaritia 157.b.1

Auarorum thesauri, inanes iniustitiæ  
aristæ 289.a.2

Auditores quatenus suos doctores imi-  
tentur 372.b.1

Auditorum multitudo in ecclesia quo-  
modo hodie animata 473.b.1

ab Auditoribus quid requiratur 578.  
b.1

Audire ad intelligendum differre ab  
eo quod est spiritu contentione om-  
nia rapere in quæstionem 579.a.1

Augustanam ecclesiam cur Musculus  
deseruerit 754.a.1

Augustinus quibus rationibus probet  
corpora nostra fore spiritualia.  
698.b.1

Augustini concubina 176.a.1

Aurū cæteris metallis preciosius 528.  
b.1

per Aurum argentum, &c. quid pa-  
tres intelligant 95.b.1

Aurum in sacro quid faciat 68.a.1

αὐτάρκεια 286.a.2. unde metiēda 286  
a.2

αὐτάρκεια 245.b.2

per Azyma quid intelligatur. 141.a.1

Azymis ueris Iudæos non uesci, 141.  
b.1

## B

Baal prophetæ cur cultus se dilacera-  
rint 503.a.1

Baptisma qualis obsecratio 53.a.2

Baptismus 310.b.1

in Baptismo tria considerari 310.a.1

Baptismo quæ adiungant papistæ 311.  
b.1

Baptismus ad sepulcra mortuorū 666.  
b.1

Baptismū peccata submergere 309.b.1

Baptismum cur apostolus maris transi-  
tum uocet 300.a.1

per Baptismum peccata mortalia ab-  
lui 667.b.1

per Baptismum fideles inferi Christi  
corpori 459.b.1

Baptizandi officiū Chrysost. tempori-  
bus senibus commissum 31.a.1

Baptizare in nomen patris, filij & spi-  
ritus sancti 28.a.1

Baptizati ab apostolo quinam 311.a.1

Baptizari in alicuius nomen 28.a.1

Baptizatus extra ecclesiam catholicā

nō uitæ æternæ particeps 500.b.1

Baptizandi ratio 667.a.1

Baptizari pro mortuis 667.a.b.1

Barbaries 547.a.1

Belial cur Satanam apostolus uocet  
210.a.2

Benedicere & consecrare, non idem  
417.a.1

Benedictio publica ecclesiæ quid 553.  
b.1

Benedictio domini quæ piorum pro-  
pria 286.a.2

Benedictus Deus 6.a.1

Beneficiorum improperationem ani-  
mos urere 121.b.1

Beneficiorum Dei exempla sanctis ex-  
hibita, usus 20.b.2

Beneficijs Dei utēdum quomodo 367.  
b.1

Beneplacitum Dei 139.b.2

Beneuolentia debita 177.b.1

Beneuolentiam cur debita uocet 177.  
b.1

Benignitas 200.a.2

ad Bestias cur Christiani dānati 673.  
a.1

Βιωτική 152.a.1

Bileæ prophetia 499.a.1

Bombycum mors qualis 684.a.1

Bona quæ non uidentur, spectare homi-  
nis esse cœlestis 148.a.2

Bona infinita quibus à Deo parata 62  
b.1

Bonifacij de poculo domini dictū 339.  
a.1

Bonitas Dei in quibus rebus elucescat  
188.a.1

de Bonis operibus quomodo iudican-  
dum 728.b.1

de Bono quō loquatur apostolus 175.  
a.1

Bonorum & malorum permissio quo  
modo Deo tribuatur 749.b.1

Bonum licitum 341.b.2

Bonum nullum irremuneratum relin-  
qui 283.a.2

Bonum necessarium quid 341.  
b.2

Bœse narren 350.b.2

Boum quomodo Deus curam non ha-  
bere dicatur 179.b.1

Brabeion quomodo proponatur 302.  
a.1

## C

Caiaphæ uox qualis 160.a.1

ad Canonicatus quare hodie ueniant  
plerique 540.b.1

Canonicorum collegia quid in consue-  
to habeant 487.a.1

Cantus patrij idiomatis in ecclesia u-  
sus 574.a.1

Capitis dictio quō referenda 478.a.1

Capitis excellentia 378.a.1

Capitis & corporis metaphora quo-  
modo Christo conueniat 380.  
b.1

Capita suorum qui de honeste 384.  
a.1

per Capitis & corporis metaphoram  
quid exprimat 381.a.1

in Capite aliquid habere 383.b.1

Captiuitatis nomine quomodo Paulus  
in bona re utatur 95.a.1

Cardinalium in mundo felicitas 638.  
b.1

Caro nostra quomodo regnum Dei nō  
consequatur 710.b.1

Caro nostra gramini cur comparatur  
699.b.1

Caro in afflictionibus constituta quid  
dicat 445.a.1

Caro quomodo intreat 136.b.1

Carnis gloria umbratilis 44.b.1

Carnis eius interitus 135.a.1

Carnis ingenium 297.a.2

Carnis armatura infirma 299.b.2

Carnis superbiam propter qualem cū-  
que prærogatiuam 372.b.2

Carnis ditione quid notet apostolus  
45.a.1

Carnis horrorem in sanctis Deum cor-  
rigere, non adimere 53.a.1

Carnis corruptio quomodo in Petro  
notata 81.b.1

Carnis typhus quomodo humilietur.  
381.a.2

Carnis gaudium 60.a.2

Carnis inquinamenta 216.b.2

Carnis diuersitas 688.b.1

Carnalem quomodo se apostolus uo-  
cet 78.a.1

Carnalem esse quid 77.b.1. 81.b.1

Carnalem esse bifariam sumi in scri-  
pturis 77.b.1

Carnales homines cur uocentur 70.b.1

per impatiētiam reprobi depræben-  
duntur 243.b.2

Carnalem plerūq; spiritūalem perse-  
qui 620.b.1

per Carnalem sapientiam quid intelli-  
gat Chrysostomus 39.b.2

Carnales esse Corinthios quomodo  
probet apostolus 80.b.1. 81.a.1

Carnales 337.a.1

Carnaliter aliquē cognoscere 176.b.2

Carnem Christi qui non manducet.  
344.a.1

Carnem & sanguinem hereditatem  
regni Dei non consequi 710.b.1

Carnem Christi uere māducare 343.  
b.1. suam mortālē cur dicat apost.  
135.a.2. Christi unde quidam incon-  
sideranter colligant non esse ex uir-  
gine matre desumptam 708.b.1

Carnem & sanguinem cur apostolus  
corruptibile uocet 720.a.1



# INDEX

per Carnem Augustinus quid intelli-  
gat 176.b.2  
per Carnem & sanguinem quid alij  
intelligat 710.b.1  
secundum carnē esse quid 176.a.2. ali  
quē cognoscere 176. b. 2. & 177.  
a. 2. quomodo Chrysostomus expo-  
nat 175.b.2  
Carni gloria corā Deo quomodo adē-  
pta 44.b.1. cōfusio quomodo con-  
ueniat 45.a.1  
Castigari quid scriptura uocet 204.  
a.2  
Catechista in ecclesia qui 558.a.1  
Catechismi nullus usus in papatu 558.  
a.1  
Catechumenorum baptizatio 666.b.1  
Catelli herorum suorum amātes 220.  
a.2  
Catholicæ obseruantie autoritas ubi  
locum habeat 213.a.1  
Catholicum non omne Deo gratum  
212.b.1  
καταλαλῶν Paulum frequenter labo-  
rasset 373.a.2  
Cephista 22.b.1  
Cernēdi uerbum recte ad fidei nostræ  
certitudinem translatus 522.a.1  
Certaturus à quibus abstineat 302.b.1  
Cessationis uarij modi 518.b.1  
Charisma 12.a.1  
χαρίσματα 455. b. 1. cur operationes  
dicantur 456.b.1. quomodo cessa-  
tura dixerit apost. 518. b. 1. cur mi-  
nistria dicantur. 456. b. 1. inter  
fideles quomodo diuidantur 465.  
a. 1. in ecclesia quæ cessarint 517.  
b.1  
Charismatis scientia, credentibus mi-  
raculose data 518.a.1  
Charismatum finis 459.b.1  
Charitas Christi 173.a.2. sincera 512.  
a.1. bifariam persequenda 529. b.  
1. quomodo ædificet 246. fide præ-  
stantior 527. a. 1. quomodo omnia  
credat 513. b. 1. unitatis custos 505.  
b.1. quomodo hodie colatur 529. a.  
1. patiens 505. a. 1. ad benefaciendū  
propensa 505. b. 1. uera à falsa quo-  
modo distinguatur 200. b. 2. qua-  
les nos faciat 513. a. 1  
Charitatis elogia 504. a. 1. diuersi fi-  
nes 516. b. 1. effectus 507. a. 1  
à Charitatis regula præuicari etiā  
sanctis usuuenire 495. a. 1  
Charitatis constantia 516. a. 1. norma  
358. b. 1. eius diuisione quomodo u-  
sus apost. 128. b. 1  
Charitatis fraternæ opera Christi  
esse 51. b. 2. officium 505. b. 1. 64.  
b. 2. 511. a. 1. 767. a. 1. 508. b. 1. 512.  
b. 1.  
in Charitatis ingenio duo obseruanda

206. a. b. 2.  
Charitatis ædificatio ubi locum ha-  
beat 246. b. 1. opus potissimū 528.  
b. 1. ira qualis 510. b. 1  
Charitati ædificatio quomodo tribue-  
da 247. a. 1  
Charitatem suam quomodo noluerit  
innotescere Corinibijs apost. 66. a.  
2. animi uirtutes retinere 507. b. 1.  
quanti faciat Christianus 155. a. 1.  
qui non habeat 494. b. 1. non sua  
querere 509. a. 1. in omnibus cur  
poscat apostolus 767. a. 1  
Charitatem congaudere ueritati 512.  
a. 1  
per Charitatem Christi quid nonnulli  
intelligent 173. a. 2  
à Charitate quæ aliena 512. b. 1  
Chloæ familia 21. a. 1  
Christus gloria patris 120. a. 2. uerus  
Dei agnus 139. b. 1. pasca 140. b. 1.  
cibus animarum. 683. a. 1. extre-  
mus Adam 702. a. 1. cur in spiritū  
uiuificantem factus 703. a. 1. an in  
animam uiuentem factus 703. a. 1.  
primitiæ dormitientium 641. a. 1.  
primogenitus ex mortuis 641. a. 1.  
quomodo mortuus 630. b. 1. quomo-  
do uisus sit duodecim, sublato iuda  
614. b. 1. quomodo seruator no-  
ster factus 610. b. 1. mortuus secun-  
dum scripturas 611. a. 1. quomodo  
imago Dei solus 389. a. 1. utriusque  
testamenti seruator 325. a. 1. quo-  
modo diues 254. a. 2. cur pauper  
factus 254. a. 2. veteris testamenti  
finis 99. b. 2. quomodo pro omni-  
bus mortuus 173. b. 2. quid aposto-  
lis præceperit post resurrectionem  
170. b. 2. à Deo factus pro nobis  
peccatum 188. a. 2. circūcisionis mi-  
nister 51. a. 2. cur carnis nostræ fa-  
ctus particeps 657. a. 1. secundum  
humanitatem quomodo subditus.  
662. b. 1. uerus Deus & homo 432.  
a. 1. quare Deo gratias egerit 417.  
b. 1. quare caput uiri 379. a. 1. quo-  
modo uiri caput 378. a. b. 1. cur fi-  
delium caput 378. b. 1. primogeni-  
tus ex mortuis 350. a. 1. ecclesiæ fun-  
damentum 90. a. 1. 91. a. 1. ecclesiæ  
sue caput 378. b. 1. diuisus quomo-  
do dicatur 25. a. 1. quibus abscon-  
ditus 13. b. 1. secundū humanitatem  
factus 46. a. 1. quomodo spiritualis  
petra 315. b. 1. sapientia nobis à Deo  
factus 45. b. 1. & 46. a. 1. cur ab a-  
postolo secundus Adā uocatus 705.  
b. 1. populum israeliticū quomodo  
consequutus 315. b. 1. quomodo Dei  
sit. 103. a. 1. quomodo nobis mini-  
strauit 770. b. 1. quomodo de cælo  
707. a. 1. quomodo fiat unum cor-

pus 469. a. 1. quomodo ex nobis na-  
tus 391. a. 1. corporis ecclesiæ caput  
468. a. 1. quomodo corpus 467. b.  
1. corporis caput quomodo 467. b.  
1. cœlestis dominus 706. a. 1  
Christi cognitio quid in se completa-  
tur 50. b. 1. uita abscondita in ele-  
ctis 134. a. 2. iunctio qualis 53. a. 2.  
rediuui sex uisiones 614. a. 1. cor-  
pus à quibus sepultum 612. b. 1  
in Christi uerbis multa figurate dici  
89. b. 2  
Christi & Moysi qualis dissimilitudo  
102. a. 2  
in Christi gloria plenitudo gratiæ  
109. a. 2  
Christi origo 707. a. 1. pedibus omnia  
subiecisse patrem 659. b. 1. ex inani-  
tio 661. a. 1. lex 296. a. 1. mens 74.  
b. 1. gloriam diuidere 24. b. 1. qui  
se esse dixerint 22. b. 1. gloriā quo-  
modo discipuli Iohan. diuiserint  
24. b. 1. Iesu cur toties mentio fiat  
ab apostolo 17. b. 1. aduētus quomo-  
do secure expectandus 14. a. 1. re-  
uelationē Christianis cū gaudio ex-  
pectandam 14. a. 1. fidelium condi-  
tiones quæ 323. a. 2. apostolus de  
pœnitētis infirmitate sollicitus 69.  
b. 2  
Christi & mulieris circūstantiæ quo-  
modo distinguendæ. 390. b. 1. &  
391. a. 1  
Christo cum Belial nihil concordie  
209. b. 2  
in Christo esse quomodo cōtingat 646  
b. 1  
Christo quomodo omnia tradita à pa-  
tre 659. b. 1. indiuisse adherere  
237. a. 1. abscondito quomodo adhe-  
rendum 13. b. 1  
in Christo esse 11. a. 1. manere 167. a. 1  
Christum secundū carnem non uixisse  
298. b. 2. quomodo Israelitæ tenta-  
rint 325. a. 1. dominum cur appellet  
apost. 252. a. 1. post resurrectionem  
ubi Paulus uiderit 265. a. 1. quod  
nostrum est quæ fuisse. 358. b. 1.  
esse seruatorem mundi, misterium  
612. a. 1. cur tertio die resurgere de-  
cuerit 612. b. 1. cognoscere secundū  
carnem 180. a. 2  
in Christum confirmari 52. b. 2. nō di-  
uidi 342. b. 1  
per Christum Deo genus humanum  
coniungi 381. b. 1  
Christum unitate gaudere 24. a. 1. diui-  
dere qui dicatur 42. a. b. 1. quomo-  
do Corinbijs diuiserint 24. a. 1. cū  
patre dominum omnium 106. b. 1.  
quomodo Corinbijs diuiserint 25. a.  
b. 1. qui persequi dicatur 468. a. 1.  
edere ac bibere 344. b. 1  
Christum



# INDEX.

Christum & Deum cur perpetuo cō  
nectat Paulus 2.b.2  
Christianus quomodo cognoscendus.  
178.b.2. quomodo metiendus. 179  
a.2. quomodo seruus & liberius.  
217.b.1. quæ caueat 367.a.1  
Christiani hominis officium 765.a.1  
quomodo canonici 316.a.2. quomodo  
sacerdotes 581.b.1. quomodo  
delicto obnoxij 165.a.1. quomodo  
domino placeant 165.b.2. dilige  
ntis officium 51.a.2. quomodo  
firmi & infirmi 766.a.1. quomodo  
liberi 296.a.1. uiui lapides.  
212.b.2. quomodo omnium homi  
num miserrimi 639.a.1. quomodo  
omnium hominum felicissimi. ibid.  
qualis post resurrectionem futuri.  
708.b.1  
Christiani hominis animus qualis esse  
debeat 216.a.1. cura qualis esse  
debeat 369.a.1  
Christiani quomodo non amplius in  
peccatis 636.b.1  
Christianorum loca cur non pntuer. a.  
ibidem  
Christianum persequi 621.a.1  
Christianorum unitas 263.a.2. condi  
tio 43.a.1. primarius scopus quis  
156.a.1. uastatio unde 355.b.1. in  
stitutum in elemosynis dandis 501  
b.1. qualis uita 638.b.1. conditio.  
25.a.2. uerorum studium 164.b.2  
maxima pars uetus creatura 180.  
a.2. primorum mos in synaxi qua  
lis 339.b.1. gloria ab æterno in  
Christo destinata 59.b.1. nomē un  
de 17.b.1. dignitas 102.a.1  
Christianos uocare fratres, apostolo  
uulgare 16.b.1  
Christianæ perfectionis meta in qui  
bus sita 180.b.1  
Christianæ fidei professionem non  
dissidia constituere 206.b.1  
Christianos decere nulli se addicere  
quàm Christo 27.a.1  
Christiano homini omnia facienda ex  
fide 591.b.1  
Christianis quid certò sperandum.  
163.a.2  
in Christianis quid requirat apostolus  
253.a.2  
Christianus membrum Christi corpo  
ris 164.a.1  
Christiani gentium simulacra quomo  
do coluerint 144.b.1  
Christianos ueros à Deo confirmari.  
54.a.2  
Christianismus 157.a.1. instar pal  
mæ 130.b.2  
Christianismi perfectissimi canon.  
373.a.1  
Cibi & potus finis 675.b.1

Cibus ac potus israelitarum cur spiri  
tualis ab apostolo uocati 313.a.b.1.  
cum quibus non sumendus 142.b.1  
Ciborum usus fidelibus liber 160.b.1  
Cibos uetandi potestatem unde Papa  
sibi uendicauit 361.b.1  
Circumcisio quò sit nihil 215.b.1  
Cithara quid à tibia differat 544.a.1  
Claudus à Petro sanitati restitutus.  
463.a.1  
Clemens quando floruerit 272.b.1  
Clementis V. impia uox 160.a.1  
Cœlestes quomodo erimus 708.b.1  
Cœlestium rerum magnitudo unde  
ponderanda 61.b.1  
Cœlibatus commoditas 186.b.1. cur  
bonus 231.b.1. quomodo licitus.  
224.b.1  
Cœlum æreum 368.a.2. crystallinū  
ibid. sydereum ibid. empyreum  
ibidem  
Cœli unius multi gradus ibidem  
de Cœna domini quas partes apostolus  
trahet 402.b.1  
Cœna dominica 410.b.1. dominica  
ἀγάπη 411.b.1. Christianorum cur  
instituta ibid. dominica quando  
instituta 415.b.1  
Cœnæ dominicæ autor ibid. myster  
rium 419.a.1  
ad Cœnam domini quid requiratur  
448.b.1  
in Cœna dominica esus & potus qua  
lis 428.a.1  
Cœnæ dominicæ abusus in Corinthio  
rum ecclesia 441.b.1  
ad Cœnam dominicam quos apostolus  
admittat 439.b.1  
Cœnæ mysticæ ritus non alterandus  
nec deferendus 432.b.1  
ad Cœnæ dominicæ duæ partes 425  
a.1  
in Cœna domini qui ritus seruandus  
436.a.1  
in Cœnæ domini uerbis quomodo Eu  
angelistæ conueniant 422.b.1  
Cœnæ dominicæ peragendæ quæ li  
bertas 416.b.1. institutionis duæ  
partes 416.b.1  
Cœnam dominicam cur apostolus ne  
get Corinthios edere 410.a.1  
Cœtus sacer 400.b.1  
in Cœtum sacrum quomodo conueni  
rint Corinthij 400.b.1  
Cogitationes hominum Deo apertissi  
mæ 66.b.1  
Cognitio mentis uisio 522.a.1. Dei  
duplex 40.a.1. quomodo appre  
hendatur 63.b.1  
Cognitionis perfectio quomodo consti  
deranda 525.b.1  
Colaphis cædi, contemptus nota 374  
a.2

Collatio quid 69.b.1. eius duæ par  
tes 738.b.1  
Collectio 731.a.1  
Collectæ ecclesiasticæ usus 734.b.1  
Collectorum officium 732.a.1  
Collectionis uoce etiam Germanos  
uti 731.b.1  
Collectæ nomen sacrificulos retinere  
ibidem  
Colligere in sanctos quid significet.  
732.a.1  
Colloquia praua bonos mores corrū  
pere 677.a.1  
Colloquij mali uis unde 677.b.1  
Coma mulieri cur gloriæ 396.a.1  
Coma uelaminis loco data ibidem  
Commendationis usus in ecclesia uti  
lis 82.b.2  
in Commendatione fratrum magna  
cautiōe maiores nostros usos 83.a.2  
Commiscendi uerbi obscœna signifi  
catio 143.a.1  
in Commiscendi uerbo quid nobis pro  
ponatur 480.a.1  
Communicatio spiritalis 343.b.1  
Communicatio sacramentalis 343.b.1  
naturalis 343.a.1  
Communione duplex unitas 345.b.1  
Communicantes in cœna ibidem  
à Communicantibus pane & poculo  
domini quæ aliena 436.b.1  
Concordia quanti æstimāda. 178.b.1  
in Christo perfecta, in quibus sita.  
18.b.1  
Concubinitus pontificiorum 176.a.1  
Cōcupiscētiæ sepulchra, locus 319.a.1  
Concupiscentia rerum malarum du  
plici ratione fugienda 318.b.1  
Condonandi aliquid duplex modus  
384.a.2  
in Condemnatione esse & perire, quò  
differant 115.b.2  
Conditionem Pauli diuino consilio di  
spensari 79.a.2  
Confidere 27.b.2  
Confidentia sui ipsius 28.a.2  
Confidentia nostri multiplex 28.b.2  
Confidentiam sui quæ mala sequan  
tur 28.b.2  
Confidendum domino cur 29.a.2  
ad Confidentiam Dei quæ nos stimu  
lent 30.a.2  
Confusionis uaria genera 586.b.1  
Confusione rerū nihil alienius à Deo  
586.b.1  
Coniugium imparium cohabitatio, pe  
riculosa 201.b.1  
Coniugium non diuidere à coniun  
ctione Christi 165.b.1  
Coniugium donum Dei 188.b.1  
Coniugium scortationis remedium.  
176.b.1  
Coniugij finis ibidem  
Coniugij



# INDEX

Coniugij irrisores uoces quales 176.  
b.1  
Coniugij ratio quibus conueniat 177.  
a.1  
Coniugum mutua fides non facile re-  
laxanda 181.a.1  
in coniugibus quæ libido repræhensi-  
bilis 182.b.1  
Coniugum congressus legitimus à Pa-  
phnutio assertum 179.b.1  
Coniugium cur suadeat apostolus 186.  
a.1. quæ dissoluant 195.a. b.1  
Coniugij molestia unde 188.b.1. incō-  
moditas innumera 223.a.1  
Connubiale commercium cur obscœ-  
na cōiunctio à Papis uocetur 179.  
b.1  
Coniugij sanctitas 204.b.1  
Coniugio quomodo sanctificatio tribu-  
atur 203.a.1  
à Coniugio prorsus abstinere pericu-  
losum consilium 227.a.1  
Coniugij uinculum quandiu integrum  
202.a.1. eius mandatum iudæis,  
quale promulgatum 201.b.1  
Coniugi fidei cum infidei habitare  
periculosum 208.a.1  
per Coniugis infidelis discessum nihil  
peccati deriuari in fidelem 205.a.1  
Coniugum quisquis consorti suo debi-  
tor 180.a.1  
Coniuges legitimi cur non separentur  
195.a.1  
Coniugis infidelis uariæ causæ 200.  
a.1  
Coniugem fidelem quomodo instruat  
apostolus 200.b.1  
Coniugalis concubitus quando culpa-  
bilis 184.b.1. & 185.a.1  
Coniugalis societatis suauitas quomo-  
do è medio tollatur 392.b.2  
Conscientiam infirmi per offendiculū  
destrui 259.a.1  
Conscientiam pollui 253.b.1  
Conscientias nullo ciborū genere pol-  
lui 360.b.1  
Conscientiæ bonæ ingenium 758.a.1  
Conscientiarum in ecclesia quomodo  
cura habenda 365.b.1  
de Conscientia sua quomodo gloriatur  
Paulus 35.b.2  
Conscientiæ testimonium certissimum  
36.a.2. nostræ testimonium quomo-  
do usurpandum 37.a.2  
Conscientia de peccatis conuicta, quo-  
modo comparata 570.a.1  
Conscientiæ humiliatio quantopere  
Deo placeat 570.a.1  
Consecrationem diuina uirtute fieri.  
340.a.1  
Consequentia firma ab uniuersali ad  
particulare 629.a.1  
Consilium quale optimum 189.b.1

Consilia Dei ab æterno 58.b.1  
Consilia sua etiam apostolos mutare.  
44.a.2  
Consilium mutare, sapientis esse 44.  
a.2  
Cōsolari alios diuinum quiddā 13.a.2.  
Consolatio Pauli 223.a.2  
Consolationes Pauli ad salutem Corin-  
thiorum facere 21.a.2. diuinæ ubi  
locum habeant 11.a.2  
Consolationis duplex genus 11.a.2  
Consolari alium nescire, qui non an-  
tea tribulatus 13.a.2  
Consortiū dæmoniorū triplex 352.a.1  
pænale 352.b.1. sacramentale 352.  
b.1. spirituale 352.b.1  
in Cōspectu Christi uarie accipi 72.a.2  
Constitutionum duplex genus 213.a.1  
Consuetudo sine ueritate uitāa. 398.  
b.1  
Contagionis causæ 138.b.1. ministra  
uicinitas 138.b.1  
Contemplationis intentæ magna uis.  
109.b.2  
Contentio 21.b.1  
Contentiones unde oriantur 81.b.1  
Contentionum radices quæ 97.b.1  
Contēdendi uerbum quomodo referri  
possit ad tempus quo post mortem  
præsentēs erimus apud Deū 164.  
b.2.  
Continendi facultas non omnibus con-  
cessa 187.b.1  
Continentiæ usus 187.a.1  
Contradictio in quibus rebus 337.b.1  
Contrariorum natura 32.a.1  
Contributa in sanctos quid uocet apo-  
stolus 246.b.2  
Contristari secundum Deum 227.b.2.  
Conuersatio plena 41.a.2  
Conuersationis quanta uis 139.a.1  
ad Conuersationis Christianæ plenitu-  
dinem luctandum 41.a.2  
Conuersationis nostræ conditio quo-  
modo comparata 41.b.2  
Conueniendi uerbo quid significet a-  
postolus 400.b.1  
Conuentus ecclesiæ quo meliores red-  
dimur qui 401.b.1  
Conuētus ecclesiastici scopus 401.a.1  
fidelium triplex 401.b.1  
Conuersionis ordo qualis 229.a.2. ei-  
us principia cur satanas Corin-  
thijs abscindat 48.b.1  
per Cooperarios quid intelligat apo-  
stolus 772.a.1  
Corda lapidea tollere, opus spiritus  
Dei 86.b.2. scrutari quomodo de  
Deo dicatur 64.a.1  
cor latum quæ sequantur 481.b.1. cō-  
tritum quæ sequantur 481.b.1  
Corda fidelium Deus inhabitat 211.b.2.  
Cordis desiderio nihil insatiabilius 61.

b.1  
Cordis humani superbia 470.b.1  
Corinthy quomodo propter inflationē  
supri emēdationē neglexerint 131.  
b.1. in quibus rebus plurimum pec-  
carint 147.b.1. quomodo æmulato-  
res 81.b.1. ministris se addicentes,  
quomodo peccarint 88.a.1. qua in  
re culpabiles 380.b.2. quomodo  
carnales 77.b.1. quid Paulo scripse-  
rint 174.b.1. & 175.a.1. triplici  
nomine ab apost. obiurgati 148.a.  
1. quibus uicijs contaminati 267.b.  
1. ad scortationem proclines 175.a.  
1. quid à suis pædagogis perpeffi  
123.b.1. cur à domino correpti  
446.a.1. quomodo imitatores Pau-  
li 372.b.1. quomodo gloriatio Pau-  
li in die domini 42.b.2. quomodo  
corpus Christi 483.a.1. membra  
Christi ex parte 484.a.1. pueris si-  
miles 559.b.1. cur sublimia capere  
nō potuerint 76.a.1. quomodo car-  
nales 75.a.1. eodem spiritu potati,  
quo & nati 471.a.1. quomodo car-  
nales 13.a.1. quō Christum diuise-  
rint 468.a.1. qua in re parentem  
suum Paulū imitentur 125.b.1. quomodo  
geniti in Christo à Paulo 123  
b.1. & 124.a.1. Corinthyorum ec-  
clesiæ duæ partes 13.a.1. pseudapo-  
stoli cur inflati 127.a.1. error in  
quibus rebus situs 126.a.1. spiritua-  
lis scortatio 355.a.1. ecclesiam cur  
Paulus obiurget 131.a.1. nemo à  
Paulo cur baptizatus 29.a.1. &  
30.a.1  
de Corinthyorum salute cur apostolus  
ualde sollicitus 746.b.1  
Corinthyorum error 157.a.1  
Corinthyorū contentiones quales 399.  
b.2  
Corinthyorum pro Paulo zelus 224.  
a.2  
Corinthyorum contributio quando pa-  
rata 281.a.2  
Corinthyorum cōtributionem qualem  
Paulus esse uelit 281.b.2  
Corinthyorum affectatio æqualitatis  
noxia 476.a.1. collecta 339.b.1.  
Corinthyorum ecclesia absente Paulo  
deprauata 373.b.1  
Corinthyorū doctores quales 120.a.1.  
Corinthyorum germina iustitiæ quid  
uocet apostolus 288.b.2  
Corinthyorum triplex peccatū 153.b.1  
Corinthyorum iudicium cur minimi fa-  
ciat 108.b.1  
Corinthyos quomodo apostolus Chri-  
sto desponsarit 323.a.2  
à Corinthyjs quæ poscat apostolus 760  
a.1  
Corinthyos cur fratres appellet 21.a.1  
Corin.



# INDEX.

Corinthios gratiam Dei per Christum accepisse 10.4.1  
 Corinthijs quomodo filiorum praerogatiua tribuatur 104.b.1  
 Corinthios quomodo epistolam suam uocet Apostolus 81.2.2  
 Corinthios opinione regnare. 117.b.1. cur non magis inuiseret Apostolus, priusq; Macedoniā petat. 745.b.1  
 in Corinthijs situm quem Paulus ueniat 129.4.1  
 Corinthijs quid expectandū à suis paedagogis. 123.b.1. cur sublimiora tradere Apostolus nequiverit 76.b.1  
 Corinthum cur Paulus non uenerit. 54.b.2. & 55.4.2. & 74.b.2  
 Corpora nostra in corruptione sepeliri. 693.4.1. ad uitam omnis corruptionis expertē resurrectione. 694.4.1. Christi membra 163.4.1  
 Corpus templū spiritus sancti. 163.b.1  
 Corpus nostrum testaceum uasculum 128.4.2  
 Corpus multorum membrorum conexio 472.4.1  
 Corpora quomodo seminantur. 682.b.1. nostra ex Dei substantia esse, haereticos asserere. 152.4.2. qualia resurgent 694.b.1. quomodo peregrina à domino 161.4.2  
 Corpus nostrum domino destinatum 161.b.1. quomodo domino coniunctum ibidem  
 Corpus clementis rectē cōferri 692.b.1. emortuum quam gloriam non retineat 695.4.1. quomodo in aeternū sepeliatur 695.b.1. animale. 697.b.1. nostrum cur ψυχον. ibid. spirituale. ibid. quare spirituale 699.4.1. cur non simul animale & spirituale 703.b.1. Christiani hominis esse loco lutei domicilij 151.4.2. uestimēto quomodo conferatur 155.4.2. quae impurent 216.b.2. suum in seruitutem redigere 304.4.1. quomodo à Deo commissum. 481.4.1. humanum 480.4.1  
 Corpora iustorum quomodo differant ab iniustorum corporibus 688.4.1  
 Corpora mortuorum cur dormire dicantur 442.b.1. nostra quō templum spiritus sancti 171.b.1  
 Corpus nostrum quomodo natura dispositum 396.4.1. Domini in cruce fractum 421.b.1  
 in Corpus proprium peccare 169.b.1  
 Corpus unum multi quomodo 346.4.1. unum esse & habere unum corpus differre 467.b.1  
 Corporis puritatem sine spiritu Deo nō placere 173.b.1. destruendi duae partes 692.b.1  
 de Corporis domini praesentia in pa-

ne cur magna dissensio 239.b.2  
 Corporis distinctione cur non impediat Apostolus, quo minus particeps sit aeternorum bonorum 151.b.2  
 apostoli qualitas futura quae 154.b.2. integritas in quibus rebus cōsistat 482.4.1. humani imbecillitas 478.b.1. facultates 396.b.1.  
 Corporis ac sanguinis Christi communicatio quadruplex 343.4.1. quando fideles participes 343.b.1  
 Corporis metaphora quomodo ecclesiae conueniat 380.b.1. honores qui 169.b.1. diuersa membra 466.4.1. constitutio qualis 466.b.1. mors obdormitio. 616.b.1. Christi communicatio quadruplex in scripturis 344.4.1. animati quae conditio 471.b.1  
 Corporis ditione quae intelligenda. 468.4.1  
 in Corpore humano quae robustiora 478.b.1  
 in Corpore esse & de corpore, differre 473.b.1  
 Corporum nostrorum dignitas 162.b.1. ea; unde 163.b.1. resurrectio unde constat 163.4.1. gemina corruptio 692.4.1. qualitas quare alia futura quam nunc sit 710.4.1. sepulchram, esse seminationem fidelibus indubitatum 693.4.1. afflictiones cur nō molestae Paulo 152.b.2. nostrorum immutatio qualis futura 717.b.1. diuersitas 688.b.1. qualitas post resurrectionē 692.4.1. nostrorum corruptionem ad imaginē terreni hominis pertinere 709.b.1  
 Corporibus nostris quae sanctimonia debeatur 171.b.1  
 Correptio à domino cur immitatur à domino 446.4.1  
 Corrumperdi uerbum ad quae pertineat 77.4.1  
 Credere in Christum quantae dignitatis 104.4.1  
 Credentes quō templum Dei 96.b.1. esse nouā creaturam 124.b.1. quō mundum & angelos dicantur iudicare 150.b.1. domestici dei 106.4.1  
 Credulitatis & incredulitatis sententia quando ferri possit 116.b.2  
 Crucifigere sibimetipsis filium dei qui dicantur 436.b.1  
 Crucis doctrina qualis 36.4.1. sermonem electos agnoscere 35.b.1  
 Crucis sermo Euangelium 35.4.1  
 Crucis sermo Dei potentia quō intelligatur 34.b.1. quib. stultitia 34.4.1. mysteriū apostolis incognitū 51.4.1  
 Christi uirtus 42.4.1  
 in Cruce Christi quid Iudaeus, quidue fidelis uideat 58.b.1

Crucē Christi euacuare 32.b.1. 33.b.1  
 de Cultibus sacris quomodo iudicandum 351.b.1  
 Currendi uerbum de quo cursu intelligendum 590.b.1  
 Currere in incertum 303.b.1  
 D  
 Demoniorum confors Christianus esse nequit 354.4.1  
 Dānabilia in homine quae nō 28.4.2  
 Dare supra uires quomodo dicantur Macedones 245.b.2  
 Dare multum manu, & sincero corde differunt 283.4.2  
 Dauid & Paulus duo celeberrima uerba fidei exemplaria 138.b.2  
 Dauidis fides 137.b.2  
 Dauidis contra charitatem peccatum 495.4.1  
 dixit uerbum quomodo exponendū 72.4.b.1  
 Decorū quid uocet Apostolus 236.b.1  
 Decorum ubiq; seruandum 601.b.1  
 Decretorum tria genera 62.4.2  
 Defendere se 232.4.2  
 Delatoris sermo, malum colloquium 677.4.1  
 Delictum 154.b.1  
 Delictorum discrimina obseruanda 134.4.1  
 Delinquētium saluti quae conducant. 226.b.2  
 Demetrius in Paulū seditiosus 24.4.2  
 dioua 186.b.2  
 Deferendi duplex genus 132.4.2  
 Deus erga suos quō affectus 31.b.2  
 Deus omnia in omnibus quomodo intelligendum 663.b.1. & 664.4.b.1  
 Deus nondum omnia in omnibus quomodo 665.4.1  
 Deus caput Christi quomodo accipendum 381.b.1  
 Deus in reprobū Israelitarum populum cur animaduertit 329.4.1  
 Deus quomodo in medio sui populi. 571.4.1  
 Deus inuisibilis cur 119.b.2  
 Deus quos auerfetur 214.b.2  
 Deus quomodo in medio nostri habitat 212.b.2  
 Deus quomodo omnia operetur in omnibus 461.b.1  
 Deus cur humanum genus tot infirmitatibus obnoxium reddere uoluerit 376.b.2  
 Deus cum sit fidelis, cur Paulum supra uires grauari permiserit 26.b.2  
 Deus author pacis 587.b.1  
 inhabitare Deum locum aliquem, quomodo intelligendum 212.b.2  
 Deus non ociosus in suo templo 212.b.2  
 Deus



# INDEX.

- Deus in Christo quomodo spectandus  
proponatur 126.a.2  
Deus in corde Apostoli quando luxu-  
rit 124.b.2  
Deus pater noster & Christi 7.a.2  
Deus fons misericordiarum 6.b.2  
Deus fidelis 334.b.1.15.b.1  
Deus quomodo ubiq; 570.b.1  
Deo loqui, trifariam fieri 533.a.1  
ex Deo esse 152.b.2  
à Deo cur non iudicentur qui seipso  
iudicant 444.a.1  
ex Deo esse quæcunque sint ordinata  
393.b.1  
Deo cum dæmonibus nihil communi-  
cationis 337.b.1  
Deo quomodo seruiendum 87.a.1  
à Deo cognitum esse 248.a.1  
Deo quinam probetur 248.b.1  
Deo qui placeant 311.b.1  
Deo loqui 532.b.1  
Dei philanthropia quomodo patefacta  
643.a.1  
Dei philanthropia quanta 583.b.1  
in Dei consortium uocari 15.b.1  
Dei præsentiam uarijs modis in eccle-  
sia fidelium manifestari 571.a.1  
Deum esse quid 251.a.1  
Deum scientiæ clauem habere 585.a.1  
Deum effigiem non habere 350.b.1  
Deum alicuius esse 213.a.2  
in Deum omnia dirigenda 105.a.1  
Deum quomodo uidebimus 523.b.1  
Deorum duplex genus à Gentibus cul-  
tum 250.b.1  
Dei ingenium 223.a.2  
Diaboli in homines potestas nulla  
334.b.1  
*Διακρίσεις* uariæ significationis uer-  
bum 114.b.1  
*Διάκρισις* Græcis idem quod *ἀξίως*  
679.a.1  
Dicendi uerbū quomodo usurpet Apo-  
stolus 189.a.1  
Dies domini cur reuelationis dies uo-  
cetur 166.a.2  
Dies salutis. 193.b.2. humanus 108.b.1  
per Diem quid intelligat Apostolus.  
92.a.1.  
per Diē quid patres intelligant 95.b.1  
Dies octauus quietis symbolū. 142.a.1  
Dies domini inexpectatus 714.a.1  
Digamia 242.a.1. 189.a.1  
Digamiæ horror unde 242.a.1  
Digamus à ueteribus in diaconum nō  
ordinatus 242.a.1  
Dijudicare quid 73.b.1  
ad Dijudicandum quid necessarium  
579.a.1  
Dilectio præpostera quæ 358.b.2  
Dilectio quomodo recipiat in confor-  
tium 70.b.2  
Dilectio Dei finis diuinæ cognitionis.  
247.a.1  
Dilectionis ingenium 221.a.2  
Dilectionis affectus in nobis corruptus  
493.b.1  
Dilectionis corruptio quomodo in no-  
bis emendetur 493.b.1  
Dilectionis ueræ ingenium 220.a.2  
Dilectionis Christi nota 779.a.1  
Dilectionem proximi sine Dei haberi  
non posse 494.a.1  
Dilectionem non habeam, quomodo di-  
cat apostolus ibid.  
Dilectionem quomodo Christi gratiæ  
coniungat apostolus 782.a.1  
Dilectione qui caret, inter regeneratos  
non censeri 494.a.1  
qui diligit, quomodo triplici nomine  
ferat omnia 513.a.1  
*Διωνείης* 528.b.1  
Discipuli occulti 144.a.1  
Discipuli septuaginta 616.b.1  
Discipulos binos mittere Christo in  
more fuisse 755.b.1  
in dispensatoribus quid requiratur.  
106.b.1  
in dispensatore mysteriorum Dei cur  
fides requiratur 107.b.1  
Disimilium coniunctio non stabilis.  
406.a.1  
Diuinatoris proprium 453.a.1  
Diuius in seipso quis dicatur. 24.b.1  
Diuitiæ quomodo inflent 246.a.1  
Diuitiarū dictio quid significet. 11.a.1  
Diuortia non statui ubi adulteria.  
405.a.1  
Diuortium quale ratum 196.b.1  
Diuortium pontificum nouum inuen-  
tum 196.a.1  
Diuorum in Papatu uariæ uires 457  
a.1  
Docere efficaciter 371.a.1  
Dilectus nouus 116.a.1  
Doctores 486.b.1  
Doctores loco oculorum in ecclesia.  
473.a.1  
Doctrina quæ noxia 304.a.1  
Doctrina in Christo quæ mansura  
92.b.1  
Doctrina quæ annihilanda 92.b.1  
Doctrina inflatorum Corinthiorum  
qualis 128.a.1  
Doctrina Christiana quomodo nobis  
probato uertatur 632.a.1  
Doctrinæ & prophetiæ cur Corin-  
thijs danda opera 561.a.1  
Doctrinam habere quid 574.b.1  
Dogmata falsa in ecclesia unde.  
578.b.1  
Dolor & gaudium unde nascentur.  
237.b.2  
Dominari 59.a.2  
Domicilium terrenum quid uocet apo-  
stolus 151.a.2  
Dominus cur timendus 169.b.2  
Domini quæ sunt quomodo curentur.  
233.a.1  
Dominicum & uerum quid 410.b.1  
Dominica cœna cur instituta. 431.b.1  
Dominica institutio certa regula.  
414.b.1  
Dominica die cur uelit apostolus ali-  
quid seponendum in sanctorum us-  
us 736.b.1  
Domino semetipsum dare 247.b.2  
Dominatus alienus ab apostolis 60.  
b.2  
Dominari fidei in ecclesia Christi.  
58.b.2  
Dominus cur spiritus uocetur. 107.a.2  
Donatistæ & Nouatiani quomodo in  
suum nomen baptizent 30.b.1  
erga dona Dei quomodo cōparati esse  
debeamus 458.b.1  
dona potiora quæ 489.b.1  
Donorum Dei ratio 458.b.1  
Donorum Dei usus 12.a.2  
Donorum diuisio 456.a.1  
Drusilla Felicis uxor 170.b.2  
*Εὐαγγέλιον* quomodo in historijs Euange-  
lij sumatur 54.a.1  
E  
Ebræi unde dicti 355.a.2  
Ebræos adiectionis carere 238.a.2  
Ebrii habiti apostoli à nonnullis in  
die Pentecostes 572.b.1  
Ebrietatis peccatum 157.b.1  
*ἑβραϊσμός* pro Hebraismo positum  
117.a.1  
Ecce particule usus 713.b.1  
Eccius quo apostoli uerba in suis lo-  
cis citet 483.b.1  
Eccius ubi intelligentiam scripturæ  
quærendam asserat 585.a.1  
Eccius unde liberum hominis arbitriū  
probet 624.b.1  
Eccij locus inconsideratè adductus.  
603.a.1  
Eccium locum apostoli frustra citare  
89.a.2  
Ecclesia quibus rebus confundatur.  
587.a.1. sponsa Christi. 323.a.2. Dei  
cur Corinthijs. 3.a.1. an contemnen-  
dos habeat. 152.b.1. Christi in hac  
terra qualis. 324.a.2. corpus Chri-  
sti. 164.a.1. alio atq; alio modo cœ-  
teris uel inferior uel superior. 382.  
b.2. primitiua quibus rebus instru-  
ta. 573.b.1. quid. 380.a.1. non u-  
nus homo sed multi. 472.b.1. qua-  
les sanctos habeat. 732.a.1. adu-  
ltera quæ. 483.b.1. fidelium conuen-  
tus. 412.b.1. quomodo contemna-  
tur. 413.a.1. Christi qua in re cen-  
senda. 4.b.1. fidelium multitudo.  
476.b.1. prima Hierosolymis ex  
quibus constiterit. 369.b.1. Dei  
quid



# INDEX.

quid apostolus intelligat 370.a.1  
 Ecclesia Dei cur populus fidelium uocetur 370.a.1  
 Ecclesia quare praeiungat & subiungat praecationes 584.a.1  
 Ecclesia à quibus olim scissa 24.b.1  
 Ecclesia corpus 19.a.1  
 Ecclesia quomodo in partes scindatur 24.a.1  
 Ecclesia numerosa quomodo de uno pane participet 346.b.1  
 Ecclesia Dei 3.a.2  
 Ecclesia unde metienda 777.a.1  
 Ecclesiae charismata quomodo referat apostolus 457.a.1  
 Ecclesiae fors 488.b.1  
 Ecclesiae quomodo à uis apostolorum degenerarint 126.b.1  
 Ecclesia integritas in quibus sita 482.a.1  
 Ecclesiae balatiae cur apostolus mentionem faciat 733.a.1  
 Ecclesiae unitas quibus constet 481.a.1  
 Ecclesiae schisma 481.a.1  
 Ecclesiae confusio unde 450.a.1  
 Ecclesiae caput quomodo Pontifex Rō. 380.b.1  
 Ecclesiae unitatem cur satanas scinde re conetur 19.b.1  
 Ecclesiae uox quid sonet 370.a.1  
 Ecclesiae nomen 3.a.1  
 Ecclesiae dignitas 152.a.1  
 Ecclesiae officium 39.a.1  
 Ecclesiae definitio 3.b.1  
 Ecclesiae cuiusmodi capita habeat. 477.a.1  
 in Ecclesiae corpore pes 745.b.1  
 Ecclesiae membra à Deo poni 758.a.1  
 Ecclesiae etymon 402.b.1  
 Ecclesiae constitutio qualis 476.b.1  
 Ecclesiae ruina unde 537.a.1  
 Ecclesiae conditio 537.a.1  
 Ecclesiae in loquentes & auditores diuisio 578.a.1  
 Ecclesiae aedificatio quo redacta 574.a.1  
 Ecclesiae gubernatorum officia 488.a.1  
 Ecclesiae solennitas 551.b.1  
 Ecclesiasticae unitatis diffecatio cur schisma 402.b.1  
 in Ecclesiam qui hodie dominatum exercent 58.a.2  
 Ecclesiam cur propter unius hominis facinus tantopere uoluerit Paulus contristare 233.a.2  
 Ecclesiam Dei quinam persequatur. 621.a.1  
 Ecclesiam hodie qui persequantur. 620.a.1  
 Ecclesiam Dei quis offendat 370.a.1  
 Ecclesiam animos peccantium corri-

gere non posse 132.a.1  
 Ecclesiam suam quomodo diligat Deus 316.b.1  
 Extra ecclesiam Romanam salus 501.a.1  
 Ecclesiam totam ad finem orationum amen succinuisse 552.a.1  
 in Ecclesia unde mala pullulēt. 778.a.1  
 in Ecclesia Christi unde errorum causa 764.a.1  
 ab Ecclesia Corinthiorum quae Paulus petat 756.a.1  
 in Ecclesia patria lingua loquendum. 557.a.1  
 in Ecclesia magis mente quam lingua loquendum 557.b.1  
 in Ecclesia quod dirigenda omnia 582.b.1  
 in Ecclesia unde mos, ut per diaconum iuberetur discedere prophani 566.a.1  
 in Ecclesia quomodo peccetur à ministris 277.a.1  
 in Ecclesia quae inferiora sunt, non à superioribus contemnenda 478.b.1  
 in Ecclesia fidelium quid cauendum. 566.a.1  
 in Ecclesia quae prorsus negligenda. 535.a.1  
 Ecclesia quae geruntur ad quem finem astringenda 539.b.1  
 in Ecclesia & de ecclesia esse, differre. 473.b.1  
 in Ecclesia Christi quae suspicienda 128.a.1  
 in Ecclesia duo populi 317.b.1  
 Ecclesijs qui non praeficiendi 460.b.1  
 Ecclesiarum curam quomodo Paulus gesserit 361.b.2  
 ad Ecclesiarum curam quid pertineat. 362.a.2  
 Elere quomodo naturale 162.b.1  
 Ego quidem sum Pauli, quomodo intelligendum 22.a.1  
 Eleemosyna 6.b.1  
 Eleemosyna gratia Dei in ecclesijs data 243.a.2  
 Eleemosynario quae tribuat Paulus. 292.a.2  
 Eleemosyna fidelium quos fructus pariat 290.a.2  
 Eleemosyna quae domino probetur. 261.a.2  
 Eleemosynae perfectio unde 253.b.2  
 Eleemosyna Macedonum quomodo commendetur à Paulo 243.a.2  
 propter Electos omnia diuinitus dispensari 142.a.2  
 Electos à Deo parari ad immortalitatem 158.b.2

Electos non frustra credere 608.a.1  
 Electos Deum pro suis agnoscere 526.a.1  
 Electorum & reproborum discrimen 68.b.2  
 Electorum tergiuersatio, non incredulitas 116.b.2  
 Electorum uiuificatio qualis. 646.a.1  
 Electorum fidem non irritam reddi posse 607.b.1  
 Eligendi uerbo quando utatur apost. 43.b.1  
 Eloquentiae uis ubi locum habeat 32.b.1  
 Episcopi quomodo à uero mysteriorum sensu defecerint 339.a.1  
 Episcoporum gloria qualis 622.a.1  
 Episcopum esse non esse tantum, quanti in ecclesia Christi 474.b.1  
 Episcoporum dominatus in ecclesia. 60.b.2  
 Episcopos & cardinales temporaria tantum in Christo quaerere 638.b.1  
 Epistola Christi quomodo comparata 84.b.2  
 Epistola Christi quibus constet. 85.a.2  
 Epistola ad Corinthios ubi scripta 777.a.1  
 Epistola ad Corinthios ubi scripta 750.a.1  
 per Epistolam quid Paulus intelligat 83.b.2  
 Eruditionem secularē ad Christi testimonium non requiri 50.b.1  
 Esca spiritualis 313.a.1  
 Escarum utilitas 161.a.1  
 Escam eandem & potum eundem quomodo ederint & biberint Israelitae 312.a.1  
 Escas & uentrem Deum abolere 162.a.1  
 Esca quid apostolus tribuat 162.a.1  
 Ethnicus quomodo à corpore peregrinari cupiant 163.a.2  
 Ethnicus quomodo astringatur 153.b.1  
 Ethnicorum consuetudo idololatriae 321.b.1  
 Ethnicos iustum iudicare non potuisse 149.b.1  
 Euangelium, uirtus Dei 206.b.1  
 Euangelium quale in Papatu. 328.a.2  
 Euangelium quomodo Dei, Christi, apostoli, fidelium 114.b.2  
 Euangelium in quibus uelatum 115.a.2  
 Euangelium quomodo sibi uendicet apostolus 114.b.2  
 Euangelium Christi à Deo praefinitum 58.b.1  
 Euangelium Dei qui non accipiunt, quomodo perire dicantur 115.b.1  
 Euangelium cur spiritus dicatur 90.a.2  
 Euangelium non omnes uiuificare 93.b.2  
 β Euangeli



# INDEX.

Euangelium quibus reuelatur 55.b.1  
 Euangelium quid 295.b.1  
 Euangelium Dei euangelizare. 332.b.2  
 Euangelium Christi à nobis susceptum  
 quando cedat ad Dei gloriam 291.  
 a.2  
 Euangelium quomodo Paulus Corin-  
 thijs in memoriā reuocet. 604.b.1.  
 Euangelium Christi uirtus Dei. 53.b.1  
 Euangelium & euangelizandi uerbum  
 apte coniungi 604.b.1  
 Euangelium 604.b.1  
 Euangelium Christi ab æterno præde-  
 stinatum 59.a.1  
 Euangelium quid 78.b.1  
 Euangelium Christi duplici nomine mā-  
 datum Dei 49.a.1  
 Euangelij sapientia quomodo abscon-  
 dita 58.b.1  
 Euangelij uox quomodo sub nomine  
 Pauli diuexata 115.a.2  
 Euangelij administratio Iudæis offen-  
 diculum 101.a.2  
 Euangelicæ prædicationis caput in  
 quibus 50.a.2  
 Euangelij ministro potestatem esse de  
 euangelio uiuere 275. a.1. usus.  
 183.a.2. diuersi effectus 78.b.2.  
 Euangelij doctrina Dei testimonium.  
 49.a.1  
 Euangelij doctrina abscondita in my-  
 sterio 55.b.1  
 Euangelij ministro quantum uirtus de  
 beatur 285.b.1  
 Euangelij fideliter prædicati fors 356.  
 b.2  
 Euangelij sapientia selectis destinata.  
 58.b.1  
 per Euangelij prædicationē quomodo  
 principes abolentur 57.b.1  
 Euangelicæ prædicationis sapientia.  
 58.a.1  
 Euangelij reprobatio unde nascatur.  
 72.a.1  
 Euangelij ministris consortia sacrificiu-  
 lorum Papistarum sectantibus quid  
 hodie dicendum 207.b.2  
 Euangelij luce occulta reuelari. 569.  
 a.1  
 Euangelij prædicatio uerum apost. idio-  
 ma 30.b.1  
 Euangelio suo quid tribuat apostolus  
 54.b.1  
 ad Euangelium recto pede ambulare.  
 118.a.1  
 per Euangelium Mosaicæ legis admi-  
 nistrationem aboleri 99.b.2  
 in Euangelio quomodo sent. qui flu-  
 ant 605.b.1  
 Euangelicam prædicationē excellere  
 baptizandi officium 30.b.1  
 Euangelio baptismum non pugnare.  
 32.a.1

Excæcationis finis in diabolo 118.a.1  
 pro Excæcatis qui non habendi. 116.  
 b.2  
 Excellentie studium quale laudandū.  
 548.b.1  
 Excōmunicare quomodo minor ma o-  
 rem partem nequeat 146.b.1  
 Excommunicati quando & quomo-  
 do in consortium ecclesiæ recipiendi  
 70.b.2  
 Excommunicatio quādo inutilis 146.  
 b.1  
 Excommunicandi potestas quorum in-  
 ter sit 146.a.1  
 Excommunicationis ecclesiasticæ effi-  
 cacia 68.b.2  
 Excommunicationis sententia super  
 qualibus delictis ferenda. 146.a.1  
 sub Excommunicationis uirgā qui ca-  
 dant 146.b.1  
 Excōmunicationis triplex usus. 146.  
 a.1  
 in Excommunicatione quomodo ho-  
 die peccetur 146.a.1  
 Excubantium officium 764.b.1  
 Exemplorum duo genera 318.a.1  
 Exempli mali quanta pestis 138.a.1  
 Exempli duæ partes 318.a.1  
 Exhortatio prophetiæ pars summe ne-  
 cessaria 536.a.1  
 Exordia qualia usurpet apostolus. 7.  
 a.1  
 Exordium apostoli quid contineat 7.b.1  
 Externus homo 144.a.2.  
 λόγῳ & ὑπακούειν euangelistas eo-  
 dem sensu accipere 417.a.1  
 F  
 Faciem Christi pictam à pontificibus  
 ostendi 126.b.2  
 Facere omnia cum charitate 766.b.1  
 in Faciem cedere quid 352.b.2  
 per Factiones rerum spiritualium cogni-  
 tionem impediri 81.b.1  
 Fama quomodo comparata 404.a.1  
 Fames insignis sub Claudio imperator  
 re 751.a.1  
 Felicitatem ueram ubi quærat mundus  
 44.a.1  
 Fermentum Iudæorum 141.a.1  
 Fermentum cur iusserit apost. expur-  
 gari 140.a.1  
 Fermentum malitiarum 141.b.1  
 Fermentum regni cælorum quale 141.  
 a.1  
 Fermentum pharisaicum 141.a.1  
 Fermenti reiectio quomodo mystice in-  
 telligenda 139.b.1  
 Festum agere publicæ letitiæ symbo-  
 lum 140.b.1  
 Festi mystica celebratio qualis. 140.  
 b.1  
 Fides uerbi Dei quem timorem exclu-  
 dat 52.b.1

Fides minor charitate 528.a.1  
 Fides iustificans quæ habeat adiuncta  
 527.a.1  
 Fides miraculorum à iustificante quo-  
 modo differat 527.a.1  
 Fides, spes, charitas potiora Dei dona  
 490.a.1  
 Fides an possit haberi sine charitate.  
 499.b.1. 514.a.1  
 Fides Christiana euangelica prædica-  
 tione plantanda 59.a.2  
 Fides iustificans quid 500.a.1  
 Fides miraculorum sine charitate 500.  
 a.1  
 Fides inanis quando 632.a.1  
 Fides miraculorum 497.b.1  
 Fides & prophetiæ quomodo haberi  
 possint sine charitate 498.b.1  
 Fides uera qualis 215.b.1  
 Fides, qua fratribus haud credimus.  
 unde 514.a.1  
 Fidei certitudo diuersa 617.a.1  
 Fidei qualitas ex prædicatione qualita-  
 tis 626.a.1  
 Fidei certa fundamenta 631.a.1  
 Fidei castitas, desponsationis uinculum.  
 324.a.2  
 Fidei effectus diuersus 498.a.1  
 Fidem per tribulationes exerceri. 19.  
 b.2.  
 Fidem uerbo Dei niti 150.b.2  
 Fidem alere 368.a.1  
 Fidem Christianorum mundū iudica-  
 re 151.a.1  
 Fidem omnē habere quomodo expli-  
 cetur 498.a.1  
 Fidem supra humanam sapientiā fun-  
 datam qui habeant 54.b.1.  
 Fidem uerā liberare à peccati. 635.  
 b.1. 110.a.1  
 Fide ambulare cum domino 162. a.2  
 sine Fide nulla salus 462.b.1  
 Fideli homini an nulla conscientia ra-  
 tio habenda 363.a.1  
 Fidelis liber 206.a.1  
 Fideles quomodo uocati 42.a.1  
 Fidelem & fidum esse differre 106.b.1  
 Fideles Christi in eodem spiritu bapti-  
 zari 471.b.1. 209.a.2.  
 Fideles non ignorare se diligere à Deo.  
 62.b.1  
 Fideles non mori, sed obdormiscere.  
 636.b.1  
 Fidelium elogium 370.b.1  
 Fidelium conditio mirabilis 583.a.1.  
 537.b.1  
 Fidelium communis dominus 75.a.1  
 Fidelium status post resurrectionem  
 qualis 656.b.1  
 Fidelium conuentus 400.b.1  
 Fidelium uerorum experimentum 71.  
 a.2  
 Fidelibus an ex omnibus locis exeun-  
 dum.



# INDEX.

dum, in quibus habitant infideles. 213.b.2.  
 Fiduciae multae species 220.b.2.  
 Fiduciam Dei ad salutem esse necessariam 29.b.2.  
 sine Fiducia neminem mortalium uiuere 27.b.2.  
 Filij huius seculi quae mala fugiant. 147.b.2.  
 Filij Belial 209.b.2.  
 Filius quomodo regnum sit Deo traditurus 662.b.1.  
 Filiarum Moab cum israelitis scortatio 322.a.1.  
 Filium hominis uenisse, saluum facere quod perierat, quomodo intelligendum 115.b.2.  
 Fines diuersi interdum rei unius. 78.b.2.  
 Flagella Dei esse *ῥαβδοὶς* 446.a.1.  
 Flagitia quae plurimum detestanda 256.a.1.  
 Foeminarum nobilium in India obitus. 503.b.1.  
 per Foenum quid intelligat Chrysost. 94.b.1.  
 Fons miraculosus in Epiro qualis 192.b.1.  
 Fortitudo spiritus qualis 765.a.1.  
 Fortitudo carni unde 765.a.1.  
 Fragrantia Christi quibus bonus odor 78.a.2.  
 Frater Christi quis 355.b.2.  
 Frares cur Corinthios appellet 17.a.1.  
 Fratris ditione cur apostolus saepe utatur 599.a.1. 199.b.1.  
 ad Fratrum unitatem seruandam quae necessaria 512.b.1. 469.b.1.  
 Fratres recte agentes quomodo a sanctis laudentur 374.b.1.  
 Fratrum appellatione quid intelligat apostolus 16.b.1.  
 Fratibus quingentis quomodo apparuerit Christus 615.b.1.  
 Fraus 178.a.1.

## G

Galatae ad fidem ab apostolo reuocati 177.b.2.  
 Gangrense concilium 387.a.1.  
 per Gaudium quid intelligendum 242.b.2.  
 Gehenna quomodo a Christo debellata 424.a.1.  
 Gemitus apostoli 154.a.2.  
 Gemitus piorum 155.b.2.  
 Gentes habere naturae legem 92.b.2.  
 Gentes quomodo sine lege fuerint 295.b.1.  
 Gentes crassissimae tenebrae 123.b.2.  
 Gentes in ecclesia contemptae 152.b.1.  
 Genti cuique suae linguae sermonem esse *ῥημα* 545.a.1.  
 Gentium conditio an melior quam iudeorum 92.b.2.

Gentium illuminandarum mandatum Paulo datum esse, unde pateat. 123.b.2.  
 Gentibus Christum non praedicandum iudeorum persuasio 123.b.2.  
 Gentilium scripta in religionis causa quomodo citanda 678.b.1.  
 in Genua procidere, gestus conscientiae confusae 570.a.1.  
 Genus humanum an totum Deo reconciliatum 184.a.2.  
 Genus humanum extra Christum ueris diuitijs destitui 256.a.2.  
 Germania quo dolo capta 388.b.2.  
 Germaniae ecclesia unde renouatam Christi doctrinam habeat 242.a.2.  
 Gloriari in facie 172.a.2.  
 Gloriari alicuius nomine 116.a.1.  
 Gloriari secundum carnem 349.b.2.  
 Gloriari de alieno bono, illicitum 116.a.1.  
 Gloriari 101.a.1.  
 Gloriari in domino 317.b.2.  
 Gloriari quando culpabile 313.b.2.  
 Gloriari in quo conueniat 105.a.1.  
 Gloriandi materia in quibus 362.b.2.  
 Gloriando tria fieri 317.b.2.  
 Gloriandum cur in domino 318.a.2.  
 Gloria pastoris 42.b.2.  
 Gloria gregis 42.b.2.  
 Gloria Corinthiorum 137.b.1.  
 Gloria nostra quae 59.a.1.  
 Gloria liberalitatis in Christianis ad Deum referenda 270.a.2.  
 Gloriam Dei studium dupliciter fidelibus competere 368.a.1.  
 Gloriam uocula cur toties utatur apost. 125.b.2.  
 in Gloriam domini omnia facienda. 166.a.1.  
 ad Gloriam Dei quomodo Christianus edat 369.a.1.  
 ad Gloriam Dei quae faciant 173.b.1.  
 Gloratio Pauli qualis 671.a.2. 36.a.2. 42.a.2.  
 Gloratio episcoporum 42.a.2.  
 Gloratio sanctorum ab impiorum distinguenda 288.b.1.  
 Gloratio Christiani hominis in qua resita 290.b.1.  
 Gloratio pseudapostolorum et ueri apostoli qualis 363.b.2.  
 Graeciae mollicies 376.a.1.  
 Graeci cur proximè iudeis subiiciantur 369.b.1.  
 Graecorum mos in uentris uocibus qualis 526.a.1.  
 Graecos quos uocet apost. 369.b.1.  
 Graecos peregrinas gentes et barbaras habuisse 547.a.1.  
 Gratia Dei quomodo in uerbum recipiatur 191.a.2.  
 Gratia quomodo saluet 191.b.2.

Gratia Noui testamenti fide apprehendenda 106.a.1.  
 Gratia Dei dupliciter in ecclesijs data 241.b.2.  
 Gratia Dei quomodo suffecerit Paulo 376.b.2. 556.b.1.  
 Gratiae generalis participes qui fiant 184.1.b.2.  
 Gratiae apostolicae partes 622.b.1.  
 Gratiae ditionem quomodo usurpet Paulus 741.a.1.  
 Gratiae Dei certitudo 331.b.1.  
 Gratiae Christi quomodo contumelia inferatur 158.a.1.  
 Gratiae symbola a patribus 106.a.1.  
 Gratiae coelestis amplitudo 157.b.1.  
 Gratiae coelestis necessitatem non patrocinari ignauiae et inscitiae. 38.b.2.  
 per Gratiam quid intelligendum. 39.b.2.  
 Gratiam apud aliquem inire 44.a.2.  
 Gratiam Dei multifariam dispensari. 241.b.2. 10.a.1.  
 ex Gratia Dei omnia esse 10.a.1.  
 Gratiarum actio quo tendat 7.b.1.  
 Gratiarum actio, cultus Dei 289.b.2. 143.a.1.  
 Gratitude 9.a.1.  
 Gratis quomodo conferantur homines 648.b.1.  
 Gubernandi uox quibus competat. 488.a.1.  
 Gula libidinis ministra 158.b.1.  
 Gulae intemperantia quomodo in contemptum adducatur 161.b.1.

## H

Haeresis 404.b.1.  
 Heraclitus quomodo uolens exultus. 503.a.1.  
 Hieronymus Pragensis pro haeretico declaratus 166.b.2.  
 Hoc est corpus meum, quomodo intelligendum 421.a.1.  
 Hoc, pronomine quo referendum in coena 425.b.1. et 426.a.1.  
 Homo internus quomodo quotidie renouatur 144.b.2.  
 Homo quibus partibus constet 144.a.2.  
 Homo quod hominis imago 120.b.2.  
 Homo in Christo quid 366.b.2.  
 Hominis definitio 388.b.1.  
 Hominis liberatio quod facta 642.b.1.  
 Hominis cognitio quibus instrumentis constet 60.a.1.  
 Hominis creati finis 158.a.2.  
 Hominis ueteris imago in peccati corpore 109.a.2.  
 Hominis noui imago Christus 109.a.2.  
 Hominis ingenium 27.a.1.  
 Hominem cur Deus magis amet quam angelum 643.a.1.



# INDEX.

Hominum cogitationes uanae 100. d.1	Imaginem Christi quod in hac uita portemus 710. a.1-109. b.2	cum infantibus cur ecclesia ad baptismum festinet 647. a.1
Hominibus loqui pluris ne sit quam Deo 531. b.1	Imaginem terreni gestare 709. a.1	Infatuare aliquem 37. b.1
in Hominibus non gloriandum 101. a.1	per imbecilliora quid Ambrosius intelligat 479. a.1	Infidelis coniugis uariae causae 200. b.1
Honestas 593. a.1	Imitatio Christi qualis 373. a.1	Infidelis quod ignoret se impium 568. b.1
Honeste & decenter quae agatur 601. a.1	Imitabilia quae 160. a.1	Infidelē esse, reddere diuersum à Christianis 207. b.2
I	Immundities pristina quod deleatur. 214. b.2	Infideles qui apost. 200. a.1
Iacobus iustus frater domini 616. b.1	Immundum nihil per se 363. b.1	Infidelium tria genera 572. b.1
Iacobi duo inter apostolos 616. b.1	Immutari 721. a.1	Infidus domino quis 107. a.1
Idem omnes loqui, quid 17. b.1	Immolaticia quando licite & non licite Corinthij edant 359. b.1	Infirmas corporis nostri 696. a.1
Idiotae 552. a.1	Immolaticijs an uescendum 363. b.1	Infirmatē nostram Christum in se transulisse 696. a.1
Idiotae aut infidelis quod arguatur 568. b.1	Impassio spiritualis 285. a.1	Infirmos quos Germani uocēt 51. b.1
Implere locum idiotae 552. b.1	Impenitentibus parcendo quae mala sequantur 56. a.2	Infirmis quod offendiculum praebatur 260. a.1
per Idiotam quid intelligendum 567. a.1	Impenitentiae peccatorum remissionē negari 93. a.1	Ingratitudo populi erga ministros uerbi unde 280. a.1
Idiotas quos Paulus uocet 552. b.1	Imperatores quod domini uocati 251. a.1	Inimicitia nihil credit 514. b.1
Idololatria 244. a.1	Imperfectum & uanum esse, differre 519. a.1	In inimicorum Christi classem qui reijciendi 656. a.1
Idololatria Christianorum enormior q̄ gentium 355. b.1	Imperfecta nostra quomodo non incerta 519. a.1	Iniurius in dominum 107. a.1
Idolothytū an famis necessitate presus uiator edat 258. b.1	Imperatorum ingenium quale 258. b.1	Iniuriam pati melius quam inferre. 155. b.1
Idolothytis uesci gētiū mos 259. a.1	Impius pio quod coniungatur 203. b.1	Iniusta tacere, non boni hominis esse. 155. b.1
Idolothytorum communicatio. 349. b.1	Impij cum pijs an immutandi in nouissimo die 716. b.1	Iniusti 149. b.1
Idolothytorum scientiam quod Christianis tribuat apost. 244. b.1	Impij qui 338. a.1	Iniustos regnū Dei nō possidere 147. b.1
Idolum 249. b.1	Impostor 202. b.2	Iniustis non esse locum in regno Dei. 156. a.1
Idolū à simulatione nihil differre 243. b.1	Impudicorum sermo, malum colloquiū 677. b.1	Innocentia uera quae 110. a.1
Idolorum cultus peccatum graue 355. b.1	Inanimatorum duo genera 542. b.1	Innocentia Pauli 35. b.2
Ieiuniū quadragesimale quod Christianis non imitandum 373. a.1	& 543. a. b.1	Innocentia prima pietatis pars. 408. b.2
Ieiunium precationi quod coniunctum. 181. a.1	Inania quae dicantur 32. a.1	Integros esse in eadem mente quod usurpet apost. 19. b.1
à Ieiunio regressus ad quid conducat. 181. b.1	Incontinentiae incendium coniugio sopiri 192. a.1	Internus spiritus in carnali homine quod comparatus 144. b.2
ad ieiunia & preces quibus aditus pateat 181. b.1	Incontinentibus quid suadeat apostolus 190. b.1. & 191. a.1	Interpretis magna utilitas 539. b.1
Ieremiae innocentia 155. b.1	Incontinentibus cur nubendum. 192. a.1	Inuidere 506. b.1
Iesus quot modis uocetur dominus. 454. b.1. & 455. a.1	Incorporatio Christi unde 167. a.1	Inuocationis ubi mentionem faciat author 5. b.1
Iesum praedicare quid 327. b.2	Incorruptibiles quomodo erimus 694. b.1	Iohan. Hufz pro haeretico declaratus. 166. b.2
Ignatius quando praefuerit ecclesiae Antiochenae 272. b.1	Incredulus 116. a.2	Ionas quod נָבִיא 120. b.1
Ignis uirtus qualis 92. a.1	Incredulos ab infidelibus differre 572. b.1	Ionas cur à facie Dei fugerit. 292. a.1
Ignis nomine tribulationem significari 92. a.1. & 94. b.1	Incredulos nullam excusationem habere 39. b.1	Ioseph cur à fratribus odio habitus 8. b.1
in Igne quae salua dicantur 95. a.1	Incredulos commercio Christianorum curari 145. a.1	Iosepho quod omnia subiecerit Pharaō 660. b.1
Ignominia 695. a.1	Incredulorum commercium quod non uitandum 145. a.1	Ira Dei iustum iudicium quos maneat 39. b.1
Illyricum extrema pars Macedoniae. 316. b.2	Inculpatus 15. a.1	Irascentium ἀνίστασθαι 509. a.1
Illicita quae 160. a.1	per Indecora nostri quid Ambrosius intelligat 479. b.1	Israel iuxta carnem 548. a.1
Illuminatio uisionis 125. b.2	Indignationis genus quodnam utile. 232. a.2	Israel conuersus ad Deum legem uiuā habebit 106. b.2
Illuminatio mentis 125. b.2	Indigne rem aliquā facere 435. a. b.1	Israelis sacerdotibus cur uerbū domini obscurum 562. b.1
Illuminatio cordis ad cognoscendam gloriam Dei in Christo qualis thesaurus 127. a.2	Induendi metaphora aptissime uti apostolum 721. a.1	Israelis obsecratio per Moysen praefigurata 105. b.2
Imago Dei Christus 119. b.2	Infantes cur morti subiecti 725. a.1	Israelis



# INDEX.

israelis populus a Deo liberatus 192.  
 b.2  
 israelitæ quò res malas concupierint  
 319.4.1  
 israelitæ unde d. di 355.4.2  
 israelitarū praua concupiscentia 319.  
 a.1  
 iudæi unde arguentur Iesum Nazare  
 num non esse Christum 612.4.1  
 iudæorum synagoga Corinthi. 314.  
 a.2  
 iudæorum sensus quò obcæcatus 103.  
 a.2  
 iudæorum & gentium moderatio in  
 castigando qualis 358.b.2  
 iudæorum gloriatio qualis 355.b.2  
 iudæorum condemnatio in legis con-  
 temptores qualis 780.4.1  
 iudæorū mos in diuidendis anni par-  
 tibus 751.4.1  
 iudæis cur omnibus uesci prohibitū.  
 361.b.1  
 iudæis signa petentibus in Christo  
 quò non satisfactum 41.b.1  
 iudæis uocatis quò Christus crucifi-  
 xus uirtus & sapientia Dei. 42.  
 a.1  
 iudas an adfuerit in fractione panis.  
 418.4.1  
 iudas an prior ex pane comederit.  
 418.4.1  
 iudicare ante tempus 111.b.1  
 iudicis officium 149.b.1  
 iudicium nobis de homine unde consta-  
 re debeat 372.4.2  
 iudicium futurum apostolus quò incul-  
 carit 170.b.2  
 iudicium cur Corinthi sibiipsis edant  
 440.b.1  
 iudicium humanum incertum 109.4.1  
 & nihili faciendum 168.b.1  
 iudicium quomodo edatur 440.4.b.1  
 iudicium ecclesiæ in quibus locum ha-  
 beat 145.4.1  
 iudicium ecclesiasticum quale 145.4.1  
 iudicij forum triplex 36.b.2  
 in iudiciariam sedem quò dicatur Co-  
 rinthi ethnici collocasse 153.4.1  
 iudicia minima 152.4.1  
 iudicia urbis in quos ualeant 145.4.1  
 in iudicijs quid queratur 150.4.1  
 iugum cum incredulis ducere 206.b.  
 2. & 207.b.2  
 iulianus cur clementior ergo Christiani  
 nos 19.b.2  
 iuramentum an licitum 57.4.2  
 iuramentum mispat quale 338.4.2  
 iusturadum quò comparatum 57.b.1  
 iustificatio 98.4.2  
 iustificatio nostri in conscientia nostra  
 non sita 110.4.1  
 iusticia 286.b.2  
 iustitia Dei quò facti sumus in Christo

189.b.2  
 iusticia hominum immunda caro 45.  
 a.1  
 iustitia perfecta cur in hoc mundo nõ  
 arguatur 655.b.1  
 iustitiæ administratio bifariam capiē-  
 da 97.b.2  
 iustitiæ ministros uarie dici 346.b.2  
 iustitiæ ministerium quid 347.4.2  
 iustitiam nostram esse in uno Christo  
 46.b.1  
 iustitiarum cur damnet euangelij doctri-  
 nam hærescos 571.4.1

## L

Labor fidelium in domino triplex 729  
 b.1  
 Labores Pauli cæteris apostolis copio-  
 siores 624.4.1  
 Laborum fructus diuersus 730.4.1  
 Laborare frustra 729.b.1  
 Laboranti sumptus necessarios negare  
 iniquum 278.b.1  
 Laconum mos in deducendis senibus  
 qualis 745.4.1  
 per Laetis potum quid intelligendum  
 78.4.1  
 Laicus uxoratus quò possit uxore suā  
 domi docere 592.b.1  
 Latine loqui in Germaniæ ecclesia.  
 558.4.1  
 Latro quò in paradysum translatus.  
 442.b.1  
 Laudanda laudare candidi esse homi-  
 nis 413.b.1  
 Lazari & Christi resurrectio 683.b.1  
 Legati regum cur honorifice suscipiā-  
 tur 759.b.1  
 Legatorum dignitas 185.b.2  
 Leuitatem non cōducere homini Chri-  
 stiano 48.b.2  
 Lex cur litera uocata 90.4.2  
 Lex quomodo uires peccati augeat.  
 91.b.2  
 Lex cur israelitis data 92.4.2  
 Lex uitæ spiritus 93.4.2  
 Lex quomodo dicatur occidere 93.4.2  
 Legis conditio 92.4.2  
 Legi cur peccati potentiam apostolus  
 tribuerit 725.b.1  
 Legalis literæ operatio 91.4.2  
 Liberalitas nostra in quos ubertim cō-  
 ferenda 261.b.2  
 in Liberis corripiendis quid faciendū  
 23.b.1  
 Libertas, Christianismi nomine, quò  
 non affectanda seruo 216.4.1  
 Libertus domini quis 117.4.1  
 Libidinis incendium sentienti quid fa-  
 ciendum 191.b.1  
 Licita quò Christiano homini illicita.  
 159.b.1  
 in Licitis rebus quæ potissimum cauē-  
 da 226.b.1

in Licitis rebus quæ cōsideranda 160.  
 b.1  
 Ligna Christi in rago 109.b.2  
 Linguae quomodo in signum incredu-  
 lis 572.4.1  
 Lingua qui utuntur incognita in eccle-  
 sia populo esse barbaros 547.b.1  
 Lingua orare 550.4.1  
 Linguarum donum quando apostolis  
 datum 464.b.1  
 Linguarum interpretatio 464.b.1  
 Liquidorum uaria genera 338.b.1  
 Litera legis in Veteri testamento qua-  
 lis 99.4.2  
 Litera quomodo occidere dicatur 91.  
 4.2.246.4.1  
 Literæ legalis operatio propria. 91.  
 a.2  
 Lites unde 154.4.1  
 Litigandi ratio 154.4.1  
 Locupletari in omnibus 289.4.2  
 Logicon in homine crescere 521.b.1  
 Loquendi uerbum quò ab apostolo po-  
 situm 590.4.1  
 Loquēs lingua cur Deo loquatur 536.  
 a.1  
 Loqui tanquam ex sinceritate 80.4.2  
 Loqui tanquam ex Deo 80.4.2  
 Loqui in conspectu Dei & hominis.  
 80.b.2  
 Loqui in Christo 80.4.2  
 Loqui in conspectu Dei 391.4.2  
 Loqui, sentire & cogitare præposte-  
 ro ordine posita 521.4.1  
 Loquendi libertas unde nascatur, plu-  
 rimum referre 101.b.2  
 Loqui per reuelationem 541.b.1  
 Lucas cum Tito Corinthi missus 269-  
 4.2  
 Lucas cur generationē Christi ad Ada-  
 mum ducat 705.b.1  
 per Lucem quid intelligendum. 123.  
 4.2  
 Luſus publici in israelis ecclesia usus  
 132.4.1  
 Lutheri scripta qui mordacitatis accu-  
 sent 308.b.2  
 Luſum in Corinthijs cur poscat apo-  
 stolus 131.b.1  
 Ludus idololatricus 321.b.1  
 Luminis euangelij uis 118.b.2

## M

Macedoniam cur pertransiturus erat  
 apostolus 743.4.1  
 Macedones quò excellent 249.b.2  
 Macedones sponte eleemosynas tribuis-  
 252.4.2  
 Macedones per afflictiones multum  
 probati 243.b.2  
 de Macedonum fidelium beneuolentia  
 quò exultarit apostolus 247.4.2  
 inter Magistros & patres ecclesiarū  
 quale nam discrimen 65.4.2

Nō de iuda, sed  
 de christo hoc  
 loco agitur.



# INDEX

- Mahomet quomodo etiam & non 50.  
b.2
- Mamonæ qui seruit Deo seruire non  
posse 355.b.1
- Manna cibus 315.a.1
- Manna quomodo spiritualis cibus 314.  
a.1
- Manna & aqua de petra cur non per  
seueranter exhibita 314.b.1
- Manna & aquam ex petra cur apo-  
stolus uocet spiritualem cibum &  
potum 312.b.1
- Mandatorum seruatio quæ contineat  
215.b.1
- Manere in fide Christi & scienter in  
Papatu differunt 657.a.1
- Manichæorum uesania 612.b.1
- Manichæos duos deos statuiffe 9.b.2
- Manifestarum rerum genera 569.a.1.  
167.a.2
- Manifestatio spiritus 459.a.1
- Manifestationis finis 167.b.2
- Manifestatione occultorum reseruari  
iudicio extremo 111.b.1
- Mansiones cælestes cur æternæ. 153.  
b.2
- Manus domini cur in Corinthiorum  
ecclesia grassata 441.b.1
- Maleuolorum ingenium 187.a.1
- Malus quinam ex ecclesia auferendus  
145.b.1
- Malum facere an peius quàm concu-  
piscere 318.b.1
- Maranatha 780.a.b.1
- Marci euangelium epitome Matthæi.  
263.a.2
- Mariti quò uxores suas diligant 228.  
b.1
- Maris transitus cur semel factus 310.  
b.1
- per Mare Israelitæ cur trāsierint 308.  
b.1
- Matthias cur in Christi apostolum ele-  
ctus 615.a.1
- Matthias quādo uiderit dominum 615.  
a.1
- Matthias in locū Iudæ electus 615.a.1
- Matrimonium cur suadeat apostolus.  
191.b.1
- Martyrem Christi quid faciat. 356.  
b.2
- Martyrum sanctorū passionibus quibus  
consolationem adferant 20.a.2
- Martyrj genus præstans quodnā 16.  
a.2
- Matrimonium irritum 205.b.1
- Matrimonij usus legitimus 176.b.1
- Melius per accidens 490.b.1. & per  
se 490.b.1
- Meliora an absque discrimine secan-  
da 490.b.1
- Membra quæ & & 480.b.1
- Membra multa quomodo constituent  
corpus 472.a.1
- Membra pudenda cur uocentur 82.b.1
- Membrorum sympathia unde 481.b.1
- Membrorum conditio 474.a.1
- Mens & uoluntas principalia in anima  
20.a.1
- Mentis religiose signum 375.a.1
- Mentis Deum plus quàm corporis ha-  
bere rationem 192.a.1
- Mentis incredulorum excæcare quò  
non inconueniens Deo 117.a.2
- Mentium illuminatio quò fiat 118.b.2
- ad Mensam domini quando acceden-  
dum 429.b.1
- de Mensa domini qui ueraciter parti-  
cipent 353.b.1
- Mercede indignus quis 291.b.1
- μυταμίλα unde nascatur 229.a.2
- Minister Christi qua spe fretus libere  
loquatur 101.b.2
- Minister Dei quò agnoscendus 199.b.2
- Minister Christi fideles cur diligat.  
238.b.2
- Minister Christi qualis esse debeat  
678.b.1
- Ministri in ecclesia qui in precio ba-  
bendi 274.a.2
- Ministri Dei officium 200.b.2.115.b.1
- Ministri fidelis exemplum 415.a.1
- Ministri perditio in qua re sita 95.a.1
- Ministram Christi quid faciat 356.b.2
- Ministram bonū quæ deceant 107.a.1
- Ministram Christi humilem qui fasti-  
diunt, quid competat 353.b.2
- Ministram Christi maledica ora non  
effugere 297.b.2
- Ministro Christi quæ cura competat  
406.a.2.359.a.1
- Ministro Christi quomodo prædican-  
dum 294.a.1.289.b.1
- a Ministro uerbi multa fieri quorum  
gratia repræhendi possit 110.a.1
- in Ministro Christi quid spectandū 107.  
a.b.1
- in Ministro Christi quid requiratur.  
80.b.2.540.b.1
- Ministro Christi quid cōpetat 359.a.1
- Ministro fideli quò opus domini obui-  
dum 757.b.1
- Ministri perf di 415.a.1
- Ministri Christi quò unum sint 38.a.1
- Ministri Christi synceri qui 120.b.1
- Ministorum Christi fidelium quale  
exemplum propositum 754.a.1
- Ministorū in domino labor. 729.b.1
- Ministorum potestas in ecclesia qua-  
lis 415.a.1
- Ministorum Christi & artificum nō  
eadem ratio 88.b.1
- Ministorum Christi matrimonia quò  
hodie infamentur 297.b.2
- Ministorum Christi officium 199.a.1  
& 1.b.2
- Ministorū Christi pugna qualis 302.  
a.2
- Ministros uerbi Deum facere idoneos  
88.b.2
- Ministros uerbi audire, Dei uoluntas.  
248.a.2
- Ministros Christi quanta animi con-  
stantia praeditos esse cōueniat 121.  
a.1
- Ministros Christi contemnere 101.b.1
- Ministris Christi quid potissimum cu-  
randum 121.a.1
- de Ministris Christi quò censendum.  
239.b.2
- Ministris synceris quid expectandum  
759.a.1
- Ministerium Christi 106.a.1
- Ministrare & in ministeriū ordinare  
quò differant 770.a.1
- Ministerium seruorum Dei non mox  
cleuandum, ubi corruptas uidemus  
ecclesias 268.a.1
- Ministerij Christi notæ 80.a.2
- Ministerij Christi synceritas in quibus  
sua 121.a.1
- Ministerij ordine ecclesiam non posse  
carere 581.b.1
- Ministerij ditione quæ compleatur  
apostolus 770.a.1
- Miracula ab apostolis edita, cur signa  
uocentur 382.a.2
- Miriadis numerum poni pro infinito  
558.b.1
- Misereri Dei proprium 8.a.2
- Misericordiae diuinæ prouidentia qua  
lis 11.b.2
- Misericordiam Dei infideli impendi  
ut fidelis fiat 222.b.1
- Missæ papistarum qualis 43.a.1
- Missæ papisticæ auditores 532.b.1
- Missæ quo plures, eo abominabiliores  
in domini conspectu 558.b.1
- Missæ a quibus hodie defendantur, &  
cur 568.a.1
- Missam papisticam non esse dominicā  
cœnam 410.b.1
- Missarum multitudo unde 576.a.1
- Monachi quò uocationem suam rese-  
rant 212.a.1
- Monachorum status 211.a.1
- Monachos apostoli loco abuti 211.b.1
- Monastica uita nulla ineptior regio  
Christi 233.a.1
- Monastica captiuitas Pauli tempore i-  
gnorata 240.a.1
- Monachismi diuersitas a uocatione i  
Christianorum 212.a.1
- Monogamia 242.a.1
- Monogamus 189.a.1
- Morbus qui ferè omnium hominū pe-  
dora occupet 474.b.1
- Morborum miraculosa curatio quibus  
promissa 463.a.1



# INDEX.

Mores mali unde contrabantur 139.4.1  
 Mori simpliciter, & cōmuni naturæ  
 lege, differre 316.b.1  
 Mortalitas hominum unde 644.a.1  
 Mortalitas in nobis quō absorbenda  
 157.b.2  
 Mortalitas carnis unde 157.b.2  
 Mortalium omnium cōmunitas fors 695  
 b.1  
 Mortalium finis geminus 347.b.2  
 Mors corporis, peregrinationis muta  
 tio 163.b.2  
 Mors, peccati stipendium 725.a.1  
 Mors quomodo hostis Christi 656.b.1.  
 & 657.a.1  
 Mors hostis nouissimus 657.b.1  
 Mors unde 657.a.1  
 Mors quō absorbēda 722.b.1  
 Mors quō abolenda 658.a.1  
 Mors & condemnatio quomodo co-  
 gnata 97.b.2  
 Mors domini quō annuncianda. 431.  
 b.1  
 Mors quomodo inter electorum bona.  
 104.b.1  
 Mors unde uenerit 642.b.1  
 Mortis genus quodnā carni acerbissi-  
 mum 502.a.1  
 Mortis uictoria 722.b.1  
 Mortis aculeus 724.b.1  
 Mortis abolitionē bifariam fieri. 658.  
 a.1  
 Mortis horror unde 158.b.2  
 Mortis Christi finis 174.a.2. & usus  
 610.a.1  
 Mortis Christi necessitas unde 174.  
 a.2  
 Mortis Christi efficaciam a reprobis  
 non accipi 174.a.2  
 contra Mortis tentationem quō ani-  
 mi obfirmandi 685.a.1  
 Mortis memoria qualis esse debeat.  
 676.a.1  
 Mortis & resurrectionis Christi do-  
 ctina quanti facienda 608.b.1  
 Mortem sibi comedisse primos parē-  
 tes 440.a.1  
 Mortem Christus quō aboleuerit. 658.  
 a.1 657.b.1  
 Mortem diabolo seruire 657.a.1  
 Mortificationē domini in corpore ei/  
 cumferre 133.b.2  
 Mortui quō per Christi aduētum exci-  
 tandi 649.a.1  
 Mortui cur dormire dicātur 442.b.1  
 mortuorum baptizatio 666.a.1  
 Mortuorum resurrectio quibus facili-  
 ma 680.a.1  
 Mortuorum saluti consulere, supersti-  
 tio 668.a.1  
 Mortuos in Christo primum resurre-  
 cturos 648.a.1  
 Morientis & resurgentis carnis diuer-

sitas 689.a.1  
 Mosaiici uultus obuelatio quid porten-  
 derit 102.b.2  
 Moses ueteris testamenti mediator 311.  
 a.1  
 Moses quō litera uocetur 107.a.2  
 Moses & Ieremias cur detestantur  
 mandatum 291.b.1  
 Mosi & apostolorum discrimen 311.  
 a.1  
 Mosi facies cur splendida 96.b.2  
 Mosi tabulæ lapideæ 95.b.2  
 Mosi claritas Iudæis admirabilis 126  
 a.2  
 Mulier propter uirum creata 390.a.1  
 Mulier cur uolet caput suum 390.a.1  
 mulier gloria uiri existens quid cogi-  
 tet 389.b.1  
 Mulier quomodo gloria uiri 389.a.1  
 Mulier quomodo ex uiro condita 390.  
 a.1  
 Mulier turpis cur fūco opus habeat.  
 33.a.1  
 Mulier uirago unde dicta 390.a.1  
 Mulier testō capite orās quomodo ser-  
 uet suum decorum 383.a.1  
 Mulier quomodo dehonestet suū caput  
 383.a.1  
 Mulier cur subiecta uiro 390.b.1  
 Mulier quō dehonestet caput suū 385.  
 a.b.1  
 Mulier Christiana cur uiro subdita 591  
 b.1  
 Mulier scortum pontifex 595.a.1  
 Mulier propter uirum cōdita 387.b.1  
 Mulier quatenus imaginis Dei parti-  
 ceps 389.a.1  
 Mulieris mispat quale 382.b.1  
 pepli Mulieris ratio 391.b.1  
 Mulieris turpitudine 595.a.1  
 Mulieri quomodo conueniat capitis  
 obuelatio 391.a.1  
 mulieri cur docendi officium denega-  
 tum 384.b.1  
 Mulieri cur non loquendum in eccle-  
 sia 592.b.1  
 Mulieri commisceri uirum quō natura  
 le 162.b.1  
 Mulierem non tangere quando melius  
 490.b.1  
 Mulieribus dupliciter non esse permis-  
 sum in ecclesia loqui 590.a.1  
 Muliebris capitis dotes 391.b.1  
 Munda omnia quæ domini sunt. 360.  
 b.1  
 Mundanæ sapientiæ cæcitas 99.a.1  
 Mundanis rebus quomodo utendum.  
 230.b.1  
 Mundus in fidelibus quomodo iudice/  
 tur 151.b.1  
 Mundus cur conditus 650.b.1  
 Mundus quō Deum in sapientiā suā per  
 sapientiam non cognorit 40.a.1

Mundus quō iustissime à Deo damne-  
 tur 40.a.1  
 Mundus in credentibus quō condem-  
 netur 150.b.1  
 Mundus quos magni æstimet 309.a.2  
 Mundi finis qualis futurus 650.a.1  
 Mundi cum Deo recōciliatio 183.b.2  
 Mundi tristitiam gemino sensu uocari  
 posse 230.b.2  
 Mundi res tristes & secundæ quales  
 231.a.1  
 à Mundi sapientibus cur quæ Dei sunt  
 reijciantur 72.a.1  
 Mundi rudes ad Christum uocati 45.  
 b.1  
 Mundi spaciū quō sex millenarijs  
 comprehensum 613.a.1  
 Mundum igne concremandum 650.  
 b.1  
 Mūdū quomodo dilexerit Deus 174.  
 b.2  
 Mundum condēnationi esse obnoxium  
 151.a.1  
 Munitiones regni Satanæ quæ 302.  
 a.2  
 Munus cum tristitia datum parū ha-  
 bet iucunditatis 284.b.2  
 Muneris apostolici partes 597.b.1  
 in Muneribus dandis quid spectet  
 Deus 285.a.2  
 Murmurandi uitium unde oriatur 326.  
 b.1  
 Murmuris duplex genus 326.a.1  
 Murmuris israelitarum contra Mo/  
 sen facti, ratio 324.b.1  
 Muscarum mors 694.a.1  
 Musculi exceptio Augustæ 239.b.2  
 Musices artificium quibus cōstet. 544.  
 a.1  
 Mutius cur manum igni iniecerit 503  
 a.1  
 Mysterium non omne sacramentum  
 204.a.1  
 crucis Christi prædicatio quō myste-  
 rium 58.b.1  
 Mysteria Dei quid uocet apostolus  
 106.a.1  
 Mysteria duplicis esse generis 712.b.1  
 Mysteria quomodo aliquis omnia ha-  
 beat 496.b.1. & 497.a.1  
 Mysteriorum cum prophetia magna  
 affinitas 496.b.1  
 N  
 Natiuitas in Christo, spiritus sancti  
 opus 123.b.1  
 Natiuitatis immutationem quæ sequi/  
 tur 124.b.1  
 Naturæ opus à documento differre.  
 395.b.1  
 Naturam humanam cur Deus suscipe-  
 re uoluerit 643.a.1  
 Natura quales simus 621.b.1  
 Naturale 162.b.1  
 Natura-



# INDEX.

Naturalia duplicia 396.4.1  
 Navigatio quibus permittatur. 488.  
 b.1  
 Nazianzenus cur ad concilium episco-  
 porū proficisci recusavit 403.b.1  
 Necessitas quæ coactum reddat. 284.  
 4.2  
 Niniuitarum resipiscentia 444.b.1  
 Nomen Dei Christianus quomodo de-  
 honestet 369.4.1  
 in Nomine domini aliquid facere.  
 134.4.1  
 Nonnarum tonsura 387.4.1  
 Nonnarum obedientia peruersa 240.  
 4.1  
 Norma corrigendi doctrinam ecclesiæ  
 qualis 609.4.1  
 Novatianorum & Donatistarū error  
 28.b.1  
 Nouercam cur habere illicitum. 130  
 b.1  
 Nouus homo quō aspiret ad æterna.  
 149.4.2  
 Nouum testamētum sempiternū 100.  
 4.2  
 Nouum testamenti in Christi sanguine  
 423.4.1  
 Noui testamenti scriptura quibus ob-  
 scura 104.4.2  
 Noui testamenti cōmunicatio ad quos  
 pertineat 426.b.1  
 Noui testamēti dispensatio quō in Chri-  
 sto perficiatur 106.4.2  
 Noui testamenti sacra quando finem  
 habitura 433.4.1  
 Noui testamēti minister apostolus 88.  
 b.2  
 Noui testamenti initium unde 416.4.1  
 Nouo testamento quem spiritum apo-  
 stolus attribuat 89.b.2  
 Nos esse Christi 102.b.1  
 Nostra quō sint omnia 102.b.1  
 Notitia Dei qualis 77.4.2  
 Nubes & mare quid Israelitis signifi-  
 carit 309.b.1  
 Nubes symbolum cœlestis gratiæ 310.  
 4.1  
 Nubes Dei dispensationem represen-  
 tasse 308.4.1  
 Nubis columnæ usus 307.4.1  
 Nubis columna cur populo Israeliti-  
 co data 307.4.1  
 per Nubem cur Deus populum suū in  
 deserto duxerit 307.b.1  
 Nubem & maris transitum in baptis-  
 mi mysterio cur cōiūgat apostolus.  
 311.4.1  
 in Nube quō Israelitæ fuerint. 309.4.1  
 sub Nube esse 307.b.1  
 Nubere cur præcipiat apostolus. 175.  
 b.1  
 Nuptias illicitas quas concilium Epau-  
 nense uocet 242.4.1

O  
 Obsecrationis uelum per Christum tol-  
 li 103.b.2  
 Obedientiæ sincera ornamenta quæ.  
 267.4.2  
 Obedientes 71.4.2  
 Obseruantia Dei grata qualis 351.4.2  
 Obsonium 276.4.1  
 Obtemperans Dei præcepto uolens,  
 præmio dignus 291.4.1  
 Obuelatio uultus Mosaii quid porten-  
 derit 102.b.2  
 Occasionē præscindere quid 340.4.2  
 Occidentalis ecclesia 376.4.1  
 per Occulta cordis quid intelligēdum  
 568.b.1  
 Occulariū rerum duo genera 569.4.1  
 Ocium literarum quō negociosum 193  
 b.1  
 Oculus illustre membrum 477.4.1  
 per Oculū & caput quot notet Pau-  
 lus 477.4.1  
 in Oculo, hominis animum habitare.  
 477.4.1  
 Odij ingenium 511.4.1  
 Offendiculū infirmo præbere grauif-  
 simum 258.4.1  
 Offendiculum à quibus 258.b.1  
 Offendere neminem 371.4.1  
 Offensionem accipere quibus compe-  
 tat 194.b.2  
 Offensionem dare & maleuolos offen-  
 dere, differunt 194.b.2  
 Omnia esse in omnibus 665.4.1  
 Omnia mihi licent, cur secundo repe-  
 tat 537.b.1  
 Omnes nos manifestari oportet coram  
 tribunali Christi, quibus seruiat.  
 166.4.2  
 in Opibus quadruplex periculū 230.  
 4.1  
 Opportunitas rei gerendæ diuersa 763  
 b.1  
 Opus domini operari 757.4.1  
 Opus manere quando dicatur 92.b.1  
 Opus Christianæ charitatis cur opus  
 domini 728.4.1  
 in Opere domini abundare 728.b.1  
 Opera Dei, misericordiæ 8.b.2  
 Operarij iniqui 344.4.2  
 Orationis uocabulo quid complectatur  
 apostolus. 383.b.1  
 in Orationis genere quid desideretur.  
 550.4.1  
 Orationes Papisticæ infrugifera 550  
 b.1  
 Ordo quid 602.4.1  
 Ordinis obseruantia in primis necessa-  
 ria 602.4.1  
 citra Ordinē in ecclesia nihil agēdum  
 602.b.2  
 Ordinationum duplex genus 213.4.1  
 Ore aperto loqui 205.b.2

Osculum dilectionis symbolum. 778.  
 4.1  
 Ostium quomodo apertum apostolo.  
 752.b.1  
 Ostium magnum quō Paulo apertum  
 dicatur 754.b.1  
 P  
 Pædagogorū in pueros mores cuius/  
 modi 123.b.1  
 Pallas cur tibiā abiecerit 543.b.1  
 Panis domini quib. traditus 427.4.1  
 Panis quō uocandus domini corpus.  
 441.4.1  
 Panis uictima domini corporis 421.  
 4.1  
 Panis & uini eadem ratio 342.b.1  
 Panem frustum quō discipulis dederit  
 Christus 418.b.1  
 Paphnutij dictum 199.4.2  
 Papatus quō mare cōferatur 637.b.1  
 Papistæ quō patria lingua abutantur  
 557.4.1  
 Papistis à carne abstinentibus & non  
 peccato quō obuiandum 531.4.1  
 Papistica fides cur inanis 633.4.1  
 Papisticæ conciones quales 328.b.2  
 Paroxysmus inter Paulum & Barna-  
 bam 510.b.1  
 Paschæ memoria quantam p̄ys menti/  
 bus adferat lætitiā 141.4.1  
 Paschatis festū quæ contineat 139.b.1  
 Paschatis festum quādiu durarit 142.  
 4.1  
 Pastor fidelis quomodo animatus 62.  
 b.2  
 Pastori prudēti non temere usurpāda  
 quorumuis excommunicatio. 395.  
 b.2  
 Pastores falsi 58.b.2  
 Pastorum uerorum officium legitimū  
 58.b.2  
 Patientia Dei 527.4.1  
 Pater cur filium suum castiget. 446.  
 4.1  
 Patris officium 128.b.1  
 Patrum scripta quomodo legēda 184.  
 4.1  
 Paulus ad Corinthios quō uenerit 47.  
 b.1  
 Paulus postremus inter apostolos ad  
 Christum conuersus 768.4.1  
 Paulus cur Corinthijs scripserit. 63.  
 4.2  
 Paulus quid de se senserit 105.b.1  
 Paulus apud Corinthios quō se gessē-  
 rit 120.b.1  
 Paulus à uoto suo quomodo impedia-  
 tur 187.4.b.1  
 Paulus quomodo infirmus 378.b.2  
 Paulus cur petierit à dominout disce-  
 deret à se aduersarius 375.4.2  
 Paulus cur Sosthenem sibi coniungat.  
 2.b.1

Paulus



# I N D E X

- Paulus** cur placeat sibi in firmitatibus 378.4.2
- Paulus** cur non onerosus 384.b.2
- Paulus** quō gratuito Corinthiis prædicarit 385.a.2
- Paulus** quō gloriando factus insipiens 379.b.2
- Paulus** quandiu Corinthiis euangelium prædicarit 335.a.2
- Paulus** quomodo omnia licere concedat 537.b.1
- Paulus** persecutionis procellis à Corinthiis pulsus 127.b.1
- Paulus** infirmis quō factus infirmus. 259.b.1
- Paulus** quomodo multos dicitur 204.b.2
- Paulus** cur cupiat peregrinari à corpore 164.a.2
- Paulus** an post resurrectionem cum Corinthiis statuendus 140.a.2
- Paulus** cur grauiter affligitur in Asia. 25.b.2
- Paulus** quō omnibus sit factus omnia 299.b.1
- Paulus** quō se seruum omnium fecerit 293.a.1
- Paulus** quomodo plantarit 84.a.1
- Paulus** quō omni in loco Christum prædicarit 85.b.2
- Paulus** quātis periculis obnoxius 669.a.1
- Paulus** cur comici sententia usus 678.b.1
- Paulus** in apostolatu suo quid à Deo acceperit 206.b.2
- Paulus** quomodo de se sentiat 50.b.1
- Paulus** quō de uita sua desperarit 131.b.1
- Paulus** cur seruum se propter Iesum prædicet 123.a.2
- Paulus** triumphator in Christo 76.a.2
- Paulus** semper in mortē propter Christum traditus 134.b.2
- Paulus** affectibus humanis obnoxius. 74.b.2
- Pauli** apostolatus amplitudo 623.b.1
- Pauli** uotum 163.a.2.186.b.1
- Pauli** apostolatus inter Corinthios signa 381.b.2
- Pauli** in Iudaismo existentis sententia de futuro Christo 179.a.2
- Pauli** uocatio qualis 206.b.1. & 207.a.1
- Pauli** sub Nerone interitus 674.b.1
- Pauli** prudentiam quō uerbi ministri imitentur 113.a.1
- Pauli** metamorphosis insignis 357.a.2. naufragiū 358.b.2. uocatio 1.b.1
- Pauli** delectatio qualis 60.a.2. uirtutes 754.b.1
- Pauli** fidelitas erga Corinthios. 72.b.1
- Paulum** fuisse uiduū unde colligatur. 189.b.1
- Paulum** sumptus labore manum quæ fuisse 170.a.1
- Paulum** non potuisse in sua confidentia confidere 28.a.2
- Paulum**, quoties affligitur, toties consolationes diuinas sensisse 22.a.2
- Paulum** cur Iudæi plagis uerberarint 357.b.2
- Paulum** quadragenarias plagas à Iudæis accepisse 358.a.2
- in Paulo** qualis uirtus declarata. 132.b.2
- Pauper** cur populus domini non contemnendus 255.b.2
- Pauperes** cur sanctos apostolos auocet 732.b.1
- in Pauperum** subsidia nihil conferre, sterilis esse Christiani 736.a.1
- ad Pauperum** collectionē quid requiratur 732.a.1
- Pauperum** sanctorū preces 292.a.2
- Paupertas** spiritualis in Christo nulla 255.a.2
- Paupertatis** Christi magna utilitas. 255.b.2
- Paupertate** Christi opes pontificū nō partē 255.a.2
- Pax** Hebræis quid 6.b.1
- Peccans** ex infirmitate non detestandus 253.b.1
- in Peccantium** castigationibus modus non excedendus 68.a.2
- Peccatum** quoduis ex mala concupiscentia nasci 318.b.1
- Peccatum** extra corpus 170.a.1
- Peccatum** cur pro nobis Christus factus 189.a.2
- Peccatū** originale latere in carne nostra 725.a.1
- Peccatum** in quibus regnet 636.a.1
- Peccati** pœna non semper peccatum. 182.b.1
- Peccati** potentia unde 725.a.1
- à Peccati** iugo Christiani quō liberi. 217.b.1
- Peccati** contagium 318.b.1
- Peccatum** facere quid sit 332.a.2
- Peccatum** habere, & in peccatis esse, differre 636.a.1
- ex Peccato** quæ sunt non eiusdē esse rationis 183.a.1
- Peccata** non imputare 184.a.2
- Peccata** non extemnenda 333.a.1
- Peccatorum** remissio quibus rebus dispensetur 106.a.1
- in Peccatis** esse, quid apostolo 636.a.1
- Pedum** officium humile 472.b.1
- ob Pecuniarium** rem sub ethnicis iudeis contendere Christiano pudē
- dum** 148.b.1
- Pelagij** dictum 377.b.1
- Pelagiani** cur reprobati 647.b.1
- Perditionem** omnimodam cui tribuat apostolus 116.a.2
- Peregrinari** à domino 162.a.2
- Peregrinationum** duo genera diuisa. 162.b.2
- Percuntium** excæcatio unde 116.a.2
- Perfectio** omnium rerum in futuro seculo 519.a.1
- ad Perfectionis** statum quō tendendū 519.b.1
- Perfectum** esse 560.b.1
- Perfecti** qui Hebræis uocentur 56.b.1
- Perfidus** 199.b.1
- Permissionis** triplex genus 748.b.1. & 749.a.1
- Permittendi** uerbum quō diuinæ prouidentia tribuatur 748.b.1
- Perperam** agere quid 507.a.1
- Persecutionis** duo fines 528.b.1
- de Persecutoribus** Christi non desperandum 357.a.2
- Personæ** Christi prædicata 609.b.1
- Personæ** sermo accommodandus 576.b.1
- Personarum** fidiō prophetis solennis 724.a.1
- Personarum** respectus, malum 304.a.2
- Personarum** differentia etiam inter, sanctos seruanda 761.a.1
- Persuasio** propriæ sapientiæ fallax. 97.b.1
- Petendum** à Deo quomodo 187.b.1
- Petra** corporea cur spiritualis possit uocari 315.a.1
- Petra** corporea quō Christum significat 315.b.1
- Petrus, Iacobus & Iohannes** quandiu Hierosolymis manserint 624.a.1
- Petrus** ab apostolo cur reprehensus. 113.a.2
- Petri** uerba ad uxorem suam qualia. 272.b.1
- Petro** cur in faciem apostolus resistērit 556.b.1
- Petrum** uxorem suam ad mortem usque secum circumdixisse 273.a.1
- Pharisæorum** admonitio qualis. 216.b.2
- Pij** quō de cælo & terra esse dicatur 707.b.1
- Pij** quō animati 550.b.1
- Piorum** ingenium quale 187.a.1
- Piorum** & impiorum discrimen 719.b.1
- Piorum** officium 117.a.1
- Piorum** spiritus in hac uita quō resocillantur 775.a.1
- Pios** & impios incorruptibiles resurgere 694.b.1
- Pios**



# INDEX.

Pios terrestrem domum circumferre. 707.b.1	nes elatiores 354.b.2	fidei gloria 107.4.1
Pietatis plenitudo quibus artibus com- prehendatur 247.b.2	Princeps mundi cur Satan uocetur. 117.b.2	Pseudapostolus 343.b.2
Placentis cuiusmodi in Paschatis festo Iudei uisi 418.a.1	Principes Iudeorum quod Deum glo- ria cognouisse non dicatur 60.a.1	Pseudapostoli notæ ibidem
Plantans & rigans quomodo unum sint 86.a.1	Principes cur cœlestis sapientiæ igna- ri 59.b.1	Pseudapostoli quo loco habendi 346. b.2
Plorando modum excedere malum. 229.a.1	Probi 407.b.1	Pseudapostoli quomodo baptismo uis 28.b.1
Poculum benedictionis 339.b.1	Probatus 115.a.1	Pseudapostoli cur Paulum ad Corin- thios non reuersurum putarint. 127.b.1
Poculum eulogiæ 340.a.1	Proloqui 530.a.1	Pseudapostoli Corinthiorum quales. 52.a.1
Poculum domini cur nouum testamen- tum uocetur 422.b.1	Promittentis gloria unde pœdeat 51.b.2	Pseudapostoli ambulare Paulum secū- dum carnem iudicabant 298.a.2
Pocula lignea olim in ecclesia 339.a.1	Promissiones Dei ueraces 50.b.2	Pseudapostoli quod discipulos ad se ira- xerunt 281.a.1
Poculi domini qualitas ibid.	Promissiones Dei in Christo etiam & amen 49.b.2	Pseudapostolorum figura qualis 344. b.2
Pœnitentia in Papatu qualis 396.b.2	Propheta quis uocandus 578.a.1	Pseudapostolos quod detestabiles red- dat apostolus 346.a.2
Pœnitentia quid 227.b.2	Prophetae proprium 455.a.1	Pseudapostolis Corinthiorum quid mi- netur apostolus 111.a.1
Pœnitentiæ fructus 231.a.2	Prophetae antequam doceat, diuinum implorandum auxilium 584.a.1	Pseudecclesiasticorum hodie insania. 347.a.1
Polygamia 242.a.1	Prophetae Satanæ 584.b.1	Publicanorum uocatio quando phari- saica sanctimonie pudefacta 44. a.1
Pontifex Rom. cur se supremum in ter- ris Christi uicariū finxerit. 351.a.2	Prophetae ueri quid in uoto habeant. 585.a.1	Pudenda per se nō inhonesta 479.a.1
Pontifex Rom. quomodo caput eccle- siæ 380.a.1.463.b.1	Prophetae ueri qua nota probandi. 596.a.1	Puella ab immūdia liberata quod pec- cet 173.a.1
Pontifex Rom. quomodo se seruum ser- uorum uocet 332.b.2	Prophetae qui uocentur 486.b.1	Puerorum consuetudo 560.a.1
Pontificis dictum quale 585.a.1	Prophetae diuinæ uoluntatis interpre- tes 530.a.1	Pueritiæ imperfectæ animi dotes. 520. b.1
Pontificis dilectio qualis 782.b.1	Prophetae mortui quod uiuos consolentur 14.b.2	Puerilis ætas cur instituenda 521.b.1
Pontifices ab Apostolica modestia pro- cul 307.b.2	Propheta in Prophetam an habeat do- minium 585.a.1	Purgatori commentum unde 93.b.1
Pontifices anathematizandi procliui- tate laborare 779.b.1	Prophetiarum duplex in ecclesia usus 464.a.1	Purgatorio igni quæ peccata attribu- ta 94.a.1
Pontificiorum concubinitus 176.a.1	Prophetarum martyria clara 16.b.2	Pytho apud Corinthios culta 53.a.1
Potentia Dei quod prædicetur 30.a.2	Prophetarum scripta cur Apostolus uo- cet legem 562.a.1	R
Potentie destrutricis locus ubi 306.b.2	Prophetas cur Deus suo spiritu reddat qui prophetis subiunguntur 586.a.1	Raptus apostoli qualis 368.a.2
Potentiam liberum tyrannidem gigne- re 246.b.1	Propheta generalis 541.a.1	Rasum esse, turpe 386.a.1
Potum spirituale cur patres biberint 315.a.1	Propheta quibus exosa 568.a.1	Rationis humanæ in rebus diuinis cæ- citas 65.a.1
Potari in unum spiritum 472.a.1	Propheta quod credentibus competat. 572.a.1	Rationales homines cur dicantur 70. b.1
Præceptoris gloriatio 237.b.2	Prophetia præstantia 489.b.1	Reconciliatio nostra cum Deo qualis 181.b.2
Præceptorum Christi duo genera. 194.a.1	Prophetia duæ partes 583.b.1	Reconciliatio in Papatu qualis 184. b.2
Præcepti & consilij quale discrimen. 220.b.1	Prophetia falsarij qui 568.a.1	Reconciliatio ubi locū habeat 182.b.2
Præceptionum duplex genus 199.a.1	Prophetia donum quando inutile red- datur 577.a.1	Reconciliationis perfectio 182.b.2
Prædicatio Pauli de Christo non ina- nis 50.a.2	Prophetia administrandæ quis modus ibidem	Reconciliationis nostri ordo 183.a.2
Prædicatio bifariam inanis 632.a.1	Prophetia fructus 570.b.1	Reconciliationis opus per Christum quod Deo tribuatur 182.a.2
Prædicare seipsum sub Euangelij no- mine 121.b.2	Prophetia legitimæ quantus consen- sus 563.a.1	Regeneratos quos uocet apostolus. 471.b.1
Præcationibus timorem domini ali. 193.a.1	Prophetia requiri in ecclesia 557.a.1	Reginæ Sabæ uerba qualia 525.a.1
Præces fidelium cur Paulus commen- det 32.b.2	Prophetiam sine charitate posse haberi 498.b.1	Regnum cœlorum quomodo fermentum suum habeat 141.a.1
Præces auditorum succlamatione cur claudendæ 553.a.2	Prophetare ex parte 518.b.1	Regnum Christi absconditum ab oculis mundi 655.a.1. quale 663.a.1 & 65.b.1
Primitiæ frumenti 640.b.1	Propheticæ lucis operatio qualis. 568. b.1	Regnum Dei non in sermone 128.a.1
Primitiarum in lege usus 640.b.1	Prophetici muneris descriptio 535.b.1	Regni
Primogenitus 641.a.1	Prouocare dominum qui dicantur. 354.b.1	
Præputium quomodo accersi possit à circumciso 214.a.1	Prudentes uiros quod apostolus Corin- thios uocet 337.a.1	
Prærogatiua singularis reddit homi-	Prudentia in hoc seculo maior quam	



# INDEX

Regni uerbum duo completi 117.b.1  
ad Regni Dei possessionem quid requi-  
ratur 157.a.1  
ad Regni Dei perfectionem quid requi-  
ratur 665.a.1  
Regni Christi tempus quod hora uenissi-  
ma 329.b.1  
Regni Dei hereditatem qui non possi-  
debunt 157.a.1  
Regno Satanæ quid maxime aduer-  
sum 302.b.2  
Regno Dei priuatos quæ poena ma-  
neat 157.b.1  
in Regno Dei scientiæ finis 247.b.1  
Regnum Christus quod patri suo tradet  
651.b.1. & 652.a.1  
per Regnum Dei quid nonnulli intelli-  
gant 652.a.1  
ad Regnum Dei quod simus uocati 156.  
b.1  
Religionis inefficax separatio quibus  
competat 146.a.1  
Rememorationem domini quod Corin-  
thij celebrent 430.b.1  
Remissio peccatorum quandiu duratu-  
ra 168.b.2  
Reponere apud se 735.a.1  
Reprobi in ecclesia unde 408.b.1  
Reprobos non esse membra Christi.  
484.b.1  
Reprobos duplici nomine esse terrenos  
707.b.1  
Reprobos non salubriter credere. 608.  
a.1  
Repudiij libellus iudæis a Mose per-  
missus 185.b.1  
Resipiscentiæ principium 567.b.1  
Resipiscentiā reddere capaces gratiæ  
Dei 228.b.2  
sine Resipiscentiā & fide nemo re-  
conciliationis particeps 183.a.2  
sine Resipiscentiā neminem saluari.  
568.a.1  
Respectus duplex 331.a.1  
Resurrectio qualis futura 683.b.1  
Resurrectio fidelium cur in aduentum  
Christi secundum differatur. 648.  
b.1  
Resurrectio Christi primitiarū instar  
641.a.1  
Resurrectio Christi quibus manifestata  
613.b.1  
Resurrectionis mysterium cur Paulus  
Corinthijs patefecerit 713.a.1  
Resurrectionis impiorum cur Paulus  
non meminit 719.b.1  
Resurrectionis mortuorum duo gene-  
ra 684.a.1  
Resurrectionis Christi ubi mētī in scri-  
ptura 613.b.1  
Resurrectionis comprobatio unde pen-  
deat 613.b.1  
Resurrectionis articulo potentiam Dei

adiungi 163.a.1  
Resurrectionis Christi testes cur in mul-  
tos annos perdurarint 616.a.1  
Resurrectionem mortuorū quod pseudo-  
christiani negent 629.b.1  
Resurrectionem non esse, quid sequatur  
628.b.1  
Resurrectionem non esse quod Corinthij  
dixerint 628.b.1. 603.b.1  
a Resurrectione Christi quæ pendeat.  
631.b.1  
Resurgentium conditio qualis. 648.  
b.1  
Resurgere in potentia 697.a.1  
Res sacræ quomodo prophanari dicā-  
tur 96.b.1  
Reuelatio generalis 541.a.1  
ad Reuelandi facultatem quid requi-  
ratur 64.a.1  
Reus corporis & sanguinis domini.  
435.b.1  
Romæ quid hodie apostolorum inueni-  
atur 775.b.1  
Romani primatum sibi in ecclesia uen-  
dicare 594.b.1  
Romana ecclesia quos hærescos dānet  
588.a.1  
in Romana curia inuētiæ quotidiana  
361.b.2  
in Romana ecclesia quæ damnanda.  
320.b.2  
Romanus pontifex quod deprædetur ec-  
clesias 335.a.2  
Romanus pontifex quod etiam & non  
50.a.2  
Romanus pontifex quod sibi omnium  
ecclesiarum curā uindicet 361.b.2.  
Romani apostoli quod locupletarint  
multos 205.a.2  
Romani quos barbaros habeant 547.  
a.1  
Ruben incestus qualis 133.b.1  
S  
Sacerdos in lege, Dei nuncius 392.a.1  
sacerdotes cymbala inaniter tinnien-  
tia 496.a.1  
Sacerdotum uicius unde diuinitus con-  
stitutus 284.a.1  
Sacerdotum immundicia unde. 198.  
a.1  
Sacerdotum uaga libido 198.a.1  
Sacrificuli an etiam corpus dijudicent  
441.b.1  
Sacrificuli indocti 536.b.1  
Sacrificuli thema Augustæ quale 434.  
b.1  
Sacrifici carnales 348.a.1  
Sacrificium laudis Noui testamenti.  
143.a.2  
Sacrificium quod aut aliquid, aut nihil  
351.a.1  
Sacrificantes idolo, demonijs immola-  
re 351.b.1

Sacrorum censura unde ponderanda.  
348.a.1  
de Sacris rebus quod iudicandum 350.  
b.1  
Sacramenti una species unde laicis.  
426.b.1  
Sacramenti partem ecclesijs adimere,  
temerarium 429.a.1  
Sacramentum quod Augustinus descri-  
bat 204.a.1  
in Sacramentū Dei quod Corinthij pec-  
carent 437.a.1  
Sacramentū Dei iniuria afficere. 437.  
a.1  
Sacramento qui partem adimūt, sacri-  
legium committere 345.a.1  
de Sacramento ueteris paschatis quo-  
modo iudæorum filij instructi 421.  
a.1  
Sacramenta quomodo mysteria. 58.  
b.1  
Sacramenta nostra institutionē ad mū-  
di finem perseverantem cur habeant  
315.a.1  
Sacramenta duo populum israeliticū  
in deserto habuisse 315.a.1  
Sacramentorum abusus ad quam re-  
gulam corrigendi 414.b.1  
Sacramentorum duo genera 314.b.1  
in Sacramentis imaginem diuinæ gra-  
tiæ contemplandam proponi 523.  
a.1  
Sacramentalis communiatio oībus  
Christianis communis 344.a.1  
de Sacramentali sanctificatione quid  
sentiendum 217.b.2  
Salutatione cur in omnibus epistolis  
Paulus utatur 6.a.1  
de Salutandi ratione ubi author agat.  
6.a.1  
Salutandi officium, amicitiae symbolū  
775.b.1  
Salus quam resipiscentiā parit, quod cō-  
parata 229.b.2  
Salus credentium perfecta 606.b.1  
Salutis nostræ ratio quod comparata.  
29.b.2  
Salutis quod participes reddamur 611.  
a.1  
Salutis cardo in quo uertatur 611.a.1.  
Salutis per Euāgelij adeptio 606.a.1  
Salutis nostræ compendium 741.b.1  
Salutis maior cura quam cibi haben-  
da 161.a.1  
in Salutis ratione qualis stulticia re-  
quiratur 39.b.1  
ad Salutem quid requiratur 156.b.1  
Saluandi ratio nulla quā quæ sit per  
prædicationis stulticiam 39.b.1  
sancti quomodo colendi 770.a.1  
sancti mundū quod iudicabunt 150.b.1  
sancti quod a peccatis suspicione liberē  
291.b.2  
sancti



# INDEX.

- Sancti in discrimine constituti quomodo fallantur in seipsis 27.a.2  
 Sanctis Dei qui adfligunt quomodo Dei ministri 159.a.2  
 Sanctos præsentem uitam peregrinationis loco habere 162.b.2  
 Sanctos Papam non agnoscere 732.b.1  
 Sanctos mortuos unde quidam uanè collegerint pro nobis intercedere 516.b.1  
 Sanctorum patientia plena suspirijs. 156.b.2  
 Sanctorum collectam quomodo apostolus uocet 280.b.2  
 Sanctorum gloriam quæ promoueat. 52.b.1  
 Sanctorum uotum 156.b.2  
 Sanctorum exempla in omnibus imitari, stultum 188.b.1  
 Sanctorum uoluntas non eadem in omnibus 762.a.1  
 cum sanctis quæ egerit Deus quod referendum 2.a.2  
 Sanctum osculum 777.b.1  
 Sanctitatis diſtinctio quomodo intelligenda 202.b.1. & 203.a.1  
 Sanctificatio quid Chrysostomo 3.b.1  
 Sanctificati cur Corinthij ibid.  
 Sanguis Christi nouum testamentum. 423.a.1  
 Sanguinis sui sacramentum quomodo Christus instituerit 424.b.1  
 Sanguis Christianorum, semen 19.b.2  
 Sapientia mundi coram Deo stultitia 98.b.1  
 Sapientia Dei à quibus intelligatur. 70.a.1  
 Sapientia Dei in quibus sita 62.a.1  
 Sapientia huius sæculi 56.b.1  
 Sapientia Dei animali homini incognita 47.b.1. & 48.a.1  
 Sapientia Dei infinita 58.a.1  
 Sapientia duplex 461.a.1  
 Sapientiam Dei ab incredulis non intelligi 41.b.1  
 Sapientiam & scientiam sermone & factis exprimi 460.b.1  
 Sapientia & signum quærentes quomodo percant 41.b.1  
 Sapientiam Dei qui fastidiant 46.b.1  
 Sapientiam quomodo in Christo habeamus 47.a.1  
 Sapientiam Dei quid apostolus uocet 38.b.1  
 erga sapientiam diuinæ dispensationis qui irreuerentes 188.b.1  
 Sapientes huius mundi cur euangelium non intelligent 72.a.1  
 Sapientes mundi cur Deus uelit pudent fieri 44.b.1  
 Sapientum mundi confusio quando conspicua 44.a.1  
 Satan à Christo uictus 726.b.1  
 Satan sæculi huius Deus 117.a.2  
 Satan quomodo homini mortem intulerit 724.b.1  
 Satan cur princeps mundi dictus. 652.b.1. & 117.b.2  
 Satan quod ecclesiā occupet 72.b.2  
 Satan qua usus uersutia ad decipiendam Euam 325.b.2  
 Satan *παρωπὸς* cur dicatur 141.b.1  
 Satan quod ecclesiæ minister. 136.a.1  
 Satanas an sciat quæ sunt hominis 64.b.1  
 Satanæ operatio 201.a.1  
 Satanæ quod mundus seruiat 652.b.1  
 Satanæ astus admirabilis 236.b.1  
 Satanæ astutia in baptismatis symbolo 28.b.1  
 Satanæ tradi ad interitum carnis 135.a.1  
 Satanæ transfiguratio omnis generis errores in ecclesiā induxit 1345.b.2  
 Saul quomodo ecclesiæ persequutor. 620.a.1  
 Saulis peccatum 447.a.1  
 Saulis propheta 499.a.1  
 Sceleratus quod eijciendus 134.b.1  
 Schisma ecclesiæ 48.a.1 405.a.1  
 Schisma à hæresi quid differat 404.b.1  
 Schisma quod à nonnullis intelligatur 407.a.1  
 Scismatis ubi nullū periculū 147.a.1  
 Schismata cur oportuerit esse inter Corinthios 406.a.1  
 Schismata ubi nulla, ibi in melius conueniri 403.b.1  
 Schismatum ubi locus 16.b.1  
 Schismatum in ecclesia perniciēs 482.a.1  
 Schismatici qui 18.a.1 23.b.1 25.b.1  
 Scholæ triplices 401.b.1  
 Scientia qualis requiratur ab ijs qui traditam disciplinā seruā 377.a.1  
 Scientia quomodo inflet 246.a.1  
 Scientia à sapientia quomodo separatur 461.b.1. & 462.a.1  
 Scientiæ usus 244.b.1  
 Scientiæ opinionem hominem reddere inflatum 505.b.1  
 Scientiæ Dei abusus 247.b.1  
 Scientiæ rectæ usus 247.b.1  
 Scientiæ abolitio qualis 521.a.1  
 Scientiæ plenitudinē apostolos in hęc uita consecutos 524.b.1  
 Scientiam à sermone differre 11.b.1  
 Scientiam appetere omnibus agnatū. 245.b.1  
 in Scientia Dei quid potiss. obseruandum 67.b.1  
 Sciendi cupiditas unde 245.b.1  
 Scioli cur doctioribus plerunq. inflatiores 246.a.1  
 Scire quemadmodum oportet, quid 247.b.1.  
 Scire aliquid ex parte 518.b.1  
 Scripturæ sacræ usus 329.a.1  
 Scripturæ loca ab apostolis citata uigilanter exponenda 563.a.1  
 Scripturæ sacræ ignoratio unde 329.a.1  
 Scripturæ sacræ usus 330.a.1  
 Scripturarum de Christo testimonium quanti faciendum 611.b.1  
 Scripturarum ignorantia, mater omnium errorum 306.a.1  
 Scortatio quomodo detestanda reddatur 164.a.1  
 Scortatio in scorti coniunctione quid præstet 164.b.1  
 Scortatio peccatum corporis. 162.b.1  
 Scortatio ab alijs peccatis quomodo differat 170.a.2  
 Scortatio quātopere fugienda 159.b.1  
 Scortatio cur fugienda 165.a.1  
 Scortatio contra Deum quæ grauior 130.a.1  
 Scortatio carnalis idolatriæ socia. 322.a.1  
 Scortationis peccatum ibid.  
 Scortationis libido multis illecebris instructa 169.a.1  
 Scortatoris uaga libido damnabilis. 182.b.1  
 Scortationis peccatum quibus uitandum 177.a.1  
 Scortationis peccatum duas personas inuoluere 171.a.1  
 per Scortationis immunditiam amitti Dei gratiam 172.b.1  
 Scortationis uis quanta 165.b.1  
 Scortationem delicti socium exigere. 171.a.1  
 per Scortationē membra Christi mutari in membra scorti 165.b.1  
 ad Scortationem promouendam Satanæ astus mirabilis 198.a.1  
 à Scortatione abstinere quid 170.a.1  
 Scortator quod Satanæ traditus 135.b.1. & 136.a.1  
 Scortator cur è consortio ecclesiastico eijciendus 138.a.1  
 Scortatorem & scortum quod unū corpus esse dicat apostolus 166.a.1  
 Scortatorem in proprium peccare corpus 168.b.1. & 173.a.1  
 Scortatores huius mundi 143.a.1  
 Schwenckfeldiani 429.b.1. & 430.a.1  
 Secretorum duo genera 574.b.1  
 Sectariorum ingenium 512.a.1  
 Secubitus quando fiat 178.b.1  
 Sæculi huius filij quid spectent 147.b.2  
 Sæculi futuri quæ cognitio 525.a.1  
 Sæculi uox quod usurpetur 117.b.2  
 Sæculorum principia 329.b.1  
 Sæculorum terminos quomodo apostolus in-



# INDEX.

- lus incidisse dicat 329.b.1  
 Sedendi cōsuetudo in ecclesiā 579.b.1  
 Sedētes quos uocet apostolus 579.b.1  
 Seditionem satanam in primo Euange-  
 licā lucis exortu cōcitare 197.b.2  
 Seditiosum esse, infame 197.a.2  
 Sen su perfectus quis dicatur 561.b.1  
 Sententiarum diuersitas unde 95.b.1  
 Separatio domestica incredulis unde  
 oriatur 207.b.1  
 Sepultura corporū seminatio 692.a.1  
 Sepultura Christi usus 612.a.1  
 Sermo crucis quibus stultitia 115.b.2  
 Sermo non intellectus, inanis 532.a.1  
 Sermonis facultas, Dei donū 461.a.1  
 Sermonis usus qualis in futuro seculo.  
 517.b.1  
 Sermones Pauli de Christo ueraces.  
 50.b.2  
 Sermones persuatorij 53.a.1  
 Seruus domini qualis esse debeat 295  
 a.2  
 Seruorum ingenium quale 216.b.1  
 Seruitus quæ fugienda 217.b.1  
 Seruitutem carnalem non impedire à  
 libertate spiritus 217.b.1  
 Seruilem subiectionem quomodo quæ-  
 rant Pontifices 377.b.1  
 Sexus masculinus quomodo fœminicū  
 excellat 379.b.1  
 Sexus cuiusq; πᾶσι 382.b.1  
 Signi dictio in scripturis quomodo su-  
 matur 363.b.1  
 Signa quō quærenda 41.b.1  
 Signa Christi quo uocabulo expriman-  
 tur 463.b.1  
 Signa quærere an illicitum 41.b.1  
 Signorum conditio 347.a.1  
 Signorum & linguarum eadem ratio  
 564.a.1  
 Simonis Magi spiritus quō à Petro co-  
 gnitus 464.b.1  
 Simplicitas erga Christum quō corrū-  
 patur 324.b.2  
 Simulacrum Dei quō duplici nomine  
 nihil 350.b.1  
 Simulacrum in mundo nullum quō in-  
 telligendum 249.b.1  
 Simulacrum Deo ponere non licere.  
 250.a.1  
 in Simulacro Deum non coli 350.b.1  
 Simulacra gentium cur non deorū si-  
 mulacra 250.a.1  
 Simulacrorū cultus prohibitus 244.  
 a.1  
 Simulacrorum uanitas 349.b.1  
 Siricij papæ nugamenta 179.a.1  
 Sol quō Dei imaginem exprimat 120.  
 a.2  
 Solitudinem paternam non esse sine  
 metu 391.b.2  
 Sosthenes cur à Græcis percussus 2.a.  
 b.1  
 Spectaculi diuisione quid intelligendum  
 119.a.1  
 Speculorū duo genera in usu 522.b.1  
 Spes mater conatum 21.a.2  
 Spes mobilis 31.b.2  
 Spes incerta uigilantis hominis som-  
 nium 747.b.1  
 Spes firma 515.a.1  
 Spes fixæ duo fundamenta 32.a.2  
 Spei duo genera 747.b.1  
 Spem fixam fidelibus competere. 32.  
 a.2  
 Spiritus quomodo uiuificet 93.a.2  
 Spem domini spiritus sanctus 105.a.2  
 Spiritus & iusticiæ administrationi  
 quomodo tribuatur manendi perse-  
 uerantia 99.b.2  
 Spiritus fidei in uerbis & factis Da-  
 uidis spectandus 138.b.2  
 Spiritus sanctus quos deserat 135.b.1  
 Spiritus Dei 452.b.1  
 Spiritus fidei 138.a.2  
 Spiritus quō seruetur in diem domini  
 136.b.1  
 Spiritus Pauli assidua fatigatio. 74.  
 a.2  
 Spiritus sanctus arræ loco pijs dari.  
 53.b.2  
 Spiritus mundi 66.b.1  
 Spiritus prophetarum prophetis subij-  
 ci 584.b.1  
 Spiritus Helix 54.a.1  
 Spiritus qui participes fiant 93.a.2  
 Spiritus Dei cur arboris gustum ueue-  
 rit 245.b.1  
 Spiritus mundi amans contentionis.  
 586.a.1  
 Spiritus satanæ qualis 459.b.1  
 Spiritus discernere 464.a.1  
 Spiritus Dei qualis 459.b.1  
 Spiritus hominis quō Dei spiritus fiat  
 168.a.1  
 Spiritus per carnis interitum quō ser-  
 uetur in diem domini 136.a.1  
 Spiritus quō saluetur 135.b.1  
 Spiritus sanctus quō misteria loquatur  
 533.b.1  
 Spiritus reuelatio libera 580.a.1  
 Spiritus arrabo 159.a.2  
 Spiritus generale opus 452.b.1  
 Spiritus Dei argumentum in homine  
 454.a.1  
 Spiritus diuersitas in carnali & spiri-  
 tuali homine 144.b.2  
 Spiritus Dei scientia quō limitata. 67.  
 b.1  
 Spiritus Dei officia 67.b.1  
 Spiritus Dei scientia qualis 67.a.1  
 per spiritus demonstrationem quæ in-  
 telligenda 54.a.1  
 Spiritus demonstratio 53.b.1  
 Spiritus sui præsentiam cur Corinthijs  
 Paulus inculcet 134.b.1  
 templū spiritus sancti quō aliquis fiat  
 172.b.1  
 de spiritus sancti diuinitate quæ nam  
 Petrus Martyr collegerit 466.a.1  
 Spiritus dona sine fide non saluare 12.  
 b.1  
 Spiritus dona quō dispensentur. 465.  
 b.1  
 Spiritus manifestatio quō unicuiq; de-  
 tur 460.b.1  
 Spiritus dictio uarie à Paulo sumi 533.  
 b.1. & 534.a.1  
 Spiritum uiuificantem cur loco uitæ  
 apostolus posuerit 97.a.2  
 Spiritum in corpore non obdormire  
 442.b.1  
 Spiritum quæ inquinant 26.b.2  
 per spiritum interdum animum intel-  
 ligi 66.b.1  
 Spiritum Dei omnia scire 64.b.1  
 Spiritum quid uocet apostolus 53.b.1  
 Spiritum sæpe sumi pro numinis as-  
 flatu 534.b.1  
 Spiritu quō apostolus apud Corinthi-  
 os agat 133.a.1  
 Spiritu Dei imbuti 68.b.1  
 Spiritus cœlestes quō angeli 392.a.1  
 Spirituū probatio necessaria 453.b.1  
 Spiritus malos condemnationi obno-  
 xios 151.a.1  
 Spiritualis homo 449.b.1  
 Spiritualis quō omnia diiudicet 74.  
 b.1  
 Spiritualis quō à nemine iudicetur.  
 74.b.1  
 Spirituales qui uocentur 78.a.1  
 Spiritualis natiuitatis gradus ibid.  
 Spiritualem hominem à nemine posse  
 diiudicari 74.a.1  
 Spiritualem esse rationis iudicio com-  
 prehendi non posse ibid.  
 Spiritualem hominem quæ reddant.  
 13.b.1  
 Spiritualia quare corpora nostra fu-  
 tura 698.a.1  
 per spiritualia quid intelligendum.  
 69.a.1  
 Spiritualia spiritualib. cōparare quid  
 Chrysostomo 69.b.1  
 Spiritualiter aliquid fieri 73.a.1  
 Spiritualiter diiudicare 73.b.1  
 Spiritualiter res cognoscere 73.a.1  
 Sponso tardante dormire 679.b.1  
 Standi securitas periculosa 330.b.1  
 Stare in fide 764.b.1  
 Statio hyberna apud Corinthios qua-  
 lis fuerit apostoli 744.b.1  
 Stephane familiam cur Achaia pri-  
 mitias uocet 766.a.1  
 Stipendium quod militibus datur, cur  
 opsonium uocetur 276.b.1  
 Stomachi infirmi indicium 117.a.1  
 Storgia paterna 69.a.2  
 Stultum



# INDEX.

- Stultum aliquem fieri in hoc seculo bi-  
fariam dici 98.a.1  
Stultum quid rationi 38.b.1  
Stulti quinam ueri Christiani 98.b.1  
Stultitia prædicationis 38.b.1  
Stuprum quale apud Corinthios 129.  
a.1  
Sufficientiæ modus in peccatoribus  
quò metiendus 68.a.2  
Superbia Antichristi qualis 352.b.2  
Superbi in hoc mundo cur ueritati Dei  
aduersentur 302.b.2  
Subscriptionem cur mox initio ponat  
Apostolus 1.b.2  
Stultæ prædicationis consilium quan-  
do Deus inierit 40.a.1  
Suadela quantæ uirtutis apud ueteres  
fuerit 53.a.1  
Suadela humanæ sapientiæ quid tri-  
buat apostolus 54.b.1  
ad Sublimiora aspirare, unde sit 474  
b.1  
Superinduendi uerbo quò utatur apo-  
stolus 157.a.2  
Subsidiorum duo genera 743.a.1  
Sympathia fidelium in ecclesia Chri-  
sti qualis esse debeat 72.b.2  
vñ particulæ uis 135.a.1  
Synccritas 38.b.2  
per Synonymen quando aliquid rectè  
fieri dicatur 185.b.1  
Syro sermone cur apostolus usus 185.  
a.1
- T
- Tabernaculi & domus quale discrim-  
men 151.b.2  
Tabernaculi uoce cur utatur aposto-  
lus 151.b.2  
Tabernaculi inhabitatio quid adumi-  
brarit 212.a.2  
Tamest nihil sum, bifariam accipi.  
380.b.2  
Tellus quæ frustra semen recipere di-  
catur 607.b.1  
Temeritatem quam cobibeat aposto-  
lus 111.a.1  
Templum Dei quomodo prophanetur  
97.a.1  
Templum Dei fideles 211.b.2  
Templum Dei ædificium augustissi-  
mum 96.a.1  
Templū spiritus sancti corpora nostra.  
171.b.1  
Templi Dei prophanatores cur gra-  
ue supplicium maneat 97.a.1  
Templi Dei definitio 96.b.1  
Templi uocabulum numinis præsen-  
tiam significare 96.b.1  
Templi domini ædificationis quæ or-  
gana 573.b.1  
Templi domini ædificatores 573.b.1  
Templo quomodo habitatio Dei assi-  
gnetur 172.a.1
- Templa quò diuisa 552.b.1  
inter Templa falsorum deorum & ue-  
ri Dei templum quale discrimen.  
211.a.2  
Tempus beneplacitum 193.a.2  
Tempus beneplaciti ac diē salutis a-  
piē coniungi 193.b.2  
Tempus præsens, fidei, spei, dilectio-  
nisq; 527.a.1  
Tempus contractum cur dicatur 227.  
a.1  
Temporaria quæ uocet apostolus 148  
b.2  
per Tenebras quid intelligendum 123  
a.2  
Tentatio deserti locus 325.a.1  
Tentatio Dei, & murmur contra il-  
lius seruos 326.a.1  
Tentatio quibus rebus grauetur 334.  
b.1  
per Tentationem humanam quid in-  
telligendum 332.b.1  
Tentationem ad fidei exercitiū profi-  
cere 334.b.1  
Tentationum uaria genera 408.a.1  
Tentationum modus certus 335.a.1  
Tentare Christum 324.a.1  
in Tentando satan quomodo inuenitur.  
183.a.1  
Terra quomodo frustra semen recipe-  
re dicatur 191.b.2  
Terræ promissæ introitus nō omnibus  
Israëlitis concessus 308.b.1  
Terreni qui 707.b.1  
τῶν τοῦ κόσμου mandatorum quæ complēta-  
tur 215.b.1  
Tertianæ 387.b.1  
Testamentum in sacris literis quomo-  
do accipiatur 423.a.1  
Testamentum quomodo in sanguine.  
424.a.1  
Testamenti definitio 423.a.1  
Testamēti duplex dispensatio 423.a.1  
Testamentum condere, testatoris esse.  
425.b.1  
Testimonium Dei annunciare 48.b.1.  
49.a.1  
Testimonium falsum contra Deū qua-  
druplex 634.b.1  
Testimonium Christi quid 11.b.1  
Testimonium Christi bifariam confir-  
matum 12.a.1  
Testimonio Dei an coram Corinthijs  
opus habuerit Paulus 56.b.2  
Τῆς βασιλείας τοῦ Θεοῦ καὶ τῆς ἐκκλησίας  
quomodo  
pro τῆς βασιλείας τοῦ Θεοῦ καὶ τῆς ἐκκλησίας  
irrepserit 323.b.1  
Thebanos inter Græcos tibiarum artifu-  
cio excelluisse 543.b.1  
Thesaurum Euangelij cur Deus testa-  
ceis uasculis committere uoluerit.  
128.b.2  
Thesaurum principis sui Christi quan-  
ta fide apostolus seruauit 131.b.2  
Thesaurizare qui propriè dicatur.  
735.a.1  
Thessalonicensium laus 595.a.1  
Thomæ incredulitas 564.a.1  
Tibia ὑψιπύκνῃ cur 543.b.1  
Tibiarum uariæ species apud ueteres  
543.a.1  
Timendus qui merito 218.a.2  
Timotheus cur ad Corinthios missus.  
759.a.1  
Timotheus quò opus domini cum Pau-  
lo operatus 757.b.1  
Timotheus quò à Paulo instructus.  
536.b.1  
Timotheus frater à Paulo uocatus.  
2.b.2  
Timotheus quò à Paulo commendetur  
125.b.1  
Timotheus quando Corinthijs missus.  
755.a.1  
Timotheus cur à Paulo Corinthum  
missus 44.a.2  
Timotheum cur Paulus securè uelit a-  
gere Corinthi 757.a.1  
Timotheum cur Paulus circumciderit  
294.b.1. & 214.b.1  
Titus cur ad Corinthios missus 389.  
b.2  
Titi aduentus cur gratus Paulo 235.  
b.2  
Titi animus candidus 239.a.2  
Traditiones cur reijciendæ 375.b.1  
in Traditionibus quæ obseruanda ibid.  
Transfigurare se 344.a.2  
per Transfigurationem quæ apostolus  
in se transfulerit 112.b.1  
Tribulationum uaria consolatio 9.a.2  
Tribulati unde magnam capiant con-  
solationem 10.a.2  
corā Tribunali quare nos omnes ma-  
nifestari oporteat 167.a.2  
Triburiense concilium in auro ecclesia-  
rum decus constituisse 339.a.1  
in Tribulationibus constituti quò nos  
psos consolemur 334.b.1  
Tristitia secundum Deum quibus com-  
petat 230.b.2  
Tristitia filij huius seculi 231.a.2  
Tristitia pij hominis ibidem  
Tristitia duplex 228.b.2  
Tristitia amicorum grauis 63.b.2  
Tristitiæ secundum Deum quatuor spe-  
cies 229.b.2  
Tristitium rerum multa genera 63.b.2  
Tubæ clangor in extremo die qualis.  
718.b.1  
inter Tubam bellicam & celestē quid  
inter sit 719.a.1  
Tubarum uariæ species 544.b.1  
Turpitudō 593.a.1
- V
- Vacationis diuisionem quò Erasmus re-  
ferendam



# INDEX.

ferendam censeat 181.4.1  
 Vanum quo magis multiplicatur, eo  
 uanius 558.b.1  
 Velamen capitis mulieris quid uocet  
 apostolus 391.4.1  
 Velle prius quam facere 257.4.2  
 Ventris usus 161.4.1  
 Ventris in glauem fomenta scortatio-  
 ni præstare 158.b.1  
 Ventris membrum quomodo abolen-  
 dum 162.4.1  
 Verbum quod caro factum 402.b.2  
 Verbum Dei qualis lux 523.4.1  
 Verbum domini qui inutiliter admini-  
 strant 307.4.2  
 Verbum reconciliationis prædicare.  
 185.4.2  
 Verbi incarnatio 397.4.1  
 Verbi Dei dolosa tractatio quibus com-  
 petat 112.b.2  
 Verbi Dei scopus potissimus qui 583.  
 4.1  
 ex Verbis & factis quisque proditur.  
 310.4.2  
 Veritas operis quomodo iudicanda.  
 8.b.2  
 Veritatis regula quæ nobis esse de-  
 beat 415.4.1  
 Veritatis Dei lucem qui ferre non pos-  
 sint 302.4.2  
 Veritatis Deus testis certissimus 57.4.2  
 Veritatem Dei qui debonestet 101.4.2  
 per Veritatem Dei quod liberati simus  
 è regno Satanæ 303.4.2  
 pro Veritate contendere laudabile 397  
 4.1  
 Versutia 141.b.1  
 Vescendum cur quibuslibet 363.4.1  
 Veteris testamenti scripturæ quod le-  
 gendæ 318.4.1  
 Veteris testamenti ultimum pascha.  
 419.4.1  
 Veteris test. scripturam cur iudæi non  
 intelligant 103.b.2  
 Veteris & noui testamenti discrimen.  
 89.b.2  
 Veteris testamenti confirmatio in qua  
 re sita 419.b.1

Veteris & noui testamenti agnus.  
 420.4.1  
 Vetera quod præterisse dicat apostolus  
 178.b.2. & 180.b.2  
 Victimarum esus ad quos spectarit.  
 348.b.1  
 Victoria Christianorum 76.4.2  
 Victoria quomodo nobis à Deo data.  
 726.4.1  
 Vidua quæ ab ecclesiâ alenda 177.  
 4.1  
 Vigiliarum in ecclesiâ usus unde natus  
 198.4.2  
 Vini usus adolescenti uitandus 193.  
 b.1  
 Virgini cur ignominiosum aliquando  
 ultra nubendi tempus domi detine-  
 ri 237.b.1  
 Virginitas cur non præcepta 224.4.1  
 Vir cur non obuelet caput suum 387  
 b.1  
 Vir infidelis quomodo in legitima cõ-  
 iuge sanctificetur 203.4.1  
 Viri officium 765.4.1  
 Viri præstantia mulieris commodis  
 destinata 379.b.1  
 Viri prærogatiua qualis 388.4.1  
 Viri mispat cuiusmodi 382.b.1  
 Viro ueraci quid competat 310.4.2  
 Viro quid faciendum si uxor separata  
 nolit reconciliari 197.b.1  
 Virtutem suam in carnem Deus quod  
 operetur 129.4.2  
 Virtutes quo sine extollantur 528.b.1  
 Virtutum ac uitiorum exempla quo-  
 modo inuitent 318.4.1  
 Visio spiritalis cum adiuncta reuelatio-  
 ne 366.b.2  
 Vita nostra quomodo institui debeat.  
 766.b.1  
 Vita temporaria cur ægrè deponatur  
 154.4.2  
 Vita Iesu quid 135.4.2  
 Vita præsens quomodo cum futura cõ-  
 feratur 520.b.1  
 Vitam Christianam paucos uiuere un-  
 de sit 174.b.2  
 Vitia quod castiganda 113.4.1

Viuificandi omnes quod per Christum.  
 644.b.1  
 Viuificatiõis opus quod apostolus Chri-  
 sto tribuat 141.4.2  
 Viuere sibi ipsi 174.b.2  
 Viuere Christo 175.b.2  
 Viuorum in resurrectione corpora  
 qualia 157.4.2  
 per Vnctionis metaphoram quid intel-  
 ligendum 53.4.2  
 Vnitas Dei & Christi 381.4.1  
 Vnitas mentis quæ à fidelibus requi-  
 ratur 19.4.1  
 Vnitas fidei 19.b.1  
 Vnitas ecclesiæ quid Papistis ibidem  
 ad Vnitatem fratrum conseruandam  
 quæ utilia 512.b.1  
 Vniuersales uoces ultra causæ termi-  
 nos non extendendæ 537.b.1  
 Vocatio duplex 211.4.1  
 Vocatio humilium quomodo pudorem  
 mundi sapientiæ attulerit 43.b.1  
 Vocatio Christi qualis 212.4.1. 211.b.1  
 Vocatus ut quisque est à domino, sic ma-  
 neat 210.b.1  
 Vocatus in Christi cruce, inuenire sa-  
 pientiam 41.b.1  
 Voluntas Dei perpetua 248.4.2  
 Voluntas Dei homini pio loco summæ  
 bonitatis 475.b.1  
 Voluntas pro factio quod à Deo recipia-  
 tur 258.4.2  
 Voluntatis Dei cognitio 65.b.1  
 Voluntatis humanæ certitudinem du-  
 plicem habere considerationem.  
 743.b.1  
 Voluntatem Dei esse, ut illi fidamus.  
 29.4.2  
 Vxor quando libera à lege mariti.  
 206.4.1  
 Vxor infidelis 199.b.1  
 Vxoris conuiuius quomodo purus.  
 203.b.1  
 Vxori placere an peccatum 233.b.1  
 Vxorem habere quid sit apostolo 228  
 4.1. & 174.b.1

FINIS.



# PRAEFATIO DE ARGVMEN

## TO EPISTOLAE.



Ecclesiam Corinthiorum Paulus tanto fructu ac studio plantauerat, ut potissimā Apostolatus sui gloriam in illis haberet, illosq; sibi precipue uendicaret dicens: Etsi alijs non sum, uobis tamen sum Apostolus. Apud hos egerat annum & menses sex, quod diuina esset uisione admonitus, in ea ciuitate magnum esse eorum numerum, qui ad dominum esset accessuri, qua de re in Actis cap. 18. legere licet. Seditio uero per obstinatos & improbos Iudæos aduersus ipsum mota, ubi fratres in doctrina & fide Christi confirmasset, discessit. Post discessum uero ipsius, circumuenti à pseudapostolis à sincera pietatis conuersatione, in sectas & uaria uicia defecerāt. Itaque ut ad institutum illos reuocaret, & emendaret, hanc epistolam ad eos admodū argumentosam scripsit, ut quidam uolunt, ex Epheso quemadmodum habet & Græca præfatio, & ea quoq; quæ Hieronymo datur. Vel, ut alij sentiunt nempe Græcorum codices, è Philippis per Timotheum, Stephanam, Fortunatum, & Achaicum. Erant autem, quæ in Corinthijs hac epistola corrigenda putauit, nec modica, nec minuta, sed multa uaria & haud dissimulanda uicia, adeo ut mirum sit, quomodo ecclesia à tam insigni Apostolo, tam diligenter ac prolixè instituta, tot potuerit modis tam breui absentie ipsius spacio labefactari & corrūpi. Sed uideamus ex ordine singula.

1. Primum contentione, dissidijs & sectis tanquam carnales & nimium inflati laborabant, ita ut in diuersas partes diuisi, quasi capita quædam sectarū erexerint, à quibus pendebant, & quibus nominatenus quoq; accenseri uolebant, utpote quasi à Paulo pendentes quidam dicerent, ego sum Pauli, alij à Cepha, ego sum Cepha, alij ab Apollo, ego sum Apollo, ita scilicet à pseudapostolis pendebant in partes misere scissi, ac de illis quicq; gloriabantur, à quibus erant uel baptizati, uel aliàs dementati, perinde ac si non essent satis perfectam doctrinam ab Apostolo suo consequuti. Huc plurimum faciebat opum abundantia, morum corruptio, & ingeniorū curiositas, deinde & philosophiæ studium quod in ea urbe, ut Chrysostomus annorat, multi essent oratores & philosophi. Vrbs erat magna, opulenta & celebris. Quare & mores illic sicuti fieri solet, corruptiores erant & incolatum illius amplectebantur cupide oratores, sapientes ac philosophi, uerbis splendidis magis, quam factis pijs & honestis studentes, quorum uerbis & hypocrisis fiebat, ut integritas ecclesiæ rumperetur. Duæ namq; magnæ sunt ecclesiarum pestes philosophi & pseudapostoli. Isti pesti occurrit primo loco, & merito. Est enim omnium exitiosissima. Hoc facit capite 1. 2. 3. & 4.

2. Deinde, quoniam opulentiam plerūq; sequitur delicate uitæ mollities, maxime in scortationis impuritate, usu ueniebat, ut Corinthij etiam Christiani facti ueterē & consuetam immundiciem retinerent, ita ut talis scortatio, qualis apud ipsos erat, ne inter gētes quidem audiretur. Qua in re uidemus quàm sit facilius externas religionis formas mutare, quàm consuetas uitæ corruptelas abijcere. Id mali corrigit capite quinto & sexto.

3. Tertio, ut fieri solet inter eos, qui opibus colligendis student, uigebāt inter Corinthios Christianos lites iudiciariæ, idq; sub impijs, & à Christo alienis iudicijs, ad opprobrium Christianæ religionis, dum alius alij fraudem faciebat, & quisque ius suum persequebatur, nec erat, qui iniuriam à fratre illatam patienter ferendam esse cogitaret. Hoc emendat cap. 6. Et utinam id mali sic emendatum esset ab Apostolo semel, ut postea non esset in ecclesias postliminio reductum.

4. Quarto, & hoc agebat Satan, ut publicam legitimi coniugij honestatem labefactando religionem Christi Gentibus & Iudæis etiam hoc nomine odiosam ac detestabilem redderet. Sic induxit quosdam è numero credentium, qui religionis & continentiae prætextu uxores suas, pertæsi forsan, relinquerent, quasi, maxime in impari coniugio, illicitum esset Christiano cohabitare uxori ac liberis. Et hac de

re ui-



re uidentur Corinthiorum quidam Paulo scripsisse. Instruit igitur & hic illos, docens matrimonia non esse conuellenda, ne imparia quidem, nisi nolit cohabitare infidelis fidei. Et consulit quidem de uirginitate amplectenda, sed id ea cautione, ne quem laqueum simplicioribus iniiciat. Hanc causam tractat cap. 7. idque non sine singulari consilio spiritus sancti magna diligentia ac fusa. Erat enim ea correctio non modo Corinthiorum tum temporis ecclesiae necessaria, sed & omnibus ceteris in posterum contra Satanæ studia admodum utilis futura.

5 Quinto. Quoniam Christiani inter Gētes incredulos & idololatrias sub impijs magistratibus habitabant, & templa celebria adhuc erant in usu & potestate idololatrarum, quibus moris erat mactare pecudes dijs suis, coraque illorum imaginibus in ipsis templis conuiuari, usu ueniebat, ut ad gentium impia conuiuia uocarentur & Christiani partim per ignorantiam, quod nondum quod Christiani essent, cognosceretur, partim dolo, ut quales essent probarentur, uel etiam à Christianismo reuocarētur. Hic qui de libertate Christiana gloriabantur, & quacunque ratione ne offenderent, gratificari studebant amicis, & forsitan, ut & crucem declinarent, iungebant se templarijs Gentium conuiujs, prætētes eorum nihil esse, idolis immolare esse bonas Dei creaturas, & res externas, quæ neminem interne polluant, esse ad uescendum liberas, atque hoc præposterò libertatis usu grauiter offendeabant infirmiores, fidemque suam & conscientias maculabant, & interim infideles in errore confirmabant. Hos reuocat ad saniora cap. 8. 9. 10.

6 Sexto. Pro more Mercurialium delicatiorum, in quo erant & nati & educati, & cui in templis eorum assueuerant, uiri comas nutrebant. & rectis capitibus in ecclesia precabantur, mulieres uero nudis capitibus in ecclesia comparabant, quod & naturæ & decoro sexus reclamabat. Hoc arguit cap. 11. Hieronymus in prologo secundi libri Commentariorum quos in epistolam ad Galatas scripsit hæc usque adeo non esse Apostolica correctione emendata scribit, ut ad suam usque ætatem in ecclesijs Achaiae durauerint.

7 Septimo. Quoniam non modo abiecta philadelphia, dissidebant animis interne, sed & externe scissi erant in sectas, ne in ipsa quidem dominica cœna concordiam seruabant, sed quasi ad carnale quoddam epulum & sæculare conuiuium collecti, alius inebriabatur, alius esuriebat, & qui ditiores erant, seorsum suas cœnas contempta ecclesia Christi præsumebant, atque ita efficiebant, ut nihil ipsi de cœna domini nisi solum nomen restaret, & conuentus ecclesiastici non in melius sed in deterius abirent. Istam dominicæ cœnæ corruptionem per authoritatem ac declarationem institutionis Christi corrigit, adiectis minis contra eos qui de hoc pane manducabant & de calice domini bibebant indigne. Id facit cap. 11. magno serio, pro magnitudine mali, exprobrando, redarguendo, exponendo, comminando & hortando. Antiqua plane est ista dominicæ cœnæ prophanatio, quæ non ab Apostolo tantum, sed & multis pijs patribus repræhensa, nunquam emendari sustinuit, sed perpetuo in peius abiens tandem supremas obtinuit, & omnem correctionis spem exclusit.

8 Octauo Propter charismata quedam peculiaria, maxime linguarum, plerique in ecclesia Corinthiorum ad contemptum reliquorum insolescebant, & conuentus ecclesiasticos confundebant, ac inutiles plane reddebant, alienis linguis psallentes, & prophetantes. Contra hunc abusum declarat rationem & usum donorum spiritus, potissimum linguarum, & per occasionem ad potiora charismata, uidelicet fidem, spem & charitatem hortatur. Hoc facit cap. 12. 13. 14. Hoc loco uehementer mirandum est, quid sibi uoluerint Romani, quod linguam suam Germanis in religione obtruserunt, cum nihil in ea esset, nec hodie sit eius charismatis, quo tempore apostolorum plerique per miraculum alijs atque alijs sunt linguis usi. Nunquam hoc in animum suum inducere potuissent, sitant opere doctrinæ Apostolicæ acquieuisent quantopere apostolici uideri uolunt.

9 Nono. Et hoc licentiæ accesserat, ut fieri solet, ubi omnia pro quorumuis libidine in ecclesia turbantur, ut mulieres conuentibus ecclesiasticis unâ cum uiris ex æquo publicæ doctrinæ functionem usurparet, contra status & conditionis muliebris subiectio-



## A R G V M E N T O   E P I S T O L A E .

nem ac decorum. Ab eo illas reuocat cap. 14. Accidebat hoc exuberantia spiritus, de qua prædictum erat, prophetabunt filiae uestrae. Nos cogitemus quanto serio humanarum adinventionum luxuries restringenda sit, quando ubertas spiritus, si exorbitet, Apostolica diligentia refrenetur.

10 Postremo, quoniam philosophiae studio quidam ex illis addicti erant, coeperant & resurrectionem corporum negare. Tales fructus gignit humanae sapientiae acumen. Resurrectionem mortuorum paucissimi ex sapientibus huius mundi credunt. Nam eam ratio humana comprehendere nequit, quae philosophiae quasi quidam fons est, contra istos asserit fidem resurrectionis, eamque potissimum ex morte & resurrectione Christi affirmat, & quomodo futura sit describit. Hoc agit capite 15. Argumentis utitur multis & praequantibus, tanquam in causa, sine qua omnis nostra fides, & uniuersa Christi dispensatio, prorsus inutilis sit oportet.

Haec sunt uicia Corinthiorum, quae necessario corrigenda ueniebant. Ea plenius adhuc sic recenseri possunt,

- 1 Contentiones & schismata inter se habebant.
- 2 Carnales carnaliter sapiebant.
- 3 Temere iudicabant ante tempus.
- 4 Alius contra alium inflabatur.
- 5 Scortationem habebant, qualem nec gentes admittebant.
- 6 Peccatum illud nec corripiebant nec deplorabant.
- 7 Iudicijs coram incredulis certabant.
- 8 Iniurijs alius alium laedebat.
- 9 Eidolothyta edendo infirmos offendeabant.
- 10 Mulieres non uelatae Ecclesiam intrabant.
- 11 Schismata etiam in cenam dominicam inferebant, seipsi non probabant, corpus Domini non diiudicabant, alius ebrius erat, alius esuriebat, inuicem non expectabant.
- 12 Donis spiritus abutebantur.
- 13 Linguis operam dantes, charitatem negligebant.
- 14 Mulieres in ecclesia docere praesumeabant.
- 15 Ordinem prophetandi in Ecclesia confundebant.
- 16 Resurrectionem mortuorum nonnulli negabant.
- 17 Ignorantiam Dei quidam habebant. Et ultra haec omnia uocat eos Ecclesiam

Dei, & uocatos sanctos. Quid uocarent hodie tale Ecclesiam Anabaptistae?

Ultimo capite de collectis in usus sanctorum faciendis quaedam commemorat, & praeterea Timotheum illis, Stephanam, Fortunatum & Achaicum comendat, ac pro exemplaribus, quos imitentur, proponit, atque ita suo more salutandi adiecto officio Epistolam claudit.

Nemo debet igitur exigere, ut certus quidam scopus ac status huius Epistolae tradatur, cum in ea Apostolus de rebus tam uarijs differat.

Nobis tamen ex istis quae paucis perstrinxi, obseruandum est, quam cito status Ecclesiae, etiam ab Apostolo institutae, corrumpatur, ut cauti simus, nec credamus illis, qui hodie asserunt, Ecclesiam errare non posse.

Ordo Epistolarum.

Quod autem haec Epistola ei quae ad Romanos est, ordine subiicitur, non ideo factum est a ueteribus, quod tempore quoque illam subsequatur, cum eam magis tempore praecedat. Nam ea quae ad Romanos est, nullas alias praecedit, nisi eas quas ex uinculis Romae scripsit, ut sunt, ad Philippenses, ad Timotheum, ad Ebraeos, ut Chrysostomus sentit, & ad Philemonem. Praeposita autem est reliquis Epistola ad Romanos, quod in ea potissimum totius Christianae fidei scopus aliquanto dexterior ac diligentius traditus est.

Haec paucis praefari libuit, quo lector statim initio Epistolae huius argumentum sic in compendio habeat, ut simul potiora illius membra singulatim & ex ordine intelligat. Sic enim praemonitus certiore poterit inter legendum retinere cursum, &



PRAEFATIO DE ARGVMENTO EPISTOLAE.

sum, & quæ legerit, non modo intelligere facilius, sed & ex præmonstrata dispositione memoriae certius & minori negotio commendare.

Est hæc Epistola omnium accommodatissima Ecclesijs uel schismate uel malis moribus, uel ritibus adulterinis corruptis. Quare nostra hac ætate diligenter est ac sedulo uersanda, illis præsertim, quorum est ex officio curam gerere Ecclesiarum, & quæ in illis corrigenda ueniunt, corrigere. Verum prohi dolor tam abest hodie, ut sic animati sint Ecclesiarum præsides, ut nemo magis prolapsæ religionis reformationem auerfetur & impediat, cuius necessitatem plerique illorum ne agnoscere quidem sustinent, partim ne hæcenus errasse uideantur, partim ne non ritus tantum tam fœde corruptos, sed & seipsos cum primis emendare, & in ordinem redire cogantur. Quare orandus est Dominus, ut ipse gregis sui quem sanguine suo redemit, curam gerat, & pastores largiatur sinceros ac fideles, quibus maior sit cura præstandi officij, quàm uel proprii nominis uel quæstus.

PRAEFATIONIS DE ARGVMENTO  
EPISTOLAE, FINIS.



TRATTATO DI ARGUMENTO

Il primo punto che si deve considerare è quello della natura dell'argomento. Si può dire che l'argomento è una specie di discorso che ha per oggetto un certo fatto o un certo oggetto. Ma non è tutto. L'argomento è anche un discorso che ha per oggetto un certo fatto o un certo oggetto, e che ha per scopo di persuadere o di convincere. In altre parole, l'argomento è un discorso che ha per oggetto un certo fatto o un certo oggetto, e che ha per scopo di persuadere o di convincere. In altre parole, l'argomento è un discorso che ha per oggetto un certo fatto o un certo oggetto, e che ha per scopo di persuadere o di convincere.

TRATTATO DI ARGUMENTO

LIBRO PRIMO





# COMMENTARII

VVOLF GANGI MVSCVLI DVSA-

NI, IN PRIOREM EPISTOLAM PAV-  
LI AD CORINTHIOS.

## ARGVMENTVM CAP.



**H**OC capite Apostolus post salutatio-  
nis officium primū Corinthios, quos  
erat propter sectarum studium ob-  
iurgaturus, per encomiū gratiæ Dei  
quam in Christo acceperant, cōmen-  
dat, quam se tanti facere dicit, ut perpetuas illius nomi-  
ne Deo gratias agat. Deinde illos per obsecrationem  
& nominis Domini Iesu Christi obtestationem ad stu-  
dium concordie hortatur. Tertio, cur huius admo-  
neat, per narrationem subiungit quomodo audierit se-  
ctas inter ipsos esse, ad quarum studium amoliendum,  
contra supercilia humanæ sapientiæ & falsæ sanctimo-  
niæ, extollit Euangelicæ doctrinæ & uocationis sim-  
plicitatē, per quam Deus & credentes seruare, & pru-  
dentes, potentes, ac nobiles huius mundi pudeface-  
re uoluerit.

## CAPVT PRIMVM.

Subscriptio.



Inscriptio.

Salutatio.

¶ VOCATVS.

**P**AVLVS uocatus A-  
postolus Iesu Christi  
& Sosthenes frater,  
Ecclesiæ Dei, quæ est  
Corinthis, sanctifica-  
tis per Christum Ie-  
sum, uocatis sanctis, unā cum omnibus,  
qui inuocant nomen Domini nostri Iesu  
Christi, in quouis loco, uel suo uel no-  
stro. Gratia uobis & pax à Deo patre no-  
stro, & Domino Iesu Christo.

**VOCATVS** Apostolus.] Nō idem est, atq;  
nominatus uel dictus Apostolus, uel qui uo-  
cor Apostolus, sed uocatus ad munus Apo-  
stolici, ut & Eras. Rom. i. uertit. Neq; enim quid  
nominetur, quisue dicatur apud homines, ad-  
modum commendat, sed ad quam functionē  
à Deo uocatus sit, nusquam nō inculcat. Nam  
hoc plurimum ad autoritatē doctrinæ Euan-  
gelicæ faciebat, non ultro cucurrisse, sed à Deo  
uocatum & missum esse. De pseudoprophetis  
traditur, quod neq; uocati, neq; missi cucurre-  
rint, adeoque ex Deo non prophetauerint. Ut  
itaq; persuadeat doctrinam suam esse ex Deo,  
mox initio epistolæ contra pseudapostolos cō-  
mendat Apostolatus sui uocationem.

**PER** uoluntatem Dei.] Hoc ferē in omni-  
bus epistolis inculcat. Et merito. Neque enim

**A** ab hominibus uel per homines, sed per Iesum  
Christum magno miraculo cœlitus uocatus e-  
rat, unde de uoluntate Dei certus erat factus.  
Tam enim aberat, ut hanc dignitatem ambi-  
ret ut magis totam hanc religionem conatus  
sit pro uiribus subuertere. Hac de re uidere est  
Act. 9. ubi sic legimus. Saulus autem adhuc mi-  
nas accēdes spirans in discipulos Domini, ac-  
cessit ad principem sacerdotum, & petijt ab  
eo epistolas in Damascum ad synagogas, ut si  
quos inuenisset huius uiaē uiros ac mulieres,  
uinctos perduceret in Hierusalē. Et cum iter  
faceret, contigit ut appropinquaret Damasco.  
Et subito circumfulsit eum lux de cœlo. Et ca-  
dens in terram, audiuit uocem dicentem sibi:  
Saul Saul, quid me persequeris? Hec ibi, un-  
de satis apparet, in eo ipsum magis fuisse, ut fi-  
dem in Christum euerteret, quam ut Aposto-  
latum illius ambiret.

**ET** Sosthenes frater.] De illo legim⁹ Act.  
18. quomodo apud proconsulem Achaia Gal-  
lionem, facto tumultu Corinthis à Græcis  
percutus, cū esset princeps synagogæ. Quam-  
obrem uero percutus sit à Græcis, à Luca non  
memoratur, unde & diuersa hic est opinio, qui  
busdam putantibus hoc factum esse in gratiā  
Pauli, eò quod aduersum hunc pro Iudæis fe-  
cerit, cuius sententiæ est Chrysostomus, ex eo  
forsan motus, quod seditio memoratur à Iu-  
dæis contra Paulum mota, & quod ille fuerit  
synagogæ princeps: alijs uero arbitrantibus il-  
lum percutum esse ut Christianū, & qui Pauli  
partes iuuerit, adeoque seditioni causam dede-  
rit. Et qui id sentiunt, mouentur ex eo, quod  
Apostolo in hac epistola in subscriptione iun-  
ctus est, id quod uerosimilius est. Apparet au-  
tem illum fuisse uirum pium & cordatum, &  
qui pro nomine Christi suis relictis & bonis  
& domesticis Apostolum sit fideliter ac con-  
stanter in prædicatione Euangelij comitatus.  
Non est autem præter rationem, quod hunc si-  
bi initio huius epistolæ coniungit. Reuocat e-  
nim in memoriā illis qui erant ex circumci-  
sione fideles, quid hic uir, olim princeps Iudæi-  
cæ synagogæ, à sua gente fuerit propter Do-  
minum percutus, & proponit illius ipsis exē-  
plum, quo & ipsi in fide Christi constanter ac  
fideliter perseuerent. Et uide modestiam Apo-  
stoli. Quamuis conuerterit hunc Sosthenē ad  
Dominum, haud tamen uocat eum discipulū,  
sed fratrem, longe diuersus à pseudapostolis,  
qui toti in eo erant, ut discipulos post se trahe-  
rent. Agnoscebat quidem hic Sosthenes Pau-  
lum pro suo doctore & Apostolo, eamque ob  
causam



causam illum comitabatur, uerum Paulus illū non habet pro discipulo, sed pro fratre.

*Ambr.* 4 ECCLESIAE Dei, q̄ est Corinthi.] Hæc est epigraphē. Nō scribit quibusdā separatim, sed communiter toti ecclesiæ. Nam pertinebant ad omnes ex æquo, de quibus scribebat. Qui delinquebāt, erant corrigendi, qui adhuc sani erant, in ea erant integritate quam retinebant, confirmādi. Ideo communiter omnibus eius ecclesię fidelibus epistolam hāc inscribit. Non agit seorsum cum schismaticis, sed horū morbum in totius ecclesię conscientia curandum esse censet. Pulchre autem ab inscriptione statim sese accommodat ad causam quam initio epistolę tractaturus erat, ecclesiam illos uocans, idque Dei, duplici nomine ad concordiam hortans. Nam ipsum ecclesiæ nomen, unitatem et concordiam includit, sectis repugnans, & quod ecclesiam Dei illos uocat contra id quasi antidoton est, quod alius, ego sum Pauli, alius, ego sum Cephæ, &c. dicebat, cum nullius essent hominis ecclesia sed Dei.

5 SANCTIFICATIS per Christū Iesum, uocatis sanctis.] 1 Exponit hac periphrasi, quoniam p̄ ecclesiā Dei intelligat. Erat Corinthi synagoga Iudæorū, quemadmodum Act. 18. patet. Illi se ut populum Dei, ita & ecclesiam esse Dei gloriabantur. Quare ne synagogæ Iudaicę scribere putetur mox atque scripsit: ecclesiæ Dei, quæ est Corinthi, ad differentiam illius Christianæ ecclesiæ specificationem subiecit dicēs, sanctificatis per Christum Iesum uocatis sanctis. In quibus uerbis expressit, quid sit ecclesia Dei. Multitudo uidelicet sanctificatorum per Christum Iesum, ac uocatorum sanctorū. De hac non est ut in præsentī dicamus. Erit de illa ex professo in locis nostris dicendum. Ad idem autem propositum cōtra sectarios facit, quod sanctificationis per Christum & uocationis ad sanctimoniam meminit. Per sanctificationem Chrysostomus intelligit baptismi lauacrum, in quo per Christum sanctificamur, hoc est à mūdo prophano in fidem ac cultum Dei segregamur. Et quoniam ea sanctificatio, & ad sanctimoniam uocatio nō fit in nomine ministri alicuius uel docentis uel baptizantis, sed in nomine Christi, ideo commodum contra sectarum studia sanctificatos illos & uocatos sanctos uocat in Christo Iesu, ut est in Græco. Hac ratione & infra dicit, Gratias ago Deo meo, quod neminē uestrum baptizauī, nisi Crispum & Gaium, ne quis dicat quod in nomine meo baptizatus sit.

*Augustinus.* 2 Pulchre autem commendat gratiam Dei quod nō simpliciter illos sanctos uocat, quod soli Deo competit, sed sanctificatos, & uocatos sanctos, id est, ad sanctimoniam & gratiā Dei uocatos. Nam hic non prædicatur meritum fidelium, sed magis gratia Dei in Christo. Est enim uocatum sanctum, uel sanctificatum esse, non uirtutis nostræ sed gratiæ diuinæ titulus & professio. Hac de re Augustinus super illud Psal. 86. Custodi animam meam, quoniam

A sanctus sum, sic scribit. Et hæc quidem fuistis, inquit Apostolus, sed abluti estis, sed sanctificati estis. Si ergo eos sanctificatos dicit, dicat unusquisque fidelium, sanctus sum. Non est ista superbia elati, sed confessio non ingrati. Si enim dixeris te sanctū esse ex te, superbus es. Rursus fidelis in Christo & membrum Christi si te non dixeris esse sanctum, ingratus es. Dic Deo tuo, sanct⁹ sum, quia sanctificasti me, quia accepi, non quia habui, quia tu dedisti, non quia merui. Etenim ex alio latere incipis iniuriam facere ipsi domino nostro Iesu Christo. Si enim Christiani omnes & fideles & baptizati in illo ipsum induerunt sicut Apostolus dicit: Quotquot in Christū baptizati estis, Christum induistis, si membra facti sunt corporis eius, & dicunt se sanctos non esse, capiti ipsi faciunt iniuriam, cuius membra sancta nō sunt. Iam uide ubi sis, & de capite tuo dignitatem cape. Ergo dicat unusquisq; Christianus, imò dicat totum corpus Christi, clamet ubiq; patiens tribulationes, diuersas tentationes & scandala innumerabilia: Custodi animā meā quoniam sanctus sum. Hæc ille. Non est igitur sanctificatum esse idem quod iustum ac sine peccato esse.

3 Notandum ergo ecclesiam tam misere corruptam & scissam, adhuc ab Apostolo uocari ecclesiā Dei, sanctificatos & uocatos sanctos, ut & Christus Act. 18. dixit: Ne timeas, &c. quoniam populus est mihi multus in hac ciuitate. Licet admodū esset ea ecclesia corrupta, erant tamen adhuc in illa synceri ac probati fideles, quorum gratia hic illi titulus competebar.

6 VNA cum omnibus, qui inuocāt nomē domini nostri Iesu Christi in quouis loco, & ipso rum & nostro.] 1 Non est hoc ita intelligēdū, quasi diuidat inuocatores nominis Christi à sanctificatis & uocatis sanctis. Sunt enim planē iidem. Verum hoc agit. Ostendit unum esse corpus omnium sanctificatorum in Christo, ubicunq; locorum sint, quod & ipsum fortiter contra sectarū studium pugnat, per quod fit ut etiam unius loci Christiani à se inuicem scindantur ac dissideant, cum corpus Christi, quamuis multis locis dispersum, sit unitum.

2 Illud. QVI inuocant nomē domini nostri Iesu Christi.] Diligenter notandum est. Nam aperte tribuit Apostolus Christo diuinitatē, ubi illi dat inuocationem. Omnino nanq; nō licet inuocare nisi uerum & unicū Deum. Poterat aliud proferre elogium Christianorum, uerum hoc uoluit ueros ac synceros Christianos ueræ ecclesiæ membra exprimere. Hac se nota probent hodie, qui inuocationem diuorum docent. Quare admonemur hic, qua in recensenda sit Christi ecclesia nempe in inuocatione nominis domini. Quid autem sit inuocare nomen domini, in Rom. cap. 10. declaratum est. Plane adulterinū est quod hic in commentarijs Hieronymo adscriptis legitur ad hūc modum: Proprie sacerdotum est inuocare dominū, quibus dicit: Sic benedicite filijs Israël, inuo-



inuocantes nomen meum super illos. Ignorabat Apostolus hoc genus sacerdotum in ecclesia Christi. Simpliciter scripsit ecclesiae Corinthiorum & unā cum illa fidelibus omnibus, qui sincera fide nomen Christi inuocant.

IPSORVMQVE & nostro.] In Græco ita posita est hæc particula, ut uel ad dominum Iesum, uel ad locū pertinere possit. Chrysostomus uidetur ad dominum referre, quasi admoneat Apostolus communem esse fideliū omnium dominum Christum, ubicunque illi locorum constituti sint. Nam sic scribit: ἀναγνώσασθαι κατὰ τὸ νόμα ἡμῶν. καὶ αὐτῶν καὶ πάντων τῶν ἐκκλησιῶν τῶν ἐν τῇ ἑσπέρῃ καὶ ἐν τῇ ἡμέρᾳ καὶ ἐν τῇ νύκτι καὶ ἐν παντί, καὶ ἐν ᾧ ὁ κύριος καὶ ἡμεῖς καὶ πάντες. Ex ista lectionis ordinatione, conspicuum est, Chrysostomum uerba hæc ita intelligere, ut Christus dicatur, communis omnium credentium & inuocantium se dominus, ubicūq; illi sint. Proinde quod dicit, qui inuocant nomen domini nostri Iesu Christi, in omni loco, & ipsorum & nostro, ita legendum est, qui est in omni loco, & ipsorum & noster dominus. Quidam tamen legunt in genitiuo, ipsorum & nostri.

Prouocat ergo Corinthios hac particula suo exemplo ad affectum mutuae & catholice charitatis ac concordie, non solum erga & inter seipsos, sed simul omnes ubique locorum Christianos, quos colendos & diligendos in Christo uel hoc nomine admonet, quod nomen domini Iesu Christi inuocant.

Hieronymus sic exponit: In omni loco, ipsorum & nostro. Quia sacerdotes & suo & apostolorum loco funguntur, propter quod etiam ecclesiarum apostoli nuncupantur. Sic exponit, quoniam præmissa ad sacerdotes pertinere iudicat. Et quoniam uacillat, addit. Itē aliter: Vniuersis ecclesijs provinciae Achaiae ostendit se has literas mittere. Et hanc sententiam Lyranus sequutus sic exponit: Cum omnibus qui inuocant nomen domini, &c. quantum ad fideles habitantes, non solum in ciuitate, sed etiam in tota diocesi. Ideo subditur: In omni loco ipsorum, id est, subiecto iurisdictioni episcopi, & aliorum ecclesiae illius ministrorum. Et nostro. Per hoc enim quod subiiciebantur episcopo ciuitatis, nō erant exempti à potestate Apostoli. Hæc ille. Expositio hæc non conuenit statui illius ecclesiae, qui tū erat, cum hæc Apostolus scriberet, quare nec menti Apostoli conuenit. Et ualde dubito commentarios illos esse Hieronymi, qui illi inscribuntur.

Ambrosius exponit ad hūc modum. Cum Iudæis ueris iungit & gentes, quia salus ex Iudæis est. Vt in omni loco ubi gentes quæ inuocant nomen domini nostri Iesu Christi, & ubi Iudæi suprā memorati sunt, similiter sint omnes unum. Neq; hæc expositio placet. Si Chrysostomi non probatur, puto simpliciter sic esse intelligendum: Vnā cum omnibus qui inuocant nomen domini nostri Iesu Christi, nec re-

A fert quo illi loco hoc faciant, ac tales existāt, siue apud nos in hac prouincia, siue alibi, ubicunque agant.

7 GRATIA uobis & pax à Deo patre nostro, & domino Iesu Christo.] 1. Hæc est salutatio initio epistolæ pro more præmissa. De ratione salutandi amicos & fratres alibi diximus, utpote in cōmentarijs nostris super Mattheum cap. 5, & 10. Ponit autem salutationem uere piam & Apostolicam, quā optarim tam esse mētibus nostris uera fide & charitate per spiritum Dei insitam, quā chartis est nota et familiaris. Vsurpat hanc omnibus ferē epistolis, nec frustra. Nō enim potest quicquam uel salubrius, uel suauius, aut certe necessariū magis excogitari, quā est hæc gratia & pax à Deo patre nostro, &c. De hac salutatione quædam annotauimus in epistolā ad Romanos, ubi eadem habetur. Competenter optat illis gratiam & pacem, non iræ, sed gratiæ ac pacis minister, idq; à Deo patre & domino Iesu Christo, cuius erat minister & Apostolus, & cuius nomine ad ipsos scribebat. Sic cordis affectu spirat & apprecatur fidelibus, quod ex officio Apostolatus prædicabat. Non solum optat salutando, sed & prædicat annunciando.

2 Gratiam quidam exponunt, condonationem admissorum. Pacem uero quietē ac gaudium conscientiae. Illi uidentur respicere ad id quod gratia potitum solemus dicere eum, qui cum reus esset libere dimissus, nec punitus est ut iure debuisset. Sed hic sensus non est proprius huius dictionis. Nam hæc significatio magis exprimit declarationem & effectū gratiæ, quā ipsam gratiam, quæ est fauor animi benigni ac beneuoli erga aliquem, unde, ubi opus fuerit, prouenit illa delictorum condonatio. Non semper ergo gratia peccatorum remissionem significat, peccatorum uero remissio semper gratia uocari potest. Beata uirgo dum ab angelo salutaretur, uocabatur *κεχαριτωμένη*, ubi non statim exponendum est, quod propter peccatorum condonationē sit dicta gratiosa. Quemadmodum & eleemosyna, id est, misericordia, aliquando quidem id quod ex misericordia impenditur misero significat, sed non proprie. Nam ita non effectū, sed magis affectum animi alienæ miseriæ condolentis significat. Ita & pax Ebræis est quando salua sunt omnia. Sic Ioseph ad fratres suos dicebat, *שלום אביכם*. Est ne pax patri uostro? Quoniam uero conscientiae pax non est, nisi ex fide gratiæ Dei, recte pax gratiæ subiungitur, & pro conscientiae pacatione ponitur. Quanquam haudquaquam negarim Apostolum etiam Ebræo more per pacē externi quoque status tranquillitatem intelligere. Hieronymus uidetur illam intelligere de cōcordia ecclesiastica. Sic enim hoc loco annotat. Pax gratiam seruat, quā quidam habere nolebant, intelligens de schismaticis, qui pacem ecclesie rumpentes gratiam etiam Dei, quantū in ipsis erat, excludebant. Lyranus ad hunc modum.

ἀσπασμῶ.  
Salutatio.

Gen. 43.



Gratia uobis, in praesenti, & pax, id est, gloria in futuro, in qua pax perficitur. Nos cogitemus dum pax gratiae subiungitur, non posse ueram contingere pacem nisi ex gratia Dei.

3 A Deo patre &c.] Id est ueram & sempiternam uobis gratiam & pacem opto. Multa sunt etiam temporaria bona à Deo, communiter omnibus concessa. Verum hic de illis specialiter loquitur, quæ fidelibus Christi & uera ac sempiterna proueniunt, cum dicit: à Deo patre nostro, & domino Iesu Christo. Vide quomodo Christum, & qua in re Deo patri coniungat ac dominum nostrum uocet.

*εὐχαριστοῦμαι.* Gratias ago Deo meo semper pro uobis, super gratia Dei quæ data est uobis per Christum Iesum.

Hoc est exordium, affectum Apostolici petitoris exprimens, ad insinuandam simul & captandam beneuolentiam accommodatum. Nam tam suam Apostolus erga Corinthios beneuolentiam insinuat, quam illorum, ut attenti sint, caprat. Rhetorum quidem hic mos est, sed non omnibus est Apostoli affectus. Illi ex ostentatione humanæ scientiæ, in qua sunt instituti, & de qua gloriantur, animos auditorum titillare conantur, Apostolus uero magis querit quomodo profit, quam quomodo placeat. Itaque licet & ipse utatur commodis subinde exordij, quibus sibi beneuolentiam auditorum conciliet, non huius tamen duntaxat gratia hoc facit, licet etiam hoc querat, sed ut per id illis possit prodesse, & doctrinam suam acceptiorem reddere. Et hoc tum potissimum facit, quando eos quibus scribit aliqua in re castigaturus est, ut hac est epistola facturus, ne per subsequenter correptionem exacerbati animos erga admonentem obturent. Sic solent parentes liberos correpturi, sic & qui pueros in scholis prudenter instituunt. Plurimum momenti habet ad erigendum animos etiam eorum, qui delinquere cœperunt, si quid in se laudari adhuc & alicuius fieri senserint. Nisi enim hoc fiat facili momento ad desperationem adiguntur, sic ut nunquam in uiam redire cogitent.

2 Habet autem exordium hoc duo quæ ad conciliandam beneuolentiam potissimum faciunt. 1. Primum est, quod ostendit quo sit erga illos charitatis præditus affectu. Hoc facit in eo quod dicit: Gratias ago Deo meo pro uobis semper. Qui gratias agit, pro re hoc facit si bi chara ac desiderata. Pro Corinthijs hoc facit Apostolus. Erga erant sibi chari ac desiderati. Nec facit hoc cum discrimine aliquo, sed in genere. Non dicit, pro ijs qui adhuc sani inter uos sunt, sed simpliciter, pro uobis. Non excludit eos quos erat correpturus, sed communi hac mitigatione animos eorum ad emendationem prouocat.

Auxesis est charitatis, quod dicit, semper. Aliquando memor esse amicorum, potest & modica quædam dilectio, semper uero, uehe-

mentis sit amoris oportet. Quoties ad Deum orabat, illique ecclesias Christi commendabat, simul gratias illi agebat de singulari in eas gratia collata. Sic memor erat Romanorum, & hic Corinthiorum, & aliarum ecclesiarum indefinenter.

2 Alterum est, quod non nihil eos commendabiles reddit propter gratiam Dei, quam acceperant per Iesum Christum, quam declarat non solum per continuam erga Deum gratiarum actionem, sed & subiectam amplificationem, præclaram fuisse. Nec putet quisquam nihil habere commendationis hanc partem exordij, quæ concernat Corinthios, propterea quod non ipsorum commendat uirtutes, sed diuinam gratiam. In hoc seculo quidem uerum est, encomia non ab alienis, sed proprijs esse uirtutibus sumenda, in regno Christi uero maximum est encomium, & plurima commendatio, diuina gratia & beneuolentia potiri. Et beatam uirginem angelus non ab ipsius proprijs uirtutibus, sed à diuina gratia commendat, dum gratiosam uocat, id est, diuinam gratiam adeptam. Quid enim charius nobis esse debet gratia & fauore Dei? Cur nobis non essent commendati, qui beneuolentia diuinæ gratiæ potiuntur, quos Deus ipse amplectitur & charos habet? Quamquam & in aulis principum reperiatur forsitan hoc usuuenire, ut aulicis reliquis, duntaxat probis, commendatiores quidam hoc nomine sint, quod principi præ alijs sint chari.

Ita debet comparatum esse & inter fratres, ut reliquis sit commendatior qui parentibus est gravior. Sed hoc rarissime inuenias. Notum est exemplum fratrum Ioseph. Illorum odij ob id ipsum erat expositus Ioseph, quod à patre plus ipsis haberetur in pretio ac singulari ueste ornaretur. Vide Gen. 37.

3 Illud, Deo meo,] Quod & Ro. 1. posuit, quo quod & aliorum commune est suum facit, *τοῦ θεοῦ πατρὸς* indicium habet, uox enim est eorum qui singulari quadam familiaritate & fiducia erga Deum tenentur. Vnde crebra est in Psalmis, & plerumque erumpit ubi ardenti & pleno cordis affectu Dei fit mentio, ut maxime solet in tentationibus & anxijis precationibus fieri.

Nec ulla iniuria afficiuntur reliqui pii, quasi non & ipsorum sit Deus, cum eadem charitate, fiducia & familiaritate & illis uti liceat, fratribus suis nihil præscribit, nec fiduciam quæ filiorum est, erga patrem illis aufert, qui communem patrem, suum uocat patrem. Non est autem hac loquutione usus Apostolus præter rationem. Erat enim singularis Dei minister, & hunc inter gentes prædicabat quæ ad id usque temporis alienæ fuerant à uero Deo. Potebat adijcere, cui seruo, & quem uobis prædicaui, sicut in Rom. cap. 1. dixit: Testis est mihi Deus, cui seruo in spiritu meo. Perinde est ac si legatus regis dicat, gratias ago regi meo semper pro uobis, pro singulari gratia quam in uos contulit, &c.



OBSER. I.

4 Quod gratiarum actionem ad Deum premit, Corinthios docet suo exemplo, ut nunquam obliuiscantur gratiæ acceptæ, sed perpetuo illius memores grati sint. Est enim gratitudo cōseruatio acceptorum beneficiorum, & conciliatio futurorum.

Docet autem nos ut non solum eorum gratia quæ nobis, sed & quæ alijs à Deo dantur, gratias illi agamus. Verum hic animus opus habet uiuo ac iugi sensu beneficiorū Dei, tam quæ alijs, q̄ quæ nobis ab illo impenduntur,

II.

5 Quanquam in omnibus quoq; alijs epistolis, demptis Galat. 1. Tim. & ea quæ est ad Titum, ad cōmendationem gratiæ Dei animi sui gratitudinem uel laudando uel gratias agendo, mox initio declarat, ad Corinthios tamen hoc maiore necessitate facit, ut & Chrysost. annotauit. Sentiebat enim gratiam Dei quam illi per suum ministerium acceperant in Christo, à pseudapostolis eleuari, quasi in Christo non satis fuerint imbuti, quemadmodum solent, qui selectas aliquas & nouas reuelationes pollicentur, ut presentem Dei gratiā contemptam reddant, & ex animis fidelium auferant spe & expectatione longe sublimiorum. Hac potissimum ratione gratiam Dei quam acceperant per suum ministerium, illis commendatam reddere cupiens, incipit à gratiarū actione, imò ostendit se continuo illius nomine Deo gratias agere, tantum non confundēs eos, quod eius tam cito sustinuerint obliuisci.

Hoc & hodie inculcandum est ijs qui per Euangelium Christi ab erroribus liberati, ueritatis cognitionem acceperunt. Videmus enim gratiam hanc Dei tam multifariam, quam Germaniæ nostræ ecclesijs præ cæteris concessit, à maiori parte eorū qui illius facti sunt participes, susque deque fieri, indeque illis accidere, quod alij in sectas abduci se sinunt, alij ad Babylonem, unde fuerant liberati, redeunt, alij uarijs uitijs uitam suam conspurcant, quorum nihil facerent, si gratiam Dei agnoscerēt, & de amplitudine illius cogitarent, quod facile possent, si memores essent Babylonice captiuitatis, seruitutis, cæcitat, tyrannidis, & impietatis, unde beneficio Euangelicæ sunt ueritatis præter spem omnem sola bonitate diuinæ gratiæ erepti. Omnino nostris hodie accidit per acceptæ gratiæ cōtemptum, quod Corinthijs accidisse uidemus, quos alio in loco Apostolus eā ob causam monet, ut uideant ne gratiam Dei in uanum acceperint.

Quæ data est uobis per Christum Iesum. Et Chrysost. illud *ἡ χάρις τοῦ κυρίου*, idem est atque per Christum Iesum. Quamuis non displicet, quod nonnullis magis placet ut quemadmodū in Græco est, legamus, in Christo Iesu. Neque enim per Christum tantum, sed & in illo, hoc est, illi insiti, donis gratiæ Dei ditamur & instructi reddimur. Generalius erat, quod dixit,

A super gratia Dei. Nam quicquid boni uispiam est ex gratia & bonitate Dei est, etiam apud eos qui in Christo non sunt.

Ex gratia Dei est uiuere, hominem esse, sanum esse, opulentum esse, sapientem esse, &c. Bonitate nanque domini plena est terra. Et qui huius generis gratia Dei potiuntur, debent & ipsi illam agnoscere & grati esse. De hac uero non loquitur Apostolus hoc loco. Ideo per subiectam expositionem declarat de qua loquatur, cum dicit, quæ data est uobis per Christum, uel in Christo. Hoc est, quam in Christum credentes adepti estis. Licet & diuites fuerint & mundana sapientia præditi, nihil tamen horum commemorat, ea tantum cōmendans quæ in Christo acceperāt per fidem. Et merito hoc facit. Quid enim sunt reliqua omnia huic gratiæ comparata?

Chrysostomus hanc particulam sic exponit, ut tantum respiciat ad hoc, quod per Christum gratiam Dei non per aliquem hominem acceperint Corinthij, quod in seuerum est, & pulchre quoque ad propositum facit, ut admonentur Corinthij, ne adhæreant pseudapostolis, sed Christo & illius Euangelio. Mihi uero uidetur Apostolus magis exponere gratiā Dei quæ illa sit, cuius nomine Deo semper gratias agat.

B Quod in omnibus ditati estis per ipsum, in omni sermone & cognitione, quemadmodum testimonium Iesu Christi cōfirmatum est in uobis, adeo ut non destituamini ullo dono, expectantes reuelationem domini nostri Iesu Christi.

Exponit quod dixit, de gratia Dei quæ data est uobis in Christo Iesu. Facit autē hoc non simpliciter, sed cum illius amplificatione, per quam & gratiam in Christo acceptam amplificat, & simul Apostolatus sui efficaciam contra pseudapostolos commendat, idque duplici argumento.

1 Primum à sufficientia & plenitudine, tali ac tanta, ut nihil possit in illa desyderari. Hoc quidem clanculum hic facit per amplificationem acceptæ in Christo gratiæ, in posteriore uero cap. 12. apertius sic dicit: Nulla in re inferior fui summis apostolis, tamen nihil sum. Signa quidem apostoli peracta fuerunt inter uos cum omni patiētia, & signis & prodigijs & potentibus factis. Nam quid est in quo fueritis inferiores cæteris ecclesijs. Quod si malum prima hac & moderata fuisset admonitione emendatum, haud opus fuisset ea quæ hic uno & altero uerbo attigit, & moderate intelligenda cogitandaq; proposuit, in ea quā posteriorem ad ipsos scripsit pluribus & apertioribus uerbis inculcare. Quia in re & modestiam apostolicam, & simul irremissum studium corrigendi mali uidemus.

2 Alterum est à constantia & perennitate ad finem usque duratura. Pertinet enim & illa ad perfectionem doni. Primus defectus est, non

Amplificatio est gratia Christi.



esse acceptum donum plenum & sufficiens, alter, non esse constans ac perpetuum. Licet enim perfectum sit in se donum, omnibusque suis numeris absolutum, ei tamen perfectum non est qui illo suapte socordia non ad finem usque constanter utitur. Sed de hoc altero defectu in sequentibus. 2 QVOD in omnibus.] *ὑπὸ παντί*. Hoc est, in quavis re. Germanismus est. Nam ita solemus nos Germani dicere, *in allem*.

Amplificat autem acceptam iam gratiae plenitudinem in duobus. Primum in eo quod quantum ad Christi cognitionem & gratiam pertinet, nullo dono spiritus destituti sint. Huc pertinet quod dicit, in omnibus, & mox, adeo ut non destituamini ullo dono. Quod sane non est ultra mentem Apostoli & statum praesentis causae diuexandum, & ad omnia spiritus sancti dona in uniuersum rapiendum. Neque enim staret hoc uerbum, si eo sensu acciperetur.

Deinde in eo quod accepta dona abundantia & copiosa sint, quod non solum omnia spiritus dona acceperint sed singula copiose ac opulente acceperint. Ad id facit, quod dicit,

DITATI estis.] Diuitiarum enim dictio copiam rerum ac thesauros exprimit. Sic alibi thesauros scientiae ac sapientiae Dei in Christo esse dicit.

Illud, PER IPSUM.] In Graeco est *ὑπὸ αὐτοῦ*, id est, in ipso. Potest simpliciter sic exponi: quod in omnibus ditati estis ab eo tempore quo in Christum credere coepistis, illique inserti estis. In Christo esse, primum generaliter est in illius esse religione ac nominis professione, deinde est illi uera esse fide & unitate spiritus insitum & incorporatum, quemadmodum palme est in uite, & membrum in corpore. Prior modus complectitur omnes, qui nomen ac religionem Christi profitentur, posterior uero electorum & uerorum fidelium est tantum.

3 IN omni sermone & cognitione.] Potest quidem uideri illud, in omni sermone, quod est in Graeco, *ὑπὸ παντὶ λόγῳ*, dictum esse per Ebraismum *בכל דבר*, ut possit uerti, in omni re. Verum quoniam quod praecessit *ὑπὸ παντί*, id est, in omni, generaliter dictum est, existimo non conuenire, ut hanc quoque particulam generaliter positam esse sentiamus. Quare pro specificatione praecedentis accipienda uidetur, & legenda, non in omni re, sed, in omni sermone. Hoc est, in omnis generis sermone & cognitione. Loquitur autem de donis spiritus, de quibus infra tractabit cap. 12. & partitur illud quod dixit, ditati estis in omni, in sermonem & scientiam. Per sermonem exponit Chrysostomus, discendi & quae sentias exponendi facultatem. Scientia uero cognitio est illa diuinae uoluntatis in Christo per Euangelium reuelata.

4 QUEMADMODUM testimoniū Iesu Christi confirmatum est in uobis.] Testimoniū Iesu Christi, est Euangelij praedicatio. Ita apostoli dicti sunt testes Christi Act. 1. In Graeco est *μαρτύρες*, quod uulgatus interpretis uertit, sicut & nonnulli recentiores, quemadmodum Erasmus, quibus rebus, composita uox est, ex *μαρτὰ* & *ὑπὸ*,

quasi dicas, secundum sic, uel, secundum quod, id est, quatenus, uel quo tempore testimoniū Iesu Christi confirmatum est in uobis. Erasmus intellexit testimoniū Iesu Christi confirmatum fuisse in Corinthiis uel per sermonem & scientiam Apostolicę praedicationis, tanquam per organa, uel per dona sermonis & scientię, ipsis Corinthiis concessa. Sane testimoniū Iesu Christi confirmatum fuit bifariam. Primum doctrina apostolorum & portentis, quę facta sunt ab Apostolo in uirtute Christi. Nam id datur signis ac portentis Marci ultimo. Domino sequente, inquit, & sermonem confirmate sequentibus signis. De signis illis in posteriore cap. 12. commemorat. Deinde in animis credentium & donis ab illis acceptis. Sunt qui Graecam uocē *μαρτύριον*, quę testimoniū sonat, intelligunt de morte Christi, quo sensu & mortem eorum, qui pro ueritate Christi moriuntur, *μαρτύριον* uocare solemus. Verum exquisitior est hic sensus, quod ut conueniat causae quam hic agit Apostolus.

5 ADEO ut non destituamini ullo dono.] Charisma est Graece, id quod ex affectu gratiae datur, unde plerumque donum uertitur. Intelligit autem de donis non quibusuis, sed ut dixi, de illis quorum infra. 12. mentionem faciet.

#### QVAESTIO I.

6 Sed queritur hic quare de illis donis, quae neminem saluant, loquatur, & non magis de fide, spe & charitate, sine quibus nemo saluatur, etiam si caetera dona habeat innumera, & in quibus potior est Apostolatus gloria.

Respondeo. Ita exigebat propositum, in quod tenebat. Nam in eo est, ut declaret Apostolatus suo nihil deesse, ut impar debeat haberi reliquis apostolis. Ideo usurpat non occulta illa spiritus dona fidem spem & charitatem, sed manifesta, quae & infra uocat manifestationem spiritus, cap. 12. dicens: Vnicuique uero datur manifestatio spiritus, ad id quod expedit. Nam huic quidem per spiritum datur sermo sapientiae, alij uero per spiritum sermo scientiae, &c. Et praeterea tamen aberat ut Corinthij negare uel uellent uel possent confirmationem hanc testimoniij Christi, & spiritus manifestationem, ut etiam donorum istorum gratia insolescerent plurimum. Quod uero ad potiora illa attinet, admonet illos infra. Hoc ideo admonendum putauit, ne quis putet diuitias regni Christi esse in sermone & scientia propria, quod Apostolus hic sermonem ponit & scientiam. Egregia dona sunt spiritus, sed talia, quae sine fide neminem saluent. Seruiunt quidem ecclesiae in cognitione Christi ac uera pietate edificandae, uerum interea non saluant eos, quibus sunt, tanquam organis, per miraculosam spiritus sancti operationem data. Notum est illud Christi. Dicite multi in illo die. Domine, nonne in nomine tuo prophetauimus, &c. at tu confitebor illis, nunquam noui uos. Matth. 7.

#### II.

7 Queritur etiam hic a quibusdam, (mouet eam quaestio-



quæstionē & Chrysost.) quomodo Corinthij, quū nullo dono spiritus destituti fuerint, potuerint esse carnales, quod infra illis obijciat. Nunquid carnales estis? Et: Non potui uobis, inquit, loqui, quasi spiritualibus, sed tanq̃ carnalibus. Respondetur hic à plerisq; quod duę fuerint eius ecclesię partes. Vna eorū quę probati manebāt, de quibus infra cap. II. Oporteret enim hæreses esse, inquit, ut qui probati sunt manifesti fiant. Hanc partē concernere dicūt, quæ aliquid habent encomij. Altera eorū, qui degenerauerāt. Ad istā referenda uolunt, quæ corriguntur & repræhendunt. Chrysost. cum ista & alias rationes assignat, cur prædicentur Corinthij donis spiritus ornati & tamē in multis reprehendātur. Vt pote, uel quod initio quidē tales facti fuerint, ditati uidelicet in omni sermone & scientia, cum dona hæc primū accepissent, postea uero facti per socordiā remissiores opes hæc spiritus amiserint, atq; rursus carnales esse cœperint. Verum & præmissa gratiarum actio, & quæ infra cap. 12. & 14. sequuntur, huic sententię non fauēt. Vel, quod dicta sint hæc ab Apostolo hyperbolicis, quæ sermonis figura quę amplificata uolumus maiora facere solemus, q̃ in se existant. Vel, quod de suis ipsius donis sermonis & sciētię loquatur Apostolus. Dicā quod mihi uidetur. Ea quæ illis hic tribuit talia sunt, ut nihil prohibeat quin simul carnales fuisse credi queant. Spiritalem enim hominē non faciūt dona illa spiritus miraculosa, quæ ad Euangelij confirmationē in ecclesijs apostolorū uiguerunt, sed regeneratio animorū quę est per fidē, qua corda purgantur, illa demū spiritale reddit ē carnali. Imo tam abest, ut hæc dona, quantumuis miraculosa, per se reddāt hominem ex carnali spiritualement, ut si desit regeneratio, quæ est per spiritū Christi, magis reddāt hominē inflatum & arrogantē, unde & Apostolus infra dicit: Scientia inflat, charitas ædificat.

Act. 15.

8 EXPECTANTES reuelationem domini nostri.] Et hoc facit ad priorem amplificatę gratię Christi partē, quę sita est in plenitudine & sufficiētia eorū quæ in regno Christi cognoscēda sunt, & quę ad Euangelij administrationem & confirmationē requirunt. Tantūdem enim est ac si dicat, nulla alia reuelatione opus habetis, q̃ ea quæ Christū ipsum in die iudicij reuelabit, usq; adeo nullo dono spiritus destituti estis. De hac Christi reuelatione meminit & ad Coloss. cap. 3. Hoc apertius aliquanto contra pseudapostolos positum est, qui prætextu sublimiorū reuelationū, Euangelij simplicitatem traducebāt, & Corinthios seducebāt. Diligēter autē obseruandū est, quod non simpliciter dicit: Expectantes dominū, sed expectātes reuelationē dñi nostri Iesu Christi. Est enim Christus ad finē usq; mūdi absconditus ab oculis huius mundi, in fine uero apparebit conspicuus, ubi non erit amplius tēpus fidei, quod iā est. Abscondito Christo non possumus adhærere nisi fide ac spiritu: mundus fide hac desti-

tutus Christo addici nō potest. Quam est autē ille absconditus, tam est & uita nostra, quæ in illo est & uniuersa felicitas per ipsum nobis parta in oculis mundi abscondita, reuelāda demum, quando ipse reuelabitur. Sit & nobis hoc dictū, qui doctrinę apostolicę fidē damus ne sinamus nobis fucū fieri quasi extra illā desint adhuc, nescio q̃ sublimiū rerū speculationes ac reuelationes. Hoc tātū curem⁹, ut pietatis studio reuelatę p̃ Euāgeliū Christi cognitioni respōdeamus. Hoc si fecerimus, secure poterimus Christi seruatoris expectare aduentū. 9 Et obserua quod nō simpliciter dicit, usq; ad reuelationē domini nostri Iesu Christi, sed expectātes reuelationē, &c. Quo admonemur Christianorū esse, ut cum gaudio expectēt reuelationem Christi. Expectatio Christi nō nihil habet desyderij. Beati quibus expectatus ac desyderatus reuelabitur. Sic Christus dixit. Et uos similes estis hominibus expectantibus dominū suū, &c. & id desyderij pulchre exprimit uerbū *ἐκδεχόμενοι* quod significat quidē proprie excipio. Quia uero excipi dicūtur qui expectati cum gaudio suscipiuntur, fit ut *ἐκδεχόμενοι* sumatur pro expecto. Commodū autē, quoniā reuelatio Christi de cœlis expectatur, posuit *ἐκδεχόμενοι* quo usus est & ad Phil. 3. quod significat alicunde aliquid expectare cum gaudio. Vel certe significat uehementē expectationem. Nam *ἐκδεχόμενοι* aliquando intendit significatū, ut si dicas ex corde expectare. Existimo autē haud esse inconueniēs, si participium hoc, expectantes, positum esse sentiamus hoc sensu. Vt nō destituamini ullo dono, intellige, uobis necessario, si expectaueritis reuelationē domini nostri Iesu Christi. Sic enim promittit illis copiam & sufficientiam donorum Dei indefinentē, si fideliter adheferint domino & omni impatentia & scrupulositate abiecta reuelationem domini nostri Iesu Christi constanter ad finem usq; expectent. Hanc expectationem sciebat firmissimam esse conseruationē & custodiam syncerę erga Christum fidei, & optimum antidoton contra tentationes defectio- nis, & quarumuis sectarum.

Qui & cōfirmabit uos usq; in finē inculpato, in die domini nostri Iesu Christi. Fidelis Deus, per quē uocati estis in cōsortiū filij ipsius Iesu Christi dñi nostri.

Hoc alterū est quo gratiā Dei quā in Christo Corinthij acceperant, commendat. Videlicet ab illius constantia & perennitate, quę durare possit ad finem usq;. Et hoc commodum subiecit ei quod dixit, expectātes reuelationē domini nostri Iesu Christi. Caute tamē, non dicit, permanebitis enim usq; in finē inculpati. Nam hoc non erat futurū. Iam tū enim degenerare cœperāt, sed, qui & cōfirmabit uos usq; in finē, magis potentiam & fidem Christi q̃ Corinthiorū cōstantiam cōmendans. Posuit autē hoc, ut admoneret eos primū nō opus esse noua aliqua reuelatione, sed cōfirmatione in gra-



tia illa Dei quam plenam ac sufficientē acceperāt, ut in illa in finē usq; persistere possint.

Deinde confirmationē eam paratā quoq; esse in Christo, à quo sit petenda. Et huius gratia dicit. Qui confirmabit uos. Non enim tam dicit, quid futurū esset hac in re, q̄ quid à Christo petere deberēt, & quid ille paratus sit suis præstare si, quemadmodū præmisit, reuelationem ipsius constanter expectauerint.

INCVLPATOS.] Hoc est, qui condemnari nequeatis. Pertinet ad hoc quod dixit, cōfirmabit uos, ut scias quatenus confirmet suos dominus. Aliās in multis deficiūt, & miserijs innumeris exponuntur. Vel expone sine crimine, utpote perfidiæ & defectionis. Alioqui peccatis nemo liber est.

IN die domini nostri Iesu Christi.] Exponit quod dixit, in finem usq;. Nempe quo defineret hoc mūdo dies domini aderit. Vel quod magis placet, referendū est ad proxime præcedēs, inculpato, ut intelligamus eum loqui de eo quod per confirmationē domini in die domini sint inculpati futuri quicquid de ipsis in terea mundus iudicet. Magna hinc est consolatio ueris Christianis, qui non à mūdo tantū sed & à falsis fratribus & ecclesia maligne agētium condemnātur in hoc mundo, quod sciūt se in die domini nostri Iesu Christi habendos esse pro inculpatis. Ad hoc etiam facit, quod fidem Dei adducit ad confirmandā hanc sperandē à Christo confirmationis fiduciā, fidelis Deus inquit. Non sumit argumentū ab ipsorū probitate aut aliqua alia prærogatiua, sed ab eo quod omnīū est certissimū & constantissimū, quod nemo piorū negare potest, & quod tale est, unde hoc quod asserit absq; ulla cōtradictione colligitur & quod Deū, si non confirmemur in bono, ab omni culpa liberat, nostrā uero fœcundiā dānat. Fidelis est Deus inquit. Quasi dicat. Nemo abdubitet de fide ac bonitate Dei. Non potest suos deserere. Est enim fidelis. Apud Eras. uide quomodo Apostolus dictione hac *πιστός* utatur. Vritur hoc elogio Dei & infra cap. 10. quō talem nobis Deū cōmendat, qui non modo uerax sit in promissis, sed qui nec fidē expectantiū se, & à se pendētium irritam & inanem fieri sinat, totus ad nostram salutem propensus.

PER quem uocati estis.] Declaratio est fidei Dei ab eo quod iam præstitit. Nam beneuolentiæ futuræ argumentū merito ex præteritis beneficijs colligitur. Ideo uocationem in Christo adducit, in qua agnoscendā proponit fidē Dei. Amplificat eam per hoc quod dicit, in consortiū filij sui. Satis esset in consortiū angelorū uocari. Vocari aut in cōsortiū filij Dei, quid aliud est, q̄ non simpliciter assumi ultro uenientes & quērentes, sed etiam nihil huius cogitantes spontanea & ultronea philanthropia Dei ex summis miserijs in cōmunicationē omnīū bonorū uocari, quorū unigenitus Dei hæres est constitutus? Hinc est quod infra dicitur, omnia uestra sunt, uos Christi, Chri-

stus uero Dei. Et illud obserua, quod nō dicit, Iesu Christi fratris nostri, cum sic dicendū uideatur, postq̄ nos in consortiū filij Dei uocatos esse dixit, sed Iesu Christi, inquit, domini nostri. Neq; ipse adimit filio suo domini prærogatiuā quā illi dedit in omnia, etiam in consortes suos, neq; nobis licet sic transire in consortiū unigeniti Dei, ut non agnoscamus eum amplius pro domino nostro. Vocat ipse quidē nos fratres suos dicēs: Narrabo nomē tuū fratribus meis, uerū nobis cōuenit sic hāc dignationē amplecti reuerēter & humiliter, ut si mul ipsum dñm nostrū agnoscam⁹ & colam⁹.

Obsecro autē uos fratres, per nomē domini nostri Iesu Christi, ut idē loquamini omnes, & nō sint inter uos dissidia, sed sitis integrum corpus eadem mente & eadem sententiā.

Post insinuationē & captationē beneuolentiæ, iam aggreditur primū caput huius epistolæ, quo Corinthios à sectarū studio ad concordiam ecclesiasticā reuocare statuit. Et quoniā materia ipsa schismaticis iniucūda futura erat, caute illā & ita ingredit, ut q̄ fieri possit tolerabilē reddat admonitionem, & hoc est, quod ab obsecratione ordiē. Est autē principalis propositio, ut unanimes sint, eadem mente & eadem sententiā perfecti & integri.

OBSEURO autē uos fratres.] Iterū pathos in uerbo obsecrādi, quo amicus exprimit affectus, dū qui bene cōsultat, etiā obsecrat, ut prodesse possit. Quanq̄ uerbū *παρακαλῶ* etiā hortari & admonere significat & nihil uetat, quominus ita hic exponatur. Verū quoniā cōmuniter ita exponūt, & uetus quoq; per uerbum obsecrādi reddidit, & suauius aliquid è pectore Apostolico eructat uerbū obsecrandi q̄ adhortandi, maxime initio tractationis uolo & ipse legere, obsecro uos fratres.

FRATRES.] Quāuis uulgare sit Apostolo Christianos uocare fratres, hoc tamen loco id opportunissime facit. Primū, studio nō eos aperte, qui in culpa erāt, ac sectis studebant (Erant enim probati quidā inter Corinthios, ad quos hęc non pertinebāt de quibus infra cap. 11.) sed cōmuniter omnes, appellatione fratrum alloquiē. Est enim tolerabili⁹ ijs qui in culpa sunt, si non nominatim arguātur sed in genere ita corrigantur quasi ipsorū uitium, omnīū sit commune. Et licet aliquid hic iniuriæ fiet probatis & insontibus, ferendū tamē hoc illis est, & hoc pacto seruiendū infirmis fratribus ad ædificationē cum sciāt unius cuiusuis innocentia esse Deo conspicuā. Deinde & appellatione fratrum charitatis & concordia fraternalis illos admonet in loco cum proposuerit animos eorū ad illā impellere. Non enim poterūt locū habere schismata, ubi regnat charitas fraterna, & rursus ubi schismata obtinent, necesse est uel nullā uel modicā haberi fraternæ charitatis rationē. Quid enim minus cōuenit charitati eiūque fraternæ, q̄ in sectas diuidi?



At hoc fiebat Corinthi. Ideo satis in loco fratres illos appellat, nō q. uere fratres uel frater ne inter se animati & affecti essēt, sed ut ad charitatē illis fraternā redeundū esse admoneat.

PER nomē dñi nostri Iesu Christi.] Quanq̃ rati debuerat esse apostolica autoritas, ut per illius reuerentiā ad cōcordiā se reduci sinerent Corinthij, modestia tñ usus, illā nō obijcit, sed lōge potiorē, nempe nominis dñi Iesu Christi. Q. d. Quod si ego uobis tanti nō habeor, Christus tamē dominus noster tati sit, cuius gratia permoueamini, ut quod peto, præsteris.

Quæ est aut̃ uis huius obtestationis? an satis est, magnā esse Christi autoritatē, ut illius respectu obtēperent Apostolo? Si satis est, ergo per nomē dñi Iesu Christi quiduis inter Christianos obtineri debet. Nequaq̃. Sed exigit, ut hoc quod petiit, tale sit, quod Christo placeat, qđ nomini illius gloriosū sit, in quo si obediās, Christo gratificeris. Alioqui absurdū & impiū fuerit, ea uelle per nomē Christi obtinere, quæ Christo displiceāt. Quod aut̃ Corinthij seētis studebāt, Christo utiq; displicebat. Et qđ Paulus exigebat, ut ad cōcordiā redirēt, prorsus nomini Christi cōgruebat & gloriosum erat, Christoq; placebat. Erat enim cōmunis illorū dñs. Quis dñs æquo animo tolerat suorū dissidia? Huc pertinet quod dicit, Dñi nostri Iesu Christi. Deinde & nomini Christi fiebat iniuria, quod Christiani à Christo sic appellati, aliorū nominib⁹ censerī incipiebāt, ut alius diceret Pauli, alius Cephæ, &c. Hanc cōtumeliā deprecatur, dicens: Per nomen dñi Iesu Christi. Q. d. Ipsum Christi nomē, quo insigniti estis, debebat uos à sectarū cohibere studio, & unitatis admonere. Et huc putatur pertinere, quod in exordio huius epistolæ toties, nempe, ad hunc usq; locum decies, mentionē Christi Iesu inducit, quod nusquam in tam breui uidetur contextu facere.

V T idē loquamini omnes.] Paucis uerbis exprimit quid perat. Quid est aut̃ idē loqui omnes? Primū cū cōcordiā exigat, quid est qđ eadē uerba exigit? Quid sitū est in uerbis? Deinde quomodo idē omnes loqui possunt etiā? sequētia declarāt hāc particulā. Nam ubi dicebāt, alius, ego sum Pauli, alius, ego sum Cephæ &c. certe nō idem loquebant̃ omnes. Hoc est, nō iisdē appellationibus seipsos censebant, cū essent omnes Christiani. Proinde idē omnes loqui quod hic exigit, est idē profiteri de se omnes, eidē authori se accensere omnes, eodē de se prædicato uti omnes. Quid est aut̃, quod omnes uult de se prædicare? uidelicet ut quisq; se dicat esse Christianū. Hoc scilicet ut facere nequeūt qui in sectas diuidunt, ita qui faciūt, qui de se idem prædicāt, haud facile in sectas sese diuidunt. Idē dicere, potest etiā exponi, p̃ eandem doctrinā profiteri, opinionibus uarijs non dissentire, ut idem sit cum eo quod dicit, eadem sententia.

E T nō sint inter uos schismata.] Id est, sectæ uel scissuræ. Iam per contrariū declarat,

A quid sit quod dixit, ut idem dicatis omnes. Ergo cōtraria sunt inter se, idem de se prædicare omnes, uel eandē profiteri doctrinā omnes, & in sectas diuidi. Itaq; schismatici sunt, qui non idē de se prædicāt, qui se nō Christo uni authori salutis, sed alijs atq; alijs addicūt, & qui non eandē doctrine sententiā profitent̃. Nā ideo alterū ponit ut alterū excludat, quod certe absurde & absque neruis faceret, si fieri posset ut schismatici nō sint, qui nō idē de se prædicāt, nec idē docēt aut profitent̃: ut qui se uocāt Augustinianos, Benedictinos, Franciscanos, magis q̃ Christianos. Itē qui opinionib⁹ diuersis *dis diā xōw* inter se dissident Thomistæ, Scotistæ, Albertistæ, &c. Itē nominales, reales, &c. Illi nolūt pro schismaticis haberi, cū tñ nō idē de se prædicēt. Si isti possunt excusari, q̃ dicūt se nihilominus Christū agnoscere, p̃ Seruatore, licet interea patronos elegerint, quib⁹ accēseant, quid uetat & Corinthios ita excusari potuisse? Nō enim credo illos ita diuersa de se prædicasse, q̃ Christū prorsus abiecerint, aut patronos illos & magistros suos pro uite authorib⁹ habuerint. Quod si & Corinthij hoc pacto recte excusant̃, non uideo quomodo Paulus hic defendi queat, ne nugarū ac delirij argui possit. Proinde necesse est Apostolo schismaticos esse, & non idem de se prædicare, pro eodem usurpari.

S E D sitis integrū corpus, eadem mente & eadē sententia.] Et hoc ad prioris particulæ expositionē facit, ut ostēdat se exigere in Christo perfectam concordiam, quā hic collocat in eadem mentem & eadem sententiam.

B Et hanc omnimodā & perfectam concordiam uolūt quidam exigere cōmodum per hoc quod dicit *κατηρτισμένοι*, quod exponunt perfectos uel integros. Significat enim aliquādo *κατηρτίω* idem quod absoluo & perficio. Nam *ἀρτι* aliquando integrū significat, unde desumptū est uerbum *καταρτίω*. Et sanē hoc sensu accipitur Lucæ 6. ubi sic legimus, *κατηρτισμένοι ὃ ὡς ἴσται ὡς ὁ διδάσκαλος αὐτῶν*.

Quoniam uero *καταρτίω* non hoc solum significat, sed simul usurpatur pro cōponere, cōglutinare, cōciliare, utpote, quando quæ antea luxata erant, in sua loca restituūtur (unde Galeno, annotante Budæo, *καταρτισμός* est ἡ μεταβολὴ τῶν ἐκ τῆς ἀφύσισις τῶν ἐκ τῆς φύσεως) & quæ diuersa erant, in unā quasi massam coadaptantur (ut apud Dioscoridem *κατηρτισμένα ἰσχυρὰ* edulia significant, ex uarijs rebus composita). Videtur haud absurdum esse, si hoc loco intelligamus Apostolum ista dictione, cum de concordia loquatur, exigere partium quasi luxatarum & dissidentium compositionem & conciliationem.

Et hoc sensu pulchre illos admonet gratiæ Christi, qua antea prorsus luxati ac dissipati, in unum fuerant corpus compositi, & non solum erga Deum, sed & inter seipsos cōciliati.

Quomodo cūq; hāc uocē siue cōglutinationis siue integritatis sensu accipiamus, puto parum



rū referre. Nā earū rerū integritas, quæ ex partibus sunt ueluti membris compositæ, ex indiuisa partium cohesione & cōpositione constat, unde & hoc uerbū utroq; sensu accipit. Et hic apte schismati ecclesiæ opponit, per quod illa integritatē & compactiōē sui ueluti membrorum luxatis amiserat. Nihil itaq; incōmodi fuerit, si legam<sup>9</sup>, sed sitis integri (corpus nō est in Græco nec in uulgata uersione) in eadē mente, & in eadem sententia.

Satis autē conuenienter, cum dixisset, ut idē dicatis omnes, subiicit, sed sitis integri in eadē mente & in eadē sententia, significans eos nō esse eadem mente ac sententiā præditos, ideoq; nō dicere idē. Requirit igitur à fidelibus eam mentis ac sententiæ unitatē, quæ & foris cum uerbis tum factis declaret. Quod Corinthij in sectas diuidebant, nō erat aliud, q̄ quod animo ac mēte diuisi erāt. Concordia spiritus externæ quoq; uitæ concordia & unitatē cōseruat. Sanē nihil potest excogitari & iucundius & decētius in ecclesia Christi, q̄ si omnes eadē sint mente ac sententiā, atq; ita idē dicant oēs, & eandē pietatis regulam mutuo cōsensu seruent, ut nō sit præter rationē, quod nō hic tantum, sed & alijs locis unitas ista corporis ecclesiastici ab Apostolo urgeat. Corpus est ecclesia. Corporis autē unius lingua est una, anima una, spiritus unus, cor unū, mens una, uoluntas una, caput unū. Nisi hæc sit in corpore unitas, nō poterit illius integritas salua cōsistere. Quæ cōditio non magis est animati nostri corporis, q̄ ecclesiastici. Et hinc est quod Satan tā improbe satagit, ut unitatem ecclesiæ, ueram illam, quæ in Christo est, uarijs modis scindat, & falsam, quæ sit in erroribus & mendacijs statuatur & cōseruet. Quare quod hic Apostolus dicit, sed sitis integri in eadē mēte, & in eadē sententia, nō est indiscriminatim de quauis mētis ac sententiæ unitate, sed de ea intelligendū quæ ad corporis Christi, ecclesiæ uidelicet, integritatē omnino requirit. Ea autē non potest esse alia, q̄ quæ sit in Christo ac per spiritū Christi. Recte uocabis hanc unitatē fidei, spei & dilectionis Christianæ, quæ ex ueritate & unitate spiritus Christi proueniat, per quā idē credamus & dicamus omnes, idē speremus omnes, idē diligamus & amplectamur omnes, ubi hæc est unitas, ibi nulla schismata locū habere possunt. Aliā unitatē nō querit Apostolus, sed hanc omnino seruata cupit. Vrgent hodie unitatē, qui dominiū in ecclesia exercēt. Intelligūt autē nō hanc quā intelligit Apostolus, sed eā q̄ ecclesias Christi Rom. pōtifici subiiciat, quæ caput universalis ecclesiæ cōstituerūt. Hūc agnoscere p̄ capite ecclesiarū & uicario Christi, qui plenā habeat omniū rerū tā cōlestiū q̄ terrestriū potestātē scrinio pectoris sui inclusam, & hoc illi nomine in omnibus sese subijcere, nec latū digitū à cōstitutionibus illius, mādatis, sancitis, & ritibus quoq; ab ipso approbatis, ne ad manifestā quidē & cognitā Christi ueritatē discere, id demū uocat uerā ecclesiæ unitatem.

A Quantūuis diuersa studia, diuersæ opiniones, diuersa instituta tā diuersarū sint in Papatu sectarū, propter unā tamē hanc unitatē, qua se omnes conformiter Rom. pontifici tanq̄ capiti suo subiiciūt, ac sua omnia ad pedes illius uel probanda uel reijcienda deferūt, nō modo tolerant, sed & sanctificant. De his cogitandū est hodie, quoties plausibiles hæ uoces unitatis, pacis, cōcordiæ ac mutui cōsensu ab aduersarijs iactant, & odiosa illa nobis schismatum & hæresum uocabula obijciunt. Pacē & unitatē uolumus & nos, sed eā q̄ sit Christi, in Christo, & sub Christo, in spiritu ac ueritate Christi, nō q̄ nos Babylonii subiiciat, unde exire iubemur.

I N eadē, inquit, mente, & in eadē sententiā.]

Vulgata uersio sic habet, in eodē sensu, & in eadē scientia. Sic legit & Ambrosius & exponit ad hūc modū. Perfectos eos uult esse in eodē sensu quē illis tradiderat, ut nō discreparēt. Ad illorū enim exēplū, quos suprà laudat, hos prouocat, ut hoc sentiat ac defendat. In Græco est *ἐν τῷ αὐτῷ νοί, καὶ ἐν τῇ αὐτῇ γνώμῃ*. Apparet interpretē per *νόον*, id est mentē, intellexisse sensum, & per *γνώμην* scientiā, quæ Græcis uocat *γνώσις*. Chrysostomus intelligit per *γνώμην*, uoluntatē, quēadmodū & nonnulli recētiores, per *νόον* uero intelligentiā ac sententiā iudicij. Et sanē sunt hæc duo in anima principalia, unde omnis uita nostra uel bene uel male dirigit, mens uidelicet & uoluntas. Græca uox *νόος*, rationalē & purissimā partē animæ significat, qua sentimus, intelligim<sup>9</sup> & iudicamus, ad quā pertinet sciētia, intelligentia, sapiētia & prudētia, secundum quā uel prudentes uel stulti iudicamur, hanc mentē uocamus: *γνώμην* uero mentis est sententiā, iudiciū ac decretū. Et quoniā hinc plerūq; est uolūtas, sit ut sæpenumero *γνώμην* pro uoluntate & affectu accipiam<sup>9</sup>. An autē Apostolus hanc duarū istarū uocum discretionē hoc loco spectarit, nolim affirmare. Potuit illis uti simpliciter eo sensu quo alibi dicit ut uno spiritu unoq; animo decertatē fidē adiuuetis. Et. Sitis eodē modo affecti, unanimis, idē sentiētes, &c. sicut in Actis legimus, Erat illis cor unū & anima una, & quēadmodū Germanice dicimus, *Eins fins vnd gmyets*.

Illud optarim ex animo, ut quoniam nostra hac ætate soluta est cōscientiarū captiuitas & passim libere sentitur & iudicatur de fidei nostræ ac religionis rebus, ac scripturæ sacræ libere legūt<sup>9</sup> & exponunt, unde prorsus necesse est uariare sententias, hætenus saltē unitatē in ecclesia seruemus, ut uno & eodē simus corde & animo in Christo domino, alijsq; alium uere diligat, nec iudicet quisq; & cōdemnet à se in quibusdā dissentiētē. Prorsus iniquū est, propterea dānare fratrem, q̄ libere sentit, nec iurat in ullius, quisquis sit, uerba magistri, nisi solius Christi, cū uideamus eos q̄ sic à se dissentiētes dānāt, hoc iure libertatis uti, ut sententiā suā nullius potestati subiiciāt, sed liberā retineāt.

Significatum enim mihi de uobis est fratres mei, à familiaribus Chloæ quod con-



cōtentiones sint inter uos. Dico autē illud, quod unusquisq; uestrum dicit, alius quidem, ego sum Pauli, ego uero Apollo, ego uero Cephæ, ego uero Christi.

Quamobrē unitatis seruandæ admoneat, hac quasi narratione quadā aperit. Significatū est mihi inquit: quasi dicat, quod ista scribo, & cōcordiā à uobis exigo, nō est ex inani quadā de uobis suspicione, qua laborare solēt animi sinistri, sed ex eo, quod quorundā relationib<sup>9</sup> accepi, cōtentiones inter uos obortas esse, interea dum à uobis absum, & huius gratia, animo planē paterno, & ut decet Christi Apostolū, ab istis uos cōtentionibus dehortor. Et amicū hunc affectū iterū exprimit cū dicit, fratres mei, ut ostendat se illos nondū habere p<sup>er</sup> deploratis, sed agnoscere pro fratribus, eiusdē spei ac salutis consortibus. Videmus etiā eos, de quorū peccatis sumus instructi, recte à nobis uocari fratres.

A familiaribus Chloæ.] Quia dixit: Nunciatū uel significatū est mihi, ne fictū putet, addit à quibus hoc acceperit. Et tamen nominatim eos nō exprimit, qđ studio factū plerique exponūt, ne inuidiā relatoribus suscitaret. Sane prudentiæ est quod relationē hanc non tribuit uni certæ personæ, sed generaliter familiaribus Chloæ. Quid aut per Chloē sit intelligendū, ambigūt quidam, ē quorū numero est Ambrosius, an sit uir, uel fœmina, uel locus aliquis. Ex odis tamē Horatii annotatē Erasmo Chloē reperitur sexu fœmineo, ut cum dicit: Menunc Cressa Chloē regit, Dulces docta modos, & citharæ sciens.

Apparet hāc familiā fuisse ex ijs quos infrā probatos uocat cap. ii. qui certe ægre tulerunt istam ecclesię Corinthiorum diuisionē adeoq; illam Apostolo, ut corrigeretur, insinuarunt.

QVOD cōtentiones sunt inter uos.] Quod suprā uocauit nō idem omnes dicere, itē schismata, hoc iam uocat cōtentiones. Est aut cōtētio, æmulatio quædā & zelus, quādo quisq; suā sententiā mordicus tueť. Vnde lites oriuntur & rixæ, quod fieri solet ubi sectarū studiū in ecclesia uiget, ita ut cōtētionēs fructus quidam sint schismatū, quibus nō elanguida iam sed adhuc calida & feruētia schismata notant. Reperies enim schismata inueterata iā & quasi emortua, in quib<sup>9</sup> nullus apparet cōtentionis feruor, qđ nō queas recte cōtentiones uocare.

Intelligimus ergo in ecclesia Corinthiorū fuisse nō simpliciter schismata, sed cōtentiosa & feruida schismata quę nomine cōtentionū ad Apostolū sint à familiaribus Chloæ delata.

DICO autem illud, quod unusquisq;.] Expositio est. Quasi dicat: Quod dico de cōtentionibus, quæ inter uos esse feruntur, ne me putetis de triuialibus quibusdam uel iudicialijs rixis loqui, hoc est,

QVOD unusquisq; uestrum dicit.] Legendum est ad hunc modū. Quod unusquisq; uestrū dicit, alius, Ego sum Pauli, alius, Ego sum

Apollo, &c. Non enim unusquisq; illorū se & Pauli, & Apollo, & Cephæ & Christi esse dicebat. Nā qui se alicui addixerāt, alijs se nō accensebāt. Qui se dicebāt esse Pauli, illi nō dicebāt simul se & Apollo esse & Cephæ & Christi. Alioqui nulla fuisset inter ipsos dissidia & schismata, nullæ cōtentiones, si quisq; se omnib<sup>9</sup> istis addixisset. Quia uero istis exponit, de quibus cōtentionibus dicat, manifestū est quod contentiose alius se Pauli, alius Apollo, alius Cephæ esse dixerit.

EGO quidē sum Pauli.] Hoc, ut pleriq; exponūt, nō ita intelligendū est, quod uere se alij Paulo, alij Apollo, alij Cephæ addixerint, cū à pseudapostolis pependerit, sed quod hoc pacto uoluerit Apostolus absurditatē cōtentionū in se Apollo & Cephæ declarare. Nā si schismatici essent, si qui se uel Paulo uel Petro primis illis apostolis accēserēt, quāto magis erāt qui se pseudapostolis adnominabant: Et hoc colligit infrā cap. 4. ex eo quod dicit. Hæc per figurā transtuli in meipsum, & Apollo propter uos, ut in nobis disceretis ne quis supra id qđ scriptū est de se sentiat, ut ne hic illius, ille huius nomine inflemini alius aduersus alium.

Quāq; credibile est fuisse etiā qui se Pauli, uel Apollo, uel Cephæ esse dicerent, cū Paulus eos ad fidē cōuerterit, et Apollo quoq; ibi Christū docuerit post Paulū, homo doctus in scripturis ac disertus. Licet enim hoc sancti nō querant, ut ipsorū nomine quisq; ad cōtentionē abutatur, cōsilio tamē Satane hoc fieri uidemus, ut quo quisq; sanctior est, hoc ad schismata & cōtentiones cōtentiosas magis seruiat. Exēplū huius habemus in discipulis Iohānis Matth. 9. Io. 3. licet Iohāni & Christo optime cōuenerit.

De Petro aut & Christo quid dicem<sup>9</sup>? Quomodo quidā se Cephæ esse dixerūt, cū nō legimus illū uenisse Corinthū? Arbitror fuisse pseudapostolos qui Petri autoritatē Paulo opponētes, alienā sub illa doctrinā introducere, seseq; uendicare conati sint, unde factū sit, ut odio Pauli sectatores illorū Cephistas sese uocarint. Dubiū nō est, iam tum fuisse pseudapostolos, qui Petri nomine abuterentur, & illorum credo esse successores, qui Romæ sub nomine Petri inualuerunt.

De illis qui dixerūt se Christi esse, quid statuemus? an & illi schismatici fuerūt? Ambrosius intelligit eos qui in ueritate Christi ac fide perseverabant, & cōtentiones istas detestabant. Cur ergo cōiungit illos Apostolus schismaticis? Chrysost. dicit hoc nō ideo factū, qđ ipsos repræhēdat, quasi nō debuerint se Christo accensere, sed quod à quibusdam tantum hoc diceretur, cum debuerit dici ab omnibus.

Mihi pace aliorū uideť fieri posse, ut nō minus schismaticæ Christi esse se quisquā dicat, qđ si se dicat esse uel Pauli uel Petri. Quomodo? Si cōtentiose hoc & peruerse faciat. Vtpote si unitatē & cōcordiā hoc nomine rūpat, & sub illo peruersam aliquam opinionem mordicus tueatur, & reliquos diuersum sentiētes à Christo ex-



sto excludat, seque ab illis separet. Qui hoc facit, male se Christi esse dicit, licet in se bonum sit esse Christi. Ita Euangelicum dici in se bonum est, & commune omnium Christianorum. Iam si qui appellatione Euangelij aduersum alios inflati, propter diuersas aliquas sententias peruerse intellectas, à reliquo Christianorum consortio discederent, charitatem rumperent, corpus Christi diuiderent, nunquid schismatici Euangelicos se dicerent?

Finge uenisse Corinthum post discessum Pauli inter reliquos pseudapostolos, qui ut Pauli autoritate eleuarent, discipulos se Christi peculiare fecerint, utpote, quod Christum uidissent, cum illo circuissent, & doctrinam suam ab ipso coram accepissent, quodq; Christus ipse & circumcissus esset, & legem custodisset, cum Paulus Christum non uiderit, discipulusque ipsius non fuerit. An non hac uia fieri potuit, ut qui istorum doctrinam acceperint, contentiose Christi se, contra doctrinam Apostoli initio traditam, dixerint?

Quod si essent, qui uitam Christi perfecte, ipsorum opinione, expressuri, nec uxores ducerent, nec facultates proprias haberent, nec eodem loco consisterent, ob id quod Christus nec uxorem nec liberos, nec domum, nec terrenam aliquam facultatem habuisse legitur, quotquot uxores habent, & res proprias possident, & uno loco consistunt, à Christo excludentes, ac se uere Christi esse iactantes, an isti uere Christi essent, & non schismatici ipsissimi? Schismatici utique (quemadmodum & olim quidam hoc nomine se apostolicos uocantes, quod nec uxores haberent, nec res proprias possiderent (ut in Augustino est de hæresibus) à consortio omnium Christianorum uxores & propriam facultatem habentiū secedebant) idque duplici nomine. Primum quod peruerse uitam Christi exprimerent, cū ista & plerique philosophi ante Christum præstiterint, deinde quod peruersius istorum nomine à communione se ecclesiæ seiungerent.

Proinde licet in se bonum sit dicere, Christum, Euangelicum sum, uidendum tamen etiā atque etiam est, ut hoc Christiane ac uere, deinde non schismaticè præter rationem dicatur, præter rationem inquam, propterea quod ratione iusta & necessaria, non solum malum non est, sed laudabile, à reliquis diuidi, ut est in exemplo Thobiæ. Hæc uolui alijs cogitanda proponere, quæ ut non assero sic esse facta inter Corinthios, ita non dubito sic apud illos fieri potuisse.

Num diuisus est Christus? Num Paulus crucifixus est pro uobis? Aut in nomine Pauli baptizati fuistis?

Qui liberos suos corripiunt & emendant, primum illis perpetratum facinus exponunt, ut sciant qua de causa repræhendantur, deinde admissorum absurditatem opprobrant, ut illa cognita auocentur à proposito malo, &

ad resipiscentiam permoueantur. Ad hunc planè modum, & Apostolus hic primum quid de Corinthijs audierit mali, exponit, id quod in præcedentibus fecit, ibi: Narratū est mihi ab illis, &c. cui expositioni statim subiūgit facti re præhensionē, cū dicit, Nū diuisus est Christus?

Instituit autem talem *ἁγχορ*, qui & absurditatem illam schismatum breuiter & conspicue absque ulla contradictione ob oculos ponat, & nonnihil propter indignitatem rei commotum repræhendentis animum resipiat. Et hoc facit, acribus illis & crebris interrogatiuiculis (quas Græci *πυρματα* uocant) instando & urgendo. Erat enim adeo absurdum & aperte contra Christum, quod in Corinthijs repræhendit, ut non habuerit opus ulla probatione uel disputatione.

NVM diuisus est Christus? Nō dicit, male facitis, quod Christum diuiditis, qui unitate gaudet, nec diuisionem agnoscit, sed, Num diuisus est Christus? quod aliquanto uehemētius est. Quomodo autem Christum diuiserāt Corinthij? Chrysostomus & Hieronymus de eo intelligunt, quod corpus Christi diuiserāt. Ambrosius de eo, quod gloriam Christi diuiserant, & in alios deriuarant. Deinde quod diuersa quoq; de Christo à diuersis doctoribus acceperant.

1 Ergo Christum diuidunt, quotquot ecclesiam in partes & studia scindunt. Et hoc fit primum quando eadem manente doctrina, iuxta Christum eriguntur alia capita, inter se nō diuersa quibus datur, quod uni Christo competit, ut iam nō sub uno, sed multis capitibus sit corpus Christi. Et hoc forsitan est, quod Ambrosius uocat diuidere gloriam Christi. Gloriam Christi diuidebāt discipuli Iohannis, qui illam Iohanni magistro suo tribuebant, licet inter Christum & Iohannem nihil esset dissidij. Ita si Corinthij reuera pars à Paulo, pars ab Apollo, pars à Cepha, pependerunt, hoc pacto gloriā capitis Christi diuiserunt, licet nec Paulus nec Apollo, nec Cephas hoc quæsierint, & nihil inter illos dissidij fuerit. Ita olim ecclesiam scindētes, caput Christi & gloriam illius diuidebant, qui de primatu inter se cōtendentes, ad se rapiebāt quod erat Christi, ut patriarchæ illi Romani, Alexandrini, Ierosolymitani, & Constantinopolitani, quasi sorti tunicam Christi inconsutile subijcientes, & suo quisque iuri uendicare cupientes.

2 Deinde Christum diuidunt, qui non solū diuersis capitibus corpus illius assignant, sed & qui diuersa de illo tradunt aut etiam accipiunt, quasi in seipso quoque iam, non solum in membris suis sit diuisus. In seipso autem diuisus est qui non idem sentit, cuius doctrina in seipsa diuersa est. Nō quod Christus in seipso ita sit diuisus, cuius sermo simplicissima ueritas est & amen: sed quod qui diuersa de illo inter Corinthios prædicabant, quantū in ipsis erat, Christū in se diuisum prædicarent. Vtpote dum alij circumcisionem & legis obseruan-

tiam



tiā sub nomine Christi docebāt, alij uero illarū abrogationē tradebant, alij ciborum delectū, alij promiscuos cibos probabāt, atq; ita duplici nomine Christū diuidebāt, primū in seipso, quasi sibi ipsi dissidentem: deinde in corpore ipsius in partes iam scissum. Itaq; quicunq; alia ecclesię capita assignant, à quibus pendendum sit Christianis, & qui diuersa à doctrina Christi & apostolorum tradunt, Christum diuidunt.

1 Diuisus est Christus, quando cum olim dixerit: Venite ad me omnes qui laboratis & onerati estis, & ego reficiam uos, iam contra, non ad me, inquit, sed ad sanctos meos currite qui laboratis, illi uos reficient.

2 Diuisus est, quando iam dicit: qui non manet in Romano pontifice, eiicietur foras sicut palmes & arefcet, cum olim dixerit, qui nō manet in me mittetur foras & arefcet.

3 Diuisus est Christus ubi iam dicit: Non solum Deū adorete & colite, sed & sanctos meos, cum aliquando dixerit: dominum Deum tuū adorabis, & illum solum coles.

4 Diuisus est Christus cum olim dixerit: Si ne me nihil potestis facere, iam uero uiribus humanis hoc dat, ut possint proprijs motibus & sua ipsorum facultate quod bonū est facere & apprehendere.

5 Diuisus est Christus iam dicens, non bibite ex eo omnes, sed heresis est, si hoc doceatur, cū olim dixerit, bibite ex eo omnes. Quid ad hęc omnia aliud dixerit: us, quā quod hic Paulus cœlestis instar fulminis ad dissipationē sectarum cœlitus illapsus dicit: Nunquid diuisus est Christus?

Tametsi scissi essent Corinthij in partes: tamen quæq; pars nihilominus uolebat Christi esse, & doctrinam Christi recte tenere uideri, cum tamē plurimum inter se & per acolithiā doctorum & capitum, deinde & doctrinæ diuersitate dissiderent. Cum itaq; fieri nequeat, ut caput dissidētium partium esse queat Christus, illi autem Christiani uideri uellent, quid aliud sequebatur quā quod omnium absurdissime, quantum in ipsis erat, Christum diuiderent in Paulinianos Apollonistas & Cephistas, hoc est in authorem sectarum? Dissidentium autem partiū caput esse nequit, quia cōmunis est omniū dominus, quod partes negant, dum quæq; ita sibi Christum adscribit, ut alijs auferat. Is autem non uult rātum Paulinianorum dominus esse, sed & aliorū. Illi autem dissidēt à Paulinianis, & talem Christum uolunt, qui non sit Paulinianorum quoq; dominus. Rursus Pauliniani Christum, ita suū esse uolunt, ut non sit simul & aliorum. Hoc itaque pacto sequit̃ uel schismaticos extra Christum esse, quando ille non uult cuiusquam rātum esse partis, sed communiter omnium, & illi nolūt communem cum alijs Christum, sed proprium & peculiarem sectę suę dominum, uel Christum, siquidem Christiani sunt schismatici, esse diuisum, quod cum sit impium sen-

tire de Christo, merito ab Apostolo urgentur Corinthij schismatici, ac rogātur an diuisus sit Christus.

NVM Paulus crucifixus est pro uobis?]

Primum absurdum quod committebant Corinthij, erat contra unitatem Christi, qui diuidi nequit. Alterum erat contra ipsam redemptionis prærogatiuam. Ea est, ut redemptus alterius nō sit quā redemptoris. Sic infra cap. 7. Empti estis precio magno, nolite fieri serui hominum. Et 2. Cor. 5. Et pro omnibus mortuus est, ut qui uiuunt posthac, non sibi uiuant, sed ei qui pro ipsis est mortuus, & resurrexit. Et Rom. 8. Siue uiuamus siue moriamur, domini sumus. In hoc enim Christus & mortuus est & resurrexit ac reuixit, ut mortuis ac uiuis dominetur. Iam qui se uel Paulinianos uel Apollonistas, uel Cephistas uocabant, hanc Christo prærogatiuam infrangebant, hoc ipso quod aliorū quā Christi esse se dicebant. In alterius enim transire nomen, nō potest filius sine contumelia patris, nec uxor sine contumelia & iniuria uiri. Hoc faciebant schismatici dicentes: Ego sum Pauli, ego sum Apollos, ego sum Cepha. Aliud est dicere: Ego audio Paulum prædicantem, ego à Paulo sum in nomen domini baptizatus, quod ferendum fuisset, & schisma nō respuisset, & aliud: Ego sum Pauli. Audire possumus omnes Christi ministros, esse uero non debemus ullius nisi solius Christi, qui pro nobis est mortuus. Hoc scilicet est quod urget Apostolus, dicens: Num Paulus crucifixus est pro uobis?

AVT in nomine Pauli baptizati estis?]

Insurgit ab occultioribus ad manifestiora. Primum quod de Christo diuiso dixit occultius erat eo quod subiecit. Num Paulus pro uobis crucifixus est? (Occultius inquam quod attinebat ad captum sectariorum.) Deinde quod subiecit: Num Paulus pro uobis crucifixus est? occultius isto quod dicit: Nū in nomine Pauli baptizati estis? Hoc enim apertius erat, in quo minus poterant tergiversari. Non solum apertum erat, in cuius nomen baptizati essent, sed & id quod inde colligitur, nepe eius esse quæque fidelium, in cuius nomen baptizatus est. Finge inter oues oboriri schismata, ita ut pars huius se, pars alterius esse serui dicat, cum sint omnes unius domini, & nulla alicuius serui. Illis si dixeris: Nū diuisus est dominus uester, satis quidem declararis schismatis absurditatem, apertius uero hoc feceris, si dixeris: Num seruus ille cuius esse uultis, uos data pecunia coëmit? Et rursus multo apertius isto, si subieceris. Num serui huius signaculo obsignati estis? Quod si hoc ignoratis, dominum uerū non esse diuisum, nec aliquā ferre diuisionem, deinde eius uos esse à quo estis coemptæ, uel signacula quibus obsignati estis cōsultate. Vnde statim disceris cuius nomini deputari debeatis. Tale quid uelle mihi uidentur istę percontationes Apostoli.

Quod autem non dicit: Num Petrus crucifixus



fixus est pro nobis? uel in nomine Petri baptizati estis? Sed, Num Paulus cruci? &c. Et num in nomine Pauli bapt? seipsum non alium aliquem ponens, prudentia respicit apostolicam, ne uideatur non tam Christi querere gloriam, quam alios ad hoc deprimere, ut solus ipse potiores habeat. Hoc facit & infra cap. 3. ubi seipsum ante alios abijcit, ut Christum extollat, cum dicit: Quis igitur est Paulus? Quis est Apollo? Item. Omnia uestra sunt, siue Paulus siue Apollo siue Cephas.

Admonemur ergo hoc exemplo ut quotiescunq; deprimenda est humana autoritas, ut salua sit autoritas Christi, ut hoc ea faciam? cautione, ne liuore ducti magis nostram quam Christi gloriam querere, uel magis nostram ignominiam quam Christi ulcisci uideamur. Nam ita comparatum est ingenium hominis, ut plerumq; sub pretextu nominis Christi sua quærat gloriam, uel dum alios sibi præferri uidet, oppressos cupiat, non ut solus obrineat Christo, sed ne sint quib? posthabeatur etiam si priores occupare nequeat.

Deinde notandum est hoc loco quam non deceat Christianos alicui se addicere, nisi uni Christo, qui pro nobis est crucifixus, & in cuius nomen baptizati sumus. Hieronymus hoc loco taxari eos quoq; putat, qui suis iam temporibus in ecclesia diuitijs colligendis operam dantes, exemplo se Abraham & Iob tuebantur quibus dici posse arbitratur, Num Abraham crucifixus est pro uobis? Num in nomine Iob baptizati estis? Quasi ne imitari quid liceat aliud præter unum Christum. Si peccant qui imitantur Abraham & Iob, hoc est, qui quod Abraham & Iob licuit, hoc ipso sibi quoq; licere putant quod ipsis licuit, quid de illis dicemus qui non solum pro exemplaribus instituendæ uitæ sanctos sibi alios alij proponunt, ut faciunt Monachi, & Nonne, Benedictini & Franciscani, Dominicani, Bernardini, deinde & qui in doctrina quoq; & opinionibus alios atq; alios auctores sectantur, ut Scotistæ, Albertistæ, Occamistæ, Thomistæ, sed & patronos sibi quisq; peculiarem deligunt, quorum se fidei committant, cui per omnem uitam seruiant, quasi Christiani sint instar pupillorum & orphanorum à Deo patre & Christo domino relictis ac desertis, quibus opus sit humanum patrocinium & *πατρόνη* quædam ne pereant. An non hic dicere possumus multo uerius, quam ubi Hieronymus dicit: Nunquid sancti pro nobis crucifixi sunt? uel in nomen sanctorum baptizati sumus? deinde & cum Hieronymo etiam istis dicere licebit, Num Benedictus pro uobis crucifixus est? Num in nomen Francisci baptizati estis? &c. Num Thomas pro uobis crucifixus est? uel in nomen Scoti uel Alberti baptizati estis?

Tertio, Notandum obiter & hoc est, quid sit baptizari in nomen patris & filij & spiritus sancti, ut habeamus quasi quandam eius formulæ, qua baptizamus, expositionem, in eo quod dicit: Nunquid in nomen Pauli bapti-

zati estis? inde colligens non licere, ut quisquam dicat se Pauli esse, cum non sit in nomen Pauli baptizatus. Quare non licet? Quia se iam non potest alij addicere qui Christo dicatus & obsignatus est. Hoc autem est, qui in nomen Christi baptizatus est. Ergo baptizari in aliquius nomen est quasi in illius obsignari peculiū, ut ad ipsum proprie pertineas, illiusque te esse profiteare solius. Est itaque baptizare in nomen patris & filij & spiritus sancti, inter eos aliquem obsignare, qui in gratiam sunt patris & filij & spiritus sancti ita assumpti & sanctificati, ut nullum præterea patrem, nullum dominum, nullum sanctificatorem, paracletum, aduocatum, cuius se fidei committat, quæcolat, cui obediat ac seruiat, agnoscere liceat. Quid uero ista per baptismum sanctificatio obsignatio, & adoptio secum adferat, non huius est loci, ut commemoremus.

Gratias ago Deo meo, quod neminem uestrum baptizauerim, nisi Crispum & Gaum.

Hoc loco, & ex consequentibus apparet pseudapostolos duabus rationibus discipulos post se traxisse, & inter Corinthios sectarum studia mouisse. Vna erat baptismus. Altera, eruditioris & elegantioris sermonis ad normam mundanæ sapientiæ compositi plausibile studiū fieri potest, ut & alijs nonnullis rationibus usi ad hoc sint, ut suppressa autoritate Apostoli, ecclesiam in partes scinderent. Tamen quoniam de istis hoc loco loquitur Apostolus, non perscrutabimur reliquas curiosius, sed istas confyderabimus.

De prima ratione loquitur hic, cum dicit:

GRATIAS ago Deo meo, quod neminem uestrum baptizauerim, &c.] Liqueat pseudapostolos baptismate usos contentiose, & ad fomentum & corroborationem sectarum, ita ut quemadmodum Galat. ultimo legitur de doctoribus circumcisionis, cogunt uos circumcidi, ut in carne uestra gloriantur, & isti ad hoc baptizauerint doctrinæ suæ quisque sectatores, ut eos quasi in suum nomen haberet obsignatos, qui interea baptizatos ab alijs auersarentur. Ea nanque erat astutia Satanæ, ut hoc symbolo baptismatis, quo filios Dei obsignari uoluit spiritus sanctus in unum corpus, abuterentur ministri ipsius ad dissipationem corporis Christi. Tale studium fuisse etiam in Donatistis & Nouatianis in Ambrosio & Augustino uidere est. Nam illi suæ tantum sectæ potestatem baptizandi uindicabant, reliquorum ab alijs baptizatorum neminem suæ communioni admittentes. Ad quem modum & nostris temporibus pestem hanc Catabaptistæ renouarunt. Cum itaq; studium hoc baptizandi peruersum obtineret iam inter Corinthios, ut pseudapostoli baptizando, non Christo, sed sibi ipsis & suæ gloriæ mystas obsignarent, atq; isti qui baptizabantur, baptistarum suorum nomina induerent: ut ab hoc se studio alienum ostenderet



ostenderet Apostolus, illudq; traduceret, scribit ad hunc modum. Gratias ago Deo meo quod neminem, &c. Non dicit simpliciter, quod neminem, sed quod neminem Corinthiorum baptizauerit, nisi &c. uidelicet ne quisquam se in hoc studio, quasi sua queat autoritate tueri, neue aliquam huius mali occasionem dedisset uideri possit.

De Crispo & Gaio habetur in Actis: De Crispo Act. 18. legimus, ubi archisynagogus fuisse scribitur. Et de Gaio Act. 20. & in ea quæ ad Romanos est, cap. ultimo.

Ne quis dicat, quod in meo nomine baptizauerim.

Hic assignat rationem, cur Deo gratias agat, quod non multos Corinthiorum baptizauerit. Videlicet ne quis dicat, quod in nomine suo baptizauerit. Sed quomodo Apostolo timendum hoc fuisset, si plures baptizasset, quod baptizaret in suo nomine? Ergo qui multos baptizant, uideri possunt in suo ipsorum nomine baptizare, & qui paucos baptizant, suspicionem illa liberi sunt? Expendendæ sunt circumstantiæ. Per se non sequitur, hic multos baptizat, ergo suspicandum est, quod in suo nomine baptizet, cum & Iohannes baptista multos baptizasse legatur, de quo tamen nemo dicere potest, quod in suo nomine baptizaret. Notatur, ut supra dixi, studium eorum qui per baptismum sibi ipsis discipulos obsignabant, adeoque multi erant in baptizando, quia multi erant in augendis suis sectis. Quoniam itaque hic morbus ecclesiam Corinthiorum obtinebat, gaudet Apostolus, quod non multos baptizauerit Corinthi, ne hoc studio laborasse & ipse uideri possit. Quemadmodum itaque dum sectæ urget, & per baptismum augentur, ij qui multi sunt in baptizando, etiam si non dicant, Baptizo te in nomen meum, uidentur tamen in suo nomine baptizare, hoc est, non Christo, sed sibi ipsis discipulos creare, ita qui paucissimos baptizant, ab eo uicio alieni uidentur. Sic baptizabant in suo nomine Donatistæ & Nouatiani, hoc est, per baptismum faciebant ex Christianis Donatistas & Nouatianos, non regnum Christi, sed suas sectas augentes.

Baptizauit autem & Stephanus domum, præterea haud scio, num quem alium baptizauerim.

De Stephana isto illiusque familia habemus infra cap. ult. Diligenter declarat etiam studiose recolendo se non multos baptizasse, nec aliquo baptizandi studio laborasse, cum potuisset in tanta ecclesia baptizare quod plurimos de qua dominus dixerat: Est mihi populus multus in hac ciuitate, ubi ergo dixerat, Neminem baptizauit, nisi Crispum & Gaium, quia occurrebat cogitanti & Stephanæ domus, addit & illam, & quia non erat sibi de aliquo alio conscius, subdit, præterea nescio num quem alium baptizari, non dicens, nullum alium baptizauit, sed nescio an alium aliquem baptizari, simul & cautius, & tamē cō-

A mode hoc commemoras, ut ostendat se tā nullo baptizandi studio laborasse, tamque nullos suo nomini discipulos baptizando parasse, ut quauis paucos baptizaret, eos ipsos tamen in memoria non tenuerit.

Nō enim misit me Christus ut baptizarem, sed ut Euangelium prædicarem.

Iam rationem reddit, quare tā nullo baptizandi studio præditus fuerit inter Corinthios, ut tā paucos baptizaret, ne uideatur hoc fecisse cōtempu baptismatis. Nā absque dubio pseudapost. plurimum pietatis præferebat in sedulitate baptizandi, ut ad ipsos comparatus hac in re Paulus uideri potuerit ad augendum ceterum Christianorum negligēs. Quid rationis ergo reddit? Nō dicit, Quia nihil est baptismus, quia ad regnum Christi nō pertinet baptismus. Sed, Nō enim misit me Christus ut baptizarem, sed ut Euangelium prædicarem. Rationem desumit ex cōditione uocationis suæ ad apostolatū, quā dicit nō sita esse in baptizando sed in euangelizando, se missum esse a domino nō baptistam sed euangelistam, adeoque studium suum fuisse ut quamplurimos Christo per Euangelij prædicationem lucrificeret, baptizandi officio alijs permissio.

Et hic uidemus expositionem duorum locorum Matt. & Marc. ult. ubi suos Christus emittit ad euangelizandum Matth. ult. dicens: Euntes docete omnes gentes, baptizantes eos in nomine patris. &c. & Marc. ult. Ite in mundum uniuersum, prædicare Euangelium omni creature, quicumque crediderit & baptizatus fuerit, saluus erit, in quibus licet mentio fiat baptismi, tamen uis eius mandati non est sita in baptismo, eo quod nō det suis hoc loco mandatū baptizandi sed euangelizandi, unde nulla potest argumentatio ex his locis de baptismo sumi, nisi quod forma in nomine patris ac filij & spiritus sancti baptizandi præscribitur. Et hoc est quod hic Apostolus dicit se non esse missum ad baptizandum, sed ad euangelizandum, nisi uelimus dicere Paulum aliud accepisse mandatū a domino quam reliqui Apostoli, quod temerarium est asserere.

Sed quæret forsitan aliquis, si nō erat missus ad baptizandum, cur ergo omnino baptizauit? Ergo fecit quod nō licuit? Respondeo. Euangelij prædicatio & baptismus, nō sunt res cōtrariæ, ita ut quod alterū obit, hoc ipso nequeat, si necesse sit, alterum administrare. Qui Euangelium prædicat, nō est missus ad dispensandam eleemosynam pauperum. Et tamē, ubi necesse erat, fecerunt hoc Apostoli, uerū quia id ipsum apostolatus erat prædicatio Euangelij, ideo relicta eleemosynæ administratione adhererebāt prædicationi uerbi. Ita & Paulo usuuenit in presenti causa. Per se ipsum noluit baptizare, nisi ita exigeret necessitas, quemadmodum & de Petro legimus Act. 10. quod per se ipsum Cornelium cum suis nō baptizaret ipse, sed iusserit eum baptizari.

Per hanc collationem prædicationis & baptismatis uidemus expressam Euangelicæ prædicationis dignitatē quomodo illa excellat officiū



baptizādi, & ita sit iniuncta apostolis & Euangelistis, ut ne illis sit nisi euāgelizēt, uae aut nō sit si nō p se baptizēt. Vti hoc loco Chrysost. pulchra similitudine ad declarandā Euāgelicę prædicationis respectu baptismi dignitatē, ita tamē ut baptismo interea nihil decedat. Dicit Euāgelicā p̄dicationē perinde habere atq; instructionē athletę, q̄ sane opus habet certandi sciētia & exercitio, nec est cuius p̄stitu possibilibis. Baptismi officiū minus exigere industrię exercitij & laboris, & esse instar ei⁹ officij, quo in certaminibus quidā uictoribus coronas imponebāt, q̄ res talis erat, ut quiuis facile posset p̄stare & tamen sua gloria nō carebat. Ita dicit suo tēpore munus baptizādi in ecclesia cōmissum fuisse senibus quibusdā aliās ad functionē uerbi inutilib⁹. Iā si eadē est ratio cœnæ dominicę q̄ est baptismi, quid est, qd̄ nostri episcopi oēm suā functionē collocant in celebrationē aliquot missarū & quasdā alias cęrimonias humanitus institutas, neglecta Euāgelij p̄dicatione, quā cōmiserunt interea, si tamen cōmiserunt, infimę eruditionis hominibus?

NON erudito sermone.] Trāsit hic ad alterū pseudapostolorū studium puerum suppressum, quo nō solū sectas instituebāt & fouebant, sed uirtutē quoq; crucis Christi eneruebant, quam in sequentibus uindicabit magno studio, usq; ad caput quintum.

Viderāt Pseudapostoli, nec ferre poterāt scādalū crucis Christi, apud sapiētes huius mūdi. Hoc fugere cupiētes, filiū p̄dicandi Christi crucifixi, quo utebant apostoli, mutarūt in doctrinā gen⁹, qd̄ nō redoleret stultitiā crucis Christi & irrisiōni pateret, sed qd̄ redoleret gustū philosophiæ, essetq; plausibile iudicio ratiōis, & alienū ab eo qd̄ Paulus p̄dicauerat de morte & resurrectione Christi, quo pleriq; sapientū offensi fuerāt. Hoc esse puto, quod dicit, nō in sapientia sermonis, ut intelligat hanc σοφολογιαν de doctrinę pseudapostolorū materia, philosophiæ studiū respiciere. Quod si quis intelligere uoluerit cum Chrysost. & Erasmo de sermonis cōcinnati & cōpositi elegantiore structura, ut σοφον sit hoc loco idē qd̄ elegās, quasi Apostolus hoc taxet in pseudapostolis qd̄ rhetoricati sint in Christo p̄dicādo, neglecta Euāgelij prædicādi simplicitate, p me licebit. Arbitror aut illos doctrinā suā etiā hoc quoq; quasi condimento ab irrisiōne mundanę sapiētię uindicasse, cū in posteriore epistola appareat Paulo ab illis contemptibilis sermonis obiectam esse uilitatem.

Agnoscit ergo, imo uocationi suę uindicat sermōis simplicitatē, q̄ sibi ad pseudapostolis p̄bro dabat, tā abest, ut huius gratia pudeat, cū dicit se nō solū missū esse ad euāgelizādū sed ita quoq; missū esse, ut q̄ simplicissime, reiecta omni sermonis cōpositione & elegantia sine omni mundanę sapiētię facultate & subsidio, sermonē crucis Christi Gētib⁹ p̄poneret. Et hoc facit p negatiuā, dum dicit, nō in sapiētia sermonis. Ergo in simplicitate sermo-

nis. Nā ista est cōtrariorū natura, ut ubi alterū negat, alterū affirmet. Negat se missum esse ut euāgelizet erudito sermōe, igit̄ indicat se missum esse, ut euāgelizet sermone rudi ac simplici. Nō hic cōparatū est, ut suprā, cū Euāgelio & baptismo, ubi dixit, nō ad baptizādū sed ad euāgelizādū. Nam baptismus Euāgelio non pugnat, licet sit separata actio & nō proprie apostolica. Pugnat autē studium eruditi sermonis, quod hic a se reijcit Apostol⁹, studio sermonis rudis ac simplicis, quod uidemus cōsuetum esse sacrę ubiq; scripturę.

NE inanis reddatur crux Christi.]

Crucē Christi uocat mortē Christi & redemptionē nostrā, quę est per mortē Christi. Illam cōmendaturus a uirtute, cōtra studiū Apostolorū, nō simpliciter dicit ne inanis sit nostra redemptio, sed, ne inanis reddatur crux Christi. Conatur enim etiā ipsū mortis genus, mysterij gratia, cōmēdare & extollere, adeoq; ut & supra cōepit, aperte ac fortiter meminit crucis Christi, de qua erubescbāt sectarij. Sic & alibi dicit, Ego autem nihil uolo scire nisi Christū Iesum & hunc crucifixum. Item a me absit gloriari nisi in cruce domini nostri Iesu Christi.

NE inanis reddatur) ἵνα μὴ κενωθῇ. Ne euacuetur: Quę euacuatur inania reddūtur, ut inania oua & inanes nuces sunt, in quibus nihil est solidi. Ita per hāc metaphorā p̄ponit nobis crucē Christi, id est mortē Christi, uelut plenū copię cornu, unde hauriam⁹ cognitionē diuinę uolūtatis, dilectionis immentę, uitā ac felicitē uerā & sempiternā, iustificationē, pacem & gaudiū: quę omnia in hanc crucē thesauri instar collocata sunt, ita ut qui ista tollat & obscuret, recte dicatur euacuare crucem Christi quantum in se est, licet interea sit omniū celestibus bonis plenissima credentibus.

Iā ergo causam reddit, quare nō sit missus, ut erudito sermone prædicet Euāgelium Christi, sed rudi ac simplici, uidelicet, ne inanis reddatur crux Christi, quod iā nō esset agere Apostolū Christi sed Satanę, nō Euāgelij doctorē sed falsificatorem. Quid enim aliud est, qui uel ut marsupium suum refertum reddat, uel mētē inani gloria tumidam, ita prædicat Christū ut inanem faciat illius crucē, unde mortalibus omnis constat spes salutis ac uitę.

Docet ergo, quatenus nō agnoscat studiū elegātis & compositi sermonis, & quale, ne p̄tēmus usum & artificiū eloquētię ab Apostolo prorsus dānari. Nō agnoscit etiā opes & potētia cū tamē sint bonę Dei creaturę. Hactenus in ministerio nō agnoscit eloquentiā, & asserit sermonis simplicitatē, quatenus nō euacuetur, sed probe dispensetur gloria & uirtus crucis Christi. Vbi res agitur nō Euāgelij & regni Christi, sed mundi huius negocia dispēantur, ibi certe locum habet fucus & uis eloquētię, locū habent rationes & persuasiones humanę sapiētię, ut quod res ipsa forsan, sua ueluti nuditate absq; ullo fuco & artificio p̄posita obtinere nō potest, obtineat belle cōposita & elegantē



ganter structa. Vbi uero proponēdū est Euangelium Christi, crucis mysterium, opus diuinę uirtutis in Christo, ibi non habet locū artificium eruditi sermonis, sed simplicitas rudis & incōpositę dictionis, ubi exigitur fides in Christū, ibi locum nō habet humanę sapientię λογισμοί, & enthymemata. Quare? Ne euacuetur gloria crucis Christi, & statuatur gloria sapientię carnis: ne fides nostra in Christum debeat magis rhetoricis persuasionib⁹ quā uirtuti gratię Christi. Defectus & infirmitatis indicium est, ubi opus est externo & accessorio apparatu. Mulier uenusta & honesta, quę natiuo decore commendatur, nihil opus habet, ut fucis ornetur. Turpis uero & inhonesta, opus habet ut belle cōpta fucata & composita procedat, ut quod nō potest naturali & propria pulchritudine obtinere, obtineat aliena & emēdicata, cui si demas ascititium ornatum nihil aliud relinquit quā ipsa turpitudine & deformitas.

Interea tamen non est putandum locum hic dari ineptię illi barbariei, cui affine fuit, imō deditum pręteritum sæculum, quā magis uocare licet sermonis confusionem ac corruptionem, quā simplicitatem. Vt enim non est probandum in ministro Euangelij, si studeat rhetorico dicendi artificio, ut magis rationi humanę plausibilem quā homini Christiano credibilem sermonem componat, quo nō tam Christo quā sibi gloriam quęrat, ita probandum non est si impure, incondite, confuse, corrupte ac peruerse dicat, ita ut neq; se ipsum probe intelligere queat. Candor & puritas sermonis, uocum scilicet & sententiarum, ut intelligi possis quid dicas, tam abest, ut reijciatur ab Euangelio Christi, ut magis requiratur. Neq; enim hoc quęrit Apostolus à ministro Christi, ut sit barbarus & ineptus, sermone corrupto & obscuro, sed ut simpliciter & pure Euangelij & crucis Christi doctrinā proponat.

Cauendum itaq; omne studium non solum dicēdi, sed & quodcunq; aliud, quo crux Christi euacuatur. Astutia Satani nobis nōdū satis est obseruata. Nō est putādū nullā illi esse methodum euacuādi crucem Christi, nisi per studium eloquētię. Euacuat mille modis. Quisquis Christianam religionē fundat opibus & potentia mundi, quod iā olim cōeperunt & fecerunt Rom. Pontifices, is certe euacuat crucē Christi. Quisquis humanas uires & humana merita docet in religione Christi, euacuat crucem Christi. Quisquis nostram satisfactionem pro peccatis docet euacuat crucem Christi. Quisquis ueritatē carnis Christi negat, quod plerique hæreticorum fecerunt, euacuat crucem Christi. Quisquis etiam id quod in ipso Christo gloriosum est & cōeleste ita admiratur, complectitur, & prædicat, ut interea negligat crucē Christi, in qua una gloriatus est Paulus, ut sensim credentiū animos à uirtute crucis Christi, per quam saluamur auocat, ita mirabili consilio Satani prępostera glorię Chri-

A sti commendatione gloriā crucis Christi euacuat, & in ipso Christo Christum destruit.

Nam sermo crucis, ijs quidem qui pereunt, stultitia est, & nobis qui seruamur, potentia Dei est.

Per distinctionem declarat quatenus sit sermo crucis stultitia, quatenus uirtus & sapientia Dei. Potest etiam exponi per ἀνθυποφοράν, uel per cōcessionē. Fugiebant pseudapostoli scandalum crucis Christi, malentes mundo quā Christo placere, adeoq; nouam & doctrinā & doctrinę formā, quę plausibilis esset humanę sapientię, introducebant. Hanc illorū stultitiam notans, concedit primum, sermonē crucis stultitiam esse quibuldā, uerum talibus, quorū nulla debebat esse ratio ministro Christi, idq; nō ex uicio doctrinę crucis, sed eorum quibus illa pro stultitia reputatur, alioqui uirtutem esse Dei, ijs qui saluantur. Vt si uelis uino laudem uindicare, cōtra illius calumniatores, dicas: Vinum quidem noxiū est, sed febriçantibus, sanis autem plurimū adfert & utilitatis & iucūditatis. Aut si honesti uiri nomē & gloriam cōtra illius osiores asserturus dicas: Displicet quidē & male audit, sed apud reprobos, probis uero admodum cōmendatur. Hic duplici nomine cōmendatur uir honestus. Primum in eo quod bonis placet, deinde non minus in eo quod malis displicet, quibus displicuisse multa est laudis portio. Ita & hoc loco B Apostolus quod putabatur cedere ad ignominia crucis Christi, declaratione ac diuisione sua conuertit in illius gloriā. Quasi enim obiecturi essent: quid iactat nobis doctrinam crucis, quasi magnus in illa recōditus sit sapiētię thesaurus cum sit stulta? occupat dicens: Nam sermo crucis, ijs quidem qui pereunt, stultitia, & nobis qui saluamur, potentia Dei est.

Tuetur ergo gloriam & uirtutē crucis Christi, quam innuerat dicens, ne inanis reddatur crux Christi. Quod aliunde inane potest reddi, in se utile sit necesse est. Quod enim in seipso est inutile, extrinsecus non potest reddi inutile. Scelestus homo à nemine potest scelestus reddi. Ideo declarandi eius gratia, scandalum stultitię quod cruci Christi aliunde impingebatur, amolitur, imō in laudem & gloriam illius uertit dicens: Nam sermo crucis, fateor, stultitia quidem est, sed perituris. &c.

I Illud, POTENTIA Dei est] bifariam potest exponi. Aut enim intelligēdum est, Sermonē crucis haberi pro uirtute Dei, ab ijs qui saluantur, sicut habetur pro stultitia à pereuntibus, atq; ita & Hieronym⁹ & Ambrosius exponūt, aut intelligēdum est, quod ijs qui saluantur re ipsa sit Dei potentia, non solum æstimetur, secundum illud. Rom. 1. Non me pudet Euangelij Christi. Potentia siquidem est Dei, ad salutē omni credēti. Nā utrūq; uerē de Euangelio Christi enim dicitur, nō solum quod in se ipsa sit uirtus Dei crux Christi, sed quod qui saluantur, per uirtutē illam Dei, quę in prædicatione Euan-



ne Euangelij operatur, saluentur. Et hoc sensu poterimus sic legere, at potētia Dei nobis est, qui salutem per illum consequimur. Sicut statim dicit, Placuit Deo, ut per stultitiam prädicationis saluos faciat credentes.

SERMO crucis.] Notandum hic est quomodo uocet Euāgelij prädicationem sermonem crucis, id est sermonē de cruce Christi. Quod enim de cruce Christi prädicatur, id uocatur sermo crucis. Epitheton hoc Euangelij diligēter obseruādum est, & penitus omnium Christianorum mentibus insculpendum, ut sciant quando uere uel prädicent, uel audiant Euāgelium Christi, nempe quādo sermonē crucis Christi quo uisum est Deo saluare credētes, prädicāt uel audiunt, ne se ullo pacto abduci sinat uel ad splēdidiora uel ad sublimiora, quod Corinthijs p pseudapostolos usuuenerat, qui relicto sermone crucis plausibilia proponebāt.

STULTITIA est pereūtib⁹.] Qua in re uidebatur sermo crucis stultitia pereūtibus? Nam oportet illi aliquid inesse, quod incredulorū iudicio stultitiā sapiat. Crucifixus ille prädicabatur ab Apostolo filius Dei, prädicabatur saluator mundi. Iam utrunq; uidebatur mūdi sapientibus summā referre stultitiā, uel hoc scilicet credere de filio Dei quod crucifigi sustinuerit ac potuerit, uel credere de homine per infirmitatē cruci factō obnoxio, quod esse possit aliorū saluator, quum seipsum saluare nequiuert. Ita enim & Iudæi dicebant, Alios saluos fecit, & seipsum non potest saluare. Offendebat ergo omnino incredulos, mundi sapiētes, sermo iste crucis, utroq; nomine, cū prädicās de crucifixo, quod sit filius Dei, tum affirmās, quod sit saluator mūdi. Si Deus est, inquiunt, quid poterit stultius excogitari, q̄ Deū cruci affixū, se non potuisse liberare ē manibus mortaliū? Si homo est, & ita infirmus, ut crucē effugere nequiuert, quid & hic stultius fingi poterit, quā credere hominē crucifixū, omnes mortales saluare posse, etiam si quā maxime iust⁹ fuerit, cum sibi ipsi saluator esse nequiuert?

QUI pereunt, & qui saluamur.] De discrimine electorum, & reprobōrū, hoc est, pereuntium & saluandorū, notādus est hic locus, quomodo queat utraq; pars agnosci, pereuntibus dicit sermonē crucis esse stultitiā, ijs qui saluantur, Dei potētiā. Cupis scire ad utrā partē pertineas, expende quid tibi uideatur sermo crucis. Si stultitia, signū est, quod de pereuntibus sis. (Qui omnē medicinā & cibū respuit facile moriturus intelligitur.) si potētia Dei, iudiciū est, quod ad salutē ptineas. Et unde aliās habet Apostolus istā certitudinē qd̄ dicit, nobis q saluamur, nisi ex eo quod fide Christi Iesu credentes agnoscunt in cruce Dei potētiā? Tam abest ergo, ut odio habeamus Euāgelio reluctantes, ut magis cōmiseremur, tanq̄ manifesto iudicio pereūtes. Videm⁹ præterea hic fieri nō posse, ut sermonem crucis agnoscant, qui electi nō sunt. Verum de electis ac reprobis peculiaris locus in locis nostris erit.

A Scriptū est enim: Perdā sapiētiā sapiētium, & intelligentiā intelligentiū reijciā. Vbi sapiens? ubi scriba? ubi disputator sæculi huius? Nonne infatuauit Deus sapientiam sæculi huius?

Per scripturas fidem facit uerbis suis. Citat duos locos ex propheta Esaia. Prim⁹ ex capite 29. alter cap. 33. Quid ergo confirmat eorum quæ prēmisit? Præcedentia duo habuerunt, unum, quod sermo crucis stultitia sit pereuntibus. Alterum, quod potētia Dei sit ijs qui saluantur. Ex his uero sequitur quod doctrina crucis quæ prädicatur ad salutem mortalium talis sit, ut iudicio sapiētiæ humanæ compræhendi & agnosci nequeat. Iam qui Euangelio reluctantur iniquum putant talem institui uia ad salutem, quā humanus intellectus assequi nequeat, adeoq; putāt hoc deo adscribi nō debere. Et hodie quoq; Iudæi dicūt se credere nō posse, quod Deus tam occulto & obscuro modo mittere uoluerit filium suū ut non potuerit agnosci, cum hoc nihil sit aliud, quā illudere mortalib⁹, promissiones scilicet ita seruare, ut nemo uoluerit eas agnoscere. Necesse ergo habuit Apostolus scripturarum testimonio probare hoc esse prædictum per spiritum sanctū quod in illis diebus, ubi opus redemptionis perficeretur, ratio saluādi talis futura esset, quā sapiētia sæculi huius nō agnosceret. Ideo hos prophetæ locos inducit, ne quisquā calūniari queat quod ē suo capite ista confingat.

B PERDAM sapientiam.] quod ad historiam attinet, minatur Deus populo suo tā intolerabile exitiū per Assyrios, ut nihil sint inuenturi remedij etiam sapientes & intelligentes inter ipsos. Et illud, ubi sapiens? cap. 33. insultatio est liberatorum contra obsessores urbis Ierosolymæ. Nam pollicetur propheta liberationē populo ab obsidiōe ista graui regis Sancherib, ita ut sint liberati iam insultaturi illis, quos antea metuerāt, ac dicturi, Vbi iam est scriba? ubi est quæstor? ubi est scriba Palatiorū? Nam antea dederant regi Assyriorum tributū, quo negato per Ezechiam, ortum erat id belli. Sed hac de re in Cōmētarijs nostris super Ieshaiā. Quod ad lectionē attinet posterioris huius loci, Apostolus neque Ebræa neq; Septuaginta sequutus est, sed magis sensum pro sua libertate expressit quā uerba. Nā in Ebræo ita habetur איה סופר איה שוקל איה סופר את המגדלים .i. ubi scriba? ubi pōderator? ubi scriba turriū? Septuaginta uero sic πῶς εἰσὶν γραμματικοί; πῶς εἰσὶν συμβολαιοῦντες; πῶς εἰσὶν ὁ ἀρχιμωρὸς τῶν συστρεφόμενων μικρῶν καὶ μέγαν λαόν; Proinde quidā putāt hęc Apostoli esse uerba non alicuius scripturę. Nā nisi unica interrogatiuncula est quę quadrat, nempe, ubi est scriba? reliqua diuersa sunt. Quod enim dicit, ubi est sapiens? nec est in Ebræo nec in Græco. Iterū, ubi est inquisitor sæculi huius, nec est in Ebræo & ipsum nec in Græco. Et præterea etiā id quod cōgruere uidetur, uerbo tātū cōgruit nō sensu. Nā scriba סופר Ebr. & Græce, γραμματις



in propheta nō ad sapiētiā, sed ad officiū illud quæsturæ pertinet, qđ magis potestatis quā sapiētiæ autoritate ualebat, in Apostolo uero *γραμματίας*, idē est quod literatus & doctus, ut cōgruat p̄cedēti, ubi est sapiēs? & sequenti, ubi est disputator sæculi huius? His de causis p̄pe assentior illis, qui putāt hāc insultationē cōtra mūdi sapiētes mere esse Apostoli nō scripturæ uerbis cōtextā, quam p̄missio scripturæ loco cōmodū subiecit, tanquā ex illo natā. Instat enim, & urget, ueritatē huius prophetę cōspicue adimplerā euincens. Quali dicat: An nō conspicuum est quod p̄pheta dicit, hoc nostro tēpore, in hac Euāgelij Christi causa? Nēpe q, sapiētiū Deus sapiētiā perdiderit. Date mihi aliquē sapiētē, date literatū, date Sophistā aliquē & acutū disputatorē, quēso quid adfert in hac causa? Primum, nō intelliget, sed magis explodet. Deinde q̄ adferet ex sapiētiæ penetralib⁹ plane stulta erūt, nec quicq̄ faciēt ad uerā salutē. Et hoc est, quod p̄pheta dixit, quod ad oculos iā adimpletū uidem⁹, ut sapiētiā mundi huius Deus infatuauerit.

Nō est aut̄ putandū q, iudiciū hoc Dei, quo mūdi sapiētes in cognitione Christi apprhēdenda infatuantur, iā olim finē ceperit, cū ipsa causa adhuc duret, & sapientia mundi eadē sit quæ tū fuerit. Proinde quēadmodum suo tēpore Corinthios Apostolus cōtra hoc scandalum, quod Euāgelium crucis à sapiētibus mundi reprobatur, hoc prophetæ loco muniuit, ita & nos hodie cōmuniendi sumus similibus locis, ne offendamur, cū uidemus neminē ita reluctari doctrinæ Euāgelicæ atq; mundi huius sapientes, quales eos hic describit Apostolus, uocās literatos & disputatores. Deinde uidemus etiam hic quā sit periculosum homini Christiano eximium fieri in mundana sapiētiā & eruditione, cuius nostro quoq; tēpore conspicua sunt documenta. Et præterea, q̄ non sit sperandū causam religionis suo fore loco per literatos & disputatores restituendam.

Illud, NON NE infatuauit Deus sapientiam huius mundi? ] Bifariā exponit. Primū, ut idē sit, atq; infatuatā ostēdit. Sic exponit Chrysostomus. Nec insolēs est ista loquutio, ut dicatur infatuare aliquē qui fatuū esse declarat & cōuincit. Ita nos Germani dicimus. *du mußt mich zum dieb machen*, hoc est, probādū tibi erit, q̄ uere me furē uoces. Ad hūc modum p̄ sermonē crucis declarauit deus & manifestū fecit sapiētiā mūdi huius prorsus stultā esse in rebus diuinis ad salutē pertinentibus, ubi cōpertū fecit, eos potissimū offendi cruce Christi, qui reliquis sunt sapiētiores. Deinde ita exponitur, ut non solū declarauerit hoc Deus p̄ sermonem crucis, sed & ipse effecerit, id est ipsam sapientiam excæcauerit singulari iudicio, dum studio cōsiliū uoluntatis suæ ab ipsis abscondit, Matth. 23. ut uidentes non uiderent. Iohan. 9.

Nec emphasi caret, quod non dicit: Nōne Deus sapiētes huius mūdi infatuauit, sed nōne sapiētiā, &c. Nā si dixisset sapiētes, mox co-

gitaret aliquis, Apostolū nō de omnib⁹ sed de sui tātū tēporis sapiētibus, forsan stupidiorib⁹ loqui. Vbi uero dicit ipsam sapiētiā infatuatā esse à Deo p̄ sermonē crucis, apertū est stultitię dānari in rebus diuinis uniuersam sapiētiā, quā & Cicero lib. 2. de finib⁹ uocari posse dicit rerū diuinarū humanarūq; sciētiā. Et Basiliius homelia de prouerbijis Salomonis sic definit: *ἡ δὲ σοφία ἐπιστήμη διῶν καὶ ἀνθρωπίνων πραγμάτων, καὶ τῶν αἰσίων*. Huc etiā pertinet quod dicit sapiētiā mundi huius, & nō sapientiam aliquorū philosophorum, ut includat omnē ætatem, omne sapientię genus, & nihil relinquat planē iudicio & intelligētiae rationis humanę, ut uerum sit illud Christi, Nemo cognouit patrem nisi filius, & cui uoluerit filius reuelare.

Nam quoniam in sapientia Dei non cognouit mundus per sapiētiā Deum: uisum est Deo per stultitiā prædicationis saluos facere credentes.

Rationem assignat, cur Deo uisum sit talē salutis uiam inducere, quam mundi sapientia non agnosceret. Quoniam, inquit, mundus in sapientia Dei, per sapientiam suā Deum nō cognouit. Habet autem ista *αἰσιωχία* duas partes. Primum quid Deo uisum sit, deinde quare hoc uisum sit.

VISVM est Deo, inquit, per stultitiā prædicationis saluos facere credētes. ] Stultitiā prædicationis Ebraico more uocat stultā prædicationem. (Intelligit autem sermonem crucis) quam non ideo sic uocat, quod sit stulta, sed quod uel stulta uideatur sapientibus huius mundi, uel quod stultos iuxta mundū exigat, quos saluet, ut & infra cap. 3. admonebit, cum sit ipsa sapiētiā Dei & uirtus Dei. Et huic stultitię pulchre conuenit, quod non dicit, saluos facere intelligentes, scientes, sapiētes, exquirentes, disputantes, sed credentes, hoc est, stultos, iuxta rationem mundi. Nam illius iudicio stultum est aliquid pro certo apprhēdere, ubi nullæ assignantur rationes & persuasiones, sed simpliciter exigitur, ut credas. Et reuera in rebus mundi ita habet, unde & plerunq; huiusmodi stulti, omnia credentes, facile falluntur. In rebus uero diuinis ubi Deo creditur, nō ita. Nam illic Deo creditur omnium ueracissimo, qui neminem fallit.

Deinde, Cur ita Deo uisum est? Quoniam in sapientia Dei, &c. Sapientiam Dei uocat, constitutionem istam cœli ac terræ & omnium quæ in illis sunt, quæ omnia sapientissime sunt condita, siue res ipsas, siue rationem & causas earum, siue effectus & utilitatem, siue ordinem, harmoniam, & constantiam, siue magnitudinem multitudinemque infinitam, deinde & splendorem ac pulchritudinem (unde & *κοσμος* id est ornatum uocarunt) respicias, ut nihil aliud expendenti occurrat, quā immensa quædam & incompræhensibilis opificis huius & sapientia & potentia,



quam admirari & suspicere possis perscrutari nō possis. Per huius sapiētiæ Dei prædicationem, quæ egreditur etiamnum in uniuersum orbem, mundi sapiētia Deum non cognouit, nec ut Deum coluit ut seruaretur, ideo aliam inuenit rationem, ut seruaret uel credentes & stultos, posteaquam sapientes per suam sapientiam sapientem Deum nō cognouerunt. Et hæc saluandi stultos credētes ratio, licet cedat ad infatuationē sapiētiæ mūdi, deinde ad excēcationē eorū qui illa in reb<sup>9</sup> diuinis utunt<sup>r</sup>, ut possit uideri iudicium quoddam irati Dei, quatenus perdūtur sapiētes in sua sapiētia, tamen in seipsa est ipsissima misericordia & gratia beneuolētis Dei, & cōsultū cupiētis humano generi. Vnde ut uerbo *ἡ δὲ ἀποστολὴ* usus est Apostolus, qđ significat beneuolētiæ cuiusdā cōsiliū, quā beneuolētiā Dei erga homines expresserunt & angeli in natiuitate Christi. Quia in re perinde fecit Deus, atq; si ciuitas quædā lōgo tēpore liberalitatē regis p quā fuisset in libertate cōstituta, non sustinuerit agnoscere ut & grata esset, & regē ex animo coleret, adeoq; digniā esset, q̄ ingratitudinis & socordiae merito periret: Rex uero quia nōdum luberet uniuersam delere, sed quouis modo ad meliora reducere cōsilio mutato libertatē adimeret, & salutē ita pmitteret, ut in seruitutē redacti obediētes seruarentur. Quis nō reges huius simul & sapiētiā & beneuolētiā iuste deprēdicaret? Quis diceret factū esse animi irati, etiā si postea inobediētes, & libertate pristina p rebellionem utentes merito perirēt? Ita plane uidetur habere cōsiliū hoc Dei, cuius Apostolus hic meminit. Ex hoc ergo colligimus ista duo. Primum, nō esse aliā saluādi rationem, quā istā quæ est per stultitiā prædicationis, qua saluantur credentes, ut merito pereant, quicunq; alia uia salutem quærunt.

Alterū, in causa salutis nostrę exigi stultitiā hanc, qua nō scrutemur, nec rationes exquiramus eorū quæ per Euāgelij prædicationē proponuntur, sed captiuato omni rationis intellectu, imo repugnante, cedamus in obsequium & seruitutem fidei.

Hæc duo cōsyderata, adimunt credentibus offendiculū illud quod in sermone crucis per mundi sapientiam Corinthijs obijciebatur, & perpetuo obijcitur, ita ut iam nemo Christianus offendatur, si uiderit Euāgelicam doctrinā, stultitiæ instar, à sapientibus mundi huius explodi, sed magis stupeat & admiretur, si uideat aliquem ex sapientibus illam amplecti.

Videmus etiam hoc loco, q̄ iustum iudiciū iræ Dei maneat eos qui doctrinā Euāgelij respiciunt, & hanc diuinæ beneuolentiæ rationē ad humani generis salutem propositā explodunt, sicut & Iohānes dixit: Qui nō credit, ira Dei manet supra ipsum. Nullam enim possunt habere excusationem increduli, siue sapientes siue stulti iuxta sæculū. Sapientes quia dono Dei abutuntur, & in sapiētia sua Deū nō agnoscunt nec colunt, sed summā Dei sapiētiā cō-

temnūt. Stulti quia cōsiliū Dei, ad hoc temperatum, ut ad salutē accedere liceat, absq; ullo sapientię carnis adminiculo, nec quicquam exigatur quā ut credatur, ad quam rem apolitissima est stultitia iuxta mundum, & ipsi contēnunt. Vt ergo rex ille cuius suprà memini merito perderet inobedientem ac rebellem ciuitatem, quæ nec libera, nec serua dominum suum agnosceret, ita & mundus à Deo omniū iustissime damnabitur.

#### Q V A E S T I O I.

Sed quærat forsan aliquis, quomodo mundum dicat Apostolus Deum in sapiētia sua per sapiētiā nō cognouisse, cū idem ipse Apostolus Rom. i. dicat sapientes Deum per uisibilia opera illa cognouisse. Notādum est hic, duplicem esse cognitionem Dei. Vnam, generalem illam quæ est communis omnibus ex opificio Dei omniū illustrissimo. De ea loquitur Apostolus Rom. i. Illa non saluat, licet excusationē adimat. Alterum, specialem hanc, quæ est diuinæ uoluntatis in Christo cognitio, & ad salutem facit. Hanc scilicet non cognouit mundus per sapiētiā suā in sapiētia Dei, de qua, hic locus est.

#### Q V A E S T I O II

Deinde quæri potest, quomodo dicat Deū cōsiliū hoc stultæ prædicationis tum inijsse, posteaquam mundus per sapiētiā suā Deum in sapiētia Dei non cognouit, cum alibi consilij huius mysterium fuisse ab æterno absconditum in Christo Iesu, & electos ante constitutionē mundi ad uitam in Christo prædestinatos esse doceat Ephes. i. Respondeo. Loquitur de Deo humano more, ut & scriptura facit Genes. 6. & multis alijs locis. Sic quoniam ubi cœpit Euangelium tum primum uisā est mutata saluandi ratio, ideo dicit Deum consilium hoc cepisse, cū tamē tūc prædestinaret à sæculo, ut infra 2. Loquitur ergo hoc loco Apostolus secundum temporis rationē, de eo quod in tempore cœpit, & secundum ordinem dispensationis diuinæ, non secundum abditissimam consiliorum Dei abyssum, in qua latet huius consilij principium.

Quandoquidē & Iudæi signum postulant, & Græci sapiētiā quærunt. Nos autem prædicamus Christum crucifixū Iudæis quidem offendiculū, Græcis uero stultitiā, sed iisdem uocatis, Iudæis pariter & Græcis Christum Dei potentiam ac sapiētiā.

Declaratio est superiorum. Dixerat sermonem crucis stultitiā esse pereūtibus, deinde per stultitiā prædicationis saluos fieri credētes. Iā declarat qua ratione prædicatio Euāgelij, sermoq; crucis perituris sit stultitia, quos diuidit in Iudeos & Græcos. Quoniā inquit Iudæi increduli signum postulāt, & Græci sapiētiā quærūt. Nos autē prædicamus crucifixū Christū, in quo Iudæi quæ petunt signa nō inueniunt, nec



nec Græci quā querunt sapientiam, ideoq; Iudei in eo offenduntur, & Græci pro stultitia habent, quod de Christo prædicamus. Et hac ratione impediuntur ne Christū fide apprehendant. Obserua, quod eos quos uno uocabulo perituros uocauit, iā uocat Iudæos & Græcos, p quos nō modo & cæterarū nationū incredulos cōprehendit, sed & omnē totius mūdi sanctimoniam pariter & sapiētiam pstringit, eiusq; dementiæ damnat, quod Christū sapiētiam ac potentiā Dei, ppostero certitudinis studio seducti, signaq; & sapiētiam quæretes, respuāt & auersentur. Quid ergo præterea habet in se mūdus hic eximium, quod accōmodum sit regno Dei, quādo potissimæ illius nationes, Iudæi ac Græci, cū sanctitatis, tū sapiētiae nomine cōspiciuæ, offendiculum ac stultitiā inueniunt in eo in quo Deus summā uoluit esse potentiam ac sapientiam omnibus in ipsum credentibus?

Quid est autē signum & sapiētiam quærere? Est nolle credere uerbo Dei, sed uelle certitudinē habere talē, quā ratio queat apprehendere. Ergo qui signa & sapiētiam quærit, fidē crucis Christi respuunt, in qua ipsorum iudicio inueniunt stultitiā & impotentiā, atq; ita offenduntur ac pereunt. Vocati uero id est credentes, in cruce Christi inueniūt sapiētiam & potentiam Dei, dū credunt se morte Christi à morte liberatos & ad uerā uitā assertos, q Dei sapiētia & potētia ab incredulis intelligi non potest, quia non humana ratione, sed fidei sensu capitur, iuxta illud, Nisi credideritis non intelligetis.

Quid est autē quod Iudæis signa petētibus in Christo ter miraculis referto non potuit satisfieri? Hoc scilicet est, q signa uel nō querunt ex animo, uel nō ea quærit q uirtute Dei facta sunt in Christo sermonem suū confirmante sequentibus portentis, sed peculiaria quædā, ut ab ipso Christo quoq; signū de cælo petebant. Matth. 16. id quod nihil erat aliud q hypocrisis & subdola cōtra ueritatis agnoscendē lucem tergiuersatio, cui nullis etiam signis, utut immensis & infinitis, satisfieri poterat.

Videmus ergo, q animis excæcatis ac pertinacib<sup>9</sup> nequeat ullis quantūuis magnis signis & portētis ad hoc satisfieri, ut lucem ueritatis agnoscāt & amplectant. Quid ergo quærit hodie, q ad p̄dicationē Euāgelij signa postulant?

Dicet quisq;. Ergo ne usq; adeo illicitū est signa quærere, ut hoc nomine digni sint qui pereant, quotquot ad certitudinē ueritatis acquirendā signa poscūt? Quid est ergo quod Ahas p̄pterea in scripturis culpa, quod signū à Deo petere nolebat? Respondimus ad hāc quæstionem in commentarijs nostris super Iesaiam cap. 7. Multū refert quare & quomodo signū petas à Deo uel nō petas. Si ut Iudæi increduli, facis rem illicitā, si ut Ezechias, & Gideon, tā non peccas ut etiam quod petis impetres.

4 Illud, Christum Dei sapiētiam & uirtutē, de Christo crucifixo, deq; illius cruce & morte intellige. Nā, ut & Hierony. hic admonet, nō loquit de Christi diuinitate, sed de mysterio, di-

A p̄satione, & uirtute crucis, in qua & Iudæi offendunt & Græci stultitiā inueniunt, credētes uero Dei sapiētiam & uirtutē, ad saluādū uidelicet. Quod dicit, iisdē uocatis Iudæis pariter & Græcis, facit ad discretionē earū dē gentiū incredulorū & fidelium, ne ipsos populos totos reprobatos esse putemus. Fideles uocat uocatos, cū tñ in genere uocari uoluerit oēs, ipseq; Christ<sup>9</sup> dixerit, multi uocati, pauci uero electi, unde cōstat, nō uenisse ad fidem Christi quotquot sunt uocati. Vocatos ergo hic intelligit eos, quos De<sup>9</sup> ad salutē destinauit, ideoq; singulari gratia ad regnū suū uocari uoluit, quomodo & Ro. 8. legim<sup>9</sup>, quos p̄destinauit hos & uocauit, quos uocauit, hos & iustificauit, non eos de qb<sup>9</sup> dictū est, q uocati sūt nō erāt digni.

Quoniam stultitiā Dei sapientior est quā homines, & imbecillitas Dei robustior est quā homines.

1 Hoc pertinet ad id qd̄ dixit uocatis Iudæis pariter & Græcis Christū crucifixū esse uirtutē & sapiētiam Dei. Ratio est, inquit, q id qd̄ stultum putatur in Deo & infirmū, uidelicet quod p̄dicamus filiū Dei crucifixū q res Iudæis infirmitas, Græcis stultitia uidet, sapientius est & potētius q sit ulla sapientia & uirtus humana. Quare? Quia qd̄ nulla potuit p̄stare sapientia nullaq; potētia mūdi, hoc p̄stitit crux Christi. Mortē, peccatū & regnū Satanæ destruxit, iusticiā & uerā felicitatē cū sempiterna uita inuexit, qd̄ nec Iudæorū sanctimonia, nec Græcorū philosophia unq̄ potuisset efficere. Sed ista crucifixi sapiētia & uirt<sup>9</sup> incredulis est abscondita, & tamen à credentibus agnoscitur.

2 Exponunt quidam hunc locū etiā de sapiētia & uirtute p̄dicati Euangelij, quo tot<sup>9</sup> orbis innouat<sup>9</sup> est, & cōferūt hic imbecillitatē philosophiæ in ipsis capitib<sup>9</sup> Platone & Socrate, cū uirtute Euāgelij, declarantes q illa nihil, ista tā immensa effecerit. Vide hoc loco Chrysost.

Videtis enim uocationem uestrā fratres, quod non multi sapientes.

1 Probat qd̄ dicit p̄ cōditionē eorū quos uocatos suprā dixit. i. credētes in Christū. Exponunt autē ista bifariā. Primū, de cōditione ministrorū Euāgelij, quales illi fuerint, nepe homines idiote qd̄ ad sæculū attinet, rudes, tenues, imbecilles, ignobiles, quorū tñ ministerio & doctrina tāta ad fidē Christi hominū multitudo cōuersa & saluti ac uitæ æternæ asserta est, de quibus nemo suspicari potest, q ullis humanæ sapiētiae persuasionibus aut potētiae uiribus res tātas in toto orbe effecerint, quib<sup>9</sup> nec potētia, nec sapientia mūdi resistere potuit, ut cōspiciū sit argumētū diuinæ sapiētiae & potētiae in cruce Christi declaratē. Hic scilicet declaratū est, quomodo stultitia Dei sapientior, & imbecillitas Dei robustior sit hoīnib<sup>9</sup>. Quadrat huc pulcherrimū illud exēplū cuiusdā philosophi q cū nullis potuisset disputatiōib<sup>9</sup> & Syllogismorū retinaculis ad fidē Christi duci, simplissima Euangelij Christi p̄dicatione p̄ rudem quendam



quendam episcopū persuasus credidit, de quo Euseb. in histor. Eccl. lib. 10. cap. 3.

2 Quidam uero exponunt non de ministrorum qualitate, sed in genere, de qualitate Christianorum, quos Deus uocauerit rudes, pauperes, ignobiles, infirmos, & nullos quod attinet ad sæculum & ad collationem eorum, qui ueritati Euangelij potissimum reluctabantur, sapientes, potētes, nobiles, &c. Et hoc sensu pulchre medetur Apostolus ei scandalo, quod patiebantur credentes, propter uilitatē ac tenuitatem conditionis suæ, & splendorem aduersariorū, dū ostendit ita uisum esse Deo, ut tales potissimum eligat, in quibus per prædicationis Euangelicę stultitiā, suam declaret sapientiam & potentiam.

3 Illud *ἐλάττω* uetus reddidit per modum imperandi, uidete. Erasmus uero, modo indicandi, uidetis, & addit etiam rationē, cur melius sit uidetis q̄ uidete. Videlicet quod nō fuerint necesse admonere ut uiderēt, quod alioqui uidebant, sed quod uoluerit Apostolus rē perspicuam & claram argumenti uice ob oculos exponere. Verum nihil puto quicquid id est rationis impedire, quo minus queamus legere uidete æque atq; uidetis. Nō enim simpliciter admonet ut uideāt quod manifestū est, sed ut diligentius consyderent, & in eo diuini cōsiliij rationē, & hoc ipsum, de quo loquebatur, expendant, ad quem sensum nō male quadrat si legamus, uidete uocationem uestram.

4 Notandū interea est, quod nō dicit nullos sapientes, potētes, nobiles, &c. elegit Deus, sed nō multos, ne putemus in uniuersum omnes tales esse abiectos. Aliquos enim certe tales elegit, sed non multos. Rationem subiunget.

5 Ad hæc & illud est notandum, quod uerbo eligēdi utitur, ubi de uocatione loquitur fidelium, ut intelligas eum loqui, non de ea uocatione quā Christus innuit dicēs. Multi uocati, pauci electi, sed de ea, quam hic idē Apostolus Rom. 8. ponit, cum dicit: Quos prædestinauit, hos & uocauit, quos uocauit, hos & iustificauit, quæ est electorum tantū, quemadmodum & iam antea annotauimus.

Vt pudefaceret sapientes, potentes, & obliteraret ea quæ sunt, ne gloriaretur ulla caro coram ipso.

Rationem reddit diuini cōsiliij, cur tales uocari uoluerit. Vt pudefaceret, inquit, sapientes, potētes & nobiles & qui aliquid esse uidētur. Et ut intelligamus quis sit ille pudor, quo per uocationē humiliū, rudium, & imbecilliū afficere uoluit mundi sapientes, potētes ac nobiles, addit uerbum *καταργῶ*, quod quasi exponit istum pudorem. Significat enim ignauum, iners, ociosum & inane reddere. i. *ἀργὸν ποιεῖν*, qđ fit, quando aliquid prorsus inutile redditur, ut nō præstet qđ ex eo sperabat. Est itaq; pudor iste qui mundi sapientiæ, potētiæ ac nobilitati per uocationē istam humiliū & rudium offusus est, nihil aliud quàm manifesta declaratio,

A ad ueram iusticiam ac salutē non hoc præstare posse quod sperabatur, sed prorsus inutilem ac stultam esse mundi sapientiam, uanā & imbecillem esse mundi potentiam, quemadmodum per uocationem publicanorum & peccatorum pudefecit sanctimoniā pharisæorū, scribarum, & omnium iusticiariorū, ubi declaratū est, ueram iusticiā ac salutem fide apprehēdētibz publicanis ac peccatoribz, iusticiarijs uero & sanctulis operarijs respuētibus, ad ueram iusticiam & salutem nō facere sanctimoniam & iusticiam carnis, sed magis animi deiecti humilitatē, peccati cōfessionē, & fidei stultæ obedientiam. Ita & hic per uocationē hominū abiectorū, rudium & imbecilliū & uicissim neglectum sapiētum, potentum, nobiliū, &c. declaratum est ad cognitionem, & *κατέργω* ueræ iusticiæ & salutis id præstare non posse sapientiam & potētiā mundi, quod putabatur, sed plane inutilem esse & uanam.

2 Et hæc est grādis illa confusio, quā mūdus nunquā sustinet agnoscere. Nam & hodie rerū diuinarum cognitionē & uerā felicitatem, nō quærit apud rudes, idiotas, imbecilles & abiectos Christianos, quibus magis stultitiā deputat & ærumnosam calamitatē, sed apud sapientes, doctos, potētes & nobiles. Verū ubi reuelantur electi & manifesta erit gloria fidelium in reuelatione Christi & filiorum Dei, tum erit & ista confusio sapiētum, potentum, nobiliū, non solum ipsis, sed uniuerso orbi quoq; conspicua, cum dicent: Ecce quos habuimus derisui, quorum uitam æstimauimus esse insaniā, quomodo computati sunt inter electos Dei?

3 Cur autem ad hunc modum cōfundi ac pudeferi uelit Deus mūdī sapientes, potētes ac nobiles, adhuc ampli⁹ declarat, cū subdit, ne glorieſ ulla caro corā ipso. Isti rationi duo insunt.

1 Vnum quod superbiam carnis suppressere uoluerit Deus, illiq; omnem adimere gloriam sapientiæ, potētiæ ac nobilitatis, hoc est, quod dixit, ut pudefaceret, ut si dicas eū non esse uidētem cui quidem oculi sint, uerum licet foris aperti, intus tamē uirtute uidēdi destituti, &c. Quæ est enim ista sapientia, potentia & nobilitas, quæ ad ueram iusticiam, ueram sciētiam, ueram potētiā & nobilitatem nihil præstare potest? Tollitur ergo carni omnis gloria sapientiæ, dum proditur esse stulta, potētiæ, dū manifestatur esse imbecillis, nobilitatis, dū declaratur esse prorsus ignobilis.

Et notāter adiecit, coram ipso, quod nō solum indicat carni ademptā esse gloriam nō in mundo, ubi & sapientiæ & potētiæ & nobilitatis nomine tumet & adorāt, sed corā Deo, ubi & stulta & imbecillis & ignobilis est, uerū etiam notat gloriā carnis nō esse ueram, sed umbratilē tātū & falsam, ideo quod corā Deo, qui ipsa ueritas nullam habet gloriam, iuxta illud, Non enim qui seipsum commendat probatus est, sed quem Deus commēdat. Nam coram Deo aliquid esse, hoc demum est uerē esse. Exiit ergo carnem uniuersam ueræ sapientiæ.

Corā ipso.



Alibi uocat  
philoso-  
phia falso  
nomina-  
tam scien-  
tiam.

sapientiae, potentiae & nobilitatis gloria, cum dicit, coram ipso, & nihil illi aliud relinquit, nisi inane spectrum quoddam eius glorie quam habet in hoc saeculo.

2 Alterum est, quod uoluerit Deus omnem gloriam sapientiae & potentiae sibi soli uindicare, per hanc rationem saluandi, & ad salutem uocandi humiles, imbecilles, ac rudes, neglectis sapientibus & potentibus. Et hoc sensu posset illud,

CORAM ipso exponi per iuxta ipsum, ut intelligas Deum nolle communicationem gloriae huius permittere carni, ut aliquid uideatur conferre de sua sapientia & potentia & nobilitate ad rationem salutis & uerae iusticiae ac felicitatis, sed causam hanc ita instituere, ut carni maneat confusio, sibi uero soli omnis honor & gloria, caro depræhendatur stulta imbecillis & ignobilis, ipse uero solus sapiens & potens &c. Sic alibi, soli sapienti Deo, inquit Apostolus, ubi de ista ineffabili sapientia saluandi mortales loquitur.

4 Notandum hic est, quomodo Apostolus dictione carnis noceat, & superbiae, Deo intolerabilis, arguat omnem eam sapientiam, potentiam, iusticiam, sanctimoniam, omnes eas uires, quae sunt extra Christum. Proinde uniuersa nostra iusticia & sanctimonia nihil est aliud quam immunda caro, uniuersae nostrae uires & uirtutes, nihil aliud sunt quam imbecillis caro, & praeterea detestabilis superbia, gloriam Dei, quantum in nobis est, obscurans dum illius sapientiam, sanctimoniam & iusticiam, in Christo respuit reipsa, quicquid uerbis & externa specie simulemus.

Ex eodem autem uos estis, in Christo Iesu, qui factus est nobis sapientia à Deo, iusticiaque & sanctificatio, & redemptio, ut sicut scriptum est: Qui gloriatur, in domo gloriatur.

Illud & aliter bifariam exponitur. Quidam legunt, ex ipso, & exponunt, Deo patri, uel per ipsum Deum patrem, uos estis in Christo, uidelicet uocati. Quidam uero legunt, ex eodem, & exponunt per modum uel rationem uocationis, id est, ex eodem modo, eadem ratione eodem consilio Dei & proposito, uocati estis in Christo Iesu. Nam supra dixit: Videte uocationem uestram, quae expositio mihi germanior uidetur. Apparet enim iuxta argumenti materiam Apostolum non hoc agere, ut admoneat Corinthios à Deo uel per Deum esse uocatos, quod alioqui sciebant, & absque dubio ipsi quoque pseudopostoli haud quaquam dissimulabant, adeoque ad institutum nihil faciebat. Sed hoc magis admonere, ut intelligant quo Dei consilio & proposito ad Christum uocati sint rudes & humiles neglectis sapientibus & potentibus mundi, uidelicet eo, de quo iam dixit, ut puer fierent sapientes & potentes mundi, nec haberet caro ulla gloriam apud Deum alicuius uel sapientiae uel potentiae.

Et huc pertinet, quod amplioris declarationis

nis, imo magis consolationis gratia subiicit, memori meae prorsus uniuersis fidelibus retinendum. Qui factus est nobis à Deo sapientia, &c. id quod non solum ad propositum eorum dictum est, quibus Christus crucifixus stultitia est iniusticia, immundicia & perditio, cum sit & credentibus nobis habeatur, sapientia Dei, iusticia, sanctificatio & redemptio, sed multo magis ad hoc, ut doceat ad quid & quo consilio missus sit à patre quod plurimum faciebat ad institutum. Nam ex eo patebat locum in Christo non habere studium & gloriam humanae sapientiae, iusticiae & sanctimoniae, ideoque pseudopostolos illos magis opprimere quam promouere gloriam Christi. Dicit igitur: Qui factus est nobis à Deo. Intellige de humanitate & omnibus illius agnatis, & uniuersa dispensatione. Secundum diuinitatem non est factus, nec factura, sed secundum humanitatem. Sic & alibi ubi uenit plenitudo temporis, misit Deus filium suum, factum ex muliere, factum sub lege. Qui factus est nobis. Non simpliciter. Qui factus est à Deo, sed nobis uidelicet credentibus. Quid enim nobis prodesset, Christum esse à Deo factum sapientiam, iusticiam, &c. Nec simpliciter. Qui factus est nobis sapientia, sed: Qui à Deo, inquit, nobis est factus sapientia. Neque enim sine isto quoque plena esset consolatio & salus. Verum ubi utraq; coniungit, & à Deo esse factum, & nobis esse, id est, nostrum plane, factum, nihil potest adhuc desiderari ad nostram salutem, cum Christus sit noster, & à Deo nobis datus, quātus quātus est. Iuxta illud: Puer natus est nobis & filius datus est nobis.

3 Deinde addit, ad quid nobis sit datus, quod in illo habeamus. Sapientia, inquit, iusticiaque & sanctificatio & redemptio. Non dicit ut per illum redderemur sapientes, iusti, sanctificati, & redempti, cum tamē haec nobis per Christum contingunt, & non solum haec, sed prorsus omnia per illum nostra sint facta, infra cap. 3. & Ro. 8. ubi dicit: Quomodo non omnia nobis cum illo donauit? Sed ut ipse esset nobis, id est nostra, sapientia, iusticia, sanctificatio & redemptio, quod magno consilio in loco posuit, ut obtineat nobis, tamquam carni, nihil aliud relinquit quam stultitiam, iniusticiam, immundiciam & perditionem, & omnem nostram sapientiam, iusticiam, sanctificationem & redemptionem esse in capite Christo, ut conectat nos Christo tanquam capiti perpetua necessitate, ita ut haec tenus simus, & tamdiu, iusti, sancti, sapientes, & redempti, quatenus & quādiu fide permanferimus in Christo ad sapientiam, iusticiam & sanctificationem & redemptionem nobis à Deo dato.

Duo itaque hic innuuntur. Vnum, omnem nostram sapientiam, iusticiam, &c. esse in uno Christo, ne quid nobis hic adscribere queamus. Alterum & nos esse sapientes & iustos & sanctificatos & redemptos, quatenus in Christo sumus. Nec datur itaque locus hic temeritati cuiuspiam & superbiae carnis, cum omnis gloria sapientiae & iustitiae reijciatur in unum Christum, nec negligetiae quasi nobis liceat esse stultis

Qui factus est nobis.

Fastidiat ergo  
neceffe est hanc  
à Deo nobis da-  
tam sapientiam  
qui de alia glo-  
riatur, aliāque  
stuit. Ita & de  
iusticia sancti-  
monia & redem-  
ptione.



Si oculus est  
simplex, totum  
corpus  
est lucidum.

stultis iniustis & immūdis in Christo, ubi Christus dicitur nostra esse sapientia, iusticia, &c. Quemadmodum enim hominis sensus in capite sunt, ita ut nihil huius possit adscribi pedibus uel manibus, uel reliquis membris, nisi quantum sunt capiti coniuncta, & tū ipsa non sunt insensata, sic & nobis usuuenit in Christo ut in illo habeamus quidem omnem sapientiam & iusticiā, &c. tāquā in capite, uerum ita, ut in illo nō simus ipsi stulti & iniusti, &c. hoc est, prorsus omni sapientia & iusticia Dei destituti, sed redempti, iustificati, sanctificati ac sapientes.

Vt quemadmodum scriptum est: Qui gloriatur, &c. Applicat istam sententiā ad propositū, contra pseudapostolos, qui in propria sapientia & iusticia extra Christum gloriam in hoc sæculo quærebant. Respicit autem ad locū prophetæ Hier. cap. 9. Sic dicit dominus: Non gloriatur sapiens in sapientia sua, &c.

Cōplexus est itaq; Apostolus breui sententia summam prædicationis & fidei nostræ, cū dicit: Qui factus est nobis à Deo sapientia, iusticia, sanctificatio & redemptio, quæ quia demolitur omnem carnis gloriam, bellum sustinebit à doctis, sapiētibus & potentibus huius mundi prorsus ἀποκλύει, usq; ad sæculi consummationem, qui quoniam ipsi sibi uolūt esse sapientes, potētes, iusti, sancti, Christi participes esse non possunt, nec habet in illis locum cōsiliū hoc Dei.

## C A P V T I I.

- 1 **S**umma capitis huius duo habet. Primum ad memoriam Corinthiis reuocat Apostolus, qualis ad eos uenerit quā non munitus eloquentia & sapiētia mundi, qualisq; apud eos egerit, nempe infirmus, ac tremebundus. Deinde, uindicat prædicationem Euangelij ab ignominia stultitiæ, asserens illi sapientiam Dei, animali homini incognitam & incompræhensibilem: soli autem spiritui Dei & spiritualibus notam.



**E**go cum uenirem ad uos fratres, non ueniebam cum eminentia sermonis aut sapientiæ, annuncians uobis testimonium Dei.

Pertinere mihi uidetur capitis huius prima portio usq; ad eum locum ubi dicit: Porro sapientiam loquimur inter perfectos, &c. ad ea quæ primo capite de conditione & qualitate uocationis Euangelicæ adduxit, per quā Deus uoluerit mundi sapientiam, potentiam & nobilitatem pudefacere, & carni omnem gloriā adimere, ut qui gloriatur in Domino tantum gloriatur, qua uocationis qualitate se quoque compræhensum esse iam commemorat ad memoriā Corinthiis reuocans, qualis ad eos uenerit Apostolus per quem ad fidem Christi essent uocati. Quali dicat: Expendite uel in me,

A quæ dico, quā nolit Deus ad promotionem regni sui opera mundanæ sapientiæ, potentiæ & nobilitatis uti. Sed ut istam carnis gloriam inanem reddat & cōfundat, elegerit humiles, rudes, imbecilles & ignobiles, &c. Cū ego ipse uester Apostolus, primum ad uos uenirē, scitis quā non uenerim cum sermonis aut sapientiæ mundanæ eminentia, annuncians uobis testimonium Dei, & quæ sequuntur, &c.

B Magno autē consilio reducit Corinthios ad ipsum Apostolatū sui apud eos exordiū & ingressum, ad conuersationis suæ, prædicationis & periculorum conditionē & formam in qua nihil apparuit de qua aliquousq; caro gloriari posset, cum nec sapientiam, nec eloquentiam, nec nobilitatē mundi attulerit, sed magis imbecillitatem, cuius iam recordabitur, & timorem ac tremorem multum ostēderit, & tamen ut ista omnia fuerint contēptibilia, ipsa persona, sermo rudis, doctrina in speciem stulta, utpote de crucifixo quodam saluatore, deinde persecutio, metus ac tremor, nihilominus tāta Dei potentia sese exeruerit, & inter ipsos operata sit, ut immutatis mentibus & relicto Gentili errore ad fidem Christi suscipiendam sint permoti. Hoc scilicet est, cuius gratia illos ad principiū uocationis suæ reuocat, ut in ipso discant cōsiliū Dei, cuius supra meminit, ut postea nō usque adeo mirentur gloriam illam mundanæ sapientiæ, cuius nomine pseudapostoli plurimum tumebāt & simplicitatem doctrinæ Euangelij corrumpebant. Ad errorem plurimum facit, si obliuiscare unde sis ad ueritatis uiam ingressus. Proinde Satanā astute conuersionis principia Corinthiis per pseudapostolorum splendorem abscondit, ut eo illos longius ab ipsa ueritate abduceret, quo magis à typo apostolicæ formæ cōsiderando auerteret.

Illud, ANNUNCIANS uobis testimonium Dei.] Bifariam exponunt, actiue & passiue.

1 Actiue, ut intelligas de testimonio quod Deus ipse per ministerium Euāgelicum dabat filio suo, per potentiam spiritus, cuius recordatur iam in sequentibus, de quo & Christus Ioan. 15. Cum uenerit paracletus spiritus ueritatis, &c. ille testimonium perhibebit de me. Hoc sensu annunciare testimoniū Dei, est prædicare uirtutem Dei in Christo Iesu crucifixo, filio Dei, & è mortuis excitato, declaratā. Certe ad hanc prædicationē non conuenit humanæ sapientiæ persuasio. Absurdū enim est testimonium Dei cōfirmare uelle autoritate rationis ac sapientiæ humanæ.

2 Passiue uero, ut intelligas de testimonio quod ipse Apostolus dedit Deo, ac filio eius. Apostolos enim fuisse utriusq; & patris ac filij testes liquet. Patris, infra cap. 15. Reperimur autem & falsi testes Dei, quoniam testificati sumus de Deo, quod excitauerit Christū, quem non excitauit, uidelicet, si mortui nō resurgūt. Filij, Act. 1. Sed eritis mihi testes, non solū Hierosolymis uerumetiam in uniuersa Iudæa. Et

Lucæ

De hoc testimonio  
dei de filio  
suo uide.  
1. Ioan. 5.



Lucæ ult. Vos estis testes horum. Et Ioh. 15. Et A  
uos testimonium perhibebitis.

Sunt autem quibus testimonium Dei annū  
ciare apostolum, hoc loco idem est atq; man-  
datum Dei annūciare, hoc est, nomine Dei te-  
stificari & ad pœnitentiam & fidem Christi uo-  
care, quo sensu aliquid sane legimus Actorum  
20, ubi sic loquitur Apostolus, quin annuncia-  
rem uobis & docerem uos, publice ac per sin-  
gulas domos testificans Iudæis simul & Græ-  
cis eam quæ erga Deum est pœnitentiam, ac fi-  
dem quæ est erga dominum nostrum Iesum  
Christum. Est enim Euangelium Christi dupli-  
ci nomine mandatum Dei. Primū quod apo-  
stolis est mandatum, ut prædicent, uæh enim  
mihi est, inquit, nisi euangelizauero. Nam ne-  
cessitas mihi incumbit. Deinde quod omni-  
bus in illo denunciatur ac mandatur, nisi ue-  
lint æterna morte perire, ut resipiscant & cre-  
dant Euangelio, adiecta promissione uitæ æ-  
ternæ his qui credunt. Et hac ratione doctri-  
nam Euangelij, quam prædicabat ex manda-  
to & nomine Dei, uocat testificationē omniū  
& Iudæorum & Græcorum, quæ quia fiebat  
nomine Dei, haud immerito potest dici testi-  
monium Dei.

Non enim me iudicaui quicquā scire  
inter uos, nisi Christum Iesum, & hunc  
crucifixum.

Græce est, ὃ γὰρ ἔγνωκα τὸ ἀντὶ πάντων. Hic pronomen, me, non est, & articulus τὸ fere ab omni-  
bus negligitur. Omnino subaudiendum est ali-  
quid. Vtpote, dignum esse me & sufficientem,  
non iudicaui eius gratia, quod scirem aliquid  
inter uos, uel aliquid aliud eiusmodi. Agit e-  
nim hoc, ut ostendat se non uenisse ad Corin-  
thios fiducia humanæ sapientiæ & eloquen-  
tiæ, cū nihil professus sit inter eos quā Chri-  
stum Iesum, eumq; crucifixum. Sic & illud su-  
prā, non ueniebam cum eminentia sermonis,  
idem esse uidetur atq; non ueniebam fiducia  
eminentiæ sermonis & sapientiæ permotus.

Emphasis autem in eo est, quod nō dicit se  
non plurimum scire, sed nihil nisi Christū Ie-  
sum. Nam in eo est, ut ostendat se nulla pror-  
sus scientia & sapientia cōfissum ad eos uenisse,  
nisi de uni⁹ Christi cognitione. Nec frustra  
est, quod dicit, inter uos. Quasi dicat uobis cō-  
paratus, usque adeo sapientibus, plane nullus  
fui, nec qua in re gloriari potuissem, nisi de u-  
no Christo Iesu crucifixo, quem uobis annun-  
ciare ueni. Et præterea id quoq; emphasi nō  
caret, quod non contētus dixisse, nisi Christū  
Iesum, addit crucifixū, idq; cum singulari qua-  
dam denotatione καὶ τὸτον ἐσταυρωμένον, id est, &  
hūc crucifixum. Vsq; adeo scilicet diuerso mo-  
do à pseudapostolis Christū se prædicasse ostē-  
dit Corinthijs, ut cuius ipsos pudebat, nempe  
crucis Christi, de ea ipse sit plurimum gloria-  
tus, & præter eam nihil scire se professus, & rur-  
sus in quo ipsi plurimum gloriabantur, huius  
nihil ipse sibi uindicauerit, nec concupierit.

Sit nobis obsecro per Deum hoc Apostoli  
exemplum noctes atq; dies ob oculos positū,  
quibus testimonium Dei mūdo est annūcian-  
dū. Incredibilis uanitas fere occupat omnes  
hodie Christi ministros, ut nihil minus scire  
se ostendāt quā quod solum scire debebāt,  
& quæ ad Euangelij Christi prædicationem  
non adeo exiguntur, tanquam summe neces-  
saria, prope sola affectent. Non quod respuēde  
sint omnes artes, ista admoneo. Et Apostolus  
hic non dicit: Non enim quicquā sciui sed nō  
iudicaui sciendum mihi quicquam esse inter  
uos, nisi Christum Iesum. Aliud est nihil scire,  
& aliud, scire quidem, uerū non iudicare scien-  
dum esse aliud quā Christum Iesum. Absq;  
dubio omnino stupidus & aliarum rerū igna-  
rus non fuit, ut multis locis apparet (nam un-  
de alioqui uersiculū Epimenidis poetæ citaf-  
set in ea quæ est ad Titum, καὶ οὐκ ἔδειξε τὴν ἀντι-  
στροφὴν, γὰρ ἔπειτα ἀγνοῦν.) Verum omnia pro nihilo duce-  
bat respectu cognitionis Christi crucifixi, nec  
iudicabat sæcularem eruditionem ad testimo-  
nium Christi Iesu requiri.

Quod autē de scientia Christi crucifixi me-  
minit, nō intelligit simpliciter de historia cru-  
cifixionis Christi, quam certe & Iudæi incre-  
duli sciebant & uiderant, sed de mysterio cru-  
cis, omnibus incredulis abscondito, in quo ab-  
diti sunt omnes thesauri sapientiæ ac scientiæ  
Dei. Itaq; in speciem quidem ista extenuatio-  
nis gratia dicta uidentur, quasi parū sit & mo-  
dici momenti, scire Christum Iesum & hunc  
crucifixum, uerum reipsa gloriationem habet  
infinitē cuiusdam sapientiæ ac scientiæ, utpo-  
te, quam uniuersus orbis sua sapientia nunq̃  
assequi potuit. Perinde est, ac si dicat quisquā  
hodie inter opulētissimos aliquos magnates  
& optimates constitutus, ego me nihil habere  
iudico inter uos nisi diuitias cœlestes, & eas  
infinitas & sempiternas. Et positus inter po-  
tentes huius mundi deq; potētia sua plurimū  
præsumentes dicat, ego me nihil posse inter  
uos iudico, nisi apud Deū omnia per eum qui  
me confortat. Et inter sapientes, ego nihil me  
scire iudico inter uos sapientes, nisi recondi-  
tissimam consiliorum Dei sapientiam, quam  
totus mundus apprehendere nequit. Omni-  
no tale est reipsa, licet in speciem nō uideatur,  
quod hic dicit: Nihil me scire iudicaui inter  
uos nisi Christum Iesum & hunc crucifixum.  
Hoc est, nisi filium Dei, Saluatorem mundi, do-  
minum cœli ac terræ, & simul uictoriam illius  
de morte, Satana & inferno, & totius humani  
generis redemptionem, liberationem, recon-  
ciliationem cum Deo ac restaurationem om-  
nium eorum quæ sunt in cœlo & in terra, & in  
summa reparationem ueræ ac sempiternę feli-  
citat. Nam hæc omnia in se complectitur co-  
gnitio Christi, idq; crucifixi.

Itaq; ista sciētia Apostoli, de qua dicit: Non  
enim iudicaui me quicquam scire inter uos, ni-  
si Iesum Christum, & hunc crucifixum, duo ha-  
bet, unum, hunc Iesum, quem prædicabat, esse  
Chri-

Psal. 2.  
Prædicans  
præceptū  
eius.  
1. Iohan. 3.  
Et hoc est  
mandatum  
eius ut cre-  
damus, etc.



Christum. Alterum, esse crucifixum, id est, con filio Dei esse crucifixum ad salutem ac redem ptionem humani generis. Apostoli aliquādiu credebant quidem hunc Iesum esse Christum filium Dei, mysterium tamen crucis ipsius i- gnorabant Matth. 16. Et Iudæi ad Christū di- cebant Ioh. 11. Nos audiuius ex lege quod Christus manet in æternū, & hinc colligebant Christo nō competere quod de morte sua ibi dicebat, nimirum ignorantes mysteriū crucis.

Et ego per infirmitatem, & cum timo re ac in tremore multo apud uos uersa- tus sum, & sermo meus & prædicatio mea, non erat in persuasorijs humanæ sapientiæ uerbis, sed in ostensione spiri- tus ac potentiæ, ut fides uestra non sit in sapientia hominum, sed in potentia Dei.

1 Et hæc pertinent ad primam capitis huius partem. In memoriā illis reuocauit quā hu- mili sermone ad ipsos uenerit, iam subiungit, qualis apud ipsos egerit. Amplificationem au tem habent humilitatis Apostolicæ, ad decla- randum consilium illud Dei, contra sapientiā & gloriam carnis, de quo suprā egit cap. 1.

2 PER infirmitatem.] Infirmitatem putant eum uocare suo more pericula, insidias perse- quutiones. Sic alibi, si gloriandū est, de ijs quæ infirmitatis meæ sunt gloriabor, ubi & præmit tit & subiungit periculorum commemoratio nem. Item libenter igitur gloriabor in infirmi tatibus meis, &c. Ita & hoc loco statim subiū- git, & cum timore ac tremore multo. Verum quoniam aliud est periculum externum, & a- liud periculo esse obnoxium, malo per infirmi tatem hoc loco intelligere conditionis uel mē tis Pauli inbecillitatem, qua fiebat multorum odijs & infestationib⁹ obnoxius, perq; illa ad timorem ac tremorem permouebatur. Videñ enim ista, cū timore ac tremore multo, qua- si expositionis uice subiunxisse, ut intelliga- mus illum loqui de eo, quod nulla fuerit mun di potentia & subsidio suffultus, sed omnium probris, insidijs & improbitati expositus & obnoxius. Nam & nos Germani impotentes ac nullis uiribus præditos infirmos uocamus, utpote si pauperi negotium sit cum diuite, hic dicimus, *Erist im zuo schwach*. Significat se nullis uel personæ uel potentiæ subsidijs suffultum prædicasse apud ipsos Christum, ne qua id car nis fiducia tentasse putetur, quo omnis ipsius & labor & efficacia & fructus soli diuinæ ope rationi tribuatur. Quanto magis pseudaposto li subsidijs carnis nitebantur, tanto illa ipse a- liena à se fuisse gloriatur, ut admoneat Corin thios cursum Apostolatus sui non carnis uiri- bus ac subsidijs sed operationibus & efficacia spiritus fuisse apud ipsos suffultum, atque ita studia pseudapostolorum tanquam carnalia & mūdana suspecta reddat, uitandaq; esse mo neat. Prædicauerat ipse Christum apud Corin thios primus, ac primos Satanæ & impiorum

impetus aduersus doctrinam ueritatis excita tos sustinuit, quemadmodum usuuenire solet illis, qui primi alicubi catholicos & inuetera- tos errores doctrina ueritatis redarguūt, & lu cem tenebris mundi inferunt. Postea subin- gressi sunt pseudapostoli, sicq; carnalibus sese Corinthijs accommodarunt, ut præ illis sor- deret primus ac uerus ipsorum Apostolus, & doctrinam inuehere cœperunt, quæ splendore mundanæ sapientiæ spectabilis esset, ideoque ipsos doctores. minus redderet omnis gene- ris afflictionibus timoriq; ac tremori curis ac solitudinibus obnoxios.

3 ET in timore ac tremore multo.] Ecce nō solum eam infirmitatem cōmemorat, quæ est ab externæ potētiæ inopia, sed & eam quæ est animi. Potest enim esse ut imbecillis quisquā sit adeoque multis afflictionib⁹ obnoxius, & tamen animo firmus nec timeat nec tremat, aut certe non multum tremat. Hic autem etiā animo imbecillis est timens ac tremēs admo- dum. Tāti scilicet est Apostolo per propriam infirmitatem declarare potentiam Christi, ut audiemus.

4 Nec putet quisquam ista Apostolo parum adferre laudis. Nam hinc potissimum laudā- dus est, quod cum esset & externe & interne infirmus, nequiuert tot periculis & afflictio nibus impediri, quominus circumquaq; cru- cem Christi prædicaret. Hinc & Chrysost. ista annotat hoc loco: τί λίγας; καὶ πάλιν ἐφοβᾶτο κινδύ νος; ἐφοβᾶτο, καὶ σφόδρα ἐδιδόκει. ἃ γὰρ καὶ πάλιν ὡς, ἀλλ' ἀνθρώπων ὡς. τὸτο ἵνα ἐκκλησία τοῦ παύλου, ἀλλ' ἀδύνατος ἦ ὅτι φύσις, ἐκκλήσιον ἵνα προαίρεσις, ὅτι καὶ διδούκως δαύτα πορ καὶ πληγὰς, ὅθεν ἀνάξιον διὰ τὸ φόβον τοῦτο ἵποισιν. ὡς οἱ λέγοντες ὅτι οὐκ ἐφοβᾶτο πληγὰς, ὁ μόνον αὐτὸν ὁ σιμνόντι σιν ἀλλὰ καὶ ἐποτίμνοντο πολὺ τὴν ἐκκλήσιον. ἃ γὰρ ἐκ ἐφοβᾶ το, ποία καρτερία; ἢ ποία φιλοσοφία τὸ τὸς κινδύνους φέρει; ἐγὼ γὰρ καὶ τὸτο αὐτὸν δαυμάζω, ὅτι φοβέμεθα καὶ ἐκ ἀπλῆς φοβέμεθα ἀλλὰ καὶ τρέμεται τὸς κινδύνους διαπαντός ἵδρα μιν σφαιρόμεθα, καὶ ἐν ὅσῳ τὴν κινδύνων ἐνέδωκεν, ἐκκαθάριον τὴν οἰκονομίαν, καὶ πανταχοῦ γῆς καὶ θαλάττης τὸ κήρυγμα σπείρω. Ita scilicet non promouent sanctorum gloriam, multo minus Christi, qui illam maxi me uideri uolunt promouere, ubi quæ infirmi tatis illorum sunt obtrient.

5 Sed oritur hic quæstio, quomodo dicat se hic in multo timore ac tremore fuisse apud Corinthios, imò quomodo fuerit in timore ac tremore (credimus enim illum uera dicere) cum Act. 18. legamus dominū Corinthi illi ui- sum esse ac dixisse: Noli timere, sed loquere, ne taceas. Nam ego sum tecum, & nemo adorie- tur, te ut affligat te, quoniam populus est mi- hi multus in hac ciuitate. Quomodo igitur ti- muit ac tremuit? An non credidit cœlesti uisio ni? Credidit utiq; & tamen timuit. Verba do- mini non hoc uolebant, ne prorsus timeret, sed ne timeret ut taceret. Timorem carnis nō ademit illi, uerum ne illo uictus taceret, hoc e- rat scilicet quod exigebat. Et Apostolus igitur timuit, & tamen non tacuit. Et hoc itaq; lo- co discendum est, quomodo fides uerbi Dei, prote-

Act. 18.



protectionis etiam diuine, nō excludat timorem ac tremorē, nisi talem, qui derogat timori Dei. Ita & illud Matth. 10. Nolite timere eos qui corpus occidunt, animam autem non possunt occidere, nō ita est intelligendū quod exigat à suis Christus quandam animi stupiditatem & Stoicam ἀπαθῆν in aduersis, sed ne uelint homines plus timere quàm Deum. Ideo subiicit ibi, sed eum potius timete qui potest & animam & corpus perdere in gehennam. Horrorem carnis, quem sentiunt sancti quoq; in periculis, non eximit sed corrigit & moderatur, ne superiores habeat, ideo illi timorem Dei opponit.

1 ET sermo me⁹ & prædicatio mea.] Hoc repetit, propter sequentē particulam. Nequit autem alioqui satis inculcare ruditatem prædicationis suæ, ut deiciat glorias pseudapostolorum & declaret uirtutem crucis Christi.

2 IN persuasorijs.] ἡν περὶ τοῖς λόγοις. Sermones persuasorij sunt quibus auditor in sententiam dicētis, animo persuasus abducitur. Eam uim uocāt quidam Suadam, quidam Suadelam, aliqui ψυχαγωγὸν flexanimam, quæ tantæ est uirtutis, ut diuinos illi ueteres honores dederint. Apud Corinth. Pytho Diana colebatur. Et Ægialenses ad flumen Sytham ὠκεὸς sacellū habuisse leguntur. Pinxerunt nonnulli ingentem populum ab unius dicentis ore pendentem, & quasi cathenula aurea per aures transmissa alligatum & attractum. Huius in hoc sæculo magna laus, adeoq; & ingens studium est. Gloriatur autem Apostolus nihil huius attulisse se nec habuisse in sua prædicatione.

1 SED in demonstratōne spirit⁹ & uirtutis.] Huc ibat. Ideo reliqua omnia, quæ carnis sunt, reiecit, nec erubuit propriam infirmitatem timorem ac tremorem, sermonisq; humilitatē ad memoriam Corinthijs reuocare, ut totum quod gestum erat, daretur operationi & efficaciac spiritus.

2 Spiritum autē uocat donum spiritus Dei cui addit uirtutem, id est, efficaciam & operationem spiritus. Nec simpliciter dicit, in spiritu & uirtute, sed in demonstratōne spiritus & uirtutis.

Quæ illa sit demonstratio, aliter atq; aliter exponitur. Potest enim intelligi, de eo quod ex spiritu Dei loquutus sit, iuxta quod Christus apostolis suis Mat. 10. pollicitus est, quod non ipsi loquuturi sint, sed spiritus patris ipsorum in ipsis. Et donum spiritus per apparitionem linguarum id significabat. Loquutus est autem ex spiritu Dei nō frigide & ociose, sed efficaciter, ideo addidit, & uirtutis. Spirabat enim sermo Apostolicus in seipso diuinum quid, energiam etiam habēs ad immutandas mortalium mentes adiunctam, per spiritus operationem & efficaciam, cuius gratia Euangelium Christi Rom. 1. & cap. præced. uocat uirtutem Dei. Ita & de Iohanne Baptista dicebat angelus ad Zachariā. Et spiritus S. replebitur iam inde ab utero matris suæ, multosq; fr-

liorum Israël conuerteret ad dominum Deum ipsorum. Et ipse præcedet ante illum cum spiritu & uirtute Elię. Et ut exponeret quid intelligeret per spiritū & uirtutem Elię, addebat, ut conuerteret corda patrum in filios & inobedientes ad prudentiam iustorum, ut paret domino plebem perfectam. Quid autē illud erat aliud, quàm demonstratio spiritus & uirtutis quam hic sermoni & Euangelio suo tribuit Apostolus? Quidam uero propter dictionem ἀνδράμους exponunt de patratiōe miraculorum & portentorum quæ ab Apostolo uirtute spiritus Dei patrata sunt, quorū & in posteriore ad Corinth. cap. 12. ipse meminit dicens: Signa quidē apostoli peracta sunt in uobis, cum omni patientia, & signis & prodigijs & potentibus factis. Et certe ἀνδράμους plerunq; ita accipitur maxime in historijs Euangelicis. Complectamur igitur omnia per demonstrationem spiritus & uirtutis, quæ spiritus Christi in apostolis & per apostolos ipsorumq; prædicationem operatus est, loquēdo, efficaciter & cum uirtute loquendo, sicut de Stephano legimus, cuius sapientiæ & spiritui resistere non poterant aduersarij, iuxta promissum Christi, dabo uobis os & sapientiam, cui non poterūt resistere omnes aduersarij uestri, corda audientium permouendo, illuminando, immutādo & regenerando, manifestationem spiritus per uaria dona dando, de quibus infra. 12. miraculaq; & portenta patrando. Nam ista spiritū & uirtutem Dei exprimebant.

3 Vide autem quomodo humanæ sapientię det suadelam compositi sermonis, quæ sita est in probabilibus rationib⁹, tā incertis, ut quod astruunt, alijs uicissim ac diuersis destruat, Euangelio uero suo, sermoni rudi & humili, tribuat ἀντοδείην, hoc est, certam & firmam demonstrationem, uidelicet spiritus & uirtutis Dei. Et in eo quod spiritum & uirtutem Dei opponit sapientiæ humanæ, traducit illam ac reprobatur propter carnem & infirmitatem. Unde & subdit.

Vt fides uestra non sit in sapiētia hominum, sed in potentia Dei.

1 Quasi dicat, ut fides uestra nō sit fundata supra arenam sed supra petram, non sit dubia & incerta, sed firma, certa & immota. Vt in edificijs plurimum refert quo quid fundamento nitatur, ne ruine sit obnoxium, ita & in fide plurimum, imò totum refert, quo nitatur fundamento, ne sit fluctuās & dubia sed firma & solida. Iam qui persuasorijs humanæ sapientiæ sermonibus ad credendum aliquid inducuntur, quid illi aliud habent quàm fidem supra humanam sapiētiam fundatam? Quomodo autem poterit illa constans esse & impetū carnis, ipsius quoq; rationis, mundi & Satane sustinere & excipere?

2 Vide quàm potenter impugnet studium humanæ sapientiæ, & commendat simplicitatem doctrinæ Euangelicæ. Suprà dixit: Nec



uacuetur crux Christi. Ergo humana sapientia euacuat crucē Christi, Euangelica ruditas tuetur gloriam crucis Christi.

2 Deinde. Ne gloriatur apud Deum ulla caro. Itē, ut qui gloriatur, in domino gloriatur. Ergo humana sapientia dat carni gloriam, & adimit Deo. Simplicitas Euangelicæ doctrinæ, adimit carni gloriam, & adscribit Deo.

3 Et hoc loco, Ne fides uestra sit in sapientia hominum, sed in potentia Dei, igitur sermones persuasorij fundant fidem supra arenā humanæ sapientiæ, cito ruituram, simplicitas doctrinæ Apostolicæ, supra potentiæ diuinę petrā, immote permāsura, & oēs Satanæ, mūdi, & carnis tentationes & incursus superaturā.

Porro sapientiam loquimur inter perfectos, sapientiam autem non sæculi huius, neque principum sæculi huius qui abolentur, sed loquimur sapientiā Dei in mysterio, quæ est recondita, quā præfinierat Deus ante sæcula, in gloriam nostram, quam nemo principum sæculi huius cognouit.

Hæc est altera portio capitis huius qua prædicationem Euangelij liberat à contumelia & ignominia stultitię, tribuens illi, licet occultā, diuinam tamen sapientiam, arcanam quidem sæculi hominibus, notam uero spiritualibus. Agnouit quidem sermonis, personæq; suæ humilitatem, uerum cui coniuncta sit uirtus spiritus sancti, ita agnouit quidem prædicationis Euangelij stultitiam coram sæculo, uerū quæ habeat sapientiam reconditam, nulli sapienti compræhensibilem. Vt igitur humilitatē personæ suæ, conditionis imbecillitatem & sermonis ruditatem à contemptu uindicauit per id quod dixit, sed in ostensione spiritus & uirtutis, ita hic & ipsius materiæ quæ de cruce Christi per Euangelium prædicatur gloriam tuetur, cum dicit, sapientiam loquimur inter perfectos, &c. De qua hæc duo *καθόλου* ad finem capitis usq; agit. Primum, esse absconditam in mysterio, ignoram mundo & principibus mūdi, nec posse apprehendi cognitione animalis hominis. Alterum, reuelari illam per spiritum Dei credentibus & spiritualibus.

INTER perfectos,] Græce est *ἐν τοῖς τέλει*, in perfectis. Vt ambiguum sit quo referas. Et uetus & Erasmus habent, inter perfectos. Intelligunt enim fere omnes Apostolum loqui de ijs, quibus competat prædicatione Euangelij, quibusq; habeatur pro sapientia Dei, quos opponit filiis huius sæculi, quibus illa stultitia uidetur. Puto autem non admodū errare eum, qui legens in perfectis, intelligat de sermonibus aut uerbis spiritus, de quibus infra dicit, Quæ loquimur non sermonibus quos docet humana sapientia, sed quos docet spiritus sanctus spiritualibus spiritalia comparantes, ut opponat spirituales loquendi modos, alienos ab humanæ sapientiæ imbecillitate, persuasorij

A humanæ sapientiæ sermonibus, de quibus supra meminit, quorū gratia tumescebant pseudapostoli, & Euangelicæ doctrinæ simplicitatem, ut sermone rudem obscurabāt, ne quis putet abs re esse quod hoc sensu ista ab Apostolo dicuntur.

Quod si quis putauerit inconuenientius esse ad hunc sensum, quod nō dicit, sapientiam autem loquimur sermonibus perfectis, sed in perfectis, quod inusitatum sit Latinis dicere, loquor in sermonibus perfectis, cum sit dicendum, loquor sermonibus perfectis, hic uideat infra eandem phrasim, ubi dicit, *ἀ καὶ παλαιῶς ἐν ἡμῶν διδασκῶντες ἀπὸ καρδίας λόγους, ἀλλὰ ἐν διδασκῶντες ὡς ἰσχυρῶς αἰσῶν*, id est, quæ & loquimur non in sermonibus quos docet humana sapientia, sed quos docet spiritus sanctus. Deinde & commodius est, quoniam omnino aliquid subintelligere oportet, ut id subintelligam⁹ quod & proxime præcedit, & subnectitur etiam, q̄ aliud quid, cuius hoc loco non fit mentio, licet capite superiore de ijs dixerit, quibus prædicatione Euangelij sapientia Dei sit.

Si uero legerimus, inter perfectos, intelligendi sunt credentes, quos supra uocatos dixit ex Iudæis & Græcis, quos non comparatione minoris intelligentiæ Christianorū hic perfectos uocat, quod quidem alibi facit, sed per collationem incredulorum qui humanæ sapientiæ iudicio impediuntur, ne *τέλει* sint perfecti & accommodi ad percipiendam hanc sapientiam Dei. Suspicio enim si hic sensus retinendus est dictionem perfectionis Ebraico, esse more positam, quo perfecti uocantur *קָדוֹשׁ*, id est, integri, synceri, simplices, quales sunt qui abnegata sua sapientia, simpliciter prædicato Dei uerbo assentiuntur.

Reijciendus autem prorsus est sensus illorū qui intelligunt Apostolum loqui de sublimiore quadam sapientia, quā sit sermo crucis, quam seorsum perfectioribus communicauerit. Licet enim infra initio cap. tertij in eum sensum aliquid dicere uideatur, non tamen loquitur de alia sapientia sublimiore quā sit Euangelicæ prædicationis, cum illa habeat in se omnem thesaurū sapientiæ & scientiæ Dei. Licet prudenter sit iuxta captum auditorum dispensanda, quod & Apostolus ipse coactus fuit facere apud Corinthios.

SAPIENTIAM autem non sæculi huius.] Suggillat sapientiam humanam hoc loco bifariam. Primum quod illam uocat sapientiam huius sæculi, includens eam, quasi carceri cuiusdā rebus huius sæculi, inanibus ac fluxis, quo reijciat & excludat à rebus spiritualibus & futuri sæculi, in quibus prorsus nihil habet loci. Deinde quod dicit, qui abolentur, siue intelligas de principibus solis, siue simul & de sæculo isto præsentī, quemadmodum secundum Græcam phrasim intelligi potest: ostēdit hic inutilitatem mundanæ sapientiæ, quæ nequeat possessores suos ab interitu uindicare, nec reas in quibus tanquam artificis sciētia in materia,



teria, exercetur. Quemadmodum si medicinā depreciaturus dicas, non de medicina ista corporum, neque medicorum, qui abolentur, sed de spiritali medicina loquor. Quid hic aliud dares medicinæ corporali quàm eam inutilitatem, ut nec ægros nec medicos ipsos conseruare queat ne intereant? Tale quid uidetur esse in hac negatiua, qua dicit non sapientiam sæculi huius, nec principum sæculi huius, qui abolentur.

Vocat autem principes sæculi huius non stultos illos tyrannos, bestias magis quàm homines, cum loquatur non de potentia, sed de sapientia sæculi huius, sed sapientes, & prudentes, apud Gentes philosophos, apud Iudæos sacerdotes scribas & pharisæos. Nam ita ipse imperandi ratio & necessitas exigit, ut uel philosophi imperent uel imperatores ac principes philosophentur. Certe nostro sæculo hic locus non bene cōuenit, nisi forsan quatenus adimit principibus huius sæculi sapientiæ Dei, quæ in Christo prædicatur, cognitionem.

QVI abolentur.] Græce est καταργουμένων, quod uetus reddidit qui destruuntur, Erasmus, qui abolentur. Sensus huius particulæ quem iam exposui, aliorū est non meus. Nam plerunque ita exponūt, ut intelligatur de omnimoda illa perditione, uel abolitione magis principum, de qua infra capite decimoquinto, quæ futura est in iudicii die. Verum quia Apostolus non loquitur in futuro, qui abolentur, aut destruuntur, sed in præsentī, suspicor aliud ab illo agi quàm de futura illa abolitione principum & totius sæculi quæ accidet illis per uirtutem secundi aduentus Christi. Hic uero uidetur loqui de præsentī aliqua abolitione principum, id quæ quod attinet ad illorum sapientiam, quæ illis accadat per prædicationem Euangelij, quam Hieronymus quoque innuere uidetur cum dicit: Qui cum sapientia sua per nostrum Euangelium destruuntur. Quomodo ergo destruuntur principes uel abolentur per Euangelij prædicationem? Confugiamus ad Græcæ dictionis proprietatem, quæ expensa, patefacit nobis, quod quærimus. Suprà capite primo, ibi: Ut pudesceret sapientes, potentes, & obliteraret ea quæ sunt, uim uerbi huius καταργᾶν expendimus, quod proprie significat ἀργῶν ποιεῖν, id est, ociosum, ignauum, iners, inutile & uanum reddere, & tale esse ostendere. Ut hic illud τῶν καταργουμένων proprie sit, qui uani, inanes, inutiles, & ignaui declarantur. Quomodo? Ut suprà dixi, quoniam scientiam salutis, quæ est in cruce Christi, ignorant, nec uiam unquam inuenire potuerunt ueræ salutis utut sapientes habiti fuerint.

Quod si iam inaudita quædam medicandi ratio ab idiotis & rudibus, nulla opinione artis eius præditis, introduceretur, qua tamen egroti passim ac solide curarentur, de quæ illa dicturus contra cōsuetam opinionem magis quàm artem quæ nunc est in usu, diceret, de medicina autem loquor, non de ea quæ nunc est in

A usu apud celebres illos medicos τῶν κατὰ γένους, qui inanes ociosi, ac uani redduntur, per nouam illam scilicet & ueram medendi artem recens inductam, quis non intelligeret, quid diceret?

SED loquimur sapientiam Dei.] Hic orditur ea quæ pertinent ad sapientiam Euangelicæ prædicationis, cui principio dat, quod sit sapientia Dei. Non potest eam amplius & compendiosius prædicare, quàm quod uocat eam sapientiam Dei. Quid enim homo est cōparatus Deo? Tantundem scilicet humana sapientia est, comparata sapientiæ Dei.

IN mysterio.] Infinita est sapientia Dei, quæ ubique in mortalium oculos, ex condicione creaturarum incurrit. Ostendit autem se loqui non de manifesta illa, sed de abstrusiore, ideo ubi dixit, in genere, sed sapientiam Dei, adiecit specificandi, uel magis discernendi gratia, in mysterio, &c. Mysterij dictio non in nostra religione tantum sed & multis alijs in usu est, quasi peculiaris secretiorib⁹ sacris, quæ in uulgo spargere pro piaculo habetur. Volunt autem μυστήριον idem esse atque ἀπὸ μυσταίας τῶν ἰνδῶν, id est, occultandum est, intusque reconditum seruandum. Vfus eius est, ubi aliud uidetur, auditur, alijsque sensibus percipitur, aliud uero creditur. Hac de re uide Chrysostomum hoc loco. Crucis Christi prædicationis mysterium est. Non enim in ea uidetur quod gestum est, nec in illius superficie patet, quod creditur. Iudæus uidit in cruce, ac morte Christi infirmitatem hominis unde offenditur, fidelis credit uirtutem Dei, unde saluatur. Ita sacramenta illa noui testamenti mysteria dicuntur baptismus & Eucharistia, ubi incredulus ignorat quid sit aqua, quid panis & uinum, fidelis uero intelligit per fidem & adorat. Unde illud ueterum: Norunt fideles, quid hic degustetur.

QVAE est recōdita.] Commendationem habet, quod hic dicit, prædicationis Euangelicæ, quod non uulgaris cuiusdam sapientiæ doctrinam adferat sed absconditam. Quod absconditur à uulgo, selectum est. Nam præcipua bona, ut sunt filiorum & amicorum, non omnibus obijciuntur. Facit ergo sapientiam Euangelij in cruce Christi, selectam aliquam & præcipuam, quæ non uniuerfis destinata sit sed selectis tantum Dei filijs. Est autem ita abscondita, ut nec angelis nec archangelis neque ulli creaturæ patuerit, antequam adimpleretur, quod & Chrysostomus annotat, citans locum illum Pauli ubi dicit: Ut innotescat principatibus & potestatibus in cœlestibus per ecclesiam multiformis sapientia Dei.

QVAM præfinierat Deus ante sæcula.] Ante sæcula, idem est atque ab æterno. Nam omnia consilia Dei ab æterno sunt, non temporaria. Duo dat hæc particula Euangelio Christi. Primum quod nō sit fortuiti euentus, sed certum & præfinitum à Deo. Nemo disputet ergo, cur ista doctrina nō sit olim allata, Habuit



suos fines, fines scilicet latendi deinde & fines progrediendi. Præfinitum enim est à Deo quādo deberet reuelari, & quibus. Alterum est, quod ab æterno sit prædestinatum. Non est ergo noua quædam doctrina, ut libera sit à probro & suspitione *καυσιγίας*.

Expendit hic Chrysostomus emphasim diuinę dilectiōis erga genus humanū, quod ante illius conditionem prædestinaret rationem salutis ipsorum. Sic solēt parentes liberis, antequam nascantur etiam, prædestinare quædā quibus opus sint habituri.

Accommodetur hæc particula, ei quod supra dixit capite primo. Nam postquam in sapientia Dei non cognouit mundus per sapientiam Deum, uisum est Deo, per stultitiam prædicationis saluos facere credentes. Ne putes hæc ita esse dicta quod sapientiam istam crucis Christi pater tum demum excogitauerit, ubi uidit se à mundo per sapientiam suam nō agnosci, prohibet quod hic dicit, quam præfinit erat Deus ante sæcula.

IN gloriam nostram.] Hoc est, credētium. Quæ est autem illa gloria nostra? Chrysostomus idem est atque salus nostra. Alij adoptionem filiorum Dei assignant, quæ est per Christum. De gloria ista filiorum Dei uide Rom. 8. Simplicissime expone, ad glorificandum nos. Ut intelligas Deum ante sæcula ita præfinitisse, ut per crucem filij sui eos quos elegit glorificaret. Consolatur humiles & abiectos Christianos in eo quod ab æterno destinata habent in Christo gloriam, ut hoc quod mundo uidetur ignominiosum, ipsis sit loco summæ & æternæ gloriæ.

QUAM nemo principum sæculi huius cognouit.] Quid est, quod nominatim principibus dat ignorantiam cœlestis huius sapientiæ? An isti soli non cognouerūt? Non id agit, sed eorum meminit, quia soli uidebantur diuinorum habere cognitionem, eo quod pro sapientibus haberentur. Vbi illis adimit sapientiæ Dei cognitionem, conspicuum est, quod omnibus mortalibus illam adimat. Adimit autem omnibus dicēs: Nemo principum, quod plus est, quā si diceret, quam principes sæculi huius non cognouerunt. Quod autem omnibus illā mortalibus deneget, infra patet, ubi dicit, Animalis homo nō percipit ea quæ sunt Dei.

NAM si cognouissent, haudquāq̃ dominū gloriæ crucifixissent.] Probat quod dixit, ex ipso facto principum sæculi huius. Quis enim prudenter ac scienter filium Dei crucifigere sustineret? Crucifixerunt eum autē principes huius sæculi. Ergo non cognouerunt eum. Illum ubi non cognouerunt, sapientiam Dei non cognouerūt. Christus ipse testatus est, quod hic Paulus dicit: Neque nouistis, inquit, neq̃ patrem meū. Et in cruce ignosce illis quia nesciunt quid faciunt. Et Petrus in Actis dicit: Et nunc fratres, scio quod per ignorantia fecistis, sicut & principes uestri.

Obiter hic notandum est, q̃ non debeāt om

nia in parabolis applicari ad causam de qua agitur. Nam Matth. 21. & Marc. 12. dat Christus agricolis talem sermonem, ut dicant: Ecce hic est hæres, uenite occidamus eum, & occupemus hæreditatem eius. Licet enim hæc ad sacerdotes, scribas & pharisæos, crucifixores suos loquatur, tanq̃ ad ipsos pertinentia: tamen non debet inde colligi quod cognouerint ipsum esse filium Dei & hæredem uineæ. Nam alioqui male conueniet ei particulæ cum hoc & similibus alijs locis. Satis erat ex eo colligere, quod occisuri essent filium, & hæreditatem ipsius sibi ipsis uindicaturi. Hoc faciebat ad propositum parabolæ, quod autem eum cognouerint esse filium Dei, non ita. Sunt tamen qui dicant principes Iudæorum non cognouisse dominum gloriæ, quia non plene & efficaciter illum cognoscebant. Et rursus cognouisse eum, quod aliquam illius cognitionē ex miraculis nollent uellent hausissent. Verū sententia quā posui, simplicior esse & minus quæstionis habere uidetur.

Sed quemadmodum scriptū est. Quæ oculus non uidit, & auris nō audiuit, & in cor hominis nō ascenderūt, quæ præparauit Deus diligentibus se.

Locus hic ex Esa. cap. 64. desumptus est. Ambiguum est autē quomodo præcedentibus cōnectatur licet satis liqueat illum ad hoc indutum, ut probet per scripturas, sapientiam Dei principibus huius mūdi esse incognitā, nec ullā posse ratione ab animali homine compræhendi. Potest itaque referri uel ad id quod dixit, quam nemo principum sæculi huius cognouit, ut uelut consequēter rationē adiūgat ex propheta, uidelicet, quod abscondita sint, quæ Deus suis præparauit, & illud, Nam si cognouissent, dominum gloriæ haudquaquam crucifixissent, sit uelut per paræthesim positū, uel ad id quod dixit, sapientiam loquimur nō huius mundi sed sapientiam Dei in mysterio, quæ est recondita, ut nō solum huc respiciat, quod eam sapientes huius mundi non cognoscunt, sed ut ostēdat, de qua sapiētia & de quibus arcanis ipse loquat̃, uidelicet de illis quæ Deus ante sæcula præfinit ad nostrā gloriā. Nam utraq̃ ista insunt huic loco, & quod sapientia Dei sit abscondita sapientibus mundi & quod abscondita illa sapientia Dei ea contineat, quæ ad nostram gloriā diuinitus ante sæcula prædestinata sunt. Primum in eo quod dicit: Oculus non uidit, auris non audiuit, in cor hominis nō ascenderūt. Nam omnis cognitio hominis his uelut instrumentis constat. Aut enim per externos sensus aut per internos ad rerum cognitionē peruenitur. Per oculos & aures externos, per cor internum sensum cōplexus est. Ita & alibi de incredulis Iudæis dicitur quod nec uidentes uideant nec audientes audiant nec corde intelligant. Tres crassiores sensus corporis gustum tactum & olfactū non posuit propheta, eo quod ad rerum sublimium



mium cognitionem, maxime in religione locum non habent. Si ergo nec oculis nec auribus, nec cordi mortalium innotuit cōsiliij Dei arcanum, ergo exclusa est omnis illius cognitio naturalis, quæ scilicet esse possit ex ordine rationis & naturæ. Alterum in eo ponitur, quod additur, quæ præparavit Deus diligentibus se. Verbo præparandi respondetur ei quod dixit, quam præfiniuit Deus ante sæcula, & illud, diligentibus se, refertur ad id quod ibi adiecit, ad gloriam nostram.

Sequitur est autē Apostolus hoc loco non Septuaginta, sed Ebræos, quamuis non plane, si uerba expendas. Septuaginta nanq; sic habent: ἀπὸ τοῦ αἰῶνος οὐκ ἠγάσασμεν, οὐδέ οἱ θφθαλμοὶ ἡμῶν εἶδον διότι, πλὴν σου καὶ τὰ ὄργα σου ἃ ποιήσεις τοῖς ὑπομνῶσι σου ἰσχυρῶς. Hoc est. A sæculo non audiuiimus, neque oculi nostri uiderunt Deum, præter te & opera tua, quæ facies his qui misericordiam expectāt. Ebræa uero ad hunc modū: לֹא שָׁמַעַר לֹא חָזְיוֹ עֵינֶיךָ לֹא רָאָה אֱלֹהִים זָרָה לֹא שָׁמַעַר לֹא חָזְיוֹ עֵינֶיךָ יְעֹשֶׂה לְמַחְבֵּה לִי, id est: Et à sæculo non audierunt, auribus non perceperunt, oculus nō uidit Deum præter te, qui sic faceret expectanti se. Ergo Apostolus adiecit primum illud: Et in cor hominis nō ascenderunt: deinde uerbum faciet mutauit in uerbū præparauit: tertio quod Ebræus habet, expectanti se, ipse reddidit, diligentibus se, ut appareat ipsum legisse pro לֹא שָׁמַעַר לֹא חָזְיוֹ עֵינֶיךָ יְעֹשֶׂה לְמַחְבֵּה לִי, id est, expectanti se, לֹא שָׁמַעַר לֹא חָזְיוֹ עֵינֶיךָ יְעֹשֶׂה לְמַחְבֵּה לִי, id est, diligēti se. Significat enim הבב per beth, diligere. חכה uero per caph, expectare. Et præterea ordinem inuertit, dum illud, oculus non uidit, primum posuit, deinde de auditu subiecit. Ista libertas citandi scripturas sit Apostolis conueniens nobis non ita, quorum est magna cautione in citandis scripturis uti.

O B S E R.

QVAE PRAEPARAVIT

Deus diligentibus se.

Solet hic locus citari de immensis futuræ uitæ bonis, quod illa captu & intellectu sint incomprehensibilia. Nec immerito, licet enim per fidem in Christum dignitatem illorum cognouerimus in multis, nondum tamen omnia, imò nec ista quæ cognoscimus, luculenter sed obscure adhuc & in ænigmate cognoscimus. Quàm uero magna sint & inæstimabilia, uel ex eo nobis coniecturandum proponitur, quod quæ in terris uisuntur & audiuntur, & corde percipiuntur ampla satis & splendida, imparia sint cœlestib⁹ & futuris bonis, quæ certe non solum ob id quod occulta sunt, sed & quod infinita sunt & magnitudine & multitudine & diuturnitate, nullis possunt sensibus mortalium apprehendi, ne illis quidem, qui sunt alioqui omnium capacissimi. Quid enim cordis desyderio, ut de intellectu taceā, capacius & insatiabilius? Et tamē nec illud ad cœlestium bonorum amplitudinē sufficit siue intelligendam siue desyderandā. Iam sanè am

**A**plissima sunt, quæ in scripturis legimus, quæ per Euangelij prædicationem audimus, quæ fide credentes percipimus, & tamen ubi ad ipsam illorum possessionem peruenerimus, ut cessante quod ex parte est, possideamus quod perfectum est, quid aliud nobis usuueniet, quàm quod per figuram de regina Saba legitur, quæ multo ampliora cernens apud Salomonem quàm rumore perceperat, stupebat & consternata dicebat: Verus est sermo quem audiui in terra mea super sermonibus tuis & super sapientia tua. Non autem credebam narrantibus mihi donec ipsa ueni, & uidi oculis, & probaui quod media pars nuntiata mihi non fuerit. Maior est sapientia tua, & opera tua maiora sunt quàm rumor quem audiui. Hoc enim interest inter terrena & spiritalia, quod terrena audius expetuntur absentia, & citius uilescunt præsentia, quia in se uilia sunt, & de se opinionum nostrarum uicio, plura & maiora promittunt, quàm præstare queant, cœlestia uero minus desyderantur absentia, & plus amantur possessa, nec tædium sui pariunt, eò quod maiora præstent possessa quàm absentia promiserant.

## 11.

Notandum & hoc, quomodo Apostolus sapientiam illam Dei mundo absconditam, & cœlestia arcana, quæ per Euangelium prædicantur quidem, omnem tamen sensum superât, in ea collocat, quæ nobis sint à Deo præparata. Quemadmodum si quis regis alicuius splendorem & diuitias inexhaustas commendaturus de illis dicat, quas populo suo pararit. Certe hic non tam gloriam & diuitias regis quam summam in suos beneuolentiâ & uicissim inæstimabilem ciuium eius regni felicitatē prædicaret. Huc & illud pertinet quod suprà dixit, quam præfinit ad gloriam nostram.

III.

**Tertio loco expendendum est summope-  
re, quibus bona illa infinita sint à Deo præpa-  
rata. Non dicit omnibus in uniuersum, sed qui-  
busdam tantum. Et illos connotat indicio ta-  
li, quod nobis queat esse cognitum. Ideo non  
dicit: Quæ preparauit Deus dilectis suis, quos  
ipse ab initio dilexit, sed, diligentibus se. No-  
tius enim nobis est, an diligamus Deū, quàm  
num diligamur à Deo. Quanquam enim innu-  
meris modis Deus suam erga genus humanū  
bonitatem declaret, non tamen inde potest  
colligi, qui nam sint quos ita diligat, ut æter-  
na illis bona destinaret, eò quod Solem suum  
oriri faciat supra malos æque ac bonos. Et il-  
lud in propheta: Expectantibus se, similiter  
notam habet nobis cognitam. Nam ad fidem  
pertinet ista expectatio Dei, iuxta illud: Qui fi-  
dit illi non festinabit. Ergo expectabit. Quiq;  
uero credenti, fides sua nota est, ut Apostolus  
2. Corinth. 13. scribit, dicens: Vos ipsos probate  
num sitis in fide.**

Non dico ignorare fideles, quod diligatur à Deo. Aliàs unde dixisset hic Apostolus : Qui



dilexit me, & tradidit semetipsum pro me? sed licet fide sciamus nos charos esse Deo, minus tamen ignorare possumus, ipsi ne illum diligamus, uel secus, cum ea de re uniuscuiusque possit conscientia indubitato testari, nec ulla specialis reuelatio ad cognitionem illius requiratur.

Quid igitur? Tanti ne est dilectio nostra, ut illius respectu Deus ab æterno præpararit nobis tantam gloriam? Ergo non est electio Dei libera, sed eligendorum probitati alligata? Deinde non ex bonitate Dei, sed ex futuro merito eorum qui dilecturi erant Deum, ortum habens? Ista non sunt ex hoc loco colligenda. Neque enim hic traditur quid Deus eligendo suos respexerit, sed simpliciter quæ sit nota eorum, qui ad æternam felicitatem electi sunt. Alioqui omnes iusticie nostræ, etiam tum cum sunt, ita sunt imperfectæ, ut scriptura eas comparet panno mulieris menstruatae. Esa. 64. & Augustinus recte dicat: Væ uniuerse iusticie nostræ, si remota misericordia iudicet. Et Paulus Ro. 5. Cum essemus peccatores, inquit, & inimici, &c. Quod ergo corruptum est & prauum, & ubi aliquid boni diuino munere accipit (quid enim habes quod non accepisti?) imperfectum & illud est, quomodo potest tantæ electionis esse causa, cum nondum est, quasi melius sit futurum ubi esse incipit, quàm antea sit à Deo præscitum?

NOBIS autem Deus reuelauit per spiritum suum. Suprà prædicationi Euangelicæ elogium sapientiæ Dei tribuit, dicens: Sed loquimur sapientiam Dei in mysterio quæ est recondita, hæc uero ad alteram particulam pertinet, quam illi tradit, nempe, quod per spiritus reuelationem acquiratur. Habent autem occupationem. Nam quasi quis dicat: Si sapientiam Dei prædicas talem, quam nemo principum huius sæculi cognouit, imò ea doces, quæ nec oculus quisquam uidit, nec auris audiuit, nec in cor hominis ascenderunt, unde tibi horum est cognitio? Respondet. Nobis Deus ipse reuelauit per spiritum suum. Ergo cognitio Dei nulla alia ratione potest apprehendi quàm per reuelationem Dei. Matth. 11. Datur reuelatio cognitionis horum mysteriorum & patri & filio. Hic & spiritui sancto. Ergo pater reuelat, filius reuelat, spiritus reuelat. Sol illuminat, radius Solis illuminat, splendor Solis illuminat.

Spiritus enim omnia scrutatur, etiam profunditates Dei. Quis enim hominum nouit ea quæ sunt hominis, nisi spiritus hominis, qui est in homine? Sic & ea quæ sunt Dei, nemo nouit, nisi spiritus Dei.

Ista probandi gratia ad proxime præcedentia subiunguntur. Dixit. Nobis autem Deus reuelauit per spiritum suum, quibus tria insunt.

1. Deus autem reuelauit.
2. Nobis.
3. Per spiritum suum.

De primo nihil subiicit. Neque enim opus

erat. Nec de altero rationem reddit, cur sibi & quibusdam alijs, non autem omnibus. Superest ut tertiam particulam probare instituerit. Videlicet quod spiritus Dei reuelet ista ineffabilia arcana regni Christi. Probat autem duo necessaria. Primum quod possit. Huc pertinet quod dicit: Spiritus enim omnia scrutatur, etiam profunditates Dei. Ad reuelandi facultatem, hoc est docendi & illuminandi, requiritur scientia eorum quæ docenda sunt. Quia ergo dixit, nobis reuelauit Deus per spiritum suum, dat illi scientiam arcanorum Dei, idque omnium, ad quod utitur uerbo scrutandi, quia loquitur de arcanis Dei, de mysterijs mundo incognitis. Qui autem omnia nouit, eaque arcana, adhuc profunditates Dei, id est, abditissima & secretissima Dei consilia, certe is aptus est ad reuelandum quodcunque secretum.

Verbum scrutandi nemo diuexet quasi humano more spiritus Dei res antea ignotas diligenti scrutinio, cogitatione, inquisitione ac ratiocinatione demum cognoscat, id quod humanæ infirmitatis est, non omniscientiæ diuinæ. Nihil aliud agit hoc uerbo Apostolus, quod scriptura facit, cum de Deo dicit, quod scrutetur corda & renes. Hoc est, omnia secreta intelligat & penetret sua scientia. Accommodauit uerbum scrutandi causæ de qua loquitur. Loquitur enim de mysterio abscondito, more humano pro more scripturæ, quæ de Deo perinde atque de homine loqui solet.

Alterum, quod Apostolus probat, quod & propius ad propositum facit, est, quod non solum sciat omnia spiritus Dei, ideoque reuelare queat, sed quod solus omnia sciat. Excludit enim omnem mortalium cognoscendi & intelligendi naturalem facultatem, deditque reuelationem arcanorum Dei spiritui Dei, atque ideo necesse fuit, ut non solum declararet, quod reuelare ista possit, sed quod solus etiam possit. Et hoc declarato, declaratum est & prius illud. Prius est ut scias aliquid, posterius ut solus scias, quod alij ignorant. Vbi de posteriore constiterit, de priore nemo dubitare poterit. Non potest enim non sapiens esse qui solus sapiens est. Hanc itaque particulam quomodo probat? Quis enim, inquit, hominum nouit ea quæ sunt hominis, nisi spiritus hominis qui est in homine? Sic & ea quæ sunt Dei, nemo nouit nisi spiritus Dei. Hic non colligit spiritum Dei scire, quæ sunt Dei, sed neminem præter illum scire quæ sunt Dei. Sicut in hypodigmate quod probandi gratia adducit, non id tantum est, quod spiritus hominis sciat ea quæ sunt in homine, sed quod præter illum nemo ea sciat, nisi cui per illum reuelentur.

Abludunt autem à proposito, qui quærunt de Satana, an non & ille quæ hominis sint cogitata, sciat. Si scit ea, ergo non est Deus solus cardiognostes: deinde non est uerum quod hic dicit Apostolus.

Est autem argumentum à minori, omnium for-

Scrutatur  
omnia.



fortissimū. Si homo hominis secreta scrutari non potest, par paris, quomodo homo secreta Dei, minor omnium maximi scrutari poterit? Si reconditum quid habet homo, quod soli illius notum sit spiritui, quomodo secretum Dei extra illius spiritum cuiquam notum esse poterit? Si quod uicinum est & cognatum inscrutabile est, quomodo scrutabitur caro quæ sunt Dei? terra quæ sunt cæli?

Quoniam autem irrefragabile est primū, neminem hominum scire quæ sunt hominis nisi spiritum hominis, qui in eo est, deinde & quod ex eo inferit, uidelicet nec quæ Dei sunt, nota esse cuiquam nisi spiritui Dei, ideo audēter interrogat, dicens: Quis enim, &c.

## I.

Primum hic notandū est, quā nihil possint in rebus Dei liberi arbitrij uires, quāq; ratio humana cæca sit ad cognoscendam ueritatem Dei quæ est in Christo Iesu. Sic Christus ad Petrum dicebat Matth. 16. Caro & sanguis nō reuelauit tibi, sed pater meus qui est in cælis. Et Iohan. 6. Nemo uenit ad me, nisi pater meus traxerit eum. Et erunt omnes docti à Deo. Igitur nulla scientia, nulla sapientia, nulla rationis humanæ industria quicquam poterit ad cognoscendam uolūtatem Dei, nisi accesserit reuelatio Dei, cuius hic meminit. Si enim nemo hominum, ne sapientissimus quidem scire potest quæ sint hominis alicuius, etiam stultissimi, cogitationes, nisi accipiat eas per reuelationem, quomodo poterit quisquā scire cogitationes Dei, nisi accesserit reuelatio Dei? Hinc tamen non debet colligi inutile esse ministerium uerbi, quod humanitus administratur. Nam ita dispositum est à Deo, ut per auditum sit fides, & ministri uerbi sint ministri spiritus, & dispensatores mysteriorum illius. Ideo Paulus erat positus ad illuminandas gentes. Sic Galatas parturit in Christo. Et apostolos suos misit in orbem Christus, ut docerent omnes gentes. Et Ioh. 17. dixit: Nō pro istis tantū rogo, sed & pro illis qui per sermonem eorum credituri sunt in me. Magna est utilitas ministerij uerbi, per cuius stultitiam salui fiunt credentes. Sed si accesserit numinis afflatus, & referatio cordium, ut est in exemplo Lyddæ purpurissæ, Act. 16. Alioqui qui plantat nihil est.

Notandum autem est quod Apostolus loquitur de uera & uiua uoluntatis Dei cognitione, non de ea quæ per exercitium scripturarum est tātum, sine singulari reuelatione, quæ magis opinio quædam est, ad tempus durās, incerta & fluctuans quā certa scientia, unde & inefficax est, nec cor mutans, nec uitam innouās, nullam fidem, nullam dilectionem uel Dei uel proximi, nullum timorem Dei adferens, cum ea scientia quæ est per reuelationē Dei, hoc est, per afflatum spiritus Dei hæc omnia secum adferat. Adiungatur igitur exercitio scripturarum, precandi sedulitas, adiunga-

A tur animi humilitas, adiungatur desiderij iustitiæ. Nam spiritus Dei supra humiles & Deū timentes conquiescit.

Esa. ult.

## II.

Deinde in hypodigmate notandū est, quod non dicit: Nemo nouit quæ sunt in homine, sed: Quis hominum nouit quæ sunt in homine? Licet enim cogitationes hominis sint inscrutabiles hominibus, Deo tamen sunt aper-tissimæ. Magno quidem Dei consilio factum est, ut abditissimæ sint nostræ cogitationes, nec cuiquam mortalium possibile sit illas cognoscere, quod ad conuictum nostrū, posteaq; ita corruptis sumus affectibus, summopere necessarium est, maxima tamen prouidentia sibi soli reseruauit, ut sciat hominū cogitationes, qui omnium est moderator. De hoc posteriore non cogitant filij huius sæculi, & priore abutuntur, pro sua prauitate, iuxta illud: Prauū est cor hominis & inscrutabile, quis cognoscet illud? Et Esa. 29. Væ qui profundi estis corde, ut à domino abscondatis consilium, quorum opera sunt in tenebris, & dicunt: Quis uidet nos?

Esa. 29.

B Præterea & eos arbitror non esse bono ingenio præditos, qui aliorum secreta curiose inuestigant, cum Deus ita ordinarit, ut densissimis tenebris sint hominibus hominum cogitationes opertæ, curiosum scilicet hominum genus scire laborat, quod curare nec uult, nec potest, imò de quo ubi cognouerit, magis doleat q̄ gaudeat, uel si gaudeat, puerse gaudeat.

Nos uero non spiritum mundi accepimus, sed spiritum qui est ex Deo.

Redit ad id quod dixit: Nobis autem reuelauit Deus per spiritum suum. Quæ nanque subiiciuntur, nihil aliud agunt quā quod docent arcana Dei nulli hominum, sed soli spiritui Dei scrutabilia esse, ideoq; illum solū posse reuelare quæ Deus præpararit diligentibus se. Iam resumit illud quod dixit, Nobis reuelauit Deus per spiritum suum, latius explicandum. Quomodo reuelauit Deus per spiritum suum? Per id scilicet, quod spiritum suum nobis dedit, hoc est, gratiam & operationem spiritus sui qua docemur, quæ sint & quanta quæ à Deo donata sint nobis.

Quid est autem quod non simpliciter dicit: Nos autem spiritū qui ex Deo est accepimus, sed: Nos autem non spiritum mundi accepimus, &c. Et quid uocat spiritum mundi? Dixit neminem scire quæ Dei sunt, nisi spiritum Dei, ut nec quæ hominis sunt, nisi spiritū hominis, ita nunc dat mundo, hoc est, mundanis hominibus, suum spiritum, uelut homini cuiuspiam, per quem intelligit eam partem, qua constat rerum cognitio, sapientia & intellectus, (Hoc enim loco de sapientia Dei & de humana loquitur.) ut spiritus mundi sit sapientia & intellectus mundi. Alioqui per spiritum & affectus aliquando, animus & uoluntas intelligunt. Verū hic Apostolo non agit de affectib.

Notas



Notat autem clanculum pseudapostolos, A contra quorum peruersum studium ista scribit, qui magis mundi spiritum referebant, quam spiritum Dei, per sapientiae humanae studium non Christi, sed suam gloriam quærentes, crucem Christi non prædicantes, sed euacuantes. Horum gratia dicit: Nos autem non accepimus mundi spiritum, sed Dei. Quid ergo mirum si desideratur in nobis, & suspicitur in illis humana sapientia? Gloriatur de mundi huius sapientia, qui mundi spiritum acceperunt, quærant humanam sapientiam, si qui illam affectat, non ab apostolis Christi, sed ab illis qui principis huius mundi sunt ministri, adeoque & mundi spiritum acceperunt.

Vt sciamus quæ à Deo donata sunt nobis.]

1 Quæ sunt illa? Quæ per Christum accepimus. Dedit nobis filium, & cum filio dedit omnia, Rom. 8. Et infra: Omnia uestra sunt. Nec satis est quod omnia nobis dedit, sed uult ut sciamus etiam istam ipsius erga nos paternam beneuolentiam. Et huius scientiam largitur per spiritum suum. Nam ille testificatur cordibus nostris, quod sumus filij Dei, & docet nos omnia. Ergo cognitio donorum Dei est per spiritum Dei.

2 Rursus scientia quæ est ex spiritu Dei, scientia est non rerum mundi, sed donorum Dei. Non enim est mundi, sed Dei spiritus, non in hoc datus (licet illi omnia etiam quæ mundi sunt, nota sint) ut mundi nos sapientiam, sed ea doceat, quæ à Deo nobis sunt donata.

3 Tertio ista scientia quæ ex spiritu Dei est, per reuelationem arcanorum Dei, licet sit omnium amplissima, limitata tamen est, non ad omnia in uniuersum quæ in Deo sunt sese extendens, sed ad ea tantum, quæ nobis necessaria sunt, ad cognitionem eorum quæ à Deo nobis donata sunt. Alioqui infinita est diuinæ sapientiae & consiliorum illius profunditas, magis adoranda quam ad perfectum usque cognoscenda. Licet propensissimus sit erga filium pater, non tamen illi omnia sua secreta reuelat, sed ea tantum illi insinuat, quæ ipsi sint necessaria ad cognitionem paternæ dilectionis & beneuolentiæ, unde commodum hic Apostolus non dicit: Vt sciamus omnia Dei consilia, sed: Quæ à Deo donata sunt nobis.

4 Quarto, notandum est quod nondicit, quæ à nobis exigantur per Deum, quæ illi debeamus, quo studio, quo timore debeamus illi obedire, cum tamen & ista cognitio ad pietatem pertinet, & ex spiritu Dei sit, sed quæ à Deo donata sint nobis. Et quod non dicit, quæ à Deo nobis sunt acquisita & emerita, sed donata, *χαρισμα*, hoc est, gratuito data. Licet enim magno precio, non tamen nostro, sed filij Dei, qui & ipse nobis donatus est, redempti sumus.

Ergo primum est in scientia Dei quæ per spiritum Dei est, ut cognoscamus quæ per Deum donata sint nobis in Christo Iesu. Alioqui & mundi huius spiritu præditi, tradunt Deum esse timendum, colendum, idque non tempo-

rarijs donis, sed puræ mentis affectibus, ut uidere est in Catone:

Si Deus est animus, nobis ut carmina dicunt,

Hic nobis pura mente colendus erit.

Et in Persio Satyra secunda:

Dicite pontifices, in sacro quid facit aurum?

Nempe hoc, quod Veneri donatæ à uirgine puppæ.

Quin damus hoc superis, de magna quod dare lance

Non possit magni Messalæ lippa propago  
Compositum ius, fasque animi, sanctosque recessus  
Mentis, & incoctum generoso pectus honesto.

Item quid debeamus quisque proximo, pleni sunt philosophorum & poetarum libri. Quæ uero nobis à Deo sint per Christum donata, prorsus sunt spiritui mundi incognita, à quorum tamen cognitione omnis uera & solida pietas cum erga Deum, tum erga proximum ortum, & uim suam habet.

Quæ & loquimur, non sermonibus quos docet humana sapientia, sed quos docet spiritus sanctus, spiritalibus spiritalia comparantes.

Quæ & loquimur.] A scientia Dei, quæ per spiritum Dei est, transit ad doctrinæ ministerium, uel magis regreditur. Nam supra de illo loqui cœpit. Illud duo habebat.

Primum doctrinæ genus mundo incognitum, & illius iudicio stultam prædicans redemptionem, quæ est per crucem Christi. De hoc est quod dicit: Quæ & loquimur. Quasi dicat. Quid aliud loqueremur spiritu Dei imbuti, perque illum scientiam eorum quæ à Deo donata sunt, nobis adepti, quam hoc ipsum quod ex spiritu Dei didicimus? Didicimus autem non sapientiam mundi huius, sed eam quæ à Deo data est nobis, ut sciremus donorum illius munificentiam. Itaque de illis & loquimur. Ergo doctrina Euangelij est, loqui quæ à Deo donata sunt nobis. Hanc doctrinæ primariam partem qui non tradit, nihil minus agit quam doctorem Euangelicum.

Deinde doctrina Apostoli & hoc habebat, quod non humanæ sapientiae persuasorijs uerbis, sed rudi ac simplici sermone tradebatur, qui auribus eorum quos delectabant rhetoricum flosculi & enthymemata, uilis & cōtempus habebatur. Ignorabant enim preciositatem eorum quæ docebantur, è qua sola rudi sermoni apostolorum suauitas omnium iucundissima accedit. Huc respicit, ubi dicit: Non sermonibus quos docet humana sapientia, sed quos docet spiritus. Quasi dicat. Quod prædicatio nostra non respicit humanam sapientiam, in causa est, quod non mundi sed Dei spiritu imbuti sumus, quem habemus non solum cordis nostri illuminatorem & doctorem, sed & oris gubernatorem & uerborum informatorem. Habent mundanæ sapientiae mystæ suas loquendi formulas, bene illis utantur. Quæ autem insania est ab illis qui è spiritu Dei loquuntur



tur exigere mundani spiritus idioma? quod nihil aliud est, quam mundi huius spiritum constitutere spiritus Dei doctorem ac præceptorē. Quod si pseudapostoli illi malunt esse mundani quam diuini spiritus discipuli, quid mirū si & mundani spiritus loquelam exprimant? Nos autem quoniam illum non accepimus, neque illius magisterio utimur, libenter patimur desyderari in nobis istam humanæ sapientiæ elegantiam, quam uelut spiritus Dei mystæ non immerito repudiamus, nō solum quæ à spiritu Dei didicimus, sed & quomodo ad loquendum ab illo instituimur, loquentes.

**SPIRITALIBVS** spiritualia comparantes.] Hæc particula licet omnino ad præcedentia pertineat, trifariam tamen exponitur.

1. Primum, ferè omnes per spiritualia intelligunt doctrinam spiritus, & per spiritualibus, in masculino genere, spiritales homines spiritu Dei imbutos, ut sit sensus. Hi qui spiritū Dei acceperunt, intelligunt ex nobis spiritalem pariter & doctrinam & sermonem. Et huic sententiæ uidetur astipulari quod sequitur: Animalis autem homo non accipit ea quæ sunt spiritus Dei.

2. Deinde Chrysostomus exponit ad hunc modum. Spiritualia per spiritualium collationē probantes & declarantes, non per humanæ sapientiæ persuasionem, rationes ac syllogismos. Vtpote partum uirginis, per id quod Adam & Eua non ex aliquo concubitu, sed Adam ex terra, & Eua ex Adam sunt conditi, & per sterilis Saræ, item Elizabet Zachariæ partū, & resurrectionē Christi ex figura Ionæ. Ergo Chrysostomo spiritualia spiritualib⁹ cōparare, est per spiritualium rerū testimonia, figuras & demonstrationes, quæ obscura sunt in fide nostra illustrare ac confirmare. Verum arbitror Apostolum huc non respexisse, hoc maxime loco.

3. Præterea Erasmus in Annotationibus suis (licet in paraphrasi priorem sententiam sit sequutus) dictione spiritualibus, non homines, sed res spirituales intelligit, quibus & spiritualia coaptari & conferri dicit, ubi illæ non mundanæ sapientiæ, sed spiritus Dei uerbis tradunt, ut generi sapientiæ ac doctrinæ respondeat & genus sermonis, & sit conformitas & *ὁμολογία*. Et hic sensus conuenit ipsi argumento, nam hac de re adhuc loquitur Apostolus. Collatio est & conformitas, quando dialectica dialectice, mathematica mathematice, rhetorica rhetorice, mundana mundane traduntur: cui rei plurimum studetur à singularum disciplinarū alumnis, ita conforme est ut & spiritualia spiritaliter seruata collatione tradantur.

Iterum ergo nouo argumento perstringit humanæ sapientiæ studiosos pseudapostolos, simulq; nostros magistros magis Aristotelem quam spiritum Dei spirantes, ostendens studium illud eloquentiæ & sapientiæ humanæ referre, non Dei, sed mundi spiritum, & collationem & conformitatem non spiritualium, sed humanarum rerum respere: simul defen-

**A** dens sermonis Euangelici ruditatem contra contemptus ignominiam, qua per pseudapostolos & mundi sapientes grauabatur. Adiunge ista ad ea quæ suprā dicta sunt, ibi: Vt fides uestra non sit in sapientia hominum, sed in sapientia Dei, & habebis quatuor fortissima argumenta contra humanæ sapientiæ in rebus fidei studium. Videlicet, quod sapientia mundi euacuet crucem Christi, quod det carni gloriam coram Deo, quod fidem nostram funder in persuatorijs rationis humanæ uerbis, & hic, quod respiciat spiritum non Dei, sed mundi. Vicissim ruditas sermonis Apostolici commēdat uirtutem crucis Christi, adimit carni, & dat Deo omnem gloriam, fidem nostram fundat in potentia Dei, & respicit spiritū Dei mentium nostrarū doctorem & linguę moderatorem.

Animalis autem homo nō accipit ea quæ sunt spiritus Dei. Stultitia siquidem illi sunt, nec potest cognoscere, quoniā spiritaliter dijudicantur. At spiritalis dijudicat quidem omnia, ipse uero à nemine dijudicatur.

1. Faciunt ista ad latiore declarationem eius, quod ostendit sapientiā Dei à nemine cognosci, nisi ab illis quibus ea per spiritum Dei reueletur. Confert autem utrinque cum hominem animale, tum spiritum Dei, & docet ita esse comparatum hominē animale, ut quæ spiritus Dei sunt, nequeat cognoscere, quemadmodum si bestiam dicas cognoscere nō posse quæ hominum sunt. Plus enim interest inter animale hominem & spiritum Dei, deinde & inter intellectū hominis, & ea quæ sunt spiritus Dei, quam inter hominem & bestiam.

2. Vocat autem hominem *ψυχικόν* animale à potiore hominis parte, anima scilicet, ut admoneat totum hominem ineptum esse ad res spirituales amplexandas. Si enim dixisset: Carnalis autem homo non accipit ea quæ sunt spiritus Dei, uisus fuisset eam tantum hominis partem, quæ affectibus carnis corrupta est, & rationi repugnat, à cognitione & approbatione rerum spiritualium & diuinarū rejicere, non autem eam quam rationem uocamus, ita ut uiderentur notari tantum hi homines, qui propterea quod toti carnis rapiuntur affectibus, carnales uocari solent, quod ipsi tantū spiritualia approbare nequeant. Secus uero illi, qui quoniam rationis imperio obedire uidentur, non carnales, sed rationales & sapientes uocantur, quasi isti queant pro rationis industria de rebus iudicare diuinis, ut ita Sardapalus & diues epulo in Euāgelio ueluti carnales excluderentur à cognitione eorum quæ spiritus Dei sunt, Plato uero & scribæ Iudæorum tanquam rationales & sapientes non excluderentur. Ne hoc quisquam suspicetur, nō dicit: Carnalis homo non accipit ea quæ Dei sunt, sed animalis homo. Id est, is qui iuxta animæ cognitionem & affectus uitam, & maxi-



xime iuxta sæculum sapienter, instituit, quales suprà intellexit per principes huius mudi.

3 NON accipit.] Vetus habet, non percipit, quod idem illi esse uidetur atque non intelligit, Græce est, *ὅτι δέχεται*, quod hoc loco magis est, non amplectitur, non approbat, quàm nō intelligit aut non percipit. Non enim loquitur hic de perceptione quæ intellectu fit, quàm infra tanquam huius particulæ rationem subiiciet, sed de acceptatione & approbatione, quæ fit affectu. Aliud est amplecti affectu, quod sæpe numero absque iusta rerum cognitione fit, & aliud intellectu percipere, quod sæpe affectu non acceptatur. Neque enim omnia intelligimus quæ affectamus & amplectimur, nec rursus omnia amplectimur, quæ qualia sint uere cognoscimus. Animalis autem homo nec amplectitur nec agnoscit ea quæ sunt spiritus. Vtrunque illi dat Apostolus hoc loco: primū uero, quod non amplectatur, non approbet ea quæ sunt spiritus: deinde, quod nō cognoscat etiam, imò ne possit quidem cognoscere.

4 EA quæ sunt spiritus.] Intellige non solum ipsam doctrinā spiritus, sed & illius idiotismum rudem ac simplicem, utrunque nō approbat animalis. Nam humanarum rerum & scientia tumet, & affectu languet, quia animalis est & carnalis. In ipsa natura utrinque diuersitas est, ut nec spiritus animalia, nec quod animale est, spiritalia probet. Nam caro concupiscit aduersus spiritū, & spirit⁹ aduersus carnē.

5 Nec præter rationem est, quod non dicit: Ea quæ sunt Dei, sed: Quæ sunt spiritus Dei. Nam & animalis homo multa sanè approbat & amplectitur, & nouit etiam quæ Dei sunt, ut uidere est in scriptis philosophorum, & in ipso communi mortalium sensu. Mysteriū uero regni Christi, & quæ Deus præparauit diligentibus se, quæ per doctrinam spiritus & intelliguntur, & prædicantur in Euangelio Christi, non intelligit, nec approbat animalis homo. Ideo quasi exponens superiorem particulam, qua dixit: Quæ sunt Dei nemo nouit nisi spiritus Dei, pro eo quod ibi dixit, quæ sunt Dei, hic posuit, quæ sunt spiritus Dei.

STULTITIA siquidem illi sunt.] Hæc est ratio, cur animalis homo non amplectatur ea quæ sunt spiritus Dei. Quia uidelicet illi stulta uidentur.

1 Et hic uidemus primum quod per animalē hominem hoc loco intelligat hominem sapientiæ studio deditum, & quæ sapientiæ uidentur amplexantem, quæ uero stulta, reiicientē. Nam indicat hac rationis redditione ea quæ spiritus Dei sunt, ideo non acceptari ab animali homine, quod illi stulta uideantur. Alioqui homo carnalis & magis ex affectibus quàm rationis iudicio uiuens, quæ respuit, magis ob id respuit quod sapientiam uel respiciunt uel exigunt, quàm quod stulta uideantur. Nam ille non minus auersatur philosophiæ studium propter sapientiam quam non affectat, quàm animalis doctrinam spiritus, propter opinio-

nem stultitiæ, quam fugiendam putat.

2 Deinde uidemus hic uerbum illud *δύσκειν*, ut iam monui, non esse de intellectu, sed de affectu exponendum. Non enim ideo sapientes huius mundi doctrinam Euangelij non intelligunt, quod ea uideatur ipsis esse stulta, sed quoniam eam non cognoscunt, ideo stultam reputant, & quia stultam reputant, ideo non acceptant, sed respuunt, ut opinio stultitiæ sit fructus ignorantiae, reprobatio uero Euangelij apud sapientes ex eo nascatur, quod doctrinam illius stultam esse putant. Igitur animalis homo, sapiens huius mundi, non acceptat, nō approbat Euangelium, quia stultum illi uidetur, stultū aut illi uidetur, quia non intelligit.

3 Tertio patet etiam ex hac particula, quod quæ spiritus Dei sunt, à sapientibus mundi huius non solum non approbentur, sed & explodantur, & cum irrisione reiiciantur. A sapientibus enim quæ stulta uidentur, summe fugienda putantur. Est enim stultitia sapientiæ ex opposito cōtraria, ut tolerabilius sit philosopho, quod molestum est, seuerum ac durum, triste & iniucundum, quàm quod stultum est. Nam illius professioni nihil adeo repugnat atque doctrina stulta. Quemadmodum igitur diuiti nihil est aduersum magis paupertate, arrogantibus nihil inuisum magis humilitate, & homini uoluptatibus carnis dedito, nihil ingratius cōtinentia & uitæ seueritate, ita sapientiæ studio nihil magis ridiculum est doctrina tali quæ stultitiam respicere uidetur. Ergo illud *ὅτι δέχεται* non solum hic Apostolo sonat, non amplectitur, sed magis positum est pro auersatur, respuit, explodit, & irridet. Nec id frustra est, quod non dixit, siquidem illi stulta uidentur, sed, stultitia illi sunt, quod apparet p auxesim dictum, ut ostendat ea quæ spiritus Dei sunt à sapientibus huius mundi stultissima uideri, imò ipsam esse stultitiam. Sicut hominem scelestissimum significantes dicimus, scelus est, pro scelestissimus est.

#### OBSER.

Hic locus summopere notandus est. Non enim priuatum quid & temporarium uel personale, sed generale & perpetuū tradit, quod non minus nostro quàm Apostoli sæculo uerum est, ut non magis hodie sperandum sit Euangelium Christi placitum hominibus animalibus, quàm unquam. Est enim animalis iste homo sibi perpetuo similis, & rursus ea quæ spiritus Dei sunt, sibi ipsis quoque perpetuo concordant. Vbi autem animali homini, & nihilominus carnali, Euangelium adeo displicet, quid non irrisionis & molestiæ illius nomine expectandum est Christi, & spiritus Christi ministris?

1 NEC potest cognoscere.] Velut rationē assignat, cur ea quæ spiritus Dei sunt, adeoq; & sapientissima, ab animali homine, id est, hominis ratione & intellectu tanquam stultissima reiiciuntur. Quia illa, inquit, non intelligit.



git. Alioqui non uiderentur esse stulta, si ea in A telligeret.

2 Et ne culpa huius detur hominis animalis desidiae & negligentiae, quasi possit ea iudicio rationis, si uires illius intédât, cognoscere, adimit illi prorsus non solum intellectum diuinorum sed & intellectus facultatem dicēs: Nec potest cognoscere.

Quid ergo hic relinquitur uiribus rationis in cognoscendis rebus Christianae fidei? Scilicet duobus uerbis, uelut fulminib⁹, prosternitur omnis conatus sapientum huius mundi in rebus Dei. Nec potest, inquit, cognoscere.

Ergo ubi animalis homo conatur ad cognitionem pertingere regni Christi frustra laborat, ubi de rebus spiritus disputat, garrit, ubi pronunciat, mentitur, ubi in religione statuit, temerarius est, ubi docet, seducit, ubi sectatores reperit, perdit. Quare? Quia non potest cognoscere. Quid igitur expectabimus in fidei Christianae negotio decisionem animalium imò nonnunquam & carnalium?

1 QVONIAM spiritaliter dijudicantur.] Si quæras quare nequeat animalis homo cognoscere ea quæ sunt spiritus Dei, respondet, quia spiritaliter dijudicantur. Quid est spiritaliter aliquid fieri? Est ex sententia, instinctu, & iudicio spiritus fieri. Et quoniam hic de cognitione eorum quæ sunt spiritus Dei loquitur, spiritaliter res diuinas cognoscere, est eas cognoscere iudicio, ductu, & illuminatione spiritus sicut animaliter aliqd uel rationaliter cognoscere, est ex iudicio rationis cognoscere. Idem ergo est ac si diceret, animalis homo non potest cognoscere ea quæ sunt spiritus Dei, quoniam nō animaliter & cū iudicio rationis dijudicant, sed ex instinctu & iudicio ductuq; spirit⁹.

2 Dijudicatur inquit. Dijudicare non est cognoscere, sed ut cognoscas indagare, scrutari, discutere, examinare, ut fieri solet à sapiētibus, qui causarum, effectuum & circumstātiarum scrutinio ad rerum cognitionem rationis uiribus & iudicio perueniunt. Et hoc uerbo in loco utitur, ut indagationes & scrutinia philosophorum traducat & reiiciat, doceatque impossibile esse, ut hac uia perueniatur ad cognitionem eorum quæ sunt spiritus Dei, eo quod illa nō rationis sed spiritus Dei iudicio & scrutinio cognoscantur.

3 Cauendum est hoc loco commētum eorū, qui particulam hanc exponunt de allegorijs abstrusioribus, quas putāt esse spiritalem dijudicationem per quam ueniatur ad cognitionem eorū quæ sunt spiritus Dei, cum illæ plerunque magis rationalem industriā & discussionem scripturæ animalem respiciant quàm iudicium spiritus. Spiritaliter dijudicare, non est allegorice scripturam exponere, sed ex reuelatione spiritus mentem Dei cognoscere.

AT spiritalis dijudicat quidē omnia, ipse uero à nemine dijudicatur.] Discernit spiritalē ab animali. Vocat autem spiritalē eum qui spiritu Dei illuminatur, qui spiritus

iudicio non rationis sapit, qui spiritus ductu non affectuum carnalium uiuit. Nihil hic loci est illis, qui ecclesiastici tantum ordinis gratia spirituales uocantur.

2 DIJUDICAT omnia.] Dijudicat, nō rationis indagatione, sed spiritaliter, iudicio spiritus, per quem in cognitionem rerum spiritalium ducitur.

Omnia. Non intellige uniuersaliter de quibusuis, sed de ijs, quæ sunt spiritus Dei, de quibus Euangelium Christi prædicat, & quæcūque ad illa pertinent.

3 IPSE uero à nemine dijudicatur.] Nemo animalis potest dijudicare, æstimare & cognoscere spiritalem hominē. Vt est Ioh. 3. Spiritus spirat ubi uult, & uocē eius audis, & nescis unde ueniat aut quo uadat, sic est omnis qui natus est ex spiritu. Spiritalem enim esse, spiritaliter intelligere, spiritaliter uiuere, talia sunt, quæ non possunt rationis iudicio comprehendere. Ideo illud, à nemine, non est uniuersaliter de omnibus hominibus, sed de ijs tantum accipiendum, qui non sunt spiritales. Mūdus, inquit Iohannes, nō nouit uos quia non nouit Deum.

4 Hæc uerba à nonnullis aliter exponuntur. Ambrosio uerbum dijudicandi idem est atque condemnādi, ut, Quoniam spiritaliter dijudicatur (nam in singulari legit, & ad animalem hominem refert) idem sit atque, spiritaliter condemnatur. Sic spiritalis iudicat omnia, id est, per illius exemplum condemnatur increduli. Et ipse à nemine iudicatur, id est, cōdemnatur. Ita & Hieronymus. Theophylact⁹ illud, Spiritalis dijudicat omnia, intelligit de eo quod omnia quæ mundi sunt, spiritalis tamen uana iudicet. Et ipse à nemine dijudicatur. Id est, inquit, à nemine arguit. Est ex recentioribus qui hanc particulam, & ipse à nemine dijudicatur, referat non ad spiritalem hominē sed ad ipsum spiritum Dei propter sequentia, quod licet in se uerum sit, uerborum tamē cōtextui non admodum congruit.

Quis enim cognouit mentem domini? Quis cōsiliū dabit illi? Nos autem mentem Christi tenemus.

1 Locum desumit ex propheta Esa. cap. 40. quo & in Romanis capite undecimo usus est. Probat autem hic illud quod supra dixit, Quæ sunt Dei nemo nouit, nisi spirit⁹ Dei, & quod iam primū posuit, spiritalis dijudicat omnia, ipse uero, ut spiritalis, à nemine dijudicatur. Si enim nemo cognouit mentem Dei, nisi spiritus Dei, certe firmum est, quod nemo cognoscat illam per rationis iudicium, & quod soli spiritales eam cognoscant & quod illi à nemine cognosci queant. Quæ hic notanda sunt, uide in Commentarijs nostris super Epi. ad Ro.

2 Nos autem mentē Christi tenemus. Mens Christi est mens Dei, secretum illud cōsiliū Dei. Christum autē ponit, quia per illius fidē dat⁹ spirit⁹, & per spiritū reuelatio mentis Dei.



## CAPVT III.



**E**T ego fratres non potui loqui uobis, ut spiritalibus, sed loquendum fuit ut carnalibus, ut infantibus in Christo. Lactis potu uos alui & non cibo. Nōdum enim poteratis, imō ne nūc quidem adhuc potestis. Nam adhuc carnales estis. Siquidem cū in uobis sit æmulatio & contentio, & factiones, nonne carnales estis, & secundum hominem ambulatis? Etenim cum dicat aliquis, ego quidem sum Pauli, aliter uero ego sum Apollos, nonne carnales estis?

Redit hoc capite ad id quod primo cœperat, ut διχρησάσας quas inter se Corinthij alebāt corrigat. Calumnię pseudapostolorum & omnium mundi sapientium obnoxia erat cum doctrina Pauli, tum ipsa personę humilitas, & sermonis ruditas, qua doctrinam stultitię nomine eleuabant, sermonem uero uelut rudem & abiectum explodebant, cui calumnię obuiā perrexit capite secundo. Nam ex isto contemptu crucis Christi & humilitatis Apostolicę, uelut ex fonte, fluxerat ἡ διχρησάσας ἀφορμή, insinuantibus sese Corinthiorum animis pseudapostolis, nomine sapientię & eloquentię, ut contempta simplici crucis Christi doctrina, discipulos post se traherent, & ecclesiam Christi scinderent. Iam quoniam & hoc plurimum ad id mali faciebat, quod doctrinam pseudapostolorū, cum simplicitate eius quam initio ut elementariam ab Apostolo acceperant conferentes, illam admirabātur uelut sublimem & perfectiorem, istam uero uelut rudē & humilē fastidiebant, & ob eam causam maiora de pseudapostolis quā par erat sentientes, in illis gloriabantur, seque illorum discipulos esse iactabant: primum isto capite imperfectioris doctrinę causam per translationem in auditorum qualitatem conijcit, deinde subiūgit, quā nemo debeat etiam de ministris Christi sentire & gloriari ultra quā condignum sit, nedum de illis qui sapientię nomine turgent.

**E**T ego fratres nō potui loqui uobis ut spiritalibus.] Capite sequenti uidere est, quā saturi fuerint Corinthij, & nomine eius doctrinę quā pseudapostoli tradebant, ita inflati, ut quę ab Apostolo acceperant plane fastidirent, & in pseudapostolorum sapientia gloriantes dicerent: Talia tamq; pręclara & sublimia à Paulo antea non audiuius. Quā in sipida & rudia nobis tradita sunt hactenus istis collata, quę nunc audimus? Hi sunt ueri doctores, qui ueram nobis adferunt doctrinā, qui nobis quę hactenus latuerunt, in lucem proferunt. Paulus istis comparatus plane stultus, imbecillis & uilis est. Isti cogitationi oc-

**A** currit per translationem. Non dicit, cum uenirem ad uos sublimiora uobis tradidi, quā quę nunc auditis, sed, non potui uobis loqui ut spiritalibus, sed loquendum fuit, ut carnalibus. Quasi dicat. Verum est non tradidi uobis initio sublimiora & perfectiora, sed qua ratione id factum est? An ex mea ignorantia & sermonis inopia? Nequaquam, sed ex uestra imbecillitate, cuius cogebar habere rationem. Videndum enim mihi erat, quid uos capere possitis, non quid ego tradere possem. Non poteratis autem sublimia & perfectiora capere, eo quod carnales essetis, quales etiamnum estis, ideoque mihi loquendum ad uos fuit nō uelut ad spirituales sed uelut ad carnales. Rursus autem uocat eos fratres, quo sermonem hunc aliās ingratum nonnihil mitiget.

**V**T infantibus in Christo. Lactis potu uos alui, & non cibo.] Similitudine declarat, cur non potuerit illis initio sublimiora tradere. Facit se parentem, ut & infra capite 4. dicit: Non multos habetis patres. Siquidem in Christo Iesu per Euangelium uos genui. Illos facit infantes in Christo & paruulos. Parentis est rationem habere ætatis & imbecillitatis liberorum suorum, illosque ita alere, ut prouehat, non ut perdat. Hoc facit, ubi cibum accommodat illorum ætati & capacitati, infantibus lac & pulmentum, adultis solidum cibū porrigens. Ita Apostolus Corinthijs quos in Christo genuerat, primū ea quę essent captui ipsorum accommodata tradidit, quę hic lacti cōparat, quę perfectiora erant reseruans, donec in Christo uegetiores redderentur.

QVÆ SINT HIC  
obseruanda.

## I.

**N**ON potui loqui uobis.] Quarendū hic, quomodo nō potuerit Apostolus Corinthijs sublimiora ob id tradere, quod carnales adhuc essent, & infantes in Christo, cum tamen pseudapostoli potuerint illis sublimia proponere? Quis enim etiam stultissimus nō potest sublimia quęque proponere, licet non intelligentur? Respondeo. Elucet quidem hac in re Apostoli prudens dispensatio, qua quibusuis nouit competetē cibum subministrare, quę & omnibus est imitanda Christi ministris, quā & Christus ipse seruauit aliter instruēs discipulos & aliter populum, uobis, inquit, datum est nosse mysterium regni Dei, cæteris autem in parabolis. Et inter ipsos discipulos quoque hac in re discreuit ubi Petrum Iacobum & Iohannem seorsum in montem secum, & ad secessum precandi in hortum relicti alijs assumpsit. Item cum dicebat Ioh. 16. Adhuc multa habeo uobis dicere, sed non potestis portare modo. Verum pręter hanc prudentiam spiritus obseruandum est quā fidelis fuerit Apostolus erga Corinthios in opere domini, in eo quod non quę ad gloriam sibi, sed quę ad illorum facerent utilitatem cōsyderaui



syderauit & proposuit, qui affectus querendę salutis illorum cohibuit dispensationis apostolicę cursum, ut nequiuert alia tradere, quę illis essent compræhensibilia adeoque & utilia. Contrā uero pseudapostoli, longe aliter affecti, non Christianorum profectum sed suā ipsorum spectantes gloriam, non expenderūt auditorum uires quid illis conducere posset quid non, ut paulatim ad solidiora prouiderentur & in Christo crescerent, sed quid esset auditu magnificum splendidum & plausibile, etiam si nunquam caperetur, uel si caperetur, nihil conferret, aut etiam obesset, idque proposuerunt non patres sed pædagogos agentes, ut infrā dicit: Et si multos habetis pædagogos, non multos tamen habetis patres. Cōmendatur itaque nobis hoc loco prudentia pariter & fidelitas germanorum Christi ministrorum, quam sequamur, & uicissim infidelitas pseudapostolorum quam fugiamus. Qui malunt uideri uel insigniter docti, & secularis quoque eruditionis haud expertes, uel singulariter eloquentes, aut solito sublimiora & haftenus à nemine tradita adferētes, nihil hi minus quam ædificationem imperitorum spectant, sed toti eō collimant, ut quam quærūt inanem gloriam eleganter & erudite dicendo, & singularia quædam docendo consequantur. Hoc genus concionatorum alienum est à Canone apostolico, quo à ministris Christi ac dispensatoribus mysteriorum Dei requiritur, ut fideles inueniātur. Qui sic docent, non modo inutiles sunt ad pascendum gregem domini, sed & instructi ad seducendum, præsertim si qualiscunque accesserit hypocrisis.

## I I.

SEd loquendū fuit, inquit, ut carnalibus.] Querendum secundo loco, quomodo Corinthios uocet carnales, cum infrā cap. 4. dicat: In Christo Iesu per Euangelium ego uos genui. Et hoc loco. Ut infantibus in Christo, lac potū dedi. Si erant Christo per Euangelium nati, atque ita infantes in Christo, certe habebant spiritum sanctum. Qui nanque spiritum Christi non habet hic nō est eius Rom. 8. Et infrā hoc capite. An, inquit, nescitis quod templum Dei estis, & spiritus Dei habitat in uobis? Si spiritum sanctum habebant, quomodo erant carnales? Aut quid aliud est esse carnalem, quam non esse spiritalem & secundum carnem affici, ac uiuere? Respondemus carnalem bifariam uocari. Primum carnales uocantur qui prorsus secundum carnem uiuunt, & plane expertes sunt spiritus Christi ac gratiæ Dei, nondū regenerati sed adhuc toti in uerustate carnis peccati constituti. De illis legere est Rom. 8. Qui carnales sunt, quæ carnis sunt curant: Ite Qui in carne sunt, Deo placere non possunt, uos autem in carne nō estis, siquidem spiritus Dei habitat in uobis. Deinde carnales uocantur etiam illi, qui licet sint in Christo regenerati, sunt tamen adhuc infirmi, & paruuli in Christo cum quod cognitionē attinet tum &

affectuum carnalium mortificationē, quales sunt hoc loco Corinthij, qui denominatione ab eo quod excellebat sumpta carnales uocantur. Siquidem superabant hac in re & plerisque alijs carnales in illis affectus, quorū gratia carnales dicuntur, iuxta quam denominandi rationē & spirituales uocari solent, qui tamen nō ita spirituales sunt, ut prorsus uniuersis carnis sint affectibus liberati, sed ita uocantur, ob id quod spiritualis in illis & cognitio & cōuersatio potiores habeat.

Habet spiritualis natiuitas suos gradus quibus paulatim adsurgit ad maiora, donec perfectionem attingat, & iuxta graduū istorū progressum plerunq; & denominationem sortiuntur qui ex spiritu regenerati sunt, ut carnales uocentur quatenus plus ex carne quam ex spiritu uiuunt, infantes, cum adhuc rudes sunt ac teneri, nondum exercitatos habentes sensus in cognitione & uita Christi, infirmi, cū fide, spe & patientia nondum sunt corroborati, spirituales, fortes, perfecti, quando adulti in cognitione Christi, in fide, spe, charitate, patientia & uita Dei promouerunt. Ita etiam de seipso disputat Apostolus Rom. 7. hac ratione se carnalem uocans, eo quod legi peccati in carne nō nihil esset obnoxius. Ita & cōmunis usus obtinuit ut insensatos, & stultos uocem<sup>9</sup> eos, qui tamē non prorsus sunt rationis expertes, ob id quod plus in uita ostendant stultitiæ quā sapientiæ, sapientes uocemus non eos, qui principia quædam sapientiæ habent, sed eos qui nonnihil in sapientia progressi, ita uiuunt, ut indicia de se singularis sapientiæ præbeant.

## I I I.

LACTIS potu uos alui inquit, & nō cibo.] Tertio, querendum est, quam doctrinæ Christianæ partem intelligat per lactis potum, & quam per cibum. Quid illis primum dare potuit, nisi quod & acceperat à domino, & reficiendi uires haberet? Acceperat autem à domino Euangelium prædicandum quemadmodū suprā dixit: Non enim misit me Christus baptizare sed euangelizare. Nec alia erat prædicatio quæ animā posset regenerare, quàm hæc ipsa, ut & infrā dicit, per Euangelium ego uos in Christo genui, nulla item alia facit ad recens regenerate mētis refectionem. Nam & suprā dixit: Visum est Deo per stultitiam prædicationis saluos facere credentes. Et Rom. 1. Euangelium est uirtus Dei ad saluandum credētes. Quis ergo est solidus cibus, quem infantes in Christo Corinthij non poterant capere & ferre? An alia quædam doctrina præter Euangelium Christi, quemadmodum aliud adulto datur cibi genus, quàm infanti? Eiusdem enim generis non sunt, lac & panis.

Nequaquam alia sed eadem Euangelij doctrina & lac est & panis. Lac infantibus in Christo, panis iā adultis. Quomodo? Ita uidelicet, ut gloria gratiæ, potentię ac regni Dei in Christo latius & clarius exponatur adultis quàm rudibus adhuc & recentibus. Velut lac est, quā-



do docetur, unum esse Deum, hunc mundi miserum misisse filium in carnem, illumque nostrę salutis gratia tradidisse in mortē, ut quotquot in illum credunt, habeant uitam æternā, respiscendum esse à uitę pristinę erroribus & moribus corruptis, baptizandum esse in nomen Christi, in remissionem peccatorum, credendum esse mortuorum resurrectionem, & uitam æternam, item iudicium futurum uiuorum & mortuorum. Ista & consimilia, qualia omnino habet initialis etiamnum fidelium institutio Symbolum illud fidei Christianę, lactis similitudine intelligenda sunt non quod in se sint modica, sed quod primum simpliciter credenda non exacte intelligenda proponantur. Quanta uero sit amplitudo & maiestas dispensationis regni Christi, quanta gloria bonitatis & potentię Dei, quantaque illius sapientia in Christo, de quibus admonet nonnulla Apostolus Eph. 1.2.3. Coloss. 1. si quis statim uelit proponere ijs, qui recens in Christo sunt nati, perinde faciet, atque si quis panem uelit statim proponere infantibus.

Ebr. 5. 6. Ad Ebr. cap. 5. & 6. ista apertius ac fufius traduntur, unde loci huius declaratio petenda est.

Ioh. 16. Et id quod Iohan. 16. Christus dixit: Adhuc multa habeo uobis dicere, quę non potestis portare modo. Adhuc infantes erant apostoli, lac bibebant non solidum cibum edebant carnales & ipsi, non quę Dei sed quę hominum sunt sapientes, deinde & de primatu inter se contententes, unde non poterant solidiorem cibum adhuc ferre. Pœnitendum esse, & credendum Euangelio, adesse regnum Dei, hunc lesum esse filium Dei in quo uno sit salus, utique acceperant & confessi quoque iam fuerant. Myfteriũ uero mortis Christi, resurrectionis, ascensionis & glorificationis, deinde rationem regni illius & dispensationem per uirtutē spiritus, quę omnia post acceptum spiritum demum cognouerunt, nondum ferre poterant, quę uelut solidus cibus erant.

Proinde qui hunc locum exponunt de cęremonijs ac ritibus ecclesię quasi discipuli tum nondum potuerint intelligere talia, plane ridiculi sunt. Quemadmodum & illud pontificia sublimitate dignum est, quod 35. quęst. 3. Quędam lex, ubi pręsens Apostoli locus citatur, per lac intelliguntur illicita initio concedenda, per solidum cibum grandiora postea grauamina imponenda.

Itaque non est aliud atque aliud doctrinę genus per lactis potum & solidum cibum intelligendum sed plane idem, non re, sed auctu & explicatu diuersum, perinde atque fides ipsa in Christum & cognitio regni eius, non est alia in imperfectis & alia in perfectioribus sed omnino eadem, licet auctior in istis quàm in illis. Ita Basilus de sua fide scribit epistola 79.

Basilus. ὅτι πρὸς τὸ πνεῦμα αὐξανόμενοι, μᾶλλον μὲν ἀπὸ μικρῶ γινώσκοντες, καὶ ταῦτα ἃ ἔχοντες αὐτῶν, καὶ κατὰ γινώσκοντες μεταβαλλόμενοι ἀλλήλους καὶ αὐξανοὺς τελευτῶμεν, ὅτι λογίζομαι καὶ ἐγὼ τοῦ αὐτοῦ λόγου διὰ τὴν ἐκείνου ἐν ἐξουσίᾳ ἔχειν καὶ κατὰ τὸ ὅτι ἀρχὴ ἐν

τὸ τοῦτο καὶ ἀρχὴν γινώσκοντες. Non alia lux in oculis cęci incurrebat, cum homines uidebat uelut arbores, & alia cum omnia recte cernebat sed utrobique eadem, licet clarior postea quàm antea, nec alia uidebat postea quàm antea, sed eadem uerum clarius quàm antea. Eadem lux est quam uident infirmi oculi, eiusdemque Solis, quam & unde uident sani, nec quicquam interest, nisi quod isti Solis splendorem plenius intuentur, illi uero minus ferre possunt. Ad hunc modum habet & captus doctrinę Euangelicę in credentibus pro ratione auditorum dispensandę.

Nondum enim poteratis, imò ne nunc quidem adhuc potestis. Nam adhuc carnales estis.

Rationem subiungit, quare nondum potuerit illis loqui uelut spiritalibus. Nondum enim inquit poteratis, uidelicet capere, uel ferre. Nam tale quid subintelligendum est. Non dicit: Nondum enim poteram, sed nondum poteratis.

IMO ne nunc quidem adhuc potestis inquit.] Deijcit hic factum eorū. Putabāt enim se plurimum excreuisse rerum spiritaliū intellectu, ita ut simplicitatem doctrinę Euangelicę spernerent, quam tamen nondum rite intellexerant, atque eam ob causam ad sublimiora adspirarent intempestiuus, perinde atque in disciplinarum studio plerumque fieri uidemus, ut antequam prima elementa rite cognoscantur ad ulteriora plerique properent. Traducit simul & pseudapostolorum temeritatem, & infidelitatem, qui rudes adhuc à lactis cibo auocabant ad sua ipsorum figmenta, culpabiles plane, etiam si illos ad uera spiritalia percipienda intempestiuus prouocassent.

NAM adhuc carnales estis inquit.] Ratio est, quare nondum illos posse dicat. Taxat autem illorum ignauiam, quod non dicit: Nam carnales estis, sed, Nam adhuc carnales estis. Quasi dicat. Tempus quidem esset, ut solidiorem cibum caperetis uerum uestra ignauia sit, ut necdum illum capere queatis, quandoquidem perpetuo carnales esse pergitis. Sic Ebr. 5. dicit: Etenim cū deberetis esse magistri propter tempus rursus indigeretis, ut uos doceamini quę sunt elementa exordij sermonum Dei, & facti estis quibus lacte opus sit non solido cibo.

Siquidem cum inter uos sit æmulatio & contentio, & factiones, nonne carnales estis?

Probat arborē ex fructibus. Quod adhuc carnales sint, probat ex operibus carnis, de quibus uide Gal. 5. inter quę connumerantur & æmulatio, & contentio, & secta.

I.

Observandum autem est, quare non obijciat fornicationis immundiciam deinde & cōmestrationes, & quę huiusmodi & ipsa sunt opera

Marci 8.



opera carnis, cum æque istis essent Corinthij obnoxij, ut infra uidebimus cap. 5. & 11. Quid est quod ad probandum quod adhuc carnales sint producit æmulationem, cōtentionem, & factiones? Primum quia cœperat hoc malum ante omnia corrigere, ideo ista inducit. Deinde cœpit autem illud ob id ante omnia corrigere quod esset perniciosissimum, & præterea generalius. Nam fornicationi unus, & comes, factionibus diuites tantum leguntur obnoxij fuisse. Ideo particularibus malis reſeruatis, primum, quod totum Christi corpus occupabat emendare instituit. Quemadmodum enim periti medici est, eum morbum cum primis curare qui & perniciosior est, & non unius tantum membri sed totius corporis uires populatur, ira & hoc loco faciendum erat prudenti Apostolo in curandis morbis animorum.

## I I.

Deinde & hoc est notandum, quàm errēt, qui per contentionem putant posse ad rerum spiritualium cognitionem pertingi, cum hic Apostolus aperte doceat, per æmulationem, cōtentionem, & factiones, impediri cognitionem rerum spiritualium. Quare? Quia animi carnales sunt, nec apti ad percipiendum ea quæ sunt spiritalia, ideo quod carnalibus affectibus sint excæcati. Deinde quicquid traditur non ira acceptatur ut ueritas cognoscatur, & pietas prouehatur, sed ut contentio & factio foueatur. Exigit enim captus spiritalis doctrine animus limpidus ac purus, qui non sit carnalibus affectibus perturbatus. Talis autem non est, qui spiritu æmulationis & contentionis laborat. Vnde est illud: Nimiū altercando amittitur ueritas.

## I I I.

Notandum est etiam hoc loco, unde sint factiones & sectæ in ecclesia. Primum quidem ex carne, ut qui sectarij sunt, licet uideantur esse spiritualissimi, reuera tamen carnales existant. Propius autem ex zelo uel æmulatione, quādo alius pro alio zelo ducitur. Nam hinc oriuntur contentiones dum quisque eum in quo gloriatur cupit ad cœlum usque euehere, reliquos ad infernum deturbare. Et ubi ita contēditur, statim nascuntur sectæ & factiones, ut scindatur unitas corporis Christi. Proinde in hoc est Apostolus, ut auferat primum istud æmulationis studium quod sciat illo sublato, cito Corinthios posse ad concordiam reuocari.

ET secundum hominem ambulatis? Ergo carnalem esse, idem est atque secundum hominem ambulare, id est, humanis duci affectibus. Nec carnem nec humanam naturam dānat Apostolus, sed illius corruptionem. Illam notabat & Christus in Petro Matth. 16. cum dicebat. Abi retro me Satā. Non enim sapis quæ Dei sed quæ hominum.

ET ENIM cum dicat aliquis, ego quidem sum Pauli, &c.] Probat eos esse æmulatores contentiosos & sectarios ideoque & carnales

A ex ipso facto, quod negare non poterant. Atque ita redit ad institutum, quod cap. 1. cœpit.

Quis igitur est Paulus? Quis Apollos? nisi ministri, per quos credidistis?

Posteaquam per translationem causam imperfectioris doctrinæ, quam contemnebant laturi Corinthij, imbecillo illorum captui deputauit, causatus eos ut carnales & infantes in Christo sublimiora capere non potuisse, neque dū etiā posse, ut qui adhuc carnales sint, progreditur ad alteram huius capituli partem, nimiam & præposteram admirationem pseudapostolorum demoliturus, quæ plurimum faciebat ad studiū sectarum, quo laborabant.

Demolitur autem eam ratione cum efficaci tum prudenti. Efficaci, per id, quod ostendit quo loco haberi & cuius æstimari debeant Christi ministri. Quicquid enim nimium est non potest melius restringi, quàm si ad iustum modum reuocetur. Est suus cuique estimatio nis, honoris ac dignitatis modus, ad quem, si quid accesserit superflui, reformandum est. Prudenti ratione utitur in eo quod non aliorum sed suam ipsius & Apollo personam inducit, in quibus declaret, quàm non debeat quisque plus æquo de Christi sentire ministro, quod ob id facit, ne uideatur non tam ipsorum mēderi malo quàm suæ consulere gloriæ, & ut hanc causam, alioqui periculosam, dextere *κατὰ τὰς ἀρχαίας* tractare queat. Et hoc est, quod confidenter dicit: Quis est Paulus? Quis est Apollos? quod cum minore suspitione facit quàm si diceret, qui sunt isti uestri apostoli, quos admiramini & tantum non adoratis? Vbi non putaretur dicturus unquam, Quis est Paulus?

Illud autem. QVIS est Paulus? Quis est Apollos? Verus sic habet. Quid est Paulus? Quid est Apollos? Verū Græca habent, *τίς ἐστιν*, quis est, quod tamen ipso Apostoli sensu nihil aliud est, quàm quid est, id est, cuius momenti est, uidelicet, ut dignus sit, cui nomen det quisquam, uelut religionis authori. Innuit autem neminem apostolorum & ministrorum Christi tanti esse debere, ut ipsius se quisquā esse dicat, cum omnes simus Christi. Urget itaque rogando. Quis est Paulus? Quis est Apollos? quemadmodum solemus rogare de illis, quinam sint, quos uidemus plus æquo coli, & supra modum extolli.

NISI ministri.] Hic est modus æstimandi apostolos. Ministri sunt, non domini. At ministrorum non est trahere post se discipulos, nec illis quisquam licite nomen dare potest, ut illorum esse se dicat cum solius sit domini, qui caput est & princeps electorum omnium. Sic infra cap. 4. Sic nos existimet homo tanquam ministros Christi.

PER quos credidistis.] Non, in quos credidistis, nec, qui uos ad fidem adduxerūt, sed, per quos credidistis, id est, per quorum ministerium uos Deus ad fidem filij sui adduxit. *δι' ὧν ἐγενήθη ἡ ἀγάπη*, inquit Chrysostomus, *ἐν ᾧ ἐγενήθη ἡ ἀγάπη*.



*μὴ τῷ τοῖς ἀγαθοῖς, ἀλλ' ὡς παρὰ τὸν αὐτὰν ἑαυτὸν δίδωσιν.* At beneficij gloria, nō ministro sed ipsi benefactori ac largitori debetur.

## OBSER. I.

QVIS est Paulus? Admonemur hoc loco q̄ libere existimationē eorum eleuare debeamus, qui supra quā par est in ecclesia Christi extolluntur, etiam si sint ueri Christi ministri, imō apostoli, per quos primum in Christum credere cōperimus. Audiant igitur qui Petri apostoli uolunt esse discipuli & successores, illumque sic constituunt ecclesiæ caput, ut primatū uniuersalis ecclesiæ in successores suos quasi hæreditario transmittere potuerit. Dicant nobis, quis sit Petrus. An non minister Christi? In hoc illum ordine relinquant. Quid uero de illis dicendum est, qui cum nō sint ministri Christi, nec aliquē ad fidem Christi adducant, nihilo tamen minus dominium sibi ipsi uindicant in ecclesia, & quiduis mandādi ac præcipiendi potestatem? Si recte dixit Apostolus: Quis est Paulus? Quis est Apollos? quāto iustius nos dicemus: Quis est iste pōtifex? Qui sunt isti equestres Episcopi, nisi domini ecclesiarum, per quos non credidimus sed per diti sumus?

## OBSER. II.

Notandum est, quod dicit, per quos credidistis. Videtur extenuare ministerium uerbi, uerum si recte reputes illud pulchre cōmendat ab effectu. Licet enim non sit primaria fidei causa, sed secundaria & instrumentalis, magnum tamē uel hoc est esse instrumentū fidei ad salutē. Nam ita uisum est Deo per stultitiam prædicationis saluos facere credentes, ut ad Rom. 10. merito prophetæ exclamationem, Quā pulchri sunt pedes annunciantium pacem, annunciantium bona, ministris Euangelij applicet. Et hoc pacto, ubi uidetur se & Apollo deiicere, non parum sibi honoris cōtra contemptum quō laborare cōperat apud Corinthios uindicat, per id, quod effectum prædicationis suę commemorat dicens. Per quos credidistis. Et ideo non dicit, qui uobis annūciarūt fidem Christi, sed per quos credidistis.

ET ut cuique dominus dedit.] Græce, καὶ ἑκάστῳ ὡς ὁ κύριος ἑδωκεν. Et cuique sicut dominus dedit. Videtur aliquid desyderari, uel, ut Erasmus reddidit, legendum esse, Et ut cuique dominus dedit, καὶ ὡς ἑκάστῳ ὁ κύριος ἑδωκεν. Similis loquutio, iisdemque uerbis est Rom. 12.

Deinde ita posita est hæc particula ut tam ad credentes Corinthios quā ad ministros Christi apostolos Paulū & Apollo referri possit, uel certe ad utrosque, ut intelligas Corinthios tantū fidei adhibuisse prædicationi Apostolicæ quantum gratiæ dominus largitus sit, & rursus apostolos tantum prædicando effecisse, quantum & ipsis à domino gratiæ & effectus datum sit. Nam utrinque opus est uirtute Christi, apostolis, ut fructum adferant, sicut Ioh. 15. dicit: Sine me nihil potestis facere,

auditoribus, ut credant. Nisi enim illis cor aperiat, ut est in exemplo Lyddæ purpurissæ Act. 16. frustra prædicauerit Apostolus.

Mihi uero uidetur simplicius, ut intelligamus eum loqui de suo & Apollo ministerio, & quia dixerat, per quos credidistis, effectus illius gloriam dare Deo. Quasi dicat: Non solum ministri sumus, non domini, sed nec quicquam præstare & efficere possumus, nisi quantum cuique dederit dominus, ut gloria sit nō nostra sed domini

Ego plantauī, Apollos rigauit, Deus autem incrementum dedit.

Explicat distributionem quam cōpit in eo quod dixit, sicut unicuique dedit dominus. Quasi dicat. Mihi dedit ut plantarem, Apollo ut rigaret, incrementum ipse utriusque operi adiecit. Plātauerat ipse quia primus illic Christum prædicauerat. Apollos postea eos qui crediderant in fide Christi confirmauerat, ideo dicit illum rigasse à se plantata. Est autem hæc similitudo plantandi & rigandi omnium pulcherrima & ad causæ declarationem accommodissima ac luculentissima in qua, si recte reputes, hæc tria habentur.

Primum declarat rationē ministerij uerbi, quod sit opus ministrorum Christi, dum illis tribuit plantationem & rigationem, faciens ex eis cultores hortorum & pomerij regni celestis, quorū geminum munus est. Aut enim plantant, hoc est, quod syluestre est, uelut de oleastro sumptū, transferunt & inserunt oleæ, aut quod plantatum est, rigant, id est, fouent & prouehunt, ut fructum adferat in usum domini. Perinde omnino habet & uerbi ministerium. Minister enim Christi, uel è regno Sarnæ translatus animas, ueluti surculos, inserit regno Christi cum primum ad fidem illius prædicatione uerbi adducit incredulos, & per resipiscenciam ad innocentiam uitæ peccatores, uel eos quos Christo lucrificat, aut ab alijs lucrificati sunt, uelut rigat, fouet ac prouehit, dū admonitionibus & exhortationibus in fide Christi, spe, dilectione, & patientia corroborat, ne tentationibus uicti retrolabātur, & flaccescentes pereant. In his duobus compræhenditur uniuersum ministrorum opus, quod perpetuo uersandum est. Cogitemus autem, quantum exigit diligentia, studij, ac sedulitatis indefessæ, cultura illa hortorum & uinearum, ut inde colligamus, quā sit officiosa & negotiosa plārandarū & rigandarū animarū cura.

Deinde, cauet hæc similitudo, ne nimium detur ministris, quod tum faciebāt Corinthij, & post Corinthios pontificij. Quid enim facit, qui plantat, quid qui rigat, nisi accedat incrementum à Deo? quod tamen nullo modo est in manu siue plantantis siue rigantis sed omnium liberrime & absolutissime in unius manu & arbitrio Dei. Inanis labor scilicet est, si plantas & riges, nisi detur incrementū à Deo. Igitur omnis gloria eius est qui dat incrementū.

Tertio,



Tertio, cauet & hoc, ne contemnatur è regione opus ministerij, dum ostendit, quàm sit ad salutem necessarium. Licet enim sine incremento, nec qui plantat, nec qui rigat, quicquã efficiat, incrementum etiã non sit in manu plantantis neque rigantis, sed Dei, nihilominus ita diuinitus comparatum est, ut incrementum non detur, nisi plantetur & rigetur. Et huius gratia nemo sapiens plantandi & rigandi munus contemnit, si modo fructum quærat.

Igitur hac similitudine Apostolus prudētissime ita pseudapostolorum æstimationem præposteram deiecit, ut iuxta ministeriũ uerbi contemptui non reddiderit obnoxium, deinde ministerij rationem ita uindicauit, ut nihil gloriæ diuinæ derogarit.

Itaque neq; qui plantat, est aliquid, neque qui rigat, sed qui dat incrementum Deus.

Collectio est ex præmissis, de ministerij ratione & effectu, ei respondēs, quo suprã dixit: Quis est Paulus? Quis est Apollos? Nam ibi inconsulte dixisset, Paulus nihil est, Apollos nihil est. Verum ubi declarauit utriusque opus & effectum in domino, quàm omnia pendeant à domini gratia & uirtute, tum secure intulit, itaq; qui plantat nihil est, &c. Hoc est, non est tanti momenti, ut ipsi adscribatur operis effectus. Si qui plantauit, & qui rigauit, nihil sunt, quid iã sunt pseudapostoli æstimãdi? **S E D** qui dat incrementum Deus, inquit.] Hic non est resumendum illud, est aliquid, sed est omnia, ut illi debeatur quod pseudapostolis dabatur.

Diligenter notandum est, quod non simpliciter dicit, sed Deus, neque, sed qui incrementum potest dare Deus, sed, qui dat incrementum Deus. Non solum potest dare incrementum plantatis à nobis & irrigatis, sed dat etiã sicuti re ipsa uidemus, & sic dat, ut nō sinat nos frustra plantare & rigare. Itaque si quem à studio plantandi & rigandi absterret, quod dixit: Neque qui plantat est aliquid, neque qui rigat, hunc in officio retineat quod subiicit: Sed Deus qui dat incrementum. Sicut & illud, quod non dixit, neque qui plantat efficit aliquid, neque qui rigat, sed, neque qui plantat est aliquid, neque qui rigat. Aliud est nihil efficere plantando & rigando, & aliud nihil esse. Minister Christi non plantat frustra, quia Deus dat incrementum. Frustra plantaret, si Deus incrementum non daret. Quamuis autem per incrementum à Deo datum utiliter plantet, nihil tamen est, hoc est, non is est, cui gloria debeatur incrementi, non est nisi minister operationis Dei. Hæc cogitet Christi minister, quo in officio suo constanter pergat.

Cæterum is qui plantat, & is qui rigat, unum sunt.

**A** Quomodo unum sunt, cum dixerit iam, Neque qui plantat est aliquid, neque qui rigat? Si nihil sunt, quomodo unum aliquid sunt? Nihil sunt, id est nullius momenti, ob id quod per se nihil possunt, nec quicquam efficiunt, nisi incrementum detur à Deo. Vnum sunt, id est, diuersi non sunt, sed idem. Idem sunt primum quod uterque minister Christi est, deinde & scopo idem sunt. Nam uterque ad eundem finem spectat, ad ædificationem uidelicet corporis Christi. Tertio & æstimatione idem sunt, ut neuter neutri sit præferendus. Quod si qui plantat & qui rigat unum sunt, ut nec qui plantauit, sit ei qui postea rigat præferendus, quomodo is qui rigat præferendus putabitur ei qui plantauit? Si præferendus non est alter alteri, quomodo ergo dicebant Corinthij, ego sum Pauli, ego sum Apollos? Arguit ergo ab æqualitate ministro- rum Christi, plurimum delinquere sectarios, qui præpostera admiratione ita de quibusdã ministris gloriantur ut & nomina illis dent, & reliquos fastidiant.

Vnusquisq; tamen suam mercedem accipiet, iuxta suum laborem.

**B** Correctio est. Non enim per omnia idem sunt, qui plantat & qui rigat. Nam licet ministerij, scopi, & æstimationis gratia pares sint, studio tamen & labore plerunque dispares sunt: ut & de seipso dixerit Paulus alicubi, plus omnibus laboraui. Hoc est, quod dicit, Vnusquisq; tamen suam mercedem accipiet, iuxta suum, non iuxta alterius laborem, fidem, studium, ac diligentiam.

#### OBSER. I.

Si quisque suam mercedem accipiet iuxta laborem suum, ergo qui minus laborat, licet sit unum ministerij, scopi, & æstimationis gratia cum eo qui multum laborat, coram Deo tamen illi par non est. Et rursus, qui plus laborat, plus etiam mercedis accipiet. Facit hoc ad intendendum studia & laborem ministro- rum, ne quisquam putet esse laborem suum coram domino inanem.

De mercede non est opus hic multis disputare. Neque hinc potest colligi, quenquam ex suis uiribus aliquid posse promereri, ut Deus iure cogatur aliquid illi dare mercedis.

Nemo enim quicquam habet, quod à Deo non acceperit, nemo quicquam potest, nisi Deus det & uelle & perficere. Vnde & hic Apostolus dixit, ut cuique dominus dedit. Itaque nihil aliud facit Deus quàm quod su- ipsius dona & opera in nobis coronat. Ut recte dixerit Augustinus libro primo Confes- sionum, capite quarto. Reddis debita nemini quicquam debens.

Est igitur gratiæ Dei, quod mercedem daturus est, non nostri meriti, quod illam accip- turi sumus. Neque hinc colligi debet, lici- tum

Augustinus.



tum esse, ut quisquā Deo mercedis gratia feruiat. Nam id esset mercenarium agere, non filium, in domo Dei. Deinde esset admodū iniquum, si mercedem posceret is, qui de suo nihil contulit, sed omnia ab eo accepit, à quo mercedem poscit. Sic Christus dicit: Si omnia feceritis, dicite, inutiles serui sumus.

## I I.

Obseruandum autem & hoc est, quod nō dicit, unusquisq; tamen propriam mercedem accipiet iuxta fructum suum quem adfert, sed iuxta laborem. Multum laborarunt prophete, & parum fructus attulerunt propter immensam populi malitiam. Merces igitur non fructus quantitati deputatur, sed laboris. Licet qui multum fructus adfert domino, suo sit potiturus honore, ut est in parabola de dispensatis talentis: Hinc tamen non sequitur in præiudicium cessurum ac detrimentum operantis, si propter telluris malitiam fructus nō respondeat labori. Incrementum est Dei, quod suæ libertati dispensandum reseruauit, ita & fructus. Nostrium est, ut diligenter laboremus in uinea domini, etsi datur multū adferre fructus, licebit de eo gaudere coram domino. Sin minus, nihilo secius operis nostri rationem habebit dominus.

## I I I.

Non debet populus discernere inter ministros Dei, & de illorum differentia iudicare. Neq; enim ipse, sed Dei est iudicare, quantum quisq; fidei, studij, laboris ac diligentie impendat, qui & solus omnium pectora nouit, & scit quid cuiq; & quantum dederit. Ergo qui discernit inter Christi ministros, alienum à se opus facit. Et hac de re infra cap. 4. admonebit, ubi colligit: Proinde ne ante tempus quicquā iudicemus, antequam ueniat dominus.

## I I I I.

Suggillat etiam studia pseudapostolorum qui non hoc curabant, ut opus suum approbarent domino, cuius solius est dare cuiq; competentem mercedem, sed gloriam ab hominibus quærebant, quibus sese approbabant, more pharisæorum, Matth. 6.

Etenim Dei sumus cooperarij, Dei agricolatio, Dei ædificatio estis.

Hoc referendum est ad id quod dixit: Qui plantat & qui rigat unum sunt, ut illud: Vnusquisq; tamen sicut dominus dedit, sit uelut parentthesis uice adiectum. Declarat autē quomodo unum sint, qui plantat & qui rigat. Etenim, inquit, cooperarij Dei sumus utrique, tam qui rigat, quam qui plantat. Deinde & uos, in quibus ædificandis & colendis laboramus, Dei estis agricolatio & ædificatio. Quæadmodum itaque qui domino cuipiam ad agricolationem ministrant, licet alius alio studiosius id faciat, omnes tamen unum sunt: primum propter domini cui ministrant, unita-

tem, deinde & operis finem, tertio & hoc nomine quod ager seu ædificium domini est: ita coniungit ministros Christi quoque, ut unum sint, quia unius domini sunt ministri, æquæ omnes illius cooperarij, quia in eodem sunt ministerio, & quoniam ipsi credentes, in quibus laboratur, sunt domini.

Vide ergo quàm absurdum fuerit, quod alius dicebat, ego sum Pauli, alius, ego sum Apollos, cum omnes essent Dei, nec essent unius ministri tantum, sed simul omnium opus, uelut si pars ædificij dicat, ego sum lapidicidæ, pars dicat, ego sum fabri lignarij, pars, ego sum fabri ferrarij, cum singulæ domus partes sint nec huius nec illius, sed ipsius domini, cui edificantur. Tantundem ergo est, quod hac similitudine declarat, ac si dicat: Nos non sumus domini, sed ministri. Operamur non nobis, sed domino. Vos non estis nostri, sed domini. Cur ergo uos addicitis ministris, duplici nomine peccantes: primū, quod quæ domini sunt, ministris attribuitis: deinde quod ministrorum unitatem & æqualitatem scinditis, imò & ipsum opus domini, quod estis uos, diuiditis.

Notandum autem quàm caute non dicat: Etenim Dei sumus incrementarij, sed operarij. Nihil enim amplius est ministri, quàm ut operetur. Deinde ne hoc quidem simpliciter dicit, sed, cooperarij, inquit, Dei sumus. Neque enim solum incrementum non est in nostra manu, sed ne ipsum opus quidem nostrarum est uirium, nisi habeamus cooperatorem Deum, nisi ille gratia & uirtute sua adsit, non solum incrementum & effectum largiendo, sed & uires operandi & perferendi dando. Non enim uosestis, inquit, qui loquimini, sed spiritus patris uestri loquetur in uobis. Et, ego dabo uobis os & sapientiam. Igitur non est eadem ratio ministrorum Christi, quæ est artificum, uel operariorum, qui operas suas alicui locant. Illi etiam si dominus operis non adsit, nec quicquam conferat, possunt per se operandi præstare laborem, & opus perficere. Isti uero non ita, qui, nisi adsit dominus ipse cum cooperando, tum effectum operis largiendo, nihil prorsus poterunt facere in hoc opere, nedum efficere. Quemadmodum enim instrumentum artificis in utroque deficit, ut nec per se possit moueri, nec aliquid perficere, nisi moueatur ac dirigatur ab artifice, ita & ministri Christi in utroque deficiunt. Non enim, inquit alibi, sufficientes sumus aliquid cogitare ex nobis, tanquam ex nobis, sed sufficientia nostra ex Deo est.

Imò si propius hanc causam inspexerimus, minus præstamus ad hanc ædificationem spiritalis ædificij, q̄ instrumentū præstet artifice. Est enim instrumenti usus artifice ita necessarius, ut sine illo nequeat destinātū opus perficere. Nō enim illo utitur ob id tantū, quod ita lubet, sed quod necessitate perficiendi operis illo cogitur uti. In hoc autem ædificio non ita habet.



habet. Nos non ita sumus cooperarij Dei instrumentales, quod sine nostra opera nequeat ædificare domū suam, cum absque ullis cooperarijs fecerit uniuersam cœli ac terræ machinā, idque solo uerbo. Dixit, inquit, & facta sunt. Sed quod ita singulari beneuolentia, qua erga nos est, infirmitatem nostram cognoscere, & mutuo cohonestandam proponere uoluit, cum alioqui sine nobis omnia solus nihilo minus quam per nos aut nobiscum efficere queat.

Secundum gratiam Dei, quæ data est mihi, ut sapiens architectus fundamentum posui, alius autem super illud ædificat.

Sensim labitur ad commendationem operis sui. Facit autem hoc per collationem. Confert enim opus suum operi eorum qui maxime suspiciebantur à Corinthijs, id quod facit per similitudinem ædificij, quam commodum metaphoræ subijcit, qua dixit, Dei ædificatio estis. Confidenter dicit, ut sapiens architectus fundamentum posui, alius autem super illud ædificat. Quasi dicat. Qualescunque sint isti apostoli uestri, quos supra modū admiramini, & quantumuis opus meum apud uos contemnat, ego architectus sum, ego fundamentum posui, isti uero quid aliud faciunt, nisi quod labori meo superstruunt? Quod si tanti sunt, cur non ubi nondum facta est Christi mentio ipsi fundamentum huius ædificij collocant in domino, quod certe maioris gloriæ materiam haberet, quandoqui dem illam tantopere affectant, quam quod in alieno labore sapientes uideri uolunt? Tale quid uidentur Apostoli uerba spirare. Omnino enim maioris gloriæ est esse architectum & fundamentum ædificio ponere, quam qualitercunque iacto fundamento superstruere.

Ne uideatur autem sibi ipsi quicquam adscribere, præmittit confessionem gratiæ Dei, dicens: Secundum gratiam Dei, quæ data est mihi, quod & supra fecit, cum dixit, ut cuique dominus dedit. Vocat autem gratiam sibi datam, sapientiam illam & facultatem prædicandi Euangelij, maxime inter eos, quibus nondum innotuit Christus. Est autem omnino singularis quædam gratia Dei scite & efficaciter fundamentum hoc domus Dei ponere. Habet quidem & superstruendi labor, necessariā industriam, cuius admonebit infra. Verum non statim cuiusuis est, ut scienter & docte fundamentum futuro ædificio collocet, tale, quod sit solidum & firmū, id quod iusti fundamenti שִׁמְשֵׁן est.

Porro quisque uideat quomodo superstruat.

Notat clanculum temeritatem falsorum apostolorum, qua præter iacti fundamenti rationem quiduis superstruebant. Videtur quidem simpliciter admonere, ne quisquā teme-

re supra fundamentum positum pro suo arbitrio quælibet struat, interea tamen reijcit temeritatem pseudapostolorum.

Admonemur hoc loco, quanta solitudine curandum sit, ut ubi fundamenta Christi iacta sunt, tale superstruatur ædificium, quod fundamento congruat. Et huius gratia non est cuius committendum superstruendi officium. Exigit enim & illud suā industriam & cautionē.

Nam fundamentum aliud nemo potest ponere, præter hoc quod positū est, quod est Christus Iesus.

Vocula rationis וְאֵל innuit ista probādi gratia adiecta esse. Videntur autem mihi pertinere ad ea quibus dixit, se uelut sapientem architectum fundamentum posuisse, quod nihil aliud est quam asserere fundamentū se posuisse iustum ac firmum. Huc itaque respicit iam cum dicit: Fundamentum enim aliud nemo potest ponere, præter hoc quod positum est, quod est Christus Iesus. Non solum dicit, Christū enim pro fundamento firmo ac solido posui: sed tale posui fundamentum, quod ita necessarium est, ut nemo unquam aliud ponere queat.

Ergo duo habet hic locus. Vnum Christum esse fundamentum ecclesiæ. Vide Eph. 2. 1. Pet. 2. Esa. 28. Alterum: Non posse constitui aliud extra Christum fundamentū, quo nitatur ædificium hoc Dei. Non est enim aliud nomē sub cœlo datum hominibus in quo sit salus.

Emphasim habet, quod dicit: Quod positū est. Quasi dicat. Conentur uestri apostoli quantumuis uolent Euangelij doctrinam obscurare, nunquā poterunt alium tradere Seruatore, quam eum ipsum, quē ego uobis tradidi, quē uobis iam posui fundamenti loco. Quid est igitur quod illos tantopere extollitis? Et forsā præter rationem non est, quod non dicit, quod ego posui, sed quod positū est, ut innuat Christum iam à patre in fundamento collocatum esse, iuxta dictū Esaie cap. 28. Atque ideo nemini mortaliū possibile esse ut aliud fundamentū ponat, aut quod positū est, loco dimoueat.

Quod si quis superstruit super fundamentum hoc, aurum, argentum, lapides preciosos, ligna, fœnum, stipulam, cuiusque opus manifestum fiet. Dies enim declarabit, quod in igne reuelatur, & cuiusque opus quale sit, ignis probabit. Si cuius opus māsērit quod superstruxit, mercedem accipiet, si cuius opus exustū fuerit, damnum patietur, ipse uero seruabitur, sed sic tanquam per ignem.

Ista referenda sunt ad id quod dixit: Porro quisque uideat quomodo superstruat. Declarat enim quæ referat plurimū, quid quisque super hoc fundamentū ædificet. Propterea quod manifestū sit futurū, quæ uera quisque, quæ solida & iacto fundamento digna ecclesiæ Christi tradat. Minatur



natur enim adfore aliquando diem, id est, lucē, quæ abscondita reuelet, discussis tenebris, fore aliquando, ut probetur quid quisque docuerit. Hic si perstiterit tradita doctrina, dignam fore mercede, sin minus, dignam quæ aboleatur, ut author illius lusus sit omnem operam, ipseque una periturus, nisi solida in Christum fide ita fuerit præditus, ut examinis uim ferre queat. Ista uero parabolice tradit, non apertis uerbis, quando quidem hanc causam per ædificij similitudinem ingressus est.

QVOD si quis superstruit super fundamentum hoc.] Christus tum est ecclesiæ fundamentum, quando sincera & firma in illum fide creditur, tanquam filium Dei uiuentis, & unicum mundi Seruatorem.

Super hoc fundamentum struitur, quicquid illi doctrinæ & fidei fundamentali, ecclesiæ seruandum traditur. Id autem pro ædificantium, id est, doctorum opinionibus & affectibus uarium est. Aliqui enim synceriter in Christo docti, ueram & solidam pietatem, utpote indubitatam fiduciam in unum Christum, certam salutis spem in eodem Christo, patientiā in ferendis aduersis pro eodem Christo, *ἡ ἀγάπη* germanam per eiusdem Christi spiritū, & pristinæ uitæ immutationem, tanquam ædificium fundamento correspondens. Alij uero cognitionem Christi non pure tenētes, uel erga Christum insynceriter affecti, fidei Christi adiungunt commenta philosophica, uel obseruantiam legis, ut quidam ex Iudæis faciebant, uel traditiones quasdam humanitus inuentas. Illorum ædificium uocat hic Apostolus aurum, argentum, lapides preciosos (utpote marmoreos & consimiles) respiciens ad fundamenti dignitatem: istorum uero, lignū, fœnum, stipulam, res uidelicet, tanto fundamento indignas, & parum respondentes, deinde non satis firmas, quæ ignem probatoriū ferre queant.

CVIVSQUE opus manifestum fiet.] Hæc est comminatio aduersum eos, qui propter ignorantiam rerum spiritualium, qua Corinthij laborabant, humanæ sapientiæ nomine turgēbant & illustres habebantur, tanquam apostoli Christi, cum essent pseudapostoli & dissipatores ecclesiæ Christi. Illis minatur futurū, ut manifestum fiat quid ipse & quid illi docuerint, utri in hoc Christi ædificio pro fundamenti dignitate recta ac solida struxerint.

Habet autem ista comminatio bonæ conscientiæ fiduciam & securitatē, quæ tam abest ut tenebras optet, & lucē fugiat, ut gloriatur etiam de futura ueritatis reuelatione, illamque operarijs subdolis comminetur. Et hanc securitatē infra cap. 4. aperte ponit, cum dicit: Mihi uero pro minimo est, ut à uobis dijudicer, aut ab humano die, imò nec me ipsum iudico, &c. Cæterū qui me iudicat, dominus est. Proinde ne ante tempus quicquam iudicetis donec uenerit dominus, qui & illustraturus est occulta tenebrarum, & patefaciet consilia cor

dium, & tunc laus erit unicuique à Deo.

DIES enim declarabit, quod in igne reuelatur.] Rationem reddit qua sit manifestum futurum cuiusque opus. Quæ reuelantur per lucem reuelantur, ut quæ occuluntur, per tenebras occuluntur. Eph. 5. Omnia quæ arguuntur, à lumine manifestantur. Intelligit autem per diem eam lucem qua quid manifestū redditur. Habet & ignis uirtutem examinandi, probandi, adeoque & ualorem rerum manifestandi, utpote auri, argenti, &c. Vnde & scriptura per ignem tentationem examen & probationem intelligit.

Quid iam Apostolus exacte per diem, deinde & ignem, id est, quam lucem & probationem intelligat, per quam sit cuiusque opus manifestum futurum, ambiguum est.

Dies ignis.

1 Aut enim potest intelligi de reuelatione Christi cognitione, per quam olim futurum sit, ut manifesta reddatur qualitas doctrinæ cuiusque.

2 Aut de probatione quæ est per tribulationes & crucem. Nam & ignis nomine tribulatio & afflictio significatur, & per afflictionem probari solet, quid quisque de Christo & ueritate Dei sentiat, quamque firme fundamento Christi nitatur.

3 Vel de die aduentus Christi intelligi potest, per quem sane omnia secreta reuelabuntur, ut infra capite quarto commemorabit. B Huius diei iudicium, & omnium discussio, recte igni comparatur probatorio. Vt enim aurum per ignem iudicatur & manifestatur, ita & iudicio diei illius omnia probabuntur & manifesta reddentur. Mediam sententiam puto esse retinendam.

SI cuius opus manserit, quod superstruxit, mercedem accipiet.] Opus manere dicitur, quod examinationem & explorationem ferre potest, quod examinatum persistit, & rectū depræhenditur. Vt ædificium, quod uentorū ac tempestatum uim sustinet, uelut examinatur, & rectum ac firmum depræhenditur: Ita ea doctrina mansura est in Christo, quæ uel in luce plenæ cognitionis Christi, uel in quibusuis tentationibus, uel in extremi diei iudicio recta ac solida, id est, ueritate suffulta, & fundamenti dignitati consona depræhendetur.

MERCEDEM accipiet.] Declaratio est eius quod suprā dixit: Vnusquisque suam mercedem accipiet, ut intelligas de illis, quorum opus in domino solidum est & firmum.

SI cuius opus exustum fuerit.] Hoc est, si cuius doctrina depræhendetur inanis & friuola ad fundamentum ædificij nihil pertinens, ut in exploratione persistere nequeat. Loquitur enim ad similitudinem eorum quæ igne probantur.

Admonet autem ista similitudine, futurū, ut doctrina eorum, qui super fundamentum Christi humanæ sapientiæ consulta, aut legis obseruantiam, utpote de cibis, uestitu, cultu, ritibus externis, &c. uel humanas traditiones ædi-

Infra 4.



ædificant, sit aliquando comburenda, id est, annihilanda & friuola depræhendenda. Omnis enim plantatio quæ ex Deo non est, eradicabitur.

**DAMNUM** patietur.] Consumpti uidelicet operis, ad cuius loquitur similitudinem. Vel certe mercedis apostolicæ damnum feret quæ his tantum dabitur, quorum opus mansurum est. Laude, & gloria, & mercede, quæ manet fidos Christi ministros, priuabitur.

**IPSE** uero seruabitur.] Etiam si opus fuerit exustum, non tamen mox ipse simul exuretur ædificator. Vt enim salus non est sita in ministerio Apostolico (alioqui soli Apostoli seruarentur) si id etiam rite administratur, sed in sola Christi fide per gratiam Dei, ita perditio ministri non est in eo sita, si inanem structuram collocet super fundamentum Christum, id quod multi sancti patres per imprudentiam zeloque ignorantia fecisse depræhenduntur, sed in una incredulitate & impœnitentia, cui soli peccatorum negatur remissio. Hoc est scilicet quod dicit. Ipse uero seruabitur, sed quomodo? uelut per ignem. Quem ignem? Eum scilicet de quo iam meminit. Cuiusque opus quale sit, ignis probabit. Per hunc probationis ignem structor inanis ædificij seruatur, si probatus, fuerit in fide Christi uera & sincera depræhensus, ut ut opus inutile ignis ui absumatur.

#### CONTRA OPINIONEM

*ignis purgatorij.*

Vide Augustinum de Ciuit. Dei libro 21, cap. 21.

Loci huius obscuritas male feriat, uel certe imprudentibus in Christo hominibus, causam dedit opinionis eius, quæ passim de igne purgatorio obtinuit, quo peccata uenialia post mortem expurgentur, ut ex illo animæ mortuorum uelut aurum e camino ignis purificatæ ad cælum euolent. Quam autem ab isto commento alienus sit Apostoli sensus, satis patet uerba & statum causæ diligenter expendentibus.

**1** Primum enim. Non loquitur de igne aliquo materiali, qualem isti dant purgatorio suo, sed de metaphorico, id est, probatione. Vt enim non loquitur de auro, argento, lapidibus preciosis, ligno, fœno, & stipula, sed de doctrina, ita non loquitur de igne aliquo materiali, sed de exploratione quæ instar est ignis, ut sicut aurum & cætera, ita & ignis dictionem parabolice posuisse intelligendus sit. Si isti urgent dictionem ignis, urgebimus nos dictiones auri, argenti, lapidum preciosorum, ligni, fœni, stipulæ, quibus si libet repleant, uel alant ignem suum purgatorium, si tamen saturari potest illius immensa ingluuies & auri sacra fames.

**2** Deinde, non loquitur de animabus explorandis, neque negocium illi est cum operibus bonis uel malis, sed cum doctrina quam diuidit in synceram & adulteram, & illam permanens cum laude, istam uero consumen-

**A** dam cum damno structoris prædicit. Quid hoc ad commentum peccatorum uenialium in igne purgatorio repurgandorum?

**3** Tertio. Quod omnium est potissimum & manifestissimum, non dicit, quorundam opus, sed cuiusque opus quale sit, ignis probabit. Ergo non solum pseudapostolorum, sed & Pauli & Petri opera isti igni obnoxia sunt. At isti non audent Apostolos igni suo purgatorio tradere, quem deputant solis peccatis uenialibus. Neque impiorum opera admittunt ad hunc ignem. Ignis uero Pauli omnia omnium probabit.

**4** Quarto. Non dicit, purgabit, sed probabit. Quis non uidet aliud esse purgare, & aliud probare. Probabuntur omnia, non autem repurgabuntur omnia.

**5** Quinto. Dat Apostolus igni suo uirtutem manifestandi & reuelandi, uidelicet ea quæ in hoc sæculo sunt abscondita. At quomodo hoc quadret igni purgatorio, ut possit dici reuelaturus peccata, ipsi uiderint.

**6** Sexto. Obijciunt patres. Quos quæso? *Hieronymus.* An Hieronymum? Atqui ille locum hunc sic exponit. Magistros & doctores significat super fundamentum quod Christus est, recte instituere homines uel prauæ, in quibus magistrorum doctrina in die iudicii in igne reuelabitur, ubi consumptis peccatoribus probati manebunt, doctores autem super his qui probati fuerint, mercedem retributionis accipient, in illis uero, quos ignis exuret, damno afficientur, quia inuacuum laborauerunt. Iidem autem magistri in iudicium uenientes, salui fient, si tamen ipsi causa non fuerint perditorum. Item. Examinationem autem iudicii, igni uoluit comparare, iuxta consuetudinem scripturarum. Hæc ille.

Ambrosium obijcere non poterunt, qui manifeste de doctrina probanda locum hunc exponit. *Ambrosius.*

Augustinus quoque cum illis non facit, qui in Enchiridio suo capite sexagesimo octauo sic scribit: Ignis enim de quo loquutus est Apostolus, talis debet intelligi, ut ambo per eum transeant, id est, & qui ædificat supra hoc fundamentum, aurum, argentum, lapides preciosos: & qui ædificat ligna, fœnum, stipulam. Cum enim hoc dixisset, adiunxit uniuscuiusque opus quale sit, ignis probabit. Si cuius opus permanferit, quod superædificauit, mercedem accipiet. Si cuius opus autem exustum fuerit, damnum patietur, &c. Non ergo unius eorum tantum, sed utriusque opus ignis probabit. Est quidem ignis tentatio tribulationis, de quo aperte alio loco scriptum est: Vasa figuli probat fornax, & homines iustos tentatio tribulationis. Iste ignis in hac interim uita facit, quod Apostolus dixit, &c. Hæc iste. *Item de Ciuit. Dei lib. 21, capite 26.*

Quin & ipse Chrysostomus, licet per fœnum, stipulam & ligna, intelligat opera mala, & per ignem supplicium malorum, non tamen astipulam cõmento ignis purgatorij, sed exponit de igne *Chrysost.*



Hac Chryso-  
stomi exposi-  
tione usi sunt  
Græci contra  
Latinos in Sy-  
nodo Ferrari-  
ensi.

igne gehennæ in quo mali ardebūt perpetuo. Id patet, ubi sic scribit: Detrimentum patiet. Ecce unum supplicium. Ipse autem saluus erit, sic tamen quasi per ignem. Ecce alterum. Hoc autem significat, quod ipse non ita peribit, quemadmodum opera, in nihilum rediēs, sed manebit in igne. Salutem igitur rem hanc appellat, sed non simpliciter. Propterea addidit: Quasi per ignem. Etenim nobis consuetudo dicendi est, in igne salva esse quæ non comburuntur, neque in cinerem cōuertuntur. Noli igitur cum ignem audis, in nihilum redire ar dentes arbitrari. Quod si salutem tale supplicium appellat, noli admirari. Solet enim in male significantibus rebus bonis uti nominibus, & in bene malis. Vt exempli gratia. Captiuitatis nomen male significationis nomen uidet. Sed in bona re Paulus eo utitur his uerbis: In captiuitatem redigentes omnem intellectum in obsequium Christi. Contrā in re mala, præclaro utitur uerbo, regnauit peccatum. Atqui regni nomen laudabilius est. Itidem hoc in loco cum inquit: Saluus erit, nihil aliud quam supplicij incrementum significat. Quasi dicat. Ipse perpetuo in supplicio permanebit. Hæc ille. Imò contendit omnino ista nō de alio igne ignisq; supplicio intelligenda esse, quam æterno. Cum illo facit, ut assolet, Theophylactus.

Vide iam quæ sit de hoc loco sententiarū uarietas, quàm male conueniat patribus istis.

1 Per superstructores Ieronymus intelligit magistros & doctores, cum quo facit Ambrosius: Augustinus & Chrysostomus quemcunque Christianum. Imò Chrysostomus secundo pernegat non posse intelligi de magistris & doctoribus.

2 Per aurum, argentum, lapides preciosos, ligna, fœnum & stipulam, Ieronymus exponit auditores, discipulos, uel bonos uel malos. Ambrosius doctrinam aut bonam aut malam. Augustinus curam uel Dei uel mundi. Chrysostomus cum suo Theophylacto, opera uel bona uel mala.

3 Per diem, Ieronymus, Chrysostomus, & Theophylactus, iudicij extremi diem. Augustinus presentis sæculi tempus. Ex Ambrosio ægre colliges quid senserit.

4 Per ignem, Ieronymus examinationē iudicij futuri. Augustinus tentationes presentis temporis. Chrysostomus cum Theophylacto ignem æternum exponit, quod tamē Ambrosius aperte negat.

Ecce isti sunt capita patrū, quibus adeo parum conuenit hoc loco ut & alter alterius sententiam reiiciat. Vnde est ista sententiarum diuersitas? Ex loci scilicet obscuritate, unde posteriores commentum purgatorij ignis, quem tamen isti patres non uiderunt, corroborare uoluerunt.

An nescitis quod templum Dei estis, & spiritus Dei habitat in uobis? Si quis templum Dei prophanat, hunc perdet

A Deus. Nam templum Dei sanctum est, quod estis uos.

Dixit, Dei ædificatio estis. Ego fundamentum posui, alius superædificat. Iam declarat de quo ædificio loquatur. Videlicet de templo Dei, uel certe, quod magis placet, ab ædificij dignitate argumentum maioris comminationis aduersus pseudapostolos struit. Varia sunt ædificia, quorum omnium augustissimum & sanctissimum haberi debet ædificium templi Dei. Multum peccat, qui quoduis regni ædificium diruit, omnium uero maxime temerarius est, qui ipsam regiam demolitur. Hactenus q̄ periculosum sit quiduis superstruere sup fundamentum ædificij Dei, quidque eos maneat, qui res illi friuolas superstruunt, admonuit: iā uero eos notat, qui non solum superstruunt quiduis, sed ipsum etiam Dei templum prophanant, minaturq; illis iudicium Dei admodum uehemens. Ratiocinatur autem ad hunc modum.

1 Quisquis templum Dei, ædificium illud Dei sacrosanctum, prophanat & conspurcat, hunc iustissimo supplicio Deus destruet.

2 Qui uos autem destruit, templum Dei destruit. Vos, quos dixi ædificationem esse Dei, in quo ego fundamentum posui, quod est Christus, templum Dei estis sacrosanctum, in quo habitat spiritus Dei.

3 Ergo qui uos prophanat & conspurcat, hunc Deus destruet.

2 AN nescitis quod templum Dei estis? Ad minorem pertinet hæc particula, quā hoc modo non solum tanquam uerā asserere, sed magis tanquam manifestam, ut quam ignorare non debebant, per interrogationem proferre uoluit. Ita enim de rebus manifestis, quæ sine pudore ignorari nequeunt, percontari solemus, dicentes, an ista ignoras? Videtur autem ignorare hoc ipsum quod est, qui conditioni suæ ex æquo pro dignitate non respondet, id quod Corinthij faciebant: unde Apostolus ad hunc modum percontatur: An nescitis, &c.

3 ET spiritus Dei habitat in uobis.] Expositio est, quomodo credentes Christo templum sint Dei. Videlicet, propter inhabitantem spiritum Dei. Vocabulum templi numinis præsentiam significat, non simplicem & qualemcunque (nam alioqui Deus ubique præsens est) sed singularem, quæ diuinam referat & paternam gratiam. Hoc exprimit Apostolus, cū dicit: Et spiritus Dei habitat in uobis, hoc est, gratia spiritus Dei in uobis est, quæ uos renouat & moderatur. Est itaque templi Dei uera definitio, habitatio spiritus Dei.

4 SI quis templum Dei prophanat.] Græcè est, εἰ τις τὸν ναὸν τοῦ θεοῦ φθείρει, φθορὰν τὸν θεὸς δίδωσι. Si quis templum Dei corrumpit, corrumpet illū Deus: quam allusionem forsan aliqua ratione interpretes neglexit, uerbo prophanandi respiciens ad uiolatam templi consecrationem. Dicuntur enim res sacræ prophanari, quādo uiolantur,



lantur, & præter phano debitum honorem in abulum rapiuntur. Secundo uero loco, nō quædrabat reddere, hunc prophanabit Deus. Qui enim templum Dei prophanat, ut ipse prophanus est, ita à nemine pphanari potest. Et alioqui Deus neminem ex sacro prophanum reddit, prophanos uero perdit. Ideo recte uersum est, hūc perdet Deus. Licet enim *φθίσαι* sit corrumpere, quoniam tamen quæ corrumpuntur perduntur, sit ut & perdere significet.

5 Notandum est aut in uerbo *φθίσαι* qua in re sita sit templi Dei prophanatio. Corrupendi enim uerbum ad ea pertinet, quæ in synceritate & puritate subsistunt, quorum synceritas adulterina mixtura corrumpitur & perditur. Ita templum Dei prophanatur, quando synceritas animorum erga Christū adulterino dogmate, contentione, dissidio, sectarumq; studio corrumpitur, id quod faciebant tum pseudapostoli, quibus hic iudicium Dei minatur.

6 NAM templum Dei sanctum est quod estis uos.] Hæc est ratio, cur graue Dei iudiciū maneat eos, qui templum Dei prophanant. Vide licet quia rem Deo consecratam prophanant.

Videmus hoc loco, qua religione sit administranda ecclesiæ ædificatio, quidq; expectandum sit illis qui ecclesiæ Christi, fideique erga Christum synceritatem adhæc & unitatem illius labefactāt. Perdet hunc, inquit, Deus. Nō optat, sed certo prædicit.

Ne quis seipsum fallat. Si quis uidetur sibi inter uos sapiēs esse, in sæculo hoc stultus fiat, ut reddatur sapiens.

Parænesim cōminationi subiungit. Dehortatur autē à duobus malis, quæ uelut radices sunt contentionum ac dissidiorum unde plerunq; studia sectarum oriuntur. Vnum est, philautiæ malum, quo fit, ut quis sibi ipsi sapiētiae nomine placeat. Alterum est, quo quis sapientiae nomine in aliquo quem admiratur gloria tur. Cōtra primum est, quod dicit. Ne quis seipsum fallat. Si quis sibi uidetur sapiēs esse inter uos, &c. Contra alterū, quod ex præmissis colligit. Itaq; ne quis gloriatur in hominibus.

2 NE quis seipsum fallat.] Seipsum fallit, qui de seipso sentit, quod non est, qui sibi ipsi applaudit & assentitur, id quod fere omnes facillime facimus. Loquitur autē contra opinionem propriæ sapientiae qua qui præditi erant, super fundamentū Christum ædificabant fœnū, stipulā &c. Igitur fallax est persuasio propriæ sapientiae, quam uix potest suspectam magis & fugiendam reddere, quàm quod illi fallaciam adscribit. Parum enim decorum est falli, turpe autem est, si quis seipsum fallat. Et ipsi sapientiae humanæ haud facile poterit quicquam turpius accedere, quàm quod fallaciæ arguitur. Quid enim minus potest competere sapientiae, quàm error & seductio.

3 si quis uidetur sibi.] Exponit quid admoneat. Non simpliciter dicit. Si quis uidetur, sed si quis sibi uidetur sapiens esse. Deinde ad-

dit, inter uos, hoc est, Si quis cum Christianus sit, putauerit se tanquā Christianū inter Christianos esse sapientem. Tertio, non simpliciter dicit, stultus fiat, sed in sæculo hoc stultus fiat, ut reddatur sapiens. Alioqui mirum uideri potest quomodo stultitia per se possit reddere sapientem, quæ sententia plane paradoxon resperet. Est autem prorsus inuersio quædā. Corinthij putabant se tum esse sapientes, si iuxta morem sæculi sapientes essent. Admonentur autem hic per contrarium si sapientes fieri uelint, ut magis ea sectentur, quæ sæculi iudicio stulta uidentur.

Stultum autē fieri quempiam in hoc sæculo bifariā dici potest. Primum, si nullo religionis impulsu, sed mera temeritate faciat, aut pignariā patiat ea quæ noxia sunt, nec ulla ratione probari possunt, ita ut sibi ipsi non modo sit inutilis sed & perniciosus. Stultitiæ huius innumera sunt exēpla, quibus sic in sæculo hoc declaratur stultus, ut interea tamen nō possit haberi sapiens inter fideles. Deinde stultus fit in hoc sæculo, qui cognita ueritate, quā mundus hic intelligere non potest, totū se, & omnia sua Christo Seruatori addicit, cōtēnit terrena hæc omnia, quæ mundus impēsissime admiratur, & propter Christum etiam uitā suam nō dubitat in quæuis conijcere discrimina, sic ut ex animo dicat: Mihi mūdus crucifixus est & ego mundo. Qui hoc pacto animatus est, à filiis huius sæculi luauissime ridetur, ac p homine habetur omnium stultissimo. Ac nisi tales stulti reddamur per spiritū Christi, sapientes coram Deo non erimus. De hoc genere stultitiæ loquitur hic Apostolus, cum dicit: In sæculo hoc stultus fiat, ut reddat sapiens. Tales stulti sunt ueri Christiani, quos Roma ridet, cū uocat eos *boni christian*, quod illic sonat fatuum.

ET ENIM sapientia mūdi huius stultitia est apud Deum.] Per *γνώμην* reddit rationē, quare eum qui cupiat uideri sapiēs, iubeat in hoc sæculo stultum fieri. Quoniam, inquit, sapientia mūdi huius, quā uos admiramini & affectatis, stultitia est apud Deum. Dicēdū erat. Etenim stultitia mundi huius sapientia est apud Deū. Verum mauult ira proferre sententiam, ut sapientiam mundi stultitiæ nomine iuxta propositum suum traducat, quàm ut mundi stultitiam sapientiae nomine cohonestet.

2 Nō autem simpliciter sapientiam dicit esse stultitiā, sed eam quæ mundi huius est, qua uidelicet mūdus de rebus diuinis, ad salutē pertinentibus, iudicare præsumit. Hanc scilicet ita prorsus deiicit, ut nō dicat, modici apud Deū momenti est, sed, quod gloriā sapientiae plane in summam disturbat ignominia, stultitia est apud Deū. Quid enim ignominiosius est opinionī sapientiae q̄ quod eam uocat stultitiam, idq; apud Deum, ipsum sapientiae fontē, nedū exactum cognitorē? Similis est illa Christi sentētia Luc. 16. Quod altum est corā hominibus, abominatio est corā Deo. Omnium rerū perfectum ac uerū iudiciū apud Deum est. Qualia ab illo



ab illo aestimantur uniuersa, talia reuera sunt. Iudicia mortalium meræ sunt opiniones, plerunq; inanes.

5 Sententiam hanc non admodum curant qui gloriam sapientiæ apud homines, non ueram sapientiã quærunt, quibus satis est, si habeantur pro sapientibus, qualescunq; iudicentur à Deo. Pij uero malunt per stultis haberi in hoc seculo, & uere interim coram Deo sapere, quod diuersum. Huc igitur Corinthios Apostolus à pseudapostolorum uanitate auocare conatur. Sciebat enim hac in re plurimum esse firmitatis, ad hoc, ut cessante præpostera illorum admiratione, ad ecclesiasticam unitatem reiecto æmulationum studio pedem referrent. Perinde ac si animum uiri cuiusdam, formam mulieris alicuius misere suspicientis ac depereuntis ad sanitatem reuocaturus dicas: Pulchritudo illa quam in hac muliere deperis, omnium eorum iudicio, qui quasuis mulierum formas exacte aestimare norunt, tam non est pulchritudo, ut magis ipsissima sit turpitudine. Hoc quamprimum persuaferis, ad id certo faciet, ut sensim desinat amare, donec eum euadat, ut tandem & contemnat. Tale quid molitur hic in Corinthiis Apostolus.

4 Expendenda hoc loco est mundanæ sapientiæ peruersitas, & omnimoda cecitas. Supra illi dedit, quod quæ Dei sunt pro stultitia reputet. Hic illi adscribit, quod quæ iudicio Dei stulta habentur, ipsa pro sapientia suspiciat & admiretur. An hoc non est esse peruersum prorsus cecum, Deo quoque repugnans ingenium?

Scriptum est enim. Qui comprehendit sapientes in astutia ipsorum. Et rursus, Dominus nouit cogitationes hominum, quod sint uanæ.

Duobus hisce scripturæ locis præmissa confirmat. Prior ex cap. 5. Iob, posterior ex psal. 94. desumptus est. Videntur autem non referri ad idem probandum. Dixit: Sapientia enim mundi stultitia est apud Deum. Subiicit, Scriptum est enim, Qui comprehendit sapientes in astutia ipsorum. Omnino hic locus aliud quid probat quam habeat sententia proxime præmissa. Est enim aliud sapientiam mundi pro stultitia reputare, & aliud, sapientes in ipsorum astutia comprehendere. Proinde apparet priorem locum ad comminationem præmissam referendum esse, qua dixit: Si quis templum Dei prophanat, hunc perdit Deus. Notat enim non simplicem imperitorum hominum stultitiam, sed eorum qui sapientiæ nomine suspiciebantur, & astutia sua Corinthiorum simplicitatem & synceritatem in Christo corrumpebant. Illis minatus est iudicium Dei. Hoc iam scripturæ loco confirmat, quo minatur futurum, ut comprehendatur in ea astutia à domino, qua tum ecclesiam Dei prophanabant, hoc est, ut hoc ipsum astutum consiliū, sit eos ad perditionem instar laquei intricaturum. *ὁ ἀπαράμυρτος*, inquit, uerbum *ἀπαράμυρτος* significat aliquid non solum apprehendere, sed & ueluti pugno præhensum concludere & cohi-

bere, ut elabi nequeat. *ἀπάγος* enim pugnum significat. Et *πανουργία* ea est astutia quæ in omnes sese formas mutare potest. *πανήγυρος* est, qui in omnibus rebus uersatus est, ut habitum quendam uersutiæ contraxerit, qualem poetæ Proteum describunt.

Igitur tam abest, ut uersutorum hominum consilia quod uolunt perficere queant, ut ea ipsa illis sint laquei loco futura. Exemplum esto ipsa Satanæ *πανουργία*, deinde astutum sacerdotum & pharisæorum consilium contra Christum. Ne forte ueniant Romani, &c. Hinc illud. Malum consilium consultori pessimum.

2 Rursus. Dominus nouit cogitationes hominum, quod uanæ sint. Posterior hic locus ad parænesin præmissam pertinet, qua dixit: Ne quis seipsum fallat, si quis sibi uidetur sapiens esse inter uos, stultus fiat in hoc sæculo, ut sapiens reddatur. Etenim sapientia mundi huius stultitia est apud Deum. Huc referendum est quod Dauid dicit: Dominus nouit cogitationes hominum quod uanæ sint.

Duo habet hic locus. Vnum quod cogitationes hominum Deo sint notæ. Alterum quod sint uanæ. Prius nemo facile negat, nisi ex professo impius, simul Deum ipsum negans. Posterior non agnoscitur, nisi ab illis, qui spiritu Dei ducuntur, nempe, quod cogitationes hominum uanæ sint. Loquitur autem propheta non de quibusuis cogitationibus hominum, neque de quibusuis hominibus, sed de sapientibus sapientum cogitationibus. Vnde & Apostolus reddidit pro *ἀρα τὸ σοφῶν*. In Ebræo est *חכמה*, id est, ingeniosæ & subtiles cogitationes. Id & Græci expresse runt, dum reddiderunt *τὰς διαλογισμὰς*, id est, ratiocinationes. Igitur posterioris huius particulæ gratia, quod uanæ sint, locum hunc adduxit Apostolus, ut probaret, sapientiam mundi stultitiã esse coram Deo.

3 Affirmat itaque Apostolus ista tria de mundi huius sapientia & uersutia. Primum, quod astutiæ illius cogitationes, quibus innumera molitur, domino sint notæ. Secundum quod sint stultæ & uanæ, hoc est, inutiles, inanes, & inefficaces, ut non sint assequuturæ quod uolunt. Tertium quod sint instar laqueorum, quibus comprehendantur. Hæc omnia plurimum cedunt ad fidelium & simplicium consolationem, præterquam quod omnem humanæ sapientiæ admirationem & æmulationem auferunt apud credentes, in quem finem & ab Apostolo commemorantur. Cætera uide in Comment. nostris super hunc Psalmum.

IGITUR ne quis gloriatur in hominibus. I Alteram partem parænesis ponit, qua dehortatur Corinthios à præpostera admiratione pseudapostolorum, qua fiebat, ut sese illis addicerent, inque illis gloriarentur, atque ita in sectas diuiderentur. Colligit autem hanc particulam ex præmissis ad quæ illationis nota, *ὅτι*, id est, itaque respicit. Quasi dicat. Cum itaque nihil sit qui plantat, nihil qui rigat, nisi ministri tantum, cum ipsorum non sit incrementum

Hinc illud, dominus irridet & subsannat eos.



tum sed Dei, cum non sit ipsorum ædificatio, quæ uos estis, sed Dei, cumq; omnis mundi sapiëntia, & quæuis humani cordis cogitatio, ut ut astuta, coram Deo stulta sit & uana, quid aliud sequitur, quàm quod admoneo, nepe, nō esse gloriandum in hominibus? Igitur nemo uestrum gloriatur in hominibus.

Loquitur autem non de simplici quadā gloriatione, sed de tali, qua Corinthij alius aduersus aliū, in eo quisq; quē sectabatur, gloriabantur, seseq; iactabant quasi præcipui aliquid nati, & cuius nomine sibi belle placebant, ob id quod tanti uiri essent discipuli. Ita gloriari, nihil aliud est, quàm se authoris alicui⁹ nomine gloriosum æstimare & iactare, ac reliquos præ se contēnere, id qd̄ uidemus in Augustinianis, Benedictinis, Franciscanis & Dominicis.

Quod uero nō dicit, in apostolis Christi, ac ministris uerbi, in sapientibus ac doctis, cū tamen huc respiciat, sed in hominibus, *ταπεινωσις* est, per quam gloriam illam pseudapostolorū eleuat, qua propter sapientiæ splendorem, uel opinionem saltem, conspicui & in admiratione erant, quasi dicat: quales quales sint, homines sunt, non dii. Sunt autem homines uani ac stulti. Quis igitur gloriabit̄ in uanis ac stultis? Vani sunt inquam ac stulti, quatenus homines sunt. Quod si aliquid habent boni, ex Dei munere habent, ad quem etiam omnis cuiusq; boni gloria referenda est.

Notandum tamen est, quod non dicit, Itaq; nolite in p̄cio habere Christi ministros, id qd̄ alibi præcipit. Non hoc agit isto loco, ut admo neat auditores, quo debeant honore afficere uerbi ministros, sed magis auocat ab illorum præpostera & nimia admiratione. Est autē aliud gloriari in ministris, quod Corinthij faciebant in pseudapostolis, & aliud subdi præpositis & in p̄cio habere uerbi ministros, quod medium quoddam est inter præpostera admirationem & hanc gloriationem quā uetat Corinthijs Apostolus, & inter cōtemptum illum ministrorū Christi, quo tum ab iisdem Corinthijs Apostolus, & hodie fere omnes uerbi ministri susq; deq; feruntur & annihilantur. Qui nimium extollūt Christi ministros, obliuiscuntur illos esse homines, nec cogitant eos nihil habere, qd̄ à Deo non acceperint, deinde & in multis deficere uelut homines nō obseruant, in id tantū respiciētes quod plus æquo admirantur, utpote quod splendide ac sapienter loquuntur, aut si quod aliud singulare donum in illis elucescens, admirationē mouet. Rursus qui ministros cōtemnūt, nihil aliud in illis uidēt, quàm quod homines sunt. Et si qua in re depræhēdi possunt imbecilles & imperfecti, huc oculos habent obnixe intētos, idq; solū inspiciūt uersant atq; reuersant. Dona uero Dei, quibus poterant bene uti, prorsus negligūt. Istis sane nō est op⁹ ut inculces ministros Christi esse homines, cū id abūde satis obseruent. Illis uero rursus nō p̄derit, si plurimū cōmēdes dona Dei, quibus præditus sit Christi minister. Proinde

A mediū iter tenēdū est, atq; ita honore afficiēdi Christi ministri, ut meminerimus eos esse homines, iterumq; ita sciēdū eos esse homines, ut simul sciamus esse Christi ministros.

Omnia nanq; uestra sunt, siue Paulus siue Apollos, siue Cephas, siue mundus, siue uita, siue mors, siue præsentiā, siue futura, omnia uestra sunt, uos autem Christi, Christus uero Dei.

Subijcit adhuc aliud argumētum de dignitate Christianorum sumptū, in quo duo uidēda sunt. Primum, quomodo dicat omnia esse Corinthiorum. Alterum, ad quid hoc dicat.

Quare Corinthiorū sint omnia ultro patet ex eo quod dicit, uos autē Christi, Christus uero Dei. Vnde liquet eorū qui Christi sunt, esse hanc dignitatem, ut illorum sint omnia.

1. Primo loco expēdendū est, quomodo credentiū sint omnia. Multifariā enim aliqd̄ alicuius esse dicit̄. Nā omnino nō ita sunt omnia nostra, quemadmodū nos Christi. Nec Christus ita est Dei, quomodo nos Christi. Videndum itaq; quo modo nostra sunt omnia, nos uero Christi, Christus autem Dei.

1. Fit aliquando, ut meum dicatur, quod fidei meæ commissum est. Ita discipulus præceptoris dicitur, & ecclesiam cui in Domino præest, suā uocare potest minister. Hoc sensu Paulus Euangelium Christi suum esse dicit. 2. Tim. 2.

2. Alia ratione meum est, quod ex me natum est. Sic filius patris dicitur. Isto sensu dictū est hic, Christus uero Dei. Est enim primogenitus & unigenitus Dei, hæres omnium, Ebr. 1.

3. Rursus alio modo meū est, quod enim uel fide, uel amicitia, uel alia quadam ratione præcipue coniunctum est. Sic uxor mea dicitur, meus amicus, meus socius, meus collega, me⁹ symmysta.

4. Adhuc aliter meū dicitur, quod iuris mei est, & in proprietatē ac peculiū mihi celsit. Et hoc uarie accidit.

1. Aut enim est ex largitione gratuita. Sic omnia nobis cum Christo donantur. Ro. 8.

2. Aut est ex opere meo. Nā opus proprie artificis dicitur. Ita Christi sunt omnia, tanquam per illum condita.

3. Aut iuris mei est aliquid, eo quod ære meo comparatū sit. Ita Christi sumus, ab illo redempti. Empti estis, inquit Apostolus, p̄cio magno, & non estis uestri.

4. Aut ex hæreditate in ius meum aliquid cedit. Hac quoq; ratione Christi sunt omnia tāq; primogeniti Dei, & nostra etiā, quatenus filij Dei & hæredes, coheredes uero Christi sum⁹. Rom. 8.

Ex his puto satis liquet, quomodo nostra sint omnia, nos Christi, Christus Dei.

Nostri sunt omnia, primū ex dono gratuito, deinde hæreditario, quatenus per Christū facti sumus filij & hæredes Dei.

Nos sumus Christi, partim ut creatura creatoris, partim ut redempti redēptoris, item ut peculium domini omnium. Rom. 14. 2. Cor. 5.



Christus uero Dei est neq; ex largitione, neq; ex redéptione, sed ex natiuitate, tāquam filius patris, siue diuinam siue humanam illius naturam respicias, licet alia sit diuinæ, & alia humanæ generationis ratio & conditio.

Secundo loco uidédum est ad quid ista scribat Corinthijs Apostolus. Particula causalis *γὰρ* indicat ea parænesi, qua dixit: Itaq; nemo gloriatur in hominibus, ratiōis uice esse subiecta, ut ostendere ob id Corinthios nō debere gloriari in hominibus, quod ipsorum sint omnia. Quomodo autē hæc ratio ad propositū faciat, non eodem modo traditur.

1 Sunt qui ad hunc modū exponāt. Cum ex æquo sint omnia uestra, siue Paulus siue Apollos, siue Cephas, &c. qua ratiōe alius gloriatur in alio, sibiq; peculiariter adscribit, quod commune est omniū? Si Paulus aliquid habet, certe nō quibusdā tātū, sed omnibus ex æquo habet. Est enim omniū uestrū, nō quorūdā tātū.

2 Alij uero sic. Cū uos nō sitis alicuius hominis, sed Christi tātū, q̄ est ratio quod in hominibus gloriāmini & nō magis in Christo? Rursus, cū non solū Christi sitis, & nullius alterius sed & isti, in quibus gloriāmini, sint uestri (Sūt enim omnia uestra, siue Paulus, siue Apollos, &c.) quare gloriāmini in illis, qui uestri sunt? An nō absurdū est, si is qui maior est gloriatur in minore, dominus in seruo? Et hoc sensu notatur peruersitas pseudapostolorū quod cū serui essent ecclesiæ, ex domina cōstituebāt famulā, & ex seruis dominos. Rursus & stultitia Corinthiorum traducitur, quod cū domini essent ministrorum, in seruis gloriabātur. Et hic sensus uidetur esse retinendus. Nō enim dicebant, Paulus meus est, sed, Ego sum Pauli, &c.

Chrysost. hic annotat, discipulos in Christo nullam debere gratiā magistris sed magistros discipulis, quorum gratia acceperunt à domino quæ habent.

S I V E Paulus, &c.] Enumeratio est, pposito necessaria. Seipsum ponit primo loco, quia causam agit nō inanis gloriæ, sed humilitatis. Pseudapostolos non adnumerat nominatim, erat enim inuidiosum, sed tales sibi cōiungit, quorum ut uerisimile est autoritate apud Corinthios abutebātur pseudapostoli, ad suppressendam Pauli estimationē. Id enim quod apud Galatas sub nomine Petri factum est, credibile est, & apud Corinthios esse factum. Quasi dicat: Ipse ego, qui fundamentum apud uos posui, uester sum, ipse Apollos qui me subsequutus est in opere domini, uester est, ipse quoque Petrus, quem uestri isti Apostoli iactāt, mihiq; opponunt, non est dominus ecclesiæ, sed minister, & aliorum & uester, in quibus cum nō liceat uobis gloriari, quanto minus istis uestris apostolis licet?

Sed quærédū est, quomodo dixerit se, Apollos & Petrum esse Corinthiorū, cū & ipsi essent de numero eorū, quorū dicit esse omnia eo qd̄ Christi sint? Videndum est, quatenus minister Christi sit ecclesiæ. Hactenus nō est quatenus

A ipse credit in Christum. Sed quatenus ministrū agit. Vt credens enim est filius Dei, hæres omniū, ut minister est eorū, quibus seruire iussus est. Colligitur hinc maioris dignitatis esse, credere in Christū quā agere ministrū Christi. Nam hinc non est salus, illinc uero est.

S I V E mundus.] Cur ista adiicit, cum uideantur proposito nō esse necessaria? Neq; enim Corinthij gloriabātur de mundo, aut de uita, uel de morte &c. sed de apostolis suis. Mihi uidentur per auxesim adiecta, qua non solum se Apollo & Cepham dixit esse Corinthiorū, sed omnia, ut tolleret admirationem & insolentiā eius qd̄ dixit præceptores ac doctores esse discipulorum, & non discipulos præceptorum. Vbi enim audimus omnia esse nostra, ipsum mundum, uitam, mortem, præsentia & futura, quomodo uideri poterit insolēs, si homo quisquā noster esse dicatur? Quorum totum regnū & omnia regni bona sunt, quid mirū fuerit, si regni quoq; ministri illorum esse dicantur?

S I V E uita, siue mors.] Hieron. de uita & morte Christi. Chrysost. de uita & morte ministro rū exponit, quasi dicat Apostolus, Siue uiuamus ad uestā utilitatē uiuim⁹, siue moriamur ad cōfirmādos uos morimur. Ambr. intelligit de cuiusq; Christiani uita & morte. Simplicius est ut in uniuersum de omniū uita & morte siue Christi, siue ministrorū, siue aliorū quorūcunq; siue etiā nostra intelligamus, ut idem sit ac si dicat omnia uestra sūt, siue uiuāt, siue moriantur, siue præsentia sint siue futura.

B Videtur autē mirabilis esse possessio possidere mortē, illamq; reputari inter bona filiorū Dei. Verum si expendas illā esse Dei, à quo per Christum omnia accepimus, deinde cogites, quomodo omnia cogatur electis seruire in bonū, siue uiuēdo, siue moriēdo, iā non admiraberis, quid mors faciat inter electorū bona, quibus dispēsante Deo mors quoq; siue aliorum siue propria in bonum cedit.

S I V E præsentia, siue futura.] Per præsentia omnia tā corporalia quā spiritalia, tā aduersa quā amica, per futura, cœlestia bona, credē tibus promissa, quæ per spem expectamus, ineffabilia & infinita intellige.

OMNIA uestra sunt.] Ingeminatio est & asseueratio ad confirmandā istam electorum dignitatem posita.

Ratio autē illius est quā subiūgit dicēs: Vos autē Christi, Christus uero Dei. Nostra sunt omnia, quia Christi sunt omnia, cuius nos sumus. Christi uero sunt oīa, quia Dei sunt oīa, cuius ipse est. Sed dicēs. Quomodo consequitur ista argumentatio? Oīa uestra sunt, quia uos Christi? Recte ne dicetur ad seruū, omnia tua sunt, quia tu heri tui es? Nequaquā. Quia non est seruus hæres bonorum Domini sui, sicuti filius est patris. Habet ergo argumentatio ista, robur suum in illis, qui in Christo non sunt serui, sed filij & hæreses Dei.

Rursus dicēs. Cū Corinthij essent carnales & schismatici, quomodo tribuit illis prerogatiuam



nam filiorum? Respondeo. Loquitur illis ut Christianis de prerogatiua uerorum Christianorum, ad quā erant uocati & assumpti, ut declinantes in uiam reuocet.

#### LOCI COMMUNES.

- 1 Primus est: Ex Deo esse oīa, cuius est Christus, & quaecunq; sunt in cōelo & in terra.
- 2 Alter est: In deum dirigēda esse omnia. Nā ita sunt nostra omnia, ut nos simus Christi, & ita Christi sumus, ut simus Dei, & omnibus ad illius gloriā utamur. Id colligitur ex ipsa enumerationis serie.
- 3 Tertius est: Christū esse dominū omniū. Nā ideo nostra sunt omnia, quod Christi sumus.
- 4 Quartus: Christum esse mediatorem nostrum, per quem omnia accepimus.
- 5 Quintus: Omnia seruire electis, etiam quę illis uidentur aduersa & inimica, ut sunt mundus & mors.
- 6 Sextus: Ministros uerbi, etiā apostolos precipuos, esse ecclesię nō dños sed ministros.
- 7 Postremus: Non esse gloriādum in quoq; nisi in eo cuius sumus communiter omnes.

#### CAPVT IIII.

**T**oto hoc capite Apostolus personę suę estimationem contra eos uindicat, à quibus temerario iudicio & contēptu abiiciebatur. Vt enim sectarij pseudapostolos supra modum admirabantur & extollebant, ita Paulum fastidiebant & contemnebant. Posteaquam igitur præposteram estimationem pseudapostolorum animis Corinthiorum exemit, commodum & ministerij sui contemptum amouit.



**S**ic nos æstimet homo, ut ministros Christi, ac dispensatores mysteriorum Dei.

Quid de se sentire uelit, breui sentētia declarat. Idq; necessario facit posteaq; ad deiiciendas pseudapostolorū glorias dixit: Itaq; nemo gloriatur in hominibus. Nō enim ita euellēda est animis fidelium peruersa pseudapostolorū, aut etiā ministrorū Christi æstimatio, ut periclitetur ea, q̄ illis debetur, & ministerio uerbi Ecclesięq; ædificationi necessaria est. Hanc igitur ponit cū dicit, Sic nos æstimet homo, &c. Quasi dicat: Quicq; de pseudapostolis uestris sētiatis, de nobis, utut contēptis, hoc est sentiendū, quod simus Christi ministri, dispensatoresq; mysteriorum Dei. Nec supra hoc quisquam, nec infra de nobis sentiat. Nam utrūq; cedit ad ignominiam Christi. Ministri sumus ac dispensatores, igitur non adorādi uelut domini. At rursus Christi sumus ministri, & mysteriorum Dei dispensatores, & hoc nomine non abiiciēdi, sed propter Christum audiendi.

DISPENSATORES mysteriorum Dei.] Hęc particula expositoria est, ad prioris decla-

rationem adiecta. Ministerium Christi, est dispensare mysteria Dei. Vocat autem mysteria Dei, gratiam noui testamenti, per sanguinem Christi partam, & fide apprehendendam, ad salutem & uitam æternā. Angustius est, si exponamus de baptismo & cēna dominica, q̄ ut apostolicę dispensationi conueniat. Loquitur de dispensatione omnium eorum quę gratiæ regni Christi sunt annexa. Ea quoniā nulla possunt humana ratione compræhendi, sed omnino reuelatione spiritus sancti opus habet, recte mysteriorum nomine commendantur. Huius gratiæ dispensatio est prædicatio Euāgelij. Per illam enim remissio peccatorum & uita æterna credentibus dispensatur. Sic supra dixit. Placuit Deo per stultitiā prædicationis saluos facere credētes. Ista dispensatio nō est in potestate ministri, ut cuiunq; lubet gratiam Dei largiatur, sed in uoluntate & uirtute eius, qui dat incrementum, & aperit corda audientium, ut est in exemplo Purpurissæ, Act. 16.

*ἡγεὶ δὲ οἰκονομῶν.* Pulcherrima metaphora ministerium Christi cohonestat. *οἰκονομῶν* enim non quiuis, sed domesticus est dispensator, cuius officium est uniuersę familię quę cuiq; sunt necessaria distribuere. Sunt autem credentes, domestici Dei, Ephes. 2.

Res domestica, diuidenda familię, est, ut dixi, gratia noui testamenti quę ad externos non pertinet. Illius symbola quidē sunt baptismus & communicatio corporis & sanguinis domini quę & patres symbola gratiæ Dei uocarunt, uerum plura sunt mysteria.

- 1 Notandum est itaq; hoc loco, quid sentiendum sit de Episcopis illis, qui in ecclesia Christi bona domini non dispensant, sed magis perfundant, & interim egregie saginantur in patrimonio quod uocant crucifixi, ut tyrānidem taceā, qua Christi ouiculas misere opprimūt.
- 2 Deinde & hoc obseruādum est, quod cum mysteria illa dispensanda per Euāgelium, Deo adscribat, ministros tamen illorum uocat ministros Christi. Ergo æqualem facit hic Christi & Dei potestatem & auctoritatem. Ita & Rom. 1. Euāgelium in quo ministrabat, uocat Euāgelium Dei, & dominum, cui ministrabat, facit Christum, uocans se seruum Christi. Cum ergo qui bona Dei administrat seruus ac minister Christi uocatur, quid aliud innuitur, quā Christum esse cum patre dominum omnium, adeoq; Deum salutis nostrę.

Quod superest autem, illud requiritur in dispensatoribus, ut fides aliquis reperitur.

*ὁ δὲ λαὸς* est, quod ordine sequitur quod secundo loco requiritur. Primarium enim est dispensare mysteria Dei. Post illud exigitur, ut bona fide dispensentur. Nihil autem refert siue fidelis, siue fidus legamus: fidelem esse tribuunt seruo, fidum amico. Cum autem dixerit Christus: Vos amici mei estis, si feceritis quę



ego præcepi uobis, existimo tales dispensatores esse & fideles seruos, & fidos amicos Christi. Admonet igitur Corinthios, quid sit spectandum in Christi ministro, nempe quam bona fide mysteria Dei dispenset. Is autem certe fidus domino non est, qui magis curat, ut sapientiæ nomine & splendore ab auditoribus suspiciatur & adoretur quam ut mysteria Dei fideliter dispēset. Qui suam gloriam quærit in ecclesia Christi, id quod domini est sibi usurpat, cum si quid habet, domino debeat adscribere.

2 Qui bonis domini in ecclesia pro suo arbitrio utitur iniurius est in dominū, nec agit fidū Christi ministrū. Fides in ministro requiritur, authoritas uero domino relinquenda est.

Duo sunt præclara boni ministri dona, prudentia, uidelicet, qua possit quæq; suis temporibus, pro domesticorum conditione & cōmoditate dispensare, deinde fides, qua nō quæ sua sed quæ domini sui sunt quærat. Hæc si una fuerint plane cōmendatissimum reddunt ministrum. Quoniam uero maior est in hoc sæculo prudentiæ & sapientiæ quam fidei gloria, maluerunt pseudapostoli sapiētię opinione apud Corinthios illustres esse, quam fidei probitate apud Deum commendari. Hoc uidetur Apostolus notare, cum dicit: in dispēfatoribus requiritur, ut fidus quis inueniatur. Alioqui non solum hoc requiritur in Christi ministro, ut fidus, sed simul ut & prudens sit, teste Christo Matth. 24. Quis putas, inquit, est fidelis seruus & prudens, quem cōstituit dominus super familiam suam, ut det illis cibum in tēpore? Nul la habebatur fidei apostolicæ ratio, quam declarabat in ministerio suo Apostolus, sed una sapientiæ regnabat in pseudapostolis opinio, ideo non abiq; ratione hic admonet, in dispensatoribus requiri fidem.

Potest hæc Apostoli sententia etiam hoc pacto exponi, quod fidem requiri dicat in dispēfatore mysteriorum Dei, ob id, quod licet & prudentia requiratur, maior tamen habeatur apud Deum fidei quam prudentiæ ratio. Imprudentiam enim, fidei probitas & synceritas facile excusat, perfidiam uero excusat prudentia nunquam.

Obseruandum autem est, quod non dicit, in dispensatoribus requiritur, ut fidus quis iudicetur, sed ut fidus inueniatur. Inuenias qui putetur esse fidus, uerum si exacte animi illius cādorem requiras diuersum depræhendes. Erit autē olim tempus diuini iudicij, in quo quisque qualis reuera sit inuenietur. Hic qui fidus inuentus fuerit audiet: Euge serue bone & fidelis, &c.

Non ingrediar hic mare illud magnum & spaciosum, infidelium ministrorum ac dispensatorum, non eorum tantum qui in baptismo sub Babylone, Christi se mentiuntur esse ministros, sed & eorum, proh dolor, qui Babylone reliquissē, & in ipsius Christi castra transissē & non mendacio, sed ueritati, seruire uideri uolunt. Rara auis in terris nigroq; simillima cy-

A gno fidelis Christo minister, præsertim hac nostra ætate. Quod suo tempore Apostolus dixit, Omnes quærunt quæ sua sunt, non quæ Iesu Christi, nostro hoc decuplo magis potest ueraciter dici. Nec mirum est, catholicam ministrorum ac dispensatorū obtinuisse in ecclesia perfidiam, cum fideles non ferantur, perfidi uero in precio habeantur, uel etiam si propter uitæ leuitatem, correptionem, & impudentē immundiciam contēni cōperint, defendantur tamen & ob id potissimū retineantur, quod se mundo huic peruersissimo accommodare norunt.

Mihi uero pro minimo est, ut à uobis dijudicer, aut ab humano die.

Notat pseudapostolos, quorum summum erat studium, ut hominum sese reputationi approbarent. Contrā ostendit se nihil huius curare, ut uel probetur, uel improbetur humano iudicio, sed unum hoc quærere, ut iudicio Dei fidus inueniatur. Non dicit pro iniquo est, sed, pro minimo est. Moderate loquitur, ne nimium eos offēdat. Satis iniquē inter ipsum & pseudapostolos iudicabant, uerum hoc non exprimit, contentus innocentia & conscientia sua, qua fretus nō adeo magni faciebat, quomodo de se iudicaret, quos sciebat esse non homines tantū, sed & carnales, & existimatione pseudapostolorum fascinos. Potest illud *ἀναγκασ* in utranq; partem capi, ut non solum dicat de bona reputatione, sed & de contemptu. Quasi dicat: Pro minimo mihi est, utrum uos me iudicio uestro extollatis, quemadmodum extollitis uestros istos apostolos, aut explodatis, infraq; illos abijciatis? &c.

A B humano die.] Declaratio est, cur minimi momenti faciat iudicium Corinthiorum, ne uideatur illos prorsus cōtemnere. Fit enim plerunque, ut licet non admodum curemus quid homines nihili de nobis sentiant, nolumus tamen à quibusuis contemni. Ideo prorsus omne iudicium humanum à se contemni dicit, ne se putent Corinthij ab Apostolo peculiariter contemni. Nam alioqui probri loco haberi solet, si alicui dicatur in faciem, non curo quid de me sentias. Vocat autem humanum diem, ad differētiā diei illius, quo Deus omnia iudicabit. Dies uero hic nihil est aliud q̄ iudicium, unde & Erasmus reddidit, humanum iudicium.

#### OBSER. I.

Admonemur itaq; hoc loco, quam non debeamus alicuius momenti facere humanum iudicium, quo alius in cœlum extollitur, alius in abyssum abijcitur. Traducitur enim hic ab Apostolo fallitatis. Alioqui immerito illud contempsisset. Non est autem hoc de sæculari tantum foro intelligendum sed & ecclesiastico, illis qui sibi non sunt alicuius mali conscij. Cum enim dicit, ut à uobis dijudicer, omnino



nino ad ecclesiam Corinthiorum loquitur, nō ad forense iudicium. Est quidem, ubi audienda, rursus est ubi non est audienda ecclesia.

Hinc autem nemo colligit, ita contemnendam esse sententiam de se mortalium, ut hoc liberius quæ mala sunt designet. Alibi docet ut omnibus studeamus placere, sed in bono. Hoc itaque curandum quidem est, sed nō principaliter, quasi satis sit placuisse hominibus. Quin magis curem<sup>9</sup> ante omnia, ut Deo probemur. Hoc facientes si fieri potest, ut simul placeamus hominibus, bene est, sin minus nō affligat nos sinistrum mortaliū iudicium, contentos iudicio Dei.

Imo nec me ipsum diiudico. Nullius enim rei mihi conscius sum, sed non per hoc iustificatus sum.

Tam incertum esse ostendit humanum iudicium, ut neque de seipso nisi temerarius esse uelit, iudicare queat. Quid enim sit in homine, & qualis coram Deo æstimetur, tam non potest assequi humana cognitio, ut nemo seipsum satis agnoscere possit, quāto min<sup>9</sup> alios? Ideo seipsum quoq; Apostolus non diiudicat, nec condemnans, nec iustificans.

NULLIVS enim rei (malæ scilicet) mihi cōscius sum.] In Græco simpliciter est, *ὅτιν γὰρ ἐμαυτῷ οὐκ οἶδα*, id est, Nullius enim mihi conscius sum. Multorum utique sibi conscius erat, uerum loquitur de fide sua, qua Christo ministrabat, idque secundum conscientiam suam inculpate.

Ratio est, cur non diiudicet seipsum. Primū condemnare se non potest, eo quod nullius sibi mali sit conscius. Deinde iustificare se non audet, eo quod iustificatio ipsius non sit in eo, quod sibi ipsi non sit alicuius mali conscius, cū possit esse, ut Deo pateat quod sibi sit ignotum, iuxta illud: Delicta quis intelligit, ab occultis meis munda me.

Dicer quisquam, cum infrā cap. undecimo dicat: Si nos ipsi iudicaremus, non iudicemur à domino, quomodo non modo non iudicat seipse, sed & hoc de se palam testatur, perinde atque si iuste faciat, seipse non iudicans? Respondeo. Distinguendum est inter causam & causam, eam de qua infrā, & hanc de qua agit in præsentī. Infra repræhendit ab usum cænæ dominicæ, quem nec agnoscebant, nec iudicabant Corinthij, ut necesse esset iudicari eam à domino. Hic uero loquitur de fide & innocentia Apostolatus sui, cuius iudicium soli Deo tribuit, quod nec Corinthij de illa recte iudicare, nec per conscientiam ipse suam iudicare ac damnare se posset. Ideo cum dixisset: Imo nec meipse iudico, subiecit. Nullius enim rei mihi conscius sum.

1 Duo sunt hoc loco notanda. Primum quāta fuerit & quā rara Apostoli innocentia, qua dicere potuit, nullius se mali conscius esse.

A Intelligendum autem est de administratione Euangelij.

Magna emphasi non dicit: nullius enim perfidiæ, aut flagitij, sed simpliciter, nullius enim mihi conscius sum. Multa sunt à ministro uerbi, quorum gratia repræhendi potest, etiam si alias recte doceat, nec ullius sceleris argui queat. Horum nihil agnoscit in se Apostolus.

Cæterum peccatis non caruit, unde alibi queritur de corpore peccati, & lege peccati, in membris suis agente.

2 Alterum, quā non sit in conscientia nostræ innocentia sita, nostri iustificatio. Si non iustificantur qui nullius sibi mali sunt conscij, quid sentiendum est de alijs qui conscientiam peccatorum excutere non possunt? Quis ausit autem dicere, castum est cor meum? Reliquū igitur est, ut per fidem gratuito iustificemur.

Dices: Ergo nec innocentia locum habet in iudicio Dei? Quæ est hæc iusticia, quæ nec innocenti parcit?

Respondeo. Apostolus non dicit: Nihil peccavi, innocens sum, sed nec in hoc iustificatus sum. Sed: Nullius mali mihi sum conscius, actum subiicit: sed nec in hoc iustificatus sum. Innocentia uera est, quæ non nostra, sed Dei conscientia comprobatur. Hac præditus est nemo per se. Interim nemo ueraciter innocēs periclitatur coram Deo. Sed quis est hic, & laudabimus eum?

B Ceterum qui me iudicat dominus est.

Vni domino dat iudicium, ut ostendat se ob id non curare iudicia humani diei, quod uni domino placere gestiatur, cui & intimæ cogitationes suæ pateat. Tantum enim est quod dicit, Dominus est qui me iudicat, atque, Dominus nouit quis sum, quid animo geram qua fide ipsi ministrem. Huius conscientia nitor, parum sollicitus quid de me iudicet homines. Obsecro, unde securi comparebimus in conspectu domini, cum non nostra ipsorum conscientia, sed ipsius iudicio standum sit, uel cadendum? Dicamus igitur cum Dauide: Ne intres in iudicium cum seruo tuo domine.

Proinde, ne ante tēpus quicquam iudicetis, donec uenerit dominus qui & illustraturus est occulta tenebrarū, & patefaciet consilia cōrdium, ac tunc laus erit unicuique à Deo.

Colligit ex præmissis, abstinendum esse à iudicandi temeritate, eo quod iudicium solius sit domini, qui solus nouit consilia cordium: quæ sunt à cogitatione mortalium abdita, & tenebris densissimis operta. Homo non potest aliter iudicare, quā secundum externam rerum faciem, Deus autē intruetur corda. Nota est historia electionis Davidis, quā errauerit

1. Sam. 16.



Samuel in Eliab. Non uetat profus iudicare. Nequit enim iudicio carere, humanarum pariter ac diuinarum rerum necessitas. Nam alioqui frustra dixisset, omnia probate quod bonum est tenere. Et, spiritalis omnia diiudicat. Et 1. Tim. 5. Quorundam hominum peccata manifesta sunt precedentia ad iudicium. De illis non prohibet iudicare. Temeritate eam cohibet, qua Corinthij de ministris Christi iuxta faciem externam iudicantes, alium in celum usque euehebant alium profus abijciebant. Huius gratia dicit, nolite ante tempus, &c. Item donec uenerit dominus, qui illustraturus est occulta tenebrarum. Item. Tunc laus erit unicuique a Deo.

Notantur iterum pseudapostoli, qui iudicij diuini nulla habita ratione laudem querebant apud homines in humano die. Minatur autem illis aduentum domini, per quem olim sit lucis instar manifestum futurum, quod tum occulte ab illis gerebatur, conscientiamque mortalium fugiebat. Donec uenerit dominus, inquit, qui illustraturus est occulta tenebrarum, & patefaciet consilia cordium. Tum, inquit, diuersum apparebit. Qui nunc continentur si fideles fuerint inuenti coram Deo, gloriosi erunt & illustres, rursus qui nunc in precio sunt, si coram Deo fuerint deprehensi perfidi, profus abijciuntur. Exemplo sint illi, de quibus Matth. 7. ad quos dicturus est Christus, Non noui uos, &c. Isti absque dubio in humano die gloriosi fuerunt, prophetantes, uirtutes facientes, demonia eiicientes, &c.

Obserua uero, quod non simpliciter dicit, cui nota sunt occulta tenebrarum & consilia cordium. sed, qui illustraturus est, & patefaciet occulta tenebrarum & consilia cordium. Nec simpliciter dicit, cogitata, sed, consilia cordium. Acriter pugit pseudapostolos, hactenus tamen parcens quod eos non nominatim perstringit. Et parum forsitan est, quod qui nunc in honore sunt, olim explodentur. Quis poterit exprimere confusionem eam, quam sustinebunt pseudapostolorum admiratores & adoratores, idque duplici nomine, primum in illis quos suspexerunt, deinde in illis quos in hac uita contempserunt? Ista si fuerint probe ac sedulo expensa, absque dubio coercerunt procliuatatem illam temere de Christi ministris iudicandi. Interea non prohibet, quo minus iudicent in ecclesia de reprobis tam ministris quam auditoribus. Iudicat ecclesia de manifestis, quod iudicium palam exposcunt, ipse uero hic loquitur de occultis, de quibus nulli conperit ecclesie, ut iudicet, sed soli Dei est iudicium. Quare non simpliciter dicit: Proinde ne iudicetis quicquam, sed, Proinde ne ante tempus iudicetis quicquam. Ante tempus iudicat, qui de occultis sententiam pronunciat, priusquam manifestentur. Manifestatio autem occultorum, non est horum temporum, nec cadit in cognitionem & diiudicationem humani diei, sed reseruat ultimo iudicio, secundo Christi iudicis aduentui. Vnde subdit, donec uenerit dominus qui & illustraturus est occulta tenebrarum & patefaciet consilia cordium. Ad huius iudicij diem appellare non est nisi eorum queraciter dicere pos-

sunt, Nullius mihi mali conscius sum. Caeterorum peccata quae manifesta iam sunt, recte iudicantur, nec possunt amplius ante tempus iudicari.

Obserua uero quod eleganti similitudine comparat aduentum Christi exortui Solis, cum dicit. Donec uenerit dominus, qui & illuminabit occulta tenebrarum. Sol exortu suo illuminat ea quae nocturnis fuerant tenebris abdita & occulta, ut cunctorum oculis patefiant. Sic Christus ubi uenerit ad iudicium dispellet omnes hasce tenebras, quibus nunc occulta cordium nostrorum obteguntur, imo regni Satanque quoque regni tenebrarum nequias quamuis abditas & abstrusas patefaciet. In hisce tenebris multa occultantur, praesertim in Antichristianismo, quod dies domini luce sua omnibus reddet manifesta. Multi iam habentur pro orthodoxis, quos cognoscemus in illo die ipsissimos esse haereticos. Rursus multi habentur per haereticis, quos tunc uidebimus a domino agnoscere per ueris fidelibus. Ludit Satan in tenebris istis & cordibus incredulorum, uerum expectemus diem domini, & committamus iudicium occultorum futurae illius illustrationi.

Illud. Et tunc laus erit unicuique a Deo, non est nisi de ijs dictum, qui fideles in die iudicij inueniuntur. Quare addendum erat, quid hypocritis ac perfidis futurum sit. Verum non eo spectabat, sed laudem duntaxat pseudapostolorum suggillare uolebat, qua tantopere a Corinthijs extollebatur, sibique praeferebatur. Quasi dicat: Iam admodum uestros istos doctores laudatis, ac me respectu illorum fastiditis, uerum inconstans haec est illorum laus. Laudis tempus erit, ubi uenerit dominus. Ibi uere laudabuntur, qui synceri ac fideles a domino inueniuntur.

Hac autem fratres per figuram transuli in me ipsum & Apollo, propter uos, ut in nobis disceretis, ne quis supra id quod dictum est sentiat, ut ne alius pro alio aduersus alium inflemini.

1 Exponit quod dixerit: Etenim cum dicat aliquis, Ego sum Pauli, &c. Et. Quis est Paulus? Quis est Apollos, &c. Et omnia uestra sunt, siue Paulus, siue Apollos, cum tamen nec sub sua, nec Apollo persona uiguerint Corinthiorum dissidia, quod corrigere instituit: Haec, inquit, fratres, per transfigurationem in me & Apollo transuli, non quod nostra nomina dissidiorum dederint materiam, sed quod sub illis declarare uoluerim dissidiorum uestrorum absurditatem, ut admone-rem uos, ne amplius alius pro alio aduersus alium inflemini.

2 μετασχηματίσθω transfigurauit. μετασχηματίσθω est, quando sub aliena persona, siue nostra siue aliorum, aut ficta, quorundam delicta inculamus. Ei gene-  
ris etiam est, quando non solum personam alienam inducimus, sed & crimine aliud sub alio confecto, aut uero quoque, consimili tamen, reprehendamus. Notum est exemplum prophetae Nathanael, qua transfiguratione, & personae & criminis in corrigendo Dauide sit usus.

PROPTER UOS.] Hoc est, ut uobis parcere tamquam aegrotis & imbecilibus, ne uos scilicet offende-



offenderē, si ex nomine qđ suspicitis taxarē. Relucet hic iterū Apostoli prudētia, omnibus Christi ministris obseruanda. Sectarij ingenio sunt amantium pręditi, quibus durū est & intolerabile, si nominatim perstringant, de quibus gloriatur & a quibus pendet, ita ut magis iritetur qđ curētur. Ideo prudēti cōsilio usus, rē ipsam quidē qđ sit absurda ob oculos exposuit, sed sub alienis personis & nominibus, idq; nō quibuslibet, sed ut tolerabilior esset admonitio cū primis sub sua deinde & Apollo psona.

Prudentiam istam imitentur omnes uerbi ministri, castiganda sunt uitia, sed ita ut delinquentes curētur non exasperētur, quod potissimum faciendum est, ubi studia partium inualescant. Si ea est delinquentium imbecillitas, ut non sint laturo si recta inuehamur in morbos, quib⁹ laborat, aut taxemus ex nomine, a quibus dependent, utendū est Apostoli exemplo, ut per obliquum & trāsfigurationem uel personarū uel criminis, qđ uolumus assequamur.

Inest autē non solū prudētia in isto trāsfigurationis cōsilio, sed & affectus dilectionis, plane paternus, qui se in mille figuras uertit, ut laboranti filio succurrat. Non dicit, propter uetustos pseudapostolos, sed propter uos, ut intelligas non metum esse, quod nō ausus sit offendere tantos uiros, sed affectum charitatis, quo noluerit irritare imbecilles & ægrotos. Ingeniosa res est, & solliciti plena timoris amor. Qui isto pręditi sunt affectu nō utcunq; inuehantur in delinquentes, sed magna id solitudine moderatione & cautione facient, unice spectantes, quid ferre ualeant, quid non, quos emendare constituunt.

4 V T in nobis disceretis.] Duo dicit. Primū, quid toto hoc tractatu eos admonere uoluerit, uidelicet, ut discerēt non sentire supra eam regulam quā descripsit, de quoquā, nec inflari pro alio aduersus alium. Alterū, ut id discerent in se & Apollo, cum quod ipsi nihil huius unquam spectarint, nec unquam cōsiliū dissidijs dederint, tum quod pro animi morbo nō sustinuisent id in illis discere, quos plus equo extollebant. Ea nanq; amoris est cæcitas ut uicium non uideatur uicium, in eo quē deperis, uideatur autem statim in alijs, quos nō admodum curas. Quod ergo in pseudapostolis non didicissent, in se & Apollo spectandum ac discendum proposuit.

5 S V P R A id qđ scriptū est.] Chrysost. putat aliquem scripturæ locū intelligi ab Apostolo, utpote: Quid uides festucā in oculo fratris tui & cæ. uel, Nolite iudicare, ne iudicemini, uel, Qui se exaltat humiliabitur, aut, Quicumq; uoluerit inter uos maior fieri, sit omniū minister. At ista domini licet uerba sint, non tamen uerisimiliter ab Apostolo per scripturam intelligi puto, eo quod cum ista scriberet, Euangelistarum scripta, aut nondum extabant, aut nōdum Corinthijs innotuerant.

Hierony. exponit, ne quisq; supra scripturæ disciplinā sentiat. Ambrosius trāsit. Simplicius

A aut uidetur, ut intelligamus de eo quod supra scripsit. Sic nos existimet homō tanquam ministros Christi, &c.

6 *φρονέω.*] Erasmus adiecit, de se, quasi nolit Apostolus quenquā de seipso supra mēsuram pręscriptam sentire. Verum, si addēdū est aliquid malim adijcere, de quoq;. Alloquit enim hic nō uerbi ministros, de quibus plus æquo eximie sentiebatur à Corinthijs, sed ipsos auditores ac discipulos, quos à prępostera pręceptorū admiratione auocat, quorū gratia trāsfiguratione, cuius meminit, usum se esse dicit. Et huc facit etiā qđ subiūgit, ut ne alius p alio aduersus aliū inflemini. Nā id ex eo plerūq; sequitur, ut infletur cōtra alios qui de quibusdā ut eximijs ac pręclaris gloriant, id quod inter sectarios usuuenire uidemus, dū Franciscani p suo Francisco, aduersus Dominicastros inflantur, & illi uicissim. Proinde pręmisit illud, ne quisquam supra pręscriptam regulam de quoquā sentiat. Qui enim de omnibus uerbi pręconibus nihil aliud sentit quā quod ministri sint Christi ac dispensatores mysteriorum Dei, is certe nullius gratia aduersum quenquā inflabitur, sed de uniuersis idē sentiēs, omnes ex æquo uenerabitur.

7 *φυσιοῦσθαι.* id est, inflemini. Metaphora est, sumpta de membrorū inflatione, quæ ex morbo, corruptis humoribus, aut spiritu malis humoribus pleno nascitur. Ad eum modū & animi superbia inflatio dicitur, propter spiritus peruersi tumorē. Quod si istā animorū inflationē idē cōcomitaretur dolorum sensus, qui in nodosa sentiūt podagra, forsan citius curaretur.

Notatur autē à Chrysost. qđ sit stultū de aliena gloria inflari, quod perinde est, atq; si quis ppter alienas diuitias superbiat. Quid quæso faciet in propria gloria cōstitutus, qui etiā de aliena superbiendi sumit argumentum.

Quis enim te discernit? Quid autē habes quod nō accepisti? Quod si etiā accepisti, quid gloriaris quasi nō acceperis?

1 Apostrophe est trina p cōtatione uehemens & urgēs, deinde numero singulari uelut unūquenq; cōueniēs. Exponit aut nō eodē modo, Nā aliqui referūt ad ipsos doctores, q apud Corinthios dissidiarū authores erāt, utpote Chrysost. & Hieron. Quidā uero ad auditores ac discipulos de pceptorib⁹ suis gloriātes, id quod Ambros. facit. Paraphrastes Eras. priorē p cōtationē discipulis, reliquas doctōrib⁹ applicat.

2 Q V I S te discernit?] *διακρίνειν* uariæ significationis uerbū est. Nā & discernere significat, & extollere (quoniam selecta plerūq; discernuntur) & dijudicare, unde & Chrysostomus dijudicandi sensu particulam hanc exponit, quem sequutus est Erasmus, ita reddēs. Quis enim te dijudicat? Si legerimus, quis te discernit? sensus est, quis te reliquis pręfert? Quis te extollit? quis eximium reddit? Si, quis te dijudicat, idem est, ac si dicat, cuius nam iudicio tibi places? quis te examinat, inquit, probat,



bat, eximiumque esse depræhendit? Cuius calculus usus extolleris? quasi dicat, Homines imperiti ac stulti, sua de te opinione decepti, eximium te esse putant ac dijudicant, & inde superbis. Atqui non quem homo sed quem Deus commendat ac dijudicat ille demum probatus est. Hominum iudiciū fallit. Videtur hoc sensu respicere ad ea quæ initio capitis huius sub sua persona dixit, Mihi autem pro minimo est, ut à uobis dijudicer, aut ab humano die, &c. Cæterum qui me iudicat, dominus est, &c.

Potest illud, Quis te discernit? ita exponi, ut ad Deum referatur. Quasi dicat, Si charismatis alicuius gratia superbis, quæso quis est, qui te singulari dono à reliquis disceuit? An tu ipse? Certe nequaquam. Quid enim habes quod non acceperis? Atque ita conueniet hæc particula cum sequentibus.

3 Quid autem habes, quod non acceperis? Communiter exponunt, quid habes quod non à Deo acceperis. Solus Ambrosius aliter. Is ut dixi arbitrat, totam hanc apostrophē pertinere ad eos, qui præceptorū gratia aduersus alios inflabantur, seseque à reliquis seiungebant, & exponit ad hunc modum. Quid iam habes, qui reliquos cōtēnis, quod antea à me non acceperis? Quid cōtulit tibi magister iste, de quo ita gloriaris, ut reliquos fastidias, quo hactenus carueris? Quam fidem interea, & quæ noua charismata per istum magistrum tuum cōsequutus es? Quod si quæ audis, audisti & antea, quæ habes, accepisti iam antea, ut nihil noui, nihil præcipui, quo carueris hactenus post abitum meum acceperis, quæso qua ratione usque adeo de magistro hoc tuo, cui nomen das, gloriaris, ut à reliquis separeris?

Et isti sententiæ duo uidetur in uerbis Apostoli fauere.

Vnum est, quod non simpliciter dicit, Quis te discernit? Sed, Quis enim te discernit? ut quasi præmissæ admonitioni rationis uice subiungatur istæ perorationes, propter causalem rationem. Dixit enim, ut in nobis disceratis, ne quis supra id quod scriptum est de quoquam sentiat, ut ne alius pro alio, contra alium inflet. Hic quasi ratione exigens, cur aliquis putet sibi contra reliquos alicuius nomine gloriandum esse, uel certe ostendens neminem tati faciendum esse, ut illius gratia debeat quisque à reliquo sese fidelium grege secernere, subiicit: Quis enim te discernit? Quasi dicat, Quis enim tati est, ut autoritate sua à reliquis Christianis te separare possit? Quis nam ille est, quem tati facis, ut illius nomine infleris aduersus fratres? Si Christum spectas, at ille communis est omnium credentium dominus. Si doctorem aliquem, at quisque ille & quantus quantus sit, non dominus est, sed minister, cuius non est officium secernere, sed coniungere Christo credentes. Malus dux est, qui regium exercitum autoritate sua dissipat ac separat, quem debebat seruare quam unitissimum.

Alterum est, quod non dicit, quod si accepisti, Sed, quod si etiam accepisti, quod gloriaris? Quasi dicat: Quod si id, cuius nomine gloriaris de nouo doctore, etiam à me iam antea accepisti, quid

A gloriaris quasi non acceperis? Vident autem & sequentia huic sententiæ astipulari & uelut prodere affectum huic Apostoli cum dicit: Iam saturati estis, iam ditati estis, &c.

Et sane ita plerumque euenire uidemus, ut nouum doctorem adeptus populus, eum quem antea habuit fastidiat, deique nouo insolescat & superbiat, etiam si is nihil adferat, quod antea non audierint.

Quod si ista Ambrosij sententia cuiquam aridet, per melicet illa utatur. Alioqui communiter hæc Apostoli uerba contra arrogantes ac superbos quosuis usurpant. Quisquis enim glorietur, alicuius nomine oportet gloriatur, quod sibi uel soli, uel cum paucissimis uindictæ rarum & eximium, ut sunt sapientia, eruditio, eloquentia, opum splendor, corporis uenustas, opinio iustitiæ, & quæ alia sunt huiusmodi. Illis oggerit. Quid habes, quod non acceperis? Quod si accepisti, quid gloriaris, quasi non acceperis?

4 Insunt autem his uerbis duo notanda.

1 Vnum est, Neminem habere quicquam, quod non acceperit à Deo, siue immediate, siue per ministerium aliorum, uel angelorum uel hominum uel bestiarum. Nam omne bonum de sursum est, &c.

2 Alterum est, illicitum esse gloriari de alieno bono. Nam omnis gloria illi debetur, cuius, & à quo sunt omnia. Ideo dicit: Si accepisti, quid gloriaris, quasi non acceperis? Non dicit: Si accepisti, noli gloriari de alieno. Sed quid gloriaris? Notat enim impudentiam huiusmodi arrogantiam, quasi dicat: Quid nam rationis pretere potes, ut merito uideare gloriari de eo quod non tuum est, sed aliunde habes? Ridiculum plane est de alienis bonis superbire. Nota est Æsopica cornicula, quæ alienis coloribus ornata, tandem pudefacta est. Iam uide, si stultum est, ridiculum, absurdum, & si Deum respicias impium etiam, gloriari de bonis, quæ licet acceperis, habes tamen, quid sentiendum de illis, qui per hypocrisim ea simulant quæ non habent, illorum opinione sese uenditant?

Iam saturati estis, iam ditati estis, absque nobis regnum adepti estis, atque utinam sane adepti sitis, ut & nos simul uobiscum regnemus.

Hæc & quæ sequuntur admodum falsa sunt, & stomachum resipiunt. Primum autem notat Corinthiorum fastidium & contemptum, quo erga se & doctrinam ab ipso acceptam aliud à pseud apostolis abducti & inescati laborabant. Facit autem id non sine ironia, cum dicit: Iam saturati estis, iam ditati estis, &c. Non enim iam erant perfectam regni Christi cognitionem adepti, neque dum aliquo usque in spiritu excreuerant. Siquidem, ut supra dixit, carnales adhuc erant. At uidebantur sibi iam abunde ditati, & magnam celestium rerum cognitionem adepti. Iuxta hæc ipsorum opinionem per ironiam loquitur dicens. Iam saturati estis, iam ditati estis, &c.

Morbus



Morbus hic omnino uulgaris est, & animū indicat imbecillem. Vt enim infirmi stomachi indicium est, si quisquam cito & modico cibo ita saturetur, ut fastidio edēdi afficiatur, ita & infirmi animi argumentū est & plane puerilis, si quisquam cum uix prima teneat rudimenta putet se iam ad ipsum sciētiae rerum uerticem ascēdisse. Et ipsa saturitatis metaphora, qua utitur Apostolus huc respicit, quemadmodū & reliquæ duæ, nēpe, iam ditati estis, itē, iam regnatis, cōsimilem morbum metaphoricis exprimunt. Nā quod in suo genere usuuenit stomacho infirmo, id & tenuioribus accidit, qui mox atq; aliquam adepti sunt facultatū, iam arbitrantur se abunde diuites effectos esse ac prorsus regnare, cū adhuc multis egeant. Porum itaq; est quod ad ueritatis cognitionē & solidæ pietatis studium attinet, inflatibile habere ingluuiem & perpetuam auaritiā, nec unquā sibi persuadere quod aliquid sint perfectionis adepti.

Quod secundo dicit, iam, iam, uidetur nō carere admiratione, quasi dicat: Tā cito saturati estis? tā cito ditati estis? Et illud, *id est, ab eo, licet* in forma præteriti sit positū, in præsentī tamē legēdum est, ut & uetus reddidit. Nō enim actum notat præteritum, sed qui adhuc daret, ideo & Erasmus reddidit, nō regnastis, sed regnum adepti estis. Potest accipi p̄ Ebraismo, quo præteritum positum sit pro præsentī.

Ita & nos  
in Christo  
olim regna-  
bimus.

Intelligit autem per uerbum regnandi nihil aliud quam plenā sciētiae facultatē ut nullius opem desideret. Regnare enim hic idem est, atq; uicisse, enauigasse, eoq; euasisse, ut iam citra cuiusq; opitulationem cōsistere liceat. Regnum duo habet. Vnum quod attinet rerū gerendarum facultatem, alterum quod cōcernit imperādi potestātē. Iuxta primā regnandi rationē dicit, sine nobis regnatis. Hoc est, Eō p̄mouistis iā opinione uestra, ut nulla in re putetis operā meā uobis esse necessariā, euasistis iam omnem rerū ignorantīā, omnē Christiani nominis ignominiam, omnē passionū Christi infirmitatem, in Christo regnatis, prudentes, ualidi, & clari.

ATQVE utinā regnetis.] Pathos est quo indicat tā abesse, ut inuideat illis regnū in Christo, ut doleat sibi q̄ magis opinione regnent q̄ ueritate, optetq; ipsīs ex animo, ut regnēt. Simul tamē innuit eos nihil minus q̄ regnū esse adeptos. Alioqui dicēdū erat, gratulor uobis, q̄ hactenus promoueritis, ut iā regnetis. Cum uero optat ut regnent, indicat se diuersum uidere in illis ab eo regno, de quo superbiebant.

VT & nos simul uobiscū regnemus.] Hoc est, ut & nos in gloria simus uobiscū. Ergo gloriā, pacē, ac regnum sibi optat Apostolus? Nequaquā. Sed hoc indicat, se merito debere participē esse gloriæ ipsorū, tanquā præceptorē, eo q̄ à se acceperint, si quid habeant. Ita quippe comparatum est in rerum æquitate, ut gloria discipulorum sit gloria præceptoris.

Vel si ista expositio nō placet, intelligēdus est

A ex affectu paterno loqui, quo sit, ut regnāte filio, id est, cōmode & p̄spere habēte, regnet & pater, animi scilicet affectu, etiam si foris nihil hui⁹ appareat. Et hui⁹ affect⁹ infra recordabit. Et hic sensus magis arridet. Plus enim respicit Apostoli pectoris non seipsum, sed quæ aliorum sunt spectantis.

Arbitror em̄, quod Deus nos Apostolos nouissimos ostenderit tanquā morti destinatos. Quoniam spectaculū facti sumus mundo & angelis & hominibus.

Declarat se nihil min⁹ q̄ regnare. Sed omniū esse abiectissimū, mirisq; modis iactari & affligi. Ostendit autē, licet occultius, nō ita destinātū esse à Deo, ut qui Christi sunt, in honore sint, & regnēt in hoc seculo, idq; cōiiciendum exhibet suo exēplo, qd̄ opponit studio & fortunæ pseudapostolorū, quos admodū insinceritatis insimulat, qua nō quæ Christi, sed q̄ sua ipsorū quærentes, curabāt & satagebant, ut in precio haberentur, nobiles & clari regnarent, cū ipse interea pro fide Christi ceu stultus, imbecillis & cōtemptus abijceretur. Tantū nō dicit, Non ambulatis recto pede ad Euangelium Christi, alioqui non regnaretis, sed mecū afflictaremini. Tanta nāq; pro Christo patior quotidie, ut appareat nos uelut morti destinatos esse à Deo, & ob eam causam missos, ut passim morti exponamur.

APOSTOLOS nouissimos.] Amphibolice dictū est, ut nescias, an dicat se nouissimū ostēsum esse Apostolū, uel se nouissimū Apostolū uelut morti destinātū ostēsum esse. Mihi placet posterior sensus ut intelligamus afflictiones eas quib⁹ premebat quotidie, quasi declarasse Apostolū morti diuinit⁹ esse destinātū, tā abfuisse, ut regnū in hoc seculo repperit. Vocat autē se nouissimū Apostolū, nō solū uocatione (scio qd̄ Ambrosius de Enoc & Helias postremis apostolis, cū antichristo cōfictaturis scribat) sed & æstimatione eo modo, quo infra se uocat abortiuum & minimum inter apostolos. Vetus interpres uidetur priorē, Erasmus uero posteriorem sententiam secutus.

Infra 15.

QUONIAM spectaculū facti sumus.] Quare dicat se uelut morti diuinit⁹ destinātū, & quomodo, ostēdit. Quia spectaculū, inquit, facti sumus mūdo, & angelis & hominib⁹. Hoc est, tā nō regnam⁹ in hoc mūdo, ut nusq̄ nō explodamur, abijciamur, & p̄ scelestissimo habeamur, adeoq; publico p̄bro afficiamur. Solebāt tum nocentes publico spectaculo puniri, & omniū probro puniēdi exponi. Et p̄bri hui⁹ auxesim habet, q̄ nō uni & alteri ciuitati sed ipsi mūdo, angelis & hoībus spectaculū se factū esse dicit.

Mundum intelligo generaliter positum, angelos & homines distributue.

Per angelos alij bonos, alij malos spirit⁹ intelligunt. Chrysostomus de bonis exponit ad hunc modū. Nō solū cū mūdo nobis sed & cū spiritib⁹ peruersis & potestatib⁹ incorporeis certamē est, ideoq; nō solū mūdo & hominib⁹ sed



sed ipsis quoque angelis spectaculum facti sumus. Tanta namque sunt nostra certamina, ut & angelorum digna sint spectaculo. Ambrosius uero mundo malos angelos coniungit, quibus spectaculum factus sit Apostolus. Intelligitur autem dictione spectaculi publicum probrum & ludibrium, quo sensu certe bonis angelis Apostolus spectaculum non fuit, qui magis, ut in psalmo est, castrametati sunt circa seruum Dei illumque ex afflictionibus eripuerunt.

Nos stulti propter Christum, uos autem prudentes in Christo, nos imbecilles, uos autem ualidi, uos clari, nos contempti. Ad hoc usque tempus & esurimus & sitimus, & nudi sumus, & colaphis cedimur, & incertis uagamur sedibus, & laboramus operantes propriis manibus, male audientes benedicimus, persecutionem patientes sustinemus, conuiuiis affecti obsecramus, ueluti excrementa mundi facti sumus omnium reiectamentum ad hunc usque diem.

Per collectionem amplificat disparitatem sortis sue, quae longe aliter habebat quam ea quam pseudopostoli in Christo humanae sapientiae studio querebant. Confert autem utrinque quo ipse rerum statu consistat, imo magis iactetur, & quid ipsi per pseudopostolos inducti querant. Nos, inquit, Christum ita predicamus, ut illius nomine stulti reputemur, imbecilles premamur, contemptui omnium exponamur & ad hoc usque tempus esuriamus, sitiamus, nudi simus, colaphis cedamus, incertis uagemur sedibus, laboremus propriis operantes manibus, male audiamus, conuiuiis afficiamur, & uelut excrementa mundi & omnium peripsoma habeamur. In hunc usque diem inquam nondum alia nobis conditio, alia fors obtigit in Christo, quam ista omnium abiectissima, ac tot afflictionibus tantisque probris obnoxia. Vos uero longe aliter affecti, in Christo quaeritis, ut prudentes, ualidi, & clari sitis, ut non necesse sit esurire, sitire, nudari, colaphis cedi, incertis uagari sedibus, male audire, persecutionem ferre, conuiuiis affici & omnium peripsoma, mundi que uelut excrementa fieri. At mirum fuerit quomodo uos in Christo geratis, si ista in illo licet obtinere, cum mihi diuersissima illius nomine accidant.

Ad hunc modum Apostolus suo exemplo docet quod non germanos Christi ministros habeat, cum quibus in Christo cupiant in hoc seculo pacem, gloriam & regnum obtinere, inter tot inimicos, a quibus certe, si regnum Christi cupiant ex animo promotum, eodem probro sint excipiendi quo ipse. Quod si dux quidam Christiani exercitus contra Turcas impugnandos missus, ita se gerat cum Turcis, ut quietum otium in ipsorum gremio agat, quis non suspicabitur illum non satis fideliter commissum administrare bellum, maxime cum alius quispiam, in pari munere con-

stitutus, crebris & indefinentibus Turcarum incursionibus & conflictationibus quotidie affligeretur? Solent huiusmodi duces proditoris argui. Tantum ergo dicit Apostolus, doctores uestri non sunt huiusmodi Christi ministri, nec regni illius promotores, sed proditores. Verum id aperte non dicit, sed per collationem disparis utrinque suae & illorum sortis ipsis intelligendum relinquit.

Vos prudentes, ualidi, clari in Christo.] Non quod essent tales, sed quod tales esse querebant, nolentes propter Christum haberi stulti, esse imbecilles (id est omnium libidini expositi, ut sunt pauperes & inopes. Nam potentes non facile infestantur) & contempti, sed ita se gerebant, siue ita instituebantur a pseudopostolis ut probum & calamitatem crucis Christi effugerent.

Ad hoc usque tempus.] Sic infra, ad hunc usque diem. Quasi dicat: Iam tot annos Christum predico, nec unquam hactenus aliam adeptus sum sortem, quam istam calamitosissimam. Mihi nondum potuit obtingere quod uos in Christo quaeritis ne hodie quidem.

Clanculum autem animi sui constantiam spectandam proponit, quod in tot aduersis rebus tanquam diuturnis & irremissis nunquam a scopo deflexerit, cum ipsi reces Christo accensiti, iam pacem & gloriam in hoc mundo ambirent.

Et esurimus & sitimus.] Huiusmodi & apud ipsos Corinthios perpeffus fuerat. Cum essem apud uos inquit. 2. Cor. II. & egerem nemini onerosus fui, &c. Et hodie esuriendum ac sitiendum esset Christi ministris, si libera esset contributione alendi.

Male audientes benedicimus.] Hic non solum quid patiat, sed & quid ipse uicissim male affectus faciat, ad hoc commemorat, ut patientiae & mansuetudinis suae exemplo admoniti discant, quales habeant doctores an Christi sint imitatores nec ne.

Velut excrementa mundi facti sumus.] Quasi summatim uno uerbo complectitur, quam non sit regnum adeptus in hoc mundo. Ipse inquit mundus ita nos passim explodit, exhibilat & abijcit, ut ceu excrementa illius habeamur, & omnium peripsoma. *σκιμασματα* sunt repurgamenta, quae circumquaque ex omni domo congesta eijciuntur. Budaeus dicit eos qui pro peste expianda dijs apud Gentes immolabantur dictos esse *καθάρματα*. Tale *καθάρμα* erat Ionas cum sedandae tempestatis gratia abijceretur in mare. Eiusdem momeri est *σπίγμα* qua dictione quicquid sordium uel a pedibus uel aliunde abstergitur, significatur *ἀπὸ τοῦ σπινθῆρος* quod est abstergere.

## OBSER. I.

Quid ergo? Christi ministri germani & syncri esse non poterunt, qui non habentur pro stultis, qui non sunt contempti, qui non affliguntur, qui non esuriunt ac sitiunt, qui non nudi sunt, qui non incertis sedibus circumuagantur,

Sic Christiani ubi pestis uel fames ingruerat abijciebantur ad Leones. uide Tertullian.



Phil. 4.

tur, qui non proprijs manibus operando uictū querunt? Respondeo. In his rebus non est si-  
ra ministerij Christi, & fidei in Christum synce-  
ritas. Alioqui quotquot male haberent in hoc  
sæculo probi habendi essent, cum inuenias sæ-  
penumero pessimos nebulones hanc sortem  
perpeti ut ubique male excipiantur. Quin hoc  
curandum est Christi ministris & fidelibus, pri-  
mum ut ante omnia querant regnum Dei ex  
animo, deinde parati sint pro Christi nomine  
in omnem euentum. Quod si contigerit tali-  
bus esse in precio & pace, bene. Nam & Paul⁹  
nouit non solum esurire sed & abundare & sa-  
turari, si uero crux, persecutio & cōtemptus  
acciderit pro Christo, ferendum & hoc est, in-  
que fide & dilectione Christi persistendum. De  
opere manuario, an ad ministerium Christi sit  
necessarium infra uidebimus cap. 9.

## I I.

Deinde notandum est hic omnibus Christi  
ministris quanta debeant animi constantia  
præditi esse, ad hoc ut nihil non ferre possint  
pro Christo. Quis nostrum uel minimam par-  
tem eorum perpessus est pro Christo quæ Pau-  
lus hic connumerat?

Non quo uos pudore suffundam, hæc  
scribo, sed ut filios meos dilectos admo-  
neo. Nam etiam si innumeros pædago-  
gos habeatis in Christo, non multos ta-  
mē habetis patres. Siquidem in Christo  
Iesu per Euangelium ego uos genui.

Iam ad finem tendit huius causæ. Videri au-  
tem poterat, maxime hoc capite, animo parū  
amico, exprobradi gratia, non solum dissidiū,  
quo inter se, laborabant, sed & pessimum in-  
gratitudinis uicium obijcere Corinthijs, quo-  
rum gratia tot labores, probra & pericula tu-  
lerit, pro quibus ipsi nihil rependerint, nisi &  
nominis & doctrinæ ipsius contemptum, id  
quod certe merito illos pudore suffundere po-  
terat. Curat ergo pro sua prudentia suspiciōe  
hanc mentibus ipsorum eximere, cum dicit:  
Non quo uos pudore suffundā hæc scribo, &c.  
Admodum enim urit beneficiorum improp-  
eratio, uehementerq; commouet ingenuos ani-  
mos ingratitude imputatum uicium, præ-  
terquam quod animum prodit nōnihil ab alie-  
nato, & haud facile reconciliabilem, deinde  
& suas glorias non aliorum utilitatem querē-  
tem. Vt igitur hæc omnia amoliat, licet ipsi  
digni fuerint, qui pudefierent, commodum u-  
titur ista animi sui declaratione, ostendēs pri-  
mum nō ea se ratione ista cōmemorare, quod  
cupiat eos aliquo pudore aspergere, deinde  
subiungēs affectu se paterno eoq; adhuc cō-  
stanti, admonendi gratia scribere.

ΟΥΚ ὑπερίπτω ὑμᾶς.] Pulchre usurpatur à Græ-  
cis uerbum hoc ὑπερίπτω, pro confundo, pudore  
suffundo. Licet enim proprie nō significat pu-  
defacere sed inuertere, quia tamen, cui turpia  
quædam obijciuntur, per obiectionem probri  
sui in sese cum pudore redire, ac sententiam

A mutare adigitur, sit ut ὑπερίπτω pro pudefacere,  
& ὑπερίπτω pro pudore & confusione usurpetur.

Obseruandum est autem quod dicit, non  
confundens uos ista scribo, pro, nō ut pudore  
uos suffundā, hæc scribo. Hoc quisq; facere re-  
cte dicit qd̄ animo facere intēdit, nō qd̄ ex i-  
pso facto præter faciētis sententiā accidit. Fie-  
ri potuit ut uehemēter sint hoc Apostoli scri-  
pto pudefacti Corinthij. At hoc ille nō specta-  
uit, ideo se dicit illos scripto suo nō pudeface-  
re, cū hoc animo nō scribat. Vt enim recte ali-  
quem ignominia afficere dici potest, qui igno-  
minia gratia aliquid facit, etiam si ad ignomi-  
niam eius quem ledere conatur, non cedat, ita  
uicissim recte dicitur non pudefacere quenq;  
qui quod facit animo pudefaciendi non facit,  
etiā si is quē repræhendit pudore suffundatur.

Ἠθικὸν hoc loco est, ut studiose caueamus, ne  
quos arguimus ita arguamus, ut data opera  
pudeferi uideantur, maxime si repræhendan-  
tur eorum gratia, quæ in nos immeritos com-  
miserunt. Tum enim non illos corrigere sed  
nos potius ulcisci uideri poterimus, id quod  
non poterit ad ædificationē erratium cedere.

S E D admoneo.] Non dicit, increpo, ar-  
guo uos, sed admoneo. ὑπερίπτω est aliquid men-  
ti cuiuspiam suggerere, id quod fieri solet ab  
amicis ijs qui sui parumper obliuiscuntur, &  
quod delinquunt errando magis quàm ex de-  
stinato delinquūt. Commendat igitur ista mi-  
tigatione scriptum suum, dum facit eam esse  
amicam admonitionem, ostenditq; se de il-  
lis quos admonet non id sentire quod mali-  
ciose sed quod ex errore nōnihil delinquant.

Et huc facit quod nō dicit, ut fratres, quod  
plerumque solet, sed tanquam filios, idque di-  
lectos, quibus declarat se animo prorsus pa-  
terno illos admonere, nihilq; admonendo  
querere aliud quàm quod pater querit, dum  
dilectos filios emendat, qui nullum alium ha-  
bet corripiendi finem, quàm unam filiorum sa-  
lutem. Multū authoritatis est parenti in filios,  
& affectus ille paternus, omnia in filiorū pro-  
fectum instituens, nullam non arguendi uehe-  
mentiam & austeritatem excusat. Non potest  
ergo Apostolus fortiori argumento admoni-  
tionem suam ab omni sinistra suspiciōe libe-  
rare, tolerabilemque, imò acceptam reddere,  
quàm hoc uno, quod Corinthios ponit in lo-  
cum filiorum suorum sibi admodū dilectorū.

Nam etiam si innumeros pædagogos  
habeatis in Christo, non multos tamen  
habetis patres. Siquidem in Christo Ie-  
su per Euangelium ego uos genui.

Quid iuris in eos habeat ut merito illos ad-  
moneat, ostendit per collationem, qua se cum  
doctoribus ipsorum confert, tanquam paren-  
tem cum pædagogis.

¶ Multum discriminis est inter pædagogum  
& ipsum parentem. Potest esse ut puero profit  
ad tēpus pædagogus, & ius aliquod in ipsum  
obtineat, uerum non ita, ut parentis utilitatē  
f &



& imperium puero adimat. At hoc moliebantur pseudapostoli isti Corinthiorum in Christo pædagogi.

2 Deinde pædagogus paterni affectus fidē & suauitatem assequi non potest.

3 Tertio mutari potest, ut liceat per successionem multiplicari pædagogorum numerū, parētis uero non item, qui perpetuo unus est. Hoc scilicet non expendebant Corinthij atq; ideo satis imprudenter pædagogis ita sese addicebant, ut quod insensati pueri solent, eius à quo fuerant in Christo geniti, fastidio iam & contemptu afficerentur. Hanc illis stultitiam obijcit, cum dicit, Nam etiam si mille pædagogos habeatis in Christo, non multos tamē habetis patres.

Emphasim collationis habet, quod non dicit, Nam etiam si multos habeatis pædagogos in Christo, sed, etiam si mille uel innumeros habeatis pædagogos. Quasi dicat. Multum extollitis, & plurimi facitis doctores uestros, ita ut putetis iam uos sine me regnare. Atqui insipienter hoc facitis, nō intelligentes, illos uobis nullo alio loco esse posse quā pædagogorum, me uero unum uobis esse in Christo parētem. Iam quæ potest esse pædagogi & parentis comparatio? Esto habeatis innumeros huiusmodi doctores, quid aliud habetis q̄ pædagogos? Numerum parentis certe augere nō potestis, quem unum habetis. Quicquid sint uestri doctores, pædagogi sunt, non parentes, & licet innumeri sint, parentis tamen nec ius auferre, nec affectum adæquare poterunt.

Clanculum autem submonet Corinthios hac parētis & pædagogorum collatione, quid expectandum illis sit à doctoribus istis. Ne pe id quod puero à pædagogo, qui plerunq; arroganter sibi imperium sumit in alienum puerum, tyrannidi quā commodæ institutioni similis. Noti sunt mores pædagogorū in pueros, qui se regnare putant, ubi quā seuerissime quiduis minarum plagarumque illis inferunt. Quod autem Corinthij huiusmodi sint pædagogorum suorum imperium experti, patet in posteriore cap. II. ubi sic legitur: Suffertis enim si quis uos in seruitutem adigit, si quis exedit, si quis accipit, si quis attollit sese, si quis uos in faciē cædit, quibus uerbis innuit quid ab istis pædagogis perpessi sint Corinthij.

SI QUIDEM per Euang.] Declaratio est, quomodo se uocet ipsorum parētem, negetq; illos multos patres habere extra se posse. Si quidem inquit non ipsi, sed ego uos genui in Christo. Hanc mihi gloriam præripere quanti quanti sint non poterunt. Non dicit. Ego uos primus in Christo docui, non isti, sed ego uos genui in Christo per Euāgelium. Quasi dicat. Quod Christiani estis in Christo renati, hoc mihi debetis non uestris pædagogis. Proinde mei estis in Christo non ipsorum filij.

#### OBSER. I.

EGO.] Natiuitas in Christo, spiritus sancti

A opus est, non carnis & sanguinis, nec alicuius humanæ uoluntatis. Ioh. I. Quomodo igitur sibi hic adscribit quod ipse Corinthios in Christo genuerit? An hic sibi sumit quod Dei est? Non supra dixit, Quid est Paulus? Ego plantaui, qui plantat nihil est, sed Deus qui dat incrementum? Reluctatur ne & gloriæ Dei, sibi sumens quod Dei est, & sibi ipsi, impugnans quod supra fassus est? Respondeo.

Nec sibi sumit quod Dei est, sed loquitur secundum gloriam dispensationis Euāgelicæ, quam à Christo acceperat non excludens uirtutem spiritus sancti cuius se ministrum professus est. Quoniam ipsius ministerio Corinthij fuerant cooperante Christo, in Christo nati, hac ratione facit se ipsorum parētem. Alioqui unus parens est omnium. Matth. 23. idque non solum in Christo, sed & in carnali natiuitate, à quo est omnis paternitas quæ nominatur in cælo & in terra. Carnalis etiam pater, magis abusive quā proprie parens est. Seruit enim ministerio suo ad natiuitatē hominis, non ipse ut uerus pater suo arbitrio suaq; uirtute gignit.

B Rursus, nec sibi ipsi contrarius est. Nam supra, ubi deiicienda erat propostera admiratio pseudapostolorum sopiendæque sectæ Corinthiorum, ex illa natæ, necessario retulit omnia ad Deum, ut nihil esset ministrorum, quo omnis gloria uni daretur Deo, ac discerent Corinthij modeste sentire de doctoribus suis, seque non illis sed uni Christo addicere. Hac ratione dixit: Quid est Paulus? Et. Qui plātat nihil est, sed Deus qui dat incrementum. Hic uero ubi auctoritatem suam tueri proposuit aduersus pseudapostolos, idque ad Corinthiorum utilitatem & salutem, non suam ipsius gloriam, facit se in loco parentem ipsorum, conferens se non Deo sed pseudapostolis, quorum certe respectu ipse parens erat Corinthiorum, quoniam ipsius ministerio Christo crediderant.

#### II.

GENVI.] Ergo credentes in Christū sunt noua creatura, & credere Christo, est renasci. Hac similitudine depingitur omnimoda ueteris natiuitatis, quæ ex Adam est, abolitio, & innouationis perfectio. Hac de re est Ioh. 3. Nisi quis renatus fuerit, non potest uidere regnū Dei. Iam immutationem natiuitatis sequitur & ingenij, & affectuum, & morum immutatio. Hinc est, quod renatos in Christo hortantur apostoli ad depositionem uetustæ corruptionis & nouæ uitæ conuersationem.

#### III.

PER Euangelium.] Ut minister commemorat organum regenerationis. Alioqui dicendum erat, per spiritum Dei. Admonet autem eos ueluti seminis, ex quo erāt in Christo nati. Videbātur enim illius modicam habere rationem, seducti per pseudapostolorum præposteram admirationem. Certe magnum dat gloriam Euangelicæ prædicationi, quod eam facit



cit organū spiritualis natiuitatis. Per illam scilicet in Christo renascimur per illam etiam alimur in Christo.

Adhortor itaque uos, ut imitatores mei sitis. Hac de causa, misi uobis Timotheum, qui est filius meus dilectus & fidelis in domino, qui uobis in memoriā reducet uias meas quæ sunt in Christo quemadmodum ubique in omni ecclesia doceo.

Dixit, sed ut filios meos dilectos admoneo, iam subdit, quid eos admoneat. Nempe, ut se imitentur in Christo, non pseudapostolos istos à quibus seducebantur.

1 Ad huius persuasionem facit, primū quod ex præmisso colligit dicens, igitur, hoc est, cū ego uos in Christo genuerim non illi, mei sitis non illorum filij, illi pēdagogi sint non patres, equum est, ut non illos sed me imitemini. Germani filij est imitari parētis ingeniū & mores.

2 Deinde & illud, quod dicit, *παρακαλῶ*, lubet per obsecrantis affectum exponere. Ardet enim pectus Apostoli affectu erga Corinthios filios suos plane paterno. Et plus ponderis habet ad hoc quod agitur, ut legamus, obsecro, quā hortar.

3 Tercio, quoniam ad id instituti opus habebant pręsenti aliquo instructore uel potius admonitore, nec dum integrum ipsi esset Apostolo uenire ad eos, misit ad eos Timotheum. Hoc est, quod dicit. Hac de causa misi uobis Timotheum. Et hunc commendat illis primū à sui dilectione, quod sit sibi dilectus filius, utpote germanus ac syncerus, deinde quod sit fidelis in domino. Hoc est, talis qui uias ipsius, ut sedulus imitator, probe teneat, & syncera sit erga Christum fide, fidelis in illius opere ideoque commodus ad id, ut in memoriā ipsis reuocet quibus uijs ingredi debeant.

QVI uobis in memoriā reducet.] Caute non dicit, qui uos docebit uias meas. Sed qui in memoriā reducet. Non enim erat illis noui aliquid, quod antea nec uiderint nec audierint ab ipso Apostolo, allaturus, sed eorum tantum admoniturus, quæ primum ab Apostolo acceperant, sed postea per pseudapostolos seducti deseruerant.

VIAS meas quæ sunt in Christo.] Declaratio est, qua in re debeant imitari parentem suum Apostolum. In ea uidelicet, ut ita ingrediantur, doceant, ac uiuant in Christo, quomodo ipsam uiderant ambulātem, docētem, & omnia ad Christi gloriam referentem, proque illa nihil non cupide ferentem ac facientem. Per illud enim quod dicit, quæ sunt in Christo, tacite mordet pseudapostolos, quorum uiæ non in Christo sed in humana erant sapientia, & inanis gloriæ studio.

QUEMADMODUM ubique in omni ecclesia doceo.] Non frustra hoc adiicit. Indicat enim se nihil illis tradidisse, quod non simul & alijs ecclesijs tradiderit. Nec dicit, quemad-

modum in multis, sed ubique in omni ecclesia doceo. Nihil immutabat ueritatis doctor. Eandem ubique Christi ueritatem constanter docebat, licet illius gratia innumeris iactatus periculis. Et simul innuit quā sit absurdum, ab ea doctrina degenerare, quam acceperant omnes ecclesiæ Christi.

DOCEO.] Verbo docēdi admonemur Apostolum si nō in uniuersum, certe potissimum ad doctrinam respicere, cum dicit: Imitatores mei estote, & qui uobis in memoriā reducet uias meas. Neque enim error Corinthiorū in quibusdam duntaxat ecclesiæ ritibus situs erat, sed potissimum in ipsa doctrina crucis Christi, quam pseudapostoli philosophiæ studio uiciauerant. Chrysost. uidetur non de doctrina sed de traditionibus & statutis quibusdam, deinde & de aduersitatum tolerantia exponere, cum dicit, *ταῖς ἐκκλησίαις, τὰς οἰκονομίαις, τὰς κινήσεσιν, τὰ ἔθνη, τὰ νόμους, τὰς διστροφάς, τὰς καυχάνας τὰς ἀποστολικὰς καὶ τὰ ἄλλα πάντα*, nisi & doctrinā includat, quod dicit, *καὶ τὰ ἄλλα πάντα*.

#### OBSER. I.

Notandum est hoc loco, quas uias ingredi debeamus in Christo, si uoluerimus sentire & facere cū ecclesia apostolica & catholica. Eas nempe quas Apostolus Christi ubique in omni ecclesia constanter docuit. Quas autem docuerit testant ipsius scripta. Hęc sint uice cuiusdā Timothei, q nos in uijs Apostoli instruat.

#### II.

B Deinde in eo quod dicit: Qui uobis in memoriā reducet uias meas. Videmus quā non sit insolens, quod querimur hodie ecclesias Christi à uijs apostolorū & Euangelij Christi degenerasse. Si enim ecclesia Corinthiorū adhuc supstite Apostolo, à quo fuerat in Christo genita, ita degenerauerat à doctrinæ Christi puritate, ut illius, uelut oblita, admonenda fuerit per Timotheum, quale & ecclesiæ Galatharum accidit, quæso quid dubitatur fieri potuisse ut per tot sæculorum curricula puritas apostolicæ doctrinæ uiciaretur? Si admiratio pseudapostolorum nouis uijs ingredientium decepit ac seduxit filios Apostoli, ut iam fuerint obliti primariæ suæ institutionis, adhuc in uiuis agēte Apostolo, quid non potuit accidere huiusmodi post apostolorum tempora, irrumpente undique in ecclesiam, uelut exercitu quodam, falsorum doctorum, humanæ sapientiæ & inanis gloriæ studio turgentium impostura & seductione?

Perinde quasi nō sim uēturus ad uos, inflati sunt quidam. Sed ueniā breuī ad uos, si dominus uoluerit & cognoscam non sermonem istorum qui inflati sunt sed uirtutem. Non enim in sermone est regnum Dei, sed in uirtute.

1 Sciebat Apostolus Timotheum sua pręsentia propter improborum fastum non tantum pręstare posse quantum mali corrigendi



exigebat necessitas, sed profuturum quidem A ad hoc, ut saniores & corrigibiles ad uia Apostolicae doctrine reducerentur, uerum non ita metuendum ipsis inflatis, ut cepto se paterentur per illius praesentiam abduci, & ob eam causam aduentus sui ipsius metum illis inculcat, quem non poterant ut absentem ita praesentem quoque coterminare. Intelligebat enim illos propterea inflatos esse, quod securi essent de perpetua sui absentia. Igitur ut inflationis huius uelut radicem extirpet, adimit illis istam securitatem per metum aduentus sui, dicens: Perinde, quasi non sim uenturus ad uos, inflati sunt quidam. Sed ueniam breui ad uos, &c. 2 Facit autem hoc prudenti consilio, ut inflatos doctores praesenti Timotheo reddat tractabiles & contrarios, quos ille alioqui habiturus erat insolentiores aduersarios, nisi obstitisset uenturi Apostoli metus. Et eo pertinet quod non simpliciter dicit: Veniam ad uos, sed addit, breui. Nec certum aliquod tempus praescribit, sed minatur cito se adfuturum, ut incerti de ipsius aduentu, modestius sese erga Timotheum gererent, & opus illius in domino hoc minus impedire conarentur.

1 QVASI non sim uenturus ad uos.] Pseudapostoli ergo ob id erant inflati quod nunquam reditum sperabant Apostolum, ideoque ipsius absentia per arrogantiam abutebantur. Sed quibus coniecturis ducebantur, quod sperabant illum non uenturum amplius ad Corinthios? Verisimile est illos istam spe ex eo sumpsisse, quod sciebant illum persecutionis procellis e Corintho pulsum, atque ob id non facile ausurum regredi, nec si id tentaret, apud Corinthios, utpote quibus esset factus admodum inuisus herere posse, & praeterea prope diem persecutionum fluctibus obruendum & interitum. His spebus credibile est eos in istam inductos esse securitatem, ut sperarint nunquam uenturum ad Corinthios Paulum, & ob eam causam arrogantes esse coeperint.

2 SI dominus uoluerit.] Et temeritatis notam ita declinat, & simul ostendit quantum ad se pertineat, plane se uenturum, nisi impediat consilium domini. Hoc autem ideo facit ne putent se minari tantum aduentum suum, non autem proposuisse sibi serio reditum ad Corinthios.

3 ET cognoscam non sermonem istorum.] Quid facturus sit apud eos declarat. Sermonem autem uocat, uerborum phaleras, & fucatam illam eloquentiam, cui studebant pseudapostoli, & cuius nomine sibi ipsis & imprudentibus Corinthiis apprimere placebat. Hanc dicit se non consideraturum sed longe aliud. Videlicet uirtutem. Hanc exponunt quidam facultatem edendi miracula, quibus confirmabatur doctrina Euangelij. Quidam uero intelligunt rectam uitae conuersationem, qua quod uerbis docetur ipso opere demonstratur, ut uirtus opponatur uerbis. Pulchre autem non dixit: Non cognoscam sapientiam & philosophiam eorum qui inflati sunt, sed, non co-

gnoscam sermonem, λόγον, eorum, ut intelligas doctrinam inflatorum hominum nihil fuisse aliud quam inanes λόγος, omnium ueritatis ac pietatis uirtute destitutos.

4 NON enim in sermone est regnum Dei.] Quare non sit sermonem inflatorum moraturus forti & inuisa sententia declarat, qua tribus quatuor uerbis & inanitatem logicam inflatorum hominum ex ecclesia, quasi uentilabro quodam, euertit, & stultitiam Corinthiorum carpit, qui neglecta uirtute, qua regni Dei uis & efficacia quasi certo argumento declaratur, admirari coeperunt sermonis structuram & uanae scientiae bullas, cum regnum Dei non sermone sed uirtute constet.

Ostendit autem hac sententia in ecclesia Christi non esse suspiciendas eas res quibus regni Dei uis & efficacia non exprimitur, sed potius ad eas connitendum, quae liquido declarant uirtutem regni Dei, quales sunt fidei in Christum sinceritas, spes, charitas, pax, gaudium, iusticia, malorum tolerantia, spiritus modestia & quae id genus sunt. Ita & Romanos confirmat ratione a dissidio cibario coercuit dicens: Non est regnum Dei esca & potus, sed, &c. cap. 14.

Quid uultis? Cum uirga ueniam ad uos, an cum charitate & spiritu lenitatis?

1 Comminationem & metum aduentus sui intendit, formidabilem illum reddens non solum inflatis spermologis, sed simul & alijs delinquentibus adeoque transitum parat ad reliquorum uiciorum correctionem, quorum iam deinceps primum est inauditum illud stuprum, de quo mox cap. sequenti.

2 Resipiunt autem omnino paternum affectum haec uerba. Patris namque est immorigeros filios disciplina uirgae ne pereant castigare, morigeros uero charitatis comitate ac lenitate comitari. Ad utrumque se paratum esse ostendit. Non est autem illud, an cum charitate, ita intelligendum, quasi uirga ad paternam charitatem non pertineat, cum ea ipsa sit, quae uirga utatur erga filios dilectos, ut conseruentur ab interitu. Sed charitatis dictione usus est pro suauitate & comitate patris quam ostendit erga morigeros filios. Videtur autem loqui iuxta sensum eorum qui corripiuntur & castigantur seueriter. Illi non sentiunt patris charitatem dum uapulatur, sed magis dum blande ac suauiter tractantur.

Non caret autem emphasi, quod non dicit: Cum autem uenero, in uirga ueniam ad uos, quod austerius fuisset, sed. Quid uultis? An cum uirga ueniam ad uos, uel cum charitate, &c. 1 Nam hoc pacto ostendit se, non sua sponte usurum uirga, sed ipsorum impoenitentia coactum, cum in ipsorum sit arbitrio aduentum suum uel seuerum uel mitiorem reddere.

2 Et simul illos ad poenitentiam inuitat. Quasi dicat. Vtrum uobis optabilius erit? An ut seuerus impoenitentium castigator adueniam uel ut comiter uos ac suauiter poenitentes complectar? An non & uobis & mihi iucundius erit, ut



ut cum spiritu lenitatis ad uos q̄ spiritu seueritatis, uirga uisurus adueniam? At qualis ueniam; in uobis est situm. Si mauultis mitem ac blandum q̄ seuerum, bene, pœnitentiam agite, & ad uiam redite, sin uero pertinaciores facti comitatem meam despiciatis, ideoq; pœnitentiam respuitis, ecce paratus sum ad ulciscendum omnem uestram iniquitatem. Proinde etiã atq; etiã uidete utrũ uelitis. Cõsimilẽ auferitatem minatur & in posteriore, cap. 10. & ulti.

## CAPUT V.



**O**mnino auditur inter uos stuprum, & huiusmodi stuprum, quod nec inter Gentes nominatur, ut aliquis uxorem patris habeat. Et uos inflati estis, ac nō potius luxistis, ut tolleretur de medio uestro, qui facinus hoc perpetrasset. Nam ego quidẽ, ut absens corpore, præsens autem spiritu, iam decreui tanquam præsens, ut is qui sic hoc patrauit, in nomine domini nostri Iesu Christi, congregatis uobis & meo spiritu, una cum potestate domini nostri Iesu Christi, tradatur Satanæ ad interitũ carnis, q̄ spiritus saluus sit in die dñi Iesu.

Toto hoc capite Corinthios repræhendit propter commissum à quopiam ex ipsis stuprum, imò propter illius impunitatem, deinde urget, additis rationibus ut eum qui deliquit tollant & eiciant ex ipsorum consortio Satanæq; tradant. Et hac sectione tria facit.

1. Primum obijcit commissi facinoris enormitatem. 2. Deinde reprehendit eos, quod scortatorem non castigarant. 3. Tertio, prescribit suam sententiam, quid de illo in ipsorum conuentu statuere debeant.

**O**MNINO audiẽ inter uos stuprũ.] Exaggerat admodum scortatoris facinus, ut impudentiam non illius solum, sed & ipsorum Corinthiorum taxet. Nec conuenit eum qui deliquit sed uniuersam ecclesiam, quod tam impudenter peccantem non castigassent.

**A**UDITVR.] Non dicit, geritur, sed auditur. Tamen enim multum in qualicunq; talis facinoris perpetratione aduersum Deũ peccabatur, ei tamẽ peccato plurimũ ex eo accedebat, quod absq; ullo pudore ita publice gerebatur, ut pessimo nomine religionem Christi conspurcasset. Impudentiam ergo notat tum eius qui peccabat, tum eorum qui illius diffamia nihil mouebantur.

**O**MNINO.] Nec simpliciter dicit, auditur inter uos stuprũ, sed, Omnino auditur, intendens impudentiam admissi facinoris quæ tanta sit, ut indubitatum ac plenũ circumquaq; rumorem sparserit, quẽ non quorundã tantum sed omniũ ora passim iactent, uel poterat ad stuprũ referri, quasi dicat auditur inter uos stu-

**A** prum indubitatum.

**E**T tale, quale nec inter Gẽtes.] Diffamiam istam ostẽdit non esse uanam ac temerariam, qualis plerũq; de modico aliquo lapsu spargi solet, sed esse talem, quæ merito plurimũ inualecat, & maxima turpitudinis nota Christi ecclesiã apud Gẽtes infamem reddat. Stuprum enim inter uos tale, inquit, geritur, & geri narratur & auditur, quale Gentium, utut scelestorum, pudor non ferret. Et uerbũ nominandi quod dicit, qualis nec inter Gentes nominatur, ad amplificandam flagitij huius turpitudinẽ facit, ut ostendat illam tantã esse, ut ne Gẽtes quidẽ illã admittant, imò ne nominare quidẽ sustineant. Sic Eph. 5. ne nominetur quidẽ inter uos inquit. Sceleris huius intentionẽ ex collatione struit, cõferens Gẽtes Christianis, qđ alicubi & in alijs facit. Quantũ enim Christianorũ professio pietate & uitę sanctimonia Gẽtes cognitione Dei destitutas excellere debet, tanto turpius à Christianis peccatur, si peccando Gẽtibus pares sint nedũ si illas superet.

Et hanc admissi stupri enormitatẽ diligenter obijcit, dũ signanter illius qualitatem expendit. Nō enim dicit: Omnino auditur inter uos tale stuprũ quale nec inter Gẽtes nominatur, sed postq̄ dixit: Omnino auditur inter uos stuprũ, quasi separatim illius qualitatem expendens subiicit, & tale stuprũ, &c. Licet omnis scortatio cõtra Deũ sit, est tamẽ alia alia grauior, maxime in qua iam non contra unũ tantum Dei præceptũ sed plura delinquitur, & qua enormius honestas publica læditur. Generaliter uetita est scortatio, singulariter uero turpiores illius species adiectis minis sunt phibitæ qualis est, quæ hic repræhenditur.

**V**T aliquis uxore patris habeat.] Non dicit: Vt aliquis nouercã suã habeat, sed per descriptionẽ nouercæ, turpitudinẽ sceleris exprimit, dũ id ponit cuius gratia nō licet habere nouercã. Ob id uidelicet, qđ uxor est patris. Sic Leui. 18. legim⁹. Turpitudinẽ uxoris patris tui non discooperies. Turpitude enim patris tui est. Naturæ repugnat, unã & eandẽ habere cũ patre uxorem, & cõmunis sensus, nō solũ Dei præceptũ, reclamatione & abhorret. Ista turpitude nō satis exprimitur dictione nouercæ, licet in illa cõpræhendatur, exprimit autẽ si dicas uxore patris quẽq; habere, ideo & Apostolus ad hũc modũ loqui uoluit. Et Leui. 20. cap. ubi peccatũ hoc morte puniri præcipit, ea redidit ratio, qđ patris turpitudinẽ reuelet, qui id ausit.

**H**ABEAT.] Non dicit, cognouerit, sed habeat. Aliud est semel per infamiam delinquere, & postea abstinere per pœnitentiã, & aliud cõstanter peccato immorari, & hic, quod maius erat, etiã iure matrimonij publice cohabitante habere patris uxore, id quod iã non solũ est scortatione incesta in paternã delinquere reuerentiã, quale erat quod de Ruben legimus Gen. 35. sed & matrimonij sanctimoniã ad tanti sceleris obuelationem impie usurpare. Certe isto uerbo habendi plurimũ taxat scortatoris hui⁹ pariter & reliquorũ Corinthiorũ impudẽ-



tiā. Expendendū hic uenit, quo abeat caro, etiam sub Christianæ religionis operculo, ubi nemo est qui superiore potestate fultus, quiduis tentādī cohibeat licetiam. Quis dubitat istū incestuosum aliquo cōmento facinus suū palliasse? Qui quid nostris tēporibus ab Anabaptistis tentatū sit, imō quid non sit, expendit, nihil mirabitur & hoc stuprū inter eos, qui pseudapostolos præ Paulo admirari cœperat, nō stupri sed coniugij esse loco habitum.

ET uos inflati estis.] Iā progreditur ad repræhensionē ecclesiæ Corinthiorū, quā obiurgat ob id quod facinus hoc non prohibuerūt, sed impunitū abire permiserūt. Repræhensionem aut hanc non simpliciter ponit dicēs: Et uos illum nō cohibuistis, non emendastis, nō ē uestro consortio eiecistis, sed, Et uos inflati estis, ac nō potius luxistis, ut tolleretur de medio uestrū, &c. quib⁹ uerbis ipsas radices ponit, primū eius, qd̄ faciebāt, deinde eius quod facere debebāt & non faciebāt. Tam enorme peccatū contēnebant nec emendabāt. Vnde? Quia scilicet inflati erāt. Ex inflatione quippe nascit̄ reliquorū neglectus. Ecōtrario, ex luctu priorū, qui non dolere non possunt, ubi uident cōtra Deū ad diuini nominis ignominia impudenter delinqui, sequitur conatus tollendę offensæ Dei & conseruandę puritatis ecclesiasticę. Hoc est quod dicit: Et uos inflati estis & non potius luctū habuistis, &c. Alij de pastorib⁹ Corinthiorū istud exponūt: Et uos inflati estis, id qd̄ facit Hiero. Verū meo iudicio quemadmodū per totā epistolam nō apparet quod doctoribus Corinthiorū scribat sed uni uersæ ecclesię, ita nec hic apparet. Nec causam uideo, cur ista necessario ad doctores referant̄.

Illud expendendū est, quomodo dicat Corinthios ita inflatos esse, ut propter inflationē tā insignis stupri emédationem neglexerint. Hiero. quoniā de doctorib⁹ exponit dicit eos uana sciētia inflatos fuisse. Theophylast⁹ uero Chrysost. ut assolet, sequutus istā Corinthiorū inflationē dicit fuisse super doctrina scortatoris, quasi is fuerit unus ex illorū doctorib⁹, ea præditus eloquentia, & inani philosophiæ sciētia, ut pleriq; Corinthiorū in illo superbie rint. Mihi uero similis est Apostolū loqui de ea inflatione cuius suprā capite præcedenti meminit dicēs, ne hic illius, ille huius nomine alius aduersus aliū inflemini. Vel simpliciter eā inflationē intelligit, qua ita sibi ipsi quisq; placebat, ut nemini curæ esset, quid ab alijs gereretur, sed quisq; satis putaret, si ipse eo, quo alij, crimine nō teneret, imō ex aliorū delictis occasione sibi gloriādi ac superbiendi desumeret, id quod potissimū ab illis fieri solet, qui se etarum studio laborant.

ET non potius luctū habuistis.] Hoc scilicet magis expressisset animos Christiana charitate, & spiritus synceritate præditos, q̄ inflatio illa uel propriæ uel alienæ scientiæ, aut etiā innocentia opinione contracta. Luctū poscit & non irā, ut significet compatiendū mēbris esse omnibus si unū ex illis patiat̄ ac pericli

tetur. Non loquit̄ aut de priuato unius cuiusuis, sed magis de publico luctu, qualis in ecclesia Israël̄is erat in usu, ubi quidpiā contra Deū esset gestū, ut cōgregato populo ieiunaretur, oraretur, quod delictū esset emendaretur, ac qui deliquisset ad placandā diuinæ maiestatis indignationē puniret̄. Huius exemplū est euident in factō Iesabel, 1. Reg. 21. Et hæc sentētia magis conuenit ei quod agit Apostolus, q̄ quæ apud Chrysost. & Theophylastū legit̄. Quod enim hic dicit, eos facere debuisse, id mox subiicit, præcipiens ut faciant.

VT tolleretur ē medio uestrū.] Non dicit simpliciter, ut tolleretur ē medio, sed addit uestrū. Neq; enim hoc agit, ut profus extinguat̄, eque uiuis auferatur, sed ut ex ecclesiæ consortio ad tēpus eijciatur. Nec dicit: VT pœnitentiā ageret & resipisceret, sed, ut ē medio uestrū tolleretur. Nam hoc erat in potestate ecclesiæ, alterū sitū erat in animo eius qui deliquerat, uel potius in gratia Dei. Lugere potest ecclesia & deslere peccantes, eq; suo abijcere contubernio, & pœnitentes cū gaudio recipere, animos uero illorū corrigere non potest, gratia domini potest. August. hic annotat, quod non dicit, & nō luctū quia tollebatur, sed, ut tolleretur. Id est, ut lugentiū dolor ad Deū ascēderet, & ipse tolleretur hoc opus de medio eorū sicut ipse sciret, ne forte illi per humanā imperitiā eradi carent simul & triticū. Contra epistolam Parmeniani. lib. 3. cap. 1.

## OBSER.

Disceimus ergo hoc loco, quā nō debeam⁹ contenti esse nostra ipsorū innocentia, nisi & aliorum delicta primū deslere, deinde & charitatis studio emendare conemur. Vnius peccatū obijcitur toti ecclesiæ. Imō soli ecclesiæ. Neq; enim uerbo ipsum scortatorē alloquitur Apostolus, sed toto capite ecclesiā obiurgat, & uelut cōmissi criminis ream facit, hoc uno nomine, quod sua potestate ad castigandū delinquentem non fuerat usa. Et merito. Nihil enim magis insons est eo qui deliquit, qui cū ex officio delinquentē debeat emendare, uel contemptu uel negligentia, delinquendi illi impunitatem permittit.

NAM ego quidem, ut absens corpore, præfens autē spiritu.] Iam tertio loco, ut impellat eos ad eijciendū & castigandū impudentē illū scortatorē, sententiā suā iam latam præscribit, cuius præiudicio cohibeantur, ne uel contemnāt amplius tam enorme facinus, uel secus de incestuoso statuāt, q̄ ipse iam ex potestate dñi nostri Iesu Christi decreuerit. Nec differt hanc causam donec ad eos ipse ueniat sicut infrā cap. 11. quēdam disponenda sibi dicit cum uenerit ad eos, sed magno serio iam sibi quid faciendū sit decretū esse scribit, & ut hoc ipsi mox exequantur urget, uidelicet propter pestis huius contagionē, cuius infrā mentionē faciet, ubi dicit: Modicū fermenti totā cōspers. &c. Nec mandat hoc negocij Timotheo, sed suā auctoritatē, spiritus sui præsentia, & domini nostri Iesu Christi potestatem interponit,



ne Timothei praesentiam apud Corinthios odiosam reddat.

**1** NAM ego quidem ut absens corpore.] Querendum hic quamobrem corporalis absentiae suae mentionem faciat. Poterat simpliciter dicere: Nam ego quidem iam decreui, ut is qui sic hoc patrauit, &c. Verum, quoniam ut supra meminit, uidebat absentiam suam multis causam dare pleraque inepta & absurda per arrogantiam tentandi, ostendit se, licet corpore sit absens, non tamen omnino absentem illis esse, sed spiritu coram omnia illorum uidere & iudicare, quod puto ad hoc scribit, ut in metu eos contineat, maxime qui ipsius absentia abuterentur: deinde ut & in futuro iudicio de scortatore ferendo, diligentiores reddat.

Arbitor autem Apostolum loqui non de tali spiritus praesentia, quae uel in memoria, uel solitudinis affectibus sita sit, qualis solet esse amicorum, quos cura & sollicitudo per dilectionem extra corpus ad ea cogitanda rapit, quae amicos concernunt, & qualis est ea de qua dicitur, quod amans magis sit ubi amat, quam ubi animat, sed potius de miraculosa quadam & efficaci, quam quid gerat, alibi uideat & cognoscat. Ita Coloss. 2. dicit: Hoc autem dico, ut nemo uos decipiat in sublimitate sermonum. Nam etsi corpore absens sum, spiritu tamen uobiscum sum, gaudens & uidens ordinem uestrum & firmitatem eius quae in Christo est fidei uestrae. Nec mirum uideri debet singulari quadam diuinitus concessa uirtute, sanctos apostolos & prophetas spiritu ibi esse posse, ubi corpore non sunt: ita ut quid a procul dissitis gerat, quasi coram constituti uideant, quod & de Elizeo 2. Reg. 5. legimus, ubi ad Giezi dixit: Nonne cor meum in praesenti erat, quando reuersus est homo de curru suo in occursum tuum? quando legamus eos spiritus oculis etiam quae posterioribus temporibus futura erant prauidisse. Et huic sententiae astipulatur Hieronimus maxime Coloss. 2. Ambrosius uideat exponere non de spiritu Apostoli, sed de spiritu Dei, qui nusquam non adsit. Verum absque controuersia de suo spiritu loquitur, idque nominatim, cum dicit, congregatis uobis & meo spiritu.

**2** IAM iudicauit tanquam praesens.] Ita sibi iam decretum esse ac fixum ostendit, ut insignis ille fornicator Satanæ tradat, ad hoc, ut sua illis sententia praedecret, qua cohibeant, ne secus stuant, quam hic sibi praescribi uideant. Tanquam praesens, inquit. Spiritus sui praesentiam non uult inferiore loco haberi, quam si omnino & corpore coram esset, id quod & ipsum stimulare gratia facit.

**3** UT is qui sic hoc patrauit.] Declarat quid & de quo statuerit. De eo scilicet qui sic hoc patrauit. Refricat facinus, idque non simpliciter dicens, qui hoc patrauit, sed, qui sic hoc patrauit, ostendens ad hoc se iudicium impelli non tam ipso facinore, quam illius impudentia, qua non semel per insaniam contempnerit patris uxorem exemplo Ruben, sed illam etiam uelut uxoris loco habeat. Et in hac particula propere deprehenditur Apostolus non usus fuisse ista iudicii seueritate, nisi magis circumstantiis & enormitate de-

licti quam ipso delicto simpliciter admissio fuisset impulsus. Itaque admonemur hoc loco, ut delictorum discrimina non solum in se, sed & in modo & circumstantiis obseruemus, ut sciamus ubi opus sit seueriore castigatione, & ubi misericordia & condonatio locum habeat, ne ubi uis proni simus ad eijciendos ex ecclesia fratres.

**4** IN nomine domini nostri Iesu Christi.] Chrysostomus indicat quosdam hanc particulam coniungere cum praecedenti, ut intelligamus scortatorem patris uxorem ita penes se habuisse, ut facinori suo Christi nomen praetexuerit, tanquam operculum flagitiosae libertatis. Verum simplicius est ut referamus ad sequentia, intelligamusque interponi ab Apostolo Christi auctoritatem, in cuius nomine debeant congregari Corinthii, deique isto flagitioso homine castigando decernere.

**1** Est enim in nomine domini aliquid facere uelut loco & auctoritate ipsius facere, quod si rite fiat, ita firmum & ratum est, ac si ab ipso domino personaliter gerat. Non enim uult Apostolus in ecclesia quicquam geri, quod non fulciatur potestate & auctoritate Christi. **2** Preterea in nomine domini aliquid facere, aliquando idem est atque ad gloriam nominis domini facere, ut Coloss. **3** Quicquid egeritis, omnia in nomine domini nostri Iesu Christi facite. Hoc est, propter gloriam nominis Christi facite, ut & 1. Cor. 10. admonet.

**3** Aliquando est in fiducia nominis domini aliquid facere, ut Psal. 20. Nos autem in nomine domini Dei nostri uexilla erigemus. Et David. 1. Sam. 17. ad Goliath dicebat: Tu uenis ad me cum gladio, & hasta & clypeo, ego autem uenio in nomine domini exercituum, &c.

**5** CONGREGATIS uobis & meo spiritu.] Non uult suo solius iudicio eijci ex ipsorum consortio scelestum, sed communibus totius ecclesiae suffragiis. Hoc enim & ipsi ecclesiae praedecret, & emendando peccatori, sicut & in posteriore dicit: Sufficit illi qui huiusmodi est, obiurgatio ista, quae fit a multis. Ecclesiae hactenus condudit quod, dum de tam enormi facinore iudicat, quasi proprio praedecreto in posterum sibi ipsi quisque aditum ad consimilia pracludit. Et plurimum ad hoc facit, ut is qui communi omnium iudicio condemnatus & eijciendus, pudens hoc citius resipiscat, quod nusquam in ecclesia reperit, qui palpet & locum subterfugij praebet. Verum ius hoc ecclesiae & institutum Apostolicum Romae. ponit. prorsus irritum reddidit, & e medio sustulit, dum sibi soli, & episcopis potestatem excommunicandi uindicauit.

Iterum autem inculcat illis spiritus sui praesentiam ut appareat periculum fuisse, ne uel sententiam hanc non exequerentur, uel non unanimi consensu exequerentur, ut fieri solet, ubi sectarum studia obtinent, nisi impulsu fuissent spiritus Apostolici praesentia & metu.

**6** CUM uirtute domini nostri Iesu Christi.] Iam secundo domini mentionem facit, ut inculcet illis omnia hic domini & potestate & uirtute geri. Graece est *σὺν τῇ δυνάμει*, non *σὺν τῇ θυσίᾳ*, hoc est, cum uirtute, non cum potestate. Nam illud supra, in nomine domini nostri, idem est atque, in potestate domini nostri. Hic uero adiungit & uirtutem Christi, miraculosam illam,



quæ cooperabat agentibus in nomine ipsius, nō solū docendo & sanando, sed & ubi necesse erat, reprobos castigando. Eras. annotat, *οὐκ*, nō semper cōiunctionis, sed aliquādo & fauoris & aspirationis habere notā, ut cū Deo geridicā, quod propicio & fauente Deo gerit. Ita sensus esset, cū uirtute domini nostri Iesu Christi, id est, aspirante & fauente uirtute domini nostri Iesu Christi, qui quod decretū in nomine ipsius fuerit, efficaciter sua uirtute exequit.

7 *Τὸν τοῦτο*.] Vide hoc uacare, qd̄ attinet ad orationis cōtextū & plenitudinē. Nā suprà satis expressit, quū adiudicauerit Satanē, nepe eū qui sic hoc patrauerat. Verū si spectes Apostoli mentē, nō est ociose positū. Nequit enim satis ingeminare culpā tā enormis flagitij. Et hac ratione nec suprà nec hic dicit, iudicauī iā hūc hominē Satanæ tradendū esse, sed, eū qui sic hoc fecit, & hic, eū q̄ est huiusmodi, ut ostēdat huiusmodi flagitia in ecclesia nō esse ferēda, sed cum seueritate cōpetenti extirpanda.

8 *TRADATUR* Satanē, ad interitū carnis, ut spiritus saluus sit in die dñi.] Hæc tandem est sentētia Apostoli, qua quid de scortatore tam impudēte sit statuendū præscribit. Et est bimēbris. Primū enim indicat quid sit faciendū, deinde ad quē finē dirigenda sit flagitiosi huius condēnatio. Exponitur aut̄ uarie. Ambrosio Satanæ tradi ad interitū carnis, est eijs ex ecclesia & prorsus condēnari. Carnis interitū, intelligit carnalis hominis interitū & condēnationē. Et illud, ut spiritus saluus sit in die dñi, exponit de spiritu sancto, nō de spiritu scortatoris. Spiritū S. hic dicit ecclesiæ spiritū intelligendū esse, qui saluat, cum non amittit, quē admodum solemus rem nō amissam saluā, amissam uero perditā uocare, licet in se, ubi ubi sit, nō sit perditā, sed nobis. Vult ergo scortatoris huius ineritum ad id institutū esse ab Apostolo, ut ecclesiæ Corinthiorū spiritus, sanctus uidelicet, in hominibus ecclesiæ, in die iudicij saluus reperiā, eō quod is soleat deferere contaminatos, periculum autē fuerit, ne per scortatoris huius exemplū uniuersa inficiaretur ecclesia, adeoq; contristaretur & fugaretur spiritus sanctus. Hęc Ambrosij sentētia nō uidetur exprimere mentē Apostoli, qui carnē & spiritum per antithesim hic posuit, non diuersorū, sed eius qui corripiendus erat.

*Chrysost.* Chrysostomus exponit, scortatorē hūc Satanæ ita traditū esse, ut morbo aliquo, uel malo uulnere, ad exemplum Iob, licet diuersa ratione, in carne percussus, euaderet in die domini æternas gehennæ pœnas.

*Augustinus.* Augustinus nō eandem tantum sed geminam expositionē ponit, contra Parmenianum lib. 3. cap. 1. ubi sic scribit: Quid ergo agebat Apostolus, nisi ut per interitū carnis salutē confuleret, ut siue aliqua pœna uel morte corporali, sicut Ananias & uxor eius ante pedes apostoli Petri ceciderunt, siue per pœnitentiā, quoniam Satanæ traditus erat, interimeret in se sceleratam carnis concupiscentiam. Hęc ille.

*Hieron.* Ad consimilem modum & Hiero. exponit:

Certe in posteriore, ca. 2. liquet Apostolū scortatorē hunc nō eo consilio tradidisse Satanæ, ut prorsus in sempiternum periret, sed ut seruaretur. Nam ibi iubet illi impendi misericordiā, & quod deliquerat ab ecclesia condonari, hoc est, iterum absq; dubio, pœnitentē in ecclesiæ gremium recipi, ne abundantiori tristitia absorberetur, ne locus esset insidijs Satanæ, cuius notæ essent cogitationes, uidelicet ad perdendum pronæ & prorsus intentæ.

## OBSER. I.

Videmus itaq; hic, Satanā etiam ecclesiæ ministrum esse, idq; ad salutē eorum qui corripuntur. Ita & 1. Tim. 1. scribit Apostolus Hymenæum se & Alexandrū tradidisse Satanæ, non ut perirent, sed ut discerent nō maledicere. Et certe licet iste tum erat ecclesiæ necessarius, cū carebat magistratu qui fontes puniret. Iam uero ubi in ecclesia sunt principes & magistratus, quibus dici potest: Seruite domino in timore, qui potestate à Deo accepta, carnē delinquentē in interitum ducere possunt, ut spiritus seruetur in die domini, merito cessauit miraculosa ista delinquentium castigatio, quæ tempore apostolorum ministerio facta est Satanæ, omnium periculosissimo, nisi adsit prudentia apostolica.

## II.

Sed quæri potest, quomodo per interitum carnis, spiritus seruetur in die domini. An per hoc tantū, quod caro punit, spiritus saluari potest? Ergo quotquot in carne puniunt, propter delicta aliqua, spiritu seruantur? Et hoc est qd̄ infra cap. xj. dicit: Si nos ipsos iudicemus, à domino non iudicemur, dum iudicamur autem à domino, corripimur, ne cum hoc mundo damnemur. De credentibus forsan potest hoc sentiri, ut in corpore puniti, spiritu ppter fidem in Christum seruent, de impijs uero nequaquā. Minus habet periculi si intelligamus interitum carnis siue is fiat licetoris, siue Satanæ ministerio, tum facere ad salutē spiritus, quando per illum qui deliquit ad resipiscentiā ducit, cuius interuentu spiritus gratiæ & peccatorum remissionis capax factus, seruat. Ita solent parētes, dum liberorum delicta emendāt, dicere: Satiū est ut per me uapules, q̄ ut licetori plectendus tradare. At nō mox licetoris manum euadit, quisquis à patre iam antea castigatus est. Nisi enim paterna uirga cedat delinquenti filio ad resipiscentiā, certe nihilominus tractabit à licetore, imò durius, idq; merito.

## III.

Deinde & hoc quæret aliquis forsan, an in die dñi solus spiritus seruet in illis, qui in carne cum agerēt in hac uita, sunt puniti? Vt spiritus inquit, seruet in die dñi. Atqui in die dñi quotquot seruabunt, nō spiritu solū, sed & corpore seruabunt. Quidā sic effugiūt, ut p carnē exponāt carnalē illū hominē, p spiritū uero spiritale & regeneratū. Caro hoc sensu interit, dū carnalis homo uirtute pœnitentiæ interit, mortificatis uidelicet carnis affectib⁹, spiritus uero seruatur,



uatur, dum spiritalis homo, noua illa creatura in Christo, tota scilicet, cum corpore & anima in die domini seruetur. Verum meo iudicio simplicius est, ut de carne illa peccatrice intelligamus, quam in omnibus plane mortalibus interire necesse est & corrumpi, deinde & de spiritu hominis, id est anima, quæ seruari potest sola, ne intereat nec temporaliter nec in futuro sempiternæ, id quod carni non potest, qualis nunc est, contingere, cui necesse est, ut intereat, id est, corrumpatur, ac in nouissimo demum die, uirtute Dei restituatur. Consilium itaque Apostoli erat, satius esse carnem illam alioqui propediem interituram, Satanæ affligendam tradere, quàm & carnem & spiritum perpetuæ condemnationi permittere. Hic certe Apostolo in mentem non uenit solum spiritum saluum futurum neglecta carne, proinde neq; colligi debet ex ipsius uerbis.

Non est bona gloriatio uestra. An nescitis quod paululum fermenti totam consersionem fermentat? Expurgate itaque uetus fermentum ut sitis noua consersio, sicut estis infermentati. Nam & Pascha nostrum pro nobis immolatus est Christus. Itaque festum celebremus, non in fermento ueteri, nec in fermento malitiæ & uersutis, sed in infermentatis sinceritatis & ueritatis.

Post sententiæ suæ præscriptum, adiicit ampliorem illius rationem, illustrationem & corroborationem. Et primum glorias illorum reijcit, & inconsiderantiæ condemnat, dicens: Non est bona gloriatio uestra. An nescitis, &c.

Chrysost.

Exponit autem Chrysostomus de ea gloriatione, qua in scortatore ipso tanquam uiro singulariter sapiente & facundo (intelligit enim illū fuisse ex pseudapostolis doctoribus) sint gloriati, quam Apostolus ob id dicat non esse bonam, quod per illam impudentis hominis animum à resipiscentia impediunt, adeoque ædificationem ecclesiæ neglexerint: imò quantum in ipsis erat, corrumpendæ illius causam dederint. Mihi uero cum alijs, ut & supra monui, nec uerisimile est hunc scortatorem è numero doctorum fuisse, nec uidetur Apostolus de ista, sed magis de ea gloriatione loqui, qua quisq; de sua ipsius innocentia gloriantes malum hoc impunitum & inemendatum serpere relinquebāt, quasi in ecclesia satis sit, per se esse innocentem, & non simul requiratur, ut quod male à quouis in illa geritur, corrigatur. Occurrit itaque illorum cogitationi, in speciem bonæ, negatq; statim bonam esse, adiecta ratione, cur id faciat, cum dicit:

AN nescitis quod paululum fermenti totā consersionem fermentat? Ista ratio gnomen habet similitudinis luce illustratam, qua declarat quæ sit uis mali exempli, in ecclesia impuniti. Est autē fermenti simile ita comparatū, & ad mali exempli operationē declarandam appositū,

ut multo sit efficacius quod dicit hoc pacto, quā si proprie & absq; ullo simili dixisset: An nescitis, quod unius impudentis hominis exemplū uniuersam ecclesiā corrumpat? Vnde & præmittit inconsiderantiæ illorū reprehensionē, dicens: An nescitis? Q. d. Tam estis inconsiderantes in hac causa, ut putetis uos apprimè excusatos uestra ipsorum innocentia, nec animaduertatis interea periculū esse, ne tota uestra ecclesia malo isto exemplo, uelut quodā fermento inficiatur. Quis adeo stupidus est, qui ignoret quid expectandū sit consersioni alioqui puræ ac synceræ, si locus sit fermento?

Et ne excusent negligentiam suā per delinquentis unitatē, quasi non adeo periculosum sit unius hominis delictū, cū adhuc reliquū ecclesiæ corpus sit saluū, non dicit: An nescitis quod ex fermento corrumpat consersio, sed quod modicū fermenti, deinde non aliquā tantū partē consersionis, sed totā consersionē, nec addit dubij euentus notā, sed asseueratè dicit, fermentat.

Ergo hæc altera ratio est quā assignat, cur uelit eiectionē è consortio ecclesiastico scortatorē. Suprà dixit, ut tradat Satanæ ad interitū carnis, ut spiritus saluus sit in die dñi, quæ ratio cōcernebat salutē eiiciēdi & corripiēdi. Hic talē causam adiicit, quæ pertineat ad cōseruationē puritatis ecclesiasticæ, in qua nobis ob oculos ponit, per similitudinē fermenti, quāta sit uis & pestis mali exempli, tāta uidelicet, ut unius hominis, uelut ouiculæ, scabies, totū gregē inficiat, sicut modicū fermenti totā consersionē fermentat. Et huius cōtagionis causæ sunt istæ.

1. Prima, quod ingenium mali ita sit efficax, ut facile & cito serpat, occupet & corrumpat, quod in bonis rebus non fit, quæ non adeo facile obtinent. In rebus amaris non statim superat immixta dulcedo, & lanā tinctā albedinis puritas certe omnium ægerrime uincit, si tamē uincere potest. Vicissim uero absq; ullo negotio & quæ dulcia sunt acrore, & quæ alba nigrore corrumpunt & inficiunt. Ita sane peccati cōtagio, qua uicium uicio trahit, & malū in ecclesiæ mēbra latissime diffundit, pro suo ingenio, deinde & eorū quæ adhuc impolluta sunt teneritudine & capacitate, omnium facillime totū ecclesiæ corpus corrumpit ac perdit, utut initio modica & exilis. Ex modica scintilla grande oritur incendium, & integræ absumunt ædes, imò & urbes. At uicissim grandia incendia non ita facile una restinguunt guttula. Hoc pacto non eadē est consersionis, quāuis magnæ operatio in modicum unius saltem pugilli fermenti, quæ est modici fermenti in magnā quoque consersionē.

2. Deinde accedit uis & efficaciam peccati magnū adiumentū ex carnis nostræ corruptione, quæ fit, ut alioqui ad mala recipienda & imbibenda proni simus, & plus æquo capaces. Vnde illud poetæ est: Etenim dociles imitandis, Turpibus ac prauis omnes sumus, &c.

3. Tertia est, uicinitas, uelut administra cōtagionis. Nostra corruptione fit, ut etiā soli cōstituti in uicia degeneremus, quod non timendū est,

ubi



ubi malorum uicinitas accesserit. Notum est A illud: Vuaeque contacta liuorem ducit ab uua. Conspersio farinae alioqui plerumque acrore, si negligatur, accersit, quod si accesserit fermentum, quomodo non infermentaretur per illius coniunctionem? Iam etiam si essemus natura incorrupti, tamen ex conuersatione malorum mali mores contrahuntur, perinde atque balbutire discunt, qui cum balbis, & claudicare qui cum claudis conuersantur. Conuersationis enim tanta uis est, ut per illam imprudentes etiam uicia eorum quibuscum agimus imitemur, quemadmodum de Platonis & Aristotelis familiaribus legitur, quorum alij illius gibbum, alij istius exprimebant balbutie.

Deploranda hic est ecclesiae miserrima corruptio. Si tantum periculi est ecclesiae ab unius delinquentis impunito exemplo qualis qualis ille sit, modo in ecclesia constitutus, quantum quaeso est, ubi non unus aut alter, sed tot milia impune delinquant, idque non uulgares tantum, sed potissimum ij, quorum auctoritas plurimum patrociniij omnis generis erratis ac sceleribus adfert? iuxta dictum poetae: Maxime si subeant animos magnis auctoribus. Loquitur autem de domesticis uiciorum exemplis. O rem difficilem ac raram, si datur paucissimis bonis in tanta ubique obtinente delinquendi licentia, fidei & innocentiae sinceritatem illibatam custodire.

EXPURGATE itaque uetus fermentum. Iam ex causa praemissa paranesim infert, adhortans ad id quod supra praescripsit, ut e medio ipsorum tam flagitiosum scortatorem, ad conseruandam ecclesiae puritatem tollant. Haec scilicet est capitis huius propositio quam cohonestat, & mirum in modum illustrat per ueteris ac figuralis Paschatis declaratam in Christo ueritatem. De institutione ac ritu typici Paschatis, esuque azymorum, & expurgatione fermenti, uidere est historiam Exo. 12. & 13.

Paschatis festum duo habebat. Memoriam uidelicet liberationis ex Aegypto, & typum futurae redemptionis, quae per Christum contingit, uerum agnum Dei, qui sanguine suo captiuos liberauit. Ad hoc festum adiectum est mandatum de reiectione fermenti, quod duplici nomine mysticum erat. Primum significans abijciendos esse redemptis, & ad terram promissam properantibus Aegyptios errores, induendamque pectoris erga Deum sinceram pietatem, deinde adumbrans illam in nouo testamento, immolato uero Paschate apud eos futuram qui non typice, sed cum ueritate Paschatis essent festum in Christo celebraturi. Huc respiciens Paulus Corinthios adhortatur, ut ueterem illam Gentilium errorum & affectuum impuritatem adhuc reliquam ex pristinae uitae conuersatione expurgent dicens: Expurgate itaque, &c. Neque enim dicit: Cauete a ueteri fermento, sed expurgate, nec subdit, ut permanere possitis noua conspersio, sed, ut sitis noua conspersio exigens, ut penitus cum sum

ma diligentia ueteris uitae reliquias (Augustinus, quicquid in eis superbiae de ueteri homine remanisset) expurgent, ut prorsus puros ac synceros in conuersatione nouae uitae sese domino exhibeant. Arbitror tamen non esse periculum, si per uetus fermentum ipsum scortatorem intelligamus.

SICUT estis infermentati. Quomodo admonet ut fermentum expurgent, ut sint noua conspersio, si iam erat infermentati, id est, sine fermento? Arguit a gratia uocationis, propter quam illos dicit infermentatos, id est, synceros esse, admonens ut sint reuera quod esse debebant, & ad quod uocati erant. Sic infra 6. dicit, Sed abluti estis, sed sanctificati estis, cum tamen carpat in illis iam enormia uicia. Vide Commentarios nostros in Psal. 16. ibi. Sanctis qui sunt in terra eius.

Augustinus contra epistolam Parmeniani lib. 3. ca. 2. sic annotat: Quid est, ut sitis, & quid est sicut estis? Nisi quia erant ibi tales, erant ibi non tales, quos ut tales essent, exemplo talium commonebat. Tamen omnes in uno tanquam eosdem admonet, ne illi quia tales erant, desperarent de his quia nondum tales erant, tanquam eosdem admonet, cum dicit: Ut sitis sicut estis, &c. Haec ille, quae argumento quod tractabat, accommodauit.

NAM & Pascha nostrum. Quare expurgare iusserit uetus fermentum, ut essent noua conspersio, iterum rationem addit, sumptam a perpetuo illo legis statuto, quo azyma Paschati sunt connexa, tantoque serio mandatum, ne a quoquam usurpetur fermentum, ut extinctionem minetur lex e populo Dei animae fermentatum quid gustanti. Ne itaque Corinthiorum quisquam diceret, quid ad nos fermenti interdictum, qui non sumus Iudaei, nec usum Paschatis habemus, per occupationem dicit: Nam & nostrum Pascha immolatus est pro nobis Christus. Quasi dicat. Et nos habemus Pascha Christum: scilicet qui pro nobis immolatus est. Iudaei habent agnum typicum, nos uero non typicum, sed uerum illum habemus agnum Dei, qui pro nobis immolatus est.

ITAQUE festum agamus. Iterum colligit, uel magis ceptam illationem resumit & absoluit, adiecta declaratione fermenti ueteris & conspersionis nouae. Festum celebremus inquit. Vetus habet, Itaque epulemur, quod in Graeco est, *ἀσπάζομεθα*. Itaque feriemur, uel festum celebremus. Ferias habebat Pascha Iudaicum totos septem continuos dies, per quos solennibus epulis operam dabant, abiecto fermento in azymis epulantes. Iam, inquit Apostolus, cum & nobis sit Pascha, quid aliud restat, quam ut festum hoc celebremus.

1. Habet autem mystica ista festi celebratio primum ferias ab operibus mortuis, oculi scilicet domino consecratum.

2. Deinde habet publicum gaudium. Est enim festum agere, publicae laetitiae symbolum. Et huius gratia, non dixit: Nam Christus occisus



sus est, sed: Nam Pascha nostrum Christus pro nobis immolatus est, ut transitus non typici, sed ueri, & agni immolati, non pro captiuis in Ægypto, sed ijs liberandis qui sub tyrannide Satanæ detinebantur, admoneat, quarū certe rerum memoria quam pijs mentibus adferat lætitiā, in liberatione populi Israëliti, liberationisque solenni memoria adumbratū est.

3 Tercio habet festum Paschatis etiam abiectionem ueteris fermenti, & epulas azymorum. Hanc particulam declarat Apostolus cū dicit: Non in fermento ueteri, nec in fermento maliciæ & uersutiae, sed in panibus fermento carentibus, synceritate scilicet & ueritate. Ergo per uetus fermentum intelligit maliciā & uersutiam, & per azyma synceritatem & ueritatem. Habet & regnū cœlorum fermentum suum, sed nouum, non uetus, Euangelij scilicet primordia, per quæ totus mundus in-fermentatus est, de quibus est parabola Christi Matth. 13. Habent & pharisæi suum fermentum, sed uetus, non nouum, hypocrisim scilicet, Lucae 12. & peruersam doctrinam, Matth. 16. Habet & Iudæorum & Gentium caro suū fermentum, sed & hoc uetus est, non nouum, malicia scilicet & uersutia. Iudæi summo studio panis fermentum expurgant, ita ut & murium foramina & cauernulas expurgent, ne quid illius remaneat: deinde & diligenter azymis farinaceis uescunt, maliciam uero interea & uersutiam, hoc est prauum & subdolum ingenium non abijciunt, ideoque nec ueris azymis synceritate & ueritate uesci possunt.

Et uide quomodo non dicat, neque in fermento scortationis, cum tamen contra hoc uicium isto loco pugnet, sed, neque in fermento maliciæ & uersutiae, quibus uelut generalibus uicijs omnia reliqua complectitur. Ita neque castitatem & continentiam ponit è contrario, sed synceritatem quam opponit maliciæ, & ueritatem, quæ respondeat uersutiae.

Duo hæc habet uetus noster homo, maliciam scilicet & uersutiam. Malicia est ingenij corruptio, uicium, uel uiciositas, quemadmodum & Cicero *κακία* magis pro uicio cuiusque rei, quàm malicia sumit. Et nos Germani dictione *bæß* plerumque hoc sensu utimur, ut intelligamus defectum & uicium magis quàm maliciam. Basilii de uita solitaria, cap. 3. in fine: Malicia nihil est aliud quàm defectus uirtutis. Versutia est ingenij prauitas ad nocendū prona, coniunctam habens fraudem & simulationem. Vnde & Satan *πονηρός* dicitur, non simpliciter, sed uersute ac subdole malus, quā obrem illum Apostolus in angelum sese lucis mutare dicit. Et ista uersutia perpetuo obtinet in prauis, omnia simulans, in quauis religione constituta. Hac enim cum simus prauus & peruersus, nec Dei in animo, nec mortalium rationem habentes, egregie & metum Dei, & suauem erga proximos affectum simulamus. Hoc itaque fermenti, id est, corrupti & acidi ingenij, genus expurgari uult à Christianis A-

postolus & Paschatis festum celebrari in synceritate & ueritate, id est, animi puritate & integritate, cum erga Deū, tum erga proximū.

4 Quod autem Paschatis festum septem totos & continuos dies durabat, in quibus non licebat ullo fermento uti, admonemur, ne unquam ad uetus illud fermentum relictis azymis redeamus. Est enim numerus septenarius perfectionis symbolum, donec adueniat dies octauus, qui futuræ quietis est. Quemadmodum itaque continuum habemus & perpetuū hoc Paschatis festum, ita oportet ut & reliqua Paschati cohærentia continua sint & perpetua, ne cū Iudæis semel in anno duntaxat externo ocio festum hoc celebrare nos simulemus magis quàm celebremus, cum illius celebratione non typica, sed uera, sita sit non in ocio corporis, nonnunquam flagitioso, & quibusdam cæremonijs, sed in ocio spiritus ab operibus mortuis, & gaudio, synceritateque ac ueritate animi redemptionis suæ memoriā indefinenter celebrantis.

Scripsi uobis per epistolam, ne commisceremini cum scortatoribus, & non omnino cum scortatoribus mundi huius, aut cum auarīs aut cum rapacibus, aut simulacrorum cultoribus. Alicui debetis è mundo exire. Nunc autē scripsi uobis, ne commisceremini. Si quis frater nominatus, aut scortator fuerit, aut auarus, aut simulacrorū cultor, aut conuiciator, aut ebriosus, aut rapax, cū eiusmodi ne cibus quidem sumendus est. Quid enim ad me attinet, etiam de his qui foris sunt iudicare? Nōne de his qui intus sunt iudicatis? Eos uero qui foris sunt, Deus iudicat. Etiam auferte malū ex uobis ipsis.

Apparet hoc loco Apostolum iam antea epistola quadam, qua caremus, Corinthios admonuisse de uitandis & excōmunicandis reprobis, id quod & Ambrosius sentit, quanquā Hieronymus & Theoph. intelligūt illum de hac ipsa epistola loqui, & ad id respicere, quod dixit, Expurgate uetus fermentum. Iam quicquid sit, scriptum hoc suum declarat & exponit Apostolus quid senserit, ne quo pacto hic errent Corinthij, putantes eam admonitionē etiā ad uitandos incredulos pertinere, & forsā ad Christianos non pertinere, uidebantur enim in isto scortatore ita se gerere, ut qui putarent non esse uitandum eum scortatorē qui frater esset. Imò arbitror Apostolum non solum declarare scriptum suum, sed Corinthios simul repræhendere, quod admoniti quoque, idque peculiari scripto, tam insignem scortatorem in suo gremio tolerauerint. Quasi dicat. Ista iam antea uobis scripsi, ut nulla uobis esse possit excusatio. Scripsi enim per epistolam,



lam, ne commisceremini cum scortatoribus, &c. Verum uos, ut uideo, admonitionem meā prorsus neglexistis. Quod si eam non intellexistis, ecce iam illam uobis expono, &c.

NE commisceremini cum scortatoribus.] Verbum commiscendi, maxime in scortationis scelere usurpatum, plerumque obscenam habet significationem. Hic uero simpliciter per conuersari & commercium cum quoquam in rebus ac negocijs huius uitæ habere sumitur. Quod autem non dicit *συμμιγνύσθαι*, sed *συναναμίγνυσθαι*, putat Erasmus ad hoc factum, ut admonerentur Corinthij pristinae uitæ immundiciæ, qua cum quibusuis reprobis absque ullo timore domini commercium habuerint, eò quod *συναναμίγνυσθαι* sit idem atque denuo cum aliquo commisceri.

AC non omnino cum scortatoribus mundi huius.] Particula hæc non eodem sensu exponitur. 1. Quidā illud *ἐν αἰσῶτι*, non omnino, ad uerbum commiscendi referunt. Quasi dicat Apostolus: Scripsi uobis ne commisceremini scortatoribus, idque ita, ut omnino scortatoribus huius mundi, id est, infidelibus non commisceremini, alioqui, si id facturi estis, optarim uos prorsus mundum hunc relinquere, uidelicet regionem illam Græciæ tot nominibus contaminatam. Nunc autem scripsi uobis, ne commisceremini, uel ijs scortatoribus qui sunt in grege & numero fratrum, ut uel cum illis saltem nihil habeatis cōmercij, quandoquidem exigere non audeo, ut mundum hūc relinquatis. Et huc uidetur respexisse Erasmus in uersione sua, quanquam in paraphrasi alium sensum sit sequutus.

2. Quidam uero ita exponunt, ut illud, non omnino, non ad uerbum commiscendi, sed ad sententiam Apostoli sit referendum. Quasi dicat: Scripsi uobis ne commisceremini cū scortatoribus, & id ita scripsi, ut omnino non hoc exegerim, ut nihil commercij habeatis cū scortatoribus auaris ac rapacibus huius mundi, quod scio fieri non posse. Nam alioqui debere tis mundum hunc plane relinquere. Nunc autem scripsi uobis ne commisceremini cū scortatoribus, quod intelligo de illis, qui inter fratres, in uestro gremio tales sunt. Et ad hanc sententiam, quæ cōmunior & simplicior est, adiecta ratio pertinet. Quid enim mea refert etiā de his qui foris sunt iudicare?

SI quis frater nominatus.] Illud, *ὁνομασθένος*, Græci intelligunt eo sensu, quo nos Germani eos qui quod nomine dicuntur, re ipsa non sunt, *genant* uocamus, quemadmodum sacerdotes, pontifices & monachos, quos uulgo spiritales uocāt, *genanten geistlichen* appellamus. Respexerunt opinor Græci ad id quod ij qui ueri fratres sunt in Christo, tales esse non possunt, quales hic ab Apostolo describuntur.

Augustinus uero contra epistolam Parmeniani lib. 3. cap. 2. dictionem hanc sequentibus coniungit, ut intelligamus Apostolum eū fratrem ita uelle uitari, ut nihil cum ipso cōmer-

cij habeatur, qui non solum sit scortator, auarus, rapax, &c. sed ita sit, ut iam infamis sit factus, nominatus, id est, diffamatus scortator, auarus & rapax. Nā alioqui fieri potest, ut nescias fratrem, cum quo tibi necessario aliquid intercidit negocij, esse talem: deinde etiam si scias, nō tamen statim ita uitandus est, ut reddas eum infamem, cum occulto adhuc morbo laboret, quem alio queas pharmaco, quā hoc præsentī, curare, quod illis duntaxat uideatur competere, qui publico offendiculo mali sunt, nec alia ratione sanari sustinēt. Certe hæc Augustini sententia multum habet rationis, licet non statim necesse sit participium hoc, nominatus, ad sequentia coniungere. Videtur enim Apostolus loqui de his Christianis, qui professioni Christianæ nomen dederunt, & ab omnibus fratribus in ecclesia pro Christianis agnoscunt. Vide apud August. confess. lib. 8. cap. 2. de Victorino quodam Romanorum rhetore. Erant enim tum quidam occulti discipuli ac fratres, qui metus gratia nomē Christo non aperte ac publice dabant, sicut & tempore Christi in Nicodemo & alijs usuuenit, ut appareat Apostolum sententiam hanc nō ita præscribere, ut occultos & imbecilles Christi discipulos hoc pacto declinari uelit, si quid cōmiserint eorum peccatorum quæ hic recenset, sed eos tantū qui ex professo sint Christiani.

AVT simulacrorum cultor.] Putat Erasmus totum hunc sermonem perturbatiorem esse, & Delium aliquem natatorem desiderare, maxime huius particulæ gratia, additque rationem, eò quod uerisimile sit tum inter Christianos nullum fuisse simulacrorum usum ac cultum. At meo iudicio nihil hic est obscuri. Quis enim dubitat Christianos fuisse, qui uel metus uel superstitionis gratia, philosophicis rationibus inducti, Gentium simulacra licet non uulgari sensu, coluerint, inque illis uenerati sint, non Iouem, aut Apollinem, aut Mercurium, sed uirtutes diuinas, quas philosophi deorum talium nomine & cultu uenerandas esse tradiderunt? de quorum sententia in Augustino alicubi, præsertim in libris de Ciuitate Dei legere est. Videmus hodie nonnullos ad quamcunque religionem ita paratos esse, ut omnia præsumant commoda & tolerabili expositione mitigare, usurparique præter offensam Dei posse non solum sibi ipsis, sed & alijs persuadere. Crediderim hoc hominum genus etiam apostolorum tempore, apud eos præsertim fuisse qui philosophiæ studio celebres habitī sunt.

CVM eiusmodi ne cibum quidem cap.] Non simpliciter dicit, cum eiusmodi cibū non esse sumendum, sed ne cibum quidem, innuēs omnem uitæ consuetudinem illis denegandam esse, ita ut & id quod minus uidetur habere periculi, illis amputetur, nedum ea necessitudo & communio quæ est in religione Christi. Inuenias qui denegatum religionis ac mysteriorum Dei commerciū facile ferant, dummodo



modo reliquo uitæ huius commercio nõ priuentur. Igitur Apostolo delinquentium salutẽ spectãti satis nõ est ecclesiasticã talibus amputasse consuetudinem, nisi & reliquam quæ hu- ius uitæ est, tollat, ut pudeant & emendetur.

QVID enim ad me.] Hæc est altera ratio cur non mandauerit incredulorum declinare commercium, sed & eorum qui cum fratres sint, uel scortantur uel rapiunt uel simulacra colunt. Videlicet quod increduli ad se non pertineant, iudicioque suo subiecti non sint, eo quod foris sunt, & Dei tantũ iudicio obnoxij. Neque enim locum habet in illis iudicium ecclesiæ, qui in ecclesia non sunt. Quemadmodum urbis iudicia in eos tantum ualent qui ciues & incolæ sunt, in externos non item, & cuiusuis patrisfamilias censura in domesticis tantum locũ habet, ita & iudicium ecclesiæ in ecclesiæ membris tantum ualet. Et præterea ipsa ratio ecclesiastici iudicij talis est, ut non competat exteris. Est enim instar medicinæ quam certe increduli non agnoscunt, qui non separatione sed magis commercio & consuetudine Christianorum, dummodo licita & casta, curari possunt. Quod si per illam non curantur, diuino iudicio sunt relinquendi.

ETIAM auferte malum ex uobis ipsis.] Ista est conclusio, & emphasim habet, quod dicit, ex uobis ipsis. Quasi dicat. Non iubeo ut malum, id est, si quis malus est, auferatis ex illis qui foris sunt, quod fieri non potest, & ad uos non pertinet, sed solius Dei est. Ex uobis ipsis auferte eum qui malus est. Nam ille demum uestro iudicio obnoxius est. Non est autem τὸν κακόν, sed τὸν πορνέον, ne putet quisquam quemcunq; malum auferendum esse ex ecclesia, cum omnes simus mali nemo bonus nisi unus Deus. πορνός enim non simpliciter malus est sed uersutus ac peruerse malus. Videtur autem Apostolus hanc conclusionem sumpsisse ex lege, ubi crebra est, uerum nõ eo sensu quo hic ab Apostolo ponitur. Lex enim ita loquitur, ubi iubet per mortis pœnam tolli malum è medio populi Dei, qua ecclesia non utitur, quæ excommunicatione contẽta est. uide Aug. in quæst. Deuteronomij cap. 39.

#### DE EXCOMMUNICATIONE.

Exigit capitis huius tractatus, ut quædam ad excommunicationem ecclesiasticam pertinentia notentur.

1 Principio, quid illa sit, in eo uidere est, qd̃ & cibi commercium ei qui excommunicadus est à fidelibus negari uult, multo magis communionem mysteriorum Dei. Est ergo talis separatio, qua prorsus omnis uitæ consuetudo & communio negatur flagitioso. Scio quibusdam excommunicationem esse, quæ non humanæ uitæ sed religionis duntaxat societate amputet. Ego uero illam malo iuxta hanc Apostoli sententiam definire, maxime propter

A causam suprã assignatam, quod uidelicet plerisq; parũ est religione separari à Christianis, modo reliqua uitæ societas non denegetur, in quibus certe inefficax est religionis separatio.

2 Deinde uidemus hoc capite quorũ interest potestas excommunicandi. Nempe non episcopi tantum, neque populi solius, sed simul & episcopi & populi, hoc est, totius ecclesiæ. Cõgregatis uobis, inquit, & meo spiritu. Qui potestatem hanc transferunt in solos ecclesiæ præsides, non solum iniuriam ecclesiæ faciunt, sed & inanem reddunt hanc medicinam.

3 Tertio, admonemur & hic super qualibus delictis ferenda sit excommunicationis sententia. Non quæuis hac uirga sunt castiganda in ecclesia, sed quæ propter enormitatem suam regno Dei excludunt, de quibus etiam infra cap. sequenti uidebimus. Reliqua sunt uel mäsuetudine quadam corrigenda, uel patienter toleranda. At hodie, quæ ferenda non sunt feruntur, & quæ ferenda excommunicatione feriuntur.

4 Quarto, etiam de fine & usu excommunicationis hoc cap. perdocemur, qui triplex est.

1 Primus ut infamiæ nota auferatur ab ecclesia & nominis Christiani professione. Et hoc statim initio capitis innuitur cum dicit: Omnino auditur inter uos scortatio, &c. Ergo sub excommunicationis uirgam cadunt, quæ bonum ecclesiæ odorem infamiæ fœtore abominabilem reddunt exteris.

B 2 Alter est, ut qui perdit peccant, emendentur. Vt spiritus inquit saluus sit in die domini. Igitur excommunicandi sunt, qui perniciose delinquant, salutemq; suam prorsus pessundant, ut ad seipsos redeant & resipiscant.

3 Tertius est, ut ecclesiæ puritas ab infectione conseruetur, ne modicum fermenti totam conspersionem fermentet.

Hi sunt excommunicationis fines ad quos excommunicando prospiciendum est. Quod si neuter horum apprehendi potest, iam inutilis est excommunicatio, imò magis perniciofa adeoque non usurpanda.

#### CAUTIO.

Ecclesiæ status raro talis est, ut isti excommunicationi sit locus. Vbi maior pars ita delinquit, ut partem in regno Dei non habeat, fieri non potest, ut minor pars maiorem excommunicare queat, nedum hos excommunicationis fines assequi. Nam alioqui res abiret in schismata, & boni frumenti extirpationem, non in zizaniorum emendationem. Crimina nanq; quæ in uulgari sunt consuetudine & à multitudine committuntur, parua putantur. Quicquid enim sceleris & iniquitatis, ut Aug. annotauit, multitudinẽ inebriat, amittit examinis ueritatem. Hic status est, corde & moribus separari à malis, & cum iustis, de quibus est Ezech. 9. lugere iniquitates populi Dei, ut lugentes ac gemetes per signum illud Ezech. reuelatum malorum uastationẽ euadere mereamur.



reamur. Hic quippe cōsilia separationis & inania sunt, quia malos non corrigunt, & alioqui & nobis ē mūdo esset egrediendum, & simul pernicioſa, quia plus perturbant infirmos bonos quā corrigant animoſos malos, ſed hic ſeuera diſciplinē Dei miſericordia neceſſaria eſt. Vbi uero pauci ſunt qui delinquant, & multitudo ab illis criminibus, quę emendanda ſunt, libera eſt, ibi certe poteſt excommunicationis uſus eſſe iuſtus. Hic enim nullū eſt periculum ſchiſmatis ubi qui caſtigatur non habet multitudinis turbam in crimine ſociā, uel talis nō eſt, qui poſſit authoritate ſua ſchiſma inſtituere. Et hic qui deliquit timore poteſt percuti & pudore ſanari, cum ab uniuerſa eccleſia anathemizatur, & ſaluā pace fidelium nō interfectorie punitur ſed medicinaliter amputatur, ut hic locum habeat illud Apoſtoli, in poſteriore ad Cor. Sufficit ei correptio q̄ ſit à multis: ſed hac de re uide Aug. lib. 3. cap. 2. contra epiſtolā Parme. unde iſta deſumpta ſunt.

Et hæc tolerandorum malorum, cauendiq; ſchiſmatis eccleſiaſtici ratio, ibi ualeat, ubi mali mores tātum non etiam falſi Dei cultus ſunt in eccleſia ferendi. Alioqui magis Tobię exēplum ſequēdum eſt eccleſiam Iſraēlis falſi cultus peruerſæque doctrinæ gratia relinquētis. quā quod hic ab Auguſtino præſcribitur.

## CAPVT VI.



Vdet aliquis ueſtrū, nego-  
cium habens aduerſus alterū,  
iudicari ſub iniuſtis, & nō ſub ſanctis. An nescitis,  
quod ſancti mundum iudi-  
cabunt. Eſi in uobis iudicatur mūdus,  
indignī eſtis minimis iudicijs. An nesci-  
tis quod angelos iudicabimus nedū ea  
quæ ad uicium pertinent. Proinde iudi-  
cia ſiquidem habueritis de ijs quę ad ui-  
cium pertinent, qui cōtempti ſunt in ec-  
cleſia, eos conſtituite. Ad erubeſcētiam  
ueſtram dico. Adeo non eſt inter uos ſā-  
piens, ne unus quidem, qui poſſit diſiudi-  
care inter fratrem ſuum ac fratrem. Sed  
frater cum fratre litigat, idq; ſub infide-  
libus. Itaq; iam quidem omnino delictū  
in uobis eſt, quod iudicia habetis inter  
uos inuicem. Cur non potius iniuriā  
patimini. Cur non potius damnum ac-  
cipitis. Imò potius iniuriā facitis &  
damno afficitis, idq; fratres. An nescitis  
quod iniuſti regnū Dei nō poſsidebūt.

Delinquebant fideles Corinthij plurimum  
in eo quod inter ſe alter alteri lites iudiciarias  
moueant, idq; ſub iudicibus ethnicis, ad pro-  
brum Chriſtiani nominis. Malum hoc obiter  
mediocri digreſſione carpit & emendat.

Deinde cœptam ſcortationis repræhenſio-  
nem reſumit, & ad finē uſq; capitis proſequiſ.

Triplici nomine Corinthios Apoſtolus ob-  
iurgat in hac cauſa. Erat enim peccatum illo-  
rum, quod hic admittebant, non ſimplex, ſed  
trimembre.

1. Primum, admodum erat abſurdum, quod  
Chriſtianus Chriſtianum ad ethnicorum tri-  
bunalia uocabat. Hoc primo loco uelut malæ  
radicis malum fructum amputat.

2. Deinde, delictum erat, quod qui iniuria  
afficiebantur, illam non ferebant ſicuti conue-  
niebat Chriſtianis ſed lite iudiciaria ius ſuum  
perſequebantur. Hoc carpit ſecundo loco.

3. Tertio, quoniam qui iſta faciebant cogi ui-  
debantur per eos, à quibus lēdebantur, adori-  
tur & illos, oſtendens iniuſtis non eſſe locum  
in regno Dei.

Eſt autem iſta obiurgatio admodum uche-  
mens, crebrisque interrogationibus reſerta,  
quibus non ſine animi indignatione ita per-  
ſtringit & urget delinquētes, ut plane ſint in-  
excusabiles. Sed uideamus ſingula membra.

AVDET aliquis ueſtrum.] *τολμᾷ τις ὑμῶν.* Era-  
ſmus reddidit: Suſtinet aliquis ueſtrum. Et  
uerſionis ſuæ cauſam reddit in annotationi-  
bus, ne temere ita reddidiſſe uideatur. Intel-  
ligit Apoſtolum non temeritatē hac in re ſuæ  
audaciam Corinthiorum tanquam rem peri-  
culoſam audentium, ſed impudentiam magis  
arguere, admirantem quod quiſquam animū  
inducere poſſit, ut ob rem pecuniariā ſub eth-  
nicis iudicibus contendat, cum id eſſe debeat  
homini Chriſtiano uehementer pudendum.  
Certe quamuis periculoſum etiam fuerit Chri-  
ſtianis, iudicio experiri cum ſub iniuſtis, tum  
ſub impijs iudicibus Chriſtiani nominis oſo-  
ribus, quoniam tamen apparet Apoſtolū non  
tam quid periculi hac in re ſit conſideraſſe, q̄  
quantum turpitudinis ac dedecoris illa adfe-  
rat profeſſioni Chriſtianæ, uidetur iſta Era-  
ſmi uerſio non eſſe præter rationem, ut lega-  
mus: Suſtinet ne aliquis ueſtrum, &c. id eſt: Po-  
teſt ne quiſquam hoc impudentiæ ſibi permit-  
tere, tanquam nullam habere nominis Chri-  
ſtiani rationem, ut iudicio contendat cum fra-  
tre ſub iudice ethnico & iniuſto, & non magis  
ſub ſancto?

Innuat autem Apoſtolus hac admiratione,  
ita comparatum eſſe debere animum Chri-  
ſtiani hominis erga decorum Chriſtianæ pro-  
feſſionis, ut quæ illam dedeceant, uelut indi-  
gna dura & intoleranda aſpernetur, fugiat &  
abhorreat, nec ullo pacto quicquam illorum  
admittere ſuſtineat. Non enim ſimpliciter di-  
cit, abſq; admirationis & ſtuporis nota, ſuſti-  
neris iudicio contendere ſub iniuſtis, ſed cum  
admiratione interrogando, ſuſtinet ne quiſq;  
ueſtrum, &c. Quasi dicat. Satis admirari ne-  
queo, poſſe uel aliquem ex uobis, ſub iniuſto  
iudice litē intendere fratri & non ſub ſancto.  
Vbi & illud *τις ὑμῶν* auxilium ſtuporis habet.  
Plus enim eſt, quā ſi diceret, ſuſtinetis ne iu-  
dicio



dicio contendere sub iniustis? Iudicat quippe A rem hanc adeo esse absurdam, ut mirum sit aliquem esse posse inter Christianos, qui eam sibi admittere sustineat, nedum multos.

NEGOCIUM habens aduersus alterum.] Græce est *πρὸς ἄλλον*, quod Erasmus reddidit, cum aliquo. Verum negotium habere cū aliquo, amphibolicum est. Potest enim & amicum commercium significare, & cōtrouersia, ideo malo cum ueteri interprete legere, aduersus alterum. Maxime cum & Græci hac præpositione aliquando ad hunc modum utantur, ut *μαχομαι πρὸς τινά* pugno aduersum aliquem.

Est autem negotium uel causam habere aduersus aliquē, nihil aliud, quàm lēsum habere quod de aliquo querare, cuius gratia illum in ius uocare possis. Sic & Matth. 5. si obtuleris munus tuum ad arā & illic recordatus fueris, quod frater tu<sup>9</sup> habet aliquid aduersus te: Hoc est, q̄ iniuria aliqua illū affecisti, cuius gratia tibi succenset, &c. Cogita hic, quales Christiani simus, inter quos offensæ locū inueniūt.

IUDICARI sub iniustis.] uerbum *κρίνωμαι* aliter atq; aliter accipitur, licet simpliciter significat iudicari. Hic certe nō pro iudicari positum est, sed pro iudicio experiri, contendere & litigare. (sic *κρίνωμαι ἀπὸ* est Marte decernere) ut pertineat nec ad reum nec ad iudicē, sed ad actorem, qui aliquem in ius uocat & accusat. Non enim de eo loquitur Apostolus, qui causam dicere cogitur, & de crimine aliquo accusatur qui & ipse *κρίνωμαι* dicit, sed de eo qui B fratrem apud iudicem accusat & reum agere conatur. Infrā idem uerbū *κρίνω* significatione passiva pro condemnatur positum est.

SUB iniustis.] Infideles intelligit, ethnicos, nominis & fidei Christi expertes. Infrā eos uocat infideles, ne putemus illū loqui de malis Christianis. Vocat autē eos iniustos satis in loco. Iudicis enim est iuste decernere, reiectis sinistris affectib<sup>9</sup> uel odij uel fauoris. Ethnici uero non solum impietatis gratia coram Deo iniusti erant, sed & insigni maleuolentia contra nomen Christi excæcati, non poterant in causa Christianorum, quos inmerito exosos habebant, ex æquo quod iustum esset iudicare. Vnde certe periculosum quoq; erat Christianis, illorum foro uti.

ET non sub sanctis.] Admiratur Apostolus non solum quomodo sustineant litigare sub iniustis, sed & quamobrem sanctorū iudicium fugiant uel contemnant. Erat enim duplex ista uesania. Et hanc posteriorem partem ita urget, ut appareat illa plus offensum esse q̄ priore. Absurdum quidem est litigare sub iniustis, uerum cum id fieri possit sub sanctis, nolle sanctorum uti iudicio, id demum est, quod plurimum isti absurditati adfert augmenti, & admodum dedecori est existimationi sanctorum. Quemadmodum stultum est per se, fodere cisternas ueteres, quæ aquas continere non ualent, stultissimum uero si id fiat non urgēte necessitate, cū præstō sit fons aquæ uiuæ, &c.

Obserua uero quod dicit, & nō sub sanctis,

cum dicendum esset, & non sub iustis, secundum rationē oppositorum. Significat sanctos demum uere esse iustos, prophanos uero iniustos. In iudicijs siquidem quæritur iusticia & equitas, qua qui innocens est, à calumnia improborum liberetur. At ea iusticia plus loci habet apud sanctos ac diuinos homines, quàm apud prophanos & mundanos.

AN nescitis, quod sancti mundum iudicabunt?] Ob oculos illis exponit quanta contumelia afficiant ecclesiam sanctorum, dum illam indignam constituunt, quæ iudicet de minutis membrorum suorum causis. Huc pertinet quod dicit, an nescitis quod sancti mundum iudicabunt? Et si in uobis iudicatur mundus, indigni estis minimis iudicijs? An nescitis, quod angelos iudicabimus? nedum uicturalia ista? Primum res ipsas de quibus sub ethnicis iudicibus litigabant, quàm sint uiles per collationem eorum, quæ per sanctos iudicabuntur expendit. Deinde enthymemate indignitatem huius rei exprimit, cum dicit: Si mundus iudicabitur in uobis, indigni estis qui de minimis istis iudicetis? Ratio huius consequentiæ est, quod indignus non sit minutarum rerum iudicio, qui de maximis iudicare potest. Sancti autem iudicabunt de maximis rebus. Nā mundū & angelos quoq; iudicabūt. Ergo sancti indigni nō sunt rerū minutarū iudicio.

Apparet itaq; Apostolum contemptum ecclesiæ uindicare hoc argumento. Nisi enim ij, qui fratres ad ethnicorū tribunalia adigebāt, parū reuerenter de fratribus sensissent, ad ethnicorum forum utiq; causas suas non transtulissent, sed arbitros ex fratrum gremio delegissent. Hoc intellexit Apostolus cum dixit, indigni ne estis. Ideoq; sanctorū honorem ista collatione uindicare uoluit.

Sed quæritur quomodo credentes Christo mundum & angelos sint iudicaturi, cum pater omne iudicium dederit filio, isq; solus sit constitutus iudex uiuorum ac mortuorum. Ita uidelicet, quod exemplo fidei illorū mundi perfidia damnabitur. Ita exponit Ambrosius. Ita duodecim apostoli ex Israël sumpti, Israël perfidiam condemnabunt. Sic Niniuite & regina Austri condemnabunt quamuis nationē incredulam. Matth. 12. Terra fecunda cōdemnat sua fertilitate terram sterilem, eodem cultu & imbre usam frustra. Qui eodem præceptore, usus indoctus euasit, merito condemnatur à condiscipulo qui plurimum profecit. Ita uidelicet mundus iste recte condemnatur in credentibus, quod gratiam cœlestem in Christo exhibitam contempsit, quam isti sunt amplexi. Quidam tamen exponūt sic: Iudicabūt sancti mundū, quia assessores erunt summi iudicis, secundum illud Matth. 19. Cum sederit filius hominis in sede maiestatis suæ, sedebitis & uos super sedes duodecim, iudicantes duodecim tribus Israël. Nihil hic contradictionis est. Vterq; sensus habet, unde probetur

Rursus de angelis non idem sentitur. Quidam intelligunt ministros ecclesiæ per eccle-

Matth. 19.

Matth. 12.



siam iudicandos, quorum sententiam Chrysostomus rejicit. Alij de malis spiritibus exponunt, qui Matth. 25. angeli Satanæ à Christo uocantur. Hos ideo dicit à sanctis damnari Hieronimus, quod cum in carne non sint, pietate superentur à sanctis qui in carne illa corrupta degunt.

Ergo fides ac uita Christianorum iudicat & condemnat mundum, id est, incredulos & impios. At uereor ne uiceuersa ad exemplum Israelitarum, per eos qui sub nomine Christi non sunt, iudicandi simus qui Christiani uocamur. Quod si uita uitam damnat, non uideo quomodo nostra sit Iudeorum Turcorum aliarumque gentium damnatura, cum uiuatur à nobis usque deo flagitiose, ut nobis collati Turci & Iudei, sancti uideri possint. Ceterum solo nomine & ritibus quibusdam externis ab illis separamur. Sed uideamus singula.

An nescitis inquit? Particulam hanc ingeminat. Colligimus inde, notissimum esse debere fidelibus, primum, mundum & angelos, id est, malos spiritus, obnoxios esse iudicio & condemnationi. Deinde, iudicandos esse à sanctis. At iam uidentur sancti iudicari & condemnari à mundo & malis spiritibus. Verum, ut sunt rerum uices, qui nunc iudicantur à mundo olim iudices erunt mundi, & qui nunc sunt iudices sanctorum, olim iudicabuntur & condemnabuntur à sanctis. Consulto igitur non dicit, quod sancti iudicant, sed, quod iudicabunt mundum. Sic auocat fidelium mentes à spectris rerum presentium, ad considerationem futurarum, quibus nullæ subsequuntur sunt uices & alterationes. Admodum uidetur esse miserum, iudicari & condemnari in hoc sæculo subiectumque esse non modo legitimis sed & iniquis impiorum hominum iudicijs, quæ tum, quemadmodum nunc quoque, ferre cogebantur sancti ac fideles. Appositissime igitur admonet Corinthios non modo, quàm non conueniat, ut sancti iudicentur à mundo, sed & quod non debeant animo esse deiecto, si iudicentur à mundo, quod futurum sit, ut ipsi iudicent mundum.

Quod sancti mundum, inquit, iudicabunt. Quid est quod non dicit: Quod sancti iniustos & prophanos iudicabunt? Admonet iniustos & prophanos pertinere ad hunc mundum, esseque mundum nihil aliud quàm iniustorum, impiorum ac prophanorum hominum colluiem, ad quam potissimum pertineant, qui in illo cæteris dominantur.

Et si in uobis, inquit, iudicatur mundus. Sic est in Græco. Erasmus uertit. Et si per uos Ebraicum דבר nonnunquam sic capitur. Apparet tamen non esse frustra dictum ab Apostolo, ἐν ὑμῖν, id est, in uobis. Iudicatur, id est, datur in fidelibus mundus, primum, dum in illis crucifigitur & exterminatur quotidie. Deinde dum per spiritum ac uerbum regni Dei iudicantur increduli & arguuntur de peccato, iudicio & iusticia. Tertio iudicabitur in illis in futuro sæculo dum respectu illorum condemnabitur. Atque ita uidetur exponere quod dixit: An nescitis quod sancti mundum iudicabunt?

INDIGNI estis, inquit, minimis iudicijs? Si citra interrogationem legerimus, uocantur iudicia prophanorum minima, respectu iudiciorum sanctorum. Si cum interrogatione, iudicia minima sunt quæ terrena concernunt. Et reuera sic sunt omnium minima celsenda. At hodie habentur maximi momenti, suntque iudicia de rebus salutis nostræ plane parerga.

An nescitis quod angelos iudicabimus? inquit. Assurgit, amplificando dignitatem sanctorum, primum in eo, quod pro iniustis posuit mundum, deinde in eo quod iam angelos quoque iudicandos à nobis esse dicit.

Obserua uero, quomodo cum dixisset: An nescitis quod sancti mundum iudicabunt? Subiecit in secunda persona. Et si in uobis iudicatur mundus, & hic in prima. An nescitis quod angelos iudicabimus? Ne uidelicet ad alios nescio quos sanctos ista referamus, & non ad fideles.

PROINDE iudicia siquidem habueritis de uictualibus, contemptos, &c. Argumeto conformem illationem subiungit. Quasi dicat. Cum itaque tanta sit ecclesiæ dignitas, tam abest, ut indigna debeat haberi uictualium iudicio, ut uel ij qui sunt in illa prope nihil, illorum iudices sint constituendi. Tanti uidelicet debebat uobis esse dignitas ecclesiæ, tamque uiles uideri res istæ terrenæ, de quibus contenditis.

DE uictualibus, inquit. Græce est, βρωτῶν, id est, uitam hanc sustentandam concernentia. Qua uoce iam secundo iudicia terrenarum rerum depreciat. At interim cogitet cordatus homo, quomodo extenuanda sint studia, & iudicia earum rerum, quæ ad superbiam, fastum, luxum, questum, uoluptates, & libidinem absque ulla necessitate usurpantur, si sic extenuantur uictualia, quibus in hac uita carere non possumus. Non discimus hinc continere dona Dei, quæ uitæ nostræ alendæ diuina largitate suppeditantur, absit, sed admonemur, ne illa semperternis bonis præferamus, neue propter ipsa aliquid admittamus, quod fideles homines dedecet.

CONTEMPTOS, inquit, qui sunt in ecclesia. Ergo habet ecclesia quosdam contemnendos? Nequaquam. Quomodo namque contemnendi sunt, propter quos mortuus est Christus? Qui ad dignitatem sunt filiorum Dei, & ad sempiternam felicitatem ac gloriam uocati? Inteligit ergo non de talibus quibusdam qui contemnendi sunt in ecclesia, sed de pauperioribus, imperitioribus, & indoctis, qui à sectarijs & inflatis cum contemptu fastidiebantur. Perstringit igitur rursus sectariorum superbiam, quemadmodum & in præcedenti cum dixit, indigni estis minimis iudicijs?

ILLOS constituite. Græce uox καθίστην aniceps est. Potest enim tam iudicandi quàm imperandi modo legi. Vnde & quidam constitutis legunt. Vt Ambrosius, quæ schola Vuitenpergen, sequuta est. Isti per contemptos intelligunt Gentes, quæ sint in ecclesia contemptæ, id est, quæ ab ecclesia contempnantur. Alij uero legunt constituite modo imperandi, è quibus est &



est & August. quorum sententia meo iudicio simplicior est & uero similior. Alioqui cum *καθίστα* significet in sedem uelut iudicem collocare, quomodo dici possunt credentes Corinthij ethnicos collocasse in sedem iudiciariam, cum illi iam antea habuerint iudicandi potestatem, nec illam à Christianis accipere potuerint, etiam si nō habuissent? Aliud certe est sub iudice ethnico litigare, & aliud ethnicū hominem in sedē iudiciariā collocare. Quare, quod dicit: Contemptos in ecclesia, non est ad gentes referendū, sed ad inferioris ordinis homines ac fideles, qui sunt in ecclesia.

AD erubesc.] Hanc particulam exponūt tāquam correctionē præteriti mandati, quasi Apostolus non serio uoluerit contemptos in ecclesia terrenarum rerum iudices constitui, malit tamen illud q̄ quod sub ethnicis litigabant. Et hoc quoq; ex sequenti particula colligunt. Meo tamē iudicio tam abest ut nō serio id dixerit Apostolus, ut optandum illi fuerit, id ita fieri potuisse à Corinthijs. Fecisset enim ad dignitatem ecclesiæ Christi & contemptū rerum terrenarum.

ADEO non est inter uos sapiens, ne unus quidem.] Q.d. Cum debeatis omnes intelligentes esse iusticiæ & æquitatis, adeo ne omnes stupidi estis & insensati, ut ne unus quidē sit inter uos sapiēs, qui possit discernere inter fratrem & fratrem? Omnia emphatice dicūt. Innuīt enim nō opus esse magna iuris peritiæ subtilitate, ad hoc ut arbitrum quis agat inter B Christianos qui cum sint inter se fratres, facillimi sunt ad remittendum & componendum. At bone Deus quāta opus est hodie legum copia cautione & sinuositate, q̄ omnia sunt referta aduocatorū, procuratorū & iurisperitorum turba? Ut taceam quod legum uolumina numerosa dicuntur, præ multitudine, quā uaria & multa iniquitas poscere uisa est. Ex hoc loco episcopi ansam sumpserūt implicādi sese negocijs uictualibus dijudicandis, qua de re uide Augu. de opere monachorum capite. 29. Item annot. Erasmi.

SED frater cum fratre litigat, &c.] Vrget absurditatem huius mali. Debebāt arbitrorū sentētia componere causas, at id tam nō faciebant, ut auderent litem intendere idq; fratres fratribus, & hoc apud infideles. Hastenus primum peccati huius mēbrum declarauit, quod & ipsum ostēdit non esse simplex, sed triplex. Primum quod eligeabant arbitros ex fratribus id quod ex contemptu ecclesiæ faciebant. Deinde quod frater cum fratre litigabat contentione iudiciaria. Tertio quod id etiā sub infidelibus iudicibus faciebant. Perinde ac si domestici, causam nō sinerēt ab alijs domesticis cōponi, sed in contentione iudiciariā, idq; sub exteris contra seipsos infurgerent. Obserua uero, quod dicit, idq; sub infidelib⁹. Supra uocauit ethnicos iudices iniustos. Hic uocat eos *ἀπίστος*, id est, infideles. Sunt autē duplici nomine *ἀπίστοι*, primū quod sunt increduli & infideles, alieni à fide Christi. Deinde quod sunt per-

A fidi uel infidi, utroq; nomine auersandi, nisi cogatur Christianus aliunde in ius uocatus innocentiam suam sub illis defendere.

ITAQUE iam quidē omnino delictū in uobis est, quod lites, &c.] Hasten⁹ Corinthios repræhendit Apostolus, quod apud infideles litigabant. Iam deinceps ne putent in eo solo se posse repræhendī, quod iudicio corā impijs contendebant, ad reliqua mali huius mēbra transit, quę talia sunt, ut etiam si in ecclesię gremio litigarēt adhuc tamē defendi nō possent. Hoc est, quod dicit, *ἡδὴ μὲν ἔστω*. Iam quidem igitur. Q.d. Etiā si non apud impios litigaretis tamē culpabiles estis uel hoc nomine prorsus, quod lites habetis inter uos, cū sitis Christiani & filij pacis, &c. Illud *ἔστω*. Omnino, uel tātundem est, atq; irrefragabiliter, absq; ulla cōtradictione, q̄ certissime, uel idē significat qd̄ totaliter, eo quod utræq; litigantiū partes culpabiles sint, tam quæ iniuriam iudicio uindictat q̄ quæ illam intulit. Illa quod nihil iniuriarum patienter sustinet, ista quod iniuriam intulit. Est ea nanq; litigandi cōditio & ratio, ut in ius congrediantur & qui læsus est & qui læsit. Hinc enim lites sunt, quod alter lædit, alter læsus iniuriam non tolerat. Cōsideratis itaq; litigiorū causis, utraq; partes culpabiles esse ostendit. Neutra nanq; illarū Christianis competit, à quibus tā abesse debet, ut iniuria quēpiam afficiant, ut illatam etiā patienter ferāt. Hoc scilicet est quod dicit: Iam quidem omnino delictum in uobis est.

DELICTVM.] Græcè est *ἡτ/ημα*, quod defectum significat, ac diminutionē, Germanice *ein fehl oder mangel*. Indicat enim hac dictione à Christianis exigī perfectionē innocentiae, patientiae & charitatis, quæ certe apud eos non est, qui iudicio inter se contendunt. Erasmus dictionē hanc à uerbo superandi ac uincendi, aut uictū esse deducit, ut intelligamus eos qui inter se litigant superatos esse uel ira, uel superbia, uel auaricia uel impatientia, *ἡτ/ημα* nanq; uinci significat. Et sane uerum est, iam uictos esse aliqua tentatione, qui inter se litigant, etiā eos, q̄ in iudicio superāt & uictores abscedūt.

IN uobis.] Delicti huius immunes sunt iudices, sub quibus litigatur. Licet enim peccent qui inter se litigant, non tamē peccat, qui litigantes iuris sententia & potestatis suæ auctoritate dirimit, eūq; qui læsus est uindictat, & iniustū punit. Huius enim officium necessarium est, posteaq; ad lædendum omnes sumus proniores q̄ ad illatam iniuriā patienter ferendum. Culpabiles tamē sunt qui isto officio uel utuntur ipsi, uel alios uti cogunt.

Cur nō potius iniuriā patimini? Cur nō potius damnū accipitis? Declarat qd̄ dixit eos omnino culpabiles esse in eo, q̄ iudicio inter se contenderent. Et principio eos alloquit̄ qui iniuste læsi, in ius uocabāt aduersarios, ut ubi reliqui intellexerint nō licere Christiano illatā iniuriā iure uindicare, intelligāt multo minus licere iniuriam cuiq; inferre. Non aut dicit simpliciter, peccatis quod iniuriam nō fertis,



Matth. 5.

quod damnum non accipitis, sed tacita quadam collatione rei huius delictum spectandū proponit, cum dicit: Cur non potius iniuriam patimini? Respicit enim ad aliud quoddā malum, quod plus debebāt declinare ac fugere, quā terrenæ cuiuspiam rei dispēdium. Illud est, læsio charitatis & unitatis Christianæ. Ut enim Christiano potior esse debet charitas, q̄ commodum aliquod terrenū, ita damnum læsæ charitatis magis fugere debet quā terrenæ facultatis. Nec emphasi caret, quod percontando instat ostendens sibi tam uideri absurdum quod faciebant, ut rationē illius nullam uidere queat, imò ab ipsis audire cupiat, quā nam ratione non magis ferant iniuriam, quā quod charitatem inter se lēdūt. Et huc quoq; facit illud Christi Matth. 5. Ego autem dico uobis, nolite resistere malo, &c. Et qui uult iudicio tecum contēdere, & tunicam tuā tollere, dimitte illi & pallium. Hoc certe lōge consultius est quā per impatientiæ malum mentis amittere tranquillitatem, charitatem fraternam uel lēdere, uel læsam prorsus extinguere, mortificationem ueteris hominis precludere, uindictam de manibus supremi iudicis eripere. Sed hac de re uide in annotationibus nostris super Matth. cap. 5.

Est autem ista sentētia tam rationabilis ut & Platoni multis sit tractata in Gorgia. Dicūt Græci. *βέλτιον ἔσται τὸ ἀδικῶν ἢ τὸ ἀδικῶν.*

Jerem. 37.

Contra hanc sentētiā Christi & Apostoli, non ueniunt, qui innocentiam suam paucis restantur, & aduersario quā peccet significāt. Non enim est boni hominis ad iniustā tacere, sed modeste corrigere, ita tamē, ut nihil aliud quærat, quā emendationem eius qui delinquit. Et Christus & Paulus innocentiam suam testari sunt, & improbos repræhenderunt, & nihilominus illatam iniuriam patienter tulerunt. Et Jeremias cap. 37. ad regem Sedechiā dicebat: Quid peccaui tibi & seruis tuis & populo tuo, quia misisti me in domum carceris? Nūc ergo audi obsecro domine mi rex, ualeat deprecatio mea in conspectu tuo, & ne remittas me in domum Ionathæ scribæ, ne moriar ibi. Ecce primum testatur innocentiam suam, peccatumq; regis in se infontem commissum repræhendit, deinde iniuriam etiā & uim deprecatur. Ista non sunt animi impatientis, nec doctrinæ isti repugnant.

IMO uos iniuriam facitis, & dāno afficitis, idq; fratres.] Ista per auxesim delicti adiiciuntur, ut ostendatur quā absint adhuc à Christianæ professionis perfectione. In Christianismo delinquit, q̄ iniuriæ est impatiēs. At quādo ad eam perfectionem patientiæ perueniēt, qui usq; adeo adhuc sunt iniusti, ut alios etiā per iniuriam lēdant? Est enim omnino peius iniuria quēquam afficere quā illatam iniuriam iudiciaria lite repellere.

IDQVE fratres.] Et hic est delicti huius auxesis. Iniustum est quēcunq; per iniuriam lēdere, etiam exterum & inimicum. Enormius autem peccatur, si id etiā fratri fiat. Quasi di-

cat. Cum ne inimicos quidē lēdere debeatis, tam estis iniqui, ut nec fratribus parcatis. Quales nam esse uos credendum est erga incredulos & inimicos, cum tales sitis erga fratres?

Hoc itaq; pacto Apostolus luce clari⁹ exponit omnino delicto obnoxios esse Christianos, si iudiciarias inter se lites habeant. Primū enim, indicium datur esse illos iniuriæ impatientes, contra doctrinam Christi & omnium sanctorū mentē & ingeniū. Deinde certum est factam esse aliquā iniuriā, aut saltem intendi. Tertio exaggerationem criminis habet, quod frater fratri iniurius est, quem debebat nō minus diligere quā seipsum.

AN nescitis, quod iniusti regni Dei hæreditatem non consequētur? Arguit eos hic summæ incogitantie, quā minuta quēdā & inania persequētes regni Dei hæreditatē amittebāt. Quasi dicat. An adeo stupidi & incogitantes estis, ut propter res adeo uiles & inanes negligatis summā illam regni Dei felicitatē, dū desiderijs uestris uanis obsequētes iniuste lēditis fratres? Certe nō potestis ignorare, iniustis nō esse locū in regno Dei. Vos autē iniusti estis, cum dāno quenq; immerito afficitis. Quomodo igitur nō cogitatis q̄ sit insanum pro rebus terrenis amittere æternā regni Dei felicitatē?

Admonet nos hoc loco Apostolus cōmemoratione regni Dei, primariū hūc esse debere Christianorū in omni uita scopū, ne quid cōmittamus, quod à consequutione regni Dei, hæreditario possidendi impediāt. Ad illud enim uocati sumus per gratiā Christi. Ea uocatio nunq̄ debet mētibus nostris excidere, ne quo pacto per illius obliuionē immergamur rebus huius mundi inq; illis peccantes, diuina nos ipsos dignatione priuemus. Perinde mihi uidetur Apostolus facere, ac si quisq; bonarū literarū candidatis, quorū scopus est rerū cognitio, deq; rebus intellectis diserte ac dilucide posse loqui, si ocio uiderit plus æquo deditos dicat: An nescitis, q̄ nemo ociosus & ignauus eruditus ac doctus euadere poterit? Hic non solum denegaretur ocio rerū sciētia, sed simul admonerētur adolescentes bonis literis consecrati, ad quē scopū spectare seseque accommodare & quicquid ab illo consequēdo impediāt, fugere debeāt. Sed dicit quisq;: Si iniusti ē regno Dei excludūtur, ergo requiriē nostra iusticia ad hoc ut saluemur, & irrita est doctrina gratiæ. Respōdeo. Ipsum uerbū hæreditandi non admittit meritū propriæ nostræ iusticiæ. Quare non consequitur, saluari nos propria iusticia, propterea quod iniusti hæreditate regni Dei priuantur. Per gratiā Dei sumus uocati & assumpti in adoptionem filiorū Dei. Hāc dignitatē retinere nō possunt, qui iniusticiæ magis q̄ iusticiæ post acceptam gratiā studēt. De illis iniustis intelligendū est quod hic dicitur non de ijs qui nondū in hanc sunt gratiam assumpti & initiati. Alioqui nemo prorsus saluari posset. Verum in sequētibus parebit ista sententia, ubi dicit: Sed hæc eratis quidā, uerū abluti estis, &c. Quod itaq; dicit. An nescitis,

Simile.



nescitis, quod iniusti regnū Dei non hæredita-  
bunt, nō est pro generali accipiendū sentētia.

Ne erretis. Neq; scortatores, neq; cul-  
tores simulacrorum, neq; adulteri, neq;  
molles, neq; qui concumbunt cum ma-  
sculis, neq; fures, neq; auari, neq; ebriosi,  
neq; maledici, neque rapaces, regni Dei  
hæreditatem accipient

Intelligebat Apostolus uana quadā opinio-  
ne ac securitate seduci Corinthios satis ad feli-  
tate esse putantes, quod Christo dedissent no-  
men, in illum baptizati essent, & qualicūq; il-  
lius fide præditi. Hoc uocat errore cum dicit:  
Nolite errare. Q. d. Ne cogitetis, benignus est  
Deus, nō ulciscet peccata nostra, Christiani su-  
mus, gratiā Dei acquisiimus, damnari nequi-  
mus, alia est nostra cōditio quā infidelium.  
Error est, putare Christianismum nihil esse a-  
liud q̄ inanis tituli professionē, & cultū quen-  
dam ritū externorū. Gentium est ista opinio,  
nō Christianorū, à quibus ad regni Dei posses-  
sionē solida requiratur pietas & uera iusticia.

NEQVE scortatores.] Quos generaliter in-  
iustos uocauit, consequenter per species expri-  
mit, haud quidē omnes iniusticiæ species re-  
cēsens, sed eas saltē, quibus sciebat obnoxios  
potissimū esse Corinthios, & reliquos Genti-  
lismo assuetos, inter quos obtinebant scorta-  
tiones, idololatria, adulterium, mollicies, ma-  
scula uenus, furtum, auaritia, ebrietas, maledi-  
centia & rapacitas. Parat aut̄ isto uiciorū cata-  
logo transitū ad prosequendā scortationis e-  
mendationē, atq; ideo priore illā loco ponit.

Vide hic locus quibuscūq; aliquāto durior,  
quod ea uicia, quæ leuioris momenti uident̄,  
cū grauioribus cōiungit, eidemq; pœnæ subij-  
cit, nempe priuationi regni cœlorū, cum tamē  
certū sit, ut grad⁹ sunt in peccatis, quorū aliud  
alio est grauius, ita & gradus esse pœnarū. Vt-  
pote simplex scortatio, nō est eadem grauita-  
te qua est adulterium, mollicies, & masculorū  
concubitus, & ista rursus non tam sunt enor-  
mia, q̄ est cultus simulacrorū, quo in primam  
tabulam peccat̄, deinde auaricia minus habet  
delicti q̄ furtum & rapacitas, siquidem illa iux-  
ta uim Græcæ dictionis affectus quidam est  
plus habendi q̄ sit necesse. Aliud enim omni-  
no est plura appetere q̄ par sit, suaq; tenacius  
retinere, q̄ quæ aliorū sunt per furtum & rapi-  
nam auferre. Et peccatum ebrietatis, plerisq;  
prorsus nullum uideē, certe ipsorū iudicio in-  
dignum, quod è regno Dei excludat.

Sciendum igit̄, Apostolū nō hic quæ sint fu-  
turæ peccatorū istorū pœnæ describere, sed o-  
mnibus hoc dare, quod priuēt regno Dei. Pri-  
uatos uero regno Dei alia alios pœna manet.  
Vt enim uenenū quodcūq; hoc in se habet, ut  
uita spoliēt, licet aliud alio sit fortius, acerbio-  
rēq; mortē adferat, ita iniusticia omnis regno  
Dei excludit, licet aliam alia grauitate sua ex-  
cellat, maioresq; pœnas adferat. Non est aut̄  
ut flagitia quæ hic recensent̄, singula explicē-  
mus. Sunt enim aliās nimis nota, & ab ipsis

gentibus damnata, una dempta idololatria.

Atq; hæc eratis quidā, sed abluti estis,  
sed sanctificati estis, sed iustificati estis p  
nomē dñi Iesu, & per spiritū Dei nostri.

1 Aut tacitæ illorū cogitationi occurrit, qua  
poterant dicere: Quod si tales regnum Dei nō  
acquirent, neq; nos illud acquiremus. Tales  
enim fuimus. Concedit igit̄, tales eos fuisse,  
sed declarat, fuisse quondam talem, iam uero  
nō esse, sed per gratiā Christi ab his uicijs emū-  
datū, iusticiam accepisse, aliud esse q̄ nō solum  
fuisse, sed adhuc esse. Q. d. Scio quod olim ta-  
les fueritis. Id uero uos condemnare, regnoq;  
Dei excludere nō potest, posteaq; lauacro Chri-  
sti abluti, purgati, sanctificati & iustificati es-  
tis, modo curetis, ne in pristinā immundiciē  
relabamini. 2 Aut admonet eos acceptæ  
mūdationis, ostenditq; q̄ sit absurdum si post  
ablutionē pristinæ immundiciæ, post sanctifi-  
cationē spiritus & fidei iustificationem, uelint  
ad easdē sordes recurrere, iterūq; fieri prophā-  
ni, & iusticiā per fidē Christi acceptā, prioris ui-  
tæ iniusticia cōmutare, atq; ita gratiæ Christi  
contumeliam inferre. Quæ est enim ratio ab-  
luendi, si licet sordibus pristinis iterū pollui?  
quæ ratio sanctificandi, si uita prophana regno  
Dei nō excludit? quæ iustificandi, si ad uerā fe-  
licitatem nihil obest iniusticiæ studium?

Obserua uero, quod nō simpliciter dicit: Et  
hæc eratis, sed, & hæc eratis quidā, ne omnes  
tam enormium flagitiorū maculis aspergat.

PER nomen domini Iesu, & per spiritum  
Dei nostri.] Trina maiestas Dei exprimit̄ hoc  
loco, cui in Christū credentium ablutio, repur-  
gatio, sanctificatio & iustificatio datur. Memi-  
nit enim Dei nostri, deinde domini Iesu, tertio  
& spiritus sancti. Et hoc est, quod in nomē pa-  
tris, ac filij & spiritus sancti baptizamur. Obser-  
uemus hic amplitudinem cœlestis gratiæ, per  
quam tam graua flagitia abluuntur, & gratis  
remittuntur.

Omnia mihi licent, at non omnia cō-  
ducūt. Omnia mihi licent, at ego nō re-  
digar sub ullius potestatem.

Locus hic non eodem modo exponitur, cū  
à ueteribus tum recentioribus. Chrysosto. &  
Hiero. intelligūt culpari ab Apostolo uentris  
ingluuiem, idq; hoc loco ob eam causam fieri,  
quod illa fomenta præstet scortationi, ad cu-  
ius repræhensionem trāsitus, ut suprā monui,  
paratur. Primum omnino uerum est, gulā mi-  
nistram esse libidini, quod & ipsa iuxta sæcu-  
lum doctorū uirorū proueria testant̄, è quo-  
rum numero illud est: Sine Cerere & Baccho  
friget Venus, ad quod astipulat̄ etiā sacra scri-  
ptura, ut uidere est Ezech. 16. de peccato Sodo-  
morum. Deinde & hoc uerum est, quod Græ-  
ci, præsertim Corinthij, utroque & gulæ & li-  
bidinis nomine, ut fieri solet in emporijs no-  
bilibus, infames admodum fuerint, unde &  
Græcis κοινωδία, idē est atq; pro genio & li-  
bidine intemperanter uiuere, si tamen id est



uiuere, & non magis ipsam uitam conspurcare & extinguere. Duabus hisce rationibus uero similis est istorum expositio. Quod si ea placeat, erunt ista, omnia licent, & escæ uentri & ueter escis, uoces non Apostoli, sed eorum qui intemperantiam gulæ & Christianæ libertatis, & naturalis dispositionis argumento defenso bant, ab Apostolo per mimesim in seipsum translatae, & præuia concessione ad correctionem adaptatae, quæ attexit, cum dicit, at non omnia expediunt, at ego sub nullius potestate redigar, at Deus & hunc & illas destruet. Quasi dicat. Gulæ uestræ prætextis ciborum libertatem quæ agnosco quidē. Nam omnia, fateor, mihi, quæ huiusmodi sunt, licent, at interea etiam atque etiā uidentū est quid cōducant, quid non. Non enim omnia conducunt. Deinde uidentū etiā est, ne amissa, quæ prætextis, libertate serui uentris reddamini, iam nihil minus quæ liberi. Ad hæc, prætextis etiā ipsam dispositionē naturæ, quæ escæ deputatæ sunt uentri, & uenter escis, quæ & ipse agnosco, at considerandū est, quæ illa sit trāsitoria, ne plus equo uentri seruiētes & escis indulgētes, quæ Deus olim abolebit, offendamus in rebus spiritalibus & æternis. Ambrosius hæc exponit de licito sumptu prædicandi Euāgelij, à quo se Apostolus dicat abstinere, quæ uideat illū Euāgelij cursui propter pseudapostolos non cōducere, deinde captiuū reddere quodāmodo ministrū Christi in eorum seruitutē, à quibus ille uictus sustentationē accipit. At quomodo hæc sententia uel præcedentibus uel subsequētibus adaptat, non ponit. Erasmus in paraphrasi uide fluctuare, incertus, quæ sententiam ponat. Partim enim hæc quæ Ambrosij est, ponit, partim aliā quandā attingit, cum dicit: De cibis nihil uero uestat quisque; quibus uelit, at scdā libidinē dāno. Neque enim ut uenter escis dedicatus est, ita corpus dicatū est spurcæ libidini. Ista uident hoc uelle, quæ alia sit ratio escarū quæ scortationis. Escas deputari inter licita, quibus libere sit utendū, modo conducant, scortationē uero tanquā illicitam & noxiā esse fugiendā.

Mea sententia est ista. Quæ fugienda uobis sit o Corinthij, omnis scortatio, poteratis uel meo exemplo discere, qui etiā licitis abstineo, ubi intellexero illa non cōducere, deinde studiose caueo, ne illorum seruituti subijciar. Et licet escæ & uenter res sint naturaliter cōiunctæ, non tamē utor illarū iure, ubi non cōducit, considerans quæ sint olim destruendæ ut indignæ sint, quarū gratia in res æternas peccē. Cū ergo à cibis, rebus licitis, ubi non cōducūt, abstineo, quāto magis caueda sūt illicita, e quorum numero est & scortatio?

## OBSER.

OMNIA mihi licet. Locum hic nos docet quæ sint in usu rerū licitarū cōsideranda. Licita uarijs circūstantijs aliquādo ita grauant, ut Christiano homini iam non sint licita. Quædā enim licita quidē sunt, sed non conducūt. Talis est cibus per offendiculū proximi sumptus. Tale etiā est stipendiū propter Euāgelij prædicatio-

nē datū, ubi id cedit in detrimentū Euāgelij. Rursus quædā & licent & cōducunt. Talia erant quæ Paulus faciebat libero spiritu, ad hoc ut aliquos lucrificeret, cū Iudæis tanquā sub lege cōstitutus, uetitis cibis abstinēs, cum Gentibus tanquā à legis iugo liber, quibuslibet uestēs.

Eorum uero quæ illicita sunt, ut sunt omnia iniusta, legi Dei repugnātia, nihil cōducit. Sūt enim ut iniusta omnia, ita & noxia, unde damnatur uox illa impiorū, Faciamus mala ut eueniant bona. Quæ diuinitus disponunt, aliam habēt rationē. Illicitum est discipulo prodere præceptorē. At disponente Deo semel illicitū hoc facinus plurimū attulit utilitatis. Illicitū est crucifigere infantē, nedum filium Dei omnium saluatorē. Verū hoc semel factū profuit toti orbi. At quæ huiusmodi sunt, nobis non sunt imitabilia, nisi expresso mandato Dei ad illa adigamur, quæadmodum Abraham iubeat mactare filium suū, & Israëlita per fraudē spoliare Aegyptios. Proinde impia erat sententia Rom. pont. quæ subitū & improuissum Templariorum interitū decernebat, dicens: Etsi non licet per uiam iustitiæ, licet tamē per uiam expedientiae, quæ uox planē erat digna Rom. pontifice. Quid aliud dicebat Caiaphas? Expedi, aiebat, ut pereat unus homo, ne tota gens pereat. Imò crudelior & iniquior erat Rom. Caiaphæ uox. Siquidē non unius hominis, sed tot millium necē, eamque non iudiciariā & legitimā, sed uiolentam administrandam decernebat.

At de istis non est hic locus. In rebus licitis quædā consideranda nobis ab Apostolo proponunt. 1 Primū, an conducant, hoc est, an usus illorum non cedat in damnum proximi. Quod si fuerit, iam ex licitis fiunt illicita pro loco uidelicet & tempore. In se nanque quæ licita sunt, non mutant. 2 Deinde, an non officiāt nostræ libertati qua domini sumus omnium. Iniustum enim est, ut prodita libertate, qua Christus nos donauit, serui reddamur elementorum, cum sub unius domini potestate constituti simus, qui ab omnium nos seruitute redemit. Admonemur ergo ut inuersionē illam caueamus, qua fieri potest, ut dum in temerario rerum licitarum usu libertatē præteximus, libertatē amittamus, iam non dñi, sed serui eorum de quorum libero usu frustra gloriamur.

Escæ uentri, & uenter escis, Deus autem & hunc & illas abolebit. Corpus uero non scortationi, sed domino, & dominus corpori. Deus autem & dominū suscitauit, & nos suscitabit per potentiam suam.

Ista lucem adferunt præcedentibus. Nam primum declarant, de quibus rebus licitis loquat Apostolus: uidelicet de cibis, quorum usus liber est fidelibus, ne quisquā illud: Omnia mihi licet, uniuersaliter de quibuscūque rebus intelligat, cū certū sit ex hoc loco Apostolū loqui de escis, & alioqui non omnia sint licita, sed multa diuinitus prohibita & illicita. Huiusmodi sententiæ non sunt ultra authoris mentē diuexandæ, qualis est & illa qua alibi dicit: Omnibus omnia



omnia factus sum, & qua Christus Matth. 5. dicit: Ego aut dico uobis, nolite omnino iurare. Neque enim in uniuersum omne iusiurandum tanquam malum abiicit, cum tota scriptura, & ipsa iurandi ratio reclamet, sed consuetudinem iurandi prauam illam & peruersam, qua Iudei a scribis & pharisaeis seducti peccabant, condemnat. Deinde uelut applicat, quod dixit, ad propositum. Q. d. Primum naturaliter quidem cibus uentri, & uenter cibo adaptatus est, ut nihil sit illiciti, si cibus permittatur uentri, & uenter cibo. At cum res istae sint periturae, utpote quas dominus olim abolebit, non licet illarum gratia quae potiora sunt turbare, sed maior est habenda regni Christi fraternaeque charitatis ac nostrae salutis ratio, quam cibi ac uentris, ut ut naturaliter coniunctorum. Iam si id faciendum est in his naturalibus ac licitis, quanto magis in ijs quae & illicita sunt & contra naturae dispositionem? Corpus etenim non est ut cibo ita & scortationi deputatum, nec scortatio corpori.

ESCAE uentri.] Subintelligendum est aliquid. Erasmus adiecit, destinatae sunt, & commode. Nihil enim uideo quod reclamet. Est namque ista pars corporis diuinitus ad hoc destinata, ut alimenta accepta concoquat, & in reliqua corporis membra digerat. Et escae ad hoc paratae sunt, ut uentri ad alendum corpus ministraret. In ea uero particula, qua dicit: Corpus autem non scortationi sed domino, & dominus corpori, non inuenio quo uerbo utrumque membrum absoluiam. Nam corpus quidem nostrum domino destinatum, uel consecratum esse, possum dicere, at uicissim dominum destinatum esse corpori nostro uel consecratum, non item. Est omnino quaedam coniunctio corporum nostrorum ac domini, atque uno uerbo exprimi nequeat. Corpus enim nostrum ita coniunctum est domino ut illi sublit, dominus uero corpori nostro coniunctus est, ut illi praesit. Notandum hic est, quod non dixit: Escae corpori, & corpus escis, sed escae uentri, & uenter escis. Nec dixit: Venter domino & dominus uentri, sed corpus domino, & dominus corpori, ubi omnino honestius de corpore loquitur quam de uentre, ut intelligamus corpora nostra, licet uentris ac ciborum usu necesse habeant, escis tamen non esse sed domino deputata ac consecrata, ut non uentri & escis sed domino uiuamus. Et ista observatio etiam non per omnia, non nihil tamen astipulatur Chrysost. & Hiero. expositioni, qui haec uerba, contra gulae uicium posita esse intelligunt. Licet enim de naturali uentre, & escis illius loquatur Apostolus, apparet tamen illi gulae intemperantiam duplici argumento ab illius organo & materia sumpto contemptam reddere. Primum est a uilitate & uentris & escarum. Ea nota est omnibus, uentris & escarum conditionem sensate expendentibus, quos ipsa saltem uentris & escarum uocabula statim admonent, quae sit hic immundicia quae molestia ac uilitas. Alterum est ab utroque corruptione & futuro interitu cuius gratia certe minus nobis debet gulae studium esse, cum sciamus illius & organum & mate-

riam res esse fluxas & breui interituras.

DEVS abolebit.] Coloss. 2. dat escis Apostolus id imbecillitatis, per extenuationem, quae ipso usu intereant & corrumpantur, notans eos, qui multum religionis in rebus hisce corruptibilibus collocabant. Hic uero Deum ipsum dicit & uentrem & escas pariter aboliturum. Hoc sane licet uniuersaliter in fine mundi sit futurum, quotidie tamen per mortem fieri uidemus quidem, at parum consideramus. Ergo opus Dei est non minus abolere ac destruere & uentrem & escas, quam condere. Et quod de uentre & escis dicitur, idem & de reliquis uoluptatis generibus cogitandum est. Obserua uero quod non dicit de corpore, esse illud abolendum a Deo sicut uentrem. Corpus enim manebit, ille uero uentris usus qui huius est uitae, abolebitur.

ABOLEBIT.] Hoc non ita intelligendum est, ut putemus membrum hoc prorsus esse corporibus nostris in die resurrectionis tollendum. Graece est, καταργήσεται. i. ociosa reddet. Substantiam membri huius non exterminabit de corporibus nostris, sed eo ministerio corruptionis quo nunc distinetur, per gloriam incorruptionis & immortalitatis futurae liberabit quemadmodum & reliquas creaturas omnes, quae de re uideri est in Ro. cap. 8. Nec est uti dicat quisquam quae ergo erit illi necessitas, si hoc ministerio liberabitur? An habebimus membra, quorum nullus erit usus? Ipsum πλῆρωμα corporum nostrorum, & ipsum decus, exiget, ut nullum membrorum pereat, cum ne capillus quidem de capitibus nostris sit teste domino periturus. Nec manuum nec pedum, nec dentium is certe, quem nunc habemus, tunc erit usus, nec tamen putandum est corpora nostra istis ex parte instar truncorum futura.

CORPVS autem non scortationi.] Scortatio igitur hoc peccati habet, quod dispositioni diuinae repugnat. Cuiusque instrumenti peccatum est abusus. Abusus corporis est scortatio. Ergo scortatio peccatum est corporis, & malae uoluntatis corpore abutentis. Sententia ista reluctat opinioni hominum carnalium, qui non considerata diuina dispositione, naturales corporis ac esse iudicant, quibus affectum libidini seruitur, cum reuera non sit naturale, quicquid naturae, ut est a Deo condita, repugnat. Edere quidem naturale est, si legitime ad corporis sustentationem edatur, si uero pro gulae intemperantia, iam naturale non est. Ita & mulieri commisceri uirum, naturale est, si id iuxta ordinationem diuinam legitime fiat, si secus, non ita. Quare? Quia ut hic Apostolus dicit: Corpus scortationi deputatum non est.

SED domino, & domino corpori.] Quae sit corporis & domini coniunctio, infra statim declarabit.

DEVS autem & dominum suscitauit.] Hoc opponit ei quod de uentre & escis dixit, uidelicet, Deus autem & hunc & illas destruet. Poterat enim dicere: Atqui tota nostra corpora non modo uentres abolebunt. Occurrit, dicens: Morientur quidem, uerum excitabunt a Deo. Commendat autem corporum nostrorum dignitatem, primum a coniunctione Christi, quod argumentum iam consequenter tractabit. Deinde a perennitate & futura resurrectione.

Scortatio  
peccatum  
est corporis.

Non est naturale quod  
naturae, ut  
est a Deo  
condita re  
pugnat.



surrectionis gloria, cū dicit: Deus autē & dñm suscitauit, & nos suscitabit, etc. Vt igit̃ a studio gulæ auocāt argumēta à ueneris & escharū uilitate & corruptione sumpta, ita à scortatione p corporū nostrorū dignitatē & futurā gloriam auocamur. Quod autem futurā corporū nostrorū resurrectionem argumento resurrectionis Christi præteritæ confirmat, pro suo more facit, ut fidei nostrę cōsulat, simulq; admoneat corporum nostrorum resurrectionē ex Christi uirtute & cōmunionē constare, unde & Christus dixit: Ego sum resurrectio & uita. Hac de re uide Rom. 8. At infra illam cap. 15. fusius ex proposito tractabit.

PER potentiā suam.] Vnica dictione omniū incredulorū ora obstruit, nisi per summā impudentiam omniū oculis ac mentibus occurrentē Dei omnipotentia negare uelint. Solet resurrectionis articulo potentiā Dei adiungere, ut Rom. 1. & Eph. 1. ubi magnitudinē potentiæ Dei in resurrectione Christi declarata esse scribit. Vt ergo futuræ resurrectionis fidē nobis faciat, recte hæc duo coniungit, resurrectionem scilicet Christi, & potentiam Dei.

1 An nescitis, quod corpora uestra mēbra sunt Christi: Num igitur tollens mēbra Christi, faciā scorti membra? Absit. An nescitis quod qui adglutinetur scorto, unū corpus est? Rediguntur enim, inquit, duo in carnē unā. At qui adglutinetur domino, unus spiritus est. Fugite fornicationē. Omne peccatū, quodcūq; fecerit homo, extra corpus est, sed qui scortatur, in propriū corpus peccat. An nescitis q corpus uestrū templū est habitantis in uobis spiritus sancti quē habetis à Deo. Et nō estis uestri iuris. Nā empti estis p̃cio: glorificate igit̃ Deū in corpore uestro, & in spiritu uestro q̃ sunt Dei.

Verfat̃ Apostolus diligēter in ijs argumētis quibus scortationis peccatū & immundiciā Corinthiis adimere queat, ut appareat illos isti uicio uehementē obnoxios fuisse. In superiorib⁹, tribus argumētis corpora nostra cōcernētibus usus est, utpote q, ad scortandum nō sunt diuinitus deputata. Deinde q, cōsecrata sunt dño, ac cōiunctionis illius dignitate cōhonestata. Tertio, q, olim sunt excitanda per potentiā Dei, qua Christus excitatus est. Præsentī uero loco primū argumentū illud cōiunctionis Christi, qd̃ suprà breuiter attigit, declarat & amplificat. Deinde alia tria adiūgit. Primū, à singulari quadā scortationis cōditione, quā id peccati propriam habet. Secundū ab ea dignitate, qua corpora nostra templa sunt spiritus sancti. Tertiū à iure redemptionis, quod in nos habet qui nos redemit.

AN nescitis.] Eriā hic, quēadmodū & in superiori causa, crebris interrogationib⁹ instando & urgēdo, uehementē est, & simul ostendit, q̃ Corinthiorū incogitantiam satis admirari ne-

queat quomodo ignorare queāt, qua sint dignitate prędita in Christo ipsorū corpora, q̃ ex scortatione mēbra Christi fiāt mēbra scorti, q̃ sit peccati huius peculiaris cōditio, quomodo sint corpora ipsorū templū spiritus sancti, &c. unde facile possent colligere, q̃ sit hoc peccatū detestandū ac fugiendum homini Christiano. Hoc est qd̃ illud *en id est*, an ignoratis, tertio repetit, quēadm̃ dū & suprà hoc ipso cap. fecit.

QVOD corpora uestra mēbra sunt Christi.] Qd̃ suprà dixit, corpus nō scortatiōi, sed dño, & dñs corpori, hic declarat. Ea est inter dñm & corpora nostra cōiunctio, q̃ est inter caput & mēbra. Tota Christi ecclesia, corpus Christi est, qd̃ habet capitis loco. In hoc corpore mēbrū est quisq; Christianus. Hæc p̃ similitudinē dicunt, de qua nōnulla habebimus infra ca. 12. Non est aut̃ frustra, qd̃ nō dicit: An nescitis, q̃ mēbra Christi estis, id qd̃ generali⁹ erat, sed, q̃ corpora uestra mēbra sūt Christi. Nō hoc ideo dicit, q̃ ab hac dignitate animas credentiū excludat, quasi sola corpora nostra sint membra Christi, sed q̃ ita quadrabat proposito. Luctat enim cōtra peccatū scortationis, quo potissimū corpora polluunt. Ideo quē illorū sit dignitas, in mediū adducit, ut detestadā reddat scortationem, per quam illa conspurcantur, & quā in Christo dignitatem acceperunt, amittunt.

NVM igit̃ tollēs mēbra Christi, faciā scorti mēbra? ] Iam quantā temeritatē, absurditatē, & q̃ irreligiosam improbitatē habeat in se scortatio, ex eo qd̃ dixit, corpora nostra esse membra Christi, ob oculos ponit. Nō dicit: Nū tollēs corpus meū faciā illud membrū scorti, sed, Nū tollēs mēbra Christi, faciā illa mēbra scorti? Quod enim corpus uiri scorto copulat, non uidet tantū habere peccati, in oculis hominū carnaliū. Ideo causam hāc aliquāto exactius et religiosius expendēs, id de corporibus nostris adducit, qd̃ nō ex natura sunt, sed ex gratia & dignitate cōiunctionis Christi, cū dicit: nū igit̃ tollens mēbra Christi, faciā scorti mēbra? Deinde nō dicit, coniungā illa scorto, sed id ponit qd̃ scortatio in cōiunctione scorti facit. Facit aut̃ illa, ut scortator cū scorto unū fiat corpus. Hoc est qd̃ dicit, faciā illa scorti mēbra? Quantū igit̃ discriminis est inter Christū & scortū, inter illius puritatē & huius immundiciā, tantū utiq; temeritatis & absurditatis habet scortatio, quē ex mēbris Christi facit mēbra scorti, qua p̃phanatione qd̃ potest geri detestabili⁹?

Illud, Tollēs, ita exponit̃ à Hiero. ut indicet̃ ea corpora quæ scorti mēbra sūt, sublata esse & abscisa è corpore Christi. Tollit, inquit, mēbra Christi, id est, abscindit se à corpore Christi, qui iunctus est meretrici. Idē ponit & Ambro. cū dicit: Ait, quia meretrici adhærētia mēbra desinunt esse mēbra Christi. Certe nō potest fieri ut membrū scorti sit membrū Christi. Quæ enim esset cōiunctio Christi & scorti? Duo sunt diuersissima corpora Christi & scorti. Impossibile est igitur ut quis simul utriusque possit esse membrum.

Duo itaq; dat scortationi mala, quorum illa gra-

Corpora  
uestra.



la gratia uehementer sit fugienda.

1 Vnum est, quod gratiam Christi & dignitatem corporum nostrorum, qua membra Christi sunt, perdit, & è corpore Christi abscindit.

2 Alterum, quod ex membris Christi, facit membra scorti. Multum est per scortationem abscindi è corpore Christi. Quam uero absurdum est, coniunctionem & incorporationem Christi commutari coniunctione & incorporatione uilissimi & impurissimi scorti? Quam insana est ista commutatio? Quod si ad parum aliquam dignitatem esset è corpore Christi transitus, haberet forsitan talis permutatio non nihil rationis. Iam à Christo abalienatum incorporari scorto, quis non uidet, quanta sit impudentie, quantus Christi contemptus? Turpe est in se, corpus uiri non scortationi, sed matrimonio & legitimo coniugio deputatum, facere membrum scorti, ut ista turpitudinem homo uel sæculari sapientia & honestate præditus, merito fugere debeat. Iam non qualecunque corpus, sed membrum Christi è corpore Christi auulsum, membrum scorti efficere, quantum quæso temeritatis habet? Si rem indignam committit, qui cum nobili sit mulieri legitime coniunctus, turpissimo scorto conglutinatur, quid de illo sentiendum, qui corpus Christo coniunctum, membrum constituit scorti?

Et hoc notandum est, quod non dicit: Num tolleres membra Christi, facietis ex illis membra scorti? sed: Num tollens membra Christi, faciam membra scorti? Causam hanc in se transfert, & ostendit quomodo illam expendat, quæ nunquam sit commissurus, ut res tot modis indignam designet, ut suo illos exemplo instruat, quæ à scortatione abhorreere debeat Christiani hominis animus, quoque loco habere tantam dignitatem corporis, qua Christo incorporari sumus, ne illam sustineat ullo pacto commaculare, nedum prorsus abijcere, & cum uili scorto commutare. Obserua & illud: Non dicit: Faciam membra uxoris, sed, faciam membra scorti. Quia coniugium legitimum non diuidit quenquam à coniunctione Christi, diuidit uero scortatio.

AN nescitis, quod qui adglutinat scorto, unum corpus est? &c.] Corpus scortatoris fieri membrum scorti per carnalem illam adglutinationem, primum pro indubitato asserit, tamque manifestum, ut mirari se ostendat, si illud ignoret, deinde per scripturæ autoritatem confirmat. Quasi itaque negantes per scortationem, se ex membris Christi facere membra scorti, ac secum dicentes, absit, interrogat, an ignoret quanta sit uis scortationis, & adglutinationis uiri cum scorto. Tanta uidelicet ut per illam ex duobus corporibus fiat unum. Cum ergo certum sit corpora credentium Christo, esse membra Christi, deinde æque certum sit, eum qui scorto adglutinat, unum corpus esse cum scorto, quid aliud colligi potest, quæ per scortationem membra Christi mutari in membra scorti?

REDIGENTVR enim, inquit, duo in carnem unam.] Probatio est, sumpta ex cap. 2. Gen. ubi scriptum est, dixisse Adamum: Hoc tandem os est ex ossibus meis, & caro de carne mea, propterea uocabitur Virago, quoniã de uiro sumpta

A est. Propterea relinquet uir patrem suum, ac matrem suam, & adhærebit uxori suæ, & erunt in carnem unam. Postremam hanc particulam, *והיו* *לעם אחד*. Et erunt in carnem unam, probandi gratia adducit hoc loco Apostolus. Mirum autem uideri potest, quomodo scortatorum & scortum unum esse corpus, per hunc locum probet, cum Adā ista non de scortatione, sed de legitima uiri & mulieris coniunctione dixerit. Cum tanta sit inter scortatores & legitimos coniuges diuersitas, quomodo eadem sententia utriusque potest competere? Primum quod ad sexum utrumque partium attinet, nihil est discriminis. Vtrinque est uir & mulier, tam in scortatione quam in coniugio. Deinde quod ipsam quoque commixtionem & copulam carnalem cernit, nihil est differentie. Vno discrimine discernuntur, liciti & illiciti. At in isto discrimine non est sita coadunatio ista carnalis, unde unum utrumque corpus ex uiro & muliere redditur, sed magis in carnali utriusque sexus copula & commixtione. Proinde tam de scortatoribus dici potest quam de legitimis coniugibus, erunt duo in carnem unam. Benedictio illa Dei: Crescite & multiplicamini, & replete terram, certe non est nisi ad legitimos coniuges dicta. At ipsa multiplicatio humani generis per commixtionem uiri & mulieris non minus uim suam exerit in illis qui illegitime commiscuntur, quam in uiris & ordinatis coniugibus. Quam ergo ista uis multiplicationis non pender à licito uel illicito uiri ac mulieris congressu, ut ut peccet qui illicitè coniunguntur, sed simpliciter à carnali illorum commixtione, tam & ista Adæ sententia non astringit ad legitimum, sed quæuis utriusque sexus congressum. Ita & quod in Psal. dicitur, Vinum letificat cor hominis, & panis cor hominis confirmat, licet magna sit furis & iusti differentia, in utroque tamen uerum est.

AT qui adglutinat domino, unus spiritus est.] Videlicet cum domino: ut diuersimode inter se habent Christus & scortum, ita & diuersimode de illis loquitur Apostolus, id quod inepte faceret, si idem posset & scorto simul & Christo adglutinari, & unum corpus cum scorto, & unus esse spiritus cum Christo. Iam cum ista inter se discreta sint & diuersa, liquet fieri non posse, ut qui scorto adhæret, pariter possit & Christo adhærere, & cum unum sit corpus cum scorto, unus esse spiritus cum Christo. Et uide quomodo utrobique uerbo *κολλησθαι* adglutinandi utatur. Supra non dixit: Qui semel atque iterum incidit in scortum, unum corpus est cum scorto, sed qui scorto adglutinat. Non enim ex uno & altero congressu quisque mox unum corpus cum scorto redditur, sed ad eam rem opus est diutina adhæsione & tenaci adglutinatione, cuius & Adā mentionem fecit Gen. 2. cum dixit: Propterea relinquet uir patrem suum ac matrem suam. *והיו לעם אחד* & adglutinabitur, uel adhærebit uxori suæ, & erunt in carnem unam. Et Græci illud *רבה* reddiderunt *ωρροκολλησθαι*. i. uelut adglutinatus adhærebit.

Ita & hic non dicit: Qui Christo nomen dedit, uel, Qui ad Christum uenit, sed, Qui domino adglutinatur, unus spiritus est, ut indicet

Gen. 1.

ad



ad istam spiritus unitatem opus esse solida & constanti cohæsione, qualis est membrorum in corpore, & ramorum in arboribus, qua de re & Christus diligenter suos admonet Ioh. 15. toties adhortans, ut in se maneant. Manet autem in illo, qui sincera fide & charitate nō fīcta, constanter illi adhæret.

Vnus spiritus est.] Cur non dicit, unum corpus est? ut inter utranque diuersam inter se scorti & Christi coniunctionē discriminet, & ostendat eam quæ cum Christo est, non esse carnalē, qualis est uiri cum muliere, sed spiritalē, quæ non corporum, sed spiritus cōiunctione consistat. Ideo & infra cap. 12. usurpata dictione corporis, adiungit unde ista incorporatio oriatur & subsistat, cum dicit: Etenim in uno spiritu omnes nos in unum corpus baptizati sumus, ut ostendat istam coniunctionem esse non corporalem, sed spiritalē.

Rursus, cur nō dicit, unum spiritum habet cum Christo, sed unus spiritus est? An Christus spiritus est, & qui illi adhæret, spiritus est, & nō caro? De Christo certe legimus etiam post resurrectionem quod dixerit: Palpate & uidete, quia spiritus carnem & ossa non habet, sicut me uidetis habere. De Christianis, quod carnem & ossa habeant, nemo dubitat. Quid est ergo quod dicit: Qui domino adglutinator, unus spiritus est?

Non hic expendit quid naturaliter & corporaliter sit qui Christo adglutinat, sed quid sit per gratiam & operationem spiritus. Quod natum est ex carne, inquit Christus Ioh. 3. caro est, & quod natum est ex spiritu, spiritus est, hoc est, spiritale est.

Nec hic negatur uera Christi humanitas, qua sibi naturam nostram uerbum Dei coniunxit, de qua loquitur hic ipse Apostolus Ephes. 5. cum dicit: Quia membra sumus corporis eius, de carne eius & de ossibus eius, sed quod in hac Christi coniunctione primarium est, exprimitur. Non enim facile diceret Apostolus: Qui carnem Christi non habet, hic non est eius: dicit autem: Qui spiritum Christi non habet, hic non est eius.

Augustinus de Trinit. lib. 6. cap. 3. rationem reddit, quare non dicat Apostolus, qui adhæret meretrici, unum sunt, & qui adhæret domino, unus est, uel, unum sunt: sed, qui adhæret meretrici, unum corpus est, & qui adhæret domino, unus spiritus est. Cum, inquit, sic dicitur unum, ut nō addatur, quid unum, & plura unum dicantur, eadem natura atque essentia non dissidens nec dissentiens significatur. Cum uero additur quid unum, potest aliquid significari ex pluribus unum factum, quamuis natura diuersis, sicut anima & corpus nō sunt utique unum. Quid enim tam diuersum, nisi addatur aut subintelligatur quid unum? id est unus homo, aut unum animal. Inde Apostolus: Qui adhæret meretrici, inquit, unū corpus est, nō dixit, unum sunt, aut unum est, sed addidit corpus, tanquam ex duobus diuersis

masculino & fœminino sexu unum corpus adiunctione compositum. Et qui adhæret domino, inquit, unus spiritus est, non dixit: Qui adhæret domino, unus est, aut unum sunt, sed addidit, spiritus. Diuersum enim est natura spiritus hominis & spiritus Dei, sed inhærendo fit unus spiritus ex diuersis duobus, &c. Hæc ille. Sane sic habet, licet unus simus cum Deo spiritus, haud tamen sic unū cum illo dici possumus, sicut pater & filius unum existunt.

Et epistola 174. colligit ex præsentī loco ad hunc modum: Si de carne diuersi sexus dictū est: Qui adhæret meretrici, unum corpus est, & de spiritu hominis, qui non est quod dominus, consequenter scriptum est: Qui autem adhæret domino, unus spiritus est, quanto magis Deus pater in filio, & Deus filius in patre, & Deus spiritus patris & filij unus Deus est, ubi nulla est diuersa natura cum pro diuersis modo quodam sibi cohærentibus dicatur uel spiritus unus uel corpus unum? Et cum pro anima & corpore sibi cohærentibus dicatur unus homo, cur non multo maximè pro patre & filio sibi cohærentibus dicatur unus Deus, cum sibi in inseparabiliter cohæreant, quomodo non cohæret corpus & anima? Et cum corpus & anima sit unus homo, quamuis corpus & anima non sint unū, cur non multo magis sit pater & filius unus Deus, cum pater & filius unum sint, secundum illam ueritatis uocem: Ego & pater unum sumus. Hæc ibi.

Et in epistola 177. idem hoc argumentū rursus Pascensio obijcit dicens: Tu autem digne ris breuiter respondere, quomodo accipias quod ait Apostolus: Qui adhæret meretrici, unum corpus est, qui autem adhæret domino, unus spiritus est. Diuersi enim sexus corpora sibi adhærentia, unum corpus dixit. Et cum spiritus humanus nullo modo possit dicere: Ego & dominus unum sumus, tamē cum adhæret domino, unus spiritus est, quanto magis ille qui uerissime dixit: Ego et pater unum sumus, quia inseparabiliter patri cohæret, ipse & pater unus Deus est? Hæc ibi.

Fugite scortationem. Omne peccatum quodcunq; fecerit homo, extra corpus est, sed qui scortatur, in proprium corpus peccat.

FUGITE scortationem.] *παρδιωσις* admiscet qua nō solum id agit, ne posthac amplius scortentur Corinthij, sed ut detestentur id peccati, & uelut summam immundiciam fugiant. Non dicit. Ne scortemini, id quod & multi alij de causis non faciunt, plerique ob id quod pro uoto compotes illius euadere nō possint, aut quod periculum uel diffamiam metuant, quibus competit illud:

Non audent peccare mali formidine pœnæ. Sed fugite, id est, abhorrete ab ista immundicia. Neque enim, meo iudicio, corporalem tantum fugam, sed eam potius quæ animi est horror &



ror & criminis detestatio, præcipit, quæ locum habet: Vbi oderunt peccare boni uirtutis amore.

Theophylactus putat notari ab Apostolo libidinis uiciū in eo quod carni nostræ insidietur, & nos indefinenter infectetur, cum dicit, fugite scortationem, quasi dicat: Infectatrice illam pestem studiose fugite, ne uos apprehēdat & perdat. Certe tot instructa illecebris est ista libido, ut magna opus sit cautione, ne per illā inescemur & illaqueemur, ut non immerito uelut impudēs aliquod scortum & insidiosum passim adolescētū oculis obuim, quā diligentissime sit fugiendum. Vnde nemo miretur, cur hoc peccatum passim obtineat, posteaquam paucissimi sunt, qui non etiam sponte in ulnas illius sese coniiciant, cum egre euadāt, q̄ summa cautione insidias illius declināt.

OMNE peccatum, &c.] Grauari uult & detestabile reddere scortationis peccatū. Videbat enim illud propter diuturnam & impunitam consuetudinem ac licentiam, uel pro nullo, uel certe pro leui ac ueniali peccato reputari. Quoniam uero non potest ex gradibus peccatorū argumentum sumere, quasi maius hoc peccatum sit reliquis, cum sint pleraq; peiora, saltem ex illius dissimilitudine, qua singulari quadam cōditione à reliquis omnibus differt, argumētatur. Odiosum enim est merito, quicquid peculiarem quandam habet maliciam. Nam quodcunq; malum, communem cum alijs omnibus maliciam habet, hactenus non nihil meretur ueniae, quatenus communi & generali malicia, noxium est. Quod uero singulariter ac peculiariter malū est, singulari quoq; ac peculiari odio dignū est. Hoc scilicet in scortatione spectat Apostolus, inducens peculiare quoddam illius malum, in quo cum nullo alio quocunq; peccato communicet. Nō quod hoc solum peccatum tale sit, cum & pleraq; alia, si non omnia, si diligenter examines, aliquod in se peculiare malum habeāt, ut exempli gratia, Auaritia hoc peculiariter habet, quod per etatem iam non decrescit, ut auctior etiam reddatur in senibus, cum reliqua peccata uel morbo, uel casu aliquo, uel tempore deficiāt & extinguantur, uel saltem languescant, sed quod scortatio peculiari malo corpori scortatoris sit noxia, qua in re cum nullo alio peccato communicat.

Complectitur autem dissimilitudinem hanc scortationis, qua à reliquis peccatis differt, duobus ueluti mēbris. Primum, dat omnibus peccatis, quæcunq; fecerit homo, quod extra corpus, proprium scilicet peccent. Deinde scortationi adscribit, quod illa sola in corpus proprium peccet. Hic opus est cognoscere, quid sit in corpus proprium peccare, & quid extra, ut dissimilitudinem istam intelligamus. Dicam quid mihi uideatur. In corpus proprium peccare, est illi iniuriā inferre, sanctimoniamque illius polluere. Honos enim corporis nostri est illius puritas & sanctimonia. Illa pol-

A luitur peccando, ubi actus scilicet peccati in ipsum corpus trāsit. Peccatum ergo extra corpus est, cuius actus non ipsum delinquentis corpus polluit, sed in ea q̄ foris sunt extenditur. Licet enim membrorum abusu peccemus furando, rapiendo, fallendo, falsum testimonium dicendo, occidendo, &c. Ipse tamen actus peccati, non totius corporis est, sed quorundam duntaxat mēbrorum, & in rebus extrarijs absoluitur, & alijs infert iniuriam. Peccatum uero in proprium corpus est, quo sanctimonia & honos illius actu aliquo immundo polluitur. Tale est autem scortatio. Ergo scortatio in hoc à reliquis peccatis differt, q̄ cum illa extra corpus, ista in proprium corpus peccet. Et huc puto respicere Apostolum, 1. Thessal. 4. ubi dicit: Hæc est enim uoluntas Dei sanctificatio uestra, ut abstineatis à scortatione, & sciat unusquisque uestrum uas suum possidere cum sanctificatione & honore, non cum affectu concupiscentiæ, quemadmodum & gentes quæ non nouerunt Deum. Videmus hic abstinere à scortatione, esse uas suum possidere, cum sanctificatione & honore. Loquitur autem de corporis uasculo. Ergo qui scortatur uasculi, id est, corporis sui honore & sanctificationem polluit.

B Chrysostomus & Theophylactus, istam corporum impurationem, quæ per scortationem est, adeo putat esse notam omnibus, ut moris sit ab actu uenero, tanquam purgandorum corporum gratia, balnea petere, quod post nulum aliud peccatum solebat fieri. Verum illi non cogitarunt Apostolum, non de eiusmodi corporali impuritate loqui, quæ per aquam ablui potest, nisi & coniuges legitimi in suis ipsarum corpora peccent, qui & ipsi consimiliter balneis utuntur.

Quidam hunc locum exponunt de corpore mystico, quod est Christi & ecclesiæ, per allusionem coniugij. Sed Ambrosius istam sententiam, quam Nouatiano adscribit, constanter refellit, eo quod malus Christianus nequeat corpus Christi scortando polluere, cum illud non sit unus & alter Christianus, sed omnes Christiani, cuius singuli sint membra, adeoque tam non possit corpus Christi polluere, quā nequit omnes Christianos peccato suo contaminare.

Deinde res magnæ disputationis est, quomodo reliqua peccata omnia quæ à Christiano fiunt, dicantur fieri extra corpus Christi mysticum, ut sola scortatio in illud peccet.

Grauat ergo Apostolus scortationis peccatum magna inuidia, quod præter omnium aliorum peccatorum cōditionem, ipsum solum peccet in propriū cuiusq; scortatoris corpus.

1 Finge tale quoddam esse peccatum domesticum, quod peculiari malicia ipsam domum commaculet, cum reliqua exteros tantum ledāt. Nōne uidebitur illud singulari quodam odio dignum esse?

2 Aut finge ciuem quēdam esse, qui singulari quadam



quadam malicia, cum reliqui externos tantum negocijs suis grauent, concubibus uero parcant, rapina, fraude & usura concubies spoliēt, an nō omnium ille communi & publico odio merito obnoxius esset?

5 Omne belli genus malum est & fugiendum bono uiro. Omnibus autem detestabilius est, quod ipsum ciuium corpus, cum sit in testinum, perdit.

Ista non in hoc tendunt, ut putandum sit maius esse peccatum quod peccantem lædit, minus uero, quod alijs iniuriam infert, absit, sed quod communi sensu magis abhorreamus ea quibus nos ipsos quā quibus alios lædimus. Hactenus isto argumento utitur Apostolus, ut uel ista ratione, si superiora argumenta parum scortatores mouent, detestandam reddat scortationem.

Tale est etiam, quod istud peccatū non unā tantū personā, sed duas inuoluit. Nequit enim à solo aliquo admitti, cum reliqua aut non inuoluāt extra delinquentē alios aut non necessario inuoluant. Qui furatur, non perdit furto suo eū cuius bona furatur. Qui inuidus est sibi soli peccat. Qui mentitur, item & sic de singulis. Sola scortatio delicti sociū exigit, ut & hoc nomine sit detestanda.

An nescitis, quod corpus uestrum templum est spiritus sancti, qui in uobis est, quem habetis à Deo?

Iterum à dignitate corporum nostrorum arguit, deinde & à maiestate & sanctimonia spiritus sancti. Dignitas corporum nostrorum est, quod illa templum sunt spiritus sancti inhabitantis in nobis. Iam ea debetur maiestati illius reuerentia, ut nullo pacto uioletur ac prophanetur templi illius sanctitas. Quod si enorme peccat, qui templum Dei sanctum, lapidibus structum, immundicia sua polluit, quomodo leue peccatū putatur, quo sancti spiritus templum, quod nō hominū sed Dei manibus structum est, conspurcāt, id quod scortationis immundicia facit, dum corpora credentium impurat. Et huc facit quod non habitaculi, sed templi dictione usus est, ut admoneat eam deberi corporibus nostris sanctimoniam quæ debetur templo Dei. Et ideo non adiungit quā scortationis impuritas templo Dei non conueniat, permittens illud ipsorum consyderationi. Quis enim ignorat, siue spiritus sancti naturam & puritatē, siue templo Dei debitam reuerentiam expendat, quā indignū sit & inconueniens templo spiritus sancti peccatū hoc scortationis?

#### QUOMODO CORPORA NO- stra templum sint spiritus sancti.

Sed quæritur hoc loco, quomodo corpora nostra crassa & corruptibilia templum esse possint spiritus sancti. Suprà cap. 3. dixit: An nescitis quod templum Dei estis, & spiritus Dei habitat in uobis? Hic dicit: An nescitis quod

corpus uestrum templum est spiritus sancti? An spiritus Dei habitat in corporibus nostris? Nunquid cōuenientius corda nostra spiritus sancti habitationi assignarentur? Ita plane puto. Ergo loquutio ista metaphorica est, ad similitudinem templi lapidei, quod habitationi Dei assignatur, propter sacrarium & sedem propiciationis in templo, eo quod ibi Deus peculiariter gratiæ suæ dispensationem pollicitus est, cum alioqui nec cœlo nec terra capiatur. Ita uidelicet & corpora nostra templū sunt spiritus sancti, propter cordium uestrorum sanctificationem, quæ per spiritum Dei est, ut sacrarij locū obtineant, propterea quod in illis dona illa & uirtutes spiritus sancti peculiariter efficaciam suam exercent. Quis enim adeo absurdus est, ut putet spiritū Dei incompræhensibilem siue cordibus, siue corporibus nostris includi cum sit infinitus?

Esa. 60.

#### AUGUSTINVS.

Colligit ex hoc loco Augustinus in libro cōtra sermonem Arianorum cap. 20. argumentum diuinitatis spiritus sancti contra Arianos qui illam negantes, minorem filio spiritum sanctum esse dicebant, id quod & Ambrosius alicubi facit. Medium autem argumenti huius est, quod templum nulli competit creaturæ, sed uni Deo. Hic uero tribuitur spiritui sancto templū. Ergo cōuincitur esse Deus. Quod si de Salomone, inquit Augustinus, legeretur in scripturis, quod spiritui sancto templū iussu Dei struxisset, Deum esse spiritū sanctū nō dubitarent, & eum Deum esse negare audent, qui templum habet non ex lignis & lapidibus sed ex membris Christi.

Notandum est & hoc, quod non dicit: An nescitis quod templum spiritus sancti fieri potestis, quem accepturi estis à Deo, si corpora uestra munda custodieritis, ut alliciat eos spe acquirendi spiritus Dei, sed, An nescitis quod corpora uestra templum sunt spiritus sancti, qui in uobis est, quem accepistis à Deo? Admonet igitur eos acceptæ gratiæ, ad hoc, ut uideant ne illam per scortationis immundiciam amittant. Libenter hoc argumento utitur Apostolus, ubi ad uitæ sanctimoniam hortatur, unde credentes uocat sanctos, dilectos, ablutos, iustificatos, corpus & membra Christi, templum Dei & spiritus sancti. Erat enim manifestis argumentis ac signis uirtus & operatio spiritus sancti in credentibus declarata, ut illam negare nequiuert, unde omnium sane fortissimo argumento ex illa sumpto, cōtra scortationis & omnis generis impuritatem pugnat.

Et non estis uestri. Nam empti estis precio.

Et Hieronymus & Ambrosius, Chrysostomus item & Theophylactus istam particulam à præcedenti diuillam legunt & exponunt.

Nam

Vide supra  
cap. 3.



Nam separatum habet argumentum, à iure redemptionis sumptum, quod in nos habet dominus. Qui pecunia coemptus est sui iuris non est, sed eius à quo precio comparatus est. Non habet ergo proprii corporis arbitrium, nisi quantum permittit heri, cuius seruus est, uoluntas, contra quam in corpus proprium nihil habet potestatis. Cum ergo precio sanguinis Christi empti simus, non licet nobis permittere corporibus nostris, quicquid uoluntati domini nostri repugnat. Repugnat autem scortationis immundicia. Ergo, &c.

*1. Petr. 1.* Precij huius amplificatione ponit Apostolus Petrus, epist. 1. cap. 1. Scientes, inquit, quod non corruptibilibus, auro uel argento, redempti estis de uana uestra conuersatione paternae traditionis, sed precioso sanguine quasi agni immaculati & incontaminati Christi, &c.

Igitur duplici nomine iniustum est & indignum facinus, si Christianus sanguine Christi redemptus corpus suum scortando polluat.

1. Primum quod in alienam rem potestatem sibi sumit, contra ius & uoluntatem domini sui.

2. Deinde quod ad pristinam immundiciam recurrit, ad uituperium tam inestimabilis precij, cum ab illa sit redemptus & liberatus.

*Simile.* Quemadmodum si puellam quandam è domo & immundicia meretricia dato certo precio ob id redimas, ut ab ea miseria liberata tibi sit honesto coniugio coniuncta: Illa uero tantae oblita gratiae, ad pristinam sese spurcitiam denuo recipiat, iniuria primum in potestatem tuam quam precio in illam acquisieras, deinde & in acceptam gratiam, qua fuerat à tanta immundicia liberata. Tale prorsus est, quod Christiani flagitiosi & scortatores admittunt.

Glorificate igitur Deum in corpore uestro, & in spiritu uestro, quae sunt Dei.

Illatio est ex praecedenti propositione, qua enthymema construit, quod ad perfectum argumentum duci potest, si addatur maior propositio quae desideratur, utpote ad hunc modum. Quicquid Dei est, ad gloriam Dei facere debet. Corpora uestra & spiritus uestri Dei sunt. Minorem hanc probauit ratione redemptionis, cum dixit: Empti enim estis precio. Ergo corpora uestra & spiritus uestri, ad gloriam Dei facere debent. Iam ad gloriam Dei non facit immundicia scortationis, per quam cum in ius Dei quod in uos habet, tum in gratiam illius iniuri estis. Igitur ut Deum glorificetis in corpore uestro & in spiritu uestro, quae Dei sunt, fugite scortationem.

E t in spiritu uestro.] Hanc particulam ob id adiicit, ut ostendat non corpus solum, sed & ipsum spiritum per scortationis impuritatem pollui, concupiscentijs uidelicet impuris. Alij id rationis assignant, quod puritas corporis sine ea quae spiritus est, Deo non admodum placeat, atque ideo non solum corpore, sed & animo fugienda sit scortatio. Tale est illud

A Matthaei 5. Qui uiderit mulierem ad concupiscendum eam, &c.

## CAPVT VII.

I Am commodum Apostolus post reprehensam scortationis immundiciam, coniugij causam subiicit, tanquam sanctorum hominum opinione uicinam, ne illam putetur una cum scortatione damnassee, aut certe, ne non intellecta illa lapsus paretur ad scortationem. Apparet autem fuisse Corinthijs nonnihil contentions de coniugio, ita ut quidam illo putauerint Christianae religionis gratia abstinendum, quidam etiam coniuges iam sese propter religionem, maxime in impari coniugio constituti, separauerint, & hisce de rebus Apostolo scriptum esse per bonos & pios, unde & ait: De quibus autem scripsistis mihi, &c.

Agit itaq; hoc capite primum de coniugio, deinde de *ἀγαμία*, tertio, de uirginitate, idq; omnia ita dilucide ac distincte, tantaq; cautione, ne cui laqueum ponat, ut mirum sit ueteres quosdam, alioqui doctos uiros, capitis huius lucem non uidisse. Verum impleri oportuit Apostoli prophetiam, qua ille futurum praedixit, ut exurgat doctrina demoniorum, qua nuptiae prohibeantur, uide 1. Tim. 4.

Principio autem de coniugio docet, quod Christianis coniugibus esse liceat.

B Deinde, quod quisq; coniugum compari suo debitum coniugij reddere debeat.

Tertio, quod non debeant separari coniuges.

Quarto adijcitur consilium de coniugibus, quod ad religionem attinet, inter se diuersis.



E quibus autem scripsistis mihi: Bonum est homini uxorem non attingere, attamen propter stupra uitanda suam quisq; uxorem habeat, & suum quaeque uirum habeat.

Quid Corinthij Paulo de causa coniugij scriplerint non liquet penitus.

Chrysostomus arbitratur quod percontati sint an coniugium Christianis liceat, uel non liceat, uel, ut ipsa uerba illius assignem, *ἢ δὲ ἀνὴρ καὶ γυνὴ ὡς ὁ Χρὶς καὶ ἡ ἐκκλησία*, id est, an abstinendum sit à muliere uel non.

Quidam uero illud, Bonum est homini uxorem non attingere, intelligunt hoc ipsum esse, quod Corinthij scripserunt, ut sit ista lectionis series. De quibus autem scripsistis mihi, uidelicet, Bonum esse homini, ut ab uxore absteineat, assentior quidem, uerumtamen propter stupra uitanda curandum est, ut quisque suam uxorem habeat & suum quaeque uirum. Et isti lectioni uidetur fauere, quod Graeca habent *καλὸν ἀνδρὶ ὡσεύς*, ut addi possit tam in-



finitiuus *ἐν τῷ*, quàm indicatiuus *ἐν τῷ*, & legi, Bonum esse homini, æque atque bonum est homini.

Quidam autem legunt hanc particulam tanquam quæ non sit Corinthiorum, sed ipsius Pauli.

Credibile est autem Apostolo non solum de coniugibus, sed & de nuptis ac uidiuis, item de imparibus coniugibus dirimendis, adhuc & de uirginibus, scriptum esse. Quid enim ueritat ex ipso illius responso colligere, quid percontati sint Corinthij?

BONUM est.] De eo bono non loquitur, cuius oppositum est uicium & tale malum quod iniusticiam coniunctam habeat. Si enim id uellet, non diceret hoc ipso capite, Quod si duxeris uxorem non peccasti, et si nupserit uirgo non peccauit. Proinde hoc bonum nihil aliud est quàm commodum & profuturum, cuius oppositum est malum quidem, sed quomodo dies mali, id est molesti dicuntur. Infra declarabit seipsum, quomodo dicat bonum esse homini, ut uxorem non attingat.

Hieron. Quod si collectio Hieronymi aduersus Iovinianum hoc sensu posita est, firma persistit, si uero colligit coniugium esse ita malum ut sit illicitum, damnabilis expositio est.

ATTAMEN propter supra uitanda.]

Quamquam propter præsentem necessitatem commodum esset abstinere à coniugio, non tamen hoc suadet, propter incontinentiam Corinthiorum, quos sciebat esset ad scortationem procliues, ne daretur illis stuprorum occasio. Aliàs, quomodo conuenisset adimere illis coniugium, quos iam tanto serio scortationis causa reprehenderat?

Et uide quomodo non dicat, attamen propter supra uitanda, bonum est, ut quisque uxorem suam habeat, & quæque uirum suum, nec dicat, consulo, ut quisque suam habeat, ne polluat ex aliena, sed *ἐκ τῆς*, habeat, id quæ non semel, sed iterum, id quod imperantis etiam est. Non quod simpliciter imperet quibusuis coniugium quasi illicita sit *ἀπαμία*, sed quod sciat Corinthiorum incontinentiam illiq; uelit omnem adimere occasionem scortandi. Ita & 1. Timo. 5. ubi cognouit iuniores uiduas in Christo lasciuire, adeoque aduersario occasionem maledicendi dare, non dixit: Bonum est, & consulo, ut iuniores nubant, sed, uolo igitur iuniores nubere, quod certe est non iam consulentis tantum, sed magis præcipientis.

Quod si tempore Apostoli, ut fortiter colligit Erasmus, ubi pauci erant Christiani, & paucissimi Christi ministri, deinde persecutionis gratia malum erat nubere, propter supra uitanda præcipit Apostolus, ut quisque suam, & quæque suum habeat, quanto magis ubi nunc tanta est credentium multitudo, tanta ociosorum pinguium ac libidinosorum sacerdotum copia, tantaque pacis publicæ tranquillitas, curandum erat, ut omnis scortandi tolleretur occasio, maxime cum uidea-

mus iam olim omnis generis immundiciam passim apud eos qui coelibatum profitentur cum irreuerabili Christianæ honestatis detrimento, obtinere & regnare.

S V A M quisque uxorem, &c.] Non dicit mulierem quisque habeat. Nam & inter scortatores reperias, qui mulierem penes se habeat, concubinam, qua sit contentus, cui & thori fidem seruet, è qua etiam liberos suscipiat, id quod de se scribit Augustinus in confessionibus libro 4. cap. 2. qui & filium habuit ex concubina Adeodatum confess. libro 6. cap. 15. Talis tamen copula illegitima est, quod & Augustinus fatetur. Coniugium uero docetur ab Apostolo, cum dicit, unusquisque suam habeat, & unaquæque suum. Quæ extra connubium legitimum uirum habet, non suum dicitur habere sed alienum. Sic Iohan. 4. Samaritanæ dicebat Christus: Bene dixisti quod uirum non habeas. Quinq; enim uiros habuisti, & quem nunc habes non est tuus. Liqueat itaque concubinatum istum, quem pontificij sacerdotes hodie libere sectantur, nihil esse aliud quàm scortationem, cum non sit coniugium legitimum, ad quod uitandæ scortationis gratia quosuis adigit hic Apostolus iubens, ut quisque suam & quæque suum habeat. Proinde 17. canon Toletani concilij de concubinato, reprobus est.

- 1 Vitædam esse scortationem Christianis tam uiris quàm mulieribus.  
2 Matrimonium huc conducere tam uiris quàm mulieribus.  
3 Matrimonij fide esse non solum liberorum procreationem, sed & scortationis uitationem.

Obserua

#### OBSER. I.

In eo quod dicit, propter uitandam scortationem, habeat quisque uxorem suam, satis indicatur coniugium legitimum remedium adferre contra scortationem, ut possint cum uirum fœminæ licita copula illicitum uitare congressum. Et hoc uerum esse depræhenditur apud eos qui per coniugium nihil aliud querunt, quàm ut naturæ legi satisfaciant. Apud intemperantes uero, qui libidini fræna absque ullo Dei timore laxat secus habet. Nam illis quod licet non admodum placet, sed pane furtiuo delectantur. Audimus subinde coniugij irrisores, homines impuros, impuritatem suam tam non tegentes, ut dicant, impossibile esse, ut una quis queat esse contentus. Et si quisquam sit, qui hoc possit, illum eadem facultate & in uniuersum omnibus posse carere. Hi aperto ludibrio oraculum hoc spiritus sancti abijciunt, non alia ratione, quàm quod iuxta suam intemperantiam de aliorum uirorum natura & temperantia iudicant.

#### I I.

Videmus etiam hoc loco coniugij finem non eum tantum esse, ut liberi creentur, sed & hunc,



hunc, ut uitetur scortandi occasio. Ergo plurimum errant, qui putant cōiugium legitimum nō esse nisi inter fœcūdos, quasi in illis qui uel ætatis uel naturę defectu steriles sunt, nulla sit amplius coniugij ratio. Præscribitur hic ratio coniugij, ut uitetur scortatio. At illius peccatū timendum est & uitandum, non solum iunioribus & fœcundis, sed & etate prouectioribus & infœcundis. Vnde uiduā non agnoscit Apostolus quæ ali debeat in ecclesia, nisi quæ attigerit annum sexagesimum. Certum est igitur, quod & inter steriles & natu grandiores iusta sit coniugij ratio.

Et ne quis in uiris quidem senibus & grandæuis, si iuniores uxores habeant, ut de Abrahamo legitur, istam coniugij rationem concedat, propter fœcunditatis possibilitatē, in mulieribus autē neget, eo quod ex illis iam prouectioribus proles tolli nequeat, aduertendum est, quod ista coniugij ratio quā Apostolus hic assignat, non magis uiris competit quā mulieribus. De utrisq; enim dicit, propter uitandam scortationem quisq; uir uxorem suam, & quæq; mulier uirum suum habeat. Tam enim mulieri quā uiro uitanda præscribitur nō solum scortatio, sed & scortationis occasio.

Vxori uir debitam beneuolentiā reddat, similiter autem & uxor uiro. Vxor proprii corporis ius nō habet, sed maritus. Similiter & maritus proprii corporis ius non habet, sed uxor.

Ista coniugij legē ac *ἡ ἀποστολική* exprimunt, & illud quod dixit, quisq; suam & quæq; suum habeat, ad propositum coniugij finem applicat. Ad hoc enim, ut cōiugibus stupra uitare liceat, opus est ut alter alteri coniugi debitam beneuolentiam reddat. Vocat autem debitā beneuolentiam, obsequium illud, quo naturæ legi utrinq; seruitur. Illam, ne putetur esse libera cuiquam coniugum, uocat debitam, & non dicit præstet, sed *ἀποδοῦναι* reddat, ut debita reddi solent.

Vxor proprii corporis ius non habet.] Velut rationis uice subiicit, quare debitam uocet beneuolentiā hanc mutuam. Ob id uidelicet, quod neuter coniugū proprii corporis ius habet, sed uiri uxor, & uxoris uir. Ea est lex coniugij, qua discernitur à concubinato, in quo nec uiri corpus in potestate mulieris, nec mulieris in potestate uiri est, sed quisq; proprii corporis ius habet, ut relicto cōcubinato possit se legitimo addicere cōiugio, nec peccat, si altera ab altero discesserit. Et hoc ipsum est, cui⁹ gratia pleriq; coniugio cōtempto liberam sectantur libidinē ne cogantur corporis libertatē amittere. Arbitratur enim rem esse molestam & indignā uiro, corporis proprii potestatē permittere mulieri, at uetita libidine polluere corpus non scortationi, sed domino destinatum, non putant rem esse indignam uiro.

Coniungit equa lege utrosq; & uirum & uxorem Apostolus, parem utriq; in alterius cor

A pus potestatem, & ius assignans quod ad mutuam istam beneuolentiam attinet & naturæ legem. Alioqui quod reliquam coniugij conditionem concernit, non est ea in uirum potestas mulieri, quæ est in mulierem uiro. Nam is caput est mulieris, cui à domino dictū est, Sub potestate uiri eris, & ipse dominabitur tibi.

Ne fraudetis uos inuicem, nisi si quid ex cōsensu, ad tempus, ut uacetis ieiunio & precationi, & rursum in unum conueniatis, ne tentet uos Satanas, propter intemperantiā uestram.

Hinc apparet uel tum fuisse qui religionis prætextu istam debitam beneuolentiam coniugibus negarint, uel Apostolum quod temporibus posterioribus futurum erat præuidisse, & antidotum parasse. Non dicit, ne alter alteri mutuam beneuolentiā denegat, sed ne fraudetis uos inuicem. Fraus enim est, quando quod debetur cōmentitio aliquo prætextu aufertur. Ita quippe uerbum *ἀποστέλλω* hoc loco capitur ut respondeat ei quod dixit, uxori uir debitam beneuolentiam reddat, similiter & uxor uiro.

NISI si quid ex consensu.] Ista nec præceptum habent, nec cōsiliū, sed permissionem ac dispensationē. Neq; enim præcipit, nec consulit, ut precandi & ieiunandi gratia separentur coniuges, sed si id faciendum sit permittit quidem ac dispensat, iuxta uero normas præscribit, ne temere id, & immodice pariter & periculose fiat. Ideo non dicit, ad ieiunandum & precandum separemini, sed nisi si quid tale faciendum est. Deinde addit limitationem, ex consensu, ut ostendat repugnante altero id non licere, & summe periculosum esse. Nam ut Chrysostomus ait: Maioris est æstimanda concordia, quā ieiunia & precandi studium. Et plurimum parit perturbationum, & periculi si id tentet quisquam coniugum altero reluctante. Item, ad tempus, ne perpetuo secubitu separētur, sed temporario duntaxat. Adhæc, non quauis de causa, sed ad ieiunandum & precandum. Hoc est, quando forte uel propter ecclesiasticam, uel ob domesticam necessitatem seriore ac feruentiore precatione ambienda est diuina misericordia. Vnde non dicit, ut ieiunetis & precemini, sed ut uacetis ieiunio & precationi. Ita & Chrysostomus exponit. Nam alioqui, inquit, si uetaret coniunctos precari, quomodo impleretur illud, Sine intermissione orate? Non enim precationem polluit ista cohabitatio, sed ferriorem impedit. Præterea, ne ista deuotio mali det ansam addit, iubendo, & rursum in unū conueniatis, ne tēret uos Satanas propter intemperantiā uestram. Vide quanta solitudine cauerit insidias Satanæ, sciens quā essent intemperantes Corinthij, & tentationibus Satanæ facile expositi.

Abutitur hoc loco Papa Siritius contra  
h 3 ipsam

Rem parū  
uerecūdā,  
ut inquit  
Eras. uere-  
cunde no-  
tat.



Pape Siri-  
tij nuga-  
menta.

ipsam Apostoli mentem, in decretis suis ubi de continentia sacerdotum ad hunc modum argutatur.

Præterea quod dignum & pudicum & honestum est suademus, ut Sacerdotes & Levitæ cū uxoribus suis non coeant, quia in ministerio ministri quotidianis necessitatibus occupantur. Ad Corinthios namq; Apostolus scribens, dicit: Abstinetes, ut uaceris orationi. Si ergo laicis abstinencia imperatur, ut possint deprecantes audiri, quantomagis Sacerdos utiq; omni momento paratus esse debet, mundiciæ puritate securus, ne aut sacrificium offerat, aut baptizare cogatur, qui si contaminatus est carnali concupiscentia quid faciet? Excusabit?

Quo pudore? Qua mente usurpabit? Qua conscientia, quo merito exaudiri se creder? cum dictum sit, omnia munda mundis, coinquinatis autem & infidelibus nihil mundum. Qua de re hortor, moneo, rogo, tollatur hoc opprobrium, quod potest iure etiam Gētilitas accusare. Forte licere creditur, quia scriptum est, unius uxoris uirum. Non permanentem in concupiscentia generandi, sed propter continentiam futuram, qui ait, uelle omnes homines sic esse, sicuti & ego. Et apertius declarat dicens: Qui autem in carne sunt, Deo placere non possunt, uos autem iam nō estis in carne, sed in spiritu.

Rom. 8.

Liquet hunc Papam & reliquos eiusdem farinae coniugio immundiciam deputasse contra auctoritatem sanctarum scripturarū, maxime Ebr. 13. deinde & patrum ac ueterum conciliorum, potissimum Niceni, & Gangrensis. Atq; ideo passim uidemus commercium connubiale, obscenam cōiunctionem & libidinofam societate ab istis impijs uocari. Verum istam impietatem indelebili nota manifestæ ac spurcissimæ immūdicie iam olim ulcisci cœpit iudicium domini.

1 Primum iniuriam facit & menti & uerbis Apostoli. Neq; enim ille imperat laicis abstinencia, neq; causam istam assignat, ut possint deprecantes exaudiri, quasi coniuges nisi separantur à Deo non exaudiantur, cum non debita coniugū beneuolentia reddat iniustos Deo sed peccatum.

2 Deinde quod ex isto fundamēto falso substruit æque falsum est. Videlicet quod dicit Sacerdoti non licere ministrare sacris, nisi abneget commercium uxorum. Ista sentētia damnata est cū in Niceno cōcilio admonēte Paphnutio congressum cōiugum legitimum castitatem esse non immundiciam, tum cap. 4. concilij Gangrensis, ubi damnatur, qui coniugem Sacerdotē discernit, tāquam propter nuptias offerre non debeat.

3 Vim facit & reliquis duobus locis Apostoli ex Tit. 1. & Ro. 8. Nā de ista corporali mūdicia nō loquitur Apost. sed de ea quæ mentis est, nec immundus quisquā ex cōgressu uxoris redditur, nec ita in carne sunt coniuges, ut Deo non placeant, sed qui secundū carnis concupiscentiam uetitam & immundam uiuunt.

A Sed relictis istis nugis, expendamus istam Pauli admonitionem aliquanto exactius.

I.

NE fraudetis uos inuicē.] Saluberrima est ista, & ad propositum Apostoli, omnium accommodissima admonitio. Debitor est consorti suo quisq; coniugum. Vir ipse licet sit caput uxoris, illiq; dominetur, nihilominus debitor illi constitutus est, idq; non rei pecuniariæ tantū, sed proprii quoq; corporis. Non est itaq; cuiquam coniugum cogitandū, quid sibi arrideat sed quid compari suo debeat, uidendumq; ne fraudem in cōiugali debito committat. Ista admonitio licet cōiuges hoc loco concernat, talis tamen est, quæ omnibus sit mortalibus applicanda. Quis enim est, qui nō aliquo usq; debitor sit illis, quibus cōuiuuit? Et forsan, qui minores sunt, non ita opus habent hac admonitione, ne maiores suos defraudent. Nā illi cogi possunt, ut officium præstent: opus autem potissimū habent, qui superiores sunt, & nec cogi possunt à minoribus, nec agnoscunt quid illis debeant, putantes esse sibi quicquid faciēdi libertatem. Hoc quippe animo plerunque quæ rerum potiuntur, erga subditos sunt, ut alios arbitrentur sibi omnia, se uero nihil cuiquam debere. Illis itaq; crebro inculcandū est, quod capita sint, inferioribus suis ueluti mēbris plurimū debētia, ut curēt nō minus illis præstare quod debent, quā exigere quod sibi ab illis debetur. Reditus annuos accensus & primitias & decimas, ut suis temporibus, tanquam debita exigant, in cautiones referunt, uerum quæ ipsi uicissim debent subditis, ne semel quidem inspiciunt.

B

Nec putādū est hac in re firā esse Christianæ perfectiōis metā. Nō enim satis est Christianæ professioni, neminē defraudare, sed exigitur, ut de iure tuo cōcedas, & supra q̄ debes proximo etiā inimico inseruias. Ab ista perfectiōe qui proximos defraudant tā absunt, ut ne Gētium quidem equitatē dū tēneant, nedū Christianorum iusticiā. Inoleuit nostris tēporibus impudētissima iniquitas, ut passim inuenias, qui promptissimi sint ad hoc, ut pecunias mutuo accipiant, cum nunquam in animum induxerunt, quod fidem reddendo quod debent, liberare uelint. Quando illi quæ sua ipsorum sunt egenis impendent?

II.

NISI si quid ex consensu.] Hoc mediū illud est, & uelut instrumētū, quo debiti retinaculū soluitur, ut iam non sit defraudatio, sicubi non præstatur quod debetur. Consensu isto fit, ut quod alterius est iure, in alterius uel usum uel dominium licite cedat. Hinc illud est, uolenti non fit iniuria.

Videndum tamen, ut consensus iste non repugnet diuinæ uoluntati. Nam non mox licebit cōiugibus status & copulæ suæ uinculum ex consensu prorsus dissoluere, ut alter ab altero in uniuersum perpetua separatione disiungatur.



gatur. Quod enim Deus coniunxit, homo, inquit Christus, non separet. Proinde nō simpliciter dicit, nisi ex consensu, sed nisi aliquid ex cōsensu, idq; ad tempus. Inuenias alioqui, qui mox utrinq; coniugij pertesi, ut status iste molestiarum plenus est, facili consensu à se inuicē dissiliret. Imo crediderim rarissima futura cōiugia, quæ non hoc pacto dissoluerentur. Non est igitur in potestate coniugum, ut mutuā fidem inter se alter alteri relaxet. Nam id repugnat ordini Dei.

## I I I.

V Tu aceti ieiunio & precationi.] Serię precationi cōiungit ieiunium. Nota est consuetudo piorum, cum ueteris tū apostolicę ecclesię, qua cum ferio esset, propter calamitatē aliquā uel præsensem uel futuram, ambienda diuina clementia ieiunij humiliationem & afflictionē precationibus coniunxerunt. Et hoc genus instituti exigit uacationē ab alijs negocijs nō solum illicitis, quibus in uniuersum ac semper renunciandum est more Niniuitarum, sed & à licitis ut hic uidemus.

Putat Erasmus uacationis dictionē ad precationem tantum referendam esse, eo quod illa ieiunio non perinde cōpetat, propterea quod hic non ita exigatur animus à mundanis curis abstractus atq; in absoluendis precationibus. Verum meo iudicio non sunt separanda hoc loco, ieiuniū & precatio, ut non minus ieiunio isti quàm precationi cōpetat animus liber & ab alijs negocijs absolutus. Institutum hoc ieiunandi simul & precandi in defuetudinē abiit magno ecclesię malo. Obserua uero, nō min⁹ esse cōiugibus quàm continentibus accessum ad ecclesiastica ieiunia & serias preces, at scortatoribus non item.

## I I I I.

E T rursum in unum cōueniatis.] Bona res ieiuniū, bona precandi sedulitas. At est modus in rebus, etiam bonis, ac talibus, quarum gratia res aliquando licitæ & honestæ seponendæ sunt. Notum est illud: Sunt certi deniq; fines. Item, ne quid nimis. Istum modum si obseruassent in ecclesia episcopi, minus loci fuisset insidijs Satanæ & minus scandalorū. Regressus autē iste à ieiunio etiā ad hoc utilis est, ut pareat ad ista reditus, qui occluderetur si lapsus fieret ad supra. Sicut per ocium, quietē & refectiōnē corporis, ad labores qui intercludūtur, per irremissum laborē uires corporis eneruatem.

## V.

NE tentet uos Satanas.] Vide quid ieiunantibus, precantibus, & licitis abstinentibus meruat. Ne tentet, inquit, uos Satanas. Nisi periculum esset etiam ieiunantibus & precantibus à tētationibus Satanæ, nihil huius admonuisset. Imo hic potissimum timendæ sunt Satanæ insidiæ, ubi à licitis seceditur, idq; immoderate, ut ad illicita fiat lapsus. Rem hanc ipsa luce clariorem reddidit experientia. Igitur securiores sunt ne per Satanam tententur qui licitis utuntur remedijs.

A Nec dicit: Ne perdat uos Satanas, aut, ne cōijciat uos in stuprorum immundiciam, sed, ne tentet uos. Non uult igitur ne tentandi quidē occasionem relinqui Satanæ, nedum superadi ac perdendi. Certe non mox uictor euadit qui tētat, nec statim perditur qui tētatur. Imo multis tentatio Satanæ occasionē pręstitit nobilis uictorię. At tentandi occasionem dare Satanę, nō est hominis pij & cauti: uult nos fortes quidem esse in superadis aduersarij tētationibus, at interea simul admonet cautionis, ne temere illis causam demus. Ita & Christus orare docuit, ne inducamur in tēnationem maligni.

## V I.

PROPTER intemperantiam uestram.] Nō dicit *διὰ τὴν ἀνολασίαν ὑμῶν*, propter uestram infrænē libidinē, sed *διὰ τὴν ἀνκρασίαν ὑμῶν* .i. ppter uestrā incontinentiā, uel continēdi impotentiam. Licet aliquando *ἀνκρασία* in uicio sumatur pro *ἀνολασία*, hoc tamen loco, ubi de cōiugibus agitur, & de ea incontinentiā, cui per cōiugium licite satisfit, nō est posita aliter q̄ pro naturali lege, cui obnoxij sunt oēs mortales, nisi q̄ qdā dispēlatione diuina ab illa liberatur. Et ista naturalis *ἀνκρασία* nō est peccatū. Alioqui peccaret oēs coniuges legi naturæ inferuiētes, & male iuberet Apost. cōiuges in unū redire, ut illi satisfaciētes Satanæ tēnationes effugiant. Quis quæso peccando insidias Satanæ declinat?

B Imo aūsim dicere *ἀνκρασίαν* istam, tāquam legem quādam naturæ esse à Deo, cū in uiris tū in mulierib⁹, inditam, ad hoc ut humani generis posteritas cōseruetur, ita ut nemo seipsum queat ab illa eximere nisi diuinit⁹ ac singulariter eximat. Ideo Christus dixit: Nō oēs capiūt uerbū hoc, sed quibus datū est. Et infrā Apost. dicet: Sed quisq; propriū donū habet. Est itaq; *ἀνκρασία* ista non solū naturalis & sine peccato, nisi degeneret in libidinē infrænē, liberā, & uagam, sed & necessaria & utilis cōseruationi generis humani. Alioqui q̄s sustineret tātis subiici molestijs, siue quæ uiros seu quæ mulieres in coniugio adobruunt, nisi ui sua utrunq; sexum captiuum haberet ista *ἀνκρασία*? Libido uero intemperans, & uaga scortationis impuritas, nec naturalis est, sed corruptæ naturæ uicium nec utilis, sed noxia & damnabilis. Et in coniugibus repræhensibilis est libido, si passionibus desyderij gētiliter inferuiatur, qua de re uidere est, 1. Thess. 4.

Matth. 19.

Novi quid hac de re disputet Augustinus de ciuit. Dei, lib. 14. cap. 16. 17. 18. 19. 20. 21. 22. 23. & 24. facit eam pœnam peccati, ut est quidem, uerum non sine diuinæ dispositionis prouidentia. Non mox peccatum est, quod pœna peccati est, dolor parturientium pœna peccati est, peccatum non est. Pane uelci in sudore uultus, pœna peccati est. At non est inobediens diuinæ uoluntati quare peccatum non est. Molestiam habet adiunctam, propter carnis inobedientiā, at inde non redditur peccatū. Turpitudine habet, unde & pudēda uocantur mēbra illa quæ generationi subseruiunt, pudorisq;



risq; gratia obteguntur, & actus ipse nō solum uulgaris & illicitus, sed & cōiugalis secretum amat & publicum fugit, & horum gratia peccatum non habet. Sunt & alia quædam in corporibus nostris quæ turpitudinem habent & oculi gaudent. Malesuada est? At id & de fame dicitur. Seruit corruptioni, & originali malo, quod ex Adamo diffunditur in omnem carnē, unde & David dicit: Ecce in iniquitatibus conceptus sum, & in peccatis concepit me mater mea, attamē peccatum non est, nisi uel accedat uetita intemperantia, uel ordinem cōiugij respuat. Non eiusdē rationis sunt quæ ex peccato sunt. Quædam enim ex peccato sunt tāquā damnabilis arboris dānabiles fructus, ut sunt inordinati affectus, iræ, liuoris, superbæ, prauæ concupiscentiæ, &c. cum suis prauis actibus, homicidio, mendacio, adulterio, scortatione, &c. Quædam uero sunt ex peccato, tanquam pœna quædam & calamitas, ut sunt uitæ huius molestiæ, carnis nostræ corruptio, & quæ illam comitantur, fames, sitis, dolor & cruciatus, morbi, mors ipsa, per quam ad terram reuertimur. Inter ista connumeranda est & hæc ἀκρασία naturalis necessitas & lex.

## V I I.

Notandum est & hoc, quā ex nobis tentationis occasionem uenetur Satā, nec quicquā tentando possit, nisi nostra incautione uel imbecillitate iuuetur. Ita Christum nō tentabat, nisi ubi animaduertit eum famem sustinere. Ita & Euam adorsus est, ubi illam solam reperit, idq; apud arborē pomi uetiti, illiusq; aspectu nō nihil oblectari animaduertit. Et hoc est, cur Iacobus cap. i. unumquemq; à sua ipsius concupiscentia abstractum & illectum tentari dicat. Oportet enim Satanam principia quædam ex nobis uenari, quibus ad tentandum, tanquam medijs quibusdam utatur, & ex quibus laqueos nobis struat. Sic Iudam tentauit posteaquam intellexit illum furem esse, & de questu sollicitum. Ita i. Tim. 6. dicuntur incidere in tentationē & laqueum, qui uolūt diuites fieri.

Hoc autem dico iuxta indulgentiam, non iuxta præceptū. Nam uelim omnes homines esse, ut & ipse sum. Sed unusquisq; proprium donū habet, alius quidem sic, alius autem sic.

Per correctionem cauet, ne occasionem det futuræ tentationi, quā cupit uitari. Ideo ostendit se ista dicere non præcipiendi, sed indulgendi modo. Est autem συγγνώμη ea concessio, qua permittis & concedis, non quod sit optimum tibiq; magis arrideat, sed quod aliorum captui & imbecillitati conuenire putaueris, quod alio uocabulo Græci συγκατάβασις, id est, condescensum uocant. ἰπταγὴ uero, præceptum est, & aliam habet rationem. Hic simpliciter absque ullo condescensu & indulgentia quod faciendum est, ita iniungitur, ut non sit in potestate subditi quicquam decidere de eo quod man-

A datur, cum συγγνώμη nō cogat, sed liberum permittat, an facias uel omittas quod cōceditur. Cum ergo dicit se istud non præcipere, sed per indulgentiam & cōcessionem ponere, ad hoc facit, ne putent Corinthij, omnino necesse esse, absq; ulla tergiuersatione aut differentia hoc singuli faciant, quod in uerbis istis cōtinetur.

Videndum itaq; hoc loco, qua sobrietate & prudentia spiritus sint non solum patrum, sed & apostolorum scripta legenda & amplexanda. Nam aperte hoc loco Apostolus in suis uerbis discrimen obseruandum ponit, admonens non omnia eiusdem esse rationis & conditionis. Quædam facit consilia & concessionem, quibus nullius cōscientia constringitur, quorum obseruantia pro cuiusq; captu libera permittitur. Quædam uero non consulendi aut indulgendi, sed præcipiendi modo ponit, tanquā obseruatu necessaria, de quibus audiemus hoc capite, & nonnullis alijs sequentibus.

Notanda simul est Apostoli prudentia & uigilantia, qua diligenter cauet, ne de rebus periculosis ita disputet, ut rimam aperiat tentationib<sup>9</sup> Satanæ. Nō spectat quid ipse, sed quid Corinthij possint. Nec adigit illos præceptoria potestate ad res licet bonas, sed periculosas, uerum demittit sese ad captum imbecilliū, consyderatq; quid humeri illorū ferre possint uel ferre recusent.

B Deinde non est contentus, quod non præcipit res liberas licet bonas & utiles, sed admonet eos etiam, quod ista non præcipiendi, sed concedendi modo scribat. Cur hoc facit? Metuit forsan ne ipsi id non intelligant. Omnino illos hoc scire uult. Alioqui tam diligenter huius non admoneret. Ergo scribat operæ precii esse, ut id intelligerent Corinthij. Quamobrē? Ne præter rationē cōscientiā peccati incurrerent, ubi nihil esset peccati. Istā spiritus prudentiam, & paternā uigilantiam imitari debebant ecclesiæ doctores ac pastores, nō solū ne de rebus liberis præcepta statuerent, sed apostolica συγγνώμη uteretur, uerum etiā ut diligenter rerum libertatē Christianis notā facerēt, seseq; explicarēt, quid quatenus & qua ratione proponerent, quid necessario seruandum præciperent, quid fidelium arbitrio & imbecillium captui liberum relinquerent.

Sed quo referēda sit ista συγγνώμη omnino uidendum est. Non enim eiusdem rationis sunt præcedentia, ut ad illa omnia indiscriminim pertinere possint, sed plurimum interest, quo referas. Augustinus libro de bono coniugali, cap. 6. ex hoc loco colligit concubitus coniugalem, quem alter coniugum ex lege matrimonij tanquā debitū, negare nō debet si non fiat respectu prolis acquirendæ culpa nō carere. Vnde hoc colligit? Ex eo uidelicet, quod istam συγγνώμην refert ad id qd<sup>d</sup> Apost. dixit, uxori uir debitā beneuolētiam reddat, similiter aurē & uxor uiro. Hoc intelligit Apostolū non pcepti uice, sed p ueniā posuisse & ignoscētā, tanquā de re nonnihil quidem culpabili, sed propter maius



maius malum concedenda. Et hoc indicant ipsius uerba. Nam sic scribit.

Augustin.  
uerba.

Iam in ipsa quoque immoderatiore exactio-  
ne debiti carnalis quam eis non secundum im-  
perium praecepit, sed secundum ueniam con-  
cedit Apostolus, ut etiam praeter causam pro-  
creandi sibi misceatur, etsi eos prauis moribus ad  
talem concubitus impellunt, nuptiae tamen  
ab adulterio seu fornicatione defendunt. Ne-  
que enim illud propter nuptias admittitur, sed  
propter nuptias ignoscitur. Et paulo post. Con-  
iugalitatis enim concubitus generandi gratia non  
habet culpam, concupiscentiae uero satiationis,  
sed tamen cum coniuge, propter fidem thori,  
uenialem habet culpam.

At meo iudicio, primum non est necesse, ut  
intelligatur Apostolus hoc loco de debito con-  
iugali, coniugibus inuicem reddendo, cum praе-  
cedentia alias aliquot habeant particulas, quo  
tutius referri possit ista συγγνώμη. Neque enim  
quadrat, ut intelligamus coniugale debitum  
ex Apostoli cōdonatione, etiam quatenus ui-  
tandae tantum scortationi seruit, reddendum  
esse, cum id exigat lex ipsa coniugij, & fides  
thori legitimi, qua alter alteri obnoxius est.

Huc refert  
Ambrosius.

Potest referri uel ad id quod dixit. Propter ui-  
tandam scortationem quisque uxorem suam  
& quaeque maritum suum habeat, ne putetur  
omnibus praecipere coniugium, tamquam rem  
ita necessariam, ut sine peccati conscientia ui-  
tari nequeat, uel ad eam particulam qua dixit,  
nisi si quid ex consensu, ad tempus, ut uacatis  
ieiunio & precationi, &c. ne ista intelligantur  
necessaria praecipere, & non per cōcessionem dici.

Deinde non statim συγγνώμη eam cōcessio-  
nem & indulgentiam perpetuo significat, qua  
quae culpam quidem habent, sed propter ma-  
ioris culpae malum uitandum conceduntur,  
quale est quod repudij libellus Iudaeis per Mo-  
sen permissus est. Nam & tunc aliquid recte per  
συγγνώμη fieri dicitur, quando relicto maiori bo-  
no certa ratione minus bonum suadet & ap-  
prehenditur. Qui consulit, ut quisque suam ha-  
beat uxorem, uitandae scortationis gratia, non  
consulit rem minus culpabilem, ut quae maio-  
ris est culpae uitetur, sed à re commodiore &  
utiliore, continentia uidelicet & ἀγαμία ad eam  
quae & ipsa bona quidem est, sed minus com-  
moda regno cœlorum propter instantem ne-  
cessitatem, certa de causa auocat. Non enim,  
ut ipse testatur Augustinus, duo mala sunt cō-  
iugium & scortatio, quorum alterum sit peius,  
sed duo bona sunt coniugium & ἀγαμία, quo-  
rum alterum est melius, quemadmodum duo  
mala sunt, scortatio & adulterium, quorum  
alterum grauiorem culpam habet.

De bono  
cōiug. ca. 8

Proinde ex ista συγγνώμη, qua Apostolus con-  
siderata Corinthiorum imbecillitate, ἀγαμίαν  
non ausus suadere, quae commodior erat, &  
utilior regno Christi, admonet ut scortatio-  
nis uitandae gratia suam quisque uxorem, &  
quaeque maritum suum habeat, non euincit  
concubitus legitimum aliquid habere culpae

etiam in illis, quibus nulla generandae sobolis  
spes esse potest.

Nā uelim omnes homines esse, ut &  
ipse sum. Sed unusquisque proprium do-  
num habet ex Deo, alius quidē sic, alius  
autem sic.

Rationem reddit cur non praecipiat coniu-  
gium, sed suadeat. Non ideo uidelicet, quod illo  
gaudeat ipse, uel beatos ducat coniuges, cum ma-  
lit omnes homines continentiae dono praedi-  
tos esse sicut ipse erat, uerum, quod sciat dona  
Dei esse uaria, non eadem omnibus data, sed  
alijs aliud, atque aliud, ob quam causam fie-  
ri nequeat, ut uulgaris sit continentia. Tan-  
tundem est quod his uerbis dicit. Ideo illud  
ἐγὼ γὰρ, commode legendum est, uidelicet, ue-  
lim enim, non uolo & addenda concessio-  
nis notam, quidem, propter sequentē correctio-  
nis particulam ἀλλὰ, sed id quod & mox in-  
itio capitis huius faciendum est.

Habet itaque ista ἀντιλογία duas partes.

Prima, qua ostendit quid cupiat, siquidem  
fieri posset, cum dicit, Nam uelim quidem om-  
nes homines esse sicut ipse sum.

Contenditur hoc loco qualis fuerit Aposto-  
lus, quod ad coniugij, uel continentiae causam  
attinet. Non enim loquitur uel de Apostolatu  
suo, uel de gente & tribu Iudaica, e qua erat,  
uel de stimulo carnis, quem inuitus patieba-  
tur, uel de peccatis suis, quorum remissio-  
nem & ipse cum omnibus sanctis precari co-  
gebatur. Sed de hac causa in qua iam uersatur.  
Hic quidam contendunt fuisse illum coniu-  
gem, eo quod sui mentionem facit in ipso cō-  
iugij & non uirginitatis tractatu: cum istis sen-  
tit Eusebius & Erasmus. Alij uero contra, con-  
iugij expertem fuisse uolunt, eo quod dicat, ue-  
lim omnes homines esse, sicut ipse sum, nec  
credendum sit illum optare, ut omnes homi-  
nes non cœlibes sint, sed coniuges, quae sen-  
tentia est Ambrosij. Verum quid opus est in-  
ani ista contentione quasi coniugio quiddam  
addat coniunx, uel demat cœlebs Paulus?

Non hoc agit isto loco, ut simpliciter optet  
omnium cœlibatum, quasi ille per se quic-  
quam faciat ad salutem, & singulari apud Deū  
prærogatiua sit commendabilis. Sed, ut in-  
frā dicit, propter illius commoditatem, ut ex-  
peditius liceat regnum Dei & illius iusticiam  
consecrari minusque impediuntur credentes  
persecutionū procellis, optat omnibus hanc  
continentiam, qua ipse quamuis esset uxora-  
tus uxore tamen carere poterat. Quis hoc no-  
mine optet sibi continentiae donum?

Deinde quaerunt quidam quale sit hoc uo-  
tum Pauli, quo, si fieri posset omnes mortales  
sibi similes, id est, cōtinentes, esse uellet. Quod  
si coniugio abstinere uniuersus orbis, periret,  
inquiunt, genus humanum. Augustinus sim-  
pliciter id uelle putat uotū Pauli, optatque hoc  
ipse cum Paulo. Reddit rationem, quod ita  
citius

cap. 10. ubi  
supra.



citius compleretur ciuitas Dei, modo id fieret corde puro, & conscientia bona, ac fide non ficta, terminareturque mundus. Ego credo huc non prospexisse mentem Pauli, sed simpliciter considerasse commoditatem continentie, quatenus illa multis caret molestijs, & aptior est regno Dei, præsertim tempore persecutionum, idque optasse animo erga regni Christi profectum, & omnium mortalium salutem flagranti. Vbi notandum obiter est, ingenium piorum, quibus hoc peculiare est, ut quàm à Deo gratia acceperunt, cupiant omnibus mortalibus secum esse communem, rursus, si quid triste patiuntur, nolint id cum aliquo mortali communicari. Tale quid & Act. 26. in Paulo uidere est. Contrarium est maleuolorum ingenium, quibus gaudium est socios habere in pœnis, & gloriosum, si quid eximij soli habeant.

2 Altera adiectæ rationis pars est, qua declaratur, quid ab eo uoto impediatur ne audeat omnium optare, quam uellet, continentiam, uidelicet, quod quisque suum donum habeat à Deo, alius quidem sic, alius uero sic. Habet autem ista particula, quam arbitror diligenter expendendam, quædam obseruanda.

## OBSER. I.

Primū est, quomodo impediatur à uoto suo Apostolus, per id quod quisque proprium donum habet ex Deo, alius quidem sic, alius uero sic. Ita uidelicet, quod non audeat sperare futurum salubriter, ut ut præcipiatur, optetur, tentetur, exigatur, quod à Deo non est concessum. Non audeat optare, nedum exigere, ut omnes mortales, ne Christiani quidem, continentiam profiteantur. Quare? Quia facultas continendi non est omnibus à Deo concessa. Non enim omnibus eadem diuinitus, sed alijs alia data sunt. Quid est ergo, quod episcopi tanta imprudentia tot millibus hominum continentiam imposuerunt? Et quæ est uouentium illam temeritas, cum & Christus dicat: Non omnes hoc capiunt, sed quibus datum est?

Matth. 19.

1 Regerūt quidam. At promissum est à Christo, quod accepturi simus quicquid à Deo petierimus. Quod igitur nobis præstitum est impossibile, per gratiam largientis Dei redditur possibile. Verū est, si quid petatur nomine filij & petatur fide incōcussa, taleque sit quod regno Christi sit uel gloriosum uel necessariū. At res ipsa declarat, qua ratione cœlibat<sup>9</sup> professionem imponant illi, isti appræhendant, deinde omnibus conspicuum est, quomodo petāt, & quid accipiant.

2 Alij dicunt, uolenti nihil est difficile. Modo quis uelit, facile continentiam custodiet. Debebat ergo Christus dicere. Non omnes hoc capiunt, quia non omnes uolunt. Qui uero uoluerint, accipient & poterunt. Iam cum dicit, sed quibus datum est, satis aperte innuit frustraturos istam continentiam, quibus illa non est à Deo concessa. Non est itaque & hoc loco,

A uolentis, sed donantis Dei.

## II.

Notanda est diuina bonitas & munificentia erga genus humanum, in eo quod non quibusdam tantum, sed omnibus mortalibus dona sua largitus est. Non enim dicit, habent aliqui sua peculiaria dona, sed quisque proprium donum habet ex Deo. Nemo ergo queri poterit, quod sit diuina beneficentia destitutus, sed quisque habet, unde Deum glorificet.

## III.

Adhæc, quod non omnibus idem, sed alijs alia concessit, admonet nos sapientiæ & prudentiæ Dei, qua omnia pro suo ineffabili consilio, certis quidem at nobis nec inuestigandis nec compræhensibilibus, sed magis à longinquo adorandis rationibus, omnium consonatissima uarietate temperat & dispensat. Proinde omnium sunt ineptissimi, & parum reuerentes erga istam diuinæ dispensationis sapientiam, qui suis consilijs istam donorum Dei uarietatem disturbant, aliud ex alio efficere tentantes, præterquam quod cuncta gubernans Dei prouidentia in singulis instituit. Ego sapientiam mortalium hanc unam & omnium maximam duxerim, si cum intelligentia uersari in ista donorum Dei uarietate, cum in se quisquam tum erga alios possit. Ista sapientia opus est potissimum illis, quorum est alios moderari, ut intelligat quo quenque instituere, quidque ex quouis exigere ac sperare possint.

## III.

Et hoc notandum est, quod non dicit. Sed aliqui tantum hoc donum habent, ne putemus continentiam tantum donum esse Dei, sed, quisque proprium donum habet ex Deo, alius quidem sic, alius uero sic, ut intelligamus & coniugium reputari inter dona Dei, ut & uere donum Dei est. Hic cogitandum est quis illud, quibus, & ad quid, & qua benedictione instituerit. Donum Dei est, continentia facultas. Verum, & coniugalis castitas, & uidualis quoque, & ipsæ diuinitus ad bonum concessæ sunt mortalibus. Quod autem coniugium molestijs refertum est, non est ex doni huius, sed mortalium uicio

## V.

Postremo uidemus hoc loco, quàm nolit Apostolus cuiusquam uitam ad alterius, sed ad proprium donum institui. Quis non duxerit esse imprudentem eum, qui domum suam non ad propriæ, sed ad alienæ facultatis mensuram instituat, aut qui pedibus æger non quantum ipse per se poterit per diem, sed quantum itineris uiderit eos qui sanis sunt pedibus conficere, sibi præsumat? Eadem stultitia sanctorum exempla multis præsumpta sunt ad imitationem, non expenso quid proprii humeri ferre possent, quid non possent.

Dico



Dico autē inconiugatis & uiduis, bonum eis est, si manserint, ut & ego. Quod si se non continent, contrahant matrimonium. Nam satius est matrimonium contrahere, quā uri.

Ista pertinent ad secundum capitis huius membrum, quo de uiduis agitur. Quidam arbitrantur & ad digamiam pertinere, quam Apostolus licitam faciat uiduis, si se non continent. Illi digamiam esse putant, quando mortua priore coniuge, denuo nubitur. Talis certe licita est Christianis p̄senti testimonio Pauli, licet ueteres quidam, e quorū numero Terullianus est, illam fecerint illicitam. At uerior digamia ea est, qua cum duabus coniugibus simul habetur matrimonium, ut monogamus est, qui unam duntaxat coniugē habet. De ista non agitur ab Apostolo hoc loco.

DICO autem.] Ex sequenti moderatione patet, quomodo dicendi uerbo utatur hic Apostolus. Non pręcipit, nec iubet, sed cōsultat. Alio sensu dictum est à Christo, Matth. 5. Dico uobis, diligite inimicos uestros, &c. Nā ibi nō consulendi, sed pręcipiendi sensu, dicēdi uerbum positum est.

INCONIUGATIS & uiduis.] τοῖς ἀγαμίς καὶ τοῖς χήραις. De uiduis nihil est dubij, quod eas intelligat, quę uiros suos morte amiserunt. De ἀγαμίς uero ambiguum uidetur, an eos intelligat, qui nunquam sunt experti cōiugium, uel eos, qui ab uxoribus per mortem liberati sunt, quos uiduos uocamus. Nam ἀγαμίς proprie est qui coniugatus non est. Vnde & Erasmus reddidit inconiugatis, licet putet ἀγαμίς dici non posse, qui semel sint experti nuptias. Non occurrit illi, quod infrā de coniuge à uiro discedente legitur: Si discesserit maneat ἀγαμίς, ubi manifestum est, quod ea dictio etiam illis cōpetere queat, qui nuptias sunt experti. Est itaque simplicius ut intelligamus agi hoc loco quid uiduos & uiduas facere debeat. De uirginibus enim infrā in tertio capitis huius membro tractabitur.

BONVM illis est.] καλὸν αὐτοῖς. Bonum hic non sumitur pro uirtute, sed pro commodo. Non hoc bonum intelligit, quod Deo placeat. (Nam coram Deo inter coniugē & continentem nihil est discriminis.) Sed quod ad cōflectandam regni Dei iusticiam multum habet commoditatis. Vnde nō dicit ἀγαμίς τῷ θεῷ. Gratum Deo, sed bonum illis est. At quare bonum sit, infrā commemorabit.

si manserint ut & ego.] Colligunt ex hoc loco Paulum fuisse uiduum, eo quod se uiduis collocet in exemplum. Certe non potest fortius uidualem suadere cōtinētiā, quā suo ipsius exemplo. Dicit, bonum esse uiduis, ut sic maneant. Et ne uideatur alijs suadere aliud quā sibi ipsi, proponit illis suum exemplum. Non potest quisquam maiore fide alijs consilium, quid sc̄tandum, quid fugiendum, quā

A si quod alijs consulit, & ipse cōplecti, & quod alijs dissuadet ipse auersari depræhendatur. Licet non mox alijs conducatur, quod ipse conducturum putas, & re ipsa sectaris, nemo tamen culpāre poterit consulētis affectum. Nō multum efficiunt, qui quod iniungunt alijs, ipsi ne digito quidem attingunt.

QVOD si se non continent, nubant.] Moderatio consilij est, ne quod suadebatur in bonum, uergeret in damnum. Vt enim suprā dixit, unusquisque proprium donum habet, alius sic alius uero sic, atque ideo utut in se sit commodum regno cōlorum, si abstineatur à coniugio, malum tamen redditur, si absit donum continentiae. Addit itaq; uigilanter limitationem, ostendens quousq; & quibus bonū sit absq; coniugio manere.

Obseruandum autem est, quod non dicit, si se continere non possunt, sed, si se non continent. Non enim ulla hic proponitur continendi necessitas, quasi teneantur Christiani ad cōtinentiam, nisi continendi impotentia excusentur. Nemo cogitur. Quisquis non uult continere se, æque liber est à continentia, atque is qui non potest. Iam quid de illis statuendum iam olim erat, qui quod se non cōtineant, manifesta immundicia declarant, de quibus certe disputandum non est, quod possint, aut non possint, quid uelint aut respuant. Quod enim cōtinere se nolint, deinde ne possint quidem, publica scortatione produnt. Quis credat illos pręter animi sententiam scortari? Aut poterit ne quisquam dicere, quod cōtinentiae donum habeant, qui ita scortantur, ut prope ad nihil aliud nati esse uideantur?

Eximunt quidam isti sententię Monachos & Nonnas, & Sacerdotes. Vtinam eadē opera illos & incontinentiā eximerent, & continentia donarent. Prætexitur uotum. At ut in canonicis est, uotum non debet seruire perditioni & iniquitati. Præposterū est si ex uoto neſtatur laqueus p̄ditionis. Not⁹ est Cypr. locus ad Pomponiū lib. 1. cap. 11. ubi hac de re sic scribit. Cypr.

Quod si se ex fide Christo dicauerūt (loquitur autem de uirginibus Deo dicatis) sine ulla fabula perseuerēt, ita fortes & stabiles prēmij uirginitatis expectent. Si autē perseuerare nolunt, uel nō possunt, melius est ut nubāt, quā in ignem delicijs suis cadāt. Certe nullum fratribus aut sororibus scandalum faciant cū scriptum sit. Si cibus scandalizat fratrem, nō manducabo carnem in sæculum, &c. Et Aug. alicubi arguit eos incōsideratiā qui taliū coniugia pro ueris coniugijs non agnoscunt, sed si poterunt, dirimunt proq; adulterio habent. 27. q. 1. Nuptiarū.

NUBANT.] Vbi incōtinētia manifesta obijcitur uotarijs, regerūt, orādum esse Deū, ut det donū cōtinentiæ. Atqui Apostolus poterat dicere: Quod si se nō cōtinēt orēt ad Deū p̄ dono cōtinētiæ, ut quod melius est cōiugio, seruare possint. Iā nō ita dicit, sed nubant, inquit, si se non cōtinent, uelut digito ostēdens quid faciendum sit incontinentibus.



NAM satius est matrimonium contrahere quàm uri.] Hæc est ratio limitationis cur nubere debeant incontinentes. Quia melius est matrimonium cōtrahere, quàm uri. Est autem perpetuo quod melius est, quoad eius fieri poterit, amplectendum. Melius est cōtinere quàm nubere. Bene, qui potest capere capiat. Vbi autem deest cōtinentia, melius est nubere quàm uri. Ergo cōtinentiæ uel uoluntate uel facultate destitutis, melius est ut nubant, quàm ut concupiscentiæ flammæ subeant. Melius esset prorsus abstinere ab omni cibo. Nam careremus multis molestiis, ad quas cogimur cibi gratia, uerum cum id fieri nequeat, melius est edere & bibere, quàm fame periclitari.

QVAM uri.] Vitionem hanc quidam exposuerunt de incendio gehennæ, quos refutat Erasmus. Aliam sententiam habent Commentarii Hieronymo attributi, in quib⁹ sic legitur. Malo fornicationis melius est, quod igne punitur, sicut Iudas in Genesi de sua nuru pronūciat. Apparet hūc intelligere uerba Apostoli de igne supplicij, quo puniri debeant scortantes, quasi dicat Apostolus: Melius est ut matrimonium contrahant incontinentes, quàm si se non continentes scortentur, ideoq; ignis supplicio tradantur. At nostro sæculo non quadrat hæc expositio. Nūc enim scortatoribus nō est metuendum ignis supplicium, sed sacerdotibus ac monachis coniugibus, ut inuertenda sint Apostoli uerba, dicendumq;: Qui se non continet, scortetur. Melius est enim scortari quàm uri.

Apostolus nec de præsentī aliquo, nec gehennæ supplicio, sed de concupiscentiæ incendio loquitur, quod Chrysost. tyrannidem concupiscentiæ uocat. Nos Germani uocamus *brunst des fleyschs*, aliās, *das heymlich leyden*. Innuit enim Apostolus, ubi donum cōtinentiæ deest, ibi nihil aliud expectandū esse, quàm istas concupiscentiæ flammæ.

Notandum autem est, quod non dicit: Melius enim est matrimonium contrahere, quàm scortari, sed, quàm uri. Non mox scortatur qui uritur, id est, qui libidinis æstu uexat. Attamen etiam si nō publice scorteris, ubi tamen incendium istud libidinis senseris, non est expectandum dum in scortationē cadas, aliquōue alio immundiciæ opere cōtra deū pecces, sed usurpandum cōiugij remedium, antequam tentatione uincaris. Hoc scilicet est, quod nō dicit, melius est nubere quàm scortari, sed, quàm uri. Nam ob id ipsum suadet matrimoniū, ne in scortationem, imo in uisionem incidant incontinentes, iuxta id quod initio capitis huius dixit. Propter scortationem uitandam, habeat quisque uxorem suam, & quæq; uirum suum. Quod si ijs qui libidinis uisionē sentiunt, imo incontinentibus antequam urantur nubendū est, ne urantur, ne dum scortentur, ne, ut Chrysost. habet, cōtinendi laboribus & sudoribus subuertantur, quid iubendum est illis, qui iam pleno impetu scortantur?

Tres inuenio causas, propter quas nubendū

A fit incontinentibus, & æstum hunc libidinis in carne sua sentientibus.

Prima est, de qua iam diximus, ad quam & Apostolus respicit periculum uidelicet scortationis, & omnis generis impuritatis. Horrendum est cogitatu quid ista libidinis uisio monachis & Nonnis pepererit. Paucissimi nanq; sunt, qui illam uincant, nempe quibus id à Deo datum est. Reliqua turba quouis modo illius sese molestia quidem liberat ad tempus, uerū incredibiles conscientiae cruciatus incurrit.

2 Altera est quod etiam si opus libidinis non sequatur, inutilis tamen, imo nulla est ista cōtinentia corporis ubi animus immundis quotidie cogitationibus conspurcatur. Neq; enim ita comparatus est Deus, ut non plus mentis quàm corporis rationem habeat.

3 Tertia est, quod tales animi prorsus inepti sunt regno Dei, occupantur enim impuris cogitationibus, ut sanctis meditationibus locus ullus esse nequeat.

Satius itaq; est, ut & scortationis uitetur periculum, & animi declinetur impuritas matrimoniū contrahere, quàm libidinis perpetui incendium. Nisi enim coniugio ueluti refrigerio quodam incontinentiæ sopiretur incendium, certe ridiculus esset Apostolus, qui incontinentibus suadeat, ut nubant. Reipsa uidemus eos qui coniugium abiurarunt, cum dono cōtinentiæ careant, perpetuo quodam libidinis æstu occupari, impurisq; & oculis & gestibus & uerbis, ut reliqua taceam, quasi fumo quodam æstuantis pectoris malum prodere.

B Quid autē dicemus de adolescentibus, quibus nec permittitur, nec decorum est, neq; conducit etiā, ut ante iustæ maturitatis annos nubant, & tamē libidinis malum sub ipsa pubertate uehementer insidiosum est & permolestum? An & hic locum habet Apostoli sententia: Melius est nubere quàm uri? Licet enim de uiduis loquatur, res tamen ipsa quā uitari uult non solū uiduis, sed & illis qui ad nuptias adhuc sunt immaturi & inepti, timendum est.

Consulendum hic est adolescentibus, quādo quidem illis ad remedium coniugij nondū adspirare licet, multo minus cū Christiani sint ad scortandi exorbitare licentiam, qua & malum non restinguitur, sed magis incenditur, & ira Dei prouocatur, ut hac in re cauti sint, ne malo recenti & insueto, dum illud uel incaute admittunt, uel ferre nesciunt, subuertantur & pereant, antequam nubendi accesserit ætas.

Fons miraculosus in Epiro faces accensas extinguit quidem sicut alij fontes, uerum extinctas redaccendit, quod cum alijs cōmune non habet. Tale quid habet & scortatio, ut nō tam extinguat quàm redaccendat libidinis incendium. Libido uero incēsa instar est lapidis quam uocant Asbeston, eo quod extingui nequeat. De utroque August. de ciuit. Dei, lib. 21. cap. 5.

1 Profuerit illis cum primis studium timoris domini, & exercitium eloquiorum Dei.

Bonum



Bonum homini est, inquit ille, si portauerit iugum domini ab adolescentia sua. Et David: In quo corrigit adolescentior uiam suam? In custodiendo sermones tuos. Adijciendæ & crebræ preces ad dominum, quibus alitur timor domini, pijs cordis propositum confirmatur, & sanctimonia quædam ac mentis castitas imbibitur, qua fiet, ut immundæ cogitationes aut non facile admittantur, aut si per imprudentiam admissæ sint, omnium facillime extinguantur.

2 Deinde curadum illis est, ut temeritatem omnem, ac quiduis tentandi, audiendi, uident, loquendiue licentiâ, deinde & eorum quibus deest timor domini, societatem fugiant. Cohibendus est uisus, obserandæq; aures, ne quid uel uideatur uel audiat, unde occasio detur cogitationibus impuris, quæ si fuerint semel atq; iterum receptæ & ad cordis ueluti focum instar scintillarum admissæ, haud ita facile poterunt extinguui. Non frustra admonuit ille. Nil dictu fœdum, uisuq; hæc limina tægat, Intra quæ puer est. Et alius:

Adfluit incautis insidiosus amor.

3 Tertio conducet & hoc plurimum, ut summo studio caueât ocium. Ocia si tollas, inquit ille, periere Cupidinis arcus. Contemptæque iacent & sine luce faces. Item. Queritur Aegisthus quare sit factus adulter. In promptu causa est, desidiosus erat. Ocium literarium & honeste & salubriter negotiosum est, quo si fuerit animus adolescentis occupatus, non admodum uacabit ut ad perniciosas cogitationes exorbitet. Domi parentibus debita obedientia satis exercebit morigeros adolefcetes, nec locum ullum permittet uagæ & uiciorum feraci libertati. Cum ocio uitandus est usus uini, quo sanguis accenditur, & in libidinem exæstuat.

Quod si his medijs usi fuerint adolefcetes, bona spes est, quod adolefcetiam suam ope & gratia domini illibatam sint usq; ad annos coniugio aptiores seruaturi.

At coniugatis præcipio, non ego, imò dominus, uxor à uiro ne separetur. Quod si separata fuerit maneat innupta, aut marito reconcilietur. Et maritus uxorem ne dimittat.

Redit ad primum capitis huius membrum, alicuius adhuc admoniturus coniuges. In prioribus cauit ne coniunx coniugem iure suo defraudet admonens ut uir uxori, & uxor uiro debitam reddat beneuolentiam, ne locus sit Satanæ temptationibus. Hic adiungit de seruando coniugij uinculo infracto & illibato, domini præceptum. Sunt enim hæc duo propter astum Satanæ tenenda coniugibus, ne prætextu religionis coniunx aut neget coniugi debitum, aut prorsus à coniuge discedat. Tamen si nāq; Corinthij de Iudæis non fuerint, sciebat tamē Apostolus quā & inter Gentes ægre serua-

retur coniugij copula, & quāta temeritate dissilirent coniugia. Deinde sciebat astum Satanæ, quā iniquus sit legitimo connubio, & quanta uafrie per religionis speciē carnalibus patrocinari soleat affectibus. Adhæc tenendum erat, ne ex eo quod ἀγάπης ac uiduis continentiam suadebat, male feriat homines ac preposterè religiosi ansam sibi damnandi coniugia & quos Deus coniunxit segregandi sumeret. Ideo causam coniugum posteaquam consiliū suum de uiduis poluit, non absque ratione resumit.

NON ego sed dominus.] Aperte distinguit Apostolus inter ea quæ ab ipso domino sunt præcepta, & ea quæ ipse absq; peculiari domini mandato tradebat. Quod coniunx nō debeat separari à coniuge, nec uir dimittere uxorem à domino præceptum est. Qua de re uidere est Matth. 5. & 19. Ideo dicit hoc præceptum non esse suum ipsius sed domini, quod absq; dubio ob id commemorare uoluit, ut hoc plus reuerentiæ erga coniugium legitimum rite seruandum incuteret coniugatis fidelibus.

Obseruandum est igitur hoc loco duo esse præceptorum Christi genera.

1 Vnum quod per seipsum dedit, aut aliàs in scripturis expressum est. Tale est præsens hoc de coniugio non dirimendo, & quæ alia sunt huiusmodi.

2 Alterum eorum est quæ non per seipsum, neque alicubi in scripturis, sed spiritu sancto per apostolos agente ac loquente dedit. Talia sunt pleraque Pauli, hoc ipso capite, ut audiemus infra, & cap. 11. de uelandis mulierum precantium capitibus, & quod de cœna domini precipit, ut alius alium expectet & quæ cap. 14. de modo prophetandi & psallendi in ecclesia tradit, & quod mulieribus in ecclesia silentium præcipit, quæ tamen, licet nusquam sint ab ipso domino præcepta, nec alicubi in scripturis scilicet expressa, asserit esse domini mandata, cum dicit: Si quis uidetur propheta esse aut spiritualis, agnoscat quæ scribo uobis q, domini sint mandata. Prioris generis præcepta uocantur ὑποτάξα, posterioris uero ἀπαγορεύω, quæ certe & suam autoritatē merito habent in ecclesia Christi.

Nec firmum est tamen, quod hinc sibi tyranni ecclesiastici quiduis præcipiendi potestatem & autoritatē uendicant. Non enim mox amplectendum est pro domini mandato, quod ab episcopis titularibus aut alio quopiam præcipitur, licet quæ apostoli præceperint auctoritatem assequuta sint. De illis namq; certum est testimonio domini, quod non ipsi sed spiritus sanctus ex ipsis sit loquutus, de istis uero non item. Proinde curandum est ut ea quæ ἀπαγορεύω in ecclesiam post apostolorum tempora sunt inducta, talia sint, q, liquido fluant ex ὑποτάξει.

Deinde & iuxta notandum est, quod licet loqueretur ex spiritu sancto, plus tamē auctoritatis esse uoluit illis mandatis quæ peculiariter domini sunt. Confidenter hic dicit: At  
i coniu-



coniugatis præcipio, non ego sed dominus. Præcipere se dicit, & tamē ut id cū authoritate irrefragabili faciat addit, non ego, sed dominus. Ista sit & hodie episcopis præcipiēdi modestia & confidentia quoq; ut ubi præceptum domini præcessit, confidenter præcipiant, sed addant non ipsorū esse sed domini præceptū.

Vxor à viro ne separetur. Item & maritus uxore ne dimittat. **I** Locus hic Pauli, primū pertinet ad eos qui legitimi sunt coniuges. Alioqui si illegitimum sit coniugium, non solum licebit uxori quæ legitima non est, separari à viro, & viro vicissim dimittere non suā, sed peccabunt nisi quā primum separentur. Legitimis coniugibus non licet, ut à se inuicē separetur, nisi certis de causis, propterea quod separandi nō sunt, quos Deus cōiungit. Deus autem eos non coniungit, qui contra legem Dei, quæ Leuit. 18. lata est, coniuncti sunt. Proinde propter peccati conscientiam separandi sunt, tam abest, ut separari nequeant.

**2** Deinde etiam in legitimis coniugibus nō erit uniuersale, quod nihil exceptionis admitat, quod dicit: Vxor à viro non separetur, & maritus uxorem ne dimittat. Sunt enim casus quidā, in quibus licet fieri quod hic prohibet.

**1** Vtpote, si intercesserit per adulterium coniugalī fidei uiolatio. Hic certe non solum licet infanti dimittere adulteram, sed & merito insipiens censetur, si illam apud se retineat. Vnde Pro. 18. legimus. Qui tenet adulterā stultus est & insipiens. Et notum est exemplum Ioseph Matth. 1. qui ob id quod iustus esset, nō quidem prodendum esse coniugis delictum, ut putabat, attamen ab illa, discedendum esse cogitabat.

**2** Item, si uir sit incurabiliter ex natiuitate impotens, ut nequeat præstare maritum adeo, quæ nec uti legibus matrimonij, certe licebit uxori ab illo diuertere.

**3** Præterea & si uir uel ad idololatriam cogat, uel indubitato uitæ uxoris insidietur, licebit utiq; fideli & infanti coniugi ab illo separari & Apostolus ipse religionis casum subijciat in quo liceat uxori discedere à viro. Et Christus Matth. 5. & 19. adulterij casum excipit. Proinde non est aliter intelligendū quod hic ponit Apostolus, quā de tali separatione coniugum, quæ matrimonij uinculum soluat, & quos Deus coniungit separet, quod in istis & similibus casibus quos recensui nō fit. Vbi dimittitur adultera, per illius dimissionē non rumpitur coniugij uinculum, quod iam antea per adulterium dissolutū est. Et in casu impotentiae non dissoluitur cōiugium, quod nunquam uerum fuit. Nec in religionis casu, eo quod ius coniugij improbo ademptū iam est uirtute potioris fidei quæ Deo seruāda est. Et is qui uitæ uxoris insidiatur, sibi ipsius cōiugij ademit, quod ipsius naturæ hostis in uxore effectus est.

QVOD si separata fuerit, maneat innupta, aut marito reconcilietur. **I** Hoc loco utuntur

**A** ij, qui prorsus illicitum esse contendūt, ut priorē uiua etiam licite dimissa, nubatur alteri. Diuortium, inquiunt, approbat quidem in casu ecclesia, sed hætenus ut utriq; maneant inconiugati, aut reconcilientur. Et huc applicant etiam uerba Christi Matth. 5. & 19. ubi adulterij damnatur, qui uxorem dimittit, & qui dimissam ducit. Respondemus hic, nec Christū nec Paulum loqui de tali diuortio, quod sit adulterij gratia tētātū, sed de eo loqui Christū quod sit quauis de causa, iuxta consuetudinem Iudæorū quam ex lege Moyfi traxerāt, id quod ipsa quæstio indicat, qua dicebant, licet ne homini diuortium facere cum uxore sua qualibet ex causa, & de eo loqui Apostolum quod sit factum propter dissidium aliquod & similitatem, quod patet ex eo quod dicit, aut marito reconcilietur.

**2** Deinde, non loqui uel Christum uel Paulum de alio diuortij genere, quā quod erat in usu cum apud Gentes tum apud Iudæos, quo ita separabantur coniuges, ut licuerint alteræ nuptiæ. Et huius Christus quoq; nominatim meminit, taxans quidem illud & refutans, sed dempto casu adulterij commissi. Diuortium illud pontificium, nouum est inuentum, nec apud Gentes nec apud Iudæos consuetum, quo ita separant in casu adulterij, ut neutri parti permittatur denuo nubendi libertas, quod genus diuortij nomine magis diuortium est quā re.

**B** Cum ergo nec Christus nec Paulus de alijs diuortij causis loquantur, quā quibus utebantur Iudæi qualibet ex causa uxores dimittētes, & quæ oriantur ex domesticis dissidijs, nec illorum tempore aliud fuerit diuortij genus, quā quo transitus permissus sit ad alteras nuptias, non potest uel ex Christi uel Apostoli uerbis colligi, quod ubi licitum est diuortium, non etiam liceant alteræ nuptiæ, saltem parti infanti. Excipit Christus casum adulterij. Quomodo? ut si ille sit, non cōmittat adulterium, qui uxorem adulteram dimittit & illa dimissa alteram ducit. Quare? Quia uidelicet licitum est eiusmodi diuortium, ratum & iustum. Alioqui nō liceret viro alteri mulieri corporis sui potestatem permittere, nisi iam à prioris coniugij uinculo uere liber esset.

Dissentiūt hac in re etiam ueteres. Aug. & Hieronymus negant licere, etiam in casu adulterij, uerum quibus illi & quā solidis argumentis ducantur, uidere est in disputatione Eras. Rot. omnium doctissima, quam annotationibus suis super hanc epistolam scriptis inseruit. Ambrosius aperte testatur licere. Nam ita in præsentī loco annotauit. Et uirum uxorem, inquit, non dimittere. Subauditur autem excepta fornicationis causa. Et ideo non subiecit dicens sicut de muliere, quod si discesserit, manere sic. Quia uiro licet ducere uxorem, si dimiserit uxorem peccantem, quia non ita lege constringitur sicut mulier. Caput enim mulieris uir est. Hætenus ille, nisi quod mulieri

Matth. 19

Ambrosius.



lieri illicitū facit quod permittit uiro. At qua de causa? Caput enim mulieris, inquit, uir est. Verum caput mulieris non est adulter. Nam ille ius suum in uxore uiolata thori fide amittit. Et hac in re idē potestatis utriq; cōiugum, alteri in alterius corpus facit quod & Augustinus asserit.

Sed redeamus ad Apostolū. Si seperata fuerit, inquit, maneat innupta. Sunt qui hoc per concessionem & indulgentiam dictum esse putant, quasi permittat Apostolus separationem coniugibus male cohærentibus, quibus propter quotidiana dissidia & mores coniugio reluctantes male conuenit, nec placari aut componi inter se sustinent, quod satius sit talibus à se inuicem ad tempus saltem dirimi, q̄ cum animarum suarum iactura & animorum exacerbatione male conuiuere. At Apostolus non dicit: Si uero illi cum uiro male conuenerit, separetur, modo non nubat alteri quod sane per concessionem cōspicue diceretur: Sed, si uero separata fuerit, maneat innupta, &c. hoc est, si contra coniugis officium à uiro discesserit, si quod non debet, fecerit secedendo ab eo, cui debebat indiuulse cohærere, maneat innupta. Non enim abijci debet hic quod præmisit, uxor à uiro ne separetur. Quanquā non negauerim plerunq; melius esse ut diiunctim quam simul uiuāt coniuges implacabiles, perpetuis iurgiis conuictum suum sibijs perniciosum & intolerabilem reddentes. Non tamen uidetur Apostolus id agere hoc loco.

MANEAT innupta.] Non dicit, maneat separata, sed maneat innupta. Non enim iubet, ut in separatione illa illicita, qua cōtra ius matrimonij à uiro discessit maneat, sed ne alteri iungatur, ut locus esse possit reconciliationi. Neque enim ex hoc colligi debet, quod uxor à uiro male separata non peccet, si ad illum nō redeat, modo ita maneat, nec alteri nubat. In peccato uiuit ubi separata manet, nec reconciliari sustinet, adulterium uero committit si alteri iungatur. Nunquā diceret Apostolus, maneat separata, qui ne orandi quidē gratia diutius uult separari coniuges, ne locus sit tentatori Satanæ.

Sed merito quæritur hic, quid uiro sit faciendum, si uxor separata nolit recōciliari, sed uel in separatione pertinaciter perdurauerit, uel alteri se iunxerit siue scortatori siue coniugi? Quid si prorsus cum nebulone aliquo aufugerit, ut spes resipiscentiæ esse nequeat? Continēbit, inquis. Profecto bonum consiliū, si quidem id poterit. At puto non facile nupturum fuisse si id doni habuisset. Iam si continere nequiuert, quid faciet? Scortabitur? Absit. Nubet igitur alteri. Idem & de uxore sentiendum, si à uiro fuerit præter culpam uel abacta, uel deserta, idq; sine ulla reconciliationis spe, maxime intercedente scortatione.

Plane mirabilis est astus Satanæ, ad excogitandum uias quibus scortationis impuritatem contra domini præceptum & publicam hone-

statem inter Christianos prouehat. Primū in eo quod ueluti continentiae gratia & propter diuini cultus sanctitatem sacerdotibus & monachis nuptijs interdici curauit, idq; talibus qui dono continentiae destituti sunt. Deinde in eo quod separatis coniugibus, & ita separatīs, ut reconciliari nequeāt, alteras nuptias negari fecit. Ecce summam uersutissimi hostis peruersitatem. Cupiebat promoueri, idq; impune, scortationem etiam inter Christianos. Clamabat Paulus. Nolite errare, neq; scortatores neque adulteri regnum Dei possidebunt. Videbat in admiratione esse continentiam, & in honore nuptias. Adinuenit rationes, quib⁹ impunitam introduceret scortationē. Primū per speciem castitatis, deinde per speciem cōiugij insolubilis. Excogitauit continentiae uotum & coniugij legitimi interdictū. Nisi enim in sacerdotibus præcessissent ista, quis ferret illorum immundiciam, qua summum ecclesiæ probum illatū est? Deinde nisi accessisset in eo causa diuortij interdictum denuo nubēdi, certe non tolerarētur scortantes in separatione coniuges, sed redigerentur ad castitatē coniugij. Nunc uero condonatur utrisq; uaga libido, illis propter uorū continentie præmissum, istis uero propter ademptam denuo nubendi potestatem, ne cōiugium dirimatur, cum iam olim sit diremptum. Ad hunc itaq; modū suis inuentis sub specie continētiæ, & coniugij nō infringendi, contra utriusq; scortandi licentiā honestatē pessimā in ecclesiā Christi inuexit.

Reliquis autē ego dico non dominus. Si quis frater uxorem habet infidelem, & ea assentitur, ut habitet cum illo, ne dimittat eam. Et mulier quæ habet maritum infidelem & is assentitur ut habitet cum ea ne dimittat illum.

Coniugibus Christianis scribebat Apostolus. Illorum autem aliqui, pro temporis illius ratione, utraq; aliqui una tantum parte Christiani erant. Haftenus ijs, qui utraq; mandatū domini, nuncijs qui una duntaxat parte ad fidem Christi uenerāt, adeoq; impari coniugio cohærebant, quomodo se gerere debeant ex spiritus sancti instinctu præscribit. Erat autem huiusmodi coniugij duplex euentus. Vnde & sententiam suam iuxta euentum rationem bipertita cōditione accommodat. Non enim eodem modo infideles coniuges erga fideles sese gerebant. Nam quidam eorum Christiani nominis professionem non usque adeo in cōiugibus fidelibus abhorrebant, ut illius nomine coniugij uinculum dissoluendum putarēt, quidam uero contrā ita erant nomini Christiano infensi ut fideles coniuges suas aut abigerent, aut ad pristinæ superstitionis impietatem reclamante conscientia adigerent. Ut itaq; fidelis coniunx, siue maritus siue uxor, quid utrobiq; faciendum sit, cognosceret, causam hanc tractare uoluit Apostolus, breuiter quidē sed dilucide. Erat enim periculū ne uel imprudēti



zelo peccarent in legem coniugij, uel coniugij prætextu deficerent à fide ac professione Christianæ religionis, atq; ita utrobique in Deum delinquerent.

RELIVIS autem.] Non intelligit alios quam eos coniuges, quibus erat impar coniugium, quod sequentia declarant. Loquitur autem ad hunc modum, ut distinctim de utroque coniugum genere tractet, separans impares coniuges à paribus, de quibus hactenus egit.

EGO dico, non dominus.] An Apostoli est aliud loqui quam uerbum domini? Qui loquitur inquit Petrus, loquatur tanquam sermones Dei. 1. Pet. 4. Et ipse Paulus: An experimentum queritis eius qui loquitur in me Christus? Quid est igitur quod hic dicit: Ego dico non dominus? Supra monui duplex esse præceptionum domini genus. Vnum quod per ipsum dominum, alterum quod per ministros domini apostolos ex instantu spiritus domini traditum est. Ad posterius pertinet hic locus. Non intelligit hoc se non ex domini sententia dicere, sed distinguit hoc genus præcepti à superiore, quod peculiariter erat ab ipso domino positum. Non est autem hinc colligendum quod hoc præcepti genus libere possit & impune contineri ac transferri, eo quod non sit ab ipso domino sed illius Apostolo datum. Licet enim merito plus moveat quod ab ipsius domini ore progressum est, ut tamen non est præter domini sententiam quod ab apostolis traditur, ita non debet contemni à fidelibus & pro cuiusque arbitrio uel seruari uel negligi. Perinde atque in ædibus ac familijs bene institutis maximam quidem auctoritatem habet quod ipse per se paterfamilias præcipit, ut liceat *ἡμῶν* illius æconomo dicere: Hoc non ego præcipio sed dominus, interea tamen non est derogandum iussis æconomi cui paterfamilias gubernandæ domus potestatem concedidit, ut in ipsum patremfamilias peccare credatur, quisquis hoc temere fecerit.

SI quis frater.] Notum est Apostolo fratris ac sororis dictio Christianum hominem significari.

ET mulier.] ut de marito loquitur qui frater sit, id est, fidelis, ita & de muliere non quavis sed quæ soror sit & fidelis intelligendus est hic, ubi dicit, & mulier.

VXOREM habet infidelem. Et: Virum habet infidelem.] *ἀπίστος* etiam is dicitur, qui fidem datam non seruat, quem Latini perfidum uocamus. Sic Dido Æneam perfidum appellabat, dissimulare etiam aiebat, sperasti perfide tantum, posse nefas? At hoc sensu non est posita ab Apostolo hæc dictio. Neque enim præscribit quid faciendum sit in coniugio, si pars altera conjugalis fidei seruans non fuerit, sed quid Christianus facere debeat, si coniugem habeat non Christianam. Hoc sensu *ἡνίκά τις ἀπίστος* uxorem uocat infidelem, id est, extra Christianæ fidei professionem constitutam. Alioqui quis ita facile certo cognosceret de uxore sua Christi fidem oretenus professam, reuera ne Christo fide-

lis sit, an fidem Christi magis simulet quam in corde habeat? Huius admoneo, ut id quod 2. Cor. 6. de relinquendis infidelibus ponitur, recte intelligamus, ne cum anabaptistis separationem fidelium ab ijs qui putantur parum esse fideles, licet sub nomine Christi constituti, somniemus. Apostolo infideles non uocantur qui nominis ac fidei Christi religionem, etiam falso, amplexi sunt, sed qui illam aperte respuunt, quos impios, incredulos, & gentiles uocamus.

ET ipsa assentitur, ut habitet cum illo.] Non dicit, *ἡ ἀπίστη συνυπόκειται*, & ille assentitur, neque *ἡ ἀπίστη συνυπόκειται*, & ipsi placet, sed *συνυπόκειται*, assentitur, aut complacitum illi est, uidelicet infideli coniugi. Sunt itaque duo notanda. Vnum, quod cohabitationem connubialem in arbitrium ponit non fidelis sed infidelis coniugis. Non dicit: Si quis frater uxorem habet infidelem, uolueritque cum illa habitare, non dimittat eam, sed si illa assentitur ut habitet cum ipso ne dimittat eam. Scribit enim non infideli sed fideli, non quid ille facere possit aut non possit, sed quid in casu debeat, ostendens non licere etiam infidelem coniugem dimittere, nisi illa manere nolit. Alterum quod consensus iste debeat esse non mulieris infidelis tantum, sed cum primis & mariti fidelis. Præsumit enim ita comparatum esse fidelis uiri animum erga coniugem infidelem quoque, ut illam cupide, si fieri possit, apud se retineat. Ideo dicit: Et ipsa *συνυπόκειται*, id est, unam consentit, idem ipsi quod fideli marito, placet. Ad hunc modum ubique affectos nos esse dicit: Vt primi quod iustum & æquum est probemus, paratique simus ad omnia, quæ uel Deo placent uel proximo sunt proficua, ut si cui infidelium quoque, idem sit animus, possit nobis dici *συνυπόκειται*.

Observandum iuxta est, quanta simplicitate fidelem coniugem instruat, ut retineat coniugem infidelem, si illa assentiatur ad cohabitandum, non expendens, quibus id causis mora faciat, modo assentiatur. Potest enim iste infidelis coniugis assensus varias habere causas. Vtpote, si sit ex repore quodam erga propriam superstitionem, quod & inter nos uidemus multis accidere qui propter stupiditatem quandam & ἀδιαφορίαν erga Christianam religionem & ueritatis causam, etiam cum Turcis usque ad connubialem thorum, modo commodum esset, coniungerentur ac cohærerent. Certe uerisimile est multos hac ratione fidelibus coniugibus cohæsisse. Aut si oriatur ex singulari quadam animi mansuetudine, aut ex carnali erga coniugem amore uel certe ex affectu propensiore in communes liberos. Non curat ista Apostolus hoc in loco, nec exigit ut accedat fidei assensus, sed contentus est ut assentiatur infidelis ad cohabitandum iuxta leges coniugij. Proinde nec fidelis anxius esse debet, in perquirendis assensus huius causis, licet optare debeat, ut iustæ sint ac tales, quæ futuræ resipiscentiæ præcludere queant. Videlicet, si assentiatur infidelis propter animi mansuetudinem, uel dilectionem connubialem, aut liberorum amorem, aut quod



quod optimum esset, ex quadam animi ad fidem Christi inclinatione. In his omnibus posset aliquid spei esse, fore ut per mutuam cohabitationem sensim incipiat approbare Christi religionem. Et uero causa, quæ ex stupore, tepore, & ἀδιαφορία erga propriam superstitionem est, ut motu facilis est, ita parum habet firmitudinis, ut metuendum sit, eundem fore talem coniugem in Christianismi qui est in Gentilismi professione.

Est autem non solum in isto presenti casu obseruandū, quod de cohabitandi consensu scribit Apostolus, sed & in uniuersis coniugijs, ut & nos illo contenti simus, nec curiose inuestigemus, quibus rationibus placeat uxoribus nostris, ut nobiscum iuxta coniugij legem cohabitent. Quis dubitat innumeros esse, qui parum honesta de causa legitimis maritis conuiuāt? Quicquid illas moueat, modo ad cohabitationē legitimā consentiāt, non licebit maritis ultra illā aliquid ita exigere, ut nisi id assequantur diuortium affectent. Quāq̄ enim ut Chrysost. alicubi inquit, ἀπὸ τοῦ γυναικὸς τὰ πρῶτα καὶ ἀπὸ τοῦ ἁγίου, iudicio tamen domini permittendū est, quid quāq̄ ad connubiale societatem permoueat, nisi quod optādum est, ut animo sint ad status huius sanctimoniam accommodo.

NE dimittat eam.] Hoc est, bona & secunda conscientia illam retineat. Non enim id tantū agit, ut infidelē coniugē si illa assentitur ad cohabitandū, non dimittat frater, sed ut sciat se bona conscientia illius cōsuetudine pro ratione thori legitimi uti posse, & debere etiam, nō secus q̄ si & ipsa fidelis esset. Neq̄ enim tā consulto quieti domesticę q̄ fidelium conscientijs, nec de noua quadam coniugum cohabitatione præscribit, quæ expers sit legitimæ status huius cōsuetudinis. Est quidem ista imparium coniugū cohabitatio quod ad religionis sinceritatem attinet, satis periculosa, ut parū consideranti mirum uideri possit, an non cogitauerit Apostolus, fieri posse, ut fidelis maritus per infidelis uxoris consuetudinē uel ad Gentilismum reducat, uel certe ἀδιαφορίαν quandam erga Christi religionē imbibat. Quātum sane hac in re sit periculi, ipsum mandatum Dei Iudæis Deut. 7. traditum satis exprimit. Non sociabis cum eis, inquit, id est gentibus, cōiugia. Filiam tuam non dabis filio eius, nec filiā illius accipies filio tuo. Quia seducet filiū tuum, ne sequatur me, & ut magis seruiat dijs alienis, irasceturq̄ furor domini, & delebit te cito. Deinde & exemplū Israhelitarum apertam habet imparium coniugiorū dissolutionē, etiā eorū, in quibus coniuges procreatis liberis parentes euaserant ut simul coniunx a cōiuge, & parens a liberis separaretur. Quid ergo rationis fuit Apostolo, ut Christianis legem hanc periculosam præscriberet?

1. Primū, spectandū hac in re fuit Apostolo nō quid plus quid minus haberet periculi, sed quid esset ex ordine diuino iustum & seruandum. Seruandū autē est legitimi coniugij uin-

culū. Id legitimum & integrū est, donec fides illius, qua nititur salua persistit. Illa uero non uiolatur aliqua superstitione, quia non cōstat uerę religionis professione, quasi ij soli sint cōiuges, qui pij sunt. Cum ergo in hoc casu, integrum sit adhuc cuiq̄ coniugum matrimonij ius, non potuit Apostolus aliud præscribere, q̄ ut cauerent fideles, ne propter incredulitatē infidelis coniugis matrimonium dissolueret, utut esset ista cohabitatio periculosa. Nō enim faciendum est malum, ut eueniant bona.

2. Deinde quod attinet ad præceptum Dei Deut. 7. aliud est præcipere fidelibus ne cōiugium ineant cum infidelibus, cum liceat cuiq̄ de sua sibi gēte & fide thori consortē sumere, & aliud uetare ne matrimoniū in Gentilismo ab infidelibus contractum, ubi fides alterutri parti accessit, religionis gratia dirimatur. Apostolus hic nō dicit: Si quis frater nupturus est cum muliere infideli si illa assentitur ut habitet cum eo, nubat illi, sed si quis frater habet infidelem uxorem & illa assentitur, &c. ne dimittat eam. Infra uero dicit: Si uult nubat, tantum in domino, quibus uerbis & ipse uetat si delem nubere infideli. 3. Tertio factū quoq̄ Israhelitarū aliam habuit rationē. Qui alienigenas uxores duxerant, anteq̄ illas duxissent erant fideles ex populo Dei, deinde contra expressum Dei mandatum, quod Esdras magno cum luctu queritur, illas duxerant. Itaq̄ merito separabantur huiusmodi coniugia. In hoc uero casu, quoniam nec fidelis infidelī, nec cōtra aliquod Dei mandatū, nupserat, nō potuit Apostolus talibus coniugibus aliud præscribere, q̄ ne fidelis infidelē dimitteret, si assentiretur ad cohabitandum.

Sanctificatus est enim maritus incredulus per uxorem, & sanctificata est uxor incredula per maritū. Alioqui filij uestri immūdi essent nūc autē sancti sunt.

Hęc est αἰτιολογία eius quod dixit, ne dimittat eam. Forsan putabant imperitiores Christiani, talem cohabitationē esse immūdā & illicitā, metuebantq̄ ne unum corpus cum idololatra coniuge fierent, quemadmodum qui scorto iungitur, unum corpus cum scorto redditur, atq̄ ita ex membris Christi facerent iam membra idololatræ, quod plus haberet peccati, q̄ si illa faceret membra scorti. Ob hanc causam dicit: Sanctificatus est enim maritus incredulus, &c. Hoc est, maritus enim incredulus in uxore, id est, in uxoris cōiunctione, quę per matrimoniū est, iam olim uirtute nuptiarum mundatus est, ut illius cōiunctio & copula nihil habeat impuri, ita uicissim & uxor incredula propter legitimum cōiugium quo uiro cōiuncta est iam olim mūdāta est, ut nō polluat fidelis, si illi cohabitet. Sumitur enim hic sanctitatis dictio pro mundicia coniugalī thori, quam ille habet ex traditione Dei. Ideo dicit: Alioqui filij uestri immūdi essent, nunc autem sancti sunt. Debat dicere, nūc autem mundi

Vide hic  
Chrysost.



mundi sunt, nisi idem hoc loco esset sanctum esse atq; mundum esse. Est itaq; simplicissimus huius loci intellectus primum in eo, ut sanctitatis dictionem non intelligamus de ea sanctitate quæ est uel ex fœdere Dei, uel ex spiritu fidei, quo credentes in populum Dei sanctificantur, sed de mundicia coniugalitatis thori. Alioqui molestam pariet disputationem, quomodo uir infidelis sanctificatus dici possit. Deinde ut hanc sanctificationem, id est, mundiciam tribuamus nō fidei cōiugis fidelis, sed coniugio propter traditionem Dei, cum Hieronymo, qui dicit, quia ex traditione Dei sanctæ sunt nuptiæ, & Ambrosio, qui ita habet, sancti sunt liberi, quia ex legitimis coniugijs nati sunt. Proinde illud: *ἐν τῇ γυναικί, & ἐν τῷ ἀνδρὶ*, id est, in uxore, in marito, non est ita legendum, ut addatur fidei, quod habet uetus interpres sed simpliciter ut Græcus habet. Quod si addendum aliquid est, satius est ut addatur, legitimo, uel legitima, ut intelligamus uirum infidelem in coniuge legitima mundatum, id est, uirtute coniugij legitimi non esse impurum sed purum quantum attinet ad legem & cohabitationem coniugij, licet impurus sit, quod attinet ad commercium religionis, de quo uox erat diaconorum in ecclesijs. Abscedant prophani, accedant sancti.

Notandus est hic locus, non solum in hoc casu dissimilis religionis, sed & in alijs consimilibus utpote si uxor maritum habeat sub signaculo quidem Christi constitutum, interea tamen nulla fide nulloq; timore Dei præditū, sed nefarium & flagitiosum. Non sit anxia, ne polluaturn admixtu mariti flagitiosi & improbi. Licet enim sit & uita, & animo & moribus impurus, purus tamen est illius congressus & conuictus, propter sanctitatem matrimonij. Purus est inquam piæ coniugi, licet ipsi impuro nihil sit purum. Spectandum est qua in re & quatenus coniungatur pius impio, fidelis infideli. Si mariti flagitijs non assentitur uxor pia, conuictu illius non potest pollui quemadmodum nec fidelis prophanatur per copulam infidelis, nisi illi in infidelitate coniungatur. Noui multas inbecilles consciētias hac in re fluctuare ac perplexas esse, quibus declaratione ista Apostolica succurrendum est, ne frustra turbetur, aut diuortium meditando contra legem coniugij in Deum peccent.

Qui opinionem septem sacramentorū ecclesiæ tuentur, & scripturis probare conantur, præsentem locum ad defendendum matrimonij sacramentū usurpant, rogantes quāobrem maritus infidelis sanctificatus sit, & liberi talis coniugij sancti, nisi propter sacramentum cōiugij? At isti debebāt cogitare, statum questionis esse nō in genere de mysterijs, sed de sacramentis ecclesiæ & noui testamenti. Si noui testamenti sacramentum est matrimonium, fatebuntur aut illum non esse legitimum extra noui testamenti tempus aut si hoc nequeunt, gentes & infideles nobiscum communicare in ecclesiæ sacramentis. Deinde respondeant,

**A** quomodo definitio sacramenti, quam tenent ex Augustino theologi, locum habeat in matrimonio. Dicit enim Augustin⁹: Accedat uerbum ad elementum & fit sacramentū. Per uerbum intelligit Christi promissionem & institutionem, ut in baptismo & Eucharistia, per elementum uero rem uisibilem, in qua sit similitudo rei significatæ, quam queas uocare uisibile uerbum. Mysterium tribuit Apostolus cōiugio, Ephesiorum quinto: At non mox sacramentum est ecclesiæ, quod mysteriū in se habet. Alioqui tot habebimus sacramenta, quot mysteria.

**ALIOQVI** filij uestri immundi essent, nūc autem sancti sunt.] Ambrosius hanc particulam ita exponit. Alioqui, id est, si uir fidelis coniugem infidelem dimitteres & aliam duceres, essent filij uestri immundi, quia uos redderemini adulteri. Nunc autem, id est, si infidelem coniugem retineas, sancti sunt, quia de legitimo coniugio nati sunt. Simplicius uero est ut intelligamus Apostolum respicere ad coniugij sanctimoniam etiam eorum qui extra fidem Christi coniuges sunt. Quasi dicat. Nisi esset coniugium sanctum & mundū etiam inter infideles, quid aliud sequeretur quàm omnes infidelium liberos esse spurios & immundos? Sed absit. Sancti sunt, quia de legitimo cōiugio nati sunt. Ambrosius respicit ad id quod dixit, ne dimittat eam. Altera expositio, ad id quod dixit, sanctificatus est uir infidelis in coniuge.

**B** Abusus sum aliquando presenti loco contra errorem anabaptistarum, infantes Christianorum baptismo arcentiū, putans illud: Nunc autem sancti sunt, idem esse atque, de populo Dei sunt propter fidelem parentem. Verum, licet in se firmum sit, quod credentium liberi & sancti & ad populū Dei propter fœderis participationem pertinentes, adeoque baptismatis, tanquam signi fœderis participes sunt, nihilominus ad hanc causam præsens locus nihil facit, in quo non de fœderis & populi Dei sanctimonia sed de cōiugij legitimi, etiam infidelium, puritate agitur. Non enim liberis tantum, ad quos forsan poterit ita pertinere fidelis parentis sanctimonia, ut fœderis Dei sint propter illam participes, sed & maritis & uxoribus infidelibus sanctimonia adscribitur, ut ut fidei Christi repugnent. Nec de alia agitur sanctitate ac puritate liberorum, quàm quæ & infidelibus parentibus competit. Illis autem non competit alia, quàm quæ est ex coniugio legitimo. Aliàs satis testimonij habetur ex scripturis, unde erroris conuinci poterunt anabaptiste, ut nihil opus sit hoc loco cōtra illos uti.

Quod si incredulus discedit, discedat. Non est seruituti subiectus frater aut soror in huiusmodi, sed in pace uocauit nos Deus.

Haftenus ostendit quid faciendum sit fidelibus, si



li, si coniunx infidelis ad cohabitandum consenserit: nunc uero si accidat ut Christianæ religionis impatientior rupto coniugij uinculo discedat, quid tum facere debeat fidelis, quandoquidem id, ut uerisimile est, crebro usu ueniebat, ex ordine docet, cum dicit: Quod si incredulus discedit, discedat. Quasi dicat. Si uero incredulus ad cohabitandum non assentitur, sed propter odium Christiani nominis diuortium instituit, atque ita discedit, ut conuietum & consortium coniugij deneget, discedat, nihil est quod hic possis aut debeas, sed si ne ut suo pte uicio separetur, modo tamen illi non des iustam separationis causam.

Non hoc agit Apostolus, ut iubeat fidelem susq; deque ferre coniugis separationem, per id quod dicit: Quod si discedit, discedat, neque uerat, si qua queat humanitate & comitate in officio retineri, quin hoc fiat, modo non obest Christianæ professioni, sed consulit imbecillium conscientia, ostendens per discessum infidelis coniugis nihil peccati deriuari in fidelem, neque hoc exigere, ut discedentem uel ui uel iure detineat. Et huc etiam sequentia pertinent.

NON est seruituti subiectus frater aut soror in huiusmodi. Ista expositionem habet eius quod dixit, discedat, si discesserit, ut indicet, per istum infidelis coniugis discessum liberari à lege coniugij fidelem. Quod enim dicit, non est seruituti subiectus frater in huiusmodi, quid aliud est, quam liber est à lege ac seruitute coniugij? Et hinc est quod Ambrosius concludit, in huiusmodi casibus licere infonti denuo nubere. Nam sic scribit hoc loco. Non debetur reuerentia coniugij ei, qui horret auctoritatem coniugij. Non enim ratum est matrimonium, quod sine Dei deuotione est, ac per hoc non est peccatum ei, qui dimittitur propter Deum, si alij se iunxerit. Contumelia enim creatoris, soluit ius matrimonij circa eum qui relinquitur, ne accusetur alij copulatus. Hæc ille. Est autem caute legendus hoc loco Ambrosius in eo quod dicit: Non est ratum matrimonium, quod sine Dei deuotione est. Apostolus non ita scribit. Libertatem nanque fidelis coniugis, à lege coniugij, non ponit in eo, si coniunx alter sit sine deuotione Dei, sed in discessu coniugis infidelis. Alioqui iubet, ne dimittatur, si consentiat ad cohabitandum. Non dicit, si consenserit in Dei deuotione. Sequeretur ex uerbis Ambrosij nec inter Gentes nec inter Iudæos, imò neque inter eos coniuges, qui etsi sub nomine Christi constituti, non utrique pij essent, ratum censendum esse matrimonium, quasi fundamentum matrimonij sit in consensu deuotionis Dei constitutum, ut liceat pio coniugi, absque ulla peccati conscientia, discedere à coniuge impio, nisi uelit coherere in matrimonio non rato, quod nihil aliud esset quam sub nomine ac specie matrimonij scortari. Verum est quod colligit, at non ex causa quæ assignat ipse, sed quæ Apostolus ponit.

Non dicit quidem, non est seruituti subiectus frater in huiusmodi, sed alteri potest nubere. Satis est, quod liberum facit fidelem, si coniunx infidelis discedat. Nam nihil aliud sequi potest, quam si liber est fidelis, ut non peccet denuo nubendo. Si enim peccaret, non peccaret aliunde, quam quod liber non esset à lege prioris coniugij. Ita Rom. 7. ubi dicit mortuo uiro liberam esse uxorem à lege mariti, adiungit illam non esse adulteram, si iungatur alij uiro. Quare. Quia per mortem liberata est à lege coniugij. Nisi hoc esset, non liceret adspirare ad alteras nuptias. Ita plane & hoc loco, ubi sua sententia liberum à seruitute coniugij pronunciat coniugem fidelem, si infidelis discedat, nemo rei huius intelligens aliud tenere potest quam licitas esse derelicto fideli coniugi, alteras nuptias. Nec opus erat illud adiungere, sed satis erat liberum cuiusuis conscientia & necessitati permittere. Alioqui debebat addere, quod in priore casu adiecit, uidelicet, ut derelictus fidelis maneat innuptus, expectetq; separati reditum & conuersionem. Sed hoc fuisset periculosum.

Simul aduerte, quod non uiro tantum id libertatis assignat, sed pariter & uxori, quod repugnat sententia Ambrosij, cuius supra alicubi memini, quæ non id potestatis facit uxori quod uiro, in huiusmodi casibus.

Sunt qui discessum infidelis coniugis latius extendant, quam præsentis negotio cõueniat, uidelicet, ut liceat denuo nubere derelicto, quacunque causa altera coniunx, siue propter iram, uel *uxoriam* aliquam discesserit, eò quod illicite deserere coniugem, sit hominis non Christiani, sed gentilis & infidelis. Temerarius discessus, si sit pertinax, uidetur quidam à lege matrimonij eximere infontem ac derelictam. Verum meo iudicio plurimum refert, quibus causis discessus fiat. Nolim temere in huiusmodi casibus pronũciare, nisi periculum certum sit scortationis, & nulla reconciliationis spes.

SED in pace uocauit nos Deus. I Græcè est *εἰς τὴν εἰρήνην*. In pace uero. Et sensus est: Nostri officij est ut cum omnibus pacifici simus, nemini dantes dissentiendi ac litigandi causam, nedum coniugibus. Non enim uocati sumus ad dissidia & iurgia, sed ad pacem.

1 Quidam referunt ad id quod dixit: Si consenserit ad cohabitandum ne dimittat eam, ut intelligamus Christianæ fidei professionem non separare quæ bene coniuncta sunt, nec in dissidia constituere, quibus comperit, ut pacem conseruent, ut illius gratia non debeat fidelis coniunx ab infideli separari, si assentiatur ad cohabitandum.

2 Alij applicant proxime præcedentibus, ubi dixit: Si discedit, discedat, ad hunc modum. Non exigit uocatio & professio Christianæ fidei, ut fidelis coniunx cum infideli iurgetur et contendat, coneturque illum uel ui uel iure in officio detinere, ne discedat, neque hoc exigit ut iurgantem & nomen Christi opprobren-



tem sustineat. Non enim ad dissidia, sed ad pacem uocati sumus. Proinde si non potest fidelis consensum infidelis obtinere, ut in pace cōuiuat, sinet illum discedere. Ita ad utrunq; sensum haud inepta est ista particula.

*Infra 14.* Alibi dicit: Non est enim dissensionis Deus sed pacis. Admonemur igitur his uerbis quæ rationis uice adiecta sunt, ut in omnibus pacē sectemur, quantum in nobis est, ut neq; dissidijs nostris abigamus coniuges, neq; iurgātes & discedentes contentiose retineamus. Vt enim pacis studio repugnat, si coniunx propter religionis diuersitatem dimittat coniugem, ita & pacis esse non potest, si dissidentem ac discedentem conetur uel uiolenta uel iuridica contentione retinere.

*Luce 12.* Sed queritur, quomodo dicat Apostolus in pace nos uocatos esse, quod cogimur intelligere hoc loco de domestica illa & coniugali tranquillitate, cum tamen Christus dicat: *Matth. 10.* Putatis quod pacem uenerim mittere in terram? Non dico uobis, sed separationem. Erūt enim ex hoc quinq; in domo una diuisi, tres contra duos, & duo contra tres: diuidetur pater aduersus filium, & filius aduersus patrem, mater aduersus filiam, & filia aduersus matrem, socrus aduersus nurum suam, & nurus aduersus socrum suam. Et in Matthæo additur. Et inimici hominis domestici eius. Si Christus istā separationem uenit in terram mittere, quomodo dicit Apostolus, in pace nos esse uocatos? Quæstionis huius duplex est solutio.

1 Prima, ut dicamus separationem istam regni Dei prædicationem in terra consequutam esse, non à Christo studio quæsitam. Ita euenit, ut per fidei prædicationem Euangelij contradicentibus incredulis oboriretur contentio ista & separatio domesticorum cognatorumque, quæ licet in se sit miserabilis, oprabilior tamen est, quàm si in malo constaret pax & concordia.

2 Altera, ut si omnino contenditur dissidium hoc etiam quæsitum, & studiose à Christo motum esse, dicamus intelligendum esse primum non de alio quàm religionis. Neque enim credendum est, quod in se cupiuerit separata quæ Deus coniunxit, deinde id etiam non ita, ut fideles dissidiorum sint authores, ut & reuera non sunt. Neq; enim author dissidij est & separationis, qui ueritatem ac pietatem amplectitur, & ad hoc instruitur, ut q̄ sanctissime seruet quæcunque diuinitus sunt instituta, ut sunt coniugia, & parentum maiorumq; obseruantia.

Proinde nihil diuersi est utrinque in uerbis Christi & Apostoli. Christus malam illam, quæ in errore erat concordiam, non eam quæ coniugum & cognatorum est, disturbare uenit. Et fideles ab Apostolo non docentur, ut in errore ac superstitione consentiant infidelibus, sed ut seruata Christi fide, cupiant in officio retinere coniuges, & caueant ne sua temeritate causam dent separationi. Si uero id fieri

nequeat, reluctantibus incredulis, ac discedentibus, sinant illos absque conscientiae scrupulo discedere, ut qui in huiusmodi non sint seruituti subiecti.

Qui nanq; scis mulier, an maritum sis seruatura? Aut qui scis uir, an uxorem sis seruaturus?

Apostrophe est ad ipsos coniuges fideles, percontatoria, rationemque habens præmissorum, quod patet ex particula *γάρ*. Exponitur autem bifariam.

1 Quidam enim ad id referunt quod dixit, si discedit, discedat, quasi id nolentem fidelem, sed infidelem seruare cupientem, percōtetur, Vnde sciat se seruaturum, id est, ad fidem conuersurum, infidelem ac discedentem coniugē, si conetur illam uel ui uel iure detinere. Apparet hoc sensu argumentum esse ex incerto & dubio, cuius gratia nihil periculi certi sit subeundum. Periculosum enim est fideli coniugi habitare cum infideli contendente & iurgante, ut magis sit illius timendus relapsus, quàm istius speranda conuersio. Quasi dicat. Cum incertum sit, an sis infidelem coniugem seruaturus, tantopere reluctantem, ut cohabitare nolit, qua ratione conaberis illam tanto periculo retinere? Neque enim aliquid spei apparet futuræ conuersionis, posteaquam usque adeo Christi religionem abhorret, ut illius gratia cohabitationem recuset?

2 Alij ad id referunt, quod dixit: Si consenserit ad cohabitandum, ne dimittat eum, quasi sit argumentum à spe meliori in rebus dubijs amplectenda sumptum, ad hoc faciens, ut persuadeatur fidelis coniunx, ne infidelem, si ille consenserit ad conuiuendum, dimittat, quod non solum id fieri non liceat, sed & per hunc conuictum spes esse possit ut seruetur, & ad fidem conuertatur. Ita exponunt Chrysostomus, Hieronymus & Ambrosius. Vt intelligamus, certum est, quod ista pendeant à præcedenti particula qua dixit: In pace uero uocauit nos Deus. Illa si probe intelligatur, adferet secum & huius adiectæ rationis sensum. Non uideo quid periculi sit in utroq; sensu. Nam utrunque uerum est, uidelicet, quod spem conuersionis sibi concipere debeat fidelis de infideli, si cohabitare non detrectet, illiusque gratia multa facere, ad quod hortatur apostolus Petrus, rursus, quod non debeat cōtendere, & uolenter ad cohabitandum cogere reluctantem ac discedentem, eò quod de huiusmodi haud facile sperari possit, quod seruari queat. Proinde in hoc casu & consimilibus opus est prudentia spiritus, diligenterque uidendum quid sperari possit quid non, ut & proximi salutem, si illa sperari possit, non negligamus, & rursus caueamus, ne certa pericula subeamus, ubi nulla sunt argumenta respicientiæ, nec aliquid sperari potest, cuius gratia quod periculosum est, subeatur.

Vt cunq;



Vt cunq; fuerit, unusquisq; ut ipsi par-  
titus est Deus, unusquisq; ut illum uoca-  
uit dominus, ita ambulet. Et sic in eccle-  
sijs omnibus ordino. Circūcisus aliquis  
uocatus est: ne accersat præputium. In  
præputio aliquis uocatus est: ne circūci-  
datur. Circumcisio nihil est, & præputiū  
nihil est, sed obseruatio mandatorū Dei.  
Vnusquisq; in ea uocatione in qua uoca-  
tus fuit, maneat. Seruus uocatus es: ne  
sit tibi curæ, quinetiam si potes liber fie-  
ri, potius utere. Etenim qui in domino  
uocatus est seruus, libertus est domini.  
Similiter & qui liber uocatus fuit, ser-  
uus est Christi. Precio empti estis, nolite  
fieri serui hominum. Vnusquisq; in eo,  
in quo uocatus fuit, fratres, maneat a-  
pud Deum.

Habet hoc Christiana religio, ut necessarios  
humanæ uitæ status tam non è medio tollat,  
damnet aut inuerrat, ut si quid illis accesserit  
peruersi, magis corrigat, atque ita in integrū  
emendatos restituat, non iubens dirimi con-  
iugia, sed illibata pro institutione Dei seruari,  
nec seruos adimēs dominis, nec dominis ex-  
cutiens ius in seruos, nec libertos conijciens  
in seruitutem, nec seruos extollens in exter-  
nam illam sæculi huius libertatem, nec circū-  
ciso iniungens præputium, nec præputiato  
circumcisionem, sed omnes hosce status inta-  
ctos relinquens. Huius suprà cœperat admo-  
nere, ubi dixit: In pace uero uocauit nos De-  
us. Verum quoniam id erat & breuius & ob-  
scurius dictum, quàm ut ab imperitijs sa-  
tis intelligeretur, uisum est ista declarandi gra-  
tia adijcere, & generaliter nō de coniugio tan-  
tum, sed & de reliquis statibus instruere Co-  
rinthios. Credibile est multorum cōscientias  
peruersa fuisse opinione turbatas, quasi noui-  
tas religionis, non mentis & uitæ solum, sed  
& pristini status immutationem exigat, maxi-  
me si cui relatio sit ad impios & incredulos,  
utpote coniugis fidelis ad infidelem, serui fi-  
delis ad infidelem dominum. Proinde ista de-  
claratio, quamuis nihil aliud agat, quàm quod  
suprà dixit: In pace nos esse uocatos, necessa-  
rio tamen propter inconsiderantiores adie-  
cta est, ne illorum conscientia frustra ubi ni-  
hil est opus turbentur.

VTCVNQVE fuerit, unusquisque, & c.]  
Particula hæc uarie legitur, nec eodem modo  
exponitur. Sunt qui illam præcedentibus,  
sunt qui sequentibus connectant. Quidam  
illam etiam in seipsa conuellant, & partem il-  
lius præcedentibus, partem uero sequentibus  
assignant. Græcè est *εἰ μὴ*, quod aliquando so-  
nat, an non, aliquando, nisi.

*Aut non.* Qui legunt, an non, applicant præcedenti-  
bus ad hunc modum. Qui scis uir, an uxorem  
sis seruaturus, an non? Et istam distinctionem

Græci quidam codices exigunt, qui pro *εἰ μὴ*  
habent *ἢ μὴ*: id est, aut non? Deinde quod se-  
quitur: Vnicuiq; sicut diuisit dominus, faciūt  
initium sequentis contextus.

Qui uero legunt nisi, ita præcedentibus cō-  
iungunt: Qui scis uir an uxore sis seruaturus?  
Nisi sicut unicuiq; diuisit dominus, hoc est, ni-  
si quatenus à domino unicuique dispositū est,  
quando & per quos ad fidem ueniat. Sic Am-  
brosius intelligit, cuius hæc uerba sunt: Diui-  
sit unicuiq; dominus quādo saluetur, hoc est,  
scit quando possit credere, & sustinet illum.  
Sic & hic docet expectādos esse infideles, nec  
scandalū de his pati debere. Prior lectio & ex-  
positio mihi uidet & uerior & simplicior esse.

Erasmus aliter legit. Putat illud *εἰ μὴ*, seor-  
sum esse legendum, ut nec præcedentibus nec  
sequentibus cōnectatur, ut idem ualeat, atq;  
in summa, ut cunq; sit, qua loquendi forma re-  
lictis incertis ac dubijs ad certa transitur. In-  
certum est, infidelem ne fidelis seruaturus sit  
aut non sit. Illo relicto ad id quod certum est,  
transit, cum docet, unicuiq; in eo statu manen-  
dum esse, in quo ad Christi fidem uocatus est.  
Ista loquendi forma Latinis quidē in usu est,  
ignoro an Græci illa per *εἰ μὴ* utantur, alioqui  
haud inepta est hæc lectio.

VNVSQVISE ut ipsi partitus est De<sup>9</sup>. I  
Græca lectio sic habet: *ἐκαστὸς ὡς ἐκείνου ὁ Θεός*. Id  
est, unicuiq; sicut diuisit Deus. Et: *ἐκαστὸς ὡς ἐκ-  
είνου ὁ κύριος*, ὅπως περιπατήτω. Id est, unumquenq;  
sicut uocauit dominus, ita ambulet. Atque ita  
ad uerbum reddidit uetus interpres. Verū La-  
tinis aurib<sup>9</sup> dura est ista uersio. Proinde quod  
Apostolus suo more scribit, *ἐκαστὸς ὡς*, pro *ὡς ἐκεί-  
νου* & *ἐκαστὸς ὡς*, pro *ὡς ἐκείνου*, quemadmodum &  
Rom. 12. legitur, commodius uertendum est,  
ut & Eras. reddidit. Videlicet, quisque ut ipsi  
partitus est Deus, quisq; ut illum uocauit do-  
minus, ita ambulet.

Summa loci huius est, ut quisq; maneat, ut  
à domino uocatus est. At ista uidetur bifariā  
exponi posse.

1<sup>o</sup> Primo, ut illa, unusquisq; ut ipsi partitus  
est deus, unusquisq; ut illū uocauit dominus,  
ita ambulet, idem sint, atq;: Ad quemcunque  
uitæ statum quisq; uocatus est diuinitus, in il-  
lo ambulet, ut uocandi uerbum non ad fidei  
causam, sed ad ordines ac status humanæ uitæ  
pertineat. Et ista sententia primum admonet  
status illos uitæ nostræ, utpote coniugum, ui-  
duarum, dominorum, seruorum, libertorum,  
& nationum uarietatem, esse à Deo, ne quis  
putet tanquam sæculares & immundos ho-  
sce ordines uitandos esse Christiano. Dein-  
de non solum illos à Deo esse, sed & illorum  
quoq; dispositionem ita diuinitus administra-  
ri, ut cuiq; sua conditio, ordinante Deo cedat.  
Id innuit diuidendi uerbum, cum dicit: Vnus-  
quisq; ut ipsi diuisit Deus, ne quem suæ condi-  
tionis pudeat, sed quisq; sciat in eo sibi statu  
fideliter persistendum esse, in quem sit diuini-  
tus constitutus.



2 Altero modo possunt ista exponi, ut uocandi uerbum non ad status & ordines humanæ uitæ, sed ad Christi fidem sit referendum. Ita quod dicit: Quisque ut illum uocauit dominus, ita ambulet, tantundem ualebit, atq; in quocunque statu quisque constitutus, ad fidem Christi uocatus est, in illo ambulet. Sic illud: Circumcisis aliquis uocatus est, idem est atque, in circumcisione constitutus aliquis ad Christum uocatus est.

Quamquam illud quod in repetendo hanc summā dicit: Quisque in ea uocatione, in qua uocatus fuit maneat, uideretur utrique sententiæ competere. Habet enim duplicem uocationem. Primam status in quo quis positus ad Christum uocatur. De illa est, quod dicit: Quisque in ea uocatione, in qua, &c. Alteram religionis Christi, ad quam uocatur quis, siue dominus, siue seruus, siue Iudæus, siue Græcus, siue coniunx siue ἀγαμέμνη. Hanc notat, cum dicit: Vocatus est, intellige ad Christianismū. Ista uolui breuiter annotare, sed ita ut cuique liberum sit, quod magis germanum putat apprehendere.

#### DE MONACHORVM

*statu.*

Præsens hic Apostoli locus non potest aliter intelligi, q̄ uel de ea uocatione quæ statu humanæ uitæ est extra Christū, uel de ea qua ex statibus illis ad fidem Christi uocamur.

Dicant autem monastici status defensores, quam ex hoc Apostoli loco uocationem assignare uelint monachismo suo. Si priorem, ergo qui monachi sunt, in statu sæculari sunt, extra Christum posito, è quo ad Christi fidem uocandi sint, ut non sit melior huius uitæ statibus, & nō plus quàm illi commercij habeat cū Christo. Si posteriorē, respondeāt, quid fuerint ante monachismū, Christiani ne uel increduli. Incredulitatē negabūt, etiā ante monachismi professionem. Ergo Christiani, adeoq; iam antea in uocatione Christi fuerūt, & permanere potuerunt, etiam si monachismū spreuissent. Non est igitur monachismus uocatio illa ad Christum, de qua hic loquitur Apostolus. Alioqui male iuberet quenque in suo statu manere, in quo fuit, cum ad Christum uocaretur, sed rectius quosuis uocaret ad monachatum.

Cum igitur monachismus non sit de his uocationibus, quæ hic ab Apostolo ponuntur, quæ est ista temeritas, quod hunc locum pro status sui defensione citant? Quin iam rogent Apostolum an idem sit pronūciaturus de monachismi statu. Cum enim ista scriberet, ne somniauit quidem de monachis.

Deinde certū est quidem, diuersitatē quandam innui uocationis, de qua loquitur Apostolus, cum dicit: Vnusquisque ut uocauit dominus, ita ambulet. Verum ista diuersitas non est in eo ad quod uocat dominus, sed in eo unde uocat, aut si mauis, nō in qualitate fidei, ad

quam uocamur, sed in qualitate eorū qui uocantur. Nam fides ad quam uocamur, una est & eadem, ad quam omnes pariter uocamur, ut nihil hic sit discriminis. At illi qui uocantur diuersi sunt, hoc est, in diuerso statu sunt. Nam alius seruus, alius libertus, alius coniunx, alius ἀγαμέμνη uocatur, &c. Dicāt nunc monachi quod suam uocationē referre uelint. An ad eos status unde uocat Christus, uel in eam uocationē ad quam uocat omnes absq; ullo discrimine. Puto quod nolunt ad status istos humanæ uitæ, unde quidam ad Christum uocantur. Ergo ad eam uocationem, ad quam suos uocat Christus. Cur ergo diuersitatem habet monachismus à uocatione reliquorum Christianorum? Vocatio Christi, communis illa fidelium quæ ad salutem est, caret diuersitate. Ipsorum uero diuersa est. Ergo non est Christi uocatio, de qua Apostolus loquitur. Nihil igitur ad eos hic locus.

V T illum uocauit dominus.] Vocationem fidelium tribuit ipsi domino, licet apostolorū fieret ministerio. Iste loquēdi modus, quo dominus facere dicitur, quod per suorum ministerium fit, diligenter notandus est. Plurimū enim authoritatis Euangelico ministerio tribuit, & admodum consolatur conscientias eorum, qui ministerio Euangelico, per quod uocantur, obtemperant, ut sciant se non humani, sed diuinitus ad Christianæ fidei professionem uocatos esse. Certe non est apostolorum, sed Christi uocatio, quæ non in apostolorum, sed Christi nomine prædicatur. Ministerium uocandi apostolorum quidem est, sed ipsa uocatio domini. Hinc illud Apostolo in usu est: Qui uocauit uos. A quo uocati estis. Et 2. Thesalonicensium 2. Qui uocauit uos per Euangelium nostrum.

E T sic in ecclesijs omnibus ordino.] Non contentiosis plurimū ualere debet, quod non solum ab Apostolo instituitur, sed ab omnibus simul ecclesijs obtemperanter accipitur. Huiusmodi ordinationibus quisquis obluatur, merito singularitatis & contentionis notā sustinet. Et hac puto ratione particulam istā adiectam esse, ut contentiosis minus esset occasionis reluctandi, uel certe imbecilliores conscientiæ hoc citius acquiescerent, quo uiderēt sententiam hanc Apostoli in omnibus obtinere Christi ecclesijs. Talibus enim reliquorum fidelium consensus multum adfert persuasionis.

Hinc tamen nemo me putet istorum patrocinari argumento, qui in religionis controuersia quiduis ex multarum ecclesiarum consensu stabilire conantur. Non enim mox pium est & Deo gratū, quod καθόλου est. Et multa sunt eiusmodi, quæ non possunt omnibus conuenire & prodesse ecclesijs. Et præterea non eandem meretur authoritatem cum eo quod ab Apostolo omnibus tradit ecclesijs, quod Pontifices & tyranni ecclesiarum fidelium multitudini obtrudunt, & uel errore uel metu ad-

mit-



mittitur. Locum habet catholice obseruationis autoritas in rebus licitis & utilibus, & ad hoc usurpanda est, ut ijs persuadeatur, qui res ipsas liquido diiudicare non possunt, & ut simul irrequiescere & contentiosi coërceantur.

*Διατάσσει*, inquit.] Ordino & constituo. Duplex est ordinationum & constitutionum genus. 1. Vnum, ut quæ antea in usu sunt, non diuellantur, sed rite ac legitime custodiantur. Sub isto cōprehenditur præsens ordinatio, in qua non noui aliquid instituitur, sed status & ordines humanæ uitæ suo loco collocantur.

2. Alterum, cum instituuntur noua quæ antea in usu non fuerunt. Hoc genus traditionis uniuersam Christi ecclesiam occupauit. Est autem supra modum periculosum, licet enim in casu locum habeat, si uera accedat, & solida spiritus sancti prudentia, & ecclesiæ regimen teneant uiri uigilantes ac pii, qui sana doctrina libertatem conscientiarum in Christo fideliter tueantur, simul tamen magnam adfert tyrannidi & omnis generis superstitioni, conscientiarumque captiuitati occasionem, eandem sibi quiduis constituendi potestatem uindicantibus ijs, qui non Christum, sed seipsos in ecclesia querunt, quæ ueris Christi ministris & apostolis, omnia ductu spiritus moderantibus fuisse legitur.

Est itaq; ista traditionum controuersia, quæ nostro sæculo uiget, à pijs & in Christo prudentibus uiris, neq; pro ueteri consuetudine, neque carnalium hominum temeritate, sed pro ipsa ueritatis & ædificandarum ecclesiarum regula dimetienda & diiudicanda. Videmus enim utrinque non æquis oculis causam hanc introspici, dum illinc ecclesiastici quos uocant, magis regno suo quam Christi ecclesijs consultum cupiunt, hinc uero plebs dissoluta non spiritus, sed carnis libertatem amplectitur, & omnem utut piam & necessariam ecclesiæ disciplinam horret & auersatur.

Circumcisus aliquis uocatus est: ne accersat præputium. In præputio aliquis uocatus est: ne circumcidatur.

Ista exempli uice subiiciuntur. Nec frustra. Erant enim qui cum audirent finem uenisse circumcisioni, uel odio gentis suæ, quod tanta pertinacia fidem Christi Iudæi persequerent, & ipsum quoque Christum occiderant, præputium sibi accersendum putabant, tanquam in illo gratiores Christo futuri, eoque pacto declaraturi se prorsus à Iudaica defecisse perfidia.

Rursus erant qui propter Abrahamæ prærogatiuam putabant se meliores fore, si Christi fidei & circumcisionem coniungerent, maxime cum non deessent, qui illius etiam necessitatē fidelibus ex Gentibus prædicarent, de quibus est in Actis cap. 15. & in epist. ad Gal.

Ut igitur utrisque consulat, illis dicit, ne accersant præputium, id est, ne putent se Christo minus placere circumcisos, sed in ea conditione maneant, modo sincera sint erga Chri-

stum fide, istis uero, ne circumcidantur, id est, ne arbitrentur se in præputio Deo placere non posse, sed in illo fiducialiter & secunda conscientia maneant. Hac de re uide in Galatis.

NE accersat præputium.] Græcè est, *μὴ ἐπιπράξῃς*, id est, ne attrahat. Intelligit autem resectam pelliculam. Sed quaeritur quomodo præputium accersi queat à circumciso, & quod resectum est restitui.

Scribunt quidam per pharmacum quoddam restitui posse præputium. Admonet huius & Theophylactus. Et Erasmus Cornelium Celsum hac de re citat lib. 7. cap. 15. Commentarii Hieronymo dati id pernegant, & particulam hanc exponunt non de pelliculæ amputatæ restitutione, sed de abiectioe caeremoniarum legis, & complexu uitæ gentilis, quasi dicat Apostolus, ne putet se peccare si non statim legis caeremonias abijciat tanquam immundas, cum in illis, modo fiduciam ac spem salutis in illas non collocet, nihil impediat, esse uere Christianum.

NE circumcidatur.] Hic quaeritur, quare Timotheum circumciderit, si qui in præputio uocatus est, circumcidi non debet? In promptu responsio est. Non ita dicit: Ne circumcidatur, quod peccatum sit circumcidi, sed quod non sit necesse, ut relicto præputio accersatur circumcisio. Quemadmodum & illud: Ne accersat præputium, non habet uetandi uim, sed necessitatis pernegationem. Neque enim peccabant, qui relictis legis caeremonijs Christianismi libertatem amplectebantur, & cum præputiatis absque ullo discrimine quibusuis uiscebantur. Hoc sensu & illa dicta sunt, ita ambulet, & infra, in ea maneat. Non enim & ibi uetat, relicto eo statu in quo quis uocatus est, alium amplecti, ut si quis agamos uocatus esset, aut seruus, non licuerit nubere, aut si per heri benignitatem daretur, è seruo in liberti transire conditionem: sed unum hoc agit, ut sciat quisq; non peccare se, si in quo statu uocatus est, in eo persistat.

Circumcisio nihil est, & præputium nihil est, sed obseruatio mandatorum Dei.

Hac sententia rationem reddit, quare nec præputiatus circumcisionem, nec circumcisus præputium accersere debeat. Quia circumcisio nihil est, nihil est etiam præputium, sed obseruatio mandatorum Dei. Magna peruersitas est, anxium esse & sollicitum in eo quod nihil est, id est, quo Deo non gratificatur, & negligentem in eo quod unum ab omnibus exigitur. Ecclesiastes ult. Deum time, & mandata eius obserua, hoc est omnis homo. Et Act. 10. In omni gente qui timet Deum & operatur iusticiam, acceptus est illi. Huc igitur Corinthios ista sententia dirigit, ut nihil de circumcisione uel præputio solliciti, seduli sint obseruatores mandatorum Dei.

SE D obseruatio mandatorum Dei.] Ambrosius ita exponit, id est fides, quæ propitiū facit



Hoc est mā  
datum Dei  
ut creda-  
mus in fi-  
liū eius, et  
diligamus  
nos inuicē.  
1. Ioh. 3.

facit Deum, si bonis operibus approbet. Respicit autem ad locum in Galatis cap. 5. ubi dicit: In Christo Iesu nec circumcisio aliquid ualet nec præputium, sed fides quæ per dilectionem est efficax. Et cap. 6. eandem sententiam ita ponit: In Christo enim Iesu nec circumcisio aliquid ualet nec præputium, sed noua creatura. Coniungantur ergo ista, obseruatio mandatorum Dei, & fides per dilectionem efficax, & noua creatura, id est, renouatio interni hominis. In his est ueritas Christi.

At dicet quis, quomodo circumcisio nihil est, cum sit præcepta à Deo, si obseruatio præceptorum Dei requiritur? Respondendum. In Christo nihil est, in quo euacuata est, uelut umbra per corporis præsentiam. Finem accepit in Christo, quia non ad ueritatem, sed ad umbras pertinebat.

Notanda est hæc particula nostris potissimum temporibus, quibus pars ita de fidei iusticia contendit, ut prope nullam habeat seruandorum Dei mandatorum rationem, pars uero usqueadè operū studio omnia tribuit, ut ferre nequeat fidei dari iusticiam, quæ tamen illi ab Apostolo tot testimonijs absq; ulla controuersia assignatur. Istis quod hic ab Apostolo ponitur, perinde est ac si dicat: Fides nihil est, sed obseruatio mandatorum Dei. Hi primum debent animaduertere Apostolū nō de fide, sed circumcissione & præputio dicere quod nihil sint. Possunt enim illa, ut sunt externa, ita seruari, ut nihil prorsus pietatis accedat uel circumcisorum uel præputiatorū mentib<sup>9</sup>. Fides uero, modo uera sit, non potest inanis esse animi affectus, qui Deo non placeat, cum usqueadè placeat, ut sine illo impossibile sit Deo placere. Deinde, obseruent, quod non de quorumcunque, sed Dei mandatorū obseruantia loquitur. Alioqui per obseruantiam mandatorum hominum frustra Deo seruitur, etiā si quæ Deus præcepit, seruet quisquam. Opprobrat enim populo suo Deus, qd se mandato hominum, id est, ob id quod homo præcipiat, timeant. Ista quippe τήνωνεσ mandatorum Dei hæc duo habet. Primum ut magis sit animi affectus & studium, quàm externum aliquod opus. Deinde, ut obiectum habeat, non creaturam aliquam, sed unum Deū, cui omnis debetur obedientia.

Hinc duo colliguntur. 1. Primum de ista mandatorum Dei obseruantia nihil sibi uendicare eos posse, qui plus homines quàm Deū metuunt. 2. Alterum eorum infirmitatem, qui bonum quod uolunt, præ carnis imbecillitate non faciunt, & malum quod detestant, faciunt, boni à Deo consuli, propter sui reuerentiam quæ certissimum est fidei opus. Ita nos Germani dicimus, Gott nimpt den willen für das werck.

SERVVS uocatus es? ne sit tibi curæ.] Debebat dicere, seruus maneat, quoniam in generali præceptione dixerat, unusquisq; in qua uocatione uocatus est, in ea maneat. Verū quo

niam non præcipiebat seruitutem, sed consulebat conscientijs fidelium, ne putarent se peccare ubi nihil erat peccati, neue Christianismū in eas res collocarent, quibus Deo non seruitur, quasi per expositionem formam propositionis mutat, dicens: Ne sit tibi curæ. Id est, ne sis anxius propter statū seruitutis, quasi Christianus esse nequeas, donec in illo fueris.

QVINE TIAM si potes liber fieri, potius utere.] Ista per auxilium sunt adiecta. Tantum enim dicit. Imò tam non esto anxius in seruitute, qui seruus uocatus es, ut etiam si copia detur libertatis, malis in seruitute consistere, ut quod dicit, potius utere, idem sit atq; magis seruitutem exerce, illique conditioni incumbere.

Ergo præfert Apostolus seruitutem libertati? Atqui libertas multo commodior est regno Christi, maxime persecutionis tempore, quàm seruitus, dominorum, plerunque infidelium, obnoxia uoluntati. Respondeo. Apostolus non discernit hoc loco inter seruitutem & libertatē, sed in hoc uno est, ut doceat nihil habere seruitutem, cuius gratia quisquā à Christianismo possit impediri. Et ut hanc sententiam diligenter inculcet, & persuasissimam faciat, utitur ista auxilio, dicens: Quinetiā si potes liber fieri, potius utere. Tam enim liberum uult Christiani hominis animum in his rebus esse, ut etiam si seruus uocatus sit, nō affectet Christianismi nomine libertatem, ne tum quidem cum offertur.

Vel certe, quod dicit: Si potes liber fieri, nō de oblata per herum libertate, sed de copia au fugiendi dicit, quod solenne erat seruis. Vt in Onesimo seruo Philemonis uisum est. Hoc sensu nihil aliud dicit, quàm ne Christianus seruus ita horreat seruitutem, ut si copiam au fugiendi acquirat, in libertatem sese uelit asserere, sed tam contentus ea sorte sit, ut nolit, etiam si periculo careat, iugum hoc abijcere, sed hoc maiore fide, postquam Christianus factus est, domino suo seruire.

1 Non tam metuendū erat Apostolo, ne putarent sibi Christiani non licere libertatem, ut monendi fuerint, quo illam, si copia detur, præ seruitute eligerent, quàm ne putarent seruos Christo placere non posse.

2 Deinde, sciebat humani cordis superbiam, alioqui plus affectare libertatem, & horrere seruitutem.

3 Non ignorabat & seruorum ingenium ita corruptum, ut quasi ad seruitutem natum uideatur, recte uiuere non posse, nisi in seruitute, eò quod hoc hominum genus plerunq; male educatum, seipsum regere nesciat, ut si uelis eos seruituti eximere, perinde facias, ac si uelis pueros à paterna liberare obedientia, potestatemq; permittere suo ingenio uiuendi.

His quoque rationibus adducor, ut magis arrideat eorum sententia qui illud μάλλον χρεῖσαι, id est, magis utere, idem esse uolunt, atque, magis seruias, & maiore fide ac sedulitate, absque



que ullo conscientie scrupulo, seruitutis conditionem complectere.

Sunt qui alium sensum adferant. Videlicet istum. Verum si potes liber fieri, magis utere, id est, ea potestate oblate libertatis potius utere, quam seruitute. Sic paraphrastes Erasmus: Quin potius illud agendum, ut si detur occasio, libertatem arripiat ac mutet seruitutem. Verum meo iudicio ista sententia nec quadrat proposito, nec subiecte rationi. Et coniunctio *ne* inserta, cum dicit: Quin etiam si potes liber fieri, satis indicat ista prioris particulæ, ne sit tibi cura, auxilium habere. Proinde malo cum Ambrosio, Hieronymo, & Chrysostomo priorem sensum amplecti, quem Chrysostomus non solum ponit, sed & posteriorem hunc reiicit. Interea tamen non uetat Christianum oblatam libertatem, si iusta detur illius copia, abijcere. Quis enim non malit liber esse quam seruus, si præter alicuius id fieri poterit iniuriam?

Etenim qui in domino uocatus est seruus, libertus domini est. Similiter & qui liber uocatus fuit, seruus est Christi.

1 Ratione reddit, quare qui seruus uocatus est, anxius esse non debeat, ita ut ne appetat quidem, Christi nomine, libertatem, si illa poterit obtingere. Quare? Quia uidelicet iam meliorem libertatem, quam sit illa externa, in Christo adeptus est. Hoc est quod dicit: Etenim qui in domino uocatus est seruus, libertus domini est. Rursus, qui libertus in domino uocatus fuit, seruus est Christi. Vt non habeat, cur de carnis ingenuitate gloriatur. Non hic dixit, libertus uocatus es? ne sit tibi cura. Non enim ea erat libertis tentatio contemptus & abiectio nis, quæ erat seruis. Deinde non cogebantur infidelibus dominis obnoxium habere conuietum, quod seruis usuueniebat. Conueniebat igitur magis ut seruos confirmaret quam liberos. Et huius gratia non liberos sed seruos per apostrophem alloquutus est.

Est itaque quisque Christianus, quacunque conditione sit, & seruus & libertus. Libertus, ob id quod à seruitute peccati liberatus & manumissus est per spiritum Christi. Sic Ioh. 8. Si uos filius liberauerit, uere liberi eritis. Seruus uero, propter obedientiam domino debitam, in quam omnes sanguine Christi redempti sumus. Neque enim ita facti sumus liberi à iugo peccati, ut nostri postea iuris simus, sed ut ei seruiamus, per quem sumus à tyrannide peccati liberati. Sic Rom. 6. Nunc uero manumissi à peccato, serui facti sumus Deo. Habent ista consolationem, ut nemo seruus moleste ferat carnalem seruitutem, cum sciat illam non nocere, nec impedire à uera nobilitate & libertate spiritus quæ est per Christum, sed eam demum fugiendam esse seruitutem, quæ peccati, & apprehendendam libertatem quæ spiritus est.

2 Video & hoc loco aliam à quibusdam adferri sententiam, talem uidelicet, quæ non loquatur de seruitute Christi, neque de libertate

A quæ per Christum est, sed de seculari utraque, hoc sensu. Etenim qui in domino uocatus est seruus, libertus domini est, id est, tantundem ualeat apud dominum, ac si libertus esset. Et rursus qui liber uocatus fuit, seruus est Christi, hoc est, non maiori reputatione apud Christum est, quam si seruus uocatus esset. Vt enim circumsisio nihil est, & præputium nihil est, ita certe nec seruitus quicquam est, nec libertas coram domino. Sic Gal. 3. dicit: Non est Iudæus neque Græcus, non est seruus neque liber, non est masculus aut femina. Omnes enim uos unus estis in Christo Iesu. Quomodo non sunt serui, non liberi, non Iudæi non Græci, non mares, nec feminae in Christo, cum istæ conditiones per Christi fidem Christianis non sint ademptæ? Ita scilicet, quod nec impediunt quicquam nec promouent in Christo. Non hoc queritur, ut uel seruus sit quisquam uel liber, uel masculus uel femina, ad hoc, ut Christianus sit, cum omnes isti eandem habeant apud Christum, quæ fidei est, prærogatiua. Vt uerum fatear, ista sententia uidetur esse simplicior & germanior, licet prior tradatur fere ab omnibus. Verum nihil est periculi, utram capiamus. Nam ambæ ueræ sunt & piæ.

B PRECIO empti fuistis, nolite fieri serui hominum.] Cur hoc dicit, cum homini seruire nihil impediatur à regno Christi? De qua namque alia seruitute loquutus est, cum dixit: Seruus uocatus es? ne sit tibi cura, quam de ea qua homo seruit homini, fidei uel infidei? Et quid aliud plerisque mouebat, ut putarent indignum Christi sanguine redemptos, seruire homini, quam quod Christianos credebant Christi sanguine redemptos non hominibus sed Christo seruire debere? Quid est igitur quod idem & eadem ratione hic ponit Apostolus, cum supra diuersa tradiderit? An forsitan quæ supra dixit, ad illos qui in seruitute constituti ad Christum uocabantur dixit, hoc uero quod nunc scribit, ad eos scribit qui liberi uocati erant, ne se permitterent humanæ seruituti, propterea quod non dicit: Nolite esse, sed: Nolite fieri serui hominum?

Ratio quam præmittit dicens: Precio empti estis, talis est, ut non solum competat liberis sed & seruis. Deinde non potest intelligi, quod dicit: Nolite fieri serui hominum, de terrena illa & seculari seruitute, de qua loquutus est hactenus, nisi uelimus Apostolum sibi ipsi contrarium reddere. Quid igitur dicit? Videbat aliam quandam hominum seruitutem, longe periculosiorē. Ea erat, qua alius dicebat: Ego sum Pauli, ego sum Apollos, ego sum Cepha. Aduersus illam eodem argumento & supra usus est, cum dixit: Nunquid Paulus pro uobis crucifixus est? Item: Omnia uestra sunt, uos autem Christi. Repugnat itaque hic captiuitati conscientiarum, admonetque Christianos, ut, nisi uelint

1. Pet. 1. ponitur hoc precium.

k

quæ



quam à Christo redemptore acceperunt, maneat, & nullius imperium in rebus fidei, nisi unius redemptoris Christi, agnoscant. Metuebat illis iugum circumcisionis, metuebat magistros philosophiæ. Nam utrunq; Corinthijs periculum erat. Ita & Galatis scripsit, in libertate qua Christus nos liberauit stete, & ne rursus iugo seruitutis implicemini. Astipulatur isti sententiæ & Ambrosius. Nam is hominum seruos esse dicit, qui humanis se superstitionibus subiiciunt.

Hinc tamen nemo putet auctoritatem ministrorum Christi labefactari, de quibus dictum est. Qui uos audit, me audit. Nā licet illis obtemperemus, ubi non sua somnia sed Christi uerbum proponunt, non tamen illis sed Christo obtemperamus. Vt enim illi nō sunt magistri nostri sed Christi discipuli dum non suam nobis sententiam sed Christi prædicant, ita nos non sumus illorum serui sed Christi, dum non illorum sed Christi præceptis obedimus.

VNVSQVISQVE in eo in quo uocatus fuit, fratres, maneat apud Deum.] Iam tertio propositionē hanc repetit, absq; dubio, quod uideretur necessario propter turbatores inculcanda. Repetit autem eam non sine emphasi animi fideliter ista tanquam fratribus præcipientis cum fratre eos appellat. Deinde, & limitationem addit cum dicit, apud Deum, hoc est, quatenus cum Deo fieri licet, quatenus per fidem Deo debitā fieri potest, maneat quisq; in quo uocatus fuit. Et ista limitatio applicanda est omnibus in uniuersum statibus ne putet sibi quisquam ita obediendum esse hominibus, ut uoluntati Dei repugnet. Oportet Deo plus obedire quā hominibus. Per se cōtra Deum non est esse coniugem, esse seruum, esse circumcisum, esse præputiatum, &c. ut in his statibus nihil impediatur esse Christianum. Proinde non est necesse ut mutantur ac turbentur, modo salua permaneat fides in Christum, modo nihil præcipiatur quod sit contra Deum. Quod si casus accidat, ut aut relinquendus sit status in quo uocatus est quisquā, aut peccandum erga Christi fidem, ibi non manendum sed cedendum est etiam si sit à legitimo coniuge, nedum hero aliquo cedendum.

De uirginibus autem præceptum domini non habeo, consilium autē do, tanquam misericordiam consequutus à domino in hoc ut sim fidelis.

Hoc tertium membrum est præsentis capituli, quo de uirginitate quid sentiendū sit ponit. Dat autem illi in summa duo. Primū, esse liberam & nemini præceptam. Deinde, esse utilem & commodam, certa de causa.

Matth. 19.  
Qui potest capere capiat.

DE uirginibus autem præceptum domini non habeo.] Præceptum domini non habere, aut idem est atq; dominum uirginitatē nō præcepisse, uel Apostolo nihil de ea mandasse. Est autem utrumque uerum. Nam neq; legem de uirginitate ipse tulit dominus, neque Apo-

stolo quicquam potestatis dedit, illam præcipiēdi, id quod non frustra admoneo. Mihi plane uideretur Apostolus non solum hoc dicere quod ipse dominus nusquam de uirginitate præceperit, sed quod & nihil à domino sibi de illa sit mandatum, unde à quoquam illam exigendi potestatem habeat.

Quid est autem, quod non æque de coniugio dixit, se non habere domini præceptum, sicut de uirginitate? An illud præceptum est? Nequaquam. Alioqui male consuleret uirginitatem, nec uirginitas esset libera. Liberam autem eam esse ostendit, cum se nullum de ea dicit habere præceptum. Tantundem enim est, ac si dixisset: Virginitas libera est, ubi dicit: De uirginibus præceptum domini non habeo. Id autem quod liberum est, ita liberum est, ut uel seruari uel omitti possit. Non est igitur coniugium præceptū si libera est uirginitas. Cur iam de illo nō hoc dicit, quod de uirginitate dicit? Quia uidelicet occurrēdū erat hypocrisi quorundam, qui uirginitatis professionem iam tū necessariam facere conabantur, & coniugium tanquam rem immundam explodebant. Ideo non erat opus dicere: De coniugio præceptū domini non habeo, quia nemo illud necessarium faciebat, de uirginitate uero necessariū erat admonere, quod nihil esset à Deo de illa præceptum. Ambrosius arbitratur, quod de hac quoq; Apostolo scripserint Corinthij. Videlicet cordatiores, qui fidelium conscientijs apostolica sententia consultum cupiebant.

CONSILIUM autem do.] Græcè est, *πρόβλημα* & *ἰδούμι*. Id est, sententiam uero meam uide licet, do. Hoc est, quid mihi hac in re faciendū esse uideatur, ostendo. Consilium uero dare, nihil est aliud, quā quid sentias ostendere. Proinde recte *πρόβλημα* pro consilio ponitur. Est autem id discriminis inter præceptum & consilium, ut in præcepto sit faciendi quod mandatur necessitas, nisi uelis contra Deum peccare, in consilio uero eius quod consulitur libertas, ut id absque ulla peccati conscientia libere possis uel facere uel omittere. Ista libertas merito seruatur in consilijs quæ ab hominibus dantur, etiā apostolis. Quare? Quia non quod homo sanctus, sed quod Deus sentit, tale est, ut sine peccato omitti nequeat. Non enim sumus serui hominum, sed Dei, nec ligat nos uoluntas sanctorum, sed domini.

Notandum est hic, quæ sit Apostoli modestia. Postquam dixit se non habere de uirginitate domini præceptum, non audet subiungere, ego uero auctoritate qua fungor, uobis mando, ut uirginitatem profiteamini, id quod Romani episcopi postea facere cœperunt, tametsi negent se uirginitatem præcepisse. Quid aliud autem faciunt, ubi ab illis qui ordinandi sunt in ministerium Christi, abiurationem matrimonij, & continentiæ professionem exigūt? Virginitatem non extorquent nisi à clericis. Atqui Apostolus in toto isto tractatu nihil discriminat inter clericum & nō clericum. Neq; enim



enim aliquid discriminis est inter ministros ecclesiae & reliquos Christianos, quod ad uirginitatem uel matrimoniū attinet. Non enim sunt isti status de substantia uel Christianismi, uel ministerij ecclesiastici. Alioqui prorsus de hoc meminisset Apostolus. Quomodo autem meminisset, quū tam ministris quā reliquis Christianis nihil praecepti de uirginitate datū sit diuinitus? Cur tantum consulit uulgo Christianorum uirginitatem, & nō praecepit? Quia non habet de ea aliquod domini praeceptum. Si hic ualeat ut non liceat Apostolo praecepere quod Deus nō praecepit, cur non & in clericis ualeat, cum neq; illis praecepta sit à Deo uirginitas? An Apostolus clericorū fuit dominus, & non Christianorum? Certe nec clericorum. At quid opus hac de re uerba facere? Res ipsa declarat, Satanam non spectasse uirginitatem, sed sub specie uirginitatis quæsisse coniugij abiurationem & abominationē, ut locus esset omnis generis immundiciae.

Eccius in suis locis, de cœlibatu (egregius uidelicet cœlibatus commendator) hāc Apostoli sententiam, tanquam uirginitatis laudē contra nos citat ad hunc modum. Cum in superiori puncto Christus laudauerit se castrantes (quod non est uerum sensu Eccij) propter regnum Dei, & Paulus uirgines, sequitur improbantes cœlibatum, Christum & Paulum conculcare. Hāc ille. Quis autē improbat uirginitatem? Necessitatem illius impugnamus, utilitatem commendamus, sequuti Apostolū. Paulus laudauit uirgines. Bene. Faciamus hoc utrinq;. Sed non ita, ut necessariam faciamus uirginitatem, non alio sensu, quā quo Apostolus hoc fecit, nec ita ut cuiquā laqueū iniiciamus, & coniugij remedium, si illo opus sit amputemus. Isti uirginitatis praedicatores, quod Deus non praecepit uerbis extollunt, & quod prohibuit opere faciunt. Nouū est prorsus religionis genus, ut quidā Saluianus Massiliensis episcopus scripsit, licita non faciūt & illicita committunt. Temperant à concubitu, (quamuis nec hoc faciant, nisi à licito) & non temperāt à rapina. Quid agis stulta persuasio? Peccata interdixit Deus nō matrimonia. Non conueniūt uestris studijs facta uestra. Non debetis esse amici criminum, qui dicitis uos esse effectores uirtutum. Præposterum est, quod agitis, non est conuersio sed auersio, qui iam pridem, ut fama est, opus honesti matrimoni; reliquistis, tandem à scelere cessate, Hāc ille.

TANQUAM misericordiam cōsequutus à domino ut sim fidelis. Particulā istam absq; dubio hoc nomine inseruit ut consilio suo fidē faceret. Solent enim eorum consilia plus mouere, qui fideliter consulunt. Et ideo illud, ut sim fidelis, intelligo cum Ambrosio de ea fidelitate, qua salubriter ubi opus est consulitur: Quanquam Hieronymus refert ad fidem, qua Christi seruitio fideliter incumbere, uidelicet hoc sensu. Consulo uirginitatem, tāquam per misericordiam Dei, donum illius consequu-

A tus, ad hoc, ut Christo in illius ministerio, coniugij molestia liberatus, fideliter seruiam. Itaque quod dicit tanquam misericordiam consequutus, bifariam exponitur. Vno modo, ut per misericordiam, donum uirginitatis intelligamus, quasi suo exemplo Apostolus ad illā reliquos alliciat, & consilio suo fidem faciat. Altero, ut per misericordiam non uirginitatis sed fidelitatis, hoc est, animi fidelis & quibusuis beneuolentis donum exponamus. Et hāc posterior sententia mihi potior esse uidetur. Quanquam enim certum sit, donum uirginitatis magnum esse bonū, & misericordiae Dei beneficium (attamen non ita, ut coniugij molestia irae Dei deputetur) illud tamen incertū est, quod Paulus suo exemplo hic uirginitatē suadeat cum uero similis sit coniugem illum fuisse, quā uirginem.

Uidetur autem Apostolus, quicquid misericordiae diuinitus accepit, sentire ad hoc se accepisse, ut profit fidelibus Christi. Hic animi fidelis affectus isto Pauli exemplo debebat omnibus Christi ministris summopere commendatus esse. Faceret enim plurimum ad hoc, ne putarent se fidelium cōstitutos esse dominos, sed potius ad aedificationem ministros & cōsiliarios. Deinde & fidelium animos huc permoueret, ut maiore promptitudine & alacritate, si quid illis consuleretur, obsequundarēt. Nunc autem ubi malunt irae Dei quā misericordiae ministri esse, & quicquid possunt non ipsi solum sed & auditores ac subditi, ad hoc unum, referre, ut sint domini & magistri in ecclesia, ut non referunt spiritum Apostolicum, ita non inueniunt iustam ac spōtaneam in ijs quae statuunt obedientiam.

Simul quoque notandum est, ubicunque fuerint reperti fideles in domino ecclesiae ministri, hoc est, qui sincero erga ecclesiam affectu, quaecunq; fidelibus commoda sunt ac salutaria, consulunt, beneficium illos referre misericordiae Dei erga ecclesiam. Et uicissim si cubi infideles fuerint ministri, apertum indicium esse irae Dei aduersus ecclesiam. Reipsa nanque fides ministri magis ob id à Deo datur, ut aedificetur ecclesia, quā ut bene sit ministro. Et hinc est, quod suprā dixit: Omnia uestra sunt, siue Paulus siue Apollo, &c.

Utitur Augustinus praesenti particula in disputatione aduersus Pelagianos, epistola 107. ad Vitalem Carthaginensem. Itē Retractionum libro primo, capite 23. ad hoc ut doceat & euincat fidem esse donum miserentis Dei. Negabant enim hoc illi, asserentes in nostra situm esse potestate & uoluntatis arbitrio Euangelio credere uel non credere. Notat itaque hoc loco, quod non dicit Apostolus: tanquam misericordiam consequutus, quia fidelis erā, sed ut fidelis essem, id est, ut relicta incredulitate eam fidem apprehenderem, quam antea impugnaueram. Et hinc colligit, misericordiam Dei etiam infideli impendi ad hoc, ut fidelis fiat. Verū est omnino & pium quod



efficere conatur, attamen de hac fide, non loquitur hoc loco Apostolus.

Arbitror igitur hoc bonum esse, propter præsentem necessitatem. Nam bonum est homini sic esse.

Verbum arbitrandi in literis apostolicis, non est idem quod uerbum opinandi, cui non nihil incertitudinis inesse uideatur. Certe bonum est quod consulit. Addit uero rationem. Nam alioqui uideretur diuinæ repugnare sententiæ qua Deus dixisse legitur: Non est bonum hominem esse solum, si simpliciter bonum esse diceret: Propter præsentem inquit necessitatem. Quæ est ista necessitas? Fere omnes intelligunt molestias huius status, & curas huius uitæ. Ambrosius nominatim ponit ærumnas partus, & orbitates liberorum. Sane innumera est coniugij incommoditas & multis molestijs semel liberatus est quisquis illo abstinere. At meo iudicio de huius generis molestijs, quæ Christianis non sunt peculiæ, sed cum omnibus infidelibus Iudeis & Græcis in matrimonio constitutis communes, quas & Romanus ille Metellus uidit, non loquitur hic Apostolus, sed de tali quadam necessitate, quæ Christianos & peculiariter premebat, & præfenter tum urgebat, cum dicit: Propter instantem necessitatem. Ea erat Christiani nominis persecutio qua coniuges separabantur, liberis & maritis spoliabantur, & ad defectionem à fide Christi propter conjugalem amorem & affectum erga liberos omnium fortissimum sollicitabantur. Nisi enim maior esset molestia coniugum ubi calamitas persecutionis grassaretur, non dixisset Christus, uel prægnatib⁹ in illa die.

Et huc etiam facit, quod repetendo dicit: Nam bonum est homini sic esse. Non dicit: Nam Deo placitum est, sic esse, sed bonum, id est, commodum est homini sic esse. Ostendit se non loqui de dignitate aliqua uirginitatis, qua coniugium coram Deo excellat, sed de commoditate & utilitate eius, quam in præfenti necessitate persecutionis homini adferat, ut hoc minus ad defectionem à Christi fide permoueat, sed liberior sit ad quæuis pro nomine illius ferenda discrimina.

Hæc obseruata, profunt contra eorum superstitionem qui nescio quantum meriti per se tribuerunt uirginitati coram Deo. Deinde & contra eos, qui propter corporales illas & generales coniugij molestias, putarunt Apostolum uirginitatem suasisse fidelibus, cum ipsa doceat experientia, extra procellas persecutionis, ubi tranquillitas rerum publicarum & Christianismi status, periculosior esse uirginitatis professionem, & ruinæ propiorum, quam statum coniugij.

Isti homines, admiratores uidelicet & nimij deprædicatores uirginitatis, non obseruunt quantum discriminis sit inter ea bona, quæ uirijs opponuntur, & quorum studiū & exer-

citium omnibus competit, & inter ea quæ temporaria sunt, & pro ratione ac uarietate temporum uel usurpanda uel ponenda, atque ideo mox ubi audiunt laudari uirginitatem ab Apostolo, ibi non animaduertentes quo scopo id fiat, usurpanda esse putant. Quod si passim & semper bonum est uirginitatis studiū, cur quæso nec à Deo nec ab Apostolo præceptum est? An non Dei est, quicquid omnibus bonum est, præcipere? Vtique. Non præcipit autem uirginitatem. Quare? Quia commoda quidem est sed in tempore, sed quibusdam non omnibus, & illius conatus quam est commodus & utilis ijs quibus abstinendi facultas diuinitus concessa est, tam est noxius & periculosus diuersis.

Alligatus es uxori? Ne quære solutionem. Solutus es ab uxore? Ne quæras uxorem. Quod si duxeris uxorem, non peccasti. Et si nupserit uirgo, non peccauit. Attamen afflictionem in carne habituri sunt huiusmodi. Ego uero uobis parco.

Redit ad cautionem pro sua prudentia. Timendum enim erat ne uirginitatis consilio male intellecto, causam coniugij grauaret, ansamque daret coniugibus matrimonij pertæsis, instituendi diuortium, & ijs qui extra coniugium sunt, conscientiam peccati generaret si matrimonium contraherent. Ideo non contentus eo quod de uirginibus nullum se domini præceptum habere, sed consilium dare dixit, simpliciter ac manifeste utriusque & coniugij & uirginitatis libertatem repetit, & sententiæ suæ rationem ponit.

ALLIGATVS es uxori? Coniugio tribuit alligationem. Ea est fidei obligatio, unde constat matrimonium, quæ uirum alligat uxori, & uicissim uxorem uiro, ut neuter sui sit arbitrij. Huius alligationis gratia, qui carnis sectantur libidines ac promiscuam uenerem amplectuntur, coniugium uitant, & concubinatum uagum ac liberum eligunt, qua nequitia præsertim notabiles sunt qui sacris sunt, ut uideri uolunt, initiati. Hos sectantur & nonnulli alij Epicurei, qui de coniugio amplectendo ne uerbo quidem admoneri sustinent. At sit interea, ut dum honesto coniugij uinculo stringi nolunt, implicentur non solum scortorum, sed & Satanæ laqueis, quibus ad omnis generis immundiciam captiui derinentur.

NE quære solutionem. Item: Ne quære uxorem. Ista non eadem ratione prohibentur. Prius enim non consilij sed præcepti uigorem habet. Posterius uero non præcepti sed consilij. Neque enim qui solutus est ita à quærenda uxore arcetur, sicut ligatus à repudianda. Cælibatus licitus quidem est, sed non ita, ut ad illum aspirare liceat coniugibus, rupto matrimonij uinculo, quemadmodum relicto cælibatu, licitus est ad coniugium transitus.

Et



Et ob id subiūgit. Quod si duxeris uxorem **A** non peccasti. Etsi nupserit uirgo, nō peccauit. Non autem addit: Quod si quæsieris solutionem, non peccasti. Vide hic quis sit spiritus ille, qui quod Apostolus tam luculēter absque ullo discrimine de uirginibus & inconiugatis dixit: Videlicet, quod non peccent si nupserint, inuentis uotorum impedimentis, & spiritalis matrimonij, quod cum Christo instituunt retinaculis, irritum reddiderit. Tale est, quod Theophylactus eximit ab hac sententia uirginem Deo dicatam & Christo nuptam, eo quod illa, si nubat, adulterium contra Christum inducat. Belli homines non animaduertunt Christianos omnes Christo desponsatos esse, attamen externum hoc & corporale cōiugium spiritali illo nihil impediri. Nos relictis istis nugis, audiamus quid Apostolus Christi dicat, & firmiter teneamus, non esse peccatum, si uirgo nupserit. Quod si stultum aliquod uorum intercessit, urgente uisionis necessitate proijciatur, tāquam quod ex Deo non sit, & agatur pœnitentia de stultitia, id est, temeritate uouendi quæ stultissima est, licet uirginitas, si ex dono Dei ad iustum finem tendat, suam utilitatem ac laudem habeat.

**ATTAMEN** afflictionem in carne habituri sunt huiusmodi. Ego uero uobis parco.] Hæc est sententiæ Apostolicæ declaratio quare dixerit: Consilium autem do, & bonum est homini sic esse. Non dicit: Deo non placebūt huiusmodi, nihil coram Deo prærogatiuæ singularis habebunt, sed afflictionem in carne habituri sunt. At carne affligi non est obnoxium peccato. Non loquitur autem de alia carnis afflictione, quā de qua iam suprà meminit, instanti uidelicet necessitate persequutionum. Non quod qui extra coniugium erant, persequutionis fuerint expertes, sed quod expeditiores fuerint ad quæuis aduersa propter Christum ferenda.

**EGO** uero uobis parco.] Nimirum tanquam imbecilibus. Quasi dicat. Non audeo tantum mihi roboris de uobis polliceri, ut necessitatem istam constanter feratis, atq; ideo rationem habens uestre infirmitatis, optarim uos esse cœlibes ut hoc minus ferendum sit rerum aduersarum. Quid hic dicunt, qui uirginitatis ac cœlibatus professionem tāquam rem arduam, singularis cuiusdam apud Deum meriti esse contendunt, propter nescio quam uitæ austeritatem? Si recte sentiunt, quid est quod Apostolus se isto cōsilio uirginitatis parcere dicit Corinthijs? Quis non uidet, plus uirtutis exigi ab ijs qui coniuges sunt, ut sincere Christo adhæreant, q̃a uirginibus? Quis ignorat mollius & tranquillius uiuere cœlibes q̃ coniuges? Imo innumera cœlibum multitudo, hoc nomine, quicquid foris simulet, cœlibatum appræhendit, ut coniugalis status curas & infinitas molestias declinet. Proinde si quid austeriori ac molestiori uitæ debetur singularis præmij, coniugio debetur non cœliba

tui. Non debetur autem. Quia non huc est respectus oculorum Dei, sed ad animorum synceritatem, qualis qualis sit uitæ huius status, modo non illicitus. Apostolo nūquam in mentem uenit quod quidam de uirginitatis, uel cœlibatus singulari coram Deo præmio & prærogatiua ociosi homines nō ex spiritu Dei sed humani cordis somnijs tradiderunt, sed pro suo erga fideles charitatis affectu, & fide erga Christum de tali status humani genere aliquo cogitauit, in quo Christiani tutius in fide Christi consisterent, & pro nomine Christi illata aduersa cōmodius ac leuius ferrēt. Expēdebat enim carnis ingenium mobile & inconstans, uidebat quotidie causam regni Christi uersari non inter angelos sed homines infirmos & flexibiles, atque ideo cōsilia sua huc referebat omnia, ut minus esset scandalorum. Hoc scilicet est, quod dixit: Bonum est homini sic esse propter instantem necessitatem. Et tribulationem carnis habebunt huiusmodi. Ego autem uobis parco.

**Cæterum** illud dico fratres, tempus contractum est, superest, ut qui habent uxores, sint tanquam non habeāt, & qui plorant, tanquam non plorent, & qui gaudent tanquam non gaudeant, & qui emunt tanquam non possideant, & qui utantur mundo hoc, tanquam non utantur. Præterit enim habitus mundi huius.

In rebus licitis, duo principaliter sunt cauēda. Vnum, ne cum peccati conscientia, illis tanquam illicitis uel utamur uel abstineamus. De illo hætenus. Alterum ne illis ita afficiamur, ut quæ seriora sunt & præcipue curanda negligamus. De isto nunc agit.

**CAETERVM** illud dico fratres.] Non admodum refert, quo quisque statu sit, uel cœlebs uel coniunx, uel seruus uel liber, unde ea de re nihil potuit generaliter præcipere, nisi quatenus propter instantem necessitatem pro cuiusque dono bonum & commodum esse iudicauit, sed id uero plurimum refert & omnes concernit quod nunc traditurus est. Tantundem significare uidetur quod dicit: Illud autem dico fratres, atq; Illud uero ab omnibus communiter & indiscriminatim exigo, quicquid sit cum ijs de quibus hætenus loquutus sum.

In illis enim non tantum est periculi, quantum hic est. Proinde ut illa habeant, quod iam admoniturus sum, omnibus promiscue curandum est. Indicat itaque ista loquutione Apostolus, licet fideliter consuluerit de cœlibatu propter instantem necessitatem amplectendo, maioris tamen momenti esse quod iam præcepturus est, & maiore cura huc elaborandum, ut rebus licitis temperanter utamur, quā ut illis prorsus abstineamus. Est enim illud regnō Christi ita commodum, ut minus sit tentationibus & periculo obnoxium.



Periculosum consilium est prorsus abstinere à coniugio nisi adsit continentiae donum, coniugio uero temperate uti, & uxorem habere tanquam non habeas, & utile est & securum. Deinde illius oppositum coniugium uidelicet, non solum licitum est, sed & ad uitandam scortationem utile remedium, istius uero & illicitum est, & regno Christi incommodum. Et peccat enim & ineptus est regno Dei, quisquis uxore & rebus huius saeculi intemperantius afficitur.

TEMPVS contractum est.] *ὁ καιρὸς συνιστάμενος*. *συνιστάμενος* dicitur, quicquid abiecta amplificatione ac dilatazione in arctum & angustum cogitur, ut cito finiatur. Ita mundi huius tempus, ut in se longum & satis prolixum, in nouo testamento contractum dicitur, eo quod omnium rerum finem cito sit adducturum. Pulchre autem de temporis angustia sumptum argumentum praemittit, ut animos fidelium à reb⁹ cito perituris hoc facilius auocet.

*Ambros.* Ambrosius putat Apostolum hoc loco temporis breuitatem non ita inducere, quod reuera contractum sit noui testamenti tempus, cum longum sit, sed quod pro sua prudentia ita uoluerit fidelium mentes terrore ultimi iudicii ad meliorem uitam impellere. Verum meo iudicio non solum pium est Apostoli propositum & utile, sed & uerum quod tempus contractum esse dicit: Nam licet in se sit longum, respectu tamen saeculorum quae prolapsa sunt, contractum est, ac simile temporis uespertino, quo dies ad noctem uergit.

SVPEREST.] *τὸ λοιπὸν ἐστίν*. Reliquum est. Particula ista bifariam legitur. Vno modo, ut praecedentibus coniungatur hoc sensu. Illud autem dico fratres. Tempus deinceps contractum est, ut *τὸ λοιπὸν* sit idem atque deinceps, & uerbum substantiuum *ἔστιν*, ad participium *συνιστάμενος* referatur. Altero modo, ut legatur seorsum, & applicetur non praecedentibus sed sequentibus, ac doceat quid iam deinceps à fidelibus sit curandum. Priorem lectionem Ambrosius, posteriorem uero & uetus interpres & Erasmus sequuti sunt. Ego non uideo quid referat, utram lectionem amplectamur. Nam ita est contextus uerborum, ut utrouis modo legi possit. Nec in sensu multum est discriminis, nisi quod prior lectio ulterius ac deinceps iam noui testamenti tempus contractum, posterior uero, eo quod tempus contractum sit, hoc deinceps curandum esse dicit, quod statim subiungitur.

*Hierony.* VT qui habent uxores, sint tanquam non habentes.] Cauenda est hic Hieronymi expositio, qui dicit Apostolum hoc loco cum omni intentione, coniuges quoque hortari ad continentiam ut hoc amplius persuadeat in nuptis, ne matrimonium contrahant. Vxorem habere tanquam non habeas, illi continentiam seruare est, & uxore uti, incontinentem esse. Quod si Apostolus usum uxoris uetat, quid est, quod supra dixit: Vxor uiro debitam

A beneuolentiam reddat? Ergo sibi ipsi contrarius est. Absit. Habere tanquam non habeas, est corde non nimium affici. Theophylactus dicit, esse non omne studium circa nuptias & uxores consumere. Et Ambrosius, non debere ad generandum esse sollicitum, neque ad usum ipsum deditum. Non dicit, non debere generare, & uxore uti, sed non debere sollicitum ad generandum, & ad usum uxoris deditum, id est, plus aequo propensum esse. Ergo non abstinentia, sed temperatum uxoris usum exigit.

1 Apostolo uxorem habere, non est cum uxore tantum habitare, sed illa simul pro ratione & lege coniugij uti. Alias habere uidetur uxorem qui illa non utitur, reuera autem non habet. Omnino ista, qui habet uxores, qui plorant, qui gaudent, qui emunt, qui utuntur hoc mundo, non ita sunt ab Apostolo dicta, ut externam aliquam sui speciem significant, sed simpliciter ipsarum rerum ueritatem exprimunt. Ut quemadmodum de uere plorantibus, uere gaudentibus, uere ementibus, & mundo isto uere utentibus, ita & de ijs qui uere uxores habent, non solum habere uidentur, intelligenda sint.

2 Deinde sicut illa, sint tanquam non flētes, non gaudentes, non possidentes, non utētes, non idem sunt, atque non fleant, non gaudeant, non possideant, non utantur hoc mundo, sic & hoc, sint tanquam non habentes, non idem est atque non habeant, uel non utantur, B Ut enim usum mundi huius utentibus illo non aufert quod dicit, sint tanquam non utantur ita nec uxoris usum habenti uxorem aufert, quod dicit, sint tanquam non habentes.

3 Tertio, & ipse scopus Apostoli non hoc exigit ut à coniugibus reddatur cēlibes, quasi cēlibatus apud Deum aliquid habeat praerogatiuae, sed ut animi fidelium liberi sint à rerum huius saeculi nexibus, quo cōstantes Christo adhærere queant, cuius & infra admonebit. Ad hunc finem non minus pertingit coniunx, si coniuge legitime & temperanter utatur, quàm si illa prorsus careat, sicut & ij, qui mundo utuntur tanquam non utantur, aequē constantes in fide Christi perseuerant, atque ij, qui illo non utuntur. Quapropter ista Hieronymi expositio prorsus aliena est à mente Apostoli, & studiose cauenda.

Sed esto, habere tanquam non habeas, sit idem atque non admodum delectari aut affici uxore quam habes. Quid igitur est, quod hic ipse Apostolus Ephes. 5. iubet, ut mariti uxores diligant sicut sua ipsorum corpora, imò quod arctius est, sicut Christus dilexit ecclesiam suam? Hic iubet habere tanquam non habeas, illic praecipit ut diligas plurimum. Docet ne hoc loco ut maritus frigidus sit erga uxorem affectu? Cur ergo illic tanta dilectione prosequi iubet? Certe nostro tempore satius est admonere, ut mariti uxores suas diligant, posteaquā tam pauci sunt, qui sincero amore erga cōiuges suas afficiant. Habenda est igitur ratio

Item uide  
in episto-  
lis Leonis  
ad Rusticum  
Narbonē.  
episcopi  
cap. 3.



tio temporum, ut si nimius regnet amoris affectus in coniugibus, ut periculum sit defectio-  
nis à fide Christi, sicut persecutionis tempo-  
re accidere solet, locū habeat ista Apostoli ad-  
monitio: si uero tempore pacis refrixerit con-  
iugal dilectio, admoneantur mariti ut uxores  
suas sicut sua ipsorum corpora, & sicut Chri-  
stus ecclesiam suam dilexit, diligant. Nō quod  
inconstans debeat esse dilectio mariti erga u-  
xorē suam, sed quod admonitio Apostoli pru-  
dēter pro ratione temporū & personarū insti-  
tuēda sit, & q̄ carnalis & corruptus amoris af-  
fectus à coniugibus fidelibus abesse debeat.

ET qui plorant, tanquam non plorēt.] Plo-  
rare malū non est, fleuit enim & Christus, mo-  
dum uero excedere malū est. Animū enim de-  
clarat tribulationis impatientem, adeoq; & re-  
gno Christi ineptū. Intelligit autē eos, qui in  
hoc sæculo affliguntur, quos docet, ut mode-  
rate lugeant. Non exigit ne prorsus fleant, sed  
iubet, ut in rebus tristibus nō admodum ani-  
mo deiciantur, & tam nō illarū gratia à Chri-  
sti ueritate deficiant, quā si prospere habeāt.  
Non reddit igitur Apostolus Stoicos ex Chri-  
stianis, qui sapienti & iusto homini non per-  
mittunt, ut sensu rerum tristium non nihil tan-  
gatur. Sic & alibi non uetat contristari, sed im-  
modestiam lugendi, quæ gentium est, uetat.

ET qui gaudent, tanquam non gaudeant.] Per  
gaudentes intelligit eos, qui rebus in hac  
uita fruuntur secundis, quibus terrena ista ex  
animi sententia succedunt, qui sanitate cor-  
poris, rerum opulentia, pace & honore huius  
sæculi potiuntur. Non enim de ijs loquitur,  
qui in domino gaudent. Illorum nanque gau-  
dium haudquaquam cohiberet, & ad tempe-  
rantiam restringeret, illis nunquam diceret, ut  
sint tanquam non gaudentes.

Itaque & inter Christianos malum non  
est, rerum prosperitate potiri, & gaudere in  
rebus secundis. Humanum est, & ita habet  
naturæ nostræ ingenium, ut misere affecti lu-  
geamus ac ploremus, rursus in rebus prospe-  
ris constituti, gaudeamus. Istam naturæ no-  
stræ conditionem tam non damnat Aposto-  
lus, ut Romanorum duodecimo iubeat gau-  
dere cum gaudentibus, & flere cum flenti-  
bus. Non est itaque Christiani hominis Stoi-  
corum ἀπαθείην sectari, quam nuper Anabapti-  
stæ inducere conati sunt. Verum utrobique  
seruare modestiam, & nec rebus tristibus de-  
ijci, nec secundis extolli, id demum est Chri-  
stianæ professionis, & plus habet uirtutis,  
quā si per Stoicorum ἀπαθείην trunci ac sti-  
pites redderemur, omnibus humanis affecti-  
bus exuti.

ET qui emunt, tanquam non possideant.] Per  
ementes aut negociatores, intelligit aut  
eos qui domos, prata, agros, uillas, uineta, &  
id genus bona coëmunt. Alioqui, quis mor-  
talium est, qui non aliquando emat, quæ ne-  
cesse habet ad uitæ sustentationem, uictum  
uidelicet & amictum? De talibus emptori-

bus loquitur, quibus periculum est, ne ijs quæ  
coëmunt, nimium afficiantur, qui uidelicet  
emendo opulenti redduntur. Hos monet,  
ne opibus cor apponant, sed sint tanquam  
non possidentes. Quadruplex periculum est  
in opibus.

1 Vnum, ne animos possidentium se infla-  
tos reddant. Sic nos Germani dicimus: *Quot  
macht muot.*

2 Alterum, ne corda illorum sibi deuinci-  
ant, & fiduciam in se generent. Hinc David  
admonet: Diuitiæ si affluant, nolite cor ap-  
ponere.

3 Tertium, ne luxui materiam suppedient,  
& occasionem præstent. Id notatur in diuite  
Euangelico.

4 Quartum, ne cupiditatem ac sitim plura  
habendi incendat. Vnde ille dicit:

Crescit amor numi, quantum ipsa pecu-  
nia crescit.

His omnibus liber est animus Christiani ho-  
minis, qui ita emit ac diues est, ac si non possi-  
deat. Is nec insolescet, nec fiduciā in opes col-  
locabit, nec luxuriabitur, neq; plura appetet,  
sed ita diues erit, ut nihilo sit minus mode-  
stus, corde libero, temperans, & præsentibus  
bene contentus.

Illud, *ὡς μὴ κατέχοντες*, tanquam non possiden-  
tes, ad uerbum est, tanquam non retinentes,  
quasi auellere ob id cupiat animos e mentium  
à bonis terrenis, quod ea retinere nequeant,  
B sed nolint uelint, amittere cogātur. Certe qui  
id cogitat, haud facile cor suum opibus terre-  
nis addicet.

ET qui utuntur hoc mundo, tanquam non  
utantur.] Græce est, *ὡς μὴ καταχρώμενοι*, tanquā  
non abutentes. Theophylactus notandum pu-  
tat inter usum & abusum discriminis aliquid  
hoc loco. Erasmus arbitratur hic nihil esse di-  
criminis. Videtur hæc particula ita posita, ut  
quasi summam habeat eorum quæ recensere  
cœperat Apostolus. Longum enim erat om-  
nia adnumerare, in quibus licet licitis, seruā-  
dus est modus, ne uel deiciamur animis uel  
inflemur, atque ob eam causam compendio-  
se adiecit: Et qui utuntur hoc mundo, tanquā  
non utantur. Per mundum autem intelligit  
ea quæ in mundo sunt, quæ uitam hanc præ-  
sentem concernunt. Illis uti licet, sed mode-  
rate, & corde non affixo. De his autem non  
intelligit, quæ in mundo Iohannes uidit & ca. 1. Ioh. 2.  
uere docuit, cum dixit: Nolite diligere mun-  
dum, neque ea quæ in mundo sunt. Si quis di-  
ligit mundum, charitas patris in eo non est.  
Quoniam omne quod est in mundo, concu-  
piscencia carnis est, & concupiscencia oculo-  
rum, & superbia uitæ. Istitis certe non licet u-  
ti. Imò abusus mundi in istis est, quem uetat  
& Paulus.

PRAETERIT enim habitus huius mūdi.] Per  
rationem adiicit, sed talem, quæ cōmoda sit  
captui eorum quibus scribit. Nam alioqui di-  
cendum erat: Nisi enim hoc feceritis, in fide  
Christi



Christi persistere non poteritis. Hoc quippe illis metuebat. Verū ea ratione paulò inferius utitur. Nunc cōmodū, ubi mundi mētio incidit, ab illius fugacitate & incōstantia argumentū persuadendi sumit. Præterit enim, inquit, habitus mundi huius, *παράγεται* Græcè est, quod & seducere & præterire significat. Vnde Stapulensis quod nos legimus, præterit, uel transit, uertit, seducit. Vide Eras. Vtrunq; uerum est, & causæ quam agit Apostolus, accommodū. Iohannes in sua canonica uerbo isto pro trāsire utitur, cum dicit, *παράγεται ὁ κόσμος*...

Notanter autem non de mundi substantia, sed figura & habitu quem nunc habet loquitur, cum *σχῆμα* ponit. Et satis contemptim, ea quæ mundi huius filij tantopere admirantur, figuram uocat, umbra nanq; sunt, non solida ueritas. Quæ in illo uel bona uidentur uel mala, nec uere bona uel mala, nec diuturna sunt, sed umbratilia & transitoria. Quid igitur causæ est, unde in tristibus anxij, & in prosperioribus elati esse debeamus, cum nec tristes nec secundæ res huius mundi ueræ sint, aut constantes, sed non nisi umbra quædam momentaria rerum tristium & secundarum, quas perpetuas & ueras futurum sæculum habebit.

Velim autem uos sine sollicitudine esse. Qui cœlebs est, curat ea quæ sunt domini, quomodo placiturus sit domino. At qui duxit uxorem, sollicitus est de his quæ sunt mundi, quomodo placiturus sit uxori. Diuisa sunt hæc duo, mulier & uirgo. Innupta curat ea quæ sunt domini, ut sit sancta & corpore & spiritu. Cōtrā quæ nupta est, curat ea quæ sunt mundi, quomodo placitura sit uiro. Hoc autē ad id quod uobis conducibile est, dico. Non uti laqueum uobis iniiciam, sed ut quod honestum ac decorum est, sequamini, & adhæreatis domino absque ulla distractione.

Redit ad consilium quod suprā de agarnia dederat, asserens bonum esse cœlibatum propter instantem necessitatem, & quod tribulationem in carne sint habituri coniuges, quas declinari cupiat, eò quod illis parcat. Iam id consilij resumit, & adhuc aliam quandam illius rationem adiicit, ut doceat quantam commoditatem habeat cœlibatus in regno Christi, præ matrimonio. Eam sumit à molestia cōiugij, qua multis curis est obnoxii: cuius gratia fit, ut cōiugatus minus sit appositus regno Christi quàm cœlebs, periculumq; sit, ne plus quæ sæculi quàm quæ Christi sunt curet.

*ὁ κύριος ἡμῶν.* Volo autem uos. Non hoc dicit imperandi sed optandi modo, ut & Erasmus reddidit: Velim autem uos. Sic suprā. Volo enim omnes esse sicut & ego sum, pro, uelim enim omnes esse, &c.

SINE sollicitudine esse.] *Ἀμφοτέρωθεν.* Curarum multa sunt genera. Non exigit ut in uniuersum omnibus curis liberi sint. Est enim impossibile, deinde nec utile est, animum habere prorsus solum & ociosum, quod hominis est, prorsus inepti ac leuiculi, & nullo rerum sensu præditi. Tales non optat esse Christianos, qui omnia susque deque ferant, & sint rerum cū diuinarum tum humanarum egregij contemptores. Rerum terrenarum curam ac sollicitudinē abesse Christianis optat, quod sciat illorum ingenium esse, ut animum occupent, nec sui iuris esse permittāt. Vnde & Christus Matthæi sexto dicit: Nolite solliciti esse quid manducetis, quid bibatis, quid induatis, &c. Sed primum quærite regnum Dei & iusticiam eius, & hæc omnia adjicientur uobis. Cur hoc præcepit? Ob id uidelicet, ut liberes essent ad quærendam regni Dei iusticiā, nullis huius uitæ curis impediti. Sic Matthæi decimotertio, curas huius uitæ spinis cōparat, quibus uerbi Dei fructus impeditur ac suffocatur. Et Lucæ uigesimoprimum dicit: Caute ne corda uestra ingrauentur crapula & ebrietate, & curis huius uitæ. Ergo sollicitudo rerum terrenarum his testimonijs conuincitur eo esse ingenio, ut animos mortalium captiuet, & à libera regni Dei consecratione impediat, quod etiam ipsa quotidie experientia declaratur.

QVI cœlebs est, curat ea quæ sunt domini.] Declarat seipsum, quomodo cupiat eos sine sollicitudine esse. Id autem facit per collationem utriusque status, coniugij & cœlibatus, ostendens illius incommoditatem, & huius commoditatem. Quantum enim commoditatis habeat cœlibatus, non potest melius cognosci, quàm ex consyderatione molestiarum coniugalium.

CV RAT ea quæ sunt domini.] Non mox uerum est, si assertiue legas. Reperias enim innumeros cœlibes & innuptos, qui nihil minus curent quàm quæ sunt domini, nec ob id cœlibatum amplexi sint, ut domino integrius ac plenius adhæreant, sed ut declinata coniugij seruitute, liberior licet indulgere genio. Et nostri clerici cum omnes cogantur esse *ἐκκλησιαστικοί*, quomodo quæso curant quæ sunt domini? Nisi uelis per ea quæ domini sunt, bona ecclesiastica, id est, census ac creditus ecclesiasticos intelligere, quorum sanè iam olim magna quidem, sed prorsus insincera cura tenentur. Quis enim non uidet, quàm non Christi, sed quæ sua sunt curent?

Proinde quod dicit: Qui cœlebs est, curat ea quæ sunt domini, non est aliter intelligendum, q̄ ut idem sit atq; aptus est & expeditus ad curandum ea quæ sunt domini. Hoc certe uerum est, & summopere optandū fidelibus, maxime ubi tribulatio persecutionis sæuit.

QVAE sunt dñi.] Quæ illa sunt? Nihil exprimit nominatim Apostolus. Nec opus erat. Simpliciter enim de perseverantia fidei & con-



fessionis Christi loquitur, ut curare quæ Christi sunt, nihil aliud sit, quam quærere regnū Dei & iusticiam eius, & nō mundo, sed Christi esse uoluntati additum.

QVOMODO placeat domino.] Quasi exponit quid sit curare ea quæ sunt domini. Studio uidelicet illi placendi teneri. Illud duo habet. Vnum, ut uitetur, quicquid illi displicet. Alterum, ut quæ placita illi sunt, fiant. Horum cognitio non est ex humanis cogitationibus, sed è uerbo Dei petenda, ne quis hoc loco uitam monasticam somniet, cum nulla alia sit ineptior regno Christi. De ea loquor qualis nunc est, & quæ iam olim plus cœpit habere superstitionis quam pietatis, nihilque aliud est, quam conscientiarum captiuitas, & liberæ charitatis impedimentum. Sedulitas audiendi uerbum Dei, & precandi, bonum quidem habet ad pietatem exercitium, si rite dispensetur, & accedat studium charitatis erga proximos. Omnem uero uitam uni isti exercitio addicere, abiectis reliquis pietatis officijs, qualia sunt, suscipere peregrinos, uestire nudos, solari mœstos, uisitare captiuos & infirmos, id demum est, quod Christo placere nequit, nec ab Apostolo requiritur, nec tum temporis inter Christianos in usu erat.

At qui duxit uxorem, sollicitus est de his quæ sunt mundi.

Neque hoc ubique uerum est. Reperti namque sunt multi qui licet coniuges essent, non tamen quæ mundi, sed quæ domini erant curarunt, quales erant Prisca & Aquila, qui coniuges utique erant, & tamen non quæ huius sæculi, sed quæ Christi erant curasse leguntur, ita ut & ceruices suas pro Apostoli uita posuerint, Romanorum decimo sexto. Proinde nec hoc per assertionem simpliciter intelligendū est, sed ut idem sit atque, periculum est, ne tēpore confitendi Christi, sollicitus sit de his quæ sunt mundi, eò quod ipse status conjugalis talis sit, ut animum coniugis curis suis plerumque adobruat, ut minus reddatur appositus regno Christi curando. Sic est in parabola Lucæ decimo quarto: Vxorem duxi, & ideo nō possum uenire.

DE his quæ sunt mundi.] Rem familiarem intelligit, cuius copiam status iste desiderare uidetur, ut omnia affatim, quæ uxori, quæ liberis & domesticis necessaria sunt, ad manum sint, quæ res quantum adferat curarum ac sollicitudinum, norunt experti.

QVOMODO placeat uxori.] Quid hoc est? An peccatum est, placere uxori? Nequaquam. Quemadmodum neque prouidere uxori, liberis, & reliquæ domui, peccatum est. Alioqui male scriberet hic ipse Apostolus Timotheo, quod fidem abnegauerit, & infideli deterior sit, si qua suis, & maximè familiaribus non prouideat. Sed sollicitum esse & anxium in his rebus quæ mundi sunt, & quomodo gratificeris uxori, præterquam quod

infirmæ fidei indicium est, ineptum etiam reddit ad hoc, ut quæ Christi sunt, studiose quærantur. Quoniam autem difficile est coniugatum harum rerum cura non teneri, & molestissimum tempore persecutionis cum uxore habitare, quæ animo sit auerso, nec minus negotiosum in omnibus illi gratificari & placere uelle, eò quod multa sit mulierum intemperantia, propter uarios & importunos illarum affectus, quibus facile mouentur, difficile uero imperant, arbitratur fidissimum Apostoli pectus in periculosis persecutionum procellis, multo commodius esse abstinere à coniugio, quam istis molestijs obnoxium fieri, & eò adigi ut impediatur animus à studio placendi domino.

DIVISA sunt hæc duo, coniunx & uirgo.] Hastenus de uiris, nunc idem & de mulieribus tradit. Est enim hac in re eadem utrinque sortis & ingeniorum conditio. Vtrorunque est animo esse erga Christum syncero, & placiti illius studio. Deinde & utrique ita comparati sunt, ut terrenis curis occupati, minus quæ Christi sunt curent. Imò mulieres, quo mobiliiores sunt, & intemperantiores, hoc periculosius terrenis curis & affectibus inuoluuntur.

Μιμνήσκει ὁ κύριος καὶ τὸ παρθεῖν.] Hæc particula bifariam legitur. Quidam illud μιμνήσκει adiecta coniunctione καὶ, præcedentibus coniungunt, & legunt. Qui autem uxorem duxit, sollicitus est de his quæ sunt mundi, quomodo placeat uxori, & diuisus est. Deinde interiecto puncto, reliqua ita substruunt. Mulier & uirgo innupta, cogitat quæ sunt domini. Ita legunt ac diuidunt, uetus interpret & cōmentarij Hieronymo dati. Ambrosius quoque de uiro coniugato ita legit, nisi quod uerbum diuidendi de muliere & uirgine repetit. Alij legunt ad hunc modum, quem sequimur, ut & Erasmus reddidit: Diuisa est uxor & uirgo. Deinde subiicitur distributiua collatio uxoris ac uirginis, qua declaratur quomodo diuisæ sint. Natura non sunt diuisæ, nec sexu, nec dignitate coram Deo, sed diuersitate affectuum & studio dispari. Omnibus fidelibus cor debet esse unum & anima una, par erga Christū fidei synceritas & æquale studium illi placendi. Verum pro conditione & uarietate statuū fit, ut quod unitum esse debebat, diuisum & in partes sectum reddatur, dum animi fiunt in Christi fide ac studio impares.

INNUPTA curat ea quæ sunt domini.] Id est, aptior est, ut curet.

V T sit sancta & corpore ac spiritu.] Pro ratione collatiōis debebat dicere, quomodo placeat dño. Cum ergo huius loco dicit, ut sit sancta & corpore & spiritu, innuitur tantundem esse hoc loco, sanctam esse mulierem corpore & spiritu, atque placere domino. Ergo mulier si cupiat placere domino, innupta sit, ut possit sancta esse & corpore & spiritu. Quid igitur? Quæ nupta est, nec sancta est, nec domino



mino placet? Quomodo ergo suprà infidelem coniugem in marito sanctificatam esse dixit? Si de sanctitate loquitur, quæ per fidem ac spiritum Christi est, quomodo adscribitur hic innuptis, cum sit etiam nuptarum & fidelium omnium? Si de mundicia illic corporis & animi loquitur, quomodo illam hic dat uirginibus, cum sit & coniugum? Coniunx nanque, si in fide coniugali maneat, nec corpore nec animo immunda est, quatenus coniunx est. Quid est igitur quod dicit: Vt sit sancta corpore & spiritu? Primum, non disputat quid sit uirginitas, nec sanctitatis gratia inter illam & coniugium discriminat, sed simpliciter dicit, quæ sit illius commoditas ad hoc, ut Christo seruiatur. Deinde quoniã uirginitas mundiciam quandam habet corporis & animi, dicit fidelem uirginem pro status sui commoditate hoc posse conari, ut uere sit sancta, non corpore tantum, sed & spiritu, id est animo, id quod tum est, quando curat quæ Christi sunt, & quomodo illi placeat. Inde nemo recte colliget, quod coniunx immunda sit corpore & animo, & quod domino placere nequeat, nisi corpus impuris actibus, & animum immundis polluat affectibus, id quod & innuptæ potest accidere.

Colligimus ex hoc loco de uirginitate.

1 Primum illam non æstimandam alicuius esse momenti, si corporis tantum habeat mundiciam. Exigit enim hic Apostolus non corporis solum, sed & spiritus sanctimoniam.

2 Deinde finem illius esse, ut curentur, non quæ mundi, sed quæ domini sunt, & expeditius regno Christi ministrari queat. Nihil ergo minus sunt quàm uirgines, quæ etsi non corpore, animi tamen affectibus uirile consortium appetunt. Nec Christo probantur ociosæ illæ, etiam si affectibus animi sint plane angelicis, quæ nulla in re Christo seruiunt, sed suæ tantum tranquillitati consulunt.

Quæ nupta est, curat quæ sunt mundi, quomodo placeat uiro.

1 Non mox omnes. Maior tamen pars. Et hic status tempore persecutionis id secum adfert periculi.

2 Nec peccat, si placeat uiro, modo ita, ut potissimum Christo placeat. Si coniugis est, ut uirum suum amet, prudens sit, casta, sobria, domus curam habens, benigna & subdita, quomodo malum erit, si ista faciens (ut facere iubetur Titi secundo) uiro placeat? Apostolus Petrus hortatur mulieres coniuges, ut difficiles & infideles maritos pia & honesta conuersatione ad dominum conuertant. Hoc certe fieri non potest, nisi uiris placeant. Nihil ergo hic peccatur, si coniunx istis medijs pijs & honestis uiro cupiat in bonum placere, deinde, si ante omnia cupiat placere Christo. Non uetat igitur Apostolus coniugem placere uiro, cum id sit & illi & marito necessarium, nec mali quicquā habeat, sed docet, quid

A periculi subfit, si id anxie fiat & præter modum, quemadmodum plerunque solent, eò quod sexus iste uiri sit appetentior, & id ingenij habeat, ut cupiat placere uiris, atque huc luctetur nugis suis, crinibus torris, ornatu uestitum, auro, argento, serico, quæ omnia abesse uult ab illis quæ pietatem profitentur.

HOC autem ad id quod uobis conducibile est dico. Ista uel per insinuationem dicuntur, ut credant fideliter consulenti, nec aliud quicquam quàm ipsorum utilitatem querenti, uel per cautionē adijciuntur hoc sensu. Quicquid id sit quod de commoditate cœlibatus, & incommoditate coniugij dico, non aliter dictū uolo, nec à uobis aliter usurpari, quàm quatenus ad uestram ipsorum cessurum sit utilitatē, quam unam hic specto. Vos uidete iam singuli, quid uobis sit conducibile. Mihi uisum est huius admonere, & ita arbitror causam hanc habere, sed, ut suprà dixi, quisq; proprium donū habet, alius sic, alius alio modo. Quod cuique conducibile est, sectetur.

NON uti laqueum uobis iniiciam. I Quis non uidet Apostolum id quod res erat ultro consyderasse? Si consilium suum non tantopere declarasset, & causæ istius libertatem monstrasset, uidebat futurū, ut, quod suadebat, imperitis & imbecilibus conscientijs in laqueū cederet. Quomodo? Si conarentur illo extra donum Dei uti. Hoc est, si cœlibatui spreto cōiugio sese addicerent, id quod non potest nō male cedere, & perditioni seruire.

B Vide admirabilem astum Satanæ. Data opera cauit Apostolus, idq; nominatim expressit, quæ de cœlibatus commoditate disputabat, non huc tendere, ut inde struatur laqueus conscientiarum, quasi res ista sit necessaria, sed cuiusq; conscientiae liberum relinqui, quid sequatur quid non. Et ausus est hinc impudentissimus Satan, contra expressam Apostoli mentem, curam ac sollicitudinem, tam innumeris animabus laqueos struere, in quibus misere & corpore & spiritu pereant. Et quod crudelissimum est, eò tandem inualuit ista insania, ut malint ecclesiastici principes sciēter ac prudenter perire tot animas, pro quibus Christus est mortuus, quàm hunc laqueum, quem non Apostolus, sed Satanæ astus struxit, per doctrinam Apostolicam solui.

S E D ut quod decorū est sequamini, &c. I Græcè est, ἀλλὰ πρὸς τὸ εὐσχημον, καὶ ὑπερσώφρων τῶν ἡμῶν ἀπεισιπάτως, id est, sed ad id quod decorū est, & huc facit, ut indiulset dño adhæreatis, intellige, hoc dico. Exponit mentē cōsiliij sui, & illius utilitatē declarat, quā decoro & constantiae circa Christi fidem & obseruantiam includit. Decorum hic non uocat ἀγαμία, sed status in quo quisque est honestatem, qua sic uiuit, ut nulli diffamiae Christiani hominis conuersatio reddatur obnoxia. Habet & Christianismi professio suum decorum. Id est, ut uita professioni respondeat. Professio spiritalis est & cœlestis. Ergo decorū illius est, ut reiectis hu-



ius uitæ cupiditatibus cœlesti conuersatione studeamus. Christo indiuisse adhærere, est cōstanti & immota fide nō quæ mundi, sed quæ Christi sunt curare, nec ullis tentationibus ab illius dilectione auelli. Liberum ergo permittit Apostolus cuique fideli pro suo dono uel cœlibatum uel coniugiū amplecti, modo huc faciat, ut Christianæ professionis decorū seruetur, & in fide Christi immote perseueretur. Quatenus cuiquam ad id seruire potest cœlibatus, hætenus illum cōsultat. Sin secus, satius esse suprā dixit, nubere quàm uri.

Inepti planè sunt, qui Christiani status decorum putāt esse uirginitatem, & Christo indiuisse adhærere idem esse atque uirginitatē constanter seruare, quasi coniugium & probum habeat, & coniuges Christo adhærere nequeant, cum Apostolus cœlibatum hætenus suadeat, ut si ad decorum & perseuerantiam Christo adhærendi faciat, usurpetur. Aliud est quod suadet, & aliud quod suadendo spectat. An Dauid uirgo erat, cum diceret: Mihi autem adhærere Deo bonum est? Quomodo adhærebat Deo? Audi. Ponere in domino Deo spem meam. Ergo domino indiuisse adhærere, est sincera fide, spe & dilectione constanter ab illo pendere, nec ullis tentationib⁹ ab eo auelli. At id potuerunt per gratiam Dei, & possunt etiam nū pij homines in matrimonio constituti, non minus quàm uirgines.

Quod si quis indecorum uirgini suæ putat, si prætereat nubendi tempus, & sic oportet fieri, quod uult faciat, nō peccat, iungantur matrimonio. Cæterum, qui stat firmus in corde, non habens necessitatem, sed potestatem habet propriæ uoluntatis, & hoc decreuit in corde suo, ut seruet suam uirginem, bene facit. Itaque qui elocat nuptum, bene facit. At tamen qui nō elocat nuptū, melius facit.

Adhuc ampliori declaratione cauet, ne cuiuspiam libertati consilio suo præiudicet. Non satis est, quod dixit: Et si, nupserit uirgo, non peccat. Deinde. Hoc ad id quod uobis conducibile est, dico, non uti laqueum uobis iniiciā, sed ut quod decorū est, sequamini, sed adhuc opus esse putat pluribus rem eandem inculcare. Tantopere uidelicet sollicitus erat, ne cui suo consilio obtemperandi necessitatem obtrudere uideretur. Descendit paululū ad species, licet hoc quod in specie dicit, antea generaliter dixerit.

QVOD si quis.] Non exigit, ut pater uirginem suam domi seruet, contra uel suam uel illius uoluntatem, sed totam hanc causam arbitrio & iudicio parentum committit. Vsuuenit aliquando ut ignominiosum uideatur uirgini, si ultra nubendi tempus domi paternæ detineatur innupta. Argumentum enim habere uidetur, esse ineptam & inutilem, aut malis

A moribus præditam, uel certe talibus ortā parentibus, ut illorum gratia fastidiri mereatur. Et alioqui ridiculum est uetulam uidere uirginem. Hoc uidetur dicere Apostolus, cum scribit: *ἡ δὲ τις ἀσχημονὴν νομίσει*, id est, si quis indecorum esse putat. Et *ἰὰν ἡ ὑπεράκεινται*, id est, si sit superadulta, si ætatem & maturitatem nubendi, pubertatem egressa, prætereat. Decorū hic de cuiusque loci ordine & consuetudine intelligendum est. Potest quisquam apud eos populos habitare, ubi nihil indecori habeat, si superadultam uirginem domi retineat. Rursus fieri potest, ut apud eos sit quibus id turpe uideatur. Iam quicquid hac in re sit, cuiusque iudicio permittit. Non enim dicit. Quod si indecorum fuerit, sed, si quis indecorum uirgini suæ putat. Satis est, si pater putet indecorū uirgini suæ si ætatem nubendi supergrediatur, nec opus est, ut cuiquam ea sit de re ad reddendam rationem obnoxius.

ET sic oportet fieri.] Alius articulus. Necessitatis uidelicet. Vbi periculum est, ne incontinentiæ tentationibus superata uirgo, labatur in scortandi turpitudinem. Hoc est, si uideatur uiri appetentior, quàm ut tutum sit eā uirginitati destinare. Non uideo aliam necessitatem contrahendi matrimonium in uirgine, præter istam. Et utinam huius potiore rationem habuissent parentes, qui filias suas extra necessitatis huius experientiam in monasteria truserunt immaturas, ut tum primum illius fiant expertæ, ubi uoti uinculo ligatæ, ad nuptias amplius aspirare non permittuntur. Bene dicit. Et sic oportet fieri. Est enim reuera ineluctabilis necessitas nubendi, ubi continentiae donum non habetur, nisi locum dare uelint parentes omnis generis turpitudini. Istam necessitatem licet infanda libido hodie in monachis, nonnis ac sacerdotibus horrendis exēplis, & inexcusabili turpitudine proclamet, tanta tamē est episcoporum stupiditas, ut nullam dum illius habere rationem sustineant.

QVOD uult faciat.] Quasi dicat. Nihil impedire meo consilio. Non adimo illi quod uult faciendi hac in re libertatem. Per me licet facere, quod faciendum esse putauerit. Non dicit: Quod debet & necesse est faciat, ne prorsus hanc libertatem necessitati alligatam putemus, sed, quod uult faciat, ut agnoscamus omnimodam libertatem. Parenti pro excusatione satis est, si uirginem suam nuptum elocat, quod ita faciendum putat, & sic facere placeat, etiam si nō omnimoda urgeat necessitas.

NON peccat.] Idem suprā dixit. Repetit ob id, ne laqueum iniiciat fidelium conscientijs. Sunt enim argutuli quidam, qui ad turbandas fidelium ac simplicium conscientias facile inferunt. Si hoc est consilium Apostoli, & Apostolus non ex se ipso, sed ex spiritu sancto loquutus est, ut & infrā dicit, ergo qui consilio illius nō obtemperat, spiritui sancto non obtemperat. Qui autem id facit, quomodo non quod



quod malum est facit? Qui quod malum est facit, utique delinquit. Ergo qui relicta uirginitate uel se uel uirginem suam matrimonio coniungit, peccat. Contra huiusmodi argutias opus fuit, non semel, sed iterum inculcare, non peccari à quoquam si matrimoniū contrahat.

IVNGANTVR matrimonio.] Pluraliter loquitur, ad sponsum & sponsam respiciens. Copula nanque ista singularitate non constat, sed in duobus consistit.

CAETERVM qui stat firmus.] Ista pertinet ad hoc ut sententiam suam quam supra dederat, diserte declararet, ne putetur cuius sequenda, quod uidebat esse periculosum. Proinde certis conditionibus illam limitat & circumscribit, uidelicet istis.

Prima, si firmus sit in corde. Hoc est, si non fluctuet in utranque partē. Non uult enim tale quid tentari animo non bene firmato.

Altera, si nulla necessitas diuersum exigit. Nam etiam si pater firmo sit proposito seruandi uirginem suam, nunquam tamen id faciet secundum Apostoli consiliū, si necessitas exigit matrimonium.

Tertia, si propriae uoluntatis potestatem habeat. Ea hac in re pendet à consensu filiae. Citra illam non habet potestatem pater filiā uel nuptum dare, uel à nuptijs cohibere.

Quod adiicit, & hoc decreuit in corde suo, nihil aliud est, quàm quod primo loco dixit: Qui stat firmus in corde. *ἄριστον* quippe aliquādo significat non simpliciter iudicare, sed firmo & inconcusso proposito decernere & statuere. Ita in epistolis Plinij de quodam Corelio Ruffo legitur, quod cibum respuerit ægrotus, ob id, quod diutino morbi dolore uictus, per *ἀσθένειαν* mori destinasset, atque ideo medico cibum admoventi responderit, *κίεριναν*, id est ira decreui & inconcusse statui. Ergo non uult temere quenquam consilio suo obtemperare, sed omnino exigit animum bene consultum, & firmatum, & ut nulla necessitas aliud suadeat, & uirgo assensu suo patris uoluntati astipuletur. Hæc est mens & prudentia Apostoli, quam utinam obseruassent præterita sæcula.

Istam expositionem malo, quàm eam quā adfert Theophylactus, qui scribit ista ad extollendum uirginitatis meritum ab Apostolo dici, ita ut qui filiam suam uirginem seruat, sit uir animo constanti, & sano iudicio præditus: rursus, qui filiam suam nuptū elocet, licet non peccet, sit tamen inconstans animo, & iudicio non bene sano. Non hic est animus Apostoli ut prædicet, sed ut requirat constantiā & rectum iudicium in eo qui filiam suam matrimonio non iungit, & ut, quemadmodum dixi, prohibeat, ne quisquam suæ sententiæ re non bene pensitata obtemperandum esse putet. Cautionem habent uerba Apostoli, nō cōmendationem uirginitatis. Alioqui si temere quis nec animaduersa nubedi necessitate, nec consulta filiae uoluntate, uirginitati illam consecrare uoluerit, tam aberit, ut sit uir animo be-

ne constans, & iudicio recto præditus, ut magis temeritatis accusari queat, & uerius cōtra quàm iuxta Apostoli sententiam fecerit.

VT seruet suam uirginem.] Domi uidelicet, & in sua potestate. Ignorabatur enim illis temporibus captiuitas illa monastica, qua uirginitatem professæ, sub potestatem alicuius monachi uel nonnæ ponuntur, & ædibus ac potestati patris eximuntur. Domi seruabantur uirgines, sub custodia & obedientia parentum, idque multo tutius & castius quàm hodie sub tyrānide monastica. Deinde ita seruabantur, ut si postea necessitas aliqua exposceret, nemo prohiberet illas nuptum elocare. Peruersa obedientia est, cui nonnæ subduntur hodie. Primum ob id, quod non solum ius nubendi aufertur, etiam ubi necessitas perspicue id exigit, sed & quod cassata paterna obedientia, uel in mulieris alicuius, uel impuri monachi potestatem ueniunt. Consilium Pauli non hoc docet, sed relinquit uirginem in domo & potestate patris, nec adimit ubi necesse est, ius nubendi.

BENE facit.] Hoc est, prudenter facit. Ergo qui non obseruatis istis conditionibus id facere conatur, non bene, sed male, id est, stulte & imprudenter facit.

ITAQUE qui elocat nuptum, bene facit.] Summandi gratia dicit. Vide autem quàm nō sint duo contraria inter se elocare nuptum, & non elocare, ut ita bene faciat uirginem suam seruans, ut qui suam nuptum elocat, male faciat. Vt supra admonui, duo bona sunt, coniugium & uirginitas, modo illis recte utamur. Potest enim fieri, ut qui filiam suam matrimonio iungit, melius faciat, quàm si illam uirginem seruet. Proinde quod dicit, attamen qui non elocat nuptum, melius facit, non nisi in eo sensu & illis conditionibus quas supra posuit uerum est, aliàs ne bonum quidem est, nedum melius.

#### OBSER. I.

In eo quod non solum liberum facit matrimonium, sed & bonum, cum dicit: Qui elocat nuptum, bene facit, admonentur parentes non minus ad hoc, ut si opus & maturum sit, filias suas nuptum dent, quàm si necessitas nubendi non sit, uirgines illas seruent. Huius æque debebant habere rationem prædicatores cœlibatus, atque continentiae uirginalis. Debeant docere non solum nubendi libertatē, sed & si continentiae donum desit, prudentiā & beneficentiam paternā ad elocandas filias.

#### II.

Deinde in eo, quod potestati & prudentiæ paternæ filiarum uel nuptias uel uirginitatem subijcit, ita tamen, ut illarum accedat assensus, admonet primum non esse in potestate filiae, ut sine patris consensu matrimonio sese iungat, sed patris id esse officij. Id uocat elocare nuptum. Quid est igitur illa doctrina, quæ tradit iustum



dit iustum esse matrimonium ac plenum ex consensu sponsi & sponsæ, etiā si parentes contradicāt, unde orta sunt clandestina matrimonia, quæ plerunq; intercedere uino, scortatione, & lenone aliquo, parum honeste, multo minus firme coeunt.

*Euaristi  
decretum.*

Inde & in decretis Euaristi papæ, qui post Linū ordine quint<sup>o</sup> fuisse legitur, ita habetur.

Similiter custoditū & traditum habemus, ut uxor uiro legitime iungatur. Aliter enim legitimum, ut à patribus accepimus, & à sanctis apostolis eorumq; successoribus traditum inuenimus, non fit coniugium, nisi ab his qui super ipsam fœminam dominationem uidetur habere, & à quib<sup>9</sup> custoditur, uxor potatur, & à parentibus & propinquiorebus sponsetur & legibus detur.

Hæcille. Notum illud Euripidis. *Νυμφαὶ μὲν τῶν πατέρων ἐμὸν, μήτηρ δὲ τῶν πατέρων ἐστίν, καὶ οὐκ ἐμὸν κείνην τὰ δέ.*

Respondeāt hic decretarij illi doctores quis isti decreto authoritatem suam ademerit.

Deinde simul admonemur, in potestate patris non esse, nolentem uirginem cogere, uel ad coniugium, (ut est etiam in historia Rebeccæ, ubi dicebant uocemus puellam & quæramus ipsius uoluntatem.) uel ad uirginitatē. Vtraq; in re plurimum peccatur subinde à parētibus, quod filias suas inuitas uel cogūt ad matrimonium, uel ab illo abstinent.

Vxor alligata est legi, quandiu uiuit maritus eius. Quod si dormierit maritus eius, libera est, ut cui uult nubat, modo in domino. Attamē beatior est, si sic maneat, iuxta meam sententiā. Opinor autē quod & ipse spiritum Dei habeam.

Et hic locus sollicitudinem Apostoli declarat. Nam fere nihil dicit quod antea nō dixerit. In summa autem tria dicit.

1 Vxorem alligatam esse legi, quandiu uiuit maritus eius.

2 Post uiri dormitionem liberam esse, ut nubat cui uelit.

3 Beatiorē tamen esse, si uidua maneat, iuxta suam sententiā. De istis omnibus suprā quoq; egit. Quid op<sup>9</sup> erat ergo repetere? Causam hanc magna sollicitudine uersat, ubiq; anxius, ne nō satis sese declaret, neue cui laqueum iniiciat.

Vxor alligata est legi.] Huius meminit & Rom. 7. sed aliō respiciens. Hic uero non tam id agit, ut doceat uxorem legi obnoxiam esse quoad uir eius uixerit, qua in re forsan minus erat controuersie, quā ut refricet mulieri uiduæ illicitū non esse, si mortuo priore uiro alteri se iunxerit. Nec putabit quicquā hanc Apostoli sollicitudinem præter rationem esse, si cōsyderet, quid pleriq; doctores de secundis nuptijs tanquam illicitis respuendis tradiderint, e quorum numero est Tertullianus, qui in libro de Monogamia locum hunc Apostoli ita enervat, ut dicat de his uiduis intelligendum qui priores maritos in fide Christi non habue-

rint, & secundas nuptias licitas esse quæ in fide primæ sint. Verum nihil huius meminit Apostolus. Sunt hominis huius inanes cogitationes. Concilium postea Epaunenſe, cap. 32. illicitas nuptias uocat, si relicta sacerdotis denuo nubat, iubetq; & maritum & uxorem à cōmunionē ecclesiastica arceri, donec separentur.

Quodam alio concilio mandatum est sacerdotibus, ut nec benedicant secundas nuptias nec ad prandia illarum uocari se sinant. Prouidus est spiritus sanctus, atq; ideo opus fore putauit, ut per os Apost. ea de re uel fidelibus cōsuleret, quicquid cōtētiōsi & superstitiōsi tentaturi essent. Arbitror autē multū hac in re tenebrarū offudisse abusum unius dictionis digamiæ. Digamia erat, quādo simul duæ habebant uxores quod & hodie apud Turcos cōsuetudinis esse dicūt, polygamia, quādo plures, monogamia, quādo una tātū. Postea abusiue cœpit digam<sup>9</sup> haberi, si quis mortua priore secundam ducat, & polygamus, q̄ sæpius prioribus uita defunctis matrimonium iterat, & monogamus, qui semel tantum in uita nubit. Hinc factum esse puto, ut horror prioris digamiæ per errorem sit in alienā hanc translatus. Veteres nolebant idq; ex præscripto Pauli, digamum ordinari in presbyterum aut diaconum, qui scilicet duas simul uxores habuerit. Postea translatum est & ad eos, qui duas nō simul sed morte intercedere habuerūt, ita scilicet factum est, ut uere monogamus habitus sit & hodie habeatur pro digamo, cum nihil sit minus. Non potest Ecclesia dici duos habere episcopos, quæ mortuo priore alterius utitur successione, & quomodo potest mulier uocari digama, quæ priore uiro per mortem ablato, uni alteri iungitur?

AD cui uelit nubendum.] Hoc quadrat de uiduis, de uirginibus non item. Nam illæ sunt adhuc in potestate maiorū. Ambrosius eō refert, ut intelligamus coactas dānari nuptias.

MODO in Domino.] Hoc est cum fidei marito. Suprā uoluit dirimi impar cōiugium, hic non uult, cum uitari possit, iniri. Ita & lex præcipit. Deut. 5. Nemo det locum hic ineptis hominibus, qui illud modo in Domino, de spiritalibus nuptijs cum Domino ineundis exponere conantur, ut habeant, quo superstitionē suam tueantur.

ATTAMEN beatior est.] Non coram Deo, sed in hac uita. Non enim inter coniugium & uiduitatem discernit, ut habeant coram Deo, sed quomodo in hac uita status alter altero commodior & pacatior sit admonet.

OPINOR autem, quod & ipse spiritum Dei habeā.] Respicit contentiosos & arrogantes pseudoapostolos, qui de spiritus Dei reuelatione multum gloriabantur. Vnde non dicit simpliciter, quod spiritum Dei habeam, sed q, & ego spiritum Dei habeam, quasi dicat, non minus de spiritu Dei & forsan aliquāto

uerius gloriari possum quā  
isti, quos tātō opere  
suspicitis.



## CAPUT VIII.



**C**AETERUM de his quæ simulacris immolantur, scimus, quod omnes scientiam habemus. Scientia inflat, charitas uero ædificat. Quod si quis uidetur aliquid scire, nōdum quicquam nouit, quemadmodum scire oportet. At si quis diligit Deū, hic cognit⁹ est ab illo.

Per libertatem quidlibet edēdi peccabatur inter Christianos plurimū ab ijs, qui reliquis uidebātur fide & scientia rerum potiores. Idq; dupliciter. Partim ita ut offenderent qui ex Iudæis Christianismo accesserant, quorum conscientia adhuc imbecilles & legi non nihil obnoxia interditi à lege cibis abstinebant. De illo admonuit Ro. ca. 14. Partim ad offensionē eorū & lētionē qui erāt ex Gentibus. Id fiebat per eos, qui absq; ulla fratrum imbecillū ratione simulacrorū sacrificijs sese admiscebant, etsi nō sacrificātes cum sacrificiis Gentibus, cū uescētib⁹ tamē & in epulo simulacrorū accūbētibus unā accūbentes, & ijs quæ simulacris oblata erant uescētes. Qua in re & Gentes in errore confirmabātur & imbecilles Christiani uel offēdebātur, uel ad id exēpli impari scientia & fiducia, imo contra conscientiam, allicebantur, unde haud parum dedecoris & offēfaculi Christianæ professioni generabat. Adoritur itaq; & istorū temeritatem Aposto. cap. presenti, admonetq; fortiores, ut magis ad ædificationē per charitatē, libertate Christiana, q̄ ad destructionē per scientiā, utātur. Tractat autē hanc causam cōspicuis argumentis, nihil obscuri habētibus, & pleraq; sumpto de se exēplo, deinde & de casu ueterū, cautionis gratia immiscet. Neq; enim hūc tractatū isto cap. absoluit, sed in decimū usq; p̄tēdit, ut uidebim⁹.

**C**AETERVM de his, quæ simulacris immolantur.] Græcè est, *περὶ τῶν εἰδωλολατρῶν*. Græcæ linguæ ignari arbitrantur discriminis aliquid esse inter ea quæ Græci *εἰδωλα* & quæ Latini simulacra uocant, atque ob eam rationem inter idololatriā quoq; & simulacrorū cultū discriminant, ab idolis & idololatria quidē abstinendū putantes, à simulacrorum uero cultu & honore non item. Cum per omnia idem sint *εἰδωλον* & simulacrum, *εἰδωλολατρία* & simulacrorum cultus. Eidola intelligunt de dijs Gentium, per simulacra uero & imagines putant nō nisi sanctorū picturas & statuas significari. Belli homines mentem scripturæ imo spiritus sancti in scripturis non intelligunt, ubi prohibetur cultura idolorum, putantq; eam tantū speciem impietatis phiberi, quæ apud Gētes inualuit, atq; ideo secure in ipsissimā idololatriā ruūt.

*εἰδωλολατρία*, uocat Aposto. ea quæ in sacris & cultu idolorū sacrificandi gratia mactabantur & offerebantur. Non quod Gētes idolis tanquā idolis cultū illū sacrificiorū exhibuerint (non enim simulacris, sed dijs quorum uenerabātur

**A** simulacra, oblationes suas destinabant) sed q̄ in simulacris deorum deos coluerint. Ob eam rationē *εἰδωλολατρία* uocat, quæ opinione Gētiū pro *θεοῖς* habebātur. Huius propterea admo neo, ut uideamus nullam esse excusationē eorum, qui, quem imaginibus sanctorum cultū impendūt, *εἰδωλολατρία* uocari nolint, eo quod intentio ipsorū nō sit ad imagines, sed ad sanctos uel ad Deum ipsum, cuius uenerātur imaginem. Hac ratione & Iudæi & Gētes negare potuissent, simulacris offerri, quæ offerebant dijs. Verum spiritus sanct⁹ in Apostolo nō mētitur, ubi dijs oblata *εἰδωλολατρία* uocat. Quanquā ne sic quidem excusantur simulacrorum cultores. Neq; enim sacrificandū est nisi Deo soli, neq; id aliter quā iuxta ipsius uerbū. Est autem uerbo Dei prohibitū, ne ad honorē ipsius & cultum fiant simulacra, cōtra quod mādatū expresse delinquunt simulacrorum cultores.

**S**CIENTIA, quod omnes scientiā habemus.] Hic loc⁹ potest exponi bifariā. Primū, ut illud, scimus, intelligam⁹ de scientia Aposto. quæ se dicat haud ignorare, scientiā de idolorū uanitate passim obtinere inter Christianos. Deinde, ut generaliter pertineat ad oēs Christianos, illud scimus, quasi dicat: De idolothytis, quæ illorum sit ratio & inanitas, satis habemus scientiæ, nō sumus ignari, sed scientes. Habemus enim oēs eā scientiā per ueritatis doctrinā instructi. Itaq; priore sensu, illud *scimus* expositorie p̄ quod legendū est, ut ostēdat qd se dicat scire Aposto. **B** Altero uero rationaliter adiectū est pro Nam, uel, quoniā, ut reddat ratio, quare Christianis tribuat idolothytorū scientiā. Ob id uidelicet quod Christianis passim per ueritatē reuelatā uanitas idolorū innotuerit. Prior tamē expositio uidetur simplicior. Vtut legamus, Aposto. in hoc est, ut scientiæ gloriatiōē arrogantibus & Christiana libertate abutētib⁹ excutiat. Erat enim illa mali huius ueluti fons quidā. Arrogantiam enim scientiæ nō ipsam scientiā passim inter Corinthios obtinuisse satis indicatur infrā, ubi dicit: Sed nō in omnib⁹ est scientia. Proinde illud, quod oēs scientiā habem⁹, ironice uidet⁹ esse dictū, ad notandū studium & ostētationē scientiæ. Sic illud, Scribim⁹ indocti doctiq; poemata passim. Certe nō oēs poemata scribebāt. Verum quoniā studiū & ostētatio scribendorū poematū, passim inualuerat, uisum est poetæ eam stultitiā hac loquutionis formula notare.

Nota, q̄ nō dicit habetis sed habem⁹ ne apertius mordeat. Ideo quasi seipsum quoq; immiscet, ut quod dicturus est, non Corinthijs solū, sed & sibi ipsi dicere uideatur, quo tolerabilior sit correptio.

**S**CIENTIA inflat, charitas uero ædificat.] A p̄postero scientiæ studio auocat ad id quod bonū est. A scientia nō auocat, sed à p̄uerso illius studio. Alioqui scientia per se bona est, & donū Dei, quod multis modis ad gloriā Dei & mortalium salutem facere potest, si rectus usus accedat. Proinde pigri illi & ignaui homines, qui inuidentiæ stimulis agitati, bonas scientias, & litera-



literarum studium suggillat, nullam liuoris sui  
*Augustin.* ansam ex Apostoli uerbis habere possunt. Nā  
 ut recte colligit August. lib. aduersus Faustum  
 Manichæum 15. cap. 8. si scientiā ueritatis dam-  
 naret Apostolus, utiq; seipsum quoque dam-  
 naret. Nam & se inter scientes hoc loco conu-  
 merat, non solū in eo quod dicit quod omnes  
 scientiam habemus, sed & quod ipsam eidolo-  
 rum inaniū, & unius Dei ac domini cognitio-  
*2. Cor. 11.* nem tā dilucide ponit. Et 2. Cor. 11. dicit: Nam  
 etsi imperitus sum sermone, nō tamen sciētia.  
 Imo non solum nō damnat scientiā, sed illam  
*Ro. 11.* etiā in Iudæorum zelo desyderat, cū dicit: Te-  
 stimoniū illis perhibeo, quod zelū quidē Dei  
 habent, sed non secundum sciētiā. Optabat  
 igitur Iudæorū zelo scientiæ lumen accedere,  
 uidebat enim illos ob id in ueritatē Dei delin-  
 quere, & propriæ saluti repugnare, quod scien-  
*Cap. 15.* tia ueritatis destituti essent. Et Ro. in eo com-  
 mendat, quod repleti erant omni sciētia. Et in  
 hac ipsa Epistola gratias agit Deo propter Co-  
*1. Cor. 1.* rinthios, quod in omni sciētia diuites essent fa-  
 cti. Et alibi dicit scriptura. Quia tu repulisti sci-  
 entiam repellā & ego te. Et, Qui ignorat igno-  
*1. Cor. 14.* ret. Et infra 14. Fratres, nolite pueri effici sensi-  
 bus, sed malicia paruuli estote, sensibus autem  
 perfecti sitis. Itaq; non scientiam Apost. hoc lo-  
 co dānat, sed peruersum illius studiū & usum.

#### DE PERVERSO SCIEN- tiæ studio.

*Lib. 1. Me-  
 taph.* Omnibus id mortalibus agnatū est, ut rerū  
 scientiam appetāt. Obseruauit illud in natura  
 mortaliū Philosophus ex certis sensuū nostro-  
 rū indicijs, maxime ex uisu. Ita enim cōparati-  
 sum⁹, ut oīa uidere cupiamus ob id potissimū  
 quod hic sensus magnā nobis rerū cognitionē  
 & multū discriminis adferre soleat. Verū un-  
 de sit in nobis ista sciētiæ cupiditas, uidere nō  
 potuit, quia ueritatis p sanctā scripturā tradi-  
 tē expers fuit. Nos aut illā scimus nobis, ex pri-  
 morū parentū trāsgressione, degustata arbore  
 sciētiæ boni & mali, p carnis successione hære-  
 ditarie inditā. Præuidebat spiritus Dei istā cu-  
 piditatē sciētiæ boni & mali noxiā fore generi  
 humano, atq; ob id gustū arboris illius uetuit.  
 Hactenus tñ nobis seruit Philosophus, quod  
 morbū hūc in mortalibus obseruat & prodit.

Deinde, ut omnia mortaliū corrupta sunt,  
 ita & studium illud cognoscēdarum rerū cor-  
 ruptum est & peruersum. Huius autē peruersi-  
 tas uidetur esse duplex.

1 Prima, Quod quæ ad nos nihil pertinet, &  
 quæ nihil utilitatis adferunt aut certe nō mul-  
 tum conferunt, magis affectamus cognoscere  
 quā quorum cognitio nos cōcernit, & mul-  
 tum habet momēti. Hoc curiositatis nomine à  
 doctis quidē passim traducitur & carpitur, sed  
 non ita facile deponitur.

2 Altera est. Quod etiā quæ cognoscēda sunt,  
 & quorū sciētia gloriæ Dei & nostræ saluti ser-  
 uire poterat, nō in eū finē discimus, ut illorum  
 scientiā ipso opere bene collocemus, sed ut tā-

A tū sciamus, & aliquid præ alijs esse uideamur.  
 Pulchrum & gloriosum est, rerum diuinarū &  
 humanarū haberi scientē. Habet enim ista sciē-  
 tia nonnihil diuinitatis. Eritis sicut dij, aiebat  
 serpens, scientes bonum & malū. Ideo stupidi  
 & rectē ignari bestiarū irrationaliū loco habe-  
 ri solent. Hinc fit, ut sapientes penē deorum  
 loco habeantur. Et qui aliquid in mundo uide-  
 ri uolunt, non tam de ingenij malicia, & uitæ  
 corruptione, q̄ de errorū obiectu uerecundan-  
 tur, quod in nostris temporis sacrificis & Epi-  
 scopis apertum est. Vitæ prauitatē & uanitatē  
 non diffitentur, errasse uideri nolunt.

Huc respicit Apostolus, cum dicit, scientia  
 inflat. Intellige primum, propter ingenij no-  
stri corruptionem, non ex culpa scientiæ. Ita  
 quippe peruersi sumus, ut quod in se bo-  
 num est, & prodesse poterat, nostro ui-  
 cio oblit. Et diuitiæ bonæ sunt. Attamen  
 & ipsæ inflāt. Sic Germani dicimus, *Quot macht  
 muot.* Sui tamen uicio non hoc faciunt sed no-  
 stro. Alioqui Deus qui omniū est ditissimus,  
 omniū esset inflatissimus. Si scientia p se infla-  
 ret, quo quisq; esset doctior, hoc esset etiā in-  
 flatior. Verum reperiās innumeros indoctos  
 sciolos, qui doctiorib⁹ multo sint inflatiores.  
 Quare? Quia nō sciētia p se, sed magis opinio  
 sciētiæ inflat. 2. Cor. 3. dicit Apost. litera occi-  
 dit. Loquitur aut de literalī sciētia legis. Quo-  
 modo illa occidit? Non suo sed carnis nostræ  
 uicio. Vt enim lex p carnē infirmat, ita & p car-  
 nem ad mortē facit, quæ data erat ad uitā. Ta-  
 le scilicet est, quod & hoc loco dicit. Scientia  
 inflat. Deinde intellige, si absit charitas, secus,  
 si illa accedat. Quæadmodū enim nec diuitiæ  
 inflāt, si adsit charitas, nec litera occidit, si ac-  
 cedat gratia spirit⁹, quæ uiuificat, ita certe nec  
 scientia inflat, si charitas adsit. Libera potētia  
 tyrannidem gignit. Verum, si desit amor erga  
 populum. Is uero si accesserit, non tyrannum  
 reddit sed patrē & populi iustissimū rectorē.

CHARITAS ædificat. Innuit Corinthios  
 maiore sciētiæ studio q̄ charitatis inflatos, pa-  
 rūr curasse fratrū ædificationē. Ideo reiecta in-  
 flatione quæ est per opinionē scientiæ, admo-  
 net eos charitatis. De illa nominatim infra ca.  
 13. tractabit, quo loco ingeniū illius uidebim⁹.

1 Quantū præsens locus exigit, Primū obser-  
 uandum est, quod nō dicit, charitas uero non  
 inflat, uel, charitas humiliat ut inflationis uicio  
 oppositā uirtutē charitati tribuat, sed, charitas  
 ædificat. Quo uerbo metaphorico ostēdit, nō  
 hoc se tantū requirere, ut abiecto fastu sint hu-  
 miles, sed ut alius aliū in Christo per charitatē  
 quæ non quæ sua, sed quæ aliorū sunt, quærit,  
 puehāt & quotidie magis atq; magis confir-  
 mēt. Sum⁹ enim, ut suprā dixit, Dei ædificatio.

2 Deinde & hoc notandum est, quod ista æ-  
 dificatio locum habere non potest, ubi regnat  
 animorum inflatio. Nam ita charitati dat ædi-  
 ficationem, ut inflationi illam adimat. Imo illa  
 nō solū nō ædificat, sed magis, ut infra patebit,  
 destruit. Opposita sunt, ædificare & destruere.



Et quoniam ista, scientia inflat, charitas uero A  
ædificat, per modum oppositionis posita sunt, ni-  
hil aliud potest colligi, quam ut scientiæ inflatrici  
destruatio, quæadmodum charitati humilia-  
trici edificatio. Opposita non sunt, scientia & cha-  
ritas, absit. Sed inflari scientia & charitate humi-  
liari, ea demum oppositionis uis habet. Certum igitur  
est ecclesiâ Christi nulla ratione magis destrui, quam  
inflatione, siue illa sit, ex opinione inanis gloriæ,  
siue ex potestate & autoritate supra reliquos  
uel ex diuitijs, aut, ut hic dicit, ex scientia.

3 Tertio, Cauendum tamē hic est, ne ita demus  
charitati ædificationem ut scientiā excludamus.  
Vt enim scientia sine charitate inflat, ita chari-  
tas sine scientia humiliat quidē & suauē reddit  
erga fratres affectum, ad edificandi tamen opus assur-  
gere non potest. Imò magis nocebit ubi potius  
simum iuuare & ædificare conatur, nisi cogno-  
uerit, quid faciendum, quid non sit.

QVOD si quis uidetur aliquid scire. ] Expo-  
nit præmissam gnomē. Et primū eā partē, qua  
dixit, scientia inflat. Ad eam pertinet quod hic  
subiicit. Quod si quis uidetur aliquid scire, non  
dum quicquā nouit, quæadmodum oporteat scire.

In eo, quod non dicit, Quod si quis aliquid  
scit, sed, Quod si quis uidetur aliquid scire, o-  
stendit se non de scientiā, sed magis scientiæ opi-  
nionē dicere, illi quæ dare quod inflat. Est autem  
illud *ἐπιστήμη*, si quis uidetur, non ita legendum,  
ut intelligamus eum nihil dum scire, & inflatum  
esse, qui alijs sapiēs esse uidetur, sed qui sibi ip-  
si uidetur aliquid scire. Vnde & Erasmus de  
suo adiecit, sibi, cum in Græco non sit. Potest  
etiam ita legi. Si quis aliquid se scire gloriatur,  
ut non nudā opinionē, sed magis gloriatiōē  
intelligas. Nam *ἐπιστήμη* non solum opinari, sed & glo-  
riosus esse, *ἐπιστήμη* & *ἐπίδοσις* significat, unde sunt  
*ἐπιστήμη* & *ἐπίδοσις* per oppositum. Si iste sensus pla-  
cet, nihil aliud erit illud *ἐπιστήμη* *ἐπίδοσις*, quæ  
repetitio eius quod dixit, scientia inflat. Quasi  
dicat. Si uerò quisquā alicuius scientiæ glori-  
atione inflatur, sibi quæ ipsi illius nomine placet.  
Et ista repetitio ad id instituta est, ut inflatis  
scientiæ ueritatē adimat, ostendatque omnino  
inanem esse illorum gloriatiōē & inflationē.  
Hoc est, quod addit, nihil dum nouit, id est, non-  
dum ipsam scientiā de qua gloriatur apprehen-  
dit. Imò amplius aliquid dicit, dum omnē prorsus  
illi scientiā aufert. Et quoniam id uideba-  
tur durius, interpretandi gratia subiungit, quæ-  
admodum oportet scire. Nā reuera nihil scit,  
qui non scit sicut scire oportet. Quid est autē  
scire, quæadmodum oportet? Est rectē scientia  
uti. Abusus scientiæ, non est uera scientia. Est au-  
tē abusus scientiæ Dei, illius gratia inflari & re-  
liquos continere. Hoc est quod dicit, Qui au-  
tē gloriatur se quicquā scire, nihil dum nouit,  
sicut scire oportet. Rectus uerò scientiæ usus  
est, ut ad suum quæque scientiæ finē dirigatur. Est  
enim cuique arti finis suus. Vt scientiæ medendi  
finis est, ægroti corporis restitutio, scientiæ æ-  
dificandi, structura domus. Ita in regno Dei sci-  
entiæ Dei finis est, Deum diligere & illi per dile-

ctionē adunari & saluari. Vt igitur medicinā  
non nouit ut oportet, quisquis illa non ad corpo-  
rum sanitatē utitur, ita certē nec scientiā rerum  
spiritualium rectā ac ueram habet, quisquis il-  
la non ad hoc utitur, ut Deo seruiatur, & illius  
uoluntati studeatur in quo uera salus est, & sci-  
entiæ Dei finis. Etenim si mundanæ istę scientiæ  
non à nudis & ociosis opinionibus, sed ab ip-  
sarum finibus æstimantur, quanto magis hoc  
in scientia Dei spectandum est?

AT si quis diligit Deum, hic cognitus est ab  
illo. ] Debat dicere, At si quis Deum nouit,  
quæadmodum scire oportet, hic cognitus est  
ab illo. Ergo cum dicit, At si quis diligit Deum,  
innuit, Deum diligere, esse uerā Dei scientiam  
habere. Et rectē. Est enim finis diuinæ cog-  
nitionis, dilectio Dei. Itaque, qui non diligit Deum,  
nec in Deo proximum, quicquid scire uidea-  
tur rerum diuinarum, etiā si omnē scientiā ha-  
beat, ut infra cap. 13. dicitur est, planē nihil scit.  
Deum autē non diligit, qui opinione scientiæ  
inflatur. Nam arrogantia & fratrum contem-  
ptus non est scientiæ Dei finis.

Quid est autē, quod dicit, hic cognitus est ab illo? Particula ista uarie exponitur. Ex Ambro-  
sio & Hieronymo, nihil potest elici, quod ad il-  
lius expositionem faciat. Hic cogni-  
tus est ab  
illo.

1 Erasmus in paraphrasi, Theophylactum se-  
quutus uidetur, cui à Deo cognitū esse idē est,  
atque notum illi & familiarē esse factū, hoc est,  
Deo approbari diligentem se. Iam quoniam  
propositum Apostoli est dicere, quis sit, qui ue-  
ram Dei scientiam habeat, non, qui à Deo co-  
gnoscat uel probetur, uidetur debuisse dice-  
re, hic nouit illum.

2 Sunt qui putant idē esse, atque, hic instructus  
est ab illo ut uerā ipsius scientiā habeat. Atqui  
neque hoc agit Apostolus ut doceat unde sit, sed  
quæ sit uera scientia Dei.

3 Philippus arbitratur Apostolum suo more  
mutata ratione grammatica dicere uoluisse,  
hic cognoscit Deum.

4 Mihi uidetur ita legi posse. At si quis dili-  
git Deum, *ὁ ἀγαπᾷ τὸν θεόν*, id est ab eo cognit-  
us est ille, id est Deus. Quod si ista lectionis cōpo-  
sitio stare potest, simplex & ad ppositū faciēs  
erit sententia. Staret autē meo iudicio, si confimi-  
les loquendi formæ possent ostendi in literis  
Apostoli. Quanquā non multum est periculi,  
etiā si cum Theophylacto intelligamus eum de-  
mum Deo probari, qui ipsum diligit. Atque eo  
sensu nihil de scientia Dei cogitandum est, sed  
ad præmissæ gnomæ posteriorem partē respiciē-  
dum, qua dixit, charitatē ædificare, ut intelliga-  
mus illā duplici nomine cōmendari, hoc loco.  
Vno, quod ad ædificationē fraternā faciat. Al-  
tero, quod diligēs Deo placeat, magis quam multi-  
scius. Et ista charitatis cōmendatio non est ex-  
tra argumētū huius propositū. Nā in eo est Apo-  
stolus, ut ab ostentatione scientiæ ad charitatem  
ædificantē & Deo placētē Corinθios abducatur.

Expēdamus igitur hoc loco, quid de nostris tē-  
poribus sentiendū sit, quibus scientiā quidē cum  
diuina-



diuinarum tū humanarū rerum in immensum creuit, charitas uero erga Deū & proximū, ita refrixit, ut ne Gentium quidem humanitatē, & sæcularis amicitie officiositatem retinuerimus. Belle scilicet Deo placebimus multa sciētes, cū id quod omniū est primariū negligam⁹.

De esu igitur eorū quæ simulacris immolantur, scim⁹, quod nihil est simulacrū in mundo, & quod nullus sit Deus alius, nisi unus. Nā etiāsi sunt qui dicantur dij, siue in cœlo siue in terra, quēadmodū sunt dij multi, & domini multi, nobis tamē est unus Deus, qui est pater ille, ex quo omnia, & nos in illū, & unus dominus Iesus Christus, per quē omnia & nos per illū, sed nō est in omnibus sciētia. Nōnulli uero cū cōscientia simulacri, usq; ad hoc tēpus tāquā simulacris immolatū edūt, & cōscientia illorū infirma cū sit polluitur.

Haftenus Apostolus peruersam sciētiae gloriationē, qua Corinthiorū pleriq; insolescebāt, hoc nomine taxauit, quod sine charitate, quā negligebāt, magis inflando noceat q̄ pro sit, cū charitas cōtrā & proximos edificet & Deo gratos reddat. Nunc uero de qua scientia idolothytorum loquatur declaraturus subiicit, *τῆς ἐρίως* &c. Suprà dixit, *τῆς ἐρίως* & *ἀδωλοθύτων ἰδωλῶν*, hic reperēdo unica adiecta dictione *τῆς ἐρίως*, ostēdit Corinthios istos quos repræhēdit, nō in cultu eidororum, sed in esu eorum, quæ eidolis immolabantur deliquisse.

*SCIMVS*, quod nihil est simulacrū in mundo.] Quomodo idolothytorū esum scientiæ pretextu excusarint, ueluti ipsorū uerbis exprimit, & simul indicat, de qua sciētia suprà dixit quā omnes habeāt. Potest autē hęc particula bifariā legi & exponi. Aut, ut uer⁹ interpres habet. Quod nihil sit idolū in mundo, uel ut Eras. reddidit, qđ nullū est simulacrū in mundo. Quod enim Græce est *ἰδωλόν* tam per nihil q̄ per nullū uerti potest. Si legerimus, quod nihil est simulacrū in mundo, sensus erit. Scimus simulacra illa deorum nihil esse, nisi lapides & ligna, inania spectra. Est enim *ἰδωλόν* nihil aliud quā *ἰδὼν ἀνὸς ἀνὸς ἀνὸς*, id est, species quædam in qua nihil est ueritatis subsistentis, sed merum & inane spectrum. Cum ergo nihil sit simulacrū, ex re certe nihili, ea quæ simulacris offeruntur nihil possunt habere noxij. Si nihil habent noxij, cur illicitum esset illis uesci? Quomodo possent uescētem polluere? Si uero legerim⁹: Scimus quod nullū est simulacrū in mundo, intelligendū nō ita est, quasi neget Apostolus in mundo esse & haberi simulacra, cum infinita fuerit & hodie sit illorū multitudo, sed quod nullū sit, quod ueri Dei sit simulacrū. Quam enim, inquit per prophetā Deus, similitudinem mihi ponetis? Ergo quæ simulacris offeruntur, meris figmentis offeruntur, quæ nihil habent ueri, nihil diuinitatis. Et hac

A quoq; ratione nō possunt uescēte cōspurare.

IN mundo.] Cauendū ne cœli distinctione positū esse putem⁹, quasi in cœlo sit simulacrū Dei. Habet magis uniuerſitatis notā, ut intelligamus omnia totius mundi simulacra uanitatis argui, idq; nō eius tantū tēporis, quo scribebat ista Apolt. sed prorsus omniū sæculorū. Nihil sunt omnia omniū temporū, siue Iudaica, siue Gentilia, siue Christianorum simulacra.

ET quod nullus sit Deus alius, nisi unus.] Hoc rationis uice adiicit, quare nihil sit simulacrū quodcunq; in mundo. Quia unus est tantū Deus, nec est alius præter illū. Ergo Gentium dij nō sunt dij. Nullū igitur simulacrū diuinū aut Dei simulacrū est. Nā uero Deo nec licet, quia phibuit, nec possibile est aliquid ponere simulacrū. Quæ autē dijs Gentium ponuntur, deorum simulacra esse non possunt, eo quod quorum simulacra sunt, dij nō sint. Omnium itaq; potentissime simulacrorū cultū hoc loco proſternit, quod dicit nihil esse simulacrum in mundo, & rationem assignans addit, non esse deum alium nisi unum.

NAM etiam si sunt, qui dicantur dij.] Opinio multorum deorū passim obtinuerat. Illi reluctabatur hæc sententia, qua dixit, non esse nisi unum Deum. Ne ergo uideatur negare, quod omnibus erat notissimū, uidelicet multos haberi deos, per distinctionē Christianorū fidem separat à Gentium errore, & admonet aliud esse dici multos deos, & aliud uere esse multos deos. Cōcedit quidē multos dici & haberi deos, sed per errorē, inter Gētes, reuera tamē unum tantū esse uerū Deū affirmat, huiusq; cognitionem & fidē Christianis adscribit dicens, nobis tamen unus est Deus. Notāter ergo dicit: Nā etiāsi sunt qui dicantur dij. Et quod sequitur, quemadmodum sunt dij multi, intelligēdum est iuxta præmissam particulam, multos dici & haberi deos, non autem esse.

SIVE in cœlo, siue in terra.] Duplex deorū genus à Gentibus cultum esse apparet. Cœlestium unum, terrestrium aliud. Per terrestres quidam & inferos intelligunt, alioqui triplex erit Gentilium deorum genus. Illud, Siue in cœlo, Hieronymus intelligit de angelis, id est, cœlestibus spiritib⁹, Chrysost. Theoph. Ambr. de Sole & Luna, & reliquis astris, quib⁹ errore Gentili diuinitas quædam adscripta sit.

SIVE in terra.] Hierony. de sanctis in terra agētibus, de quibus dictum scribit illud. Ego dixi dij estis, & filij excelsi omnes. Ambros. & Chrysost. de ijs, qui ex hominibus in deorū numerum relati sint, utpote Apolline, Esculapio, Hercule, & Minerua. Mihi tamē uidetur, saluo aliorū iudicio, illud, in terra, non de mortuis q̄ diuino honore à Gentibus culti sunt, sed de uiuis intelligendum, huius mūdi, uidelicet principib⁹, qui omni in se mortaliū potestate translata deorum loco uiui quoq; & habebantur & haberi uolebāt. Et ita puto sentiendū & de eo qđ subiicit, quēadmodū sunt dij multi & domini multi, ut p dominos intelligamus rerum



humanarū potētes, omnibus omnia praeceptes, & quiduis à quoq; p arbitrio exigētes. Ita imperatores Rom. dñi uocati sunt. Quanq; de quibusdā legi, q; id nominis nō agnouerint, tanq; mortales, sed dijs adscripserint. Verū nō phibeo, quin p eodē sumatur hē duę particulae, dij multi, & dñi multi, ut nihil sit aliud esse Deū q; esse dñm. Nā oīno diuinitatis potētiam exigit rerū potiri dominio. Vnde & nos Germani dicimus, *Gott ist ein herr, der apt ist ein münch.*

**N O B I S** tamē unus est De⁹. Ista distinctio-  
ne qua Christianorū fidē à Gētū errore seiun-  
git, satis ostēdit, qd nō dicat uere multos esse  
deos ac dños: Sed, quod Gētibus multi habeā-  
tur. Nā si uere multi essent, iā nō Gētibus tātū  
sed & nobis essent. Cū autē nobis dicit nō esse  
nisi unū Deū, indicat nō nobis, sed Gētib⁹ mul-  
tos esse deos. Potest autē hēc particula intel-  
ligi, uel de eo, quod nobis habeatur tātū unus  
Deus. i. quod nos unū tantū Deū credamus &  
colamus, sicut qd prēmisi, quēadmodū sunt  
multi dij, idē est atq; quēadmodū habētur, cre-  
dunt & colūtur à Gētibus multi dij: uel ita ex-  
poni, ut de gubernatiōe & puidētia Dei erga  
nos intelligat, quasi dicat: Nos uero relicto Gē-  
tibus multorū deorū fallaci patrocinio, unius  
ac ueri Dei, ptectione moderatione & puidē-  
tia fruimur, uerū simplicius est, ut priorē expo-  
sitiōne retineamus. Nō enim Christiani tātū p  
unū ac uerū Deū gubernamur & sustentamur,  
sed omnes quoq; in uniuersum mortales. Nā  
omnes in illo uiuunt, mouentur & subsistunt.  
Act. 17. Nisi uelimus de ea tantum intelligere  
gratia, quae nobis per Christum contingit.

**Q U I** est pater ille, ex quo omnia, & nos in il-  
lum. Et unus dñs Iesus Christus p quē omnia  
& nos p illū. Primū generaliter ueri & unius  
Dei diuinitatē describit, deīde specialiter quā-  
tū illa erga credētes declarata est. Generalis de-  
scriptio est, qd dicit: Qui est pater ille, ex quo  
oīa. Dat enim illi, q; sit author & fons omniū,  
cū ex eo dicit esse oīa. Quod uero patrē uocat,  
potest quidē idē esse cū eo quod omnia ex illo  
esse dicit, uerū meo iudicio ad discretionē filij  
positū est, cuius statim mētio subiicit. Specia-  
liter autē ad fideles pertinere uidet, quod dicit:  
Et nos in illū. Nos. i. in Christū credētes, quib⁹  
unus est De⁹. In illū. i. ad illū pertinem⁹, popu-  
lus illius sumus. Quanquā nō absurdū sit, si cū  
ueteri interprete legamus illud *vis autē* in ipso,  
ut ad generalē Dei prouidētiā ptineat, qua sit,  
ut quēadmodū ex Deo sumus, ita & in illo su-  
stētemur, moueamur & uiuam⁹, ut est. Act. 17.  
Certe Ro. 11. generali puidētiē Dei tribuitur,  
nō solū quod ex ipso & p ipsum, sed & *vis autē*,  
in ipsum sint omnia. i. omnia ad illū tanquam  
ad suum principium sint referenda. Quanquā  
& ibi uetus interpres reddidit in ipso.

**E T** unus dñs Iesus Christus p quem omnia  
& nos p illum. More suo Deo patri cōiungit  
filiū dñm. Ita Ro. 1. & suprā 1. Et ut patri dat,  
quod ex ipso, ita isti, quod p ipsum sint omnia.

Et ista nō sunt eō rapiēda, quasi nō sit eiusdē

**A** diuinitatis cū patre filius, eo quod dñm illū uo-  
cat, & per ipsum dicit esse omnia, sed magis ad  
hoc usurpāda, ut declaretur filius eiusdē cū pa-  
tre esse potētiae ac diuinitatis. Quā enim, non  
dedit patri, ne sit etiā dñs omnium, quod filio  
dominatum adscribit, tā nec filio adimit diui-  
nitatē, quod patrē Deū uocat, & ut nō phibet  
quo min⁹ p patrē quoq; sint omnia, ut Ro. 11.  
est, p id quod de filio dicit, p quē sunt omnia,  
ita certē nō uetat dicere, aliquo modo ex filio  
quoq; esse omnia, in eo quod patri dat, quod  
ex illo sint omnia. Videtur autē in eo quod  
Christū dñm appellat, ad id respicere, quod est  
unigenit⁹ Dei, cuius omnia sunt q; patris sunt,  
cui pater oīa in manus dedit. In eo uero quod  
dicit, p quē sunt omnia, ad id, quod uerbo Dei  
omnia sunt cōdita, iuxta illud, Oīa p ipsum fa-  
cta sunt, & sine ipso factum est nihil. Illud, Et  
nos p illū, quidā ad singularē diuināe gratiae di-  
spensationē, p quā in Christo ante saecula ele-  
cti, postea uocati, iustificati & saluati sum⁹, re-  
ferūt, ē quibus est Ambr. quidam uero idē esse  
uolunt quod id quo dixit per Christum esse  
omnia, nō solum cōlū & terram, sed & omnes  
in uniuersum mortales. Est autē probe no-  
tandum, quod filio hominis, quē uocat Iesum  
Christū, ista adscribit, quē tamē uerbo Dei cō-  
petunt, ut sciamus nos non esse hominis alicu-  
ius adoratores, ubi Christū adoramus sed eius  
qui est dominus omniū per quem omnia sunt  
cōdita, qui eiusdem cum patre est diuinitatis,  
potentiae & operationis.

**S E D** nō in omnibus est sciētia. Haftenus  
sciētiā recitauit, qua se tuebantur & quā iacta-  
bāt ij qui eidolothytis temere uescebantur, il-  
lamq; tanquā uerā non improbauit, sed & suo  
calculo approbauit, iā uero deinceps q; nō sa-  
tis sit ista scire, sed cogitandū etiā sit, ne offen-  
diculū ponatur infirmis admonet, & quid hac  
in re peccetur declarat. Et primū id ponit, qd  
erat illis primū quoq; cogitandū, nepe, istā sciē-  
tiā de idolis, nō esse in omnibus. Ea cogita-  
tio nunq; remittēda est perfectioribus in eccle-  
sia. Est enim ad id qd sequitur omnino neces-  
saria, uidelicet, ut nō cogitet quid ipsi possint,  
sed magis expendant quid nō possint in eccle-  
sia infirmi, qui nō sunt deserēdi, multo minus  
perdēdi. Malus est itineris comes, qui nō quid  
alij simul proficiscentes, sed hoc tantū spectat,  
quid ipse possit. Iacob expendebat imbecilli  
tatem paruulorū suorū, cū quibus proficiscen-  
dū erat, dicens: Noli domine mi, quod paru-  
los habeā teneros, & oues & boues fētas me-  
cū, quas si plus in ambulando fecero laborare,  
moriētur una die cuncti greges. Praecedat dñs  
meus seruū suum, & ego sequar paulatim ue-  
stigia eius, sicut uidero paruulos meos posse,  
donec ueniā ad dñm meū in Seir. Illi qui si-  
mul canunt, non expendunt quisq; quā ipse  
alte possit intēsa uoce assurgere, sed rationem  
habent eorū qui minus possunt. Sciunt enim  
alioqui cōcētum quē uolūt haud bene se posse  
obtinere, si cōcinentiū aliquis cantando defi-  
ciat.

Vide Aug.  
ad Placena-  
tiū Dona-  
tistam Epi-  
stola 174.

Gen. 33.



ciat. Talem animū cupit indere Corinthijs A-  
posto. ut nemo quid ipse sciat, spectet, sed ma-  
gis obseruet quid adhuc alijs desit, ne qui infir-  
mi sunt ulla in re offendantur ac lædantur.

Et hoc erat etiam nostris temporibus faciē-  
dum, in plerisq; maxime initio renouatæ do-  
ctrinæ ueritatis. Det dominus ut uel nunc tā-  
dem isti admonitioni obsequamur.

*Calat. s.* NONNULLI uero, cū conscientia simulacri  
usq; ad hoc tēpus, tāquā simulacris immolatū  
edunt. ] Ægre dediscitur qđ a pueris imbibitū  
est, maxime quod carni quoq; agnatum est, ut  
est simulacrorū cultus. Et hoc etiā Christianis  
plerisq; ex Gentibus usuueniebat. Erat peniti-  
us infixū, non nihil numinis adesse simulacris,  
adeoq; nō poterāt ea libertate uesci ijs quæ si-  
mulacris offerebantur, qua illi qui sciebāt nihil  
esse simulacrū, sed ubi illis uescebātur, cū con-  
scientia simulacri, id est, tanquam sacro epulo,  
cum religione simulacri uescebantur, non ut  
bonam Dei creaturam ad compescendam fa-  
mem, sed ut rem sacram magis animi quam  
corporis gratia usurpantes.

V S Q V E ad hoc tempus. ] Apparet istā infir-  
mitatē aliquandiu durasse in Christianis ple-  
risq; Nondū tamē uult illos Apost. contēni. Et  
quid mirū est si etiā hodie plerique in ecclesijs  
ubi ueritatis obtinet sciētia, per multū tēporis  
non nihil de pristinis erroribus retineant, si id  
factū est in illis ecclesijs, quas ipse instituit A-  
postolus? Discamus & nos cōsimilem *μακροθυ-  
μια* erga huiusmodi infirmos ostendere.

E T cōsciētia illorū, infirma cū sit polluitur. ]  
Quid damni sequitur istū libertatis abusum a-  
pud infirmos, cum cōscientia simulacri, & non  
libere, idolothytis uescentes, exprimit. Quid  
illud? conscientia pollutio. Quid est autē pol-  
lui conscientiam? Amb. dicit, conscientia pol-  
lui, si nō bene sentiat circa unū Deum. Ergo i-  
gnorantia Dei est cōscientia pollutio, & rur-  
sus cognitio Dei, est mundatio conscientia.

Notandum autē est, quod istam pollutionē  
non dat idolothytis in se, sed cōscientia in-  
firmitati. Nam sanā conscientia non polluunt.  
Sicut infirmū stomachū lēdit bonus alioqui ci-  
bus, at non suo sed stomachi egrotantis uicio,  
ita & idolothyta, cum sint bonę Dei creature  
sanā conscientia nō lēdunt, lēdunt autē infir-  
mam, culpa egrotātis cōscientie nō propria.

Habet aut mitigationis nōnihil, quod isto-  
rum hominū conscientia, erroneā & supersti-  
tiosam, imō idololatricā infirmā uocat, quod  
ob id facit ut ad cōmiserationē perfectiores in  
fide ac robustiores magis quam ad contem-  
ptum, aut condemnationem excitet.

Primum quod nō sit detestādus, qui ex in-  
firmitate peccat, aliud facturus si robustior es-  
set. Nequit enim pręstare quod sani pręstant.  
Multum exigebat roboris, tam diuturnā con-  
suetudinē, deinde publica sacra abijcere & cō-  
temnere, quibus infirmi ueluti ponderibus  
quibusdā ne ad scientia ueritatis in liberiorē  
aurā assurgerēt, premebātur & prohibebātur.

2 Deinde, q, ista infirmitas olim oībus cōmu-  
nis fuerit. Certe communi morbo laborantes,  
merito patiēter tolerātur & curantur, dum in  
illis quisq; sanus uidit, qualis & ipse fuerit.

Atqui esca nos nō cōmēdat Deo. Neq;  
enim si edamus aliquid nobis superest,  
neq; si non edamus quicquā nobis deest.

Posteaquam infirmorum admonuit robu-  
stiores, & quid illis timendum sit docuit, con-  
sequēter arrogantia sciolorum & temerariorū  
retundit. Et primo arguit ab inanitate huius  
rei. Ea est, quod neminē Deo cōmēdat cibus.

Et id argumenti plurimum faciebat ad de-  
ijciēdum illorū fastum. Apparet enim sciolos  
istos nō simpliciter libera conscientia de eido-  
lothytis manducasse, sed cū ostētatione qua-  
dam singularis erga Deū fidei, qua plurimum  
Deo, ueluti eidolorū uanitatē profitētes ac de-  
clarantes, gratificarētur, rursus uero nō uescē-  
tes cū suo horrore non nihil religionis eidolis  
adscriberēt, atq; ita unius ac uerū Dei diuinita-  
ti detraherēt. Isti arrogantia occurrit, cū dicit.  
Atqui esca nos nō cōmēdat Deo. Q. d. Quid  
arrogātes estis in re nihili, cuius Deo nulla cu-  
ra est, qua nemo se Deo gratū uel ingratū red-  
dere potest? Sic Rom. 14. dicit. Nō est regnum *Rom. 14.*  
Dei esca & potus.

Et ut rationē sententia suæ reddat, subiun-  
git. Neq; enim si edam<sup>r</sup> aliqd nobis superest,  
neq; si nō edamus quicq; nobis deest. Hoc est,  
nec potiores sumus reliquis Christianis apud  
Deū, edētes, nec inferiores nō edentes. Græce  
est *ἢ ἡ γὰρ περισσεύωμεν*. i. neq; enim abundamus.  
*ἢ ἡ ὑποβιβάζωμεν*. i. neq; minus habemus. Non expri-  
mitur, qua in re non abundant uescentes, nec  
minus habeant non uescētes. Facile tamen in-  
telligitur, ea de re loqui Apostolum, quæ Deo  
gratos reddat. Ea est uera pietas. In hac certe  
nihil habemus p̄ cæteris, si uescamur quibus-  
libet, nec uescētibus inferiores sumus, etiam si  
non uescamur. Scio Hierony. & Ambr. secus  
exponere. Verba Hierony. sic habēt: Cui enim  
dubiū est, nullū neq; manducando abundare,  
neq; non māducādo egere, cū econtrario illis  
magis formidāda sit inopia, qui gulā retinere  
nō norunt? Ambrosius ad hunc modū expo-  
nit. Contempta enim sacrificiorum esca, utiq;  
non deerit quod edatur. Si autē sumpta fuerit,  
nō abūdabit, ita ut nihil requiratur, ac per hęc  
abijciēda, quia neq; sine illa non uiuitur, & scā-  
dalū fratribus est. Ergo hi duo, non de pietatis  
uel abūdātia uel defectu, sed de ipsa terrena a-  
limonia intelligunt Apostoli uerba, q̄ certe, ut  
Hieron. habet, edēdo nō augeat, nec nō edēdo  
minuat, & secūdū Ambr. sentētia nō sit auctior  
uescētibus, nec destituat nō uescētes. Quasi di-  
cat Apost. Quid emolumenti capitis ex eo, q,  
eidolothytis uescimini? An hoc lauti<sup>r</sup> uiuitis?  
Quid detrimēti accedit illis qui nō uescūtur?  
An coguntur famē ferre? In eā ne redacti estis  
inopia rerūq; penuriā, ut esu idolothytorum  
carere nequeatis? Absit. Non est uitæ uestrae su-  
stentatio

Quinquies  
hoc capite  
infirmitas  
tis dictio,  
ne uitur.

Hierony.  
Ambr.  
Tale quid  
in Aug.  
legitur lib.  
confes. 10.  
cap. 31. ubi  
sententiam  
hęc sic ex-  
ponit. Hoc  
est: Nec illa  
me res co-  
piosum fa-  
ciat, nec illa  
erūnosum.



stetatio in hisce escis. Neq; enim abundamus in uictu, si illis uescamur, neq; uictu destituimur, si non uescamur. Ergo hoc sensu duplex est huius rei uanitas. Prima, quod ex ea nemo Deo commendatur. Altera, quod neq; terrenæ quicquam utilitatis adfert. Prior tamen sententia, quam & Chrysost. sequitur, & imitator illius Theophylactus, mihi magis placet. Apparet enim hæc uerba declarandi gratia præmissæ sententiæ adiecta esse, propter notam causalem, quæ, licet ab Erasmo sit omissa, in Græco tamē habet, & à ueteri interprete reddita est, nec ab ipsis patribus Hieron. & Ambro. neglecta.

Cur autem non dicit: Neq; enim si edamus inferiores apud Deum sumus, neq; si nō edamus, potiores? An nō & hoc uerū est? Certe negari nō potest, Si esca Deo neminē commendat, & regnū Dei nō est cibus & potus, tā nō commendari Deo qui non uescitur q̄ qui uescit, nec minus abundare in pietate, qui edit, q̄ qui non edit. Si edam⁹, inquit, nihil nobis superest. Verum. Sed neq; quicquam nobis superest, si nō edamus. Rursus. Si non edamus, nihil nobis deest. At ne tum quidem aliquid nobis deest, cum edimus. Cum ergo utrunque uerum sit, cur non utrunq; posuit? Ratio est, quod ad propositum non faciebat. Propositum erat sciorum istorū qui uescendi libertate ad offendiculum infirmorū abutebantur, temeritatem & arrogantiam deijcere. Huc quadrabat admonere, nihilo potiorē esse apud Deū idolothytis uescentē, nec inferiore illis abstinentē. Alterum licet æque uerum, quia nō temeritatem insolētium, sed magis superstitionē ignorantū impugnat, proposito non conueniebat, imo magis obfuisse, & factum temere uescentium confirmasset, atq; ob eam rationem consulto omissum est. In Ro. propositum erat conciliare dissidentes in hac causa & admonere, ne uescentes contemnerent non uescētes, & uicissim ne non uescētes iudicaret uescētes, ideo nō ad unā tantū partē, sed ad utranq; circūspiciens, dicebat: Qui uescit domino uescitur, & gratias agit. Qui non uescitur, & ipse domino non uescitur, & gratias agit. Ista conueniebāt proposito. Hic uero nō hoc agit, sed in eo est, ut morbum arrogantium curet.

Cautionē autē Apostolicā respicit, quod nō dicit: Atqui esca uos nō commendat Deo. Neq; enim si edatis, abundatis, &c. sed: Esca uos nō commendat Deo, &c. ne putetur id singulari cuidam Corinthiorū defectui, & nō ipsius causæ inanitati generaliter ita deputare, ut oēs Christianos cōcernat. Neq; enim Corinthij soli tales sunt, ut escæ priuilegio nihil apud Deū assequatur, sed ea est omnium fidelium cōditio, ut necesse habeant nō escis, sed pietatē Deo commendari. Nec caret singulari artificio, quod istam uanitatem escarum, in causa pietatis, futuræ repræhensionis præmittit. Habet enim exaggerationem haud mediocrē commissæ stultitiæ, & eō tendit, ut omnem illis excusationē adimat. Potest nō nihil excusari, q̄ in eo offendit proxi-

mum, è quo emolumentum quicquā sperari potest maxime tale, quod salutē necessarium sit. Abstinētia cultus simulacrorū habet suā utilitatē, eamq; ad salutē necessariā. Hic qui simulacrorum cultores offendit, absq; culpa est. Habet quo excusetur. In hac uero causa nulla potest talis ratio prætexi. Nihil hic est utilitatis uescenti nihil dāni non uescenti. Vbi nec utilitas aliqua sperari potest uescēdo, nec damni quicquam metui nō uescēdo, ibi certe nulla est ratio offendēdi proximum. Plurimū detestamur ea flagitia, unde ad flagitiosos nihil redit emolumentum. Colligimus enim ex illis, singularē quādā eius generis reprobis hominibus inesse maliciā. Ita certe merito detestanda est ista arrogātia, in re quidem inutili ac nihili, infirmis tamē noxia declarata. Subindicatur autem simul, qd̄ sit carnis in rebus fidei ingeniū. Verā pietatem non amat, & tamen subinde maxime pia uideri cupit. Pietatem autē ostensura, uersatur in rebus ad pietatē non facientibus, in quibus uult religiola uideri, utpote in escis, dierū observationib⁹, indumentorū raritate, & alijs eius generis nugis. Ita isti scioli apud Corinth. apprime se Christianos esse declaraturi, Christianismū esu idolothytorū metiebantur, inq; eo uehementer insolescebant. Perinde faciunt & hodie, qui non Christi spiritu, sed carnis ingenio ducuntur. Qui de catholica & Apostolica fide gloriantur, maximam religionis partē collocant in ciborum quorundam abstinentiam, plurimū, ut opinantur Deo gratificaturi, si non nisi piscium carnem certis diebus contingant. Qui uero de renouata Euāgelij ueritate Christianaq; reddita libertate sese iactāt, supra modū Euāgelici uideri uolūt, si erronea cōsuetudine abiecta, quibuslibet semp uescatur, surdi utriq; ad istā Apostoli uocē: Esca uos Deo non commendat. Quid interea? Quæ curāda erāt, & in quib⁹ uera sita est pietas strenue utrinq; negligūtur, quod Apostolus haud obscure notat cū dicit: Esca uos Deo nō cōmēdat. Quid enim aliud clamat, q̄, Quin ea curatis, quæ Deo placeant? Esca uos Deo non poteritis approbare, charitati studēdū erat nō escis quæ nihil profunt ambulanti-  
Ebr. 13.

Sed uidete, ne quo modo facultas illa uestra offendiculo sit ijs, qui infirmi sunt. Etenim si quis conspexerit te, qui habes scientiam, in epulo simulacrorū accūbentem, nonne cōscientia eius qui infirmus est, ædificabitur ad edēdū ea, quæ sunt simulacris oblata? Et peribit frater qui infirmus est, in tua scientia propter quem Christus



Christus fuit mortuus. Sic autē peccātes in fratres, & uulnerantes illorū conscientiam infirmā in Christū peccatis. Quapropter si esca offendit fratrē meū, haudquaquam uescar carnibus in æternū, ne fratri meo sim offendiculo.

Posteaquam ad retundendam sciolorū arrogantia, rei de qua gloriabātur, & in qua plurimum delinquebāt uanitatē illis obiecit dicēs: Atqui esca nos nō cōmendat Deo, iam omnī cōmodissime subiicit, quid damni ex ea sequatur, quod tāetsi & suprà attigerit, cū dixit: Nōnulli uero cū cōsciētia simulacri usq; hodie tāquam simulacris immolatū edunt, & cōscientia illorum infirma cum sit polluitur, nūc tamē ueluti suo loco fusius tractandum resūmit, ut doceat eos, quā sit peruersum, in re nihili & inani, quæ Deo non placeat tantū nocumēti parere fratribus. Et ut appareat, quantū peccent, delectū ipsoꝝ triplici nomine exaggerat. Prīmū in eo, quod admonet in quē peccetur. Deinde in eo quod ostendit, quantum mali generent. Tertio, per quid hoc faciant.

*Videte.* SED uidete, ne quo modo facultas illas uestra.] Admonitio est, ut caute scientia & potestate quā iactabāt, utant. Circūspectione opus esse, uerbo uidēdi admonet. Quod cauere debeat docet, cū dicit, ne quomodo facultas illa uestra, offendiculo sit ijs q̄ infirmi sunt. Nō simpliciter admonet ut circūspecti sint, sed simul indicat quid metuere & cauere debeant.

*Quomodo.* Et ut sollicitam illis cautionem incutiat nō dicit, uidete, ne facultas illa uestra offendiculo sit infirmis, sed addit, quomodo. Indicat enim nō simpliciter cauēdum offendiculū, sed ita, ut nullo modo generetur infirmis ruine occasio. Et merito. Maior enim erat infirmorum habēda ratio, quā ut ulla ratione in hac causa, qua Deo certe nemo gratificari poterit, offēderent.

Nec ociosum est, quod nō dicit, facultas uestra, aut, facultas ista, sed facultas illa uestra. Videtur enim nō quidem negare istam fidelium *ἐξουσίαν*, uerum, quoniam ad offendiculū uergebat infirmorum, ita eā extenuat, ut nihil illi laudis relinquat ut ut eā iactent scioli isti. Ideo uocat eam, ipsoꝝ potestatem, deinde notādi gratia, illa, inquit, id est, in re ita nihili, in esca, quibus nemo Deo seruire potest. Quasi dicat: Gloriamini multū de potestate hac uestra quidlibet edendi, quæ tamen uos Deo gratos non reddet. At etiam atq; etiam uidete ut non solū Deo uos illa non approberis, sed infirmis quoq; conscientijs offendiculo sitis, ac grauius peccetis.

Offendiculo sit infirmis.] Græce est *προσκομμα γίνεσθαι*. Est autem metaphorica dictio *ἀπὸ τοῦ προσκόπτειν*, quod significat impingere ad lapidem, ut Matth. 4. *μὴ ποτὶ προσκόψῃς πρὸς λίθον τὸν πῶς ἐστιν*. Id est, ne quando impingas in lapidem pedem tuum. Est igitur *προσκομμα* proprie impactio, qua quis inter eundem ad terram ster-

nitur, uel certe prope ad ruinam datur, cuius id occasio est, ad qd̄ sit impactio. Hinc metaphori ce ad spiritalē impactiōnē trāsferē, qua quis in uia domini ad delinquēdū impellit. Quod enim corpori casus est, id animę est peccatum.

Quā diligenter autē offendiculū istud cauendū sit, ex eo consyderandū proponit, quod addit, ijs qui infirmi sunt. Graue est quēcunq; ad ruinā impellere, etiā pedibus bene ualentē. Infirmū uero & plano quoq; itinere ægre ingredientem iniecto offendiculo prosternere, quis non uidet esse grauissimum?

ET ENIM si quis cōspexerit te.] Periculum quod cauere uult, declarat, quomodo, nisi cauti sint, contingere ualeat, & iuxta q̄ graue sit, latius ob oculos exponit. Cōuenit autem uelut unumquenq; separatim, cū singulariter & percontatorie loquitur dicens: Etenim, si quis te in epulo simulacrorum accumbentem uiderit, nōne ædificabitur ad edendum ea, quæ simulacris sunt imolata? Quasi dicat: Te ipsum cōuenio, qui eidolothytis uesceris inq; ipso tēplo eidolorum unā cū gētibus simulacrorū cultorib⁹ in epulo simulacrorū accūbis, ut respondeas, quid futurū sit, si infirmus frater hoc te facere uiderit? An aliud expectandū est, q̄ ut & ipse, licet dissimili fide, ad edēdū eidolothyta tuo exēplo permoueatur? Quasi dicat: Certe negare non potes, hoc futurum. Hac enim interrogatione fortius & confidentius Apost. id periculi futurum asserit, quā si simpliciter dixisset: Etenim si quis te cōspexerit in epulo simulacrorum accumbētem, ædificabitur illius conscientia ad edēdum simulacris imolata.

Ergo hætenus malum est eidolothytis uesci, quatenus id sit conspicientibus infirmis, & ruinæ occasionē causat. Quid igitur est, quod August. Epistola 154. ad quæstionem Publicolæ, qua querebatur si uiator, famis necessitate pressus nihil uspiam cibi inuenerit, nisi in eidolio, ubi tamē nullus mortalium præsens sit, an satius illi sit fame emori q̄ eidolothytū edere, breuiter quidē, sed nō iuxta sentētiā Apost. respondet: Aut certū est esse, inquit, eidolothytū aut certū est nō esse, aut ignorat. Si ergo certū est esse, melius Christiani uirtute respuit. Si autē uel nō esse sci, uel ignorat, sine ullo cōscientiæ scrupulo in usum necessitatis assumit. Aposto. plane aliud hic tradit. Nō enim docet esse in se peccatū, uesci eidolothytis, si nemo infirmorū uideat, qui offendi possit. August. uero etiam si nemo mortalium præsens, & fame pereundū sit, satius esse putat fame emori quā eidolothyta edere. Eras. opinatur illum & hunc locū retractaturum fuisse si quisquā admonuisset.

QVI habes scientiam.] Non est frustra adiectum. Neque enim à quouis offendiculum est infirmis, sed ab ijs, qui rerum scientia reliquis præstantiores habeantur. Nam ita comparatum est ingenium imperitorum, ut non rerum cognitione, sed autoritate sapientum ducantur. Videmus hodie innumeram multitudinē exemplis doctorum & præstantium seduci.

Putes



Putes ne, iquiūt, tot doctos viros errare posse? Quapropter ut periculosissime delinquit, qui rerum scientia, uel saltem illius opinione pollet, ita summa illis cautione inter infirmā plebeculam uersandū est. Sed pro dolor, nemo est in ecclesia, qui licētius delinquat, & minus infirmos curet, quā illi ipsi qui sciētiae nomine suspiciuntur.

IN epulo simulacrorū accumbentē.] Græce est, *ἐν ἀσώλει κατανέμειν*. Vetus nō reddidit Græcā uocē ἀσώλει. Eras. uertit epulū simulacrorū. Significat uero tēplum eidorū, tametsi & mensam eidorū significare putet Eras. Notū est Gētes in tēplis Deorum peracto sacro corā simulacris epulatos esse ex his, quę dijs immolabant. Et ad illas epulas absq; dubio amicos uocarunt & uicinos. Ex hac itaq; cōsuetudine eueniebat, ut & Christiani siue dolo, siue simpliciter ex more, ad eidolothyta uocarent. Hic qui de scientia gloriabantur, uocati non quidē ad ipsum simulacrorum cultū, ad conuiuiū sacrum cōparebant, & unā cū Gētibus in deorū delubris epulabātur. Hoc cōmemorat Apost. isto loco, ut doceat, quid inde mali sequatur.

NONNE cōsciētia eius, qui infirmus est, edificabitur ad edēdū, &c.] Aedificādi uerbo hoc loco & Gal. 2. abusive in malo usurpat. Nā re ipsa conscientia infirmi per offendiculū magis destruitur q̄ edificat. Nihil igitur hic aliud significat, q̄ firmatur ac prouehitur, ut infirmior reddatur, & uelut in ipsa infirmitate stabiliat. Ad quid edificatur? Ad edēdū, inquit, ea quę sunt simulacris immolata. Quid hoc periculi est? Si ille in se nihil mali facit, qui per scientiā uescitur, quid peccat infirmus, qui illius exemplo inductus & ipse uescitur? Externe quidē nihil apparet discriminis in utrisq; uescētib⁹, interne uero dissimilitudo est. Nam ille ex fide quidem uescitur cum scientia unius ac ueri Dei, iste uero ex superstitione, atq; ob eam causam in conscientia, ut suprā dixit, polluitur.

Obseruemus hoc gen⁹ offendiculi. Generalis in hoc cap. locus est, cauēdum esse ne p̄ fortiores offēdatur ac perdatur infirmiores. Verū cōsyderādū est probe, quādo id fiat quādo nō fiat. Sūt enim hodie, qui & ipsi de sciētia ueritatis gloriātes, quod simulacrū nihil sit, cū simulacrorum cultorib⁹, ubi sese offert occasio, nimis libere, cōmiscētur, & ubi repræhēduntur, mox regerunt ad hoc se id facere, ne offendiculo sint infirmis, aut non intelligentes quando infirmis sint offendiculo, aut maliciose id prætexnetes. Nā hoc ipso, q̄ in falso illo cultu Dei præsentēs sunt, imperitos ad cultū simulacrorū edificāt. At hoc nō est cauere, sed magis obijcere infirmis offendiculum. Dicis. Nūquid & Paulus ipse factus est infirmis infirmus? Verū. Sed in alijs causis, i reb⁹ uidelicet indifferētib⁹, ubi non erat periculū, ne infirmi ad cultū simulacrorū edificarent. Aliud est nō uesci quibuslibet, idq; ad tempus, cum infirmis, ne offēdatur in re media, uel certe ad hoc moueant, ut & ipsi contra cōsciētiam uescātur quibuslibet:

A & aliud in rebus illicitis & falso cultu, proprio exēplo edificare infirmos, ut in sua cēcitāte cōfirmatiores reddātur. Hastenus remittendum est de libertate Christiana, quaten⁹ id facit ad edificandū nō in superstitione, sed pietate, eū qui infirmus est. Vbi uero nostro condescensu in peius edificatur, ibi certe satius est non infirmitatem, sed firmitatem ueræ pietatis ac fidei ostendere.

E T peribit frater, qui infirmus est, in tua sciētia, propter quem Christus fuit mortuus.] Ista ad exaggerādū offendiculi huius malū faciūt, ad quod singulæ structæ sunt particule. Ostēdit per declarationem, quomodo infirmis ponatur offendiculum. Iam consequenter explicat, quanto id malo fiat.

1 Primū, Quod non in cuiusuis mortalis læsionem id cedat, sed fratris, hoc est, Christiani. Leuiculus quidē nō est, cuiq; mortalium siue Iudæo siue Græco, offendiculum dare. Vnde & alibi dicit, Sine offēsiōne estote Iudæis & Græcis. Attamē multo grauius est fratri fidei occasionem generare ruine. Quemadmodum iusti hominis esse non potest, quemuis mortalium iniuria afficere, at germanū fratrem lēdere, nō solum iniusti, sed plane improbi hominis fuerit.

2 Deinde, quod nō simpliciter lēdatur frater, sed perdatur etiā. Et peribit, inquit, frater. Aedificari nanq; ad cultum simulacrorū, quid aliud est q̄ perdi? Suprā dixit, cap. 6. Simulacrorum cultores regnum Dei possidere nō posse. Siue enim talis frater, ad cultum simulacrorū edificatus Christi professionē retineat, siue hoc facilius ad negandum Christum & Gētilismum resumēdum inducatur salutē, obtinere nō potest. Neque enim saluari potest, qui Christo & templo Dei eidorū cultum coniungit, de quo in posteriore, cap. 6. Quid cōuenit, inquit, templo Dei cum simulacris? neq; aliud quā perire credi potest, qui per cultum simulacrorum ad negandum Christum inducitur.

3 Tertio, quod is frater perditur, qui infirmus est. Hoc certe crudelitatis quoq; notā habet, non solū fratrem quēcunq; sed infirmū etiam, cuius singularis quædā erat habēda ratio, donec cōualesceret, tanta temeritate perdere. Habet hoc in se uera charitas, ut infirmorum curā potissimum subeat. Mater omnes quidē liberos diligit, sed singulari quodam affectu ad curandum infirmos rapitur, cum interea de sanis non admodum sit sollicita. Ita & fraterna charitas, licet in sanis plerunq; nonnihil frigeat, in ægrotis tamen curandis sollicita redditur. Videtur enim periturum quod infirmum est. Ne pereat igitur curare conatur anxia charitas. Nam ægre perire sinīt quod diligit. Est itaque certissimum argumētum nihil esse illis fraternæ dilectionis, qui ne infirmorum quidē fratrum cura tenentur. Qui uero perdunt etiam quales illi tandem æstimandi sunt?

4 Quarto. Et hoc singulari auxesi adiectum est, quod dicit, propter quem Christus mortuus est.

Primum

Propter  
quē Chris-  
tus mort-



Primum enim nō is infirmus frater, qui ē sa- A  
no sit factus infirmus, sed qui per Christum ex  
ipsa morte ereptus, ac uite restitutus nondum  
plane cōualuerat quidem, sed in sanitatis iam  
progressibus erat, perditur.

Deinde qui non quouis modo uitæ restitutus  
erat, sed per Christi sanguinē ac mortem.  
Quasi dicat: Tu ne perdis eum quem Christus  
sanguine suo redemptum saluum esse uoluit?

5 *In tua sciētia.* Quinto & hoc cum emphasi adiectum est,  
quod addit, in tua sciētia. Per ignorātiā per-  
dere fratrem, excusationis nonnihil habere po-  
test. At rerum scientia hætenus abuti, ut quæ  
debat ignorantibus & infirmis cōsulere, ce-  
dat ad infirmorum & ignorātiū perniciem,  
quid quæso excusationis admittere potest?

6 Medicus qui de arte medicādi gloriā, si infir-  
mū per sciētiā suā occidat, certe maiore culpa  
hoc facit, quā si id fiat ab eius artis imperito.  
Adiunge istis, quod suprā notatum est, nē-  
pe, q. ista infirmi fratris perditio sit in re pror-  
sus inani nempe in libertate quidlibet edendi  
in qua tamen nemo Deo probatus redditur.  
Quomodo quæso excusari potest, qui cibi gra-  
tia eū perdit, quē Christus sanguine suo rede-  
mit? cuius saluti Christus uitam suam postpo-  
suit. Qualis tādē Christianus est, qui fratris  
gratia ne cibo quidē abstinere potest, cū Chri-  
stus pro illo mori quoq; non dubitauerit?

SIC autem peccantes in fratres & conscien-  
tiam illorum infirmā uulnerātes, in Christum  
peccatis.] Cōsulito eō deducit hoc peccatū, ut  
intelligatur iam nō simpliciter in Christianum  
infirmū, sed in Christum ipsum peccari. Sentie-  
bat enim arrogantibus istis parū uideri, quod  
in fratres infirmos peccabat, maxime ea in re,  
qua Christi scientiā & libertatē promouere se  
simulabant. Per inuersionem igitur conuincit  
eos, tam non gratificari sua ista sciētia Christo  
redemptori, ut magis in illum peccēt, idq; non  
aliquo, sed omniū grauissimo peccato. Quod  
enim grauius peccatū in Christū cōmitti pote-  
rit, q. eum occidere, pro quo ipse est mortuus.  
Mater impēfissime diligit eū filium, quē partu  
doloris pleno peperit. Hūc si ui occidas, quo-  
modo non grauiter in matrem peccaueris?

Et in hac particula nequit mali exaggeratio-  
nem remittere. Non enim tantum dicit. Sic au-  
tem peccātes in Christum peccatis: Sed sic pec-  
cantes in fratres, & conscientiam illorum infir-  
mam, non dicit, offendentes, sed percutientes,  
in Christum peccatis.

Ambr. ut & uetus interpret illud *ἐν Χριστῷ* le-  
git, in Christo & putat aliud esse in Christo pec-  
care q. in Christum peccare. In Christo peccare  
idem esse atque sub Christo in eos qui Christi  
sunt peccare. In Christum uero, esse Christum  
negare. Verum apertum est, in Græco esse non  
in Christo, sed in Christum.

QVAPROPTER, si esca offendit fratrem meū  
haud quāq; uescar carnibus in æternū, ne fratri  
meo sim offendiculo.] Suo exēplo illos admo-  
net, quo loco haberi debeat salus fratrum. Nēpe

eo ut licita etiam pro illicitis habeātur. Habet  
autem singularem uerborum diligentiam, quod  
pro eidothytis escam, & carnes, & pro fra-  
trum perditione, offensionē ponit. Nūquā enim  
sustinebit propter eidothyta fratrem infirmū  
perdere qui quauis etiā carne, ne frater offen-  
datur, abstinere paratus est.

Quod autem addit, in æternū, contra illorū *In æternū.*  
querimonias positum est, quibus dicere pote-  
rant. Et quouisq; tandem ferendi sunt infirmi  
isti? Ego sane, inquit, in æternū quoq; paratus  
sum ita infirmi fratris habere curā, ut nec quā-  
uis carnē, si illius esu offenda, cupiā attingere.  
Et ne propter paucitatē cōtemnatur in eccle-  
sia infirmi, unus & alter, notanter singulari nu-  
mero utitur dicēs: Si esca offenderit fratrem, &  
ne offendiculo sim fratri meo.

## CAPVT IX.

Videtur hoc caput quibusdam aliā quandā à prio-  
re separatam habere causam, uerū manifestum  
est diligenter omnia expēdentibus, quæ hic aguntur ad  
adeundem pertinere tractatum qui capite præcedenti  
contra temeritatem eidothytophagorum cōceptus est,  
& ut ibi memini, ad decimum usq; protenditur. In calce  
præcedentis capitis suo illos exemplo pudescere cōpit  
in se ostendens, quanti fraterna salus fieri debeat ueris  
Christianis, quā non sit spectandum quid cuiq; liceat,  
sed quid infirmis prosit. Ad hoc illos amplificatiōe exē-  
pli sui toto hoc capite ualidissime inuitat, non cōtentus  
eo, quod si cibus offenda fratrem, nunquā in sempiternū  
uelit edere carnes, sed adiungens factum suum quo  
non simplicem aliquam libertatem, quæ communis sit  
Christianis omnibus, & talis, ut facile absq; ulla mole-  
stia contemni queat, sed ipsum Apostolici muneris ius,  
quo uictus sibi à fidelibus in Euāgelio Christi laborātī  
debeatur, ne cui esset offendiculo, negligebat, non spe-  
ctans quid sibi iure deberetur, & à Corinthiis petere  
posset, sed quid ipsis, quibus prædicabat, expediret, ut  
pudesceret eos qui in re nihili quidem periculosa ta-  
mē & quæ facile poterat cauere, libertate sua ad per-  
ditionem infirmorum abutebantur.

Non itaq; frustra quidā scripserunt toto hoc capite  
argumentum à maiori uersari. Quanquam illud intelle-  
xerunt de autoritate ac dignitate Apostolatus sum-  
ptum, atq; ob eam rationem, amplificari Apostolici mu-  
neris dignitatē, ut appareat, si Apostolus libertate sua  
non sit usus multo minus Corinthios Apostoli discipu-  
los sua debuisse uti.

Mihi uero non solum à dignitate Apostoli, sed simul  
ex ipsa causarum diuersitate argumentum ex maiori  
structum esse uidetur. Inest enim omnino magna diuer-  
sitas inter eā causam in qua Corinthios arguit, & eam  
in qua ipse iure suo se nō esse usum exempli uice docet.  
In causa Corinthiorum, eidothytis uescientium, liber-  
tas eidothyta edendi propter infirmos fratres erat  
negligenda. In causa & facto Apostoli nō simplex quæ-  
dam



dam libertas, sed ius debitum, non qualiscunq; alimonia, sed necessaria, & laboranti Apostolo debita, ad cauendum offendiculum negligebatur. Quantulum erat, quod exigebat ab illis Apostolus, si cōferas cū eo, quod ipse faciebat?

Exempli gratia. Finge nos, qui Christum prædicamus, exigere ab auditoribus nostris, ut in gratiam & ædificationē infirmorū, libertatē carnes diebus uetitis edendi non usurpēt, illosq; nostro exemplo Apostolum sequuti, ita ad hoc inuitare, ut nostro iure in ministerio uerbi non utamur, gratis Euangelium prædicantes & uictum labore manuum quærentes. Quantulum esset molestia, feria 6. & sabbato non uesci carnibus, si cōferas cum eo, si debitum & necessarium subsidium non inde unde iure poterat, sed ex molesto manuum labore peteretur? Perinde omnino non tantum petit Apostolus à Corinthijs, quantum ipse faciebat. Plus enim erat de iure tantoperē debito ac necessario remittere, quàm eidolothytis infirmorum gratia abstinere. Sed uideamus textum.



**A**N non sum Apostolus? An non sum liber? An non Iesum Christum dominū nostrum uidi? An non opus meum uos estis in domino? Si cæteris nō sum Apostolus, at sane uobis sum. Siquidem signum Apostolatus mei uos estis in domino. Mea responsio apud eos qui me interrogāt hæc est. An non habemus potestatem edendi ac bibendi? An non habemus potestatem sororem mulierem circumducēdi, quem admodum & cæteri Apostoli & fratres domini, & Cephas.

Vis exempli Apostolici in duobus sita est. Primum in eo, quod sumptus prædicationis non sumebat à Corinthijs. Deinde in eo, quod Apostolus cū esset, Apostolico iure illos à Corinthijs, quorum erat Apostolus, exigere potuisset. De priore non multis agit. Erat enim absq; ulla contradictione manifestum, ut probationibus adductis fidem illius facere necesse non fuerit. Proinde tantum id semel atque iterum obiter commemorat, cum infra dicit: Atqui non sumus usi ista potestate. Item. Ego tamen nullo horum usus fui. Igitur omnē intētionem præsentis tractatus ad alteram partem probandam conuertit, quæ est de iure Apostolatus, quod multis argumentis amplificat. Et quoniam fieri potuit, ut ius quidem Apostolici muneris, in hac causa, nō negauerint pseudapostoli (nā & ipsi, ut in posteriore, cap. 11. apparet, à Corinthijs sumptus accipiebant, licet uideri uellēt Christi apostoli) negauerint autem ipsum Paulum esse Christi Apostolum ut gloriam illius & existimationem eleuaret,

**A** necesse fuit Apostolo, hanc particulam ante omnia asserere, uidelicet, quod & ipse sit Christi Apostolus, ut & sibi non minus quàm reliquis Apostolis debeantur prædicandi sumptus. Et ea de causa, magna cū confidentia ad hunc modū orditur. An nō sum Apostolus? An nō sum liber? An non Iesum Christum dominum nostrum uidi? An non opus meū uos estis in domino? Si cæteris nō sum Apostolus, at sane uobis sum. Siquidē ob signatio Apostolatus mei uos estis in domino.

Apparet autem Apostolū crebris istis & uehementibus percontationibus ita quidem usum, ut iudicaret, prorsus impudentem esse, si quis neget se esse Apostolum Christi, ac liberum, simul tamen pseudapostolorum gloriam notare uoluisset, qui, ut prædicationibus ueritatis omnem existimationem adimerent, seseq; pro magnis uenditarent, Apostolatus dignitatem supra modum iactabant, se esse Christi apostolos, ab illis missos qui ueri sint Christi apostoli, qui Christū uiderint, & audierint, se esse liberos in omnib⁹. Vt igitur factū suum Apostolus Corinthijs exemplum imitandum cōtra seductores pseudapostolos assereret, opponit se illorum gloriationibus dicens: An nō sum Apostolus? quasi dicat: Gloriantur se esse apostolos Christi, & liberos, & ab illis missos qui Christum uiderūt, & hoc nomine nihil nō apud uos possunt, animos uestros eō deducen ceteris, ut ipsis magistris scientia & libertate uestra contra infirmos fratres abutamini. Qui sit qd non me potius sequimini? An ego nō sum Apostolus? An non sum liber? An ego Christū dominum non uidi? An non opus meum uos estis in domino? Cur igitur ad me non respicitis, & conuersationis meæ formam amplectimini? Hoc uideat agere Apostolus, sed tectius certis rationibus. Nā in posteriore euidentius pseudapostolos insectatur, & Apostolatū suū aduersum illos uindicat.

**A**N nō sum liber? ] Hoc quidem non addit, qua in re se asserat esse liberum. Infra uero de libertate sua repetens, simulq; admonēs, quomodo illa non utatur, dicit: Etenim cum liber sim ab omnibus, omnibus meipsum seruum feci, quo plures lucrifaciam. De qua libertate ibi dicemus.

**A**N Iesum Christum dominum nostrum nō uidi? ] Non loquitur de uisione illa corporali qua ante resurrectionem suam Christus nō solum ab apostolis, uerumetiam ab innumeris Iudæis, & absq; dubio ab ipso quoq; cum Gamalielis esset discipulus, Ierosolymis uisus est, quæ uisio nihil habebat prærogatiuæ, sed de ea quæ post resurrectionē suis quos elegerat ad hoc apparuit, ut certissimi testes essent resurrectionis suæ, & omnium eorum quæ per illam confirmata sunt. De prædicatione nanq; uita, & morte Iesu, & ipsi Iudæi increduli testari potuissent. De hac uisione intelligit, non hoc solum loco, sed & infra cap. 15.

Sed ubi uidit Paulus Christum post resurrectionem



**Act. 22.** ctionem illius? Actum 22. ita legimus. Factum est autem, cum essem reuersus Ierosolymam, & orarem in templo, ut raperer extra me, & uiderem eum dicentem mihi, festina & exi ue lociter Ierosolymis, quoniam non recipient testimonium tuum de me. Et ego dixi: Domine, ipsi sciunt, quod ego pertrahebam in carcerem, & cædebam in singulis synagogis eos qui credebant in te. Et cum funderetur sanguis Stephani testis tui, ego quoque assisitebam, & assentiebar morti illius, & custodiebam uestimenta interficientium illum. Et dixit ad me, uade, quoniam in nationes longe mittam te, &c. Ergo in mentis raptu & excessu uidit dominum. Vel si quis putat Apostolum non de ista uisione loqui, potest de apparitione ea intelligere, quæ in uia facta est, cum iret Damascum. Quanquam enim ibi non legatur sublimatis oculis dominum ipsum uidisse, sed uocem eius audisse, quia tamen Christus ipse dixit, *ἐς τὸ το γὰρ ὡφθίκα σοι*, id est, ad hoc enim uisus sum, uel apparui tibi, & paulo post, ipse Paulus ad regem Agrippam subiunxit: Vnde rex Agrippa: Non fui inobediens cœlesti uisioni, &c. Visionem uocans eam apparitionem, utique non alterius cuiusquam, quàm ipsius domini: nihil puto impedire, quo minus de ista apparitione intelligamus, quod hic dicit: An Iesum Christum dominum nostrum non uidi? maxime cum in ea uisione Apostolatus munus à domino acceperit, quod Christi uerba testantur.

AN non opus meum uos estis in domino? Magna sane gloriatio, quod rem tantam, omnes uires humanas superantem, & quæ uni diuine uirtuti reuera tribui potest, sibi adscribit. Sed magna fuerit necesse est pseudapostolorum impudentia & improbitas, quæ Apostolum ad hanc gloriandi necessitatem impulit, ut & in posteriore dicit: Vos me coëgistis. Non est autem putandum, quod plus sibi tribuat, quàm Apostolo conueniat. Loquitur enim ut Christi Apostolus, & spiritus sancti minister. Proinde quod dicit, opus meum, idem est, atque opus Apostolat<sup>9</sup> mei, uos estis in domino. Quasi dicat. Quicquid uos estis in domino, hoc estis per Apostolat<sup>9</sup> meum. Per me enim Christo credidistis. Theophylactus illud, in domino, arbitratur idem esse, atque per uirtutem domini, ne putetur opus hoc tam arduum suis ascribere uiribus. Verum prior sensus meo iudicio simplicior est. Quamquam posterior non est abiiciendus.

Luctatur Apostolus contra maliciam pseudapostolorum, atque illius gratia omnium euidentissimo testimonio probat se esse Christi Apostolum, ut constare possit, se Christiana prudentia & modestia cum sit Apostolus non tamen esse usum iure suo, ne occasionem daret maleuolis. Probat autem ex ipso opere, eoque non longe posito, sed præsentem, quod negari non poterat, quod ipsi scilicet erant. Quasi dicat. Si quispiam uestrum de Apostolatu meo dubitat, estis uos ipsi testes illius. Vos ipsi pro-

**A** batis, quàm non sit inanis aduentus meus ad uos, per quem Christi infiti estis, qui in uobis non est infirmus sed potens. Sic in posteriore, *Cap. ult.* uos ipsos, inquit, tentate, num sitis in fide, uos ipsos probate. An non cognoscitis uosmetipsos quod Iesus Christus in uobis est? Si ergo Christus in uobis est, Quomodo ego non sum Christi Apostolus, per quem in Christum credidistis? Non potest ullum esse euidentius testimonium quàm quod ipso opere datur. Sic Christus dicebat: Opera quæ ego facio, testimonium perhibent de me. Vide igitur in quas angustias aduersarios suos deducat. Eas uidelicet, ut aut negare cogantur, Christianos esse se, aut fateri, quod ipse sit Christi Apostolus. Quicquid enim erant in Christo hoc per ipsum erant.

Notandum est autem, quod ius Apostolo debitum, non inani Apostolatus titulo, aut soli muneri commissio adscribit, sed operanti ac laboranti in domino, ne putemus ociosis illis & titulo tantum tenus episcopis episcopatus deberi sumptus. Probaturus sibi tanquam Christi Apostolo deberi prædicationis sumptus, non nudam electionem Apostolatus, sed ipsum opus obijcit, quo se uerum esse Christi Apostolum probet. Faciat hoc & episcopi, qui hodie cælum ac terram miscere conantur, mox atque illis uel tantillum quid de iurisdictione episcopali aufertur: Dicant & ipsi cum Apostolo, opus nostrum uos estis in domino, si possunt.

**B** SI cæteris non sum Apostolus, at sane uobis sum.] Hoc Hiero. ita exponit, quasi assertiue dicat se non quidem Iudæis, Corinthiis tamen & alijs Gentibus esse Apostolum, respiciens forte ad id quod Gal. 2. dicit, sicut Petro circumcisionis Apostolat<sup>9</sup> ita sibi præputij concreditum esse. At Apostolus non dicit: Licet non sim cæteris Apostolus, sed: Si non sum cæteris Apostolus, at sane uobis sum. Quod nihil est aliud, quàm, Si cæteris non habeor pro Apostolo, qui ministerium & opus meum in domino non agnoscunt, uos tamen negare non potestis, me uestrum esse Apostolum.

Respicit & Ambrosius ad Iudæos qui Christo legis obseruantiam, conuiuentibus Petro, Iacobo & Iohanne, coniungebatur, quibus Pauli Apostolatus in Christo non sit agnitus. Verum de Iudæis hoc loco non cogitat Apostolus, sed simpliciter opus suum apud Corinthios in domino ita extollit, ut etiam si præterea nullis esset, ipsis tamen omnino sit Apostolus. Neque enim hic inter Iudæos & Gentes discriminat, sed quid Corinthiis sit præ alijs inculcat. Vnde & subdit.

SI QUIDEM sigillum Apostolatus mei, uos estis in domino.] Sigilli usus est, ut fidem faciat rei, de qua controuerti poterat. Ita de Apostolatu Pauli fidem facientes Corinthii, qui opus illius erant in domino, dicuntur esse Apostolatus ipsius sigillum. Est autem omnino auxesis quædam in his uerbis. Nam cum usque adeo se Corinthiorum esse Apostolum dicit:



Vt illi contra maleuolos aduersarios pro sigil-  
lo sint Apostolatus sui, necesse est aliquid illis  
inesse propter quod præ alijs mereantur dici  
figillū Apostolatus ipsius. Quid hoc est? quod  
ad fidem Christi per ipsum uenerūt? Atqui id  
commune habent cum multis alijs ecclesijs.  
Mihi uidetur id commendari, quod singulari  
quadam gratia, studio, labore & patiētia illos  
ad Christum perduxerit, deinde & singulari  
quoque effectu in illis diuina se per spiritū san-  
ctum uirtus in omni sciētia & gratia, ut signa,  
& prodigia taceam exeruerit. Sic suprā cap. 1.  
dixit: In omnib<sup>9</sup> diuites facti estis in Christo,  
in omni uerbo, & in omni scientia, sicut testi-  
monium Christi confirmatum est in uobis, ita  
ut nihil uobis desit in ulla gratia. Et in poste-  
riore cap. 12. Tametsi nihil sum, signa tamē A-  
postoli peracta sunt inter uos, cum omni pa-  
tientia, & signis & prodigijs, & potentibus fa-  
ctis. Hæsit apud illos annum & menses sex,  
quod de nulla alia ecclesia legitur, nisi quod  
Romæ integro biennio, sed captiuus, manere  
coactus est. Deinde accedit singularis quædā  
corruptio Corinthiorum, ut plus fuerit Apo-  
stolo laboris infumendum hic quā alibi. Et  
præterea singulari oraculo diuinitus est iussus  
in hac urbe fiducialiter & constāter agere, pro-  
pterea quod multus erat in illa domino popu-  
lus. Quemadmodum itaque si Afer quisquam  
Scipionem Africanum neget esse imperatōrē,  
ille merito audiat, si alijs non sum imperator,  
certe uobis Afris sum imperator, nam sigillū  
imperij mei uos estis: ita & Apostolus hoc lo-  
co, propter recensitas causas, omnium fortissi-  
me aduersarijs ad probandum Apostolatum  
suum, Corinthiorum ecclesiam obijcit.

Faciunt ista non solum ad probandū quod  
sit Apostolus, sed huc potissimum quod cum  
esset præcipue Corinthiorum Apostolus, iure  
tamen Apostolatus apud eos præcipue nō sit  
usus, apud quos præcipue poterat. Atque hoc  
ad propositum scopum facit, ad quem omnia  
collimantur, uidelicet, ut admoneantur hoc  
exemplo & ipsi non quod licet sed quod ex-  
pedit fratribus spectare & facere.

Videamus quæso de qua ecclesia Apostolus  
ista scribat, cuius sit præ alijs Apostolus & quæ  
figillum sit Apostolatus ipsius. An de ea, quæ  
singulari fide, & pietate reliquas omnes excel-  
lat. Nequaquam. Quod si enim quæ hac epi-  
stola scribuntur diligenter expendantur, con-  
spicuum erit uix aliam esse, quæ pluribus ui-  
cijs laborauerit. Contētionēs & schismata in-  
ter se habebant, carnales erant, alius contra a-  
lium inflabatur, scortationē inter se habebāt,  
qualis nec inter Gentes reperiēbatur. Illā nec  
corrigebant nec lugebant, sed inflabantur. Iu-  
diciaria lite inter se contendebant, atq; id co-  
ram impijs. Iniuriam inuicem alij alius, frau-  
dando faciebant. Eidolothytis temere ad gra-  
ue infirmorum offendiculum uescebātur, qui  
alijs præstantiores haberi uolebant. Mulieres  
non uelatæ ecclesiam absq; ulla religione in-

trabant, schismata etiam in ipsa dominica cœ-  
na habebant, seipsos non probabant, corpus  
domini à reliquo cibo non discernabant, alius  
ebrius erat, alius esuriebat, alius alium nō ex-  
pectabat sed quisque suam cœnam præsume-  
bat. Qui singularia spiritus dona habebant cō-  
temnebant non habentes. Linguis insolescē-  
tes charitatem negligebāt. Mulieres contra se-  
xus rationem & ministerij decorum in eccle-  
sia docebant. Ordinem prophetandi in eccle-  
sia confundebant. Resurrectionem quidam  
ex eis negabant. Ignorantiam Dei plerique  
habebant.

Ecce ista est ecclesia illa non simpliciter apo-  
stolica, sed ita præ alijs apostolica, ut Paulo e-  
tiam sigillum sit Apostolatus. Cui igitur cul-  
pam dabimus tot uiciorum? Certe Apostolo  
nihil horum potest adscribi, cum singulari stu-  
dio illa carpat & emendata cupiat. Discamus  
igitur non mox eleuare ministerium seruo-  
rum Christi, ubi corruptas uidemus ecclesias.  
Deinde non speremus hodie ecclesiarum per-  
fectam emendationem, cum iam insigniter  
apostolica, uiuente adhuc Apostolo tam fue-  
rit insigniter uiciosa.

ME A responsio apud eos.] Græcè est, *ἡ ἀπολογία τοῖς ἐμὲ ἀνακρίνουσιν αὐτῇ ἐστὶ*. Hæc Eras. red-  
didit ad hunc modum: Mea responsio apud  
eos qui me interrogant, hæc est. Mihi uero pla-  
ne uidetur istam uersionem uim uerborum  
Apostoli non assequi.

Primum enim ἀπολογία non est simplex re-  
sponsio, qua simplici interrogationi respon-  
deatur, sed qua quis causam suam redditis ra-  
tionibus aduersus accusationem maleuolo-  
rum tuetur ac defendit, unde magis erat uer-  
tendum, mea defensio, ut & uetus habet, quā  
mea responsio.

Deinde, quod reddidit, qui me interrogāt,  
non est positum per uerbum *ἰσχυροτέρως* quod sim-  
pliciter interrogare significat, sed per uerbum  
*ἀνακρίνειν*, quod significat aliquid dijudicare,  
examinare, & in quæstionem uocare. Sic Acto-  
rum uigesimo quinto: Festus præses ad Agrip-  
pam de Paulo dicebat: Quapropter adduxi  
eum ad uos, & maxime ad te rex Agrippa, *ὅπως  
ἢ ἀνακρίσιν γενομένης σχῶ τι γράψαι*, id est, ut exami-  
natione facta, habeam quod scribam.

Tertio, illud, apud eos, Græcè est in datiuo  
*τοῖς*, ne quis putet Apostolum coram interro-  
gatū ista respondisse. Potest enim ita legi. Mea  
defensio aduersus eos qui me in quæstionem  
uocant hæc est. Palam nanque est Apostolum  
hic de illis loqui, quos habebat aduersarios,  
de quibus credibile est, quod non in faciem  
sed seorsum authoritati ipsius detraxerint, ad-  
uersum quos se his uerbis defenderit.

HÆC est.] Ambiguum est, an intelligat  
præcedentia uel sequentia, uel utraque. Chry-  
sostomus tam ad præcedentia quā ad se-  
quentia applicat. Ambrosius ad sequētia, The-  
ophylactus ad præcedentia. Mihi uidetur ad  
præcedentia respici, ut intelligamus de Apo-  
stolatus



stolatus defensione, cuius sigillum dixit esse Corinthios. Quasi dicat. Ijs qui Apostolatium meum in iudicium uocant & in quaestionem rapiunt quasi non sim Apostolus, uos defensionis loco obijcio, qui estis opus meum in domino & sigillum Apostolatus mei.

Et haecenus, quod primo loco astruendum erat, uidelicet quod & ipse sit Christi Apostolus, contra pseudapostolos & pseudadelphos per asseuerationem, & conuersionem Corinthiorum absoluit.

**An non habemus potestatem edendi ac bibendi?**

Iam consequenter aggreditur iuris Apostolici amplificationem, ut doceat, quam iuste poterit sumptus sibi praedicationis Euangelice à Corinthijs sumere, quod tamen non fecerit, ut Corinthios suo exemplo admoneat, quam non debeant contra infirmorum fratrum salutem libertate sua uti, sed magis spectare, quid faciat ad aedificationem quam quid ipsis liceat.

**AN non habemus potestatem edendi, &c.]**

Non loquitur de simplici esu ac potu à quo certe nec apud Corinthios abstinerat, sed de tali, quo apud illos usus non fuerat. Intelligendum igitur est de sumptibus propter Euangelij praedicationem debit. Tantum enim dicit: Cum igitur Apostoli Christi sumus, quis prohibet quo minus sumptus à uobis quorū sumus Apostoli, sumamus? Non potestis autem negare, nos uestros esse Apostolos. Habemus igitur potestatem alimoniam à uobis exigendi ac sumendi, tanquam Christi Apostoli.

**An non habemus potestatem sororem mulierem circumducendi?**

**I**ntellige, quae alatur sumptibus fidelium. Prorsus enim ineptiunt, qui commentum hic adferunt de mulieribus opulentis, quae apostolos sequutae praedicationis sumptus administrarint. De Christo quidem tale quid legimus, de apostolis uero non ita. Comminiscuntur istam euasione, qui uirginitatem & continentiam ita defendunt, ut aegre audiant apostolos fuisse uxoratos. Verum satis clarum est quod hic *ἀδελφὴν γυναῖκα* uocet sororem uxorem. sororem uocans, fidelem in Christo. Quod autem *γυνή* & uxorem significet, capite septimo satis patuit. Alioqui, si de muliere tantum fidei, quae uxor non esset, loqueretur, quid opus erat adiungere post sororem, mulierem? Quae enim soror esse potest, quae non sit mulier? Soror uero esse potest, quae tamen non sit uxor. Cum ergo postquam sororem dixit, & *γυναῖκα* adiecit, puto plane stupidum esse si quis nolit animaduertere ob id adiectam esse *τὴν γυναῖκα*, ut declararet se non de quauis muliere fidei sed de uxore fidei loqui. Quod si quis de muliere infidei dicat: Bona spes est, mulierem hanc Christo accessuram. Venit enim cum fratre uiro in ecclesiam, quaeso quis intelligit de alio uiro, quam eo qui sit illius maritus? Nihil e-

**A** nim alioqui opus erat dictionem uiri adiungere, si de quouis fidei, qui non sit maritus, mentio fieret.

**2** Deinde, ipsum Apostoli argumentum ferre non potest, ut de talibus opulentis matronis, quae Apostolis uictum administrarint, ista uerba intelligamus. Loquitur enim de sumptibus, quos Apostoli Christi iure poterant ab illis exigere, quibus Euangelium praedicabant, & non sibi tantum sed & suorum necessitati impendere, quos secum ducebant. Hoc ostendit reliquos apostolos fecisse, se uero apud Corinthios non fecisse. Iam si intelligas de talibus matronis, unde Apostoli sumptus Euangelij praedicandi acceperint, quaero, an qui istas mulieres circumduxerunt, de fidelibus sumptus acceperint uel non acceperint. Si acceperunt, ad quid ergo mulieres istas circumduxerunt? Si non acceperunt, ergo idem fecerint quod de se hoc capite scribit Apostolus. Iam omnino inter se & reliquos apostolos ita discriminat, ut dicat se iure suo non esse usum, quo utebantur tum reliqui apostoli. Ergo necesse est reliquos apostolos uictum & necessariam sustentationem ab ecclesijs sibi ac suis sumpsisse. Si hoc fecerunt, ut plane hic scribitur, quid aliud restat, quam non tales mulieres, quae sumptus praedicandi Euangelij in se transtulerint, sed uxores quae ab ecclesijs sustentatae sunt, circumductas esse ab apostolis?

**B** Et si dicas, in hoc diuersum egisse Paulum à reliquis apostolis, quod sumptus labore manuum quae fuerint, non ab opulentis matronis acceperit, sicut alij fecisse creduntur, adhuc tamen iniuriam facis argumento Apostoli. Nam non in eo est, ut doceat se non usum esse muliercularum opulentarum subsidio, cum reliquis apostolis, sed iuri suo apud Corinthios cessasse, nec quicquam ab illis alimoniae sumpsisse. Atque in eo se non fecisse quod caeteri apostoli fecerint. Alioqui quid quaeso refert, utrum à mulieribus fidelibus uictum sumpsisset, uel reliquas ecclesias grauarit, ut licuerit sine sumptu Corinthijs tradere Christi Euangelium, id quod de se in posteriore his uerbis capite undecimo scribit. Quoniam gratis Euangelium Dei Euangelizaui uobis. Alias ecclesias expoliaui, accipiens stipendium ad ministerium uestrum. Si de eo hoc loco intelligamus, quod non circumduxerit diuites mulieres, à quibus uictum sumpsisset, quum id eque ac reliqui apostoli, in potestate habuerit, quis non uidet omne argumentum Apostoli, & discrimen illud inter ipsum & reliquos apostolos prorsus irritum reddi, siquidem in eodem reperientur & ij apostoli quos commemorat ipsi pares esse, ut qui nec ipsi sumptus ab ecclesijs quibus praedicabant, sed aliunde sumpsissent sicuti & Paulus, ipsi à mulieribus opulentis, Paulus ab alijs ecclesijs, ut Corinthijs praedicaret. Ista expendenti arbitror clarum erit Paulum de coniugibus non de opulentis matronis loqui.

2. Cor. 11.



3 Tertio accedit & hoc, quod cum certū sit apostolos habuisse uxores, inexcusabilis mali species fuisset, si relictis proprijs cōiugib<sup>9</sup> mulierculas alias circumduxissent. Et maxime, cū loquatur hic in singulari de una tantum muliere. Quomodo suspicionem adulterij non mouisset Apostolus coniugatus, si relictā domi legitima coniuge, mulierculam quandam aliam circumduxisset? Notanter itaque, cum de uxore, non alijs mulieribus loqueretur, non pluraliter sed in singulari de una, dixit: An non habemus (loquitur autem de sua tantum persona, ut cōepit) potestatem sororem uxorem circumducendi?

Hieron.

Argutatur Hiero. in uerbo circumducēdi. Non dicit, inquit, mulieres ducendi, ne de uxore dicere putetur, sed circumducendi per prouincias, quę necessaria de suis facultatibus subministrarent. Verum est, non dicit, ducendi. Non enim loquitur de potestate nubendi hoc loco, de qua egit cap. 7. sed de potestate sumendi necessaria ab ecclesijs, ad sustentationem non Apostoli tantum sed & coniugis, si qua in illius sit tanquam legitimi mariti comitatu. Et hac potestate dicit se non usum, atque adeo nec sibi ipsi sumptus à Corinthijs accepisse, multo minus uxorem fidelem secum habuisse, quæ illorum facultatibus aleretur. Apparet enim ista de uxorum comitatu pertinere ad auxilium iuris apostolici, ut intelligamus non solum personæ Apostoli, sed & coniugi ipsius deberi ab ecclesia uictum, & si qui alij ad ipsum pertineant. Eo uero se iure tam non esse usum, ut nec suæ personæ necessaria ab ipsis acceperit.

4 Addam & hoc. Non dicit simpliciter se nō circumducere sororem mulierem, sed rogat, an non habeat potestatem circumducendi sororem mulierem. Loquitur autem absq; ulla contradictione de potestate quæ pertineat ad ius Apostoli, cuius usum nemo licite prohibere possit, modo ipse Apostolus hacuti uelit. Indicat potestatem hanc circumducendi sororem mulierem, esse sitam in uoluntate Apostoli. Iam rogo, an ad ius Apostoli pertineat, opulentas mulieres circumducere? An, si uelit Apostolus quasuis diuites mulieres circumducere, illę teneantur relictis sedibus & rebus domesticis circumerrantem, ac terras omnes peragrantem sequi, & in hoc alere, ut ubiuis Euangeliū Christi prædicet? An fidelibus matronis non sit liberum hoc facere uel detrectare? Certe arbitror neminem hoc asserturum, quod in uoluntate & potestate Apostoli sit, tales mulieres proprijs sedibus auocare, & pro suo iure ubilibet circūducere. Neq; hoc quisquam dicet, quod Christiana mulier, etiam si id Christi minister exigat, teneatur obedire. Quod si id iuris habet in mulieres Christi Apostolus, absque ulla contradictione habet & in uiros opulentos. Cur ergo non uiros diuites secum sumeret, in id officij, cum non minus reperiantur diuites uiri quā diuites mu-

lieres, nec amplius à mulieribus quā à uiris subsidium ad Apostolum redire queat? Et hac itaq; ratione omnium manifestissima, liquet nullius ualoris esse commentum de opulētis mulieribus, quo uerba Apostoli quidā obscurare uoluerunt.

#### APOSTOLOS FUISSE

uxoratos.

Quod autem apostoli coniuges habuerint satis testimonij habemus ex illorum scriptis qui non solum cōtemporanei ipsorum sed & discipuli fuerūt. Ignatius in epistola ad Philadelphienſes ad hunc modum scripsit. Non detraho autem cæteris beatis, qui nuptijs copulati fuerunt, quorū nunc memini. Opto enim Deo dignus ad uestigia eorū in regno ipsius inueniri, sicut Abraham, Isaac & Iacob, sicut Ioseph, & Esaias, & ceteri prophete, sicut Petrus & Paulus, & reliqui Apostoli, qui nuptijs fuerunt sociati, qui non libidinis causa, sed posteritatis subrogandæ gratia coniuges habuerunt. Hæc Ignatius.

Ignatius.

QVOD APOSTOLVS HIC NON  
de opulentis mulieribus, sed de coniuge loquitur, testimonium Clementis.

Eusebius in Ecclesiastica hist. lib. 3. ca. 30. sic scribit. Clemens, inquit, sane hic cuius uoces annotauimus, scribens aduersum eos, qui nuptias spernunt, inter cætera etiam hæc dicit: An & apostolos improbant? Petrus enim ac Philippus & uxores habuerūt, & filias etiam uiris nuptum dederunt. Sed & Paulum Apostolum non tēder in quadam epistola sua mentionem uel salutationem facere comparis suę, quam se ideo negat circumducere, ut ad prædicationē Euangelij expeditior fiat. Hæc ille.

Quid igitur? An non æquius est in rebus gestis magis apostolorū discipulis & eis qui hos è uicino sequuti sunt quā ijs habere fidem, qui longe post tempora apostolorū uixerūt? Ignatius secundus post Petrum Antiochenæ ecclesiæ præfuisse scribitur. Clemens ante Origenem floruit. Prior apostolis Petro & Paulo cum reliquis non solum tribuit coniuges, sed & propositum ex coniugibus subrogandi posteritatem. Alter & apostolis coniugium attribuit, & ipsa quoq; Apostoli uerba non solū ista de quibus loquimur sed & ea quæ in epistola ad Philippenſes sunt, de legitima coniuge exponit. Quæso si opulentas matronas & non legitimas coniuges circumdlexerunt apostoli, quomodo id ignorarunt apostolorū discipuli, & cognouerunt tam sero illos subsequuti Hiero: Chrysost. & alij posterij? Si coniuges non habuerunt apostoli nec illas circumdlexerunt, quare de illorum uxoribus ista scripserunt ipsorum discipuli? Clemens, citante Eusebio, loco & cap. prædicto, scribit apostolum Petrum cum uideret uxore suam ad mortem duci potest tergum illi inclamasse ac dixisse: O chara coniunx, memento domini. Obsecro,

Assentitur  
Leo papa  
cōtra epist.  
Nicetæ ab-  
batis. Vide  
dist. 31. ca.  
Omnino.

Euseb. in Ec-  
cles. hist. li.  
3. ca. 36.



secro, ubi putabimus hoc factum & quando? **A** An non apparet tum esse factum, quando & ipsi Petro subeundum erat martyrium? uel putabimus nihil periculi fuisse Petro, cum uxorem ad martyrium constanter subeundum aperta inclamatione admoneret? Quis non uel hoc inde colligendum esse uidet, hunc Apostolum uxorem suam ad mortem usq; secum circumduxisse?

Constat itaq; cum ex ipsis apostoli uerbis, tum ex testimonio Ignatii & Clementis, quibus hac in re haud temere credimus, primum apostolos, fratres domini, Petrum & Paulum, fuisse uxoratos, deinde uxores quoq; de Paulo, secum circumduxisse, tertio, id potestatis esse Christi ministro, ut non sibi tantum, sed & uxori ac suis sumptus necessarios ab ecclesijs quibus Euangelium administrat, exigat &umat, inq; ipsius uoluntate situm, an isto iure uti uelit uel nolit.

**Q**UEMADMODVM & ceteri apostoli, & fratres domini, & Cephas? Subintelligendū est, faciunt, uel circumducunt, aut potestatem habent. Argum. est ab exemplo reliquorum apostolorum. Cum idem sit ius apostolorum, inquit, & ego non minus sim Apostolus q̄ reliqui apostoli fratres dñi, & Cephas, quare nō liceret mihi facere quod ipsi faciunt? Ideo nō dicit: Quemadmodum apostoli, sed & ceteri apostoli, ut se reliquis apostolis connumeret.

**E**T fratres domini.] Theophylactus numerat Iacobum Hierosolymorum episcopū, **B** Iohannem, Simonē & Iudam, uerū Matth. 13. & Marci 6. ponuntur ipsorum nomina, Iacobus, Ioseph, Simon & Iudas. Quomodo fuerint fratres domini non est eadem doctorum sententia. Theophy. in prologo ante Euangelium Iohannis scribit Iosepho, Mariæ sponso, antea fuisse uxorem ex qua suscepit filios quatuor & filias tres. Hieronymus refutat hoc, tanq̄ apocryphum, & dicit, fratres istos domini fuisse consobrinos Christi, ex sororibus Mariæ matris. Sed quomodo horum mentionem facit Paulus? Chrysost. arbitratur medios inter apostolos insertos licet apostoli non fuerint. Certe de Iosepho nō legimus, quod apostolis fuerit annumeratus. Apparet tamē ideo istos positos ab Apostolo, quod magnæ æstimationis fuerint, atq; ita Petrum ultimo loco tanquam potiorē reliquis recensitum. Assurgit enim non solū minoris opinionis apostolis sese, sed & potioribus, fratribus domini, ipsi quoq; Petro, in iure Apostolatus adæquans. Sentiebat siquidem horum se autoritate per pseudapostolos improbe premi.

Aut solus ego & Barnabas non habemus potestatem hoc faciendū?

In Græco est *ἐμὴ δύναμις*, non operandi, ut intelligas non de uxoribus circumducendis, sed de eo quod liceat Christi ministro absque manuū labore in ocio agere, & de labore Euangelij uiuere. Ita & Theophy. exponit. Rogat i-

gitur, an solis sibi & Barnabæ non liceat quod omnibus reliquis Christi apostolis liceat, uidelicet, ut & ipsi absque opere manuario de Euangelio uiuant. Indicat hic & Barnabā eadem molestia propter pseudapostolos coactū suo ipsius sumptu prædicare Euangelium, absq; dubio, quod eodē spiritu ac tenore cum Paulo ingrederetur, parum legali propitius obseruantie, licet enim non legamus Barnabam cū Paulo uenisse Corinthum, fieri tamen potest, ut uel antea cum Pauli comes esset, anteq̄ diuiderentur pari ratione unā cum Apostolo labore manuū uictum quæsierit, uel etiam tum, cum ista scriberentur, eadem alibi forte uixerit & prædicarit.

Obseruandum autem est, candidum Apostoli pectus, quā tueatur potestatem ac laudem Barnabæ, licet, ut in Actis uidere est cap. 15. à se inuicem per contentionem propter Iohannem cognomine Marcum, discesserint nec postea in unum rediisse legantur.

Sed quæri potest, quare non & reliqui apostoli ad istum modū neglecto suo iure gratis prædicarint Euangelium. Si enim hoc recte fecerunt Paulus & Barnabas, cur non & reliqui apostoli hac uia ingressi sunt? Primum, Non culpatur in apostolis, quod iure suo sint usi. Absit. Imò magis hanc Apostolatus potestatem tueretur ac defendit. Deinde, quod ipse apud Corinthios iure suo non est usus, certa ratione factum est. Hiero. dicit, quod reliqui apostoli fidelioribus prædicauerint, & potissimum Iudæis, quibus non fuerit insolens religionis alere ministros. Hoc uero apud Gentes adhuc rudes sine offendiculo fieri non potuisse, atq; ob eam rationē Paulum gratis illis prædicasse Euangelium. Verum hæc ratio mihi non admodum firma uidetur. Primum enim quis dubitat & Gentibus id moris fuisse ut sacrorū ministros aluerint. Deinde Apostolus nō ubiq; apud Gentes sicut apud Corinthios gratis Euangelium prædicauit. Imò neq; hic prorsus suo ipsius sumptu sustentatus est, sed ab alijs ecclesijs accepit, unde sustentaretur apud Corinthios. Tertio ipse in posteriore cap. 11. rationē instituti sui assignat, causam illius nō in ruditatem Gentium sed in pseudapostolorum maliciam reijciens, qui tanq̄ subdoli operarij de eo quod ipsi faciebant, ac dissimulabant quæstum sectantes, Apostolo calumniā struere cupiebant. Ne itaq; occasionem haberent prædicationem ipsius suspectam de quæstu reddendi, noluit quicq̄ à Corinthijs sumere, unde uiueret, sed cum labore manuū tum aliarū ecclesiarū Macedonię sumptib⁹ uiuere.

Quis militat suis stipendijs unquam? Quis plantat uineam, & de fructu eius non edit? Aut quis pascit gregem, & de lacte gregis non edit?

Postquā rogauit, an solus ipse & Barnabas non habeant potestatem non operandi, id est, nō manuū labore sed accepto à fidelibus sum-

2. Cor. 11.



ptu uiuendi, cum illis Christi administrēt Euāgelium, consequenter probat Euangelij ministro potestatem esse, ut de Euangelio uiuat. Probat autem id, primum ex eo, quod iuxta naturalem æquitatem, & communem omnium mortaliū sensum & usum, cibo dignus est, qui operam suam cuiq; collocat. Hoc uero tribus exemplis ob oculos ponit, primo, de milite, altero, de plantatore uineæ, tertio de pastore. Videtur autem primum hoc argumentum emphasim quandam habere à minori ad maius, atq; ita auxilium eius, quod probare instituit. Tantumdem enim est quod dicit: Vel humanā æquitatem & publicum sæculi usum, in rebus multo leuioribus inspicite, atq; inde colligite, quā æquū sit, ut Euangelij minister de Euangelio uiuat. Qui militat non proprio sed alieno stipendio militat, si militet non patriæ sed externo principi. Qui uineā plantat, de uineæ fructu edit, & qui gregem pascit de lacte gregis uiuit. Quanto magis æquum est, ut qui domino militat, qui uineam domini plantat, qui gregem domini pascit, non suis, sed aliorum hoc sumptibus faciat? Si tantum est militare, uineam plātare, gregem pascere, quanti quæso esse debet, Euangelium salutis administrare?

2 Quod percontatorie instando ista exempla adducit, inde est, quod nō solum æquum, sed & ubiq; terrarum ita in usu est, ut qui militat non suis stipendijs militet, qui plātāt de fructu plantationis, & qui gregem pascit, de lacte gregis uiuat, ut impudens fuerit, si quis militi stipendium plantatori & pastori sustentationē necessariam denegeret. Et huc facit particula percontatoria quis toties repetita, cui necesse est, ut respondeatur, nemo. Item quod addit, unq; quo extorquet, ius hoc, operario debitum, non solum ubiq; solenne esse & in usu, sed & perpetuum & constans.

Resolue nunc instantiam istam percontatoriam in simplicem asseuerationē. Si nemo unq; proprijs stipendijs militat, si nemo uineā unq; plantat qui de fructu uitis non edat, si nemo unquam gregem pascit, qui de lacte gregis nō uiuat, ergo, uniuersale est & perpetuum hoc ius, communi omnium mortaliū sensu & usu approbatum, ut qui operā suam alicui collocat, non suis id sumptibus faciat, sed eius cui famulatur ac seruit.

3 Pulchre autem ista exempla ad propositū quadrāt, si requiras cuius sit dare sumptus belli militibus, plantandi plantatoribus, pascēdi, pastoribus, Euangelizandi Euāgelij ministris, posteaq; constat æquissimum esse, ut non suis sumptibus ista faciant.

Quis debet stipendiū militibus? Princeps, cui militatur, Quis alimoniam uineatori? Dominus uineæ. Quis pastori? Dominus omnium. Sed unde sumuntur stipendia militibus? Dantur quidem nomine & iussu principis, sed sumuntur à subditis, quorum bono, ut liceat secure agere, bella geruntur. Vnde sumitur alimonia uineatori debita? Vnde pastori? Datur

A illa quidem nomine eius, cuius est uineā, & eius, cuius est grex, sumitur uero ab ipsa uineā & è lacte gregis. Ita & in hac causa. Constituit quidem dominus, ut qui Euangelio seruiunt, de Euangelio quoq; sicut infra dicit, uiuant. Ergo sumptus ad prædicandum Euangelium Euangelizatibus nomine & iussu domini porrigendum est. Sed à quibus? Ab illis uidelicet, quorum bono cœlesti regi militatur, quorum bono uineā domini plantatur, quorum bono grex domini pascitur. Victum plantatori de uineā quæ plātatur, pastori, grex qui pascitur, militi, populus cui militatur, Euangelistæ, fideles, quibus Euangelium prædicatur.

4 Notandum & hoc est, quā frugalem uictum ministro Christi deberi prober non solum exemplis istis militum, uineatorum, & pastorum, & infra aratoris, trituratoris, ac bouis, sed & dictionibus *ὁψωνίς* & edendi. Studiose cauetur, ne militi, uineatori, & pastori, talis sumptus detur, unde materia luxus ac deliciarum peti possit, sed alitur hoc hominū genus sufficienti quidem sed iuxta frugali alimonia. Negociatorum exemplo non est usus. Nam horum finis esse solet opulentia. Ita dictio *ὀψωνίς* Græcis tale significat stipendium, quod uentris necessitati seruiat. Est enim esculentū stipendium. Per se *ὁψων* significat omne esculentum, quod extra panem igne coquitur, unde pro delictiore cibo sumi cœpit. Quidam inde dictum uolūt, quod ueteres uesperis tandē *ὀψωνίς* uti consueuerint, *ὁψωνίον* uero talis cibus tum uocatur quando precio comparatus est. Habet enim compositionem duarum dictionum *ὁψων* & *ὀνιον* ut intelligas cibū emptū. Ergo stipendium quod militibus datur ob id *ὁψωνίον* uocatur, quod in hoc datur, ut inde uiuant, ne cuiq; cogantur esse oneri. Et hoc est, quod Iohannes dicebat militibus, cōtenti estote stipendijs uestris. Et uerbum edendi, quo bis hic utitur, non est simpliciter accipiendum de esu, quasi uineator nihil debeat aliud edere q̄ uuas, quæ magis potus q̄ cibi gratia nascuntur, & pastor nulla re alia uesci q̄ lacte, qd̄ certe genus uiuendi esset miserrimum, sed de uniuerso uictu qui debeat uineatori & pastori ex fructibus ac prouentibus laborum ipsorum. Vnde idem hoc uerbum isto loco est, atq; si dixisset, & de fructu eius nō uiuit? Item & de lacte gregis nō uiuit? Iam iste uictus, qui ex fructibus uineæ, & lacte gregis prouenit & suppeditatur, certe nihil habet luxus sed frugalis est. Ita & Euangelij ministro uictus debetur quidem, uerum ipse uideat ut non nisi necessarium ac frugalem petat.

5 Postremo & hoc notandum est, quod ius alimonie non ociosis adscribit sed ijs, qui operam debitam impendunt. Quis militat inquit, Quis plantat uineam, Quis pascit gregē? Non dicit: Quis uocatur miles? Quis uocatur uineator? aut pastor sed quis militat? quis plātāt? quis pascit?

Peccatur itaque hac in re in ecclesia Christi tripli-



tripliciter. 1. Primum ab illis, qui officium suum exequentur quidem, sed sumptibus necessarijs non contenti, diuitias & luxum querunt. 2. Deinde ab illis qui ociosi cum sint, nihilominus sumptu laborantibus debito gaudent. 3. Tertio, ab illis, qui non solū ociosi sunt, & sumptus laborantibus debitos auferunt, sed ingentes quoq; diuitias colligunt, & sumptuosissime uiuūt. 4. Quartum genus est omnium pessimum: eorum uidelicet, qui tam abest ut militent, ut etiam uastent populum domini, tam abest ut plantēt uineam domini, ut magis dissipent, & tam non pascunt gregem domini, ut uerius mactent.

Num secundum hominem hæc dico? An non & lex eadem dicit? Etenim in Mosis lege scriptum est: Non obligabis os boui trituranti. Num boues curæ sunt Deo? An hoc propter nos omnino dicit? Propter nos enim hoc scriptum est, quod sub spe debeat is qui arat arare: & qui triturat sub spe, spei suæ particeps esse debeat.

Hoc alterum argumentum est ab auctoritate diuinæ legis sumptum. Quāq; enim omnium equissimū est quod agit, quia tamen nouit q̄ ad repugnandū uersipelle sit contentiosum hominū ingenium, undecunque uenās quod regerat, ne uictū ueritati locū dare cogatur, per occupationē occurrit obiectioni, qua quis in specie poterat obijcere. Atqui humanis tantū exēplis causam tuā probas. An mox in religione locū habet, quod habet in rebus humanis? Addit itaq; auctoritatem diuinā, ac docet, ista exēpla licet humana, diuinæ quoq; legi conformia esse, dicens: Num secundū hominem hæc dico? Hoc est, num humano sensu ducor ubi ista dico? Num humana tantum auctoritate & cōsuetudine motus istis utor exēplis? An non & lex eadem dicit? Non ergo negat se humana dicere, cum omnino ista exempla sint humana, sed humano tamen sensu moueri se ac duci negat. Hoc est, causam hāc adeo esse infirmā, ut humana tantū auctoritate præter diuinam, nitat, hoc est, quod negat. Proinde subintelligendū est *μόνον*, id est, tantū, ut legamus: Num secundum hominem tantū hæc dico? Et hoc patet in sequēti particula, qua dicit: An non & lex eadem dicit? Cum enim non dicit: An non lex ista dicit? sed, An non & lex eadem dicit? satis clarum est, non negari humanum sensum, qui dictat, dignum esse operarium cibo suo, sed adiungi testimonium diuinæ legis, quo idem dicatur quod ista dictant exempla.

## OBSER.

Est itaq; documento nobis præsens locus, q̄ non debeant humanarum rerum exempla repudiari in causa religionis, sed quicquid in rebus humanis iustum est & æquum, commo-

dum in tēpore & loco usurpari, modo propter contentiosos & maleuolos, sacra scripturæ auctoritatē adijciamus, qua quod alioqui tanquam humanū & sæculare uideri potest infirmū, testimonio uerbi Dei corroboret. Omne uerum uero quidem, ut ille ait, consonat. Verum Christi minister paratus esse debet, sacra scripturæ locis ostendere, ueri ex rebus humanis desumpti ad cœlestem ueritatē consonantiam. Nec putandū est, quod iste usus humanorum exemplorū uilis sit ac superuacuuus. Præterq; enim quod usurpatū uidemus ab Apostolo & Christo ipso, & prophetis, multū tamen roboris & magnam lucem cœlesti ueritati adfert, ubi ostenditur hoc quod uerbo Dei traditur, etiam in consuetudine & natura rerum humanarum locum & usum habere. Proinde nō parum exigitur à ministro uerbi diligentie, ad hoc ut in rebus humanis non sit plane stupidus, sed audiat, uideat, animaduertat & obseruet quicquid iustum, æquum, rectum, uerum & utile quouis modo in sæculo geritur, ut possit inde argumenta cœlestis ueritatis, iustitiæ, æquitatis, & utilitatis docendæ desumere. Ita quippe plerūq; peruersum est mortaliū ingenium, ut quod in sæculo bonum agnoscit, & sæpenumero ubi cōmodum est usurpat, in causa Dei nolit agnoscere, nisi certis & irrefragabilibus argumentis conuictum.

ET ENIM in Mosis lege scriptum est: Non obligabis os boui trituranti.] Locus hic habetur Deut. 25. Consuetudo eius regionis est, ut fruges in area bouum pedibus è paleis eruātur, ad quam rem apud nos agricolæ tribulis utuntur. De isto triturandi more uide Eras. in Chil. pro. Bos lassus fortius figit pedem. Iniquum igitur fuerit boui trituranti os infrenare, ut interea dum fruges circueundo triturat, nihil ex illis decerpere possit, id quod ab illis fieri solet, qui conductitijs bobus utuntur.

NUM boues curæ sunt Deo? Ne quis dicat, lex nō de hominibus, sed de bobus loquitur, negat boues Deo curæ esse, atq; ideo quod scriptum est, non bouum, sed hominum gratia scriptum esse dicit.

Huc tendunt quæ subijcit: Propter nos enim hoc scriptum est, quod sub spe debeat arare qui arat, & qui triturat, spei suæ particeps esse. Quæ uerba bifariam exponuntur.

1. Primum, ut illud propter nos, referatur ad ministros Euangelij, quasi legis edictum parabolice referendū sit ad ministros Dei, qui per boues triturantes in area domini intelligant. Ita intelligit & Augustinus de doctrina Christiana, lib. 2. cap. 10. Et eadem sententia dictū sit, quod connectitur, quod sub spe arare qui arat, & triturare qui triturat, debeat, non de agricolis ac trituratoribus terrenis, sed spiritua libus, Christi uidelicet ministris.

2. Alio modo, ut non ad ministros, sed ad quosuis operarios arantes ac triturantes referatur, quod lex innuat tam iniquum esse laboranti negare sumptus necessarios, ut nec ani-



1. Tim. 5.

manti irrationali id fieri debeat, nedum homini. Et hoc sensu, quæ subiunguntur, simplicem habent huius legis expositionem, uidelicet, quod homo arator ac triturator particeps esse debeat speratæ frugis. Et ista expositio placet, propterea quod legem Mosi eadem dicere scribit, quæ præmissa habent exempla. Nec timendum est, ne non satis probet causam suam. Si enim & lex præcipit, aratori ac trituratori terrenarum frugum deberi uictum, quanto magis debetur ministris Euangelij? Et 1. Timo. 5. hanc legem eodem modo citare uidetur, adiuncta Christi sententia, uulgari utique & generali, uidelicet quod dignus sit operarius cibo suo.

Verba hæc, quod debeat qui arat, in spe arare, &c. in Græco non nihil perturbatius posita sunt. Leguntur enim ad hunc modum: *ὅτι ἐν ἰσπιδί ὁ ἀράς ὁ ἀροτριῶν ἀροτριῶν, καὶ ὁ ἀλός ὁ ἐν ἰσπιδί μετέχει, ἐν ἰσπιδί*, id est: Quoniam in spe debet qui arat arare, & qui triturat, spei suæ particeps esse, in spe. Illud postremum, in spe causam dedit quibusdam de duplici spe locum hunc exponendi. Vna præsentis ex labore solatii, ministro uerbi debiti à subditis, altera uitæ futuræ. Erasmus transpositione particularum lectioni consulendum putauit. Vnde de triturante ita legit, & qui triturat sub spe (*ἐν ἰσπιδί*) spei suæ particeps esse debeat. Vetus eam particulam *ἐν ἰσπιδί* non reddidit, nec legitur uel in Hiero. uel Ambrosio.

Sed quærit hoc loco, quomodo dicat, Deo non esse curam de bobus, cum scriptum sit in Psalmo, Homines & iumenta seruas domine? Et in historia Niniue: Etiam animalium misereatur Deus, & in Euangelio: Passer non cadet super terram sine scitu patris nostri? Quomodo igitur bouum curam non habet Deus? Communiter ita soluitur hæc quæstio, ut dicatur hætenus boues non curare Deus, ut legem non illorum gratia condiderit, sed in ea magis respiciat homines, quàm boues, qui hominum gratia conditi sunt, & finem legis huius esse, ut in animalibus discant homines, quid hominibus laborantibus debeant.

Si nos uobis spiritalia seminauimus, magnum est si nos uestra carnalia messuerimus?

Tertium hoc argumentum est, sumptum à dignitate eorum quæ afferuntur mortalibus per ministerium Euangelij, quibus sumptus isti terreni ad sustentandam Apostoli necessitatem collati, certe parui & imparis deprehenduntur esse momenti. Vtitur collatione, per quæ illam declarat, quàm non debeat uideri molestum & sumptuosum, quod ministro Christi impenditur. Bona quæ per Christi ministrum adferuntur, sunt spiritalia in hac uita, spiritus hominis uiuificantia, & ad ueram felicitatem alentia: in futura uero, & corpori quoque semper eternam felicitatem pollicentia. Sumptus uero qui uicissim illi debentur, sunt carnales, hoc

est, ad carnem hominis sustentandam pertinentes. Iam quantum carne hominis excellit spiritus, & quantum potior est cœlestis & uera uita, quàm terrena ista & caduca, tantum utique terrena & carnalia bona superantur à spiritalibus & æternis. Oportet itaque singulariter ingrati esse cœlesti dono, quisquis grauati terrena suppeditat ei, à quo ipse cœlestia accipit.

Notandum est autem, quod non pronuntiatue dicit, parum est, si carnalia uestra messuerimus, sed percontando, magnūne est, si carnalia uestra messuerimus? Quasi dicat. Magno putatis constare sustentationem ministri Christi, si is à uobis debeat quæ necessaria sunt accipere. Rogo, magnum uobis uidetur, si pro spiritalibus impederitis carnalia? Taxatur hic pessima mortaliū ingratitudo, qui quicquid in sæculi uanitatem insumant, parum, quantum uero parum Christi ministris impendant, multum & sumptuosum esse putant. Vnde quæso est ista ingratitudo? Ex eo uidelicet, quod non agnoscunt utilitatem ac precium ministerij Euangelici. Aloqui tam abest, ut multum putaretur, quod in sustentandos uerbi ministros insumendum est, ut etiam si omnia essent impendenda, haud grauati id fieret.

Deinde & hoc obseruandum est, quod non simpliciter dicit: Si nos uobis adferimus uel exhibemus spiritalia, sed: Si nos uobis spiritalia seminauimus. Hac metaphora ad id respicit quod paulò ante dixit, quod sub spe debeat is qui arat arare, ubi ministrum Euangelij aratori comparauit. Nec frustra hac rationis metaphora usus est. Spiritalia quippe bona illa, licet nobis per Euangelij prædicationem adferantur, ita tamen non adferuntur, ut ea in hac uita re ipsa possideamus, sed spe potius expectemus. Nam spe salui facti sumus. Suo tempore prodibit, quod seminatum est, & quod nunc occultum & ab oculis mortalium absconditum est, olim publicabitur, quodque nunc per patientiam expectamus, ubi melius tempus aduenerit, possidebimus. Recte itaque dixit: Si nos spiritalia uobis seminauimus. Alioqui ratio cogitat, ubi sunt spiritalia illa & cœlestia bona, quæ per fidem in Christum acquiri dicuntur, quum nemo sit Christianis in hac uita miserior & calamitosior?

Si cæteri potestatis uestre participes sunt, cur non potius nos?

Quarto, adhuc per collationem arguit ab eo quod Corinthij cum alijs hac in re alioqui faciebant. Conferebant enim pseudapostolis necessarios sumptus, & ferebant eos, qui accipiebant ac deuorabant, hoc nomine quod uiderentur Christi apostoli. De illis loquitur, non de apostolis ueris quorum supra meminimus, ut & Chrysostomus annotat, cum dicit: Si alij potestatis uestre participes sunt, cur non potius nos? Quasi dicat. Et uos ipsi testamini Christi ministro deberi prædicationis Euangelicæ sumptus. Sunt enim particeps apud uos



uos huius potestatis quos iam suspicatis tanquā praeceptos Christi ministros. Iam si isti participes sunt apud uos huius potestatis, cur nō potius nos? Non addit, quare potius ad se pertineat ista potestas, quā ad eos, qui illa utebantur. Primum enim relinquit hoc ipsorum conscientiae. Deinde suprà satis urgit, se potissimū ipsorum esse Apostolum.

*Nos Germani dicimus, Ich hab sein gute macht. Ac si Latine dicas, Habeo tuam potestatem, non tuam.* Illud, *ἡ δὲ ἐξουσία ὑμῶν μετέχουσιν.* Id est, potestatis uestrae participes sunt, non est actiue, sed passiue intelligendum, de potestate non quā Corinthij habeant, sed quam habeāt inter Corinthios Christi ministri. Vnde & Erasmus reddidit, potestatis erga uos participes sunt. Chrysostomus exponit dominium & tyrannidem pseudapostolorum in Corinthios, motus eo, quod non dixit: Si alij potestatis huius participes sunt, sed: Si alij potestatis uestrae participes sunt, quod ipsi idem uidetur, atque: si alij uos in potestate sua habent, uos possident, uobis dominantur, &c. Verum meo iudicio non loquitur de alia potestate Apostolus etiam hoc loco, quā de qua coepit. Neque enim aliās adiunxisset, cur non potius nos? Quis nanque crederet Apostolum dicturum fuisse: Si alij tyrannidem in uos exercent, cur nō potius nos? Deinde & statim addit. Atqui nō sumus usi ista potestate. Quod certe non potest de tyrannide intelligi. Non enim dicit se non usum esse tyrannide erga Corinthios, sed iure suo, quo licite uti potuisset, siquidem uoluisset, non esse usum.

**Veruntamen non sumus usi potestate ista, sed omnia sufferimus, ne quod offendiculum demus Euangelio Christi.**

Posteaquam contendit se esse Christi Apostolum, & praecipue Corinthijs. Deinde apostolis esse potestatem, qua & uterentur reliqui apostoli, fratres domini, & Petrus sumendi sumptus praedicandi Euangelium, à fidelibus, idque sibi licere non minus quā ipsis, iam obiter interserit argumentis, quibus hanc potestatem confirmat, se non esse usum iure suo, ut exemplum suum, quod proponere satagebat Corinthijs paulatim ad propositum accommodet.

**VERUNTAMEN**, inquit.] Id est, neglectis argumentis istis omnibus, tamen licite potuissim sumptus à uobis sumere tanquā Christi Apostolus, non tamen isto iure usus sum.

Nec dicit, ueruntamen nihil à uobis accepimus, sed, non sumus usi hac potestate, ut maneat in proposito, uidelicet, quod non simpliciter non acceperit aliquid, sed quod potestate sua non sit usus. Et ideo non dicit: Non sumus aliqua potestate usi in uos, sed hac, id est licita & tot nominibus iusta, non sumus usi. Alioq̃ ea usus est in illos potestate, qua scort. Satanæ dedit, de qua 2. Cor. 10. & 13.

**SE D** omnia sufferimus.] Non dicit abstinuimus ab illa, sed, Omnia sufferimus. Quo

**A** indicat se non sine magno incōmodo famis, laboris, nuditatis, & aliarum molestiarū, quibus carere potuisset, si iure suo uti uoluisset hac potestate sua abstinuisse. Ne quis putet rem hanc Apostolo fuisse facilem & nullius molestiae.

Simul etiam quod nō dicit, ista sufferimus, sed, omnia sufferimus, auxilium habet & intentionem propositi Apostoli, quo statuerat ita cauere, ne quod Euangelio Christi daret offendiculum, ut non solum nullos sumeret à Corinthijs sumptus ad praedicandum Euangelium, sed simul omnia incommoda ferret animo patienti unius Euangelij gratia, ne qua in re offendiculum illi obijceretur.

Clanculum eos pudefacit, qui ne idolothyto quidem Euangelij gratia abstinebāt, quod tamen absque ulla potuissent facere molestia.

**NE** quod offendiculum demus Euangelio Christi.] Hæc est ratio, propter quam dicit se non usum esse potestate sua, & nihil non tulisse. Igitur profectus Euangelij, ipsa uita & omnibus commodis charior, & defectus omnibus molestijs, omnibus periculis, omnib⁹ incommodis, nuditate, frigore, fame, molestior fuit Apostolo.

Ad hunc scopum quemadmodum ipse collimauit, ita inducere conatur & Corinthios, ut ad eundem & ipsi omnia dirigant.

**B** Sed quomodo offendiculum dedisset Euangelio Christi si potestate sua fuisset usus, cum id Euangelio non repugnasset?

Ambrosius intelligit inde diminutam fuisse auctoritatem Apostoli, ita ut nequiuisset cōfidenter corripere delinquentes Corinthios, si quicquam ab illis accepisset. Pseudapostolos blanditos esse Corinthijs ad hoc, ut accipere mererentur, atque ideo illos non repræhendisse. Hoc ne & Apostolo accideret, consilium fuisse, nihil ab illis accipere, ut saluo autoritatis Apostolicæ uigore libere illos argueret.

Veruntamen si hic fuisset finis Apostolo in hac causa, hoc est, si istam auctoritatem Apostoli imminuisset usus licitæ potestatis, debuissent idem consilium amplecti & reliqui Apostoli.

Chrysostomus aliam adfert loci huius expositionem, uidelicet, ne ab Euangelio abstereret Corinthios, si quid ab illis acciperet. Verum, ut suprà annotaui, timendum erat Apostolo, ne partim suo exēplo abuteretur pseudapostoli, partim ne suspicionem illi mouerent de quæstu, quasi quæstus gratia prædicaret Euangelium, quod sane plurimam *ἰκονίαν*, id est interruptionem & impactionē Euangelij cursui dedisset.

Interea tamen non negauerim id quod Ambrosius annotat, in multis uerbi ministris habere locum, ut sint blandiores & in carpendis uicijs eorum, à quibus necessarios sumptus accipiunt, frigidiores, quia uident uitæ suæ sustentationem ab illis pendere. Reperias etiam talia collegia, quæ iureiurando ecclesiastas suos

ante,



antequam ei muneri admittantur, obnoxios A sibi certo praescripto reddant, ne quid contra se in suggestu dicant. Vnde hoc audent? Ex eo uidelicet, quod in sua potestate habent admit- tendi, deinde rursus abigendi quem uolunt: adhuc & sumptus concionatoribus constitu- endi, quantos uolunt. Hac licentia abutuntur ad hoc, ut linguam ecclesiastae captiuam red- dant, ne quid in ipsorum scelera possit, aut cer- te non diu possit.

Imbibendum & nobis omnibus est, quot- quot Euangelij ministri sumus, propositum il- lud Apostoli, quo paratus fuit ad omnia feren- da, ut ut molesta, ne quod daret offendiculum Euangelio Christi. Si enim dignus est, ut in profundum abijciatur, qui unum tantum ex minimis offendit, quid quaeso ille est, qui ipsi Euangelio, unde mortalium salus constat, of- fendiculum ponit? Caute itaque & circumspe- cte ambulandum est Christi ministris, ne per ipsos remoras accipiat cursus Euangelij. Of- fendiculo quidem non caret, si quando delin- quunt Euangelij auditores. Verum tantum ab illis offendiculi Euangelio non datur quantum datur, si ipsi Euangelij ministri delinquant. Ma- ximum autem offendiculum est, si depræhen- dantur quaestum sectari. Imò etiam si suspicio nem tantum illius moueant ecclesiae, quod non Christi gloriam, sed quaestum quaerant.

An nescitis, quod si qui in sacris ope- rantur, ex sacrificio edunt? Qui altario B assistent, unam cum altario partem acci- piunt? Sic & dominus ordinauit, ut qui Euangelium annunciant, ex Euangelio uiuant.

Redit ad propositum, quod probandum su- sceperat, uidelicet, quod ministro Christi de- beatur uictus. Vtitur autem argumeto ad cau- sam hanc uiciniori & accommodatiori, sum- pto à consuetudine populi legalis, apud quem ius erat diuinitus traditum, licere sacerdoti- bus, sacris operantibus, uictum sumere ex la- boribus suis. Et quoniam illa consuetudo ce- lebris erat & omnium notissima, quae scilicet i- gnorari non potuit, cum admiratione dicit: An nescitis quod ij, &c.

QVI in sacris operantur.] Ambrosius, In sacrario legem Gétilium, in altari uero Iudaeo- rum intelligit. Verum in ipsis Apostoli uerbis nihil est, unde possit ista sumi distinctio. Nam utrumque & sacrarium & altare, utrisque tam Gétibus quam Iudaeis in usu fuit. Non inquit quod Deus per Moysen Gentilium consue- tudinem imitatus sit, sed quod ipsa naturalis ratio ita habeat, ut quisque ex labore suo uiuat.

EX sacrificio edunt.] Vide quomodo ista duo coniungat ὅτι & ἰδίαι, inque ean- dem rem collocet utraque, uidelicet in opera- tionem sacrorum, ut intelligamus in rebus sa- cris haec duo ita esse coniuncta, ut iure alterum exigatur ab altero.

Notandum censet hoc loco Chrysostomus & imitator, imò abbreviator Chrysostomi Theophylactus, quod non dicit Apostolus: Qui in sacris operantur, ex bonis eorum qui offe- runt, edunt, sed ex sacrificio edunt. Sicut & mox, non dicit, qui altario assistent ex oblati- onibus eorum, qui uictimas adferunt, susten- tantur, sed, partem habent unam cum altari. Eò quod quae offerebantur, oblata iam non erant amplius offerentium bona, sed sacrarii & alta- ris, hoc est, Deo consecrata. Certe diuino con- silio, propter mortalium malignitatem ita or- dinatum fuerat, ut uictus sacerdotum esset ex oblationibus Deo factis, exegit sibi Deus cer- tas oblationes. Et merito. Potuisset omnia exigere. Ex illis uoluit alimoniam esse mini- stris suis, ne locus esset populo tergiuersandi, & uictum sacerdotibus denegandi. Atque hoc pacto admonebatur sacerdotes, ut cultui Dei fideliter inseruiret, scirentque se magis esse Dei quam populi ministros, ideoque uictum ue- rius à Deo quotidie sumere, quam à populo, populus uero omni tergiuersatione priuaba- tur, quae cum ministris tum cultui Dei necessa- ria erant offerendi.

Per uerbum ἰδίαι, non solum cibus uenit, sed & reliqua omnia uitae necessaria. Sicut in oratione Dominica, cum dicimus, Panem no- strum quotidianum da nobis hodie, non de pane tantum intelligimus, sed simul de omni- bus ad uitae huius sustentationem necessarijs. Fit autem cibi ob id mentio praeter ceteris, quod in illo potior sit constituta ad sustentandam uitam necessitas.

QVI altario assistent.] Mihi uidetur id quod de ijs qui sacris operantur, praemissum est, ge- neraliter positum, & istam particulam specifi- candi, & exempli gratia esse subiectam. Etenim sacris operari generale est, multa & uaria sa- crorum ministeria complectens, ut non mox sit altaris minister, quisquis sacris operatur.

Obserua, quod non dicit, sacerdotes, sed qui altario assident, ut excludantur illi qui titulo- tenus tantum sacerdotes sunt, ociosi uentres, nihil commercij cum altaris ministerio habentes. At hodie uix alij sunt, qui plura titulo al- taris tollant, & quae altari debentur, immode- stius à populo exigant.

VNA cum altario participant.] Bisariam ista particula exponitur. Quidam intelligunt ea quae ad altare offerebantur, inter sacerdotes & leuitas esse diuisa. Alij uero ita exponunt, ut pars hostiae cesserit altario, pars sacerdoti- bus. Et ista sententia posterior uidetur esse ue- risimilior. Nam & in lege determinatum est, quid Deo, & quid sacerdoti ex hostia debue- rit offerri, & ipsa Apostoli uerba hunc sensum afferunt. Non enim dicit, ἐν τῷ, uel ἐκ τῷ, sed sim- pliciter τῷ θυσιᾷ συνμυθίζοντες, id est, unam cum altari participant, ut intelligamus partem alta- ri, partem celsisse ministris.

SIC & dominus ordinauit.] Ne quis ad- huc dicat, ista legis sunt, ad nos nihil pertinet, subij-



subijcit etiam auctoritatem domini, qui pari ratione constituerit, ut de Euāgelio uiuat, qui Euangelium annunciat. Tale quid legimus Matt. 10. Dignus est operarius cibo suo. Et Lucæ decimo: Edentes & bibentes quæ apud eos sunt.

*ὁὐτως.*] Sic. Non quod legem sit imitatus dominus, ut propterea ministris Euāgelij debeatur uictus quod in lege altaris ministris id iuris fuerit, uel quod eo modo ex oblationibus & hostijs decimis & primitijs, ut in lege sanctum fuerat, uictus debeatur Euangelij ministro: Sed ideo quod id æquum est & iustum, ut ex labore & ministerio suo quisque uictum ac uitæ necessaria sumat, etiam suis ministris dominus hanc potestatem fecit. Quibus uero modis ministro Euangelij debeat subministrari uictus, non præscripsit quicquam, sed ecclesiæ suæ liberum reliquit, ut non sit necesse id fieri per modos legales. Haftenus igitur ex lege sumenda sunt in his rebus exempla, quatenus æquitatem præferunt, & Euangelico cursui sunt accommodata.

*Διτάξει.* id est, constituit, ordinauit, præcepit. Ista domini constitutio subditos & auditores constringit, non ipsos uerbi ministros. Verbi minister non peccat, si uictum sibi ex Euangelio quod annunciat, non sumat. Alioqui peccasset hoc loco Paulus, si isti constitutioni dominicæ fuisset obnoxius. Tam abest autem ut peccarit, ut etiam plurimum in eo gloriæ, quod hac constitutione domini non sit usus. Auditor uero Euangelij, nisi obediat isti ordinationi, peccat in Dominum, cuius constitutionem contemnit.

*VT* qui Euangelium annunciant.] Duobus uerbis & materiam & modum ministrandi domino exprimit. In dictione Euāgelij materia est ministerij. Non in missis & cantionibus. In uerbo annunciandi modus est quo debeat ministrari domino.

Et obserua quàm apposite Euangelio coniungat annunciationem, nō leges aut mandata. Euangelium est bonum nuncium de salute orbi parta per Christum, & fide in Christū apprehendenda. Hoc uult dominus in toto orbe uulgari & cum ingenti gaudio & tripudio annunciari, sicut solent res lætæ miseris & afflictis cum lætitiæ affectu prædicari. Quare uide Rom. 10. Quàm speciosi pedes annunciantium pacem, &c.

*EX* Euangelio uiuant.] Id est, ex Euangelij annunciatione, ex labore uel propter laborem suum, quem Euangelio annunciando impendunt, uictum sumant à fidelibus. Alioqui ex Euangelio simpliciter non carnalis est cibus, sed spiritalis, & qui non minus auditorū animas pascit quàm Euangelizantium.

*VIVANT,* inquit.] Uictus necessitas uiuendi uerbo expressa est, ut intelligamus tantum uictus deberi ex Euangelio Christi ministro, quantum ad necessariam uitæ sustentationē sufficere potest, non quantum deliciæ & luxus

exigunt. Sic nos Germani quoque hoc uerbo uertimur, cum dicimus, *Der arm man hat nit zu leben.*

Quærendum uidetur hoc loco, quid opus fuerit Apostolo causam hanc omnium æquissimam, uidelicet, quod ex Euangelio uiuere liceat ei qui Euangelium annunciat, tot exemplis agricolæ, militis, pastoris, auctoritate & consuetudine legis, collatione semetis & mes sis asserere, cum tamen tribus quatuor uerbis potuisset dicere, dominus ita præcepit, ut qui Euangelium annunciat, ex Euangelio uiuat. Scilicet hoc unum, quod omnium est æquissimum, quod tantum habet iuris, cum diuini tū humani, tantū æquitatis, tantū consuetudinis, uix unquam bene potuit persuaderi mundo. Nam perpetuo in alendis Euangelij ministris tenacissimus est, cū sit ad reliqua uana & inepta profusissimus.

Pulchre tamen hoc loco, isto Apostoli studio consulitur ministrorum uerbi conscientijs, partim ne hæsitent in sumendo uictu pro labore suo, partim ne ægreferant ubi uiderint ociosis uentribus affatim suppeditari ad luxū & delicias omnia, cum ipsi interea uix uitæ necessaria pro labore Euangelij accipiant, si cogitent ita constituisse dominum, ut qui Euangelio seruit, ex Euangelio non delicietur, sed uiuat. Vix puto unquam inuentus est Euangelij præco, candidus & syncerus, fidelis ac sedulus, cui quicquam ultra ea quæ necessaria sunt, ex Euāgelij auditoribus cesserit. Luxus & deliciæ non laborantibus, sed ad mactationem destinatis pecoribus competunt. Laborantibus debetur uictus necessarius, atque ita constitutum est à domino. Illo itaque contenti sint Euangelij ministri.

**Ego tamen nullo horum usus fui.**

Haftenus Apostolus ministri Euangelij ius, quod ad uictum attinet, exposuit, ac declarauit, quomodo illo nō minus quàm reliqui apostoli uti potuerit, siquidem uoluisset, atque ita propositi sui primam partem absoluit. Iam consequenter ad id, quod paulo antè cœperat, alteram uidelicet partem progreditur, cōmemoraturus, quomodo hac potestate licita nō sit usus, & quare id fecerit, nec facturum etiam sit. Ego tamen, inquit, quanquam ut recensui, multis argumentis & rationibus hac uti potuissem potestate in uestra ecclesia, illorum tamen nullo sum usus, nec quicquam quod ad hoc ius pertineat, usurpauit.

**Quanquam non scripsi hæc, ut ita fiat in me.**

Duo erant Apostolo propter præmissa, curanda. Vnum, ut ostenderet, quod istam potestatem non sui gratia tam prolixè asseruerit, ac tot argumentis confirmauerit. Alterum, ut ad scopum collimaret, ostendēs cur ista induxerit. Postremum hoc non præstabit apertis uerbis hoc capite, sed sequenti. Prius uersabit ad finem usque capitis præsentis. Est autē illius



illius ratio, ut suspicionem amoveat, ne quis dicat ob id ista tam copiose præmissa, quod licet hætenus iure suo apud Corinthios non sit usus, cupiat tamen uti in posterum, atque ob eam causam tot hac de re usus sit argumentis, ut commodo suo in futurum consulat. Proinde addit rationem cur nec in posterum uti velit ista potestate.

Nota interea, quod caute nō dicit: Non scripsi hoc, ut ita fieri debeat in apostolis Christi, sed in me, inquit. Non uult alijs ipso ius adimere, licet ipse illo nolit uti apud Corinthios.

Nam bonum est mihi mori potius, quam ut gloriationem meam aliquis inanem reddat.

His uerbis ostendit tam abesse, ut cupiat temere uti sua potestate, ut malit mori, quam amittere id, quod hoc proposito quærit. Non dicit, melius est ut moriar, id est, fame pereā, quam ut hac potestate utar: sed, melius est ut moriar, quam ut hanc gloriationem meam aliquis inanem reddat, id est, quam ut aliquis propositum hoc meum, in quo glorior, si utar hac potestate, ex eo sibi occasione sumat, grauari me suspicionem quæstus, atque ita enervandi ac irritandi propositum meum, quod est, ut absque ulla suspicionem libere ac fideliter uobis prædicem Euangelium Christi, cuius gratia decreui, non uti meo iure apud uos, ut amputem occasionem illis qui quærunt occasionem.

Ista uolui ob id annotare, ne quis cogitet, Deo gratius esse, si moriatur fame Apostolus, quam si utatur constitutione illa, quam ipse dominus ordinavit, atque inde colligat, satius fuisse futurum, si mortui fuissent reliqui apostoli, quod potestate sua in ecclesijs Christi usi sunt. Primum non loquitur de reliquis apostolis, sed de se tantum. Deinde non loquitur etiā de alia ecclesia, in qua id fieri necesse fuerit propter pseudapostolos, quam de ecclesia Corinthiorum. Tertio, non dicit, ut suprā monui, quam ut potestate mea à domino cōcessa utar: sed, quam ut aliquis gloriationem hanc meam inanem reddat, id est, quam ut ego usu potestatis meæ apud uos, occasionem dem pseudapostolis, gloriationem hanc meam, maligna suspicionem reddendi inanē. Videat Apostolus respicere ad dictum Christi Matth. 18. Vē qui offenderit unum ex his pusillis, melius esset, si suspēsa in collo eius mola asinaria, proijceretur in profundum maris.

Expendendum hic fuerit, quantum pœnæ maneat eos, qui cum Euangelium Christi nō prædicent, nihilominus in ecclesiæ bonis deliciantur, & universam ecclesiam uitæ turpitudine corrumpunt, si melius fuisset Apostolo fame mori, quam licita potestate in ecclesia cum offendiculo Euangelij abuti.

QVAM ut gloriationem meam.] Annotat Chrysostomus, quod non dicit, quam ut pro-

positum meum, aut molestiam hanc meā, sed quam ut gloriationem meam aliquis inanem reddat. Videlicet, ostendit hac dictione, licet propositi huius nomine multū absq; dubio tulerit molestie, famis, frigoris, ac nuditatis, tam abesse tamen, ut moleste ista ferat, ut etiā gaudij & gloriationis loco ducat. Græcè est *καύχημα* gloriatio. Habet autem omnis gloriatio cōiunctam animi lætitiā & exultationem, unde & plerunque pro gaudio in scripturis sumitur, ut 2. Cor. 1. Gloriatio nostra est, testimoniū conscientiae nostræ.

Quamquam non arbitror firmum esse satis si gloriationem dicamus hoc loco pro gaudio cordis positam esse, nolim tamen, primū, assignari Apostolo eum gloriandi affectū, qui cōiunctam habet animi elationem, & *φιλανθίαν*, qua qui gloriatur, sibi ipsi placet in eo cuius nomine gloriatur, ac sese uelut singulari laude & admiratione dignum iactat, ut solent hypocritæ iusticiarij in sua propria iusticia, potentes ac robusti in suis uiribus, diuites in sua opulentia, sapientes in sua sapientia, docti in sua eruditione gloriari, exultare, seseq; iactare. Nam licet hæc omnia sint dona Dei, in illis tamen non est gloriandum, sed in Deo. Scriptum est enim: Quid habes quod non accepisti? Si accepisti, quid gloriaris, quasi non acceperis? Et Apostolus certe hoc ipsum, de quo hic loquitur, non ex suis habebat uiribus, sed ex dono Dei. Proinde distinguenda est sanctorum gloriatio à gloriatione impiorum. Illa habet adiunctam superbiam, ista humilitatem. Illa uires humanas, ista gratiam Dei commendat. Illa admirationem habet sui ipsius, & contemptum aliorum, ista uero neminem cōtemnit. Sed ita de gratia Dei lætatur & gloriatur, ut cupiat illam omnibus esse communem. Illa propriam, ista Dei gloriam spectat.

2 Deinde non displicent, qui dicunt hoc loco Apostolum gloriari non in genere coram Deo de sua synceritate erga Euangelium, sed gloriari, magis contra pseudapostolos & illorum affectatores. Nam de Deo ipse suprā dixit: Nihil mihi conscius sum, sed nec in hoc iustificatus sum. At contra pseudapostolos uere potuit gloriari de ministerio suo, quod nō solum irreprehensibile sit in se, sed & omnium sinistrae suspicionis occasione careat.

Etenim si Euangelizem, nō est quod glorier. Necessitas enim mihi incumbit. Væ autem mihi est, nisi euangelizē. Nam si uolens hoc faciam, præmium habeo, sin minus, dispensatio mihi condita est.

Exponit id quod dixit: Bonum est mihi mori potius, &c. Potest enim quisquam dicere: Quid opus est Paule, ut sine sumptu prædices, ut dicas tibi satius esse mori, quam ut hanc tibi gloriam quisquam inanem reddat? An non satis est prædicare Euangelium, nisi gratis etiā prædi-



prædices? Responder. Mihi non est satis ut prædicem, ad istam gloriationem, qua opus habeo cōtra pseudapostolos in ista Corinthiorum ecclesia. Necesse quidem est ut prædicem, Nisi enim hoc fecero uæ mihi est. Si uolēs prædico, habeo mercedem, sin inuitus, dispēlatio mihi cōcredita est. Hec sunt generalia omnes ubique Christi ministros concernentia. Mea ratio in hac ecclesia alia est. Mihi hic nō est ad gloriationem meam cōtra pseudapostolos satis ut prædicem, nisi sine sumptu collocem Euangelium Christi, ut amputem omnē occasionem malignis, sinistri quicquam de me suspicandi & obtredendi. Atque hoc sensu puto subiectum illud.

Quod igitur mihi est præmium? ut cum Euangelizem, gratuitum efficiam Euangelium Christi, in hoc ne abutar potestate mea in Euangelio.

Non dicit: Quod igitur est ministro Christi præmium? Sed quod mihi est præmium? Et mox, in hoc, inquit, ne abutar potestate mea in Euangelio, nō dicit, ne utar potestate mea, sed ne abutar.

In loco autem uti ista potestate, nō est abuti. Utendi illo nō erat locus apud Corinthios. Reliquis apostolis in alijs ecclesijs locus erat, ideoq; illi utendo hac potestate nō sunt abusi, Paulus uero utendo apud Corinthios abusus fuisset, Euangelioque offendiculum dedisset.

Genuinis ergo ac simplex loci huius sensus est, ut discernamus inter ecclesias & ecclesias, non inter apostolos & apostolorum ministeria. In se quod officium erat Pauli erat & reliquorum apostolorum, quod ius erat reliquis erat & Paulo. Ecclesiarū uero uarietas effecit, ut quod in genere satis fuisset Paulo apud alias ecclesias, apud Corinthios non fuerit satis ad euadendum culpam offendiculi, & obtinendam gloriā seduli fidelis ac synceri Apostoli.

Itaque præmissa non omnia sunt plane generalia, nec pāsim locū habere in Christi ministris sed specialiter concernebant tum apostolum Paulum, ratione ecclesiæ Corinthiorum, & hodie concernunt eos, quibus par est administrandæ ecclesiæ ratio. Nihil reliquis apostolis præscribit, sed rationem reddit, cur ipse nō sit usus sua potestate apud Corinthios, nec uti uelit, etiam si fame moriendum sit. Sed expendamus singula.

ET ENIM si Euangelizem, non est quod glorier. Necessitas enim mihi incumbit. Videmus hoc loco, non esse satis ad gloriam fidelis ac synceri ministri ut faciamus, quæ necessario facienda sunt ex præcepto, nisi ita illa faciamus, ut quantum in nobis est, nullum demus offendiculis occasionē. Euāgelizare Christi ministro necesse est, necessitate præcepti, Matth. & Marci ultimo, & cōdemnationis etiam de qua statim subiicit. Proinde non dum hanc gloriam fidelis ministri assequutus est, quisquis hoc tantum curat ut quouis modo

A prædicet, utut Euangelio pariat interea offendicula. Consimilis locus est Lucę 17. Si omnia quæ mandata uobis sunt feceritis, dicite, inuitiles serui sumus, q̄ facere debuimus fecimus.

Lucę 17.

Sed queri potest hoc loco, an maius aliquid sit non uti potestate concessa, quàm ipsa Euāgelij prædicatio?

1 Respondeo. Nequaquam, in se, & ex ipsius rei natura. Nam alioqui reliqui apostoli, quod maius erat omisissent, & quod minus præstissent. Vbi tamē ipse Euangelij profectus hoc postulat, ut iure suo cedat Christi minister & nihilominus fideliter prædicet Euangelium Dei, hic certe multo est amplius sine sumptu prædicare Euangelium, q̄ simpliciter prædicare.

2 Deinde accedit & hoc, quod prædicatio cadit sub præcepto, *ἀδανον* uero prædicatio non ita. Omisio prædicationis minas habet cōdemnationis, usus uero potestatis huius nō ita. Quoniam autem qui facit quod necessario faciendum est, & nisi fiat, damnationem adfert omissum, nondum qua sit fide & sinceritate erga dominum ostendit, in eo quod quæ præcepta sunt facit, qui uero ultra hoc etiā id præstat, quod omissum non damnat, satis luculenter animi fidelis ac synceri affectum declarat, sit, ut maior sit gloria in eo, de quo gloriatur hic Apostolus, quàm in simplici Euāgelij prædicatione. Et hoc uidetur uelle Apostolus, cum dicit: Etenim si Euangelizem, non est quod glorier. Necessitas enim mihi incumbit. Væ autem mihi est, si non Euangelizem. Quasi dicat. Quod prædico Euangelium, nihil habet gloriæ Apostolicæ. Nam ipsa me urget necessitas ut faciam, & prohibet cōdemnatione omittam. Liber hic non sum sed omnino capriuat, in eo uero demum gloriatio mea est, quod id præsto, quod libere poteram omittere, & omitto quod poteram facere, ad quod me nec urget præceptum aliquod domini, nec inuitum cogit cōdemnationis metus, sed ducit fidelis & syncerus animi ad promouendū Euangelium Christi affectus.

Istius Apostolicæ gloriationis imitatio pertinet ad omnes Christianos, si non hac specie, in genere tamen. Videlicet, ut sentiamus Christiani hominis gloriationem non esse in eo, ut quæ præcepta sunt faciamus & quæ uerita omittamus, legis adacti necessitate ac terri cōdemnationis metu, sed ut quibus libere uti possumus non utamur, & quæ absq; metu pœne omittere possumus faciamus, si id exigat Euāgelij & regni Christi profectus.

Væ autem mihi est, nisi Euangelizē. Interiectio uæ duplicem usum habet in scripturis. Aliquando notam habet temporariæ tantum calamitatis & miseriæ, ut Matth. 24. Væ prægnantibus & lactantibus in illo die. Hic certe dominus prægnantes & lactantes non aliter miseras & calamitosas atque infelices dicit, quàm quod in calamitate illa futura impediendæ sint à fuga & liberatione, propter graues uteros, & pueros ab ipsorum uberibus

Sic uæ ter-  
re cuius  
rex puer  
est.

n pendentes.



pendentes. Aliquando notam habet æternæ cōdemnationis. Vt Lucæ 6. Væ uobis diuites, qui habetis hic consolationes uestras, & Matthæi 23. Væ uobis scribæ & pharisæi, &c.

Priore sensu non loquitur hic Apostolus. Nam sic quidem magis dicendum illi fuisset, uæ mihi si Euangelizem, & bene mihi si non Euangelizem. Ita & Ieremias dicebat, uæ mihi mater mea. Quare genuisti me uirum rixæ uirum discordiæ in uniuersa terra. Non sceneraui nec scenerauit mihi quisquam, & tamē omnes maledicunt mihi. Et cap. 20. Omnes subsannant me, quia iam olim loquor uociferans, &c. Et factum est mihi uerbum domini in opprobrium & derisum tota die. Et: Maledicta dies in qua natus sum, &c. Hodie non est illis uæ, qui non Euangelizant cum id deberent ex officio facere. Vt sunt episcopi. Imò ne sit ipsis uæ, studiose cauent, ne Euangelizēt. Posteriore uero sensu loquitur Apostolus ostendēs æternam illis esse metuendam condemnationē & infelicitatem, qui quod à domino ipsis est iniunctum, prestare neglexerint. Videmus hic quā infelices sint nostri episcopi, imò quā cæci, quod maledictionis huius æternæ nullo metu tenentur.

NAM si uolens hoc facio, præmiū habeo.] Ambrosius assignat duas rationes. Vna est, quod dignus sit præmio, qui uolens obtemperat præcepto domini, ob id, quod uoluntati Dei consentiat. Altera, quod is multo melius ac diligentius iniunctum munus obeat. Vnde certe sequitur, quod & plus fructus adferat, quā si inuitus hoc faciat. Bobus etenim inuitis, ut ille ait, nunquam trahitur bene currus. Ita Apostolus Petrus exigit ab episcopis, ut munus suum in pascendo grege domini non coacte sed spontanee obeant, pollicens illis, ubi princeps pastorum uenerit, immarcescibilem gloriæ coronam. Is autem uolēs facit, qui nec metu uindictæ, nec spe lucri prædicat, malens non prædicare, si nulla urgeret necessitas, sed amore domini & uerbi ipsius iniunctum munus cum gaudio exequitur.

SIN inuitus, dispensatio mihi concredita est.] Hoc est, urget tamen iniunctę diuinitus dispensationis necessitas. Tacet hic de præmio. Indignus etenim mercede est, qui quod facit inuitus, id est, animo repugnāte facit. De Mose legimus, quod munus suum inuitus suscepit. Nā aliquoties tergiuersabatur. Ita & Ieremias. Ah ah domine, inquit, puer sum. Et ca. 20. Nō recordabor eius, inquit, nec loquar amplius in nomine illius. Et Ionas fugiebat etiam à facie domini, & tandem coactus prædicabat.

Quid igitur? Amiserunt isti præmia sua? Videndum est, quid eos mōuerit, quare officium detrectauerint, an hoc fecerint animo erga Deum sinistro & immorigero, uel fecerint partim consyderatione uilitatis suæ & magnitudine iniuncti muneris. Moses certe & Ieremias hac ratione detrectabant aliquandiu suscipe-

re mandatum, quod sibi ipsis uiderentur causæ tam grandi impares futuri. Ionas etiam nō hoc animo fugiebat à facie domini, quod egre seruiret domino, sed quod metuebat notam subire falsi prophete. Sciebat Deum esse misericordem, qui ignoturus esset pœnitētibus. Ob eam causam renuebat prædicationem iniunctam suscipere. Ita ipse fugæ suæ causam exponit.

Colligimus ergo, non mox indignos esse præmio, qui munus aliquod inuiti subeunt, sed expendendas esse causas, cur id fiat.

Vt sine sumptu.] Græcè est ἀδαναν, quod fit sine sumptu. Id autem amphibolum est, annotante Erasmo. Sine sumptu facit, qui nihil impendit. Sine sumptu etiam facit, cui nihil impeditur, quo sensu hic Apostolus loquitur.

Queritur hic Erasmus, quod nunc in ecclesia nihil sit ἀδαναν, sed omnia uenalia, etiam sepulturæ tellus. Iuste hoc queritur, ego uero & hoc querimoniam addiderim, quod ut tum usuuenit Apostolo, ita nunc quoque tanti momenti non est ἀδαναν ueritas, quanti est ἀδαναν mendacium. Gratis prædicabat Corinthiis Apostolus, & contemnebatur, pseudapostoli accipiebant, deuorabant, in faciem cedebant, & suspiciebant. Ista est perpetua mundi huius peruersitas.

Videmus præterea hoc loco quatuor ministrorum Christi genera.

1 Primum est eorum, qui Euangelium neglecto suo munere non annunciant. Illis uæ minatur Apostolus sub sua persona.

2 Alterum est eorum qui Euangelizant quidem sed animo inuito. Hi adiguntur ex officij necessitate.

3 Tertium est eorum qui uolentes Euangelizant. Horum est præmium.

4 Quartum eorum, qui non solum Euangelizant, idque uolentes, sed & sine sumptu collocant Euangelium Christi. Horum est præcipua fidelitatis gloria, sicubi id suo loco & tempore ad Euangelij profectum faciunt.

Etenim cū liber sim ab omnibus, omnibus me ipsum seruum feci, quo plures lucrifaciam, & factus sum Iudæis quasi Iudæus, ut Iudæos lucrifaciam, his qui sub lege sunt quasi sim sub lege, ut eos qui sub lege sunt lucrifaciam. His qui sine lege sunt, tanquam sim sine lege cum non sim sine lege Deo, sed obnoxius legi Christi, ut lucrifaciam eos qui sunt sine lege. Factus sum infirmis quasi infirmus, ut infirmos lucrifaciam. Omnibus factus sum omnia, ut omnino aliquos seruem. Hoc autem facio propter Euangelium, ut particeps illius fiam.

Declaratio est latior, eius quod dixit se cauere, ne potestate sua in Euangelio abutatur.

Gra-



Gratis Euangelizabat Corinthijs, cum possit ab illis sumptus exigere prædicationis. Non enim erat illis ita obnoxius iure, ut cogeretur seruire gratis. Verum ipse se ultro ac sponte seruum illorū fecerat, ut aliquot ex illis Christo lucrificeret. Atque hoc affectu se & reliquis omnibus seruum faciebat, cum tamen liber ab omnibus, & Christi tantum seruus esset. Ad hunc charitatis affectum, & libertatis spontaneam resignationem inuitat suo exēplo Corinthios, ut cœperat.

CVM liber sim ab omnibus.] Suprà dixit: An non sum Apostolus? An nō sum liber? Nec indicauit, qua in re se liberum esse dicat: Verū hoc loco seipsum nonnihil explicat. Licet enim non satis aperte tradat, quam intelligat libertatem, cum sit ciuica & terrena alia, alia spiritalis in Christo, ex genere tamen seruitutis, qua se dicit omnibus factum esse seruum, satis puto conspicuum est, quod de ea libertate loquatur, in quam erat per Christum assertus, ut & reliqui fideles omnes, ut nemini esset addictus seruiliter nisi uni domino, ut suprà cap. 7. monuit dicens: Precio empti estis, nolite fieri serui hominum.

AB omnibus.] Tam ad homines quàm ad res alias referri potest. Verum quoniam subdit, quod omnium se seruum fecerit, quod sane non de rebus sed de hominibus, aut hominum generibus, Iudæis, Gentibus, infirmis, &c. intelligi potest: puto certius esse, ut & hanc particulam de iisdem intelligamus, quod

Ergo iure Christianismi ac fidei, nemini mortalium erat obnoxius Paulus. Hoc enim est, quod dicit: Cum liber essem ab omnibus. Eodem certe iure & reliqui Christiani omnes ab omnibus mortalibus liberi sunt. Quæ est itaque tyrannis illa, qua fideles episcoporum libidini in causa religionis subijciuntur?

OMNIBVS meipsum seruum feci.] Non dicit, quibusdam, uel uobis, sed omnibus. Nec dicit, prodesse statui, sed seruum feci. Neque dicit, seruus factus sum, sed meipsum seruum feci. Magna charitas cum erga Christum, tum mortales uniuersos. Contemptui solet esse omnis seruitus. Verum ista seruitus, qua homo ab omnibus liber omnibus sese seruum facit, hoc est honorabilior, quo minus habet coactionis, & plus charitatis. Romanus pontifex, ut nusquam sit fallax & hypocrita, cum nihil aliud agat quàm ut dominus sit omnium, falso sese uocat seruum seruorum Dei.

QVO plures lucrificiam.] Verbum lucrādi quinquies repetit, ut ardentem affectum lucrandi mortales declaret.

Et hanc rationem reddit, quare seipsum cū liber sit ab omnibus omnium seruum fecerit, uidelicet, quod cupiat ita administrare Euangelium, & se quibusuis accommodare, ut hoc plures lucrificiat.

Et hic uerbis haud obscure innuit, non simpliciter prædicandum esse fidei Christi mini-

stro, & uerbi prædicatione lucrandos mortales, sed singulari studio conandum, ut pro auditorum ratione ita sese accommodet & insinuet, ut quos prædicando simpliciter non erat lucraturus, accommodando se & attemperando lucrificiat, non contentus utcunque quosdam lucrificasse, nisi plures solito acquirat. Desyderium hoc plures lucrificandi nunquam debet abesse Christi ministro, quo ita moneatur, ut huius gratia nihil non facere ut pati paratus sit.

1 Ergo perditum sunt, quos Christo non lucrificat Euangelij prædicatio. Hoc sciebat Apostolus, atque ob eam rem cum summopere affectaret mortalium salutem, munus suum diligētissime mortalium captui & rationi accommodauit, quo plures lucrificeret.

2 Lucrum in ecclesia est, non augere terrenas ditiones more Romanorum pontificum, sed lucrificare Christo mortalium animas, idque per prædicationem Euangelij, qua constitutum est domino saluos facere credentes. Accessionibus fidelium animarum non terrenarum ditionum, gaudet Christi regnum, quod non de hoc mundo terrenum, sed in cordibus fidelium est cœleste ac spiritale. Huius lucri studium Apostoli, alterius uero Antichristi spiritum respicit.

ET factus sum Iudæis, quasi Iudæus.] Iudæos intelligit extra Christum constitutos. Illis factus est non Iudæus relicto Christianismo, sed quasi Iudæus, cum esset non Iudæus sed Christi Apostolus, & tamen Iudæorum sacramenta ubi opportunum erat celebrabat.

Ita circumcidit Timotheum Lystris, propter Iudæos, qui in illis locis erant, quod scient omnes patre illum Gentili natum. Act. 16.

Ita purificatus more Iudaico ascendit in templum Hierosolymis. Act. 21.

Ita consuetudinem sabbatorum cum Iudæis seruauit. Et absque dubio cibus quoque in lege ueritis abstinuit, ubi cum Iudæis erat conuersandum, & si quæ aliæ sunt legales observationes, Iudæorum illas gratia ad tempus obseruauit.

Quæ uero mala habebant Iudæi, utpote, 1 quod propriam iusticiam statuentes iusticiæ Dei non subijciebantur quod sacramenta legis adhuc ad salutē necessaria putabant, quod 2 hostiliter prædicationi gratiæ aduersabatur, 3 hæc Christianus factus reliquerat, nec amplius postea cuiusquam gratia resumpsit.

Admiranda plane fuit erga Iudæos Apostoli patientia, qua se acerrimis hostibus cum ab illis liber esset, seruum facere potuit. Infiores quippe Iudæis hostes non habuit. Nemo enim illi pertinacius ac furiosius restitit.

Amicorum gratia, & beneficium agnoscentium, sustineat forsan aliquis è libero mutari in seruum, at propter inimicos tam acerbos & irreconciliabiles lucrandos, seruitutem ultro amplecti, quis non uidet, quantæ sit char-



ritatis & patientiæ indicium? De isto affectu Apostoli in Iudæos uide Rom. 9.

His qui sub lege sunt, quasi sim sub lege.

Ambrosius intelligit de Samaritanis, quod illi solam legem, id est, quinquelibros Moisaicos agnouerint. Ita intelligi posse admonet & Hieronymus. Theophylactus uel de profelytis, uel de Christianis ex Iudæis ad Christum conuersis, & adhuc legis emulationi obnoxiijs intelligit, quæ sententia mihi uidetur uerosimilior.

Tales enim passim multi erant, & Hierosolymis aliquot millia, uide Act. 21. Horum infirmitati consulebant & reliqui apostoli, Iacobus, Petrus, Iohannes, tolerantes in illis legis emulationem tantisper dum in Christo Iesu crescerent & corroborarentur.

At dicet quisquam. Si de Christianis Iudæis intelligendus est hic locus, quid ergo est, quod dicit: Vt eos qui sub lege sunt lucrificam? Ergo adhuc erant extra salutem, licet Christiani? Puto huius gratia Hieronymum maluisse de Iudæis exponere hoc pacto, ut hic doceat Apostolus quomodo Iudæis sit, & in qua re factus quasi Iudæus: nempe, quasi & ipse sit sub lege. Et Chrysost. uocat exegesim prioris.

Vide Gal. 3.4.5. Verum nihil impedit hic scrupus, quo minus de Iudæis Christianis intelligamus. Erat enim illis admodum periculosa legis æmulatione, ne huius gratia uel Christum desererent, uel non satis in illum fiduciæ alerent, putantes sine legis operibus non posse salutem in Christo apprehendi, ita ut hac opinione liberati, recte dici potuerint, tum demum uere lucrificati domino. Ita & infra dicit, se infirmis quoque factum quasi infirmum, ut infirmos lucrificaret.

His qui sine lege sunt.] De Gentibus loquitur. Sine lege erant Gentes, non naturali, nec ciuica, sed Mosaica, scripta illa, cuius æmulatione tenentur Iudæi.

Chrysostomus exponit de ijs qui nec Gentes, nec Iudæi, nec Christiani erant religione, qualis erat Cornelius & consimiles. Veritus opinor admittere, Paulum Gentibus immunis sese accommodasse.

TANQVAM sim sine lege.] Libere cum illis agebat, præputium recipiebat, quibusuis cum illis uescebatur, legis scriptæ nullam habebat rationem, cuius summo odio & cōtempu Gentes teneri sciebat.

Cum non sim sine lege Deo, sed sim sub lege Christo.

Chrysostomus legit, *μη ὡς ἄνομος θεοῦ ἀλλ' ἐν νόμῳ χριστοῦ*. Quia dixit, tanquam sim sine lege, ne colligat quisquam, ergo & ipse Paulus sub lege Mosaica cum Iudæis erat. Non enim dicit se factum sine lege cum ijs qui sine lege sunt, sed tanquam sit sine lege, ideo subiicit declarationem, quomodo reuera non sit sine

A lege. Hoc est, non utatur suo arbitrio, sed subditus sit imperio Dei, cuius uoluntati morem gerat & obtemperet. Sic dicit, cum non sim sine lege Deo, id est, cum Deo seruiam nō meo, sed ipsius arbitrio. Et ut planius exponat quā legem Dei intelligat, ne de Iudaica dicere uideatur, subdit, sed sim sub lege Christi. Est autem lex Christi, lex dilectionis. Hoc est præceptum meum, inquit, ut diligatis uos inuicem. Chrysostomus legem Christi exponit per legem spiritus & gratiæ. Romanorum octauo: Lex spiritus uitæ. Et tertio meminit legis fidei: uel legem Christi intelligit, obedientiam Euangelij, obedientiam fidei, aut certe demandatum munus euangelizandi. In summa, dicit se nō esse sui iuris, licet sub Mose nō sit, sed esse sub imperio domini.

Dixit, cum non sim sine lege Deo, & cum exponit de qua lege intelligat, adfert legem Christi. Ergo lex Christi, est lex Dei, ut qui Christo obedit, Deo obediat. Sic dicit alibi: Qui me audit, non me audit, sed eum qui misit me.

Videmus hic Christianos non esse ita sub Christo liberos, ut prorsus sine lege sint, & pro sua libidine uiuere possint, sed subditos esse debere imperio Christi.

FACTVS sum infirmis.] Propius accedit ad id quod uolebat. Sic Chrysostomus: *τοῦτο λοιπὸν τὸ τοῦτω λεγόμενον, δι' ὃ καὶ πάντα ταῦτα ἔγραψα*. Nam infirmorum gratia ista tam prolixè scribit, ut admoneat Corinthios, parcendum esse infirmis, ne illi abusu libertatis offendantur & perdantur. Neque enim satis est per Euangelij prædicationem, ex Iudæo uel Græco facere Christianum, nisi ubi factus fuerit, alatur etiam & sensim confirmetur compassione eorum qui robustiores sunt in fide. Vt enim ille inquit, Non minor est uirtus quā quærere, parta tueri.

OMNIBVS factus sum omnia.] Quod cœperat particulariter dicere, tandem summam complectitur. Quasi dicat. Quid multis? Nemini me non accommodaui, omnibus factus sum omnia. Nemini non serui, neminē contemno, omnibus prodesse cupio, quouis id modo fieri liceat. Neque enim ita intelligendus est Apostolus, quasi ultra regulam liciti & legis Christi, sese quibusuis accommodauerit, id quod non esset Apostoli Christi, sed adulatoris, & non ad lucrandum sed perdendum faceret. Ita oportet istas uniuersales commode pro ratione materiæ de qua agitur, intelligere. Hoc si obseruassent Anabaptistæ, nō ita obstinate errassent in uerbo Christi, ubi dicit, Vos autem nolite iurare omnino.

Quis non dicat Apostolum hominem fuisse omnium inconstantissimum ac uersipellem, ueluti Vertumnum quendam, in omnes sese formas uertentem, nisi scopum illius cōsyderet? Hic erat, nō ut ipse muraretur à proposito, sed ut alios ad Christi cognitionem à sua sententia & errore mutaret ac lucrificaret.



ret. Proinde opus est ut cauti simus in iudicandis Christi ministris, nec facile ambide-xtros uocemus, si quos uiderimus exemplo Pauli omnibus fieri omnia, nisi certo constet, quod non aliorum salutem, sed seipsum quærant.

Vt omnino aliquos seruem.] Ergo Apostolus seruator est mortalium. Plane. Sicut est genitor & formator fidelium animarum. Seruat dum Christo seruandos ministerio suo lucrificat, & è perditione eripit.

ALIQVOS.] Nec suprâ nec hic dicit omnes, licet omnibus factus sit omnia. Non quod non cupiat omnes saluare, uerum sciens hoc fieri non posse, uel aliquos lucrificare conatur, idque tanto studio, ut horum gratia omnibus se seruum constituat, utut non dubitet, multum de suo studio periturum, & debito fructu cariturum.

Chrysostomus: καὶ ὁ σπέρων πάντα τοῦτο ἵσπερ καὶ οὐ τὸν πάντα σπέρων ἵσπερ ἀλλ' ὁμοῦ τὸ ἑαυτοῦ πεποιήκει. Certe non est uerisimile eum qui ita affectus est, neminem prorsus seruare.

Sit hoc non solum exempli, sed & consolationis gratia Christi propositum ministris, ne uelint animum despondere, si uiderint ministerium suum non quosuis adducere Christo. Electos seruare satis sit. Sic 2. Timoth. 2. dicit: Omnia suffero propter electos, ut & ipsi salutem consequantur, quæ est in Christo Iesu cum gloria æterna.

HO C autem facio propter Euangelium.] Demonstratiua τοῦτο, ad præcedentia respicit, quibus dixit se omnibus omnia fieri, ut omnino aliquos seruet. Iam quoniam illa duas habent particulas: primam, qua dicit se omnibus omnia factum: alteram, qua huius rationem assignat, nempe, ut omnino aliquos seruet, sit ut incertum sit, ad quam referenda sit demonstratiua τοῦτο, priorem ne uel posteriorem particulam.

1 Si ad priorem, ut quod dicit, hoc facio, idem sit atque, omnibus me omnia facio: Videbitur non nihil habere superflui, cum ei rei iam rationem suam assignarit sexies, nempe, quod cupiat alios lucrificare, ac seruare, ut præter rationem uideatur, iam demum uelle rationem tradere, ob quam sit omnibus omnia factus. Nisi uelimus uni rei duas causas finales reddere, ut dicamus Apostolum omnibus omnia primum ob id esse factum, ut aliquos seruaret, deinde & ob id, ut ipse Euangelij particeps fieret.

2 Si ad posteriorem referamus, intelligendus erit Apostolus rationem uelle reddere non eius, quod omnibus omnia sit factus, sed eius, quod dixit, ut omnino aliquos seruem, id est, eius studij ac propositi, quod habebat in lucrandis ac seruandis per Euangelium mortalibus. Vt ostendat se non ideo cupere plures lucrificare, ut terrenum aliquod ex illis emolumentum capiat, ut solebant pseud apostoli, de quibus in Galatis dicit, circum-

cidi uos uolunt, ut in carne uestra glorientur, sed ut Euangelij, hoc est, ut Ambrosius exponit, uoluntatis ac finis Euangelij, salutis scilicet mortalium, particeps fiat, uel ut palmæ & coronæ, quæ promissa est fidelibus Euangelij ministris, particeps fiat, de qua alibi scribit: Bonum certamen certavi, cursum cõsummaui, fidem seruauit, de reliquo reposita est mihi corona iustitiæ quam reddet mihi in illo die iustus iudex. Item secundæ Timothei primo: Scio cui credidi, & certus sum, quia potens est depositum meum seruare in illum diem.

Et certe facile est Apostolo Christi Euangelij gloriam, quæ fidos ministros manet, consideranti, nihil non illius gratia facere ac pati, utut molestum & arduum. Rursus, nisi illa ob oculos sit, arbitror difficillimum fore, ut hoc Apostoli studium imitetur Euangelij minister. Nam aut metu crucis abstergebatur, aut fastidio languescet, aut affectatione terreni cuiusdam emolumenti prorsus auocabitur, uel certe corrumpetur. Opus igitur est, ut nunquam non ad Euangelij gloriam prospiciat, certus olim fore, si sincere ac fideliter Euangelio collaborauerit, ut Euangelij quoque particeps fiat. Quemadmodum si agricola benedictione seminis, in qua laborauit sedulo, ubi matura fuerit, potiatur. 2. Timoth. 2. Agricola qui laborauit, oportet primum de fructibus accipere. Hac de re uide Matthæum uigesimo quarto, & uigesimo quinto. 1. Pet. 5.

Quod ad hunc modum hanc particulam expono, de gloria futura quæ manet Euangelij præcones, si fideles permanserint, in munere & labore concredito, non hinc est quod præter uerbi ministros neminem putem Euangelij fore participem, id est, consortem eius felicitatis, quæ per Euangelium mortalibus offertur, cum ad hanc felicitatem accessus sit non solum Euangelij prædicatoribus, sed & omnibus illi fidem habentibus, & ex animo obtemperantibus, unde & uirtus Dei uocatur Euangelium, ad salutem non dicit omni prædicanti, sed omni credenti: sed quod singularis sit parata corona Euangelij ministris, ad quam non dabitur aspirare, nisi ei qui in opere domini fidelis fuerit. Alioqui, si infidelis quisquam fuerit, adeoque piger & inutilis, proijcietur in tenebras exteriores, Matthæi uigesimo quinto.

Proinde, quod dicit, ut Euangelij, idem est, atque, ut Euangelici fructus, qui ex illius est prædicatione dum credentes saluantur, olim consors fiam ubi Christi ministris immarcescibilis dabitur gloria.

Quid ergo? mercedem tanquam mercenarius ita affectabat Apostolus, ut huius gratia ista faceret? Atqui alibi ita cupiebat Iudæorum salutem, ut illorum gratia optarit anathema esse à Christo. Quomodo hic dicit, se ideo omnibus omnia factum, quo aliquos

2. Tim. 4.

Rom. 9.



seruet, ut huius gratia Euangelij particeps fiat, palmam adepturus olim & coronam fidei Christi ministris promissam? Chrysostomus diserte hic negat Apostolum alicuius ista mercedis gratia fecisse, sed ob id ita scripsisse, ut Corinthios alliceret, ut & ipsi celesti hac spe inducti omnia fratrum gratia facerent. Alioqui, nisi hoc uoluisset, quid opus erat ista scribere, cum nihil fauoris hoc sensu adferre potuerunt? Ita & Timotheo scribens, coronæ meminit, quam sit olim accepturus à domino, absque dubio hoc illum pacto erigere & animare cupiens, ut & ipse in opere domini fortiter & alacriter pergeret.

Sed adhuc, inquis, manet quæstio. Non enim hoc quæritur an Apostolo tantum liceat spe lucris & præmij quæ ad mortalium salutem & regni Christi profectum utilia sunt facere, sed an Christi ministro cuicumque, id cōpetat. Iam si competit, cur non & ipsi Apostolo? Si Apostolo non licet, nec alijs licet. Quid ergo ista ad illectionem aliorum scribit?

Respondeo. In se quidem sinistri quid habet intuitu præmij seruire Christo. Verum quoniam infirmi sumus, ut homines, & humanis nonnunquam affectibus, in rebus bonis utcumque alimur & sustentamur, præsertim in tentationibus, non est præter rationem, ubi aduersa imminet Christi ministro, spe gloriæ futuræ animare imbecillem & tentatum animum. Huius multa sunt exempla non solum in apostolicis literis sed & in Christi uerbis, ut Matthæi quinto: Merces uestra multa est in cælis. Et capite decimonono. Sedebitis super sedes, &c. Et Lucæ. duodecimo. Noli timere pusille grex, placuit patri meo dare uobis regnū. Hinc tamen non debet colligi, quod repræhensione careat, si quisquam uelit nullo alio respectu seruire domino quàm futuri præmij. Nec ita solent uere sancti, qui etiam si nihil esset promissum præmij, ex amoris tamen affectu ad seruiendum domino sunt propensissimi.

An nescitis, quod qui in stadio currunt, omnes quidem currant, sed unus accipit præmium. Sic currite, ut comprehendatis. Omnes autē qui certat, per omnia temperans est, illi quidem igitur, ut perituram coronam accipiāt, nos autem, ut æternam. Ego itaque sic curro, ut non in incertum, sic pugilem ago, non uelut aërem feriens, uerum subijcio corpus meum, & in seruitutem redigo, ne quomodo fiat, ut cum alijs prædicauerim ipse reprobus efficiar.

Quia dixit se propterea ad lucrandos mortales omnibus factum esse omnia, & cum liber esset ab omnibus, omnibus se constituisse seruum, ut Euangelij particeps fieret, id est, ut coronam Euangelij ministris, si fide-

les fuerint, repositam, acquireret, instituit adiectis similibus studium hoc suum declarare & illustrare, ut Corinthios suo exemplo ad idem propositum alliceret. Similia autem quibus utitur duo sunt, primum de illis sumptū qui in stadio pro brabio currunt, alterum de pugillari certamine, utrinque non est satis currere, uel pugno cedere, nisi conatus in certum abeat & certantem uoti reddat compotem, ut qui currit, præmium cuius gratia currit rite currendo apprehendat, & qui pugno certat, certando uincat. Ita innuere uult, non esse satis homini Christiano, si qualemcunque conatum ad hoc impendat, ut cœleste brabeion acquirat nisi talem impendat, ut uictor euadat. Sed quomodo ista similia adaptet, in ipsa textus expositione uidebimus.

AN nescitis.] Quod Corinthios alloquitur ad hoc facit, ut intelligant hæc omnia se ipsorum scribere gratia. Alioqui poterat post præmissa dicere, sciens quod qui in stadio currunt, omnes quidem currunt, &c. si simpliciter de studio & conatu suo dicere uoluisset. Vt autem ostendat, uel certe moneat, quàm contra communem sensum sit, brabium acquirere eum, qui non currat legitime, id est, Euangelij participem fieri eum qui in cursu Euangelij non rite se gerat, non solum uulgaribus similibus utitur, sed rogat primū, an tam sint stupidi, ut ista non obseruent, cum debuerunt uel ex uulgari consuetudine & æquitate illorum, de quibus scribit, admoneri. Hoc est quod dicit. An nescitis, &c.

QUI in stadio currunt.] Pulchre comparat Christiani nominis professionem non stationi ociosæ, quæ pigrorum est & inutilium hominum, sed stadio, in quo currendi & certandi studium exercetur, qui locus laborum & studiosorum conatum est, non torporis & negligentiæ. In hoc stadio non est ociose standum sed relictis posterioribus semper ad anteriora tamdiu & tanta contentione properandum, ut tandem ad propositam metam pertingentes cœleste brabeion apprehendamus, ut recte alicubi dicat Nazanzenus, *ὁ βέλται σὺ δὲ λόγῳ ποτε ἐν ταυτῷ μένεις, ἀλλ' αἰεὶ κινητὸν εἶναι. αὐτὸ ἀμαρτανίας ἐπιστρέφοντα, ἐκκατερθεὶς, ἐπιτάσσοντα.* Id est. Non uult te doctrina ista in eodem aliquando consistere, sed semper moueri, ut si peccaueris, reuertare, si uero recte feceris, ad ulteriora progressum intendas. Vt igitur in stadio non plus stando proficitur quàm retro gradiendo, ita & in Christianismo sine fidei & pietatis incrementis & quotidianis progressibus non magis ad præpositam metam peruenitur quàm si quis retrogrediatur & ad priora dilabatur.

Omnes quidem currunt, sed unus accipit brabeion.

De dictione brabij uide annotationes Erasmi. Conditionem & ὡς ὡς eorum qui in stadio currunt exprimit, & ad propositum suū adaptat. Ita solet fieri in stadio, ut nō mox brabeion

Et Matth.  
24.25.



beion apprehendant, quotquot in stadiū descendunt, & unā cū alijs currunt, sed brabeion maneat eum qui currendo legitime uictor euaserit. Hoc est quod dicit: Omnes quidē currunt, sed unus accipit brabeion. Id est. Quemadmodum in stadio non est ad consequendum palmam satis simpliciter currere, nisi ita curras ut currendo uincas, ita & in Christianismo non est satis fidei & pietatis cursum agredi cum reliquis Christianis, nisi hūc ita teneas, disponas, intendasq; ut propositam cœlestis gloriæ palmā uictor apprehendas. Nisi enim hoc fiat, ut nemo putat iniquum esse si palma negetur ei, qui quidem cucurrit cum alijs, ad metam autem legitime non peruenit, & detur ei qui non solum inter currentes fuit, sed & legitime cucurrit, & currendo uicit, ita certe nemo sperare debet cœleste præmium his posse obtingere qui nominatenus tantum Christiani in stadio pietatis legitimū cursum non ad finem usque tenuerint. Itaque omnes quidem Christiani uocamur, & uideri uolumus qui ad metam cœlestis brabij currendo tendamus, uerum brabeion ipsum non apprehendent omnes. Quare? Quia non omnes legitime ac serio, ut par erat, in hoc stadio currimus.

His uerbis Apostolus torporem excutit pigris ac negligentibus, ut cogitent sicut & alibi dicit: Non coronandos esse, nisi eos, qui legitime certauerint, atq; ita ad futuram palmam cœlestis gloriæ prospicientes ad uerum ac legitimum pietatis Euangelicæ cursum accingantur.

Notandum autem est quā pulchre simul hæc uerba, si rite expendantur, contra desperationem faciant, & diffidentiam eorum qui ubi audiunt paucos fore saluos, spe obtinendi brabij destituuntur, currendiq; studium remittunt. Isti saltem conatus eorum imitentur qui in stadio currunt. Hi sciunt certo, non omnes fore uictores. Sed uni tantū, qui reliquos uincat, competere palmam, & tamen omnes currunt. Vt quid hoc faciunt? Quoniam scilicet omnes spe potiundæ uictoriæ ducunt. Quanto magis in hoc pietatis stadio diligenter currendum est omnibus, ita ut nemo sit qui de brabeio cœlesti apprehendendo desperet?

sic currite ut compræhendatis.] Non dicit: Sic currite, ut uideamini currere, sed, ut cōpræhendatis. Alioqui nihil proderit currere, si non datur compræhendere. Complectitur autem similitudinis nota *στους*, sic, hæc omnia. Primum spem obtinendi brabeion, deinde animum ad currendum appositum. Tertio legitimū studium & constantem in perdurando tenorem. Ista si adfuerint, certe mediante gratia Dei poterit apprehendi palma. Mediante, inquam, & gubernante gratia Dei. Nam alioqui scriptum est: Non est currentis nec uolentis, sed miserentis Dei, ne quis uelit nostris conatibus dare, quod non est nisi gratiæ Dei.

A Cautē autem non dicit: Sic currite, ut unus uestrum apprehendat. Sed ut apprehendatis, indicās hoc discriminis esse inter brabeion terrenum & cœleste, ut in cursu Christianismi non uni tantum liceat palma potiri, sicut in stadio corporalis cursus, sed copia sit & potestas omnibus apprehendendi brabeion, si rite currant. In stadio terreno certamen est inter ipsos currentes, ea conditione, ut nequeat quisquā eorum uincere, nisi reliquis deuictis & a consequutione palmæ reiectis. Deinde ita proponitur brabeion, ut ei tantum competat qui omnium uictor currendo primus ad metā pertigerit. Hic uero in pietatis studio, nec tale est inter currentes certamen, ut nisi deuictis reliquis non liceat potiri uictoria, nec talis est brabij propositi conditio, ut uni tantum qui primus adcurret destinatum sit, sed summus est *συμμεχόντων* consensus, & licet cuiquam absque aliorum incommodo uincere, imò & reliquos ad uictoriam sine suo detrimento aut impedimento iuuare, ut non cum minore gloria cum multis palma potiri liceat, quā si solus quisquam uincat. Certamen enim in hoc cursu est non contra *συμμεχόντας* fratres, qui non uincendi, sed iuuandi sunt: Sed contra malignos spiritus, peccatum, carnem & sanguinem, omnis generis impietatem, & mundum hunc peruersum. Hæc portenta sunt uincenda, non quod & ipsa una pro cœlesti palma apprehendenda nobiscum currant, sed quod nos ab intentione cursus remorari ac perdere conantur.

B Et ipsum brabeion ita propositum nō est, ut ad eum tantū pertineat qui primus ex currentibus ad metam pertingat. Absit. Omnes manet quotquot ab initio mundi ad finem usque in hoc pietatis studio cursum constantem ad propositam fidei metam tenuerint, ita ut posterioribus nihil noceat quod sero adcurrunt, & prioribus nihil sit prærogatiuæ, quod posteriores in hoc cursu præuenerunt. Prioribus nanque ut in epistola ad Ebræos capite undecimo scribitur, expectandum est, donec postremi adueniant, ut non detur illis accipere remissionem, Deo aliquid melius pro nobis prouidente, ne sine nobis consummentur.

Ebr. 11,

Omnis autem qui certat, per omnia temperans est.

*πάντα ὑποτάσσεται*, id est, κατὰ πάντα. In omnibus continens est. Vetus sic, ab omnibus se abstinet. Quæ uidelicet certaturo sint noxia & impedimento futura. Nec abstinet solum à nocituris, sed & quæcunque profutura sunt adaptando & accommodando corpori, utut graua & molesta, magna patientia perfert. Ista pertinent ad studium ac diligentiam animi, serio se ad certandum adaptantis. Hic multa tolerat molesta, à multis abstinet alioqui licitis & iucundis. Quare? Quia conditionem propositi sui talem scit esse, ut si uelit nihil fer-



re duri, sed magis quibuslibet pro libidine uti, frustra sit initurus certamen, corpore adhuc delicato & ad certandum prorsus inepto. Cogitat singulari opus esse studio in disponendo & exercendo corpore, ut reddatur uel ad currendum agile, uel ad certandum impigrum & commodum, ideo studiose curam illius gerit, spe uictoriæ.

Si hoc facit qui perituri brabij gratia certat, quomodo non magis nos, qui pro cœlesti & æterno certamus? Ita argumento à brabiorum cœlestis & terreni discrimine sumpto, putat defacit eos quod in studio certandi superarentur ab illis qui perituræ coronæ gratia certantes, tantam ostendunt continentiam simul & patientiam, tanta possunt ferre incommoda, & à delicatis sese continere, etiam licitis, una uincendi spe inducti cum interea isti ne ab idolothytis quidem sese cōtinere sustinuerint, Euangelij gratia.

Admitur nobis istis similibus omnis excusatio, ut non sit ullus locus cōquerendi de impossibilitate perferendi quæ dura & continēdi à delicatoribus & proposito nostro nocituris, cum uideamus tantum patientiæ & continentiæ in filiis huius sæculi, uel pro inani gloria uel ut terrenas opes acquirant aut ut liberius postea uiuere liceat, studiose certantibus. Nam si illi tantum possunt spe rerum pereuntium & fluxarū, nos si spem haberemus æternorū bonorū quomodo non plura possemus?

EGO itaq; sic curro, ut non in incertum. Redit ad suum exemplum, & in se declarat simul qua spe & quo studio cursui pietatis sese accommodare debeant. Currere in incertum, & aëra pugno uerberare, est omnem currendi & pugnandi operam ludere, ut sit ab illis qui nec de brabio apprehendēdo persuasi, nec de scopo quem petere debeant instructi, temere currunt & uerberant cum diffidentia, adeoq; remisse & frustra. Dicit itaque se non in incertum currere, aut aëra uerberare, hoc est, non esse incertum de brabio cœlesti, nec ignarum scopi qui sit petendus atque ideo cursum tenere certum constantem & recta ad metam properantem, id quod nihil est aliud, q̄ quod suprā dixit, omnibus se factum omnia ut uel aliquos seruet, idq; propter Euangelium, ut illius particeps fiat. Hic erat rectus ac certus cursus, quem uolebat imitari Corinthios. Cursus uero incertus, & aëris percussio erat, quod ipsi in libertatis ostentationē idolothytis uescebantur, deque scientia, quod eidolum nihil esset & quod unus sit Deus, plurimum gloriabantur, & non tam spectabant quid ad ædificationem faceret infirmorum quàm quod ipsis liceret.

Opus est itaque in hoc cursu, ut adsit certa consequendi brabij spes, deinde, ut metæ propositæ non simus ignari, ad quam tendamus. Pestilens igitur est ea doctrina, quæ docet sa-

lutis incertitudinem, hominem scilicet scire nō posse, an sit in gratia uel nō sit. Qua certitudine & spe curret qui de gratia Dei dubitat? 2 Rursus & ea doctrina noxia est, qua docetur Deo placere quicquid bono animo fiat. Quasi nō sit præfixus certus scopus, quem petamus. Currendum est certa uictoriæ spe, sed currendum est nō extra stadium. Viuendum est non secundum rationis nostræ regulā, sed secundum diuinæ uoluntatis placita si uouerimus legitime currere.

VERVM subijcio corpus meum & in seruitutem redigo. Ad certum cursum tenendum opus est ut suprā dixi continuo formandi corporis studio. De hoc loquitur, & quod in simili proposuit, iam in suo exēplo aperit. Multa est corporum nostrorum corruptio, & ad ea quæ pietatis exercitium concernūt ineptitudo, deinde multū inest illis etiam inobedientiæ, aduersus moderamen spiritus. Itaq; nisi uelimus periclitari, coercenda sunt & reprimenda, ut non dominantur per carnis desyderia, cursumque hunc remorentur ac nos perdant sed ut spiritui seruiant instar iumentorum. Hoc fit per continentiam, abstinentiā, & patientiam, labores, uigilias, ieiunia & id genus alia exercitia. Hoc scilicet est quod dicit se subijcere corp⁹ suū & in seruitutē redigere.

Pulchre autem utitur uerbis *ὑποταγήν* & *ἀσκήσασθαι*. *ὑποταγήν* est plagis aliquem in facie liuidum & suggillatum reddere, sicut solet contingere contumacibus & immorigeris qui ad seruiendum plagis adiguntur. Vtitur hoc uerbo sensu metaphorico, pro castigatione corporis, ut & uetus reddidit. Non enim faciem suam uerberando liuidam reddidit Apostolus sed diligenti abstinentia & competenti exercitio castigauit & macerauit, ut ad seruiendum spiritui redderetur aptum & morigerum. Seruus bene saginatus, ineptior est ad seruiendum, & contumacior quàm qui rite obtemperet iussis heri. Vnde & nos Germani de talibus dicimus, *Das fuoter ligt inen zuonach*, causam contumaciæ & petulantiae assignantes. Idem sentiendum est de corporibus nostris.

Ne quomodo fiat, ut cum alijs prædicauerim ipse reprobus efficiar.

Ratio est. 1 Ne reprobus fiat. Hoc est, ne inter eos sit, qui non rite currunt, adeoque nec brabio potiuntur.

2 Idque cum singulari pudore ac turpitudine quod alijs cum prædicauerit, quomodo sit currendum & obtinendum brabium, ipse suam ipsius non sit sequutus doctrinam. Turpe enim est doctori cum culpa redarguit ipsum.



## CAPVT X.



**N**olim autem uos ignorare fratres, quod patres nostri omnes sub nube fuerunt, & omnes per mare transierunt, & omnes in Mosen baptizati sunt in nube & in mari, & omnes eandem escam spiritua-lem comederunt, & omnes eundem potum spiritua-lem biberunt. Biberunt enim de spiritu-ali, quæ sequuta est petra. Petra uero erat Christus. At plures illorum haud approbavit Deus. Etenim prostrati sunt in deserto.

Totum hoc caput ad idem cum præcedentibus duobus propositum facit. Proxime præcedenti Apostolus suo Corinthios exemplo ad hoc inducere uoluit, ut libertate quæ in Christo prætexebant, & qua idolothytis temere uescendo grauiter abutebantur, non ad offendiculum infirmorum, sed magis ad ædificationem uterentur, nec spectarent quid sibi ipsi licere putarent, sed potius quid conduceret infirmis. Hoc uero præsentis capite ferè ad calcem usque, alio argumento utitur, admonens eos, ut si charitatis & ædificationis ratione suoque exemplo permoueri nolint, permoueantur saltem iræ diuinæ & proprii exitij metu. Huc usurpat ueterum Israëlitarum exempla, in quibus illis spectandum proponit, quid futurum sit ipsis si illorum uestigijs ingredi uelint.

**NOLIM** autem uos ignorare fratres.] Paulo supra cum de re Gentibus & nota & usitata loqueretur, non dixit: Nolim uos ignorare fratres, sed, An nescitis quod qui in stadio currunt, omnes quidem currunt, sed unus accipit præmium? Hic uero non dicit: An nescitis? sed, nolim uos ignorare fratres, quod patres nostri omnes sub nube fuerunt, & omnes per mare transierunt, & omnes in Mose baptizati sunt in nube & in mari, &c. Nam quæ adducturus erat exempla Gentilia non erant, sed ex sacris prætorum Israëlitarum historijs depræpta, quarum Corinthij ex Gentibus Christiani nullam dum uel certe modicam ac tenuem cognitionem habebant. Cum autem essent illis ad doctrinam & admonitionem utiles, admonet eos ut harum sibi cognitionem parent, in quibus quasi in speculo quodam uideant, quid caueant, quid sequantur. Haud modicæ prudentiæ est, ex alienis periculis reddi cautum. Et hoc consilio non dicit: Significo uobis quid patribus nostris acciderit, sed, Nolim uos harum esse rerum ignorantes. Monet eos, ut scripturas sacras inspiciant, scientesque illarum esse curent. Utinam sic animati sint erga populum Christi, qui se successores apostolorum esse gloriantur, ut & ipsi nolint fideles ignorantes esse sacrarum scripturarum. Quam autem diuersum agant, &

**A** totis in id uiribus incumbant, quo plebè subiectam à lectione scripturarum arceant, adeoque non cum Paulo dicant: Nolumus uos ignorantes esse, sed cum Antichristo, Nolumus uos scientes esse scripturarum, quis est qui non uideat? Nouit Satan ignorantiam scripturarum esse matrem omnium errorum. Sic Christus Sadducæis dicebat: Erratis nescientes scripturas. Et Chrysost. Hinc omne malum est, inquit, quod scripturæ ignorantur.

**QVOD** patres nostri omnes.] Maiores Israëlitarum intelligit, quos Deus ex Ægypto per Mosen eduxit. Hos ecclesiæ ex Gentibus collectæ proponit, quatenus & ipsi populus Dei existentes seueritatem iusti illius iudicij fuerat experti, eaque in re exemplum cunctis posteris facti, unde admonerentur, non esse irritandum dominum.

**B** Non dicit autem simpliciter, quod patres nostri, sed, quod patres nostri omnes, non quod omnes illorum maiores ex Ægypto educti, & sub nube fuerint, perque mare transierint, & de manna cœlesti ederint, &c. sed quod qui tunc in uiuis erant cum educerentur, educti essent omnes, horumque participes facti. Et sic loquendo omnem Israël ac populi Dei ecclesiam complectitur, inque illa considerandum proponit, cuius ecclesiam Noui testamenti ex Gentibus collectam admonendam esse duxit. Id supra sic proposuit: Qui in stadio currunt, omnes quidem currunt, sed unus accipit præmium. Sic currite ut comprehendatis. Idem hic monet per exempla maiorum populi Israëliti, quibus hoc ipsum usuuenerat, ut omnes quidem currebant, pauci uero præmium apprehenderent.

Et hanc summam diuidit in duas partes, quarum prima uniuerſalem gratiæ Dei communionem, altera abiectiōem ac reprobationem plurium habeat. Ad primam pertinet, quod uniuerſalem quinquies repetit, dicens: Omnes sub nube fuerunt, omnes per mare transierunt, omnes baptizati fuerunt, omnes ederunt, omnes biberunt, quibus nihil uult aliud quam quod supra dixit, omnes quidem currunt. Ad alteram uero, quod subiungit, sed plures illorum haud approbavit Deus, etenim prostrati sunt in deserto, quod ad id pertinet quod supra dixit, unus accipit præmium. Quasi dicat. Quæ in imagine currentium delineauimus, ne putetis nobis qui in stadio Christianæ pietatis currimus haud esse timenda, considerate exempla maiorum nostrorum, ac uidete, an non illis ea acciderint. Ecquomodo nos poterimus esse securi, ne idem patiamur, si simili præuicatione patientiam Dei irritauerimus?

**S V B** nube fuerunt.] **De columna nubis** loquitur, in qua Deus ante populum suum in deserto præcessit. De hac legimus **Exod. 14.** in fine capitis ad hunc modum: Profectique de Sochor, castrametati sunt in Ethan in extremis finibus solitudinis. Dominus autem præcedebat



bat eos ad ostendendam uiam per diem in columna ignis, ut dux esset itineris utroque tempore. Nunquā defuit columna nubis per diē, neque columna ignis per noctem. Itaque nubes ista ad hoc erat populo Dei data, ut externo hoc inuolucro de præsentia Dei angelico ipsos ministerio ducentis ac simul protegentis admonerentur, imō certi redderentur. Vnde & cap. 14. de illa sic legimus: Tollensque se angelus domini, qui præcedebat castra Israël, abiit post eos, & cum eo pariter columna nubis, priora post tergum dimittens, stetit inter castra Ægyptiorum & castra Israël. Et erat nubes tenebrosa & illuminans noctem, ita ut ad se inuicem toto noctis tempore accedere non ualerent.

Duplex itaque erat columnæ huius usus. Vnus ducendi populum in itinere Solitudinis, alter protegendi illum cum ab aduersarijs tum ab estu Solis, qui in Solitudinibus regionum illarum solet esse intensissimus. Accedebat & tertius, de quo est Exod. 16. 19. 24. 33. 34. & 40. quod per nubem, uidelicet, apparere solet dominus, & loqui cum Mose. Quoniam igitur in uniuersum omnes horum fuerant beneficiorum participes, dicit hic Apostolus: Omnes sub nube fuerunt.

Sub cælo sumus omnes, & homines & bestiae. Quid igitur magni est, quod Israëlita sub nube fuerunt? An cælum non est maius, illustrius, ac potius nube? Plane. Verum Apostolus non id intelligit quod uulgari modo simpliciter & sub qualicunque nube fuerint, sed loquitur de communicatione gratiæ, præsentiæ, directionis ac protectionis Dei per nubem ministerio angelico administratæ, ut sub nube fuisse, idem sit, quod fuisse sub gratia diuinæ directionis ac protectionis. Hanc gratiæ Dei communicationem, in eo considerandā proponit, quod uniuersalis fuit omnium. Aliàs poterat dicere: Quod patres nostri omnes in Ægypto fuerunt, Pharaoni seruiuerunt, desertum pertransierunt, &c. Vel: Quod Mose loquutus est Deus per nubem.

*Quæstio.* Sed quærat hic forsā aliquis, quid sibi uoluerit Deus quod per nubem populum suum in deserto duxit ac protexit, cū inuisibili sua prouidentia & potentia haud minus illi adesse posset, quā per rem aliquam externam. Deinde, ubi placebat externæ ac uisibilis alicuius rei ministerium, cur nō lucidius aliquid & illustrius usurpauerit quā sit nubes, quæ utut lucida fuerit, longe tamen infra eam erat claritatem quæ diuinæ naturæ ac maiestatis posset repræsentare splendorem?

**1** Respondeo. Primum propter ruditatem populi rebus spiritualibus & inuisibilibus minus assueti, ne se omni putaret esse numine destitutum, opus erat uisibili aliquo gratiæ huius inuolucro, in quo fide præsentis Dei ductoris ac protectoris aleretur, & in ordine retineretur. Nam ita cōparata est humana infirmitas, ut inuisibilis Dei gratiam ac præsentiā

**A** ægre capiat, nisi sub externo aliquo signo & inuolucro exhibeatur. Nam aliās sola fide animi exercitatos sensus habētis capitur. Et hinc est quod Gentes absque usu imaginū nec numinis præsentiā, nec uerum cultum Dei agnoscere potuerunt. Vnde ille Iudaicæ religionis irrisor dixit: Nil præter nubes & cæli numen adorant.

**2** Deinde quoniam sub re aliqua uisibili erat ei populo cœlestis gratiæ exhibenda præsentiā, opus erat tali quæ & cœlestis esset, & simul humanæ imbecillitati tolerabilis. Splendorem nanque diuinæ maiestati competentē humanus conspectus ferre non potest. Sic Exod. 33. cum dixisset ad dominum Moses: Ostende mihi faciem tuam. Item: Ostende mihi gloriam tuam. Responsum est illi: Non poteris uidere faciem meam. Nō enim uidebit me homo & uiuet, &c. Imō ne Mose quidem faciem inspicere potuit populus, & quomodo faciem, id est, gloriam Dei uidere posset humana infirmitas?

Exod. 34.

Pulchre itaque hæc nubes eam dispensationem Dei repræsentabat, qua suam ille nobis præsentiā ita attēperat, ut nostro sit captui tolerabilis, id quod mille modis facit, donec in hac carne uiuimus. In futura uero uita præsentiā Dei haud obnubilatam, sed facie ad faciem contemplabimur. Sic dicit Apostolus infra cap. 13. Cernimus nunc per speculum in ænigmate, tunc uero facie ad faciem. Nimirū **B** nunc uiget exercitium fidei, quod posteaquā hinc migrauerimus cessabit, nec opus ullis erit inuolucris & obnubilationibus, ubi corā omnia quæ nunc credimus & speramus, plena felicitate contemplabimur.

OMNES per mare transierunt.] Hanc historiam legimus Exo. 14. Magnum sane ac stupendum erat hoc diuinæ potentiæ opus, quo populus ex Ægypto liberatus, ut prorsus de manibus Ægyptiorum eriperetur, per maris est alueum traductus. Quare cum dicit: Omnes per mare transierūt, idem est ac si diceret: Omnes plenam sunt liberationem ex Ægypto cōsequuti, omnes manum Pharaonis per transitū maris euaserunt. Sic ē discrimine præsenti cōmuniter erepti fuerūt omnes, quo gratia hæc liberationis ei populo prorsus esset uniuersalis, & omnibus indiscriminatim communis. At introitus terræ promissæ nō omnibus est illis qui per mare transierūt cōcessus. Quā in re admonemur quantum malum sit nō constanter adhærere uerbo & promissis Dei. Vbi legimus eos qui per hunc maris transitum re ipsa fuerant potentiam Dei experti, per diffidentiam & impatientiam retrocessisse, contraque dominum murmurasse, adeoque post tam luculenta illius beneficia ingressu terræ sanctæ indignos sese reddidisse, cogitemus quod sit necessarium, ut summa cura in gratia Dei permanere satagamus.

OMNES in Mosen baptizati sunt, in nube & in mari.] Si totam nubis huius & transitus historiam



historiam uoluas ac reuoluas, ne uerbo quidē A baptismi mentionem fieri inuenies. Quomodo ergo & quare dicit: Israëlitarū patres omnes in nube fuisse & in mari baptizatos? Respondeo. Accommodat se proposito. Pleriq; Corinthiorum propter baptismum plurimū insolescebant, quemadmodum statim initio epistolæ huius uidimus, adhæc, sacramento quoque dominicę cœnæ enormiter abutebatur, & interea horum mysteriorum fiducia cū delinquerent in multis salutem sibi ipsi pollicebantur. Vt igitur admonerentur, quā inanis esset hæc fiducia, tribuit Israëlitis quoque eorundem mysteriorum communicationem, idque generaliter omnibus, ne dicerent Corinthij nihil ad se pertinere illorum exempla. Sic dicit: & omnes baptizati sunt, non minus q̄ nos. Et quoniam interrogari poterat, in quem & quomodo baptizati essent, addit, in Mosen, in nube & in mari quibus uerbis exponit, quomodo & in quem fuerint omnes baptizati, simulque aperit, ad quid dixerit: patres omnes fuisse sub nube, perque mare transiisse. Poterat dicere, & omnes circumcisi fuerunt in Mosen. Verum non respiciens hic ad contentionem quæ de circumcisione à plerisque mouebatur, sed pugnans cum illis qui propter baptismum insolescentes nihilo melius uiuebāt quā olim Iudæi in deserto, ad hūc modum loqui uoluit: Et omnes in Mosen baptizati sunt, in nube & in mari. Quasi dicat: Ne putetis uos baptismatis & cœnæ dominicæ symbolis tutos esse ab exclusionē regni cœlestis. Nisi enim post baptismum iter quod ingressi estis legitima fide, spe, dilectione, & patientia constanter tenueritis, tam non intrabitis in regnum cœlorum, quā Israelitæ propter diffidentiam & impatientiam promissam terram non sunt ingressi, quāuis omnes essent in nube & mari baptizati, cœlestisque alimonie ac potus participes facti.

Scriptura quidem non uocat nubem & mare baptismum, uerum Apostolus rem ipsam, uel si mauis, mysterium propius inspiciens, idem significat Israëlitis fuisse nubem ac transitum maris, quod nobis in Nouo testamento est baptismus, id quod paucis sic accipe. Populus Veteris testamenti sanguine agni ex Ægypto seruatus fuit, deinde cū eductus esset, per nubem est & transitum maris uelut initiatus in Mosen, hoc est, in pædagogiam illam Mosai cæ legis, quæ postea est in monte Sinah lata. Sic nos sanguine agni immaculati ē regno Satanæ liberati in Christum per baptismum initiamur. Deinde nubes separauit eos ab Ægyptijs ac protectioni diuinę inclusit. Sic baptismō separamur ab infidelibus, & in gratiā cœlestem suscipimur & initiamur. Mare submersit Ægyptios, Israelitas uero, tanquam populum domini, uelut ex morte uiuos transmisit, & ad iter terrę promissę sanctificauit. Sic baptismus quatenus sacramentum est remissionis peccatorū, peccata nostra submergit, & nos ad iter

cœlestis patriæ morti æternæ ereptos sanctificat. Nube suscepti & per mare sanctificati, paulo post doctrinā cœlestem per Mosen acceperunt, ad cuius præscriptum domino Deo suo bona fide ac religiose adhærent, omnēq; suam uitam dirigerent. Cōsimili modo in Nouo quoque testamento initiatis ac baptizatis proponitur doctrina salutis, quam constanter sequantur. Vnde & Christus cum dixisset: Baptizantes eos in nomen patris & filij & spiritus sancti, adiecit, docentes eos seruare omnia quæcunque præcepi uobis. Propter consimilem hunc cursum primordiorum utriusq; testamenti, uocat Apostolus nubem ac transitū maris baptismum, hoc est, dicit Israëlitis ea id fuisse quod nobis est baptismus.

Vbi & illa consyderari possunt. In baptis- *Tria sunt in baptis-*  
mate sunt tria. Gratia cœlestis, uerbum, aqua. *mo.*  
Gratia, in quam initiamur, uerbum geminū, præcedens ac subsequens, præcedens, quo institutum est baptisma, subsequens, quo docemur baptizati. Aqua, qua externe sacramentaliter tingimur, initiamur ac sanctificamur. Hæc sunt perspicua. Deinde, aqua semel initiamur, gratia uero, in quam baptizamur initiamur ac suscipimur, donec sumus in hac uita perpetuo fruimur. Iam refer animū ad baptismum Israelis. Hic est nubes & uerbū, & aqua maris. Nubes symbolum erat cœlestis gratiæ, in quam populus ille suscipiebatur & initiebatur. Verbum erat mandatum Mosi datum à domino, de mari diuidendo. De nube non extat uerbum. Quia nihil erat in illa quod humano ministerio perficeretur. Quemadmodum in nostro quoque baptismo non habemus. Verbum nisi instituens ac mandans quod faciat minister Euangelij, cum adiecta promissione, qua credenti ac baptizato salus promittitur. Aqua maris, qua populus transeundo ad iter terræ promissæ sanctificabatur, & initiebatur. Hæc sanctificatio per transitum maris semel est facta, nec unquā repetitam legimus. Hanc uolebant reddere irritam, qui de reditu in Ægyptum cogitabāt. Consimiles illis sunt Anabaptistæ, quicquid prætexant. Nubes uero non semel tantum apparuit, sed præsto fuit indefinēter. Sic Exodi. 13. legimus. Nunquam defuit columna nubis per diem neque columna ignis per noctem coram populo. Innuebatur uidelicet, sacramentum quidē gratiæ Dei semel tantum administrari, ipsam uero cœlestem gratiam esse perpetuam. Hisce cogitationibus existimo intelligi posse, quare & quomodo Israelitas omnes Apostolus in nube & in mari baptizatos esse dicat.

Vbi consyderet diligens Lector. Primum, quid sit baptizari, deinde non baptizari simpliciter sed in aliquē. Baptismus est initiatio, obsignatio, & sanctificatio. Quæ initiantur, obsignantur, & sanctificantur, omnino in alicuius nomen ac peculium initiantur, obsignantur & sanctificantur. Sic non simpliciter dicit Apostolus: & omnes baptizati sunt, sed ad-

dit,



dit, in Mosen. Dicit aliquis. Ecquid discrimi-  
nis est inter apostolos & Mosen? In nomē A-  
postoli baptizari non licet, & in nomen Mosis  
licuit? An nō suprā cap. i. dixit Apostolus: Nū-  
quid Paulus crucifixus est pro uobis? Aut, in  
nomen Pauli baptizati estis? Gratias ago Deo  
meo quod neminem uestrum baptizavi, nisi  
Crispum & Gaium, ne quis dicat, quod in no-  
mē meum baptizauerim. Quid ergo est, quod  
hic Apostolus Israëlitae in nomen Mosis ba-  
ptizatos fuisse dicit? Respondeo. Multum di-  
scriminis fuit inter Mosen & apostolos. Tam  
ille quidem quā isti non dominus sed mini-  
ster domini fuit, uerum ille mediator fuit Ve-  
teris testamenti, cuius respectu Christus me-  
lioris testamenti mediator Ebr. 8. dicitur, un-  
de & pro ipsa pædagogica lege ac dispensatio-  
ne Veteris testamenti plerumque ponitur, id  
quod hoc loco factum esse constat, quale quid  
de apostolis dici non potest. Præterea, non di-  
cit: & in nomen Mosis, sed, in Mosen baptiza-  
ti fuerunt omnes. Aliud est in nomen Mosis,  
& aliud in Mosen, id est, pædagogiam Mosis  
iniriari. Tertio illud quoq; considerandum  
est, quod in mysterio hoc baptismi nubem &  
transitum maris coniungit. Non dicit simpli-  
citer, baptizati sunt in nube, sed addit, & in  
mari. Nec dicit: Baptizati sunt in mari, sed præ-  
mittit, in nube, & hæc duo, nubem & mare in-  
terposita copulationis uocula coniungit. Er-  
go ne gratiam cœlestem symbolo externo in-  
diuulſe connectit? Nequaquā. Nubem & ma-  
re connectit. At utraq; symbola erant non res  
ipsa. In symbolis gratiæ communicant om-  
nes, in gratia ipsa non item. Neq; enim omnes  
placuerunt Deo. Nemo gratiæ cœlestis uere par-  
ticeps Deo displicet. Nemo autem incredulus  
& immorigerus gratiæ est particeps cœsendus.  
Non est autem insolens, quod nubem & mare,  
res à se inuicem diuisas, in unum sacramētum  
cōiungit. Nam & Christus ipse sub pane & ui-  
no rebus diuersis eiusdem nobis mysterij sa-  
cramentum proposuit. Neq; excusantur hinc  
papistæ, qui salem, oleum, sputum, & candelā  
accensam aquæ coniungunt in baptismo. Illic  
enim diuina est autoritas, apud ipsos uero  
humana temeritas.

Exo. 16. 17 **E**T omnes eandem escam spiritua-  
lem biberunt.] Vide quomodo se proposito  
accommodet etiam hoc loco. Non dicit, om-  
nes manna comederunt, & aquā ex petra pro-  
manātem biberunt, cum tamen de manna &  
aqua illa loquatur, sed quemadmodum in præ-  
cedenti particula nō simpliciter dixit: omnes  
sub nube fuerunt, & omnes mare transierunt,  
sed adiecit, omnes in Mosen baptizati sunt in  
nube & in mari, ita hic quoq; ut mysterio cibi  
ac potus huius expresse argumento suo sese  
accommodaret, dixit, omnes eandem escam  
spiritua-lem comederunt, & omnes eundem  
potum spiritua-lem biberunt, ne quos exem-  
plo hoc Israëliitarum à uana fiducia externorū

**A** signorum reuocare conabatur, mox regererēt,  
ecquid est quod manna comederūt & aquam  
biberunt? Nos spiritua-lem cibum ac potum e-  
dimus & bibimus, illi terrenum. Et illi, inquit,  
spiritua-lem cibum ac potum comederunt &  
biberunt, perinde atque nos.

Deinde & illud argumento seruit, quod nō  
simpliciter dicit: omnes escam spiritua-lem co-  
mederunt & omnes potum spiritua-lem bibe-  
runt, sed utrobique addit *τὸ αὐτὸ*, id est, eandem  
& eundem. Eandem, inquit, escam comede-  
runt, & eundem potum biberunt omnes, id  
quod argumento huic duplici sensu accom-  
modari potest.

**1** Primo sic in tota illa multitudine eādē  
omnes inter se escam ederunt, & eundem po-  
tum biberunt. Non aliam escam pij, aliam re-  
probi sed omnes indiscriminatim eandem co-  
mederunt, ac consimili modo non alium atq;  
alium sed eundem omnes potum biberunt, &  
tamen non omnes Deo placuerunt, sed plures  
ex illis perierunt, quare uidete ne idem con-  
tingat & uobis.

**2** Deinde hoc pacto. Omnes eādē escam  
nobiscum comederunt, & eundem potum no-  
biscum biberunt, hoc est, eorūdem nobiscum  
mysteriorum participes fuerunt, & tamen nō  
sunt propterea saluari omnes, & quomodo  
nos omnes cibi ac potus huius communicatio  
seruaret, quæ illos non seruauit? Et hunc sen-  
sum sequutus Augustinus, quomodo eundē,  
quem nos, cibum & potum ederint ac bibe-  
rint Israëlitæ omnes, sic exponit, tractatu su-  
per Iohan. 45. Eundem, inquit, potum spiritua-  
lem biberunt, spiritua-lem eundem, corporale  
non eundem. Quid enim illi bibebant? Bibe-  
bant de spiritali sequente petra, petra autem  
erat Christus. Videte ergo. Fide manēte signa  
sunt uariata. Ibi petra Christus, nobis Christus  
quod in altari Dei ponitur. Et illi pro magno  
sacramento eiusdem Christi, biberunt aquam  
profluentem de petra, nos quid bibamus, no-  
runt fideles. Si speciem uisibilem intendas, a-  
liud est, si intelligibilem significationem, eun-  
dem potum spiritua-lem biberunt. Hæc ille. Sa-  
ne utroq; sensu populus ille eundem spiritua-  
lem cibum ac potum cum inter se tum nobi-  
scum comedit & bibit.

Sed quæſierit hic quisquā, quomodo Apo-  
stolus res corporeas & uisibiles manna uide-  
licet & aquam ex petra, quibus populi illius  
corpora alebātur in deserto, & unde ipsa quo-  
que iumenta bibebant, Num. 20. spiritua-lem  
cibum ac potum uocet.

Respondeo. Si quod corporale est, uisibile  
ac palpabile, nullo modo spiritua-lem uocari po-  
test, non uideo quomodo tueamur Apostolū  
hoc loco. Si uero aliquo respectu potest esse  
spiritua-lem, quod substantia corporali constat,  
facile intelligimus, nō respicere illum ad sub-  
stantiam uel Man uel aquæ, sed uel ad originē  
illorum, uel mysterium aliquod, uel usum.

Ambrosius refert hanc loquutionem ad mi-  
raculosam

Quæſio b



raculosam utriusq; originem, qua citra cōsue-  
tum naturę cursum illud de cœlo, ista ex petra  
subministrabantur. Et Chrysostomus quoq;  
hāc rationem adfert, uerum addit de usu quo-  
que dicens: *Εἰ γὰρ ἢ αἰδοῦνται τὰ γινόμενα ἀλλὰ πνεύ-  
ματινός παρέχεται, ὃ κατὰ φύσιν ἀπολαύσαν ἀλλὰ κατὰ δω-  
ρεὰς χάριτος, καὶ μετὰ τὸ σῶμα, ἢ πλὴν ψυχῆς ἐστίν, ὡς πῶ-  
ς ἐν ἀγνοία.*

Sane usus utriusq; huius cibi & potus gemi-  
nus fuit. Dabantur enim ad alimoniam ac su-  
stentationem corporum, & simul ad eum mo-  
dum, miraculosum uidelicet, ad alendam edē-  
tium ac bibentium fidem subministrabantur.  
Etenim si corpora tantū pascere uoluisset do-  
minus, poterat hoc cōmuni naturæ cursu abs-  
que miraculo facere. Et hic erat potissimus u-  
sus cibi huius ac potus, faciens ad cibandum  
edentis ac bibentis spiritum, unde non imme-  
rito spiritualis hic cibus, & spiritualis potus  
ab Apostolo uocatur. Nec insolitum est deno-  
minare res à potiori illarū parte, uel respectu.  
Sic recte panes illos ac pisces, quibus in deser-  
to dominus populum se sequentem miraculo-  
sa uirtute pauit, spirituales escam uocabis.  
Licet enim populus & corporaliter illos ede-  
ret, & corporaliter quoq; pasceretur, sic tamen  
uirtute insolita exhibebantur, ut non corpora  
modo, sed & spiritus illorum, ad fidem, uide-  
licet inducentes, alere possent.

Et hic sensus satis quidē rationis habere ui-  
detur, propter quam cibus ac potus Israëlita-  
rum in deserto spirituales ab Apostolo uocari  
potuerint, meo tamen iudicio, quoniam non  
simpliciter dicit, & omnes escam spirituales,  
& potum spirituales, sed, & omnes eandem  
escam spirituales comederūt, & omnes eun-  
dem potum spirituales biberunt, quatenus  
non inter se modo, sed & nobiscū eodem quo  
nos cibo ac potu spirituali sunt usi, respicien-  
dum hic magis est ad mysterium, in quo nos  
cum illis cōmunicamus, & cuius respectu no-  
ster quoq; cibus ac potus, quem utrunq; secun-  
dum Seruatoris institutionem de mensa illius  
accipit fidelium ecclesia, spiritualis uocatur.  
Mysterium autem nostræ cōmunicationis est  
in Christo, pane uitę, ac potu salutis. Ergo illic  
quoq; mysteriū Man & aquę in Christo fuit.  
Quare & addit Apostolus, bibebant enim de  
spirituali quę sequuta est petra, petra uero illa  
erat Christus. Igitur propter Christum, cibum  
nostrum ac potum, cuius mysterium in Man  
& petra deserti adumbrabatur, Israëlitas Apo-  
stolus cibum spirituales comedisse, ac potum  
spirituales bibisse dicit. Recte ergo Augustinus  
fide manēte signa uariata esse, Israëlitasq;  
pro magno eiusdem Christi sacramēto aquam de  
petra profluentem bibisse dicit.

Questio II.

Adhuc quærī poterit, quomodo Israëlita-  
rum in deserto eundem nobiscum spirituales ci-  
bum comedisse dicantur, cum Christus neget  
ipsis uerum ac cœlestem panem datum esse à  
Mose, dicens Iohan. 6. Non Moses dedit uobis  
panem de cœlo, sed pater meus dat uobis pa-

nem de cœlo uerum. Panis enim uerus est, qui  
de cœlo descendit, & dat uitam mundo. Et Pa-  
tres uestri manducauerunt manna in deserto,  
& mortui sunt. Hic & panis de cœlo descen-  
dens, ut si quis ex ipso manducauerit, non mo-  
riatur. Ego sum panis uiuus qui de cœlo descē-  
di, &c. quibus utiq; uerbis & negat eos uerū  
panem comedisse, & inter id quod illi ederunt  
& se panem uerum quem nos edimus, discrimi-  
nat. Quomodo ergo eundem nobiscum spi-  
rituales cibum manducarunt?

Respondeo. Manna quod manducarunt pa-  
tres, nō sic spiritualis cibus fuit, ut esset uerus  
panis dans uitam mundo, sed ut esset illius sa-  
cramentum. Christus igitur loquēs Iudæis de  
hoc manna carnaliter & absq; scientia myste-  
rij illius, ac simul de Mose contra ipsum glori-  
antibus, ut inanem ipsoꝝ gloriationem re-  
futet, negat Moſen uerum panem dedisse, sed  
dari hunc à patre affirmat, deinde inter se pa-  
nem uitę & manna discriminat, ut illius infir-  
mitatem perstringēs ad se uerum uitę panem  
quosuis inuiter. Hęc autem non eo sunt dicta  
ut negetur manna aliquo modo spirituales  
fuisse cibum, hoc est, ueri cibi sacramentum, &  
hactenus patres eundem nobiscum cibum co-  
medisse. Christus loquutus est de manna sim-  
pliciter, ut de cibo corporis contra carnales  
Iudæos uentris ac perituri cibi seruos, Paulus  
uero ut de cibo mystico & sacramentali, con-  
tra pseudochristianos sacramēto cœlestis cibi  
abutentes, & interim de illo præsumentes. Sic  
alio atq; alio respectu diuersimode de re eadē  
sunt loquuti.

Rursus dicet quisquam. Si manna & aqua *Quest. III.*  
de petra, cibus ac potus spiritualis, & sacramē-  
tū corporis ac sanguinis domini fuerunt, qua-  
re in deserto tantum & non etiam in ipsa terra  
Canaan perseueranter sunt toto Veteris testa-  
menti decursu ad ipsum usq; Christum exhibi-  
ta, quę admodum nobis toto Noui testamenti  
tempore ad reditum usq; Christi sacramētum  
corporis ac sanguinis illius subministratur.

Respondeo. Duo sunt sacramentorum ge-  
nera. Vnum eorū quę mirabili & insolito mo-  
do administrabantur. Alterum eorum quę ci-  
tra miraculum externum geruntur. In priori  
non est certa institutio, sed libera diuinę pro-  
uidentię dispensatio. In posteriori uero insti-  
tutio est certo uerbo expressa, ac toto testamē-  
ti tempore durans. Ad prius genus pertinent  
nubes ac transitus maris, manna item & aqua  
de petra. Hęc sunt populo rudi modis insoli-  
tis, cum miraculo attemperāter, partim semel  
tantum, utpote transitus maris, partim to-  
to deserti incolatu exhibita, utpote nubes, mā-  
na, & aqua, quo non modo figuris, sed & ma-  
nifestis miraculis in fide prouidentię Dei ale-  
retur. Ad posterius pertinebant Circuncisio &  
agnus Pascatis, quorū administratio nihil ha-  
bebat miraculi, habebat uero certam & expres-  
sam institutionē toto illo Vet. testamenti tem-  
pore durantem. Huc pertinent & nostra sacra-

Duo sacra-  
mentorum  
genera.



De Trin.  
lib. 3. cap.  
10.

menta baptismus & cœna domini quæ & ipsa citra miraculum dispensantur, & institutionem habent, ad finem usque mundi perseverantem, & quia per homines fiunt & dispensantur, suntque omnibus nota, honorem quidem tanquam religiosa habere possunt, stuporem uero tanquam mira, ut uerbis Augustini utar, non possunt. Habuit igitur populus ille duo sacramentorum genera, etiam in deserto constitutus, quorum unum ad tempus ruditati ipsius seruebat alterum uero toto Veteris testamenti tempore ad Christum usque durauit.

BIBERVNT enim de spirituali, quæ sequuta est, petra.] Rationem reddit, quare patres potum spiritualement bibisse dicat, cum aquam terrenam biberint eandem unâ cum iumentis. De Manna nihil rationis subiecit, ob quam cibum ipsum spiritualement uocauerit. Etenim illud & substantia sua inusitatum, & modo quoque mirabili cœlitus demissum fuerat, ut facile capi queat, quare illud spiritualement cibum uocet. Biberunt, inquit, de spirituali petra, quæ sequuta est, uel, quæ sequebatur. Ergo aquam illam propterea spiritualement uocat, quod de petra spirituali promanauit. Cum dicit, biberunt de spirituali petra, auocat mentes legentium à petra corporali, ad Christum petram spiritualement, unde & subdit, petra autem erat Christus. Potest & corporea petra spiritualis uocari, propterea quod figura fuit spiritualis petre. Verum quoniam addit, quæ sequebatur, intelligendum esse puto de ipso Christo. Is enim sequebatur populum in deserto, & aquas illi miraculosa scaturigine subministrabat. Quemadmodum hodie quoque donec in transitu profectionis nostræ sumus, ecclesiam suam consequitur, illique & panem & aquam uitæ suppeditat, usque dum ad cœlestem patriam uenerimus, ubi Deus erit omnia in omnibus. Sic promissit nobis dicens: Ecce ego uobiscum sum usque ad consummationem sæculi. Matthæi ult. Proponitur ergo nobis hoc sensu Christus non modo perpetuus in se durans inde ab initio ad finem usque, ut idem sit heri, & hodie, & in sæcula, sed & cōtinuus populi Dei gubernator mediator ac Seruator.

PETRA autem illa erat Christus.] Sic uisum est legere, quoniam in Græco est *ἡ πέτρα ἥ ἐστιν*, quod idem esse uidetur, ac si diceret *αὐτὴ ἡ πέτρα* præsertim, cum de petra populum illum consequuta loquatur. Quasi dicat. Petra autem illa spiritualis, quæ populum sequebatur, & potum spiritualement subministrabat, erat Christus, idem ille qui nos quoque consequitur, ac cibum nobis potumque spiritualement dispensat. Augustinus intelligit de petra corporea, quâ Moles baculo suo percussit, inque fontem exundantium aquarum conuertit. Atque ideo exponit, petra erat Christus, id est, significabat Christum. Significabat quidem Christum illa petra corporea & à Mose percussa, ac recte spiritualis uocari potest, uerum quoniam prædicatum hoc consequutionis illi non potest cō-

mode tribui, existimo Apostolum loqui de Christo spirituali petra, populum consequuta, ideoque quod dicit: Petra autem illa erat Christus, non esse exponendum, petra illa significabat Christum, sed, quemadmodum uerba sonant, petra illa, quæ sequebatur eos, erat Christus. Cum nemine tamen hac de re contendero. Si resperimus ad petram corporalem, illa utique Christus non erat, sed Christum figurabat ac significabat, si ad spiritualement, patres illos in deserto consequuta, id est, ad Christum ipsum, non conueniet ut exponamus, petra illa significabat Christum. Neque enim seipsum significabat Christus, sed à petra corporea, à manna, à nube, &c. significabatur.

SED plures illorum non approbavit Deus, prostrati sunt enim in deserto.] Hactenus uniuersalem gratiæ Dei communicationem absoluit, qua patres omnes baptismatis, spiritualisque cibi ac potus participes fuisse dixit, iam consequenter quod supra ad alteram præsentis causæ partem pertinere diximus, de plurium reprobatione subiicit, quo comprobet, non saluari quæquam externorum mysteriorum communicatione, si fides ac ueræ pietatis studium defuerit. Omnes, inquit, baptizati fuerunt, omnes cibum ac potum spiritualement ederunt & biberunt, eundem quem nos edimus ac bibimus, sed non omnes sunt saluati. Nam complures illorum non approbavit Deus. Quare uidete ne quod illis accidit uobis quoque usuueniat.

ILLUD, prostrati sunt enim in deserto, argumentum habet præcedentis, quo plures illorum à Deo reprobatos esse dixit. Non dicit, mortui enim sunt, sed, prostrati sunt in deserto. In deserto mortui sunt & Moyses & Aarō, & Maria, multique pii senes, priusquam populus ille in terram promissam intraret, de quibus dici non potest quod à Deo sint reprobati. Aliud est simpliciter mori, communi lege naturæ, & aliud singulari ultione diuina prosterni, & è medio tolli. Ex posteriori hoc colligit argumentum iræ Dei. Huc pertinent historiæ diuinæ ultionis, quas mox subiiciet.

OBSERUA. SED plures illorum inquit.] Ergo non est sequenda multitudo, nec faciendum quod plures in populo faciunt. Neque enim, inquit ille, tam bene cum rebus humanis geritur, ut meliora pluribus placeant. Argumentum pessimi turba est. Quæramus quid optime factum sit non quid uisitatissimum, & quid nos in possessione felicitatis æternæ cōstituat, non quid uulgo pessimo ueritatis interpreti probatum sit.

NON approbavit Deus, inquit.] Atqui multa illis impendit beneficia, quæ utique dilectionis erant indicia. Nemo ergo cum nostri temporis impostoribus securitatem ex eo sibi polliceatur, quod in ecclesiâ suam dominus multa beneficia contulit, quasi propterea maior illius multitudo errare ac præuariari non possit. Christus, inquiunt, diligit ecclesiam suam, quomodo ergo sineret illâ tot sæculis errare?

Diligite



Diligit eam, sed plures ex illa nō approbat, & ab illis ipse non diligitur. Nisi acceptam gratiā bene collocemus placere illi non possumus.

PROSTRATI sunt, inquit, in deserto.] Sic pereundum est in itinere peregrinationis nostræ pluribus, propter diffidētiā & incredulitatem. Ergo pauci saluantur. Multi enim uocati, pauci electi.

Hæc autem figuræ nostrī fuerunt, ne simus nos concupiscētes rerum malarū, quemadmodū & illi concupierūt. Neq; simulacrorum sitis cultores, sicut quidā illorum, quemadmodum scriptum est, sedit populus ut ederet ac biberet, & surrexerūt ut luderent. Neq; scortemur sicut quidam illorum scortati sunt, & cōciderunt uno die uiginti tria milia. Neq; tentemus Christum, sicut & quidam illorum tentarunt, & à serpentibus extincti sunt. Neq; murmuretis, sicut & quidā illorum murmurauerunt, & interempti sunt ab extinctore. Hæc autem omnia figuræ contigerunt illis, scripta uero sunt propter admonitionem nostrī, in quos termini sæculorum inciderunt. Proinde qui sibi stare uidetur, uideat ne cadat.

Applicat ea quæ de patribus Israëlitarum in medium adduxit, ac declarat quomodo ad propositum faciant, proinde ac si Corinthij fideles dicāt καὶ τί πρὸς ἡμᾶς ταῦτα. Hæc, inquit, nō sunt ut nuda & obsoleta facta sed ut typi inspicienda, deinde non sunt typi ad nos nihil sed potissimum ac peculiariter pertinētes. Ad primum pertinet, quod dicit: Hæc autem fuerunt figuræ. In Græco est τύποι, quam uocē posuit pro παραδείγμασι, id est, exemplis, ut uerti queat: Hæc autem exempla nostrī fuerūt. Vnde & Chrysost. inter cætera dicit, ὅτι παραδείγματα ἡμῶν οὗτοι οὗτοι. Ad alterū pertinet, quod non simpliciter dicit: Hæc autem exempla fuerunt, neq;: Hæc autem exempla fuerūt Israëlitarum, sed, hæc autem exempla nostrī fuerūt, Christianorum uidelicet. Sic occurrit illis qui poterant ista, tanquam Iudaica & à conditione Christianorū aliena respuere.

Non est autem hoc obiter sed magna cum ratione dictū. Quæ Israëlitis tam mala quam bona euenerunt, exempla fuerunt eorum qui illis in participatione eiusdem ecclesiæ, gratiæ ac salutis successerūt, nō illis, qui prorsus omnis cōsortij illorum exortes & ab ecclesia Dei alieni permanserūt. In eadē ecclesia duo sunt populi, Israëlitarum & gentium, ex æquo qui dem eiusdem fidei ac salutis consortes, uerum hoc ordine, ut Israëlita præcesserint, gētes uero successerint. Quare ordinis huius lege cōsequitur, ut quæ Israëlitis euenerunt exempla, fuerint fidelium ex gentibus. Ratio exempli est, ut cedat ad cautionem nō alia uia sed prorsus eadem insequentibus, nec possunt quæ cō-

tingunt prodesse ijs qui præcesserunt, sed ijs tantum qui sequuntur. Ita seruiunt nobis quæ acciderūt Israëlitis & hanc ob causam typi nostri uocātur ab Apostolo. Ratio potissima est, quod idem nobis cum illis est Deus ac dominus, eademq; ab utrisq; requiritur fidei ac pietatis synceritas, & quod mutatio iudicij & iusticiæ in Deum nō cadit. Admonemur igitur, quomodo legendæ sint nobis sacræ Veteris testamenti scripturæ, haud uidelicet, quasi à nostræ religionis, sortis, ac salutis conditione alienæ sed tanquam exempla nos potissimum concernentia.

NE simus nos concupiscentes rerū malarū, quemadmodum & illi concupierunt.] Duo sunt exemplorum genera, fugiendarum rerum unum, imitandarum alterū. Prius absterret ab imitatione, posterius allicit. Ad prius pertinere significans quæ attulit in mediū Israëlitarū exempla, dicit: Hæc autem figuræ nostrī fuerunt, ne simus concupiscentes rerum malarū, quemadmodum & illi concupierunt. Sunt autem duæ exempli partes. Factum uidelicet, & euentus uel fructus facti. Factum nec in priori exemplorum genere uim habet absterrendi, nec in posteriori, alliciendi, sed adhibenda est utrobique euentuum cōsideratio. Exempla uiciorum, præcipue si magnis subeant animos authoribus, ut ille canit, magis inuitāt q̄ absterret, uirtutū uero, quibus authoritate maiorum commendentur, prorsus infirma sunt ad alliciendum. Quare proponēdi sunt ante oculos euentus factorū, perditio uidelicet reprobiorum, & felicitas piorum studia cōsequuta. Sic hoc quoq; loco non id tantum in exemplis est Israëlitarū inspiciendū, quod mala concupierunt, sed adiungendum quod præmisit dicens, uerum plures illorum haud approbauit Deus, sed prostrati sunt in deserto. In eo namque pars illa exempli est, quæ uim habet à malorum cōcupiscentia absterrendi omnes eos, qui nec displicere Deo nec perire, sed potius placere illi, & ad salutem pertingere cupiunt.

NE simus, inquit, concupiscentes rerū malarum.] Quid est quod non dicit: ne simus facientes res malas? An nō peius est facere q̄ cōcupiscere malum? Respondeo. Coram Deo concupiscentia pro facto est. Deinde & radix est facti. Vnusquisq; inquit Iacobus, tentatur à concupiscentia sua abstractus & illectus. Deinde concupiscentia cum cōceperit, parit peccatum, peccatum uero ubi cōsummatum est, generat mortem. Itaq; duplici nomine admonemur, ut fugiamus concupiscentiam rerum malarum: cum quod allicit ad opus peccati, tum quod etiā si illud non sequatur, ipsa tamē corā Deo pro facto reputat, iuxta illud Christi Seruatoris: Qui uiderit mulierē ad cōcupiscendū eā, iā adulteriū admisit cū ea in corde suo.

QUEMADMODUM, inquit, & illi concupierūt.] Chrysost. uisum hoc est generaliter dictum, sic ut quæ sequunt, illius sint species, propterea quod unūquodq; peccatū ex mala

Duo sunt  
exemplorum  
genera.

Duæ sunt  
partes ex-  
empli.

Quest. I.

Iacobi 1.

Ratio ex-  
pli.



nascatur concupiscētia. Verū, meo iudicio, ha  
bet hæc particula singulare malæ concupiscē  
tiæ exemplum, & referēda est ad historiā quæ  
Num. 11. legitur. Populus flagrabat desyderio  
carniū, sedens, flens, ac dicens: Quis dabit no  
bis ad uescēdum carnes? Recordamur pisciū,  
quos comedimus in Ægypto gratis, in mentē  
ueniunt nobis cucumeres & pepones porriq;  
& cepe & allia. Anima nostra arida est, oculi  
nostri nihil uident aliud q̄ Man. Hæc erat illo  
rum praua cōcupiscētia. In hanc animaduertit  
Deus graui ultione. Cum enim adhuc esset  
caro in ipsorū dentibus, cōcitatus est in eos fu  
ror domini, percussiq; sunt plaga magna ualde  
ac uocatus est locus ille, sepulcra concupi  
scentiæ. Ibi nanq; sepelierūt populū, qui concu  
pieraat carnes. Huius exēpli respectu dehor  
tatur Corinthios Apostolus à consimili praua  
concupiscētia, dicens: Ne simus concupiscē  
tes rerū malarū quēadmodū & illi cōcupierūt.

Quest. II.

Sed nascitur hic quēstio, quomodo dicat A  
postolus Israëlitas cōcupiuisse res malas, ubi  
appetebāt carnes, pisces, cepe & allia. Etenim  
si hæc mala in se erāt, mala comederant in Æ  
gypto, quod tamē nusq; in illis reprehenditur.  
Deinde, quomodo conueniat hæc admonitio  
doctrinæ Euangelij, qua hic ipse Apostolus 1.  
Tim. 4. omnē creaturam Dei bonam esse, nec  
quicq; reiiciendum dicit, ubi de interdictu ci  
borū loquitur, quē spiritus errorum in eccle  
siam Christi erant introducturi. Adhæc, si non  
sunt hæc mala sed bona quomodo repræhen  
sibilis sit concupiscētia rerum non malarum  
sed bonarū. Respōdeo. Nec mala sunt caro,  
pisces, porri, cepe & allia, nec male docuit loco  
citato Apostolus, nec peccarunt Israëlitas talia  
comedēdo in Ægypto, nec in deserto talibus  
uescendo peccassent, nec malum est cibū bo  
num & necessariū concupiscere, sed ex circū  
stantijs mala fuit ista Israëlitarū concupiscē  
tia, quibus res in se bonæ malæ redduntur.

Primum ipsi erāt mali, increduli & immun  
di. Immundis autē immunda sunt omnia. De  
inde fastidiebant cibū cōlestem & panem an  
gelicum. Tertio concupiscebant carnes nō ex  
fame sed ex libidine uoluptuariæ gulæ. Quar  
to cōcupiscendo murmurabāt contra domi  
num ac seruū eius Mosen. Huiusmodi ergo cō  
cupiscētia merito displicebat domino, & re  
cte dicit Apostolus quod res malas cōcupiue  
rint. Nec est præter rationē, quod Corinthios  
monet, ne simili concupiscētiæ locū præbeāt.  
Præterq; enim quod domino displicet, pluri  
mum habet efficaciz ad synceritatē fidei labe  
factandum, dum plocliuis est ad cōmercia in  
eunda cum infidelibus, & animum reddit de  
licatum, nulliusque laboris pro seruanda fide  
subeundi tolerantem.

NEQUE simulacrorum sitis cultores, sicut  
quidā illorū, quemadmodū scriptū: sedit po  
pulus ut ederent & biberent, & surrexerūt ut  
luderent. Quoniā periculum erat, ne praua  
concupiscētia seducti, qui cum infidelibus de

eidolothytis manducabant, paulatim ad cul  
tum eidorum relaberentur, proponit illis a  
liud populi peccatoris exemplū, unde moniti  
cultum simulacrorū fugerent. Ne simulacro  
rum, inquit, sitis cultores. Hoc peccati genus  
& suprā cap. 5. 6. & 8. perstrinxit. Plurimum e  
nim metuebat, ne recens à cultu simulacrorū  
per doctrinam Euangelij auocat, denuo ad il  
lum consortio infidelium pellicerentur. Capi  
te quinto recēluit eidorum cultorem inter  
eos quos ab omni consortio fidelium tanquā  
malos excludere debebant. Postea sexto con  
numerauit eum illis quibus non est pars in re  
gno Dei. Octauo redarguit culturam simila  
crorum à uanitate idoli, & *πολυθέας*. In presen  
ti absterret ab ea inducto reproborum Israël  
itarum exemplo, eoq; admodū ad causam quā  
agit accommodo. Sicut quidam illorum, in  
quit, sicut scriptum est, sedit populus ut ede  
rent, &c. Loquitur de historia uituli conflati  
lis, quem in absentia Mosis erexerunt & colue  
runt, qua de re legere est Exodi. 32. Notior autē  
est historia sacre scripture studiosis, q̄ ut sit hic  
ad uerbum recensendum. Quām uero per  
tinenter eam adducat, ex circumstantijs con  
siderari potest. Primum, hoc genus simulacro  
rum populus ille paulo antē adorauerat in Æ  
gypto, à qua impietate recēs erat magnis por  
tentis abstractus. Deinde, cito sunt ad eam q̄  
plures relapsi, id quod & dominus ipse in illis  
repræhendit dicens: Vade descende, peccauit  
populus tuus quem eduxisti de terra Ægypti.  
Recesserunt cito de uia quā ostendisti eis. Ter  
tio relapsi sunt ad consuetam idololatriā leui  
admodum occasione propter absentiam uide  
licet Mosis. Hæc ipsa considerabat in isto exē  
plo Apostolus, metuebatque ne quoniam in  
ethnismo cultibus simulacrorum assueuerāt  
Corinthij, cito ad illos idq; per occasione ab  
sentiz suæ, conuiuijs infidelium illecti relabe  
rentur. Quām autem metus hic illius non fue  
rit uanus sequentia tempora declarāt, quibus  
eidolomania mutatis nominib; & speciebus  
in ecclesijs ethnochristianis denuo obtinuit.

Obserua uero q̄ caute hic à uocula uniuersa  
li abstineat. Suprā dixit, omnes sub nube fue  
runt, omnes mare transierunt, omnes in Mo  
sen baptizati sunt, in nube & in mari, omnes  
eādē escam spiritualem comederūt, &c. hic  
uero non dicit, ne simus nos omnes cultores  
eidorū sicut omnes illi fuerūt, sed, ne simus  
cultores eidorum, sicut quidam illorum fue  
runt. Dat Israëlitis gratiæ quidem uniuersalē  
& catholicam communicationē, pręuaricatio  
nis uero non item, cuius nō omnes sed quos  
dam tantū accusat, ne uideatur & totā Israël  
ecclesiam damnare, & eam ad quam scribebat  
de catholica defectione habere suspectam.

Quemadmodū scriptum est, inquit, sedit  
populus ut ederent & biberent, & surrexerūt  
ut luderent. Adijcit hanc particulam specifica  
tionis magis q̄ probationis gratia, ad declarā  
dum quam idololatriā Israëlitarum perstrin  
gat.



gat. M. toties enim in eam impietatem præterit in ipsa terra Canaan constituti incidere. Quod si uoluisset testimonio scripturæ probare quod dixit, sicut quidam illorum, ea magis attulisset in medium, quæ particulam hæc in historia uituli præcedunt, utpote, quod mane surgentes obtulerunt uitulo holocausta & hostias pacificas, uel quod sequitur, fecerunt sibi uitulum conflatilem, & adorauerunt, atque immolantes illi hostias dixerunt: Isti sunt dii tui Israël, qui te eduxerunt de terra Ægypti, quod populus ad manducandum & bibendum confedit, & ad ludendum surrexit. Verum quidem est, hoc ipsum quod comederunt & biberunt, & ad ludendum surrexerunt, pars erat idololatriæ, id quod ex circumstantiis patet. Etenim ante uitulum, in honorem uituli, inque ipsa solennitate uituli, denique ex sacrificiis uitulo oblati comederunt & biberunt, in seipso tamen, comedere bibere ac ludere, non est mox idololatriam admittere. At quoniam illi quorum gratia scripta sunt hæc ab Apostolo, quamuis ederent & biberent cum infidelibus, nolebant tamen eam ob causam idololatriæ uideri, studio sic admonitionem hanc attemperauit, ut innueret esse illos facto Israelitarum admodum confines, & eodem cum illis laborare uentris studio, ideoque timendum ipsis esse, ne cum idololatriis ex idolothytis edentes ac bibentes paulatim ad ipsum idolorum cultum pellicerentur. Astutissimus salutis nostre hostis diabolus, cultus ac dies festos idolorum conuiuijs uentri iucundis sic insidiosos carnalibus hominibus reddidit, ut eos leui momento ad ipsam idololatriam hoc quasi condimento pertrahat. Tolle uentris illecebras, & uide quam sis antichristianismi cultus despicabilis ac desertos redditurus.

Et surrexerunt, inquit, ut luderent. De quo genere ludi loquatur hic scriptura, ipsis quidem uerbis non exprimitur, uerum ex circumstantiis ipsius causæ satis liquet fuisse ludum in honorem idoli institutum, cuius die festum agebatur. Quare siue choro & cantico siue alio quopiam modo ludum hunc luserint, pertinebat ad cultum uituli, de cuius sacrificiis comederant & biberant. Quare nonnulli exponunt, & surrexerunt ad ludendum, id est, ad idololatriam. Etenim ad eum ludum à conuiuijs idololatriæ, tanquam ad laudes idolo peragendas læti & hilares surgebant. Et quoniam consimilis erat ethnicis consuetudo, ut de mensa idolorum surgentes in honorem deorum suorum luderent atque ita periculum erat Christianis, ne post epulas quas cum illis in ipsorum sacrificiis comederant, ad ludendum quoque cum illis surgerent, omnium conuenientissime præsentis admonitioni inseruit hæc uerba: Sedit populus ut ederet ac biberet, ac surrexerunt ut luderent. Quasi dicat. Videte ne ubi cum infidelibus editis & bibitis, perinde uobis accidat, atque accidit Israelitis qui cum edissent ac bibissent, surrexerunt ad ludendum coram idolo.

Notat efficaciam inductionis quæ est per occasionem mali quam perinde atque ipsam mali causam uitandam monet.

NEQUE scortemur sicut quidam illorum scortati sunt, & conciderunt uno die uiginti tria millia. De scortatione cauenda supra quoque monuit, cap. 5. & 6. idque fusius aliquando. Hic de illa uno quidem & altero uerbo repetit, uerum haud sine singulari ratione. Etenim non modo peccatum illius, sicuti supra locis iam dictis, sed & illud in ea considerat, quod plurimum ualeat ad inducendum intemperantes ad peccatum idololatriæ, perinde atque studium uentris. Carnalis scortatio non solum locia sed & proxena est spiritualis, id est, idololatriæ. Et quoniam inter idololatrias impune regnabat, periculumque erat, ne per illam carnaliores Christiani ad idololatriam seducerentur, dehortatur eos ab exemplo Israelitarum, qui & ipsi scortatione carnali ad sacrificia idolorum sunt perducti. Neque scortemur, inquit, sicut quidam illorum scortati sunt, & conciderunt uno die uiginti tria millia. Loquitur de historia filiarum Moab quæ uocauerunt Israelitas ad sacrificia deorum suorum, illique comederunt & adorauerunt Baalpeor, cuius mali ille scortamentum erat, quod cum illis scortaretur, qua de re Num. 25. sic legimus. Morabatur autem eo tempore Israël in Shittim, & cepit populus scortari cum filiabus Moab, & uocauerunt eos ad sacrificia deorum suorum & comedit populus & adorauit deos eorum, initiatusque est Israël Baalpeor. Vides hæc tria in hoc quoque exemplum concurrisse, studium uentris, scortationem, & idololatriam.

Et conciderunt, inquit, uno die uiginti tria millia. Terret eos mentione plagæ & ultionis, qua perculsi fuerunt scortatores & idololatriæ, qua de sic legitur. Et iratus dominus ait ad Moysen: Tolle cunctos principes populi, & suspende eos contra Solem in patibulis, ut auertatur furor meus ab Israël. Dixitque Moyses ad Iudices Israël. Occidat unusquisque proximos suos, qui initiati sunt Baalpeor, &c. & occisi sunt uigintiquatuor millia. Numerum hunc uoluit exprimere Apostolus, ut admoneret, quod cito malum crescat & obtineat in populo. Breuiusque adeo inualuit ista in Israël præuicatio, ut numerus peccantium tum ad multitudinem uigintiquatuor millium excreuerit, periculumque esset, ne si differretur ultio paulopost uniuersam multitudinem corripere. Ab hoc igitur exemplo metuens Corinthiis, ne inter illos quoque modicum fermenti totam massam corruperet, hac eos plaga admonet, quod debeant esse solliciti, ne simul & ipsi exitio perdantur.

Sed nascitur hic questio, quomodo Apostolus uiginti tria millia hominum occisa esse dicat, cum in ipsa historia uigintiquatuor millia tantum in Ebræo, & Chaldæo, quæ in uersione Septuaginta legantur. Lyranus sic rueretur Apostolum. Minor numerus, inquit, includitur in maiori, & ideo quod uerum est de maiori, uerum etiam est de minori. Hac ratione defendi posset, etiam

*Quest. de numero occisorum.*



si uigintitres homines occisos fuisse dixisset. **A** Quare mihi solutio ista Lyrani non probatur. Meo iudicio, nō scripsit Apostolus aliter q̄ ueritas habet historiae, quomocūq; numerus iste uigintitriū pro uigintiquatuor irrepperit. Suspicio per abbreviationem, siue ab ipso Apostolo siue ab antiquario aliquo, scriptū fuisse *ἐκκοιτρε*, pro *ἐκκοιτρεως*, eamq; postea abbreviationem per negligētiore mutata esse in numerum istum *ἐκκοιτρε* ac uersum à Latino interprete, uigintitria. Non affirmo, sed quod suspicor cum pace aliorū simpliciter annoto. Quod si quis Apostolum omnino uigintitria millia scripsisse putat, referat hunc numerum ad eos tantū, qui gladio sunt occisi idq; forsan die post suspensionem principum sequenti, unde & dicit, conciderunt uno die, reliquū uero millenarium ad principes in patibulis contra Solem suspensos, quos uerosimile est non solos sed unā fuisse cum ministris suis ei supplicio traditos, sic ut numerus uigintiquatuor millium, qui in historia habetur omnes cōplectatur tam suspensos q̄ gladio occisos.

De hoc numero legitur in Iosepho ad hūc modum. Perierunt igitur ex eorum cœtibus uiri haud pauciores quatuordecim millibus, ubi decem millia desyderantur. Mihi dubium non est scriptum fuisse à Iosepho *ἐν ἡλάν/ης τετραμυριάων καὶ δυσμυρίων*, id est, haud pauciores uigintiquatuor milibus, postea uero *π δυσμυρίων*, id est, duabus myriadibus, quæ numerum uigintimillium constituūt, corrupte esse positū *μυρίων*, quæ uox decem millia significant, & ex hoc defectu in hunc usq; diē legi *τετραμυριάων καὶ μυρίων*, *π τετραμυριάων καὶ δυσμυρίων*. De hac questione uideantur & alij ex recentioribus, quid adferat in mediū. Veteres nāq; Hiero. Ambr. & Chrysost. reliquerunt eam intactam.

CONCIDERUNT, inquit, uigintitria millia, uno die.] In historia non est temporis posita expressio, quo multitudo hæc conciderit. Posuit eam Apostolus, non simpliciter dicēs conciderunt uigintitria milia, sed addens, uno die. Facit autem hoc ad exaggerandum iram Dei, quo plus terroris Corinthijs tam grauis ultionis respectu incutiat.

NEQVE tentemus Christum, sicut & quidam illorum tentarunt, & à serpentibus extincti sunt.] Hactenus dehortatus est eos à malo prauæ concupiscentiæ, ab idololatria, studioq; uentris & scortatione, tanq̄ idololatriæ appendicibus, iam consequenter metuēs illis à malo diffidentiae & impatientiæ, dehortatur eos à temeritate tentandi dominum, & murmurandi cōtra illius ministros. Neq; tētemus Christum inquit. Qui tales sunt ut periculum sit ne per comestationes & commercia infidelium ad idololatriam & scortationem pellantur, omnino simul sunt procliuēs ad tentandum dominū, si quid incidat aduersi, propterea quod haud synceri sunt in fide, nec bonitate ac ueritate domini fidunt. Dum itaq; dicit, neq; tentemus Christū, satis innuit qua-

les eos esse uelit in rebus aduersis, confidētes uidelicet, & bona cum fiducia à Christo Seruatore pendentes. Qui sic animati sunt, Christū haud facile tentant, quantumuis rebus aduersis exerceantur. Quid sit autem tentare dominum alibi diximus, utpote Matt. 4. & Psal. 95. Christū tentare, est non fidere illius uerbo, sed uel de diuinitate illius uel potentia uel ueritate, aut prouidentia & uoluntate certum capere experimētum. Adhuc tentare Christum est patiētiam illius irritare, & cōtumaciter in malo pergere, quiduis ille reprobis minetur. Tētant etiam Christū, qui fidelibus illius onera inferenda imponunt, id quod illi faciebāt, qui iugum legis ceruicibus discipulorum imponere moliebantur, de quibus Act. 15. uidere licet, ut eos taceam qui Rom. tyrannum & animas, & fortunas & corpora fidelium diuexantem ecclesiæ Christi loco capitis imposuerūt. In summa, nullum non tentationis genus excludit, cum simpliciter dicit, neque tentemus Christum. Quod enim subiungit, sicut & quidam illorum tentarunt, non ad hoc facit, ut ab eo tātum genere Corinthios dehortetur, quo tentarunt illum olim Israëlita in deserto, sed ut exemplo aliquo declaret, haud laturos impune, si Christum tentare uelint, unde & subiicit, & à serpentibus extincti sunt.

Loquitur autem de historia quam Num. 21. legimus ad hunc modum. Et tēdere cœpit populum itineris ac laboris, loquutusq; contra dominum & Moſen ait: Cur eduxisti nos de Ægypto, ut moriamur in solitudine? Deest panis, non est aqua, anima nostra iam nauseat super cibo isto leuissimo. Quamobrem misit dominus in populū ignitos serpentes, &c. Quoniam omnino ad hanc historiam respicit Apostolus, quærendum est primo, quomodo murmur hoc Israëlitarum uocet tentationem, deinde, quomodo dicit eos tentasse Christū. Etenim etiam si nō legamus, sicut quidam illum, sed, sicut quidam illorum tentauerunt, satis tamen lectori haud cōtentioso patet, durius esse, si exponamus, sicut quidam illorum Deum tentarunt, q̄ ut argumēto Apostoli cōueniat. Nec impedit quod in historia legitur, quod populus sit contra Deū & Moſen loquutus, quominus tētatio hæc ad Christum possit referri. Sed uideamus quid ad ista sit respondēdum.

Quod murmur populi, quo cum Moſe iurgatus est dicēs: Cur eduxisti nos de Ægypto, ut moriamur in solitudine? uocat tentationē, non facit hoc præter rationem & exemplum scripturæ. Ratio est, quod hoc genus murmuris & iurgij, contra Moſen facti ex eo prouenerat, quod de præſentia Dei dubitabāt, num ille uere apud ipsos esset, & an uere ab illo educti essent ex Ægypto, ideoq; cū Moſe expostulabāt, quod eduxisset ipsos ex Ægypto. Quasi dicat. Si non tu sed Deus nos eduxit ex Ægypto, nobiscumq; est in hac solitudine, quæ admodum uis ut tibi credamus, age, cur nō dat panem suo populo? cur finit ut siti moriamur in hac

Tētare dominum.

Num. 21.

Quare murmur tentatio uocetur.



in hac solitudine? Sic isto murmure & iurgabantur contra Moſen, & tentabant Deū. Ergo iurgium hoc reſpectu Moſis erat murmur, reſpectu Dei uero, erat tentatio, ut recte dixerit Apoſtolus, ſicut & quidam illorum tentarūt.

Exemplum autem ſcripturæ cui ſe Apoſtolus conformaſſe uidetur, habemus Exo. 17. ubi ſic legimus: Caſtrametati ſunt in Raphidim, ubi non erat aqua ad bibendum populo. Qui iurgatus cōtra Moſen ait: Da nobis aquam ut bibamus. Quibus reſpondit Moſes: Quid iurgamini contra me? Quid tentatis dominū? Itē: Et uocauit Moſes nomen loci illius, Tentatio, propter iurgium filiorum Iſraēl, quo tentaue-  
runt dominum, dicentes: Eſt ne Deus in nobis an non? Hæc ibi, ubi ſatis patet, hoc genus murmuris coniunctum eſſe cum tentatione Dei, ideoq; recte dici de illis, qui ſic cōtra Moſen murmurarunt, quod dominum tentarint.

Quomodo  
Chriſtū ten-  
tarint.

Ad id uero quod illos Chriſtū tētaſſe dicit, facilis eſt reſponſio. Etenim ſi Chriſtus, ſpiritu-  
alis petra, cōſequutus eſt eos in deſerto, nec ſimpliciter conſequutus eſt, ſed & aquam illis ex petra, & Man de cōelo ſuppeditauit, utique omne hoc genus tentationis illorum recte ad illū referi. Ipſe nanq; idem utriuſq; teſtamenti Seruator, tam illum populum moderatus eſt & ſeruauit, q̄ præſentem hunc, qui Noui teſtamenti eſt, ad finem uſq; mundi moderatur & ſeruat. Quare nō immerito quidam noſtrorū ex hoc loco diuinitatem Chriſti contra nouos Arrianos aſtruunt. Etenim quod populus ille iam Elohim, iam Iehouah tentaſſe memora-  
tam nō impedit hunc ſenſum, ut illum magis cōuincat Chriſtū eſſe uerum Deū & Iehouah.

De ſerpentibus illis, per quos extincti ſunt tentatores, nolim curioſius inquiri, quales nā fuerint. Scriptura uocat eos שׂרָפִים, id eſt, ardentes, uel comburētes, quo nomine ſpiritus etiam cōeleſtes ſtantes ante thronum Dei, Eſa. 6. uocantur. Inerat ſerpentibus illis ardor flatus, quo, ſi quos momordiſſent, necabant. Et hoc nomine à nonnullis præſteres, diſpades, & cauſones uocant. Videmus hac ultione qd mereantur, qui propter modicum & tolerabilem tribulationis ardorem per diffidentiā dominum tentant, & contra ſeruos eius murmurant. Digni uidelicet ſunt, quibus modica & momētanea moleſtia uertatur in exitium. Sic nihil efficiamus murmurando ac dominū tentando aliud q̄ quod malum conduplicamus. Populus ille ingratus erga beneficia Dei quibus fruebatur, non cogitabat unde eſſet, quod illæſus in deſerto draconibus ac ſerpentibus, alijsq; beſtijs reſerto degeret, quare dignus erat, qui præſenti exitio experiret, à quanto malo ad id uſq; tēporis fuiſſet beneficio domini ſeruatus, & erga quantū bonū eſſet ingratus.

Admonemur hoc exemplo, ut ubi aliquo exercemur incommodo, memores potius ſi-  
mus quàm multis bonis per gratiam domini cumulemur, agamusque illi gratias, quàm ut propter unius aut alterius rei moleſtiā benefi-

A centiam illius turpiſſima ingratitude negemus, & tot bonorum largitorē tentando contra nos prouocemus.

NE QVE murmuretis, ſicut & quidam illorum murmurauerunt, & exterminati ſunt ab extinctore. J. Vel, ut in Græco eſt, perierunt ab exterminatore. Quoniam plerunq; tentatio Dei & murmur cōtra illius ſeruos cōcurrunt, poſtq̄ dehortatus eſt, ne Chriſtum tentarent, conſequenter monet, ne ſint murmuratores, propterea quod & talibus periculum ſit, ne ultione diuina correpti pereant, cuius rei exemplū admodū tremēdū in Iſraēlitis præceſſerit.

NE QVE murmuretis, inquit. J. Murmurare quid ſit, notius eſt, quàm ut definitionem requirat. Eſt autem duplex genus murmuris. Vnum inculpabile, alterum culpabile, & admodum uicioſum.

Duplex ge-  
nus murmu-  
ris.

Inculpabile eſt, quod aliàs muſſitationem uocamus, qua ſermo de re aliqua in ore uulgi non palām, ſed clanculum uerſatur. De hoc genere murmuris Ioan. 7. legimus ad hūc modum: Iudæi ergo quærebant eum in die feſto & dicebant, ubi eſt ille? Et murmur multū in turbis erat de eo. Quidam enim dicebant, bonus eſt, alij autem dicebant, non, ſed ſeducit turbam. Nemo tamen palām loquebatur de illo propter metum Iudæorum. Sic muſſitare de re aliqua, & non palām eloqui, quæ ſentiuntur propter metum potentiorum, inſirmi quidem animi notam habet, mali uero nō ita.

B De hoc murmure non loquitur Apoſtolus.

Culpabile murmur eſt, quo obloquimur et conquerimur, contra homines potentiores ac ſuperiores, quaſi inique aut abſurde quid dicant uel faciant. Hic multum refert, quis, cui, & qua in re obmurmuret. Si is, qui ſubditus eſt & cui benefactum eſt, ſi cōtra eum, cui multum debet, quem amare & laudare potius debebat, ſi in re leui ac tolerabili, nedum in ea ob quam potius eſſent agendæ gratiæ, murmurauerit, admodum deteſtabile murmur eſt. Deinde haud parum refert, unde hoc murmurandi uicium naſcatur, an ex mera damni uel incommodi alicuius impatientia, uel ex ſuperbia, contemptu, indignatione, inuidentia. Licet enim in ſe uicioſum ſit murmurare contra ſuperiorem, minus tamen deteſtabile eſt, ſi id fiat propter acceptum aliquod incommodum per ſolam illius impatientiam, quàm ſi fiat ex ſuperbia & contemptu, uel ex ſpiritu inuidentiæ, quale erat murmur Chore, Dathan, & Abiron, contra Moſen & Aaronem, & ut ueroſimile eſt, pseudapoſtolorum & ſectariorum illorū qui inter Corinthios Apoſtolo obmurmurabant & obloquebantur. Murmurarunt & primi Chriſtiani ex Gētibus cōtra eos qui erant ex Ebræis, Act. 6. propterea quod uiduæ eorum in miniſterio quotidiano negligerent, quod murmur concernebat ipſos Apoſtolos. Murmurarunt illi neq; ex ſuperbia, neq; ex cōtēptu, neq; ex inuidētia, ſed ex impatiētia incommodi, qd uiduis ipſorū eo neglectu obueniebat.

Act. 6.



bat. Nisi stipites simus, facile inter id murmuris, & murmur quod cum superbia, cōtemptu & inuidia coniunctum est, quale erat murmur Chore & sectatorū illi⁹, discriminabim⁹.

SICUT & quidam illorū murmurauerunt, inquit, & exterminati sunt ab extinctore.] Sequē penumero murmurasse legunt. Vtpote Exodi 15. 16. & 17. Num. 11. 14. 16. 20. & 21. Quare incertum uideri posset, ad quam respiciat historiā Apostolus, nisi adiecisset de ultione dicens: & exterminati sunt ab extinctore, quibus uerbis satis admonemur, referenda hęc esse ad exemplum murmuris, quod mox est exterminatio nis ultio consequuta. In historijs, quæ in Exodo de murmurationibus huius populi legunt, nulla sit exterminationis mentio. Quare ad illas non respexit Apostolus hoc loco. Obiter obserua patientiam Dei, q̄ sit tardus ad irā. Tulit aliquoties populi huius impatientiā & obmurmurationes, tametsi dignus esset quē mox perderet. Num. 11. & 16. memoratur exterminatio murmurantium. Vndecimo sic legitur. Interea ortum est murmur populi dolētis prae labore, contra dominū, quod cum audisset, iratus est, & accensus est in eos ignis domini, deuorauitque extremā castrorum partē. Cumque clamasset populus ad Moysen, orauit Moyses ad dominū, & absorptus est ignis, uocauitq; nomen loci illius incensio. Num. 16. murmurarunt Chore, Dathan & Abiron cum uiris 250. cōtra Moysen & Aaronem, & absumpsit ignis 250. uiros, reliquos terra cum omni ipsoꝝ frequentia absorpsit. Sequenti die omnis multitudo filiorū Israël, murmurauit contra Moysen & Aaronē, dicens: Vos interfecistis populum domini. Atq; de his absumpsit ignis domini quatuordecim milia & septingentos.

Num. 20. murmurarunt cōtra Moysen & Aaronē propter aquarum penuriā. Verum nulla illic memoratur plaga sequuta. Num. 21. iterum murmurarunt, quapropter immissi sunt illis serpētes igniti. At eam historiā attigit particula praeceꝝdenti. Quare quod hic dicit, ad illam referri nō potest. Refertur à nonnullis ad ea quæ Num. 14. legunt. Verum quoniā nō est illic præsens & subita exterminatio sequuta, existimo restare, ut referamus uel ad ea quæ Num. 11. legunt, uel ad murmur quod cap. 16. memorat. Nam utrobique habetur exterminatio murmurantiū facta per ignem cœlitus immisum. Nec impedit hanc expositionē, quod nō dicit, & exterminati sunt ab incendio, sed ab extinctore, uel, ab exterminatore. Nam ultionis eius, quæ facta est per ignē, dubio pcul fuit angelus quispiam domini minister & exequutor, quem Apostolus hic uocat exterminatōrē. Eodē nomine uocari potuit angelus per quē cædebant Corinthij propter abusum cœnæ dominicę, quo de cap. sequēti memorabit.

Est autē obseruandum, quod particulā hāc, sicut quidam illorum, toties reperit & inculcat. Tantum nō clamat ea quæ male fuerunt à Veteris testamenti populo admissa, grauiq; ul

atione diuinitus punita, admitti posse & in ecclesia Christianorum. Imò admodum timet, ne admittantur. Quin futurum praeuidet, ut admittantur. Et hic timor eius uanus nō fuit, nec uanum fuit mentis ipsius præsagium. Et enim quæ admissa fuerūt ab Israëlitis, uix umbram quandam eorum habuerunt, quæ post Apostolorum ac proxime illos sequentium tēpora palām admitti cœperunt, & hodie quoq; impudentissime geruntur.

HAEC autem omnia figuræ contigerunt illis.] Siue, quod magis placet, euenerunt illis. Est enim in Græco *συμβαινον*. Puto autē, quod dicit: Hæc omnia, non esse restringendum ad ultiones de scortantibus, Christum tentantibus, & murmurantibus sumptas, sed ad ipsas quoq; peccatorum species, quas recensuit, referendum, quod, uidelicet, mala concupiuerunt, eidola coluerunt, scortati sunt, Christum tentarunt, & murmurarunt.

Non est autem ociosum, quod iam secundo ista exemplaria fuisse dicit, iterum cauens, ne nihil ad Christianos pertinere putent. Nec emphasi caret, quod nō simpliciter dicit: Hæc autē, sed addit, omnia, ut significet, nihil taliū delictorū & ultionū euenisse Israëlī, quod nō fuerit exemplar posteris inspiciendum & cauendum. Suspicio quod in Græco est *ταῦτα*, positum esse pro *ταῖς αὐταῖς*, ut sit sensus. Talia & quæ huiusmodi sunt omnia, figurę euenerunt illis, quo referatur non ad ea modo, quæ recensuit, sed & ad omnia reliqua istis consimilia. Longum enim uisum est cuncta talia, quæ Israëlī euenerunt, enumerare.

Priusq; hinc transeamus, admonēdus est lector, ut caueat expositionē eorum, qui sic ista figuras Israëlī fuisse sentiunt, ut ueritas illorū in Nouo testamento fuerit implenda, quæ admodū serpēs æneus figura fuit & umbra Christi in cruce exaltandi. Multum discriminis est inter eiusmodi figuras, & ista exempla, quæ hic cōmemoran. Eadem ueritas est in ijs quæ euenerunt Israëlī, & in nobis, qui facta illorū imitatur. Vere concupiuerunt mala, non figurate, uere simulacra coluerūt, uere scortati sunt, uere Christum tentarunt, uere murmurarunt. Adhæc, uere percussi sunt, uere à serpentibus infecti perierunt, uereq; exterminati sunt ab exterminatore. Haud plus est ueritatis in ijs quæ nobis talia eueniunt, quàm fuit in illis. Nisi quod in illis prēmōstratum est, quid expectandum sit ad eum modum contra Deum peccantibus, ob quam causam & typi ab Apostolo uocantur. Voluit enim Deus statim initio ædere exemplaria eiusmodi ad terrorē posteris incutiendum: perinde ac si rex quispiam initio regni sui sic animaduertat in reprobos ac perfidos, ut habeāt posteri exempla quibus terreantur, ne & ipsi consimili perfidia digni fiant, qui exterminentur, ubi ineptum fuerit sic ea quæ populo regni initio euenerunt, uocare typos, ut ueritas illorum tantummodo sit adimplenda in posteris.



SCRIPTA uero sunt propter admonitionē nostri.] Accommodat quę attulit ad propositum, sicuti cępit. Facit autem hoc assignata ratione propter quā in scripturas relata sunt quę olim Israheli euenerunt. Sensus est. Sic Deus animaduertit in reprobū Israhelis populum, ut essent exempla iusti iudicij, transmittenda ad posteros. Et ea propterea literis mandari uoluit, ut sit unde admoneamur nos quoque, etiam in quos sæculorum termini inciderunt. Locus hic ualde utilis est, rationē nobis & usum sacrę scripturę ostendens. Cessent igitur phanatici homines, qui Veteris testamenti scripturas, quasi nihil ad nos pertineant, prorsus reiiciunt. Quomodo ad nos nō pertinent, quę ad hoc sunt scripta, ut animum illis apponamus? Scripta sunt, inquit, *πρὸς τοὺς ἁγίους*. Quę propter admonitionem nostri scripta sunt, propter nos utique sunt scripta, & quę propter nos scripta sunt, ad nos utique, imō ad nos potissimum pertinent.

Sed obsecro, quomodo animum ad illa apponet plebs Christi, quę malo pastorum studio cogitur ignorare? Clamant aduersarij, non esse laicis sacram scripturam legendam. Hęc ipsissimi Satanę uox est, semel ac breui compendio omnem scientiam Dei ex ecclesia auferens, ut impleatur illud Christi: Erratis, nesciētes scripturas. Et illud Chrysostomi: Hinc omnia mala, quod scripturę ignorantur. Quis autem satis perpenderit, quanto bono priuetur homo, qui cum sit ignorans, errans, & peccans, omni admonitione destituitur, qua possit reuocari in uiam?

IN quos termini sæculorum inciderunt.]

Quæritur hoc loco, quomodo dicat Apostolus in eos qui tum uiuebant, terminos incidisse sæculorum, cum interea supra quindecim sæcula fluxerint, & nondum appareat sæculorum finis. Respondeo. Complectitur omnes Christianos, non eos tantum qui tum erant in uiuis, sed & eos qui ad finem usque mundi erant futuri, qui omnes uno corpore comprehenduntur, & eidem extremę sunt dispensationi gratiæ Dei subiecti, quę ad finem mundi usque durans, extremorum sæculorū prædicatum fortitur.

Deinde, non dicit, in quos terminus mundi, sed, in quos termini sæculorum inciderunt. Quemadmodum autem principia sæculorum non ea tantum censentur, quibus conditus est mundus, sed quibus priora conditi, recentisq; mundi sæcula ad diluuium usque decurrerunt, ita recte termini quoque sæculorum non sunt ad id temporis referendi, quo mundus terminabitur, sed ad postrema senescentis mundi sæcula, quę à nato Christo ad finem usque mundi durant. Et hoc sensu tempus regni Christi, cōparatione diei, quę horarum decursu absoluitur, nouissima hora uocatur, qua uidelicet, nouissima diurni temporis momenta absoluuntur, ut quod illic est momentum, hic sit sæculum, perinde ac si dixisset ille, filioli, nouissi-

ma sæcula sunt, uel, termini incidunt sæculorū.

Quod si quis terminos sæculorum omnino accipit pro termino ac fine mundi, cogitet de uerbo *καταλήψεις*, id est, inciderunt, sic esse illud forsā, more Ebraico ab Apostolo natione Ebraeo positum, ut præteritum sit loco futuri, legendumque, in quos termini sæculorum incident, hoc est, qui sumus postremus ille populus Dei, post quem non est ad finem usque mundi expectandus alius. Verum prior expositio certior est ac firmior.

Non est autem hoc sic dictum ab Apostolo, quod quę scripta sunt, non sint propter eos quoque scripta, qui tum cum ea gererentur, sub Mose uiuebant, & post Moysen ad Christū usque sequuturi erant, sed ut eam scripturam in usus perpetuos eius quoque ecclesię, quę postrema est in mundo, destinata esse significaret, id quod potissimum inculcare uoluit, tanquam ad id quod agebat, cum primis cognitu necessarium.

PROINDE qui sibi stare uidetur, uideat ne cadat.] Applicat summariam admonitionē ex præcedentibus collectam, cum specificatione eorum ad quos illam potissimum pertinere iudicat. Neque enim simpliciter dicit: Proinde uidete ne cadatis, sed: Proinde qui sibi stare uidetur, uideat ne cadat. Ad omnes quidem pertinet hęc cura, ut caueant ne ad exēpla ueteris populi in quæuis peccata prolapsi, iram in se Dei prouocent. Verum potissimum hoc illis est timendum, qui quoniam se stare putant, securius agunt, eoque & facilius à Satana tentantur, & procliuiiores sunt ad ruinam. Tales autem erant inter Corinthios, qui de scientia & fide præ alijs gloriantes, unā cū ethnicis infidelibus & simulacrorum cultoribus secure de idolothytis manducabant, & quæuis illorum commercia sectabantur, neque ruinam timebant, quod se firmitus stare putarent, quā qui cadere possent. Horum securitatem perstringens dicit: Proinde qui sibi stare uidetur, uideat ne cadat. Quasi dicat. Quandoquidem tot exemplis ueterum humana est declarata infirmitas, monstratumque, leui momento fieri, ut qui participes sunt cœlestis gratiæ facti, ubi incautius agunt, in enormia peccata prolabantur, plane necessarium est illis, qui quoniam se stare putant, incunctanter cōmercium infidelium sectantur, & conuiuijs idolatricis miscantur, ut sibi timeant, ne dum incautius agunt, de gradu in quo se consistere putant, foedissime cadant.

Admonemur hoc loco, quā sit periculosa ac summopere uitanda securitas eorum qui se stare putant. Insidiosum malum est, & duplici nomine cauendum. Primo, quod decipit, & ex non stantibus quasi stantes facit. Deinde, quod securius agentes ad quamuis ruinā expositos reddit. Locus hic præcipue notandus est illis, qui in religione recenti cæteris sunt præmaturiores. Hi sic sunt comparati, ut ubi aliquem ueritatis gustū propere perceperunt, perin-



perinde animentur ac si iam ad ipsam usque perfectionem ascenderint. Possemus nostro hoc sæculo plurima talium exempla in mediū adferre. Hoc genus hominum ministrum uerbi fundamenta ueræ religionis magno labore pariter & discrimine ponentem plurimū initio exhilarat. Primi ueritatem amplectuntur, pro ueritate seruanda ac propaganda decertant, ministro uerbi arctius iunguntur, & ad quæuis discrimina pro ueritate unā cum illo fubeunda paratissimi uidentur. Non dubito illos, quos hic perstringit Apostolus, fuisse tales initio, & paulo post illius discessum in hanc euasisse securitatem, & quæ à securis admitti solent admisisse, ut opus habuerint admonitione hac tam seria ac diligenti.

Deinde obserua, quàm caute & moderate non dicat: Proinde qui uos stare putatis, uideate ne cadatis, ne palam eos & uelut in faciem perstringendo admonitionē hanc reddat subacerbam, sed: Proinde qui sibi stare uidetur, id est, si quis est inter uos, qui se stare putat, uideat ille ne cadat, id quod aliquanto moderatius est, & tolerabiliorem reddit admonitionem, quam prudentiam Apostoli imitari debent, quorum studium est utiliter & cum fructu emendare delinquentes.

Sed dices hic. Ergo, si audimus Apostolū, non erimus securi in gratia Dei, nec quisquam sibiipse certitudinē salutis pollicebitur, quandoquidem tam serio monet, ut qui se stare existimant, in fide uidelicet, uideant ne cadant. Quid ergo docemus de certitudine gratiæ Dei, contra eos, qui neminem de salute sua & gratia Dei certum esse posse contendunt? Et quid est, quod de seipso scribit Apostolus, dicens: Scio cui credidi, & certus sum, &c.

Respondeo. Sunt in hac causa duplices respectus: unus, quo gratiam Dei fide: alter, quo nos ipsos respicimus. Priori respectu certi sumus de gratia Dei, quæ incerta & instabilis esse non potest. Hanc certitudinem salutis, quā fides respectu ueritatis & gratiæ Dei concipit, non impugnat Apostolus, nec de illa loquitur hoc loco. Quomodo enim reprobari in alijs, quod de seipso tam diserte prædicat? Posteriori uero respectu, quo nos ipsos intuemur, non reddimur securi, sed solliciti ac timētes, ne de gradu gratiæ Dei in quem recepti sumus, tentatione aliqua superati cadamus, propter carnis nostræ corruptionem & imbecillitatem. Et hunc timorem suadet Corinthijs, non dubitationem de gratia Dei. Neque enim loquitur illis, qui fide indubitata à gratia Dei pendebant, sed perstringit falsam eorum securitatem, qui seipsos infirmioribus comparatos, stare putabāt, & suarum uirium respectu securi erant, quasi cadere non possent, & interea ea admittebant, quæ securos facillime de gradu fidei præcipites dare poterant. Quare non dicit: Qui stat in gratia Dei, uel qui bene credit, beneque de gratiæ Dei certitudine sperat, sed, qui se stare putat, uideat ne cadat.

A Ad quem modū eos admonere solemus, qui uiribus & capitis & pedum suorum frangi super glaciem securius incedunt, uel excelsa periculosius scandunt, ut uideant ne cadant, non autem eos, qui nihil de firmitudine terræ à domino fundatæ dubitantes, prout requirit necessitas, super illam ingrediuntur, nec incedunt locis uel modis cum periculo coniunctis, quibus nemo facile dicit: Videre ne cadatis, nec quisquam uicio uertit, quod nihil addubitat, terram super quam ingrediuntur, satis esse ad sustinendum ipsos stabilem & firmam. Et hac puto distinctione satis fieri manifestum haudquaquā patrocinari Apostolum pestilenti eorum doctrinæ qui Christianos magno studio de gratia Dei & propria salute reddunt incertos ac dubios.

Tentatio uos non cepit, nisi humana, fidelis autem est Deus, qui non sinet uos tentari, supra id quod potestis, sed faciet unā cum tentatione exitum quoque, quo abunde sufferre possitis.

B Occupatio est. Poterāt ad ea quæ dixit obijcere, magnam esse uim tentationum, perque illam fieri, ut qui stant, nolint uelint, uicti cadant. Occurrit igitur dicens: Tentatio uos nulla dum cepit, quæ non sit humana. Quasi dicat. Non est ut dicatis uos tentationum mole uinci. Nihil dum accidit uobis propter fidem in Christum, quod non accidat & alijs hominibus. Paupertas, morbi, pestis, & alia huiusmodi incommoda, non sunt noua, nō sunt insolentia, non sunt humanæ miseriæ sortē excedentia. Sic intelligo per tentationes hoc loco tribulationes & afflictiones, & per humanam tentationem eam tribulationem quæ ad communem mortalium miseriam pertineat, & accidat communiter omnibus. Significat nō esse illis causam, propter quam infidelibus usque adeo misceantur, ut & de idolothytis illorum magno cum offendiculo & syncere pietatis periculo unā cum illis in idolo uescant.

Loquitur hic non omnibus fidelibus, qui tum erant in ecclesia Corinthiorum, sed illis tantum, qui cum nihil dum passi essent propter Christum, ad consortia infidelium sponte sua inclinabant. Dubio procul erant quidam, qui grauiter propter Christum afflictati, in statione fidei firmiter persistebant. Ad hos non pertinebat quod dicit: Tentatio uos non cepit nisi humana.

Chrysostomus sic exponit: ἵνα μὴ λίγωσι τὴν φωνὴν ἡμῶν, ὅτι ἰσχυρὸν τὸ πνεῦμα τὸ ἐν ἡμῶν, καὶ γὰρ ἡ λαοὶ μὴ καὶ ἰδιώχῃ μὴ καὶ πολλὰ καὶ συνεχῆς ὑπομείναντες, κατὰ σέλιον αὐτῶν πάλιν τὸ φύσημα φρεσὶ, περὶ σμὸς ἡμῶν, &c. Deinde illud, nisi humana, exponit. μικρὸς, βραχύς, σύμμετρος. Sentit ergo, uoluisse Apostolum superbiam spiritus illorum restringere, quæ se sic in fide firmos esse gloriati sint, ut nulla esset ratio admonendi ipsos, ut qui se stare putarent, uiderent ne caderēt. Sic sensus esset:



esset: At sic estis securi, propter nescio quas tentationes quas uestro iudicio egregie sustinueritis, ut timendum uobis non esse iudicetis, ne cadatis unquam. Verum nondum estis grauiorem aliquam tentationem experti. Quæ acciderunt uobis humana sunt, id est modica & momentanea. Nondum ad sanguinem usque certastis. Quare uidete, ne dum uos stare putatis, cadatis. Recentiores aliud atque aliud adferunt. Iudicet lector. Nos admonemur, minus excusationis esse illis, qui nondum graui aliqua tribulatione tentati, cum infidelibus miscentur, ne quid acerbius experiri cogantur, quam qui post graues afflictiones stationem suam paulisper deserunt, tamen nec illi habent unde excusentur. Discernat pius homo inter afflictiones communes, & humanas, & eas, quæ instigante Satana, peculiari odio & crudelitate fidelibus propter Christum ac uerbum eius ab hoc impio mundo inferunt, ac cogitet in corde suo. Vel humana sunt quæ pateris, & ferenda sunt cum reliquis mortalibus communia, uel communem mortalium sortem excedunt. Si humana sunt, non est ut moleste feras. Si supra humana, magis est ut glorieris, Rom. 5. quod ut animum despondeas. Leuiter ferenda sunt, quæ humana sunt, quod tribulationes attinet, secus uero sentiendum est de erroribus & peccatis, quæ ex communi mortalium corruptione proueniunt. Hæc non sunt extenuanda hoc prætextu quod sint humana, sed magis delectanda, uulgo dicitur, humanum est errare. Nimis quidem humanum est, uerum nihilo debet hoc malum propterea leuioris duci, quod humanum est, sed quāto est humanius, hoc amplius deplorari.

**FIDELIS** autem est Deus, inquit, qui non sinet uos tentari supra id quod potestis, &c.] Inhaeret cœptæ occupationi. Poterant dicere. Hactenus quidem nulla nos nisi humana tentatio cepit, uerum quis nos certos reddet de futuro, si uitanda in uniuersum sint infidelium consortia, & odia illorum exasperanda? Deinde, quod hactenus nulla graui sumus afflictione tentati, ex hoc ipso est quod tu prohibes, ex consortio uidelicet, quo illis, citra idololatriam tamen, coniungimur. Nam hoc medio iram & odia illorum infringimus. Occurrit isti obiectioni dicens. Neque uestro hoc consilio acceptum ferre deberis, quod hactenus non estis tentationem non humanam experti, neque est, ut anxij sitis de futuro, sed fide uobis pendendum potius est à fidei Deo, qui infirma uestra nec ignorat nec negligit, sed pro bonitate ac fide sua cauebit, ne grauius tementini, quam sitis ferendo, cui etiam hoc ipsum deberis, quod hactenus leuius estis tentati. Quare nulla uobis excusatio relinquitur, nec ulla causa est, propter quam infidelibus coniungi, & conuiujs illorum misceri debeatis.

**FIDELIS** autem est Deus, inquit.] Non simpliciter dicit: Non sinet uos tentari Deus, sed præmittit: fidelis autem est Deus. Prædicat de Deo, esse eum fidelem, quo & promissioni suæ fidem faciat, & omnem diffidentiam sollicitu

**A** dine tollat. Significat hinc potissimum esse causam præposteri metus, quod Deo non satis fidimus, & simul monet, nullas esse nobis diffidentie illi causas, cum sit supreme fidelis. Utinam autem tam credamus fidelem esse Deum, quam quid sit esse fidelem non ignoramus. Cum Deum fidelem esse dicit, non simpliciter de eo prædicat, quod sit fidelis, sicut de homine bono ac ueraci dici potest, quod sit homo fidelis, sed quod sit fidelis Deus. Deum esse fidelem, est fidelem esse creatorem, ac conseruatorem seruandis nobis fideliter intentum, perinde ac si de rege prædices, quod sit fidelis rex, hoc est, quod officium regis erga subditos fideliter obbeat, & de pastore, quod sit fidelis pastor, gregem suum fideliter pascens & custodiens.

**Q. V. I.** non sinet uos tentari, inquit, supra id quod potestis.] Aperit, quid sibi de fidei Deo polliceri debeant. Timetis, inquit, grauiiores uobis euenturas esse tribulationes, quam ut ferendo futuri sitis. Hæc est uestra diffidentia, uerum fidelior erga uos Deus est, quam ut hoc fieri sinat. Esto adoriatur uos mundus, & prorsus subuertere nitatur, nihil tamen in uos ipso non permittente poterit, & ipse non sinet ut possit. Nouit enim quam adhuc sitis infirmi. Et huius infirmitatis uestræ rationem habens non permisit hactenus, ut supra humana uos tentatio capiat, nec permittet in posterum.

**B** Est hic locus insignis, & omnibus fidelibus, præsertim persecutionis tempore, memoriam ac fidei firma fiducialiter usurpandus. Primum, monet nos, nullam esse tentationem, nullumque tentatorem, siue diabolum siue mundum, cui aliquid sit in nos potestatis, nisi ipsius fidelis Dei nostri permissu. Non sinet uos tentari, inquit. Deo non permittente quis tentabit electos Dei? Deinde non simpliciter dicit: non sinet uos tentari. Non faceret hoc ad fidei nostræ exercitium & salutis profectum, si nunquam tentari nos sineret. Quare addit, supra id quod potestis. Immoderatam tentationem, qua tentati sterneremur, & in exitium deiceremur, haudquam admittit, moderatam uero fideliter ac prudenter dispensat. In periculis itaque & tribulationibus constituti, cogitemus nos tentari ac probari, idque permissu Dei, nec ultra quam ferre queamus progressuram esse tentationem. Nec est ut ipsi uires nostras metiamur, quæ ab ipso domino & conferuntur, & pro ipsius prudentia in ipsa lucta augentur, ut possimus multa, qui nos statim defecturos existimabamus.

**S. E. D.** faciet, inquit, unam cum tentatione exitum quoque; quo abunde sufferre possitis.] Duo sunt, quibus tentatio, id est tribulatio & afflictio, grauiatur & latu difficilior redditur. Magnitudo uidelicet, qua ueluti mole quadam grauat, & diuturna prolixitas, qua sine fine duratura uidetur. Contra prioris molestiam facit quod dicit: Non sinet uos tentari supra id quod potestis, contra posterioris uero, quod subiungit, sed faciet unam cum tentatione exitum quoque. Recte sic leges: Quin exitum quoque; unam cum



cum tentatione faciet. Non simpliciter dicit, sed faciet exitum, sed, ut significet curare dominum, non modo ne grauior sit tentatio, sed & ne sit prolixior & uelut infinita, quin, inquit, & exitum faciet. Vnà cum tentatione inquit, hoc est: Dum destinat uobis tētionem aliquam, simul hoc curat, ut breui terminetur, sitq; illius modus aliquis & exitus, atq; ita tentationes attemperat, ut sint leues & momentaneę, quo sufferre possitis. Sic 2. Cor. 4. tribulationibus præsētis uitæ & leuitatem & momentaneam breuitatē tribuit, dicens: Id enim quod in præsenti est momentaneum, & leue tribulationis nostræ, &c.

Nec illud ociosum est, quod non simpliciter dicit: τοῦ δύνασθαι ὑμᾶς ἐν γυμνῇ, id est, quo possitis ferre, sed, τοῦ δύνασθαι ὑμᾶς ὑπερβύτην, id est, quo possitis esse ferendo supra & ultra quàm sit tentationis modus. Quare uisum est uertere, quo abunde sufferre possitis. Metaphora est ab illis sumpta, quibus onera portanda imponuntur, ubi non est satis aliquousque quod impositum est ferre, nisi ad terminum usque feratur, quo est destinatum. Et qui robusti sunt lateribus, sic ualent ferendo, ut si ita requiratur etiam ultra præsēptum terminum impositum onus ferre queant. Qui sic ferunt, dicuntur ὑπερβύτην. Illis non est molestum onus, quod etiam ultra terminum destinatum ferre possunt. Sic uisum est Apostolo animare fideles contra metum tentationum, quo fiebat, ut se mundo magis quàm Christo accommodantes cum infidelibus in conuiujs immolaticijs accumberent, unde eos auocare uolebat, ne sic illi ad cultum idolorum relaberentur. Vnde & subdit.

Quapropter dilecti mei fugite à simulacrorum cultu.

Satis declarat hac particula, quorsum hæc omnia dixerit, dum nō uelut ad alia transiens simpliciter dicit: Dilecti mei fugite à simulacrorum cultu, sed tanquam ex præmissis colligens & cōcludens: Quapropter dilecti mei. Quasi dicat. Cum igitur periculum sit ne cadatis à fide, dum idolothyta cum infidelibus manducatis, nec sit ulla uobis causa, ob quam metu tentationum gratificemini idololatriis, quæso dilecti mei, fugite à cultu simulacrorum. Non dicit: ne colatis idola, sed, fugite à cultu idolorum. Non enim scribit idola colentibus, sed ijs fidelibus, qui in eidolio cum idololatriis manducabant & bibebant, quod non fecissent, si à communicatione idololatrarum abhorruissent, quem horrorem requirens dicit: Fugite à simulacrorum cultu. Poterat dicere, abstinete, uerum quo significaret, quanto cum horrore communicationem idolothytorum cauere deberēt, fugite, inquit, à simulacrorum cultu. Ponderus etiam habet, quod communicationem idolothytorū, uocat cultum simulacrorum. Plus urget, q̄ si diceret, fugite ab immolaticijs, uel, fugite à mensis

eidololatrarum. Et illud admodum est urgēs, quod uocat eos dilectos suos, quo affectu uix est efficacius ad persuadendum aliquid.

Nos admonemur hoc loco, non esse satis si non colamus idola, nisi etiam à cultu illorū abhorreamus, & abhorrentes fugiamus. Hic horror ferre non potest, ut cultibus simulacrorū cum Papistis adstet homo uere pius. Quare uiderint qui missis Papistarū adsunt, cū sciant illas ipsissimam esse idololatriā, & inferendā abominationē. Accommodant se mundo, ne incidunt in afflictiones ueritatis gratia sufferendas, quasi non sit Deus tam fidelis ut uelit, & tam potens ut possit, quicquid accadat tribulationum, sic moderari & attemperare, ut ferēdo esse possint. Istis tandem eueniet, ut sua ipsorum conscientia condemnati uermem nō morientem, & ignem inextinguibilem omnium infelicissimi experiantur.

Vt prudentibus loquor, iudicate uos quod dico. Poculum benedictionis cui benedicimus nonne communicatio sanguinis Christi est? Panis quem frāgimus nonne communicatio corporis Christi est? Quoniam unus panis unum corpus multi sumus. Nam omnes ex uno pane participamus. Videte Israelē iuxta carnem. Nonne qui edunt uictimas, confortes sunt altaris? Quid ergo dico? Quod simulacrum aliquid sit? Aut quod simulacris immolatum aliquid sit? Non, sed illud dico, quod quę immolāt gentes, dæmonijs immolant & non Deo. Nolim autem uos confortes demoniorū fieri. Non potestis poculum domini bibere, & poculum dæmoniorum. Non potestis mensæ domini participes esse, & mensæ dæmoniorum. An prouocamus dominum? Num fortiores illo sumus?

Cohærent hæc omnia, quare nolui lectionem eorum diuellere. Nam sensus priorum à posterioribus depēdet, qui in summa talis est. Participes estis mensæ domini, quare nō conuenit ut participes sitis mensæ idolorū. Non debetis igitur comedere de mensa illorum, ne participes illius sitis, aliàs irā Dei in uos prouocabitis. Summam hāc sic ordina. Particeps mensæ domini non potest esse particeps mensæ idolorum. Vos participes estis mensæ domini. Ergo non potestis participes esse mensæ idolorum. Maiorem non probat, tanquam per se notam. Minorem probat. Conclusionē simpliciter ponit, ex præcedentibus palām resultantem.

Vt prudētibus loquor, iudicate uos quod dico. Priusq̄ certa argumentatione cōuincat, absurdū esse & cōtra Christi sacramentum qđ faciebant, præfatiuncula hac reddit eos paulo attentiores, qua primum illis hoc tribuit, quod



quod sint *φρόνιμοι*, id est, uiri mente & intelligētia sic præditi, ut facile de ijs quæ dicuntur iudicare queant. Deinde permittit ipsis ut iudices sint eorum de quibus est dicturus. Quasi dicat. Scio me loqui non pueris, sed uiris prudentibus, quare quæ dicturus sum uestro ipso iudicio subijcere nō uereor. Sic enim sunt manifesta & indubitata, ut, modo quæ uera sunt probare uelitis, haudquaquam ea in quaestionem trahere possitis.

Sed quæret hic quisquam, quomodo eos hic uiros prudentes uocet, cum suprā cap. 3. uocarit carnales ac paruulos in Christo, quibus nondum queat solidum cibum sed lac subministrare cogatur. Respondeo. Discernendū est primum inter fideles ecclesiæ Corinthiorum, deinde inter ipsas causas de quibus ad eos scribit. Puerile admodum erat, contendere de ministris, & secundum diuersam illorum qualitatem scindere ecclesiam in sectas. Huius mali causa erat rudis rudiū zelus. Quare eos qui illo laborabant carnales ac paruulos uocat. In præsentī uero causa à priori admodum diuersa, negotium illi erat cum prudentioribus, qui cæteris erant in causa fidei instructiores quidē sed non meliores. Plurimum iactabant scientiam & fidei nescio quam præstantiam. Deinde & iuxta sæculum erant reliquis prudentiores. Hi se accommodabant sæculo quo crucis molestias effugerēt, ideoque cum infidelibus in conuiujs immolaticijs miscebātur. Ipsa autem causa sic erat comparata, ut etiam iuxta seculum prudentibus facilis esset cognitu & iudicatu. Quid enim manifestius est & irrefragabilius, quā nihil esse debere communicationis Deo & dæmonibus, & eos qui participes sunt mensæ Christi, non debere, imō nec posse participes esse mensæ dæmoniorum? Hactenus uocat eos prudentes, & constituit in causa tam manifesta argumenti huius iudices. Quæ uero suprā cap. 3. scribit, ad eos pertinent, qui in causa rudiori ipsi quoque rudiores corrigendi erant. Quare nihil hic est contradictionis. Contradictio nanque non est nisi in iisdē. Pro sua prudentia Apostolus accommodat se & causæ de qua, & personis, cum quibus agit. Durū uidebatur, quod dixerat: Qua propter dilecti mei fugite à simulacrorum cultu, quibus uerbis accusationem exaggerauerat. Nihil enim illi minus quā cultores simulacrorum uideri uolebant, nec ferre poterant, ut quod cum infidelibus de immolaticijs edebant, tanquā confine cum cultu simulacrorum repræhenderetur. Ut hāc duriciem emolliat, & dicti sui æquitatem declaret, iudicium causæ quam agit defert ipsis, tanquam cæteris prudentioribus. At hi ipsi erant, quos redarguebat & accusabat. Sic igitur ut confidentiam suam in hac causa declaret, ipsos reos repræhensionis huius iudices constituit.

Admonemur igitur hoc loco, non esse insolitum ac nouum, si uiris prudentibus accidat, ut ea faciant, quæ ipsorum iudicio, si rite ad-

A moneantur, defendi nequeant. Hoc enim genus hominum non peccat zelo rudi & inerti, sed quod habet prudentiæ accommodat ad declinandum odium mundi, & ad comminiscendas excusationes eorum quæ astute faciunt.

Deinde uidemus hic quāta sit esseq; debeat uis ueritatis in ecclesia Dei, in eo quod dicit: iudicate uos quod dico. Tanta uidelicet, ut etiam ab illis, qui repræhenduntur & accusantur, ad ipsorum condemnationem agnoscat & approbetur. Prorsus impij sunt, qui contra suam ipsorum conscientiam quod falsum esse sciunt admoniti defendunt, & quod uerū esse norunt impugnant & negant, quibus minister uerbi Dei imprudenter dicturus est: Ut prudentibus loquor, iudicate uos quod dico. Nolim hoc patribus concilij papistici dicere, quia non sunt iudices constituendi eorum de quibus accusantur.

Poculum benedictionis cui benedicimus, nōne cōmunicatio sanguinis Christi est? Panis quem frangimus, nonne cōmunicatio corporis Christi est?

B Pertinet ista ad probationem minoris, usq; ad illud: Quid ergo dico? Quod simulacrum aliquid sit? Minor autē est in hac argumentatione: Vos estis participes, corporis ac sanguinis domini. Probat hanc per expositionē ritus ecclesiæ Christi, quo communiter quidem omnes panem domini de mensa illius edebāt, & poculum bibebant, uerum non ita communiter omnes mysterio illius sese accommodabāt, alioqui nemo ex illis de mensa idolorum cōmunicasset. Ad ritum sacrū pertinet, quod dicit: Poculū benedictionis, cui benedicimus. Item, panis quem frangimus, ad expositionem uero illius, quod addit: nonne comunicatio sanguinis Christi est? Et: nōne comunicatio corporis Christi est? Quasi dicat. Estis ergo uos participes corporis ac sanguinis domini, quotquot de poculo hoc bibitis, & de pane domini editis.

Poculum, inquit, benedictionis, cui benedicimus. Loquitur omnino de poculo & pane cœnæ dominicæ. Vocem *ποτήριον*, id est, poculū, ponit pro uino quod est in poculo, continens pro contento. Nisi ex uerbis Christi, quibus se non amplius de germine uitis bibiturū dixit, cum poculum hoc mysticum discipulis in ultima cœna porrigeret, expressa esset potus species, ut uinum eos in cœna bibisse constet, ex hac uoce *ποτήριον* nemo recto colligeret, quoniam genere potus usus esset Christus, nosq; uti uoluisset. Sunt enim multa ac uaria genera liquidorum, quæ iuxta cuiusq; regionis ac generis conditionem communiter bibuntur. Alij bibunt uinum, alij ceruissiam, alij melicraton, alij aquam tantū. Et tamen cōmuniter, quicquid bibatur id unde bibitur *ποτήριον* uocatur, etiam si aqua bibatur, quemadmodū & Christus Matth. 19. locutus est dicens: Quicumq; dederit ad bibendum uni ex pusillis istis poculi



aquæ frigidæ, &c. Hac confyderatione defendi possent aquarij, qui aqua tantum usi sunt in cœna mystica, & alij, qui pro regionû suarum conditione ac more alio, quàm uini potu utuntur, idq; nulla alia ratione faciunt, quàm quod uino destituuntur. Sic sentiēs, eos excipio, qui superstitionis gratia ab eo defleunt, quo dominum usum esse constat.

Quod materialem poculi qualitatem attinet, nusquam expressum est, aureum ne, uel argenteum, uel uitreum, uel stanneum aut plumbeum uel ligneum fuerit, quo usus est Dominus. Nec uspiam de eo constituerunt Apostoli. Sciebant illi quæ fuerit simplicitas & frugalitas mensæ Dominicæ, & quàm Sacramenta aurum non quærant, nec auro commendentur, quæ auro non emuntur. Quondam, inquit Bonifacius martyr, & episcopus, non aureis, sed ligneis calicibus utebantur sacerdotes. Postea Urbanus papa omnia fecit argentea. Concilium Triburienſe decus ecclesiarum celsit esse in auro uel argento, ideoq; constituit, ut post simplicitatem & frugalitatem prioris ecclesiæ nullus sacerdos in ligneis uasculis mysteria sacra conficere præsumat, ne unde placari debet inde irriteretur Deus. Qua in re uidemus quomodo paulatim pontifices & episcopi à uero sensu mysteriorum & à simplicitate prioris ecclesiæ ad implem dorem sæculi defecerint. Sic factum est, ut ecclesia, quæ olim lignea pocula & ministros aureos habuit, nunc habeat aurea pocula & ministros ligneos.

P O C U L U M, inquit, benedictionis, cui benedicimus. Non simpliciter dicit: Poculum quod bibimus, & panis quem edimus, sed poculum benedictionis, cui benedicimus, & panis quem fragimus, quo se non de pphana, sed mystica dñi mensa loqui significet, uocat autem poculum cœnæ dominicæ, poculum *τῆς εὐλογίας*, quod uertit, calicem uel poculum benedictionis. Saluo sano aliorum iudicio, uerti poterat: poculum collectionis, uel collationis, uel ut hanc uocem Erasmus, 2. Cor. 9. uertit, bonæ collationis ubi de collectione agitur, qua contributio fidelium in usus pauperum colligebatur, quæ Apostolus illic omnino *εὐλογίαν* uocat dicēs, ut præparent ante promissam *εὐλογίαν* uestram. Quoniā autem constat primos Christianos in Synaxi sua, qua cœnam domini celebrabāt, non modo comedisse unā, sed & attulisse secū, quæ in usus pauperum distribuerent, eamq; contributionem uocaram esse collectā, quæ uox adhuc in usu est papistice missantibus, ut uocant, cum rem ipsam prorsus ignorent, existimo Apostolum hoc loco, mensam dominicam uocare *εὐλογίαν*, (quam postea uocarunt agapen, id est, dilectionem) præsertim cum ea uox nota esset inter Corinthios, ex frequenti collectionis huius usu. Hoc itaq; sensu poculum mensæ dominicæ uocat poculum Eulogiæ. Q. d. Poculum illud quod in cœtu sacro, dum eulogiā facimus, cum benedictione & gratiarum actione sumimus, &c. Verū quemadmodū dixi, sint hæc saluo aliorum iudicio annotata ne quis hic mi-

hi litem moueat. Chrysostomus *εὐλογίαν* retulit ad Deum, accepitq; pro *εὐδωκία*. i. beneficentia Dei. Sic enim exposuit. *Εὐλογία γὰρ ἔταρ ἔπη, πάντα ἀναπτύσσῃ τὸν τῆς εὐδωκίας τῆς θεοῦ θυσανρὸν, καὶ τῶν μεγάλων ἐκένων ἀναμνήσκῃ δωριῶν.* Alij uel consecrationem per *εὐλογίαν*, uel gratiarum actionem intelligunt, ut quod sequitur *εὐλογεῖν*, id est, quod benedicimus, præcedentis *τῆς εὐλογίας* sit expositio, sitq; poculum eulogiæ nihil aliud quàm poculum consecrationis, uel poculum gratiarum actionis.

C V I benedicimus inquit.) Græce est, *εὐλογεῖν*, id est, quod benedicimus. Vertit Eras. cui benedicimus quasi sit *εὐ* positum pro *ω*. Chrysostomus sic exponit. Nos enim postquam ineffabilia beneficia Dei, & quibuscunq; potiti sumus, super hoc poculo recensuimus, tum accepimus & comunicamus, gratias agētes, quod ab errore genus humanum liberauit, quod longe remotos reddidit propinquos, quod spe destitutos & sine Deo existentes in mūdo fratres suos & cohæredes constituit, ubi pro his & talibus uniuersis gratias egimus, accedim⁹. Hæc ille, cui *εὐλογεῖν* idem est quod *ἐπὶ ᾧ ὑψαρίστημεν*, id est, super quo gratias agimus. Et hūc sensum puto esse retinendum potius quàm ea quæ nonnulli hic de consecratione calicis comunicantur, quod Lyranus facit dicēs, cui benedicimus nos sacerdotes, quia licet consecratio ista fiat sola diuina uirtute, tamen sacerdotes proferunt consecrationis uerba & pro tanto benedicere dicuntur, seu consecrare.

Illud, quod poculi huius mentionem præmittit, cum secundum ordinem institutionis dominicæ fractioni panis subiicienda uideatur, puto non esse certa aliqua ratione factum, propter quā communicatio poculi huius fractionem panis præcedere debeat. Simpliciter loquutus est Apostolus, absq; sollicita ratione seruandi ordinis, propterea quod non in eo erat, ut de celebranda cœna domini, uel de institutione dominica præscriberet, id quod facturus est capite sequenti, ubi ordinem institutionis seruabit, sed ut ex mystica corporis ac sanguinis domini communicatione argumentum sumeret, proposito suo accommodum, ubi non referebat, utrius mentionem panis uel poculi primo loco faceret. Alius aliud cōminiscitur, uerū hoc pacto simplicius ad hanc quæstionem respondere posse puto. Hieronymus dicit: Ideo primū calicem nominauit, ut posset de pane latius disputare. Verū in sequentibus non erat de pane tantum, sed & de poculo mentionem argumentando facturus. Quare infirmior est hæc ratio, quàm ut aliquid habeat momenti. Sunt qui dicant sanguinis hoc esse dignitati datum ab Apostolo, ut prior illius fieret mentio, propterea quod sit loco animæ, quæ potior est corpore. Verum qui sic sentiunt, non uident Christum incogitantiam damari, quod non & ipse habita dignitatis huius ratione de poculo prius, deinde de pane constituerit. Nonnulli respiciunt ad morem Ebræorum, quibus exordia cœnæ à potu sumuntur. Et huc



Et huc facere putant, quod in Luca cap. 22. prius de poculo memoratur, quàm de pane. Verum nec mos Ebræorum exemplo nobis in cœna domini esse debet, nec poculum illud Iudaici Pascatis, cuius prior fit mentio, ad mysterium pertinebat, quod erat post illud separatim instituendum à domino, sed ad ritum ueteris Pascatis. In testamēti Noui institutione non poculum, sed fractio panis præcessit. Quare neque hæc ratio talis est, ut sit hoc loco in medium adferenda, & Apostolo tribuenda. Puto itaq; satius esse, ut nullam rationem adferamus eius rei, quàm ab Apostolo nulla certa ratione factam esse apparet.

NONNE communicatio sanguinis Christi est inquit?) Expositio est sacri ritus, quo de poculo domini participat ecclesia Christi. Est ea communicatio non prophana, sed mystica. Prophana non eget expositione. Est enim uini tantum, non spiritualis, sed corporalis, & omnibus manifesta, mystica uero quoniam aliud habet intellectu, & aliud externo aspectu, adeoq; non secundum id quod foris geritur, sed secundum id quod ab ipso auctore sancitum & institutum est intelligendum uenit, expositionem requirit, qua secretum ipsius exprimat. Exponens igitur quid sit poculū illud Eulogiæ, in quo communicat ecclesia, dicit esse communicationem, nō uini tantum, sed cum primis sanguinis Christi. Et de uino participamus, uerum quoniam communicatio ista non est propter uinum, sed propter mysterium sanguinis Christi redemptionisq; nostræ beneficium rememorandū ac fidei mente ueluti ruminandum institutum à domino, conueniens est, ut expositio illius per prædicatum potior fiat, propter quod significandum externa illa uini cōmunicatio usurpata est, quàm eius quod non propter se, sed illius gratia usurpatur. In uino signum est, in sanguine uero signatum. Signum propter signatum est, non signatum propter signum. Quare in expositione signi non conuenit, ut dicamus: Poculum eulogiæ communicatio uini est, sed dicendum est: Poculum eulogiæ cōmunicatio sanguinis, & panis quem frangimus, communicatio corporis Christi est. Et quoniā hæc sacramenti conditio nota erat fidelibus, non simpliciter dicit: Poculum eulogiæ communicatio sanguinis Christi est, sed, Poculum eulogiæ nōne communicatio sanguinis Christi est? & Panis quē frangimus, nōne cōmunicatio corporis Christi est? Dixerat enim: Ut prudentibus loquor. Iudicate uos quod dico. Quoniam ipsos cōstituerat causæ huius iudices, ut illam ipso iudicio censendā permitteret, dixit: nōne communicatio sanguinis Christi est? quasi dicat: De poculo eulogiæ pronunciate uos ipsi, an non sit illud communicatio sanguinis Christi. Vis argumenti erat in hoc articulo. Ideo ut indubitatam illius certitudinem contra ipsos exprimeret, hoc pacto loqui uoluit.

Nec ociosum est, quod non dicit: Poculum

eulogiæ quod benedicimus, nōne sanguis & panis quem frangimus, nōne corpus domini est? sed, Poculum eulogiæ quod benedicimus, nōne communicatio sanguinis Christi est? & Panis quem frangimus, nōne communicatio corporis Christi est? Poterat de symbolis istis pronunciare secundum Seruatoris ipsius uerba ac dicere, Poculum est sanguis & panis est corpus Domini, uerum quoniam ad propositum ipsius faciebat, ut contra communicationem mensæ dæmoniorum communicationem mensæ Christi obijceret, noluit simpliciter hæc in se mysteria consideranda proponere, sed magis argumenti sui uim ex eo necere, quod illa sunt sacramentaliter communicantibus. Sic argumentatur non ex rebus ipsis sed ex illarum cōmunicatione, inq; illa consideradum proponit, quàm absurdum sit eos participes esse mensæ dæmoniorū, qui solenni sacramento de corpore ac sanguine Domini participant.

PANIS quem frangimus inquit.] Non est animus singula quæ ad materiam hanc pertinent accuratius persequi. Nam de illis uolente domino, uidebimus in locis communibus ubi de cœna domini dicendum erit. Obiter hic admonendus est lector: ut obseruet quomodo Apost. loquat. Panis, inquit, quē frangimus. Nō dicit, species uel accidens panis, sed panis quē frangimus. Nec dicit panis quē consecramus & transubstantiamus, sed, quem frangimus. Agnoscamus simplicitatem Apostolicam, ignaram commenticiæ transubstantiationis. Panem uocat, idq; in ipsa sacra fractione, id est, distributione, quem Papistæ panem esse negant. Idem & de poculo sentiamus. Nam eadem est utriusque & panis & uini ratio. Quare si quod frangitur in cœna domini, panis est, utiq; uinū est, quod è poculo bibitur.

COMMUNICATIO, inquit, est corporis domini.] Non dicit, fractio est corporis domini, sed cōmunicatio. Panis frangit, nō corpus domini. Nulla rei sit scissura, signi tantū sit fractura, qua nec status nec statura signati minuitur. Fracturā signi cōmunicatio sacramentalis requirit. Non enim potest fieri, ut de pane nō fracto cōmunicent edentes, quē ut distribuatur necesse est frangi. Dominici uero corporis ea est cōditio, ut integrū possit cōmunicari fidelib<sup>9</sup>. Non diuiditur Christus, sed integer totus manet in cœlo, & in cordibus fidelium, cuius cōmunicatio sacramentalis p fractionē panis fit in sacramento. Nimis pueriliter sentiūt, qui corpus & sanguinē Christi, nisi per diuisionē cōmunicari nō posse putant, quasi rerum integrarum nulla possit esse communicatio. Sol integer in cœlo manens communis omnibus lux est, & Christus integer in cœlo nō posset cōmunicabilis esse fidelib<sup>9</sup>, nisi diuidatur? Num diuisus est Christus? inquit Apostolus, supra cap. i.

Sed dicet rudis adhuc in fide. Cum in sacramento separatim sit corporis illius in pane, & sanguinis in uino instituta cōmunicatio, quē-

De cōsecr.  
distin. 2. c. d.  
inuitat.



admodū hic Apostolus diserte dicit: Poculum eulogię quod benedicimus, nōne cōmunicatio sanguinis Christi est? Et panis quem frāgimus, nōne cōmunicatio corporis Christi est? quomodo nō est diuisus Christus? & quomodo de integro & non diuiso participamus? An nō ipsa corporis ac sanguinis eius cōmunicatio manifestam habet diuisionem? Respōdeo.

Quo rudiores huiusmodi instruantur, expli cādū est, quotuplex sit corporis ac sanguinis Christi cōmunicatio. Hanc inuenio quadruplicem, naturalē uidelicet, sacramentalē, spiritua-  
le, ac cōlestē. 1 Naturalis est, qua eiusdē cū illo sumus naturę, eiusdē carnis, & eiusdē sanguinis, quatenus uerus homo est, & filius Adę, per omnia nobis similis & *ἐμὸς* de pto peccato. Et de hac cōmuniōe plurimū gloriātur fidelis. Licet enim sit uniuersalis, omnes homines cōplectens, illis tamen potissimū est, & bono & honori, qui incarnationis illius fructū fide percipiunt, quos etiam ipse fratres suos uocare dignatur, & quorū potissimū gratia homo fieri uoluit, iuxta illud Ebr. 2. Quoniā pueri cōmunicauerunt in carne & sanguine, & ipse similiter particeps factus est eorūdem, ut per mortē aboleret eū, qui mortis habebat imperiū, hoc est, diabolū, &c. Et hinc est quod carnē nos de carne, & os de ossibus eius esse non more Iudæorum, qui de carne tantum p̄sumunt, sed fide ad mysterium incarnationis respicientes gloriamur.

2 Sacramētalī est, qua secundū institutionē dominicā, de sacramentalibus corporis ac sanguinis illius symbolis, pane ac uino, in ecclesia cōmuniter participamus. De hoc loquitur Apostolus hoc loco, uocās eam cōmunicationem corporis ac sanguinis Christi, respiciens nō ad externa symbola panis ac uini, sed ad mētem institutionis dominicę, & rationē sacramentalium signorū, qua signū nomen signati tribuitur, qua de & sup̄a paucis admonuimus.

3 Spiritualis est, qua spiritu de fructu carnis ac sanguinis Christi, p̄ peccatis nostris crucifixi, per fidē participamus, eiusdemq; gratię & redemptionis cōsortes sumus. Qui sic spiritualiter cōmunicāt, hi nō in sacramēto, ut cū Augustino loquar. i. sacramentaliter tātū, sed & uere carnē Christi manducāt, & sanguinē bibūt, hoc est, uere de merito & fructu mortis illius uiuunt. In istis uere impletur, quod per sacramentalia signa, sacramentaliter in ecclesia externa cōmunicatione geritur. Et hęc spiritualis cōmunicatio non est sic alligata sacramentali, ut nec extra illam locū habere, nec à quoquā sacramentaliter communicante abesse possit. Notum est quod ex Augustino, de cōsecratione, dist. 2. Can. Quia passus, legitur ad hunc modum. Nulli est aliquatenus dubitandū unumquēq; fidelīū corporis ac sanguinis dominici tunc esse participē, quādo in baptisate membrū efficitur Christi, nec alienari ab illius panis calicisq; cōsortio, etiam si anteq̄ panē illū comedat, calicemq; bibat de hoc sæculo migra-

uerit, in unitate corporis Christi constitutus. Sacramēti quippe illius participatione ac beneficio nō priuatur, quādo in ipso hoc quod sacramentū significat inuenitur. Hęc ibi: Ergo quod sacramentum significat in homine fideli tanquā membro corporis Christi, etiam extra sacramentū inueniē. Deinde nimis frequēter accidit, ut externe de sacramentali corporis ac sanguinis Christi cōmunicatione participet, qui tamē uerę ac spiritualis cōmunionis prorsus est expers. Sic de cōsecr. dist. 2. legitur: Qui discordat à Christo nō māducat carnē eius, nec bibit sanguinē eius, licet tantę rei sacramentū ad iudiciū suę perditionis accipiat. Ergo fieri potest, ut sacramentum corporis ac sanguinis Christi accipiat, q̄ tamē nec māducet eius carnem, nec sanguinē bibat. Est itaq; sacramētalī cōmunicatio, cōmunis omnium Christianorum, spiritualis uero fidelium tantum.

4 Cōlestis est cōmunicatio, qua corpora nostra in futuro sæculo corporis Christi glorificati cōsortium & cōfigurationē acquirant, cuius mentionē facit Apost. Phil. 3. dicēs: Nostra cōuersatio in cōelo est, ex quo & Seruatorē expectamus dominū Iesum Christū, qui trāsfigura bit corpus nostrū humile, ut conforme reddat corpori suo glorioso, secundū efficaciam, qua potest etiam subijcere sibi omnia. Quadruplicem hęc corporis Christi cōmunicationē in scripturis inuenio. Prima est mortalium omniū, secūda Christianorū promiscue, tertia & quarta electorū ac fidelium tantū. Priores due sine tertia nō saluant, per quartā salus & felicitas nostra absoluetur. Iā quod p̄sentē quæstionē attinet, nec prima corporis ac sanguinis Christi cōmunicatio, nec tertia, nec quarta requirit, ut de diuiso Christo participemus. Sumus enim ut ueri ita & integri hominis Christi *ἐμὸς*. Deinde & totus nobis & integer simul est & cibus & cōuiuator. Quare cōmunicatio spiritualis nullā illius diuisionē requirit. Nec postremę cōmunicationis ea est cōditio, ut diuisum Christū poscat. Restat secūda quę sacramētalī est. In hac pponiē nobis diuisio & fractura, quia sub imagine externi cibi ac pot⁹ spiritualis communicatio sacramentaliter pponitur. Quod corporis alimoniam attinet, aliud est edere, & aliud bibere, aliud cibus & aliud potus, aliud panis, & aliud uinū. In gratia uero & spirituali alimonia nō habet locū huiusmodi discrimen. Hic idem est edere ac bibere, cibus & potus. Sic Christū edimus ac bibimus, hoc est, per carnē ac sanguinē eius credēdo uelut edēdo ac bibēdo ad uitā æternā reficimur. Huius refectionis symbola, quoniam externa sunt, & ad terrenū cibādi ac potandi modum attēperata, diuisionē habent, propter naturę suę imbecillitatē. Panis enim terrenus sic pascit esuriētē, ut nequeat simul potare sitientē. Et uinū sic potat sitientē, ut nequeat simul pascere esuriētē. Constat autē plena corporis nostri alimonia, haud cibo tātū, sed & potu, quia non esurie duntaxat, sed & siti labefactatur & perdi-



perdit. Vt admoneamur igitur plenam nobis & perfectam in Christo paratam esse refectioem, gratia illi utriusque & cibi & potus symbolis natura sua distinctis ac diuisis sacramentaliter proponit, cum tamen ipsa nos, absque diuisione integra & plena sic reficiat, ut ad ueram sempiternamque uitam tam conseruandam quam conferendam sufficiat. Quare diuisionem hanc sacramenti non debemus transferre ad ipsum Christum, quasi in partes diuisum, quarum aliam edamus, & aliam bibamus. Diuisio ista, quae in sacramento est, sacramentali est communicationi relinquenda, & non ad spiritualem transferenda. Simul cauendum est, ne qua pars sacramenti auferatur, ne ex plenae refectiois mysterio mutilum & imperfectum reddamus. Est enim integritas sacramenti huius, non cibi tantum, sed & potus symbolo comprehensa, quia non dimidiata, sed plenae refectiois gratiam fidelibus proponit. Quare sacrilegium admittunt, qui partem aliquam de illo auferunt, id quod in Papatu contentiosissime fieri uidemus.

**Quoniam unus panis, unum corpus multi sumus. Omnes enim de uno pane participamus.**

Habent ista aetiologya, ad declarationem praecedentium subiecta, quae aliter atque aliter exponi uideo. Dicam cum pace aliorum quid mihi uideatur. Dixit panem quem in ecclesia frangimus, esse *κοινωνίαν*, id est, communionem uel communicationem corporis Christi, in cruce uidelicet pro nobis traditi, quod ad hoc dixit, ut minorem argumenti sui probaret, esse scilicet eos consortes corporis & sanguinis Christi. Sunt autem dictae istae sententiae duae partes. Vna subiecti, altera praedicati, quod de pane fracto praedicat, quod sit communicatio corporis Christi. Quod panis iste sacramentum sit & mysterium corporis Christi, ex ipsius Christi uerbis patet, quibus dixit. Hoc est corpus meum, quod pro uobis traditur. Quod uero fractio ac distributio illius non modo participatio sed & communicatio sit corporis domini, quoniam a Corinthiis non satis obseruabatur, consequenter erat admonendum & exponendum. In communione est unitas duplex. Communicati uidelicet, & communicantium. Communicantes uniuntur inter se, uirtute communicationis rei eiusdem, per quam redduntur communio. Sic incolas eiusdem ciuitatis, uocamus communionem, *ein gemeind*. Deinde uniuntur etiam cum re communicata, cum illa in communem usum conuertitur, praesertim si uel corpore uel spiritu, communiter usurpetur. In coena domini sunt communicantes, & res communicata. Communicantes uirtute communicationis rei eiusdem, de qua participant omnes, communio redduntur, atque ita inter se coadunantur, ut recte unum corpus uocentur. Res ipsa quoque quae in communicationem omnium uenit, & in qua coadunantur, quotquot de illa participant, cum communicantibus coadunatur. Est autem hoc corpus & sanguis Christi, cuius communicationem supra sacramentalem & spiritalem esse

A diximus. Qui spiritu non in sacramento tantum communicant, uere cum eo uniuntur, de cuius corpore ac sanguine participant. Quoniam uero argumentum suum Apostolus a sacramentali communicatione quae in panis est fractione, & poculi distributione, ducere coepit, quod illa, tamquam communis omnium ad quos scribebat, proposito ipsius esset aptissima, panis uocabulum retinet, & huius unitatem simul & generalem omnium communicationem urget, dicens: Quoniam unus panis, intellige, est, de quo uidelicet communicamus, & nos multi, unum corpus sumus. Vides urgeri unitatem utranque cum rei communicate, tum ipsorum communicantium? Deinde uide quomodo probet quod dixit: Unum corpus multi sumus. Omnes enim, inquit, de uno pane participamus. Non alius de alio, sed omnes de uno. Quasi dicat: Quauis multi simus, unum tamen corpus sumus quod patet per unitatem panis, de qua participamus omnes. Panis autem ille unus, de quo cuncti participamus, sacramentum est, & fractio illius, per quam ille nobis omnibus communicatur, communicatio est corporis Christi. Sumus igitur omnes consortes ac participes corporis Christi, quotquot de pane hoc eulogiae participamus. Et uos hoc communiter facitis. Ergo consortes & participes estis corporis Christi. Non poteritis igitur consortes esse daemoniorum, id quod paulo post est illaturus. Et hanc praesentis loci expositionem puto germanam esse & facile, quam obscurat uetus uersio, quae habet, quoniam unus panis & unum corpus multi sumus, quasi dictio panis metaphorice posita sit, & ad ecclesiam fidelium referri debeat. Videtur ex eo quoque obscurari hic sensus, quod uerbum substantiuum, est, non est expresse adiectum, ut legatur. Quoniam unus est panis. Verum non debet hoc insolens uideri in homine Ebraeo, si etiam Graece scribendo subinde Ebraismis utatur. Solent Ebraei sic loqui. *אֱלֹהִים אֶחָד*. i. Dominus unus, *אֱלֹהִים אֶחָד* id est, Deus unus, pro, dominus unus est, Deus unus est. Sic ipse quoque Apostolus loquitur, Eph. 4. unus dominus, una fides, unum baptisma, unus Deus & pater omnium, &c. Et. 1. Tim. 2. Unus Deus, unus & mediator Dei & hominum, &c. ubi sane uerbum hoc, est, nobis subaudiendum uenit, ne quod aliud praedicatum desideret, quod de uno Deo, uno domino, &c. praedicetur. Consimiliter & hoc loco, cum dicit: *אֶחָד אֶחָד*. i. Quoniam panis unus, recte subintelligimus uerbum, est, & referimus ad panem eulogiae, de quo argumentari coepit. Hanc sententiam citra contentione in medium adfero, interim haud quaquam aliter exponentibus praedudicare uoles. Nec est ut dicat imperit: Quomodo numerosa ecclesia in qua aliquot milia communicant, de uno pane participare poterit? Unitas panis huius non est ad unitatem unius orbiculati panis, sed magis ad unitatem institutionis, sacramenti, & communicationis referenda. Quemadmodum unius domus familia recte unum & eundem panem maducare dicitur, etiam si plures orbes uno pradio absumat, sic in mensa Christi recte omnes communicantes



de uno & eodem pane participare dicuntur, licet propter cōmunicatium multitudinē unus orbis nō sufficiat. Illud. Oēs enim de uno pane participamus, in uulgata uersione absq; nota causali sic legitur, omnes q de uno pane & de uno calice participam⁹. Annotat Erasmus esse qui legāt: omnesq; de uno pane participam⁹. Quod si uocula, *αφ*, abijci posset, meo iudicio recte sic legeretur: unum corpus multi sumus, qui omnes de uno pane participamus. Cæterum de metaphora & unitate corporis ecclesiastici dicemus infra cap. 12. ubi de illa maior erit dicendi occasio.

**Videte Israelem iuxta carnem. Nōne qui edunt uictimas cōsortes sunt altaris?**

Erasmus uertit, sacrarij. Sed cū in Græco sit *θυιαγωγίς*, melius est, altaris, quēadmodū & uulgata uersio habet. In eo est Apost. ut ostendat Corinthijs, esse ipsos consortes Christi. Et huc usus est argumento à cōmunicatione mystici panis & poculi sumpto, cui⁹ uis in eo est, quod cōmunicatio signorum ad ipsa signata extenditur. Est enim hæc signorū cōditio, ut omnis illorū usus signatis seruiat, & ad illa referatur, perinde atq; uerba ad sensum ac mentē loqueris. Et quoniam rationē hanc & *σημα* signorum non satis obseruabant, ne recens & singulariter in causa cœnæ dominicæ excogitatā putarent, ostendit eam esse generalem sacrorum omnium, nō modo recentium, sed & priscorum, non Christianorum tātum, sed & Israëlitarum imò & Gētium. Sic dicit: Videte Israëlē iuxta carnem, quasi dicat: Nihil noui adfero. Quod dico non inter nostræ tantū fidei cōsortes, qui Christiani uocamur, in causa cœnæ dominicæ, sed & in alijs aliorum populorum sacris locū habet. Exēpli gratia inspicite Israëlē illiusq; sacra. Habent illi adhuc suum altare & sua sacra oblationes & uictimas, de quibus qui comedūt, nōne cōsortes sunt ipsius altaris, adeoq; & totius religionis illorum? Si quis Christianus comedat uictimas Iudæorū, ac sacris illorum misceatur, nōne & religionis illorū particeps esse cēset? Quare qui Iudæus haberi nō uult, à sacris illorū absteineat necesse est. Sic hic quoq; cōparatū est, ut qui edunt panē eulogię consortes sint corporis Christi. Quod autē nō simpliciter dicit: Videte Israëlē, sed addit, iuxta carnē, facit ad discrimen uerorū ac spiritualiū Israëlitarum, qui post Euangelicæ lucis reuelationē umbris legalibus renunciabāt, & Christo adhærebāt, à quibus eos discernit, qui Israëlītæ non erant, nisi secundum carnis propagationē. Sic specificationis huius notā, qua dicit, secundum carnē, referendā esse puto nō ad discrimen sacrorū, Iudæorū & Christianorum, sed ad propagationē carnis, qua sola carnales illi & increduli Iudęi ad posteritatē Israëlitis pertinebant. Hiero. refert ad sacra Iudæorū, quod illa sint iuxta carnem, Christianorū uero iuxta spiritū. At meo iudicio, si non accedat fides nostris sacris, baptismati uidelicet & cœnæ

dominicę, nihilominus carnalia sunt q̄ Iudæorum, & rursus, ubi fides Israëlitis accessit, perinde spiritualia fuerunt atq; nostra. Sacrorū censura nō qualitate rerū externarum, sed fide ac spiritu constat. Quod uero uberius fides ac spiritus Noui testamenti sacris initio regni Christi accessit, singulari hoc dispensationi diuinæ prouidentię non qualitati sacrorum debetur. Qualia illa iam sint, sine dolore meminisse nō potero. Vtinam carnalia tantum sint, & nō superstitiosa, simoniaca & prophana.

**VIDETE** Israëlē, inquit, iuxta carnē. Israël iuxta carnē, carnalis est Israël, nō spiritualis. Et huic carnali Israëlī dat uictimas, sacrificia, altare, & altaris consortiū, hoc est & sacerdotiū & religionē, & cultus. Ergo externa hæc sacra, sacrorumq; cōmunicatio nō faciebāt ex carnali Israëlē spiritualē. Obsecro, an nō equa ratione dixeris, uidete Christianos, presbyteros & episcopos secūdū carnē? Hoc est, carnales & nihil minus q̄ spirituales. Quoniā enim alieni sunt à spiritu Christi, & externa sacra sine fide administrāt, à quib⁹ spirituales fieri nō possunt, qd restat q̄ ut sint carnales? Mille missæ ne unum quidem sacrificium ex carnali spiritualem faciunt. Et si singulis diebus millies ungātur, & toto corpore tondētur, sumantq; sibi quāuis splendidos titulos, & carnales tamen sunt, & carnales esse nimis palam depræhenduntur.

**NONNE** qui edunt uictimas, cōsortes sunt altaris? Potest referri ad Sacerdotes & Leuitas, hoc sensu. Nōne in lege esus uictimarum ad eos tantū ptinet, q cōsortes sunt altaris. i. sacerdotij, ut q altari seruit, de altari uiuat? Quare qui uictimas edūt, ppter ea edūt, quod consortes sunt altaris? Perinde est ac si dicas, nōne qui sedent in curia, cōsortes sunt Magistratus? Sedere in curia, nō mox reddit Magistratū, nisi primū sis de ordine Magistratus. Verū non est hoc, nisi eorū, qui sunt de Magistratu. Sic edere uictimas nō est nisi cōsortiū altaris. Quare ad eam cōmunionē nō admittunt, nisi ad consortiū altaris ptinētes. Hoc sensu potest inferri. Cōsimili modo, nōne qui edūt uictimas eidolorū, cōsortes sunt eidolorū? Hoc est, nōne qui cōsortes sunt eidolorū, edunt uictimas eidolorum? Vos autē nō estis neq; esse uultis cōsortes eidolorū. Nō cōuenit igitur ut eidolis immolata comedatis. Vtrolibet sensu accipias, satis fortiter arguit illicitū esse quod repræhēdit in Corinthijs. Prior expositio nitiū uirtute & usu signorū externorumq; sacrorū. Posterior uero iure ordinis & sacri cōsortij, in quo nō conuenit locū esse exteris. Nōne qui edunt uictimas, inquit, cōsortes sunt altaris? Hic quoq; in Græco est uox *κοινωνία*, cōmunicationis significationem habēs. Quæserim igitur, quomodo hæc particula ad præcedētia faciat, quibus panem in cœna domini fractum, cōmunicationē corporis, & poculū cōmunicationē sanguinis Christi esse dixit. Qui corpus & sanguinē dñi in cōmunicationē fideiū, nisi corporaliter ac realiter in pane & uino constituta, uel nisi per transub-

Cōditio signorum.



transubstantiationem panis & uini, uenire nō posse docēt, respondeāt quomodo altare lapideum in cōmunicationē edentiū uictimas uenire possit. An dicturi sunt esse illud ī unaquaque portione uictimarū corporaliter ac realiter? uel, uictimas trāsubstātiari in altare lapideum? Sunt hæc absurda. Sunt sane. Sed rogo quo sensu accipiēdū est, quod Apost. dicit: Nō ne qui edūt uictimas, cōsortes sunt altaris? ne uel absurdū quid, uel alienū ab argumēto illi<sup>9</sup> statuamus? An alio sensu accipiēdum est, q̄ qui præcedētibz cōueniat? Sed quomodo stabit Apostoli argumētū? Si dicas: Qui edunt panē cœnæ mysticæ, cōsortes sunt corporis Christi, & qui bibunt poculū illius, cōsortes sunt sanguinis Christi, an nequit hoc alia esse ratiōe uerum, q̄ tali, quæ in hac præsentī particula constare nō poterit? Absit hoc ab Apostolo, ut instar ebrij argumentādo adferat nō cohærentia. Viderint igitur qui cœlū terra miscētes uociferantur, auferri cōmunicationē corporis dñi ex ecclesia, nisi illud esse in pane corporaliter ac realiter, uel panē in illud transubstantiari credamus, dicamus, & contendamus.

Quid ergo dico? Quod simulacrū aliquid sit? Aut quod simulacris immolatū aliquid sit? Non. Sed illud dico, &c.

In Græco est: Quid ergo dico? Quod simulacrū sit aliquid? uel quod simulacris immolatum sit aliquid? Sed quod q̄ Gētes immolant, dæmonijs immolāt, & non Deo. Vbi omnino negatiua subintelligēda est, & uel cū Chrysost. legēdum: Quid ergo dico? *ὅτι οὐκ ἔστιν ἱερὸν*. i. Non quod simulacrū aliquid sit. Vel cū Eras. Nō, sed quod quæ immolāt Gētes, &c. Minoriā explicatæ subiiciēda erat cōclusio: ergo non potestis participes esse mensæ eidorū. Verū quoniā uidebatur idē de sacris eidorū sentire, qd̄ de sacris Iudeorū & Christianorū, illisq̄ tribuere altare sacrificiorū & mensam mysticā & religiosam, p̄pterea quod primū de pane & poculo cœnæ dñicæ, deinde de altari ac uictimis Iudeorū argumētū cōmunicationis inducebat, quo p̄baret, comedentes de externo sacro participes esse eius cui sacrificat & immolatur, quasi tale qd̄ sit eidlū cui possit immolari, & cuius participes esse queant, qui immolata ipsi comedūt, eiusmodi cogitationi occurrat priusquā cōclusionem subiiciat. Quid ergo dico, inquit? Quod simulacrū aliquid sit? Quasi dicat: Ergo hæc dicens uideor simulacris & sacrificijs illorū aliquid tribuere, cū supra nihil esse simulacrum in mūdo dixerim. Verū nihil illis tribuo. Scio & ipse, esse ea uana & inania figmenta, quæ per se nec prodesse nec obesse queant, sed hoc spēcto, quod quæ illis immolant, nō Deo immolant sed dæmonijs, atq; ita cōmunicatio eidothytorū, cōmunicatio est dæmonū, nolim uero uos cōsortes fieri dæmoniorū. Sic cauet, ne simulacris numinis aliqd̄ tribuere, & sibiipsi parū cōstare uideatur, & simul conclusioni, quā subiecturus est, plurimū

A auxesis parat, quo non simpliciter concludat: Ergo nō potestis mensæ eidorū, sed: Ergo non potestis mensæ dæmoniorū participes esse & mensæ domini. Huc faciunt quod dicit: quæ Gentes immolant, dæmonijs immolant, & nō Deo. Nolim autem uos consortes fieri dæmoniorum. His dictis, concludit dicens: Non potestis poculum domini bibere, & poculū dæmoniorum. Nō potestis mensæ domini participes esse, & mensæ dæmoniorum. Sed uideamus ista singulatim.

Quid ergo dico, inquit? Videmus hic q̄ circūspectio comperat ministro Christi in causa quantūuis bona argumentanti. Curādum illi est, ut caute & circūspecte obseruet ne p̄gressu argumentationis abreptus sibiipsi excidat, & præcedentibus contraria dicat, & si quid tale, uel aliās sinistrum, ex dictis in speciem saltem colligi possit, ut mox occurrat, priusquā ad sequentia progrediatur. Nihil horū præstare possumus, ubi calore disputationis & contentionis præcipientes ferimur, id quod in multis nostrorum tēporum scriptis uidere licet. Parum fideliter, uel certe parum prudenter docēt, qui satis esse putant, si quæ uera sunt dicant, & nō simul obseruant, quid auditor ex dictis colligere possit, cum fructus & finis sermonis pertineat ad audiētem, & inanis sit omnis sermo nisi rite, imo noxius, si male intelligatur, quantumuis ueraciter dicatur.

B Quid ergo dico? Quid simulacrum aliquid sit? Aut quod simulacris immolatum aliquid sit? Nō.] In eo quod negat aliquid esse tam simulacrum q̄ simulacris immolatum admonemur quomodo sit de rebus sacris iudicandum, haud uidelicet secundum externam illarum faciem, & corporalis substantiæ materiā, sed secundū id cuius gratia pro sacris habentur, & religiose coluntur. Secundum hanc ipsorum qualitatem, aut aliquid sunt, aut nihil. Aliquid, si uere diuinarum rerum sunt signa. Nihil, si falsarū, in quib<sup>9</sup> nihil est eorum quæ putantur. Sic simulacrum nihil est, quia species est sine ueritate eius rei, cuius gratia ponitur. Simulacrum Dei duplici nomine nihil est. Primum, quia figuram & effigiem Deus non habet, & prorsus est ineffigibilis. Deinde quia falsa est opinio, qua cæci Deum in simulacro coli putāt, cum in illo magis dehonestetur, propterea quod incorruptibilis Dei gloria, in similitudinē imaginis corruptibilis hominis, &c. mutatur. Roman. i. Sic de simulacris tanquam simulacris iudicādum est. Aliud est esse aurum, argētum, æs, lignum, ferrum, lapidem, &c. & aliud, esse imaginem, uel haberi pro imagine alicuius rei. Secundum priorem essentiam, de simulacris canit Dauid: simulacra Gentium argentum & aurum, opera manuum hominum, &c. Secundum posteriorem dicit Apostolus, nihil esse simulacrum. Sic de eo quoque dicendum est, quod subiungitur: Aut quod simulacris immolatum aliquid sit. Sacrificium pariformiter, aut aliquid est, aut nihil.



Aliquid, si uero Deo legitime. Nihil, si uel falso Deo, quocūq; modo, uel uero illegitime fiat sacrificium fallum & illegitimum nihil est, quia non est quod putatur. Nihil est opinione, nihil effectus. Tale est sacrificiū illud Missæ papisticæ, quo se Christum Deo patri pro peccatis uiuorū & mortuorū offerre fingūt, & quod fingunt mundo seducto turpissime uendunt.

S E D, inquit, quod quæ Gentes immolant, dæmonijs immolāt, & nō Deo. ] Atqui tā non erāt scienter impij ut dæmonijs, hoc est, malis spiritibus, immolare uellēt, & non Deo uero. Quid est ergo quod dicit: quæ Gētes immolāt, immolāt non Deo, sed dæmonijs? In sacrificijs Gentiū sunt ista. Eidolū, sacrificiū, intentio sacrificantiū, & mysterium impietatis. Sacrificantes dū immolāt eidolo, destinant sacrificiū suū nec ligno & lapidi, auro & argento, sed Deo, quē esse, & cuius numen in eidolo coli putāt. Quare quod sacrificantiū intētionē attinet, immolant, nec simulacro, nec dæmonijs, sed Deo, ad quē sacrificia sua destinant. Quod uero mysterium ab oculis illorū absconditū attinet, immolant non Deo, sed dæmonijs, qui eiusmodi falsorū cultuū sunt authores, & in simulacris latitantes falsis miraculis & portētis seductas hominū mentes ad se pelliciunt, & hoc genere cultuū diuinitatis honorē ambiūt, Deoq; uero illudunt, cui p omnia aduersari student. Ergo non est de cultibus sacris secundū intentiones nostras, sed secundū ueritatē ipsorū iudicādū, quam, quoniā abscondita est à iudicio rationis humanæ, mysterium uoco, ex solo uerbo Dei, tanquā diuinæ uoluntatis indicio cognoscendum. Loquitur igitur Apost. non secundū intētionē immolantiū ethnicorū, cū dicit, quæ Gētes immolāt, immolāt, nō Deo, sed dæmonijs, sed respectu mysterij huius, quo cultus simulacrorum, non ad Deum, sed ad dæmones tēdebat. Et hoc respectu Deut. 32. dicitur: Sacrificauerunt לַשִּׁדְדִּים. i. dæmonijs, & nō Deo, & Leuit. 17. Et non sacrificabunt ultra sacrificia sua לַשִּׁדְדִּים. i. dæmonijs, post quos scortantur. Secundū hanc regulā puto satis esse manifestū, quid de oībus illis sacrificijs & cultibus sentiri debeat, quib⁹ simulacra colunt, quantūuis bonā prætēxant intētionē, & uel ad Deum uel sanctos sacrificia sua destinēt omnes illi, quorum mētes doctrinis ethelothresciæ sunt fascinatæ.

N O L I M aut uos consortes fieri dæmoniorum. ] Si sola immolatio qua dæmonijs sacrificatur, & non etiā communicatio rerum immolarū consortes redderet dæmoniorū, dicendum fuisset: Quæ Gentes immolāt, non Deo immolāt, sed dæmonijs, ideoq; consortes sunt dæmoniorū, & hoc nomine à uobis fugiēdæ, uerū quoniā ipsa quoq; immolaticiorū ciborum cōmunicatio, perinde est dæmoniorum, q̄ panis & poculū domini, corporis ac sanguinis illius est communicatio, recte dixit: Nolim uos consortes fieri dæmoniorum. Ne dicerēt, uidelicet: Esto, immolent Gētes non Deo, sed dæmonijs, quid ad nos? Nō immolamus cum

eis, sed ad mēsam uocati accedimus, deq; immolaticijs, non ut immolaticijs, sed ut cibo ac potu, bonis Dei creaturis, comedimus ac bibimus. Et hoc facientes, nō cōmunicamus cum dæmonijs, q̄ nec colimus nec adoramus. Hoc illis effugiū eripiens, cōtendit externā illā immolaticię mensæ cōmunicationem, cōmunicationem esse dæmoniorū. Et quoniā horrendum est confortē esse dæmoniorū, id est, malorum & abominabilium spirituū, uide q̄ prudenter & moderate nō dicat: Quæ Gētes immolāt, immolāt, nō Deo, sed dæmonijs, quare uos consortes estis dæmonum, immolaticijs illorum uescētes, id quod admodū fuisset durum & acerbum, sed: Nolim uos fieri cōsortes dæmonum, quibus uerbis & affectum salutis ipsorum cupidū exprimit, & quod seuerē per asseuerationem ac reprēhensionē pronunciare poterat, mitius exprimit, q̄ ut offendi possent.

De consortio autem dæmoniorum sic sentiendum esse puto. Naturali consortio nō possumus illis coniungi. Quare omne illorū consortium est, uel sacramentale, uel spirituale, uel pœnale. Sacramentale uoco, quod externorum cultuum ac sacrorum cōmunicatione constat. Huc pertinet omnia sacra, quibus eidola coluntur, templa, delubra, sacella, aræ, simulacra, dies festi, sacrificia, mystica mensa, cum omnibus ritibus, & cultibus. Qui in hisce cōmunicant, consortes sunt dæmoniorum, etiā si non in omnibus, sed quibusdam tātum cōmunicent. De hoc consortij genere loquitur hic Apostolus. Spirituale est, quo spiritus hominis primum erroribus tenebrarum, quod superstitiones & impietatem attinet, deinde & malicia cordis, cum malis spiritibus cōmunicat, ut non solum mancipium, sed & filius diaboli recte uocari possit. Sic consortes dæmonum sunt omnes impij, superstitiosi, cæci, superbi, inuidi, blasphemī, homicidæ, perfidi, flagitiosi, hypocritæ, contemptores Dei, &c. Participant enim de spiritu diabolicæ malicię & nequiciæ. Tales autem consortes dæmonū in ecclesia seductorum hodie regnant.

Pœnale consortium est, consortium æternę condemnationis quod manet omnes eos, qui in hac uita uel sacramentaliter, uel spiritualiter absque resipiscētia consortes sunt dæmonum. De hoc consortio loquitur Christus Matthæi 25. dicens: Discedite à me maledicti in ignem æternum, qui paratus est diabolo & angelis eius. Ergo impij in igne æterno cum dæmonijs in sempiternum cōmunicabunt, ut quorum maliciæ & impietatis fuere consortes, horum etiam condemnationis consortes efficiantur.

Non potestis poculum domini bibere, & poculum dæmoniorum. Non potestis mēsa domini participes esse, & mensa dæmoniorum.

Hæc est conclusio, quæ admodū suprā diximus.

Consortiū  
dæmonio-  
rū triplex.



mus. Hæc simpliciter quidē, & ex præcedētib⁹ natā, uerū cū auxeli ponit, quo pl⁹ inferat terroris. Nō dicit: Nō potestis poculū domini bibere, & immolare dēmonijs, sed quo argumēto de cōmunicatione mēse dominicæ sumpto inhereat, nō potestis, inquit, poculū domini bibere, & poculū dēmoniorū. Nō potestis mēse domini participes esse, & mēse dēmoniorū. Neq; enim immolabāt dēmonijs, sed interim de ijs quæ dēmonijs immolata erāt, edebant & bibebant, & hoc se inculpate facere iudicabāt. Neq; dicit: Nō potestis participes esse domini & dēmoniorū, sed: Nō potestis mēse domini participes esse, & mēse dēmoniorū, quo externā illā cōmunicationē mēse idolorum sic execrabilē esse admoneat, ut uerā mēse dominicæ cōmunionē prorsus excludat, & contrā, hæc sic esse cōparatam, ut illā iuxta se ferre nequeat. Quemadmodum enim summa est discrepantia inter Christū & Belial, ita nulla potest esse communicatio mēse Christi, & mēse Belial. Sed dices: Quomodo nō potuerūt Corinthij facere, quod tamē fecisse cōuincuntur? Comederūt ac biberūt de utraq; mēsa domini & dēmoniorū, atq; ita participes fuerūt utriusq; , quantūuis inter se contrariæ, quomodo ergo dicit: Nō potestis poculum dñi bibere & poculū dēmoniorū. Nō potestis mēse dñi participes esse, & mēse dēmoniorū? Si diceret: Nō debetis poculū dēmoniorū bibere, q̃a poculū dñi bibitis, nō debetis mēse dēmoniorum participes esse, quia participes estis mēse dñi, nulla esset quæstio, uerū cū dicit: Nō potestis, quærendū uidetur quomodo sit intelligendum, ne quod nō modo facere poterāt, sed & faciebant, falso eos facere non posse dicat.

Respondeo. Poterāt quidē facere quod faciebāt, & facere nō debebāt, uerū mēse domini simul & mēse dēmoniorū ueraciter participes esse nō poterāt. Sic poterāt & nō poterāt. Poterāt externa cōmunicatione de utraq; mēsa dñi & dēmoniorū edere ac bibere. Et hoc facientes repræhendebātur. Veraciter uero participare de mensa dñi, & simul participare de mensa dēmoniorū nō poterāt. Veraciter enim de mensa dñi participant, qui nō externe tantum de pane & uino edūt & bibūt, sed & fide ac spiritu de corpore & sanguine dñi cōmunicant, quæ cōmunicatio eā quæ dēmoniorum est ferre nequit. Sic qui Māmonæ seruit, Deo seruire non potest, intellige ueraciter, fideliter, & legitime. Aliās innumeri sunt, qui simul & Deo & Māmonæ in speciem seruiāt. Si hæc uera sunt, quomodo cōtendim⁹ hodie fieri posse, ut impij, & ipsissimi mystæ dēmoniorū, participes sint, nō modo sacramentalis signi, sed & ipsius signati quoties externe cū fidelibus cōmunicant. Deinde, hæc quoq; ob causam nō poterant simul mēse dñi, & mēse dēmoniorū esse participes, quod eiusmodi Christianos nō esset dominus diutius toleraturus. Si dicas militi, nō solū à principe suo, sed & ab illius hoste stipendia accipiēti: Nō poteris miles esse prin-

cipis tui, & stipēdia accipere ab hoste, satis illi significas, fieri nō posse, ut in utrāq; partē claudicās, in militia principis sui perduret, quod is talē militē in castris suis nō sit laturus. Consimili modo habet & conditio militiæ Christianæ. Christianus esse nō poterit, qui simul uult cōsors esse dēmoniorum. Quare aut deferēda est cōmunicatio mēse dēmoniorū, & mēse domini adhærendū, aut relinquenda mēsa domini, & adhæredū mēse dēmoniorū. Vtriusq; cōmunicatio retineri nō poterit. Hoc sensu dicebat Iehosuah ad Israēl: Nō poteritis seruire dño. Deus enim sanctus & emulatur est. Quare nō poterāt seruire domino? Quia simul dijs solebāt seruire alienis, quā claudicationē dominus, tanquā Deus emulatur, nō potest ferre in suo populo. Perinde ac si dicat marit⁹ uxori: Non poteris cōsors esse mei thori, ac thori adulteri. Nō poteris particeps esse mēse meæ ac mēse adulteri. Sic dicebat ad Israēlē propheta Elias, 1. Reg. cap. 18. Vsq; quo claudicatis in duas partes? Si domin⁹ est Deus, sequimini eum. Si Baal uero, sequimini illū. Poterat subiungere. Nō poteritis popul⁹ esse domini, & colere deos alienos. Alterutrum eligit, utrunq; esse & facere non poteritis. Hi duo præsentis loci sensus nihil habent diuersi: quare utriq; tanquam ueri retineri possunt. Habent hic quod obseruet proscæri illi, qui quāuis ueritatē Dei cognoscant, illiq; nomē dederint, sic tamen sæculo se accommodat, ut & cum aduersarijs poculum Babylonicę meretricis, & cum fidelibus poculū domini bibant. Dicimus illis cum Apostolo: Nō potestis bibere poculū domini, & poculum purpuratę meretricis. Nō potestis participes esse sacrorum Christi & sacrorū Antichristi. Sed hac de re uideatur Proscærus noster, quē anno millesimo quinquagesimo quadragesimo nono, sub nomine Eutychij Myonis uulgauimus.

An prouocatis dominum? Num fortiores illo sumus?

Qualitatē & enormitatē delicti, deinde & infantiā delinquētū considerans uelut exclamat, & in hæc uerba prorūpit, quę sane ut modica sunt, ita nō sine singulari sunt ardore spiritus eiaculata. Nō dicit: An peccamus in dñm? sed: An prouocamus dñm? Aliud est, peccare in dñm, quod multis modis, etiā à pijs, fieri potest, & aliud, prouocare dñm. Prouocant dominū, qui in re illū omnīū minime ferēda contumaciter irritant, nec cēpto auocari sustinēt. Graue est aut prouocare & irritare dñm, quomodocunq; fiat. Grauius uero est, si prouocetur ad zelum & emulationem per cultum falsorū deorum ab illis, quos in gratiam suam assumpsit, & in populum peculiarē, ac filios adoptauit. Potest à coniuge maritus uarijs modis irritari, ea uero irritatio quæ fit scortādo & adulterādo, qua ad furorem maritalis zeli prouocatur, ceteris multo est grauior, qua de Salomon Prou. 6. dicit: Zelus & furor uiri non parcit.

Ad hoc



Ad hoc genus prouocationis respiciēs Apō-  
stolus non simpliciter dicit, *ὃ παραργίζομεν*, id est,  
an irritamus uel ad irā prouocamus, sed, *ὃ πα-  
ραζηλοῦμεν*, id est, an ad zelū & æmulationē pro-  
uocamus dominum? Atq; ita admodū est hoc  
uerbo pertinenter & in loco usus. Quod enim  
Corinthij simul poculū domini cum fidelibus  
de mensa domini & poculum dæmoniorū cū  
eidololatrīs de mensa & sacrificijs dæmoniorū  
bibentes faciebāt, quid aliud uideri poterat q̃  
scortatio spiritualis, qua dominū ad zelum &  
ultionē cōtra se prouocabāt? In causa cōsimili  
usus est hoc uerbo, & Moses Deut. 32. ubi sic le-  
gamus *וַיִּזְדֹּבֵק*, id est, ad zelum prouocauē-  
runt eum in dijs alienis, & abominationibus  
suis irritarunt eum. Immolauerunt dæmonijs  
& nō deo. Et paulo pōst. Ascondam faciē meā  
ab eis, & cōsyderabo nouissima eorū. Genera-  
ratio enim puerfa est, & infideles filij, *ἡ γενεὰ  
ἡ ταυτα* quod Septuaginta uerterunt, *αὐτοὶ παρα-  
ζηλοῦμεν*, id est, ipsi ad zelum me prouocauerūt  
in eo qui non est Deus &c. Quare Erasmus nō  
satis uim uocis huius expressit, cum uertit: An  
prouocamus dominum? Nec uulgata uersio sa-  
tisfacit, quamuis æmulationis sensum expri-  
mere conatus est ille, quisquis fuit, interpres.  
Sic enim habet: An emulamur dominum? Su-  
mitur quidē aliquādo uerbum æmulādī sensu  
odij & inuidiæ, uerum sæpius pro bono zelo  
reperitur in scripturis, quare mētem Apostoli  
hæc lectio non satis constanter exprimit.

Nos hic obseruemus quā graue & enorme B  
peccatum sit, si qui in populum, gratiam, & no-  
men Dei obsignati, & sacramento fidei despō-  
sati sunt, cum idolis scortantur, quāq; graui  
se ultioni Dei reddant obnoxios. Longe illi e-  
normius peccant, q̃ idololatræ ethnici, à no-  
mine Dei alieni, magisq; Deum exacerbant.  
De ethnicis dici nō potest, quod dominum ad  
zelum & æmulationem cultu idolorum pro-  
uocant, quandoquidem à nomine illius & fi-  
de sunt alieni, recte uero hoc illis tribuitur, qui  
ad populum illius pertinent. Maritū non pro-  
uocat ad zelum cuiusuis mulierculę scortatio,  
prouocat uero, si quę illi uxor est corpus suum  
communicet alienis. Quare quemadmodum  
olim Israëuitarum, ita nunc & Christianorum  
eidololatria multo est in cōspectu domini gra-  
uior & enormior, quā unquam fuerit Gen-  
tium. Nemo cordatus mirabitur, unde sit tam  
misera ecclesiarum Christi uastatio ac desola-  
tio, si uel de sola idololatria cogitet, quæ iam  
aliquot sæculis in illis obtinuit, & hodie quo-  
que dominum ad zelum & ultionem prouo-  
care non cessat.

Et hanc peccati istius enormitatem Apōsto-  
lus nō solum uerbo *παραζηλοῦμεν*, sed & figura hac  
orationis expressit, qua nō simpliciter dehor-  
tando dixit: Ne prouocemus dominū, sed ad-  
mirando & obstupescendo. An prouocamus  
dominum? Quasi dicat: Quid hoc uæsanīæ  
est? An adeo facti sumus deplorate insani, ut  
nō uereamur communicatione dæmoniorum

zelum domini in nostrum exitiū prouocare?

Vide tamen quomodo uehementiam hanc  
sermonis Apostolica prudentia mitiget, nō di-  
cens: An prouocatis dominum? Num fortio-  
res illo estis? sed: An prouocamus dominum?  
Num fortiores illo sumus? Sic loquendo, de-  
lictī quidem grauitatē exaggerat, uerum exag-  
gerationem hanc simul mitigat, dum quod à  
quibusdam specialiter fiebat, in genere ad o-  
mnes transfert, ac se quoq; coniungit. Sapien-  
tis medici est, oleo miscere acetum, cuius etiā  
in parabola Euangelica admonemur. Habent  
hic quod imitentur uerbi ministri. Horum po-  
tissimum est inter corripiendum delinquētes,  
nec oleum sine aceto, nec acetum sine oleo cu-  
randis uulneribus, sed utrunq; coniunctim ac  
prudenter iuxta delinquētium qualitatem at-  
temperatum infundere.

N V M fortiores illo sumus? inquit. I Prouo-  
cationis huius insaniam ab impossibili expri-  
mit. Insanum est, si homo pusillus & infirmus  
ad pugnam prouocet gigantem & bellicosum  
uirum. Quanto insanius est, si homo prouocet  
Deum? Nemo sanus fortiores se prouocat,  
nisi data opera exitium sibiipse uelit accerse-  
re. Cum ergo dixisset: An prouocamus domi-  
num? quo insaniam hanc exprimat, mox eadē  
sermonis figura subiungit: Num fortiores illo  
sumus? quali dicat: Quam fiduciam prouoca-  
mus dominū? Qui se fortiores esse confidunt,  
prouocare solent impotentiores. Nos prouo-  
camus dominū. Ergone illo nos fortiores esse  
confidimus? Sin minus, quid aliud facimus q̃  
quod more insanorū exitium nobisipsi accer-  
simus? Etenim impossibile est, ut iræ illius re-  
sistamus, ubi illam in nos prouocauerimus.

Vtinam consimilis insanīæ nequeant argui,  
qui hodie incredibili pertinacia pariter & con-  
tumacia palam contra se prouocat dominum,  
cuius uerbum blasphemant, pedibus concul-  
cant, hæreseos condemnant, probris & contu-  
melia proscindunt, Antichristum supra Chri-  
stū extollunt, oues dominicas mactant, eccle-  
sias opprimunt, in cōspectu fidelium impudē-  
tissime luxuriantur, scortantur, adulterantur,  
ut grauiora taceam, quæ hac nostra ætate pu-  
blicis etiam scriptis defendere nō erubescūt,  
& tantum nō clamant: Linguam nostram ma-  
gnificamus, labia nostra à nobis sunt, quis no-  
ster dominus est? Psal. 12.

Omnia mihi licent, at non omnia con-  
ducunt. Omnia mihi licent, sed non om-  
nia ædificant. Nemo quod suum est quę-  
rat, sed quisq; quod alterius.

Haftenus conatus est Corinthios cum infi-  
delibus de mēsa idolorū edentes ac bibentes  
metu iræ Dei ab ea cōmunicatione auocare, iā  
cōsequenter redit ad argumētū charitatis fra-  
ternæ, quod duobus præcedentibus capiti-  
bus 8. & 9. tractauit, ac rursus inculcat, peccare



eos in fratres infirmos & abuti libertate quidlibet edendi, contra charitatem, quæ non tam quid liceat quàm qd cōducatur spectare soleat.

Omnia mihi licet, inquit. Erat hoc illis in ore frequens. Vt dicerent, licere sibi quibuslibet uesci. Huc scilicet rapiebant doctrinam libertatis per Christum partæ, quam ipse prædicabat Apostolus cōtra pseudapostolos, qui cōscientias fidelium obseruatiā legaliū esearum obstringere, & in seruitutē Mosaicæ literæ nō modo ex Israël, sed & ex Gētibus in Christū credētes abducere moliebant. Sic illi non solū escis in lege uetitis, sed & ijs uescebantur, quæ demonijs erāt ab idololatriis immolatæ, atq; ita fratres infirmos præpostera hac libertate non ædificabant, sed destruebant. Vt hunc illorum prætextum corrigat, ipsum uerbū quod in ore habebant singuli, in medium adfert dicens: Omnia mihi licent, at non omnia conducunt. Sic quisque illorum dicebat: Licent mihi omnia, liber sum, non pecco, usurpando quælibet. Est itaq; sensus.

Sed hæc omnia eludis frater, dicēs: Omnia mihi licent, omnia mihi sunt libera, quasi sic liceant tibi omnia, ut simul de mensa domini & de mensa dæmoniorum communicādo, nihil pecces. Sed audi: Licent quidem omnia, at tu hac libertate temere abuteris, teque ipsum & proximū perdis. Neq; enim omnia tibi conducūt, sed pleraq; noxia sunt quæ facis, neq; omnia ædificāt fratres infirmos, sed quædā magis destruunt. Quæ uero noxia sunt & facienti & spectanti, quomodo licere poterant?

Ad hunc modum puto Apostolum nō de se loqui, cum dicit: Omnia mihi licent, sed Corinthiorū uerbum proferre & corrigere quod crebro in ore habebant. Quod autem secundo dicit: omnia mihi licent, propterea, puto, facit, quod ipsi uerbum hoc subinde repetebāt. Vel certe, ut geminum damnum, quod ex abusu libertatis huius nascebatur, hac repetitiōe perstringat. Primum enim, dominū cōtra se prouocabant, communicando de mensa dæmoniorum, id quod ipsis haud quaquam conducebat. Deinde conscientias infirmorum fratrum destruebāt, & infideles in idololatria sua confirmabant. Et hic sensus placuit Chrysostomo. Si quis tamen aliter exponens, utranq; particulam ad proximum referendam esse putauerit, per me licet hoc faciat.

Dicit hic imperitus aliquis: quomodo concedit Apostolus licere omnia, cum innumera sint, quæ prorsus sunt illicita & uetita? Etenim licet correctionem adiecerit dicens, at non omnia conducunt, ea tamen non negat licere omnia, sed abusum libertatis corrigens monet non conducere omnia quæ licent, id quod omnino est licere omnia concedentis. Respōdeo. Communis regula est, uniuersales uoces non esse ultra terminos causæ de qua agitur extendendas. Sic hoc loco, quod dicit: omnia mihi licent, non est intelligēdum nisi de escis, de quibus loquitur.

A Consimilia dixit & suprā cap. 6. Omnia mihi licent, sed non omnia cōducunt. Omnia mihi licent, at ego non redigar sub ullius potestatem, quæ uerba causæ accommodauit, qua de illic egit. Vbi etiā annotauimus, quæ hic quoque consyderari possunt.

Nemo quod suū est querat, inquit, sed quisque quod alterius. Ne dicerent: Quid ad nos quod alij nostra libertate nō edificātur? Quod immolatijs uescimur nostro commodo facimus. Faciat quisq; quod sibi conducere putat. Nō est ut aliorū simus serui, &c. occurrit eiusmodi cogitationi dicens: Nemo quod suum est querat, sed quisq; quod alterius. Querere quod nostrum est, hoc loco, est nostris cōmoditatibus tantum esse addictos, quicquid accidat alijs. Querere quod aliorum est non est proprijs, sed aliorum commodis inferuire. Extra hunc sensum, sunt q̄ nimio studio querant quod alterius est, quo id ad se trahant, sicuti faciunt prælati Romani, rursus sunt, qui recte res suas curantes ab alienis abstinere. In proposito, querere quod suum est, & negligere quod est aliorum, hominis est prorsus carnalis, quātumuis in cognitione ueritatis probe instituti. Contrā, querere quod est aliorum magis, quàm quod est proprium, hominis est spiritu Christi, & ueræ charitatis imbuti. Christus non quod suum, sed quod nostrum erat, quæsiuit, ac semetipsum pro nobis tradidit, factus pauper, quo nos diuites redderet, & in sempiternum felices. Ad huius exemplum Corinthios componere studens dicit: Nemo nostrum querat quod suum est, sed quisque quod alterius.

Cauendum autem est, ne admonitionem hanc extra normam ueræ ac legitimæ charitatis trahamus, quæ non sic est comparata, ut reddat nos nostræ ipsorum salutis negligentes, sed ad hoc tendit, ut diuinæ dilectioni conformemur & coadunemur, id quod nos ueræ reddit felicitatis participes. Dilectio proximī non excludit, sed requirit cum primis dilectionem Dei. Dilectio Dei reddit nos studiosos diuinæ uoluntatis. Et hoc ante omnia nostrum debet esse studium, ut illi gratificemur in omnibus. Ergo quod suum est, id est, quod ad se pertinet, querit quisque diuinæ uoluntati studet. Deinde non ueræ, sed corruptæ & præpostere dilectionis est, absque discrimine querere quod est alterius, sic ut affectibus illius magis, quàm saluti seruiamus. Sic insanit scortator, ut suorum oblitus ea tantum querat quæ sunt scorti. Est itaque sic comparata præsens adhortatio, ut quemadmodum non uetat, ne nostram ipsorum salutem operemur, ita non requirat, ut proximorum non saluti, sed affectibus studeamus. In rebus liberis & indifferentibus ius ac libertatem nostram propter salutem proximī negligere debemus, ne hæc nostra licentia perdamus. Hoc facientes recte non quod nostrum, sed quod alterius est, querimus.

Cogitet



Cogitet hic minister Christi, quid sibi competat, & quid debeat ecclesiae Dei. Si nullius Christiani est, quærere quæ sua sunt, sed ab omnibus requiritur, ut quæ aliorum sunt quærant, plane hoc duplici nomine competit illis qui in ecclesia Christi sunt, non modo fratres tanquam fideles, sed & patres tãquam doctores ac pastores, cuius rei exemplum in seipso proposuit Apostolus capite præcedenti.

Omne quod in macello uenditur, edite, nihil interrogantes propter cōsciētiam. Domini siquidē est terra & plenitudo eius. Quod si quis uocat uos infidelium, & uultis ire, quicquid apponitur uobis edite, nihil interrogantes propter conscientiam. Quod si quis uobis dixerit, hoc simulacris immolatum est, ne edatis propter illum qui indicauit, & propter cōscientiam. Domini siquidem est terra & plenitudo eius. Porro conscientiam dico non tuam, sed eam quæ est alterius. Cur enim libertas mea iudicatur ab alia conscientia? Quod si ego cum gratia participo, cur ob id mihi maledicatur, pro quo ego gratias ago?

Sunt hæc instructionis gratia subiecta. Poterat uideri scrupulosius exigere à fidelibus, ut ab idolothytis, partim metu iræ Dei, partim studio charitatis in uniuersum abstinere, quasi illicitum sit illis quouis modo uesci. Instruit ergo eos luculento discrimine, docens, quando immolaticia comedere licite possint, & quando non possint. Omne, inquit, quod in macello uenditur, edite, nihil interrogantes propter conscientiam. Separat prophanas & uulgares occasiones edendi immolaticia à mēsa sacrificiorū, qua in ipso eidolio idololatræ immolaticia edebant & bibebant, quam communicationem hætenus repræhendit, & supra circa calcem cap. octauī nominatim perstrinxit. Aliud est commisceri mensis eidorum, & aliud extra eidorium per occasionem uesci idolothytis. Extra sacra est macellum, & quicquid in macello uenditur. Extra sacra sunt domestica conuiuia, quibus uel cognati uel amici uel uicini, humanitatis studio accipiuntur. Et tamen usuueniebat, ut in macello promiscue uenderentur carnes prophanæ & immolaticia. In domesticis quoq; infidelium conuiuijs nonnunquā prophanis escis immolatiæ miscebantur. Docet igitur fideles quomodo se gerant utrobique. Primū, inquit, quicquid uenditur in macello, secure comedite. Macellum enim non est eidolū, non est cultus, sed necessitatis gratia, ad alendam uitam nostram institutum. Et quoniam interrogari poterat: Quid si immolaticia uendantur in macello, & incidat Christianus in illa, siue prudenter siue ignoranter? addit, *μηδὲν ἀναμίχοντες*, id est, nihil inquirentes aut interrogantes, hoc est, absque

A omni scrupulositate comedite ex oībus quæ in macello uenduntur, nihil hæsitantes, etiam si sint immolaticia, nec percontantes, immolaticia ne sint, uel secus. Et subiicit causam, quare inquirere & interrogare non debeāt. Propter conscientiam inquit. Hanc autem particulam bifariam exponere possumus. Primo, ut intelligamus de cōscientia ementis Christiani, hoc sensu. Omne quod in macello uenditur, edite, nec conscientia uestra gratia perquirite, immolaticia ne sint quæ emitis, uel secus, quasi conscientias uestras referat scire qualia sint quæ in macello emitis. Non possunt illæ pollui per ea quæ in macello uenduntur, etiam si sciatis ea esse idolothyta. Deinde, ut referamus ad conscientiam non ementis, sed magis uendentis, cuius rationem haberi uolebat Apostolus. Consimili sensu infra particulam hanc repetit. Chrysostomus sic exponit. Omne quod in macello uenditur, edite, nihil interrogantes propter conscientiam, hoc est, ne conscij reddamini, idolothyton esse quod editis, sed per ignorantiam excusemini. Etenim si ignorantes comederitis, impune uobis erit. Verū hæc sententia, meo iudicio, non satisfacit menti Apostoli. Aliās infra, non debebat dicere: Quod si quis uobis dixerit, hoc simulacris immolatum est, ne edatis, propter illum qui indicauit. Sed simpliciter, propter conscientiam uestram, ne scienter immolaticia edatis. Neque hoc sensu bene consulisset eorum scrupulositati, qui se peccati reos esse iudicabant, si quouis modo immolaticia gustassent.

DOMINI siquidē est terra & plenitudo eius.] Ex sacris scripturis, psalmo uidelicet 24. confirmat suam doctrinā, qua dixit: Omne quod in macello uenditur, edite, nihil interrogantes propter conscientiam, quibus uerbis significat nullo ciborum genere pollui cōscientias fidelium, nec par esse, ut ullas nobis escas, per se, illicitas esse iudicemus. Quare? Quia domini est terra, inquit, & plenitudo eius. Mira uidetur esse conscientia. Domini est terra & plenitudo eius, ergo licet uesci quibuslibet. Videamus igitur quale sit hoc argumentum. Eget enim explicatione propter rudiores. Quæ domini sunt, munda sunt in se omnia, præsertim cum ab illo sint condita. Nihil enim fecit, quod sit immundum. Vidit cuncta quæ fecerat, & erant ualde bona, Gen. 1. Domini autem est non modo terra hæc, sed & plenitudo eius, id est, omnis illa rerum omnium, frugum, fructuum & animalium copia, qua passim impleta est terra, unde sumuntur à Gentibus, quæ idolis immolantur. Ergo munda sunt escæ omnes, adeoque per se haud quaquam illicitæ. Quare non est, ut propter conscientiam abstinatis ab ulla esca, quasi sit impura, nec opus est ut interrogetis, immolaticia ne sint uel secus. Quod enim idolis immolata est à Gentibus, puritatem creationis non abstulit, quemadmodum nec essentiam illius, nec naturæ uires ademit, quo minus sit qđ creata est à Deo, & uires



& uires pascēdi corporis à Deo acceptas perinde habeat, ac si nulli sit eidolo immolata. Quod autem mundum est, per se non polluit edentem. Munda est omnis creatura Dei. Ergo nulla creatura Dei polluit edentem. Sicr. Timo. 4. Omnis creatura Dei bona est inquit, & nihil reiiciendum quod cum gratiarum actione sumit. Si qua creatura Dei impura est, nō est impura nisi impuris & infidelibus quorū inquinata est & mens & conscientia, mūdis uero nihil est immūdū, sed mūda omnia. Tit. 1.

Deinde potest & hic esse præsens argumenti sensus. Quæ domini sunt licite comeduntur à populo domini, qui estis uos, domini sunt autem quæ in terra sunt omnia, etiam quæ dæmonijs immolantur à gentibus. Neq; enim immolando in ius dæmoniorū transeūt, sed in potestate & iure Dei permanent, unde nec à gentibus nec à dæmonijs eximi possunt. Ergo licita sunt uobis ad cibum omnia, etiam immolaticia. Quare nō est, ut hæsitetis aut interrogetis, &c. Vtroque sensu firmum est hoc argumentum. Domini est terra & plenitudo eius, ergo quicquid in macello uēditur, edite. Sunt enim uobis munda & licita quæ domini sunt omnia.

Sed dicit quisquā. An non sub Mose quoq; domini erat terra & plenitudo eius? An nō tempore legis dictum hoc est à Dauide? An non erant Iudæi populus domini? Vtiq;. Ergo tum quoq; erant munda omnia, & aduescendum licita? Quid igitur impediuit, quo minus Iudæis liceret uesci suilla, & nōnullis alijs escis? à quibus tanquam immundis hodie quoque abstinent. Respondeo. Tum quoq; nihil immūdum erat per se, quod creatum esset à Deo, & erant Iudæi populus domini, uerū quo minus licerent illis omnia, in causa erat non creaturæ impuritas, quæ nulla est, sed auctoritas Dei quædam pædagogicæ gratia ei populo ad tempus uetantis, quæ inhibitiō ad Christum usque & non ultra durare debebat. Propter hanc inhibitionem Dei fiebat, ut non essent Iudæis licita omnia. Quod autem consimilem auctoritatem & potestatem uetandi cibos in ecclesia Dei uendicauit sibi Romanæ sedis reuerentia, ex dæmonibus est & spiritibus errorum unde non potest infringi quod hic Apostolus dicit: Omne quod in macello uenditur edite, &c. Quàm facile dicūt satellites filij perditionis: Domini quidem est terra & plenitudo eius, uerum Rom. pontifex plenitudinem potestatis in omnia, rāquam uicarius Christi, habens, auctoritate sua quædam potest redde illicita, quæ in se non sunt immunda, ut non mox liceat iam edere quicquid in macello uenditur, nisi ex ipsius indultu, imò non liceat quiduis in macello uendere, &c. quàm facile inquam hæc dicunt, tam facile nobis est agnoscere doctrinam dæmoniorum, eamque uirtute uerbi Dei refellere & contemnere.

QVOD si quis uocat uos infidelium, & uultis ire, &c.] Loquitur de conuiujs nō sacris

A & publicis quæ in templis & delubris eidolorum fiebant, sed priuatis & prophanis. Quoniam subinde accidebat, ut Christiani ad eiusmodi infidelium conuiuia uocarentur, consequenter docet, quomodo se in hac causa gerere debeant. Alij iudicabant ne eundem quidē esse ad infidelium conuiuia, & euntes damabant. Alij euntes curiosius ac superstitiosius immolaticia uitabant, alij illa edebant, etiam moniti, quod essent immolaticia, nullā habentes rationem unā comedentium, infidelium, Iudæorum, & fidelium. Docet igitur uniuersos quomodo se hic gerant.

Quod si quis infidelium uos uocat inquit. Verbo uocandi separat eos qui ultro sese infidelium conuiujs uel mensariæ uoluptatis, uel celandæ fidei suæ gratia insinuabant, quibus correptio magis quam instructionis doctrina competebat.

Et uultis ire, inquit. Neq; dicit, ite, neq; ne eatis, sed liberū permittit, ut eant, uel ne eant. Pro uarietate circumstantiarum fieri poterat, ut irent cum fructu, rursus, ut satius esset non ire. Nihil igitur certi præscribit, sed quicquid hoc est totum uniuscuiusq; permittit iudicio & arbitrio. Debat autem præscribere, si nō liceret Christiano conuiuari cum infidelibus & idololatriis. Hoc itaq; pacto tollit eam scrupulositatem, quam nonnulli sentiebāt nihil esse commercij ineūdum cum infidelibus, ne in prophanis quidem & ciuilibus negocijs.

B QVICQVID apponit uobis edite inquit. I Non simpliciter dicit: ite & edite cum illo, sed ut omnem hæitationem & scrupulositatem eorum auferat, qui propter infirmitatem fidei hæsitantes appositis uescebantur, metuentes ne escis infidelium inquinarentur, uniuersaliter loquitur dicens: Quicquid apponitur uobis edite. Quasi dicat. Indubitato credite nihil per se esse immundū, quale quale sit quicquid uobis apponitur, etiam si sit immolatum eidolis, atq; ita securā cōscientia edite ex omnib;. Si hæc doctrina mansisset in ecclesia, non uideremus hodie in eadē mensa alios poscere carnes, alios pisces, idq; religionis uel potius superstitionis gratia. Apostolus dicit: Si quis infidelium uos uocat quicquid apponitur uobis edite. Qui successores apostolorum uideri uolunt, in id seruitutis & superstitionis ecclesiā coniecerunt, ut in mensa Christiani non liceat Christiano uesci quibuslibet appositis. Recentes, teneros, ac rudes adhuc Christianos sic omnibus indiscriminatim uesci uoluit Apostolus, ut ne ab ijs quidem propter conscientiam abstinerent, quæ dæmonijs essent ab infidelibus immolata, & ecclesia iam post aliquot sæcula satis adulta, sic est incantationibus & maledictis pseudapostolorum dementata, ut putet sibi nō licere etiam ea quæ nulla sunt idololatria contaminata, existimetq; Deo se apprimè gratificari, si certis diebus secundum doctrinam erroris & dæmoniorum à quauis carne, caseo, ouis, & butyro abstineat.



Illud: nihil interrogantes propter conscientiam, plane eodem sensu positum est quo particula præcedenti de ijs quæ in macello uenduntur. Quemadmodum illicita hic quoque docet, absq; ulla conscientia peccati libere & secure quibuslibet esse appositis in ethnicorū quoq; conuiuijs uescendum, perinde atq; illis quæ in macello uenduntur. Quicquid apponitur uobis edite, inquit, absq; ulla peccati cōscientia, nec cōscientiæ uestræ gratia quale sit, immolatiū ne uel secus inquire. Non prohibet quauis de causa interrogare de escis, prohibet uero ne propter conscientias suas interrogent, quasi peccaturi sint, & conscientias suas maculaturi si imprudenter de immolatijs edant.

Sed dices. Ergo ne nulla fideli homini habenda est conscientiæ ratio? Quid si quis adeo sit fide infirmus, ut citra conscientiam peccati nequeat uesci quibuslibet? Conuenit ne, ut propter dictum hoc Apostoli, quicquid apponitur uobis edite, contra conscientiam suam edat, quod illicitum esse sibi putat? Respōdeo. Non hoc requirit Apostolus, ut cōtra conscientiam suam quisquam edat quod edendum esse non putat, sed docet, nihil esse immūdum ex omnibus escis, ideoq; libere citra peccati conscientiam uescendum esse quibuslibet. Inter ea non urget infirmos, ut in conscientias suas peccent, donec sunt infirmi, sed proponit illis sanam doctrinam ut intelligant se frustra peccati conscientia teneri, ubi nihil est peccati, atque ita ex infirmis firmi reddantur. Rom. 14. dicit. Scio & persuasum habeo per dominum Iesum nihil esse commune, id est, immūdum, per se, nisi ei qui existimat aliquid esse commune, illi commune est. Si taliter animato immundum est, quod putat esse immundum, ergo non conuenit ut conscientiam suam immūda edendo polluat. Quare non sunt eiusmodi infirmi & scrupulosi homines urgendi nec fallendi etiam ut edant quod edendum non esse putant, sed uerbo domini, præsertim à pastoribus, sanandi, & ab ea scrupulositate liberandi, qua de re Timotheum suum monet Apostolus. 1. Timo. 4.

QVOD si quis uobis dixerit, hoc simulacris immolatum est. Poterant dicere, mones ut edamus de omni quod uel in macello uenditur, uel in conuiuijs infidelium apponitur, nec quicquam interrogemus, quid si etiam nō interrogantibus ultro dicat aliquis, immolatiū esse quod uenditur aut apponitur? An tū quoq; edemus? Respōdet igitur & docet quid hic sit faciendum. Quod si quis uobis dixerit, inquit, hoc simulacris immolatum est, ne edatis. Timendum erat ne ex præmissis colligeret: Si propterea quod domini est terra & plenitudo eius, uescendum est quibuslibet, etiā immolatijs, nec quicquam interrogandum, ergo etiam si moneat quisquam, immolatum esse simulacris quod proponitur, edendum est. Etenim si ipsa immolatio non reddit escam

A impuram, multo minus ille qui indicat eam esse immolaticiam. Cum autem non sit impura, quid impedit, quo minus licite edatur? Et reuera sic habet. Per se non est illicitum etiam scienter uesci immolatijs, uerum aliunde redditur illicitum, quia noxium. Sic dicit ne edatis, & addit rationem.

Propter illum, inquit, qui indicauit, & propter conscientiam. Non dicit, ne polluaris, quia immundum est, propter immūdiciam immolationis, sed, propter illum qui indicauit, hoc est, ne uel offendas eum qui indicauit si sit frater infirmus, uel in errore exemplo tuo confirmes si sit infidelis. Etenim frater qui dicit, hoc simulacris immolatum est, cautionis hoc gratia dicit, ne de immolatio edatur, putans id sine peccato fieri nō posse, quare & scienter edentem iudicat & condemnat. Sic autem offendere fratrem infirmum, cum lege charitatis pugnat. Infidelis si dicit: simulacris hoc immolatum est, uel tentat fidelem quid sit facturus, uel allicit, ut religiosius edat ex eo quod sacrum esse intelligit. Hic si ederit Christianus quid aliud facit, quā quod errantem in errore confirmat, à quo illum potius exemplo suo auocare, uel saltem hæsitabundum ac dubiū reddere debebat?

Illud, & propter conscientiam, non est referendum ad edentis sed ad indicantis conscientiam, sicut mox patebit. Apparet autē sic esse particulam hāc adiectam, ut exponatur quod dixit: ne edatis propter illum qui indicauit, sitq; sensus, ne edatis propter illum qui indicauit, ne uidelicet conscientia illius uel obfirmetur in errore, uel sine causa offendatur.

DOMINI siquidem est terra, inquit, & plenitudo eius. De sententiæ huius repetitione aliter atq; aliter sentitur. Existimant eam alij aliunde esse assutam, alij, non suo loco positā, alij nec aliunde assutā, nec loco alieno sed suo positam. De repetitione illius nolim contendere, quāuis in uulgata uersione non repetatur, neq; ab Ambrosio, si nō fallit illius æditio, anno 1516. Basileę facta. Repetit eam, idq; hoc loco, Chrysost. & imitator illius Theophylactus. Apparet tamen eos non falli, qui existimant positam esse non suo loco. Meo iudicio sic est hic contextus legendus. Quod si quis infidelium uos uocat, & uultis ire, quicquid apponitur uobis, edite, nihil interrogantes propter conscientiam. Domini siquidem est terra & plenitudo eius. Quod si quis uobis dixerit, hoc simulacris immolatum est, ne edatis propter illum qui indicauit, & propter conscientiam. Conscientiam autem dico, nō tuam, sed eam quæ est alterius. Sic legentes, non laborabimus quomodo eandem scientiam diuersimode positam competēter & sic exponamus, ut suprā confirmet affirmatiuam, edite, & hic negatiuam, ne edatis. Suspicio autem particulam illam, propter cōscientiam, quæ tertio repetitur, causam dedisse lapsui, non Apostolo sed antiquarijs. Existimo illum eadē hac sententia



tentia utrunq; probare uoluisse, cū quod quicquid in macello uēditur, tum quod quicquid in conuiujs infidelium apponitur, secunda conscientia edendum esse dixit. Qui referunt hanc sententiam ad id quod Apostolus dixit, ne edatis propter illum qui indicauit & propter conscientiam, quasi hoc propterea fieri uoluerit, quod domini sit terra & plenitudo eius, exponendo laborat. Alius sic. Quemadmodum domini sunt escæ quæ eduntur, ita illius sunt etiam homines, ideoq; cauendum est, ne quisq; ex illis nostra libertate perdatur. Alius ad hunc modum. Ne edatis. Quare? quia domini est terra & plenitudo eius qui uos abunde potest alere, etiam si ab immolaticijs abstinentes sprete ab infidelibus & eiectioni fueritis. Verum sentiat quisq; quod probabilius esse putauerit.

CONSCIENTIAM autem dico non tuam, sed eam quæ est alterius.] Particulā hanc declarationis gratia adiecit. Quia dixit: ne edatis, propter eum qui indicauit, & propter conscientiam, ne id de conscientia Christiani, de omnib; appositis indiscriminatim edetis intelligeretur, quasi propter suam ipsius ille conscientiam ab immolatis abstinere deberet, ubi quod simulacris immolata essent audisset, qui sensus cum præcedentibus haud conueniret, declarationem hanc subiicit dicens: Conscientiam autem dico non tuam, sed eam quæ est alterius. Quasi dicat. Quod uero ne edas ex eo quod immolaticium esse indicatur, propter eum qui indicauit & propter conscientiam, non ideo uero, quod tuam ex eo conscientiam polluis sentiam, sed quod parcendum sit conscientie eius qui quod immolaticium sit indicauit, ne uel offendatur tua libertate, si sit frater infirmus aut Iudeus, uel in errore idololatriæ obfirmetur, si sit ethnicus infidelis.

Nos cogitemus hic, quā conueniat nos habere curam & rationem conscientiarum in ecclesia fidelium, primum suæ ipsius quisq;, ne illam polluat, deinde & fratrum præsertim infirmorum, ne illos scandali obiectu uel offendant, uel ad ruinam sollicitet, cum Apostolus tam diligenter moneat, ne Christianus libertate sua hominis ethnici & infidelis conscientiam quantum in ipso est, perdat.

CVR enim libertas mea iudicatur ab alia conscientia? Quod si ego cū gratia participo, &c.] Et ista aliter atque aliter exponuntur.

1. Existimant nonnulli obiectionem esse Corinthiorū, temere & passim immolaticijs uescientium, quia factum suum prætextu libertatis contra doctrinam hanc Apostoli fuerint defensori, dicturiq;: Cur mea libertas iudicio alienæ conscientie subiicitur? Æquum ne est, ut de eo quod ego pro mea libertate & secunda conscientia facio iudicet aliena conscientia? Ego cū gratia participo de mensa eius qui me uocauit, proq; hac illius beneficentia gratias ago, æquum ne est, ut ob id mihi maledicatur, siue ab eo qui indicauit, siue ab ipso conuiuatore? Et huic sententiæ putant conuenire se-

A quæta tanq; responsionis loco subiecta, ad hunc modum. Siue editis, siue bibitis, siue quid facitis, omnia in gloriam Dei facite. Tales estote, ut nullum præbeatis offendiculum, &c. Quasi dicat. Non est ut omnia ad uestram libertatem metiamini. Habenda uobis est ratio gloriæ Dei. Hoc facientes, nemini scienter uoletis esse offendiculo, neq; Iudæo, neq; ethnico, neq; ecclesiæ Dei. Posset hic sensus probari, si sic legere. Cur libertas mea iudicatur ab alia conscientia, &c. Itē, siue editis, siue bibitis, &c. Iam cū dicat: Cur enim libertas mea. Et. Siue igitur editis, &c. Impeditur hæc expositio duabus istis uoculis, ENIM, & IGITUR, nisi dicturi sumus esse illas ociose adiectas.

2. Sunt qui referant ista ad ea quibus supra dixit: quicquid apponitur uobis edite, nihil interrogantes propter conscientiam, quasi dicat quisq;, at hoc facies fidelis, iudicabitur ab alijs, quantumuis ipse secunda conscientia comedat, & respondeat Apostolus. Cur libertas mea, quam libere & cum gratiarum actione quicquid appositum fuerit comedo, ab alia conscientia iudicatur? Quid ad me, quod alij ob id mihi maledicunt, pro quo ego gratias ago?

3. Alij referunt ad proxime præcedens, tanq; illi rationis uice subiecta ad hunc modum. Ne edatis propter illum qui indicauit, & propter conscientiam. Conscientiam autem dico non tuam sed eam quæ est alterius. Etenim quorsum attinet libertatem nostrā alienæ conscientie iudicio reddere obnoxiam, & causam præbere, ut maledicatur nobis propter escam, pro qua nos gratias agimus? Et hæc mihi expositio magis probatur. Loquitur autem in sua ipsius persona. Quasi dicat. Etenim non uideo quare sicuti conueniat mea libertate, ut aliorum conscientiam offendam, efficiamq; ut iudicer, & blasphemijs impetar propter id, de quo cum gratia participo, & pro quo gratias ago. Transfert hæc in se, ut acceptabiliorē & probabiliorē reddat dicti sui rationem. Significat se non sic esse animatum, ut propter escam cuiuspiam uelit conscientiam suam libertate offendere, & admittere, ut eā ob causam iudicetur, & maledictis exponatur. Qui temere immolaticijs uescebantur, & aliorum contra se iudicia & maledicta prouocabant, libertatem suam ubiq; iactabant, parum curantes, ædificarent ne uel destruerent aliorum conscientias, bene uel male audirent. Ut hos perstringeret, dicendum erat: Conscientiam dico non tuam, sed eius quæ est alterius, cuius habenda est ratio, ne ledatur. Cur enim admittis unde libertas illa tua, qua abuteris, ab eius conscientia, quam offendis iudicetur & damnetur, & non magis unde ædificetur? Participas de libertatis acceptæ gratia, & comedis cum gratiarum actione, cur hoc sic facis, ut pro eo tibi maledicatur, pro quo tu gratias agis? Iactas libertatem quidlibet edendi. At eo constat tibi ex gratia Dei, gratias agis Deo ubi comedis, atq; ita restaris, ex beneficio Dei esse, quæ comedis. Cur



ergo gratiam hanc & libertatem aliorum reddis iudicijs & blasphemijs citra necessitatem obnoxiam. Sic inq̄ dicendum erat, uerū, ut dixi, mitigat hanc repræhensionem, quo sit acceptabilior, per id, quod hæc uerba transfert in suam ipsius personam. Qua in re minister uerbi rursus prudentiam obseruet Apostoli. Hac & supra cap. 6. usus est, ubi cum dicendū esset. Quare membra Christi facitis membra scorti? mutata sermonis figura dixit: Num tollēs mēbra Christi faciam membra scorti?

Admonet hic locus q̄ cauere debeat Christianus, ne quæ facit aliorum reddat probris & blasphemijs obnoxia, quantum in ipso est, sed magis sic se gerat, ut occasionem laudis ac beneplaciti offerat alijs, intellige, in reb⁹ liberis, ubi non quid liceat sed quid conducat spectari debet. Si propter fidem nostram odio habemur & probris proscindimur, ferēdum est, & domino committendum, non cedendum & impijs gratificandum, secus uero, ubi rebus liberis & indifferentibus pro utilitate aliorū ex spiritu ueræ charitatis laudabiliter uti poterimus. Non dicit hic Apostolus: Cur fides & religio mea, sed, cur libertas mea iudicatur ab alia conscientia? Magnum discrimen est inter fidem qua Deo obstringimur, & libertatem rerum indifferentium qua per gratiam illius in hoc mundo inter homines uersamur. Illic in nullius hominis gratiā a uerbo Dei cedēdum est, hic uero per charitatē seruiēdū est omnib⁹.

Deinde obserua q̄ religiose & absq; omni temeritate uti debeam⁹ beneficijs Dei, de quibus per gratiā illius participamus, & pro quibus illi gratias agimus. Non simpliciter dicit: Cur ob id mihi maledicī, quod de creaturis Dei participo & comedo? sed: Si uero ego cū gratia participo, cur sic participabo, ut ob id mihi maledicat pro quo ego gratias ago? Sic notat eorum temeritatem, qui beneficijs Dei temere & irreligiose atq; ita utunt, ut noceant alijs, efficiantq; ut iudicentur ac uituperentur ab alijs, a quibus si prudēter & utiliter agerēt laudari poterant, quæ res in probrum magis q̄ in decorem nominis Dei uergit illiq; uehementer displicet. Quomodo enim probaret eum, qui sibi quidem gratias agit, at proximū interea temerario donorum suorum usu perdit, ac nomini suo infamiam adurit? Hoc spectans Apostolus subiungit dicens.

SIVE igitur editis, siue bibitis, siue quid facitis, omnia in gloriam Dei facite.] Hanc generalem regulam, quasi summam quandam, præcedentia complectentem, præscribit fidelibus omnibus. Neq; enim fieri poterat, ut omnes circumstantias & species eorum explicaret, quæ in hac causa contingere poterāt. Quare quasi quendam generalem scopum præfigens, ad quem collimarent in omnibus dicit: Siue igitur editis, siue bibitis, siue quid facitis omnia in gloriam Dei facite. Quasi dicat. Innumera sunt quæ uobis accident, in medio infidelium tam Iudeorum q̄ Græcorum uersan-

tibus, de quibus singulatim præcipi non potest. Quare hoc sitis animo præditi, ut omnia in gloriam Dei & faciatis quæ facienda, & feratis quæ sunt ferenda. Sic animatis non deerit spiritus domini, qui omnia uestra ad gloriā Dei dirigat. Hoc autem gloriæ Dei studium duplici nomine fidelibus competit. Primum generaliter cum mortalibus omnibus, propterea quod sunt opus Dei, ab illo creati & facti. Operis est, ut faciat ad gloriā opificis sui. Deinde specialiter, propter gratiam adoptionis, qua sunt in Christo Iesu in numerum filiorum Dei electi & assumpti. Filiorū est studere gloriæ patris. Huc spectat Christus dicens: Sic luceat lux uestra coram hominibus, ut uideant opera uestra bona, & glorificēt patrem uestrū qui est in cœlis. Matth. 5. Quemadmodum igitur omnis nostra uita tam creationis q̄ regenerationis beneficio à Deo est, ita par est, ut uicis sim gloriæ Dei seruiat.

SIVE igitur editis, inquit, siue bibitis, siue quid facitis.] Vulgata uersio habet, uel aliud quid facitis. At uocula, aliud, in Græco non habet, sed simpliciter, *ἢ τι ποιεῖτε*, id est, siue quid facitis. Edere & bibere non est aliquid operis facere, sed uitam & uires ad faciendum alere. Hactenus recte distincta sunt hæc ab Apostolo. Sic possumus distinguere inter ea quæ ad alimoniam noui hominis, & ea quæ ad illius uitam & opera pertinent. Ingressi ecclesiam, audire uerbum domini, & communicare de mēsa domini, non est facere & operari, sed fidem alere, & ad operandum confirmare. Arbor facere dicitur, dum fructificat, non ita dum alimoniam & incrementa è terra accipit. Vtinā sic animati simus, ut quod edimus ac bibim⁹ non habeamus operis, sed alimonie loco, qua ad uiuendum & operandum corroboremur. Ociosis hominibus qui non edunt ut uiuant, sed uiuunt ut edant & bibant, omne quod faciunt edendo & bibendo absoluitur. Præterea nanq; nihil operis faciunt. Tales sunt Christiani illi, qui præterq̄ quod ad ecclesiam ueniūt, unaq; cum alijs uerbum domini audiūt & comunicāt, nihil Christianorum operum faciūt. Illis opus est, quod uires operandi sufficere debebat. Hi similes sunt infrugiferis arboribus, quarum nullum aliud est opus, q̄ quod terrā occupant, & incrementum ex illa cum alijs frustra accipiunt.

SIVE editis, inquit, siue bibitis, omnia in gloriam Dei facite.] Ergo non solū faciendo sed & edendo ac bibendo gloriæ Dei studere possumus. Quomodo? Cauendo primū, ne nomen Dei edendo ac bibendo dehonestemus, sicuti faciebant Corinthij, edentes & bibētes in eidolio cum infidelibus, perinde ac si sacrificiorum illorum ac mensæ dæmoniorum participes esse uellent, & in priuatis infidelium conuiuijs de immolaticijs etiam præmoniti absq; ulla uitandi scandali cura manducātes, quod utrunque ad ignominiam nominis Dei uergebat. Quæso dum hodie Christianus uel simul-

lacris



lacris sanctorum oblata, uel superstitione aliqua polluta comedit, uel edendo & bibendo Antichristi mandatis seruit, uel intemperater edendo ac bibendo suum ipsius corpus perdit, quid aliud facit, quam quod nomen Dei cui accensetur dehonestat? Sit ergo prima hæc fidelis hominis cura ne quo pacto nomen Dei edendo ac bibendo dehonestet. Deinde eoufque in hoc studio crescat, ut etiam ad gloriam Dei edat ac bibat. Hoc faciet, si cum gratiarum actione, si temperanter, si ad ædificationem unam comedentium adhibitis sermonibus pietatis edat & bibat, & membra Christi egena & esurientia mensæ suæ adhibeat. Sic enim edendo etiam infidelibus causam, quantum in ipso est, glorificandi nominis Dei obijcit.

TALES estote ut nullum præbeatis offendiculum neque Iudæis, neque Græcis, neque ecclesiæ Dei. In Græco est ἀποδοκιμαζέμενοι, id est, absque offendiculo fiatis. Hortatur ut quod non erant fiant. Significat autem ἀποδοκιμαζέμενοι eum qui sic se gerit, ut neminem offendant, uel certe nemini causam offendiculi præbeat. Dixit in summa. Siue editis siue bibitis siue quid facitis omnia ad gloriam Dei facite. Quoniam autem hoc non faciebant, qui temere quosuis offendeabant, ut intelligerent eam temeritate non facere ad gloriam Dei, subiicit ista specificationis gratia, seruiens causæ quam agit. Tales, inquit, estote, ut nullum præbeatis offendiculum, neque Iudæis, neque Græcis, neque ecclesiæ Dei. Quoniam Iudæi in orbem terrarum sparsi, ut inter alias gentes ita etiam inter Corinthios exulabant, metuebat ne temeritate eorum Christianorum, qui immolantia cum infidelibus in templis illorum edebant, offenderentur, & à religione Christiana auerterentur, monet fideles, ut cum primis caueant, ne quid offendiculi illis obijciant. Etenim simulacra & cultum simulacrorum unam cum illorum cultoribus summopere execrabantur, iuxta illud Rom. 1. Abominaris simulacra, &c. Longe aliter animati sunt prælati ecclesiarum erga Iudæos, pro quorum salute ne minimum quidem simulacrum è templis auferrent.

NEQUE Græcis inquit.] Græcos uocat non solum Corinthios, sed & omnes eos qui neque erant Iudæi neque Christiani, quosuis uidelicet ethnicos. Facit autem hoc, meo iudicio, hac primum ratione, quod Corinthiis quibus scribebat, Græci erant & inter Græcos uuebant. Deinde, propterea quod Græci & nominatiores erant cæteris gentibus, & ex illis primitiæ gentium ad Christum uenerant. Propter hanc etiam prærogatiuam Græcos proxime Iudæis subijcere solet, sicuti uidere est in Romanis cap. 2. 3. & 10. Et Lucas in Actis cap. 6. Græcos Ebræis coniungit, ex quibus prima Christi ecclesia Hierosolymis constabat. Quare si cui genti post Ebræos aliquis primatus in ecclesia gentium deberetur, competeret ille, non Latinis sed Græcis. Si Euangelistæ & Apostoli Latine primū non Græcè scripsissent,

A obsecro quas non inde glorias efflaret Rom. pont. Quoniam ex Iudæis & gentibus congreganda erat ecclesia Christi, res ipsa postulabat, ut Christiani summo studio cauerent, ne uel Iudæum aliquem uel ethnicum in rebus liberis & indifferentibus offenderent, & à fide Christi arcerent. Ea uidelicet erat Apostolo sollicitudo & cura propagandi regni Christi, quam & à reliquis fidelibus requirit.

ET ecclesiæ Dei inquit.] Per ecclesiā Dei intelligit fideles Christi, non modo coniunctim omnes sed & singulos. Hæc offendit, quisquis unum ex illis offendit, perinde atque corpus uulnerat quisquis unum duntaxat illius membrum uulnerat. Erant tum quoque, quemadmodum perpetuo, multi in ecclesia infirmi, quorum conscientia leui offendiculo offendeabantur. Illis timēs addit hic, & ecclesiæ Dei. Sciebat haud minoris esse uirtutis quam querere parta tueri. Quare. Ut inhiabat lucrificandis adhuc infidelibus tam Græcis quam Iudæis, ita quos domino lucrificerat seruire satagebat. Corpus, communionem, & populū fidelium uocat ecclesiam Dei, propterea quod fideles sunt à Deo ad gratiam & regnū ipsius uocati. Et hinc discite quid sit ecclesia. Corpus uidelicet, communio, & populus τὸ κοινωνικόν καὶ ἐκκλησίαν, id est, uocatorum fidelium Dei. Sonat ipsa uox ecclesia, euocationem, & pro euocatis plerūque accipitur, sicuti ciuitas pro ciuibus, communio pro communicantibus & societas pro socijs.

B Non est autem ociosum, quod non simpliciter dicit: & Iudæis & Græcis, & fidelibus, sed, & ecclesiæ Dei. Plus enim ponderis habet elogium hoc fidelium, quo illos ecclesiā Dei uocat, quam si simpliciter fideles uocaret. Proponit enim in illo considerandas duas res magni admodum momenti, quibus permoueri debeamus, ne quem fidelium offendamus. Gratiam uidelicet cœlestis uocationis & auctoritatem Dei. Quos Deus per gratiam suam in peculium suum è mundo euocauit, nemo sine grandi illius offensa offendere ac perdere poterit. Qui offenderit unum de pusillis istis, inquit Christus Matth. 18. qui in me credunt, expedit ei, ut suspendatur mola asinaria in collū eius ac demergatur in profundum maris. Obsecro quid expedit illis, qui non modo offendent sed & palam seducunt, non unum pusillum sed integras ecclesias, nec seducunt tantū imperitos, sed & omnes eos, qui seduci ab ipsis non sustinent, horribiliter condemnant, & huius sæculi principibus mactandos & per dendos obtrudunt?

Quemadmodum ego per omnia omnibus placeo, non quærens meam ipsius utilitatem, sed multorum ut salui fiāt. Imitatores mei estote, sicut & ego Christi.

Causam hanc terminaturus repetit uno & altero uerbo exemplum suum, quod ipsis toto præcedenti capite imitandum proposuerat.



Matth. 23.

Sciebat plus efficaciam esse in factis quam in A uerbis doctorum. Parum efficaciter docet qui ipse diuersum ab eo facit quod docet. Qui ipse turpitudine uitae suae ac morum deprauatione quosuis offendit, etiam si centies dicat alijs: Tales estote, ut nullum cuiquam praebeatis offendiculum, puto illum haud multis persuasurum, quod sibi ipsi nondum persuasit. Sunt quidem audiendi etiam tales, & faciendum est quod recte docent licet quod docet ipsi non faciant, uerum quoniam auditores magis obseruant quid uiuat & faciat, quam quid doceat ipsorum doctor, fit ut parum efficiat docendo, quisquis aliud loquitur & aliud uiuit, alios docet, seipsum non docet. Vbi uero facta respondent uerbis, ut non habet auditor, quod praetexat, quominus obediat docenti ita cum maiori efficacia docetur & pluribus persuadetur. Sciens hoc Apostolus, non modo irreprehensibiliter se gessit, sed & exemplum suum doctrinae coniunctum fidelibus proposuit. Sic dicit.

Estote absque offensione & Iudaeis & Graecis, & ecclesiae Dei, quemadmodum ego per omnia omnibus placeo. Corinthijs praescribit, ut neminem offendant, & subiiciens, quemadmodum ego, pro eo quod dicendum erat, neminem offendo, dicit, per omnia omnibus placeo. Ergo neminem offendere, est omnibus per omnia placere. Per omnes autem intelligit Iudeos, Graecos & fideles. Sed nascitur hic gemina quaestio. Prima, quomodo se omnibus placere dicat, cum certo constet displicuisse ipsum Iudaeis supra modum, nec dubium sit, innumeros fuisse Graecos, qui ipsum alij contempserint, ut Athenienses philosophi, alij summo odio prosequuti sint, ut Alexander aërius, & eius farinae alij. Altera, quomodo per omnia quibusuis placuerit, cum id fieri neque liceat neque possit. Vtrique huic quaestioni parata est solutio ex capite praecedenti, ubi sic dixit. Etenim cum liber sim ab omnibus, omnibus me ipsum seruum feci, quo plures lucrificiam, & factus sum Iudaeis quasi Iudaeus, ut Iudaeos lucrificiam, ijs qui sub lege sunt, quasi sim sub lege, ut eos qui sub lege sunt lucrificiam, his qui sine lege sunt, quasi sim sine lege, cum non sim sine lege Deo, sed obnoxius legi Christi, ut lucrificiam eos qui sunt sine lege. Factus sum infirmis, quasi infirmus, ut infirmos lucrificiam.

OMNIBVS factus sum omnia, ut omnino aliquos seruem, &c.] Ergo quod hic se omnibus placere dicit, intelligendum est de studio placendi omnibus. Placebat omnibus, hoc est, omnibus placere studebat, etiam si interea quam plurimis displiceret. Sic Christiano satis est, si neminem scienter offendere, sed omnibus placere studeat, etiam si placeat paucis, & offendat contra animi sui sententiam multos. Deinde quod dicit, per omnia intelligendum est de rebus liberis, in quibus neglecta libertate sua seruum se fecit omnibus.

Illud, non quaerens meam utilitatem, sed multorum ut salui fiant, studium hoc placendi omnibus, & modum quoque exprimit. Studium in uerbo quaerendi exprimitur. Modus in eo cohæret, quod se non suam sed multorum utilitatem quaerisse dicit. Quemadmodum enim qui quae sua ipsius sunt quaerit & quae aliorum negligit, eiusmodi studio placet nemini offendit multos, faciens ea, quae natura sua sic sunt comparata, ut multos offendant, ita, qui se omnium seruum facit, & omnibus gratificatur in rebus liberis, quoad eius salua conscientia poterit, placet multis, offendit paucos, faciens ea quae multis placent, illorumque beneuolentiam conciliant. Etenim obsequium naturae suae mortalium animos reddit amicos.

Dicit quisque. Quid si meam utilitatem pariter & aliorum quaesiero? An hoc non licet? Licet sane, si sic fieri poterit. Quod si salus tua cum salute est aliorum coniuncta, ut utraque simul queri possit, nihil est quod prohibeat. Exepli gratia. Communis omnium utilitas est, ut per Christum saluemur. Eam potest minister querere cum pro se tum pro alijs. Sic fecit hic Apostolus, id quod declarat cum cap. praecedenti dicit: Hoc autem facio propter Euangelium, ut particeps illius sim. Quid est participem fieri Euangelij aliud quam participem fieri uerae & aeternae salutis? Quid igitur est quod hic dicit: non quaerens meam utilitatem, sed multorum ut salui fiant? Loquitur de utilitate diuersa, terrena uidelicet & spirituali. Terrenam suam non quaerebat, quo spirituali aliorum seruiret. Vocat autem utilitatem suam, libertatem quam habebat in rebus indifferetibus, quam Corinthiorum quidam usque adeo sectabantur, ut citius aliorum salutem perderent, quam de illa quicquam amittere uellet. Illud Rom. 9. Optarim ego ipse anathema esse a Christo pro fratribus meis, &c. singulariorem & excellentiorem affectum habet, quam ut omnibus sit praescribendum.

IMITATORES mei estote, inquit, sicut & ego Christi.] Vulgata uersio particulam hanc in principio habet capitis sequentis, quam Graecus textus habet in calce praesentis, quemadmodum & Chrysost. Et res ipsa declarat, pertinere eam non ad sequentia sed ad praecedentia. Quoniam suum illis exemplum proposuit dicens: quemadmodum ego omnibus per omnia placeo, ne simpliciter hoc quaerere uideatur, ut se sequantur in omnibus, quemadmodum hoc quaerere solent pseudapostoli & magistri sectarum, discipulos post se trahentes, exemplo suo Christi coniungit, imò praefigit exemplum, quo & auctoritatem illi conciliet, & simul caueat, ne ecclesiam quibusuis doctorum factis imitandis subiiciat, qui fideles hactenus sibi uolunt esse obnoxios, ut quibusuis suis praecipis obediant, & quaeuis sua studia imitent. Itaque non simpliciter dicit: Imitatores mei estote, sed addit sicut & ego Christi. Sit haec limitatio, quatenus auditores imitari debeant suos doctores. Quatenus uidelicet illi imitatores sunt



sunt Christi. Sed dices: Ergo recte faciunt, qui Christum imitantes abstinēt à cōiugio, quandoquidem ipse fuit ἀγαμέμνων, & eam continentia alijs quoq; imitanda proponunt. Deinde & xl. dies ieiunant, idq; ieiunij alijs præscribunt, propterea quod Christus totidē dies ieiunasse scribit. Respondeo. Quod abstinētia à cōiugio attinet, si ea ad imitationē Christi pertinet, nō fuerūt apostoli imitatores Christi. Habuerunt enim cōiuges, sicuti suprà cap. 7. ostēdimus. Quod ieiuniū quadragesimale attinet, non est illud referendum ad exempla Christi fidelibus imitanda, id quod & Chrysost. annotauit, quemadmodū in Comment. nostris super Matth. cap. 4. uidere licet. Id potius imitandum est, quod Christus & docuit & fecit. Docuit ea quæ charitatis sunt, & opere quoque pręstitit, dum semetipsum exinaniuit, accepta serui forma, & pro nobis in mortem tradidit, quærens & saluum faciēs quod perierat. Hac in re sita est uera Christi imitatio. Et hęc Chrysost. recte perfectissimi dixit esse Christianismi canonem, ad quem si compares, prorsus nihil est omnis omnium monachorum disciplina, abstinētia, castigatio, &c. καὶ νηστύτης, inquit Chrysost. καὶ χαμδυνύσης, καὶ ἀπαγχονύσης σωτὴρ ὁ θεὸς πλῆσιον μὴ προνοήσῃς ἢ δὲ μὲν ἀργάσω.

Nos admonemur hoc loco, quàm non sit omnium doctorū dicere: Imitatores mei esto te, sicut & ego Christi. Non recte poscit ut se imitemur, qui in uia Dei non præcedit. Aliud est audire docentem, & aliud imitari præeuntem. Vt multi sunt doctores, præeuntes pauci, ita multi sunt auditores, imitatores uero pauci.

## CAPUT XI.



Ollaudo autem uos fratres, quod omnia mea memoria tenetis, & quemadmodum tradidi uobis instituta, tenetis.

Apparet ecclesiam Corinthiorum improbitate quorundam non uno tantum, sed uarijs modis à synceritate apostolica abduci ac deprauari in absentia Apostoli cœpisse. Quare cum ea de re per fideiores esset admonitus diligenti cura ingruēti corruptioni occurrit. Hactenus communicationem gentiliū sacrorū tribus capitibus 8. 9. & 10. repræhendit, iam transit ad eos abusus corrigendos, qui in ecclesiasticum illorum cœtum irrepserant, id quod quatuor sequentibus capitibus, 11. 12. 13. & 14. facit. Dum hæc lego, mirari desino, qui factum sit, quod tam multis ac fœdis corruptelis post apostolorum tēpora deformatæ sunt ecclesiæ. Etenim si tam modico tempore Apostolo absente quidem, uerum adhuc in uiuis agente, tot modis ecclesia Corinthiorū defœdari potuit, quid mirum si tam prolixo tot seculorum decursu partim superstitione, partim incuria, partim hypocrisi, partim donatu

A pseudepiscoporum horrendis modis corrupta sunt in ecclesijs ferè omnia, maxime cum perpetuo pro hæreticis & schismaticis habitis sint, quicunq; publicæ corruptioni reclamandum esse censuerunt? quam ψευδοκληρικῶν insaniam hodie quoque experimur, qui adeo facti sunt impudentes, ut ausint contendere, non posse errare ecclesiam. Si ueri pastores essent, in id magis incumberent, ut ad exemplū Apostoli quicquid adulterinum obtinuit, in ecclesia diligenti cura corrigerent.

COLLAUDO autem uos fratres, inquit. J Orditur à laude eorum, qui ceteris saniores erant. Neque enim probandum est, quod Lyrannus hæc per ironiam dicta esse putat, ut, collaudo uos idem sit quod uitupero uos. Poterat ordiri à correptione reproborum, uerum quoniam multum refert, quali exordio ad emendandum delinquentes utamur, præsertim ubi delictum non est catholicum, sed quorundam tantum, ne qui inculpabiles sunt, se quoque perstringi putent, adeoque frustra contristentur, consultius & circumspectius erat, ut mox initio laudaret saniores, eosque merita laude à delinquentibus segregaret. Exemplū hoc Apostolicæ prudentiæ imitentur pastores & doctores ecclesiæ. Neq; enim tum tantum, sed hodie quoq; sic comparatæ sunt ecclesiæ, ut eiusmodi prudentiam requirant....

B Sic autem consilium Apostoli considerantes, liberamus eum à suspitione adulationis, à qua omnium fuit alienissimus. Quare non est ut hoc illius exemplum patrociniō sibi esse existiment adulatores ecclesiastici, qui nec cū debito discrimine, nec sanctæ prudentiæ proposito, nec ea tantum quæ iustæ sunt laudis capacia, laudant in ecclesia, sed quo res suas agant magis quàm Christi laudant uituperanda, & abblandiuntur illis, quos magis corripere conueniebat. Aliàs non est inutile, nec alienum, ut uidemus, à sanctis laudare fratres recte agentes.

Potest autem hoc fieri bifariam. Primum coram alijs recte illorum facta prædicando & laudando. Sic infra capite ultimo laudat Stephanam, Fortunatum, & Achaicum coram ecclesia Corinthiorum, prædicans de illis quod seipsos in ministerium sanctorum ordinarint, ac spiritum suum refocillarint. Et hoc plerumque in salutationibus, quas epistolis suis subiecit, facere consuevit. Hoc autem laudandi genus & plus habet candoris, & minus est suspectum. Deinde, in faciem aliquem, uel præsentem uerbis uel absentē literis laudando, quod hic facit, dicens: Collaudo autem uos fratres, quemadmodum & Philippēs & Thessalonicenses laudat. Vtroq; laudandi genere incitat fideles ad studium pietatis, siue ut eos quos laudat, imitentur, siue ut in quo laudantur, constanter pergant.

QVOD omnia mea memoria tenetis, inquit, & quemadmodū tradidi uobis instituta, tenetis. J In Græco est, ὅτι πάντα μὲν μνήμητι, quod



bisaria uerti potest. Primo sic: Quod p omnia A  
mei memores estis, quēadmodū habet uersio  
uulgata. Sic *παῖτα* idem esset quod *κατὰ πάντα*,  
id est, per omnia. Deinde sicut uertit Erasmus,  
quod omnia mea memoria tenetis. Vtrouis  
modo legamus, exprimit hisce uerbis, quā ob  
causam laudet Corinthios. Instituerat eos, nō  
solum quid credere, & quomodo uiuere, sed  
& quo ordine ac decoro singula in cōtū eccle  
siastico obire deberent. Horum omnium me  
mores illi quæ acceperant, sedulo retinebant.  
Hanc in illis diligentiam laudat.

1 Vide autem quomodo primum tribuat il  
lis memoriam acceptarum traditionum, de  
inde & custodiam. Memoria accepti mandati  
seruit illius custodiæ, obliuio uero uiam pa  
rat ad transgressionem.

2 Deinde obserua quomodo nō simpliciter  
dicat, quod mea, sed, quod omnia mea memo  
ria tenetis. Argumentum religiosæ mentis est  
non unius & alterius, sed simul omnium insti  
tutorum meminisse.

3 Tertio, nec illud ociosum est, quod nō sim  
pliciter dicit, & quæ tradidi uobis, sed, & quē  
admodum tradidi uobis instituta, uel traditio  
nes, *παράδοσεις*, teneris.

Citant hæc uerba ad confirmandum autho  
ritatem traditionum ac rituum ecclesiastico  
rum, quos tanq̃ uerbo Dei cōtrarios hodie re  
ijcimus. Ecce, inquiunt, non ea tantū quæ scri  
pta, sed & quæ uiuo sunt sermone tradita, lau  
dabiliter seruant fideles, quod ab Apostolis  
sunt accepta. Primum probandū erat, omnes  
eos ritus quos improbamus, traditos esse ab  
apostolis, id quod nunquam probabitur. De  
inde, haud esse eos contrarios uerbo Dei. Ter  
tio, quemadmodum traditi sint ab apostolis,  
ita in hunc usq; diē esse seruatos. Nisi ista pro  
bentur, quorsum attinet patrociniū tot ac tam  
manifestorum abusuū ex hisce uerbis Aposto  
li, quibus dicit: Et quemadmodum tradidi uo  
bis instituta, tenetis, frustra petere. Ipsa eucha  
ristia satis euincit, non esse seruata dominica  
& apostolica instituta, quemadmodum sunt  
tradita, sed additionibus, diminutionibus &  
alterationibus uehementer adulterata. Quis  
adeo demens esse uolet, ut credat eos ritus, de  
quibus nulla extat in sacris scripturis authori  
tas, ab apostolis esse institutos, & secundū pri  
mā quam institutionē incorrupte seruatos, cum  
ne ea quidē illibata seruata sint, quæ manifesto  
uerbo sunt circumscripta? Quare locū hic ha  
bet illud Tertulliani, de præscriptionibus hæ  
reticorū, quo sic dicit: Ipsa doctrina eorū cum  
apostolica cōparata ex diuersitate & cōtrarie  
tate sua pronūciabit, neq; apostoli alicuius au  
thoris esse, neq; apostolici. Quia sicut apostoli  
non diuersa inter se docuissent, ita & apostoli  
ci nō cōtraria apostolis ædidiissent, nisi illi qui  
ab apostolis desciuerunt, & aliter prædicauē  
runt. Hæc ille. Consimili modo dicimus nos  
de ritibus & traditionibus, qui diuersitate sua  
conuincunt, quod nihil minus sint q̃ uel apo-

stolorum uel apostolicorū uirorū. Conferant  
ij quos habemus in Occidente sub ecclesia Ro  
mana, cum illis quos habent Orientales eccle  
siæ ab apostolis fundatę. Si dixerint Romanā  
ecclesiā ritus apostolicos incorruptos seruaf  
se, Oriētales uero ab illis degenerasse, tā facile  
hoc cōtemnimus, q̃ illi facile dicūt. Imō cū Au  
gustino dicimus, Occidētis ecclesias aliquas, Epist. 86.  
in quibus Roma est, non seruasse quod aposto  
li tradiderunt, Orientis uero terras, unde cœ  
pit ipsum Euangelium prædicari, in eo quod  
ab omnibus cum ipso Petro apostolis traditū  
est, sine aliqua uarietate mansisse.

S E D uolo uos scire, quod omnis uiri caput  
Christus est, caput aut mulieris uir, caput uero  
Christi Deus.] Apparet ex statu argumētatio  
nis ac correctionis huius, cui ferē ad dimidiū  
usq; capitis immoratur Apostolus, cœpisse mu  
lieres in cœtus ecclesiasticos cōtra muliebris  
pudoris decorū capitibus apertis, ac uiros cō  
trā tectis ingredi, illicq; sic dispositos & orare  
& prophetare. Notum est ex historijs, quæ fue  
rit in Græcia, præsertim inter Corinthios, ui  
rorū mollicies & mulierū impudentia. Et quo  
niā utraq; catholica facta pro patrio more ha  
bebat, neutra aliquid habere uicij putabatur.  
Quare qui Christo accesserant, haud statim ini  
tio intelligebant, q̃ esset indecorū, quod cōmu  
niter ab omnibus patrio more fiebat, atq; ita  
quemadmodū antea se gesserant in tēplis &  
sacris deorū gentiliū, sic se in cœtu fideiū quo  
que gerebant. Vt hoc in illis corrigat, instruit  
eos traditione hac scripta, seruandū esse in ec  
clesia utriusq; sexus decorū ac conuenientem  
discretionem, qua uir oret ac propheter capite  
aperto, mulier uero tecto & obuelato. Et hoc  
tradit nō simpliciter nudo mandato, sed anne  
xis rationibus, quarū primariā præmittit, reli  
quas subiicit, sicut ex ordine uidebimus.

S E D uolo uos scire, inquit.] Diximus præ  
missam laudem pertinere ad saniores in eccle  
sia Corinthiorū qui memores apostolicorū in  
stitutorū seruabant omnia. Iam cum illis scri  
bens, mox post præmissam laudē subiicit, sed  
uolo uos scire, quod omnis uiri caput Chri  
stus est, &c. apparet ipsum saluo aliorum iudi  
cio, nihil illis hac de re tradidisse, cum præsens  
apud eos ageret, quod ferioribus esset admo  
dum occupatus. Neq; enim omnia quæ ad ri  
tus & mores pertinet, statim initio tradi pos  
sunt ab illis, qui fundamenta fidei iaciunt. Et  
infra in calce capitis huius, ubi dicit: Cætera  
uero cum uenero disponam, satis, opinor, pa  
tet nondum disposuisse ipsum omnia in eccle  
sia Corinthiorū, quæ ipsius erant autoritate  
ac prudentia disponenda. Saniores igitur illi  
seruabant omnia illius instituta, intellige quæ  
ipsis præsens cōmendauerat. Verum interea  
& ipsi cum alijs minus sese decēter inter oran  
dum & prophetandū gerebāt. Id correcturus  
dicit: Laudo quidē uos, quod omnia instituta  
mea, quæ uobis cū apud uos essem tradidi, me  
mori mēte seruatis: uerū iuxta scire uos uolo,  
quām



quàm sit inconueniens, quod uiri tecto, mulie-  
res aperto capite in ecclesia oratis & prophe-  
tatis. Et sic Hieronymus intellexit, ad hunc  
modum exponens: Etiam in hoc uolo uos in-  
struere, ut illud similiter teneatis, &c. Quod si  
quis existimat Apostolum iam antea hac de re  
præcepisse, & in præsentī nihil facere aliud q̃  
ut traditam antea disciplinam rationibus con-  
firmet, contra eos qui illam contentionibus  
suis diuexabant, nolim admodum reluctari.

Si nihil hac de re tradiderat antea, uidemus  
feri potuisse, ut qui omnia apostolica institu-  
ta tenebant, nondum scirent caput mulieris  
esse uirum, uiri Christum, Christi Deum, nedū  
quid ex ea esset scientia colligendum. Si uero  
iam antea tradiderat, admonemur, requiri sciē-  
tiam ab illis, qui traditam disciplinam seruāt,  
quod non sit satis externo facto quod traditū  
est seruare, nisi id iusta cum intelligentia fiat,  
quemadmodum decet populum non seruiliter,  
sed liberaliter & ad spontaneam discipli-  
nam institutum. Laudanda igitur sic est iustæ  
obedientiæ diligentia, & traditæ disciplinæ  
custodia, ut simul etiam eorum quæ seruanda  
sunt, intelligentia tradatur & requiratur. Et-  
enim sine hac externum quidem corpus disci-  
plina non intellecta exercetur, mens uero om-  
ni illius fructu destituitur, id quod à fidelibus  
omnium debebat esse alienissimum. Sic mul-  
ta seruantur in ecclesijs Romanæ dominatio-  
ni subiectis, præsertim in monasterijs, de qui-  
bus si roges, nulla potest reddi certa ac præ-  
gnans ratio, quam in ecclesia fidelium alicuius  
conueniat esse momenti. Nihil debet tradi in  
ecclesia, quod non uel scripturis canonicis, uel  
iustis rationibus fidelibus commendetur. Sic  
uidemus hic Apostolum non simpliciter sta-  
tuere quid faciendum sit, quid non sit, sed tra-  
ditionē suam rationibus & præmissis & sub-  
iectis communire. Seruilem subiectionē que-  
runt in ecclesia Pontifices, qui solam personæ,  
quā gerere uideri uolūt, dignitatem & autho-  
ritatem fidelibus obijciunt, dum quælibet il-  
lis proprio arbitratu imponunt. Hoc, quæso,  
quid aliud est, quàm in oues Christi exercere  
dominatum, ac dicere: Sic uolo, sic iubeo, sit  
pro ratione uoluntas? Et illud Pelagij, ubi est  
maioritas, ibi est mandandi potestas, cæteros  
manet obediendi necessitas.

Quam autem traditionis huius primariam  
rationem præmittit?

Sed scire uos uolo, inquit, quod om-  
nis uiri caput Christus est, caput autem  
mulieris uir, caput uero Christi Deus.

Sententiam hanc accommodat ipse ad cau-  
sam de qua agit, ubi uidebimus, quomodo ex  
illa quod instituit, colligi uelit. In præsentī ipsa  
hæc est sententia inspicienda. Quadripartitū  
ordinem ponit, quo & distinctio pariter & cō-  
iunctio primum Dei & Christi, deinde Christi  
& uiri, tertio uiri & mulieris explicatur. Maxi-

ma quidem est cōiunctio, nimirum qualis est  
corporis & capitis, inter mulierem & uirum,  
uirum & Christum, Christum & Deum: uerū  
ea cōiunctio non tollit distinctionem cōiun-  
ctorum, nec infringit potiorum prærogatiuā.

Ad cōiunctionem arctissimam pertinet,  
quod non dicit: Quod omnis uiri dominus  
Christus est, dominus autem mulieris uir, do-  
minus uero Christi Deus, sed: Quod omnis ui-  
ri caput Christus est, caput autē mulieris uir,  
caput uero Christi Deus. Coniunguntur & do-  
minus & seruus, uerum ea cōiunctio procul  
abest ab unitate capitis & corporis. Est quidē  
& Christus uiri, & uir mulieris dominus: ue-  
rum non ita quemadmodum sunt domini ser-  
uorum & mancipiorum, sed quemadmodum  
caput est sui corporis. Quare ad exprimēdam  
unitissimam cōiunctionem uocabulum po-  
suit non domini, sed capitis.

Ad distinctionem uero cōiunctorū & præ-  
rogatiuam potiorum pertinet, quod non di-  
cit: Omnis uiri compar est Christus, compar  
autē mulieris uir, compar uero Christi Deus,  
sed, omnis uiri caput est Christus, caput autē  
mulieris uir, caput uero Christi Deus. In capi-  
te est excellentia moderationis & authorita-  
tis, in corpore est subiectio & iustæ obedi-  
entiæ accommodatio. Præest corpori caput, sub-  
est capiti corpus. Regit caput, regitur corpus.  
Ad hanc capitis & corporis metaphoram refe-  
rendum est quod uirum mulieris, Christum  
uiri, Deum Christi caput esse dicit. Superemi-  
net mulieri uir, Christus uiro, Deus Christo.  
Sic omnis & summa supereminētia tribuitur  
Deo patri, quemadmodum etiam illius om-  
nis est paternitas. Ex Deo patre per Christum  
sunt omnia. Ex illo est quod Christus caput est  
uiri, uir caput mulieris. Sic suprā in calce capi-  
tis tertij retulit ad Deum patrem per Christū  
omnia, consimili gradatione dicens: Omnia  
uestra sunt, uos autem Christi, Christus uero  
Dei. Hæc puto esse perspicua. Verum uidea-  
mus singula.

Sed scire uos uolo, inquit, quod omnis ui-  
ri caput Christus est.] Potest hic quæri, an in  
uniuersum omnis uiri, etiam increduli & gen-  
tilis, uel fidelis tantum & Christiani caput sit  
Christus. Chrysostomus negat Christum esse  
caput infidelium uirorum, sed fidelium tantū.  
Et addit hanc rationem. Nam si corpus Chri-  
sti sumus & membra, & eius pars, & idcirco i-  
pse nostrum caput, eorum qui in corpore non  
sunt, neque membra perficiunt, non utique e-  
rit caput. Itaq; hæc particula, omnis, de uno-  
quoque fidei intelligenda est. Et hunc recen-  
tiores aliqui sequuntur. Verum si hūc sensum  
acceperimus, non uideo quomodo Christus  
uirorum fidelium magis quàm mulierum ca-  
put dici debeat, præsertim cum ecclesiæ suæ ca-  
put existat, in qua tam mulieres sunt quàm ui-  
ri, & Gal. 3. diserte legamus, in Christo Iesu in  
quem baptizamur, nec uirum esse nec mulie-  
rem, hoc est, nihil esse discriminis inter uirum  
&



& mulierem, quemadmodum nec inter Iudeū & Græcum, nec inter seruum & liberum. Et hoc Ambrosium mouisse puto, ut sic exponeret: Christus autem ideo caput uiri est, quia per ipsum cum non esset, formatus est. At hæc ratio ad creationem masculini sexus pertinet, quæ non est ad fideles tantum, sed in uniuersum ad omnes uiros referenda. Sic esset Christus omnis uiri caput, propterea quod per illum est Adam à limo terræ formatus.

Nec insolens uideri debet, uerbum illud per quod facta sunt omnia, quod postremis temporibus humani generis gratia incarnatū est, uocari Christum.

Cogitandum tamen & illud est. Vir est ad imaginem Dei factus, cuius infra quoque mentio fiet. At in hac prærogatiua imaginis & gloriæ Dei inter uiros omnes supereminet Christus, ut etiam hoc nomine recte caput uirilis sexus uocetur. Et hic sensus conueniens uidetur tam coniunctioni quam distinctioni capitis & corporis, & prærogatiuæ quoque, qua caput membra sua singulari supereminetia excellit. Nec est ut hoc uel ad diuinam uel ad humanam naturam tantum referamus, sed ad totum Christum. Hic est caput omnis uiri, non uxorati tantum, sed & uidui, adolescentis & iuuenis, hoc est totius masculini sexus, in quo perinde atque caput in corpore principatum tenens excellit. Hanc meam cogitationem non temere affirmo, sed alijs iudicanda propono.

CAPUT autem mulieris uir, inquit.] Per uirum & mulierem totum genus humanum in duos sexus includit. Quemadmodum enim per uirum masculinum, ita per mulierem muliebrem sexum, uirgines, maritatas & uiduas intelligit. Duorum istorum sexuum primus & potior est masculinus, ad imaginem Dei conditus, & muliebri præpositus, quem triplici præstantia excellit, ordine uidelicet creationis, dignitate imaginis Dei, & uiribus cum mentis tum corporis, ut non frustra uir ab ipso conditore principatum super mulierem acceperit.

Duorum istorum sexuū unitissima est carnis & naturæ coniunctio, & simul ordinis dispositio, qua qui superior est capitis, qui inferior corporis uicem obtinet: unde non tollitur eiusdem carnis & naturæ unitas, sed magis impletur & conseruatur. Quemadmodum enim in corpore humano non destruitur ex eo eiusdem naturæ & carnis unitas, quod diuisum est in caput & membra, & caput præstantius est & excellentius reliquis membris, illaque gubernat & moderatur, ita inter uirum quoque & mulierem non soluitur generis, naturæ & carnis unitas hac conditionis diuersitate, qua uir primatum tenet, mulier uero primatui illius subiacet.

Nec hinc aliquid est detrimenti muliebri sexui, quod uirilis illi præfertur. Quicquid enim in uiro est præstantiæ, mulieris est commodis destinatum, perinde atque reliquo corpori seruiunt omnes illæ dotes, quæ capiti di-

uinitus sunt concessæ. Hinc multa cogitari dicique possunt, quæ quoniam parerga sunt hoc loco, consulto transimus. Possunt illa bipartiri, sicut alia naturalem ordinem, coniunctionem, conuictum, & mispat utriusque generis humani sexus, quo alter est alteri obstrictus, & quæ hisce sunt annexa, alia mysterium Christi & ecclesiæ concernant, quo nobis ille uice capitis, ista uero corporis proponitur, utpote Coloss. 1. ubi Apostolus dicit: Et ipse est caput corporis ecclesiæ, qui est principium primogenitus ex mortuis, ut sit in omnibus ipse primatum tenens, quia in ipso complacuit omnem plenitudinem diuinitatis inhabitare, & per eum reconciliari omnia, &c. Et Ephes. 5. Mulieres uiris suis subditæ sint, sicut domino. Quoniam uir caput est mulieris, sicut Christus caput est ecclesiæ, ipse Saluator corporis ipsius, & quæ ibi plura sequuntur. Ex duobus illis locis uidemus, quomodo metaphora capitis & corporis Christo competat & ecclesiæ, Christo inquam soli, & corpori ipsius, ecclesiæ uidelicet electorum & fidelium.

Contendunt hodie Romanum pontificem esse caput ecclesiæ. Quod me attinet, concedo hoc facile. Videmus illi ecclesiam esse subiectam, cui dominatur per omnia. Ecclesia autem est corpus quoddam multitudinis credentium, & unitate religionis constans & compositum, quo sensu & Iudæi & Turci quoque suam habent ecclesiam. Deinde unumquodque caput sui corporis caput est, non alieni. Si caput est ecclesiæ Romanus pontifex, omnino suæ est caput, non alienæ. Igitur eius quæ Christi est caput esse non potest, nisi facturi sumus ex ecclesia monstrum biceps. Imò quod adhuc absurdius est, nisi daturi sumus ecclesiæ electorum non simpliciter duo capita, quæ sint æqualia & forma & conditione, & dignitate, & sensu, & spiritu, & facultate *ὑπομονῆς*, sed in his omnibus omnium à se inuicem diuersissima, unum terrenum, alterum cœleste, unum mortale, alterum immortale, unum in peccatis conceptum & natum, alterum à peccato alienissimum, unum inconstans, & post mortem prioris alterius successione alterabile, alterum idem & perpetuum, unum in cuius pectoris scrinio inhabitet, indeque promanet omnis plenitudo non potestatis, non pietatis, non iusticiæ, non sanctæ intelligentiæ, sed fraudis, doli, maliciæ & nequitiae, superbiæ, mendacii, auariciæ, simoniæ, & omnis generis pessimarum cupiditatum ac libidinum, alterum in quo habitet omnis plenitudo diuinitatis, gratiæ, sapientiæ, iusticiæ, & spiritualium charismatum, quæ corpori suo largiter communicat, unum quod sit pestis & perditio, alterum quod sit salus & uita, unum quod disturbet & confundat omnia cœlestia & terrestria, diuina & humana, alterum quod conciliet omnia tam terrena quam cœlestia. Tam diuersis capitibus, obsecro, quomodo unum & idem ecclesiæ corpus subijci poterit? Quid quod Romanum hoc caput nec ab

Quomodo  
Rom. pon-  
tifex caput  
sit ecclesiæ.

Indiæ,



Indiæ, nec Perfiæ, nec Syriæ, nec Asiæ, nec A-  
phricæ, sed à paucis quibusdam, aliarum respe-  
ctu, Europæ ecclesijs agnoscitur? An arctabi-  
mus ecclesiam Christi in solam Europā? Ab-  
sit. Ergo nascetur nobis aliud monstrum eccle-  
siæ, non modo bicipitis, sed & bicorporis, cu-  
ius unum corpus sit biceps, alterum acepha-  
lon. Neque enim eius ecclesię quę Romanum  
caput non agnoscit, Christum esse caput con-  
cedunt, neque in ea quę Romano capiti sub-  
iecta est, Christum unā cum suo pontifice, capi-  
tis tenere eminentiam affirmare ueretur. Ab-  
sint hæc porteta à uera Christi ecclesia, de adul-  
terina uiderint qui illam pro uera amplectun-  
tur. Sed pergamus.

CAPVT uero Christi Deus, inquit.] Dixi-  
mus per hanc capitis & corporis metaphorā  
summam eiusdem naturæ & essentiæ unita-  
tem, & simul competentis discretionis ordi-  
nem exprimi. Vnitas inter Deum & Christū  
omnium est unitissima, quod naturam & es-  
sentiam diuinitatis concernit. Quare non est  
hic locus Arrianis. Licet enim caput Christi sit  
Deus, id tamen usque adeo non tollit diuini-  
tatis à Christo naturam, ut eam magis requi-  
rat & confirmet. Etenim nisi eadem utrobique  
sit natura, metaphora hæc capitis & corporis  
locum habere non poterit. Quod autem ca-  
put superius est corpore, non est hoc ad diui-  
nam naturam qua filius æqualis est patri, sed  
ad humanam referendum, cuius ipse respectu  
dixit: Pater maior me est. Et, Vado ad Deum  
meū & Deū uestrū, & q̄ alia sunt huiusmodi.

Nos hic admonemur, primum, ex Deo esse  
omnia, tanquam ex fonte omnium. Deinde  
per Christum illi genus humanum coniungi,  
idque mediatione non uulgari, sed tali quę u-  
nitate eiusdem illi cum patre, & nobis cum il-  
lo naturæ cōstet. Terrio in ipso genere nostro  
positam esse coniunctionis huius imaginem,  
copulatione maris & fœminæ, quæ tum esset  
perfectior ac felicior, si ad unitatē Dei & Chri-  
sti propius accedens, non modo carne & na-  
tura eadem, sed eodem quoque cœlesti spiritu  
constaret. Verum hunc defectum philanthro-  
pia Dei in Christo capite nostro sarcire digna-  
ta est, in quo perfecta est non solum naturę &  
essentiæ diuinæ cum humana, sed & eiusdem  
spiritus coniunctio. Quare quod hic dicit: Ca-  
put uero Christi Deus, non sic est accipiendū  
à nobis, ut Christum separatim inspiciamus,  
sed ut nos in illo, tanquam capite compræhen-  
sos, supremo capiti Deo subiungi, atque ita il-  
lum hac intermediatione, omnia esse in omni-  
bus sentiamus, donec ea plenitudo accepto à  
Christo regno in fine mundi consummatissi-  
ma reddatur.

Hactenus sententiā hanc Apostoli utcu-  
que & separatim inspeximus, qua omnis uiri  
caput Christum, mulieris uirum, Christi Deū  
esse dicit, iam uidendum est quorsum eam in  
præsenti causa induxerit, quidq; & quomodo  
ex illa colligat.

A Omnis uir orans aut prophetās quic-  
quam habens in capite, probro afficit ca-  
put suum. Omnis uero mulier orans aut  
prophetans non uelato capite, dehone-  
stat caput suum.

Hoc est quod ex præmissis axiomate infer-  
re uoluit. Poterat dicere. Ergo omnis uir orās  
& prophetans aperto, & omnis mulier orans,  
&c. tecto sit capite, uerum ut sententiam hanc  
præmissis axiomati accommodet, & simul id  
quod in illorum ecclesia fiebat, redarguat, di-  
cit: Omnis uir orans aut prophetans quicquā  
habens in capite, probro afficit caput suum.  
Omnis uero mulier orans aut prophetans nō  
uelato capite, dehonestat caput suum.

Nihil hic est obscuri in sensu. Verum de illo  
disputari potest, quomodo consequatur hoc  
ex præcedenti axioma: Deus est caput Chri-  
sti, Christus uiri, uir mulieris, ergo caput suum  
dehonestat uir, si tecto, & mulier, si aperto ca-  
pite oret aut prophetet.

Primum, si uelament capitis dedecorosum  
est in uiro, quur non & in muliere? Rursus, si  
nuditas capitis inhonesta est in muliere, quo-  
modo non & in uiro, cum in Christo Iesu ni-  
hil sit discriminis inter uirum & mulierem?  
Deinde quid iniuriæ accidit hinc uel Deo uel  
Christo, uel ipsis uiris & mulieribus?

Respondeo paucis. Quod gratiam regni  
Christi attinet, qua per fidem in sanguinem il-  
lius saluamur, nihil discriminis est inter uirum  
& mulierem. Hic nulla est uiro prærogatiua,  
nullum mulieri detrimentum. Verum in ex-  
terna politia non modo mundana, sed & ec-  
clesiastica discriminis multum est inter duos  
sexus uirilem & muliebrem, sic ut uiro liceat,  
quod mulieri sit illicitum, & contrā, mulierē  
deceat quod uiro sit incōueniens. Habet quis-  
que sexus suum decorū, cuius in sæculo quo-  
que publicæ honestatis gratia magna habetur  
ratio, tanto in ecclesia maior habenda, quanto  
illi plus est sapientiæ ac gratiæ diuinitus con-  
cessum, unde illud est Apostoli: Quæcunque

*Philip. ult.*

sunt uera, quæcunque honesta, quæcunque iu-  
sta, quæcunque pura, quæcunque accommo-  
da, quæcunque boni nominis, &c. hæc cogi-  
tate. Ratio autem decori primaria & huc per-  
tinens, in utroque uirili ac muliebri sexu ab or-  
dine dependet, quo quæcunque infra Deum  
sunt, suis sunt capitibus subordinata, quibus  
etiam singulis hoc primum *πρῶτον* est, ut suo  
unumquodque capiti competenter respon-  
deat, illique sese in omnibus accommodet. Mu-  
lieri caput uir est, uiro Christus, Christo Deus.  
Habet ergo mulier suum mispat, quo subest  
uiro tanquam suo capiti, uir suum, quo præest  
mulieri tanquā corpori, & subest Christo tan-  
quam capiti suo. Competit ergo mulieri sub-  
iectionis humilitas & pudor, uiro præeminen-  
tia prærogatiua. Et secundum hanc diuersita-  
tem diuersum etiam est illorum prepon in ha-  
bitu externo. Ita ut non est eadē illis uestiendi

cor-



& mulierem, quemadmodum nec inter Iudeū & Græcum, nec inter seruū & liberum. Et hoc Ambrosium mouisse puto, ut sic exponeret: Christus autem ideo caput uiri est, quia per ipsum cum non esset, formatus est. At hæc ratio ad creationem masculini sexus pertinet, quæ non est ad fideles tantum, sed in uniuersum ad omnes uiros referenda. Sic esset Christus omnis uiri caput, propterea quod per illum est Adam è limo terræ formatus.

Nec insolens uideri debet, uerbum illud per quod facta sunt omnia, quod postremis temporibus humani generis gratia incarnatū est, uocari Christum.

Cogitandum tamen & illud est. Vir est ad imaginem Dei factus, cuius infra quoque mentio fiet. At in hac prærogatiua imaginis & gloriæ Dei inter uiros omnes supereminet Christus, ut etiam hoc nomine recte caput uirilis sexus uocetur. Et hic sensus conueniens uidetur tam coniunctioni quam distinctioni capitis & corporis, & prærogatiuæ quoque, quæ caput membra sua singulari supereminentia excellit. Nec est ut hoc uel ad diuinam uel ad humanam naturam tantum referamus, sed ad totum Christum. Hic est caput omnis uiri, non uxorati tantum, sed & uidui, adolescentis & iuuenis, hoc est totius masculini sexus, in quo perinde atque caput in corpore principatum tenens excellit. Hanc meam cogitationem non temere affirmo, sed alijs iudicandā propono.

CAPUT autem mulieris uir, inquit.] Per uirum & mulierem totum genus humanum in duos sexus includit. Quemadmodū enim per uirum masculinum, ita per mulierem muliebrem sexum, uirgines, maritatas & uiduas intelligit. Duorum istorum sexuum primus & potior est masculinus, ad imaginem Dei conditus, & muliebri præpositus, quem triplici præstantia excellit, ordine uidelicet creationis, dignitate imaginis Dei, & uirib⁹ cum mentis tum corporis, ut non frustra uir ab ipso conditore principatum super mulierē acceperit.

Duorum istorum sexuū unitissima est carnis & naturæ coniunctio, & simul ordinis dispositio, qua qui superior est capitis, qui inferior corporis uicem obtinet: unde non tollitur eiusdem carnis & naturæ unitas, sed magis impletur & conseruatur. Quemadmodum enim in corpore humano non destruitur ex eo eiusdem naturæ & carnis unitas, quod diuisum est in caput & membra, & caput præstantius est & excellentius reliquis membris, illaque gubernat & moderatur, ita inter uirum quoque & mulierem non soluitur generis, naturæ & carnis unitas hac conditionis diuersitate, qua uir primatum tenet, mulier uero primatui illius subiacet.

Nechinc aliquid est detrimenti muliebri sexui, quod uirilis illi præfertur. Quicquid enim in uiro est præstantiæ, mulieris est commodis destinatum, perinde atque reliquo corpori seruiunt omnes illæ dotes, quæ capiti di-

uinitus sunt concessæ. Hinc multa cogitari diciq; possunt, quæ quoniam parerga sunt hoc loco, consulto transimus. Possunt illa bipartiri, sicut alia naturalem ordinem, coniunctionem, conuictum, & mispat utriusque generis humani sexus, quo alter est alteri obstrictus, & quæ hisce sunt annexa, alia mysterium Christi & ecclesiæ concernant, quo nobis ille uice capitis, ista uero corporis proponitur, utpote Coloss. i. ubi Apostolus dicit: Et ipse est caput corporis ecclesiæ, qui est principium primogenitus ex mortuis, ut sit in omnibus ipse primum tenens, quia in ipso complacuit omnē plenitudinem diuinitatis inhabitare, & per eum reconciliari omnia, &c. Et Ephes. 5. Mulieres uiris suis subditæ sint, sicut domino. Quoniā uir caput est mulieris, sicut Christus caput est ecclesiæ, ipse Saluator corporis ipsius, & quæ ibi plura sequuntur. Ex duobus illis locis uidemus, quomodo metaphora capitis & corporis Christo competat & ecclesiæ, Christo inquam soli, & corpori ipsius, ecclesiæ uidelicet electorum & fidelium.

Contendunt hodie Romanum pontificem esse caput ecclesiæ. Quod me attinet, concedo hoc facile. Videmus illi ecclesiam esse subiectam, cui dominatur per omnia. Ecclesia autē est corpus quoddam multitudine credentiū, & unitate religionis constans & compositū, quo sensu & Iudæi & Turci quoque suam habent ecclesiam. Deinde unumquodque caput sui corporis caput est, non alieni. Si caput est ecclesiæ Romanus pontifex, omnino suæ est caput, non alienæ. Igitur eius quæ Christi est caput esse non potest, nisi facturi sumus ex ecclesia monstrum biceps. Imò quod adhuc absurdus est, nisi daturi sumus ecclesiæ electorum non simpliciter duo capita, quæ sint æqualia & forma & conditione, & dignitate, & sensu, & spiritu, & facultate *ὑπομονῆς*, sed in his omnibus omnium à seinuicem diuersissima, unum terrenum, alterum cœleste, unum mortale, alterum immortale, unum in peccatis conceptū & natum, alterum à peccato alienissimum, unum inconstans, & post mortem prioris alterius successione alterabile, alterū idem & perpetuum, unum in cuius pectoris scrinio inhabitet, indeque promanet omnis plenitudo non potestatis, non pietatis, non iusticiæ, non sanctæ intelligentiæ, sed fraudis, doli, maliciæ & nequitiae, superbiae, mendacii, auariciæ, simoniæ, & omnis generis pessimarum cupiditatum ac libidinum, alterum in quo habitet omnis plenitudo diuinitatis, gratiæ, sapientiæ, iusticiæ, & spiritualium charismatum, quæ corpori suo largiter communicat, unum quod sit pestis & perditio, alterum quod sit salus & uita, unum quod disturbet & confundat omnia cœlestia & terrestria, diuina & humana, alterū quod conciliet omnia tam terrena quam cœlestia. Tam diuersis capitib⁹, obsecro, quomodo unum & idem ecclesiæ corpus subijci poterit? Quid quod Romanum hoc caput nec ab India,

Quomodo  
Rom. pon-  
tifex caput  
sit ecclesiæ.



Indiæ, nec Persiæ, nec Syriæ, nec Asiæ, nec A-  
phricæ, sed à paucis quibusdam, aliarum res-  
pectu, Europæ ecclesijs agnoscitur? An arctabi-  
mus ecclesiam Christi in solam Europā? Ab-  
sit. Ergo nascetur nobis aliud monstrum eccle-  
siæ, non modo bicipitis, sed & bicorporis, cu-  
ius unum corpus sit biceps, alterum acepha-  
lon. Neque enim eius ecclesiæ quæ Romanum  
caput non agnoscit, Christum esse caput con-  
cedunt, neque in ea quæ Romano capiti sub-  
iecta est, Christum unā cum suo pontifice, capi-  
tis tenere eminentiam affirmare ueretur. Ab-  
sint hæc portēta à uera Christi ecclesia, de adul-  
terina uiderint qui illam pro uera amplectun-  
tur. Sed pergamus.

CAPVT uero Christi Deus, inquit.] Dixi-  
mus per hanc capitis & corporis metaphora  
summam eiusdem naturæ & essentiæ unita-  
tem, & simul competentis discretionis ordi-  
nem exprimi. Vnitas inter Deum & Christū  
omnium est unitissima, quod naturam & es-  
sentiam diuinitatis concernit. Quare non est  
hic locus Arrianis. Licet enim caput Christi sit  
Deus, id tamen usqueadē non tollit diuini-  
tatis à Christo naturam, ut eam magis requi-  
rat & confirmet. Etenim nisi eadem utrobique  
sit natura, metaphora hæc capitis & corporis  
locum habere non poterit. Quod autem ca-  
put superius est corpore, non est hoc ad diui-  
nam naturam qua filius æqualis est patri, sed  
ad humanam referendum, cuius ipse respectu  
dixit: Pater maior me est. Et, Vado ad Deum  
meū & Deū uestrū, & q̄ alia sunt huiusmodi.

Nos hic admonemur, primum, ex Deo esse  
omnia, tanquam ex fonte omnium. Deinde  
per Christum illi genus humanum coniungi,  
idque mediatione non uulgari, sed tali quæ u-  
nitate eiusdem illi cum patre, & nobis cum il-  
lo naturæ cōstet. Tertio in ipso genere nostro  
positam esse coniunctionis huius imaginem,  
copulatione maris & fœminæ, quæ tum esset  
perfectior ac felicior, si ad unitatē Dei & Chri-  
sti propius accedens, non modo carne & na-  
tura eadem, sed eodem quoque cœlesti spiritu  
constaret. Verum hunc defectum philanthro-  
pia Dei in Christo capite nostro sarcire digna-  
ta est, in quo perfecta est non solum naturæ &  
essentiæ diuinæ cum humana, sed & eiusdem  
spiritus coniunctio. Quare quod hic dicit: Ca-  
put uero Christi Deus, non sic est accipiendū  
à nobis, ut Christum separatim inspiciamus,  
sed ut nos in illo, tanquam capite compræhen-  
sos, supremo capiti Deo subiungi, atque ita il-  
lum hac intermediatione, omnia esse in omni-  
bus sentiamus, donec ea plenitudo accepto à  
Christo regno in fine mundi consummatissi-  
ma reddatur.

Hactenus sententiā hanc Apostoli utcu-  
que & separatim inspeximus, qua omnis uiri  
caput Christum, mulieris uirum, Christi Deū  
esse dicit, iam uidendum est quorsum eam in  
præsenti causa induxerit, quidq; & quomodo  
ex illa colligat.

A Omnis uir orans aut prophetās quic-  
quam habens in capite, probro afficit ca-  
put suum. Omnis uero mulier orans aut  
prophetans non uelato capite, dehone-  
stat caput suum.

Hoc est quod ex præmissis axiomate infer-  
re uoluit. Poterat dicere. Ergo omnis uir orās  
& prophetans aperto, & omnis mulier orans,  
&c. tecto sit capite, uerum ut sententiam hanc  
præmissis axiomati accomodet, & simul id  
quod in illorum ecclesia fiebat, redarguat, di-  
cit: Omnis uir orans aut prophetans quicquā  
habens in capite, probro afficit caput suum.  
Omnis uero mulier orans aut prophetans nō  
uelato capite, dehonestat caput suum.

Nihil hic est obscuri in sensu. Verum de illo  
disputari potest, quomodo consequatur hoc  
ex præcedenti axiomate: Deus est caput Chri-  
sti, Christus uiri, uir mulieris, ergo caput suum  
dehonestat uir, si tecto, & mulier, si aperto ca-  
pite oret aut prophetet.

Primum, si uelament capitis dedecorosum  
est in uiro, quur non & in muliere? Rursus, si  
nuditas capitis inhonesta est in muliere, quo-  
modo non & in uiro, cum in Christo Iesu ni-  
hil sit discriminis inter uirum & mulierem?  
Deinde quid iniuriæ accidit hinc uel Deo uel  
Christo, uel ipsis uiris & mulieribus?

Respondeo paucis. Quod gratiam regni  
Christi attinet, qua per fidem in sanguinem il-  
lius saluamur, nihil discriminis est inter uirum  
& mulierem. Hic nulla est uiro prærogatiua,  
nullum mulieri detrimentum. Verum in ex-  
terna politia non modo mundana, sed & ec-  
clesiastica discriminis multum est inter duos  
sexus uirilem & muliebrem, sic ut uiro liceat,  
quod mulieri sit illicitum, & contrā, mulierē  
deceat quod uiro sit incōueniens. Habet quis-  
que sexus suum decorū, cuius in sæculo quo-  
que publicæ honestatis gratia magna habetur  
ratio, tanto in ecclesia maior habenda, quanto  
illi plus est sapientiæ ac gratiæ diuinitus con-  
cessum, unde illud est Apostoli: Quæcunque  
sunt uera, quæcunque honesta, quæcunque iu-  
sta, quæcunque pura, quæcunque accommo-  
da, quæcunque boni nominis, &c. hæc cogi-  
tate. Ratio autem decori primaria & huc per-  
tinens, in utroque uirili ac muliebri sexu ab or-  
dine dependet, quo quæcunque infra Deum  
sunt, suis sunt capitibus subordinata, quibus  
etiam singulis hoc primarium *πρῶτον* est, ut suo  
unumquodque capiti competenter respon-  
deat, illique sese in omnibus accomodet. Mu-  
lieri caput uir est, uiro Christus, Christo Deus.  
Habet ergo mulier suum mispat, quo subest  
uiro tanquam suo capiti, uir suum, quo præest  
mulieri tanquā corpori, & subest Christo tan-  
quam capiti suo. Competit ergo mulieri sub-  
iectionis humilitas & pudor, uiro præeminen-  
tia prærogatiua. Et secundum hanc diuersita-  
tem diuersum etiam est illorum prepon in ha-  
bitu externo. Ita ut non est eadē illis uestiendū



corporis, ita non est eadem regendi capitis ratio. De capite meminit Apostolus, quia quod in eo membro peccabat, corrigere statuit. Capiti muliebri competit uelamen, symbolum subiectionis, uirili uero aperta nuditas, symbolum præminentie. Mulier ergo, dum tecto capite apparet, & orat in ecclesia, seruat suum decorum, & cohonestat suum caput, uirum uidelicet, cui se manifesto subiectionis symbolo subiectam esse profitetur. Vir contra, dum libero & aperto capite in ecclesia Dei orat & prophetat, suum & ipse decorum retinet, & suum caput Christum cohonestat, à quo uiriliter excellentiæ gloriam accepit.

Hoc igitur sensu ex præmissis axiomate colligit Apostolus, quoniam uir caput est mulieris, uiri uero Christus, consequi, ut mulier dehonestet caput suum, si nudo, uir uero suum, si tecto capite oret aut prophetet, propterea quod hac inuersione decorum suum abijciant, & ordinis diuinitus instituti leges transgrediantur. Hæc de uiro & muliere infert ex ordine subordinatorum, quæ præcedenti axiomate posuit, unde de Deo quoque & Christo multo poterat præstantiora inferre. Verum quia illa non faciebant ad propositum, ea tantum intulit, quæ ad causam quam agebat, pertinere uidebantur. Videamus nunc ipsa uerba.

OMNIS uir orans, inquit, aut prophetans.] Quemadmodum supra diximus, non loquitur Apostolus de uxoris tantum, sed & adolescentibus, iuuenibus, senibus, agamis & uiduis, hoc est, de toto uirili sexu. Consimili modo cum dicit: & omnis mulier, mulieris uocabulo uirgines quoque & uiduas, non maritatas tantum, complectitur, sicut hac sententia etiam filias Philippi diaconi uirgines, orantes ac prophetantes constringat.

ORANS, inquit, & prophetans.] Orabant, gratias agebant, psallebant, & prophetabant in cœtu fidelium libere & palam qui uolebāt, pro abundantia spiritus, qui initio nascentis ecclesiæ iuxta uaticinium Ioëlis in corda fidelium cœlitus infundebatur. Orationis uocabulo Psalmos quoque & gratiarum actionem comprehendit. Prophetia tum erat in ecclesia duplex. Una, qua docendo prædicabant, altera, qua futura uaticinando prædicebant. Nihil uetat, quo minus Apostolum hic de utraq; loqui sentiamus, quando quidem utranq; in usu fuisse constat. Quanquam non repugno, si quis uel de priori, uel de posteriori tantum intellexerit.

QUICQUAM habens in capite, inquit.] In Græco est, κατὰ κεφαλὴν ἔχων, id est, in capite habens. Et exponunt nonnulli non solum de ueste qua caput inuoluere, uel pileo, quo illud obtegere solebant, sed & de coma & capillo, quasi etiam qui comam habet, recte aliquid in capite habere dicatur, qui sane loquendi modus eum apud nos sensum non habet.

PROBRO, inquit, afficit caput suum.] Exposuimus non de capite naturali, sed metapho-

rico, secundum præmissum axioma, quo Christus caput uiri, & uir mulieris esse dicitur. Verum nolim admodum reluctari si quis exponat non de Christo, metaphorico uiri capite, sed de eo quod inter orandum & prophetandum contra sexus sui decorum aliquo tegumento operit, & consimiliter de capite mulieris, quod illa denudat in cœtu sacro. Etenim non solum Christum uir, & uirum mulier, sed & sua ipsorum capita dehonestant, dum illa citra decorum sexus sui uel tegendo uel aperiendo in ecclesia fidelium, non ornant, ut putant, sed deformant.

Obseruandum autem est, quod hac sententia non damnat uirum, si extra cœtum sacrum utatur pileo, pro suo commodo, aut mulierem, si domi suæ capite sit aperto. Neque enim simpliciter dicit: Omnis uir quicquam habens in capite, neque: Omnis mulier capite existens non uelato, deturpat caput suum, sed cum specificatione: Omnis uir orans aut prophetans, quicquam habens in capite, & Omnis mulier orans & prophetans non uelato capite, dehonestat caput suum.

Illud quoque admonuerunt nonnulli, non constringi hac sententia ministrum uerbi, publice in ecclesia docentem, quo minus si frigus sit, pileolo inter docendum utatur, modo initio sermonis capite sit libero ac nudo, cui moderationi facile assensero, præsertim in senibus. Eos tamen excusare non possum, qui & ætate iuniores, & tempore æstiuo, pileati dicunt ad ecclesiam, haud secus, quam si sententia hæc Apostoli ad ipsos nequaquam pertineat. Horum nonnulli caput suum dehonestant pileo, & digitos ornant auro.

OMNIS uero mulier orans aut prophetas.]

Quærent hic, quomodo mulierem caput suum dehonestare dicat, si prophetet capite aperto, cum infra circa calcem cap. 14. præcipiat illis ut in ecclesia taceant, eò quod turpe sit mulieri in ecclesia loqui. Et 1. Tim. 2. dicat: Ceterum mulieri docere non permitto. Quid opus est, inquiunt, præcipere ne capite aperto prophetet mulier, cum hoc illi nec tecto quidem facere liceat? Respondeo. Muliebrem temeritatem coercet, ne ut sunt plerumque loquaculæ, ad docendum ac prophetandum sexus sui oblitæ profiliant, ubi uetat eas prorsus in ecclesia loqui. Verum interea non extinguit spiritum, quo nonnullæ inflatæ futura prædicando prophetabant, quales fuerunt filiae Philippi diaconi, & aliæ multæ, quæ prophetarunt, secundum uaticinium Ioëlis cap. 2. ubi sic legimus: Et erit post ista, effundam spiritum meum super omnem carnem, & prophetabunt filij uestri & filiae uestre. Propter tales pronunciat, quod caput suum dehonestent, si nudo capite orent aut prophetent, de ceteris aliam laturus sententiam, si ad munus docendi etiam tectis capitibus prorupissent.

Alij aliter ad hanc quæstionem responderent, Apostolum uidelicet unum improbandum non probare



probare alterum, sed improbationē illius differre in locum alium. Sane ita habet. Nō mox actum probat, qui modū illius speciali de causa improbat. Lyranus sic. Dicendum quod Apostolus intelligit ibi, 1. Timo. 2. de sermocinationibus & doctrinationibus publicis, hic uero de orationibus & informationibus quas mulieres religiosae in suis collegiis faciūt, quae fierent indecenter capite non uelato. Hec ille, defendens muliebrem & anilem Nonnarū temeritatem, qua sibi praeminentiam & magisterium in alias foeminas eiusdem superstitionis consortes sumūt, inq; illorum collegiis sedendo praecipiant ac statuunt, quasi Apostolo quicquam de illis uenerit in mentem.

Vnum enim est & idem cum ea quae rasa est. Quod si non uelatur mulier, tondeatur etiam. Si uero turpe mulieri est tonderi aut radi, obueletur.

Apparet id quod in praecedenti dixit: dehonestat caput suū, de nudo mulieris capite, nō de uiro, esse intelligendum. Reddit enim hic illius rationem, eamq; talem, quae nequeat ad uirum referri, quem mulieris caput esse dixit. Omnis uero mulier, inquit, orans aut prophetans non uelato capite dehonestat caput suū. Quomodo? Vnum enim est & idem, inquit, cum ea quae rasa est. Hoc est. Quia sic in cœtu sacro nudo capite comparens nihil differt à rasa ac tonsa, sed perinde est ac si sit rasa. In Greco est: *ἐν γὰρ καὶ τὸ αὐτὸ ἐστὶ τῇ ἀνδρὶ καὶ τῇ θύγεραι*, quod legi potest etiam hoc pacto, unū enim est & idem cum eo quod rasum est, ut referatur ad nudū mulieris caput, & subintelligatur post illud *τῇ θύγεραι, τῇ κεφαλῇ*, id est, unum enim & idem est cum raso capite. Nihil tamen refert utram lectionem teneamus. Sensus enim idē manet.

Reddit igitur sententiae suae rationem sumptam à turpitudine rasae uel tonsae mulieris. Sane ita habet. Communi sensu perturpe est foemina rasa. Nec quicquam est, à quo mulier magis abhorreat quàm à turpitudine. Sic enim natura comparata est, ut cupiat placere uiris. Et hoc studio multa est in ornando suo corpore, capite praesertim, cuius capillos studiofissime nutrit ac componit. Argumentatur igitur in hunc modum. Cum sexus hic muliebris natura à corporis sui, maxime capitis, turpitudine abhorreat, quomodo sic desipit mulier, ut in cœtu sacro caput suum dehonestet? Dehonestat autem illud, dum inter orandum aut prophetandum apertum ac nudum ostendat. Quare? Quia nuditas illa muliebris capitis nihil differt à tonsura. Norunt autem omnes quàm turpe sit mulier tonsa ac rasa. Consequens igitur est, ut ueletur, si non uult turpis haberi.

Sunt haec satis perspicua. Verum dicit hic quisquā. Atqui mulier ob id ipsum caput suū denudat, & capillos uel demissos uel studiose compositos ostendat, quod se putat hoc pacto posse placere uiris, tam abest, ut nuditate hac

A caput suū deturpari existimet. Et Apostolus ipse paulo infra comam mulieri gloriae esse fatetur. Quomodo ergo nudū illius caput, hoc est, à uelo liberum, perinde est turpe ac si sit rasum? Rasum quidē, communi sensu turpe est, apertum uero ad capillos usq;, praesertim si illi sint insigniores, non turpe sed spectabile habetur. Quare ratio haec Apostoli cōmuni sensu in eo cōstare non potest quod dicit: Vnum enim & idem est cum ea quae est rasa.

Respondeo. Habet haec ratio interpretationem, cuius ueritas non ex communi sensu, sed ab eo dependet, quod illos initio causae huius scire uolēs dixit: Sed uolo uos scire, quod omnis uiri caput Christus est, caput autem mulieris uir, & caput Christi Deus. Hec scientia nec tum erat neq; nunc est communis omnium, sed pendet à cognitione ordinis à Deo dispositi. Quemadmodum igitur ex hoc ordine subordinatorum capitum consequitur turpe esse uiro, si tecto, & mulieri si aperto ac nudo capite oret, eaq; turpitudine dehonestari ipsorum capita, ita & illud consequitur, quod hic unum & idem esse dicit, si nudo capite oret mulier, ac si sit rasa uel tonsa. In oculis uidelicet Dei, & secundum iudicium ordinis à Deo constituti, secundum quem uiri decorum est nudo orare ac prophetare capite. Hoc cum facit mulier, decorum suū abijcit, & quod uiri est usurpat. Abiecto autem decoro ordinis Dei, non honestatur capillis sed magis deturpatur, ut nihil iam in conspectu Dei differat à tonsa uel rasa. Sic quod naturae ornamentum est uertitur in turpitudinem coram Deo, si decorum sexus diuinitus cōstitutum abijciatur. Tonsum esse uiri est non mulieris. Mulier nudo capite oras, quatenus decorum suum abijcit, haecenus ad id quod uiri est aspirat. Quare nihil differt ab eo quod omnino uiri est, à tonsura uidelicet uel rasura capitis, quandoquidem sexus sui *πρὸς* abiecit.

Consimili modo poterat & de uiro dicere. Omnis uir orans aut prophetans tecto capite dehonestat caput suum. Vnum enim & idem est ac si sit peplo muliebri obuolutus. Quod si non orat capite nudo, obueletur etiam peplo. Si uero turpe est uiro, uelari & obuolui peplo, denudetur. Quasi dicat. Quoniam abiecto uirilis sexus decoro ea quae mulierum sunt affectat, dignus est, qui instar mulierū peplo obuoluatur. Nam nihil differt ab eo quod est mulierum. Sic cogitabat, puto, abbatissa quaedā, quae anno millesimo quingentesimo uicesimo quinto oppressa rusticorum seditione suos rusticos in pœnam seditionis sic multauit, ut quotquot erāt à cede superstites pepulum muliebrem non domi modo, sed & foris in agro, in foro, & in ecclesia gestare cogeret. Hac ignominia muliebres illorum animos dignos esse cēsuit. Verum Apostolus de uiris hic tacet, sed mulieres uehementius, quemadmodum & in sequentibus, urget, propterea quod maiore licentia hac in re peccabant.



QVOD si non uelatur mulier, inquit, tōdea tur.] In Græco est, *ἐὰν γὰρ ἡ κατακαλύπτεται γυνή*, id est, si enim non obuelatur mulier. Rationale uoculam hoc loco tanquam ociosam omittimus, ne sit incommoda sensui. Et hanc ob causam in nonnullis Latinis exemplaribus non legitur. Conuenientius esset legere, *ἢ δὲ*, id est, si igitur, ut sit illatio ex præcedenti.

si uero turpe est mulieri tonderi aut radi, obueletur.] Turpe hoc esse notum est omnibus illis nationibus, quæ aliquo adhuc naturæ sensu tenentur. Secus uero apud illas, quarum mulieres uulgo, ut audio, tondentur, uiri uero comati incedunt. Debebant hinc nonnæ & moniales admoneri, quàm sit alienum à decoro naturæ, quod tondentur. Obuelatur quidem in publico, idq; non uulgari tantum modo sed & singulari ac tincto panniculo, religionis indice, intus tamen sunt tonsæ. Quorsum tondentur, cum sint uelatae? Tonsuram Apostolus tam non requirit in Christiana fœmina, ut palam etiam turpem esse dicat. Illæ uero sic dementantur, ut nisi tondentur religiosas esse se non posse putent quasi Christiana religio re absurdam & naturæ contrariam poscat. Hoc uidelicet spectabat concilium Gangræse, cum Can. 17. sic statueret: Quæcunq; mulier religioni iudicans conuenire, comam sibi amputauerit, quam Deus ad uelamen eius & ad memoriam subiectionis illi dedit, tanquam resoluens ius subiectionis, anathema sit. Hæc ibi. Et dementatio ista eousq; creuit, ut cōiugatq; quoq; tonsuram monasticam religionis gratia accipiant, quas hodie Tertianas uocāt. Sub peplo gestant tōsuram, qua se partim monachis partim maritis suis obstrictas esse profitetur. Detestandum plane maritorum genus, qui uxores suas cum monachis non modo occulta societate sed & manifesta professione scienter communicant.

Vir quidem non debet obuelare caput, cum sit imago & gloria Dei, at mulier gloria uiri est. Non enim est uir ex muliere, sed mulier ex uiro. Neq; enim conditus est uir propter mulierē, sed mulier propter uirum. Propter hoc debet mulier potestatem habere in capite, uel propter angelos. Alioqui neq; uir absq; muliere, neq; mulier absq; uiro in domino. Nam quemadmodum mulier ex uiro est ita & uir per mulierem, omnia uero ex Deo.

Postquam primariam sententiæ suæ rationem ad exprimendam denudati inter orandū muliebris capitis turpitudinem explicuit, reddit ad discriminandum inter uiri excellentiā & mulieris humilitatem ac subiectionē, quo alijs adhuc argumentis confirmet, orandum esse mulieri capite obuelato, uiro uero nudo & aperto. Vir quidem, inquit, non debet obuelare caput, debet uero mulier. Quare? Quia uir

est, inquit, imago & gloria Dei, mulier uero gloria uiri. Argumentatus est initio, ex eo qd uir caput est mulieris, Christus uero caput uiri, & Deus caput Christi. In præsentī adducit argumētum ex prærogatiua uiri, quam habet ex cōditione creationis qua factus est ad imaginem Dei, teste scriptura Gen. 1. Faciamus hominem ad imaginē & similitudinem nostrā, & præsit piscibus maris, &c. Propter hanc quoque prærogatiuam competit uiro, ut capite sit libero & aperto, quandoquidem obuelatio capitis symbolum habet subiectionis. Quomodo autē imago Dei sit uir, in Genesi diximus. Propter principatū uidelicet totius orbis, in quem est ab initio conditus. Et quoniam dotibus suis ad eam est maiestatem à Deo instructus, ut cum gloria principatum suum gerere possit, dicit eum non imaginem modo sed & gloriā, hoc est, decus & ornamentū esse Dei, à quo hæc omnia accepit, quemadmodū principes regni gloria sunt regis.

At mulier, inquit, gloria uiri est.] Id est, decus & ornamentum uiri. Non quod ab illo sit condita, aut quæ habet ab illo acceperit, sed quod ad illum pertinet, & ex illo ac propter illum est facta. Debet igitur illa uelare caput, ut eo symbolo subiectionem, in quam est posita profiteatur.

Sed dicit quisquam. Atqui ad imaginē hanc & gloriam Dei non uir tantum sed & mulier pertinere uidetur. Sic enim loco paulo antè citato dicit scriptura. Et creauit Deus hominē ad imaginem & similitudinem suam, ad imaginem Dei creauit illū, masculum & fœminā creauit eos, benedixitq; illis Deus & ait: Crescite & multiplicamini, & replete terrā & subijcite eam, & dominamini piscibus maris, &c. Non dicit: masculum creauit eum, sed masculum & fœminā creauit eos. Nec dicit: benedixit illi Deus & ait: Cresce & multiplicare, & reple terram & subijce eam, & dominare, &c. sed in plurali ad utrunq; tam fœminam quàm uirum, crescite, multiplicamini, replete terrā, & subijcite eam, & dominamini, &c. Quemadmodum igitur benedictio hæc Dei, crescēdi, multiplicandi ac terram implendi non ad uirum tātum sed & ad mulierem pertinet ita & dominatus terræ, in quo est imago Dei, nō uiro tātum sed unā cum illo & mulieri est deputatus. Quomodo igit mulier ab hac dignitate separatur ab Apostolo, quasi uir solus imago sit & gloria Dei?

Respondeo. Quatenus masculus & fœmina coniuncti unum hominem & carnem unā constituunt, hætenus non uir tātum, quia nō solus, sed unā cum muliere imago est & gloria Dei. Quod uero ordinē concernit, quo discreti sunt inter se, sic ut uir sit caput mulieris, illique præsit, item quod attinet dotes uiro principatus gratia diuinitus traditas & administrationē principatus, hætenus uir solus imago est & gloria Dei. Hominem definimus animal esse rationale. Prædicatū hoc carni quoq; compe-



competit, quatenus illa ad plenitudinem hominis pertinet, quamuis dotes rationis nō in sint illi sed menti, & rursus non competit, quatenus facultas rationis non illi sed menti est concessa, q̄ proprie rationalis uocari potest. Et Christus imago est & gloria Dei, solus, quod attinet prærogatiuam unigeniti Dei, non solus, quod attinet coniunctionem carnis & spiritus, quæ ecclesiæ suæ coniungi uoluit, propter quam coniunctionem & nos in illo & cū illo regnamus. Hoc pacto sentiri posse puto & in hac causa. Imaginis & gloriæ Dei particeps est & mulier, quatenus caro uiri est & ad plenitudinem illius pertinet, nō est particeps si separatim consideretur, quatenus uiro est, tanquam capiti suo subiecta. Ad priorem sensum pertinent, quæ in Genesi leguntur, ad posteriorem uero, quæ hic ab Apostolo præsentis causæ conuenientia dicuntur.

Non est autem præter rationem, quod cū de uiro dixerit, quod imago sit & gloria Dei, de muliere non subiicit, at mulier imago & gloria uiri, sed, at mulier gloria uiri est. Mulier enim sic est gloria, id est, decus & ornāmentum uiri, ut tamē non sit illius imago, sicut ipse est imago Dei. Neq; enim instar uiri est, sicut uir instar est Dei, ad cuius est imaginem constitutus. Potest tamen aliquo pacto imago uiri dici. Hactenus uidelicet, ut quemadmodum Luna imago Solis ob id recte uocari potest, quod noctu absentis illius uices sustinet, ita mulier absentis uiri uicem gerēs imago uiri dicatur. Sic uidemus matresfamilias in absentia maritorum suorum gubernationem sustinere domus, quemadmodū imago rem ipsam cuius est imago, repræsentat.

Habent hic utriq; & uir & mulier unde admoneantur officij sui. Si uir est imago & gloria Dei, competit illi ne dignitatis huius prærogatiuam in probrum nominis Dei peruerat, summo studio conniti, ut quod est ex diuina dignatione, id pietate & iusticia p uiribus exprimat. Deinde, quatenus gloria ipsius est mulier, hactenus illam honorifice non ut seruam sed ut sociam tractet. Mulier, quoniā gloria uiri est, cogitabit cauendum sibi esse, ne in probrum uiri degeneret, hoc est, ne sic se gerat uel uerbis uel moribus, uel habitu indecenti, ut uiro sit ignominia magis quā gloria.

NON enim est uir ex muliere, inquit, sed mulier ex uiro.] Rationē reddit eius quod mulierem gloriam uiri esse dixit. Hanc adfert duplicem. Vna est, quod ex uiro desumpta est mulier. Altera, quod propter uirum est condita. Emphasim habet, quod non simpliciter dicit. Est enim mulier ex uiro, & propter uirum condita, sed. Non enim est uir ex muliere, neq; propter mulierem, sed mulier ex uiro, & propter uirum. Sic iterum luculenta discretionē discernit inter uirum & mulierem, & huic prærogatiuam suam uindicat, illam uero præeminentiē ipsius subiicit. Etenim potius est id, unde & propter quod aliud, quā quod ex illo

A & propter illud deducitur. Debetur enim illi gloria & originis & causæ. Virum dixit nō debere obuelare caput suum, eo quod sit imago & gloria Dei. Hic illud etiam ex eo probat, q̄ uir neq; ex muliere est neq; propter mulierem conditus. Mulierem caput suum obuelare debere dixit, eo quod sit gloria uiri. Hoc probat dicens: sed mulier est ex uiro, item, sed mulier est propter uirum. Contrarium utriusq; præferebant Corinthij, in eo quod mulier nudo & uir tecto capite orabant, quasi uir ex muliere & propter mulierem sit conditus. Quare cōstanter hoc negans dicit: Non enim est uir ex muliere, sed mulier ex uiro, neq; conditus est uir propter mulierē sed mulier propter uirū.

Rationem autem hanc utranq; ex historia creationis usurpat, quæ Gen. 2. legitur. Quod mulier sit ex uiro, sic memoratur illic. Immisit dominus Deus soporem in Adam, cumq; obdormiisset tulit unam de costis eius, & repleuit carnē pro ea. Et ædificauit dominus Deus costam quam tulerat de Adam in mulierem, & adduxit eam ad Adam. Dixitq; Adam. Hoc tandem os est ex ossibus meis, & caro de carne mea. Hęc uocabitur *nux*, id est Vira, si sic loqui liceret, quoniā de uiro sumpta est. Quod uero condita sit mulier non solum ex uiro sed & propter uirum, ibidem sic legitur. Dixitq; dominus Deus: Non est bonum hominē esse solum, faciamus ei adiutoriū simile ipsi. Item: Adæ uero non inueniebatur adiutor similis ipsi. Immisitq; dominus Deus soporem in Adam, &c. Hæc ibi. Ergo mulier facta est & propter uirum & ex uiro, ut sit illi adiutoriū eiusdem cum illo consors & carnis & naturæ, quæ de repletaq; notari possunt, de quibus in Genesi nostra nonnulla attigimus.

Sed nascitur hic quæstio ex præsentis argumento Apostoli quō mulierem subiicit uiro, tāquam ob id potiori quod ex illo & propter illum est condita. Dixerit enim quisquam. Si potior est uir muliere propterea quod ex illo est & propter illū condita, consequitur & nos potiores esse Christo, eandē ob causam, quod ille ex carne nostra & propter nos homo est factus, atq; ita uel falsum erit Apostoli argumentum, quo illum nobis loco capitis præponit, & nos illi loco sponsæ & corporis subiicit Eph. 5. & Coloss. 1. uel non firmum est quod hic argumentatur, inferiorem esse mulierem uiro, propterea q̄ ex illo & propter illū est condita.

Respondeo. Inspiciantur hic & distinguantur circumstatiæ Christi & mulieris. Aliter est ex uiro & propter uirum mulier, & aliter est ex carne nostra & propter nos Christus. Mulier priusquam ex costa Adæ formaretur non erat in rerū natura. De Christo hoc dicere non possumus quod non fuerit priusquam ex uirgine nasceretur. Antequā Abraham esset ego eram inquit Iohan. 8. nedum, antequam esset Maria. Quare nō debet nobis originem suam, sicut mulier debet uiro. Deinde, mulier haud suo pte consilio scienter ac prudenter originē suam



suam ex uiro desumpsit, sed ignara eorū quæ diuinitus agebantur ex costa illius est formata. At Christus non inscius sed scienter & suapte spōte ex nobis dignatus est incarnari. Tercio, mulier nō sic est ex uiro & propter uirum condita, ut illum periclitantē seruet & ne pereat in omnibus moderetur & gubernet. Sed ut adiumento quidem sit in propagatione generis, uerum cætera ab illo tāquam capite suo regatur & alatur. Christus uero sic est ex nobis & propter nos natus, non ut à nobis regatur, alatur ac seruetur, sed ut noster ipse sit Seruator & gubernator. Quare non ob id est nobis inferior, quod ex nobis & propter nos est homo spōtanea & gratuita dignatione fact⁹, inferior uero mulier est ob id uiro, quod ex illo est ac propter illum priusquam esset condita, atque ita manet argumentum Apostoli ratum ac firmum.

PROPTER hoc, inquit, debet mulier potestatem habere in capite.] Colligit. Quoniam mulier est ex uiro & propter uirum, conuenit illi tanq̃ subditę caput non apertum sed obuelatum. Quod uulgata uersio habet, debet mulier uelamen habere, in Græco est, *ὁφθαλμοὶ καὶ χιτὼν*, id est, debet mulier potestatem habere. Vtitur uoce hic nō propria sed figurata. Velamen capitis muliebris uocat potestatem, propterea quod signum est eius potestatis, uiriliter uidelicet, cui se hoc gestamine subiectam proficitur. Consimili ratione posset uocari subiectio, tanq̃ subiectionis symbolū. Non est autem præter rationem, quod figurata hac est locutione usus in re, quam Corinthij non satis intelligebant, quo illos admoneret, quæ sit ratio muliebris pep̃li, q̃ non simpliciter ad hoc faciat, ut caput contra frigus tegat, & honestari quoq; seruiat, sed & ut symbolum sit potestatis ac iuris uiriliter, cui se mulier gestamine hoc pep̃li subiectā esse fateri debet. In capite regimen est ac potestas in corpus subiectum. Et quoniam potestas hæc uiro data est à Deo non mulieri, cōuenit, ut caput mulieris sit obuelatum ac tectum potestate uiri, non liberū & apertum, quasi propriæ sit potestatis ac nulli subiectum. Insertum esse debet potestati uiri, ac circumscriptum, ne quid faciat suo pte arbitrari, sed totum seruiat uoluntati uiri. Habet muliebre caput suas quoq; dotes, tam intelligentiæ q̃ naturalium sensuum, uerum habet eas nō liberas sed potestati uiri subiectas. Quapropter ne duo sint unius corporis principalia ac libera capita, ipsa & ordinis & corporis & unitatis necessitas hoc requirit, ut potestas cedat uni, & subiectio alteri atq; ita liberum & apertum sit quod est superius, obuelatum uero & obstrictum quod est inferius. Vbi hic ordo diuinitus datus inuertitur, sicut muliebre caput regat, & uirile regatur, frustra est externa illa mulierum obuelatio. Nam signū est sine signato, externa subiectionis profectio sine subiectione. Interea tamen ipso gestamine pep̃li peruerfionis huius arguitur mulier, si

dominationis perfidiæ, si alterius uiri sit appetēs. Quicquid enim sub peplo illius uel ut Apostolus loquitur, sub potestate est, quam in capite gestat, id omne ac totum sub uiri est iure ac potestate.

PROPTER hoc, inquit, debet mulier potestatem habere in capite, propter angelos.] De sydera uocula, uel, ut legatur, uel propter angelos. Sensus enim est. Etsi non est pudor mulieri inter eiusdem moris homines nudo comparere capite, nec rationē habere sexus & decori sui, pudor sit saltē propter angelos, quos habet in ecclesia spectatores. Hic non est omnibus eadem sententia, de quibus angelis loquatur Apostolus, propterea quod uox hæc, *ἄγγελοι*, uarie usurpatur. Sonat nuncium & legatum. Et hic dubio procul loquitur de nūcijs Dei, quos ille quo uult mittit. Nuncius Dei est sacerdos in lege, sicuti uidemus Malachiæ. 2. ubi sic legimus. Labia enim sacerdotis custodiunt scientiā & legem requirent ex ore eius, quia angelus domini exercituum est. Nūcius Dei est Apostolus. Sic apostoli, quos ante se Christus misisse legitur Lucæ 9. angeli uocantur. Et discipuli Iohannis quoq; Lucæ 7. Et cœlestes spiritus communiter angeli propterea uocantur, quod à Deo ad obeunda ministeria sua mittuntur. Quod itaq; præsentē locum attingit, alius exponit de ministris uerbi, alius de bonis, alius de malis spiritibus. Mihi arridet illorum expositio qui de bonis spiritibus intelligunt à Deo ecclesię deputatis, idq; non in cōmune tantū sed & singulis fidelibus. Hoc sensu poscit Apostolus, ut in ecclesia imō & aliās, ubi conscientia mortalium nō ueremur, angelorum saltem aspectum reueriti abstineamus ab omni eo quod uel tantillū habet indecori. Quāto quæso satius esset, si populus fidelium ad id fuisset institutus, ut haud dubitaret se agere in conspectu angelorū iussu Dei præsentium, & omnia nostra spectantiū, q̃ quod à surdis ac mutis simulacris impie pendet?

ALIOQVI neq; uir, inq; absq; muliere, neque mulier absq; uiro, in domino.] In Græco est uocula, *καὶ*, quā hic rectius uertes, attamē, q̃ alioqui. Quoniam quod dixit, non esse uirū ex muliere, sed mulierem ex uiro, contra communem propagandi generis nostri modū dictum esse uideri poterat, quo secundum institutionem domini tam necessaria est uiro mulier q̃ uir mulieri, particulā hanc correctionis gratia adiecit. Quasi dicat. Quod uirum nō ex muliere sed mulierem ex uiro esse dico, ad primam illius originem pertinet, quæ ex uiro est facta, nō ad modum propagationis, ad quem nec uir solus absq; muliere, nec mulier absque uiro quicquam præstare potest.

Illud, in domino, nonnulli ad religionē trahunt, uerum simplicius ac rectius exponunt, qui referunt ad institutionē domini, secundum quam ad generis nostri propagationē necessaria est amborū, uiri & mulieris, coniunctio. In Satana uir uiro, mulier mulieri miscetur (uæ turpissimè



turpissimo cœlibatui) at in domino, neq; uir absq; muliere, neq; mulier absq; uiro. Excluditur hic omnis nefaria libido, & utriusq; sexus cōiunctio, quæ nō est in domino, ne scortationes, & adulteria, & incestus probari uideātur.

Potest & sic exponi. Attamen secundū institutionē dñi, neq; uir nascit̃ citra operā mulieris, neq; mulier citra operam uiri. Et sic sequit̃.

NAM quemadmodū mulier ex uiro est, ita & uir per mulierem.] Hoc est. Quemadmodū initio ex uiro condita est mulier, sic postea uir per mulierē prouenit. Sic neq; infringit argumentū uiril̃s prærogatiuæ, quo ad propositum suū est usus, neq; mulierem abijcit infra pedes uiri, sed in consortio, & si nō regiminis, propagationis tamen retinet, atq; ita principatū uiri separat à tyrannide, & mitigat quod mulieri durum esse uidebatur, dum suum illi honorem saluum relinquit, dicens eam perinde esse necessariā uiro atq; uirū mulieri & per illam iam esse uirū, sicut initio condita est illa ex uiro. Admodum in eo se solantur mulierculæ, quod uident se necessarias esse uiris, nec cōtemni & abijci posse quasi inutiles. Deinde in eo quoq; quod non sunt seruæ sed socię, item quod uiri per mulieres sunt æque ac olim mulier per uirum. Hæc solatia non adimit illis Apostolus, sed testimonio suo confirmat modo præminentiam regiminis uiro saluam relinquunt, illique sese subiectas ipso habitu haud grauaturim profiteantur.

Adjicit: OMNIA uero ex Deo.] Hoc est, qđ uir initio conditus, quod ad imaginem & gloriam Dei factus, quod in caput mulieris positus, quod mulier primū ex uiro, quod gloria uiri, illiq; subiecta, quod postea uir per mulierem, quod neq; uir absq; muliere neq; mulier absq; uiro, omnia hæc non sunt ex humana cōstitutione, neq; uiri alicuius neq; mulieris, sed ex Deo, qui ut masculum & fœminā cōdidit, ita inter illos ordinem hunc constituit. Quare nec uir habet, unde contra mulierē insolecat & ferociat, nec mulier unde uiro tanq; capiti suo subiungi, eamq; submissionem capite obuelato profiteri graueſ. Est hæc particula diligenter obseruanda omnibus quibuscūq; statibus, & cuiusuis ordinis hominibus, quod ex Deo sunt quęcunq; sunt ordinata, dispositione siue naturali, siue aliā ad uitæ huius sustentationē, generis nostri propagationē, pacis ac tranquillitatis conseruationē, & cum primis ueræ pietatis religionē necessaria. Vbi cōstat de ordine Dei sicuti cōstat in coniugio legitimo, in magistratu, in ministerio uerbi, & consimilibus alijs, ibi per conscientiam pij homines diuinæ se constitutioni ex animo accommodabunt. Discretionem tamen opus est, ne in hanc ordinationum Dei classem recipiamus quicquid humanitus est constitutū, & incidamus in illud Christi, frustra colunt me docentes doctrinas & mandata hominum.

Inter uos ipsos iudicate. num decorū est mulierem nō uelatam Deum orare?

A Anne ipsa quidē natura hoc uos docet, quod uiro quidem si comatus fuerit pro bro sit; mulieri uero si comata fuerit glorie sit, eo qđ coma pro uelamine data sit?

Arguit eos summæ incogitantia, qua ne ipsius quidem naturę documentū obseruabāt, unde intelligere poterāt, quod nam sit mulieris hac in re decorum. Inter uos ipsos, inquit, iudicate. Fiducia causæ prouocat ad ipsorū iudicium. Res est, inquit, manifesta, & uestris ipsorum consciētis nota, modo illas ad iudicium adhibere uolueritis. Quare depono illā ad uestrū ipsorū iudiciū. Vos ipsos cōstituo iudices.

NVM decorū est mulierē nō uelatam orare, inquit?] Exprimit qua de re iudicare debeāt. Non dicit, num usitatum est? num uenustū est? Erat plus equo usitatum, & habebatur pro uenusto. Placebat carni. Sed, num decorū est inquit? Quasi dicat num ita fieri conuenit? num decet? num honestū est? Monet sensum decori & honesti, & præferendum esse tam publico usui, q̃ uenustati carnis, & sic inditum esse mētibus nostris, ut haud facile pronunciaturi simus decorū esse quicquid usitatum est & carni adlubescit. Sic tñ corrupti sumus, ut oculis magis q̃ recto mētis nostrę iudicio seruiamus.

NVM decorū est, inquit, mulierē non uelatā orare Deum?] Poterat æque dicere: num decorum est uirum obuelatum orare? Verū magis urget fœminas, quia malum hoc in illis & magis inualeſcebat, & plus habebat offendiculi. Hic enim non solum ordo & decorū sexus inuertebatur, sed & concupiscentiæ carnis seruiabatur, oculi uirorū sollicitabantur, & semina prauæ libidinis iaciebātur, atq; ita opus domini in cœtu sacro labefactabatur.

Non est autem ociosum quod dicit: Deum orare. Quasi dicat. Audet ne mulier apparere in conspectu Dei, illumq; orare tanta leuitate & irreuerentia, ut capite nudo, cōtra sexus sui decorū, uerba ad illum facere non dubitet? Si quis hoc ante regem constitutus faciat, an nō merito graues cōtemptus pœnas exigeretur? Magni momenti censetur, uerba facere ad maiestatem regiam. Et certa hic reuerētia, certiq; submissionis gestus requiruntur. Quāto quęso plus reuerentię competit maiestati diuinę? Quomodo non hic amplius de seruando conditionis nostræ decoro cogitamus? Componamus itaq; oraturi ad Deum, non modo interni hominis sensus, quo se humiliant in conspectu Dei, & ad maiestatem illius expauescant, sed & externi habitū & gestus, ne quid in illis sit quod & nos dedecet & contemptū numinis ipiret. Non moratur Deus externa, at interim non amat leuitatem neglecti decori.

AN ne ipsa quidem natura, inquit, hoc uos docet, &c.] Quasi dicat. Usq; adeo ne stupidi estis & incogitantes, ut ne naturæ quidem ductum obserueris? Etiam si Christiani non essetis, an non uel ex ipso naturæ documento intelligeretis, qđ sit indecorū uiro, si recto, & mulieri



lieri si nudo capite oret? Vocat autem naturā, omnium eorum quæ sunt naturalem, constantem, perpetuam, ultroneā ac nullo artificio ac quilitam seriem, uim, & operationem, quæ nō potest nisi opifici & conditori omnium adscribi, quem nonnulli philosophi naturam uocāt efficientem, gubernantem ac *ἀναγκαστικὴν*. Natura hac sic est inter uirum & mulierem discretum, ut uiro probrosum sit, si comā nutriat, mulieri uero decori deputetur, si sit comata. Et hinc est quod muliebri censeatur esse mollicies si comatus sit uir, ut non immerito dixerit ille: Sint procul à nobis iuuenes ut fœmina cōpti. Ipsa natura quod mulieri ornatus gratia largiter subministrat, uiro grauatim & utcunque, utut comam nutrienti, permittit, ut palam ne gare uideat. Quod ueteres alij acrocomæ, alij opisthocomæ, alij simpliciter intonsi fuerunt, nihil incommodat argumento Apostoli, quē admodum nec id quod aliquot regionū mulierculæ uulgo tondetur, & in nōnullis Orientis populis uiri capitibus plusquam muliebriter sunt obuclatis. Antiquum est in hoc mundo & nimis usitatum, multā ab hominibus usurpari ac geri aliter quā naturæ ductus requirat. Et tamen quæ naturaliter sunt omnibus sunt in propatulo, nec incognitum est à conscientijs nostris quodnam sit naturæ decorū. Quare quod hic dicit Apostolus: An ne ipsa quidem natura hoc uos docet, quod uiro si comatus fuerit probro sit? nō dicit secundū iudicium carnis affectibus corruptum, quo coma uiro haudquaquā turpis esse iudicabatur, sed secundum ipsius naturæ documentū, quo etiam non obseruātibus coma uiro probrosa esse monstratur. Docet hoc natura, etiā si pauci obseruent aut alicuius faciant.

MULIERI uero, inquit, si comata fuerit gloriæ sit. Dicit hic quisquam. Quid ergo opus est mulieri, ut artificiosa pepi obuolutione tegatur in cœtu sacro, si naturali tegumento capillorū cum gloria tegitur? Si coma illi est gloriæ, ergo recte faciūt, quæ capillis demissis uel obtortis sine peplo in cœtum sacrum ueniūt.

Respondeo. Opus naturæ commemorat, quo uiri ac mulieris capita sic discernuntur, ut huius sit aptissimum ad nutriendum comam, illius uero prorsus ineptum, huic coma sit gloriæ, illi dedecori. In hoc autē non subsistit, sed monet quid ex eo sit colligendū, hoc est, quid natura hoc opere suo doceat. Non est hinc colligendum, nihil referre, si mulier comata absq; peplo cœtum sacrum ingrediatur, sed id potius, non decere mulierem, si se inter orandum gerat in morem uiri, capite apparens nudo & aperto, quasi nihil inter ipsam & illum sit discriminis in hac causa cum ipsa quoq; natura mōstrante sit permultum. Aliud est opus naturæ, & aliud documentum quod ex illo colligit Apostolus. Opus est, quod mulierem reddit comatam, uirum non ita. Documentum hinc est, aliter mulieri comparandum esse in cœtu sacro, & aliter uiro, illi capite tecto, isti aperto. Sic il-

lud quod adijcit, eo quod coma pro uelamine data sit, hūc sensum habet. Coma mulieri gloriæ est, propterea quod donum est naturæ. Est enim illi non humanitus ascita sed diuinitus data. Data autem est pro uelamine, ut innuat ipsa natura, obuclandum esse non aperiendū mulieris caput. Quod hæc monstrat, ipsa obuclandi se studio sequatur.

Diligenter est hic locus obseruandus, quod attinet naturæ documenta, ex quorum obseruatione multa possunt colligi ad usus humanos, honestatem, commoditatem uitæ, bonos mores, & pietatem quoq; facientia. Est enim natura, quatenus incorrupta est, sapiētissima diuinæ prouidentiae dispositio, plena operibus & exemplis admirandis. Horum alia sunt abstrusa, alia in propatulo. Abstrusa uocant secreta naturæ, & phycos appellant eos qui toti scrutandis illis sunt dediti. Meo iudicio utilius fuerit, ea diligenter obseruare quæ sunt manifesta, obuia, & exposita omnibus, sic ut recte documenta & indicia uocari queant, ad quorum classem pertinet, quod hic Apostolus adducit. Talia possunt in nobis ipsis permulta obseruari. Ut exempli gratia. Natura sic est corpus nostrum dispositum, ut sit cœlum uersus erectum. An non admonet, quærenda nobis esse cœlestia magis quā terrena? Caput in illo supremum locum habet. Monstrat natura, quo loco habendi sint, qui alijs præsumt. Inest illi facultas rationis & iudicij. Videt, audit, & iudicat. Tales conuenit esse eos qui sunt capita populorū. Vnicum est in corpore uno. Sic unus est Deus in toto hoc cœli ac terræ uniuerso. Significatur pluralitatem esse malam. Si singulæ corporis nostri partes consyderetur, nulla est, quæ non aliquid habeat documenti, unde instruamur, in quib; multo nos utilius exercebimus, quā si in cognoscendis causis illorum quæ fieri uidemus per curiositatem occupemur.

Simul tamen obseruandum est, quod non simpliciter dicit: An non natura, sed, an ne natura quidem uos docet? Christiani erāt, & habebāt doctrinam uerbi Dei unde satis instrui poterant. Ea est primaria, & peculiariter data electis. Documenta uero naturæ secundū locum habent, & seruiunt rudioribus. Quare in causa pietatis non debent habere primas, nec conuenit ut sine uerbo ualeant. Sic uidemus hic Apostolum haud primo loco argumentum inducere à natura sed postremo, idq; ex abundanti, ad perstringendū Corinthiorū stupiditatem, qua ne naturæ quidē ductū obseruabāt.

Si quis uero contētiosus esse uidetur, nos eiusmodi consuetudinem non habemus, neque ecclesiæ Dei.

Præuidebat futurum, ut nonnulli in ecclesia nondum liberi à fastu sæcularis literaturæ, sed adhuc contendendi studio laborātes, adducta iam argumenta minoris censerent esse momenti, quā quibus cōtenti esse deberēt, non



non quod essent ad præsentem causam insufficientia, sed quod illi morbo *φιλονεικίας* laborarent. Hoc ut reprimeret, particulam hanc in calce adiecit, dicens: Si quis uero contentiosus esse uidetur, nos eiusmodi consuetudinem non habemus, neque ecclesie Dei. Quod Latine legimus: Si quis contentiosus, in Græco est, *ὁ φιλονεικῶν*. Sonat autem *φιλονεικῶν* non simpliciter contentiosum, sed amantem ac studiosum uictoriae. Qui autem sic est animatus, ut non ueritatem sed uictoriam quærat, is etiam non modice & quantum satis est ueritatis studioso, sed immoderate & absque fine pro uictoria contendens altercatur, nec ullum argumentum sic recipit, ut ueritati cedat, sed in omnes sese formas mutat, quo saltem caueat, ne uictus uideatur, si certo uincere non poterit. Contendere pro re aliqua, per se nihil habet illicitum, imò si pro ueritate fiat, laudem etiam meretur. Verum si fiat pro re inhonesta & mala, uel studio inanis glorie, merito ethnicis quoque uicium censetur esse manifestæ superbiæ. Aliud est esse *φιλονεικῶν*, & aliud *φιλάλυσθον*. Hoc est, aliud est contendere ut uel uincas tu, uel uicisse cum gloria, aut saltem non uictus uidearis, & aliud est contendere pro ueritate, ut illa uincat, nec morari, utrum per te hoc fiat aut per alios, quemadmodum animati sunt homines non sui, sed ueritatis unicæ amantes. Qui sunt *φιλονεικοί*, ubi ueritati semel repugnare cœperunt, nullis possint argumentis persuaderi ut cedant. Iudicant enim turpissimum esse, si uideantur errasse. Non est, pro dolor, opus exemplis, quæ alias nimis multa & indefinentia nostro sæculo uisuntur. Nisi esset hic *φιλονεικίας* morbus tam ualidus in ecclesia, facili negotio componeretur præsentium temporum dissidia.

Obserua uero, quod non dicit: Si quis uero contentiosus est, sed, si quis uero contentiosus esse uidetur. Hoc est. Si quis est inter uos, qui nimio altercandi studio manifestum de se facit, quod sit homo contentiosus ac uictoriae cupidus. Non hoc agit, ut pro contentioso habeatur, quisquis solida ueritatis argumenta quaerit, sed is potius, qui sic temere contendit, ut palam sit, quod morbo contendendi laboret. Quales sunt, qui uel de re nihili lites mouent, uel in causa manifesta in contrarium tendunt, aut ob id tantum contendunt, ut cæteris contradicant, iuxta illud, Aiunt? nego. Negant? aio, quibus oppositi sunt assentatores, quorum uox est, aiunt? aio, negant? nego, aut absque ullo fine contendunt. Hisce notis proditur morbus *φιλονεικίας*. Talibus hominibus nemo satisfecerit. Quare relinquendos esse monens dicit: Si quis uero contentiosus esse uidetur, nos eiusmodi consuetudinem non habemus, &c.

Potest autem, quod dicit: nos eiusmodi consuetudinem non habemus, neque ecclesie Dei, bifariam exponi, propterea quod minus expressum est, quam consuetudinem nec se nec ecclesias Dei habere dicat. Primo, ut intelligat de consuetudine, qua uiri obuelatis, mulieres

A uero testis capitibus in ecclesiasticum cœtum ingrediebantur. Deinde, ut referatur ad consuetudinem contendendi. Prior sensus sic habet: Si quis contentiosus esse uidetur, sic ut argumentis nostris cedere nolit, sciat is in summa, quantumuis contendat, alienos esse & nos & ecclesias Dei ab hac consuetudine, qua ethnicorum mulieres nudis, uiri uero testis capitibus orant. Si nobis iungi uoluerit, sequatur consuetudinem & nostram & ecclesiarum Dei, nec adferat in nostrum cœtum consuetudinem ethnicam. Sensus hunc sequutus est Lyranus. Et Ambrosio quoque ad hunc modum exponere placuit. Post rationem redditam ut contentiosos uincat, autoritatē interponit, quia neque Iudaismus hoc habuit. Vnde dicit: Neque nos neque ecclesia Dei, ut neque Moses neque Saluator sic tradiderit. Posterior uero sensus talis est. Si quis contentiosus esse uidetur, sit hoc sine nobis. Alienum à nobis & ecclesijs Dei est muliebri more uerbis contendere. Sic exponit Chrysostomus: Nos consuetudinem hanc non habemus, ut contendamus, litigemus, ac certemus. Et hunc sensum recentiores ferè sequuntur. Hieronymus utrunque ponit, dicens: Nos talem consuetudinem non habemus, siue contendendi, siue talia faciendi. Meo iudicio potest sic exponi, ut utriusque sensus coniungantur. Omnino ab utraque consuetudine alienæ erant ecclesie Dei. Nec mulieres ipsarum nudis, nec uiri testis capitibus orabant, neque apostoli neque ecclesie Dei spiritu contentiosis laborabant. Quare non incommode exposuerimus ad hunc modum. Si quis eorum, qui ista faciunt, non corrigi, sed in contrarium contendere uoluerit, sciat nec nos nec ecclesias Dei hoc habere in more, ut cum ipsis decorum sexuum peruertamus, & quod malefacimus, contentiose defendamus. Nihil refert autem, an uoculam, nos, referamus uel ad ipsam Apostoli personam, uel ad cæteros quoque apostolos. Ambrosius per illam intelligit Iudæos, ex quibus erat Paulus. Qui priorē sensum amplectuntur ex scholasticis, colligunt ex eo sequendam esse consuetudinem prælatorum & ecclesiarum, nec ferendum ut quisque illi contradicat. Vno uerbo. Consentimus, ubi consuetudo nulla in re præiudicat ueritati. Alias consuetudo sine ueritate, uetustas erroris est, non sequenda, sed uitanda. Non placet libido noui ad recepta, in quibus nihil peccat contra scripturas sacras. Rursus non probamus eos, qui ubi ueritatis calculis destituunt, confessos abusus uetustate catholice consuetudinis tueri se posse confidunt. Non est quod ex præsentis loco patrocinium quaerant. Placet & nobis consuetudo talis, quæ fuerit & apostolorum & ecclesiarum Dei.

In posteriori sensu doctrinam habemus potissimum nostro hoc sæculo necessariam, qua contra insaniam illam contendendi tranquillitatem conscientiarum nostrarum seruemus. Nihil intentatum relinquitur, quod non in contentionem rapiatur. Deinde quantumuis



perspicue & diserte sententiam nostram explicuerimus, nihil efficimus aliud, quam quod oleum camino ardenti infundimus. Sciamus igitur hoc & dicamus nos quoque cum Apostolo: Si qui uidentur esse contentiosi, nos eiusmodi consuetudinem non habemus, neque ecclesiae Dei. Ministrorum Christi non est contendere, sed simpliciter & fideliter docere. Ecclesiae quoque non est contendere, sed credere & obedire. Noli contendere uerbis, inquit Apostolus 2. Timoth. 2. Ad nihil enim est utile, nisi ad subuersionem audientium. Hanc querens Satan seminat in ecclesia contentiones & rixas. Et habet organa sua, quibus quod quaerit, consequatur.

Illud autem praecipiens non laudo, quod non in melius, sed in deterius conuenitis.

Haecenus primum capituli huius membrum absoluit, quo dissolutionem uiriliter ac mulebris decori correxit, quam inuehere in ecclesiam coeperant, qui ethnico & patrio more in coetu sacro comparentes, uiri rectis, mulieres nudis capitibus orabant. Iam transit ad alia corrigenda. Et in praesenti eos abusus emendare aggreditur, qui circa cenam dominicam admittebantur. Et priusquam de illis dicat, transitione utitur tali, qua statim initio animos Corinthiorum tanquam ad alterius & aliquanto grauioris mali correctionem excitet. Sic dicit: Illud tamen praecipiens non laudo. Ita uertit Erasmus. Vulgata habet: Hoc autem praecipio non laudans. In Graeco est, τοῦτο δὲ παραγγέλλω οὐκ ἐπαινῶ. Id est: Hoc autem denunciando, uel admonendo, non laudo. Et Chrysostomus sic legit, quauis interpret illius uulgatam uersionem posuerit. Erasmus & nonnulli alij Chrysostomum sequuti, exponunt ad hunc modum. Non laudo, quod hoc praecipere cogor, ut quod dicit, τοῦτο δὲ παραγγέλλω, id est, hoc autem denunciando, idem sit quod, τοῦτο δὲ παραγγέλλω, id est: Hoc autem denunciare, participio pro infinito accepto. Sunt qui sic: Hoc autem quod iam denunciaturus, uel dicturus sum, non laudo, nempe quod non in melius, &c.

Addam & meam cogitationem. Apparet particulam hanc, οὐκ ἐπαινῶ, referendam esse non ad praecedens, sed ad id quod sequitur, deinde illud, τοῦτο δὲ παραγγέλλω, idem esse quod πρὸς τὸ τοῦτο δὲ παραγγέλλω, id est, de hoc autem denunciando & admonendo, referendumque ad praecedentem correctionem, ac legendum: Vbi de hoc autem denunciaui & admonui, iam non laudo quod non in melius, sed in deterius conuenitis. Notum est omnibus qui uel modice uersati sunt in Graecis usitatissimum esse in hac lingua, ut participia pro praeteritis ponantur, praesertim in narrationibus, ut exempli gratia, Gal. 2. cum uellet Apostolus dicere, & tradidit semetipsum pro me, dixit, καὶ παραδόντα ἑαυτὸν ὑπὲρ ἐμοῦ, quod si uertas in praesenti, & tra-

adentis seipsum pro me, non exprimis sensum Apostoli. Posuit enim participium παραδόντα, non pro tradente, sed pro eo qui tradidit. Talia innumera occurrunt in scripturis. Sic cum hic per transitionem dicere uellet: Vbi autem de hoc denunciaui & admonui, iam consequenter non laudo quod non in melius, sed in deterius conuenitis, dixit, τὸ τοῦτο ἢ παραγγέλλω, οὐκ ἐπαινῶ ὅτι οὐκ ἐστὶν τὸ κρῖναι, &c. Vulgatae uersionis author non incommode, illud, non laudo, ad sequentia retulit. Sic enim habet: Hoc autem praecipio, non laudans quod non in melius, sed in deterius conuenitis. Quod si quis illud: Hoc autem, non ad praecedentia, sed ad causam de qua dicturus est, referendum esse putat, poterit exponere ad hunc modum: Laudauis uos, quod omnia mea memoria tenetis, quod uero iam sum denunciaturus, non habet laudem, sed grauem reprehensionem uestri. Non enim laudo uos, quod non in melius, &c. Non est autem otiosum, quod uerbo denunciandi utitur, si referas ad praesentem causam, de qua est dicturus, quod alios facere uideo. Sic enim ea de quibus dicturus est, plus habere ponderis indicat quam praecedentia, sequi; de illis non simpliciter ecclesiae consuetudinem & sexuum decorum proponere, sed denunciare ac praecipere, propter auctoritatem domini uidelicet, cuius infra mentionem faciet, dicens: Ego enim accepi a domino, quod et tradidi uobis, &c.

Quod non in melius, sed in deterius conuenitis, inquit. In genere exprimit, quid non laudet in ipsis. Verbo conueniendi, συνέχιδαι, significat se dicturum de ipsorum conuentibus, quod in illis inueniat quae probare non possit, unde fiat, ut non in melius, sed in deterius conueniant. Non dicit, quod non conuenitis, aut, quod rarius ac tardius conuenitis, sed, quod non in melius conuenitis, sed potius in deterius. Conueniebant quidem in coetum sacrum, ut erant instituti, uerum non ad aedificationem conscientiarum, sed magis ad destructionem. Hanc ob causam frequentiam conuentuum ipsorum non laudat. Quomodo enim laudaret, quod in destructionem corporis Christi cedebat? Multo enim satius est non conuenire in coetum, quam ad deterius conuenire, quemadmodum melius est puero non ingredi ludum, quam sic ingredi ut quotidie redeat indoctior, & aegrotare, abstinere a medico, quam uti tali, per quem subinde morbus incrudescat magis quam curet. Est enim coetus sacer ex numero eorum quae non propter se, sed propter finis alicuius consequutionem sunt, tum bona tantum, quando ad destinatum finem tendunt, in quibus non est satis, si opere utcumque fiant, sed multum refert quomodo gerantur.

Sic de conuentibus ecclesiasticis sentire admonemur praesenti loco. Bonum est colligere in unum populum fidelium, & institutum hoc plane est ex consilio Dei, uerum si conueniatur ad destructionem magis quam ad aedificationem, atque ita quod bonum esse poterat, si recte usurparetur, incipit esse malum, omnino satius est homini pio abstinere ab eiusmodi coetu,



tu, quàm comparere in illo ad conscientiae suae destructionem. Et hanc ob causam deferendi sunt hodie conuentus illi, in quibus ad ueram fidem aedificatur nemo, ad superstitiones uero, & cultus idololatrias seducuntur omnes, ut inquinatissimam illam scortatorum & simoniacorum communicationem taceam.

Obserua hic, quod non simpliciter dicit, quod non in bonum, sed, quod non in melius conuenitis. Ergo scopus ecclesiastici conuentus est, non ut qualitercunque boni simus, sed ut quotidie meliores euadamus. Et hic profectus petendus nobis est, donec sumus in hac carne. Nemo enim sic bonus est hodie, ut cras melior fieri non possit. Quare in hunc finem frequentandi nobis sunt sacri conuentus donec in hac uita sumus, ut meliores fide, spe, & dilectione reddamur, & in cognitione Christi crescamus.

SED in deterius, inquit, conuenitis.] In hoc erat mali huius atrox. Satis culpabile est conuenire non in melius, quanto magis, si in deterius etiam conueniatur? Cogita hic triplices esse conuentus fidelium. Primum, qui sic sit institutus, ut in illo meliores per gratiam domini fieri possimus. Secundus, in quo nec sit, unde meliores, nec unde deteriores reddamur.

Tertius, in quo non in melius, sed in deterius quoque conueniat. Quemadmodum triplices sunt scholae. Prima, in qua puer, etiam si aliquousque profecit, doctior tamen fieri potest, & quotidie discere, quod antea nesciebat. Secunda, in qua nequeat ultra primam rudimenta ascendere, quod praeter illa nihil in ea audiat, unde doctior fiat. Tertia, in qua etiam dediscat ea quae antea sciebat, atque ita indoctior euadat.

1 Primum ecclesiae conuentum, in quo meliores reddi possimus, eum esse existimo, in quo pastores sunt docti ac fideles, uerbum domini recte secantes, & sacramenta à Christo Seruatore accepta rite administrantes, in quo feruet oratio fidelium, leguntur palam sacrae scripturae, & spiritus fidelium spiritualibus hymnis excitantur ac refocillantur, ac praeterea subsidia Christianae dilectionis in usus pauperum contribuantur, quo fideles frugiferi esse discant.

2 Secundum, eum esse sentio, in quo nihil falsi quidem nec in doctrina nec in ritibus geritur, interea tamen doctores sic sunt uel negligentes, uel spiritualium rerum imperiti, ut uerbum domini non satis dextre ac pertinenter secant, & praeterea quae geruntur, sic geruntur frigide ac perfunctorie, ut parum ad aedificationem facere possint.

3 Tertius indubitato est, in quo & falsa dogmata uerbo Dei contraria traduntur, & falsi cultus exercentur, & quae à Christo sunt tradita, humano magisterio corrumpuntur, ac conscientiae adulterina communicatione polluantur. Hic non in melius sed omnino in deterius conuenitur. Quare huiusmodi conuentus, quocunque nomine siue catholicae siue Romanae ecclesiae uocentur, non minus fugiendi sunt quàm ipsa gehenna.

Nam primum quidem, dum conuenitis in ecclesia, audio schismata inter uos esse, & aliqua ex parte credo. Oporter enim & haereses inter uos esse, quo qui probi sunt, manifesti fiant inter uos.

Quod in genere dixit, non laudare se, quod non in melius, sed in deterius conuenirent, id iam per specificationem declarat. Sic solent qui non ex affectu sinistro, sed cum iudicio aliquid improbant. Non est satis ad emendationem, si millies dicas, conuentus uestri fugiendi sunt, nisi declares quid insit illis mali. Quemadmodum doctrina sana opus habet declaratione, qua rite intelligatur, ita & correctio errantium ac delinquentium adiecta est specificatione declaranda, quo quae male geruntur, agnosci emendarique possint.

NAM primum quidem, inquit.] Non uno abusu genere delinquebant in coetu sacro, sed uario, quemadmodum in sequentibus patebit. Quare quod iam est in causa coenae dominicae repraesensurus, primum uocat, dicens: Nam primum quidem, dum conuenitis in ecclesia, audio schismata inter uos esse. Vulgata uersio habet, audio scissuras esse inter uos. Erasmus, audio dissidia in uobis esse. Graecus habet σχίσματα, quam uocem retinui, tanquam usitatam in ecclesia, quemadmodum & eam quae sequitur, oportet enim & haereses inter uos esse, ubi Erasmus uertit sectas. Sunt autem tres partes eorum quae hoc loco de coena dominica scribit. Prima grauem habet abusus illius repraesensionem. Secunda, ueri usus expositionem. Tertia, seueram contra abutentes comminationem. Ad primam pertinet quod dicit:

DVM conuenitis in ecclesia.] Significat se loqui specialiter de ijs quae in coetu sacro delinquebant, quem hic uocat ecclesiam, quae dictio, si interpreteris, euocationem sonat. Non omnis conuentus statim est ecclesia uocandus, sed is tantum, in quo communiter uel à ciuibus, in causis ciuilibus, uel à fidelibus, religionis gratia conuenitur. Synodum ciuium συνέλευσις Graeci conuentum populi ex agro διακλήσις, consulum uero σύγκλησις uocarunt. Non loquitur ergo Apostolus de priuatis paucorum coitionibus, sed de ecclesiasticis conuentibus, in quibus multitudo fidelium conuenit.

AUDIO, inquit, schismata inter uos esse.] σχίσμα Graeca uox est, & significat eorum quae integra sunt dissecationem ac scissuram. Sic solet ecclesiasticę unitatis dissecatio uocari schisma, quando corpus fidelium, quod unitissimum esse conueniebat, in partes à se inuicem dissidentes scinditur. Ergo erat ecclesia Corinthiorum scissa in studia & partes, eamque ob causam fiebat, ut non in melius, sed in deterius in ecclesiam conuenirent.

Quae aut fuerint illorum schismata, non exprimit hoc loco. Nam statim initio epistolae post salutationem de illis meminit, dicens: Obsecro autem



uos fratres per nomen dñi nostri Iesu Christi, A ut idem loquamini omnes, & non sint inter uos schismata, sed sitis integrū corpus, eādē mente & eādē sententia. Significatum est enim mihi fratres mei de uobis, à familiaribus Chloæ, quod contentiones sint inter uos. Dico autem illud, quod unusquisq; uestrum dicit: Ego quidem sum Pauli, ego uero Apollo, ego uero Cephæ, ego uero Christi, &c. quibus uerbis & schismata illorum expressit, & unde de illis audierit, significauit. Quare hic simpliciter dicit: Nam primum dum cōuenitis in ecclesiam, audio schismata inter uos esse.

Qua uero de causa nequeant in melius, sed magis in deterius conuenire, qui à se inuicem factionib⁹ sunt dirēpti, facile cogitari potest.

Primum enim studia factionū in ipsos conuentus sacros inferuntur. Non conuenitur eodem, sed diuerso studio, & suam quiq; sectam palam profitentur.

Deinde, animi magis ac magis à se inuicem abalienantur.

Tertio, ipsæ factiones publica professione corroborantur.

Quarto, omnes conciliandi rationes difficiles redduntur.

Quinto, ab eiusmodi conuentibus, ubi non corporis Christi ædificatio, sed sectarum amplificatio quærit, operatio diuinæ gratiæ excluditur. Non est enim Deus confusionis ac dissensionis, sed pacis & unitatis. Quare mirū non est, quod in talibus conuentibus malum B non curatur, sed subinde peius ac peius redditur. Cuius rei in synodis episcoporum euidentissima habemus experimenta, de quibus uide Nazanzenum in epistola ad Procopiū, ubi propterea ad concilium episcoporum proficisci recusauit, quod nullo unq; cōcilio mala corrigi, sed magis corroborari uidisset, idq; propter episcoporum dissidia & contentiones.

Hinc tamen nemo colligat: ergo ubi nulla sunt schismata, ibi non in deterius, sed in melius conuenitur. Potest enim fieri, ut in falsa religione, idololatria, & adulterinis cultibus sit & episcoporum, & populi concordia, ingrediunturq; cœtum sacrum unanimes & concordēs, ubi tamen dici non potest, quod non in deterius, sed in melius qui eiusmodi sunt, conueniant. Sic cōueniunt & Turci & reliqui infideles, inter quos nulla sunt schismata. Et si demus Papistis, quod alieni sint à schismatibus ac dissidijs, quod tamen uere illis dari nō potest, alieni tamen non sunt ipsorum cōuentus à falsis dogmatibus & cultibus, ab impura cōmunionē, & à symonia omnium turpissima.

E T aliqua, inquit, ex parte credo. J Moderationis est, quod non simpliciter dicit, & sic esse credo, sed, & aliqua ex parte credo. In Græco est, καὶ μὲν τὴν ἑκέρω, id est, & partem aliquā credo, pro κατὰ μέρος τι. Ergo non credidit per omnia uerum esse, quod audierat à familiaribus Chloës, sed ex parte tantum. Confidebat enim non omnes hoc esse schismatis morbo

correptos, sed aliquam tantū illorum partem. Et hoc propterea memorat, quo sanioribus parcat, eosq; in ordine retineat, ubi rursus Apostolicæ habemus prudentiæ exemplum.

Potest tamen hæc particula sic quoq; exponi, ut nō referatur ad partē Corinthiorum, qui schismata induxerant in ecclesiā, sed ad ipsum assensum Apostoli, quo ijs quæ de schismate illorum audiebat, haud plene & omnino, sed aliqua tantū ex parte credebatur, quemadmodū fieri solet, ubi per charitatem meliora semper sperantem ægre credimus, quæ de fratribus mala narrantur, & tamen uel fide narrantium uel circumstantijs quibusdam & coniecturis inducimur, ut haud possimus omnia quæ audimus, quasi uana in uentos abijcere. Sic quidem cōparata est fama, ut plerunq; plura spargat, q̄ habeat ueritas. Rursus tamen raro accidit, ut omnia uana sint, quæ narrant. Quæ aut narrantur, aut certo scimus esse uera, aut credimus narrantibus, aut non plene, sed ex parte credimus, aut de omnib⁹ dubitamus, uel prorsus nihil illorum uerum esse credimus. Charitatis quidem est haud facile fidem accommodare illis, quæ mala de fratribus referunt. Verum, ubi sic illa sunt cōparata, ut uel ex parte aliqua credere uel dubitare cogamur, prudentiæ, imò charitatis Christianæ fuerit, & quæ præsertim pastoribus & doctoribus cōpetat, ut ad exemplū hoc Apostoli malo quātumuis nondum explorato, in tempore occurrere conemur, nedum ubi per omnia credimus, aut quod adhuc amplius est, certo scimus.

O P O R T E T enim, inquit, & hereses inter uos esse, quo q̄ probi sunt, manifesti fiant. J Ætiologia est. Dixit: Dum conuenitis in ecclesiā, audio schismata inter uos esse, & aliqua ex parte credo, hoc, uidelicet, quod audio esse uerum. Iam rationem reddit, quare hoc non prorsus falsum, sed aliqua ex parte credat esse uerum. Quia, inquit, oportet & hereses esse inter uos. Non est necesse, ut hic uoculā hæreses alio sensu accipiamus, q̄ quo accipimus schismata. Significat hæresis secta, & in scripturis tribuitur Phariseis, Nazaræis, Sadduceis, & Christianis quoq; sicut in Act. cap. 24. uidere licet. Quare perinde est, ac si diceret: Oportet enim & schismata inter uos esse. Theologi discernūt inter schisma & hæresim, sic ut schisma sit, quando uel dogmatis alicuius gratia, uel aliam ob causam scinditur ecclesia, hæresis uero, quando falsa dogmata contra cōmunem ecclesiæ sensum pertinaciter asseruntur ac retinent, etiam si id fiat sine schismate. Significat quidem αἵρεσις, electionē quoq; qua sibi quisquā singulare quiddā eligit, unde uox hæc ad hūc sensum à Theologis usurpat, uerū in p̄senti posita est ab Apostolo p̄ secta & schismate. Aliās infirma esset ipsi⁹ ætiologia, per quā rationē reddere uoluit, quare credat ex parte, esse inter Corinthios schismata. Etenim nō mox schisma est, ubi est hæresis, sensu Theologorum. Potest nanque esse, ut sine schismate sint in una ecclesia multæ hæ-



tæ hæreses, hoc est, singulares opiniones, ac rursus, ut schisma fiat, quamuis nulla sint in doctrina ac fide dissidia. Hæresis est in animis, qua aliud atque aliud sentitur, & mordicus retinetur, etiam si externa ecclesiasticæ communicationis societas haudquaquam discinditur. Schisma uero est, quando communicatio ecclesiæ in sectas disseccatur. Et hac disseccatione demum manifestatur qui probi sint, qui reprobi. Quare nisi hæresis hic accipiatur pro schismate, non modo infirma est ætiologia hæc Apostoli, sed nec illud stabit, quod subiicit, quo qui probi sunt, manifesti fiant. Donec manent in ecclesia, qui non sunt uera illius membra, haud cognoscuntur ab omnibus, hoc est, non sunt manifesti. Verum ubi per schisma se se auellunt à reliquo corpore & exeunt, tum demum manifestum redditur, quod non sint ex probis, sed ex reprobis, nec pertineant ad ecclesiæ corpus. Sic 1. Iohan. 2. legimus. E nobis egressi sunt, sed non erant ex nobis. Nam si fuissent ex nobis, permansissent utique nobiscum, sed ut manifesti fierent, quod non sint omnes ex nobis, &c. Si dicas hodie: Audio multa esse inter uos coniugum diuortia, & ex parte credo. Oportet enim & adulteria esse inter uos, quo qui probi sunt coniuges, manifesti fiant, non stabit hæc ratio. Neque enim mox sunt diuortia, ubicunque sunt adulteria, quod nimis est manifestum. Deinde, neq; mox manifesti fiunt probi coniuges, ubi sunt adulteria, sed diuisione ac diuortijs exoritur ista manifestatio. Quare sic potius dicendum est: Audio esse inter uos diuortia, & ex parte credo. Nam oportet esse diuisiones coniugum inter uos, quo qui probi sunt, manifesti fiant. Con simili modo & hoc loco accipiendum est quod Apostolus dicit: Audio esse inter uos schismata, & aliqua ex parte credo. Oportet enim & hæreses, id est, sectas & schismata esse inter uos, quo qui probi sunt, manifesti fiant. Hæc de sensu uerborum istorum sic annoto, ut tamen interea nemini secus sentiendi præiudicet.

OPORTE enim & hæreses, inquit, esse inter uos. Non simpliciter dicit: Possibile enim est, sed, oportet enim, neq; oportet enim hæreses esse, sed, oportet enim & hæreses esse, neque hic quiescit, sed addit, inter uos: neque ista simpliciter pronūciat, sed subiicit causam, dicens, quo qui probi sunt, manifesti fiant. Sūt hæc diligenter inspicienda.

Principio, quod non dicit: possibile nanq; est, sed, oportet enim hæreses esse inter uos, admonet nos, non esse mox credenda quæ de fratribus narrantur mala, etiam si possibile sit, esse ea ab illis designata. Neque enim mox fiūt quæ sic sunt comparata, ut fieri possint. Quare non conuenit ut dicas: audio in ciuitate esse factiones. Et aliqua ex parte credo. Possibile enim est, ut sint in illa factiones. Nimis procliuius est ad credendum, qui non alia ratione credit, quàm quod possibilia sunt quæ credit. Longe grauiorem ac magis urgentem rationē

adducit Apostolus, quare ex parte credat esse uerum, quod in ecclesia Corinthiorū schismata esse audiebat. Ea est non probabilitatis, sed necessitatis. Oportet enim, inquit, & hæreses esse inter uos, quare ex parte credo, quod sint, ut audio, inter uos hæreses & schismata. Quod enim esse oportet, non modo facile, sed & necesse est ut fiat.

Sed nascitur hic quæstio, quæ fuerit illa necessitas, propter quam schismata & sectas inter Corinthios esse oportuerit. Breuiter. Gemina erat eius rei necessitas. Vna, ex iudicio Dei prorsus immutabili. Altera, ex qualitate eorum, qui in illam ecclesiam conueniebant. Iudicium Dei ecclesiam suam disponentis erat, ut suo tēpore qui in illa erant probi, separatione reprobos manifestarentur. Sic erat diuinitus constitutum, ideoque, ut aliquando fieret, necessarium. Deinde qualitas eorū qui in ea erant ecclesia coniuncti, sic erat comparata, ut in unitate diu consistere non possent. Erant enim coniuncti reprobi cum probis, inter se longè diuersissimi. Coniunctio uero dissimilium ac diuersorum stabilis esse non potest. Redeunt enim ad ingenium reprobi, & quales sint produnt, nec in unitate cū probis perseverare possunt, quia & spiritu ab illis *αἰσδιὰ πνεύματος* distant. Quare ad primam quamuis occasionem ab illis discedunt. Sciebat autem Apostolus haud omnes esse in ea ecclesia probos, sed probis immixtos reprobos, nec ignorabat, fieri non posse, ut diutius in unitate ecclesiastica tam diuersa ingenia cohærent, ac simul de iudicio Dei cogitabat, electos suos haud perpetuo coniunctione reprobos obscurari sinentis. Horum itaque consyderatione, cum audiret in ecclesia tali esse schismata, permouebatur, ut id aliqua ex parte crederet esse uerum, eamque rationem hisce uerbis expressit. Oportet enim hæreses esse, ut qui probi sunt, manifesti fiant. Tale est & illud Christi: Væ mundo ab offendiculis. Necesse nanq; est ut ueniant offendicula, uel ut Lucas habet, *αὐτὸν τὸν πῖλον*, id est, non capit, fieri non potest, im possibile est, ut non ueniant offendicula. Hæ duæ necessitates sic sunt comparatæ, ut non sit necesse dū unā statuimus ut alterā reiiciamus. Possunt enim ambæ in hac causa concurrere.

Sic puto nihil hic loci esse disputationibus de necessitate fati, neque quærendum, quomodo malo tribuatur necessitas. Non enim loquitur Apostolus de necessitate malorum, sed potius de necessaria separatione malorum & bonorum, quæ fit per schismata. Non dicit, oportet enim reprobos esse, uel, oportet enim hæreticos esse, sed, oportet enim hæreses, id est sectas & schismata esse. Alia quæstio est, quare sint reprobi in ecclesia, & alia, quare sint in ecclesia schismata. Sed pergamus.

OPORTE enim & hæreses esse, inquit. Quoniam non simpliciter dicit: oportet hæreses esse, sed, oportet & hæreses esse, existimant nonnulli per id significari & aliud, & amplius quid-



quiddā esse hæresim quā schisma, quasi per intensionem dicat, oportet enim inter uos esse non modo schismata, sed etiam hæreses. Illi schisma accipiūt pro dissidio animorū & obscura adhuc similitudine, hæresim uero pro manifesto discessu ab ecclesia. Verum cum bona illorum pace, non est necesse ut exponamus ad hunc modum, oportet esse inter uos non solū schismata, sed & hæreses, cum possit sic exponi. Audio inter uos esse schismata, & ex parte credo. Oportet enim esse inter uos etiā schismata, quandoquidem sunt inter uos reprobi & contentiosi. Perinde ac si de domo in qua mulier est morosa & rixosa, dicas, audio esse in illa quotidiana iurgia, & ex parte credo. Oportet enim esse in illa & rixas & iurgia, quandoquidē mulier in illa est tā morosa & rixosa.

Nec ociosum est, quod non simpliciter dicit, oportet enim & hæreses esse, sed addit, inter uos. Quasi dicat. Postquam inter uos tot contentiosi existunt, fieri non potest, quin unā cum reliquis malis etiam schismata inter uos oriantur. Admonemur huius particulæ adiectione, non esse hanc sententiam pro generali accipiendam, & cuius ecclesiæ accommodandam. Loquitur enim de ecclesia Corinthiorū specialiter, non in genere de omnibus. In talibus, qualis erat illa, necesse est ut oriātur schismata. Sunt autem tales admodum multæ, præsertim quæ hominibus iuxta sæculum doctis, sapientibus, & opulentis abundant.

Vt QVO qui probi sunt, manifesti fiant inter uos, inquit.] Si diceret, unde qui probi sunt, manifesti fiant inter uos, exprimeret effectum schismatis. Verum cum dicit, *inquit*, id est, ut qui probi sunt, manifesti fiant inter uos, causam eius exprimit, quod dixit: oportet & hæreses esse inter uos. Pertinet autem illa ad diuinam prouidentiam, omnia ecclesiæ suæ, etiam mala & incommoda, ad bonum finem dirigentē & disponentem. Scio Chrysostomum particulam hanc accipere non pro causa schismatum, sed pro euentu. Verum is sensus non satisfacit præcedenti necessitati, quam posuit Apostolus dicēs: Oportet enim & hæreses esse inter uos. Non enim uoluit simpliciter dicere, quid ex schismate sequatur & eueniat in ecclesia, sed ad quem finem oporteat esse in tali ecclesia hæreses & schismata. Ideo causam hanc finale expressurus dicit: ut qui probi sunt manifesti fiant inter uos.

Qui probi sunt,

QVO qui probi sunt, inquit.] Sciebat nō omnes esse reprobos, sed aliquos etiam probos in turba latitare malorum, & intelligebat illorū bono disponi schismata à reprobis excitata. Istis nec multitudinem nec paucitatem tribuit, quamuis credibile est pauciores fuisse reprobis. Simpliciter dicit: quo q probi sunt, manifesti fiant. Vocat autem probos non eos qui sint absq; peccato, sed qui ueri sint, non reprobi ac falsi Christiani. Oppositū probi est, insyncerum, falsum, & adulterinum. Quod discriminis est inter argentū & scoriam, inter fru-

mentum & paleas, inter oues & hædos, id est inter probos & reprobos Christianos.

MANIFESTI fiant inter uos, inquit.] Non dicit: probi permaneant, uel, à reprobis liberentur. Probi enim, etiam si non discedant reprobi, in probitate sua perdurant, quemadmodū argentum etiam dum adhuc scoriā habet adiunctam, probum argentum permanet, & frumentum etiam in medijs paleis, & oues in medio hædorum, in eo quod sunt, perdurāt. Neque sic liberantur probi discessu reproborum, ut nihil ab illis incommodi patiātur amplius, postquam communionem ecclesiasticam soluerunt. Tum enim manifestis demum illorū odijs, probris, insidijs & insectationibus reddunt obnoxij, sic ut iam nō exteros tantū, sed & ipsos falsos fratres hostes habere incipiant. Quomodo ergo? Quo, inquit, qui probi sunt, manifesti fiant. Manifestum fieri probum, est fieri probatum. Quare non est quærendum, cū non probi modò, sed & reprobi per schismata manifesti fiant, quare non dicat, quo reprobi, sed, quo probi manifesti fiant. Non agitur causa reproborum per schismata, sed proborum, quemadmodum non propter scoriam, sed propter argentum probandum separatio fit per ignem. Quare recte nō dixit, quo reprobi, sed, quo probi manifesti, id est, probati fiant. Multa quidem sunt tentationum genera, quibus qui probi sunt in ecclesia, exercentur & probantur. Verum inter illa haud minimum est, quod fidelibus per hæreses & schismata obijcitur, ut merito manifestum fiat, probos eos esse, qui reprobis ab ecclesia discedētibus, ipsi constantes in illa perseverant.

Obijciunt hic nobis aduersarij. Ecce, inquit, iam apparet qui sint probi, & qui reprobi, qui paleæ & qui frumentum, qui oues & qui hædi, qui argentum & qui scoria. Discessio uestra & schisma quod excitastis, manifestat nos esse probos, qui manemus in ecclesia. Concedimus argumentum si ipsi in uera sunt ecclesia ueri ac pbi Christiani. Sed hic est questio, num sint in uera ecclesia, ueri ac probi, & non magis in falsa non probi, sed pseudochristiani. Aliās discessus ex falsa ecclesia & à falsis Christianis nō eos à quibus disceditur, sed eos potius probatos reddit, qui iussu spiritus sancti è medio Babylonis exeunt, & communicationem reproborum, idololatrarum, superstitionum, symoniacorum, scortatorum, adulterorum, ac manus sanguine plenas habentium fugiunt.

Potest hic quæri, unde sint in ecclesia reprobi, & quare oporteat probos discessu illorum manifestari. Item, quare non magis iusserit Apostolus, ut probi à reprobis discederent, uel ipsi illos excluderēt, & quomodo præsens locus conueniat cum eo, quod Matth. 13. legit: Sinite utraq; crescere, usq; ad diem messis.

Ad primum facilis est ex uerbis domini responsio, quæ Matth. 13. leguntur ad hunc modū: Domine, nōne bonū semē seminas in agro

Manifesti fiant.



agro tuo? Vnde igitur habet zizania? Ille uero dicit: Inimicus homo hoc fecit. Et in expositione parabolæ. Zizania sunt filij illius mali. Inimicus autem qui seminat ea, est diabolus. Ergo ex diabolo est, quod reprobi in ecclesia probis miscentur.

Ad secundū respondeo, quo separetur platio Dei, à plantatione Satanæ, & fides electorum probata reddatur, sic esse consiliū Dei, ut discessu reproborum, probi manifestentur. Nemo quærit, quare agricola paleas separet à tritico, & aurifaber scoriam ab argento. Sic nō erat hic quærendū, quare oporteat per discessum reproborum manifestari probos.

Ad tertium respondeo. Nulli adhuc erant in ecclesia Corinthiorū falsi cultus, propter quos per conscientiam discedendum esset probis à reprobis, neq; opus erat exclusione illorum, cū ipsi sese ultro separarent. Vbi schismata sūt, ibi locum non habet excommunicatio.

Ad locum Matth. 13. Sinite utraque crescere ad diem messis, respondeo, nihil ibi præscribi consilio Dei quo ille suo tempore probos manifestare constituit, sed uetari, ne ministri uerbi temere zizania ex agro domini euellere conentur, ne simul euellant & triticum. Interea nihil est incommodi probis, si reprobi sponte sua schisma faciant & discedant, quemadmodum nihil detrimenti accideret tritico, si zizania ultro discederent ex agro.

Igitur cum conuenitis in eundem locum, non est dominicam cœnam māducare. Nam unusquisq; propriam cœnam edendo præsumit. Et hic quidem esurit, ille uero ebrius est. An domos non habetis ad edendum & bibendum? Aut, ecclesiam Dei cōtemnitis, & pudefacitis eos qui non habēt? Quid uobis dicam? Laudabo uos? In hoc non laudo.

Exponit quid mali ex schismate illorum in causa cœnæ dominicæ eueniat. Sic intelligo, quod non simpliciter dicit: Dum conuenitis, sed: Igitur cum conuenitis. Illud, in eūdem locum, in Græco est, *ἐν τῷ αὐτῷ*, id est, in idē, quare interpretes uoculam, locum, de suo adiecit. Vulgata uersio habet, in unū. Potest uerti. Perinde, in eundem cœtum, atq; in eundem locum. Non est autem ociosum, quod non simpliciter dicit: Dum cōuenitis, sed addit, *ἐν τῷ αὐτῷ*. Submonet enim hac particula, quā non conueniant schismata illis, quorum est in eūdem cōuenire cœtum, imò quā ab eiusmodi cōuentu procul abesse debeāt schismata, in quo eiusdem fidei consortes, pro more ecclesiæ conueniunt. Ipsa unius cœtus in eundem locum congregatio à studio schismatum singulos auocare debebat.

IGITUR cum cōuenitis in eundem locum, inquit, nō est dominicam cœnā manducare. Non est obscurū, uel ex Tertulliano, hūc fuisse morem Apostolicarum ecclesiarū, ut in unū

cōgregati fideles nō modo orationib⁹, doctrinæ, castigationi fraternæ & Psalmis operā dederint, sed & secundum exemplum pariter & institutum Christi Seruatoris in ipso sacræ Synaxeos loco unā comederint ac biberint, inq; ea mēse communicatione Eucharistiā & memoriam dominicę mortis per fractionem panis ac distributionē calicis celebrarint, eamq; potissimum ob causam cœnam eam dominicam uocarint. Poterant hoc sacræ mensæ elogio admoneri, non esse illā priuato ac proprio cuiusq; usui, sed catholicæ ac publicę fidelium communicationi destinata. Quod enim dominicum est, & à domino ecclesię traditur, nō debet à quoquā priuato usu præsumi, & in studia partium perueri. Quoniam igitur Corinthij in schismata à se inuicem diuisi hoc facere cœperant, diserte dominicam eos cœnam edere negat, dicens: Igitur cum conuenitis in eūdem locum, nō est dominicam cœnam edere, id est, qđ editis & bibitis, nō potest haberi pro cœna dominica. Quare? Quia unusquisq; inquit, propriam cœnā edendo præsumit. Et hic quidē esurit, ille uere ebrius est. Sectarij, & diuites non expectabant, donec multitudo fidelium conueniret, quo communi mensa ederēt ac biberent omnes, sed partim studio quique sectæ suæ, partim contemptu ecclesiæ edebāt ac bibebāt priuatim, priusquam collecta esset ecclesia. Et hoc perstringens nō simpliciter dicit. Nam unusquisq; propriam cœnam edendo sumit, sed *ἑαυτοῦ*, id est, psumit. Et hinc est, quod in cōclusionē dicit: Itaq; fratres mei, cum conuenitis ad comedendum, alius alium expectate.

Et hæc Apostolica sententia diligenter notanda, qua diserte cœnam negat esse dominicam, ubi catholica ecclesiæ communicatio nō integra seruatur, sed priuata præsumptione scinditur. Colligimus ergo fortiter, quocunq; nomine Papistæ Missam suam uocent, nō esse illam cœnam dominicam. Si cœna dominica non est, uiderint ipsi quid respondeant domino, cuius institutionem peruertunt. Quod me attinet, mihi parum refert unam ne Missam solenniter, ut uocant, aut priuatas mille singulis diebus celebrent, quādoquidem dominicum non est quod absq; iusta communicatione fidelium in ecclesia faciūt, sed humana præsumptio, ne quid durius dicam, reiecta dominica institutione, & Apostolica traditione in ecclesias Christi introducta. Ex ipso ordine, inquit Tertullianus, manifestatur id esse dominicum & uerum, quod prius est traditum, id autem extraneū & falsum, quod posterius est immis- sum. Omnino quod ipsi faciunt non est institutum à domino, sed posterius immis- sum. Ergo non est dominicum & uerum, sed extraneum & falsum, tanto magis ad iniuriam dominicæ institutionis faciens, quanto magis est catholicum.

NAM unusquisq; propriam cœnam edendo præsumit. Non est uocula, unusquisq; , refe-

s

renda

Et Hieron. dicit: Cœna dominica omnibus debet esse communis, quia ille omnibus discipulis suis qui aderāt equaliter tradidit sacramenta.

De præscript. hæreticorum.



renda ad omnes qui erant in ecclesia Corinthiorum, sed ad eos tantum, qui schismatici existentes, communicationem ecclesiae scindebant. Nam reliqua multitudo, quae ab istis contemnebatur hac reprehensione non perstringitur. Cogitet hic lector, quam sint illi ab Apostolica hac ratione diuersi, qui sacrum Missaticum putant esse sibi in conspectu domini efficacius & utilius, si proprium sibi ac priuatum data pecunia comparauerint, quam si publici tantum sint participes, cum omne bonum tanto sit diuinius quanto est communius. At stultam hanc opinionem plebs seducta sacerdotali debet nundinationi ac quaestui. Excogitatio Papistici sacerdotij omnis generis corruptelas in ecclesias inuexit, è quibus est & ista, qua sacrificulus sacerdotij sui op<sup>o</sup> cuilibet emptori pro certa pecuniae summa priuatim uendit & applicat, miseroque persuadet incomparabile bonum esse, quod propriam sibi Missam celebrari facit, cum hac dominicae cenae prophanatione diuinæ Maiestatis magis exacerbetur, quam placetur.

ET hic quidem esurit, inquit, ille uero ebrius est.] Poterat multo grauiora obijcere, quibus per dominicae cenae prophanationem in Deum peccabant, uerum in praesenti contentus est exprobratione inaequalitatis, qua fiebat, ut esurientibus egenis schismatici & opulenti inebriarentur.

Hieronymus sic annotat: Quicumque non obtulisset, non communicabat, quia omnia soli qui obtulerant, insumebant. Haec autem inaequalitas bonorum omnium iudicio uehementer est detestabilis, etiam si in prophanis conuiuijs, nedum in ipsa cena dominica admittatur. Poterat dicere: Et hic quidem minus, ille uero plus edit & bibit, uerum ut iniquitatem schismaticorum grauius exprimat, maluit pleno ore dicere. Et hic quidem esurit, ille uero ebrius est. Magna omnino peruersitas. Cena Christianorum non ingurgitationis & inebriationis erat, sed disciplinae Christianae, non propter opulentos inebriandos, sed propter inopes refocillandos instituta, unde & Tertullianus de illa scribens dicit: Cena nostra de nomine rationem suam ostendit. Vocatur *ἀγάπη*, id quod dilectio est penes Graecos. Quantiscumque sumptibus constet, lucrum est pietatis nomine facere sumptum. Siquidem inopes quosque refrigerio isto iuuamus. Haec ille. Quod indecorum ac deforme erat in cena dominica apud Corinthios, id hodie quoque in ecclesijs obtinet, in quibus Missa, quam uocant, inebriat sacrificulos, & interim inopes nullo refrigerio reficit, sed ut esurientes ueniunt, ita & esurientes dimittit. Praeterquam enim quod in sacro oblata ad se rapiunt sacrificuli, peracto etiam sacro laute accipiuntur, & non sine graui sumptu saginantur, sicuti cernere est in exequijs funeralibus, septimis, tricesimis, & anniuersarijs, pauperum uero nulla interea habetur ratio. Quare quod in Corinthijs reprehendit A-

postolus dicens: Et hic quidem esurit, ille uero ebrius est, hic quoque locum habet. Et utinam nihil tale de nostris possit ecclesijs dici, in quibus, etsi non in templis, extra tamen qui opulenti sunt, inebriantur, & in delitijs sumptuosissime uolutantur, pauperes uero esuriunt, imò Christus ipse in illis & alget, & esurit, & exulat, &c.

AN domos, inquit, non habetis ad edendum & bibendum? Quasi dicat: Si nihil aliud queritis in cena dominica, quam ut edatis & bibatis, potestis hoc domi uestrae facere priusquam in coetum sacrum ueniatis, sicut & infra dicit: Si quis esurit, domi edat. Non damnat morem ecclesiae, quo una in Synaxi sacra edebant & bibebant communiter omnes, qua de re iam ex Tertulliano paucula citauimus, sed eos reprehendit, qui proprias cenas in coetu sacro praesumebant, & esurientibus egenis ipsi inebriabantur.

Discernit quidem inter cenas domesticas & eam quae dominica uocatur, interque domos priuatas & conuentum ecclesiasticum, & uindicat cenae dominicae & coetui sacro suum decorum, uerum iuxta non tollit morem communis mensae, qua simul edebant ac bibebant omnes. Quare quod dicit: An domos non habetis ad edendum & bibendum? non est aliud rapiendum, quam contra carnales illos qui nihil aliud querebant in cena dominica, quam ut uentri edendo & bibendo confuleret, quod non erat dicturus, si ad erigendam fidem suam, & alendam charitatem mutuam, inopesque reficiendos una comedissent ac bibissent omnes. Morem ethnicum inducebant in ecclesiam, quo perinde atque antea in sacrificijs idolorum priuatis cenis sese ingurgitauerat, ita & in cena dominica faciebant. Eum abusum damnat & reijcit ex ecclesia.

Aut ecclesiam Dei contemnitis, inquit, & pudefacitis eos qui non habent? Ecclesiam uocat conuentum fidelium. Ad hunc pertinent non modo diuites, sed & pauperes. Quoniam pudefaciebant eos qui nihil habebant quod adferrent in ecclesiam, dicit eos ecclesiam Dei contemnere, in quam pauperum contemptus redundabat. Sic utitur interpretatione satis in loco, dum contemptum egenorum interpretatur contemptum ecclesiae. Nec ociosum est, quod non simpliciter dicit: Ecclesiam Dei contemnitis, & pudefacitis eos qui non habent, sed percontando & instando: An ecclesiam Dei contemnitis? & pudefacitis eos qui non habent? Quasi dicat: Estisne adeo carnales & irreligiosi, ut ne ecclesiae quidem Dei reuerentia cohibeamini? Estisne adeo inhumani, ut fratres egenos à cibo ac potu exclusos pudefacere possitis? Sic exaggerat irreligiosam illorum superbiam & impudentem ingluuiem.

An ecclesiam Dei contemnitis, inquit? Sane quod non expectabant alios, sed proprias cenas praecipiebant, certam habebat contemptus ecclesiae notam. Neque enim hoc fecissent, nisi



nisi multitudinem tenuiorum in ecclesia contempnissent. Vnde colligitur repræhendi hic non inferiores, sed eos qui quod potiores esse uidebantur cæteros præ se fastidiebant. Est ergo malum hoc antiquum, quod à potioribus ecclesia contemnitur in inferioribus, à doctis in idiotis & indoctis, à diuitibus in pauperibus, à ualentioribus in infirmis, hoc est, in illis ipsis, quorum rationem potissimam habet dominus. Atque ita fit, ut tubera in corpore ecclesiæ uera illius membra contemnant.

ET pudefacitis eos, inquit, qui non habent. ] Obserua. Nō dicit, Et esurire finitis, sed: Et pudefacitis eos qui non habent. Plus est pudefieri, quàm esuriem pati. Sperabat pauper, ingressum se conuentum fratrum, in quo nihil sit discriminis inter diuitem & pauperem, inter adferentem cibaria, & non adferentem, sed fraterna omnium communicatio. Verum ubi uidebat excludi se à communicatione mensæ, ac contemni, propterea quod nihil attulisset, pudore suffundebatur. An non hodie quoque in ecclesia pudefunt pauperes, dum se cōtemni, diuites uero in precio haberi cernunt?

Notus est locus Iacobi cap. 2. Si introierit, inquit, in conuentum uestrum, uir aureum habens anulum, & uestem candidam, introierit autem & pauper in sordido uestitu, & intēdatis in eum, qui indutus est ueste præclara, & dixeritis ei, Tu sede hic bene, pauperi autē dicatis, tu sta illic, aut sede sub scabello pedum meorum, &c. paulo post. Nōne Deus elegit pauperes in mundo, diuites in fide, & heredes regni? uos uero dehonestastis pauperem.

Et hoc quoque obserua, quod non dicit: Et pudefacitis eos qui nihil adferunt, sed, Et pudefacitis eos qui non habent. Aliud est nihil adferre in refrigerium egenorum, cum habeas, & aliud non habere quod adferas. Prius dignum est pudore, posterius uero non pudore, sed misericordia. At Romæ pudor est grandis habere nihil.

QVId uobis dicā? inquit. Laudabo uos? In hoc non laudo. ] Postquam abusus illorum repræhendit, subiungit dicēs: Quid uobis dicā? Quasi dicat: Iam uos ipsi iudicate, quid ad hæc mihi sit dicendum. Sūntne hæc in uobis laudanda? Licet, laudem uos in eo quod statuta mea tenetis, in hoc tamen nō laudo, quod ecclesiā Dei scinditis & contemnitis, proprias cœnas presumitis, ac pauperes qui sunt inter uos pudefacitis. Obserua discretionem Apostolo dignam, quam utinam seruaret hodie, qui mox in uniuersum damnāt, si uno tantū apiculo ab ipsis dissentias. Non laudat Apost. quæ nō laudanda sunt, sed repræhédenda. Rursus nō dānat in uniuersum omnia eorū, qui in nōnullis delinquebant, sed quæ bona in illis depræhēdebat, candide laudat. Sic non dicit hic simpliciter, non laudo uos, sed cum specificatione, in hoc, inquit, non laudo. Candidi ac iusti hominis est, laudare laudanda, & repræhendere repræhédenda. Nimis morbidi sunt, qui tan-

tum permittūt affectibus suis, ut si in opinione pro qua pugnant consentias, ad omnia reliqua sunt cæci, contrā, si dissentias, omnia simul damnant, etiā ea, quæ repræhendere non possunt. Et hunc morbum regnare necesse est, ubi obtinent in ecclesia studia & schismata.

Ego enim accepi à domino, quod & tradidi uobis, quod dominus Iesus in ea nocte qua traditus est, accepit panem, & cum gratias egisset, fregit ac dixit, accipite, edite, hoc meū est corpus quod pro uobis frangitur, hoc facite in mei rememorationem. Ad eūdem modum & poculum, peracta cœna dicens: hoc poculum Nouum testamentū est in meo sanguine, hoc facite quotiescunque biberitis in mei rememorationē. Quotiescunque enim ederitis panem hunc, & de poculo hoc biberitis, mortē domini annunciatīs donec uenerit.

Repræhēdit hactenus in Corinthiis schismaticis, quod dum conuenirent in eundem cœtū ecclesiam scindebāt, priuatas suas ac proprias cœnas, nō expectata fidelium multitudine præsumebant, ecclesiam Dei contēnebant, & pauperes qui in illa erant, pudefaciebant, & hisce de causis dixit eos non edere cœnam domini, nec laudare se talia facientes, iam ut ostendat, quàm sint hæc aliena ab instituto cœnæ dominicæ, & remota ab eo quod ipse illis tradiderat, recitat ipsam dominicā institutionem. Ego enim, inquit, accepi à domino, quod & tradidi uobis. Quasi dicat: Ego uobis non tradidi, quod facitis, neque quicquam à me excogitatum, sed ab ipso domino traditum per me accepistis, à quo procul absunt quæ uos in cōuētibz uestris facitis. Non instituit dominus in ecclesia sua schismata, nō tradidit nobis cœnas priuatas, non discreuit inter suos discipulos, sed communem omnibus cœnam, ab omnibus ex æquo & concorditer celebrandā instituit ac tradidit. Et ego nihil uobis aliud tradidi, quàm quod ab illo accepi, à quo uos iam deficere cœpistis. Hoc sensu dictū puto, quod de dominica traditione memorat dicens: Ego enim accepi à domino, quod & tradidi uobis, ut non minus neget eos à se accepisse, & institutioni dominicæ conforme esse quod faciebāt, quàm quid ipsis à domino acceptum tradiderit commemoret.

Est hoc loco diligenter obseruādum, ad quā sint regulam corrigendi sacramentorum abusus. Nihil recte nisi ad certam regulam corrigitur. Certa autē regula est nō humani Magistris, quantumuis annosa & inueterata præsumptio, sed dominica institutio. Ad hanc reuocat Corinthios Apostolus, & præuaricationem illorum, qua usum cœnæ dominicæ corruerāt corrigit. Nō dicit: Ego enim uester Apostolus



Apostolica uobis autoritate sic tradidi, sed: Ego enim accepi à domino, quod & tradidi uobis. Ad eandem & nobis respiciendum est hodie, uidendumq; ne à norma illius quolibet declinemus. Non sunt audiendi qui prætexit patres, concilia, Magisterium spiritus, potestatem ecclesiæ, catholicam consuetudinem, &c. Omnia hæc posterius sunt inducta. Nobis regula ueritatis esse debet, quæ ueniat à Christo, per illius Apostolos transmissa. Et ut cum Tertulliano dicam, non licet nobis nostro hic indulgere arbitrio, sed nec eligere quod aliquis de arbitrio suo induxit. Apostolos domini habemus, qui nec ipsi de suo quicquid quod inducerent elegerunt, sed accepta à Christo disciplinam, nationibus fideliter assignauerunt, &c.

Deinde proponitur hic fidelis ministri exemplum. Huius est tradere quidem ecclesiæ, quæ sint credenda & facienda, uerū non alia quam accepta à domino, ut sit uox illius: Ego accepi à domino, quod & tradidi uobis. Disputant de potestate ministrorum in ecclesia. Potestatem habent docendi & præscribendi quæ tradita sunt à domino. Si illa rite utantur, abunde satis habet quod agant. Perfidi sunt, qui nō tradita à domino præscribunt ecclesijs, & tradita ab illo interuertunt, atq; interim auctoritatem ac potestatem suam iactant. Magistri synagoge dicebant: Lex est in terra, nō est in cœlo, significantes esse illam suæ potestati subiectam. Sic isti. Sacramenta, inquit, & ecclesiæ & scripturæ sunt in terra, non sunt in cœlo. Licet hoc uerbis non dicant, re ipsa tamen eodem in istis Magisterio quod uolunt statuunt, quo Rabini Iudæorum usi sunt in legalibus statutis.

QUOD dominus Iesus nocte qua tradebatur accepit panem, &c.] Pertinent ista ad secundā partem, qua uerus usus dominicæ cœnæ ex ipsius institutione proponitur. Cū dicit: Quod dominus Iesus, exprimit ipsum authorē huius sacri. Vocat eum dominum, ut admoneat domesticos de illius auctoritate, quo de exhibenda illi cōueniēti, ac debita obseruātia cogitet.

NOCTE, inquit, qua tradebat.] Meminit temporis quo sacrorum hoc à domino est institutum. Sic specificat ultimā cœnā domini. Et ipse dominus signanter eam notauit, cum diceret: Dico enim uobis, quod nō sum ex hoc manducaturus, &c. Itē, quod nō sum bibiturus de generatione uitis, donec regnū Dei ueniat. Admonet hac temporis cōnotatione supremam esse dispositionem morituri domini in mystica illius cœna propositam, quo plus illa afficiamur, & simul auocat carnales Corinthios à studio perituri cibi ad contemplationē testamenti, quod à domino nobis est ex hoc seculo iam migraturo relictum.

Non est autem præter rationem, quod noctu sunt hæc à domino gesta. Sic erat lege constitutum, ut agnus ille paschalis noctu ederet, propter rememorationem transitus angelici, quo cunctis Ægyptiorum primogenitis

caësis liberati sunt ex Ægypto filij Israël. Sic Exodus. 12. legimus. Et edent carnes nocte illa asfas igni. Item, & transibo per terram Ægypti nocte illa, percutiamq; omne primogenitum. Et. Nox ista erit obseruabilis domino, quando eduxit eos de terra Ægypti. Hanc obseruare debet omnes filij Israël in generationib⁹ suis. Huic constitutioni legali confirmauit se dominus, non modo edēdo pascha uetus cum suis discipulis nocte, & sacramentū Noui testamenti instituendo, sed & opus redēptionis nostræ ea nocte inchoando, quatenus principiū illius erat traditio, qua per Iudā sacerdotibus ac pharisæis nocte illa prodebatur. Nocte igitur ea ut coeperat, terminabatur Veteris testamenti pascha, & Noui instituitur sacramentum.

Nec est, ut dicat quisquam. Ergo & nobis edenda est cœna dominica, nō interdiu, sed noctu, quo temporis quoq; institutionis illius rationē habeamus. Licet enim damnare nolim si citra superstitionem temporibus persecutionum noctu conueniant fideles, cū interdiu non liceat, & unanimi spiritu memoriam dominicæ mortis celebrent, concedendū tamen non est, requiri hoc à nobis, ut nō nisi noctu secundum exemplum Christi, ad communicationem mysticæ mensæ conueniamus. Etenim quod noctu fecit domin⁹, legi dabatur. Quod uero fidelibus suis instituit, nullis nec noctis, nec diei articulis alligauit, sed liberum uniuscuiusq; ecclesiæ commoditati reliquit. Nō dixit discipulis: Erit uobis nox ista obseruabilis, per cunctas uestras generationes, sed, quotiescūq; ederitis ac biberitis, hoc facite in mei rememorationem. Deinde licet institutum sit hoc memoriale ipsius noctu, nō est tamen noctu, sed clara luce corpus ipsius in mortem pro nobis datum, & sanguis effusus in cruce, cuius sacrificij memoriam per mysticam mēsam celebramus. Sit ergo liberum ecclesiæ, uel noctu, uel interdiu cōuenire ad cœnam dominicam peragendam. Qui noctu conueniunt, noctem habent, in qua traditus est dominus, & Noui Paschatis sacramentum institutum, de qua utiliter cogitare possunt. Qui panem domini interdiu edunt, ac calicem bibunt, diem habet, in qua immolatus est in cruce agnus, & sanguis Noui testamenti, pro peccatis nostris effusus, ad quam respiciant. Seruiat hæc libertas cōmoditatibus ecclesiæ, non faciat ad contētionem & odia, quibus opus domini destruitur. Dum hæc dicimus, non moramur canonem, qui de conscr. distinct. 1. uetat noctu fieri Missas, dempta nocte Natalis domini. Antiquum hoc est Romanis Pontificibus, ut libertatem ecclesiæ Magisterio suo opprimant. Sed pergamus.

ACCEPIT panem, inquit.] Recitat institutionem dominicā, cuius duæ sunt partes, una quid fecerit dominus, altera, quid nos facere iusserit. Quid fecerit, exprimit dicens: Accepit panem, egit gratias, Deo scilicet patri, fregit ac dixit, &c. Consimiliter & poculum peracta cœna, &c.



na, &c. Et huius facti externi mens ac sensus exprimitur istis uerbis. Hoc est corpus meum quod pro uobis frangitur. Et. Hoc poculum nouum testamentum est in meo sanguine, ne se discipuli uulgari modo, uel etiam iuxta religionem ueteris Pascatis, panem manducare, ac uinum bibere putarent, præsertim cum gererent ista in ipsa cœna ueteris Pascatis, in qua cōfederat secundū Mosaicæ legis præscriptū.

ACCEPIT panem, inquit. ] Intellige, postquā esum agni Paschalis absoluerat, id quod uidere est in Luca. Panem ac uinum usurpauit res usitatas, parabiles, naturæ nostræ amicas, & ad confortandum nos exhilarandumque diuinitus das.

GRATIAS egit, inquit. ] Hoc habebat in more, sicuti patet Ioā. 6. Matth. 14. & in poculo Pascatis, Luc. 22. Quomodo autē Seruatori unigenito Dei conuenerit, ut gratias ageret Deo patri, Ioan. 6. annotauimus. Euangelistæ uerbis *ὁλοκαυτωσιν* & *ὁλοκαυτωσιν*, eodem sensu pro gratiarum actione utuntur, ne quis hic locum esse putet Papisticæ consecrationi, quasi benedicere idem sit quod cōsecrare. Matthæus, Lucas, & Paulus dicunt Christum in cœna accepto pane, ac poculo, gratias egisse, Deo patri uidelicet, Marcus uero solus dicit eum benedixisse, accepto pane, qui tamen & ipse, ubi de poculo loquitur, gratias illum egisse dicit. Quare manifestum est, idem esse benedicere, quod gratias agere, quod & infra cap. 14. manifeste uidere licet, ubi dicit Apostolus. Alioqui *ὁλοκαυτωσιν*, id est, si benedixeris spiritu, is qui implet locum indocti, quomodo dicturus est, Amen, *ὁλοκαυτωσιν*, id est, ad tuam gratiarū actionem. Accepto itaq; pane Christus, gratias egit Deo patri, de consecratione uero, qua panem huiusce uerbis mutauerit in suum corpus, non legimus quicquam.

Optandū sane esset, ut quibus uerbis Christus Deo patri gratias egerit, Euangelistæ expressissent. Verum cum illud factum non sit, considerandum nobis est, qua in re gratias egerit. Habebat hoc quidē in more, ut ad quēlibet cibum ageret Deo patri gratias, quā consuetudinem pijs hominibus, præsertim patribus familias, in eo populo fuisse traditur, uerum dubio procul in hac causa singularibus & præcipuis uerbis usus est, quibus discipulorū suorum animos ad intellectum eorum quæ agebat induceret, quemadmodum in oratione quoq; fecit, quam Ioan. cap. 17. commemorat. Primū in re non magis ipsum, quā nos concernente, gratias egit. Cogitemus ergo quid nos facere deceat in hac causa, quorum gratia filius Dei patri gratias egit. Deinde nō solum in re aliena, sed & tali gratias egit, quæ mortē ipsius poscebat, ut impleretur & confirmaretur. Quis nō uidet igitur, quā ad moriēdum pro nobis animo fuerit propenso? Hinc illud: Desyderio desyderauī, hoc pascha manducare uobiscū, antequā patiar. Seruit ergo nobis hic locus, non modo ad exemplum, sed & ad do-

cumentum, unde cognoscamus, quā parato & prōpto animo mortē p nobis obierit dñs.

FREGIT, inquit. ] Panis erat tostus, placēta azyma, quā Germanicē uocamus *kuochen*, ut posset frangi. Eiusmodi nanq; placētis utebantur in festo Paschatis, iuxta legem usus est illis & dominus, non necessitate aliqua quasi non alio pane liceret uti in hac causa, sed quoniam non referebat quo pane uteretur, modo cibario, & quod alius nō adesset, nec sine offēdiculo alium usurpare posset. Erat autem cōsuetudo hæc domini, ut in morem patris familias panē ipse frangeret, & discipulis uestendū distribueret, unde ipsum post resurrectionē duo ex illis in Emaus tum demum cognouerunt, ubi panem ipsis fregisset. Et cognouerūt eum, inquit Lucas cap. 24. in fractione panis.

Lucas dicit: & dedit eis, Matt. uero, & dedit discipulis. Aderāt duodecim, de alijs nō legimus. An & Iudas tum adfuerit, in quæstionē uenit. Adfuisse illū negāt Hilarius, & Rupert⁹ Abbas Tuitiensis, quorū sententiæ quomodo contradicere debeā non uideo. Illud uideo, si ordo narrationis recte consideretur, nō posse certo probari, quod adfuerit, ubi mysterium hoc corporis ac sanguinis sui instituit ac commendauit discipulis suis dominus.

An ipse prior comederit ex hoc pane, & biberit de hoc uino, non est certum, quamuis sic senserit Chrysostomus, homel. super Matthēū 83. dicens: Ipse quoque bibit ex eo, ne auditis uerbis illis dicerent: Quid igitur? Sanguinem bibimus? & carnem comedimus? ac ideo perturbarentur. Nam & quando prius de hoc uerba fecit, multi propter uerba tantum scandalum passi sunt. Ne igitur nunc quoque id accideret, primus ipse hoc fecit, ut eos trāquillo animo ad communicationem mysteriorum induceret. Hæc ille. Et de consecr. distinct. 2. ca. Nec Moses, tribuitur Christo quod fuerit & conuiua & conuiuium, ipse inquit, comedens & qui comeditur. Sane multum lucis adferret ad intelligendum hanc causam, non dico illis, qui nimium sunt contentiosi, sed rudioribus, si certo constaret Chrysostomi hac in re sententia.

Et dixit, accipite, edite, &c. Ad eundem modum & poculum peracta cœna. Matthæi 26. dedit illis dicens: bibite ex hoc omnes. Et Marcus, & biberunt ex eo omnes. Sic dedit illis panem à se fractum, & uinum, neque ad includendum (uide Origen. super Leuiticum homel. 5.) neq; ad ostentandum, neque ad circumgestandum, neque ad adorandum, sed ad edendum & bibendum. Deinde nō dedit uni tantum ex illis, nec Petro, nec Iacobo, qui reliquorum nomine ederet & biberet, sed dedit omnibus, ut ederent ac biberēt singuli. Faciebat enim hoc ad mysterium, cuius cōmunicatio ex æquo proponebatur omnibus.

Neque ociosum est, quod de poculo peculiariter dixisse memoratur. Bibite ex eo oēs, & Marcus addit, & biberunt ex eo omnes. Facie-



bat enim ea pars sacramēti potissimum ad testamenti Noui confirmationem. Quare omnino magna est eorum temeritas, qui illā ex usu fidelium Christi ademerunt.

*De mysterio, mente, ac sensu cœnæ dominicæ.*  
 Hactenus de externo Christi facto, tāquam prima præsens materiae parte, iam uidēdum est de illius mysterio mente ac sensu. Quod panem accepit, gratias egit, fregit, deditque discipulis, ac poculum consimiliter exhibuit, poterat utrunque ex more fecisse uideri, nec aliquid subesse mysterij. Quare facti sui mysterium exposuit inductione usus omnium commodissima, ex sacramento Veteris Paschatis desumpta, ad cuius esum ac potum pro ritu legis confederant, qua de re Lucæ 22. sic legimus: Euntes autem inuenerunt sicut dixerat illis, & parauerunt Pascha. Et cum iam esset tempestuum, accubuit, ac duodecim Apostoli cum eo. Et ait illis: Desiderio desideravi hoc pascha manducare uobiscum, antequam patiar. Dico enim uobis posthac non edam ultra ex eo, donec compleatur in regno Dei. Erat hoc ultimum Veteris testamenti pascha, & terminandus iam erat figuralis illius usus, complendusque in regno Dei per mactationem ueri ac Noui testamenti Paschatis, agni uidelicet Dei, cuius sanguine totum genus mortalium à peccatis erat liberandum. Et hoc est quod dicit: Posthac enim non edam ex eo donec compleatur in regno Dei, hoc est, in Noui testamenti gratia. Hæc adimpletio figuralis Paschatis, statim est altero die facta in cruce. Huius desiderio ultimum hoc Pascha cupide edebat. Ardebat enim ad perficiendam generis humani redemptionem. Nec dubito quin accepto in manus agno Paschali ac figurali gratias egerit Deo patri, & hæc uerba ad discipulos protulerit. Quemadmodum & de poculo Paschali subiicitur. Et accepto poculo gratias egit ac dixit, accipite hoc & diuidite inter uos: Dico enim uobis quod non bibam de fructu uitis, donec regnum Dei ueniat. Videmus itaque dominum non comedisse de legali agno ac poculū illius bibisse prorsus mutum, sed egisse patri gratias, & mysteriū quoque illius sic exposuisse, ut ad institutionem Noui Paschatis collimaret. Quare hac inductione præmissa mox absoluto Paschati legali institutionem Noui subiecturus, accepit panem, gratias egit, fregit, dedit discipulis dicens, accipite, edite, hoc meum est corpus quod pro uobis frangitur, uel, ut Lucas habet, datur. Similiter & poculum peracta cœna dicens: Hoc poculum Nouum testamentum est in sanguine meo, qui pro uobis effunditur. Sic igitur explicat factum suum, significans Vetus se Pascha terminare, ac Nouū instituere, quasi dicat: Hactenus durauit Vetus testamentum, cuius cōfirmatio fuit in sanguine agni, quem sub Mose patres nostri in Ægypto iussu Dei mactauerūt, ac sanguine illius ab angelo sunt percussore liberati, cui⁹ liberationis typicum, ac memoriale sacramentum singulis

**A** annis ritu hoc solenni celebrarunt. Iam uero, ut instat Veteris testamenti terminus, & principium Noui, sic finem habet typicū etiam & memoriale hoc Pascha, & inchoādum est Nouum. Habuit Vetus suum typicum agnum, & annuum illius sacramentū, habet nouū quoque suum agnum, nō typicum, sed uerū, cuius sanguis effusus auferet peccata mundi, auerterque iram & ultionem Dei. Hic agnus ego sum. Immolabor pro uobis, & sanguine meo testamentum Nouū confirmabo. Quare nō est ut posthac typicum Veteris testamenti Pascha edatis. Ecce instituo uobis Nouum. Panis hic, quem frango, & ad edendum uobis distribuo, & poculum quod bibēdum uobis porrigo, nō sunt uobis accipienda simpliciter, ut panis & uinū, pro cibando ac potando corpore, sed ut sacramentum, ac mysterium Noui testamenti. Commendo uobis corpus ac sanguinem meū quorum sacramentū instituo in hoc pane & uino. Panis hic corpus meū est, corpus ueri ac Noui agni, paulo post pro uobis immolandum. Poculum hoc Nouum testamentum est in sanguine meo, sanguine ueri agni, qui pro uobis effundetur. Quod enim in Veteri test. fuit agnus Paschalis & ritus edendi illius, hoc erit posthac in Nouo panis huius fractura, ac poculi istius distributio. Sicut agnus hic typic⁹ & memorialis habetur pro sacramento nō ueteris testamenti: ita panis hic, cum poculo habeatur pro sacramēto immolati mei corporis, & effusi sanguinis in Nouo testamento. **B** Hæc meo iudicio, mens Christi est in præsenti causa. Quemadmodum Moses Exod. 12. de agno Paschatis præcepit, ac memoriale illius annuū, ac solenne instituit, priusquam ille mactaretur, ac sanguine suo angelū percussorē auerteret, atque ita Veteris testamenti sacramentum condidit, ita & Christus terminatur⁹ Vetus & inchoaturus Nouum test. sacramentū Noui Paschatis instituit, priusquā ipse illius agnus in cruce immolaretur. Hac inductione puto facillimum erat discipulis intelligere quid uellet hic Nouus ritus, quē instituebat dominus. Neque existimo cōmodiorem esse rationē consequēdi intellectus in hac causa, quā si quæ Lucas scribit diligenter consyderentur, & sine hac inductione nemo de mysterio hoc suo pte sensu iudicare ac pronunciare præsumat.

Cum itaque dicit: Accipite, edite, Hoc meum est corpus quod pro uobis frangitur, nō debemus hære in pane, sed intendere in mysteriū corporis Christi, tāquam agni immaculati, & pro nobis in cruce immolati, & ad edendū, nō tā dētib⁹, quā fide instructi accedere, qua credamus corpus unigeniti Dei in mortem pro nobis esse datū, & sanguinem illius pro peccatis nostris effusum. Huc nō respiciebat Corinthij cū ex cœna domini priuata facerēt cōuiuia & symposia. Et utinā huc respiciāt fratres nostri, quod de uerbis istis: Hoc meū est corpus, ita disputat ut magis querat ubi sit corp⁹ Christi quā mysteriū mortis illius, ac redēptionis nostræ syn-

cera



דבר פסח  
הוא ליהודים

cera fide perpédāt. Exo. 12. legimus ad hūc modum. Cū dixerint uobis filij uestri, quid est uobis hic cultus? Diceris, uictima trāsitus domini est, quo trāsīuit super domos filiorum Israël in Ægypto, cū percuteret Ægyptios & domos nostras liberaret, &c. Hisce uerbis de sacramēto ac ritu Veteris Pasch. iussu Dei instruebant filij Iudeorū. Et tamē haud quāq̃ disputabant, quomodo agn<sup>o</sup> ille Paschatis, quē singulis annis edebāt, uictima esset trāsitus dñi semel facti in Ægypto. Intelligebant enim esse eum illius ידבר, id est, memoriale. Cōsimili modo instruendi sunt, & nostri de pane hoc & ritu cœnæ dominicæ, dicēdumq̃ illis: Panis hic, uictima est corporis dñi, qua sese pro nobis Deo patri obtulit in cruce. Poterat dominus simpliciter dicere: Accipite, edite in mei rememorationē, uel, accipite, edite, hoc est memoriale meū, nisi uoluisset mysterium mortis suæ ac nostræ redemptionis exprimere, & ecclesiæ suæ corporis ac sanguinis sui sacramentum commendare. Vt hoc faceret dixit: Accipite, edite, Hoc meum est corpus, quod pro uobis frangitur, quod perinde est, ac si dixisset: Hoc est sacramentum MEI corporis, pro uobis paulo pōst in cruce morituri: Hoc est, uictima corporis mei, Hoc est agnus Dei, qui pro uobis mactabitur. Hoc nouum Pascha est in corpore meo, quod pro uobis immolabitur: Hoc est memoriale corporis mei, quod pro uobis dabitur.

Hæc omnia de pane hoc cœnæ dominicæ retilissime prædicari possunt. Et istis prædicatis assuefacienda est ecclesia, ut discat neq; superstitiose cum Papistis, neq; irreligiose cum carnalib<sup>9</sup> Corinthijs & Capernaitis, sed pie & utiliter de pane hoc domini sentire ac loqui, sensu & intellectu uidelicet sacramētis ac mysterijs conuenienti.

Hoc est corpus meum, inquit, quod pro uobis frangitur. Referunt aliqui uerbum frangendi ad panem cœnæ dominicæ, quasi dicat: Hic panis meum corpus est, qui pro uobis iam frangitur. Verum panis ille frangitur quidem, at non illius, sed corporis sui fracturam, id est, mortem, quam in Ioanne templi destructionem uocauit, tanquam mysterium fide amplectendum commendat, cum dicit: Hoc est corpus meum quod pro uobis frangitur. Poterat dicere, quod pro uobis traderetur & occideretur. Verum ut accommodaret se sacramentali fractioni panis dixit: quod pro uobis frangitur. Vt enim panis dum frangitur, pro illis frangitur, quibus ad edendum distribuitur, propterea quod nisi frangatur, distribui & edi nequit, sic corpus domini, panis uiuus de cœlo missus ut cibus noster fieret, in cruce pro nobis est fractum, id est, occisum, id quod alijs uerbis expressit dominus ipse, cum dixit: Nisi granum frumenti cadēs in terrā mortuū fuerit, ipsum solū manet, &c. Hactenus ergo fractū p nobis est in cruce corpus domini, quatenus pro nobis est morti datum, ut ipsius oblatione à peccato & morte redimeremur ac uiuificaremur.

A Nec impedit quod in presenti legitur, quod pro uobis frangitur, cum tamen non in cœna frangeretur, sed sequenti demum die frangendum esset in cruce. In Græco quidem legitur *κλάμεν*, id est, quod frangitur, sicut & in Luca *διδομεν*. i. quod dat. Certū tamē est, Seruato rem nostrum non est Græce, sed Syriace loquutum, quæ lingua non potest dicere in presenti frangitur, aut, datur, sed pro presenti utitur, uel præterito, uel futuro, ut, *הוא גרפי אשר*, id est, hoc corpus meum quod pro uobis dabitur, aut, *ישבר*, id est, frangetur, aut participio præterito *נתן*, id est, datum, uel *שבר*, id est, fractum. Quoniam sacramentum instituebat, cuius usus post mortem ipsius seruiret ecclesiæ, uerosimile est dixisse eū ad hunc modum, *הוא גרפי*, uel, *גפשי*, id est, hoc corpus meum, *בעבורכם שבר*, id est, pro uobis fractum. Et huic respondere uidetur Græcum *κλάμεν*. Sunt quidem hæc minuta, & tamē nescio quomodo fiat, ut qui sanctæ linguae sunt prorsus ignari, in uerbis domini subinde hallucinentur, & pro rebus parergis ac minutis acerbe digladiantur.

B Hoc poculū, Nouum testamētū est in meo sanguine, inquit. Exponit mysterium poculi. Vtrobique aut & de pane & de poculo sacramentaliter loquit, Sacramēto externo tribuēs, qd est ipsius rei. In Matth. dicit: Hic est enim sanguis meus, q est Noui test. qui p multis effunditur in remissionē peccatorū. Sic & Marc. nisi q illud, in remissionē peccatorū, omisit. Lucas & Paul<sup>9</sup> sic recitāt. Hoc poculū Nouū test. est in meo sanguine, & Lucas addit, qui p uobis effundit, quod Paulus nō habet. Viderint hic, q p uerbis in ecclesia digladiatur. Nō sunt eadē uerba ubiq; posita ab Euāgelistis & Apostolo. Et tamē nemo usq; adeo insanit, ut putet Christū sic esse de poculo loquutum, ut omnia hæc uerba protulerit, quæ à Matth. Marc. Luc. & Paulo recitantur. Sic dixit: Hic est sanguis meus, q est Noui test. quorsum adiecisset: Hoc poculum Nouum test. est in meo sanguine. Si uero dixit: Hoc poculum Nouū test. est in meo sanguine, nulla erat ratio ut adijceret: Hic est sanguis meus, qui est Noui testamēti. Vtrumuis dixerit, alterū non dixit: Quare necesse est, ut sensus utrobique sit idem, & alterū per alterū uelut exponat. Quod Matth. Ebraice scripsit, *הוא דמי חבריה החדשה*. i. Hic est sanguis me<sup>9</sup> Noui testamenti, id Lucas & Paulus exposuisse uidentur ad hunc modum. Hoc poculū Nouum testamētū est in meo sanguine. Ergo idē est poculum hoc esse sanguinem Christi, quod est, esse Nouum testamētū in sanguine Christi. Et existimo Lucā hoc accepisse à Paulo, ut sensum uerborū Christi hoc pacto exponeret. Quēadmodū igitur poculū domini ob id Nouum test. uocat, quod sacramētū est Noui testamenti, ita etiā sanguis Christi propterea uocatur, quod sacramētū est sanguinis Christi. Et sicut Nouum testamentum cōfirmatum est sanguine Christi in cruce pro peccatis nostris effuso



effuso, ita sanguis Christi, sanguis Noui testamenti dicitur, ad differentiam pecuini sanguinis in quo Veteris erat testamenti confirmatio, qua de re uidere licet Ebr. 9. Dicit itaque. Hoc poculum Nouum testamentum est in M E O sanguine, quasi dicat: Haftenus Veteris testamenti confirmatio fuit in sanguine pecudum, iam Nouum confirmabitur in M E O sanguine, cuius sacramentum hoc uobis poculo instituo, commendo, ac trado.

H O C poculum, inquit, Nouum testamentum est in M E O sanguine.] Ergo Nouum testamentum est poculum hoc à domino traditum? Sacramentaliter est, realiter non est. Testamentum extrema est morituri uoluntas, qua certis amicis legatur hæreditas, quæ legatio tum demum ualet, quando testamentum morte testatoris confirmatur. Hæc communis est testamenti ratio & conditio. In sacris scripturis accipitur uox בְּרִית quam uertunt testamentum pro fœdere, quod iniit cum populo suo dominus. Et quoniam duplex est illius dispensatio, prior sub Mose seruilis, carnalis, umbratilis, ac figuralis, tradita Israël secundum carnem, posterior uero sub Christo libera, spiritualis, & ueritatis habes adimpletionem: Vocata est prior Vetus, posterior Nouum testamentum, cuius gratiam dominus ipse Hieremiæ 31. expressit, & à priori separauit dicens: Ecce dies uenient dicit dominus, & confirmabo super domum Israël, & super domum Iehudah testamentum Nouum, non secundum testamentum quod feci patribus eorum in die, qua apprehendi manum eorum, ut educerem eos à terra Ægypti. Quoniam ipsi non permanserunt in testamento meo, & ego neglexi eos dicit dominus. Hoc est autem testamentum quod disponam domui Israël post dies illos dicit dominus, dabo leges meas in mentem eorum, & in corda eorum inscribam eas, & ero eis in Deum, & ipsi erunt mihi in populum. Et non docebit quisque proximum suum, ac fratrem suum dicens, cognosce dominum, quoniam omnes cognoscet me, à minore usque ad maiorem, quia propicius ero iniquitatibus eorum, & peccatorum ipsorum non recordabor. Hæc ibi, quæ in Epistola ad Ebr. ca. 8. & 10. de gratia Noui testamenti citantur. Huius mediator est, non Moses, sed Christus, huius doctrina non est uetus lex, sed nouum Euangelium, non litera, sed spiritus, huius sacramenta sunt, non circuncisio carnis & Pascha uetus, sed lauacrum regenerationis, & quod hic sub pane & poculo, ad Noui hominis alimentum instituitur. Hanc igitur testamenti inno-uationem expressurus dominus, non dicit: Hoc poculum testamentum Dei, uel, testamentum meum, sed, Hoc poculum testamentum N O V V M est, qua uoce omnino Vetus abrogauit, & animos discipulorum suorum ad Nouam, quæ aderat, cœlestis gratiæ dispensationem dirigebat, & ab obseruantia Veteris ac legalis auocabat. Cogitemus igitur, quoties de hoc poculo domini bibimus, esse nos filios, hæredes, consortes, & poculum, non Veteris, sed Noui test.

A Et ut huius admoneamur optarim obtinere in ecclesia, ut communicaturi de hoc sacramento, ad communionem se Noui testamenti accedere dicant. Non est ociosum, quod non modo ipsa gratia per Christum dispensata, sed & doctrina illius, & codex Euangelicus & Apostolicus, & poculum mysticum, Noui testamenti elogio, uocantur & ornantur.

I N M E O sanguine, inquit.] Emphasis est in pronomine M E O. Dicit Nouum testamentum esse in S V O sanguine, non in sanguine pecorum. Dicis, quomodo testamentum est in sanguine, cum sit remissio peccatorum? Audi Apostolum Ebr. 9. Vbi testamentum est, inquit, mors necesse est intercedat testatoris. Testamentum enim in mortuis confirmatum est. Alioqui non dum ualet, dum uiuit qui testatus est. Vnde nec primum sine sanguine dedicatum fuit. Cum enim Moses omne mandatum iuxta legem exposuisset omni populo, sumpto sanguine uitulorum & hircorum, cum aqua & lina cocina, & hyssopo, simul & ipsum librum & totum populum aspergit dicens: Hic est sanguis testamenti quod mandauit uobis Deus. Insuper autem & tabernaculum, & omnia uasa ministerij sanguine cōsimiliter aspergebat. Et omnia fere secundum legem sanguine purificantur, & absque sanguinis effusione non fit remissio. Itaque necesse est ut exemplaria quidem eorum quæ sunt in cœlis, hisce rebus purificentur, ipsa uero cœlestia potioribus, quam hæc sint uictimis mudentur, &c. quibus uerbis satis indicatur, haftenus Nouum testamentum esse in sanguine Christi, quatenus Vetus fuit in sanguine uitulorum & hircorum, ratione uidelicet dedicationis & confirmationis, propterea quod testamentum hoc, morte testatoris est confirmatum, eaque non uulgari, sed cruenta, qualem conueniebat esse uictimæ pro peccatis totius mundi oblatae, unde & non simpliciter dixit: Hoc poculum Nouum testamentum est in morte mea, sed, in sanguine meo, neque sic ratum, sed adiecit, qui effunderetur, & ut rationem effusionis huius exprimeret, subiicit, pro uobis & pro multis in remissionem peccatorum. Loquitur ipse agnus Dei, mediator inter Deum & homines, de morte sua, quæ erat tanquam uictima Deo patri immolanda pro totius mundi peccatis, in cruce subiturus, ac testamentum Nouum confirmaturus. Hac ratione dicit illud esse in suo sanguine ad remissionem peccatorum effundendo.

Videmus itaque, quare separatim de hoc poculo dixerit, esse illud Nouum testamentum in suo sanguine, & quæ friuola sit eorum ratio, qui dicunt: Et in corpore sanguis est, ideoque laici non priuantur sanguine Christi, qui sub una tantum specie comunicant, & corpus domini accipiunt. At Christus instituit sacramentum sanguinis sui, non quatenus illum habebat adhuc in corpore uiuo, sed quatenus erat illum in cruce pro peccatis nostris moriendo effusus. Aperit nobis hic intellectus, quomodo sanguini Christi in literis Apostolicis tribuat, quod sit propitiatio

Ebr. 9.

ἱεροδωματα.



propitiatio pro peccatis nostris, Ro. 3. quod in illo iustificemur, Ro. 5. redemptionem habeamus: Eph. 1. pacificemur: Coloss. 1. fiduciam acquiramus ad introitū sanctorum: Ebr. 10. sanctificemur: Ebr. 13. ab omni peccato emundemur. 1. Ioan. 1. & stolas nostras dealbemus: Apoc. 7. Omnium horum ratio est, quod sanguis Christi, sanguis est Noui testamenti, sanguis mediatoris pro peccatis nostris in cruce effusus. Sed pergamus.

*Hoc facite.*

Diximus supra duas esse in hac causa dominicæ institutionis partes, unā, quid fecerit dominus, alterā, quid nos facere iusserit. De priori hastenus, iam de posteriori uideamus. Ea sic proponitur. Hoc facite in mei rememorationem. Manifesta uerba. Nihil manifestius dici potuit. Vnde nec Apostoli uel uerbulo de sensu institutionis huius interrogasse leguntur. De sacramentalibus loquutionibus clamāt nonnulli: Manifestum uerbum, manifestum uerbum. Hic sacramentali ac mystico uerbo mādātū subiicitur omnino ad nos pertинens, & nullo mystico inuolucro obscurum. Hoc, inquit, facite ad mei rememorationem. Haud opus est operosa indagatione. Manifestum est quid nos, manifestum ad quid facere iubeat. Hoc facite inquit. Non dicit: Hoc sacrificate. Non enim nos facere uoluit, quod ipse pro nobis in cruce erat facturus, sed quod iam fecerat. Non autem sacrificauerat, sed in cruce demum semetipsum erat Deo patri sacrificaturus. Non dicit: Hoc dicite, & mutate panem in corpus meum, sed, hoc facite. Neque dicit: Hoc porro faciam, neque enim de re aliqua loquitur, quæ nobis sit prestitu impossibilis, ideoque non à nobis, sed ab ipso fieri debeat. Si mutasset ipse panem in corpus, & uinum in sanguinem suum, eamque mutationē porro in ecclesia sua fieri uoluisset, nō dixisset: Hoc facite, sed, Hoc porro faciam. Cū ergo dicit: Hoc facite, satis significat se loqui de opere quod non ipse sit facturus, sed quod à nobis fieri debeat, & possit etiam. Quod autem illud sit, patet ex præcedentibus, quæ in duo membra diuidi ac separari possunt, ita ut unum ipsi domino, alterum discipulis competat. Primum est, quod Noui testamenti sacramentum est institutum. Hæc institutio pertinet ad authoritatē domini, non ad discipulos. Non iubet ergo ut sacramentum instituunt & faciant. Verbum faciendi non est hic referendum ad opus, quod domini ipsius est, & semel ab ipso factum, nullam iterationem requirit. Testatoris est condere testamentum, non hæredum. Et semel conditum testamentum, ut annihilandum non est, ita nec mutandum nec iterandum. Alterum est, quod panem ab ipso fractum acceperunt & comederunt, & poculum consimiliter ab ipso traditum biberunt. Iam cum pronomen: Hoc, ad institutionem sacramenti referri nequeat, manifestum est, referendum esse ad id quod ipsi discipuli iam fecerant, & porro facere debebant, ut quod dicit, hoc facite, perinde sit, ac si dicat: Quod iam

A facitis de pane hoc cōmuniter edentes, & de poculo isto bibētes, hoc eadem cōmunicatione in posterum communiter inter uos facite.

Quemadmodum in Marco animaduertere licet, tum demum dixit: Hic est sanguis meus Noui testamenti, & hoc facite quotiescunque biberitis in mei rememorationem, cum iam de tradito ipsis poculo bibissent omnes. Nec dubium est cōsimili ordine dictum esse de pane, ubi illum comederāt. Hoc est corpus meū, quod pro uobis frangitur. Hoc facite in mei rememorationem. Illa, hoc est corpus meum, quod pro uobis traditur, & Hoc poculum Nouum testamentum est in meo sanguine, ad institutionem sacramenti pertinent, quare ad ea non est referendum quod dicit: Hoc facite. Reliquum ergo est, ut referatur ad id quod iā discipuli fecerant, traditum panem comedentes, & de tradito poculo bibentes. Vnde & dixit: Hoc facite quotiescunque biberitis, in mei rememorationē. Et Apostolus cū dicit: Quotiescunque comederitis panem hunc, & de poculo hoc biberitis, mortem domini annuntiatis, & quæ sequuntur satis exprimit quo sensu dictum sit à domino: Hoc facite. Tali uidelicet: Hūc panem cum gratiarum actione inter uos frangite & comedite, & hoc poculum cōmuniter omnes bibite.

B Nisi hoc mandasset, non esset authenticum quicquid ad imitationem illius humana præsumptio instituisse. Authoritate mandati huius sacramentū hoc, corporis ac sanguinis domini celebramus & usurpamus in ecclesia. Et intellexerunt apostoli, nō esse hoc ipsis tātum, sed simul & ecclesiæ fidelium traditū à domino, quare & ecclesijs illud fideliter tradiderūt. Ego accepi à domino, inquit, quod & tradidi uobis. Intellexerunt Apostoli institutum esse à domino nouum Noui testamenti pascha, cuius communicatio non est ad ipsos tātum, sed & ad omnem fidelium multitudinem, nō minus quàm uetus pascha ad multitudinē Israël, pertineat. Quare nō sunt argutati ad hunc modū: Nobis apostolis dedit dominus panē hunc & poculū, ac iussit, ut quod fecit ipse & nos faciamus. Non dedit alijs, nec dixit, tradite hæc alijs, sed, Hoc facite, ad quem modū nostra hac ætate Sophistæ nonnulli argutati sunt, nō pertinere hoc sacramentū ad laicos fideles, sed ad solos sacerdotes, tāquā Apostolorū successores. Quod autem una species in usu est laicis, esse hoc ex permisso, liberalitate & gratia ecclesiæ, tanque abesse, ut de negata communione calicis conqueri debeant, ut magis agenda sint ecclesiæ gratiæ pro communione corporis. Sunt hæc à mente tam Christi quàm Apostolorum omnium alienissima, & nonnisi magnum & impudentissimum sacrilegiū spirantia. Quēadmodū ipsius Testamenti consors uniuersa est ecclesiæ Christi multitudo, ita cōsors est & sacramenti huius, cuius poculum Nouum est testamentum à domino uocatum, sicut inter ministros uerbi, & plebem



bem fidelium, nihil in hac communicatione mysteriorum Christi sit discriminis, nisi quod illi traditum à domino sacramentum multitudini fidelium ex officio dispensant, sicut & canunt, quibus sic congruit, ut sumant & dent cæteris.

*Chrysost.* Legant saltem Chrysostomum super posteriorem ad Corinthios. homil. 18. ubi sic dicit: Est autem ubi nihil differt sacerdos à subdito. Vt quando fruendum est tremendis mysterijs. Similiter enim omnes ut illa percipiamus digni habemur. Non sicut in ueteri lege, partem quidem sacerdos edebat, partem autem populus, & non licebat populo participem esse eorum, quorum particeps erat sacerdos, sed nunc non sic, uerum omnibus unum corpus proponitur, & *POCULUM VINUM.*

Hæc ille. Et Theophylactus: Præsertim: inquit, cum tremendus hic calix pari cunctis sit conditione traditus. Si pro solis Apostolis traditum esset in cruce dominicum corpus & sanguis illius effusus, non immerito panem hunc & calicem solis illis traditum esse sentiremus. Iam uero cum non pro illis tantum, sed & reliquis fidelibus omnibus sit mortuus dominus, & Matthæus palam dicat: qui pro multis effundetur in remissionem peccatorum, manifestum prorsus est, & sacramentum hoc corporis ac sanguinis domini, non ad solos Apostolos, sed post illos ad omnes quoque pertinere fideles & redēptos. Cogor hac de re admonere propter impudentes Sophistas, qui rem manifestam ausi sunt negare, & dominicā institutionem ad solos referre sacerdotes.

Sed hætenus de eo, quid nos facere iusserit dicens: Hoc facite, iam de eo uidendum est, ad quid nos hoc facere uelit. Non est ut diuinet ac statuatur hic humana præsumptio, nec est ulla contentiosis hominibus contendendi ac disceptandi relicta occasio. Ipse qui sacramentum hoc instituit, non modo quid, sed & ad quid facere debeamus expressit. Non dixit autem: Hoc facite in mei oblationem, id quod se Papistæ quotidie facere iactant. Nec dixit: Hoc facite in remissionē peccatorum uestrorum & aliorum, quo sensu Missatores suā missam & nonnulli cœnam dominicam fidelibus commendant, sed, hoc facite in mei rememorationē. Quasi dicat: Hætenus celebrastis in ueteri Pasce transitus angelici & agni in Ægypto mactati memoriam, donec Verus testamentum durauit. Iam illo finito in posterum non edetis agnum typicum, sed facietis hoc quod modo fecistis in mei rememorationem. Hoc erit memoriale sacramentum Noui testamenti, quo mortis meæ, ac redemptionis uestre memoriam in cordibus uestris, communi ac solenni ritu alatis, ac gratiam hæc animis gratis amplectamini ac bene collocetis. Chrysostomus super Mattheū homilia. 83. hæc uerba tali paraphrasi exponit dicens: Nam sicut illud (loquitur de agno Pasce) in rememorationem miraculorū quæ in Ægypto patres

A uestri uiderunt, faciebatis, sic & hoc in mei facite rememorationem, &c. Et quemadmodū Moses, hoc æternum memoriale uobis erit, dicebat, sic & ipse, in mei, ait, rememorationē donec ueniam, hoc facite.

Et Augustinus contra Faustum Manichæum libro. 20. cap. 21. Sacramentum hoc, sacramentum memoriæ uocat dicens: Huius sacrificij caro & sanguis ante aduentum Christi per uictimas similitudinum promittebatur, in passione Christi per ipsam ueritatem reddebatur, post ascensum Christi, per sacramentum memoriæ celebratur. Hæc ille. Libera esset ecclesia à uarijs & multis superstitionib⁹, quæstionibus, & contentionibus, si quorum officium est docere alios à simplicitate hac dominici mandati nunquam recessissent.

Sed dicet hic quisquam: Ergo nihil aliud facimus in cœna dominica, quàm quod panem edimus, & uinum bibimus, & hoc facientes, domini recordamur? Respōdeo. Panem quidem edimus, & uinum bibimus, uerum non ut uulgarem corporis cibum ac potum, sed ut panem ac poculum domini, sicut nominatur ab Apostolo, & à priscis patribus, ut panem ac poculum sanctificatum, sicut appellantur à Cypriano, ut sacramentum corporis ac sanguinis domini, in quibus, teste Augustino, aliud uidetur & aliud intelligit, ut symbola ac mysteria gratiæ Noui testamenti, quæ de mensa domini accipientes, non corporis tantum, sed & fidei ore manducamus & bibimus, & hoc faciētes mortem domini cum gratiarum actione annunciamus, inque fide illius corroboramur. Sic comedentes ac bibentes, non uescimur nudo pane, sed mystico, nec hæremus in cortice, sed illo aperto nucleum omnium suauissimum dominici uidelicet corporis pro nobis crucifixi, ac sanguinis pro nobis effusi, gratiam fide gustamus & recreamur. Qui sic edunt ac bibunt, non habent ieiunam & inanem cœnam, sed eam ipsam quam instituit dominus, & tanquam Noui testamenti sacramentū suęque mortis memoriale fidelibus suis commendauit, in qua de corpore ac sanguine domini participant, secundum illud capite præcedenti: Panis quem frangimus, nōne communicatio corporis domini est? Et, poculum benedictionis, cui benedicimus, nōne communicatio corporis Christi est? Quod enim semel ecclesiæ suæ instituit, dedicauit, ac dedit, ad finem usque mundi durat, nec ulla quantumuis multorum sæculorum uetustate labefactari, & in spongiam abire potest. Nostrium est quod iussi sumus facere, idque in rememorationem mortis eius, qui nos sanguine suo redemit. Faciendum autem nobis hoc est fide, per quam in sacramento hoc de corpore ac sanguine domini participamus.

Hoc facite, inquit, quotiescūq; biberitis, in mei rememorationē. Magna cautione non semel tantū, sed secūdo expressit, ad qd nos panem hunc suū edere, & de poculo suo bibere uelit, sic ut



sic ut ad utranq; sacramenti huius partem dixerit, hoc facite in mei rememorationem.

Quare uehementer temerarium est alteram ex illis ecclesiæ Dei adimere, & ubi dominus ipse dixit: hoc facite quotiescunq; biberitis in mei rememorationem, contraria inhibitione dicere, hoc ne feceritis. Qui aureum uel argenteum calicē è tēplo interuertit, sacrilegij damnatur, & interea, qui calicem domini ecclesiæ traditum abstulerūt, sancti patres, pastores ac pōtiffices uocātur. Quis nō uidet tāto grauius hic sacrilegium admitti, quanto maioris momēti est sacramentū sanguinis domini, quā calix manibus hominū ad dispensationē illius factus? De conscr. dist. 2. cap. Comperimus manifeste sic legitur. Diuisio uni<sup>9</sup> eiusdemq; mysterij sine grandi sacrilegio puenire nō potest.

QUOTIESCUNQUE biberitis, inquit.] Quoniam fiebāt ista à domino in cœna Pascatris, poterat ipsa quoq; hæc institutio ad exemplum ueteris Paschatris non nisi semel in anno, idq; tempore Iudaici Paschatris, celebrāda uideri. Hanc igitur opinionem uerbis istis excludit dicens: Hoc facite, quotiescunque biberitis, in mei rememorationē. Permittunt ecclesiæ liberum quādo de pane suo edat & de poculo bibat, nullum prorsus tēpus præscribens, sed unum hoc inculcans, ut faciamus hoc ad sui rememorationē. Haud igitur refert quando & quoties mystica domini mensa utamur, modo hoc rite, integre, fideliter, & ad destinatum finem competenter faciamus. Libertas ista magnam hac in causa dissimilitudinem, imo & contentiones, peperit in ecclesia. Contendebant alij uesperis tantum ad exemplum Christi, alij mane tantum etiamnum contendunt celebrandum esse hoc sacrum. Et Augustini tempore alij quotidie, sicut hodie Papistę de sua Missa sentiunt, alij rarius communicandum esse censebant, qua de re uide Epistolam illius. 118. ad Ianuariū. In Chrysost. sup Matth. homil. 16. legimus in omni ecclesiæ congregatione celebrata fuisse apud ueteres hæc mysteria. Et in Isychio super Leuit. lib. 2. cap. 8. sic legimus. Erat enim dies, qui appellatur dominicus in quo oportebat omnibus modis agere apostolos mystica & sacra. Nam & nos sequentes illorum traditionem dominicam diē diuinis conuentibus sequestramus. Tandē eo negligentiae deuentum est, ut ter duntaxat in anno celebrata sit publica hæc & ecclesiastica communio. Sic statuit Agathense concilium, cap. 18. Sęculares qui in natali domini Pasca, & Pent. non communicant, catholici non credātur, nec inter catholicos habeātur. Nouissime ne hoc quidē mansit, sed semel tātum in anno, Pascatis uidelicet tempore, idq; sub pōtifficali pręcepto communicare cępimus. Hodie reperies quāmplurimos qui multis annis ne semel quidē cōmunicent pręsertim Schwenckfeldiani, qui sic ecclesiasticam communionem quarumcunq; ecclesiarum reiiciūt, ut interim ipsi prorsus habeant nullam. Huius sectę au-

A thorem cum Augustę aliquando rogare, quādo nam cum ecclesia Christi de pane & poculo domini cōmunicasset, diserte respondebat, annos se tum circiter duodecim à communionē hac abstinuisse. Rogatus quare hoc faceret, regerebat, nondum se aliquam reperisse ecclesiam, quæ ueræ esset sponsæ Christi dotibus ac uirtutibus intus ac foris ornata, ideoque expectare se, ac differre communionem, donec ecclesiam aliquam ueram ac rite institutam inueniat. Sic illius quoq; discipuli cum nulla uspiam ecclesia communicant. Et præter hos magnam uidemus eorum esse multitudinem in ecclesijs quibusdam liberis & Euangelicis, qui quoniam nullo humano pręcepto ad communionem urgentur, nunquam communicant. Hi instar palearum quas impellit uentus, mox atq; communio est inchoanda ceteruatim è cœtu sacro euolant. Olim clamabat diaconus, discedite prophani, accedite sancti. Hic nulla est excommunicationis eiusmodi necessitas, quando quidem maior fere pars ultro se ipsa excommunicat.

QUOTIESCUNQUE enim ederitis panem hunc, & de poculo hoc biberitis, mortem domini annunciatu donec uenerit.]

B Hastenus dominicam institutionem ad hoc recitauit, ut abusus illi cōtrarios redargueret, quos nōnulli Corinthiorum in cœnam domini introducebant, quibus id efficiebant, ut nihil minus quā dominicam cœnam ederent. Iam de suo quędam adiicit, quorū alia ad eandem redargutionem faciunt, alia adhortationem & comminationem habent. Ad eandem redargutionē quæ hic dicit faciunt. Hanc ego dominicę cœnę institutionem ab ipso domino acceptā uobis tradidi, unde intelligere potestis, edere uos cœnam non uniuscuiusq; priuatam, sed communem & mysticam, ad memoriam communis Redemptoris nostri institutam. Et hoc ignorare non potestis.

Nam quotiescunque panem hunc editis, & de poculo hoc bibitis, mortem dñi, sic à me instituti, annunciatu ac deprecatis, cuius participes estis non aliqui separatim tantum, sed communiter omnes. Vnde satis admoneri poteratis, qua fide & quā concordia communicationē cœnam hanc domini in memoriā mortis illius edere debeatis. Hūc sensum puto esse germanum, quāuis uulgata uersio habeat ista in futuro ad hunc modū: Quotiescunq; enim manducabitis panē hūc, & calicē bibetis, mortem domini annūciabitis donec ueniat. Eras. tamē uertit, quemanmodum nos legimus & exponimus. Sunt qui uerbū καταγγέλλει in imperatiuo legāt, annūciate. Verū ei lectioni casualis uocula γάρ. i. enim, nō admodum fauet. Illi iudicant Apost. istis uerbis exponere ac simul mandare, quomodo rememorationē dñi celebrare debeant Corinthij, sic uidelicet, ut quotiescūq; panē hūc edāt & de poculo hoc bibāt, mortē illius annūciēt, quasi & hoc in illis desyderauerit, quod mortē dñi in cœna hac mystica



stica ac memoriali non annunciarēt, quemadmodum Papistarū sacrificulos missas suas sic celebrare uidemus, ut prorsus nullam faciant dominicę mortis annunciationem. Nā ea quę separatim dicunt, pro annunciatione hac haberi nō possunt. Dicunt enim & auersi à plebe & lingua ecclesię incognita, & sub silētio tali, ut ne à Latine quidem scientibus percipi queāt.

Obseruet hic pius lector, quod non simpliciter dicit, Quotiescunq; ederitis panem, & de poculo biberitis, sed cum specificatione, Quotiescunq; ederitis panē hunc, & de poculo hoc biberitis. Quoniam dictum est à domino, hoc facite, quotiescunq; biberitis in mei rememorationem, existimant nonnulli fratres, loquutum illum esse de quotidianis ac domesticis fidelium suorum prandijs, sicq; memoriam hanc sui instituisse, ut quoties domi suę edunt ac bibunt, in sui hoc rememorationem faciant. Nolim damnare talem feruorē ac fidem erga Seruatorem nostrum Christum, si qui singulis suis prandijs memoriam illius adiungerēt, uerum hoc sensu institutam esse mysticam hanc cœnam, ex uerbis Christi probari posse nō puto. Quare uigilāter ab Apostolo factum est, quod cum specificatione dixit: Quotiescunq; enim ederitis hunc panem, & de poculo hoc biberitis, mortem domini annunciat, significans se nō de priuatis fidelium cœnis, sed de ecclesiastica loqui. Hanc si dominus instituit nō communem & ecclesiasticam, sed priuatam & domesticam, non uideo quomodo firmum esse possit, quod paulo supra dixit: Igitur cum conuenitis in eundem cœtum, nō est dominicam cœnam edere, propterea quod unusquisque proprium prælūmit edendo. Nam istis uerbis palam admonet dominicam cœnā sic esse institutam, ut communiter & in cœtu fidelium celebretur quod stare non potest, si dominus domesticas cœnas instituit. Nec est, ut dicamus, repræhendere Apostolum diuisionem quę in ipso ecclesiastico cœtu fiebat, non damnare, si qui domi suę cœnam dominicam cum domesticis suis absq; spiritu schismatis quotidie comedant, & mortem domini annuncient. Nam si hoc egisset, non dixisset, an domos nō habetis ad manducandum & bibendum? Sed potius ad hunc modum, an domos non habetis, in quibus separatim ac priuatim cœnam dominicam edatis?

Deinde obseruandum est, quod dicit: mortem domini annunciat. Animaduertēda hic est Apostolica traditio, secundum quam mors domini annūciāda est in cœna dominica. Vsq; adeo non est hęc annunciatio leuis ducenda momenti, ut primum in illa dominicę cœnæ scopum præfixum esse sentire debeamus. Video tam ueterum quàm recentiorum subtiles quasdam cogitationes eō rēdere, ut quod simpliciter propositum est à domino, & traditum ab Apostolis, quasi non satis amplitudini causę huius respondens, etsi non prorsus abijcitur, uix tamen postremo loco habeatur. Glo-

rificationem, dōificationem & claritatem corporis Christi in hanc causam inferunt, & inde non mirabilia modo, sed & portentosa de illo figmenta comminiscuntur, quibus sic fidelium mentes à scopo dominico abductas confundunt & intrincatas reddunt, ut tandem prorsus nesciāt quid de corpore Christi sentire debeāt. Scimus Christum uerum esse Deum & uerum hominem, Deo patri secundum diuinitatē, nobis uero secundum carnis nostrę assumptionē homouision. Scimus illum secundum carnem resurrexisse à mortuis, & glorificato corpore ascendisse in cœlos, illicq; sedere à dextris patris, & regnare super omnia. Verum cū sit manifestum instituisse illum nobis non glorię, in qua nunc est, sed mortis suę, non corporis sui glorificati, sed p nobis traditi, crucifixi ac mortui, & sanguinis non qualē iam habet, sed quē in cruce pro peccatis nostris effudit, sacramentum & rememorationē, ideoq; Apostolus hic non dicat, gloriā, sed mortem domini annūciatis quotiescunque de pane hoc editis, & de poculo hoc biberitis, existimo uehementer aberrare à legitimo causę huius scopo, omnia illa argumenta, quę de glorificato Christi corpore ac diuinitate à nonnullis adferuntur. Nimis discedunt à mente Christi & proposito sancti illius instituti, qui mortē & effusionem sanguinis illius contēnentes de sublimioribus in ecclesia spiritu contentionis perciti disputant. Paulus cū diceret, Nihil me iudicauit scire nisi Christū Iesum, magno cōsilio adiecit, & hunc crucifixum. Et. Ablit à me ut gloriē, nisi in cruce domini nostri Iesu Christi. Gal. 6.

Nec illud transeundū est, quod non simpliciter dicit ἀγγέλλετε, id est, nūciatis, sed καταγγέλλετε, id est, maximopere nunciatis. Habet enim κατά in cōpositione hac uim intendendę significationis. Tradidit illis Apostolus non leuem aliquam dominicę mortis memoriam tribus quatuor uerbis obiter & perfunctorie, sed magno serio ac publica annunciatione, tanquam incomparabilis ac stupēdi beneficij, per quod ab æterna miseros nos morte redemit, peragendam ac deprædicandam.

Donec uenerit, inquit.] Significat hūc ritum cœnæ mysticę & annunciādę mortis dominicę esse, nec alterādum, nec deserēdum ad ipsum usq; aduentum domini, quo uēturus est in fine mundi. Vbi uenerit, nulla erit amplius ratio celebrādę ipsius memorię, quādoquidē præsentes tū illi erimus, unaq; cū ipso in sempiternum agemus. Dum sumus in hoc corpore peregrinamur à domino. Per fidē enim ambulamus & non per speciem. In hoc mūdo nō fruimur specie, qua fruemur in futuro, sed fide sustentamur, & uerę pietatis exercitijs, studijs & affectibus cum domino agimus, quo & hic dominicę memorię ritus pertinet. Adest quidem nobis spiritu suo dominus, & per hunc exercitia hęc fidei nostrę efficacia redduntur, haud tamen pari iucunditate sumitur cortex sacramenti, sicuti Bernardus alicubi dicit, & adeps



adeptus frumenti, fides & species, memoria & præsentia, æternitas & tempus, uultus & speculum. Vbi per speciem præsentis Christi gloria fruemur, finem habebunt Noui hæc testamenti sacramenta. Præsenti tempori deputata est Christi memoria, futuro uero præsentia, quia hoc fidei est, illud speciei.

Haud uero præter rationem est, quod particulam hanc de reditu domini, pro peccatis nostris mortui adiecit. Qui maiorum suorum memorias iuxta sæculum agunt, nulla spe reditus illorum afficiuntur. Ne tale quid carnalibus Corinthiis memoriam domini celebrantibus accideret, ubi dixit: Quotiescunq; panem hunc ederitis, & de poculo hoc biberitis, mortem domini annuntiatis, adiecit, donec uenerit, qua particula monet & rediturum ad nos esse dominum, & qua spe ac perseverantia memoriam illius celebrare ac mortem annunciare debeamus. Spes ista redituri ad nos domini plurimum habet efficaciam ad excitandum animos nostros, ne cum hoc mundo dormiamus, & aduentu illius imparati adobruamur.

Itaque quisquis ederit panem hunc, aut biberit de poculo domini indigne, reus erit corporis ac sanguinis domini. Probet autem homo seipsum, & sic de pane illo edat, & de poculo illo bibat. Nā qui edit ac bibit indigne, iudicium sibi ipsi edit ac bibit, nō dñi iudicās corpus domini.

Habet hæc tertia pars grauissimam comminationem contra eos qui cœna dominica abutuntur, cui & fidelem admonitionem adiungit, propter eos, quos emendari posse sperabat. Colligit autem utranq; ex præmissa dominicæ institutionis commemoratione dicens: Itaque quisquis ederit panem hunc aut biberit de poculo domini indigne, reus erit corporis ac sanguinis domini. Quasi dicat. Dum schismata in cœnam dominicam introducitis, dum unusquisq; uestrum propriam cœnam præsumit, dum alius ebrius est alius esurit, dum alius alium non expectatis, dum perinde de pane ac poculo domini editis ac bibitis, ac si ad phanum conuiuium conueniatis, dum ecclesiam Dei contemnitis, dum pudefacitis eos qui nō habent, admodum indigne panem hunc editis, & de poculo hoc domini bibitis. At hoc facientes non leue peccatum admittitis. Peccatis enim non simpliciter in ecclesiam quā scinditis & contemnitis, & in mensam mysticam, cuius usum peruertitis, sed & in ipsum corpus ac sanguinem domini. Audistis enim dixisse dominum, cum panem hunc frangeret ac discipulis daret, accipite, edite, hoc meum est corpus quod pro uobis frangitur, & cum poculum hoc porrigeret: Hoc poculum Nouum testamentū est in meo sanguine, qui pro uobis effundetur. Quare omnino cōsequitur ut quisquis panem hunc ederit, aut de poculo hoc domini biberit indigne, reus fiat corporis ac san-

guinis domini. Hunc puto esse uerborum istorum sensum, de quibus paucula quædam annotanda sunt, priusq; ad sequentia pergrediamur.

Principio non debet hoc pius lector leuismi momenti iudicare, quod Apostolus de sacramento hoc dominici corporis ac sanguinis loquens quamuis contemptum illius contra carnales Corinthios repræhendat, constanter tamen panem uocat & poculum, idq; nō modo ante sed & in ipsa cōmunicatione, qua editur ac bibitur, dicens: Quotiescunq; enim ederitis panem hunc, & de poculo hoc biberitis. Item. Quisquis ederit panem hunc, & biberit de poculo domini indigne. Et tertio. Probet autem homo seipsum, & sic de pane illo edat, & de poculo illo bibat. Respectu papistarum parū religiosus fuit Apostolus, quod toties panem & poculum uocat, quod illi pertinaciter panem & uinum esse negat. Cum initio uenissem Augustam Vindelicorum, illō ad prædicandum Euangelium Christi uocatus, cum doctore Sebastiano Meyer, piæ memoriæ, sacrificulū quēdam concionatē audiui, cuius thema, ut uocant, erat: Probet autem seipsum homo, & sic de pane illo edat, & de poculo illo bibat, quæ uerba cum pro ipsorum more Latine ad populum Latine nesciētem protulisset, mox interpretationem hanc subiecit. *Der mensch aber probier sich selbsts, vnd also esse er von diesem fleisch, vnd trincke von diesem bluot.* Apostolicam loquutionem non audebat, uel certe nolebat, impostor proponere rudi populo, quo fucum illi faceret. Frivolū est quod Lyranus exponit dicens: Panem uocat propter species panis remanētes. Consimili modo dicat: Poculū uocat propter species poculi post consecrationem remanētes. Apostolus ignarus huius fascinationis panem uocat panem, poculum poculū. Nec est, ut pronomen, hunc, referant ad corpus domini quemadmodum nonnulli ex illis faciunt, quasi cum dicit, panem hunc, alium panem à uisibili, nempe ipsum Christi corpus, panem uitæ, intelligat. Non loquitur de alio pane quē quem frangebant, & edebant digni & indigni, quemadmodū nec de alio poculo quā uini de quo bibebant omnes. Adiecit autem specificationem, qua panem ac poculū domini à prophano pane ac uino discernat.

Quæsierit quisquam, quare non potius augustius loquens dixerit: Itaque quisquis ederit corpus domini aut biberit sanguinem domini indigne, cum tamen panem hunc dominus ipse sacramentaliter loquendo corpus suum, & poculum hoc sanguinē suum uocarit. Respondet. Non est hoc temere factum ab Apostolo. Iudicabant Corinthij in cœna domini panem se tantum edere ac uinum bibere, parū de mysterio corporis ac sanguinis domini cogitantes. Carnalem hanc illorum sententiam correcturus haud quidem negat esse panem ac poculum uini in cœna domini, uerum adiecta specificatione monet eum panem alium esse à quolibet pane mensario ac prophano, panem

*Constanter panem uocat.*

*Quare nō dicat: Quisquis ederit corpus domini.*



videlicet domini, & poculum hoc aliud à quo libet prophano poculo, nempe poculum domini, ideoque haud prophanis sed religiosis modis utrunq; usurpandum. Et hæc instructio melius conueniebat carnalibus adhuc Corinthijs, quàm si dixisset, quisquis ederet corpus domini & biberit sanguinẽ domini indigne. Deinde, quoniam adhuc carnales erant, & sacramentalibus loquutionibus insueti, non cõueniebat ut diceret: quisquis ederet corpus domini indigne. Neque enim corpus domini per se indigne potest edi à quoquam, neq; ipsi hoc de sacramẽto corporis dñi rite intellexissent.

Quid sit reũ  
aliquam fa-  
cere indi-  
gne.

Deinde in eo qđ dicit, quisquis ederet aut biberit indigne, uidendum est, quid sit rem aliquam facere digne. Est unicuiq; rei, operi, personę, cum in sacris tum in prophanis suum mĩspat, ius, ac decorum dare secundum quod qui se gerit, uel aliquid facit, *ἀναξίως*, id est, conueniẽter, rite, competẽter ac decenter facit, id uidelicet faciens quod uel personę suę, uel operi quod facit, cõuenit, qui uero secus facit quàm conuenit, *ἀναξίως*, id est, inconuenienter & indecenter facere dicitur. Et hac uoce utitur hic Apostolus dicẽs: quisquis ederet aut biberit *ἀναξίως*, id est, secus quàm decet & conuenit. Verterunt interpretes quisquis ederet aut biberit indigne, haud quidem male, interea tamẽ obscurius quàm ut ab imperitiis recte possit intelligi. Illi cogitāt: & quis est qui dignus possit ad sacramẽtum hoc corporis ac sanguinis domini accedere, deq; illo edere ac bibere non indigne? atq; ita reclamante plerunq; cõscientia communicant. At Apostolus non dicit: q ederet aut biberit *ἀναξίως*, id est, indignus, sed aduerbialiter *ἀναξίως*, id est, secus quàm cõuenit, aliter quàm ipsa cœna dominica poscit. Non loquitur de dignitate communicatium, sed de seruando dominicę cœnę decoro. Si personę nostrę respiciantur, dicẽdum est singulis: Domine, non sum dignus ut particeps sim mensę tuę. Verum ubi decorum mensę domini, ad quam uocamur, consideramus, quũ inuitamur ad illam indigni, cauere tamen possumus ac debemus, ne modis indignis ac secus quàm conuenit de illa participemus. Si pauper ad mensam regiam uocetur, uocatur utiq; indignus, id quod illi absq; ullo est periculo, uocatur enim per gratiam regis, uerum si se in mēsa regis scurriliter ac secus gerat qđ decet, quod multis modis fieri potest, id demũ illum reum constituet contemptę maiestatis regię. Tale est, quod sine ueste nuptiali in cõuiuio cœlestium nuptiarum comparemus. Tale erat, quod Corinthij in cœnam dominicam introducebant schismata, scindẽtes quod omnium debebat esse unitissimũ, quod propriã unusquisq; cœnam non expectatis alijs præsimebat, quod esurientibus alijs alij inebriabantur, quod de pane ac poculo domini edebant ac bibebant perinde ac si in prophano cõuiuio sederent, quod ecclesiam Dei contemnebant, ac pudefaciebant eos, qui nihil habebāt.

His modis edere panem ac bibere de poculo domini prorsus est *ἀναξίως*, id est, secus quàm conuenit, ac præter decorum cœnæ dominicę edere ac bibere.

Hoc pacto indigne panem domini edebāt & de poculo illius bibebant Corinthij, adulterrantes ritum cœnæ dominicę, & ab institutione illius discedentes. Est autem in cœna domini non modo externus ritus conueniẽter modisq; dignis seruandus, sed & competenti intelligẽtia, fide, gratitudine, sincero erga Christum & ecclesiam illius affectu, cum dilectione fratrum, & uita pura communicandũ. Quare qui externa tantum signa sine illorum intellectu usurpant, ex mystica & sacra cœna prophanam facientes, qui licet omnia rite intelligant, quatenus uerbo Christi traduntur, uera tamen esse non credūt, historica fide destituti, hoc est, non credūt mortem Christi ualere ad redemptionem mundi, remissionem peccatorum nostrorum, & recõciliationem cum Deo patre, &c. qui tametsi credunt Christũ pro peccatis mundi Deo patri morte sua satisfecisse, eam tamen redemptionem ad se quoq; pertinere non credunt, sed nescio quibus sanctis & iustis deputant, qui etiamsi pro se quoq; mortuum esse Christum credunt, id tamen beneficij haud admodum magnificiunt, neq; recõdatione illius ad gratiarum actionem mouentur, qui non tota animi sui fiducia sincere & obediẽter à Christo domino redemptore suo pendent, qui non sunt fraternę charitatis affectu erga ecclesiam Christi & quoscũq; fratres illius mēbra prædiri, & qui uita flagitiosa declarant se esse membra nõ Christi sed Satanę, ideoq; nullam habere in regno Dei partem, hi omnes quoties communicant de pane ac poculo domini, communicant *ἀναξίως*. Nam non modo mutatus & corruptus dominicę institutionis ritus, sed & sensus mere carnalis, incredulitas, ingratitude, insinceritas animi erga Christum, contemptus ecclesię, animus alienus à fraterna charitate, & uita flagitiosa, omnium debent esse remotissima à communicantibus de hoc pane & poculo domini. Reddunt enim indignos, qui ad mensam domini accedant.

Tertio & illud uidendum est, quod dicit: Reus erit corporis ac sanguinis domini. Reũ esse corporis ac sanguinis domini, est reũ esse peccati & iniurię in corpus ac sanguinẽ Christi admissę. Peccatũ hoc tripliciter admittit. 1. Primo ab illis qui ipsi corpori ac sanguini domini iniuriam inferunt. Factum hoc est à Iudæis, qui corpus domini crucifixerunt & sanguinem illius effuderunt, quorum uox est, sanguis eius super nos & super filios nostros. 2. Deinde ab illis qui sibimetipsis filiũ Dei crucifigunt, Ebr. 6. & sanguinem testamẽti pollutum ducunt, dum à uia ueritatis semel cognita relabuntur, & mortem domini qua redempti sunt, irritam sibi reddunt. 3. Tertio, ab illis quoque, qui sacramentum corpo-

Quid sit reũ  
esse corporis  
ac sangui-  
nis do-  
mini.



corporis ac sanguinis domini aliqua afficiunt iniuria, siue id faciât sensu, siue uerbis, siue abusu. Etenim quicquid in hunc panem & poculum domini peccatur, in ipsum corpus & sanguinem domini peccatur, quorum sunt sacramentum. Intellige de peccato quod illis non simpliciter ut pani & uino ab eo qui sacramentum corporis ac sanguinis domini esse nescit, sed scienter ut sacramento infertur. Corinthij sciebant se conuenire ad edendum cœnam dominicam, cuius ritum ab Apostolo acceperât, quare quod hic in panem ac poculum domini peccabant, ad iniuriam corporis ac sanguinis domini cedebat, quorum sacramentum indignis modis tractabant. Peccabant in ipsam Christi institutionem, quam corrumpebant, peccabant in ecclesiam Christi quam contemnebant, peccabant in membra Christi quæ pudificiebât, ut recte dici queat, quod in ipsum Christum peccauerint, uerum quoniam hoc genus peccati in sacramentum corporis ac sanguinis Christi peculiariter admittebatur, grauitatem illius significantius exprimere uolens dixit, quisquis ederit hunc panem & biberit de hoc poculo domini indigne, reus erit corporis ac sanguinis domini.

Nec ociosum est, quod non simpliciter dicit, peccat in corpus ac sanguinem domini, sed, reus erit corporis ac sanguinis domini. Græcè est *ἰνοχέω*, quæ uox sonat non solum peccatorem, sed eum qui propter peccatum obnoxius est iudicio & condemnationi, quem alias uocant *τίμαρον*. Cum ergo dicit, reus erit corporis ac sanguinis domini, non solum exponit genus peccati sed & minatur illis certum graueque condemnationem ac pœnam qui de pane ac poculo domini indigne edunt & bibunt. Et reuera sic graue est hoc peccatum, ut merito graui sit condemnationi obnoxium. Horrere conuenit Christiano, si audiat se reum fieri corporis ac sanguinis domini, per quæ est à peccato & morte redemptus.

Dû hæc cogitamus mirari desinimus, unde tot iam malorum ac calamitatum generibus obrutæ iaceant ecclesiæ, in quibus sacramentum hoc dominici corporis ac sanguinis tot sæculis nepharijs modis contra manifestam ipsius institutionem quotidie prophanatur.

Probet autem seipsum homo, inquit, & sic de pane illo edat & de poculo illo bibat. Comminationi nondum absolutæ adhortationem immiscet, qua monet, quid facere debeât priusquam de pane hoc & poculo domini communicent, ne se tam graui cōdemnationi obnoxios reddât. Probet autem seipsum, inquit, homo. Græcè est *δοκιμαστέω*. Significat hoc uerbum experimentum de re aliqua capere, & inquirere in illam ad cognoscendum qualis nam existat, ne per imprudentiam uel frustra uel cū detrimento etiam usurpetur. Cum hoc faciât prudentes in rebus terrenis ne quod moliantur frustra moliantur, aut damnum aliquod accipiant, quanto magis faciendum est in re-

bus spiritualibus, ubi peccari non potest nisi cum maxima offensa Dei & graui condemnatione? Cum itaq; dicit: probet seipsum homo, monet ut in seipsum quisque inquirat, quid de pane hoc & poculo domini sentiat, quomodo erga sacramentum hoc corporis ac sanguinis domini animatus existat, quare & quo proposito ad communicationem illius accedere uelit, quo sciat, digne ne uel indigne sit accessurus.

Obserua autem, quod quemadmodum caute ac prudenter non dixit: Itaque manducatis panem hunc & bibitis de poculo hoc domini indigne, atque ita rei estis corporis ac sanguinis domini, id quod durius fuisset, quam ut patienter tolerassent, sed in genere, quisquis ederit ac biberit de pane hoc & poculo domini indigne, reus erit corporis ac sanguinis domini, ita non dicit, probate uos ipsi, sed absque ulla specificatione, in genere, probet, inquit, seipsum homo, quo generalem faciat admonitionem, pertinentem ad omnes eoque tolerabilem omnibus. Quasi dicat. Nemo cibum hunc temere usurpet, quasi nihil referat quomodo usurpetur, sed quisquis de illo esurus est, seipsum prius examinet, &c.

Nec dicit: abstine igitur à pane hoc & poculo domini, ne rei fiat corporis ac sanguinis domini, uel, qui hactenus indigne manducant ac biberunt, abstineant in posterum ab hac cōmunionem. Nam hoc pacto malum quod reprehendit non emendasset. Si medicus dicat ægroto, quoniã comedis ac bibis secus quam ualetudini tuæ restituendæ conducatur, consulo ne posthac edas & bibas, hoc ipsum consilio non curat ac restituit sed perdit. Etenim non restituitur ualetudo prorsus non edendo ac bibendo, sed cōpetenter pro qualitate morbi edendo ac bibendo. Consimili modo non correxisset Apostolus malum hoc Corinthiorum consulendo ne in posterum de pane domini ederent & de poculo illius biberet. Neque enim hoc pacto euassent, quo minus culpabiles essent in conspectu domini, abstinentes à sacramento quod instituit ac ecclesiæ suę commendauit. Quare consultius erat quod dicit: probet seipsum homo, & sic de pane illo edat, &c. Nam hoc pacto, nec auocat eos à communicatione mensæ dominicę, nec finit ut de sacramento corporis ac sanguinis dominici indigne edentes ac bibentes rei fiant corporis ac sanguinis domini. Hoc Apostoli exemplum sequutus minister Christi, sicubi uiderit esse quosdam qui cœna dominica abutantur, neque suspendat institutionis dominicę usum, neque iubeat ut illi ab eo abstineant, sed urgeat potius, ut in seipsos inquirant & gratiæ Dei sacramento sese competenter accommodent.

Nec hoc transeundum est, quod non dicit: probet homo & sic de pane illo edat, sed, probet seipsum homo. Apparet quidem necessarium & utile esse eorum studium, qui nemine ad cœnam domini admittunt, quem ipsi antea



non probauerint, si modus & discretio adhibeatur, nec uelut uniuersali lege indiscriminatum omnes, etiam qui inculpate se gerunt in ecclesia, ad huiusmodi examen constringantur, uerum iuxta timendum est, ne institutum hoc quam nunc magni aestimatur, tam olim in priscam seruitutem ecclesiam Christi reducat & noxium reddatur. Sane Apostolica admonitio nihil huius requirit, sed hortatur unumquemque, ut seipsum probet, quod genus inquisitionis ac probationis multo est certius. Quis enim conscientiae suae iudicium fallere potest, quemadmodum fallere potest conscientiam aliorum? Probate uosmetipsos, inquit, 2. Cor. ult. An non cognoscitis uosipsos?

Neque dicit: Probet homo eos cum quibus est communicaturus. Forsan faciebant hoc Corinthij sectarij, cum ecclesiam Dei contemnerent, ac fratres pudefacerent, ut eos admodum pertinenter hortetur, dicens: Probet homo seipsum. Quasi dicat. Non conuenit, ut alius alium probet, inquit; aliorum uitam & qualitatem inquirat, qui de pane hoc est manducaturus. Quin potius probet & inspiciat quisque semetipsum. Pro se quisque non pro alijs rationem est domino redditurus. Laborant hoc morbo plerique, ut seipsos negligentes in alios tantum inquirant, id quod Anabaptistae facere solent. Chrysost. sic annotat, καὶ δὲ ἡ ἐκδοχήν ἐκείνην καὶ τὴν δόξαν, ἀλλ' αὐτὸν αὐτὸν, ἀδελφοὶ οὐκ ἔστιν ὁποῖον τὸ δικασθῆναι ἀπὸ τῶν ἄλλων.

ET sic de pane illo edat, inquit, & de poculo illo bibat.] Ergo admittit Apostolus ad cenam domini eos qui suae ipsorum conscientiae testimonio sic sunt animati, ut haud indigne accedere possunt, sed quid si minister ecclesiae hac Apostoli sententia nolit esse contentus, nec admittat nisi eos quos ipse explorarit? Item, quid si fidelis ad panis tantum & non etiam poculi dominici communicationem admittatur, sicut in papatu fieri uidemus? Quid hic faciet fidelis? Respondeo. Vbi nec dominica institutio, nec Apostolica doctrina seruat, ibi non est ut communicet fidelis. Sinat magistros illos regnare in ecclesia, donec uisum fuerit domino modum imponere illorum dominio.

NAM qui edit, inquit, ac bibit indigne, iudicium sibiipso edit ac bibit.] Rationem reddit eius quod dixit: Probet seipsum homo, & sic de pane illo edat. Dices: atqui poterat dicere. Nam qui hoc fecerit, quo digne edat & bibat, communicat de corpore ac sanguine domini. Verum, sed uoluit ceptam comminationem absolueret. Alias uerum est. Panis quem frangimus, communicatio corporis domini est, &c.

IUDICIUM, inquit, sibiipso edit ac bibit.] Dixit, qui indigne edit, reus erit corporis ac sanguinis domini. Id absoluens addit de iudicio, quod ei deberur, qui tam atroci peccato reum se corporis ac sanguinis domini constituit. Posuit autem κρίμα, id est, iudicium, ἀντὶ τοῦ κατὰ κρίμα, id est, pro condemnatione. Iudiciū alias in fonti est liberatio ac salus, fonti ue-

ro condemnatio ac perditio, quo sensu hoc loco positum est.

Obserua uero loquutionem. Non dicit: Iudicium incurrit, uel obnoxius est iudicio, sed, iudicium sibiipso edit ac bibit. Quomodo iudicium editur ac bibitur? Iudicium Dei sententia est, quae nec edi nec bibi potest in se, ideoque nec panis nec uino includi, ut cum illo edatur ac bibatur. Panis hic neque est iudicium, neque sacramentum iudicij. Et tamen qui de illo indigne manducat, iudicium manducat. Potest ergo in pane hoc manducari, quod in illo neque naturaliter est neque sacramentaliter. Quomodo? Quemadmodum in cibo uetito primi parentes mortem comederunt, cum tamen in eo pomum non esset inclusa mors. Quoniam illicite edendo mortis sese iudicio obnoxios reddiderunt, recte mortem sibiipsis comedisse dici possunt. Sic qui panem hunc indigne edens reum se corporis domini constituit, iudicium edere id est, iudicio sese obnoxium reddere dicitur. Ipsum corpus domini, quod datum est in cruce pro uita mundi, nemini est ad iudicium, sed omnibus ad uitam, si fide sumatur. Panis uero hic quem corporis sui sacramentum, ac mortis suae σάκχαρον esse uoluit, ut magna recreatione spiritus, si rite ac digne, ita ad iudicium sumi potest, si indigne sumatur. Tante rei sacramentum, inquit Augustinus, ad iudicium sibi manducat & bibit, quia immundus ad Christi sacramenta accedere praesumit.

Non est autem ociosum, quod non simpliciter dicit: iudicium edit ac bibit: sed, iudicium sibiipso edit ac bibit. Videtur enim hac uocula culpam cum ab institutione hac dominice cenae, cum ab Apostolata suo amouere, & in ipsos indigne de hoc sacramento edentes ac bibentes reijcere. Quasi dicat. Seipsum perdit, idque sua ipsius culpa, dum de eo quo utiliter uti poterat, si modis competentibus uteretur, indigne pro sua temeritate edit ac bibit.

Seruit etiam haec particula conscientijs infirmorum, qui se pollui putant, si cum illis communicet, qui indigne ad cenam dominicam accedunt. Neminem polluit illorum communicatio, nisi una cum illis & ipsi indigne communicemus. Seipsos iudicio Dei reddunt obnoxios, non alios. Erant prohi adhuc plerique in ecclesia Corinthiorum, quorum conscientijs Apostolus hac sententia consulit, ne propter reprobos de relinquenda ecclesiastica communione cogitent. Verum magistris illis ac dominis ecclesiarum qui in causa sunt suis subditis, ut secus communicent qui habet institutio Christi & doctrina Apostolica, haud patrocinatur hic locus. Nam licet sibiipsis iudicium edant & bibant, qui indigne communicant, cedit tamen id peccati ad culpam etiam ipsorum, qui indigne huius communicationis imperitae ac seductae plebi sunt authores.

NON dijudicans, inquit, corpus domini.] Reddit rationem hac particula, quare Corinthij de pane domini indigne edentes iudicium sibiipsis comedere

Super Ioh.  
tract. 26.



comederint. Quoniam uidelicet non dijudi-  
carunt corpus domini. Græcè est, *οὐ διακρίνω*.  
Significat autem *διακρίνω* discernere *πρὸς*  
*καὶ ἀπὸ*. Hinc est discretio illa, qua pertinē-  
ter de rebus secundum unuscuiusq; qualitatē  
sentimus, & ut sentimus comperenter etiam  
singulis secundum illarum *ἀξίαν* utimur. Debe-  
bat ergo uerti, non discernens corpus domini,  
à cibo, uidelicet, prophano. Sic explicat Corin-  
thiorum peccatum, quo carnaliter ac prophā-  
nis modis cœnam domini quasi prophānū e-  
pulum edebāt. Quod si quis participiū hoc,  
*διακρίνω*, non discernendi sed iudicandi sensu  
accipiendū esse putauerit, quasi in eo peccaue-  
rint Corinthij, quod nō iudicauerint panē hūc  
domini, esse corpus domini, atque ita legerit,  
non iudicans corpus domini, in speciem qui-  
dem errori papistarum patrociniabitur, uerum  
contra germanū dictionis huius sensum. De-  
bemus quidē hunc panem uocare corpus do-  
mini, uerum sensu non proprio sed sacramen-  
tali, & discernere eum à reliquis cibis, tanquā  
dominici corporis sacramentum, adeoq; habe-  
re pro pane non corporis sed mentis, & ad e-  
sum illius parare non dentes ac uentrem sed fi-  
dem ac spiritum. Respondeant hic missato-  
res sacrificuli, quid ipsi de pane hoc domini  
sentiant, & quomodo corpus domini dijudi-  
cent, dum illum quæstu omnium impijsimo  
ac manifestissimo quotidie pro certa pecunię  
summa uendunt, & in cultum uentris cōuer-  
tunt, dum illum priuatim extra ecclesiasticam  
communicationem tractant & edunt, dum &  
spiritu & corpore polluti in medio scortatio-  
num suarum ad missarum suarum celebratio-  
nem accedunt, & manibus adhuc calidis, ut  
proverbio dicitur, mox ab hoc sacro ad spur-  
cicies suas recurrunt. Dum hæc faciunt, ipsi ne  
corpus domini dijudicant?

PROPTER hoc inter uos multi sunt imbe-  
cilles & inualidi, & dormiunt multi.] Quod  
indigne manducantem iudicium sibi ipsi man-  
ducare dixit, à præsentī castigatione cōfirmat,  
qua tum flagellabatur diuinitus. Quasi dicat.  
Vnde est, quod tam multi iam inter uos sunt  
imbecilles & inualidi, & tā multi ex hac sunt  
uita abrepti, nisi ex eo quod panem hunc do-  
mini indigne edentes, ac de poculo illius indi-  
gne bibentes, iudicium sibi ipsis manducarūt  
ac biberunt, & manum hanc diuinę castiga-  
tionis contra se prouocarunt? Ergo grassaba-  
tur in ecclesia Corinthiorum manus domini,  
flagellans peccantes siue peste, ut apparet, siue  
alio quopiam genere morborum. Quorsum au-  
tem hoc factum sit mox memorabitur.

Colligimus ab usum illum cœnæ dominicę  
fuisse in ecclesia Corinthiorum haud paucorū  
sed multorū. Non enim simpliciter dicit: Pro-  
pter hoc inter uos quidam, sed, multi sunt im-  
becilles & inualidi, & dormiunt multi. Ergo,  
aut diu durauerat inter eos prophanatio cœ-  
næ dominicæ, aut si minus diu durauerat bre-  
ui temporis spacio multos corruerat. Si diu

durauerat, agnosce patientiam Dei aliquādiu  
distulisse flagellum, quo resipiscerēt, postquā  
uero malum nō emendaretur sed admodum  
cresceret, tum demum in peccantes animadu-  
uere cœpisse. Si uero repēte inualuit malū,  
cogita patientiā Dei magnitudine illius fuisse  
uictam, & ad flagellandum permotam, ne to-  
tam perderet ecclesiā. In eo uero, quod cau-  
sam illis malorū istorum exponit Apostolus,  
apparet eos neq; peccatū suum cum cœnā do-  
mini prophanarēt, neq; cum prophanationis  
huius pœnas tam graues ac singulares darent,  
manum castigationis diuinæ intellexisse. Sic  
hodie quoq; maxima pars Christianorū nec  
intelligit prophanationē cœnæ dominicę, nec  
agnoscit causas malorum, quibus castigamur  
& atterimur.

MULTI sunt, inquit, imbecilles & inualidi,  
& dormiunt multi.] Hoc est, multi decumbūt  
ægroti, multi sunt mortui. Ergo animaduertit  
in eos dominus inæqualiter, dum alios morti  
tradidit, alios infirmos ac languidos reddit.  
Huius rei non debemus quærere causas, etiāsi  
constaret æqualiter omnes peccasse. Sunt hu-  
iusmodi iudicia Dei occulta, & suspicienda nō  
inquirēda. Interea probabile est alios alijs pec-  
casse grauius, & minus fuisse emendabiles, a-  
deoq; dignos qui & grauius punirentur. Cre-  
diderim etiam non fuisse hac plaga percussos  
omnes eos qui culpabiles inter illos erant. So-  
let diuina clemētia nō modo pœnas quas in-  
fert mitigare, sed & nōnullos de numero pec-  
cantium eximere, quibus sic parcat, ut pœnis a-  
liorū qui plectunt ad resipiscētiā perducantur.

ET dormiunt multi inquit.] Non dicit: Et  
mortui sunt, sed, & dormiunt multi. Ergo & eo-  
rū mors, qui propter peccata sua singulari pla-  
ga percussi moriunt, somnus est, propter futu-  
ram resurrectionē. Vnusquisq; enim cū causa  
sua dormit, & cum illa, siue bona sit siue mala  
resurget. Commodū autē mortuos dormire  
dicit, scribens ad eos, inter quos erant, qui re-  
surrectionē mortuorū negarent, quos singula-  
ri erat tractatu correcturus, cui hac dormitio-  
nis metaphora præludit. Etenim si dormiunt  
mortui, resurrecturos esse consequitur. Tolle  
resurrectionē, nō erit ratio, cur mortui dormi-  
re dicant. Non est autē somnus iste transferē-  
dus ad spiritus mortuorū, qui capaces illius es-  
se non possunt, sed ad corpora quæ propterea  
dormire dicunt, quod tandē sunt ad exortum  
diei futuræ surrectura & in lucem ē sepulchris  
uelut ē cubiculis suis proditura. Apostolus cu-  
piebat dissolui & esse cum Christo, spiritu ui-  
delicet. In cœlestibus autem ubi Christus est,  
non est locus dormiendi, sed in uera felicitate  
uiuendi. Latro post mortem crucis translatus  
est cū Christo in paradysum, spiritu uidelicet,  
eoq; nō dormiente, sed gestiente & exultate.  
Hodie, inquit Christus, mecum eris in paradi-  
so. Et anima Lazari in sinu Abraham non dor-  
mit, sed consolationibus cœlestibus fruī. Nō  
obdormit spiritus in corpore sed egreditur ac



deserit corpus morte obfoporatū, reditq; ad eum qui dederat ipsum. Quare consulto non spiritus sed carnis nos resurrectionē credere profiteamur. Et Apostolus infra cap. 15. ubi fufe de resurrectione mortuorū differit, nusq; meminit resurrectionis spiritū, sed eam asserit, qua corpus corruptibile & mortale ad incorruptionē & immortalitatē transferatur. Quē admodū igitur nec corruptionis nec mortis capax est spiritus, ita nec resurrectionis huius capax esse potest, qua incorruptibilis & immortalis reddatur. Admodum igitur inconsiderate nonnulli fratres de dormitione spirituum & animarum disputant.

Etenim si nos ipsi diiudicasset<sup>9</sup> haudquaquam iudicati fuisset<sup>9</sup>. At cum iudicamur à domino, corripimur, ne cum mundo condemnemur.

Causam malorū reiciit in ipsorū socordiā & impoenitentia. Quasi dicat. Non est autē ut propter hanc plagam accusetis dominum nimiae seueritatis. Haud erat uos iudicaturus, si uos ipsi peccatū uestrum damnantes iudicassetis. Nunc quoniā illud nec agnouistis nec dannastis, iudicauit uos dominus, uestra uidelicet impoenitentia coactus. Quod autē non dicit: Etenim si uos ipsi iudicassetis, sed in prima persona: Etenim si nos ipsi diiudicasset<sup>9</sup>, haudquaquam iudicati fuisset<sup>9</sup>, leniendae sententiae gratia facit. Ad hoc enim sic loquitur, ut communem faciēs hāc causam minus pudoris incutiat ijs qui prae cæteris erant culpabiles, & minus contristet eos quorū amici, cognati, & fratres plaga domini erant percussi.

Puto autē nos à scopo Apostoli haud aberraturos, si quae hic in prae terito dicit: Si nos ipsi diiudicasset<sup>9</sup>, haudquaquam iudicati fuisset<sup>9</sup>, per Ebraismum esse dicta sentiamus, quo pro presenti positū sit prae teritū, legamusq; ad hūc modū: Etenim si nos ipsi diiudicarem<sup>9</sup> haudquaquam iudicarem<sup>9</sup>, cui lectioni quadrat quod sequitur, at cum iudicamur à domino corripimur, ne cum mundo damnemur. Sic utraque particula generalē habet sententiā, ne Corinthijs tantū sic fuisse dominū propiciū futurum suspicemur si se ipsi diiudicassent. Hae enim illius clementia omnibus est cōmuniter parata, qui ipsi se ultro diiudicant, priusq; ab iō iudicetur. Præter rationem tamen non est, quod in forma prae teri loqui uoluit. Sic enim sententiā hanc quis in se ipsa generalē ad causam tñ Corinthiorū specialiter accōmodauit.

si nos ipsi diiudicasset<sup>9</sup> inquit. In Graeco est. *ἐὰν ἑαυτοὺς ἀναιρέωμεν*. Suprà diximus uerbum *ἀναιρέωμεν* discernendi habere significationē, unde & Ambrosius hic legit: Quod si nos ipsos discernemus. Ea lectio exponi posset ad hunc modum. Si nos ipsos debita cum discretionē iudicarem<sup>9</sup>, ac peccata nostra corrigerem<sup>9</sup>. Chrysost. non *ἀναιρέωμεν* sed simpliciter *ἡγούμεθα*, id est, iudicasset<sup>9</sup> legit, quae lectio,

meo iudicio germanior est, & sequenti particulē melius conuenit, qua dicit: *ἐὰν ἑαυτοὺς ἀναιρέωμεν*, id est, haudquaquam iudicati fuisset<sup>9</sup>.

Obserua uero quod non dicit: Si nos ipsi flagellasset<sup>9</sup> haudquaquam flagellati fuisset<sup>9</sup>. Nō hoc poscit ut pœnas nobis ipsi inferamus, sicuti faciunt flagellatores, sed ut nos ipsi iudicemus & condemnemus. Iudicat autē se ipsum, qui se peccatorē esse & agnoscit & fatetur, atque ita sese in conspectu domini humiliat, & resipiscit. Non amat dominus sanguinem nostrum, sed resipiscentiam, emendationem & contritionem spiritus.

HAUDQUAQUAM, inquit, iudicati fuisset<sup>9</sup>. Si nō iudicati, nō etiā flagellati fuissent. Neq; enim flagellat Deus quenq; sine iudicio. Non dicit dubitāter, forsan iudicati non fuisset<sup>9</sup>, sed asseuerāter, haudquaquam, inquit, iudicati fuisset<sup>9</sup>. Insignis est hęc consolatio, tā certo ore Apostolico affirmata. Non est igitur ut dubitemus, esse rationē qua iudiciū Dei effugiāt etiam fontes. Graue est incidere in iudicium Dei, impossibile autē est sic uiuere, ut illi non reddamur obnoxij. Vnica ergo salutis ratio est, ut nos ipsi iudicātes iudiciū Dei effugiam<sup>9</sup>.

Si quæras causam, quare non iudicentur à Deo qui se ipsi iudicant, non post reddi alia, q̄ liberæ bonitatis clementia, quae locum habet in illis, qui libera præditi sunt potestate, uel ignoscendi uel pœnas inferendi delinquentibus. Iudex qui superioris potestatis uices sustinet, etiam si seipse qui reus est iudicet, haud tamen dimittit eum impunitum sed iudicat & punit p̄ officio. At qui libera potestate præditus est, si clemens sit, nec quærat aliud q̄ emendationem mali, ubi uidet fontem iudicare ac cōdemnare se ipsum, resipiscere, & corde esse humili ac contrito, clementer illi ignoscit, propter resipiscentiam & emendationē. Sic animatus est dominus. Cum se ipsum iudicaret & humiliaret Achab, admodū impius, nolebat eum iudicare 1. Reg. 21. Nec iudicabat Niuiitas, cū illi se ipsos iudicaret ac resipisceret.

AT cum iudicamur, inquit, à domino, corripimur, ne cum mundo damnemur. Per expositionem causae finalis, ad quam spectabat dominus, cum delinquentes castigaret, mitigat priorem expositionem, qua causam illis propter quam flagellabantur exposuit. Dixerat: Qui indigne manducat, reus est corporis domini, & iudicium sibi ipsi manducat, propter quod multi sunt inter uos imbecilles & inuálidi & dormiunt multi. Nam si nos ipsi iudicasset<sup>9</sup>, non iudicati essem<sup>9</sup> à domino. Hic cogitare poterant: ergo lues ista, quae nos apprehendit, ex eo est, quod nos condemnauit dominus æternæq; morti adiudicauit. Ergo damnati sumus, qui iam decumbimus ægroti, & perierunt qui lue hac sunt interfecti.

Huic cogitationi occurrit, exponens consilium diuinæ clementiae, quo suos flagellat nō ut perdat sed ut seruet. At, inquit, adhuc bene habet, quod iudicamur à domino. Signum enim



nim est, quod nondū abiecerit nos. Dum nos iudicat, non condemnat ut perdat, sed erudit ut seruet. Pater est, diligens suos filios. Quare flagellat nos, ne perdamur. Perderemur autē si impune absq; ulla resipiscentia peccaremus. Melius igitur est, ut flagellemur à domino ad tempus, quàm ut cum mundo condemnemur in sempiternum.

AT cum iudicamur, inquit, à domino corripimur.] Illud, à domino sic est positum, ut referatur tam ad sequentia quàm ad præcedentia. Aliàs repetendum erat ad hunc modum: At cum iudicamur à domino, à domino corripimur. Vtrūq; enim est opus domini, tā quod flagellat, q̄ quod corripit suos ne pereant, cum dicit: Cum iudicamur à domino, intelligit immissas ab illo afflictiones & plagas, quib⁹ peccantes flagellat. Cum addit, corripimur, mentem & consiliū flagellantis nos Dei exponit. In Græco est *ταυτις*, quod uerbum in morem pueri castigari & erudiri significat. Pertinet huc locus Ebr. 12. Tam igit̃ abest, ut perdere nos uelit dominus, dum peccantes uel morbis, uel morte immatura, uel fame, uel bellis, uel exilijs percutit & affligit, ut ob id ipsum hoc faciat, ne pereamus. Caro in afflictionib⁹ constituta dicit: Odit me Deus, ac perditioni destinauit, ideo tot me modis affligit, uel, ex afflictionibus nō liberat. Dicat igitur spiritus fidei: Diligit me Deus, & ideo flagellat, ne cū impijs peream. Nisi diligeret, non castigaret peccantem, sed in malo pergere sineret.

NE cum mundo, inquit, damnemur.] Discernit inter fideles & infideles, filios regni Dei, & filios huius sæculi. Fideles quoniam saluti sunt destinati, corripuntur peccantes, ne pereant. Infideles uero quoniam uasa sunt irę, parata ad interitum, ducūt in bonis dies suos, & post hanc uitam cum diuite epulone pœnis æternis cruciantur. Illos uocat hic mundum, homines carnales, mūdānos, impios, huic tantum sæculo absq; sensu Dei uiuentes.

NE cum mundo damnemur, inquit.] Videmus mundum hunc esse pessimum, & in historijs inde ab initio in malo cōstitutum fuisse legimus, nec meliorem futurū sperare possumus, cum sacrę scripturę omnia illius circa finem pessima futura prædicant. Nemo ergo miretur, dum illum condemnationi destinātū esse audit. Scimus iudicium & condemnationem prioris mundi, quem iusticia Dei aquis diluij perdidit. Posterioris huius, qui igne perdetur, condemnationem fugientes, caueamus illius consortium, & gratiam hanc qua erepti ac segregati sumus ad uitam, magnificētes bene collocemus, deq; illa admoneamur, quoties diuinitus castigamur. Qui & nominis & salutis suę rationem habet, haud facile cōfortia cum illis miscet, quos nouit esse homines deplorate malos, & cum publico dedecore perituros, ne ijsdem malis unā cum illis inuoluatur. Sic nos de hoc mundo cogitare conuenit. Odit nos mundus? cogitemus illum es-

se condemnationi deuotum. Allicit nos ad cōfortium? cogitemus cauendum nobis esse, ne cum illo damnemur.

CORRIPIMVR, inquit, ne cum mundo cōdemnemur.] Ergo sufficebat Corinthijs flagellum illud quo corripiebantur, ad hoc ut saluarentur, & condemnationem mundi effugerent? Si hoc dixerimus, consequetur posse satisfieri diuinę iusticię si tribulationes à domino illatas perpetiamur, etiamsi nulla sequatur resipiscentia. Absit. Non sic sentit Apostolus cum dicit: Cum iudicamur à domino, corripimur, ne cum mundo damnemur. Significat potius correptionem & castigationē ad hoc immitteri à domino, ut castigati resipiscamus, & resipiscentes seruemur. Sic pater castigat filium suum uirga, non quod satis sit, si percussus nō peccauerit impune, sed ut flagellatus in se redeat, & emendetur. Sunt flagella Dei non simpliciter supplicia, quibus puniātur delinquentes, ne impune peccent, sed magis *ταυτις*, id est, eruditiones & castigationes, quibus corripiantur filij Dei, ut resipiscant, ne per impenitentiam cum hoc mundo pereant.

Itaq; fratres mei cum conuenitis ad edendum, alius alium expectate. Quod si quis esurit, domi edat, ne ad iudicium conueniatis. Cætera uero cum uenero, disponam.

B Tandem post redargutionem abusuū, quos in cœnam domini inuexerant Corinthij, hanc conclusionem subiicit. Quoniam nonnulli ex illis non expectatis alijs, proprias cœnas præsumebant, & priusquam multitudo conuenisset, iam alijs adhuc esurientibus inebriati erāt, quam inæqualitatem repræhendit, ideo in cōclusionē iubet, ut in posterum, ubi ad edendū conueniendum sit, alius alium expectent, hoc est, ut nemo ex illis priuatam sibi cœnam præsumat, sed omnes in communi secundum dominicā institutionē edant & bibant. Sic dicit.

ITAQVE fratres mei cum conuenitis ad edendum, alius alium expectate.] Conclusionem hanc infert ex præcedenti tractatu, præsertim ex ijs quibus indigne edentes reos fieri corporis ac sanguinis domini, ac iudicium sibi ipsis edere, idq; in eo cōprobari dixit, quod multi inter ipsos sint infirmi & inualidi, dormiantq; multi. Hinc infert dicēs: Itaq; fratres mei uel diuina castigatione admoniti, desistite in posterū à pprijs ac priuatis cœnis. Quin potius, ubi conueniendum est ad cœnam dominicam, quo illam haud *μακίς* celebretis, alius alium expectate, donec collecta sit multitudo, ne peiora post hanc admonitionē meā & diuinam castigationem, si abusus hosce nō emendaueritis, experiamini. Mitigat autem & conclusionem & præcedentia per id quod eos uocat fratres suos, ne uideatur cum illis agere pro imperio, sed magis pro cura ac solitudine fraterna.



CUM conuenitis, inquit, ad edendum.] Nō loquitur de alio q̄ de ecclesiastico cōuētu, quo ad edendū cēnā dñicā conuenire solebāt, de quo suprā initio materię huius dixit: Nam primū quidē cum cōuenitis in ecclesiā. Et: Igitur cū conuenitis in eundem locū, non est dominicā cēnā edere, &c. Quare nō placet quod nonnulli exponunt de conuiuio ecclesiastico quidem, uerum non cēnæ dominicæ.

ALIVS, inquit, aliū expectate.] Rursus obserua, quod nō iubet abstinere à cēna dominicā, sed monet, ut abusum illius corrigāt, dum cōueniunt ad edendum. Non dicit: Itaq; post hac ne cōueniatis ad edendū, sed: Itaq; cū conuenitis ad edendū, aliū aliū expectate. Nō præscribit, quousq; expectare debeant, & an si unus & alter desit, reliqua tota ecclesiā à cēna dominicā abstinere debeat. Simpliciter dicit: aliū aliū expectate, quod nō debet scrupulosius ad unius aut alterius absentis expectandum aduentum restringi, sed de emendatione eorū intelligi, qui mox atq; in locum conuentus uenissent, priuatas suas cēnas nō expectata multitudo præsimebant. Hunc abusum corrigens dicit, aliū aliū expectate. Molestū esse solet paratis expectare imparatos ac tardiusculos. Verum sic est conditio societatis, non ecclesiasticæ tantum, sed & alterius cuiuscūq; ut patientiā mutuæ expectationis requirat, quam reiiciens Saul, cum Samuelis aduentum nō expectaret, graui se peccato inuoluit.

Caute autem sine specificatione in genere dicit: aliū aliū expectate. Poterat dicere, uos ditiores, potentiores, & sectarij, expectate donec multitudo conueniat, uerum maluit generaliter loqui, quo facilius hoc malū corrigeret.

QVOD si quis esurit, inquit, domi edat.] Poterant tergiuersari qui culpabiles erant, & esuriem prætexere. Occurrit igitur, imò repetit quod suprā dixit: An domos non habetis ad edendum? Non dicit: Etiam si quis esurit, expectet tamen, seruetq; ieiunij patientiam, quo cum multitudo communiter ac ieiunus edat. Non imponit ieiunij molestiam, quā conuenit relinquere uel necessitati uel libertati, sed permittit, ut qui esuriem ferre non uult, domi suæ edat. Non est autem hoc sic intelligendum, quod esurientem uelit domi edendo negligere synaxim ecclesiæ ac cēnā dominicā, sed potius, quod uelit eum domi suæ aliquid cibi præcipere, quo postea facilius in conuentu morā alios expectandi ferat. Quā diuersi sunt ab hac Apostoli sententia, qui à cēnæ dominicæ cōmunionē omnes eos excludunt, qui uel per imprudentiam aliquid gustarunt. Vsque adeo ut de salina disputent, an si glutietur ante hoc sacrum, non excludit à cōmunionē.

Chrysostomus exponit ad hunc modum: *Επιτρέψας ἰδιώταις καὶ σφοδρότερον ἢ ἐκ ἀπυρόμενοι. ὅτι γὰρ ἰδιωτὸς αὐτὸν ὁρῶν καὶ ἐκ τῶν οἰκίαν παρέπιμψι, &c.* Staret hæc expositio, si diceret Apostolus: Si quis non expectare, sed propriam potius uult

præsumere cēnā, inebriari, ecclesiā Dei contemnere, & pudescere non habentes, domi ille edat, non in ecclesiā. Verum cum in eo sit, ut prætextum esurie adimat, dicēs: Si quis esurit, domi edat, non ut esurientes uel ecclesiā eiiciat, uel necessitate esuriem ferendi premat, ideoque non dicat: Si quis esurit, non in ecclesiā, sed domi edat, sed simpliciter: Si quis esurit, domi edat, non possum Chrysostomi expositionem probare, ne cogamur esurientes sacra cōmunionē priuare, & saturos tantum uel ad minus non esurientes admittere.

Lyranus pro suo more exponit: Si quis esurit non potens expectare, domi edat cibos suos communes, postmodum tamen eucharistiam non sumpturus eodem die, poterit tamen alio. Communicabant enim fideles communiter quotidie in primitiua ecclesiā. Hæc ille. Sentiebat enim illicitum esse, si quis prægustato aliquo cibo communicet. Non laudamus neque refertum, neque prorsus uacuum aqualiculum, quia neutrum moratur conuiuator Christus, qui ut in cēna sua non uentrem, sed mentem pascit, ita non uentris, sed mentis talem dispositionem quærit, quæ cœlestis simus pabuli capaces. Mens poscitur, quæ ieiuna sit & esuriens, inanis ab omni generis illicitis affectibus, ab incredulitate, superstitione, superbia, odio fraterno, scortatione, simonia, &c.

Peruersa religio est, curare quā uacuo stomacho ad sacramenti huius cōmunionē accedas, & interim susq; deq; facere, si mente satura & ebria communices.

NE ad iudicium, inquit, conueniatis.] Erasmus quod in Græco est *κρίμα*, id est, iudiciū, condemnationem uertit. Eadem ratione & suprā, ubi dicit: *κρίμα ἑαυτῶν ἰδίαι*, uertere poterat, condemnationem sibi ipsi comedit. Iterum absterret ab indigna manducatione. Existimo autem præcedentem particulam occupationis gratia per parenthesim sic esse positam, ut præsens ad eam connecti possit, quæ dixit: Itaque cum conuenitis ad edendum, aliū aliū expectate. Legatur ergo ad hunc modum: Itaque cum conuenitis ad edendum, aliū aliū expectate (quod si quis esurit, domi edat) ne ad iudicium conueniatis. Intellige, si alijs non expectatis, priuatim comederitis, atque ita institutionem dominicā peruerteritis.

CAETERA, inquit, cum uenero, disponā.] Non correxerat in præsentī omnia ad conuentum illorum ac cēnā dominicā pertinentia, sed ea tantum quæ minus erant ferenda. Reseruat igitur reliqua ad suum usque ad illos aduentum. Quæ illa sint, existimo non esse curiosius inquirendum.

Citant hunc locum nonnulli pro confirmatione omnis generis traditionum ac rituum Papisticorū, etiam eorū qui palam uerbo Christi & doctrinæ apostolicæ repugnāt. Verū responderūt illis ante me alij. Quod me attinet, nisi



nisi certiora adferant, quàm facile quiduis cō-  
miniscuntur, tam facile huiusmodi illorū com-  
menta respuero. Verbum disponēdi, quod est  
in Græco, *διατάξουσι* nō significat perpetuo no-  
ua ponere statuta, sed & ea quæ antea fuerant  
constituta & postea confusa in ordinem redi-  
gere. De hoc uerbo diximus suprā cap. 7. ibi.  
Et sic in omnibus ecclesijs ordino.

## CAPVT XII.

**T**Ransit Apostolus ad dona spiritus, quæ plerisque  
baptizatis in nomen Christi manifesto miraculo  
ad ornandum, confirmandum & edificandum ecclesiā  
conferebantur. Horum authorem & usum declarat,  
propter eos partim qui illis abutebantur, partim pro-  
pter reliquos, qui quoniam illis se non ut alios donatos  
esse uidebant, perinde animo reddebantur pusillo, ac si  
ad ecclesiā Christi haud pertinerent. Ergo ut illorum  
insolentiam restringat, istorum uero deiectum animum  
erigat, ingreditur materiæ huius tractatum, differens  
de donis spiritus tam primarijs quàm secundarijs, idq;  
facit tribus capitibus, 12. 13. & 14.



**D**E spiritualibus uero nolo  
uos ignorare.

Statim initio exprimit, de quibus iam sit consequenter dicturus, uidelicet, de spiritualibus.

Quoniam uero uocem hanc absolute absque  
specificatione posuit, fit ut aliter atque aliter  
exponatur. Alij accipiunt illam de gratijs sa-  
cramentorum, alij de miraculosis signis & cha-  
rismatibus quæ fidelibus dabātur, alij de ipsis  
credentibus, qui per spiritū Christi uarijs lin-  
guis loquebantur, & res mirandas operaban-  
tur, quorum mihi sententia probatur. Posset  
tamen communiter hæc uox accipi de omni-  
bus illis, qui alicuius spiritus siue mali siue bo-  
ni afflatu moti miranda uel dicebant uel facie-  
bāt. Omnino de fidelibus ac bono spiritu Dei  
afflatis intelligit cum infrā 14. dicit: Si quis ui-  
detur esse propheta aut *πνευματικός*, id est, spiri-  
tualis. Et Galat. 6. Vos qui spirituales estis, in-  
struite talē in spiritu mansuetudinis, &c. qui-  
bus locis perstringit eorum insolentiam, qui  
propter singularia charismata spiritus reliquos  
præ se fastidiebant. Apparet illos uel cœpisse  
uocari spirituales, propter miraculosa charis-  
mata spiritus, quæ acceperant per fidē in Chri-  
stum, uel ab Apostolo sic uocari, quod se tales  
esse gloriarentur, & quod insolentiam illorum  
præsentī tractatu corrigere proponeret. Spiri-  
tuale est, quod est à spiritu uel Dei, uel angeli-  
co, uel diabolico uel humano, uel quod perti-  
net ad spiritum uel Dei, uel angelicum uel dia-  
bolicum, uel humanum. Spiritualis homo est,  
qui aut natus est ex spiritu, uel agitur spiritu,  
siue bono siue malo, aut intelligit spiritualia,  
uel delectatur spiritualibus, uel cōsecratus ac

A deputatus est spiritualibus, quo sensu ecclesia  
stici hodie spirituales uocātur, cum reipsa sint  
carnales & mundani.

DE spiritualibus uero, inquit, nolo uos igno-  
rare. Id est, nolo uos esse ignorantes charis-  
matum spiritus, quæ in spiritualibus uestris ui-  
suntur & audiuntur. Significat ex illorum esse  
ignorantia, quod spirituales donis hisce abu-  
terētur, & reliqui, quasi minus essent Christia-  
ni dolerent, & hanc ob causam instruit eos, ne  
sint amplius ignorantes.

Planè Apostolica uox est: nolo uos fratres  
esse ignorantes. Studium antichristianorū nō  
apostolicorū est, tenebris ignorantiae oppres-  
sam uelle ecclesiā, cui debemus omnem illā  
confusionem, superstitionem, impietatem, &  
corruptionem, quæ sæculis iam aliquot in ec-  
clesijs obtinuit. Hinc sunt uoces illæ filiorum  
tenebrarum: Laici ne sint docti, ne legant sa-  
cras scripturas, Biblica scriptura facit hæreti-  
cos, qui simpliciter ambulat, bene ambulat,  
quasi simpliciter ambulare sit ignoranter &  
clausis oculis ambulare, & non magis sincere  
absque fraude & dolo uiuere. Obsecro, quan-  
do sunt isti cum Apostolo dicturi: De spiritua-  
libus fratres nolo uos esse ignorantes? Vtinā  
uniuersa ecclesia uel sero tandem gnara sit, &  
rerum & hominum uere spiritualium, incipi-  
atq; inter uera & falsa discernere.

Nolo uos fra-  
tres esse i-  
gnorantes.

Scitis quod cum ethnici essetis, ad si-  
mulacra muta quomodocunq; ducebami-  
ni, abducti fueritis.

Lectio huius loci sic est in Græco, ut sensum  
habeat imperfectū, nisi uel uoculam *ἐτι*, id est,  
cum, sustuleris & legeris: Scitis quod ethnici  
fueritis, ducti ad simulacra muta quomodo-  
cunq; ducebamini, uel participium *ἀπαχθῆναι*,  
id est, abducti uel seducti, in uerbum muta-  
ueris. Quædam exemplaria Græca non habēt  
*ἐτι*. Sic lectionis uarietas uariū sensum gignit.  
Scitis, inquit. Quid eos scire dicit? Aut, quod  
fuerint ethnici idololatræ, aut quod cum an-  
tea essent ethnici, ad simulacra muta fuerint  
abducti. Posterior & lectio & sensus magis  
probat. Haud enim tam magni momenti e-  
rat in memoriam illis reuocare, quod fuerint  
ethnici, priusquam Christiani fierent, quàm  
quod cum ethnici essent, ad simulacra muta  
fuerint abducti.

SCITIS, inquit, quod cum ethnici essetis. I  
An non tum quoque erant *ἔθνη*, id est, Gentes?  
Erant adhuc Gentes, sed natione, non religio-  
ne. Alibi dicit: Israëlita sunt, & ego. Et: Nam  
& ego Israëlita sum. Quemadmodum ipse Is-  
raëlita adhuc erat natione & carne, quamuis  
religione esset Christianus, ita & ij qui ex Gen-  
tibus in Christum credebant, Gentes adhuc  
erant carne, religione uero Christiani. Cum er-  
go dicit: Scitis quod cum Gentes, uel ethnici  
essetis, respicit nō ad nationem, sed ad religio-  
nem ethnicam. Diuersitas nationum neq; im-  
pedit ueram religionem, neq; tollitur aut mu-  
tatur

2. Cor. 12.  
Rom. 11.



tatur religione. Quare quod Ephes. 2. legitur: Quapropter mementote, quod uos quondā Gentes in carne, &c. non est uigilanter à uulgato, quisquis fuit, interprete uersum: Propter quod memores estote, quod aliquando uos qui Gentes eratis in carne, quasi Christiani facti, non essent amplius Gentes in carne, cum uerbum, eratis, non sit in Græco. Ibi enim sic legitur: *ἀπὸ μνημονεύετε, ὅτι ὑμεῖς ποτὶ τὰ ἔθνη ἐν σαρκί, οἱ λεγόμενοι ἀνθρώποι, καὶ ὅτι λέγομένης περιτομῆς ἐν σαρκὶ καὶ ποιοῦντες, ὅτι ἦτε ἐν τῷ καρπῷ ἐκείνῳ χωρὶς χρίστος*, &c. Hoc est: Propterea mementote, quod uos quondā Gentes in carne, qui dicimini præputium ab ea quæ circumcisio dicitur in carne manufacta, quod fueritis in tempore illo sine Christo, &c. Vbi uocula *ποτὶ*, id est, quondam, non ad proxime subsequens referenda est, sed ad id quod dicit, *ὅτι ἦτε ἐν τῷ καρπῷ ἐκείνῳ*, sic ut *ἦτε*, id est, quod, ociose repetatur, sitque ordinanda lectio ad hunc modum: Propterea mementote, quod uos aliquando, qui Gentes estis in carne, qui dicimini præputium ab ea quæ dicitur circumcisio in carne, fueritis in tempore illo sine Christo, &c. Et Erasmus quoque, quamuis aliàs uigilans interpretes, inconsulto sic uertit: Quapropter memetote, quod uos quondam Gentes in carne uocabamini præputium, &c. Quod in Græco est *οἱ λεγόμενοι*, uertendum erat in præsentī, qui dicimini, non, uocabamini. Etenim & tum quoque sic uocabantur, & Apostolus non monet eos, ut recordentur se olim præputium fuisse à Iudæis uocatos, sed ut memores sint, se ante id temporis fuisse sine Christo, &c. Recte tamen illud reddidit, quod inquam eratis in tempore illo sine Christo, &c. Sed redeamus ad textum.

SCITIS, inquit, quod cum ethnici essetis, ad simulacra muta quomodocunque ducebamini, abducti fueritis.] Hoc uidelicet est, quod eos scire dicit, quod in ethnicismo abducti fuerint ad simulacra muta, quomodocunque ducebantur, id est, absque ulla consideratione, benè ne uel male ducerentur. Non dicit simpliciter: Cum ethnici essetis, abducebamini ad simulacra muta, sed: Scitis, quod cum ethnici essetis, abducti fueritis ad simulacra muta. Testatur ipsorum conscientiam. Loquitur enim de re omnibus ipsis manifesta. Quorsum autem hoc eos scire dicit? Probat ex præterita cecitate, fuisse eos spiritualium rerum ignaros, cum enim dicit: Nolo uos ignorantes esse spiritualium, perinde est ac si dicat, quemadmodum fuistis hactenus. Quod enim ignorantes fueritis, uestra ipsorum conscientia testatur. Scitis nanque, quod ad muta simulacra passi fueritis uos abduci, id quod non erat recto iudicio ambulantium, sed per cæcitatem aberrantium. Vritur autem similitudine cæcorum, qui quoniam destituti sunt proprii moderamine uisus, alieno ductu reguntur, cui coguntur obsequi, quomodocunque bene uel male ducantur. Sic Gentes, cum spiritualium essent iudicio destitutæ, abductæ sunt ad simulacra mu-

ta, & interim ad uerum se cultum Dei duci putarunt. Ponit itaque effectum cæcitatis pro argumento ignorantie rerum spiritualium. Abduci ad simulacra muta, ex cæcitatem mentium est, habetque manifestum illius indicium.

Ne autem uideatur hoc illis per exprobrationem obijcere, reijcit culpam in illorum ductores, uel potius seductores. Neque enim simpliciter dicit: Scitis quod cum Gentes essetis, colueritis simulacra muta, sed, abducti fueritis ad simulacra muta quomodocunque ducebamini. Sic Euangelicis nostris dici potest. Scitis quod cum in Papatu essetis, ad simulacra muta quomodocunque ducebamini, abducti ac seducti fueritis. Misera planè conditio est cæci populi. Nulla est tā fœda superstitio, nulla tam abominabilis impietas, ad quam non possit abduci, ubi se semel ductoribus cæcis ac perfidis permittere cœpit.

AD simulacra muta, inquit.] Non est ociosum, quod non simpliciter dicit, ad simulacra, sed, ad simulacra muta. Non solum suggillat simulacra, sed & cæcitatem idololatrarum perstringit, quod illa colere uoluerint, cum re ipsa insensata esse cernerent, unde nihil illis esse numinis colligere poterant. Hęc dicens stimulat eos & excitat ad excutiendum ignorantiam, & studendum spiritualium rerum intelligentiæ. Vnde & subiungit.

Quapropter notū uobis facio, quod nemo per spiritum Dei loquens dicit anathema Iesum, & quod nemo potest dicere dominum Iesum, nisi per spiritum sanctum.

QUAPROPTER, inquit.] Quare? Quia nō conuenit ut sitis ignorantes spiritualium, sicut fuistis, priusquam in Christum credere cœpistis. Dixit: Nolo uos ignorare de spiritualibus. Quam cæci fueritis in ethnicismo nostis. Nunc tempus est ut ueritatis ita & intelligentiæ. Nolo uos instar cæcorum quouis abduci. Quapropter notum uobis facio, quid de spiritualibus sentire ac iudicare debeatis.

QUOD nemo, inquit, per spiritum Dei loquens dicit anathema Iesum, & quod nemo potest dicere dominum Iesum, nisi per spiritum sanctum.] Incipit eos instruere de spiritualibus. Et primum ponit id quod generale est in omnibus fidelibus opus spiritus. Deinde subiicit de donis singularibus, quæ non omnibus ex æquo, sed alijs alia conferebantur. Generale opus spiritus est, fides illa, qua Iesum crucifixum uocamus dominum. Vultis, inquit, indicium loqueris in uobis spiritus Dei? Quod Iesum uocatis dominum, habetis ex spiritu Dei. Nisi ille in uobis sit, non poteritis Iesum uocare dominum. Si sit in uobis, non uocabitis eum anathema. Est enim spiritus Dei, quæ accipiunt credentes, spiritus ueritatis, testificans de Iesu, quod sit dominus. Quare sit, ut nemo per illum loquens, uocet Iesum anathema,



ma, nec quisquam possit Iesum uocare dominum, nisi per illum. Quid sit anathema, diximus Rom. 9. Hoc pacto erigit eos, quibus non erat datum, ut linguis loquerentur, uel morbos curarent, uel alia miranda facerent, dum asserit & ipsos loqui ex instinctu spiritus Dei, eiusque indubitatum esse argumentum, quod Iesum uocet dominum, quem alij spiritu Dei destituti uocant anathema.

Hanc puto presentis loci expositione simplicem esse, & germanam. Nolim tamen contendere cum ijs qui Chrysostomi sententiam sequuntur. Ille sic exponit: De spiritualibus dicturus, principio diuinationis & prophetiae discrimen ponit, sic dicens: Scitis quod cum Gentes essetis, ad simulacra muta quomodocumque ducebamini, abducti fueritis. Quod autem dicit tale est. In cultu, inquit, eorum, si quando ab immundo quisquam spiritu detentus & occupatus est, & diuinat, quemadmodum agitur, sic trahitur a spiritu ligatus, nihil sciens eorum quae dicit. Hoc enim proprium est diuinatoris, mente motum esse, coactionem pati, impelli, rapi, & instar insani trahi. Propheta uero non ad hunc modum, sed mente sobria, & dispositione sana ac sciens quae dicit, profert omnia, etiam priusquam illa eueniant. Et hinc agnosce diuinatorem & prophetam. Et uide quomodo sermonem a suspitione liberat. Ipsos citat testes, qui rei huius experientiam ceperant. Quod enim non mentiar, inquit, uos ipsi mihi testes eritis. Scitis enim, quomodo cum Gentes essetis, abducti fueritis ac tracti. Et paulo post. Et haec quidem prima est diuinatoris ac prophetae differentia, deinde & altera subiicit, dicens: Quapropter notum uobis facio, quod nemo per spiritum Dei loquens, dicit anathema Iesum. Et nemo potest dicere dominum Iesum, nisi in spiritu sancto. Cum uideris, inquit, quendam non sonantem ipsius nomen, aut etiam anathemate damnantem, diuinator est. Rursus ubi uideris alium cuncta cum nomine ipsius sonantem, intellige illum esse spiritualem. Haec ille. Quae mihi uidentur in genere dicta, & ad omnes communiter cum in ethnicismo, tum in Christianismo constitutos pertinere, refert ille specialiter ad diuinatores ethnicos & prophetas ueros, quasi abduci ad simulacra muta non sit nisi diuinatorum, & non communiter omnium idololatrarum, & dicere Iesum dominum, prophetarum tantum sit, & non etiam quorumcumque fidelium.

<sup>1. Iohan. 4.</sup> Nos admonemur hoc loco, ut obseruemus diligenter, quid de Christo Iesu sentiamus ipsi, & dicant alij. Probate spiritus, inquit Iohan. utrum sint ex Deo. Probatio spirituum necessaria nobis est, ne uel seducamur ab alijs, uel seducamus nos ipsi. Ea uero certior esse non potest, quam si obseruemus tam nostram quam aliorum de Christo sententiam. Vt quo sim spiritu imbutus, intelligam, non est mihi opus uerbis. Possum enim ex eo periculum facere, si a-

animaduertero, quid de Christo in corde meo sentiam. Si credo ac sentio firmiter esse illum dominum constitutum a Deo patre, argumentum habeo spiritus Dei, qui hanc in me fidem operatur. Vt aliorum uero spiritus probem, opus est ut audiam & cognoscam, quid de Christo sentiant & loquantur. Si hunc confitentur esse dominum, agnosco in illis spiritum Dei. Nemo enim potest Iesum uocare dominum, nisi per spiritum sanctum. Ergo fidei huius confessio certum habet spiritus sancti argumentum. Quid igitur faciunt, qui ueros hodie Christianos, Christum dominum ad sanguinis usque effusionem confitentes, haereseos ob id damnant, & igni tradunt, quod non credunt in sanctos, illos non inuocant, Rom. pontificem non uocant dominum ecclesiarum, uoces falsorum pastorum non audiunt, sed uni Christo domino adherent, illumque in medijs flammis inuocant, ac cum Stephano dicunt: Domine Iesu accipe spiritum meum. Quare non cogitant de hac Apostoli sententia: Nemo potest dicere dominum Iesum, nisi per spiritum sanctum?

Dices. Atqui facile est Iesum uocare dominum. An non dicturi sunt reprobi in illo die, Domine domine, nonne per nomen tuum prophetauimus, dicturusque illis est dominus, non noui uos? An non diserte dixit Christus: Non quisquis mihi dicit domine domine, introibit in regnum coelorum, sed qui fecerit uoluntatem patris mei qui in coelis est, Matt. 7. Et Lucae 6. Quid me uocatis domine domine, & non facitis, &c. Quomodo ergo firmum esse potest, quod Apostolus hic dicit: Nemo potest dicere dominum Iesum, nisi per spiritum sanctum? An non est cogniturus eos Christus, qui per spiritum sanctum moti uocant ipsum dominum? An tales non sunt ingressuri in regnum Dei?

Respondeo. Considerandum est quot modis uocetur Iesus dominus, quandoquidem hac in re non sonitus oris, sed affectus cordis censendus uenit.

1 Principio, quemadmodum per spiritum Dei miraculorum patratores prophetant, nonnumquam homines reprobi sub nomine Christi, & res mirandas faciunt, ita & Iesum appellant dominum per idem donum spiritus. Et sicut non saluantur donis hisce faciendorum miraculorum, & prophetandi, ita neque appellatione hac qua Iesum uocant dominum. Quod si sensus Chrysostomi placet, quo de mentione fecimus, ita ut Paulus hic de prophetis Christi, non de cunctis fidelibus in genere loquatur, nulla est quaestio. Potest enim fieri, ut donum prophetiae per spiritum Dei habeant etiam reprobi.

2 Deinde, inuenias qui Iesum uocent dominum eo sensu & affectu quo Papistae beatam uirginem uocant nostram dominam, tanquam titulo honoris. De his dici non potest, quod ex spiritu Dei loquantur.

3 Tertio, quoniam in ecclesia obtinuit, ut catholica & inueterata consuetudine Iesum Christum



stum uocemus nostrum dominum dicentes: A Credo in Iesum Christum filium eius unicum dominum nostrum, &c. fit ut ij quoque qui absque fide syncera uiuunt, & zizania sunt in agro domini, non triticum, perinde Iesum dominum uocent atque ueri Christiani, cum tamen non colant ipsum ut dominum, nec uera ab ipso fide pendeant. Nec isti ex spiritu Dei loquuntur, cum Iesum uocant dominum, nec regnum cœlorum ingredientur.

4 Quarto. Iesum uocant dominum ueri fideles, qui spiritu filiorum Dei præditi, agnoscunt eum esse unigenitum Dei, dominum & hæredem omnium, suntq; erga illum tanquam erga unicum suum dominum fideliter, obedienter, ac sincere affecti, & ab illo unice dependet. Hoc affectu Iesum uocare dominum potest nemo, nisi spiritu fidei & filiorum Dei imbutus. Cum ergo dicit Apostolus, neminem posse uocare Iesum dominum, nisi per spiritum sanctum, non loquit, meo iudicio, nisi de istis qui quod ore sonant, neque ex consuetudine, neque per superstitionem, sed corde sincero ac ueraci loquuntur. Siue igitur Chrysostomi expositio probatur, siue tenetur hæc nostra, omnino uerum est, quod Apostolus hic loquitur, licet alijs modis frequenter absq; ullo spiritus sancti instinctu uocetur Iesus dominus.

Diuisiones uero donorum sunt, sed idem spiritus, & diuisiones ministeriorum sunt, & idem dominus, & diuisiones operationum sunt, idem uero est Deus, efficiens omnia in omnibus.

Postquam generale opus spiritus Dei posuit, quo cuncti fideles afflati Iesum uocant dominum, pergit ad specialia, quæ non omnibus, sed alijs alia contingunt, propterea quod non adeo sunt atque generale illud ad salutem omnibus necessaria, quamuis usus illorum saluti fidelium ministerialiter seruiat.

1 Et hæc primum generali uocabulo uocat *χαρίσματα*. Sunt autem *χαρίσματα* dona ac beneficia gratuita, qua uoce mox initio gratiam ac liberalitatem Dei erga ecclesiam fidelium suorum commédât, qua illam tot egregijs donis mox atque colligi cœpit, ornare ac cumulare uoluit, ac simul fastum & insolentiam eorum reprobât, qui perinde ob hæc dona spiritus insollescebant in ecclesia, ac si suapta illa uirtute parassent, & non per meram gratiam Dei in usus aliorum accepissent. Eodem hodie quoq; uicio plerisq; laborare uideas, qui propter dona Dei aduersus alios superbiunt, & quosuis præ se fastidiunt, non cogitantes unde illa & in quos usus acceperint.

2 Secundo loco commendat donorum istorum uarietatem dicens: Diuisiones uero charismatum sunt. Item, diuisiones uero sunt ministeriorum. Et, diuisiones sunt operationum, quam uarietatem infra explicabit. Tribuit autem illis diuisionem non talem, qualis in eccle-

sia Corinthiorum inualescere cœperat, qua & mentes ipsorum & societas ecclesiastica, & Christiani nominis professio, quæ unitissimæ esse debebant, studio erant sectariorum diuisæ, sed qualem & ornatus & utilitas ecclesiæ poscebat, & per quam unitas ecclesiæ non scindebatur, sed magis confirmabatur. Est autem eage mina. Primo nanque diuisa erant hæc dona in seipsis, alia uidelicet atque alia, hoc est, inter se uaria. Deinde diuidebatur, dum alij aliud per spiritum Dei dabatur, quæ distributio infra diuisio uocatur, ubi dicit: & idem spiritus *διαιρέσθαι*, id est, diuidens peculiariter unicuiq; sicut uult. Primam diuisionem recte uariationem, alteram uero distributionem uocabis. Ad primam pertinet quod hic dicit: Diuisiones uero sunt charismatum, sed idem spiritus. De altera mox subiunget.

3 Tertio partitur charismata in ministeria & operationes. Diuisiones sunt, inquit, *διακονιών*. Itē: Diuisiones sunt *ἰσχυρισμάτων*. Existimo charismata esse genus, ministeria uero & operationes poni pro speciebus charismatum. Ministeria infra circa calcem capitis recēset, quemadmodum & Ephes. 4. operationes uero statim explicabit. Quod autem *χαρίσματα* generis loco accipio, ob id facio, quod Rom. 12. sic legimus. Habentes uero *χαρίσματα* iuxta gratiam datam nobis uaria, siue prophetiam iuxta portionem fidei, siue ministerium in administratione, &c. ubi omnino charismata partitur in prophetiam, ministeria, & quæ alia ibi sequuntur. Chrysostomus rem eandem charisma, ministerium & operationem uocari putat. Mihi uidetur commodius, ut res distinctas generali uocabulo charismata uocari sentiamus. Ministerium charisma est, operatio charisma est. Sunt enim gratuita dona Dei. Et tamen per ministeria aliud intelligit, quam per *ἰσχυρίσματα*, sicut in sequentibus uidebimus. Quod operationes uertimus *ἰσχυρίσματα*, non satis exprimit uim uocis. Sonant enim *ἰσχυρίσματα* operationes non quaslibet, sed eas quas in nobis operatur Deus, quasi dicas, in operationes.

Quomocunque capiamus hæc uoces, satis pulchre donorum Dei qualitatem & usum exprimunt. Quare charismata uocentur, supra diximus. Ministeria ob id uocant, quod per illa seruitur ecclesiæ ac ministratur Deo. Operationes dicuntur, quod non solum donat ea Deus, sed & operatur in nobis, & quod dedit, efficax reddit.

SE D idem spiritus est, inquit. Et idem dominus, & idem Deus.] 4 Quarto. Donorum uarietatem etiam non moniti uidebant, unitatem uero largitoris non ita considerabant, quare illā inculcat propter eos, quibus dolebat, quod non eadem cum alijs, aut quod minora quam alij dona acceperant, quasi non ab eodem spiritu & magna & mediocria, & alia alijs dona darētur. Varietas charismatum, inquit, non est ex alio atque alio spiritu, sed prorsus eodem. Neque alterius atque alterius domini



domini habet argumentum, quod uaria sunt ministeria in ecclesia. Est enim dominus idē, cui seruitur uario ministeriorum genere. Quē admodum non est alius atq; alius ex eo statuēdus Deus quod diuisæ sunt operationes, sed unus & idē agnoscēdus in omnibus. In ethnismo uariæ operationes dijs uarijs tribuebātur, aliæ Ioui, aliæ Neptuno, aliæ Saturno, aliæ Apollini, aliæ Mercurio, &c. quemadmodum in papatu uariæ uirtutes uarijs diuis assignantur. Alius præest nauigantibus in mari, alius belligerantibus, alius agricolātibus, &c. Alius alios morbos curat. At Apostolus charismata ecclesiæ diuinitus collata refert nec ad diuos, nec ad angelicos spiritus, sed ad Deum patrē, dominum Christum, & spiritum sanctum. Sic enim placet ista de sancta diuinarum personarum Triade intelligere cum Chrysostomo & Ambrosio, cum nihil uideam quod hunc sensum impediatur. Et ad Eph. 4. ubi de donis istis loquitur, cōsimiliter dicit. Vnus spiritus, unus dominus, unus Deus & pater omnium. Non est autem sentiendum quod charismata peculiariter assignat spiritui, ministeria domino Christo, & operationes Deo patri. Ex Deo patre per Christum in spiritu sancto sunt omnia dona Dei. Spiritu suo per Christum operatur in nobis sua dona Deus.

Et hisce uerbis fortiter perstringit eos, qui propter charismata & ministeria & energemata scindebant ecclesiam, quasi donorum uarietas ad uarios esset referenda authores. Eiusdē spiritus, & eiusdē domini, eiusdēq; Dei ecclesia non debet scindi in partes sed unitate indiuisa uni suo adhærere domino spiritui ac Deo.

Idem Deus, inquit, efficiens omnia in omnibus. Quāuis tres diuinitatis personas cōmemoret, haud tamen unitatis Dei obliuiscitur, cauens ne more ethnico tres deos constituent. Sic dicit: Idem Deus, non multi, operatur omnia in omnibus, intellige charismata, ministeria, & operationes. Neq; enim loquitur de uniuersali operatione Dei, qua cœlum, terram, mare & quæ in illis sunt omnia diuina sua uirtute & efficacia cōseruat, sed de ea qua operatur in electis ac fidelibus suis omnia ad salutem ipsorum facientia. Existimo Apostolum sententiā hanc accommodare causæ quā agit. Si cogitassent sectarij eundem Deum operari omnia in omnibus, haudquaquam alius se Pauli, alius Apollo, alius Cephæ esse dixissent, sed in omnibus eundem spiritum, eundē dominum, eundem Deum agnoscētes unitatem dominici corporis indiuisam custodiuisent. Qui operabatur in Petro ad Apostolatū circūcisionis, idem operabatur & in Paulo erga gentes Gal. 2. Quorsum ergo pertinebat dicere: Ego sum Petri, ego sum Pauli, cum ambo eiusdē essent domini serui, eiusdē Dei Apostoli, & eiusdē uirtute spiritus loquerentur ac miranda facerent?

Quod si quis particulam hāc, qui operatur

omnia in omnibus generaliter de omnipotentia uel, ut sic dicam, omnificentia Dei dictum esse putat, qua omnia in omnibus suis creatis per uniuersam hanc cœli ac terræ machinam, in cœlo uidelicet, angelis, Sole, Luna, stellis, uetis, aëre, turbine, pluuiā, nubibus, niuibus, grādine, glacie, frigore, æstu, terra, plantis, arboribus, herbis, agris ac satis, mari trāquillo, mari moto, hominibus, bestiis tam marinis q̄ ter restribus omnipotentia suę uirtutem siue insolitis siue consuetis modis pro uoluntate sua operando declarat, caueat ne quicquam hinc colligat, quod & diuinā maiestatem dedecet, & reliquis sacris scripturis aduersetur, quem admodum solent homines impij, irreligiose huiusmodi sententias diuexantes, Deoq; tribuentes, quod uel Satanæ uel nostræ debetur maliciæ.

Quoniā de donis Dei loquitur Apostolus, quæ dedit & etiamnum dat ecclesiæ suæ tam generalia quā specialia, potest hęc nobis sententia ad doctrinam facere omniū utilissimā.

1 Non dicit, qui magna operatur in magnis, ne mediocria in mediocribus ab operationibus Dei excludas & contemnas.

2 Neq; dicit, qui insolita & miranda facit in prophetis & apostolis, ac reliquis miraculorū patratoribus, ne consueta dona non Deo sed humanis uiribus ac studiis tribuas.

3 Neq; dicit: qui multa facit in multis, ne nō omnia bona ad Deū referas, sed: Qui omnia, inquit, operatur in omnibus. Ergo si quid uideris in fratribus, quod sit bonum & utile, agnosce opus Dei, siue magnū hoc sit siue modicum, siue rarum siue usitatum, siue studio & exercitio acquisitum, siue naturaliter inditū, siue singulari spiritus sancti afflatu cōcessum. Nec discerne inter personas, sed in omnibus, etiam idiotis & abiectis, agnosce donum operantis omnia in omnibus Dei. Qui auro colligendo student, haud discernūt inter fodinas, & torrentes, & flumina, sed undecunq; offertur agnoscunt & colligunt. Philargyris item haud refert qualis sit, a quo pecunia accipiūt, doctus ne uel indoctus, superioris ne uel inferioris ordinis homo, sed oblatam cupide accipiunt ab omnibus, & ne minutas quidem portiunculas contemnunt. Sic cōuenit animatos nos esse erga dona Dei, quales quales sint in quibus illa operatur Deus, siue magna sint siue modica, siue consueta siue rara.

Vnicuique uero datur manifestatio spiritus ad utilitatē. 5 Quinto monet etiā de ratione ac fine donorum Dei dicēs: Vnicuique uero datur manifestatio spiritus ad utilitatem. Græcē, πρὸς τὸ συμφέρον, id est, ad id quod conducit. Quasi dicat. Non ad inanem ostentationem, non ad superbiam & insolentiam, non ad schismata & scindendum ecclesiam. Quoniam illi donis Dei ad ista abutebantur, abusus illorū uno hoc & altero uerbo notat, dum rationem ac finem eorum ponit. Vide autem quomodo hoc faciat.



Vnicuique  
datur

1 Primum, non dicit simpliciter. Datur autē, sed, unicuiq; uero datur manifestatio spiritus ad utilitatem. Potest uocula hæc, unicuique, bifariā accipi. Vel uniuersaliter de omnibus illorum temporum fidelibus, quasi nemo tum ex illis fuerit, qui charismatum spiritus, quorum catalogum subiiciet, expers esset, uel de omnibus quibus illa dabantur. Quasi dicat. Cuicunq; uero datur manifestatio spiritus, ad utilitatem datur. Siue hoc siue priori modo dictum est, sensum hunc habere uidetur. Datur uobis manifestatio spiritus ad utilitatem non potioribus tātum, sed & minoribus. Nullum enim tam magnum datur charisma, unde sese iactare ac reliquos fastidire debeant potiores, nec ullum tam modicum datur inferioribus, unde dolendum sit ipsis, quasi rem nullius acceperint momenti. Etenim unicuiq; quisquis sit, manifestatio spiritus, qualis sit uel quanta, ad utilitatem datur.

Manifestatio  
spiritus

2 Deinde, cum dicendum esset: Vnicuique dantur charismata, dicit: Vnicuique datur manifestatio spiritus. Loquitur de donis spiritus non internis illis ac principalibus, fide, spe, dilectione, &c. sed secundarijs, in lucē sese exerētib; & de singulari operatione numinis testantibus, id quod sequenti explicatione declaratur. Et quoniam per illa manifestum reddebāt, esse in illis hominibus, per quos ea fiebant, singularem spiritus Dei operationē, ideo uocat ea manifestationē spiritus. Sunt tamen, qui exponāt sensu actiuo, de eo quod spiritus sanctus secreta Dei fidelibus per dona sua reuelat. Verum est, & seipsum spiritus Dei, & fideles, & mysteria regni Dei manifestat, ut à ueritate nihil abludam<sup>9</sup>, siue passiuo siue actiuo sensu exponamus. Chrysostomi sententia citatur ab alijs.

Nos obseruemus, quā conuenienter datur spiritui Dei manifestatio. Spiritus Satanæ ut tenebrarum est & mendacij, ita est & obscurator quo fallat, & homines in omnis generis errores inducat. Spiritus Dei uero quēadmodum spiritus est ueritatis ac lucis, ita est & manifestator, quo tenebras ignorantiae dispellat, & homines p cognitionē ueritatis Dei saluet.

Ad utilita-  
tem.

3 Tertio. Ad utilitatem inquit. Non addit, ipsius, sed simpliciter dicit, ad utilitatem. Neq; enim de priuata eorū utilitate loquitur, quibus dona hæc conferebantur, sed magis de ea quæ ex illis ad ædificationem ecclesiæ cedebat. Et huc pulchre facit, quod nō dicit: πρὸς τὸ χρησιμὸν, uel χρῆσθον, id est, ad id quod utile est, sed, πρὸς τὸ συμφέρον, id est, ad id quod cōfert, qd̄ conducit. Significat enim συμφέρον conferre ali quid cum alijs in usus communes quod pro-  
fit. Sic χρησιμὸν id sonat quod per se utile est habenti, συμφέρον uero quod non habenti tantum sed & alijs conducit. Et hoc genus utilitatis infra pulcherrima corporis humani similitudine illustrabitur. Ratio igitur & finis istorū charismatū est, ut seruiant usibus ecclesiæ, ac pro-  
sint omnibus, tam non habētibus ipsa quā

habentibus. Atq; ita impletur in illis quod dicitur: Omne bonū tanto diuinius quanto cōmunius. Cum ergo non tam sua q̄ fratrum gratia charismata hæc acciperent, quibus ea dabantur, admodum alienum erat ab illorū usu, ratione ac fine, quod illa sibijs ueluti propria uindicabant, inaniter ostentabāt, non habentes floccifaciebant, & ecclesiā scindebant.

Nā huic quidem per spiritum datur sermo sapientiæ, alij uero sermo scientiæ secundum eundem spiritum, alij uero fides per eundem spiritum, alij uero dona sanationum per eundem spiritum, alij uero efficaciam potentiārū, alij uero prophetia, alij uero discretiones spirituum, alij uero genera linguarum, alij uero interpretatio linguarum. Sed omnia hæc efficit unus ille & idem spiritus, diuidēs peculiariter unicuiq; sicuti uult.

6 Sexto. Declarat quod dixit: Vnicuiq; uero datur manifestatio spiritus, distributionē donorum Dei recensens. Recenset autē non omnia, sed ea tantum quæ nota erant Corinthijs, & quorum illi gratia scindebātur, utpote, sermonem sapientiæ, sermonem scientiæ, fidem, dona sanationum, efficaciam potentiārū, prophetiam, discretionem spirituum, genera linguarum, & interpretationem linguarum. Per hæc manifestabatur uirtus spiritus Dei, quæ accipiebant in Christum credentes.

Nam huic quidem, inquit, per spiritum datur sermo sapientiæ, alij uero sermo scientiæ secundum eundem spiritum. Non dicit: Nam huic quidem datur sapiētia, alij uero scientia, sed, nam huic quidem datur sermo sapientiæ, alij uero, sermo scientiæ. Loquitur enim de dono sermonis qui talis sit, ut per illum spiritus Dei, spiritus sapientiæ & scientiæ manifestetur. Sapientia & sciētia, nisi sermone & factis exprimantur, manifestatio spiritus uocari nō possunt. At in eo est Apostolus, ut distributione hac declaret, quomodo unicuiq; datur manifestatio spiritus idq; ad utilitatem ecclesiæ. Quare non simpliciter dicit: Nam huic quidem datur sapiētia, alij uero scientia, sed: Nam huic quidem datur sermo sapientiæ, alij uero sermo scientiæ. Inuenias sapientem & scientem, qui tamen dono sermonis destitutus nesciat proferre in lucem quæ sapit & cognouit. De hoc dici non potest, quod per dona sapiētiae & scientiæ manifestationem spiritus acceperit. Quare admodum inconsulto fieri uidemus, ut præficientur ecclesijs homines, qui licet alius eruditionis, alius probitatis nomine commendari queant, sermonis tamē dono ad munus docendi necessario, destituuntur. Nec consultitur ecclesijs, ubi loquaculi ac dicaculi nulla sapientia ac scientia præditi pastoratus munere funguntur, quibus multa quidem est uerborum facultas nihil uero sapientiæ ac scientiæ. Quare spiritus sanctus hæc sua dona sic dispensat, ut sa-



ut sapientiam ac sermonis facultatem coniun-  
gat, quo proficit ecclesiæ. Dat enim illa ad utili-  
tatem. Non dicit simpliciter, nam huic datur  
sermo, sed addit, sapiētiae, & sciētiae. Sic Chri-  
stus Lucæ 21. dicit. Ego dabo uobis os & sapiē-  
tiam. Est quidem sermonis facultas donum  
Dei humano generi peculiariter cōcessum, ue-  
rum naturale, & studio humano excultum, ac  
seculare, nisi singulari operatiōe spiritus eccle-  
siastici ac religiosi sermonis donum accesserit.

NAM huic quidem datur sermo sapientiae  
inquit.] Supra cap. 2. negauit se loqui uerbis  
sapientiae, dicens. Et ego cum uenirem ad uos  
fratres non ueniebam cum eminentia sermo-  
nis aut sapientiae, annuncians uobis testimo-  
nium Dei. Ergo ne Apostolus dono sermonis  
sapientiae destituebatur, quod per spiritū Dei  
fidelibus ad utilitatem ecclesiæ dabatur? Ne-  
quaquam. Ponit eo loco duplicem sapiētiam,  
humanam & huius sæculi unam, diuinam ac  
coelestem alteram. Humanam & secularem si-  
bi non uindicat, uindicat uero diuinam ac coe-  
lestem, cum dicit: Et sermo meus & prædica-  
tio mea non erat in persuasorijs humanæ sa-  
pientiae uerbis, sed in manifestatione spiritus  
ac potentiae, ut fides uestra non sit in sapientia  
hominum, sed in potentia Dei. Porro sapien-  
tiam loquimur inter perfectos, sapientiam au-  
tem non sæculi huius, neque principum sæcu-  
li huius qui abolentur, sed loquimur sapiētiā  
Dei in mysterio, quæ est recondita, &c. De hac  
sapiētia intelligit, cum hic dicit: Nam huic da-  
tur sermo sapientiae.

PER spiritum dicit.] Dixit Deum operari  
omnia in omnibus. Operatur omnia per spi-  
ritum suum in cordibus credentium. Non est  
autem ut quoniam hic dicit: Nam huic datur  
per spiritum sermo sapientiae, spiritum sanctū  
quali organū Dei esse intelligamus, per quod  
operetur, quodque non eiudem sit cum ipso  
ac uerbo eius diuinitatis. Etenim uocula hæc,  
per, utrique & Deo patri ac uerbo eius datur.  
De Deo patre Rom. 11. per illum, inquit, sunt  
omnia. De Christo supra 8. per quem omnia,  
inquit, & nos per ipsum, & Ebr. 1. per quem fe-  
cit & sæcula. Cum Deus aliquid operatur per  
uerbum ac spiritū suū, operatur per seipsum.

ALII uero, inquit, sermo scientiae.] Appa-  
ret hic separari scientiam à sapientia, quasi ab  
illa diuersam, cum distinctim loquitur Apo-  
stolus dicēs, alij datur sermo sapientiæ alij ser-  
mo scientiæ. Quæritur ergo quo sensu à se in-  
uicem distinguantur. Fere in hoc concordant,  
quod scientia minor sit, sapiētia maior, quod-  
que inuenias scientē qui tamen non sit sapiēs,  
sapientem uero qui non sit sciens haud ita. Sa-  
ne Iob 28. pro eodem ponuntur, ubi sic legimus  
הן יראת אדני היא חכמה וסוד מרע בינה licet  
Augustinus distinguat. Vbi tamen inspicio  
scripta huius Apostoli, inuenio illū duas hasce  
uoces sapientiam & scientiam, aliquando eo-  
dem, nonnunquam discreto ponere sensu. Eo-  
dem, ut Rom. 11. cum dicit: O profunditatem

diuitiarū, & sapientiæ & scientiæ Dei. Et Co-  
loss. 2. In quo sunt omnes thesauri sapientiæ &  
scientiæ Dei. Eph. 1. coniungit sapientiam &  
prudentiam, id est, *φρόνησις*. Et Col. 1. *σοφίαν καὶ οὐ-  
νοῦ πνευματικῶν*, id est, sapientiam & intelligen-  
tiam spirituales, & refert ad sapiētiam & in-  
telligentiam crucis Christi. Discreto uero, hoc  
præsentanti loco. Omnino uocē sapiētiae Eph. 3.  
refert ad cognitionem mysterij Christi, quæ-  
admodum & Coloss. 1. Ab hac licet distingue-  
re scientiam hoc pacto, ut referamus eam ad  
uariarum rerum spiritualiū cognitionē, qualis  
ea est, de qua supra cap. 8. dixit: Ceterum de ijs  
quæ simulacris immolatur, scimus, quod om-  
nes scientiam habemus, scientia inflat, chari-  
tas uero ædificat. Item, scimus, nihil esse eido-  
lum in mundo, & quod nullus sit Deus alius  
nisi unus. Sic inuenias qui sciant unū esse Deū,  
sanctę Triadis tamen mysterium nesciant, qui  
sciunt Christum esse crucifixum, mysteriū cru-  
cis tamen ignorent. Scientiam illi habent, sa-  
pientiam uero Dei non habent, quæ intelligen-  
tia est mysterij Christi ab æterno absconditi.  
Hanc tamē duarum istarū uocum discretionē  
uideo haud cōstanter seruari ab Apostolo. Nā  
Phil. 3. scientiam Iesu Christi uocat, quod aliās  
uocat sapientiam quemadmodum in uocibus  
fieri solet, quæ sensu nonnihil habent affinita-  
tis. De discrimine sapientiæ, intelligentiæ, ac  
scientiæ nonnulla diximus in Comment. no-  
stris super Esaiam cap. 11. Non placet quod Ly-  
ranus sic diuidit, ut sapientia sit diuinarum,  
scientia humanarum rerum. Augustinum se-  
quutus uidetur, cuius sententiā uide, de Trinit.  
lib. 12. cap. 14. & 15.

SECUNDVM eundē spiritū inquit.] Græ-  
cè est, *κατὰ τὸ αὐτὸ πνεῦμα*. Quoniam uoculam,  
*κατὰ*, nonnunquam à Græcis pro *διὰ*, id est, per,  
poni cōstat, meo iudicio, poterat hic uerti, per  
eundem spiritum, ne rudis lector in uoce, se-  
cundum, hæsitet. Quoniam uero omnes com-  
muniter reddunt, secundum eundem spiritū,  
uisum est eam uersionem retinere. Subintelli-  
gendum autem est aliquid, utpote, donum, se-  
cundum donum eiusdem spiritus. Cum dici-  
mus: Euangelium secundum Matthæum, in-  
telligimus Euangelium quod secundum hi-  
storiam à Matthæo scriptam habemus. Sic da-  
tur nonnullis sermo scientiæ secundum eun-  
dem spiritum, id est, secundum donum ac gra-  
tiam eiusdem spiritus.

ALII uero fides, inquit, per eundē spiritū.]  
Non loquitur de fide iustificante, quæ cōmu-  
nis est fidelibus omnibus, sine qua Deo place-  
re saluariq; non possumus, sed de fide signorū  
ac miraculorū, quod & Cbrysof. & Hiero. a-  
gnoscent, quis Ambros. aliud sentit. Germa-  
nus interpres hoc scholion adiecit: *Glauben be-  
weisen / die in öffentlich bekennen / mit Worten und  
mit Wercken / wie die Märtyrer*. Sequutus est Am-  
brosium. Ipsa distributio charismatum istorū  
ferre non potest, ut de fide iustificante intelli-  
gamus. Spiritus Dei in ecclesia electorum nō



dat alij fidem in Christum, alij spem, alij charitatem, sed dat omnibus ut credant in Christum, sperent & expectent futuram uitam, ac diligant fratres. Licet ista det cum mensura, alij plus alij minus, dat tamen quantum necesse est singulis. At hanc fidem, quæ hic inter charismata ponitur, non dat omnibus, sed quibusdam tantum. Neque enim ad salutem sic est necessaria, ut qui eam non habet, saluari nequeat. De hac fide, si cui lubet, Cōmēt. nostros in Mat. uideat ca. 17.

ALIUM uero dona sanationum, inquit, per eundem spiritum. Loquitur de miraculosa curatione morborum, quam in se credentibus Christus promisit Marci ult. dicens signa autem eos qui in me credent, hæc sequentur, &c. super egros manus imponent, & bene habebunt. Per hanc Apostoli plurimum ad propagandum fidem nominis Christi profecerunt, quod uidere est in historia claudi illius, quem Petrus ante fores templi sedentem in pedes suos erexit ac sanitati restituit. Act. 3. Quoniam autem multa sunt morborum genera, pluraliter loquitur dicens: Alij uero dona sanationum. Compræhendit enim curationes non modo lecto decumbentium paralyticorum & febricitantium, sed & cæcorum, surdorum, mutorum, claudorum, &c. usus istorum charismatum eos potissimum concernebat, qui ad fidem Christi nondum accesserant, quo & potentiam Dei per miraculosam operationem, & beneficentiam diuinam in curatione suipsorum agnoscentes ad credendum Euangelio permoueretur, cuius confirmandi gratia signa huiusmodi edebantur.

ALIUM uero efficaciae potentiarum inquit. Vulgata habet, alij operatio uirtutum. Græcè est pluraliter ἐνέργηματα, id est, operationes. Et quoniam non habetur ἀρετῶν sed δυνάμεων, uertit Erasmus non uirtutum sed potentiarum, ne quis imperitus de uirtutibus philosophicis intelligat. Euangelicæ literæ signa quæ Christus faciebat sanando ægros ac male habentes, expellendo dæmones, mortuos excitando, cæcos illuminando, &c. communi uocabulo δυνάμεις, id est, potentias ac uirtutes uocant. Quare laboratur à nonnullis, quomodo Apostolus hoc loco ἐνέργηματα δυνάμεων separet à donis sanationum, & ex genere specie faciat. Alij exponunt de expulsionibus dæmonum, & excitatione mortuorum, quod ad hoc genus miraculose operationis plusculum requiratur, puto, singularis potentia, qua & dæmonum & mortis uires reprimantur. Sic exponit Hiero. dicens: Opus uirtutis est, dæmonia eiicere, uel mortuos suscitare. Et Ambro. eiectioem dæmonum intelligit, cui tamē addit facultatem signa faciendi, atque ita speciem ad genus reducit. Chrysost. & Theophylactus referunt ad potentiam puniendi peccantes, quemadmodum Petrus Ananiam ac Sapphiram neci dedit & Paulus Elymā Magū excæcauit. Lyranus exponit de signis, quæ nihil aliud faciunt quàm quod diuinam potentiam ostendunt, ut si Sol in cælo sistatur, uel tale aliquid fiat. Et forsan

hunc imitatus est Germanicus interpres, qui particulam hanc sic uertit, *einem anderen Wunder zuo thun*, id est, miracula faciendi. Sane, ut quid mihi uideatur dicam, apparet Apostolum hac distinctione sanationum & potentiarum omnia signa mirabilium operum complecti uoluisse, quæ spiritus Dei per fideles tum operabatur, sic ut sanationes ad morbidorum restitutionem, potentias uero ad reliqua signa referat quibus uel mortui excitabantur, uel dæmonia fugabantur, uel alia eiusmodi fiebant. Hinc tamen non sequitur, uocem δυνάμεις perpetuo esse ad has signorum species referendam, cum ut supra dixi, frequenter in genere omnibus signis, quæ à Christo fiebant, accommodetur, quale est illud Lucæ 6. Et δυνάμεις de illo exibat & sanabat omnes.

ALIUM uero prophetia inquit. Prophetiam cap. præcedenti diximus in ecclesia fuisse duplicem, unam generaliore, qua plerique docendo prædicabant in cœtu fidelium, alteram specialiore, qua pauci aliquot futura uaticinando prædicebant ecclesijs. De hoc charismate capite quartodecimo plura uidebimus, quare non est, ut hic plura de illo dicamus.

ALIUM uero discretionem spirituum inquit. Discernere spiritus, est homines spiritum uel reuelatione singularem profitentes diiudicare, acceptandi ne sint uel fugiendi. Et intelligendum est hoc donum de non generali quæ omnibus fidelibus Matthæi 7. proponitur: Sed speciali ac miraculosa prudentia per spiritum Dei accepta, qua Apostoli Satanæ in Apostolos Christi conuersi dinoscuntur, & à ueris separantur. Sic spiritum Simonis Magi cognoscebat Petrus, & reprobabat, & spiritum puellæ, quæ Philippis post apostolos ac discipulos Christi multis diebus clamabat: Isti homines sunt serui Dei excelsi, qui annunciant uobis uiam salutis, Paulus cognoscebat & expellebat. Donum hoc uehementer erat ecclesiæ necessarium, ad cognoscendum Satanam in angelum lucis transformatum, non modo apostolorum sed & emergentis Antichristi temporibus, cuius signa & prodigia haudquaquam inualuissent, nisi charisma hoc discernendorum spirituum propter peccata nostra fuisset è medio sublatum. Act. 8. 16.

ALIUM uero genera linguarum, inquit, alij uero interpretatio linguarum. De linguis & interpretatione linguarum fusius dicturus est infra ca. 14. Donum linguarum mox initio in apostolos post Christi ascensionem per spiritum Dei infusum est, cum essent ad Apostolatam per totum orbem inter omnes gentes obeundum instruendi. Postea uero in credentes quoque transfundi cœpit, secundum illud Christi Marci ult. Signa eos qui in me credent hæc sequentur. Per nomen meum dæmonia eiicient, linguis loquentur nouis, &c. Et hoc genere charismatis Corinthij admodum insolebant, ut infra dicto iam capite patebit. Interpretatione uero linguarum eam fuisse intelligo, qua quidam non modo

uarijs



uarijs linguis loquentes intelligebant, sed & ad utilitatē ecclesiæ quæ per illos dicebantur exponebant ac declarabāt. Et donum hoc sic est necessarium, ut nolit Apostolus sine illo linguis quicquam dici in ecclesia.

Sed omnia hæc, inquit, efficit unus ille & idem spiritus. J. Suprà dixit: Idē est Deus, qui efficit omnia in omnibus. Hic eorundē operationem tribuit spiritui. Deinde postq̃ aliquoties dixit per spiritum dari hæc charismata, iā dicit illū hæc omnia efficere. Sic idē illi quod Deo datur opus. Tertio, quod suprà dixit: qui operatur omnia in omnibus, hic dicit cū specificatione, sed omnia hæc efficit spiritus, unde admonemur illud suprà quoq; de donis istis esse intelligendum. Quarto, non simpliciter dicit: Sed omnia hæc efficit spiritus, sed unus ille & idem spiritus, quemadmodum & illud, per eūdem spiritum, iam aliquoties inculcauit, & quod suprà dixit: Diuisiones uero donorū sunt, sed idē spiritus, etiā atq; etiā considerādū esse monuit, quo studia sectarū in ecclesia Corinthiorū extingueret, & cōcordiā redaccēderet.

DIVIDENS, inquit, peculiariter unicuiq; sicut uult. J. De diuisione diximus suprà. Diuidens unicuiq;, inquit, peculiariter. Græcē est *idia*, quod uerti potest, separata, propria, peculiaris, uel aduerbialiter, separatim, proprie, peculiariter. Quod toties uocibus istis *idia* & *idia* expressit, id hac quoq; uocula inculcat, uidelicet, sic diuidi charismata ista inter fideles, ut alij aliud quasi peculiare ac separatū detur, quod cæteris non detur. Hinc tamen non est colligendum, apostolis quoq; non nisi unū & alterum donorū istorum fuisse cōcessum. Quo magis erat illis laborandū in opere Apostolatus, hoc plurib⁹ donis spiritus opus habebāt.

Illud, sicuti uult, tria complectitur, ad liberā hanc diuisionem charismatū spiritus pertinētia. Primum, cui, secūdum, quod nam donum, tertium, quantum, uel, cum qua mensura. Diuidit spiritus dona sua libera dispēsatione, pro sua uolūtate, neq; p̃miscue omnib⁹, sed quib⁹ ipse uoluerit, neq; singulis idem, sed alij aliud, sicuti uult, neq; eadem singulis mēsurā, sed alij plus alij minus, sicuti uult. Hæc tria una est uocula, *ut*, complexus Apostolus. Si dixeris, quare alijs diuidat, alijs non diuidat, quare aliud alij, & quare alij plus & alij minus, in prōptu respondetur: Diuidit libere & gratuito sua dona, non aliena, sicuti uult, ad proprij non ad alieni arbitrij sententiam. Consimili modo & Ebr. 2. legimus. Quæ salus cum primum enarrari cōpisset per ipsum dominū, ab ijs qui audierant, in nos confirmata fuit, attestante Deo & signis & prodigijs simul, uarijsq; potentijs & spiritussancti distributionibus, iuxta ipsius uoluntatem. Sic aufert omnem contentionis occasionem, quæ propter donorū istorū diuisionem inter Corinthios orta fuerat, ne quisq; in posterum quereretur, quare nō eodem cum alijs dono præditus sit, uel quare non tantum acceperit, quantum alius. Sic est, inquit, uolun-

tas spiritus. Qui libere nemini debens donat, ut uult donat, nec est ob hanc diuisionis suæ libertatem à quoq; in ius uocandus. Obiter etiam obserua diuinitatis argumentū in eo qd̃ spiritui dat Apostolus operationem in electis pro ipsius uoluntate liberam, quæ nulli potest competere creature. Verum de diuinitate spiritussancti uide quæ Petrus Martyr hoc loco diligenter congeſsit.

Quemadmodū enim corpus, unū est & mēbra habet multa, omnia uero mēbra corporis unius multa cum sint, unū sunt corpus, sic & Christus. Etenim per unum spiritum nos omnes in unum corpus baptizati sumus, siue Iudei siue Greci siue serui siue liberi, & omnes unū spiritum hausimus.

Similitudine declarat, qd̃ de diuisione uariorum charismatū & unitate diuidētis ea spiritus dixit: Adducit autē similitudinē omniū notissimā, qua gratiæ conditionē ex ipsa naturæ constitutione, eaq; nō ex rebus abstrusis sed ex nobis ipsis desumpta, declarat. Non inducit interni nostri hominis cum uarijs suis affectibus, sed externi, corporis uidelicet, qualitatem ac constitutionē, quā nemo mortaliū, nisi mente motus, ignorare potest. Quēadmodum enim corpus, inquit, sic & Christus, intellige, comparatus est. Corpus quomodo? Multa sunt in humano corpore, ad cōstitutionem illius pertinentia, utpote, quod compositū est ex carne & spiritu, quod caro est ē carne, spiritus de cōelo, caro alterius naturæ q̃ spiritus, caro non uiuificat sed spiritu uiuificatur, caro opus habet alimentis ac fomentis & quæ alia sunt huiusmodi. Nihil horum adducit, quia ad propositū non faciebant, sed adducit hæc duo quod corpus uidelicet unum est in se, & quod multa habet ac uaria membra quibus cōstat. Hæc enim pulchre faciunt ad declarationem causæ in qua uersatur. Ad Rom. cap. 12. eodem est corporis humani simili ad idem propositū usus, ubi tria de illo ponit. Primū, quod sit unum, secūdum, quod habeat multa membra, tertium, quod non habeant eundē omnia mēbra actum in corpore, ubi pleraque huc pertinentia diximus.

QVEMADMODVM enim, corpus inquit. J. Simpliciter quidem dicit, quemadmodū corpus, sic & Christus, uerum ex tributis patet, & sequēti declaratione, loqui ipsum neq; de corpore quod una specie continetur, quale est lapis & lignum, &c. neq; de eo quod constat in *diversis*, id est, discretis & distātib⁹, uni nomini subiectis, quale est, exercit⁹, ciuitas, classis, neq; de eo quod est in *coniunctione*, id est, ex cōiunctis pluribus & inter se cohæretibus, ut est domus, nauis, &c. sed de eo quod uocant *coniunctum*, id est, unitum & congenitū quale est corpus animale, siue hominū siue bestiarum, quod est & animatū & ex multis diuersisq;

Petrus Mar  
tyr.



sisq; membris compositum. Quod autem de humano non bestiali corpore loquatur, infra patet, ubi dicit: & quæ putamus minus honesta esse corporis his honorem uberiores apponimus, & indecora nostri copiosiores honorem habent. Cæterum quæ decora sunt nostri non indigent, &c.

QVEMADMODUM enim, inquit, corpus unum est, & membra habet multa.] Quoniã sectarij in ecclesia Corinthiorum multitudinem fidelium, unde unitas ecclesię constabat, propter uarietatem charismatum scindebant, quàm id peruerse facerët, consyderandũ proponit in unitate corporis, quam membrorum multitudo tam non rumpit, ut magis constituat, contra cuius naturam & constitutionem enormiter ac perniciose faceret, si quis schisma aliquod in membra illius induceret.

ET membra, inquit, habet multa.] Numerum membrorum non ponit. Multa esse dicit. Satis hoc facit ad propositũ. Nec ecclesię membra certo nobis numero constant. Phisici non modo membra sed & ossa corporis humani numerant, quorum alij 248. alij, 276. ponunt. Aliud est illorum, aliud Apostoli propositum.

OMNIA uero mēbra corporis unius, inquit, multa cum sint, unum sunt corpus. Hoc est quod inculcat. Vnitatem corporis in multitudine esse membrorum spectandam. Obserua uero quomodo loquatur. Dixit unũ esse corpus & membra habere multa. Videtur uicissim dicendum fuisse, omnia uero membra corporis unius multa cum sint, unum habent corpus. Verũ maluit dicere, multa cum sint, unũ sunt corpus, quàm unũ habent corpus. Aliud est esse unum corpus, & aliud habere unũ corpus. De quouis membro singulariter quidem prædicari potest, quod unum habeat corpus, uniusq; sit corporis membrum, quod uero unum sit corpus nõ ita. Vbi diuisio est & schisma in corpore, sicut membra diuidantur à mēbris, etiã si pars maior à minore separet, haud tamẽ prædicari de illa potest quod sit corpus. Et si possit hoc aliqua ratione, haud tamen poterit de membris illis prædicari quod sint unũ corpus. Vnum esse corpus non potest prædicari nisi de omnibus membris unum corpus constituentibus. Vigilanter itaq; & pertinet ad propositum non dicit, multa uero, sed: Omnia uero membra corporis unius, multa cum sint, unum sunt corpus. Sic exclusit diuisionem membrorum, & corporis unitatẽ statuit in societate infracta membrorum omniũ ad corpus pertinentium.

SIC & Christus, inquit.] Applicat similitudinem ad propositum. Corpori humano confert ecclesiam Christi, & dicit: Sic & Christus. Non loquitur de persona Christi, quatenus est caput corporis sui, ecclesię uidelicet, sed quatenus est integrum corpus, capite constans & membris. Si consyderes Christũ seorsum, non est corpus sed caput corporis. Si uero coniunctim cum fidelibus ipsius, non est caput tantũ

sed corpus, quemadmodum hominis corpus plerunq; sic appellamus, ut caput unã cū reliquis membris compræhendamus. Si diuidas hominẽ in corpus & spiritum, utiq; diuisione corporis non mēbra tantum sed & caput unã cum reliquis membris intelliges. Si de truncato loquens caput à corpore auulsum dicas, diuisione corporis intelliges mēbra corporis capiti subiecta. Sic utroq; modo de ecclesia Christi loquitur Apostolica scriptura. Col. 1. uocat Christus corporis ecclesię caput. Hic comparatur corpori integro, in quo & caput est & membra capiti subiecta. Cum ergo dicit Apostolus: quemadmodum corpus unũ est & mēbra habet multa, omnia uero membra corporis unius multa cum sint, unũ sunt corpus, sic & Christus, quid aliud dicit, quàm Christũ sic esse cõparatũ, ut sit instar corporis, quod multa habeat membra, & multitudine membrorum capiti coniunctorum constet?

Ergo cum Corinthij corpus ecclesię diuiderent, Christũ diuidebant, quod illis cap. 1. obiecit dicens: Num diuisus est Christus? Sic Christum contemnit, qui ecclesiam illius contēnit, & Christum persequitur, qui mēbra illius persequit. Vnde & Saulo persequutori dicebat: Saule Saule quid me persequeris? Si Christus usq; adeo est ecclesię suę coniunctus, ut unũ cū illa sit corpus, & Romanus pontifex caput est huius ecclesię, ergo caput est Christi. Si hoc uel cogitare absurdum est consequitur uel nõ esse illum caput ueræ ecclesię Christi, sed falsæ ac defectricis, uel ueram ecclesiam amisisse uerũ corpus sui caput, & accepisse adulterinũ, uel factam esse bicipitem, sic ut caput habeat unum in cœlis & alterum in terris. Si hæc sine impietate de corpore ecclesię Christi sentiri nõ possunt, reliquum est, Antichristianũ prorsus esse figmentum, quod Romanum pontificem ecclesię Christi caput esse contendunt.

ET ENIM per unum spiritum, inquit, nos omnes in unũ corpus baptizati sumus.] Exponit applicationẽ, qua dixit: Sic & Christus, ne præmissa similitudo de unitate corporis humani & membrorũ multitudine de persona Christi tãtum intelligatur. Sic & Christus, inquit, quamuis multa habeat membra, unũ tamen corpus existit. Etenim nos omnes siue Iudæi siue Græci, &c. in unum corpus per unũ spiritum baptizati sumus. Sed dices, quomodo hæc ratio præcedenti conuenit? Vnũ corpus, inquit, multa mēbra habet, & omnia mēbra quamuis multa sint unum tamen corpus existunt. Si hic subiecisset: Sic & nos, recte rationem hanc apposuisset dicens: Etenim nos omnes in unum corpus baptizati sumus. Verum cum applicando dixerit: Sic & Christus, quomodo Christum probat unum esse multorum membrorum corpus, ex eo quod nos omnes in unũ sumus corpus baptizati? Si de unitate Israëlitarum argumentando diceret: Quemadmodũ corpus unum est & multa habet membra, omnia uero membra multa cum sint,



sint, unum sunt corpus, sic & Moses. Etenim A  
 Israëlita omnes in unū corpus circūcisi sunt,  
 staret ne argumentatio? Respondeo, non sta-  
 ret. Quia Israëlita neq; sunt in Mosen carne,  
 neq; per illius spiritum in cordibus circūcisi.  
 Credentes uero in Christum quoniam & sa-  
 cramento in illum obsignantur, & in illius spi-  
 ritu baptizantur & regenerantur, recte unum  
 cum illo corpus esse dicuntur, cui & sacramen-  
 to & spiritu & fidei professione iunguntur.  
 Quare quod hic Apostolus Christum unū no-  
 bilcum esse corpus probaturus dicit: Etenim  
 nos omnes per unum spiritum in unum cor-  
 pus baptizati, & in unum spiritum potati su-  
 mus nō est de alio quā ipsius Christi spiritu  
 intelligendum, per quem & in quo in unum  
 cum illo corpus coopramur. Hac cōiunctione  
 fit Christus unum corpus constans ex multis  
 membris, quod nec de Mose, nec de ullo uel  
 prophetarum uel Apostolorum dici potest.

E TENIM per unum spiritum, inquit, nos  
 omnes in unum corpus baptizati sumus.] In  
 Græco est *ἐν ἑνὶ πνεύματι*, id est, in uno spiritu,  
 quemadmodum & uulgata uersio habet. Ne-  
 scio probandum ne sit quod Erasmus uertit,  
 per unum spiritum. Mihi uidetur Apostolicā  
 phrasim haud esse temere mutandā. Existimo  
 Apostolū hic non dicere per quem, sed in quo  
 baptizentur, & in quem potētur electi ac uiri  
 fideles. Etenim, inquit, in uno spiritu baptiza-  
 ti sumus in unum corpus. Loquitur quidē de  
 baptismo, quo erāt baptizati Corinthij (nō  
 enim dicit, baptizamur, sed, baptizati sumus)  
 Verum non dicit: in una aqua, sed, in uno spi-  
 ritu baptizati sumus, ut significet se loqui de in-  
 tegro baptismi sacramento, in quo non aqua  
 tantum sed & spiritu Christi baptizantur ueri  
 fideles, per quem haud sacramentaliter tantū  
 sed & ueraciter in corpus illius inferuntur. Et  
 ne propositi sui obliuiscatur, non dicit simpli-  
 citer: Etenim baptizati sumus in illum, sed: E-  
 tenim in uno spiritu nos omnes in unum cor-  
 pus baptizati, & in unum spiritum potati su-  
 mus. Quasi dicat. Quomodo scindimini in par-  
 tes diuersas, & alij alios abijcitis? Si Christi e-  
 stis, unum corpus & unus cum illo spiritus si-  
 tis necesse est. Vel baptisma uestrum inspici-  
 te. In illo non estis diuerso sed eodem spiritu  
 nō in sectas sed in unū corpus baptizati, & in  
 spiritū non aliū atq; alium sed eundem potati.

VND E ergo sunt in uobis schismata? ] Per-  
 inde est ac si ad redarguendum & tollendum  
 dissidia fraterna dicat fratribus frater: Ex eo-  
 dem sanguine in eandem sumus carnem nati  
 & eodem lacte potati, quare nullo modo con-  
 uenit, ut dissidijs & odijs mutuis scindamur.  
 Quemadmodum eiusdem sanguinis & lactis  
 & carnis argumento recte admonētur fratres  
 ut abiectis odijs & dissidijs ad philadelphiam  
 conuertantur, ita Apostolus argumento ei-  
 usdē spiritus & corporis spirituales in Christo  
 fratres reuocat à sectis ad unitatem ecclesiæ  
 & ueram concordiam seruandam.

Illud, quod non dicit, in uno spiritu uos om-  
 nes, sed, nos omnes, in unum corpus baptiza-  
 ti sumus, obseruauit Chrysostomus diligens  
 Apostolicæ doctrinæ lector. Singulari studio  
 solet Apostolus in ijs se, quæ communem gra-  
 tiam, & adhortationem quoque concernunt,  
 coniungere fidelibus, etiam illis, quorum de-  
 licta repræhendit. Sic hoc loco cōiungit se Co-  
 rinthijs in communicatione eiusdem spiritus  
 ac sacramenti, quo se alienum ab illis esse de-  
 claret, qui propter baptismatis sacramentum  
 unitatem ecclesiæ usque adeo scindebant, ut  
 gratias ageret Deo quod non multos Corin-  
 thi baptizasset, ne quis diceret quod in ipsius  
 esset nomine baptizatus. Nos omnes, inquit,  
 baptizati sumus in uno spiritu in unum cor-  
 pus, tā ego uester Apostolus, quā uos. Quid  
 ergo faciunt baptizatores illi, qui studio ba-  
 ptizandi non Christo sed sibijpsis discipulos  
 colligunt?

NOS omnes, inquit, siue Iudæi siue Græci,  
 siue serui siue liberi.] Omnem differentiam  
 à catholica totius ecclesiæ communione ex-  
 cludit. Huc facit primum, quod non simplici-  
 ter dicit, in uno spiritu baptizati nos sumus,  
 sed: In uno spiritu nos omnes baptizati su-  
 mus. Deinde, quod uniuersitatis nota haud  
 contentus specificationem quoque diuersarū  
 cum nationum tum conditionum subiicit di-  
 cens, siue Iudæi siue Græci, siue serui siue libe-  
 ri. Duabus nationibus complectitur omnes  
 reliquas, cum dicit, siue Iudæi siue Græci, dua-  
 bus quoque conditionibus omnes diuersorū  
 statuum ordines compræhendit dicens, siue  
 serui siue liberi. Accommodat autem se dissi-  
 dijs quæ tum in ecclesia uigebant. Primum e-  
 nim quasi irreconciliabilis disceptatio erat in-  
 ter Iudæos & Græcos, id est, ethnicos. Deinde  
 cœperat diuitū ac liberorum prærogatiua ma-  
 ior haberi in ecclesia quā pauperum ac ser-  
 uorum. Vt hæc igitur discrimina nihil debere  
 loci habere in ecclesia moneat, specificationē  
 hanc Iudæorum ac Græcorum, seruorumque  
 ac liberorum expresse. Magna sane diuinę bo-  
 nitatis dignatione eodem spiritu baptizatur  
 ethnicus quo Iudæus, eodē seruus quo liber,  
 paup quo diues. Putidissima est humani cor-  
 dis superbia, qua homo propter uel nationis,  
 uel fortunę, uel cōditionis qualēcunq; diuersi-  
 tatē fastidit hominē quē nō fastidit Deus, idq;  
 in causa non propria sed ipsius Dei. Non di-  
 scernit Deus inter Iudæum & Græcum, seruū  
 ac liberum, & homo corruptibilis puluis di-  
 scernit in causa religionis gentem à gente, ser-  
 uum à libero, pauperem à diuite, idiotam à do-  
 cto, atque ita quos diuina dignatio in eadem  
 uoluit esse gratia æquales & coniunctos pro  
 inæqualibus habet, & disiungit. Non loquor  
 de statibus & ordinibus huius sæculi, quorum  
 diuersitatem nō tollit regni Christi gratia, sed  
 de superbia qua homo hominem in religione  
 propter externæ fortunæ humilitatē non ha-  
 bet eo loco, quo dignata est illū D. maiestas.



ET omnes, inquit, unum spiritum hausimus. In Græco est, *ἡμεῖς πάντες ἐκ τοῦ αὐτοῦ πνεύματος ἐποτίσθημεν*, id est, & omnes in unum spiritum potati sumus. Vulgata uersio habet, & omnes eodem spiritu potati sumus. Referunt hanc particulam ad potum eucharistiæ, & quærunt, quare non dixerit, & omnes eodem sanguine, sed, & omnes eodem spiritu potati sumus, & quare potus tantum & non cibi quoque mentione fecerit, dicens: & omnes eadem carne pasti sumus. Meo iudicio non est opus hisce quæstioni- bus. Neque enim de sacramento eucharistiæ loquitur, quo frequenter utebantur, ut non esset dicendum, potati sumus, in præterito, sed potamur in præsentis, si de illo loqui uoluisset. Loquitur de gratia spiritus sancti, qua in Christum credentes baptizati, hoc est, renati, fuerant & potati, & respicit ad similitudinem infantis, qui recens natus non cibo, sed materni lactis potu alitur, atque ita unde natus est, inde & nutritur. Sic eodem spiritu erant Corinthij fideles potati, quo erant & nati. Idem eos spiritus, quo erant in Christo renati, donis suis ueluti lacte quodam potauerat, quo cresceret in fide & confirmarentur. Quod si placet metaphora plantationis, ut baptizari in eodem spiritu sit instar plantularum in eadem coelestis gratiæ area plantari, conueniet uerbum potandi, sensu rigandi accipere. Verum infantis similitudo magis arridet. Ad hunc modum exponi potest hæc particula, si legerimus, & omnes eodem spiritu potati sumus.

Quod si secundum Græci exemplaris fidem legerimus, & omnes in eundem spiritum potati sumus, diligenter uidendum est, qui sensus ei lectioni conueniat, hoc est, quid sit fideles Christi in eodem spiritu baptizari, & in unum spiritum potari.

Apostolus & minister Christi, quatenus est minister non literæ, sed spiritus, gignit, & potat recens genitos. In Christo Iesu, inquit, ego uos genui. Item: Lac uobis potum dedi. Regeneratos hic uocat in uno spiritu baptizatos. Illos lacte doctrinæ eiusdem qua geniti fuerant, diligenter ac prudenter potauit. Apolos quoque post illius discessum. Hæc duo supra capite tertio per metaphoram plantationis & rigationis expressit, dicens: Ego plantaui, Apollo rigauit. Quemadmodum autem baptizati fuerant in unum corpus, ita potauit eos unam cum Apollo in unum spiritum. Hæc enim conditio est animati corporis, ut spiritum habeat non uarium, sed unum & eundem. Sic unitati corporis ecclesiastici connectit etiam unitatem spiritus, quem alij in locis uocat *πνεῦμα καὶ γνώμην*, id est mentem & sententiam, ut supra capite primo dicens, ut sitis integri eadem mente & sententia. & Philipp. 1. spiritum & animam, ubi dicit: Ut audiam de rebus uestris, quod steteris in uno spiritu, una anima. De hac unitate spiritus Eph. 4. sic dicit: Studentes seruare unitatem spiritus in uinculo pacis, unum corpus & unus spiritus (potest etiam legi in accu-

satiuo, unum corpus & unum spiritum) quemadmodum & uocati estis in una spe uocationis uestræ. Hoc itaque sensu potari in unum spiritum, est unitate doctrinæ regenerantium mentes in unitatem eiusdem cordis, animæ, & spiritus ali & confirmari. Dico simpliciter, quo sensu accipienda sit Græca lectio, aliorum esto iudicium.

Etenim corpus non est unum membrum, sed multa. Si dicat pes, quia non sum manus, non sum de corpore, num idcirco non est de corpore? Et si dicat auris, quoniam non sum oculus, non sum de corpore, num ideo non est de corpore? Si totum corpus oculus, ubi auditus? Si totum auditus, ubi olfactus? Nunc autem Deus posuit membra, unumquodque ipsorum singulatim in corpore, quemadmodum uoluit. Quod si essent omnia unum membrum, ubi esset corpus? Nunc autem multa quidem membra, unum uero corpus.

Redit ad similitudinem corporis & membrorum, quam applicationis illius parte, ubi commodum uidebat, interruptit, dicens: Sic & Christus: Etenim in uno spiritu nos omnes in unum corpus baptizati sumus, &c. Dixerat, omnia membra corporis cum sint multa, unum esse corpus. Huic ueluti ratione annectit, dicens: Etenim corpus non est unum membrum, sed multa. Ratio sumpta est à conditione corporis. Quod. Etenim corpus non sic est comparatum, ut uno membro constet, sed multis. Multa membra non multiplicant, sed complent, & constituunt unum corpus. Quare? Quia corpus non est idem quod membrum, sed est connexio multorum membrorum. Ratio hæc ualet non in quouis corporum genere, sed in eo, quod ex multis est membris compositum. Perinde est ac si dicas, ciuitas non est unus ciuis, sed multi. Dictum hoc locum habet, ubi in ciuitate, populo, uel ecclesia unius hominis existimatio eousque inualuit, ut unus omnia esse & posse uideatur, præque illo omnes reliqui nihili ducant. Hic commodè dixeris: Ciuitas, non est unus homo, sed multi. Sic dicamus & nos: Ecclesia non est unus homo, sed multi, contra eos, qui Rom. pont. omnem eam potestatem tribuunt, quæ competit ecclesiæ. Nec dubito quin Apostolus quorundam existimationem in ecclesia Corinthiorum hoc simili in ordinem redigere, & inferiorum animos, qui respectu illorum contenebant, erigere uoluerit. Ideo & subiungit.

Si dicat pes, quia non sum manus, non sum de corpore, num idcirco non est de corpore? Et si dicat auris, quia non sum oculus, non sum de corpore, &c.] Succurrit pusillanimitati idiotarum ac rudium qui erant in ecclesia, quos comparat pedibus & auribus. Pedes inferiora sunt corporis membra, estque illorum officium admodum seruale & humile. Aures quoque, etsi sunt in capite loco sublimi, seruale tamē habet audien-



audiendi officium. Sic in ecclesia qui sunt inferiores & auditores, quasi pedum & aurium loco habentur. Hi ubi uident operationes potiorum, tam doctorum qui loco sunt oculorum, quàm eorum qui præclara opera, uel miranda facientes, instar manuum sunt in corpore, putant se respectu illorum non esse eiusdem ecclesiæ consortes, propterea quod non sunt illis æquales. Quod perinde est, ac si dicat pes, quia non sum manus, non sum de corpore, & auris, quia non sum oculus, non sum de corpore. Num idcirco, inquit, non sunt pes & auris de corpore? Quasi dicat. Vtique sunt. Quis adeò desipit, ut sentiat pedes suos & aures non pertinere ad reliqua corporis sui membra, propterea quod non sunt potiora? Hac parabola dilucide absurditatem cogitationis huiusmodi redarguit, potiorum arrogantiam restringit, & utrosque tam superiores quàm inferiores ad concordiam tanquam unius corporis membra reuocat, idque facit absque manifesta cuiusquam reprehensione.

QVIA non sum manus, quia non sum oculus, inquit.] Exprimit uota inferiorum & idiotarum, qui tum erant in ecclesia Corinthiorum. Videbant charismata spiritus in potioribus, quorum alij docebant, alij futura præuidebāt, alij morbos curabant, alij linguis loquebant, alij linguas interpretabantur, ac se miseros esse arbitrabantur & contemptos, quod illis non essent æquales. Optabant igitur illorum esse loco. At hodie longe aliter animata est multitudo auditorum in ecclesia. Paucissimos illorum inuenias, qui sic admirentur superiora doctorum & pastorum officia, ut se cupiant illis esse æquales, imò qui non contemnant eos, à quibus debebant in scientia Dei & uera pietate ædificari. At huius contemptus culpa maiori ex parte ipsis est pastoribus & doctoribus impuranda. Caligant in ecclesia oculi, languēt & contractæ sunt manus, quare non est ut dicat pes, quia non sum manus, & auris, quia non sum oculus, non sum de corpore, sed est potius ut cogitent, nisi melius uideant oculi, & efficacius laborent manus, male consultum erit & nobis & reliquis corporis nostri membris, orentque dominum, ut & oculos ecclesiæ à caligine liberet, & contractas manus efficaces reddat. Hæc sint hodie uota pedum & aurium in corpore ecclesiastico.

NON sum de corpore, inquit, num idcirco non est de corpore?] Obserua quod non dicit: non sum in corpore, num idcirco non est in corpore? sed, non sum de corpore, num idcirco non est de corpore? Aliud est esse in corpore, & aliud esse de corpore. In corpore sunt & ulcera, & tubera, & pustulæ, sed non sunt de corpore, hoc est, ad constitutionem & cōplementum corporis non pertinent, quia non sunt corporis membra, quemadmodum aliud est esse in ciuitate, & aliud esse de ciuitate. Sic aliud est esse in ecclesia, & aliud esse de ecclesia Christi. In ecclesia Christi sunt & reprobi, de ecclesia

A uero sunt non reprobi, sed electi ac fideles tantum, qui ad numerum membrorum pertinent, & ueram ecclesiā constituunt. Exierunt ex nobis, inquit Iohannes, quia non erant ex nobis. Quo modo exierunt ex ecclesia, si non fuerunt ex ecclesia? fuerant in ecclesia, sed non erant de ecclesia. Sic & Corinthiæ ecclesiæ idiotæ & rudes, satis uidebant esse se in ecclesia Christi: uerum quoniam uidebāt se destitutos donis spiritus, insignioribus illis quæ admirabant, suspicabantur se non esse de corpore ecclesiæ.

SI totum corpus oculus, ubi auditus? Si totum auditus, inquit, ubi olfactus? Quoniam inferiores potiorum charismata affectantes, humilis suæ sortis pudebat, ut indicet quanta absurditas, quanta confusio, quantaque sequeretur totius ecclesiæ perniciēs, si quod affectabant, re ipsa consequerentur, pergit in parabola membrorum corporis, quorum ea est conditio, ut non multitudine modo, sed & uarietate sua corpus compleant, & constitutionem illius conseruent, & argumentatur ad hunc modum: Si omnibus idē esset spiritus sancti charisma datum, ubi essent reliqua illius dona, si ne quibus ecclesia consistere non potest? Perinde esset, ac si totum corpus esset oculus, quare quid corpori posset exitiosius euenire? Destitueretur enim necessarijs officijs pedum, manuum, aurium, oris, &c. essetque deformis quidam truncus, etsi oculatus, prorsus tamen inutilis. Vel hinc igitur cogitate, quàm sint uota uestra noxia & absurda. Omnium ferè mortaliū pectora occupat hic morbus, ut nemo sua sit sorte contentus, sed ad altiora quisque si non conatibus uotis saltem adspiret. Nemo inferiora, superiora affectant omnes. Stulta hæc & pernicioſa uota ecclesias nunquam non turbant. Rarissimus omnino est, qui cum Dauide plurimi faciat, quod in domum Dei receptus est, & aliquo saltem loco constitutus, dicatque ex animo: Elegi ad limē esse in domo Dei mei, magis, quàm habitare in tabernaculis peccatorum. Per se tanti non est esse episcopum ac præsidem, quanti est esse in ecclesia Christi. At ea gratia tam est inferioribus quàm superioribus concessa. Quemadmodum tanti non est esse oculum, quanti est esse membrum in corpore, ac frui communi corporis uita ac spiritu, id quod tam pedibus quàm oculis contingit. Qui hoc consyderat, tam abest, ut ad sublimiorem aliquem gradum aspirans sortis suæ pertæsus fiat, ut nesciat condignis modis diuinā erga se beneuolentiā in eo deprædicare, quod in aliquam est ab illo sortem in ecclesia ipsius receptus. Quod autem omnes ad sublimiora aspiramus, ex eo est serpentis antiqui ueneno, quod prima nostra parēs in ipso paradiso hauit, cum fore crederet, ut essent sicut dii, scientes bonum & malum, si de pomo uetito ederent. Diuinitas autē quædam esse uidetur, plura scire, pluraque posse quàm sciant & possint alij, & si non amplius, saltē non minus in precio haberi quàm habeant alij. Hinc est quod in corpore eccle-



ecclesiae inferiorum loca non appetunt superiores, superiorum uero appetunt inferiores.

si totum corpus, inquit, oculus est, ubi auditus? &c.] Secus habet natura diuinitatis, quae corporis humani constitutio. In corpore humano fieri non potest, ut ab uno aliquo membro totum comprehendantur. Et si posset, ut reliqua membra haud excludantur. Etenim si totum corpus esset oculus, nec auditui in illo, nec gustui, nec olfactui, nec manibus nec pedibus locus esse posset. In diuinitate uero non est ut dicas: Si totus Deus bonitas est, ubi iusticia? Si totus iusticia est, ubi sapientia? Si totus sapientia, ubi potentia? Etenim sic est comparatus, ut totus sit bonitas, totus iusticia, totus sapientia, totus potentia, quis diuersae sint hae uirtutes, & a se inuicem discretae. Luctemur ergo ad eas potius uirtutes, quae sic sunt comparatae, ut nulla nulla ab ecclesia excludat, si hanc totam occupet, quae ad officia, quorum nullum totam ecclesiam sic occupat, ut caeteris locum in illa relinquat. Omnino etiam diuinius est, si uere de ecclesia dici possit, quod tota sit fides, tota sit spes, tota sit charitas &c. Nihil impedit quo minus omnia illius membra praedita sint fide, & tamen simul speret omnia, & diligat omnia, quae tamen dona omnia charismata, ministeria, & energemata superant.

NUNC autem posuit Deus membra, inquit, unumquodque ipsorum in corpore sicut uoluit.] Reddit rationem, quare fieri non possit, ut totum corpus sit unum aliquod membrum, & si sit, reliquis in illo membris locus esse possit. Nunc autem, inquit, posuit Deus membra in corpore, unumquodque ipsorum sicuti uult. Quasi dicat. Non placuit opifici corporum nostrorum Deo, ut constaret plenitudo corporis uno & eodem membro. Voluit esse membra diuersa, singula a singulis secreta, & ut uoluit, sic unumquodque illorum posuit. Quare diuinam illius dispositioni aduersaretur, si omnia corporis membra in idem conuerterentur, & totum corpus in illo complerent. Sic de ecclesiae quoque membris cogitandum, & in huius dispositione omnibus & singulis conquiescendum esse monet. Nam & hic Deus membra posuit, unumquodque ipsorum sicut uoluit. Qui pes igitur est in corpore ecclesiae, cogitet sic uoluisse Deum, ut sit pes, & ab illo se in corpore ecclesiae pedis esse loco positum. Et sic consequenter cogitet singula membra. Hoc uolens, non simpliciter dicit: Nunc autem posita sunt, sed, nunc autem posuit Deus membra in corpore, & notanter addit, unumquodque ipsorum singulariter, ne quis aliunde se quam ab ipso Deo positum esse in ecclesia cogitet, nec sic contentus annuit illud, sicuti uoluit, ne quis rationem querat, quare tanta sit in membris ecclesiae diuersitas, & non potius catholica aequalitas, uel doleat, quod inferiorum sit & humiliorum locum sortitus. Quoties admonemur facere Deum omnia quae admodum uult, a curiositate ac temeritate carnis nostrae auocamur, ne operum illius rationes scrutemur. Homini pio uoluntas Dei summæ est & bonitatis, & iusticiae, & sapientiae & po-

tentiae loco. Non est autem hic transeundum, quod Deum dicit membra ponere in corpore. Licet enim de corpore humano loquitur, sub hac tamen parabola conditionem & constitutionem uerae ecclesiae Dei ob oculos exponit. Ergo uera membra ecclesiae ponuntur a Deo, & quae ab illo posita non sunt, inter membra censeretur non debent. Sunt enim *ψευδομέλη* non a Deo, sed a Satana ueris ecclesiae membris immixta.

QUOD si essent omnia unum membrum, inquit, ubi corpus? Rursus colligit quod sit inconueniens & absurdum, si obtineat aequalitas in ecclesia, quam plerique Corinthiorum affectabant. Supra dixit: Etenim corpus non est unum membrum, sed multa. Item: Si totum corpus oculus, ubi auditus? Hic: Quod si essent omnia unum membrum, ubi corpus? Nunc autem multa quidem membra, unum uero corpus. Ergo duo inconuenientia colligit, unum quod membra, alterum quod corpus concernit. Membra concernit quod dixit: Si totum corpus oculus, ubi auditus? Nam hoc pacto membra corporis tollerentur. Corpus attinet quod hic dicit: Quod si essent omnia unum membrum, ubi corpus? Sic enim & corpus ipsum aboleretur. Igitur uelut ob oculos exponit quod sit noxia affectatio aequalitatis, quam appetebant Corinthij. Sic uidelicet, ut & membra & corpus ecclesiae peritura esset, si obtineretur. Quare qui *ἀταξίαν* in ecclesiam inducunt, quantum in ipsis est, & membra & corpus illius perdunt. Ea namque est constitutio ecclesiae ac membrorum illius, ut qui membrorum ordinem confundit, confundat & ecclesiam, quantum uis nomen ecclesiae iacet, & ad caelos usque extollat.

NUNC autem multa quidem membra, inquit, unum uero corpus.] Absoluit & concludit sententiam, qua contendit, corpus non constare uno membro, sed multis, & eam esse conditionem membrorum, ut multitudine sua non multa faciant corpora, sed unum duntaxat. Sic multitudo fidelium non constituit naturam suam sectas, sed unam ecclesiam.

Non potest uero oculus dicere manui, non est mihi opus te, aut rursus caput pedibus, non est mihi opus uobis, imo multo potius quae uidentur membra corporis imbecilliora esse necessaria sunt, et quae putamus minus honesta esse corporis, his honorem uberius apponimus, & indecora nostri copiosorem honorem habent, decora uero nostri non indigent, sed Deus simul temperauit corpus, ei cui deerat copiosorem addere honorem, ne sit dissidium in corpore, sed inuicem alia pro alijs eandem sollicitudinem gerant membra. Et siue patitur unum membrum, simul patiuntur omnia membra, siue glorificatur unum membrum, simul gaudet omnia membra.

Pergit



Pergit in cœpta corporis parabola. Hætenus de unitate illius, quomodo illa mēbrorū multitudine constar, differuit, & humilium inferiorumque in ecclesia fidelium animos erexit, iam superiorum arrogantiam aggreditur, illosque à contemptu inferiorum ad colendā eiusdem corporis unitatem & concordia reuocat. Non potest, inquit, oculus dicere manui, non est mihi opus te. Cum inferiores erigeret, & cogitationes illorum exprimere uellet, dixit: Si dicat pes, quia non sum manus, nō sum de corpore, &c. Hic ubi superiorum arrogantiam restringere, ac cogitationes eorū exprimere constituit, dicit: Non autem potest oculus dicere manui, non est mihi opus te. Per oculum & caput eos notat, qui id sunt in ecclesia, quod caput & oculi sunt in corpore, doctores uidelicet ac præsides. Habet ecclesia etiānum capita & oculos, uerum capita partim aſnina, partim leonina, & oculos, ad prædā plus quā Lynceos, ad uidendum quæ recta sunt ac uera ipsis talpis magis cæcos. Per manus hic intellige idiotas & operarios manuarios.

Non potest, inquit, oculus dicere manui.] Oculus membrum illustre, preciosum, summopere toti corpori necessarium, in sublimi quasi specula constitutum est, ut lucem ac rerum omnium discretionem suppeditet. Oculus diuinum membrum, ac speculum naturæ uocat. In oculo habitat hominis animus. Non potest tamen dicere manui, non est mihi opus te. Etiam si linguam haberet oculus, & loqui posset, ueraciter tamen manui dicere non posset, opera tua non indigeo. Aliena est ab hac arrogantia superiorum membrorum natura, ut inferiora cōtemnat. Oculus indefinenter manibus est intentus, & operantibus illis lucē fideliter subministrat. Et homo, oculi munus in ecclesia sortitus, inferiora illius membra cōtemnere potest.

Quare autem non potest oculus dicere manui, non est mihi opus te? Quia cessante manu totum corpus periclitatur. Periclitante uero corpore, periclitatur & oculus, ut peculiaria ministeria taceam, quibus manus oculo subferuit. Quod hic accommodatur ecclesiæ, recte accommodabitur & reipublicæ. In illa quomodo homines ociosi subsisteret, si opera manuum, id est, operariorum, tam in agris quā reliquis necessarijs operantium destituerentur? Et tamen sic insolescunt hic quoque oculi, ut operarios perinde susque deque faciant, ac si nulla illorum opera indigeant. Et esto, nō sit ociosis illis ecclesiæ oculis opus idiotis & operarijs, quod tamen nunquā ueraciter cogitari, nedum dici potest, conuenit ne eam ob causam, ut eos cōtemnant, quorum opera nō indigeant? Bonorum meorum non eges, ad Deum canit Psalmista. An ideo contemnitur homo à Deo, quod nulla in re opus illo habet? Nequaquam. Quomodo ergo conuenit homini, ut hominem contemnat, etiam eum, cuius opera non indiget?

A V T rursus caput, inquit, pedibus, non est mihi opus uobis.] Duo prorsus extrema corporis membra coniungit, caput superne, & pedes inferne, inter quæ minus uidetur esse necessitudinis quā inter manus & oculos. Et tamen horum quoque consimilem monet, ac talem esse conditionem, ut caput ministerio pedum carere non possit. Hic non est dictio capitis ad Christum referenda, sed pluraliter ad omnes ecclesiæ præsides. De Christo nanque sentire nos haud conuenit, quod opera quorumcunque membrorum suorum egeat. Potest ille ueracissime ad omnes suos fideles dicere, non est mihi opus uobis, uos uero sine me nihil poteritis facere.

Admonentur præsides ecclesiæ summo gradu constituti, ne non media modo, sed ne infirma quidem corporis ecclesiastici membra cōtemnant. Caput summum quidem, pedes uero prorsus infimum locum sortiti sunt. At unde subsisteret reliquo cum corpore caput, nisi pedibus sustentaretur, qui bases sunt ac fundamentum corporis? Vnde facultas esset quouis progrediendi, currēdi, ascendendi, descendendi, inclinandi, sedendi, accumbendi, surgēdi, nisi pedum adminiculo hæc omnia fierent? Prorsus inutile esset uniuersum capitis *ὅτι, ἡ κεφαλή*, si inferiorum membrorum officijs destitueretur. Quare non potest dicere pedibus, nō est mihi opus uobis. Cogitent igitur primores cū in ecclesijs tum in regnis ac rebus publicis, nō posse se sine inferiorum obsequijs ac ministerijs subsistere, etiam si sint omnium sapientissimi & illustrissimi, esse autem iniquissimum contemnere eos, quorū opera carere nequeāt, cum ne illi quidem contemnendi sint, quorū nullus usus esse uidetur.

I M O multo potius, inquit, quæ uidentur membra corporis imbecilliora esse necessaria sunt.] Totum quidem corpus humanum imbecille est, membris infirmis constans, sunt tamen illius membra alia alijs imbecilliora, per se firmum nullum, unde recte non dixit, quæ uidentur imbecilla, sed quæ uidentur imbecilliora esse. Imbecillum est, quod facile lædi potest, eò quod minus habeat uirium uel ad resistendum uel ad ferendum. In corpore humano robustiora sunt brachia & crura, quā oculi, & uenter, quia firmioribus sunt olsibus consolidata, tanquam ad ferendos labores destinata. Oculi uero & uenter, quamuis infirmiora, uehementer tamē sunt necessaria membra. Significat non esse in ecclesia, quæ inferiora sunt cōtemnenda à superioribus, quando quidem nec imbecilliora contemni debeant à robustioribus. Vt enim inferiora superioribus, ita imbecilliora robustioribus admodum esse necessaria. Impiorum ac uiolentorum uox est illud Sap. 2. Quod infirmum est, inutile inuenitur. Infirma erat Apostoli inter Corinthios præsencia, & tamen erat illis uehementer necessaria. Thesaurum uitæ portabant apostoli in uasis fictilibus. At quid potuit illis inueniri pre-



ri preciosius? Videbantur esse imbecilles iudicio carnis, at erant summopere necessarij. Hoc uolens dicit: quæ uidentur imbecilliora esse. Ambrosius per imbecilliora intelligit subiectos, Chrysostomo idem est imbecille & minus honestum membrum.

ET quæ putamus, inquit, minus honesta esse corporis, his honorem uberiores apponimus.] Per minus honesta intelligit pudenda. Inhonesti sunt illa non per se, sed nostro iudicio. Nihil enim est inhonesti à Deo creatum. Quare non dicit: Et quæ sunt, sed, & quæ putamus minus esse honesta corporis. Sic de illis sentimus omnes ab eo tempore, quo nuditas corporum nostrorum propter diuini præcepti transgressionem, & innocentiae amissionem pudori cœpit esse obnoxia. Hæc inhonesti corporis nostri honore uberiores amicim⁹, hoc est, diligentius fouemus & obregimus. Etiam gentes illæ quæ nudis incedunt corporibus, sic sunt animate, ut pudenda perizomate cingant & ornent.

ET indecora nostri, inquit, copiosiores honore habent.] Eadem puto intelligit ἀσχημονα quæ ἀτιμωτέρα, uel est posterius hoc ad posterius rem corporis nostri partem referendum, qua excrementa illius eijcimus. Quod ecclesiæ membra concernit, putat Ambrosius intelligendos esse eos fratres, qui egestate ac nuditate sua de spicabiles incedunt. Puto referri posse ad eos, qui officia minus honesta, siue in ecclesia, siue in republica obeunt. Hos monet Apostolus tam non esse contemnendos ut magis sint diligenter fouendi & decorandi, ne qua fiat ut commune corpus ecclesiæ si negligantur, dehonorent. Non permittimus illis qui uagam libidinem sub prætextu cœlibatus sectantur, ut per minus honesta & indecora intelligant coniuges procreationi liberorum operam dantes, quorum statum cēsant esse impurum. Est enim coniugium honorabile inter omnes, & cubile impollutum. Ebr. 13. Nec est, ut concubinas suas uocent minus honesta & indecora ecclesiæ membra. Primum enim non sunt scorta referenda inter membra ecclesiæ. Deinde digna non sunt quæ honorifice foueantur.

DECORA uero nostri, inquit, nō indigēt.] Qualia sunt caput, facies, oculi, aures, nares, os, manus, &c. Hæc non indigent, ut aliunde ornentur, cum naturale sint ornatu cōspicua. Consimili modo & in ecclesia non est ulla necessitas, qua singulari à nobis cura ornentur ac decorentur ij, quos spiritus sanctus uario charismatum ornatu reddidit illustres. Sunt tamē uenerandi & in precio habendi, propter singularia dona. Non enim hoc agit Apostolus, ut quos Deus cohonestat nos susque deq; faciamus, sed taxat præposterum illud studiū, quo qui cæteris sunt præstantiores, impense coluntur, & interim infirmi & humiles inferioris ac posterioris ordinis homines prorsus negliguntur, quod perinde est ac si honesta corporis nostri membra, caput, oculos, &c. sum-

ptuosius regamus ac decoremus, & pudenda detegamus, pedesque negligamus. Sic plerūque lolemus. Ornamus ubi non est opus, ubi opus est negligimus. Damus non egentibus, egentium nullam rationem habemus. Hinc est illud dictum Christi: Omni habenti datur, non habenti etiam quod habet aufertur.

SED Deus simul tēperauit corpus, inquit, ei cui deerat copiosiore dans eorum.] In Græco est συνμίχρασι τὸ σῶμα, id est, commiscuit corpus. Commiscuit corpus dum membra illius commiscuit, hoc est, sic posuit, ut infirma & ignobilia immixta sint robustioribus ac nobilioribus, perinde atq; in rebus publicis commiscuntur tenuiores & ditiores, senes & iuuenes, sapientes & idiotæ. Suprà dixit: Nunc autem Deus posuit membra unumquodque singulatim in corpore, quemadmodum uoluit. Idem hic repetit, & ad propositum suum accommodat, dicens: Sed Deus commiscuit corpus, ei cui deerat copiosiores dans honorem. Inscrutabilem prouidentiam Dei adorandam nobis in uerbo commiscendi proponit, idque non in corpore nostro tantū, sed & in uniuersa cœli ac terræ machina, in qua summa prudentia sic commiscuit omnia, ut quod per se stare non posset, uel prorsus ferri nequireret, diuersarum mixtura & stabile sit & tolerabile. Sic corpus habemus carne & ossibus, neruis ac uenis, liquido & arido, frigido & calido, mēbris infirmis & ualidis, nobilibus & ignobilibus commixtum, cuius stabilimentū durare non potest, si mixturæ huius temperamentum soluatur.

E I, inquit, cui deerat, copiosiores dans honorem.] Potest hæc particula bifariam exponi. Primo, ut intelligamus de membris infirmioribus quidem, uerum iuxta præstantioribus, qualia sunt, caput, facies, oculi, &c. Illa dici possunt ὑπερβύτα, respectu robustiorum, uerum plus honoris acceperūt, propterea quod usus ipsorum præclarior est. Deinde sic, ut respondeant ista præcedentibus, intelligamusq; per membrum ὑποβύτα, pudenda, de quibus iam meminit. Significat hæc uox non modo egens aliquid, sed & posterius, sicut proteron prius. Huic membro dedit Deus, id est, deputauit, copiosiores honorem, quo à nobis tegatur ac foueatur. Vterque sensus conuenit ecclesiæ. Nam & illam sic commiscuit Deus, ut & infirmiora membra reddiderit præstantiora per singularia dona, quibus illa illustrauit, & ignobiliora ac minus honesta nostræ curæ singulari studio fouēda, ornandaq; commiserit. Sane sic solet Deus, ut inferioribus ac postremis plus gratiæ largiatur, ne uidelicet habeat caro, qd̄ gloriē in cōspectu ipsius, & ut ipsius exemplo admoniti inferiores diligētius foueamus.

NE sit dissidium, inquit, in corpore, sed inuicē alia pro alijs eandē sollicitudinē gerāt membra.] In Græco est, ne sit schisma in corpore. Hoc est, ne membra à membris diuidant, scindaturq; corporis unitas. Reddit rationē quare Deus



Deus corpus ad hunc modum commiscuerit. Ad hoc uidelicet, ut in unitate & integritate sua persistat. Haud enim persistere posset, si scinderentur à se inuicem membra, scinderentur uero, si quæ inferiora sunt quasi prorsus inutilia à superioribus defererentur, atq; ita alia aliorum cura & *συμμετοχή* destitueretur. Vnde & subdit, sed inuicem alia pro alijs eandem sollicitudinem gerant, uel, ut in Græco est, idem aliud pro alio curent membra. Quomodo autem membra corporis nostri superiora inferiorum, inferiora superiorum curam gerant, non eget declaratione cum nemo sit qui non in suo ipsius corpore irremissam huius experientiam capiat. Quam uero mutua hæc membrorum cura parum loci habeat in ecclesijs quæ Christi nomē profitentur, quorsum attinet meminisse, cum deplorandum magis sit, quam exponendum? Significat ipsissimum esse schisma ecclesiæ, quando membra illius ab hac sunt mutua sollicitudine aliena, quicquid tādē uerbis ac ritibus profiteantur. Vnitas nanq; & integritas ecclesiæ, non modo externa religionis, ac rituum conformitate, sed &, imò amplius, mētis ac spiritus consensu, concordia, & unitate constat. Detur autem è tot millib<sup>9</sup> una ecclesia, in qua mutua ista membrorum cura uigeat, & locum hoc genus schismatis non habeat, quo plane schismatici sunt ecclesiarum capita & præsides, quorum pectora nulla inferiorum membrorum cura tanguntur.

E T siue patitur unum membrum, inquit, simul patiuntur omnia membra. Et hoc inest membris corporis nostri communiter omnibus, ut nullum ex illis sui ipsius tantum doloris sensu tagatur, quicquid interim accidat alijs, sed omnia uni ex ipsis dolenti cōdoleant. Nec refert quod nam illud sit, siue ex superioribus siue ex inferioribus. Vniuscuiusq; membri dolor, totum corpus occupat & afficit. Hanc sympathiam indit illis eiusdem spiritus & sanguinis connexio, unde est & illud quod sequitur.

S I U E glorificatur unum membrum, cōgaudent illi omnia membra. Est in illis tam lætarum quam tristium rerum uiuacissima & prorsus miranda communicatio. Pedes non inuident capiti supereminentiæ gloriā. Caput non est expers laborum ac dolorum, quibus afficiuntur pedes. Nec interiorum & exteriorum hac in re ulla est diuisio. Corde ac spiritu contrito, lugente ac dolente prostrata redduntur omnia exteriora. Pedes labascunt, manus concidunt, caput demittitur, oculi illachrymatur, lingua stupet, etiamsi externo corpori nihil accidat incommodi. Corde uero ac spiritu læto & exhilarato gestiunt & exultant exteriora, pedes subsiliunt, manus plaudunt, lingua cantat, frons tota serenatur. Rursus externo corpore, uel morbo, uel fame, uel plagis, aut alia quapiā læsione afflicto, contristatur spiritus, & cor affligitur. Bene autem illo cōstituto & suauiter affecto, condelectantur illi & interiora.

Sunt quidem hæc omnium notissima, & ta-

men haud frustra ab Apostolo ecclesiæ Corinthiorum proposita. Non potuit illis ullam ueræ cōcordiæ & unitatis imaginē, aptiorē proponere, ad quam sese omni schismate prorsus abiecto componerēt, & ad ueram eiusdem corporis ac spiritus unitatem redirēt, sine qua ecclesia illorum consistere non poterat. Vt enim corporis integritas in membrorum *συγγένεια*, *συμμετοχή*, *συμμεριμνία*, & *συμπάθεια*, sic consistit, ut sine istis omnino periclitetur, ita & ecclesiæ integritas, sine mutua fidelium indigentia, cooperationis, curæ, & compansionis cōmunicatione consistere non potest. Tollitur autem colligatio ista per schismata, quibus quasi compages membrorum soluuntur. Vbi hæc in ecclesia obtinent, ibi dicit caput pedibus, & oculus manibus, nō est mihi opus uobis, ibi infirmiora, & ignobiliora contemnuntur, ibi nulla est *συμμεριμνία*, nulla *συμπάθεια*, ibi inferiora superioribus omnem quam habent gloriam, inuidēt, & propter contemptum prorsus abiecta iacēt. Quam autem exitiosum sit toti ecclesiæ, si membrum à membro deferatur, & quam diabolicum, si membra membris omnem commoditatem & gloriam inuideant, cordatiores facile intelligunt. Non intelligebant hoc Corinthij, quare tam multis tanq; diligenter huius ab Apostolo admonentur. Et utinam hodie intelligant, qui soli in ecclesia sapere uidentur.

Obserua uero, quod postquam dixit: Et siue patitur unum membrum, simul patiuntur omnia membra, tum demum subiicit, siue glorificatur unum membrum, congaudent omnia membra. Licet in corporibus nostris, non hinc congaudent inferiora superioribus, quod curam illorum, & compansionem sentiunt, sed faciūt hoc naturali motu, & instinctu etiam si superiora officium suum negligerent, in ecclesia tamen magnum est incitamentum inferioribus ad hoc, ut commoditati ac gloriæ superiorum ex animo congaudeant, si senserint illos afflictionibus suis cōdolere, & curam necessitatis ipsorum fideliter gerere. Cum autē diuersum in illis hodie experiantur, mirum nō est, quod honoribus illorum haudquaquam cōgaudet, sed usque adeo inuident, ut prouerbio apud Germanos, Laici odio doctos ac clericos prosequi dicantur.

Vos autem estis corpus Christi, & membra ex parte. Et alios quidem posuit Deus in ecclesia primū Apostolos, deinde prophetas, tertio doctores, deinde potestates, deinde dona sanationum, subsidia, gubernationes, gēra linguarum.

Imaginem ecclesiæ in corpore humano, ac membris illius spectandam proponens, ea in illa hætenus depinxit, quæ ad propositum facere iudicauit. Iam ut applicationem absoluat, quam suprà cœperat dicēs: sic & Christus, etenim in uno spiritu, nos omnes in unum corpus baptizati sumus, &c. subiicit dicens: Vos



autem estis corpus Christi, & membra ex parte, &c. Totius autem disputationis huius cum duæ sint principales partes, una, quid sint fideles Corinthij, ad quos scribit, altera, quomodo inter se mutuo animati & affecti esse debeant, priorē tamē duntaxat in applicatione hac exprimit, qua dicit eos esse corpus Christi, & membra ex parte, & mēbra uaria, & à Deo in ecclesiam posita, posteriorem uero, quoniā ultro ex priori consequitur, & in imagine corporis, & membrorum diligenter expressa est, cogitandam ipsis relinquit. Dicit itaq;

Vos autem estis corpus Christi.] Quomodo facti sint corpus Christi, suprà exposuit dicens: Etenim in uno spiritu nos omnes in unū corpus baptizati sumus. Quod illic in genere dixit, hic ad illos specificat. Cū autē dicit: Vos estis corpus Christi, simul eos omnium eorū admonet, quę corpori ac mēbris tribuit. Quasi dicat: Ergo uehemēter in eo peccatis, quod unitatem ecclesię Christi scinditis, συγχράαν, συ-  
ργίαν, συμμεμενίαν, καὶ συμπαθείαν, membrorum illius evertitis, qui superiores estis inferiores contemnitis, qui inferiores habemini superioribus inuidetis. Poterat dicere: uos autē estis ecclesia Christi, uerum ut præmissorū eos admoneat dicit: Vos autem estis corpus Christi.

Eccius in locis suis citat hæc uerba ad probandum ecclesiam Christi esse unam, ideoq; nō scindendam, & extra hanc nemini constare salutem, quæ si de uera Christi ecclesia intelligatur, nō negamus. Scimus illam esse unicā tantā Christi corpus, fatemur non esse scindendam, nec diffitemur extra illā, quatenus Christi corpus est, non posse saluari quenquam, nō propter ipsorum membrorum, sed propter capituli Christi cohæsiōnem. Si uero referatur ad ecclesiam malignę agentium, ad defectricem & adulteram, sanguinariam, & cultibus eidorū conspurcatam, diserte ad hanc ea pertinere negamus, quæ non Christi corpus est, sed cōspiratio hominum seducentium & seductorū.

Et membra, inquit, ex parte.] Vulgata editio habet, & membra de membro. Annotarūt & Valla & Erasmus interpretem hunc legisse, καὶ μέλη ἐκ μέλους, id est, membrū ex membro, pro καὶ μέλη ἐκ μέρους, id est, membrum ex parte. Dixit eos esse corpus Christi, quo de unitate cum capite Christo seruanda admonerent. Addit eos esse membra quoque. Erant quidem corpus Christi, quia membra illius erant. Verum separatim eos membra esse monet, quo de unitate quoque inter ipsos, tāquā unius corporis mēbra haud scindenda commonefaciat. Vsitata est uox ecclesię, & hodie quoque plurimum iactata, sed quotusquisq; est, qui se membrum cum alijs membris Christi esse serio cogitet, & quæ membri sunt erga reliqua membra secundum leges membrorum præstet? Duo sunt membrorū respectus, ad caput unus, ad sociā connexaq; membra alter. Utrosq; complexus est dicens: Vos autem estis corpus Christi & membra.

A Si legeris, & membra de mēbro, sensus est, & membra, quorum aliud ab alio pēdet, aliud alijs sic connexum est, ut uelut ex illo prouenisse uideatur. Sic sane in ecclesia membra corporis Christi inter se cohærent, & connexu spiritus inuicem alligantur, ut recte membra ex membris uocari queāt. Quare admodum crudelis est ea membrorum diuisio, quæ in ecclesia fit per schismata. Quis nā patienti oculo humani posset corporis eam cernere direptionē, qua membrum à membro discerperetur? At reuera multo crudelius est spectaculum, ubi hoc membris corporis Christi per schismata contingit.

Si uero placet, ut legas, & membra ex parte, aliter atque aliter exponi potest.

1 Primo secundum sententiā Chrysostomi ad hunc modum. Quod dico uos esse corpus & mēbra Christi, non sic dico, quod in uobis totum Christi corpus compleatur. Nam illud non uestram tantum, sed omnes in uniuersum ecclesias complectitur. Quare corpus & membra Christi estis ex parte. Hoc sensu connectit eos, non inter se modo, sed & cum reliquis omnibus Christi ecclesijs.

2 Deinde ad hunc modū uos corpus Christi estis, & membra ex parte, id est, ἐκ τινὸς μέρους, ex aliqua parte, quodammodo, aliquatenus, qua parte uidelicet similes estis corpori ac mēbris illius, uel quatenus illi estis fide ac spiritu coniuncti.

B 3 Tertio sic. Vos corpus Christi estis & mēbra ex parte, hoc est, non omnes, sed aliqua uestri parte. Sic eximuntur ab hoc prædicato reprobi, de quibus prædicari non potest, quod membra sint corporis Christi, & includuntur fideles, ac probi tantum, de quibus suprà cap. præcedēti dixit: oportet hereses esse inter uos ut qui probi sunt, manifesti fiant.

4 Quarto sic, ut ἐκ μέρους, idem sit quod ἐν μέρει, id est, καθ' ἑκαστον, singulatim, uel ἐν μέρει, id est, particulariter. Hoc est, non in genere modo corpus estis Christi, sed & singulatim & particulariter estis illius membra, unusquisq; uestrum membrum est corporis illius, siue sit infirmus, siue fortis, siue superior, siue inferior, siue ignobilis, siue nobilis. Meo iudicio haud opus est accuratiore discretionē in hisce expositionibus, quandoquidem nulla illorum sic est comparata, ut admodum à mente Apostoli abducatur.

Et alios posuit Deus in ecclesia, inquit, primum Apostolos, deinde prophetas, tertio doctores, &c. Recenset aliquot officia, quibus ecclesiam suam Deus, tum temporis & ornabat & instructam reddebat. Dixit quidem: uos estis corpus Christi & membra ex parte, uel singulatim, uerum subiicit, non membrorum, ut membrorum, sed quorundam officiorum recensionem, quæ Deus in usum membrorum omnium in ecclesia sua posuerat. Recenset autem ea cum distinctione ac uariationis specificatione non simpliciter dicēs: Et posuit Deus in ecclesia



in ecclesia sua, apostolos, prophetas, doctores, &c. sed: Et alios posuit Deus in ecclesia, primum apostolos, deinde prophetas, tertio doctores, &c. Vbi uocula discretiua, alios, quam præmisit, ad singulos est repetenda, quemadmodum illam ad Ephesios. 4. singulis affixit, dicens: Et idem dedit alios quidem apostolos, alios uero prophetas, alios autem Euangelistas, alios autem pastores ac doctores. Et quoniam catalogum hunc ponit, non tanquam membrorum, sed tanquam officiorum, nō dicit: Et alios posuit Deus in corpore Christi, sed, & alios posuit in ecclesia. Nec dicit: Et alios posuit inter uos, sed, in ecclesia generaliter. Neq; enim in ipsorum tantum ecclesiā hęc erant à Deo posita officia.

ET posuit Deus, inquit.] Non igitur ecclesia apostolos, prophetas, &c. sed Deus in ecclesia posuit. Quæ hic recensentur officia, sic sunt comparata, ut nullum eorum ab ecclesia, sed ab ipso Deo dūtaxat poni possit. Ponit Deus huiusmodi ecclesiæ suæ officiales, non modo eligendo ac mittendo, sed & spiritu suo instruendo, quod in potestate ecclesiæ esse non potest.

ET posuit Deus.] Solet uerbum ponendi usurpari pro firma eorum constitutione, qui muneri alicui præficiuntur. Hic uero non sic usurpatur, ut officia quæ recensentur, perpetua firmitudine in ecclesiam posita esse dicantur. Initio ad tempus aliquod posita fuerunt à Deo, donec doctrina Euangelij spargeretur & confirmaretur in orbe terrarum, postea uero desierunt, cessantibus spiritu sancti charismatis.

PRIMUM, inquit, apostolos.] Quando, quomodo, quo numero, & in quem usum positi sunt apostoli, notius est ex Euangelicis literis, quàm ut sit hic memorandum.

Obiter obserua, quod apostolos à Deo dicit esse positos, cum Christus ad illos dixerit, Ioannis. 15. Non uos me elegistis, sed ego elegi uos, & posui uos, ut eatis & fructum adferatis &c. Ergo quos Christus posuit, Deus posuit.

Luc. 6. Sonat autē Apostolus missum ac legatum, quod nominis specialiter ipsis, propterea est à Christo ipso impositum, quod esset eos tanquam regni sui legatos, inde è Ierusalem totū missurus in orbem, ad Euangelizandum pacem tam Gentibus quàm Iudeis. Hos cum post resurrectionem in cælos ascensurus amābatur, sic dicebat: Ite in orbem uniuersum, prædicate Euangelium omni creaturæ.

Quare uel Petrus apostolus nō satisfecit uocationi & apostolatui suo, si Romæ sedit primus episcopus, annos uiginti quatuor, uel impudentissimum commētum est, quod hoc de illo tradunt. Deinde inedibilis temeritas est qua propter commētum Petri episcopatum uniuersalem Christi ecclesiam, Romanæ sedi subijciunt, atque ita quantum in ipsis est reliquorum apostolorum uocationem, apostolatū & ecclesias Christo lucrifactas repudiāt,

A & à Christo excludunt, quasi solus Petrus positus fuerit in ecclesia apostolus. Sed audiant hic: Et posuit Deus, inquit, in ecclesia, non dicit, apostolum Petrum, sed in genere, apostolos. Qui posuit Petrum, posuit & Bartholomæum, & Andream, & Thomam, & Iacobum, & Ioannem, &c. Et posuit eos non minus in ecclesia, quàm Petrum. An solus Petrus egressus est in orbem ad prædicandum Euangelium regni?

Abst: Illi autē, inquit Marcus, egressi prædicauerunt ubique, domino cooperante & sermonem confirmante sequētib; signis. Cum dicit, prædicauerunt ubique, non intelligit tantum de Europa, & parte Asiæ, sed & de Africa, Ægypto, Syria, Persia, & utraque India, cum alijs prouincijs ac regnis. Ergo non est altera Romanæ urbis ecclesia, inquit Hieronymus ad Euagriū, altera totius orbis existimanda. Et Galliæ, & Britannia, & Africa, & Persis, & Oriens & India, & omnes Barbaræ nationes unum Christum adorant, unam obseruant regulam ueritatis.

Si autoritas quæritur, orbis maior est urbe. Hæc ille palam contra Romanæ ecclesiæ primatum, cuius iam tum studia gliscebant. Notanter non dicit: Vnum apostolum adorant, uel, unum apostolum obseruant, sed, unum Christum adorant, & unam ueritatis regulam obseruant.

B DEINDE prophetas, inquit.] Quoniam secundo loco prophetas inter apostolos & doctores ponit, existimo hic intelligēdum esse de prophetis, qui futura prædicebant. Alias prophetæ uocantur & illi, qui loquūtur ad populum, uel exhortantes, uel corripientes, uel sacras scripturas exponentes, de quibus infra cap. 14.

TERTIO, doctores.] Non recenset accurate omnia ministrorum Christi officia. Nam Ephes. 4. prophetis subijcit Euangelistas & pastores, ac tum ponit doctores. Apparet autem doctores eosdē esse, quos illic & pastores uocat. Manifesta uox est, ut intelligamus doctores esse qui docent in ecclesia. Hoc munus erat episcoporum ac presbyterorū, qui & metaphorica uoce, pastores uocabantur, quos Apostoli ecclesijs à se plantatis præficiebant, & tamen Act. 20. hic Paulus à spiritu sancto, ad id positos esse dixit, ut ecclesiam Dei pasceret, quod non potest, nisi de doctrina uerbi intelligi. Sed hac de re in locis nostris accuratius dicemus, ubi de ministris uerbi dicendum erat. Meo iudicio angustius est, si referamus hanc particulā ad catechistas & doctores scholarū ecclesiasticarum, qualis Origenes fuisse scribitur. Si generalis sensus placet, includi possunt & illi. Si uero specialis tenendus est, intelligēdos puto pastores episcopos & presbyteros. Doctores illis titularibus, theologis, magistris nostris, Romano pontifici adiuratis, nihil hic loci est, quia de illis prædicari non potest, quod à Deo sint in ecclesia positi. Quare sæ-



penumero admiratus sum, quid sibi nonnulli insignes Christi ministri uelint, quod de titulo Academici doctoratus, tantopere gloriantur, quasi aliquid authoritatis ex illo doctrinae ipsorum accedat.

Collegia Canonorum hoc plerumque in consuetudo habent, ut muneri docendi in cathedralibus ecclesijs non praeficiant, nisi ab Academia aliqua titulo doctoratus insignitum.

Quam autem illi diuersi sint à doctoribus ueris, & à Deo in ecclesia positus, nulla puto oportet habere declaratione. Quid illi quaerant ignoro, qui cum sint in ecclesia Christi ueri doctores, ac recte doceant, sintque ad id muneris legitime uocati, nihilo tamen secius titulum doctoratus in Academijs ambiunt, quasi sine illo doctores esse nequeant.

DEINDE potestates, inquit.] Graece est *δυνάμεις*, id est, potentias, quemadmodum eam uocem & supra uertit Erasmus, dum *ἐνέργημα δυνάμει* reddidit efficacias potentiarum. De illis hic quoque loquitur. Vide quae supra sint dicta.

DEINDE dona sanationum, inquit.] Et de his supra dictum est, ubi efficacius potentiarum praemittuntur.

SUBSIDIA inquit.] Vulgata editio habet, opitulationes, Graece est *ἀντιλήψεις*. Significat autem *ἀντιλαμβάνω*, manu quēpiam è regione porrecta in ferēdo onere adiutare. Chrysostomus exponit de illis, qui infirmis opitulantur. Lyranus sic. Opitulationes, quātum ad illos qui ferunt opem maioribus praelatis, cuiusmodi sunt decani, archidiaconi. Hodie cum sint magni illi praelati ociosi in ecclesia uentres, nō uideo quomodo uicarij & officiales, & decani ipsorum *ἀντιλήψεις* uocari queant. Etenim ubi nō est *λόγος*, ubi locum non habet *ἀντιλήψις*, & qui non est *λαπὴς*, huic dari non potest *ἀντιλήπτω*, quemadmodum ei qui non operatur, cooperari esse nemo potest. Haud diffiteor quidē, intelligi posse de illis, qui Apostolis & presbyteris ecclesiarū in opere domini laborantibus opem tulerunt. Simul tamen haud displiceret Chrysostomi expositio, propter uerba Apostoli huius, quibus Act. 20. ad episcopos Ephesinae ecclesiae dixit: Omnia ostendi uobis quod sic laborantibus oportet *ἀντιλαμβάνειν τὰ ἀδελφῶν τῶν*, id est adiuuare, uel, ut uerterunt, suscipere infirmos, nisi hoc genus boni operis non esset peculiaris officij, aut charismatis, sed generaliter ad omnes pertineret Christianos, & hic specialia officia & charismata recenserentur. Sunt qui putent fuisse in ecclesia quosdam ad hoc specialiter deputatos, ut causas fratrum in se susciperent, & pro singulari prudentia, ac dexteritate, qua dono spiritus pollebant, agerent & expedirent, quorum sententia probabilis esse uidetur. At hodie quale sit hoc hominum genus, quos procuratores uocant, nimis norunt qui experiuntur.

GVBERNATIONES, inquit.] Singulare donum est, instructum esse ad gubernandum ecclesiam Dei. Homines erant sapientia & in-

telligentia rerum praestantes, aetate matura ac graues aspectu, qui in senatum ecclesiae sublekti magno cum pondere inter fratrem & fratrem iudicabant, quorum mentionem Tertullianus in Apologetico suo facit dicens. Ibi sedent probati quinque seniores, & iudicant magno cum pondere. Tales sunt hodie, quos consistorio, ut uocant, praefici uidemus, in quibus adhuc aliqua sunt ueteris ecclesiae, uel si mauis, ecclesiasticae gubernationis uestigia.

Admonet nos haec uoces, *ἀντιλήψεις καὶ κηρυγμοί*, de conditione ecclesiae, qua sit ut propter imperitos, rudes, infirmos, & egenos, opus habeat opitulatoribus, ac gubernatoribus. Gubernandi uox proprie competit illis, qui nauigantibus praesunt, quam Lucas in Actis capite. 27. usurpauit dicens: Centurio autem gubernatori & nauclero magis credebat, quam his quae à Paulo dicebantur. Et ecclesiae igitur suae dominus, uelut in pelago nauiganti subinde dedit gubernatores, quorum sapientia in medio Gētiū incredularum gubernaretur, & ipsius inter se membra componerentur ac dirigerentur.

Quemadmodum enim gubernator nauigij & nauem contra uim uentorum ac procellarum moderatur, & eorum qui in naui sunt curam gerit, illosque in pace retinet, ita & gubernatores ecclesiae, cum erga exteros, illam tuentur, tum membra illius regunt, ac sic moderantur, ut & honeste & pie in pace & concordia conuersentur. Hoc quidem prestare poterunt, qui à Deo in ecclesia ponuntur, uerum qui nō à Deo, sed aliunde constituuntur, ecclesiam illi magis subuertunt, quam gubernant.

At haec est fors ecclesiae, ut imperitis gubernatoribus subijciatur. Quibus nauigandum est in mari diligentissime cauetur, ne cui nauis gubernatio credatur, quem non certo sciant ad id esse muneris idoneum, & sufficienter peritū. At ecclesiae Christi gubernacula, pueris etiā & ignauis committuntur. Interea admodum securi, nauiculam Petri submergi non posse iactant. Caeci non uident, & insensati non sentiunt, quantum immineat ei ecclesiae exitium, quam Petro assignant.

GENERA linguarum, inquit.] De hoc charismate dictum est supra, ubi dixit, alij uero genera linguarum.

An sunt omnes apostoli? an omnes prophetae? an omnes doctores? an omnes potestates? an omnes dona habent sanationū? an omnes linguis loquuntur? an omnes interpretantur?

Quod dixit: Et alios quē posuit Deus in ecclesia primū apostolos, deinde prophetas, &c. Id iam ex re ipsa uerū esse contendit & comprobat dicens: An sunt omnes apostoli? an omnes prophetae, &c. Quasi dicat: An non re ipsa distributionem donorum Dei, & officiorum rationem esse uidetis, ut nemini omnia, sed alijs alia sint



sint data? Inspecite apostolos. Sūntne omnes apostoli? utique uideris non omnes esse apostolos. Inspecite prophetas. An donum prophetiæ concessum est omnibus? Nequaquam omnibus, sed nonnullis paucis. Doctores uidere. An facultas docendi tradita est omnibus? Non esse traditam omnibus re ipsa uideris. Transite ad reliqua charismata, potentiae, sanationum, linguarum, & interpretationis. An horum aliquot omnibus factum est commune? Videris non esse, sed alij aliud esse datum.

Sed quorsum urget ista Apostolus? Vt cogitent non esse hæc dona & officia sic comparata, ut aliquod illorum sufficiat ad complementum corporis Christi, alioqui non fuisse reliqua data ecclesiæ.

Etenim si suffecisset Apostolatus, omnes ad Christum pertinentes facti fuissent apostoli. Sic & de reliquis sentiendum. Deinde, ut nullum eorum tale sit, sine quo nemini salus constare possit. Alias sic quoque omnibus ad salutem uocatis esset datum. Cum ergo talia sint hæc dona & officia, præter rationem esse monet, quod quibus data erant tantopere insollescebant, & reliquos præ se fastidiebant, quibus data non erant, animo sic erant deiecto, ac si de corpore Christi non essent. Præposteram hanc donorum istorum æmulationem repræhendens subiungit dicens.

SECTEMINI uero dona potiora.] In Greco est, *ζητέτε δὲ τὰ χαρίσματα τὰ κρείττονα*. Hoc est zelate uero pro donis illis quæ sunt meliora. Quasi dicat: Sunt quidem ea pro quibus tanto zelo ardetis, charismata spiritus sancti, & sunt utilia ecclesiæ, ad ædificationem illius data, uerum non sunt tanti facienda quanti facienda sunt meliora illa, quorum uos nulla cura teneri uideo. Quare inconsulto facitis æmulantes ea quæ minoris sunt momenti, & interim quæ maioris sunt negligentes.

Quæ sunt autem potiora illa dona? Recentiores quidam referunt istam particulam ad præcedentia, & exponunt de donis prophetiæ ac doctrinæ, quod illa utiliora sint ecclesiæ, quàm uel sanationum, uel linguarum, ideoque & potiora. Et Hieronymus exponit dicens: Hoc est, sectemini prophetias. Equidem si conferatur prophetia cum dono linguarum, & charismatis sanationum, præstantior est multo, id quod infra cap. decimo quarto fuisse monstrabitur, uerum cum donum prophetiæ non esset omnibus, sed quibusdam duntaxat traditum, & iam dixerit, an omnes prophetæ? non puto conuenire proposito Apostoli, ut hortetur eos in genere ad studium prophetiæ.

Potest quidem dici, uel, quod non ad omnes hoc dicat in genere, sed ad eos tantum, qui propter donum linguarum inflabantur, uel quod non hortetur eos, ut omnes ad prophetandi munus aspirent, sed ut plaris illud

A faciant magisque admirentur & colant, quàm charismata linguarum, potentiarum, & sanationum. Verum meo iudicio simplicius esse puto, ut referamus ista cum Chrysostomo & Ambrosio ad sequentia, intelligamusque de fide, spe, ac charitate, tanquam donis Dei ob id potioribus, quod sine ipsis salus nostra constare non potest, cum sine illis possit, quæ Corinthij tantopere æmulabantur.

SECTEMINI, inquit, meliora charismata.] Obserua quod non dicit: Utamini melioribus charismatis, ne uideatur usum eorum prohibere, quæ data erant ecclesiæ, sed: Æmulamini uero charismata meliora, ut auocet eos non ab usu cæterorum, sed à præpostero zelo, ad zelum meliorum. Discriminat igitur inter usum ac zelum donorum Dei. Vsum relinquit minus necessarijs, zelum uero deputat potioribus.

Bonis utendum est utiliter, meliora uero sectanda sunt ardentius. Bonus est cibus corporis, melior uero cibus mentis. Utamur ergo cibo corporis utiliter, sectemur uero cibum mentis feruenter. Utamur Magistratu obedienter, æmulemur uero Deum excellentius. Bonum est obedire magistratui, uerum si præcipiat ille quod Deo displiceat, melius est obedire Deo, quàm Magistratui.

SECTEMINI, inquit, meliora.] Si in donis Dei, quæ utique bona sunt omnia, sectanda sunt meliora, quanto magis ubi collatio est inutilium & utilium, uel malorum & bonorum, sectanda sunt utilia & bona? Vbi uero conferuntur inter se bona disparia, res ipsa cum ratione monet, sectanda esse meliora.

Si roget quisquam, sint ne meliora omnia, omnibus, & semper, absque discrimine sectanda, respondeo. Melius aliud est per se, aliud per accidens. Per se melius est, quod melius est collatione malorum, uel deteriorum, utpote, melius est nubere, quàm scortari & adulterari, melius est cum uno tantum oculo seruari, quàm cum duobus mitti in gehennam. Quæ sic sunt meliora, utique & omnia, & omnibus, & semper sunt sectanda.

Per accidens uero melius est, quod uel propter personam utentis, uel propter temporis qualitatem, aut alias circumstantias, aut excelsit, aut melius esse desinit, utpote quado quaeritur, melius ne sit mulierem non tangere, quàm nubere, hic determinari non potest absque discrimine, uel personæ, uel temporis. Etenim ei, qui donum continentiae non accipit, melius est nubere, quàm mulierem nolle tangere.

Deinde ubi periculum est ne propter uxorem & liberos cognitam ueritatem negemus, & nos ipsi cœlesti gratia priuemus, utique melius est mulierem non tangere. Quare admodum imprudens fuit quorundam patrum zelus, quo cœlibatum illum tantopere urserunt,



ut quasi per se sit melior coniugio, omnibus illum Christi ministris imponendum esse censuerint. Huius imprudentis zeli studiū quanta sequuta sint animarum discrimina, quis satis unquam perpendit?

Tenedum ergo est, ea quæ meliora sunt per se & generaliter, & semper, & omnibus, utiq; & omnibus & semper esse sectanda, quæ uero per accidens sunt meliora, illis tantum ac tunc esse sectanda, quibus sunt & quādiu sunt meliora, quandoquidē non mox mihi melius est, quod alteri cuipiam melius esse potest.

ET adhuc excellentiorem uiam uobis ostēdo.] Græce est, καὶ ἔτι καὶ ὑπερβολὴν ὁ δὲ οὐ μὴν ἀφ' αὐτοῦ, quod uerti potest. Et adhuc ex abundanti uiam uobis ostendo, ut sit sensus. Quamuis manifesta sint quæ hactenus de donis Dei exposui, unde admoneri possitis, ea uobis esse sectanda, quæ sunt potiora, adhuc tamen ex abundanti ostēdam uobis uiam, id est modū, uelut gratia exēpli, quo manifestissimū fiat qd̄ dico. Verum quoniam cæteri communiter sic legunt: Et adhuc excellentiorem uiam uobis ostēdo, quasi sit in Græco, καὶ ἔτι τὴν καὶ ὑπερβολὴν ὁ δὲ οὐ μὴν, id est, & adhuc eam quæ excellens est uia, uobis ostendo, eam lectionem retineo, præsertim propterea quod charitatem, de qua dicturus est capite sequenti, in calce illius fide ac spe maiorem esse dicit, ut illam hic uideri possit uocare ὁ δὲ οὐ καὶ ὑπερβολὴν, id est uiam secundum excellentiam.

Cæterum negari non potest, particulam hanc pertinere ad sequentis capitis principiū. In hac enim proficitur quid iam sit præcedentibus subiecturus, ut omnino ad principium eorum quæ dicturus est pertineat, ad hoc illis præmissa, ut animos Corinthiorum exciret, quo maiore cum diligentia & attentius illa percipiant.

### CAPVT XIII.



I linguis hominū loquar, & angelorum, charitatem autem non habeam, factus sum æs resonans, aut cymbalum tinniens.

Et si habeam prophetiam, & nouerim mysteria omnia, omnemq; scientiam & si habeam omnem fidem, adeo ut montes loco dimoueam, charitatem autem non habeam, nihil sum. Et si infundam in alimoniam omnes facultates meas, & si tradam corpus meum ut comburam, charitatem autem non habeam, nihil utilitatis capio.

Hæc est uia illa excellentior, quam se ostensurum dixit. Videbat illam partim negli-

gi, partim etiam ignorari ab illis qui donis linguarum, & scientiæ, & sanationum abutebantur, quod charitatem non haberent. Hanc itaque toto hoc capite commendat, & pro dignitate extollit, primo, affirmans sine illa nihil esse reliqua charismata, deinde ingenium illius explicans, tertio à perpetuitate quoq; illam commendans, fideiq; & spei præferens.

SI linguis hominum loquar, & angelorum inquit.] Quoniam propter donum linguarum plerique in ecclesia Corinthiorum insolcebant, & illo destitutos fastidiebant, denique sic in ecclesia linguis loquebatur, ut magis ostentationi seruiret, quàm ecclesiam ædificarent, mox initio abulum doni huius perstringit, & eos qui sic linguis loquebantur æs resonans, & cymbalum tynniens esse pronunciat. Quo autem tolerabiliora sint quæ dicturus est, non dicit: Qui linguis inter uos loquuntur, facti sunt æs resonans, aut cymbalum tinniens, quia sine charitate loquuntur, sed sermonem sic format, ut absque offensione possit acceptari.

Facit autem hoc duplici moderatione. Prima est per propositionem hypotheticam, qua nemo perinde atq; per categoricā diserte perstringitur. Deinde per accommodationem propriæ suæ personæ, non dicens: Si quis uestrum linguis loquitur, sed: Si ego linguis loquar. Et hac moderatione cœptum sermonem primo capitis huius membro continuat.

SI linguis loquar, inquit.] Satis fuisse dicere: Si linguis loquar. (Etenim linguis loqui idem ipsi est quod alijs atque alijs inuitatis & incognitis linguis loqui) nisi donum hoc linguarum intendere, & ad summum usque amplificare uoluisset. Amplificationis huius gratia adiecit, hominum & angelorum. Linguas hominum intelligit omnium Gentium & populorum.

Angelorum quoque per hyperbolen adiecit, quasi dicat: Si non modo unius & alterius Gentis, sed simul mortalium omnium, imo & angelorum, quod adhuc esset multo excellentius, linguis loquar. Oblique per hanc amplificationem perstringit eorum iactantiam, qui quod duplo uel triplo alieno idiomate loqui poterant, plurimum arrogantiae spirabant.

Illud, & angelorum, non sic est accipiendum, quasi angeli, id est, spiritus cœlestes linguis inter se loquantur, quomodo homo homini loquitur, sed quod uel simpliciter pro hyperbolica loquutione sit positum, uel de linguis intelligendum, quibus angeli cum in Veteri, tum in Nouo testamento loquuti sunt hominibus, quod genus loquutionis ipse hic Apostolus, haud semel fuerat expertus. Si linguis, inquit, omnibus non humanis tantum, sed & cœlestibus loquar. Hoc est, si nullo non linguarum genere loquar.

Quemadmodum Rom. 8. per hyperbolen intendere uolens quod dicebat: Nam mihi, inquit



inquit, persuasum habeo, quod neque mors neque uita, neque angeli, &c. separare nos poterunt à dilectione Dei quæ est in Christo Iesu. Et Galat. 1. Et si angelus è cœlo prædicauerit uobis Euangelium, præter id quod prædicauimus uobis, anathema sit, cum tamen impossibile sit, ut angelus è cœlo quenquam à dilectione Dei auocet, aut aliud à uero Euangelium prædicet, ita ut hoc loco intensiōis gratia linguarum angelicarū per hyperbolen meminit, cum tamen nullæ sint angelorū lingue.

Est autem probabile fecisse eum angelorum mentionem propter eos qui admodum de uisionibus ac reuelationibus angelorum gloriabantur, illorumq; religionem introducebant, quos notat Coloss. 2. dicēs: Ne quis uobis palmam interuertat data opera per humilitatem & superstitionem angelorum.

Si linguis, inquit, loquar hominum & angelorum, charitatem autem non habeam, factus sum æs resonans, aut cymbalum tinniens.] In Græco est, ἀγᾶλιν δὲ μὴ ἔχω, id est, dilectionem uero non habeam, quod ideo annoto, quoniam cōmuniter hoc loco charitatem uertūt, ne quis anxie inter dilectionem & charitatem distinguat. Nō nego aliquid inueniri discriminis inter amorem & charitatem, amorem itē & dilectionem, quo leuior sit dilectionis, uehemētior amoris, familiarior & humanior charitatis affectus. Verū hoc loco simpliciter est, dilectionem autem nō habeam. Quid autem sit diligere, norunt omnes. Et nos in Commēntarijs nostris super Matthæum cap. 22. de dilectione Dei ac proximi pleraq; annotauimus. Utinam tam diligere Deum & proximū, quā quid sit aliqūe diligere non ignoramus. Diligimus omnes, nec est quisquam qui non aliquousque dilectionis in se experiatur affectum. Verum ut corrupti ac deprauati sumus, ita & dilectionis affectus corruptus in nobis est ac uiciat⁹, quo fit ut incōsulto diligam⁹ plerumque non diligenda, & diligenda nō diligamus, aut non ut competit diligamus, imo sæpenumero odio prosequamur. Et hæc corruptio dilectionis non emendatur in nobis nisi per spiritū regenerationis, quo totus interior noster homo cum omnibus suis & mentis & affectuum uiribus innouatur.

Et charitatem, inquit, non habeam.] Non ponit simplicem hypotheticam propositionē dicens: Si linguis loquar hominum & angelorum, factus sum æs resonans, &c. sed geminam, addens, & dilectionem non habeam, quod in toto primo capitis huius membro tertio facit, ne charismata spiritus Dei, linguas, prophetiam, scientiam mysteriorum, fidem, alimoniam pauperum, & martyrium, nullius in se æstimare uideatur.

Sine hac conditione nō debet accipi, quam pronunciat, sententia. Magna peruersitas est, in huiusmodi hypotheticis & conditionalibus sententijs, uel mandatis neglecta condi-

tionē apprehendere pronunciatum aut usurpare mandatum. Sic Romani illud Petro dictum: Pisce oues meas, mordicus apprehendunt, conditionem uero præmissam, Simon diligis me plus his, fortiter negligunt ac dissimulant. Et illud iactant: Si quis episcopatum desyderat, bonum opus desyderat, Canonem uero subiectum, qualis debeat esse episcopus, ne semel quidem inspiciunt.

Et charitatem, inquit, non habeam.]

Cum nemo sit qui prorsus sit omnis dilectionis expers, quærendum est quomodo dicat, & dilectionem non habeat. Dubio procul non loquitur de dilectione simpliciter, sed de ea specialiter, quæ non est omnium, sed regeneratorum tantum. Ea ut ordinata est, ita diligit cum primis Deum, omnis boni fontem, deinde & proximum. Hac qui destituitur, inter regeneratos ueraciter censerī non potest. Nec est, ut quæramus utrum de dilectione Dei uel proximi loquatur, cum dilectio proximi sine dilectione Dei haberi nequeat. Apparet quidem de charitate intelligendum esse, quæ proximus diligitur, uerum ab illa non est separanda dilectio Dei, per quam & proximum diligimus.

Loquitur autem de dilectione, qua quæ facimus, uel ad gloriam Dei, uel ad commodum proximi dirigimus.

Quare cum dicit: Si linguis loquar, charitatem autem non habeam, non loquitur de ociosa charitate, neque de efficaci etiam, in alijs rebus sese declarante, sed de ea, quæ donum linguarum ad utilitatem & ædificationem ecclesiæ moderetur. Sic linguis loqui & charitatem non habere, est citra affectum charitatis & studium ædificandi ecclesiā, ad ostētationem, uel ad quæstum, uel studio schismatis, alijs atque alijs linguis loqui in ecclesia, id quod plerique Corinthiorum faciebāt. Et quoniam qui spiritu charitatis ardet, ad hunc modum non loquitur in ecclesia, pro eo quod dicendum erat: Si linguis loquar, & ecclesiæ ædificationem non quæsero, dicit: Si linguis loquar, & charitatem non habuero. Charitatem ergo non habet, qui in eo quod facit uel loquitur, nec ad gloriam Dei, nec ad utilitatem proximi spectat, sed suam ipsius gloriam & commoditatem quærit.

Sic Ioannes dicit: Qui habuerit substantiam huius mundi, & uiderit fratrem suum egentem, & clauferit uiscera sua ab eo, quomodo charitas Dei manet in eo? Ecce uno argumento immisericordiæ colligit non esse charitatem Dei in eo, qui non misereretur fratris egentis. Quare? Quia ubi charitas est, ibi tali immisericordiæ locus esse non potest.

Censeo tamen hac de re caute esse pronunciatum, propter eos, qui nonnunquā tentatione aliqua uicti, alio quid quā charitatis affectu dicunt uel faciunt, quamuis non sint



prorsus uacui charitatis spiritu. Aliud est semel atque iterum præuaricari à regula charitatis, per tentationem, & occasionem, & aliud perpetuo carnis studio, omnia citra charitatem dicere & facere.

Illud nonnunquam & sanctis usuuenit, hoc uero prorsus est impiorum. Sic potuit & nonnullis illorum usuuenire, qui linguis inter Corinthios loquebantur, ut aliquando tentatione uicti citra charitatem in ecclesia loquerentur. Quibus hoc non singulari studio, sed per occasionem & tentationem accidebat, non mox prorsus sine charitate fuisse censerì debent. Cum Dauid uxorem Vriæ pollueret, & in fontē postea proditoria neci traderet, profecto ea faciebat, quæ omnino charitati repugnabant. Cum Petrus Christum negaret, charitatis putò modicam rationem habebat.

Verū nemo propterea ueraciter dicere poterit, uel hunc uel illum alienum fuisse à spiritu charitatis.

Quod autem non dicit: Si linguis loquar, & ædificationem ecclesiæ non queram, sed, & charitatem non habeam, ex eo est quod mauult causam defectus, quam ipsum exprimere defectum. Charitas enim est causa eius studij, quo ædificatur ecclesia. Hinc alibi dicit: Scientia inflat, charitas uero ædificat. Vbi ergo illa deest, ibi deficit ædificandæ ecclesiæ studium. Quare cum Petro dominus ouicularum suarum curam commendare uellet, primum illum de dilectione sui percōtabatur dicens: Simon diligis me?

Caute uero non dicit: Si linguis loquar, & ecclesia non ædificatur. Potest enim fieri, ut ex charitate dicat in ecclesia minister, intendatque illam ædificare in fide ac pietate, illa uero omnia frustra audiat, nonnunquam & sermonibus illius contradicat, id quod prophetis & Christo ipsi usuuenit. Hic certe dici non potest, quod sic loquens charitatem non habeat. Satis est ministro, si fideliter & ex charitate agat omnia, etiam si ecclesia fidem ac dilectionem illius, omneque ædificationis studium respuat.

Si linguis hominum loquar, inquit, & angelorum, charitatem autem non habeam, factus sum æs resonans, aut cymbalum tinniens.] Ergo comparat sic linguis sine charitate loquentem æri sonanti, & cymbalo tinnienti. Sonat quidem æs & tinnit cymbalum, uerum sonitu ac tinnitu inani. Sic qui linguis sine charitate loquitur, frustra & inaniter loquitur. Quare? Quia quæ dicit, non intelliguntur, quandoquidem idiomate incognito loquitur, nec curat, ut sit qui interpreteretur, quod faceret, si per charitatem ecclesiæ loqueretur. Sonitu & tinnitu uerborum uerberat quidem aures auditorum, uerum mētes illorum non ædificat.

Quare recte uocatur æs sonans, & cymbalum tinniens. Hoc simili pulchre perstringit il-

lorum uanitatem, qui in ecclesia uerba incognita, magno sonitu frustra in aërem spargūt. Quid autem aliud faciūt Canonici, sacerdotes, clerici & monachi? An non & illos recte dixeris æra esse sonantia, & cymbala inaniter tinnientia? Verum quis satis perpenderit, quantis æra hæc & cymbala alantur sumptibus? Nisi saginata, nec sonant nec tinniūt, & tamen frustra sonant, ac uane tinniunt. Mirum quod non cogitant de hac Apostoli sententia quoties nolas & cymbala in templis & sacris suis audiunt, quorum sonitus ac tinnitus plebs superstitiosa perinde intelligit, ac ea quæ ab ipsis lingua ignota cantantur.

Aliud conuenit esse iudicium de illis, qui lingua cognita docent populum. Hi etiam si charitatem non habeant, modo quæ uera sunt ecclesiæ proponant, æri tamen sonanti, & cymbalo tinnienti comparari non possunt, quandoquidem intelligibiliter loquētes utiliter etiam audiri & intelligi possunt.

Et si habeam prophetiam, inquit.] A minori charismate exorsus assurgit ad maiora. Maioris nanque momenti est donum prophetiæ, quam linguarum. Sic assurgendo sententiam suam de charitatis excellentia ac prærogatiua magis ac magis intēdit, quo dissidia & schismata ipsorum fortius redarguat. Et si habeam prophetiam, inquit. Prophetiam habere, non est unam tantum prophetiam, sed donum prophetiæ habere. Loquitur aut de prophetia qua futura per spiritū reuelationis præscita prædicuntur. Donum hoc quanto humanæ scientiæ uires superat, tanto semper sublimius ac diuinius haberi consuevit, quo nomine etiam nū in magna sunt existimatione Veteris testamenti prophetæ.

Et nouerim mysteria omnia, omnemque scientiam.] Chrysostomus existimat ista pertinere ad auxilium prophetiæ, quo significet Apostolus loqui se non de mediocri aliquo prophetiæ dono, sed de summo ac tali, cui adiuncta sit omnium mysteriorum cognitio, rerumque omnium tam diuinarum, quam humanarum scientia.

Puto eum motum esse ad hanc sententiam ex eo quod ista ueluti cōnexa prophetiæ subiuncta uidentur. Sane magna est affinitas eorum cū prophetia. Nequit enim facultas prophetandi esse, ubi secretorum Dei nulla habetur sciētia. Verum affinitas ista nihil impedit, quominus sint hæc separata charismata, quæ admodum & nonnulli exponunt.

Apparet autem, quod dicit: Et nouerim mysteria omnia, intelligendum esse de charismate sapientiæ, cuius capite præcedenti in catalogo charismatum mentionem fecit, cui etiam donum scientiæ subiecit, quemadmodum & hoc loco, ubi uide quæ annotauerimus.

Sed rogabit quisquā, quomodo fieri possit, ut cognoscat quis omnia mysteria, omnemque scientiam



scientiam tam diuinarū, quā humanarum re-  
rum habeat, cum sit utrunq; solius Dei.

Respondeo, usus est Apostolus hac hyper-  
bola, non quod possibile sit ulli homini om-  
nia nosse mysteria, omnemq; tenere scientiam,  
sed ut hyperbolica hac fitione doceat, q̄ nihil  
sint omnia hæc charismata, etiā si cui ad sum-  
mū usq; gradū cōtingāt, si desit charitas. Qua-  
re non est magis hinc argutandum, fieri posse  
ut acquirat quis omnium mysteriorum, om-  
niumque rerum scientiam, quā ex eo quod  
dixit: Si linguis loquar hominum & angelo-  
rum, cōtingere alicui posse, ut non hominum  
modo, sed & angelorum linguis loquatur.

Cum Dauid dicit: Si ascendero in cœlum tu il-  
lic es, si descendero ad inferos, tu ades, si sum-  
psero pennas meas diluculo, & habitauero in  
extremis maris, illinc manus tua deducet me,  
an hinc colligendum est, posse hominem uel  
in cœlum uel ad inferos, uel ad extremos ter-  
minos maris sumptis pennis auolare? Et cum  
ad Iob à domino dicitur: Si habes brachium  
ut Deus, etsi uoce simili tonas, &c. Inferendum  
ne est, ergo potest homo brachium habere ut  
Deus, &c. Et ex eo quod Hieremiæ .51. legi-  
mus: Si ascenderit Babylon in cœlū, &c. Col-  
liget ne quisquam fieri potuisse, ut ascenderet  
Babylon in cœlum? Consimili modo nō sunt  
præsentis istæ hyperbolæ eò rapiendæ, ut ex  
illis colligamus, posse alicui omnium secre-  
torum cognitionem, & omnem rerum om-  
nium contingere scientiam. Multa cognouit  
ex secretis Dei, multa que sciuit hic Apostolus,  
eo tamen scientiæ non ascendit unquam, ut  
sciret omnia.

**E** T si habeam omnem fidem, adeo ut mon-  
tes loco dimoueam.] Transit ad fidem, non  
eam quæ communis est Christianorum om-  
nium, qua Christiani reddimur, & in conspe-  
ctu Dei iustificamur, ac corda nostra purifican-  
tur, & sine qua nemo Deo placere potest, sed  
ad eam quam capite præcedenti inter charis-  
mata spiritus recensuit dicens: alij uero fides  
per eundem spiritum. Ea fides miraculorum  
est, quæ non magis omnibus conferebatur,  
quā cætera charismata sapientiæ, scientiæ,  
prophetiæ, linguarū, sanationum, &c. De hac  
cap. præcedenti diximus.

Nec est ut uoculam, omnem, quisquam di-  
uexet, quasi quod dicit: Etsi habeam omnem  
fidem, idem sit quod: Etsi habeam omnis ge-  
neris fidem, indeque colligat, non solum de fi-  
de miraculorum, sed & iustificante loqui Apo-  
lum, id quod sophistæ quidam faciunt.

Primum enim non est necesse, ut sic expo-  
namus, cum uocula omnis tam totum quid,  
quā omne genus plerunque significet. Vt cū  
Matthæi .18. legimus: Omne debitum remissi  
tibi. Et cap. 27. Respondit omnis populus. Et,  
Tenebræ factæ sunt super omnem terram. Et  
Lucæ .2. Vt describeretur omnis orbis. Et Ioā-  
nis .5. Pater omne iudicium, id est, totam iudi-  
candi potestatem, dedit filio. Et Actorum .4.

**A** Cum omni fiducia loqui uerbum tuum. Hu-  
iusmodi loquutiones multæ leguntur in scri-  
pturis. Sic hoc quoque loco, cum Apostolus  
dicit: Etsi habeam omnem fidem, exponi po-  
test per specificationem de tota illa fide, quam  
miraculorum uocant, ut non sit necesse, in ge-  
nere de quauis fidei specie exponere.

Hoc sensu, omnem habere fidem, est totam  
habere fidei illius facultatem, qua omnis gene-  
ris miracula ædebantur à fidelibus.

Deinde, ne quis specificationem fidei huius  
desyderet, adiectum est ab Apostolo, adeo ut  
montes loco dimoueam, quibus uerbis satis  
indicat, de qua fide loquatur. Habent enim  
specificationem fidei ab illius effectu sumptā.  
Effectus enim fidei alius est eius quæ creden-  
tem iustificat, & alius eius quæ miracula ope-  
ratur. Si de iustificante fide loqui uoluisset, nō  
dixisset, adeo ut montes loco dimoueam, sed,  
adeo ut perfecte iustus sim, Deum perfecte ti-  
meam, de quæ misericordia illius omnium sim  
certissimus, & quæ alia sunt huiusmodi. Iam  
uero cum dicit: Etsi habeam omnem fidem, a-  
deo ut montes loco dimoueam, puto manife-  
stum esse indicium ex effectu, quod de fide mi-  
raculorum loquatur.

Si dicas: Etsi habeam omnem gloriam, ita  
ut ipso sim Salamone illustrior, satis patet de  
qua gloria loquaris, nempe non de quauis, sed  
de ea quæ principum est & regum.

**B** Si dicat quis: Etsi habeam omnem erudi-  
tionem, adeo ut Platonis nomen extinguam,  
puto satis innui, non loqui ipsum in genere de  
quauis eruditione, sed de ea tantum, in qua  
Plato excelluit. Sic hoc quoque loco, si absit  
contendendi libido, plane manifestum est, de  
qua fide loquatur Apostolus cum dicit: Etsi ha-  
beam omnem fidem, adeo ut montes loco di-  
moueam, nempe de ea per quam miracula &  
portenta fiebant.

De uerbis autem istis: adeo ut montes lo-  
co dimoueam, dictum est in Cōmentarijs no-  
stris super Matth. cap. 17. Vnde illa desumptis-  
se uidetur Apostolus.

**CHARITATEM** autem non habeam.]

Quoniam prophetia, & fides numerantur hic  
inter charismata spiritus, nascitur quæstio,  
quomodo possunt haberi ab aliquo sine cha-  
ritate. Quod prophetiam attinet, tractat hanc  
quæstionē Augustinus libro secundo ad Sim-  
plicium, quæstione prima: Potest quidem in-  
ueniri charitas in homine Christiano sine pro-  
phetia, & reliquis cōsimilibus charismatibus,  
prophetiā uero sine charitate dicit forte qui-  
quam inueniri non posse, quemadmodum nō  
inuenitur qui corpus habeat, colorem uero  
non habeat. Verum prophetia & charitas non  
sic iunguntur in homine Christiano necessa-  
rio, ut corpus & color. Christianus esse po-  
test, qui prophetiam non habet, modo sit  
fide & charitate præditus, corpus uero sine co-  
lore aliquo potest habere nemo.

Quod aut possit haberi pphetia sine chari-  
tate



tate, nō modo in Bileam cōprobatur, qui cum propheta esset, contra charitatem tamen egisse conuincitur, sed & in Saule rege, qui in ipso proposito innocentem Dauidem occidēdi accepto spiritu Dei unā cum Samuele, ac reliquis prophetis prophetauit. 1. Samuel. 19. ubi usque adeo erat alienus à charitate, ut & generum, & innoxium, imo benemeritum occidere conaretur. Nec est ut dicat quisquam & Bileam & Saulem non bono spiritu Dei, sed malo prophetaſſe, hic uero loqui Apostolum de prophetia quæ charisma sit spiritus sancti. Deinde exempla ista Bileam & Saulis pertinere ad Vetus testamentum, hic uero loqui Apostolū de donis spiritus sancti, quæ in Christum credentibus initio Noui testamenti conferebantur, quare aliam esse rationem & conditionem huius prophetiæ, quā fuerit eius qua Bileam & Saul prophetarunt. Etenim ex ipsa scriptura conuinci potest, bono non malo spiritu prophetaſſe utrunque, tam Saulem, quā Bileam.

*Num. 22.* De Bileam manifestissimum est ex omni illius historia, præſertim ex uerbis angeli. De Saule quoque ex eo patet, quod eodem spiritu cum Samuele & reliquis prophetis in ipso conspectu Samuelis, unā cum ipso & cæteris prophetaſſe ſcribitur. Sic enim in Ebræo legitur: *וַיִּהְיֶה עָלָיו רִיחַ אֱלֹהִים* id est, Et factus est super ipsum, uel, Et factus est super ipsum etiam ipse spiritus Dei. Vocula, etiam omnino indicat eodem ipsum prophetaſſe spiritu, quo Samuel & cæteri prophetae prophetarunt. Quod uero hi duo in Veteri testamento prophetarunt, non impedit, quo minus firmum sit argumentum, unde probetur prophetiam haberi poſſe ſine charitate. Idem enim est prophetiæ spiritus, tam in Veteri quā Nouo testamento.

Verum ſententiæ huic, & Christus ipſe aſtipulatur, Matthæi. 7. cum dicit: Multi dicent mihi in illo die: Domine, domine, nōne in nomine tuo prophetauim⁹, & in nomine tuo dæmonia eiecimus, & in nomine tuo uirtutes multas fecimus. Et tunc conſitebor illis dicēs: quia nunquam noui uos. Discedite à me omnes qui operati eſtis iniquitatem. Puto eos quibus hæc in die iudicii dicturus eſt Christus, habuiſſe prophetiam ex dono ſpiritus Christi, & tamen non habuiſſe charitatem. Aliās non poſſent reiſci à Christo, nedum uocari operarij iniqui. Cum ergo tam in Nouo quā Veteri testamento inueniantur prophetae ſine charitate, omnino relinquitur, haberi poſſe prophetiā ſine charitate. Quod enim factum eſt, fieri potuiſſe conſtat.

Ad eam uero quæſtionem, qua quærunť, num & fides poſſit haberi ſine charitate, per diuiſionem reſpōdemus. Refert enim de qua ſpecie fidei quærarur. Si de ea quam uocant historicam palam eſt, eſſe illam in multis ſine charitate, qua & dæmones ſine charitate credunt. Nec moror, ſiue ſpeciem hanc fidei ſi-

dem uoces ſiue opinionem. Sic eſt comparata, ut haberi poſſit ſine charitate.

Quod ſi de ea quæritur, quam miraculorum uocant, & recte indubitata de potentia Dei perſuaſionem dixeris, & illam conſtat haberi poſſe ſine charitate, ſicuti ex præcedentibus Chriſti uerbis patet. Porro ſi quæſtio ſit de fide iuſtificante, quam fiduciam eſſe miſericordiæ Dei in Chriſto ſentimus, hanc dicimus ueram eſſe non poſſe, ſi charitate deſtituatur. Teſtatur hoc Apoſtolus, cum Galatarum. 5. dicit: Nam in Chriſto Ieſu neque circumciſio quicquam ualet, neque præputium, ſed fides quæ per charitatem eſt efficax.

Ergo uera in Chriſtum fides, qua ueri Chriſtiani reddimur, inſtar ignis eſt, qui ardore ſuo attacta comburit. Vt enim uerus ignis eſſe nō poteſt, ſi non ſit ardore præditus, ita & uera nō eſt in Chriſtum fides, quæ per charitatem non eſt efficax. Quare friuolum eſt, quod aduerſarij nos inani, ac mortuæ fidei iuſtificationem adſcribere dicunt. Sed hac de re in locis noſtris.

Quamuis igitur & hyperbolice & hypothetice loquatur Apoſtolus, ut inde colligi certo non poſſit, haberi ne queant prophetia, & myſteriorum omnium ſciētia, & omnis omnium miraculorum fides ſine charitate, ad hunc tamen modum ad propoſitam poſſumus reſpōdere quæſtionem.

*Nihil ſum.* Sic pronunciat de omnibus illis, qui apud Corinthios propter dicta charismata inſoleſcebant. Dicit eos nihil eſſe, idque ſub ſua ipſius perſona, quo tolerabilius loquatur. Non dicit autem, nihil eſt, ne ipſa tam magna charismata floccifacere uideatur, ſed nihil ſum. Per ſe multum eſt habere prophetiam, myſteriorum Dei ſcientiam, & fidem ad facienda miracula efficacem, idque dono ſpiritus ſancti, uerum qui ea ſine charitate habet, hoc eſt, citra charitatem prophetat, deque myſterij Dei loquitur, & miracula ac portenta facit, non ad ædificationem eccleſiæ, ſed ad inanem oſtentionem, proprii nominis celebritatem, &, quod Corinthij nonnulli faciebant, ad ſcindendum eccleſiæ concordiam, is demum nihil eſt, intellige coram domino, & in hac cauſa. Poteſt qui talis eſt, in alijs rebus, & coram mūdo eſſe aliquid, etiam ſi hic & coram Deo ſit nihil, hoc eſt, nullius æſtimandus.

Augustinus de fide ad Petrum diaconum, *Auguſt.* cap. 37. locum hunc Apoſtoli citat ad hunc modum. Firmiſſime tene, & nullatenus dubita omnem extra eccleſiam catholicam baptizatum, participem fieri non poſſe uitæ æternæ, ſi ante finem uitæ huius catholice non fuerit redditus atque incorporatus eccleſiæ.

Quia ſi habeam, inquit Apoſtolus, omnem fidem, & nouerim omnia ſacramenta (ſic legit, quaſi idem ſit myſterium quod ſacramentum) charitatem autem non habeā, nihil ſum. Hæc ille.

Primum,



Primum, magna cum ratione controuerti potest, quod salutem illis negat, qui extra catholicam ecclesiam baptizantur, si hoc accipitur eo sensu, quo hodie Romanam ecclesiam uocant catholicam, extra quam saluari possunt, quotquot syncera in Christum fide credunt, communionemque illius propter horrendam defectionem & manifestas abominaciones ex animo fugiunt.

Deinde, quod extra catholicam baptizatū esse pro eo accipit, quod Apostolus mysteria Dei sine charitate nosse dicit, & coactum est & infirmum.

Etenim non mox charitate fraterna destitutus est, quisquis cum multitudine eius ecclesiae, quae se catholicam uocat, non communicat. Potest enim illa sic esse comparata, ut magis sit corruptione, defectione, & adultera communicatione, quam uera ac syncera Christi fide catholica, id quod hodie notum est omnibus illis, qui ex uerbo domini de uera rectius possunt iudicare ecclesia. Quemadmodum igitur innumeri sunt in catholica sine charitate, ita & innumeri extra illam uera possunt esse & fide in Christum, & charitate praediti, nisi catholica uocetur ea ecclesia, quae non multitudine, sed ueritate Dei & communione electorum omnium prophetarum, apostolorum, & fidelium constat.

Et si infumam in alimoniam omnes facultates meas.] Non dubito fuisse in ecclesia Corinthiorum inter schismaticos, qui distributione eleemosynarum, uel proprii nominis ramusculos, uel sectae suae celebritatem uenarentur, atque ita aliquam facultatum suarum partem in suae sectae consortes ceteris pauperiores infumerent. Sic enim primi Christiani instituebantur, ut qui ditiores essent egenorum fratrum inopiae facultatibus suis succurrerent, cuius rei exempla in Actis Apostolicis legimus. Quare etiam ij, qui non erant uera philadelphia praediti, ne minus Christiani uiderentur, uel, quo nominis aliquid uenarentur, eleemosynas, perinde atque pii faciebant, quale est quod de Anania & Saphira in Actis habetur. Ex illis Satan dubio procul plerisque sectarios subornauit inter Corinthios qui studio eleemosynarum applausum cum situm sectae suae uenarentur.

Horum studia perstringens, & inania esse docens. Et si, inquit, infumam in alimoniam omnes facultates meas, charitatem autem non habeam, nihil utilitatis capio. Intensionem autem habet, quod non simpliciter dicit: Et si cibauero pauperes, sed, et si infumam omnes facultates meas, intellige, in cibos pauperum. Sic supremum eleemosynae gradum exprimere uoluit. Etenim qui omnia sua erogat in pauperes, ut non habet praeterea quo altius in hoc studio ascendat, sic in illo perfectionis gradum adeptus uidetur.

Quod si ne talis quidem aliquid utilitatis

coram Deo consequitur, si charitate destituitur, quanto minus sperandum est illis qui minus aliquid de superfluo absque charitate expendunt.

Locus hic est de eleemosyna, & de largitionibus, quibus maiores nostri facultates suas, cum moriendum esset in saginationem canonicorum & monachorum distribuerunt. Vtina nostri hodie, uel uigesimam partem ex charitate in usus pauperum infumerent.

Et si tradam corpus meum ut comburam.] Non possumus lectionem eorum recipere, qui pro *καυθισομαι*, id est, comburam, legunt *καυχισομαι*, id est, glorier, ad hunc modum: Et si tradam corpus meum ut glorier. Sic enim praeter rationem subijceretur, & charitatem non habeam.

Nō enim ex charitate dat corpus suum, qui eo dat animo, ut sit unde gloriatur, ut necesse non fuerit eam conditionem exprimere dicendo, & charitatem non habeam, siquidem dixisset: Et si tradam corpus meum ut glorier. Voluit magis intendere quod dixit: Et si tradam corpus meum. Ideo non adiecit, in periculum, uel in afflictiones, uel in mortem, sed, ut comburam. Est enim genus hoc mortis carni acerbissimum, quo homo uiuus flammis in cinerem redigendus, uel ut hodie solent catholici, carbonibus circumpositis crudeli & prolixo cruciatu torrendus & assandus traditur. Quoniam igitur sectarii martyria pro sua religione subire non dubitabant, indeque gloriam querebant, ut admoneat nihil hinc quoque esse illis emolumentum coram Deo, propter charitatis defectum, particulam hanc adiecit, quasi dicat: Etiam si grauissimos corporum uestrorum dolores & cruciatus sustineatis, nihil tamen utilitatis ex eo capietis, donec contra charitatem ecclesiam Christi scideritis. Et ad eandem particulam huius intensionem facit, quod non dicit: Et si tradatur, sed: Et si tradam corpus meum, ut comburam, ut etiam ea martyria inutilia esse moneat, quae sponte subeuntur, si desit charitas.

CHARITATEM autem non habeam.]

Hoc est, si non affectu charitatis, sed alio quopiam studio, sicut solent sectarii, facultates meas pauperibus alendis erogauero, imò si corpus meum, siue propter fidem meam, siue propter aliam quamlibet causam igni comburendum tradens alienus à charitate fraterna fuero.

Non est autem ut quaeramus, quomodo possit quisquam sine charitate omnes facultates suas in pauperes alendos infumere, uel corpus suum ad comburendum tradere. Sic enim comparatum est ingenium carnis, ut uel preposterio zelo, uel inanis gloriae studio, nec facultatibus suis parcat, nec corpori, cuius rei nō modo exempla permulta extant in historiis, sed & ipsa experientia quotidie in oculos eorum incurrit qui obseruant.

Vt quid



Vt quid parceret facultatibus illis caro, quæ reparari possunt, quando uitæ suæ non parcit, quam semel amissam recuperare non poterit? Et eousque pertinax est, ubi insanire cœpit, ut non modo ferat omnis generis cruciatus aliunde uolenter illatos, sed & suapte se sponte in illos proijciat. Nemo Mutij manū igni iniecit, sed ipse hoc ultro ostentatiōis gratia fecit. Lacedæmoniensium Diamastigosis, flagellatio uidelicet, utiq; nō ex charitate, sed inanis gloriæ studio solenniter celebrabatur, adhortantibus parentibus suos adolescentes, ut strenue flagellando perseverarent, gloriæ sibi ducentes, si animam citius emitteret, quàm corpus flagello subducerent. Huiusmodi flagellatores permulti habentur, etiamnum qui usq; adeo alieni sunt ab affectu charitatis, ut citius sanguinē proprium, quàm obulum in usus pauperum profundant. Sacerdotes & prophetæ Baal cultis sua ipsorum corpora ad sanguinem usque dilacerabant, quo adulteræ suæ religioni confulerent. Peregrinus quidam temporibus Traiani inanis gloriæ mancipium in rogū ardentem non iniectus est, sed ultro seipse iniecit. In ignes Æthneos insiliit sponte sua Empedocles. Et Heraclitus quoq; cum se stercore bubalo obliuisset igni uolens exustus est. Potuerunt hæc fieri sine charitate, præpostero carnis studio, ut perspicuum sit pertinaciam propositi illius nullis posse doloribus & cruciatibus uinci, non in uiris tantum, sed & fœminis. Cum Carthagine capta Scipioni supplex esset factus Asdrubal, uxor illius citius incendium corporis sui, quàm præsentem calamitatē ferens, in ardētis urbis flammis, sese unā cum filiis suis coniecit. Sit hoc priuatum & rarū. Quid quod in India nobiles fœminæ, præsertim ciuitatis Tarnasseræ, quintodecimo die post mortem maritorum suorum, iisdem locis, ubi corpora illorum exusta sunt, accenso rogo uiuas se comburendas, pro more patriæ, tradunt? Quid ergo mirum si amor Dei & proximi in electis ac fidelibus hoc possit, ut nec facultates, nec propria corpora, si ita uisum sit Deo, impendere dubitent?

Nihil utilitatis capio.] Dices, quomodo inutile est alere pauperes? Nam etiā si fiat hoc alio, quàm charitatis studio, interim tamen beneficit miseris, & incitatur alij ad imitationem. Deinde, quomodo non prodest corpus tradere in mortem, propter religionis confirmationem, cum hinc multi in fide confirmantur, etiā si fiat hoc citra charitatem?

Respondeo, non dicit impersonaliter, nihil prodest, nihil habet utilitatis, sed, ὅτι μοι ὠφελὲς μὴ, hoc est, nihil capio utilitatis, nihil mihi prodest. Quantumuis in se sit magnum & præclarum, prodest quæ plurimis, facienti tamen utrunq; prorsus est nihil & inutile coram domino, si desit charitas. Quare? Quia non tam factum spectatur à Deo, quàm animi affectus & facti ratio. Et quoniam ipse charitas est, amat eos qui eodem sunt charitatis spiritu præ-

A diti. Sic, inquit ille, Deus est charitas, & qui manet in charitate in Deo manet, & Deus in ipso. Et Christus Seruator: In hoc, inquit, cognoscemini quod mei discipuli sitis, si charitatem inter uos mutuam habueritis. Seductores itaque sunt, qui morituris uitam æternam pollicentur, si facultates suas pro redimendis animabus suis, uel pauperibus, uel ociosis uetribus tribuant. Nihil enim illis prodest, quia quod faciunt, alieni à charitate fraterna faciūt, & interim heredibus suis incommodant. Et si martyria quantumuis acerba & insignia nihil profunt sine charitate, cōsequitur permultos in ecclesijs Papisticis coli pro sanctis, quorum animæ cum hypocritis sunt in gehenna. Non enim moratur Deus corporum cruciatus, sed animum spectat, fide ac dilectione præditum.

Charitas patiens est, benigna est, charitas non inuidet, charitas non est pro-cax, non inflatur, non est fastidiosa, non quærit quæ sua sunt, non irritatur, nō cogitat malum, non gaudet super iniusticia, sed cōgaudet ueritati, omnia suffert, omnia credit, omnia sperat, omnia sustinet.

Haftenus primam capitis huius partem absoluit, qua contendit charismata illa spiritus quæ plus æquo magnificabant in ecclesia Corinthiorum, sine charitate, nihil prodesse habentibus, iam transit ad commendandum charitatem, quam celebrat & deprædicat hinc ad finem usque capitis, primum ab ingenio plane diuino, deinde à perpetuitate. Commendationem ingenij illius quindecim elogijs admodum præclaris complectitur, quæ hic recenset, ut licet singula uno uerbo exprimat, nihil tamen obscuritatis admisceat, imò cum luce ardorem quendam animi erga charitatem cōiungat, quem uerborum structura spirat.

CHARITAS, inquit, patiens est.] Græce est, μακροθυμία, quod sonat, longanimiter agit. Interpretibus magis placuit uertere, patiens est. Vocula θυμός sumitur quidem pro animo, uerum significat animum nonnihil motum ac perturbatum, qualis est cum sanguis circa præcordia incipit ebullire, & in irā efferuescere. Sunt qui id dicant esse in equo θυμός, quod ὄργη est in homine. Hoc sensu μακροθυμία idē est Græcis quod Ebræis אִפְּתָח אֵרָא id est, procul ab ira. Siue accipiamus θυμός, pro animo simpliciter, siue pro animi commotione, μακροθυμία est uirtus, qua cohibemur, ne statim excandescamus ac præcipientes ad irascendum simus, ut recte uerterint, charitas patiens est. Hanc charitati uirtutem propterea adscribit, quod illa hominē patientem ac tardum ad iram reddit.

Tribuit scriptura Deo μακροθυμίαν erga peccatores. Vnde hanc habeat admonemur hoc loco, cum dicit Apostolus, charitas patiens est. Deus est charitas, ergo consequitur esse eum tardum



tardum ad iram ac patientem. Quanto autem nostro bono talis sit, quis satis cogitauerit, nedum explicuerit? Tolle patientiam à Deo, mox pereat mundus necesse est.

Sic cogitemus de unoquoque mortalium conuictu, contubernio, cœtu, consortio, & ecclesia. Hic si desit charitas, deest patientia. Si desit patientia, omnis societas disturbatur, omnis unitas & concordia scinditur, omnis ordo confunditur, quandoquidem nemo parcat proximo, sed ad leuem offensam cōcitati animi cuncta subuertere moluntur citius quàm ut condonent admissum, uel ferāt quod uidetur esse molestum. Sapiens non feret stulticiam insipientis, qui docent non ferent tarditatem idiotæ, qui firmiores sunt infirmiorum defectus mox auersabuntur, &c. Quare haud præter rationem est, quod Apostolus elogium hoc patientiæ mox initio charitati tribuit, significans hinc potissimum esse schismata in ecclesia Corinthiorum, quod propter charitatis defectum hac essent mutua patientia destituti. Qui diligit, non facile consortium dissoluit eorum quos diligit, sed omnia tolerat & irremisse satagit, quo concordia seruetur, quoad eius citra offensam Dei fieri potest. Hoc significans dicit, charitas patiens est. Hæc patiens *ἡ μακροθυμία* charitas præstat quod Basiliius epistola. 79. sic dicit: πολλὰ δὲ μεμνησθε καὶ πολλὰς ἀγρυπνίας νύκτας διγυγνῆν καὶ μετὰ πολλῶν δακρύων ἰσχυρῶς παρὰ τοῦ κυρίου ἀλλήλων τὸν μίλλοντα φιλίας ἀδελφῶ τέμνειν.

BENIGNA est inquit.] Græcè est, *χρησδύται*. Sonat *χρησδύς*, placidum, humanum, comem, unde est uerbum hoc *χρησδύειν*, quo tribuit charitati Apostolus, quod sit ingenio placido, miti & humano, cuius oppositum est, esse asperū, seuerum, ac morosum. Quod uero uerterunt, benigna est, hoc est, ad benefaciendum propensa, ex eo est, quod *χρησδύς* sonat etiam utilem, ut *χρησδύειν* idem sit quod aliorum utilitati studere. Sane parum refert utrouis modo legamus. Nam utrunq; præstat charitas, hominem reddens & humanum ac blandum & simul uisibus aliorum accommodum. Hanc itaq; charitatem defyderabat in Corinthijs qua redderentur & *μακροθυμοί* & *χρηστοί*, patientes & humani. Etenim si hac præditi fuissent non ita procliuēs fuissent ad schismata. Qui *χρησδύς* est, placidis, suauibus, & humanis moribus, nemine facile offendit aut fastidit, & qui *μακροθυμὸς* est, haud facile offenditur. Tales autem sunt qui diligunt. Quare ubi charitas est, ibi non datur locus schismati. Quomodo enim scinderetur à se inuicem, qui spiritu charitatis præditi, patientes & humani, nec offendunt quenquam, nec offenduntur facile?

Tales, inquam, reddit charitas fidissima unitatis & concordie custos. Ex opposito, scientiæ, iusticiæ, & sanctimonie opinio reddit homines inflatos, seueros, morosos, & omnium aliorum contemptores, qui & leui momento offendantur, & parum solliciti sint, ne quos mo-

rositate & asperitate sua offendant. Vbi tales sunt in ecclesia non potest firma esse concordia & unitas. Tales euaserant plerique Corinthiorum, defectu charitatis, ideoque procliuēs erant ad schismata.

Quod autem ordinem attinet, prior est *χρησδύτης* quàm *μακροθυμία*. Etenim quamuis utraque uirtutes ex charitatis fonte promanant, est tamen *μακροθυμία* in *ᾧ* *χρησδύται*, & non *χρησδύτης* in *ᾧ* *μακροθυμίας*. Et hoc ordine ad Rom. cap. 2. sic ponuntur. Aut diuitias *ᾧ* *χρησδύται* *αὐτὸς* καὶ *ᾧ* *ἀνδρὶ* καὶ *ᾧ* *μακροθυμίας* contemnis, quo loco Deo, qui ipsissima charitas est, benignitas, uel ut Erasmus & uulgatus interpretes habent, bonitas, tolerantia, & lenitas tribuitur. Hunc tamen ordinem haud constanter seruat Apostolus. Nam Gal. 5. ubi fructus spiritus recenset, sic dicit: Fructus spiritus est charitas gaudium, pax, *μακροθυμία* *χρησδύτης*, ἀγάπη, &c.

CHARITAS, inquit, non inuidet.] Vulgatus interpretes uertit, non æmulatur. In Græco est: *ἡ φιλονεικία*. Significat autem zelus uehementis amoris studium, & inde transfertur ad æmulationem & inuidiam quoque, quæ propter rem amatam nascitur in animo amantis. Quoniam autem uerbum æmulari aliquando pro zelo amoris quenquam prosequi, aliquando imitari amatum, nonnunquam pro inuidere cuipiam rem amatam accipitur, non satis expressit uulgatus interpretes sensum Apostoli per uerbum æmulandi. Etenim non recte darentur charitati priores duæ significationes, quare tertia usurpanda erat, ac uertendum, charitas non inuidet. Quid est autem non inuidere aliud, quàm gratulari proximo quamuis rerū prosperitate, etiam eorum bonorum, charismatum, ac uirtutum communicationem, quibus uel potiti sumus nos uel potiri uellemus. Sic uero animatus esse poterit nemo, nisi per spiritum Dei affectu sit charitatis præditus. Etiam si charismata illa quæ suprâ recensuit, in unum aliquem hominem cōferantur omnia, haud tamen poterant illum liberum reddere ab inuidia, quam sola excludit charitas. Vbi autem inuidie morbus obtinet, ibi non potest sana ecclesiastici corporis esse constitutio, id quod in ecclesia Corinthiorum paruit, ubi per schismata fuit diuulsa & instar dissolutæ scopæ facta.

CHARITAS non est procax.] In Græco est, *ἡ ἀγάπη ἡ προπρόσδοξία*. Chrysostomus exponit, *ἡ προπρόσδοξία*. Significat autem *προπρόσδοξία* *προσπαράγειν* τι, καὶ παρὰ τὸν καιρὸν παρρησιασθῆναι, id est, priusquam tempestiuum sit aliquid præripere & præsumere. Tractum est autem à pullis adhuc implumibus, uolare gestiētibus, priusquam possint. Et addit Chrysostomus. Reddit enim charitas prudentem grauem ac firmum. Ergo *προπρόσδοξία* idem est Chrysostomo, quod leuem & procliuem esse ad præsumendum quiduis intemperanter. Tales erant Corinthij, cum suam quique cœnam alijs non expectatis præsumerent, quod utique non fecissent



cissent si fratres dilexissent. Basiliius ἰν' ὅροις κατὰ τὴν ἱστορίαν, ὅπως μὲν sic scribit: τί ἐστι περὶ δόξης; πᾶν δὲ μὴ διὰ χρέαν ἀλλὰ διὰ καλλώπισμον παραλαμβάνει· καὶ περὶ δόξης ἔχει κατηγόριαν. Hoc est. Quid est περὶ δόξης; Quicquid non necessitatis, sed ornatus gratia usurpatur, de perperia accusatur. Hoc sensu perperam agere, intemperanter est & ostentanter agere. Quid Erasmus senserit, dum uertit, non est procax, in annotationibus illius uide.

Meo iudicio, retinenda est Chrysostomi sententia, nisi placet eorum expositio, qui περὶ γὰρ, μετὰ βλακείας ἱπυρίνον, id est, cum iactantia elatum esse dicunt, aut eorum, quibus perperam agere, contumaciter & contumeliose est agere. Generalius est quod nonnulli exponunt, Non agit perperam, id est, peruerse, quàm ut huic loco conueniat. Germanicus interpres uertit, Die liebe sel. alcket nitt.

Tribuit igitur charitati, quod reddat homines non intemperanter præcipientes, leues, inconstantes, & facile quod non deceat præsumentes, quales erant ex Corinthiis nonnulli, sed graues & constantes, qui non facile ad dissoluendam ecclesiæ unitatem & concordiam prorumpant, id quod assolent, qui procaci sunt ingenio præditi, quo uicio iuuenes plerumque laborant, & mulierculæ, illi propter ætatis, hæc propter sexus leuitatem.

NON inflatur.] Græcè est, οὐ φυσιοῦται. Sonat autem φύσις aliquando follem, aliquando flatum. Et Latinis uerbum inflandi per metaphoram ad animi transfertur superbiam & arrogantiam, perinde atque Græcis uerbum φυσιοῦται. Arrogans enim, qui perpetuo glorias suas & arrogantiam spirat, similis est folli inflato, & uentos spiranti. Vnde & gloriosulos & arrogantes uentosos uocant. Inflationis huius metaphoram posuit hic Apostolus pro superbia animi inflati & arrogantis. Mater illius non est charitas, sed corruptæ ac uanæ mentis leuitas, quæ opinione propriæ, uel iusticiæ, uel sanctimoniam, uel opulentiam, uel scientiam, aut terreni successus, uel qualitercunque acquisiti honoris, ueluti uento quodam inflata turgescit, insolefcit, & arrogantiam spirat. Hinc illud est: Scientia inflat, charitas ædificat, supra capite octauo, ubi uide quæ sint annotata. Charitas omnes animi uirtutes ac doctes sic retinet & conseruat in ordine, ut singulæ possint esse ad ædificationem ecclesiæ utiles, dum animi inflationem & arrogantiam excludit, quæ ubi obtinuerit, omnia peruertit ac destruit. Huc puto respicere Apostolum, cum dicit: Non inflatur.

Itaque ex hac Apostoli sententia, charitas non inflatur, firmissime colligitur, alienos esse à charitate omnes eos qui existimatione nominis qualicunque, uel aliàs undecunque erga fratres inflantur. Inspice nunc omnes ecclesias, omnia collegia, omnia monasteria, omnes episcoporum, cardinalium, prælatorum, ac doctorum synodos, & uide quàm sint libe-

ri ab hac inflatione. Vbi de gradibus, ordinibus, prærogatiuis, prælaturis ac titulis tantopere contenditur, putabimus ne omnia citra inflati animi arrogantiam geri?

NON est fastidiosa.] Vulgatus interpres habet, non est ambitiosa. In Græco est, οὐκ ἀσχημονῶν, hoc est, non agit indecenter & inuerecunde, intellige, contra proximū. Quatenus quicquid præter decorum & honestum inuerecundius agitur, sub uerbo ἀσχημονῶν compræhenditur, hætenus sub illo compræhendi potest & ambitio, ut ambitiosum esse, sit ἀσχημονῶν, uerum non mox omnis ἀσχημοσύνη, pro ambitione est accipienda. Quare contractius est quod uulgata uersio habet, non est ambitiosa. Latius enim patet uerbum ἀσχημονῶν. Nec Erasmi uersio probatur. Sequutus ille uidetur expositionem Chrysostomi, cui οὐκ ἀσχημονῶν idem est quod non uerecundari, non pudeferi, non indecorū iudicare, non fastidire rem ullam, quæ commodis proximi seruiat, quantumuis indecora uideatur. Sic sentiens Erasmus uertit, non est fastidiosa. Sane charitatis hoc quoque est ingenium, ut nulla de re uerecundetur, quā nouit in usum eius cedere quem diligit, nec quicquam sit tam humile, quod non illius nomine & gratia subeat. Non fastidit humilem, infirmum, contemptum, indoctum & idiotā, & ne peccatorem quidem, modo spes sit respicientiæ. Verū an οὐκ ἀσχημονῶν idem sit quod non pudeferi, non uerecundari, non turpe ducere, iudicent alij. Constat simplici sensu οὐκ ἀσχημονῶν idem esse quod haud indeceter, haud turpiter & haud inuerecunde agere, nihil agere quod uirum bonum, honestum, & iustum dedecet. σχῆμα sonat formam, figuram, externam personam, habitum, compositionem, colorem, ornatum uniuscuiusque rei. Est autem unicuique homini suum peculiare & competens σχῆμα, est σχῆμα etiam quouis modo usurpatum & effictum. Habet ecclesia, habet homo fidelis suum, habet hic mundus suum, habet suum secundum naturæ conditionem genus humanum. Cum Apostolus Philippen- sium secundo, Christum in forma & habitu ueri hominis inuentum esse dicere uellet, dixit, καὶ σχήματι ὑποβέβηκε ὡς ἄνθρωπος. Et cum figuram, formam, externum habitum, aspectum, ac statum mundi huius perstringeret, instabilemque esse diceret, παρὰ γὰρ, inquit, τὸ σχῆμα τοῦ κόσμου τούτου. Quod nos itaque Germanice uocamus, Ein gestalt eines yeden dings, id Græci uocant σχῆμα. Et quod uocamus, Ein vngestalt, id ipsi uocant ἀσχημοσύνη, qua uoce utuntur plerumque pro indecoro, quod sit præter morem & decorum publicum. Ut exempli gratia, inuenias ubi indecorum sit si filiam suam pater ultra iustam ætatem, uirginem domi suæ detineat. Hoc supra capite septimo uocat ἀσχημονῶν. Cum ergo cuius ætati, sexui, ordini, tempori, professioni, disciplinæ, suum sit σχῆμα, omnino ἀσχημονῶν, quisquis præter decorum uel publicum, uel priuatum sui status, sexus,



sexus, ordinis, professionis, &c. aliquid agit, & is quoq; , qui cōtra proximi sui *σχῆμα* quicquam præsūmit. Et utrunque hoc carni nostræ facillimum est, quatenus non curat, quomodo & quā indecēter agat cum fratribus, curat uero charitas. Germanicus interpres reddidit, *sie stellet sich nit vnberdig*. Et explicādi gratia glossulam adiecit, *wie die zornigen, flærrigen, vndultigen kœpff thuend*. Sane fœda est *ἀσχημοσύνη* irascentium, ferocientium, & implacate indignantium, quo uicio plerunque laborant superbi & potentes. De talibus Germanice dicere solemus, *sie wie er sich zerstellt, als ἀσχημονῆ*.

NON quærit quæ sua sunt.] Suprà capite decimo communiter adhortatus est omnes, ut singuli quæ aliorum, nemo quæ sua sint ipsius quærat. Et eius rei exemplum in seipso proposuit, dicens: Quemadmodum ego per omnia omnibus placere studeo, non quærens meam utilitatem, sed multorum ut salui fiant. Hic idem inculcans unde sit eiusmodi affectus aperit, cum dicit: Charitas non quærit quæ sua sunt. Significat, quod Corinthij suæ ipsius quisque utilitati studebant ex eo fuisse, quod charitatis essent spiritu destituti.

Quid sit uero, non quæ sua, sed quæ aliorū sunt quære, & cum qua sit hoc discretione faciendum, supradictō iam capite admonuimus. Dum facit hoc charitas, non negligit seipsam, sed rebus suis omnium consulit pulcherrime, dum communi est ecclesiastici corporis salutī procurandæ ac seruandæ dedita. Dum caput pro toto corpore sollicitum est, ac cunctis illius membris rite moderandis intentum, hoc ipso sibi ipsi melius consulit, quā si neglectis reliquis membris quæ sua sunt, duntaxat quæreret. Et pedes non possunt sibi ipsis prospicere melius, quā si toti corpori seruiant. Optime consultum est singulis membris, dum omnia communi consensu corporis integritati ac salutī conseruandæ student. Sichabet & ecclesiæ conditio. Verum quoniam spiritu charitatis destituimur, & nemo quod aliorum, sed quæ sua quærunt singuli, quid aliud expectandum est, quā ut tandem de summa rerum omnium periclitemur? Etiam illi quorum officium poscit ut serui sint omnium, quærantque non quæ sua sint, sed quæ aliorum, neglectis rebus publicis, toti subseruiunt proprijs ac priuatis. Hodie sub Christiani nominis professione ita sunt luxata ac diuulsa omnia, ut nec regnum regno, nec principatus principatui, nec ciuitas ciuitati, nec ciuis ciui, nec ecclesia ecclesiæ, nec minister ministro, nec frater fratri ex animo cohæreat. An non reipsa impleri uideamus, quod Christus futurum prædixit, ut refrigescat charitas? Frigus autem charitatis ardor est philautiæ, quo non seruatur communis corporis incolumitas, sed consumitur ac perditur. Charitas naturalis est ac uitalis calor, unde uita corporis seruatur, philautia uero febrilis ardor est, omnes corporis uires de-

pascens ac perdens. Cum igitur pestifera hac febris nunc omnia membra laborent, nemo cordatus non intelligit certum nobis imminere exitium.

NON irritatur.] Græcè est, *ὄν παροξύνεται*. Significat autem *παροξύνεται* aliquando exacerbari, nonnunquam concitari. Nam uocula *ὄξυ*, unde componitur & uelocitatis & aceti significationem habet. A priore significato est, quando *παροξύνεται* concitari significat. Vnde est & *ὄξύθυμος*, id est, concitatus animus, cuius oppositum est *μακρόθυμος*, id est, longanimis, lenis, patiens, procul ab ira, qualem paulò suprà charitatem descripsit. A posteriore est, quando exacerbari sonat. Inuenias qui cito ac leui momento ad irascendum permoueatur, quem recte uocabis *ὄξύθυμον*, irritabilem. Rursus inuenias qui tardior quidem sit ad iram, uerum irascendo nimium excandescat & exacerbetur. Cum utrunque sit *παροξύνεται*, puto utrunque alienum esse ab ingenio charitatis, intelligendumq; in eo quod Apostolus hic de illa dicit, *ὄν παροξύνεται*.

Sed rogabit hic quisquam, quomodo tribuatur huic Apostolo Acto. decimo septimo, quod spiritus ipsius *παροξύνετο* in ipso, ubi Erasmus uertit, incandescibat, uetus uero, incitabatur, si charitas neque incandescit, neque incitatur ad iram. Facilis hic est responsio. Paroxysmus ille spiritus Apostoli erat ex zelo Dei, hoc est, ex ardentis amoris Dei affectu, contra idololatriam Atheniensium, cui tota erat dedita illorum ciuitas. Hunc zelum Dei charitas fraterna non exstinguit. Quod uero propter Iohannem cognomento Marcum, inter Paulum & Barnabam paroxysmus fuit, Act. decimo quinto, (quem Erasmus acrem disceptionem, uetus interpres dissensionem uertit) ita ut à se inuicem seiungerentur, animi puto dandum esse impotentiae. Etenim pij quoque nonnunquam tale quid admittūt, unde homines esse se experiantur. Interim habet & charitas suam iram, qua non fratribus delinquentibus, sed peccatis irascitur, nec tale quid irascendo admittit, quod incommodet fratribus, ad quem modum mater nonnunquam filio suo irascitur, quem tene-rè diligit.

NON cogitat malum.] Græcè est, *ὄν λογίζεται*. Significat autem uerbum *λογίζομαι* & imputo, & reputo, & cogito. Vt quando fidem imputari pro iusticia dicit, utitur hoc uerbo in passiuo, Credidit Abraham Deo, *καὶ ἐλογίσθη αὐτῷ*, ad iusticiam. Cum uero commune non esse dicit, nisi ei qui reputat commune quid esse, inquit, *ἀλλ' ὄν λογισμένον τὸ κοινὸν εἶναι*. Romanorū decimo quarto. Sensu autem cogitandi usurpauit Philippensium quarto, dicens: *ταῦτα λογί-  
ζε-  
ται ἡ καὶ ἐμαυτῶν*, id est, Hæc cogitate, quæ & didicistis. Hoc triplici sensu usurpatur in scripturis uerbum hoc *λογίζω* & *λογίζομαι*. Sic malum, qui malus est, & proximum odit, tripliciter *λογίζεται*. Primum omnia quæ dicit &



facit, imputat illi pro malo. Deinde reputat illum esse malum. Et quæ ab illo fiunt, in speciem uel etiam ueraciter mala reputat & exag-  
gerat. Tertio, cogitat etiam illi malum, hoc est, machinatur illius perniciem, & meditatur sedulo, quibus illum modis uel perdat uel le-  
dat. Hæc tria pertinent ad ingenium odij, & nota sunt nimium. Quemadmodum autem opposita est odio charitas, ita charitatis ingenium quoque oppositum est ingenio odij. Igitur charitas pro suo ingenio nec imputat fratri malum, nec reputat, nec cogitat. Quæ fiunt à fratre, benigne interpretatur, & si quid ille mali fecerit, non reputat, sed extenuat, & cogitat illi non malum, sed bonum, paratus ad omnia, quæ rebus illius commodare poterunt. Sicut itaque ingenium odij omnem unitatem & concordiam ecclesiæ dissoluit, ita charitatis ingenium ædificat. Admodum ergo competenter Apostolus uerbum λογίζεσθαι usurpauit in hac causa, quo charitatis ingenium perfectius, quod præsentem particulam attinet, exprimeret, quemadmodum & in proxime præcedenti usus est uerbo παροξύνειν.

Chrysostomus hæc duo, ὁ παροξύνεται, & λογίζεται τὸ κακόν, coniunctim exponit, idque per amplificationem uirtutis huius, quod charitas non modò uincat iram si obrepat, sed ne admittat quidem, & non modo malum non faciat, sed ne cogitet quidem. Sane magna est horum cognatio. Si cogitare malum acceperis pro intentare aliquid mali, potest quod dicit, οὐ παροξύνεται, id est, non irritatur, tanquam causa illius accipi. Vt enim irasci causa est maleficientiæ, ita non irritari, causa potest esse, unde nihil mali machineris in proximum. Si uero legeris, non reputat uel οὐκ ὑποπτεύει, id est, non suspicatur malum, potest illud, οὐ παροξύνεται, accipi pro effectu eius uirtutis, qua nihil mali de proximo suspicatur qui diligit. Omnino sic sunt hæc duo, παροξύνεται καὶ λογίζεται τὸ κακόν, sic comparata, ut quocunque sensu accipiantur, ægerrime à seinuicem diuelli queant. Quisquis iræ locum præbet, proclius est ad nocendum ei cui irascitur. Ira uiri iusticiam Dei non operatur. Rursus, qui pro malicia ingenij sui malum cito uel imputat, uel reputat, uel cogitat proximo, omnino proclius est ad iram, & facili momento aduersus illum exacerbatur. Quare præter rationem non est, quod ista à Chrysostomo coniunguntur, & coniunctim exponuntur.

Annotarunt alij provenire utraque ex duabus μακροθυμίας καὶ χρηστίας uirtutibus, quas primo loco charitati tribuit.

NON gaudet super iniusticia, sed congau-  
det ueritati.] Hoc est, non delectatur iniusticia, sed delectatur ueritate. Potest uarie exponi.

1. Primo sic. Non est iniqua & maliciosa, ut lætetur si malefecerit, & exultet in rebus pessimis, sicut solèt qui maligno sunt ingenio præditi, sed magis delectatur studio beneficien-

di, & ex æquo ac ueraciter agendi cum proximo. 2. Deinde si diceret, sed gaudet ueritate, posset uideri sic dictum. Non est hypocrítica & fallax, ut gaudeat hypocrisi, sed uerax & sincera, ut gaudeat ueritate ac fide, quo sensu iniusticia pro hypocrisi & mendacio sic acciperetur ut sit opposita ueritati.

3. Tertio, quoniam non simpliciter dicit, sed gaudet ueritate, sed, συγχαίρει δὲ τῇ ἀληθείᾳ, id est, congauget autem ueritati, existimo manifestum esse, quod non de ipsius diligētis, sed eorum quos diligit ueritate, id est, sinceritate ac fide loquatur, cui charitas faueat & congau-  
deat ex animo. Et apparet hunc esse sensum. Fidelis homo, uera & Christiana charitate præditus, non gaudet, si uiderit iniusticiam exerceri inter fratres, sic ut frater cum fratre inique & improbe agat, sed super ea iniusticia magis contristatur ac dolet, delectatur uero fide ac sinceritate fratrum, & congauget omnibus illis, cum quibus ueraciter, candide ac fideliter agitur, atque ita dolet cum dolentibus, & gaudet cum gaudentibus. Hoc genus doloris & gaudij locum non habet, ubi hæreses & schismata obtinent in ecclesia. Sic enim sectariorum est ingenium, ut magis doleat ipsis, si qui non sunt de ipsorum secta, recte se gerant, uolupte uero sit si male, iniuste, & flagitiose agant, id quod nostro sæculo nimium experimur. Sic dubio procul fiebat in ecclesia Corinthiorum, propter studium sectarum. Quod pauperes contemnebantur in cæna dominica, non dolebat ei sectæ, in qua contemptores pauperum erant. Quod scortator ille rem habebat cum nouerca sua, non contristabat sectarios, sed magis reddebat inflatos, qua de re uide supra capite quinto. Huiusmodi ingenia aliena sunt à Christiana charitate, quæ non gaudet si exoriantur in ecclesia iniquitas, iniusticia, inuidia, scandala, schismata, falsa dogmata, falsi cultus, contentiones, &c. sed contristatur, dolet, ac lugeat ex animo, ueritati uero congauget, si illa uigeat in ecclesia, & regnet in omnium mente, affectu & conuersatione.

OMNIA suffert.] Græcè est, πάντα ὑπομένει. Verbum ὑπομένει, significat aliquando obtegere, unde ὑπομένει tectum sonat, sicuti Matthæi octauo legimus: Vt intres ὑπὸ τὴν σιγῇ μου, & Marci secundo: ἀπιστίας σου τὴν σιγῇ σου ἐν, aliquando κρύπτειν, id est, abscondere, nonnunquam βαστάζειν, ὑπομένειν, & αὐχεσθαι, id est, portare, tolerare, & sufferre. Suprà capite nono dixit hoc sensu πάντα ὑπομένειν, id est, omnia sufferimus. Ad seruandam unitatem inter fratres summopere sunt hæc duo necessaria. Vnum, ut delicta fratrum non manifestentur & exagitantur, sed obtegantur & abscondantur.

Alterum, ut alter alterius onera, infirmitatem, & iniurias quoque & offensas portet ac sufferat. At hæc non præstat, nisi charitas quæ pro suo ingenio peccata fratrum, quoad eius potest, perinde atque nuditatem corporis ob-



regit ac celat, & omnia citius tolerat, portat A & suffert, quàm ut ullam unitatis rumpendæ occasionem præbeat. Quare rursus tale uerbum usurpauit Apostolus quod utrique sensui seruiret, dicens, πάντα ὑπομένετε, id est, omnia tegit ac suffert. Qui diligit triplici nomine suffert omnia. Vt exempli gratia. Qui diligit amicam, pro illa, propter illam, & ab illa quæcunque inferuntur constantissime suffert. Quæ ad illius commoda facere poterunt, etiam si molestæ sint admodum, perfert. Quæ propter illam inferuntur ab alijs, probra, & aduersa, & omnis generis discrimina, patienter tolerat omnia. Et ea quoque, quæ ab illa inferuntur & imponuntur, absque omni tergiuersatione sustinet omnia. Et hæc omnia leuia toleratu reddit amor. Consimili modo & charitas fraterna tales nos reddit qui sufferamus omnia pro fratribus, propter fratres, & à fratribus ipsis illata. Tolle hanc charitatem, non stabit unitas & concordia, dum nihil prorsus, neque pro fratribus, neque propter fratres, neque à fratribus ferre sustinemus. Cum ergo Corinthij charitate hac destituerentur, & nec aliquid uel à fratribus uel pro fratribus, uel propter fratres sufferre possent, nimis erant ad schismata procliuēs.

OMNIA credit.] Quemadmodum malū non suspicatur charitas, sed secūdam seipsam de alijs sentit & iudicat, ita facilis est ad credendum quæ ab ijs quos diligit narrantur & prætexuntur omnia. Hac autem credendi facilitate fit ut frequenter fallatur, unde tamen non redditur ad credendum difficilis. Alioqui non staret, quod hic ab Apostolo omnia credere dicitur. Qui semel atque iterum falsus nemini postea credere sustinet, nec charitate præditus, nec omnia credere dici potest.

Quæsierit autem quisquā, quomodo prædicetur hoc in charitate ab Apostolo, quod omnia credat, cum omnia credere & stultum sit & periculosum? Scripturaque hoc tribuat לַפְּחוּלִים, id est, paruulis & ætate & sensu, hominibus simplicibus, Prouerbiorum decimo quarto dicens: פֶּחֹחַ יֵאֱמָר לְכָל דָּבָר, id est, simplex ac paruulus credit omni uerbo. Et propheta Micheas capite septimo dicat: Noli credere amico tuo. Et primæ Iohannis quarto legatur. Nolite omni spiritui credere, moneatque Christus, ut simus simplices quidem sicut columbæ, iuxta uero prudentes sicut serpentes, caueamusque à falsis prophetis, qui ueniunt ad nos in uestimentis ouium, quæ monita frustra sunt, si laudabile est credere omnia.

Respondeo. Distinguendum est inter ea primum quæ fidem ac religionem nostram, & ea quæ res humanas ac terrenas concernunt, deinde & inter eam credendi procliuitatem quæ est ex stulticia & leuitate cordis, & eam quæ ex spiritu charitatis proficiscitur. In causa religionis non habet locum hæc omnia credendi facilitas, sed requiritur summa

cautio, ne cuius dogmati ac spiritui credamus, iuxta illud probate spiritus, utrum ex Deo sint, & illud: Omnia probate, quod bonum est tenete, & quæ alia sunt eiusmodi. In religione non recte dixeris, charitas omnia credit. Neque enim fides erga Deum ex charitate est, sed charitas ex fide. At in rebus humanis fides ista qua fratribus haud difficulter credimus, aut est ex simplicitate ac leuitate cordis, aut ex ingenio charitatis. Contra credulitatem quæ ex leuitate cordis est, facit locus Prouerbiorum supra citatus, & quæ Ecclesiastici decimotertio & decimonono leguntur, utpote: Ne credas multis uerbis. Itē. Ne omni uerbo credas. Et. Qui cito credit, leuis est corde. Hanc animi leuitatem scriptura utique & recte reprobatur. Verum quis non uidet quàm sit illa longe diuersa à charitate fraterna, quamque aliud sit temere omnia credere leuitate cordis, & aliud, sic diligere fratrem, ut nescias male de illo sentire ac sinistri aliquid suspicari, ideoque facilem esse ad credendum ea quæ ab illo dicuntur ac prætexuntur?

Est autem duplex genus fidei. Vnum quo quæ audimus uera esse credimus. Alterum, quo confidimus, quo sensu fidem fiduciam uocamus. Multum est utrumque discriminis. Non mox fident qui credit. Iacobi secundo legimus, καὶ τὰ δαιμόνια πιστεύουσιν. Id est, & dæmonia credunt, quod non potest uerti. Et dæmonia confidunt. Quemadmodum nec illud supra capite undecimo: Audio inter uos esse schismata, καὶ μὴ ἐπὶ τῷ ὄνοματι, id est, ex parte credo. Credebat, non confidebat. Quod uero Marci quinto & Lucæ octauo legimus, μὴ φοβέσθαι, μόνον πιστεύετε, id est, ne timeas, tantum crede, rectius uertitur, tantum confide, quemadmodum & πιστεύετε ἐν τῷ κυρίῳ, καὶ ἐν ὀνόματι κυρίου, omnino est fiduciam locare in Deum, in Christum & in nomē Christi. Cum ergo charitas & credat fratribus omnia, & in omnibus. Bonæ est erga illos fiducia, recte usus est Apostolus uerbo, πιστεύετε, quo illi utrumque & credendi & fidendi affectum tribueret. Ex opposito recte dixeris, ἡ ἐχθρὰ οὐδὲν πιστεύει, id est, Inimicitia nihil credit, nihil fident. Etenim qui inimicus est, nihil credit nihilque fident, sed omnia habet suspecta, & diffidit in omnibus.

OMNIA sperat, omnia sustinet.] In Græco est ὑπομένετε, quod nonnunquam ferre ac pati, nonnunquam expectare ac perdurare significat, quo sensu usurpatum est hic ab Apostolo. Et uerbum sustinendi posuerunt interpretes sensu expectandi. Alias idem bis diceretur, si positum esset sensu perferendi uel sufferendi. Cohærent ista. Credere, sperare, & sperando ad finem usque constanter perdurare. Exigit conuictus noster & societas nō ecclesiastica tantum sed & ciuilis & domestica, ut alia credamus inuicem in præsentī, alia speremus in futurum, & ne spes ista charitatis breuis sit & momentanea, qualis est quæ ex le-

quæ 14



uitate cordis proficiscitur, expectando perfecteremus. Nequit esse spes firma, nisi constanter sustinendo omnem impatientiam excludat, quæ si admittatur, non modo spem de fratre conceptam extinguit, sed & omnia reliqua ad charitatem pertinentia labefactat.

Quemadmodum autem & alij monuerunt, non sunt ista, charitas omnia suffert, omnia credit, omnia sperat, omnia sustinet citra discretionem in uniuersum ad omnia referenda, sed ad ea tantum, quæ homo pius ac sincere, non secundum carnem, sed secundum spiritum diligens sufferre, credere, sperare ac sustinere potest, potest autem omnia, quæ nec Deo displiceant, nec pietati repugnent, neque fratris, quem diligit, saluti incommovent. Sine hac discretionem prorsus uiciosa esset ea dilectio, quæ indiscriminatim ferret, crederet, speraret, & sustineret omnia, imò si urgeas uniuersaliter, prorsus impossibilis. Quare sicuti supra capite nonò, illud: Omnibus factus sum omnia, ultra normam ueræ pietatis & iusticiæ non extendimus, ne ex Apostolo uel mendacem, uel impium & inhonestum adulatorē faciamus, ita hic quoque intra limites liciti, iusti, & honesti includendum est, quod charitatem omnia sufferre, omnia credere, omnia sperare, & omnia sustinere dicit.

Charitas nunquam excidit, siue prophetiæ uero abolebuntur, siue linguæ cessabunt, siue scientia abolebitur. Ex parte enim cognoscimus, & ex parte prophetamus, aut ubi uenerit quod perfectum est, tunc quod ex parte est, abolebitur.

Haftenus charitatem commendauit, primum ab eo quod omnibus est charismatibus usque adeò præstantior, ut sine ipsa nihil illa profint habenti, deinde ab illius ingenio plane diuino, & ad concordiam, pacem, & unitatem in ecclesia conseruandam appositissimo. Iam consequenter tertiam illius præstantiam subiicit, quam in eo consyderandam proponit, quod perennis est, nunquam cessans, sed in sempiternum durans, cum tamen prophetiæ, linguarum, & scientiæ charismata cessent & aboleantur. Sic dicit:

CHARITAS nunquam excidit.] Quod in Græco est *ἡ ἀγάπη*, uariæ significationis uerbum est.

1. Primum, *ἡ ἀγάπη* dicitur, qui in examine insufficiens depræhëditur & reprobat, quo sensu Germanice dicimus, *Er ist durch die reüter gefallen*.

2. Deinde, qui ciuitate eiicitur & expellitur, & is *ἡ ἀπάθεια* dicitur. Sic qui excommunicatur ab ecclesia, *ἡ ἀπάθεια* ἢ *ἡ ἀλλοτρίωσις*.

3. Tertio, idem est quod emanare foras, & prorumpere. Aqua è fonte *ἡ ἀπάθεια*, & milites

A in præsidio constituti, dum erumpunt in hostem *ἡ ἀπάθεια*, Germanice dicimus, sic *sind herauß gefallen*.

4. Quarto, *ἡ ἀπάθεια* est ab alio ad aliud degenerare: ut, *ἡ ἀλλότριοις βίον ἀπὸ τῆς προτέρας ἡ ἀπάθεια*.

5. Quinto, deficere & cessare significat. Et hoc sensu positum hic est ab Apostolo. Quare uerti poterat: Charitas nunquam cessat, uel, nunquam deficit.

Chrysostomus exponit de constantia charitatis, qua in hac uita non deficit cuncta ferendo, credendo, sperando ac sustinendo: *ὅτι ἀκλόνηται*, inquit, *καὶ οὐ διαλύεται τῷ φέρεν, ὁ γὰρ φιλῶν οὐδέποτε μισῶσαι δύναται καὶ ἐτιοῦν γίνεσθαι*. Est quidem insignis hæc charitatis uirtus, quod non est instabilis & fallax, qualis est amor carnis, sed constans ac firma. Verum si sequentem collationem inspiciamus, qua prophetijs, linguis, &c. confertur, puto perennitatem illius prædicari, qua sic est perpetua, ut post hanc quoque uitam in futuro sæculo perduret. Et sic exponit Hierony. dicens: Ipsa sola permanet in futuro. Et Ambrosius quoque: Et in præsentī prodest, inquit, & in æternum cum Deo manet.

At hunc sensum arripiunt pro suo dogmate confirmando, qui mortuos sanctos ex hac uita ad cœlestem translato, pro uiuentibus nobis in cœlis ad Deum orare & intercedere haud secus affirmant, quàm si præsentēs hoc uiderint. Ecce, inquit, charitas sanctorum non terminatur hac præsentī uita, sed in futura quoque durat. At illa sic est comparata, ut oret pro miseris & afflictis. Fecerunt hoc sancti in præsentī uita ex charitate, faciunt igitur & in futura, quandoquidem adhuc eadem sunt charitate præditi. Nos uno uerbo respondemus. Charitas in se est eadem, uerum alij atque alij sunt illius effectus, iuxta uarietatem status & rerum, in quibus uersatur. Ipsa per se perennis est, uerum non sunt mox perennes omnes illius effectus. Conspectu miseriæ mouetur ad misericordiam, & si nequit ipsa succurrere, orat pro miseris ad dominum. Cibatur esurientes, potat sitientes, inuisit & consolatur infirmos accipiuos, hospitio accipit peregrinos, uestit nudos, flet cum flentibus, &c. Hæc facit in eo rerum statu constituta, in quo & aspectu miserorum permouetur ad compassionem, & pro facultate quam habet, talia præstare potest. Is status autem præsentis est uitæ, non futuræ. Quare fieri non potest, ut quæ facit in hac uita, faciat etiam in futura. Non dicit Apostolus: Opera charitatis non excidunt, sed: Charitas non excidit. Et spiritus noster non excidit. At opera illa quæ facit in carne constitutus, non est factururus extra carnem in cœlo. Paralogismus igitur est, quo isti tribuunt accidentibus, quod solius est subiecti. Charitas sanctorum perennis est, oratio & intercessio non ita. Sed hac de re annotarunt & alij, & nos in Commētarijs nostris super Matthæum



thæum capite sexto, nonnulla attigimus.

SIVE prophetiæ, inquit, abolebuntur, &c.] Quoniam alij charismata prophetiæ, linguarum, scientiæ, &c. plus quàm charitatem suspiciebant, alij propter illa insolecebant, rursus illa infra charitatem esse docet, idque facit per collationem, qua temporaria charismata & desinentia cōfert charitati perenni ac nunquam desinenti. Ideo cum dixisset: Charitas nunquam excidit, subiecit: Siue prophetiæ autem abolebuntur, siue linguæ cessabunt, siue scientia abolebitur. Quasi dicat. Siue prophetiæ uero, siue linguæ, siue scientia (per hæc autem charismata & alia eius generis intelligit) charitati conferantur, longè sunt inferiora. Nam haud, ut illa, indefinenter perdurant, sed abolebuntur, desinent & cessabunt.

Existimant nonnulli fratres, particulam hanc sic esse legendam. Charitas nunquam destituit, aut aberrat, etiamsi prophetiæ destituant. Vt sit sensus, etiamsi prophetiæ nos uel linguæ uel scientia destituant, charitas tamen tanquam fida comes & perpetua agendorum magistra, nunquam nos suo destituit moderamine. Verum, meo iudicio, quod in Græco est *ἡ ἀγάπη*, non est idem quod etiamsi, sed sonat, siue uero. Nec temere est aduersatiua *ἀντί*, id est, uero, uel autem, adiecta. Notam enim habet diuersi prædicati ab eo quod de charitate prædicatur. Deinde non dicit, destituant, cessent, sed in futuro, idque affirmando, abolebuntur, cessabunt, abolebit. Quemadmodum enim de charitate asserit, quod nunquam excidat, ita ex aduerso de prophetijs, linguis, & scientia affirmat, futurumque prædicit, ut aboleantur ac cessent.

Sanè iam olim charismata illa miraculosa prophetiæ, linguarum, curationum, &c. cessarunt in ecclesia, quia usus ac ratio illorum desijt, postquam Euangelium regni Dei prædicatum, confirmatum, ac receptum est in orbe. Verum de ea cessatione non loquitur Apostolus, sed de omnimoda illa quæ post hæc est uitam futura, sicuti patet in sequentibus. In hoc sæculo locum habet prophetia, donum linguarum, & scientia qualem hic peregrinationis nostræ status & conditio requirit, in futuro non ita.

SIVE linguæ, inquit.] Præbet hæc particula nonnullis occasionem curiosius de usu sermonis disputandi, qualis futurus nobis sit post hanc uitam in cœlis, an aliquis uel nullus, & si aliquis, an uariis sicut in hoc sæculo post diluuium. Vt unaquæque gens suam retineat linguam, & tamen omnes intelligentur ab omnibus. Vel idem, sicut in priori mûdo ante structuram turris Babel, & quo idiomate, Ebræo ne uel Græco, uel Latino, in honorem sanctæ Romanæ sedis, & sanctarum Missarum, quæ Latine leguntur, ac Psalmodiæ quæ & ipsa in catholica ecclesia Latina habetur, quo regnans in cœlis ecclesia

A militanti in terra conformetur. Curiosis istiusmodi quæstionibus occupantur homines ociosi. Qui pii sunt, magis curant ne cœlesti ac futura felicitate, per sanguinem Christi parta, male uiuendo priuentur, quàm quomodo cognoscant ea, quæ nec sacra scriptura prodit, nec ulla necessitate præscientiam sui requirunt.

SIVE scientia, inquit.] Non loquitur in uniuersum de omni scientia, sed de charismate scientiæ, quod initio regni Christi per spiritum sanctum credentibus miraculose dabatur, de quo supra, & capite præcedenti quoque mentionem fecit, deinde & de scientia, studio & auditu percepta loquitur, quæ & ipsa post hanc uitam abolebitur.

ABOLEBUNTUR, inquit, & cessabunt.] Quasi dicat. Quæ tum erit uestra iactantia & inflatio, quando sine charitate prorsus eritis uacui & inanes, charismatibus hisce destituti, de quibus iam tantopere gloriamini? Quid habebitis præcipui? Nec prophetias, nec linguas, nec scientiam hanc retinebitis, & charitatem, quæ sola perennis est, non habetis.

Admonemur, ne transitorijs bonis tantum incumbamus, neglectis perpetuis & æternis, ne in futuro sæculo, dum illis priuabimur, prorsus nudi & inanes depræhendamur. Præclaræ sunt aliquot artes & disciplinæ, splendide sunt opes, illustres sunt honores, suscipienda est prudentia, reuerenda potentia, &c. Verum hæc omnia cessabunt, & in hac uita terminantur, relinquentque possessores suos prorsus egenos & inanes, nisi ueris ac sempiternis bonis potiantur.

Ex parte enim cognoscimus, & ex parte prophetamus, &c.

Subijcit declarationem eius quod prophetias, linguas, & scientiam cessaturas esse dixit. Quoniam uarij sunt cessationis modi, ne quid hic erretur, uisum est declarare, quomodo charismata ista cessatura dixerit. Cessationis quatuor sunt modi. Cessant quæ ad tempus quiescunt, cessant quæ alterantur, cessant quæ annihilantur, cessant quæ complentur ac perficiuntur. Cessat operarius dum ab opere suo quiescit, cessat uinum dum in acetum alteratur, cessat ignis dum extinctus annihilatur, & fumus dum in aërem euanescit, cessat lux auroræ, dum exortu Solis completur ac perficitur. Cum ergo dicit: Ex parte nanque cognoscimus, & ex parte prophetamus, ast ubi uenerit quod perfectum est, tunc quod ex parte est, abolebitur, satis, opinor, patet, quod de quarto cessationis modo loquatur, quo imperfecta cessant, dum complentur ac perficiuntur. Tribuit autem charismatis istis imperfectionem, cum dicit: Ex parte enim cognoscimus, & ex parte prophetamus. Ex parte aliquid scire, est nō ex toto, sed imperfecte scire. Ex parte prophetare, est non plenam & absolutam, sed imperfectam futuro-

Cessatur  
quatuor  
modis.



rum tenere cognitionem. Hæc dicendo non A sic detrahit scientiæ fidelium, quam ex Deo habent in hac uita, ut damnet eam uanitatis uel incertitudinis. Non dicit, uanum est quod fecimus, neque, ex incerto est, quod scimus, sed, ex parte cognoscimus, & ex parte prophe-  
tamus. Aliud est esse imperfectum, & aliud esse uel incertum uel uanum. Imperfecta nostra, quæ per gratiam diuinæ prouidentiae secundum mensuram, non secundum plenitudinem accepimus, incerta & inania non sunt, sed uera ac certa bona ideoque non contemnenda, sed cum gratiarum actione pie & utiliter collocanda. Neque in hoc est Apostolus, ut doceat Corinthios, prophetias, linguas, & charisma scientiæ contemnere, dum tribuit illis imperfectionem, sed monet ne nimium illis tribuant, & sic illorum gratia alius aduersus alium inflentur, quasi in illis summam sint ueræ felicitatis adepti, atque ita contra charitatem quæ multo est potior, peccent.

Ast ubi uenerit quod perfectum est, tunc quod ex parte est, abolebitur.

Hic est modus, quo cessabit imperfecta fidelium scientia. Promittit perfectionem suo tempore uenturam, cum dicit: Ast ubi uenerit quod perfectum est. Significat in futuro sæculo fore perfectionem omnium eorum, quæ imperfecta tenemus in hac uita. Ideo quamuis de scientia loquatur in præsentem, non tamen dicit: Vbi uenerit perfecta scientia, tunc abolebitur quæ est ex parte, sed generaliter, ubi uenerit *τὸ τέλει*, id est, perfectum & absolutum, tunc quod ex parte est abolebitur. Non solum scientia nobis imperfecta est in hac uita, sed & ipsa dilectio, laus & gratiarum actio, gaudium in domino, gloria filiorum Dei, salus etiam tam spirituum quam corporum nostrorum, quæ omnia in futuro tandem complebuntur. Nondum sumus in statu perfectionis omnium, ad quem nobis inuicta est & irremissa patientia contendendum. Omnino nanque sic est comparatus dominus, qui nos cōdidit, & propter nos creauit omnia, ut quæ cœpit sub mensura, qua uoluit, & imperfecta adhuc per prouidentiam suam gubernat & conseruat, non relinquat imperfecta perpetuo, sed tempore ad id ab æterno constituto perfecta sit & absoluta redditurus.

T V NC, inquit, quod ex parte est, abolebitur.] Quod in Græco est, *τὸ τέλει*, *καὶ τὸ ἐν μέρει*, uerti poterat: Ast ubi uenerit esse perfectum, tunc abolebitur esse ex parte. Quemadmodum enim *τὸ τέλει* per uerbum *ἵστην* sic absoluitur, ut reddi possit, quod perfectum est, sic per infinitiuium *ἔσται* absolui potest, ut reddendum sit, perfectum esse, sicut & *τὸ ἐν μέρει*. Et præsens causa, de qua loquitur Apostolus, sic est comparata, ut legendum sit: Vbi uenerit esse perfectum, abolebitur esse ex parte. Non enim abolebuntur in se quæ habemus adhuc

imperfecta in Christo, sed implebuntur per statum perfectionis, abolebitur uero illorum imperfectio, dum ad perfectionem peruenerint. Quare cum dicit: Vbi uenerit perfectum, non debemus cogitare de alijs quibusdā perfectis bonis, quib⁹ in uniuersum destituamur in hac uita, simusque in futuro demum potituri, sed de illis ipsis, quæ per fidem in Christum in hac uita secundum mensuram donationis spiritus, alius plus, alius minus accepimus. Eadem dona spiritus hic sunt ex parte, illic erunt perfecta.

Cogitemus hic de singulari consilio Dei, quo cursum salutis nostræ sic disposuit, ut sit illius perfectio non principium, sed finem sortita, sitque nobis ab imperfectis ad perfecta ueniendum, non à perfectis ad imperfecta, deinde quod totam hanc nostram uitam, & uniuersum hunc mundum, in quo iam uiuimus, imperfectioni sic subiecit, ut impossibile sit ad perfectionem, siue iustitiæ, siue scientiæ, siue salutis, siue felicitatis peruenire, donec sumus in hac carne, priusquam tempus consummationis omnium uenerit.

Cum essem puer, ut puer loquebar, ut puer sentiebam, ut puer cogitabam: at ubi factus sum uir, aboleui puerilia.

Quod dixit: Ex parte enim cognoscimus, &c. Ast ubi uenerit esse perfectum, abolebitur esse ex parte, similitudine illustrat admodum accommodata & manifesta, de pueritia & uirili ætate sumpta. Comparat præsentem hanc uitam pueritiæ, futuram uero, ætati uirili. Habet quidē animi ac mentis dotes pueritia, sed imperfectas, & facultatem quoque loquendi, sed talem quæ magis sit garritus quidam, quam iustus sermo, cum propter sensus immaturos, tum propter linguæ nondum satis exercitæ balbutiem. Hæc imperfectio pueritiæ adhæret, donec per maturitatem uirilis ætatis aboleatur, qua & sensus & sermo perfectionē suā acquirant. Virilis enim ætas & sentit, ratiocinaturque perfectius, & loquitur dexterius, quæ pueritia. Plane sic habet conditio præsentis uitæ, ut quæ dono Dei cognoscimus, affectamus, loquimur & facimus, imperfecta sint omnia ac ueluti puerilia, nec perueniāt ad iustam maturitatem ac perfectionem antequā ad uirilem futuræ uitæ ætatem transferamur. Per hanc abolebitur sensuum, affectuum, sermonum & operum nostrorum pueritia. Sic dicit: Cum essem puer, uel, paruulus, Græcè *νήπιος*, ut puer loquebar, ut puer sentiebam, ut puer cogitabam, uel, ratiocinabar, Græcè *λογίζεμην*, at ubi factus sum uir, aboleui puerilia.

Proponitur ergo nobis & præsentis uitæ immaturitas, & futuræ perfectio, sub hac pueritiæ & uirilis ætatis imagine ueluti ob oculos spectanda & consideranda. Quid igitur superbimus opinione uel sapientiæ uel opum uel potentiæ inflati, cum adhuc pueriliter sapiamus,



piamus, pueriliter loquamur, puerilibus delectemur, & puerilia utcumque prestemus? Quis non rideat pueros, ineptias suas pro serijs habentes, seque multa scire ac posse iactantes? Et quid aliud facimus, dum opinione sapientiæ ac potentiæ inflamur? Quare qui aliquid sapientiæ ac scientiæ acceperunt, cogitent id adhuc esse puerile & imperfectum, & sectentur ea cum Apostolo, quæ nobis perfecta in cælo sunt præfixa.

Satis autem manifestum est in hoc simili, quomodo scientia diuinarum rerum, quam in hac uita acquirunt fideles, in futura sit abolenda. Quemadmodum uidelicet λογικόν illud quod habent pueri, in se non aboletur per uirilem ætatē, sed magis completur ac perfectius redditur, aboletur uero illius imperfectio, sic & ipsa scientia Dei in se manente abolebitur illius imperfectio, ubi perfectionis tempus aduenerit.

Illud obiter obseruet lector, quod tria hæc uerba, loqui, sentire, & cogitare, id est, ratiocinari, ordine præpostero ponuntur. Primum enim est ratiocinari, deinde sentire aliquid ac ueluti concludere, tertio quod sentias proloqui. Ergo cum dixisset: Cum essem puer, loquebar ut puer, subiicit, sentiebam ut puer, ratiocinabar ut puer. Quasi dicat. Ut puer loquebar, quia sentiebam ut puer, sentiebam ut puer, quia ratiocinabar ut puer. Secundum qualitatem enim ratiocinationis, siue puerilis, siue uirilis ac maturæ colligitur sensus, & secundum qualitatem sensus prodit ex ore sermo cogitationum nostrarum index. Cum itaque logicon illud quod est in mente hominis, unum cum ipsa ætate inde à puero ad uirilem usque maturitatem crescat, sit ut donec pueri sumus, pueriliter quoque cogitemus, sentiamus & loquamur. Unde uulgo dicimus, witz komt nitt vor den jahren. Quare puerilis illa & immaturior ætas instituenda est, fingenda & moderanda, ne incrementa λογικῆς pro naturæ nostræ corruptione à bono & honesto ad omnis generis uicia exorbitent, & tandem habitum maliciæ acquirant, in malo obdurentur, & nec disciplinam nec correctionem amplius ferant. Stulticia est in corde pueri, inquit Sapiens, uirga disciplinæ effugat illam. Videmus hodie mirabilem ac stupendum instituendæ iuuentutis neglectum, & incredibilem iuxta non dico stulticiam, sed maliciam & nequiciam inolescere, quæ ubi uires acceperit, mostra nobis omnis generis flagitiorum pariet, quibus domandis non sufficient nostri magistratus, sed requiretur exoticus gladius inde ex Oriente, qui iudicia domini in reprobis nationes exercent. Utinam quod Paulus hic dicit: Cum puer essem, loquebar ut puer, sentiebam ut puer, & cogitabam ut puer: at ubi factus sum uir, aboleui puerilia, locum hodie in pueris nostris pariter ac uiris habeat. Aliud est pueriliter, & aliud impie, maliciose ac flagitiose cogitare, sentire & loqui. Aliud item est in uirili ætate abolere puerilia,

A & aliud pueritiæ maliciam uirilis ætatis robore adhuc reddere auctiorē & confirmatorē.

Cernimus enim nunc per speculum in ænigmate, tunc autem facie ad faciem, nunc agnosco ex parte, tunc uero cognoscam quemadmodum & cognitus sum.

Similitudinem puerilis & uirilis scientiæ applicat ad causam de qua agit, idque hoc pacto: Cum puer essem, pueriliter loquebar, sentiebam & cogitabam, at ubi uir factus sum, aboleui puerilia, sic in causa pietatis & scientiæ Dei dum sumus in hac uita, pueriliter sentimus & cognoscimus, in futura ubi fuerimus, non amplius puerili, sed uirili, id est, matura & perfecta cognitione præditi erimus. Nunc enim, id est in præsentī sæculo, cernimus non palam & liquido, sed ueluti per speculum in ænigmate, tunc autem, id est in futuro, ubi perfectio uenerit, cernemus facie ad faciem.

CERNIMVS enim nunc, inquit.] Metaphoram uisus usurpat pro cognitione, quæ mentis est uisio. Non enim loquitur de uisu oculorum, sed de scientia & intelligentia rerum diuinarum, cum qua in præsentī uita utimur, tum qua potiemur in futura. Quæ de Deo, deque Christo filio eius, de gratia redemptionis, & tota salutis nostræ dispensatione sentimus ac credimus, licet imperfecte & ex parte, & in ænigmate, haud tamen imaginaria & incerta cogitatione opinamur, sed uera ac certa scientia cognoscimus, ut recte uerbum cernendi usurpatum hic sit & ad fidei nostræ certitudinem translatus.

CERNIMVS enim nunc per speculum inquit.] Cum duo sint speculorum genera in usu, quorum alterum pellucidum ideoque διὰ τὸν περ uocari posset, alterum uero haud διὰφανές est, sed sic comparatum, ut recipiat ac spectandas præbeat obiectorum imagines, posset hic amphibolum esse, de quo genere loquatur Apostolus, nisi non diceret: Cernimus enim nunc ἐν ὁπίπτῳ, id est, in speculo sicuti Iacobus loquitur, sed: Cernimus enim nunc διὰ ὁπίπτου, id est, per speculum. Quare puto eum loqui de priori speculorum genere, quo utuntur, qui infirma sunt oculorum acie, ideoque minutiora obiecta sine speculo cernere ac diiudicare non possunt. Quemadmodum illi per speculum uel remotiora, uel minutiora utcumque uident, ita nos præ imbecillitate mentis cœlestia & spiritualia haud possumus perspicue cernere, sed uti cogimur speculo uerbi Dei, per quod illa aliquo saltem usque uideamus.

Nolim tamen admodum contendere cum illis qui locum hunc de posteriori speculorum genere exponunt in quibus non res ipsæ sed imagines rerum conspiciuntur. Et hic alij per speculum creaturas à Deo conditas intelligunt, in quibus diuinæ sapientiæ ac potentiæ imagines spectari possunt, secundum ea quæ Apostolus Rom. i. scribit, alij uero similitudinem spe-



speculi referunt ad uerbū & sacramēta, quod in illis imagines diuinæ gratiæ, consilij ac propositi Dei salutisq; nostræ uelut in speculo cōtemplandæ proponantur.

Illud, in ænigmate, expositionis gratia adiectum esse uidetur, ut idem sit, quod in obscuro. Est enim ænigma quoddam, quicquid obscurius esse apparet, q̄ ut à quibuslibet perspicuo compræhendatur. Non est dictio hæc ænigmati præter mentem Apostoli diuexāda, neque ipsi doctrinæ uerbi Dei sed intellectus ac sensuum nostrorum imbecillitati tribuēda. Alias uerbum ueritatis non est ænigmatica caligo sed lux quædam, qua mentes electorum illuminantur, quantumuis obscurū uideatur illis qui pereant. Respectu tamē perfectæ cognitionis, quæ in futuro sæculo continget, dicit nos Apostolus in hac uita sic ex parte & imperfecte cognoscere, ut similes simus illis qui obscure & per speculum cernunt. Quod est obscurum primum rationi nostræ deinde & imbecillitati nostræ fidei, ænigmaticū esse uidetur, cum sit lux omnium clarissima. Quare non seruit hic locus aduersarijs sacrarū scripturarum, qui quo neminem non à lectione illarum absterreant, & simul iniquissimam tyrannidem pontificiorum defendāt, qua laicis illa, ut uocant Christi plebem, nō competere contenditur, improbe clamant scripturā esse ænigmaticam, teste Paulo, adeoq; obscuram, ut intelligi non possit, nisi ab illuminatis patribus & ecclesiæ doctōribus quibus, uolēte domino, in locis nostris, ubi de sacris scripturis dicemus, respondendum erit.

TVNC autem facie ad faciem.] Abutuntur hoc loco anthropomorphitæ, & nonnulli alij sensu magis carnali quàm spirituali de rebus cœlestibus ac Deo ipso iudicantes. Ecce, inquiunt, palam dicit Apostolus, uisuros nos Deum facie ad faciem, ubi tempus perfectionis aduenerit, in futuro uidelicet sæculo. Ergo faciem habet Deus ut homo, quæ uideri possit, inquiunt Anthropol: & uidebitur à nobis oculis hisce corporalibus, aiunt carnales. Verum Apostolus uerbo uidendi tam hic quàm in præcedenti membro in sensu cognoscendi usurpauit, qui nō est faciei, sed mentis. Vnde hic Deum uidemus, inde illum in futura quoque uita uidebimus, oculis uidelicet non corporis sed mentis.

Deinde, utcunque urgeant non dicit, tunc Deum facie ad faciem uidebimus, sed simpliciter de rebus spiritualib⁹ quas hic uelut per speculum cernimus, tunc, inquit, facie ad faciem cernemus.

Imo etiam si ad Deum referatur, inde tamē non potest colligi sic esse illum uisibilē, ut corporis oculis ne in futura quidē uita cerni possit. Alias ex eo quod Deut. quinto legimus, facie ad faciem loquutus est nobis in monte de medio ignis. Et Num. 12. ore ad os loquor ei, palam & non per ænigmata & figuras Deum uidet, consequeretur Deum non in futuro tā-

tum sed & in hoc præsentī sæculo uisibilē esse, & oculis corporis cerni posse, quod tamen Exodi 33. diserte ab ipso Deo negatur, ubi dicit: Non poteris uidere faciem meam. Non enim uidebit me homo & uiuet. Et Iohan. 1. Deum, inquit, nemo uidit unquam. Quare si nec Moses Deum uidit, & tamen facie ad faciem & ore ad os cum eo loquutus memoratur, quid aliud restat, quàm hac loquutione pleniorē ac perfectiorē cognitionem illius exprimi. Sed hac de re si cui lubet uideat Augustinum epistola 6.11.12. & in quæst. super Deut. lib. 5. cap. 9. Anthropologia est, quando facies Deo tribuitur in scripturis, qua humano more de illo fit sermo. Angeli eorū, inquit Christus, semper uidēt faciem patris mei qui in cœlis est. Matth. 18. quod dictum est ad similitudinem eorum ministrorum qui regi sunt proximi, & ante faciem illius præsto & ad ministrandum parati. Eiusmodi ministri unā cū amicis secretioribus solent stare ante faciē regis, sic scriptura tribuit angelis, & electis post hanc uitam, quod uideant uisurūq; sunt Deum facie ad faciem, quod nihil est aliud, q̄ quod sint illi futuri electi omnium coniunctissimi, & omnia propius quàm nunc cognituri.

NUNC cognosco, inquit, ex parte.] Metaphorico uidendi uerbo relicto resumit uerbū cognoscendi, unde admonemur, quod in præcedenti particula dixit: Cernimus nūc per speculū, idem esse quod cognoscimus nunc sub obscure. Haud dubie clarius ac penitus tunc uidebimus, quàm in hac iam mortali & imbecilli carne uideamus, uerū non loquitur Apostolus de uisu oculorum in præsentī, neq; eo quo uidebimus in futuro neq; eo quo nunc uidemus, sed de uisu mentis.

Nec ociosum est, quod in singulari de seipso dixit: Nunc cognosco ex parte, tunc uero cognoscam quemadmodū & cognitus sum. Quoniam enim in præcedentibus pluraliter dixit: Ex parte cognoscimus & ex parte prophetamus. Et. Cernimus nunc per speculum in ænigmate, ne hoc communiter quidem de alijs, non autem de se quoq; dicere uideatur, specialiter seipse quoq; in istam cognitionis imperfectionem perinde atq; alios includit. Non dicit: Cum iunior essem, aut, cū neophytus essem in Christo, cognoscebam ex parte, sed, nunc cognosco ex parte, loquens nō præcise de tempore quo hæc scribebat, sed de tota hac præsentī uita. Ergo nec apostoli plenitudinem scientiæ Dei consequuti sunt in hac uita, sed expectarunt illam in futuro demum sæculo apprehendendam.

Deinde, omnes quidem nunc ex parte cognoscimus, nec datur ulli mortalium scientiæ Dei perfectio, quæ in futura demum uita dabitur, sunt tamen diuersæ mensuræ, quibus in hac uita alij plus, alij minus cognitionis Dei tribuitur. Hic Apostolus qui dicit: Nunc cognosco ex parte, in cœlum raptus arcana Dei cognouit, quæ non licet homini loqui.



TVNC uero cognoscam, inquit, sicut & co- A  
gnitus sum.] Græcè est, ἐπιγνώσσομαι καθὼς καὶ ἐπι-  
γνώσθω. Quemadmodum auxesis erit in futura  
cognitione, ita & uerbo ἐπιγνώσσομαι auxesim ex-  
pressit. Est enim ἐπιγνώσις, ἢ μετὰ τὸν πρῶτον γνῶσιν ἢ  
πράγματι πάντως κατὰ δύναμιν κατανόσις. Cum i-  
gitur dixisset, ἄρτι γινώσκω ἐν μέρῳ, id est. Nunc co-  
gnosco ex parte, ut perfectius se in futuro co-  
gniturum, imò agniturum significaret non di-  
xit, τότε ἢ γνῶσω, sed, τότε ἢ ἐπιγνώσσομαι καθὼς καὶ ἐπιγνώ-  
σθω, id est, tunc amplius cognoscā, sicut & am-  
plius agnitus sum. Erit ergo cognitio futuri  
sæculi non simpliciter γνῶσις, sed ἐπιγνώσις, qua  
res antea in hac uita tenuiter & ex parte co-  
gnitas adhuc quidem agnoscemus in futuro,  
sed amplius & perfectius quàm nunc illas co-  
gnoscamus. Accidet nobis quod accidit regi-  
næ Saba, quæ cum coram omnem audisset Sa-  
lomonis sapientiam, uidissetq; domū quam  
ædificauerat, ac cibos mensæ eius, & habitacu-  
la seruorū, & ordines ministrantium, uestesq;  
eorum & pincernas, & holocausta quæ offere-  
bat in domo domini, nō habebat ultra spiritū  
ac dixit ad regem: Verus est sermo quem audi-  
ui in terra mea super sermonibus tuis & super  
sapientia tua, & non credebam narrantibus  
mihi, donec ipsa ueni & uidi oculis meis, &  
experimento cognoui, quod dimidia pars nū-  
ciata mihi non fuerit. Maior est sapientia & o-  
pera tua quàm sit rumor quem audiui, &c. Cō-  
simili modo nobis quoq; eueniet, ubi ad cœle-  
stis patriæ gloriam translati fuerimus. Quæ B  
nunc de illa audimus, & uix per speculum ac  
transennam uelut à longe uidētes obscure &  
ex parte cognoscimus, tūc adeo perspicue co-  
gnoscamus, ut non dimidiam tantum sed ne  
millesimam quidem eorum partem nunciata  
nobis non fuisse cognituri ac fassuri simus.

SICVT & cognitus sum, inquit.] Velle-  
ge, iuxta quod & agnitus sum. Sumus electi  
inde ab initio mundi. Vbi tempus uocationis  
uenit, agnoscit nos dominus, quos olim ele-  
git. Quemadmodum igitur nos plenius agno-  
scemus in futuro quæ iā cognoscimus ex par-  
te, ita iam agnoscit nos dominus, quos ante  
mundi constitutionem in peculium suum ele-  
git. Sic hoc quoq; loco, uerbo ἐπιγνώσθω admo-  
dum est pertinenter usus Apostolus. Inde ta-  
men non cōsequitur, ea nos perfectione agni-  
turos in cœlis & Deum & cœlestia omnia, qua  
ab illo in hac uita omnium agnoscimur perfe-  
ctissime. Perfectio ista cognitionis, quæ con-  
tinget nobis in futuro, si ad cognitionem con-  
ferat, qua nos Deus agnoscit in hac uita, prorsus  
est imperfectio, si uero conferatur ad eam  
qua nos illum & cœlestia cognoscimus dum  
peregrinamur in hoc sæculo, tum demum e-  
rit perfectio.

Magnæ fidei uerbum est, & magnæ quoq;  
cōsolationis, quod dicit, tunc agnoscam, sicut  
& agnitus sum. Dicit se non simpliciter cog-  
nitum esse Deo, sed agnitum. Cognoscit omnia  
Deus quæ in cœlo sunt & in terra, uerum non

agnoscit quoslibet pro suis, sed electos tantū.  
Inter hos se computat, cum se agnitum esse di-  
cit. Et hinc bona & certa cum fiducia colligit,  
fore ut & ipse agnoscat Deum suum & quæ  
obscure hic cognouit, multo propius ac ple-  
nius q̄ in hac uita. Agnitio ista, qua nos Deus  
pro suis agnoscit, prior est, & fundamentum  
salutis nostræ, nec impeditur imperfectione  
cognitionis nostræ, sed illam prouehit, donec  
in futuro perfectiorem reddat. Ne colligamus  
igitur ad hunc modum. Agnoscet nos Deus in  
futuro, quia priores agnouimus eum in præ-  
senti hac uita. Sed potius sic est colligendum.  
Agnoscit nos Deus pro suis in hoc sæculo, a-  
gnoscemus ergo eum in futuro, ubi se nobis  
ac gloriam cœlestem, ad quā nos uocauit, non  
in obscuro sed palam & clara luce manifesta-  
bit. Agnoscit hic nos ut saluet, illic se nobis a-  
gnosendum præbebit, ut glorificemur feli-  
cesq; simus in sempiternum.

Nunc autē manent fides, spes, chari-  
tas, tria hæc, sed maior in his est charitas.

Quod in Græco est μίνα, pluraliter legendū  
est ac referēdum ad τὰ τρία ταῦτα, id est tria hæc.  
Sic enim Græci neutris uocibus pluralis nu-  
meri, uerba singularia coniungunt. Nihil tamē  
refert etiam si in singulari legamus, manet, si-  
cuti Vallæ placet. Concludit hac particula cha-  
ritatis encomium, quo tribuit illi, quod non  
excidat, sicuti charismata, quorum zelo ac stu-  
dio inflabatur Corinthij, sed maneat etiam in  
futuro. Nunc, inquit. Id est, in hac uita. Neque  
enim alio sensu utitur hac uoce, quàm quo u-  
sus est illa iam secundo. Manent, inquit, fides,  
spes, charitas, tria hæc. Quid est, quod fidei ac  
spei mentionem facit, illasq; manere dicit, &  
non magis repetit de linguis, prophetia, & sci-  
entia, concludens. Nunc igitur cessabunt lin-  
guæ, prophetia, & scientia, charitas uero ma-  
net? quo pacto quæ hactenus dixit in speciem  
pertinenter conclusisset. Meo iudicio conclu-  
dit per occupationem. Poterat iam dictis obi-  
ci. Esto cessent linguæ & prophetiæ, & reliqua  
charismata maneatque charitas, an ideo præ-  
ferenda est hoc nomine charitas, quod nō ex-  
cidit? An non fides quoq; & spes manent, per-  
inde atq; charitas? Si charitas omnia credit &  
sperat ergo fides & spes cum illa manēt. Hu-  
iusmodi cogitationi respondens, primum cō-  
cedit manere fidem, spem, unā cum charitate,  
deinde concessioni huic annectit expositionē  
ac limitationem, quousque fides ac spes cum  
charitate maneant. Tertio concludens pronū-  
ciat pro charitate esse illam etiā fide ac spe præ-  
stantiorem. Sic dicit: Nunc autem manent fi-  
des, spes, charitas, tria hæc, maior uero in his  
est charitas. Apparet autem legēdum esse ad-  
hunc modum. Νυνὶ μὲν μίνα. Hoc est, Nunc qui-  
dem manent, &c. Nam aptissime sequitur ad-  
uersatiua uocula δέ, quæ hic non suo est loco  
posita. Concessio est in eo quod dicit: Manēt  
quidē fides, spes, charitas. Ex hac concessione  
diuinare



diuinare possumus, quid illi obijcere potuerint. Expositio est in uocula, Nunc, quæ omnino emphatice est posita. Quasi dicat. In hac quidem uita manent fides ac spes cum charitate, in futura uero nō ita. Conclusio in eo est quod subiūgit, maior uero in his est charitas. Quare maior? Propterea quod nunquam, neque in hac neque in futura uita excidit, quod de fide ac spe prædicari non potest. Hunc puto cōclusionis huius esse sensum, iudicēt fratres.

NUNC quidem manent fides, spes, charitas.] Admonemur præsens hoc tempus, quo uiuimus in carne, ac peregrinamur à domino, tempus esse fidei, spei, & dilectionis idq; communiter omnibus. Hæc tria omnis habent pietatis & ueræ iusticiæ fundamentum, non in Nouo tantum sed & in Veteri testamento. Siue his mortui sunt & inanes uniuersi ritus, omnes cæremoniæ, omnia sacramenta, quæ in uariationem dispensationis pro conditione sua cadere potuerunt, cum hæc ad finem usq; maneant eadem. Eadem inde ab initio fides est, eadem spes, eadem charitas, quemadmodum & idem est Deus, in quæ creditur & speratur, & idem spiritus, per quem charitas in corda electorum funditur. Loquitur autem non de fide miraculorum, cuius capite præcedenti mentionem facit, sed de fide iustificante, quæ utrāque habet adiunctam & spem & charitatem, & una prædicatur, sicut & spes, Eph. 4. fides miraculorum nec communis est electorū nec manet ad finem usq;, nec comites habet spem & charitatem.

De eo uero non est ut multis disputemus, an aliquid loci fidei ac spei futurū sit post hanc uitam. Si consideretur utriusq; cum præsentis sæculi tum futuri status, puto satis liquere, ubi quæ nunc credimus & speramus re ipsa implebuntur, ibi nullam fore adhuc amplius credendi ac sperandi rationem. Agricola dum arat in spe arat, speq; sustentatur ad id usq; temporis quo triticum colligit in horreū suum, ubi non est amplius ratio, ut messurum se speret, quod iam re ipsa habet in horreo. Consimili modo eueniet & nobis. Vbi eorum quæ iam credimus & speramus compotes euaserimus cessabit omnis fidei ac spei ratio. Tum quæ iā absentia sunt & futura, ideoque fide ac spe expectanda, præsentia nobis erunt, & re ipsa coram uidebuntur ac possidebuntur. Nec est ut in cœlesti patria nouas futurarum adhuc rerum promissiones fore putemus, quæ ulteriore sint fide credendæ & spe expectandæ. Nam ibi omnia perfectionem suam sortiētur nec reliquus erit mundus aliquis expectandus, in quem adhuc amplior humanæ felicitatis perfectio differatur.

SED maior, inquit, in his est charitas.] Non confert charitatem ad fidem ac spem per numeros omnes, sed hætenus tātum, quod illis cessantibus ipsa duratura est in sempiternum. Sic Chrysost. quoq; exponit dicens: *ἡ ἀγάπη; τῇ ἐκείνῃ διαβύνηται.* Hinc non consequitur,

quod nonnulli inferre conantur, non solam fidem iustificare, cum sit minor charitate, sed charitati hoc magis competere, tanquā maiori ac digniori. Minor est fides q̄ charitas nō uirtute & effectū sed conditione, qua terminatur in hoc sæculo. Quod iustificationem attinet, de illa nobis sentiendum est ac loquendū secundum scripturas, quæ fide nos non charitate iustificari docēt. Sed hac de re in locis nostris uideri poterit.

## CAPVT XIII.



**S**ectemini charitatem, æmulemini spiritualia, magis tamen ut prophetetis.

Abusum linguarū redarguit hoc capite, simulq; uerum illarū usum docet, iuxta tamen præfert illi prophetiæ utilitatem, & ad huius studium hortatur, ac rectum prophetandi ordinem præscribit. Adiungit in calce de mulieribus, competere illis ut non doceāt sed fileant in ecclesia, & huic suæ doctrinæ uindictat authoritatē diuini præcepti. Hæc fere summa est eorum quæ toto hoc capite tractantur.

SECTEMINI charitatem, inquit.] Orditur ab exhortatione, & simul transit imò redit à præcedenti charitatis præconio ad charismata linguarum & prophetiæ disponēda. Quod dicit: Sectemini charitatem, & præcedentibus seruit & sequentibus. Dixit, maior autē in his est charitas. Subiungit: Sectemini charitatem. Ad hoc enim elogia charitatis recensuit, illāq; omnibus charismatis prætulit, ut studiosius sectandam ac colendam esse admoneret.

Hoc sine laudantur & extollūtur uirtutes, ut cupidius illas amplectamur, eas præcipue, quæ cæteris præferūtur, quemadmodum aurū nobis in maiori est precio, propterea quod cæteris est metallis, argento quoq; præstantius. Utinam eo nobis loco esset charitas, quo est aurum.

Deinde, haud inconsulto particula hæc: Sectemini charitatem, præfixa est illis quæ præsentia sunt capite tractanda. Ad hanc enim collimantur omnia quæ de studio prophetandi præscribuntur, quatenus illa ædificat, hoc est, omnia dirigit ad ædificationem ecclesiæ. Varia quidem sunt studia & opera charitatis, uerum hoc omnium est potissimum, quod mentes fidelium ad ueram pietatem ac salutem studiosissime ædificat. Quare de illo tam diligenter tamque multis agitur hoc capite, sicuti uidebimus.

Obseruandum autem est, quod non simpliciter dicit: Diligite, uel, habere charitatem, sed *διώκετε τὴν ἀγάπην*, id est, Persequimini charitatē. Sunt autē duo persecutionis fines. Nam alia persequimur uel ira uel odio ad perdendum. Hinc *διώκετε* expellere, fugare, & insectari significat. Sic ad Paulū dicebat Christus: *σῶν, σῶν, τί μὴ*

Duo sunt  
persequi-  
tionis fines.  
Act. 9.



τίμη διώκει; Alia uero persequimur amore uel ad fruendum uel ad seruandum. Et hinc est, quod διώκειν aliquoties accipitur pro cupide expetere & affectare. Sic Rom. 14. dicit: τὰ ὅτι ἐ-  
 ρώης διώκωμεν. Et 1. Thess. 5. πάντοτε τὸ ἀγαθὸν διώκε-  
 τε. Et hoc loco, διώκετε τὸν ἀγαθόν. Hortatur ergo non simpliciter ad charitatem, sed ad ardens illius assequendæ & colendæ studium, quo pij faciunt ac ferunt omnia, quæ charitatis esse & ad illam fouendam retinendamq; inter fratres facere uidentur. Qui quod cupit persequitur, relictis cæteris rebus totus in eo assequendo occupatur, quod persequitur. Verum nos charitatem corruptissimo hoc nostro sæculo priore modo persequimur, ad extinguendum uidelicet, non ad retinendum & colendum. Quid enim aliud est odium illud intestinum, quod inter ecclesias & ecclesiæ ministros prorsus irreconciliabile obtinuit, quid aliud tam acerba fratrum insectationes, dilacerationes, conuicia, contentiones, proscriptiones, & carnificinæ, quàm grauissima quædam extinguendæ charitatis persequutio? qua prorsus ex omnium cordibus fugatur, ex ecclesia eliminat, & extinguitur, atq; ita impletur, quod Christus futurum esse dixit, ut refrigescat charitas multorum Matthæi 24.

SECTEMINI charitatem inquit.] Persequantur impij charitatem ad extinguendum, quantum illis permittitur, nos persequamur eam ad colendum. Debet autem hoc à nobis fieri bifariam.

Bifariam  
persequenda  
nobis  
est charitas.

Primum, diligendo fratres, & ea quæ charitatis sunt in illos exercendo. Charitatis autem sunt omnis generis beneficia, tam spiritualia quàm corporalia. Hæc exercentes, charitatis affectum in cordibus nostris alimus, prouehimus, magisq; ac magis confirmamus.

Deinde sic agere cum fratribus, ut prouocemus eos ad mutuam dilectionem, charitatemq; in cordibus ipsorum accendamus, quo impleatur in nobis præceptum illud Christi: quo mandat, ut nos inuicem diligamus. Hoc est omnino dilectionis ingenium, ut qui diligit uicissim diligi cupiat. Quare utroq; modo persequenda nobis est charitas, cum ut sincere diligamus fratres, tum ut ad mutuam illos dilectionem pro uiribus alliciamus.

ÆMULEMINI spiritualia inquit.] Per spiritualia intelligit charismata spiritus, quorum capite duodecimo mentionem fecit. Horum zelo, studio, & admiratione erant Corinthij usq; adeo accesi, ut illorum gratia charitatem negligerent imò contra illà haud modice peccarent. Hoc in illis correcturus, cum dixisset: Sectamini charitatem, ne uideretur eos à zelo charismatum prorsus auocare, per concessione subiicit, æmulamini, ἡλδτε, spiritualia. Quasi dicat. Non prohibeo studium spiritualium charismatum, dum ad charitatem persequendam exhortor, absit, agnosco enim illa esse dona spiritus, & si recte utamini uehementer utilia, quare æmulemini illa.

MAGIS tamen, inquit, ut prophetetis.] In Græco sic est, ἡλδτε ἢ τὰ πνευματικά, μᾶλλον ἢ ἵνα προφητεύετε. Hoc est, æmulamini autem spiritualia, magis autem ut prophetetis. Suspicio uoculæ sic esse bis positæ, ut prior sit idem quod μὲν, posterior uero sensum suum retineat legendumq; sit ad hunc modum. Æmulemini quidē spiritualia, magis uero ut prophetetis. Sic correctionem subiicit concessioni. Requirit discretionem in æmulatione donorum Dei, propterea quod alia alijs sunt potiora, ideoq; maiori studio æmulanda. Quare uero prophetiam præferat alijs, infra luculenter declarabit, ut non sit hic de ratione illius quærendum.

De quo genere prophetiæ autem loquatur, cum monet Corinthios, ut singulari studio ad prophetandum ferantur, & ipsum in sequentibus patebit. Προφητεύειν significat aliquando prædicere futura, nōnunquam quæuis occulta, & abstrusa proloqui. Nam præpositio πρὸ nō semper ante, sed & pro significat, ut προάγειν, id est, producere, προβαίνειν, progredi, & innumera alia. Proloqui autē est, ut inquit Varro, qd in animo habemus loquendo proferre. Sic prophetæ sunt interpretes diuinæ erga nos uoluntatis, siue scripturas sacras interpretentur, siue ex instinctu spiritus oracula Dei proferant ac de futuris prænuncient. Quare ubicunq; uerbum prophetandi occurrit, etiam atq; etiam uidendum est, in qua materia usurpetur, ne à proposito dicentis aberretur.

B Et hic uehementer stupeo, quo nā spiritu ferantur, qui se pro apostolis & orthodoxis uenditantes, sic Christi administrant ecclesias, imò ut uerius dicam, sic Christi dominantur ecclesijs, ut maximam partem zelo tribuant non charismatum spiritus, sed rituum ac sacrorum humanitus excogitatorum, minimam uero prophetiæ, quā Apostolus charismatis spiritus sic præponit, ut potissimam illi æmulationem deputer. Vnam missam præferunt omnibus prophetijs, cum unius horæ prophetia, germana ac legitima, omnibus sit missis ad ædificationem ecclesiæ utilior. Illi dicunt: Æmulemini spiritualia, magis tamen, ut missas uel celebretis uel audiat. Apostolus uero longe aliter ecclesiæ præscribens, & non quæstū sed ædificationē fidelium querens: Æmulemini, inquit, spiritualia, magis tñ ut prophetetis.

Nam qui loquitur lingua, non hominibus loquitur, sed Deo, nullus enim audit, spiritu uero loquitur mysteria. Cæterum qui prophetat, hominibus loquitur ædificationem, & exhortationem, & consolationem. Qui loquitur lingua, se ipsum ædificat, at qui prophetat, ecclesiam ædificat. Volo autem omnes uos loqui linguis, magis tamen ut prophetetis. Maior enim est qui prophetat, q̃ qui loquitur linguis, nisi interpretetur, ut ecclesia ædificationem accipiat.

προφητεύειν.



Tanta debebat esse Apostoli autoritas, ut sufficeret dixisse: *Emulamini spiritualia*, magis tamen ut prophetetis, uerum quoniam erant adhuc rudes Corinthij, adiicit sententiæ suæ declarandæ & confirmandæ certas & perspicuas rationes, unde intelligant quare potior sit prophetia, maioriq; studio æmulanda. Nam, inquit, qui loquitur lingua, non hominibus loquitur sed Deo. Dixerat in genere, *emulamini spiritualia*, magis tamen ut prophetetis. Quare subiiciendum uidetur. Nam qui æmulatur spiritualia, declarandumq; quomodo ille minoris momēti rem agat, q̄ si prophetiæ sit intentus, uerum quoniam propter studium ac zelum linguarum, quibus dediti erāt Corinthij spiritualia charismata in genere posuerat, mox mentē suam exprimit dicēs: Nam qui loquitur lingua, ac simul declarat, quatenus ille inferior sit eo qui prophetat. Quia in re perinde facit, ac si quis hodie repræhensus in papistis, quod certis diebus abstinent à carne, & non abstinent à peccatis, dicat. Ne æmulimini traditiones humanas, sed magis præcepta diuina. Nam qui à carne abstinet hominibus seruit non Deo, qui uero præcepta diuina custodit Deum ueneratur & colit.

Confert autem utrunq; inter se & linguis loquentem & prophetantem, ac declarat, quomodo utilior sit qui prophetat quàm qui loquitur linguis. Nam, inquit, qui loquitur lingua. Quid est quod discernit lingua loquentē ab eo qui prophetat? An non & ille loquitur lingua? Quis enim sic loquitur ut non lingua loquatur?

*Lingua loqui quid sit.*

Lingua loqui, hoc loco, est ex dono linguarum alio atq; alio idiomate uulgo incognito loqui. Quoniam charisma hoc ab eo tempore quo primum collatū fuit apostolis in die Pentecost. frequens & usitatum erat in ecclesia, obtinuit consuetudo, ut linguis loqui diceretur, qui alio atq; alio peregrino idiomate ex dono linguarum in cœtu fidelium loquebantur. Hanc puto Paulinæ huius loquutionis esse rationem, qua lingua loqui pro eo ponitur quod est peregrino idiomate ex charismate linguarum loqui.

NON hominibus, inquit, loquitur sed Deo.] Hæc est ratio propter quam loqui lingua minoris erat faciendum quàm prophetare, quod loquens lingua, Deo non hominibus, prophetans uero hominibus loquitur.

Sed dicet quisquam. Ergo ne pluris est loqui hominibus quàm Deo? An nō dignior est homine Deus? Respondeo. Vtriq; dignior. At hoc magis conuenit ut donis ipsius legitime, pro uoluntate ipsius, & ad finem debitum utamur. Charisma linguarum ad Euāgelij doctrinam in orbe inter uariarum linguarum Gentes propagandam dedit. Hæc erat illius ratio, hic scopus, hic usus & finis. Ergo abusus est sic loqui linguis, ut loquaris non hominibus sed Deo, cui nihil refert qua lingua loquaris. Dedit nobis panem, uinum, uestitum, & omnia

ad uitæ huius necessitatem pertinentia. Hæc autem non ideo dedit, ut inde quid à nobis accipiat, sed ut ad nostros illa & proximorū usus usurpemus. Quemadmodum igitur peruersa est eorum religio, qui dona huiusmodi Deo uel mortuis sanctis quibus nullo sunt usus offerunt, & interea fratrum necessitates negligunt, quibus succurrere debebāt: ita & Corinthiorum peruersa erat religio, imò inanis ostentatio, qua linguis peregrinis sic utebantur in ecclesia, ut non hominibus, quibus erāt destinatæ, sed Deo loquerentur, à quo nullo pacto requirebantur.

NVL LV S enim audit inquit.] Exponit utrunq; quod dixit, non hominibus loquitur, sed Deo. Quomodo nō loquitur hominibus, qui palam loquitur, aut orat, aut canit in ecclesia? Quoniam sic loquitur, inquit, ut nullus audiat. Hoc est, audiendo intelligat. Hoc enim demum uere est audire, audita intelligere. Audiebatur quidem linguis loquentium uoces, sed non intelligebantur. Et præterea sic animati sumus, ut ad sermones incognitæ lingue haud auscultemus. Vt quid enim frustra auscultemus ad ea quæ intelligere nō possumus? maxime in sermone, cuius usus sine intellectu prorsus est inanis? Ergo non loquitur hominibus, qui sic loquitur, ut nullus audiat.

*Audire quid sit.*

*Sermo non intellectus inanis est.*

Obserua tamen hic, quod non dicit: non enim omnes audiunt, sed, nullus enim audit. Potest fieri, ut Germanice inter Germanos sic loquaris, ut non audiaris ab omnibus, propter dialectorum uarietatem, utpote, si inferioris Germaniæ idiomate ad superioris populos loquaris. Hic etsi non ab omnibus, à plerisq; tamen audiri potes, ut haud omnino frustra loquaris. Verum si quis lingua prorsus aliena & populariter incognita loquatur in ecclesia, is quoniam audiri potest à nemine, nō loquitur hominibus sed Deo. Tale est, quod in ecclesijs Germanicis omnia Latino sermone loquuntur & canunt, qui sic alienus est à Germanico, ut nihil illius à Germanis tanquam Germanis possit intelligi. Et hoc faciunt homines Germani, & Germanice scientes melius quàm Latine. Verum hoc est Romanæ ecclesiæ institutum, quo Satan ex diametro doctrinæ huic Apostolicæ aduersari, & ecclesiarum Christi ædificationem impedire uoluit.

Deinde in eo quod Apostolus uerbo audiendi sic utitur, ut neget audiri quæ non intelliguntur, habent quod obseruent auditores Papistarum missarum, qui sibi ipsi nescio quid salutis ex eo pollicentur, si quotidie unam saltem missam audiant, quam tamen intelligere non possunt. Hos Apostolus audire negat. Dicunt. Audiuius missam. Si credendum est Apostolo, non audiunt quod non intelligunt, & quod studio & instituto Apostolicæ ecclesiæ sic dicitur, ut uulgo intelligi nequeat. Non enim loquuntur hominibus, sed Deo.

*Auditores missæ Papistice.*

SPIRITV uero loquitur mysteria inquit.] Exponit, quomodo Deo loquatur, qui lingua loqui-

*Deo loqui quid sit.*



loquitur. Trifariam fieri potest, ut Deo quis A loquatur.

Primo, quando pro Deo, & ea quæ Deum concernunt loquitur. Sic Deo loquitur, quæadmodum legatus suo regi. Hoc sensu non loquuntur Deo, qui nec missi sunt à Deo, nec hoc agunt, ut illi loquendo seruiant.

Deinde, quando ad Deum loquitur, sicuti solemus orantes & gratias agentes.

Tertio, quando sic loquitur ut non ab hominibus sed à Deo tantum intelligatur. Etiam si non hoc intendat, ut Deo loquatur, hætenus tamen Deo loquitur, quatenus ab illo solo intelligitur. Perinde est ac si quis Ebraicè uel Græcè uel Latinè loquatur in cœtu fidelium, in quo unus tantum sit, qui intelligat. Huic ille loqui recte dicitur, etiam si nesciat talem aliquem esse in concione. Huc pertinet & illud loquutionis genus, quo tacite submurmuramus, quæ ab alijs audiri nolumus. Sic loquentes nobis ipsis & Deo loqui dicimur. Hoc sensu infra dicit: Siue lingua quis loquitur fiat per binos, aut ad summum ternos, idque uicissim, & unus interpretetur. Quod si non sit interpretes, taceat in ecclesia, loquatur uero sibi ipsi & Deo. Et hoc posteriore sensu dictum apparet hoc loco, quod qui lingua loquitur Deo loquatur non hominibus. Hoc est, sic loquatur, ut non homines sed Deus tantum intelligat. Sic exponit etiam Ambrosius. Et hoc uidetur exponere cum dicit: Spiritu uero loquitur mysteria. Hoc est, loquitur illis qui non intelligunt, non manifesta & intelligibilia, sed mysteria, abscondita uidelicet & abstrusa, soli Deo cognita. Mysteria uocare solemus, quæ non intelligimus. Quod nos attinet, mysteria loquitur, qui idiomate nobis incognito loquitur, etiam si res ipsæ de quibus loquitur, satis in se sint intelligibiles, si uerbis intelligibilibus exprimerent. Sic puto intelligendum esse simpliciter quod dicit: Spiritu uero loquitur mysteria.

Exponitur autem hæc particula aliter atque aliter. Nam dictio spiritus sic indeterminate & obscure posita est, ut non liqueat certo quod sit referenda. Ponitur illa quinque in hac materia. Hic dicit eum qui lingua loquitur, spiritu loqui mysteria. Et infra. Nam si ore lingua, inquit, spiritus meus orat, at mens mea fructu uacat. Item. Orabo spiritu, orabo autem & mente. Canam spiritu sed canam & mente. Alioqui si benedixeris spiritu, is qui implet locum indocti, quomodo dicturus est amē ad tuam gratiarum actionem, quandoquidem quid dicas nescit? *Spiritus.* Per spiritum alij intelligunt ipsum charisma linguarum quod per spiritum dabatur creditibus. Sic Chrysostomus exponit: τὸ χάρισμα τὸ λαλῆναι καὶ μὴ τὸ πρὸς τὸν ἄλλον λαλῆναι. Et Ambrosius infra exponit de spiritu qui datur in baptismo. Lyranus quoque spiritus sanctus, inquit, loquitur mysteria, id est, sensus latentes per donum prophetiæ reuelando, & ideo tale donum sequitur edificatio ecclesiæ. Ideo subditur. Nam qui prophetat, &c. Hic particulam istam: Spiritu uero loquitur mysteria, auellit à præcedenti,

& refert ad sequentem, intelligens de spiritu non lingua tantum loquente sed & prophetante. Motus uidetur uulgata lectione, quæ sic habet. Spiritus autem loquitur mysteria. Nam qui prophetat hominibus loquitur ad ædificationem. Sentit mysteria loqui spiritum idē esse quod mysteria prophetando reuelare. Verum quoniam hæc lectio cum Græco textu non conuenit, neque hanc illius expositionem amplecti possumus.

2 Deinde, dictionem spiritus exponunt alij & hic & infra de halitu, flatu, ac sonitu uocis.

3 Tertio, sunt quibus spiritu loqui idem est quod in seipso loqui.

4 Quarto, nonnulli accipiunt uocem spiritus pro affectu.

5 Quinto, placet quibusdam, ut quoniam in datiuo est πνεύματι, exponatur de Deo, qui spiritus est, ut idem sit cum eo quod dixit: non hominibus loquitur sed Deo. Verum non uideo, quomodo hæc expositio stare possit in sequentibus.

In tanta uarietate quid sequendum putem, paucis commemorabo. Quoniam quæadmodum tota hac disputatione inter linguam & prophetiam ita & inter spiritum & mentem discernit, puto conueniens esse, ut spiritu loqui, spiritu orare, spiritu canere, & spiritu gratias agere, idē esse sentiamus quod lingua loqui, lingua orare, canere, & gratias agere. Etenim eodem sensu dicere potuisset: Lingua uero loquitur mysteria. Et. Nam si ore lingua, lingua mea orat, at mens mea fructu uacat. Orabo lingua, orabo autem & mente. Canam lingua, sed canam & mente. Alioqui si benedixeris lingua, is qui implet locum indocti, quomodo dicturus est amen, ad tuam gratiarum actionem, quandoquidem quid dicas nescit? Hierony. dicit: Iterum linguam significat. Sed dices. Quomodo spiritus pro lingua potest accipi? Respondeo. Quemadmodum charisma illud linguarum, lingua ab Apostolo uocatur, ita hic afflatus ille numinis, unde plerique fideles alijs atque alijs linguis loquebantur, recte spiritus uocatur. Sic in scripturis sæpenumero uox πνεύμα, & πνεύμα, & spiritus, pro afflatu numinis ponitur. Nec impedit hunc sensum, quod Apostolus dicit: Nam si orem lingua, spiritus meus orat. Vocat afflatum hunc numinis suum spiritum quod esset sibi datus à Deo. Quod si quis contendat uocem spiritus omnino accipiendam esse de spiritu hominis, de quo alibi dicit: Cui serui in spiritu meo, existimo tamen ne sic quidem excludendum esse in hac causa afflatum numinis, ut spiritus linguis loquens, linguis orans, canens, & gratias agens sit spiritus hominis afflatu numinis ad hoc percitus, ut alienis linguis loquatur. Etenim unde aliàs esset spiritui hominis facultas linguarum quas nunquam didicisset?

CAETERVM qui prophetat, hominibus, inquit, loquitur edificatorem, & exhortatorem, & consolationem. Quoniam confert inter se lingua loquentem & prophetantem, postquam



illius inutilitatem perstrinxit, iam de utilitate prophetantis subiugit, quo doceat, quare prestantius sit prophetare, quam linguis loqui. Qui lingua loquitur, inquit, inutilis est hominibus. Nō enim illis sed Deo loquitur. At qui prophetat utiliter loquitur. Loquitur enim hominibus. Hoc est: Sic loquitur ad homines, ut possit ab illis intelligi.

Satis ne utilitatis, inquires, in eo est, si loquēte intelligamus, ut nō referat qd dicat? Refert admodū. Nam possent ea dici in ecclesia, quæ præstaret non intelligere prorsus, qualia sunt seductorum nugamenta, monachorum somnia, ad superstitionem & idololatriam, deinde ad quæstum quoq; facientia, quæ Apostolus Petrus ficta uerba uocat quibus impostores in ecclesia negociantur, deinde & traditiones humanæ ac mandata hominum, quibus conscientia imperitæ multitudinis in subiectionem dominij Antichristi manciantur & excruciantur. Quæ huiusmodi sunt, utiliter nō intelligerentur. At ea sic sunt prædicata in ecclesijs, ut conciones publicæ fere nihil sonarint aliud. Quæ uero utiliter audiri & intelligi poterant, aut alto sunt silentio pressa, aut lingua incognita sic in canticum uersa, ut intelligi nequiverint.

Haud itaq; contentus Apostolus dixisse: Qui uero prophetat, loquitur hominibus, mox subiicit qua utilitate loquatur hominibus, qd uidelicet doctrinæ genus proponat ecclesiæ. Hominibus, inquit, loquitur ædificationem, exhortationem, & consolationem. Hoc est, ea loquitur hominibus, quæ ad ædificationem, exhortationem, & consolationem facere possunt, & sic illa loquitur, ut intelligi, intellectaque mentes audientium ædificare, exhortari, & consolari queant.

Hac autem sententia satis, opinor, declarat, de quo nam prophetiæ genere loquatur. De eo uidelicet, quo docetur & instruit ecclesia. Nō dicit: Qui prophetat, quæ futura sunt prænunciat. Haud enim de uaticinijs hic loquitur, sed: Qui prophetat, inquit, loquitur hominibus ædificationem, exhortationem, & consolationem. At hoc faciunt ecclesiæ doctores, qui uerbo doctrinæ, exhortationis, & consolationis populum domini ædificant. Sunt ergo prophetae, qui docent in ecclesia, pluris faciendi quam si per miraculum linguis caneant & orarent. Obserua uero prophetici huius numeris breuem & luculentam descriptionem. Qui prophetat, inquit, hominibus loquitur ædificationem, exhortationem & consolationem. Ergo partes ecclesiastici prophetæ sunt ædificare, exhortari, & consolari.

Ædificatio metaphorica dictio est, pro doctrina posita. Qui docet ignorantes ac rudes ædificat illos ad structuram domus domini. Huc pertinent omnia quæ fidem ac pietatem in cordibus electorum plantandā concernūt, quibus super fundamentū quod Christus est, in templū Dei tanq̃ uiui lapides construimur. Sed de hac ædificatione suprā cap. 3. facta est

mentio. 2 Secunda pars est exhortatio, Græcè *παρακλῆσις*. Hac propheta iam credentes ac religionem Christi profitentes ut in fide ac uera pietate constanter pergant sedulo exhortatur ac ueluti ex nomine in clamat, quemadmodum in clamarī solent, qui in itinere constituti uel exorbitāt uel tardius promouēt. Pars hæc prophetiæ summopere est omnibus illis necessaria, qui ueritatem Christi & omnem pietatem cognouerunt quidem, uerum studio & conuersatione uitæ non ita exprimunt, sicuti conueniebat. Hac parte diligenter functus est Apostolus, qui cum esset Ephesi per triennium noctes ac dies nō cessauit cum lachrymis unūquēq; fidelium monere & exhortari Act. 20.

Tertia pars est consolatio. Græcè *παραμυθία*. Est autem *παραμυθία* amanter alloqui laborantes, afflictos, tristes, quales sunt pauperes, desolati, captiui, angustati, præsertim ppter Christum, illisq; talia proponere, unde consolationem accipiant, & in spiritu patientiæ confirmetur. Pertinet studium hoc *παραμυθία* ad omnes quidem Christianos, præsertim uero ad prophetas uerbi Dei ministros. Collectus populus Christi habet ignorantes, habet desides ac pigros, habet afflictos. Datur ergo ecclesiæ donum prophetiæ, quo doceatur ignorantes, admoneatur desides, & consolationem accipiant afflicti. Quid quæso censenda est lingua peregrina & incognita prophetiæ tam multis modis utili collata?

QVI loquitur lingua, inquit, seipsum ædificat, at qui prophetat, ecclesiam ædificat. Dixit loquētem lingua nō hominibus loqui sed Deo, propterea quod nemo sit qui loquētem intelligenter audiat. Eandem ob causam dicit illum ædificare seipsum. Hoc est, solum ipsum intelligere quæ dicat, ideoq; solum per ea ædificare seipsum, non ecclesiā, si tamē dicat, quæ aliquid ædificationis habeant. Non habet hæc particula locum in illis qui ne ipsi quidem intelligunt, quæ Latina lingua orant & canunt, quales sunt indocti sacrificuli, monachi, & nōne, quorum maxima multitudo, propter eiusmodi cantus & precum murmura ociosa & ignaua conuiuentibus episcopis, ne obulo quidem melioribus, alitur in ecclesia.

AT qui prophetat, inquit, ecclesiā ædificat. Ille neminem nisi seipsum, at hic nō modo seipsum sed & alios ædificat. Et huc prouocat Timotheum suum dicens: Dum uenio attende lectioni, exhortationi & doctrinæ. Noli negligere gratiam quæ in te est, quæ data est tibi per prophetiam cum impositione manuum presbyterij. Hæc meditare, & in his esto, ut profectus tuus manifestus sit in omnibus. Attende tibi ipsi & doctrinæ. Nam id si feceris, teipsum seruabis, & eos qui te audierint. Itaq; quanto est melius sic ædificare seipsum ut & alij ædificentur, tātō melius est prophetare q̃ lingua loqui.

Obserua uero, quod nou simpliciter dicit: At qui prophetat, ædificat alios, sed, ædificat ecclesiam. Loquitur autem non de alia q̃ Christi, adeoq; uera ecclesia. Est itaq; prophetia da

Vide Chrysost. in opere imperfecto Matthæi 7.

Prophetici muneris descriptio.

Ædificatio.

Exhortatio.

Consolatio.

1. Tim. 4.

ta a



Conditio  
ecclesie.

Vnde fit  
ruina ec-  
clesie.

ta à domino ad ædificationem ecclesiæ.

Consequitur hanc esse conditionem ecclesiæ, donec in terris uersatur, ut opus habeat ministerio uerbi, quo ædificetur, quo non haberet opus, si perfectionem pietatis & iusticiæ hic in terris semel esset consequuta. Consequitur item, hinc potissimum esse uastationem ac desolationem ecclesiæ, quod ædificatores illius opus hoc domini partim omiserunt, partim uiciarunt. Replerunt omnia templa missis & cantionibus ecclesiæ incognitis, ritibus humanis, splendore auri & argenti, & eidolis surdis ac mutis, ac quæstu inexplibili, de doctrina uero, unde erat ædificanda ecclesia, alibi prorsus nulla, alibi omnium minima est cogitatio.

Volo autem omnes uos, inquit, loqui linguis, magis tamē ut prophetetis. Quemadmodum supra mox initio capitis, priusq̃ elogia prophetiæ supra donum linguarum extolleret, cauens ne ad illius contemptum hæc loqui uideatur, dixit, æmulamini quidem spiritualia, magis tamen ut prophetetis, ita iam secundo eiusdē cautionis gratia postq̃ prophetiam linguis prætulit, subiicit dicens: Volo autem omnes uos loqui linguis, magis tamē ut prophetetis. Conuenit autem ut quoniā uocula & ingeminatur, perinde atq; supra in particula simili admonuimus, prior accipiat pro uerbo, id est, quidem, ac legatur. Volo quidē omnes uos loq̃ linguis, magis uero ut pphetetis.

Vide autem quomodo loquatur. Non dicit simpliciter: Non ueto loqui linguis, aut, concedo quidem loqui linguis, sed ut donum illud linguarum nō modo ferre se in ecclesia sed & magnificare ac diligere significet, uolo inquit uos loqui linguis. Imō. Volo omnes uos loqui linguis inquit. Quasi dicat. Non ideo extollo prophetiæ utilitatem supra linguas, ut nolim uos loqui linguis. Absit. Tam abest, ut cuipiā ex uobis author esse uelim, ne posthac linguis loquatur, ut uelim potius nō unum & alterū sed omnes uos loqui linguis. Et hic, ne à scopo discedat, adiicit, quatenus hoc uelit. Hactenus uidelicet, ut & prophetet. Et ut hoc se malle significet, non simpliciter dicit, sic tamen, sed, magis tamen, intellige, uolo, ut prophetetis. Sic cauet, ne uideatur illos auocare à dono linguarum, & tamen simul prophetiam constanter supra linguas extollit.

Quæsierit quisq̃, qua nam de causa uoluerit Apollolus omnes tum temporis fideles in ecclesia Corinthiorum loqui linguis, cum Deo loquantur non hominibus qui linguis loquuntur, nihilq; ex eo ædificationis ad ecclesiā proueniat. Neq; enim existimandum est, quod simulando & non ueraciter dicat: Volo quidē omnes uos loqui linguis. Respondeo. Primum, erat donum linguarū, non humano studio & exercitio acquisitum sed insigni cū miraculo per spiritum Christi credentibus concessum, atq; ita arguebat rem eam geri diuinitus, doctrinamq; ac fidem Christi plurimū cōfirmabat in cordibus Gentium. Deinde, etsi ecclesiam non ædificabant linguis loquētes, sei-

A plos tamen ædificabant. Tertio, quoniam tantum inter eos erat æmulationis propter donū hoc linguarum, ut qui linguis loquebatur aduersum non loquētes inflarentur, ac uicissim non loquentes uel liuore quodam aduersum loquentes afficerentur, uel præpostera illos admiratione & nimia existimatione ceteris præferrent, hac quoq; ratione optabat, ut non aliqui tantum ex illis sed omnes linguis loquerentur. Nam tum nulla fuisset reliqua uel inflationis, uel liuoris, uel nimie admirationis & existimationis occasio. Hisce de causis dicit: Volo quidem omnes uos loqui linguis, & simul significat, usq; adeo se nō inuidere cuipiā illorum donum hoc linguarum, ut malit omnes q̃ nullos loqui linguis. Simile quid & Moysi accidisse, Num. 11. legimus ad hūc modum. Num. 11. Descēditq; dominus per nubem & loquutus est ad eum, auferens de spiritu, qui erat in Moysi, & dās septuaginta uiris. Cumq; requieuisset in eis spiritus, prophetauerūt, nec ultra cessauerunt. Remanserant autem in castris duo uiri, quorum unus uocabatur Eldad, & alter Medad, super quos requieuit spiritus, nam & ipsi descripti fuerant, & non exierant ad tabernaculum. Cumq; prophetarent in castris, cucurrit puer, & nunciauit Moysi dicens: Eldad & Medad prophetant in castris. Statim Iosue filius Nū, minister Moysi electus ē pluribus ait: Domine mi Moyses prohibe eos. At ille: quid, inquit, æmularis pro me? Quis tribuat, ut omnis populus pphetet, ac det eis dominus suū spiritum? Hæc dicens, tam abesse significat, ut cuipiam ē populo donū spiritus inuideat, prohibereq; uelit, ne prophetet in illo quisq̃, ut optet ex animo hoc dari populo, ut omnes spiritu domini accepto prophetent.

B MAGIS tamen ut prophetetis, inquit. Ergo uolebat ut omnes pphetarēt. Dixit enim: Volo uos omnes linguis loqui. Quare quod annectit dicens, magis tamen ut prophetetis, accipiendum est secundum sensum præcedentis uerbi uolo, ut legas, magis tamen uolo ut omnes prophetetis. Mira uidetur confusio, si omnes in ecclesia prophetent. Verum ea de re infra uidebimus, ubi dicturus est: Potestis singulatim omnes prophetare.

MAIOR enim est, inquit, qui prophetat, q̃ qui loquitur linguis, nisi interpreteretur, ut ecclesia ædificationem accipiat. Habet ista rationem eius quod dixit: magis tamen ut prophetetis. Quasi dicat. Quod malo ut prophetetis omnes, in causa est, quod qui prophetat maior est, q̃ qui linguis loquitur. Non adiicit rationem, quare dixerit: Volo quidē uos omnes loqui linguis. Neq; enim hic illi aliquid rationis requirebāt, quod alioqui plus satis magnifice de dono linguarum sentirent, de prophetia uero non ita. Quare cum mirum illis uideretur, quare prophetiam linguis præferret, malletq; omnes prophetare q̃ linguis loqui, cum ipsis diuersum uideretur, rationem hanc sententiæ suæ adiicit dicens: Maior enim est qui prophetat q̃ qui linguis loquitur. Sentie-



bant ipsi, maiorem esse qui linguis incognitis loqueretur, q̄ qui uulgari idiomate propheteret, id est, doceret, exhortaretur, & consolaretur. Et sane in linguis plus apparebat diuinæ operationis, & plus accedebat admirationis, q̄ in prophetia, at reuera plus est utilitatis in prophetia q̄ in linguis, id quod ipsi prope stupore linguarū fascinati non obseruabāt. Quare cum utilitatem prophetiæ ampliorem q̄ sit linguarum, exposuisset, subiicit uelut inde colligens ac dicens: Maior enim est qui prophetat, quàm qui linguis loquitur.

*Quis maior in ecclesia.*

Obseruemus hūc locum de maioritate, ut loquuntur, in ecclesia. Disceptarūt inter se discipuli Christi studio carnis non spiritus, quis inter ipsos futurus esset maior. Audierūt à domino, qui maior inter uos est, sit omnium seruus. Hoc est, sit talis, qui non sibi uiuat, sed seruiat ac profit omnibus. Eodem spiritu Apostolus Corinthios inflatos & maioritatis appetētes reuocat ad studiū prophetiæ, pronuntiās maiorē esse eum in ecclesia qui prophetat, hoc est, omnes ædificat, docet, exhortatur & consolatur. Audite ergo Romani pontifices, qui pro maioritate cœlum ac terram misceris, maiorem esse uobis qui prophetat, etiamsi aliās infimus aliquis fraterculus esse uideatur. In ecclesia siquidem maioritas ex utilitate est ædificandæ ecclesiæ censenda, ut maior sit qui utilior. Sic maior Hiero. Damaso. Et maior Augustinus omnibus Romanis eidolis, & qui minor est inter eos doctores, quos uos hæreseos dānatis, maior est omnib⁹ Romanis cardinalibus, episcopis ac prælatis monachis ac Nōnis.

NISI interpretetur, inquit, ut ecclesia ædificationē accipiat. Exceptio est. Excipit eū qui sic lingua loquitur, ut simul ea quæ loquitur, uulgari idiomate interpretetur, & ecclesiæ intelligenda proponat. Non simpliciter dicit: Nisi interpretetur, sed addit, ut ecclesia ædificationē accipiat. Ad hunc finem astringit quæ gerūtur in ecclesia omnia. Non probat sic loquentem & interpretantem in ecclesia, ut nihil ædificationis proueniat ad ecclesiam. At eum qui ad ædificationem interpretatur haud postponit sed adæquat prophetanti, propter æquale ædificandæ ecclesiæ studium. Magna sane est interpretis utilitas. Licet ille de suo nihil adferat in medium, aperit tamen doctrinā sub lingua incognita propositā, redditq; illā intelligibilem & utilē. Quod perinde est ac si quis thesaurum in arcula ferrea clausum adhibita clauereferat, illiusq; copiam quibuslibet faciat.

Nunc autē fratres si ueniā ad uos linguis loquēs, quid uobis prodero; nisi uobis loquar aut per reuelationē, aut per scientiā, aut per prophetiā, aut p doctrinā?

Nullam esse utilitatem ecclesiæ per eum qui linguis loquitur, ex eo quidē satis admoneri poterant, quod lingua loquentē Deo non hominibus loqui, nec à quopiam audiri dixit, uerum quo illud penitus inculcet, expresse nihil hinc utilitatis ad ipsos uenire dicit, idq; nō

A simpliciter, sed sub suo ipsius exemplo.

NUNC autē fratres, inquit, si ueniam ad uos linguis loquens, quid uobis prodero? Venerāt ad eos quidam alijs atq; alijs linguis in ecclesia loquentes. Et hos admirabantur sine ullo profectu. Inutilē illorum aduentū perstringere uolēs, non dicit: Nunc autem fratres qui ad uos uenerunt linguis loquētes, quid uobis proderunt? ne mox animos fascinatorū auertat, ac suspicionē illis moueat, quod odio magis doctorum quos habebant, q̄ recto iudicio causam hanc tractet. Ideo suam ipsius personā inducit, quo minus offendat, dicens: Nunc autem fratres, si ueniam ad uos linguis loquens, quid uobis prodero? Nec dicit, nihil uobis prodero, sed ipsorum iudicium poscens, quid uobis prodero inquit? Quasi dicat. Iudicate uos ipsi, num aliquid utilitatis ex eo poterit ad uos redire. Poterat dicere. Cum uenirem primum ad uos, si linguis loquēs uenissem, quid uobis profuissem? Verum ne cogitarent, at hi doctores nostri linguis inter nos iam Christianos factos non adhuc ethnicos loquūtur. Aliud est si quis hominibus nondū credētib⁹ linguis loquatur, & aliud si hoc faciat in ecclesia iam credentium. Cum illi ad nos uenirēt iam Christiani eramus. Cum Paulus primum ad nos ueniret gentes eramus, nihil de Christo sciētes. Quare non conueniebat ut linguis inter nos loqueretur. At secus est, si quis iam in ecclesia nostra linguis loquatur. Ne sic inq; cogitarēt, non dicit: Si primum ad uos uenissem, sed: Si ueniam ad uos linguis loquēs, quid uobis prodero? Ergo nō minus inutile est linguis loqui ac canere in ecclesia credendum, q̄ est, si quis hoc faciat inter eos qui ueritatem nōdum cognouerūt, nec Christo dū nomina sua dederūt.

SI ueniam ad uos, inquit, linguis loquens, quid uobis prodero? Ergo requiritur à ministro, qui uenit ad ecclesiam ut ueniat utiliter, cū fructu, quo profit illis ad quos uenit. Alioqui quorsum urisset hoc Apostolus dicens, quid uobis prodero? At hodie non ueniūt ad episcopatus, ad paræcias, ad canonicatus, ad platuras, ut p sint ecclesiæ, sed ueniūt tanq̄ ad dignitates & beneficia, quo profint sibi ipsis, hoc est, quo perdāt & seipsos & ecclesiā. Vtinam dicat hodie quisq; sacrificulus: Si ueniam ad uos missas celebrans, & nescio quas horas decantās, uel submurmurans, quid uobis prodero? Meo quidem uentri plurimum, salutis uero uestræ nihil.

NISI uobis loquar inquit. Hoc est, nisi ad utilitatē uestram lingua uobis intelligibili loquar. Suprà dixit: Qui lingua loquitur, nō hominibus loquitur sed Deo. Qui prophetat uero hominibus loquitur. Eo respicit cum hic dicit: nisi uobis loquar, quod idē est, ac si dicat, nisi prophetem. Quare quemadmodum illic, qui prophetat, inquit, hominibus loquitur ad ædificationem, exhortationem & consolationem, ita hic quoq; cum dixisset, nisi uobis loquar, addit, aut per reuelationem, aut per scientiam, aut per prophetiam, aut per doctrinam.



Gemina est  
reuelatio.

AVT per reuelationē, inquit.] Gemina est reuelatio, quæ per spiritum Christi contingit, generalis una, specialis altera. Generalis est, qua mysteriū Christi filij Dei, unici nostri Seruatoris omnibus electis ac credentibus reuelatur. Sic Petrus cum dixisset: Tu es Christus filius Dei uiui, audiuit ab ipso domino: Beatus es Simon Barionah, quia caro & sanguis non reuelauit tibi, sed pater meus, qui est in cœlis. Et alibi dixit, abscondi hæc à sapientibus ac prudentibus, & reuelari paruulis, nec cognosci patrem ac filium, nisi per reuelationem. Specialis uero est, qua res uariæ, & singulæ mysteria siue per uisionem, siue per instinctum spiritus aut in præsens aut in futurum respicientia reuelantur. Nec referre admodū puto, utram hic intelligamus. Nam utraq; ad edificationē facit, & usus est Apostolus utraq;.

AVT per scientiam, inquit.] Suprà cap. 12. scientiæ meminit, ubi illam pro uariarum rerum spiritualium cognitione accipiendam esse diximus.

AVT per prophetiam, inquit.] Intelligo de ea qua res futuræ prædicuntur. Ea de qua dixit hætenus, generalis est qua ministri uerbi ecclesiæ siue per reuelationem, siue per scientiam, siue per prophetiam, id est, uaticiniū, siue per doctrinam loquuntur.

AVT per doctrinam, inquit.] Qui per reuelationem, aut per scientiam, aut per prophetiam loquitur, seruit fidei nostræ & intelligentiæ rerum siue secretarum siue futurarū in nobis formandæ. Qui uero per doctrinam loquitur, seruit uitæ nostræ componendæ, & moribus fingendis. Hætenus puto uocem hanc *δογματικὴν* hoc loco, à generali doctrina, qua omnia quæ ex uerbo domini docentur, cōprehendimus, haud incommode separari. Hiero. quoq; sic sensit. Exposuit enim hac paraphrasi: Nisi uobis aut interpreter, aut plana faciam legis occulta quæ noui, aut prophetias exponam, aut uos moralibus doceam institutis.

Scio Ambrosium ista non diuidere, sed pro eodem accipere. Dicit enim: Hæc omnia unū significant. Docere enim nemo poterit nisi intelligatur. Sane nō possunt esse reuelatio, scientia, prophetia, & doctrina, nisi intelligantur. Quare loqui per reuelationem, per scientiam, per prophetiam, perq; doctrinam, omnino est intelligenter loqui. Et sic exposuit Chrysost. *ὁ δὲ λέγει τοῦτο ὅτι. Εὰν μὴτι ἴπω δύναμιν οὐ μὴν ὑλησίν, ὡς λέγει καὶ δύναμιν εἶναι σαφές.* Interea tamen nihil uetat, quo minus commoda & pertinenti diuisione inter ista distinguamus, ac singulis suum sensum tribuamus. Quemadmodum enim suprà cum dixit: Qui prophetat hominibus loquitur ad edificationem, ad exhortationem, & ad consolationem, utilitatem generalis prophetiæ expressit, ita hic illius ueluti partes quasdam & organa, uel, si mauis, fontes posuit. Aliud enim est per quid, & aliud ad quid propheta loquitur in ecclesia.

Quin & inanima uocem reddentia,

siue tibia, siue cithara, nisi distinctionem sonis dederint, quomodo cognoscetur quod tibia canitur aut cithara? Etenim si incertam uocem tuba dederit, quis apparetur ad bellum? Sic & uos nisi per linguam significantem sermonem dederitis, quomodo intelligetur quod dicitur? Eritis enim in aëra loquentes. Tam multa, uerbi gratia, genera uocū sunt in mundo, & nihil horum mutū. Itaq; si nesciero uim uocis, ero ei qui loquitur barbarus, & qui loquitur, apud me barbarus.

Ex abundanti adhuc clarius stultitiam Corinthiorum perstringit, qua tantopere linguis incognitis studebant. Dixit inutilem fore suū ad ipsos aduentum, si ueniens ad ipsos non prophetet, sed linguis loquatur. Iam ut hoc illis adhuc amplius inculcet, proponit ipsis omnium earum conditionem uocum siue artificialium siue naturalium quæ ad aures hominum diriguntur. Hanc esse dicit, ut sonos edant intelligibiliter discretos, alias esse confusas & inutiles. De artificialibus sic dicit: Quin & inanima uocem reddentia, siue tibia, siue cithara, nisi distinctionem sonis dederint, quomodo cognoscetur, quod tibia aut cithara canitur? Quasi dicat. Vel inanima uocē reddentia considerate, si in linguis hominum diiudicandis fascinati estis. Auditis subinde tibias & citharas & tubas. An non hic quæritis, ut quæ illæ sonant, distincte uobis sonent, alias non intellecturis quid sit quod per illas canitur? Si confusas uoces dederint, an non tantū rem non inutilem modo, sed & molestam auersamini? Quid igitur in causa est, quod in uocibus rerum inanimarū distinctos sonos queritis, unde cognoscatis quid canatur, & non quæritis in uocibus eorum hominum qui in cœtu uestro peregrinis linguis loquuntur, cū tamen multo hic maiore ratione quærenda sit eorum quæ dicuntur intelligentia, quàm in cantu tibiarum, uel cithararum uel tubarum? Hic uidetur esse spiritus uerborū istorū, quæ tamē nō nihil moderatius sunt posita, quo minus offendat.

QUIN & inanima, inquit.] Græcè est, *ὁμιὰ τὰ ἄψυχα*, quod uulgatus interpreter uertit: Tamen quæ sine anima sunt. Si uocula, tamē, eo sensu capiatur, quo reddidit Germanicus interpreter, *helt sichs doch auch also in denen dingen die da lautend vnd nitt lebend*, retinenda est hæc uersio. Verum si legas: quin & inanima, sicut reddidit Erasmus, emphasim habebis argumenti à minori ad maius. Etenim si in uocibus inanimorum distincti & intelligibiles soni requirunt, multo magis requirendi sunt in uocibus hominū, quibus non modo anima diuinitus est concessa, sed & mens ratione prædita.

QUIN & inanima, inquit, uocē reddentia.] Duo sunt *τὰ ἄψυχα*, id est, inanimatorum genera. Vnum eorum, quæ quondam animata fuerunt, nūc uero ademptis animabus facta sunt inani-



inanima, qualia sunt cadauera mortuorū tam hominum quā bestiarum. Alterum eorum, quæ nec animata fuerunt, nec animæ capacia. Neutra sunt per se uocalia, nec uocem reddere possunt, cum spiritu careant, nisi illa per miraculosam diuinæ uirtutis operationem, ista per artificium humanæ industriæ uel imposturæ uoces aliquas reddant. Imposturæ, utpote quando imaginibus sanctorum prorsus inanimis ac mutis ad decipiendum nimis credulā plebem, & emungendū quæstum occulta inspiratione per calamum humanæ uoces infunduntur, quæ ueluti ab ipso simulacro æditæ stolidas adstantium mentes in errorem abducant. Industriæ uero quando uidelicet organa musica uel flatu uel tactu percita, iuxta suum quelibet artificium sonos reddunt, arte moderandos ac distinguendos. De hoc *τὸ ψῆλον* genere loquēs hic Apostolus, cum dixisset: Quin & inanima uocem reddentia, subiunxit, siue tibia siue cithara, &c. Et: Si incertam uocē tuba dederit. Tibia & tuba inspiratione, cithara tactu, uocales redduntur.

**S I U E** tibia, inquit, siue cithara.] Quo in usu tempore Pauli fuerint apud Corinthios tibia & cithara, non constat, ut opinor, notas tamen & usitatas uulgo fuisse satis ex eo patet, quod ab illis argumentatur hoc loco Apostolus. Multas uero fuisse ueteribus tibiārū species ex historijs liquet. Alijs usi sunt Libyes, alijs Phryges, alijs Cares, alijs Lydi, alijs Ægyptij, alijs Phœnices, alijs Thebani, quos inter Græcos tibiæ artificio excelluisse ferunt. Et alia uocabatur Plagialos, alia Elymos, alia Hippophorbos quod illa in pastu equorū uteretur Libyes Scenetae, alia Monaulos, quæ potissimum nuptialis erat Ægyptijs, alia Parthenica, alia Pædica, alia Andria, alia Gingras quæ minutula existēs flebilem sonum emittebat, alia Polyphthōgos ex hordeaceis calamis cōpacta. Vñus illarum fuit uariis. Nam alijs Gentibus ad tristitia, alijs ad læta usurpabant. Citharæ uero usus multus apud Ebræos fuit, quod uel ex Psalmis patet. Apparet populariter tritas fuisse tibiam & citharam. Vnde & 1. Machab. 3. & Apoc. 18. alijsq; locis perinde atque hiciungunt. Non est autem ut hoc Apostoli loco defendamus delicias organorum musicorum, tēplis Papistarū subintroductas, quas sane nunq̄ probassent, ne ethnici quidem, seuerioris disciplinæ studiosi, qui nec tibiam, nec citharam, nec ullum aliud artificiosum instrumentū admiserūt, de tibia causantes, quod sit *δρυλατικόν*, & quod à sermone prohibeat eū qui illam inflat, quodq; faciem illius deturpet, ob quā causā & Palladē tibiā abiecisse memorat.

**N I S I** distinctionē sonis dederint, inquit.] Hoc est, nisi distinctos sonos ex modulatione artis ædiderint. In hac totū est artificium musices, quemadmodū literaturę in distinctione figurarū. Si una & eadē esset omniū literarū figura, haud cōstaret scribendi ac legendi artificij, quod est ordinata, distincta, & intelligibilis uariarū literarū cōpositio. Consimili modo, si so-

ni musici instrumenti iidē essent, idemq; sonarent, irritū esset uniuersum musices artificij, quod nihil est aliud q̄ distincta & cōcinna diuersarū uocū modulatio, per quā aliquid qd̄ intelligi possit, canat. Tale quid est status politicus, ac domesticus quoq; In utroq; sunt diuersi ordines, ac uaria uelut unius corporis membra, quasi quidā diuersi soni. Horū moderatio cōpetentem poscit distinctionē, sine qua cōsistere nō possunt, sed necesse est turpi ac noxia cōfusione quasi quadā desolatione pereāt.

**Q U O M O D O** cognosce, inquit, quod tibia canitur aut cithara.] In Græco est, *τὸ αὐλόμενον ἢ τὸ κιθαρίζομενον*, quasi dicas, quod tibilatur uel citharizatur, ne quis in uerbo canendi philosophet, propter uulgatā uersionē, quæ sic habet, quomodo scietur id quod canitur, aut quod citharizatur. Non sic distinguit Apostolus inter citharā & tibiam, ut tibiæ det cantū, citharæ non det, cum recte possit utriq; dari, quis pneumatica sit tibia, cithara uero dactylica. Licet enim humano flatu inspirata sonet tibia, uocē tñ ædit perinde atq; cithara nō humanā, sed artificiosam. Quare cōsulto sic uertit Erasmus, ut uerbum canendi competat utriq;.

**O**bserua uero q̄ sit Apostolus longē aliter animatus in audiendo musici instrumenti cantu, q̄ sint ij, qui sola cōsonantia, uel sonoro tinnitu uocū sic delectant, ut de intellectu illarū nō quærant, qualis delectatio in bestijs quoq; reperit. Quomodo cognoscetur, inquit, quod tibia uel cithara canitur? Hoc nō querit plebs imperita dum in templis Papistarum organorum illecebras audiens uelut obstupefacta auribus arrectis atq; ore auscultat hianti.

**E T E N I M** si incertam uocem tuba dederit, inquit, quis apparabitur ad bellum? Bellicus est tubæ usus, nō modò Romanis & alijs gentibus, sed & Ebræis. Est autē alia cornea, alia lignea, alia ductilis. Hac canitur classicum, quo milites ad pugnam, & receptui, quo à pugna uocatur. Omnino militaris tubæ clangor plurimum habet efficacis ad exercitandā non militum modò, sed & equorū ferociā. Verum requiritur, ut certa ædatur uocū distinctio, unde miles quid clangatur intelligat. Hoc uolens dicit Apostolus: Etenim si incertā uocem tuba dederit, quis apparabitur ad bellum? Sic de tēplarijs ociosorū aqualiculorū boatibus recte dixeris: Cum incertam uocē templares committant tubæ, quis apparabitur ad intelligendum, ad orandum, ad psallendum?

**S I C** & uos per linguā, inquit, nisi significantē sermonē dederitis, quomodo intelligetur quod dicitur? Quæ primū sub sua psona, deinde per similia tibiārū, cithararū ac tubarum cōsideranda proposuit, iam ad propositum accommodat. Facit autem hoc per apostropham ad eos qui linguis in ecclesia Corinthiorum loquebantur. Non enim dicit: Sic & uos per linguam nisi significantem sonum audieritis, quomodo intelligetis quod dicitur? sed, nisi significantē sonum dederitis, quomodo intelliget quod dicitur? Existimo autē quod dic:



cit: Sic & uos per linguā, idem esse quod, sic & uos per linguā loquentes. Aliās cōuenientius esset ad hunc modū: Sic & uos, *καὶ μὴ διὰ τῆς γλώσσης*, id est, nisi per linguā significantē sermonem dederitis: sic legerē, si sic trāspōnere uerba liceret. Vocat igit̃ linguis loquētes, *τὸς διὰ τῆς γλώσσης*, & comparat eos tibijs, citharis ac tubis.

NISI significantē sermonem dederitis, inquit. Nullius linguæ sermo est, qui nō alicuius habeat sententiæ significationē, suę gentis hominibus intelligibilē. Loquitur aut̃ Apostolus de sermone Corinthijs uulgari & intelligibili. Eum uocat *ὑσμῆν*, id est, bene significantē, p̃ claro, perspicuo & manifesto. Quare nō male reddidit uulgatus interpres: nisi manifestū sermonē dederitis. Vnicuiq; genti suæ linguæ sermo *ὑσμῆν* est. Sic nobis Germanis *ὑσμῆν* sunt, quę patria, *ἄσκημα* uero, q̃ peregrina lingua in ecclesia dicunt̃ & canunt̃. At tenebrarū mystæ malunt *ἀσκήματα* populū lucis, quasi quadā caligine inuoluere, quā *ὑσμῆν* ædificare.

QUOMODO intelliget̃, inquit, quod dicit̃? Suprà dixit: Quomodo cognoscetur quod tibia uel cithara canitur? Consimili modo urget hic dicēs: quomodo cognosceť quod dicitur? Quā illic tā hic quoq; negat se uidere quomodo possit intelligi quod idiomate nō *ὑσμῆν* in ecclesia dicit̃. Dicunt ecclesiastici: Quorsum opus est ut intelligantur quæ Latino sermone in ecclesia oramus, consecramus & cantamus? Adoranda sunt cū stupore ac deuotione ab imperita multitudine, nō intelligenda. Ignorabat hoc Apostolus. Aliās nō ita serio uisisset dicens: quomodo intelliget̃ quod dicit̃? Si urgeantur Apostolica autoritate Romani, mox dicent: scripsisse Apostolū nō Romanæ, sed Corinthiorū ecclesiæ, quæ est in Græcia, & populari sermone utiť, Romanā uero Latina lingua tanq̃ patria, non in urbe modò, sed & in omnibus prouincijs sibi subiectis uti, nec impediri hoc Apostoli præscripto, quo minus sua lingua ubiuis gentium utatur, quod nunq̃ aliter consueuerit, sit uero consuetudo sua pro lege habenda. Sic animata est, quæ se solā pro apostolica uenditat ecclesia.

ERITIS enim, inquit, in aërem loquētes. Rationem reddit eius quod dixit: Quomodo intelligetur quod dicitur? quod idē est ac si dicat, nō potest intelligi qđ dicit̃. Quare? Quia, inquit, eritis in aërem loquentes. Ergo in aërē loquit̃, qui sic loquitur ut intelligi non possit. In aërem enim loqui, est in uanū loqui, sic ut nullus sermonis sensus ad intelligentiā audientiū perueniat. Quemadmodū in aërem uerberare, sic uerberare est in uanū, ut uerbera corpus aduersarij haudquāq; feriant, qua similitudine suprà est cap. 9. usus, dicens: Ego itaq; sic curro, ut non in incertum, sic pugilem ago, nō uelut aërem feriens. Germanice dicimus, *Es ist eben als wenn einer in lufft blaßt*, quando significare uolumus, frustra dici, nec accipi, quæ dicuntur. Ambros. exponit: Eritis nihil proficientes.

TAM multa, uerbi gratia, genera uocū sunt in mundo, & nihil horū mutū. Vulgata uer-

sio habet: Tam multa genera linguarū sunt. Et sic Ambros. quoq; legit. Et Chrysost. licet legat *φωνῶν*, id est, uocum, exponit tamen de linguis dicens, *τὰς τῆς τοσαύτης γλώσσης, τοσαύτης φωνῆς, σκυθῶν, δρακῶν, ῥωμαίων, πέρσων, &c.* Omnino loquitur non de uocibus animalīū, sed de linguarū quę sunt in mundo multitudine ac uarietate, siue legamus uoces, siue linguas, id quod ex sequētibz patet. Tam sunt, inquit, in mundo multa linguarū genera, & nullū eorū est *ἄφωνον*, id est, sine uoce, hoc est, sine certa uocum significatione. Ambrosius sic: sed habent proprias uocū significationes, ut intelligant̃. Germanicus interpres reddidit, *Vnd ist doch ir keine vnteuſtlich*, quasi *ἄφωνον* idē sit quod *ἄσκημα*. Vt uox species est soni, sic loquutio species est uocis, & omnis loquutio est uox. Sic potest *ἄφωνον* idē esse quod sine loquutione, ut intelligamus nullā linguā esse, cui *ἀφασία* tribui possit. Si literā urgeas, sensus erit iste. Tā multa sunt, uerbi gratia, genera uocū in mundo, & nullum eorū sine uoce. Quorsum attinet prædicare de uocibus, quod non sint sine uoce? Ridiculus es, si dicas: tam multa sunt genera linguarū in mundo, & nullum eorum est sine lingua. Tam multa sunt genera metallorū in mundo, & nullū eorū est sine metallo. Quare apparet lectionē uulgatā plus habere rationis, q̃ habeat Græca, quæ nunc est in manibus. Si uero legendū uideť, *φωνῶν*, id est, uocū, suspicor quod sequitur, & nullum eorū *ἄφωνον*, id est, sine uoce, scriptū fuisse ab Apostolo *ἄφρον ὄν*, id est, & nullum eorum sine sensu existit, & sine mente, postea uero per incuriā antiquariorū *ἄφωνον* positū pro *ἄφρον ὄν*. Verū magis placet, ut legamus: Tā multa sunt genera linguarū in mundo, & nullū eorum est sine uoce. Nam sequit̃. Si igitur nesciero uim uocis, ero ei qui loquit̃ barbarus, &c. unde satis apparet, nō loqui Apostolū de uocibus quorumcūq; animalīū, sed de linguis gentium in mundo, quarū nulla est *ἄφωνος*, sine uoce, quam frustra audias, nisi uim uocis intelligas. Et est sensus. Vel ipsam multitudinem linguarum quę sunt in mundo, consyderate, & quę sit illarū conditio perpendite. Nulla illarum est, quæ non utatur uocibus aliquid significantibus, quæ si non intelligantur, frustra audiuntur, perinde ac si audias hominem barbarum, hoc est perigrinum & lingua incognita loquentem. Sic dicit:

ITAQUE si nesciero uim uocis, ero ei qui loquitur barbarus, & qui loquitur, apud me barbarus. Secundum cœptam apostropham dicendum erat: Itaq; si nesciatur uis uocum, quibus loquimini, erūt uobis qui audiūt barbari, & uos loquentes eritis illis barbari. Verū quo sermonem mitiget rursus suam ipsius personā inducit dicens: Itaq; si nesciero uim uocis, ero ei qui loquitur barbarus, & qui loquitur apud me barbarus. Significat, non esse sic comparatam Christi ecclesiam, ut amet barbariem, aut debeat in illam religionis loco introduci inutilis & obscura barbaries.

Satis autē in loco, licet modeste, obijcit illis barba-



barbariē, eamq; tam audientium q̄ loquentiū. A Græci nanq; præ ceteris sic erant Gentibus animati, ut omnes peregrinas Gentes pro barbaris haberent, & præ se uehementer fastidirent. Itaq; uelut exprobrās dicit: Qui sit ut tanto studio linguis incognitis delectemini, cum aliās omnes peregrinas linguas tanq̄ barbaras præ uestra summopere exuffletis & fastidiatis? An nō barbaries est, quando incognitis linguis in ecclesia loquētes, haud meli⁹ intelligimini, q̄ si loquant̄ inter uos homines barbari?

Oblerta uero, quod non simpliciter dicit: Ero ei qui loquitur barbarus, sed addit, & qui loquitur apud me barbarus erit. Qui linguis in ecclesia Corinthiorū loquebantur, facile cōcessissent, barbaros esse idiotas illos, à quibus loquentes non intelligebant, dixissentq; quid ad nos imperitia ac ruditas barbarorū? Verū quod addit: Et qui loquitur, apud me *ἡμῶν*, id est, in me, meo iudicio, barbarus erit, magis aliquanto habebat acrimoniā, ad perstringendū illorū stultitiam & inflationē. Quam enim facile ferebant idiotas uocari barbaros, tam ægre audiebant se illis uicissim esse barbaros. Romani quoq; cæteras, præsertim Germanorū, nationes pro barbaris iam olim habere cōsueuerunt. Qui lingua illorum in ecclesijs Germanorū utuntur, haud grauati admittent, si dicas omnes eos esse barbaros, à quibus Latine murmurantes ac boantes non intelligunt. Quid enim hic grauarent, cum non dubitent eos uocare bestias? At si dixeris omnes eos, q̄ in ecclesia lingua utuntur incognita, esse populo Christianorum barbaros, id demū prorsus inferendū esse clamabunt. Piaculū quippe du cēt latinā linguā, Romanā illā, uocari barbarā.

Ita & uos, quandoquidem sectatores estis spirituum, ad ædificationē ecclesię, quærite ut excellatis. Quapropter qui loquitur lingua, oret ut interpretetur.

Eras. uertit: Itaq; & uos, quasi sit in Græco, *οὗτοι ὑμῶν ὅν*. Vulgata uero habet: Sic & uos. Atq; sic est in Græco, *ὅτι οὗτοι ὑμῶν*. Quemadmodū paulò suprà, cum similitudinē tibię, citharę, ac tubę induxisset, ut illam accōmodaret, subiecit: Sic & uos per linguā loquentes. Q. d. Similes estis tibijs, citharis ac tubis, nisi significantem sermonē dederitis, &c. consimili modo & hic, ubi dixit, si nesciero uim uocis, ero ei qui loquitur barbarus, & qui loquitur apud me barbarus, ut id illis applicet, subiūgit: Ita & uos, subaudi, si nescieritis uim uocis, barbari estis illis qui loquunt̄, & qui loquuntur apud uos, sunt barbari. Ista quidem nō expressit, nisi sub sua persona, ne morosiores illorū offenderet, interim tamen cogitanda esse significauit, dicens: *ὅτι οὗτοι ὑμῶν*. Sic & uos. Scio alios aliter expone-re, uerum hæc expositio, mea sententia, apparet esse simplicior.

QVANDO QUIDEM sectatores estis spirituum, inquit, ad ædificationē ecclesię quærite ut excellatis. Subijcit argumētationi parēne sim, adhortās eos, ut linguis utilitatē interpre-

tationis adiungant. Huius rei studiū poscit, dicēs: quærite ut excellatis. Itē, oret ut interpreteſ. Cum dicit: quærite ut excellatis, intelligit de prophetia & interpretatione, quibus excellentiā supra linguas hætenus tribuit. Suprà dixit: Æmulemini spiritualia, magis tamē ut prophetetis. Idem hic alijs uerbis inculcans dicit: Quandoquidē emulatores estis spirituū, quærite ut excellatis. Æmulabantur spiritualia, id est, charismata spiritus, quare eos appellat æmulatores spirituū, donorū uidelicet spiritus. Et ex hac illorū æmulatione occasione sumit, hortandi eos ad studiū prophetiæ & interpretationis, per quas excellenter spirituales redderent̄. Perinde facit Apostolus, ac si quis eos qui umbratili doctrina ad ostentationē tantū acquisita impense delectant̄, hortaturus ut solidiorē quærant dicat: Quandoquidē sectatores estis bonarum literarū, quærite ut excellatis, hoc est, ei uos doctrinæ tradite, in qua singularem eminentiam inueniatis.

Ne uero simpliciter eos ad studiū excellentiæ ac supereminentię prouocare uideatur, cū dicit: quærite ut excellatis, præmittit scopum ac finem, ad quē eo studio collimare debeant, nempe, ad ædificationē ecclesię. Hic scopus alienissimus est à studio carnis, quæ non hoc fine excellere cupit, ut proſit alijs, sed ut gloriosa appareat. Ad gloriam eminentiæ aspirabāt alioqui, quos tota hac disputatione perstringit. Et hoc illorū studium oblique perstringēs dicit, ad ædificationē ecclesię quærite ut excellatis, quasi dicat, non ad inanem ostentationem & gloriam, cuius facti estis auidi.

Est ergo studiū excellentię in ijs rebus, quæ uel prodesse possunt alijs, uel religionis ac pietatis nostræ professionē concernūt, tam non uituperabile, ut apostolica quoq; dignū sit adhortatione, modo absit affectatio inanis gloriæ, adsit uero propositū iuuandi alios, & faciē di quod Christianæ fidei professionē deceat. Tale est quod 1. Timo. 3. dicit: Qui episcopatū desyderat, bonū op⁹ desyderat. Sed refert admodum quo proposito & ad quē finē desyderet, ne episcopalis illa ambitio quæ obtinuit, proh dolor, in ecclesia probāda uideat̄. Luctādum nobis est, ut excellamus in uera iusticia, in spe, in opere dñi, in quouis opere bono, in charitate fraterna, &c. Huc uocat nos dominus Matth. 5. dicens: nisi abundauerit, uel, excelluerit iusticia uestra plus quā Scribarū & Phariseorum, non intrabitis in regnum cœlorū. Et Apostolus Rom. 15. Vt excellatis in spe. Et infrā ca. 15. Excellētes in opere dñi semp. Et 2. Cor. 9. Excellite ad omne op⁹ bonū. Et Phil. 1. Vt charitas uestra magis ac magis excellat.

QVAPROPTER, inquit, qui loquit̄ lingua, oret ut interpreteſ. Illatio est parænetica pariter & expositoria. Quod non simpliciter dicit: Qui loquitur lingua, sed: Quapropter qui loquitur lingua, oret ut interpreteſ, illationē habet qua ex præmissis infert adhortationem ad studiū interpretationis. Q. d. Quapropter cum hæc sit linguarum & uocum conditio, ut

nisi



nisi intelligantur, inanes sint ac barbaræ, qui loquitur lingua, oret ut interpreteretur.

Deinde quod dicit, qui loquitur lingua, oret ut interpreteretur, trinam habet expositionem. Primum eius quod in præcedenti generaliter dixit: quandoquidem sectatores estis spirituū, deinde eius quoque quod adiecit, quærite, tertio & eius quod sequitur, ut excellatis. Quid uoluerit dicens, quandoquidem sectatores estis spirituū, in eo exprimit quod hic dicit: qui loquitur lingua. Ad hoc studiū linguis loquendi respexerat, cū uocaret eos sectatores spirituū. Deinde quomodo uelit eos querere ut excellent, aperit dicens, oret. Tertio, quia in re uelit eos excellere, exponit cū dicit, ut interpreteretur.

Quod nō simpliciter dicit, qui loquitur lingua interpreteretur, sed, oret ut interpreteretur, adimit illis tergiuersationem, ne dicant, quomodo interpreterabimur, nisi sciamus? Oret, inquit, ut interpretari sciat, hoc est, ut donū interpretandi accipiat, qui lingua loquitur, postulet à domino, qui non negabit. Cum enim ultro dederit donū linguarum, quomodo petentibus negaret donū interpretationis, tam ad ecclesiæ ædificationem necessarium? Efficaciam orationis huius promisit ipse dominus, dicens: Petite, & dabitur uobis, quærite & inuenietis, pulsate & aperietur uobis. Omnis enim qui petit, accipit, & qui quærit inuenit, & pulsanti aperiet. Matt. 7. Et Iacobi 1. sic legimus: Quod si cui uestrū deest sapiētia, postulet ab eo qui dat, nempe Deo, qui dat omnibus simpliciter, nec exprobrat, ac dabitur ei. Verū postulet cum fiducia nihil hæsitans. Hinc tamē nō est ut ociosis ac ignauis uentribus patrociniū permittamus, qui neglectis sacræ scripturæ studiis exercitijs ac disciplinis, uotis, nescio quibus, cum Deo agendū esse putant, ut docti euadant. Cū Apostolus ista scriberet, uigebant in ecclesia miraculosa illa spiritus sancti charismata, donec sparsum esset in orbe, & confirmatū Euangelium, quæ postea cessarūt, studijsq; disciplinis & exercitijs legēdi ac discendi scripturas locū dederūt. Haud quidē excludēda est orationis sedulitas, uerū coniungenda illi sunt necessaria studia, & ignauum excludendum ocium.

Nam si orem lingua, spiritus meus orat, at mens mea fructu uacat. Quid igitur est: Orabo spiritu, sed orabo & mente. Canā spiritu, sed canā & mente. Alioquin si benedixeris spiritu, is qui implet locū idiotæ, quomodo dicturus est, amē, ad tuā gratiarum actionē? Quandoquidē quid dicas nescit. Nam tu quidē bene gratias agis, uerum alius nō ædificatur.

Dixit: Quapropter qui loquitur lingua, oret ut interpreteretur. Hic subiungendū erat: nam qui loquitur lingua, spiritus quidem eius loquitur, at mens eius fructu uacat. Verū quoniam illi non modo mysteria Dei linguis in ecclesia loquebantur, sed & linguis orabant, canebāt &

gratias agebant, ut eius quoque rei inutilitatem perstringat, mutata persona seipsum inducit, dicens: Nā si orē lingua, spiritus meus orat, &c. Quid sit autē orare, canere ac benedicere spiritu, supra dictū est, ibi: Spiritu uerō loquitur mysteria.

NAM si orē lingua, inquit.] Per occasionem eius quod dixit: Qui loquitur lingua, oret ut interpreteretur, abusus illum corrigit, quo lingua incognita in ecclesia orabant. Et cōcedit quidem orare eū, qui sic orat, uerū annectit, quid in hoc orationis genere desideretur. Spiritus quidem meus orat, inquit, uerū mens mea fructu caret. Q. d. Concedo quidem si lingua orē, orare me spiritu, hoc est, spiritus afflatu, per quē linguis loquor. Verū quoniam hoc orationis genus intellectu audientium destituit, sit ut mens mea, id est, sensus mentis meæ, qui est in uerborū, nihil adferat fructus. Quomodo enim fructū nō intellecta cuiq; adferret? Chrysost. sic exponit: Ostendit, non modo alijs eū qui lingua orat, sed & sibi ipsi esse inutile, quod nec ipse intelligat ea quæ orat. Sic exponunt istam particulā, at mens mea fructu uacat, & Hiero. & Ambro. de fructu non aliorū audientium, sed eius qui lingua orans, non intelligit sensum uerborū quæ orando loquitur: ad quem modum orant Nonnæ, & ij qui dominicā orationē Latine exprimunt, cum sint idiotæ, nihil Latine scientes. Priori tamen expositioni sequentia magis fauent. Quicquid sit, improbat hætenus qui lingua incognita orat, quatenus

B sine intellectu uerborū orat. Obsecro an non omnium uerissime orationes illas Papisticas, quas Latino sermone profundūt in templis, *ἀνάρπυς*, id est infrugiferas & inanes uocabimur? quod ueros uerē pietatis fructus attinet, quantum sint simoniacis uentriculis admodum quæstuosæ? quorū pars maxima sine mente orat, reliqua multitudo plebis prorsus nihil ex illis intelligit, pro quibus tamen nunquā non numerare cogit. Quid quod superstitio eidelolatrica accedit, qua aures Dei irritantur magis quā placātur. Quā est parū, quod dicit hic Apostolus, mentē incognita lingua orātis uacare fructu, si respicias quantum hodie accedat imposturæ, quæstus & impietatis?

Q. V. I. D. igitur est, inquit,] Intellige faciendū? Hoc est: Quomodo igitur orabo, ne mēs mea fructu uacet? Sic animati sunt pij, ut ubi admonent inania & infrugifera esse quæ faciūt, præsertim in operibus religionē ac pietatē concernentibus, confestim de emendatione consulant ac dicant: Quid igitur faciendum? Non delectantur uanis & inutilibus, nedum noxijs & abominandis. Clamat Christus: Frustra colunt me docētes doctrinas & mandata hominum, at quotusquisq; eorū est, qui partim hæc imponunt humeris fidelium, partim imposita superstitiose portant, qui dicat: Quid igitur faciendum? Tam multis disputat hoc loco Apostolus contra eos qui linguis incognitis in ecclesia Christi utuntur, at quis ex illis est, qui dicit: Quid igitur faciendum?



ORABO, inquit, spiritu, sed orabo & mente. Canam spiritu, sed canam & mente.] Sic docet quid sit faciendum. Quoniam donum linguarum uigebat in ecclesia, ne illi propter quorundam glorias iniquus esse uideatur, dicit: Orabo & canam spiritu, hoc est, utar linguis & orando & canendo, uerum sic illud faciam, ut & mens accedat, hoc est, quæ linguis orauero ac cecinero, intelligenter etiā orabo ac canam, lingua uidelicet cōmuni & usitata.

ORABO spiritu, inquit, sed orabo & mente.] Dices. Cum oratio fiat ad Deum, idq; secreto, quorsum attinet lingua uulgari orare, quasi non intelligat Deus aliam? An non satis intelligenter orat, qui ipse quid dicat & petat intelligit? An qui Latine sciens Latine orat, etiam si patriam linguam non ignorat, non orat sufficienter, nisi quæ Latine dicit, dicat & lingua uulgari?

Respondeo. In oratione priuata & secreta satis est mentis, si orans sua ipsius uerba intelligit, quacunque tandem lingua ad omnia intelligentem Deum utatur. Verum non loquitur hic Apostolus de priuatis orationibus, sed de ecclesiasticis, quæ in cœtu fidelium linguis incognitis absq; omni fructu fiebant. Hic poscit, ut qui palam orat in ecclesia, oret non lingua tantū, sed & mente, quo cum fructu oret.

CANAM spiritu, inquit, sed canam & mente.] In Græco est ψαλλῶ, id est, psallam. Credibile est, nonnullos in ecclesia Corinthiorum Psalmos Dauidis Ebraico idiomate cecinisse. Illos sub sua persona monet, ut Psalmos suos lingua canant, quæ intelligi possit ab ecclesia. Siue Psalmos Dauidis, siue alia quædam cecinerint, puto satis constare morem fuisse in ecclesia, ut Deo canerent. Non est autem ut uerbum psallendi ad ea cantica restringamus, quibus ad instrumenta musica, siue citharam, siue Psalterium, siue lyram cantare nonnulli solēt. Licet enim psallere proprie sit ad tale instrumentum canere, nihil tamen impedit, quo minus, præsertim in ecclesia, de quouis cantico accipiatur. Nec uerosimile est primos Christianos musicis instrumentis usos esse in ecclesia.

Alioqui si benedixeris spiritu, inquit, is qui implet locum idiotæ, quomodo dicturus est, Amen, ad tuam gratiarum actionem?

Vulgata uersio habet: Cæterum si benedixeris spiritu. In Græco est, καὶ, quod sane sonat alioqui, uerum uulgatus interpres legisse uidetur καὶ, id est, præterea, deinde, ceterū, quæ lectio haud uidetur inconueniens. Et sic Ambrosius quoque legit. Quod si omnino legendum uideat, Alioqui, referenda sic est hæc particula ad præcedentia, ut rationem illorū adferat. Solenne est ecclesiæ, ut publicis precibus ac Psalmis gratias agat Deo, offeratque illi sacrificium laudis. Plebs rudis & indocta uotis astipulabatur, & ad finem orationis aut Psal-

A mi succinebat illud, Amen, cuius hodie quoque magnus est usus in ecclesia. Cum ergo admonuisset, & orandum & psallendum esse nō spiritu tantum, sed & mente, subiecit hanc rationem dicens: Alioqui si benedixeris, id est, gratias egeris spiritu, intellige, tantū, & sine mente, quid consequetur? Hoc uidelicet, ut plebs imperita, cuius uos nullam rationem habetis, quamuis adstet, & sonitum uocis strepitumq; labiorum audiat, nesciat tamen animo & ore consentire in ea quæ dicis. Hoc intelligit cum dicit: quomodo dicturus est, Amen, ad tuam gratiarum actionem? Est enim, Amen, uox Ebraea, idem quod ueraciter ac certo. Hac consentiens & adstipulans ecclesiæ populus confirmabat publicas preces, Psalmos & gratiarum actiones. Sic Hieronymus in prologo secundi libri in epistolam ad Galatas de populo Romano dicit: Vbi sic ad similitudinem cœlestis tonitruī Amen reboat? Vnde facile conijcitur non clerum duntaxat, sed totam ecclesiam ad finem orationum succinuisse illud Amen, idq; tantæ multitudinis reboatu, ut instar cœlestis esset tonitruī.

Is qui implet locum idiotæ, inquit.] Sic est in Græco. Erasmus uertit, is qui implet locum indocti. Idiotæ, uox Græca, sonat hominem priuatum, nullo fungentem publico officio, unde uulgares ac plebei idiotæ uocantur. Et quia plebei homines plerunque sunt indocti, fit ut nonnunquam idiotæ pro indocto accipiantur. Meo iudicio idiotas uocat Apostolus plebem ecclesiæ, quæ in cœtum uenit, ut audiat, discat, & in fide ædificetur. Et huius potissima est a doctoribus habenda ratio, perinde atq; in scholis habenda est maior ratio rudium, eorumq; qui tardo sunt ingenio, & in domibus paruulorū, & in grege omnium imbecilliorum. Ideo non simpliciter hic dicit, is qui audit, sed, is qui implet locum idiotæ, quomodo dicturus est, Amen, ad tuam gratiarum actionem?

Quid est autem quod non simpliciter dicit, is qui idiotæ est, sed, is qui implet locum idiotæ? Primum, non est philosophandum in uerbo implendi uel supplendi. Quemadmodum supplere locum ministri in ecclesia, est esse ministrum ecclesiæ, locum implere magistratus, est esse magistratum, ita implere locum idiotæ est esse idiotam. Vritur autē singulari pro plurali, ut sit sensus, qui idiotæ sunt in ecclesia. Deinde innuitur alium esse locum, id est, conditionem, ordinem & gradum ministrorum & alium idiotarum, id est plebis. Qui hic idiotæ uocantur, alias auditores appellari solent. Locus ministrorum est locus pastorum, plebis uero, locus est gregis. Tempora communiter in duas separatas stationes diuiserunt, quarum superiorem, quæ sit in conspectu populi, sacerdotibus ac clero, inferiorem uero plebi deputarunt. De huiusmodi locis non intelligit Apostolus. Potest fieri ut in statione chori sit minister, qui tamen locum suum non impleat,



pleat, hoc est, officium suum non faciat, & in imitatione idiotarum sit idiota, qui tamen idiotæ locum non impleat, hoc est, non cogitet, in quem finem appareat in cœtu, dum non est animo ad audiendum ac discendum intentus ad ea quæ dicuntur & geruntur.

QVOMODO dicturus est, Amen, inquit.]

Omnino requiritur, ut concordia sint, & consentientia fidelium uota, dū oratio ad Deū dirigitur. Haud est inusitatum ecclesiæ, ut publice orer unus pro omnibus. Et multa sunt quæ omnes communiter concernentia recte unius ore petuntur à domino. Verum admonet nos hic præfens Apostoli locus, eiusmodi preces claudendas esse & confirmandas idiotarum, id est, auditorum succlamatione, qua se hæc ipsa in uotis habere testentur, quæ unus ipsorum nomine ad Deū orauit. At hodie nec qui orat, nec qui audiunt admodum in uotis habet quæ uerbis inter orandum proferuntur. Dum oratur in ecclesia unius ore ministri, & per pueros ad mensam, quotusquisque est, qui respondeat, Amen, cum id ex animo fieri conueniat ab omnibus? Clerus Papistarum satis fortiter clamat, Amen. At interim non facit hoc ex cōsensu ac uoto cordium, sed pro more recepto, magis gaudens de fine orationum, quàm de principio, ideoque inuenias qui pro Amen, dicant, *Amen*: præterquam quod plerumque non animaduertunt, quibus nam petitionibus Amen hoc succinant. Quid igitur mirum, quod tot sæculis iam maiori ex parte frustra oramus ad Deum?

AD tuam gratiarum actionem inquit.]

Quare nō dicit, ad tuam benedictionem, cum periodum hanc sic cœperit: Alioqui si benedixeris spiritu, is qui implet locum idiotæ, quomodo dicturus est Amen, ubi sane subiungendum uidetur, ad tuam benedictionem?

Respōdeo. Si de alio quopiam benedictionis genere loqueretur, quàm quod idem est cū gratiarum actione, utique benedictionis uerbum retinisset. Iam uero, quoniam de publica benedictione ecclesiæ loquitur, quæ nihil est aliud quàm laus & gratiarum actio, ut seipsum declaret, mauult dicere ad tuam gratiarum actionem, quàm ad tuam benedictionem. Sunt & alia quædam loca scripturæ, in quibus uerbum *εὐλογεῖν*, id est benedicere, pro gratias agere ponitur, de quibus alibi diximus.

QVANDO QUIDEM, inquit, quid dicas nescit.] Ratio est, quare idiotæ nequeat ad eiusmodi gratiarum actionem dicere, Amen, quæ lingua peregrina profertur in ecclesia. Quomodo, inquit, qui implet locum idiotæ dicturus est, Amen, ad tuam gratiarum actionem? Quid impedit, quo minus uno uerbo dicat Amen? Quia, inquit, quod dicas nescit. Ergo qui non intelligit uerba orantis, & gratias agētis, nō potest ad illius orationem & gratiarum actionem respondere Amen. Atqui hodie satis est intelligere sonum, quo oratio uel gratiarum actio clauditur, quo respondeas Amen, ut non sit opus totius orationis uerba, ac sensus intel-

A ligere. Verum Apostolo non est satis, si sciat plebs ex usu quo sine consueto terminetur oratio, qualis est apud Græcos in oratione dominica, illud *ὡς τὰς αἰῶνας ᾗ ἀμήν*, & in Missa papistica, Per omnia sæcula seculorum, & illud per Iesum Christum, sed requirit, ut intelligat ea quæ dicuntur, & ex corde consentiat, eodemque illa uoto confirmans dicat Amen.

Quare admodum alienum est à doctrina Apostoli, & prioris ecclesiæ consuetudine quod Lyranus hic adfert dicens: Quid proficit populus simplex & non intelligens? quasi dicat: Nihil, aut modicum, quia nescit se conformare tibi qui es minister ecclesiæ, respondendo Amē. Propter quod in primitiua ecclesia benedictiones & cætera communia fiebant in uulgari. Sed postquam populus multiplicatus fuit, & consuevit se conformare ministris ecclesiæ, utpote, stando, quando dicitur Euangelium, deposito caputio, adorando Eucharistiam, & consimilibus, fiunt in Latino in ecclesia Latina, & sufficit, quod clerus respondeat pro toto populo. Expeditiū enim fit hoc modo quàm in uulgari. Hæc ille. Non hoc quærit Apostolus ut expeditiū, sed ut ad ædificationem populi utilius oretur in ecclesia, nec sufficit illi ut clerus pro populo, sed ut quilibet idiota pro sui cordis uoto exprimendo dicat Amen, nec requirit à populo, ut religionem suam stando ad Euangelium deposito caputio & adorando Eucharistiam profiteatur, sed ut audiat, intelligatque quæ in ecclesia dicuntur, & ex animo consentiat, quo in fide Christi ædificetur. Verum sic coguntur exponere scripturas, qui omnes ecclesiæ abusus religionis loco defendunt.

NAM tu quidē bene gratias agis, inquit, uerum alius non ædificatur.] Rationi rationem subiicit. Dixit fieri nō posse, ut idiota dicat, Amen, ad gratiarum actionem lingua peregrina prolatam. Et huius rationem hanc posuit, quod quæ dicuntur non intelligat. Iam quasi quærat, quare ignorantia eorum quæ dicuntur impediatur idiotam, quo minus ad gratiarum actionem non intellectam quidem, uerum bene prolatam uno uerbo, Amen, respondere nequeat, subiicit: Nam tu quidem bene gratias agis, uerum alius non ædificatur. Quibus uerbis significat in ecclesia non queri quid utcumque dici ac fieri, sed quid ad ædificationem dici fierique possit. Non potest idiota ad orationem non intellectam dicere Amen, intellige, ad ædificationem. Quid ad me, aiebant, quod idiota non intelligit quæ dico? Ego interim gratias ago domino. Respondet. Tu quidem bene gratias agis, uerum alius non ædificatur. Refert igitur non quàm bene loquaris & ores in ecclesia, sed quàm ad ædificationem aliorum. Non loquitur, ut id iterum admoneam, de priuata gratiarum actione, quæ tacite fieri potest, sed de publica. In priuata satis bene gratias agit, qui hoc ex animo facit, quacunque lingua utatur, modo ipse illam intelligat, in publica uero non quæritur quàm bene, sed quàm utiliter



liter & ad ædificationem hoc fiat. Ideo ut admoneatur inanem esse eiusmodi obiectionē, dicit: Nam tu quidem bene gratias agis, uerum alius non ædificatur. Admonemur ergo friuolum esse omnem illum bonæ intentionis, & nescio cuius deuotionis prætextum, quo Latinarum cantionum & orationum strepitum defendunt, qui in ecclesia Christi negociantur. Quantūuis illas in precio haberi uolunt, interim plebs fidelium per eas non ædificatur.

Gratias ago Deo meo quod magis quā omnes uos linguis loquor. At in ecclesia uolo quinque uerba mentis meae loqui, ut & alios instituam potius quā decem millia uerborum lingua.

Vulgata lectio habet: Gratias ago Deo meo, quod omnium uestrum lingua loquor. At in Græco est, *παύτως ὡς ἡμεῖς μᾶλλον γλώσσῃς λαλῶμεν*, id est, magis quā omnes uos linguis loquens. Vculam *μᾶλλον*, id est magis, interpret ille neglexit, & perinde uertit, ac si esset *παύτως ὡς ἡμεῖς γλώσσῃς λαλῶμεν*. Et uerosimile est, sic illum legisse in exemplari Græco unde uertit. Nam & Ambrosius ad hunc modum legit. Meo tamē iudicio, non conuenit ea lectio mentis Apostoli. Is enim non Corinthiorum duntaxat, sed omnium aliarum quoque Gentium linguis loquebatur, quibus Euangelium regni prædicabat. Neque conuenit ut de linguis intelligamus, quibus nonnulli in ecclesia Corinthiorum ad ostentationē magis quā ædificationē loquebantur. Neque enim illis tantum, sed adhuc pluribus alijs loqui poterat, sicubi necessitas postulasset. Hoc siquidē linguarum dono non modo Corinthios, sed & reliquos omnes excellebat. Quare existimo hanc esse germanam lectionem: Gratias ago Deo meo, quod magis quā omnes uos linguis loquor. Hoc est, loqui possum, ubi id aliqua ratio postulat.

Dices. Quorsum hoc iactat, cum in cæteris ab omni sit ostentatione alienus? Non habet ista inanem gloriationem, sed necessariā doni Dei professionem, ad retundendā & corrigendam uanam quorundam inutiliter linguis loquentium ostentationem. Quoniam tantopere urget, inutile studiū esse, quo in ecclesia linguis incognitis coram multitudine loquebatur, orabant, psallebant, ac benedicebant, ne id uel odio charismatis huius, uel inuidia linguis loquentium ob id facere uideatur, quod ipse dono hoc destituatur, in hæc uerba prorumpit dicens: Gratias ago Deo meo, quod usque adeo non destituor dono hoc linguarum quod nonnulli apud uos tantopere ostentant, ut magis etiam quā omnes uos linguis loqui possim, ne me quisquam illud propter ignoratiam insectari putet.

GRATIAS ago Deo meo, inquit.] Agnoscit donū Dei, ne quid suae uideatur tribuere industriae. Et facit illud plurimi, ne quæ dicit ad illius dicere contemptum existimetur. Magna

A quippe erat illius utilitas, ubi in tēpore ac pertinēter usurpabatur. Simul illos suo exemplo monet, ut gratias potius agant doni huius largitori Deo, illoque bene utantur, quā ut de illo pueriliter glorientur. Sane quisquis gratus agnoscit dona Dei, magna ratione cohibetur, ne de illis inaniter gloriatur, quæ non de suo habet, sed ex largitate diuina gratuito accepit. Poterat simpliciter dicere, Linguis loquor & ipse, idque magis quā uos omnes, uerum ut ista innuat de quibus iam diximus, maluit dicere: Gratias ago Deo meo, quod magis quā uos linguis loquor.

Nec ociosum est, quod non simpliciter dicit: Gratias ago Deo, sed, Gratias ago Deo meo. Solemus suauis affectu agnoscere eos, pro nostris, quorum in nos singularia beneficia experimur. Et hic affectus peculiaris est omnibus illis qui ex animo benefactori suo Deo gratias agunt, ut uocent eum suum Deum. Sic dicit: Gratias ago Deo meo, quasi dicat, qui me singulari sua gratia sic reddidit etiam hoc linguarum dono instructum, ut non minus, sed magis etiā quā uos omnes linguis loquar, ne dum eos corrogo, qui tam insigni charismate ad ostentationem abutuntur, ex ignorantia ac penuria illius adeoque & liuore id facere uidear.

QVOD magis, inquit, quā omnes uos linguis loquor.] Cōsideremus hic primum prouidentiam Dei, quæ quos ad singularia ministeria obeunda eligit ac destinat, singulari etiā necessariae gratiæ eminentia sic reddit instructos, ut obeundis ministerijs pares esse possint. Cum uellet Apostolatu Pauli uti, non ad unam aliquam, sed ad multas, uarias, ac remotas Gentes ad fidem in Christum conuertendas, quæ admodū illi quoque Act. 22. cap. dixisse legitur: Vade, quoniam ego in nationes longe mittam te, ideoque necessarium esset, ut omnium illarum linguis loqueretur, quibus erat prædicaturus, hoc illum charismate multo uberius instructum reddidit, quā reliquos.

Inde obseruandum etiam est, quā non sit alienum a sanctis agnoscere, profiteri, ac gloriari palam de donis à Deo acceptis, ubi id certa ac necessaria ratio poscit, sicuti in hac & sequenti, & in ea quæ ad Galatas est epistola poscebatur. Sic dicit hic: magis quā omnes uos linguis loquor. Et suprā, per Euangelium ego uos genui. Et cap. sequenti, gratia Dei, inquit, in me uacua non fuit, sed plus omnibus illis laboraui. Et. 2. Corinth. 11. & 12. de ijs quæ propter Christum pertulit, de quibus singularibus reuelationibus gloriatur. Et illic dicit: Nihil minus feci quā illi qui sunt uehementer apostoli. Et Galat. 2. gloriatur se nihil accepisse ab hominibus, ne apostolis quidem, imò Petro restitisse in faciem, quod non recte ambularet ad ueritatem Euangelij. Nihil horum non coactus dixit, propter pseudapostolos, quo Apostolatus sui auctoritatem tueretur.

AT in ecclesia, inquit, uolo quinque uerba mente mea loqui.] Postquā meminit, quæ sit linguarum



linguarum facultate præ ipsis omnibus præditus, iā subiicit de illarū usu. Loquor & ipse linguis, inquit, magis q̄ uos omnes, uerū nō in ecclesia ad ostentationē, sed ubi necessitas postulat. In ecclesia quippe nō requirunt lingue, sed prophetia, p̄ quā qui audiunt ædificetur. Quare in ecclesia malo quinq; uerbis mentē meā intelligibiliter exprimere, quo alios instituam, q̄ decē millia uerborū lingua incognita inutiliter profundere. Sic discernit inter ecclesiasticū cōtū, & alias extraordinarias loquendi, docēdi, orādi & psallendi occasiones. Qui hic uerbi sunt ministri, ubi per eos cōueniuntur qui Germanice nesciunt, Latine uero sciunt, loquuntur illis nō Germanice, sed Latine, uel Gallis Gallice, si Gallice loqui poterunt. In ecclesia uero, ubi loquendū est populo, lingua utunt patria, non exotica & ignota. Cōsimili modo Paulus cū loquēdū esset Ebræis, Ebraice, Græcis, Græce, Syris, Syriace, Romanis, Romane, Persis, Persice loquebatur. In ecclesia uero nō alia lingua utebatur q̄ quæ illi esset patria & usitata. Iam Papistæ cū extra ecclesiā uulgari loquantur idiomate, in ecclesia, ubi potissimum erat intelligentiæ studendum, malunt decē millia uerborum exotica lingua loqui, quā unum saltem uerbulum patria & usitata.

A T in ecclesia, inquit, uolo quinq; uerba mēte mea loqui.] Ambr. pro *ἀπὸ τοῦ νοῦ*, id est, per mentē meā, legit *ἀπὸ νόμου*, id est, per legē. Suprà dictum est quid sit loqui mente, & quid loqui lingua, ut nō sit denuo explicādū. Poterat simpliciter dicere: In ecclesia malo loqui mente, q̄ lingua, uerū ut declararet, quāto sit prophetia præstantior & utilior linguis, maluit per collationē dicere, uolo quinq; uerba mente mea loqui, q̄ decem millia uerborū lingua, quod perinde est ac si aurum supra plumbum extollere uolens dicas, malo quinq; pōdo auri q̄ decem millia plumbi. Nihil autem refert utrū quinq; uerba, & decē millia uerborum, uel quinq; sermones, & decem millia sermonū legas. Quod enim in Græco est *πέντε λόγους*, & *μυρίας λόγους*, utroque sensu accipi potest. Deinde manifestū est non esse philosophandum in numero quinario ne & in eo qui sequitur philosophari cogamur. Quinq; uerba simpliciter pro paucis posuit, quasi dicat: Volo uno & altero uerbo, tribus quatuor uerbis, &c. mentē meā explicare potius q̄ innumeris frustra & inutiliter garrire. Et Ambr. sic exponit: utili<sup>9</sup> dicit paucis uerbis in apertione sermonis loqui, quod oēs intelligant q̄ prolixam orationem habere in obscuro. Nec Hiero. nec Chrysost. nec hic Ambr. uiderunt hoc loco quod uidit Aquinas, q̄ per quinq; uerba perfectā orationem exposuit, in qua sint subiectū, prædicatū, copula uerbalis, determinatio subiecti, & determinatio prædicati, uel si id nō placeat, significari iudicauit perfectā doctrinā, cuius quinq; sint partes, prima prædicare credēda, secūda docere agēda, tertia mōstrare uitāda, quarta indicare sperāda, quinta comminari timēda. Posterior hæc sentētia

A placuit Lyrano. Huiusmodi cōmēta uisa sunt monachis tantū nō Canone digna. Mirū quod non sunt in numero decē millium quoq; philosophari, in quo de inani tēplariorū boatuū strepitu facillime admoneri poterant, quem quomodo infectetur Erasmus hoc loco, in annotationibus illius uidere licet.

V T & alios instituā, inquit.] Inhæret pposito, urgens institutionē & edificationē fidelīū quod id sit primariū fidelis Apostoli opus, & unicus scopus, ad quē collimādi sunt ecclesiastici cōuentus. Est autem in Græco uerbū *καταχρησθαι*, quod uoce aliquē instituere significat, ad quam rem opus est sermone intelligibili, eoq; nō uerboso & cōfuso, sed succincto ac methodico. Qui sic in ecclesia instituebāt rudes, catechiste, & id genus institutiones catechismi uocabātur, quorū nullus usus in papatu remāsit.

Quod autem non simpliciter dicit, ut alios, sed, ut & alios instituam, eo sensu accipiendum est, quo suprà dixit: Qui loquitur lingua seipsum ædificat, qui prophetat, ecclesiam ædificat. Sic dicit: uolo quinq; uerba mēte mea loqui, ut & alios, hoc est, ut non me duntaxat, sicuti faciūt qui linguis loquuntur, sed & alios qui me audiunt instituā. At hodie qui Latine inter Germanos, Gallos, Hispanos, Britānos, Bohemos, Danos, Suedos, Hungaros, &c. in ecclesijs loquuntur & cātillant, maxima ex parte, nec se ipsos nec alios instituunt.

B P O T I V S, inquit, quā decē millia uerborū lingua.] Solet numerus myriadis, quāuis decem millia compræhendat pro innumera plerunq; & infinita multitudine in scripturis poni, quo sensu omnino positus est hoc loco. Nō est autem illo Apostolus ociose usus. Si simpliciter prophetiā linguis aliquousq; præferre uoluisset, poterat dicere, potius quā decē uerba lingua. Verum maluit dicere, potius q̄ decē millia uerborū lingua, quo primū uanissimā illorū ostentationē perstringeret, qui nec modum ullum seruabant, nec finē faciebant, cum linguarum donū in ecclesia ostentarēt, deinde & eiusmodi loquacitatis & exoticarū orationum uanitatē carperet, admoneretq; hoc esse illas uaniores quo sunt uerbosiores. Quicquid enim uanum est & inutile, quo magis multiplicatur operosiusque ac sumptuosius geritur, hoc uanius & auersandum magis redditur, tā abest, ut multiplicando cōmendari possit. Nō est numerus, non est modus, non est finis, intolerabilis est sumptus cantionum, orationum, missarum, cæremoniarum papisticarum, quæ in conspectu domini hoc sunt abominabiliores, quo plures ac sumptuosiores.

Fratres, ne sitis pueri sensibus, sed malicia pueri sitis, sensibus uero perfecti sitis. In lege scriptum est: Varijs linguis & labijs uarijs loquar populo huic, & ne sic quidem audient me, dicit dominus. Itaq; linguæ signi uice sunt, non ijs qui



credunt, sed incredulis, prophetia uero A non incredulis, sed credentibus.

Occurrit falsæ persuasioni, qua multitudo persuasa erat, abunde sibi sufficere, si simpliciter crederent, etiam si non omnia quæ in ecclesia dicebantur, intelligerent. Non est nostrum, aiebāt, omnia intelligere ac scire, quod ad præpositos ac doctos pertinet, sed satis est, si simus instar puerorum, ambulemusq; simpliciter.

Quare non est opus, ut intelligamus omnia quæ linguis in ecclesia dicuntur. Sufficit agnoscere miraculosum spiritus sancti donū, illudq; cum admiratione uenerari. Ad quem modum plane in papatu persuasum est plebeijs, scientiam rerum spiritualium, & lectionem intelligentiamq; sacrarum scripturarum competere non ipsis, sed doctorib; monachis, & sacerdotib;. Nos sumus, inquit, laici ac sæculares, nostrū non est nisi simpliciter credere, quæ admodum crediderunt nostri maiores, ingredi ecclesiam, ibiq; orare, missam audire, & aliquid offerre.

Huiusmodi cogitationi occurrit Apostolus subacri correptione dicēs: Fratres, ne sitis pueri sensibus, sed malicia pueri sitis. Quasi dicat: Quid hoc rei est? Dum patiēter auditis ea quæ nō intelligitis, nec ullam curam intelligentiæ, unde instituamini, impenditis, quid aliud esse uultis quàm pueri spiritualium rerum ignari? Instar puerorum ingredimini ecclesias, nec curatis quomodo ædificemini. Ad strepitū linguarum incognitarum obstupescitis, & sic loquentes admiramini, de prophetia uero, p quā intelligētes reddi possētis, nulla est cogitatio. An sic lubet ppetuo similes esse pueris? Quod si uultis esse pueri, sitis pueri, uerū malicia non sensibus. Aliud est esse puerū sensibus, & aliud puerum esse malicia. In pueris sunt ignorantia rerum utilium, & innocentia nulla dum malicia imbuta. Quod ignorantiam attinet, non conuenit Christiano, ut sit instar pueri, nescius eorum quæ cum primis scire debebat. Quod uero innocētis animi simplicitatem à maliciæ duplicitate alienam concernit, omnibus competit fidelibus nō plebeijs modo, sed & doctorib; ac præpositis, ut similes sint pueris, alieni à malicia, nequitia, uersutia, iniquitate & iniusticia, arrogantia & superbia, &c. Magna itaque peruersitas est, puerorū uelle amplecti ac profiteri inscitiam, in rebus salutem nostram cōcernentibus, innocentiae uero ac simplicitatis cādorem auersari, & in malicia præstare adultos & exercitados ueteratores. Sic faciebāt Corinthij. Quod sensus rerum spiritualiū attinebat, plane erant pueri, nec appetebant illarū scientiā. In malicia interim nihil erant minus quàm pueri, carnales, contentiosi, uoluptuarij, arrogantes, iniurijs in fratres, apud ethnicos iudices litigantes, scortantes, &c. Erat igitur tempestiuum, ut hanc in illis peruersitatem correptione hac corrigeret dicens: Fratres, ne sitis pueri sensibus, sed malicia pueri sitis, sensibus uero perfecti sitis.

Chrysost. hanc particulam sic exposuit. Pueri sic sunt animati, ut res ludicras ac plerunq; nullius momenti admodum appetant, magnique faciant, eas uero quæ potiores sunt, ipsisq; utiliores esse possent, nec affectent, nec alicuius faciant. Cōsimili modo Corinthij, linguas unde nihil erat ædificationis, admirabantur, inque precio habebāt, at prophetiam interea, multo utiliorē longe uilioris aestimabant. Hoc in illis repræhendens Apostolus monet, ne sensibus sint pueri, sed potius pfecti. Si respicias ea quæ populariter in ecclesijs papistarū magno serio exercentur, cum sint res nihili, plane deprehēdes maximam in illis multitudinem admodū esse pueriliter animatam. Pueris facillime persuaderetur, ut uera esse credant, quæ omniū sunt falsissima. Obsecro quid non puerili prorsus credulitate uulgo receptum est in papatu? Nihil tam absurdum, nihil tam superstitiosum, nihil tam impium, nihil tam ludicrum ac ridiculum, nihil tam alienum à sanctis scripturis excogitari potuit, quod non sint maiores nostri pro uero & indubitato, proq; pio & Christiano amplexi. Pueri impensissime delectantur puppis, imaginibus qualicunq; ornatu splēdidis. Sic illi nullis sumptibus pepercerūt, quo omnia fierent imaginibus mortuorū sanctorū referta. Pueri, quæ admirantur ac magnificiunt, ipsis etiā parentibus suis magnifica uideri putant, eaq; illis deprædicant, ostentant, & offerunt. Plane cōsimili modo in papatu fieri uidemus. Aurum, argentū, uestes sericas, imagines, magnificas templorū structuras & quæ alia sunt eiusmodi magnificiunt, quia arridēt carni, ideoq; in illis cultū diuinum constituūt, quod iudicat ea perinde atq; sibi apprime placere Deo. Pueriles omnino sunt hi sensus. Dicamus ergo illis: O fratres, ne sitis pueri sensibus, sed malicia pueri sitis sensibus uero curate ut sitis perfecti.

FRATRES, inquit, ne sitis pueri sensibus, sed, &c.] Quod igitur erant & esse uolebāt Corinthij repræhēdit in illis Apostolus, ac dehortatur ne id esse uelint dicens: Ne sitis pueri sensibus. Deinde quod nec erāt nec esse curabāt, ut id sint & esse curent hortatur cum dicit: sed malicia pueri sitis. Quod perinde est ac si populo Israëlitis stulto & insipiēti dixisset Deus, Ne sitis sapientes ad faciēdum mala, sed ad benefaciēdum sapientes sitis, ad mala uero faciēdū sitis insipientes & inepti, ubi Hiere. 4. queritur illos esse sapientes ad faciēdū mala, bene uero facere prorsus nescire.

SENSIBVS uero, inquit, perfecti sitis.] Dices hic, quis nā est ex mortalib; omnibus, qui sensibus possit esse perfectus & cōsummatus? Quid enim est perfectū esse aliud, q̄ sic esse consummatum, ut nihil sit quod adhuc desyderari possit? At hoc solius est Dei. An non cap. præcedēti: ex parte nos cognoscere, & per speculū in enigmate cernere dixit, donec ueniat tēpus illud perfectionis, in quo cognoscemus quæ admodū iam cogniti sumus, & facie ad faciem cernemus?



cernemus? Quomodo igitur hortatur Corinthios, ut sensibus sint perfecti, cum nondum adesset perfectionis tempus? Respondeo. Nō loquitur de omnimoda sensuū perfectione, quę in futura demum uita continget, sed de ea quę uirilis est ætatis, cui respectu pueritię pfectio tribuitur. Quare quod dicit: Ne sitis pueri sensib<sup>9</sup>, sed perfecti, perinde est, ac si dicat, ne sitis pueri, sed uiri sensibus. Vti enim similitudine pueritię & uirilis ætatis, qua usus est, & cap. præcedenti dicēs: Cū essem puer, loquebar ut puer, sentiebā ut puer, cogitabā ut puer. At ubi factus sum uir, aboleui puerilia. Vt ruditas & imperfectio adhæret pueritię, ita perfectio ad uirilē pertinet ætatē, intellige, qualis in hac uita contingere potest. Sic etiam Eph. 4. similitudine hac puerilis ac uirilis ætatis utitur dicēs, donec perueniamus omnes in unitatē fidei & agnitionis filij Dei in uirū perfectū in mēsurā ætatis plene adultę Christi, ut non amplius simus pueri qui fluctuamus & circumferamur, quouis uēto doctrinæ per uersutiam hominū. Et ad hāc uirilem perfectionem consequendā dicit à Deo datos esse apostolos, euangelistas, prophetas & doctores. Consimili modo urget etiā Corinthios, ut prophetiæ ac doctrinæ dēt operam potius q̃ linguis, quo possint institui & ædificari in cognitione Christi, ne perpetuo sint pueri sensibus, sed aliquādo ad uirilē perfectionem promoueant. Chrysost. exponens dicit: *ἵδωτε ἄνδρας αὐτοὺς εἶναι καὶ πάλαι, τὸ μὲν ἐν τῇ κακίᾳ, τὸ δὲ ἐν τῇ φρονήσει.* Ambros. exponit ad hūc modum: Perfectos illos uult esse, ut sciāt quid ad instructionē ecclesię sit necessarium, ut recedētes à malicia & erroribus his studeāt, quę proficiant ad utilitatem fratrum. Hic est enim sensu perfectus, qui agit ut profit alicui, maxime fratri. Hęc ille, qui aliter etiam particulam hanc legit, quā & Græcus contextus & editio uulgata habeat. Sic nanq; legit. Sed malicia paruuli estote, ut sensibus perfecti sitis. Quasi fieri nō possit, ut perfectus sit sensibus, qui nō est malicia paruulus. Sane licet inuenias nimis multos, qui in uirili etate & sensibus ualeāt & malicia, in causa tamen ueræ pietatis fieri non potest, ut ualeat sensibus qui non est malicia paruulus, qua de re uide Chrysostomū hoc loco. Sed pergamus.

IN lege, inquit, scriptū est: uarijs linguis & labijs uarijs loquar populo huic, &c.] Accidere illis significat, quod olim De<sup>9</sup> Israël euenire cōquestus est, uel, si mauis, euenturū prædixit. Quod uidelicet uerbum suū missum p̃ prophetas, haud secus absq; iusto intellectu audirent, q̃ si quis lingua incognita & barbara loquentē audiat. In lege, inquit, scriptum est. Nusquā in libris Mosais reperiēs ea quę citat. Imo si uerba exacte spectēs, nō inuenies ullum in omni scriptura locum, in quo scriptum sit: uarijs linguis & labijs uarijs loquar populo huic, & ne sic quidem audiēt me. Et tamen necesse est, ut alicunde sint ista ex lege desumpta, nisi daturi sumus Apostolo, quod ē lege citet, quę nusquā

A sint in lege scripta. Non inuenio autem locum aliquem, unde uerosimilius hæc uideātur desumpta, præter eum qui est Esa. 28. Non debet uero insolens uideri, quod scripta prophetarū uocat legem, & quę in illis sunt, in lege scripta esse dicit: Etenim dictione legis nōnunquam in genere utitur de ijs quę ad uetus pertinent testamentum, siue sint pentateuchon, siue libri Iudicum, siue Samuel, siue libri Regū, siue Psalmi, siue prophetæ, &c.

Habet autem locus Esaie in Ebræo ad hūc modum. Et illi quoq; præ uino errant, & præ sicera errāt, sacerdos & propheta errant, sicera absorpti sunt, præ uino errant, præ sicera errāt, in uisione errant, in iudicio impingunt. Nam omnes mensæ repletæ sunt uomitu, ut non sit locus. Quem docebit scientiam? & quē intelligere faciet auditū? ab lactatos ne à lacte? auulso ne ab uberibus? Quoniam præceptum ad præceptum, præceptum ad præceptum, regula ad regulam, regula ad regulam, modicū hic modicum hic. Quoniam balbutiētibus labijs, & lingua alia loquitur ad hunc populum, qui dicit ad eos, hæc requies est, refocillate lassum & hæc refocillatio, & nolunt audire. Et est eis uerbum domini, præceptū ad præceptū, præceptum ad præceptum, regula ad regulam, regula ad regulam, modicū hic modicū hic, propterea uadent & cadent retrorsum, & cōterentur, & illaqueabūtur & capiētur. Propter hoc audite uerbū domini uiri illusores. dominatores populi huius, qui estis in Hierusalem, &c.

B Hæc omnia cohærent, nec facile germanus prophetæ sensus patebit, nisi totus hic cōtextus inspiciatur, qua de re tamen non est, ut hic dicamus. Inspiciantur ea quę in Cōmentarijs nostris super hunc prophetā diximus, in quibus præsentē locum qua potuimus diligentia explicuimus. Apostolus quædam ex illo truncatim excerpfit, & proposito suo accōmodauit, quæ uidelicet ad summam prophetiæ repræhensionis facere, & causæ quā agebat cōformia esse iudicauit. Summa autē est. Israëlitis præsertim sacerdotib<sup>9</sup> & pseudoprophetis una cū maioribus erat uerbū domini, quod prophetę prædicabāt, usq; adeo obscurum & barbarum, ac si lingua aliena & labijs balbutiētibus proponeretur. Non quod prophetæ peregrina lingua uaticinando & corripiendo uterentur, sed quod animi illorum essent aliō auersi, & plane à uerbo domini abhorrētes, ac studio scientiā Dei fugiētes. Haftenus idē accidit Corinthijs, in eo quod malebant audire linguis loquētes, quas non intelligebant, q̃ prophetantes, quos intelligere, & unde ædificari potuissent. Et hoc sensu prophetæ locū citat dicens: In lege scriptū est, Varijs linguis, & labijs uarijs, uel, ut in Græco est, alijs linguis, & labijs alijs, sicut & uulgata habet, loquar populo huic, & ne sic quēdā audient me. Non inhæret uerbis, sed libere citat, quatenus p̃posito accōmodare iudicat. Primum, in Ebræo nō est in prima persona loquar populo huic, sed in tertia, loquit̃ ad hunc



populum, deinde nō uarijs, uel alijs labijs, sed balbutiētibus labijs, tertio, illud, & ne sic quidem audient me, in Ebreo est, & nolūt audire, & ponitur demū post ista qui dicit ad eos, hæc requies est, refocillate lapsum, & hæc refocillatio, quarto, quod addit, dicit domin⁹, in Ebreo nō est. Adiecit hoc, ut significaret uerba ista dicta esse sub persona domini. Admonemur hac cōsideratione q̄ sint ea scripturæ loca quæ citantur ab apostolis & euangelistis uigilanter exponenda, ne omnia uidelicet illorū ad causas quibus adaptantur contorqueantur, sed ea tantum applicetur, quæ ad propositum faciūt, ne uis inferatur scripturis. Ambrosius exponit hunc locum bifariam. Primo ad hunc modū. Hoc dominus de his dixit quos præsciuit, nec Saluatori credituros. In alijs enim linguis & in alijs labijs loqui, Nouū test. est prædicare, &c. hoc est, immutata ratione aliter loqui q̄ legis ueteris uerba habeant, dum audiūt labbarum solui, neomenias euacuari, circūcisionem cessare, sacrificia immutari, &c. hoc est, alijs linguis & alijs labijs loqui. Et nec sic perfidi Deū audire uoluerūt. Deinde, putat etiam id fuisse alijs linguis loqui, quādo Euangelium Iudæis est per parabolas prædicatum, Matth. 13.

Lyranus existimat hunc locū fuisse impletū Hierosolymis in die Pētecostes, cum discipuli omnis generis linguis loquerētur. Et sane nō est inconueniens illius sententia, si quæ ex ppheta citantur uaticinium habēt de re futura, quemadmodū nonnulli sentiunt. Nos exposuimus ea tanquam Iudaicæ obstinationis reprehensionē qua tēpore prophetæ uerbū Dei sic auersati fuerint, ut perinde nō intellexerint audiendo, ac si linguā prorsus alienā audirent. Quod si magis placet, ut per modum uaticiniij ab Apostolo accepta sentiamus, nō est impertinens, ut de Iudæis intelligamus quibus dominus per discipulos in die Pētecostes, alijs atq; alijs est linguis loquutus, qui tamē ne sic quidem ad fidem sunt conuersi. Quicquid statuamus de sensu prophetæ, haud grauatim adducor, ut sentiā Apostolum uerbis istis respexisse ad miraculum linguarū, eoq; illa per catachresim deflexisse, quasi dicat: Quid accidit Iudæis? An nō illis quoq; alijs atq; alijs linguis loquutus est Deus, ita ut stuperent? Quid inde utilitatis consequuti sunt? Non audierunt Deum, neq; Euangelio crediderunt, ut impletum sit in illis quod in lege scriptum est: uarijs linguis ac uarijs labijs loquar populo huic, & ne sic quidem audient me.

ITAQUE linguæ signi uice sunt, inquit, nō ijs qui credūt, sed incredulis, &c. ] Aperit quid ex loco pphetæ colligat. Nō enim simpliciter dicit, Linguæ signi uice sunt, sed per notā illationis. Itaque linguæ signi uice sunt, uel, ut in Græco est, ὡς σημεῖον αἰσίου. i. in signū sunt, ut intelligas colligi hoc ex præmissis pphetæ loco, uel ex historia linguarū, cui illū accomodat. Quoniā autē dictio signi iā pro indicio, iā pro sacramento, ut uidere est Ro. 4. iā pro miraculo in

scripturis sumitur, dubitari potest, quo sit hic sensu dictū ab Apost. qđ linguæ sint in signū. Verū expeditius est, ut intelligamus eas fuisse uice miraculi, uel, ad miraculū datas, ut essent argumēto quæ gerebātur geri diuinitus, quo mētes audietū obstupescerēt, & ad credendū pmouerent, sicuti in historia diei Pētec. patet.

NON ijs qui credunt, inquit, sed incredulis, pphetia uero nō incredulis, sed credētibus. ] Arguit ex ratioe linguarū & pphetiæ quo cōprobet puerum esse ipso studiū, quo neglecta pphetia linguis tātōpere inhiabant. Ratio linguarū erat ratio signorū. Quēadmodū signa ædebātur diuinitus propter eos qui nō facile credebāt uerbo, quo manifesto diuinæ operationis argumento permoti uerbum audirent & crederent, ita & linguæ propter eosdem & in eundem finē erant datæ. Hoc est quod dicit: Linguæ in signū sunt, nō ijs qui credūt, sed incredulis. Hoc est, nō ijs qui uerbo Euangelij iā credunt (illis quippe nō est opus ut miraculo quopiā ad credendū inducātur) sed ἀπίστοις, id est nō credentibus ad prædicationē uerbi, sed aliquo ueritatis argumento certificari uolētibus quale erat quod Thomæ accidebat, cū diceret: Nisi uidero in manib⁹ eius uestigiū clauorū, & mittā digitum meum in uestigiū clauorum, & mittā manū meā in latus eius, nō credā: cui dictū est à dño: Infer digitū tuū huc, & uide manus meas, & ad moue manum tuā & immitte in latus meum, & noli esse ἀπιστος ἀλλὰ πιστός. i. nō credēs, sed credēs. Propter eiusmodi homines facta sunt signa & portēta, & datū omniū linguarum charisma, quo ad fidē perducerentur. Non est igitur quod Apost. linguas in signum incredulis esse dicit, de ijs intelligendum, qui neq; uerbo neq; signis ad fidem unquam perducuntur, sed prorsus manent increduli, quales erant obstinati Iudæi, sed de ijs tantum, qui uerbo sine signis non credunt.

PROPHETIA uero nō incredulis, inquit, sed credētibus. ] Pertinet hæc ad rationē pphetiæ, quæ hætenus diuersa est à ratione linguarum, quod data est nō incredulis, sed credētibus. Hi nanq; uerbo, cui credūt instituuntur & ædificātur, illi uero nequaquam, quia nō credūt. Et hætenus rationē linguarū ac pphetiæ expressit, in eo diuersam, quod illē incredulis, ista uero credētibus cōpetit. Iam addendū erat, uos autē non estis increduli, sed credēs. Pertinet igitur ad uos prophetia, potius q̄ lingue. Verū nō erat necessariū, ut minorē & conclusionem subijceret, quod hæ ultro ex maiori pateret & cōsequeretur. Neq; enim timēdū erat, ne seipsi p incredulis potius q̄ p credētibus haberent. Quare abunde satis erat rationem explicuisse linguarum & prophetiæ, ac monuisse, illas nō ad credentes pertinere, sed ad incredulos, hæc uero in usum & ædificationem esse datam nō incredulis, sed credentibus.

Ergo si cōuenerit ecclesia tota simul, & oēs linguis loquātur, ingrediātur autem idiotæ



idiotæ aut increduli, an nō dicēt uos insa-  
nire? Si uero oēs prophetetis, ingredia-  
tur autē incredulus, aut idiota, coargui-  
tur ab omnibus, dñi iudicatur ab omnib⁹,  
& sic occulta cordis eius manifesta fiūt,  
atq; ita p̄cidēs in faciē adorabit Deum,  
pronūciās quod De⁹ reuera sit in uobis.

Arguit ab euentu, iuxta diuersam linguarū &  
p̄phetiæ rationē diuerso, indeq; adhuc ampli⁹  
urget, ut magis p̄phetiæ q̄ linguis operā impē-  
dant. Vtitur autē argumēto hypothetico ponēs  
cōditionalē, unde colligat euentū. Cōditiona-  
lis particula gemina est. Prior sic habet. Ergo si  
cōuenerit ecclesia tota simul, & oēs linguis lo-  
quātur, ingrediātur autē idiotæ aut increduli.  
Altera est. Si uero oēs p̄phetetis, ingrediatur  
autē incredul⁹ aut idiota. Et hinc geminū col-  
ligit ac diuersum euentū. Prior est: an nō dicēt  
uos insanire? Posterior est, coarguitur ab om-  
nibus, iudicatur ab omnibus, & sic occulta cor-  
dis eius manifesta fiunt, atq; ita p̄cidēs in fa-  
ciem adorabit Deum, pronūciās quod Deus  
reuera sit in uobis. Hic inferendū erat: An non  
igitur satius est & utilius, ut prophetetis, q̄ ut  
linguis in ecclesia uestra loquamini? Nisi dictu-  
ri estis, meli⁹ esse, ut p̄ insanis habeamini, q̄ ut  
incredulos & idiotas lucrifaciat domino: At  
erat adeo manifestū, utrū esset utilius, & malle  
contrarium illius adeo absurdum, ut non esset  
necesse huius expresse meminisse.

ERGO, inquit, si conuenerit ecclesia tota si-  
mul. In Græco est, *ἐν τῷ αὐτῷ*, quod uulgata ha-  
bet, in unum. Et Eras. suprà cap. ii. transtulit, in  
eundem locum. Significat se loqui, nō de qui-  
busuis sermonibus, quibus Christianus homi-  
ni peregrino, & nōdum fideli, peregrino illius  
uidelicet, idiomate loquatur, sed de illis qui in  
cōuentibus ecclesiasticis exoticis linguis inter  
Corinthios ostētationis gratia fiebāt. Ideo po-  
nit nō quoduis colloquiū, quod inter paucos  
fiat, sed plenū ac iustū totius ecclesiæ cōuentū,  
dicēs: Ergo si cōuenerit ecclesia tota simul.

ET omnes, inquit, linguis loquantur. Hoc  
est, & quotquot in ecclesia loquuntur, linguis  
incognitis loquātur oēs, ut nemo sit ex omni-  
bus qui prophetet. Posset in genere de omni-  
bus fidelibus in ecclesiā uenientibus exponi,  
uerum satius esse uidetur, ut id sentiamus per-  
stringi quod in ecclesia Corinthiorum fiebat,  
in qua non omnes, sed ij qui loquebantur, lin-  
guis incognitis utebantur. Quanquam nō ad-  
modū repugnarim, si quis de omnibus in uni-  
uersum exponat atq; ita maiore eiusmodi ec-  
clesiæ confusionem exprimi sentiat. Q. d. Apo-  
stolus: Quid si quemadmodū omnes estis cha-  
rismatis linguarum æmulatores & admirato-  
res, ita omnes linguis in ecclesia loquamini?  
Quid inde consequetur?

INGREDIANTVR autē idiotæ, inquit, aut  
increduli. Hoc Apostolus nisi euenire cōsue-  
uisset, frustra posuisset. Solebant dubio procul

in cœtum ecclesiæ, non modo fideles quidē ac  
rudes adhuc idiotæ, sed & infideles ingredi, illi  
pro more ecclesiæ, isti ut uiderent & audirent,  
deq; fide ac religione Christianorum cogno-  
scerent. Vnde obtinuit in ecclesia, ut cum my-  
steriorum instaret communio per diaconū iu-  
berentur discedere prophani, & accedere san-  
cti, id est fideles.

AN non dicent uos insanire, inquit? Ponit  
euentum qui sequuturus esset ex confusione  
p̄missa. Q. d. Age, si omnes linguis in ecclesia  
loquamini, qd utilitatis inde uel ad uos, uel ad  
rudes idiotas, uel ad infideles, qui subinde cœ-  
tum uestrum ingrediūtur, prouenire poterit?  
Iudicate uos ipsi, an non magis pro insanis ha-  
beamini? Etenim sani hominis non est in cœ-  
tu hominum ea dicere quæ à nemine possunt  
intelligi, sed magis mēte moti. Et hæc infania  
quo plures simul corripuerit, hoc plus stupo-  
ris incutit spectantibus.

Ergo cauendum est ecclesiæ fideiū, ne quid  
admittat quod speciē aliquam stultitiæ & in-  
fantiæ uel rudibus uel infidelibus obijciat. Ipsa  
quidem fides in Christum ipsa spes, ipsa patiē-  
tia crucis ac tribulationum, ipsa mundi & car-  
nis nostræ abnegatio, stultitiæ damnatur à fi-  
lijs huius sæculi, id quod patienter est & for-  
titer ferendum, uerum in rebus alijs, quæ pos-  
sunt cum ratione cū decoro & utiliter agi, ca-  
uendum est, ne insensate, inutiliter, & sic agan-  
tur, ut risum magis & contemptum, quàm lau-  
dem & commendationem mereantur. Huc  
refer ineptos ac portentosos monachorum in  
medio sæculi, ac frequentia populorum pas-  
sim obambulantium cucullos, & barbaros  
templariorum boatus, ac ridiculas missan-  
tiū gesticulationes, & quæ alia sunt eiusmodi.

Nec est ut per impudentiam, ut sunt magna  
ex parte perfictæ frontis, dicāt: Quid ad nos,  
quod ridemur ac pro insanis habemur? An nō  
hoc ipsi quoque Paulo accidit? cum diceretur  
ipsi: Insanis Paule. Nemo nos pro insanis ha-  
bet, præter eos, qui irrisores sunt religionis.  
Quod Paulo accidit, in re accidit necessaria, i-  
psam nostram salutē fidemq; ac religionē Chri-  
sti concernente. Quare & immerito pro insa-  
no habebatur. At quæ isti faciunt, nulla neces-  
sitate, nec religionis, nec salutis nostræ faciunt,  
& in se sic sunt comparata, ut si superstitionē  
illam inueteratā spectantibus abstuleris, ne-  
queant non ridicula & insana uideri.

Deinde non est Christiani hominis in eius-  
modi rebus dicere quid est quod rideor, & in-  
sanire uideor? Nam etiam si hoc faciant homi-  
nes parum sobrij ac religiosi, melius tamen  
est, ne illis quidem occasionem ridendi & ob-  
loquendi obijcere, quando Apostolus ne infi-  
deles quidem offendendos esse censeat. Non  
enim dicit: ingrediantur autem sapientes, ac  
pij homines, sed ingrediātur autem idiotæ aut  
increduli, an non dicent uos insanire?

An nō potuissent hic regerere Corinthij: age  
dicāt nos insanire infideles & idiotæ, quid ad



nos? Infideles sunt & idiotæ. Si saperent non riderent donum Dei.

Puto illos aliquanto maiore potuisse cū ratione hoc pacto studium linguarū, cui nimiū dediti erant, defendere, quā isti qui res in se ridiculas hodie defendunt. Et tamē, statim, & recte, audissent ab Apostolo. Ergo ne uos idiotarum putatis & infidelium nullam esse in ecclesia Christi habendam rationem, cum id sine detrimento doni Dei fieri possit? Quid putas illum hisce nostris barbaris, morionib⁹, & gesticatoribus dicturum?

Si uero omnes prophetetis, inquit.] Intellige, per uices, & ordine, sicuti mox docebit. Alioqui grandis & absurda prorsus esset cōfusio, non minus insanīæ damnanda, si oēs absq; ordine ac simul in conuentu ecclesiæ prophetent, quā si omnes linguis loquantur.

INGREDIATUR autem incredulus, aut idiota.] Iam secundo idiotas & incredulos cōiungit. Nam illi potissimum sunt qui & facile offendātur, si quid absurdi in ecclesia uiderūt, & in quibus maxime locū habeat studiū ædificationis, si pphetia recte administretur. Lōge alia ratio est sapientiū ac prudentiū, eorumq; qui exercitatos sensus habēt in rebus spiritualibus. Hi nec leui momēto offendunt, nec multa opus habent institutione, qua ædificentur. Cæterum hoc loco non est incōmodum, si cū Erasmo per idiotam intelligamus indoctum, eum uidelicet qui sciētiæ respectu parū differt ab eo qui adhuc est infidelis, nisi quod in rudimentis Christianæ fidei institutus & sacro baptismo initiatus est ecclesiæq; incorporatus.

COARGUITUR ab omnibus, dijudicatur ab omnibus, inquit.] Euentum à priori diuersum ponit, qui sequuturus sit ex studio prophetandi in idiotis aut infidelibus, ecclesiæ conuentum ingressis. Recenset autem triplicem euentū. Primus, ipsum idiotam aut infidelem, secundus Deum, tertius ecclesiam concernit.

I De primo sic dicit: coarguitur ab omnib⁹, dijudicatur ab omnibus, & sic occulta cordis eius manifesta fiunt. De secūdo, atq; ita procidens in faciem, inquit, adorabit Deum. De tertio, pronuncians, inquit, quod Deus reuera sit in uobis. Prima itaq; utilitas, quæ ex pphetia cōtingit idiotæ & infideli, in eo est quod arguitur & iudicatur, hoc est, quod de errore deq; peccatis in conscientia sua per doctrinam ueritatis & iusticiæ conuincitur, idq; non ab uno tantum & altero, sed ab omnibus, intellige, pphetantibus.

Argui & iudicari, depræhendi est & conuinci, perinde ac si quis in iudicio depræhendatur & conuincatur esse reus.

Non est autem præter rationem, quod hæc particula priore loco ponitur. Est enim prima in opere cōuersionis, nec fieri potest, ut sine illa quisquam ad dominum conuertatur. Et hinc est principium resipiscentiæ. Nisi conscientia primum de errore ac peccatis conuincatur, ut quā erret ac deliquerit intelligat, non habet

locum resipiscentia, sine qua saluari potest nemo. Nihil autem huius euenit illis qui nihil audiunt in ecclesia, nisi boatum quendam, & missas, unde nihil intelligunt, nec in conscientijs suis arguuntur & iudicantur.

Et hanc ob causam tantopere uidemus hodie defendi Latinas illas cationes & missas ab illis potissimū, qui in superstitionibus & peccatis sunt immerfi, quod per illas nec arguuntur, nec iudicantur, & interim secure in peccatis pergunt, falso persuasi, nihil fore periculi in causā salutis, si seduli sint missarum auditores. Vtinā hanc pestem intelligant principes, quibus in una missa omnis est posita salutis anchora, prophetia uero ob id est exosa quod cōscientias de peccatis & erroribus cōuincit, inquietasq; reddit. Quare malunt centum missas, quā unam audire iustam ac necessariam prophetiam, & centum alere missatores sacrificulos, quā unum uerbi Dei ministrum ueraciter & legitime prophetantem.

COARGUITUR, inquit, ab omnibus, dijudicatur ab omnibus.] Obseruādum est, quod non simpliciter dicit: arguitur & dijudicatur, sed utrobq; addit ab omnibus. Tantus uidelicet est ueræ ac legitimæ prophetiæ consensus, ut à quocunq; administretur cōscientias errantium ac delinquentium arguat & dijudicet.

Quare falsarios eos esse prophetiæ oportet, qui sic prædicant, ut neminem peccati conuincant, accommodantes se foro quo placeāt magnatibus, & odia populi quoque uitent. Quæ admodum enim luminarium quamuis multorum, ex ipsa lucis natura idem est splendor, & eadem uis illuminandi, ita in ministris uerbi, ueris ac fidelibus quamuis multis, tātus est ex ipsa natura pphetiæ consensus, ut omnes prophetando conscientias auditorum de peccato conuincant ac dijudicent.

ET sic occulta cordis eius, inquit, manifesta fiunt.] Exponit, quomodo arguatur idiota aut infidelis, si audiat in ecclesia prophetantes. Sic uidelicet, ut occulta cordis eius manifesta fiant. Intelligit autem per occulta cordis, errores, superstitiones, & omnis generis impietatem & iniusticiā, quæ ab illo non intelliguntur, donec per prophetiam, quasi quādam lucem, illuminetur, ac conscius propriæ miseriæ reddatur. Infidelis enim, priusquam ad lucem ueritatis peruenerit, ignorat se esse impiū, tenebras cordis sui non uidet, quæ in illo sunt prorsus sunt à conscientia ipsius occulta. Et in hac cecitate errat, impingit, & in omnis generis delicta labitur, periturus omnino, nisi luce ueritatis à tenebris hisce conscientię suæ liberetur. Ecclesiam igitur ingressus, auditu prophetiæ arguitur & dijudicatur, & manifesta ipsi redduntur q̄ antea fuerāt in corde illi⁹ occulta.

Hæc uidelicet est uis & operatio lucis prophetiæ. Quæ manifeste sunt mala in morib⁹ infideliū, utpote adulteria, homicidia, odia, superbia, luxus, furta, rapinæ, &c. ab ipsis philosophis, ac naturæ quoque lege repræhenduntur.



tur. At occulta illa impietatis, superstitionum, errorum, & corruptæ naturæ mala, quæ iudicium humanum effugiunt, non reuelantur, non arguuntur ac dijudicantur, nisi luce Euangelicæ ueritatis, quæ sic est accensa & candelabro imposita, ut luceat omnibus, qui ecclesiam uerorum Christianorum ingrediuntur, ac prophetias audiunt.

Tria sunt manifestarum rerum genera. Primum earum quæ Deo soli, secundum earum quæ Deo & conscientijs nostris, tertium uero earum quæ & Deo, & nobis, & alijs quoque sunt manifestæ. Occultarum uero sunt duo genera tantum. Vnum earum quæ ab aliorum, alterum earum quæ à nostris quoque sunt conscientijs absconditæ. Cum igitur Apostolus dicit: & sic occulta cordis eius manifestantur, non est intelligendum de ijs quæ manifestentur coram Deo. Huic enim ut nihil est occultum, ita nihil potest per prophetiam manifestari. Restat igitur, ut de ijs intelligamus, quæ uel nostris uel aliorum conscientijs, per lucem prophetiæ manifestari possunt. Priorem sensum exponendo sequuti sumus, quod plus uidetur habere simplicitatis & non illorum tantum, sed nostrorum quoque, imò omnium temporum prophetijs conuenit. Posteriores sequitur Chrysost. quemadmodum & nonnulli recentiores. Exponunt de reuelatione occultorum qualis erat qua factum Ananiam ac Sapphiram ab Apostolo Petro in cœtu fidelium manifestatum est, & qua Daniel regi Nebucadnezar, & somnium quod habuerat, & sensum illius manifestauit, & Christus Samaritanæ mulierculæ secreta ad fontem exposuit. Sic sentiunt occulta infidelium & idiotarum, ubi ecclesiam ingressi sunt miraculoso spiritus instinctu coram omnibus fuisse manifestata. Verum an hoc recte tribuatur prophetiæ, quatenus illa præfertur linguis, & an generale & perpetuum sit opus hoc prophetiæ, & an fecerit ad ædificationem idiotarum & conuersionem infidelium, & an mox omnes prophetas hoc reuelationis genere, quorumlibet idiotarum & infidelium occulta coram ecclesia manifestare potuerint, uiderint qui hunc sensum sequuntur. Si diceret, arguitur à nonnullis, diiudicatur à nonnullis, à quibus occulta cordis eius manifestantur ecclesiæ, facilis esset intellectus, quem isti perhibent, uerum cum dicat, arguitur ab omnibus, diiudicatur ab omnibus, & sic occulta cordis eius manifesta fiunt, nec uero simile sit, omnibus fuisse prophetaribus miraculosum illud reuelandorum secretorum donum concessum diuinitus, puto & simplicius, & securius, metumque Apostoli uicinius, & usui prophetiæ, de quo disputat conuenientius esse, ut priorem sensum tenentes, exponamus de manifestatione occultorum, quæ ante prophetiæ auditum conscientias idiotarum & infidelium lateant, postea uero ipsis per lucem prophetiæ reuelantur.

ATQUE ita procidens in faciem, inquit, adorabit Deum.] Postquam exposuit quid accidat idiotæ aut infideli ex auditu prophetiæ eccle-

siasticæ, subiungit de secundo euentu qui Deum concernit, exponens, quo affectu idiota aut infidelis de impietate, iniusticia, & erroribus suis admonitus ad Deum rapiatur, uel si maius, quo pudore uelut ad tribunal Dei constitutus percellatur. Sic est communiter comparata quæuis conscientia de peccatis suis conuicta, ut mox uelut in conspectu Dei constituta, uel metu uel pudore corripiatur, cum antea fuerit admodum secura. Hoc est quod dicitur atque ita procidens in faciem adorabit Deum. Per externum gestum exprimit internum percussus animi affectum pudorem & humiliationem. Procidere non modo in genua, sed & in faciem gestus est conscientie in conspectu Dei prostratæ ac confusæ.

Illud, adorabat Deum, in Græco est, προσκυνῶ, i. humiliabit se suppliciter ac subijciat Deo, perinde atque solent catelli, ubi ab heris suis increpantur. Est enim uox ista à more canum desumpta, quo se pedibus dominorum suorum humiliter aduoluunt. Et quoniam hic gestus inclusam habet supplicationem, solet προσκυνῶ, & Ebraicum illud נִשְׁתָּחוּ per uerbum adorandi transferri. Huiusmodi autem conuictæ conscientie confusio, humiliatio, submissio, ac supplicatio acceptior est in conspectu Dei quam sit omnis iusticiariorum iusticia, & omnis sapientum sapientia, qua securi nec humiliantur coram diuina Maiestate, nec agnoscunt sua delicta, quibus illam quotidie offendunt. Sic plus reuerentiæ & gloriæ accedit ad Deum ab idiotis & infidelibus conscientia peccatorum percussis, quam à pharisæis, iusticiarijs, & hypocritis.

PRONVNCIANS, inquit, quod Deus reuera sit in uobis.] Hoc tertium habet euentum ac fructum prophetiæ, qui redit ad ecclesiam, dum per prophetiam illuminati ac de peccatis suis conuicti agnoscunt, & testantur esse in illa Deum. In Græco est ἀπαγγέλλω. Significat ea uox renunciare ac recitare uisa & audita, quemadmodum solent legati ad heros suos reuersi. Et hoc sensu dixit Seruator ad discipulos Ioannis ad se missos. Euntes ἀπαγγέλατε, id est, renunciate Ioanni quæ auditis & uidetis. Sic dicit hic Apostolus idiotam aut infidelem ad Deum per prophetiam conuersum renunciaturum suis, & alijs quoque esse Deum reuera in ecclesia Christianorum. Quare pertinenter reddidit Eras. renunciens quod Deus reuera in uobis sit, quod & uerti potest, inter uos sit. Dices. Atqui cum sit ubique Deus, repleatque cælum, terram & omnia, & recte dictum sit illud, Est Deus in nobis, agitate calescimus illo, & ab hoc ipso Apost. quod non absit longe ab unoquoque mortalium, & quod per ipsum uiuamus & moueamur, quomodo singulariter in ecclesia fidelium esse predicat, aut quid magni etiam est, esse in Christianis Deum, qui esse conuincitur ubique & in omnibus? Respondeo. Quod diuinam potentiam & generalem quoque prouidentiam attinet ubique est Deus moderans, gubernans, & conseruans ea quæ condidit omnia. Et hoc pacto est in mortalibus omnibus. Quod uero singularem illius gratiam, dignationem



nem ac beneuolentiam concernit, per quam non sæculariter tantum, sed & spiritualiter ad ueram ac sempiternam salutem sanctificamur ac dirigimur, singulariter est per uirtutem & operationes spiritus sancti in medio sui populi & in cordibus fidelium. Et hæc illius præsentia uarijs modis in ecclesia fidelium manifestatur, utpote, per signa & portenta, quibus olim Euangelij doctrinam confirmauit, per lucem ueritatis, quæ est euangelica prophetia, qua corda fidelium conuertuntur, & rudes idiotæ in fide Christi instituuntur, per omnis generis pietatem, iusticiam, uitæ innocentiam, beneficentiam, mansuetudinem spiritus, fraternam charitatem, & infractam quantumuis tribulationum tolerantiam. Arguunt enim hæc omnia diuinam & cœlestem uirtutem in hominibus ea operantem, quæ à cōmuni sunt naturæ nostræ consuetudine, & cursu aliena.

Cum igitur conuersus infidelis, Deum esse in ecclesia Christianorum renunciat ac deprecatur, agnoscit & testatur doctrinam, fidem, ac religionem illorum esse diuinam, esse ueracem, & nihil minus quàm erroneam & hæreticam, quo quid maius & augustius de illa prædicari poterit? Interea hostes ueritatis, iusticiarij, hypocritæ, sapientes huius mundi, damnant illā hæreseos, uocāt erroneam ac seductricem, quia opus gratiæ Dei nō agnoscunt. Offenduntur simplicitate illius & humilitate, deinde & diuersitate illa, qua dissidet à splendore ac superfluitate falsorum cultuum, & aliena est ab opinionione & fiducia, ppiæ iusticiæ, & à gloria mundanæ sapientiæ.

Hactenus ergo pphetia utilior est linguis, quod cum illæ ecclesiam reddant ridiculā, & nec fidelibus, nec infidelibus intēpestiue usurpatæ profint, ipsa utilis est omnibus, seruit gloriæ Dei, & cœlestis gratiæ testimoniū confert ecclesiæ Christi. Contemnunt ista, qui malunt exclusa pphetia, quotidianis & barbaris uerbis, ac missarum gesticulationib⁹, oculos & aures fascinare rudium & imperitorum.

Priusquam progrediamur ad sequentia, respondendum est ad quæstiones quæ hoc loco moueri possunt, & à Chrysostomo attingunt. Dixit Apostolus, linguas esse uice signi non ijs qui credunt, sed incredulis, prophetiam uero non incredulis, sed credentibus. Et hinc colligens subiungit: Ergo si cōuenerit ecclesia tota simul, & omnes linguis loquantur, ingrediantur autem idiotæ, uel increduli, an non dicent uos insanire? Quæritur hic quomodo linguae sint in signum, unde moueantur ad credendū increduli, si auditis illis dicturi sunt increduli insanire eos qui linguis loquuntur? Deinde pergēs: Si uero omnes prophetetis, inquit, ingrediat autē incredulus uel idiota, coarguitur ab omnibus, dijudicatur ab omnib⁹, & sic occulta cordis eius manifesta fiunt, atq; ita precipiens in faciem adorabit Deum, renunciāns quod Deus in uobis sit. Quæritur ergo quomodo prophetiam dixerit competere nō in-

credulis, sed credentibus, si per illam nō modo credentes ædificantur, sed & increduli illuminantur, & ad Deum conuertuntur.

Respondeo. Nihil hic contradictionis est, si quæ dicuntur recte considerentur. Linguae in signum sunt incredulis, intellige, datæ à domino, ut dum Græcus uirum Ebræū Græce, Romanus Romane, &c. loquētē audiret, sicut accidit in die Pētecostes, obstupescens intelligeret illū ex instinctu spiritus Dei, lingua quā nō didicerit, expedite loqui, eoq; facilius ad credendū permoueret. Huic non repugnat quod dicit: Si cōuenerit ecclesia tota simul, & oēs linguis loquantur, ingrediantur autē idiotæ aut increduli, an nō dicent uos insanire? Primum enim q linguis in ecclesia Corinthiorū loquebātur, nō loquebātur illis quæ possent ab idiotis & incredulis qui illic erat intelligi, sicuti fecerāt apostoli Hierosolymis, quos oēs aduenē illic sua quisq; lingua loquētes audiebāt & intelligebāt. Deinde, nō dicit: Si quidā inter uos sed si oēs linguis loquantur, id quod nō poterat fieri sine graui cōfusione. Tertio nō loquitur de quibuluis incredulis, sed de illis q ecclesiam fidelium in dño collectā ad hoc ingrediebātur, ut de ueritate Christianæ religionis cognoscerent. Hi si audissent omnes alienis & incognitis linguis loquētes, sic ut nec ipsi nec reliqua multitudo collecta quicquam intelligerent, utiq; recte eos insanire dixissent. Nec mirum, cū Apostoli à nōnullis habitī sint pro ebrijs, in die Pētecostes, quāuis uarijs linguis loquētes, à uarijs nationib⁹ intelligerētur. Hęc puto ad priorē posse responderi quæstionem. Ad posteriorē quoq; facilis est responsio. Prophetiam dixit non esse datā incredulis, sed credentibus, hic uero tribuit illi, quod incredulis quoq; prodest ad illuminationē & cōuersionē. Distingvendū est inter eos incredulos qui nō sunt credituri uerbo nisi per signa & portenta moueantur, & eos infideles qui iam cœperunt de cognoscenda ueritate cogitare, eāq; ob causam conuentus fidelium ultro & cupide ingrediantur, ut in illis audiant, quæ nā sit & qualis Christianorū doctrina, fides & religio. Prioribus nō est destinata pphetia, à quib⁹ nō recipitur. Hic uerū est quod dixit, prophetia uero nō credulis, sed credentibus. Posteriorib⁹ uero admodū est utile, si prophetiā audiant. In illis enim cōpletur qd hic dicit: Coarguunt enim dijudicantur, & in cognitionē occultorū suorū tam errorum quàm delictorum perducuntur. Nihil igitur hic quoq; cōtradictionis est, si inter incredulos & infideles distinguatur.

Tria sunt genera τριῶν. Primum est eorū, qui sic sunt obstinati, ut nullis nec signis, nec prophetijs ad fidem perducī queant. Tria genera τριῶν.

Secundum eorum qui uerbo non credunt, nisi signis & portentis ad credendum inducātur. Ad illos pertinet quod linguas incredulis signi uice datas esse dixit.

Tertium eorum qui iam de ueritate cognoscenda facti sunt solliciti, ideoque in ecclesiam fidelium



fideliū ingrediuntur, ut audiant & intelligant. In istis uera sunt quæ hic ab Apostolo dicuntur.

Quid igitur est fratres? Quoties conuenitis, unusquisque uestrum psalmum habet, doctrinam habet, linguā habet, reuelationem habet, interpretationem habet, omnia ad ædificationem fiant. Siue lingua quis loquitur, fiat per binos, aut ad summū ternos, idque uicissim, & unus interpretetur, quod si non est interpres, taceat in ecclesia, loquatur uero sibi ipsi & Deo.

Hactenus argumentatus est contra abusum linguarum, discreuitque inter illas & prophetiā, & hortatus est, ut prophetiæ, quoniam præstantior est atque utilior, maiori studio incumbant quam linguis, iam uela cōtracturus subiicit ordinem, quo debeant donis Dei uti in ecclesia, & de fine præscribit, ad quem dirigenda sint omnia. Quid igitur est fratres, inquit? quasi dicat: Cum itaque tam sint dispares linguarum & prophetiæ euentus, ut plurimū referat, quo modo & ordine usurpentur charismata hæc in ecclesia, quid conuenit, ut faciatis? Hæc uidelicet.

QUOTIES conuenitis, unusquisque uestrum psalmum habet, &c.] Omnia ad ædificationē fiant. Pertinent hæc ad finem omnium eorum quæ in conuentu ecclesiæ geruntur. Is est, ut omnia fiant ad ædificationem, fideliū, uidelicet, qui sunt in ecclesia. Hoc est, ut omnes in fide & cognitione Christi, ueraque pietate & iusticia crescant, magisque ac magis confirmetur. Hæc est uera ædificatio templi domini. Qui sunt autem illius ædificatores? Unusquisque uestrum inquit. Ergo omnes tum temporis qui membra erant ecclesiæ, simul erant illius ædificatores. Sic infra dicit: potestis omnes prophetare. Mirabilis sane structura in qua lapides & struebant & struebantur. Poterat hoc tum fieri propter ubertatem donorum Dei, quæ per spiritum Christi largiter in eos qui credebant effundebantur. Ea erant instar organorum, quæ ad hoc erant accommodata, ut structuræ huic & ædificationi seruirent. De his admonens non simpliciter: Quoties conuenitis, omnia ad ædificationem facite, inquit, sed, Quoties conuenitis, unusquisque uestrum psalmum habet, doctrinam habet, linguam habet, reuelationem habet, interpretationem habet. Ergo ædificationis huius organa sunt, psalmi, doctrina, linguæ, reuelationes, & interpretationes. Hisce sic erat instructa prima illa ecclesia, ut in cœtū cōueniētes fideles haberet & cōportaret alius psalmū, alius doctrinā, alius linguas, alius reuelationem, alius interpretationē uel sacræ scripturæ, uel eorum quæ linguis dicebantur. Sic intelligendum est quod dicit, Unusquisque uestrum psalmum habet, &c. Hoc est, unusquisque uestrum aliquid adfert, alius psalmum, a-

lius doctrinam, &c. uel, unusquisque uestrum uel psalmum habet, uel doctrinam, uel linguā &c. Non tribuit singulis omnia, quia nec spiritus sanctus hæc dona sic distribuit, ut singulis conferret omnia, sed alij aliud, quæadmodum & supra cap. 12. commemoratum est. Neque recenseret omnia dona spiritus, sed ecclesiastica tantum quæ in conuentibus ecclesiæ usurpari poterant. Itaque sic donis spiritus alij alijs instructi fideles, & in cœtum congregati, perinde sese mutuo poterant in unū illis ueluti symbolis collatis ædificare, atque membra corporis dū corpori sustentando & alendo singula suas uires, suaque officia impendunt, sese mutuo sustentant & alunt. Nunc uero postquam cessantibus donis illis in ecclesia facta sunt omnia cōtractiora, redijt ædificatio ecclesiæ ad paucos ministros, pastores, & doctores, qui utinā nusquam non sint domino fideles & necessarijs organis ad structuram templi domini instructi.

VNUSQVISQUE uestrum, inquit, psalmū habet.] Erasmus uertit canticum. Nos notam & usitatam in ecclesia uocem retinemus. Habebāt aliqui psalmos, id est, dono & instinctu spiritus componebāt cantica spiritualia, quibus magnalia ac laudes Dei decantabant. Poterant illa facere ad ædificationem ecclesiæ, si idiomate patrio & uulgo intelligibili decantarentur. Valent enim plurimum ad excitandos audientium spiritus, præsertim si communiter à plebe fideliū decantentur, quæadmodum in reformatis ecclesijs fieri uidemus.

DOCTRINAM habet, inquit.] Dupliciter exponi potest. Primum in genere, ut doctrinā habere, idem sit quod præditum esse facultate docendi, quæ sane non est omnium. Reperias qui intelligentia rerum docendarum destituti, quod ipsi nesciunt alios docere nequeāt. Rursus inuenias qui etsi apprime sint scientia rerū instructi, dicendi tamen facultate destituti, quæ sciunt exprimere non ualeant. Quare singulari dono opus est, ut & scias & eloqui ualeas, si munere docendi functurus sis in ecclesia. Deinde specialiter, de parte aliqua doctrinæ, quæ utilis sit & necessaria ecclesiæ, ut doctrinā habere, aliquid sit habere, quod speciali de causa proponendum sit ecclesiæ. Hoc sensu legendum esset, dū conuenitis, unusquisque uestrum uel psalmum aliquem, uel doctrinā aliquā habet. Vterque sensus probabilis est, at mihi posterior germanior esse uidetur.

REVELATIONEM habet, inquit.] Id est, re aliquam ecclesiæ reuelandam habet. Est autem reuelatio secreti alicuius manifestatio. Et sunt duo secretorum genera. Præsentium unum, futurorum alterum. Posterius ad uaticinia pertinet sensu communi, prius uero ad præsentium secretorum manifestationem. Quanquam reperias ubi futurorum quoque prædictio, reuelatio uocatur, quemadmodum uidere est in libro Apocalypseos.

LINGUAM habet.] Id est, donum linguarū habet, siue unius aut plurium.

INTERPRE-



INTERPRETATIONEM habet, inquit.] Puto hoc intelligendum esse non de re quapiā specialiter interpretāda, sed de dono interpretationis. Est autem gemina interpretatio. Vna qua sacrae scripturae, altera qua linguae, id est, ea quae peregrinis linguis in ecclesia, uel psalluntur, uel orantur, uel dicuntur, uulgari idioma re exprimuntur, de quo genere interpretationis supra est cap. 12. facta mentio.

OMNIA ad aedificationem fiant, inquit.] Id est, omnia haec sic gerantur in ecclesia, ut possint facere ad aedificationem fidelium. Duo requirit ab ijs qui aliquid in ecclesia, uel dicunt uel faciunt. Vnum est, ut quod agunt, ex proposito aedificationis agant. Alterum, ut eo modo agant, quo ad aedificationem facere possit. Hic refert qualia in se sint, quae geruntur in ecclesia. Etenim si natura sic sint comparata, ut ad ueram aedificationem facere non possint, inane erit propositum, & intentio frustranea, nec utilis erit ullus agendi modus. Cauendum ergo est ne particulam hanc sic intelligamus esse generalem, quasi decernat omnia posse geri in ecclesia, modo ad aedificationem. Loquitur Apostolus non de omnibus omnium adinventionibus, somnijs, ritibus ac caeremonijs, quae à superstitiosis hominibus in ecclesia post Apostolorum tempora induci coeperunt, sed de psalmis, linguis, doctrina, reuelatione, & interpretatione. Post horum catalogum subiecit: omnia ad aedificationem fiant. Quare non conuenit, ut quod dicit, extra limites materiae de qua loquitur extendatur. Cum igitur sunt in ecclesia, quae diuinitus sunt ad aedificationem fidelium tradita, fiuntque & proposito aedificationis & modo legitimo ac utili, secundum qualitatem ecclesiae, inculpabiles erunt ministri ecclesiae, siue aedificentur per illa fideles, siue minus. Est enim incrementum, non in manu ministri, sed in manu Dei.

SIVE lingua quis loquitur, inquit.] Post praescriptum scopi ac finis, ad quem sunt collimata omnia, iam subiungit expositionem modi & ordinis, quo geri debeant, quae geruntur in ecclesia.

Et primum praescribit illis qui linguis loquebantur. Non dicit: Ne quis linguis loquatur. Neque enim prohibet loqui linguis. Nec iubet linguis loqui, sed liberum hoc illis permittens, de modo & ordine praescribit dicens: Si lingua quis loquitur, fiat per binos, aut ad summum (in Graeco est τὸ πλεον, id est, ut plurimum) per ternos, idque, uicissim, ut unus interpretetur. Tria praecipit.

Primum est, ne ultra ternos linguis loquantur. Non uetat, ne unus tantum, sed ne plures tribus ad loquendum linguis admittantur. Sic cauere uoluit, ne si plures loquantur omne tempus, quo congregata est ecclesia, sic linguis detur, ut non uacet audire prophetias. Hac restrictione numeri innuitur, quam non fuerit modus ullus linguis in ecclesia Corinthiorum loquentium, usque adeo inualuerat inanis ostentatio,

quemadmodum in Papatu quaestus Missificus, per quem fit, ut cum ueteres uno tantum Eucharistiae sacro contenti fuerint, iam omnes templorum angulos multitudine Missarum impleri uideamus.

2 Deinde praecipit, ut uicissim loquantur, ad uitandum uidelicet confusionem. Ergo illi sic inhiabant ostentationi quisque suae, ut omnis morae impatientes, haud expectarent tantisper, dum prior loqui desineret: sed simul alius alia loquerentur, atque ita speciem quadam insaniae spectantibus obijcerent. Etenim quis non dicat meram esse insaniam, si in eodem conuentu plures simul ad populum diuersa diuersis linguis alius Latine, alius Gallice, alius Germanice concionentur? Sic Missatores papistae plures eadem hora diuersis locis palam in templis, sub unius conuentus spacio, alius de spiritu sancto, alius de beata uirgine, alius pro defunctis, alius de nescio quo diuo, alius de tempore missant.

3 Tertio, constituit, ut unus interpretetur ecclesiae quae linguis dicuntur, ne donum spiritus maneat inutile, & citra aedificationem ecclesiae euanescat in auram. Ideo addit dicens, quod si non est interpretes, taceat in ecclesia. Igitur illi sine interprete, alijs atque alijs linguis multi ac simul magna cum confusione ad populum fidelium loquebantur, magis inanem admirationem ac stuporem, quam utilem aedificationem quaerentes. Ecquid aliud faciunt in templis Papistarum, ubi omnibus illis Missis & boatibus, ne unus quidem interpretes adhibetur, & tamen nemo est, qui sic insanientes tacere iubeat in ecclesia. Neque sic sunt Apostolici, ut constitutionem hanc Apostoli alicuius faciant, quantumuis nomina & imagines apostolorum iactent & ostendent.

LOQUATUR uero sibiipso & Deo, inquit.] Hoc est, loquatur intra se tacite sic ut ipse tantum audiat & Deus, cui secreta patent omnia. Refert omnino cui loquaris. Est enim sermo personae accommodandus, ad quam dirigitur. Quisquis loquitur, aut Deo loquitur, aut hominibus, aut bestiis, aut sibiipso. Qui Deo loquitur, nullis expressis uerbis, ac nullius linguae idiomate opus habet. In auribus illius cogitatio cordis manifestus est sermo. Ad homines loquenti curandum est, ut idiomate illis noto utatur, quo possit intelligi. Alias frustra loquitur. Ad bestias loquenti nonnunquam necessarium est, ut notis illis uocibus utatur. Qui sibiipso loquitur, sola cogitatione quod uult expedire potest. Cum ergo inutilis sit alienae linguae sermo ad homines factus, recte constituit Apostolus, ut qui nec ipse potest intelligibiliter loqui in ecclesia, nec aliquem habet interpretem, taceat in ecclesia, & uel Deo, uel sibiipso loquatur, ubi non refert quibus uerbis, aut quo idiomate modo ipse intelligat, loquatur.

Prophetae uero duo aut tres loquantur, & ceteri iudicent. Porro si alij fuerint



rit reuelatum assidenti prior taceat. Po-  
testis enim singulatim omnes propheta-  
re, ut omnes discant, & omnes consolati-  
onem accipiant. Et spiritus prophetarum  
prophetis subiunguntur. Non enim  
est confusionis author Deus sed pacis,  
utin omnibus cōgregationib. sanctorū.

Post linguas transit ad prophetiam, de qua  
illa quoq; pręscribit, ne uel modus excedatur,  
uel iustus ordo confundatur in re omniū uti-  
lissima. Licet enim pręstantissimum sit illius  
donum, poterit tamen sic administrari, ut red-  
datur inutile, si citra modum & ordinem usur-  
petur. Nihil nanq; tam est in se bonum ac diui-  
num quod non inter ipsas nostras manus cor-  
rūpatur, quod si agnolcerent qui pręlati sunt  
ecclesiarum facile consuleretur ecclesijs & cor-  
rigerentur innumeri errores & abusus.

PROPHE TAE uero duo aut tres loquantur  
inquit.] Pręscribit illis hic quoq; modū, or-  
dinem, & finem administrandę prophetię. Ad  
modum & ordinem pertinet quod dicit: Pro-  
phetę uero duo aut tres loquantur, & ceteri  
dijudicēt. Non addit hic *τὸ πλεον*, id est, ut plu-  
rimum, quod de linguis pręscribens adiecit.  
Non enim in eo est, ut numerū prophetarum  
in ecclesia Corinthiorum restringat, sicuti lin-  
guis loquentium restrinxit. Etenim maluisset  
omnes esse prophetę deditos, quemadmodū  
mox dicit: Potestis omnes prophetare. Nec ita  
erant animati Corinthij erga prophetiam,  
ut metuendum esset ne modum in illa excede-  
rent, sicut excedebant in linguis. Quod igitur  
dicit: Prophetę duo uel tres loquantur, non  
sic dicit, quod nolit plures, sed quod totidem  
prophetis uelit esse contentus, quot illis lin-  
guis loquentes permisit. Neq; enim ob eam  
rationem numerum eundem utrobq; posuit,  
quod par esset linguis loquentium & prophe-  
tarum ratio & utilitas, sed quod sic anima-  
tis sic conueniret.

Cum anno millesimo quingentesimo trice-  
simo primo Augustam uocatus uenissem, acci-  
dit in ecclesia quam sancti Valrici uocant, ut  
dominica quadā die tres Anabaptistę ad pro-  
phetandum propria temeritate surgentes ab  
hora duodecima ad tertiam usq; per uices ad  
populum loqueretur, ē quibus postea duo re-  
cantarunt, tertius ē carcere aufugit. Illi puta-  
bant se numero hoc ternario pulchre satisfacere  
constitutioni Apostolicę. Sic ad scinden-  
dum ecclesiam pro se rapiebant quod ab Apo-  
stolo ad tollenda erat schismata secundum sta-  
tum ecclesię Corinthiorum pręscriptū. De-  
inde sumpserant sibi tres horas, quo quisq; i-  
psorum ad spacium unius horę ad populum  
diceret, ne minus ad dicendum instructi uide-  
rentur, quā essent ij qui ex officio & pro cō-  
suetudine ad horam in ecclesia loquuntur. At  
Apostolus conuentum ecclesię non astrinxit  
ad certum temporis spacium, nec ideo binos

uel ternos ad prophetandum constituit quod  
nequeat unus satisfacere concioni, uel piacu-  
lum sit si plures tribus loquantur, & quisque  
tantisper dicat, dum quod uolebat sermone  
breui ac perspicuo exprefferit.

PROPHE TAE uero duo, inquit, aut tres lo-  
quantur.] Quærunt hic, an liberum illis hac  
sententia fecerit, ut absq; certa uocatione quo-  
libet ecclesię conuentu ad dicendum duo uel  
tres surgerent, uel, an fuerint duo uel tres ē nu-  
mero fidelium eligendi, qui singulis conuenti-  
bus prophetarent. Meo iudicio, quoniam A-  
postolus hic amans erat ordinis, uerosimilius  
est pręscripsisse illum hoc ecclesię Corinthio-  
rum, ut ē numero fidelium duos uel tres deli-  
gerent, qui dono prophetię pręditi in conue-  
tibus ipsorum prophetarent ex ordine, quos  
etiam ob id prophetas uocat, non simpliciter  
dicens, duo uel tres prophetent, sed, prophetę  
uero duo uel tres loquantur. Etenim nō mox  
propheta uocari meretur, qui semel atq; iterū  
in ecclesia loquitur, sed cui munus est prophe-  
tandi iusta uocatione commissum.

CAETERI, inquit, dijudicent.] Per cæte-  
ros, intelligit omnem eam multitudinem ec-  
clesiastici conuentus, quę prophetas audit.  
Diuidit ecclesiam in loquentes & auditores  
& ne sint auditores instar stipitū, tribuit illis  
iudicium eorum quę dicuntur. Non dicit: cæ-  
teri audiant, nec dicit cæteri assentiantur, aut  
cæteri applaudant, sed, cæteri dijudicent. Re-  
quirat igitur ab auditoribus, ut attente audiāt  
prophetantes, & quę dicuntur sano cum in-  
tellectu probent, uera ne sint & ex spiritu Dei,  
uel falsa & humanitus in medium allata, atq;  
ita quę uera sunt amplectantur, quę falsa re-  
probent. Et utinam eiusmodi iudicii discretio  
libera fuisset auditorib⁹ in ecclesia relicta. Hac  
enim per episcoporum dominationem subla-  
ta, summa est prophetantibus facta securitas  
quęuis somnia & commenta ad quęstum fa-  
ciētia oppressę multitudini proponēdi. Quid  
enim metuerent nemine non modo reclamā-  
te sed contra ne hircere quidem audēte? Hinc  
sunt in ecclesia falsa dogmata, hinc idoloma-  
nia, cum omnis generis falsis cultib⁹, hinc quę-  
stuosissimus ille non Petrus sed Simon, hinc  
dominatus episcoporum, hinc plebis stupidi-  
tas & sacrarum scripturarum ignorantia, om-  
nium errorum mater. Reddatur liberum ec-  
clesię iudicium, prouocetur auditores ad in-  
telligentiam sacrarum scripturarum, unde sen-  
sus acquirant exercitatos, & ad iudicandum  
instructos, & uidebim⁹ breui omnia hęc quę  
per oppressionem liberi iudicii in ecclesiam  
irreperunt, prorsus concidere. Plurimum re-  
fert, quem audias in ecclesia loquentem, fratrē  
ne, cum quo libere de rebus fidei conferre li-  
ceat, uel eum qui sit uel dominus ipse ad oppri-  
mendum contradicentes paratus, uel à tali do-  
mino ad dicendum constitutus & certo iura-  
mento astrictus cui nemo impune cōtradixe-  
rit. Non est ecclesiasticum, si non loquatur fra-  
ter



ter in medio fratrum, propheta in medio libere dijudicantium, Christi minister in medio membrorum Christi, sed magnus dominus in medio seruorum, lupus in medio ouium, uaser & uersutus sophista in medio insipientium. Tyrannicum est nolle libera ferre populi iudicia. Omnis tyrannus osor est legitimæ libertatis. Omnis male agens, amans est tenebrarum, & osor lucis. Hæc notas utinam possint excutere episcopi, ecclesiarum domini.

Hinc tamen non est ut patrociniū sibi petant homines contentiosi, ad diuexandū omnia & ad turbādas ecclesias parati. Non dicit, cæteri diuexent, altercentur, & temere contendant, sed, & cæteri dijudicent. Aliud est ad intelligendum ac dijudicandum audire docentem in ecclesia, & aliud spiritu contentionis omnia quātumuis bene dicta in quæstionem rapere. Hoc ad lites & disturbance, illud uero ad ædificationem facit. Ad dijudicandum non est opus ut in ipso cœtu contradicat auditor docenti, sed satis est si dijudicet in corde suo de ijs quæ audit, & post conuentum si quid desiderat seorsum de illo quærat. Nisi hæc moderatio custodiatur nihil expectandum est aliud quàm inanis, imò noxia, altercatio cœtui Christiano dedecorosa.

PORRO si alij fuerit reuelatū assidēti, prior taceat, inquit.] Quod in Græco est *καθήμενος*, Erasmus uertit assidenti, cum simpliciter uertendum sit, sedenti, quemadmodum & uulgata habet. Sedentes autem uocat auditores, ne quis per assidentem intelligat eum qui sit ex ordine prophetarum. Hieronymus tamen diuersum exponit. Ille per sedētes intelligit prophetas, & per auditores stātes. At Ambrosius sedētem refert ad inferiores in ecclesia, id est, ad auditores. Probabilius est sedentes uocare Apostolum eos qui in ecclesia quiescūt & ad audiendum sedendo se composuerūt. Sic Paulus sedit ad pedes Gamalielis, & Maria ad pedes Christi docentis. Sic erat consuetudo synagogæ, ut auditores sederent. Ideo ad eum qui manum habebat aridam dicebat in synagoga dominus, surge & sta in medio. Et ipse cū inter auditores in synagoga sederet, ac legere uellet, surrexit ad legendum Lucæ 4. Quæ consuetudo in prima quoque ecclesia fuit, sicuti uidere est in epistola Iacobi. Et admodum cōuenit, ut sedeant in ecclesia, qui ad audiendum ac discendum ueniunt, ubi audiuntur prophetiæ, adhortationes & cōsolationes. Secus uero fieri uidemus in templis eidorum, in quibus non sonant prophetiæ, sed prostāt ad cultum idola diuorum, muti libri ut uocāt laicorum, ad quorū aras plebs cæca cum oblationibus discunt & adorandi gratia in genua prouoluitur. Sic ipsa facies, ipsi gestus, ipsi mores ecclesiam quæ nunc est prorsus à priore mutatam esse demonstrant.

PORRO, inquit, si alij fuerit reuelatum sedēti.] Constituit de casu contingenti nōnunquam, propter quem certo ordini ac numero prophe-

tantium stari non possit. Præscripsit quidem, ut prophetæ duo uel tres loquātur, cæteri audiant ac dijudicent. Verum quoniam libera erat reuelatio spiritus nulli nec ordini nec personæ alligata, ideoque subinde eueniebat, ut interea dum ordinarij prophetæ loquerentur, uni ex sedentibus per spiritum ea reuelaretur, unde uel corrigerentur, uel magis elucidarentur iam dicta, constituendū erat, quid in eiusmodi casu fieri conueniret, & utile esset ecclesiæ. Sic dicit igitur: Porro si alij fuerit reuelatū sedēti, prior taceat. Non dicit, significet loquenti, ut ille hoc ecclesiæ proponat, nec dicit, surgat & ipse & loquatur, neque dicit, seruet sibi ipsi, sed, prior taceat, ne uidelicet illicitū putetur ei loqui in ecclesia qui nō sit in ordine prophetarum, sed de numero sedentium & auditorum, uel ne simul ambo loquantur & sit cōfusio, uel ne ecclesia reuelatione spiritus priuetur. Hisce rationibus permittit cuius sedenti, si quid reuelationis acceperit, ut in medio fratrum surgat & reuelata sibi ecclesiæ proponat, sed ea moderatione ut prior, qui tum loquitur taceat, quo omnium animi & aures haud distrahantur sed uni sint loquenti audiēdo addicti.

PRIOR, inquit, taceat.] Quisquis loquitur aliquando est finito sermone taciturus. Quod si hoc sensu capiendum est, quod hic dicitur, ut qui prior dixit tum demū taceat, quādo quod uolebat ad finem usque eloquutus, ut tantisper expectandum sit ei, qui nouam reuelationem accepit, dum ille sermonem suum finiat, uidetur hoc clarius fuisse exprimendum dicendumque, expectet, donec prior taceat. Alioquin non erat ratio constituendi, ut prior taceat. Si uero sic tacere iubetur prior, ut mox atque alius accepta reuelatione ad dicendum in ecclesia surrexerit, ipse abrupto sermone taceat, illique dicendi locum & copiam faciat, non immerito queritur, quid id fieri cōueniat. Quod si nō aliud aliquid sed idem quod prior, uel si aliud quidē uerum nō melius, aut si tale quid quod non lateat ecclesiam, utpote iam antea ab alio dictum allaturus est in medium qui reuelationem accepit, nulla uidetur esse ratio, propter quam sermonē suum propheta qui ex officio loquitur, illius gratia abruptum ac tacere debeat. At nihil inane adfert reuelatio spiritus. Quare necesse est, ut quod audienti per spiritū reuelatur, cuius gratia tacendum sit loquenti prophetæ, tale quid sit, quod nec sit ociosum, nec inane, nec antea ecclesiæ cognitum, ut uere possit esse reuelatio. Non simpliciter dicit: Si alius quicquam cogitauerit, aut, dicendum sibi putauerit, sed: Si alij reuelatum fuerit sedēti, prior taceat. Quare uerbo reuelandi satis significat Apostolus non esse leuē causam propter quam iubeat tacere priorem, si ex auditoribus quisquam reuelationem spiritus acceperit. Et simul excluditur omnis audaculorum, contentiosorum dicaculorum & phanaticorum hominum temeritas, cui nō est ut cedat propheta.

POTESTIS enim, inquit, singulatim omnes



nes prophetare.] Rationē reddit eius quod iam dixit. Poterat dicere: Licet enim ei qui reuelationem accepit surgere ac prophetare. Verum ut asserat hanc communem omnibus libertatē, maluit dicere: Potestis enim omnes prophetare. Et alioqui sic poterāt colligere ex præcedenti constitutione: Si licet uni sedenti accepta reuelatione surgere in ecclesia & prophetare, licet & reliquis, si reliquis, ergo & omnibus. Recte ergo uelut occupans dicit: Potestis enim omnes prophetare. Sane quod licet omnibus, licet & singulis, in causa cōsimili, omnes & singulos concernente.

Non possum autem eorum probare sententiam, qui hæc referūt non ad auditōres sed ad ordinem prophetarum, doctorum, ac pastorū. Videtur illis inconueniens, si laicis, ut uocant, libertas detur in ecclesia loquendi. Et interim ne clericis quidem concedūt quod hic constituitur ab Apostolo, atq; ita doctrinā spiritus sancti prorsus reddūt inanem. Belli homines existimant gratiam ac sapientiam spiritus alligatam esse oleo ac rasuræ, & negari plebi sanguine Christi redemptæ. Illud autem tenendū est, non loqui Apostolum simpliciter de omnibus, sed cum cōditione reuelationis, quā præmisit dicens. Quod si sedenti reuelatum fuerit, prior taceat. Quod uero addit καὶ ἑκάς, id est, secundum unum, quod reddūt singularem, per singulos, non est ad ius ac libertatem singulorum fidelium, sed ad ordinem referendū, quo constituitur, ne duo uel tres uel plures simul prophetent, sed alius post alium, si adiit reuelatio spiritus.

Locus hic palam adstipulatur ei doctrinæ, qua initio renouatæ religionis nostræ doceri cœpit, Christianos omnes esse sacerdotes et si non ordine ministerij, dignitate tamen cœlestis uocationis, quemadmodum 1. Pet. 2. legimus: Vos autem genus electum, regale sacerdotium, gens sancta, populus acquisitionis, ut uirtutes annuncietis eius qui uos de tenebris uocauit in admirabile lumen suum. Propter hanc dignitatem potestas est fidelibus omnibus, annunciare uirtutes Dei ac prophetare in medio ecclesiæ, quantum uis pseudoepiscopi reclamant. Omnino quod Corinthijs est ab Apostolo dictum, potestis omnes prophetare, ad omnes Christianos pertinet.

Interea tamen non infringitur ordo ministeriorum, quibus carere non potest ecclesia, quia communis hæc omnium potestas nō debet usurpari à quoquam nisi in casu necessitatis, ubi officium non faciunt uel contrariū magis faciunt episcopi, pastores ac doctores, & ubi certa fuerit facta reuelatio spiritus, quæ casum hic ponit Apostolus: In eiusmodi casibus prophetare possunt, quorū ad id animi per spiritum Dei excitantur. Quod si prophetare possunt omnes, possunt utiq; & reliqua facere in ecclesia quæ minoris sunt momenti, utpote administrare utraq; baptismatis & cœnæ dominicæ sacramenta, psallere, orare, & gratias

agere in ecclesia, uisitare ac cōsolari infirmos, catechizare rudes, &c. Nec est, ut quæratu uocatio titularium episcoporum ac malorū seruorum, ubi diuina uocatione necessitati succurritur ecclesiæ, & impletur quod hic dicit Apostolus: Potestis enim omnes prophetare. Huius nō frustra admoneo hoc loco, propter infirmos fratres, quorum conscientia in eiusmodi casibus hæsitant, putantes nō licere prophetare in ecclesia, nisi ordinaria electione ad id muneris uocatis. Vbi officium non facit œconomus, munus eius recte obit in domo quisquis hero suo ac familiæ fidelis inueniri cupit, etiam si œconomus reclamet. Vbi uero nō deest ille suo officio non conuenit cuiuspiā ex domesticis in id se muneris ingerere, nisi specialiter ab ipso sit patrefamilias iussus. Cōsimilis est in ecclesia Christi seruanda ratio. Vbi ministri domino sunt fideles ac mynisteria regni Dei rite dispensant, non est ut extra ordinem quisquam se fidelium in munus prophetandi ingerat, nisi singulari aliqua spiritus reuelatione accepta quam debeat proponere ecclesiæ, ubi uero uel nulli sunt ministri, uel sunt quidē uerum officium aut non faciunt, aut perfide faciunt populum domini non rite docentes sed seducentes, in eiusmodi casu potestas est fidelibus omnibus prophetare & reliqua necessaria officia obire in ecclesia. Quod si plebs ipsa nō est corrupta sed fida adhuc & pietate sana, potest sibi deligere pastores ac ministros, qui domino fideliter seruiant. Agnouit hoc & Cyprianus, q. libro primo epistola quarta sic scribit. Propter quod plebs obsequens præceptis dominicis & Deum metuens à peccatore præposito separare se debet, nec se ad sacrilegi sacerdotis sacrificia miscere, cum ipsa maxime habeat potestatem uel eligendi dignos sacerdotes uel indignos recusandi. Hæc ille. Sed redeamus ad Apostolum.

Vt omnes discant, inquit, & omnes consolationem accipiant.] Hic est finis ad quē dirigenda sunt omnia in ecclesia. Eundem paulo supra una uoce expressit dicēs: Quoties cōuenitis, unusquisq; uestrum Psalmum habet, doctrinam habet, linguam habet, reuelationem habet, interpretationem habet, omnia ad edificationem fiant. Ergo doctrina & consolatione ædificatur ecclesia. Duas hic ponit ædificationis partes cum dicit: Vt omnes discant, & omnes consolationem accipiant. Discēdo ad cognitionem ueritatis ac uoluntatis Dei peruenimus. Per cōsolationem confirmamur, ne ullis modis, tentationibus, ac tribulationibus à cognitione accepta, & sancto proposito aueli nos patiamur.

Obserua uero, quod non dicit: Vt imperiti discant, & infirmi cōsolationem accipiāt, sed: Vt omnes discant & omnes consolationē accipiant: Ergo discendum est omnibus in ecclesia, & cōsolationibus opus habent omnes. Nemo hic excipitur, ne illi quidem quorum est alios docere & cōsolari, siue sint episcopi, siue



presbyteri siue pastores & doctores. Sic omnes perpetuo sumus discipuli spiritus sancti, semper opus habentes doctrina & consolatione. Mirabilis sane fidelium conditio. Potestas docendi & consolandi est omnibus, & tamen simul incumbit omnibus discendi & consolandi necessitas. Potestis, inquit, omnes prophetare, ut omnes discant & omnes consolationem accipiant. Quod perinde est ac si membrum corporis dicas: Potestis omnia sustentare corpus, ut omnia sustentemini ac seruemini. Idem propheta qui docet in ecclesia opus habet ut discat, qui consolatur alios, opus habet, ut & ipse consolatione mutua confirmetur. Qui iam reuelationem spiritus sancti accepit, & per hanc alios docet & consolatur, non ideo mox est omnem scientiam ac fortitudinis perfectionem consequutus, sed opus habet & ipse, qui discat ab alijs, & confirmetur. Nemini quippe simul omnia per spiritum sanctum reuelantur. Neque mox perpetuo firmus est in aduersis tolerandis, qui hodie consolationem per ministerium prophetiae consequitur, sed ut sumus in bono instabiles, ita fit, ut cras denuo opus habeat consolatione, perinde atque cibo cras opus habet, qui hodie comedit ac bibit.

Vt omnes discant, inquit. Quid est quod non dicit: Vt omnes credant? Est quidem potissimus scopus uerbi Dei, quod in mundo predicatur, ut ad fidem perducatur increduli, nec fieri potest, ut citra fidem saluemur. Verum Apostolus loquitur de prophetia quae proponitur non ad fidem perducendis, sed illis qui iam antea facti sunt fideles, ut in fide Christi crescant & confirmentur, ad quod opus est, ut quoti die discant hoc est, in scientia Dei magis ac magis instituantur. Sic puto duas esse prophetiae partes. Vnam, ut incredulos ad fidem conuertat, qua de paulo supra meminit. Alteram, ut credentes in scientia Dei instituat qua de hic loquitur. Illam plantationi, istam rigationi supra cap. 3. assimilauit. Et posterior haec non est priore inferior. Neque enim minor est uirtus quam quaerere parta tueri.

Et omnes consolationem accipiant, inquit. Ergo homo hominem & docet & consolatur? Atqui Iohan. 6. dictum est a Christo: Scriptum esse in prophetis, futuros omnes doctos a Deo, uel discipulos Dei, & omnem eum qui a patre audiuit ac didicit ad se uenturum. Et 2. Cor. 1. uocat Apostolus Deum, patrem Domini nostri Iesu Christi, Deum totius consolationis, qui consoletur nos in omni tribulatione nostra.

Respondeo. Vtrumque uerum est. Deus solus docet, solus consolatur. Docet & consolatur per suum spiritum. Verum homines interim ministros spiritus sui & cooperatores suos constituit. Admonemur hinc, ut cogitemus quanta sit philanthropia Dei, qua hominem in id dignitatis assumit, ut cooperetur sibi in opere omnium clarissimo cum omnia sine illius opera suapte possit uirtute perficere. Docet hominem doctrina qua possit ille docere & alios,

A consolatur hominem consolatione spiritus, qua ille consoletur & alios. Sic Apostolus cum dixisset: Benedictus Deus & pater domini nostri Iesu Christi, pater misericordiarum, & Deus totius consolationis, qui consolatur nos in omni tribulatione nostra, subiicit, ut possimus & ipsi consolari eos qui in omni pressura sunt, per consolationem, qua nos ipsos consolatur Deus. Deo sic docente & consolante, uere docent & consolantur ac uere discunt & consolationem accipiunt homines. Deo neque docete neque consolante frustra docet & consolatur homo hominem. Quare nemo propheta docere ac consolari praesumat, nisi prius dominum ipsum inuocauerit, si modo efficaciter ac cum fructu ministerium suum obire uoluerit. Et hac ratione solennis est & laudabilis ecclesiae consuetudo, ut doctrinae & exhortationi precatio non modo praemittatur sed & subiiciatur.

Et spiritus prophetarum prophetis subiiciuntur, inquit. Vulgatus interpretes uertit in singulari, & spiritus prophetarum prophetis subiectus est, uerum in Graeco non est, *πνεῦμα*, sed in plurali *πνεύματα*. Quod autem non est *πνεῦμα*, sed *πνεύματα*, Graeca est constructio, qua uerba singularia nominibus neutrius generis in plurali positum iunguntur.

Locus hic uarijs modis exponitur. Alij referunt ista ad proxime praecedens: potestis enim omnes prophetare. Quasi dicat. Nam spiritus sanctus donis suis subseruit ecclesiae, atque ita subditus est & obsequens prophetaribus, nec inuidet sua dona cuiquam fidelium. Alij referunt ad id quod dixit: Quod si cui sedenti reuelatum fuerit, prior taceat, sed alio atque alio sensu. Primo, sunt qui sic. Spiritus prophetarum, id est, charismata spiritus, prophetis concessa, prophetis alijs subiecti sunt, ut de illis cognoscant ac censeant. Quare non debet quisque propheta sic insolescere, ut tacere nolit, si alius ad dicendum surrexerit, quasi nullius sit celsus subiectus. Deinde quidam ad hunc modum. Spiritus prophetarum prophetis subiiciuntur, hoc est, ueri prophetae non sic loquuntur, ut tacere non possint, si id postulet certa ratio. Neque enim mente sunt moti, arreptitij, ac lymphatici, sicut diuinatores, prophetae Sathanae, qui more insanorum uaticinantur quae non intelligunt, & nolint uelint loquuntur secundum uim spiritus mali a quo rapiuntur & agitantur, sicut neque principium, neque cursum, neque sensum neque finem sermonis habeant in sua potestate. Veri prophetae tacere possunt ubi uolunt. Non enim coguntur sed in potestate sua habent donum spiritus. Sic quod dicit. Spiritus prophetarum prophetis subiiciuntur, idem esset, quod, dona prophetarum ipsis subiiciuntur, id est, sunt in ipsorum potestate.

Tertio, nonnulli sic exponunt. Spiritus, id est, animi ac mentes prophetarum, subiiciuntur alijs prophetis, ut illis ad ecclesiam dicturis haud grauatum cedant, non sunt praefracti sed submissi, agnoscetes in alijs quoque ac uenerantes

Ambro.



tes dona spiritus. Quare non erit molestū ulli prophetæ, si surgat ex sedentibus aliquis, reuelationem spiritus propositurus ecclesiæ, ut taceat & cum alijs audiat. Et hæc sententia simplicior mihi præq; alijs retinenda uidetur. Reprimat igitur Apostolus fastum eorum qui in ecclesijs Corinthiorū spiritu arrogantiæ inflati quosuis præ se fastidiebāt, & haud facile cuiq; cedebant, & simul admonet, q̄ sint alieni, qui eiusmodi sunt, ab ingenio & modestia uerorū prophetarum, quibus hoc unū in uotis est, ut ædificetur ecclesia, per quoscunq; tādē hoc fiat, ideoq; parati sunt omnibus cedere, & tacere, modo sint qui uerbum domini rite administrēt. Sic olim spiritus episcoporū episcopis subijciebantur, & alius alij cedebat, ubi maior erat futuræ ædificationis expectatio. Hodie citius Sol Lunæ cedit, q̄ episcopus episcopo.

Et obserua quale sit hoc genus subiectionis. Spiritus prophetarum prophetis, inquit, subijciuntur. Ergo ne propheta dominiū habet in prophetā tanq̄ superior in eū qui ipsi subijcitur? Absit. In sæculo sic fieri uidemus, ut ubi subiectio est, ibi sit & superior aliquis cui qui inferiores sunt subijciuntur & obediant. Inter prophetas, episcopos, & reliquos ecclesiæ ministros, non habet locum pontificiū illud, ubi maioritas, ibi mandandi est potestas, reliquos manet obediendi necessitas. Hic frater fratri, propheta prophetæ, Apostolus Apostolo, minister ministro subijcitur, sic ut neq; sit minor qui se fratri subijcit, nec maior cui ille subijciat. Est enim subiectio ista non coacta sed spontanea, nō externa tantū sed & spiritualis, & præterea mutua, sic ut cui hodie propheta subijciat, cras ipse eidē uicissim subijciatur. Quare non potest hic inferri. Ergo spiritus prophetarum prophetis dominantur. Nihil hic est dominij, ubi donis spiritus inseruitur, & pari ab omnibus studio ecclesiæ ædificatio queritur. Nihil, inq̄, dominij est, ubi nemo quæ sua sint querit, sed fratres fratribus spiritu charitatis uicissim subijciuntur.

NON enim est cōfusionis author Deus, inquit, sed pacis. Ratio est, unde fiat quod spiritus prophetarum subiecti sunt prophetis. Est aut ratio hæc gemina. Prior tribuit hoc Deo, per cuius spiritū spiritus prophetarum sic diriguntur ut prophetis ultro subijciantur. Cum dicendum uideatur. Non enim sunt arrogantes & præfracti, sed humiles & submissi, reiiciens causam subiectionis huius in ipsum Deum dicit: Non enim est Deus author cōfusionis sed pacis. Hoc est, non reddit spiritus Dei prophetas contentiosos qui omnia in ecclesia cōfundant & pacem turbent, sed placidos & pacis amantes, fieret aut cōfusio, & dissidium in ecclesia, si non cederet alter alteri sed uel prohiberentur alij dicere, quibus reuelatum est, uel simul omnes prophetarent. Deus aut non potest esse cōfusionis author. Hinc uidelicet est, quod spiritus uerorū prophetarum prophetis subijciuntur. Tales non reddit sapientia, eruditio, potentia, & opulencia carnis. Quare nō

posset ueraciter dici: Spiritus sapientū sapientibus, eruditorum eruditis, potentium potentibus, opulentorū opulentis subijciuntur. Etenim spiritus carnis & mundi huius non est amans pacis & subiectionis sed cōtentionis & inanjs gloriæ. Et reuera magna pars doctorū hominum nostra hac ætate nimis palam declarant, quo spiritu ferantur, dum omnia contentionibus admodum acerbis turbant, ac turpe sibi fore putant, si alijs subijciantur ac cedant.

Posterior ratio declarat, quare Deus tales spiritu suo prophetas reddat, q̄ prophetis subijciantur. Propterea, uidelicet, quod ut non est amans cōtentionū, ita suis ministris ac fidelibus non est author cōfusionis sed pacis & cōcordiæ. Et hanc ob causam, qui spiritu Dei diriguntur, non sunt amantes cōfusionū ac disturbanceum sed pacis seruandæ gratia fratribus facile cedūt. Prophetæ spiritus subijcitur prophetæ, quia sic à Deo dirigitur, interea uero non subijcitur cuiuspiam ueritatis hosti, quārumuis potenti, nec tacet, etiā si uitæ discrimē loquendo incurrat. Est hæc sententia generalis, ideoq; non ad præsentem duntaxat causam sed & ad reliquas consimiles accommodanda. Cōfusionem hic uocat Apostolus *ἀνατάραξις*. Sonat *κατάστασις* rectam rerū dispositionem, statum & ordinem, & hinc est, *ἀνατάραξις* status & ordinis dissolutio & cōfusio. Vulgatus interpret uertit dissensionē. Ex dissensionē nascitur ista ordinis ac status dissolutio ac cōfusio. Quam magnum autē est recti ordinis bonum tam magnum est cōfusionis malum. Ordine recti status seruatur omnia, dissolutio ne ac cōfusionē dissipantur. Cum ergo Deus sit conditor ac seruator omnium, cōdideritq; omnia in pondere, numero, & mēsurā omnium sapientissime, consequitur nihil ab illo magis esse alienum, quā rerum cōfusionem.

Sunt uero uaria genera cōfusionis, secundū uarietatem rerū, quæ certo sunt ordine dispositæ, & certo quodam statu firmatæ. Habent cœlestia & terrena, habent ecclesiastica, politica, & domestica suam catastasim, ut priuata taceam. Author huius est Deus, & per hūc in ordine ac statu suo seruantur omnia. Satan uero tanq̄ aduersarius Dei, totus in eo est, ut dissoluat opera Dei. Quare perpetuo huc incūbit, ut *κατάστασις* rerum quæ à Deo sunt subuertat, & *ἀνατάραξις* inducat, potissimū in ecclesiam, gloriæ Dei & salutis humanæ officinā. Nos igitur, ubi rerum cōfusionem uidemus agnoscamus opus nō Dei sed Satanæ. Nisi eueniat, ut quæ male sunt iuncta, uel, male geruntur, cōfundantur. Eiusmodi cōfusio non est à Satana sed ab ipso Deo, qualis erat cōfusio linguarū, ædificatium turrim Babel. Hanc imprecemur omnes Antichristianæ Babyloni, quæ se in cœlum usq; erexit, Deoq; & ecclesiæ iam olim repugnare cœpit. Illud obseruet pius lector, quod pacem opponit cōfusioni. Cum enim dicendum esset: Non est Deus author cōfusionis sed ordinis, dixit: Non est Deus author cōfusionis sed pacis. Ergo per dissidia, cōtentiones &



nes & rixas confunditur ecclesia, dum pax & trāquillitas illius subuertitur, per pacem uero seruatur ordo quo omnia competenter geruntur & opus Dei feliciter promouet, hoc est, ecclesia salubriter ædificatur. Hæc pax, Deū habens authorem, qua cuncta legitime ac recto ordine geruntur, spiritus prophetarū prophetis subiiciuntur, & ecclesia per doctrinā & cōsolationem in uera fide ædificatur, non conuenit ecclesiæ Antichristianæ, dignæ quæ cōfundatur, sed ecclesiæ Christi. Et hanc quærimus ex animo, eā uero, qua fideles Antichristo quasi mancipia tyranno, subiiciantur, auersamur ac detestamur.

Vt in omnibus, inquit, congregationibus sanctorū.] Desyderatur uerbum aliquod, quo sensus perficiatur. Vulgata uersio habet, sicut & in omnibus ecclesijs sanctorum doceo. Sic legit & exponit Ambrosius, & Chrysostomus quoque; addidit *didāxon*, id est, doceo, quemadmodum exemplar habet, quod mihi est ad manum. Et sic Theophylacti quoque; uersio habet. Sunt qui legendū esse purāt, sicuti fit in omnibus ecclesijs sanctorum. Interest quod referas hanc particulā. Si ad ea quæ præscripsit Corinthijs dicens: Prophetæ uero duo aut tres loquantur, & cæteri dijudicēt. Si uero alij fuerit sedenti reuelatum prior taceat. Potestis enim omnes singulatim prophetare, ut omnes discant, & omnes cōsolationē accipiant, & spiritus prophetarū prophetis subiiciuntur, sensus erit. Hæc uobis præscribēs nihil noui præscribo. Nam sic doceo, & sic fit, in omnibus ecclesijs sanctorum, à quibus non est quur uos in hac causa segregetis. Quod si hic sensus placeat, illud: Non est enim confusionis author Deus sed pacis, includendum est parenthesi, ac sic legendum. Potestis enim singulatim omnes prophetare, ut omnes discant & omnes cōsolationem accipiāt, & spiritus prophetarū prophetis subiiciuntur (non enim est confusionis author Deus sed pacis) sicut in omnibus ecclesijs sanctorum fit, uel, doceo. Si uero referas ad proxime præcedens: Non enim cōfusionis author est Deus sed pacis, sensus erit, quēadmodum id comprobatur, uel, uidere est, in omnibus sanctorū ecclesijs, in quibus paci studetur ab omnibus sanctis, nec locus datur dissidijs & confusioni. Quare si sancti estis & ipsi, operam dabit, ne in uobis solis confusionis author uideat esse spiritus Dei, cuius donis abutimini. Dubio procul erant & in alijs ecclesijs sanctorū dissidia, quibus maleuolorum, ac reproborum improbitate exercebantur, uerum hoc genus confusionis, quod ex donis Dei in abusum raptis nascebatur peculiare erat ecclesiæ Corinthiorum, ac speciē quandā imperitis obijciebat, quasi author illius esset spiritus Dei, quod charismata linguarum & prophetiæ in homines cōtentiosos effudisset. Cum ergo dicit: Non enim cōfusionis author est Deus sed pacis, sicuti patet in omnibus ecclesijs sanctorum, hoc sensu perinde est ac si dicat, quod ecclesia uestra tantopere confunditur non est dā

A dū spiritui Dei, sed uestris studijs quibus alij charismata hæc imprudenter æmulantur, alij inutiliter iactant & ostentāt. Neque enim sic est comparatus Deus, ut eiusmodi uelit esse confusionis author id quod abunde patet in reliquis omnibus sanctorū ecclesijs, quarū nulla hac confusione turbatur, turbarentur autē illa omnes, si Deus cōfusionis esset author per id, quod charismata linguarū & prophetiæ credentibus uobis elargitus est. Nam effudit hūc suum spiritū non in uos solos, sed & in cæteros fideles, qui tamē ordini, ac paci, & ædificationi charismata ista accommodant.

B Vtro hæc sensu accipiamus, omnino improperat illis reprehensibilem hanc singularitatē, qua se ab omnibus alijs ecclesijs sanctorū separabant, & ordinem donorū Dei inuertebāt, quo utebantur alij omnes. Quantum autē dedecoris habeat eiusmodi singularitas, haud opus est ut admoneam. Sed obsecro, quid aliud facere iā olim cœpit ecclesia Romana, ubi ab hoc cōmuni præscripto Apostoli deficiēs, omnium aliarum ecclesiarū sanctorum & apostolicarum consuetudinē contempsit, inq; ea singularitate etiamnū perdurat, imò, quod peius est, eos qui ad consuetudinem priorū ecclesiarum redire cupiunt, hæreseos dānat. Percurre lector omnia pontificum decreta canones ac cōstitutiones, & uide num in illis inuenias aliquid ex tota hac materia sumptum, quā Apostolus singulari diligentia tam multis tractat & inculcat. In ecclesijs sanctorū omnibus, ab Apostolis uidelicet institutis, pluris fiebant quinque; uerba lingua intelligibili & uulgari, q̄ decemillia idiomate incognito prolata. Si in hisce ecclesijs, cū scriberet ista Apostolus, Romana quoque; fuit, quæ est illa temeritas qua cōtrā catholicā ecclesiarū consuetudinē, cōtrāque; catholicam Apostoli doctrinam, peregrinā & ignotam linguam, Latinam uidelicet ecclesijs Occidentalibus obtruserūt? Quomodo hodie hæresis est, quod Apostolus tāto serio docuit, quod ratio ædificandæ ecclesiæ poscit, quod communis sensus requirit, quodque; catholica sanctorū ecclesiarum cōsuetudo in tam uarijs Orientalium nationibus seruauit?

Respondeant ad ista, qui nobis uicium singularitatis, hæreseos matris, obijciunt, propterea quod à cultibus ac ritibus aliarū ecclesiarū defecimus, & Romanæ sedis dominatum respuimus. Cōprobent ea quorū gratia cum Romanis ecclesijs haud cōmunicamus, ecclesijs esse sanctorū ab apostolis tradita, & usu catholico seruata, sicuti nos comprobare possumus, quæ ipsi contrā uerbum Dei sectantur ad alterina esse, & à doctrina Apostolica, usūque; ecclesiæ catholice aliena. Magnum sane præiudiciū est in catholica ecclesiarū consuetudine. Et utinam illa sic sit hodie comparata ut recedentes ab ea merito hereticæ queant singularitatis argui. Verum non habet locū hoc præiudiciū nisi in ecclesijs rite institutis. Ab illis citra necessitatē studio singularitatis dissentire, omnino dignum est repræhensione. Quam autem



rem uelim ab hoc singularitatis uicio omnes eas alienas esse ecclesias, quæ in Romana Babylonē discesserunt. Laudabilis est ab illa discellus, uerum non posse in rebus licitis & utilibus conuenire cum ecclesijs reformatis, nemo, puto, cordatus probauerit. Priusq̃ ad sequentia transeamus, respondendum est Eccio, qui in locis suis uerba hæc Apostoli sic citat, ut ex illis comprobet, intelligentiã scripturæ magis quærendam esse apud Romanã ecclesiam, concordē & unitã, q̃ apud Lutherũ, uel Zuinglium, uel Osiandrum, eo quod non sit dissensionis author Deus, sed pacis, isti uero inter se dissentiant. Non cogitauit ille, neminem esse fidelium, qui S. scripturæ intelligentiã quærat apud ecclesiam uel hominẽ aliquem quantũ uis doctũ, & non magis apud eum, qui clauẽ habet scientiæ & mentes fidelium aperit, ut scripturas intelligant. Quod uero attinet dissidia nostrorũ temporum, non est nouũ quod in ecclesia oriuntur schismata. Vetus hoc est, etiã temporibus apostolorũ cognitum, præsertim in ecclesia Corinthiorũ, quã nihilo secius uocat Apostolus ecclesiã Dei, & membra illius uocatos sanctos, ablutos, sanctificatos & iustificatos. Quam autẽ unita sit Rom. ecclesia, & qualis sit quaq̃ in re ipsius unitas, quid attinet meminisse?

Mulieres uestre in ecclesijs sileant: neque enim permissum est illis ut loquantur, sed ut subditæ sint, quemadmodũ & lex dicit: Quod si quid discere uolũt, domi suos uiros interrogẽt. Nam turpe est mulieribus in ecclesia loqui.

Supererat adhuc corrigenda muliebris temeritas, qua mulieres Corinthiorũ in ecclesijs haud secus atq̃ uiris prophetandum sibi esse censebant, aliàs poterat iam præsentem materiam claudere. Quoniam autem dixerat: Potestis enim omnes prophetare per uices, ut omnes discant & consolationẽ accipiant, ne hoc sic generaliter accipere, ut ad mulieres quoq̃ pertinere putaretur, consulto de illis subiecit ac temeritatem illarum hoc canone coërcuit.

MULIERES uestre in ecclesijs sileant inquit.] Poterat uerti, uxores uestre in ecclesijs sileant. Quod enim de uxoribus præcipue loquatur ex eo satis patet, quod dicit, sed ut subditæ sint, quemadmodum lex dicit: Quod si quid discere uolunt, domi uiros suos interrogẽt. Etenim licet ad uirgines quoq̃ & ad uiduas pertineat hoc præscriptum, quia tamen uxoratæ plus sibi licentiæ ut domi erga maritos & domesticos ita in ecclesia quoq̃ in cœtu publico uindicabãt, q̃ uirgines & uiduæ, quarũ illæ uirginali pudore, istæ uiduali solitudine affectæ submissius agere solent, haud præter rationẽ præcipue illarũ licentiã restringit. Prudenter autẽ facit, quod non dicit, pauca, uel moderate, uel submisse ac uerecunde, in ecclesijs loquantur, sed, ne quid quouis modo ausint, in uniuersum eas compescit dicens, sileant. Vno uelut ictu omnem muliebrẽ gar-

rulitatẽ amputat, unde plurimũ fuisset altercationũ & rixarum exortum in ecclesijs.

NEQVE enim permissum est illis ut loquantur, inquit.] Reddit rationem huius constitutionis, non quod id poscat res ipsa, quã cõmunis ubique sensus approbat, sed quod Corinthiorũ esset leuitati ac uanitati occurrẽdũ. Reddit autẽ geminã rationẽ, illiciti unam, turpitudinis alterã. Illicitũ esse mulieribus loqui monet dicens: Neq̃ enim permissum est illis ut loquantur. Non licet illis quod nõ est permissum. Dupliciter autẽ nõ est illis permissum ut loquantur. Primũ, dum contrariũ ipsis est diuina lege præceptum. Hoc exprimit dicens, sed ut subditæ sint, quẽadmodũ lex dicit. Deinde, quatenus in omnibus gentibus, ubi aliquis est honestatis publicæ sensus & utriusq̃ humani sexus decorũ seruatur, à publicis actionibus muliebris sexus remouetur. Scio quid hac de re apud nonnullos philosophos legatur, uerũ nihil hinc est præiudicij contra communes gentium ac populorũ mores. Cum ergo mulieri nec diuina lege, nec catholica omnium sit populorum consuetudine ac publica honestate permissum ut loquatur, restat illicitum illi esse ut loquatur. Non est autẽ uerbum loquendi simpliciter hic positum ab Apostolo, quasi mulieri nihil omnino loqui liceat, sed de eo loquẽdi genere, quo publicæ actiones uel causæ ex officio proponuntur ac tractantur in conuentibus uirorum in ecclesijs, & in foro, quod uiris competit non mulieribus. Quemadmodũ & uerbũ currẽdi nõ est de quolibet cursu usurpatũ in eo quod pseudaprophetis exprobrat dominus dicẽs: Cucurrerunt & ego non misi eos, sed de cursu legationis, qui non competit nisi delectis ac misis.

SED ut subditæ sint, inquit.] Subintelligẽdum est, præceptũ, ac legendũ, neq̃ enim permissum est illis ut loquantur, sed præceptũ ut sint subditæ. Non enim recte dixeris, permissum esse mulieribus ut sint subditæ, cum ea sit illis subiectio non sic permissa, ut non peccet obediendo, sed sic præcepta, ut peccet nisi subdantur & obediant suis uiris. Ergo non esse permissum mulieribus ut loquantur, ex eo probat, quod præceptum ipsis est, ut sint subditæ. Valeret argumentũ, si præceptũ esset illis ut sileant. Cui præceptũ est silentium, utiq̃ nõ est permissum ut loquatur, quemadmodũ cũ præceptũ esset Apostolo ut euangelizaret, permissum illi non erat ut sileret. Quare dicebat: Væ mihi si non euangelizauero. Iam cum pro eo quod dicẽdum erat, sed ut sileant, dicit, sed ut subditæ sint, uidendũ est quomodo ex eo qd̃ subditæ sunt uiris mulieres, consequat̃ nõ licere illis ut loquant̃, cũ tamẽ, spiritus prophetarum haud ideo loqui uetent, quod prophetis subijciuntur. Sciendũ hic est, aliter subditã esse mulierem uiro & aliter spiritus prophetarum prophetis. Mulier subdita est uiro, propter illius eminentiam, qua primum est ad imaginem Dei conditus, deinde iudicio & facultate mentis, corporis quoque uiribus præ-



stantior caput mulieris constitutus, ipsa uero, A  
tanquam in hisce omnibus inferior, non est apta  
ad regendum, sed opus habens ut regatur.  
Prophetæ uero prophetis non sic subiiciuntur,  
quod alij alijs sint præstatiores ac superiores,  
sed quod hoc postulat ratio seruandæ pacis,  
uitandæq; confusionis, & ædificandi ecclesiâ.  
Quare Apostolus recte colligit ex subiectione  
mulieris nō esse illi pmissum, ut loquat, quod  
ramen ex subiectione spirituum prophetorum  
non colligit. Respicit enim illic non tam subie  
ctionem, q̄ subiectionis causas, propter quas  
mulieri negatur, uiro autē datur, ut publicas  
actiones & causas loquendo & agendo obeat.  
Quamquam & prophetarum subiectionem lo  
co silentij ac celsionis posuit. Tantisper enim  
propheta prophetæ subiicitur, dum loquens  
loquuturo ad tempus cedit ac tacet.

QVEMADMODUM, inquit, & lex dicit. I  
Non modo lege naturæ & conditionis, sed &  
lege Dei singulariter post præuaricationem la  
ta, subiecta est uiro mulier. Lex ista legitur Gen.  
3. ad hunc modum: Ad uirum tuum, hoc est, in  
potestate uiri tui erit desyderium tuū, & ipse  
dominabitur tibi. De hac lege loquitur, nō de  
rota lege Moysis, cum dicit: quemadmodū &  
lex dicit. Non simpliciter, inquit, quēadmodū  
lex, sed, quemadmodū etiā lex dicit. Q. d. Pre  
ter alia quæ mulieris subiectionem cōprobāt,  
præcipitur illa etiam lege diuina. De lege autē  
hac non est ut hic annotemus. Diximus de il  
la in Comment. nostris super Genesim.

Illud considerandum est, quod legem Dei  
citatur Apostolus in causa omnibus non modō  
Christianis, sed & reliquis populis ac gentib;  
cognita & indubitata. Quæ est enim natio, in  
qua non subsit mulier uiro? ut uideri possit o  
ciosum ac superfluum, quod causam omnib;  
notam, in qua nulla est controuersia, lege Dei  
comprobandam putauit. Verum non est hoc  
citra rationem factum. Homini Christiano fa  
tis non est propterea facere quæ recta sunt, q̄  
communi usu ac sensu comprobentur, sed fa  
cienda sunt illi ex fide ac conscientia Dei. Mu  
lier Christiana non ob id tantum subdit se ui  
ro, quod ea sit omnium gentium consuetudo,  
sed quod sciat ita placere Deo, eaq; sit fide er  
ga illum & obedientia prædita, ut quod facit  
ex animo faciat. Huc autem seruit scientia di  
uinæ legis, unde uoluntas ac placitum Dei co  
gnoscutur. Quare magna illam ratione Apo  
stolus hoc loco citauit.

QVOD si quid discere uolunt, inquit. I  
Occupatio est. Poterat enim obijci. Ergo mulier  
sedebit in cœtu ecclesiastico instar stipitis, nec  
discet ea, quæ ignorat, nec quæret sicubi hæsi  
tauerit? Quomodo enim quæret ac discet, nisi  
interroget? Quomodo interrogabit nisi loqua  
tur? Respondet. Non prohibeo, ne discat. Po  
test audiendo ac tacendo discere in ecclesia.  
Quod si ecclesiastica illi doctrina non satisfac  
erit, sed est in quo hæset, uirum suum domi  
interroget. Hoc dicens, non uetat mulieres di  
scere in ecclesia, quæ perinde atq; uiri ædifican

dæ sunt in cognitione Dei ac ueræ pietatis stu  
dio, sed cauet ne prætextu discendi decorum  
muliebre excedant, & pudorem sexus alter  
cando abijciant. Sic uerbo discendi usus est  
hoc loco sensu interrogandi, quod ex eo patet  
quod adijcit dicens: domi uiros suos interro  
gent. Q. d. Si quid interrogare uolunt, interro  
gent non in ecclesia prophetas, sed domi suos  
ipsarum maritos. Prætextum interrogandi ac  
loquendi tollit, quo ipsam publicam interro  
gationem tollat. Poterant enim studiū discen  
di prætexere, eoq; prætextu licenter quiduis  
interrogare. Hoc quippe ingenio curioso ple  
ræq; sunt ex illis, præsertim ditiores, quales  
erant de quibus 2. Tim. 3. meminit dicens: Ex  
his enim sunt qui subeunt in familias, & ca  
ptiuas ducunt mulierculas oneratas peccatis,  
quæ ducuntur concupiscentijs uarijs semper  
discennes, hoc est, semper interrogantes, nec  
unquam ad cognitionem ueritatis uenire ua  
lentes. Nec alienum est à phrasi Græcorum, si  
discere pro interrogare sumpserimus hoc lo  
co. Nam & illis *μαθῶμαι* idem nonnunquam est  
quod *ῥωτῶ*, id est, quæro & interrogo.

DOMI, inquit, suos uiros interrogent. I Nō  
dicit, extra ecclesiam prophetas accedāt & in  
terrogent, ne det illis occasionē prophetas cu  
riosos quæstionibus diuexandi, uel tandē suc  
cessu tēporis minus honesta sub prætextu cō  
stitutionis Apostolicæ tentandi, qualia in Pa  
patu sub specie cōfessionis, aut cōsiliij quæren  
di innumera fieri cōstat. Domi, inquit, p̄prios  
uiros interrogēt. Hic nihil sinistrae suspicionis  
oriri potest. Deinde facile poterit maritus cu  
rio sitati uxoris autoritate sua imponere mo  
dū, & inutiles illius quæstiones graui & matu  
ra repræhensione multo abscindere melius, q̄  
quisq; alius, quis accurate illis & subtiliter re  
spondens. Puto autē non dare illis Apostolū  
occasionē maritos suos de quibuslibet inutili  
bus rebus interrogandi, cū dicit, si quid discere  
uolunt, domi uiros suos interrogent. Quo  
modo enim permetteret illis, quod nemo po  
terit probare cordatus? Loquitur de ijs rebus  
de quibus dictum est à prophetis in ecclesia.  
Hic, inquit, si quid discere uolunt, non interro  
gēt in ecclesia, sed quærat domi à suis maritis.  
Nec est q̄, dicas: quomodo poterit uxorus  
laicus & idiota docere suā uxore domi? Nō e  
nim intelligit de q̄buslibet abstrusis reb; , sed  
de ijs quas oēs audierūt in ecclesia, de quibus  
facile fuerit uiro pio & auditori haud oscitātū  
respōdere uxori interrogāti. Verū in Papatu,  
ubi multa eidola habent loco librorū ac docto  
rū, qd respōdebit uxori suæ laicæ? imō de q̄bus  
illa domū ē tēplo eidorū regressa interroga  
bit, cū nihil quod discēdū sit in tēplo audierit?

NAM turpe est, inquit, mulieribus loqui in  
ecclesia. I Reddit adhuc aliam rationē, quā su  
prā diximus esse alteram, quare nō debeat mu  
lier loqui in ecclesia, sed domi, si quid interro  
gare uelit, interrogare suum maritum. Hanc  
sumit à turpitudine, dicens: Nam turpe est  
mulieribus loqui in ecclesia. Turpitudine est,  
quan-



quando quid præter decorum uel personæ, uel officij, uel naturæ, uel sexus, uel loci uel tēporis admittitur. Oppositum huius est honestas, quando omnium istorum seruatur decorum. Decorum autē muliebris sexus est submissio & silentium in publico. Turpitudine igitur illius est, si sit mulier audacula in publico, sic ut abiecto pudore profiliat ad dicendum in medio uirorum.

Turpitudine hæc merito repræhenditur ab Apostolo. Sed obsecro, si repræhensibilis est turpitudine, quæ dedecorosa est mulierculæ in cœtu ecclesiastico quid interroganti, quanto est ea repræhensibilior, qua ad dedecus uirilī sexus ac dignitatis uiri, imò integra nonnunquam regna reguntur à mulierculis? Iurisdictiones datæ sunt monialibus, & nonnullis illarum titulus est principalium abbatissarum. Sit hoc leuiculus, an non illud dedecus est ecclesiæ Christi omnium maximum, quod mulier scortum non modo loquuta est, sed & dominata uniuersali ecclesiæ sub titulo & persona pontificalis eminentiæ? imò tot iam sæculis meretrix purpurata tyrannidē exercet in ecclesia?

Sed ualeant ista, donec corrigantur iudicio domini. Nos interim qui uiri sumus, maxime dignitate, iudicio, & potestate præstantiores, colligamus ad hunc modum. Si turpe mulieri est loqui in ecclesia, quomodo non est turpius uiris episcopis non loqui in ecclesia, cum loquendum sit ipsis ex officio? quomodo non est turpius uiris doctoribus nugari in ecclesia, & fictis uerbis negociari? Si turpe est mulieri aliquo pacto sexus ac personæ suæ decorū excedere, quid censendum de uiris est, nullam sui sexus suæque personæ rationem habentibus? Turpe mulieri est obire uelle in ecclesia, quæ non nisi uiros concernunt, & non est turpe episcopis, prælatis, pastoribus ac doctoribus muliebre sectari molliciem, leuitatem ac uanitatem? Natura mulier rixatrix. Quomodo non turpe est doctoribus quauis leui de causâ muliebriter contendere ac rixari in ecclesia? Vicia mulierum quàm sint turpia, uidemus, uerum non ita diligenter cauemus, ne in turpiora incidamus.

An à uobis sermo Dei profectus est, aut in uos solos incidit?

Ambrosius ista & quæ ad finem usque capit sequuntur, immediate subiungit præcedentibus hisce uerbis: Non est enim confusionis author Deus, sed pacis, ut in omnibus congregationibus sanctorum, & quæ de silentio mulierum immixta sunt, in calcem capitis locat. Cur id faciat, facile cogitari potest. At, meo iudicio, nō erat opus seriē contextus diuellere.

AN à uobis, inquit, sermo Dei profectus est? Stomachum nonnihil respiciunt ista aduersum arrogantes, qui, ut apparet, cum philosophia essent turgidi, fideles ex Iudæis, & ipsos quoque apostolos, quod Iudæi essent, contemnebant, eoque confidentius abusus, qui in eccle-

siam Corinthiorum irroperant, tuebantur. Hi perinde insolescebant, ac si uel primi uel soli essent Christiani. Cū ergo doctrina regni Dei, quam hic uocat sermonem Dei, profecta esset non ex Gentibus ad Iudæos, sed ex Iudæis ad Gentes, quemadmodum & Christus salutem ex Iudæis esse dixit, & Iesaias uerbum Dei è Zyon & Hierusalem egressurum uaticinatus est, deinde non ad solos Corinthios, sed & ad reliquos populos uenisset, atque ecclesias constituisset, à quibus ipsi dissidebant, insultat illis, & exprobrat utrumque, quod neque primi neque soli essent Christiani, non quod ob eam essent causam culpandi, sed quod cæteras ecclesias præ se haud secus fastidiebant, quàm si ipsi uel primi uel soli essent Christiani, cum tamē neutrum sibi uendicare possent. Dicit itaque: Vnde uobis tantum est supercilij, ut cæteras ecclesias omnes contemnatis, dum ordinē quem illæ sibi traditum religiose seruant, soli respuitis, & uestro arbitratu cuncta in ecclesia uestra geritis, illamque non ædificatis, sed confunditis? An putatis sermonem Dei à uobis egressum uenisse ad alias ecclesias? Sic sane putatis uestra exempla imitanda esse alijs ecclesijs, haud secus, quàm si quod habent, à uobis acceperint, ideoque à uestris debeant pendere placitis. Verum non est sermo Dei à uobis ad alios, sed à Iudæis ad uos quemadmodum & ad alios profectus. Vel, putatis uos solos esse Christianos, quasi non & aliæ sint ecclesiæ ad Christum pertinentes, in quibus spiritus sanctus charismata sua, non minus quàm in uos, in eos effudit qui crediderunt, quæ tamen omnes acceptum à nobis ordinem seruant. Sic perstringit singularitatis ipsorum superbiam & arrogantiam.

Interea cogitemus quàm ista Apostolus, uel quiuis Christianus, multo iustius exprobrat Romanis, quàm tum exprobrauit Corinthijs. Hi nanque perinde primatum sibi uendicant in omnes Christi ecclesias, ac si principium Christianæ fidei & ecclesiæ sit ab ipsis, nec possit esse ecclesia Christi, quæ nō sit ipsis incorporata, hoc est, ab ingluuie ipsorum absorpta, cum nec primi sint Christiani, nec soli. Quid non auderent, si scriptum legeretur: Salus ex Romanis est: & E Roma exhibit lex & uerbum domini?

Præter Romanos sunt & alij nostra hac ætate, qui propterea quod apud ipsos primum Papistici abusus reuelari taxarique cœperunt, conuenire sibi putant, ut sint magistri reformatarum ecclesiarum, nec aliunde posse rectius normam instituendæ reformationis peti iudicant quàm ab ipsis. Ab his, nisi ad omnia ipsorum consentias, mox audies: Quid habes, quod nō à nobis acceperis? Quare & istis recte obieceris: An à uobis profectus est sermo Dei? uel in uos solos incidit? Fatendū quidem est, aliquid deberi honoris illis ecclesijs, quæ ueluti primitiæ fuerunt renascentis ueritatis, uerum probari non potest, si sibi supercilium



lium primatus in reliquas ecclesias hoc nomi-  
ne uindicent. Licet enim primus uideas auro-  
ram sequuturi Solis prænunciam, non conue-  
nit tamen ut eam ob causam sic insolescas, ac  
si totus ille Sol uelut ex oculis tuis progressus  
reliquo orbi illucescere cœperit. Non fert Apo-  
stolus, ut Iudæi contra Gentes superbiant, li-  
cet primum ad illos, deinde ex illis sermo Dei  
prouenerit ad Gentes. Theſſalonicēſibus hoc  
laudis adſcribit, quod ab ipsis sermo domini  
personuerit in Macedonia & Achaia, imò fi-  
des ipsorum in omnem locum dimanauerit,  
ita ut exemplo fuerint omnibus credentibus  
in Macedonia & Achaia. Hinc tamen nec ipsi  
seſe ſupra cæteras ecclesias extulerunt, nec tu-  
liſſet Apoſtolus ſi id feciſſent. Et quomodo  
non ſummæ damnandū eſt impudētiæ, quod  
ſupra cæteras ecclesias primatum ac dominiū  
ambiunt, qui nec authores ſunt Chriſtianæ fi-  
dei, nec ſoli illam profitentur?

Si quis uidetur propheta eſſe, aut ſpi-  
ritualis, agnoſcat q̄ ſcribo uobis, quod  
domini ſint præcepta.

Priusquam materiam hanc concludat, uin-  
dicat ijs quæ dixit authoritatem præceptorū  
dominicorum, ne quis ea ſusque deſue facien-  
da eſſe putet. Non dicit autem ſimpliciter, quæ  
ſcribo uobis, domini ſunt præcepta, ſed, ut no-  
tet eos, quorum potiſſimū gratia motus fuit,  
ut hæc ſcriberet: Si quis, inquit, uidetur pro-  
pheta eſſe aut ſpiritalis, agnoſcat quæ ſcribo  
uobis, quod domini ſint præcepta, hoc eſt,  
quantumuis propheta aut ſpiritalis eſſe ui-  
deatur, haud tamen eam ob cauſam contem-  
nat quæ ſcribo, niſi domini uelit contemnere  
præcepta. Si quod chariſma accepit, non debet  
propterea eximere ſe ab obedientia domini-  
corum præceptorum, ſed quo plus accepit do-  
norum Dei, hoc magis dominicis obedire præ-  
ceptis & ſtudioſe cauere, ne confuſionem in-  
ducatur in eccleſiam.

Nec ocioſum eſt, quod non dicit: Si quis  
propheta eſt, aut ſpiritalis, ſed: Si quis ui-  
detur propheta eſſe aut ſpiritalis, quo perſtrin-  
gat illorum oſtentationem, qui chariſmata ſpi-  
ritus in eccleſia oſtentabant, & opinione illo-  
rum inflati minus erant erga Apoſtolicam do-  
ctrinam morigeri. Erat autem uertendum ſi  
quis ſibiſſi uidetur eſſe propheta, hoc eſt, ſi  
quis ſibiſſi donum uindicat prophetiæ, &  
hac opinione ſibiſſi belle placet. Non enim  
loquitur de illis qui aliorum opinione habe-  
bantur pro ſpiritalibus & prophetis, ſed de  
inflatibus illis, qui ſeipſi pro talibus uenditabāt.  
Et hoc pacto Germanicus interpres uertit: ſo  
ſich yemands laßt duncken. Atque ita ſuprà cap. 3.  
eandem phraſim, & τὸς δὸν ὁφείδεναι. Vertit E-  
raſmus: Si quis ſibi uidetur eſſe ſapiens. Et ca-  
pite 8. & δὲ τὸς δὸν ὁφείδεναι, reddidit: quod ſi quis  
ſibi uidetur aliquid ſcire, ubi & uulgata uerſio  
habet: Si quis autē ſe exiſtimat ſcire aliquid.

A Et Gal. 6. & δὸν τὸς ὁφείδεναι, tranſtulit: Si quis ſibi  
uidetur aliquid eſſe, & uulgatus interpres: Si  
quis exiſtimat ſe aliquid eſſe, ubi additur, cum  
nihil ſit, ſuum ipſe fallit animum, quod in eo  
non poteſt habere locum, qui ab alijs magni  
quid eſſe puratur, ſed ad eum eſt referendum,  
qui ſeipſe aliquid eſſe cenſet. Haud opus eſt,  
ut admoneam quātum referat, an ſeipſe quiſ-  
quam habeat pro ſpiritali ac propheta, uel  
ab alijs talis eſſe putetur. Auguſtinus dicit A-  
poſtolum hiſce uerbis coërcere, & in ordinem  
reuocare inquietos tanto ad ſeditionem faci-  
liores, quanto ſibi uidebantur ſpiritu excelle-  
re, cum ſuperbiendo cuncta turbarent. Qualē  
autem intelligat per ſpiritualem, nō eſt ut ad-  
moneam, cum de hac uoce ſuprà initio cap. 12.  
quantum ſufficere iudicauimus, dixerimus.

Nos admonemur hoc loco, quod nam ge-  
nus hominum Apoſtolicæ doctri-næ præ cæ-  
teris aduerſetur, & eccleſiam corrumpat, & δὲ  
καὶ τῶν uidelicet, id eſt eorum, qui ſibi uidentur  
eſſe cæteris præſtantes, haberiſque uolunt  
pro prælatis, pro dominis, pro doctis, pro ſa-  
piētibus, pro ſpiritalibus, pro religioſis, &c.  
Hi dum omnia proprio arbitratu in eccleſia  
non conſtituunt, ſed confundunt, tam abeſt,  
ut præuaricari ſe ſentiant, ut magis quæ faciūt  
pro officio ſe facere iudicent, & pro authenti-  
cis haberi uelint. Cum hoc hominum genere  
luſtatur Apoſtolus, ſed in hunc uſque diem  
frustra. Omnes eccleſias corruerunt, nec unq̄  
tulit medicam iſta podagra manū. Sed uidea-  
mus quid illis obijciat, quod reuereri debeāt.

B AGNOſCAT, inquit, quæ ſcribo uobis, qđ  
domini ſint mandata. Quid eſt quod non di-  
cit: agnoſcat me eſſe apoſtolū Chriſti, per quē  
credidiſtis, & reueretur apoſtolicam autori-  
tatem, ſed ipſius domini authoritatem præte-  
xit, dicens: agnoſcat quæ ſcribo uobis quod  
domini ſint mandata? Quoniam intelligebat  
perſonam ſuam ſordere magnis illis prophe-  
tis ac ſpiritalibus, non obijcit ſuum Apoſto-  
latum, ſed authoritatem dominicorum præce-  
ptorum. Pio ac fideli laico ſatis eſt, ſi de apoſto-  
lica authoritate & doctri-na admoneatur. Ve-  
rum illis qui ſe prophetarum, apoſtolorum &  
ſpiritalium loco haberi uolunt, non ita. Illis  
hodie nec ipſa dominicorum præceptorū au-  
thoritas ſatis facit. Si de plebeijs & idiotis fide-  
libus loquens dixiſſet: Qui inter uos idiotę ha-  
bentur, ſatis utiliter adieciſſet: agnoſcant ſuū  
Apoſtolum, per quem credere cœperunt, & ijs  
quæ ſcribo obtemperent. Verum malū quod  
corrigebat, non erat ex illis, ſed ex ijs qui ſe  
prophetas & ſpirituales eſſe iudicabāt, ideoq̄  
omnia in eccleſia propria temeritate audebāt.  
Quare non illis, ſed iſtis obijcit, dominica eſſe  
præcepta quæ ſcribit.

Et obſerua, quod non ſimpliciter dicit, co-  
gitet aut reputet, uel credat, ſed, agnoſcat quæ  
ſcribo, quod domini ſint præcepta. Quaſi di-  
cat. Si ſunt prophete, aut ſpirituales, quemad-  
modū uideri uolunt, non ſunt multis inſtruen-  
di in

Epist. m.



di in hac causa, sed absque ullo negotio agnoscent, quæ scribo non mea esse commenta, sed ipsius domini præcepta. Declarent ergo esse se prophetas & uere spirituales, & agnoscant hæc esse præcepta domini. Quod perinde est ac si dicas de Romanis apostolis. Si quis uideatur esse uicarius & apostolus Christi, agnoscat quæ in medium ad repurgandam religionem adferimus, esse doctrinam Christi & apostolorum. Probemus ergo ueros prophetas & spirituales hac nota quam proponit Apostolus. Si agnoscunt doctrinam & constituta domini, nec agnoscunt tantum, sed & fideliter ecclesie proponunt, agnoscamus eos esse ueros domini prophetas, & spirituales. Si uero ne agnoscunt quidem, imò reijciunt & damnant, tam abest, ut agnoscendi sint pro spiritualibus & prophetis domini, ut magis habendi sint pro ministris, prophetis & organis Satanæ.

Dices. Quæ sunt illa domini præcepta, de quibus hic se scribere dicit? Respondeo. Quæ de recto ordine linguis in ecclesia loquendi, de interpretatione, de prophetia, de ædificatione ecclesie, de mulierum silentio, &c. scripsit. Hæc uocat præcepta domini, quamuis nusquam ab ipso domino expresse præcepta legantur, propterea quod ea ex euidenti spiritu sancti instinctu tanquam necessitatem instituendi ecclesiam domini concernentia scripsit. Quæ admodum enim charismata illa quæ fideles per ministerium apostolicum acceperant, non ipsius erant Apostoli, sed domini, ita & præcepta, quibus de usu, modo, ordine, & utilitate charismatum præscribebat, non erant ipsius, sed domini præcepta, non minus quam uerbum gratiæ ac fidei quod ipsis prædicauerat, non ipsius erat, sed domini. Duæ erant Apostolici muneris partes. Vna, per Euangelij prædicationem acquirere & congregare domino ecclesiam, altera, acquisitam ecclesiam præceptis & constitutionibus instituere & ædificare. Quemadmodum prioris opus, ita & posterioris non erat hominis docentis ac præcipientis sed ipsius domini, cuius spiritu & mandato fiebat utrumque. Quare omnium iustissime hoc genus præcepta, ad alteram Apostolicæ dispensationis partem pertinentia, agnoscere uoluit non pro suis, sed pro ipsius domini præceptis.

Hinc tamen non est ut patrocinium domino suo quærant ecclesiarum principes, qui sibi quiduis præcipiendi potestatem sic uindicant, ut conscientias fidelium præceptis suis constringant, perinde ac si domini sint præcepta. Apostolus non est ea quæ de uirginibus supra cap. 7. & de imparibus coniugijs in medium attulit, ausus referre in classem præceptorum domini, sed expresse illic dixit: De uirginibus præceptum domini non habeo, consiliū tamen do, hic uero: Reliquis, inquit, ego dico, non dominus, si quis frater uxorem habet indelem, & hæc assentitur ut habitet cum illo, ne dimittat eam, &c. Et isti ecclesiarum domini, omnia sua uolunt esse authentica, quorum e-

tiam obseruantiam maiori serio requirunt, quæ præceptorum domini. Tantam uidelicet uindicant sibi mandandi auctoritatē in ecclesia.

Si uero quis ignorat, ignoret.] Sic est in Græco, *ἐὰν τις ἀγνοῖ, ἀγνοέτω*. Vulgata uersio habet: Si quis autem ignorat, ignorabitur. Sic legunt & Ambrosius & Augustinus. Ambrosius exponit ad hunc modum. Recte, quia qui nescit domini esse quæ loquitur Apostolus, & ipse à domino ignorabitur in die iudicii, dicente domino: Amen dico uobis quia nescio uos. Augustinus epistola 102. Si quis, inquit, ignorat, ignorabitur, id est, improbabitur. Non enim Deus, si ad scientiam referas, ignorat eos quibus dicturus est: Non noui uos, sed eorum improbatio hoc uerbo insinuata est. Consimili modo exponit & Hieronymus. Verum non conuenit hæc ut lectio ita & expositio cum uerbis Pauli, quæ Chrysostomus rectius legit & exponit, quemadmodum & Theophylactus. Dixit: Si quis uidetur propheta esse aut spiritualis, agnoscat quæ scribo uobis, quod domini sint præcepta. Iam quoniam considerabat, non de fore ex illis quos perstringebat, qui non essent ea pro præceptis domini agnitori, sed magis reclamaturi, quo significaret se suo functum esse officio, nec quenquam reluctantem contentiosius in ordinem coacturum, subiunxit dicens: Si quis autem ignorat, ignoret, quod idem est ac si dicat, *ἐὰν τις δὲ ἐπιγινώσκῃ δὲ ἐπιγινώσκῃτω*, id est, si quis autem non agnoscit, non agnoscat. Quali dicat. Per me licet non agnoscat, qui hæc domini esse præcepta non uult agnoscere. Puto enim *ἀγνοῖ* idē hic esse quod *ἐπιγινώσκῃ*, quo uerbo in præcedenti est particula usus. Quare non est ut multis hic de ignorantia disputemus, cum Apostolus de illa non loquatur, nec respiciat ad auditores simplices ac rudes, multa adhuc ignorantes, sed ad eos qui prophetæ ac spirituales uideri uolentes, magis suum ipsorum magisterium in ecclesia introducere, quam Apostolicæ doctrinæ acquiescere studebant.

Pertinet hic locus ad eos Christi ministros qui officium suum fideliter obeuntes in ecclesia, quosuis delinquentes admonent, ut resipiscant, & præceptis dominicis obediant. Illi, quoniam neminem cogunt, sed quosuis ad uoluntariam emendationem uocant, ubi reluctantes inueniant, bona possunt cum conscientia dicere, qui obedire detrectat, detrectet, qui ueritatem respuit, respuat, qui perire mauult quam seruari, pereat, qui sordet, sordeat, ego quod meum erat feci, uiderint qui præceptis domini obedire detrectant. Horum uero uox ista non debet esse, qui officium suum non rite obeunt. Non conuenit ut qui non docet, non hortatur, non reuocat errantes ac delinquentes in uiam, dicat, qui ignorat ignoret, qui perit pereat. Sic animatus proprii oris indicio perfidus esse conuincitur. Si pastor, neglectis ouibus res alias agat, & interim errantibus ac pereuntibus illis dicat: quæ errant errent, quæ pereunt pereant,



pereant, non facto modo, sed & proprio ore infidelem se ac talem declarat, qui nulla prorsus commissarum ouium curam gerat, sed suscipiat; faciat, quicquid illis acciderit.

Proinde fratres ad id enitami, ut prophetetis, & loqui linguis ne uetueritis.

Concludit omnia ea quæ hactenus de linguis & prophetia disputauit. Collectionis nota est in uocula *et*, id est, proinde, itaque. Quasi dicat. Quandoquidem sic est comparata prophetia, ut multo sit linguis præstantior, & utilior illius usus, *scilicet*, id est, æmulamini ac studiose contendite, ut prophetetis. Et quoniam linguarum aliquis potest esse usus in ecclesia, si interpretatio accesserit, neminem linguis loqui prohibueritis. Sic proposito inherens, hortatur quidem eos, ut primas tribuant prophetiæ, illique studiose incumbant, interea tamen aliquid loci permittit linguis, ne charisma spiritus reprobare uideatur.

PROINDE fratres, inquit.] Rursus mitigat animos eorum, quos semel atque iterum non nihil acius perstrinxerat, dum eos fratres appellat. Aliena est omnis adhortatio à suspicionem dominationis, quæ non domini ac præceptoris sed fratris animum spirat. Quare iam aliquoties fraternam hanc appellationem studiose adhortationibus suis immiscet.

AD id enitami, inquit, ut prophetetis.] Non simpliciter dicit: prophetate, sed, ad id enitami ut prophetetis. Studio linguis loqui di tenebantur, monet igitur, ut id ad prophetandi facultatem conuertant. Sic quod initio coepit, in fine conclusionis uice repetit. Dixit enim initio: æmulamini spiritualia, magis tamen ut prophetetis. Et: Volo autem omnes uos loqui linguis, magis tamen ut prophetetis. Iam concludens idem inculcat dicens: Proinde fratres æmulamini ut prophetetis, & loqui linguis ne uetueritis.

ET loqui linguis, inquit, ne uetueritis.] Quorsum istud? An non alias plus æquo dediti erant linguis? Timebat uidelicet, ne sic acciperent quæ scripsit, ut putarent in uniuersum abstinendum esse à linguis. Sane sic comparati sumus, ut de corrigendis rerum abusibus admoniti, citius res ipsas abijciamus, quam rectum illarum usum amplectamur.

1 Abusus sanè magnus est in Papatu, quod peregrina & exotica lingua psallunt in ecclesia. Hunc nonnulli sic abstulerunt, ut iam nullum prorsus habeant in ecclesijs suis psallendi usum, cum utiliter possent fideles lingua patriæ secundum Apostolicam institutionem psallere.

2 In Papatu nimia est ordini ministrorum permessa rerum ecclesiasticarum ac religionis potestas, unde in dominium inferendum exorbitarunt. Iam inuenias qui ministros ecclesiarum suarum in seruilissima mancipia redigant, sibi que ipsi omnem in ecclesia potestatem uindicerent. Usque adeo difficile est in medio ac re-

cto consistere. Sic non abusus rerum corrigi, sed rectus usus prorsus è medio tollitur.

3 Excommunicatione iam sæculis aliquot uehementer abusi sunt pontifices. Id mali sic reiecimus, ut iam nullus nobis sit, imò, nec quod peius est, esse possit rectæ ac legitimæ excommunicationis usus. Et uereor ne laterem nonnulli fratres lauent, qui in restituendo illo laborant. Verum hac de re supra quædam in calce capitis quinti annotauimus.

Dicit hic è numero Romanistarum quisquam. Apostolus diserte præcipit, ne linguis loqui prohibeatur quisquam in ecclesia. Loqui linguis, inquit, ne uetueritis. Peccant igitur Euangelici, quod Latina lingua psallere in ecclesia uetant. Respondeo. Primum, distingue frater inter illos qui in ecclesia Corinthiorum linguis psallebant & loquebantur, & inter Romanistas tuos qui Latine psallunt & murmurant in ecclesia non Latina, sed Germana. Quod illi faciebant, erat ex dono spiritus miraculose concesso, & aliqua ex parte ad id faciebat, ut operatio spiritus Dei in ecclesia declararetur. Deinde psallebant non uentris, id est præbendæ ut uocant, & præsentiae acquirendæ gratia. Romanistæ uero tui non ex dono spiritus, sed ex arte linguæ in scholis acquisita, Latine psallunt, cum Germanice melius sciant, nec hodie Latina lingua aliquo pacto ad declarandum spiritus sancti operationem seruit, nec alio fine psallunt, quam ut uentri consulant.

Præterea quod hic Apostolus dicit: & loqui linguis ne uetueritis, non est aliter, quam secundum præcedentis institutionis præscriptum accipiendum, quo dixit. Quod si non sit interpret, taceat in ecclesia. Neque enim dissentit in conclusione ab eo quod in præmissis constituit. At tui Romanistæ ne cogitant quidem de adhibenda interpretatione. Quare non potest quod faciunt hoc Apostoli loco defendi, ut omnium consultissime sit factum ab illis Germanis, qui Latinas psalmodias in Germanicas mutarunt, quorum exemplum utinam & aliæ nationes sequantur.

Quod si linguis delectantur Romanistæ, sequantur suos canones, quibus in concilio Vienne, & postea Basiliensi constitutum est, ut propter intelligentiam sacrarum scripturarum & Iudæorum faciliorem conuersionem, professores Ebrææ, Chaldææ, Arabicæ & Græcæ linguæ alantur in scholis. Hoc genus exercitij quod utile poterat esse ecclesijs, iam olim neglexerunt, quod uero nonnisi superstitioni & laginandis ociosis uentribus seruit, fortiter retinuerunt. Verum redeamus ad textum huius capitis absoluendum.

Omnia, inquit, deceter & secundum ordinem fiant.

Quoniam monet, ut enitantur ad prophetandum, & ne linguis loqui uetent, ne quid horum confuse & indecenter fiat, particulam hanc adie-



adiecit, qua quod suprà speciali modi & ordinis seruandi præscripto tã de linguis q̃ de prophetia expreſſit, generali ſumma cõplectitur.

OMNIA, inquit.] Intellige, de quibus hæc nus, non hoc præſenti tantũ capite ſed & præcedentibus diſputauit. Vtpote de capitibus uirorum in eccleſia orantium ac prophetatium nudandis, mulierum uero uelãdis, deq; cœna domini rite ſeruanda, de quibus cap. undecimo præcepit, poſtea de uſu uariorum chariſmatum, præcipue linguarum & prophetiæ de quibus egit cap. 12. 13. & hoc præſenti quarto-decimo. Sunt quidem non hæc tantum, ſed & cætera cuncta decenter & ordine obeunda in eccleſia, imò non in eccleſia tantum ſed & domi ac foris. Verum Apoſtolus de illis intelligit hoc loco, quæ in eccleſijs à ſe inſtitutis ſecundum ipſius erant præſcriptum facienda. Refert plurimũ non modo quàm decenter & ordinate, ſed & quid geratur in eccleſia. Quare non eſt uniuerſalis uocula trahenda ad omnia quæ temere ſunt in eccleſiam introducta. Neq; enim uult Apoſtolus ut omnia agantur in eccleſia, cum dicit: Omnia decenter & ſecundum ordinem fiant, ſed ut quæ legitime ac neceſſario gerenda ſunt in eccleſia, decet & ordine competenti gerantur.

OMNIA, inquit, decenter & ſecundum ordinem fiant.] Græcè eſt *ὁμαλως*. Vulgata uerſio habet, honeſte. Honeſte ac decenter aguntur, quæ ſecundum decorum tam perſonarũ agentium quàm rerum agendarum aguntur. Habet unaquæq; ætas, quiſq; ſexus, quiſq; ſtatus ſuum decorum. Aliud eſt iuniorum, aliud uirorum, aliud ſenum, aliud mulierum, aliud coniugatarũ, aliud uiduarum, aliud uirginum, aliud ſuperioris, aliud inferioris ordinis hominum. Aliud porro decorum eſt rerum domeſticarum, aliud publicarum, aliud lætarum, aliud triſtium, aliud pacis, aliud belli, aliud politicorum, aliud eccleſiaſticorum & ad religionem pertinentium. Qui itaq; & ſuæ perſonæ & eorum quæ agenda ſunt *ἡρώπων* ſeruat, decet agit. Requirit hoc à fidelibus Apoſtolus, præſertim in ijs quæ in eccleſia ſunt obeunda. Quare ferre nõ potuit, ut uiri in eccleſia teſtis & mulieres nudis capitibus orarent, nec permiſit mulieribus loquendi in eccleſia poteſtatem, quod hæc decorum excederẽt, quemadmodum & id quod in cœna dominica alij eſuriebant, alij ebrii erant, & ſuam quiſq; cœnam non expectatis alijs præſumebat.

Deinde requirit, ut agatur omnia ſecundũ ordinem, hoc eſt, ut nihil confuſe & pro cuiuſque temeritate. Quamuis autem generaliter loquitur, intelligit tamẽ ſpecialiter de ordine ſeruando in linguis & prophetia quem ſuprà præſcripſit, quemadmodum iam antea memini. Ordo, ſi tã facile poſſet in rebus & actibus humanis ſeruari, quàm facile eſt definire quid ſit, multo minus eſſet diſſidiorũ, cõfuſionum, ac perturbationũ, eſſent omnia magis unita, certa, tranquilla ac firma.

A Ordo eſt, naturalis quædam rerum omnium ſeries ac diſpoſitio, per quam partes ad totius complementum uel perficiendum, uel ſeruandum, rite diſponuntur. Et hæc diſpoſitio admirabili ſapientia Dei conſtat, qui omnia in numero pondere & menſura condidit, ac cõdita ſeruat. Per illã diſpoſita ſunt loca, ſumma, media, infima, uel, ſi mauis, cœleſtia, terreſtria, & inferna, tẽpora quoq; prima, intermedia, nouiſſima, quibus omnium ſeculorum ordo decurrit, res etiam cœleſtes, terreſtres & infernæ, uices deniq; temporum ac rerum.

Ordinem hunc locorum, temporum, rerũ, ac uiciſſitudinis, qui cæteris ſunt ſapiẽtiores in rebus uel dicendis uel agendis ſtudioſe obſeruant, unde ordinem habemus artificialem, qui nihil eſt aliud quàm imitatio quædam ordinis naturalis, qua curatur, ut quod primum eſt natura, uel dignitate, uel tempore, uel conſtitutione, uel neceſſitate, uel operatione, uel occasione, primo, & quod ſecundum ſecũdo, quod tertium tertio loco uſurpetur. Et per huiusmodi ordinis obſeruantiam primam fidẽ, reuerentiam, dilectionem, obedientiam, &c. tribuimus Deo, ſecundariam hominibus, & ipſam quoq; competenti ordine diſtributam, ea quæ ſpiritus ſunt corporalibus, quæ cœleſtia terrenis, quæ ſempiterna temporarijs, quæ diuina humanis præponimus, res eccleſiaſticas, politicas, domeſticas & priuatas rite diſponimus, & ubiq; confuſionem ac diſturbationem uitamus.

B Ordine igitur aguntur omnia, quãdo nihil confuſe, ſed ſuis ac certis quæq; uicibus, nihil præpoſtere, ſed quod prius prius, quod poſterius poſterius, nihil modis inconuenientibus, ſed ſingula pro cuiuſque conditione decenter aguntur. Quanta uero ſit ordinis utilitas ac neceſſitas haud facile quiſquam mente conceperit, nedum uerbis expreſſerit. Tolle ordinem, miſcebis cœlum terra, diſſolues uniuerſam hanc cœli terræq; machinam ut res humanas taceam, quæ quo ſunt imbecilliores, & organis imbecillioribus agunt, hoc magis opus habent ordine. In rebus tam dicẽdis quàm agendis iuuat ordo dicentis memoriam, & audientium intellectum, expedit operantium labores, & ſecundat operationũ effectus, ornat etiam ac ueniuſta reddit tam diuina quàm humana, rapit ad ſe ſpectantium oculos & mentes, quemadmodum de regina Saba 1. Reg. 20. legitur, quod cum inter cætera ordines miniſtrantiũ corã Salomone uidiſſet, obſtupuerit.

Quare præter rationem nõ eſt, quod Apoſtolus præcipit ut in eccleſia agatur omnia decenter & ordine. Spectat enim tam honeſtatẽ rebus diuinis ac cœleſtibus competentem, q̃ ædificationis utilitatem, ſaluti noſtræ neceſſariam. Et reuera admodum eſt inconueniẽs & noxium, ſi in eccleſia, officina illa gratiæ ac gloriæ Dei, humanę deniq; ſalutis, quæ diuinitus exercenda accepimus, citra ordinem agamus, cum ordinẽ amet ac conſtituerit Deus in omnibus,

Ordo quid ſit.



nibus, & totus ille rerum, periturarum quoq; cursus ordine pulcherrimo & cōstātī regatur.

Eccius in locis suis, titulo de traditionibus humanis, citat uerba hęc Apostoli, omnia honeste & secundum ordinem fiant, ut comprobet, traditiones episcoporum, quibus in immēsum aggrauata est ecclesia, & religionis nostrę puritas polluta, esse authenticas & cum conscientia obedientię seruandas, nisi uelimus honestatem & ordinem ecclesię dissipare. Verum non est pręscriptum hoc Apostoli ad qualis episcoporum traditiones referendum, sicut & antea monui, sed ad ea quę ipse ecclesijs tradiderat. Neq; nos adeo infanimus, ut decorum & ordinē ex ecclesijs auferamus, sed ut potius utrunq; legitimum restituamus, idque non ad nostrum ipsorum arbitrium, sed ad sacrarum scripturarum pręscriptū. Quare locum hunc Eccius inconsiderate aduersum nos adduxit.

Chrysostomus relicto Apostoli sensu expatiatur suo more ad philosophiam rectę rationis, & concupiscentię carnis, ac multis exponit, quamque sit turpis ac noxia confusio, qua recta ratio loco suo deijcitur, & concupiscentia in sedē ipsius locatur, ut illa supremas, ista uero infimas habeat. Sane sic habet, uerum cōuenientius ac pertinentius fuisset exponere ordinem in ecclesia seruandum, ac seruire materię, qua de loquitur Apostolus.

C A P V T X V.



Notum autē uobis facio, fratres, Euangelium quod euāgelizauī uobis quod & accepistis, in quo & statis, per quod & salutem consequimini, quo pacto annunciarim uobis, si tenetis, nisi frustra credidistis.

Manifestum est capitis huius argumētum. Resurrectionem mortuorum nonnulli apud Corinthios negabant. Huic malo fortiter occurrit, ne si moras nactum fuisset totam ecclesiam inficeret, & summam salutis nostrę subuerteret. Non excutimus, unde malum hoc in ecclesia illa pullularit, ex Saducęis ne uel philosophis, & quatenus resurrectionem, negauerint. Annotarunt hac de re alij. Simpliciter dicit Apostolus: Quod si Christus prędicatur a mortuis surrexisset, quomodo dicunt quidā inter uos, resurrectionem mortuorū non esse? Ex resurrectione Christi, & assertionē, qua ex illa mortuos resurrecturos asserit, satis patet, negasse illos resurrectionem carnis.

Sunt autem capitis huius septem membra. Principio, reuocat illis in memoriam traditā a se Euāgelij doctrinam. Deinde, uelut obiter, commendat laborem & efficaciam Apostolatus sui. Tertio, ex resurrectione Christi refutat eos, qui resurrectionem mortuorū negabant.

Quarto, asserit resurrectionem mortuorū ex uirtute resurrectionis Christi. Quinto, contendit omnem esse pietatem frustraneam, si mortui non resurgant. Sexto, modum & ordinem, & gloriam resurrectionis futurę ponit. Septimo, materiam hanc parānesi concludit.

NOTVM autē uobis facio, fratres, inquit, Euāgelium, &c.] Hoc primū est capitis huius mēbrū. Poterit autem quærī, quomodo se Euāgelium illis hoc scripto demum notum facere dicat, cum mox subiungat, quod euāgelizauī uobis, quod & accepistis, in quo & statis. Si iam antea prędicauerat illis Euāgelium, & hoc illi acceperant, inq; eo stabant, quid est quod hic dicit: Notum uobis facio fratres Euāgelium? quasi ad id usque temporis fuerit hoc illis incognitum? Si nondum cognouerāt, quomodo illud acceperant, & quomodo in eo stabant? Videntur ista haudquaquam cohærere. Aut cognouerant iam antea Euāgelium, aut non cognouerant. Si cognouerant, frustra dicit se hoc illis facere notum. Neq; enim fieri potest, ut rem notam iam antea, notam facias. Si non cognouerant, neq; etiam acceperant, neque in eo stabant.

Expedita est quęstionis huius solutio in uerbo γυνώσκω, quod Chrysostomus exponit ad hunc modum. ὁ γυνώσκω, τὸ ὅτι ἂν γινώσκῃ ἕτα ἀρ' ἡθλῶν ἐμπροσθεν γυνώσκῃ, πάλιν ἀρ' μνήμῃς ἄγω, id est, γυνώσκω, id est γινώσκω quod cum antea cognitum fuerit obliuione excidit, dum id rursus ad memoriā reducit. Ergo γυνώσκω non est hoc loco simpliciter aliquid notum facere, sed rem antea notā, ubi obliuioni tradita est, ad memoriā reuocare. Cognouerant quidem Corinthij Euāgelium ab Apostolo prędicatum, uerum quoniā fidem resurrectionis Christi ex mortuis primum illius caput obliuioni tradidisse uidebantur, dum resurrectionem mortuorū in dubium uocabant, dicit se illis in memoriā reuocare Euāgelium quod ipsis prędicauerat, ipsi etiam acceperant, atque in illo dum stabant. Vtinam liceat hodie totum Christianum orbem ad Euāgelium reuocare quod ab initio est per apostolos prędicatum, & abducere ab omnibus additamentis, imò corruptelis, quę a spiritibus errorum habentur in ecclesia.

EVANGELIUM, inquit, quod euāgelizauī uobis.] Vulgata habet, quod prędicauī uobis. Aptissime coniunxit Euāgelium & uerbum euāgelizandi. Multum refert, quā cōuenienter prędicetur Euāgelium, id est, bonum illud regni Dei ac uerę salutis nuncium. Paucos inuenias qui ex animo ac sic prędicēt, ut uere euāgelizent. Est enim euāgelizare rem lætam alacri & exultabundo spiritu, affectuque charitatis erga eos ardente, quibus illa nuncianda est, de prędicare, extollere, ac commendare. Quare qui non afficitur sensu gratię quam nunciat, nec apperēs est salutis eorum quibus illam nunciat, etiam si quod loquitur ipsum sit Euāgelium, euāgelizare tamen Euāgelium dici non potest, quemadmodum ueraci-



ueraciter ille non cantat canticum, qui nō cor A  
de sed uoce tantum cantat.

QVOD & accepistis, inquit.] Verbum acci-  
piendi Latinis auribus aliud atq; aliud so-  
nat. Aliquando idem est quod audire, nonnū-  
quam sonat intelligere, est quando significat  
rem auditam non modo audire & intelligere  
sed & probare & amplecti. Verū hoc loco po-  
steriori sensu accipiendum est, cui & Græca  
uox *παράλαβετε* competit. Neque enim Corin-  
thios Apostolus Euangelium quod ipsis euā-  
gelizauerat audisse tantum & intellexisse sed  
& probasse & amplexos esse dicit. Probare au-  
tem & amplecti Euangelium nihil est aliud q̃  
credere & credito sese addicere.

Non est autem ociosum quod nō solum di-  
cit, euangelizasse se illis Euangelium, sed eos  
illud etiam credendo accepisse. Hinc enim ma-  
gnæ leuitatis eos accusat, qui tā cito ab ea do-  
ctrina deficiebant, quam non audierant tantū  
sed & approbant & credendo acceperant.  
Quasi dicat. Recogitate quid initio uobis prę-  
dicauerim, quam doctrinam ex me non audie-  
ritis tantum sed & tanquam ueram amplexi si-  
tis, à qua si defeceritis, leuitatis uos ipsi dam-  
nabit. Qui à iugo seruitutis quod semel subi-  
erunt, onere illius pressi resiliunt, habēt quod  
prætexit, quid uero prætexit, qui ab Euā-  
gelio deficiūt, quod antea nemine cogēte sed  
sponte sua acceperant.

IN quo & statis, inquit.] Hoc est, in hunc  
usq; diem perseueratis. Ergo licet resurrectionem  
mortuorum nonnulli ex ipsis negarent, ip-  
sum tamen Euangelium adhuc profiteban-  
tur, inque illo stare uideri uolebant. Plus hinc  
roboris habiturum erat argumentum, quod  
paulo pōt est cōtra negatores resurrectionis  
illaturus. Non poterant dicere, accepimus qui-  
dem Euangelium quod nobis prædicasti, ue-  
rum doctrina hac penitus introspecta senten-  
tiam mutauimus, quandoquidem in eo quod  
acceperant adhuc perstabant. At hinc erat eos  
fortiter redarguturus. Quasi dicat. Quid hoc  
rei est? Si falsum est quod uobis prædicaui, &  
uos accepistis, ut quid adhuc in eo statis? Si ue-  
ro nihil est in eo falsi, eamq; ob causam ad hūc  
usq; diem in eo persistitis, qua fronte nonnulli  
ex uobis resurrectionem mortuorum negant,  
quam uobis in Christo domino prædicaui?

Videmus hoc exemplo nō esse nouum, qđ  
nonnulli sic Euangelium accipiunt, inque eo  
publica professione perstant, ut tamen quę in  
illo minus ad ipsorum rhombum faciunt, & à  
sapientia carnis discrepāt, non obscure sed pa-  
lam reijcere non dubitent.

Chrysostomus quærit hic, quomodo dicat  
eos stare in Euangelio, qui nutabāt ac fluctua-  
bant. Et respondet, quod simul se ignorare  
illorum inconstantiam, ideoque sic scribat. Ve-  
rum, meo iudicio, duplex modus est standi in  
Euangelio, externæ professionis unus, con-  
stantis fidei alter. De posteriore non loquitur  
hoc loco sed de priore. Quatenus nondū Chri-

stianę fidei professionem abiecerant, sed in ea  
perseuerabant, hactenus eos in Euangelio sta-  
re dicit. De priore stādi modo infra cap. sequē-  
ti dicturus est: Vigilate & state in fide. Et Eph.  
6. induite uos armaturam Dei, ut possitis sta-  
re, &c. Sic ecclesiæ hodie in Euangelio Dei sta-  
re uident, quibus tamē pars magna à sincera  
illius fide & obseruātia iā olim prolapsa iacet.

PER quod & salutē consequimini, inquit.]  
Adiecit hanc particulam ad commendationē  
utilitatis, quam ex Euangelio consequēbātur,  
admonens, quā non temere in accepto illo  
starent, quo magis eos perstringat, qui prima-  
rium illius caput negare audebant.

Non est autem absq; conditione accipien-  
dum quod salutem eos per Euangelium con-  
sequi dicit. Neq; enim seruantur per illud nisi  
credentes. Quare nō est intelligendum de om-  
nibus in uniuersum. Erāt enim inter illos, qui  
seipsi salute hac reddebant indignos, quos su-  
prā perstrinxit dicens: An nescitis quod iniu-  
sti regnum Dei non possidebunt? Ne erretis:  
Neq; scortatores, neq; cultores simulacrorū,  
neq; adulteri, neq; molles, &c. regni Dei hære-  
ditatem accipient. Cum hic dicit: per quod &  
salutem cōsequimini, idem est, atq; per quod  
salutem consequi potestis, intellige, si uos illi  
rite accommodaueritis. Vel, refer ad electos  
& uere credentes, qui sane per Euangelium sal-  
uabantur. Perinde facit Apostolus, ac si medi-  
cus dicat egrotis: Recogitate, quam uobis ini-  
tio medicinam tradiderim, qua & usi estis, &  
in cuius usu etiamnum perseueratis, qua & sa-  
namini, ac iudicate quā non sit futurum ē re-  
uestra, si ab illa uos abduci permiseritis.

Cogitet de eo lector, quod non in præterito  
dixit, per quod & seruati estis, sed in præsentī,  
*σώζεσθε*, id est, seruamini. Etenim licet morte  
Christi parata sit nobis salus perfecta, eaq; per  
Euangelium annuncietur, & à credentibus ap-  
prehendatur, reipsa tamen nondum perfecte  
à nobis possidetur, donec in fide ac spe uersa-  
mur, quare nondū perfecte seruati sumus, sed  
seruamur quotidie, instar ægroti, qui donec  
est sub cura medici, curatur ac sanatur, cui cu-  
rationis efficacia, qua se morti ereptum sanari  
sentit, perfectæ sanitatis spem facit, eoq; mo-  
uet, ut ē cura se medici haudquaquam subdu-  
cat, nec quicquam contra illius præscriptum  
faciat. Sic uidetur Apostolus Corinthios uer-  
bo hoc, *σώζεσθε* admonere, ut in accepto salutis  
Euangelio perseuerēt, nisi cœptum in ipsis sa-  
lutis opus irritum reddere, & perficiēdi illius  
spem omnem amittere uelint. Quemadmodū  
ægrotō omnium est acceptissimum, si dicat  
medicus, bono esto animo, sanaris, sic conue-  
nit nobis quoq; nihil posse acceptius contin-  
gere quā quod summi medici Christi Apo-  
stolus credentibus affirmat, quod per Euange-  
lium à nobis acceptum seruemur.

QVO pacto annūciarim uobis, inquit.] Grę-  
cē est, *τίνι λόγῳ ἐγγυλισάμεθα ὑμῖν*. Quod uerti po-  
test, quo sermone, quibus uerbis, qua doctri-



na euangelizauerim uobis. Chrysostomus exponit, *ποῖον τρόπον ἔπαυ τὴν ἀνάστασιν γίνεσθαι*, id est, quo modo resurrectionem futuram esse dixerim. Simplex est sensus. Reuoco uobis in memoriam fratres Euangelium quod uobis euangelizauimus, &c. quo uobis illud sermone euangelizauerim. Hoc enim erat de quo illos commonefacere uolebat. Quod Euangelium illis praedicauerat, nondum erat oblitus, uerum quoniam ex ipsis nonnulli resurrectionem mortuorum negabant, uidebantur oblitus eorum, quae de illa ex ipso audierant, ideoque parum memores quo sermone, qua doctrina, & quibus capitibus Euangelium ipsis praedicasset.

Accidit hoc frequenter, ut licet in genere summam eorum quae audiuius retineamus, in partibus tamen, unde totum constat, memoria retinendis deficiamus, atque ita paulatim eò prolabamur, ut uel ea quorum oblitus sumus negemus, uel contraria asseramus, per quae ueritas totius subuertitur. In genere fatemur omnes esse Christum nostrum redemptorem, per quod corporis illius oblationem consistere nobis peccatorum remissionem & ueram salutem. Verum dum aduersarij de circumstantijs huius summæ in scriptura traditis non cogitant, inducunt oblationem missæ suæ, eique uirtutem tribuunt, qua pro peccatis uiuorum ac mortuorum placetur Deus, atque ita quod in genere nobiscum fatentur in specie subuertunt. Tale quid accidebat & Corinthijs, resurrectionem mortuorum negantibus, primariam uidelicet eius Euangelij partem, quod acceperant & in quo stabant.

**S**i tenetis, inquit, nisi frustra credidistis. Ambrosius legit, deberis tenere. Apparet illud, pro *ἡ κατέχευε*, legisse *ἀλλ' ἡ κατέχευε* uel, *ἡ κατέχευε*, id est, oportet tenere, uel, oportebat tenere. Vulgata tamen habet, si tenetis. Commodius uideretur si legamus *ὅτι κατέχευε*, id est, quem tenetis ut referatur ad proxime praecedens, *τίνι λόγῳ*, id est, quo sermone euangelizauerim uobis, & sequatur, quem, uidelicet sermonem, tenetis, nisi frustra credidistis. Verum non est discedendum à lectione recepta, nisi de errore manifesto constet. Quicquid sit, appellat ipsorum conscientiam, cui adhuc in memoria heret, quomodo praedicauerit ipsis Euangelium, nisi sic obiter ac suprema, ut aiunt, digitis sermonem Euangelij receperint, ut quae audierant leui postea momento obliuioni dederint. Et hoc est, quod dicit: nisi frustra credidistis. Frustra credit, qui quod fide recipit non retinet in corde, sed per obliuionem amittit, quemadmodum tellus frustra accipit semine, quod receptum mox proculcatur, uel à uolucris aufertur, uel spinis suffocatur, uel aestu Solis ubi natum est comburitur, ut est in parabola Euangelica.

Non est autem diuexandum, quod dicit: nisi frustra credidistis. Non loquitur de uera illa fide quae electorum est & neque inanis neque irrita reddi potest, sed simpliciter & communi modo de assensu quo initio Euangelium accepe-

**A**rant, cuius & meminit dicens: quod & accepistis. Electi non credunt frustra, quia uerbum fidei retinent corde bono, & ferunt fructum cum patientia. Reprobi uero non credunt salubriter & efficaciter, quia uerbum non retinent in corde, neque fructus adferunt nouae uitae. Credunt igitur frustra, quia in ueritate non permanent, sed in omnis generis errores exorbitant.

Tradidi enim uobis in primis quod & acceperam, quod Christus mortuus fuerit pro peccatis nostris, secundum scripturas, & quod sepultus fuerit, & quod resurrexerit tertio die secundum scripturas, & quod uisus sit Cephae, deinde duodecim illis, postea uisus sit plus quam quingentis fratribus simul, ex quibus plures manent ad hunc usque diem, quidam autem & obdormierunt. Deinde uisus sit Iacobo, post apostolis omnibus. Postremo uero omnium uelut abortiuo uisus sit & mihi.

Rememorat expresse, quo nam sermone praedicauerit ipsis Euangelium. Poterat haud necessarium uideri ut capita illa rememoraret, in quibus potissimum summa Euangelij constat, quod illos accepisse, in quo eo stare dixit, & constanter in illis perstitissent. Verum quoniam à fide resurrectionis deficere coeperat, refricat illa propter articulum à mortuis resuscitati Christi, ut & illum confirmet, & ex illo futurae resurrectionis argumentum omnium firmissimum ducat.

**B** **TRADIDI** enim uobis in primis quod & acceperam, inquit. Non simpliciter dicit: Tradidi uobis, sed addit, in primis, deinde quod & acceperam, quae utraque non carent emphasi. Cum dicit: Tradidi uobis in primis, significat prima Euangelij capita esse de morte ac resurrectione Christi, deinde haec se illis mox initio praedicasse, & quasi fundamenti loco futuro aedificio praedicasse. Dubio procul haud de hisce tantum capitibus praedicauit Gentibus e idololatriis, quibus opus erat ante omnia, ut ab errore *ἡ πορνεία* per doctrinam unius ueri Dei abducerentur, uerum id genus doctrinae, quoniam & Iudaeis à Christo alienis usitatum est, non est ex ijs capitibus quae proprie Euangelium Christi concernunt, quare se in primis de morte & resurrectione Christi praedicasse commemorat, quandoquidem de Euangelio à se praedicato loquitur, atque ita accommodat se causae quam agit.

Interea diligenter obseruandum est, quo debeat nobis esse loco doctrina de morte ac resurrectione Christi. Primario uidelicet, ideoque curandum, ut ecclesiae in primis tradatur. In illis namque situs est thesaurus gratiae Dei ac salutis nostrae. Deinde cum dicit: quod & acceperam, significat se non tradidisse ipsis nisi quod sibi traditum esset, à domino uidelicet. Neque enim acceperat Euangelium suum ab ullo homine, sed ab ipso domino. Sic Galat. i. dicit: Notum uobis facio fratres, Euangelium quod euange-



euangelizatum est à me, non esse secundū hominem. Neq; enim ego ab homine illud accepi, neq; didici, sed per reuelationem Iesu Christi. De illa autem uidere est in Actis. Quemadmodum igitur suprà cap. undecimo cum abusu cenæ dominicæ corrigere uolens traditam sibi à domino institutionem authoritatis loco induxit, eamq; se ipsis tradidisse commemorauit dicens: Ego enim accepi à domino, quod & tradidi uobis, ita & hic, uolens secundum normam Euangelij errorem eorum corrigere, qui resurrectionem mortuorum negabāt, authoritatē diuinæ traditionis proponit, ad cuius præscriptū Euāgeliū ipsis tradiderit.

Sit igitur hæc norma corrigendi doctrinā ecclesiæ ut quæ posterius illi sunt proposita, uel magis etiā obtrusa, conferamus cum Euāgelio, quod apostoli à domino acceptum in primis tradiderunt ac prædicarūt in orbe. Etenim ex ipso ordine manifestatur id esse dominicum & uerum, quod sit prius apostolis à domino, & orbi ab apostolis fideliter traditū, id autē falsum & adulterinū, quod posterius introductum & immissum ad quemcunq; tādē referatur authorem.

QVOD Christus mortuus fuerit, inquit, pro peccatis nostris, secundum scripturas, & quod sepultus fuerit, & quod resurrexerit tertio die secundum scripturas.] Hic est ille sermo, quo se Corinthijs Euāgeliū tradidisse dicit: Christum uidelicet mortuū fuisse pro peccatis nostris, sepultumq; ac tertio die à mortuis resurrexisse. Breui summa complexus est res magnas, de quibus dubio procul copiose ac multis sæpenumero disseruit, uideamus igitur singula. 1. Principio, nō dicit: quod Iesus Nazarenus, sed quod Christus mortuus fuerit. Prædicauit nō simpliciter hominis Iesu Nazareni, sed Christi mortem. Hic erat exponendum, quicquid oracula diuina de pmissio Messiah, id est, Christo habet. Erat declaranda illius tādē quam unigeniti Dei diuinitas, erat exponendum illius regnum ac sacerdotium, erat aduentus illius, præsertim Iudæis, testificandus, erat comprobandum Iesum Nazarenum, à Iudæis crucifixum, esse hūc Christum, deinde mortis illius ratio & utilitas explicanda, ubi necesse erat, ut de cōmuni totius generis humani corruptione conscientias mortalium cōuinceret, & quæ alia huic sunt causæ annexa, de quibus omnibus in epistolis ipsius, præsertim ea quæ ad Romanos est, uidere licet, ubi summæ Euāgelij, quā hic ponit, partes fusiū explicantur.

Cum itaq; dicit: Quod Christus mortuus fuerit, idē est ac si dicat quod unigenitus Dei, uerbum incarnatū, uerus Deus & homo, rex & sacerdos noster, unctus à Deo patre dominus mediator ac redemptor noster mortuus fuerit. Sunt enim hæc prædicata, quibus persona Christi describitur, de his nobis cogitādū est, quoties de morte domini admonemur.

2. QVOD Christus, inquit, mortuus fuerit.] Secundo loco quærendum est, quare non di-

cat, quod Christus crucifixus fuerit, cum sit aliās frequens in commédatione crucis Christi, sed, quod Christus mortuus fuerit. In prōptu causa est, quia argumētum struit, unde resurrectionem mortuorum asserat. Ideo conuenientius erat, ut Christum mortuū quā crucifixum fuisse diceret. Etenim uis argumenti non est tā in genere mortis, quā in ipsa mortis ueritate, unde resurrectionis erat comprobanda ueritas.

3. PRO peccatis nostris, inquit.] Tertio, expressit hac particula rationem mortis Christi & redemptionis nostræ utilitatē propter quā annunciandam missi sunt in orbem apostoli. Cum enim dicit Christum mortuum esse pro peccatis nostris, significat mortē illius ad hoc fuisse diuinitus destinata, ut à cōdemnatione mortis æternæ cui propter peccata nostra eramus obnoxij, ueluti redemptionis precio dato liberaremur, & omnis illa Satanæ potestas, cui subiecti eramus, destrueretur. Sic Ebr. 2. dicit: Quia pueri communicauerūt carni & sanguini, & ipse similiter participauit eisdem, ut per mortē destrueret eū qui habebat mortis imperium, id est, diabolu, & liberaret eos qui timore mortis per omnem uitā obnoxij erant seruituti. Ergo ut condēnationi ac mortī æternæ propter peccata nostra iusto sumus iudicio Dei obnoxij, ita sumus propter peccatorum nostrorum remissionem morte Christi partam æternæ uitæ per gratiā Dei participes.

B Si quæris quomodo à reatu peccatorū nostrorum liberemur, parata responsio est: Christum esse mortuū pro peccatis nostris. Mors autem eius uel est efficax uel inefficax. Si efficax, liberati per illam sumus à peccatis. Ergo remissio peccatorum est per mortem Christi. Si inefficax, ergo inane fuit consilium Dei & sumus adhuc peccatis & mortī æternæ obnoxij. Sed absit, ut sanguis unigeniti Dei frustra sit effusus in cruce, & plus possit peccatū hominis ad condemnationem quā sanguis filij Dei ad redemptionem. Vnica igitur hæc particula, Christus mortuus est pro peccatis nostris, primum arguit nos peccati & meritæ cōdemnationis, deinde reprobāt omnia merita, opera, satisfactiones & expiationes omnium gentium & populorum, quibus sibi persuadent, placari ac reconciliari Deum, uel iusticię illius satisfieri. Etenim si his medijs fieri potest, ut uel nō fiat reus peccati homo, uel si fiat à reatu peccati liberetur, frustra omnino est Christus pro peccatis nostris mortuus.

Consequitur & illud, fieri non posse, ut ullo genere doctrine seruemur, ne uel peccemus uel in peccatis pereamus. Aliās consultū fuisset mūdo si non per patriarchas Moysen & prophetas, certe per Christum tanquam doctore ueritatis. Verum ne Christus quidem docēdo Seruator noster est factus, sed pro peccatis nostris moriendo. Aliās quorsum opus erat mortem pro nobis subire, si luce doctrinæ opus salutis nostrę perfici potuisset?



Dicis: Quid ergo est quod iam primum de A Euangelio à se prædicato dixit: per quod & saluamini? Respondeo. Non seruat nos Euangelium, sed mors Christi, qua pro peccatis nostris satisfactum est in cruce. At salutis huius non reddimur participes, nisi credendo in sanguinem mortui pro nobis Christi. Vt autem credamus missum est Euangelium in mundum, per quod gratia hæc salutis nostræ per mortem Christi partæ prædicaretur. Et hætenus uerum est quod supra capite 1. dixit: placuit Deo per stulticiam prædicationis saluos facere credentes. Et supra: per quod & saluamini. Omnis tamen salutis nostræ cardo uertitur in hoc uno, quod unigenitus Dei Christus pro peccatis nostris est mortuus. In hoc credentes iustificamur, Deo reconciliamur, in filios Dei adoptamur, & in sempiternum seruamur.

4 SECUNDVM scripturas, inquit.] Quarto, quo fidem faciat Euangelio suo, quod Christus non sit temere humana aliqua uoluntate, cui resistere nequiuert, sed secundum propositum Dei mortuus in cruce, dicit eum mortuum esse pro peccatis nostris secundum scripturas. Intelligit autem non Noui, cuius tum forte nullæ adhuc erant, sed Veteris testamenti scripturas in quibus oracula Dei uaticinia prophetarum & præcedentes figuræ tanquam umbre, moriturum pro nobis Christum ante multa sæcula & prædixerunt & præmonstrarunt. Quanti autem faciendum sit S. scripturarum de Christo testimonium, non solum per apostolos & Euangelistas sed & ipsius ore Christi admonemur. Scrutamini, inquit scripturas, &c. & illæ sunt, quæ testificantur de me. Iohan. 5. Et Lucæ 24. O stulti, inquit, & tardi corde ad credendum omnibus quæ loquuti sunt prophetae. Nonne hæc oportuit pati Christum, & ita intrare in gloriam suam? Et incipiens à Mose & ab omnibus prophetis interpretabatur illis in omnibus scripturis quæ de ipso erant. Et. Hæc sunt uerba, inquit, quæ loquutus sum uobis, cum adhuc essem uobiscum, quod necesse esset impleri omnia, quæ scripta sunt in lege Moysi, & prophetis & Psalmis de me. Tunc aperuit illis sensum, ut intelligerent scripturas. Et dixit eis. Quoniam sic scriptum est, & sic oportebat Christum pati & resurgere à mortuis tertia die, & prædicari in nomine eius poenitentiam & remissionem peccatorum in omnes Gentes.

Scripturæ autem de morte Christi prædicæ res facile possunt ex Euangelistarum & apostolorum scriptis colligi. Ex his illustriores sunt prophetiæ Esa. 53. Dan. 9. Psal. 22. Figuræ sunt, in agno Pascatis Exo. 12. in immolatione Isaac Gen. 22. in uacca rufa pro peccatis secundum legem oblata Num. 19. & in exaltatione serpentis ænei Num. 21. & Iohan. 3.

Non est uero ut dicat quisquam: Quorsum opus est scripturis ad probandum rem omnibus Iudæis & Gentibus manifestam, quæ nemo negat? Etenim mortuum esse Christum in cruce sciunt & Iudæi & Romani, à quibus est

utrisque crucifixus. Iesum Nazarenum esse mortuum in cruce non negant Iudæi, imò hinc arguantur, non esse eum Christum, quod in cruce mortuus est, cum de Christo testentur scripturæ, quod maneat in æternum, id quod & ipsi Christo Iohan. 12. obieciisse leguntur, dicentes: Nos audiuius ex lege, quod Christus maneat in æternum. Et quomodo tu dicis, oportet exaltari filium hominis? Quis est iste filius hominis? de quibus uerbis uide in Commen. nostris super Iohan. Gentes, præcipue Romani, facile agnouerunt crucifixum esse Iesum Nazarenum regem Iudeorum. At Christum, unigenitum Dei, Seruatorem mundi, pro peccatis totius mundi esse mortuum, mysterium est absconditum à mundo quod nec Iudæi nec Gentes comprehendunt, quia ratione non possunt, & fide nolunt. Quare magna ratione factum est à spiritu sancto primum, quod in scripturis prophetis de morte Christi prædictum est, deinde, quod & Christus & Apostoli scripturas huc citarunt, quo conscientia fidelium in fide mysterij huius confirmetur, quod Iudæis est offendiculum, Græcis uero & sapientibus huius mundi stulticia.

5 ET quod sepultus fuerit, inquit.] Quinto usque adeo non pudebat Apostolum prædicare mortuum Christum, ut & sepultum prædicare non dubitaret. Fecit hoc magna ratione. Etenim sepultura Christi non modo seruit ueritati mortis illius, sed & ad maiorem facit resurrectionis illius gloriam & uirtutem. Detestabilis est Manicheorum uesania, qui Christum uere secundum carnem fuisse mortuum negarunt. Contra hanc munienda est fides nostra primum sacris prophetarum scripturis, deinde non modo mortis sed & sepulturæ Christi historia, quæ ob id etiam non est clanculum ac furtim ab ipsis apostolis sed cum conscientia & permissu Pilati, postquam de morte illius constitit, à uiris honestis, senatoribus, ac fide dignis, Iosepho ab Arimathia & Nicodemo, officioso & honesto sepeliendi modo facta, ne qua dubitandi relinqueretur occasio. Scriptura uero, in qua de sepultura illius prædictum est, habetur Psalmo sextodecimo, & citatur ab Apostolo Petro in Actis cap. 2.

ET quod resurrexerit tertio die, inquit, secundum scripturas.] 6 Sexto. Hoc faciebat ad propositum. Hinc enim erat argumentum inducturus contra eos, qui resurrectionem mortuorum in ecclesia Corinthiorum negare cœperat, sicut in sequenti disputatione uidebimus, ubi etiam de utilitate resurrectionis Christi admonebimur.

Quod autem non simpliciter dicit: & quod resurrexerit, sed addit, tertio die, admonet nos de consilio Dei, quo filium suum non mox illo die quo mortuus erat ac sepultus sed tertio demum à monumento resurgere uoluit. Quod non uoluit ut de cruce uiuus descenderet, uel statim depositus reuiuisceret, uel post unam & alteram sepulturæ horam resurgeret, sed tertio demum die à monumento rediuiuus prodiret, totum ad hoc faciebat, ut luculentior esset resurre-



surrectionis illius uirtus, & plus haberet momenti ad confirmandam futuræ resurrectionis fidem. Tertius siquidē sepulturæ dies non modo uerę mortis certitudinē, sed & graueolentis putrefactionis principium habet sicut in historia Lazari memorat, quæ tamē in Christo iuxta Psal. 16. locum habere non potuit.

Plausibilis quidem est eorum cogitatio, qui totius mundi spaciū inde ab initio ad finem usq; sex annorū millenarijs sic cōpræhendūt, ut duo millia assignent inani, quod fuit ante legem, duo millia legi, duo millia Christo, idq; sex diebus creationis præfiguratum fuisse uolunt, ita ut quisq; ex illis mille annos præsignarit. Hi per biduum quo Christus in sepulcro fuit, annos bis mille Noui testamenti, & per principium tertij diei, in quo resurrexit, tempus futuræ resurrectionis futuriq; sæculi principium significari, atq; ita post finem sexti millenarij in principio septimi Christū denuo appariturum mundo, & nouū sæculum inchoaturum sentiunt. Verum quoniam nostrum nō est indagare tempora & momenta futuræ resurrectionis, satius est, ut illa domino cōmendantes indefinenter uigilemus, ne ex improviso per aduentum iusti iudicis dormitantes, & imparati obruamur.

SECUNDVM scripturas, inquit.] Existimo hoc non solum ad resurrectionem, sed & ad sepulturam esse referendum, ut cōiunctim legamus, & quod sepultus fuerit, & quod resurrexerit tertio die secundum scripturas. Scriptura autem de resurrectione habetur Psalmo 16. & in figura Ionæ prophetæ, cuius Christus ipse meminit Matthæi 12. dicens: Sicut Ionas fuit in uentre ceti tribus diebus & tribus noctibus, ita erit filius hominis in corde terræ tribus diebus & tribus noctibus.

ET quod uisus sit Cephæ, inquit.] Alia ratio est cōprobandæ resurrectionis quàm mortis & sepulturæ Christi, quæ non modo scripturis, sed & ipso manifesto facto comprobatur. Mors & sepultura illius non egent testificatione, qua mortuus & sepultus comprobeatur, sed satis testimonij habent ex scripturis prophetis, quod sic Christum mori ac sepeli oportuerit. Resurrectionis uero comprobatio non pendet à solis scripturis quibus prædictum sit, resurrecturum à mortuis Christū, sed requiritur, ut resurrexisse comprobetur. Neque enim manifesta fuit omnibus illius resurrectio, sed paucis tantum quos habuit discipulos ac fideles. Quare de morte ac sepultura illius non adduxit testes, quibus sit in cruce mori, ac postea sepeliri uisus, adduxit uero quibus post resurrectionem rediuius apparuerit. Poterat enim obijci, etsi scripturæ de Christo prædixerint, quod sit à mortuis resurrecturus, haud tamen cōstare, quod Iesus iste à mortuis resurrexerit, ut inde Christum eum esse, ac scripturas ad ipsum pertinere comprobeatur. Citat itaque testes resurrectionis eius, dicens:

ET quod uisus sit Cephæ, &c.] Sex uisiones rediuiui ex mortuis Christi recitat, non quod non sit sæpius post resurrectionem uisus, sed quod hæc ad faciendam resurrectionis fidem sufficiant. Cum primis uisus erat Mariæ Magdalenæ ac reliquis mulierculis, eas tamen apparitiones non citat, ne testimonio muliercularum in causa tam magna niti uideatur. Quare non dicit: & quod nunciatum sit Cephæ à mulieribus, quod resurrexerit, sicuti mandatum fuerat ab angelo: Ite & dicite Petro, &c. neque memorat uacuum esse sepulcrum à Petro uisum, sed quod certius est, quod ipse dominus uisus sit Petro. In historijs quatuor Euangelistarum septem apparitiones domini, quibus post resurrectionem fidelibus suis apparuit, recitantur, quarum prima facta est mulieribus à uisitatione sepulcri in urbē redeuntibus: secunda Mariæ Magdalenæ separatim in ipso loco sepulcri: tertia Petro, qua de Lucæ ultimo, cuius hic ab Apostolo fit mentio: quarta duobus discipulis euntibus in Emaus: quinta decem apostolis, Thoma absente. Et hæc apparitiones factæ sunt in ipso resurrectionis die. Sexta undecim apostolis, Thoma uidelicet præsentem: septima, ad lacum Tiberiadis piscantibus Petro, Thomæ, Nathanaëli, filiis Zebedæi, & duobus alijs discipulis. His apparitionibus potest adijci octaua, quæ in ipso est ascensionis die facta, qua de Act. 1. legitur. Nō quod illa sit numero octaua, cum quædam hic à Paulo recitatae, & multæ aliæ non scriptæ, præcesserint, quibus suis dominus per dies quadraginta loquens de regno Dei, cum in Iudea tum in Galilæa frequenter apparuit, sed quod ex ijs quæ ab Euangelistis conscriptæ sunt, octaua reperiatur.

Quod autem Apostolus eam quæ Petro cōtigit, primo loco recitat, propterea factum est, quod illa ex ijs quæ post mulieres factæ sunt uiris discipulis & apostolis prima fuit, quod nō caret ratione. Volebat enim hoc pacto dominus tristissimum Apostoli sui animum singulari studio erigere, ne se propter trinam negationem neglectum iri iudicaret.

Cogitet autem hic pius lector, quantus sit Apostolici pectoris candor. Quamuis uidisset Petrum cum nonnullis alijs haud recto pede ingredi ad ueritatem Euangelij, ideoq; illum coram omnibus repræhendisset. Gal. 2. deinde nomine & existimatione illius nonnullos contra synceram Euangelij doctrinam, & contra se abuti cerneret, haud tamen dissimulauit hanc illius gloriam, sed candide primo loco memorauit, quod uisus sit illi dominus. Faciebat enim hoc ad gloriā Christi, & resurrectionis illius confirmationem.

DEINDE, inquit, duodecim illis.] Vulgata habet, & post hoc undecim. Sic legit & Ambrosius. & sic habet Cōmentarij Hieronymi adscripti. Verū Græca cōstater habet duodecim. Sed ibi quæritur, quomodo uisus sit duodecim, cum Iudah è medio sublato, essent dūtaxat undecim,



donec accederet Mathias, qui autē post ascensionem demū in locum Iudæ electus numerū duodenariū denuo cōpleuit. Chrysost. sentit hanc uisionē demum esse post ascensionē factam, idq; in gratiam Mathiæ duodecimi apostoli. Mihi uero non apparet necessarium esse, ut sic sentiamus. Primū enim Mathias ille iam antea uiderat dominum rediuiuum ex mortuis, ut non esset illi opus separata post ascensionem uisione. Sic enim habent uerba Petri Act. 1. Oportet igitur ut ex ijs uiris qui nobiscum uersati sunt toto tempore, quo dominus Iesus perpetuam uitæ consuetudinem egit nobiscū, exorsus à baptismo Ioannis ad eum usq; diem, quo receptus est à nobis, unus quispiam constituatur, qui sit unā nobiscum testis resurrectionis eius. Et statuerūt duos, Iosephū, qui uocat Barlabas, qui cognominatus est iustus, & Mathiam, &c. Ob eam itaq; causam electus fuit Mathias, quod assiduus fuerat sectator Christi, & in comitatu illius persistens uiderat ipsum etiam post resurrectionem cum alijs discipulis & apostolis, usq; ad diem ascensionis, quo cum ipsis esset testis resurrectionis eius. Quare non erat ratio ut singulari uisione post ascensionem demum de resurrectione domini instrueretur. Deinde, non est præter morē receptum, ut uel undecim apostoli, uel decem uel nouem propter numerū duodenariū, quo fuerant initio electi à domino, duodecim uocentur. Cum Romæ olim, & hodie quoque in nonnullis Imp. ciuitatibus, tredecem uiri conuenirent, nemo ita ineptus erat, ut cum diceretur, conuenisse tredecem uiros, recte id dici negaret, si unus & alter defuisset. Sunt hæc minuta quidem, uerum ad hoc facientia, ut lectio Græca non ita facile reprobanda uideatur.

POSTEA, inquit, uisus sit plus q̄ quingentis fratribus simul. Voces istæ ἑτα, ἑτα, quas repetit, & ἰσχατορ, nō sic sunt accipiendæ, quasi ordinem apparitionum Christi constanter exprimant, sed simpliciter illis usus est Apostolus, memorans uisiones quasdam dñi, quemadmodum scribenti occurrebant. Apparet autem uisionem hanc factā esse in Galilæa. Nam illò discipulos & fideles suos colligi post resurrectionem uoluit. Sic dicebant angeli: Præcedet uos in Galilæā, ibi eum uidebitis. Chrysostomus aliorum sententias adfert. Quidam, inquit, illud ἐν αὐτῷ πνεύματι αὐτοῖς ἀδελφοῖς, idem esse uolunt, quod αὐτῷ ἐν τῷ οὐρανῷ, id est, superne ex cœlis, quasi non in terra ingrediens illis, sed in aëre supra capita ipsorum apparuerit, ut non modo resurrectioni suæ, sed & ascensioni fidē faceret. Quidam uero idem esse uolunt, quod pluribus quā quingētis fratribus. Et hic posterior sensus recte est ab interpretibus redditus. De hac uisione nulla est mētio in reliquis scripturis. Quare Ambrosius hic annotat, dicere hoc Apostolum sua fide.

Puto autem uisionem hāc factam esse cum in unum esset multitudo illa quingentorum fidelium congregata. Non enim simpliciter di-

cit: postea uisus est plus quā quingentis fratribus, sed addit ἑτα, id est simul, uel semel, Germanice, vñ ein mal, una uidelicet uisione. Sic animatus est dominus, ut proclius sit ad inuiscendum eos qui suo nomine congregant.

EX quibus plures, inquit, manent ad hunc usque diem. Memorat hoc, quo plus fidei dictis suis conciliet. Apparet autem epistolam hanc diu esse post dominicam resurrectionem scriptam. Alioqui non fuisset ratio commemorandi, quod ad eum usque diem quo hæc scribebat, plures adhuc de quingentis illis fratribus superessent. Poterat dicere, ex quibus multi sunt qui hac de re testari possunt. Verū quoniam multum temporis effluxerat, utitur uerbo manendi dicens: Ex quibus plures manēt ad hunc usque diem. Non est autem sine singulari consilio Dei factum, quod plures ex testibus resurrectionis Christi in multos annos perdurarunt in hac uita, quo uidelicet ad confirmationem credentium diutius de apparitionibus Christi testarentur.

QUIDAM autem & obdormierūt, inquit. Quoniam non poterat dicere quingentos illos adhuc superesse omnes, posseque de apparitione domini testari, ideoq; dixit, ex quibus plures manent ad hunc usq; diem, consequens erat nonnullos ex illis uel à fide Christi defecisse, uel in domino obdormiuisse.

Vide autem q̄ competenter usurparit uerbum obdormiscendi, in materia hac qua de resurrectione mortuorum est disputaturus. Significat enim mortem corporis non esse mortem, sed obdormitionem, propter futurā scilicet resurrectionem. Sic usus est conuenienter hoc uerbo & Matthæus cap. 27. dicens: Multa corpora eorum sanctorum qui obdormierant surrexerunt. Quemadmodū & Christus Ioan. 11. de Lazaro mortuo, quē die quarto excitaturus erat: Lazarus, inqt, amicus noster dormit.

DEINDE, uisus sit, inquit, Iacobo. Cum duo fuerint Iacobi inter apostolos, Zebedæi unus, frater Ioannis, & Alphæi alter, & præterea adijciant tertium, cognomento Iustum, quem uocant fratrem domini, eò quod sit filius Mariæ, sororis matris domini, & constituunt episcopum Hierosolymorū, incertū est quem ex his intelligat hic Apostolus. Chrysostomus exponit de tertio. Nec de hac uisione quicquam habent Euangelistæ, quare & illam sua fide posuit.

POST, inquit, apostolis omnibus. Cum supra dixerit, dominum uisum esse duodecim, utiq; apostolis, consequens est, ut cum hic dicit, post, apostolis omnibus, non esse de duodecim tantū intelligendū. Ergo præter illos & alij fuerunt apostoli. Apparet intelligendū esse de septuaginta discipulis, quos dominus elegisse, binosq; ac binos ante faciē suam misisse legitur, ob quam causam recte & ipsi uocari possunt apostoli, id est missi.

Non est aut præter rationem factum à domino, quod se post resurrectionem manifestauit haud



haud solum duodecim selectioribus apostolis sed & reliquis, quos ad hoc delegerat, ut & ipsi de se testificarentur in mundo & Euangelium regni prædicarent. Horum omnium fidē non uoluit constare aliorum relatu sed certitudine uisus, quo possent ueraciter dicere, quod uidimus testamur.

Alia est certitudo fidei, quæ est ex auditu, per operationem spiritus sancti & alia quæ est ex ipso rerum gestarum ac prædicendarum uisu. Prior satisfacit simpliciter credentibus, posterior requiritur in illis, qui ad hoc erant destinati, ut de morte, sepultura, resurrectione, et reliquis gestis domini testificarentur in mundo. Quare conueniebat, ut non duodecim tantum sed & reliqui discipuli testes domini futuri de resurrectione illius non crederent alijs, sed ipso domino uiso certam illius caperent experientiam possentque dicere, quod uidimus oculis nostris, quod perspeximus, quod manus nostræ cōtrectauerūt, annūciamus uobis.

POSTREMO uero omnium, inquit, uelut abortiuo, uisus sit & mihi. Ne dicat quisque. Citas alios, qui dominum post resurrectionē uiderint, de quibus illa testari queant. Quid hoc ad te, qui perinde te atque illos uis haberi Apostolum cum dominum non uideris? tādē se quoque illis cōnumerat, qui non ex aliorum relatu resurrectionem Christi prædicent, sed ex certitudine uisus de illa testificentur. Prædicaui uobis, inquit, resurrexisse Christum ex mortuis, citauique huius rei testes eos uidelicet qui *αὐτὸν ἑώρακεν* fuerunt, non alios tantum sed & meipsum, qui ipse quoque dominum uidi. Quando autem uiderit illum, suprā annotauimus initio capitis noni, ubi dicit: An non sum Apostolus? An non sum liber? An non Iesum Christum dominum nostrum uidi?

POSTREMO uero omnium, inquit, uisus est & mihi. Intellige post eos omnes, quos recensuit, quibus uisus est dominus post resurrectionem, ut de illa certo testificari possent. Nam ipse dominum haud cum illis ante sed aliquanto post ascensionem uidit. Aliās, dubio procul, etiam post Paulum nonnullis alijs apparuit dominus.

Magnæ autē modestiæ & humilitatis est, quod non simpliciter dicit, tādē uisus est & mihi, sed: Postremo omnium uelut abortiuo, uisus est & mihi. Vocat se non abortiuum, sed uelut abortiuum, id est, abortiuo aliqua ratione similem. Abortiuus fœtus est, qui non iusto ac maturo partu nascitur, sed nondum maturus, nondum ad consuetum usque tempus rite foras & iustis incrementis auctus modis insolitis ac uiolētis utero materno eiicitur. Græci uocant abortiuum *ἄβρτῖον* quasi uulnere accepto læsum *ἀπὸ τῆς ἐκτρώσεως*, id est, uulnerando ac ledendo eiicio. Significat eiusmodi se fuisse abortiuo similem, propterea quod post aliorum apostolorum omnium partum, quos gratia diuinæ prouidentiae in Christo conceperat, iustis diuinæ institutionis incrementis uelut in ute

ro finxerat & ad iustum partum prouexerat, ipse quasi simul conceptus & utero eiectus in itinere Damasceno cœlitus prostratus, uocatus, & in Apostolatū emissus fuit. Solent eiusmodi abortiones accidere postremis fœtibus. Huc alludit cum sibi dominum postremo omnium uelut abortiuo fuisse uisum dicit.

Interea tamen cum se simile facit abortiuo respectu præcedentium apostolorum, unā cū illis eiusdem se uteri, id est, gratiæ Dei unde nati sunt apostoli fœtum esse significat, quemadmodum abortiuus & immaturus infans eodē patre utero & sanguine prouenit, unde præcedentes ipsum pueri sunt prognati. Sic omnino hic Apostolus licet postremus sit ac subito insolitoque modo productus à Christo, eundem tamē habet conuersionis suæ & Apostolatus authorem, quem habet Petrus, Iacobus, Iohannes, & cæteri omnes.

Sunt qui synagogam Israëlitis uterum constituent unde nati sunt apostoli, & Paulus hic uelut abortiuus eiectus. Verum hanc illorum sententiam amplectatur qui uelit. Nec apostolorum matura natiuitas nec Pauli abortio ex synagoga est, sed utraque ex singulari dispensatione gratiæ Christi, per quam illi primum mox initio Euangelij ad fidem uocati, deinde à uocatione ad tēpus usque Apostolatus obeūdi cōpetentibus sunt instructionibus per ea quæ uiderunt & audierunt forti ac confirmati, ipse uero sero tandem post omnes, subito conuersus, obiter per Ananiam instructus ac baptizatus, ac confestim non expectatis iustæ parturitionis mensibus ad Apostolatū est expulsus.

Ego enim sum minimus apostolorum, qui non sum idoneus ut dicar Apostolus, propterea quod persequutus sum ecclesiā Dei, sed gratia Dei sum id quod sum. Et gratia eius quæ profecta est in me non fuit inanis, sed copiosius quā illi omnes laboraui: non ego tamen, sed gratia Dei, quæ mihi adest.

Pertinent ista ad secundum capitis huius membrum, quo Apostolatū suū commendat. Postremi fœtus & abortiuī minores præcedentibus esse solent. Cum ergo dixisset: postremo omnium uelut abortiuo uisus est & mihi, cur se abortiuo similem faciat, exponit dicens: Ego enim sum minimus apostolorum, id quod non de duodecim tantum ad quorum numerum referri non potest, sed de omnibus apostolis in genere, quibus dominum uisum esse dixit, intelligendum esse puto. Neque enim ponit se medium inter duodecim apostolos & septuaginta discipulos, ut minorem quidem se duodecim illis, maiorem uero cæteris esse sentiat, sed postponit se apostolis omnibus tam secundarijs quā primarijs. Nec puto hoc illum dicere tanquam non suo, sed pseudapostolorum sensu, quali non de seipso, sed illi

sic



Marci 9.  
Lucæ 9.22.

fic senserint, eumque contemptum sui reprimere uelit. Longè diuersus est Apostoli spiritus ab illis, qui se omnium minimos ac seruos seruorum Dei uocant, quoniam Christus dixit: Si quis uult primus esse, erit omnium nouissimus & omnium minister, &: Qui minor est inter uos omnes, hic maior est, &: Qui maior est in uobis, fiat sicut minor, & qui princeps est, sicut qui ministrat, ut hoc prætextu potiores obtineant in ecclesia. Verum consulerim fidelibus omnibus, ut sibi nō ab humilitate, sed ab humilitatis specie, hypocrisis uidelicet fratrum minorum, minimorum, ministrorum, ac seruorum seruorum Dei uigilanter caueant.

QVI non sum idoneus, inquit, ut dicar Apostolus.] Non solum dicit se esse minimū apostolorum, sed & indignum, inidoneum, insufficientem, *ὡς ἰκανόν*, qui dicatur Apostolus. Qui minimus est in manu digitus, recte digitus uocatur, & satis est *ἰκανός* suo loco, quem habet postremum in manu. Sic qui minimus est in ordine apostolorum, non est ob id indignus, qui uocetur Apostolus, nisi sit prorsus ad id muneris inidoneus. Quare cum dixisset: ego enim sum minimus apostolorum, quasi nondum satis exprefferit, quā se infra alios abijciat, addit, qui non sum idoneus, ut dicar Apostolus. Non dicit, ut sim Apostolus, sed, ut dicar Apostolus, quod minus tamen est, quā esse apostolū. Etenim q̄ nomine apostoli indignus est, magis est ipso apostolatu indignus.

PROPTEREA quod persequutus sum, inquit, ecclesiam Dei.] Exponit quare se inidoneum esse iudicet, qui dicatur Apostolus. Potest enim dicere quisquam: Ecquid magni est, quod se nomine Apostoli dicit esse indignū, hoc est, inidoneum & insufficientem, cum nemo sit piorum, qui se dignum & idoneum ad munus tam arduum esse gloriatur, & ipse epistola sequenti cap. 2. dicat, *ὅτι ὡς τὰ ὅλα τὴν ἰκανόν*; Sciendum igitur est posse hoc, nō sum dignus, trifariam, hoc est, triplici respectu dici. Primū, personæ, secundum quam dicebat Saul: Nunquid non filius Gemini ego sum de minima tribu, &c. Deinde mali meriti, quō respicit hic Apostolus dicens: non sum dignus qui dicar Apostolus, propterea quod persequutus sum ecclesiam Dei, tertio facultatis insufficientis ad exequutionem muneris suscepti, ad quem respectum pertinet quod dicit: Et ad ista quis idoneus? Et 2. Cor. 3. Non sumus idonei à nobis ipsis ad cogitandum aliquid tanquam ex nobis. Nec priori igitur nec posteriori, sed medio respectu dicit se inidoneum & indignum esse, qui uocetur Apostolus, propterea uidelicet, quod persequutus sit ecclesiam Dei, id quod non potest competere cæteris apostolis, sed singulariter à Paulo dicitur, quō se singulariter præ cæteris omnibus indignum esse fateatur, qui Apostolus dicatur. Omnino autē indignus est persequutor ecclesiæ, qui constituitur Apostolus. Quis lupum, hostem ouium, di-

gnum censuerit, qui fiat ouium pastor? & hostem regni dignū qui efficiatur regis legatus?

Obserua uero persequutionis huius genus, qua Saulus persequutus est ecclesiam Dei. Erat Israël adhuc ecclesia Dei, cum ille fideles Christi persequeretur, & erat catholica ecclesia, & habebat templum, sacerdotium, cultus, ac legem à Deo, habebat patres, habebat promissiones, habebat temporis, multorum uidelicet sæculorum præscriptionem. Eius ecclesiæ membrum erat Saulus, enutritus in lege Dei, & paternarum traditionum uehementis æmulator, magis quā ipsius coætanei. Interea Christiani ex Israël nihil uidebantur aliud moliri quā schisma ecclesiæ, & sapere nouam hæresim, dignam quæ modis omnibus extirparetur. Hoc respectu primores ecclesiæ catholice persequiebantur omnes eos qui se nouæ sectæ addixerant, & iudicabāt se causam habere omnium iustissimam, Deoq; præstare obsequium. Huiusmodi zelo persequabatur Christianos & Saulus, ignorans persequi se ecclesiam Dei, quod postea cognouit, & palam est fassus frequenter. Ergo qui potiores erant in ecclesia catholica persequuti sunt schismaticam quidem & nouā, at interim Dei ecclesiam. Videmus itaq; in hac imagine quā nec nouum sit nec rarum, quod hodie ecclesiam Christi persequuntur ij qui catholice ecclesiæ capita uideri uolunt, iactantes nomen ecclesiæ, patres, præscriptionem temporis, catholicam consuetudinem, & alia consimilia, quæ ecclesia Israëlitis fratribus suis in Christū credentibus æque probabiliter obijcere potuit ac dicere, existis ex nobis, quia non estis ex nobis, scinditis ecclesiam Dei, inducitis nouam doctrinam, contemnitis ordinem sacerdotij, deficitis à lege & cultu Dei, irritam redditis circumcisionem, fœderis Dei symbolum, uiolatis sabbata, in summa præuaricamini à Deo, à fide maiorum nostrorum & ab ecclesia Dei, quare uos merito tanquam schismaticos, defectores, hereticos & impios persequimur. Quid autē contra hæc omnia habebant Christiani à fratribus suis catholicis exagitati, quā unam ueritatem Christi, oraculis ac testimonijs scripturarum, multisque miraculis & potentis tanquam diuinæ operationis argumentis comprobata? Hac nitentes in fide Christi perseuerabāt, ac propter illam aduersa & probra à carnali ecclesia illata fortiter tolerabant. Hoc se exemplo solentur, quotquot hodie à catholicis propter Euangelicam ueritatē proscribuntur, damnantur & neci traduntur.

Deinde & illud consyderemus. Plerunq; fit, ut secundum dictum huius Apostoli carnalis persequatur spiritualement, Cain Habelem, Ismaël Isaacum, Esau Iacobum, filij Iacob Iosephum, &c. & non uiceuersa spiritualis carnalem. At hic uidemus persequutorem ecclesiæ de quo nō possumus dicere, quod perinde atque Cain fuerit ex maligno. Erat enim ex electis Dei atq; ex utero matris electus in organum



num Dei omnium selectissimum. Ergo admonemur ne mox de quoquam desperemus, ne illis quidem, qui ecclesiam Christi persequuntur, quando quidem fieri potest, ut faciant hoc electi, donec ueritatem Dei ignorantes zelo ecclesiae catholicae citra scientiam accessi ferunt.

PROPTEREA, inquit, quod persequutus sum ecclesiam Dei.] Christianos persequeretur, quos inueniebat, uiros & mulieres, & hic dicit se persequutum esse ecclesiam Dei, quemadmodum & Gal. 1. Audistis enim, inquit, conuersationem quondam meam in Iudaismo, quo modo supra modum persequeretur ecclesiam Dei, ac depopulabar illam. Ergo qui fideles persequitur, ecclesiam Dei persequitur. Perinde atque corpus persequitur, qui membra corporis, ciuitatem qui ciues, regnum qui filios regni persequitur.

Refert tamen quam ob causam Christianum quis persequatur. Si ob priuatam aliquam iniuriam qua est ab illo laesus, uel ex officio iudicis ac magistratus tanquam fontem ac noxium persequitur, non potest dici persequutor ecclesiae Dei. Si uero propter fidem ac religionem, quam ille habet cum ecclesia Dei communem, tum recte persequutor ecclesiae censebitur, quam totam in membris ipsius si posset extingueret.

SED gratia Dei sum, id quod sum.] Humilitati & indignitati suae subiicit commendationem gratiae Dei, ne quid hinc detrimenti Apostolatu ipsius nascatur. Quam sese deiicit & humiliat, tam gratiam Dei sibi collatam extollit & amplificat. Sed gratia Dei sum id quod sum, inquit. Quasi dicat. At quamuis sum apostolorum postremus, minimus, uelut abortiuus, & indignus qui dicar Apostolus, sum tamen id quod sum per gratiam Dei in me collatam. Quid erat autem per gratiam Dei? Non modo Apostolus, sed & insignis Apostolus, nullis alijs inferior. Modeste adhuc, non dicit, sed gratia Dei sum Apostolus Christi, nulla in re caeteris minor, sed, gratia Dei sum id quod sum. Ergo quod dignitati suae tribuere non potest, tribuit gratiae Dei, & agnoscit se alium esse personae ac meriti sui indignitate, & alium per gratiam Dei. Sit nobis omnibus haec regula, secundum quam discernamus inter id quod sumus naturae nostrae indignitate & malicia, & quod sumus per Dei gratiam. Natura sumus uani, multis modis corrupti, infirmi, peccatores & filij irae, gratia uero Dei Christiani, alijs atque alijs donis Dei ornati, filij Dei, & heredes uitae aeternae. Augustin. libro de Ecclesiast. dogmatib. cap. 43. locum hunc Apostoli sic contra Pelagianos citat: Si quis sine gratia Dei credentibus, uolentibus, desiderantibus, conantibus, studentibus, petentibus, quarentibus, pulsantibus nobis misericordiam dicit conferri diuinitus, non autem ut credamus, uelimus, uel haec omnia sicut oportet agere ualeamus per infusionem & inspirationem sancti spiritus in nobis fieri confitemur, & aut humilitati, aut obedientiae humanae subiungit gratiae adiutorium, nec

ut obediētes & humiles simus ipsius gratiae donum esse consentit, resistit Apostolo dicenti: Quid enim habes quod non accepisti? Et gratia Dei sum id quod sum. Haec ille. Sane Apostolus gratiam hanc & fidei & Apostolatus nec quae fierat, nec uoluerat, nec desiderauerat, nec petierat. Quare omnino nihil illius libero debet arbitrio, aut uiribus ac meritis humanis.

Solenne est episcopis Romanis & alijs illis adherentibus, ut in bullis suis ac rescriptis gloriantur se esse per gratiam Dei episcopos, archiepiscopos, patriarchas, & cardinales, cum uerius sint quod sunt per indignationem Dei quam per gratiam. Qui per gratiam Dei constituuntur apostoli, episcopi, & pastores ecclesiarum, donis etiam ad apostolatum, episcopatum & pastorum necessarijs per eandem gratiam instruuntur, quo possint prodesse ecclesijs. Quibus isti sint modis instructi, & profint ne ecclesijs uel obsint, me tacente res ipsa clamat.

ET gratia eius quae profecta est in me, inquit, non fuit inanis.] Graecè est, & gratia eius, *ἡ χάρις*, id est, quae in me, & subintelligendum est, uel, collata est, uel, data est, aut, ut Erasmus uerit, profecta est. Commendat Apostolatum suum ab effectu gratiae Dei, quam sibi collatam dicit non fuisse inanem, id est, sterilem & infrugiferam. Ego, inquit dominus, elegi uos, ut eatis & fructum adferatis. Fructum adferre, est domino lucrificare populum, & multos conuerrere ad cognitionem ueritatis, quo salui fiant. Significat igitur Paulus praedicationem suam fuisse frugiferam ac plurimos ad fidem conuertisse, cum gratiam à Deo acceptam haud inanem fuisse dicit.

Ut id obiter annotem, tres sunt Apostolicae gratiae partes. Voco autem Apostolicam gratiam non quam conferat cuique Apostolus, sed quam à Deo accipiat. Prima est, qua eligitur, uocatur, & constituitur Apostolus. De hac Rom. 1. dicit: per quem accepimus gratiam & Apostolici muneris functionem. Et Gal. 1. At ubi Deo placuit, qui segregauerat me ab utero matris meae, & uocauit per gratiam suam ut reuelaret filium suum per me, &c. Secunda est, qua donis spiritus instruitur & ornat, ut munus Apostolicum obire possit. Hanc commendat 2. Cor. 3. dicens: Sed si ad aliquid idonei sumus, id ex Deo est, qui & idoneos fecit nos ministros Noui testamenti. Vtranque innuit cum dicit: Gratia Dei sum id quod sum. Tertia est, qua datur praedicanti ac laboranti Apostolo efficacia incrementi quo multum fructus adferat. Hanc intelligit, cum hic dicit: Et gratia eius quae in me collata est, inanis non fuit. Et supra cap. 3. Ego plantavi, Apollo rigauit, sed Deus incrementum dedit. Commendat igitur Apostolatum suum in hisce tribus, primum quod sit ex gratia Dei, deinde quod sit donis Apostolicis ornatus, tertio quod sit non inanis, sed efficax ac ferax Apostolici fructus. Eant Romani apostoli, & apostolicas suas eminentias cum hisce ueri Apostoli notis conferant.

SED copiosius, inquit, quam illi omnes laborauimus.]



raui.] Poterat simpliciter dicere, & gratia eius **A** quæ in me collata est, non fuit inanis, sed efficax, nisi abundantē ac singularē efficaciam gratiæ Dei in Apostolatu suo declaratā extollere uoluisset. Sic dicit: Sed copiosius quæ illi omnes laboraui. Non simpliciter *περισσότερον*, id est, abundantius, sed, abundantius quæ illi omnes. Neque enim abundantius quæ conueniebat Apostolatu suo, sed quæ cæteri omnes laboraui. Nemo potest simpliciter abundantius diligere dominū, quantumuis enim diligas illum, supra quæ cōuenit diligere non poteris, abundantius uero quæ multi alij poteris, quemadmodum Petro non simpliciter dicebat dñs: Simon tu me plus diligis, sed: Simon, diligis me plus quæ hi? Consimili modo nō potuit Paulus abundantius quæ cōueniebat in Apostolatu suo laborare, potuit uero per gratiam Dei abundantius quàm cæteri.

**S**ED copiosius, inquit, quæ illi omnes laboraui.] Dicendum fuisse uidetur, sed copiosiorē fructum attuli quæ illi omnes. Si quidē non laborando tantū, sed multum fructificando declarabatur, quàm non esset in Apostolatu ipsius gratia Dei inanis. Quare uerbum laborandi non simpliciter de laboribus suis, sed simul & de fructibus illorum posuit.

**Q**UAM illi omnes, inquit.] Quoniam non simpliciter dicit, quàm omnes, sed, quàm illi omnes, ut certos quosdā intelligat, existimāt nōnulli intelligēdū esse de pseudapostolis Corinthiorum, quasi illorum iactantiā reprimere uoluerit, quæ se supra ipsum extollebant, & Apostolatum suum floccifaciebant. Ut sit sensus: Glorientur contra me uestri illi sapientes ac doctores, & Apostolatum meum contemnant quantum uolunt, ego licet postremus & minimus Apostolorum, & olim ecclesiæ Dei persequutor, ideoquæ indignus qui dicar Apostolus, in Apostolatu meo per gratiam Dei in me collatam, plus laboraui quàm ipsi omnes, idque apud uos, ubi fundamentum structuræ Dei posui. Quantulum est, quod illi omnes præstant apud uos, si laboribus meis cōferat?

Licet hic sensus nihil habeat incommodi, existimo tamen cōuenientius esse, ut quod dicit, quàm illi omnes, referamus ad apostolos, nō duodecim tantum, sed & reliquos omnes, quorum se minimum esse dixit, ut quorum se dixit esse minimum propter meriti indignitatem, & postremam uocationem, supra horum omnium labores Apostolatum suum extollat, propter fructuum copiam ac præstantiam. Nec debet arrogantiae tribui, quod non dicit: quàm nonnulli, uel, quàm multi ex illis, sed, quæ illi omnes. Etenim reuera sic habet. Cursus Apostolatus Pauli tam est amplius, tantorumquæ successuum, ut inde à Hierosolymis & regionibus circumiacentibus ad Illyricum usque impleuerit Euangelium Christi (qua de re si cui lubet, inspiciat Peregrinationem Pauli ab Erasmo congestam) ideoquæ merito præferatur cæteris omnibus. Quod sane non facit contendens contra ipsos apostolos, sed impro-

Rom. 15.

bitatem eorum retundens, qui Apostolatum ipsius prætextu cæterorum apostolorū, præcipue Petri, Iacobi & Ioannis, uilem & abiectum reddere moliebantur. Non erat propositum ipsius apostolos reliquos reddere contemptibiles, sed huc adigebatur per maleuolentiam pseudapostolorum, ut quod uerum erat pro Apostolatus sui defensione obijceret. Sane constat Petrum, Iacobum & Ioannē diu, hoc est, annos plus minus decem ac septē post conuersionem Pauli mansisse Hierosolymis, cum interea circumiacentes ille regiones Arabiam, Syriam & Ciliciam Euangelio Dei impletet. Et cum post annos decem ac septem Hierosolymam denuo uenisset, sic inter ipsos conuenit, ut ipse cum Barnaba in Gentes, ipsi uero in circumcisionem Apostolatu fungerentur. Vnde facile colligit, tam esse labores Pauli copiosiores laboribus istorum apostolorū, quàm tam multæ Gentium regiones, quibus ille Christum prædicauit, unam Iudæorū Gentem superant. Et præterea, sic illi sese in apostolatu suo gesserunt, ut repræhensibiles essent, quod non recto pede incederent ad ueritatem Euangelij. Quare & Petrum coram omnibus repræhendit, dicens: Si tu cum sis Iudæus, gentiliter uiuis, & non Iudaice, cur Gentes cogis Iudaizare? Igitur hac quoque ratione merito labores Pauli, laboribus reliquorum apostolorum præferuntur, quod dexterius Euangelium Christi quàm ipsi propagauit.

Vide Gal. 1.

Gal. 1.

**D**E reliquis apostolis, Andrea, Philippo, Bartholomæo, Thoma, Matthæo, Iuda fratre Iacobi, & Simone Zelota, denique de septuaginta discipulis, illorumque omnium laboribus, quid sentiendum sit certo, non uideo. Quamuis credibile est, non fuisse eos ociosos, sed prædicasse alios in Persia, alios in India, alios in Mesopotamia, alios in Ægypto, alios in Aphrica, probabile tamen est tantum lucis, tantum successus, tantumque dexteritatis nō fuisse in illorum omnium quantum in unius Pauli apostolatu. Sane quicquid sit de regionibus illis, quibus cæteri apostoli Christū prædicarūt, totus ille tractus à Hierosolymis in Occidentem usque laboribus Pauli debet, quod ad cognitionem & fidem Christi peruenit.

**N**ON ego tamē, sed gratia Dei, inquit, quæ mihi adest.] Quoniā non dixit: Et gratia eius quæ collata est in me, non fuit inanis, sed copiosius per me quàm per illos omnes laboraui, sed, copiosius quàm illi omnes laboraui, ne sibi hoc tribuere uideatur, particulam hanc correctionis loco adijcit, dicens: Non ego tamen, sed gratia Dei quæ mihi adest, quibus omnino uerbis totius Apostolatus sui labores ac fructus uni gratiæ Dei tribuit, quam idcirco tertio nominat, ne quid sibi arrogare uideatur. Quare friuolum est & præter mentē Apostoli, quod Eccius in locis suis, de libero arbitrio, ex his uerbis probare molitur, liberum hominis arbitrium, & gratiam Dei operari simul, propterea quod in uulgata uersione est,



Matth. 10.

ne est, non ego autē sed gratia Dei mecum. Nō est in Græco, & ego, & gratia Dei, sed: Nō ego sed gratia Dei neq; *ἐν ἡμῶν δὲ μόνον*, id est, nō ego uero solus, sed simpliciter: *ἐν ἡμῶν δὲ*, id est, non ego autem, sed gratia Dei. Sic loquendo non facit se socium sed organum gratiæ Dei, cui uni tribuit omnia. Quemadmodum & Christus cum dicit: Nō uos estis qui loquimini, sed spiritus patris uestri loquetur in uobis, non coniungit liberum arbitrium & spiritum sanctum, sed omnem sapientiam ad respōdendum pro Euangelio tribuit spiritu sancto. Deinde, non est in Græco, gratia Dei mecum, sed, gratia Dei *ὁ σὺν ἡμῖν*, id est, gratia Dei quæ mecum est.

Aliud est, si dicas, non ego laboraui, sed gratia Dei quæ mecum est, & aliud, si dicas non ego tantum laboraui, sed gratia Dei mecum. Sic enim illud *ὁ σὺν ἡμῖν*, id est, mecum referretur ad uerbum laboraui, & tribueretur pars laboris Paulo & pars gratiæ. Verum Paulus nō dicit de gratia quod secū laborauerit, sed quod secum existens ipsa laborauerit ac perfecit omnia. Ipsam gratiam Dei specificat dicens, quæ est mecum, uel quæ mihi adest, non labores inter se, & ipsam diuidit. Videmus hic qd faciat interpretis, uel scribarum neglectus. Vnius enim articuli, *ὁ*, omisio ansam præbet sophistis, ut mentem uerborum Apostoli ad patrociniū falsi dogmatis statuendum peruerant.

**S**IVE igitur ego, siue illi sic prædicamus, & sic credidistis. Quomodo? Quod, uidelicet mortuus sit Christus, secundum scripturas, quodque sepultus sit & resurrexerit secundum scripturas, & quod suis sit apostolis & discipulis post resurrectionem uisus. Sic, inquit, prædicamus, & sic credidistis. Quid est autē quod non dicit: Sic igitur euangelizauit uobis, & sic credidistis, ut ingressum sermonis huius seruet. Neq; enim in principio dixit: Notum uobis facio Euangelium, quod siue ego, siue cæteri apostoli euangelizamus, sed, quod euangelizauit uobis. Quoniam incidit in mentionem reliquorum apostolorum, quorum existimatione pseudapostoli contra Apostolatū ipsius abutebantur, sic loqui uoluit: Siue igitur ego, siue illi sic prædicamus, ut conatus illorum reprimat, afferatque doctrinæ huius de morte, sepultura & resurrectione Christi conformitatem, quæ seruetur tam in sua quàm cæterorum apostolorum prædicatione. Vt sit sensus: Itaque siue ego prædicem, siue illi, quos nonnulli tantopere iactant, sic cōcorditer prædicamus, nihil hic est discrepantiæ. Quare qui meam doctrinam reiicit, simul & reliquorum apostolorum omnium eadem opera reiicit. Seruit hoc dicens argumento quod est contra negatores resurrectionis illaturus.

Cogitemus hic de consensu doctrinæ Apostolicæ, quàm sit ille ualidus ad destruenda pseudapostolorum dogmata, dū non permittit illis ullum patrociniū ex cuiusquam apostoli autoritate. Siue Petrus, siue Paulus, siue

**A** Ioannes, eundem Christum, & eandem salutis uiam prædicarunt.

Addit: **E**T sic credidistis.] Quemadmodum suprà dixit, quod & accepistis, sic hic, & sic credidistis, inquit. Nisi quod hic admonet quod quemadmodum non prædicauerit ipsis aliud Euangelium, quàm quod ab alijs quoque sit apostolis omnibus prædicatum, ita fidem ipsorum, qua prædicationi suæ crediderunt, haud esse aliam ac diuersam à fide reliquorum Christianorum omnium. Sic parat argumentum ad futuram disputationem, tam à concordi apostolorum omniū prædicatione, quàm à catholica Christianorum omnium fide.

Obiter obserua, quod dicit: Sic prædicamus, & sic credidistis. Chrysostomus rationes annotauit, quare non dicat in præsentī, sic creditis, sed in præterito, sic credidistis, nec in præterito: sic prædicauimus, sed in præsentī, sic prædicamus. Ex qualitate prædicationis quidem qualitas est fidei, ut quemadmodum prædicatur sic credatur, uerum uidemus hoc Corinthiorum exemplo, ut nonnunquam fides auditorum mutetur, dum interea doctrina Apostolica in se non mutatur, sed eadem constanter permanet. Sic possumus hodie dicere: Sic prædicant apostoli, & sic initio maiores nostri crediderunt. Eadem etiamnum est apostolorum prædicatio, qua etsi non uoceliteris tamen Euangelicā ueritatem concorditer docent: Verum utinam usque adeo nihil præuaricationis in fidem Christianam irreperit, ut ueraciter dicere possimus omnes: Sic prædicant apostoli & sic credimus.

**Q**uod si Christus prædicatur à mortuis resurrexisse, quomodo dicunt quidam inter uos non esse resurrectionem mortuorum? Si resurrectio mortuorum non est, neq; Christus resurrexit. Si uero Christus non resurrexit, inanis igitur est prædicatio nostra, inanis est & fides uestra. Reperimur autē & falsi testes Dei, quoniam testificati sumus de Deo, quod excitauerit Christum quem non excitauit, si uidelicet mortui non resurgunt. Etenim si mortui non resurgunt, neque Christus resurrexit. Quod si Christus nō resurrexit, superuacanea est fides uestra, adhuc estis in peccatis uestris. Igitur & qui obdormierunt in Christo perierunt. Si in uita hac spem in Christo tantum fixam habemus, maxime miserabiles omnium hominum sumus.

Haftenus duobus primis membris reuocauit Corinthijs in memoriam, quod nam & quomodo prædicauerit ipsis Euangelium de morte, sepultura, ac resurrectione Christi, ac simul Apostolatū suū, contra pseudapostolos

D

asseruit,



asseruit, & Euangelium suum per id quod & ab alijs apostolis omnibus concorditer prædicaretur, & ab ipsis fide esset acceptum confirmavit, iam inde colligit tertio membro ex resurrectione Christi, quantum absurditatis ex eo consequatur, quod nonnulli resurrectionem mortuorum negabant, id quod diligenter argumentando facit, quo magis errorem illorum confutet. Seruat hac in re decorum fidelis Apostoli, qui non statim excommunicat, & Satanæ tradit errantes, sed curat & satagit quomodo eos ab errore liberet ac seruet, idque per declarationem ueritatis & confirmationem erroris. Ad hunc igitur scopum collimans argumentatur ex resurrectione Christi ad hunc modum.

Quod si Christus prædicatur à mortuis resurrexisse, quomodo dicunt quidam inter uos resurrectionem mortuorum non esse? Statim initio argumentationis aperit, quorsum præcedentia de morte, sepultura, ac resurrectione Christi in medium attulerit. Ad confutandum uidelicet eos qui resurrectionem mortuorum negabant. Poterat dicere: Quod si Christus prædicatur à mortuis resurrexisse, consequitur & mortuos esse resurrecturos. Verum, ut errorum illorum tanquam manifestè prædicationi Euangelicæ, de resurrectione Christi repugnantem admodum impudentem esse significet, uelut admirans dicit: Quod si Christus prædicatur à mortuis resurrexisse, quomodo dicunt quidam inter uos resurrectionem mortuorum non esse? Quasi dicat: Mirum est, quomodo non uideant hanc suam opinionem pugnare cum doctrina & prædicatione Euangelij, qua communiter non à me tantum, sed & ab omnibus alijs apostolis de Christo prædicatur, quod sit mortuus ac sepultus, & quod tertio die resurrexerit à mortuis. Quomodo admittunt errorem, inquit, qui tam manifestè Apostolicæ prædicationi aduersatur?

Quomodo dicunt quidam, inquit, inter uos resurrectionem mortuorum non esse? Non dicit: quomodo dicitis uos, sed, quomodo dicunt quidam. Ergo non omnes sic dicebant, sed nonnulli tantum. Parcit itaque reliquis.

Neque dicit: quomodo cogitant quidam, sed, quomodo dicunt quidam. Ergo errorem suum non premebant in pectore, sed palam spargebant. Et hanc ob causam non agit cum illis separatim, sed publico scripto, cum tota ipsorum ecclesia, quo uirus noxiū, quod spargebatur, cohibeat, ne totum corpus corripiat & inficiat.

Nec dicit simpliciter: quomodo dicunt quidam, sed, quomodo dicunt quidam inter uos. Si illud *ὑποφωτισμένοι*, id est, in uobis, referas ad, quidam, significatur negatores istos resurrectionis pertinuisse ad ecclesiam fidelium. Si uero referas ad uerbum, dicunt, perstringitur illorum impudentia, qua non sunt ueriti articulum hunc de resurrectione mortuorum negare palam in medio fidelium. Quocunque re-

feras, Christiani fuerunt, & resurrectionem mortuorum, magno cum offendiculo palam negarunt.

Quomodo dicunt quidam, inquit, inter uos resurrectionem mortuorum non esse? Quare non dicit: futuram non esse, sed in presenti, non esse. Si de communi omnium resurrectione loquitur, qua in die nouissimo resurgemus, utique illa nec tum erat, neque nunc est. Quid igitur falsi erat, quod nonnulli eam non esse dicebant, cum id hodie quoque ueraciter dici queat ab omnibus?

Respondeo. Aliud est si dicas, resurrectio mortuorum nondum est, & aliud si dixeris, resurrectio mortuorum non est. Qui dicit illam nondum esse, futuram non negat. Qui uero simpliciter illam non esse dicit, negat huic fidei, qua mortuos resurrecturos credimus, aliquid inesse ueri, quod rem credamus esse ueram, quæ sit falsa.

Quare qui dicit, resurrectio mortuorum non est, perinde est, ac si dicat: resurrectio mortuorum nihil est, nomen est sine re, atque ita non modo in presenti illam esse negat, sed & futuram non esse contendit. Si dixeris, iudicium quo mundus olim iudicandus creditur, non est, non solum in presenti nondum esse, sed & futurum non esse dices. Sic sentiunt impij, finis mundi non est, resurrectio mortuorum non est, iudicium non est, aliud sæculum non est, hoc est, mundus hic nunquam finietur, mortui non resurgent, iudicium mundi non erit, aliud sæculum post hoc præsens non erit. Hanc impietatem in pectore fouentes, imò ipso ore spargentes Corinthij, dicebāt resurrectionem mortuorum non esse, hoc est, nunquam fore ut mortui resurgant, sed hunc illius articulum merum esse figmentum, & imposturam ad id excogitatam, ut opinione futuri iudicij, & noui cuiusdam sæculi retineatur mundus in officio, & cohibeantur hominum mentes, ne quid admittant scelerum ac flagitiorum, unde olim sint graues daturi poenas. Utinam non sint hodie inter sapientes huius mundi, qui impietatem hanc in pectore foueāt, eoque securius huic sese mundo accommodent.

Si resurrectio mortuorum non est, inquit, neque Christus resurrexit. Quasi dicat: Recogitent illi, qui resurrectionem mortuorum non esse dicunt, quid ex eo sequatur. Si resurrectio mortuorum non est, sicut ipsi dicunt, consequitur omnino, neque Christum resurrexisse à mortuis. Argumentatur non affirmatiue à resurrectione Christi, ad generalem nostrā resurrectionem, hoc est, à particulari ad uniuersalem, sed negatiue ab uniuersali resurrectione, quā Corinthiorum quidam negabant, ad particularem Christi, quam communiter omnes apostoli per Euangelium Dei prædicabant. Ideo non dicit: Si nanque Christus resurrexit, resurgent utique mortui. Hanc etenim consequentiam à particulari, ad uniuersalem, tanquam



quam parum dialecticam, nullo modo recepissent. Perinde nanque est, ac si dicas: Maria mater domini peperit uirgo, ergo omnes uirgines pariunt.

Item, Alinus Bileam loquutus est humana uoce, ergo omnes alini humana uoce loquuntur. Non sequitur. Priuatum ac singulare miraculum non parit generalē sui cōsequētiā. Quod Christus tertio die resurrexit à mortuis, miraculum est priuatum ac singulare, unde dialectica consequentia non sequitur sic omnes esse mortuos resurrekturos. Recti<sup>9</sup> ergo negative ab uniuersali, quam negabant, ad particularem Christi resurrectionem, quam & prædicabant apostoli concorditer omnes, & ipsi catholica fide credebant argumentatur dices: Si resurrectio mortuorum non est, neq; Christus resurrexit. Maluit colligere argumentando quid ex ipsorum negatione sequatur absurdum ac falsum quàm quid ex communi Apostolorum prædicatione sequatur uerum.

Ominino autem firma est consequentia, ab uniuersali ad particulare, qua dicit: Si resurrectio mortuorum non est, neq; Christus resurrexit. Etenim & mortuus fuit Christus & sepultus. Si impossibile est resurgere hominem mortuū, ergo nec Christus resurrexit. Qui infideles sunt, consequētiā hanc: Si resurrectio mortuorū nō est, neq; Christi<sup>9</sup> resurrexit, plane recipiunt ac dicunt: Sic est: Nec mortui resurgunt, nec Christus uester resurrexit.

Tam enim probandum est Christum uestrum resurrexisse, quàm mortuos esse in fine mundi resurrekturos. Quare quod per resurrectionem Christi futuram mortuorum resurrectionem astruitis, infirmum est. Nil etenim ualeat exemplum quod litem lite resoluit.

Apostolus uero quoniam non agit cum infidelibus, sed cum Christianis, argumentatione utitur, quæ illis sit fortissima. Hi nanque sic resurrectionem Christi credūt, ut propter illius firmitudinem retinendam resurrectionem mortuorum facile recipiāt. Alijs plane argumentis usus erat, si infidelibus resurrectionem mortuorum comprobendam suscepisset.

Cogitandum igitur nobis, uniuersam capit huius argumentationem ac doctrinam sic esse comparatam, ut fidem Christianam requirat, quæ resurrectionem Christi, tanquam Christi, unigeniti Dei, ac unici nostri Redemptoris, indubitato teneat. Nam huic tanquam fundamento omnis hæc structura innititur.

Verum pseudochristiani, qui mysterium mortis Christi, ac redemptionis nostræ, non tenentes sic credunt resurrexisse Christum, ut interim futuram mortuorum resurrectionem iudicium ac finem mundi, uitamque futuri sæculi non credant, argumentationem hanc Apostoli: Si resurrectio mortuorum non est, neque Christus resurrexit, quoniam in causa miraculosa est, & præter seriem naturæ insolita, non recipiunt, sed dicunt, Christus est

A non homo tantum, sicuti nos sumus, sed simul & uerus Deus, & unigenitus Dei, expertus omnis peccati, quare à morte teneri non potuit. Nos uero nec dii sumus, sed homines, nec peccati expertes sicut ipse, sed peccatores ideoque mortis mancipia, quare longe alia est nostra, quàm ipsius conditio, ut non sequatur, Si resurrectio mortuorum non est, ergo nec Christus resurrexit, quemadmodum non sequitur, si uirgines non pariunt absque uirili semine, ergo nec Maria mater domini uirgo sine uirili semine peperit. Huiusmodi miraculosæ ac singulares prærogatiuæ non euincunt uniuersalem in omnes homines consequentiam.

Huiusmodi elusio retundenda est fortiter. Resurrexit enim Christus, quatenus est mortuus. Mortuus est autem, primum non ut Deus, sed ut homo, morte tam uera quàm qua nos morimur, quare non resurrexit ut Deus, sed ut homo.

Quod autem per diuinam potentiam morti exemptus resurrexit, nihil demit huic argumentationi. Etenim per eandem nos quoque resurgemus. Nec Apostolus cum dicit: Si resurrectio mortuorum non est, sic de illa loquitur, ut potentiam Dei excludat, ac dicat, si homines mortui suis ac naturæ uiribus non resurgunt, neque Christus resurrexit, sed potius hoc sensu: Si Deo possibile non est, ut mortuos excitet, ut resurgant, neque Christum excitauit ut resurgeret. Et hætenus firma est consequentia.

Deinde mortuus est Christus, non modo ut homo, sed ut mediator inter Deum & homines, nec mortuus est sine peccatis. Nam etsi per se ab omni fuit peccato alienus, nostra tamen uniuersa delicta & peccata, cum debita omnium condemnatione, in se suscepit, portauitque in corpore suo super ligno, quo Deo patri pro illis satisfaceret, nosque ab æterna morte & condēnatione liberaret, & cum Deo reconciliatos uitæ æternæ participes redderet. Quod itaque resurrexit, resurrexit non ut homo simpliciter, sed ut mediator, redēptor, ac Seruator humani generis, deletio in cruce peccatorum nostrorum chirographo, uictor peccati & mortis, & æternæ uitæ per Adamū amissæ restitutor. Quod si peccata nostra non potuerūt ipsum retinere in morte, quam propter illa subiit, sed tanquam uicta & deleta liberū ac solum dimiserunt, multo minus nos retinere poterunt, in quos nihil iuris habent amplius.

Quare Christi resurrectio non modo exemplum est futuræ nostræ, sed ipsissima uirtus & causa. Necesse est igitur ut resurgamus. Verum hac de re in sequentibus. Hoc mortis ac resurrectionis Christi mysterium, si pseudochristiani inspicerent, & fide tenerent, haudquaquam argumentationi huic Apostoli contradicerēt.

Nos admonemur, quàm aliter sit argumentandum cum ueris Christianis, quàm uel cum



falsis, uel cum infidelibus. Habet fides nostra certa quædam ac fundamentalia principia, contra quæ nihil sit recipiendum, nec disputandum cum illis, qui aliquod ex eis negare præsumunt. Tale est, quod Christus mortuus est pro peccatis nostris. Ergo non debemus eam recipere doctrinam, quæ humana merita aut satisfactiones statuit, quibus à peccatis liberemur. Potest enim hic tam firmiter colligi: Si nondum sumus à peccatis liberati, uel, Si pro peccatis nostris satisfaciendum nobis est, ergo Christus non est pro peccatis nostris mortuus, quàm firmiter colligit hic Apostolus: Si resurrectio mortuorum non est, Christus non resurrexit. Si quis neget mundum hunc esse factum, non est recipiendū quod tradit. Pugnat enim cum principio fidei nostræ, qua Deum credimus esse factorem cœli & terræ, ut recte argumentemur: Si mundus hic non est factus, ergo Deus non fecit cœlum & terram. Si quis dixerit: Deus non habet filios, argumentabitur Christianus: Si Deus non habet filios, ergo Christus non est filius Dei.

Argumentum ridiculum quidem iudicio infidelium, uerum haud aspernandum fidelibus, quorū fides est, Christum esse filium Dei. Hæc argumentandi ratio, per omnia est fidei nostræ capita ducenda.

Si uero Christus non resurrexit, inquit, inanis igitur est prædicatio nostra, inanis est & fides uestra.] Pergit argumentando colligere quæ absurda nascantur, & quanta subuersio religionis ac salutis nostræ sequatur, si Christum non resurrexisse concesserimus.

Primum, Si uero Christus non resurrexit, inquit, inanis igitur est prædicatio nostra. Inteligit non de ea tantum Euangelij parte, qua Christus resurrexisse prædicatur, sed de tota Euangelij prædicatione & doctrina. Totam summam Euangelicæ prædicationis inanem esse dicit: Si Christus non resurrexit. Tū enim frustra prædicatur de Deo, de uerbo incarnato, filio eius unigenito, de doctrina illius & miraculis, de morte ac sepultura, de pœnitētia & remissione peccatorum, & quæ alia in doctrina Euangelij continentur.

Nam hæc omnia pendent à resurrectione mediatoris, qua mors est uicta, & iustificatio nostri impetrata. Poterat dicere: Si Christus nō resurrexit, ergo adhuc claustris mortis detinetur, nec est uictor mortis, sed à morte uictus. Si Christus non resurrexit, ergo pater deseruit suum filium, ac permisit, ut corruptionem uideret, uanusq; uates fuit Dauid in persona illius dicens: Non derelinques animam meam in inferno, nec dabis sanctum tuum uidere corruptionē. Verum maluit argumentari ad ea absurda quæ in re tū omnibus nota consequerentur prædicatione uidelicet Apostolica, magnis signis ac portentis declarata & confirmata.

Neque enim de sua tantum, sed simul omnium apostolorum concordia prædicatione lo-

quitur, cum dicit: inanis igitur est prædicatio nostra.

Est autem prædicatio bifariam inanis. Primum, si non recipiatur fide. Tū enim non prodest audisse sermonem, quod is non sit cum fide coniunctus. Et hætenus potest prædicatio Euangelij, quantum uis uera in se & efficax ad saluandum credentes, inanis dici. Deinde, si quæ prædicantur sint inania figmenta de rebus nihil ueri habentibus. Hoc sensu inanis esset prædicatio Apostolica in uniuersum, si Christus non resurrexisset. Ebr. 4.

Et hanc potissimum ob causam probro nobis uertitur doctrina Christiana à Gētibus & Iudæis, & Turcis, quod prædicatur nobis de quodam crucifixo & mortuo Iesu Nazareno, esse illum Seruatorem mundi, cū seipsum seruare nequiuert. Quoniam resurrectionem illius non credunt, existimant eum morte absorptū, nihil min⁹ esse posse quàm quod per Euangelium Dei prædicatur.

INANIS, inquit, est & fides uestra.] Consequitur hoc ex præcedenti. Etenim secundum qualitatem prædicationis est & qualitas fidei. Nam ex auditu est fides Roman. 10. Quare necesse est, ut ex inani prædicatione sit inanis fides. Est autem fides inanis, quando uel uanum est quod creditur, uel etsi uerum sit, opinione tamen magis quàm efficaci fide recipitur. Fides mortua, ociosa, & inefficax, plane est inanis.

Verum priore sensu loquitur hic Apostolus significans eos, qui prædicationem inanem fide recipiunt, fidem habere non ueram, sed falsam & inanem. Erant hæc dura auditu coram ecclesia Dei, prædicationem uidelicet de Christo Euangelicam & Apostolicam, & fidē Christianam utranque reddi inanem per eos, qui resurrectionem mortuorum negabāt. Verum sic oportebat fidelium mentibus perniciosi dogmatis horrorem incutere, malumque illius statim initio detegere.

Sic faciendum est & illis, qui hodie non uerentur dicere: Homines fuisse qui libros Veteris ac Noui testamenti conscripserunt, ideoque sacram scripturam non esse diuinam, sed humanam, nec plus mereri fidei, quàm quatenus certis rationibus ac demonstrationibus possit probari. Dicatur hic. Si sacra scriptura non est diuina, sed humana, inanis est prædicatio Apostolica, inanis est fides Christiana, & Christus cum suis apostolis merito sunt, tanquam seductores orbis reprobati & occisi. Sic impij homines quo dogmata, errores, ac superstitiones Papismi sui tueantur uniuersum Christianismum, doctrinam, fidem, Christum ipsum cum prophetis & apostolis subuertūt. Inculcandum est hoc ecclesiæ Dei, ueris ac syncretis fidelibus, quo ad huiusmodi uoces aures ambas & pectus occludant, ac uirus Satanae detestentur. Regeramus illis: Si satisfaciendum, satispatiendum, ac satisdandum nobis est pro peccatis nostris, secundum dogmata Papistica,



Papistica, ergo Christus uel non est uel frustra est pro peccatis nostris mortuus, & inanis est prædicatio ac fides apostolica.

Verum absit. Christus uere est & efficaciter pro peccatis nostris mortuus, ideoque inanis est & prædicatio & fides Papistica. Sacra scriptura non ex hominibus, sed ex Deo ac uera est, ergo contraria illi Papismi doctrina & fides uera esse non potest, sed inanis sit oportet.

Quæsierit hic quisquam, an omnino inanem oporteat esse fidem in illis locis, ubi inanis est publica prædicatio. At facilis est responsio. Inanem esse oportet, qua inani prædicationi creditur. Verum reperiatur illic quoque electas Christi ouiculas, quæ uocem falsorum pastorum repudiantes uocē ueri sui pastoris audiant & sequantur, ideoque publicæ prædicationi non credāt, sed sanctas scripturas potius legant, illisq; uera fide nitantur. Horum fides non est inanis, quantumuis inanis sit publica prædicatio.

Reperimur autem & falsi testes Dei, inquit, quoniam testificati sumus de Deo, quod Christum excitauerit, quē non excitauit, si uidelicet mortui non resurgunt.

Deinceps hæc duo absurda, inanis est prædicatio nostra, & inanis est fides uestra, non nihil exaggerat. Et primum de prædicatione: Reperimur autem & falsi testes Dei, inquit, &c. Quasi dicat: Non solum autem inanis est prædicatio nostra, si Christus non resurrexit, sed & hæc cōsequitur impietas, quod de Deo falsi sumus testificati, quod uidelicet excitauerit Christum, quem non excitauit, si mortui non resurgunt, simusque adeo non solum seductores mundi, inania prædicantes, sed & falsi testes Dei, falsum de illo testificantes, atq; ita duplici nomine digni, quos ipsa terra aperto ore absorbeat.

Illud, quoniam testificati sumus de Deo, in Græco est *κατὰ θεόν*, quod uetus interpret reddidit, aduersus Deum, quemadmodum & Ambrosius & Augustinus legunt, & Germanicus interpret uertit, *wider Gott*. Erasmus tamen uertit, de Deo. Sane nonnunquam, præsertim apud dialecticos, reperitur præpositio *κατὰ* hoc sensu genitiuo iungi, ut cum dicimus animal prædicari *κατ' ἀνθρώπου*, id est, de homine. Aliquando *κατὰ θεόν* sensu iurandi id est quod per Deum. At non conuenit ut sic accipiamus hoc loco.

Nascitur ergo alia atque alia particulæ huius expositio. Qui legunt: quoniam testificati sumus aduersus Deum, sic sentiunt culpam apostolos hac consequentia, ut extra culpam sit Deus, ipsi uero in illum impij depræhenduntur. Et hinc est, quod colligitur ex hoc loco, impium esse testificari de Deo quod fecerit quæ non fecit, aut quod faciat quæ non fa-

cit, uel, quod facturus sit, quæ facturus non est, non mala modo ac uituperanda, sed & bona ac laudanda, quale est, excitasse Christum filium suum à mortuis.

Sic Augustinus Episto. octaua ad Hieronymum loco præsentis utitur dicens: Possunt uideri etiam de laudibus Dei esse officiosa mendacia, ut apud homines pigriores dilectio eius ardeat, atque ita nusquam certa erit in libris sanctis castæ ueritatis authoritas. Nonne attendimus eundem Apostolum, cum ingenti cura commendandæ ueritatis dicere: Si autem Christus non resurrexit, inanis est prædicatio nostra, inanis est & fides uestra. Inuenimur autem & falsi testes Dei, quia testimonium diximus aduersus Deum, quod suscitauit Christum quem non suscitauit?

Si quis huic diceret, quid in hoc mendacio perhorrescis, cum id dixeris, quod etiam si falsum sit, ad laudē Dei maxime pertinet? Nonne huius detestatus insaniam, quibus posset uerbis & significationibus in lucem penetrabilia cordis sui aperiret, clamās, non minore, aut fortasse etiam maiore scelere, in Deo laudari falsitatem, quàm uituperari ueritatem?

Hæc ille, quæ ex eo argumentatur, quod legit: quia testimonium diximus aduersus Deū quod suscitauit Christum quem non suscitauit. Plane sic habet. Quoniam & ueracissimus est Deus & simul iustissimus, non potest aduersus illius ueritatem & iusticiam, grauius peccari, quàm si quis de illo falsum ferat testimonium.

Est autem falsum testimonium quod contra Deum fieri potest, quadruplex. Etenim per illud aut quod uerū est in Deo negam⁹, aut quod falsum est asserimus, uel quod malum est tribuendo illi laudamus, uel quod bonum est uituperamus. Quare late patet hoc malum, in quod incurrant necesse est, qui de Deo docere ac prædicare præsumunt, quæ nullis sacris scripturis traduntur, sed uel ab alijs uel ab ipsis humanitus sunt excogitata. Vtrum autem grauius sit peccatum laudare in Deo quod est falsum, uel uituperare quod est uerum, iudicent alij. Existimo multum referre, quomodo hæc, & quibus circumstantijs, quoque proposito fiant.

Qui uero legunt: quoniam testificati sumus de Deo, fugiunt hanc sententiam, qua testimonium falsum de Deo, etiam in re laudabili, aduersarium esse Deo colligitur.

Nonnulli etiam sic exponunt, ut Deū ipsum hoc falsi testimonij peccato inuoluant, quasi author fuerit apostolis rem falsam de se, laudis gratia testificandi. Sane sic fuerint apostoli testes Dei, ut haud proprio arbitratu munus hoc de morte ac resurrectione Christi testificandi usurparint, sed ad hoc diuinitus sint electi ac constituti, unde & Christus dicebat ad eos, uos eritis mihi testes, &c. Et Petr⁹. Act. 10. Hunc Deus suscitauit tertio die, & dedit eum



manifestum fieri non omni populo, sed testibus præordinatis à Deo, nobis, qui manducauimus & bibimus cum illo, postquam resurrexit à mortuis. Et præcepit nobis prædicare populo & testificari, &c. Quare si testimoniū apostolorū quod cōstitutione diuina de Christo tulerunt, falsum fuit, non illi tantum, sed cum primis Deus ipse tanquam illius author, falsi testimonij reus est. Habet hic sensus uim magnam ad incutiendum horrorē contra impiam præsumptionem eorum, qui resurrectionem mortuorum negabant, unde absurda hæc & impia colligi potuerunt. Nihil uideo periculi, utram expositionem accipiamus.

Obserua quod non simpliciter dicit: Reperimur autem & falsi apostoli Dei, quoniā prædicauimus de Deo, quod excitauerit Christū, &c. sed: Reperimur autem & falsi testes Dei, quoniam testificati sumus de Deo, quod excitauerit Christum, &c. Verbum testificandi cōsuluto usurpauit. Erat enim hoc peculiare apostolorum munus, ut essent testes Dei, testificantes de Deo ac Christo filio eius quæ uiderant, & contrectauerant. Aliud est simpliciter prædicare de Christo, quod mortuus ac sepultus tertio die resurrexit, & aliud ista de illo testificari. Prius est omnium uerbi ministrorū usq; ad finē mūdi, posterius uero apostolorū tantū, qui dicere potuerūt: quod uidimus testamur.

QVEM non excitauit, inquit, si mortui non resurgunt. Non dicit: si mortui non resurgēt, sed in præsentī, si mortui nō resurgunt, quemadmodum & suprā non dixit, quomodo dicunt quidam inter uos resurrectionem mortuorum non esse futuram, sed simpliciter in præsentī, resurrectionē mortuorū non esse, ubi rationē reddidimus, quare sic loqui uoluerit.

Etenim si mortui non resurgunt, inquit, neque Christus resurrexit. Quoniam dixit, quem non excitauit, si mortui non resurgunt, reddit illius rationem, imò suprā redditam repetit dicens: Etenim si mortui non resurgunt, neque Christus resurrexit. Sic suprā dixit: Si resurrectio mortuorum non est neque Christus resurrexit. Sensus suprā est expositus. Si Deus non excitat mortuos, mortui non resurgunt, atque ideo nec Christus resurrexit, quia Deus illum non excitauit, quod mortuos non excitet.

QVOD si Christus nō resurrexit, inquit, superuacanea est fides uestra. Resumit alterum absurdū, nempe, inanis est fides uestra, si Christus non resurrexit, illudque quemadmodum prius, penitus explicat. Ideo subiungit: adhuc estis in peccatis uestris. Quēadmodum enim uera in Christum fides liberat credentes à peccatis, uirtute uidelicet mortis ac resurrectionis Christi, ita si Christus non resurrexit, & fides in illū prorsus est inanis, consequit̃ esse nos adhuc in peccatis nostris. Neq; enim fieri potest, ut inani quisquā fide à peccatis liberetur.

ADHVC estis, inquit, in peccatis uestris. Ergo, quia Christus à mortuis resurrexit, sic non

est fides credentiū in ipsum inanis, ut non sint ampli⁹ in peccatis. Quid igitur est quod. 1. Io. 1. dicitur: Si dixerimus quod peccatum non habeamus, nos ipsos seducimus, & ueritas in nobis non est. Et quod hic ipse Apost. Rom. 7. de eo tantopere queritur, quod peccatum habiter in ipsius carne? An soli Corinthij propter fidem in Christum non erant amplius in peccatis suis, erat uero adhuc ipse Apostolus, & sūt reliqui fideles omnes donec uiuūt in peccatis?

Respondeo. Aliud est esse in peccatis, & aliud habere peccatum, uel, peccatum esse in nobis. Esse in peccatis Apostolo est, esse in reatu peccatorum, ac cōdemnationi obnoxium. Sic in peccatis est omne genus mortalium, extra Christum. Credentes uero in Christum, habēt quidem adhuc peccatum in carne sua, uerum quoniam liberati sunt à reatu peccatorum & condemnatione per sanguinem Christi, non sūt amplius in peccatis, sed fide iustificati. Qui alieni sunt à fide Christi, sunt in peccatis omnes, & peccatum in ipsis regnat ac dominatur. Fideles igitur, quamuis non sunt amplius in peccatis & condemnatione, agnoscunt tamē adhuc in carne sua peccati malitiam, deq; illa cum Apostolo dolenter queruntur, tam abest, ut dicant se non habere peccatum.

IGITVR & qui obdormierūt in Christo, inquit, perierunt. Sic incommodum & incommodo nascitur. Si Christus non resurrexit, inanis est Christianorum fides. Si fides inanis est, sumus adhuc in peccatis nostris. Si adhuc in peccatis sum⁹, cōsequit̃ perire eos qui moriuntur in Christo. Retinent enim æternæ mortis uinculis, ppter peccata in quib⁹ sunt mortui.

Cauendum uero est, ne uerbum, perierunt, idem esse sentiamus quod, in nihilū abierunt, prius anima & corpore extincti sunt, ut nihil de illis maneat reliqui. Nam animæ mortuorum tam fidelium quā infidelium supersūt, licet impari sorte, donec in die iudicij corporibus suis reddantur. Pereunt tamen infideles, dum moriuntur, propterea quod æternæ sunt morti & condemnationi obnoxij.

Quod fideles attinet, qui in Christo, hoc est, in fide, & si ita uisum sit Deo, propter fidē Christi moriuntur, non moriuntur illi sed obdormiunt, propter sequuturam resurrectionē non animarum sed corporum, nec pereunt, sed spiritu transeunt à morte in uitam, licet corpore quiescant in terra. Quare uigilāter factum est, quod loca sepulturæ Christianorum uocarunt *κοιμητήρια*, id est, dormitoria, nō propter animas, quæ non in sepultura cum corporibus conduntur, sed in cœlestia deportātur sed propter corpora in sepulcris quiescentia, indeq; uelut è cubili in die Domini proditura.

Consulto itaq; non dixit: Igitur qui mortui sunt, sed, qui obdormierūt in Christo. Quamuis enim resurrectionem mortuorum nōnulli negabant, quorum dementiam præsentī argumentatione corrigit, nihilo tamen secius incon-

cussa



cussa erat Christianæ doctrinæ pariter ac fidei ueritas, ideoq; qui obierant in Christo obdormierant, non perierant.

Dicet hic quisquam de numero eorum qui Romano Papatu adherēt. Maiores nostri crediderūt Christum resurrexisse à mortuis, & in ea fide, in qua nos sumus, obdormierunt, ergo non perierūt. Siquidem uirtute resurrectionis Christi credentes in ipsum nō pereunt sed seruātur. Seruabimur itaq; & nos in fide hac Romanæ ecclesiæ manētes, in qua ipsi obdormierunt & salui facti sunt.

Respondeo. Verū est, qui credunt in Christum pro peccatis nostris mortuū, sepultum, & tertio die à mortuis excitatum, nō pereunt, sed seruātur. Deinde, facile credimus fuisse in Papatu tot iam elapsis læculis multos fideles ab initio ad uitam in Christo electos, quibus symbolū apostolicæ fidei cordi fuerit, & Christus totius fidei, spei ac salutis anchora. Tertio de illis recte credimus, quod propter fundamentum Christum, cui innixi fuere credētes, in cuius etiam fide obdormierunt, non perierint, sed saluti sint & uitæ æternæ participes. Hinc tamen nō potest recte colligi, quod propter Papisticæ religionis non fidem, sed superstitiones salui sint facti, uel quisquā ob id debeat in Papatu manere, q; maiores nostri in illo sunt mortui. Aliud est enim manere in fide mortis ac resurrectionis Christi, in qua sola est salus & uita, & aliud manere scienter ac prudēter in Papatu, per quem nemo saluatur, innumeri uero perdūtur. Singularem opē Dei multi seruantur in mari, & licet in naufragium incidunt, eripiūtur tamen. Nemo tamē sic insanit, ut dicat, manebo in mari. Nā multi in illo sunt hætenus seruati. Mare quoddam est Papatus, innumeris procellis, uoraginib; syrtibus, scyllis, charybdibus, & alijs errorum, falsorum cultuum, superstitionum, tenebrarū, captiuitatis conscientiarum, tyrannidis & improbi dominatus periculis refertū, in quo innumera milia falsorum Christianorū perierunt ac pereūt, qui uero seruati sunt & adhuc seruantur, admirabili ac singulari gratia Dei per fidem in Christum seruati sunt, perinde atq; septem illa milia fidelium, qui tēpore Eliæ singulariter sic fuerūt seruati à Deo, ut genua sua nō incuruarunt ante Baal, quorū mētio in Ro. cap. 11. facta est.

Si in uita hac tantum spem positam habemus in Christū, inquit, miserabiliores sumus omnibus hominibus, uel, ut quidā uertūt, miserissimi sumus omnium hominum. Postremum hoc est absurdum & incōmodum. Si resurrectio mortuorum non est nulla nobis post hanc erit uita futura. Si nō uiuemus post hanc uitam, ergo fides nostra ac spes de Christo concepta præsentis hac uita sic terminatur, ut nihil nobis post illam inde sit emolumenti futurū, etiam si ille à mortuis resurrexerit. Quid hinc cōsequetur aliud, quàm spem Christianorum esse temporariam ac præsentis tantū uitæ, atq;

ita Christianos omnium esse mortalium infelicitissimos? Sic puto particulā hanc habere occupationem, ne obijciat quisquam. Et si nō credimus futurā esse mortuorū resurrectionē, credimus tamen Christum esse à mortuis excitatum, illiq; tanquam nostro domino spe ac fiducia adhæremus. Ergo, inquit, in hac tantum uita habemus dominū Christum, & spes nostra quæ in illum est, huius tantum uitæ bona spectat. Nam etiam si ille à mortuis excitatus non est moriturus amplius, sed uicturus in sempiternum, nobis tamen prodesse nō poterit, nisi uiuamus & ipsi. Itaque si totam spem nostram in Christum præsentis tantum uitæ bonis & commodis metimur, nemo nobis ex omnib; est mortalibus infelicior.

MISERABILIORES sumus, inquit, omnibus hominibus. Quare? An ob id quod præsentis tantū uitæ bona acciperemus, si nō esset alia uita post hanc præsentem futura? At hac ratione nō essemus reliquis hominibus miserabiliores. Nam & illorum eadem est conditio. Qui extra Christum sunt accipiunt bona temporaria in uita sua, secundum exemplū diuitis epulonis. Si Christianus quoq; propter Christum, uel per Christū non nisi huius uitæ bonis fruitur, non uideo quare ob id cæteris sit infelicior. Inspice totum illum ordinē ecclesiasticū pontifices, Carnales, episcopos, prælatos, abbates, canonicos, sacerdotes, monachos & monachas, quorum pars maxima temporaria tantum in Christo bona, dominia, dignitates, præbendas, beneficia, &c. sectatur, atq; ita temporariū tantū Christū amplectit, an illos cæteris mortalibus omnib; miserabiliores esse cēsebit? Usq; adeo felices sunt, ut fortunas suas ne cū regum quidem felicitate commutēt. Quid est igitur, quod Apostolus hic dicit: Si in hac tantū uita speramus in Christum, omnium sumus hominum miserissimi? Quomodo & in quibus hoc Christianis uerū esset, si nulla nobis in Christo spes esset, nisi præsentis huius uitæ? In carnalib; sane ac falsis nihil haberet loci, sicuti patet in illis quorū memini, qui se norunt accommodare sæculo, & quibus nulla prorsus est de futura uita cogitatio. Relinquit ergo cōcernere hoc ueros Christianos, q; quoniā pie uolūt uiuere in Christo Iesu, seipsi abnegāt, crucē suam tollūt, & Christum crucifixū sequētes à mūdo, cui sunt crucifixi, innumeris modis exagitant, suntq; uelut oues occisiōis, quos hanc ob causam sapiētes hui; mūdi p insanis habēt ac deploratis. Tolle istis futuræ uitæ spē, & uide, an nō oīm sint censendi miserissimi, ppter ea q; ne præsentis quidē uitæ cōmodis utunt cū alijs, sintq; perinde post mortē perituri atq; cæteri omnes. Huc accedit, quod in carne sua ppter peccati reliquias multis sunt tētationibus obnoxij, & assiduo certamine contra Satanam pugnando fatigantur. Præterea magna illis est afflictio spiritus cum propter irremissum desyderium, quo dissolui & cum Christo esse cupiunt,



cupiunt, tum propter perditionem mortaliū, quos Satan cæcitate mentis percussos captiuos habet, & in barathrum perditionis præcipitat. Hoc genus hominū, si nulla sit expectanda futuræ uitæ felicitas, quis non duxerit omnium esse miserrimum?

Tam igitur Christianismi gloria & felicitas non sunt præsentis huius uitæ, ut si futuræ uitæ spes tollatur, nihil sit homine Christiano in mundo magis inglorium & infelicius. Hic enim palæstra tantum est, frequens pugna, irremissus labor, indefinens tentatio, passio & afflictio spiritus, odium Vatinianum à Satana & mundo sustinendum, auiditas desyderij, fidei ac spei exercitium, probatio per patientiam & quæ alia sunt huiusmodi, in quibus est gloria nulla, miseriarum & ærumnarum multum. In futura uero uita horum omnium finis erit cū gloria & felicitate non modo magna, sed & prorsus infinita. Hic cum innumeris molestijs peregrinamur à Domino, absentes à facie gloriæ eius, illic cum gaudio exultabimus ac recollabimur in patria. Sic diuisus est Christianismus in præsentem hanc & futuram uitam ut præfenti deputatum sit exercitiū probationis per omnis generis tentationes ac passiones, futuræ uero corona uictoriæ, cum gloria & felicitate sempiterna. Quare si quis ordinē hunc peruerterit, querens in prima Christianismi parte, quod expectandum demum est in altera, omni suo conatu frustrabitur. Sunt enim priores passiones posteriores gloriæ. Rursus si qui primæ se parti accommodant, spe alterius frustrētur, omnium necesse est sint mortalium miserimi, felicissimi uero, si illius fuerint facti compotes.

NUNC autem Christus surrexit ex mortuis, inquit.] Haftenus ex falsa propositione eorum, qui resurrectionem mortuorū inter Corinthios negabāt, falsa, absurda & incommoda collegit, quæ errorem illorum consequuntur, ut de his erubescerent errorem relinquerent, uel si nollent, etiam consequentia absurda tenere, atque ita totum Christianismum subuertere cogerentur.

Non sunt enim uera absurda, sed falsa, q̄ ex falsa quidem sententia, uera tamen connexionē & argumentatione colligit dicens: Si resurrectio mortuorum non est, neque Christus surrexit. Si Christus non surrexit, inanis est prædicatio nostra, inanis est fides uestra, &c. quorum nihil est uerum. Surrexit enim Christus, & neque prædicatio apostolorum, neque fides Christianorum inanis est, neque sunt apostoli falsi, sed ueracissimi testes Dei. Nam filium suum Deus uere excitauit, neque sunt in Christum credentes adhuc in peccatis, neq; pereunt qui in illo obdormiunt, sed omnino seruantur, & Christianorum spes non præsentis tantum, sed futuræ potius est uitæ, suntq; ideo omnium mortalium non miserrimi, sed felicissimi.

Et tamen absurda hæc quæ obiecit Apostolus, præcedentem propositionem, qua resurrectionem mortuorum non esse dicebant, necessario sequuntur. Itaque cum illa fuit falsa, consequitur & propositionem illam, quam ea ueraci argumentatione sequuntur, necessario esse falsam.

Etenim ubi consequentia falsa sunt & absurda, quo magis firmiore ratiocinatione consequuntur, hoc magis præcedentem propositionem unde colliguntur falsam esse conuincunt, quare relinquitur falsum esse, quod resurrectionem mortuorum nō esse dicebant, ideoque omnino futurum, ut mortui resurgant. Cum igitur Apostolus euidentissima id ratiocinatione collegisset, mox subiungit dicens: Nunc autem Christus surrexit à mortuis. Vbi uocula, nunc, non temporis habet connotationem, sed præmissæ argumentationis conclusionem. Neque enim Christum surrexisse dicit, sed sic ex præmissa argumentatione concludit. Quasi dicat: Iam uero nihil ueri habet hæc omnia. Surrexit enim Christus ex mortuis, quare sequitur, mortuorum esse resurrectionem.

Non dicit: Nunc autem mortui resurgunt, sed, Nunc autem Christus surrexit ex mortuis, quia in quæstione erat, an mortui resurgerēt, de eo uero, quod Christus ex mortuis surrexisse prædicatur, nulla erat in ecclesia controuersia. Id ergo conclusionis uice ponit, unde quod illi negabant, uerum & præmissa absurda falsa esse comprobantur.

Primitiæ eorum qui dormierant fuit. Postquam enim per hominem mors, etiam per hominem resurrectio mortuorum. Quemadmodum enim in Adam omnes moriuntur, ita & in Christo omnes uiuificabuntur: unusquisq; autem in proprio ordine, primitiæ Christus, deinde ij qui sunt Christi, in aduentu ipsius.

Refutauit errorem eorum, qui resurrectionem mortuorum negabant inter Corinthios, fecitque hoc argumentis, non apud Gentes, sed apud Christianos authenticis. Horum autem primum & potissimum est, quod de resurrectione Christi attulit, ex quo reliqua deducuntur, & unde resurrectio mortuorum constat, quam in fine mūdi futuram expectamus. Consequenter igitur quarto capitis huius membro docet resurrectionem Christi causam esse nostræ resurrectionis. Et facit hoc simili & exemplo. Simile habet, qd̄ dicit: Primitiæ eorū q̄ dormierāt fuit. Notū est, q̄s usus primitiarū fuerit in lege. Offerebātur illæ & cōsecrabantur domino, ad hoc, ut in illis omnia reliqua quoq; unde erant desumpta, sanctificarentur.

Sic primitiæ frumenti, uini, & olei, sanctificatio erāt reliquorum fructuum omnium, quos de manu



de manu Domini acceperant. Consimili modo resurrectio Christi instar primitiarum fuit, per quam corpora nostra ad futuram sunt resurrectionem sanctificata.

Etiā hoc nomine primitiæ resurrectionis Christo dantur, quod is ex omni dormientium numero primus resurrexit, intellige, resurrectione plena ac perfecta, quam nō est mors ulla sequutura, qua ante ipsum nemo surrexit unquam. Hoc sensu Coloss. 1. & Apocalyp. 1. Vocatur primogenitus ex mortuis. Non est tamen primogenitura hæc ex mortuis excitati Christi ad ordinem tantum simpliciter referendum, quo primus omnium ex mortuis resurrexit, quemadmodum primogenitus primus de numero sequutorum fratrum ex utero matris sic nascitur, ut tamen non sit illis causa nascendi, sed simul ad dignitatem capitis, quod sic primum in partu uterum egreditur, ut & omnia corporis sui membra post se trahat, sitq; illis non modo exemplum sed & causa nascendi. Sic Christus primitiæ dormientium & primogenitus ex mortuis fuit. Hoc sensu collimat Apostolus ad resurrectionem nostram cōmunem, facitque causam, principium spem ac fiduciam illius ex resurrectione Christi.

Quid est autem quod in præterito dicit, primitiæ *πρωτογενήτων*, quod Erasmus uertit, eorum qui dormierant. An eorum tantum primitias habet Christi resurrectio, qui tum cum ipse resurgeret, mortui fuerant, & non omnium etiā ad finem usque mundi sequentium? Si non omnium, sed illorum tantum, ergo non omnes mortui, sed illi tantum resurgent. Si uero resurrecturi sunt omnes, ergo non illorum tantum sed & futurorum omnium primitiæ in Christi resurrectione præcesserunt. Quid igitur est, quod non simpliciter dicit: primitiæ dormientium, sed, in præterito, primitiæ eorum qui obdormierant.

Potest bifariam responderi. Primum illud *πρωτογενήτων* idem esse, quod, somno sopitorum, obfopporatorum, adeoque & dormientium, quemadmodum & uulgata habet uersio, ut non sit referendum ad eos specialiter, qui ante mortem Christi inde ab initio mundi mortui fuerant, sed in genere ad omnes etiam ad finem usque mundi morituros. Deinde, si omnino sensus præteriti, & Erasmi uersio retinenda uidetur, existimo sic loquutum esse Apostolū, ut significet ante Christum, neminem mortaliū, ne patriarcharū quidem, nec Moſen nec prophetarum quempiam plena & perfecta resurrectione resurrexisse, quo gloriam primitiarum ac primogenituræ ex mortuis soli Christo destinatam fuisse intelligamus, ut ipse primus omnium ad cœlestem gloriam & immortalitatem resurgens omnibus esset futuræ resurrectionis princeps & author. Et hoc sensu nihil demitur nobis, qui post resurrectionem Christi obdormimus. Etenim si illorū potuit esse mortuorū primogenitus, qui ante ipsum mortui erant, multo magis eorum esse potest,

A qui post illum mortui sunt, & ad finem usque mundi moriuntur.

Postquam enim per hominem mors, etiam per hominē resurrectio mortuorum. Quemadmodum enim per Adam omnes moriuntur, ita & per Christum omnes uiuificabuntur.

Reddit rationē quare & quomodo sit Christus primitiæ dormientium resurgēdo factus. Et facit hoc per contrarium exemplum inductæ per hominem mortis. Mors occupauit uniuersum genus humanum, inducta per hominem. Sic igitur constitutum est diuinæ bonitatis consilio, ut quoniam per hominem mors est, sit etiam per hominem resurrectio mortuorum. Hoc est quod dicit: Postquam enim, uel, Quoniam enim. Græce *ἐπεὶ γὰρ*, per hominem mors, etiam per hominem resurrectio mortuorum. Non dicit: quoniam inter homines mors obtinet, uoluit Deus ut sit etiam inter homines resurrectio mortuorum, sed, quoniam per hominem mors, etiam per hominem resurrectio mortuorum. Confert utriusque & mortis & uitæ originem & refert illam ad duos homines, quorum primum mortis, alterum uitæ facit authorem.

PER hominem mors inquit.] Rom. 5. locus hic fusius explicatur. Ibi mortē nō simpliciter per hominē, sed per unum hominē esse dicit. Deinde quomodo id factū sit explicat dicens. B Propterea quemadmodum per unum hominem peccatum in mundum introijt, ac per peccatū mors, & sic in omnes homines mors peruasit. Ergo mors est per unum hominē & per peccatum. Necesse igitur est per unum hominem peccatorem uenerit mors in mundum. Sed ea de re fusius diximus in ea quæ est ad Romanos. Modum hic Apostolus non explicat, quia non agit de peccato & iustificatione sed de morte & resurrectione, idque non in uniuersum, sed quatenus concernebat propositum asserēdæ resurrectionis mortuorum, quæ est per uirtutem ex mortuis resuscitati Christi.

ETIAM per hominem resurrectio mortuorum inquit.] Vt homo per peccatum mortuus à peccato & morte liberaretur ac seruaretur, cum id diuina constitueret clementia, potuit ne aliter fieri quàm per hominem? Si hominē condidit solo uerbo, quem uerbo condidit, nō potuit solo uerbo uitæ quā amiserat restituere? Quid necesse erat, ut hoc faceret per hominē?

Respondeo. Arcanum consilij Dei non est temere scrutandum sed religiose adorandum. Satis sit, quæ salutis nostræ sunt scire, redemptos uidelicet nos esse per gratiam, & quemadmodum mors per unum hominem introijt in mundum, ita uitam nobis per unum hominem contigisse. Quare per hominem contigerit, & num aliter contingere nequie-rit, nec scrutari debemus, nec etiam si scrutemur capere poterimus.

Est enim abyssus quædā consilij huius quo  
Deus

Questio.



Deus hominem ad imaginem suam condere & post lapsum restituere ac philanthropiam suam non solum restituendo sed & ipso restitutionis modo declarare uoluit. Lapsus est angelus, uerum usque adeo *φωτισμένος* non est, ut angeli assumpta natura prolapsos restitueret angelos. Lapsus est homo, & morti per peccatum factus obnoxius. Hic quo declararetur quàm esset Deus *φωτισμένος*, non modo restituit prolapsum ac mortuum, sed & communicatione hoc utriusque naturæ diuinæ & humanæ per hominem communicationis huius mediatorem facere uoluit. Hic ne ego quæram, quare ad hunc modum uoluerit, & num aliter fieri nequiuert, & non magis obstupescam erga tantam diuinæ Maiestatis dignationem?

Si quæras, quare non angelum sed hominem ad imaginem suam cōdere uoluerit, quid responderi poterit aliud, quàm quod sic dilexerit hominem magis quàm angelum.

Rursus, si quæras, quare hominem peccatorem morti eripere uoluerit, cū angelum prolapsum non restituat, iterum recte respondebitur, quia hominem diligit magis quàm angelum.

Tertio, si quæras, quare ut hominem redimeret humanam in se naturam suscipere uoluerit, cum angeli naturam non suscepit, etiam hic non potest responderi melius, quàm quia magis diligit hominem, quàm angelum.

Si uero pergens tantæ philanthropiæ causam quæsieris, quare hominem magis diligat Deus quàm angelum, hic non habemus quod respondeatur aliud quàm tantæ philanthropiæ mysterium adorandum esse religiosissime, nō scrutandum curiose.

PER hominem mors, inquit, & per hominem resurrectio mortuorum. ] Mors per hominem peccatorem propter peccatum. Resurrectio igitur per hominem iustum, propter illius iusticiam. Ergo quàm diuersa sunt à se inuicem peccatum & iusticia, mors & resurrectio ex mortuis, tam diuersos hos duos à se inuicem oportet esse homines, & tamen uere homines. Etenim peccatorem esse, uel iustum esse, nec demit quicquam, nec addit humanæ naturæ. Quàm uerum est quod dicit: per hominem mors, tam uerū est quod addit, & per hominem resurrectio mortuorum. Erat Adā uerus homo, tam ante, quàm post peccatum. Sic Christus propterea non est non uerus homo, quod nō est nobiscum peccato obnoxius. Et nos ubi à peccato erimus prorsus liberi, ueri utiq; homines adhuc erimus.

PER hominem mors, inquit, &c. ] Sic est mors per hominem, ut non in alios tantum sit ab illo propagata, sed ipsum quoque corripuerit ac mortuum reddiderit. Sic nanque par erat, ut malo suo ipse conficeretur illius author. Iam si resurrectio mortuorum perinde est per hominem, atque per hominem mors est, consequitur illum, non alijs tantum debuisse fieri

resurrectionis authorem, sed ipsum quoque à mortuis resurgere. Resurgere autē à mortuis non potest, nisi antea mortuus. Sic paucis uerbis mysteria magna compræhenduntur.

QUEMADMODUM enim per Adam omnes moriuntur, inquit, ita & per Christum omnes uiuificabuntur. ] Specificantius exprimit quod dixit: per hominem mors, & per hominem resurrectio mortuorum.

Primum enim specificat duos illos homines, unum uocans Adamum, alterum Christum. Quomodo per Adamum sit mors, cum mulier prima peccarit, diximus in Romanis.

Deinde explicat collationem utriusq; , non simpliciter dicens, per Adam morimur, & per Christum uiuificamur, sed, Quemadmodum enim per Adam omnes moriuntur, ita & per Christum omnes uiuificabuntur.

Quod omnes moriamur manifestū est per quotidianam experientiam

Deinde quod omnes mortales ab Adamo primo homine generis propagatione descendamus, nihil habet controuersiæ.

Tertio, quod communem mortalitatem ex illo hæreditaria lue nascendo contrahamus omnes, sacris literis docetur, & aliàs facili ratione compræheditur. Cui nanque tam commune, tam perpetuum, tamque hæreditarium malum deputabimus, quàm primo parenti, à quo omnes descēdimus? Ergo cōsimili modo nō pauci aliquot, sed omnes per Christū uiuificabuntur, sicut omnes per Adam moriuntur.

Est hic locus admodum insignis. In eo nanque maxime, sicut & Augustinus annotauit, fides Christiana consistit. Primam illius partem de communi omnium mortalitate per Adamum contracta, humana ratio facile agnoscit, alteram uero de uiuificatione quæ est per Christum, non ratio sapientium, sed fides credentium capit & agnoscit, quam qui negat, nullo modo ad gratiam hanc pertinet, quæ per Christum communicatur credentibus. Quod uiuificabimur, quod omnes, quod per Christū nulla humana ratione capitur. Quare propter fidem hanc in Christum à sapientibus huius mundi ridemur.

Sed quæritur hic, quomodo dicatur ab Apostolo, omnes esse uiuificandos per Christū, perinde atque omnes moriuntur per Adamū? Cum constet ex alijs sacrae scripturæ locis non omnes per Christum, sed electos tantum & credentes uiuificari, ac saluari. Malum enim quod est per Adamum uniuersale est non potentia tantum, sed & actu omnes in uniuersum mortificans. At gratia quæ est per Christum, licet potentia sit uniuersalis, ut possit saluare omnes, actu tamen non est nisi fidelium, ideoque ad latitudinem uniuersalis mali non perueniēs. Quare uidetur non fuisse dicendū, ita & per Christum omnes, sed, ita & per Christum multi uiuificabuntur.

Respondeo. Non hoc agit Apost. ut omnes in uniuersum saluos fore dicat, sed quoniā in præsentī



præsenti disputatione, fidē resurrectionis mortuorū per Christi resurrectionē astruit, ut hāc illustret, utitur hac collatione Adæ & Christi, docens Christum esse uitæ autorem, quemadmodum Adam est mortis, ut sicut extra Adam nemo hominum moritur, in Adam nemo constitutus non moritur, ita extra Christum nemo uiuificetur, & in illo nemo non uiuificetur. Hic non conueniebat ut diceret, ita & in Christo aliqui, pauci, multi uiuificabuntur. Mox enim inferri posset, ergo non est ille communis omnium uiuificator, sed fieri potest, ut aliunde etiam uiuificemur, qui sensus plenitudinem collationis huius infringeret. Recte ergo non dixit, ita per Christum multi, sed, ita & per Christum omnes uiuificabuntur. Siue enim uiuificationem hanc de ea quæ electorum & fidelium est tantum, siue de communi omnium mortuorum resurrectione intellexerimus, uerissimum est, quod dicit, nec potuit melius particulam hanc exprimere. De resurrectione communi omnium intelligi posse non abnuuit Ambrosius dicens: Quamuis & generalem tribuet resurrectionem, ut sicut in Adam omnes siue iusti siue iniusti moriuntur, ita & in Christo omnes, tam credentes quam diffidentes resurgant, licet ad pœnam increduli, uiuificari tamen uidentur, quia corpora sua recipient, iam nō morituri, sed passuri pœnam in eis sine fine, quod credere noluerunt. Hæc ille. Et Chrysostomus hac de re annotans dicit: Quid autem, dic quæso, num omnes in Christo uiuificabuntur? Et ubi erunt, qui in gehennam abducentur? Quod si de corpore fuerit hoc dictum, perstat sermo, si de iusticia uero & peccato, non item. Hæc iste. Sane uerbo uiuificandi usus uidetur Apostolus, pro uerbo resurgendi. Cum enim dixisset: Posteaquā per hominem mors, per hominem & resurrectio mortuorum, subiecit explicandi gratia. Quemadmodum enim per Adam omnes moriuntur, ita & per Christum omnes uiuificabuntur, cum dicendū esset, resurgent. Deinde non dixit, uiuificantur, in præsenti, sed, uiuificabuntur, in futuro. Ea autē uiuificatio quæ electorum est per spiritum Christi, non demum erit in futuro, sed in hac uita incipit per fidem. At hic non de illa, sed de resurrectione mortuorū loquitur, quam quidam ex Corinthijs negabant, corporum utiq; non animorum uiuificationem negantes. Transiit quidem peccatum Adæ in omnes, non autem iusticia Christi similiter omnibus est concessa, uerum hinc nō est arguendum hoc loco, sed permanendum in proposito, quo Apostolus causam resurrectionis mortuorum tueri uoluit. Quod si hūc sensum acceperimus, nō debuit dicere Apostolus, ita & per Christum multi, sed, omnes uiuificabuntur. Nam omnino ut omnes in Adam moriuntur, sic in Christo omnes in die iudicii boni & mali, electi ac reprobī resurgent, idq; non nisi Christi uirtute, quem pater ad hoc est missurus, ut iudicium ferat in omnes.

A Quod si nō de communi resurrectione, sed de electorum ac fidelium uiuificatione intellexerimus, quod dicit: ita & per Christum omnes uiuificabuntur, retinenda est Græca lectio, quemadmodum in Adā omnes, id est, quotquot communicatione carnis sunt in Adam, moriūtur, ita & in Christo omnes, id est, quotquot sunt in Christo, in communicatione uidelicet spiritus, uiuificabuntur. Illic omnes, & hic omnes. Illic omnes homines, hic omnes electi & credentes. Adam suis omnibus author est mortis, Christus uicissim suis omnib; qui sibi sunt incorporati, author est uitæ.

Hanc sententiam Augustinus sequutus est, illamque sic exposuit Epistola uigesima octaua. Per hanc enim Apostolicam diuinam clarāque sententiam, satis euidenter elucet, neminem ire in mortem nisi per Adam, neminem ire in uitam æternam, nisi per Christum. Hoc est quippe, omnes & omnes, quia sicut omnes homines per primam, hoc est, per carnalem generationem pertinent ad Adam, sic omnes homines ad secundam, id est, spiritualem regenerationem ueniunt, quicumque ad Christum perueniant. Ideo ergo dictum est, & hic omnes, & ibi omnes. Quia sicut omnes qui moriuntur, non nisi in Adam moriuntur, ita omnes qui uiuificabuntur, nō nisi in Christo uiuificabuntur. Hæc ille. Sane sic habet electorū uiuificatio. Atq; ita ne hoc quidem sensu conueniebat ut diceret, ita per Christum multi uiuificabuntur.

B Annotationes quæ Hieronymo dantur, sic habent: Omnes quidem resurgent, sed soli hi uiuificabuntur in Christo, qui Christi merebuntur copulari corpori. Item, de cōmuni morte, & de communi resurrectione dicit. Hæc ibi leguntur, quibus utranq; sententiam posuit.

Augustinus loco suprā citato, hæc de paruulis adiicit: Quisquis dixerit quod in Christo uiuificabuntur etiam paruuli, qui sine sacramenti eius participatione de uita exeunt, hic profecto & contra Apostolicam prædicationem uenit, & totam cōdemnat ecclesiam, ubi propterea cum baptizandis paruulis, festinatur & curritur, quia sine dubio creditur, aliter eos in Christo uiuificari omnino nō posse. Qui autem nō uiuificatur in Christo, restat ut in eadem damnatione maneat, de qua Romano. 5. Per unius delictum in omnes homines ad condemnationem. Hæc ibi, quibus gratiam salutis quæ per Christum est, sic alligat sacramento, ut priuationem illius, etiam eam quæ necessitate sit, non uoluntate, ad condemnationem facere, uel certe in condemnatione paruulos fidelium retinere alserat, cum non priuatio sed contemptus baptismi damnet. Eadem incogitantia de Eucharistia scripsit, faciēs eam necessariam usq; adeo, ut si qui de illa non comunicent, uitam habere nequeant.

Sane uerum est, nemo prorsus uiuificatur, nisi in Christo constitutus. At in Christo esse cum non sacramentaliter tantum cōtingat  
sed



sed alijs etiam modis, ijsq; uerioribus & efficacioribus puto incogitanter asseri, paruulos in Christo nisi per baptismum esse nō posse. In Christo sunt electi, quos illi pater dedit ab æterno & ad salutem prædestinauit. In Christo sunt credentes, in Christo sunt credentium liberi, uirtute fœderis, secundum illud: Ego sum Deus tuus & Deus seminis tui. Vnde & Christus ipse dixit: Sinite paruulos uenire ad me, talium enim est regnum cœlorum. Hos omnes propter baptismi priuationem tanquā à Christo alienos habendos esse pro damnatis, non uideo quomodo firmis argumētis possit probari. Quod ecclesia cū infantibus hanc ob causam ad baptismum festinat & currit, quod credat eos alia nō posse ratione uiuificari in Christo, non magis est probandum quā quod olim eadem ratione cū paruulis suis ad Eucharistiæ communicationem festinādum & curredum esse credidit, quam tamen opinionem & consuetudinem tanquam erroneam, postea abiecit.

Quod uero Apostolicam prædicationem citat, si de præsentī loco intelligit, non probat quod ex eo colligit. Neq; enim aliud Apostolus docet, quā ut in Adam omnes moriūtur, ita in Christo omnes esse uiuificādos. Dogma autem hoc, quod fidelium paruuli in Christo esse ac saluari nisi per baptismum nō possunt, nemo Apostolus unquam tradidit. Paruulos fidelium scimus in Adam morti esse obnoxios propter originale peccatum in quo concipiuntur & nascuntur, atq; ita nisi per Christum saluari non posse, id quod Pelagiani non agnoscētes, merito sunt reprobati. Iuxta tamen sci mus illos esse in fœdere Dei, pertinere ad regnum cœlorum & esse in Christo, ideoque illi adferendos & per baptismum, tanquam initiationis ac regenerationis sacramentum corpori illius etiam sacramentaliter inferendos, si id nulla necessitate impediatur. Sacramentale signum non facit, ut sint in Christo, sed quoniam ad illum pertinent, inq; illo sunt uirtute electionis ac fœderis Dei, ideo sunt ecclesiæ Dei sacramento baptismatis incorporandi.

Quod si id fieri non potest, solentur se fideles parentes certitudine diuinæ electionis ac fœderis Dei, nec dubitent omnium esse certissimum quod dictū est à domino: Ego sum Deus tuus, & Deus seminis tui, & quod Christus regnum cœlorum talium dixit esse paruulorum, quæ duo oracula sic sunt firma & fideli homini indubitata, ut etiam si mille Augustini diuersum disputent, ne unum quidem ex illis apicem irritum reddere possint.

VNVSQVISQVE autem in proprio ordine, primitiæ Christus, deinde ij qui sunt Christi, in aduentu ipsius. Ne confusam fore resurrectionem putemus, cum dixisset, ita & in Christo omnes uiuificabuntur, hoc est, è mortuis resurgent, particulam hanc adiecit dicens: Unusquisq; autem in proprio ordine. Quibus uerbis admonet, causam resurrectionis esse à Deo

A certo quodam ordine dispositam. Non quo sit alius aliter, & alijs alij temporibus resurrectori, sed quo inter communem & eam quæ Christi est, resurrectionem discrimen sit constitutum. Quare quod dicit: unusquisq; autem in proprio ordine, non est præter sensum Apostoli diuexandum, quasi ea quisque ætate qua est mortuus, uel ea cōditione qua erat cum in uiuis ageret, sit resurrectorus. Etenim mox exponit de quo ordine loquatur, cum subiicit dicens: Primitiæ Christus, deinde qui sunt Christi, in aduentu ipsius. Resurrexit Christus tri-duo post mortem suam primus omnium, quo primitiæ esset resurrectionis & primogenitus ex mortuis, id quod supra exposuimus.

Hic erat illi ordo dispositus à patre. Cæterorum resurrectio in alium est ordinem destinata, etiam eorum qui sunt Christi membra. Is est, ut in aduentu ipsius demum è mortuis excitentur, quod fiet in fine mundi. Sic dicit: deinde ij qui sunt Christi in aduentu ipsius. Non soli resurgent qui sunt Christi. Resurgent omnes. Sed ij primi. Sic. i. Thessal. 4. dicit: & mortui in Christo resurgent primum, post illos surgent & reliqui. At horum mentionem non facit, quia quæ scribit ad fidem ac spem Christianorum confirmandam scribit.

Illud: in aduentu ipsius, in uulgata uersione est, qui in aduentu eius crediderunt. At uerbum, crediderunt, in Græco non est. Nec legitur ab Ambrosio, nec à Chrysostomo. Ambrosius refert ad utrunq; Christi aduentum, quod in secundo resurrectori sint sancti communiter, & in primo nonnulli resurrexerint specialiter. Verum rectius ad secundum dūtaxat refertur, sicut & Chrysostomus facit. Loquitur enim nō de speciali paucorum resurrectione, sed de ordine quo communiter in aduentu domini resurgemus.

Non est autem præter rationem quod ordinis huius meminit & temporis, quo futura est mortuorum resurrectio. Quoniam enim magna ea est humani ingenij curiositas & impatientia periculum erat, ne propter tot sæculorum moras diceremus: Si Christus primitiæ fuit resurrectionis mortuorū, qui sit quod non statim resurgunt, qui ad illum pertinent? Occupans igitur, primus quidem resurrexit, inquit, Christus tanquam primitiæ dormientiū, uerum non mox resurgent qui ad illum pertinent, sed constitutus est illis certus certi temporis ordo, quem præuenire non poterunt. Is autem erit in illius aduentu.

Quare uero differatur communis resurrectio fidelium in aduentum Christi secundum, qui futurus est in fine mundi, facile cogitari potest. Tunc enim præsentis mundi status terminabitur, & completus erit electorum numerus. Deinde ea erit resurgentium conditio, & corporum qualitas, quæ non præsentis mundi corruptioni, sed futuri claritati & incorruptioni cōueniat. Possunt & aliæ esse causæ, sed hæ sunt manifestæ.

Quomodo



Quomodo per aduentū Christi excitandi sunt mortui, Matthæi 24. memoratur ad hunc modum: Et uidebūt filium hominis uenientē in nubibus cœli cum uirtute & gloria multa. Et mittet angelos suos cū magna uoce tubæ, & congregabunt electos eius à quatuor uētis à terminis cœlorum usq; ad terminos eorum. Et Iohan. 5. ueniet hora, in qua omnes qui in monumentis sunt [audient uocē eius (filij hominis)] & prodibunt qui bona fecerunt in resurrectionem uitæ, qui uero mala egerunt in resurrectionem iudicij. Et 1. Thess. 4. Ipse dominus cum hortatu & uoce archangeli ac tuba Dei descendet de cœlo, & mortui in Christo resurgent primum.

Mox finis, cū tradiderit regnū Deo ac patri, cum aboleuerit omnem principatum, & omnem potestatem ac uirtutē. Nam oportet eū regnare, donec posuerit omnes inimicos sub pedes suos. Nouissimus hostis aboletur mors. Nā omnia subiecit sub pedes illius. Atqui cum dicit, quod omnia subiecta sint, palā est excipiendum eum qui subiecit illi omnia. Cum autem subiecta fuerint illi omnia, tunc & ipse filius subijciatur ei, qui illi subiecit oīa, ut sit Deus oīa in omnib.

Habent ista occupationē qua respondetur illis, qui dicturi erant: Si futura est mortuorū resurrectio, quis erit post illam rerū status in hoc mundo? Necessē est turbentur & confundantur omnia. Vbi redierint maiores conabuntur occupare suas sedes, suas facultates, suas dignitates, quas olim possederunt. Volent usurpare rerū gubernacula & subijcere sibi eos quos uiuos in mundo reperient. Illi contradicent, uolentq; retinere omnia, ut necesse sit statum rerum omnium maximam esse incursum confusionem ac perturbationē. Deinde, si reuersurus est Christus in hunc mundum, resurrecturiq; omnes qui ad illum pertinent, quomodo in tanta rerum confusione excipietur? Minus loci habebunt quā antea. Sic exagitantur, ut satius fuerit haudquaquam resurrexisse. Huiusmodi cogitationes necessario occurrunt illis qui uirtutem Dei, finem præsētis mundi & qualitatem futuri sæculi non intelligūt. Hac illis igitur occupatione occurrit, qua finem mundi, ac mutationem præsētis status in longe alium fore dicit.

Mox finis, inquit. In Græco est: ἔτι τὸ τέλος, id est, postea finis erit. Erasmus magis suum sensum, quā uerbum Apostoli hoc loco expressit. Quasi interrogatus, quid sit post resurrectionem futurum, uno uerbo responderet. Finis erit. Dixit: Per Christum omnes uiuificantur, unusquisq; autem in proprio ordine, primitiæ Christus, deinde ij qui sunt Christi, in aduētū ipsius. Poterat cogitari Christū propterea denuo aduenturum ut suos ē mortuis

excitet & unā cum illis in hoc mundo regnet. Verum non esse tale quid expectandum significat, cū dicit: postea finis erit. Hoc est, postea terminabitur & consummabitur hic mūdus, præsens hic rerum omnium status auferetur ē medio. De hoc fine loquitur apostolus Petrus dicens: Omnium finis appropinquabit. Qualis autem futurus sit hic mundi finis, alijs scripturæ locis memoratur. Terminabitur mundus non temere sed cum iudicio, quo separabuntur boni à malis, & in utrosq; finalis sententia pronunciabitur, sic ut illi uitæ æternæ, isti igni sempiterno adiudicentur: deinde totus hic orbis & quicquid in illo est igne cōcremabitur, qua de re uide 2. Pet. ult. Hæc erit præsētis mundi catastrope, mox resurrectione mortuorum subsequutura. Hanc uidebimus omnes, pars cum horrore ac tremore incredibili, pars cum gaudio inedicibili, quando quidem resurrectionem non præcedet sed subsequetur. Qui hæc fore credunt, haudquaquam accommodabunt se perituro mundo, cuius finem appropinquare sciunt, sed ei potius, qui aduētū ac iudicio suo hæc omnia terminabit. Si scias domum, quam inhabitas, totam igne conflagraturam, & nescias quando id sit futurum, poteris ne secure in illa morari? poteris illam magnificare? poteris illi quos habes thesauros tuto concredere? poteris eam operosius ac sumptuosius cōstruere & ornare? Si sapias nihil horum poteris, sed cogitabis potius de alia in qua securius agas. Atqui sic habitamus nos in hoc mundo de quo usq; adeo certum est, quod sit igne concremandus ut ea de re non modo sacræ sed & ethnicorum literæ ante Christi natum prædixerint, unde est illud Ouidij Metamorph. 1.

Esse quoq; in fatis reminiscitur, affore tēpus Quo mare quo tellus correptaque regia cœli Ardeat, & mundi moles operosa laborer.

Obseruet uero pius lector, quomodo Apostolus hæc duo tribuat futuro Christi aduētui. Primum quod sit fideles suos ad uitam excitaturus, alterum, quod post illorum excitationē finem sit huic mundo impositurus. Vnde pulchre admonemur, quod mundus hic etiam nūdurat, deberi electis ac pijs, propter quorum numerum complendum protrahitur Christi aduentus, ad quem usq; præsētem mundi statum durare oportet. Habentur fideles in hoc mundo uelut expurgamenta quædam. Verū nisi essent hæc expurgamenta mox terminaretur omnis huius sæculi impietas, malicia, superbia, & contumacia. Donec adhuc est triticum in agro tolerantur zizania, quæ tum demum colliguntur & in ignem iniiciuntur, quādo triticum maturitate accepta in horreū est collectum. Vt ager aratur ac seritur non propter zizania sed propter triticum, ita zizania tolerantur in agro usq; ad messem, nō propter se sed propter absoluedam tritici maturitatē. Consimili modo conditus est hic mundus nō propter impios illi<sup>9</sup> filios sed propter electos

1. Pet. 4.

*Mundi rō  
flagrans.*

E & tan-



& tandiu per tolerantia Dei durat donec numerus electorum compleatur, quorum complementum finem adferet mundo.

CUM tradiderit, inquit, regnum Deo ac patri.] Dixerit quisquam. Si post resurrectionem fidelium finis erit mundi, quid fiat cum illis & Christo? quorsum excitabuntur? Cogitationis huius gratia docet iam de mutatione regni Christi, ad quam sequentia pertinent, imò de illius complemento, ad quod est destinatum. Post resurrectionem fidelium, inquit, finis erit mundi, sed ita, ut primum Christus, qui iam sedens à dextris Dei regnum suum habet in electis, in hoc mundo, inquit, illis per spiritum suum, fidem ac spem regnat, regnum hoc suum, regnum spiritus fidei ac spei Deo ac patri tradat, hoc est, remotis omnibus impedimentis corruptae naturae, imperfectionis, mortalitatis, Satanae, mundi, tribulationum, & quicquid horum est, Deo ac patri plenum ac perfectum sistat, ut non amplius sit in electis suis ac filiis regni tanquam mediator & sacerdos per uerbum ac spiritum suum in fide ac spe regnaturus, sed illos ad perfectam uisionem, cognitionem, praesentiam, fruitionem & claritatem Dei perducturus. Usque ad tempus consummationis omnium regnat Christus rex noster sacerdos ac mediator in suo populo, docens ac regenerans nos uerbo ac spiritu suo, & nos in illum credentes reconciliamus Deo, accedimusque ad ipsum fide tanquam ad thronum gratiae, ut misericordiam inueniamus, tandem per illum à mortuis excitamur, & ad ueram aeternae uitae felicitatem transferimur. Hoc regnum Christi regnum est gratiae, quod post resurrectionem in regnum gloriae mutabitur, in quo clarificati ac praesentes, coram, absque ullis inuolucris faciem Dei patris nostri, perfecte felices contemplabimur. De hac mutatione regni Christi intelligit Apostolus cum dicit: cum tradiderit regnum Deo ac patri.

Sunt autem hic duo absurda caueda. Vnum, ne dum audimus Christum regnum Deo ac patri traditurum, sentiamus illum postea non regnaturum amplius. Alterum, ne cogitemus iam non regnare Deum patrem, sed tum demum regnaturum, ubi regnum à Christo filio suo acceperit. Non separantur pater & filius. Regnat pater in filio, regnabit filius in patre. Qualitas tantum regni Dei mutabitur. Quemadmodum Moses dispensationem suam tradidit Christo, dum à litera facta est ad spiritum Christi & economiae Dei translatio, ita Christus regnum suum tradet Deo ac patri, cum nos à moderatione spiritus & conuersatione fidei ad manifestam coelestis patris uisionem ac fruitionem transferet. Tunc fulgebunt iusti sicut Sol, inquit Christus, Matthaei 13. in regno patris eorum. Et Lucae 22. tamen idem illud regnum gloriae uocat suum regnum, dicens: Dispono uobis sicut disposuit mihi pater meus regnum, ut edatis & bibatis super mensam meam in regno meo. Iohan. 14. dicit. In domo patris mei mansionis multae sunt. Si quo minus, dixissem uobis, quia uado para-

re uobis locum. Et si abiero & praeprauero uobis locum iterum ueniam, & accipiam uos ad me ipsum, ut ubi sum ego & uos sitis. Ergo sic tradet Christus Deo ac patri regnum ut nos inducat in domum patris sui, simusque ibi cum ipso in uera uita ac felicitate sempiterna. Domus patris ipsum coelum est. Huc nos transferet Christus, ut cum ipso simus uideamusque claritatem ipsius, quam à patre ante mundi constitutionem accepit. Iohan. 17.

Non est inconueniens sensus, quo nonnulli regnum hoc loco exponunt populum regni, electos uidelicet & fideles ut tradere regnum Deo ac patri sit illi tradere populum electorum. Et sic August. lib. 1. de Tri. ca. 7. accepisse uidetur, cum dicit. Quid ergo est: Cum tradiderit regnum Deo ac patri, quasi modo non habeat regnum Deus & pater? Sed quia omnes iustos, in quibus nunc regnat ex fide uiuentibus mediator Dei & hominum homo Christus Iesus perducturus est ad speciem, quam uisionem dicit idem Apostolus facie ad faciem, ita dictum est: Cum tradiderit regnum Deo ac patri, ac si diceret, cum perduxerit credentes ad contemplationem Dei & patris. Et aliquanto post: Contemplabimur enim inquit, Deum patrem & filium & spiritum sanctum, cum mediator Dei & hominum homo Christus Iesus tradiderit regnum Deo ac patri, ut iam non interpellat pro nobis mediator & sacerdos noster filius Dei & filius hominis, &c. Haec ille. Ambros. sic exponit: Traditio haec est regni, ut cum omnia filio fuerint subiecta, & adorauerint illum ut Deum, destructa morte, tunc filius ostendet illis se non esse ex quo omnia, sed per quem sunt omnia. Et hoc erit tradere regnum Deo ac patri, ostendere ipsum esse ex quo omnis paternitas in coelis & in terra nominatur. Haec ille.

Chrysost. exponit: Cum tradiderit regnum Deo ac patri, id est, cum regnum Dei uelut è manu Satanae, mundi & aduersariorum omnium uindicauerit, illisque deletis omnibus plenum ac integrum Deo & patri restituerit. Satan sane per inductionem peccati regnum Dei inuasit deique illo usque adeo magnam sibi partem uindicauit, ut à Christo princeps mundi & ab hoc Apostolo Deus huius mundi sit dictus. Huic seruit ipsa nostra caro, per peccatum illi mancipata, seruit illi quicquid sublime est in hoc mundo, sapientes, principatus, potestates ac uirtutes, ac totus reliquus mundus in maligno positus. Seruit illi mors per peccatum inducta, una cum omnis generis calamitatibus & corruptione. Cum sic regnaret in genere humano hostis antiquus cum suis satellitibus, missus est filius Dei in mundum, factusque carnis nostrae particeps, pro peccatis nostris moritur, quo per mortem debellaret eum qui mortis habebat imperium, resurgit, ut esset primitiae mortuorum, coelos ascendit sedetque ad dexteram patris, quo & suos in mundo uirtute spiritus ac uerbi sui regat, & inimicos regni sui uelut scabellum pedibus suis subiiciat, id quod & facit, nec facere desinet, donec omnia

August.



1. Petri ult.

omni aduersaria potestate Satanæ, peccati, mortis, mûdi, &c. sublata regnum Deo ac patri in integrû, quale fuit ab initio, imò multo adhuc augustius ac perfectius, restituat. Futurum hoc est per ipsius aduētum, ubi mortuos excitauerit, mundum iudicauerit ac terminauerit, electos sibi coniunxerit & in cœlestem gloriam ac felicitatem transtulerit, Satanā uero cum omni suo satellitio, impiorumq; multitudine ignibus sempiternis adiudicauerit, & omnem hanc cœli ac terræ machinā, rebellionē malorum spirituum & hominum inde ab initio preuaricationis prophanatam ac pollutam immisso cœlitus igne repurgauerit, cœlumq; nouum ac terrā nouam, in qua iusticia in sempiternum habitet, reddiderit. Hęc utiq; pertinent omnia ad regni Dei plenam ac perfectam restitutionem, qua fiat, ut Deus sit omnia in omnibus, cuius pars magna per primū Christi aduentum cœpit, perfectio uero in secundum est reseruata. Ad hanc certe regni Dei plenitudinem, propter quam filius Dei uenit in hunc mundum, iam in cœlis regnat, ac tandem in fine est rediturus, extendi debent cordium nostrorum uota, cum in oratione dominica dicimus: Pater noster qui es in cœlis, sanctificetur nomen tuum, ueniat regnum tuum, fiat uoluntas tua sicut in cœlo & in terra.

CUM aboleuerit, inquit, omnem principatum, & omnem potestatem & uirtutem.] Exponit quomodo & quando sit Christus Deo ac patri regnum traditurus. Cum aboleuerit, inquit, omnem principatum, potestatem, & uirtutem. Hoc est, cum effecerit ut nō sit amplius ullus princeps, ulla potestas, ulla uirtus, nec in cœlo nec in terra, nisi Deus unus, omnia existens in omnibus. Alij de ordinibus archangelorum & angelorum, alij de principatu, domino, ac uirtute malorum spirituum, alij de principatibus, potestatibus, ac uirtutibus huius mundi exponunt. Quid de omnibus istis futurum sit in fine mundi, satis patet credentibus. Manebunt quidem angeli, uerum non erit illorum usus is qui in hac est uita. Mali spiritus pœnis æternis dabuntur. Principes ac potentatus huius mundi alij sunt regno Dei inimici & aduersarij, alij seruant usum magistratus à domino constitutum. In fine mundi nec iusti nec iniusti principes & magistratus manebūt, sed abolebuntur omnes. Iustorum non erit amplius ullus. Quia non erūt mali qui puniātur, nec ea erit conditio bonorum, ut opus habeāt defensione magistratus. Iniusti cum principe suo Satana exterminabuntur. Ergo in uniuersum abolebitur omnis principatus, omnis potestas & uirtus. Verum, meo iudicio, loquitur hic Apostolus de principibus, potestatibus, & uirtutibus regno Dei aduersarijs & inimicis, qualis est principatus malorum spirituum, & impiorum tyrannorum, Deo ac Christo eius aduersantiū, de quorū rebellionē finaliq; exterminio Psalmus secundus canit ac uaticinatur.

Non est autem ut anxie quæramus, quomo-

do principatum potestatem, & uirtutem distinguamus. Qui referunt ista ad magistratus sæculares, sic diuidunt, ut *ἀρχή*, id est, principatus sit eorum qui merum habent imperium, *ἐξουσία* uero, id est, potestas, eorum qui quam habent potestatem à principe aliquo acceperūt, quales sunt præfides, præfecti, iudices, æconomi, &c. *δύναμις* uero, id est, uirtus, ministrorum, satellitum, militum, licitorum, &c. Verum hæc uoces nonnunquam accipiuntur de cœlestibus ac bonis spiritibus, ut Eph. 3. aliquando de malis spiritibus ut Eph. 6. & Coloss. 2. aliquando de magistratibus huius sæculi ut Tit. 3. Quare simplicius esse puto, ut sentiamus per eas significari quicquid potens & sublime est, siue inter spiritus aduersarios, siue inter impios huius sæculi tyrannos.

NAM oportet eum regnare, donec posuerit omnes inimicos sub pedes suos.] Reddit rationem præcedentis, quare tum demum traditurus sit Deo ac patri regnum, ubi aboleuerit omnem principatum, potestatem ac uirtutem, & non magis quod in fine mundi facturus est, mox à mortuis excitatus fecerit. Quia sic, inquit, constitutum est, ut ipse filius regno potiat, donec omnem aduersariam potestatem & potentiam, omnes regni Dei inimicos pedibus suis subijciat, hoc est, prorsus opprimat, ac tū demum perfectum Deo ac patri regnum tradat. Omnimoda autem inimicorum abolitio ante finem præsentis mundi futura non est. B Quare nec regnum Deo ac patri tradet, donec durat hic mundus.

Respicit autem ad id quod de regno Christi Psalmo 110. prædictum est ad hunc modum: Dixit dominus domino meo sede à dextris meis, donec ponam inimicos tuos scabellum pedum tuorum, propter quam irrefragabile diuini consilij constitutionem dicit Christū oportere regnare, donec posuerit omnes inimicos sub pedes suos. De oraculo autem Psalmi huius diximus in Commentarijs nostris super Psalmos Dauidis.

Obserua uero quod nō dicit: Nam oportet Deum ac patrem expectare, uel, nam oportet eum patienter agere, donec superatis inimicis omnibus regnum tradere possit plenū & integrum, sed: Nam oportet eum regnare. Ergo non est impotentiæ uel patris uel filij, quod nō mox omnes inimici abolentur, regnumq; ad perfectionem suam perducitur, sed certæ dispensationis, qua regnare filiū oportet, & inimicos pedibus suis non ferendo donec aliàs intereāt, sed regnando per diuinam uidelicet potentiam subijcere. Quare quod Ebr. 10. legitur, de cætero expectans donec ponatur, &c. caute legendum est. Habemus enim Christum non ociose uel per impotentiam in cœlis quiescentem & expectantem sed regnatem, idq; non in cœlis tantū inter angelos, sed & in terris inter omnes suos inimicos, iuxta illud Psalmi iam citati, dominare in medio inimicorum tuorum. Ex illorum numero erat & Iulianus



Apostata, qui cum aboleretur clamabat uicisti Galilæe. Quotquot hætenus nõ osculari filiũ, illiq; seruire, sed aduersari magis uoluerunt, sub pedes illius prostrati iacent, nec hanc regnantis Christi potentiam effugiẽt quotquot adhuc ad finem usq; mudi superiunt illius inimici & hostes. Quis enim folio deiiciet eum, quem regnare oportet, idq; tandiu, donec omnium inimicorum suorum uictor euadat? Sit hoc Apostoli dictum: oportet Christũ regnare, pijs omnibus memori menti infixum, quo se aduersus omnes afflictiones, tẽtationes, & persecutiones firma regnantis Christi fide solentur. Est illius regnum absconditum quidẽ ab oculis mundi, quia non est mundanum sed cœleste, uerum uirtus illius dominatur tyrannis & omnibus inimicis, qui licet regnare ad tempus, & Christi populum prorsus extincturi uideantur, reipsa tamen perduntur ipsi & extinguuntur, id quod in fine uidetur, dum exitus acta probat.

DONEC posuerit, inquit, omnes inimicos sub pedes suos.] Nam oportet eũ, inquit, regnare. Quãdiu? Donec, inquit, posuerit omnes inimicos sub pedes suos. Ergo ubi posuerit inimicos omnes sub pedes suos, non oportebit Christũ regnare amplius? Sic sonant uerba. Nec est sensus incommodus, si ad qualitatem regni & rationem hic adiectam respicias. Non enim erit necesse, ut postquam posuerit inimicos omnes sub pedes suos, Satanã cum membris suis æternis pœnis mancipauerit, fideles suos à mortuis excitauerit, mundum iudicauerit ac terminauerit, atq; ita restitutis omnibus Deo ac patri regnum integrũ ac perfectum tradiderit, adhuc eo modo quo nunc, & ad eum finem ad quem nunc, post hæc omnia regnet. Hinc non sequitur, fore illum postea regni hæreditate & gloria exclusum. Regnabit cum patre in sempiternum, uerum alio regnandi modo, quàm quo nunc in medio inimicorum regnat. Quare quod Apostolus dicit: Nam oportet eum regnare, donec posuerit omnes inimicos sub pedes suos, non sic est accipiendum, quasi propter uoculam, donec, concludendum sit, ergo postea omni regno destituetur. Sed hac de re in Commentarijs nostris super Psal. 110. nonnulla diximus.

DONEC posuerit, inquit.] In Psalmo est עַד אֲשֶׁר, id est, donec ponam. Sic loquitur pater filio. Sede ad dexteram meam (quod Apostolus hic regnare uocat) donec ponam inimicos tuos scabellum pedum tuorum. Apostolus uero: Nam oportet eũ regnare, inquit, donec posuerit omnes inimicos sub pedes suos, quibus uerbis ipsi Christo opus subiiciendi inimicos tribuit, quod Dauid tribuit patri. Et tamẽ nihil est diuersi. Pater enim in regno filij sui operat, & simul operatur ipse filius. Pater meus usq; modo, inquit, operatur, & ego operor. Regnat pater, regnat cũ patre filius. Subiicit inimicos pater filij sui pedib; subiicit cũ patre filius.

OMNES inimicos, inquit.] Quoniã parti-

cula hæc rationis uice subiecta est præcedẽti, qua dixit, cũ abolerit omne principatũ, potestatem & uirtutem, consequẽs est, ut potissimũ de illis inimicis Christi loquatur, qui sunt potentes, utpote principes, potestates, & uirtutes. Subiiciet sibi quidem omnes inimicos, at istos potissimum, qui & plus regno illius aduersantur, & quorum subiectio plus habet argumẽti de diuina regnantis Christi uirtute. Ex minorum hostium oppressione parum est cœlesti regi laudis & gloriæ. Ipsum Satanã & ipsos principes & potẽtates huius mudi uicisse, ac pedibus substrauisse, id demũ cœlestis habet uirtutis argumentum.

Non debemus autẽ in classem inimicorum Christi eos tantum reijcere qui sunt illius hostes ex professo, qualis est ipse Satan, & mudi huius tyrãni, Nero, Maximinus, Diocletianus, Iulianus, Iudæi, Turci & consimiles alij, sed & apostolos Satanæ transfigurantes se in apostolos Christi, falsos pastores, falsos doctores, falsos episcopos, & cum primis Antichristũ, qui cum se pro uicario Christi uendit, ex diametro Christo aduersatur, cuius ueritatẽ & ecclesiam olim hypocrisi, nunc quẽstu & tyrannide opprimit. Si diligis me, inquit ad Petrum dominus, pascue oues meas. Ergo amicus Christi esse declaratur, qui oues illius fideliter pascit. E cõtrario igitur inimicus Christi comprobatur, qui oues illius uorat & perdit. Nocentissimum hoc est inimicorũ genus, quod sub specie amicitie gerit ea quæ sunt inimici, ac nomine Christi cõtra Christum abutitur. Merito infra alios Christi inimicos ad ima inferorum detrudentur, cuius supplicij uates iam olim in ecclesia cœperunt esse pictores, qui in pictura extremi iudicij Papas, cardinales, episcopos, prælatos, abbates, &c. in ipso fundo inferorũ spectandos omnibus proposuerunt.

SUB pedes suos, inquit.] Non dicit simpliciter, donec uicerit, sed donec sub pedes suos posuerit inimicos suos omnes. Ergo non simpliciter reprimentur inimici Christi ut non possint efficere quæ uolunt, sed & in ipsam Christi potestatem tradentur, imò sub pedes illius abiciuntur ac proculcabuntur, unde in sempiternũ consurgere nõ poterunt. His enim uerbis omnimodam suppressionẽ notat Apostolus. Cogitet ergo pius lector, q̃ pacatus sit ac tranquillus futurus post resurrectionem electorũ ac fidelium status. Ibi nemo erit qui noceat in morte sancto Dei, propterea quod delicti erunt omnes impij, reprobj, & inimici, qui nũc non terrã modo sed & ipsum cœlũ subuersuri uidentur.

NOVISSIMVS aut hostis aboleretur mors.] Non loquitur de morte æterna, quæ uitæ est æternæ opposita, sed de morte corporis, quæ post resurrectionẽ non habebit locũ amplius. Dixit Christum aboliturũ omne principatũ, potestatem, & uirtutem. Illis adiungit & mortem, cõnumerans eam inimicis Christi.

Sed quæri poterit, quomodo eam uocet hostem Christi, cum sit à Deo tanq̃ pœna ac stipendium

Quomodo  
mors sit  
hostis.



diu peccati iustissimo iudicio imposita. Quis nam adeo desipit, ut licetorem & supplicia sceleratorum inter hostes regis iudicium & iusticiam exercentis connumeret? Respondeo. Est quidem à Deo mors homini peccatori iusto iudicio imposita, uerū haud ab illo facta, secundum illud Sap. 1. Deus mortem non fecit. Nec delectat illa Deus. Dicit enim: Nolo mortem peccatoris Ezech. 18. Et. Nec delectat perditione filiorum hominum Sap. 1. Quare nihil hinc est impedimēti, quo minus certis de causis habenda sit inter hostes Christi. Primum, si originem illius inspicias, per inuidiam diaboli introducta est in mundum, Sap. 2. & per peccatū, Rom. 5. Igitur ipsa illius origo ea quæ hostis sunt spirat. Deinde si consideres illius naturam & opus, aduersatur operi cōditoris. Destruit enim eos, quos Deus ad gloriam nominis sui condidit. Quā ob causam filius Dei missus est in mundum, ut & causam & opus illius, unā cum ipsa aboleret. Quare & haftenus recte hostis Christi censetur. Tertio, accedit & iniquitas, qua seruit imperio diaboli, hostis & aduersarij Dei, dum interimit innocentes & iustos. Vnde & Apostolus Ebr. 2. Christum carnis nostræ participem esse factum dicit, ut per mortē destrueret diabolum qui mortis habebat imperiū. Sic diabolo seruiuit mox initio in parricidio Cain, cum ille fratrem suū Habelm iustum ac pium occideret. Sic seruiuit illi interimendo prophetas, Christum, apostolos, martyres, & innumeros alios iustos & innocentes. Itaq; propter originem suam, naturam, & iniquitatem hostis Christi est. Ergo uicissim Christus illius quoq; est inimicus.

Quomodo  
mors sit  
nouissimus  
hostis.

Deinde, quærendum est, quomodo uocet eam Apostolus nouissimum hostem. Vulgata habet aduerbialiter: Nouissime autem inimica destruetur mors, quasi in Græco sit *ἰσχάτως*, id est, nouissime, postremo, cum sit nominaliter *ἰσχυάτω*, id est, nouissimus hostis aboletur mors. Esse autem mortem nouissimum hostē, à Christo abolendum, bifariam exponitur.

Primum, propterea quod sit post diabolum, & peccatum, omnisq; generis erumnas postremo loco inducta. Deinde, propterea quod cessante peccato, carnis nostræ malicia, Satana, mūdo, mors sola omnes nos sub claustris suis ad ipsum usq; resurrectionis diem captiuos tenet. Sane dū morimur qui sumus in Christo, liberi sumus ab omnibus infestationibus Sathanæ, peccati, carnis nostræ, & mundi, ut nihil in nos possint amplius. Verum nondum sumus liberi ab ultimo hoste, morte uidelicet, q nos tenet captiuos usq; ad ultimum diem, qui resurrectionis est & iudicij. Vtroq; sensu mors est ultimus hostis. Vltimus exortu, ultimus post alios perdurando. Potest de eo quoq; cogitari, quod omnium eorum quæ hominī cōtingunt in hoc mūdo ultimum locum fortita mors est. Vnde ille recte dixit: Mors ultima linea rerum est. Et philosophus, ultimū terribilium mors est. Si ultimum terribilium, igitur

& ultimus hostis. Tertio, nec illud transeundum est, quod cum dicendum uideretur, abolebitur mors, dicit in presenti, aboletur mors. Est enim in Græco *καταργάται*, id est, aboletur, quæ uulgata habet in futuro, destruetur. In posteriore ad Timotheum cap. 1. legimus in preterito, qui mortē quidem aboleuit, uitam aut in lucem produxit. Et infrā hoc presenti capite. Cum corruptibile hoc induerit incorruptibilitatem, & mortale hoc induerit immortalitatem, tunc fiet sermo qui scriptus est. Absorpta est mors in uictoria. Ergo mortē Christus, ultimum hostem, & aboleuit, & abolet, & abolebit. Aboleuit in cruce pro peccatis nostris moriēdo, non ut amplius nō esset, sed ne post hac fideles perderet, abolet quotidie, dū suos per mortem traducit in uitam, & abolebit in uniuersum in fine mundi. Quæ abolitio bifariam fiet. Primum mortuos omnes ex ipsis mortis claustris ac penetralibus eruēdo & excitādo quod per mortuorū resurrectionē fiet.

Deinde, excitatos ad uitam immortalitatis gloria induendo, ut in sempiternum uiuentes mortem nunq̄ sint gustaturi amplius, impleaturq; illud Apoc. 21. Mors ultra non erit. Neutrum possibile est ulli humanæ potentie, imò ne angelicæ quidē. Nemo mortuus ad uitam redire, & si redeat per impossibile, efficere potest ne denuo moriatur. Omnia hæc, quæ ad abolitionem mortis pertinent unius Christi uiribus facta sunt, sunt quotidie, & perficientur prorsus in fine mūdi. Hæc est fides Christiana, quæ à cunctis totius orbis nationibus diuidimur, quæ nec Christum, nec uirtutem eius agnoscetes resurrectionem mortuorū & mortis abolitionē irrident. Quare quod illis merū uidetur esse nugamētum, nobis credētibz in omni humanæ uitæ miseria contra omnis generis afflictiones, contra Satanam, peccatum mortē ac mūdū, summū est & unicū solatiū.

NAM omnia subiecit sub pedes illius.] Suprà usus est oraculo Dei, quod habet Psal. 110. quo comprobaret futurum, ut omnem principatum, potestatem, & uirtutē aboleret Christus. Hic eiusdem argumenti gratia, cum dixisset: Nouissimus hostis aboletur mors, inducit sententiam hanc generalē ex Psalmo octauo: Nam omnia subiecit sub pedes illius, quæ quomodo Christo comperat, cum Psal. ille de dignitate primi hominis à Deo concessa canat, in Comment. nostris super Psal. annotauimus. Si uerba Psalms sequentia & præcedentia inspicias, & ad argumentum quod tractat Apostolus cōferas, uidebitur hæc particula uel per catachresim adducta, uel nō esse ex dicto Psal. desumpta, sed libero spiritu ab Apostolo prolata, id quod nonnullis recentioribus sentiēdum esse uidetur. Habent enim uerba Psal. ad hunc modum. Constituisti eum dominatorem super opera manuum tuarum, omnia subiecisti sub pedes eius, oues & boues omnes, & pecudes agri, uolucres cœli, & pisces maris, qui perambulant semitas maris. Hæc Psal. quæ si

Quomodo  
aboleatur  
mors.



sola uelis Christo tribuere, haud faciet ad plenitudinem potestatis à patre acceptę exprimendam. Apostolus uero differit, hic de potestate Christi in cœlo regnantis, & ad iudicandum uiuos & mortuos in fine mundi redituri, quæ sit omnem principatum, potestatem, & uirtutem, aboliturus, & omnes inimicos pedibus suis subiecturus, quibus & mortem tanq̃ ultimum hostem cõnumerat. Huc uidetur impertinenter adduci subiectio operum Dei, ouium, bouum, pecudum agri, uolucrum cœli, ac piscium maris quæ in usus sunt humanæ sustentationis diuina dignatione primo homini subiecta. Inimici Christi, quos pater illius pedibus proterendos & abolendos subiicit, non pertinent in classem operum manuum Dei, sed ad opera Satanę. Quare, quemadmodũ diximus, aut per catachresim Apostolus generalem hanc particulam relictis præcedentibus & sequentibus ex memorato Psal. aut de suo attulit. De suo autem attulisse haud apparet, propter sequentia, quibus dicit: Atqui cum dicit, quod omnia subiecta sint, palam est excipiendũ esse eum, qui subiecit illi omnia, unde, puto, satis liquet quod locum scripturæ adduxerit. Quomodo autem in ea quæ ad Ebræos est capi. 2. locum hunc Psal. iam dicti Christo accommodet, diximus in ipsius Psal. Commentarijs.

Obseruet autem pius lector, quàm pertinenter accommodetur præsentī causæ generalis hæc particula: omnia subiecit sub pedes eius. Data est Christo omnis potestas in cœlo & in terra & tradita sunt ei à patre omnia. Verum diuersimode, alio uidelicet atq; alio fine. Quædam tradita accepit ut tanquam redemptor, mediator, ac Seruator seruet. Sic oues habet acceptas à patre, quas nemo, inquit, de manu mea, non dicit, de pedibus meis, rapiet. Iohan. 10. Quædam accepit, quæ prorsus supprimat, & aboleat. Hæc recte pedibus illius subiecta dicuntur, tanquam hostilia ac proterenda. Verum ubi generaliter de potestate Christi fit mentio, quæ competat Seruatori, dicuntur illi omnia esse tradita, uel simpliciter absq; specificatione, uel, in manus. Vt Iohan. 3. Pater diligit filiũ & omnia dedit ei in manus. Et ca. 13. Scies, quod omnia dederit sibi pater in manus, &c. Habet ergo Christus ouiculas suas, electos & fideles, uitamq; & salutem illorũ in manu sua, ad seruandum, & contra omnem uim aduersariam asserendum, inimicos uero suos Satanã, peccatum, mundum, tyrannos, & mortem, pedibus suis subiicit & tandẽ prorsus abolebit.

Deinde & illud obseruandum est, quod patrem hic omnia pedibus filij subiecisse dicit, intelligendo de illius inimicis, cum dixerit: Nam oportet eũ regnare donec posuerit omnes inimicos sub pedes suos, id quod sane de re adhuc futura est dictum. Ergo pater subiecit iã olim inimicos regni sui sub pedes Christi, & Christus in fine mundi demum illos est pedibus suis omnino subiecturus. Subiecit pater, omnem filio potestatem destinando ac tra-

dendo. Subiiciet filius potestatem à patre acceptam exequendo & in effectum perducendo. Consimili modo, quemadmodum Eph. 2. legimus, conuiuificauit nos pater unã cũ Christo, simulq; cum eo resuscitauit, & simul cum eo sedere fecit inter cœlestes. Et tamen in fine mundi demum uiuificabimur per filium, uiuificati resurgemus, & ad cœlestia unã cum illo collocabimur. Pater hæc fecit, dum Christum mediatorẽ nostrum è mortuis uiuificauit excitauit, & in cœlos ad dexteram suam euexit, quia hæc omnia nostra sunt gratia facta. Filius uero in fine mundi facturus est ista, dum opus redemptionis nostrę in cruce cœptum, & à patre ante sæcula destinatum, ad suam est perfectionem perducturus.

At cum dicat quod omnia subiecta sint, palam est eum esse excipiendum, qui subiecit illi omnia. Redit ad propositum, quod erat mutationem præsentis rerum status in longe aliũ desituri exprimere, de quo dicere cœperat, post resurrectionem fore finẽ mundi, & Christum regnum iam perfectum & integrũ Deo patri traditurum quem sermonem parenthesis de regno Christi ad omnium usq; inimicorũ subiectionem & abolitionem regnaturi interruperat. Cum ergo ex Psalmo octauo generalem hanc sententiã. Nam omnia subiecit sub pedes illius, Christo regnãti accommodasset, ex illa occasionem sumit ad propositum reuertendi, colligens ad hunc modum: At cum dicat, intellige, propheta Dauid, quod omnia subiecta sint, filio uidelicet, manifeste consequitur, intelligẽdum hoc sic esse de omnibus, ut excipiat ipse pater, qui subiecit illi omnia. Neq; enim conueniebat, ut pater in classem se conijceret eorũ quæ filio inter se & homines mediaturus, & genus humanum sibi recõciliaturus subiiciebat. Subiecit illi omnia quę in cœlo sunt & in terra, quo illa reconciliaret & pacificaret: Coloss. 1. In ordinem autem reconciliandorum ac pacificandorum non est reponendus pater cui erant omnia per filium mediatorẽ reconcilianda. Seruãda erat ipsi suprema diuinę maiestatis & paternę authoritatis prerogatiua, ex qua sunt omnia & ad quam omnia tendere necesse est. Imago huius rei præcessit in Pharaone rege Ægypti, qui Iosepho omnem & domus & regni sui potestatem subiiciens dicebat: Tu eris super domum meam, & ad os tuum cibabitur omnis populus meus, tantum hoc solio maior te ero. Vide, pono te super omnem terram Ægypti, &c. Gen. 41. Sic igitur Iosepho subiiciebantur omnia, ut interim exciperet Pharao, qui subiiciebat illi oĩa.

Quorsum autem hæc patris exceptio ponitur ab Apostolo? Ne uidelicet diuinitatis unitas, cuius origo & caput est pater (quatenus ex illo est filius) per id quod filio subiecta sunt omnia, uel diminuta, uel mutationem passa uideatur. Subiecit pater filio suo omnia, nõ ut ipsius authoritas & regnũ detrimenti aliquid pateretur, sed magis ut opere diaboli destru-



cto, & restitutis omnibus, secundum ea quæ A loquutus est Deus per os sanctorum suorum  
 Act. 3. à sæculo prophetarum, regnum ipsi integrum ac perfectum restitueretur, ac ueræ diuinitatis unitas in sempiternum illibata redderetur. Ca uendum scilicet erat Apostolo, tanquam do-ctori gentium, ne sic de materia ista scriberet, ut aliquid ethnico errori confine tradere uide retur, & totam Israël gentem quasi fidem u-  
 nius Dei labefactaret, offenderet. Poterat e-  
 nim ex ijs quæ de subiectione omnium qua pater filio cuncta subiecit, in medium attulit, colligi & inferri. Ergo interea dū regnat Chri-  
 stus in cælo, & subiectis sibi omnibus, omne habet potestatem in cælo & in terra, exautho-  
 ratus est pater, & ociosus in omnibus regnan-  
 ti filio subiectus. Absit inquit. Qui filio subie-  
 cit omnia, auctoritatem diuinitatis suæ non imminuit, nec se illi cum creatis omnib<sup>9</sup> sub-  
 iecit, sed paternam suam ac diuinam maiesta-  
 tem & ante incarnatum filium, & illo iam re-  
 gnante integram seruat, integramq; post per-  
 fectum susceptæ à filio dispensationis opus in  
 sempiternum omnia existens in omnibus ser-  
 uabit. De filio quidem dici potest, quod cum  
 Phil. 2. in forma Dei esset, Deoque æqualis, semeti-  
 ipsum exinaniuerit, forma serui sumpta, inque  
 similitudine hominum constitutus, ac figura  
 ut homo repertus, humilem se præbuerit i-  
 psam, obediensque factus sit patri usque ad  
 mortem, eamque ob causam pater illum extu-  
 lerit in summam celsitudinem, & ad gloriam  
 suam collocarit. Verum de patre nihil tale co-  
 gitandū est, cuius diuinitas & paterna autho-  
 ritas nullam est unquam intercapedinem re-  
 gnandi passa, aut interpollationis alicuius ca-  
 pax facta. Quin ipse filius tanquam mediator  
 noster, interea dum omni potestate in cælo &  
 in terra potitur, ad hoc in cælos ascendit, ut ap-  
 pareat uultui patris sui, & interpellet pro no-  
 bis. Ebr. 7. 9. Agatque nostrum aduocatum. 1.  
 Johan. 2. Vsque adeo scilicet, non est pater filio  
 subiectus, per hoc quod illi subiecit omnia.

Cum autē subiecta fuerint illi omnia,  
 tūc & ipse filius subijciatur ei qui illi sub-  
 iecit omnia, ut sit deus omnia in omnib.

Quemadmodum timendū erat Apostolo,  
 ne ex eo quod patrem omnia sub pedes Chri-  
 sti filij sui subiecisse dixit inferretur, ergo & se  
 ipsum illi pater subiecit, cui cogitationi parti-  
 cula præcedenti occurrit, ita timendum erat,  
 ne ex eo quod patri suam paternæ diuinitatis  
 auctoritatem saluam uindicans, negat illū fi-  
 lio regnanti, & omnem potestatem habenti, fa-  
 ctum esse subiectum, inferat aliquis, ergo re-  
 gnabit pater, & simul regnabit filius, ubi subie-  
 cerit sibi omnia, atque ita futuri sæculi status  
 duobus erit ueluti capitibus hinc patri, illinc  
 filio, partita inter ipsos rerum summa, regnan-  
 tibus subiectus. Futurū hoc negans dicit: Cū  
 autem subiecta fuerint illi omnia, tunc & ipse

filius subijciatur ei qui illi subiecit omnia. Q.  
 d. Vbi in fine mundi omnibus inimicis, omni  
 principatu, potestate, & uirtute abolitis, ipsa  
 quoq; morte deleta, subiecta erunt Christo fi-  
 lio Dei omnia, non seruabit sibi eam regni glo-  
 riam, quo ueluti diuiso imperio cum patre re-  
 gnet, sed tradito patri regno pleno ac perfe-  
 cto, erit illi subiectus, quo sit ille Deus omnia  
 in omnibus. Non sic Iupiter, qui cum Saturno  
 patri suo deuictis illius hostibus regnum resti-  
 tuisset, nihilo secius ipse regnauit, imò postea  
 patrem regno pulsum profligauit, tam aberat  
 ut illi subijceretur.

Sed dices. Atqui supra dixisti, cauendū esse,  
 ne dum Christum Apostolus regnum Deo ac  
 patri suo traditurum dicit, inde non esse illum  
 amplius postea regnaturum colligamus. Si po-  
 stea quoq; regnaturus est cum patre, quomo-  
 do hic dicit Apostolus, quod subijciendus sit  
 illi, postquam ipsi subiecta fuerint omnia? Et  
 enim regnare cum patre, & subiectum esse pa-  
 tri, haud uidentur eidem posse competere tē-  
 pori ac personæ. Basilii hac de re sic annota-  
 uit: *ὁ θεὸς ὁ υἱὸς τῷ πατρὶ ὑποταγόμενος, ὃς ἀρχὴν αὐτῷ  
 τίταντο, ὃς οὐ καὶ δεῖς αὐτῷ, καὶ διὰ οὗχ' ὑποτίταντο, ἀλλ' ὡς ὅτι  
 ὑποταγόμενος, αὐτοκρατορίας καὶ ἰσχύος καὶ οὐ θεῶν ὑπο-  
 ὡτά.* Hoc est. Si secundum diuinitatem filius  
 patri subijciatur, subiectus illi fuit inde à prin-  
 cipio, ex quo & Deus erat. Si uero non fuit illi  
 subiectus, sed postremo subijciatur, subijcie-  
 tur illi secundum humanitatem pro nobis, nō  
 secundum diuinitatem pro seipso. Hæc ille.  
 Recte quidem inter diuinitatem & humanita-  
 tem Christi distinguit. Verum secundum hu-  
 manitatem non in futura tantum uita, sed &  
 hic in carne constitutus subditus fuit non mo-  
 do Deo patri in omnibus, sed & parentibus se-  
 cundum carnem. Sicut enim illum Lucæ 2. di-  
 xisse legimus: Quid est, quod me quærebatis?  
 Nesciebatis, quod in his quæ patris mei sunt,  
 oportet me esse? Et ipsi non intellexerunt uer-  
 bum quod loquutus est ad eos. Et descendit  
 cum eis, & uenit Nazareth, & erat subditus il-  
 lis. Si loquitur Apostolus simpliciter de subie-  
 ctione hominis Christi, ille certe ab ipsa incar-  
 natione subditus fuit, & etiamnum est Deo ac  
 patri. Verum cum dicat: Cum autem subiecta  
 fuerint illi omnia, tunc & ipse filius subijcie-  
 tur ei, qui subiecit illi omnia, puto manifestū  
 esse, loqui ipsum non simpliciter de subiectio-  
 ne humanitatis, sed de tali, quæ sit in futura  
 demum uita post mundi huius finem, & inimi-  
 corum omnium abolitionem futura. Existi-  
 mo nihil aliud hac particula ab Apostolo di-  
 ci, quàm quod supra dixit: Cum tradiderit re-  
 gnū Deo ac patri. Si recte intellexerimus, quo  
 modo sit post finem mundi filius regnum Deo  
 ac patri traditurus, haud erit intellectu diffi-  
 cile, quod hic illum subijciendum ei dicit, qui  
 ipsi subiecit omnia, ut sit Deus omnia in om-  
 nibus. Inspiciendū est regnū Christi, quale ad  
 dispensandā nostrā redemptionē ac salutē, pfi-  
 ciendāq; omniū restitutionē, à patre mediator,



redemptor, seruator, sacerdos & rex constitutus accepit, cuius regni dispensatio non sic est comparata, ut sit in futuro sæculo post horum omnium adimplerionem locum habitura. Durat adhuc illud: Postula à me, & dabo tibi Gentes hæreditatem tuam & possessionem tuam terminos terræ. Reges eos in uirga ferrea, & tanq̃ uas figuli confringes eos. Et nunc reges intelligite, erudimini qui iudicatis terram. Seruite domino in timore, & exultate ei cum tremore. Osculamini filiū, ne pereatis de uia, &c. Et illud: Virgā uirtutis tuæ emittet dominus ex Sion, dominare in medio inimicorum tuorum. Adhuc regnat in cœlis, dans spiritum suū electis, regenerans ac seruans eos in hac uita. Adhuc purgat & seruat ecclesiam suam in terris constitutam. Adhuc est aduocatus & sacerdos noster, interpellās pro nobis in cœlis. Adhuc uenturus est cum gloria & potentia in fine mundi ad excitandū mortuos, ad iudicandum totum mundum, ad colligendum ad se electos, ad abolendum & perdendum Satanā & omnes reprobos. Hoc genere regni regnat adhuc Christus. Vbi hæc omnia perfecta erūt, mutabitur huius regni forma, in eam quæ proprie est futuro sæculo reſeruata, cuius qualitatem uelle exprimere admodum temerarium esse iudico. Terminans hoc genus regni in fine mundi, tradet Deo patri regnum plenū ac perfectū. Et hætenus illi subiectus erit & ipse, non regnans amplius sicuti regnauerat antea, & tamen tanq̃ unigenitus Dei, uerus Deus, ac patri æqualis æterni cum illo regni particeps erit, potieturq̃; uera ac sempiterna eiusdem diuinitatis gloria, quā habuit ante constitutionē mundi, habet toto sæculorū omniū decursu, habiturusq̃; est post finē mūdi in sempiternū.

Augustinus de Trinit. lib. I. cap. 10. sic exponit. Cum mediator Dei & hominum, homo Christus Iesus, tradiderit regnū Deo & patri, ut iam nō interpellat pro nobis mediator & sacerdos noster filius Dei & filius hominis, sed & ipse, in quantū sacerdos est, assumpta ppter nos serui forma, subiectus sit ei qui illi subiecit omnia, ut in quantū Deus est, cum illo nos subiectos habeat, in quantū sacerdos, nobiscū illi subiectus sit. Hæc ille. Et hic sensus nihil demit ei quod angelus Lucæ 1. de Christo dixit: Dabit illi dñs Deus sedem Dauid patris sui, & regnabit in domo Iacob in æternū, & regni eius non erit finis. Licet enim finita dispensatiōe propter nos suscepta traditurus sit Deo patri regnū, seq̃; illi, modo quo diximus, subiecturus, secundum diuinitatem tamen regnū habebit cum patre sempiternum & infinitū.

Vt sit Deus omnia in omnib⁹, inquit. I. Potest hæc particula multifariam exponi.

1. Aut ut sit idem quod, ut omnes omnia habeāt ex Deo solo. Quasi dicat. Vt det Deus omnibus omnia solus. Sic nonnulli exponunt: ut commoda quæ nunc per creaturas nobis à Deo subministrātur, tunc ab ipso Deo immediate accipiamus. In hac uita sustentamur ci-

bo & potu, mutua opera uicissim iuuamur, p magistratum protegimur, uerbo & sacramentis in fide & cognitione Christi instituimur, fide ac spe futuræ uitæ ambulamur. Verum in futuro sæculo pro his omnibus erit omnibus unus Deus summa sufficientia.

2. Aut ut idem sit quod, ut faciat Deus omnia in omnib⁹. Qui sensus cū priore coincidit.

3. Vel ut habeatur Deus ab omnibus pro omnibus. Hoc est, ut nihil extra Deum appetatur à quoquam. Sunt quidem hæc uera, & sic post resurrectionem futura, uerum quoniam Apostolus non simpliciter dicit: Et erit Deus omnia in omnibus, sed, ut sit Deus omnia in omnibus, puto particulam hanc eo sensu exponendam esse, qui ex præcedentibus rite sequatur. Dixit Christum in fine mūdi traditurum Deo ac patri regnum, postquam aboleuerit omnes inimicos, omnem principatum, potestatem et uirtutē, sibiq̃; subiecerit omnia, & concludens adiicit: Tunc & ipse filius subijcietur ei qui illi subiecit omnia, ut sit Deus omnia in omnib⁹.

Ergo ad hunc finem tradet Christus Deo ac patri regnum, seq̃; illi subijcietur, ut sit in futura uita Deus omnia in omnibus. Quod idem est atq̃; ut regnet Deus solus unice ac perfecte in omnibus, plenum & perfectum habeat in omnibus imperium, una illius uoluntas locū habeat in omnibus, ab ipso pendeant omnes, nemo aliò respiciat nedū declinet, nemo sit amplius qui aduersetur, &c. Hieron. ad hunc sensum accedit. Sic enim exponit: Cum morte & omni malicia deuicta, omniq̃; errore sublato, solus regnabit in omnibus. Omnino loquitur de regno Dei, quale futurum sit post hanc uitam, quā scilicet plenum & perfectum. Sic de eo dicimus, in cuius potestate sunt omnia, quem omnes obseruant, & qui unus agat omnia, esse illum totum in toto. Sic Deus erit in omnibus omnia, quando unus ac solus omnia pro uoluntate sua faciet in omnibus, adeoque regnum habebit prorsus absolutum ac perfectum id quod non habet, donec sumus in hac uita, donec Satan cum suis membris nondum est prorsus pedibus Christi subiectus, donec mundus hic in maligno positus est, donec caro nostra concupiscit aduersus spiritum, donec bonum quod uolumus non facimus, facimus uero malum, quod odimus, donec spiritus noster à corpore per mortem separatur, corpus uero mortalitati & corruptioni est obnoxium, donec locum in nobis habent fames, egestas, morbi, & omnis generis afflictiones, donec cognoscimus ex parte, per speculum & in enigmate, donec peregrini sumus in hoc mundo, donec carnalis spiritualem, malicia innocentiam, iniusticia iusticiam, impietas pietatem, & mendacium ueritatē persequitur, donec omnis adhuc creatura uanitati subiecta ingemiscit ac parturit, in summa, donec nondum prorsus extinctum est regnum Satanæ, peccati, mortis & mundi. Donec, inquam, hæc omnia durant, sicuti durabunt



bunt ad finem usq; mundi, nondum est Deus omnia in omnibus, quia nondum regnum habet plenum & absolutum. Habet quidem, sed potentia non actu, habiturus post finem mundi & potentia & actu. Potest semper omnia esse in omnibus absoluta sua potentia, uerum inscrutabili sua sapientia cursum regni sui sic disponit, ut perfectio illius ad futurum sæculum seruetur, sequaturq; præcedentis noctis tenebras splendor Solis diurni.

Vbi hæc omnia, quæ recensuimus, erunt è medio sublata, tunc erit Deus omnia in omnibus, regnum habens omnium perfectissimū. Ad perfectionem enim regni Dei requiritur, non modo perfectū ius, & absoluta potestas, sed & perfecta iuris & potestatis exequutio, perfecta iusticia, perfecta filiorum regni obedientia, & perfecta felicitas.

Hunc sensum puto esse germanum. Nec est ut quæramus, quæ omnia, & in quibus omnibus futurus sit Deus. Est enim omnia esse in omnibus, plenam omnium habere potestatem. Quare frustra laborant, qui de eo disputant, quænam sint illa omnia in futuro sæculo, quæ Deus erit in omnibus. Etenim, si futuræ uitæ bona intelligunt, non sunt illa nobis scrutabilia. Nec oculus ea uidit, nec auris audiuit, nec in cor hominis ascenderunt, quæ diligentibus se preparauit Deus. Et illi frustra contendunt, qui ex hoc loco generalem omnium, etiam Satanæ, salutem post finem mundi futuram colligunt. Neque enim illud, in omnibus, ad homines siue bonos siue malos referendum est, sed ad uniuersitatem eorū, quæ in regno Dei erunt gerenda & perficienda.

Hinc igitur accidit, quod nemo in hac uita perfectam potest uel iusticiam, uel sapientiā, uel felicitatem acquirere, propterea quod nondum est Deus omnia in omnibus. Ea nanque uera demum erit felicitas, quando solus Deus omnia erit in omnibus.

Alioqui quid facient ij, qui baptizantur pro mortuis, si omnino mortui non resurgunt? Cur & baptizatur pro illis?

Ab eo loco quo dixit: postea finis, cum tradiderit regnum Deo ac patri, argumentatione de resurrectione mortuorum digressi uincula de fine mundi, & statu futuri sæculi inserta interruperat. Ad hanc igitur reuertens, aliud adhuc absurdum post præcedentia ijs obijcit qui resurrectionem mortuorum negabant. Suprà dixerat: Quemadmodū in Adam omnes moriuntur, ita & in Christo omnes uiuificabunt. Huc respiciens dicit: Alioqui, quid facient ij, qui baptizantur pro mortuis, si omnino mortui non resurgunt? Quasi dicat. Dixi fore ut omnes uiuificentur in Christo: nisi hoc sit, omnium uidentur esse stultissimi, qui baptizantur pro mortuis. Quid enim faciunt, nisi rem prorsus inanem, si, quemadmodum nonnulli ex uobis dicunt, mortui non resurgunt? Et ad

A tantam stultitiam & absurditatē perstringendam, quæ ex errore illorum consequeretur, adiicit inculcans: Cur & baptizantur pro illis? Quasi dicat. Si mortui non resurgūt, quorsum illis baptismus? Quoniam ex hac uita migrarunt, & si uerum est quod illi dicūt, nulla post hanc consequitur alia, ad quam mortui resurgant, quæ potest utilitas ex baptismi communicatione redire ad mortuos, nec præsentis amplius nec futuræ uitæ capaces? Omnis utilitas aut præsentis est aut futuræ uitæ. Ad mortuos nulla pertingit, nisi uitæ restituantur. Quod si aliqua baptismi utilitas est, quæ possit redire ad mortuos, necesse est, ut aliquando ad uitā resurgant. Testantur ergo de se, qui pro mortuis baptizantur, quod futurum sperent, ut resurgant mortui, fiantque utilitatis quæ ex baptismo est in futura uita capaces. Saltem igitur istorum factum inspiciant, qui resurrectione mortuorum negant.

Huiusmodi apparet esse argumentatione Apostoli, si sequamur sententiam eorum, qui existimant fuisse nonnullis in usu, ut pro mortuis amicis, cognatis, fratribus, & liberis baptizari se facerēt, si illi sine baptismo discessissent. Quam consuetudinem Chrysostomus tribuit Marcionitis, recitans, quomodo sub lectum mortui hominem uiuum abdāt, qui pro mortuo respondeat, ac baptismum petat, illumq; loco mortui baptizent. Quod illorum factum, an ex eiusmodi consuetudine Corinthiorum quorundam originem duxerit, affirmare non possum. Est enim incertum, an Apostolus de illa loquatur, quod alij negant, alij asserūt, sicut in re incerta fieri solet. Qui negāt, habent suas rationes haud aspernandas quas sequuntur. Qui asserunt, inhærent uerbis, quæ pro ipsis facere uidentur. Et quoniam non est satis aliorum reiicere sententiā, nisi quam ueram putes in medium adferas, qui negant receptam expositionem, alij aliam, suam quiq; pro germana adferunt. Quamuis enim in eo consentiunt, quod nō loquatur Apostolus de quibusdā, qui se pro mortuis amicis baptizari fecerint, in assignanda tamen expositione, quæ uera sit & germana diuiduntur.

2 Alij siquidem de clinicis exponūt, hoc est, catechumenis, morti iam uicinis, ideoq; pro mortuis habitis, quod de uita illorum desperaretur, qui se, ne sine baptismo ex hac uita discederent, uelut in ipsis mortis faucibus constitutos baptizari fecerint. Sane notum est usitatum fuisse in ecclesia hoc genus clinicorum baptismum, quamuis an tempore Pauli fuerit in usu, nescio probari ne possit. Nec admodū firmum uidetur quod baptizari pro mortuis, idem esse dicūt quod baptizari iam moriturū.

3 Alij exponunt de ijs, qui se super uel ad sepulcra mortuorum propterea baptizari fecerint, ut hoc facto fidem futuræ resurrectionis profiterentur. Illis quod in Græco est *ὑπὲρ τῶν νεκρῶν*, id est, pro mortuis, idem quod *ὑπὲρ τῶν νεκρῶν*, id est, super mortuos. Ebraicè *עַל הַמֵּתִים* supra



supra uel iuxta mortuos, hoc est, mortuorum A sepulcra. Hic quoque nec de historia constat, quod ego sciam, nec de mente Apostoli, quod de eiusmodi baptismo hoc scripserit.

4 Chrysostomus & Theophylactus aliud adferunt. Quoniam in consuetudine apud ipsos erat, ut baptizandi symbolum fidei palam pronunciarent, & ubi se resurrectionem mortuorum credere in calce symboli professi essent, mox baptizarentur, sentiunt idem esse baptizari pro mortuis, quod in fidem resurrectionis mortuorum baptizari, & existimant hunc esse sensum Apostoli. Alioqui, quid faciet, qui dum baptizantur, mortuorum se resurrectionem credere profitentur, si mortui non resurgunt?

Verum unde constat morem hunc de resurrectione mortuorum postremo loco interrogandi, & ad illius fidem mox baptizandi, tempore Pauli fuisse in usu, ut in illum hic respexisse credi possit?

Deinde si ad communem eiusmodi baptismum, quo non aliqui tantum, sed omnes baptizari consueuerint respexisset, non dixisset: Alioqui quid faciunt, qui pro mortuis baptizantur? sed magis ad hunc modum: Alioqui quid facimus, qui pro mortuis, id est, propter fidem resurrectionis mortuorum baptizamur?

5 Commētarij Hieronymo assignati sic exponunt: Quicumque baptizati sumus in Christo, in mortem ipsius baptizati, id est, cum illo iam quasi commortui sumus. Huc respiciens carnem nostram mortuam uocat, ideoque increpando dicit: Alioqui quid facient, qui baptizantur pro mortuis, si omnino mortui non resurgunt, id est, quid baptizari opus est carnem, si non resurgat? Ad hanc expositionem respondemus idem quod ad præcedentem. Baptizamur omnes in mortem Christi. Debat igitur dicere, quid facimus dum pro mortuis baptizamur? potius quam, quid faciunt, qui pro mortuis baptizantur? Ad hoc, non est idem baptizari mortuum peccatis & mundo, quod baptizari pro mortuis.

6 Lyranus sic. Pro mortuis, id est, pro peccatis mortalibus, quæ sunt opera mortua, pro quibus abluendis accipitur baptismus. At sic baptizari non est quorundam tantum, sed communiter omnium. Loquitur autem Apostolus de baptismo quodam quo non omnes, sed aliqui tantum utebantur. Deinde hoc sensu non stabit argumentum Apostoli. Etenim si per mortuos, pro quibus nonnulli baptizabantur, intelligenda sunt peccata mortalia, quod sequitur si mortui non resurgunt, uel idem erit, quod, si peccata mortalia non resurgunt, quod est absurdum, uel si de mortuis hominibus accipiat, uis argumenti Apostolici enervatur. Poterat enim responderi. Etiam si mortui non resurgunt, utile tamen est, & ad præsentem hanc uitam conducibile, peccata mortalia per baptismum abluere, quo consciências saltem quietiores habeamus, & præsentis uitæ bonis digniores reddamur.

7 Ambrosius sic exponit. In tantum ratâ & stabilem uult ostendere resurrectionem mortuorum, ut exemplum inducat de eorum facto, qui tam erant de resurrectione mortuorum securi, ut etiam pro mortuis baptizarentur, si quem forte mors præuenisset, timentes ne aut male aut non resurgeret, qui baptizatus non fuerat, atque ita uiuus nomine mortui tangebatur. Vnde subiecit: Quid & baptizantur pro illis? Exemplo autem hoc non factum illorum probat, sed fixam fidem in resurrectionem ostendit. Hæc ille. Vbi has omnes expositiones pro mea mediocritate inspicio, ad primâ, quæ & Ambrosij est, magis inclino. Nec impedit me, quod exemplum hoc eorum qui pro mortuis baptizantur, repræhensibile factum habet, quando & Christus œconomum iniquum fidelibus suis non iniquitatis, sed prudentiæ respectu proposuit & laudauit. Et huic sententiæ fauere uidetur, quod non simpliciter dicit: Cur baptizantur, sed, cur & baptizantur pro illis? Hoc est, cur non sepeliunt eos simpliciter, & auferunt e medio tanquam mortuos, & nunquam reuicturos, si mortui non resurgunt, sed baptismum etiam illis impendunt. De sententia Tertulliani, quæ eadem est, annotarunt alij.

Quicquid sit de hoc sensu, omnino constat superstitionem illam, qua uiui, nescio quibus cæremonijs salutem mortuorum consuli posse in Papatu putant, non esse recentem, sed antiquam, & tam inter Christianos, quam Iudæos & Gentes usitatam. Qualis est quod aqua lustrali sepulcra mortuorum in Papatu aspergunt, quem morem ex Gentium superstitionibus superstitem esse crediderim, & qualis est, quod Græci mortuos suos oleo inungunt, & quod sacrificulus Papista Eucharistiâ pro mortuis comedit. Sic Satan mox ab initio usum sacramentorum baptismi & Eucharistiæ uarijs superstitionibus cōspurare & peruertere cepit. Quid autem interest, inter eos qui pro mortuis baptizabantur, & eos qui Eucharistiâ pro illis comedunt? Quam non procul ab eorum sunt superstitione, qui aquam lustralem sepulcris mortuorum inspersam ad abluionem peccatorum illorum facere putant?

Quid & nos periclitamur omni tempore: Indies morior, per nostram glorificationem, quam habeo in Christo Iesu domino nostro. Si secundum hominē cum bestijs depugnaui Ephesi, quæ mihi utilitas, si mortui non resurgunt? Edamus & bibamus, cras enim morimur. Ne decipiamini. Mores bonos corrumpunt colloquia praua. Expergiscimini iuste, & ne peccetis. Nam ignoracionē Dei nonnulli habent. Ad pudorē uobis loquor.

Instat, obijciēs adhuc aliud absurdum, quod sibi cum primis nascatur, si mortui non resurgant.



gant. Hinc enim sequebatur frustra ipsum tot discrimina propter Euangelium subeundo quotidie periclitari. Quidā & apostolos reliquos Paulo hic coniungunt, quoniam pluraliter loquitur. Quid & nos periclitamur, inquit, omni tempore? intellige, si mortui non resurgāt. Non dicit simpliciter, quid & nos afflictamur, sed, quid & nos periclitamur? Periclitari non est simpliciter affligi, sed periculum amittendæ uitæ subire. Nec simpliciter dicit: Quid & nos periclitati sumus aliquoties? sed, quid & nos periclitamur omni tempore? Quasi dicat. An non prorsus insani essemus, tam crebra & indefinientia discrimina mortis subeundo, & præsentis huius uitæ usuram nobis ipsis citra rationem frustra amputando, si mortui nō resurgant? Quam autem crebris fuerit periculis obnoxius, in posteriore epistola ad Corinth. cap. II. luculentius exponit, ubi sic legitur: Ministri Christi sunt? Desipiens loquor, excellentius sum ego, in laboribus copiosius, in uerbis supra modum, in carceribus abundantius, in mortibus frequenter. A Iudæis quinque quadragenas plagas una minus accepi. Ter uirgis cæsus fui, semel fui lapidatus, ter naufragium feci, noctem ac diem in profundo egi, in itineribus, sæpe in periculis fluminum, periculis latronum, periculis ex genere, periculis ex Gentibus, periculis in ciuitate, periculis in deserto, periculis in mari, periculis inter falsos fratres, in labore & molestia, in uigilijs sæpe, in fame & siti, in ieiunijs sæpe, in frigore & nuditate, &c. Tot modis, tamq; frequenter uitam in discrimen propter Euangelium, fide ac spe resurrectionis frustra ponere, si nulla sit mortuorum resurrectio, ipsissimæ fuerit dementiae.

Sed dices, quid hoc magni est? An non passim in historijs occurrunt eorum exempla, qui sine spe resurrectionis uel amore patriæ ac sue gentis, uel studio inanis gloriæ, uitam suā certissima morte scienter commutarunt? Vnde nemo certo poterit colligere, nihil eos horum fuisse subituros, nisi futurum crederent, ut è mortuis aliquando ad futurā gloriā resurgāt.

Respondeo. Longè alia erat Apostoli, quam illorum & causa & conditio. Etenim qui rebus patriæ suæ periclitando consulebant, & sibi gloriā, & patriæ salutem conciliabant, ideoque non frustra periclitabantur. Qui gloriæ studio uitam suam periculo exponebant, habebant & ipsi quo respicerent, sequuturam uidelicet nominis celebritatem. At Apostolus nec profuisset cuiquam periclitando, si nulla esset mortuorum resurrectio, imò innumeros frustra secum perdidisset, nec poterat aliquid sibi gloriæ polliceri, in causa toto terrarum orbe omnis generis ignominia, probis, & odijs obnoxia, cuius uniuersa commoda à futura uita pendent. Quare nō sine ratione dicit: Quid & nos periclitamur omni tempore, si mortui non resurgunt?

Et hinc non probat contentiosis resurre-

ctionem mortuorum. Poterat enim ab illis audire: Sane nisi motū mentis esses, nec te ipsum nec alios uana resurrectionis spe in discrimina uitæ conijceres. Verum interim Christianis hominibus cogitandū relinquit, quā oporteat ipsum firma fide ac spe, ab indubitata mortuorum resurrectione tot ac tam indefinientia uitæ pericula propter Euangelium subeundo pendere. Et reuera uix potest fortius comprobari ab Apostolo doctrinam suam de futura uita per Christum, haud esse uanam, quā si illā non uerbis tantum proponat & asserat, sed & propter illam, quoties opus est, uitā suam periculo incunctatè exponat. Facile quippe est, uerbis asserere uitam post finem mundi futuram, uerum illius fide ac spe præsentem hanc susque deque facere, & in discrimen propter Euangelium Christi adducere, non est quorūuis, sed eorum tantum qui de certitudine futuræ felicitatis in cordibus suis persuasi, quod certo futurum sciunt, cupidissime appetunt. Quis credat prælatos ecclesiarum episcopos, canonicos, presbyteros, abbates, &c. ulla esse futuræ resurrectionis fide ac spe præditos, cū Sole clarius puppim ac proram ad præsentis uitæ commoda, gloriā, ac delicias totis uiribus conuertant ac dirigant? proque illis mordicus retinendis cælum ac terram miscere parati sint, citius quā latum unguē de possessione illorum cedere sustineant.

INDIES morior, inquit.] Idem dicit quod in præcedenti particula. Nihil enim hic aliud est, quotidie mori, quā omni tempore de uita periclitari. Quanquam sunt qui exponant non de externis uitæ periculis, quorum supra catalogum ex undecimo capite posterioris ad Corinthios epistolæ adduxi, sed de lucta quotidiana, quam in animo sustinuerit, certatibus inter se uita & morte, peccato & iusticia, gaudio & tristitia, spe ac desperationis tentatione, fiducia ac diffidentia, &c. Nemini dubium sit, eiusmodi internas in animo suo pugnas frequenter esse Apostolum hunc expertum. Nec inconueniens est, si quis eas mortem uocet. Mors quædam erat, quod bonum non faciebat, ut uolebat, malum uero faciebat quod odio magno prosequeretur. Mors itē erat, quod omnes quæ sua erāt, nō quæ Iesu Christi querere cernebat. Mors erat, quod ecclesias, quarum solitudine tantum non enecabatur, per subintroētes fratres ac pseudapostolos post discessum suum inspersis falsorum dogmatū zizanijs corrumpi uidebat. Mille huiusmodi mortis genera expertum esse hunc Apostolū ex scriptis illius abunde patet, si quis diligenter illa inspiciat. Attamen quoniam in causa hac resurrectionis mortuorum de eo mortis genere loquitur, quo uita corporis in discrimē inducitur, existimo simplicius ac conuenientius esse, ut de illo intelligamus. Non moriebatur quotidie, uerum quotidie mortis reddebatur periculis obnoxius. Etenim quo plus cæteris in opere domini laborabat, hoc pluribus sese



fese periculis inuoluebat. Haud enim indefi-  
nente ipsius zelum princeps huius mundi  
ferre poterat.

PER nostram gloriationem, quam habeo  
in Christo Iesu domino nostro.] Græcè est, *τὴν ὑμετέραν καύχνην*, quibus uerbis iuramento  
quod dicit confirmat. Iurat autem per gloria-  
tionem suam, eamque non quamuis, sed quam  
habebat in Christo Iesu, cuius se gloriabatur  
esse Apostolum, & propter quem omnia illa  
discrimina ferebat, sciens eum esse dominum ui-  
tæ & mortis, regnare ad dexteram patris, redi-  
turumque ad abolendos omnes inimicos, ipsam  
quoque mortem, & ad excitandum suos e mor-  
tuis, &c. Huiusmodi puto gloriationem intel-  
ligit, quæ ipsi adeo erat certa & firma, ut non  
dubitet per illam iurare. Quid non pateretur  
animus eiusmodi pro Christo? Quenam disci-  
mina pro ueritate illius subire detrectaret?

Chrysostomus legit, *τὴν ὑμετέραν καύχνην*, id  
est, per uestram gloriationem. Existimo tamē  
eam lectionem non esse germanam. Primo  
nanque, non est uerosimile, uoluisse Apostolum  
iurare per eam gloriationem, quam de Corin-  
thijs habebat in Christo, cuius meminit in epi-  
stola sequenti cap. 7. dicens: Multa mihi fidu-  
cia erga uos, multa mihi gloriatio de uobis. Er-  
rat enim illa incerta. Deinde, non dicit, quam  
habetis, sed, quam habeo in Christo Iesu domi-  
no nostro. Quare neque de ipsorum gloriatione  
loquitur, quam habuerint in Christo Iesu. Ne-  
que enim per illam, utpote incertam sibi, re-  
cte iurasset. Cum ergo necesse sit ut per suā glo-  
riationem iuret, quam in Christo habebat, pu-  
to manifestum esse, lectionē Chrysostomi nō  
conuenire menti Apostoli.

Colligunt ex hoc loco, non esse iuramentū  
Christiano illicitum per se, modo non accedat  
illicitæ circumstantiæ, quandoquidem Apo-  
stolus Christi non hic tantum, sed alijs locis il-  
lo uti non dubitauerit. Verum de iuramento  
si quis pleraque cognoscere uoluerit, uideat tra-  
ctatum, quem de illo Commentarijs nostris  
in Psalmos appendicis uice adiecimus.

Vulgata æditio aliter habet, uidelicet ad  
hunc modum: Quotidie morior propter ue-  
stram gloriam fratres, quam habeo in Christo  
Iesu domino nostro: quasi sit in Græco non,  
*τὴν*, quæ iurantis est uocula, sed *διὰ*, id est, pro-  
pter, neque *καύχνην*, id est, gloriatio, sed *δόξα*, id  
est, gloria. Et sic Ambrosius quoque legit &  
exponit. Ad hoc festinabat, inquit, Apostolus,  
semper sollicitus, ut gloria illi accresceret apud  
Deum acquisitæ salutis multorum. Verum si  
hoc uoluisset Paulus, non dixisset propter ue-  
stram gloriam, quam habeo, sed simpliciter p-  
pter gloriā quā in Christo Iesu habere cupio.

Augustinus tamen de doctrina Christiana  
lib. 3. cap. 4. sic annotat. Ait quidam interpre-  
s: Quotidie morior, per uestram iuro gloriam,  
quia in Græco uox iurantis manifesta est sine  
ambiguo sono.

Et epistola 89. ad Hilarium, paulò ante cal-

cem sic dicit. Sed etiam illa ibi contra eos in-  
uenta est, quam confitentur esse iurationem,  
ubi ait Apostolus: Quotidie morior per uestrā  
gloriam fratres, quam habeo in Christo Iesu  
domino nostro. In Græcis enim codicibus re-  
peritur omnino esse hanc iurationem, ne quis  
in Latina lingua hoc sic intelligat dictum, per  
uestram gloriam, quomodo dictum est, per  
meum aduentum iterum ad uos, & multa si-  
milia, ubi dicitur per aliquid, & non est iura-  
tio. Hæc ibi.

Et lib. 1. de Sermone domini in monte: Nisi  
forte quis dicat, inquit, tunc cauendam esse iu-  
rationem, cum per aliquid dicitur quod iura-  
tur, ut non iurauerit Apostolus, quia non di-  
xit, per Deum, sed dixit, testis est mihi Deus.  
Ridiculum est hoc putare: tamen propter con-  
tētosos ac tardiores, ne aliquid interesse quis  
putet, sciat etiam hoc modo iurasse Apostolum,  
dicentem: Quotidie morior per uestram glo-  
riam, quod ne quis existimet ita dictum, tan-  
si diceret: Vestra gloria me facit quotidie mo-  
ri, &c. Græca exemplaria dijudicant, in quibus  
scriptum est, *τὴν καύχνην ὑμετέραν*, quod nō nisi  
à iurante dicitur. Hæc ibi. Volui ista lectionis  
gratia annotare.

Apparet hic, meo iudicio, quemadmodum  
& multis alijs locis, in Commentarijs qui Hie-  
ronymo adscribuntur, Hieronymi desyderari  
eruditionem, ideoque illos nihil esse minus quā  
Hieronymi. Sic enim, quisquis illorum author  
est, annotauit. Per gloriā uestram fratres. Per,  
non semper significatio iuramenti est. Nam si  
dicam, per puerum misi, non statim per puerū  
iurasse recte putabor. Hæc ille, quasi Aposto-  
lus non Græcè *τὴν ὑμετέραν καύχνην*, sed Lati-  
nè per uestram gloriationem, scripserit. Quis  
credat Hieronymum tam pueriliter fuisse hal-  
lucinaturum?

Si secundum hominē cum bestijs de-  
pugnaui Ephesi, quæ mihi utilitas, si mor-  
tui non resurgunt?

In genere dixerat, periclitamur omni tem-  
pore, & indies morior. Iam ex tam multis suis  
periculis, unum, exempli uice memorat, ut in  
illo cōsyderandum proponat, quā oporteat  
se omnino esse dementem tam horrenda di-  
scrimina subeundo, cum illa uitare posset, &  
præsenti se uitę accommodare, nisi certo esset  
de futura mortuorum resurrectione persua-  
sus, ac sciret cui nam crederet, quāque ille po-  
tens sit ad reddendum in illo die, quicquid i-  
psius fidei deponeret & concrederet.

SI secundum hominem cum bestijs depu-  
gnaui Ephesi, inquit.] Hoc est, si cum essem  
Ephesi, ibique Christum prædicarem, depu-  
gnaui cum bestijs, neque Dei spiritu & uirtu-  
te adiutus, neque fide ueritatis impulsus, sed  
humano aliquo cōsilio, temeritate ac præsum-  
ptione motus, quid utilitatis ex tam horren-  
do periculo expectare potui, in quo non certa  
modò, sed & infamis & horrendissima mors  
ipso



ipso primo bestiarum aspectu in oculos incur-  
rere solet, siquidem mortui non resurgunt? E-  
tiā si eo facto integrū regnum sperassem, quor-  
sum regnum, imō totus hic mundus, homini  
à bestiis discerpto ac consumpto? siquidē non  
est post hanc uitam expectanda alia?

Quod Christiani ad bestias damnari cōsue-  
uerint, ex Tertulliano patet. Si qua cōmunis  
calamitas pœnas de impio mūdo sumpisset,  
tribuebatur id Christianis, & clamabat, Chri-  
stianos ad leonem. Vide in illius Apologeti-  
co cap. 39. De eo cum nemine disceptarim, ar-  
mati ne ad pugnandū, uel nudi ad hoc ut mox  
discerperentur, bestiis fuerint obiecti fideles.  
De cæteris, præsertim gladiatoribus, non est  
dubium, quin armati in arenā cum bestiis spe-  
ctante populo pugnaturi descēderint. Verum  
quod Paulum attinet, controuertitur, cum be-  
stiis ne, leonibus, leopardis, urfis, &c. uere de-  
pugnasse se, uel cū impijs hominibus quauis  
bestia ferocioribus pro ueritate Christi decer-  
tasse dicat. Postremū sensum Theophylactus  
sequitur, exponens de Iudæis incredulis, &  
Demetrio aurifabro, qui sane leonum instar  
Paulum discerpere ac prorsus deuorare satage-  
bant. Qui sic sentiunt, ex eo mouentur, quod  
nuspiam sit in Actis mentio, quod Ephesi fue-  
rit Paulus bestiis obiectus. Qui uero priorem  
sensum tenent, existimant non esse temere ex  
propria loquutione faciendam metaphoricā,  
nisi cogat uel aliqua propriæ loquutionis ab-  
surditas, uel impossibilitas, uel manifesta ueri-  
tas. Quod Lucas nihil de bestiis meminit, tā  
non impedit simplicem sensum, quā nō im-  
pedit illum in epistola sequenti, ubi cap. unde-  
cimo grauissimorum periculorum catalogus  
ponitur, quod nullam illorum mentionem in  
Actis factam legimus. Quare in cōfesso est, nō  
omnia esse in Acta relata q̄ uel gessit uel pas-  
sus est Apostolus. Si Lucas Apostolum Ephesi  
cum bestiis depugnasse narraret, crederemus  
id ita fuisse factum, etiam si Paulus de illo ta-  
cuisset. Iam cum ipse Paulus hoc de se scribat,  
quid non credam sic esse factum, quantumuis  
nihil huius à Luca scribatur. Sic puto non esse  
satis pregnātes causas, quare à simplici ac pro-  
prio uerborum sensu hoc loco discedamus.

Act. 19. Quod si quis historiam Demetrii & artifi-  
cum quos ille aduersus Paulum cōcitauit, di-  
ligenter inspiciat, non inueniet Apostolū cum  
illis ne uerbo quidem depugnasse, imō in ipso  
rum seditione ne comparuisse quidē. Sic enim  
Act. 19. legimus. His auditis, repleti sunt ira &  
exclamauerunt dicentes: Magna Diana Ephe-  
siorum. Et impleta est ciuitas tota confusione,  
& impetum fecerūt uno animo in theatrum,  
correpto Gaio & Aristarcho Macedonibus, co-  
mitibus Pauli. Paulo autem uolēte intrare ad  
populum, non permiserūt discipuli. Quidam  
autem & ex Asiæ primoribus qui erant amici  
eius, miserunt ad eum, rogantes, ne se daret in  
theatrum, &c. Ergo non pugnavit cum bestiis  
illis Demetrio ac socijs eius, in quorum furen-

tium ne conspectum quidem uenit, nisi quod  
accidit illius comitibus in ea seditione, ipsi de-  
putetur. Verū quorsum attinuisset in hac cau-  
sa aliena citare pericula, cum de suis haberet  
abunde multa, quæ commemoraret?

QV AE mihi utilitas, inquit, si mortui nō re-  
surgant? Quid hic illi, qui etsi resurrectionem  
corporum negant, animarum tamen immor-  
talitatem sic concedunt, ut per hāc omnia quæ  
Christianismi sunt saluari posse putent. Si nul-  
la utilitas est ei qui propter Deum mori non  
dubitāt, nisi corpora mortuorum resurgant,  
ergo omnis illa pietas, quæ in scripturis tradi-  
tur, prorsus à resurrectione mortuorum om-  
nem suā expectat utilitatē? Desinant ergo esse  
Christiani, uel fidē resurrectionis amplectant.

QV AE mihi utilitas, si mortui nō resurgāt? Nulla. Ergo quoniam resurgent mortui, pro-  
derit Paulo ad bestias depugnasse pro uerita-  
te Christi in hac uita. Firma est hęc consequē-  
tia. Habebitur igitur ratio in futuro sæculo eo-  
rum quæ iam gerimus in præsentī, & quod  
quisq; seminat in hoc mortali corpore, metet  
in immortalī, à mortuis excitato.

Ex opposito possumus colligere ad hunc  
modum. Si secundum hominem, pro ingenio  
meo, uixero in hac uita & nullam prorsus pie-  
tatis & iusticiæ rationem habuero, quid inde  
erit detrimenti ac damni, si mortui non resur-  
gant? Nihil. Et hic sensus hæret in multorum  
animis, id quod ipsa uita proclamat. Ergo, si  
tollas resurrectionē mortuorum, Paulo nihil  
proderit, ad bestias depugnasse propter Euan-  
geliū Christi, & innumera alia illius gratia fe-  
cisse ac pertulisse, & Neroni nihil oberit Pau-  
lum, nec Iudæis incredulis Christum ipsum  
occidisse. Tanti uidelicet momenti est in arti-  
culo hoc resurrectionis mortuorum. Quare  
haud præter rationem tantopere Apostolus  
in asserendo illo laborat.

EDAMVS & bibamus, cras enim mori-  
mur.] Chrysostomus sic legit. Si secundum  
hominem cum bestiis depugnaui Ephesi, quæ  
mihi utilitas? Si mortui nō resurgunt, edamus  
& bibamus, cras enim morimur. Verum ni-  
hil refert, siue præsentī particulæ siue sequenti  
coniungamus illud, si mortui non resurgunt,  
unde omnia hęc absurda colliguntur. Si mor-  
tui non resurgunt, cogitat uoluptuarius. Ergo  
post mortem mihi non erit ulla uoluptas. Et  
breuis hęc uita est, mors ultima linea rerum,  
Cras aderit, cur nō igitur præsentib⁹ utor De-  
licijs? cur non edo? cur non suauia quæuis, Vi-  
na bibo? ingenio cur non indulgeo totus? Hæ  
sunt cogitationes uoluptuariorū, ubi audiunt  
non resurgere mortuos, quas hic Apostolus  
duobus tribus uerbis expresse, sub ipsorum  
persona dicens: Edamus & bibamus, cras e-  
nim morimur.

Quo autem significet se metuere ne Corin-  
thijs fidelib⁹ id accidat, quod olim accidit Hie-  
rosolymitanis, uerba hęc uoluptuariorum, e-  
damus & bibamus, cras enim morimur, haud



*Esa. 22.* de suo sed ex uicesimo secundo capite Ieshaie desumpta ponit, ubi post grauem futuræ uastationis ac cladis comminationem subiicitur ad hunc modum. Et uocabit dominus Deus exercituum in die illa ad fletum & planctum ad caluicium & ad cincturam sacci, & ecce leticia & gaudium, cædendo boues, mactando oues, edendo carnes & bibendo uinum, אכל ושתה בשר ויין, id est, edendo ac bibendo cras enim (dicetis) moriemur. Hæc ibi, de quibus, si cui lubet, uideat commentarios nostros in Ieshaiam.

Erant Hierosolymitani, præsertim primores, non solum carnales & impij, sed & diuinarum admonitionum & comminationum irrisores. Cum exitium & uastatione minaretur illis per prophetam dominus, nisi resipiscerent, illi usq; adeo nullam ne cogitationem quidem resipiscentiæ animo concipiebant, ut magis quam antea uoluptatibus operam darent commestationibus & comotationibus indulgentes, & alius alium ad irridendum prophetam prouocantes ac dicentes, edamus & bibamus, cras enim morimur, cras Hierushalé tota corruet, sic enim futurum propheta noster minatur. Et hæc irrisio usque adeo displicuit domino, ut iureiurando affirmauerit, huic se illorum iniquitati haud ignotum nec quieturum donec morte absumerentur. Cum igitur acciderit hoc in populo Dei, non immerito metuit Apostolus, ne idem & Corinthijs fidelibus accideret, præsertim cum adhuc uiuerent inter impios, & in ipsa ecclesia sua multos haberent carnales.

Nos hic obseruemus, quo euadat caro, fide resurrectionis destituta, & quam insensate scientia mortalitatis suæ abutatur. Edamus, inquit, & bibamus. Edere ac bibere per se nihil habet repræhensibile, quandoquidem natura sic est ut utrunq; requirat. Sed refert quo fine edas ac bibas. Edamus & bibamus. Quare? Cras enim morimur inquit. Ergo ne dicat hoc ratio, ut quoniã cras morituri sumus, hodie edamus & bibamus, & non magis ob id comedamus & bibamus, ne si cibum necessarium naturæ nostræ negemus cras moriamur? Quod si cras moriedum est, quorsum hodie comedas ac bibes? Cum finis cibi ac potus sit non mors sed uitæ huius sustentatio. Etiã si non sit futura resurrectio, conuenit ne homini hæc stulticia, ut comedat & bibat non ut uiuat, sed quia moritur ne non satis ebrius & bene curata cute distentoq; aqualiculo moriatur? Quæ bestia sic est animata, ut quo citius moritura est, hoc plus edat ac bibat? Animalis homo, quãtumuis futuræ resurrectionis ignarus, non dicit, edam & bibam, cras enim moriar, sed, edam & bibam ne moriar. At caro, crassus istis Bacchi & Veneris uoluptatibus immerfa, & ad hoc tantum uiuens, ut edat & bibat, non edens & bibens ut uiuat, ubi de mortalitate sua admonetur, in hanc uocem erumpit. Age edam ac bibam, cras enim moriar. Inde

**A** sumit causam uoluptuadi, unde debebat causam sumere à uoluptatibus abstinendi. Sic refert in quem hominem scientia & cogitatio mortalitatis incidat. Si in uoluptuariū, dicit: Edam & bibam, cras enim moriar. Si in animalem ac qualicumq; humanæ rationis sensu præditum, dicit: quorsum uoluptatibus operam dabo? Cras enim moriar. Quorsum opes colligam potentiamq; & honores appetam? Cras enim moriar. Si in Christianum ac fidelem, cauebo, inquit, ne peccem, cras enim ex hac uita migrabo ad dominū. Odit ac persequitur me mundus? Non faciet hoc diu. Cras enim obdormiam in domino, & de manibus omnium inimicorum meorum liberabor. Caro mea reluctatur spiritui? An non faciet hoc in sempiternum. Cras enim morietur, & mortua non reluctabitur amplius. Premunt me omnis generis ærumnæ, paupertas, fames, morbi? Bene habet. Non modo mortalis sum, sed & breui moriar & beneficio mortis ex hisce miserijs omnibus liberatus mortalitatem istam immortalitate commutabo. Hæc & consimilia multa proferet homo fidelis de morte sua breui uentura admonitus. Quare bonū quidem est, nunquam obliuisci, quàm cito pede mors ultima rerum linea immineat. Verum multū refert, in quem hæc cogitatio incidat. Inspice Germaniam nostram, & uide an non hæc illi uox cõpetat: Edamus & bibamus, cras enim morimur. Siue pestis grassatur, siue gladius hostilis sæuit, editur ac bibitur, imò hoc amplius gule indulgetur, quo magis intentant omnia mortem. Quid hoc aliud est, quàm, edamus & bibamus, cras enim morimur? Vide Sap. 2. quomodo cogitationes carnalium & uoluptuariorum exprimantur. Adeste, inquit, bonis præsentibus fruamur, uino precioso & unguentis nos repleamus, nullum pratum sit expers nostræ luxuriæ, &c. Quare? Quia breuis est uita nostra & umbræ transeunti similis. Nemo est qui non moriatur, nemo qui ex morte reuertatur. Vnde hæc cogitant? Quia excæcati sunt, & neq; mysteria Dei norunt, neq; futurā hominis immortalitatem credunt.

**NE** decipiāmini. Mores bonos corrumpunt colloquia mala. Immiscet succinctam admonitionem propter imperitiores & minus cautos. Ne decipiāmini, inquit, Græcè est μή πλανᾶσθε, quod supra capite. 6. uertit: Ne erretis. Verum quoniam de errore loquitur Apostolus qui ex prauis impiorum colloquijs concipi potest, recte uertit hoc loco: Ne decipiāmini. Et uulgata habet: Nolite seduci. Hoc est, ne credite seductoribus illis, qui resurrectionem mortuorum negantes, præsentis uitæ delicias sectantur, & quosuis à studio pietatis abducere conantur, ne soli in barathrum perditionis descendant. Et quod nam est seductionis huius periculum? Mores bonos, inquit, colloquia corrumpunt mala. Colloquium prauum est, uenite edamus & bibamus, cras enim morimur. Post mortē nulla uoluptas. Non enim resur-



resurgūt mortui. Quorsum attinet frustra studere rebus, in quibus nihil est ueri, nihil utilitatis, & interim nec presenti uita frui, nec post mortem ulla alia potiri? Hoc genus prauī colloquij omnium est perniciosissimum. Corrupt enim bonos mores, mores uidelicet pietatis, iusticiæ, religionis, honestatis, probitatis, modestiæ, temperantiæ, & humanitatis. Hoc est, reddit ex pijs impios, ex iustis iniustos, ex religiosi ac timentibus Dei irreligiosos & cōrēptores Dei, ex honestis inhonestos, ex probis improbos, ex modestis & temperantibus immodestos & intemperantes, ex humanis inhumanos, &c. Etenim ubi sermonibus impiorum seducti, nullam nobis post mortem reliquam fore uitam, sed esse hominem simile bestijs & iumentis, ac morte cōsummari illius omnia & transire in nihilum, credimus ac sentimus, quid aliud consequi potest, quā ut & ipsam hanc uitam nostram bestialem & impiā reddamus, & omnibus carnis nostræ affectibus indulgeamus?

CORRUMPUNT bonos mores colloquia mala, inquit.] Est hæc sententia generalis ac latissime patens, ita ut species eius omnes adnumerari nequeant. Accommodauit illā Apostolus causæ quam agebat. Vir prudens, præsertim minister uerbi, usurpabit eā contra omnis generis corruptelas. Sermo delatoris malum est colloquium. Corruptit amicorū concordiam, & inflamat animos eorum ad inimicitias & odia mutua. Sermo eius qui patientiam iniuriarum dissuadet, & ad uindictam incitat, malum est colloquium, suaues ac placidos patientis animi mores corrumpens & in sæuos hostilesq; peruertens. Assentatoris aduatio, & illud aulicum *E V G E*, malum est colloquium modestiam animi corrumpens & in pelsimam superbiæ inflationem mutans. Impudicorum hominum sermo malum est colloquium, pudicos adolescentum mores corrumpens. Sermo dehortans à studio sapientiæ, sciētiæ, & bonarum artium, à laboribus & sedulitate disciplinæ, malum est colloquium. Reddit enim ignauos desides & inertes. Sunt eius generis corruptelæ innumeræ.

Sed unde est ista uis mali colloquij, cū uerbis tantum ijsq; non Dei sed hominis cōster? An uox humana eius est efficacis ut animum hominis mutet ac transformet? Nisi esset, malum colloquium bonos mores non corrumpere. Corruptit autē. Est igitur efficax. Hæc illius efficacia tam est certa, indubitata ut & ethnicis hominibus per quotidianam sit experientiā cognita, unde sententiā hāc senario uersiculo compræhensam Menander poëta comicus tanquam omnibus notam affirmanter posuit, dicens: *φθέρουσιν ὅθι καὶ ὁμιλίας κακὰς*. Si queras causam, cur inter homines ab homine prolatum malum colloquium tantum habeat efficacis, ut non modo bonas cogitationes piaq; & honesta proposita, sed & bonos mores, qui propter consuetudinem uelut in habitū ducti

**A** sunt, ut iam nihil illis timēdum esse uideatur, non leuiter tantum tentent & ad corruptionē sollicitent sed omnino corrumpant, in promptu responderi potest, uim eam esse non ex loquente sed ex uiciosa audientium natura, qua fit ut per peccatum in carne nostra latens ad uicia pñi simus omnes. Quæ impietatis sunt, iniusticiæ, iniquitatis, superbiæ, impatientiæ, uindictæ, inuidiæ, impudiciæ, carni nostræ sunt agnata, & in illa locū inueniunt facillime. Et hinc est malis colloquijs uis tāta, ut bonos mores leui momento corrumpāt, bonis uero colloquijs tantum uirium non est, ut malos mores emendent, nisi singularis gratia Dei in animis audientium operetur, id quod in pijs facere solet. Prauum colloquium est instar uenti, qui si focum prorsus uacuū & ne mini *Simile* mam quidem scintillam habētem afflet, ignē in illo prorsus nullum excitabit. Sic colloquiū malum si incidat in angelum, nihil erit periculi. Angelicos mores haudquaquam corrumpet. Si uero incidat in hominem, in cuius corde sunt adhuc peccati scintillæ, magnum est periculum, ne mores illius etiam si sint optimi corrumpantur. Quare quemadmodum caueamus ne focus, in quo abditus est igniculus, uēto sit expositus, ne nobis dormientibus excitetur incendium, ita, imò multo magis cauendum nobis est, ne sensus nostri, in quibus adhuc latent peccati reliquiæ, prauis colloquijs exponantur, unde noxia pietatis & uerę probitatis corruptio excitetur, atque ita ad quæuis scelera sensim abducamur. Vidit hoc Basilus, cum diceret, *ὅτι γὰρ πρὸς τὰς φαύλας τῶν λόγων συνήθεια ὁδὸς τὴν ὁδὸν ἐπὶ τὰ πρᾶγματα*.

Quod autem Apostolus senarium hunc ex Menandri comædia Corinthijs consyderandum proponit, documento nobis esse debet, quā conueniat ministro Christi, ut undequaque sit non è sacris tantum sed & ethnicorum scriptis munitus, quo se accommodet illis, quos uel emendare uel ad ueram pietatem ædificare debet. Gentilium poëtarum præsertim comicorum scripta Corinthijs erant uulgo nota. Cum ergo scriberet illis de uitandis malis colloquijs, possetque ex sacris scripturis adferre, quæ huc facerent, maluit illis comicam sententiam omnibus notissimam & celeberrimam obijcere, quo citius ex antea cognitis & tritis ad cauendum praua colloquia permouerentur. Possunt igitur in religionis quoque causa Gentilium scripta citari, uerum nō ad stabilienda fidei nostræ dogmata, sed ad mores uel bonos commendandos uel malos repræhendendos, præsertim si sint indubitato ac communi sensu uera, & uulgo trita, qualis est hic Menandri senarius.

Non est autem hic locus inani eorum ostentationi, qui non aliam ob causam Gentilium poëtarum, comicorum, historicorum & philosophorum scripta lucubrationibus suis etiam sacris frequenter inspergunt, quā ut multa legisse, ac sæculariter quoque eruditi



uideantur. Probanda quidem est multijuga bonorum authorum lectio, uerum ostentationem illius nemo cordatus probauerit, maxime in causa religionis.

EXPERGISCIMINI iuste, & ne peccetis.] Coeptæ admonitioni immiscuit metum periculi quod est ex malis colloquijs. Iam illa resumit & absoluit. Dixit: Ne decipiamini, mores bonos colloquia corrumpunt mala. Ne id Corinthijs eueniat, inter quos erant nugatores resurrectionis, excitat eos uelut è somno in quo negligentiæ & nimiae securitatis uicio inebriati iacebant, dicens: expergiscimini iuste. Vox Græca *ἐνυψάτω* ad sobrietatem euigilare significat. Ratio humana inebriat, doctrina ueritatis sobrios reddit in causa fidei. Quoniam calicem rationis humanæ, quem negatores resurrectionis biberant ipsi & alijs porrigebant, securi & incauti gustauerant, excitat eos ad sobrietatem, hoc est ad cautionem ac studium permanendi in doctrina sanæ fidei, quam per Euangelium acceperant. Ex qualitate admonitionis, quasi medicinæ, de qualitate morbi iudicare possumus.

EXPERGISCIMINI iuste, inquit.] In Græco est *διαιτῶν*, quod Græcis aliquando idem est quod *ἀσέως*, id est, digne ac competenter. Et hoc sensu capiendum existimo in præsentī. Admonet enim eos cōditionis ac professionis Christianæ, quæ homines requirit in hoc sæculo non ebrios ac dormitantes sed uigiles ac sobrios. Et utinam prælari ecclesiarum pastores ouium Christi è tam graui ueterno tandem *διαιτῶν* expergiscantur, quo uigiles & sobrij paciendo gregi dominico incumbant. Verū sic sunt inebriati & obfoporati, ut citius sint in die domini è claustris mortis resurrecturi, q̄ ab hoc lethargo ad sobriā mentē euigilaturi.

ET ne peccetis, inquit.] Vocula *καὶ*, id est, &, pro, ut, est posita, ut sit idē quod *ὅτι καὶ ἀμαρτανῶν*, id est, ut nō peccetis. Significat quorsum experge fieri debeant, ad hoc uidelicet, ut sibi prospiciant ne dormitantes ad peccandū abducantur. Qui uoces Syrenarum audiunt, nisi sint oculis *ἀνομήτοις*, facile soluuntur in somnū, ut pereant. Confimili modo ubi sonant mala colloquia quibus resurrectio mortuorum, futura uita, & iudicium mundi in dubium uocatur, periculum est ne qui incauti sunt obdormiscant & in omnis generis peccata pelliciātur. Quod si ex peccatorū multitudine, enormitate, ac securitate certum de cuiusq; fide ac spe argumentum colligi potest, uidetur prorsus impleri illud Christi, tardante uero sponso dormitauerunt omnes ac dormierunt. Quid est tardante sponso dormire aliud, q̄ partim reiecta dominici aduētus expectatione in qd̄ uis peccati genus ueluti grauem somnū solui, partim tædio superatum negligentius sese in causa pietatis gerere? Hic somnus occupat p̄pe omnes tam prudentes quā fatuas uirgines sicut est in parabola.

NAM ignorationem Dei nonnulli habēt.]

Reddit rationem, quare ad id eos excitet, ne peccent. Quia sunt inter uos, inquit, nonnulli, qui quoniam uirtutem Dei non cognoscunt, resurrectionem mortuorum quasi prorsus sit impossibilis negare non uerentur. Sic reijcit illorum incredulitatem in ignorantiam Dei, perinde atq; Christus ad Saducæos dicebat: Erratis, neq; scripturas neq; uirtutem Dei sciētes. Ab illis erat periculum incautis quemadmodum apud Iudæos ita & apud Christianos. Ergo articulus hic de resurrectione mortuorū incompræhensibilis est illis qui Deum ignorant. Non enim capitur humana ratione, quæ prorsus impossibile cēset, ut mortui resurgāt, contraq; eam fidem multum disputat. Qui uero nec potētiā Dei nec uirtutem uerbi eius ignorāt, illis habetur mortuorum resurrectio & facillima & certo futura. Cum credant illū ex nihilo condidisse cælum & terram, & quæ in illis sunt omnia, sciantq; hominem ab illo initio esse ex puluere terræ conditum & spiraculo uitæ animatū, quomodo dubitarent esse illi facillimum, ut corpora nostra in puluerem terræ soluta, unde primum sunt desumpta, ubi uoluerit excitet ac denuo uiuificet? Nisi putare debemus accidisse hoc illi præsenio ut pristinas uires amiserit, scientiamq; creandi ac uiuificandi obliuioni tradiderit, deinde sic esse cōparatam Christi doctrinam, ut quo antiquior est hoc minus mereatur fidei. Absit. Diuina potentia ac ueritas ut sunt sempiternæ ita nullo quis multorū sæculorū decursu labefactant.

AD pudorem uobis loquor.] Cōmuniter exponūt de pudore quem hæc scribendo Corinthijs ad hoc uoluerit incutere, ut ad se reuerſi minus auscultarent mala incredulorum colloquia. Hoc genus pudoris non ad ignominiam sed ad resipiscentiam inducens, recte uocat *ἐντροπή*, à uerbo *ἐντρέπωμαι*, quod reuereor ac sollicitus fio significat. Verum quoniam nō dicit, *πρὸς ἐντροπὴν ὑμῶν*, id est, ad pudorem uestrū, sed, *πρὸς ἐντροπὴν ὑμῶν λέγω*, id est, ad pudorem uobis loquor, posset exponi de pudore quē ipse Apostolus hæc dicēdo in seipso senſerit. Q. d. Confundor in uobis hæc dicendo, pudorem mihi p̄ſi gigno, dum hæc ad uos loquor, quæ tamen necessitate salutis uestræ compulsus scribo. Pudeſciebat Apostolum, quod ignorationem Dei nonnullis obijcere cogebatur, cum esset illorum Apostolus, quod perinde erat, ac si præceptor discipulis suis, quos iā sperauerit admodum profeciſſe, ignorationē primorum elementorū opprobare cogatur. Etenim fides omnipotentie Dei, & resurrectionis mortuorum, & resipiscentia ab operibus mortuis, ad prima pertinent doctrinæ Christi rudimenta, sicuti uidere est Ebr. 6. Meo iudicio, quoniam supra cap. 4. diſerte dixit, non ut pudore uos suffundam hæc scribo, haud incōueniens est, si de suo ipſius q̄ illorum pudore loqui intelligatur. Quanquam cum nemine cōtenderim. Simpliciter quid hic cogitari possit admoneo, liberum sit alijs iudicium.

Matth. 25.



AT dicet aliquis: Quomodo resurgēt mor-  
tui? Quali uero corpore uenient? Haftenus  
resurrectionem mortuorum sic futurā affirma-  
uit, ut nisi illa sit, uniuersa Christianae religio-  
nis doctrina, fides, & patientia tribulationum  
prorsus inanis existat, simusq; adhuc in pecca-  
tis nostris perditioni obnoxij, & omniū mor-  
taliū miserimi, quotquot fidem in Christū  
profitemur. Iam per occupationem respondet  
illis, qui quoniam impossibile iudicabant ut  
resurgant aliquando mortui, hęc incredulita-  
tis uerba frequenter in ore habebāt. Quomo-  
do resurgent mortui? Et. Quali cum corpore  
ueniēt? Hoc est: Quomodo fieri poterit, ut qui  
inde ab initio mundi mortui, & ad finem usq;  
adhuc morituri sunt resurgant, cum corpora  
mortuorum alia igne in cinerem sint redacta,  
qui mos multarū est nationum praesertim O-  
rientalium, alia à piscibus in mari, alia à bestiis  
absumpta, alia putredine corrupta. Quomo-  
do quod absumptum & uel in cinerē uel pul-  
uerem redactum uel in carnem ac sanguinem  
bestiarum conuersum est, uitae restitutum re-  
surgat? Iam esto, resurgant mortui quali nam  
cum corpore prodibūt? cum alijs atq; alijs mo-  
dis mortuorum corpora defcendant, ac prae-  
senti uitae prorsus non modo inutilia, sed &  
abominanda reddantur. Sane cum tali uenire  
non poterūt, quali iam utimur. Nam eam cor-  
porum qualitatem mors & corruptio prorsus  
auferunt. Cum igitur eò deueniant mortuorū  
corpora, ut nec qualia fuerunt ante mortē, nec  
qualia facta sunt post mortem redire queant,  
quid restat aliud q̄ impossibile esse ut resur-  
gant? Hunc apparet esse sensum obiectionum  
istarum. Nolim tamen admodum repugnare,  
si quis tribuat eas nō negatoribus resurrectio-  
nis, sed fidelibus imperitiis quidē, ipsam  
tamen resurrectionem non negantibus, ut sit  
sensus: At forsan aliquis resurrectionem qui-  
dem mortuorum non negans, at interim mo-  
dum illius, & futuram corporum qualitatem  
intelligere cupiens dicet: Quomodo resurgēt  
mortui? Et quali cum corpore uenient? Vtra  
sententia probabilior sit, lectoris esto iudiciū.

Stulte, tu quod seminas non uiuifica-  
tur nisi mortuum fuerit. Et hoc quod se-  
minas, non corpus quod nascetur semi-  
nas, sed nudum granum, utputa, tritici  
aut alicuius ex ceteris, sed Deus illi dat  
corpus, ut uoluit, & unicuiq; seminum  
suum corpus.

Si respondet impijs & incredulis, fidem re-  
surrectionis non simpliciter negantibus sed &  
iridentibus, dicendū magis erat: Impie quā  
stulte. Etenim non est stultus simpliciter sed  
impius qui rationis suae calculis magis q̄ uer-  
bo Dei acquiescens quod non credit irridet e-  
tiam ac diuexat. Accidit hęc stulticia subinde  
& fidelibus, ut modum earum rerum quae fu-  
turas credunt scire cupiant & inquirant. Ma-

ria dicebat: Quomodo fient ista, quoniam ui-  
rum non cognosco? Quare apparet respōdere  
Apostolum non impijs negatoribus resurre-  
ctionis sed rudioribus & minus exercitatis fi-  
delibus. Quod si non istis sed incredulis & im-  
pijs responderet, moderatur responsum, ne ma-  
gis offendat quā aedificet.

Græca uox est ἀπρον, quæ amentem signifi-  
cat. Innuit huiusmodi quæstiones eorum esse,  
qui quantumuis sapientes uideri uolunt, hinc  
tamen errant, quod mente sunt excæcati, non  
uidentes & intelligentes ea unde de ueritate  
cognoscenda instrui poterant, sicuti patet hoc  
loco ex subiectis similibus.

TV quod seminas non uiuificatur, inquit,  
nisi mortuum fuerit. Vt & comprobet esse  
eum, qui sic quærat, demētē, & simul id quod  
queritur declaret, inducit simile de re non mo-  
do nota sed & ipsi ad hunc modum quærenti  
usitata, unde nisi demens sit facile intelligere  
poterit, quid ad hęc quæsitā possit responderi.  
Inducit autem simile sationis & cōmunis eo-  
rum quæ seminantur conditionis. Tu, inquit,  
quod seminas. Non dicit simpliciter: Quod se-  
minatur, sed, quod tu seminas, ut irrefragabi-  
lem reddat dementiae huius redargutionem,  
qua ne ea quidē intelligimus & obseruamus  
quæ ipsis nostris manibus non semel atq; ite-  
rum sed frequenter perficimus. Quasi d. Quid  
queris quomodo resurrecturi sint mortui? In-  
spice semina tua quæ seminas. Dic primū qua  
spe seminas? An non ut quod seminas multo  
cum fœnore surgat & fructificet? Vtiq;. Dein-  
de dic quomodo surgat & fructificet? An non  
ita ut primum putrescat emortuum sub terra,  
postea uero uiuificetur. Plane sic habet. Ergo  
quod seminas nō uiuificatur, ut uotis tuis re-  
spondeat, nisi prius fuerit emortuum, tam ab-  
est ut mortuum esse uiuificationem illius im-  
pediat. Cuius autem potentiae est mortuum  
semen uiuificare ac frugiferū reddere? An non  
Dei, qui solus potest omnia? Qui igitur mor-  
tuum semen uiuificat, quomodo non uiuifica-  
bit emortua nostra corpora?

Sic igitur respondet Apostolus ad primam  
quæstionem: quomodo fieri possit, ut quod  
mortuum est resurgat, ut non modo possibile  
hoc esse doceat, sed & quod amplius est, euin-  
cat, fieri nō posse, ut uiuificetur quod nō prius  
est mortuum. Ergo mors corporum nostrorū  
tam non impedit illorum resurrectionem, ut  
magis futurae illorū uiuificationi seruiat, quā  
admodum seminis mortificatio ad frugiferā  
illius uiuificationem facit. Seminantur corpo-  
ra nostra dum mortua sepeliuntur, ut locus se-  
pulturæ illorum omnium iustissime agri loco  
habeatur à fidelibus, quemadmodū Augustae  
Vindelicorum, quam Deus in ueritate sua ad  
finem usq; custodiat, uulgo ager Dei, *der Gottes  
acker*, uocatur. Iudicio rationis probabilius est  
ut ex uiuo corpore quā ex mortuo proue-  
niat uita. Respicit illa nō uirtutem & consiliū  
Dei, qui uitam è morte producit, sed qualitatē  
creatu-



creaturarum. Verum re ipsa innumeris exemplis gloriam omnipotentiae Dei in eo declarari uidemus, quod è morte uitam producit, è quibus Apostolus unum hic de semine in terram proiecto adfert in medium. Mirabile consilium Dei. Praesens haec uita nostra nullo nisi mortis & corruptionis cibo cõseruatur. Mortua sint & corrumpantur oportet, quaecunq; ad sustentandam uitam nostram faciunt. Dum uiuunt, aut corruptionis sunt expertia, cibare non possunt. Nec Christus ipse cibus esset animarum nostrarum, nisi pro nobis in cruce mortuus esset. Ex morte illius pascimur ad uitam.

ET hoc quod seminas, inquit, non corpus quod nascetur seminas, sed nudum granum, &c.] Responderet ad alteram quaestionem, quali corpore surrecturi sint mortui. Est autem responsio bimembris, de eodem, unde prior, sationis simili sumpta. Primum negat mortuos corpore quali moriuntur surrecturos, deinde indicat illos nouo corpore secundum uoluntatem Dei uenturos. Et hoc inquit, quod seminas, non corpus quod nascetur seminas, sed nudum granum. Res ipsa manifesta est, non egens expositione. Scimus quid seminetur, & quid ex eo quod satum est nascatur. Granum nudum seminatur, & ex illo nascitur uel arbor caudice, ramis, folijs & fructibus ornata & cõpleta, uel culmus cum spica sua & arista, uel aliud quoddam corpus secundum seminis sui naturam ac speciem. Quod ex grano sato nascitur non est diuersum ab illo secundum naturam ac substantiam sed prorsus idem. Quare quod dicit: non corpus quod nascetur seminas, sed nudum granum, non est intelligendum de substantia & natura utriusq; & seminis quod seminatur, & corporis quod ex illo nascitur, sed de qualitatis diuersitate. Tale corpus non seminatur quale ex sato semine nascitur si circumstantias utriusq; inspicias. Quod seminatur granum est, unicum, & nudum. Quod ex illo nascitur, non est nudum granum, sed corpus competentem uestitu ornatu, nec est unicum granum sed pro natura speciei suae multiplicatum, quo simili usus est & Christus dicens: Nisi granum frumenti cadens in terram mortuum fuerit ipsum solum manet, si uero mortuum fuerit multum fructum adfert. Erat ipse instar grani frumentarii cum pro nobis moreretur. Vbi surrexit prodijt non unicum & nudum granum sed corpus multorum granorum, quae cum ipso surrexerunt. Consuscitauit enim cum illo nos Deus Eph. 2. Sed ad propositum.

Cum morimur seminantur corpora nostra tanquam unica & nuda grana, at ex illis per resurrectionem nascetur non amplius nuda grana, quae denuo possint seminari, sed corpora plena, & coelesti ornatu, immortalitate ac claritate cumulata. Et hoc discriminis est inter resurrectionem Lazari & consimilium, & eam quae Christi fuit & futura est nostra in fine mundi. Quale corpus Lazari mortuum fuit ac sepulcro traditum tale postea & surrexit, iterum uidelicet mortale, corruptibile & omni-

bus, ut antea, miseris obnoxium. Hic locum non habuit quod Apostolus dicit: non corpus quod nascetur seminas sed nudum granum, habuit uero in corpore Christi, & habiturum est in nostris. Duo sunt igitur resurrectionis genera quibus mortui aliter atque aliter resurgunt. Vnum expressum est in Lazaro alterum in Christo. Vtriusque imagines in muscis & bombycibus uisuntur. Muscae omni hyeme cauernis abdite moriuntur, & tamen ad initium aestatis uiuae prodeunt corpore non modo eodem quo mortuae fuerant sed & nullis uel accessionibus uel detrimentis in diuersum mutato. Bombyces uero noti uermes sepulcris suis quae contextunt immoriuntur, & è carne corrupta resurgunt non amplius uermes quales fuerant antea sed candidae auiculae, cute pristina, uermis speciem retinente, in sepulcris relictæ. Sic in illis quoque non resurgit corpus quod, id est, quale mortuum fuit, sed multo agilius ac praestantius, dum ex mortuo & corrupto uerme surgit albicans auicula. Quid magis terrenum uermem? Contra, quid conformius coelestibus quam candida auicula? Qui haec oculis suis uidet, poterit ne adeo esse stupidus, ut non admoneatur de qualitate corporum nostrorum, qua in fine mundi ad imaginem clarificati capitis nostri Christi resurgemus? Vermiculum Deus mortuum & corruptum suscitatur, uiuificatur, & in candidam auiculam transmutatur, & hominem quem ad imaginem suam condidit uel non potest, uel dignabitur à mortuis excitare & ex terreno coelestem reddere?

SED nudum granum, inquit.] Dum uiuimus in hoc saeculo uestiti, opibus cumulati, & alius alio personae genere ornati conspiciuntur. Verum ubi exeundum est è mundi huius fabula, omnem illius personam & ornatum exuti quales huc uenimus, tales hinc recedimus, & instar nudi grani telluri committimur. Quid igitur in hac mundi fabula tantopere personati insolescimus, quae breui finietur, & nudos nos omni decore spoliatos dimittet? Regem esse, principem, comitem, baronem, equitem auratum, nobilem, ac ducem esse, magistratum, consulem, senatorem, iudicem, praefectum, ciuem, patrem familias, episcopum, pastorem ac doctorem esse, ad figuram huius mundi pertinet, quam ueluti scenicam personam ubi uisum est domino ponere oportet, uno hoc communiter manente, quod sumus initio nati, singulariter uero quod sumus per gratiam Christi regenerati. Grana sumus, telluri, ubi sationis tempus est, nuda committenda. Quod homines sumus id manet in omnibus, quod Christiani, in electis ac fidelibus, caetera accessoria destituent nos ac nudos relinquent.

Bene tamen habet quod quamuis nudi spoliati ac mortui sepelimur, grana tamen sumus, idque non spiritu, qui morti non est obnoxius, nec in terram reconditur, sed corpore, quod prorsus in oculis mundi in nihilum abire uidetur & testimonio diuinae sententiae in puluerem



uerem terræ conuertitur. Nemo agricola, ne-  
mo hortulanus, grana sua telluri cunctanter  
concredit, communi experientia edoctus, nō  
perire illa dum seminantur, sed magno esse  
cum fœnore suo tempore progerminatura.  
Hac cogitatione animos nostros contra mor-  
tis tentationē obfirmemus, horumq; memo-  
res simus, quoties uel bello uel peste grassan-  
te, magnam hominum multitudinem in ter-  
ram proijci uiderimus. Cogitemus cœlestem  
agricolam Deum egressum esse ad seminan-  
dum, suæque grana plena manu spargere in ter-  
ram, quæ postea tempore suo magno cum lu-  
cro proferat in lucem.

V T P O T E tritici, aut alicuius ex cæteris,  
inquit.] Non in uno, sed quocunque gene-  
re granorum, quæ seminantur, imaginem no-  
bis futuræ resurrectionis proponit. In omni-  
bus quippe diuinæ uirtutis operatio declara-  
tur. Diuersa est & multifaria forma, conditio,  
qualitas, natura, quantitas, & utilitas seminū  
in terra, suntq; alia alijs uel potiora uel mino-  
ris momenti, uel rariora uel uulgatiora. Et ta-  
mē nullum est inter omnia, quod dedignetur  
Deus interuentu mortis renouare multiplica-  
re & ab interitu uindicare. Vnde & subdit.

Sed Deus illi dat corpus, ut uoluit,  
& unicuiq; seminum suum corpus.

Quid ergo de corporibus nostris dubita-  
mus? Sunt illa quidem & magnitudine, & se-  
xu, & ætate, & existimatione quoque diuersa. B  
In eo tamen conuenit omnibus, quod sunt in-  
star seminum, per mortem à perpetuitate mor-  
tis diuina uirtute uindicanda, & in præstantio-  
ris uitæ gloriam asserenda.

S E D Deus illi dat corpus, inquit, ut uo-  
luit.] Non dicit: sed natura, aut terra, uel æ-  
stas, sed quo illos diuinæ uirtutis admoneat,  
per quam corpora nostra uiuificabūtur ac sur-  
gent, sed Deus, inquit. Qui semē in terra emor-  
tuum uiuificat, idem & corpora nostra uitæ re-  
stituet. Quare non debemus uel corporū no-  
strorum qualitatem, uel naturæ uires, sed uir-  
tutem Dei, cui nihil est impossibile, in hac cau-  
sa consyderare.

Deinde non simpliciter dicit, Deus dat cor-  
pus, sed: Deus dat illi corpus. Si aliud, prorsus  
ab eo quod seminatur alienū, dat corpus, quo-  
modo dat illi corpus? Ergo corpus quod ex  
grano seminato nascitur, ipsius grani corpus  
est, eiusdem cum illo naturæ & substantiæ. Sic  
corpus nostrum quod olim resurget, corpus  
erit eius quod mortuū in terra sepelitur. Quid  
autem aliud est corpus dare grano seminato,  
& corpori sepulto, quàm aliam quàm habue-  
rat antea dare qualitatem & conditionem?

Tertio, non dicit: Deus creat aut facit, sed:  
Deus dat illi corpus. Verbo dandi & facilita-  
tem resurrectionis, & donum Dei expressit.  
Donum Dei est omnis illa quorumcunq; se-  
minum annua conseruatio & multiplicatio,  
uibus nostris seruiens. Et futura corporū no-

strorum resurrectio donū Dei erit infirmis no-  
stris & mortalibus corporibus concessum. La-  
borat agricola arando ac seminando, uerū cor-  
pus frugiferum ei quod satum est non est nisi  
ex dono Dei. Sic & de corporibus nostris sen-  
tire debemus.

V T uoluit, inquit.] Restrigit curiosita-  
tem eorum qui obnixe de qualitate corporū  
nostrorum, qua resurrecturi sumus, quærunt.  
Cogimur uoluntati illius permittere qualia  
det corpora seminibus in terram proiectis. Li-  
cet enim unicuique speciei suam proprieta-  
tem conseruet, potest tamen singulis annis  
plus uel minus liberaliter donum fructifica-  
tionis dispensare. Hoc quidem sensu uidetur  
intelligendum quod dicit. Verum quoniam  
non dicit, ut uult, sed in præterito *καὶς ὅτε*,  
id est, quemadmodum uoluit, apparet accipi-  
endum esse de prima creationis uolūtate, qua  
initio mundi unicuique speciei ex terræ na-  
scentibus suum corpus destinauit ac tradidit.  
Vnde & subiicit uelut exponens.

E T unicuique seminum suum corpus.] Non  
dicit: & unicuique semini corpus, sed, & uni-  
cuique semini *τὸ ἴδιον σῶμα*, id est, suum propriū  
corpus. Quemadmodū igitur non datur gra-  
no tritici corpus auenæ, aut alterius cuiuspiā  
speciei sed propriū ipsius corpus, tritici uideli-  
cet, ita dabunt nobis, ubi resurgēdum erit, nō  
aliena quædam sed suum unicuique propriū  
corpus, quod cum ipso uel gloria filiorū Dei  
fruaturs uel pro meritis impietatis pœnas luat  
æternas. Si compassi fuerimus, dicit alibi A-  
postolus, unā etiam regnabimus. Non potest  
hoc accidere corporibus nostris, quæ propter  
Christum tristitia quæuis patiuntur, si sic sunt  
moritura, ut non ipsa resurgāt, sed aliena sub-  
stituantur. Et alio in loco: Omnes nos manife-  
stari oportet ante tribunal Christi, ut recipiat  
unusquisque ea quæ sunt per corpus, iuxta id  
quod fecit siue bonum siue malum. Quomo-  
do poterit iusto hoc iudicio fieri, ut peccato-  
rum pœnæ inferātur non corpori, in quo sunt  
admissa, sed alieno ac nouo, in quo nihil est  
peccatum? Et alibi. Qui transfigurabit, inquit, *Phil. 3.*  
corpus nostrum humile, ut conforme reddat  
corpori suo glorioso. Surrexit Christus ac cla-  
rificatus est in eodem suo corpore, in quo fue-  
rat crucifixus ac mortuus, cuius rei argumen-  
ta præbebant stigmata manū ac pedum. Huic  
suo corpori quomodo humilia nostra corpo-  
ra cōformia reddet, si non ea ipsa sed aliena ab  
ipsis in resurrectione sumus accepturi? Quare  
uigilanter Apostolus ne errori huic locum per-  
id daret quod dixit: Et hoc quod seminas non  
corpus quod nascetur seminas, sed nudum  
granum, Deus uero illi dat corpus ut uolu-  
it, subiicit: Et unicuique seminum proprium  
suum corpus.

Non omnis caro, inquit, eadem caro,  
sed alia quidem caro hominum, alia ue-  
ro caro pecorum, alia uero piscium, alia



uero uolucrum. Et sunt corpora cœle-  
stia, & sunt corpora terrestria. Verum a-  
lia quidem cœlestium gloria, alia uero  
terrestriū. Alia gloria Solis, & alia glo-  
ria Lunæ, & alia gloria stellarum. Stella  
siquidem à stella differt in gloria. Sic &  
resurrectio mortuorum.

Exponitur hic locus aliter atque aliter. Alij  
referunt duo hæc carnis & corporum similia,  
ad differentiam gloriæ quæ futura sit post re-  
surrectionem in corporibus resuscitatis, qua  
alijs alijs sint illustriores secundum meritorum  
præstantiam futuri. Ut sit sensus. Non modo  
alia erit in resurrectione corporis nostri qua-  
litas ab ea quam habet mortuum ac sepultū,  
sed & ubi surrexerimus, erit magna inter re-  
suscitados differentia, quod gloriam attinet  
clarificationum corporum. Quemadmodum  
enim in hac uita alia est qualitas humanæ, alia  
pecuinæ, alia piscinæ, alia uolatilis carnis,  
quamuis, quod substantiam attinet, eadem sit  
omnis caro, & sicut differunt inter se corpo-  
ra, quorum alia sunt cœlestia, & alia terrestria,  
licet in eo conueniat omnibus quod sunt cor-  
pora, & ut alia est atque alia gloria cœlestium,  
sic ut stella differat à stella in gloria, & Luna  
præstantior sit stellis, Lunam uero Sol splen-  
dore suo excellat, quamuis substantia sint ea-  
dem, ita erit in resurrectione mortuorum. Ibi  
alia erit gloria Christi tanquam Solis, alia glo-  
ria patriarcharum, alia prophetarum, alia apo-  
stolorum, alia pastorum ac doctorū, alia mar-  
tyrum, alia reliquorum fidelium, licet eadem  
sit omnibus futura resurrectionis, felicitatis,  
& immortalitatis communicatio.

Chrysost.

Et hunc sensum sequuti sunt patres, Chry-  
sostomus, Ambrosius & Augustinus. Chryso-  
stomus quippe sic exponit: *ὅτι μὲν γὰρ τὰ σώματα  
αἰσθάνονται, ἰδεῖν δὲ διὰ τοῦ οἴτου, ὅτι δὲ οὐκ ἐν τῇ αὐτῇ δόξῃ πάν-  
τα, ἀλλ' ἐν ἑκάστῳ ἰντιῶσιν. ὡς περὶ γὰρ τὸ ἀπὸ τῆς τῆ ἀναστάσεως  
ἐκείνης ποιεῖ, οὕτω καὶ ἄλλοι ῥαβδύμους, τὸ νομίζουσιν πάντας τῶν  
αὐτῶν ἀξιολογεῖν. διὰ τοῦτο ἀμφοτέρωθεν διορθοῦνται, καὶ τὰ μὲν  
ἐν τοῖς ἐμπροσθεν ἀπὸ τῆς ἐκείνης, τὰς δὲ ἄρχας τῆς νῦν.*

Ambros.

Ambrosius sic: Quemadmodum ergo ex  
una impensa diuersa animantium caro est, ita  
& unius carnis homines diuersi erunt digni-  
tate in resurrectione, ut talis unusquisq; appa-  
reat qualis fuerit meriti.

Augustinus.

Augustinus epistola centesima quadrage-  
simasexta, exponit ad hunc modum: Iam ue-  
ro quod adiungit, ad differentiam pertinet re-  
surgentium, propter diuersas glorias fidelium  
atque sanctorum. Non omnis, inquit, caro ea-  
dem caro. Alia quippe hominum, alia autem  
caro pecorum, alia uolucrum, alia piscium, &  
corpora cœlestia & corpora terrestria, sed alia  
est cœlestium gloria, & alia terrestrium, & a-  
lia gloria Solis, & alia gloria Lunæ, & alia glo-  
ria stellarum. Stella enim à stella differt in glo-  
ria. Sic & resurrectio mortuorum. In his om-  
nibus iste sensus est. Si genera carnis cum sint

cuncta mortalia, differunt tamen inter se pro  
diuersitatibus animantium, & si corpora cum  
sint omnia uisibilia, differunt tamen pro di-  
uersitatibus locorum, unde alia est cœlestium  
gloria, alia terrestrium, & si in locis sublimi-  
bus cum sint cuncta cœlestia, differunt etiam  
ipsa claritatibus luminum, non mirū est quod  
in resurrectione mortuorum distabit gloria  
meritorum. Hæc ille.

His astipulatur & Theophylactus qui sic *Theophyl.*  
exponit. Non omnis caro eadem caro. Hoc  
est. Nequaquam omnes pari honore resur-  
gent, sed iustorum corpora tantum different  
à corporibus impiorum, quantum à terrenis  
hisce cœlestia. Erit præterea & inter iustos i-  
psos haud paruum graduum discrimen, sicut  
in sequentibus dicturus est. Quinetiam uel  
inter improbos ipsos distabit plurimum. In-  
quit enim, quemadmodum caro humana à  
pecorum & reliquorum brutorum est longè  
diuersa, sic erit peccantibus & damnatis, uel  
in ipsis supplicijs magna diuersitas. Quæ au-  
tem dicta in præsentia sunt, peccatorum dun-  
taxat exprimunt differentiam. Est nanque de  
iustis paulò post dicturus, cum de cœlestibus  
ipsis faciet corporibus mentionem. Hæc iste.  
Et horum patrum expositionem maior etiam  
pars recentiorum sequitur.

Alij referunt ista non ad differentiam re-  
suscitatorum corporum, qua uel electi à re-  
probis, uel etiam electi inter se dispari clari-  
tate discriminantur, sed ad eandem, de qua  
in præcedenti simili corpus quod nascitur à  
suo grano, unde nascitur qualitate differre si-  
gnificauit, quæ expositio mihi quoque pro-  
batur. Et Lyranus eam ponit, usque ad eum  
locum, ubi Apostolus dicit: alia gloria Solis,  
alia gloria Lunæ, & alia gloria stellarum, &c.  
quæ uerba refert ad differentem electorum  
gloriam, qua illi secundum diuersa merita ua-  
rie sint de lumine gloriæ post resurrectionem  
participaturi.

NON omnis caro, inquit, eadem caro, sed  
alia quidem caro hominum, &c.] Quoniam  
dixit: non hoc corpus quod nascetur feminas,  
sed nudum granum, Deus uero dat illi cor-  
pus ut uoluit, significans corpora nostra in fu-  
tura resurrectione licet substantia manente qua-  
litate tamen à mortuis ac sepultis fore diuer-  
sa, ne quis dicat: Si diuersa erunt non erunt  
uera corpora, subiungit dicens: Non omnis  
caro eadem caro. Et ut id declararet, sed alia, in-  
quit, caro hominum, alia pecorum, alia pisciū,  
alia uolucrum. Quasi dicat. Nec mirum ui-  
deri debet, quod corpora nostra diuersa ab  
ijs quæ nunc habemus in resurrectione fore si-  
gnifico. Neque enim illa diuersitas substan-  
tiæ erit, sed qualitatē, unde non consequi-  
tur haud fore illa uera & uere nostra corpo-  
ra. An non uidemus magnam esse diuersita-  
tem in carne, quam Deus condidit? Alia nan-  
que est non eadem caro hominum, & alia ca-  
ro pecorum, & alia caro piscium, & alia ca-  
ro uo-



ro uolucrum, si qualitatem illius admodum diuersam in diuersis istis speciebus inspicias. Et tamen diuersitas ista non facit, quo minus caro hominum sit uera caro, propterea quod non est pecorum, uel pecorum, quia non est hominum. Cum ergo diuersitas qualitatis in diuersarum specierum carne ueritatem & unitatem substantiæ carnis non auferat, quomodo auferret illam in una & eadē generis nostri specie, faceretque, ne corpora nostra in resurrectione futura sint eadem substantia, propterea quod à qualitate illorum, quam habent in hac uita, diuersa erunt? Lyranus sic exponit: Ex hoc concluditur, quod cū hoc fiat uirtute naturæ, uirtute Dei fieri poterit, quod caro morientis ac resurgentis erit eadem identitate naturæ, sed alterius gloriæ.

Notāter ergo non dicit Apostolus: Non omnis caro caro est. Haberet enim hæc loquutio contradictionem, sed, non omnis caro eadem caro. Cum negat eandem esse omnem carnē, non negat substantiam, qua est caro, sed qualitatem diuersam constituit, per quā alia est hominum, alia pecorum, alia piscium, alia uolucrum caro. Sic possumus dicere, alia est caro moriens, & alia resurgens, moriens corruptibilis, ignobilis, infirma, & animalis, resurgens uero incorruptibilis, gloriosa, fortis ac spiritalis, cuius mentionem paulò infrā faciet. Et tamen sub utriusq; conditionis quamuis diuersa qualitate non est diuersa, sed eadē caro.

Non fuit igitur infinita illa potentia Dei conditoris omnium uni tantum qualitati carnis alligata, ut nequiuert aliam dare homini, aliā pecori, aliā pisci, aliā uolucris, quemadmodum nō est uni seminum qualitati obstrictus, ut nequeat aliud corpus dare tritico, aliud hordeo, aliud auenæ, &c. Sed pro incompræhensibili sua uirtute singulis tam animalium quā seminum speciebus suum proprium corpus dedit ut uoluit. Eadem sua uirtute dabit etiā nobis in die resurrectionis uerum quidem & unicuiq; proprium corpus, diuersum tamen & præstantius multo, q̄ sit quod in hac uita circumferimus. Dat unicuiq; seminum suū corpus. Non dat tritico corpus auenæ. Est enim illud à natura tritici diuersum. Non dat homini carnem pecoris, aut piscis, uel uolucris. Est enim alia caro pecoris quā sit hominis, sed dat homini carnem hominis, quæ illi est propria, pecori carnem pecoris, &c. sic dabit nobis in resurrectione corpora non aliena, sed propria, non pecorum uel angelorum, sed hominum. Obsecro, si in carne non hominū tantum, sed & pecorū, piscium ac uolucrum, eaq; mortali, corruptibili, infirma, & ignobili tantas uirtutis suæ diuitias in præsentī hoc & trāsfituro sæculo declarare dignatus est, quomodo non est illas multo præstantius in corporibus nostris ad æternæ uitæ felicitatem ac gloriam excitatis declaraturus?

Et sunt corpora cœlestia, inquit, & sunt corpora terrestria, uerum alia quidem est cœlestiū

A gloria, alia uero terrestrium.] Ad idem argumentum pertinet & hoc simile. Corpora nostra sunt adhuc terrestria. In resurrectione uero erunt nō amplius terrestria, sed cœlestia, uera quidem corpora, sed interim à qualitate priusquam nunc habent diuersa. Quare alia erit illorum post resurrectionem gloria q̄ nunc sit. Est enim in hoc præsentī quoq; sæculo omnium oculis expositū, quā sit alia gloria terrestrium corporum, & alia cœlestium. Non est ullius terrestris corporis gloria tanta, ut cœlestium splendore adæquare possit. Siue argentum, siue aurum, siue lapides preciosos proferas, longè sunt infra cœlestium corporum gloriam. Sic quamuis magnam corporum nostrorum gloriam, quæ illis in præsentī est sæculo concessa, inspicias, prorsus euanida est, & nihili ad eam collata quam habebunt post resurrectionem, ubi non erunt amplius terrestria, sed cœlestia. Et nihilo secius erunt adhuc corpora. Veritatē enim corporū non adimet illis mutata conditio, & cœlestis gloriæ præstantia.

B Et huc facit quod dicit: Alia est gloria Solis, & alia gloria Lunæ, & alia gloria stellarū. Stella siquidem à stella differt in gloria. Quasi dicat. Quid consero inter se corpora terrestria et cœlestia? Ipsa cœlestia quoq; & uera sunt corpora, & tamen aliud alio præstantiorē est gloriam sortitū, quod in Sole, Luna & stellis cernere licet. Potuit Deus stellam stella, deinde Lunam stellis, tertio Solem & stellis & Luna illustriorem reddere, tantumq; differentiæ in corporibus cœlestibus ostendere, quomodo non multo potest facilius corpora nostra post resurrectionē sic reddere cœlestia ut illustriori gloria decorentur, quā habeant in præsentī, & tamen uera & nostra corpora maneant? An ideo Sol nō habet uerum corpus, quod iubare suo reliqua corpora cœlestia excellit? An ideo minores stellæ nō sunt uera corpora, quod præstantioribus non sunt in gloria pares? Ergo nec humilitas nec singularis præstantia ueritatem corporum tollit. Sic puto Apostolum respondere illis, qui dicere poterant: Si mortui in resurrectione non sunt uenturi tali corpore, quale habuerunt in hac uita, ergo non habebunt uerum corpus, ideoque nec uere resurgent.

Sic & resurrectio mortuorū, inquit.] Particula hæc referenda est ad similitudinem seminati grani, & corporis ex illo nati, in qua dixit: Nō corpus quod nascetur seminas, sed nudum granum, Deus uero illi dat corpus ut uoluit, & unicuiq; semini suum corpus. Huc pertinet quod hic dicit: Sic & resurrectio mortuorum. Etenim quæ de carne in diuersis speciebus diuersa, & de differenti corporum terrestrium & cœlestium gloria subiecta sunt, ad illustrationem materiæ huius faciunt, & cogitationi quæ hic nasci poterat occurrunt. Post illa redit ad simile sationis, illudq; applicat ad propositum dicens: Sic & resurrectio mortuorum. Quasi dicat. Quemadmodum non corpus



pus quod nascetur seminas sed nudū granū, Deus uero dat illi corpus ut uoluit, et unicuique semini suum corpus, ita non moritur ac sepelitur corpus illud quod resurget, sed caro infirma, mortalis, & corruptibilis, Deus uero dabit illi corpus ut uolet. Et sic continuans applicationem adiicit: Seminatur in corruptione, resurgit in incorruptibilitate, &c. Quare particula ista: Sic & resurrectio mortuorū, magis ad sequentia, tanquam præmissæ similitudinis applicationē, q̄ ad præcedentia de carne & corporibus, diuersaq̄; illorū gloria pertinet.

Patres tamen, quoniam futuræ uitæ gloriam secundum diuersa iustorum merita diuersam fore sentiunt, exponunt ad hūc modum: Alia est gloria Solis, alia gloria Lunæ, alia gloria stellarum, stella siquidem à stella differt in gloria, sic & in resurrectione mortuorum erit. Alia erit gloria Solis, id est Christi, alia gloria Lunæ, id est beatæ uirginis (sic Lyranus) alia gloria stellarum, id est sanctorū, & stella differt à stella in gloria, id est sancti alij alijs erunt illustriores propter præstantiora merita. Quæ sententia plus habet disputationis quàm certitudinis & utilitatis, præsertim in eo quod differentiam futuræ gloriæ filiorum Dei secundū præsentis uitæ merita metiuntur, id quod nescio q̄ gloriæ gratiæ Dei conueniat. Si secundum præcedentia merita distribuetur gloria futuræ uitæ, non debebat Apostolus in simili præmissis dicere: Deus uero dat illi corpus ut uoluit, sed, ut debuit. Nisi sic est uita æterna ab illius gloria separanda, ut donum Dei sit uita æterna, hominis uero meritum uitæ æternæ gloria, quod quomodo sacris scripturis confirmari possit uiderint alij. Et si omnino concedendum est, alios alijs fore in futura uita clariiores, periculosum tamen dogma est, dare id nostris meritis. Petrus Martyr uir in sacris scripturis apprimè exercitatus, materiam hanc in præsentī loco fusius tractauit, ad quem lectorem mitto.

Seminatur in corruptione, resurgit in incorruptibilitate, seminatur in ignominia, resurgit in gloria, seminatur in infirmitate, resurgit in potentia, seminatur corpus animale, resurgit corpus spirituale.

Cœpit applicationem præmissæ sationis simili subiungere dicēs: Sic erit & resurrectio mortuorum. Eam prosequitur istis uerbis, quibus exponit quod in simili dixit, non hoc corpus quod nascetur seminas, sed nudum granum, Deus uero dat illi corpus ut uoluit. Quod dixit, sed nudum granum seminas, explicat dicēs: Seminatur in corruptione, in ignominia, in infirmitate, hoc est, sepelitur corpus corruptibile, ignominiosum, infirmum & animale. Quod uero dixit, sed Deus dat illi corpus ut uoluit, & unicuique semini suum corpus, sic applicat, resurget in incorruptibilitate, in glo-

ria, & in potentia, hoc est, resurget corpus incorruptibile, gloriosum, potens, & spirituale. Sic inculcat longè aliam fore corporum nostrorum qualitatem post resurrectionē, quàm sit ea in qua moriuntur ac sepeliuntur. Quantum enim discriminis est inter corruptionem & incorruptionem, inter ignominiam & gloriam, inter infirmitatem & potentiam, inter animale & spirituale, tantum erit differentiae inter corpora nostra, qualia iam sunt, moriuntur ac sepeliuntur, & qualia in fine mundi resurgent.

SEMINATUR, inquit.] Dicendū erat proprie, sepelitur, uerum metaphoricum seminandi uerbum studio retinuit, nec semel tantum, sed quarto hic ponit, ut appareat esse illo impense delectatum. Voluit uidelicet inculcare fidelibus, sepulturam mortuorum nostrorum corporum magis esse seminationem, unde futura sit resurrectionis messis speranda, q̄ sepulturā, unde timēdus sit ppetuus interitus.

SEMINATUR, inquit, in corruptione.] Corruptionis uocabulū Græcè φθορά, hoc loco destructionis est sensu positum. Est autem gemina in corpore nostro corruptio. Vna, qua corpus nostrum conseruatur, altera qua destruitur. Prior cibi est & potus, qui in corpore nostro ab integritate sua corrumpuntur, ideoq̄; perire à Christo dicuntur, Iohan. 6. nosque nisi corrumpētur alere non possent, quorū pars necessaria in carnem ac sanguinem conuertitur, pars superflua in secessum abit. De hac corruptione non loquitur hoc loco Apostolus. Posterior est ipsius corporis, quod morte interueniēte corrumpitur ac destruitur. Destructionis huius duæ sunt partes. Prior est κατάλυσις, id est, dissolutio illa, qua spiritus à corpore separatur, quam Paulus optabat dicens: Cupio dissolui & esse cum Christo. Hāc mortem uocamus. Posterior est corporis putrefactio, qua illius omnia corrumpuntur, destruuntur, & secundum conditoris sentētiā in terram unde sumpti sumus conuertuntur. Posterioris huius prior causa est, uel, si mauis principium. Philosophantur nonnulli de hac corruptione sic. Quatuor, inquit, elementa sunt, philosophis quoque nota & medicis, de quibus omnes res & corpora humana compacta sunt, terra, aqua, aër, ignis. Terrā in carnibus, aërem in halitu, aquam in humore, ignem in calore intelligi. Cum ergo anima caducū hoc frigidumq̄; corpusculum Dei iussione dimiserit, paulatim omnia redire ad matrices suas substantias, carnes in terram relabi, halitū in aëra misceri, humorem reuerti ad abyssos, calorem ad æthera subuolare. Sic philosophantur illi qui licet corporum nostrorum resurrectionem confiteantur, carnis tamē negant, atq̄; ita & corporum destruunt. Nos simpliciter corpora nostra per corruptionem in terram unde sumpta sunt, redire dicimus, nec distribuimus illius partes in cœlum, terram, aërem & abyssos.

Gemina in corpore nostro corruptio.

Petrus Martyr.

SEMINATUR,



SEMINATUR, inquit, in corruptione.] Obserua diligentiam Apostoli. In re eadem, sepultura uidelicet emortui corporis, seminatio nem & corruptionem coniungit, quarum altera communi omnium mortalium experientia omnibus est notissima, altera fidei tantum sensu capitur. Quod corpora nostra in corruptione sepeliantur, notum est omnibus, fidelibus & infidelibus, qui posteriores usque adeo non sunt corruptionis huius ignorantes, ut ex illa argumenta colligant negandæ resurrectionis. Etenim quo illam magis inspiciunt, hoc magis fieri posse negant, ut corpus corruptum uiuificetur ac resurgat. Quod uero sepultura corporum nostrorum sit illorum non interitus, sed seminatio, nō est probabile infidelibus, sed certum & indubitatum fidelibus. Quare omnium consultissime, sic nō dissimulauit corporum nostrorum corruptionem omnibus manifestam, ut iuxta non dubitauerit sepulturam illorum uocare seminationē, quo certitudinem fidei nostræ de futura resurrectione, manifestæ corruptionis experientiæ coniungeret.

Imò, nisi cæcitas infidelium corda in causa salutis nostræ occuparet, non esset adeo difficile cognitu, tam non impedire corruptionem corporum nostrorum, quo minus suo tempore resurgant, ut hinc magis sperari debeat, fore ut resurgant, quod in terra corrumpuntur. Ipsorum quippe philosophi, unius corruptionem alterius generationem esse dicunt. Non nitimur illorum dicto, ne naturæ uiribus futuram corporum nostrorum resurrectionem tribuere uideamur, sed aliquo hinc pacto mentes infidelium quoq; ad fidem resurrectionis induci posse sentimus.

SEMINATUR, inquit, in corruptione.] Cogita hic de singulari prouidentia Dei, qua corruptionem corporum nostrorum ante mortē fieri noluit, sed tum demum inchoari illam facit, quando per mortem facta spiritus & corporis dissolutione nullo illius uel alterius incommodi sensu tangimur. Quātum molestiæ cum ipsis egrotantibus, tum alijs adstantibus accidat, ubi singulari genere morbi uel externa aliqua uel interna membra in corpore adhuc uiuo corrumpuntur, putredinisque fœtorem emittunt, sepe numero experimur. Quod si uniuersę corruptionis fœtor & aspectus abominabilis, qualis est post mortem, ad finem usque ferendus sit, quis nam tam est firma corporis ualetudine ac patientia, ut ferendo esse possit? Quem habemus usque adeo charum in hac uita, cuius demortui corruptionē ad quartum aut quintum diem usque aspicere & olfacere possimus? Hanc ob causam charissimos quosq; ubi mortui sunt, sepulturæ properanter damus. Et sic parcat infirmitati nostrę cum ægrotantium, tum ægrotantibus ministrantium diuina prouidentia, ut priusquam intolerabilis ille corruptionis fœtor è corpore nostro prodeat, morte dissoluamur, & corpus

A mortuum sepeliatur, & ad futuram messē, in qua cum gloria resurgat, seminetur.

RESURGIT, inquit, in incorruptibilitate.] Resurgit, inquit. Secundum metaphoram seminandi dicendum erat, nascitur, ut metaphoræ sationis ac messis integra poneretur. Verū maluit uerbum resurgendi ponere, quoniā de illo erat contentio inter Corinthios. Resurgit. Quid nam resurgit? Quod seminatur in corruptione, corpus uidelicet mortuum, & propter corruptionem sepulturæ traditū. Si aliud corpus non qualitate tantum, sed & substantia diuersum resurget, non stabit quod Apostolus hic dicit: Seminatur in corruptione, resurgit in incorruptibilitate. Ergo hoc ipsum corpus quod seminatur, resurget.

Quale corpus resurget? Resurgit, inquit, in incorruptibilitate. Resurget ergo corpus incorruptibile, quod seminatur in corruptione. De semine non potest hoc dici. Quod ex grano tritici mortuo & corrupto nascitur, quantumuis multiplicatum & ornatum nascitur, perinde tamē corruptibile est, atque granum erat unde nascitur. Nondum enim liberata est creatura à seruitute corruptionis. Rom. 8. Et hoc usibus ac necessitatibus nostris attemperatum est. Alioqui nisi corruptibile esset quod ex grano uel tritici uel hordei, &c. nasci, nec cibo nostro conduceret, nec ad conseruationem speciei suæ seminari posset. Verum longe alia est ratio corporum nostrorum. Resurgent illa ad uitam omnis corruptionis expertem. Quare necesse est ut & ipsa fiant incorruptibilia. Vetus interpres non satis expresse Apostoli mentem, dum uertit, surget in incorruptione. Non modo sic surgent corpora nostra ut sint incorrupta, sed magis ut sint incorruptibilia. Rectius ergo legitur: Resurgit in incorruptibilitate, hoc est, tale resurget corpus, quod amplius corrumpi nequeat. Si autem incorruptibiles erimus post resurrectionem, cōsequitur fore nos & immortales, & inuulnerabiles, & nullarum passionum, siue famis, siue sitis, siue morborum capaces. Sic erunt corpora nostra, ut nullis passionibus ledi nedum destrui possint. Potientur ergo non solum uita, sed & incolumitate & integritate sempiterna. Possent hinc multa disputari, uerum satius est ut ociosis illa hominibus relinquamus, & magis hac fide corruptionis nostræ molestiam solemur, qua futurum credimus, ut superata illius seruitute ad ueram sempiternæ felicitatis uitam ac gloriam incorruptibiles resurgamus. Multū nobis erit solatii, si fuerit spes ista reposita in sinu nostro.

SEMINATUR in ignominia, resurgit in gloria.] Quod dixit: seminat in corruptione, resurgit in incorruptibilitate, commune erit omnibus, tam impijs & iniustis, quàm pijs & iustis. Nam non soli pij incorruptibiles resurgent, sed & impij, quo in ipsis pœnis sic perdurent, ut tamen haud absumentur. Si corrumpi possent, in sempiternum puniri non possent.

Punien-



Punientur autem in sempiternum. Ergo, &c. A Quod uero hic subiungit, dicens: Seminatur in ignominia, resurget in gloria, piorum ac iustorum tantum est, qui soli resurgēt in gloria, cum impij interim resurgent in maxima & indelebili confusione.

SEMINATUR, inquit, in ignominia.] Græcè est, *ἐν αἰσχρίᾳ*, quæ uox neglectum & contemptum, uel si mauis honoris priuationem significat. Ignominia, nominis est nota & infamia, quæ non mox quosuis mortuos comitatur. Inuenies enim multos, quorum nomen post mortem magis adhuc gloriosum reddat. Verum in sepultura corpus emortuum eam gloriam non retinet, qua potitum fuerat dum uiueret, & in precio haberetur. Excluditur à conuictu & commercio pristino, ab aspectu & à contactu uiuentium, uestitu consueto spoliatur, uili panniculo obuoluitur, non conclauimodò, sed & ipsis prorsus edibus exportatur, & ne fœtore suo abominationi sit transeuntibus, terræ infoditur, quæ omnia si uiuo homini fierent, quis non grauissimam uocet contumeliam & abiectiōem? Quamuis autem ista faciant mortuis suis etiam charissimi amici, faciantq; non ex contemptu, sed necessario, ipsa tamen sic est cadaueris cōditio, & sic sunt hæc comparata, ut alienissima sint à pristino honore, quo paulò antea cum uiuerent, fuerant potiti. Quare non immerito dictum est ab Apostolo: seminatur in *αἰσχρίᾳ*, id est, absq; honore. Ipsa corporis nostri uita, cum omnis generis dotibus, quibus cohonestatur, diuinum quiddam spirat. Verum ubi instar iumentum moritur, & per mortem uita cunctisq; suis dotibus priuatum, inutile imò abominabile ac fœdū cadauer redditur, & in corruptione sepelitur, utiq; *ἐν αἰσχρίᾳ* sepelitur. Etenim honore suo spoliatum per mortem & corruptionē simile redditur bestijs & iumentis. Vnde est illud Ecclesiast. 3. Dixi in corde meo de filijs hominum, ut probaret eos Deus, & ostenderet similes esse bestijs, idcirco unus interitus est hominis & iumentum, & æqua utriusq; conditio. Sicut moritur homo, sic & illa moriuntur, &c. Et hanc *αἰσχρίαν* non euadūt ulli mortales, ne reges quidem ac principes. Imò hanc illi plus cæteris incurrunt. Quanto enim plus gloriæ cōsequuti sunt in hac uita, tanto plus moriendo amittunt, ideoq; maiore cum *αἰσχρίᾳ* sepeliuntur, etiam si auro ac lapidibus preciosis onusti sepeliantur. In summa communis hæc sors est mortalium omnium, ut quamuis in honore uiuant in hoc sæculo, hinc tamen exeant & sepeliantur in *αἰσχρίᾳ*. Quod uero alibi legitur: Preciosa in conspectu domini mors sanctorum eius, non communis nostræ mortalitatis, sed singularis gratiæ Dei respectu dicitur, qua & uitam & mortem *ῥύσονται*, id est eorum quibus beneuult, prosequitur.

RESURGET, inquit, in gloria.] Simpliciter quidem dicit, in gloria, uerum non loquitur simpliciter de gloria per mortem amissa,

quasi illam tantum per resurrectionem recuperaturi simus, sed de gloria cœlestis claritatis, qua fulgebunt corpora nostra ad imaginem corporis Christi clarificata, quo sensu paulo suprâ claritatem Solis, Lunæ, ac stellarum, gloriam uocauit. Hic tamen non excludimus gloriam illâ, quæ ex eo nobis futura est, quod coram toto mundo reuelabitur ac declarabitur, quod simus filij Dei. De utroque cœlestis gloriæ genere competenter intelligi potest, quod dicit: resurget in gloria. Ante resurrectionem sumus adhuc in gloriâ, quia nondum apparet illa filiorum Dei gloria, quæ in nobis à resurrectione reuelabitur, & corpora nostra non minus quàm aliorum morti sunt & corruptioni obnoxia, à qua *αἰσχρίᾳ* tum demum uindicabuntur, quando cœlestis claritatis splendorem à mortuis excitata sortientur, cuius imago quædâ in Christo capite nostro in monte mōstrata est, ubi facies eius instar Solis splenduit, ac uestimenta eius candida facta sunt sicut lumen, Matth. 17.

SEMINATUR in infirmitate, resurgit in potentia.] Infirmitatem corporis nostri uocat non eam qua communiter ante mortem ægrotamus, in qua quidem morimur, uerum non sepelimur, sed eam quæ naturæ est nostræ, per quam fit, ut nec morbis, nec passionibus, nec morti, nec corruptioni resistere queamus. Eam & Christus in se transtulit, unde & 2. Corinthiorum decimotertio legimus: B Nam quamuis crucifixus fuit ex infirmitate, uiuit tamen ex uirtute Dei. Infirmitatem utique uocat susceptæ nostræ carnis imbecillitatem, qua esurimus, sitimus, algemus, calescimus, fatigamur, dormimus, ægrotamus, morimur, & corrumpimur. Et propter hanc comparatur caro nostra graminum & florum leui momento flaccescenti ac decidenti, etiam ubi in flore est ac robusta uidetur, infirma est adeò, ut leui febricula tacta languescat ac procidat, quanto magis ubi mortua sepelitur, & putredini ac uermibus exponitur? Bene tamen habet, quod infirmitas illius nō impedit, quo minus aliquando resurrectura seminetur.

RESURGIT, inquit, in potētia.] Potest hoc bifariam exponi. Primo, de potentia Dei, qua corpora nostra è puluere terræ excitabuntur, ut sit sensus. Seminatur in infirmitate propria, resurget in potentia Dei. Huic potētiæ Dei omnis omnium etiam Christi resurrectio tribuitur, qua de ad Ephesios capite primo, sic legimus: Et quæ sit superueniens magnitudo potētiæ eius in nos qui credimus, secundum operationem roboris fortitudinis eius, quam exercuit in Christo, cum suscitaret eum ex mortuis, &c.

Deinde, de potentia qua corpora nostra in resurrectione donabuntur, ut simus non amplius infirmi sicuti fueraus antea, sed potentes. Potētia hæc erit, nō esse amplius necessitatibus edendi, bibendi, dormiendi, quiescendi, ac uestiendi, & passionibus morborum,



mortalitatis & corruptionis obnoxium. Erit enim opposita infirmitati qua circūdamur in hac uita, ne quis nescio quam potentiam hic somniet. Quemadmodū infirmitatis est quod esurimus, sitimus, lassamur, dormimus, quiescimus, uestimur, edim<sup>9</sup> ac bibimus, algemus, sudamus, ægotamus, morimur ac corrumpimur, ita potentiæ erit nullius horum amplius esse necessitati obstrictum. In hac potētia nemo surrexit ante Christum, qui resurrectionis huiusmodi primitias habet. Quamuis autem uterq; sensus uerus est, in loco tamē posterior magis probatur, propterea quod ad propositum Apostoli propius accedit, quo non simpliciter resurrectionem astruit, sed illis respondens, qui quærunt, quali nam cum corpore uē tū sint mortui postquam resurrexerunt, futuram corporum nostrorum qualitatem sic describit, ut doceat, haud fore illa amplius corruptibilia, ingloria, infirma & animalia, sed incorruptibilia, gloriosa, potentia ac spiritualia, ad quod propositum conuenientius est, ut intelligamus, resurgere in potentia idem hic esse, quod resurgere corpus potens, quod seminatū fuerat infirmum.

SEMINATUR corp<sup>9</sup> animale, resurgit corpus spirituale.] Quæ de discrimine corporis emortui, & è mortuis excitati dixit, uelut in summa complectitur dicens: Seminatur corpus animale, resurgit corpus spirituale, quasi dicat: In summa, corpus hoc nostrum, quod moritur & sepelitur, animale est, ubi uero resurget, non erit amplius animale, sed spirituale. Animale corpus corruptibile est, inglorium & infirmū, spirituale uero incorruptibile, gloriosum & potens.

Vocat autem corpus nostrum ψυχόν, id est animale, propterea quod perinde atq; bestiae ratione destitutę, uitam habet per infusionem animæ, illaq; adempta moritur & corrūpitur, ut recte corpus animatum dicatur. Et hanc ob causam Ebræi nonnunquam uocem נֶפֶשׁ quę animam significat, pro corpore animato usurpant. Huiusmodi autem animalis corporis cōditio est, ut opus habeat alimonia & p̄tectione, qua & sustentetur & conseruetur. Est enim infirmum, ut facile ledatur, & habet in se igneam quandam consumendi uim, quæ nisi cibo & potu alatur ipsum corpus conficit, unaq; cū illo perit & ipsa, ac morti corruptionique locum permittit.

RESURGIT, inquit, corpus spirituale.]

Quemadmodum corpus nostrum quatenus uitā habet ex anima, animale uocatur, ita post resurrectionem quatenus spiritu cœlesti uiuificabitur, non erit amplius animale, sed spirituale. Iam anima corpus nostrum sic firmū & immortale reddere nō potest, ut nullis op<sup>9</sup> habeat alimentis, nullisq; sit passionibus obnoxium, qua in re æquam habet cum iumentis conditionem, quæ & ipsa corpora habent animata, in resurrectione uero sic firmabitur ac uiuet cœlesti spiritu, ut sit immortale & incorru-

ptibile. Obserua uero, quod non dicit: Seminatur corpus, resurget spiritus, sed, seminatur corpus animale, resurget corpus spirituale. Tam illic resurget corpus, quā hic seminatur corpus. Illic quidē spirituale, attamen corpus. Qualitas spiritualis tam non extinguet corporis nostri ueritatē, quā animalis qualitas non facit in nobis, ut corpus nostrum nō sit corpus, sed anima. Corpus nostrum in resurrectione nec mutabitur in spiritum, ut spiritus iungatur spiritui, nec in nihilum redigetur, ut nonnisi spiritus futuri simus, sed ueritatem substantiæ suæ retinebit, ut cōueniat illi quoque quod de suo corpore Christus post resurrectionem ad discipulos dixit, cum illis spiritus esse uideretur, palpate & uidete, quoniam spiritus carnem & ossa non habet, sicuti me habere uidetis. Luc. 24. Augustinus epistola. 146. sic exponit corpus spirituale, quoniā, inquit, spiritui inseparabiliter copulatu est. Et libr. 13. de ciuitate Dei cap. 22. Spiritualia erūt, inquit, non quia corpora esse desistent, sed quia spiritu uiuificante subsistent. Et libro eodē cap. 20. Sicut spiritus carni seruiens, inquit, non incongrue carnalis, ita caro spiritui seruiēs recte appellatur spiritualis, non quod in spiritum conuertetur, sicut nōnulli putant ex eo quod scriptum est: Seminatur corpus animale, surget corpus spirituale, sed quia spiritui summa & mirabili obtemperādi facilitate subdetur, usque ad implendam immortalitatis indissolubilis securissimam uoluntatem, omni molestiæ sensu, omni corruptibilitate & tarditate detracta.

Hæc ibi. Ergo tria ponit Augustinus, quorum gratia corpus nostrum, quale post resurrectione habituri sumus, non amplius futurum sit animale, sed spirituale. Primum est, quod spiritui inseparabiliter copulabitur. Secundū, quod illo uiuificante subsistet. Tertium, quod illi mirabili quadam obediendi facilitate subdetur. Possent & aliæ rationes assignari, uerū quod me attinet, hæc sufficiant.

Possent etiam quæri de spiritu, quo uniuscuiusq; corpus spirituale reddetur. (Necesse nāque est, ut propter spiritum spirituale sit futurum) quis nam sit ille spiritus, idem ne quem quisq; in corpore suo mortali habuit, uel alius quisquam, uel spiritus Dei. Erit quidem Deus omnia in omnibus, uerum quoniam de spiritu nostro scriptum est, quod reuertatur ad eū qui dedit illum, nec cogitandum est, quod uel extinguatur in cœlestibus, uel in locum illius alius substituatur, in quo corpus nostrū resurgat, puto indubitatum esse, eodē nos spiritu spirituales futuros, qui corpus nostrum in hac præsenti uita inhabitat, & morte ab illo separatur, inq; cœlestia ad Deum reuertitur. Hic non est quærendum quomodo ille tantæ futurus sit potentię post resurrectionem, ut corpus nostrum reddat spirituale, immortale, incorruptibile, potens & gloriosum, cū nihil horum præstet in hac uita. Omnis enim illa po-



rentia, qua corpora nostra è mortuis excitabuntur, spiritualiaque immortalia, incorruptibilia & gloriosa reddentur, non erit alicuius creati spiritus, sed ipsius Dei. Per hunc habebit omnem spiritualem efficaciam spiritus noster, ea præstandi in nobis, quæ in corpore animali præstare iam non potest. Huius efficaciam non debemus omnipotentem futuram credere. Quare moderate de illa disputandum censeo. Satiusest ad ueram illam felicitatem spirituales corporum fide sincera, & spe infracta aspirare, quàm de facultatibus illorum temere disputare.

Est corpus animale, & est corpus spirituale, quemadmodum & scriptum est: factus est primus homo Adam in animam uiuentem, extremus Adam in spiritum uiuificantem.

Erat Corinthijs inusitata loquutio, qua dixit: Seminatur corpus animale, resurgit corpus spirituale. Imò ne hodie quidem admodum est trita in ecclesia, & perspicua etiam magnis doctoribus. Quare ad illius declarationem resumit eam explicandam.

EST corpus, inquit, animale, & est corpus spirituale. Non dicit: Si est corpus animale, est etiam corpus spirituale, quemadmodum habet uulgata uersio. Non enim propterea est corpus spirituale, quod est corpus animale, quasi unumquodque corpus animale ob id sit & spirituale, quod est animale, sed simpliciter tanquam de duabus diuersis corporum qualitatibus: Est corpus animale, inquit, & est corpus spirituale. Non dicit: & erit sed & est corpus spirituale. Erit quidem corpus nostrum spirituale in futura uita, quod animale est in præsentia, uerum non de illo iam loquitur, sed collimat ad illius exemplar, quod in glorificato Christi corpore per resurrectionem ex mortuis esse cepit.

QUEMADMODUM, inquit, scriptum est. Ne nouæ loquutionis author esse uideatur, præsertim in eo quod homini animale corpus tribuit, scripturæ testimonium adducit, idque ex ipsa creati primi hominis historia, quæ Genesis secundo istis uerbis repetitur. Et formauit Dominus Deus Adamum puluerem de humo, & inspirauit in nares eius, flatum uitæ, & factus est Adam in animam uiuam. Huc respiciens dicit: Quemadmodum scriptum est: factus est primus homo Adam in animam uiuentem. Illud, primus homo, non est in uerbis scripturæ quam adducit, quæ simpliciter habet & factus est Adam in animam uiuam. Adiecit hoc de suo, primum gratia specificationis, de quo Adamo loquitur scriptura, deinde propter collationem duorum principalium capitum Adæ uidelicet & Christi, quorum alterum extremum, alterum primum Adamum uocat. Extremus Adam, inquit, in spiritum uiuificantem. De primo quidem Adamo loquitur citata scriptura, de extremo uero, id est Christo, non loquitur. Quare ergo de primo scripturam inducit, de al-

tero, id est Christo, non inducit? Meo iudicio, quoniam auribus illorum Christianorum, qui philosophicis loquutionibus assueuerant, insolens uideri poterat, quod homini corpus animale tribuebat, quasi similis sit bestiis, eius loquutionis auctoritatem assignat ex ipsa sacra scriptura, quod de Christo extremo Adamo non facit, quoniam non erat insolens, quod illi corpus spirituale tribuebat.

FACTVS est primus homo Adam, inquit, in animam uiuentem. Qualis est primus homo Adam, tales sumus & nos omnes illius posterij. Quare illius creationem & facturam inducit, unde probet, quod plerique in nobis ipsis non agnoscimus dum pro semidijs haberi uolumus, deique acumine & præstantia intelligentiæ & sapientiæ humanæ, & de libero nostro arbitrio, ac nescio quibus uirtutibus admodum gloriamur.

Vocat autem Adamum primum hominem non modo tempore & ordine, quo primus est à Deo conditus, quemadmodum primus dies in septimana, uel primus regni alicuius annus uocari solet, sed originali potius principio, quo factus est totius humanæ posteritatis caput & fons. Prima est arbor in horto, quæ prima in illo plantatur. Ea uero duplici nomine prima est, quæ & tempore est & propagatione prima, sicut ex ipsa cæteræ omnes propagetur. Hoc duplici pacto primus homo est Adā. Sic uero uocatur ab Apostolo, non prioris, sed posterioris gratia, tanquam omnium mortalium ex ipso descendendum exemplar.

Et quid factus est ille primus homo Adam? In animam, inquit, uiuentem. Ebr. *חַיָּה נְפֹשׁ*. Germanicus interpres uertit in Genesi cap. 2. *Ein lebendige seel*, hic uero in Paulo, *ins natürlich leben*. Gen. cap. 1. ubi de creatione piscium legitur, habetur prorsus idem: Et dixit Deus: Producant aquæ reptile *חַיָּה רֶמֶשׂ*, id est animam uiuentem. Et: Creauit Deus cetera gradia & omnem *חַיָּה חַיָּה*, id est, animam uiuentem. Deinde ubi creatio bestiarum ac pecorum memoratur. Et dixit Deus inquit: Producat terra *חַיָּה רֶמֶשׂ* id est, animam uiuentem in genere suo, iumentum, & reptile, & bestias terræ, &c. Et ubi de cibo hominum & bestiarum fit mentio: Et dixit Deus, inquit, Ecce dedi uobis omnem herbam, &c. & omni bestiae terræ, & omni uolucris cæli, & omni reptili terræ in quo est *חַיָּה רֶמֶשׂ* id est, anima uiuens. Et cap. 9. ubi memoratur pactum quod constituit Deus post diluuium inter se & Noah & cuncta animantia terræ, non semel, sed quarto tribuitur bestiis *חַיָּה רֶמֶשׂ* anima uiuens. Et cap. 7. pro anima uiuente ponitur *רוּחַ חַיָּה* id est, spiritus uitæ daturque bestiis, & addit uox *קוֹל חַיָּה* id est, flatus, ad hunc modum. Et expirauit omnis caro repens super terram, &c. omne in cuius naribus erat *רוּחַ חַיָּה* id est flatus spiritus uitæ. Vnde apparet idem esse *חַיָּה רֶמֶשׂ* quod *רוּחַ חַיָּה* & *קוֹל חַיָּה* quod *רוּחַ חַיָּה* id est, flatus uitæ, qui & homini à Deo inflatur ideoque ille in *חַיָּה רֶמֶשׂ* factus legitur hoc loco quem Apostolus citat. Vbi sermo est de bestiis, reddidit Ger-



dit Germanicus interpres, *Ein lebendigs thier*. Est ergo primus homo Adā, per id quod inflauit in ipsum Deus flatū uitæ factus *נפש חיה* id est, in animam uiuentem, uel, si mauis, in animal uiuum. Poterit hic quæri, quare Apost. non potius dixerit: Et factus est primus homo Adam ad imaginem ac similitudinem Dei, Cū & illud habeat sacra scriptura, quā, Et factus est primus homo Adam in animā uiuētē, præsertim cum sciret prædicatū hoc, *נפש חיה* toties in scripturis tribui bestiis terræ, ideoq; nihil habere, in quo homo pisces maris & bestias terræ excellat. Responsio facilis est. Nō faciebat ad propositum prærogatiua imaginis Dei homini in scripturis tributa. Loquit enim de homine, quatenus est instar iumēti, infirmus, mortalis & corruptibilis, non quatenus singulari est honore præ bestiis à Deo ornat⁹. Quare conuenientius erat ut hoc prædicatū, *נפש חיה* quod homini cōmune est cū bestiis, ex scripturis adferret in medium, indeq; autoritatē faceret suæ sententiæ, qua dixit: Seminatur corpus animale. Non est autem præter rationem, quod scriptura idē prædicat de homine quod de bestiis. Facit enim plurimū ad reprimēdum humani ingenij typhū. Et hāc ob causam probari non debet, quod Thargum Onkelos prædicatum hoc primi hominis Adæ: Et factus est Adam *נפש חיה* sic trāstulit *נפש חיה* hoc est, & factus est (intellige flatus ille uitæ quem Deus formato à se Adā inflauit) in Adamo in spiritum loquentem. Neq; enim *נפש חיה* idem est quod spiritus loquens, nisi & bestias terræ in spiritum loquentem factas esse dicturi sumus.

Aug. Epi/  
sola. 146.

EXTREMVS Adam, inquit, in spiritum uiuificantē. ] Haftenus de eo, quod corpus animale seminari dixit, ad cuius declarationē exemplum Adæ primi hominis induxit, iā ad declarationem eius quod dixit: resurget corpus spirituale, illius quoq; exemplar proponit dicēs: Extremus Adam in spiritum uiuificantē. Quis ille sit extremus Adam, August. dubitāter exponit dicens: Nouissimus Adam in spiritū uiuificantē, siue intelligatur primus Adā, qui de puluere antē formatus est, nouissimus autem Adā qui de uirgine procreatus est, siue in unoquoq; homine utrunq; cōpleatur, ut primus Adā sit in corpore mortali, nouissimus Adam idē ipse in corpore immortalī. Hæc ille. Verū posterior sentētia nō cōuenit sequētibus præsertim ei quod dicturus est Apost. Primus homo de terra terrenus, secundus homo ipse dñs de cælo. Seduxit August. uulgata lectio quæ sic habet, secundus homo de cælo cœlestis. Ambrosius, quamuis & ipse legit, secundus homo de cælo cœlestis, de Christo tamen constanter exponit. Quanquā quæ in Ambrosio à presenti loco ad finem usq; Epistolæ leguntur, ad uerbum habent in Cōmentarijs, quæ Hieronymo tribuuntur. Sic parum certitudinis habēt, qui scripta patrum prope canonicis scripturis adæquant. Vocat autem Christum Adā, eo sensu

A quo uox *אדם* hominem significat. Extremum appellat, non q. omniū sit mortaliū extremus, sed quod inter duo principalia humani generis capita, alterū ipse locū habet post Adamū. Sic uocat eum mox infra secundū hominē. Parum honorificum uidetur, quod Christū uocat non modo Adamum, sed & extremū Adamū, nisi quo hoc sensu faciat diligenter cōsyderes. Cōmuni sensu diminutionis notam habet esse nouissimum. Sic Saul, cum se coram Samuele humiliaret, indignūq; esse honore regio diceret: An non filius Iemini ego sum, inquit, de minima tribu Israēl, & cognatio mea nouissima inter omnes familias de tribu Benjamin? 1. Sam. 9. & de Hieroboā legi quod fecerit sibi sacerdotes de extremis populi. Et. 2. Reg. 17. Fecerunt autem sibi, inquit, de nouissimis sacerdotes excelsorum, quod de uilissimis est intelligendum, quales hodie quoq; cum inter Papiſtas tum inter *σακνισαγγειδους* ministerijs ecclesiasticis præfici uidemus. Verum nō hoc sensu uocat Apost. Christum extremum Adā, sed lōge alio, tali uidelicet, quo plus est prærogatiue postremum esse quā esse primū. Neq; enim mox præstantius est quod primū, neq; statim deterius quod postremum est. Prior pars naturalis diei, uespera est cum nocte, posterior subsequens dies. Priorē locum diei habēt Luna & stellæ, posteriorē Sol. Dum homo in utero matris cōcipitur, prior est caro, posterior spiritus. Cum Adam formaretur, priorem locum habebat puluis, posteriorem spiritus. In uita nostra prior est infantilis ætas, posterior ea quæ usu rationis est instructa. Prius est esse discipulum, posterius esse doctore. Priores sunt huius uitæ pāsiones, posteriores futuri seculi gloriæ. Innumera sunt exempla, in quibus uidere est, nō mox potius esse, quod primū, neq; statim deterius, quod postremum existit. Quare nec hic quicquam gloriæ Christi incōmodat quod extremus Adam, nec ad prærogatiuā Adæ facit, quod primus Adam uocatur. Imo præstantius hic est, postremum esse quā primū. In primo siquidē ruditas est, infirmitas, & imperfectio, in postremo maturitas, firmitudo & perfectio. In primo peccatū, perditio, mors & corruptio, in postremo iusticia, salus, uita & incorruptio. Hanc præstantiam extremi Adæ exprimens dicit: Extremus Adam in spiritum uiuificantē. August. Epistola paulo supra citata sic exponit. Inter animā uiuētē & spiritū uiuificantē hoc interesse uoluit, ut illic sit corpus animale, hic spirituale. Anima quippe in corpore animali uiuit quidē, sed nō uiuificat usq; ad auferendā corruptionē. In corpore uero spirituali, quoniā perfecte adhærēs dño, unus spiritus est, sic uiuificat ut spiritale corpus efficiat, absumēs omnē corruptionē, nullā metuēs separationē. Hæc ille, qb⁹ extremū Adamū in spiritū uiuificantē factū corpus nostrū spirituale intelligit, quale in resurrectione acquiramus. Verum, quemadmodum diximus, duo nobis exemplaria proponit, unū animalis corporis,



quod mortuū est & corruptioni obnoxium, alterū spiritualis, qđ immortale erit & incorruptibile. Primum facit Adamū, alterum Christū. Vt Adam exemplar est animalis, ita Christus spiritualis, quem in spiritum uiuificantem factū dicit, propterea quod non modo ad immortalitatem & incorruptibilitatem pro sua persona resurrexit, sed & omnia sua mēbra uiuificat & immortalia reddit. Quare non dicit: in spiritū uiuentem, sed, in spiritum uiuificantem.

Dices, an non ipse quoq; Christus factus est in animā uiuentem, perinde atq; nos? Respondeo. Quatenus ex Adam est, animā uiuentem accepit, quēadmodum & nos. Quatenus uero dominus de cōlo est, factus est in spiritū uiuificantem. Cauendum est, ne cum Apollinaristis spiritū illi uiuificantem pro anima demus, uel cum Manichæis sic in spiritū uiuificantē factū esse dicamus, ut ueritatem corporis illi auferamus. Quemadmodum nō ideo corpus non habebat Adam, quod factus esset in animam uiuentem, ita non ideo spiritus est sine corpore Christus quod in spiritū uiuificantē est factus.

At non primum quod spirituale, sed quod animale, deinde quod spirituale. Primus homo de terra terrenus, secundus homo ipse dominus de cōlo. Qualis terrenus ille, tales & hī qui terreni sunt. Et qualis ille cōlestis, tales & hī qui cōlestes sunt. Et quemadmodū gestauimus imaginem terreni, gestabimus & imaginem cōlestis.

Pergit declarando diuersitatem corporum nostrorum qua post resurrectionem præsente illorū qualitatē superabunt. Declarationē illorum in duobus originalibus hominibus Adamo & Christo propositam prosequitur. Dixit: Est corp⁹ animale, & est corp⁹ spirituale. Huic adiecerat scripturā. Iam ut ordinem inculcet, quo Deus nec simul illa esse, nec aliter ordinari uoluit, quā ut præcedat animale, subsequatur uero spirituale, dicit:

AT non primum quod spirituale, sed quod animale, deinde quod spirituale.] Dices. Quibus nā rationibus sic constitutum est, ut non simul sit animale & spirituale corpus, sed animale prius, spirituale posterius? Respondeo. Pio homini satis est, si intelligat sic esse cōsiliū prouidentiae Dei. Possunt tamen certe aliquot causae assignari. Prima est, q, animalis & spiritualis qualitas non prædicantur ab Apostolo de corporib⁹ natura & substantia diuersis, alijs atq; alijs, sed prorsus eodē. Idē corpus utriusq; qualitatis capax inducitur. At non potest utrāq; simul capere ut sit & animale & spirituale, mortale & immortale, corruptibile & incorruptibile, ingloriosum & gloriosum, infirmū & forte, terrenū & cōleste, sed necesse est ut cōpetenti mutatione, ab una qualitate transeat ad alterā, & quale fuit antea tale non sit amplius. In corporibus natura & substantia diuersis diuersae

A simul possunt esse qualitates. Eodem momento terreni terrena, cōlestis cōlestis potest esse qualitas. In corpore nostro id fieri non potest. Quare necesse est ut per mutationem alio tempore sit animale, alio fiat spirituale. Secunda ratio est, quod sapientiae Dei cōuenientius est ac multis modis melius, ut quoniā mutationi destinatum est corpus nostrum, primū sit animale, ac postea mutetur in spirituale, q̄ ut præcedat spiritualis qualitas, quæ postea mutetur in animale. Indignū opus diuina maiestate est, spirituale præstantiā mutare in animale humilitatem & infirmitatē. Ea demū spectabilis est mutationis ratio, qua deterius mutatur in melius, non qua melius in deterius. Imò sic cōparatum erit corpus spirituale, ut quoniā immortale erit & incorruptibile, in animale mutari nō possit. Animale uero nihil habet, unde nequeat mutari in spirituale, cū sit natura sua mutationi & alterationi obnoxium. Tertia ratio est ista. Ordo sæculorū, præsens & futuri, seriem hanc requirit, ut prius sit corpus nostrum animale, deinde fiat spirituale. Est enim sic cōditū à Deo, ut utriusq; fieret sæculi particeps. At præsens hoc, in quo iam uiuimus, & ordine præcedit (quod nos attinet) & iuxta est terrenum ac transitoriū nō cōleste & sempiternum. Futurum uero transitoriū nō est, sed sempiternum, nec terrenū, sed cōleste. Cōuenit igitur, ut in transitorio ac terreno corpus habeamus animale, in sempiterno uero ac cōlesti corpus accipiamus spirituale. Hasce ob causas nō primum est spirituale, sed animale, deinde quod spirituale. Cum igitur cōsilio Dei omnium sapientissimo sit cōstitutum, & simul utilissimū sit, ut primū animale sit corpus nostrū, postea spirituale, imò diuersum fieri nequeat, cogitandum nobis est, q̄ sint inconsulta carnis nostrae uota, quibus ordinem hūc inuersum iri uellemus, sic ut ea quæ futuri sunt sæculi, & ad uerā felicitatē pertinent, in hac uita constitutis contingant, nascamurq; primum, nō animales, sed spirituales, ne uidelicet subeundē sint animalis hominis infirmitas, miseriae & ærumnae, mortalitas & corruptio. Corrigenda sunt in nobis huiusmodi stulta uota, dicendumq; cū Apostolo, Non primū quod spirituale est, sed quod animale, deinde quod spirituale, ac ferendum patienter, quicquid ad animalem hanc nostram uitam necessario pertinet.

PRIMVS homo de terra terren⁹, inquit, secundus homo ipse dominus de cōlo.] Continuat cōptā collationē Adē & Christi, tāquam duorum diuersae conditionis capitū, ut in illis declaret quod dixit: Seminat corpus animale resurget corpus spirituale. Erat autē nonnihil obscurius, quod initio collationis huius dixerat: Primus homo Adam factus est in animam uiuentē, extremus Adā in spiritū uiuificantem. Quare adiungit ista, quibus collationē hanc & absoluat & intelligibiliorem reddat.

PRIMVS homo, inquit, de terra terrenus.] Vocat Adamum primum hominē terrenum, propter



propter originē illius quæ est de terra, qua de legere est, Gen. 2. Formauit Deus, inquit, hominem puluerē de terra. Et ca. 3. donec reuertaris in terram, de qua sumptus es. Quia puluis es & in puluerē reuerteris. Huc respiciens Apost. dicit: Primus homo de terra terrenus. Exprimit illius & originē & conditionē. Origo de terra, & cōditio terrena sibi inuicē correspōdēt. Sic Io. 3. Qui de terra est, de terra est. i. terrenus est, & de terra. i. terrena loquitur. Terrenus igitur est primus homo Adam, & origine & cōditione. Vt ē terra est, ita & in terra uiuit, terrenis alitur, terrena sapit, terrenis afficitur, terrenis est passionibus mutationibus & corruptionibus in corpore terreno obnoxius. Cū dicit eū in animam uiuentē esse factum, respicit ad cōditionē animæ, quā inflauit illi Deus cōditor. & eam ob causam uocat eum animale. Cum hic eum terrenum uocat, respicit ad originem corporis ē puluere terræ formati. Atq; ita tam in anima quā in corpore illius inuenit, unde inter ipsum & Christum dominū discriminet.

SECVNDVS homo, inquit, ipse dominus de cælo. ] Poterat dicere, Secundus homo Christus, uerū utitur hac periphrasi, ut alterā collationis partē priori cōformiter exprimat, & cælū terræ, cœlestē hominē terreno opponat, quo decideret, quātū discriminis sit inter corp⁹ animale, quali nūc circūdamur, & spirituale, quali ad futurā uitā resurgemus. Suprà monui aliter habere lectionē uulgatā, uidelicet, secundus homo de cælo cœlestis. Verum Græca habent, *ὁ κύριος ἐξ οὐρανό*, id est, dominus de cælo. Suspicio tamen *ὁ κύριος*, corruptum esse per antiquarios & ab Apostolo scriptum fuisse *ἐκ οὐρανό* & *ἐκ οὐρανό*. Facili negligētia *ἐκ οὐρανό* mutari potuit in *ὁ κύριος*. Et præterea magis respondet præcedenti collationis parti, si legas, secundus homo de cælo cœlestis. Sic quidem suspicamur, uerū non est tutum recedere à lectione Græca, nulla causa necessario urgente.

SECVNDVS homo, inquit. ] Quod Christū paulo antē Adā, & hic hominē uocat, fidē nostrā cōfirmat, qua uerum illū hominē, perinde atq; nos, p nobis factū esse credimus. Nec est, ut quisquam in eo philosophetur, quod uocat eum secundum hominem, quasi sentiat eū alterius esse generis hominem, q̄ simus quotquot ab Adamo descendimus. Ex eodē quippe generis nostri fonte originē carnis suæ ducit, ex quo uniuersum genus humanū descēdit. Hoc uolebat Lucas, cum generationē illius ad Adamum usq; deduceret. Secundum eum hominē uocat, propter dispensationem redimendi generis humani, ac restitutionem omnium, quæ per ipsum erat perficienda, & propter opus regenerationis nostræ, qua ut in Adamo uetus, ita in ipso noua creatura reddimur. Hanc ob causam recte secundus & nouus homo uocatur, licet in humana nobiscum natura ueraciter communicet.

IPSE dñs de cælo, inquit. ] Tria de Christo prædicat, ad causam hāc facientia. Primum est

A quod sit secundus homo, nouū quid humano generi post primum Adamū adferēs. Deinde quod sit dñs, tertio quod sit de cælo. Nō simpliciter dñs, sed dñs de cælo. Sūt aliās domini multi, uerum unus est uerus ac cœlestis dñs, unigenitus ille Dei, cui pater omnē potestatem dedit in cælo & in terra. Neque simpliciter, de cælo, sed ipse dominus, inquit, de cælo. De cælo ac cœlestes sunt & angeli, uerū non sunt domini de cælo, sed administratorij spiritus. Neque sunt humanæ naturæ nobiscū participes, ideoq; nequeunt nos ex terrenis reddere cœlestes. Homines quidem sunt Adam, patriarchæ & prophetæ, at neq; sunt de cælo, sed de terra perinde atq; Adā, sicuti ipse Baptista de se prædicare nō dubitat, Ioan. 3. neq; sunt domini, sed serui. Quare nec per illos ad cœlestem corporum nostrorum qualitatem & gloriam peruenire possumus. Vnus igitur est Christus, uerus nobiscum homo, uerus omnium dominus, & de cælo cœlestis. In homine cōmunicatio est naturæ nostræ, quæ nō est in angelis. In domino, potestas est & authoritas omnium, per quā in eo quod de cælo est, cœlestis est conditio & gloria, ad quam terrenam nostram originē, naturam & conditionem in resurrectione sua in seipso transtulit, in nobis uero in generali mortuorū resurrectione, quod in se cœpit absoluet.

B Non est autem ut locū hic quærant, qui carnem Christi cœlitus allatam, non ex uirgine ac semine Abrahæ desumptam dogmatizant. Cū Apost. Christum hic dominum de cælo uocat, non de origine carnis, sed de gloria ac prærogatiua cœlesti loquitur, quam habet unigenitus Dei, à patre in hūc mundum missus. Si carnis origo quæritur, notatur illa in eo quod Adam & homo uocatur. Si excellentia & prærogatiua unigeniti Dei, exprimit illa in eo quod dominus de cælo uocatur. Tertullianus in libro de resurrectione carnis, in hunc locum sic annotat: Primus homo de terra choicus, id est limatius, hoc est Adā. Secundus homo de cælo id est sermo Dei. i. Christus, nō aliter tamē homo licet de cælo, nisi quia & ipse caro atq; anima, quod homo quod Adam. Itē. At substantia nullo modo separatur choici & cœlestes semel ab Apostolo homines dicti. Hæc ille. Cæci nō uident, quid agat Apost. ideoq; uerba illius in eum sensum detorquent, qui proposito illius incommodat. Etenim quæ nobis spes carnis nostræ ē mortuis excitandæ, & in cœlestē gloriam transmutandæ reliqua erit, si Christi carnem ē communione nostræ naturæ exclusimus? Non uidēt, quo consilio Christum uocet extremum Adamum, & secundum hominem. Nec animaduertūt tam non negari ueritatem carnis Christi, ē carne Adæ & Abrahæ desumptæ, per id quod dominus de cælo prædicatur, quā non negatur cœlestis animæ in Adamo origo, per id quod de terra terrenus uocatur. Quomodo Adam de terra? Nō anima, sed corpore. Animæ origo non est de terra, sed de cælo. Et tamen de terra ac terrenus uocatur.



Distingue inter animam & corpus, ne res diuersas confundas. Quomodo Christus de cœlo? Non carne corporis sed diuinitate & conditione unigeniti Dei. Origo carnis illius non è cœlo sed ex Adamo, unde est caro uniuersi generis humani. Sētiamus igitur, sic esse Christū dñm de cœlo, ut simul sit homo de terra, & sic esse hominē de terra, ut simul sit dñs de cœlo.

QUALIS terrenus ille, tales & hi qui terreni sunt, & qualis ille cœlestis, tales & hi qui cœlestes erunt.] Haftenus duos principales homines Adamum & Christum proposuit, tanq̃ duo exēplaria animalis unū, spiritualis corporis alterū, præsēntis uitæ unum, futuræ alterū. Iam aptat utrunq; ad propositum, ne quis dicat, quid ad nos cōditio Christi domini de cœlo? Id nanq; in quæstionem uenire poterat. De Adamo posteris, quod illi respondeant origini unde descendunt, nulla erat quæstio. Ipsa nāq; uniuersalis in omnibus experiētia omnē quæstionem excludit. Facit tamen & primæ huius partis, quæ Adamum cōcernit, mentionē, quo integra sit collatio, & facilis paretur ad fidem posterioris inductio. Qualis terren⁹ ille, inq̃t, id est Adam primus homo, de terra terrenus, tales & hi qui terreni sunt, hoc est, omnes ab illo descendētes. Qualis autem terrenus ille Adam? Suprà hoc est memoratum. Terrenus erat & origine & conditione, tam corporis q̃ uitæ. E terra fact⁹, terrena sapiebat, in terra uiebat, terrenis afficiebatur, terrenis erat mutationibus & corruptionib⁹ obnoxius. Tales

**2. Cor. 5.** Circumferunt enim pij quoq; terrestrem domum, corpus uidelicet terrenū, infirmū, mortale & corruptibile, suntq; necessitatib⁹ illius & molestijs obnoxij, quamuis animo conuersentur in cœlis, ubi Christus est ad dexterā patris. Terrenam illis originem & terrenæ uitæ conditionem non adimit innouatio mētis, regeneratio è supernis, & studium pietatis. Regeneratione quidem de cœlo sunt, & ex Deo spirituales & cœlestes, quod nouum in illis & internū hominem attinet, carnis uero origine, & externi corporis cōditione, de terra sunt, & terreni, perinde atq; reprobi esuriunt, sitiunt, edunt, bibunt, dormiunt, uestiuntur, fatigantur, morbis corripiuntur, moriuntur, & corrumpuntur, nec alieni sunt à reliquis terrene huius uitæ circūstantijs ac necessitatibus. Laborant, uxores ducunt, prolem gignunt & alunt, legibus & magistratibus subduntur, &c. Sic sunt terreni & ipsi qualis fuit Adam terrenus.

Reprobi uero duplici nomine terreni sunt. Terreni sunt eo modo quo pij carne uidelicet, cum quod originem, tum quod conditionem illius attinet. Terreni sunt & mente & uniuersæ uitæ suę studio. Non nisi terrena sapiūt, terrenis tantum delectantur & student, uoluptatibus immerguntur, uentri seruiunt, uel certe, si quo pacto crassas illas carnis uoluptates cō-

**A** temnunt, terrenæ tamen sunt glorię mācipia. Reperit eiusmodi terrenos Apost. inter Christianos quoque, de quē illis flens conqueritur, Philip. 3. dicens. Multi ambulāt, de quibus sæpe dicebam uobis, nunc autem & flēs dico, ut inimici crucis Christi, quorum finis interitus, quorum deus uenter est, & gloria in confusione ipsorū, qui terrena sapiunt. Nostra aut conuersatio in cœlis est, &c. Verū de hoc terrenorum hominū genere, quo pij terreni non sunt, in præsenti non loquitur Apostolus, sed de eo tantum, quod commune est mortalibus omnibus, in carne hac mortali uiuentibus. Quare cum dicit: Qualis terrenus ille, tales & hi qui terreni sunt, non discriminat inter præsēntis sæculi homines, sed inter præsēntem corporū nostrorum, & eam quæ post resurrectionē futura est qualitatem, & hanc in Adamo illam in Christo declarat. Non confert inter se præsēntis uitę homines, quatenus alij terreni sunt, alij spirituales ac cœlestes, sed confert eos omnes pios & impios, quatenus terreni sunt ex terreno, cum omnibus qui in futura uita omni terrena conditione exuti corpus habebunt spirituale & cœleste.

**E** T qualis ille cœlestis, inquit, tales & hi qui cœlestes erunt.] In Græco simpliciter est: tales & cœlestes. Quoniam uero nondum tales sumus, sed in futuro demū erimus, existimo conuenientius esse, ut legamus, tales & hi qui cœlestes erūt, quā, tales & hi qui cœlestes sunt.

**B** Nam mox dicturus est: quemadmodum gestauimus imaginē terreni, gestabimus & imaginem cœlestis.

QUALIS ille cœlestis, inquit.] Christ⁹ uidelicet. Loquit̃ aut de illo, nō quaten⁹ uixit in carne nostra, infirma & mortali, edit, bibit, esurit, sitiit, fatigatus est, dormiuit, cōtristatus fleuit, & tandem mortis dolores unā cum morte expertus est, neq; quatenus uerbum est patris ac uerus Deus. (Neq; enim erimus haftenus illi similes) sed quatenus tertia die gloriōsus, & corpore clarificato ac cœlesti surrexit, in cœlos ascendit, inq; cœlestibus ad finem usq; mundi manet. Tales uidelicet erimus, & nos post resurrectionem, non iam amplius terreni, sed cœlestes. Corpus nostrum uerum quidem erit & proprium nostrum corpus, quemadmodum & suprà monuimus, iuxta tamen liberum erit & repurgatum ab omni terrena fece, purum, clarum, firmum, immortale & incorruptibile, & reliquis cœlestibus dotibus ornatum, & haftenus non terrenum, sed cœleste.

Obseruet uero diligens lector, q̃ incōsyderantes sint, qui quoniā Apostolus Christū hic uocat dominum de cœlo & cœlestē, colligunt ex eo, carnē illius nō esse ex uirgine matre desumptam, sed cœlitus delatā. Si recte colligūt, ergo nec nostra caro de terra est, sed originem habet de cœlo. Sic enim erimus cœlestes, quē admodum dominus ipse cœlestis existit. Si cœlestem esse post resurrectionem terrenam carnis originem tollit in Christo, tollit & in illis qui &



qui & ipsi cœlestes erunt, ac cœlesti corpore præditi. Si uero in illis non tollit, quæ necessitas est, ut tollat in Christo? An terrenū nostrū corpus per resurrectionis gloriam cœleste fieri potest, ut iam non amplius terreni simus, sed cœlestes, Christi uero non potest, nisi sit initio cœlitus delatum?

ET quemadmodum gestauimus imaginē terreni, gestabimus & imaginem cœlestis.] Nihil aliud dicit à præcedenti. Idem est gestare imaginē terreni, quod esse qualis est terrenus, & gestare imaginem cœlestis, quod esse qualis est cœlestis, ne quis in dictione imaginis philosophandum putet. In Græco est *εἰκόνα*, quæ uox usurpata est ab Apostolo pro *εἰκόνις*. Imago aliàs rei nō præsentis representatio est, qui sensus in prima similitudinis huius parte constat. Etenim quotquot ex Adamo sumus, terreni hominis, iam olim non præsentis imaginem gestamus & exprimimus, uerum post resurrectionem cœlestis hominis, Christi uidelicet, non ita absentis, sed prorsus præsentis, nō imaginem, sed similitudinē gestabimus. Quare uox *εἰκόν* in posteriore parte, non ita locum habet sicut in priore, nisi pro similitudine accipiat, ut idem sit gestare imaginem cœlestis aut terreni, qđ simile esse cœlesti uel terreno.

QUEMADMODUM gestauimus, inquit.] Quid est, inquit, quod in præterito dicit, gestauimus, cū etiamnum gestemus terreni hominis imaginē, simusq; gestaturi illam ad eū usq; diem, quo ex mortuis resurgemus. Neque enim ab illa liberabimur, nisi per eam quæ erit cœlestis hominis Christi. Nā & ipsa corruptio corporum nostrorum ad imaginē terreni hominis pertinet, quæ durabit usque ad tempus resurrectionis, quo incorruptibiles reddemur. Respondeo. Si sententiam hanc sic ordinaueris: Gestabimus olim ubi resurrexerimus, cœlestis hominis imaginem, quemadmodum antea gestauimus imaginem terreni, nihil erit incommodi. Sap. 5. sic legimus: Tunc stabunt iusti in magna cōstantia aduersus eos, qui se angustiauerunt. Atqui etiamnum angustiantur iusti à reprobis. Verum in fine mundi locū habebit præteritū hoc uerbum, angustiauerunt. Tum enim non amplius angustiabūtur. Sic est cogitatio nostra extendenda ad diem resurrectionis, in quo non poterit dici: gestamus, sed gestauimus imaginem terreni hominis. Quando cœlestes erimus, qualis & cœlestis domin⁹ noster de cœlo, tūc quemadmodum antea gestauimus imaginem terreni hominis, gestabimus & imaginem cœlestis.

GESTABIMVS & imaginem cœlestis, inquit.] Vulgata lectio habet per modum hortādi, portemus. Et Chrysostomus legit *φορέσωμεν*, id est, portemus. Verum cum Græca exemplaria habeant *φορέσομεν* in futuro, portabimus, & non *φορέσωμεν* portemus, sitq; præter scopum Apostoli, loqui hic per adhortationem, ubi de futura resurrectione loquēs adhuc in eo est, ut ad propositā quæstionē, quali corpore resurre-

A cturi sint mortui, respondeat, doceatq; qđ sit diuersa futura in resurrectione corporū nostrorum qualitas ab ea quā habemus in hac uita, existimo lectionem hāc, portemus imaginem cœlestis cum expositione Chrysost. sicut mala fecimus, sic bona faciamus, alienā esse à mente Apostoli. Nō enim loquitur hic de innouatione mentis nostræ, qua ad imaginem eius qui creauit ipsum nou⁹ homo in nobis formatur, Colo. 3. sed de qualitate corporis nostri, qua in hac uita terreni Adē imaginē portam⁹, in futura uero cœlestis, Christi uidelicet, portabim⁹.

Sumus diuersarum imaginū capaces, secundum diuersitatem duorum nostrorū principū & capitum, unius à quo carnis origine descendimus, alterius ad cuius imaginem reformamur. Carne terreni Adæ, spiritu uero eiusdem peccatoris imaginem gestamus. Loquor autē de spiritu nondum regenerato. Spiritu regenerato, uel si mauis innouato, Christi innocentis ac iusti, in hac uita portamus imaginem, quotquot in illum ueraciter credimus, corpore uero eiusdem cœlestis ac glorificati imaginem in futura uita portabimus. Sic quadruplices imagines inuenio, quarū primā cōmuniter portamus omnes, secundā nō portare, sed per gratiā regenerationis abijcere debemus, tertiā quotidie magis ac magis assumere iubemur, postremam per resurrectionē corporum nostrorum acquiramus, & in futura uita in sempiternū portabimus. De prima & postrema loquitur hic Apostolus, non de secūda ac tertia. Prima & secūda abolētur, tertia & quarta in Christo perfectę sunt, in nobis uero mox à resurrectione perficientur.

Hoc autem dico fratres, quod caro ac sanguis regni Dei hæreditatem cōsequi non possunt: neq; corruptio incorruptibilitatis hæreditatem accipit.

Ne aberremus à scopo Apostoli, curandum est ut in sensu simplici constanter maneamus. Exponunt nonnulli ad hunc modum.

1 Caro & sanguis, id est, animalis homo cum omni sua sapientia, regni Dei hæreditatem cōsequi, id est, intelligere & cognoscere non possunt. Quare caute, ne audiat pseudapostolos carnis resurrectionem negantes. Sunt homines carnales, non possunt ea quæ Dei sunt intelligere. Et huc citant illud Christi, Matt. 16. Caro & sanguis non reuelauit tibi. Et illud supra cap. 2. Animalis homo non percipit ea quæ sunt spiritus Dei. Verum aliud est non posse *κληρονομήσαι*, id est, hæreditario possidere, & aliud, non posse intelligere regnum Dei. De hæreditaria acquisitione ac possessione, nō de intellectu regni Dei loquitur Apostolus.

2 Alij per carnē & sanguinem intelligūt corpus peccati, ueneno peccati infectū & uitiatū, sceleratā peccatorū ac uitiorū cōuersationē, & p regnū Dei futurę uitę felicitatē, ut sit sensus: Caro & sanguis, id est homines dediti uitij & delitijs,



delitijs, regnū Dei possidere nō possunt, quia ad illud nō intrabūt. Vterq; sensus nihil habet in se falsi, uerū neuter facit ad Apost. ppositū.

3 Alij non modo abludunt à scopo Apostoli, sed & sensum prorsus cōtrariū & falsum adferūt. Colligūt enim, Si caro & sanguis regnum Dei possidere nō possunt, ergo spiritualis erit resurrectio, qua nō resurget caro nostra, sed spiritus. 1 Quicquid enim regnum Dei possidere nō potest, non resurget. 2 Caro regnū Dei non possidebit. 3 Ergo caro nō resurget. Quorsum enim, inquiunt, resurgeret caro, regnum Dei possidere non ualens? Referunt hæc uerba ad substantiam carnis, quæ ad qualitatem illius pertinent, non ad substantiam.

Verum relictis illis partim impertinētibus, partim falsis expositionib<sup>9</sup> germanā ac simplicē retineamus, quæ sic habet. Dixit gestaturos nos imaginē cœlestis hominis Christi, quæadmodum gestauimus imaginē terreni Adæ: dixit fore cœlestes qualis est cœlestis dñs de cœlo: seminari corpus animale, resurrecturū corpus spirituale. Iā rationē reddit quare alia futura sit corporis nostri qualitas, q̄ nūc sit, cœlestis uidelicet & spiritualis. Sic dicit: Hoc autē dico fratres, quod scilicet futuri sumus cœlestes, cœlesti dño similes. Quare? <sup>711</sup>.i. quia, caro & sanguis regnū Dei hæreditario possidere nō possunt. Hoc est, q̄ impossibile est, ut in tali corpore quale nūc habem<sup>9</sup>, regnū Dei, statū uidelicet & felicitatē regni Dei cœlestē ac spirituale possideamus. Nō cōueniet corp<sup>9</sup> mortale, infirmū, mutabile, & corruptibile, carne ac sanguine corruptibili cōstās, ei statui qui prorsus est cœlestis, spiritualis, ac sempiternus. Quare necesse est, ut caro & sanguis mutetur in aliam non substantiā, sed qualitātē. In nouissimo die

*Iob.* surrecturus sum, inquit Iob, de terra, & rursum circūdabor pelle mea, & in carne mea uidebo Deū: ca. 19. Intellige, nō qualis nūc est, sed qualis est p resurrectionē futura. Atq; ita cōueniet utriq; sentētiæ, Iob & Aposto. Caro & sanguis regnū Dei nō possidebūt, & tamē pelle nostra rursum circūdabimur, & in carne nostra Deū Seruatorē nostrū uidebimus. Christ<sup>9</sup> carnē & ossa, q̄ post resurrectionē discipulis in argumētū ueræ resurrectionis palpāda dedit, cœlo secum intulit, & tamē nō modo possidet regnū Dei, sed & à dextris patris sedēs regnat. Haud igitur caro nostra regno Dei excluditur per id quod Apostolus dicit: Caro & sanguis regnū Dei non possidebunt, sed terrena illius qualitas in cœlestem mutanda significatur.

NEQVE corruptio, inquit, incorruptibilitatis hæreditatē accipit. Adhuc clari<sup>9</sup> exprimit quod dixit. Exponit enim, quare caro & sanguis regnū Dei possidere nō possint, dū carni ac sanguini corruptionē, regno Dei uero incorruptibilitatē assignat. Significat fieri nō posse, ut caro nostra, donec corruptioni est obnoxia hæreditatē regni Dei cōsequat<sup>9</sup>, in quo locum corruptio habere non potest, sed necesse est, ut corruptibile mutet<sup>9</sup> in incorruptibile. Admo-

**A** dum caute loquitur. Nō dicit: neq; corruptibile incorruptibilitatis hæreditatē accipit. Futurum enim est, ut corpus nostrū corruptibile hæreditatē illā incorruptibilitatis accipiat, sic tamen ut incorruptibile reddatur. Ipsa uero corruptio nihil illic loci habere poterit, sed prorsus excludet<sup>9</sup>. Recte ergo dicit: neq; corruptio incorruptibilitatis hæreditatem accipit. Verū infra exprimit hoc clarius. 1 Si per carnem ac sanguinem sensus animalis hominis intelligendus esset, dicendum potius fuisset Apostolo neq; stulticia sapientiæ Dei profunditatē capit, quā, neq; corruptio incorruptibilitatis hæreditatem accipit. 2 Sic de ea quoq; expositione sentimus, qua per carnem & sanguinem alij maliciam & peccatum carnis ac sanguinis intelligunt. Ei sensu conuenientius dixisset Apostolus: Neq; iniusticia iusticiæ, q̄, neq; corruptio incorruptibilitatis hæreditatem accipit. 3 Et illi quoq; qui sentētia hac Apostoli: caro ac sanguis regnū Dei non possidebunt, ad negandam carnis nostræ resurrectionem abutuntur, de errore suo satis poterāt particulæ huius adiectione admoneri, ut intelligerent, à resurrectione futura, non substantiā, sed corruptionem carnis nostræ excludi.

**B** Ecce mysterium uobis dico: Nō omnes quidem dormiemus, omnes tamen immutabimur, in puncto tēporis, in momento oculi, per extremam tubā. Canet enim, & mortui resurgent incorruptibiles, & nos immutabimur. Oportet enim corruptibile hoc induere incorruptibilitatem, & mortale hoc induere immortalitatem.

Priusquam materiam hanc de resurrectione mortuorum absoluat ac terminet, appēdicem hanc adiecit præcedentibus, qua modum futuræ corporum nostrorū mutationis paulo clarius cum distinctione exprimat. Ecce, inquit, mysterium uobis dico. Mysterium absconditum quid ac secretum est, quod sub intelligentiam communem non cadat, ne fidelium quidem, sed selectis duntaxat per reuelationē patefiat. Sunt autem duplicis generis mysteria.

1 Primum est eorum quorum intelligētia & fides ad salutem est omnibus necessaria. Horū dispēsatores sunt Apostoli. Huc pertinet omnia Christianæ fidei capita, quæ mysteria sunt, ppter ea quod rationi humanæ sunt incōprehensibilia. De his extāt testimonia & oracula in sacris scripturis. 2 Alterum eorum est, quæ citra salutis dispēdiū à fidelib<sup>9</sup> quoq; ignoratur, & de quib<sup>9</sup> nihil est manifeste in scripturis traditū. Ad primū genus ptinet ipsa mortuorū resurrectio, cuius fides necessaria est omnibus, & testimoniū habet ex scripturis. Ad posterius uero ptinet p̄sens hoc mysteriū, de modo futuræ resurrectionis & immutationis, cuius nulla sit mentio in scripturis, & cuius scientia sine detrimento salutis ignorari potest.

Quemad-

*Mysteriū.*



Questio.

Quemadmodū enim satis est, si credā Deū omnipotētē, cælum, terrā, mare & omnia uirtute uerbi sui condidisse, etiā si nesciā modum creationis huius, & reliquas circūstātiās, si credā uerbum illud incarnatum esse propter nostrā salutē, & natum ex uirgine, uerum Deum esse & uerum hominē, licet ignorē omnes eius rei circūstātiās, &c. sic satis est, si credamus futurā esse corporum nostrorum resurrectionē, & uitā nos habituros æternā & cœlestē, etiā si modos & circūstātiās, tā resurrectionis q̄ perennis uitæ ignoremus. Sed dices. Quorum igitur attinebat mysteriū hoc patefacere fidelibus Corinthiorum, idq̄ non secreto selectis aliquot, sed cōmuniter omnib⁹ scripta ad oēs Epistola, quæ corā omnibus erat legēda, & ad posteros quoq; transmittēda, si cognitio illius non est ad salutē necessaria? Respondeo. Non fecit hoc Apost. temere aut iactāter, sed fideliter & utiliter. Quoniam de fide resurrectionis periclitabantur, propter sermones eorum qui illam negabant, uel saltē in dubium uocabant, deinde & propter quæstionē eorum, qui qualinā simus corpore surrecturi quærebāt, uoluit appendicem hanc adijcere de modo alterādorū nostrorum corporum, non quod per se sit necessaria illi⁹ cognitio, sed quod illis esset utilis, qui de ipsa resurrectione dubij reddebantur à reprobis, quo in fide illius cōfirmatiores redderentur. Consimili modo & Rom. ii. cum eos qui ex Gentibus crediderant de non contemnendo Israëlitarum populo multis admonisset, tandem mysterium cæcitaris & futurę cōuersionis illius subiecit dicēs: Nō uolo uos ignorare fratres mysterium hoc, ne sitis apud uosmetipsos elati animo, quod excæcatio ex parte Israël accidit, donec plenitudo Gētium aduenerit, & sic totus Israël saluus erit. Mysterium hoc poterat à fidelibus ignorari citra salutis dispendium, quemadmodum eiusmodi adhuc multa ignoramus, nisi per ignorantiam illius Israël contemnendo, ac prorsus abijciendo contra dominum peccassent.

Vt autem animos Corinthiorum attētiōres ad percipiēdū mysterium hoc reddat, nō simpliciter rem ipsam ponit dicēs: Haud quidem dormiemus oēs, &c. sed cū præfatiuncula, ad excitandum illorum animos accōmoda: Ecce inquit, mysteriū uobis dico. Vocula, Ecce, uim habet excitādi aliās negligēt⁹ auscultaturos. Deinde auidi sumus ad percipiēdū mysteria hasten⁹ abscondita. Ea est nostra curiositas, qua utitur Apost. ad suum propositum. Accedit & illud, quod amicitie argumētum habet secretorum cōmunicatio. Sic Christus: Vos, inquit, dixi amicos, quia omnia quęcūq; audiui à patre meo nota feci uobis. Ioan. 15.

NON omnes quidem dormiemus, omnes tamen, inquit, immutabimur. Exponit secretum. Legitur autem hæc particula bifariam. 1. Primo, quemadmodū est in Græco, Haud quidē oēs dormiemus, omnes tamē immutabimur, quā lectionē retinendā esse iudicamus.

A 2 Deinde, sicut uulgata habet æditio. Oēs quidē resurgemus, sed nō omnes immutabimur. 3 Tertio. Omnes quidē dormiemus, sed non oēs immutabimur. Prima quidem & tertia lectio in Græcis codicibus inuēta est, quarū prima hodie quoq; in illis inuenitur ac legitur, secundā uero Latini tantū habēt Græci nequaquā, quod & Hierony. in calce Epistolæ ad Minerium & Alexandrū annotauit. Sensu tamē illa cū tertia coincidit, dū oēs resurrecturos esse affirmat, immutādos negat. Quomodo cūq; acciderit hæc uarietas, qua alij legūt: haud oēs dormiemus, sed oēs immutabimur, alij: oēs quidem dormiemus, sed non oēs immutabimur, unius uoculę .i. nō, trāspositione accidit. Verum de lectione hac inspicatur Eras. cuius annotationibus non est quod quicquam addā.

NON omnes quidem dormiemus, inquit I intellige, in aduētū dñi, tēpore futuræ resurrectionis. Vitur autē uerbo dormiendi in significatu mortis. Ergo ubi dñs aduenerit in die iudicii, ad excitādam mortuos, neq; erimus oēs mortui ac dormientes in sepulcris, sed inueniemur quāmplurimi adhuc superstitēs ac uiui, neq; qui uiui inueniemur obdormiemus moriendo, quēadmodum hodie morimur, ac dormimus. 1 De priori abunde satis est testimoniorū. In priore ad Thess. 4. sic scribit Apostolus: Hoc enim dicimus in uerbo dñi, quod nos qui uiuemus & reliqui erimus in aduentu dñi, nequaquā præueniemus eos qui dormiunt. B Ergo, non dormiemus omnes, si adhuc Christiani aliquot in uiuis erimus. De illis nanq; loquit, tāctū innumera futura sit in toto terrarū orbe uiuentium hominum multitudo.

Deinde, cū dñs diē illū sic inexpectatū & ex improviso edētibus, bibētibus, nubētibus, ædificātibus & plātātibus hominibus adfuturum dicit, ut similis sit futurus furi clanculum, ubi minus putatur subintroeunti, an non satis innuit, non dormituros omnes? Tertio cum dicit: Tunc duo erunt in agro, unus assumetur, alter relinquet. Duæ molētes in mola, una assumetur, altera relinquet. Vigilate ergo, &c. manifeste significat, multos adhuc fore in uiuis. Non cōuenit itaq; hoc sensu, ut legamus: Oēs quidē dormiemus, sed legendū est: Haud quidem oēs dormiemus. Nec impedit illud parabolicū, Matth. 25. Tardate uero spōso dormitauerūt oēs ac dormierūt. Haud enim de morte corporis dictū est, sed de omnimoda securitate, quæ mētes omnium sic est tēpore aduēt⁹ dñi occupatura, ut similes sint dormiētibus, nihiloq; pl⁹ indicia pcurrētia, q̄ q dormiūt auro ram aduentantis diei prænunciam obseruent.

2 Alterum illud eos uidelicet, qui uiui in aduentu domini inuenientur, non esse dormituros, id est, morituros, negatur à nōnullis, propterea quod Ebr. 9. legitur: quatenus illud manet omnes homines ut semel moriantur, post hoc autem iudicium. Et suprā, quemadmodū in Adam omnes moriuntur, ita in Christo omnes uiuificabuntur.

Ideo

Matth. 24.



Ideo legunt illi: Omnes quidē dormiemus. Verū non satis firmo nituntur argumento. Et enim cōmunis quidē lex est ut moriamur oēs, uerū illa non infringitur paucorū exceptione, nec diutius locū habet, q̄ constitutū est à dño, nec sic illi alligata est potentia & prouidentia Dei, ut nequeat aliter agere cum illis quos iudicij dies uiuos reperiet, quā cū reliqua multitudo, quæ inde ab initio ad finem usq; fuit & etiamnum est in mundo.

Duo hæc omniū sunt certissima. Vnū quod aduentus dñi inexpectatus ac suditus uiuos inueniet eos oēs qui tū erunt in mūdo superstitēs, id quod suprā satis est cōprobatū. Alterum, quod fideles qui in uiuis erunt, quicquid de reliquis futurum sit, in puncto temporis, in ictu oculi immutabūtur, quēadmodum hic testatur Apostolus, & simul cum illis qui ē mortuis surrexerunt, rapient in nubibus in occursum domini in aëra. An in ista subita immutatione & raptu uirorū fidelium, mors corporis, quali reliqua iam multitudo moritur, habitura sit locū, nō uideo quomodo possit certo doceri. August. quidem sic sensit, ut uidere est lib. de ciuit. Dei. 20. cap. 20. Verum nō solide probat. Quod enim lectionem illam, omnes quidem dormiemus, sequitur, infirmū est, quādoquidē ueteres Græci eā sequuti sunt, quæ iā in Græco legitur, ē quibus est & Chrysostomus.

Quicquid sit, dormiendi uerbū, nō cōuenit illis, quos dies domini uiuos, & puncto tēporis, in ictu oculi immutādos inueniet: etiam si secundum opinionē Augustini mutatio illorū qualicunq; sit morte intercedēte futura. Haud enim recte eiusmodi mors, quæ subito terminatur, & in uitam eternam mutatur, dormitio uocari poterit. De mortuis qui sepeliuntur sic loquitur scriptura, quod in terrę puluere dormiant. Quis eum dormire dicet, qui in ictu oculi ex alio mutatur in alium? An oculi ictum somnū esse dicemus? Quare, meo iudicio, simplicius est ac certius, ut legamus: Haud quidē omnes dormiemus, quā, omnes quidē dormiemus, uel, omnes quidem resurgemus. Resurgent quidem omnes, uerum intellige de illis quos dies domini non uiuos, sed mortuos inueniet. De uiuis non potest dici quod resurgant, dicitur autem quod immutantur. Diserte nanque inter mortuos ac uiuos discriminat Apostolus. I. Thessal. 4. cum dicit: & mortui in Christo resurgent primum, deinde nos qui uiuemus, qui reliqui erimus simul cū illis rapiemur in nubibus in occursum domini in aëra.

NON omnes quidem dormiemus, inquit.] Verum hoc erit non in pijs modo & fidelibus, sed & in reliquis omnibus, quos aduentus domini uiuos in toto mundo inueniet. Verū apparet Apostolum loqui de fidelibus, & per occupationem occurrere cogitationi, quæ ex eo nasci poterat, quod suprā dixit: Quemadmodum in Adam omnes moriūtur, ita in Christo omnes uiuificabūtur. Et: Stulte, tu quod seminas, non uiuificatur nisi fuerit mortuū. Ne co-

gitarēt fideles, Ergo in aduentu domini ac tēpore resurrectionis nemo erit amplius in uiuis, sed dormient omnes, quo possint ē mortuis excitari oēs. Non dormiemus, inquit, oēs, sed multi erimus adhuc in uiuis, ubi dominus aduenit. Nos hinc recte colligim⁹ ecclesiā Christi duraturā in terris usq; ad finē mūdi. Vbi dominus ad iudiciū uenerit, inueniet adhuc fideles suos uiuos ac superstitēs, toto terrarū orbe dispersos. Quare fieri nō potest, ut prorsus deleantur de terra uiuentium, quātumuis sæuiat in illos, & mundus & mundi princeps.

OMNES tamē immutabimur, inquit.] Rursus colligi poterat: ergo non resurgemus omnes, si nō dormiemus omnes, sed multi adhuc uiui ac superstitēs erimus. Si non resurgemus, qui tum uiui erimus ergo gloriæ illius, immortalitatis, incorruptibilitatis & felicitatis, quā acquirant, qui ē mortuis resurgent, atq; ita & regni Dei, participes non erimus. Dicis enim carnem & sanguinem regni Dei hereditatē, & corruptionem incorruptionis gloriā possidere non posse. Quid ergo de nobis tū uiuentibus fiet? Respondet. Ita quidē habet. Nō resurgemus oēs, quia non dormiemus omnes, uerum est & illud, quod carnem & sanguinem regnum Dei possidere non posse dixi. Hinc tamen non consequitur, fore nos, qui tum uiuemus, à futuræ gloriæ, immortalitatis, incorruptibilitatis, adeoq; & regni Dei consortio exclusos. Non enim qualitātē hāc animalis mortalis & corruptibilis corporis retinebim⁹, quā nunc circūferimus, sed immutabimur & ipsi, nō minus q̄ qui ex mortuis resurgent, reddemurq; ex animalibus, mortalibus & corruptibilibus, spirituales, immortales, incorruptibiles, & in summa cœlestes. Et hoc est mysterium illud quod se dicturū meminit. De uiuis loquitur, nō de dormiētibus. Illos subita metamorphosi immutandos esse, res erat occulta, mysterium fidelibus tum adhuc incognitū. Quod oēs morimur ac dormimus, nihil habet obscuri. Quare lectio illa: Oēs dormiemus, nō modo aliena est à uero, sed & inconueniens ei qd̄ præmisit dicēs: Ecce mysteriū uobis dico.

OMNES tamen immutabimur, inquit.] Querunt quò referēda sit uniuersalis hæc, oēs. De eo quidem constat, quod tam ad mortuos ac resurgentes, quā ad uiuos pertineat. Omnes enim immutari oportet, sicuti mox est dicturus. Immutatio corporum nostrorum communis erit omnibus mortuis ac uiuis, resurrectio uero nō ita, sed dormiētibus tantū. Quoniam uero & mortuorum & uiuorum pars maxima ex reprobis erit & impijs, quæritur, an perinde sint immutandi impij, atq; pij, ideoq; quod Apost. hic dicit: oēs tamē immutabimur æque ad impios atq; ad pios ptineat. Qui negāt ptinere ad impios, legūt hic, sed nō oēs immutabimur. Iudicāt enim Apostolū cōiter de omnib⁹ loqui mortalib⁹, tā impijs q̄ pijs, & sentiūt nō impios, sed pios tantū esse immutādos.

Verum de fidelibus illum loqui ipsa uerba satis



latis conuincunt. Cum autem illi absq; contro-  
uerfia sint immutandi omnes, patet nō esse le-  
gendū, non omnes immutabimur. Interea ta-  
men quod quæstionem hāc de impijs attinet,  
licet de illis nō loquatur Apostolus, nō uideo  
tamen quomodo nō sint, uel cum mortuis re-  
surgētes, uel uiui in aduētū domini, ab ea cor-  
porum qualitate, quam in hac uita communi-  
ter gestamus, in eam mutādi, quæ capax sit in-  
corruptionis & immortalitatis, nō ad id ut glo-  
ria & felicitate regni Dei cum copijs potiātur,  
sed ut pœnas sempiternas cū diabolo & ange-  
lis eius patiātur. Quemadmodum enim caro  
& sanguis regnū Dei non possidebunt, donec  
mortalitati & corruptioni subiacent, ita nec  
indefinites inferorū pœnas sine fine pati po-  
terunt, si eandem mortalitatis & corruptionis  
qualitatem quam in hac uita habēt, in futuro  
sæculo retinebunt. Non est præter rationē igitur  
quod Valla magnā corporum immutatio-  
nē fore dicit, qua fiet, ut non possint ullis igni-  
bus cremari, neq; ullis supplicijs ab anima se-  
iungi. Et Theodorus Heracleotes, citante Hie-  
rony. Canet enim tuba, inquit, & mortui resur-  
gent incorrupti, & nos immutabimur. Opor-  
tet enim corruptibile istud induere incorrup-  
tionē, & mortale hoc induere immortalitē  
ut possit in utranq; partē, uel in pœnis, uel in  
cœlorū regno manere perpetuo. Hæc ille. Nō  
est itaq; ut impios simpliciter immutādos esse  
negemus. Licet enim non mutabuntur in cla-  
ritatem & gloriam filiorū Dei, cum pijs & ius-  
tis, hætenus tamē mutabuntur, ut ex morta-  
libus immortales & ex corruptibilibus incor-  
ruptibiles reddantur, id quod sine mutatione  
fieri non potest. Si angelus ex immortalis mor-  
talis, & ex incorruptibili corruptibilis in die  
iudicij fieret, quis adeo stupidus est, qui muta-  
ri illum neget? Iam cū constet impios ex mor-  
talib⁹ futuros immortales & incorruptibiles,  
admodum inconsulte faciunt, qui mutandos  
eos esse negant.

IN puncto tēporis, inquit, in momēto ocu-  
li.] Græce est *ἐν ἀτόμῳ, ἐν ῥιπῇ ὀφθαλμοῦ*. Atomos est  
est punctus indiuisibilis. Ponitur hic pro mo-  
mento, tempore sic subito, ut in partes diuidi  
nequeat. Et quoniam non ab omnibus statim  
capitur quid sit pūctus indiuisibilis, adiecit in  
istū oculi, qui omnibus est notissimus. Signifi-  
cat igitur immutationem corporum nostrorū  
fore subitam, ne quis illam per gradus tempo-  
rum perficiendam esse putet. Nec est ut per hy-  
perbolam dictum hoc putemus ab Apostolo,  
quasi impossibile sit omnipotēti Deo carnem  
à se sola uerbi uirtute conditam eadē potentia  
in momento temporis in eam mutare qualita-  
tem, ad quam illam ab æterno destinauit. Qui  
dicit, & fit quod dicit, nō habet opus mora tē-  
poris, qua per gradus quod dicit fiat, sed ut iu-  
bet ita mox est quod fieri iubet. Multa quidē  
in oculis nostris facit, non subito, sed per gra-  
dus & spacia temporum, quod in æstate singu-  
lis annis cernimus, uerum facit hoc, nō ex de-

A festu potentia, sed certo consilio prouidentia,  
quo sese captui nostro sic attemperat, ut nō so-  
lum facta iā, sed & fieri uideam⁹, dumq; princi-  
pia, media & fines rerū ipsis nostris oculis cer-  
nimus, in potentia, sapientia ac prouidentia  
ipsius cognitionē, ueluti manu ducamur. Alia  
erat ratio creandi initio omnia ex nihilo, quæ-  
admodum & futura est alia creaturam hæte-  
nus uanitati subiectā in fine mundi reforman-  
di. Sicut illic subito cōdidit omnia uirtute uer-  
bi sui, ita tum corpora nostra eiusdē uerbi sui  
uirtute subito excitabit mortua, & immuta-  
bit uiua.

PER extremam tubam, inquit.] Modū ex-  
primit, per quem immutabimur. De illo domi-  
nus ipse, Matth. 24. sic loquit. Et tūc apparebit  
signum filij hominis in cœlo, & tunc plangent  
omnes tribus terræ, & uidebunt filiū hominis  
uenientem in nubibus cœli, cum uirtute mul-  
ta & maiestate, & mittet angelos suos cum tu-  
ba, & uoce magna, & cōgregabūt electos eius,  
&c. Et Apost. 1. Thess. 4. Quoniam ipse dñs, in-  
quit, cum iussu & uoce archangeli & cum tuba  
Dei descender de cœlo. Ergo non erit aduētus  
domini placidus ac māsuet⁹ qualis fuit prior,  
sed uehementē terribilis, qualis esse solet ad-  
uentus potētissimi regis, instructissimo cum  
exercitu aduersum hostes suos ac rebelles mo-  
uētis, ubi etiam bellicarum tubarum sonitus,  
nedum Maiestatis ipsius excellētia, & uis exer-  
citus terrorem incutit rebellibus.

B Tubam autē hanc alij aliter accipiunt. Mihi  
simpliciter ac rectius sentire uidetur, qui iudi-  
cant omnino sonituum horribilem clangorē  
ueluti tubæ regiae ac bellicæ, cū quo sit domi-  
nus descēsurus de cœlo, ac mortuos excitatu-  
rus. Huius exemplum olim præcessit in mōte  
Sina, cum in illum descenderet dñs legē popu-  
lo suo laturus, qua de re Exo. 19. sic legimus: Et  
ecce cœperūt audiri tonitrua, ac micare fulgu-  
ra, & nubes densissima operire montem, clan-  
gorq; tubæ uehementius perstrepebat, & timuit  
populus qui erat in castris. Item: Eratq; omnis  
mons terribilis, & sonitus tubæ paulatim cre-  
scebat in maius & prolixius tēdebatur. Qualis  
autem futura sit uox archāgeli, & uox filij Dei,  
qua de Ioan. 5. meminit ipse dñs dicens: Venit  
hora, in qua omnes qui in monumētis sunt au-  
dient uocem filij Dei, & procedent, &c. nō est  
temere statuendum. Verosimile tamen est, ut  
quemadmodum uox præconis, uox est regis,  
ita uox archangeli mortuos è sepulcris iussu  
domini euocantis uocetur uox filij Dei.

Non est uero ociosum, quod non simpliciter  
dicit: per tubam, sed, per extremā tubā. Ergo  
præcessuræ sunt aliæ quædā, quas extrema sit  
subsequutura, ad quam cogantur ad iudicium  
omnes & uiui & mortui. Quales autem future  
sint præcedentes, nō est ut pronūciemus. Siue  
futuræ sunt angelicæ cœlitus clangētes & ad-  
uentū domini prænunciātes, siue humanæ per  
ministeriū selectorum quorūdā prophetarum  
aduentū domini instar tubæ prænunciantium  
admini-



administrādæ, id constat ad extremam tubam resurrecturos esse mortuos, & uiuos immutandos, quemadmodum subiungitur.

CANET enim, inquit, & mortui resurgent incorruptibiles, & nos immutabimur.] In Græco est, *σαλπίζοντες γάρ*, quod recte uerteris, clāget enim. Vulgata habet: Canet enim tuba. At tuba non est in Græco. Satis tamen expressa est in uerbo, clanget. Angelos suos emittet cum tuba dñs. Illi sic clangent tuba cœlesti, ut in toto sint terrarum orbe audiendi. Ad hunc clangorem enim mortui, inquit, resurgent incorruptibiles, & nos immutabimur. Sic rationem reddit, quare tubæ mētionē fecerit. Propterea uidelicet, quod ad clangorem illius omnium penetrantissimum excitabuntur mortui. Non erit uis excitandi mortuos in externo clangore, uerū adiuncta erit illi potentia spiritus Dei, per quam uiuificabuntur mortui.

Obserua uero quantum sit discriminis inter tubam bellicam terrenorum regum, & hāc cœlestis regis Christi. Illa: Vbi clasicum sonat, occidit uiuos. Ista uero, ubi clāxerit, uiuificabit mortuos.

Non dicit autē simpliciter: & mortui resurgent, sed, addit, incorruptibiles, & nos, intellige, q̄ uiui erimus adeoq̄; cū mortuis resurgere haud poterim⁹, immutabimur, hoc est, ex corruptibilibus & mortalibus incorruptibiles & immortales diuina uirtute reddemur. Sic distinguit inter mortuos & uiuos, illisq̄; resurrectionem, istis immutationem, utriq̄; uero incorruptibilitatem promittit. Per hanc enim utriq̄; regni Dei & sempiternę felicitatis ac glorię simul poterunt esse capaces.

Obseruandum uero est, quod rursus in prima persona loquens, cum dicit, & nos immutabimur, de fidelibus se loqui significat. Nā horum gratia mysterium hoc exponit, quemadmodum & in ea facit quæ prior est ad Thessalonicēses. Nec facit hoc præter rationem. Ipse siquidem resurrectionis ordo, quem illic exprimit, satis innuit: singulari cura discriminaturū dominum inter pios & impios, sic ut pios primum uelut à fece impiorum separaturus sit, & in gloriam suam asserturus. Horum igitur rationem habens Apostolus, ne semel quidē de impiorum resurrectione meminit, non quod non illi quoq̄; sint resurrecturi, sed quod satis esse censuit si mysterium hoc probe teneāt fideles, quomodo mortui q̄ in Christo sunt, resurrecturi sint primum, deinde fideles adhuc uiui immutandi subito, & una cum illis in occursum domini in aëra rapiendi. Quare nimis curiosi sunt, qui de reprobis anxie quærunt, qualibus nam illi resurrecturi sint corporibus, similes illis qui, ubi in ædificationem fidelium rectus est & germanus Cēnæ Dominicę usus tradendus, contentiosē disputant de impijs quid illi de mensa Domini accipiant & manducent. Sciat triticum quę sit sors tritici, finem palearum permittat agricolæ. Sciat fidelis quę sit uocatio & spes fidelium, iudicium reprobis

rum permittat iusto iudici.

O P O R T E T enim corruptibile hoc, inquit, induere incorruptibilitatē, & mortale hoc induere immortalitatē. ] Pro ratione eius quod nō simpliciter dixit, Canet tuba & mortui resurgent, sed, & mortui resurgent incorruptibiles, & nos immutabimur, necessitatem ponit dicēs: Oportet enim corruptibile hoc induere incorruptibilitatem, &c. Quæ est autem illa necessitas, propter quam hoc fieri oportet? Hanc suprā posuit dicens: Caro & sanguis regni Dei hæreditatem consequi non possunt, neque corruptio incorruptibilitatis hæreditatem accipit. Quod illic carnem & sanguinem, hic corruptibile & mortale uocat, notans carnis nostrę qualitatem, qua mortalis est & corruptibilis, ideoquē regni Dei hæreditati prorsus, nisi mutetur, inconueniens. Cum ergo ad illam electi, prædestinati, & uocati simus, omnino necesse est, ut quicquid in nobis est, quod capax illius esse non potest, auferatur. Mortalitas autem & corruptibilitas carnem nostram occupant, quæ utræque regni Dei felicitatem ac perpetuitatem recipere non possunt. Necesse est igitur, ut à carne nostra auferantur. Auferentur autem non ablatione, qua caro nostra redigatur in nihilum, sed mutatione, qua præstantiorem & regno Dei conuenientem qualitatem sortiatur. Ea est, qua ex mortali immortalis & ex corruptibili incorruptibilis euadat. Quemadmodum enim corruptibilitas & mortalitas excludunt ē regno Dei, ita incorruptibilitas & immortalitas aptos reddūt regno Dei, si non impediatur ira Dei & merita cōdemnatio. Nam alioqui & mali spiritus immortales sunt & incorruptibiles, & tamen regni Dei participes esse non possunt propterea quod sub condemnatione sunt, quæ nūquam est habitura finem.

Quod itaq̄; dicit Apostolus: Oportet enim corruptibile hoc induere incorruptibilitatem, & mortale hoc induere immortalitatem, necessitatem habet geminam. Prima est æternæ electionis & prædestinationis, quæ irrita fieri non potest, propter quam necesse est, ut caro nostra consors fiat regni Dei. Altera est causa, quam uocant sine qua non. Sine immortalitate & incorruptibilitate fieri non potest, ut caro nostra regnum Dei possideat, quamuis immortalem & incorruptibilem esse per se non reddat illius hæredem ac possessorem. Oportet reddi non modo immortalem quo sempiternæ, sed & cœlestem quo cœlestis uitæ cum angelis Dei cōsortio frui possit. Nō possumus cum uolucrib⁹ cœli circūuolare in aëre, propter terrenam corporis nostri molem, prorsus ab auium leuitate & agilitate alienam, & quomodo in cœlestibus cū angelis Dei uiuemus, nisi quod terrenum, mortale, corruptibile, ac ponderosum est in corpore nostro in qualitatem cœlo, angelis Dei & perpetuę felicitati cōuenientem mutetur?

Obseruandum autem est, quod non simpliciter



citer dicit: oportet autem accipere incorruptibilitatem, sed, oportet autē corruptibile hoc induere incorruptibilitatem. Cum connotatione dicit: corruptibile hoc, tantum non digito carnem hanc nostram commonstrans. Deinde aptissime utitur metaphora induendi in qua duo sunt, unum quod induit, alterū quod induitur. Induens hic est corpus nostrum corruptibilem habēs qualitatem ueluti uestem. Induendum, est ipsa in corruptibilitas. Mutatio hæc, qua corruptibile induet incorruptibilitatem, continget non substantię corporis, sed uesti. Ponet ueterem ac laceram uestem & induet nouam nūquam corrumpendā. Ipsum corpus non est instar ueteris indumenti ponēdum ac nouo mutandum, sed noua ac cœlesti incorruptibilitatis ueste induendum ac ornādum. Quare non est, ut alia nos corpora, in die resurrectionis sumpturos putemus. Ipsum nostrum corpus mortale hoc & corruptibile, immortalitate ac incorruptibilitate uestietur.

Deinde & illud obiter obserua. Dixit, & nos immutabimur. Vt autem immutationis huius necessitatem exprimat, subiicit: Oportet enim corruptibile hoc induere incorruptibilitatem, & mortale hoc induere immortalitatem. Ergo immutari, in hac causa, est ex mortali & corruptibili fieri immortalem & incorruptibilem. Vtrunque autem sunt spiritus illi mali & condemnationi sempiternæ obnoxij. Quare non uideo, quare reproborum corpora post resurrectionem ab hac debeam immutatione excludere, qua tam abest, ut felices reddantur, ut quo magis erunt immortales & incorruptibiles, hoc futuri sint magis sempiterni supplicij capaces, & malorum spirituum consortes.

Cum autem corruptibile hoc induerit incorruptibilitatem & mortale hoc induerit immortalitatem, tunc fiet sermo qui scriptus est: Absorpta est mors in uictoriā. Vbi tuus mors aculeus? Vbi tua inferne uictoria? Aculeus autem mortis peccatū, potentia uero peccati lex. Sed Deo gratia, qui dedit nobis uictoriā, per dominum nostrum Iesum Christum.

Haftenus reuelauit Corinthijs mysterium de corporum nostrorum immutatione, quam sic necessariam esse dixit, ut oporteat per illam quod mortale & corruptibile in nobis est, induere immortalitatem & incorruptibilitatem. Iam ne hoc sine scripturis dicere uideat, subiungit testimonium ex uaticinijs prophetarū dicens: Cum autem corruptibile hoc induerit incorruptibilitatem, & mortale hoc induerit immortalitatem (Sic utraq; particula habetur in Græco) tūc fiet sermo qui scriptus est. Quasi dicat. Tunc scriptura, quæ quod hic dicimus futurum esse prædixit, quando corporum nostrorum mortalitas & corruptibilitas in immortalitatem & incorruptibilitatem muta-

buntur, ueraciter & prorsus implebitur, atque ita tum erit factum, quod iam est sermo scriptus. Quemadmodum enim impleri oportet scripturam ita quod futurum esse dico, in corporibus nostris fieri oportet. Consimili modo & Rom. 11. cum mysterium de futura Israël conuersione exposuisset, testimonium propheticæ scripturæ, quam impleri oportet, subiicit dicens: Sicut scriptum est: Veniet ex Sion qui eripiat, & auertat impietatem à Iacob. Et hoc illis à me testamentū, cum abstulero peccata eorum. Sic prudens & fidelis Apostolus, non contentus autoritate Apostolica, adiungit illi propheticas scripturas, ne quid temere de suo ecclesiæ Dei proponere uideat. Et qui se apostolorum gloriantur esse successores, sine scripturis loquētibz omnia sibi credi uolūt.

Quis est autē sermo ille scriptus, in futura corporum nostrorū immutatione implendus? Absorpta est mors, inquit, in uictoriā. Vbi tuus mors aculeus? Vbi tua inferne uictoria? Si uerba hæc præcisè & expresse quæsieris non inuenies ea, ut posita sunt ab Apostolo, uspiā in scripturis uno & eodem loco. Prior illius pars uaticinium habens de morte absorbenda Esaię cap. 25. sic habetur, בלע המיתה לצח, quæ si cum punctis legas, ut habetur in Ebræo, sensum hunc habent. Deuorauit mortem in sempiternum, uel, in uictoriā. Verbum בלע quod deuorare & absorbere significat, legitur in Ebræo in Piel בלע, in qua forma sonat actiue, deuorauit, absorpsit. Apostolus uero legit nō בלע, id est, absorpsit, sed בלעה, id est, absorpta est, deuorata est. Sic & Germanicus interpres uertit, nisi quod præteritum mutauit in futurum. Dann der todt wyrt gar verschlungen werden. Illud, *as vinctus*, id est, in uictoriā, in Ebræo est לצח. Significat autem לצח aliquando æternū, aliquando uictoriā & triumphum. Posterio rem sensum amplexus est Apostolus, ideoque legit: Absorpta est mors in uictoriā. Quāq; æque contuenienter poterat legere, in sempiternum. Sic puto constare particulā hanc desumptam esse ex dicto Esaię loco. Quis autē sit in illa prophetæ sensus, exposuimus in Commentarijs nostris super hunc prophetā. Apostoli sensus planus est. Vbi quod mortale & corruptibile est in corporibus nostris, immortalitate & incorruptibilitate mutabitur, utiq; tum prorsus erit absorpta mors, sic ut nihil de illa superfuturum sit amplius. Donec mortales sumus & corruptibiles, obtinet adhuc illa in corporibus nostris. Vbi uero cœperimus esse immortales & incorruptibiles, absorbebitur prorsus in uictoriā. Victoriā mortis intelligit, non qua illa uincat sed qua uincatur, & absorbeatur mortalitas à uita 2. Cor. 5. idq; uirtute uiuificantis nos Christi. Victoriā hæc immortalitas est. Perinde enim atq; nocturnę tenebrę per Solis exortum, ita mors per donum immortalitatis absorbebitur ac uincetur.

Obserua uero, quā nihil loci relinquatur illis qui carnis resurrectionem negantes, scri-

H

pturas.



pturas huiusmodi de morte spirituali exponunt. Mortem sentiunt absorptam esse, quatenus spiritus credentis ab æterna morte & cōdemnatione per mortem Christi liberatus est. Pars hæc est redemptionis nostræ nō totum. Non modo spiritus nostri sed & carnis redemptor est Christus. Non dicit: Cum iniusticia induit iusticiam, sed: Cum corruptibile hoc induerit incorruptibilitatem, &c. tunc fiet sermo qui scriptus est: Absorpta est mors in uictoriam. Manifestum est non loqui Apostolū de morte spirituali sed corporali, q̄ dono immortalitatis & incorruptibilitatis absorbebit.

Hæc de prima scripturæ huius particula, absorpta est mors in uictoriam, uideamus iā dereliqua. Vbi tuus mors aculeus, inquit? Vbi tua inferne uictoria? Leguntur hæc in Hoseah cap. 13. ubi sic habetur, *מִיַּד שָׂאֵל אֶפְרַיִם מָוֶת, אֶת־דְּבַר יְהוָה אֶת־קִטְבּוֹ שָׂאֵל.* id est, de manu inferni (sepulcri) liberabo eos, de morte redimam eos. Ero pestis tua mors, ero exterminium tuum inferne. Illud de manu inferni liberabo eos, de morte redimam eos, omisit Apostolus. Deinde uoculā *אֶת־*, accepit pro *אֶת־*. Sonat autem *אֶת־*, aliās *אֶת־*, ero, *אֶת־* uero ubi. Nec fecit hoc præter rationem, & mētem prophetę. Nam ille paulo suprà uoculam hanc *אֶת־*, posuit pro, *אֶת־*, id est, ubi. Sic enim dicit: *אֶת־מֶלֶךְ אֶפְרַיִם*, quod & Septuaginta uerterunt *ἐν*. Et uulgatus interpres, ubi. Vbi, inquit, est rex tuus nunc. Litera *ה*, in *אֶת־*, est accessoria. Alias *אֶת־*, significat, ubi. Hoc autē loco posita quidem est in medio, uerum nihil aliud facit, quā in uoce *אֶת־*. Quare præter rationem non est, quod Apostolus legit, non, *ἐν*, sed, ubi. Tertio illud *דְּבַר יְהוָה*, accepit pro aculeo, & *קִטְבּוֹ*, pro uictoria. Significat autē *דְּבַר יְהוָה*, uero cum sex punctis, pestem. Septuaginta uerterunt, *πῶς ἢ δὲ ἄλλως οὐ δυνάσται;* *πῶς ἢ δὲ ἄλλως οὐ δύναται;*, id est, ubi plaga tua mors? Vbi stimulus uel aculeus tuus inferne? At uox *קִטְבּוֹ*, exterminium sonat. Quod *דְּבַר יְהוָה*, uertit, aculeus tuus, respexit ad aculeos uenenatorū animalculorum, qui uim habent mortiferæ pestis. Quod *קִטְבּוֹ* reddidit uictoriam, factum est propter præcedentem particulam, qua mors absorpta dicitur in uictoriam. Et alioqui exterminium quod mors infert, est illi loco uictoriæ. Hæc de præsentī testimonio scripturæ ex Esaiā & Hoseah desumptę puto esse certa, ut non sit causa, propter quā anxie inquiramus, unde nam sit ab Apostolo desumptum. Laborant citra necessitatem, qui totum ex Hoseah desumptum esse censent.

Vbi tuus mors, inquit, aculeus? Vbi tua inferne uictoria? Habet hæc particula prophetā insultationem, qua mortitāquam prorsus deuicta & exterminato hosti insultatur. Nondum illa penitus est deuicta. Quare insultatio ista fidei est in id quod certissime futurū est prospicientis, deq; illo haud secus quā si iam sit factum gloriantis & exultantis. Citat illam Apostolus ad causam quam agit omniū

A appositissime. Etenim si futurum est, ut mors & corruptio funditus extirpentur, ita ut insultatio hæc locum habere queat, necesse est, ut quod mortale & corruptibile in nobis est, immortalitate & corruptibilitate mutetur.

Vtitur autem propheta prosopopeia, personam tubuens morti, dum illi tanquam deuictæ insultās dicit: Vbi est mors aculeus tuus? quemadmodum & inferno. Est ista personæ fictio prophetis solennis, pulchre conueniens illis qui singulari futurarum rerum fide ac certitudine sic mouentur, ut de illis haud secus q̄ si iam præsentēs sint exultent. Monet nos Apostolus qua debeamus fide corporū nostrorum resurrectionem & immutationem expectare, imò de exterminio mortis quantumuis adhuc regnantis gloriari. Tam abest scilicet, ut ulla resurrectionis nostrę dubitatio locum in animis nostris habere debeat.

Vbi tua inferne uictoria, inquit? In Ebreo est *שָׂאֵל*, quæ uox foueam ac sepulcrum significat, ne quis de infernali gehenna intelligat, quæ nunquam est habitura finem. Accipit hæc uocem Apostolus in præsentī de corruptione corporum nostrorum, quæ perinde atq; mors absorbebitur, & amissa uictoria, qua adhuc de corporibus nostris triumphat, prorsus deuicta iacebit. Et ipsa quidem gehenna debellata est per Christum, uerum non in uniuersum, sed quod electos ac fideles attinet tantum, impijs uero ac reprobis durabit in sempiternū. B At mors & corruptio corporum nostrorum penitus tam ab electis quā a reprobis auferentur & in nihilum redigentur.

ACULEVS autem mortis peccatū, inquit, potētia uero peccati lex. Exponit uerba prophetæ, quid sit per aculeum mortis intelligendum. Comparat Satanam bestię uenenatę, cuius aculeus est lethalis. Satan infixit humano generi uirus suum per peccatum, quasi quendam aculeum, atq; ita intulit illi mortem. Sic aculeum mortis, id est, mortiferum aculeum dicit esse peccatum. Mors nō habet aculeum, sed infertur per aculeum. Per mortem non est peccatum, sed per peccatum est mors. Sic Augustinus lib. 3. de peccat. meritis & remissione cap. 11. Aculeum, inquit, quo mors facta est, nō quem mors fecit. Peccato enim morimur, nō morte peccamus. Sic itaq; dictum est, aculeus mortis quomodo lignum uitæ, non quod hominis uita faceret, sed quo hominis uita fieret, & quomodo lignum scientiæ, per quod scientia fieret hominis, non quod per suā sciētiā fecerit homo. Sic ergo & aculeus mortis, quo mors facta est, nō quem mors fecerit. Sic enim dicemus & poculū mortis, quo aliquis mortuus sit uel mori possit, non quod moriens mortuus ue confecerit. Hæc ille: Ergo per peccatum est mors.

Cum itaq; morti deuictæ insultat propheta dicens: Vbi est mors aculeus tuus, & mortē & peccatum exterminio subiicit, significans deletō primum peccato, tanquam mortifero aculeo,



aculeo, ipsam quoque mortem interiturā. Quo-  
modo autem mors per peccatum peruenerit  
in omnes homines, uidere est Rom. 5. unde &  
mortem uocat finem peccatorum, & peccati  
stipendium, cap. 6. Hanc mortis causam igno-  
rant philosophi. Mortalitatem uident obtine-  
re in omnibus, causam illius non uident.

Illud admonent & alij, loqui hic Apostolū  
non de peccato, ut uocant, actuali, sed origina-  
li, quod latet in carne nostra & regnat in mem-  
bris nostris, in quo concepti sumus & nati, &  
lethaliter infecti. Vnde & infantes priusquam  
aliquid peccati actualis admiserunt, mori ui-  
demus, quod non fieret nisi mortifero essent  
peccati aculeo in ipso conceptu percussi.

POTENTIA uero peccati lex, inquit. Ex-  
ponit unde peccato tantum sit potētiā, ut in-  
star uenenati aculei pungendo occidat. Vno  
uerbo tribuit hoc legi, dicens: Potentia uero  
peccati lex. Primum, quod peccatū illud pri-  
morum generis nostri parētum attinet, unde  
sumus omnes facti mortales, potētia illius ad  
occidendum fuit lex in paradiso de non eden-  
do ligno scientiā boni & mali lata. Esus enim  
illius per se nec peccatum fuisset, nec mortem  
intulisset, quod utrunque debetur legi ac legis  
transgressioni. Non legi simpliciter, sed legi  
per inobedientiam uiolata. Deinde quod  
peccatum attinet in carne nostra latens, factū  
est illud adhuc fortius per legem, primum na-  
turā, quā naturaliter conscientijs nostris est  
indita, deinde & literā, qua de Apostolus Ro.  
7. copiose disputat. Hāc in præsenti intelligit,  
cum dicit: Potentia uero peccati lex. Est autē  
hāc potentia, quam peccatum sumit ex lege,  
impropria. Primum, ubi non est lex ibi non  
est transgressio. Deinde, ubi non est lex ibi pec-  
catum est mortuum, ubi uero lex est, ibi pecca-  
tum reuiuiscit & fortius insurgit. Sic de lege  
loquitur loco iam citato. At neutrum propriū  
est legis opus, sed per accidens & impropriū.  
Neque enim per se gignit transgressionem, neque  
peccatū corroborat, sed magis prodit, uetat,  
& damnat. Ipsum uero peccatum pro ingenij  
sui malicia, unde debebat corrigi inde magis  
occasionem maioris sibi potētiā accipit. At  
ea de re, si cui lubet, Commēt. nostros in epist.  
ad Romanos consulat.

Videtur autem Apostolus legis mētionem  
fecisse, illique peccati potētiā tribuisse pro-  
pter Iudæos Mosaicā legis æmulatores, quo-  
rum etiam inter Christianos multi erant, præ-  
sertim Hierosolymis ac reliqua Iudæa, sub a-  
postolatu Iacobi ac Petri, sicuti uidere est in  
Actis cap. 21. ubi Iacobus ad Paulum dixit: Vi-  
des frater quot millia sunt in Iudæis, qui credi-  
derunt, & omnes æmulatores sunt legis. Obi-  
ter igitur uno uerbo admonet, tam abesse, ut  
lex aculeum mortis auferat, hoc est, peccatum  
ē carne nostra tollat, ut magis illi ad ampliōre  
potētiā seruiat. Quare necesse esse, ut uicto-  
ria contra peccatū & mortē aliunde acquiratur.  
Atque ita mox unde illa sit subiungit dicēs.

SED Deo gratia, qui dedit nobis uictoriam  
per dominum nostrum Iesum Christum. Sic  
quod per legem fieri non potuit, tribuit Chri-  
sto. Nō autem simpliciter dicit: at uictoria per  
Christum, sed quoniam omnis illa salutis no-  
strā & futurā immortalitatis gratia in hac est  
uictoria sita, cū affectu gratitudinis, sed Deo,  
inquit, gratia, qui dedit nobis uictoriam per  
dominum nostrum Iesum Christum. Primū,  
dicit Deum nobis dedisse uictoriam. Non sim-  
pliciter dicit illum uicisse peccatum, mortem  
& infernum, sed nobis dedisse uictoriam. In  
uerbo dandi, agnoscit uictoriam hanc esse do-  
num Dei. Loquitur autem in præterito de re  
nondum in nobis in uniuersum impleta, sed  
in futuro demum implenda. Qui dedit nobis,  
inquit, uictoriam. Ergo deuicta sunt peccatū  
mors & infernus. Atqui peccamus adhuc, &  
morimur, & corrumpimur. Verum, sed omne  
peccati dominium & ius quo nos æternę red-  
debat condemnationi obnoxios, extinctum  
est, ut nihil supersit, nisi reliquiā quādam quā  
tamen nos nec in morte nec in corruptione re-  
tinere possunt. Plena uictoria erit, ubi prorsus  
absorpta erit mors cum suo aculeo. Et ea tam  
est certa ut iam nobis illam à Deo datam es-  
se dicat.

Deinde non dicit: qui dedit ut uictores eua-  
deremus, sed qui dedit nobis uictoriam per  
dominum nostrum Iesum Christum. Ergo ille  
uicit Satanam, peccatum, mortem, & infernū,  
atque per hunc nobis hāc est uictoria parta. Vi-  
cit autem in cruce ubi chirographum decreti  
quod contrarium nobis erat de medio sustu-  
lit deleuit ac cruci affixit, deque potestatibus  
inferorum triumphauit & mortem destruxit.  
Sic uicit mediator noster, uicitque non sibi sed  
nobis. Ad hūc modum totum uictoriā huius  
opus soli gratiā Dei quā est per Christum as-  
signatur. Quare ex animo & merito dicit, Deo  
sit gratia, qui dedit nobis uictoriam per do-  
minum nostrum Iesum Christum. Hāc gratia  
ruma actio non potest reddi ex animo, nisi ab il-  
lis, qui & agnoscunt, & fatentur, donum esse  
Dei prorsus gratuitū, quod à peccato sunt &  
morte liberati, nec esse hic quicquā, quod pro-  
priā suā iusticiā meritis possint adscribere,  
agnoscunt, inquam, mortem deberi peccato,  
uitam uero & uictoriam mortis solius esse gra-  
tiā Dei per Christum. Hāc est sana & Christia-  
na doctrina, quam nec Iudæi, nec Turci, nec  
pseudochristiani, sed ueri tantum fideles reci-  
piunt, & gratias agunt Deo, & domino Iesu  
Christo, unico mediatori ac redemptori.

Itaque fratres mei dilecti, stabiles sitis,  
immobiles, abundantes in opere domi-  
ni semper, scientes, quod labor uester non  
est inanis in domino.

Hac parænesi omnem hanc de resurrectione  
disputationem sic concludit, ut simul expri-  
mat, quid Corinthiis à prauo eorū colloquio



timuerit, qui resurrectionem mortuorum alij A  
prorsus negabant, alij in dubium uocabāt. Timebat uidelicet, ne si illis aures praeberet redderentur in fide Christi instabiles, & in opere domini remissi ac desides, propterea quod cogitarent, ergo uanum est quicquid propter Christum uel fecerimus uel passi fuerimus, quandoquidem mortui non resurgent. Vt igitur ei periculo occurreret, finalem hanc parænesim attemperauit ad hunc modū. Itaq; fratres mei dilecti stabiles sitis, &c. Quasi dicat. Cum itaq; certo sit futurum, ut resurgant mortui in die domini, nosq; qui tum superstitēs erimus immutemur, hoc est, immortales & incorruptibiles & peccato & morte deuictis reddamur, sitq; ea nobis uictoria per Christū iā parta & à Deo patre dono gratuito omnium certissime data, etiam atq; etiā caute, ne prauis sermonibus eorum, qui resurrectionē mortuorum negant, seducti, tam insigni hac gratia uos ipsi priuetis, quod facturi estis, si de illa dubitantes instabiles, immobiles ac desertores operis domini facti fueritis. Quare curate potius, ut sitis stabiles, immobiles abundantes in opere domini semper, &c.

ITAQUE fratres mei dilecti, inquit.] Obserua affectum fraternae charitatis, cuius emphasis est nō modo in persona Apostoli, sed & in qualitate eorū quibus scribit. Carnales adhuc erant ac multis nominibus culpabiles. Et tamen haud dedignatur eos diligere & habere pro fratribus, qui uix idonei erant, ut essent discipuli.

STABILES, inquit, sitis, immobiles.] Cogitemus hic, quā non sit satis ab errore uenire ad cognitionem ueritatis, participemq; fieri coelestis gratiae, nisi in ueritate & gratia Dei firmi persistamus. Natura sumus instabiles, praesertim in bono. Quare crebris est adhortationibus opus, ut in bono ad finem usq; perseueremus. Nisi enim perseuerauerimus salui fieri non poterimus. Imò, si defecerimus, peiora erunt posteriora prioribus. Multo nanq; melius est nō cognoscere uia iusticiae quā post illius cognitionem retro à sancto proposito auerti. Quare Apostolus non minore cura ad perseuerantiam hortatus est fideles, quā ad gratiam Christi uocauit infideles.

STABILES, inquit, estote.] In Græco est, *ἰσχυροὶ* *ὑπὸ*. Sonat autem *ἰσχυρὰ* Græcis firmam basim ac fundamentum unde est *ἰσχυρὸς* fundatus. Requirit ergo non simplicem ac uulgarem stabilitatem, sed qualem habent bases ac fundamenta. Nec immerito. Est enim ueritas Christianae fidei omnium in se firmissima, instar petrae contra quam ne portae inferorum quidem quicq; poterūt. In illa firmi esse possunt fideles, quod in mendacio fieri non potest.

IMMOBILES, inquit.] Græcè est, *ἀκίνητοι*. Est autem *ἀκίνητος* non simpliciter immobilis, sed is, qui de loco in quo est in alium, uel de sententia quam tenet in aliam transmoueri non potest. Tales autem sunt *ἰσχυροὶ* homi-

nes in sententia sua firmiter fundati. Et in hūc finem hortatur eos ut sint in fide fundati ac firmi, ne uidelicet instar harūdinis in aliam atq; aliam sententiam ad quemuis seductionis uentum transmoueri se sinant. Quicquid leue est, ac superficiei tantū inhæret, *ἀκίνητος* esse nō potest. Quæ fundo innituntur, haud facile cuius uento cedunt. Vtinam eiusmodi stabilitatem ostendant in fide ac ueritate Dei, qui de uerbo & Euangelio Dei gloriantur.

ABUNDANTES, inquit, in opere domini semper.] Ergo non hoc tantū requirit, ut sint in fide stabiles & immobiles, sed & ut in opere domini semper sint abundantes. Vocat autem opus domini, nō quod ipse dominus per uerbum & spiritum suum in ipsis coeperat, & ministerio Apostolico perficiebat de quo capite sequenti loquitur cum dicit: Quod si uenerit Timotheus, uidete, ut absq; metu sit apud uos, opus enim domini operatur, quemadmodum & ego. Laborabat enim & ipse in Euangelio Dei, quē laborē uocat opus domini, sed uocat hic opus domini opus charitatis mutuae, quo frater fratri ac fidei & tribuēdo quæ necessaria erant, & consolando adhortandoq; seruiebat. Idem epistola sequenti capite nono sic exprimit: Vt abundetis in omne opus bonum. Loquitur autem ibi de eleemosyna quæ facienda erat in pauperes.

Non est uero ociosum, quod opus Christianae charitatis uocat opus domini. Præterquā enim quod sit ex spiritu domini, etiam hoc nomine recte uocatur opus domini, quod in mēbra domini confertur, adeoq; ipsi domino impenditur. Sic enim dicturus est in nouissimo die: Quicquid fecistis uni ex minimis meis, mihi fecistis Matthæi 25. Sic cohonestat opera pietatis & misericordiae, uocans ea, opera domini. Quemadmodum enim si uolens abstergere fideles ab odio fratrum & malefaciendi studio, uoces illud opus diaboli, sic Apostolus fraternam charitatem & studium beneficentiae mutuae opus domini ad hoc uocat, ut animos nostros respectu domini ad quēuis bona opera plus aliquanto accendat.

Vide autem quid à fidelibus in hoc opere domini requirat. Non simpliciter dicit: operātes opus domini, sed, abundantes in opere domini semper. Vulgata habet, in omni, hoc est, in quouis, opere domini. Requirit ergo non simpliciter, ut quod bonum est qualitercunq; & semel atq; iterum operemur, sed ut in opere domini copiose ac largiter deinde indefinēter laboremus. Qui non ex fide sed ne non religiosi ac pij uideantur aliquid boni operis faciunt, faciunt hoc primum non larga manu & abundanter, sed parce ac tenuiter, utcunq; & perfunctorie, deinde non semper ac indefinēter, sed semel atq; iterū, & postea cessant. Duabus hisce notis iudicare poteris de bonis illorum operibus, qui nō ex fide & corde integro quod bonum est faciunt, sed uel ad ostentationem, uel ad cauendum ne habeantur pro minus



nus Christianis. Quare cum timeret Apostolus ne Corinthij de futura resurrectione dubitantes parcius ac rarius quod bonum est facerent, quemadmodum eos hortatur, ut in fide sint stabiles & immobiles, ita hortatur etiam, ut abundantes sint in opere domini semper, significans eos qui nihil prorsus de futura resurrectione ac uita dubitant, haud parce & incōstanter sed abundanter ac iugiter in opere domini uersari.

Non est autem eò rapiendum, quod dicit, abundantes, quasi requirat, ut fideles plura faciant in opere domini quàm debeant sitq; locus supererogationi, quam doctores meritorum & nundinatores indulgentiarum comminiscuntur. Simpliciter requirit, ut copiose non parce laborent in opere domini, sicut in epistola sequenti cap. 9. hortatur. Abundare in opere domini, est uel respectu aliorum qui minus operantur exuberare, quo sensu usus est hac uoce Christus Matth. 5. dicens: Nisi abundauerit iusticia uestra plus quàm scribarū & phariseorum, uel de die in diem crescere in studio benefaciendi, quemadmodum fideles numero indies abundasse Act. 16. leguntur, uel simpliciter non tenuiter & parce, sed copiose ac largiter, sicuti solent qui quod faciunt faciunt ex animo, bonis operibus studere. Abundantia quæ iustum ac debitum beneficentiæ modum excedat, in Christiana pietate locum nō habet, in qua synceritas cordis totum sese in usus proximi effundentis, & dilectionis perfectio requiritur, qua & inimicos diligamus, & animas nostras pro fratribus, si ita necesse sit, tradere non dubitemus.

SCIENTES, inquit, quod labor uester nō est inanis in domino.] Magnæ emphasis est hæc particula. Triplex est labor fidelium in domino. Primus ministrorum Euangelij. Secundus ac tertius fidelibus omnibus & ministris communis. Primus in prædicatione Euangelij, secundus in charitate fraterna. Tertius in seruanda fidei integritate & Christianæ uitæ sanctimonia. Nec primus, nec secundus nec tertius est inanis. Inanis est labor, ubi frustra laborat. Frustra laborare, est laboris finem nō assequi, uel in eo laborare, unde nullus potest prouenire laboris fructus. Labor ministrorum & fidelium in domino, inanis esse non potest, non laborantiū merito, aut laboris respectu, sed propter bonitatem ac ueritatē domini, qui labores suorum contemnere ac frustrare non potest. Quare locum hic non habent, qui fiduciā operum ac laborum docēt in ecclesia. Quod labor noster inanis non est, domino adscribit Apostolus non nobis. Ideo non simpliciter dicit: quod labor uester non est inanis, sed addit, in domino. Nec cuilibet labori, sed labori, qui sit in domino, hoc est, in causa ueritate ac spiritu domini fact⁹, nec in nobis sed in domino, hoc est, in gratia & uirtute domini, hoc tribuitur, quod non sit inanis. Nihil igitur tribuitur ab Apostolo laboribus nostris, quod non totum

pēdeat à gratia & uirtute domini. Quod nos attinet, inania sunt q̄ molimur omnia. Quid enim aliud præstiterit homo qui uanitas uanitatum uocatur à propheta? Quod uero bonitatem, gratiam, & uirtutem domini attinet, non est labor noster in ipso inanis.

Obserua uero quod non simpliciter dicit: quoniam fieri potest, ut nō sit labor uester inanis in domino, sed, scientes quod nō sit labor uester inanis in domino. Verbum sciendi opponit diffidentiae ac dubitationi. Qui hæsitat, fluctuat inconstans, nec firmo gradu in opere bono pergit. Qui uero scit se non in uanū operari, constanter in bono opere perseverat.

Ergo ne Apostolus respectu fructus, ex bonis operibus prouenturi, animos Corinthiorum ad bene operandum incitat? Cum dicit: scientes quod non sit labor uester inanis in domino. Respondeo. Generalis hic est laborantium omnium scopus, ut sperent se non laborare inaniter, ut quid enim facias quod scias esse inane? Verum alius atq; alius est laborum nostrorum fructus. Alius laboranti, alius illis propter quos laboratur cedit. Si sciam laborē meum in usus uel gloriæ Dei, uel proximi, uel meæ ipsius salutis cedere posse, cur non inde reddar in illo alacrior, quàm si dubitem ac fluctuem? Quis seruus, imò quis filius, non plurimum inde ad iustam obedientiam permouetur, si sciat se herō uel patri uolūtati ipsius obtemperādo, posse gratificari? Cum diceret hic Apostolus: Scio cui credidi & certus sum, qd̄ potens sit depositum meum seruare in illum diem, 2. Timot. 1. Et illud capite ultimo eiusdem epistolæ: Bonum certamen certavi, cursum cōsummaui, fidem seruaui, quod reliquū est, reposita est mihi corona iusticiæ, quam reddet mihi dominus in illa die iustus iudex, nō est ut iusticiarius ac mercenarius Apostolus loquutus, sed non modo laborum suorum solatium exprimere, sed & Timotheum suum & alios Christi ministros in opere domini, sicut hic Corinthios, animare uoluit.

## CAPVT XVI.



Aeterum de collatione in sanctos, quemadmodum ordinauit ecclesijs Galatiæ, ita & uos facite. In una sabbatorum unusquisq; uesterū apud se seponat, recondens quicquid commodum fuerit ne cum uenero, tunc collationes fiant.

Hactenus Apostolus mala in ecclesia Corinthiorum in moribus uitæ in ritibus sacris, in donis spiritus, & fide resurrectionis mortuorum pullulantia diligenti correctione amolitus, iam consequēter ad opus fraternæ charitatis dirigendum progreditur dicens: Cæterum de collatione in sanctos quemadmodum ordinauit



dinaui ecclesijs Galatię, ita & uos facite. Quā- A  
uis multis ecclesia illa uicijs laborabat, nō con-  
tentus tamen illorum repræhensione & corre-  
ptione adhortationem annectit, qua fideles il-  
lius ad opera Christianæ dilectionis rite pro-  
sequenda dirigat.

Loquitur autem de sanctis ecclesiæ Christi  
quæ erat in Iudæah. Hi potissimum opus ha-  
bebant subsidio ecclesiarum, quæ erant inter  
Gentes, partim propter insignem illam famē,  
quam propheta Agabus futuram prædixerat,  
quæ & sub Claudio imperatore euenit, sicut  
Actorum undecimo legimus, partim propter  
grauissimas persecutiones, quibus à sua gē-  
te afflictabantur, quarum meminit hic Apo-  
stolus 1. Thess. 2. dicens: Vos enim imitatores  
facti estis fratres ecclesiarum Dei quæ sunt in  
Iudæa in Christo Iesu, quia eadem passi estis  
& uos à contribulibus uestris sicut & ipsi à Iu-  
dæis, &c. Quare & apostoli Iacobus, Cephas  
& Iohannes, Paulo & Barnabæ, cum cōstitue-  
rent, ut illi inter Gentes Christum annuncia-  
rent, iniunxerūt ut memores essent pauperū,  
quod etiam diligenter fecerunt, sicut ipse Pau-  
lus Gal. 2. meminit, & hoc præsentī loco uide-  
re licet, quemadmodum & in ea quæ ad Ro-  
manos est capite 15.

CAETERVM, inquit, de collatione.] Græ-  
cè est, *πρὸς τὴν κοινίαν, κοινίαν* posuit pro *συλλογῇ*,  
uocem simplicem pro composita. Sonat colle-  
ctionem, quam aliàs uocāt collectam, *συλλήγαν*,  
quippe colligere significat. Vñus est Apostolus  
hac uoce tantum hoc loco. Ad Romanos cap.  
15. *κοινωνίαν*, id est, communicationē uocat, quā  
hic uocat collectionem. Colligebantur tribu-  
ta fidelium, quæ communicarentur fratribus  
egenis in Iudæah. Quare illa hic collectam, il-  
lic communicationem uocauit. Colligunt &  
sacriculi in missis suis, retinētq; ipsum adhuc  
collectę nomen, uerum collecta ipsorum non  
potest uocari cōmunicatio, quia in priuatos  
ipsorum non in communes egentium fratrum  
usus cōuertitur. Quemadmodū igitur fractio  
nem panis habent in missis suis sine cōmuni-  
catione, ita & collectas habent à cōmunicatio-  
ne alienas. In epist. sequenti cap. 9. ubi de ea-  
dem hac causa secūdo scribit, quam hic uocat  
*κοινίαν* uocat *συνκοινίαν*, ubi Eras. ærtit, bonam col-  
lationē cum aliàs sonat benedictionem, uerū  
de ea uoce illic, uolente domino dicemus.

Ergo subsidiū quo leuatur inopia egētium  
fratrum, uocat Apostolus *κοινίαν, συνκοινίαν, & κοι-  
νωνίαν*, collectionem uidelicet, benedictionem,  
& communicationem. Collectionis uoce etiā  
Germani utimur, dū eleemosynā in usus pau-  
perum collectam uocamus. *samlung*. Quemad-  
modū enim fructus feracis agri tempore mes-  
sis colliguntur, ita in ecclesia, ueluti feracium  
arborum agro, colligitur à fidelibus eleemo-  
syna, qua sustententur egeni.

Agrum hūc ecclesiasticorū fructuū ingressi  
sunt collectores monachorum mendicantiū,  
hominum ociosorum, subsidia uerorum pau-

perum interuertentium, deinde & stationarij,  
& quæstionarij, & indulgentiarij, &c. qui om-  
nes deuotione, ut uocāt, simplicium Christia-  
norum in quæstum suum ad saginandos ocio-  
sos uentres hactenus sunt abusi utinā uel nūc  
tandem uere Christianæ collectæ per fraternę  
charitatis spiritū post tot imposturas luce uer-  
bi Dei proditas in ecclesijs obtineant. Habeāt  
ueri pauperes suos collectores, homines pios  
ac fideles, qui sciant se seruiendo pauperibus  
Christi ipsi seruire Christo. Ad hanc collectio-  
nem requiritur à Christianis, ut dent largiter  
cū benedictione, ut quod quisq; dat uere pos-  
sit uocari benedictio, qua de re in epist. sequē-  
ti diligenter admonemur. A collectoribus ue-  
ro requiritur ut quod ex liberali fidelium cha-  
ritate collegerunt, fideliter & competenter e-  
genis fratribus secundum cuiusq; necessitatē  
distribuant, ut sit non solum larga fidelium be-  
nedictio, & sedula collectio, sed & fidelis di-  
stributio, & fraterna communicatio.

DE collatione, inquit, in sanctos.] Colligit  
in sanctos & diabolus, uerum nō subsidia sed  
uim aduersariam, ecclesiam uidelicet malignā  
tium. Colligimus in hostem copias militum.  
At hoc loco colligere in sanctos, est colligere  
subsidium in usus sanctorū, quod perinde est  
ac si te dicas æstate colligere in hyemē, & pa-  
rentes colligere in liberos.

Obserua uero, quales habeat ecclesia san-  
ctos. Tales uidelicet, in quos possint, imò ne-  
cesse sit, corporalia uite huius colligi subsidia.  
Hoc genus sanctorum, pauperum esurientiū,  
sitientium, nudorum, infirmorum, exulum, &  
captiuorum non agnoscit papatus, in quo nō  
habentur sancti, nisi canonizati diui, quibus  
nullus est collectæ subsidiariæ usus. At ueris  
sanctis neglectis, in diuos colligunt opes re-  
gias. Et interim accusant nos quod contemna-  
mus sanctos, propterea quod Deum colimus  
non diuos, & in ueros sanctos non diuos colli-  
gimus. Quod autē pauperes uocat sanctos,  
cum posset dicere: De collectione in paupe-  
res, ad hoc facit, ut commendet illis pauperū  
fidelium necessitates, reddatq; illos ad confe-  
rendum propensiores, dum admonet, nō esse  
contemnendos pauperes Christi, qui licet iux-  
ta sæculum egestate premantur, & propter  
egestatem, quæ ridiculos solet homines red-  
dere in hoc sæculo, contemptibiles appareāt,  
propter gratiam tamē cœlestis uocationis sint  
uere sancti & in precio habendi. Paupertas  
non reddit sanctum. Inuenias passim paupe-  
res impios & prophanos. Verum si fideles sint  
pauperes, Christianæ fuerit mentis respicere  
in illis non quid appareant in sæculo, sed quid  
sint in regno Dei, ideoq; uocare eos non pau-  
peres cum sæculo, sed sanctos cum Apostolo.

QUEMADMODVM ordinaui, inquit, ec-  
clesijs Galatię ita & uos facite.] Non solum  
docuit quid sit faciendum fidelibus in operi-  
bus charitatis, sed & ordinem faciendorū præ-  
scripsit. Non dicit: Collectas in sanctos facite,  
sed,



sed, de collectione aut in sanctos, quemadmodum ordinaui ecclesijs Galatię, ita & uos facite. Est igitur apostolici uiri nō solū facienda docere, sed & modos & ordinē faciendorū constitutere, quo quę facienda sunt, rite, cōpetenter & utiliter fiant. Ipsius quidē domini est leges statuere faciendorū, quas ministri & interpretes ipsius proponant ecclesię. Verū ut illę decen-ter & ordine seruentur, ministrorū est ordinare, sicut hic in Apostolo uidemus. Præceptum domini est, nō Apostoli, ut nos inuicem diligamus, & hoc facientes inuenimur discipuli nō Apostoli, sed ipsius domini, ut uero charitas ista in certis casibus cōpetenter exerceatur, ad officium pertinet Apostoli ac ministri Christi, ut plebi fidelium uias & modos faciendorum ordinet ac disponat. Neq; enim satis est homini Christiano, si bonis operib; studeat, nisi qđ faciendū est rite & utiliter, secundū circūstan- tias temporū, locorū, personarū & causarū fa- ciat, ad quam rem prudens Christi minister ec- clesię disponendo & ordinando subseruiet.

QVEMADMODVM ordinaui, inquit, eccle- sijs Galatię.] De Galatia si quid dicendū est, uidebit in epistola quā ad Galatas scripsit, si p- gratiā dñi ad explicationē illius puenerimus.

Questio-  
nes due.

ITA & uos facite, inqt.] Duo sunt hic que- rendo. Primum, quare ecclesiarū Galatię mē- tionem facere, & non simpliciter rem ipsam, de qua mox subiuncturus est, proponere uo- luerit. Alterum, quare non hac de re disposue- rit, cum esset præsens apud Corinthios.

1 Ad primum facilis est responsio. Galatarū mētionem facere uoluit, ne ipsis noui aliquid ordinare uideretur, & ut simul exemplo illorū quasi quodam stimulo, ad obtemperandū in- ducerent. 2 Ad alterū existimamus respon- dendum esse ad hunc modum. Apparet in du- bio esse an cum apud Corinthios esset, colle- ctam hanc in ecclesia illorum instituerit, de cu- ius hic modo & ordine præscribit. Si non insti- tuit præsens, parcebat illis, tanquam adhuc in fide recētibus, & simul cauebat ne suspiciōē quæstus incurreret, & maleuolis causam ob- trectandi objiceret. Si uero instituerat, simpli- citer ut occasio tulerat, nullo dum certo ordi- ne præsripto quę dabatur collegerat. Postea uero, cū iam essent paulō in fide maturiores, communem ecclesię ordinem præscripsit, cu- ius initio non ita fuissent tolerātes. Vtrum fe- cerit, dubio procul singulari & uere Apostoli- ca prudentia fecit.

IN una sabbatorum, inquit, unusquisq; ue- strum apud se seponat, &c.] Hoc erat scilicet, quod ecclesijs Galatię ordinauerat, & ab ea quoq; quę Corinthi erat fieri uolebat. Summa est. Nolebat collationem in suum usq; aduen- tum differri, sed expediri priusquam ad ipsos ueniret. Deinde modum tradit, quomodo id commodè fieri possit.

Principio, quibus ordinē hunc præscribat, in eo exprimit, quod dicit: unusquisq; uestrū. Vestrū, inquit, id est, qui Christiani estis, & fidē

A in Christum profitentes ad ecclesiā illius per- tinetis, uestrum, inq; unusquisq;. Ergo in gene- re Christianis omnibus qui erāt in ecclesia Co- rinthiorum præscribit quę hic ordinat.

At eleemosyna cum sit libera, uidetur non esse communis cuiusdam præscripti capax, sed uniuscuiusq; relinquenda uoluntari. Hilarem enim datorem diligit Deus, qui det non ex cō- stituto, sed ex libera beneuolentia.

Questio.

Respondeo. Christianę charitatis sunt quę ordinat hic Apostolus. Lex aut charitatis Chri- stianos constringit cōmuniter omnes. Quare præter rationem non est, quod de illa cōmuni- ter omnibus ac singulis præscribit. Hoc enim faciens accommodat se legi Christi. Et tamen neminem cogit inuitum, nec cuiquam onus impossibile imponit, licet à singulis fructum ueræ & Christianę charitatis requirat.

Duo sunt aut genera subsidiorum, quibus pauperum in ecclesia necessitatibus subueniūt. Vnum est ecclesiasticū, alterū cuiusq; priuatū. De ecclesiastico loquitur hoc loco. Hoc cōmu- nē omniū & singulorū cōtributionē requirit, & opus habet cōmuni præsripto & ordine. Alterū arbitariū est, & in cuiusq; uoluntate si- tū, quid, quantū, cui, quomodo & quādo dare uoluerit. Quare cum i. Tim. 6. de diuitibus mo- neret, dicens: His qui diuites sunt in præsenti sæculo præcipe, &c. nullum certū cōtributio- nis ordinē præscripsit, sed in genere dixit: ut benefaciāt, ut diuites sint operib; bonis, ut fa- ciles sint ad impartiendū, libēter cōmunican- tes, &c. Cum igitur ecclesiastica & publica collecta in omnibus debeat ecclesijs fieri, quo pauperū fidelium sustentatio nō à priuata pau- corū cōtributione pendeat, haud probare qua- rundam possumus ecclesiarū negligentiam, in quib; & nulla est ecclesiastica collecta, & pau- cissimi sunt qui priuata beneficentia pauperi- bus succurrant. Et si de stipendijs mortuorum certis temporibus aliquid in turbā pauperum erogatur, nō potest hoc tamen uiuentium libe- ralitati adscribi. Deniq;, etiam si de publico a- liquid subinde datur, nequit tamen eiusmodi eleemosyna pro fructu charitatis haberi, qui à singulis in ecclesia ferat. Non tam requirit hoc loco Apostolus publicam aliquam summam, quā singulorum fidelium collectionem, no- tanter dicens: Vnusquisq; uestrum. Inuenias in nonnullis Euangelicis ecclesijs quāmpluri- mos, qui totius anni decursu ne obolum qui- dem in usus pauperum Christi expendant, quibus magnopere necessarius esset hic or- do, quem Apostolus præscribit. Sane sic con- ueniebat institutas esse ecclesias, ut discerent omnes ac singuli fideles bonis operibus præ- esse ad necessarios usus, ne essent infrugiferi. Tit. 3. In Papatu dandum est singulis, uerum quę dantur, nō cedunt necessitatibus paupe- rum, sed libidini uoluptuariorum.

VNVSQVISQVE uestrum, inquit, apud se seponat recōdens quicquid cōmodū fuerit.] Duo dicit. Primū, quid quisq; facere: alterum,



quantū seponere debeat. Ad primū pertinet, A quod dicit, apud se seponat. Nō dicit, apud pa storē, doctore, diaconum, hunc uel illum, sed, apud se reponat. Reponere apud se, est aliquid à reliquo usu priuato & domestico eximere, & in usus sanctorum cōferendum seorsim reponere & asseruare. Vnde quod in Græco simpliciter est *παρ' ἑαυτῶ τὸ τίτω*, id est, apud se ponat. Erasmus uertit, apud se seponat. Sic ordinasse uidetur ad hoc, ut & omnis defraudationis ac subtractionis suspicio uitaretur, & simul pudori tenuiorum consuleretur, ne modica conferentes erubescerent, si illa singulis cogerentur septimanis in manus aliorum reponere.

Ad alterum referendum est quod addit, recondens quicquid commodum fuerit. In Græco est, *ἀποθησαυρίζων*. Significat autem *ἀποθησαυρίζων* non simpliciter colligere ac recondere, sed copiam quandā in futuros usus ac tēpus longinquum accumulare. Quod sic accumulatur, thesaurus uocāt. Mira aut est Apostoli philosophia, cui proprijs bonis adimere, & in alienos usus reponere, thesaurum est colligere. Sane cōmuni sensu non thesaurizat, qui de bonis suis tollit quod suis usibus adimat, & alienis deputet, sed qui undecunq; acquisita sibi ac suis in futurum recondit. At Apostolo erogare in sanctos, est thesaurizare. Hoc genus thesaurizandi depauperationi putatur esse confine. Verū non est aliud quod sit ad ueram opulentia cōparandam cōpendiosius ac certius. Sic usurpauit hanc thesaurizandi uocem, & Christus Lu cæ 12. & 18. ubi de bonorū in pauperes erogatione loquit. Et Apostolus 1. Tim. 6. cum dixisset: ut faciles sint ad impartendum, libenter cōmunicantes adiecit *ἀποθησαυρίζοντας* sibi ipsi fundamentū bonum in posterū, ut appræhendant uitam æternā. Vbi appositissime usus est hac uoce *ἀποθησαυρίζοντας*: significat enim *ἀποθησαυρίζων* de ijs q̄ quotidiano usu absumimus subinde aliquid seponere, & in futuros usus thesauri loco recōdere. Multa insumunt huius sæculi diuites, quæ ipso usu, imò sæpius abusu intereunt, & ea deniq;, quæ post mortē relinquunt hæredibus saluti ipsorū nihil commodant. Monet igitur Apostolus ut studio impartendi & cōmunicandi pauperibus indefinenter de bonis suis alioqui perituris aliquid seruent, & in thesaurū colligant, quo post hanc uitam fruant. Hoc idem & in præsentī monens dicit: Vnusquisq; uesterū apud se seponat thesaurizans. Cum autē addit quicquid cōmodum fuerit, cauet ne cuiq; præscribat, quantū in usus sanctorum reponere debeat. Hic enim nihil certi potest statui. Quare consultissime hoc uniuscuiusq; & facultati & commoditati permittit dicens, quicquid commodum fuerit. Est autē in Græco, *ὅτι αὐτὸν οὐδὲν ἴστω*. Valla uertendum putat, quod facile sit, uel, quod leue sit, aut, quod bene cedat. Erasmus uertit: quicquid cōmodum fuerit. Vulgata editio habet, quod ei bene placuerit, quasi sit *ὁ δὲ ἴστω*. Germanic⁹ interpres reddidit, *was im leidlich ist*. Sunt non-

nulli qui uertendū censeant, quod successerit. Sane *ὁ οὐδὲν ἴστω* prospere succedere significat. Verum nō est in Græco, *ὅτι αὐτὸν οὐδὲν ἴστω*, id est, quatenus successerit, prout cuiq; benedixerit Deus, secundum facultatū uel copiam uel tenuitatē, sed *ὅτι αὐτὸν οὐδὲν ἴστω*, id est, quicquid successerit. Germanice melius reddi potest ad hūc modū: *was im nitt ybel kompt*. i. quicquid nō fuerit molestū sed cōmodū, ut idē sit cū eo quod Erasmus uertit.

Quomodocunq; legamus, manifestū est ca uere Apostolum, ne dum ab omnibus ac singulis requirit, ut apud seipsos reponant aliquid in usus sanctorū, quenq; ex illis uel nimia uel coacta contributione grauare uideat. Sicut igitur in epist. sequenti cap. 8. dicit: nō ut alijs sit relaxatio, uobis autē angustia, ita & hoc loco nō imponit illis tantā contributionem, unde quisquā grauet, sed permittit unicuiq; liberū, ut tantum det quantū sine suo incōmodo dare poterit. Vtinam hæc duo mansissent in ecclesia, unum, ut quisq; fidelium aliquid reposuisset in usus pauperū, alterum ut cōtributionis huius quantitas unicuiusq; fuisset facultati & cōmoditati libere permissa. Nihil prorsus in pauperum conferre subsidia, sterilis est & infrugiferi Christiani. Quare satagendum est singulis, ut contribuendo tanq; fructificando declarent se arbores esse in domo domini non steriles, sed frugiferas. Quantum quisq; conferat, nulla lege præscribitur. Neq; arborum fructiferarum eadem est fertilitatis copia. Satis est unicuiq;, ad euadendum sterilitatis culpā, si non sit prorsus *ἀναργος*. Consimili modo in ecclesia nemo de quanto censetur, sed ij tantū steriles habentur, qui prorsus nihil ad alimoniam pauperum conferunt.

Ad hunc collectionis ordinem pertinet & illud, qd̄ dicit: in una sabbati, sicut habet uulgata editio. Sic tēpus quoq; præscribit, in quo debeat quisq; penes se aliquid in usus sanctorū reponere. Græcè est *κατὰ μίαν σαββάτων*, id est, p̄ unā sabbatorū. Chrysost. habet in singulari *σαββάτω*, id est, sabbati. In historia resurrectionis dominicæ nota est hæc loquutio, in qua una sabbati more Ebræo pro prima est sabbati posita. Vocula nanq; *πρῶτη* Ebræis sepe numero p̄ primo accipit, qua de re in Genesi annotauimus cap. 1. ibi. Et factū est uespere & mane dies unus. Sic una sabbati prima est post sabbatum dies in septimana, quæ nobis est dominica, p̄pterea quod in ea domin⁹ à mortuis surrexit.

Si hūc sensum hoc quoq; loco acceperimus, Quæstio. quærendum uidet, quare uoluerit Apostolus, ut die dominica quisq; seponeret aliqd apud semetipsum, in usus sanctorū. Chrysost. dicit hoc esse propterea factū, quod is dies plurimū habeat incitamentū ad cōtribuendū egenis fratribus cum propter dñicæ resurrectionis memoriam, tum propter mysteria Christi, quæ in cœtu sacro dominicis diebus dispensantur, deniq; propter quietem, qua in illis fideles à laboribus suis feriantes aptiores reddūtur ad ueræ pietatis & charitatis exercitia.

Sunt

Mira Apo  
stoli philo  
sophia.



Sunt qui respectu forsan eius quod legitur **A** uelut in plurali, in una sabbatorum, exponant ad hunc modum: Quisque uestrum per aliquā diem ex sabbatis, quam ipse uoluerit, aliquid apud se reponat, &c. quasi *κατὰ μίαν σαββάτων* idē sit quod per unum ex sabbatis, & non positū sit pro prima sabbati. Verum utut accipiamus manet hæc quæstio, quare ad hoc ut quisque apud se reponeret aliquid in usus sanctorum, uel unum ex sabbatis uel diem dominicū deputare uoluerit Apostolus, cum posset id quouis die fieri. Si requirere uoluisset, ut quisque in cœtum sacrum eleemosynam suam adferret, ibique illam fidei diaconorum concrederet, sane ad id instituti cōmodior cæteris fuisset dies dominicus propter cōuentus sacros. At cum dixerit, unusquisque uestrum apud se reponat recondens quicquid commodū fuerit, apparet nulla ratione hunc esse ab illo diē ad id instituti designatū. Hoc uero sentire de Apostolo admodum censemus esse temerarium. Quare, ut quid mihi hic cogitari posse uideatur, alijs proponam, puto illud in Græco, *κατὰ ἑαυτῶν τίθετω*, non esse positum pro, apud se seponat, sed hoc sensu. In una sabbatorum quisque uestrum suapte sponte ponat, intellige, in cœtu sacro, thesaurizans, hoc est, in thesaurum qui colligendus est, conferens, quicquid commodum fuerit. Huic sensui pulchre conuenit dominicæ diei deputatio, deinde & illud quod sequitur, ne cum uenero tunc collationes fiat. Etenim hoc dicens satis indicat uelle se, ut diebus dominicis in cœtu sacro fiant collectæ, priusquam ad ipsos ueniat, cui proposito non satisfecisset, si quisque apud se domi aliquid in futuram contributionem reposuisset. Eiusmodi nanque reposita tum demum colligenda fuissent, cum ipse ad eos uenisset, id quod uitari uolebat. Hæc cogitari possunt hoc loco, uerum an firma sint, aliorum esto iudicium.

**N**E cum uenero, inquit, tunc collectiones fiant.] Quare collectiones tum demum cum ad eos uenisset fieri noluerit, in epistola sequenti uidere licet, ubi cap. 9. sic scribit: Misi tamen hos fratres, ne gloria nostra, qua gloriore de uobis, inanis fiat in hac parte, ut quemadmodum dicebā, parati sitis, ne quo pacto fiat, ut si mecum uenerint Macedones, & offenderint uos imparatos, nos pudore suffundamur, ut ne dicam uos, in hoc argumento gloriationis. Hæc ibi. Ergo metuebat, ne negligentius agerent in hac causa, atque ita imparati in aduentu suo depræhensi, gloriationem suam de ipsis redderent inanem, & non se tantum, sed & seipsos pudori & confusione exponerent. Sic in posteriore epistola expressius ponit, quare collectionem hanc in aduentum suum differri noluerit, quā in hac priore. Erat autem & hoc metuendum, quamuis illud non attingit, ne si tū demum collectæ fierent, cum ad ipsos uenisset, uideret ob id tantū uenisse, ut pecuniā sub prætextu eleemosynæ corraderet, qua ipsum suū spiciōe maleuoli uehemēter grauare poterat.

**A**dmonemur hoc exemplo, quā debeat nos non modò benefacere fratribus, sed & sic studere beneficentiæ, ut quod bene facimus, nulli reddatur uel negligentia uel tergiuersationis, hoc est, animi non satis ad benefaciendum prompti & alacris, culpæ ac pudori obnoxium, quo pudore non modò ecclesia negligens ac tergiuersatrix, sed & ipse minister suffunditur, qui si fidelis sit domino, & amans salutis eorum, quibus est in uerbo præpositus, non minus de illorum dedecore, quā suū ipsius contristatur, quemadmodum nō minus de illorum gloria quā sua ipsius lætatur.

**V**bi uenero autem, inquit, quoscunque probaueritis, per epistolas hos mittam, ut perferant munificentiam uestrā Hierosolymam. Quod si fuerit opere precium ut & ipse proficiscar, mecum proficiscentur.

**H**actenus de modo collationis in sanctos colligendæ præscripsit, iam subiungit de modo quo sit illa Hierosolymam mittenda. **V**bi uenero autem inquit, quoscunque probaueritis, per epistolas hos mittā. Nolebat eam mitti nec ante suum ad illos aduentū, nec per quoslibet, neque suo arbitratu absque illorum calculis. Ad prius pertinet quod dicit: ubi uenero autē. Ad posterius, quod subiicit, quoscunque probaueritis, &c. **V**trobique admonemur, quanti fecerit Apostolus curam egentium sanctorum, & quā fideliter, quantaq; cum diligentia uoluerit non modo colligi illorum subsidia, sed & collecta dispensari.

**V**BI uenero autem, inquit.] Vide prudentiam Apostoli. Duæ partes erant collationis, de qua scribit. Vna colligendæ illius, altera dispensandæ. Priorem noluit in suum aduentū differri. Posteriorē uoluit differri dum Corinthum uenisset. Prioris rationem paulò antè assignauimus. Posterioris licet nulla exprimitur ratio, res ipsa tamen admonet, quibus de causis illam in suum usque aduentum differri uoluerit. Primum haud parum referebat scire ipsum quā liberaliter contribuissent fideles, & quomodo essent erga fratrum suorum necessitates affecti. Erat enim in eo magna pars efficaciae uerbi ac laboris Apostolici uelut in fructu spectanda. Prudēter igitur nolebat collectam hanc Hierosolymam mitti, priusquam ad ipsos uenisset. Deinde hoc cōsilio simul cauebat, ne parcius ac illiberalius contribueret. Voluit igitur ut stimularer eos expectatio aduentus sui. Si quæ nanque collecta essent absque Apostoli conscientia Hierosolymam mittere licuisset, dubio procul multo pauciora cōtribuissent, quā hac aduentus ipsius expectatione moti contribuerunt. Nolebant enim in præsentia illius pudefieri, sed magis approbati tanquam liberales in sanctos. Tertio cauendum erat, ne quo pacto, siue per negligentia, si quibuslibet absq; delectu collecta hæc Hierosolymam



rosolymam deportanda cōcrederetur, siue sinistro studio à nonnullis cura hæc præsumere tur, dispensatio ista non satis diligenter ac fideliter expediretur. Præterea, non erat committendum, ut causam hanc singulari cura à ceteris apostolis commendatam, iusq; deq; facere uideretur, si neq; collectionis illius, neq; dispensationis curam præsentia sua adornasset. Hisce rationibus, & alijs forsan uel consimilibus uel grauioribus uel secretioribus, apparet Apostolum hanc dispensandæ collectæ partē in suum distulisse aduentum. Nos eas indicamus, quæ uidentur esse probabiles, nihil interim de mente illius affirmantes, sed quid hic cogitari, & Apostolo in tali causa competere possit admonentes.

QVOSCVNQVE probaueritis, inquit, per epistolas hos mittam.] Ambiguum est quod dicit, per epistolas. Potest enim tam ad sequēs quam ad præcedens referri. Ad præcedens referūt utriq; interpretes, uulgatus & Erasmus, quemadmodum apparet in distinctione lectionis. Sic enim habent, quoscunq; probaueritis per epistolas, hos mittam. Sic coniungunt illud, per epistolas, uerbo probandi, & intelligunt de epistolis non Pauli, sed Corinthiorū ad Paulum. Ad sequens refert Chrysost. Non enim modo sic distinguit, *ὅς ἐστι δεικνύσκει, δι' ἐπιστολῶν τὰς πρὸς αὐτὸν*, sed & exponit ad hunc modū, *ἔτα ἵνα μὴ αὐτὸς ἀποκριθῇ ἀπὸ τοῦ ἀποστόλου, ἀλλὰ διὰ τῶν ἐπιστολῶν αὐτοῦ*, *ὅς ἐστι δεικνύσκει, δι' ἐπιστολῶν πρὸς αὐτὸν*, *ὡς αὐτὸς ἐλάττωσιν, ὅτι καὶ ὁ συνίσταται αὐτοῖς καὶ κοινωνήσῃ τῇ λειτουργίᾳ διὰ τῶν ἐπιστολῶν*. Sic ille de epistolis non Corinthiorum ad Paulum, sed Pauli, non ad Corinthios, ut Lyranus exponit, sed ad Hierosolymitanos scriptis intelligit, quibus operam suā quoq; pollicitus sit illis, quos ipsi essent Hierosolymam mittendos probaturi & electuri. Et hæc mihi sententia uerosimilior & causæ accommodatior uidetur. Etenim quorsum attinisset per epistolas probare absenti Apostolo quos Hierosolymam mitti uellent, cum ad ipsos uenturum se significaret, possetq; hæc probatio breui momento in ipsius fieri præsentia, idq; aliquanto melius quam in absentia.

QVOSCVNQVE probaueritis, inquit.] Quoniam collecta illa Hierosolymam mittenda ipsorum erat, ex communi omnium liberalitate contributa, permisit ipsorum potestati, per quos illam mittere uellent. Non dicit, quoscunq; probauero, sed, quoscunque probaueritis. Sic cauet omnib<sup>9</sup> modis, ne quā sinistram de se suspicionem concipiant, quasi in hac causa res agat non sanctorum egeium sed suas. Dispensationem communis collectæ permittit ipsis, at nostri episcopi quā egerint in hac causa fideliter, nemini non est omnium notissimum.

Obserua uero quā prudenter non dicat: quoscunq; uolueritis, aut quicumq; inter uos uolent, hos mittam, sed, quoscunq; probaueritis. In Græco est *δεικνύσκει*, quod uerbum certis experimentis aliquid quale nam sit proba-

re & cognoscere significat. Quasi dicat. Quoscunq; uiros probatē fidei & huic negotio ob eundo accommodos certo cognoueritis ac iudicaueritis, hos mittam. Igitur sic illorum potestati electionem eorum permittit, quos Hierosolymam sit missurus, ut simul prudentiam ac diligentiam requirat, qua nō quoslibet ad id instituti usurpent, sed cum iudicio eligant probatos. Sane requirebat res ipsa uiros & fideles & gnauos. Fideles qui pecuniā fidei suæ concreditam, nulla perfidia interuerteret, sed pro uoluntate eorum qui illam contribuerāt, sanctis egentibus, fideliter subministrarent: gnauos, qui in peregrinatione & longinqua & periculosa, quæ subeunda erat, prudenter sese gererent, ne per imprudentiam & sibiipsis periculum accerferent, & necessitatibus sanctorum incommodarent. Sic Act. 6. cum uideretur apostolis eligendos esse uiros aliquot, qui eleemosynæ dispensandæ præficerentur, iusserunt circumspicere multitudinem discipulorum, & eligere uiros septem ei negotio idoneos, *μαρτυρούμεν* uidelicet, id est, qui bonū haberent probitatis testimonium, essentq; pleni spiritu sancto, & sapientia præditi. Tanta scilicet cura uoluerunt apostoli prouinciam hanc concedi non quibuscumque temere, sed selectis probatæ fidei ac prudentiæ hominibus.

PER epistolas, inquit, hos mittam.] Probationem mittendorum tribuit ecclesiæ, missionem uindicat sibi, quod non facit tuendæ authoritatis suæ gratia, sed ad hoc ut missa collecta sanctis Hierosolymitanis competentius assignetur & exhibeatur. Erat scribendum ad apostolos, uel eos saltem qui eleemosynæ erant in ecclesia Hierosolymitana præfecti. At hoc à nemine poterat melius ac magis authentice fieri quā ab ipso Apostolo. Hoc innuens non simpliciter dicit, hos mittam, sed, per epistolas hos mittam. Quod autem non singulariter, per epistolam, sed pluraliter, per epistolas, dicit, intelligi potest de literis quarū erant aliæ scribendæ ad apostolos domini, Petrum, Iacobum & Ioannem, aliæ ad diaconos, aliæ ad ipsam multitudinem egentium sanctorū, quibus collectam Corinthiorum erat missurus. Hæ sunt ueræ Apostolicæ epistolæ, nō petaces & imperiosæ, sed uel sanctæ doctrinæ uel benedictionis, consolationis ac refocillationis feraces.

VT perferant, inquit, munificentiam uestram Hierosolymam.] Poterat Apostolus sic ordinare hanc causam, ut aliqui ex fratribus Hierosolymitanis circuiret per ecclesias Christi inter gentes, & subsidia in usus sanctorum peterent, colligerent, & Hierosolymā perferrent. Verum ea ratio circueundi ac colligendi eleemosynam tam fuisset dedecorosa Christi ecclesijs quā ad speciem mendicitatis accessisset. Quare honestius & Christianæ charitati conformius erat mittere ex ecclesia Corinthiorum uiros probos, honestos & gnauos, qui gratiam hanc Hierosolymam perferret, & sanctis



sanctis ἀδελφῶν redderent. Obseruandum autem est, quod non dicit: ut perferant collectam, uel collationē, aut pecuniam, sed, ut perferant munificentiam uestram Hierosolymā. In Græco est τὴν χάριν ὑμῶν, id est, gratiā uestrā. Sic reddidit & uulgatus interpres. Vsurpat autem dictionem gratiæ pro beneficio gratuito & liberali, quem sensum Erasmus expressurus uertit, munificētiam uestram. Iterum eos hac quoque uoce prouocat ad liberalem collationem, quæ possit singularis munificentiae loco haberi, ac simul cauet, ne quam erant Hierosolymam missuri pecuniam debiti loco haberetur, quo loco habentur quæ ex omni Europa sæculis iam aliquot non Hierosolymam, sed Hierosylimam, Romam illam omnis generis sacrilegiorum uoraginem mittuntur.

Obiter obserua, qualia Noui testamenti sacrificia Hierosolymam Apostolico missa sint instituto. In lege adferebantur undiq; hostiæ, uictimæ, oblationes, & holocausta, quibus Deo in templo illius sacrificaretur. Hoc genus Veteris testamenti sacrificia uidemus hic in philadelphia gratiam esse mutata, qua nō pecudes Deo, sed collectæ in usus sanctorū egenium distribuuntur. Et hanc gratiam repolcit dominus pro sua, quam nobis Apostolicæ literæ non satis possunt commendare. Per gratiam domini saluamur credentes, per nostram refocillantur esurientes ac sitientes. Si huic dominicæ gratiæ in nos, & nostræ in fratres egenos uicissitudini sacrificium laudis adiunxeris, compendium habes & nostræ salutis, & ueri cultus Dei.

Quod si fuerit opere precium, inquit, ut & ipse proficiscar, mecum proficiscentur. Tria agit hisce uerbis. Primum, ut significet Corinthiis, quā sit sibi causa hæc cordi. Usque adeo uidelicet, ut quamuis sit Apostolus Christi missus ad Gentes, sitq; omnium occupatissimus, partim prædicando illis Euangelium, quibus Christus nondū innotuit, partim eos qui crediderunt in fide Christi confirmando, paratus tamen sit inde Corintho Hierosolymam usq; proficisci, ac sanctis fratribus gratiā hanc ipsorum perferre. Secundum, ut rursus eos ad liberaliorem contributionem prouocet, dicit: Quod si fuerit opere precium, ut & ipse proficiscar. Græcè est, καὶ διὰ τὴν χάριν, id est, si uero dignum fuerit, hoc est, si tam largiter ac liberaliter contuleritis, si tanta fuerit collectæ uestræ gratia & copia, si ecclesiam sanctorum quæ Hierosolymis est, collatione uestra tam estis refocillaturi, ut dignum fuerit hanc uestrā gratiam per me ipsum Hierosolymam perferri non grauabor ipse proficisci. Hoc dicens admodum excitat eos ad liberaliorem collationem, dum significat, si largiter contulerint, se ipsum collectam ipsorum Hierosolymā perlaturum, sin minus, per alios missurum.

Tertium est, ut iterum caueat, ne quid mali de studio suo erga hanc causam suspicetur maleuoli, ex eo quod seipsum, si dignum fuerit,

Hierosolymam cum ipsorum collecta profecturum dicit. Ideo non simpliciter dicit, si dignum fuerit ipse proficiscar, sed, si dignum fuerit, ut ipse proficiscar, mecum proficiscentur, id uidelicet quos probaueritis. Sic magno studio cauet ubiq; ne quam sinistram in hac causa suspicionem incurrat. Non solum à malo, sed & à specie mali cauet sibi uir pius & probus, quanto magis faciendum hoc est Christi apostolis & ministris? præsertim in eiusmodi causa, in qua caro perfidiam suam studio quæstus exercere potest.

Mecum proficiscentur, inquit. Non dicit, quod si dignū fuerit, ut & ipse proficiscar, proficiscar cum ipsis, sed, proficiscentur mecum. Seruat decorum eius, qui quod agendum est, in suam curam suscipit. Huic si qui adduntur, adduntur uel tanquam adiutores, uel tanquam testes. Hi cum illo, non ille cum ipsis proficisci dicitur. Hic ubi nihil est periculi à sinistra suspicionem, seruat officij & personæ suæ decorū. Poterat dicere, si dignum fuerit ut ipse proficiscar, non erit opus ut proficiscantur ipsi. Poteo nanq; omnia sine ipsorum expedire presentia. Verum ea res facile dedisset prauæ suspicioni occasionem. Ideo sinit, imò constituit, ut probati ab ecclesia & ipsi proficiscantur, uerū seruat interim personæ suæ decorum, dicens, proficiscentur mecum.

Ad id quoq; consilium hoc conducebat plurimum, ut fratres ex Gentibus & per hos ipsæ ecclesiæ Gentium ecclesiæ Israël in domino arctius & familiarius per occasionem istā conglutinentur. Magna difficultate Gentes in consortium Israël admittebantur, sicut patet in Actis apost. Quare prudenti consilio Apostolus, doctor Gentium, per occasionē hanc collectarum Gentes ecclesiæ Israël magis ac magis commendare satagebat. Magna liquidem est beneficentiæ & gratiæ efficacia, præsertim ubi egestati & penuriæ rerum necessariorum in rebus afflictis succurritur.

Veniam autem ad uos cum Macedoniam transiero. Macedoniam enim pertransiturus sum. Apud uos autem forte permanebo, aut etiā hybernabo, ut uos me deducatis, quocunq; proficiscar. Nolo enim uos nunc in transcurso uidere, sed spero me tempus aliquantum mansurū apud uos, si dominus permiserit.

De aduentu suo ad ipsos iam aliquoties meminit. Suprà cap. 4. Perinde, inquit, quasi non sim uenturus ad uos, inflati sunt quidam. Sed ueniam breui ad uos, si dominus uoluerit, & cognoscam non sermonem istorum qui inflati sunt, sed uirtutem. Non enim in sermone regnum est Dei, sed in uirtute. Quid uultis? cum uirga uenio ad uos, an cum charitate & spiritu lenitatis? Et cap. 11. Cætera, inquit, cum uenero disponam. Et capite hoc præsentem, ne cum uene-



uenero, inquit, tunc collationes fiant, ubi uenero autem, quoscunq; probaueritis, per epistolas hos mittam. Ipse Corinthiorum ecclesiae status admodum deprauatus & corruptus aduentum Apostoli magnopere flagitabat, quo ut in absentia illius mala multa inualuerant ita per praesentiam quae corrigenda erant corrigerentur. Ideo toties se uenturum ad eos non in hac tantum, sed & sequenti epistola scribit, ut & male inter eos agentes in ordinem reuocet, & synceros in ordine retineat.

VENIAM autem ad uos, inquit, cum Macedoniam transiero. Macedoniam enim pertransiturus sum.] De hoc Macedonię transitu meminit Lucas in Actis cap. 20. Non dicit se profecturum in Macedoniam, sed Macedoniam pertransiturum. Ecclesiae namq; Macedonum praesentiam ipsius non requirebant, quandoquidem adhuc in fide Christi immote perstabant. Quare pertransire tantum Macedoniam constituerat.

APVD uos autem forte permanebo, aut etiam hybernabo, inquit.] Ne cogitarent, etsi uenerit, haud tamen hærebit apud nos, sed ut per Macedones, ita & per nos transibit; nosq; in transcurso tantum est uisurus, cum dixisset: Macedoniam enim pertransiturus sum, subiecit: apud uos autem forte permanebo, aut etiā hybernabo. Sic erigit pios, & sollicitos reddit eos, qui quoniam male agebant, malebant eum uel nunquam redire ad ipsos, uel si rediret, non hære, sed quam citissime transire.

Quid est autem quod non simpliciter dicit: Apud uos permanebo, sed, apud uos forte permanebo? An scribebat hoc uoluntate non certa sed dubia? Etenim uocula *τυχέμ*, id est, forte, non est animi certo persuasi, sed dubitantis, qualis esse solet eorum, qui res incertas proponunt ac tentant, & secundum carnem pleraq; praesumunt, id quod est hominum uanorum ac leuium. At talem fuisse hanc suam cogitationem negat, capite primo epistolę sequētis.

Respondeo. Certitudo uoluntatis humanae duplicem habet consyderationem. Vnam, quae secundum constans uolentis propositum, alteram, quae secundum sequuturi effectus certitudinem censetur. Priore modo ipsa uoluntas in se, propter certam & firmam deliberationem, certa uocatur. Sic dicimus, certum nobis est excutere iugum Antichristi, id est, deliberatum ac certo decretum, etiamsi non omnino hoc ex animi sententia succedat. Posteriore modo, id quod uolumus ac proponimus, certo futurum significatur. Sic ex opposito, uoluntas dubia dupliciter est consyderanda. Primo, in seipsa, quando uidelicet quae uolumus, non constanter deliberamus ac proponimus, sed de illis hæsitando ac fluctuando cogitamus, uel etiamsi in presenti certo ea uelle uidemur, mox tamen sententiam in diuersum mutamus. Deinde in effectu non certo sequuturo. Secundum priorem consyderationem non erat dubia Apostoli uoluntas, quam significabat dicens: A-

pu<sup>A</sup> pud uos autem forte permanebo, sed certa ac deliberata, quo pertinent ea quae cap. i. sequētis epistolae hac de causa leguntur. Relinquitur ergo dubiam fuisse secundum posteriorē consyderationem. Non enim certus erat de consilio Dei, a quo omnium propositorum nostrorum effectus dependet, iuxta illud: Homo proponit, Deus uero disponit. Sciebat omnē Apostolatus sui cursum pendere ab immutabili dispositione diuinæ uoluntatis. Quare cum hac in re nihil haberet de illa certi, non simpliciter dixit, permanebo, sed forte permanebo. Secus habet in rebus quae uerbo Dei nituntur, de quibus si dixeris, forte sic erit, omnino animi non fidelis, sed increduli notā expresseris.

Ergo ne apostoli quidem in omnibus quae uolūt, certi possunt esse de euētu. Sciunt quid uelint, at non ita sciunt futurum ne sit quod uolunt uel secus, quare & ipsi ad euitandam falsitatis temeritatem, in multis illud *τυχέμ* usurpare coguntur.

AVT etiam hybernabo, inquit.] Dubio procul adiecta est hæc particula ad intendendum futuræ apud ipsos mansionis moram. Quasi dicat. Imò tota etiā hyeme manebo forsan apud uos. Ergo quod dixit, apud uos forte permanebo, non est de perpetua mansione intelligendum, qualis est episcoporum, ab ecclesijs suis haud discedentium, sed de mora quā apud illos aliquousq; necesse ad hoc constituerat, ut quae delinquebant corrigeret.

B AVT etiā hybernabo, inquit.] Molesta est & incommoda hyems itinerantibus, nauigantibus, & militantibus, propter frigora, niues ac pluuias. Quare in consueto illis est, ut hybernent, donec sublata hyemis incommoditate cœptum possint absolvere cursum. Ergo & apostoli ut molestias hyemales declinent, hybernis stationibus utuntur? Utuntur sane, uerum sic, ut nihil ex eo decedat propagando Euangelio. Etenim si non minor est uirtus quam quærere parta tueri, non est minor Euangelij in rigando quam plantando profectus. Hyberna Apostoli statio non erat Euangelij apud Corinthios hyematio, sed sedula ppagatio. Quæ admodum capto Apostolo non erat captum Euangelium, ita hybernante Apostolo non hybernabat Euangelium. Hybernantibus militibus & nauigantibus, hybernatur militia & nauigatio. At hybernantibus apostolis non hybernatur ministerium Apostolicum, sed tam hyeme quam æstate fructificat, ac perpetuo ad propositum scopum collimat. Sic sunt Apostolicæ stationes, quas imitari debebāt, qui se successores apostolorum esse gloriantur. At horum tam est hodie plus quam mundanus fastus ac luxus, ut unius Romani pseudepiscopi hybernatur stationem uix ferat ciuitas quamuis ampla, si sumptus illius sustinere debeat.

V T uos me deducatis, inquit.] Officiū comitandi ac deducendi proficiscentes aliquot nobis scripturæ locis commendatur. Deducimus autem amicos, uiros honorabiles, & hospites.



spites. Amicos, quo significemus nos ægre à discedentibus auelli, paratosq; esse, si ita res ferat, una cum illis proficisci. Sic fideles olim deducebant discedentes à se ministros Christi & apostolos, ut uidere est Actorum 15. 20, & 21. Viros honorabiles, quo cum honore à nobis discedant. Sic olim Laconum iuuetus, senes domum è foro redeuntis honoris gratia deducebat, & à tergo prosequabatur. Sic comitatu suum habet principes ac magnates. Hospites & peregrinos tanquam uiarum ignaros deducimus, & ne quid illis aduersi contingat in itinere comitando cauemus. Habet hoc quoque deductionis genus officium humanitatis & honoris. Sic Abraham suos hospites angelos deducebat Gen. 18.

Cum ergo hic dicit Apostolus, ut uos me deducatis, significat qua sit erga eos singulari fiducia, promittens sibi ipsi omne de illis & charitatis & honoris obsequium. Et hoc pacto mitigat ea quæ suprà cap. 4. de aduentu suo non nihil asperius dixisse uideri poterat. Qua in re Apostolicæ nobis prudentiæ proponitur exemplum, quo cum Samaritano oleum beneuolentiæ correptionis uino immisceamus.

QVOCVNQVE proficiscar, inquit.] Cogitabat quidem Iudæam, sicuti patet capite primo epistolæ sequentis. Verum quemadmodum incertus erat, mansurus ne apud ipsos esset uel secus, ita incertus erat, quò nam ab ipsis discedens esset profecturus. Quare ut illic incertitudinem euentus expressit dicens, apud uos forte permanebo, ita hoc quoq; loco indefinitè dicit, quocunq; proficiscar. Quod non alio sensu dicit q̃ isto: Vt uos me deducatis, quocumque me proficisci uolet dominus. Etenim sic erat omnino animatus, ut in quemcunq; locum diuina ipsum esset prouidentia uocaturus, illò incunctanter proficisceretur. Reuera autè qui sic sunt animati, digni sunt, ut à fidelibus & amanter & honorifice deducantur, quocunq; proficiscantur.

NOLLO enim uos nunc in transcurso uidere, inquit.] Ratione uidetur reddere eius quod dixit: Veniam autem ad uos cum Macedoniâ pertransiero. Macedoniâ enim pertransiturus sum. Poterat uidere eos obiter, cum Macedoniam transeundam peteret, uerum id nolebat, propterea quod quæ apud eos erant corrigenda, in transcurso corrigi non poterant, sed diuturnas aliquas moras requirebant, unde & subdit, sed spero me tempus aliquantum mansurum apud uos. Et hoc ipsum quidem amicorum est uidere amicos & salutare in transcurso, si diuturna non conceditur mansio, quemadmodum uisurus erat Macedones, uerum aliud poscebat corrigendæ illius ecclesiæ necessitas. Quare si quis rationem poscat, quorsum non magis inuiseret Corinthios priusquàm Macedoniâ peteret, cum id etiam situs regionum posceret, exprimitur ratio, quor id facere noluerit, cum dicit: Nolo enim uos nunc in transcurso uidere, &c. Scribit autè hoc eam, ut exi-

stimo, ob causam, ne Corinthij, ubi audituri erant, transire Apostolum Macedoniam, sinistri aliquid ex eo colligerent, quod in transcurso illo ad ipsos non uenisset, atq; ita pij contemni se ab illo suspicarentur, reprobi uero magis adhuc pro ingenio suo peruerse agendi occasione fumerent. Sic inquam uidentur hæc esse exponenda. Verum, meo iudicio, non erraueris, si non de transitu Macedonico sed alia quam occasione exponas, quæ tum fuerit illi in manibus per quam ad eos in transitu uenire potuerit. Nam in sequenti epistola diserte significat, quod uoluerit per eos transire in Macedoniam, & inde redire ad ipsos.

Nec ociosum est, quod non simpliciter dicit, nolo uos in transcurso uidere, sed, nolo uos nunc in transcurso uidere. Vocula, Nunc, talè præsentem esse ecclesiæ ipsorum statum significat, qui non transcursum sed mansionem aliquam requirat. Sic non discriminat inter Macedones & Corinthios fideles, dum illos in transcurso uidere, istos non in transcurso uidere, sed tempus aliquantum apud eos morari constituit, quasi illos minus, istos plus diligat, sed prudenter circumstantias status utrorumq; cōsiderat, & quid salus Corinthiorum in præsentem poscat perpendit, cum dicit: nolo uos nunc in transcurso uidere, quasi dicat, quæadmodum Macedones, sed aliquantulum me tempus apud uos mansurum spero. Diligebat utrosq; ex æquo, tanquam eos quos per Euangelium Christo genuerat, uerum ut mater maiore cura ægrotantem filium quàm incolumè prosequitur, licet utrunq; tenerè diligat, ita & Apostolus magis est de Corinthiorum quàm Macedonum salute sollicitus, quamuis utrosque pari dilectione prosequatur. Sic in uno & eodè pectore par est charitas erga fideles omnes, cura uero ac sollicitudo dispar.

SED spero me, inquit, tempus aliquantum mansurum apud uos.] Quid est quod non simpliciter dicit: sed tempus aliquantum apud uos manebo, cum hoc esset ipsius consilium & cōcepta uoluntas? Si certo dicere potuit: Nolo uos nunc in transitu uidere, quomodo nō eque certo dixit, sed manebo apud uos? Si certum non erat mansurus ne esset apud eos uel secus, utiq; ne id quidem certum erat, quod nō esset eos in transcurso uisurus. Quomodo ergo dicit: se nolle eos uidere in transcurso, quod mansurum se aliquandiu apud eos speret, & non magis ad hunc modum: Spero me non uisurum uos in transcurso tantum, sed mansurum apud uos aliquandiu? præsertim cum utrunq; ex quo penderet non ab ipsius uoluntate & proposito, sed à permissione diuina, de qua subiungit dicens: si Deus permiserit.

Respondeo. Aliud est uelle, & aliud perficere quod uolumus. Quid uellet ac nolleret, sciebat Apostolus, & expressit etiam in eo quod dixit: Nolo uos nunc in transcurso uidere, quid uero futurum esset non ita sciebat, sed spe à diuina permissione pendebat, in cuius potestate



situm erat utrunq; cum uisurus ne esset ipsos in transcurso uel secus, tum mansurus ne esset apud eos aliquandiu, sicuti sperabat, uel minus. Quare, ut non dicit: Sed manebo apud uos, ita non præmisit: Non sum enim nunc uisurus uos, sed, nolo enim nunc uidere uos in transcurso, quibus uerbis non præiudicat permissioni diuinæ, sed uoluntatis suæ consiliū exprimit, cuius tamen effectum mox se nō scire sed sperare dicens, permissioni Dei subijcit.

Obseruet uero diligens lector, duo hæc uerba, nolo & spero, quomodo hic coniungantur & usurpentur. Duæ diuersę res sunt, transitus & aliquanti temporis mansio, quarum altera alteram excludit. Qui aliquandiu manet, non potest obiter transire, rursus qui obiter trāsīt, non potest aliquandiu mansisse dici. Diuturnam ergo mansionem sperans Apostolus, nolebat Corinthios uidere in transcurso. Quod si mansionem hanc nō sperasset, uidere eos in transcurso non recusasset, imō statuisset. Quis enim amicos nolit uidere uel in transcurso, apud quos se aliquādiu mansurum sperare nō potest? Quod igitur nolebat eos uidere in transcurso, ex eo erat, quod se tempus aliquantum mansurum apud eos, ut necessarium ipsis iudicabat ita & sperabat. Sic maioris boni spes minoris uoluntatem excludit.

Consimili modo & electis ac fidelibus accidit. Nolunt oblectari trāsitorijs ac perituris huius mundi bonis. Quare? Quia sperant se mansionem habere paratam in cœlis, ubi omnia sunt perpetua & infinita. Hac spe freti non inhiant terrenis ac transitorijs præsentis uitæ bonis. Reprobi uero, quia spem hanc non habent, transitoria bona sectantur, cogitantes in cordibus suis. Fruamur bonis quæ sunt, de futuris enim nihil nobis est certi. Quid igitur quisq; speret uel non speret ex eo quod impē se sectatur uidere licet.

Deinde obseruandum est, qualis sit hæc Apostoli spes, de qua dicit: Spero me mansurum apud uos, si dominus permiserit. Videtur esse incerta prorsus. Alioqui diceret: Quoniam dominus permittet. Spes autem incerta quid aliud est, quàm ut Basiliius alicubi scite dicet, uigilantis hominis somnium? At talis spes uidetur non competere fidelibus, multo minus apostolis. Non enim est Christiani hominis & ministri Christi, ut dicat: Spero me mansurum in cœlis, si dominus permiserit, sed potius ad hunc modum: Spero me mansurum in cœlis, quoniam dominus id credentibus in se promisit. Cogitandum est, cuius admonendum esse puto propter rudiores, duo esse spei genera, certæ unum, incertæ alterum. Prius ex certitudine fidei uerbo Dei innitētis nascitur, ad quod pertinet quod alibi dicit: Spes non confundit. Hoc spei genere dicit Christianus: Spero me mansurum in cœlis quia hoc in se credētibz promisit dominus. De spe eiusmodi nō loquitur hic Apostolus. Posterius, ex consilio & proposito est cordis nostri, Et quoniam uer

bo Dei certo & expresso niti non potest, certum esse nequit quod speratur. Huius generis est spes ista, qua se Apostolus sperare dicit fore ut aliquandiu apud Corinthios maneat. Id quoniam erat incertum, non dicit: quoniam dominus permittet, sed, si dominus permiserit. Ergo, inquis, ferebatur Apostolus in Apostolatu suo spebus incertis, non ex uerbo Dei sed consilio humano conceptis. Respondeo. Ipse Apostolatus Pauli ad Gētes, certo uerbo Dei nitebatur, quo dictum ipsi erat à domino: Vade, quoniam ego in nationes longe mittā te. Quò uero & quando iret, & quandiu singulis in locis hæreret, non erat uerbo Dei singulariter expressum sed à libera dispositione adductu spiritus Dei pēdebat. Quare quāuis certoungebatur Apostolatu, certo tamen de omnibus illius circumstantijs statuere non poterat, sed necessariū erat ut se ductui spiritus totum permitteret. Sic sperabat multa sub hac conditione, si dominus permitteret. Ergo utrunq; spei genus locum habet in sanctis, qui ut fideles fide uerbi Dei sperant ea quę omniū sunt certissima, & ut homines multa sperant sub hac cōditione, si dominus permittat, sciūt enim omnia pendere à diuinæ prouidentiae consilio & permissione. Prius spei genus non est nisi fidelium. Alterum commune est fidelibus & infidelibus, sic tamen, ut infideles spem suam non subijciant permissioni diuinæ, sed uel sapientiæ uel uiribus carnis

Si dominus permiserit, inquit.] Conditio nem hanc spei suæ adijcit, significans inane esse etiam sanctorum hominum propositum, si dominus illud permittere noluerit. Verū existimo consyderandum esse hoc loco, quomodo uerbum permittendi diuinæ possit tribui prouidentiae. Etenim aut mala sunt aut bona, uel indifferentia, quæ proponimus. Si mala, quomodo conuenit Deo, ut mala quæ uolumus permittat? Permittere nanq; malū quod prohibendum est, & prohiberi potest, ei non uidetur couenire iusticiæ, quæ culpa est libera ab omni. Si bona, uidetur nō esse satis permittere, quod præcipiēdum etiam est, & cum singulari numinis auxilio perficiēdum. Si indifferentia, quorsum attinet impedire ea quę propterea quod sunt indifferentia, libera sunt, ut absq; culpa uel omitti possint uel fieri?

Consyderationem hanc uideo esse geminā. Primum enim inspicienda est præsentis loci lectio, deinde transeundum ad id quod in genere de permissione Dei quæritur. Quod lectionem hanc, si dominus permiserit, attinet, in Græco est, *ἐάν ὁ κύριος ἐπιτρέψῃ*. Verbū *ἐπιτρέπειν* non modo permittere sed & committere nōnunquam significat quo sensu & Salustius uerbo permittendi subinde usus est. Quod si illū hoc loco receperimus, ut legamus, si dominus commiserit, nulla remanet quæstio. Si uero legerimus, si dominus permiserit, cogitandum est triplex esse permissionis genus. Primum, quo uoluntarij permittimus ea quę impedire poteramus,



poteramus, nisi petētium uotis assentiremur. Sic legitur dominus permisisse spiritibus im-  
mundis, ut sicuti petebant, demigrarēt in gre-  
gem porcorum Matth. 8. Secundum, quo coa-  
cti & inuiti permittimus ea potētoribus, quę  
impedire non possumus. Sic & nos & omnes  
nostras fortunas hosti permittimus, ubi resi-  
stendi uiribus destituimur. Tertium, quo neq;  
probātes, neq; coacti sed certas ob causas per-  
mittimus ea fieri, quę aliās impediēda, aut im-  
pedimus quę permittēda fuisse uidentur. Iam  
quod primum permissionis genus attinet cō-  
petere illud Deo nemo cordatus inficias ibit.  
Quis enim adeo stupidus est, ut neget Deum  
precibus suorum permittere innumera, quę  
omnium possit & iustissime & liberrime ne-  
gare? Cōsimiliter quod attinet tertium genus  
existimo sine omni controuersia recte tribui  
Deo, quod non modo permittat, id est, fieri si-  
nat mala, quę certis de causis impedire, sed &  
impediat bona, quę in speciem recte permit-  
tere poterat. Quod mala fieri sinat, manifesto  
testimonio ex uerbis Apostoli comprobatur,  
quę Actorum 14. leguntur ad hunc modū: qui  
in præteritis ætatibus sinebat omnes Gentes  
ingredi uijs suis. Poterat hoc utiq; prohibere  
& a uita humana auertere, uerum erant causę  
quar omnes sub incredulitatem concludens  
ea fieri permetteret, quę absq; ullo poterat im-  
pedire negocio. Quod bona in speciem non-  
nunquam certas ob causas impediat, uel in eo  
manifestum est, quod aliquando prohibitus  
est Apostolus loqui sermonem Euangelij, si-  
cuti uidere est Actorum 16. In se utiq; bonum  
est loqui sermonem uitę, in quo uirtus est ad  
seruandum credentes. Erant tamen causę pro-  
pter quas tum temporis nolebat illum prædi-  
cari spiritus Christi in Asia. Secundū uero per-  
missionis genus, quod est impotentię & coa-  
ctionis, nemo sanę mentis tribuerit Deo in-  
uincibili & omnipotenti. Ergo quod hic Apo-  
stolus dicit: Sperare permansurū se apud Co-  
rinthios, si dominus permiserit, recte, ut iudi-  
co, ad primū genus referetur. Erat enim hoc  
illi in uotis, ideoq; petebat à domino, ut per-  
missione ipsius quod sperabat perficere pos-  
set. Recte igitur tribuit scriptura Deo non mo-  
do bonorum & indifferentium sed & malorū  
permissionem. Vbi uel mala permittit, uel bo-  
na impedit, cogitandum nobis est, esse illi cau-  
sas & iustas & sufficiētes. Cur hoc faciat. Vbi  
permittit bona, de bonitatis illius ingenio, u-  
bi indifferentia permittit, de libera illius uolū-  
tate, potestate, & prudentia cogitemus. Hęc ob-  
ter de permissione diuina in gratiam imperi-  
torum annotare uoluimus. Neque enim pro-  
positi nostri est operosam disputationē ultra  
ea instituere, quę homini pio tanquam uera  
& simplicia satisfacere possunt.

Commorabor autem Ephesi usq; ad

A Pentecosten. Ostium enim mihi apertū  
est magnum & efficax, & sunt aduersa-  
rī multi.

Ambiguum est, Ephesi ne fuerit cum hęc  
scriberet, uel alio quodam loco constitutu s  
Ephesum proficisci, ibique ad Pentecosten us-  
que commorari constituerit. Sunt qui priorē  
sententiam sequantur. Ad calcem tamen epi-  
stolę subiecerunt Græci, scriptam eam fuisse  
Philippis, perque Stephanam, Fortunatum,  
Achaicum, & Timotheū missam. Ephesi fuisse  
scriptam, non uideo quā certo ex hoc sta-  
tui possit, quod illic se ad Pentecosten usque  
commoraturum dicit. Si diceret: cōmorabor  
autē hic uel nunc Ephesi usq; ad Pentecosten,  
nulla superesset ambignitas. Iam cum simpli-  
citer dicat: Commorabor autem Ephesi, quę-  
admodum & cap. præcedenti non dixit: Si se-  
cundum hominem cum bestiis hic Ephesi de-  
pugnaui, sed simpliciter: Si secundum hominē  
cum bestiis Ephesi depugnaui, existimo non  
posse hinc certo statui, quod epistolam hęc E-  
phesi constitutus scripserit. Hęc dicens, illic  
scriptam esse non nego. Nolim temere contra-  
dicere illorum sententię, qui sic sentiunt, non  
solum recentiores sed & ex ueteribus Græcis  
nonnulli, e quorum numero est & Chrysosto-  
mus, qui sic dicit: *ὅτι ταῦτα ἐπιστολῇ ἐν ἑφίῳ ἡμε-  
ρῶν ὄντι*. Et qui ex Græcis præfatus est, cō-  
simili modo, *ταύτῃ*, inquit, *ἐπιστολῇ ἀπὸ ἑφίῳ ᾧ ἀ-  
σίῳ*. Vt non puto firmum esse ex præsentibus  
Apostoli uerbis quod sentiūt, ita nō assero esse  
falsum, sed lectoris relinquo iudicio. Quid au-  
tem sequuti sint, qui e Philippis missam esse  
scripserūt, ne Eras. quidem cōiectare potuit.

COMMORABOR autem Ephesi, inquit, us-  
que ad Pentecosten.] Quoniam Macedoniā  
transitum se, ac postea ad ipsos uenturum,  
ibiq; mansurum aliquandiu dixit, ne putarēt  
ad id se itineris mox accincturum, particulam  
hanc adiecit dicens: Commorabor autem E-  
phesi usq; ad Pentecosten. Sic cauit, ne futura  
mora, quam Ephesi facere constituerat, inanis  
propositi suspicionem gignens omnem adue-  
tus sui expectationem utrisq; & pijs & repro-  
bis extingueret.

Chrysostomus particulam hanc amicitie in-  
diciū habere dicit, cuius hoc est proprium,  
ut consilia rerum gerendarum amicis reuelet.  
Mihi uero cautionis potius ac circumsp̄ctio-  
nis diligentiam spirare uidetur.

Illud, usque ad Pentecosten, Erasmus uer-  
tit, usq; ad diem quinquagesimum, quasi signi-  
ficarit se Apostolus quinquaginta dierum spa-  
cio Ephesi hæsurum. Meo tamen iudicio ma-  
gis expressit anni tempus, quo relicta Epheso  
Macedoniam transire constituerit, quā mo-  
rę spacium, quo Ephesi mansurus fuerit, præ-  
fertim cum in Græco per articulum eius sit tē-  
poris expressa specificatio. Non enim simpli-  
citer dicit: *ὡς πεντηκοστῇ*, sed, *ὡς ἄν πεντηκοστῇ*, qđ  
simpliciter de die Pentecostes intelligendum



est, nota & populo legali propter annuam solennitatem, & ecclesiae Christi propter missio- nem spiritus sancti.

Quam uero ob causam ad Pentecosten usq; Ephesi manere, ac tum demum proficisci con- stituerit, quoniam expressum non est, non est ut curiosius inquiramus, sed indubitato sen- tiamus, fuisse illi certas eius propositi causas, e quibus unam subiungit, qua tamen non tam singularem eius solennitatis, quam propositae morae rationem reddit dicens: Ostium enim mihi apertum est magnum & efficax.

Quod autem Pentecosten diem attinet, pu- to illum tum temporis non Christianis sed so- lis fuisse Iudaeis legaliter solennem ac festum. Quare si rationem illius aliquam habebat Apo- stolus, habebat illam aut propter temporis il- lius qualitatem proficiscetibus accommoda, aut propter Iudaeos, qui legali diei illius obser- uantia celeberrimos solebant habere conuen- tus, quorum ipse occasionem ad regni Chri- sti propagationem captare consuevit, id quod & Actoru 20. apparet, ubi memoratur, quam cupide properarit ut diem Pentecosten ageret Hierosolymis. Potest & illud cogitari. Erat na- tione Iudaeus, inter Iudaeos natus & educatus, atq; ita moribus illorum a puero assuetus. Iu- daeis autem in more erat, ut anni partes diui- derent secundum spacia & interstitia dierum solennium, Paschatis, Pentecosten, & festi ta- bernaculorum, & hac diuisione in rebus suis gerendis quoq; uterentur ad quem modum in Papatu quoque fieri uidemus, in quo uel ac- tiones suas uel proposita, aut compromissa certis solennium dierum festis utpote Natalis domini, paschatis, Pentecosten, diuoru quoq; beatae uirginis, Georgij, Iohannis, Iacobi, Mi- chaëlis, Galli, Martini, &c. terminare solent. Cum ergo educatus in hac esset Iudaeoru con- suetudine Apostolus, uerosimile est Christia- num quoq; factum esse illa usum, atq; ita hic simpliciter Pétecostes sibi diem proposuisse, ad quem usq; Ephesi in opere domini comoraretur, non quod dierum esset obseruantiae ritu Iudaico obstrictus, sed quod eam sibi mo- ram ad opus domini prouehendum necessariam fore iudicaret. Consimile est quod a nostris quoq; fieri uidemus, qui licet Papisticis super- stitionibus ualedixerint, adhuc tamé anni spa- cia in rebus gerendis secundum diuorum festa metiuntur ac terminant. Quid cogitari possit hoc loco simpliciter admoneo. Iudicet lector.

OSTIUM enim mihi, inquit, apertum est ma- gnum & efficax.] Rationem reddit, quare non sit statim Macedoniam transiturus, & Corin- thum uenturus, sed ad Pentecosten usq; Ephe- si haesurus. Cauet ne segniter ac negligenter in opere domini uersari, aut alias leuib; de cau- sis tandiu Ephesi haerere uideatur. Neq; enim Apostolici muneris erat diutius eodem in lo- co sine causa moras necere ac tempus inani- ter perdere. Assignat ergo propositae sibi mo- rae causam satis grauem ac praegnatem, eamq;

A talem, quae digna sit Apostolica diligentia & cura, cum dicit: Ostium enim mihi apertum est magnum & efficax, & sunt aduersarij mul- ti. Causa haec erat gemina. Prior concernebat aditum & accessum lucrificandi domino q- plurimos mortales. Posterior nascebatur ex improba impiorum hominu contradictione & reluctatione, quibus erat fortiter ac dextre resistendum. Vtraq; praesentiam Apostoli diu- turniorem requirebat.

Vtitur autem metaphorica dictione cum si- bi ostium apertum esse dicit. Significat non mo- do rimam aliquam introducendi ad Ephesios salutis doctrinam, sed & ostium, id est, uia & accessum esse factum, idq; non angustum sed amplum & magnum. Videbat multorum ani- mos paratos esse ad audiendum sermonem Euan- gelij, & non paucos illum iam fide acceptasse atque ita magno successu propagari illic re- gnum Christi.

B Obserua uero, quod non dicit: Ostium mi- hi aperui, sed, ostium mihi apertum est. Non aperiebat ipse ostium sermoni Dei, cuius erat minister & Apostolus, sed aperiebat ille, qui & clauem habet cordium humanorum, & om- nia obstacula potentiae aduersariae nutu suo amouere potest & tollere, unde & ad Coloss. 4. hortatur fideles ad orandum pro se, ut Deus aperiat sibi ostium sermonis. Quasi quodam ostio occlusa erant mortalium corda caecitate & obstinatione, sic ut nullus pateret ad illa sci- entiae Dei aditus. Cum autem aperiret illa spi- ritus Dei afflatus, quid fiebat aliud, quam qd aperiebatur Apostolo Dei ostium introducen- di regni Dei, & excludendi regni Satanæ? Nec impedit hunc sensum, quod non dicit: ostium apertum est regno Dei, sed, ostium apertum est mihi. Non erat ipse princeps, sed dux principis Christi, cui Apostolica functione militabat. Cum ostium aperitur duci, aperitur non duci sed principi. Sic cum ostium aperitur Aposto- lo, aperitur non Apostolo, sed principi aposto- lorum ipsi Christo.

MAGNUM, inquit, & efficax.] Magno ostio aperto magna datur introeundi copia. Quo maius aperitur ostium, hoc maiori datur mul- titudini ingrediendi facultas. Cum ergo signi- ficare uellet Apostolus per singulare Dei gra- tiam esse factum, ut multoru essent animi ad recipiendum Euangelium patefacti, non sim- pliciter dixit: ostium enim mihi apertum est, sed adiecit, magnum & efficax.

ET efficax, inquit.] Quorsum hoc adiecit? Est ne magnum aliquod ostium quod non sit efficax? Plane licet inuenire magnam oblatam gerendae rei copiam, cui tamen desit perficien- di efficacia. Significans igitur non modo ma- gnum & patentem dari sibi accessum ad pro- pagandum ueritatis doctrinam, sed simul da- ri & efficaciam, qua mentes multorum illumi- nentur, & magna lucrifiat domino credentiu multitudo addit & efficax. Magnum ueluti o- stium apertum est, quando ueritatis doctrina audiunt



audiūt passim multi. Efficax uero tum demū est, quando non solum audiunt multi, sed & quod audiunt auide & bono corde recipiūt, atque ita ad cognitionem ueritatis perducti resipiscunt & conuertuntur. Cum hoc Ephesi ad initium Euangelicæ prædicationis heret, magna erat Apostolo ratio, tam præclarā propagandi regni Dei occasionem non negligendi, sed magno diuturnioris præsentiae suæ studio prosequendi.

Quod lectionem attinet, habet uulgata editio, non efficax sed euidens. Apparet interpretem legisse *ἰσαχυς* pro *ἰσχυς*. Sonat enim *ἰσαχυς* euidens, *ἰσχυς* uero efficacem. Sed hac de re annotauit & Erasmus. Si cum uulgata legerimus, euidens, sensus erit. Quoniam ostium mihi apertum est non angustum sed amplum, non obscurum sed luculentum & manifestum, manebo Ephesi usque ad Pentecosten, ut tam insigni gratiæ Dei, tamque luculenter declaratæ diutius subseruiam. Est hic quoque sensus haud incommodus. Nec priorem excludit, imò necessario requirit. Prius enim est gratiam Dei esse efficacem in ministerio Euangelij, deinde efficaciam hanc sequitur ut fiat illustris, euidens, & luculenta, dum uirtus illius manifestissimis diuinæ operationis argumentis declaratur.

Et sunt, inquit, aduersarij multi.] Hæc erat illi altera diutius manendi causa. Quo enim plures ostium illud regno Dei apertum denuo conabantur occludere, hoc magis Apostoli tanquam ducis præsistentia ac dexteritas requirebatur.

1. Sunt autem hic duo notanda. Vnum quæ sit fors Euangelij. Ea uidelicet, ut hoc plures sortiatur aduersarios, quo maius illi & efficacius aperitur ostium. Huius rei exemplū hoc loco proponitur. Quemadmodum enim non simpliciter dicit: Ostium enim apertum est mihi, sed, ostium apertum est mihi magnum & efficax, ita non simpliciter subiicit, & sunt aduersarij nonnulli, sed, & sunt aduersarij multi. Sic princeps huius mundi quo magis inualefcit Euangelij cursus, hoc plures illi obijcit aduersarios. Horum igitur multitudo haud mediocres sed magnum ueritati ostium apertum esse innuit. Quare tam abest, ut terreri debeamus, si plures aduersarij contra doctrinam ueritatis insurgant, ut magis id nobis conueniat esse solatio, propter certum inualefcientis regni Dei argumentum. Si non agnoscimus illius successum in seipso, agnoscamus saltem in multitudine aduersariorū. Augescens quippe furor Satanæ tantum non uociferatur, augeri illi metum breui destruendi ipsius regni, quod uideat regni Dei uires quotidie magis ac magis inualefcere.

2. Alterum est obseruandum hoc loco, quod multitudo aduersariorum causam dedit Apostolo non discedendi sed potius diutius manendi. Carnalis homo cogitasset, frustra se mansurum eo loco, ubi tam multi aduersarij con-

tra se insurgant, quod unus tam multis retundendis sufficere non posse uideatur. At Apostolus, quoniam non solum multitudinem cōsyderabat aduersariorum, sed simul, imò magis tam luculentam cœlestis gratiæ efficaciam, imperterrito spiritu uim aduersariorum sustinebat, & hoc sibi manendum ac pugnandum diutius statuebat, quo plures Euangelio Christi contradicebant. Exemplum hoc fidelibus Christi ministris proponitur, ut & ipsi hoc minus à grege commisso discedāt, quo pluribus ille hostibus obiectus esse uideatur.

Dicet mihi quisquam: quid ergo tu ecclesiam Augustanam in eo discrimine deseruisti, quo pluribus erat & ualētioribus aduersarijs quàm unquam antea obiecta? Respondeo. Abegit me ab ea ecclesia non terror aduersariorū, sed horror accepti Interim, cuius præuaricationis ne in minimo quidem consors esse uolebam. Vbi lupo in ouile recipitur, & uoces illius pro uocibus pastoris sectandas esse decernitur, hic discedens pastor non deserit gregē, sed à grege desertus melioribus sese uisibus, si domino uideatur, asseruat.

Qui uero fuerint aduersarij illi multi, qui doctrinæ Apostoli resistere moliebātur, Actuum 19. uidere licet. Alij erant ex Iudæis, qui indurati non credebant, sed male de uia domini coram multitudine loquebantur, alij erant ex Gentibus quorum uelut antesignanus erat Demetrius faber argentarius, quæstū in cultu Dianæ, perinde atq; Papistarum sacrifices in cultu diuorum, sequens. Huius improbitate non modo eiusdem quæstus complices, sed & tota ciuitas aduersus Apostolum in furorē seditionis concitabatur. Quare non immerito multorum hic facit aduersariorū mentionem.

De eo uero, quod ostium sibi magnum & efficax apertum dicit, eodem capite legitur ad hunc modum. Ingressus autem synagogam libere loquebatur, ad tres menses, disputans & suadēs de regno Dei. Cum autem quidam indurarentur nec crederent male loquētes de uia domini coram multitudine, digressus ab illis segregauit discipulos, quotidie disputans in schola Tyrāni cuiusdam. Hoc autem factū est per biennium, ita ut omnes qui habitabāt in Asia audirent sermonem domini Iesu, Iudæi simul & Græci. Sic magnum erat illi apertum ostium. Quam uero fuerit illud efficax, memoratur hoc pacto. Virtutesque non uulgares ædebat Deus per manus Pauli, ita ut etiam super infirmos deferrentur à corpore eius sudaria & semicincta, & recederent ab eis morbi & spiritus mali egrederētur. Item. Hoc autem innotuit omnibus Iudæis simul & Græcis qui habitabant Ephesi, & incidit timor in omnes illos, & magnificabatur nomen domini Iesu. Multi que credentium ueniebant confitentes & annunciantes facta sua. Multi autem ex eis, qui curiosas artes exercuerant cōportatos libros exusserunt coram omnibus, & supputatis precijs illorum repperunt pecuniam



cuniæ quinquaginta millia. Ita fortiter crescebat sermo Dei & confirmabatur, &c. Hæc ibi, quibus satis perspicue exponitur, quod hic Paulus ad Corinthios scribit.

Quod si uenerit Timotheus, uidete ut absque metu sit apud uos. Opus enim domini operatur, quemadmodum & ego. Ne quis igitur eum spernat, sed prosequamini eum cum pace, ut ueniat ad me. Expecto enim illum cum fratribus.

Timotheum ecclesiæ Corinthiorum commendat. Hunc enim ad illos miserat priusquam epistolam hanc scriberet. Qua de re supra capite quarto sic legimus. Hac de causa misi uobis Timotheum, qui est filius meus dilectus, & fidelis in domino, qui uobis in memoriam reducet uias meas quæ sunt in Christo, quemadmodum ubiq; in omni ecclesia doceo. Quando autem, & unde & cum quo hunc miserit, existimo Actorum decimonono memorari ubi sic legitur. His autem expletis proposuit Paulus in spiritu transire Macedonia & Achaia ire Hierosolymam, dicens: postquam fuero ibi, oportet me & Romam uidere. Misis autem in Macedoniam duobus exijs qui ministrabant sibi, Timotheo uidelicet & Erasto, ipse remansit ad tempus in Asia. Misit ergo Timotheum non solum, sed unà cum Erasto. Et Christo hoc in more erat ut binos discipulos mitteret ante faciem suam. Præterquam autem quod eiusmodi duorum missio exemplo Christi sanctificata est, commendatur etiam sua ipsius commoditate. Quod uero & hic & supra capite quarto solius facit Timothei mentionem, non ob id facit, quod hunc solum miserit, sed quod legationis onus in illum præcipue, tanquam singulari fide & dono spiritus præditum, incumberet. Qua in re rursus obseruanda est prudentia Apostoli, nō in eo modo quod binos, sed & quod impares misit, de quo non est hic dicendi locus. Deinde apparet misisse eum ex Epheso, quādo quidem Asiæ sit mentio. Tertio misit eum, cum Macedoniam & Achaia transire constituisset, priusquam Hierosolymam proficisceretur. Vbi hæ circumstantiæ consyderantur, uerosimile apparet loqui illum hoc loco & supra capite quarto de eadem missione Timothei, qua unà cum illo Erastum transituro sibi Macedoniam ad hoc præmisit, ut quæ in ecclesijs cum Macedonia tum Achaia gererentur cognosceret, priusquam iter illud ingrederetur. Neque enim consultum erat, ut nescius horum ad illas ueniret.

Quod si uenerit, inquit, Timotheus. Rursum non affirmanter sed cum conditione loquitur, non dicens: Venturus est ad uos, sed: Si uenerit ad uos Timotheus. Multa poterant illi in itinere impedimenta obijci, quibus impeditus non esset Corinthum uenturus. Erat enim iter illud nihilo facturus securius, quàm

si agno uersandum sit in medio luporū. Quare consulto dicit: Si uenerit ad uos Timotheus. Quasi dicat. Si uoluntas domini fuerit, ut quemadmodum proposui, in hac ad uos profectione ueniat.

Quod autem non in præterito dicit: Si uenit, sed in futuro, si uenerit, ex eo est, quod tamen si miserit eum priusquam literas istas scriberet, haud tamen sic misit, ut recta Corinthū abiret, sed ut primum Macedoniam transiret, & ecclesias inuiseret, ac tum demum Achaia & Corinthum peteret. Quare qui literas hæc perferendas acceperunt, priusquam ille tanquam recta absque ambagibus proficiscentes Corinthum appellere potuerunt.

VIDE TE ut absque metu, inquit, sit apud uos. Tria petit ab ecclesia Corinthiorum in hac commendatione Timothei. Vnum est, quod hic exprimit. Ut uidelicet sit apud eos, si uenerit absque metu. Poterit autem hic queri, quomodo petat hoc à Corinthijs fidelibus, cum ne ipsi quidem contingere potuerit uispiam, ut sine metu secure Christum prædicaret. An non supra capite secundo dixit: Et ego per infirmitatem & cum timore ac tremore multo apud uos uersatus sum? Deinde, quomodo potuerunt curare fideles, ut absque timore ageret apud ipsos Christi minister, quū & ipsi in medio impiorū agerent, nec furias illorum compescere possent?

Respondeo: Rem petit Apostolus à Corinthijs nec iniquam, nec inutilem, nec impossibilem. Duplex autem timoris genus poterat euenire Timotheo apud Corinthios constituto, ab infidelibus uidelicet unum, à falsis fratribus alterum. Vtrunque sæpius expertus fuerat ipse Apostolus. De priori autem non præscribit hic fidelibus, cui & ipsi erant obnoxij, nec resistere poterant. Alias perinde fecisset, ac si quis præscribat ouibus, quomodo curare debeant, ut pastor ipsarum absque timore sit luporum, leonum, & ursorum, quam securitatem ipsæ nec sibi ipsis nec illi præstare possunt. Reliquum est ergo ut de posteriori loquatur, petens ut Timotheo apud ipsos secure sine metu falsorum fratrum agere liceat. Id erat & æquum, & utile, & ipsis præstitum possibile.

Non est autem ociose transeundum, quod hoc Timotheo suo procurare studet, ut apud Corinthios absque timore degat. Consyderat animum illius imbecillio rem adhuc quàm qui falsorum fratrum insidias dextre & intrepide sufferre ualeat. Et reuera magnè sit fortitudinis oportet quisquis illas animo infrecto sustinere potest. Multo omnino facilius est homini pio contemnere furorē infidelium quàm insidias eorū qui se fidelibus Christi annumerari & pro fratribus haberi uolūt. Dicit non potest quàm cruciat animum fidelis ministri, & omnem illius alacritatem in obeundo ministerio dei jciat, si se falsorum fratrum insidijs obnoxium esse uiderit, nisi singulari

rum quo.

unde.

quando.



gulari spiritus robore diuinitus suffulciatur. Non est animus ministri in ecclesia contentio nibus, contradictionibus, obloquijs, contem ptu, & insidijs deijciendus, sed obsequijs po tius, consensu, obseruantia, & officijs dilectio nis erigendus, quo ministerium suum alacri spiritu obire & indefesso studio ecclesiam ædificare possit. Abiectus enim animus nec est ad ferendos infidelium insultus, nec ad corri genda ecclesię uicia, satis idoneus.

OPVS enim domini operatur, inquit, quē admodum ego.] Reddit rationem, quare ue lit eum secure agere apud Corinthios. Quo uidelicet liberius aberrantes à uia Apostoli ca in ordinem reuocet, dum non est quod si bi ab ullis fratribus metuat. Et hoc uocat o pus domini operari. Opus enim domini ope ratur non ille modo, qui fundamenta illius iacit, sed & qui prauaricationes ædificij il lius rite corrigit. Non dicit autem: opus do mini nouit, sed opus domini operatur. Ne cessarium quidem est ministro, ut sciat opus domini, uerum sufficiens non est ad hoc ut sit fidelis, nisi quod nouit operetur etiam. Nec dicit: operabitur, in futuro, sed operatur. Hoc est, sic fidelis est in ministerio, ut quocunque uenerit operi domini rite perficiendo sit se dulo intentus. Quid tale de nostris hodie po test episcopis ac presbyteris dici? Opimas prælaturas ac dignitates sectantur, quicquid fiat de opere domini. Imò tam abest ut opus domini operentur ipsi, ut nec ab alijs hoc fieri sinant. Et quod adhuc detestabilius est, con demnent etiam & horrendis pœnis obijciāt, si quis operi domini fideliter incumbat.

Quid est autem opus domini à fide li mini stro obeūdum? An mitram gestare bicornem, anulis uincire digitos, pedum ostentare pa storale, pallio ueluti contra pluuias amiciri, lumbos in morem pascentium oues præcin gere, semel atque iterum in anni spacio sceni cam ludere fabulam, parietes ecclesię, cali ces, aras & campanas inungere? Hæ nugæ nō sunt opus domini. Opus domini est, ministe rium prædicandi Euangelij, plantandi & ri gandi ecclesias, & sedula cura salutis fidelium incumbere. Opus domini est, quod non hu manitus est excogitatum, sed ab ipso domino apostolis & apostolorum successoribus impo situm, quod & apostoli fideliter sunt operati. Operentur hoc opus episcopi, uel si ipsi hoc facere nesciunt, permittant idoneis homini bus, & sublata erit omnis nostrorum tempo rum controuersia.

QVEMADMODVM & ego, inquit.] Ergo ne Timotheus par erat Paulo in opere domi ni perficiendo, cum ille plus omnibus labo rauerit? Non hoc dicit. Commendauit illum in eo, quod in opere domini non declinaret uel ad dexteram uel ad sinistram, sed eadem secum, regia uidelicet, uia ingrederet. Quod igitur dicit: Opus enim domini operatur quē admodum & ego, idem est ac si dicat: Non

præuaricatur in opere ministerij sui, sed ope ratur opus domini fideliter, idque secundum meas uias, de quibus uos admonebit. Clanculum hoc dicens pseudapostolos & pseudapostolorum discipulos perstringit, qui non re tto pede ad Euangelium Christi accedebant, sed ecclesiam Corinthiorum à uijs Apostoli cis quibus erat plantata, seducere molieban tur. Sic igitur commendat Timotheum tan quam fidelem operarium domini ac germa num suum discipulum, ut & morigeros illi reddat Corinthios & simul pseudapostolo rum studia retundat.

Obiter obseruandum est bonæ conscien tię ingenium, in eo quod tam confidenter nō solum de Timotheo sed & de seipso prædi cat, quod opus domini operetur. Sciebat ad illud neminem esse per se idoneum, quemad modum & epistola sequenti capite tertio scri bit, uerum quoniam bona cum conscientia in opere domini uersabatur, non dubitauit hoc de se contra pseudapostolos prædicare, interim ab omni inani iactantia alienus.

NE quis igitur eum spernat, inquit.] Se cundum hoc est, quod Timotheo suo apud Corinthios conciliare satagit, condignā uide licet estimationem & auctoritatem, tan quam ei, qui perinde atque ipse opus domi ni operetur. Vnde & non simpliciter dicit: ne quis eum spernat, sed, ne quis igitur eum spernat. Quasi dicat. Quoniam opus domini operatur perinde atque ego, dignus est quem in precio habeatis, & à nemine uestrum con temni sinatis.

Obserua hic, quos nam ministros & quam ob causam, in precio habere debeat ecclesia. Eos uidelicet qui similes sunt Timotheo, pro pterea quod opus domini operantur sicut o perati sunt apostoli. Sic alibi dicit eos qui be ne præsumt in uerbo, duplici esse honore di gnos. Dubio procul non erat hic Timotheus iuxta sæculum spectabilis. Verum quoniam opus domini rite operabatur dignus erat & Apostolica commendatione & honore fide lium in ecclesia Christi. Qui huic sunt dissi miles, etiam si mille canones prætexant, & huius sæculi principes adæquent, ut non com mendatur nobis commendatione Apostoli ca, ita indigni sunt, qui habeantur in precio, dignissimi uero qui non modo contemnan tur, sed & fugiantur.

Quid autem causæ erat, quur hoc peteret à Corinthijs ne Timotheum suum quisquam ipsorum sperneret, cum essent Christiani, qui bus scribebat & ad quos illum mittebat? Ut hoc ab illis posceret in causa erant reprobi ac præuaricatores in ecclesia Corinthiorum, à quibus ipse quoque contemnebatur. Sciebat illis non placitum discipulum fidum ac syn cerum in causa in qua ipse ante illum displi cebat & cōtemnebatur. Neque scribebat hoc propter illos, sed propter imbecilliores, qui sermonibus illorum facile poterant ad con temnen-



temnendum Timotheum induci. Admone-  
mur hoc loco, quid expectandum sit ueris ac  
sinceris uerbi Dei ministris, ab illis qui nec  
Christum ipsum nec apostolos alicuius faciunt.  
Quomodo uenerabuntur discipulum qui pre-  
ceptorem contemnunt?

SED prosequamini eum cum pace, inquit,  
ut ueniat ad me.] Vulgata habet, deducite au-  
tem illum in pace, quæ lectio recte conuenit  
cum Græco uerbo *προσέμψατε*. Tertium hoc est,  
quod à Corinthijs Timotheo suo præstadium  
poscit. De ratione & usu deductionis dixi-  
mus suprâ, unde facile uidere est, quid officiū  
illius Timotheo impendi uelit. Hoc uero di-  
cens, significat eum non ad hoc esse missum,  
ut apud ipsos maneat, sed ut in transitu quæ  
in ecclesia ipsorum geratur uideat, & quæ cor-  
rigenda sint moneat, ac postea deductus ab ip-  
sis cum pace, ad se properet.

Dictione pacis monet eos charitatis & cō-  
cordiæ, auocans à studio sectarum quo labo-  
rabant inter illos plerique. Vbi nanque obti-  
nent studia sectarum, ibi contentiones & dis-  
sidia uigere necesse est. Vbi hæc uigent, peri-  
clitatur charitas, concordia & pax. Cum igitur  
deductionem Timothei ab illis poscit quæ  
fiat cum pace, cum pace inquam non aliquo-  
rum tantum sed omnium simul fidelium, simul  
monet ut relictis dissidijs & contentionibus  
studeant charitati, paci & concordiæ, sintque  
unum in domino.

UT ueniat ad me, inquit.] Etiam hac illos  
particula sollicitat, ut amanter ac reuerenter  
Timotheum ab ipsis discedentem deducant,  
ut quem sciant recta ad se properare, & quæ  
acciderint sibi indicaturum. Sic legatos regū  
honorifice non solum accipimus ob id quod  
à regibus suis ad nos missi ueniunt, sed & ideo  
potissimum honorifice tractamus ac dimitti-  
mus, quod à nobis ad reges suos omnia quæ  
cognouerunt exposituri discedunt. Sic Corin-  
thios suos Apostolus in hac causa animatos  
esse uolebat.

EXPECTO enim illum, inquit, cum fratri-  
bus.] Verbo expectandi desiderium expri-  
mit absentis discipuli, quem ut filium dilige-  
bat, & in omnibus fidelem ac sincerum expe-  
riebatur. Et hoc quoque dicens monet eos quæ  
debeant illum amanter & honorifice accipe-  
re, tractare & à se dimittere tanquam sibi us-  
que adeo charum, ut absentiam illius, si diu-  
tior futura sit, ægre sit laturus.

Omnino significat se reditum illius a uide  
expectare, siue expectationis huius desiderium  
ad personam Timothei, siue ad cognitionem  
eorum quæ in ecclesijs Macedoniae & Achaie  
gerabantur, propter quam Timotheum hunc  
à se miserat, uel ad utranque referamus. Nota  
est sollicitudo ecclesiarum, quæ pectus Apo-  
stoli noctes ac dies occupabat, per quam fie-  
bat, ut quàm solcite mittebat à se discipulos,  
per quos de statu ecclesiarum cognosceret, tam  
a uide reditum illorum expectaret, id quod illi

dubio procul in hac quoque causa accidit.

Illud, cum fratribus, amphibole ac sic posi-  
tum est, ut tã ad eos possit referri fratres, qui  
cum Timotheo essent uel ab ecclesia Corin-  
thiorum aut alijs missi uenturi, uel cum ipso  
in eam legationem amandati redituri, quàm  
ad eos qui unã cum Paulo reditum Timothei  
cupide ac solcite expectarint. Si priore sensu  
dictum est, significatur quo affectu fuerit Apo-  
stolus non modo erga discipulum charissi-  
mum, sed & erga reliquos fratres sincere in  
Christo affectos. Si posteriore, innuitur quàm  
charus fuerit Timotheus non Apostolo tantum  
sed & fratribus reliquis, id est, toti ecclesiæ, in  
qua tum morabatur Apostolus.

Ergo hæc tria poscit Apostolus à Corin-  
thijs, primum, ut Timotheum suum quem mi-  
serat, absque metu secure apud ipsos agere fa-  
ciant, secundum, ut eum in honore ac precio  
habeant, tertium, ut in pace deducant, quo ad  
se ueniat eò quod ipsum a uide unã cum fratri-  
bus expectet. An nō Romanus quoque ponti-  
fex hæc ipsa Carnalibus suis, quos à latere suo  
legatos ad reges ac principes mittit, præstari  
poscit? Securitatem uidelicet honorem & pa-  
cificam deductionem. Poscit utique, idque non  
simpliciter sed cum imperio, & comminatio-  
nibus grauissimæ maledictionis, nisi obtineat.  
Verum an suos legatos quæstuarios illos, de-  
auratos, ac purpuratos sic commendare uera-  
citer possit, quod opus domini operentur, ui-  
derit ipse. Potest quidem uerum si addat, sicut  
& ego ut enim ipse sic & illi opus domini ope-  
rantur. Nam qualis ipse Apostolus est tales à  
se discipulos mittit.

Porro de Apollo fratre: multum hor-  
tatus sum illum, ut iret ad uos cum fra-  
tribus, & omnino nō erat uoluntas nūc  
eundi. Venturus est autem cum oppor-  
tunitatem erit nactus.

Particulam hanc non sine ratione adijcit.  
Est enim excusatoria. Apollos, de quo suprâ  
capite 1. & 3. ecclesiam Corinthiorum à Paulo  
plantatam laboribus suis diligenter post illius  
abitu rigauerat, quare nō modo notus erat  
Corinthijs sed & in precio habitus, idque ma-  
gis quàm Timotheus. Ne igitur indigne fer-  
rent, quod hunc nō misisset sed illius loco mi-  
sisset hominem iuuenem, cuius nec eruditio-  
nem nec zelum pro domino per experientiam  
perinde atque Apollos cognouissent, deinde si-  
multates inter se & ipsum obortas esse suspi-  
carentur, atque ita erga præsentiam Timothei  
animo parum æquo afficerentur, excusatione  
hanc ponit, qua non se modo sed & ipsum A-  
pollo excusat, & simul spem aduersus illius facit.  
Sic oīa uigilanter ac prudenter agēs, cauere ne qua  
sinistræ suspicionis occasio fidelibus obijciat.

Porro de Apollo fratre, inquit, intellige, sic  
accipite, uocat eum fratrem, significās se illum cō-  
plecti amanter non ut discipulum sed ut fratrem.



MULTUM, inquit, hortatus sum illum, ut A  
iret ad uos cum fratribus.] Significat usque-  
adeo se non impediuisse, quo minus ad ipsos  
ueniret Apollos, ut conatus quoque sit author  
illi esse, ut cum fratribus ad ipsos proficisce-  
retur. Quasi dicat. Scio hunc uobis esse non  
immerito acceptum, idque sic probo, ut co-  
natus sim persuadere ipsi, non modice & obi-  
ter, sed plurimum, ut unà cum fratribus quos  
misi, uos inuideret.

Quid est autem quod dicit: multum horta-  
tus sum illum? Quare illi non ut Timotheo le-  
gationem hanc Apostolica autoritate iniun-  
xit? Erat *συνδύτης*? Erat & Timotheus. Erat fra-  
ter? Erat & Timotheus. Rigauerat ecclesiam  
Corinthiorum? Quid aliud faciebat Timo-  
theus? Quare ergo illum hortatur multum ut  
faciat, ad quod Timotheum non hortatur, sed  
cum mandato mittit? Videmus hoc exem-  
plo quàm inter sanctos quoque seruanda sit  
personarum differentia. Erat Timotheus iu-  
uenis, Apollos uir ætate maturus. Erat Ti-  
motheus à Paulo genitus in Christo, hoc de  
Apollo non potuit dicere Paulus. Quare ut  
nec discipulus nec filius illius erat in Christo,  
ita alia erat ratione tractandus quàm Timo-  
theus. Ideo hortatu obnixo cum illo egit, non  
mandato. Pontifex Romanus mandasset illi  
sub pœna excommunicationis latæ sententiæ.

Nec transeundum est, quod non simplici-  
ter dicit: Hortatus sum illum, sed, multum  
hortatus sum illum. Græcè est, *πολλὰ παρακαλῶ*  
*σα αὐτόν*. Significat autem *πολλὰ* nonnunquam  
idem quod *πολλάκις*, id est, sæpenumero & fre-  
quenter. Deinde uerbum *παρακαλῶ*, non hor-  
tari tantum sed & obsecrare significat, ut æ-  
que uerti potuerit, multum obsecraui illum,  
atque multum hortatus sum illum. Hæc an-  
notamus, ut cogitet lector, quàm fuerit ardēs  
pectus Apostoli, in procurando opere domi-  
ni, quàm non facile moleste tulerit repulsam,  
sed patienter hortando & obsecrando animos  
recusantium flectere sategit.

V T iret ad uos, inquit, cum fratribus.] Nō  
simpliciter dicit: Vt iret ad uos, sed addit, cum  
fratribus. Existimo autem loqui ipsum de fra-  
tribus quos unà cum Timotheo miserat. Et  
apparet hic quod supra expectare se Timo-  
theum cum fratribus dixit intelligendum esse  
de iisdem. Sicut Timotheum misit cum fra-  
tribus, ita uolebat mittere cum fratribus A-  
pollo, si ille acquieuisset, quos sperabat acce-  
ptiores fore Corinthijs, si cum illo coniuncti  
Corinthum uenissent.

E T omnino, inquit, non erat uoluntas nūc  
eundi.] Hoc est, uerum quamuis multum  
hortarer & obsecrarem nihil tamen efficere  
potui, propterea quod nulla illi erat nunc ad  
uos eundi uoluntas. Non simpliciter dicit, &  
non erat uoluntas, sed, & omnino non erat  
uoluntas nunc eundi. Sic intendit utrinque  
ut suam hortandi instantiam, ita & illius re-  
cusationem.

Videmus autem hoc duorum sanctissimo-  
rum uirorum exemplo, quàm etiam sanctis  
non sit eadem in omnibus uoluntas. Pauli uo-  
luntas erat, ut Apollos unà cum fratribus ec-  
clesiam Corinthiorum inuideret. Et hoc illum  
impense ac multum ut faceret hortabatur. Vo-  
luntatis huius nihil prorsus erat in Apollo.

Deinde uidemus quàm nonnunquam &  
sancti non modo difficiles sint, sed & imper-  
suasibiles ad obsequendum uoluntati fratrum,  
etiam in rebus nihil illiciti habentibus, idque  
haud aliam ob causam, quàm quod nolunt.  
Non dicit hic, & non erat illi facultas, sed, &  
omnino non erat illi uoluntas eundi nunc. Si  
recte Paulus & motu spiritus sancti impulsus  
tam hortabatur obnixe Apollon, ut iret cum  
fratribus Corinthum, consequitur tam obsti-  
natam huius recusationem non fuisse ex spi-  
ritu Christi. Contra, si hic ex spiritu Christi  
recusabat, non erat ex spiritu Christi quod hor-  
tabatur Paulus. Atque ita alteruter spiritu Chri-  
sti in hac causa destituebatur, & humani quid  
patiebatur. Sic non sunt omnia sanctorum ex  
spiritu Christi, nec eadem semper sunt uo-  
luntate præditi, nec in omnibus alij aliorum  
uoluntati obsequuntur. Nec est ut hæc in san-  
ctis excusamus, ne excusamus & in nobis, rur-  
sus, non est ut propterea sanctos damnemus,  
ne consimili de causa damnemus & hodie fra-  
tres in ecclesia Christi. Perfectionem quæra-  
mus & speremus in cœlis, & sic persequamur  
in terris, ut imperfectionem nec in nobis ex-  
cusamus, nec in fratribus damnemus.

Vide autem quàm caute non dicat simpli-  
citer: & omnino non erat uoluntas eundi, sed,  
& omnino non erat uoluntas eundi nunc, id  
est, hac anni tempestate, qua Timotheum mi-  
si. Significat hoc factum esse ab Apollo non i-  
pforum fastidio, quasi ipsos contemnat, sed  
fuisse illi causas alias propter quas induci ne-  
quiuerit, ut tum iret. Sic non modo seipsum,  
sed & Apollon excusat, ne quod de illo scri-  
bit, accusandi studio scribere uideatur. Huc  
pertinet quod subiicit.

VENTURVS est autem cum opportunita-  
tem erit nactus.] Non simpliciter dicit: Ven-  
turus est autem ubi uolet tempore alio, sed:  
Venturus est autem cum opportunitate fue-  
rit nactus. Ergo significat non fuisse illi tum  
opportunitatem ut iret, aliàs non fuisse detrecta-  
turum quo minus iret. Vides candorem ani-  
mi synceri. Obstinatā Apollos recusationē tā  
nō fert moleste ut etiā cōmode & candide in-  
terpreteretur. Exemplū hoc singulare summo-  
pere necessariū est rebus humanis. Incidis in  
consimilem recusandi obstinationem sic, ut e-  
tiā si multum horteris & obsecrādo obsecres  
fratrem, nihil tamē impetres, absit ut irriteris,  
& contemptum tui interpreteris. Quin ma-  
gis exemplo huic Apostolico conformeris di-  
cens: Nunc recusat frater. Est illi forsan nunc  
quod peto, incommodum & importunum.

Consen-



Consentiet ubi opportunitatem fuerit nactus, ac tum faciet ex animo, quod nunc facere detrectat.

Deinde uide quàm prudenter Corinthiorum quoque rationem habeat in hac causa. Poterat dicere: & omnino non erat illi uoluntas eundi nunc, quod esset illi importunum. Sic dixisset, si se & Apollon duntaxat excusare uoluisset. Verum quoniam curandum simul erat, ne spem Corinthiorum qua Apollon aliquando ad se uenturum expectabant, extingueret, sed potius lactaret, uisum est aduentum illius promittere, sic tamen ut hac conditione adiecta, cum opportunitatem fuerit nactus, quod promittebat non temere, sed circumspecte promitteret. Promittit autem hoc non ex certitudine futuri euentus, sed ex bona qua erat erga Apollon fiducia. Confidebat illum sic esse erga Corinthios affectum, ut si aliquando opportunitatem esset nactus eundi ad ipsos, non esset id officij detrectaturus amplius.

Ergo opportunitatis rationem in rebus gerendis habent & sancti, idque ut in exemplo presenti patet, non in prophanis modo, sed & ecclesiasticis ac religionis negocijs. Etenim quod Paulus Apollon tantopere hortabatur ut iret cum fratribus Corinthum, non erat prophanum negocium, sed pertinebat ad confirmandum ac moderandum Christi, quæ illic erat, ecclesiam. Et hoc ille facere nolebat, propterea quod non esset sibi tum temporis opportunum. Et id Paulus usque adeo non damnat, ut etiam ad excusandum eum Corinthijs pro sufficienti causa adducat. Sanenon est susque deque facienda gerendarum rerum opportunitas. Quicquid enim, dempta necessitate uel tempore, uel loco, uel modo importuno geritur, parum utiliter, nonnunquam etiam cum damno geritur. τὸ γὰρ καλὸν μὴ σὺν αἰρέσει γινώσκον οὐ καλόν.

Videndum tamen etiam atque etiam, ut opportunitati recte studeamus. Opportunitas gerendæ rei alia est temporis, alia loci, alia ipsius rei, alia nostræ ipsorum personæ, aut sententiæ. Respectu commodi temporis uocatur Græcis *συναιρία*. Loci uero, Latinis uocatur opportunitas, cuius uocis metaphora sumpta est à commoditate portus, in quem tam nauigaturi commode quæ uehenda sunt inferunt, quàm qui nauigarunt naues suas ex alto mari deducunt, ad quod utrunque magna est portus commoditas, ut recte quæ commode geruntur, opportune geri dicantur. Accidit sæpenumero ut res ipsa talis offeratur in se, ut sit apta ad gerendum, modo respondeat temporis uel loci commoditas. Sed hæc sunt permittenda iudicio prudenti ac gnauo. Id uero probandum non est, quod sæpenumero gerendæ rei opportunitatem secundum nostram molliciem ac socordiam tum esse iudicamus, quando uel nullo potest, uel admodum modico geri negocio. Sic enim animatis importunum est & incommodum, quic-

quid cum labore aliquo gerendum esse apparet, quemadmodum pigris ac desidibus nullum est opportunum iter, quàm quod uel nauis uel uehiculo confici potest. Hæc obiter per occasionem præsentis loci de opportunitate annotanda esse duximus. Nolle obire in præsentis, quod incommodum & importunum esse uidetur, non damnatur, sed probatur sanctorum exemplis, modo absit sinistrae mentis pigricies ac socordia.

**Vigilate, stete in fide, uiriliter agite, estote fortes, omnia uestra cum charitate fiant.**

Epistolam terminaturus priusquam commendationem quorundam selectorum fidelium ac salutationis officia subiungat, succincta hac & summaria parænesi ferè omnia complectitur, quæ ecclesiæ illi cum primis erant necessaria. Principio, uigilate inquit. Hoc est, caute somnolentiam animi, estote in causam salutis uestre uigiles, intenti ac circumspecti. Si uigilassent, tantum seductionis in ecclesiam ipsorum haudquaquam irrepsisset. Si uigilassent unquam, locum sectis ac pseudoapostolis haud permisissent. Vnde est quod in ecclesijs Christi passim obtinuerunt errorum, superstitionum, Simonia, falsorumque cultuum magistrum, una cum toto Antichristianismo, quàm ex eo quod dormire cœperunt omnes, seque ductoribus cæcis totos permittere? Quæ nam mala in ea domo locum habere non possunt, in qua uigilat nemo, dormitat omnes? Quare Christus quoque tam diligenter suos hortatur ut uigilent. Cum dux exercitus milites suos monet ut uigilent, an non satis significat imminere ipsis periculum ab hostibus? Sic Apostolus Corinthios hoc loco ad uigilandum hortatur, cum uideret eos per incuriam obnoxios pseudapostolorum esse insidijs factos.

Deinde ut in cœpta metaphora pergat, addit, stete in fide. Excubantium est neque iacere humi prostratos, neque ociose sedere, sed stare paratos ad obseruandum & excipiendum insidias hostis, neque esse muliebriter perterritos, sed agere uiriliter, & esse fortes, neque dissidere inter se odijs & simultatibus, sed esse inuicem alius in alium amanter & concorditer affectos. Sic cœptam excubandi metaphoram prosequens dicit: stete in fide, uiriliter agite, estote fortes, omnia uestra cum charitate fiant.

STATE in fide, inquit. In fide parum firmi stabant, cum resurrectionem mortuorum negarēt. Hoc in illis perstringēs, in genere hortatur, ut stent in fide. Stare in fide, est in nullam partem, nec ad dexteram nec ad sinistram à uera ac sincera Christi fide uacillare, sed immote contra quosuis Satanæ ac ministrorum illius insultus persistere. Quàm steterint ecclesiæ post Apostolorum tempora in uera Evangelij Dei fide, non est ut examinemus. Clamat res ipsa. Quàm difficile sit in illa stare, etiam



tiam adhuc uiuentium apostolorum tempora docuerunt.

VIRILITER agite.] Græcè est *ἀνδρῶς*, id est, uiros præstate. Viri est animo esse non pusillo, sed hosti uiriliter resistere, ac dextre pugnare. Sic in religione Christi Christiani hominis est, siue uir sit siue mulier, uirili, id est, maturo & infracto præditū esse animo. Et tales reddit uiua & efficax fides, nō modo uiros, sed & fœminas, nō iuuenes modo, sed & puellas, cuius rei innumera sunt exempla ædita in Christianismo, & nostra quoque ætate æduntur quotidie.

ESTOTE, inquit, fortes.] Vt uiriliter agat, fortitudo requiritur, sine cuius dono nemo uiriliter agere poterit. Hanc requirit à fidelibus dicens: Estote fortes. Atque ita uelut exponit, quid uelit cum dicit, *ἀνδρῶς*, id est, uiri estote, id uidelicet, ut sint fortes. Loquitur autem nō de robore corporis quo destituunt senes, paruuli, ægroti, & sexus muliebris, sed de fortitudine spiritus, quæ sit in fide Christi, apta & instructa, non modo ad operandum opera fidei, sed & ad quæuis aduersa propter Christū fortiter ferenda, & ad resistendum Satanæ circumuenti, ac quem deuoret quærenti.

Sed dices: Vnde carni nostræ hæc poterit esse fortitudo, quæ ipsius quoque Christi testimonio admodū infirma est & imbecillis? Respōdeo. Scribit Apostolus Christianis, in Christum credentibus, ac spiritu Christi regeneratis, & poscit ab illis nō quod carnalium est & animalium hominū, sed quod est Christianorum ac regeneratorum, quod habent nō ex natiuitate carnis, sed ex dono & regeneratione spiritus. Si fortitudinem hanc requiras à primæ natiuitatis carne, perinde feceris ac si aquā requiras à pumice, & robur eundi, operandi, edendiq; & bibendi ab ægroti. A spiritu uero è supernis regenerato si requiras, requiris non quod habeat ex seipso, sed quod accepit, & quotidie accipere potest dono Dei, modo ex fide petat. Et Paulus homo erat, & tamen dicebat: Omnia possum per eum qui me confortat, dicebat autem non ut animalis homo, sed ut spiritualis, per spiritū Christi regeneratus. Nihil possumus, inquis, uerum est, sed adde, ex nobis ipsis. Omnis autem nostra sufficientia ex Deo est. Discipulis suis dicebat dominus, inquis: Nihil potestis facere. Dixit quidē, sed præmisit, Sine me. At Christiani non sunt sine Christo. Deus est, inquis, teste Apostolo hoc ipso, qui operat & uelle & perficere. Quid ergo nos poterimus? Verū est, operatur in nobis Deus, ut & uelimus & perficiamus: at hinc non sequitur Christianos homines nec uelle nec perficere posse quod bonum est, sed magis sequitur contrarium. Quis enim nō uolet & perficiet quod Deus in ipso operatur ut uelit & perficiat? Si Deus operatur in nobis & uelle & perficere, utiq; poterimus & uelle & perficere, etiam si ex nobis nihil horum poterimus. An non possumus quod etsi non ex no-

bis, ex Deo tamē in nobis operāte possumus? Num recte dicet corpus animatum: caro sum, nihil possum, spiritus enim est qui uiuificat, qui sapit, intelligit, iudicat, uidet, audit, sentit & operatur omnia? Verum quidem, facit hæc omnia spiritus, at interim facit hæc partim in corpore, partim per organa corporis, ut corpus harum operationum spiritus expers dici non possit. Vt ergo recte dixerit corpus animatum, ex me ipso quidem nihil horum poterō quæ facio, uerum est in me spiritus, per quē uidere, audire, sentire, stare, sedere, ire, edere, bibere, operari, intelligere, uelle, nolle, amare, odisse, gaudere, tristari, timere, sperare, &c. secundum mensuram operationum illius ualeo, ita & Christianus, per spiritum Christi regeneratus, ut gloriam det gratiæ Dei, recte quidē negabit boni se quicquam ex seipso posse operari, at simul recte fatebitur se quod per seipsum non potest posse per operationem habitantis in se spiritus Christi, idq; etsi non perfecte, secundum mensuram tamen donationis Christi. Sic itaq; Christiani infirmi sumus & fortes, infirmi per carnem, fortes per spiritum Christi. Quoniam autem spiritus Christi non operatur in nobis ea serie & continuatione naturali, qua spiritus noster operat in corpore nostro, sed ut uult & quando uult, orandum nobis est, ut sufficientiam nobis operationum suarum quoties illam & gloria redemptoris nostri & salutis nostræ ratio & fratrum necessitas poposcerit. Cum igitur hortatur Apostolus, ut fidamus, speremus, diligamus, uigilemus, stemus in fide, uiriliter agamus, fortesq; simus, non requirit hæc à nobis quasi ex nobis, sed monet ut ad dominum conuersi, quæ deesse nobis sentimus, suppliciter & instanter ab illo petamus, & acceptis fideliter & constanter utamur.

OMNIA uestra, inquit, cum charitate fiāt.] Græcè est *πάντα ὑμῶν*, non *παντα ὑμῶν*. Quare cū uulgata malo legere omnia uestra, quàm cum Erasmo: omnia uobis, præsertim ob id, quod amphibolum est, si legamus: omnia uobis cū charitate fiant. Nam æque id sonat: omnia uobis fiant ab alijs cum charitate, atq; omnia fiāt à uobis cum charitate. At in uulgata lectione nihil est amphiboli.

OMNIA uestra, inquit.] Quæ omnia? In summa, omnia quæ cogitatis, constituitis, dicitis & facitis. Sic omne nostrā uitā duabus dictionibus cōplectit dicens: Omnia uestra. Docet igitur, quomodo omnis uita nostra institui debeat, cum dicit: Omnia uestra cum charitate fiant. Quid est autem omnia facere cum charitate? Obsecro, ignoramus ne quid sit omnia facere cum liuore & odio? uel, cum inanis gloriæ studio? uel, cum auaricia? Qui odit proximum, quicquid agendum cum illo est, agit ex odio, animo iniquo, iudicio sinistro, studio malo, hoc unum spectans, ut rebus illius quoad eius poterit incommodet. Econtrario, qui diligit proximum, agit cum illo omnia ex charitate,



ritate, animo beneuolo, iudicio syncero, studio bono, nihil quærens aliud, quam ut rebus illius commodet pro uiribus. Sic est comparata charitas, & hoc est illius ingenium. Non inuidet, non est procax, non inflatur, non fastidit, non quærit proprium commodum, non irritatur, non cogitat malum, non gaudet de iniusticia, sed congauget ueritati, patiens est, benigna est, suffert, credit, sperat & sustinet omnia. Sed de hoc charitatis ingenio uidimus supra cap. 13.

OMNIA uestra, inquit, cum charitate fiât. ] Quare non dicit: Omnia uestra cum fide, cum timore domini, cū iusticia fiât? Quid est quod charitatē poscit in omnibus? Respondeo. Accommodat se ecclesiæ cui scribit. Illa quātum deficeret ab ingenio charitatis, plus satis declarabat studio sectarum, contentionum ac dissidiorum, & reliquis carnis operibus. Quare illam præcipue reuocat ad studium charitatis, quemadmodum & supra cap. 13. fecit. Quod ergo dicit: omnia uestra cum charitate fiant, non est sic in uniuersum ad omnia referendū, quæ nobis sunt agenda, partim cum Deo, partim cum hominibus, siue hi sint impij siue pij, siue superiores nobis, siue pares siue inferiores, siue cognati & cōiuncti siue alieni, partim cum nobis ipsis, ut fidem, spem, iusticiam, iudicium, timorem Dei, &c. excludamus, sed simpliciter hoc loco secundum mentem Apostoli de ijs intelligendum, quæ agenda sunt cum proximo. Diligendus est & Deus, idq; cū primis, ac præ omnibus. Verum de hac parte cogitationum, studiorum, uerborum & operum uitæ nostræ quæ Deum concernit, meo iudicio non loquitur hoc loco Apostolus, sed respicit ad morbum quo Corinthij laborabant, & plurimum à fraterna charitate deficiebant, illiq; hoc ueluti remedium apponit, ut curent. Vbi nanq; charitati fraternæ studetur in omnibus, ibi sane dissidia, contentiones ac sectæ, si obtinuerunt antea, cessabunt & euanescent, ut pax & concordia restituatur, si non obtinuerunt, ne obtineant in posterum, impediuntur & arcebunt, ne pax & concordia labefactent.

Et utinam beneficio Christi detur hoc nostræ ætatis ecclesijs, ut uel inter fratres, eiusdē fidei & doctrinæ consortes, fiant omnia cum charitate, uel si minus sperandum hoc est, ea saltem cum charitate fiant, quæ cum primis singulare charitatis studium poscūt, è quibus est mysteriorū Christi cōmunicatio, qua unū nos corpus esse in dño declarari cōueniebat.

Obsecro autem uos fratres: nostis familiā Stephanæ esse primitias Achaia, & quod in ministerium sanctis ordinarunt seipsos, ut & uos subditi sitis talibus, & omni adiuuanti & laboranti. Gaudeo uero de aduentu Stephanæ, & Fortunati & Achaici, quoniam id quod mihi deerat uestri hi suppleuerunt. Refo-

allauerunt enim spiritum meum ac uestrum. Agnoscite itaq; eiusmodi.

Habent ista singularem commendationem trium selectarum personarum de ecclesia Corinthiorum existentium, Stephanæ uidelicet & Fortunati, & Achaici. Obsecro, inquit, uos fratres. Quamuis æque uerti poterat: Hortor autem uos fratres, placet tamen legere: obsecro uos fratres, propter Apostolici pectoris affectum, ad obsecrandum magis quam ad hortandum propensum. Licet nihil inde emolumenti ad ipsum, multum uero ad illos esset rediturum, perinde tamen obsecrat, ac si ipse essent bono obsecranti sibi obtemperaturi. Qua in re ipsissimum exprimitur ueræ charitatis ingenium.

NOSTIS familiam Stephanæ, inquit, esse primitias Achaia. ] Commendatur hanc meminit singularis gratiæ Dei, qua præ alijs erat Achaia fidelibus ornata. Hanc exprimit dum uocat eam primitias Achaia, propterea uidelicet quod ex omni Achaia cū primis crediderat Euangelio Dei, atq; ita domino instar primitiarum oblata & cōsecrata fuerat. Quod salutem quidem attinet, nihil decedit illis qui non primi, sed postremi credunt, nec Deo illi minus sunt accepti, cuius rei admonemur in Paulo, qui postremus inter apostolos ad fidē est Christi conuersus, & in parabola dominica, ubi dicit: uolo autem huic nouissimo dare sicut & tibi, Matth. 20. Singularem tamen merito sortiuntur prærogatiuam, qui ex omni regione, uel ciuitate, uel gente primi honorem hunc Deo tribuunt, ut uerbo eius credant, & uocanti obediant, simulq; alijs ad eandem gratiam quoad eius possunt uel operam suam uel occasionem, saltem exemplo suo offerunt. Quare quemadmodum communi omnium sensu admodum est execrabilis, qui publici alicuius mali primus ex omnibus est uel author uel propagator, ita communi conuenit omnium sensu singulariter in precio habere eos, qui publici boni primitiæ constituti sunt à domino, modo in ea gratia perseuerent. Alias ex primis fiunt nouissimi. Hoc nomine commendat Apostolus ecclesiæ Corinthiorum familiam Stephanæ dicens: Obsecro autem uos fratres, nostis familiam Stephanæ esse primitias Achaia.

Vulgata autē lectio coniungit in hac prærogatiua familiæ Stephanæ, Fortunatum & Achaicum. Sic enim habet: Nostis domum Stephanæ, Fortunati & Achaici, quoniam sunt primitiæ Achaia. Verum de duobus hisce posterioribus non fit mentio in Græcis exemplaribus hoc loco, & nec à Chrysostomo quoq;.

Obseruandum est hoc loco, quod non simpliciter dicit: Nostis Stephanam, sed, nostis familiam Stephanæ esse primitias Achaia. Patrifamilias domesticam suam adiungit familiam. τὴν οἰκίαν, inquit, στεφανῶν. Verosimile est Stephanam hunc credidisse primum, & ubi credere cœpit familiæ suæ fuisse authorē, ut & ipsa ad fidem



ad fidem induceretur. Et tamen non solum ipsum nominat, sed simul & ipsum & domesticos eius complectitur dicens: Nostis familiam Stephanæ esse primitias Achaïæ. Facit hoc non ut patrem familias gloria sua priuet, quasi credente familia non crediderit ipse, sed magis ut singularem gratiam Dei depredicet, quæ concessum illi erat, ut concordem haberet in uera religione amplectenda non unam & alteram domesticorum personam sed totam familiam. Quare obsecro quid nam poterit homini pio accidere iucundius? An non hic implebatur illud Psalmistæ: Ecce quàm bonum & quàm iucundum habitare fratres in unum? Contra quàm triste est & molestum, si fidelis pater familias dissentientem habeat familiam, uxorem pietati reluctantem, filios ueritatem Dei blasphemantes, familiam & honori & saluti suæ perfide insidiantem? ut impleatur illud Christi: Erunt quinque in una domo diuisi, &c. Triste hoc est per comparisonem, respectu eius felicitatis, quæ & pater familias & familia unanimes dono Dei ueritatis doctrinam amplectuntur. In se uero si consideres, multo iucundius est domesticum hoc dissidium propter regnum Dei exortum, quàm pax domestica tenebris ignorantiae inuoluta.

Non est autem ociosum, quod non simpliciter dicit: Familia Stephanæ primitiæ sunt Achaïæ, sed: Nostis familiam Stephanæ primitias esse Achaïæ. Quod in Græco est *vidari*, uerti quidem potest, uel, Scitote, uel scitis ac nostis, uerum ubi consideramus, non hoc agere Apostolum ut hortetur Corinthios, ut familiam Stephanæ primitias esse Achaïæ sciant, aut agnoscant, cum hoc illi non ignorarent, sed conscientiam ipsorum appellare de re omnibus ipsis nota, quod uidelicet familia Stephanæ primitiæ sint Achaïæ, atque hinc illos admonere, ut subditi sint talibus, existimamus conuenientius esse, ut legamus, nostis, quàm noueritis uel scitote. Sic cauet, ne præter rationem familiam hanc illis commendare, & magis suos in illam affectus, quàm iustam aliquam causam sequi uideatur, præsertim cum ea familia amanter ac reuerenter in se esset affecta, idque multis modis declararet. Vos ipsi, inquit, nostis familiam Stephanæ primitias esse Achaïæ. Non est ut mihi hac in re gratificemini. Testimonio conscientie uestræ conuicti æquissimum esse fatebimini, ut quod moneo faciatis.

Considerandum hic est Christi ministris, quæ sit uis earum admonitionum, quarum argumenta sumuntur ex rebus cognitis, de quibus ipsæ possunt eorum appellari conscientiae, qui admonendi ueniunt. Siue doceant, siue corripiant, siue hortentur, & admoneant, curandum est, ut conscientiae auditorum conuincantur, quarum *συμμετρίαι*, uel urget fortiter ad obediendum ueritati, uel adimit omnem excusationem immorigeris.

Et quod in ministerium sanctis, inquit, ordinarunt seipsos. ] Non solum id in illis com-

mendat, quod cum primis crediderunt Euangelio Dei, sed & hoc considerandum proponit, quod posteaquam credere cœperant, omnem suam quam poterant operam credentibus fratribus pio ac diligenti studio impenderunt. Eos qui Christo credebant, pauperes, exules, & afflictos, uocat iam secundo, sanctos, simul admonens, quo loco habuerit eos, & quo respectu ministrarit illis familia hæc Stephanæ. Reputabat & agnoscebat eos esse sanctos Domini, & hoc illos respectu suscipiebat hospitio, alebat, uestiebat, & omnis generis quibus poterat refocillationibus & consolationibus afficiebat, inque fide Christi corroborabat. Hæc omnia dictione, ministerij, complectitur Apostolus, ne quis aliud ad hanc causam non pertinens cogitet. Discant hic cultores Diuorum, quos in Papatu sanctos uocant, quibus sanctis, & quo ministerij genere, ministrare nos doceat Apostolica doctrina. Colite Deum, ô fratres, per fidem ac seruite illi soli, sanctis uero, hoc est Christi fidelibus, multis in hoc seculo modis afflictis per charitatem quæ necessaria sunt ministrare: Hoc facientes legitimi eritis cultores ac serui Dei & uerorum sanctorum ministri.

Obserua uero, quod non simpliciter dicit, & quod ministrarunt sanctis, sed, & quod in ministerium sanctorum ordinarunt seipsos. Aliud est ministrare, & aliud in ministerium ordinare seipsum. Prius sine uoluntatis proposito per occasionem fieri potest, posterius uero proposito ac beneuolo corde perficitur. Sic Christus non simpliciter ministrauit nobis redimendis ac saluandis, sed seipsum ad ministrandum nobis ordinauit, & hac uoluntate carne nostra assumpta uenit in hunc mundum. Hoc igitur Apostolus in familia Stephanæ commendat, quod non modo cum primis crediderunt, sed & singularem erga fratres egenos charitatis zelum non simpliciter ministrando illorum necessitatibus, sed & seipsos ex animo totos in id ministerij ordinando declararunt, quasi dicat: Sic ministrant sanctis ardenti ac sedulo studio, ut manifestum sit, ad hoc se ministerium totos ordinasse.

Exemplum hoc in Papatu nonnulli ex monachis ac Nonnis imitari se uelle simulant, atque hac specie irreperunt in Xenodochia & Ptochodochia, præsertim ea, quibus abunde annuis est redditibus prospectum. Horum propositum si penitus inspicatur imò si manifesta ipsorum studia spectentur, depræhenderetur ordinasse quidem se in ministerium, uerum non sanctis fidelibus sed saginandis suis uetribus. Non reprehendo, absit, sed laudo, si qui hoc sibi uitæ genus deligant, ut nihil agant aliud quam ut ministrent sanctis, ad quod institutum nonnullis in locis habentur constituta *διακονοθήκαι*, in quibus eiusmodi propositi homines in hunc usum aluntur ut ad ministrandum, præsertim ægrotis, si ubi necessitas poposcerit, usurpari possint. Non reprehendo, inquam, sed laudo,

K

si quod



si quod faciunt, faciant animo & studio nō se-  
ctandi ociū, sed ministrandi sanctis, ut sanctis,  
sintq; nō minus prompti ad ministrandū, si in  
humilia pauperum tuguria, q̄ si in splendida  
diuitū aedes ministraturi uocetur. Qui sic sunt  
animati, horum ego propositum, omniū dixe-  
rim esse sanctissimum, ac plane diuinum, di-  
gnūq; quod inter Christianos magno habe-  
atur in precio, ac templarijs illis cultibus lōgil-  
sime præferatur.

Magnū est, si quis suis sumptibus alat eos,  
qui seiplos in ministerium sanctis ordinarunt.  
Et utinam sint hodie multi diuites in ecclesijs  
Euangelicis, qui hoc faciant. In tenebris super-  
stitionū Papisticarum multi fuerunt, qui par-  
tim zelo bono partim spe meritorum faculta-  
tibus suis διακονησῶσι prospexerunt, at in eccle-  
sijs nostrorū citius inuenias qui quod datū est  
à maioribus in suos prophanos usus auferre, q̄  
illorū exēplum sequi cupiant. Id uero multo  
est præclarior, si quis non modo facultates suas  
sed & seipsum in ministerium sanctis ordinet.

V T & uos, inquit, subditi sitis talib⁹. Quon-  
iam nō simpliciter dicit: & uos, sed, ut & uos  
subditi sitis talibus apparet quidē illud, ὡς δεῖτε,  
hortandi modo esse dictum, ac legendum, no-  
ueritis, ut hic finis eius agnitionis subiiciatur,  
qui sit, ut talibus sint subditi & ipsi, uerū hæc  
particula non est ad uerbum, ὡς δεῖτε, sed ad uer-  
bum παρακαλῶ referendum, & lectio ordināda  
ad hunc modum. Nostis fratres familiam Ste-  
phanē, esse primitias Achaïæ, & quod in mini-  
sterium sanctis ordinarunt seiplos, obsecro, ut  
sitis & uos subditi talibus.

Quid igitur? Poscitne à Corinthiorū ecclesia  
Apostolus, ut subiecta sit familiæ Stephanæ,  
patiatūq; illius magisteriū ac dñium cū dicit:  
Vt subditi sitis talibus? Respondeo. Non hoc  
agit, ut reddat ecclesiā Christi alicui quantūuis  
sanctę familiæ subiectā ac seruā, sed ut admo-  
neat Corinth. fideles, ut quēadmodū familia  
Stephanę ordinauit seipsam in ministeriū san-  
ctis, ita ipsi uicissim subordinēt se & ipsi in mi-  
nisteriū illis qui sunt tales. Est enim in Græco  
idem utrobq; uerbum, tam in eo quod poscit  
à Corinthijs, q̄ in eo quod fecit familia Stepha-  
næ, nisi quod hic simplici ἵνα, illic uero com-  
posito, ὡς δεῖτε, usus est quod uerti poterat,  
subordinemini. Huc pertinet & illud quod nō  
simpliciter dicit, ut subditi sitis, sed, ut & uos  
subditi sitis talibus, quasi dicat: Vicissim, sicut  
illi subordinarūt se in ministeriū uobis & alijs  
sanctis. Caute autē nō dicit: Vt & uos subditi  
sitis ipsis, sed, ut & uos subditi sitis talibus, ut  
significet se nō gratificari illorum personis, sed  
cōmendare pietatē & charitatis studiū non in  
illis modo, sed & in omnibus alijs cōsimili stu-  
dio præditis. Poterat uideri, p̄pensus ob id esse  
in hanc Stephanæ familiā, quod illa cū primis  
doctrinæ suæ crediderat, sibiq; cōstāter adhe-  
rebat, uerum ut significet se in illa nō ea cōme-  
dare quæ se cōcernant, sed ipsam pietatem &  
charitatem, quam non in illa tantum, sed & in

A omnibus alijs respiciat, respiciēdamq; esse mo-  
neat, nō dicit, ut subditi sitis illis, sed ut subditi  
sitis talibus. Quod amat ac suspicit in pijs hoc  
in illis cōmendat, non personas, sed uirtutē, &  
hanc in precio habendam esse monet in omni-  
bus. Qui bonos amat propterea quod sunt ta-  
les, amat non personas, sed bonitatem & liber  
est ab omni personarum acceptione. Doctrina  
hæc facilis est cognitu, usu uero difficilis.

E T omni adiuuanti, inquit, & laboranti.]

Græce est καὶ πάντι τῷ συνδουλῶντι, i. & omni coo-  
peranti. Sic quod sequit, καὶ κοπιῶντι, i. & laborā-  
ti, positum est pro συγκαπιῶντι, i. collaborāti. Per  
cooperarios autē & colaboradores intelligit  
eos qui apostolis erant in ministerio uerbi ad-  
iumento, siue prædicando, siue alia necessaria  
obeundo, quales erant Apollos, Titus, Timo-  
theus, &c. Tales erant etiam Stephanas cū sua  
familia, & Fortunatus, & Achaicus, quorū hic  
meminit. Vult ergo, ut in precio habeatur, nō  
modo qui primores sunt operarij ac laborato-  
res in opere dñi, quales erant Apostoli, sed &  
omnes illorum cooperarij & colaboradores.

B Vide autem quid in illis commendat. Nō di-  
cit: & omni prælato ac præposito, sed, & omni  
cooperāti & collaborāti. Operis uult ac labo-  
ris nō dignitatū haberi rationē. Nec quodcūq;  
operis ac laboris genus, sed id cōmedat, quod  
adiumento erat apostolis operantibus ac labo-  
rantibus in Euangelio Christi. Operabatur ac  
laborabat apostoli in opere dñi, qui eodē cum  
illis opere laborabat, erant illorum cooperarij  
& colaboradores. Apparet autē rursus cōmen-  
dare illis Timotheum, & fratres quos cum illo  
miserat, tanquam cooperarios ac collaborato-  
res suos in opere dñi. Habent hodie episcopi  
suos coadiutores, & paræci suos collaborato-  
res, cum nec episcopi nec paræci operentur ac  
laborēt in opere domini. Ridiculum plane est,  
q̄ homini ocioso & nihil operāti datur coadiu-  
tor & collaborator, cū nemo possit nisi operā-  
tis esse cooperator, & laborantis collaborator.  
At sic fieri solenne est inter eos, qui solis inani-  
bus titulis cōspicui sunt in ecclesia, & nō ueri-  
tati seruiunt, sed nugaci fabula ecclesiam Chri-  
sti ludificant.

G A V D E O uero de aduentu, inquit, Stepha-  
næ & Fortunati & Achaici.] Venerant illi ad  
ipsum, an suapte sponte, uel missi à Corinthijs  
puto esse incertū. Quicquid sit, significat se ad-  
uentu illorum fuisse exhilaratū. Sunt qui aliter  
exponant. Quoniā uulgata editio habet: Gau-  
deo in præsentia Stephanę, Fortunati & Acha-  
ici, exponunt de præsentia, nō qua illi fuerint  
cum Apostolo, sed qua fuerint præsentēs eccle-  
siæ Corinthiorum, quasi dicat: Gaudeo quod  
apud uos sunt Stephanas, Fortunatus & Acha-  
icus. Hi nanq; quæ uobis desunt præsentia &  
cura sua adimplent. Huic lectioni & exposi-  
tioni causam dedit, quod in Græco est uox πα-  
ροῖα, quasi illa nihil sonet aliud q̄ præsentiam.  
Et Ambrosius quamuis ambigue exponit &  
utrunque sensum assignat, hunc tamen priore  
loco



loco ponit dicens: Quia praesentes sunt apud uos, & in illis magnum potestis habere profectum, quemadmodum & in Comentarjjs, qui Hieronymo tribuuntur, non modo eadem ambigua expositio, sed & eadem uerba ponuntur, quae in Ambrosio leguntur, unde lector diligens facile olfacere potest quid de illis sentire debeat. Chrysostomus tamen, cui dubio procul uox *παροισία* notior aliquanto fuit quam Latinis scriptoribus, non de praesentia trium istorum uirorum, qua ecclesiae Corinthiorum praesentes fuerint, sed de aduentu illorum ad Paulum exponit, quam lectionem & expositionem retinendam esse iudicamus.

Quam autem ob causam tres hi uiri ex ecclesia Corinthiorum ad Paulum proficisci uoluerint, non exprimitur. Erant causae satis multae, ob quas qui synceriores erant, ad Apostolum proficiscerentur, & quae in ecclesia ipsorum gereretur ad illum deferrent. Deinde et si nulla tales fuissent, ipsum Apostoli desiderium potuit animos illorum excitare, ut quauis magno ad illum uidendum, audiendum & alloquendum itinere proficisceretur. Hoc sane peregrinationis genus, quo uiuorum apostolorum facies & colloquium expetitur, multo est consultius & utilius, quam quo a superstitionis hodie ad limina apostolorum, ut aiunt Petri & Pauli Romam usque excurritur, ubi inueniuntur non Apostoli sed Apostatae, non Petrus piscator hominum, sed Simon uterque & ueditor Christi & nundinator gratiae spiritus sancti, non Paulus doctor Gentium, sed Saulus persecutor & mactator fidelium animarum, ubi inuenitur inquam, non apostolica Roma, sed apostatica Babylon, & flagitiosissima Sodoma, in qua si quisquam adhuc uere pius uiuit, hunc dominus, oro quemadmodum olim Lothum suum, clementer eripiat, ne cum illa breui interitura pereat.

QUONIAM, inquit, id quod mihi deerat uestri, hi suppleuerunt. In Graeco est, *ὅτι τὸ ὑμῶν ὑστέρημα οὗτοι ἀνέπληρυσαν*, hoc est, quoniam uestri defectum hi suppleuerunt, uulgata habet, quoniam id quod uobis deerat, &c. Rationem reddit, quare de aduentu sit Stephanæ, Fortunati, & Achaici gauisus. Desyderabat praesentiam & conuietum fidelium, quos per Euangelium Corinthi genuerat, perinde atque pater praesentiam desiderat filiorum, quos domi suae peregre profectus reliquit. Cum ergo uenissent ad se tres hi uiri gaudebat impense, amplexus eos, haud aliter quam si tota in ipsis Corinthiorum ad se uenisset ecclesia. Hoc igitur desiderium suum uel, si mauis, absentiam fidelium Corinthiorum, uocat illorum *ὑστέρημα*, id est defectum, quem non illi, sed ipse patiebatur, dicitque hunc suppletum esse per aduentum Stephanæ, Fortunati & Achaici, sequi per illorum praesentiam, perinde exhilaratum, ac si ipsi uenissent ad se omnes.

Quos supra praesentem locum de praesentia trium istorum uirorum exponere diximus, quoniam non Paulo, sed Corinthiorum ecclesiae praesentes fuerint, ad hunc illi modum uerba haec

A exponunt. Quoniam id quod uobis deerat ad perfectionem boni, ipsi suppleuerunt, & quia de hoc profectu gaudebat Apostolus subdit: refecerunt enim & meum spiritum gaudio spirituali, & uestrum ex profectu boni. Hi intelligunt per *ὑστέρημα* non desiderium Apostoli quo praesentiam Corinthiorum qua destituebatur, desiderauit, sed defectum Corinthiorum, quo in causa pietatis deficiebant, uel absentiam Apostoli, cuius praesentiam ecclesia Corinthiorum poscebat, quam tres hi uiri sua praesentia suppleuerint. Verum si hoc uoluisset Apostolus rectius dixisset non in praeterito, hi suppleuerunt, sed in praesenti, hi supplet. Cum enim haec scriberet, nondum sic impletus fuit Corinthiorum iste defectus, per praesentiam Stephanæ, Fortunati, & Achaici, ut praesentiam Apostolicam status ecclesiae illic non requireret amplius.

QUONIAM, inquit, id quod mihi deerat uestri, hi suppleuerunt. Obseruemus hic uere charitatis ingenium, non in eo tantum, quod praesentiam ecclesiae Apostoli quam in Christo genuerat, tanto opere desiderauit, sed in eo quoque, quod in tribus uiris, qui ex illa ad se uenerant, totam completitur, illorumque aduentu perinde exhilaratur, ac si cum illis uenissent reliqui omnes. Locum habet hic charitatis affectus, ubi regnat idem spiritus, & cor est unum & anima una. Ibi in uno ecclesiae membro, tota ecclesia suscipitur ac repraesentatur, praesertim cum ab illa sit missum.

B REFOCILLAUERUNT enim meum spiritum, inquit, ac uestrum. Rursus non erat in praeterito, refocillauerunt, sed in praesenti dicendum, refocillant enim meum spiritum ac uestrum, si quo sensu uoluit alij, essent haec dicta. Dixit se gaudere super aduentu Stephanæ & Fortunati & Achaici, propterea quod illi defectum Corinthiorum praesentia sua suppleuerint. Id huius quoque ratione reddens, dicit: Refocillauerunt enim meum spiritum ac uestrum. Sic exponit, quomodo illi defectum ipsorum suppleuerint. Refocillando uidelicet utrumque & suum & ipsorum spiritum. Fatigatus fuerat ipsius spiritus desiderio fidelium ecclesiae Corinthiacae. Consimili modo fatigatus fuerat spiritus illorum desiderio ipsius tanquam Apostoli ac parietis ipsorum, cuius praesentia aegre carebant. Haec utrorumque fatigatione tres hi uiri aduentu & praesentia sua sustulerunt, atque ita spiritus ipsorum refocillarunt. Sicut enim spiritum Pauli cum ad ipsum uenissent, & ecclesiam Corinthiorum repraesentarent, ita illorum spiritum cum a Paulo ad ipsos essent reuersi, refocillarunt. Nam ut ipsi quodammodo in tribus hisce uiris ad Paulum, ita Paulus uicissim in illis ad ipsos uenit, atque ita est utrorumque spiritus uirorum istorum legatione uel ultronea protectione refocillatus.

REFOCILLAUERUNT enim, inquit, spiritum meum. In Graeco est *ἀνέπαυσαν γὰρ*. Id est, denuo quiescere fecerunt. Vbi animo fatigato datur quietis interstitium, per laboris uel ablationem, uel alleuationem, *ἀναπαύσθαι* dicitur. Hoc genere quietis refocillabatur spiritus Pauli per aduen-



aduentum Stephane, Fortunati & Achaici. Nā illorū presentia etsi nō in uniuersum auferebatur deſideriū eccleſiæ Corinthiorū, quo ſpirit⁹ ipſius fatigabat, nō nihil tñ releuabat. Sic refoſcillatur in hac uita ſpiritus piorū, à quibus etsi nō auferuntur labores quibus diuina diſpoſitione exercetur, datis tamen ſubinde interſtitijs releuatur, ne prorsus concidat, donec tempus adueniat, quo plena & indefinēti quieſcere potiatur, requieſcantq; à laboribus ſuis in ſempiternum. Sufſtinebat ſpiritus Apoſtoli ſollicitudinem omnium eccleſiarū. Huius moleſtia nō auferebatur in uniuersum per aduentū triū iſtorum uirorum, ſed ex parte & ad tēpus releuabatur. Et tamē dicit illos refoſcillaſſe ſuū ſpiritū. Intellige, ex parte. Sic ſunt cōparatæ refoſcillationes piorū, quibus in hac uita recreatur.

AGNOSCITE itaq; huiusmodi, inquit. ] Hic nō eſt *ὁμιλία* in Græco, ſed, *ἐπιγινώσκετε*, quod nō ſimpliciter noſſe, ſed agnoſcere ſignificat, quē admodū filius à patre, frater à fratre, her⁹ à ſeruo, &c. agnoſcitur. Hortatur igit Corinthios, ut agnoſcat tales fratres p ſuis, habeatq; illos in precio. Rurſus uero cauēs, ne priuato erga illos affectu ob id mot⁹ quod ad ſe uenerāt hæc ſcribat, nō dicit: agnoſcite illos, ſed, agnoſcite igit eos qui ſunt eiſmodi. Hoc eſt, qui ſeipſos ordinarunt ad miniſtrandum ſanctis, atq; ita cooperantur & collaborant in opere domini, ſyncere cum erga Chriſtum ipſum tum erga illos fideles & miniſtros affecti.

Quid ergo faciendum erga eos, qui nō ſunt eiſmodi? Si eccleſia habeat paſtores & doctores inſynceros, & nec Chriſto nec fidelibus ipſius fideles, agnoſcet ne eos pro ueris paſtoribus ac doctōribus? Abſit. Quis petat ab ouib⁹, ut agnoſcat lupum pro paſtore? Quis à pio, ut impium agnoſcat pro fratre?

Salutāt uos eccleſiæ Aſiæ. Salutāt uos in domino multum Aquila & Priſcilla, cum ea quæ in domo eſt ipſorū eccleſia. Salutant uos fratres oēs. Salutate inuicē oculo ſancto. Salutatio mea manu Pauli.

Claudit Epiſtolā ſalutationib⁹, p more, quo ſcribimus amicis. Eſt enim officium ſalutandi amicitiae ſymbolum. Qui nanq; ſalutat amicū quid illi apprecatur aliud q ſalutē & oīs generis felicitatē, cupiēs eū ſemper eſſe ſaluū & felicem? At hic demum ueri eſt amici affectus.

SALVTANT uos, inquit, eccleſiæ Aſiæ. ] Videntur hæc uerba habere argumētum eius ſententiæ, qua iudicatur hæc eſſe ab Apoſtolo Epiſtolam ſcriptam Ephēſi, quæ metropolis erat Aſiæ. Quo poteſt accommodari & illud quod ſequitur: Salutāt uos in domino multū Aquila & Priſcilla, cum ea quæ in domo eſt ipſorū eccleſia. Illi nanq; cum Corinthi antea habitarent Paulum hoſpicio acceperant, & poſtea cū illo Ephēſum uſq; migrauerant, ibiq; manſerant, ſicuti uidere eſt Act. 18. Iam cum hic dicit: Salutant uos in domino multū Aquila & Priſcilla, cum ea quæ in domo eſt ipſorum eccle-

A ſia, innuere uidetur, ibi hanc ſe ſcripſiſſe Epiſtolam, ubi Aquila & Priſcilla morabatur. Et hoc ſentiēs uulgatus interpres, adiecit, apud quos & hoſpitor. Et Chryſoſtomus licet hoc in textu non legat, nec in Græcis exemplaribus habeatur, idem tamen ſentiens dicit, apud eos enim manebat.

SALVTANT uos, inquit, eccleſiæ Aſiæ. ] Generaliorem ſalutationē, ut quæ potioris erat momenti, præmiſit. Magnum eſt, ſi frater fratrem ſalutet ex animo, ac uera charitate proſequatur in domino. Maius tamen eſt, ſi ſic amāter complectantur eccleſiæ eccleſias, idq; non unius tantum & eiſdem nationis, quod forſan eiſdē poterit fieri amore patriæ ac linguae, ſed & aliarum atque aliarum regionum ac nationum, ut ſi eccleſiæ Germanicæ diligant ex animo Gallicas, Italicas, Anglicanas, Hiſpanicas, propter Chriſtum, & hæc mutuo diligunt aliæ alias. Hanc communem & generalem *ἐκκλησίαν* unius & eiſdem fidei in Chriſtum profeſſio, eadem ſacramēti obſignatio, eadem ſub capite Chriſto incorporatio, & quæ p eundem eſt ſpiritū regeneratio ac moderatio requirit. Qualis qualis illa tum tēporis fuerit, id certum eſt, propterea generalem hæc eccleſiarū ſalutationē poni ab Apoſtolo, ut admoneat eccleſias omnes, quā debeat amanter inter ſe affici & coniungi, ſiquidē non in ſpecie tantum, & ſolo titulo, ſed ueraciter pro Chriſti uolunt haberi eccleſijs. Hoc agebat ac moliebat diligētiffime Apoſtolus Chriſti, doctor Gentium, pro ſollicitudine, quam erga omnes Chriſti eccleſias gerebat in pectore, ut illas inter ſe mutuae charitatis & concordiae ſpiritu conglutinaſſet.

Nec impediri ab hoc ſtudio uolebat eccleſias Aſiæ, per ea quæ in eccleſia Corinthiorum tā multa culpabiliter fiebant, quo minus illam ſalutarent in dño. Hodie uidemus quarūdam eccleſiarum magiſtros uſq; adeo alienos eſſe ab hoc Apoſtoli ſtudio, ut in colloquijs, ad cōciliationē eccleſiarum inſtitutis, primā actionem condemnandis eccleſijs dari uelint & ut detur improbe contendat, quas tamē nec uiderunt, nec uel à limine ſalutarunt unquā, idq; propter unius dogmatis in ſeſu uariationem. Si hoſce magiſtros habuiſſet Apoſtolus in eccleſijs Aſiæ, nunquam illos inducere, ut eccleſiam Corinthiorum ſalutarēt in domino, & cohibere potuiſſet, ne diris eā deuouerent ac Satanæ traderent.

SALVTANT uos in dño multum Aquila & Priſcilla, inquit, cū ea quæ in domo eſt ipſorū eccleſia. ] Erat hic Aquila ex Ebræis Chriſtianus, genere Pōticus. Roma cum uxore ſua inter alios Iudeos à Claudio eiectus uenerat Corinthū. In hunc inciderat Paulus cum ueniſſet Corinthū, & quoniā eiſdē erat artiſcij, manſerat apud eū. Artiſcij autem illius erat, texere tabernacula. Poſtea cum Corintho diſcederet, habuit illū & uxorem eius Priſcillā in comitatu, Ephēſum uſq; ubi ſubſtiterūt hi duo, ac pedem



dem fixerunt. Reuersus aliquanto post Ephe-  
sum, ut probabile est, denuo factus est illorum  
hospes causamq; presentia sua dedit, ut in illo-  
rum domo subinde colligeretur ecclesia fidelium  
Christi. Iam cum esset apud illos, & Epistolam hanc  
scriberet, utiq; uolentibus ac petentibus ipsis, sa-  
luere ipsorum nomine iubet ecclesiam Corinth.  
cuius aliquando pars fuerat, cum Corinthi mora-  
rentur. Et ut singulare illorum erga eam ecclesiam  
exprimat dilectionis affectum, non simpliciter di-  
cit: Salutem uos Aquila & Priscilla, sed, Salutem  
uos in domino multum Aquila & Priscilla. Quauis  
esset illi ex Iudeis credentes, usq; adeo tamen non  
auerfabantur ecclesiam ex Gentibus congregatam,  
sicuti faciebant quamplurimi fideles ex Iu-  
dæis, praesertim qui adhuc erant in Iudæa, ut  
illam in domino non leuiter, sed multum ama-  
rent, & ex animo saluam esse cuperent, atq; ita  
multum illi salutis apprecarentur. Sic erat ui-  
delicet a Paulo Gentium Apostolo instituti.

cvm ea, inquit, quæ est in domo ipsorum ec-  
clesia.] Siue intelligas de domesticis, siue de pe-  
regrinis & hospitibus, siue de indigenis fide-  
libus, qui in domo illorum conuentus sacros facere  
consueuerint, egregiam illorum commendationem hac  
particula exprimit, quod & Ro. 16. fecit dicens:  
Itē salutate quæ in domo est illorum ecclesia.  
Ergo ecclesiam non debemus amplitudine, ac splen-  
dore templorum, ac multitudine fidelium metiri,  
quandoquidem unus domus familia Christo cre-  
des, uel hospites, propter Christum domo accepti,  
uel talis credentium paucitas, quam priuatis edibus ac-  
cipi possit, ecclesiam constituent. Sed hac de re in  
locis nostris annotauimus, titulo de ecclesia.

SALVTANT uos fratres omnes.] Quid. Non  
ij tantum qui sunt in domo Aquilæ & Priscillæ,  
quos cognouistis, sed & cæteri fratres omnes, fa-  
cie uobis & nominibus ignoti, salutem uobis in  
domino apprecatur. Nemo ex omnibus est, qui non  
optime uobis uelit in domino. Claculum inuitat eos  
ad studium concordiae, dum a fratribus omnibus  
absque discrimine salutari eos scribit, ut & ipsi  
inter se tanquam fratres unanimes sint in Chri-  
sto, & fraternæ dilectionis mutuo affectu pre-  
diti, quo possint erga reliquos etiam fideles ama-  
ter amplectendos & in domino salutandos esse con-  
cordes. Etenim qui secum dissident ipsi, quomo-  
do unanimi spiritu cæteros in domino fratres  
complecti poterunt? Hoc innuens subiungit.

SALVTE uos inuicem, inquit, osculo san-  
cto.] Non precipit simpliciter, ut alij alios oscu-  
letur, cum hoc alias ex more facere soleret, sed  
ut quod faciebant facerent sancte. Sanctum oscu-  
lum est, quod sit nec prophano affectu, nec ex-  
terna simulatione absque dilectionis ueritate, sed  
religiose & ueraciter propter concordiam fidei  
quæ sit in Christo. Hoc uti non possunt discor-  
des, & contentiosi sectarii, sed ij tantum qui u-  
nanimis sunt in domino. Cum ergo dicit: Sa-  
lutate uos inuicem osculo sancto, omnino re-  
quirat mutuum inter ipsos dilectionem & con-  
cordiam. Hac enim obtinente, necesse est ut stu-  
dium sectarum laquesat, & tandem e medio

A tollatur. Pro osculo, quod Græcis est *φιλικον*, di-  
lectionis uidelicet & amicitiae symbolum, pro  
consuetudine nostrarum nationum coniun-  
ctione dexterarum inter salutandum tanquam  
societatis signo, utimur. Verum multo redi-  
mendum esset, plus esse in hoc signo ueritatis,  
quam simulationis.

SALVATIO mea manu Pauli, inquit.]  
Duo facit: Primum salutat eos & ipse. Deinde  
salutationem hanc, non ponit per amanuensem,  
quo utebatur, sed suapte manu, quo & certi de  
illa ac simul de tota Epistola essent, & omnis  
ocasio impostoribus adimeretur, ne quid in il-  
la mutarent, & supposititiam aliquam falsam  
& corruptam sub nomine Pauli ecclesijs obtru-  
deret. Et hac cautione usus est non in hac mo-  
do, sed & in omnibus alijs Epistolis suis, sicuti  
in posteriore ad Thessalonicenses uidere licet,  
ubi sic dicit: Salutatio mea manu Pauli, quod  
est signum in omni Epistola. Sic scribo.

Si quis non diligit dominum Iesum, sit  
anathema maranatha.

Cum hæc manu sua scriberet, & impostori-  
bus occasionem imposturae adimeret, cogita-  
re cepit de mala illa radice, unde omnis in ec-  
clesia Corinthiorum hypocrisis, impostura, syn-  
ceritatis corruptio, pacisque & unitatis disso-  
lutio nascebatur. Eam sentiebat esse cor non  
rectum ac syncerum erga dominum Iesum,  
quale erat pseudapostolorum, qui cum essent  
B Apostoli non Christi, sed Satanæ, transfigura-  
bant se in apostolos Christi, quæ sua erant ip-  
sorum, non quæ Christi quærentes. Horum  
itaque maliciam & perfidiam perstringens, im-  
mo condemnans dicit.

Si quis non diligit dominum Iesum, sit ana-  
thema.] Quasi dicat: Si quis corde est adeo  
peruerso ac malicioso, ut alienus cum sit a dile-  
ctione domini Iesu, nihilo tamen minus fin-  
gat ac simulet se illum impense diligere, illius-  
que discipulus & Apostolus haberi uelit, sit il-  
le uobis anathema, potius quam Christi uel di-  
scipulus uel Apostolus.

Vide autem quam moderate & caute non ex-  
primat eorum nomina, quos tamen dubio procul  
tales esse sciebat, sed per sententiam hypotheticam  
dicit: Si quis non diligit dominum Iesum, sit anathe-  
ma. Moderationis huius erat ratio, ut parceret  
non ipsis pseudapostolis ac seductoribus, sed  
ijs qui ab illis seducti pedebant, ac nominibus  
eorum usque adeo erant addicti, ut execrationem il-  
lorum tam grauem & horredam ferre nequirent, ac-  
citius a toto Christianismo relapsuri, quam illam pa-  
tienter laturi uideretur. Horum rationem habens  
abstinet quidem a specificatione impostorum, uerum  
ea moderatione, ut interim radicem mali consy-  
derandam illis & animaduertendam exponat, ut in  
quocumque illam deprehenderint, suam ipsorum con-  
scientiam impulsam damnent illi, & pro anathemate  
habeant & ipsi. Hac prudentia & moderatione  
Apostolici spiritus utendum est in illis ecclesijs  
praecipue, in quibus obtinent studia sectarum, quo  
K 3 plebs



plebs seducta ipsum malum agnoscat prius, q̄ ad damnandum impostores cogatur, quos adhuc ipsissimos putat esse Christi apostolos.

Hoc sensu puto, intelligendum esse quod dicit: Si quis non diligit dñm Iesum, sit anathema. Neq; enim loquitur de Iudæis aut Gentibus incredulis, & à professione Christiani nominis alienis, quorum nemo dominum Iesum diligit, & tamen hac anathematis sententia feriendi non sunt ab Apostolo, qui de illis qui foris sunt, iudicium sibi non sumit.

Si quis nō diligit dñm Iesum, inquit.] Cōsiderandum hic est, quæ sit nota dilectionis Christi, unde cognoscatur ueri illius amici, fideles, discipuli, & ministri. Ea nō est quæreda in uerbis, aut specie pietatis externa & fallaci, sed in uera uerborum Christi obseruantia. Hæc enim ipse nobis proponit dicēs: Si quis diligit me, sermonē meū seruabit. Itē. Si diligitis me, præcepta mea seruare. Et. Vos amici mei estis, si feceritis quæ ego præcepi uobis. Ergo obseruatia uerborū Christi, arguit animū illius amorem. Contrā, neglectus & cōtemptus illorum hominem arguit à dilectione Christi alienum. Quod si accellerit hypocrisis, quæstus, & nūdiatio sub nomine Christi præsumpta, plane dignus est anathemate, tanquam subdolus, impius, & maliciosus impostor.

Quid est autē quod nō dicit: Si q̄s nō diligit Deū, sed, Si quis nō diligit dñm Iesum? An nō refert, Deum ne diligamus uel secus, modo diligamus dñm Iesum? Respondeo. Dñm Iesum nemo diligit sine dilectione Dei patris. Filium enim quomodo diligemus ut filiū ac dñm, nisi in illo diligamus & patrē, à quo dat⁹ est nobis filius? Apost. autē quoniā singularē maliciā & imposturā pseudapostolorū pstringere & execrari uoluit, q̄ se in apostolos Christi diabolica impostura trāsfigurabāt, cū corde essent erga illū nō recto, notāter dilectionē dñi Iesu adduxit in mediū, in qua depræhēderent ueri ministri Christi, & secundū quā iudicaret de falsis. Nō enim hic tā impietatis erga Deum in genere, q̄ imposturæ pseudapostolorū sub nomine Christi præsumptæ notam exprimere uoluit.

Si t anathema, inquit.] De uoce anathema non est ut hic dicamus. Diximus enim de illa, Ro. 9. Et est aliās admodū nota in ecclesijs, & plus æquo usitata in cōcilijs ac decretis Pōtificū. Laborāt enim illi singulari quadam anathematizandi procliuitate, qua mox execrantur, & ab alijs pro execratis haberi uolunt omnes eos, qui nō ad omnia ipsorum statuta subeunda ceruices suas submitunt.

MARANATHA.] De hac uoce nō est eadem omniū sentētia. Si Chaldæa est uel Syra, sonat dñs noster uenit. מרן siquidē. i. maran, idē est, quod dñs noster. Sic illud Dauidis, Non nobis dñe nō nobis, in Chaldæo est, La lan marana la lan. i. nō nobis dñe noster non nobis. Et אתא uel אתא. i. atha, sonat, uenit. Sic Hieron. quoq; in Epistola ad Marcellā exposuit. Et hunc sequuti sunt nonnulli alij.

Burgenfis aliud sentit. Existimat accommo-  
dasse se Apostolum hoc loco mori Iudeorum, quo rebellū & cōtēptorū legis condēnationē trifariā exercuerunt. Primo p exclusionē è consortio populi Dei quā nostri excōmunicatiōne uocāt. Deinde p destructionē ac dissipatiōne bonorū, quā uocāt מר. Tertio p extremā maledictionē, cui solēni tubarum clāgore deuouebātur. Ad primā cōdemnationis partē pertinere dicit, quod Apost. uocat anathema, ad secundā, quod subiūgit, maran, quasi idem sit quod maheram. i. dissipatio, à uoce מר, ad tertīā, quod addit, atha quā uocē idē esse uult, qd̄ est מרתה. i. mortificatio. Et hæc Burgēsis opinionem sequuntur nōnulli ex recentioribus, quā probare nō possum, propterea quod longius à structura uerbi huius discedit. August. in altercatiōe quā habuit cū Pascetio Arriano præsentis locis meminit ad hūc modū: Simul utitur Græco & Syro uerbo. Si quis, inquit, nō amat dominum Iesum, sit anathema maranatha. Anathema Græco sermone dixit cōdemnatus, maranatha, donec dominus redeat.

Placet quibusdam, מרנא. i. maranatha, positū esse pro מרתה. i. maheramatha, ut sit deductū à uoce מר, ac idē sonet, quod dictio præcedens מרתה. Si constaret, Chaldæis מרן p nun idē esse quod Ebræis מר per mem, posset probabile uideri, legēdum esse, מרתה. i. maherenatha, ut sonet, perditio quæ uentura est, aut, perditio ueniens. Verum nihil hic certi inuenio, nec conuenit ut quod incertum est temere affirmemus. Si uspiā in scripturis מרתה pro מר positum inuenirē, ut Chaldæis מרתה esse possit idem quod Ebræis מר, facile in hæc sententiam inclinarē, ut sentirem Apostolum post Græcam uocē anathema subiecisse Chaldæam uel Syram idem significantem, propter eos potissimum, qui ex Ebræis in Christū credentes, imò uerius credere se simulantes, non Christum sed seipsos quærebant, & Christum uidisse se, esseq; uerorum Apostolorū discipulos, ad hoc iactabant, ut ecclesiā scinderent ac discipulos post se traherent. Verum nusquam inuenio מרתה positum pro מר. Ebræis sonat מרן, irā. Si מרתה uspiā poneretur in scripturis pro מרן, posset uideri maranatha positū esse, p מרתה. i. maheronatha, ut sensus sit. Si quis non diligit dñm Iesum sit anathema iræ, uel ad irā, quæ uenit. Quicquid huiusmodi cogitam⁹, nihil habet certi. Quare simplicius est, ut retineamus eā expositionē, quæ de uoce hac, ut posita est, ne literā quidem uel mutat uel desyderat, quā primo loco posuimus. Quid uero uoluerit sibi Apostolus, quod cū dixisset: Qui nō diligit dñm Iesum, sit anathema, subiecit: Dominus noster uenit, deinde quod id sermone Syriaco magis, q̄ Græco expressit, non adeo facile est explicare. Si legerimus. Si quis non diligit dñm Iesū, sit anathema domini nostri qui uenit, uel, Si quis non diligit dñm Iesum, Dominū in quā nostrū qui uenit, sit anathema sensus erit, meo iudicio, non incommodus.

Quod



Quod si omnino exponendum est in nominatio, id quod tamen nulla necessitas cogit, melius esse puto ut in futuro legamus, dominus noster ueniet, quam in præterito: Dominus noster uenit. Quin etiã si legamus, Dominus noster uenit, nihil uetat, quominus idem esse intelligamus, quod dominus noster in præcinctu est, prope est, non tardat, sed ueniendo uenit, ut habeat sensum cõminationis de aduentu domini breui futuro, quo retribuetur unicuique secundum quod gessit in hac uita, diceturque reprobis illis & hypocritis, Discedite à me operarij iniqui, non noui uos.

Quare uero Syro sit usus sermone, nõ inuenio probabiliorẽ causam, quã quod, ut supra dixi, clanculũ hoc pacto eos pleudapostolos perstringere uoluerit, q̃ sub nomine Christi Euangelio regni Dei plurimum incommodabant, & quoniam Ebræi erant de Christo & apostolis, contra Apostolatũ Pauli admodũ gloriabantur, cum quæerent, non Christum, sed seipsos. Hęc de uoce, maranatha. Si cui datum est aliquid certius, adferat in medium.

Quærũt hic, liceat ne Apostolo anathemati deuouere quempiã. Neque enim dicit: erit anathema, sed *ἐστω* id est, sit, anathema. Sed hac de re annotauit Petrus Martyr, charissimus in domino frater. Duo sunt hic consideranda. Vnũ est, singularis zelus pectoris Apostolici in gloriam Christi incomparabili amore ardentis.

Alterum muneris apostolici officium. Neutrũ commune est fidelibus omnibus. Quare quod hic Apostolus dicit: Si quis non diligit dominum Iesum, sit anathema maranatha, siue ad Apostolici pectoris zelũ, siue ad munus Apostolicum referatur, nihil habet illiciti, & tamẽ non est cuilibet fidei temere usurpandũ. Si ex zelo Christi dictum est, deuotionem habet & execrationem. Si uero ex Apostolici muneris officio, admonitionẽ habet ad ecclesiam fidelium de eo factam, quo debeat eos habere loco, qui cum Christum non diligant, nomen tamen illius iactant, & sub illo impostores agunt ad seducendũ imperitos. Qui dominũ Iesum, inquit, non diligit, qualis qualis foris appareat, & quicquid tandem iactet, sit uobis anathema. Quo sensu dictum est illud Christi: Si ecclesiam nõ audierit, sit tibi tanquam ethnicus & publicanus.

Gratia domini Iesu Christi uobiscum. Dilectio mea cũ omnibus uobis in Christo Iesu. Amen.

Separauit ab ecclesia uerorũ fidelium, à gratia Christi, & à sua dilectione reprobos & impostores, qui Christum non diligebant, sed res suas sub nomine illius agebant, cum dixit: Si quis nõ diligit dominum Iesum sit anathema maranatha. Post eam sententiã synceris ac ueris fidelibus ualedictionis loco & gratiam appre-

atur, & dilectionem suam in Christo denunciat & offert dicens.

GRATIA domini Iesu Christi sit uobiscum dilectio mea cum omnibus uobis in Christo Iesu.] Quod si legerimus ut est in Græco & æditiõe uulgata: Gratia domini Iesu Christi uobiscum, ut intelligatur uerbum substantiuum, est, non habebit appreciationis, sed magis Apostolicæ annunciationis sensum. Quasi dicat: ut anathema est à Christo qui illum nõ diligit, ita uos in illius estis gratia qui & creditis in eũ, & credẽtes diligitis. Quod Erasmus uertit: sit uobiscum, suo sensu fecit, quẽ habet cum Chrysostomo communem, qui & ipse hoc apprecandi modo dictum esse sensit.

DILECTIO mea, inquit, cum omnibus uobis. Amen.] Vide quomodo dilectionem suã gratiẽ Christi coniungat, ut significet se impẽse diligere eos, qui sic sunt Christiani, ut nõ solum externæ sint professionis, sed & gratiẽ illius participes.

Non est autem ociosum quod post tot ac tã graues correptiones, quibus plerosque illorum per hanc Epistolam corripuit, hanc dilectionis suæ denunciationem in calce conclusionis uice posuit, ut intelligerent nihil esse à se sinistro affectu, sed omnia dilectionis impulsu scripta.

Et ne uideatur aliquos tantum ex illis diligere, segregatis illis, quos alias atque alias ob causas corripuit, non dicit simpliciter: dilectio mea uobiscum, sed uniuersaliter: dilectio mea cum omnibus uobis. Sic neminem illorũ excludit, & interim admonet eos retinẽdæ unitatis, ut quemadmodum ipse omnes absque discrimine dilectionis suæ uinculo cõplectitur, ita & ipsi omni sectarum studio abiecto unum esse uelint in domino, seseque mutua dilectione concorditer amplecti.

Addit, in Christo, hoc est, propter Christum, quatenus estis in Christo, illique fideliter adheretis. Iactat dilectionem fidelium & Pontifex Rom. ut simulet se apostolico affectum esse spiritu. At ex fructibus cognoscitur arbor. Diligit quidem, uerũ ut lupo diligit oues. Et lupi ad oues uox esse potest: Dilectio mea cum omnibus uobis. At hæc dilectio non est erogatrix, sed magis deuoratrix. Apostolica dilectio impendit omnia in usus fidelium. Lupina uero omnia omnium deuorat. Dicat igitur catholicus hic pastor. Dilectio mea cũ omnibus uobis, omnis at è contra sit uestra pecunia mecum.

Tua.

*Sit procul à nobis dilectio falsa luporum,  
Seruet nos potius gratia Christe tua.*

Θεο. Αἰς.



Diebstahl eines Schmiedehammers  
in der Nacht vom 1. auf den 2. März 1881.

*[The page contains faint, illegible text, likely bleed-through from the reverse side.]*



# IN POSTERIOREM

Epistolam Pauli ad Corinthios,  
Commentarii.

PER VVOLF GANGVM MV

SCVLVM DV SANVM.

BASILEAE▶



# HYPOTHESIS POSTERIORIS

EPISTOLAE PAULI AD

Corinthios.



VAM non in prophanis modo sed & religionis ac fidei negocijs res sit solliciti plena tñ moris amor, cum in alijs Apostoli literis tum in his potissimum apparet, quas alteras ad Corinthiorum ecclesiam impense sibi dilectam scripsit, in qua singularem quandam & uere Apostolicam sollicitudinem spirant omnia, ut ubique paternum pectus deprahendere liceat non modo ubi mitis ac blandus, quos priore epistola contristauerat uersis uelis consolatur & erigit, sed & ubi seuerus & grauis Apostolicae potestatis experimentū impœnitentibus & contemptoribus comminatur. Et hinc est uarietas illa *ἡ ποικιλία*, quæ ab initio epistolæ ad calcem usque occurrit.

Causæ uero, quur denuo ad illos scriberet, præter generalem Ecclesiarum sollicitudinem speciales erant istæ.

1 Prima, quod Apostolatū suum propter crebras & prope extremas afflictiones, præsertim in Asia studijs impiorum suscitatus, despicabilem fieri sentiret, quod malum mox initio epistolæ amoliendum iudicauit, quod & capite quarto & quinto facit.

2 Secunda ex eo nascebatur, quod in priore epistola uenturum se ad illos pollicitus fuerat, & tamen alijs impeditus promissa non præstiterat. Hic leuitatis erat occurrendum suspitioni, quod facit in calce capitis primi, & initio secundi.

3 Tertiam pepererat cura seruandi peccatoris, quem propter scortationem è communione fidelium eiectum Satanae ad interitum carnis Epistola præcedente tradiderat. Hunc igitur respicientem recipit, ne pereat, quem antea peccantem damnauerat.

4 Quarta erat ex eo quod obseruantiam legis nonnulli contra Noui testamēti gratiam inducere moliebantur. Ad reprimendam hanc pestem Noui testamenti gratiam & ministerium, supra obseruantiam & ministerium legis extollit capite 3. & 4.

5 Quinta generalior ex eo erat, quod nonnulli sibiipsis gratiam Noui testamenti studijs carnis inanem reddabant. Hos ad ueræ pietatis studia obsecrando hortatur, ne tam insignem gratiam in uacuum recepisse deprahendantur, simulq; auocat à consortio impiorum & infidelium. Facit hoc cap. 6.

6 Sextam ex eo uidebat esse, quod priore illos Epistola admodum contristauerat. Quare ut hunc illorum moerorem leniat ac mitiget, utilitatem illius exponit, quod facit cap. 7.

7 Septima erat collationis in usus sanctorum faciendæ, qua de in Epistola priore monuerat. De hac denuo moniturus usurpat & proponit illis exemplum ecclesiarum Macedoniae. Facit hoc cap. 8. & 9.

8 Octaua erat ex contemptu potestatis Apostolicæ, quam ut asserat, obsecrat eos ne uelint authoritatem ac potestatem præsentis sui, quam habeat in Christo, per contemptum experiri. Cap. 10.

9 Nonam obtrudebant pseudapostoli. Contra illos luctatur, Apostolatū suum asserens, & afflictiones pro Christo toleratas, ac singulares reuelationes commemorans. Facit hoc cap. 11. & 12.

10 Vltimam offerebant impœnitentes, quos nec prior Epistola, nec aduentus Timothei ac Titi correxerant. His se ubi uenerit ad eos, baudquaquam parsurum minatur. Cap. ultimo.

His itaque de causis motus Epistolam hanc paternorum affectuum plenam ad Corinthios scribit. Oro dominum ut per gratiam spiritus sui expositionem illius largiatur, & germanam & ecclesijs edificandis utilem.





# COMMENTARII V VOLFGANGI MVSCLIDV=

SANI, IN POSTERIOREM EPISTO-  
LAM PAULI AD CORINTHIOS.

## ARGVMENTVM CAP. I.



*V*tilitatem afflictionum cum suarum  
tum ceterorum Christi fidelium expo-  
nit, & amplitudinem consolationum  
Christi deprædicat, deinde quod ad  
ipsos sicuti promiserat, non uenerit,  
excusat, causamq; huius assignat.

## CAPVT PRIMVM.



*P*AVLVS Apostolus  
Iesu Christi, per uo-  
luntatem Dei, ac Ti-  
motheus frater, eccle-  
siæ Dei quæ est Co-  
rinthi, unâ cum san-  
ctis omnib<sup>9</sup>, qui sunt  
in tota Achaia. Gratia uobis & pax à  
Deo patre nostro, & dño Iesu Christo.

Sunt hæc ferè initio præcedentis epistolæ  
declarata. Habent inscriptionem epistolæ, sa-  
lutationem, & subscriptionem. Inscriptio est,  
ubi dicit: Ecclesiæ Dei quæ est Corinthi, unâ  
cum sanctis omnibus qui sunt in tota Achaia.  
Salutatione ponit dicens: Gratia uobis & pax  
à Deo patre nostro & domino Iesu Christo.  
Subscriptionem ponit: Paulus Apostolus Iesu Christi,  
per uoluntatem Dei, ac Timotheus frater.

PAVLVS Apostolus Iesu Christi, inquit.]  
Quod subscriptionem mox initio ponit, Apo-  
stolicæ authoritati dandū esse puto. Facit hoc  
in omnibus suis epistolis. Faciunt & Iacobus  
& Petrus. Humilitatis esse uolunt, ut qui pri-  
uatus ad superiores scribit, inscriptioni sub-  
scriptionem nominis sui subiiciat.

Apostolatū autē suū nusquam non in-  
culcat, uocās se Apostolum Iesu Christi, quod  
non est temere ab eo iactantiæ spiritu, sed ma-  
gna necessitate factum. Etenim sciebat Apo-  
stolatū suū à multis non agnosci, propter  
ea quod ex illis non esset apostolis, qui cum  
domino in carne fuerant conuersati, & nume-  
ro duodenario in apostolos electi. Quare q̃  
pseudapostoli Apostolatui ipsius detrahebāt  
ubiq; ita ipse illum inculcat ubiq; non quæ-  
rens aliquid hinc gloriæ, sed unum hoc agens,  
ut Christo domino suo fideliter simul & utili-  
ter seruiat.

Habent quod imitētur uerī ac fideles Chri-  
sti ministri. Hi non modo officium suū fide-

**A** liter administrare debent, sed & ministerij sui  
authoritatem & existimationem contra repro-  
bos & sectarios fortiter tueri, ne sua negligen-  
tia & incuria locum præbeāt Satanæ, qui sum-  
mo hoc studio molitur, ut ministerij fructus  
disperdat, inque hunc finem ministrorum exi-  
stimationem quoad eius poterit, per suos im-  
postores subuertit. Titulos dignitatū ac præ-  
laturarum suarum interim extollunt falsi apo-  
stoli, falsi doctores, & pseudopiscopi, quo au-  
thoritate sua falso præsumpta plebem impe-  
ritam sub iugo dominationis suæ detineant.  
Quanto iustius est, ut legitimos ministeriorū  
suorum titulos uerī Christi ministri contra ue-  
ritatis aduersarios tueantur, quo ministerijs  
suis in ecclesia Dei efficacius fungi possint?

PER uoluntatem Dei, inquit.] In hoc est  
authenticus Apostolatus, quod non est pro-  
pria temeritate præsumptus, sed diuina uolun-  
tate mandatus & impositus. Hæc uoluntas  
Dei cœlitus illi declarata fuit, & multis uir-  
tutibus ac singulari prædicationis efficacia  
comprobata.

Obserua uero, quod cum dixisset: Paulus  
Apostolus Iesu Christi, non subiecit: secundū  
illius uoluntatem, sed, secundum uoluntatem  
Dei. Ab ipso erat Christo in Apostolum dele-  
ctus. Quare poterat dicere, secundū illius uo-  
luntatem. Verum uoluntatis authoritatē tri-  
buit Deo, quod & Christus ipse aliquot locis  
fecisse legitur. Ab hac enim tota susceptæ di-  
spensationis summa & origo pendebat. Præ-  
terea, quoniam nomen Iesu Christi nō nisi fi-  
deles recipiebant, Dei uero agnoscebant etiā  
infideles, maluit dicere, per Dei quā per il-  
lius uoluntatem, quo significaret fungi se A-  
postolatu nulla humana, sed prorsus diuina  
authoritate suffultum. Non quod in nomine  
Christi non sit satis diuinæ authoritatis, sed  
quod sit fidelibus tantum, infidelibus nequaquā.

AC Timotheus frater, inquit.] Sic disci-  
pulos suos & cooperarios cohonestat, dum  
eos in subscriptionibus epistolarum nomini  
suo quasi æquales coniungit. Poterat dicere.  
Et Timotheus discipulus, uerum maluit eum  
uocare fratrem, quo plus apud Corinthios au-  
thoritatis haberet ipsius ministerium.

ECCLESIAE Dei, inquit, quæ est Corin-  
thi.] In priore epistola uide, quare non sepa-  
ratim quibusdam, sed toti Corinthiorum scri-  
pserit ecclesiæ. Scribit ecclesiæ fidelium Chri-  
sti ipse Apostolus Christi, & uocat hanc eccle-  
siam Dei. Sic perpetuo ac uigilanter Christum  
& Deum connectit, ut uoluntas Christi, sit uo-



luntas Dei, Apostolus Christi, seruus Dei, ecclesia Christi, ecclesia Dei. Quam ergo Christi in nobis est, tantum est Dei in nobis. Et quod procul sumus à Christo, tam sumus procul à Deo.

Reuera autem obseruabilis est exempli, quod ecclesiam, quæ tum erat Corinthi, uocat ecclesiam Dei, cum tot ac tantis uicijs laboraret, quot & quanta epistola præcedente in illa redarguit ac repræhendit. Consimile est, quod Christus regnum cælorum Matth. 13. agro in quo sunt zizania, cõparat. Qua in re quid obseruandum ueniat, uide in Comment. nostris super Matthæum.

VNA cum sanctis omnibus, inquit, qui sunt in tota Achaia. Credentes in Christum uocat sanctos, quod sanctificati sint Deo, & à mundo in populum peculiarem segregati. Vt autem significet hanc se epistolam scribere non ecclesiæ tantum quæ erat Corinthi, sed & omnibus reliquis Christianis, qui in tota erant Achaia, postquam dixit, & ecclesiæ Dei quæ est Corinthi, adiecit, unà cum omnibus sanctis, qui sunt in tota Achaia. Hoc faciens, uelut in unum corpus totius Achiæ fideles cõglutinati, ne quæ Corinthi erat ecclesia, propter metropolitanam eminentiam supra cæteros extra urbem in agro sparsos fideles sese extolleret, illosque quasi ad ipsorum ecclesiam non pertinentes fastidiret. Et hanc quoque ob causam uocat eos sanctos, ne qua in re minoris faciendi uideantur, quam ij qui erant in ipsa urbe. Nec uult aliquid esse in illis dissidij ac separationis. Ideo non simpliciter dicit, unà cum sanctis, sed, unà cum sanctis omnibus, neque, qui sunt in Achaia, sed, qui sunt in tota Achaia.

Sic igitur & inter se omnes totius Achiæ fideles, & cum ecclesia quæ erat in ipsa metropoli, connectit. Qua in re studium conciliandi in unum uere Apostolicum uidemus, quod utinam imitentur, qui successores apostolorum uideri uolunt.

Sed dicet aliquis. Atqui hoc ipsum agunt totis uiribus, ut omnes ubique Christiani coadunentur, & schismata fugiant. Et in hunc finem damnant schismaticos, & quosuis ad cõcordiam & unitatem ecclesiæ catholicæ partim uocant, partim etiam cogunt.

Respondeo. Verum est, damnant schismata metropolitani nostri episcopi, & Romanus cum primis, ac prædicant pacem & unitatem. Et faciunt hoc magno studio, uiolento ac sanguinario quoque. At etiam atque etiam considerandum est, quod genus pacis & unitatis in ecclesia Christi spectet. Tale uidelicet, in quo ipsi dominantur omnibus, non quo omnes in Christo sint coniuncti. Dominationis studiū pacis & unitatis prætextu palliant. Vt quid dominationem uocant pacem & subiectionem plus quam seruilem, concordiam & unitatem? Pacem & unitatem uolumus & appetimus nos quoque, sed eam quæ sit in Christo, quæ sit non falsa, sed uera, quæ nos non

ut seruos dominis subijciat, sed ut fratres fratribus in domino & uera pietate coniungat. Hodie impense à multis quæritur ecclesiarum unitas. Vtinam uniat nos spiritus & ueritas domini. Verum metuo, ne quod Hieronymus alicubi de suis temporibus quæstus est, sub nomine unitatis & fidei infidelitas uel inueterata stabiliatur, uel noua aliqua scribatur. Etenim plerisque iam nihil tam uidetur primum, nihil tam conueniens seruis Dei, quam unitatem sequi, & à catholica totius mundi communione non auelli, præsertim ubi sic omnia quæ in controuersia sunt, finguntur ac refinguntur, ut superficies expositionis nihil impium & auersandum præferre uideatur. Quæramus unitatem, ô fratres, quæramus autem non simulatam & superficiale, sed ueram & intimam, quæ sit non in catholica consuetudine, sed in Christi spiritu & ueritate, ut simul possit esse in uera sanctorum consensione ac charitate.

GRATIA uobis & pax, inquit, à Deo patre nostro, ac domino Iesu Christo. Eadem usus est salutatione ad uerbum, tam in ea quæ ad Romanos scripsit, quam in præcedente ad Corinthios. Vtrobique autem illam exposuimus, & quæ obseruanda sint, annotauimus. Quare non est ut hic uel eadem repetamus, uel alia illis addamus, nisi hoc unum, ut qui Christiani sumus, felicitatem nostram in hac Apostolica salutatione agnoscamus, & agnitam bene cum gratiarum actione collocemus. Ea autem est, quod non sumus populus sine Deo in hoc mundo, quales sunt, qui alieni sunt à Christo, uide Ephe. 2. Non est ut dicatur nobis ab impijs huius sæculi filijs: Vbi est Deus uester? Deus noster in cælo est. Dicant ipsi, ubi & quem Deum habeant.

Deinde, quod idem nobis est & Deus & pater. Qui Deus est & omnipotens, & solus, in manu sua habens omnia, pater noster est. Quid poterit stupendum magis dici? Quis enumerauerit omnes ueræ felicitatis species, & ueras inuictasque consolationes, quæ ex uno hoc proueniunt, quod eundem habemus patrem quem & Deum?

Tertio, ad cumulum hunc felicitatis nostræ accedit, quod unigenitus Dei, homo ex carne nostra factus, datus est nobis à patre in dominum, non ut illi plus honoris quam habuerit antea accedat, sed ut sit nobis redemptor, Seruator & gubernator, ac possideat qui dem nos iure regni à patre accepti: uerum ut fratres ac filios, ad seruandum, non ad cõarctandum.

Quarto, quod ab utroque, & Deo patre nostro & domino Iesu Christo, gratia & pace cœlesti beamur. Quod enim salutando Apostolus gratiam & pacem Corinthijs à Deo patre nostro, ac domino Iesu Christo apprecatus est, non sic est accipiendum, quasi non utraque in Christo fruamur, quotquot in illum credimus, sed quod hac salutatione & pater-

nam



nam suam erga eos beneuolentiam declarare, & iuxta de felicitate eos per fidem in Christum accepta admonere uoluit, quo illam & bene collocarent, & per omnis generis afflictiones, quibus propter fidem in Christum obnoxij erant, saluam & integram ad finem usque retinere satagerent. Si quis ista diligenter in hac salutatione perpenderit, puto abunde habiturum, unde & consolationem petat, & in fide Christi ædificetur.

Benedictus Deus & pater domini nostri Iesu Christi, qui est pater misericordiarum, & Deus omnis consolationis, cōsolans nos in omni afflictione nostra, in hoc ut possimus cōsolari eos, qui sunt in quauis afflictione, per consolationem qua consolatur nos ipsos Deus. Quoniā sicut abundant afflictiones Christi in nobis, ita per Christum abundat & consolatio nostra.

In oculis carnis nullum poterat maius contra Euangelium Christi oriri scādalum, quā quod Apostolo Christi ubique contradicebatur, & omnis generis afflictiones ac discrimina uitæ passim excitabantur. Hinc impij in erroribus suis obstinatiores reddebantur, & pseudapostoli argumenta Apostolatui Pauli obloquendi ac detrahendi, & infirmiores in fide ab Apostolica doctrina auocandi ac seducendi sumebant. Scandalum hoc amoliturus Apostolus tam abesse docet, ut multitudo afflictionum, quibus exercebatur, cuiquam debeat esse offendiculo, ut pijs hominibus & opus Dei intelligentibus materiam magis offerat doxologiæ Dei, cuius in seipso exemplum mox in ipso epistolæ exordio ponit dicens: Benedictus Deus, & pater domini nostri Iesu Christi, pater misericordiarum & Deus omnis consolationis, cōsolans nos in omni afflictione nostra, &c. Quasi dicat. Multis tribulationibus & afflictionibus ubique exerceor. Verum est, sed non est ut hoc quenquam uestrū uel offendat, uel pusillanimum reddat. Quod me attinet, tam abest ut super afflictionibus hisce meis per impatientiam conquerar, aut animo in causa Christi deijciar, ut magis hinc luculentissimo diuinarum consolationum argumento ad glorificandū ac laudandū Deū exciter, quod is me in omni afflictione, quantumuis graui, sic consolatur, ut & alios afflictos ea possim consolatione, qua me consolatur, consolari.

Hunc existimo exordij huius esse sensum. Chrysostomus tamen aliud cogitat. Causam exordij huius fuisse Apostolo censet, ut rationem redderet, quorū Corinthum non uenerit, cum precedente epistola uenturum se scripsisset. Quasi dicat. Scio me uobis aduentum meū ad uos esse pollicitum. Verum benedictus sit Deus, qui me in tam grauibz afflictionibus non deseruit, quibus interea temporis adob-

rutus & impeditus fui, quo minus quod promiseram, præstare potuerim. Quare non est, ut hasce moras uel leuitatem uel socordiam interpretemini. Ex recentioribus nonnulli utraq; causam, tam eam quam posui, quā hanc Chrysostomi connectunt. Sane non est insolens, ut unius rei plures sint causæ. Prior tamē mihi probabilior apparet.

BENEDICTVS Deus, inquit.] Doxologiæ uox est, ut Ebræis *ברוך*, ita Græcis *εὐλογητός*. Possumus Latine uertere hoc loco, laudatum, uel, celebratum. Benedictum uertunt cōmuniter. Nec male, si recte intelligatur. Ut enim *εὐλογῶν* Græcis, & benedicere Latinis, bene est de aliquo loqui, laudibus aliquem extollere, ita & *εὐλογητός*, ac benedictus is recte dicitur, qui uel celebratur laudibus, de quo omnes bene ac præclare loquuntur, uel sic se gerit, ut sit laudabilis, debeatque suo merito laudari ab omnibus. Iam quod præsentem locum attinet, quod doxologiam Dei Apostolus cū exclamatione exprimit, dicens: Benedictus Deus, accipi potest pro grati animi & in laudē Dei accensi uoto, ut idē sit quod: Benedictus, laudatus ac glorificatus sit Deus. Hoc est, benedicatur, laudetur & glorificetur ab omnibus. Qualem ipse Deum sentiebat in corde suo, talem cupiebat ab omnibus agnosci, prædicari ac laudari.

Quod si quis ad hunc modum intelligendum esse putat: O uere benedictum, celebrem ac laudatum Deum. Vel: O laudabilem Deū, ac dignum cui benedicatur ab omnibus, non erit ineptus sensus. Huiusmodi abruptæ exclamationes ut exuberantium cordium spirant affectus, ita uarijs modis possunt exponi, modo expositiones ab ipsa causā quæ geritur haud abludant, ac longius discedant.

ET pater domini nostri Iesu Christi, inqt.] Quoniam propter Christum affligebantur fideles, uidebanturq; ob crebras afflictiones singulari quadā ira Dei exagitari, quasi Christianum esse idem sit quod impium esse, ac Deū habere inensum, cōsulito uocat hic Deum patrem domini nostri Iesu Christi, ut significet afflictiones fidelium Christi non esse ex eo quod iratum habeāt Deum, quasi extra uerū Deum colant alienum dum Christum colūt. Quomodo enim irasceretur Deus illis qui filiū ipsius unigenitum ac dilectum Salutis nostræ gratia in mundum hunc missum sincera fide amplectuntur ac colunt? Imò potissima hinc est consolatio fidelibus, quod dū affliguntur in mundo, affliguntur propter filium Dei.

Vide autem quā competenter particulā hanc elogijs illis Dei præmittat, quibus eum uocaturus est patrē misericordiarum, ac Deū omnis consolationis. In eo siquidem quod pater est domini nostri Iesu Christi, fons & origo est omnium misericordiarum ac consolationum, quibus ij qui in Christo sunt, recreantur & sustentantur.

Deinde nec illud transeundum est, quod cū



antea Deum nostrum patrem uocari, iam uocat eum patrem domini nostri Iesu Christi. Ergo idē Deus & noster est ac domini nostri Iesu Christi pater. Sic ad Mariam Iohan. 20. ipse Christus post resurrectionē dicebat: Vade ad fratres meos & dic eis: Ascendo ad patrē meū & patrem uestrum, Deum meum & Deum uestrum. Sic itaq; sumus filij Dei, ut simus & fratres unigeniti Dei Christi Iesu, & eundem cuius fratres sumus, habeamus dominum.

Q. VI est pater misericordiarum, inquit, & Deus omnis consolationis. Qui sine ratione quempiam laudat, quoniā affectibus suis magis q̄ ueritati indulget, magis eum quem laudat, sinistra suspitione grauat, q̄ uera laude ornat. At Apostolus noster, quis ardenti zelo propensus fuerit ad laudandum Deum, sic tamen eum laudat ut talia de illo proferat in mediū, quæ nulla unq̄ laude satis extolli poterūt. Sic cum dixisset: Benedictus Deus & pater domini nostri Iesu Christi, mox quare eum benedictum uocet, exprimit dicens: Qui est pater misericordiarum, & Deus omnis consolationis. Multa facta sunt à Deo, & sunt quotidie magnifica & miranda, quorum gratia celebrāndus est in cœlo & in terra ab angelis, hominibus, & omnis generis bestiis, nescio tamen an ulla sit amplior & illustrior diuinæ laudis materia q̄ qua bonitas, clementia & misericordia Dei, cuius nec modus est, nec numerus, nec finis, passim celebranda occurrit. Ad hanc pertinet præsens elogium, quo Deum Apostolus patrē misericordiarū, & Deū omnis cōsolationis uocat. Etenim reuera, quēadmodū Dauid Psal. 145. canit: Miserationes eius super omnia sunt opera eius, excelluntq; gloriā potentie, sapientie, & iusticie eius, & magis quā illæ naturam diuinitatis exprimunt.

PATER, inquit, misericordiarum. Patrem hic accipiūt pro fonte & origine, quasi hoc de Deo prædicet Apostolus, quod sit fons & origo misericordiarū, nō modo quas ipse cœlitus declarat, sed & omniū earū quę cōtingunt nobis undecūq; medijsq; ac modis quibuscūq; qui sensus nihil habet incōmodi. Nam ita habet: Omne bonum deforsum est. Si qua nobis misericordia cōtingit, cœleste bonū est, ab eo proueniens, qui omnis est boni fons & origo. Verū an hoc in præsentī dicere uoluerit Apostolus, meo iudicio, cōtrouerti potest. Dicam quid mihi uideatur. Quoniam singularem illā gratiam commēdaturus, qua filium suū Deus nostra gratia in mūdum hunc misit, eumq; nobis redemptorem dedit ac dominum, nō simpliciter dixit: Benedictus Deus, sed adiecit, & pater domini nostri Iesu Christi, hac occasione uocem istam, pater, repetit, ut qualis pater sit, exprimat, dicens, pater misericordiarum, Ebr. אב רחמים, quod sonat, Ebraico more, patrē misericordem, propensissimum ad omnis generis miserationes, quā in re omnino paterna in nos, imō & in omnia quæ cōdidit, uiscera declarat, id quod propriū est ueri ac germani pa-

tris erga sua pignora, quo respicit propheta dicens: Quemadmodum miseretur pater filiorū, ita miseretur Deus timentium se. Hoc sentiens dicit: pater misericordiarum. Quasi dicat. Qui uere pater est, paternis uisceribus ad omnis generis miserationes propensus. Sic duas habet uoces, pater, & miserationum, Græcè *πατήρ*, Ebraicè *אב רחמים*, omniū aptissimē cōiūxit.

Quid est autem quod nō in singulari dicit: pater misericordiae, sed in plurali, pater misericordiarum? An nō ut una est in se bonitas, quæ bonum, ita & misericordia una est qua misericordem Deū esse sentimus? Respondeo. Si de ipsa uirtute misericordiae quæritur, qua misericordes reddimur, ea plane in se est una, quēadmodum & duricies cordis una est quæ nos inhumanos & immisericos reddit. Verum ubi nō simpliciter de affectu misericordiae, sed de illius operibus ac speciebus fit mentio, ibi recte de misericordijs ac miserationib; loquimur. Licet enim una sit in se misericordiae uirtus, plures tamen sunt, imō innumeræ operū illius species, præsertim in Deo, in quo solo infinita est & inexhausta illius plenitudo. Quēadmodum igitur humanæ nostræ miserie innumeræ sunt ac uariæ species, quarum omniū misericors Deus miseretur, cuius propriū est semper misereri ac parcere, ita omnium cōuenientissime proponunt nobis in Deo omnis generis misericordiarū species, ut quā, imō supra quā sumus miseri, misericordem nos patrem in cœlis habere sciamus.

Nec ociosum est, quod misericordie species & opera misericordias uocat. In Deo ueritas est, non inanis ac fallax rerum species. Opera illius, quibus benefacit humano generi, neq; per occasionem aliquam, neq; per hypocrisim aut diuerso aliquo studio, sed per misericordiam ueraciter fiunt, ideoq; omnium rectissime misericordiae uocantur, ut ex ipso nobis fonte, unde promanant, commendentur. A nobis uero multa fiunt, speciem quidem misericordiae præferentia, uerum à ueritate illius prorsus aliena, ideoq; indigna, quæ misericordiae uocetur. Qui nudum uestit, esurientem cibatur, exultantem hospicio accipit, infirmum uisitat, &c. si hæc affectu misericordiae motus facit, recte quæ facit misericordiae uocabuntur, si uero non ex misericordia, sed ex simulatione pietatis facit, non est ut misericordiae uocentur, sed rectius hypocrises uocabuntur. Veritas operis non est secundum externam illius qualitatem, sed secundum operantis affectū ac studium censenda, ut recte dixerit ex patribus quidam: *κατὰ τὴν γνώμην τὰ πρᾶγματα κρίνεται*. Dum cibatur nos Deus, dum sanat, dum seruat ac liberat, aut alio quopiam beneficio afficit, non inuenio unde faciat, nisi ex sola sua bonitate & misericordia. Quare non uideo quid eiusmodi illius opera rectius quā misericordiae uocentur. Sed pergamus.

ET Deus omnis cōsolationis, inquit. Vulgata æditio habet: & Deus totius consolationis,



nis, quasi integrā & perfectam in Deo consolationem nobis commendat Apostolus. At in Græco non est *ὁλως*, id est, totius, sed *πᾶσι*, id est, omnis, quod idem est, atq; , omnis generis consolationis. Etenim pro uarietate tribulationum, quibus exercemur & corpore & spiritu, parata nobis est in Deo uaria, omnis uidelicet generis consolatio, ob quam illum causam uocat hic omnis consolationis Deum, hoc est, Deum qui nos in omni generis tribulationibus consoletur. Est hoc elogium Dei absconditum à carnalibus hominibus, in quorum oculis Deus magis est omnis tribulationis, quàm omnis consolationis Deus, præsertim ubi afflictiones sanctorum aspiciunt, quibus in hoc sæculo exercentur, uidentque multas esse tribulationes iustorum. Verum Apostolus scribit ista non carnalibus, sed fidelibus Christi, qui uera fide elogia diuinæ bonitatis amplectuntur.

Vide autem quàm competenter particulā hanc præcedenti subiecerit. Generalius est quod dixit: & pater misericordiarum. Complectitur enim hoc elogium omnia beneficiorum Dei genera. Quare ut ad propositum suū collimet, quo de consolationibus diuinis quas in seipso in omni tribulatione experiebatur, dicere constituerat, generaliori elogio id subiicit quod erat & specialius (nam consolatio species quædam est misericordiæ Dei) & propius ad propositū accedebat. Sic dicit: Et Deus omnis consolationis, cui conuenientissime subiicit, consolās nos in omni afflictione nostra.

Priusquam ad sequentia transeamus, admonendus est lector, ne putet hic locum esse Manichæis, qui duos deos ponentes, Veteris testamenti unum, Noui alterum, eum qui Veteris fuerit, durum, seuerum, imitem ac malū, alterum qui Noui, misericordem, mitem ac bonū, eumque patrē domini nostri Iesu Christi esse dixerunt. Apostolus cum hic Deum patrem domini nostri Iesu Christi, patrem misericordiarum & omnis consolationis Deū uocat, non hoc agit, ut alium Noui quàm Veteris testamenti Deum prædicet, absit, sed ut immensam unius ac ueri, tam Veteris quàm Noui testamenti Dei bonitatem, non simpliciter & qualitercunque, sed ut Apostolus Christi, & ad Christi fidelium fidem confirmandam, ac mentes ad quarumcunque tribulationum patientiam erigendas commendat. Alibi nanque ut cap. 8. præcedentis epistolæ de Deo prædicat, quod sit & unus, & pater, ex quo omnia.

CONSOLANS nos, inquit, in omni afflictione nostra.] Huc ibat, cum Deum ut patrem misericordiarum, & Deum omnis consolationis prædicaret. Talem enim experiebatur erga se, quoties affligebatur ab impijs. De se nanque loquitur, licet pluraliter dicat: Consolans nos in omni afflictione nostra.

Vide autem quomodo hoc interpretetur, quod in omni tribulatione consolantem se Deum experiebatur. Non dicit: Benedictus

Deus & pater domini nostri Iesu Christi, pater iustorum, & Deus omnis ultionis, qui causam nostram uindicat, & nos è manibus impiorum liberat. Sunt quidem hæc uera, & locum habuerunt in ipso Apostolo, quem dominus sæpenumero uelut ex ore luporum eripuit, ac causam eius, iustam utique, asseruit. Verum huc ille non respexit in præsentī, sed omnem hanc causam, omnemque in quacunque tribulatione consolationem, Deo non ut iusto iudici, sed ut patri misericordiarum tribuit, agnoscens opus illius in se, opus esse misericordiæ, & huius consideratione in hanc doxologiam illius rapitur, ut exclamando celebret ac deprædicet eum, patrem misericordiarum, & Deum omnis consolationis. Non dicit: quia sic nobis in scripturis prædicatur, sed, qui nos consolatur, inquit, in omni afflictione nostra. Viuo sensu misericordiarum Dei motus, prædicat eum esse patrem misericordiarum. Vbi uidemus unde uerus nascatur laudandi Dei affectus. Qui ex scripturis tantum de bonitate Dei prædicat, uera quidem dicit: uerum ex mortua litera, non ex uiuo sensu spiritus.

QUI consolatur nos, inquit.] Nō dicit: qui potest nos consolari, sed, qui consolatur nos. Magna quidem ex eo quoque est tribulationū consolatio, quod Deum se habere credunt & cogitant, qui ipsos in omni potest qua detinentur afflictione consolari. Verum id demū multo est amplius, si dicere poterimus, qui consolatur nos, ut prædicemus de Deo non modo quid possit, sed & quid faciat, atque ita cum Paulo uersemur in argumento laudandæ non solum potentiæ eius, sed bonitatis quoque & misericordiæ. In opere quippe consolationis iunguntur & potentia in factō, & misericordia in causa facti.

Præterea obserua quod non in præterito dicit: qui nos consolatus est in præteritis nostris afflictionibus, sed in præsentī, qui nos consolatur in omni afflictione nostra. Sic dicens nō tam de opere consolationis, quod antea expertus aliquoties fuerat, quàm de iugi & indefinente erga se misericordia Dei gaudet, quam se antea quidem expertum sciebat: uerum simul in posterum quoque & ad finem usque experturum esse credebat ac sperabat. Quod enim dicit: Qui consolatur nos in omni tribulatione nostra, idem est quod, qui nos pro sua infinita misericordia in nullis unquam tribulationibus deserit, sed consolatur in omnibus. Hoc dicens, & præteritas consolationes cum gratiarum actione deprædicat, & indubitata fide de futuris sperat.

IN omni afflictione nostra, inquit.] Non dicit simpliciter, in tribulatione nostra, sed, in omni tribulatione nostra. Qui sic loquitur, significat se non modicis tribulationibus semel atque iterum, sed frequenter multis ac grauibz affligi. At de his audiemus in sequentibus, capite uidelicet II. Fortē suum athletā dominus



multis certaminibus exercere, & gloriam suā in illo illustrare uoluit.

Et illud obserua. Qui consolatur nos inquit. Vbi? in omni afflictione nostra. Ergo locum habent diuinæ consolationes, non in quietis, securis, prospere habentibus, ac dies suos in pace transigentibus, sed in tribulatis & afflictis.

Quid est autem quod non dicit: Qui consolatur nos post omnem tribulationem nostrā, sed, in omni tribulatione nostra? Duplex est cōsolationis genus. Vnum, quo afflictī in medijs tribulationibus quasi cōlesti rore consolationibus spiritus in seipsis eriguntur & recollantur. Alterum, quo post finem afflictionū pace, quiete, & cōlesti gaudio beantur, quale est quod de Lazaro dicebat Abrahā. Lazarus pertulit mala in uita sua, nunc consolatur. De priori genere loquēs Apostolus non dicit: qui cōsolatur nos post omnem afflictionem, sed, in omni afflictione nostra. Licet enim subinde prēsens terminaretur afflictio, mox tamen ingruerat alia, ut uix aliqua intermedia daretur respiratio, quemadmodum in tempestatibus marinis procella procellam sic excipit, ut nauis crebris reciprocātium procellarum ictibus feriat. In omnibus tamen recurrētibus illis afflictionibus non deserebat cōlestis pater Apostolum suum, sed quoties noua irruebat tribulatio, toties noua illum consolatione spiritus sui erigebat & in ipsa afflictione infractum seruabat. Hoc deprædicans dicit: qui cōsolatur nos in omni afflictione nostra.

IN hoc, inquit, ut possimus consolari eos, qui sunt in quauis afflictione, per consolationem, qua consolatur nos ipsos Deus. Vbi dixit: Benedictus Deus, &c. qui nos consolatur in omni afflictione nostra, ne sui ipsius amore motus hoc in Deo laudare, quod se subinde in afflictionibus consolaretur, quo affectu & impij Deum laudant, cum benefacit ipsis, uel aliquid hinc sibi laudis uenari uideret, quod tanti sit Deo, ut nusquam ab illo deseratur, rationem & usum gratiæ huius assignans & ad alios trāsferens subiūgit: in hoc, ut possimus consolari eos, qui sunt in quauis afflictione, &c. Quasi d. Et hoc facit misericordissimus pater non tam mea quā aliorum gratia ad hoc me in afflictionibus erigens, ut per me consolatur & alios suos filios, qui & ipsi, perinde atque ego, omnis generis afflictionib⁹ exercent, & opus habent crebris cōsolationibus, ne mole tribulationū supra uires oppressi cōcidant.

Est hic locus insignis. Proponitur nobis diuinæ misericordiæ prouidentia, qua nostrę infirmitatis corroborandę studio insigniora gratiæ suę organa benignissimus pater sic reddit singulari fide, fortitudine, & patientia instructa, ut tota nobis seruandis constanter & animo infracto seruire possint. Huius rei exēpla præcesserunt in prophetis & apostolis. Quicquid diuinitus accepere prophetæ in Veteri quicquid apostoli in Nouo testamēto, siue sin-

gularē diuinæ uoluntatis cognitionem, siue fidem, siue sermonis gratiam, siue alia charismata spiritus, siue tolerantiam afflictionum, accepere ut prophetæ, ut doctores, ut apostoli, ut ministri, in usus fidelium, quorum gratia mittebātur, ut non modo tales essent ipsi, sed & donis acceptis populo Dei seruirent. Sic Apostolus diuinas consolationes interpretatur, quibus in omni afflictione sustentabatur, ut dicat eas ad hoc sibi fuisse datas, ut erectus ipse erigeret per eas & alios, qui similiter affligebantur. Et hic est perpetuus singulariū donorum Dei usus. Qui donum scientiæ accepit, sciat se accepisse non tam propter se quā propter alios instruendos ac docendos. Vnde illud tritum est. Scire tuum nihil est nisi quod scis sciat & alter. Qui diuitias accepit, cogitet eas sibi concessas esse ad succurrēdum egenis. Qui dono est sapientiæ præditus, omnino sentiat se propterea alijs esse factum sapientiorē, ut sanis consilijs succurrat imperitis. Et quid aliud in ipsis corporum nostrorum membris quā hæc eadem diuina prouidentia relucet? Quod oculi uidendi sunt facultatem consequuti, aures audiendi, caput intelligendi ac iudicandi, manus operandi, lingua loquendi, nares olfaciendi, pedes ambulandi, &c. an nō magis pro toto corpore facultates istas, quā pro seipsis acceperunt? Quod Sol in cœlo tam splendidus & illustris, tanquam feruidus apparet, utique non suo ipsius sed nostro bono talis est à Deo conditus, & in superiora cœli conuexa locatus. Eadem est & Lunæ & stellarum ratio, imō omnium eorum quæ sunt cōdita. Quin & angelorum cōditio hæc ipsa est, ut electis Dei seruiant. Sic omnia sunt nostra, siue Paulus, siue Apollo, siue Cephas, siue mundus, siue uita siue mors, siue præsentia, siue futura 1. Cor. 3. Cum itaq; tōt modis diuina prouidentia rebus nostris, & uniuscuiusque egestati prospexerit, quis nam adeo est excors, ut desertum se & necessarijs bonis destitutum queri possit? Hęc annotare uisum est ex eo qđ non simpliciter dicit: qui nos consolatur in omni afflictione nostra, sic ut consolari possimus, &c. uel ut uulgatus interpres uertit ut possimus & ipsi consolari, sed disertē, *ὥς τὸ δύνασθαι ἑμᾶς παρακαλεῖν*, id est, ad hoc, ut possimus nos consolari eos, &c. Non enim tam abundanti se consolatione recreari dicit, ut si uelit & alios consolari possit, sed agnoscit propterea se tam iugi consolatione potiri diuinitus, ut per illam consolari possit & alios, & hac se diuina gratia debitorem constitui omnibus illis qui & ipsi propter Christum affligebantur. Reperias facile diuitem, qui sic se facultatibus huius sæculi instructū esse fateatur ut ex abundantia sua multorum pauperum necessitatibus succurrere possit, modo uelit. At qui se propterea quas habet facultates accepisse sentiat & fateatur ut illas magis pauperū quā sui ipsius rebus impendat, non ita facile reperias.



VT possimus, inquit, consolari.] Ergo cōsolari alios non potuisset, nisi prius ipse cōsolati fuisset consolatione suffultus. Quid enim infirma nostra caro in afflictionibus aliorum pręstare poterit, nisi in proprijs diuina consolatione firmetur? Diuinum quiddam est, consolari afflictos. Non poterit hoc pręstare, neq; qui nunquam tribulatus fuit ipse, inq; tribulatione diuinam consolationem expertus, neq; qui quamuis sit afflictus, aliquid cōsolationis in seipso experitur. Loquimur autem non de consolationibus illis quę solis uerbis inefficacibus, quibus nos qui ualemus facile consiliadamus ægrotis, sed de talibus, quę uiuo spiritu, efficaciter, tanquā per organa spiritus paracleti fiunt. Nam de hoc cōsolationum genere loquitur hic Apostolus.

VT possimus, inquit, cōsolari eos qui sunt in quauis afflictione.] Loquitur de fidelibus, quos mundi huius princeps Satan per organa sua, homines impios ac sanguinarios, propter Christū omnibus quibus permittitur modis affligit & exagitat. Horū rationē habet Deus plane singularem & paternam. Et quoniam iuxta carnem sunt infirmi, ordinat ipsis spiritus sui paracleses, cum per internum illius instinctum, tum per externa prophetarum & apostolorum suorū ministeria. Talibus hic & Paulus destinatas suas scribit afflictiones pariter & consolationes. Admirabile est omnino consilium hoc Dei, quo sic disponit infirma ecclesię suę membra, ut afflictus unus quamplurimis sit afflictis solatio & cōfirmationi. Posset ad cōsolandos afflictos mittere cęlitus angelos nullis afflictionibus obnoxios. Verum placet ipsi, sic declarare suam in infirma nostra carne uirtutem, ut quod infirmū est per se ad consolandum cęterorum infirmorum imbecillitatem paternę suę curę seruiat. Nihil hic loci est magnis illis ecclesiārū dominis ac prelaris qui magis ad hoc sunt per iram Dei accōmodi, ut secundum morem falsorum pastorū, lac ouium comedant, lanis operiantur, quod crassum est macient, quod infirmum non corroborent, quod ægrotum non sanent, quod contritum non alligent, quod abiectum non reducant, quod periit non requirant, quā ut afflictos in tribulationibus consolentur, quāuis successores apostolorum uideri uelint.

PER consolationem, inquit, qua nos ipsos consolatur Deus.] Potest hæc particula bifariam exponi. Primo sic, ut referatur ad præcedens uerbum, possimus, doceatq; unde potuerit Apostolus alios consolari afflictos, hoc est, unde fuerit in eam rē animo factus erecto & appposito. Ex consolatione, inquit, qua nos cōsolatur Deus. Diuina illum consolatio instructum & idoneū reddidit ad hoc, ut alios quoque in tribulationibus consolaretur. Deinde, ut referatur ad uerbum, consolari, quasi dicat se afflictos eadem qua ipse sit refocillatus, cōsolatione erigere & confirmare. Aliud est, unde possis, & aliud quomodo quod potes fa-

cias. Consolationes illę, quibus ipse per spiritum sanctum in tribulationibus erigebatur, non erant in ipsius potestate, ut uteretur illis ad consolandum alios, sed sic per eas confirmabatur, ut animo esset ad consolandum afflictos appposito, idq; cōsolationibus quas ad id instituti singulariter, & ad uniuscuiusq; conditionem conformiter subministrabat spiritus.

Lyranus tamen posteriorem sensum sequitur. Exponit enim ad hunc modum: Proponēdo eis præmium æternū sicut à Deo nobis est propositum, & exponendo eis scripturas inducentes ad tolerantiam passionum, sicut à Deo reuelatę sunt nobis. Staret hæc expositio, si Apostolum suum Deus proponendo ei præmium æternum, & exponendo scripturas, & non magis interno spiritus sui afflatu, in omni esset afflictione consolatus.

Sunt qui exponāt de efficacia exēpli, quasi Apostolus quoties in aduersis diuina esset cōsolatione cōfirmatus ac seruatus exemplo suo alios afflictos erexerit. Si diceret: qui nos consolāt in omni afflictione nostra ut & eos qui in omni sunt afflictione consoletur per consolationem qua nos consolatur, esset hæc expositio haud impertinens. Iam, quoniam dicit: ad hoc, ut possimus consolari eos qui sunt in omni afflictione, per consolationem qua nos ipsos consolatur Deus, puto illam non sufficere habere sensum. Multę quidem efficacię sunt exempla sanctorum, quos Deus in omni est tribulatione consolatus, uerum Apostolus hoc loco magis deprędicat diuinam in se operationem, qua reddebatur ad consolandum alios instructus, quā exempli sui efficaciam.

Concedimus facile, etiam mortuos sanctos per eam nos consolationem in afflictionibus posse consolari, qua ipsos Deus dum in uiuis essent in afflictionibus est consolatus, si intelligas de uirtute exempli. Huc facit illud Christi: Matth. 5. Beati estis cum probra iecerint in uos, & insectati fuerint, & dixerint omne malum uerbum aduersum uos mentientes propter me. Gaudete & exultate quoniā merces uestra multa est in cęlis. Sic enim persecuti fuerunt prophetas, qui fuerūt ante uos. Ecce prophetę mortui consolantur uiuos, uerum non nisi exempli ipsorum respectu. Verum si uelis illis id genus cōsolationis tribuere, quod dum in uiuis essent diuinis consolationibus suffulti alios consolari potuerunt, plane fuerit hoc falsum ac superstitiosum.

QUONIAM, inquit, sicuti abundāt afflictiones Christi in nobis, ita per Christum abundat & consolatio nostra.] Rationem reddit eius quod Deum & patrē domini nostri Iesu Christi, consolari se in omni afflictione dixit. Hanc transfert in ipsum Christum, ac taliter ponit, ut prorsus reddat, in gratiam infirmorum, probabilem. Poterat simpliciter dicere: quoniam per Christum abundat in nobis consolatio nostra, uerum ut æquitatem quandam eius gratię exprimeret, qua illam probabilē redderet, quoniam,



quoniam, inquit, sicut abundant afflictiones Christi in nobis, ita per Christum abundat & consolatio nostra. Etenim cōmuni sensu cense-  
tur æquum, ut qui propter dominum suū abū-  
dāter affligitur, per dominum suum uicissim  
abundanti consolatione refocilletur.

QVONIAM, inquit, sicut abundant afflictio-  
nes Christi in nobis.] Non dicit simpliciter,  
quoniam sicut abundāt afflictiones in nobis,  
sed, sicut abundant afflictiones Christi in no-  
bis, ut quemadmodum consolationes relatu-  
rus est ad Christum, ita referat ad illum & affli-  
ctiones. Vocat autē afflictiones Christi neque  
quas ille pertulerit, neq; quas alijs inferat, sed  
quas ipse propter Christum à mundo illatas  
tolerabat. Lyranus sic. Id est, tribulationes q̄  
in capite Christo incēperunt. Hiero. tamen,  
quemadmodum & in Commen. quæ Ambro-  
sio tribuuntur legitur, id est, pro nomine Chri-  
sti inquit. Et Chrysost. quoque de afflictioni-  
bus intelligit, quas propter Christum ferebat.

Loquutionem hanc diligēter obseruemus,  
qua quæ propter Christum nobis inferuntur  
afflictiones, Christi afflictiones uocantur. Pro-  
prie nō sunt Christi, nisi quas ipse olim in car-  
ne sua propter peccata nostra pertulit. Et ta-  
men hæ quoq; quas propter ipsum patiuntur  
fideles, ipsius esse dicuntur. Huius duę sunt ra-  
tiones. Prima est ex eo quod ipse harū est cau-  
sa. Ipsum siquidem in nobis mundus hic per-  
sequitur. Si de mundo essemus, & nō ad Chri-  
stum pertineremus, non persequeretur sed di-  
ligeret nos mūdus. Verum quoniam ipse nos  
ē mundo hoc elegit, & à colluie impiorū se-  
parauit, odit nos mūdus non ut homines pec-  
catores sed ut Christianos. Altera hinc est, qđ  
ipse est caput nostrum, & nos ipsius membra,  
atq; ita hoc quoq; nomine afflictiones nostræ  
ipsius sunt, cuius sumus membra. Hæ duæ ra-  
tiones locum habent non modo in afflictioni-  
bus propter Christum illatis, sed & in omni-  
bus studijs & operibus, quæ propter Christū  
ab ijs qui Christi sunt fiūt. Sic omnia fraternæ  
charitatis opera, quibus alijs aliorum fratrum  
necessitatibus seruimus, Christi sunt opera,  
quia propter Christum & Christi mēbris im-  
penduntur. Hinc illud est, esuriui & cibastis  
mæ. Et, quod uni ex minimis meis fecistis, mi-  
hi fecistis. Et illud. Saule Saule quid me perse-  
queris? Dici non potest, quā hęc cogitatio  
si perpetua mentibus nostris insederit, efficax  
sit cum ad faciendum tum ad patiendum om-  
nia, quæ pro Christi nomine uel facienda sunt  
uel perferenda. Etiam si nihil emolumenti spe-  
randum esset ex afflictionibus pro Christo to-  
leratis, id tamen unum abūde refocillare pos-  
set Christi amantes quod pro Christi nomine  
affliguntur. Sic apostoli Christi gaudebant,  
quod digni habiti essent q̄ p̄ nomine Christi  
contumelijs à cōcilio sacerdotum afficerent.

Quid autem de eo dicendum est afflictio-  
nū genere, quo neq; ab infidelibus sed à Chri-  
stianis, ecclesiarū Christi magistris, dominis,

A prælatis, pontificibus, principibus ac regibus  
catholicissimis & Christianissimis, neque sic  
propter Christum quod hunc ipsi persequan-  
tur, sed quod illi se putent præstare obsequiū  
persequendo hæreticos & ecclesiæ ipsius ini-  
micos, affliguntur nostra hac ætate omnium  
atrocissime, quotquot Papatui Romano ua-  
ledicentes ad puram Euangelij Christi doctri-  
nam aspirant. Si persequutorum intentionem  
respicias, sunt hę afflictiones afflictiones Chri-  
sti utpote propter Christum hæreticis illatæ.  
Sed hinc afflicti nihil esse potest consolatio-  
nis plurimum uero condemnationis. Si uero  
patientium cōsyderes causam & intentionē,  
sustinēt illi afflictiones non ut aduersarij Chri-  
sti & ecclesiæ hostes, sed ut uerbi illius sectato-  
res, ac ueræ & primę ecclesiæ illius confortes,  
atq; ita propter Christum afflicti Christi patiū-  
tur afflictiones, quantumuis aliter interpretē-  
tur illorū persequutores. Hoc sensu plurimū  
consolationis est afflicti & horribilis condē-  
natio Cainis illis fratrum suorum persequu-  
toribus & parricidis. Non refert hic, neque à  
quibus affligat uerus Christianus, siue ab ex-  
traneis & infidelibus ex professo Christi hosti-  
bus, siue à falsis Christianis, nomē Christi pro-  
fitentibus, neq; quid prætendat persequutor,  
sed ueritas causæ inspicitur, propter quā odio  
habetur & affligi sustinet qui affligitur. Secun-  
dum hanc iudicatur etiam Augustino teste, qui  
non passionem sed causam martyrem facere  
B dicit. Immo præstantius est martyrij genus, si  
quis uerus Christianus à pseudochristianis p-  
pterea affligatur, quod mauult uerbo Christi  
obedire, quā conspiracy illorum & mani-  
festis superstitionibus cōsentire, quā si à ma-  
nifestis Christi hostibus propter nomen Chri-  
sti affligeretur. Quemadmodum illustrior est  
patientia Abel, quod à fratre propter religio-  
nis puritatem Deo accepta occisus est, quā  
si occisus esset ab alienis. Et martyria prophe-  
tarū hoc nomine sunt clariora, quod ab ipsis  
populi Dei primoribus propter impositū pro-  
phetadi munus sunt occisi, q̄ si interempti es-  
sent ab ethnicis, ab ecclesia Israelis alienis.

QVONIAM, inquit, sicut abundāt afflictio-  
nes Christi in nobis.] Quoniam non simpli-  
citer dicit: sicut multæ uel magnæ sunt, sed, si-  
cut abundant, quæri potest quo respectu affli-  
ctiones Christi abundare in se dicat. Etenim  
omnis abundantia aliquo dici respectu uide-  
tur eius uidelicet rei supra quam abundando  
excellit. Chrysost. respicit ad ea quę Christus  
in carne sua passus est, quasi afflictiones fide-  
lium tum temporis abundauerint supra affli-  
ctiones Christi. Verū, meo iudicio, loquitur  
hic Apostolus non ipsius Christi, sed cæterorū  
fidelium, etiam apostolorum, respectu, cum in  
se Christi dicit abundare afflictiones. Quem-  
admodum enim plus cæteris in opere Christi  
laborauit, ita & pluribus est afflictionibus q̄  
cæteri exercitatus.

ITA per Christum, inquit, abundat & con-  
solatio



solatio nostra.] Quoniam ad hoc destinatus erat singulari consilio Dei, ut non modo doceret errantes ac Christo lucrificeret plurimos, sed & ut afflictos in omni tribulatione consolaretur, res ipsa poscebat, ut abundanti consolatione per gratiam Christi potiretur ipse & in hunc usum instructus redderetur. Huc tendebant abundantes illius afflictiones, quas tamē pseudapostoli magis ad detrimentum Apostolatus ipsius quam ad ornamentum sinistre interpretabantur. Ipse uero hanc illarum utilitatem esse docet, quod per Christum hoc sit instructior ad consolandum afflictos factus, quo abundantius ipse cæteris sit afflictatus.

ITA per Christum, inquit.] Quid est quod non dicit: ita & consolatio Christi abundat in nobis, sed, ita per Christum abundat & consolatio nostra? Si consolatio ipsius perinde atque afflictio, Christi fuisset, recte dixisset, ita & consolatio Christi abundat in nobis. Verum aliter Christi erant afflictiones quas ferebat, & aliter Christi erat consolatio de qua loquitur. Illæ nanq; Christi erant, propterea quod propter Christum inferebantur, hæc uero propterea quod per Christum conferebatur. Quare ne uideatur consolatio fidelium non esse Christi aliter quam quomodo illius sunt illorū afflictiones, diligenter & caute non dixit, ita & consolatio Christi, sed, ita per Christum abundat & consolatio nostra. Aliud est, si consoletur nos pater misericordiarum propter Christū, quē admodum affligit nos mundus propter Christum, & aliud, si hoc faciat per Christum, quod facit etiam, dum corda nostra per spiritū Christi fidelium omnium paracletum, id est, consolatorem consolatur & erigit.

ABUNDAT & consolatio nostra, inquit.] Amphibolum est an de ea loquatur consolatio ne, qua in afflictionibus suis ipse confirmabatur per Christū, uel de ea, qua alios ipse in omni afflictione consolabatur.

Prior sententia magis placet. Ea autem rectius exprimitur si legamus, abundat & consolatio nostri, quā, abundat & consolatio nostra.

Siue autem affligimur, pro uestri consolatione ac salute, quæ operatur in tolerantia earundem afflictionum, quas & nos patimur, siue consolationem accipimus, pro uestri consolatione ac salute. Spes enim nostra firma est pro uobis cū sciamus, quod sicut participes estis afflictionum sic futuri sitis & consolationis.

Vulgata æditio aliter habet hoc loco. Ad hunc uidelicet modum. Siue autē tribulamur pro uestra exhortatione & salute, siue consolamur, pro uestra consolatione, siue exhortamur, pro uestra exhortatione & salute. Quod in Græco est, ὑπὸ τοῦ καὶ ὑμῶν παρακλήσεως, id est, pro uestri consolatione, uertit interpres, pro uestra exhortatione. Item, ἢ τι παρακαλεῖσθαι ὑμῶν παρακλήσεως, id est, siue consolationem accipimus, uel,

consolatione recreamur, pro uestri consolatione, reddidit ille, siue exhortamur, pro uestra exhortatione. Nō est probanda hæc incōstantia, qua eandem uocem in eodem contextu & argumento iam consolandi iam exhortandi sensu uertit, quod non hic tantum, sed & in præcedenti contextu fecit. Deinde nec illud recipiendum est, quod textum bimembrem trimembrem reddidit, cum intermedium membrum quod ponit non sit in Græco, & præterea illud, qua operatur in tolerantia afflictionum earūdem quas & nos patimur, suo loco exemptum post secundum membrum ab Apostolo positum locauit.

SIVE autem affligimur, inquit, pro uestri consolatione ac salute.] Intellige affligimur, fit, uel disponitur, aut tale quid aliud. Nam omnino uerbum eiusmodi aliquod desyderatur in utroq; mēbro, quo sensus impleatur. Eras. reddidit, id fit pro uestri consolatione ac salute. Præcedentia, quibus ista cohærent, duobus membris, de afflictionibus Christi uno, de consolatione afflictorum quæ per Christum est altero contexta sunt. Illis rationem & usum afflictionum & consolationum suarum adiecit dicēs, ut possimus cōsolari eos qui in quauis sunt afflictione. Rationem hanc declaraturus duo illa membra repetit, & eam unicuique illorum accommodat & amplificat. De afflictionibus sic dicit: Siue autē affligimur, id fit pro uestri consolatione & salute. De consolationibus ad hunc modum subiicit: Siue consolationem accipimus, id fit pro uestri consolatione ac salute.

SIVE autem affligimur, inquit, siue consolationem accipimus.] Non est ociosum quod de afflictionibus & consolationibus sic distinctim loquitur. Afflictiones Christi sic commēdat, ut etiam citra consolationem consyderatas utiles esse doceat. De utilitate consolationum declaranda minus erat negocij, & tamē de illa quoque subiicit. Siue autem affligimur inquit. Magna ratio est, quod de afflictionibus seorsim loquitur. Neque enim mox adest illis consolatio talis, quæ spectantium oculos incurrat, & in seipsis admodum sunt horribiles. Propositum igitur est sic eas commēdare, ut seorsim consyderatæ, admodum utiles deprehendantur. Quasi dicat: Siue affligimur, nō est ut uos afflictionum nostrarum inamœnus aspectus à ueritate Euangelij in hoc mundo sectanda absterreat. Etenim afflictiones hę Christi quas patimur quantūuis carni uideantur acerbæ suauissimum tamen fructū gignūt dum cōsolationi ac saluti uestræ seruiūt. Quare ne audiat is eos, qui ex illis colligunt, displicere domino Apostolorum nostrum, quasi argumentum habeant irati nobis Dei, cum argumento potius sint diuinæ erga uos prouidentię, qua sic disponuntur, ut consolationi ac saluti uestræ seruiant.

QUAE operatur, inquit, in tolerantia earūdem afflictionum quas & nos patimur.] Expositio



positio est eius quod afflictiones suas ad ipsorum consolationem ac salutem facere dixit. Docet enim quomodo id fiat. Dum enim affligimur, inquit, nostrarum afflictionum exemplo corroborantur & incitatur animi uestri ad eorundem malorum tolerantiam, ut quemadmodum uidetis nos pro Christi nomine fortiter quæuis ferendo contra mundum hunc & principem illius decertare, ita ad eadem certamina sustinenda armemini & uos. Et cum hoc facitis afflictionum mearum exemplo moti, utique; salus uestra exeritur & quodammodo perficitur atque; ita fit, ut dum affligimur pro consolatione ac salute uestra affligamur. Sic quod in Græco est, *ἐν ὁποῦν* haud illibetèr ad dictio nem salutis quæ præcedit referimus & sensu passiuo accipimus quod & Chrysostomus facit, dum annotat, nō legi *ἐν ὁποῦν*, quod actiuū esset, sed, *ἐν ὁποῦν* quod passiuam habet significationem, & exponit idem esse, quod, declaratur, augescit, & intenditur dum patientiam sibi coniunctam habet, dum patitur, dum omnia fortiter tolerat. Germanicus interpres uertit ad hunc modum. *welches heil bewyset sich, so ist leydet mit gedult dermassen wie wir leiden.* Potest tamen non incommode uerti, quæ efficax redditur in tolerantia earundem afflictionum, hoc est, ad tolerandum easdem afflictiones quas & nos patimur. Quod si cui illud, in tolerantia, idem esse uidetur, quod per tolerantiam earundem afflictionum, non admodum reclamauero.

Non est autem, ut insolens putemus, si detur afflictionibus Christi, quas fideles in hac carne pro nomine ipsius & ueritatis confessione patiuntur, quod salutem ipsorum uel operentur, uel efficacem ac certio rem reddant. Nam infra cap. 4. sic diserte dicit: Etenim momentanea leuitas afflictionis nostræ supra modum æternum pondus gloriæ parit nobis. Et Christus beatos uocat, qui persecutionem patiuntur propter iusticiam. Matth. 5. Et ad Rom. 5. datur afflictionibus quod pariant patientiam, patientiæ, quod gignat probationem, probationi, quod operetur spem tam certam, ut nō pudefaciat sperantem. Interea tamen proprie loquendo non operantur nostræ afflictiones salutem, quæ opus est diuinæ misericordiæ per redemptorem Christum, cuius fide reddimur participes. Verū sic recte loquimur, quod per gratiam Dei fides nostra per quam seruamur tribulationibus exercetur, comprobatur, crescit, & corroboratur, atque; ita ipsa quoque; salus nostra magis ac magis perficitur & confirmatur.

Illud interim obseruet diligēs lector, quod suas afflictiones Apostolus fidelibus Corinthiorum ad hoc ualuisse dicit, ut ad consimile malorum tolerantiam animarentur & ipsi. Sic fiebat, ut quo plus sæuaret Satan in religionis Christianæ professores, hoc plures ad eandem fidei constantiam excitarerentur. Hinc illud Tertulliani est, quo sanguinem Christianorum semen esse scribit. Videbat hoc Iulianus Apostata, ideoque; clementior erga Christianos in spe-

ciem apparens, abstinebat à sæuitia, qua ante ipsum hostes Christi uisi fuerat, non quod illis parceret, sed ne Christianismus pristino suo more quo magis afflictionibus premeretur, hoc magis inualesceret. Vide hac de re Sozomenum lib. 5. cap. 4. Et hoc ipsum hodie quoque uidere licet in illis regionibus ac regnis, quorum principes persecutionibus, uinculis, proscriptionibus, bonorum confiscationibus, gladio, laqueis & igne propter ueritatem Euangelij Dei ac defectionē ab Antichristianismo in Christianos sæuiunt. Quo nanque; sæuitiam hanc magis ac magis intendunt, hoc numerus fidelium magis ac magis crescit, sic ut iam multitudo illorum ipsis tyrannis pertimescenda uideri possit. Sic uidelicet constantia eorum qui pro ueritate Christi quæuis mala fortiter tolerant, aliorum quoque; consolationi ac saluti conducit, infatuatque; consilia impiorum quibus dum ueritatem Dei in sanguinem fidelium sequendo subuerti posse putant, occasionem præbent, qua magis illa inualescat quam subuertatur.

IN tolerantia, inquit, earundem afflictionum quas & nos patimur. Obseruemus hic quibus nam sanctorum apostolorum ac martyrum passionibus ad consolationem & salutem facere queant. Illis nimirum, qui perinde atque; illi pro ueritate Euangelij Dei affliguntur, non ijs, qui in pace ac securitate uiuentes, ecclesiæ malignantium sese accommodant, adeoque; nullis afflictionibus exercentur. At hi legendas, ut uocant, sanctorum martyrum magnificiunt, quorum tamen afflictionum socij esse nollent. Nō profunt illi ociosis, ignauis, mollibus, securis, nullo sectandæ ueritatis zelo præditis, sed fidelibus, quos Antichristiani omnis generis afflictionibus persequuntur.

SIVE consolationē accipimus, inquit, pro uestri consolatione ac salute. Chrysostomus istis uerbis particulam quæ sequitur præmittit, sic legēs. Et spes nostra firma est pro uobis. Siue consolationem accipimus pro uestri consolatione ac salute. Et hanc lectionis seriē exponendo quoque; sequitur. Quin & Hispanicū Græcum exemplar nonnulli sic habere tradunt. Mihi placet eam retinere lectionē quæ in Græcis codicibus, quos habemus in manu, reperitur. Siue consolationem accipimus, inquit, pro uestri consolatione ac salute, intellige, accipimus. Hoc est: Siue dum nos in medijs afflictionibus consolatur Deus, in eo quoque; non tam nostri quam uestri rationem habens consolationi ac saluti uestræ consulit. Quomodo hoc fiat, facile intelligi potest. Quemadmodum enim afflictionibus suis ad consimilem illos afflictionum tolerantiam prouocabat, ita dum diuinis consolationibus suffultiebatur ac seruabatur, ad spem eos consimilium consolationum erigebat. Hoc sentiens dicit: Siue consolationem accipimus, pro uestri consolatione ac salute accipimus.

Admonemur hoc loco, quo nobis facere debeant exempla beneficiorum Dei, quæ san-



etis suis prophetis & apostolis, dum in carne uiuerent, & postea quoq; diuina liberalitate concessit. Ad consolationem uidelicet ac salutem nostram. In hunc enim usum quæ cum illis egit Deus proposita nobis sunt, ut re ipsa uideamus, non deserere illum sperantes in se. Et hanc ob causam conscripta sunt & memoriæ mandata, ut per consolationem scripturarum spem habeamus. Sic quæ Deus egit cum suis sanctis non debent referri ad ipsorum merita, sed ad consilium Dei, quo eos nobis exemplarium loco, non tam ipsorum iusticiæ quàm suæ gratiæ proponere uoluit.

SPES enim nostra, inquit, firma est pro uobis. Rationem assignat, quare consolationes suas, ad illorum consolationem & salutem facere scribat. Dicit se spem hanc de illis concepis, eamque non dubiam sed certam ac firmam. Hac spe fretus tam diligenter illis utilitatem afflictionum ac consolationum suarum exponit, quod non faceret, si spe hac de illis destitueretur. Spes namque mater est conatuum ac studiorum, gignens non modo uoluntatem sed & conatum ac studium operandi, & quod coeptum est proseguendi, si non sit dubia sed constans & firma.

Adiecit autem particulam hanc de spei suæ firmitudine admodum prudenter. Cum enim dicit: Nam spes nostra firma est pro uobis, mirum in modum erigit & accendit illorum animos, redditque ad omnis generis afflictionum tolerantiam uehementer alacres. Quemadmodum enim si ægroto dicat medicus, esse sibi de salute illius ac sanitate recuperanda spem firmam, hoc dicēs animus illius reddit ad recipiendas quasuis ab ipso oblatas potiones, & quæuis alia iuxta consilium ipsius uel faciēda uel patiēda paratum, desiderio uidelicet sanitatis ac spe medici sui accensum, consimili modo, qui pii erant in ecclesia Corinthiorum, hac spe apostoli sui animabantur & accendebantur, ad ferendum pro fide Christi quæuis aduersa.

Simul nota discrimen inter ueros ac falsos apostolos. Spe dispari discernuntur. Verus sperat ea quæ salutis sunt fidelium, & hac spe fretus omnia illorum gratia quæ potest facit ac tolerat. Sic erat animatus erga Corinthiorum & aliorum fidelium ecclesias Paulus. Falsus sperat uel numos, uel eminentiam alicuius in ecclesia domini, aut aliud aliquid, quod sibi putat fore commodum, parum de salute fidelium sollicitus. Hoc discrimine admodum luculento discerni possunt hodie quoque synceri Christi ministri à reprobis.

CVM sciamus, inquit, quod sicut participes estis afflictionum, sic futuri sitis & consolationis. Vnde firmam de illis spem conceperit hisce uerbis exprimit. Non dicit: Putamus enim, sed, cum sciamus, quod futuri sitis participes consolationis, sicut estis afflictionum. Spes alia nascitur ex opinione, alia ex scientia, alia ex fide uerbi Dei. Prima incerta est ac fal-

lax. Secunda ac tertia non item sed certa ac firma. Secundam exprimit cum dicit: Cum sciamus, sed unde sciebat? Ex uiua uidelicet ac sua ipsius experientia. Quæ illa? Quemadmodum abundabant in ipso afflictiones Christi, sic abundabat uicissim in ipso & consolatio. Id non contigerat ipsi semel atque iterum, sed quoties affligebatur, toties consolationes diuinas experiebatur. Hac experientia certus erat factus non deesse Deum, patrem misericordiarum, fidelium suorum afflictionibus.

Igitur in eandem sortem, quæ contigerat ipsi, collocat & ceteros fideles? Collocat hætenus, quatenus omnibus in Christum uere credentibus parata est communiter & pariformiter incomparabilis diuinæ prouidentiae & misericordiae gratia, quæ non distinguit inter Apostolum & discipulum, sed ex æquo & indiscriminatim adest omnibus, syncere erga ueritatem Dei affectis, ac propter illam afflictis. Hoc innuens non dicit, cum sciamus quod sicut nos sic & uos cœlesti consolatione potiēmini, sed, quod sicut participes estis afflictionum, sic futuri sitis & consolationum. Consortes afflictionum Christi, digni habentur coram Deo ut sint & consolationis consortes quātumuis dispares aliās sint cōditione & donis spiritus, sic ut alius sit apostolus, & excellentioribus spiritus sancti charismatibus præditus, alius uero priuatus, & minus donorum spiritus consequutus.

NEGANDUM tamen non est, quemadmodum exercebant in Apostolo afflictiones Christi, quibus plus ceteris impetebatur, ita excelluisse in eo & consolationes spiritus, idque haud præter rationem, cum esset positus à Deo in exemplar gratiæ ipsius, quo cæteri fideles ad fidei constantiam animarentur. Quare quod dicit: Cum sciamus quod sicut participes estis afflictionum, sic futuri sitis & consolationis, non est trahendum eò, ut sentiamus non fuisse consolationes Apostoli excellentiores ijs, quibus cæteri fideles recreabantur, quemadmodum nec illud ex hisce uerbis sequitur, quod afflictiones illius non fuerint grauiiores quàm cæterorum fidelium. Sicut socius esse potest afflictionum, qui licet non tam grauiter affligatur quàm afflictus fuerunt apostoli, propter eandem tamen Christi ac ueritatis ipsius causam affligitur, propter quam illi affligebantur, sic socij possunt esse consolationis quoque, qui etsi non pari mensura cum apostolis consolatione spiritus potiantur, eiusdem tamen sunt consolationis participes. In bello milites socij laborum sunt ac periculorum cum ducibus, licet non æqua mensura, etsi principem habet æquum & suorum ex æquo amante, premiorum quoque & solationum sunt socij, tametsi maior hic quoque habeatur ducis ratio. Plane idem est in hac causa cogitandum.

ILLUD: sic futuri sitis & consolationis, Græcè est, *ὅτι καὶ ἡ παρακλήσις*, id est, sic & consolationis. Quare quod Erasmus uertit: sic futuri sitis,



fitis, in Græco non est, quod & ipse annotat. Nec ulla necessitas est, ut de futuræ uitæ consolationibus intelligamus, cū loquatur Apostolus de consolationibus quibus afflicti in ipsis afflictionibus eriguntur. Interim tamen in futuro quoq; uera erit hæc sententia.

Non enim uolumus uos ignorare fratres, de afflictione nostra, quæ nobis accidit in Asia, quoniam supra modum grauati fuimus, supra uires, adeo ut desperauerimus etiā de uita. Quin ipsi in nobis sententiam mortis acceperamus, ne cōfideremus in nobis ipsis, sed in Deo, qui ad uitam suscitauit mortuos, qui ex tanta morte eripuit nos & eripit, in quo spem fixam habemus, quod etiam posthac erepturus sit, simul adiuuantibus & uobis per deprecationem pro nobis, ut ex multis personis, p dono in nos collato, per multos gratiæ agantur pro nobis.

Referunt ista nonnulli non ad præcedentia sed ad sequentia, quibus ratione reddet, quur Corinthum nondum uenerit, cum uenturum se promiserit. Secundum illorum sententiam, non debebat dicere: Non enim, sed: Non autē uolumus uos ignorare fratres, &c. Iam cū dicit: Non enim, puto manifestū esse, quod subiiciat hæc præcedentibus, quæ de afflictionibus suis scripsit, præsertim quibus afflictiones Christi abundare in se dixit, ut abundantiam illarum exemplo recenti, quod paulo antequam hæc scriberet expertus fuerat, comprobaret, inque illo quæ de consolatione per Christum accepta adiecerat declararet. Sic dicit: Non enim uolumus uos ignorare fratres, de afflictione nostra quæ nobis accidit in Asia. Quasi dicat: Quæ de afflictionum nostrarum abundantia scribimus data opera scribimus, ad hoc, ut sciatis quid nobiscum agatur. Neque enim pudet nos afflictionum Christi. Imò uos cum primis scire illas uolumus, ut simul ex grauitate illarum opus diuinę in nobis consolationis ad uestri consolationem ac salutem cognoscatis.

Quare nolumus uos ignorantes esse afflictionis quæ contigit nobis in Asia, &c.] Ergo tam aberat, ut occultari uellet afflictiones suas, propter pseudapostolos, à quibus hoc nomine pro seditioso ac turbulento Apostolo habebatur, quod ubique turbas aduersariorum in se excitaret, ut ipse ad ecclesiam Corinthiorum de illis scribere maluerit potius, quàm ferre ut esset illa harum ignara.

Prudenti tamen consilio non mox initio epistolæ absque præfatione afflictionis Asiaticę meminit, sed præmisit illi doxologiam Dei celebrans aclauidans Deum ac patrem domini nostri Iesu Christi, patrem misericordiarum ac Deum omnis consolationis, propter conso-

lationes illius quibus in omni afflictione corroborabatur, & simul utilitatem afflictionum Christi exposuit, quo animos Corinthiorum præpararet, ne per expositionem Asiaticę tribulationis uel offenderentur uel turbarentur, si de illa statim in exordio meminisset.

Nolumus enim uos ignorare fratres, inquit, de afflictione nostra, quæ nobis accidit in Asia.] Verbum accidendi non est in Græco, sed ibi legitur ad hunc modum *ἐπεμνήσθημεν*, id est, quæ facta est nobis, quemadmodū habet & uulgata quod ob id admoneo, ne quis hic in uerbo accidendi philosophetur, quasi afflictiones sanctorum inter fortuito contingentia & accidentia numerari possint, cū uix sit in rebus humanis aliquid quod minus accidentaliter geratur, & maiori certiorique consilio diuinę prouidentię disponatur.

De qua uero afflictione loquatur, non est ut operosius inquiratur. Capite ultimo præcedentis epistolæ, dixit esse sibi aduersarios Ephesi multos. Vbi multi sunt aduersarii, ibi facile multæ excitantur afflictiones. Nec dissimile à uero est, quod nonnulli hæc referūt ad tumultum quem Demetrius faber argentarius Ephesi sic excitauit contra Paulum ut tota ciuitas repleta sit confusione, post quam seditionem relicta Epheso profectus est in Macedoniam, ex quo itinere epistolam hanc Corinthijs scripsisse iudicatur.

Quoniam supra modum, inquit, grauati fuimus supra uires, adeo ut desperauerimus etiam de uita, quin ipsi in nobis ipsis sententiā mortis acceperamus.] Poterat quod in Græco est *ἐπεμνήσθημεν* uerbi, quod supra modum grauati fuimus. Nam hoc est quod Corinthios de Asiatica sua afflictione scire uolebat, quod ea uidelicet non fuerit leuis sed uehementer grauis, supra quàm ferre potuerit. Si legerimus: quoniam supra modū grauati fuimus sensus erit: Volo, ut nota sit uobis afflictio, quæ facta est mihi in Asia, propterea quod nos supra modum grauauit, & uires nostras superauit. Sic solemus ea, quæ singularis momenti mala nos premunt, nolle ignota esse amicis.

Significat his uerbis, quàm fuerit hæc sibi afflictio grauis. Grauitatem eius exaggerat amplificatione quadruplici.

1 Non simpliciter dicit: quoniam grauati fuimus, sed primum addit, *καὶ ἐπεμνήσθημεν*, id est, excellenter. Verterunt, supra modum. Sunt grauamina alia alijs grauiora. Quæ supra reliqua grauitate sua excellunt, *καὶ ἐπεμνήσθημεν* grauante ac premunt.

2 Deinde, adijcit *ἐπεμνήσθημεν*, id est, supra uires. Non mox etiam ea quę excellenter grauiam sunt, cuiuslibet athletæ uires superant.

Quare ut significet tam fuisse afflictionem hanc excellenter grauem ac molestantem, ut etiam uires suas superauerit, postquam dixit, quoniam excellenter grauati fuimus adiecit, supra uires. Sic non est idem, *καὶ ἐπεμνήσθημεν*, &c.,

*ἐπεμνήσθημεν*



καὶ ὅτι ἀνὰ μὲν, sicuti uidetur, ubi legimus, supra A modum grauati fuimus, supra uires.

3 Tertio amplificat & hoc dicens, adeo ut desperauerimus etiam de uita. Vulgata habet, ita ut tæderet nos etiam uiuere. In Græco est ὥστε ἐξαπορῆναι αἱ ψυχαὶ καὶ τὸ ζῆναι. Significat ἐξαπορῆναι αἱ inopem fieri consilij & rationis rei gerendæ, & per omnia perplexum, ut nec uiam nec rationem uideas ullam, qua imminens discrimē euadas. Sic eueniebat Apostolo in tam graui & abundanti afflictione, qua sic supra uires premebatur, ut omni esset ratione, consilio, & facultate seruandæ uitæ destitutus. Hunc sensum uulgatus interpret non expresse, expresse uero Erasmus melius, dum uertit: adeo ut desperauerimus etiam de uita.

4 Quarto, addit quod erat extremum. Quin ipsi in nobis ipsis, inquit, sententiam mortis ἐκρίναντες, id est, habebamus. Quasi dicat. Non modo perplexi hæsitabamus de uita seruanda, uerum adeo uidebantur omnia certam intentare mortem, ut in nobis ipsis decretū iam esset, omnino nobis esse in eo discrimine moriendum. Significat igitur quadruplici hac exaggeratione afflictionem illam Asiaticam supremum obtinuisse discriminis gradum, sic ut suo ipsius iudicio mortem tam esset certo illatura, ac si mortis iam esset sententia condemnatus & lictori necandus traditus. Et hoc erat quod Corinthios suos ignorare nolebat.

Ad. 5. QVONIAM supra modum, inquit, grauati sumus.] Non erat Apostolus hic alienus ab eo quod de ceteris apostolis legitur, quod gaudentes abierint à conspectu concilij propterea quod digni habiti essent, qui pro nomine Iesu contumelijs afficerentur. Et ipsa causa propter quam tam grauer affligebatur, uon erat alia ab ea, propter quam contumelijs fuerant cæteri apostoli affecti, sed prorsus eadem, & tamen significat hoc loco fuisse se grauatum, idque excellenter. Qui se grauari queritur, utique non gaudet de eo quo se grauari queritur. Sensit igitur in carne sua afflictionis grauitatem & molestiam, idque sicut patet in ijs quæ subiicit non gaudens sed anxius & perplexus deque ipsa uita desperans. Quomodo conueniebat illi hac in re cum cæteris apostolis? Imò cum eo quod infra capite quarto tribulationi suæ non grauitatem sed leuitatē, eamque non mediocrem aliquam sed momentaneam tribuit dicens: Nam mire momentanea leuitas afflictionis nostræ supra modum æternum pondus gloriæ parit nobis? Quomodo ergo excellenter ac supra uires hic se grauatum fuisse dicit, si afflictio ipsius leuis fuit ac momentanea?

Respondeo. Sensus afflictionum alius est atque alius. Alius dum caro præsentibus afflictionibus premitur, alius post afflictiones consolatione diuinitus accepta. In ipsa afflictione grauis est ac molestus, post afflictionem uero non ita, sed leuis ac momentaneus. Quare qd' Ebr. 12. de castigationibus legitur: Omnis ca-

stigatio in præsens quidem non uidetur esse gaudij sed molestiæ, at postea fructum tranquillum iusticiæ reddit ijs qui per illam fuerint exercitati, omnium conuenientissime de afflictionibus quoque sanctorum dici potest. Iam quod præsentem quæstionem attinet, quod se Apostolus supra modum grauatum fuisse dicit, referendum est ad ipsum præsentis afflictionis tempus in quo quæ hic scribit in carne sua fuerat expertus, quæ uero infra capite quarto scribit, referenda sunt ad sensum non præsentis sed præteritæ afflictionis, & ad collationem æternæ gloriæ, quæ trāsitoriam afflictionem consequitur.

Admonemur hoc Apostoli exemplo, quàm non sit illud Stoicum, non sentio, nō dolet, ad præsentis sanctorum afflictiones referendum, sed ad præteritas. Et ipsi apostoli, non leguntur inter ipsa fuisse uerba gauisi, sed postea demum, cum cæsi essent dimissi. Sic enim habet textus. Et cum aduocassent apostolos, cæsis præceperunt ne loquerentur in nomine domini Iesu, & dimiserunt eos. Et illi quidem ibant gaudentes à conspectu concilij, quod digni habiti essent, ut pro nomine eius contumeliam paterentur.

SVpra uires, inquit.] Nascitur & hic quæstio, quomodo conueniat hæc particula cum eo quod in præcedenti epistola capite decimo dixit ad hunc modum? Tentatio uos non cœpit nisi humana, sed fidelis est Deus, qui non sinet uos tentari supra id quod potestis, imò faciet unā cum tentatione euentū, quo possitis sufferre. Si sic fidelis est Deus, ut non sinat fideles suos tētari supra quàm ferre possunt, quomodo permisit Apostolum suum grauari supra uires? Respondeo. Quod Apostolus supra uires grauatus fuit, non impedit quo minus uere fidelis sit Deus qui sic fidelium suorum in ecclesia Corinthiorum infirmitati pepercit, ut non sineret eos tentari supra uires. Quæ uerba non sic sunt prolata, ut generalem habeant sententiam, quasi fidelis Deus prorsus neminem suorum supra uires tentari sinat, sed ut in eo fidelem esse Deum prædicent, quod infirmos non sinat tam grauer tentari quàm eos qui sunt robustiores, & ad hoc positi ut in ipsis diuinæ uirtutis gloria illustretur. Idem Deus tā erga firmiores quàm erga infirmiores fidelis, firmum suum Apostolum tentari sinebat supra uires, infirmos uero Corinthios non ita, utrorumque salutem procurans ex æquo, etiam si diuersimode, iuxta quod mensura donorum suorum poscebat ac ferebat.

ADEO, inquit, ut desperauerimus etiam de uita.] Ergo erat anxius pro seruanda uita, & quoniā afflictio mole sua grauior erat quàm ipse ferendo esset, desperabat fieri posse, ut uitam retineret. Sic uidemus etiam apostolos in afflictionibus sollicitos esse de sua uita, & rationes seruandæ illius metiri secundum uirium suarum facultatem sic ut ubi illæ pro-



stratae iacent, de seruanda ea perplexi & inopes consilij reddantur. Sunt hæc humana & naturalia, quibus Deus nō irritatur, quare nec aliena sunt ab afflictionibus sanctorum, uerū Apostolus, qui cupiebat dissolui & esse cum Christo, nō tam hic uitæ suæ desyderio, quàm cura ecclesiarum afficiebatur, uide Philippen sium primo. Quomodo autem ista diuina prouidentia dirigantur, in consequentibus uidebimus.

QVIN ipsi in nobisip[s]is, inquit, sententiā mortis habebamus.] Vulgata æditio habet, responsum mortis. In Græco est, ἀπάντημα, quæ uox & responsum, & sententiam, & condemnationem significat. Cuius ergo sententiam habebat in seipso? Dei non habebat, aliās moriendum ipsi fuisset. Nec à magistratu lata erat in ipsum sententia mortis. Quod igitur dicit, nihil est aliud, quàm quod in tam graui afflictione perinde se morti adiudicatum esse putabat ac si mortis iam sententiam uel à Deo uel à magistratu accepisset. Tanta inualuerat in ipso desperatio uitæ. Ergo & sancti in discrimine constituti falluntur in seip[s]is, dum ignari diuinæ sententiæ secundum externæ afflictionis sensum morti se adiudicatos esse existimant. Huius rei multa testimonia occurrunt in Psalmis Dauidis, qui quod hic Paulo accidit, nō semel est expertus. Tale erat, quod primo Samuelis uigesimotertio legitur, ubi à Saule in modum coronæ sic cinctus fuisse memoratur ut iam iam capiendus uideretur. Hinc illa: Circundederant me funes mortis, & torrentes Belial conturbauerant me. Funes sepulcri circundederant me, occupauerant me laquei mortis.

NE consideremus, inquit, in nosip[s]is sed in Deo.] Reddit hic rationem, quare uoluerit Deus afflictionem suam eousque inualescere, ut in ipsa iam mortis sententia constitutus uideretur, & quæ sit tam grauis afflictionis utilitas. Totum, inquit, hoc non est humano aliquo sed diuino consilio factum, quo adimeretur nobis nostri ipsorum fiducia, ne post unquam confidentes simus in nobisip[s]is, sed in Deo cum iam reipsa depræhenderimus nihil ualuisse in tam graui discrimine omnes nostras tam mentis, ac propriæ iusticiæ & innocentiae quàm corporis uires, sed moriendum fuisse prorsus, nisi nos Deus ueluti manupræhensores è laqueis mortis extraxisset.

Locus hic de fiducia notandus est. Considerare quid sit notum est omnibus. Est sic animo alicui rei inniti, in qua uel subsistere, uel uoti compotes euadere possimus, ut illius fiducia nihil non faciamus ac feramus. Hæc fiducia argumentum habet humanæ nostræ infirmitatis. Quorsum enim opus esset alicui ueluti sustentaculo confidendo inniti, si ficessemus firmi, ut nulla esset ratio timendæ ruinæ? Iam quoniam tales non sumus, natura sic comparati sumus, ut sine fiducia nemo mortalium uiuat, nisi in quo omnimoda obtine-

rit desperatio. Nec sancti ulli fiduciæ possunt esse expertes. Nec requirit hoc à nobis diuina maiestas, ut ab omni prorsus simus fiducia alieni. Nec dicit hic Apostolus simpliciter, ne confidamus, sed addit, in nobisip[s]is. Imò ut significet placere Deo, ut in se cōfidamus mox subiicit, sed in Deo. Qui uult ut sibi fidendo innitatur, utique non uult nos omnis esse fiduciæ expertes. Quæ insunt nobis naturaliter, naturæ nostræ conditioni conformia, utpote, amor, odium, timor, spes, gaudium, tristitia, fiducia, &c. in se non sunt damnabilia, nec ulla nobis pietate auferuntur sed corriguntur, & ad iustum finem perducuntur. Sic damnatur hic non affectus fiduciæ in se, sed corruptio illius, qua caro confidit in eo quod est uanum, uel in seipsa uel in alio.

NE consideremus, inquit, in nobisip[s]is.] Qui confidit in seipso, facit hoc respectu uel propriæ sapientiæ uel potentiæ uel opulentiæ, uel fortitudinis, uel iusticiæ, uel alterius cuiuspiam uirtutis aut doni Dei. Paulus cum Euangelium Christi prædicaret, non potuit confidere in propria potentia, quia non erat potens iuxta sæculum, neque in opulentia, qua nulla potiebatur, uictum labore manuum quærens, nec in robore corporis, quo tot periculis sufficere non poterat, quare non erat periculum ut tribus hisce respectibus confideret in seipso. Est igitur reliquum, periculū fuisse in alijs, qualia erant, propriæ iusticiæ, sapientiæ, fortitudinis, & singularium reuelationū. In nullo fuisse dicere non possumus, nisi placeat ut dicamus frustra fuisse illum tam excellenti afflictione grauatum, & quæ hic dicit, uerba esse inania ad ludificandum Corinthios. Sed absit ut hoc dicamus.

Cum tot tanque præclaris donis spiritus, ut magnitudinem reuelationum taceam, præditus esset Apostolus, periculum erat ne respectu illorum confideret in seipso. Infra capite duodecimo dicit: ne magnitudo reuelationum extollat me, datus est mihi stimulus, &c. Sane sic comparatum est hoc uicium, ut insidiosum sit non uulgaribus hominibus sed selectioribus, ut quo quisque pluribus ac maioribus est præditus uirtutibus, procliuior ad hoc sit ut confidat in seipso. Quare opus illis est cum primis ut subinde humilientur, & in propriæ infirmitatis sensum & cognitionem inducantur.

Malum autem, quo noxia est & auersanda hæc confidentia qua in nobisip[s]is confidimus, admodū est multiplex, sic ut uanitatis ac maliciæ illius species numerari nequeant. Excæcat mentes nostras, ut uidere nequeamus quàm simus in nobisip[s]is uani ac prorsus nihili. Quod Dei solius est dat creaturis. Idolum facit ex donis à Deo acceptis. Reddit nos securos, ubi nulla est securitas & egregios diuinæ uoluntatis contemptores, ac tandem in barathrum perditionis præcipientes impellit. Haud igitur præter rationem est, quod propheta



Hier. 17. pheta dicit: Maledictus qui confidit in homine, & ponit carnem brachium suum.

**S E D** in Deo, inquit. ] Sic relinquitur quidem nobis fiducia, qua pendeamus aliunde, ab eo uidelicet, unde sustentari ac seruari possumus, uerum talis, qua innitatur non uano & arundineo alicui baculo, sed ei tantum, in quo solo ueram licet inuenire salutem, Deo uidelicet, omniū ut cōditore ita & Seruatore.

Significatur autem hoc loco diserte, hanc esse uoluntatem Dei ut confidamus in ipso. Dum enim cauet ac uetat, ne confidamus in nobisipsis, aut ullis alijs creaturis, quid aliud quærit, quàm ut nos trahat ad se & omni auxilio destitutos cogat etiam, ut ad se solum confugiamus? Agnouit hoc rex Iosaphat cum secundo Paralipomenon uigesimo ad Deum oraret ac diceret: In nobis quidem non est tanta fortitudo, ut possimus huic multitudini resistere, quæ irruit super nos. Verum cum ignoramus quid facere debeamus, hoc solum habemus residuum, ut oculos nostros dirigamus ad te.

Sunt autem rationes diuinę huius erga nos uoluntatis tres istę præ cæteris admodum graues.

**1** Prima est, ut nominis ipsius gloria uindictetur, quæ nulla in re magis obscuratur, quàm si salus eorum quæ condidit non ab ipso solo sed aliunde speretur & quæretur, ex quo fonte omnis generis idololatria promanat, unde innumera idola tam externa quàm interna in cordibus mortalium eriguntur. Quod si nulla esset alia ratio, præter hanc unam qua requiritur, ut in solo Deo confidamus, nec ulli uspiam nec terrenæ nec cœlesti creaturæ innitatur, ne per nos quæ nomini ipsius debetur gloria inexcusabili impietate interuertatur, & ad creaturas transferatur, debebat una hæc abunde sufficere, si uel tantillum in nobis esset sanæ mentis ac cordis.

**2** Secunda est immensa illa bonitas ac philanthropia Dei, cuius hoc est ingenium, ut nihil possit minus ferre quàm si ipsi non innitatur, nec poscat à nobis tam impense quicquam, atque synceram erga se fiduciā. Hac usque adeo delectatur, ut nequeat sperantes ac confidentes in se deserere. Quàm autem graue sit, alienum ab eo fieri, quo diuina bonitas pro naturæ suæ ingenio cum primis delectatur, & admittere, quod modis omnibus detestatur, & in quod grauibz ultionibus animaduertit, cordatis hominibus per se satis est manifestum.

**3** Tertia est salutis nostrę ratio, quæ sic est comparata ut non nisi gratia ac bonitate Dei constare possit, cuius autem participes fieri nequimus, nisi credendo sperando ac fidendo ex animo ab ea sola pendeamus. Sine hac cordis fiducia impossibile est placere Deo. Non saluamur autem si illi displicuerimus, quare consequitur ad salutem nostram necessariam esse hanc fiduciam, qua illi pro bonitatis ipsius

**A** ingenio placeamus. Hæ rationes nihil habent dubij, nihil obscuri, sed & certæ sunt & manifestæ, ut facile constet, quare nolit Deus, ut cōfidamus in creaturis siue illæ sint intra siue extra nos, & sint uel terrenæ uel cœlestes, uelit autem & poscat, ut confidamus in se uno ac solo Deo conditore nostro & Seruatore.

Priusquam ad sequentia progrediamur, admonēdus est pius lector, ut duo hæc, quod præsentem causam concernit, diligēter ac memori mente retineat. Vnum: Omnium nostrarum afflictionum hunc esse finem, ne confidamus in nobisipsis sed in Deo. Alterum, confidere nos Deo non posse, nisi desinamus confidere in nobisipsis.

**Q V I** ad uitam suscitatur mortuos, inquit. ] Accommodat hoc ad causam afflictionū suarum. Multa sunt in Deo argumenta, quorum gratia monemur, ne in nobisipsis sed in illo cōfidamus. Præsens tamen propterea commodius uisum est cæteris, quod de afflictionibus extremis loquitur in quibus carni desperata uidentur omnia, haud secus quàm si quis in ipsis claustris mortis & inferorum detineatur, unde eripi ueluti mortuum est suscitari. Est hæc generalis sententia, qua de Deo tantam prædicat potentiam, ut & mortuos suscitaret ad uitam. Prædicat autem illam duplici de causa. Primo ob id, ut stimulet eos, qui inter Corinthios resurrectionem mortuorum negabant. Deinde ut admoneat omnes, quàm magna sit ratio confidendi Deo in afflictionibus quibuscunque, ex eo, quod & mortuos suscitatur ad uitam, nedum afflictos uiuos in uita conseruat. Qui posterius hoc, quod multo est minus, non credit, quomodo credet prius, quod longe est maius? Rursus qui credit Deū ad uitam suscitare mortuos, quomodo dubitabit illum in uita seruare afflictos? Qui mortuorum itaque resurrectionem negabant, magnam fiduciæ erga Deum partem amiserant, & procul erāt ab eo, ut nō in seipsis sed in Deo sicubi in afflictiones incidissent, confiderent.

**Q V I** ex tanta morte, inquit, eripuit nos, & eripit, in quo spem fixam habemus, quod etiam posthac erepturus sit. ] Magnitudinem afflictionum suarū in præcedentibus expressit, iam illud explicat, quod dixit: quī consolatur nos in omni afflictione nostra. Duabus hisce partibus afflictionum & cōsolationum erudiebatur ad confidendum non in seipso sed in Deo, qui suscitatur mortuos. Et ut consolatio nis magnitudinem exprimat, non dicit simpliciter qui ex afflictione, sed, qui ex morte, neque simpliciter, sed, qui ex tanta, inquit, morte eripuit nos. Afflictiones suas quas erat perpeffus uocat mortem eamque magnam, ut simul & potentiam Dei in se declaratam amplificet, qua erat ex illa liberatus. Sic non minoris censet eam liberationem, quàm si è media morte fuisset ereptus. Quod enim morte non fuerat absorptus, non erat aliūde, quàm ex eo quod diuina ipsum potentia pariter & miseri-



cordia ex ipsis quasi faucibus mortis eripuerat, cuius iam in seipso, sicuti paulo antè meminuit, sententiam acceperat.

Hoc pacto glorificat Deum, & gratiam ab illo præstitam amplificat, quo exemplo monemur, quæ nos deceat gratitudo, quoties beneficio Dei ex aduersis ac tribulationibus liberamur. Talis uidelicet, qua gratiam Dei pleno ore deprædicemus, ut impleamus illud: Inuoca me in die tribulationis & eripiam te & glorificabis.

ET eripit, inquit. I Intellige, quoties in afflictiones incidere porrigit manum, & ne peream eripit. Idem dicit quod suprà, qui consolatur nos in omni afflictione nostra. Non modo eam liberationem tribuit Deo, qua ex portis mortis fuerat ereptus, sed & cæteras omnes, nihil suæ ipsius relinquens diligentiae accuræ, ne in minimo quidè ullo discrimine.

IN quo spem fixam habemus, inquit, quod etiam posthac sit erepturus. I Vide quomodo Deum nobis proponat, qui suis non semel atque iterum sed constanter & ad finem usq; benefaciat. Qui misero propterea benefacit ac succurrit, quod ferre nō potest, ut sit miser, is utique succurrit illi non semel atq; iterum sed quoties miserum esse factum uidit. Qui eripit periclitantē ne pereat, toties eripit quoties uidet esse periculum ne pereat, quandoquidem hic illi scopus est seruare periclitantē ne pereat. Sic comparatus est erga suos pater ille misericordiarum & Deus omnis consolationis. Propterea eripit suos ne pereant, quos uidelicet in sempiternum seruare constituit. Eripit igitur non semel tātum sed quoties periculum est ne pereant. Sic Paulum eripiebat quoties periclitabatur. Nolebat enim ut secundum impiorum uota periret. Et hanc illi protectionem Actorum decimo octauo cum esset Corinthi promiserat dicens: Noli timere sed loquere, & ne taceas. Nam ego sum tecum, & nemo apponet tibi ut noceat te.

Deinde uide quid ex eo colligat, quod ereptus erat & eripiebatur à domino, è quauis tribulatione. Postquam dixit: qui ex tanta morte eripuit nos & eripit subiicit: in quo spem fixam habemus, quod etiam posthac sit erepturus. Ex eo quod constantem illius opem in tribulationibus experiebat de futuro quoque spem capit, quod & in posterum declaraturus sit eandem erga se curam & fidem. Sic præteritorum ac præsentium beneficiorum experientia spem gignit de futuris, in animis hominum non reproborum. Reprobi perpetuo hæsitant, quantumuis multis ac crebris beneficijs à Deo cumulat.

Quod autem interpret Erasmus non simpliciter uertit: In quo spem habemus, sed in quo spem fixam habemus, ad hoc facit, ut Apostolicæ spei certitudo omni hæsitazione reiecta exprimat. Est spes alia mobilis alia fixa. Mobilis & inconstans est, quæ uel carnalis animi inconstantia, uel uanitate eorum unde conce-

pta est, prorsus est imbecillis & euanida. Qui inconstans est animo, etiam si de rebus certis ac firmis aliquid spei concepit, sperat tamen non constanter, sed ad primam tentationem spem omnem abiicit. De rebus uanis si quid etiam à bonis speratur non potest spes eiusmodi esse fixa. Spes fixa est hominis fidelis, in fiducia diuinæ ueritatis ac bonitatis constantis, de rebus concepta non uanis sed ueris & indubitatis. Spei huius duo sunt fundamenta. Veritas uidelicet & bonitas Dei. Veritas uerbo illius expressa per fidem, bonitas re ipsa declarata per experientiam capit. Spes Pauli merito fixa erat quia & uerbum habebat & experientiam. Væ nostræ cæcitati ac stupiditati, qua fit ut nec ueritate uerbi Dei, nec bonitatis illius ulla experientia ad fidendum ac sperandum permoueamur.

SIMVL adiuuantibus & uobis, inquit, per deprecationem pro nobis. I Quam extollit opem Dei, qua eripiebatur ex omni afflictione, tam seipsum humiliat, ne quid illius meritis suis tribuere uideatur. Sic suprà Deum patrem misericordiarum uocauit, cum de hac causa epistolam ordiretur. Sic in præsentī, postquā dixit, qui ex tanta morte eripuit nos, & eripit, in quo spem fixam habemus, magno humilitatis affectu subiicit: simul adiuuantibus & uobis per deprecationem pro nobis. Quamuis esset Apostolus, & tam grauib. ac crebris afflictionibus pro nomine Christi grauaretur, si mulque plus omnibus laboraret in opere domini, nihilo tamen minus magnificat preces fidei pro se factas ad dominum, illisque ex parte fert acceptum, quod ope domini ex afflictionibus ereptus esset, eriperetur, & in posterum se eripiendum consideret. Hoc affectu uocat eos qui pro se orabant *συνυπάρχοντες*, hoc est, unā cum alijs precando pro se sublaborantes & operam suam quantum in ipsis erat subministrantes.

Accommodissima hac uoce tria significat.

1 Primum, hunc fuisse morē ecclesijs, ut pro apostolis & ministris, propter opus domini afflictis & periclitantibus, preces suas funderet ad dominum. Sic pro Petro quoque, cum in uinculis esset, preces ad Deum fiebat ab ecclesia. 2 Deinde non solum Corinthiorū ecclesiā sed & alias fuisse pro se precatas. Quare non simpliciter dicit, *συνυπάρχοντες* sed *συνυπάρχοντες*, hoc est unā cum alijs sublaborantibus. 3 Tertium, eiusmodi preces non esse frustaneas coram domino. Licet enim principalis causa, quare eripuerit Apostolum suum Deus, fuerit ipsius misericordia, placebat tamen illi studium hoc fidelium, & concursus uotum, pro Apostolo ipsorum suppliciter ac sedulo ad se precantium. Quare & ex parte fert illis acceptum, quod tam constanter in omni afflictione diuinitus eripiebatur. Annotat hic Chrysostomus, etiam si constituerit dominus succurrere afflictis, plurimum tamen ea in re habere momenti preces fidelium, præsertim si cōcorditer



diter fundantur. Misericors est, bonus ac fidelis, & haecenus ipse sibi prima est omnis bonitatis, misericordiae, ac beneficentiae causa. Iuxta tamen amans est sinceræ fidei ex animo ad se precantium, amans item est fraternæ charitatis qua concorditer alij pro alijs ad se precantur. Quare conuenit, ut Ecclesiæ studiosissime ad huiusmodi preces in conspectu Domini fundendas prouocentur.

Vt ex multis personis pro dono in nos collato, inquit, per multos gratiæ agantur pro nobis. ] Locus hic satis quidem manifestus est, quod sensum attinet, in uerbis uero non ita. Nam illa aliquid uel superflui habere uel desiderare uidentur, unde lectio in Græco reddatur expedita. Græca exemplaria quibus utimur sic habet *ἵνα ἐκ πολλῶν προσώπων τὸ εἰς ὑμᾶς χάρισμα διὰ πολλῶν εὐχαριστηθῇ ὑπὲρ ὑμῶν*. i. ut ex multis personis, uel faciebus, donum quod in nos (collatum est) per multos cum gratiarum actione pro nobis deprædicetur. Hic quoniam ista duo, ex multis personis, & per multos, unum & idem esse uidentur, quærunt alij aliud, quo commodior lectio adferatur, in qua nihil sit superflui.

Chrysostomus legit: *ἵνα ἐκ πολλῶν προσώπων* ubi nostra exemplaria habent *ἵνα ἐκ πολλῶν προσώπων*. Et exponit ad hunc modum, *τὸ γὰρ εἰς ὑμᾶς χάρισμα τὸ ἐκ πολλῶν προσώπων τὸ ὑμῶν χάρισμα, ἵνα τὰ πολλὰ πρόσωπα αὐτῶν εὐχαριστήσιν ὑπὲρ ὑμῶν*. Hoc est. Donum enim quod in nos (collatum est) id est, salutem nostram omnibus uobis largiri uoluit, ut multæ sibi personæ gratias agant, quando quidem et multæ gratiam hanc acceperunt.

Valla sic uertendum putauit. Vt de gratia in me ex multis personis, siue respectu multorum collata per multos gratiæ agantur propter uos. Legit enim *ὑπὲρ ὑμᾶς*, ubi nos habemus *ὑπὲρ ὑμᾶς*.

Erasmus in annotationibus suis sic reddidit. Vt ex multis personis de dono in nos collato multis modis gratiæ agantur pro nobis. Sic illud, *διὰ πολλῶν*, quod in uersione sua reddidit, per multos, uertit hic, multis modis, atq; ita non retulit ad personas, sed neutraliter accepit.

Germanicus interpres sic habet: *auf das uer uns, für die gab die uns gegeben ist durch vil personen vil dancks geschehe*. Hic illud, *διὰ πολλῶν*, ad multitudinem gratiarum actionis retulit, quasi *διὰ πολλῶν εὐχαριστήσασθαι*, idem sit quod multis agi gratias.

Quando quisq; quod uerosimile putat in medium adfert dicam & ego quid mihi uideatur. Potest uideri admissum esse errorem in dictione *προσώπων*, ut posita sit per somnolentiam antiquariorum pro *προσυχῶν*. Nam apparet scripsisse Apostolum ad hunc modum. *ἵνα ἐκ πολλῶν προσυχῶν τὸ εἰς ὑμᾶς χάρισμα διὰ πολλῶν εὐχαριστηθῇ ὑπὲρ ὑμᾶς*. Hoc est, ut donum quod multorum in nos est precibus (collatum) per multorum gratiarum actiones pro nobis factas deprædicetur. Quod si dictio *προσώπων* ab ipso Aposto-

lo posita uidetur, potest ordinari lectio ad hunc modum. Vt quod ex multis est personis (intellige, pro nobis ad Deum precantibus) in nos collatum donum, per multos etiam gratias pro nobis agentes deprædicetur. Quod in Græco est, *εὐχαριστηθῇ* in passiuo, Germanicè melius possumus reddere, *bedancket werden*, quàm Latinè. Si periodum hanc sic diuidas ut primū illius membrum sit, ut ex multis personis in nos collatum donum, alterum uero quod sequitur, per multos cum gratiarum actione deprædicetur, puto nihil remanere incommodi.

Sensus autem Apostoli est. Qui ex tanta morte eripuit nos, & eripit, in quo spem fixā habemus, quod etiam posthac erepturus sit, non modo pro incomparabili sua misericordia, sed & ob id, ut quemadmodum propter multarum personarum preces pro nobis factas ex omni nos liberat afflictione, ita per multas etiam personas gratiæ ipsi pro nobis propter tam insigne beneficium agantur.

Vide, autem, quomodo per obliquum inducat eos ad agendum Domino pro se gratias. Et sanè omnium æquissimum est, ut post preces sequatur gratiarum actio. Qui pro liberando afflicto precatur ad Dominum, si precatur ex animo, utique pro liberato gratias agat liberatori, cuius antea opem implorauerat. Hodie quoque solenne est ut in cœtibus Ecclesiasticis publice oretur pro ægrotantibus, captiuis, & alijs afflictis. Hæ preces sunt communiter à multitudine fidelium, adhortatu ministrorum. Conuenit igitur, ut uicissim à multitudine fidelium gratiæ agantur Domino pro liberatis, quo donum propter multorum preces afflicto collatum multorum quoque gratitudine palam in Ecclesia deprædicetur. Verum, quemadmodum de leprosis dicebat Dominus: Nunquid decem mundati sunt iam nouē ubi sunt? sic in hac quoque causa rarissimus quisque est, qui beneficio Domini propter fidelium suorum preces liberatus, redeat, & uel ipse gratias agat Domino uel quemadmodū orari pro se uoluit ab Ecclesia, ita & gratias ab illa pro se petat agi liberatori Domino. In hac rem debebant incumbere ministri uerbi, ut quemadmodum hortatu suo authores sunt Ecclesiæ ad precandum pro afflictis, ita essent etiam illi authores ad agendum Domino gratias pro afflictorum liberatione.

Quid est autem quod dicit: ex multis personis, & per multos? Refert ne quàm multi orēt ad Dominum pro liberando afflicto, & quàm multi gratias agant pro liberato? Dicemus ne pluris facere Deum multorum preces quàm paucorum? Multi sunt uocati, inquit Dominus, pauci electi. Si orēt multi uocati, citius ne exaudiet Deus, quàm si orent pauci electi?

Respondeo. Multitudinem in se non moratur Deus, sed moratur sinceritatem ex animo ad se orantiū. Horū si multi sunt acceptior est oratio nō ut multorum in se, sed ut multorum piorū. Causa hæc de qua loquitur Apost. sic erat



comparata ut multos concerneret ipsius liberatio. Conueniebat igitur ut multi etiam pro illa precarentur ad dominum, & pro impetrata quoque multi gratias agerent domino. Huc respiciens dicit: ut ex multis personis, item per multos, &c. Et infra cap. 4. Palam dicit, beneficium exuberans, pluribus gratias agentibus, exuberare in gloriam Dei.

Nam gloriatio nostra hæc est, testimonium conscientiae nostrae, quod cum simplicitate & synceritate Dei, non sapientia carnali, sed per gratiam Dei conuersati fuerimus in mundo, abundantius autem erga uos. Non enim alia scribimus uobis, quam quæ recognoscitis, aut etiam agnoscitis. Spero autem quod usque ad finem quoque agnoscetis, quemadmodum & agnouistis nos ex parte quoniam gloria uestra sumus, quemadmodum & uos nostra in die Domini Iesu.

Quoniam non dicit simpliciter gloriatio nostra sed: Nam gloriatio nostra hæc est, testimonium conscientiae nostrae, referenda sunt hæc ad præcedentia. Sunt quæ referant ad spiritum Apostoli, de qua dixit: In quo spem fixam habemus, quod etiam post hac erepturus sit, quasi iam spei huius causam collocet non solum in misericordiam Dei & preces fidelium sed & in conuersationis suae simplicitatem ac synceritatem, de qua ueraciter, conscientiae suae possit testimonio gloriari. Sic & ueteres & recentiores nonnulli exponunt. Meo tamen iudicio non hoc agit in præfenti, ut spei suae causam adferat aliam, quam attulit in præcedentibus, sed magis tueretur innocentiam suam contra pseudopostolos, qui afflictiones ipsius odiose insectabantur ac maliciose interpretabantur quasi in culpa esset ipse quod passim ubique affligeretur. Contra horum maliciam citat primum suam ipsius deinde & Corinthiorum conscientiam, ac dat utrique, quod de conuersationis suae simplicitate ac synceritate testetur sic dicit: Nam gloriatio nostra hæc est, testimonium conscientiae nostrae. Quasi dicat: Tamen abest, ut sinistro aliquo studio mortalium in me animos concitemusque ipse mihi tot afflictionum causa improbe ac maliciose conuersando in hoc mundo, ut magis contra omnes meos inimicos de innocenti mea conuersatione certissimo conscientiae meae possim testimonio gloriari, quod simpliciter ac sincere conuersatus sim in mundo. Et de hac innocentia mea uos ipsi testificari potestis, quibus maxime notum est, quomodo apud uos sim conuersatus.

NAM gloriatio nostra hæc est, inquit, testimonium conscientiae nostrae. ] Poterit hic queri quomodo de sua ipsius conscientia gloriatur Apostolus, cum alibi dicat: Qui gloriatur, in Domino gloriatur. An in Domino gloriatur, qui de conscientia sua gloriatur?

1. Cor. 1.  
Infra. 10

Respondeo. Refert quo animo de conscientia sua sit gloriatus Apostolus. Qui secundum carnem gloriatur, carnis quærit gloriam illiusque uires gloriando extollit. Si sic gloriatus est Apostolus, non est gloriatus in Domino. Verum quam non sit gloriatus secundum carnem, abunde satis ex eo patet, quod tam insigni doxologia misericordias erga se Dei de prædicauit, illisque omnem suam salutem acceptam tulit. Quare quod hic dicit: Nam gloriatio nostra hæc est, testimonium conscientiae nostrae, non ad hoc dicit, ut aliquid gloriae carni suae uindicet, sed ut improbitati pseudopostolorum occurrat, per quos Satan cursum Euangelij Dei remorari satagebat. Et hoc faciens magis gloriam gratiae Dei quam suam ipsius quærit. Sic animatus non modo inculpa biliter sed & pie & utiliter de testimonio conscientiae suae contra Apostolos Satanæ gloriatur.

TESTIMONIUM, inquit, conscientiae nostrae. ] Pulchre testimonium coniungit cum conscientia. Non enim certius ullum potest esse testimonium quam conscientiae. Qui conscius est alicuius rei bonae uel malae, de illa utique omnium potest certissimum ferre testimonium. Et hanc testimonij certitudinem non infringit, sed magis confirmat, quod non de aliena sed sua ipsius conscientia loquitur dicens: Nam gloriatio hæc est, testimonium conscientiae nostrae. Loquitur enim de testimonio, quo seipsum cum primis contra calumnias pseudopostolorum solabatur & obfirmabat. Nescit mentiri sibi ipsi propria conscientia. Siue nos damnet siue de innocentia nostra testetur, non fallit. Quare cum diuini iudicij certitudinem & iusticiam uellet exprimere Rom. 2. conscientiarum nostrarum nos ipsos accusantium aut excusantium testimonia citat, secundum quorum calculos uel iudicandus sumus in die Domini uel absoluenti. Non potuit igitur firmitus testimonium inducere, quam propriae conscientiae.

Sed dices. Iustificat igitur seipse propriae conscientiae testimonio? Quid ergo est quod 1. Cor. 4. dicit: Nullius mihi (intellige culpæ) conscius sum, sed non per hoc iustificatus sum? Qui me iudicat, Dominus est. Si non potuit propriae conscientiae testimonio iustificari, quorsum hic illud pro asserenda sua innocentia citat?

Respondeo. Triplex est iudicij forum, in quo uita nostra uel accusatur uel excusatur.

Triplex iudicij forum.

Primum est nostrum ipsorum quod in nostris conscientijs singuli circunferimus, nec ullo modo fallere uel effugere possumus.

Secundum est extra nos humanum illud, quo facta nostra iudicant homines, tam priuati quam ordinarij iudices.

Tertium est diuinum, supremum, & ultimum. Quod primum attinet, habebat illud Apostolus pro se, in causa Apostolicae suae conuersationis. Et huius testimonium opponit secundum



secundi iudicii, humani uidelicet, foro. Quicquid in illo de Apostolatu suo iudicaretur, haudquaquam morabatur, fretus conscientie suae testimonio. De hoc est quod loco citato dicit: Mihi uero pro minimo est, ut à uobis dijudicer, aut ab humano iudicio. Quod uero subiungit: Imò, nec meipse dijudico: Nullius enim mihi conscius sum, sed non in hoc iustificatus sum, respicit ad forum iudicii Dei, in quo se non iustificari per hoc dicit, quod nullius sibi sit mali conscius. In eo siquidem etiam occultissima cordium nostrorum, à conscientijs nostris abscondita, si misericordia nō accesserit, iudicantur. Iam quod praesentem locum concernit, citat conscientiae suae testimonium, non ad hoc, ut se coram Deo prorsus iustificet, sed ut innocentiam suam in seipso contra secundum, humani uidelicet iudicii, forum, in quo per pseudapostolorum calumnias impetebatur, fortiter defendat.

Admonet igitur hic locus, quomodo conscientiae nostrae debeamus usurpare testimonium. Sic uidelicet, ut innocentiam nostram contra improborum calumnias in nobis ipsis tueamur, non ut per illud in conspectu Dei iustificemur.

QVOD cum simplicitate, inquit, & synceritate Dei, non sapientia carnali, sed per gratiam Dei conuersari fuerimus in mundo.] Profert & exponit conscientiae suae testimonium. Huius duo membra ponit. Vnum quae de re: alterum, quid testificetur. Quae de re testificetur, in eo exprimit, quod dicit: Quod conuersari fuerimus in mundo. Ergo prolaturus est testimonium conscientiae suae, de conuersatione sua, qua in mundo conuersabatur.

Sed obsecro, refert ne quomodo Apostolus Christi conuersetur in mundo? An non est satis ad asserendam auctoritatem Apostolicam, si titulus Apostolatus poterit ubilibet obtēdi?

Hodie quidem isto retinendae auctoritatis compendio utitur Apostolus Babylonis, meretricis illius magnae, uerum olim, cum in uiuis essent ueri Christi apostoli, referebat plurimum, quomodo conuersarentur in mundo, ne quo pacto cuiquam essent offendiculo. Iam illorum successores, ut uideri uolunt, quamuis Curios simulent ac Bacchanalia uiuant, nihilo tamen minus usurpant illud Christi: Supra cathedram Moysis sedent Scribae & Pharisei, quae dicunt facite, quae faciunt facere nolite. Et illud: Qui uos audit, me audit. Et Coriphæus illorum, etiam si innumera animarum millia secum ad inferos pessime uiuendo deducat, nō uult tamen iudicari à quoquam. Hisce notis uidere licet, quales iam habeat ecclesia apostolos, & quam non debeat mirum uideri cuiquam, unde sit catholica ecclesiarum corruptio, postquam obtinuit hæc pestis in capitibus, ut iudicent non referre, quomodo conuersentur in mundo, modo à sede Romana confirmati titulos possint iactare dignitatum suarum ac praelaturarum.

A rum. Vtinam autem eiusmodi fuci non obtineant in ecclesijs ab Antichristianismo liberatis. Nam hic quoque lues ista radices agere coepit, quae non parum rigatur ab illis, qui non possunt de mysteriorum Dei dispensatione loqui, nisi pluribus inculcent, non referre qualis sit minister, & quomodo uiuat in ecclesia Dei, modo salua maneat dominica institutio. Scio & sciunt multi boni uiri, si de mysteriorum Christi integritate censendum sit, nihil ad illam facere ministri uitam, uerum interea quis non uidet, imò non palpat, etiam si nihil de institutione dominica, quod ritus attinet, deteratur, illam ipsam tamen in multitudine fidelium propter ministrorum contemptum reddi elumbem & infrugiferam?

Alterum membrum testificantis est conscientiae, quid illa de conuersatione ipsius testificetur. Exprimit hoc dicens: quod cum simplicitate ac synceritate Dei, non sapientia carnali, sed per gratiam Dei conuersari fuerimus in mundo. Reijcit hisce uerbis à conuersatione sua omnis doli, maliciae, imposturae, & insinceritatis calumnias, quibus pseudapostoli Apostolatum ipsius suspectum & odiosum reddere moliebantur. Etenim per ea, quae conscientiam suam de conuersatione sua testificari dicit, satis ex opposito indicat cuius nā generis calunijs impetitus fuerit à pseudapostolis.

QVOD cum simplicitate, inquit, & synceritate Dei.] Vulgata habet, quod in simplicitate cordis. Licet in Græco tantum habeatur *ἡ ἀπλότης*, id est in simplicitate, loquitur tamen Apostolus non de alia quam cordis simplicitate. Quare non est præter rationē dictio cordis ab interprete adiecta. Quid autem sit conuersari in mundo cum simplicitate cordis ac synceritate Dei, notius est quam ut exponendum sit operosius. Simplicitas ac synceritas cordis est, qua omnia absq; dolo malo candide ac fideliter aguntur. Duplicitas & insinceritas est, qua aliud foris simulatur uerbis ac gestibus, & aliud intus celatur in corde, atq; ita imperitis imponitur. Synceritas est puritas, iuxta illud: Syncerum est nisi uas, quodcunque infundis acersit. Huic coniuncta est simplicitas. Cohærent enim ambæ, quemadmodum & duo contraria uicia, duplicitas & insinceritas sic coherent, ut ubi locum habet altera, abesse nequeat altera. Etenim cor malis affectibus impuratum & insyncerum quicquid agit, agit cū maliciosa duplicitate, sic ut aliud prætendat foris, & aliud meditetur intus. Tales cum essent apostoli Satanæ in ministros Christi transfigurati, huius maliciae insimulabant apostolos Christi, Paulum cum primis, à qua tamen illi omnium erant alienissimi.

Quod autem nō simpliciter dicit: cum simplicitate & synceritate, sed, Cum simplicitate & synceritate Dei, exponunt alij de eo quod simplicitas ista ac synceritas Apostolo fuerit à Deo data, non ex carne nata, alij de eo, quod talis fuerit ac taliter conuersatus



tus Apostolus respectu Dei quem perpetuo habuerit ob oculos. Vterque sensus uerus est. Nam hæ uirtutes & à Deo dantur, & ad conscientiam Dei in omnibus diriguntur. Commentarij qui Hieronymo dantur, habent: quoniam Deus simplex est & syncerus. Chrysostomus tamen nec legit nec exponit, & synceritate Dei, sed simpliciter habet, quod cum simplicitate & synceritate, non sapientia carnali, &c.

NON sapientia carnali, inquit, sed gratia Dei.] Quoniam ut ut magnum est in ministro Christi esse simplicem, integrum, syncerum & fidelem, haud tamen ad hoc est sufficiens, ut ministerium suum prudenter, competenter & utiliter exequatur, nisi accedat donum sapientiæ ac prudentiæ, adiecit hanc particulam Apostolus ad præcedentia, qua non adimit sibi sapientiam ueram Apostolo Christi necessariam, sed magis uindicat, uocans eam gratiam Dei, adimit uero eam quæ carnis est, quam sine dissimulatione in se nusquam agnoscit, magnificiebant autem pseudapostoli, illiusque nomine inflati magistros agebant magis quam apostolos. Quod igitur dicit: non sapientia carnali, sed gratia Dei, hoc est, agnosco & fateor, simplicitati ac synceritati meæ non esse coniunctam sapientiam illam carnis & mundi, de qua sibijsplis admodum placet magistri illi uestri ac pseudapostoli, uerum interea absque omni controuersia iure mihi loco sapientiæ ueræ uindico gratiam Dei, quæ mecum operata est, & operatur ad finem usque in Apostolatu meo, sicut plus cæteris omnibus laborauerim, & Euangelium Dei latius quam illi propagauerim. Sic per gratiam Dei intelligit omnia illa charismata spiritus, omnemque illius efficaciam & uirtutem, quibus instructus & adiutus Apostolatu suo non modo fideliter ac sincere, sed & sapienter & utiliter functus est. Quomodo uero mundi huius & carnis sapientiam inutilem esse regno Dei, imò contrariam, doceat, uidere licet 1. Cor. 1.2.

Chrysostomus hoc loco per carnalem sapientiam intelligit astutiam, uersutiam, artificium sermonis, & perplexa sophismata. Respicit ad pseudapostolorum sapientiam, quæ nihil erat aliud, quam corruptæ carnis uasum, & uersutum acumen.

ABUNDANTIVS autem, inquit, erga uos.] Nuspiam erat sui non similis, uerum apud Corinthios uersanti plus incubuerat necessitatis sic sollicitè per gratiam Dei agendi omnia, ut nullam permitteret pseudapostolis calumniandi uel contra se gloriandi occasionem. Et præterea quoniam multus erat domino in ea ciuitate populus, multa quoque illic coelestis gratiæ uirtute annu egerat & menses sex, sicuti uidere est Actorum decimo octauo. Quare non immerito dicit: abundantius autem erga uos. Nam plus apud illos laborauerat, plusque fructus domino attulerat quam

alijs in locis, unde & illis notius erat qualis esset ipse, & quomodo conuersaretur in mundo quam alijs. Hoc autem dicens transit à testimonio propriæ, ad illorum conscientia de conuersatione sua testimoniū: unde & subiicit.

NON enim alia scribimus uobis, quam quæ recognoscitis, aut etiam agnoscitis, & cæt.] Summa est. De conuersatione mea non modo mea ipsius, sed & uestra ipsorum, idque præ alijs, testatur conscientia, quod cum simplicitate & synceritate, non in sapientia carnali, sed gratia Dei conuersatus sim in mundo, amplius uero erga uos, quare quæ scribo, uos ipsi recognoscitis, & uera esse agnoscitis, & sicuti spero, ad finem usque agnoscetis. Neque enim alia uobis de conuersatione mea quam uobis iam antea comperta scribo.

Verus interpres sic habet: Nō enim alia scribimus uobis, quam quæ legistis & cognouistis. Et Erasmus sic uertit, nisi quod reddidit in præsentia, quæ legistis autem, etiam agnoscitis. Sane quod in Græco est ἀναγινώσκετε, uertipoteest, quæ legistis. Significat enim ἀναγινώσκουσιν aliquando legere. Et sic ueteres quoque legunt. Verum cum hoc uerbum proprie significet recognoscere, mirum est quomodo legendi sensu uertendum putauerint. Quid enim est: Non alia scribimus uobis, quam quæ legistis? An periculum erat, ne ipse scriberet aliud, & ipsi legerent aliud? Nihil huius agit Apostolus. Significat se de simplicitate & integritate conuersationis suæ, & de gratia Dei non scribere ipsis noua quædam, affectata, & causæ suæ accommodata, ipsis uero incognita, & talia quæ agnoscere non possint, sed quæ non recognoscant modo, sed & agnoscant. Quare cum hunc sensum ipse contextus offerat ultro, & uerbum ἀναγινώσκετε non repugnet, sed propria sua significatione pulchre astipuletur, uisum est nec ueterem nec recentiorē interpretem, sed ipsam ueritatem sequi, & sensum illius simplicem ac planum amplectendo uertere, non, quæ legistis, sed, quæ recognoscitis. Est autem ἀναγινώσκουσιν, si compositionem urgeas, renoscere quod antea aliquando cognoueramus, quod nos dicimus, recognoscere. ἐπιγινώσκουσιν uero agnoscere significat, hoc est, ueritatem rei ad nos pertinentis, ubi exposita fuerit, probare & amplecti. Sic Corinthij quæ Paulus hoc loco scribebat, primum poterant, ut antea re ipsa experti, recognoscere, & ut ad se pertinetia, agnoscere & probare. Loquitur enim de eo quod dixit, abundantius autem erga uos.

SPERO autem, inquit, quod usque ad finem quoque agnoscetis, quemadmodum & agnouistis nos ex parte.] Ne dicat quisquæ, talem quidem cognouimus, cum apud nos esses: uerum qualis iam sis, & qualem te exhibiturus sis in posterum, ignoramus, occupat dicens: Spero autem quod quemadmodum agnouistis nos hactenus & ex parte, sic agniture sitis etiam usque ad finem, nec quicquam



quam in nobis de præterita nostra conuersatione defyderaturi.

Vide autem quàm loquatur modeste. Non dicit: Scio & affirmo uobis, sed, spero. Significat se bona teneri erga Deum fiducia, quod quemadmodum hætenus adfuerit sibi ope gratiæ suæ, dederitque ut simpliciter & sincere conuersaretur in mundo, ita in posterum quoque & ad finem usque eandem sibi non sit denegaturus gratiam. Sic nihil de suis ipsius uiribus, quantumuis magnus Apostolus ac præclaris dotibus insignitus præsumit, nec de præterito securitatem in futurum, sed spem erga Deum concipit, & secundum hanc summa cum diligentia in cursu cæptæ conuersationis pergit ac perseuerat.

QVOD usque ad finem quoque agnosce-  
tis, quemadmodum & agnouistis nos ex parte.] Ad finem agnoscere, pro, ad plenum agnoscere dixit. Præteritæ conuersationis agnitionem uocat, ex parte, respectu eius quæ sit plena. Plena autem est, quæ ad finem usque sibi similis perdurat. Admonemur, luctandum nobis esse ad plenitudinem Christianæ conuersationis, ne conquiescamus in ea quæ ex parte adhuc est & imperfecta. Qui peregrè proficiscitur, irremisso labore tendit ad locum quem petit, nec censet se peregrinationem suam absoluisse, si partem aliquam itineris confecerit, sed si quod uolebat ad plenum peruenierit. Scit enim omnem itineris laborem reddi inanem, si uel subsistat in illo, nec progrediatur, uel domum deserta profectio-  
ne redierit. Consimili modo comparata est & nostræ conuersationis conditio. Bene cœpisse aliquid est, aliquousque prouectum esse, adhuc maius est: uerum frustra utrumque est, nisi ad finem usque perseuerantes, plenæ pietatis terminum consequuti fuerimus. Cogitet quisque, si quod dedit inculpatæ conuersationis specimen, summa sibi elaborandum esse cura, ut integritatem illius ad finem usque illibatam custodiat, præsertim si sit Christi minister. Quantum enim profuit præteritæ conuersationis sinceritate, tantum oberit & sibi & alijs, si secus aliquando quàm Christi deceat ministrum conuersari, ac pristinam simplicitatem ac sinceritatem deserere cœperit. Si Paulus aliter in Asia quàm antea in Achaia conuersatus fuisset, haud tantum utilitatis attulisset regno Dei præterita sinceritate, quantum damni dedisset illius immutatione.

QVONIAM gloria uestra sumus, inquit, quemadmodum & uos nostra, in die domini Iesu.] Non est in Græco *δόξα*, id est gloria, sed *καύχημα*, id est, gloriatio. Quare uertendum erat: Quoniam gloriatio uestra sumus. Hoc est, quoniam talis sum uester Apostolus, & tam sincere & fideliter apud uos sum conuersatus, ut iure de me gloriari possitis, & uicissim tales uos estis meo ministerio per gratiam Dei facti, quos in Christo Iesu genui, ut habeam in uobis de quo glorier. Hanc uestram

A de me gloriationem totis uiribus illibatam, ad finem usque seruaturum me spero, nec admissurum quid unquam, unde uos mei pudeat. Poterat hic addere, idem uos quoque facturos spero, nec tale quid admissuros unquam, unde gloriatio mea quam in uobis habeo, in pudorem & confusionem desinat, uerum maluit hoc tacita quàm expressa admonitione animis illorum insinuare. Addit, in die domini Iesu. Hoc dicendo, significat se de tali gloriatione loqui, quæ non sit iuxta sæculum uel inanis in se ac uana, de re uidelicet nihili, uel fluxa ac cito desitura, sed sit uera ac solida, & ad diem usque, in quo iudicaturus est dominus, duratura. Clanculum autè perstringit pseudapostolos, à quibus ipsius Apostolatus perpetuo suggillabatur. Quasi dicat: Quicquid magistri uestri de me sentiant, uester sum Apostolus, & sic me apud uos gessi, ut sim uestra gloriatio, & uos mea, id quod in die domini Iesu manifestabitur, ubi omnia occulta in lucem emergent, & unusquisque recipiet, secundum quod gessit in hac uita.

Hodie gloriatio episcoporum est, si amplissimas habeant diocæses, si sint iuxta sæculum nobiles, opulenti, & potentes, & de talibus episcopis suis gloriantur miseræ ac fascinatæ ecclesiæ, haud secus quàm olim habitatores Sichen & Israëlitarum reliqui gloriabantur de rege suo Abimelech, & ille de ipsis lætabatur: perinde ac si ligna constituent super se rhamnum in regem, deque illo gloriantur, & ille de ipsis, donec egrediatur ex rhamno ignis, & cōsumat tam ligna subiecta, quàm seipsum. Vide Iudicum nono. Quanto felicius haberent ecclesiæ Christi, si de legitimis ac fidelibus possent episcopis & pastoribus gloriari, & quanto melius ageretur cum episcopis, si sic instituerent ecclesias, ut esse possent ipsorum gloriatio, non in facie præsentis sæculi, sed in die domini Iesu, in quo reddituri sunt uillicationis suæ rationem? Gloria pastoris grex est, si sit bene pastus. Et gregis est, si sit sincerus, gloria pastor. Nunc cum lupi gloriantur de ouibus, & oues de lupis transfiguratis, quid aliud expectandū est, quàm ut pars utraq; confundatur ac pereat in die domini Iesu, in quo ueri pastores de ueris ouibus, & ueræ oues de ueris pastoribus ueraciter ac solide gloriabuntur?

Poterit autem hic quæri, quomodo dicat Corinthios Apostolus gloriationem suam fore in die domini Iesu, cum illorum ecclesia, & tum temporis, cum hæc scriberet, admodum esset corrupta, & in multis culpabilis, & tandem sit in apostasiam Mahometicam, & seruitutem Turcicam abducta? An de tali poterit ecclesia gloriari in die domini?

Respondeo. Qualis qualis fuerit ecclesia Corinthiorum tempore Apostoli, & qualis qualis sit postea facta, & in diem usque domini futura erat, & est, & erit gloria sui Apostoli, si respiciamus ad multum illum



lum electorū populum, de quo dixit ad eum dominus: Noli timere, quia multus est mihi populus in hac ciuitate. Habuit ea ecclesia suū triticum, & simul paleas adiunctas, & quid uetat ne credamus adhuc hodie inperesse in illa aliquid tritici, superq; futurum usque in diem domini, quātumuis sit seruituti Turcicæ subiecta? De hoc populo domini, quem initio genuerat in Christo, de hoc inquā tritico quod initio plantauerat, loquitur hic Apostolus, cū dicit: quemadmodum & uos nostra gloriatio in die domini Iesu, non de reprobis, quos ipse non plantauit. Sic intelligendum est etiam quod 1. Theff. 2. in calce scribit. Philip. 2. format hoc ipsum per modum adhortationis dicens, ut gloriari possim in die Christi, quod non in uanum cucurrerim, nec in uanum laborauerim.

Et hac fiducia uolebam ad uos uenire prius, ut geminam apud uos inirem gratiam, & per uos pertransire in Macedoniam, & rursus à Macedonia uenire ad uos, ac à uobis deduci in Iudæam.

Commoda transiitione dilabitur ad ea quæ aduentum ipsius concernebant. Dixit Corinthios suam esse gloriationem, & se illorū, usq; in diem domini Iesu. Sic de illis confidens cogitauerat secundo uenire ad eos Corinthum. Hoc est quod dicit: Et hac fiducia uolebā ad uos uenire prius. Confidebat illis cum primis omnium esse notissimum, quā sincere conuersatus fuisset apud ipsos, sicq; animatos esse erga se, ut gloriarentur de se tanquam fideli & eximio suo Apostolo, quemadmodum ipse de illis tanquam filiis suis gloriatur. Hac, inquit, fiducia motus, uolebam uenire ad uos.

Est autem totus hic locus de ipsius aduentu quadrimembris. Nam primum aperit unde motus uoluerit ad eos uenire. Deinde, ad qd, tertio quomodo, quarto, quare non uenerit. Motū consilij huius attingit cum dicit: Et hac fiducia uolebam ad uos uenire prius. Sic commendat illis consilium aduentus sui. Poterat causam hanc separato exordio ingredi, & pretextare Apostolicam suam auctoritatem, qua motus uenire ad eos uoluerit. Verum maluit per transiitionē sic ad eam delabi, ut animi sui fiduciam, quam de ipsis conceperat, prætexeret, id quod omnino amicitiae spirat ingeniū, quæ sic est comparata, ut bene fidentes inter se reddat amicos. Fiducia uero pleraq; præsumit, quæ non prudentia cauta tentanda iudicaret, id quod & Paulo accidit in hac causa, sicuti postea uidebimus.

Illud: Volebam ad uos uenire prius, satis indicat mutatam sibi eam tum fuisse uoluntatem, ut iam non uellet quod uoluerat prius, intellige, cum ad ipsos de aduentu suo scriberet. Pristina quidem fiducia manebat, quam tota hæc spirat Epistola: uerum propositum

A ex illa natum meliori consilio mutauerat. Ergo & apostoli mutant sua consilia. Nec mirū, cum sit sapientis mutare consilium, non satis circumspecte uel ex amore, uel odio, uel præfenti aliqua occasione præsumptum.

V T geminam, inquit, apud uos inirem gratiam. Sic uertit Erasmus. Vulgata habet, ut secundam gratiam haberetis. In Græco est, *ἵνα διὰ τῆς χάριτος ἡ χάρις*, id est, ut alteram gratiam haberetis. Legūt quidam *χάρις*, id est, gaudium, pro *χάρις*, id est, gratiam. Significat hac particula ad quid ad eos uenire uoluerit. Ad hoc uidelicet, ut rigaret apud eos altero suo aduentu quod in primo plantauerat, hoc est, ut corrigenda corrigeret, prolapsa erigeret, infirma corroboraret, disiuncta ac diuulsa ad unitatē reduceret, pseudapostolorum & inflatorum non uerba, sed uirtutem consideraret, impoenitentes ad poenitentiam induceret, in fide ac uera pietate aliquousque progressos, ad ulteriora proueberet, synceros ac sanos communiret, &c. Hæc omnia uocat alteram gratiam, propter quam etiam Timotheum ad eos miserat, & Apollon ut ad eos proficisceretur, admodum obsecrauerat. Hunc existimo esse germanum præsentis loci sensum. Quare malo legere, ut alteram haberetis gratiam, quemadmodū habetur in Græco, quā cum Erasmo, ut geminam apud uos inirem gratiam. Etenim gratiam apud aliquem inire, non est illi impertire, sed magis illius ambire ac consequi gratiam, quo sensu non loquitur hic Apostolus, & ipsa uerba dissentiunt. Quis enim non uidet aliud sonare, ut alteram apud uos inirem gratiam, & aliud, ut alteram haberetis gratiam? Deinde, si legamus, ut geminam haberetis gratiam, potest intelligi tam de duplici secundi aduentus gratia, quā de altera post priorem ipsis collata. Ne ergo inquirat aliquis, quæ nam fuerit gemina illa gratia, quam fuerint Corinthij ex secundo habituri illius aduentu, existimo satius esse ut legamus, ut alteram quā ut geminam haberetis gratiam. Scio Chrysostomum exponere de duplici gratia, una quæ fuerit per epistolam, altera quæ euenisset ipsis ob illius præsentiam: uerum si cui hæc expositio placet, illam per melicet retineat.

Consideret hic lector, quantum discriminis sit inter ueros & falsos apostolos. Verus apostolus ob id inuisit ecclesias, ut conferat illis suo aduentu aliquid gratiæ, non ut suo ipsius consulat emolumento. Venit ad ecclesias ut pater ad filios, non ut auferat ab illis quicquam, sed ut de suo quod illis profit, adferat. At falsus apostolus, legatus non Christi, sed Antichristi, non ad hoc uenit, ut adferat aliquid quod profit ecclesijs, nisi forsan persequutionis crucem, sed ut auferat unde Romana nequitia sustentetur. Et interea compositis digitis fingit se spargere Apostolicam benedictionem, quasi propter illam sit missus, cū lōge agat aliud. Eiusmodi Apostoli Satanę debe-



debebant omnibus ubiq; portis obſeratis excludi, quēadmodum antiquo prouerbio apud Germanos dicitur: *wenn dir Rom für dein hauß kumpt, ſo ſchleuß die thür zuo.*

ET per uos, inquit, pertransire in Macedoniam, & rursus ē Macedonia uenire ad uos, ac à uobis deduci in Iudæam. ] Hiſce uerbis exponit quomodo ad eos uenire uoluerit. Sic uidelicet, ut in itinere, quo petiturus erat Macedoniam, ueniret primum Corinthum, nō ut tum ibi hæreret, sed ut pertrāſiret in Macedoniam, indeq; reuerſus rediret ad ipſos, & ab eis in Iudæam deduceretur. De hoc illius cōſilio legimus etiam Act. 19. ad hūc modum. His autem expletis proposuit Paulus in ſpiritu, ubi trāſiſſet Macedoniā & Achaia ire Hieroſolymā.

Quærant hic quomodo iſta conueniant cū ijs quæ cap. ultimo præcedentis Epiſtolæ ſcripſit, ubi ſic legitur. Veniam autem ad uos cum Macedonia tranſiero. Macedonia enim pertransiturus ſum. Apud uos autem forte permanebo, aut etiam hybernabo, ut uos me deducatis quocunq; proficiſcar. Nolo enim uos nunc in tranſcurſu uidere, ſed ſpero tempus aliquantum manſurum me apud uos, ſi Dominus permiferit.

Chryſoſtomus quæſtioni huic ſic ſatisfieri putat, ſi dicamus quæ hic Apoſtolus ſcribit, cōtraria quidem eſſe ijs quæ in priore ſcripſit Epiſtola, haud uero uoluntati ac propoſito ipſius. At ſic reſpondendo cauſam dat alteri quæſtioni, an uidelicet aliud uoluerit Apoſtolus in hac cauſa, & aliud ſcripſerit. Quare nobis ſic reſpondendum eſſe uidetur, ut dicamus nihil prorſus hic eſſe contrarietatis in mente Apoſtoli, quāuis uerba in ſpeciem ab eo quod antea ſcripſerat diuerſum quid præferre uideantur. Primum enim quod hic dicit per ipſos ſe in Macedonia tranſire uoluiffe, nō eſt ei contrariū, quod in præcedenti Epiſtola dixit: Veniam autem ad uos cum Macedonia tranſiero. Nam uerbum tranſiero, ſic poteſt accipi, ut ut non præteritæ, ſed magis futuræ ſignificationis ſenſu acceptum, referatur ad tranſitionem nō præteritam, quaſi tum demum ad eos uenire uoluerit, poſtquam Macedonia tranſiſſet, ſed ad futuram, ut ſignificet ſe in itinere, quo Macedonia petere cōſtituerat, ad ipſos uoluiffe uenire. Quare uerti poterat, ubi Macedonia pertranſibo. Deinde quod in præcedēti Epiſtola dicit: apud uos autem forte permanebo, aut etiam hybernabo, ut uos me deducatis quocunq; proficiſcar, nulla neceſſitate ſic accipitur, ut diſſentiat ab eo quod hic ſcribit. Etenim quod hic dicit, & rursus ē Macedonia uenire ad uos, nō ſic intelligi debet, ut māſionem diuturniorem excludat, cuius mētionem facit in præcedenti. Poſtremo, quod illic dicit: Nolo enim uos nunc in tranſcurſu uidere, quāuis uideri poteſt de Macedonico tranſitu dictū, poteſt tamē æque intelligi de alio quopiam, qui tum fuerit illi faciendus, & cuius occasione ad illos uenire potuerit, ſicut & in præ-

A cedenti Epiſtola annotauimus, præfertim cum non ſimpliciter dixerit ibi: Nolo enim uos in tranſcurſu uidere, ſed, Nolo enim uos nunc in tranſcurſu uidere. Vbi iſta cōſydero, puto nos recte ad præſentem poſſe reſpōdere quæſtionem, nihil utrobique eſſe tam hic quā in præcedenti Epiſtola quod aliquid habeat contrarietatis.

De eo quod dicit: & à uobis deduci in Iudæam, annotauimus in Epiſtola præcedenti.

Hoc igitur cum in animo uerſarem, num quo pacto leuitate ſum uſus? aut num quæ cogito ſecundum carnem cogito? ut ſit apud me etiam etiam, & non nō. Imo fidelis Deus, quod ſermo noſter erga uos non fuit etiam & non.

Iam quarto loco tranſit ad reddēdam rationem, quare ad eos nō uenerit. Primum autem reiicit à ſe calumniam leuitatis, quam illi intētabāt reprobi, quaſi temere ac leuiter promittat, poſtea uero promiſſum non ſeruet. Deinde uero ſubiicit rationem propter quam non uenerit. Hoc igitur cum in animo uerſare, inquit, num quo pacto (Græce, *μή τι ἄρα*) leuitate ſum uſus? quaſi dicat: quemadmodum mihi nonnulli impingunt. Aut, num quæ cogito, ſecundum carnem cogito? ut ſit apud me etiam & non? quaſi dicat: Abſit à me huiusmodi conſiliorum leuitas ac temeritas, quæ non ex ſpiritu, ſed ex carne nata facit ut ubi expectatur etiam inueniatur non. Haud parum autem cōfidentius reiicit à ſe calumniam leuitatis, cum inſtando & urgendo dicit: Hoc igitur cogitās num quo pacto leuitate ſum uſus? aut num quæ cogito ſecundum carnem cogito? quā ſi ſimpliciter diceret: non ſum uſus leuitate, cū hoc in animo uerſarem, neq; ſecundum carnē cogito quæ cogito. Perinde nanq; eſt ac ſi dicat: an adeo me leuis animi hominem iudicant apud uos nonnulli, ut quod ad uos uenire cogitauī, cogitarim temere ac leuiter? & adeo eſſe carnalem, ut quæ cogito cogitē ſecundum carnem? adeoq; mendacem ut ubi dico etiam, ibi ſit non? Abſit à me huiusmodi leuitas. Vos me talem nulla unquam eſtis in re experti.

Hoc igitur, inquit, cum in animo uerſarem, num quo pacto leuitate ſum uſus? ] Triplex eſt leuitas, uel, ſi mauis, tres ſunt leuitatis gradus in homine carnali. Prim⁹ eſt in cogitationibus, ſecundus in uerbis, tertius in factis. Leuitas cogitationum eſt, quādo ad quemuis leuem animi motum mox accedit in corde conſenſus, & ſit concepta uoluntas, ſine ulla ſeria dijudicatione. Leuitas in uerbis ex primo gradu aſſurgit. Ea eſt, qua cogitatio cordis leuiter cōcepta, leuiter profertur ac uerbis temere exprimitur. Leuis enim cordis leuis miniſtra eſt lingua. Nihil hic eſt clauſum. Nam domus eiꝰ modi ut magnus Antonius de quibuſdam loquacioribus fratribus dicebat, non habet ianuam,



nuam, & qui uult intrat ac soluit asinum. Hinc A  
leuiter non promittenda promittuntur, non  
effutienda sparguntur, non uiruperanda uitu-  
perantur, non laudanda laudantur, non asse-  
renda asseruntur, non neganda negantur.

Secundum hunc leuitatis gradum superat  
tertius, qui est factorum. In hunc enim usque  
exurgit leuis animi leuis uoluntas, quæ cum  
nullo freno coerceat pleno impetu ad id quod  
uult faciendum properat, uel, ut est inconstans  
omnis leuitas, facillimo negotio mutatur, &  
diuersum tentat. Apostolus igitur leuitatis no-  
tam ferre non ualens, ne primum quidem illius  
in se gradum agnoscit, sed confidenter reijcit  
dicens: Hoc igitur cum in animo uersarem,  
num quo pacto leuitate sum usus? Vtinam qui  
ad gubernacula ecclesiarum Christi sedent, ma-  
gni domini ac prælati, notas pessimorum non  
modo cogitatum, sed & uerborum & operum  
tam possent constanter à se reijcere, quam con-  
stanter Apostolus ne leuis quidem cogitatio-  
nis notam ferre ualens, grauitatem Apostolo  
dignam inculpatam sibi retinere fategit.

A V T num quæ cogito secundum carnem co-  
gito, inquit. Quemadmodum Paulomastigæ  
ex eo quod non uenerat Corinthum, iuxta præ-  
cedentis Epistolæ scriptum calumnias aduer-  
sus ipsum struebant, ita ipse eas eodem quo illi  
struebant ordine refutat. Colligebant autem illi  
ad hunc modum. Non uenit ut promissit. Ergo  
leuitate usus est, dum uenire ad nos cogitauit.

Deinde, quoniam leuitate usus est de adue-  
tu suo ad nos cogitando, consequitur esse eum  
sic comparatum in uniuersum, ut quæ cogitat  
in alijs quoque rebus cogitet, non secundum deum,  
sed secundum carnem.

Tertio & hinc necesse est, ut sermo ipsius non  
sit ueritate firmus, sed desinat in mendacium, ut  
cū dicit etiā, inueniatur non. Sic colligebant illi.

Ipse igitur ut hanc illorum collectionem refu-  
tet, eodem ordine reijcit primum calumniam  
leuitatis à cogitatione sua, qua ad ipsos uenire  
cogitauerat, deinde transit ad secundā calum-  
niam diluendam qua ipsum cogitationes suas  
omnes secundum carnem cogitare nugabantur.  
Sic dicit: Aut num quæ cogito, secundum car-  
nem cogito? quasi dicat: Absit. Tertio refutat  
etiam calumniam mendacij, cum subiungit, ut  
sit apud me etiam & non. Hæc autem particu-  
la habetur in Græco ad hunc modum, *ἵνα ἢ καὶ  
ἔμωι τὸ καὶ καὶ, καὶ τὸ ἢ ὃ*. i. ut sit apud me illud etiam  
etiā, & illud non non. Verum quæ mox subij-  
ciuntur palam declarant esse hic per errorē ad-  
missam superfluum duarum istarum uocum, etiā  
& non, ingeminationem, illaq; sublata legen-  
dum simpliciter: An quæ cogito secundum car-  
nem cogito, ut sit apud me etiam & non? Imo  
fidelis Deus, quod sermo noster ad uos factus  
non fuit etiam & non. Omnino reijcit à se in-  
constantiam illā qua carnales ac leues homines  
nunc affirmant, mox quod affirmarunt negant,  
sic ut sermo illorum nihil habeat firmitudinis,  
sitq; in illo etiam non etiam sed non.

Quod si cui ingeminatio uocum istarum,  
quæ in Græco est, retinenda uidetur, habet  
Chrysostomum quem sequatur, qui sic expo-  
nit. An quæ cogito, secundum carnem tanquā  
homo carnalis cogito, ut sit *καὶ ἐμωι*, id est, in  
mea potestate, ut quod promitto præstet, quod  
nego constanter negem, quo meum etiam sit  
etiam, & meum non sit non, hoc est, ut mei sim  
iuris, ad eundem quolibet, & faciendum quid-  
libet, sicuti solent carnales, qui non subsunt ma-  
gisterio ac ductui spiritus, sed pro suo ipsorum  
arbitrio libere cogitant, & faciunt omnia. Ve-  
rum longe alia est Apostolatus mei conditio.  
Subiectus sum spiritui, ut illius obediā uolun-  
tati. Vbi ille aliud uoluerit, meum etiam non est  
amplius etiam, ubi quod ego nolebā ipse uo-  
luerit, meum non, non potest amplius esse non.  
Sic non est in mea potestate, ut etiam sit apud  
me constanter etiā, & non sit non, sed est in po-  
testate spiritus sancti qui me gubernat, esset au-  
tem in mea potestate si liber essem à ductu spi-  
ritus, quemadmodum liberi ab illo sunt homi-  
nes carnales. Hic Chrysost. sensus nihil quidē  
habet incommodi & haud male cōuenit cum  
uerbis Apostoli, si particulam hanc tantum in-  
spicias, uerum si quod mox subiungitur cōsy-  
deres, apparet aut reijciendā esse duarum ista-  
rum uocum, etiam & non, ingeminationē, aut  
exponendam ad hunc modum. An quæ cogito  
secundum carnem cogito, ut quod nunc apud  
me est etiam etiam, hoc est, quod nunc etiā esse  
affirmo, paulo post sit non non, id est, rursus cō-  
stanter negetur. Vel cogitandum esse, desiderari  
uoculā *καὶ*, & legendū ut non sit apud me etiā  
etiam, & non non.

Nos admonemur hoc loco, quā non con-  
ueniat Christiano hæc leuitas, ut sit in uerbis  
eius, non, quod erat etiam, uel etiam, quod erat  
non. Qua de re monet & Iacobus cap. ultimo  
dicens: Sit uestrum est, est, non, non, ne in simu-  
lationem incidatis. Credi non potest, quā tur-  
pe sit Christiano homini, quem conuenit ueri-  
tatis esse discipulum, spiritu ueritatis imbutū,  
si carnali leuitate utendo, inconstans ac uanus  
depræhendatur in uerbis, sic ut etiam illius sit  
non, & non sit etiam.

Imo fidelis Deus, inquit, quod sermo no-  
ster erga uos non fuit etiam & non. Sic negat  
uerum esse quod maleuoli ex eo, quod non ue-  
nerat Corinthum, colligebant, esse apud ipsum  
etiam & non, ideoque nec ueri aliquid esse in i-  
psius sermonibus, quos Corinthi habuerit. Ab-  
sit, inquit, ut sit apud me etiam & non. Imò sic  
fideliter egit mecū Deus, ut sermo meus, quo  
filium eius apud uos prædicaui, non fuerit etiā  
& non, hoc est, non fuerit uanus, sed multis mo-  
dis uerax & constans declaratus. Quod autem  
de sermone Euangelicæ suæ prædicationis lo-  
quatur, testantur sequentia. Intelligebat hanc  
esse maliciam pseudapostolorum, ut prætextu  
isto de non seruata promissione, omnem suam  
doctrinam uanitatis ac mendacij infimularēt.  
Quare mox occurrens fidelem Deū ob id præ-  
dicat



dicat & laudat, quod passus non sit ut sermo ipsius apud Corinthios esset etiam & non.

Obseruandum nobis hic est, quantum periculi sit doctrinae ueritatis, si minister illius alijs in rebus, uel semel tantum leuis fuerit & uanus in uerbis depræhensus. Huc incubit Satan per suos apostolos, ut ueritatem Dei quâ in se falsam esse comprobare non potest, per occasionem uanitatis, si quam in ministris illius depræhenderit, uel depræhensam esse, cum non sit, prætexere poterit, suspectum de mendacijs reddat. Nemo credit quantum damni res ista dederit & hodie quoque det ecclesijs. Quantum enim ueritas Euangelij Dei non ministeri existimatione, sed sua ipsius firmitudine subsistat, re ipsa tamen plurimum referre uidemus à quali ministro, graui ne uel leui, ueraci uel mendaci, prædicetur. Sciebat hoc Apost. ideoque tam grauius notâ hanc leuitatis ab Apostolatu suo reiecit.

Deinde obseruandum est quod competenter ac pertinenter in hac causa uocet Deum fidelem, propterea quod non permiserit, ut sermo Euangelij Dei, quem Corinthijs prædicauerat, fieret etiam & non. Sit hoc solatio Christi ministris, quod fidelem habent Deum, qui doctrinam ueritatis deferere non possit. Hoc elogio Dei usus est & Epistola præcedenti cap. 10.

Nam Dei filius Iesus Christus, qui inter uos per nos prædicatus est, per me, & Siluanum, & Timotheum non fuit etiam & non, sed etiam in illo fuit. Quotquot enim sunt promissiones Dei, in ipso sunt etiam, & in ipso amen, Deo ad gloriam per nos. Porro qui confirmat nos una uobiscum in Christum, & qui unxit nos, Deus est, qui etiam obsignauit nos deditque arrham spiritus in cordibus nostris.

Exponit quod sermonem suum erga ipsos non fuisse dixit etiam & non. Primo, refert illud ad sermonem Euangelij de Christo inter ipsos prædicati. Nam Dei filius, inquit, Iesus Christus, qui inter uos per nos prædicatus est. Et ne de sua tantum doctrina loqui uideatur, addit, per me, & Siluanum, & Timotheum. Duorum istorum opera fuerat usus ad rigandum quod in illa ecclesia plantauerat, quare illos sibi in defensione communis doctrinae non immerito coniungit. Coniungit sibi utrumque in subscriptione quoque posterioris Epistolæ ad Thessa. Et Apost. Petrus mentionem facit Syluani. 1. Pet. cap. ult.

Nam Dei filius, inquit, Iesus Christus, qui inter uos per nos prædicatus est. Obseruemus hic quid prædicarit Paulus Corinthijs. Iesum, uidelicet, Christum filium Dei. Huic prædicationi insunt tria. 1. Primum diuinitatem Christi, secundum, humanitatem illius, tertium, susceptionem salutis nostræ dispensationem cernit. Diuinitas in eo est, quod appellat eum filium Dei. Humanitatis est, quod Iesum proprium illius nomen in circuncisione carnis impositum exprimit. Dispensationis susceptæ est, quod uocat

A eum Christum. 2. Sic prædicarunt apostoli Christum, uerum Deum, uerum hominem, & uerum nostrum dominum ac Seruatorem. In his tribus caput est Euangelicæ prædicationis, fides & confessio Christiana, quam exprimebat Petrus Matth. 16. dicens: Et nos credimus & cognouimus, quod tu es Christus filius Dei uiui.

3. Huic fidei promissa est uita æterna. Ioan. 3. Qui credit in filium, habet uitam æternam. Non est autem illa ex carne & sanguine, sed ex reuelatione cœlesti. Vnde & Petro dicebat Christus: Caro & sanguis non reuelauit tibi, sed pater meus qui est in cœlis. 4. Et hæc fides & reddit ueros Christianos, & nota est uerorum Christianorum, nec de alia intelligendum est, quando sermo sit de fide catholica.

NON fuit etiam & non, sed etiam in illo fuit, inquit. Negat sermonem suum, id est, doctrinam & prædicationem de Christo, fuisse inanem ac mendacem, quandoquidem ipse filius Dei Iesus Christus ab ipso prædicatus non est, etiam & non, hoc est, uanus & falsus, sed etiam, uerus uidelicet Christus, & uerus filius Dei, non alius re ipsa quam qualis inter ipsos fuit prædicatus. Sic intelligo quod dicit: non fuit etiam & non, sed etiam in illo fuit. Non fuit etiam in prædicatione nostra, & non in seipso, sed est in illo fuit, quemadmodum à nobis est prædicatus. Romanus Pontifex qui prædicatur à suis quod sit uicarius Christi & caput ecclesiæ, ille est etiam & non. Etiam, quatenus talis prædicatur, non, quatenus non est in ipso is qui prædicatur.

Mahomet inter Turcos prædicatus, est etiam & non. Etiam, quatenus propheta Dei prædicatur uerbis, non, quatenus non est propheta Dei, sed seductor & propheta Satanae. At Iesus Christus filius Dei inter Christianos prædicatus, ut prædicatur ita & est uerus Christus & uerus Dei filius. Quare in illo non est etiam & non, sed etiam tantum, ut in prædicatione, ita & re ipsa.

QUOTQUOT enim sunt promissiones Dei, inquit, in ipso sunt etiam, & in ipso sunt amen. Veritatem Christi Iesu filij Dei, propter quam in illo est non etiam & non, sed etiam, refert ad ueritatem promissionum Dei, quæ tam sunt ueraces, quam uerax est Deus ipse. Intelligit autem de promissionibus Dei, quas protulit per prophetas suos in scripturis sanctis de filio suo, quarum meminit etiam, Rom. 1. Nullam eximit, sed, quotquot sunt, inquit, etiam sunt & amen. Secundum hæc promissiones Dei prædicauit Iesum esse Christum filium Dei. Quare constanter colligit, sermones suos de Christo esse non etiam & non, sed etiam in Christo.

Quod autem dicit, in ipso sunt etiam, & in ipso sunt amen, quauis tam ad Deum promittentem quam ad Christum promissum referri queat, magis tamen placet, ut referamus ad Christum, in quo promissiones Dei ueraces esse deprehenduntur, dum de illo factæ in eo etiam sunt completæ. Sunt quidem ueraces in se, & erant quoque ueraces priusquam in Christo ad-



impleretur, uerum quoniā de Christo filio Dei factæ sunt, non potuerunt adimpleri, nisi in illo. Quare Rom. 15. dicit Christum fuisse ministrum circumcisionis pro ueritate Dei, ad confirmandas promissiones patrum.

Quod uero postquam dixit: in ipso sunt etiam, subiecit, & in ipso sunt amen, non ob id fecit, quod aliud sit esse *vai* Græcis, & aliud *אמן* Ebræis, sed ad maiorem ueritatis affirmationem duabus hisce uocibus, Græca una, Ebræa, altera, idem significantibus, usus est. Priore seruauit Græcis, posteriore Ebræis fidelibus, quibus utrisq; ueritas promissionum Dei in Christo adimpleta prædicanda erat, & indubitata fide apprehendenda.

Locus hic diligenter notandus est. Plurimū in eo seruit fidei nostræ in Christū confirmandæ, quod ueritatem eius annectit ueritati promissorum Dei, quæ tam nequeunt falsitatis argui, ut necesse sit prius ipsum Deū promittentē esse mendacem, q̄ ea quæ promisit de mendacio posse conuinci, quod utrunque est prorsus impossibile. Quare diligētis Christiani est, promissiones Dei de Christo in scripturis expressas, habere in promptu, quo infallibili illarum ueritate fidem suam in Christum filiū Dei contra quasuis Satanæ tentationes communiat.

DEO, inquit, ad gloriā per nos. ] Dices hic. Quod ueritas promissionum Dei in Christo adimpletarum faciat ad gloriā promittētis Dei, nemo est qui non agnoscat. Etenim communi sensu sic est comparatum, ut gloria promittentis pendeat à ueritate promissorum. Quod uero subiungitur ab Apostolo, per nos, quomodo per ipsos gloria ad Deum de ueritate promissorum eius redierit non uideo. Nam per Christū hoc est factū in quo impletæ sunt promissiones Dei, non per Apostolos.

Respondeo. Si ista: Quotquot enim promissiones sunt Dei in ipso sunt etiam, & in ipso sunt amen, parenthesi includeris ad hunc modum. Nam Dei filius Iesus Christus qui inter uos per nos prædicatus est, per me & Siluanum, & Timotheum, non fuit etiam & nō sed etiam in ipso fuit (quotquot enim sunt promissiones Dei in ipso sunt etiā, & in ipso sunt amen) Deo ad gloriā, per nos poterit hæc particula referri ad ea quæ de prædicatione sua dixit, qua Christum filium Dei non falsum sed uerum, ueraciter ad gloriā Dei inter Corinthios prædicauerit, atq; ita nulla remanet questio. Sane quaten⁹ ueritas promissionum Dei de Christo per Euangelij prædicationem declarata est ab Apostolis hætenus dici potest, quod gloria ueritatis illarum Deo per ipsos cesserit.

PORRO qui confirmat nos, inquit, unā uobiscū in Christū & qui unxit nos, Deus est, qui etiā obsignauit nos, deditq; arram spiritus in cordibus nostris. ] Quoniā prædicationis hui⁹ de Christo nec fides nec confessio nec p̄fessio humanarum est uirium, sed omnino cœlestem gratiā requirit ne quid hui⁹ sibi ipsi uindicare

uideatur, in eo quod secundo dixit: per nos, transfert ad Deū quicquid huius est, tribuitq; totā diuinæ confirmationi, unctioni, obsignationi, & oppignorationi dicens: Porro qui cōfirmat nos unā uobiscū in Christum, & qui unxit nos, Deus est, &c. Omnia autē hæc, confirmat nos, unxit nos, obsignauit nos, & dedit arram spiritus in cordibus nostris, ad hoc dicuntur ut certitudo ueritatis Dei, quæ in Christo est, ex ipso esse Deo per spiritum suū in nobis operante significetur. Est uero scopus Apostoli non modo exprimere unde ipse in certitudine prædicationis suæ stabiliatur, sed & huius admonere ipsos Corinthios, ut eandē fidei suę certitudinem uel habere se sciāt, uel petant, nō ex carne & sanguine sed ex ipso Deo. Et in hūc usum immiscuit particulam hāc unā uobiscū, quæ semel tantum posita ad sequentia quoq; referri debet. Hos enim cōfirmat De⁹ in Christum quos unxit, obsignauit, & data arram spiritus sui oppignorauit. Etenim non sunt ista diffa, sed cohærent.

PORRO qui confirmat nos inquit. ] Loquitur hic proprie, & eorū, quæ metaphoricis uocibus subiicit exprimit effectū. Huc enim ungimur, obsignamur, & oppignoramur, ut in fide Christi salutis quæ nostræ ac cœlestis gratiæ certitudine confirmemur.

VNA uobiscum inquit. ] Non est ociosum quod non se rātum sed & Corinthios fideles, quibus scribit, diuinę huius cōfirmationis participes facit. Simul enim excitat eos, ut quoties propriæ infirmitatis sensu tanguntur, cogitent ab eodem se Deo confirmari, ubi necesse est, à quo confirmantur Apostoli, ideoq; minus impiorū hominū minas & persequutiones perhorrescant, cum sciāt habere se Deum in cœlis, à quo confirmentur.

Vide autem quā modeste ac caute non dicat: qui confirmat uos unā mecum, sed, qui cōfirmat nos unā uobiscū. Etenim si dixisset: qui confirmat uos unā mecum, uideretur se coniungere non Corinthijs infirmis à Deo confirmandis, sed ipsi Deo confirmatori, quasi unā cum illo confirmaret infirmos Corinthios, non cum illis confirmaretur à Deo. Nūc cum diserte dicit: qui confirmat nos unā uobiscū, omnino se in eandem infirmorū & à Deo confirmandorū classem, coniicit. Imò sic annectit, ut non ipsos secum, sed se unā cum ipsis à Deo confirmari dicat. Et reuera non erant illi ipsius, sed ipse erat illorum.

IN Christum inquit. ] Græce quidem est *ἐν Χριστῷ*. i. in Christum, nihil tamen impedit quominus cum uulgata lectione legamus, in Christo. Quanquā confirmari in Christum recte & ipsum dicitur. Est enim ad hoc confirmari, ut in fide Christi firmi permaneam⁹, & ab illa nos nullis aduersis auelli sinam⁹. Sic potest in Euāgelij confirmatus dici, quisquis propter illud parat⁹ est facere ac pati omnia. Sane qui Christum sequi constituit, nisi cœlesti sit gratia confirmatus, quod constituit perficere non poterit.



rit. Vnde illud est Christi: Qui uult uenire post me abneget semetipsum, tollat crucem suam & sequatur me.

ET qui unxit nos inquit.] Per metaphoram unctionis intelligit gratiam sanctificationis, ad similitudinem regum, prophetarum, & sacerdotum, qui oleo inaugurationis sanctificabatur. Vt enim illi externo oleo, ita nos interno quod spiritus est, inungimur, quemadmodum & Christus filius Dei non externa olei sed interna spiritus sancti unctione in regem ac sacerdotem unctus est & inauguratus, à qua nostra non differt, nisi in eo quod ipse supra omnem mensuram nos uero in mensura spiritum ungentem nos ac sanctificantem accepimus.

DEVS est inquit.] Non caret emphasi. Quasi dicat: Quod in uobis agitur, non est meum sed Dei, non humanum sed diuinum opus. Deus operatur in uobis, ungens uos, obsignans & oppignorans. Dicit non potest, quantum hinc sit alacritatis ad perferendum pro Christo omnia, si sciamus Deum esse qui operetur in nobis ad salutem nostram omnia.

QVI etiam obsignauit nos inquit.] Potest hoc intelligi de obsignatione baptismatis. Est enim baptisma obsignatio qua uelut in ouile ac peculium Dei obsignamur. Obsignationem hanc tribuit Deo quia in illa magis opus spiritus quam ministri baptizantis respicit. De Simone Magico non dicere fuisse illum obsignatum à Deo cum baptizaret. Quia in baptismo illius defuit opus spiritus. Dominus nouit qui sui sint. Suos ipse obsignat, alienos nequaquam. Sic accepta de baptismo obsignationis metaphora nihil habet incommodi.

DEDITQUE arram spiritus, inquit, in cordibus nostris.] Nisi hæc detur à Deo ijs qui baptizantur, frustra per ministrum obsignantur. Poterat autem simpliciter dicere, deditque spiritum suum in cordibus nostris. Nam de infusione illius loquitur. Verum placuit metaphora arræ, ut significet, quo nobis debeat esse loco datæ à Deo & infusus in corda nostra spiritus sanctus. Loco uidelicet arræ. Est autem arræ oppignratio, qua utrinque constinguntur tam qui dedit, quam qui accepit. Cum dat spiritum suum Deus in corda nostra, hac se nobis subarratione constringit, quod nolit nos deserere, sed pro suis agnoscere in sempiternum, & nos illi, dum arram hæc accipimus, in peculiū ipsius & ius proprietatis obstringimur, quod nolimus nos unquam possessioni ac iuri illius subducere, factamque oppignorationem irritam reddere. Qui dat arram, tanquam precij partem, confirmat emptionem & contractum, sequitur ad plenam solutionem constringit. Hoc intelligens Augustinus dicit: Aliquid spiritus dedit pro pignore, ut ipsam plenitudinem desideremus. Qui accipit arram, confirmat uenditionem, sequitur obligat, quod nolit interuertere quod uendidit. Hic usus est arræ, nisi circumstantijs inconuenientibus reddatur irrita. Huc respiciens Apostolus dicit: deditque arram spiritus in cordibus nostris. Arra pecunia

ria infertur loculis, arræ spiritus in corda nostra infunditur. Loquitur autem non de donis spiritus, quorum mentio fit in Epistola præcedente, quæ nonnunquam & reprobis conferuntur, nec certum habent ueræ salutis pignus, sed de gratia spiritus filiorum Dei, quæ in Christum filium Dei credentibus electis sic confertur, ut clament ad Deum abba pater, illiusque moderatu regantur ac dirigantur.

Vide autem quam competenter ad causam quam agit post assertam promissionem Dei in Christo ueritatem, efficaciam doctrinæ Christi, quam Corinthijs prædicauerat, in ipsis credentibus declarata subiiciat, ut duobus omnium certissimis testimonijs ueritatis Dei in promissis, & efficaciam doctrinæ Christi in credentibus comprobet, non fuisse in illa etiam & non, sed etiam & amen. Et ideo usus est uerbis præteritis, unxit nos, obsignauit nos, & dedit arram spiritus in cordibus nostris, significans loqui se de efficacia prædicationis suæ uirtute & operatione spiritus Dei in ipsis credentibus declarata. Confirmatio, unctio, & obsignatio suffraganeorum fabula est, omni ueritate destituta. Veri Christiani confirmantur, unguntur & obsignantur ab ipso Deo, à quo & arram spiritus accipiunt.

#### ARGVMENTVM CAPITIS.

EST hoc caput trimembre. Primo reddit rationem quare ad ipsos nondum uenerit. Secundo præcipit de scortatore in ecclesiam post poenitentiam recipiendo, quem in Epistola præcedente excommunicari iusserat. Tercio, rursus incipit Apostolatum suum commendare

#### CAPVT II.



GO uero testem Deum inuoco in animam meam, quod parcens uobis nondum uenerim Corinthum, non quod dominemur uobis nomine fidei, sed quod adiutores sumus gaudij uestri, nam fide statis. Decreui uero apud memetipsum hoc, non iterum cum dolore uenire ad uos. Nam si ego mœrore uos affecero, quis est qui exhalaret me, nisi is qui mœrore afficitur ex me? Et scripsi uobis hoc ipsum, ne si uenirem ad uos, dolorem caperem ex uobis, de quibus oportebat me gaudere, fiduciam hanc habens erga uos omnes, quod meum gaudium, uestrum sit omnium. Nam ex multa tribulatione & anxietate cordis scripsi uobis per multas lachrymas, non ut mœrore afficeremini, sed ut cognosce-



retis charitatem, quā habeo abundan-  
tius erga uos.

Haftenus reiecit à se calumniam leuitatis, idq; hoc maiore serio, quod illa ipsam quoque doctrinam Christi à se Corinthijs prædicatam inuolueret, iam initio capitis huius subiicit quod desiderabatur, qua uidelicet ratione nondum uenisset Corinthum. Poterat autem in genere dicere: Non fuit haftenus commodum ut uenirem ad uos. Et hoc dicens nihil dixisset alienum à uero. At interim non exprelsisset id quod ipsum specialiter fuerat remorat, & quod eos scire uolebat. Quoniam autem rarum id erat, & pseudapostolis improbabile, profert in medium non simpliciter sed præmisso iureiurando, quo plus inueniat fidei. Sic dicit: Ego uero testem Deum inuoco in animam meam, quod parcens uobis nondum uenerim Corinthum. Ergo propterea nondum uenerat Corinthum, quod metuebat, ne si ueniret, præsens constitutus parcere non posset impœnitentibus, quibus tamen absens parcebat, spe futuræ resipiscentiæ. Hac de re infra in calce cap. 12. sic scribit. Nā metuo, ne qua fiat, ut si uenero nō quales uelim reperiam uos, & ego reperiar uobis qualem nolitis, ne quomodo sint contentiones, æmulationes, iræ, concertationes, obrectationes, susurri, tumores, seditiones. Ne iterum ubi uenero, humilē me faciat Deus meus apud uos, & lugeam multos eorum, qui antè peccauerunt, nec eos pœnituit immunditiæ libidinisq; & impudiciæ quam patrarūt. Hæc ibi. Vnde patet quid sit quod se ob id nōdum uenisse Corinthum dicit, ut illis parceret. Quibus? Illis uidelicet, quos nondum pœnitebat perpetrata immunditiæ, libidinis & impudiciæ, deinde contentiosis, æmulatoribus, iracundis, obrectatoribus, susurratoribus, tumidis ac seditiosis. Ergo post priorem quoq; epistolam erāt adhuc tales in ecclesia Corinthiorum. Sic malum pertinax non corripiebatur litteris, quantumuis grauib; ac magno Apostolicæ autoritatis serio scriptis, ac polcebat grauiorē præsentis apostoli animaduersionē.

Quare poterit hic queri, parcendum ne fuerit talibus, cum essent impœnitentes tales? Respondeo, nisi adhuc fore sperasset ut mansuetudine ac longanimitate sua ad resipiscentiam prouocarentur, non fuisset ratio parcendi talibus. Parcebat autē. Sperabat igitur. Quod hac ratione parcebat, non erat culpabile, sed conforme exemplo diuinæ patientiæ, quæ & ipsa longanimitate tolerando peccatores ad resipiscentiam inuitat, sicuti uidere est Rom. 2. Hoc itaq; parcēdi genus magis salutis illorum desiderium ac spem futuræ resipiscentiæ quā negligentiam spirabat.

Sed dices: Quid necesse erat propterea non uenire Corinthum, cum nihilo secius præsens quoq; parcere posset?

Respondeo. Sine contempnu autoritatis Apostolicæ non potuisset præsens parcere im-

A pœnitentibus, sicuti potuit absens. Si præsens pepercisset talib; tria magna mala euenissent.

1. Primo nanq; autoritatem suam contempnui exposuisset, idq; nō solum apud eos quibus pepercisset, sed & apud reliquam totam ecclesiam atq; ita omnis uigor Apostolici muneris elanguisset, cuius rei proh dolor nō uno tantum loco hodie quoq; exempla uidemus in ecclesijs, in quibus præsentia ministrorum omnium est despiciatissima, propterea quod ad quæuis flagitia præsentibus conniunt.

2. Deinde impœnitentes illi quibus præsens pepercisset, omnem de resipiscencia cogitationem prorsus abiecerant, id quod facere nondum poterant donec aduentum Apostoli solliciti expectare cogerentur, nec sperare poterant fore ut præsens parceret perinde atq; parcebat absens, præsertim cum iam secundo scribens haud parsurum se præsentem comminaretur.

3. Tertio, non modo impœnitentes illi in peccatis suis & impœnitentia cordis obstiniores fuissent facti, sed & saniores malo hoc exemplo haud parum fuissent corrupti, & impune serpentilabe infecti. Horum consyderatione cogitabat prudens Apostolus multo esse satius, ut parceret absens impœnitentibus, spe resipiscentiæ futuræ, quā ut præsens in illos animaduerneret quidem, uerum magis eos intēpestina animaduersione perderet, dū impœnitentes à corpore ecclesiæ abscinderet, quā seruaret.

Hac prudentia spiritus utinam utantur nōnulli fratres, qui in ministerio suo longe diuersi à negligentibus ac torpidis, intēpestiuo nonnunquam & parum utili zelo ad corripiendum peccantes feruntur.

Quid est autem quod dicit: quod parcens uobis, & non magis, quod parcens nonnullis ex uobis, cum tamen non de omnibus indiscriminatum, sed de impœnitentibus tantum intelligat.

Scribit omnibus, alios laudat, alios repræhendit, & tamen utrunq; nonnunquam facit in genere, relinquens utrorumque cum bonorum tum malorum conscientijs, ut sibi quicquid ad se pertinet applicet. Quamuis subinde etiam specificanter loquatur, id quod & in hac causa infra cap. 12. facit.

Videndum etiam est quare non simpliciter dicat: Propterea nondum ueni Corinthum, quod uobis parco, sed iusiurandum præmittit dicens: Ego uero testem Deum inuoco in animam meam. Opus ne habebat coram Corinthijs testimonio Dei? ut non fuerit satis simpliciter id quod res erat proponere? Habebat sane propter pseudapostolos, qui omnia ipsius sinistre interpretabatur. Illi culpam quod nondum uenisset, in ipsum reiciebant, cum non ipsius esset, sed eorum quibus parcebat. Cum autem id non appareret in se uerosimile, & tamen conduceret senioribus ut crederetur, noluit simpliciter quod uerum esse sciebat,



sciebat, sed cum iuramento proferre, quo uel ab inuitis fidem extorqueret.

Sic dicit: Ego uero testem Deum inuoco in animam meam. Quasi dicat: Accusant me magistri uestri leuitatis, & cogitationum carnalium, sermonumq; non ueracium, quod cum constituerim uenire Corinthum, nondum uenerim, ego uero usq; adeo alienus sum ab hac culpa quam illi mihi impingunt, ut testem Deum inuocem in animam meam, quod parcens uobis nondum uenerim Corinthum, atque ita non ego, sed uos in culpa sitis nōdum præstiti promissi.

Ego uero, inquit, testem Deum inuoco in animam meam. ] Habemus hic non modo exemplum Apostolicum, quo legitima iuramenta licita esse comprobantur, qua de re uideri est in appendice de iuramento, quam Commentarijs nostris in psalmos adiecimus, sed & formam quandam pleni ac sufficientis iuramenti, cui nihil abest quod ad faciendam fidem desiderari debeat.

Citat Deum testem ueritatis omnium certissimum. Est enim ille secretorum omnium cognitor, & præterea ueritatis amantissimus & omnis innocentiae uindex. Et ne uideatur hoc sine suo uelle periculo impune facere, quod ab impijs fieri solet, sciens Deum esse omnis periurij ultorem, animam suam deponit, si falso testem Deum citet, dicens: ego uero testem Deum inuoco in animam meam, intellige, si mendax sim.

Sane sic comparatum est omne in iurandū, ut citetur Deus testis in animas illorum, qui quod falsum est, testimonio ipsius pro uero confirmari uolunt, atq; ita contestatione nominis ipsius impie abutuntur.

Non quod dominemur uobis, inquit, nomine fidei, sed adiutores sumus gaudij uestri. ] In Græco est, *ὅτι οὐκ ἐπὶ τῇ πίστει ὑμῶν ἐπὶ τῇ χάριτι*, id est, non quod dominemur uestre fidei, quem admodum & uetus interpres reddidit.

Alij tamen subaudiunt uoculam, *ἐν χάριτι*, ut sit, *ὅτι οὐκ ἐπὶ τῇ πίστει ὑμῶν ἐπὶ τῇ χάριτι ἐπὶ τῇ χάριτι*, id est, non quod dominemur uobis fidei gratia, & putant fieri non posse, ut quis cuiuspiam dominetur fidei. Meo iudicio non est tantum discriminis, inter utranque uersionem, ut à simplicitate Græci contextus discedere debeamus.

Quoniam dominij speciem habere uidebatur, quod se illis parcere dixit, mox occupat dicens, non quod dominemur uestre fidei, sed quod adiutores sumus gaudij uestri. Cui potestas est parcendi delinquentibus, eidem est potestas castigandi quoque delinquentes. Quare ne ex opposito oppositum, sinistro studio colligentes dominationis affectationem sibi impingerent maleuoli, negat statim hoc se ob id scribere, ut dominatum sibi in fidem ipsorum uindiceret, sed ad hoc potius, ut adiutor sit gaudij ipsorum.

Vide sollicitudinem ac cautionem Aposto-

lo Christi dignam. Loquitur de legitima sua & Apostolica potestate, quam habebat in eos qui delinquebant, & loquitur nō de eo, quod uelit illa uti, sed de eo potius quod nolit ad præsens uti, & tamen ueretur, ne quam occasionem præbeat maleuolis, accusandi se de studio dominandi.

Hodie, bone Deus, quàm remoti sunt à mente Apostoli, qui successores uideri uolunt apostolorum. Palam enim absque ulla dissimulatione dominatum exercent in ecclesijs Christi, in quo sic inualuerunt, ut & regibus & principibus confidentissime dominantur.

Quo prætextu? Prætextu fidei ac religionis. Homines carnalissimi, irreligiosissimi, à uera Christi fide, pietate, ac religione alienissimi, sacrarum scripturarum ignorantissimi, sumunt sibi dominium in causa fidei ac religionis Christianæ super omnes, usq; adeo, ut mactet crudelissime propter fidem Christi quam non intelligunt, ueros fideles. O dominatores iniqui, quis aperiet uobis oculos metis ut intelligatis iudicij diuini grauitatem, quod iam iam ceruicibus uestris imminet?

Dicet quisquam. Ergo ne in ecclesia Christi liberum erit omnibus credere uel non credere quidlibet? Nemo ne erit qui à uera fide deficientes, & alios quoq; ad defectionē sollicitantes, ordinaria potestate cohibeat, & in ordinem cogat?

An non pastoris officium est, aberrantes oues in uiam, uel nolentes reducere ne pereant?

Respondeo. Non perstringimus legitimum uerorum pastorum officium, quorum utique est, aberrantes oues in uiam reducere, sed dominatum, quem perstrinxit & improbauit primum Christus ipse, Lucæ uigesimo secundo, deinde & apostolus Petrus in priore sua epistola cap. quinto, & in Veteri quoq; test. Deus ipse in falsis pastoribus, qui austere gregi ipsius dominabantur. Verus pastor ouem errantem quærit, inuentam humeris suis imponit, & ad ouile reportat ne pereat.

Falsus uero mactat & perdit. Sic nostri ecclesiarum domini, quos pro errantibus habent in ecclesia non instruunt, quia non possunt, imò non curant, sed cum imperio urgent, ut ueritatem abnegent, & ut uiolentia sua efficiant quod uolunt, torturis cogunt ad recitandum, & recitare nolentes atrociter necant. An hoc non est dominari fidei in ecclesia Christi, quod tamen de se negat Paulus, idq; in ecclesia quam non alius quispiam ante ipsum, sed ipse primus ante alios plantauerat, & in Christo genuerat. Hi nostri magni domini & non pastores, sed magistri ecclesiarum, in ecclesijs, quas nec plantarunt, nec rigant, sic dominantur fidei nostræ, ut non modo quid faciendum sit, quod attinet ritus nostræ religionis, sed & quid credendum sit, quod fidei dogmata concernit, admodum magistraliter non ex sacris scripturis & apostolorum Christi doctrina, sed de suo & sic præcipiant



ut nisi credas quod ipsi credendū pro suo dominatu præscribunt, non sufficiat tibi ad hoc ut sis Christianus, omnis illa fides, quam prædicarunt in orbe apostoli, prænunciarunt prophetae, & Christus ipse ad hoc ut saluemur requisivit, sed habendus sis pro hæretico, & igni comburendus. An hoc non est dominari fidei Christianorū? Dominari quid est aliud quàm non iure, non potestate legitima, non pro utilitate subditorum, quæ recta ac bona sunt præcipere, sed pro imperio, propria libidine, ad exercendum dominatum in subditos, & ostendendum maioritatis eminentiam, quiduis imponere credendum ac faciendum, idq; magno cū supercilio & fastu, & seueris comminationib<sup>9</sup> extorquere in omnibus obediētiā omnium seruilissimā, etiam reclamantibus fidelium conscientijs absque ulla contradictione præstandam? Si ab hoc dominatus genere alieni sunt ecclesiarum domini, restituant conscientias fidelium liberas à iugo magisterij humani, in libertatē Christianam, qua sint serui non hominum, sed eius à quo sunt precio magno redempti. Quod fidem Christianam ueram ac synceram attinet, plantanda illa est prædicatione Euangelica, è cuius auditu operante spiritu Dei in cordibus electorum nascitur, riganda est ac fouenda eodem uerbo unde est nata, dirigenda ac prouehenda prudenti cura ministrorum Christi, orationibus, operibus uere bonis, & tolerantia afflictionum magis ac magis confirmanda, non humano magisterio ac dominatu in quidlibet abstorquenda. At hoc opus, hoc labor est. Facilius est mille conscientijs subditorum frænum imponere dominationis, & dicere: sic uolo sic iubeo, quàm unius hominis conscientiam uera Christi fide docendo & instruendo ad salutem ædificare.

At interim illud est, ô magni domini, satraparum Antichristi, hoc autem uerorum Apostolorum & ministrorum Christi, in opere Euangelij ac regni Dei fideliter & indefinenter laborantium.

SED adiutores sumus, inquit, gaudij uestri.] Repete illud <sup>27</sup>, id est, quod, è præcedenti particula, & lege, non quod dominemur fidei uestre, sed quod adiutores sumus gaudij uestri. Hoc est, non quod delectet nos dominatum exercere in uestram fidem, sed quod magis delectat paternam erga uos ostendere indulgentiam & storgiam, unde non contristemini, sed gaudeatis. Hoc animo parcēs uobis nondum ueni Corinthum. Vide Apostolicum & paternum pectus. Hoc ingenio sunt domini, ut malint timeri, quàm amari. Oderint, inquit, modo metuant. Non delectantur gaudio subditorum, ideoque non sunt adiutores gaudij illorum, sed delectantur potius animis seruiliter oppressis, anxij, & ad omnia tremebundis, uerbis mendaci adulatione supplicibus, gestib<sup>9</sup> seruiliter abiectis, & operibus nihil aliud quàm seruitutem spiratibus.

A Hæ sunt delectationes magnorum dominorum, quibus perinde afficiuntur ac si non sint amplius homines, sed dii quidam, ad hoc nati, ut imperiū exercent in homines uelut in bestias. Verum uides hic longe aliter animatum esse Christi Apostolum. Non delectatur domino, non tristitia & dolore fidelium, sed delectatur storgia paterna, & gaudio eorum quos in Christo genuit. Huius gaudij exhibet se adiutorem, quoad eius fieri potest. Ideo parcit etiam delinquentibus, spe resipiscentiæ, & eam ob causam nōdum uenit Corinthum, ne quos cupit esse gaudentes reddat tristes ac dolētes.

De quo autem gaudij genere loquitur? Est gaudium carnis & mundanum, quando quæ uolumus secundum carnis affectus consequimur, siue illa sint licita, siue illicita. Huius gaudij adiutor dubio procul nolebat esse Apostolus Christi. Loquitur ergo de alio genere gaudij. Hoc alibi sic expresse: Gaudete in domino semper, iterum dico gaudete. In eo cupiebat illos retinere. Ideo cauebat, ne qua austeritate castigationis animos eorum in religione Christi contristaret. Sunt qui exponāt de gaudio futuræ uitæ. Verū præter scopū Apostoli.

NAM fide statis, inquit.] Non satis perspicuum est, quo referenda & quomodo accipienda sit particulæ hui<sup>9</sup> *ἀντιστοιχία*. Si diceret, sed quod sumus adiutores gaudij uestri, quod habetis in fide, in qua statis, nihil esset obscuri. Iam cum postquam dixit: Non quod dominamur fidei uestre, sed quod adiutores sumus gaudij uestri, per uoculam rationalem, *καὶ*, subiicit dicens: nam fide statis, incertum uidetur quo sit referendum, an ad proxime præcedens, sed quod adiutores sumus gaudij uestri, uel ad illud: Non quod dominemur fidei uestre. Si ad illud, ergo significat se ob id non dominari ipsorum fidei, quod fide stent, unde mox consequi uidetur: ergo nisi fide sterissent, dominatus ipsis nomine fidei fuisset. Et hinc colligent inconfulti homines, nō prohiberi dominatum episcoporum in ecclesia in eos qui fide non sunt firmi, sed in eos tantum, qui fide stant, quales sunt potiores, perfecti, ac religiosi, degentes in monasterijs, ut hoc nomine à iurisdictione episcoporum sint exempti. Hoc sensu dicant episcopi, ecclesiarum domini, ad monachos & monachas, homines religiosos, & in fide perfectos: Non dominamur fidei uestre fratres, nā uos fide statis, sed dominamur fidei, conscientijs ac oculis laicorum. Nā illi fide nō stant, sed ueluti prostrati iacent, quare oportet ut illis dominemur, ne unquam ad fidei rectitudinem ac libertatē assurgant. Sensum hunc probare nō possum. Nā non ideo dominari uolebat Corinthijs Apostolus, quod fide starent, dominaturus si non sterissent. Dominatus omnis alienus est à ueris apostolis. Nō est illorum dominari, nec in stantes nec in iacentes, nec in firmos nec in infirmos. Reliquū igitur est, ut referamus ad proxime præcedēs quo se gaudij illorum adiutorem esse dixit. Ut sit sensus.

Dele-



Delector uestro gaudio. Et ut illud incōcūsum retineam, adiutor illius esse studeo, quando quidem in fide Christi statis, id est, constanter perseueratis & alacres estis in domino. Placet mihi hæc fidei uestre constantia, & omnia ago, ut in illa sitis alacres & gaudētes. Hic sensus nihil habet incōmodi. Nec male ex eo colligitur, ergo nisi fide steterissent, nō erat futurus gaudij illorum adiutor. Nam plane sic dubio procul animat⁹ est Christi Apostolus, ut haud facile sit gaudio eorum opitulaturus, qui à fide uera dilabentes gaudent, cum dolendum ipsis sit potius quàm gaudendum. Quis enim pius delectari poterit gaudio eorum, qui gaudent in malo, & exultant in rebus pessimis? suntq; adeo phrenetici, ut de salute sua periclitantes rideant?

SED decreui, inquit, apud memetipsum hoc, non iterum cum dolore ad uos uenire. Lege ad hūc modū. Decreui autē hoc mihiipsi, non iterum cum tristitia uenire ad uos. Etenim nō dicit diuersum quid à præcedenti, ut usurpanda sit uocula aduersatiua, sed, cum ea nec sit in textu Græco, ubi non est *ἀλλὰ*, id est, sed, sed est *ἀλλ*, id est autem, uero, nec accommodet sensui. Deinde, non est in Græco, apud memetipsum, sed simpliciter *ἐμὸν*, id est, mihiipsi.

Latus explicat quod dixit: sed adiutores sumus gaudij uestri. Gaudij huius erat hæc cōditio, ut inuolueret utrosque tam Apostolum quàm Corinthios fideles, mutua uidelicet cōplexione, & *συμπάθεια* charitatis, sic ut cōtristatis Corinthijs gaudere non posset Apostolus, perinde ac si contristato filio pater, contristata charissima cōiuge maritus cōtristetur. Hoc significaturus dicit: Decreui autē hoc mihiipsi, non iterum cū tristitia uenire ad uos. Hoc est: Hæc mihiipsi legem constitui, posteaquàm uos semel estis per me contristati, non esse committendum mihi, ut iterum ad uos cū tristitia ueniam, qua utriq; & ego & uos contristemur. Hoc enim si facerem, & meum & uestrū gaudium turbarem. Quod ait, nō iterum, omnino significat antea se cum tristitia uenisse ad eos. Non possumus autē exponere hoc de corporali ad ipsos aduentu. Quare exponēdum est de literis prioribus, quas multis modis contristatus scripserat, & per illas cum tristitia ad eos uenerat, quarum etiam mox mentionem faciet. Vbi illarum seueritate sensit illos fuisse contristatos, decreuit sibiipsi, non uenire denuo ad eos cū tristitia, siue per literas, siue per seipsum. Sic animatus mitius scribit in hac Epistola, q̄ scripserat in priore.

Dixerit hic quispiam, decretū hoc Apostoli, quo statuerat non uenire iterū ad Corinthios cum dolore, fuisse nō satis consultū, propterea quod fieri poterat, ut ipsa hoc ecclesiæ corruptio posceret, ut nihilo scriberet ad illos mitius quàm antea, imò ipse ad eos abiret, seuerius animaduersurus in impœnitenes ac sectarios, nisi opus domini in ea ecclesia prorsus deserre uellet.

A Respondeo. Tria sunt decretorū genera. Primum est affectuum, quo secundū quod uel diligimus uel odimus aliquid facere penes nos ipsi decernimus. Secundum est opinionū, quo decernimus ea, quæ nostra opinione, decernēda uidentur, cum lōge essent alia decernenda. Tertium est ueri ac certi iudicij, quo rite ac legitime, necessario & utiliter, quæ uel nostros uel aliorum usus cōcernunt, decernimus. Iam cogitet pius lector, ad quod nam trium istorū decretorum genus referēdum sit præsens hoc Apostoli decretum. Meo iudicio referendum est ad decreta quæ promanāt è fonte dilectionis, quā tota hæc materia spirat. Diligebat eos ut filios, quare dolebat ipsi, quod in priore eos Epistola seuerius corripuerat & cōtristauerat, quapropter decreuerat non cōmittere, ut iterum ad eos cum tristitia ueniret. Hæc tamen ipsa charitas, & paterni pectoris storgia, unde præsens natum erat decretū, aliud erat decreta si salutis eorū conditio aliud poposcisset.

NAM si ego mœrore uos affecero, inqt, quis est qui exhilaret me, nisi is qui mœrore afficitur ex me? Reddit rationem, quare ad eos nō iterum cum tristitia uenire decreuerit. Ne uidelicet, inquit, meipse tristitia conficiam. Nam contristatis uobis cōtristor & ipse. Etenim letitia spiritus mei pender à uestra alacritate. Hanc si uobis ipse turbauero, quis erit qui me exhilaret, quando quidē qui hoc possent, mœrore afficiuntur ex me? Hæc ratio, quid spirat aliud quàm ipsissimam ueræ dilectionis sympathiam? Perinde est ac si maritus dilectissimæ coniugi, nonnihil à se contristatæ dicat: Nolo te amplius contristare. Nam si ego te cōtristo, quis exhilaret me? Cum non sit qui me exhilaret, præter te, quæ contristaris à me.

Hunc ego puto esse sensum Apostoli. Qui tamen Chrysostomum sequuntur alium adferunt, eumq; diuersum. Hi sic exponunt: Nam si ego uos cōtristo, id est, dum ego uos corripio, & uos à me correpti cōtristamini, quis me exhilarat, nisi is qui propterea contristatur quod me contristatum intelligit, atq; ita cōtristatus resipiscit? Gaudeo enim quod si contristamini, ut resipiscatis. Verum hic sensus non bene conuenit cum eo quod præmisit dicens: Decreui autem nō iterum cum tristitia uenire ad uos. Sic enim debebat potius dicere: Decreui denuo uenire ad uos cū tristitia. Quare? Quia dum uos contristo, ego exhilaror per eos qui ex me contristantur. Habent hic quod obseruet fideles in ecclesia Christi, quibus dono Dei datū est, ut pastores habeant, nō magistros, sed patres. Hi quoniā fidei suæ cōmissos impense diligūt, p ingenio dilectionis nulla re suauius afficiuntur, q̄ si illos uideāt in studio ueræ pietatis alacres & gaudentes, & erga se amanter affectos. Sic animatus fidelis pastor non delectatur ulla seueritate. Quod si seuerius aliquādo corripit, non est dandum ipsius austeritati, à qua est natura sua alienus, sed peccantium, quam quærit, saluti.

Quare



Quare non est ut corripiēti succenseat quisquam, sed magis ut condoleāt omnes. Nequit enim sine dolore obiurgare & corripere quos diligit, & tristes reddere, quos mallet esse alacres & gaudentes, ut & ipse cum Apostolo dicere possit. Si ego uos contristo, quis exhilarat me, nisi uos qui contristamini ex me?

ET scripsi uobis, inquit, hoc ipsum. Quærunt ubi hoc ipsum scripserit. Verum, meo iudicio, desideratur uocula, *Διὰ*, ut legēdum sit, *Διὰ τὸ αὐτὸ*, id est, ppter hoc ipsum. Neq; enim quid, sed quare scripserit docet. Et scripsi uobis, inquit, propter hoc ipsum ne si uenissem ad uos, tristitiam haberem ex ijs, unde me gaudere oportebat. Intellego autem de Epistola præcedenti, de qua reddit rationem, quare illā scripserit. Ob eandē uidelicet causam, propter quam nondū ad ipsos uenerat. Scripserat propterea, ne cogeretur præsens exequi, quod per literas est executus. Nam si hoc fecisset, plurimum tristitiæ perpessus fuisset præsens, idque ab ijs, de quibus magis erat ipsi gaudendum. Sic dicit: Et scripsi uobis propter hoc ipsum, ne si uenissem ad uos, tristitiam haberem ex ijs unde me gaudere oportebat.

Sed dices. Si propterea præcedentē ad illos Epistolam scripsit, ne cogeretur proficisci Corinthum, ibiq; præsens contristari, quorsum in illa uenturum se ad eos promissit?

Respondeo. Fecit hoc spe resipiscentiæ eorum, qui peccauerant. Sperabat enim fore, ut si resipuissent cū gaudio apud eos esse & aliquādiu manere posset. Verum cum hoc non per omnia fieret, sicuti uidere est infra cap. 12. per impœnitētiā illorum factum est, ut coactus fuerit mutare sententiam.

In eo quod dicit: ne si uenissem ad uos, tristitiam haberem ex ijs, unde me gaudere oportebat, cogitādum nobis est, quā sit graue ac molestum tristitiæ genus, quo contristantur ij qui diligunt, ab illis quos impense diligūt per quos magis gaudium quā dolorē expectāt. Rerum tristium multa sunt genera. Quod attinet eos per quos contristamur, non est ullum tristitiæ genus grauius q̄ quod nascitur nobis ex amicis & dilectis. Leue est, si cōtristent nos inimici, de quibus nonnisi tristia expectauimus unquam. Hoc genus tristitiæ facile concoquitur, uerum si cōtristemur, uel ab amicis, quod accidebat Dauidi à Saule socero ipsius, & Christo à discipulo, uel ppter amicos, quod usuuenit Apostolo à plerisq; Corinthiorū, hoc genus tristitiæ zelo charitatis, quasi cote quadam exacuitur, & pectus amantis acutissime transuerberat. Quare non est præter rationem quod uulgo dicitur: *kein lieb on leid*.

Simul cogitēt omnes ecclesiæ Christi, quales conueniat eas esse suis apostolis, episcopis, ministris, & pastoribus. Tales uidelicet, quæ possint illis esse gaudio. Loquitur autem Apostolus de gaudio, non carnis, sed spiritus. Inuenias hodie episcopos, quib⁹ ecclesię quas possident, haud modico sint gaudio, præsertim si

A sint pingues. Verum sic esse gaudio episcopis, parum facit ad salutem. Veris episcopis, & nō quæ sua sunt, sed quæ Christi quærētibus, esse gaudio, id demum confine potest esse menti Apostoli, & perinde habet, ac si liberi morigeri & honesti gaudio sint parentibus.

FIDUCIAM hanc habens, inquit, erga uos omnes, quod meū gaudiū omniū uestrū sit. Cōfidebat se amari ab illis, quēadmodū abs se amabantur ipsi. Quare confidebat simul hanc esse mutuam inter ipsos sympathiam, ut quēadmodū cōtristatis ipsis cōtristabatur & ipse, ita si gauderet ipse, gauderent & ipsi. Hac fiducia fretus scripsit ad eos, sperans fore, ut resipiscentes mutarent tristitiam suam in gaudium, dū ferre non possent, ut propter ipsos ulla tristitia afficeretur. Hoc illis significas dicit: Scripsi uobis propter hoc ipsum, ne si uenissem ad uos, tristitiā caperem ex ijs unde me gaudere oportebat, hāc erga uos omnes habēs fiduciā, quod meum gaudium uestrum sit omnium.

Et ne ab hac sua fiducia quempiam illorum excludere uideatur, nō simpliciter dicit: fiduciā hāc habens erga uos, sed, erga uos omnes, neque, quod meum gaudium uestrum sit, sed, quod meum gaudium omnium uestrum sit.

B Atqui si uera sunt quę utraq; hac scribit Epistola, non sic erant omnes erga ipsum animati, ut gaudium ipsius omnium ipsorum esset gaudium. Nequit enim hoc in illis fieri ecclesijs, in quibus sunt studia sectarum, & magistri obtinuerunt trahētes post se discipulos, quod malum utiq; in ecclesiā Corinthiorum irrepserat. Videmus igitur hoc exēplo rursus expressum charitatis ingenium, quę omnia credit, & omnia sperat, & dum hoc facit in multis fallitur, quod Apostolo quoq; usuuenit, qui quēadmodum plus diligēs minus diligebatur, ita de omnibus bene fidens in plurib⁹ falsebatur. Cum hoc tā insigni acciderit Apostolo ab illis quos in Christo genuerat, & tanquā filios impense diligebat, nemo post illum Christi ministris insoles esse putet, si in eandem sortē apud eos incidat, quos docendos suscepit, ut & ipse de omnibus bene sperās, uix in paucis aliquot inueniat quod sperat. Et melius est sic animatum Christi ministrū diligendo & fidēdo falli à multis quā neq; diligendo quēquam, nec fidendo cuiquam, prorsus à nemine falli. Prius enim bonorum est, posterius uero hominū infidorum, qui quemadmodum ipsi beneuolunt nemini, ita in animis suis de nemine bonā posunt concipere fiduciam.

NAM ex multa afflictione, inqt, & anxietate cordis scripsi uobis, p multas lachrymas, &c.] Occupatio est. Dixerat: Nā si ego tristitia uos afficio, & quis est qui exhilaret me? Item, & scripsi uobis propter hoc ipsum, ne si uenissem ad uos tristitiam caperem ex ijs unde me gaudere oportebat.

Poterant hic dicere: ergo tristari nolens nō uenisti. Iā si tristari nolebas, quorsum nos prior Epistola tā opere corripiendo cōtristare uoluisti,



lulisti, siquidem lætitia tua pendet à nostra?

Responder: Scripsi uobis nō ut tristitia uos afficerem, sed ut charitatem meā quā erga uos abundantius habeo, cognosceretis. Ea me siquidem impulit, ut scriberem ad uos cum multa tribulatiōe & anxietate cordis, cuius testes erant lachrymę, quas cum scriberem largas & multas effundebā. Quare si quid seuerius scripsisse uideor, dabit is hoc neq; irę, neq; fastui, neq; odio uestri, sed tribulationi & anxietati cordis mei, quam parit mihi charitas, qua uos abundantius diligo.

NAM ex multa afflictione & anxietate cordis scripsi uobis, inquit, p multas lachrymas.] Obseruemus hic, quid discriminis sit inter magistros & patres ecclesiarum. Magistri, prelati, ac domini, succensere possunt peccantibus, illosq; seuerē corripere, & in corde contemnere, uerum contristari & angustiari in corde, ac lachrymas propter illos effundere non item. Quia quod faciunt, non faciunt ex charitate, à qua sunt alieni, sed uel ex pharisaica iusticia dedignationis plena, uel ex hypocrisi, uel studio quæstus. Patres uero, quoniā paterna sunt erga suos storgia affecti, ubi uident illos peccare, tribulatur & angustiatur in corde, & ubertim illachrymantur, atq; ita corripiūt, etsi acriter tamen amanter, & plus immiscent lachrymarum quā exprobrationum.

PER multas lachrymas, inquit.] An nō erat hoc admodum muliebre? Certe Stoicum non erat, illachrymari nedum multū illachrymari.

Respondeo, citius muliebriter illachrymantur Christus & Apostoli, quā cū Stoicis indurantur, quia citius perditione hominū contristantur quā Stoici, contristantur autem citius quia plus diligunt quā illi, plus diligūt, quia diuinę sunt bonitatis consortes magis q̄ illi. Nec tetrici sunt cū pharisæis ac Stoicis, nec ridiculi cum Democrito Gelasio, sed magis cū Heraclito ad miseriarum humanarum conspectum illachrymantur.

NON ut mœrore afficeremini, inquit.] Quare noluit, ut mœrore afficeretur, cum impoenitētis animi & reprobī indicium fuisset, si correpti ab ipso nullo fuissent mœrore affecti?

Respondeo: Resipiscētiā quidem illorum quæsiuit ex animo, tristitiā uero non ita. Aliud est si respiciat quid deceat filios delinquentes, & aliud si cōsideretur, quid quærat pater corripiciens illos, ac redarguēs. Illos quidem decet ad paternam correptionem contristari, patris uero ingenium haud sic est cōparatū, ut delectetur illorum tristitia, quāuis gaudeat de illorum resipiscētiā. In papatu à plerisq; pharisæis ac pœnitentiarijs hoc magis agitur, ut qui peccarūt tristitiā & dolorē, uel simulatū, ostentent, q̄ ut uere resipiscant. Et ipsi pharisæi hypocritę sic sunt animati, ut tetricum quidem possint ostendere uultum, resipiscētiā uero non itē, quasi delectetur Deus mœrore ac uultu deiecto, & non magis resipiscētiā.

SED ut cognosceretis charitatem, inquit.]

A Poterat dicere, sed ut perficerē erga uos opus charitatis. Verum non id modo agebat, sed simul quod agebat cognosci ab illis uolebat, ideo dicit: sed ut cognosceretis charitatem. Sic non est satis amanti quod amat, sed id cognosci cupit ab eo quem amat.

Deinde obserua, qua in re charitatem suam cognosci ab illis uoluerit. In paterna uidelicet correptione, quam Epistola illa spirabat. Pater enim quē diligit filium corripit. Verum pauci sunt qui hinc intelligāt se diligi, quod ubi peccarunt corpiuntur & castigantur.

QVAM habeo abūdātius, inquit, erga uos.] Quasi dicat: Ut quo uos seuerius corripere hoc abundantiorē charitatē erga uos ostenderem.

Dicer quisquā. Ecquid causę erat, quod Corinthios abundantius diligebat quā alios?

Respondeo. Rationem dilectionis nemo ne ipse quidem diligēs explicuerit. Quare nō est ut quæramus, quare Corinthios Apostolus pl̄ cæteris dilexerit. Frequenter accidit, ut à filiis suis mater tenerius diligat unum, q̄ cæteros, cuius tamen rei rationem si quærat haud facile reddiderit. Sic est ingenium eorū qui diligunt, ut diligāt ignari quare diligūt, & ut plus aliquem q̄ cæteros, & ipsos tamen charos, diligant, & hoc quoq; quare faciant ignorantes.

Quod si quis tristitia affecit, non me tristitia affecit, nisi ex parte, ne aggrauē oēs uos. Sufficit istiusmodi hominī increpatio hæc, quæ facta est à pluribus: adeo ut ediuerso magis cōdonare debeat & consolari, ne quomodo fiat ut immodica tristitia absorbeatur eiusmodi.

Quapropter obsecro uos, efficite ut ualeat in illū charitas. Nam & in hoc scripseram, ut cognoscerem probationem uestri, an ad omnia obediētes sitis. Cui uero cōdonatis aliquid, cōdono & ego. Nam & ego si quid cui condonauī, propter uos condonauī in conspectu Christi, ne occupemur à Satana. Nō enim cogitationes illius ignoramus.

Pertinent ista ad secundū capitis huius mēbrum, in quo rationem uoluit haberi scortatoris ex ecclesia eiectionis, ne si ampliori tristitia afficeretur, prorsus periret.

QVOD si quis tristitia affecit, inquit.] Loquitur de dicto iā scortatore, nō nominans eū, quoniā & persona & facin⁹ & excōmunicatio illius, abunde satis innotuerāt ecclesię. Quare simpliciter ac moderate dicit: Quod si quis cōtristauit. Poterat dicere: Quod attrinet scortatorē illū, qui causam dedit tristitię, uerū quoniā aspirabat ad illius recōciliationem, maluit modeste de illo loqui, q̄ seuerē. Sic etiā ueluti per occasionem & non data opera ad causam illius trāseat, sensim in illam illabitur, ne quid in animis illorum turbę moueat, si studiosius exordium causę huic præmittat.

NON



NON me contristauit, inquit, nisi ex parte.] A  
Locus hic nonnihil habet obscuritatis. Quare  
& diuersimode legitur & exponitur.

1. Primo ad hunc modum. Non me cōtristauit tantum, sed & omnes uos, ex parte, ne aggrauem. Hoc est. Tristitiam communem intulit & mihi & uobis omnibus, ex parte tamen, id est, non omnino, ne ipsum hæc scribens aggrauem. Sic distinguit & exponit Chrysostomus. 2. Deinde sic. Non me cōtristauit, nisi ex parte, id est, secundum quid, non tali tristitia quæ me ratione priuarit, sed quæ nonnihil turbarit. 3. Tertio hoc pacto. Non me contristauit, quia me per resipiscentiam suam lætificauit, nisi ex parte, quatenus sibi ipsi molestiam pœnitendi cōciliauit. Verum ne grauem uos omnes, si pereat is homo, sufficit illi increpatio hæc, &c. Sic nonnulli illud, ne aggrauem omnes uos, à precedentibus auulsum coniungunt sequentibus. 4. Mihi simpliciter ad hunc modum exponendum uidetur. Quod si quis contristauit, hoc est, tristitiam in ecclesia excitauit, non me, quasi aduersum me specialiter peccando, contristauit, nisi hac parte, quatenus sollicitū reddidit, ne uos omnes propter illius peccatum aggrauare cogeret. Hactenus sane cōtristauerat me. Cupiebam enim uobis parcere, ac nullam perturbationem imponere ecclesiæ. Hunc puto sensum esse Apostoli. Dilegebat ecclesiam illam admodum, cuius peculiari quadam ratione erat Apostolus, ideoque illi & parcebat ac metuebat plurimum, unde & in hac causa propter illam potissimum contristabatur, anxius erat, & cum lachrymis scribebat, cauere cupiēs, ne quid hinc ad illam uel mali, uel perturbationis serperet.

1. Cor. 9.

SUFFICIT, inquit, istiusmodi homini increpatio hæc, quæ facta est à pluribus.] Incipit præscribere, de recipiendo peccatore. Principio, significat illi sufficere increpationem à pluribus, id est ab ecclesia, factam. Non uult exclusionem illius excedere sufficientiæ modum. Meritur autem illum non à quantitate & enormitate admissi facinoris, quam in superiori Epistola consyderari uoluerat, cum esset ferenda sententia, sed à qualitate personæ quæ peccauerat, & à grauitate increpationis, quam in ecclesia subierat. Qualitatem personæ expressurus non simpliciter dicit: Sufficit illi, sed, sufficit istiusmodi homini. Hoc dicēs, dubio procul uel aliquid infirmitatis in illo, cui parcendum fuerit, uel singularem aliquem mœrorē, quo ab ecclesia reiectus, conficiebatur, consyderandum proponere uoluit. Grauitatem increpationis notans non dicit simpliciter: Sufficit istiusmodi homini increpatio accepta, sed, increpatio hæc, inquit, quæ facta est à plurib⁹. Leuius siquidem est, increpari ab uno aliquo, idq; seorsim, extra multorum conscientiam, q̄ si id fiat palam à multitudine in unum cœtum congregata. Hic non pudor tantum subeund⁹ est in publico omnium conspectu, sed & sustinendæ grauissimæ diuexationes & concus-

siones conscientiæ, cōdemnationis sententiā à pluribus illatam noctes ac dies sentientis.

Admonemur itaq; hoc loco, qua diligentia uigilandum sit omnibus illis, quorum curæ commissæ sunt fidelium animæ, ne in correctionibus & castigationibus eorum qui deliquerunt, modum excedant. Procliues sumus, pro carnis ingenio, ad seueritatem exercendā in peccantes, sicut ægre nobis ipsis quantumuis graui ac prolixa animaduersione satisfaciamus. Imò quo seuerius ferimur in peccantes, hoc iustiores uideri uolumus. Sic fit ut procliues simus ad excedendum modum sine quo non modo inutilis est sed & noxia omnis disciplina & castigatio. Satagant igitur omnes Christi ministri, ut & intelligant illud *ἰκανόν*, id est sufficit, & ad illius mensuram omnia disponant & moderentur. Cordati homines satis intelligunt, quid hinc damni sit, nō in religione tantum sed & rebus alijs humanis, quod pauci sunt, qui norint uel etiam scire cupiāt, quid sit illud, sufficit.

Admonitioni huic annexum est & illud, non esse sufficientiæ modum metiendum ad grauitatem delicti, sed potius ad qualitatem personæ post delictum pœnitētis. Admonuit hac de re & Chrysostomus, cuius hæc sunt uerba. *ὁ θς μανθάνομεν, ὅτι ἡ δὲ μόνον πρὸς τὴν φύσιν τῆς ἀμαρτημάτων, ἀλλὰ καὶ πρὸς τὴν διαύσιον, καὶ τὴν ἔξιν τῆς ἀμαρτανέντων τὴν μετανοίαν ὀρίσσει. ὃ καὶ τότε ὁ ἀπόστολος ἐποίησεν. καὶ γὰρ ἐφοβήτο αὐτὸ τὸ ἀδύνατον.* Omnino ut imperitus medicus, modum dandi remedij nesciens, plus nocet quàm prodest, quales sunt qui medentur ad præscriptum Hippocratis & Galeni, magis quàm ad qualitatem patientis, ita & imperitus Christi minister, non habēs rationem personæ curandæ, sed ad delicti tantum grauitatem respiciens, Satanæ potius seruit quàm Christo, quia perdit magis quàm seruat. Quid igitur damni natum sit ex canonibus pœnitentialibus, quis unquam sufficienter perpendit?

Animaduertendum & hoc est quod dicit, Sufficit istiusmodi homini increpatio hæc, &c. Proponitur nobis discrimen inter electos & reprobos. Electis sufficit increpatio ecclesiastica, ad hoc ut emendentur, reprobis uero ne uniuersa quidem ecclesiæ disciplina, ex qua magis exacerbantur, quàm emendantur.

QUAE facta est à pluribus, inquit.] Efficacia exprimitur ecclesiasticæ excommunicationis, quæ secundum superioris epistolæ præscriptū fiebat in medio multitudinis in cœtum sacrū congregatæ. Ab hac aliena est, quæ sine cōsensu & conscientia multitudinis tentatur à prælatis ecclesiarum. Etenim non ita cōstringitur excommunicati conscientia per unius aut alterius in se latam sententiam non accedente publico multitudinis consensu, atque construngi illam necesse est, si unanimi & ministrorum & multitudinis uoluntate excommunicatus fuerit.

ADEO, inquit, ut ediuerso magis condonare debeatis & cōsolari.] Postquam admonuit terminan-



terminandam esse peccatoris excommunicationem, subiūgit de impertienda illi uenia & consolatione. Vult autem ut ad hanc propendeant magis quam ad diuturniorem excommunicationis seueritatem. Ideo non simpliciter dicit: Vt condonare debeatis & consolari, sed, adeo ut ediuerso magis condonare debeatis & consolari, quasi dicat, quam excommunicationem hanc ulterius extendere.

Obseruandum est hoc loco, quam apposite ac pertinenter hæc duo uerba condonandi & consolandi usurpet. Videbantur magis propendere ad ulciscendum quam ad remittendum, & per cōsequēs ad affligēdū potius quam ad consolandum. Hortatur igitur eos, ut condonent magis delictum & cōsolentur afflictum, quam ut in lata sententia diutius pergant.

Quæsierit quisquam, quare non ipsi Corinthij potius huc priores inclinauerint, ut pœnitenti condonarent delictum & tristem consolarentur, eaque de re ad Apostolum scriberēt. Responderi potest paucis. Multum discriminis est inter storgiam patris erga filios, & fraternam filiorum cognationem. Pater propensior est ad misericordiā erga sua uiscera, quam frater erga fratrem. Pater erat Paulus. Tangebatur cōmiseratione & cura erga eum quem in Christo genuerat. Ab hac remotiores erāt Corinthij, quare non pariformiter cum Paulo de salute fratris erant solliciti.

NE quomodo fiat, inquit, ut immodica tristitia absorbeatur eiusmodi. Iusticiarius dicit: nequaquam condonandum est peccatori, priusquam sufficienti pœnitentia satisfecerit pro grauitate peccati quod perpetravit. Satisfaciendum est iusticiæ Dei, & ecclesiæ quoq; priusquā recipiatur peccator. Huc oculos intendunt seueri alienorum peccatorum magis quam propriorum uindices. At uerus Christi Apostolus, Christi ubiq; spiritum, charitatem & misericordiam spirans, magis sollicitus est de infirmitate ac tristitia pœnitētis ne quo pacto fiat, ut si diuturnior sit tribulatio, immodica tristitia absorbeatur, hoc est, ad desperationem adigatur, illiusq; ui ueluti fluctibus adobruatur ac pereat, quam de sufficienti satisfactione, siue iusticiæ Dei siue ecclesiæ præstanda. Rursus autem notat pœnitentis infirmitatem, & monet illius habendam esse rationem, cum dicit, eiusmodi. Qui dura sunt ceruice & corde lapideo, non facile absorbentur à tristitia, secus uero comparati sunt infirmi, quos morsus conscientiae modico negotio fatigāt & conficiunt.

Locus hic de immodica tristitia, diligenter obseruandus est omnibus, præsertim illis, quibus commissā est cura aliorum. Credi non potest, quantum hinc sit periculi, consciētis maxime, sensu peccatorū quasi importabili quadam mole oppressis. Qui huiusmodi sunt, salutandi sunt amanter, affatūq; blando & amico frequenter erigendi, fundendæ sunt pro illis preces ad dominum, & si quo pacto fieri po-

test, onus quo premuntur uel tollendum in uniuersum, uel aliquousq; diminuendum. Et hæc facienda sunt, priusquam per immodicā tristitiam absorbeantur. Etenim ubi fuerint absorpti, nihil uel certe parum profuerit quicquid tentetur, nisi singularis quēdā gratia Dei absorptos è barathro desperationis extrahat.

QVAPROPTER obsecro uos, inquit, efficite ut ualeat in illum charitas. Quasi dicat. Quoniam sic est tristis ac lugubris factus, ut timedum sit, ne immodica hac tristitia prorsus absorbeatur, recipite eum per charitatem in ecclesiæ uestræ communionē, ut spiritus eius refocilletur. Efficite, inquit, ut ualeat in illum charitas. Græcè est, *κυνῶσαι ἐς αὐτὸν ἀγάπῃ*, id est, ut publicis suffragijs decernatis ac confirmetis in illum charitatē. Nam hoc significat uerbum *κυνῶσαι*, rem aliquam siue per suffragia siue aliās legitima autoritate decernere, statuere, confirmare, & authenticam ratamq; reddere. Voluntas Pauli est, ut Corinthij in cœtu sacro communibus suffragijs decernant & confirmant, recipiendum esse in ecclesiam per charitatem, peccatorem pœnitentem ac tristē, quē admodum antea cōmunibus illum suffragijs excommunicauerant. Et hoc illis non imperat, sed ut faciant obsecrat, quia non uult ut ab inuitis sed potius uoluntarijs fiat quo charitatis opus plenius à spontaneis perficiatur, simulque innuit, quā sit cupidus eius rei, propter quam illos obsecrare dignatur, quo reddat & illos unā secū in idē instituti propēfos.

Habemus ergo hic locum de recipiendis excōmunicatis, quando illi, & quomodo sint in consortium ecclesiæ recipiendi. Vbi uidelicet timendum est, ne immodica tristitia absorbeantur, recipiendi sunt in ecclesiam. Deinde recipiendi sunt communibus fidelium suffragijs, ad quem modum excōmunicandi quoq; sunt, qui enormiter peccarunt. Tertio, faciēda est hæc reconciliatio per charitatem fraternā. Poterat dicere. Obsecro, ut recipiatis eum ad uos. Verum quoniam multum refert, quomodo hoc fiat, maluit dicere: Obsecro ut decernatis in eum dilectionem. Dilectio non simpliciter recipit in consortium, sed recipit tanquam dilectum & omnibus ueræ dilectionis officijs amplexandum & confouendum.

NAM & in hoc scripseram, inquit, ut cognoscerem probationē uestri, num ad omnia obediētes sitis. Quoniam superiori epistola seuerē de peccatore hoc cōmunibus suffragijs excommunicādo scripserat, poterant cogitare: ecquid hoc rei est? Quem antea tam graui ac seuerō scripto Satanē tradi uoluit, hunc mutata iam sententia per charitatem uult recipi. Quæ est hæc inconstantia? Occurrit igitur dicens. Quē superiori epistola scripsi, non in hoc scripseram ut hominem hunc perderem, sed ut experimētum uestri caperem, sitis ne ad ea quæ scribo morigeri. Et sane morigeri fuistis. Iam obsecro ut nunc quoque sitis. Fuistis illic ad tradēdum Satanæ hominem peccatorem.



Sitis nunc ad recipiendum pœnitentem, & seruandum periclitantem. Nulla est hic inconstância. Quod illic egi, etiam nũ ago. Quare & uos quemadmodum illic obediuitis, sic etiam nũ obedite. Sic retinebimus mutuũ cõsensum, & simul seruabimus fratrem periclitantem.

Vt cognoscerem, inquit, probationem uestri, an ad omnia obedientes sitis.] Ergo in hoc est uerorum ac probatorum fidelium experimentum, si scriptis Apostolicis per omnia sint obedientes. Loquor autem nũ de scriptis ac rescriptis apostolorum Babylonis, quę authentica sunt in ecclesia malignantium, ac plus ponderis habent, quàm uerorum apostolorũ scripta. Absit: In illis non est experimentũ uerorum fidelium, sed magis reproborum. Quare non est, ut hunc locum pseudapostoli ac magistri ecclesiarum pro maiori parte sua confirmanda citent, ac dicant, ubi est maiori pars ibi est mandandi autoritas, ceteros manet obediendi necessitas. Nostra ætate in conuentibus Imperatores uocari obedientes, qui plus obediencie Romano pontifici præstant, quàm ipsi Christo & apostolis, & inobedientes, qui in causa religionis malũt obedire Deo quàm hominibus. Verum facile intelligit homo cordatus hanc ueram esse ac Christianam obedientiam qua probati fideles cognoscuntur, uerbo domini ac scriptis apostolorum eius per omnia & in omnibus obedire.

Cui uero condonatis aliquid, inquit, & ego condono.] Quo ad plenum fiat rata & authentica reconciliatio pœnitentis peccatoris, illorum suffragiis cõiungit & suum assensum. Tribuit autem illis priorem partem, cum dicit: Cui uero condonatis aliquid, & ego cõdono. Poterat pro autoritate sua dicere: Cui uero ego condono aliquid, cõdonabitis & uos. Verum studio demulcet illorum animos, ne per id offendantur quod ad hoc se scripsisse dixit, ut cognosceret probationem ipsorum, an per omnia sint obedientes, quasi hoc dicens, seruorũ ipsos uelit habere loco. Sic cupit eos esse obedientes, ut simul sint non seruorũ sed fratrum loco, & permittit illis primas in opere charitatis, quo perficiat illud non inuito sed libero ac spontaneo spiritu.

Nam & ego si quid cui condonauit, inquit, propter uos condonauit.] Græcè est, καὶ γὰρ ἐγὼ ἂντι καὶ χάρισμαι ὑμῖν, καὶ χάρισμαι δι' ὑμῶν ἐν προσώπῳ Χριστοῦ. Erasmus sic distinguit. Nam & ego si quid cõdonauit, cui cõdonauit, propter uos cõdonauit. Meo iudicio simpliciter distingui potest ad hunc modum. Nam & ego si quid condonauit cuiquam, condonauit propter uos, ut sit in Græco talis distinctio, καὶ γὰρ ἐγὼ ἂντι καὶ χάρισμαι ὑμῖν, καὶ χάρισμαι δι' ὑμῶν.

Poterant dicere: Atqui iam antea, ut uidemus cõdonasti peccatori huic, priusquam nos illi cõdonemus. Quid igitur est quod scribis, si nos cui quid cõdonemus, condonare & te?

Responder. Verum est, iam illi condonauit, quod me attinet, in corde meo, & coram Chri-

sto, at feci hoc propter uos, non propter tuendam meam autoritatem. Vestri potius rationem habeo in hac causa. Quare autem propter ipsos hoc fecerit, subiungens aperit. Ne occupemur à Satana. Potest retineri uulgata lectio, ne circumueniamur à Satana. Quanquam nũ est præter rationem, quod Erasmus uertit, ne occupemur à Satana. Significat enim uerbum περιουθεν/ειν superiores habere in re aliqua, atque ita illam possidere & occupare. Admonet itaque, non agi hic priuati tantum hominis causam sed & sibi & ecclesię communem. Ideo non dicit: Si quid cui condonauit, propter illũ condonauit, ne occupetur à Satana, sed, si quid cui condonauit, propter uos condonauit, in cõspectu Christi, ne occupemur à Satana. Et seipsum includit, non dicens, ne occupemini à Satana, sed, ne occupemur à Satana, quo minus eos offendat.

Illud, in conspectu Christi, uarie accipitur, quia uarie accipi potest. Alius, in facie Christi, alius respectu Christi, alius coram Christo, alius in persona & uice Christi. Existimo hunc esse sensum. Si quid cui condonauit, condonauit in conspectu Christi, non in foro ecclesię. Vt autem in ecclesię quoque uestre foro fiat hæc condonatio, peto ut & uos illi condonetis, & hoc facio propter uos quoque, ne occupemur à Satana. Dixerit quisquam. Ergo nisi condonassent pœnitenti peccatori Paulus & Corinthij, occupati fuissent à Satana? Ipse quidẽ peccator desperatione fuisset absorptus, uerũ quomodo propterea Satan & Paulum & ecclesiam occupasset non uideo.

Respondeo. Primum ea debet esse sympathia fidelium in ecclesia Christi, ut uno periclitante periclitari censeantur & alij. Hac ratione, ubi Satan occupat membrum unum ecclesię, recte ecclesiam occupare dicitur, quemadmodum recte corpus hominis uulneratum dicimus, ubi membrum illius aliquod est uulneratum. Deinde, ubi nec pastor sollicitus est de salute ouium, nec ipsæ oues mutuae salutis imò ne suæ quælibet propriæ rationem habent, an non timendum est, ne occupentur à falsis pastoribus & à lupis? Plane sic habet in ecclesia quoque, in qua nec Apostolus de seruandis periclitantibus aliqua cura afficitur, nec ipsi fideles de sua quique ac de fratrum sunt salute solliciti. Hic plane timendum est omnibus ne occupentur à Satana. Obsecro, si timendum erat ecclesię Corinthiorũ Apostolo adhuc superstiti, à quo fuerat plantata, ne occuparetur à Satana, quid non timendum est reliquis omnibus ecclesijs, in quibus uel dormiunt pastores, uel pro libidine sua dominantur?

Non enim cogitationes illius ignoramus, inquit.] Quare timeat, ne occupentur à Satana, exponit hisce uerbis. Sensus est. Nũ est frustra, quod cauendum censeo, ne occupemur à Satana. Etenim clam nobis non est, quæ sint illius cogitationes. Græcè est νοήματα, quæ nũ simpliciter cogitationes significat, sed potius consilia



consilia & ratiocinationes, quales esse solent A astutorum & callidorum. Non dicit simpliciter, non enim ignoramus, quàm insidietur nobis Satan, sed: Non ignoramus quàm sint, & quæ, astuta illius consilia. Intelligebat Apostolus abunde, quo tenderent Apostoli Satanæ, imò Satan ipse in angelum lucis transformatus. Quod præsentem causam attinet, sub specie iustæ disciplinæ moliebatur perditionem non unius tantum peccatoris, sed totius quoque ecclesiæ. Et utinam episcopi & pastores ecclesiarum iam olim *νήματα* Satanæ in angelum lucis transformati intellexissent, uel hodie saltem intelligerent.

Cæterum cum uenissem Troadem in Euāgelium Christi, & ostium mihi esset apertum in domino, non habui relaxationem spiritui meo, eo quod non inuenissem Titum fratrem meum, uerum ualedicto illis abij in Macedoniam.

Relicta aliquantisper causa peccatoris reconciliandi meminit itineris sui Macedoniam uersus suscepti, de quo capite præcedenti dicere coeperat, ut per huius occasionem, Titi quoque mentionem faciat, quem Corinthum miserat. Cæterum, inquit, cum uenissem Troadē. Troas ciuitas est Phrygiæ, olim Antigoniam dicta, opposita Chersoneso. Et hinc transitus est in Europam. Addit in Euangelium Christi. Id est, propter Euangelium Christi ibi prædicandum. Licet iter in Macedoniam instituerat, interim tamen in ea loca diuertit, in quibus occasionem prædicandi Euāgelij inueniret. Est quidē ciuitas hæc in littore maris, & traiectū habens & portum, eratque hanc ob causam commoda Paulo, cū ad iter quod instituerat, tum ad inueniendum Titum. Verū non huius commoditatis sed Euāgelij prædicandi potissimum gratia in illā se profectū fuisse dicit.

E T ostium, inquit, apertum mihi esset in domino.] Quid sit ostium apertum esse in domino, dictum est capite ultimo superioris epistolæ. Quod autem ostium Euangelio Christi in ea fuerit ciuitate apertum, uidere est Actorū uigesimo ubi sic legimus. Hi cū præcessissent expectarunt nos Troade, nos uero ab nauigauimus post dies azymorum à Philippis, & uenimus ad eos Troadem intra dies quinque, ubi demorati sumus diebus septem. Vno autem die sabbatorum, cum conuenissent discipuli ad frangendum panem, Paulus disserabat eis, pfecturus postridie, &c. Hinc satis patet fuisse Troade discipulos, quos cum iret in Macedoniam Paulus domino lucriferat, quibus etiam, cum è Macedonia rediret & Iudæam peteret, in domino congregatis integram noctem disseruit, & adolescentem quendam ex illis nomine Eutychum è tertio cænaculo delapsum ac mortuum uitæ restituit.

N O N habui relaxationem, inquit, spiritui meo, eo quod non inuenissem Titum fratrem

meum.] Nisi retulisset hoc scire Corinthios, non scripsisset. Referebat autem plurimum. Miserat enim ad eos Titū, ut cognosceret per illum de statu ecclesiæ ipsorum. Et hunc sperauerat se inuenturum Troade. Quo non inuēto fatigabatur spiritus ipius desiderio aduentus illius, per quem se infra capite septimo refocillatū fuisse scribit. Significat igitur, usque adeo sibi res ipsorum esse cordi, ut nulla sit spiritui suo refocillatio, nisi de illis audiat optata. Quare quod dicit: non habui relaxationem, uel requiem, *ἀντισ* spiritui meo, eo quod non inuenissem Titum fratrem meum, nō eo sensu dictū est, quo nonnulli exponunt: quasi non suffecerit duplici labori, prædicandi uidelicet ijs qui audire cupiebant, & resistendi hæreticis & infidelibus, cum esset solus, & Titū non inuenisset, cui unam laborum partem prædicandi uidelicet, imponere cupierit. Solum fuisse Troade, & si fuisset, solum non suffecisse laboribus, neutrum, meo iudicio, cum ratione dicitur. Puerilis admodum est hic sensus. Nec ratio esset, cur tale quid Corinthijs scriberet Apostolus.

Cogitemus hic quàm iugis fuerit & assidua fatigatio spiritus Apostoli. Etenim si unius ecclesiæ tanta afficiebatur cura & sollicitudine, ut relaxationem non inueniret spiritus ipius, nisi optata de illa audisset, quantum fuisse credendum est curarum cumulum, quibus propter reliquas tam multas noctes ac dies tantū non enecabatur? Vt indefinentium persequutionum & afflictionum molestias taceam.

Deinde hic quoque uidemus fuisse illum humanis affectibus perinde atque nos obnoxium. Sperabat, & affectabat, inuenturum se Titum, ubi Troadem uenisset. Sperabat autē frustra. Neque enim inuenit eum cū illō uenisset. Erat ergo spes hæc frustranea, qualis frequenter accidit in rebus humanis. Adhuc, cum non inuenisset Titum Troade sicuti sperauerat, fatigabatur spiritu absque ulla relaxatione. Et hoc humanum erat. Sic enim comparati sumus ut spe nostra frustrati turbemur & molestemur. Sunt hæc communia mortalibus. Illud tamē primum erat & Apostolicum, quod ista patiebatur ex sollicitudine ecclesiarum Christi.

V E R V M ualedicto illis abij in Macedoniā, inquit.] Suprà capite primo sic dicit: Et hac fiducia uolebam ad uos uenire prius, ut geminam gratiam haberetis, & per uos irem in Macedoniam. Hic dicit se, cum Titum non inuenisset Troade, adeoque nulla esset spiritui suo relaxatio, abiisse in Macedoniā, significans ob id se minus uenisse Corinthum, quod ignoraret, quo in statu res ipsorum essent, propterea quod Titum Troade nō inuenisset, ex quo se de illis cogniturum sperauerat.

Illud, ualedicto illis, Græcè est *ἀποταξάμενος αὐτοῖς*. Erasmus uertit, dimissis illis. Vulgata habet: Valefaciens eis. Neutra uersio satisfacit mēti Apostoli, imò nec significationi ipsius uocis *ἀποταξάμενος*. Significat enim illa non simpli



citer ualedicere ac dimittere, sed magis ubi di-  
scedendum ac ualedicendum est extrema da-  
re mandata, & ordinare quæ post discessum  
nostrum fieri uelimus, ut ἀποτάξις recte uocetur  
Germanice *cin abscheid*. Sic Paulus cum non in-  
uento Tito Troadē relinquere & in Macedo-  
niam abire uellet, ostium apertum in domino  
non neglexit, sed ijs qui credere cœperāt, quæ  
facerent ac quomodo se donec ad ipsos reuer-  
teretur gererent, iam discessurus ordinauit ac  
præscripsit. Hoc significans, non simpliciter di-  
cit: abij in Macedoniam, sed ἀποτάξις αὐτοῖς,  
id est, ubi illis constitui & ordinari quæ face-  
rent, abij in Macedoniam. Quare nō est ut hic  
operosam quæstionem moueamus quare A-  
postolus ostium Euangelio Dei Troade aper-  
tum propter absentiam Titi negligere uoluerit.  
Potiora agebat, & interim primordia recens  
iacta non negligebat. Quare ad illa reuersus  
quod plantauerat diligenter rigauit. Amplitu-  
dinem curarum illius, ingenij nostri angustia  
non capit, quapropter neque conuenit, ut de  
factis illius temere nobis iudicium sumamus.

Deo autem gratia qui semper trium-  
phat per nos in Christo, & odorem noti-  
ciæ suæ manifestat per nos in omni loco.  
Quoniam Christo bona fragrantia su-  
mus Deo, in his qui salui fiunt, & in his  
qui pereunt, his quidem odor mortis ad  
mortem, illis uero odor uitæ ad uitam.  
Et ad hæc quis idoneus? Non enim su-  
mus ut plerique cauponantes sermonē  
Dei, sed uelut ex synceritate, sed uelut  
ex Deo in conspectu Dei per Christum  
loquimur.

Occasione eius quod dixit, & ostium mihi  
apertum esset in domino, rapitur in hanc do-  
xologiam, qua & successum Apostolatus sui  
deprædicat, & nomine illius Deo gratias agit,  
tribuens illi omnem illius ut operationem ita  
& gloriam. Deo autem gratia, inquit, uox hæc  
ex corde profecta, hominum est beneficia Dei  
agnoscentium, magnificantium, & cum gratia  
ruma actione deprædicantium. Quid autē præ-  
dicat de Deo? Qui semper, inquit, triumphat  
per nos in Christo. In Græco est τὸ πάντοτε θριαμ-  
βεῖντι ἡμᾶς, id est. Qui semper triumphat nos.  
Sic habet & uulgata æditio. Verum quoniam  
ea lectio, incōmoda est Latinis auribus, ideo  
legunt nōnulli, qui triumphare nos facit sem-  
per. Sane uerosimile est Apostolū uerbo hoc  
Ebraico more in sensu hyphil esse usum, ut θριαμ-  
βεῖν sit non simpliciter triumphare sed face-  
re ut triumphes. Qui uero cum Erasmo legūt:  
triumphat per nos, triumphantem constituūt  
non Apostolum sed Deum.

Quid est autem quod dicit? Triumphare,  
est uictoriā de hoste superato cum publica pō-  
pa, læticia, & gloria referre. Simplicius est, ut  
hic intelligamus idem esse, quod, qui semper

uictores nos reddit in Christo. Victoriæ ac tri-  
umpho loco ducebat, quoties aliquos regno  
Satanæ ereptos in castra Christi ducere daba-  
tur. Et quoniam id ubiq; dabatur, quocunque  
uenisset, dicit se semper fieri triumphatorem  
in Christo.

Mirabilis omnino triumphator, qui ut ca-  
pite quarto superioris epistolæ de seipso dicit,  
spectaculum erat factus & mundo & angelis  
& hominibus, & ad id usque temporis esurie-  
bat, sitiebat, nudus erat, colaphis cēdebat, in-  
certis uagabatur sedibus, manibus proprijs  
operans laborabat, male audiebat, persecu-  
tionē patiebatur, conuicijs afficiebatur, & ue-  
lut excrementum ac reiectamentum mundi  
quocunque uenisset erat. Si hoc genus uitæ  
triumphatori conuenit, sane maximus erat tri-  
umphator. Verum quamuis afflictionum ista-  
rum respectu omnium uidebatur esse miserrī-  
mus, & nusquam uincere sed ubique uinci, ni-  
hilo tamen minus nusquam uictus sed uictor  
ubiq; spolia auferabat hosti antiquo, animas  
uidelicet Christo credentium. Quare nō dicit:  
qui nos semper triumphare facit in mundo,  
sed, qui nos semper triumphare facit in Chri-  
sto. Qui uictor discedebat in Christo quasi ui-  
ctus affligebatur in mundo. Hoc genus uicto-  
riæ Christianorum est, durans ad finem usque  
mundi, quo dum in mūdo uidentur uinci, uin-  
cunt ipsi & Satanam & mundum. Vincunt e-  
nim, dum animas suas per omnis generis tri-  
bulationes uirtute patientiæ in fide Christi il-  
libatas & inuictas seruant. Sic uincuntur tyrā-  
ni occisores fidelium, & uincunt occisi. Tyran-  
nus clamat, nega, nega. Cōfessor Christi uicif-  
sim, non nego, inquit, absit, sed Christianum  
me esse ad extremum usque halitum cōfiteor  
& in extremo uictoriæ articulo constitutus  
Christum Seruatorem suum inuocat, illique  
spiritum suum commendat, quem tyrannus  
impius uictus & cōfusus blasphematur. Pugna  
est non de præsentī hac & momentanea uita,  
sed utrum agnoscas & habeas dominū, Chri-  
stū ne uel Satanam, ueritati ne Dei cum ele-  
ctis uel mendacijs Satanæ cum reprobis ad-  
hæreas, & uiuas ne ac salueris in sempiternū  
cum Christo & sanctis omnibus, uel pereas in  
æternum cum diabolo & impijs omnibus. In  
hac pugna uincit, nō qui occidit, sed qui in ue-  
ritate ac fide Dei perstat inuictus, & uincitur  
non qui occiditur, sed qui quoniam non uin-  
cit, hoc est, quod uult non obtinet, inuictum  
& in fide domini sui permanentem occidit,  
atque ita non hilaris ē pugna sed iratus & con-  
fusus discedit relicto in manu Domini quē se  
cum in castra Satanæ uelut in triumpho ducere  
proposuerat.

Et odorem, inquit, noticiæ suæ manife-  
stat per nos in omni loco. Exponit quomo-  
do triumphet ubique in Christo. Per sermonē  
uidelicet scientiæ & cognitionis Dei, hoc est,  
per Euangelium regni, quo scientiam Dei, à mū-  
do absconditam, manifestabat ubique. Loqui-  
tur



tur autem de noticia Dei, non ea tantum qua A  
unus cognoscitur ac solus uerus Deus, omniū  
conditor ac Seruator, quam scientiam Dei uin-  
dicant sibi & Iudæi & Turci, & multi sapien-  
tes ex Gentibus haud ignorarūt, sed de ea qua  
mysterium ac ueritas Christi filij Dei cognosci-  
tur, cuius scientia abscondita est à mundo, &  
ad cuius manifestationem singulari erat consi-  
lio Dei ab utero matris segregatus, sicuti uide-  
re est Gal. i. ubi dicit: qui segregauerat me ab  
utero matris meæ, & uocauit per gratiā suam,  
in hoc, ut reuelaret filium suum per me. Et Co-  
loss. 4. ubi petit à fidelibus, ut orent pro se ad  
Deum, ut aperiat sibi ostium sermonis, ad lo-  
quendum mysterium Christi, ut illud, sicuti  
oportet loquendo manifestet. Meminit huius  
& in ea quæ ad Titum est cap. i.

Quod autem non simpliciter dicit: & noti-  
ciam suam, sed, & odorem noticiæ suæ mani-  
festat per nos, ad commendandum suaueolen-  
tiam cognitionis Dei facit quæ in Christo est  
omnium iucundissima, & ad refocillandum  
abiectas conscientias efficacissima. Quod si  
quis uocem, odoris, positam esse cēset pro gu-  
stu: quasi dicat: & gustum, id est, primum ex-  
perimentum noticiæ suæ manifestat per nos  
in omni loco, huic non admodū repugnari-  
mus. Nam ita habet. Quocunque ueniebat gustum  
aliquem noticiæ Dei in Christo præbebat ijs  
qui Euangelio Dei credere incipiebant, pleni-  
tudinem uero illius non ita. Magis tamen pla-  
cet prior metaphoræ huius sensus, propter  
sequentia.

Illud, in omni loco, non est intelligendum  
aliter, quàm de locis in quibus prædicauit, ne  
ceterorum apostolorum labores irritos fuisse,  
Paulum uero solum toto terrarum orbe Chri-  
sti ueritatem manifestasse dicamus. Quocun-  
que ueniebat, ibi aliquem noticiæ Dei odorē  
prædicando, & si non apud multos, apud ali-  
quos saltem tanquam primitias sequutorū  
excitabat. Sic persequutiones illius quid erāt  
aliud quàm noticiæ Dei propagatio?

QVONIAM Christi bona fragrantia sumus  
Deo, inquit, in his qui salui sunt, & in his qui  
pereunt.] Explicat quod Deum odorem no-  
ticiæ suæ per se in omni loco manifestare di-  
xit. Comparat Christum quem prædicabat in  
mundo unguento uel aromati suaueolentissi-  
mo & se aromatario uel unguetario, qui quo-  
uis loco existat unguenti quod secum gestat  
suaueolentiam spargit. Sic non simpliciter di-  
cit: Quoniam bona fragrantia sumus, sed: Quo-  
niam Christi bona fragrantia sumus, quibus  
uerbis bonam quam spargebat fragrantiam  
deputat Christo. Quatenus hunc & doctrina  
& uitæ conuersatione spirabat, hactenus il-  
lius bona erat fragrantia. Perinde ac si uoces  
Apostolos lucem Christi. Hoc dicēs significat  
eos esse lucem, quatenus Christum lucem mū-  
di euangelizando prædicant, & conscientias  
mortalium ueritate Dei illuminant.

Quid est autem quod non simpliciter dicit:  
Quoniam Christi bona fragrantia sumus, sed  
addit Deo? Refert Apostolatum suum ad au-  
thorem Deum, qui per ipsum odorem noticiæ  
suæ manifestabat in omni loco. Pūgit autem  
pseudapostolos, quibus Apostolatus ipsius  
non bona Christi fragrantia authore Deo, sed  
pessimus quidā fœtor erat. Quasi dicat. Quā-  
tumuis Apostolatus noster graueolentia quē-  
dam ac pessimus fœtor sit in naribus magi-  
strorum uestrorum, reipsa tamen scimus &  
experimur esse nos Deo authore suaue Chri-  
sti odorem. Quare subiicit dicens.

In his qui salui sunt, & in his qui pereunt,  
his quidem odor mortis ad mortē, illis uero  
odor uitæ ad uitam. Vbicunque prædicabat  
Euangelium Christi, & bonam illius fragran-  
tiam spirabat, diuersum euentum experieba-  
tur. Alij enim probabant & amplectebantur  
credentes. Hi erant electi & ad uitam æternā  
destinati. Alij reprobabant & auersabantur. I-  
sti erant ex reprobis ac pereuntibus. Nihilo-  
minus suauius erat in se Christi odor, & autho-  
re Deo spargebatur per prædicationem Euan-  
gelij in toto mundo, licet alijs esset odor uitæ  
ad uitam, alijs uero odor mortis ad mortem.  
In illis operabatur propria uirtute uitam, in i-  
stis ipsorum uicio & culpa mortem.

Non debet autem mirum uideri, quod bo-  
nam Christi fragrantiam nō solum in illis qui  
salui sunt bonum odorem & odorem uitæ,  
sed & in reprobis qui pereunt mortis odorē  
uocat, cum Christus ut non ad iudiciū ita nec  
ad mortem uenerit in hūc mundum. Etenim  
in rebus humanis quoque uisatissimum est,  
ut res eadem, in seipsa bona & utilis, alijs ser-  
uiat ad bonum alijs ad malum, diuersumque  
& alienum sortiatur à natura sua in nonnullis  
effectum. Charitas omnia credens, omnia spe-  
rans, omnibus bene fidens, omnibus manue-  
ta & humana, omnibus benefaciens, utique  
bona est, & sibi ipsi constans, similis, & eadem  
ubique. Et tamen ab alijs bene collocatur ab  
alijs male, alios prouocat ad bonum, alijs cau-  
sa redditur contemptus & fœcordiæ. Medici-  
na bona est in se, attamen pro diuersitate sub-  
iectorum redditur uel utilis uel noxia. Sciētia,  
singulare donum Dei alios reddit utiles homi-  
nes, alios uero inflatos & noxios. Opulentia  
quoque, & ipsa diuino munere constans, alios  
reddit beneficos alios superbos. Solis splēdor  
alios illuminat, alios occæcat. Bona fragrantia,  
sicut uidere est in apothecis aromatarijs & un-  
guentarijs, alios recreat, alios reddit deiectos.  
Et Christus ipse alijs uenit in resurrectionem,  
alijs in ruinam. Ecquid aliud accideret Euan-  
gelio illius quàm hoc ipsum, ut alijs sit odor  
uitæ ad uitam, alijs odor mortis ad mortem,  
interim manens in seipso non diuersum sed i-  
dem, bonum uidelicet & natura sua diuinum  
& utile.

Non est autem præter rationem & scopū  
D d 3 præsi-



citer ualedicere ac dimittere, sed magis ubi di-  
scedendum ac ualedicendum est extrema da-  
re mandata, & ordinare quæ post discessum  
nostrum fieri uelimus, ut ἀποτάξας recte uocetur  
Germanice *ein abscheid*. Sic Paulus cum non in-  
uento Tito Troadē relinquere & in Macedo-  
niam abire uellet, ostium apertum in domino  
non neglexit, sed ijs qui credere cœperāt, quæ  
facerent ac quomodo se donec ad ipsos reuer-  
teretur gererent, iam discessurus ordinauit ac  
præscripsit. Hoc significans, non simpliciter di-  
cit: abij in Macedoniam, sed ἀποταξάμενος αὐτοῖς,  
id est, ubi illis constitui & ordinari quæ face-  
rent, abij in Macedoniam. Quare nō est ut hic  
operosam quæstionem moueamus quare A-  
postolus ostium Euangelio Dei Troade aper-  
tum propter absentiam Titi negligere uoluerit.  
Potiora agebat, & interim primordia recens  
iacta non negligebat. Quare ad illa reuersus  
quod plantauerat diligenter rigauit. Amplitu-  
dinem curarum illius, ingenij nostri angustia  
non capit, quapropter neque conuenit, ut de  
factis illius temere nobis iudicium sumamus.

Deo autem gratia qui semper trium-  
phat per nos in Christo, & odorem noti-  
ciæ suæ manifestat per nos in omni loco.  
Quoniam Christo bona fragrantia sum-  
mus Deo, in his qui salui fiunt, & in his  
qui pereunt, his quidem odor mortis ad  
mortem, illis uero odor uitæ ad uitam.  
Et ad hæc quis idoneus? Non enim su-  
mus ut plerique cauponantes sermonē  
Dei, sed uelut ex synceritate, sed uelut  
ex Deo in conspectu Dei per Christum  
loquimur.

Occasione eius quod dixit, & ostium mihi  
apertum esset in domino, rapitur in hanc do-  
xologiam, qua & successum Apostolatus sui  
deprædicat, & nomine illius Deo gratias agit,  
tribuens illi omnem illius ut operationem ita  
& gloriam. Deo autem gratia, inquit, uox hæc  
ex corde profecta, hominum est beneficia Dei  
agnoscentium, magnificantium, & cum gratia  
rumactione deprædicantium. Quid autē præ-  
dicat de Deo? Qui semper, inquit, triumphat  
per nos in Christo. In Græco est τὸ πάντοτε θριαμ-  
βεῖν ὑμᾶς, id est. Qui semper triumphat nos.  
Sic habet & uulgata æditio. Verum quoniam  
ea lectio, incōmoda est Latinis auribus, ideo  
legunt nōnulli, qui triumphare nos facit sem-  
per. Sane uerosimile est Apostolū uerbo hoc  
Ebraico more in sensu hyphil esse usum, ut θριαμ-  
βεῖν sit non simpliciter triumphare sed face-  
re ut triumphes. Qui uero cum Erasmo legūt:  
triumphat per nos, triumphantem constituūt  
non Apostolum sed Deum.

Quid est autem quod dicit? Triumphare,  
est uictoriā de hoste superato cum publica pō-  
pa, læticia, & gloria referre. Simplicius est, ut  
hic intelligamus idem esse, quod, qui semper

uictores nos reddit in Christo. Victoriæ ac tri-  
umpho loco ducebat, quoties aliquos regno  
Satanæ ereptos in castra Christi ducere daba-  
tur. Et quoniam id ubiq; dabatur, quocunque  
uenisset, dicit se semper fieri triumphatorem  
in Christo.

Mirabilis omnino triumphator, qui ut ca-  
pite quarto superioris epistolæ de seipso dicit,  
spectaculum erat factus & mundo & angelis  
& hominibus, & ad id usque temporis esurie-  
bat, sitiebat, nudus erat, colaphis cēdebat, in-  
certis uagabatur sedibus, manibus proprijs  
operans laborabat, male audiebat, persecu-  
tionē patiebatur, conuicijs afficiebatur, & ue-  
lut excrementum ac reiectamentum mundi  
quocunque uenisset erat. Si hoc genus uitæ  
triumphatori conuenit, sane maximus erat tri-  
umphator. Verum quamuis afflictionum ista-  
rum respectu omnium uidebatur esse miserr-  
mus, & nusquam uincere sed ubique uinci, ni-  
hilo tamen minus nusquam uictus sed uictor  
ubiq; spolia auferebat hosti antiquo, animas  
uidelicet Christo credentium. Quare nō dicit:  
qui nos semper triumphare facit in mundo,  
sed, qui nos semper triumphare facit in Chri-  
sto. Qui uictor discedebat in Christo quasi ui-  
ctus affligebatur in mundo. Hoc genus uicto-  
riæ Christianorum est, durans ad finem usque  
mundi, quo dum in mūdo uidentur uinci, uin-  
cunt ipsi & Satanam & mundum. Vincunt e-  
nim, dum animas suas per omnis generis tri-  
bulationes uirtute patientiæ in fide Christi il-  
libatas & inuictas seruant. Sic uincuntur tyrā-  
ni occisores fidelium, & uincunt occisi. Tyran-  
nus clamat, nega, nega. Cōfessor Christi uicis-  
sim, non nego, inquit, absit, sed Christianum  
me esse ad extremum usque halitum cōfiteor  
& in extremo uictoriæ articulo constitutus  
Christum Seruatorem suum inuocat, illique  
spiritum suum commendat, quem tyrannus  
impius uictus & cōfusus blasphematur. Pugna  
est non de præsentī hac & momentanea uita,  
sed utrum agnoscas & habeas dominū, Chri-  
stū ne uel Satanam, ueritati ne Dei cum ele-  
ctis uel mendacijs Satanæ cum reprobis ad-  
hæreas, & uiuas ne ac salueris in sempiternū  
cum Christo & sanctis omnibus, uel pereas in  
æternum cum diabolo & impijs omnibus. In  
hac pugna uincit, nō qui occidit, sed qui in ue-  
ritate ac fide Dei perstat inuictus, & uincitur  
non qui occiditur, sed qui quoniam non uin-  
cit, hoc est, quod uult non obtinet, inuictum  
& in fide domini sui permanentem occidit,  
atque ita non hilaris ē pugna sed iratus & con-  
fusus discedit relicto in manu Domini quē se  
cum in castra Satanæ uelut in triumpho ducere  
proposuerat.

Et odorem, inquit, noticiæ suæ manife-  
stat per nos in omni loco. Exponit quomo-  
do triumphet ubique in Christo. Per sermonē  
uidelicet scientiæ & cognitionis Dei, hoc est,  
per Euangelium regni, quo scientiam Dei, à mū-  
do absconditam, manifestabat ubique. Loqui-  
tur



tur autem de noticia Dei, non ea tantum qua A  
unus cognoscitur ac solus uerus Deus, omniū  
conditor ac Seruator, quam scientiam Dei uin-  
dicant sibi & Iudæi & Turci, & multi sapien-  
tes ex Gentibus haud ignorarūt, sed de ea qua  
mysterium ac ueritas Christi filij Dei cognosci-  
tur, cuius scientia abscondita est à mundo, &  
ad cuius manifestationem singulari erat consi-  
lio Dei ab utero matris segregatus, sicuti uide-  
re est Gal. i. ubi dicit: qui segregauerat me ab  
utero matris meæ, & uocauit per gratiā suam,  
in hoc, ut reuelaret filium suum per me. Et Co-  
loss. 4. ubi petit à fidelibus, ut orent pro se ad  
Deum, ut aperiat sibi ostium sermonis, ad lo-  
quendum mysterium Christi, ut illud, sicuti  
oportet loquendo manifestet. Meminit huius  
& in ea quæ ad Titum est cap. i.

Quod autem non simpliciter dicit: & noti-  
ciam suam, sed, & odorem noticiæ suæ mani-  
festat per nos, ad commendandum suaueolen-  
tiam cognitionis Dei facit quæ in Christo est  
omnium iucundissima, & ad refocillandum  
abiectas conscientias efficacissima. Quod si  
quis uocem, odoris, positam esse cēset pro gu-  
stu: quasi dicat: & gustum, id est, primum ex-  
perimentum noticiæ suæ manifestat per nos  
in omni loco, huic non admodū repugnamus.  
Nam ita habet. Quocunque ueniebat gustum  
aliquem noticiæ Dei in Christo præbebat ijs  
qui Euangelio Dei credere incipiebant, pleni-  
tudinem uero illius non ita. Magis tamen pla-  
cet prior metaphoræ huius sensus, propter B  
sequentia.

Illud, in omni loco, non est intelligendum  
aliter, quàm de locis in quibus prædicauit, ne  
ceterorum apostolorum labores irritos fuisse,  
Paulum uero solum toto terrarum orbe Chri-  
sti ueritatem manifestasse dicamus. Quocun-  
que ueniebat, ibi aliquem noticiæ Dei odorē  
prædicando, & si non apud multos, apud ali-  
quos saltem tanquam primitias sequutorū  
excitabat. Sic persecutiones illius quid erāt  
aliud quàm noticiæ Dei propagatio?

QVONIAM Christi bona fragrantia sumus  
Deo, inquit, in his qui salui sunt, & in his qui  
pereunt.] Explicat quod Deum odorem no-  
ticiæ suæ per se in omni loco manifestare di-  
xit. Comparat Christum quem prædicabat in  
mundo unguento uel aromati suaueolentissi-  
mo & se aromatario uel unguetario, qui quo-  
uis loco existat unguenti quod secum gestat  
suaueolentiam spargit. Sic non simpliciter di-  
cit: Quoniam bona fragrantia sumus, sed: Quo-  
niam Christi bona fragrantia sumus, quibus  
uerbis bonam quam spargebat fragrantiam  
deputat Christo. Quatenus hunc & doctrina  
& uitæ conuersatione spirabat, hætenus il-  
lius bona erat fragrantia. Perinde ac si uoces  
Apostolos lucem Christi. Hoc dicēs significat  
eos esse lucem, quatenus Christum lucem mū-  
di euangelizando prædicant, & conscientias  
mortalium ueritate Dei illuminant.

Quid est autem quod non simpliciter dicit:  
Quoniam Christi bona fragrantia sumus, sed  
addit Deo? Refert Apostolatū suum ad au-  
thorem Deum, qui per ipsum odorem noticiæ  
suæ manifestabat in omni loco. Pūgit autem  
pseudapostolos, quibus Apostolatus ipsius  
non bona Christi fragrantia authore Deo, sed  
pessimus quidā fœtor erat. Quasi dicat. Quā-  
tumuis Apostolatus noster graueolentia quē-  
dam ac pessimus fœtor sit in naribus magi-  
strorum uestrorum, reipsa tamen scimus &  
experimur esse nos Deo authore suaue Chri-  
sti odorem. Quare subiicit dicens.

In his qui salui sunt, & in his qui pereunt,  
his quidem odor mortis ad mortē, illis uero  
odor uitæ ad uitam. Vbicunque prædicabat  
Euangelium Christi, & bonam illius fragran-  
tiam spirabat, diuersum euentum experieba-  
tur. Alij enim probabant & amplectebantur  
credentes. Hi erant electi & ad uitam æternā  
destinati. Alij reprobabant & auersabantur. I-  
sti erant ex reprobis ac pereuntibus. Nihilo-  
minus suauius erat in se Christi odor, & autho-  
re Deo spargebatur per prædicationem Euan-  
gelij in toto mundo, licet alijs esset odor uitæ  
ad uitam, alijs uero odor mortis ad mortem.  
In illis operabatur propria uirtute uitam, in i-  
stis ipsorum uicio & culpa mortem.

Non debet autem mirum uideri, quod bo-  
nam Christi fragrantiam nō solum in illis qui  
salui sunt bonum odorem & odorem uitæ,  
sed & in reprobis qui pereunt mortis odorē  
uocat, cum Christus ut non ad iudiciū ita nec  
ad mortem uenerit in hūc mundum. Etenim  
in rebus humanis quoque uisatissimum est,  
ut res eadem, in seipsa bona & utilis, alijs ser-  
uiat ad bonum alijs ad malum, diuersumque  
& alienum sortiatur à natura sua in nonnullis  
effectum. Charitas omnia credens, omnia spe-  
rans, omnibus bene fidens, omnibus manue-  
ta & humana, omnibus benefaciens, utique  
bona est, & sibi ipsi constans, similis, & eadem  
ubique. Et tamen ab alijs bene collocatur ab  
alijs male, alios prouocat ad bonum, alijs cau-  
sa redditur contemptus & fœcordiæ. Medici-  
na bona est in se, attamen pro diuersitate sub-  
iectorum redditur uel utilis uel noxia. Sciētia,  
singulare donum Dei alios reddit utiles homi-  
nes, alios uero inflatos & noxios. Opulentia  
quoque, & ipsa diuino munere constans, alios  
reddit beneficos alios superbos. Solis splēdor  
alios illuminat, alios occæcat. Bona fragrantia,  
sicut uidere est in apothecis aromatarijs & un-  
guentarijs, alios recreat, alios reddit deiectos.  
Et Christus ipse alijs uenit in resurrectionem,  
alijs in ruinam. Ecquid aliud accideret Euan-  
gelio illius quàm hoc ipsum, ut alijs sit odor  
uitæ ad uitam, alijs odor mortis ad mortem,  
interim manens in seipso non diuersum sed i-  
dem, bonum uidelicet & natura sua diuinum  
& utile.

Non est autem præter rationem & scopū  
D d 3 præfi-



præfixum quod diuersum hunc effectum Euāgelij Dei per metaphoram bonæ fragrantiae exprimit. Si dixissent simpliciter: Quoniam Christi minister sum non solū in illis qui salui sunt sed & in alijs qui pereunt. Illis sum occasio uitæ ad uitam, istis occasio mortis ad mortem, admodum offendisset multos, Apostolatūque suum, quasi mortis ministrum, graui odio reddidisset obnoxium ac detestabilem. Prudenter itaque utitur metaphora bonæ fragrantiae, cui nemo uicio dare potest, quod non nullis nocet, cum natura sua iucunda sit & utilis. Sic non sua sed reproborum culpa fiebat, quod erat illis odor mortis ad mortē, qui per gratiam Dei electis erat odor uitæ ad uitam.

ET ad hæc, inquit, quis idoneus? Vel, quis sufficiens? Quasi dicat. Conditio hæc Apostolatus mei, qua alijs est odor uitæ ad uitam, alijs odor mortis ad mortem, non est humane facultatis. Nemo mortalium est, qui illam per se dispenset, uel dispensandæ sufficiat. Consequitur ergo dispensari eā diuino consilio. Nec mihi imputandum est, quod bona Christi fragrantia odor uitæ ad uitam illis est qui saluantur, nec Euāgelio Dei & mihi quod odor mortis ad mortem est ijs qui pereunt. Totum hoc diuina dispositione geritur.

NON enim sumus, inquit, ut plerique, cauponantes sermonem Dei, sed uelut ex sinceritate, &c.] Sensus est. Nō enim est, ut me quisquam sermonem Dei negociando ac nundinando adulterare, atque ita in culpa esse dicat, quod multis est odor mortis in mortem. Faciūt hoc sane multi, quibus uerbum Dei abiit in quæstum, quorum Deus uenter est, & omnis prædicatio nihil aliud quàm turpis nundinatio & inanis gloriæ uenatio. Nos sermonem Dei prædicamus, ut est in se, purum & illibatum. Loquimur enim tanquam ex sinceritate, tanq̃ ex Deo, & coram Deo, in Christo.

Sic duo agit hisce uerbis. 1. Primum, perstringit pseudapostolos, quod sermonem Dei cauponando adulterent, hoc est, non sincere, non tanquam ex Deo, non coram Deo, sed ex suis ipsorum affectibus mundo sese non Deo accommodantes Christum prædicent. Et hos dicit esse nō paucos aliquos sed multos. Meo iudicio loquitur de ijs qui ex circumcisione credentes circuibant, & non solum corde non integro sed peruerso Christum prædicabant, sed & impuritatem ex legis obseruationibus & traditionibus Euangelio immiscebant, trahentes post se discipulos, & rotas domos subuertentes. Et forsan ex Gentibus quoque nōnulli erant, qui sermoni Dei plurimum immiscerent ex fecibus philosophiæ ac mundanæ sapientiæ. Et hæc fiebant à multis, idque apo-

stolis adhuc in uiuis existentibus, & conquirentibus. Tam scilicet est puræ doctrinæ uicio malum antiquum, malum subito inualefcens, malum tenax & obstinatum, ut ne apostolis quidem cedat. Et audent hodie iactare plerique nunquam esse ecclesiam obnoxiam factam erroribus.

2. Alterum est, quod prædicationi ac doctrinæ suæ uindicat sinceritatem, authoritatem, & consciētiam Dei in Christo. Sed loquimur, inquit, in Christo, tanquam ex sinceritate, tanquam ex Deo, in conspectu Dei. In Christo loqui, est in nomine ac spiritu Christi loqui. Loqui tanquam ex sinceritate, loqui est sicuti decet eos, qui sine dolo, sincere ac candide loquuntur. Loqui tanquam ex Deo, loqui est quemadmodum conuenit ei qui authore Deo loquitur, quod ab illo in mandatis accepit. In conspectu Dei loqui, est sic loqui cum conscientia ac religione Dei, ac si loquendum sit in ipso conspectu Dei. Hæc uindicat doctrinæ suæ, non quærens inanem gloriam, sed resistens pseudapostolorum calumnijs, & consulens fidelibus præsertim infirmioribus.

Habent igitur hic ministri Christi certas legitimi ministerij notas, numero quinque.

1. Prima est in eo quod dicit: loquimur. Excluduntur ergo muti ac personati episcopi nō loquentes sed dominantes.

2. Secundam exprimit cum dicit: in Christo. Excluditur omne genus doctrinæ, quod causam Christi non concernit.

3. Tertia in eo est quod dicit: tanquam ex sinceritate. Græcè est *ὡς ἡ ἀληθεία*. Exponunt autem *ἀληθείας, τὸ καθαρόν καὶ ἀμύγῃς ἴσιν*, id est, purū & nulla re alia mixtum. Ergo pure ac sincere prædicat Christum, qui nihil aliud doctrinæ Christi immiscet. Excluditur omnis mixtura, siue sit ex traditionibus humanis, siue ex obseruantijs legis, siue ex acumine humanæ sapientiæ. Quis autem omnia mixturæ genera recensuerit, quibus doctrinæ Christi puritas inde est ab apostolorum temporibus uiciata?

4. Quartam attingit dicens: sed tanquam ex Deo. Ergo requiritur ut uerus Christi minister non humana sed diuina authoritate suffultus loquatur in ecclesia Dei, quo tanquā sermones & oracula Dei loquatur 1. Pet. 4.

5. Quintā exprimit dicens: in conspectu Dei. Aliud est loqui in conspectu ac respectu hominū, & aliud loqui in conspectu & respectu Dei ubique præsentis & omnia nostra uidentis & audientis. In conspectu hominum locum habet hypocrisis, fraus, & cauponatio, in conspectu Dei nequaquā. Vbi hæ notæ desunt,

non est ut Christi ministrum agnoscamus.

ARGV.



## ARGVMENTVM CAP.

**V**T pseudapostolorum nequiciam infringat, qui de lege Mosaica plurimū insolecebant, & sinceritatem Euangelij Christi impurabant, Apostolatū suū tanquam Noui testamenti ministerium supra ministerium legis extollit.

## CAPVT III.



**I**NCIPIMVS rursus nos ipsos commendare? Num egemus, ut nōnulli, cōmendaticijs epistolīs apud uos, aut à uobis cōmendaticijs? Epistola nostra uos estis, inscripta in cordibus nostris, quæ intelligitur & legitur ab omnibus hominibus, dum declaratis quod estis epistola Christi subministrata à nobis, inscripta non atramento, sed spiritu Dei uiuentis, non in tabulis lapideis, sed in tabulis cordis carneis.

Apostolatū suū supra legis Mosaicæ ministerium euecturus de quæ efficacia ipsius ac præstantia commemoraturus, mox initio calumniæ pseudapostolorum occurrit, qui dubio procul dicturi erant: Ecce hominem gloriosulum & iactabundum, propriarumq; laudum ebuccinatorem. Incipit seipsum denuo commendare, quemadmodum in superiore epistola fecit. An non fatui sunt, qui seipsum commēdanti credunt? Hoc illos dicturos præsciens. Incipimus rursus nos ipsos cōmendare inquit. Quasi dicat, quēadmodū dicturi sunt uestri magistri, omnia nostra carpētes ac maliciose diuexantes. Hoc intelligens non simpliciter dicit: Non commendamus nos ipsi. Neq; enim egemus commendatione apud uos, sed ut ueluti uerba pseudapostolorum exprimat: Incipimus inquit rursus nos ipsos commendare. Apostolatū suū tantopere nō asseruisset, nisi improbißima pseudapostolorū malicia coegisset. Non quærebat sibi ipse nominis celebritatem in hoc mundo, id quod illi ipsi Magistri studiosissime factitabant, sed fructum Apostolatus sui, salutem uidelicet credentium, quam Satan per suos ministros subuertere moliebatur. Ne hoc agebat, ut scribendo sese Corinthijs commēdaret, ac gratiam fauoremq; illorum ambiret, quibus integritatē suā & paternum affectum re ipsa & euidentissimis argumentis comprobauerat.

NVM egemus, inquit, ut nōnulli, commendaticijs epistolīs apud uos, aut à uobis cōmendaticijs? In Græco legit, *ἂν μὴ χρῆσθωμεν*, quod sonat, si nō egemus, uel, nisi egemus, quæ lectio non cōuenit sensui Apostoli, nisi exponas hoc pacto. Incipimus ne rursus nos ipsos commendare? Quasi dicat: Minime omnium. Nisi for-

**A**san egemus, ut nonnulli, commendaticijs ad uos epistolīs. Verum quoniam omnes interrogandi modo legunt. An egemus, ut nonnulli, commendaticijs epistolīs ad uos: apparet legendum esse in Græco: *ἂν μὴ* per ita, non *ἂν μὴ* per ep̄syon iota, ut uerti possit, aut num egemus, ut nonnulli commendaticijs epistolīs ad uos, aut à uobis commendaticijs? Vtrouis modo legas nihil diuersi nascitur in sensu.

Tria commendationum genera attingit, quæ etiam procul à se reijcit. Primum est, quo se ipse Corinthijs commendare uidebatur. Hoc mox initio capitis refutat dicens: Incipimus ne rursus commendare nos ipsos? Secundum, quo alios subordinare poterat, qui se Corinthijs commendarent. Tertium, quo ipsum Corinthij commēdassent alijs. Vtraque hæc reijcit cum dicit: Num egemus commendaticijs epistolīs apud uos? aut à uobis commendaticijs, hoc est, quibus me uos commendetis alijs?

**B**Vide autem quomodo loquatur. Nō dicit: Non quærimus commendaticias epistolas ad uos, aut à uobis ad alios, sed: Num egemus commendaticijs &c. Quasi dicat. Ad quid mihi opus est, ut uobis commender uel à me ipso, uel ab alijs, uel à uobis ad alios? Nec dicit: Non egemus, sed, Num egemus? quod cum emphasi negationis dicitur. Quasi dicat. Iudicate uos ipsi an hæc mea sit conditio, ut egeam literis commendaticijs, præsertim apud uos, quibus mea conuersatio omnium est notissima. Quis sane mentis dicet patrem egere commendaticijs literis ad suos filios?

In eo autem quod non simpliciter dicit: Nū egemus commendaticijs epistolīs apud uos, sed addit, ut nōnulli, perstringit eos ex pseudapostolis, qui ut aliquid existimationis sortirentur in ecclesia, uenerant Corinthum cum epistolīs commendaticijs, quas ut uerosimile est à Hierosolymitanis nōnullis fratribus Mosaicæ legis æmulatoribus ad hoc acceperant, ut Paulo negocium facerent. Quasi dicat. Non mihi, sed magistris illis uestris opus est literis commendaticijs, quorum uobis sinceritas nec uitæ est nec doctrinæ perspecta.

Hoc autem dicens, non damnat usum commendationis qui perpetuo fuit in ecclesia & admodum utilis est si rite ac legitime seruetur. Initio conuersionis suæ opus erat & ipsi ut fratribus commendaretur, quod & factum est à Barnaba. Et ipse quā plurimos sibi, quā Ecclesijs notiores in literis suis commēdauit, præsertim eos, quos habebat cooperarios, quales erant Timotheus et Titus. Verum qui eam erat apud omnes ecclesias nactus auctoritatem, ut merito pro commendatis haberentur, quos ipse commēdasset, utique non egebat ut uel ipse se commendaret per literas, uel commēdaretur ab alijs. Omnino argumentum habent literæ commendatiæ hominis ignoti, illis saltem, quibus commēda-



Et quoniam periculum est, ne qui per aliorum commendationem insinuat ecclesijs, ubi admissus ac receptus fuerit talis non inueniatur qualis fuerat commendatus, usi sunt maiores nostri magna cura & cautione in commendatione fratrum. Hodie ut omnia aguntur leuiter ac temere ita in dandis literis commendaticijs quoque plus est leuitatis quam conuenit illis, quorum est testes esse ueritatis certæ & cognitæ, ne quo pacto usu ipsis ueniat, ut confusi dicant: non putaram.

EPISTOLA nostra uos estis inquit.] Reddit rationem quare non egeat epistolis commendaticijs. Quia uos inquit, abunde mihi estis loco Epistolæ, qua commender. Quomodo erant autem Corinthij epistola Pauli? Neque quatenus erant homines, neque quatenus erant diuites, pauperes, sapientes &c. sed quatenus erant Christiani, per uerbum Euangelij in Christo regenerati, hætenus erant illi us epistola commendaticia. Per ipsius enim Apostolatam tales erant facti. Sic igitur uniuscuiusque episcopi opus in ecclesia Christi ipsius est Epistola, qua uel commendetur uel culpabilis declaretur. Ipsa uitæ conuersatio, ipsa Ecclesiæ uel ædificatio uel destructio certius de quolibet episcopo pronunciant, quam ullæ literæ. Expressior scriptura est factorum quam uerborum ac literarum.

INSCRIPTA, inquit, in cordibus nostris, &c.] Metaphorâ epistolæ prosequitur & explicat. Declarandum enim erat qualibus esset chartis uel tabulis, quali atramento, & à quo inscripta, deinde à quo subministrata, & à quibus & quomodo legeretur & intelligeretur. Hæc explicaturus dicit: Inscripta in cordibus nostris. Quod in Græco est, *ἐν ταῖς καρδίαις ὑμῶν*, id est in cordibus nostris, manifestum habet errorem, in una litera hypsilon admissum, dum pro illa posita est ita. Legendum enim est, *ἐν ταῖς καρδίαις ὑμῶν*. Scio Chrysostomum quoque cum alijs legere & exponere, in cordibus nostris, & alios referre ad eos qui cum Paulo erant, alios uero tam ad Corinthios quam ad Paulum. Verum res ipsa clarior est, quam ut sit dubitandum, de quorum cordibus loquatur Apostolus, præsertim si sequentia considerentur.

INSCRIPTA, inquit, in cordibus uestris.] Per epistolam intelligit Christianam fidem, mentem, ac pietatem. Hæc erat inscripta in ipsorum cordibus, ueluti tabulis, & commēdabat opus Pauli tamquam Apostoli ipsorum, per quem Christiani facti fuerant. Quod in Græco est *ἡ γράμμα μὲν*. id est, inscripta, nonnullis idem est, quod, quæ circumfertur, quasi sit *περιφερόμενη*. Video multis nocere, quod non satis inhaerent apostoli uerbis. Quis non uidet aliud esse inscribi literas, & aliud circumferri?

QUAE intelligitur, inquit, & legitur ab omnibus hominibus.] Manet in forma metaphore. Epistolæ, nisi legatur & intelligatur, nullus est usus. Quare & hoc explicat. Prius autem est le-

gi, deinde intelligi, quæ leguntur. Ordinem hunc non curat apostolica grauitas, cum notus sit omnibus. Quanquam sunt, qui legendum putant, quæ cognoscitur & agnoscitur. Illi tamen ipsi receptam lectionem retinent.

Quoniam genus epistolæ de quo scribit spirituale erat, ne quis nec legi nec intelligi posse dicat, asserit utrumque dicens, quæ & intelligitur & legitur. Rursus ne dicat quis, legitur quidē & intelligitur, sed à quibus? subiungit, ab omnibus hominibus. Non est igitur epistola hæc illegibilis, nec sic est perplexa ut non possit à quolibet intelligi, cum talis sit ut & legatur & intelligatur, hoc est, legi & intelligi possit, ab omnibus hominibus. Significat igitur loqui se non de imaginaria aliqua epistola quam nemo legere & intelligere possit, sed de tali, quam legant & intelligant omnes homines, eamque ob causam non habeat opus alia, qua commenderetur cuiquam.

DEUM declaratis quod estis epistola Christi, inquit, subministrata à nobis.] Exponit quomodo, ut epistola ipsius, legantur & intelligantur ab omnibus hominibus. Non dicit, dum estis epistola Christi, sed, dum declaratis quod estis epistola Christi. Hoc est, dum uos & fidei professione & uitæ conuersatione Christianos esse in omnium oculis declaratis. Hic non modo interna fides cordis, sed & uniuersa uitæ conuersatio, & manifesta religionis professio, Christiana prædicatur ab Apostolo, & epistola Christi uocatur, quæ legatur & intelligatur ab omnibus non fidelibus tantum, sed & quibusuis alijs hominibus. Sic est cōparata Christi epistola. Scripta est literis non imaginarijs & inuisibilibus, sed admodum expressis & spectabilibus, sic ut legi & intelligi possit ab omnibus. At hodie inuenias Christianos, qui satis esse censeant, si Christiani sint in corde, sic ut scriptura ipsorum abscondita sit à lectione & intelligentia cæterorum hominum, soli; Deo cognita. Verum Paulus aliter de epistola Christi scribit. Non dicit: quæ legitur & intelligitur à Deo, sed, ab omnibus hominibus, neque dicit, dum fidem haberis in Christum sed, dum declaratis quod estis epistola Christi. Declaranda est hæc epistola Christi, non abscondenda, lux enim est, non tenebræ.

SUBMINISTRATA à nobis inquit.] Verba hæc incommode diuidunt ad hunc modum: quod estis epistola Christi, subministrata, à nobis inscripta. Verum epistolam hanc Christi non simpliciter subministratam, sed à se subministratam dicit. Quare sic est legendum: dum declaratis quod estis epistola Christi, subministrata à nobis, inscripta non atramento, sed spiritu Dei uiuentis. Et Augustinus legit, per nos subministrata in libro de spiritu & litera. Dixit eos esse suam epistolam, & mox subiungit, dum declaratis quod estis epistola Christi. Si Christi erant epistola, quomodo sua esse



esse dixit? Haftenus uidelicet, quod ipse illā tā quā Christi Apost. p. Euāgelij prædicationē subministrauerat. Erat hæc epistola Christi, tāquā ipsius Dñi, erat Pauli tāquā ministri & apostoli, q. eā subministrauerat. Constat ergo hæc epistola uoluntate & autoritate Christi, & subministratione Apostoli & propter illam Christi, propter hanc Apostoli est epistola. Sic cauet Apostolus, ne nimium sibiipse tribuere uideat, ubi dicit: Epistola nostra uos estis, quare explicationem hanc subiicit, qua domino proprietatis ius assignat ecclesiæ, sibi uero subministrationem. Hodie dominium sibi uindicat in ecclesias Christi, qui ne subministrationem quidem illarum uindicare sibi possunt.

INSCRIPTA, inquit, non atramento, sed spiritu Dei uiuentis. ] Discriminat inter epistolas pseudapostolorum quibus commendari se Ecclesiis curabant & hanc suam, de Apostolatu suo testificantem. Epistolæ, inquit, Magistrorum uestrorum quibus se admodum commendari putant, scribuntur atramento, literis mortuis, & scriptura humana. Has nañti, magni sibiipsis uidetur esse apostoli. At hæc mea epistola, qua meus commendatur Apostolatus, scripta est non atramento, non literis mortuis, non scriptura humana, sed spiritu Dei uiuentis. Estis igitur mihi non mortua sed uiua epistola, literis constans spiritualibus adeoq; & uiuis, non humana sed diuina, spiritum nō hominis sed Dei uiuentis scripta, cuius opera non sunt mortua sed uiua.

Loquitur autem de spiritu Christi, quē Corinthij acceperant credentes, quotquot erant ex electis. Horum respectu uocat eos in communi epistolam Christi, spiritu Dei uiuentis scriptam. Nolim tamen hic excludere charismata spiritus, quibus ea ecclesia, quemadmodum & aliæ, posita fuerat, de quibus in superiori epistola mentionem fecit cap. 14. Nam & per illa, tanquam per uiuas spiritus Christi literas, declarabatur, esse ecclesiam illam epistolam Christi, spiritu Dei uiuentis scriptam, & per Apostolatum Pauli subministratam.

NON in tabulis lapideis, inquit, sed in tabulis cordis carneis. ] Incipit collimare ad discrimen Veteris ac Noui testamēti, quo Apostolatum suum cōtra pseudapostolos supra Mosai cæ legis ministerium extollat. Lex Moſis, qua parte erat optima, inscripta fuerat tabulis lapideis. At Euangelium Christi inscribitur non tabulis lapideis, sed cordibus, quę tabulę sunt carneæ. Carneas uocat, ad differentiam lapidearum. Perstringit igitur pseudapostolos etiam hañtenus, quatenus ministerium Mosai cæ legis tanti faciebant, ut ministerio Euāgelij Christi opponendum esse censerent. Quasi dicat, uestri magistri legis æmulatores uideri uolūt, & huius nomine inflantur. Sic cęci sunt ut non uideant uos uiuam esse epistolam, spiritu Dei uiuentis cordibus uestris multo efficacius inscriptam, quā olim legem Moſis tabulis lapideis insculptam, atque ita impleri illud

prophetæ. Quoniam hoc est fœdus quod feriam cum domo Israel: post dies istos, dicit Dominus, dabo legem meam in medio ipsorum, & super cor ipsorum inscribam eam, & ero ipsis in Deum, & ipsi erunt mihi in populum.

Hier. 31

Sic per collationem lapidearum ac carnearum tabularum tam ingens docet esse discrimen inter suum Apostolatum & doctrinam pseudapostolorum, quā diuinius & præstantius est legem Dei inscribi cordibus hominū quā tabulis lapidum. Nec est ut dicat quisquam, multa uana cordibus hominum posse inscribi, ideoque non esse tanti momēti quod illis inscribitur noua aliqua doctrina, quales multæ in hoc mundo cordibus humanis insinuantur. Non loquitur de eo tātum, quod doctrinam suam cordibus Corinthiorum inscripserat, sed quod scriptura hæc constabat spiritu Dei uiuentis. Sane multum refert non modo quid, sed & quomodo cordibus nostris inscribatur. Si humanæ tantum persuasionis calamo etiam id quod uerum est inscribitur, delebilis est & euanida scriptura, id quod nostra quoque ætate quotidiana docet experientia. Si uero literatura spiritus Dei uiuentis cordibus nostris impressa fuerit, id demum firmā, efficacem, & uiuam reddit scripturam, quæ legi & intelligi possit ab omnibus, deleri uero a nemine.

Quod autem non simpliciter dicit: sed in tabulis cordis, sed addit, carneis, respicit ad ea quæ Ezech. 11. & 36 de Noui testamenti gratia prædicta leguntur ad hunc modum. Et dabo uobis cor nouum, & spiritum nouum ponam in medio uestri, & auferam cor lapideum de carne uestra, & dabo uobis cor carneum, et spiritum meum ponam in medio uestri, & faciā ut in præceptis meis ambuletis &c. Erant & sunt hodie quoque corda gētis huius non carneæ sed lapideæ, hoc est, dura & obstinata, celestis doctrine haudquaquam capacia. Est igitur & hoc cum primis opus spiritus Dei ut tollat corda lapideæ, & substituatur carneæ, gratiæ Noui testamenti capacia. His itaque uocibus sic prædicat noui testamenti prærogatiuam in Corinthijs declaratam, ut simul perstringat et inueteratam Iudaicæ gentis obstinationē ac duriciem, & Mosai cæ legis infirmitatem, quæ non potuerit ex lapideis cordibus corda facere carneæ, sensum ad capiendam uitæ doctrinam habentia.

Fiduciam autē huiusmodi habemus per Christum erga Deum, nō quod idonei simus ex nobis ipsis cogitare quicquam, tanquam ex nobis ipsis, sed si ad aliquid idonei sumus, id ex Deo est, qui & idoneos nos fecit ministros Noui testamenti, non literæ sed spiritus. Nam litera occidit, spiritus autem uiuificat.

Cœpit magnifice de Apostolatu suo loqui, dum per se Deum odorem noticiæ suæ manifesta-

festat.



festare in omni loco, seq; Deo bonam Christi fragrantiam, & Corinthios epistolam suam non atramento, sed spiritu Dei uiuentis cordibus ipsorum inscriptam esse dixit. Ideo quod supra dixit. Et ad hæc quis idoneus? repetens amplificat, ne quid horum suis ipsius uiribus tribuere uideatur. Sic dicit: fiduciam autem huiusmodi habemus per Christum ad Deum, non quod idonei simus ex nobis ipsis cogitare quicquam tanquam ex nobis, sed si ad aliquid idonei sumus id ex Deo est &c. Quasi dicat, Potero uideri confidentius loqui & plura mihi tribuere quam conueniat, uerum quæ loquimur bona cum fiducia loquimur, quam non ex nobis sed per Christum habemus ad Deum. Ingens nobis est & efficax fiducia erga Deum. Hanc autem gignit in nobis spiritus Christi, & certa experientia, qua Deum patrem causæ filij sui in omnibus efficaciter adesse experimur. Huiusmodi fiduciam Apostoli, tam fideliter erga Christum affecti, in opere illius tum diligenter & indefinenter pergentis, tam multa pro nomine illius patientis, tamque ardentem ad seruandum quosuis noctes ac dies anhelantis, quis dubitat in conspectu Dei maximi fuisse momenti propter Christum, sicut impossibile fuerit, posse fieri irritam & inefficacem?

NON quod idonei simus, inquit, ex nobis ipsis cogitare quicquam, tanquam ex nobis ipsis. Hisce uerbis diserte negat sibi facultatem esse de suo, non modo operandi aliquid eorum quæ memorauit, sed ne cogitandi quidem. Simul etiam rejicit à se fiduciam carnis, quæ & ipsa multa sibi ipsi de Deo pollicetur, ubi se instructam ad ea perficienda ac consequenda putat, quæ affectat. Ne de hac loqui uideatur, cum se fiduciam huiusmodi erga Deum habere dicit, non contentus eo quod dixit, per Christum, subiicit diserte omnimodam propriarum uirum abnegationem dicens: non quod idonei simus ex nobis ipsis cogitare quicquam tanquam ex nobis ipsis: quasi dicat, fiduciam huiusmodi erga Deum non ex eo habemus quod existimemus nos instructos et idoneos esse ex nobis ipsis, ad cogitandum ea de quibus loquimur.

SED si aliquid, inquit, idonei sumus, id ex Deo est. Hoc dicens, omnem facultatem qua idoneus erat ad faciendum ea de quibus scribit, Deo fert acceptam. Non dicit: sed quod ad tam magna & multa, sed, si ad aliquid idonei sumus. Quasi dicat, quantumuis minutum, id ex Deo est, non ex nobis. Quid suis ipsius uiribus relinquit, unde possit gloriari, qui diserte dicit: si aliquid possumus, non est ex nobis sed ex Deo? Nihil prorsus.

ID ex Deo est, inquit. Dicit aliquis. Etiam uires nostræ quas naturaliter habemus, non sunt aliunde quam ex Deo. Respondeo, uerum est, at ut non loquitur de rebus humanis, naturalibus et usitatis sed de efficacia ministerij sui, ita ex Deo esse hoc loco, non idem esse intelligit, quod simpliciter esse ex Deo conditore &

A gubernatore omnium, quatenus ex illo omnes nostræ sunt naturæ uires, sed esse ex singulari illius dignatione, ac dispensatione, qua Regnum suum dispensat in electis. Quare quod dicit: non quod idonei simus ex nobis ipsis cogitare quicquam, tanquam ex nobis ipsis, &c. non est alio quam ad præsentem causam de Apostolatus ipsius efficacia trahendum. Interea tamen nemo pius negat, in cæteris quoque rebus quæcunque nobis est uel cogitandi uel operandi facultas, aliunde illam non esse quam ex Deo.

Est hic locus unus ex illis qui opinionem liberi arbitrij refellunt. Etenim si Apostolus, in lege Domini à puero institutus, & diligentissima pharisaicæ sectæ disciplina ad honestam uitæ conuersationem enutritus usque adeo alienus est à rebus spiritualibus ac diuinis, ut ne ad cogitandum quidem aliquid illarum sit idoneus ex seipso, quomodo facultatem liberi arbitrij ad bonum quæ sit ex uiribus naturæ, cæteris hominibus dabimus? Quod enim Paulus de Apostolatu suo dixit, id nos haud incommodè ad ueram pietatem, fidem, spem, dilectionem, timorem Dei, obedientiam, uitæ sanctimoniam &c. accommodamus.

QVI & idoneos fecit nos ministros Noui testamenti: inquit. Non negat igitur idoneum esse se ad ea quæ de ministerio suo prædicat, cum hic se dicat à Deo factum esse idoneum, sed hoc tantum negat, quod alij sibi ipsis tribuere solent, ex seipso uidelicet esse idoneum. B Admonemur hoc loco primum, quis sit qui faciat idoneos uerbi diuini ministros. Deus scilicet, qui uocat eos etiam & mittit. Quæ ille non facit idoneum, in sempiternum non erit idoneus, quantumuis sit doctus & eloquens. Paulus erat doctus in lege, institutus ad pedes Gamalielis, & simul habebat insignem zelum Dei, & tamen idoneus Noui testamenti minister haudquaquam esse potuisset, nisi singulari gratia ad id fuisset muneris à Deo factus idoneus. Iam si eruditio & eloquentia non reddunt idoneum ecclesiæ ministrum, quomodo reddet illiterata barbaries? Quare uon est ut dicant ignaui homines. Vana est eruditio. Idoneus est quem Deus facit idoneum. Valeant igitur literæ. Hic idem Apostolus & post uocationem suam literas non abiicit, & Timotheum suum ad iugem est sacrarum scripturarum lectionem hortatus. Non conuenit igitur ut cœlestis gratiæ necessitas ignauitæ & insipientiæ patrocinetur, quemadmodum non conuenit ut eruditio & scientia gratiæ Dei necessitati derogat.

Nec ociosum est illud, quod non simpliciter dicit: qui idoneos fecit nos suos ministros, sed, qui idoneos fecit nos Noui testamenti ministros. Quasi dicat, uestri Magistri urgent obseruantiam legis, quasi sint ueteris testamenti ministri: mihi quæ uicio uertunt, quod diuersum doceo, at ego factus sum à Deo idoneus minister non Veteris sed Noui testamenti. Viderint ipsi quid sint, & quid à Deo facti uideri uelint



uelint. Et hoc dicens collimat ad collationem Veteris ac Noui testamenti, quo inter utriusque ministeria discriminando præstantiâ Noui ostendat.

NON literæ, inquit, sed spiritus. ] Cum dicit se ministrum esse factum Noui testamenti, nou literæ sed spiritus, non dat Nouo testamento literam & spiritum, sic ut per literam intelligat doctrinâ literis expressam, per spiritum, uero doctrinam uiua uoce et spiritu expromptâ, quasi dicat, non ut literis agam atramento scriptis, sed ut prædicem Euangelium. Etenim si hoc diceret, & sic inter doctrinam scriptam & uiua uoce prædicatam discriminaret omnem eam doctrinâ suâ partem damnaret, quam literis utrique atramento scriptis compræhensam ad ecclesias misit, cuius tamen utilitas non minor fuit, & est hodie quoque, quàm prædicationis uiua uoce expressæ, adeoque non minus ex spiritu sancto profecta quàm illa. Quare Eccius in locis suis ut authoritatem ecclesiæ Romanæ supra sacras scripturas extollat, frustra hunc Apostoli locum citat. Neque enim sacram discriminat ille inter sacram scripturâ & uiuam prædicationis uocem.

Nec probanda est eorum sententia, qui per literam sensum literalem, quem litera proprie intellecta legenti offert, & per spiritum sensum latentem & mysticum intelligendum esse iudicant. Licet enim sæpenumero occurrât sacræ scripturæ loci in quibus non superficies literæ sed quod in illius est inuolucro reconditum amplectendum sit, non est tamen hac in re Veteris ac Noui testamenti discriminé, & apostolici ministerij à legali posita differentia. Nā & in Veteri testamento multa sic dicuntur, ut non possint aliter quàm secundum proprium literæ sensum accipi, & in Nouo non pauca habentur, in quibus si literam sequamur absurdum sensum accipiamus oportet. In ipsius Seruatoris nostri uerbis multa sunt figurate & parabolice dicta, & Apostolica doctrina multis est metaphorarum ac similitudinum inuolucris referta. Rursus in ueteri multa figurate, & in Nono plurima proprijs & apertis loquutionibus proferuntur. Quare nec hunc possumus probare sensum.

Apostolus cum dicit se ministrum esse factum non literæ sed spiritus, nihil dicit aliud, quam factum esse se ministrum non legis Moisaicæ, quamuis in illa sit natus et enutritus, sed gratiæ & efficaciam spiritus, quam uocat spiritum, sicuti legem uocat literam, atque ita inter Vetus ac Nouum testamentum discernit, ut huic det spiritum, illi literam, & duabus hisce uocibus utriusque conditionem, id est illius imbecillitatem, & huius uirtutem & efficaciam exprimat. Loquitur autem non de ea litera legis quæ figuras continet & umbras, sed de ea, qua decalogus manifesta continens præcepta tabulis est lapideis inscriptus: sicuti patet in sequentibus. Et Nouo testamento Euangelio uidelicet regni Dei, dat spiritum, non ut

A literarum illi & humanæ uocis usum adimat, sed ut uirtutem & efficaciam gratiæ illius præstantioremque dispensationem exprimat.

Sunt qui legem ideo literam uocari sentiât, quod per literas sit data, Euangelium uero ac Noui testamenti dispensationem spiritum, propterea quod per infusionem spiritus sancti datum sit illius ministerium Apostolis. Verum si ob hanc causam legem uocat literam, Nouum testamentum spiritum, consequitur & ea quæ per apostolos habemus scripta esse scripturâ legalem, & ministerium iudicandi in Israël fuisse spiritum, propterea quod luculento testimonio spiritus delectis illis 70. Viris datum fuisse legitur. Numeri undecimo. Quin & ministerium prophetandi in Veteri testamento hac ipsa ratione spiritus uocari posset, quatum uis prophetæ legi Veteris testamento accense antur. Quis enim negat prophetas spiritu Dei fuisse ad prophetandum inauguratos ac missos?

Rectius ergo dicemus legem ob id uocari literam, & Noui testamenti ministerium spiritum, quod lex nihil aliud confert, quàm literalem intelligentiam faciendorum ac uitandorum. hoc est, ad nihil fuerit aliud dispensata Israël quam ut litera esset docens quid faciendum esset uel uitandum atque ita conscientias de peccato conuinceret ac damnaret. Noui uero testamenti ministerium spiritum impertit credentibus, gratiam uidelicet & uirtutem Dei corda innouantem ac conscientias iustificificantem. Et hunc sensum Chrysostomus quoque potuit, cum dicit: *τι οὖν ἡμῶν οὐκ ἐστὶ πνευματικὸς ὁ νόμος; πῶς οὖν φησὶν εἰς ἀμαρτίαν ὁ νόμος πνευματικὸς δεῖ; πνευματικὸς μὲν, ἀλλ' ὁ πνεῦμα παρέχων, οὐ γὰρ πνεῦμα ἡμῶν μωσῆς ἀλλὰ γράμματα. ἡμῶν δὲ ἡ πίστις οὐδὲν πνεῦμα δίδωται.* Hæc ille. Et ipsa Apostolorum acta satis docent, quomodo ministerium illorum spiritus sancti gratiam contulerit in Christum credentibus.

NAM litera occidit, inquit, spiritus autem uiuificat. ] Quoniā non dicit: *τὸ δὲ γράμμα*, id est Litera autē, sed, *τὸ γὰρ γράμμα*, id est, Litera enim occidit, existimo particulam hanc esse loco *αιτιολογίας* adiectam, ut rationem reddat quare factus sit à Deo idoneus Noui testamenti non Veteris, spiritus, non literæ minister uel, quod magis placet, quare uoluerit Deus Noui testamenti ministerium, non literæ esse sed spiritus. Propterea uidelicet, quod transierat tempus mortificationis, aduenerat uero uiuificationis, quapropter cessare oportebat ministerium literæ, quod illa non nisi occidat, & inchoari ministerium spiritus, qui solus uiuificat. Quasi dicat. Quoniam uoluit me Deus esse ministrum non Veteris sed Noui testamenti, simul me idoneum ministrum fecit non literæ sed spiritus. Litera nanque ad Vetus testamenti pertinens occidit, Spiritus uero qui per Noui testamenti ministerium confertur, uiuificat.

NAM litera occidit inquit. ] Opposita sunt dicit quisquam occidere & uiuificare. Si litera occidit, spiritus uero uiuificat, ergo opposita sunt



sunt inuicem: Puto neminem hoc dicturum. Lex enim, quam hic per literam intelligit, sancta est, & spiritualis, nihil minus quam opposita spiritui. Quomodo igitur dicit literam occidere? Litera occidens est litera continens sententiam condemnationis, qualia solent contra noxios esse rescripta principum, & qualis erat litera epistolæ Davidis, quam Vriē in castra ad Ducem exercitus perferendam dederat. Talis litera non est lex tabulis lapideis inscripta, quæ præcepta admodum pia sancta et necessaria non ad mortem sed ad uitam data continet. Quare admodum inconueniēs esse uidetur ipsius & naturæ & scopo, quod Apostolus eam occidere dicit. Si diceret litera non uiuificat, uiuificat uero spiritus, daret infirmitatem & inefficiam literæ, non occisionem, et nulla esset quæstio.

Respondeo. Duplex est operatio legalis literæ. Vna propria, impropria & per accidens altera. Propria est præcipere bonum & prohibere malum, ac reddere intelligentem faciendorum & uitandorum. Est enim lux quædam, illuminans paruulos. Vnde & Apostolus dicit: Nesciebam concupiscentiam esse peccatum, nisi lex diceret: Non concupisces. Et David: Lucerna, inquit, pedibus meis uerbum tuum. Dū hoc facit litera legis, operatur quod conueniens est & proprium suæ naturæ perinde atque lux dū illuminat oculos, & disiectis tenebris uisibilia reddit, quæ antea fuerant caligine obducta. Et hætenus Apostolus legem sanctam & bonam ad uitam datam esse dicit Rom. 7.

Impropria est & per accidens, dum auget uires peccati redditque transgressores & per consequens maledictos ac reos mortis, atque ita occidit. Vires peccati auget, dum concupiscentiam carnis nostræ prohibendo magis ac magis incendit. Et hoc facit nō suo sed carnis nostræ uicio, quæ sic est corrupta ut nitatur in ueritū, & quo magis prohibeas hoc ardetius concupiscat, quemadmodum accidit medicis, qui dum ægrotis potum aquæ negant, magis eos ad appetitum illius accendunt. Reddit transgressores, maledictos, ac reos mortis, & sic occidit, non de suo, sed per accidens nostræ inobedientiæ ac maliciæ. Nisi enim lex esset non esset transgressio. Sine transgressionem non esset reatus mortis. Et tamen transgressionem non gignit lex sed inobediens deprauati cordis nostri malicia. Sic proprie quidem loquendo litera non occidit, occidit uero per occasionem aliunde allatam. Verum de tota hac materia copiosa est ipsius Apostoli explicatio in ea quæ ad Romanos est cap. septimo, ubi de illa nonnulla annotauimus.

LITERA occidit inquit. Non immerito quæsierit quisquam quos nam occidat litera legis, an in uniuersum omnes, uel aliquot tantum. Bonos quidem & morigeros non occidit, sed qui sunt illi? Manet ergo quæstio de malis, an illos occidat omnes. Si hos omnes, ergo uniuersum genus humanū occidit, quia

non est qui sit bonus & faciat bonū, ne unus quidem, teste Dauide, & Apostolo Rom. 3.

Respondendū est: occidere literā eos quib. est à Deo præscripta. Si præscripta ē omnib. totius orbis nationibus, occidit omnes, quia omnium conscientias constringit. Si uero Iudæis tantum est data & illis qui ex Gētibus legi sese cum Iudæis subiiciunt, sicut Apostolus legē illis loqui dicit, qui sunt sub lege, ergo Iudæos tantum occidit, quorum etiam tantum conscientias constringere potest. Conditio legis hæc est, ut obnoxios ad obediendum sibi faciat eos tantum, quibus est lata & præscripta. Est quidem Deus non Iudæorum tantum sed & Gentium Deus, ut iure suo possit legem figere omnibus totius orbis nationibus. Verum quemadmodum Israël populum ex alijs sibi nationibus elegit, in quo nomen suum declararet, & unde nobis Seruatorem Christū mitteret, ita illi etiā singulari consilio legem præscripsit, qua conscientię ipsorum constringerentur & in obedientia retinerentur. Quod igitur illius litera per occasionem humanæ maliciæ occidit, non est referendum ad eos, quibus illa non est lata sed ad populum illum legalem tantū, et illius profelytos. Alioqui quorsum clamaret Apostolus dicens Gal. 5. Confessor omnem hominem qui circumciditur, quod debitor est totius legis seruandæ? An hoc dicens, non liberat incircumcisos ab obseruatiā legis illiq; circūcisos tantū subiicit? Si incircumcisi aut non sunt, debitores legis, ergo non constringit eos litera legis, adeoque nec occidit.

Dices. Ergo Gentes non sunt morti obnoxie, quia per literam legis non occiduntur, atque ita melior est earum conditio quam Iudæorum? Respondeo. Per peccatum mors intrauit in uoluens omnes homines. Rom. 5. Et capite secundo. Quicumque sine lege peccant, sine lege & pereunt, & quicumque in lege peccant per legem iudicantur. Et Gentes etsi scriptam legem non habent, habent tamen legem naturæ per quam conscientia illarum accusantur & damnantur. Quare etsi non occidit eas litera tabulis lapideis insculpta, occidit tamen lex naturæ cordibus ipsarum inscripta.

Adhuc cur talem legem, inquires, dedit populo suo Deus cum sciret eam non uiuificaturam sed occisuram? Respondeo. Non debemus consilia Dei in ius uocare. Magnam contulit ei genti prærogatiuam, in eo præcipue, quod manifestauit ei sua iudicia. Non fecit taliter omni nationi, inquit propheta. Quod si beneficium hoc per accidens occidit, non debemus propterea culpāre Deū. Legem dedit bonam, iustam, & sanctam, cuius insignē utilitatem agnouerūt pii, sicuti uidere est psalmo. 19. Vbi illius litera occidit, facit hoc peruersitate cordis humani non sua natura. Ipsa bonitas dei peruersis ad hoc facit, ut thesaurizent sibi ipsi iram in diem iudicii Rom. 2. Nunquid rogabimus quare Deus sit bonus et mansuetus? Quanquam & illud non sine consilio



lio Dei ad bonum dirigitur, quod litera occidit, dum abundantia peccati ex lege, ad abundantiam gratiae facit in Christo. Rom. 5.

SPIRITVS uero uiuificat, inquit.] Vt occidere est uitā auferre, ita uiuificare est à morte liberare. Spiritus ergo uiuificat, dum nos à morte & peccato liberat. Liberat autem non eos tantum quos litera legis occidit, sed & reliquos omnes, qui participes illius efficiuntur. Efficiuntur uero participes illius quotquot uere in Christum credunt, iuxta illud Christi Iohannis 7. Si quis sitit, ueniat ad me & bibat. Qui credit in me, sicut dicit scriptura, flumina de uentre eius fluent aquae uiuae, quod, interpretare Euangelista, dixit de spiritu quem accepturi erant credentes in ipsum. Hunc enim uiuificatorem suum spiritum promisit olim Deus per prophetas suos Noui testamenti temporibus, quem & luculenter praestitit per ministerium apostolorum, quo respicit Apostolus, dum se idoneum factum esse dicit Noui testamenti ministrum, non literae sed spiritus, eo quod litera occidat, spiritus uero uiuificet.

Quid est autem quod non dicit, non legis sed Euangelij, lex enim occidit, Euangelium uero uiuificat, sed, non literae sed spiritus. Litera enim occidit, spiritus uero uiuificat? Non omnis lex occidit. Est enim lex etiam spiritus uitae, quae per Christum Iesum liberat à iure peccati & mortis Rom. 7. quae sane non occidit sed uiuificat. Ea uero lex quae non spiritu in corda hominum sed litera tabulis lapideis inscribitur, quatenus non habet nisi literam, haec uero occidit. Deest enim spiritus uiuificans, & interim constringit conscientias damnans inobedientes, & incendens prauam concupiscentiam. Deinde non mox uiuificat Euangelium omnes eos à quibus auditur, quia non omnes illi credunt. Qui sonum & literam illius accipit, non uiuificatur nisi credat & spiritum accipiat, imò occiditur magis quam uiuificatur. Nam super incredulos Euangelij auditores manet ira Dei, ut uitam habere nequeant. Iohan. 3. Cum igitur ministerij sui efficaciam exprimere uellet, non dixit, non legis sed Euangelij, lex enim occidit, Euangelium uero uiuificat, sed, non literae sed spiritus, litera enim occidit, spiritus uero uiuificat. In litera sine spiritu infirmitas est imò mors est. Tolle spiritum, mortua erunt omnia. In spiritu uis est uiuificandi. Tolle spiritum, quid erit totum Nouum testamentum aliud quam litera & sonitus uocis, adeoque & mors, non minus, quam litera legis? Tolle spiritum, ipsa caro Christi, etiamsi corporaliter esset praesens in cena, & corpora litera ederetur, quemadmodum fratres nonnulli contendunt, nihil prodesset tamen Christo ipso testificante ac dicente: Spiritus est qui uiuificat, caro non prodest quicquam, de quibus uerbis in Commentarijs nostris super Iohannem plura diximus.

Porro, cum extra spiritum hunc uiuificantem mors sint omnia ea quae data sunt ad uitam,

A uehementer stupendum est, quare tantae sint inter doctos homines rixae & contentiones de dogmatibus & opinionibus ad ueram uitam non faciendis, & non magis omnis huc cura & sollicitudo impendatur, ut ministerium Noui testamenti etiamnum non sit litera sed spiritus, Spiritus uiuificat. Quod uiuificatum est spiritu, uitam habet pro qualitate & operatione spiritus, unde est uiuificatum. Huius uitae indicia Gal. 5. recensentur. Vtpote, charitas, gaudium, pax, lenitas, benignitas, bonitas, fides, mansuetudo, temperantia, &c. quae ibi fructus spiritus uocantur, de quibus nulla nunc est cogitatio, & interim sumus insignes Noui testamenti ministri. Multi sic certant de uerbis Christi, quae spiritus sunt & uita, ut declararet se ne micam quidem habere spiritus Christi. Et cum tales sint indubitato, indubitatam sibi ueram illorum sententiam uindicant. Vti nam horum hominum morositas corrigi possit in ecclesia.

Quod si administratio mortis in literis, deformata in saxis, fuit in gloria, adeo ut non possent oculos intendere filij Israel in faciem Moysi, propter gloriam uultus eius, quae aboletur, cur non potius administratio spiritus erit in gloria? Nam si administratio condemnatio nis gloria, multo magis excellit administratio iustitiae in gloria. Quandoquidem ne glorificatum quidem fuit, quod glorificatum est in hac parte, propter eminentem gloriam. Etenim si quod aboletur fuit in gloria, multo magis id quod manet, est in gloria.

Pseudapostoli, licet Christum in speciem profiterentur, gloriam legis tamen magis quam Euangelici ministerij iactabant, immo per illam Apostolatam Pauli singulari studio sugillabant, quod ille legi uideretur iniquior, quam tamen magna cum gloria latam esse constaret. Horum maliciae occurrens Paulus non negat gloriam administratae legis, sed ab illa tanquam minore argumentatur necessario maiorem esse gloriam administrati Euangelij, cum tanta fuerit administratae legis. Vt autem euidenter quod uult euincat, non dicit simpliciter: Si administratio legis fuit in gloria, cur non potius administratio Euangelij erit in gloria, sed conferens utriusque administrationis effectus, in quibus potissimum relucet utrius maior sit praestantia, argumentatur ad hunc modum: Quod si administratio mortis in literis deformata in saxis, fuit in gloria, &c. cur non potius administratio spiritus erit in gloria?

Item, si administratio condemnationis gloriosa fuit, multo magis administratio iustitiae excellit in gloria.

Ad haec, si quod aboletur fuit in gloria, mul-

E e to ma-



to magis id quod manet est in gloria. Vis argumenti huius est à præstantia dignitatis ad excellentiam gloriæ. Cuius enim maior est dignitas, illi etiam maior competit gloriâ. Maiorem autem dignitatem maior euincit operationum præstantia. Quàm autem præstantius sit administrare uitam & iusticiam, quàm administrare condemnationem & mortem, nemo est cui non pateat. Cum ergo ministerium literæ ministerium sit mortis & condemnationis, Euangelij uero administratio sit spiritus & uitæ, & absque controuersia maior sit dignitas eius quod spiritum iusticiam & uitam, quàm quod mortem & cōdemnationem ministrat, cōsequitur omnino maiorem competere gloriam administrationi Euangelij, quàm administrationi legalis literæ. Cui accidit & illud, quod administratio literæ iam tamē abolebatur, administratio uero spiritus permanet usque ad finem. Quare quanto præstantius est id quod permanet eo quod aboletur, tanto præstantior est Euangelij quàm legis gloria. Hæc est præsentis argumenti summa, quo Apostolus gloriationem pseudapostolorum de gloria legis scinuertit, ut ex ea ipsa gloriâ Euangelij præstantiorē esse conuincat, quàm sit gloria legis.

Quod si administratio mortis in literis deformata in saxis. Vtitur periphrasi legis, sumpta ex ipso modo quo fuit lata dum eam deformatam literis saxo insculptis fuisse dicit: Quod uerterunt, deformata in saxis, in Græco est, *ἐντετυπωμένη ἐν λίθοις*, id est, insculpta & impressa saxis. Modus hic latæ legis refertur ad decalogum & tabulas fœderis, potissimâ Moisaicæ legis partem, ne qua sit de reliquis illius literis quæstio.

De tabulis autē hisce lapideis legitur Exo. 24. ad hūc modum. Dixit autem dominus ad Moysen: Ascēde ad me in montem, & esto ibi, daboque tibi tabulas lapideas & legem ac mādā, quæ scripsi, ut doceas filios Israël. Et cap. 31. Deditque dominus Moyfi completis huiusmodi sermonibus, in monte Synai duas tabulas testimonij lapideas scriptas digito Dei. Et cap. 32. Cumque appropinquasset ad castra uidit uitulum & choros, iratusque ualde proiecit de manu tabulas, & confregit eas ad radicē montis. Et cap. 34. Præcide tibi ait duas tabulas lapideas instar priorum, & scribe super eas uerba quæ habuerunt tabulæ quas fregisti, &c. Excidit ergo duas tabulas lapideas quales antea fuerant, & de nocte consurgens ascendit in montem Synai, sicut præceperat ei dominus, portans secum tabulas. Et ibidē. Dixitque dominus ad Moysen. Scribe tibi uerba hæc quibus tecum & filiis Israël pepigi fœdus. Fuit ergo ibi cum domino Moyses quadraginta dies & quadraginta noctes, panem non comedit & aquam non bibit, & scripsit in tabulis decem uerba fœderis. Cumque descenderet de monte Synai tenebat duas tabulas lapideas testimonij, & ignorabat, quod cornea esset facies sua ex consortio sermonis do-

mini. Videntes autem Aaron & filij Israël corneam Moyfi faciem timuerunt prope accedere. Vocati que ab eo, reuersi sunt tam Aaron quam principes synagogæ, & postquā loquutus est ad eos, uenerūt ad eum etiā omnes filij Israël. Quibus præcepit cuncta, quæ audierat à domino in monte Synai. Impletis que sermonibus posuit uelamen super faciem suam. Qui ingressus ad dominum, & loquens cum eo aufererat donec exiret, & tunc loquebatur ad filios Israël omnia quæ sibi fuerant imperata. Qui uidebant faciem egredientis Moyfi esse corneam, sed operiebat ille rursus faciem suā, quando loquebatur ad eos. Hæc de tabulis lapideis, & gloria faciei Moysi ex scripturis huc retuli, propterea quod Apostolus ex illis hoc loco argumentatur.

Vide autem quomodo non dicat simpliciter: quod si administratio literæ saxis impressa, sed, quod si administratio mortis in literis, impressa saxis. Colligit ex eo quod legem uocauit literam occidentem. Si litera occidēs est lex, ergo administratio legis est administratio mortis literis impressa saxis. Dubio procul dura erant ista omnibus illis qui zelo legis Moisaicæ tenebantur, ne lucem ueritatis agnoscerent. Verum duro nodo debebatur durus cuneus. Non erat grauius obstaculum Euangelio Dei, quàm prætextus legis, cuius tamen Iudæi infirmitatem ac dispensationis rationē non intelligebant. Quare ipsa necessitate coactus ad hunc modum de illa loquitur Apostolus, quo gloriam Euangelij Dei contra præposterios legis æmulatores tueatur.

Non est autem ociosum quod dicit: *ἐντετυπωμένη ἐν λίθοις*, id est, insculpta & impressa lapidibus. Iam tum figurabatur legē parari cordibus lapideis, foreque difficile illius administratio nem, perinde atque difficile est literas insculpere saxo. Nisi hoc innuisset, poterat dicere, *ἐγγεγραμμένη πλάξῃ*, id est, inscripta tabulis.

FUIT in gloria, inquit, adeo ut nō possent oculos intendere filij Israël in faciem Moyfi propter gloriam uultus eius. Hoc est. Sic fuit illustris & splendida, ut non possent oculi filiorum Israël ferre splendorem uultus Moyfi. Posuit enim uocem, gloriam, pro splendore. Non est autem præter rationē à Deo factum, quod faciem Moysi uoluit ad hūc modum fieri splendidam, quo diuini alloquij testimonium in facie sua omnium spectantium oculis ingereret, admonerenturque omnes quantæ prærogatiuæ sit propius accedere ad Deum, & ab illo accipere mandata populo ipsius proponēda, cum ne interpretis eiusmodi quidem faciem sine uelamine contueri possent.

QUAE aboletur, inquit. Series lectionis requirit ut referatur hæc particula ad gloriam uultus Moisaici. Poterat igitur dicere *καταργημένη*, id est, quæ abolita est accessauit. Verū quoniam ea gloria licet iam olim mortuus sit Moyses tandiu durabit, quandiu durabat administratio legis, maluit loqui in præsentī *καταργημένη*.



*μὴν*, id est, quæ aboletur ac cessat propterea A quod ad initium Noui testamēti lex illa adeoque & gloria Moyſi administratoris illius iam aboleri cœpiſſet. Sic igitur agnoſcit quidem magnam fuiſſe gloriam administratæ legalis literæ, uerum admodum imminuit illam, dū eam aboleri dicit: Locus hic eſſet dicendi de abrogatione legis Moſaicæ, uerum de ea in locis noſtris uidebitur.

CVR non potius administratio ſpiritus, inquit, erit in gloria? Magna, aiebāt, eſt gloria legis. Non negat hoc Apoſtolus, ſed infert: cur non potius administratio ſpiritus erit in gloria? Non dicit: cur nō etiam, ſed cur nō potius. Nec dicit, administratio Euangelij, ſed, administratio ſpiritus, intellige, uiuificantis, ut opponat eam adminiſtratiōi mortis. Iuxta rationem oppoſitorum dicendum erat, cur non potius administratio uitæ erit in gloria? Verum maluit ponere ſpiritum uiuificantem, quā ipſam uitam, propterea quod effuſio illius in credentes tum temporis eſſet manifeſta & miraculo plena, teſtimonium diuinæ uirtutis & gratiæ omnium oculis ingerens idque multo illuſtrius quā cornea Moyſi facies, neminē illuminans, ſed magis imbecilles ſpectātium oculos reuerberans.

Quid eſt autem quod non dicit in præſenti: Cur non potius administratio ſpiritus ſit in gloria, ſed in futuro, cur non potius administratio ſpiritus erit in gloria? An non iam tum cum hæc ſcriberet & fuerat & erat in gloria? Vtrique. Verum loquitur de gloriæ huius perennitate, qua duratura erat donec durat ipſum Euangelium, multo iuſtius quā gloria uultus Moyſi durabat q̄ diu durabat ipſa lex.

NAM ſi administratio condemnationis gloria, inquit, multo magis excellit administratio iuſticiæ in gloria. Neſcit affinia & cognata. Etenim ſi litera legis mortis eſt administratio, conſequitur illam condemnationis quoque eſſe adminiſtrationem. Niſi enim condemnaret inobedientes, non occideret. Nam ſic ſunt coram Deo iuſto iudice affines & cognatæ mors & condemnatio, ut una poſita, cohereat & altera. Conſimili modo coherent in Euangelio ſpiritus & iuſticia. Dicit itaque: Nam ſi administratio cōdemnationis, id eſt, legis peccatores condemnantis, gloria, hoc eſt, glorioſa, uel in gloria eſt, multo magis excellit administratio iuſticiæ in gloria. Hoc eſt, multo conuenit excellentiorem eſſe gloriam adminiſtrationis Noui teſtam. quæ iuſticiā adminiſtrat.

Poteſt autem illud, administratio iuſticiæ, biſariam accipi, uel de adminiſtratione iuſtificationis, quæ eſt per fidem in Chriſtum, uel de iuſticia uitæ eorū qui ſpiritum Dei acceperunt, & iam non ſecundum carnem ſed ſecundum ſpiritum uiuunt. In Græco eſt uox *δικαιοσύνη*, quæ poterat iuſtificationis ſenſu uerti, quemadmodum in ea quæ ad Romanos eſt uertitur capite quarto, octauo & decimo. Et ratio oppoſitionis uidet hoc requirere, ut legatur, ad-

ministratio iuſtificationis. Cōdemnationi quippe rectius opponitur iuſtificationis, quæ eſt liberatio & abſolutio à reatu & condemnatione, quā iuſticia uitæ, cuius oppoſitum eſt iniuſticia magis quā condemnatio.

Quod ſi placet legere, administratio iuſticiæ, & intelligere non de imputata ſed ea quæ uitæ noſtræ ſit iuſticia, cogitandum eſt, nō conueniſſe Apoſtolo ut iuxta ſeriem oppoſitorū diceret: Nam ſi administratio iniuſticiæ in gloria eſt, multo magis excellit administratio iuſticiæ in gloria. Sic enim tribuiſſet legi adminiſtrationē iniuſticiæ, quæ cum natura illius pugnat. Condemnationem quidem & mortē tranſgreſſorum, iniuſticiam uero tranſgrediētium & peccantium non adminiſtrat.

- Verum utrolibet modo legamus, ſiue, administratio iuſtificationis, ſiue, administratio iuſticiæ, & uera ſunt utraq; attributa & cōuenientia Euangelio Chriſti, & firmum eſt argumentum Apoſtoli. Quemadmodū enim glorioſius eſt liberare reos à condemnatione & morte, interuentu regalis clementiæ, q̄ condēnare eos ſententia iudiciaria, & occidere gladio liſtoris, ita omnino glorioſior eſt adminiſtratio iuſtificationis, & iuſticiæ, quā adminiſtratio condemnationis.

Vide autem q̄ caute ac circumspecte nō dicat: Si Moſes adminiſtrator mortis & cōdemnationis in tanta fuit gloria, ut in faciem eius non poſſent intendere filij Iſraël, quanto magis Apoſtolus Chriſti adminiſtrator ſpiritus & iuſticiæ erit in gloria. Sic enim dicēdo uiſus fuiſſet ſuā ipſius magis q̄ Noui teſtamenti ſpectare gloriam, ſeq; ſupra Moyſen euehere uelle, atq; ita calumnias pseudapoſtolorum confirmariſſet magis q̄ reprobaſſet. Quare conſulto collationem hanc ſic adfert in medium, ut manifeſtum faciat, non ſuam ſe ſed Noui teſtamēti adeoq; & ipſius Chriſti gloriam cōtra illius obſcuratores pseudapoſtolos ac legis doctores tueri. Ideo inculcat adminiſtrationē Noui teſtamenti ſpiritus & iuſticiæ, præſtantiorem eſſe ac maiore gloria dignam, q̄ ſit adminiſtratio literæ occidentis & condemnantis, quantum illa tantopere iactetur à pseudapoſtolis.

QUANDO QUIDEM ne glorificatū quidē fuit, inquit, quod glorificatū eſt in hac parte, propter eminentem gloriā. Sensus eſt. Uſq; adeo excellit administratio ſpiritus & iuſticiæ adminiſtrationem mortis & cōdemnationis, ut gloria illa quæ contigit Moyſi, ſi cōferatur ad eam quæ Noui eſt teſtamēti, non ſit gloria, ſed prorsus euaneſcat, propter excellentē Noui teſtamenti gloriā. Sic quod dicit: quod glorificatum eſt in hac parte, intelligēdum eſt de parte Veteris teſtamenti, & de gloria quæ contigit faciei Moſis. Non negat ſimpliciter glorificatam illam fuiſſe, ſed reſpectu ſupereminētis gloriæ Noui teſtamenti: Quod perinde eſt, ac ſi quis ſplendorem Lunæ ſplendorē eſſe neget non ſimpliciter & ſeorſim conſideratum, ſed collatum ſplendori Solis, propter immen-



famillius excellentiam. Et reuera, quid aliud erat litera legis in Vet. test. q̄ quod est splendor Lunæ in nocte? si ad gloriam Noui testamenti cōferatur, in quo Sol iusticiæ Christus non unum tantum unius gētis angulum utcunq; sed totum terrarum orbem excellentissimo splendore illuminat?

Et hæc ipsa excellens Noui testamenti gloria, per quam obscurata est gloria Veteris, con simili modo obscurabitur infinita illa futuræ uitæ gloria, in qua non modo apostoli gloriosi erunt, sed & omnes fideles instar Solis splendescunt, non amplius spiritus & iusticia nedū litera administrabūtur, sed Deus ipse facie ad faciem exhibitus omnia erit in omnibus. Sic crescit & paulatim assurgit in immensum gloria diuinæ dispensationis, qua salutem humani generis certis ac distinctis gradibus antele gem, in lege, post legē, & postremo in futuro sæculo dispensat. Quo magis ad præfixum terminum appropinquamus, hoc magis diuinæ erga nos dignationis gloria relucet, donec tandem ad plenitudinem illius pertingamus.

ET ENIM si quod aboletur, inquit, fuit in gloria, multo magis id quod manet, est in gloria.] Græcè est simpliciter *ἡ δόξα*, ut æque, erit in gloria atq; est, in gloria uerti queat. Quāuis nihil esset legis æmulatoribus intolerabilius, quàm quod de abolitione legis ac Veteris testamenti prædicabatur ab Apostolo, res ipsa tamen sic agebatur diuinitus, & requirebat hoc propaganda Christi ueritas, ac dispensanda salutis nostræ doctrina, ut necessario adigeretur ad inculcandum ac prædicandum aduenisse Veteris testamēti finem Christum Seruatorē, & per Euangelij gratiam aboleri legis obseruantia. Quare consulto non dicit: si quod abolendum est, sed, si quod aboletur, nec dicit, qd̄ est, sed, quod fuit in gloria. Iam tum enim re ipsa abolebatur administratio Mosaicæ legis per Euangelium regni Dei, & gloria illius fuerat, non erat amplius. Administratio uero spiritus & iusticiæ manet. Quare recte colligit, maiorem huius quàm illius esse gloriam.

MULTO magis, inquit, id quod manet, est in gloria.] Poterit hic quæri, quomodo tribuat administrationi spiritus & iusticiæ perseuerantia manendi, cum omnino sit in fine mūdi cessatura. Ipse quidem spiritus & uera iusticia manent in sempiternum, uerum administratio utriusq; cui seruierūt per Euangelium Apostoli, & hodie quoq; seruiūt ministri Christi, non manebit, sed per plenitudinem illam diuinæ uisionis, ueræq; iusticiæ ac felicitatis, qua in futuro sæculo fruemur, prorsus cessabit, non minus quàm ipsa legis administratio per gratiā est Noui testamenti abrogata. Quid igitur est, quod hic illā manere & ob id maiore eius gloriā q̄ administratæ legis esse dicit?

Respondeo. Dicit eam manere, non quod in futuro quoq; sit sæculo duratura, quo sensu in præcedenti epistola charitatem manere dixit, sed quod non sit eam subsequutura Noui

A cuiusdam alterius testamenti administratio, si cuti ipsa Veteri testamento successit, sed duratura sit ad finem usq; mundi. Quod si simpliciter referas hæc uerba ad Vetus & Nouum testamentum, sic ut Vetus aboleri, Nouum uero manere dicat, nulla erit quæstio. Licet enim administratio Noui testamenti, qualis est instituta à domino, & per apostolos dispensata, ultra mundi huius finem mansura non sit, ipsum tamen testamētū Nouum æternū est Ebr. 13. ideoq; in sempiternum mansurum, quod de Veteri dici non potest.

Itaq; cum habeamus huiusmodi sp̄e multa libertate utimur, & non quemadmodum Moses ponebat uelamen in facie sua, ne intenderent filij Israel in finē eius qd̄ abolebatur. Sed occæcati sunt sensus illorū. Nam usq; ad diem hodiernum idem uelamen in lectione Veteris testamēti manet, nec tollitur uelū, quod per Christum aboletur. Sed ad hūc usq; diem cum legitur Moses uelamē cordibus illorum impositum est. At ubi cōuersi fuerint ad dominum tolletur uelamē. Domin⁹ enim spiritus est. Porro ubi spiritus domini, ibi libertas. Nos autē omnes reiecta facie gloriam domini in speculo repræsentantes ad eandem imaginem transformamur à gloria in gloriā, tanquam à domini spiritu.

B Hactenus absoluit argumētationem suam de excellentia Noui testamenti, qua legis Mosaicæ gloria longe superatur, & administratio spiritus & iusticiæ supra administrationē literæ, mortis & condemnationis euidenti collatione extollitur. Iam cōsequenter ex eo quod dixit: Si quod abolefuit in gloria, multo magis id quod manet est in gloria, occasione sumit transeundi ad perstringendam Iudeorum occæcationem, & prædicandum Noui testamenti lucem. Transit autem hoc pacto. Itaq; cum habeamus eiusmodi spem, multa libertate utimur. Loquitur de spe permanentis Noui testamēti. Quasi dicat: Itaq; cum speremus Nouum hoc testamētum non ut uetus succedēte alio aliquo nouo cessaturum sed permanurū, & hactenus quoq; maiore dignum esse gloria q̄ Verus, non agimus in administratione illius timide ac solcite, sed cum magna libertate & fiducia, quicquid de Apostolatu nostro nugetur uestri magistri ac legis doctores. Sic teste respondet illis qui dicebant: præsentia illius leuis, epistolę graues, redditq; rationem quare tanta cum libertate doctoribus legis resistat. Chrysost. exponit ad hūc modum. Quoniam igitur maioribus diuina dignatione potimur q̄ Moses, multa fiducia utimur, hoc est, cum libertate ubiq; loquimur, nihil celantes, nihil subtrahētes, nihil dissimulātes, sed manifeste loquentes, &c. Sic mihi magis placet, ut legamus,



mus, multa libertate utimur, q̄, multa libertate utamur, sicuti uertit Erasmus, existimās adhortationem esse ad retinendam Christianam libertatem.

Nos admonemur hic, non modo quæ deceat ministrum Christi loquendi libertas ac fiducia, sed ut unde illa nascat. Vtimur, inquit, multa libertate, loquendi uidelicet. Decet hæc doctrinam ueritatis. Veritatem Dei dehonestat, qui de illa obscure, timide, & hesitater loquitur. Qui de mendacio & incertis opinionibus loquitur, loquatur ille obscure, intricate, inconstanter, dubitanter, & dissimulater. Doctor ueritatis multa decet loquedi parrhesia.

Verum plurimum refert, unde nascatur loquedi fiducia. Qui potētes sunt in mūdo, usq; adeo libere quod uolunt loquuntur, ut perinde audiri uelint, ac si singula uerba singula sint tonitrua. Qui docti sunt ac sapientes iuxta seculum, quemadmodum se solos sapere putāt ita & omnia dicunt confidēt. Minister Christi, loquitur & ipse cum fiducia ac libere, uerū neq; potentia aliqua, neq; eruditionis ac sapientiæ opinione inflatus, sed ex certa ueritatis persuasionē, & spe hac cuius meminit Apostolus, parrhesiam loquendi diuino munere natus. Præclara est hæc Apostoli spes, qua dicit: Si quod aboletur, fuit in gloria, multo magis id quod manet erit in gloria. Administratio Euangelij stulticia erat Gentibus & offendiculum Iudæis ac præterea grauissimis persecutionibus premebatur, ita ut ministri illius uelut expurgamenta essent huius mundi, unde magna tentatio nascebatur infirmioribus conscientijs, quam pseudapostoli calumnijs suis uehementer acuebant. Contra hanc obijcit Apostolus, tam abesse, ut propterea quicq; de doctrina Euangelij sui subtrahere ac dissimulare uelit, quod ea passim probris ac calumnijs dehonestetur, ut magis in asserēda illa utatur magna libertate hac spe fultus, quod cum euanesceat iam legis doctrina fuerit in gloria, multo magis futura sit in gloria administratio Euangelij non euanesceat sed permanens. Con simili modo cogitet hodie quoq; Christi minister: Si quod nulla unquam gloria sed confusione potius dignum fuit tantum gloriæ reperit in hoc sæculo, multo magis erit in gloria quod dignitate sua mereat ut sit in gloria, quantumuis iā per reprobos hereseos damnetur, & omnis generis ignominia dehonestetur. Hac spe fretus, agat libere & magna cum fiducia in ministerio suo, quod accepit à domino.

ET non quemadmodum Moses, inquit, ponebat uelamen in facie sua, ne intenderent filij Israël in finem eius quod aboletur. Græcè est ἡ καταρυσμὸς, quod nescio quare interpre reddere uoluerit, quod abolebatur, cum suprā eādē dictionem reddiderit, quod aboletur. Vetus interpret consultius transtulit, quod euacuatur. De splendore Mosaici uultus admodum gloriabantur Iudæi & interim mysteriū obuelationis illius uel non intelligebant, uel

A constanter dissimulabant, cum tamen in ipsis re ipsa adimpleretur. Eam itaq; partē hoc contextu sic tractat, ut nisi occæcati essent facile & infirmitatem suam & legis obuelationem intelligerent. Quod igitur in faciem Moysi intēdere non poterant Israëlītæ, ipse uero eam ob causam uelamen uultui suo, cum ipsis loqueretur, imponebat, accommodat præsentī causæ primò per dissimilitudinē, deinde per applicationem. Dissimilitudo est in eo quod dicit: Et non quemadmodū Moses ponebat uelamen in facie sua ne intenderent filij Israël in finem eius quod aboletur, ubi subintelligendum est, ita nos luci doctrinæ Euangelij, uel, splendenti faciei Christi uelamen imponimus, ne intendant in illam credentes electi ac filij Dei, sed manifestam illius lucem contemplanur omnes. Est ergo & hæc inter Moysen & Christum dissimilitudo, quod Moses populo tectam suam faciem, Christus uero apertam: Moses doctrinam legis obuelatam & adumbratam, Christus autem clarum & manifestū Euangelium credētibus offert. Admonet hac dissimilitudine, q̄ oporteat infelices esse & prorsus occæcatos eos omnes, qui pluris faciunt obuelatum Moysen, q̄ clarum & perspicuum Christum, gaudent umbris legis magis quàm manifesta gratiæ ac ueritatis Dei luce.

B Illud, ne intenderent filij Israël in finē eius (sic est in Græco, ἵνα τὸ τέλος) quod aboletur cū sequentibus, applicationem habet ad præsentem causam. Non sic est autem accipiendum, quasi Moses data opera ac scienter ad hoc faciem suam obtexerit, ne aliquādo Israëlītæ in finem legis, Christum uidelicet, mētis oculos intenderent, sed intelligendum est ad hūc modum. πρὸς τὸ μὴ ἀντιῶσαι τὸς ὕδρῃ Ἰσραήλ, &c. id est, ad hoc quod non essent filij Israël intentis oculis prospecturi in finē eius quod aboletur. Et hic sensus pulchre aperit mysteriū, quod in tectā Moysi facie præcessit. Fauet illi primum illud πρὸς τὸ, quod hic idem est, quod διὰ τὸ, id est, propterea quod: deinde uerbum ἀντιῶσαι, quod futuri temporis sensu positum est. Quare non satis circumspecte uerterūt, ne intenderēt, cum uertendum esset, propterea quod non essent intentis oculis prospecturi filij Israël in finem eius quod abolet. Quasi dicat. Ipse Moses iam tum cum faciem suam obuelaret, futurum significabat primum ut non intenderēt ac prospicerēt filij Israël in Christum finem legis, deinde, ut gloria legis aboleretur. Sic obuelatio uultus Mosaici duo portēdebat, cū quod Israëlītæ non essent agnitori Christum tum quod lex habitura esset finem & abolenda per Christum. Descendebat de monte Moyses facie illustri. Et cum loquendum esset cum Deo claritatem uultus sui non tegebat. Cum uero agendum esset cum filiis Israël, uelum imponebat faciei præter solitum splendenti. Sic erat cōparata doctrina legis. In se erat doctrina Dei, erat bona, iusta & sancta, nec ullis erat in conspectu Dei uelata umbris sed clara & manifesta.



sta. At populo proposita erat obuelata, ppter illius imbecillitatem, propter quam & Moses uelū faciei suae imponebat. Quod itaq; magis ad pudorē Israelis faciebat, iactabāt pseudapostoli quasi inde multū ad ipsos rediret gloriā.

SED occæcati sunt sensus illorum, inquit.] Quasi roget quis, quomodo rem hanc non intelligant Iudæi, respondet: Occæcati sunt sensus illorum. Quasi dicat. Quomodo intelligerent ista, cum prorsus sint sensibus occæcati? Sic uno uerbo tollit uniuersum illud offendiculū, quod erat ex contradictione Israelis, qua Euāgelio pertinacissime repugnabāt, ad quos peculiariter pertinebat Christus. Quis enim mirabitur eos qui occæcati sunt, non agnosce re sed repudiare ueritatis lucem? Si uideas in ipsa meridie impingere cæcos, facile intelligis culpam non esse diurnæ lucis, sed eorum qui præ cæcitæte sua illam non uident. Nihilo magis miramur hodie, qui fiat, quod tam multi sapientes ac prudentes ueritati Dei resistunt. Experimur enim re ipsa, esse sensus illorum occæcatos, ut culpa sit ipsorum non ueritatis.

NAM usq; ad diem hodiernum, inquit, idē uelamē in lectione Veteris testamēti manet.] Explicat quod dixit, sed occæcati sunt sensus eorum, imō probat. Et est sensus. Quā enim occæcati sint eorum sensus, in eo abūde satis patet, quod ad hodiernum usq; diem, dum Verus testamentum legunt, non intelligūt illius scopum & finem, quare uelamen illud Mosaicum adhuc manet. Ergo occæcatio Israelis, per ipsum Moysen præfigurata, inde ab eo tempore, quo data est lex, ad Christū usq; toto Veteris testamenti tempore durauit. Et ne sic quidem dū cessauit. Quare? Quia uelum hoc non nisi per Christum tollitur, dum ille agnoscitur ac recipitur. Hoc significans dicit: nec tollitur uelum, quod per Christum aboletur. Quasi dicat. Et hæc Iudæorum occæcatio, nullis signis ac portentis, nullisq; quantumuis indefeisis docendi ac cōtestandi laboribus tolli poterit, quandiu Christum recipere detrectant, sed durabit tantisper dum ad illum conuersi fuerint.

Sed ad hunc usq; diem cum legitur Moses, inquit, uelamen cordibus illorum impositum est. Idem repetit ut inculcet, & simul quod dixit, uelamen in lectione Veteris testamēti manet: sic exponit, ut referat nō ad ipsum Moysen hoc est, ad legem Moysi, sed ad ipsorū corda. Velamē, inquit, cordibus illorum impositum est. Quasi dicat. Quamuis clara sit Veteris testamenti scriptura in se, haud tamē intelligūt eam dum legitur, propterea quod corda ipsorū obducta sunt uelamēto, à Mose pfigurato.

Vide autem q̄ prudenter cauet, ne quo pacto ipsam legē obscuritatis accuset. Ideo omnem hanc culpam in ipsos Iudæos reijcit, dum sensus illorum occæcatos, & in lectione Veteris testamenti dum Moses explicatur, uelamē cordibus ipsorum impositum esse dicit, quod auferri nequeat, nisi per solum Christum. Idē respondeamus & hodie, omnibus illis qui sa-

cræ scripturā non Veteris modo sed & Noui testamenti obscuram esse causantur. Quod perinde est, ac si quis cæcucientes habens oculos Solem causetur esse obscurum & caliginosum. Corda ipsorum sunt crassissimo uelamine obducta, eoq; non simplici sed multiplici, contexto uidelicet partim ex humanæ sapientiæ filo, partim ex respectu magnorum uirorū, partim ex catholica & inueterata tot sæculorū consuetudine, ut philautiam, quæstum, & uentris inanisq; gloriæ studium taceam. His ueluti squamis obducti ipsorum sensus, lucem ueritatis in sacris scripturis splendescentem cer nere non possunt, nec poterunt unquam, nisi Christum nudum & apertū recipiant, per quē solum omnis generis uelamenta à cordibus mortalium tolluntur.

AT ubi conuersi fuerint ad dominum, inquit, tolletur uelamen.] In Græco legitur nō in plurali, conuersi fuerint, sed in singulari *ἐπιστρέψῃ*. Vulgatus interpret habet: cōuersus fuerit, quasi subintelligendum sit, Israël. Meo iudicio referendum est ad proxime præcedēs, cor uidelicet filiorum Israël, cui impositum est uelamen. Quod enim interpret uertit, uelamen cordibus illorum impositum est, in Græco habetur, uelamen super cor ipsorum impositum est. Cui subiungit: at ubi conuersum fuerit, intellige, cor ipsorum, ad dominum, tolletur uelamen. Significat hoc dicens populum hunc occæcatū, corde esse auersum à domino, ideoque fieri nō posse, ut liberetur à uelamine cordis & illuminetur, nisi corde conuertatur ad dominum. Qui oculis auersis retrocedit à luce, utique seipse priuat usu lucis, donec ad illā conuersus illuminetur. Sic qui corde est auersus à domino, nisi ad illū cōuertatur, nō poterit à cæcitate & obuelatiōe cordis sui liberari.

Sunt qui referāt hæc uerba ad id, quod Moses in deserto, quoties ad dominum accedendum erat, uelum de facie sua tollebat, quo nuda & aperta fronte cum illo loqueretur, quasi sit in Græco, *ὥστε καὶ ἀνὰ τὴν πρόσωπον πρὸς κύριον προσηύχεται τὸ κάλυμμα*, id est, quando uero cōuertebatur ad dominum, tollebat uelamen. Verum cum Græca non ad præteritum sed ad futurū tempus accommodata legantur ad hunc modum *ὥστε καὶ ἀνὰ τὴν πρόσωπον πρὸς κύριον προσηύχεται τὸ κάλυμμα*, id est, quando uero conuersum fuerit ad dominum, tolletur uelamen, malo intelligere de futura Israelis conuersione ad dominum, qua prorsus ab hac cordis obuelatione liberabit, cuius præfiguratio quædam erat in sacro Moysi, quo dum à populo ad dominum conuertebatur uelamē de facie sua auferebat quo aperta fronte loquentem sibi dominū uideret. De hac conuersione Israelis uaticinatus est Moses Deut. 4. dicens: Nouissimo autem tempore conuerteris ad dominum Deum tuum & audies uocem eius, quia Deus misericors dominus Deus tuus est. Et Rom. 11. Apostolus quædam de illa prædixit.

Conuersionis huius spem faciens fidelibus, non



non dicit, si conuersum fuerit, sed, quando cōuersum fuerit cor eorum ad dominum, tollitur uelamen, significans fore tempus à Deo præfinitum, quo Israël corde suo conuertatur ad dominum, & à cæcitate sua liberetur. Et hac spe motus patienter ferebat Iudæorum contra se furias, & eos qui ex credentibus credunt instruit, ne animo sint erga eos inimico, neue quid desperatius contra eos præsumât.

DOMINVS autē spiritus est, inquit.] Exponuntur hæc aliter atque aliter. Alij subiectum uolunt esse in uoce spiritus, sic ut de illo prædicetur quod sit dominus. Facit hoc Lyranus sic dicens: Dominus autem spiritus est, id est, spiritus sanctus est liber & libertatis dominus. Et ante hunc Augustinus quoque sic exposuit libro secundo de Trinitate, capite decimo. Cum etiam spiritus sanctus, inquit, dominus dictus inueniatur, ubi Apostolus ait, Dominus autem spiritus est. Et ne quisquam arbitretur filium significatum, & ideo dictum spiritum propter incorpoream substantiam, sequutus contexit, ubi autem spiritus domini, ibi libertas. Spiritum autem domini nemo dubitauerit esse spiritum sanctum. Hæc ille. Si in Græco esset *κύριος ὁ πνεῦμα*, posset sic legi, dominus autem spiritus ille est, sic ut idem esset quod, spiritus autem ille dominus est. Iam cū sit *ὁ κύριος τὸ πνεῦμα* non fauet Græca lectio sententiæ Augustini, quam & Chrysostomus refutat dicens: At non dixit: Spiritus dominus, sed, dominus spiritus. Multum autem interest inter hanc & illam sermonis structuram. Hæc iste. Augustinus sententiam hanc amplexus est propter hæreticos, qui corpoream in Christo domino substantiā negantes præsentem Apostoli locum ad hoc usurpabant, ut errori suo patrocinium prætexerent, & dominum secundum essentiam suam, perinde atque Deum, spiritum esse conuincerent. Et ut hanc sententiam teneret, id fecisse uidetur, quod non satis circumspecte Græcū textum considerauit, sed Latina translatione cōtentus fuit. Illa sic est comparata, ut perinde de spiritu quod sit dominus, atq; de domino quod sit spiritus prædicari uideatur. Si dicas: dominus autem paterfamilias est, æque de patrefamilias quod sit dominus, atq; de domino quod sit paterfamilias prædicare uideberis. Sic cum hic legimus: Dominus autem spiritus est, non minus de spiritu quod sit dominus, quàm de domino quod sit spiritus prædicari non immerito putabimus. At Græca insipientibus diuersum apparet. Consimile accidit & Basilio, qui ut argumento suo inferueret, in opere de spiritu sancto cap. 21. sic scribit. Itaq; audiant etiam alia testimonia quæ palā spiritum dominum appellant. Dominus, inquit, ipse spiritus est. Item, tāquam à domino spiritu. Sic ille? Alij subiectum ponunt in uoce, dominus. Et hi discrepant in eo à se inuicē, quod alij intelligūt de Deo simpliciter, iuxta illud: Iohan. 4. Deus autem spiritus est, alij de

A Christo domino. Et postremum hoc mihi retinendum uidetur. Nihil enim impedit quin expeditus hic sit sensus. Dixit: At ubi conuersum fuerit (cor eorum) ad dominum, tollitur uelamen. Iam ut hoc explicet subiungit. Dominus autem spiritus ille est. Non simpliciter, spiritus est, sed cum articulo, spiritus ille est, inquit. Loquitur autem de spiritu, cuius se supra ministrum esse, & quem uiuificare dixit. Quasi dicat. Dominus autem, quem prædico, cuius sum minister & Apostolus, non est litera, sed spiritus, spiritus ille Noui testamenti, spiritus uiuificans. Dispensatio Noui testamenti in Christo domino, perficitur nō litera occidente, sed spiritu uiuificante. Hoc dicens non prædicat de essentia Christi, quod sit spiritus, quemadmodum heretici nonnulli intellexerunt, & utinā non sint hodie, qui talem nobis Christum proponant, sed de dispensatione & administratione Noui testamenti, quæ est in Christo & à Christo domino. Quemadmodum enim cum dicit: cum legitur Moses, non de persona, sed de officio ac lege Moysis loquitur, ita cum hic dicit: Dominus autem spiritus ille est, non tam de persona Christi loquitur, quæ secunda est sanctæ Triadis hypostasis, q̄ de illius dispensatione, qua Nouū testamentū dispensat & administrat, significans illam esse non literalem & mortuam, qualis est Mosaica in Veteri testamento, sed spiritualem ac uiuificā. Si ubi dixit: Litera occidit, spiritus uero uiuificat, statim subiunxisset: Moses autem litera illa est, puto neminē sic desipere, qui uel de essentia uel persona Moysis, & non potius de officio ac dispensatione illius intelligendum esse putaret. Consimili modo cū hic dicit: Dñs autem spiritus est, nō cōuenit ut de persona domini, sed potius de dispensatione illius, ad quā Noui pertinet testamenti administratio, intelligamus.

Hic itaq; locus neq; adimit Christo dño corporeā carnis nostræ substantiā, quā de seipso post resurrectionem quoq; prædicat dicens: Palpate & uidete, quoniam spiritus carnē & ossa nō habet, sicuti me uidetis habere, neque patrocinator illis, qui ut probet, tres esse substantiali numero & gradu distinctos spiritus, ideoq; & Christū esse spiritū, dictū hoc Apostoli citat: Dñs est spiritus. Sic uerbi superficiē ad se rapiunt, neglecto germano illius sensu.

Sunt qui sic exponāt: Dñs autem est spiritus ille, hoc est, dñs est spiritus & anima legis. Quare nisi cōuerteret Israël ad dñm, nihil habebit de lege præter literā mortuā & mortiferā. Vbi uero ad illū cōuersus fuerit, habebit legē uiuā & uiuificā, quia habebit spiritū legis, ipsum uidelicet dominum, sine quo mortua lex est.

Quomodo autē ad propositū faciat, quod dixit: Dominus autem spiritus ille est, pater in eo quod subiicit dicens: Vbi uero spiritus domini, ibi libertas. Israël conuersus ad dominum, liberabitur à uelo pariter, quo obuelatum est cor ipsius, & à seruitute literæ. Quare? Quia dominus non est litera,

Ecce 4 sed.

Caluini.



sed spiritus, hoc est, non dispensat literā occi-  
dentem, ut Moses, sed spiritum uiuificantem:  
ubi autem spiritus ille domini est, ibi est liber-  
tas. Hoc est, ibi aperiuntur & illuminantē men-  
tes, & soluuntur uincula conscientiarum, qui-  
bus & legi & peccato adeoq; & morti fuerant  
obstrictæ. De hac libertate Christus ipse Ioan.  
8. nonnulla dixisse legitur: Si filius, inquit, uos  
liberauerit, uerè liberi eritis. Vbi pleraq; huc  
pertinentia annotauimus.

Obseruet autem diligens lector, quod cum  
dixisset: Dominus autem spiritus ille est, non  
subiecit: ubi uero dominus spiritus est, sed, u-  
bi uero spiritus domini est. Diuersa quidem ui-  
dent, dominus spiritus, & spiritus domini: ue-  
rum in sensu Apostoli nihil habent diuersi, sed  
prius per posterius declarat, ut intelligamus,  
propterea uocari dominum spiritū, quod spiri-  
tum uiuificantē, ac liberos reddentem in No-  
uo testamento dispensat, cui sensui recte subij-  
citur: ubi uero spiritus domini est, quibus uer-  
bis datur domino spiritus, quē dispensat. Per-  
inde ac si de Mose & litera eius dicas: Moses  
uero litera illa est. Vbi autem litera Moſis est,  
ibi est captiuitas ac seruitus conscientię. Hinc  
uelut ex opposito satis liquere puto, quomo-  
do intelligendum sit, & quā nihil habeat di-  
uersi quod dicit: Dominus autem spiritus est.  
Vbi uero spiritus domini est, ibi libertas. Tam-  
enim recte utrunq; de Christo domino prædi-  
catur quod sit spiritus ille Noui testamenti, &  
quod ipsius sit ille spiritus, quā recte de Mo-  
se dixeris, quod sit litera illa Veteris testamen-  
ti, & quod ipsius sit ea litera, nisi quod spiritū  
dispensat Christus non ut seruus, sed ut domi-  
nus, Moses uero literam administrat nō ut do-  
minus, sed ut seruus. Sane nō immerito hoc di-  
citur esse Christus, quod ipse de suo peculiari-  
ter dispensat. Dispensat autem spiritum suum  
in corda credentium. Ergo recte spiritus hic  
ab Apostolo uocatur, & spiritus quem dispen-  
sat ipsius spiritus appellat. Quod perinde est  
ac si de calore Solis dicas: frigus enecat, calor  
uero uiuificat. Sol autem calor ille est. Porro  
ubi Solis est calor, ibi telluris est fecunditas.  
Qui dicit: Sol calor est, nō de substantia illius lo-  
quitur, sed de operatione quam habet peculia-  
rem, propter quā & calor recte dicit, & calor  
quem emittit, Solis calor uocatur.

Priusquā hinc transeamus, obiter admonē-  
dus est lector, ut cogitet, q̄ sint omnes omniū  
nationū religiones, cultus, ceremoniæ, & quic-  
quid colendi numinis gratia præsumit, uniuersa  
quoq; iusticiæ studia, extra Christum mor-  
tua & seruilia, quandoquidem teste Apostolo,  
Christus est spiritus, & spiritus Christi liberas  
mentes & conscientias efficit, quod nō sic est  
dictum, quod præter Christū alius quisquā sit  
qui spiritū in corda hominū dispenſet, aut al-  
ius sit spiritus, qui libertatē conferat, præter  
Christi spiritū, sed quod unus Christus spiritū  
in corda suorum effundat, & unus Christi spiri-  
tus seruitutē conscientiarū tollat, & libertatē

A conferat. Arguat igitur libertas conscientiarū  
& mentium spiritū, & spiritus Christū, ac con-  
sequenter ueros Christianos. Quis enim ueros  
dicat esse Christianos, in quibus nulla apparet  
inhabitantis Christi argumenta? Qui spiritum  
Christi nō habet, hic nō est eius, inquit, apostolus.

Nos autē, omnes, inquit, reſecta facie glo-  
riam domini specularantes ad eandem imaginē  
transformamur à gloria in gloriam, tanquam  
à domini spiritu.] Quod dixit: At ubi cōuer-  
sum fuerit ad dominum, tolletur uelamē. Do-  
minus autem spiritus ille est, porro ubi spiri-  
tus domini, ibi libertas, probat per exemplū  
eorum qui conuerſi sunt ad dominū, ac spiritū  
illius conſequuti. Vel, quod magis placet, per  
contentionem opponit fideles Christi occa-  
catis Iudæis, quorum cordi uelum est impo-  
ſitum, ſic ut in finē legis qui Christus est, inten-  
dere nequeant. Ad hunc uſq; diem, inquit, cū  
legitur Moses, uelamen cordibus illorū impo-  
ſitum eſt. Gloriam faciei Moſis inſpicere non  
poſſunt. At nos omnes, intellige, quotquot ad  
dominum conuerſi & Chriſtiani facti, ſpiritu  
illius accepimus, abſq; omni uelamine, facie  
reſecta, gloriam non Moſis, ſed ipſius domini  
ſpeculamur. Deinde, illi etiamſi hodie gloriā  
Moſaici uultus cernerent, ad eandem tamen  
imaginem haudquaquam transformarentur,  
at nos omnes, qui gloriam domini facie reſe-  
cta ſpeculamur ad eandem quam ſpeculamur  
imaginem transformamur à gloria in gloriā,  
tanquam à ſpiritu domini, qui hanc in nobis  
transformationem operatur.

Nos autem omnes, inquit.] Dubio pro-  
cul non de omnibus in uniuersum loquitur,  
quotquot Chriſtianam religionem profiten-  
tur. Sunt enim multi qui cum ſe dominū noſ-  
ſe dicant, factis diuerſum oſtendant, ut perſpi-  
cuum ſit, non eſſe eos ad imaginē Chriſti trāſ-  
formatos, in quibus uerba iſta locum habere  
non poſſunt. Quare neceſſe eſt, ut de ueris tan-  
tum Chriſtianis intelligantur.

REſECTA facie, inquit, gloriam domini  
ſpeculantes.] Amphibolum eſt, an de facie  
domini uel fidelium loquatur. Si domini fa-  
ciem intelligit, ſenſus eſt. At nos omnes non  
Moſis quæ reſecta eſt, ſed ipſius domini reſecta  
faciem, inq; illa gloriam eius ſpeculamur. Ve-  
rum magis probatur, ut de fidelium gloriam  
domini ſpeculantium facie intelligatur, ut ſit  
ſenſus. Obijciunt illi Moſen, qui reſecta fa-  
cie gloriam domini ſpeculando, claritatē uul-  
tus ſui à claritate domini ſit adeptus. Erat is  
ex omni populo unus, cui hoc contigerit. At  
nos, non unus & alter, ſed omnes aperta fa-  
cie & à priſtino uelamento liberati gloriam  
domini ſpeculando participes ac conformes  
illi reddimur.

GLORIAM domini ſpeculantes.] Quod  
in Græco eſt *τὴν δόξαν*, pro claritate poſitum  
eſt, quemadmodum & in ſequentibus ubi di-  
cit, *ἀπὸ δόξης εἰς δόξαν*, id eſt, à gloria in gloriam,  
pro, à claritate in claritatem. Loquitur autem  
non



nō de dominici corporis claritate, qualē uiderunt apostoli ante passionem eius in monte Thabor, Matth. 17. & qualem post resurrectionem in sempiternum retinet, cui etiam corpora nostra configurabuntur, sed de clara & perspicua illius reuelatione & cognitione, in qua gloria unigeniti Dei, domini ac redemptoris omnium, imō ipsius quoq; patris tanquam in ipsius filio, relucet. Gloria Christi, gloria est unigeniti Dei, in qua est plenitudo gratiæ ac ueritatis Dei, quam se Ioannes uidisse dicit, ca. 1.

**SPECVLANTES.]** In Græco est, κατὰ τὴν εἰκόνα. Erasmus uertit, in speculo repræsentantes, cum posset uulgatam uersionem retinere. Significat enim id uerbi nō modo impressam imaginem referre, sed & propositam contemplari. Primum est gloriam domini reuelata facie contemplari, deinde ad imaginem illius transformari, tertio illam exprimere ac repræsentare. De primo loquitur hic Apostolus. Quare uisum est ueterem retinere uersionem.

**AD eandem, inquit, imaginem transformamur.]** Hoc est, conformes reddimur imagini quam in Christo contemplamur. Imago ueteris hominis est in corpore peccati, membra habens terrestria & mundana, stuprum, immundiciam, molliciem, concupiscentiam malam, & omnis generis impietatem erga Deum, & iniquitatem erga homines. Nouus homo, qui est ex spiritu Christi, formatur ad agnitionem & imaginem eius qui condidit ipsum, Christi uidelicet, cuius membra sunt cœlestia, in omni pietate, ueritate, iusticia, & nouæ uitæ sanctimonia. Hanc Christi imaginem non modo in ipso Christo præ oculis habent & contemplantur ueri fideles, sed & in seipsis repræsentant & exprimunt, pro mensura quisq; donationis Christi. Quare omnino desipiunt, qui nisi ligneam Christi imaginem præ oculis habeant, quam colant & adorent, nihil se Christi habere putant, & interim uiuam illius imaginem ad quam transformentur prorsus nō curant, imō ignorant.

**A gloria, inquit, ad gloriam.]** Quidam sic. A gloria cognitionis & gratiæ, ad gloriam uisionis beatæ. Alij, à gloria Moyfi ad gloriā Christi. Adhuc alij ad hunc modum: A gloria in gloriam, id est, subinde ad maiorem ac maiorem gloriam crescentes. Quemadmodum intelligunt illud: ibunt de uirtute ad uirtutem. Potest & sic exponi, à gloria domini, quam resecta facie contemplamur, in gloriam transformationis quæ in nobis perficitur. Perinde atq; facies Moyfi cum à claritate diuinæ uisionis inclaresceret, à gloria in gloriam transformabatur, ita & nos à gloria imaginis Christi transformamur in eiusdem imaginis gloriam.

**TANQVAM à domini spiritu, inquit.]** Magna quidem est intentæ contemplationis uis, quæ plerunq; mentes nostras in ea transformat, quæ studiosius contemplamur. At hic transformationis huius gratia tribuitur ipsi spiritui domini. Ille nanq; nos regenerat, &

**A** ad imaginem eius cuius gloriam contemplamur, transformat. Cogitandum hic est, quis sit ille spiritus, qui transformat alios ad imaginem Dominici, alios ad imaginem Francisci. Spiritus domini Christianos homines transformat ad gloriam & imaginem domini.

#### ARGVMENTVM CAPITIS.

**A** Dhuc uindicat Apostolatui suo sinceritatem & singularem cognitionis Christi lucem. Deinde meminit iterum afflictionum suarum, quibus & nonnulla de consolationibus suis attexit, per quas subinde confirmabatur, ne concideret.

#### CAPVT IIII.



**P**ROPTEREA cum ministerium hoc habeamus, ut nostri misertus est Deus, haud degeneramus, sed recriminamus occulta dedecoris, non uersantes in astutia, neq; dolo tractantes uerbum Dei, sed manifestatione ueritatis commendantes nosipsum apud omnem conscientiam hominum, in conspectu Dei.

**B** Postquam ministerium Noui testamēti supra dignitatem Veteris longè eminere ostendit, redit ad id quod supra dixit: qui & idoneos nos fecit ministros Noui testamenti, non literæ, sed spiritus, ac ministerium suum rursus contra pseudapostolorum calumnias ab omni fraudis ac doli suspitione uindicat. Propterea, inquit, cum ministerium hoc habeamus, ut nostri misertus est Deus, hoc est, considerantes itaq; immensam hanc Noui testamenti dignitatem, & quā excellens nobis sit concreditum ministerium, idq; nullo nostro merito, sed potius ex singulari misericordia Dei, totis uiribus ac summo studio cauemus, ne quid in illo admittamus quod occultæ alicuius fraudis & astutiæ dedecus spiret. Non tractamus uerbum Dei dolo malo, sed per manifestam ueritatem commendamus ministerium nostrum omnium conscientijs, idque in conspectu Dei.

**PROPTEREA, inquit, cum ministerium hoc habeamus.]** Vide quā nihil inanis gloriæ spiret. Non dicit, cum tam excellentem dignitatem consequuti simus, sed, cum ministerium hoc habeamus. Deinde, non dicit, ad quod nos elegit Deus, sed, ut nostri misertus est Deus. Quibus uerbis non sua merita, sed misericordiam Dei deprædicat, quasi dicat, eramus enim omniū indignissimi, qui ad hoc ministerium uocaremur, utpote hostes ac persecutores nominis Christi. Digni eramus potius qui perderemur. Verū incomparabili mi-



sericordia Dei factum est, ut ex hostibus facti simus ministri Christi. Plenam autem & expressam misericordiae huius deprædicationem uidere licet in ea quæ est ad Timotheum prior, capite primo.

HAVD degeneramus, inquit.] In Græco est *οὐκ ἐκκατέμην*. Verus reddidit, non defecimus, quam lectionem & recentiores nonnulli sequuntur, nec ipse Erasmus improbat, quamvis reddiderit, haud degeneramus. Obseruet hic Christi minister, in quem usum subinde cōsideranda sit Euangelici ministerij supereminentia. Apostolus quoties de excellentia Apostolatus sui cogitabat, non inflabatur corde, nec ob illam plus sibi supercilij fumebat, sed instigabatur, ut quo sublimius esset consequutus ministerium, hoc in illo fidelius uersaret, & minus deficeret. Debet hoc exemplo minister Christi, quoties de ministerij sui dignitate cogitat, incitari non ad fastum, sed ad solitudinem perseuerandi ac pergendi in fide ac sinceritate, quæ à fidei ministro requiritur. Cui multum conceditur, ab illo multum reposcitur. Qui fidem fallit in magnis, magnæ utiq; perfidiæ reus efficitur. Qui collocatur in sublimi, si deciderit, quo cadit altius, hoc cadit periculosius. Hæc & quæ alia sunt hic consilia cogitanda, merito sollicitum reddūt & cautum Euangelij Dei ministerium.

SED reijcimus occulta dedecoris, inquit.] Græcè est, *ἀλλ' ἀπειπάμεθα*. Vulgatus interpres habet, sed abdicamus. Erasmus uertit in præterito, sed reiecit. Mihi quoque præteritū pro præsentī, Ebræo more, positum uidetur. Loquitur enim de re, quæ non perficitur si semel atque iterum fiat, sed indefinentem curam ac perfectionē requirit. Reijcere quæ mala sunt, opus est totius uitæ nostræ studiū requirens.

OCCULTA dedecoris.] Græcè est, *τὰ κρυπτά ἢ αἰσχύνει*, quod Erasmus uertit, occultamēta dedecoris. Verti poterat, latebras turpitudinis. Intelligo omnis generis fraudem, astutiā, imposturam, simulationem & fucos. Significat se Apostolus usque adeo studere sinceritati in suo ministerio, ut reijciat à se non modo ea dedecora, quæ sunt in propatulo, & consciētis hominum obuia, sed & quæ sunt *κρυπτά*, id est abscondita, secreta, & occulta, qualia sunt quæ dolo & imposturis aguntur. Sic animati sunt, qui quod agunt, sincere & candide agūt, suntque ueritatis sic studiosi, ut illam etiam in occultissimis seruent. Utinam possit hoc. *ἀπειπάμεθα τὰ κρυπτά ἢ αἰσχύνει*, dici ab illis, qui apostolorum successores uideri uolunt. Quid dico? Utinā reijcerent à se *τὰ φανερὰ ἢ αἰσχύνει*, & exuerent tandem frontem meretriciam erubescere nesciam. At quomodo abijcerent à se occulta dedecora, qui de manifestis in hunc usque diem erubescere nesciunt? Olim dicebant: Si non caste, tamē caute. At iam nec caste nec caute uiuere curant. Verum sic tradidit eos dominus in reprobū sensum, ut faciant ea summā cum impudentia, unde palam fiat omnibus, q̄

non Christi, sed Antichristi sint apostoli.

NON uersantes, inquit, in astutia, neque dolo tractantes uerbum Dei.] Occultum dedecus erat pseudapostolorum, ut exempli gratia dicam, qui ex circumcisione erant, quod, ut scandalum crucis Christi effugerent, & discipulos post se trahentes in carne ipsorum gloriarentur, circumcisionem prædicabant, atq; ita uerbum Euangelij Dei dolo tractantes in astutia, non in sinceritate ambulabant. Quod igitur se non ambulare in astutia, neque uerbum Dei dolo tractare dicit Apostolus, sic dicit, ut interim perstringat pseudapostolos illos, qui hæc faciebant, quasi dicat, quemadmodum ambulant, & uerbū Dei tractant uestri illi magistri, qui se & Ebræos, & Christi iactant esse apostolos.

Sed obsecro, an non ambulant in astutia, & uerbum Dei dolo tractant, qui in ecclesia Dei fictis uerbis negociantur, & quæstus gratia iam Pontificiam potestatem, iam patrocinia sanctorum, iam purgatorium ignē, iam sacrificium Missæ pro peccatis uiuorū & mortuorum, iam ordinum suorum prærogatiuas, iam Papales indulgētias, & innumera alia turpissimi quæstus commenta prætexunt?

Obserua uero, quomodo postquam dixit, non uersantes in astutia, subiicit, neque dolo tractantes uerbum Dei. Prius est, ambulare astute ac uersute, deinde studium sequitur uerbum Dei dolo tractandi. Qui ambulant *ἐν πανουργίᾳ*, id est, uersutia, quo uersuta sua studia quasi uelamento quodam obducāt, & interim quod quærunt obtineant, prætexunt & ipsi uerbum Dei, sed dolo tractatum. Dola igitur hæc uerbi Dei tractatio, non est hominum imperitorum ac simplicium, sed *πανουργῶν*, id est eorum, qui ex quolibet facere possunt quidlibet, unde & *πανουργοί*, id est, omnia facientes uersuti illi uocantur, qui nihil nō audent, & obtinent etiam, simulando, dissimulando, prætexendo, comminiscendo, &c. ubi uerbum Dei in hosce homines incidit, expectandum aliud nihil est, quàm ut dolo tractetur. Et utinam hæc *πανουργία* non regnasset in ecclesia tot iam sæculis, idque eo loco maxime, cui plenam tribuunt Apostolicæ sedis auctoritatem. Toto terrarum orbe non inuenias homines in hac panurgia exercitiores. Iures ipsam panurgiam iam olim eo loco fixisse sedem, cui quicquid est in reliquo orbe hypocriticum, uafum, uersutum, & sophisticum, facta conspiratione coniunctum est, quo mysterium illud iniquitatis, quod Apostolus præuidit, mutuis studiis perficiant.

SED manifestatione ueritatis, inquit, commendantes nosipso apud omnem conscientiam hominum, in conspectu Dei.] Rursus inculcare uidetur, quod suprā in calce capitis secundi dixit ad hunc modum: Non enim sumus ut pleriq; cauponantes sermonem Dei, sed uelut ex sinceritate, sed uelut ex Deo, in conspectu Dei per Christum loquimur. Verum



rum non tantum in genere tribuit sibi studi-  
um synceritatis ac ueritatis, sed in ijs potissi-  
mū, quæ pseudapostoli subuere moliebantur.  
Loquitur enim præcipuè de abrogatione  
legis Mosaicæ, deq; incorporatione gentiū in  
ecclesiam Dei, quam utranq; nō modo nō do-  
cebant pseudapostoli, sed & quibus poterant  
modis impedire conabantur, & hanc ob cau-  
sam plurimum ipsi negocij inter circumcisos  
facebant, quibus ut sese cōmendarent, Mo-  
sen cum Christo coniungebant. Ipse uero ut  
Christum sincere ac fideliter prædicaret, ueri-  
tatem Dei, quam circūcisi ferre non poterant,  
manifestabat ubiq; sic ut Petrum quoq; repre-  
henderet, quod non recto pede ad ueritatem  
Euangelij ingrederetur, dum Gentes suo exē-  
plo iudaizare cogebat. Gal. 2. Magni momēti  
res erat, ueritatē Christi sic manifestare, ut in  
uno illo constaret omnem nostrā sitam esse sa-  
lutē, ad quem scopū Apostolus iste collimabat  
ubiq;, quo referendum esse iudico quod hic se  
ueritatem manifestare dicit.

COMMENDANTES nosipsum, inquit, apud  
omnē conscientiam hominū. ] Hoc est, sisten-  
tes nos, quales simus, & quid sentiamus, corā  
conscientijs omniū. Non quærimus latebras,  
nō subterfugimus cuiusquā conscientiam, sed  
palam ac dilerte corā omnibus ueritatem Dei  
docemus ac manifestam⁹. Sic intelligo quod  
in Græco est συγιστῶντες, & interpretes uerterūt,  
commendantes, ne quis quærendum putet,  
quomodo se per ueritatis huius manifestatio-  
nem omniū conscientijs cōmendauerit Apo-  
stolus, cum propter illā quā plurimis displi-  
cuerit, placuerit uero paucis. Non dicit se gra-  
tiam omnium hominum ueritatis huius ma-  
nifestatione quærere, & hoc se illis proposito  
commendare, sed sistere se ac notum facere o-  
mnibus, quid uere & per omnia sentiat ac do-  
ceat, ideoq; ueritatē Dei absq; omni dissimu-  
latione manifestare omnibus.

Qui ueritate agunt, sic docent & scribunt, ut  
nullius hominis conscientia nudos se sistant.  
Veritatem enim Dei, præsertim quatenus in  
controuersia est, & multorum odijs exposita,  
cumq; periculo cōiuncta, nō manifestant, sed  
uel dissimulant in uniuersum, uel uocibus am-  
biguis sic inuolutam tradunt, ut nemo facile  
intelligat, quid uere sentiāt. Ab hac astutia scri-  
bit Apostolus esse se prorsus alienum.

Quam autem religiose omniū se conscien-  
tias per manifestationem ueritatis nudum ac  
manifestum exhibuerit, in eo exprimit, quod  
subijcit dicens: in conspectu Dei. Quasi dicat.  
Haud aliter, quā si loquamur & agamus in  
ipso conspectu Dei, sitq; negocium nobis non  
cum hominum tantum conscientijs, sed & cū  
ipso Deo, in cuius conspectu nihil loci est ullis  
imposturis, quibus utuntur illi, qui alieni sunt  
à religione Dei, & hoc tantum agunt ut uel  
fallant conscientias hominum, uel se falso il-  
lis insinuent.

Quod si adhuc uelatum est Euange-

lium nostrum, in his qui pereunt uelatum  
est, in quibus Deus huius sæculi excæ-  
cauit sensus incredulorum, ne illucescat  
illis lumen Euangelij gloriæ Christi, qui  
est imago Dei. Non enim nosipsum præ-  
dicamus, sed Christum Iesum dominū,  
nos autē seruos uestros propter Iesum.  
Quoniam Deus est qui iussit e tenebris  
lucem illucescere, qui luxit in cordibus  
nostris ad illuminationem cognitionis  
gloriæ Dei in facie Iesu Christi.

Quoniam legi uelamentum, Euangelio au-  
tem suo magnam lucem tribuebat, seq; mani-  
festatione ueritatis omnium conscientijs com-  
mendare dicebat, poterant obijcere aduersa-  
rij, reipsa depræhendi diuersum, eò quod do-  
ctrina ipsius in multis sit obscura non minus  
quā lex ipsa, & ubiq; multorum sit contra-  
dictionibus obnoxia. Huic itaque obiectioni  
occurrit. Vtitur autem primum concessione,  
deinde illi annectit expositionem. Concessio  
nis uice est, quod dicit: Si uero uelatum est e-  
tiam Euangelium nostrum. Hoc est, quod si  
Euangelio quoq; nostro perinde atq; legi acci-  
dit, ut sit uelatum & obscurum, id quod mihi  
forsan magistri uestri obijciunt. Non dicit: E-  
uangelium nostrum non est obscurum, sed, e-  
tiam si obscurum est Euangelium nostrum. Non  
poterat hoc negare, sed necesse erat ut agno-  
sceret. Verum mox expositionem attexit, qua  
causam obscuritatis rejicit in eos à quibus lux  
ueritatis erat abscondita, atque ita Euangelio  
suo lumen gloriæ Christi constanter uindicat  
dicens: in his qui pereunt, uelatum est, in qui-  
bus Deus huius sæculi excæcauit sensus incre-  
dulorum, ne illucescat illis lumen Euangelij  
gloriæ Christi, qui est imago Dei.

QVOD si adhuc uelatum est Euangelium  
nostrum, inquit. ] Græcè sic legitur: ἡ γὰρ καὶ ἡ  
κηρυχμὴν τοῦ εὐαγγελίου ἡμῶν, id est, Si uero etiam  
est uelatum Euangelium nostrum. Erasmus red-  
didit: Quod si adhuc, uocula, adhuc, non est in  
textu. Apparet eum legisse ἡ γὰρ pro ἡ. Deinde  
ambiguum est, an cum dicit: Euangelium no-  
strum, sibi ipsi specialiter uindictet Euangelium  
quod prædicabat, uel sic illud uocet, quod cō-  
mune sit credentium. Sane utrolibet sensu ca-  
pi potest. Erat enim ipsius Euangelium, pro-  
pterea quod ab ipso prædicabatur, & erat cō-  
mune ipsi cum Corinthijs, propterea quod ab  
illis esset acceptum, imò diuinitus ad eos mis-  
sum. Sic idem Euangelium & Dei est & Chri-  
sti & Apostoli, & fidelium. Dei, à quo missum  
est, Christi, de quo, apostoli per quem prædica-  
tur, fidelium, quibus diuinitus est destinatum, &  
ab illis etiam acceptum.

Quid est autem, quod non dicit: Si Nouum  
testamētum, uel si administratio spiritus, aut,  
si Christus, uelatus est, sed, si Euangelium, & qua-  
re non dicit, si Euangelium Dei, sed, si Euangelium  
nostrum uelatum est? Has uoces Nouū testamētū,  
spiri-



spiritus, Christus, non rapiebant pseudaposto-  
li ad diuexandum, quemadmodum uocē Euā-  
gelij, sub nomine Pauli diuexabant, uocantes  
Euangelium Pauli, per singularem cōtemptū  
eo uidelicet modo, quo nostra ætate aduersa-  
rij doctrinam ueritatis Christi cōtumeliæ gra-  
tia Euangelij Lutheri uocare cœperūt. Haud  
igitur cædēs illorū malitiæ uocat absq; pūdo-  
re doctrinam Christi quam prædicabat suum  
Euangelium, significans se omnino illud abs-  
que ullo pudore pro suo agnoscere, quantum  
uis ab illis proscinderetur.

IN his qui pereunt, inquit, uelatum est.]  
Exponit qui nam illi sint, in quibus uelatum  
est Euangelium. Et hac expositione reijcit ab  
illo culpam ac transfert in eos, qui lucis illius  
participes fieri non poterant & hos sic descri-  
bit, ut liquido appareat causa, propter quam  
uelatum sit in ipsis Euangelium, quod tamen  
in multis alijs clarissima lux est. Poterat dice-  
re, Si uelatum etiam est Euangelium nostrū, id  
quod mihi magistri uestri obijciunt, uelatum  
est non in omnibus sed quibusdam tantum,  
qui illud malo quodam studio auerfantur. Ve-  
rum maluit eos sic describere, ut liquidum sit  
tales eos esse in quibus nequeat habere locū  
lux Euangelij. Sic dicit: In his qui pereunt ue-  
latum est. Depingit autem eos tribus teterri-  
mis coloribus, uocans eos incredulos, excæ-  
catos, & pereuntes, ut mirum non sit in talib.  
uelatum esse Euangelium. Quod perinde est  
ac si quis ludi literarij magistro cuipiam obij-  
ciat, disciplinā ipsius esse inanē ac frustraneā,  
ille aut respondeat. Si inanis est Scholæ meæ  
disciplina, inanis est in ijs q sunt immorigeri,  
obstinati, & tandē malo mortis gñe perituri.

IN his qui pereunt, inquit, uelatum est.] Rē  
eandem in priore ad Corinthios capite primo  
alijs uerbis expressit dicens. Nam sermo cru-  
cis ijs quidem qui pereunt stulticia est, at no-  
bis qui seruantur potentia Dei est. Quod illic  
uocat sermonum crucis, uocat hic Euangelij  
suum, & quod hic uelatum esse illic stulticiā  
uocat. Vtrunque autem tribuit ἀπολλυμένοις. i.  
pereuntibus. Qui uero sunt illi pereuntes. An  
non totum genus humanum in perditione est  
propter corpus peccati. Et quomodo ij perire  
dicuntur, qui Euangelium Dei non accipiunt?  
Respondeo, Aliud est esse in condemnatione,  
ac perditione dignum, & aliud perire. Per pec-  
catum facti sumus omnes digni qui perda-  
mur in uniuersum. Verum non perduntur in  
sempiternum quotquot per gratiam Christi à  
perditione seruantur, pereunt uero, quotquot  
illius participes non fiunt. Et hos uocat Apo-  
stolus pereuntes non hic tantum sed & suprā  
cap. secundo, & primo Cor. i. quibus opponit  
σωζόμενοι, id est, eos qui seruantur. Quod autem  
Christus lucæ 19. dicit: Venit filius hominis  
quærere & saluū facere quod perierat, nō est  
de istis ἀπολλυμένοις omnē salutis gratiā respuen-  
tibus ideoque in curabiliter pereuntibus, sed  
in uniuersum de toto humano genere intelli-

gendū quod in Adamo morti ac perditioni fa-  
ctum erat obnoxium, de talibus uidelicet, qui  
gratiā salutis non recusant, sine qua omnino  
essent perituri. Quemadmodū igitur trāsgres-  
sioni primi nostri parētis debemus, quod per-  
ditione facti sumus digni, ita gratiæ Seruato-  
ris nostri Christi acceptum ferre conuenit, qd  
nō sumus ex illis quos Apost. uocat pereuntes.

Obserua uero quod non dicit: in his qui pe-  
riunt, quem admodū non dicit, in his qui pe-  
rierunt, sed, in ijs qui pereunt. Sic perditionē  
omnimodam tribuit nec futuro iudicio, nec  
originali parentū nostrorū transgressioni, sed  
obstinatæ incredulitati gratiam oblatae salu-  
tis pertinaciter respuenti, per quam solum à  
perditione liberamur.

IN quibus Deus huius sæculi, inquit, excæ-  
cauit sensus incredulorū.] Qui sint pereuntes  
illi, in quibus Euangelium uelatum est. conse-  
quenter explicat. Si diceret simpliciter, quo-  
rum sensus Deus huius sæculi excæcauit, ne il-  
luciscat illis lux Euangelij, nō satis expeditus  
esset sensus. Iā cū dicit: in quibus Deus huius  
sæculi excæcauit sensus, & addit, incredulorū,  
significat quidem excæcationē hāc fieri in pe-  
reuntibus, uerū nonnisi talibus, qui sint incre-  
duli. Incredulus aut dici nō potest, cui nihil dū  
est prædicatū de Christo. Quomodo enim cre-  
di potest in eū de quo nihil est auditū? Quem-  
admodū hyeme de arbore iudicari nō potest,  
sterilis ne sit uel fertilis, donec æstate qualis sit  
deprehendat. Tempus enim fructificandi nō  
est hyeme sed æstate. Et quēadmodū noctur-  
na durante caligine de cæcis iudicari non po-  
test, in qua etiam ij qui uidendi facultatē ha-  
bent nil cernere possunt, ita de credulitate &  
incredulitate non potest ferri sentētia, ubi nō  
sonat uox uerbi Dei, ubi Euangelium ne audi-  
tum quidem, nedum fide est acceptum uel in-  
credulitate reiectum. Quare uigilāter adiecit,  
incredulorū. Euenit ut & electi nonnūquam  
ad fidē Christi tardius accedāt sic ut auditum  
uerbi Dei aliquandiu respuant, imo & perse-  
quantur, id quod in hoc ipso accidit apostolo.  
Ea aut tergiversatio nō potest uocari incredu-  
litas, quia sequenti fide tollitur, sicut tardior  
fructificatio nō recte uocaretur sterilitas, pro-  
pter sequentē fertilitatem. Imo etiam si uoces  
eam temporariā incredulitatē, excæcationi tñ  
non est obnoxia, quæ contingit illis tantū in-  
credulis, qui sunt ex reprobis & perituris, sicut  
hæc Apostoli uerba perspicue docēt. Deus hu-  
ius sæculi, inquit, excæcat sensus incredulorū.  
Quorum? Qui sunt ex pereuntibus. Dicit enim.  
In his qui pereunt, in quibus Deus huius sæcu-  
li excæcauit sensus incredulorum.

Quapropter summo opere cauendum est, ne  
temere pro excæcatis ac pereuntibus habea-  
mus eos, quos hodie Euangelio salutis nostræ  
cōtradidere & obluētari, uidemus. Ad huc qui  
dē uelatū illis est Euangelij, ut ueritatē illius  
non uideant, at quandiu duratura sit in illis  
ista obuelatio, solus ille nouit qui quos uult  
&



& quando uult ad ueritatis suæ cognitionem uocat, & uocatos illuminat: quemadmodum nō debemus securi de omnium eorum esse salute, qui propere ac facile doctrinam Euangelij amplectuntur. Nam dubio procul multi sunt inter illos, qui ad tempus credant, & tentationis sint tempore recessuri, & hodie quoq; locū habet illud: primi nouissimi, & nouissimi primi. Hæc quidem satis sunt perspicua. Verum non est concors omniū sententia, ne apud ueteres quidem, quem nam sæculi huius Deum, incredulorum sensus excæcantem, uocet dicēs: in quibus Deus huius sæculi, uel æui, Græce, *αἰώνιος*, excæcauit, &c. Nam alij referunt ad Satanam, alij ad ipsum uerum Deum. Lyranus de utroq; exponi posse sentit, quemadmodum & Cōmentarij qui Hieronymo tribuuntur. Chrysostom⁹ uero Theophylactus & Ambrosius quoq; ad uerum Deum referūt. Et Augustinus libro. 21. cap. 2. contra Faustum Manichæum sententiam hanc sic quorundā esse dicit, ut simul approbet, ac doceat, quomodo nō sit inconueniens uero Deo excæcare mentes incredulorum, ac tradere illos in reprobū sensum, & obdurare, & quæ alia illi consimilia palam in scripturis tribuuntur.

Alij exponunt de Satana, præsertim recentiores, ex eo forsan moti, quod Satanam conuenientius quàm uerum Deum, sæculi huius Deum uocari existimant. Sane quod me attinet, si uispiam in scripturis legerem uerum & unicum cœli ac terræ Deum, cum hac specificatione uocari Deū huius sæculi, uel huius mundi, magis placeret Chrysostomi sententia, q̃ aliorum quatenus de uero Deo locum hūc exponit. In Genesi quidē cap. 21. Versu. 33. de Abrahamo legimus quod in Beerthaba plantarit nem⁹, & inuocarit ibi *בשם יהוה אל עילם*, .i. nomen dñi Dei sæculi. Et Esa. 40. uers. 27. legitur ad hunc modū. An ignoras? an nō audisti? *אלהי עולם יהוה בורא קצות הארץ*. De⁹ sæculi dominus, creator finium terræ. Verū quoniam uox *עילם* id est, sæculum, plerunq; pro sempiterno accipitur, ut *אל עולם* idem sit quod Deus sempiternus, quāuis in Esaia loco haud incommode de hoc sæculo accipi queat, deinde Apostolus non simpliciter dicit: Deus sæculorum, sed, Deus huius sæculi, existimo simplicius esse, ut de Satana exponamus, quæ & Christus mundi huius principem uocat, & hic Apostolus quoq; de illo Ephes. 2. ad hunc modum scribit: Et uos cū essetis mortui delictis ac peccatis in quibus aliquādo ambulastis iuxta sæculum mundi huius, iuxta principē, cui potestas est aëris, qui est spiritus, nūc agens in filiis contumacibus. Quo sensu princeps huius sæculi uocatur Satā, eo potest & Deus sæculi huius uocari. Tam enim proprie nō est princeps quàm non est Deus huius mundi, uocatur autem utrunq; propter reprobos, qui per sæculū hoc intelliguntur, in quibus agit, dominatur, ac regnat, quos habet sibi ad quæ uult omnia seruos ac morigeros, ut non sit quærendum,

A quomodo sensus illorum excæcare possit. De ipsa excæcatione non est ut hic loquamur. Dixim⁹ de illa Matth. 13. Ioā. 12. & Esa. 6, & de obduratione cordium Rom. 1.9. & 11. Alijs modis excæcat Deus ipse, alijs propheta Esa. 6. alijs Satan, alijs tenebræ mentium. 1. Ioan. 2. alijs propria malitia Sap. 2. Quemadmodum & corporis excæcatio alia per Deum fit, alia per Solem, alia p tenebras, alia p homines, alia alio quopiam casu, sunt qui seipsi excæcauerint. Et illuminat corpus ipse Deus, illuminat Sol, illuminat dies, illuminat accensa lucerna. Mentēs quoq; Deus illuminat, Christus illuminat, Spiritus sanct⁹ illuminat, Apostol⁹ illuminat, Euāgelium illuminat. Hæc omnia recte dicuntur sic tamen ut à summo illo omnium rectore ac dispēlatore Deo uel iustissimo iudicio uel clementissima gratia disponantur.

NE illucescat illis lumen Euangelij gloriæ Christi, inquit, qui est imago Dei. ] Quorsum Deus huius sæculi Satan sensus incredulorum excæcauerit, istis uerbis exprimit. Dubio procul, excæcationis illi finis est, ut salutem eorum quos excæcat impediatur, & miseros in perditione retineat. Hoc agenti opus est, ut omnib⁹ modis caueat, ne ad cognitionē ueritatis perueniant, aut si aliquo pacto splendore lucis illi tangantur ex eo magis occæcetur q̃ illuminentur. Quare primum illi⁹ studium est, ut caueat ne qua occasione illis lumen ueritatis illucescat. Regnat enim in tenebris & sic miseros demētat, ut se in nescio qua luce uersari putet, cum toti sint errorum tenebris immerfi.

B Hoc illius studium exprimit Apostolus dicens: ne illucescat illis lumen Euangelij gloriæ Christi. Etenim ubi lumē hoc mentibus hominum illucescit, illuminantur ad cognoscendū ueritatē Dei, perq; cognitionem illi⁹ liberi redduntur è laqueis Diaboli, resipiscunt, credunt & seruantur. Vnde & Christus Ioan. 8. dixit: Si manseritis in sermone meo cognoscetis ueritatem, & ueritas reddet uos liberos. Et hic Apostolus. 1. Timo. 2. Qui uult, inquit, omnes homines saluos fieri, & ad cognitionem ueritatis uenire.

Et propter hanc mentium illuminationem, quæ fit per ueritatis Dei cognitionem, non dicit simpliciter, ne cognoscatur ab illis ueritas Euangelij, sed utitur similitudine diurnæ lucis, qua illucescente dispelluntur tenebræ noctis, redditur aperta rerum omnium facies, & aperiuntur oculi non ad uidendū modo, sed & ad iudicandum de singulis, quo iudicio damnantur nocturnarum imaginationum & opinionum errores, illisq; spretis apprehēditur ac tenetur ueritas, ac secundū hanc humanæ actiones diriguntur, & uitæ necessitatibus consultiuntur. Secundum hanc similitudinem dicit: ne illucescat illis lux Euangelij gloriæ Christi. Hoc est, ne dispellantur illis tenebræ errorum, quibus mentes ipsorum sunt immerse, ueniantq; ad lucem ueritatis Dei, quæ est in Christo Iesu.

Sic igitur comparat ueritatem Euangelij lu



ci diurnæ, ad ortum Solis illucescenti. Dies hic est Noui testamenti tempus, splendor Solis gloria, id est, charitas Christi, lux ueritas Euangelij, qua mentes illuminantur. Quare quemadmodum ortu Solis tota terra illustratur, & singulis rebus natua facies redditur quæ in tenebris latuerat, ita per Euangelij lumen totum genus humanum illuminetur, & ad cognitionem ueritatis perducatur necesse est. Non est enim aliud lumen, quo mentes illuminentur, quæ humanæ sapientiæ Magisterio magis occæcatur quam illuminantur.

Obserua uero, quod non simpliciter dicit: ne illucescat lumen Euangelij, sed, ne illucescat illis lumen Euangelij gloriæ Christi. Efficere non potest mundi huius princeps Satan, ut lux Euangelij obscuratur in se nec illucescat uspiâ. Non dominatur ueritati, dū dominatur reprobis ac pereuntibus. Iusto Dei iudicio cauere potest, ne lux Euangelij illucescat mētibus reprobis, præterea non habet quod faciat in hac causa. Sæuiat quantum potest, manet ac manebit in se lux ueritatis, nec manet tantum sed & illucescit mentibus electorum. Obscurat mentes Tyrannorum & incitat aduersus lucem Euangelij Christi. Et quid illi omni sua sæuitia efficiunt? An, ne ueritas sit ueritas? Absit. An ne illuminet illa mentes electorum? Nequaquam. Neutrum efficere possunt. Nolint uelint dies est, exortus Sol est, discernit rerum facies lux reddita terris. Illuminatos, ubi uisum est domino, occidere possunt, ipsam ueritatis lucem tollere non possunt.

Quæ est imago Dei, inquit. Non solet apostolus quiescere ac subsistere in Christo: quoties quæ ad gloriam illius & nostram salutem spectant illi tribuit, sed lectorem per Christum quasi manuducit ad ipsum Deum patrem. Sic hoc quoque loco, cum Euangelium lumen gloriæ Christi uocasset, mox subiungit, qui est imago Dei, ut admoneat, in filio nobis spectandum & agnoscendum esse patrem. Inuisibilis in se est Deus, quia figuram quæ spectari possit non habet. Vnde & Christus dicit: Deum nemo uidit unquam: ut igitur uideri & cognosci possit, misit uerbum suum in mundum, in quo sit ipsius imago, quæ sic illucescat mentibus electorum, ut in ea uideatur & cognoscatur ipse. In hac autem imagine Dei, quæ Christus est, filius & unigenitus Dei, exprimitur non figura aliqua corporea quæ in Deo non est, sed splendor diuinitatis, sapientiæ, potentiæ, uoluntatis, & gratiæ illius. Filius carnis imaginem carnalis sui parentis refert. At Christus unigenitus Dei uiuentis imaginem refert non carnalis parentis, quem nullum habet, sed cœlestis sui patris, cuius gloriæ splendor est, & substantiæ character, id est expressa imago. Vnde ad Philippum dicebat: Philippe qui uidet me, uidet & patrem meum. Item, pater in me est & ego in patre. Et: pater in me manens ipse facit opera quæ ego facio. Deus lux est. I. Ioan. I. Lucem hanc in se uidet nemo. Est enim inacces-

sa. Datur igitur spectanda in filio tanquam in ipsius imagine, propter quam dicit: Ego sum lux mundi. Ioannis. 8. Gloria lucis splendor est cuncta illuminans. Sic Christus dum splendore suo mundum illuminat gloria patris est, cuius imaginem lucendo spectandam exprimit. Perinde ac si Solem hunc uisibilem, unde terrarum illuminatur orbis, uoces imaginem Solis inuisibilis, quatenus cuncta splendore suo illustrat.

Quamuis hæc similitudo non satisfacit causæ de qua loquimur, aliquo tamen pacto ad illam accedit. Sunt in cœlo stellæ, & Luna, illustris admodum, sunt in terra uarij generis lucernæ ac splendores, in quibus tamen omnibus nihil est, quod imaginem Dei, perinde atque Sol unicus exprimere uideatur. Vnicus est, splendidissimus est, adeo ut excellentiam splendoris eius haud ferre possit humanus oculus, perpetuo sibi ipsi similis est totum orbem percurrento illustrat, similem non habet, & quæ alia in illo sunt prorsus eximia. In eo tamen deficit, quod ex creaturis est Dei, quod principium habet, quod mutabitur, quod non præsens est ubique, quod uoluntate præditus non est, &c. At Christus sic est imago Dei uiuentis, ut non sit ex creaturis, nisi secundum carnem, secundum quam non est imago Dei, sed genitus ex Deo patre, principium non habens, nec mutationi obnoxius, nec absens uspiam, nec uoluntate destitutus, sed quem uult illuminans, patrem in se habens, & in patre existens semper, &c.

Diceret aliquis. Imago non est id ipsum cuius est imago. Si Christus est imago Dei, ergo non est ipse Deus.

Respondeo. Relationes in diuinitate non pertinent ad illius essentiam, sed ad personas. Christus ut filius est imago Dei patris, non ut Deus. Non enim Deus, ut Deus est imago Dei. Quare stabit argumentum si dicas: Christus est imago Dei patris, ergo non est Deus pater. Homo gignit ad imaginem suam hominem filium. Si dicas. Ergo filius imago hominis non est homo, non recte colligis. Si uero ad hunc modum dixeris: Ergo filius imago patris non est pater, uel, filius imago hominis non est is homo cuius est imago, stabit argumentatio. Homo non est imago hominis, nisi per relationem, qua filius homo imago est hominis patris. Maior igitur illa. Imago non est id ipsum cuius est imago, non est simpliciter accipienda, sed limitanda per relationem. Imago enim natura potest esse eadem cum eo, cuius imago est, persona uero non ita. Sic filius idem est natura cum patre, cuius est imago, persona uero non idem. Christus igitur filius Dei, natura idem est quod Deus, persona uero filius est & imago Dei.

Non enim nos ipsos prædicamus, inquit, sed Christum Iesum dominum, &c. Quoniam non simpliciter dicit: non prædicamus nos ipsos, sed: Non enim prædicamus nos ipsos, merito quæritur, quo referenda sit uocula rationalis,



lis, enim. Nam ad proxime præcedentia uide-  
tur parum commode posse referri, nisi intente  
consideres cohererentiam. Dixit: Quod si ad-  
huc uelatum est Euangelium nostrum, in his  
qui pereunt uelatum est, in quibus Deus huius  
saeculi excæcauit sensus incredulorum, ne illu-  
cescat illis lumen Euangelij gloriæ Christi. Quo-  
niam doctrinam quam tradebat suum Euange-  
lium uocauit, & tamē mox subiecit, ne illuce-  
scat illis lumen Euangelij, non mei, sed, gloriæ  
Christi, particulæ huius rationem subnequit di-  
cens: Nō enim nos ipsos prædicamus, sed Chri-  
stum Iesum dominum. Quasi dicat: Ideo dū sen-  
sus incredulorum excæcatur, ne illucescat illis  
lumen Euangelij, uelatur in illis non nostrum,  
sed Christi Euangelium. Neq; enim nos ipsos,  
sed Christum Iesum dominum prædicam⁹. Euāge-  
liū nostrū, nō est nostrū, sed Christi Euāgelium.

Potest autē particula hæc etiā ad ea referri,  
quibus se paulo supra uerbū Dei dolo tractare  
negauit, quasi illius rationē redditurus dicat:  
Non enim nos ipsos prædicamus, sed Christum  
Iesum dominum. Quasi dicat: Qui se ipsos præ-  
dicantes quæ sua sunt quærunt, uerbū Dei tra-  
ctant nō sincere, sed dolo. At nos illud tracta-  
mus, non dolo, sed sincere ac ueraciter, quia  
prædicamus haud nos ipsos, sed Christum Iesum.  
Si hæc est præsentis loci consequētia, quæ in-  
termedia sunt de excæcatione incredulorum,  
per parenthesis sunt inferra. Non est autem  
dubiū, quin hoc dicēs iterū perstringat pseud-  
apostolos, qui nō Christum dñm, sed se ipsos præ-  
dicabant, dum magistri haberi uolebant, & di-  
scipulos post se trahebāt. Etenim q̄ tales sunt,  
etiāsi uerbis proponant Christum, finis tamen  
& scopus prædicandi nō est ipsis Christus, sed  
philautia, & inanis gloria & turpis in ecclesia  
negociatio. Consideremus hodie quē prædi-  
cent Antichristi mystæ, hoc est, quid prædicā-  
do quærant. Sub nomine Christi prædicant &  
extollunt Antichristū, sub quo negociantur in  
ecclesia, atq; ita prædicant non Christū, sed se  
ipsos. Et utinā nemo ex illis, qui Euāgelici ui-  
deri uolūt, se ipsum prædicet, dū Christū ipsissi-  
mū prædicare uideat, quod faciūt oēs qui quidē  
ore sonāt Christum, sed quærūt corde se ipsos.

SED Christum Iesum dominum, inquit. I Nō  
simpliciter Iesum Christum, sed Iesum Christū  
dñm prædicabat. Quid est prædicare Iesum  
Christum dominum aliud q̄ omnia illi subijcere  
prædicando quæ in cælo sunt, & in terra? &  
quosuis ad illum tanquam ad unicum Serua-  
torem ac Redemptorem dirigere? Non pos-  
sunt hoc facere, qui ipsi regnare ac pro domi-  
nis haberi uolunt in ecclesia.

NOS autem seruos uestros propter Iesum,  
inquit. I An quemadmodum Iesum Christum  
dominum, ita se seruū Corinthiorum prædi-  
cabat? Nō puto. Iesum Christum dominum ppe-  
tuo & prædicabat & inculcabat omnibus, pro-  
pterea quod in illo sita est salus omniū. At ser-  
uū se Corinthiorū nō ita iactabat uerbis, sed  
agebat re ipsa, idq; de se sentire eos cupiebat.

A Seruiebat ipsis prædicādo Christū dominum,  
nō iactabat illud pōtificium, seruus seruorum,  
quod Rom. pontifices omnibus suis bullis &  
rescriptis præmittere consueuerunt, cū re ipsa  
agant in ecclesia, non seruos fidelium, sed domi-  
nos, & rerum & corporum & animarum. Præ-  
dicāt se seruos seruorum, & esse uolunt domi-  
ni dominantium. Prædicant se seruos, & non  
seruiunt, quia Christum Iesum dominum non  
prædicant, ideoq; non possunt addere illud, p-  
pter Iesum, & interim simulant se hoc inani ti-  
tulo imitari apostolos.

Quid est autē quod nō potius dicit: Nos au-  
tem seruos Iesu propter uos? Cū enim prædi-  
caret Christum Iesum dñm, quid cōueniētius  
de se p̄dicare potuit q̄ quod esset seruus Chri-  
sti Iesu, quē admodum in nōnullis etiā episto-  
lis de se scribit. Respondeo, prius quidē est esse  
seruū Dei, deinde uero seruire illis quibus à  
Deo sis destinatus. Sic erat quidem Apostolus  
priore loco seruus Iesu Christi, & secundario ser-  
uus Corinthiorum, uocat autē se hoc loco ser-  
uū illorum, ut & suspicionē dominatus à se  
reijciat, & interim pseudapostolos perstringat  
qui sic prædicabāt Christum, ut sub illius præ-  
textu magistri essent in ecclesia. Facile est cui-  
bet prædicare se seruū Christi, & interim agere  
dominum in ecclesia, idq; propter hoc ipsum,  
quod sit seruus Christi, perinde ac si seruus re-  
gis ob hoc ipsum agat dominum subditorum,  
quib⁹ est ab illo præfectus, quod seruus est re-  
gis. At Paulus quāuis esset seruus Christi haud  
tamen agebat dominum in ecclesia, imo pro-  
pter hoc ipsum quod seruus & Apostolus esset  
Christi Iesu, seruū agebat fidelium, ad quos  
erat ab illo missus. Ideo & subiicit, propter Ie-  
sum, hoc est, propterea quod seruus sum & A-  
postolus Iesu Christi ad uos ob id missus, ut sa-  
luti uestre seruiā. Hac puto illū ratione maluit  
se hoc loco dicere: nos autē seruos uestros pro-  
pter Iesum, q̄ nos autē seruos Iesu ppter uos.

Sic igitur ministri uerbi serui sunt Iesu Chri-  
sti, ut propter ipsum sint & serui fidelium, quorū  
saluti sunt destinati. Et ostendēt uerius, quod  
serui sint Iesu Christi, si malint seruire, quā  
propterea quod serui sunt Iesu inolescere in  
ecclesia. Interim tamen ualde iniquū est, quod  
hodie passim ministros Christi, haud alio ui-  
demus à magistratibus q̄ seruorū haberi loco.  
Quos debebāt agnoscere pro seruis Iesu Chri-  
sti, eoq; nomine habere in precio, habent pro  
suis seruis, & quæ uolunt, uel docenda, uel ta-  
cēda præscribūt. Et inuenias fucos inter ipsos  
ministros, qui ut gratificētur talibus magistra-  
tibus, & ueris ministris negociū facessant, uo-  
ciferantur: Minister est infra omnes, contrā re-  
perias qui partim zelo cohonestandi ministe-  
rij, partim malo studio clamēt: minister est su-  
pra omnes. Dum hæc fiunt in ecclesia, paucos  
inuenire licet, qui ex animo seruiant fidelibus,  
& rarus quisq; magistratus est, qui fidelē Chri-  
sti ministrum competēti honore prosequatur.

QVONIAM Deus est, inquit, qui iussit è re-  
nebris



nebris lucem illucescere.] Etiam hic uidendū est quo referre debeam<sup>9</sup> uoculam *dr.* i. quoniā. Potest referri ad id quod paulo supra dixit: si uelatum est Euangeliū, uelatū esse ex eo quod Deus huius sæculi, Satā uidelicet, excēcet sensus incredulorū, ne illucescat illis lumen Euangelij glorię Christi, ut iam subiungat non esse hoc, ex eo, quod in se sit Euangelium obscurū, cum uoluerit Deus illud instar lucis ē medijs tenebris ortē illucescere cunctis. Nam esset hic sensus incommodus, & pulchre opponeret cō filium Dei malitię Satanę, possetq; retineri, si simpliciter diceret: Quoniā Deus iussit ē tenebris lucē illucescere. Verū cum non simpliciter dicit: quoniā Deus iussit, sed quoniā Deus est qui iussit ē tenebris lucē illucescere, rationem exprimi cēleo, quare prædicet nō seipsum sed Christū Iesum dñm, se uero seruum illorū propter Iesum, quasi dicat: Quod autē prædico nō meipsum sed Christū Iesum dñm, me uero seruum uestrū propter Iesum, ex eo est, quod qui lucem hanc, cuius sum minister, ē tenebris illucescere iussit, Deus est, cuius gratiæ & uoluntati consecratus ad hoc sum, ut seruiam & ipsi & uobis propter Christum.

QUONIAM Deus est, inquit, qui iussit ē tenebris lucē illucescere.] Ut per tenebras ignorantia Dei errorū plenā, in qua regnū est Satanę, ita per lucē cognitionē ueritatis Dei, in qua regnum est Christi unigeniti Dei, intelligit. Est itaq; sensus. Quoniā nō obsequor humano cō filio, dū Christum prædico, sed uolūtati ac mādato Dei, qui uoluit ac iussit, ut ueritas prædicetur inter Gētes, ibiq; instar lucis ē medijs tenebris illucescat. Loquit̃ omnino de eo quod uocatus & constitutus erat diuinitus, ut esset Apostolus ac doct̃or Gentium, id quod Iudæicam gentem habebat pessime, & magna pars eorum qui crediderant ex circumcisione, hac erant opinione, nō esse Christum prædicādum Gentibus. Tuetur igitur Apostolatū suum auctoritate diuina dicēs: Quoniam Deus est qui iussit ē tenebris lucem illucescere. Quid erant Gentes toto terrarū orbe aliud, quod religionem ac scientiā Dei attinet, quā crassissimæ quædā tenebrę? Erant enim sine Deo, Eph. 2. in quo solo lux est mentiū. E tenebris illis lux ueritatis ac scientiæ Dei per ministeriū & prædicationem Apostoli huius illuxit, dum scientia Dei & fides in Christum locum in illis inuenit. Et hoc factum est iussu Dei, ideoq; inefficax esse nō potuit, nisi apud incredulos & excæcatos tantum perditioni destinatos ac pereuntes.

Quod autem mandatum hoc de illuminandis Gentibus, peculiariter datum fuerit Paulo, uidere est Act̃orum uigesimo sexto, in uerbis ipsius Seruatoris cœlitus ad illū factis, ubi sic legitur: Ad hoc apparui tibi, ut constituam te ministrum & testem eorum quæ uidisti, & eorum, quibus apparebo tibi, eripiēs te de populis & Gentibus, ad quas nunc ego mitto te, ut aperiantur oculi eorū, & conuertantur ē te-

nebris ad lucē, & de potestate Satanę ad Deū. Sic intelligo quod hic dicit: qui iussit ē tenebris lucem illucescere, de illuminatione Gentium facta iussu Dei per Euangelium à Paulo prædicatum. Alij illud, ē tenebris, ad ministerium humanum, alij ad umbras legis, alij aliō referunt, uerum res ipsa satis monet, dictū esse de tenebris Gentium.

Quicquid igitur lucis etiam nū est inter nos qui sumus Christiani ex Gētibus, ex iussu Dei est, iussit Deus, factum est, nec fieri nō potuit. Et iussione huius efficaciæ, debemus lucem Euangelij Christi, cui ne portę inferorum quidem resistere poterunt. E tenebris iussit Deus illucescere lucem. Quis faciet ne sit quod Deus esse iubet? Hęc diuina iussio firmior est quā ut ullis possit Tyrannorum uiribus irrita reddi. Filij tenebrarū, lucis osiores, doctrinæ Pauli, per quā maiores nostri ad cognitionē Christi perducti sunt, insensibilis aduersantur. Est odium hoc antiquum, inueteratum, & incurabile. At interim uirtute diuinæ iussione lux Euangelij Dei ē medijs tenebris illuxit, illucescit, & ad finē usq; illucescet, etsi non in omnibus, in ijs tamen qui præordinati sunt ad uitā, & ob id recte filij lucis uocantur.

QVI luxit, inquit, in cordibus nostris, ad illuminationem cognitionis glorię Dei in facie Iesu Christi.] Sensus est. Qui ad hoc in me lucem ueritatis excitauit, ut per me Gentes illuminaret ad cognoscendam gloriam suam, in Christo relucemtem. Luxit Deus in corde Apostoli, dum eum luce cognitionis Christi donauit, hoc est, oculos cordis ipsius ad uidendā ueritatis suę lucem spiritu suo aperuit & illuminauit, quam illuminationem mentis per eā adumbrauit, qua illi oculos corporis ministerio Ananię cū baptizādus esset aperuit. Act. 9. Luxit autem in corde illius ad illuminationē Gētium per quam cognosceret gloriam, id est, claritatem Dei multo excellētius in facie Christi q̃ cum lex daretur in facie Moysis relucemtem. Hoc est uidelicet quod dicit: ad illuminationē cognitionis glorię Dei in facie Iesu Christi. Quod si quis ista præcedentis particulæ expositionem habere, & ad eā esse illuminationē referēda putat qua cor Apostoli illuminatum fuit à Deo, eum sensum nullus reiecero.

QVI luxit, inquit, in cordibus nostris.] Obserua diligenter quod Apostolum suum Deus, per quem illuminaturus erat Gentes, prius illuminauit, q̃ ad illuminādum alios emitteret. Nec mirum. Quis enim ita desipit ut per lucem non accensam lucis aliquid præstari posse putet? Pater familias lucernam unde domesticos suos illuminare constituit, primum accendit, deinde candelabro ardentem ac lucentem imponit, ut qui in domo sunt uideant. Sic Deus prophetas & apostolos, quos instar lucernarum candelabris est in domo sua impositurus, lucē suā, id est uiuā ueritatis suę cognitionē, accendit & illuminat, quo per eos cæteros illuminare possit. At, ô Christe, lux uera, unde illumi-



luminamur omnes, quales stāt hodie in ecclesijs tuis lucernae? Aliae lychnos habent extinctos & fumigantes, sicut foetorem fumi qui non assueuerunt ægerrimè ferant, aliae nunquam accensae, ne scintillulam quidem ostendunt, & interim templa replent candelis ac lampadibus, noctu ac die, non sine sumptu ardentibus, noctu cum nemo adest, nisi caecae imagines & uespertilioes, & bubones, interdum, cum Sol ille clarissimus omnium oculos splendore suo illuminat. Vnde mentes populi tui illuminentur nulla est illis cura, uindicant sibi clauēs scientiæ Dei & regni cœlorum & interim nec utuntur illis ad aperiendū alijs, nec eos quos tu illuminas lucem abs te acceptam, alijs administrare sinunt.

Quid est autem quod non dicit: qui luxit in mentibus nostris, sed, qui luxit in cordibus nostris? Cum lux ista sit perspicuitas cognitionis Dei, cognitio autem magis ad mentem quam ad cor pertineat, dicendum magis fuisse uideretur: qui luxit in mentibus nostris, quam, qui luxit in cordibus nostris.

Respondeo. Si in luce hac cognitionis Dei præter scientiæ perspicuitatem ac claritatem, nihil esset aliud, conuenientius utiq; dixisset: qui luxit in mentibus nostris, quam, qui luxit in cordibus nostris. Verum cum claritate scientiæ Dei coniunctus est, & fidei zelus, quæ sane fides nō mētis est, sed cordis. Propter hanc recte dixit: qui luxit in cordibus nostris. Cognitionem & fidem Christi coniunctim exprimebat **B** Petrus, cum Ioan. 6. diceret, Domine, ad quem ibimus? Verba uitæ æternæ habes, & nos credimus & cognouimus, quod tu es Christus filius Dei uiui. Sic in ueris fidelibus lux ueritatis Christi, nec claritatē habet sine ardore, nec ardorem sine claritate, hoc est, nec cognitionē sine fide, nec fidem sine cognitione Dei.

AD illuminationē, inquit, cognitionis gloriæ Dei. Illuminatio uisionis proprie est illuminatio oculorum ad uidēdum. Sic illuminatio cognitionis, metaphorice illuminatio est mentis ad cognoscendum. Vt igitur ne Solem quidem, quo clarius nihil in hac tota est cœli terræq; machina uidere possunt oculi, nisi beneficio Dei accepta sint uidendi facultate illuminati, ita gloriam Dei in Christo, longe omnium clarissime relucētē, humanę nequeunt per se cognoscere mentes, nisi singulari gratia diuinæ illuminationis illustratæ.

GLORIAE Dei, inqt. Poterat dicere, glorię Christi, quemadmodum paulo ante Euangelio lumen gloriæ Christi dedit dicens: ne illucescat illis lumen Euangelij gloriæ Christi. Verum studio subinde mentionem facit Dei, ut quæ Christi sunt, cum Deo patre illi communia esse admoneat.

Cogitet autem diligens lector, quid sibi uelit, quod toties uoculam *gloriæ*, id est, gloriæ pro claritate ponit Apostolus. Sic comparatū est in rebus humanis, ut quicquid clarum est ac splendidum, pro glorioso & magnifico ha-

**A** beatur. Vnde dum gloriosos appellare uolumus mundi huius potentes, uocamus illustrissimos & clarissimos. Quid autem clarius est & illustrius, quam cōsiliū illud Dei, quo per unigenitum suum totum se uoluit, quantus quantus est ad saluandum genus humanum profundere? Sed hæc claritas non perspicitur oculis carnis, sed percipitur oculis mentis, ab ipsa claritate cognoscēda diuinitus illuminatis. Qui claritati igitur in rebus humanis multum tribuunt gloriæ, leuent mentis oculos, ad contemplandum claritatem Dei in Christo Iesu. Hanc si uel modice contemplari cœperint omnem huius mundi claritatem nihil minus, quam gloriosam esse iudicabunt.

IN facie Iesu Christi, inquit. Admirantur Iudæi claritatem, quæ ad tempus olim in facie Moſis illuxit, quam tamen uidere nō possunt, sed legunt duntaxat & audiunt, qualis olim fuerit. Vbi tamen litera nō habet aliud, quam quod fuerit cornea, longe inferior ea claritate, quam in Sole hoc uisibili uidemus quotidie, nedum illa, qua gloria Dei in facie Christi unigeniti illius respundet, illisq; tantum nota est, qui mentis illam oculis intuentur.

Non loquitur autem de corporea Christi facie, sed de ea quæ salutis nostræ dispensationem spectandam proponit. Imago Dei Christus est. Facies imaginis huius spectanda proponitur in uerbi incarnati mysterio in quo gloria unigeniti in mundum hunc pro salute generis humani missi uisenda exhibetur. Pictam Christi faciem ostentant Pontificij summa religione uenerandam, quæ uiuam uiderunt innumeri sine aliquo salutis emolumento. Faciem hominis ostentant pro pictoris arbitrio delineatam, non ad uiuum expressam, in qua non gloria Dei, sed artificium pictoris & quæstus Pōtificum spectatur, & interim faciē Christi in qua imago Dei cernitur traditionibus & constitutionibus suis uelut obducto uelo obscurant & occultant.

Habemus autem thesaurum hunc in testaceis uasculis, ut uirtutis eminentia sit Dei & non ex nobis, dum in omnibus premimur, at non anxij reddimur, laboramus, at non destituimur, persecutionem patimur, at non deferimur, deijcimur, at non perimus, semper mortificationē domini Iesu in corpore circūferentes, ut & uita Iesu in corpore nostro manifestetur. Sēper enim nos qui uiuimus in mortem tradimur propter Iesum, ut & uita Iesu manifestetur in mortali carne nostra. Itaq; mors quidem in nobis agit, uita autem in uobis.

Haftenus primam capituli huius partem absoluit, in qua de ministerij sui synceritate & singulari luce quædam meminit. Subijcit iam alteram de afflictionibus suis & cōsolationib⁹.



HABEMVS autem thesaurum hunc in testaceis uasculis inquit. ] Habet hoc in more, ut ubi de ministerij sui eminētia & efficacia loquitur, annectat quædam uel de personæ suæ humilitate, uel de afflictionibus quas indefinētes patiebatur, ne quid sibi ipsi de gloria ministerij sui uindicare uideatur. Facit hoc in præfenti quoq; materia, facit autē propter pseudapostolos, quibus hoc erat in consuetudo, ut ex afflictionibus ipsius argumentum captarent uilipendēdi ipsius ministerium. Quare meminit hic non simpliciter afflictionum suarū sed annectit experimenta diuinæ potentiae, quæ in omnibus ipsius afflictionibus ubertim ædebantur. Sic mox initio comparat quidem se testaceo uasculo, quod & infirmum est, & fragile, & cuius fractura haud magnæ iacturæ æstimari solet. Verum addit, in hoc se testaceo uasculo thesaurum illum habere, de quo gloriatur est in præcedentibus.

HABEMVS autē thesaurum hunc, inquit, in testaceis uasculis. ] Nō simpliciter thesaurum, sed hunc, inquit, thesaurum habemus. Quem? De quo uidelicet loquutus est dicēs: Deus est, qui luxit in cordibus nostris ad illuminationē cognitionis gloriæ Dei in facie Iesu. Illuminatio cordis ad cognoscendum gloriam Dei in Christo, thesaurus est incomparabilis, & omnium preciosissimus. Quid enim preciosius eo poterit esse thesauro, in quo est nō caducū aliquod sed æternæ uitæ bonum? Hæc est uita æterna, inquit ipse seruator, ut cognoscāt te Deum patrem & quem misisti Iesum Christum Ioan. 17. Quantumuis magnus huius mundi thesaurus recondatur, præstantiori tamen usui accommodari seruireq; non potest, q̄ præfenti uitæ uel seruandæ uel redimendæ, idq; non à Deo sed ab hostibus. At iste cognitionis Dei thesaurus præuius est non temporariæ huius sed æternæ uitæ. Quare illo tanto est preciosior, quanto caducam hanc uitam excellit æterna.

IN uasis testaceis inquit. ] Non loquitur de corporis sui fragilitate sed de personæ suæ humilitate, quam pseudapostoli diuexabant. Illā cōparat testaceo uasculo, quasi dicat, ut ut magni uestri Apostoli personæ meæ humilitatem contemnant, & contemptui coram omnibus exponant nolint uelint tamen relinquent mihi thesaurum hūc, quem mihi dominus haud aliter q̄ testaceo uasculo circumferendum concedere dignatus est. Quid est autem, quod infirmitatem & humilitatem uasculi huius diuexant, & non magis thesaurum cœlestem in illo reconditum agnoscunt? Quis adeo demens est ut thesauro in testaceo uasculo reperto nō magis exultet propter thesaurum quā quiritur propter humilitatem uasculi? Qui hodie præstantes Christi ministros propterea quod externa sunt uitæ huius conditione & fortuna non illustres sed humiles, quantumuis ecclesijs Christi utiles existant, contemptui habent, sic non desipiūt, ut si quis ipsis auri uel argenti uel lapidum preciosorum thesaurum in uascu-

lo testaceo reconditum, & alicundē effossum adferat propter uasculi uilitatē ipsum à se thesaurum reiiciant ac dicant: Quid mihi uasculū hoc testaceum? Et interea cœlestem thesaurum in uasibus figulinis reconditum propter externæ faciei humilitatem respuunt, non intelligētes quo consilio Deus thesaurum suum à sapientibus mundi huius abscondat, & paruulis manifestet. Matth. 11.

Scio Chrysostomum cum nonnullis alijs similitudinem uasorum testaceorum referre ad humanam fragilitatem, omnibus communē. Sane si illa imō & carnis nostrę origo cōsyderetur, quid est corpus humanum aliud quā testaceū uasculū? An nō est ē limo terræ opificio Dei formatum? An non sic est fragile, ut omnis ipsius gloria uix herbulæ ac flori caduco possit comparari? Et in huiusmodi testaceis uasculis omnes illi thesauri donorum Dei, quæ mortalibus conferuntur utique habentur. Quis nam est Rex ille, qui Regiæ potentiae gloriam non habeat in uasculo testaceo? uerum, quem admodum exposuimus, non respicit Apostolus hoc loco ad corporis sui fragilitatem, quā cum cæteris habebat mortalib⁹ communem, sed ad personæ suæ humilitatem, in oculis mūdi contemptibilem, perinde atque in domib⁹ diuitum inter uasa aurea, argentea & ænea uilia censentur testacea. Tales erant Apostoli in hoc mundo, nullis humanæ sapientiæ, potētiæ, & fortunæ prærogatiuis spectabiles. Non erant potentes, nobiles aut sapientes, sed homines uulgares, ac prætereā Iudæi, quæ gens passim despiciatissima habebatur. Hoc respectu sordebat Euangelium potentibus ac sapientibus huius mundi. Quod si quis expositionē Chrysostomi sequēdam putat, per me id licet. Tandē ille tamen in hanc quam ponimus differendo declinat.

V T uirtutis eminentia sit Dei, inquit, & nō ex nobis. ] Reddit rationem quare thesaurum hunc Deus testaceis uasculis, committere uoluerit: uide autem quā reddat. Poterat dicere, ut confundantur uasa preciosa, aurea, argentea, hoc est, sapientes ac potentes huius mundi, dum inanes relinquuntur, & thesaurū hunc in uasculis testaceis agnoscere non sustinent. In præcedenti Epistola cum uocationem fidelium cōsyderandam proponeret, quare Deus infirma mundi elegerit, hanc rationem reddidit dicens, ut confundat fortia. Eam poterat assignare & hoc loco perinde atque illic, uerum consultius & argumento quod tractabat uicinius uisum est hanc reddere, quæ minus pateret inuidiæ, & facilius posset agnosci. Sic dicit: ut uirtutis eminentia sit Dei, & non ex nobis. Hoc est, ut uirtutis huius gloria, quæ tā excellenter in efficacia Apostolatus mei passim ostenditur, nō ad nos, sed ad ipsum Deum referatur. Vel, ut eminentia uirtutis, id est, excellens hæc ministerij nostri uirtus & efficacia agnoscatur esse ex Deo & non ex nobis. Sane etiam si aureo uasculo thesaurum hunc imposuisset



fuiſſet Deus, nihilominus in ſe fuiſſet illius efficacia non ex uafculo, ſed ex ipſo. Quod igitur poſuit illum in uafculo teſtaceo, non ad id eſt factum, ut uirtus illius eſſet ipſius, ſed ut eſſe ipſius perſpicue monſtraretur. Sic eſt caro comparata, ut quamuis ſit infirma, aſpiret tamen ad gloriam operum Dei, quæ non ipſa, ſed Deus operatur in ipſa.

Quare iuſtiſſimo conſilio Deus ſic ſuam in illa uirtutem operatur, ut Sole clariſus fiat, non illius eſſe uirtutem in ijs quæ ſunt, ſed Dei.

Huc facit, quod uirtutem ſuam exercet in uafculis non aureis, argenteis, eburneis, &c. ſed teſtaceis, id eſt, ſic infirmis, ut nulla illis poſſit ratione gloria eorum quæ ſunt tribui, ſed in dubitatum ſit, uni eſſe Deo adſcribendâ.

Obſecro, quid uniuerſa eſt orbis huius machina? cœlum, aër, aqua, ignis, terra? ſi confeſſetur ad eminentiam uirtutis, quam in illis diuina Maieſtas, inde ab initio ad finem uſque declarat? Eſt ne quid in illa, quod dignum & conueniens tantæ ſit uirtutis operationibus? Si beſtias non modo minutas, ſed & grandes inſpicias, meliores ne ſunt teſtaceis uafculis? At quantam in illis & per illas uirtutem declarat opifex omnium Deus? Homo quid eſt, inquit propheta, quod memor es eius? &c. Et uanitas uanitatum omnis homo uiuens.

Nihilo tamen minus quantæ in illo diuinæ uirtutis operationes indefinenter relucet? Ipſe uirginis uterus, unde natus eſt unigenitus Dei, quid erat aliud quàm uafculum teſtaceum, in ſe conſideratus? Quātum ille theſaurum concepit, geſtauit, aluit, ac peperit? Ipſæ natalium Chriſti, educationis, & conuerſationis circumſtantiae, quàm fuerunt humiles in oculis mundi? At interim habebāt cœleſtium bonorum omnium theſaurum Chriſtū filium Dei, humani generis Seruatorem.

Hæc & quæ alia ſunt eiufmodi omnia, ad quæ apoſtolorum humilitatem referimus, ſi conſiderentur, luce clariſus demōſtrant, ſic placere Deo, ut uirtutem ſuam in rebus infirmis perficiat, quo ſicut Apoſtolus hic dicit, eminentia ac gloria illius ipſius ſit non illarum. Quare uehemēter peccant, qui operū Dei uirtutē, uel contemnūt propter teſtacea uafa, uel nō Deo, ſed uafculis tribuūt, in quibus illa perficiūtur.

**D V M** in omnibus premimur, inquit, at non anxij reddimur.] Græce eſt, *ἐν παντί θλιβόμενοι ἀλλ' οὐ στενοχωρούμενοι*. Illud, *ἐν παντί*, id eſt, in omni, deſyderat aliquid quo referatur, ſiue locū, ſiue tempus. Si referas ad locū, idem eſt, quod ubique & paſſim, ſi ad tempus ſonat, ſemper, uerum interpretes retuliſſe uidentur ad cauſas, res, & negocia, dum reddiderunt, in omnibus. Deinde illud, *ἀλλ' οὐ στενοχωρούμενοι*, malim reddere, ſed non in arctum redigimur, quàm, at non anxij reddimur. *στενοχωρούμενοι*, ſiquidem ſignificat loco eſſe ſic anguſto & arcto, ut nec progredi, nec retrocedere, nec ullum in latum declinare liceat.

Quoniam theſaurū ſe hunc Euangelicæ lu-

**A** cis in uafculis teſtaceis habere dixit, quo uirtutis eminentia non ex ſe ſit, ſed ex Deo, conſequenter id rei ipſa comprobari declarat. Quasi dicat: Etenim quid aliud quàm excellentia diuinæ uirtutis in eo declaratur, quod dum premimur in omnibus, laboramus, perſequentionem patimur, ac deiſcimus, in arctum tamē nō redigimur, nō deſtituimur, nō deſerimur, non perimus? Quàm facile eſt fictile uafculum premendo ac proijciendo confringere, tam eſſet facile modica nos preſſura conquaſſari ac confringi, niſi diuina uirtute ſeruaremur in omnibus. Seruamur autem in hunc uſq; diē, & contra omnium opinionē in tot, tamq; grauibus afflictionibus, preſſuris, ac perſequentionibus duramus mundo ac Satana inuito. Quo igitur humiliiores & abiectiores ſum⁹, hoc magis in nobis diuinæ uirtutis eminentia relucet. Humilitatem perſonæ meæ uident ac diuexāt ueſtri magiſtri, quorū uirtutem Dei conſeruatricē illius non uident?

**D V M** in omnibus premimur, inquit.] Particulæ huius expoſitio uidebit̃ infra cap. 12. Nos admonemur, quæ ſit in hoc mundo ſors & cōditio uerorū Chriſti miniſtrorū, ueritatis ſunt miniſtri. At illa peregrina eſt in terris, & inter extraneos facile inimicos fortiſ, ut ille ait. Spiritum ueritatis, teſte Chriſto, mundus hic accipere non poteſt. Quid poterit igitur conſequi aliud, q̃ ut miniſter Chriſti, ſpiritu ueritatis imbutus, nuſquā non in reprobos incurrat, à quibus prematur in omnibus? Imò ne à fratribus quidem ſecurus ſit perpetuo, inter quos multi ſunt Caini, homines carnales, & odio fraterno laborantes.

**A T** nō in arctū redigimur, inquit.] Qui p̃mitur, hoc ſine premiſ, ut in anguſtū redact⁹ opprimat̃. Dū potētes premūt imbecilles, multi paucos, prudētes & aſtuti ſimplices & idiotas, nihil expectat̃ aliud, q̃ ut opprimāt quos premūt & opprimere ſatagūt. Sic p̃petuo uidebatur in oculis mūdi Chriſtianismū ſtare nō poſſe, quādoquidē totius erat orbis potētū ac prudētū infeſtationib⁹ ac p̃ſſuris obnoxius. At in hūc uſq; diē perſiſtit, nec p̃ſiſtit tantū, ſed & in medijs p̃ſſuris creuit, & in ſtar palmæ magis ac magis in ſublime ſubnix⁹ eſt. Quid hodie Antichriſtus agit aliud, q̃ ut p̃ſſuris, multis, uarijs, grauib⁹, & irremiſſis in omnib⁹ regnis, triplici ſuo diademati ſubiectis, miniſtros ueritatis opprimat? At illi beneficio Chriſti nondū ſunt in arctū redacti. Redacti uidebātur, cū Euāgelicę p̃feſſionis principes ac magiſtrat⁹ placitis aduerſariorū manus dare cogerentur, uerū ibi quoq; diuina uirt⁹ emicuit, dū p̃ſſuris illis terminū impoſuit, & eos q̃ in anguſtū redacti uidebāt̃, i ſpacioſa latitudine reſtituit. Hęc dicēs Apoſt. non excludit animi afflicti pathos ſiue anxietatē, ſiue triſtitiā, ſiue merū, ſed admonet nō ſic ſe redigi in arctū, ut nuſq; deſ exitus, ſed diuina uirtute ex omnib⁹ ſe preſſuris liberari.

**LABORAMVS**, inquit, & nō deſtituimur.] Græce eſt, *ἀπορούμενοι, ἀλλ' οὐ ἐξαιρούμενοι*. Significat



*ἀπορῆναι* inopem esse, & sumitur aliquando de consilij, aliquando de rerum necessariorum inopia. Et hinc est expositionum, imò & lectionis uariatio. Vetus interpret reddidit, aporiamur. Et Iyranus exponit, id est, de pauperamur, & dicitur aporos græce quod est pauper latine. Ambrosius sic. Inopiam passi sed non destituti, id est, in inopia positus affuit pastor De<sup>9</sup>. Theophylactus utriusq; & consilij & rerum inopiæ sententiam posuit. Germanicus interpret sic uertit. *Vus ist bang, aber wir verzagen nit*. Erasmus, laboramus, inquit, usurpauit uerbum laboradi, qd<sup>9</sup> utriusq; sensui conuenire potest. Ipse Apostolus usus est hoc uerbo Gal. 4. dicens *ἀπορῆναι ἐν ὑμῖν*, id est, cōsiliij inops sum in uobis. Et Ioan. 15. sic habetur. Intuentes alius alium discipuli *ἀπορῆναι*. i. hæsitantes, de quo nam diceret. Verbo *ἐξαπορῆναι* usus est Apostolus & supra cap. 1. ad hūc modum *ὡς ἐξαπορῆναι ἡμῶς ἔτι*. i. ut de uita quoq; desperaremus. Placet igitur ut hic quoq; eūdem uocum istarum sensum retineamus, ac legamus, perplexi, sed non desperabūdi. Ipsam duarū istarū uocum allusionem duabus latinis uocibus exprimere non possumus, Germanicis possemus & facili<sup>9</sup> & melius. Nolim tamen admodum reluctari illis, qui de rerum inopia intelligunt, qua, ut infra cap. 11. Videbimus, Apostolus iste nōnunquā laborauit. Sane quāuis eluriē passus sit, nunquam tamen passus illā est ad extremum usq; discrimen, sed semper illi in tempore diuina prouidentia succurrit. Sic diceremus germanice, *wir leiden wol hunger*, *Werden aber nit vßgehungert*, ut dictū sit ad similitudinem eorum qui in præsidij obfessi fame & inopia rerum arctantur & ad deditiōnem sollicitantur, qui tamen utut rerum omnium inopia pressi fidem principi suo seruantes ad deditiōnem cogi non possunt sed præstant & tandem liberantur. Cōsimili plane modo thesaurum Christi principis sui Apostolus tanta fide custodiuit, ut nulla posset rerum inopia ad proditiōnem illius adigi, atq; ita *ἀπορῆναι* quidem potuit, *ἐξαπορῆναι* uero non potuit. Ea uidelicet erat diuinæ uirtutis efficacia confirmatus.

Si uerbum *ἐξαπορῆναι* desperandi sensu acceperimus nascitur quæstio, quomodo neget hic se fieri desperabūdum, cum supra cap. 1. loco citato dixerit se adeo fuisse supra modum grauatū in Asia, ut de uita quoque desperaret. Ad hanc quæstionem respondemus, aliud esse desperare de uita hac præsentī & aliud desperare de causa ipsa propter quam in discrimen ueneris. De uita sua desperauit Paulus cū supra modum grauaretur in Asia, de ipsa uero causa propter quam grauabatur, nequaquam desperauit: aliā illam desperatione uictus deseruisset, deseruit autem nullo modo, sed ad finem usque in fide & ministerio suo diuina uirtute suffultus perdurauit.

PERSECVTIONEM patimur, inquit, sed in ea non deserimur. Persecutionibus agitatū uasculū testaceum ac fragile diu posse dur-

A rare, uero simile non est. At uolebat dominus ut duraret. Cum igitur per se durare non posset, affuit illi sua uirtute, & in medijs persecutionib<sup>9</sup> præter omnium opinionem seruauit. Erat igitur argumētum in eo diuinæ uirtutis, quod in persecutionibus tandiu durare poterat, id quod pseudapostoli egregie dissimulabant, & interim propter crebras persecutiones Apostolum Christi contempui exponebant.

Quid si referas ista ad omnes Christi fideles, qui pie in hoc mundo uiuere uolentes persecutionem patiūtur, & e quibus multi in persecutionibus necātur? An de illis quoq; prædicari potest, quod persecutionem patiētes non deserantur? Si suos Deus in persecutionibus non deserit, quid est quod Christus ipse in cruce clamauit: Deus meus, Deus me<sup>9</sup> quare deseruisti me? Respondeo, deserendi duplex esse genus. Vnum quo suos Deus in persecutionibus sic seruat, ut e manibus impiorum incolumes eripiantur, ac præter spem omnium in uita hac seruētur. Sic Apostolum suū & multos alios sæpenumero præsentī ope seruauit & eripuit. Alterum, quo licet de uita periclitantes in ipsa tamen causa, propter quam periclitantur, non deserit, sed cōstantes in fide seruat. Vtroq; modo Apostolum suum, posteriore omnes eos fideles conseruat, qui in ipsis persecutionibus occiduntur.

B DEICIMVR, at nō perimus, inquit. Loquitur ad similitudinē eorum, qui in conflictu *καταβαλλῶνται*, id est, deiciuntur ac prosternūtur ab hoste, & tamen sic seruātur & eriguntur, ut nō pereant, sed rursus erecti in hostē uehātur. Sic ipse quoq; etiam si frequenter, ueluti in terram deijceretur, dū iam carceri includeretur, iam uirgis cederetur, iam lapidaretur, iam alijs atq; alijs afflictionibus prosterneretur, haudquaquā tamē peribat, sed ope diuina erectus fortius in opere domini pergebat. Existimo eum non loqui de animi perculsi deiectione, sed ad similitudinē pugnatū de uarijs afflictionibus, uelut ictibus, quibus in oculis mūdi prosterni, ac uinci uidebatur. Et hac quoq; ratione excellēs in eo uirtus Dei declarabatur, quod toties prostratus non peribat. Quis non singulari felicitate usum dicat eum qui aliquoties in conflictu prælij, pstratus nō modo nō perierit, sed tandē & uictor euaserit? At reuera multo præclarior in Paulo uirtus declarata fuit, quod præter spem omnium e tam grauib<sup>9</sup> frequenter periculis liberatus uictor abibat.

SEMPER mortificationē dñi Iesu in corpore circūferētes, inquit, ut & uita Iesu in corpore nostro manifestetur. Sēper enim nos qui uiuimus in mortem tradimur propter Iesum, &c. Cohærēt ista. Sēsus est. Quid dico? Ipsam mortificationem domini Iesu indefinenter circumfero in corpore meo. Vocat autem mortificationem domini Iesu, nō quam dominus passus est in suo corpore, sed quā ipse propter dominum indefinenter subibat.

Sic



Sic enim exponens subiicit. Sēper enim nos qui uiuim⁹ in mortē tradimur propter Iesum. Quemadmodum igitur suprà cap. i. afflictiones quas pro Christi nomine ferebat Christi uocat afflictiones, ita hic mortificationē corporis sui in quam propter dominum tradebatur quotidie, dñi Iesu mortificationem appellat.

SEMPER, inquit, mortificationem dñi Iesu in corpore circumferētes. Quoniam crebris periculis incursumus ad internecionem ab impijs impetebatur, quid uidebat aliud q̄ homo prorsus neci destinatus, qui ipsam mortē uelut umbram insequentem se circūferret? perinde atq; ouiculæ maſtationi destinatae, siue sint in pascuis siue in ouili, maſtationem sui circumferunt. Sic loquitur non de ueteris Adē corporis peccati ac membrorum ipsius sed de carnis suae mortificatione, hoc est, de ea qua corpus ipsius, tanquam testaceum uasculum, affligebatur propter dominum.

Nolim tamen admodum digladiari, si quis mortificationem domini hoc loco eam intelligat, quam dominus ipse in corpore suo circūtulit, ut hanc circumferre in corpore suo dicatur, quisquis propter ipsum in mortem traditur conformis illi redditur, quod alibi uocat compati cum Christo.

VT & uita Iesu in corpore nostro manifestetur inquit. Exponunt aliter atq; aliter. Potest primo exponi de uita Iesu, in qua ille contra omnium impiorum studia & furias uirtute diuina seruabat, donec hora esset qua ueniens crucem subiret & animam suam pro nobis daret. In eiusmodi hominis uita, quæ per omnis generis discrimina seruatur, luculentissimum est diuinæ uirtutis argumentum. Talis fuit uita Christi, talis post Christum extitit & uita Pauli, per quā in corpore ipsius uita Christi manifestabatur.

Potest deinde & sic exponi, ut uita Iesu uita intelligatur hominis non in pace ac securitate sed in afflictionibus & sub cruce uiuētis. Ut sit sensus. Exprobrat mihi uestri magistri crebras afflictiones, quas propter Christum perfero. Agnosco illas, imò gloriōr de illis, tā abest ut uelim eas dissimulare. Dum enim illis indefinenter exercear, quid aliud facio quàm quod mortificationem domini Iesu in corpore meo circūfero? Et hanc circūferendo utiq; ipsam Iesu uitam in corpore meo adūbro, imò manifesto. Talis enim erat uita illius, ut semper morti destinata, & afflictionibus deuota uideret. Dū igitur afflictiones meas diuexant, quid aliud in me quàm ipsam Christi uitam diuexant?

Tertio, Chrysost. & post hunc Theophyl. huiusmodi sensum adferunt. Quod nos mortificationē domini Iesu, afflictiones uidelicet & quotidianas mortes in corpore nostro circūferimus, quid aliud est, quàm quod & uita illius in corpore nostro manifestat? Quis enim in quotidianis nos mortibus seruat, nisi is qui mortuus, & excitatus uiuit in sempiternum? Quod dominus Iesus, pro quo morior quoti-

die, adhuc uiuat, in eo satis declarat, quod me in tam iugi mortificatione contra omnium opinionem seruat. Sic putat illi perstringi eos qui fidē resurrectionis mortuorum in dubiū uocabat.

Quarto, sunt qui referunt ista ad futurū sæculum, in quo corpora nostra, quæ nunc mortificationē domini uarijs modis afflicta circūferunt, ad claritatem corporis Christi conformabuntur, ut quemadmodum hic mortis ita illic & uitæ illius imaginē sortiantur, ubi mortalitas ipsorum absorbebitur à uita. Exprimit hoc. 2. Tim. 2. ad hunc modum. Certus sermo. Si mortui fuerimus cum illo, uiuemus etiā cū illo, si sufferimus, regnabimus quoq; cum illo. Significat igitur hoc sensu cum dicit: Semper mortificationē domini Iesu in corpore circūferentes, ut & uita Iesu in corpore nostro manifestetur, qua spe tot afflictiones ppter Christum sustineat. Hac uidelicet, fore post hanc uitam, ut quemadmodum mortificationis Christi particeps sit in hoc sæculo, ita particeps fiat illius quoq; uitæ in futuro.

Quod autem uerbum manifestandi attinet, ubi dicit: Ut & uita Iesu in corpore nostro manifestetur, existimo referendū esse ad id, quod uita Iesu abscondita est in electis ac credentibus, per formas mortificationis, quæ in corporibus illorum exercetur, donec in hac carne circūeunt, cum tamen in conspectu Dei nihil sit minus q̄ abscondita, manifestabit uero, ubi ipse Christus manifestabitur, qua de re Coloss. 3. loquitur ad hunc modum. Itaq; si resurrexistis unā cum Christo, superna querite, ubi Christus est ad dexteram Dei sedēs, superna curate, nō terrestria. Si quidē mortui estis, & uita uestra abscondita est cum Christo in Deo. Vbi Christus manifestatus fuerit uita nostra, tunc & uos cū illo manifestabimini in gloria.

SEMPER enim nos qui uiuimus, in mortē tradimur ppter Iesum, inqt, ut & uita Iesu manifestetur in mortali carne nostra. Illud, qui uiuimus, Græce *ἐν ζωῇ*. i. uiuētes, nonnulli uertēdum esse iudicant, dū uiuimus. i. donec in hac carne ac p̄senti uita sumus. Verū, meo iudicio, magis facit ad mētē Apostoli, ut legamus, qui uiuimus, q̄, dū uiuimus. Loquitur adhuc de sua p̄sona, & exponit quod in præcedenti se mortificationem domini Iesu in corpore suo circūferre dixit. Est autem hic sensus. Mortificationem domini Iesu semper in corpore nostro circūferimus. Quomodo? Quia nos, qui ecce adhuc uiuimus, semper in mortē tradimur propter Iesum. Hoc infra cap. 6. sic exprimit: quasi moriētes, & ecce uiuimus. Tradebatur in mortem semper propter Iesum quod attinet studia & conatus impiorum, & indefinētia discrimina, & erat quasi moriens, & tamen ecce uiuebat interim, diuina uirtute seruatus. Considerandam igitur præsentem opem Dei proponit Corinthijs, per quam in tam crebris ac grauibz periculis, magno cum miraculo contra uim impiorum in uita seruabatur.

VT & uita Iesu, inquit, manifestetur in mortali



tali carne nostra.] Quod in præcedenti dixit, in corpore nostro, id iam sic clarius exprimit: in mortali carne nostra. Non simpliciter, in carne nostra, sed, in mortali carne nostra inquit. Quod carnē suam mortalem uocat ad exprimēdum illius infirmitatem ac fragilitatem facit, quā tā erat mortificatu facilis, q̄ fractu facile est testaceum uasculum, quod eam ob causam fragile uocatur. Quemadmodum admirabile uideretur si uas fictile quotidie ad frangendum traditum non frangeretur interim sed illæsum perseveraret, ita uehementer mirabile erat, quod caro Apostoli semper in mortē propter Christum tradita nō occidebatur sed uiuebat, cum tamē perinde atq; cæterorum hominum esset mortalis. Cum hoc palam & sic fieret, ut latere non posset, an non uita Iesu in mortali ea carne manifestabatur, si intelligas secundum primam expositionem huius particulæ, quam suprā annotauimus?

Vita Iesu omnino est aut qua ille olim in mūdo hoc cōstitutus sub cruce humilitate & obedientia patris sui uixit, aut qua iam in cœlis uiuit in gloria, aut qua Paulus in tot afflictionibus propter Iesum, uel qua per uirtutem uiuētis in cœlo Iesu, siue qua conformiter uitę Iesu in carne mortali uixit, siue qua post hāc uitam corpore glorificato secundum imaginem clarificati Christi uicturus est. Ex tot sententijs eligat sibi lector, quam existimat præsentī causæ cæteris esse accommodatiorem. Si cui uidebitur, colligat ad hunc modum. Si mortificationem domini Iesu semper in corpore suo Paul⁹ circūferebat, quatenus propter Iesum semper in mortem tradebatur, consimili igitur ratione & uita Iesu in mortali eius carne manifesta batur, quatenus propter Iesum diuina uirtute per tot afflictiones & mortes mirabiliter seruabatur in uita, ut posset dicere, sumus quasi morientes, & ecce uiuimus.

ITAQUE mors quidē in nobis agit, inquit, uita uero in uobis.] Et hæc particula uarie exponitur. Chrysostomus & Theophylactus sic. Nos quidem in periculis sumus, uos autem uita fruimini, quæ ex periculis nostris constat, quippe quibus Euangelium prædicatum est, quo uitam uiuitis sempiternam, & interim uiuitis in pace, extra pericula, quibus nos obruimur quotidie. Et Ambrosius consimili modo: Hæc dicit, inquit, quia pro salute eorum morti subijciebātur. Gentibus enim prædicātes inimicitias sibi excitabant tā à Iudæis q̄ à Gētib⁹ usq; ad mortē. Exponit non de Paulo tantum, sed & de reliquis apostolis. Hi tres in eo cōueniunt, quod uitā intelligunt, quæ est ex prædicatione Euāgelij, nisi quod Chrysostomus adijcit, uos autem nō estis in tantis periculis, sed quiete fruimini, & in illa potimini uita quæ est ex istis periculis. Hāc sententiam & recentiores quidam sequuntur. Hieronymus per interrogationem dictū sentit ad hunc modū: Nunquid in nobis semper erit mors, & in uobis uita & futura & præsens?

A Mea sententia cum illis est, qui hisce uerbis pseudapostolos false perstringi iudicāt, qui interea dum in medijs mortib⁹ quotidie uersaretur ipse Apostolus Christianissimum talem cū suis meditabantur, in quo agerent absque ullo discrimine securi ac quieti. Hos igitur notans dicit: Itaq; mors quidem in nobis agit, dū quotidie propter Christum in mortē tradimur, in uobis uero agit uita. Quasi dicat: Vos estis securi, dū nos quotidie periclitamur, uidete quales Christiani sitis. Verum nō subsistit hoc loco, sed breuiter notat pseudapostolos & eorū affectatores. In priore autē Epistola cap. 4. idē agit fusius, ubi dicit: Iam saturati estis, iam ditati estis, absq; nobis regnū adepti estis, atq; utinam sane adepti sitis, & quæ sequuntur. Duo admittebant pseudapostoli in hac causa, propter quæ merito perstringebātur ab Apostolo. Vnum erat, quod persecutiones & afflictiones Christi fugientes, quo securius ac quierius agerent circumcisionem & legis obseruatiam Euangelio Christi cōiungebāt. Alterum, quod Apostolatū Pauli propter crebras illius afflictiones contēptui exponebant. Quare merito hoc illis obijcit, quod in se mors, in ipsis uita ageret. Aliās frequenter hæc accidit in ecclesijs Christi diuersitas, ut dū alij uersantur in morte, agant alij in uita, pace ac securitate. An non in fratribus nostris, qui sunt in Anglia, Gallia, Italia, Hispania agit mors, in nobis uero uita, quæ uersamur in locis Germaniæ, in quibus libertas habetur Euāgelicæ doctrinæ ac religionis? B Illi uarijs afflictionib⁹ exagitantur & uelut oues occisionis neci traduntur propter Euangelium Christi: Nos eidē adhærētes Euāgelio uiuim⁹ in pace ac securitate. Et utinā nō patiamur aliquando lōgæ pacis mala. Potest hæc diuersitas ex diuina dispositione in ecclesijs esse fidelium. Verum id excusari nō poterit, quod nōnulli sic administrant Euangelium Christi, ut nullis fiant periculis obnoxij in hoc mundo, & interim eos qui ueritatis gratia affliguntur, pro irrequietis & seditiosis habent, qui suapte culpa incidant in discrimina uitæ, quæadmodū nec eos probare possum⁹, qui cū phanatico spiritu exagitati turbēt ecclesias, & eā ob causam legib⁹ Magistratuū coërceātur, ministros Euāgelij uētris seruos uocāt, & de afflictionib⁹ suis gloriātes impropērāt illis quietē ac pacē, quasi illā non diuino beneficio acceptā sed malo corruptæ doctrinæ studio acquisitā habeāt. Verū argumentum corruptæ doctrinæ non est mox in quiete ac securitate uitæ, quemadmodum non mox in afflictionibus ac persecutionibus argumentum est doctrinæ sanæ.

Caterum cū habeamus eundē spiritū fidei iuxta illud quod scriptū est: Credidī, & ideo loquut⁹ sum: & nos credimus, quapropter & loquimur, scientes quod qui suscitauit dominum Iesum, nos quoque per Iesum suscitabit, & cōstituet uobiscum. Nā omnia propter uos, ut beneficium



ficiū quod exūdauit pluribus gratias agentibus Deo exuberet in gloriā Dei. Propterea non defatigamur, sed quamuis externus homo noster corrumpitur, internus tamen renouatur in dies singulos. Nam momentanea leuitas afflictionis nostrae mire supra modum aeternum pondus glorię parit nobis, dum non speciamus ea quę uidentur, sed ea quę non uidentur. Nam quę uidentur temporaria sunt, at quę non uidentur aeterna.

Legendum est non ut Erasmus uertit: Ceterum cum habeamus, quasi ad aliam materiam progrediatur, sed simpliciter ut est in Greco *ἔτι*, id est, habentes autem eundem spiritum fidei. Sensus est: Quemadmodum autem Dauid olim spiritum habens fidei credebatur, & ut credebatur loquebatur, sicut scriptum reliquit: credidi & ideo loquutus sum, ita & nos eundem habentes fidei spiritum credimus, qua propter & loquimur. Videndum igitur est, unde sumpserit scripturę locum quem adducit, & quid crediderit Dauid quidque credendo loquutus sit, deinde quid ipse Apostolus crediderit, & quod nam fidei uerbum in precedentibus protulerit.

Quod locum scripturę attinet: Credidi, & ideo loquutus sum, habetur ille in Psalmo centesimo sextodecimo, secundum numerum Ebraeorū, ubi legitur ad hunc modum *אֲמַנְתִּי כִּי אֶדְבָר*, id est, Credidi quod essem loquutus. Vel. Credebam cum loquerer. Pagninus uertit: Credidi quādo loquutus sum. Septuaginta uerterunt: *πίστευσά διό ὡμολόγησα*, id est, Credidi, ideo loquutus sum. Quod in Ebraeo est *כי* id est, quoniam, uel cum, illi reddiderunt per *διό*, id est, propterea, ideo propter quod. Et eam lectionem usurpauit Apostolus quod in magno usu & autoritate esset uersio Sept.

Quid autem credens loquutus sit Dauid, diligēs lector facile intelliget, si Psalmum ipsum attente legat. Circumdederunt me, inquit, laquei mortis, angustiae infernales inuenerant me, angustiam & dolorem inueneram. Et nomen domini inuocabam (dicens) obsecro domine, eripe animam meam. Sic premisit narrationem discriminis in quo fuerat, & nominis Dei inuocationem, iam audi uerba fidei. Benignus est dominus, & probus, & Deus noster misericors. Custodit paruulos dominus. Hęc erat illius de domino fides. Ex ea quid est loquutus? Sequitur attenuatus sum, at seruabit me. Reuertere anima mea in requiem tuam, quoniam dominus benefaciet tibi. Quoniam eripies animam meam ē morte, oculos meos a lachrymis, pedem meum a lapsu. Versabor coram domino in terris uiuentium. Hęc ex fide, qua erat in dominum, loquutus subiūgit: Credidi, cum hęc loquerer, uel, Credidi, ideo loquutus sum. Credebat dominū esse benignū, probum, misericordem, custodem ac Seruato-

rem paruulorum. Sic credens loquebatur uerba fidei, seruabit me, reuertere anima mea in requiem tuam, quia benefaciet tibi dominus. Item: Eripies animam meam ē morte, &c. Et Versabor adhuc corā domino (id est, in atrijs domini, in medio Hierusalem, unde fuerat eiectus) in terris uiuentium.

Sic credidit, & sic loquutus est Dauid, neutrum in uanum, sed ueraciter utrunque; unde & secundum fidem suam liberatus ē discrimine extremo redijt Hierosolymam in atria domini, inq; illis reddidit uota sua domino, quę in discrimine constitutus uouerat, ac sacrificauit illi sacrificium laudis. Iam de Apostolo uideamus, quomodo scripturam hanc ad causam suam citet.

HABENTES autem eundem spiritum fidei inquit. Intellige, quem habuit Dauid. Est autem spiritus fidei, si loquutionē hęc urgeas, aut spiritus credens, uel, fidei seruans, aut spiritus fidem operans in cordibus hominum, aut donū fidei, ut spiritus, pro dono spiritus accipiat, sicut spiritus patientiæ, donum est patientiæ, aut ingenium fidei, ut eūdem habere fidei spiritum, idem sit habere fidei ingenium. Verū hoc loco spiritum fidei pro dono fidei posuit. Nec inuenio locum præter hunc unum, in quo hac sit locutione usus. Nobis autem diligenter obseruandum est, quod cum posset dicere: habentes autem eandem fidem, dixit, habentes autem eundem spiritū fidei. Meo iudicio, amplius quiddam est habere spiritum fidei, q̄ simpliciter aliquid credere, quemadmodum amplius est habere spiritum sapientiæ, q̄ aliqua in re sapere, amplius habere spiritum spei, spiritū dilectionis, q̄ simpliciter aliquando sperare, & aliquando diligere. Innumeros reperiās, quos & si nonnunquam credere, sperare, diligere & patientes esse uideas, spiritum tamē fidei, spei, dilectionis & patientiæ habere non facile dixeris, propterea quod & reliqua illorum uita à tam insigni dono dissideat, & in eo quod recte facere uidentur haud diu perdurent, quorum neutrum in illis deprehenditur, qui spiritu sūt fidei, spei, charitatis, & patientiæ imbuti, præsertim excellentius cæteris, quales extiterunt Dauid & Paulus, duo celeberrima ueræ fidei exemplaria.

IV X TA illud quod scriptum est: Credidi, & ideo loquutus sum. Testificatur igitur de Dauid, quod spiritu fidei eodem quo ipse imbutus crediderit, & q̄ credebatur loquutus sit. Hūc fidei spiritum conuenit in uerbis & factis Dauidis perinde atq; Apostoli uigilanter obseruare. Non in uerbis, inquam, dūtaxat, sed & in factis. Etenim spiritus fidei non loquitur tantum uerba, sed facit etiam opera fidei. Eodem fidei spiritu, quo lingua credentium regitur ad loquendum, regitur & manus ad operandum. Non est eiusdem spiritus argumentum in illis, quorum lingua sonat Christū, manus uero exprimūt antichristū, de quibus dici potest, uox quidē uox Iacob, man⁹ uero man⁹ sunt Esau.

Quod



Quod ob id admoneo, ne quoniam scriptū est: Credidi, & ideo loquutus sum, existimem<sup>9</sup> satis esse ad declarandum quod fideles simus, si uerba fidei in speciem proferamus, credendumque soli sit lingue, quicquid agāt manus.

ET nos credimus, inquit, quapropter & loquimur.] Non est necessariū ut percurramus hic uniuersam Apostoli fidem, & quaecunque ex illa loquutus est, sed manendum est in termino causæ de qua differit. Quid igitur in illa credit, & ut credit loquitur? Credebat se per diuinæ uirtutis gratiam non deferi, quantum uis magnis periculis indefinenter inuoluere-  
tur, sed semper eripi. Et ut credebat ita est & loquutus, sicuti uidimus in præcedentibus.

Quo pertinent & ea quæ subijcit dicens: scientes quod qui suscitauit dominum Iesum, nos quoque per Iesum suscitabit, & constituet uobiscum. Hæc quoniam temerarie dicta uideri poterant, tametsi reipsa cōprobarentur frequenter, ex spiritu tamen fidei asserit à se dici.

Citantur ista contra eos, qui ad salutis suæ rationem satis esse putant, si corde credant, etiam si quod credunt altissime dissimulēt, nec ullo modo confiteantur. Recte illis obijcitur ingenium hoc fidei, quo sic comparati sunt qui uere credunt, ut quod credunt loquantur etiā & confiteantur, quo admoneātur, ne se ipsi fallāt, opinionē fidei p uera fide amplexi, sed dū alieni ab illius efficacia depræhenduntur in se reuersi pro dono ueræ fidei clament ad dominum. Verum ea de re in Proscæro nostro.

Vtinam autem quod ab Apostolo hic dicitur, & nos credimus quapropter & loquimur, uere possit ab omnibus uerbi Dei ministris dici, in quibus inualefcit illorū multitudo, quorum alij magis quæ opinantur quàm, quæ credunt ecclesijs pro uerbo Dei proponunt, alij quæ legunt in scripturis, non alio quàm literæ instinctu absque spiritu & fide in ecclesijs loquuntur. Priores admodū seducunt, posteriores parum ædificant, animum auditoribus non facientes, quia animum ipsi non habent.

SCIENTES, inquit, quod qui suscitauit dominum Iesum, nos quoque per Iesum suscitabit, & constituet uobiscum.] Quoniam uerbū credendi frequenter ab illis quoque usurpatur, qui quod opinantur credere se dicunt, atque ita affirmant, ac si sit omnium uerissimum, cum sit inanis opinio, ideo postquam dixit: Et nos credimus, quapropter & loquimur, ne ex inani opinione, & non uera ac certa fide loqui uideatur, non dicit: Credentes, sed, scientes, quod qui suscitauit dominum Iesum, nos quoque per Iesum suscitabit & constituet uobiscum.

Sunt autem hæc uerba sic comparata, ut bifariam exponi queant. Primo sic, ut intelligenda sint de suscitatione quæ sit non è sepulcro, sed ex periculis mortis, cuius & supra capite primo meminit dicens: Quin ipsi in nobis ipsis sententiam mortis acceperamus, ne confideremus in nobis ipsis, sed in Deo, qui ad uitam suscitatur mortuos, qui ex tanta morte eripuit

A nos, & eripit, in quo spem fixā habemus, quod etiam posthac sit erepturus.

Quod illic se spem fixam habere dicit, quod erepturus sit ipsum Deus è morte, id in presenti sic exprimit, ut scire se dicat, quod qui dominum Iesum suscitauit, se quoque sit per Iesum suscitaturus, hoc est, per uirtutem domini Iesu è discrimine mortis liberaturus. Et huic sensui pulchrè conuenit quod addit: & constituet uobiscum, hoc est, sic me liberum reddet, ut uobis restitui possim, quo & quod sequitur pertinere uidetur, cum dicit: Nam omnia propter uos, ut beneficium quod exundauit pluribus gratias agentibus, exuberet in gloriam Dei.

Deinde possunt exponi de futura resurrectione, ad hunc modum. Sciētes quod qui dominum Iesum suscitauit è morte, nos quoque per illū in die iudicii quo suscitaturus est mortuos, suscitabit è morte, & uobiscū constituet, ut in sempiternum cōiungamur. Sic, inquam, exponi possunt, si separatim inspiciantur, secus uero, si à sequentibus non auellantur.

Nascitur autem in hoc sensu, quem plerisque post ueteres amplecti uideo, haud dissimulanda quæstio. Quæri nanque potest, an post futuram resurrectionem, in statu futuri sæculi, constituendus sit Paulus cum Corinthijs, & si sit, quare cum illis magis quàm cum cæteris fidelibus, quos & ipsos in Christo genuit, & cum cæteri quoque apostoli, cum illis singuli coniungendi sint, quos cum hic uiuerent ad fidē Christi conuerterunt. Et si hoc futurum sit an non eiusmodi coniunctiones locum habituræ sint in cæteris quoque statibus & ordinibus, ut qui in hac uita coniuncti sunt, in futura quoque coniunctim uiuant. Talia, & quæ annexa sunt talibus, quæri poterunt hoc loco præsertim à curiosis, & nescio quas sibi futurarum rerum imagines somniantibus, quæ à presentis sæculi statibus ac moribus haud abluant. Hæc nos quæstionem, ut curiosam & infrugiferam, perque solam futuræ uitæ experientiam explicabile, curiosis hominibus relinquimus, & omnem futuræ nostri coniunctionis rationem & conditionem uni Deo committimus.

Illud autem obseruandum est, quod sensus superioris particulæ, qua se semper propter Iesum in mortē tradi dixit, ut & uita Iesu in carne ipsius mortali manifestetur, à sensu presentis loci dependet. Si prior expositio tenenda est, sicut apparet, consequitur & illic eam esse tenendam quam primo loco posuimus. Si posterior hic probatur, probanda est & illic, quæ postrema assignatur.

SCIENTES, inquit, quod qui suscitauit dominum Iesum, nos quoque per Iesum suscitabit.] Non dicit simpliciter: Scientes, quod nos Deus suscitabit, sed, Scientes quod qui suscitauit dominum Iesum, nos quoque per Iesum suscitabit. Sumit ergo scientiam hanc, quod se Deus suscitaturus sit, ex eo quod dominum Iesum suscitauerit. Sic fides resurrectionis Christi certā ipsi spē de sui quoque suscitatione gignebat.

Dicer



Dicet autem quisquam. Ecquæ est illa consequentia? Deus susciuit dominum Iesum, ergo per hunc suscitare debuit & Paulū. Suscitauit pater filium suum, quid hoc ad Paulū? qui & si erat Apostolus, filio tamē multo erat inferior.

Respondeo. Non est in hac causa consyderāda in se domini Iesu Christi præstantia & prærogatiua, qua cūctos non homines modo sed & angelos incōparabili dignitate antecellit, sed dignatio diuinę maiestatis, qua filium suū pro nobis dedit in mortem, & cum eum suscitaret, p nobis suscitauit, iuxta illud: Qui mortuus est propter peccata nostra, & resurrexit propter iustificationem nostri. Hac consyderatione omnino consequitur, ut ueraciter dicamus: Scimus quod qui suscitauit dominum Iesum, suscitabit & nos per Iesum, quandoquidem propter nos illum suscitauit.

Non est autem ociosum, quod non simpliciter dicit: nos quoq; suscitabit, sed, nos quoq; per Iesum suscitabit. Neq; enim sic eum propter nos suscitauit, ut nos quoq; ppter ipsum suscitet, sed ut sit nobis ille æternæ uitæ author ac dominus, redemptor & Seruator, habeatq; potestatem suscitandi mortuos perinde atq; pater. Quare uigilanter hic dicit Apostolus, nos quoq; per Iesum suscitabit. Et ipse dominus Iohan. quinto dicit: Sicut pater suscitāt mortuos & uiuificat, ita & filius quos uult uiuificat. Consulto tamen opus uiuificationis sic tribuit Christo domino, ut sit patris, per ipsum operantis, cum dicit: Qui suscitauit dominum Iesum, nos quoq; suscitabit per Iesum. Et Christus dicebat: pater in me manens ipse facit opera. Ita conuenit nos à Deo patre expectare omnia ut tamen expectemus per Christum, & sic per Christum accipere quæ accipimus, ut tamen à Deo patre dare ea sentiamus. Sol nos illuminat ac fouet, sed per suos radios. Perradios solares accipimus & lucem & calorem, uerum à Sole.

ET constituet uobiscū, inquit.] Diximus supra, quid quæstionis nascatur, si particulam hanc ad futuram uitam retulerimus, iam ubi eam de restitutione intelligimus, qua se Corinthijs Apostolus è discrimine grauium afflictionum liberatum restituendum fore dicit, quæsierit quisquam, quomodo se hoc scire dicat, cum non legamus uspiā, quod post hæc literas Corinthum uenerit. Respondemus, nō esse hic excludendum conditionem generale illam, & in omnibus huiusmodi loquutionibus si non exprimitur, necessario subintelligēdam, uidelicet, si ea uisum fuerit domino. Dubio procul, non sic de scientia sua præsumere uoluit, ut uolūtati ac dispositioni diuinę præiudicaret. Dixit se scire, quod qui dominum Iesum suscitauit, se quoque sit per Iesum suscitaturus. Et adiecit: ac constituet uobiscū. Sensus est. Sic me suscitabit ut si uidebitur uobiscum constitui possim. Quanquam non est satis firmum, quod nūquam postea uenerit Corinthum, etiam si scriptum non legatur.

NAM omnia propter uos, inquit.] Reddit rationem, unde sciat, quod suscitandus sit per Iesum, & cum ipsis constituendus. Poterat dicere: Nam æquum est ut susciter per Iesum, quandoquidem propter Iesum in mortem traditor quotidie. Verum maluit dicere: Nam omnia propter uos, quo rationem reddat non se sed ipsos concernentem, & non quid æquum sit coram Deo, sed quā omnia ad ipsorum salutem disponantur à Deo exprimentem. Sensus est: Quod scio fore ut susciter per Iesum, ac uobiscum constituar, ex eo est, quod scio propter uos geri omnia quæ mecū geruntur, quo gratiæ ac salutis, quæ in Christo est, sitis participes. Nihil dicit hic aliud, quā quod supra cap. i. dixit ad hunc modum: Siue autem affligimur, id fit pro uestri consolatione ac salute, siue consolationem accipimus, pro uestri consolatione ac salute, &c. Idem i. Cor. 3. sic protulit: Itaq; ne quis gloriatur in hominibus. Omnia nanq; uestra sunt. Magna omnino consolatio ueris pijs ac fidelibus ex eo est, quod sciūt propter se ac suo bono geri diuinitus omnia. Quomodo autem non omnia propter eos gererentur, propter quos non modo cōdita sunt hæc omnia, sed & uerbum illud æternum carnem nostrā assumpsit & Deus homo factus, inq; mortem datus est? Et utinam agnoscerēt hoc omnes Christi ministri, quod propter electos, uocatos sanctos, ac fideles dispensantur diuinitus omnia, & ea potissimum quæ cum ipsis geruntur, dubio procul, si ad hunc modū de fidelibus Christi, quibus præ sunt, sentirent possentq; ex animo cum Apostolo ad eos dicere: Propter uos sunt omnia, humiliter paulò de se ipsis, & honorificentius de illis sentiret.

VT beneficiū quod exundauit, inquit, pluribus gratias agentibus Deo exuberet in gloriam Dei.] Reddit rationem præcedentium. Non est autem ea referenda ad id quod dixit: Nam omnia propter uos, sed ad illud, & constituet uobiscum, sicut per parenthesim legatur ista ad hunc modum: scientes quod qui suscitauit dominum Iesum, suscitabit & nos per Iesum, & cōstituet uobiscum (nā omnia propter uos) ut beneficium quod exundauit, pluribus gratias Deo agentibus, exuberet in gloriam Dei. Quasi dicat. Cōstituet nos Deus uobiscum, uelut è morte suscitatos, effecietque ut pro tam insigni abundantiq; beneficio, quod in multorum usus exundabit, plures sibi gratias agent, cedatq; illud abundanter in ipsius gloriam. Sic per dictionem beneficij intelligo suscitationem ac restitutionem ipsius de qua utraq; dixit, suscitabit & nos per Iesum & constituet uobiscum. Beneficium illud, uel gratia, ut est in Græco, non tam concernebat Apostolum quā ecclesiā Corinthiorum. Quare uocat illud, beneficium exundans, in usus uidelicet plurimorum. Et reuera usq; adeo exundans gratia est, qua Deus Apostolū suum tandiu contra impiorum furias seruauit, ac sæpe numero uelut mortuum suscitauit ecclesijsq; restituit,



restituit, ut in hunc illa diem usq; totus Christianus orbis frui possit, modo uelit. Et hac nostra ætate an non hunc Apostolū suū Deus tam exuberanti gratia uelut è sepulcro suscitauit nobisq; restituit, ut per ipsum lux ueritatis innumeris illucescere cœperit ecclesijs. Iacebat sepultus, tenebris Papisticæ dominationis immerfus. Interea regnabat in ecclesia Simon, ficticius ille Petrus. Huius laruam mox suscitatus Paulus detraxit, & Antichristi faciē cunctis spectandā ac detestandam proposuit.

PLVRIBVS, inquit, gratias agētibus Deo, exuberet in gloriam Dei.] Rursus admonet Corinthios, ut erga tam luculentam gratiam Dei gratos sese exhibeāt, ac Deum communi gratulatione glorificent. Idem & suprā cap. i. hisce uerbis expressit: Vt ex multis personis, pro dono in nos collato per multos gratiæ agantur pro nobis.

Quod præsentem locū concernit, obseruandum est quod gratiarum actionem ad gloriā Dei facere dicit. Beneficia Dei quibus nos afficit, exuberant in gloriam Dei per gratiarum actionem. Nec aliud est in nobis, quod benefactori Deo repēdere possimus, quā hoc unū, ut gratiam illius ex animo deprædicemus, & gratiarum actione nomen illius glorificemus. Et hoc est sacrificium illud laudis, quod in Nouo testamento dominus instituit, ubi mortis suæ rememorationem in corporis ac sanguinis sui sacramento fidelibus suis cōmendauit. Quare celebrationem illius ueteres nō immerito Eucharistiam uocandam esse censuerunt.

PROPTEREA, inquit, non defatigamur.] In Græco est, *ἐν ἡλικίᾳ*, qđ supra paulo post initium capitis uertit non degeneramus. Vetus constanter habet: non deficimus. Hinc ad finem usq; capitis memorat, quā nō frangat animo propter crebras afflictiones, sed constanter in opere domini pergat. Quibus autē respectibus hoc faciat, simul explicat. Ponit autem triplicem respectum. Primum assignat cum dicit: Propterea non defatigamur? Quapropter? Quoniā scimus, quod qui suscitauit dominum Iesum, suscitabit & nos per Iesum, & constituet uobiscum, &c. Hac scientia confirmati, nullis laboribus defatigamur, nec ullis afflictionibus frangimur. Hoc dicens, illorum quoq; animos ad consimilem fidei constantiam, infractamq; malorum tolerantiam excitat. Primus igitur respectus hoc illi loco erat scientia cuius meminit, qua sciebat haudquaquam sibi defuturum dominum. Secundum mox subiicit dicens, sed quamuis externus homo noster corrumpitur, internus tamē renouatur in dies singulos. Poterat dici: Quomodo non defatigaris, cum tot afflictionibus ipsum corpus tuum atteratur quotidie? Respondet. Licet externus homo noster corrumpitur, internus tamē renouatur in dies singulos. Quare non est ut defatigemur. Animū hunc meum nullæ afflictiones frangunt. Renouatur enim quotidie. Illo renouato nihil

A efficiunt corporis afflictiones, quantumuis magnæ ac crebræ.

SED quamuis externus homo noster corrumpitur, inquit.] Per externum hominem corpus intelligit, cum illius conditionibus naturaliter annexis. Partem illam hominis quæ ex carne est corporea, uisibilis, palpabilis, infirma, alterationibus & corruptioni obnoxia, uocat externum hominem, intelligens externam hominis partem. Neq; enim duo sunt homines in uno indiuiduo, sed duę unius hominis partes, exterior & interior: exterior, corpus hoc animatum, interior spiritus. Duabus hisce partibus constat homo. Nos hic admonemur, etiam apostolorum corpora sic fuisse infirma, ut corruptioni essent obnoxia, & rebus aduersis, ac temporis ætatisq; iniurijs attererentur perinde atq; cæterorum mortaliū. Sic reliquias peccati originis in carne sua pertulerūt & ipsi. Quare conuenit, ut quoties externi nostri hominis infirmitas pro præsentis huius uitæ conditionibus molestatur, illiusq; corruptionem uiui adhuc experimur, communes hasce erumnas patienter feramus, cum illas & apostoli in suis corporibus pertulerint, præsertim si hoc fiat in causa regni Christi cōmunisq; nostræ salutis.

B INTERNVS tamen renouatur in dies singulos, inquit.] Hoc est, spiritus tamen nouis quotidie consolationibus confirmatur. Chrysost. exponit dicens: Quomodo renouatur? Fide, spe, & animi alacritate. Quasi nouus spiritus est, quoties nouis fidei ac spei auctibus crescit robustiorq; efficitur. Non est autem ociosum quod dicit *ἐν μέσῳ καὶ ἐν μέσῳ* id est, in dies singulos. Quoniā afflictiones quibus externus homo corrūpebat, erant indefinētes & quotidianæ, opus erat ut spiritus è contra nouis quotidie consolationibus renouaretur. Nouit hoc diuina prouidentia, quare pro multitudine afflictionum multiplicat pijs hominibus & consolationes, qua de re & suprā capite primo meminit.

Obseruandum uero est, quod corruptionē externi hominis renouationi interni coniungit. In sæculo diuersum cernitur. Illic ubi externus homo floret, animosus & inflatus est internus, ubi uero languet & corrumpitur externus, languet etiam & cōcidit internus. Est enim internus in homine carnali sic comparatus ut pro qualitate externi uel sit alacer uel deiectus, iuxta quod externus uel floret uel languet. At in homine pio diuersimode se habet internus homo ab externo. Hic quoque externus pinguior est ac floridior, hoc magis ipse marcescit ac languet, cōtra quo ille magis corrumpitur, hoc ipse magis per diuinæ consolationis gratiam renouatur. Ignorant hoc tyranni. Ideo dum se per pressuras externi hominis internum expugnatos putant, quo magis externum premunt, hoc magis causam dant interno ut ualidior ad quæuis aduersa ferenda reddatur.



NAM momentanea leuitas afflictionis nostræ, inquit, mire supra modum æternum pondus gloriæ parit nobis. Hic est tertius respectus, quo ad constantiam in ferendis afflictionibus permouebatur. Vtilitas uidelicet & fructus afflictionis patienter pro nomine Christi toleratæ. Nam momentanea leuitas, inquit, afflictionis nostræ, &c. Non simpliciter dicit. Nam afflictio nostra parit nobis gloriam, sed & grauitatem afflictionis suæ extenuat prorsus, & fructum illius amplificat in immensum. Extenuatio afflictionis est cum dicit: Nam momentanea leuitas afflictionis nostræ. Vt duplex est grauitas afflictionis, dum & molesta est in se, & diu durat, ita & duplicem ponit extenuationem, unam qua uocat afflictionem suam momentaneam, uelut in momento ac puncto temporis transeuntem, alteram, qua dat illi leuitatem. Sic extenuans afflictiones suas animat fideles ad tolerantiam. Quis enim grauabitur pro nomine Christi tolerare aduersa, si cogitet quàm sint omnia præsentis uitæ mala respectu æternorum leuia & momentanea?

Sed dices. Si leues ac momentaneæ erant afflictiones Apostoli, quomodo supra cap. i. dixit se fuisse in Asia grauatum supra modum ac supra uires? Ad hanc questionem supra capite primo respondimus, quare non est ut hic respondeamus.

Amplificat uero afflictionum suarum fructum cum dicit: supra modum æternum pondus gloriæ parit nobis. Illud, mire supra modum, in Græco est *κατ' ὑπερβολὴν* id est, secundum excellentiam ad excellentiam. Vetus reddidit: supra modum in sublimitate, quasi duæ sint diuersæ uoces. Totus hic locus bimembri oppositione constat, qua afflictiones & fructus afflictionum inter se conferuntur. Et utriq; parti datur sua *ὑπερβολή*, id est, excellentia, *ὑπερβολή* afflictionum est in momentanea leuitate. *ὑπερβολή* futuræ gloriæ est in æternitate. Ordinatur igitur lectio ad hunc modum. Nam momentanea leuitas afflictionis nostræ secundum excellentiam, hoc est: Nam leuitas afflictionis nostræ, quæ excellenter momentanea est, ad excellentem æternitatem, uel, ad excellentiam æternam, pondus gloriæ operatur in nobis. Sic in priori oppositionis membro est afflictio, momentanea leuitas & excellentia leuitatis uel breuitatis, in posteriori est gloria, quæ afflictioni, est pondus quod leuitati, est æternitatis excellentia quæ momentaneæ breuitati opponitur. Et est sensus. Nam ex eo quod afflictiones in hac uita, excellenter momentaneas ac leues pro nomine Christi ferimus, nascitur nobis pondus gloriæ ad excellentem æternitatem, uel, ad excellentiam æternam. Et commentarii qui Hieronymo tribuuntur de hoc sensu annotant. Sic enim habent uel quod tribulationum pondus, quæ supra modum sunt in præsentī, sublimitatem gloriæ æternæ perficiat. Græca possunt sic legi, *τὸ γὰρ παρῳκία ὑπερβολὴ καὶ τὸ μέγεθος*

*ἡ μὲν κατ' ὑπερβολὴν*, id est, *ἡ κατ' ὑπερβολὴν*, quæ uidelicet secundum excellentiam est, qualis fuerat quæ pertulerat in Asia de qua supra capi. i. dixit, quod per illam *κατ' ὑπερβολὴν* fuerit grauatus. Et huic lectioni subdiuisio quæ in Græco post, *κατ' ὑπερβολὴν*, habetur, fauere uidetur.

Admonemur hac oppositorum collatione, quomodo in afflictionibus constituti præsentium tribulationum & futuræ felicitatis diuersitatem & circumstantias considerantes cōsolemur nosipsi, ne animo fracti ueritatē Dei, in qua omnis nostra salus est, deseramus. Premit nos afflictio? cogitemus de futura gloria. Ignominiosa crux Christi est in hoc sæculo? at gloriosus erit illius fructus in futuro. Deinde cogitemus quanta leuitas quantum pariat pondus gloriæ. Momentaneæ breuitati, æternitatem gloriæ opponamus. Si excellens est afflictio, quàm excellens sit futuræ felicitatis gloria cogitemus, atq; ita excellentiam excellentiæ opposites afflictionum excellentiā, per eam quæ infinitis modis excellit in momentaneam leuitatem redigamus. Aptissimū plane compendium est ad extenuandum omnia quæ in hoc sæculo contra dominum & fideles eius excellere uidentur. Est potentia Cæsarum ac Regum excellens? Opponamus illi excellentissimam eius potentiam qui dominus est dominantium & aufert spiritum principū, ac dicamus: Si dominus pro nobis, quis contra nos? Excellunt sapientia ac prudentia, qui ueritati Dei aduersantur? Habemus in cælo dominum, qui sapientes ac prudentes in astutia ipsorum compræhendit, & omnia illorum consilia infatuat. Excellit persecutio ac tribulatio? Excellētiō erit futura felicitas? Excellit crucis Christi ignominia? Imcomparabiliter excellit futura gloria. In summa, quicquid excellens est in hoc sæculo, respectu cœlestium, quæ longe sunt excellentiora omnem excellentiæ existimationem amittunt.

De illo admonuerunt alij, fructum hūc afflictionum, gloriam uidelicet futuræ uitæ nec competere quibusuis afflictis, sed ijs tantum, qui propter Christum, ueritatem ac iusticiam Dei affliguntur, nec deberi afflictionibus nostris quali merces meritis. Licet enim hic Apostolus dicat: quod momentanea leuitas afflictionum nostrarum æternum nobis pariat gloriæ pondus, haud tamen id aliter dicit, quàm ut admoneat de gloria, quæ pro sua bonitate Deus dabit electis ac fidelibus suis, secundum quam illos etiam ante hunc mūdum ab æterno elegit, & cuncta ad salutem eorum pertinentia dispensat. Aliās si pondus hoc æternæ gloriæ cum præsentis uitæ afflictionibus conferratur, tanti illæ ad hoc collatæ non erūt, quāti est aquæ guttula immenso pelago collata. Quā igitur impossibile est ut guttula aquæ pariat immensum pelagus, tam est impossibile, ut momentanea afflictio per se pariat æternam gloriam. Non enim sunt pares præsentis tempo-

Rom. 8.



ris afflictiones ad gloriam quæ reuelabitur erga nos.

DUM non spectamus ea quæ uidentur, inquit, sed ea quæ non uidentur.] Græcè est, *ὁπότερον ὁρῶμεν*, id est, non spectantibus nobis, quod admoneo, ne quis in uocula, dum, hæsitet, ac querat, an afflictio tum nobis pariat gloriam, dum ea quæ non uidentur spectamus. Hactenus pertinet ista ad præcedentia, quatenus in illis æternitatem futuræ gloriæ momentaneæ afflictioni opposuit. Significat enim se, dum afflictionibus premitur, spectare non caduca præsentis uitæ uel mala uel bona, sed æternam, in futuro sæculo paratam gloriam, ac sempiternum reprobatorum exitium.

Et quoniam gloria hæc, quam gigni ex afflictionibus dicit, nec præsentis est temporis nec uisibilis oculis carnis ideoque imperitiores cogitare poterant, nugæ esse quæ de illa dicit, propterea quod afflictiones quas pro Christo tolerabat, ignominiam ipsi magis quam gloriam gignerent, occupat dicens, non spectantibus nobis quæ uidentur, sed ea quæ non uidentur. Quasi dicat. Scimus afflictiones Christi quas patimur multum nobis gignere ignominie in hoc sæculo, at nos non spectamus ea quæ sunt carni ob oculos, sed potius ea quæ ab illa non uidentur. Quæ nanque ab illa uidetur caduca sunt ac transitoria, quæ uero non uidentur æterna. Talis autem est gloria illa, quam pariunt nobis afflictiones Christi. Non est uisibilis carni quia non est terrena ac uitæ præsentis, sed celestis ac sæculi futuri.

DUM non spectamus ea quæ uidentur, inquit.] In omnis generis actionibus aliquid est quod agentium animus spectat, ac ueluti scopum quendam collimando petit, quoque refert quæ agit omnia. Qui sæculi huius sunt filij, spectant ea quæ sunt sæculi, quæ sunt carnis, quæ sunt terrena, uisibilia & præsentia. Qualia sunt, opes, honores, uoluptates, & id genus alia. Deinde fugiunt quoque non nisi ea mala quæ cerni possunt ac sensibus carnis horrenda uidentur ut sunt morbi corporis, paupertas, dolores carnis, persecutiones, carceres, & ad ultimam mors. Qui uero filij Dei sunt, & ad ueram futuræ uitæ felicitatem electi, adeoque spiritu Dei aguntur, hi non spectant ea quæ sunt mundi, non morantur ea quæ uidentur, non querunt quæ sunt super terram, sed potius quæ sunt in cœlis, quæ sunt spiritualia, cœlestia, inuisibilia, & futura. Hæc spectando nullis afflictionibus quantumuis grauibus à sancto proposito auocantur. Viderit igitur quisque quid spectet, quid querat, quo animi sui intentionem dirigat. Qui terrena spectant, in confessione nominis Christi, si ingruat persecutio, durare non poterunt. Qui spectant cœlestia, terrenis inhiare non possunt.

Est autem reuera magna ac singulari mentis illuminatione opus, ut propter inuisibilia non spectemus ea quæ uidentur. Reperias qui

& ipsi non admodum spectent ea quæ uidentur, & ab alijs impensissime appetuntur, sic ut alius cōdemnat ac prodigat terrenas opes, alius non capiatur uoluptatibus ac delirijs carnis, sic agrestis, ut inter feras syluestres & natus & educatus uideatur, alius non querat honores, sed magis in fecibus ignauiae & inertie suæ manere cupiat. At Apostolus hic non simpliciter dicit: non spectantibus nobis quæ uidentur, sed addit, uerum ea quæ non uidentur. Spectare bona quæ non uidentur, & propter illa non spectare quæ uidentur, id demum hominis est non iam in terris sed in ipso cœlo cōuersantis. Etenim ubi oculus cordis, ibi cor, ubi cor, ibi ipsa uita, ubi uita est, ibi est & uitæ conuersatio. Qui terreni sunt, conuersantur in sæculo ubi sunt quæ diligunt, spectant & appetunt. Illis si proponas futura bona, reuerent, da mihi præsentia, serua tibi futura, si uocaueris eos ad spectanda quæ non uidentur, non obtemperant, sed dicunt, quæ uidentur certa sunt, quæ non uidentur incerta, retinebo certa, tu persequere incerta. Et sic illi pulchre sibi sapere uidentur non modo non accipientes uera bona, sed & ridentes & exufflantes.

NAM quæ uidentur, temporaria sunt, inquit, at quæ non uidentur æterna.] Quamuis etiam si de omnibus uisibilibus loqueretur, uera esset sententia (nam cœlum, inquit dominus & terra transibunt) existimo tamen intelligendum esse de ijs quæ uel appetuntur in hoc sæculo uel fugiuntur, ut sunt uisibilia tam bona quam mala. Ut igitur ratione reddat, quare non spectet ea quæ uidentur, spectet uero quæ non uidentur, sic inter utraq; discernit, ut illa dicat esse temporaria, ista uero æterna. Vocat autem temporaria, ad tempus duntaxat durantia, æterna uero sine fine in sempiternum permanentia, quamuis in Græco sit *αἰώνια*, id est, sæcularia, uel per sæcula durantia, qui sensus ad futuræ uitæ statum non pertinet, in quo non sunt sæcula, sed sine sæculis continua ac sempiterna felicitas. Cum Apostolus I. Cor. 10. dicit, in quos fines sæculorum inciderunt, satis admonet sæcula præsentis esse uitæ, & habere suos fines.

AT quæ non uidentur, inquit, æterna.] Loquitur de illis bonis, quæ ut præsentis sæculi non sunt, ita & oculis carnis uisibilia non sunt. Alias multa sunt quæ quamuis non uideantur æterna tamen dici non possunt. Non uidentur quæ tenebris & latebris abdita latent, uideri autem possent, nisi laterent. Non uidentur quæ præsentia non sunt, sed procul dissita, natura tamen sic sunt comparata ut præsentia uideri possunt. Non uidentur quæ aliquando sunt futura, & ubi fuerint uidebuntur. Nihil horum æternum uocari potest. Imò ne ea quidem omnia æterna existunt, quæ natura sua sunt inuisibilia. Animam in pecore non uideo, neque natura uisibilis est, æterna tamen non est. Ventum non uideo, qui & ipse inuisibilis est, & tamen æter-



æternus non est. Voces loquentium, canentium, Aridentium, eiulantium quis uidet? Nemo tamē eas æternas esse dixerit. Non est igitur quod Apostolus æterna esse dicit quæ non uidentur, ultra propositum, quod spectat, extendendum.

Vnde est autem quod homo mortalis quæ temporaria sunt negligens spectat æterna? Si quæ uidentur temporaria sunt, & temporaria transitoria, utique & homo temporarius est ac transitorius, quia ex ijs est & ipse quæ uidentur. Quorsum autem mihi æterna bona, cum sim ipse temporarius ac transitorius? Quæ mihi ex æterno est, uel esse potest utilitas, nisi sim & ipse æternus? Centum annorum bona centum annos uiuenti abunde sufficiunt, quorsum illi opus diuturnioribus nedum æternis? An non mortuis omnia sunt mortua, siue temporaria siue æterna? Hæc cogitare potest homo animalis, consilium Dei in electis non intelligens, quo conditus est homo inextremabilis, & sempiternæ uitæ destinatus. At nouus homo, qui ex Deo est, ac spiritu Dei ducitur, quemadmodum ad hoc est conditus, ut particeps sit æternæ uitæ, ita ad illius etiam æternitatem aspirat, adeoque spectat non temporaria sed æterna, quia in sempiternum uiuturo non sufficiunt temporaria, quæ ipso usu consumuntur, & unā cum tempore etiam nū usurpata transeunt. Argumentum itaque æternitatis est in pijs & electis, quod temporaria bona contemnentes spectant æterna. Et hunc in illis sensum & affectum non impedit B externi hominis mortalitas & corruptio. Licet enim secundum illum sint temporarij, propter necessitatem moriendi, secundum noui tamen hominis conditionem sunt æterni, & per uirtutem futuræ resurrectionis etiā quod iam in illis est uisibile, infirmum, ac temporarium corpus, in die domini suscitabitur, & ut æternitatis possit esse particeps mutabitur, qua de re prima Corinthiorum decimoquinto disseruit Apostolus, & initio sequentis capitis nonnihil attinget.

#### ARGUMENTVM

##### capitis.

**D**E exeundo terreno domicilio ac nouo quod ē celestis sit induendo differit. Addit qua fide, qua spe, qua conscientia, ac desyderio erga dominum, cui reddenda est factorum ratio, conuersetur in ista presentis uitæ peregrinatione, quāque conueniat ut omnes uiuant ei qui pro omnibus mortuus est & resurrexit, sintq; in illo noua creatura. In calce de Apostolatu suo ac ministerio reconciliationis, quod pro Christi nomine obibat subiungit.

#### CAPVT V.



**S**CIMVS enim quod si terrenum nostrum domiciliū huius tabernaculi destructum fuerit, ædificationē ex Deo habemus, domiciliū non manufactum, æternum in cœlis. Nam in hoc gemimus domicilio nostro quod ē cœlo est, superindui desyderantes, si tamen induti non nudi reperiemur. Etenim qui sumus in hoc tabernaculo, gemimus onerati, propterea quod nolimus exui, sed superindui, ut absorbeatur mortalitas à uita. Qui uero parauit nos in hoc ipsum, Deus est, qui & dedit nobis arrabonem spiritus.

Erat Apostolus corpore circumdatus infirmo, corruptibili ac mortali, perinde atque ceteri homines, & atterebatur illud quotidie, non modo communibus molestijs, sed & singularibus ac grauib; afflictionibus, quas pro nomine Christi ferebat crebras & irremissas. Et interim non frangebatur animo, sed in opere domini pergebat ac durabat constanter, nec spectabat temporaria, sed æterna. Prius uidebatur mirum, posterius prorsus stultum. De priori mentionem fecit capite precedenti, ubi dixit: Propterea non defatigamur, sed quamuis externus homo noster corrumpitur, internus tamen renouatur in dies singulos. De posteriori uero loquitur initio capitis huius dicens: Scimus enim, quod si terrenum nostrum domiciliū huius tabernaculi destructū fuerit, ædificationem ex Deo habemus, domiciliū non manufactum, æternum in cœlis. Dixit se non spectare temporaria sed æterna. Subijcit rationem, per occupationem. Quasi enim dicat aliquis. Atqui tu interim dum non temporaria sed æterna spectas quotidie morti appropinquas. Quorsum igitur æterna ei homini qui propediem est interitus? Respondet. Quod moriturus sum breui, non impedit me, quo minus sperem ac spectem æterna. Etenim etiam si terrenum hoc nostrum domiciliū destructum fuerit, ob id tamen non prius bonorum æternorum fruitione imò tum mihi demum accessus erit ad æterna. Scimus enim habere nos paratam à Deo ædificationem domiciliij non manufacti sed celestis & æterni.

SCIMVS enim, inquit.] Iterū quod animalis homo nulla potest scientia cōprehendere, sed sola fide capi, scire se dicit. Est enim fides certa cōprehensio & firma hypostasis earū rerum quæ non uidentur, sed sperantur. Nritur nanque uerbi Dei ueritate ac certitudine multo certius quā ulla humana ratio suis indagationibus & argumentis.

QVOD si terrenum nostrum domiciliū huius tabernaculi destructum fuerit, inquit.]



Terrenum domiciliū uocat suum corpus, qđ cap. precedenti externum hominem uocauit. Comparat se militi in luteo tuguriolo, uel si mauis, tabernaculo militari, & sic animato, ut si destructum sibi fuerit uile quod inhabitat tuguriolum, non admodum contristetur, propterea quod beneficio Regis sui perfecta militia splendidum & eximium ædificium habiturum se speret.

Poterat simpliciter dicere: quod si occidar, scio me uitam, habiturum in cœlis non temporariam sed æternam, uerum ut significet nō occidi se, sed corpus suum terrenum ac fragile destrui, quod tamen in cœleste & æternum sit commutandum, dicit perinde fore illius destructionem ac si domiciliū terrenum ac luteum destruat. Significat igitur Christiano homini corpus esse loco lutei domiciliij uel tabernaculi ut illo occiso non occidatur ipse sed destruat ipsius domiciliū terrenū, luteū, erumnosum & fragile, in quo peregrinatus sit in hoc præsentī sœculo, ut corpus nostrum sit peregrinationis tabernaculum, cuius destructione non sit noster destructio sed peregrinationis nostrę terminatio & ad cœlestē uitā trāsīt.

Non est autem ociosum, quod corpus suū uocat non simpliciter domiciliū, sed *ἐπίγειον* *δomicilium*, id est, terrestre domiciliū, uel luteam domūculam. Respicit ad illud: Terra es, & ad terram reuerteris. Monet simul non esse adeo magnæ iacturæ dispendium, si corpus suum destruat, cum sit terrestre ac luteum domiciliū, fieriq; non possit, ut quale est, duret in sempiternum.

HUIVS tabernaculi.] Non cōtentus, quod uocauit corpus suum terrestre domiciliū, addit, huius tabernaculi, ut significet, esse illud tabernaculare quoq; domiciliū, præterq̃ quod est terrestre. Inter iustam domum & tabernaculum hoc est discriminis, quod domus eorū est qui certam & fixam habent mansionem, tabernaculum uero eorum qui incertis sedibus tanquam peregrini uel milites oberrant. Sic de Abrahamo Ebr. ii. memorat, quod quāuis promissionem terræ Canaā haberet à Deo, in tabernaculis tamen habitauit cum Isaaco, peregrinū referens magis quā terræ illius hæredem. Significans igitur esse corpus suum tabernaculum, in quo non fixam habeat mansionem, sed incertam & transitoriam peregrinationem, uocem hāc tabernaculi adiecit, Sic & Petrus corpus suū tabernaculū uocauit dicens: Attamen iustum arbitror, quandiu sum in hoc tabernaculo excitare uos per commotionem, cum sciam breui futurum ut deponam hoc tabernaculum meum, &c. 2. Petri i. Quemadmodum Paulus mortē hic tabernaculi sui destructionem, ita Petrus suam, tabernaculi depositionem uocauit.

AEDIFICATIONEM, inquit, ex Deo habemus, domiciliū non manufactum, eternū in cœlis.] His uerbis exprimit quare non impediatur destructione corporis sui quo minus

A particeps fiat æternorum bonorum. Ob id uidelicet, quod parata sibi sit ædificatio longe melior & æternæ felicitati cōuenientior, q̃ sit terrenum & tabernaculare domiciliū. Quæ illa? 1. Primo, uocat eam *κτισιν*, id est, ædificationem. Inter hāc & tabernaculum multū est discriminis. 2. Deinde, uocat eam ædificationem ex Deo, & exponens addit, domiciliū non manufactum. A Deo utiq; cōditum est & corpus nostrum, nec est ullis hominum manibus factum, corpus inq̃ terrenū hoc fragile, mortale & corruptibile. Quid est ergo prærogatiuæ futuri nostri corporis, præ hoc præsentī, in eo quod dicit illud fore ex Deo & haud manufactum? Meo iudicio, futurum nostrum corpus ob id ex Deo & non manufactū fore dicit, qđ immediate diuina uirtute, absq; ulla humana cooperatione perficietur, id qđ de terrestribus hīscē nostris domicilijs dici nō potest, quæ quoniā intercedēte humana sunt cooperatione facta, manufacta, id est huius creationis uocantur. Quibus illa medijs consent, & modis perficiantur, notum est omnibus. Quæ habebimus in futura uita, omnino absq; hīscē medijs & modis sola diuina uirtute constabunt. Cauendum est autē, ne illud, ex Deo, alio sensu accipiamus, q̃ si dixisset, à Deo, ne locum demus hæreticis, qui corpora nostra ex ipsa esse substantia Dei contendunt. Cum Christus dicit: Qui ex Deo est, uerbum Dei audit, propterea uos non auditis, quia ex Deo non estis, non loquitur de substantia Dei, sed de gratia electionis ac prædestinationis, secundum quam ex Deo sunt, qui ad uitā sunt electi ac præordinati. Hic cum Apostolus corpora nostra, quæ in futura uita habebimus, ex Deo & non manufacta fore dicit, ad differentiam eorum dicit, quæ in hac uita circumferimus, quorum origo & ipsa quidem est à Deo, uerum non immediate, sed per media carnis ac sanguinis, humanę uidelicet cooperationis interuentu, illa uero immediate à Deo condētur, ut alia eorū origo, unde sint talia, assignari non possit, q̃ uirtus diuina. 3. Tertio, addit, æternum. Opponit hoc fragilitati ac mortalitati terrestri corporis, per quam fit, ut sit non æternum sed temporarium caducum, ac trāsitorium. At quod habebimus in futuro non trāsitorium erit sed æternum. Neq; enim obnoxium erit tempori, morbis, morti, corruptioni, &c. sed ab his omnibus liberum interminabili uita & gloria fruetur. Huius spe ac respectu perdurat Apostolus in afflictionibus, & corporis sui destructionem tam non fert moleste ut etiā cupiat illud dissolui, & ingemiscat, donec dissoluatur & interim non spectat quæ uidentur & transeunt, sed quæ non uidentur & in sempiternum permanent.

IN cœlis, inquit.] Opponit hoc terreno terrestri corporis incolatui. In terris circumferimus corpus hoc mortale, gloriosum illud habebimus in cœlis.

Haftenus iuxta communē sensum præsentem lo-

Iohan. 8.



tem locum de corpore glorificato, quo uestiemur post resurrectionem exposuimus. Verū quoniam illo non statim post corruptibilis huius corporis nostri destructionē potimur, sed expectanda est uniuersalis illa mortuorum resurrectio, demum in fine seculorum futura, Apostolus uero, cum dicit: Scimus quod si terrenum nostrum domicilium huius tabernaculi destructum fuerit, ædificationem ex Deo habemus, &c. de tali ædificatione ac domicilio loqui uidetur, quod se statim post destructionem corporis sui accepturū sciat, non est præter rationem, quod nonnullis hic locus de cœlesti mansionem ac statu beatæ uitæ, in quam electorum ac fidelium spiritus statim post destructionem terreni corporis transferuntur, magis quàm de glorificatis nostris corporib⁹ intelligendus esse uidetur. Horum igitur iudicio erit hic sensus. Scimus enim, quod ubi terrena nostra habitatio huius tabernaculi, corporis uidelicet, quod iam circumferimus, destructa nobis fuerit, siue id fiat per manus aduersariorum uiolenter, siue matura ac tempestiua morte, mansionem habemus à Deo nobis paratam, nō hic in terris, sed in ipso cœlo, in quam recipiemur. Et huic expositioni fauere uidetur, quod nō in futuro habebimus, sed in præsentī, habemus dixit, & quod cœlesti illi domicilio æternitatem tribuit, idem esse apparet cum eo quod Christus dixit, ut recipiat uos in æterna tabernacula. Cœlestes mansiones æternæ ob id dicuntur, quod non solum durabunt in sempiternū, nunquam destruendæ, sed & ob id quoque, quod paratæ sunt ab æterno. Deinde non manufactæ dicuntur, respectu terrenarum mansionum, quæ manibus hominū construuntur, & in cœlis paratæ sunt, cum istæ sint in terris. Lectoris iudicio relinquimus utrum sensum probet ac retineat. Si ueritas quæritur, ueri sunt utriq;. Tantum uidendum est, utra expositio uerbis sit ac menti Apostoli uicinior.

Quod posteriorē sensum attinet, admone-mur, quid efficiat in nobis fides ista, qua nos post terrenum hūc præsentis uitæ incolatum in quo tabernacula manufacta incolimus, æternam in cœlo mansionē habere scimus. Hoc uidelicet, ut nec quæramus ea quæ sunt huius mundi caduca & transitoria, sed æterna cœlestis uitæ bona, nec molesta sit corporis huius depositio, quocunq; illa modo & quandocūque fiat, sed molesta potius sit illius inhabitatio. Quis credat eum certum esse, quod mansionem amœnissimam habeat in insulis Fortunatis, qui frigidum suum hyperborearum regionum incolatū cupide retinere satagit, nec priuari illo facile sustinet? Etenim natura sic comparati sumus, ut si detur optio, malimus amœna & iucunda, quàm inamœna ac tristia. Quare ubi tristia & inamœna cum iucundis & amœnis commutare detrectamus, manifeste ostendimus argumento, quod de commutationis huius certitudine dubitamus. Vitæ

sumus cupidi omnes, & nemo est, qui non æternum quàm ad tempus tantum uiuere malit. Verum quotusquisq; est, qui temporariam hanc & miseram uitam cupide deponat? Unde hoc est, quàm ex eo, quod non omnes cum Apostolo dicere possumus: Scimus nos æternam mansionem habere in cœlis?

NAM in hoc, inquit, gemimus, domicilio nostro quod è cœlo est, superindui desyderantes.] Rationalis uocula, nam, uel est hic ociosa, uel referenda est ad id quod in calce capitis præcedentis, non quæ uidentur, sed quæ non uidentur, ideo quæ æterna sunt, spectare se dixit. Hoc enim spectare cum gemitibus & magno eorum quæ spectantur, desyderio cōiunctum est. Quare ut affectus animi æterna spectantis exprimat, unde pateat, quàm illa cupide & obnixe spectet, dicit: Nam in hoc gemimus, domicilio nostro quod è cœlo est, superindui desyderantes. Quid enim spectem, gemitus nostri testantur, quibus in hoc terrestri ac fragili domicilio ingemisco. Ingemisco siquidem impulsu desyderij, quo cœlesti domicilio superindui desyero. Sic illud, in hoc, accipio de terreno domicilio, corpore uidelicet. Non est enim in Græco *ἐν τούτῳ*, ut legi possit, ad hoc, sed *ἐν τούτῳ*, id est, in hoc domicilio uidelicet, quod tum circumferebat.

Quid autem in terreno suo corpore constitutus gemuerit, exponit dicēs: Domicilio nostro quod è cœlo est, superindui desyderantes. B Domicilium suum corpus illud uocat, quod accepturus est in resurrectione mortuorum. Vocat illud *οἰκητήριον*, non *οικὴς*, quod non ut in tabernaculo uagam & transitoriam, sed ut in domo certam ac permanentem in illo sit habiturus mansionem. Illo superindui desyderabat.

QVOD è cœlo est, inquit.] Quid? An corpora illa in quibus resurgemus, de cœlo in sepulchra nostra descendunt? Etenim si corpus Pauli de cœlo descensurū est, descensura sunt utique & nostra. Si sic sentiendum est, quomodo stabit fides nostra, qua carnis huius resurrectionem futuram credimus? Et quid de corporibus reproborum sentiendum est, quæ & ipsa reuiuiscunt ac resurgent, de quibus dicere non possumus, quod de cœlo sint descensura? Si illa resurgent immortalia ad æternas penas, quomodo non & nostra talia resurgēt ad æternam uitam, ut non sit necesse noua nobis de cœlo corpora mitti?

Respondeo. Non dicit Apostolus, quod de cœlo descendet, sed, quod è cœlo, quod idem est ac si dicat, quod cœleste erit. Qualitatem futuri sui corporis exprimit, non descensum, cum dicit: quod è cœlo, opponens illam qualitati corruptibilis huius corporis, quod terrestre est ac luteum. Quanto autem amplior est cœli quàm terre, tanto est amplior cœlestium corporum quàm terrestrium gloria. Hoc significans cœlestem futuri sui corporis gloriam terrestri humilitati opponit.



SVPERINDVI defyderantes, inquit.] Vt metaphora uestiendi, comparans corpus uestimento, quod haftenus comparauit tabernaculo & domicilio. Sic pro sua diligentia rem eandem alijs atq; alijs figuris format, spectandamq; proponit. Quomodo autē cœlesti corpore quasi uestimento superindui defyderarit, exponit in sequentibus.

Si tamen induti, inquit, non nudi reperiemur.] Expositionem superinductionis subiicit. Qui prorsus nudi sunt, induuntur dum uestiuntur, qui uero nudi nō sunt, sed induti, nō induuntur, sed superinduuntur, dum adhuc aliquo alio uestium genere supra id quo induti sunt, uestiuntur & ornantur. Huc respiciens dicit: Si tamen induti, non nudi reperiemur. Indutus tum erat terrestri corpore, non nudus. Sic comparatus nō poterat indui cœlesti, perinde ac si nudus, id est terrestri corpore exutus fuisset. Quoniam uero futurum est, ut in die resurrectionis multi adhuc in uiuis agāt, suntque nō nudi, sed induti, ideoq; cœlestibus corporibus non induendi, sed superinduendi, illō respiciens dicit, si tamen induti non nudi reperiemur. Quasi dicat. Si tamen in die domini, quando resurgent mortui, inter uiuos non inter mortuos, inter eos qui adhuc terrenis erunt corporibus induti, nō inter nudos, id est corporib<sup>9</sup> suis exutos reperiemur. Hic sensus per sequentia confirmatur.

Alij tamen aliter exponunt. Intelligūt eos fore uestitos, qui tum in ueste nuptiali, fide uidelicet Christi, adeoq; & ipso Christo, reperiuntur. Nudos uero cæteros, qui sine hac ueste in die domini comparebunt. Illos cœlesti gloria superinduendos, istos nequaquam. Sane quoniam omnes quidem mortui resurgent, tam reprobi quā fideles, haud tamen omnes cœlesti gloria decorabuntur, sed fideles tantum, haftenus non nudi, sed uestiti superinduent. Verū si sequentia consyderentur, prior sensus ad mentē Pauli propius accedere deprēhēdet.

ET ENIM qui sumus, inquit, in hoc tabernaculo, gemimus onerati, propterea quod nolumus exui, sed superindui, ut absorbeat mortalitas à uita.] Præcedentem particulam exponit, quomodo uidelicet, & quare dixerit, si tamen induti nō nudi reperiemur. Rationem ex eo adducit, quod omnes homines, pij quoque, mortē corporis natura exhorrent, ideoq; pij, quoniam immortalitatis quidem sunt appetentes, & tamē à morte corporis abhorret, mallent sic uiui depræhensi absq; morte cœlestibus corporibus superindui, q̄ per mortē ueteri corpore nudari, ac sic immortalī ac nouo indui. Hoc sensu dicit: Etenim qui sumus in hoc tabernaculo, id est, quotquot pij terreno adhuc corpore circundamur, propter hoc gemimus onerati illius incolatu, quod licet nolumus illo per mortem exui, à qua natura abhorremus, superindui tamen nouo ac cœlesti cupiamus. Quomodo? Sic ut absorbeatur inquit mortalitas, uel, ut in Græco est, & uetus ædi-

tio habet, quod mortale est, à uita. Id est, ut cœlestis uita, quæ cum nouo ac cœlesti corpore dat, ueteris mortalitātē & corruptionē absq; gustu mortis absorbeat, & repente ex terreno cœleste reddat. Eueniet hoc illis, qui uiui in die resurrectionis depræhendent. Hunc sensum & Lyranus tradit, nec Burgenfis repræhendit. Sic enim exponit: Si tamen uestiti & non nudi inueniemur, id est, si absq; dissolutione corporis corruptibilis quo utitur anima, ut uestimento posset superindui gloria, tunc absque aliquo impedimento appetitus gratiæ in hoc ferret, sed quia hoc est impossibile, ideo retardatur per naturalem appetitū dissolutionem corporis & animæ abhorrentis, propter quod subdit: Nam & qui sumus in hoc tabernaculo, i. in hoc corpore mortali, ingemiscimus grauatī, de dissolutione corporis & animæ, eò q̄ noli m<sup>9</sup> expoliari corpore uidelicet p mortē, sed superuestiri. i. indui glorię uestimēto, &c. Hec ille.

In eo quod dicit: Etenim qui sumus in hoc tabernaculo, gemimus onerati, obseruandum est, apostolos quoq; humanæ sortis ac miserię esse participes, donec uiuūt in hoc terreno habitaculo, ut & ipsi onerent illius molestijs, & onerati ingemiscāt, liberationēq; appetāt. Huiusmodi gemitus ut sunt naturales, ita nihil habent culpæ, nedū si sint ex fide ac defyderio futuræ corporū nostrorū redemptionis. Imò ipsa omnis creatura cōgemiscit nobiscū, & unā parturit usq; ad id tēporis quo à seruitute corruptionis in libertatē gloriæ filiorū Dei liberabit. Quare nihil minus habent eiusmodi gemitus, q̄ indicia impatientiæ. Ipsa patientia sanctorū plena est gemitibus ac suspirijs, quibus usque adeo nō offendiť Deus, ut per prophetā dicat: Propter miseriā inopū, & gemitū pauperū nūc exurgā: ponā illis salutē etc. Psal. 12. Et Ezech. 9. frōtes uirorū gementiū securitatis nota signari iubet. Et Psal. 102. gemit<sup>9</sup> cōpeditōrū exaudiri ab illo canit: quin ipse spiritus postulat p nobis gemitib. in enarrabilib. Ro. 8.

PROPTEREA, inquit, quod nolumus exui, sed superindui.] Ergo & sancti sic uellēt ad cœlestē futuræ uitę gloriā peruenire, ut nō essent ipsis subeundi mortis dolores, & corpus hoc terrenū mortis interuētū exuendū. Nec est, ut existimemus sic animatos displicere dño, qui & ipse dicebat: Pater si fieri potest, transeat à me calix iste, ne bibā illū. Hic animus nō repugnat uoluntati Dei in sanctis, quia nō est obfirmatus in hac carnis infirmitate, obfirmatus uero est, in proposito obediendi diuinę uoluntati, unde & dicebat dominus: Veruntamen non sicut ego uolo, sed sicut tu uis.

Deinde & id sanctorū est, q̄ nō simpliciter dicit: Propterea quod nolumus exui, quasi amantes sint corporis terreni, & uitæ quā in illo uiuunt, nolintq; illis priuari, quemadmodū animati sunt filij huius sæculi, sed addit quid uelint, si ita uoluntas esset domini, cū dicit: sed superindui. Hoc uotū nō est hominū carnaliū, qui cœleste hoc indumentum, nec norunt, nec futu-



futurum, credunt, multo minus appetunt, sed A  
fidelium ac spiritualium tantum, quorum con-  
uersatio non est in hoc seculo sed in cœlis, ubi  
Christus est ad dexteram Dei.

S E D superindui inquit. ] Ergo in die resur-  
rectionis qui in hisce corporibus uiui reperi-  
entur, & illa quæ habent corpora non exuent  
sed retinebunt, & nouis illis ac cœlestibus su-  
perinduentur, ut corpora habeant duplicata,  
perinde ac si una ueste iudutus superinduatur  
& altera, atq; ita duplici sit ueste indutus. Re-  
spondeo. Non est hic Apostoli sensus. Verbo  
superinduendi loquitur non de nouo quodā  
corpore ueteri coniungendo, sed de gloria im-  
mortalitatis, ei corpori quod hic circumferi-  
mus superinduenda. Qualitatem glorificati  
corporis comparat nouo indumento, non no-  
ui corporis substantiam. Et id quod subiicit di-  
cēs: ut absorbeat mortalitas à uita, pulchre ex-  
ponit, qd uerbo superinduendi intelligat. Nō  
dicit: ut absorbeatur uetus corpus à nouo, ter-  
renum à cœlesti, mortuum à uiuo, sed, ut ab-  
sorbeatur mortalitas terreni corporis à uita,  
ne sit mors ipsa gustanda. Mortalitas terreni  
corporis qualitas est non ipsa substantia. Vbi  
illa absorbebitur per cœlestem uitam in uiuis,  
quod subita mutatione in momento tempo-  
ris fiet, non absorbebitur substantia corporis  
sed qualitas, qua mortale est & corruptibile.

V T absorbeatur mortalitas à uita inquit. ]  
Græcè est τὸ θνήσκειν, id est, mortale, quo corpora  
nostra sunt mortis capacia, imo morti obno-  
xia. Mortalitas hæc in omnem humani gene-  
ris carnem per primi hominis communis no-  
stri parentis peccatum peruenit, cuius memi-  
nit Apostolus Rom. 5.

Non dicit autem, ut absorbeatur mors, sed  
ut absorbeatur mortalitas à uita. Per mortali-  
tatem morti reddimur obnoxij. Illa absorpta  
nihil loci relinquitur morti. Imo mortalitate  
& incorruptibilitate corporū nostrorū subla-  
ta, ipsa quoq; mors sublata sit necesse est. Qua-  
de re in priori ad Corinthios cap. 15. scribit ad  
hunc modū. Cum autem corruptibile hoc in-  
duerit incorruptibilitatē, & mortale hoc in-  
duerit immortalitē, tunc fiet sermo qui scri-  
ptus est: Absorpta est mors in uictoriam.

Illud, à uita, non est in Græco, ἀπὸ ζωῆς. sed cū  
articula ἀπὸ τῆς ζωῆς, id est, ab illa uita. Non enim  
de præsentī hac, sed cœlesti illa ac futura uita  
loquitur. Præsens hæc tam abest ut mortali-  
tem corporum nostrorum absorbeat, ut ma-  
gis ab illa absorbeatur. Re ipsa uidemus sic es-  
se comparatū quicquid uitæ in carne sub cœ-  
lo est, ut per mortalitatis ingluuiem absor-  
beatur. At ubi aduenerit immensa illa cœlestis  
uitæ uis perinde absorbebitur quicquid in no-  
bis mortale est, quæadmodū nocturnas tene-  
bras clarissimi solis exortu absorberi uidem⁹.

Obseruemus igitur quantum discriminis  
sit inter præsentem hanc uitam, & eam quæ  
dabitur in futuro. Præsentem, uidemus mor-  
talitate absorberi, nec impedire possumus istā

uoraginem, nec in nobis nec in ijs qui nobis  
sunt charissimi: futura uero, quā expectamus,  
uiceuersa absorptricem hanc mortalitatem  
absorbebit. Hanc rerum uicissitudinē pij ho-  
mines considerabunt, quo sese contra morta-  
litis adhuc regnantis ac quæuis uorantis in-  
gluuiem solentur.

QVI uero parauit nos in hoc ipsum, inquit,  
Deus est. ] Quoniam insolita, & humanum ca-  
ptum ac uotum quoque & cunctas nostras ui-  
res excedentia loquebatur, refert illorum per-  
fectionem ad Deum dicens: Qui uero parauit  
nos in hoc ipsum, Deus est. Græcè est κατεργά-  
σασθαι, id est, qui perfecit nos. Vetus interpres  
habet, qui autē efficit nos. Placet tamen quod  
Erasmus trāstulit: qui parauit nos. Chrysosto-  
mus quoniam reperit in præterito: qui perfe-  
cit nos, retulit ad opificium creationis ad hūc  
modum. Cum formaret nos ab initio è terra,  
non in hoc condidit, ut moreremur, sed ut nos  
immortales redderet. Verum non est insolēs  
Apostolo uerbis præteritis uti pro præsentibus,  
ut hic legi possit, qui uero parat nos in  
hoc ipsum, Deus est. Et magis probauero, si  
uerbum hoc parandi referamus ad operatio-  
nem Dei, non generalem illam qua genus hu-  
manum condidit è terra, sed speciale, qua ele-  
ctos suos singulari gratia & uirtute ad gloriā  
immortalitatis parat. Vt sit sensus. Qualis qua-  
lis sum in oculis mundi, & utut pro reiectamē-  
to habear, & reuera per meipsum nihil horum  
de quibus loquor in meipso efficere possum,  
qui me tamen in hoc parauit Deus est, qui ut  
cæpit ita & perficiet. Is me suo tempore cœle-  
sti & æterno immortalitatis indumento do-  
nabit. Alij tamen aliter exponunt. Quidam  
referūt ad naturalem affectum, quo se Paulus  
mortem horrere significat quod ille sit à Deo  
in nobis, qui nos tales condidit, ut mortem fu-  
giamus. Sensum hunc probare non possum.  
Licet enim affectus hic naturæ omnino sit à  
Deo, aliud est tamen si dicas: tales nos fecit  
Deus, & aliud si dicas cum Apostolo: qui nos  
in idipsum parauit Deus est.

Quidam ad desyderium futuræ immortali-  
tatis referunt quasi dicat Apostolus: qui no-  
bis desyderium hoc indidit Deus est. Si lege-  
retur ὁ δὲ ἐν ἐργασίᾳ μου ὁ ὁμοῦ αὐτοῦ τούτου, id est, qui in-  
operatur hoc ipsum in nobis aliquid rationis  
haberet hæc expositio. Verum quoniam dicit,  
ὁ δὲ κατεργάσασθαι μου ὁμοῦ αὐτοῦ τούτου, id est, qui per-  
ficiet, uel parauit, uel aptauit nos in hoc ipsum  
existimo non loqui ipsum de desyderio futu-  
ræ immortalitatis, sed de operatione Dei in  
electis, qua suos parat ad immortalitatem, ad  
quam eos ab æterno destinauit. Dico quid mi-  
hi uideatur. Liberum est lectori probare quā  
expositionem sequatur.

Obserua uero quod non in futuro dicit: qui  
parabit nos. Etenim ad immortalitatis in-  
dumentū acquirendū non demum parabitur,  
ubi iā induendū erit, sed quāto terrenū ipsius  
corpus crebriorib. afflictionib. atterebat quo-  
tidie,



SVPERINDVI defyderantes, inquit.] Vt if metaphora uestiendi, comparans corpus uesti mento, quod haftenus comparauit tabernaculo & domicilio. Sic pro sua diligentia rem eandem alijs atq; alijs figuris format, spectandamq; proponit. Quomodo autē cœlesti corpore quasi uestimento superindui defyderarit, exponit in sequentibus.

SI tamen induti, inquit, non nudi reperiemur.] Expositionem superinductionis subiicit. Qui prorsus nudi sunt, induuntur dum uestiuntur, qui uero nudi nō sunt, sed induti, nō induuntur, sed superinduantur, dum adhuc aliquo alio uestium genere supra id quo induti sunt, uestiuntur & ornantur. Huc respiciens dicit: Si tamen induti, non nudi reperiemur. Indutus tum erat terrestri corpore, non nudus. Sic comparatus nō poterat indui cœlesti, perinde ac si nudus, id est terrestri corpore exutus fuisset. Quoniam uero futurum est, ut in die resurrectionis multi adhuc in uiuis agāt, suntque nō nudi, sed induti, ideoq; cœlestibus corporibus non induendi, sed superinduendi, illō respiciens dicit, si tamen induti non nudi reperiemur. Quasi dicat. Si tamen in die domini, quando resurgent mortui, inter uiuos non inter mortuos, inter eos qui adhuc terrenis erunt corporibus induti, nō inter nudos, id est corporib<sup>9</sup> suis exutos reperiemur. Hic sensus per sequentia confirmatur.

Alij tamen aliter exponunt. Intelligūt eos fore uestitos, qui tum in ueste nuptiali, fide uidelicet Christi, adeoq; & ipso Christo, reperietur. Nudos uero cæteros, qui sine hac ueste in die domini comparebunt. Illos cœlesti gloria superinduendos, istos nequaquam. Sane quoniam omnes quidem mortui resurgent, tam reprobī quā fideles, haud tamen omnes cœlesti gloria decorabuntur, sed fideles tantum, haftenus non nudi, sed uestiti superinduentē. Verū si sequentia considerentur, prior sensus ad mentē Pauli propius accedere deprehēdet.

ET ENIM qui sumus, inquit, in hoc tabernaculo, gemimus onerati, propterea quod nolimus exui, sed superindui, ut absorbeat mortalitas à uita.] Præcedentem particulam exponit, quomodo uidelicet, & quare dixerit, si tamen induti nō nudi reperiemur. Rationem ex eo adducit, quod omnes homines, pij quoque, mortē corporis natura exhorrent, ideoq; pij, quoniam immortalitatis quidem sunt appetentes, & tamē à morte corporis abhorret, mallent sic uiui deprehensi absq; morte cœlestibus corporibus superindui, q̄ per mortē ueteri corpore nudari, ac sic immortalī ac nouo indui. Hoc sensu dicit: Etenim qui sumus in hoc tabernaculo, id est, quotquot pij terreno adhuc corpore circundamur, propter hoc gemimus onerati illius incolatu, quod licet nolimus illo per mortem exui, à qua natura abhorremus, superindui tamen nouo ac cœlesti cupiamus. Quomodo? Sic ut absorbeat inquit mortalitas, uel, ut in Græco est, & uetus ædi-

tio habet, quod mortale est, à uita. Id est, ut cœlestis uita, quæ cum nouo ac cœlesti corpore dat, ueteris mortalitātē & corruptionē absq; gustu mortis absorbeat, & repente ex terreno cœleste reddat. Eueniet hoc illis, qui uiui in die resurrectionis deprehendent. Hunc sensum & Lyranus tradit, nec Burgenfis reprehendit. Sic enim exponit: Si tamen uestiti & non nudi inueniemur, id est, si absq; dissolutione corporis corruptibilis quo utitur anima, ut uestimento posset superindui gloria, tunc absque aliquo impedimento appetitus gratiæ in hoc ferret, sed quia hoc est impossibile, ideo retardatur per naturalem appetitū dissolutionem corporis & animæ abhorrentis, propter quod subdit: Nam & qui sumus in hoc tabernaculo, i. in hoc corpore mortali, ingemiscimus grauati, de dissolutione corporis & animæ, eò q̄ noli m<sup>9</sup> expoliari corpore uidelicet p mortē, sed superuestiri. i. indui gloriæ uestimēto, &c. Hęc ille.

In eo quod dicit: Etenim qui sumus in hoc tabernaculo, gemimus onerati, obseruandum est, apostolos quoq; humanæ sortis ac miseriæ esse participes, donec uiuūt in hoc terreno habitaculo, ut & ipsi onerent illius molestijs, & onerati ingemiscāt, liberationēq; appetāt. Huiusmodi gemitus ut sunt naturales, ita nihil habent culpæ, nedū si sint ex fide ac defyderio futuræ corporū nostrorū redemptionis. Imò ipsa omnis creatura cōgemiscit nobiscū, & unā parturit usq; ad id tēporis quo à seruitute corruptionis in libertatē gloriæ filiorū Dei liberabit. Quare nihil minus habent eiusmodi gemitus, q̄ indicia impatientiæ. Ipsa patientia sanctorū plena est gemitibus ac suspirijs, quibus usque adeo nō offendit Deus, ut per prophetā dicat: Propter miseriā inopū, & gemitū pauperū nūc exurgā: ponā illis salutē etc. Psal. 12. Et Ezech. 9. frōtes uirorū gementiū securitatis nota signari iubet. Et Psal. 102. gemit<sup>9</sup> cōpeditōrū exaudiri ab illo canit: quin ipse spiritus postulat, p nobis gemitib. inenarrabilib. Ro. 8.

PROPTEREA, inquit, quod nolimus exui, sed superindui.] Ergo & sancti sic uellēt ad cœlestē futuræ uitæ gloriā peruenire, ut nō essent ipsis subeundi mortis dolores, & corpus hoc terrenū mortis interuētū exuendū. Nec est, ut existimemus sic animatos displicere dño, qui & ipse dicebat: Pater si fieri potest, transeat à me calix iste, ne bibā illū. Hic animus nō repugnat uoluntati Dei in sanctis, quia nō est obfirmatus in hac carnis infirmitate, obfirmatus uero est, in proposito obediendi diuinę uoluntati, unde & dicebat dominus: Veruntamen non sicut ego uolo, sed sicut tu uis.

Deinde & id sanctorū est, q̄ nō simpliciter dicit: Propterea quod nolimus exui, quasi amantes sint corporis terreni, & uitæ quā in illo uiuunt, nolintq; illis priuari, quemadmodū animati sunt filij huius sæculi, sed addit quid uelint, si ita uoluntas esset domini, cū dicit: sed superindui. Hoc uotū nō est hominū carnaliū, qui cœleste hoc indumentum, nec norunt, nec futu-



futurum, credunt, multo minus appetunt, sed A  
fidelium ac spiritualium tantum, quorum con-  
uersatio non est in hoc seculo sed in cœlis, ubi  
Christus est ad dexteram Dei.

S E D superindui inquit. ] Ergo in die resur-  
rectionis qui in hisce corporibus uiui reperi-  
entur, & illa quæ habent corpora non exuent  
sed retinebunt, & nouis illis ac cœlestibus su-  
perinduentur, ut corpora habeant duplicata,  
perinde ac si una ueste iudutus superinduatur  
& altera, atq; ita duplici sit ueste indutus. Re-  
spondeo. Non est hic Apostoli sensus. Verbo  
superinduendi loquitur non de nouo quodā  
corpore ueteri coniungendo, sed de gloria im-  
mortalitatis, ei corpori quod hic circumferi-  
mus superinduenda. Qualitatem glorificati  
corporis comparat nouo indumento, non no-  
ui corporis substantiam. Et id quod subiicit di-  
cēs: ut absorbeat mortalitas à uita, pulchre ex-  
ponit, qd uerbo superinduendi intelligat. Nō  
dicit: ut absorbeatur uetus corpus à nouo, ter-  
renum à cœlesti, mortuum à uiuo, sed, ut ab-  
sorbeatur mortalitas terreni corporis à uita,  
ne sit mors ipsa gustanda. Mortalitas terreni  
corporis qualitas est non ipsa substantia. Vbi  
illa absorbebitur per cœlestem uitam in uiuis,  
quod subita mutatione in momento tempo-  
ris fiet, non absorbebitur substantia corporis  
sed qualitas, qua mortale est & corruptibile.

V T absorbeatur mortalitas à uita inquit. ]  
Græcè est τὸ θνήσκειν, id est, mortale, quo corpora  
nostra sunt mortis capacia, imo morti obno-  
xia. Mortalitas hæc in omnem humani gene-  
ris carnem per primi hominis communis no-  
stri parentis peccatum peruenit, cuius memi-  
nit Apostolus Rom. 5.

Non dicit autem, ut absorbeatur mors, sed  
ut absorbeatur mortalitas à uita. Per mortali-  
tatem morti reddimur obnoxij. Illa absorpta  
nihil loci relinquitur morti. Imo mortalitate  
& incorruptibilitate corporū nostrorū subla-  
ta, ipsa quoq; mors sublata sit necesse est. Qua-  
de re in priori ad Corinthios cap. 15. scribit ad  
hunc modū. Cum autem corruptibile hoc in-  
duerit incorruptibilitatē, & mortale hoc in-  
duerit immortalitātē, tunc fiet sermo qui scri-  
ptus est: Absorpta est mors in uictoriam.

Illud, à uita, non est in Græco, ἀπὸ ζωῆς. sed cū  
articula ἀπὸ τῆς ζωῆς, id est, ab illa uita. Non enim  
de præsenti hac, sed cœlesti illa ac futura uita  
loquitur. Præsens hæc tam abest ut mortali-  
tem corporum nostrorum absorbeat, ut ma-  
gis ab illa absorbeatur. Re ipsa uidemus sic es-  
se comparatū quicquid uitæ in carne sub cœ-  
lo est, ut per mortalitatis ingluuiem absor-  
beatur. At ubi aduenerit immensa illa cœlestis  
uitæ uis perinde absorbebitur quicquid in no-  
bis mortale est, quēadmodū nocturnas tene-  
bras clarissimi solis exortu absorberi uidem⁹.

Obseruemus igitur quantum discriminis  
sit inter præsentem hanc uitam, & eam quæ  
dabitur in futuro. Præsentem, uidemus mor-  
talitate absorberi, nec impedire possumus istā

uoraginem, nec in nobis nec in ijs qui nobis  
sunt charissimi: futura uero, quā expectamus,  
uiceuersa absorptricem hanc mortalitatem  
absorbebit. Hanc rerum uicissitudinē pij ho-  
mines considerabunt, quo sese contra morta-  
litis adhuc regnantis ac quæuis uorantis in-  
gluuiem solentur.

QVI uero parauit nos in hoc ipsum, inquit,  
Deus est. ] Quoniam insolita, & humanum ca-  
ptum ac uotum quoque & cunctas nostras ui-  
res excedentia loquebatur, refert illorum per-  
fectionem ad Deum dicens: Qui uero parauit  
nos in hoc ipsum, Deus est. Græcè est καταργα-  
σάμενος, id est, qui perfecit nos. Vetus interpres  
habet, qui autē efficit nos. Placet tamen quod  
Erasmus trāstulit: qui parauit nos. Chrysosto-  
mus quoniam reperit in præterito: qui perfe-  
cit nos, retulit ad opificium creationis ad hūc  
modum. Cum formaret nos ab initio è terra,  
non in hoc condidit, ut moreremur, sed ut nos  
immortales redderet. Verum non est insolēs  
Apostolo uerbis præteritis uti pro præsenti-  
bus, ut hic legi possit, qui uero parat nos in  
hoc ipsum, Deus est. Et magis probauero, si  
uerbum hoc parandi referamus ad operatio-  
nem Dei, non generalem illam qua genus hu-  
manum condidit è terra, sed speciale, qua ele-  
ctos suos singulari gratia & uirtute ad gloriā  
immortalitatis parat. Vt sit sensus. Qualis qua-  
lis sum in oculis mundi, & utur pro reiectamē-  
to habear, & reuera per me ipsum nihil horum  
de quibus loquor in me ipso efficere possum,  
qui me tamen in hoc parauit Deus est, qui ut  
cæpit ita & perficiet. Is me suo tempore cœle-  
sti & æterno immortalitatis indumento do-  
nabit. Alij tamen aliter exponunt. Quidam  
referūt ad naturalem affectum, quo se Paulus  
mortem horrere significat quod ille sit à Deo  
in nobis, qui nos tales condidit, ut mortem fu-  
giamus. Sensem hunc probare non possum.  
Licet enim affectus hic naturæ omnino sit à  
Deo, aliud est tamen si dicas: tales nos fecit  
Deus, & aliud si dicas cum Apostolo: qui nos  
in id ipsum parauit Deus est.

Quidam ad desyderium futuræ immortali-  
tatis referunt quasi dicat Apostolus: qui no-  
bis desyderium hoc indidit Deus est. Si lege-  
retur ὁ θεὸς ὁ καταργασάμενος ἡμῶν αὐτὸ τὸ θάνατον, id est, qui in-  
operatur hoc ipsum in nobis aliquid rationis  
haberet hæc expositio. Verum quoniam dicit,  
ὁ θεὸς ὁ καταργασάμενος ἡμῶν ὡς αὐτὸ τὸ θάνατον, id est, qui per-  
ficiet, uel parauit, uel aptauit nos in hoc ipsum  
existimo non loqui ipsum de desyderio futu-  
ræ immortalitatis, sed de operatione Dei in  
electis, qua suos parat ad immortalitatem, ad  
quam eos ab æterno destinauit. Dico quid mi-  
hi uideatur. Liberum est lectori probare quā  
expositionem sequatur.

Obserua uero quod non in futuro dicit: qui  
parabit nos. Etenim ad immortalitatis in-  
dumentū acquirendū non demum parabitur,  
ubi iā induendū erit, sed quāto terrenū ipsius  
corpus crebriorib. afflictionib. atterebat quo-  
tidie,



tidie, tanto magis illum dñs ad immortalitatis ac cœlestis uitæ gloriam parabat. Perinde ac si architectus uetus tugurium demoliat, non ut nulla super sit domus amplius, sed ut illo destructo locus nouo ædificio pareat. Quæ admodum illic ueteris tugurij destructio ad nouam est structuram præparatio, ita & Apostolo eueniebat, ut dum terrenū ipsius domicilij destruebatur, ipse ad cœlestis & æterni domicilij consequutionem diuinitus pararetur. Quid sunt igitur Tyranni illi, hostes & aduersarii Christi aliud, qui sanctos Dei mille modis affligunt, ac terrena illorum domicilia destruunt, quàm Dei illos ad immortalitatis gloriâ parantis ministri faciētes qđ nō intelligūt?

QVI & dedit nobis arrabonem spiritus inquit.] Quasi dicat. Qui non solum opus suum operatur in nobis parans nos ad futuram gloriam, sed & de illo certos nos esse uolens dedit nobis arrabonem, ne quis dubitationi sit locus, spiritum uidelicet, quem in Christo accepimus, quem nobis esse uult loco arrabonis, quo de gratia sua & futura gloria certificemur. Sunt qui particulam hanc præcedenti sic esse subiectam existimant, ut modū illius exponat, quo uidelicet, paret suos Deus ad cœlestem gloriam. Verum, meo iudicio, simplicius est, ut sensum quæ as signauimus retineamus. De eo uero, quod spiritum uocat arrabonem, non est ut hic annotemus. Nam ea de re annotauimus suprâ circa calcem cap. primi, ubi eodem modo de spiritu loquutus est.

Itaq; bono animo sumus semper, & scimus, quod cum domi sumus in corpore, peregrinamur à domino. Per fidem enim ambulamus, & non per speciem. Confidimus autem & probamus magis per egre abesse à corpore, & præsentem adesse apud Deum. Quapropter contendimus, siue domi præsentem, siue foris per egre agentes, ut illi placeamus. Omnes enim nos manifestari oportet coram tribunali Christi, ut reportet unusquisque quæ per corpus sunt gesta, iuxta quod fecit, siue bonum siue malum.

Quod Græcam lectionem attinet, uidetur uerbum aliquod desyderari. Sic enim legitur: *δαρρῶντες ὁμῶς πάντοτε καὶ εἰδότες ὅτι ἐν δυνάμει τοῦ σώματος, καὶ ἐν δυνάμει ἀπὸ τοῦ κυρίου, διὰ τὴν πίστιν γὰρ περιπατοῦμεν ὁμῶς*, id est, semper igitur fidentes, uel, bono animo existentes, & scientes, quod cum domi sumus in hoc corpore, peregrinamur à domino. Per fidem enim ambulamus. Nondū expressum est uerbum aliquod quod sermonem huiusmodi compleat, ne quid desyderet lector. Vulgatus interpres simpliciter ut reperit, trātulit. Erasmus ut sermonem compleret, perinde reddidit ac si sit in Græco, *δαρρῶμεν ὁμῶς πάντοτε καὶ εἰδότες*, id est, itaque bono animo sumus sem-

per, & scimus. Sic participia in uerba ipsorum mutauit. Verum, meo iudicio, non erat necesse hoc facere. Contextus ipse, si non imperite diuellatur, satis medetur huic incommodo ad hunc uidelicet modum. Semper igitur fidentes uel audentes, & scientes, quod cum domi sumus in hoc corpore peregrinamur à domino (per fidem enim ambulamus, & non per speciem) magis confidimus & probamus peregrinari à corpore, & præsentem adesse apud dominum. Hanc seriem lectionis discerpserunt qui uelut nouum ac separatam quid, illud *δαρρῶμεν ὁμῶς πάντοτε καὶ εἰδότες* à præcedentibus posito interstitio auulserunt, cum ad complementum præcedentium pertineat.

Sensus autem est. Accepto igitur arrabone spiritus, certiq; facti parari nos à Deo ad recipiendum futuræ immortalitatis indumentū, semper quidem animo sumus confidenti, & cōtra quæuis discrimina audenti, quibus quotidie appetimur & afflictamur, scientes nos dum domi sumus in hoc corpore, illudq; tanquam terrenum domicilium incolimus, non esse præsentem coram domino, sed ab illo peregrinari (nam in hac peregrinatione à domino ambulamus non per speciem, sed per fidem) Verū confidimus & probamus magis id qđ ab hac est peregrinatione diuersum, ut uidelicet à corpore hoc peregrinantes præsentem simus apud dominum. Huc sese uota nostra indefinenter extendunt. Hunc præsentis loci sensum existimo esse manifestum, cui lucis aliquid adferret, si uocula *μεν*, id est, quidē, præmitteretur, cui postea *ἰ*, id est, uero, responderet, ac legeretur: *δαρρῶντες μεν ἰ πάντοτε*, id est, igitur semper quidem confidentes, uel audentes ac scientes, &c.

ITAQVE bono animo existentes semper, inquit.] Significat hoc dicens, nullis se afflictionibus sic premi, ut animum in causa Christi confidentem abijciat, sed quicquid malorū accadat semper pergere, audere, ac conari. Neque enim loquitur de animo per se, uel in se immoto ac firmo, quem nullæ possint afflictiones turbare, sed de animi sui confidentia & audacia, qua in ipsis afflictionibus ac periculis constitutus ea faciat docendo, prædicando, & fratrum animos erigendo: unde sibi ipse præsentissimum exitium accersere uideatur. Hoc erat semper *δαρρῶν*, quod ipsi loco dementiæ, temeritatis & spiritus irrequieti imputabat. Quare Erasmus rectius uertisset. Itaq; cōfidenti animo, quàm itaq; bono animo sumus semper. Sane causam non habuit ueterem uersionem hic loco mouendi, quæ habet, Audentes igitur semper.

ET sciētes, inquit, quod cum domi sumus in corpore, peregrinamur à domino.] Duæ Græcæ dictiones, quas hic ponit Apostolus, *ἐν δυνάμει*, uidelicet & *ἐν δυνάμει* non possunt duabus Latinis cōsimilibus pari elegātia reddi. *ἐν δυνάμει* significat agere in populo, ac domo sua, *ἐν δυνάμει* uero diuersum significat, agere uidelicet



delicet inter alienos & externos, in regionibus remotis, abesse à populo ac domo sua, & in summa, peregrinari. Quod igitur dicit: *ἐν δυνάμει καὶ ἐν τῷ σώματι*, uerti potest, quod cum agimus ac uersamur in corpore, nec opus est, ut reddamus, cum domi sumus in corpore. Esse in corpore, agere in corpore, uersari in corpore, est *ἐν δυνάμει καὶ ἐν τῷ σώματι*.

**Q**UOD cū domi sumus in corpore, inquit, peregrinamur à domino. Quasi dicat. Scimus huius nostræ uitæ incolatum quo uersamur in hoc corpore, sic esse comparatum, ut donec in illo sumus, peregrinemur à domino. Quæsierit autem hic quisquam, an corpus nostrum tam sit remotū à domino, ut quotquot in illo agimus, propter illud excludamur à domino, simusque ab illo remoti ac peregrini, quemadmodum hæc uerba Apostoli sonare uidentur. Ecquomodo hæc sententia reliquis scripturis conueniat, quales sunt: An nescitis, quod corpora uestra membra sunt Christi? Item: An nescitis quod corpus uestrum templum est inhabitantis in uobis spiritus sancti, quem habetis à Deo?

Respondeo. Nō negat hæc Apostolus. Neque illa præsentī sententiæ contradicunt. Corpora nostra non sunt aliena à Christo, cuius utique sunt membra. Et interea tamen multū discriminis est inter societatem qua Christo in hac terrena uita constituti coniungimur, & eā qua illi terreno corpore exuti, in cœlesti uita coniungemur. Christus terrā hanc relinquens cœlos ascendit, ad mansiones cœlestes & æternas, & futurum promisit, ut nos quoque ad illas tanquam ad sedes patrias subuehat, secūq; habeat in sempiternum. Hic cum agat usque ad diem iudicij, nos uero in corpore existentes terras incolamus, utique peregrinamur ab illo, idque peregrinatione tam longinqua, q̄ longinquo spacio terra dirimitur à sede cœlesti. Hæc est simplex Christianorum theologia, quæ à nonnullis contentiosis hodie mirum in modum discerpitur. Secundum hanc loquitur Apostolus cum dicit: Et scientes quod cum agimus in corpore, peregrinamur à domino.

Cæterum duo hæc simul sunt cogitanda. Vnum, quod licet peregrinemur à domino, ille tamen uirtute spiritus sui non deserit nos, sed corda nostra inhabitat, nobiscum existens usque ad consummationem sæculi, sicque fidelium suorum conuentus sanctificat, ut se in medio illorum fore promittat dicens: Vbi cūque fuerint duo uel tres in nomine meo congregati, ibi sum in medio eorum. Alterum, licet ille cœlestes mansiones inhabitet, & nos hic peregrinemur corpore in terris, cordibus tamen usque ad eum ascendimus, sicut cōuersatio nostra in cœlis magis sit quam in terris. Sic peregrinatione ista non impedimur, quominus spiritalibus recreationibus subinde erigamur, consortioq; fruamur, etsi non per omnia ex parte tamen cœlesti.

**P**ER fidem enim ambulamus, inquit, non

**A** per speciem.] Parenthesis hæc probationis est gratia inserta, ad comprobandū, quod nos in corpore existentes à domino peregrinari dixit. Quasi enim hoc audiēs aliquis dicat: Quo modo peregrini sumus à domino, in quo uiuimus, & quem in nobis uiuentem habemus? Peregrinari nos, inquit, à domino, dum in corpore ambulamus, uel per id abunde manifestum est, quod omnis hæc uita nostra uita est fidei non speciei. Ambulamus quidem cum domino, uerum non in specie, id est, facie ad faciem, in ipso illius aspectu præsentēs, quemadmodum cum illo erimus in uita futura, sed per fidem, qua illi adheremus, qua opem illius imploramus, qua futura speramus & expectamus, qua, in summa, non apparentia & non præsentia credendo ac fidendo apprehendimus, quæ fides in futuro sæculo, ubi ambula-bimus in specie, locum non habebit, sed præsentis tantum est uitæ, ideoque certo comprobatur, donec per ipsam ambulamus peregrinari nos à domino. Poterat alia comprobare ratione quod dicebat, uerum hæc & Christiana est in Christianis tantum locum habens, & simul certo quod uult euincit. Perinde habet hæc ratio, ac si filijs regis in regione aliena degentibus persuasurus quod peregrinentur à patre ac sede paterna dicas: Etenim ambulatis non in illius aspectu præsentēs, sed in fide, qua creditis nuncijs ac literis quas ille ad uos mittit, & uicissim nuncijs ac literis cum illo agitis.

**B** Hæc frequentia paternorum nunciorum, scriptorum ac rescriptorum, tam non est eorum qui in domo paterna agant, ut magis etiā cōprobet, quod ab illa peregrinemini. Consimili modo habet & nostra conditio. In peregrinatione hac non destituimur paternæ prouidentię solatijs. Habemus illius uerbum & literas, & nuncios, & spiritum. Verum hæc ipsa comprobant, non agere nos in illius aspectu, sicuti agem' in futuro, sed peregrinari ab illo.

**C**ONFIDIMVS uero & probamus magis peregrinari à corpore, inquit, & præsentēs esse apud dominum.] Aperit hisce uerbis perpetuum cordis sui desiderium, quo ex hac præsentī peregrinatione liberatus in cœlis cū domino agere cupiebat, id quod alibi sic exprimit: Cupio enim dissolui & esse cum Christo. Peregrinationem qua in corpore suo peregrinabatur à domino, pro uoluntate domini patienter ferebat, at interim terminata illa apud dominum agere cupiebat. Videmus hic duo esse peregrinationum genera, sic à seinuicē diuisa, ut simul esse nequeant, sed necesse sit, durante altera alteram quiescere. Vna est præsentis uitæ, qua peregrinamur à domino, altera post mortem, qua peregrinamur à corpore. Peregrinantes à domino non possumus peregrinari à corpore. A corpore peregrinantes peregrinari à domino non possumus.

Deinde uidemus sic comparatos esse sanctos, ut quoniam præsentem in corpore uitæ peregrinationis loco habet, cupiant eam terminari,



minari, ac peregrinari à corpore, idq; non simpliciter, sed deſyderio agendi in conſpectu domini. Quare non ſimpliciter dicit: probamus magis peregrinari à corpore, ſed addit, & præſentes adeſſe apud dominum. Non mox præſens eſt apud dominum, quiſquis peregrinatur à corpore. Nam & impij peregrinantur à corpore, ubi illo fuerint per mortem exuti, de quibus tamen credere fas non eſt, ut poſt mortem ſint apud dominum, quemadmodum apud eum ſunt electi. Paulus cupiebat peregrinari à corpore magis quàm à domino. Impij cupiunt peregrinari à domino magis quàm à corpore. Inuenias multos qui & ipſi à corpore peregrinari cupiant, apud ethnicoſ quoque, quorum nonnulli ſeipſi à corporis incolatu liberarunt, alius ne incideret in manus hoſtis, alius ne præſentem ignominiam quam horrebat, ferre cogeretur, alius ne dolores corporis quibus premebatur diutius ſuſtineret. Verùm Apoſtolus alium finem ſpectans, non hoc tantum quærebat, ut corporis liberaretur moleſtijs, ſed ut præſens eſſet apud dominum.

Eſt locus hic diligenter obſeruandus. De ſtatu mortuorum alius aliud ſomniat. Expedita hic illius ratio proponitur. Apoſtolus homo Chriſtianus dum uotum ac deſyderium ſuum exprimit, quo à corpore peregrinari cupit, quo præſens ſit apud dominum, non hoc tantum oſtendit, quid deſyderare debeât Chriſtiani, ſed & quid certo ſperare. Hoc uidelicet, ut poſt mortem hanc terreno corpore exuti apud dominum futuri ſint præſentes. An debemus hoc dare Apoſtolo quod rem in uotis habuerit haudquaquam futuram? aut quæ cæteris non ſit ſperanda Chriſtianis? Abſit, quod credebat ſperabat, quod ſperabat optabat, nec ſcribebat Chriſtianis de re ad ipſos haud communiter pertinente.

Et illud obſeruet diligens lector, quomodo uerbo peregrinandi utatur. Præſenti corporis uitæ tribuit peregrinationem, quæ ſit à domino. Illa ſanè nota eſt, quàm ſit breuis. Deinde & eam uitæ noſtræ partem, quæ inter mortem corporis & diem reſurrectionis intercedit, peregrinationem uocat à corpore. Hæc nobis adhuc eſt incognita. Eſt enim cognitio illius non intellectu, ſed ſola experientia capienda. Quid igitur mors eſt corporis, quàm mutatio peregrinationis? Secundà illa peregrinatio nulla tertià mutabitur. Etenim illa finita, nec à domino nec à corpore peregrinabimur, ſed utrique & domino & corpori præſentes erimus in ſempiternum.

QUAPROPTER & contendimus, inquit, ſiue domi præſentes, ſiue foris peregre agentes ut illi placeamus.] Græca duabus dictionibus exprimuntur ad hunc modum: *ἢ ἐν τῷ σώματι, ἢ ἐκ τοῦ σώματος*, id eſt, ſiue domi agentes, ſiue peregrinantes. Verus habet, ſiue abſentes ſiue præſentes. Eſt autem amphibolum quo referas. Nam quod dicit, ſiue domi agentes, ſiue peregrinantes, referri poteſt tam ad domi

num quàm ad corpus. Ad dominum ſic, ſiue domi agentes apud dominum, ſiue peregrinantes ab illo. Ad corpus ſic, ſiue domi agentes in corpore, ſiue à corpore peregrinantes.

Declarat quid ex dicto ſibi uoto naſcatur, quo probabat magis peregrinari à corpore, & præſens eſſe apud dominum. Hoc uidelicet, ut pro uiribus contendat placere domino, ſiue hic in peregrinatione, ſiue illic præſens apud ipſum conſtitutus. Principio non ſimpliciter dicit: contendimus, ſed, quapropter & cōtendimus. Significans ſtudium hoc placendi domino ex eo ſibi potiſſimum naſci, quod aſpirabat ad felicitatem illam, qua ſe apud dominum præſentem fore & ſperabat & optabat. Quis enim non cupiat impenſe illi placere, cū quo ſe in ſempiternum feliciter acturum ſperat? Si gratificari ſtudemus illis quibus ad horam uel coniungimur uel ſubijcimus, quanto magis faciendum hoc erga eum eſt, cum quo præſentes erimus in ſempiternum? qui ſi dixerit: diſcedite à me, non noui uos, in æternum nos exitium abijciet?

Deinde non ſimpliciter dicit: Quapropter placere illi cupimus, ne hoc ſibi in uotis tantum eſſe uideatur, ſed: Quapropter contendimus, ut illi placeamus. *φιλοτιμώμεθα*, inquit, id eſt magno ſtudio conamur & annitimur. Qui ſic contendunt, nihil non faciunt quod ipſi placeat, nihil non omittunt, quod ipſi diſplicere iudicauerint, cui ſe in omnibus approbare cupiunt. Hoc perpetuum debet eſſe uerorum Chriſtianorum ſtudium, uerum ſic, ut in meta uerbi dominici conſiſtant, ne ſi extra illam præſumant, quibus domino gratificari ſe putauerint, audiant hoc ab illo: Fruſtra colunt me docentes doctrinas & mandata hominum.

Tertio, non eſt ocioſum, quod non ſimpliciter dicit, quapropter cōtendimus, ut illi placeamus, ſed, quapropter cōtendimus, ſiue domi agentes ſiue peregrinantes, ut illi placeamus. Inuenias qui cupiant placere domino, ubi agendum eſt poſt mortem in illius præſentia, de hac præſenti uero uita, qua ab illo peregrinamur, parum ſint ſoliciti. At uerus Chriſtianus non minus illi placere contendit, dum adhuc ab illo peregrinatur, quàm dum præſens eſt apud illum futurus. Quare Apoſtolus ſatis uigilanter utrūq; expreſſit. Etenim qui ex animo gratificari cuipiã ſtudet, non minus abſenti quàm præſenti placere contendit.

Verum naſcitur hic quæſtio, quomodo uerbum contendendi referri poſſit ad tēpus quo poſt mortem præſentes erimus apud dominum. Studium cōtendendi, ut placeamus domino, præſenti uitæ conuenit, futuræ quomodo cōueniat, edicere non poſſum. Quare mirum uideſ quomodo ſe Apoſtolus ſiue præſens in corpore, ſiue peregrinus à corpore cōtendere dicat, ut domino placeat. Reſpōdeo. Si quod in Græco habetur ſimpliciter eſſet, ut habet, uerſum, nulla eſſet hic quæſtio. Habetur aut in Græco ad hunc modum, *ἵνα καὶ φιλοτιμώμεθα, ἢ ἐν τῷ σώματι, ἢ ἐκ τοῦ σώματος*



ἄτι ἰνδηνμοῦντις ἰνδρηγοῖ αὐτῷ ἄναι. Hic uerbum contendimus, non sic est positum, ut necessario sit ad duo participia, ἰνδηνμοῦντις, & ἰνδηνμοῦντις referendum, sed, ut pertineat ad id quod sequitur, ἰνδρηγοῖ αὐτῷ ἄναι. Dicit enim se Apostolus contendere, ut placeat domino, siue sit in corpore siue extra corpus apud dominū. Quare potest sic uerti. Ideo contendimus, ut illi siue domi agentes siue peregrinantes placeamus. Si dicas: Contendimus ut siue uiui simus siue mortui, domino placeamus, utiq; nulla datur occasio disputandi de eo, quomodo mortui contendere possint, ut placeant domino. Verū datur illa in uersione Erasmi, dum reddidit ad hunc modum: Quapropter contendimus siue domi præsentes, siue foris peregre agētes, ut illi placeamus. Hac inconsulta uersione uerbum contendendi quasi studio ad mox sequentia, siue domi præsentes, siue foris peregre agentes cōnectitur, & ab eo, ad quod pertinet, uidelicet, ut illi placeamus, auellitur. Non insector inter pretem multis modis clarum, sed simplicitatem uerborum Apostoli ab occasione friuolarum quæstionum uindico.

OMNES enim nos manifestari oportet coram tribunali Christi inquit, ut reportet unusquisque, &c.] Haftenus Corinthijs exposuit, quomodo erga præsents uitæ incolatum animatus sit ipse, ac quo studio contēdat, ut Christo domino siue in corpore siue extra corpus constitutus placeat, iam ut illis terrorem incutiat, animosque eorum ad consimile studiū prouocet, admonet eos futuri iudicij, in quo reddendum sit unicuique secundum quod gessit in corpore siue bonum siue malum. Huius futuri iudicij respectum eo sibi facere dicit, ut summopere domino tanquam futuro omniū iudici placere studeat. Ideo cum dixisset: Quapropter contēdimus ut siue domi præsentes, siue foris peregre agentes illi placeamus, generalem hanc sententiam rationis loco subiecit dicens: Nam omnes nos manifestari oportet coram tribunali Christi, ut reportet unusquisque quæ facta sunt per corpus, &c.

Dices: Conuenit ne metu iudicij futuri impellere Christianos, ut Christo domino tanquā iudici placere studeant, & non magis ad hoc allicere, ut ex charitatis affectu & Christiana obseruantia placere illi tanquam Seruatori ac redemptori contendat, ad quem modum animatus erat ipse Apostolus. Respōdeo. Non est propositum Apostoli spiritum timoris plātare in cordibus fidelium, ut illo ad quaecūque studium religionis perducantur, sed accommodat se ecclesiæ Corinthiorum, in qua erāt pseudapostoli illorumq; discipuli, quorū corda non erant integra erga dominum, erāt multī carnales & impoenitentes, qui nihil agebāt minus quā ut domino placerent, quem nisi contēpsissent, haudquāq; in impoenitentia sua perseuerassent. Illis omnibus terrore incutere uolēs, mentionē inducit futuri iudicij, in quo corā tribunali Christi manifestādi sint omnes.

Placuit autem illi uerbum manifestādi. Poterat dicere: Omnes enim nos sistemur coram tribunali Christi, quo uerbo usus est in Romanis cap. 14. ubi eandem sententiam posuit. Verum appositissime usurpauit uerbum manifestandi dicēs: Omnes enim nos manifestari oportet corā tribunali Christi, ut perstringat hypocrisim pseudapostolorum, qui se transfigurabant in apostolos Christi, & interea Apostolatū ipsius omnium contemptui calumnijs suis exponere moliebantur, cum essent ipsissimi Apostoli Satanæ. Hanc illorum malitiam in obscuro adhuc grassantem manifestā aliquando fore minatur, in die uidelicet domini, qui & ob id reuelationis dies uocatur, propterea quod in illo manifesta erūt consilia cordium. Huic manifestationi se quoque & omnem suum Apostolatū subiicit dicens: Omnes enim nos manifestari oportet coram tribunali Christi. Idem fecit & 1. Cor. 4. ubi dicit: Qui me uero iudicat dominus. Proinde ne ante tempus quicquam iudicetis, donec uenerit dominus, qui & illustraturus est occulta tenebrarum, & patefaciet consilia cordium, ac tūc laus erit unicuique à Deo.

Seruit igitur sententia hæc: omnes nos manifestari oportet coram tribunali Christi, illis potissimum temporibus, in quibus regnat in ecclesia reproborum hominū hypocrisis, quæ se pro apostolis Christi, uicarijs, episcopis, prælatis, ac pastoribus uenditāt, cum sint lupi graues, non parcentes gregi, & interea contradicentes hæreseos damnant, & mille mortibus cruciandos ac necandos abijciunt. Hic uerus Christi minister securā conscientia causam suā contra pseudapostolos & contra impiam illorum condemnationem trāsferet ad futurum Christi tribunal dicens: Omnes nos manifestari oportet coram tribunali Christi. Videt inimicos Christi hypocritas regnare in tenebris, & hinc fieri, ut qui falsi sunt pastores pro ueris, & qui ueri pro falsis habeant. Occulta hæc tenebrarum coram tribunali Christi reregāda ac manifestāda sciens, omnes iniurias à reprobis illatas patienter tolerat, & causam suā diei reuelationis commendat.

OMNES nos, inquit, manifestari oportet.] Manifestatur quod antea fuerat obscurū. De manifestis non recte dicitur, quod manifestentur. Iam si nos omnes manifestari oportet coram tribunali Christi, consequitur eos quoque manifestandos esse, qui in concilijs pontificū pro hæreticis publicantur ac manifestantur. Exēpli gratia: Iohannes Hus & Hieronymus Pragenlis in concilio Constantiensi pro hæreticis declarati sunt ac manifestati. Et illis igitur restat tribunal Christi, coram quo manifestentur, si nos omnes coram illo manifestari oportet. Nemo igitur sententię Synodali innitatur, quasi per illam iusta sit manifestatio falsorum ac uerorum ministrorum, sed tribuat illam diei domini, in quo tandem ueraciter ac finaliter manifestabuntur omnes, id est, declarabuntur.



rabuntur qui sunt & quales, detrahetur ipsis A imposita larua, protrahetur in lucem quod in oculis mundi altissimis tenebris abditum latuit. Sunt autem manifestationis huius duae partes. Vna qua manifestabitur, non esse nos eos, pro quibus habiti fuimus in saeculo. Altera, qua patefiet, qui simus.

Non est autem trāseundum, quod non simpliciter dicit: Omnes enim nos manifestabimur, sed: Omnes enim nos manifestari oportet. Quarendum hic fuerit quare nos omnes manifestari oporteat coram tribunali Christi, quae sit ista manifestandi necessitas. Si consideremus tam futurae quam praesentis huius uitae circumstantias, diuinæ iusticiæ equitatē, ac futuri iudicii rationem, facile patebit, quare sic fieri oporteat, ut omnium omnia coram tribunali Christi manifestentur. In hac praesenti uita res magnę humanorum iudiciorum tenebris obscurantur magis quam manifestantur, ac studia mortalium simulationibus ac dissimulationibus obteguntur, atq; ita in hoc saeculo nec ante nec post mortem nostram reuelantur, sed abscondita ac sepulta iacent. Quoniam igitur non manifesta modo sed & occulta hominum consilia studia & facta iudicio Dei sunt obnoxia, necesse erit ut manifestentur, & manifestata iudicent. In futura uita lux erit, cui non conueniet, ut occultū quid & absconditum in filiis lucis esse sinat. Quare & illius respectu necessariū est, ut in iudicio Christi omnia manifestentur. Et ipsius iudicii ratio hoc poscit, ut iustum nō modo sit, sed & iustū esse appareat in uniuersum omnibus. Huc faciet omnium manifestatio, per quam iudiciū falsorum apostolorum omniū esse iustissimū declarabitur. Ipse etiam finalis segregatio bonorum ac reproborum, ouium & hædorum manifestationem hanc necessario requireret. In summa sic dispensabitur extremum illud & uniuersale iudiciū ut iusticia & æquitas illius ultro omnium oculos incurrat, id quod manifestatio hæc efficiet.

CORAM tribunali Christi, inquit.] Quare non dicit: coram tribunali Dei, sed, coram tribunali Christi? Quia nō de quouis iudicio Dei loquitur, quod in hoc saeculo exercet, sed specialiter de iudicio extremo in quo semel palā & conspicuus omnibus in fine mundi sedebit ad iudicandum Christus dominus, iudicabitque de omnibus tam mortuis quam uiuis. Huius tribunalis terrorem singulari studio inculcare illis uoluit, quorum corda sentiebat non esse erga Christum fidelia & integra.

UT reportet unusquisq; inquit, quę per corpus sunt gesta, iuxta quod fecit, siue bonum siue malum.] Hunc finem ponit manifestatio nis omnium, retributionē uidelicet eorū quę facimus in hac uita. Neq; enim satis erit manifestum fieri, sed ut iusti iudicii norma seruetur, retribuetur unicuiq; secundum quod gessit bonum uel malum. Nemo uel hic excipitur. Ut reportet unusquisq; inquit. Omnes manifesta

bimur, omnes reportabimus secundum quod in hac uita gessimus. Sed dices: Quis igitur seruabitur? An non propheta deprecans iudiciū Dei dicit: Ne intres in iudiciū cum seruo tuo domine, quia non iustificabitur in conspectu tuo ullus uiuens? Si iudicandum de nobis est secundum quod gessimus in corpore, ne unū quidē pro mille respondere poterimus? Quid ergo consequetur aliud, quam ut seruetur nemo, damnemur omnes? Et quę utilitas nobis ex eo est quod credimus in Christum unigenitum Dei ac Seruatorem peccatorum? Deniq; quę ueritas in uerbo illius remanebit, quo dicit: Qui sermonē meum audit & credit ei qui misit me, habet uitam æternam, & in iudiciū non ueniet, sed transiit à morte in uitam? Et quid est quod hic Apostolus Rom. cap. 8. nullam his dicit inesse condemnationem, qui infiti sunt Christo Iesu? Deniq; quomodo tota illa iustificationis doctrina consistet, quam hic Apostolus tam diligenter tradidit, si standum nobis erit uel cadendum in iudicio secundum factorum nostrorū exigentiam? Etenim licet Christiani sumus, à peccatis tamen nondū sic liberi sumus, ut nihil peccemus in uniuersum.

Respondeo. Omnino sic habet. Reportabit in die iudicii unusquisq; nostrum, iuxta quod gessit siue bonum siue malum. Et tamen nihil decedit ex eo doctrinæ gratiæ. Qui uiri fideles sunt, opus Dei faciunt credentes in Christum. Iohan. 6. Ex illo utiq; reportabunt iustificationem & uitam æternam, secundum dominicam promissionem & doctrinam Apostolicam. Quæ subinde peccant, hic illis remittuntur per sanguinem ac propiciationem Christi. I. Iohan. 1. 2. Bona quæ faciunt reportabūt clamante Christo: Venite benedicti patris mei, percipite regnum, quod paratum est uobis à constitutione mundi. Esuriui, & dedistis mihi cibum, sitiui, & dedistis mihi potum, &c. Qui uero reprobi sunt mala quæ hic faciunt reportabunt & ipsi. Ite, inquit maledicti in ignem æternum, qui paratus est diabolo & angelis eius. Esuriui enim & non dedistis mihi cibum, &c. Sic reportabunt electi ac fideles fidei suæ fructus, reprobi uero perfidiæ suę mercedem. Sic synceri Christi ministri, bonū reportabunt ex eo quod fideles in opere domini fuerunt, audientq; illud: Euge serue bone & fidelis intra in gaudium domini tui. Sic pseudapostoli, operarij iniquitatis, malum reportabūt ex eo quod perfidi fuerunt in opere domini, audientque illud: Discedite à me operarij iniqui. Non noui uos. Hæc futuri iudicii norma nihil incōmodabit cœlesti gratiæ, qua per sanguinē Christi seruantur electi & ueri fideles. Neque enim remissio illa peccatorum, quæ per Euangelium Dei prædicatur, usq; ad tempus iudicii tatum durat, sed firma permanet in sempiternum.

QUAE gesta sunt per corpus, inquit, iuxta id quod fecit siue bonum siue malum. Quid est quod dicit: quæ sunt per corpus, iuxta id quod fecit? An in die iudicii ea tantū reportabimus quæ



que corpore ac manibus gessimus, opera crassa & actu transeuntia, sic ut nulla habeatur ratio spiritalium, qualia sunt fides, incredulitas, spes & desperatio, charitas & odium, patientia & impatientia, misericordia & immisericordia, humilitas & superbia, & quæ alia sunt huiusmodi, unde uel boni uel mali censemur? Si hæc quoque in iudicium uenient, quid est quod dicit: quæ iusta sunt per corpus, iuxta quod fecit. Respondeo. Non diuidit Apostolus inter opera corporis & affectus cordis. Illud enim *τὰ διὰ τὸ σῶμα* idem ipsi hoc loco est, quod *ἐν τῷ σώματι*, id est, quæ in corpore gesta sunt. Intelligit enim omnia ea quæ facimus in hac uita dum in corpore hoc habitamus. Et uerbum *ἐργαζομαι*, æque pertinet ad affectum cordis atque ad opera corporis. Significat aliquid agere, siue id corde fiat, siue externo aliquo corporis organo.

**1 V X T A** id quod fecit, inquit, siue bonum siue malum. Non dicit: Ut reportet unusquisque quod fecit, sed iuxta id quod fecit. Id est, secundum qualitatem eorum quæ fecit. Non loquitur autem de qualitate operum nostrorum qua digna uel indigna in se censeantur (alioqui calix aquæ frigidæ quanti erit faciendus?) sed qua bona bona sunt, mala mala. Vnde & addit: siue bonum siue malum. Si boni quid feceris, reportabis illius fructum, eumque non sic ad mensuratum, ut præcise dignitati boni operis respondeat, sed secundum magnificentiam diuinæ maiestatis, quæ minuta bona liberalissime remunerat. Si male egeris, recipies secundum mensuram iusticiæ ac iusti iudicii.

Scientes igitur terrorem illum domini suademus hominibus, Deo uero manifesti sumus. Spero autem nos & in cōscientiis uestris manifestos esse. Non enim iterum commendamus nos ipsos uobis, sed occasionem damus uobis gloriæ de nobis ut aliquid habeatis aduersus eos, qui in facie gloriantur & non in corde.

In præcedentibus significauit, quo sibi tribunalis Christi respectus seruiat, ad hoc uidelicet, ut in omnibus illi placere cōtendat. Iam de eo subiicit, quid hinc colligat proponendum & suadendum alijs. Scientes igitur, inquit, terrorem illum domini, suademus hominibus. Sunt hæc uerba amphibolice posita. Possunt enim bifariam accipi. 1. Primo sic. Scientes igitur ista, timorem domini suademus hominibus. Hoc est, quoniam futurum scimus ut manifestari nos oporteat omnes coram tribunali Christi, ut reportet unusquisque quæ gesta sunt per corpus, iuxta id quod gessit, siue bonum siue malum, suademus hominibus docendo, admonendo, hortando, instando & urgendo, ut timeant dominum, illumque in omnibus obseruent. 2. Deinde ad hunc modum. Sciētes igitur timorem hunc domini. Hoc est: Sciētes igitur, quod sit timendus dominus, futurus omnium iudex, suademus hominibus, ut timentes illū

**A** pietati studeant. Vtrobique subintelligendum est aliquid. In priore sensu, illud: Scientes igitur, absoluendum uidetur si addas, ista. In posteriore, illud, suademus hominibus, desiderare uidetur, ut dominum timeant & obseruent. Nihil est periculi priorem ne uel posteriorem amplectamur. Prior tamen mihi magis arridet.

**SCIENTES** igitur, timorem domini suademus hominibus, inquit. Obserua quod dicit: Scientes suademus. Hoc genus suadendi, quod ex certa scientia promanat, omnium sollet esse urgentissimum ac fortissimum. Non nascitur ex supremis labris, non sumitur ex aliorum scriptis, sed ex uiuo sensu ueritatis, in quo nullus est dubitationi locus. Tales suasores conueniet esse ueros Christi ministros.

Vnde autem hæc erat illi scientia, cum de re loquatur in fine demum mundi futura, ad cuius certitudinem nulla humani ingenij ratio pertingit? Scientiam pro fidei certitudine posuit. Quod certo futurum credebat, id se scire dicit. Sed hac de re diximus & antea.

**TIMOREM** domini suademus hominibus, inquit. Quid est quod non dicit: suademus uobis, aut ecclesijs, uel fidelibus, sed hominibus? Loquitur non de fidelibus tantum, sed de omnibus hominibus in genere præsertim nondum credentibus in Christum. Habebat hoc in more, ut in primis de Christo concionibus inculcaret hominibus futurum illud iudicium, quo iudicaturus est dominus uiuos & mortuos, quo animos eorum timore domini percelleret. Huius rei exempla uidemus Act. 17. & 24. Decimoseptimo differens ad Athenienses inter cætera dicit: Et tempora quidem huius ignorantia cum hætenus dissimularit Deus, nunc annunciat hominibus, ut omnes ubique resipiscant, eo quod statuit diem in quo iudicaturus est orbe terrarum cum iusticia, per eum uirum per quem decreuit fide præstita omnibus, cum excitauit illum ex mortuis. Vicesimo quarto capite sic legimus. Post aliquot autem dies cum aduenisset Felix cum Drusilla uxore sua, quæ erat Iudæa, accersuit Paulum, & audiuit ab eo fidem quæ est in Christum. Disputante autem illo de iusticia & temperantia & de iudicio futuro, tremefactus Felix respondit, in præsentia abi, &c. His exemplis satis manifeste uidemus, quomodo hominibus Apostolus timorem domini suafurus futurum iudicium inculcarit. Et ad Ebr. 6. inter prima Christianæ doctrinæ elementa recensetur & iudicium æternum. Et Petrus in Act. cap. 10. hoc dominum post resurrectionem apostolis suis præcepisse dicit, ut prædicarent populo ac testificarentur, quod ipse sit constitutus à Deo iudex uiuorum ac mortuorum. Et hoc dubio procul diligentissime perfecerunt. Hoc intelligēs Paulus dicit: Scientes igitur oportere nos omnes manifestari coram tribunali Christi, timorem domini suademus hominibus. Vtinam autem persuaderi nobis possit timor hic domini, qui iam à maioribus nostris multis sæculis fidem in Christi



stum profiteamur, uidemus re ipsa paucissimos A esse qui uera religione dominum timeant.

DE O uero manifesti sumus, inquit, spero autem nos & in conscientijs uestris manifestos esse.] Habent ista occupationē. Dicturi erant pseudapostoli. Hic homo tribuit sibi ipse plurimum. Occupat dicens: Suademus quę recta sunt hominibus, nos uero quod attinet, Deo manifesti sumus, qui corda nouit omnium. Et quod uitam & doctrinam nostram attinet uobis quoque non sumus incogniti. Nam conscientijs uestris manifestos nos esse spero.

Obseruent, qui sic uitam suam instituunt in hoc sæculo ut profundent sua consilia abscondantque; ac dicant quis uidet nos? Stultissimū plane & impium est quod faciunt. Impiū, quod non cogitant manifestos esse se Deo. Huiusmodi impietate perstringit propheta Psal. 94. ubi sic legimus. Et dicunt: non uidet dominus, & non intelligit Deus Iacob. Intelligite insipientes in populo, & stulti quando eritis prudentes? An qui plantat aurem non audit? qui format oculum, non uidet? An qui castigat gentes, non redarguet? qui docet hominem scientiam. Dominus nouit cogitationes hominum quod uanę sunt. Hęc ibi. Impietas ista & Esaia 29. reprehenditur. Stultissimum est, quod a conscientijs hominum quoque abscondi se posse putant, cum quibus uiuunt & agunt. Etenim etsi ad tempus fallunt, simulatio tamen omnis sic est comparata, ut non diu decipiat. Addo manifestum etiam malicię argumentum esse in eo quod conscientias hominum fallere satagunt. Si uiri boni essent, & recte agerent omnia, diceret utique; & ipsi cum Paulo. Speramus nos esse in conscientijs hominum manifestos. In summa, admonet nos hic locus, fieri non posse quin manifesti siamus. Primum enim manifesti sumus Deo semper & in omnibus, deinde efficere non poterimus quin & hominibus, & si non omnibus nonnullis tamen, & forsitan ijs quibus omnium minime uolumus, manifesti siamus in hoc mundo. Tertio tandem in die iudicii manifestabimur omnibus & angelis & hominibus, ubi uel confusionem uel laudem reportabimus & maximam & sempiternam. Qui hęc contyderat, facile intelligit quod deceat nos sic agere in omnibus, ut & Dei & hominum conscientias ferre possimus.

NON enim iterum, inquit, nos ipsos commendamus uobis.] Amouet suspicionem, qua uideri poterat, quod se iterum commendat Corinthijs. Sensus est, quod ista dico, non in hoc dico, ut me uobis commendem. Spero enim abunde me manifestos esse uestris conscientijs. Hic ordo eorum quę dicit inuersus est, secundum quem dicendum erat. Non autem iterum nos ipsos commendamus uobis. Spero enim nos & in conscientijs uestris esse manifestos.

SED occasionem damus uobis, inquit, gloriandi de nobis.] Exponit quorsum præcedentia dixerit, quę ad id dixisse uideri poterat ut se Corinthijs commendaret. Non ut me uobis

commendem hęc dico, inquit, sed ut occasionem uobis præbeam gloriandi de me: Hoc est, officium & opus Apostolarum mei contra pseudapostolos defendendi dum me uestrum esse Apostolum & agnoscitis & gloriamini. Hoc sentiens addit.

UT aliquid habeatis aduersus eos qui in facie gloriantur & non in corde.] Perstringit pseudapostolos qui in faciem de se plura iactabant, quum cordibus essent ab eis procul, de quibus gloriabantur. Gloriarı in facie & non in corde est ea coram hominibus uerbis iactare, quę conscientia ipsa agnoscere non potest. Verum istorum iactantia ipse infra capite decimo, undecimo & duodecimo retunder.

Vide modestiam Apostoli. Corinthijs sic erat manifestus, ut abunde ex ijs quę certo cognouerant, ad hoc essent instructi, ut pseudapostolorum glorias refringerent & ipsius estimationem tuerentur. Verum dissimulans hoc cum posset eos repræhendere dicit se occasionem illis dare gloriandi de se, & subministrare aliquid aduersus improbos iactatores, quasi minus ad id sufficere iam antea essent instructi, & non ultro absque monitu in hoc incumbendum ipsis fuerit. Sic parcebat illis, cum merita eos posset confusione suffundere, & acriter repræhendere.

Nam siue insanimus, Deo insanimus, siue sani sumus uobis sani sumus. Caritas enim Christi constringit nos, iudicantes illud, quod si unus pro omnibus mortuus fuit, ergo omnes mortui fuerunt: & pro omnibus mortuus est ut qui uiuunt post hac non sibi uiuant, sed ei qui pro ipsis mortuus est & resurrexit. Itaque nos post hac neminem nouimus secundum carnem. Si uero & Christum cognouimus secundum carnem, nunc tamen non amplius nouimus. Proinde si quis est in Christo, noua creatura est. Vetera præterierunt, ecce noua facta sunt omnia.

Non insaniebat Paulus, sed nunquam non sobria ac sana loquebatur. Verum quoniam subinde sublimius philosophabatur, quàm ut à quibuslibet posset capi, hoc illi à maleuolis pro infania imputabatur. Cum ergo fore præuideret, ut quę hoc capite de terreno ac celesti domicilio disputauerat insanie à pseudapostolis deputarentur, per occupationē ista subiecit dicens: Nam siue insanimus, Deo insanimus, siue sani sumus, uobis sani sumus. Quasi dicat. Magistris uestris iam insanire, ubi sublimiora: iam sobrie loqui ubi humiliora profero, uideor. Verum ubi sublimiora loquor, non ex infania, sed spiritus sancti instinctu loquor atque ita Deo insano, ubi humiliora profero, atque tum demum sobrie esse uideor, in uestram gratiam sic loquor, atque ita uobis sum sobrie



sobrius ac sanus. Significat his uerbis Apostolus esse sibi duplicem loquendi respectum. Vnum quo Deum ipsum, alterum quo ecclesiā Dei respiciat. Sic nihil reseruat sibiip̄si, sed totum sese Deo & ecclesiæ eius consecrat, quādoquidē ad geminū hūc scopū dirigit omnia.

CHARITAS enim Christi constringit nos, inquit.] Vnde frequenter cohibeatur ne sublimiora, sed submissiora proferat, exponit, dicens: Charitas enim Christi constringit nos. Loquitur autem de charitate Christi, qua ille nos dilexit ac semetipsum pro omnibus dedit, sicuti patet ex mox sequētibz. Hac se sic constringi dicit, ut omnia ad captum ecclesiæ attemperet. Huic dari uult sicubi sobrie loqui uideatur. Sunt qui per charitatem Christi intelligant eam qua Apostolus Corinthios propter Christum diligebat. Chrysostomus tamē nobiscum sentit. Verbum *συμμετο* recte uerteris cohibet. Significat enim cohiberi se per charitatem Christi, ne sublimius pro dignitate cœlestis doctrinæ euehatur, sed ad captum se imperitorū ac rudium demittat. Magistri nostri secularem philosophiam magis quam Christi ueritatem spirātes si aliquo charitatis affectu præditi essent, cohiberentur & ipsi, ne gloriæ suæ potius rhetoricando ad populum, quam saluti auditorum consulerent.

IVDICANTES illud, inquit, quod si unus pro omnibus mortuus fuit, ergo omnes mortui fuerunt.] Exponit insignem Christi charitatem & quid ipse in illa consideret exprimit. Charitas Christi est, quod pro omnibus unus ipse mori dignatus est. Maiorem utique charitatem nemo habet, quam ut animam suā ponat pro amicis suis. Christus uero non pro amicis tantum sed & inimicis, nō pro quibusdam tantum sed pro omnibus mortuus est. Hæc est immensa diuinæ dilectionis amplitudo. Ex hac uide quid colligat Apostolus. Si unus, inquit, pro omnibus mortuus fuit, ergo omnes mortui fuerunt. Argumentum est à fine mortis Christi. Mortuus est pro nobis, ut uitæ restitueremur. Eramus igitur mortui. Et sic mortuus est pro omnibus. Erant ergo omnes mortui. Sic Apostolus Eph. 2. dicit: Et uos cū essetis mortui delictis ac peccatis. Dicit itaq;. Charitas Christi cohibet & cogit nos, ut rationem habeamus saluti uestræ. Sic enim de illa iudicamus. Christus unus mortuus est p̄ omnibus. Ergo erant omnes mortui, & ipse tanti fecit mortuos, ut semetipsum pro illis daret, quo uitæ restituerentur. Quanto magis conuenit, ut ipse quoq; omnem operam pro illis impendat, pro quibus ille mori dignatus est, & sic illis sermonē uitæ dispenset, ut capere illum possint. Hic est præsentis loci sensus. Sunt tamē, qui illud, ergo omnes *ἀπὸ πάντων* cum uulgata ædicatione legant, ergo omnes mortui sunt, & de morte exponant non peccati, à qua nos Christus morte sua liberare uoluit, sed carnalium nostrorum affectuum & ueteris in nobis Adæ, ad quam nos Apostolica doctrina ar-

gumento mortis Christi inuitat. Sane non cōsequitur, Christus mortuus est pro omnibus ergo omnes mortui sunt sibiip̄s, ut Christo uiuant, consequitur autē illud: Christus unus mortuus est pro omnibus, ergo mortui erant omnes, in peccatis uidelicet, quemadmodum paulo antē ex epistola ad Ephesios admonuimus. Quare lectio uulgata, ergo omnes mortui sunt, non exprimit mentem Apostoli, nec satisfacit illius argumento. Rectius igitur est, ut cum Erasmo legamus: Ergo omnes mortui fuerunt.

ET p̄ omnibus mortuus est, inquit, ut qui uiuunt posthac non sibi uiuant, sed ei qui pro ipsis mortuus est & resurrexit.] Collimat ad parænesin, quam subiiciet. Exponit autem finem mortis Christi. Hunc esse dicit, ut qui per illam sunt ab exitio mortis liberati ac uiuificati, adeoq; iam uiuūt, uiuant in posterum nō sibi, sed ei qui p̄ ipsis mortuus est & resurrexit.

ET pro omnibus mortuus est, inquit.] Repetit hanc particulam, ut utilitatem illius ac finem illi annectat. In præcedenti necessitatem mortis Christi, quæ ex eo erat quod mortui erant omnes, nec aliūde quam ipsius morte uiuificari poterant, in præsentī finē illius, ad quē luctandum nobis sit exprimit. Cauendum autem est, ne sic Christum pro omnibus mortuū esse sentiamus, ut mortis ipsius efficacia communiter peruenerit ad omnes. Illa siquidē nō capitur à reprobis, incredulis, & impœnitentibus, licet in se sufficiens sit pro uniuerso genere humano redimendo. Proponitur salus quæ ex illa est omnibus, & sufficit omnibus, modo capiatur ab omnibus. Vniuersum mundum sic dilexit Deus, ut filium suum unigenitum dederit, ut omnis qui credit in eum non pereat, sed habeat uitam æternam. Iohan. 3. Sic mortuus est ille pro omnibus, quia mortui erant omnes, ut omnis credens in ipsum uiuificetur ac seruetur.

VT qui uiuunt, inquit.] Intellige, à morte peccati per mortē ipsius liberati ac uiuificati. Vt qui uiuūt, id est, qui beneficium uitæ quod ex morte ipsius est, fide in ipsum sunt consequuti. Non dicit, ut omnes post hæc ei uiuant qui pro ipsis mortuus est, neq; enim fieri hoc potest nisi ab illis qui morte ipsius sunt uiuificati, sed, ut qui uiuunt. In illis locum habet finis mortis Christi, uita uidelicet Christo consecrata. Quod igitur tam paucos Christianam uitam uiuere uidemus, ex eo est utique, quod pauci sunt qui ex morte Christi uiuant. Viuūt enim ex eo non nisi ueri fideles.

POST hac non sibi uiuant, inquit.] Græcè est *μηδὲ ἑαυτοῖς ζῶειν*, id est, non amplius sibiip̄s uiuant. Sic igitur extra Christum mortui fuerunt & sunt omnes, ut sibiip̄s uiuerent ac uiuant. Viuere autem sibiip̄s est omnia facere secundum affectus carnis nec ullam habere uel numinis uel iusticiæ rationē, & sibiip̄s, in summa, totum addictum esse in omnibus. Hoc genus uitæ, præterquam quod omnis generis ui-



cijis peccatis ac sceleribus scatet, in se quoque abominabile est, & à uita Dei omnium alienissimum, ac prorsus diabolicum. Deus ipse non sibiipso sed omnibus quæ condidit uiuit. Non uiuunt sibiipsis cœlestes spiritus, sed uiuunt Deo ac nobis. Omnis reliqua creatura quicquid est nostro bono est, nobisq; seruit. Solus Satan & homo hoc genus uitæ apprehenderunt, quo nec Deo nec alijs creaturis sed sibiipsis uiuant. Merito igitur ac salubri consilio requiritur ab illis qui morte Christi à morte peccati liberati sunt ac uiuificati, ut nō amplius sibiipsis uiuant. Abunde magna est gratia, qua pristinae uitæ malicia remittitur, & exitium illius aufertur ut merito requiratur ut redemptori uiuentes post hac ad idem genus uitæ nō redeamus.

SED ei, inquit, qui pro ipsis mortuus fuit & resurrexit.] Poterat simpliciter dicere, ut non amplius sibiipsis uiuant, sed ipsi. Verum ut æquitatem rei huius exprimat, adiecit, qui pro ipsis mortuus fuit & resurrexit. In morte siquidem redemptionis est præcium, in resurrectione uero, excitatio, uita, & iustificatio. Moriendo satisfecit pro peccatis nostris, resurgendo uitæ nos restituit & iustificauit. Qui traditus est inquit Rom. 4. propter peccata nostra, & resurrexit propter iustificationē nostri. Quid igitur equius censerī poterit, quā ut salubriter uiuamus ei, qui quo salui simus mori pro nobis uoluit?

Quid est autem uiuere Christo? Est ab illo pendere in omnibus, est omnia totius uitæ studia spiritui illius ac uoluntati consecrare, est iuri ac potestati illius sese subdere in omnibus. Est sic uiuere in summa, ut nec ipse exprimas aliud uiuēdo quā Christi spiritum, nec aliud ex te sentiāt, quibuscum uiuis, quā Christū. At hoc uitæ genus plane ex diametro pugnat cum eo quo nobis ipsis uiuimus. Quare ut hoc in nobis locum habere possit, requiritur ut ad illud non reuertamur amplius. Nequit enim fieri ut Christo uiuamus, donec nobis ipsis uiuere pergimus. Ideo recte non simpliciter dixit, ut qui uiuūt, ei uiuāt qui pro ipsis est mortuus, sed interposuit, non amplius sibiipsis uiuāt, & ne hoc sufficere uideatur, adiecit: sed ei qui pro ipsis mortuus fuit & resurrexit.

ITA QV E nos posthac neminem nouimus secundum carnem, inquit.] Locus hic admodum obscurus est. Recitabo aliorum expositiones, deinde & meam adijciam.

1 Chrysostomus illud κατὰ σάρκα, id est, secundum carnem, aliter in genere de quouis Christiano, & aliter in specie de Christo exponit. Sic enim illud: Itaque nos posthac neminem nouimus secundum carnem, exponit, ut Christo competere non possit, cum tamen perspicuum sit particulam hanc, secundum carnem non alio atque alio sed eodem esse utrobique sensu ab Apostolo positam. Verba illius hæc sunt. Quod de nobis dicit, secundum carnem, est in peccatis esse, &, non secundum carnem,

A non esse in peccatis. In Christo uero, illud, secundum carnem, est in naturalibus esse passionibus, utpote, in siti, in fame, &c. Peccatū enim non fecit, &c. Haud uero secundum carnē esse, est ab eiusmodi passionibus esse liberum, non esse extra carnem. Cum illa nanque uenturus est ad iudicandum orbem. Hæc ille, quē Theophylactus more suo sequitur.

2 Ambrosius sic exponit, ut quod in genere concernit omnes, non attingat, & ea tantum exponat, quæ de Christo dicuntur. Verba eius assignabo. Itaque nos ex hoc tempore neminem nouimus secundum carnem. Etsi cognouimus secundum carnem Christum, sed nunc iam non nouimus. Verum est, quia Christo resurgente à mortuis iam cessat in eo carnalis natiuitas, cessat infirmitas corporis, cessat & passio mortis. Vsq; ad crucem enim suspicio fuit infirmitatis in Christo. Post autē apparuit esse quod nō credebatur, sicut & ipse ait: Cum exaltaueritis filium hominis, tunc cognoscetis quod ego sum. Hoc ergo idcirco Apostolus memorat, ut ostendat qua deuotione obsequendum sit Christo. Pro salute enim hominum, non solum hominem nasci se dignatus est sed & iniurijs agi & mori, ut intelligentes quā preciosa sit mors eius, propensius illi seruiant, non quasi homini uicem reddentes sed Deo, quia unicuiq; pro persona eius & meritis refundenda obsequia sunt. Hæc ille.

3 Et Augustinus de doctrina Christiana lib. primo capite trigesimoquarto per carnē hoc loco humanitatem à Christo susceptā & quæ in illa perfecta est dispensationem intelligit.

4 Lyranus ad hunc modum exponit. Itaq; nos ex hoc neminem nouimus secundum carnem, id est, cum nemine societatem contraximus moti carnali affectione. Sed quia posset aliquis obijcere, quod Apostoli multum dilexerunt Christum, etiam secundum præsentiam corporalem, ideo subdit Apostolus in persona apostolorum, qui cum Christo fuerunt corporaliter. Etiam si cognouimus Christum secundum carnem, id est, affecti eius præsentia corporali, sed nunc iam non nouimus, illo scilicet modo sed meliori. Hæc ille.

5 Recentiorum quidam sic exponunt, ut secundum carnē aliquem cognoscere, idem sit quod cognoscere eum carnaliter, studio & affectu carnis, quomodo caro facit. Et adferunt hunc sensum. Quoniam omnes unā cum Christo mundo sumus ac carni mortui, non conuenit ut in posterum secundum carnem & carnaliter uiuamus, & carnaliter quenquam sed potius spiritualiter cognoscamus. Etenim carnaliter aliquem cognoscere, non est eum ultra quā caro potest cognoscere. Ultra autem caro non ualet, quā ut quod suum est quærat in omnibus, quo pacto mundani homines sese mutuo cognoscunt, nos Christiani uero non item. Et quemadmodum fratres nostros non cognoscimus carnaliter sed spiritualiter, ita & Christum non carnaliter sed spiritualiter cognoscimus,



mus, quærentes in eo nō quæ carnis, sed quæ spiritus sunt. Hanc expositionem nōnulli magnificiunt. At meo iudicio ad mentem Apostoli non accedit. Deinde infirmum est, quod particulam hanc, secundum carnem, referunt ad cognoscentem, non ad eos qui cognoscuntur, quo sensu de Deo quoq; dici potest, quod à multis secundum carnē, id est carnaliter, cognoscatur, cum tamen carnem non habeat. Quam multi siquidem sunt, qui & carnaliter de Deo sentiāt, & quæ carnis sunt in illo quærant. At Apostolus hic de cognitione eorū loquitur qui & carnem habent, & secundū carnem quam habent, cognosci possunt. Loquitur enim de Christianis & Christo ipso.

6 Nonnulli alij exponunt, cognoscere secundum carnem aliquem, esse illum cognoscere secundum externam larvam, apparentiam & dotes carnis. Et Christum cognoscere secundum carnem, esse illum secundum ea quæ in carne ad tempus gessit cognoscere.

7 Sentiat quisq; quod uero propius accedere putat. Mea sententia sic habet. Mentē Apostoli in hisce uerbis cognituro op<sup>9</sup> est, ut quid ille hoc loco secundum carnē cognoscere, & quid nouam creaturam uocet, accurate intelligat. Infrā cap. ii. perstringens pseudapostolos, quos perpetuos habebat hostes, impingit illis, quod gloriarentur secundum carnem. Et subiiciens illorum glorias, dicit. Hebræi sunt? sum & ego. Israëlita sunt? sum & ego. Semen Abraham sunt, sum & ego. Gloriabantur itaq; secundum carnem, iactantes Ebræos esse se, Israëlitas, & semen Abraham. Deinde & circumcisionem carnis urgebant, ut in carne circumcisorum gloriari possent, quasi secundum illam censendi sint Christiani. Et hinc fiebat, ut pro ueris Christianis ij demum habendi uiderentur, qui secundum carnem essent ex Israël, & circumcisi essent carne. Horum pestem ubique impugnans diligēter monet Christianum hominem non censeri secundum prærogatiuam carnis, sed secundum nouam creaturam, quæ sit ex Christo Iesu. Sic Galatas in uia reuocans dicit: Nam in Christo Iesu neque circumcisio quicquam ualet neque præputium, sed noua creatura. Huc respiciens hoc quoq; loco dicit: Itaq; nos posthac neminem nouimus secundum carnem. Hoc est. Nos igitur posteaquam unus mortuus est pro omnibus, eò quod mortui essent omnes, & ob id pro omnibus est mortuus, ut qui uiuunt, non amplius sibiipsis, sed ei uiuant qui pro ipsis est mortuus, & resurrexit, ab eo tempore neminem Christianum censemus ex ijs quæ sunt secundum carnem, siue sit circumcisi siue præputiatus, siue Græcus, siue Iudæus, siue Barbarus, siue Scythæ, siue seruus siue liber, siue carnalem legis obseruantiam teneat siue minus. Hæc omnia carnis sunt. In carne quidem adhuc sumus qui Christo uiuimus: uerum haudquaquam secundum carnem Christiani censemur. Vestri magistri prærogatiuā

A carnis admodum extollunt, & secundū hanc de Christianis iudicant. At nos, licet & ipsi ex Israël simus, possimusque de carne gloriari nihilominus quā ipsi, Christianum tamen neminem censemus secundum carnem, postquam Christo sumus inserti. Hunc existimo germanum esse præsentis loci sensum, quem & Commentarij qui Hieronymo dantur, attingunt. Sic enim habent: Itaque nos ex hoc neminem nouimus secundum carnem, id est carnaliter circumcisi, & carnales ceremonias seruantes.

ETIAM SI uero & Christum cognouimus secundum carnem, inquit, nunc tamen nō amplius nouimus.] Sensus est. Obijciunt nobis Christum ipsum, quod sit Iudæus, ex semine Abraham, & circumcisi, & quod legē ipse quoq; seruauit, quodq; in carne inter Israëlitas uersantem uiderint. Nos ista in Christo non sic moramur, ut ex illis regulam Christianæ religionis ac censuræ sumendam existimemus. Aliquando nos ipsi quoq; secundum carnem de Christo sentiebamus, sicq; carnem illius intuebamur, ac si secundum illius prærogatiuā ad Israël tantum pertineret. Verum rectius in fide illius instructi non amplius de illo secundum carnem iudicamus, sed potius secundum consilium Dei, quo datus est uniuerso generi humano redemptor ac Seruator, ut in ipso uiuamus omnes, deq; spiritu ipsius censeamur omnes, non Israëlita & Iudæi, sed ueri Christiani. Huic sententiæ concordat, quod & Christus ipse nec matrem, nec fratres secundū carnem agnoscebat, Matth. 12. sed secundum obedientiam, qua patris cœlestis uolūtati obeditur.

PROINDE si quis est in Christo, inquit, noua creatura est. Vetera præterierūt, ecce noua facta sunt omnia.] Absoluit quod neminē se secundum carnem censere dixit. Nō est enim loquutus de cognitione, qua hominem ut hominem censemus, sed qua Christianū cognoscimus. Ideo colligendo non dicit: Si quis est homo, sed, si quis est in Christo. Hominē secundum carnem recte cognoscimus, Christianum uero non ita. Cum ergo Christianus nō sit secundum carnem cognoscendus, reliquum est ut ex noua creatura censeat. Hæc enim inter se opponuntur. In carne uetustas est, in Christiano uero noua creatura, nouus homo, secundū Deum è supernis conditus. Vnde addit: Vetera præterierunt, ecce noua facta sunt omnia. Præterierunt uetera, in quibus constabat carnis prærogatiua, & iusticia secundum legem. Præterierunt Noui testamēti successione, per quā noua facta sunt in Christo omnia. Nouus homo, nouus spiritus, noua uita, testamētum nouū, noua iusticia, &c. Hæc mea est de præsentis loco sentētia, quam iudico & menti Apostoli conuenire, & nihil discrepare à uerbis.

ITAQUE nos posthac neminē nouimus secundum carnē, inquit.] Admonet hic locus, nō esse Christianos censendos ex ijs q̄ sunt carnis. Loquitur quidē Apostolus de prærogatiua carnis,



quam in Abrahamo, circūcisione, & legis obseruantia iactabant pseudapostoli: uerum nihil impedit, quo minus nos generaliore sententiam hinc struamus, pronunciantes, nullis carnis dotibus siue naturales hæ sint, siue religiosæ, siue fortuitæ, metiendum esse Christianum, ut taceam ea quæ ad corruptionem carnis pertinent, è quibus est cultus eidolorū, qui inter opera carnis Gal. 5. numerat. Nota Christiani hominis non est statuenda ulla in re carnali, siue in sacro siue in prophano sit usu. Carnis sunt omnia, unde censetur Iudæus, unde Ethnicus, unde Turcus. Christianus ex his cognoscitur nemo. Carnis sunt omnes illi cultus templarij, serico, argento, auro, lapidibus preciosis, & cereis ardentibus splendentes. Secundū hos quoq; nemo censetur Christianus. Nemo enim secundum carnē Christianus esse cognoscitur. At hodie his potissimum antiquos & catholicos Christianos metiuntur Pontificij.

SI uero & Christum cognouimus secundū carnē, inquit. ] Potest hoc referri ad tēpus quo adhuc extra Christi erat cognitionē Paulus in Iudaismo. Habebat tum quoq; aliquā de Christo futuro sententiam, quemadmodum de apostolis quoq; legimus, quod & ipsi opinionē sibi de illo conceperint, quod liberaturus esset Israël, illiq; regnum restitutus, & quod secundum morem sæculi esset regnaturus. Hæ sententiæ de Christo secundum carnē erant, & prorsus Iudaicæ. Agnoscit hoc de se Apostolus & fatetur, quod aliquando de Christo secundum carnē senserit. Admonemur hoc exemplo, candidi esse hominis nō dissimulare, multo minus negare, si aliquando in errore constitutus aliter quàm ueritas habet senserit.

NUNC tamen nō amplius nouimus, inqt. ] Non negat se Christum cognoscere in carne. Absit. Cum enim alibi nihil senisi Christū Iesum & hunc crucifixum, scire dicit, utiq; nouit Christum in carne, uerū hominē, uere passum & mortuū. Hoc ergo dicens non adimit Christo ueram carnem, ueramq; carnis naturā, quā sibi Christus ipse post resurrectionem uindicat dicens: Palpate & uidete, quoniā spiritus carnē & ossa nō habet, sicuti me habere uidetis, sed negat se amplius de Christo sentire secundū carnē, eo modo quo senserat de illo in Iudaismo. Quare locū hic nō habent hostes ac negatores carnis Christi, siue prisci siue recentiores. Et illi quoq; qui Christū & Deum & hominem tēpore Nestorij in ecclesia Constantinopolitana confitebant impertinenter hæc Apostoli uerba contra presbyterū Anastasium usurparūt, cum ille in ecclesia docens diceret: Nemo Mariā Deiparā uocet: fuit enim homo Maria. Ex homine autē Deum nasci est impossibile. Qua de re sic legimus: Hoc auditū multos clericos & laicos, & pariformiter cunctos perturbauit. Sciebant enim oēs Christū esse Deum, & nullo pacto propter dispensationē susceptā tanquā hominē à diuinitate separatū, fidem habentes Apostolicæ uoci quæ di-

cit: Etiam si cognouimus secundū carnē Christum, at iam nō amplius cognoscimus. Hæc Socrates Ecclesiast. hist. lib. 7. cap. 32. Illis Christū cognoscere secundū carnē, est hominem eum cēlere, & nō amplius cognoscere secundū carnē, censere Deū. Secundū eiusmodi sensum Apostolus nō cognoscebat amplius in Christo hominē, sed deū tantū. Verū sic labi cogunt quæ uerba Apostoli nō satis inspecta, temere usurpāt.

PROINDE si quis est in Christo, inquit, noua creatura. ] Obserua quod cum dicendū esset: Si quis est Christianus, dixit, si quis est in Christo. Ergo Christianum esse, est in Christo esse. Extra Christū quisquis est, Christianus nō est. Facile est participē fieri sacramentorū, nominis, ac professionis Christi, at in Christo esse, non ita. Nam id omnino nouū hominē requirit, unde & hic dicit: si quis est in Christo, noua creatura est. Maxima pars Christianorū uetus adhuc creatura est. Nondum enim sunt spiritu Christi regenerati ac renouati. Cognituri igitur Christianū, uitam illius, nō externā professionē tantū inspiciamus. Ex uita discere licet, uetus ne sit adhuc uel noua creatura. Vbi uetus creatura in solidum retinet, ibi omnino extra Christi spiritum uiuif. In solidū dico, ne teneras adhuc in Christo ac recētes planulas propter ueteris creaturæ reliquias damnem. Vetus enim creatura nō ita subito exui, nec noua repente tota induif. Habet hæc mutatio suos gradus & incrementa paulatim exurgentia. Et interim tamen habet sua etiam indicia unde cognoscatur, quantumuis illa sint tenuia. Quid sit autem in Christo esse, & quid esse Christum in nobis, in Comment. nostris super Ioannem fuisse diximus.

VETERA præterierūt, ecce noua facta sunt omnia, inquit. ] Vtiq; testamētum Vetus, cum suis iusticijs carnis transijt, & Nouū successit. Erant & uetera illa ex Deo. Quare non debebant humano consilio è medio auferri. Recte igitur dicit *παρῆλθεν*, id est, transierunt. Impleta illorum dispensatione, successione Noui testamenti transierūt, perinde ac si umbras noctis ad exortum Solis transire dicas. Veteres errores non eo sunt honore habendi, ut sponte sua transire sinant, sed studio auferendi. Vide & illud. Nō dicit: ecce noua fecimus omnia, sed: ecce noua facta sunt omnia. Non immutarunt apostoli testamenta Dei, sed Deus ipse uirtute spiritus sui quem effuderat, antiquato Veteri, Nouum subiunxit.

Author Apocalypseos cap. 21. cum uidisset in spiritu cælum nouum & terram nouam, uocem hanc cœlitus de throno audiuit: Ecce tabernaculū Dei cum hominibus, & habitabit cum eis. Et ipsi populi eius erunt, & ipse Deus cum eis erit eorum Deus. Et absterget Deus omnem lachrymam ab oculis eorū. Et mors ultra nō erit, neq; luctus, neq; clamor, neq; dolor erit ultra, quia prima abierūt. Et dixit qui sedebat in throno: Ecce noua facio omnia. Igitur mox initio Noui testamenti, per spiritū Christi



Christi innouata sunt omnia, & in fine quoq; A quando mors abolita fuerit, noua per Christum fient omnia. Prior innouatio testamenti est, & mentium nostrarum. In hac possunt adhuc omnis generis afflictiones innouatorum hominum exercere fidem ac patientiam. Posterior est totius coeli ac terrae machinae, & allatura secum est plenam ac sempiternam felicitatem. Prior de posteriore nos certificat. Habet enim arrha bonem spiritus. Posterior priorem in electis ac fidelibus absoluet & perficiet. Hic enim meritum fit innouatio, illic etiam corpora nostra innouabuntur.

Omnia autem ex Deo qui reconciliauit nos sibi per Iesum Christum, deditque nobis ministerium reconciliationis: quandoquidem Deus erat in Christo mundum reconcilians sibi, non imputans eis peccata sua, & posuit in nobis sermonem reconciliationis. Itaque nomine Christi legatione fungimur, tanquam Deo uos obsecrante per nos, rogamus pro Christo, reconciliemini Deo. Eum enim qui non nouit peccatum, pro nobis peccatum fecit, ut nos efficeremur iusticia Dei per illum.

Refert in Deum omnia quae in praecedentibus dixit, simulque exponit adhuc clarius, & interim addit de ministerio Apostolatus sui. Totam salutis nostrae rationem breui compendio digerit & exponit. Quare locus hic ab omnibus est fidelibus summo semper habendus in pretio, & singulari studio menti penitus insinuandus.

OMNIA autem ex Deo, inquit.] Supra aliquibi diximus, in more id esse Apostolo, ut quaecumque Christo tanquam redemptori ac Seruatori ad salutem nostram pertinentia tribuit, ad Deum patrem, tanquam illorum auctorem ac fontem referat, quo certior nobis in omnibus fidei nostrae ratio constet. Hoc ipsum in praesenti quoque facit dicens: Omnia autem ex Deo. In genere quidem omnia sunt ex Deo, quae in coelo sunt terra ac mari, & quae fuerunt, sunt, & futura sunt, quae de re alibi admonet. Hic uero specialiter de iis loquitur, quae summam salutis nostrae concernunt, quorum in praecedentibus ex parte meminit, ubi unum mortuum fuisse dicit pro omnibus, ut qui uiuunt non amplius sibi ipsis uiuant, sed ei qui pro ipsis mortuus fuit & resurrexit, quibus uerbis opus redemptionis nostrae per Christum partem expressit, id quod hic cum annexis suis omnibus Deo patri tanquam auctori assignat. Quare non simpliciter dicit *πάντα διὰ* sed cum articuli specificatione *τὰ διὰ πάντων*, id est. Haec autem omnia ex Deo. Specificationem hanc in sequentibus explicabit.

QUI reconciliauit nos sibi per Iesum Christum, inquit.] Sic exponit illud, quod supra unum pro omnibus mortuum fuisse dicit. Quis unus ille sit aperit dicens per Iesum Christum.

Ipsam opus quo ille pro omnibus mortuus fuit exponit dicens: qui reconciliauit nos sibi. Eramus omnes natura filij irae, inimici, peccatores, ab alienati a Deo, & in peccatis mortui. Quatenus peccatores inimici, filij irae & ab alienati a Deo eramus, opus nobis erat reconciliatione cum Deo, nulla alias cuiquam poterat spes esse salutis. Quatenus mortui eramus in peccatis, poscebat ipsa necessitas mortis uictorem ac uiuificantem. Vtrumque igitur misericordissimus pater, reconciliatorem uidelicet ac uiuificantem praestitit in filio suo Iesu Christo, dum illum pro nobis omnibus peccatum fecit, morti quoque tradidit, ut uictima esset & oblatio placationis, reconciliationis ac redemptionis.

Obserua uero, quod non dicit: qui reconciliatus nobis est per Iesum Christum. Neque sic alienum quid a uero dixisset, uerum proposito suo non seruisset. Quare dicere maluit, qui reconciliauit nos sibi per Iesum Christum. Sic reconciliationis nostrae opus per Christum, tanquam mediatorem factum, Deo patri tribuit, quod is nos sibi reconciliauerit. Magnum est esse nos reconciliatos non angelis modo, sed ipsi Deo, maius est factum hoc esse per ipsum filium Dei. Omnium uero maximum est, quod factum hoc est non extra uoluntatem & consilium patris, sed ab ipso sic uolente, constituyente, ac filium suum ad id mittente, in quem mortem tradente. Non expectauit nos, dum ipsi reconciliationem suppliciter ambiremus, sed B eius propositi inscios, imò auersos, & peccatis immortuos, ultro suapte misericordia per filium sibi ipse reconciliauit, & ad hanc quousque reconciliationem uocauit & inuitauit. O stupendae bonitatis exemplum. Laesa maiestas prima sibi reconciliat inimicos. Discamus omnes, quae spes debeat esse reconciliatis coram eo, qui nos sibi ultro cum inimici essemus, reconciliare dignatus est. Qui sic pro pensus fuit in inimicos, qualem esse credendum est in reconciliatos? Discamus item omnes, quid faciendum sit laesis & offensis. Non expectandum uidelicet donec qui laesit suo pte instinctu ueniat, & reconciliationem ambiat, sed ad exemplum hoc coeleste connitendum, ut qui laesus est, ipse sibi primus fratrem a quo laesus est reconciliet. Nihil huius facimus, quia fratres non diligimus, non diligimus autem quia boni non sumus, sed a bonitate coelestis patris alienissimi.

DEDITQUE nobis ministerium reconciliationis, inquit.] Non erat satis ad salutem, quod nos sibi clementissimus pater per Christum filium suum reconciliauit, nisi nos reconciliationis huius redderemur capaces. Reconciliatio non potest locum habere inter inuitos, sed utriusque partis assensum ac uoluntatem requirit. Nostri reconciliatio, quod ipsum Deum attinet, perfecta quidem est in morte mediatoris Christi unigeniti Dei, uerum quod nos ex altera parte concernit, perfecta non est nisi conditionibus illius nos ex



animo accommodemus, ut capaces illius esse possimus. Hæ sunt resipiscētia & fides in Christum. Sine his nemo recōciliationis huius poterit esse capax. Excluduntur enim impoenitēs & increduli. Ut igitur participes illius efficeremur misit Euāgelium suum in orbem, per quod ad resipiscētiā ac fidem in Christum uocarentur omnes, quo recōciliationis huius gratia potirentur. Et id muneris commisit apostolis tanquam reconciliationis huius legatis. Hoc significans Apostolus dicit: deditque nobis ministerium reconciliationis. Non soli ipsi sed & reliquis apostolis ministerium hoc dedit. Nihil tamen impedit quo minus hic de suo Apostolatu loqui intelligat, de quo pseudapostoli cōtrouersiam improbiissime mouebant. Sic itaque non modo ipsum reconciliationis opus, sed & dispensandæ illius ministerium Deo auctori tribuit.

Obseruet uero diligens lector quā eleganti ordine reconciliationem hanc nostri inter Deum, Christū, & apostolos diuidat. Deo tribuit illius auctoritatē, Christo opus per quod, tanquam mediatori, apostolis dispensandæ illius ministerium, tāquam ministris ac legatis. Nusquam excludit Deus, a quo sunt hæc omnia. Nec Christus sine Deo reconciliationis opus perfecit, nec Apostoli dispensationis illius ministerium sine Deo obauerunt in mundo.

Quis autem satis perpenderit quā grato elogio prædicationem Euangelij exornet, dū uocat eam ministerium reconciliationis, utiq; & pacis? Nihil acceptius excogitari potest ijs qui sunt metu Dei ac morsu conscientiae angustati, quā ministerium hoc recōciliationis, per quod non modo ad resipiscētiā & fidem in Christum uocantur, sed & certissimam reconciliationis ac pacis cum Deo promissionē accipiunt, per quam conscientiae ipsorū a metu ac sensu iræ Dei liberantur, quæ antea nullis modis excutere poterant & tamen grauitatē illius ferendo non erant. Reuera speciem rebellionis habet, si quis ministerium hoc reconciliationis contempserit ac susq; deq; fecerit, nec expectandū est eiusmodi cōtemptroribus aliud q̄ exitium & certissimū & meritisimū.

QUANDO QUIDEM, inquit, Deus erat in Christo, mundum reconcilians sibi non imputans eis peccata ipsorum. Declarationē eorum subiicit quæ de opere & ministerio recōciliationis dixit. Sic illud: qui nos sibi reconciliauit per Iesum Christū exponit dicens: Quandoquidem Deus erat in Christo mundum reconcilians sibi, non imputans eis peccata. Quasi dicat. Neq; enim Christus opus hoc reconciliationis per seipsum sine Deo præsumpsit, sed ipse Deus Christum filium suum inhabitans, & in omnibus dirigens, non nos modo sed & mūdum, id est, omne genus humanum, quod inde ab initio ad finem usq; mundi fuit, & est & erit, sibi reconciliauit, dum filium in mortē pro omnibus dedit.

NON imputans eis peccata ipsorū, inquit.]

A Hoc est remittēs eis peccata ipsorum, propter quæ ab alienati ab ipso fuerant. Quid enim aliud est, non imputare peccata peccatori, q̄ clemēter remittere? & quid remittere q̄ non imputare? Sic propheta Psal. 32. remissionē & nō imputationem peccatorum pro eodem usurpat dicens: Beatus cui remittitur transgressio & cui tegitur peccatum. Beatus homo, cui nō imputat dominus peccatum. Particulam hanc Apostolus necessariō adiecit: Neq; enim recōciliatio hæc mundi cum Deo fieri potuit, nisi omnibus peccatis nostris clemēter remissis. Si peccata imputare uoluisset, locum reconciliationis non habuisset. Nemo nanq; erat ex omni genere humano, qui pro suis nedum aliorū peccatis, iusticiæ Dei satisfacere, & hac ratione reconciliationem impetrare potuisset.

Ergo ne totum genus humanum reconciliatum est Deo per Christū, sic ut nemini mortalium peccata imputentur? Si hoc sentiendū est simpliciter, quid aliud consequitur q̄ perire neminē, saluari indiscriminatim omnes? Sane ex hoc & consimilibus alijs locis nonnulli dogma de saluandis omnibus etiā impijs nostra ætate renouare conati sunt. Verum est omnino quod dicit Apostolus. Mundum sibi in Christo Deus reconciliauit, non imputans eis peccata ipsorum, quantū attinet ipsum reconciliationis opus, toti generi humano recōciliando paratum ac sufficiens. Verum quemadmodum suprà diximus, quoniam reconciliatio inter inuitos locum habere non potest, institutum est ab ipso Deo ministerium recōciliationis, quo cuncti ad hanc gratiam cupide amplexandam uocentur & inuitētur. Hanc si totus mundus amplexaret, utiq; totus mundus omni peccatorum imputatione reiecta cū Deo reconciliaretur, ac seruaretur, nec periret mortalium quisquā. Cum id nō sit, quid aliud restat, quā ut generalis huius gratiæ participes fiant hi tantum, qui grati illam resipiscendo & credendo amplectuntur?

ET posuit, inquit, in nobis sermonem recōciliationis. Græce est τὸν λόγον τῆς καταλλαγῆς. Non mutassem ueterē uersionem, quæ habet, & posuit in nobis uerbum recōciliationis, quod usus huius uocis frequens sit in scripturis in ecclesia receptis, nec tanta sit ratio, quorū mute. Sit hoc minutum. Apostolus exponit quod suprà dixit: & dedit nobis ministerium reconciliationis. Quod ibi uocauit ministeriū, id iam exponendi gratia uocat λόγον, id est, uerbum, intelligens prædicationem Euangelij. Generalius est ministeriū reconciliationis. Possunt enim multæ esse ministerij species. At specialius est uerbum reconciliationis. Nam hoc elogio exprimitur certus modus administrandæ recōciliationis. In Papatu reconciliationē hanc cōstituerūt aliā atq; aliā, dum eam iam Missis suis, iam cōfessionibus priuatis, iam indulgentijs Pontificijs alligarūt, de quibus nulla extat d. constitutionis auctoritas. Quare diligenter obseruandū est, qđ Apost. hic dicit: Et posuit Deus



Deus, id est, constituit, iniunxit, & mandauit, *λογον*, id est, uerbum, prædicationem, & annunciationem reconciliationis, hoc est, de reconciliatione mundi, à Deo per Christum facta. Paulam loquitur de prædicatione Euangelij, per quam reconciliationem hanc Deus toti orbi proponi uoluit. Hanc uiam dispensandæ illius nundinatores & cauponarij in ecclesia ferre nō possunt, quam tamen apostoli, tanq̃ à Deo acceptā, fideliter & constanter tenuerunt. Mutatam à Deo nō inuenio, ab Antichristo inuenio. Disputant de sacramentis, an non & per illa reconciliationis huius gratia applicetur. Si separatim inspiciantur absq; uerbo reconciliationis, nō concedo, si illi incorporentur, cōcedo in baptisate, propter uerbū. Cœnæ dominicæ alia est ratio.

Quod autem sit uerbum recōciliationis, ex eo qd̃ præmissum est patet. Quid enim aliud prædicabat minister reconciliationis huius, q̃ ipsam reconciliationem à Deo factā, & sic factam, ut mundum sibi per Christum non imputans eis peccata ipsorum, reconciliarit. Hæc gratiam fideliter prædicare, & quosuis ad resipiscentiam & fidem in Christū uocare, est uerbum reconciliationis prædicare.

ITAQUE nomine Christi legatione fungimur, inquit, tanq̃ Deo uos obsecrāte per nos, rogamus pro Christo, reconciliemini Deo.] Quod lectionē attinet, illa, in nomine Christi, & pro Christo, in Græco non sunt alijs atq; alijs uerbis posita, sed utrobq; habet *καὶ ὑπὲρ Χριστοῦ*. Quare & utrobq; constanter uertendū erat, pro Christo, uel, nomine Christi. Tam enim recte legeris, rogamus nomine Christi, q̃, nomine Christi legatione fungimur, uel, p̃ Christo legatione fungimur, q̃, rogamus pro Christo.

Habent ista parænelim, cuius summa est: Itaq; rogamus uos reconciliemini Deo. Circūstantiæ sunt: rogamus autem nō ut priuati homines, nostro ipsorum instinctu & arbitrato, sed ut legati Christi, nomine Christi, tanquam Deo ipso uos hortante per nos.

ITAQUE pro Christo, inquit, legatione fungimur.] Ex præmissis auctoritatem Apostolatus sui colligit. Dixit: deditq; nobis ministerium reconciliationis. Item, & posuit in nobis ministeriū reconciliationis. Hinc colligēs: itaque, inquit, quoniam Deo sic placuit, ut imponeret nobis recōciliationis huius ministeriū, nos mandato illius obediētes legationē hanc obimus, pro Christo, id est, loco & uice Christi, perinde ac si Christus ipse ad uos ueniret. Qui legatus imperatoris in castris est, uices illius in castris gerit, sic ut omnis illius potestas ab ipso dependeat imperatore, pro quo legatione fungitur. Consimilem Apostolatui sui uindicans potestatem Apostolus, dicit se non modo ex constitutione & mandato Dei, sed & pro ipso Christo, uel, nomine Christi, legatione ad exequendum reconciliationis ministerium fungi. Magna semper habita est legatorum, præsertim regiorum, dignitas, ad quā

legebantur non uulgares homines sed selecti, non iuuenes sed uiri uenerabili senectā suspiendi. Vnde & *προσβῆς* uocantur. Nomina eorū philosophorum, qui olim cum Areobindo in Persiam pacis constituendæ gratia legati mittebantur, ad posteros honoris gratia trāsmissa sunt, quorū meminit Suidas. Quanto dignius est ut legati cœlestis regis, reconciliationis gratia non in Persiam tantum sed in totum orbē amandati, perpetuo sint in omnium fidelium memoria, habeātq; in precio, qui legationē eam post illos ex uoluntate Dei prosequūtur.

TANQUAM Deo uos obsecrante per nos, inquit.] In Græco est, *ὡς ἂν θεὸς παρακαλοῦντις δι' ἡμῶν*, id est, tanquam Deo exhortante per nos. Sic habet & uulgata. Verbum *παρακαλῶν* aliquando quidem obsecrare significat, uerū hic rectius exhortandi sensu accipitur. Siquis tamen Chrysostomum sequutus malit legere, tanquam Deo obsecrante per nos, quod existi met haud indecorum esse Deo, si dicatur nos per apostolos suos obsecrare, per me licet sic sentiat, modo sciat eum sensum nō necessario ex uerbo Græco nasci, quod non minus exhortari quā obsecrare significat. Non contētus dixisse, itaque nomine Christi legatione fungimur, mox de Deo ipso subiicit, illumq; uelut exhortantem quosuis ad amplexandam recōciliationem inducit. Tribuit illi quod ipse ex auctoritate eius faciebat. Ipse exhortabatur ipse obsecrabat & sollicitabat quosuis. Et hoc tanti uult haberi, ac si à Deo ipso fiat, cuius rei duæ sunt causæ, diuini mandati una, spiritus altera. Neq; enim humanum sed diuinum censei debet, quod licet per hominem fiat, mandato tamen ac spiritu Dei impellente perficit̃.

ROGAMVS nomine Christi, inquit, reconciliemini Deo.] Græcè est, *ἀιτέμεθα*. Significat autem uerbum *ἀιτέμεθα* indigere ac desyderare, & consequenter suppliciter pro re necessaria ac desyderata obsecrare. Haud igitur leuiter rogabat, ut Deo reconciliarētur, sed obnixe ac suppliciter perinde ac si rem ageret sibi ipsi omnibus modis necessariā, cum tamen quicquid agebat ipsorum salutis gratia ageret. Etenim si Deo reconciliari detrectassent, utique suos ipsorum hoc, non apostoli, exitio fecissent.

Vides uere paternum in Apostolo pectus. Emiserat apostolos suos dominus in hanc ipsam reconciliationis legationem, ut prædicarent Euangelium omni creaturæ, ac docerēt omnes Gentes, baptizantes eos in nomen patris & filij & spiritus sancti, ut autem suppliciter obsecrarent homines, quo se Deo reconciliari sinerent, mandasse illum non legimus. At hic Apostolus nō modo prædicat & docet in nomine Christi, sed & quosuis obnixe obsecrat, ut Deo recōcilient̃. Sic Apostolatū suū nō est p̃functorie exequutus, sed animo plane erga quosuis paterno, & salutis omniū cupido. Perinde ac si qs reo cui piā libere dimittendo, si ignosci sibi supplex petat, plectēdo uero, si id facere detrectet, ut salutē suā ac uitā cōsulat per-



Iat persuasurus non simpliciter uoluntatē ac gratiā principis exponat, sed & cūstante ac tergiuersantem obnixe obsecrat ac roget, ne tam insignem principis gratiam contemnat, sed uitæ suæ remissionem delictorum suppliciter petendo consulat, & hoc eò faciat impenfius, quo magis illum cunctari & exitio uiciniorē fieri uiderit. Consimile mihi admodū uidetur, quod hic Apostolus scribit, dicēs: Rogamus nomine Christi, reconciliemini Deo. Videbat quā certo exitio tam insignis gratia contemneretur, & quā certa salute resipiscendo & credendo acciperetur, ideoq; tanto serio ad amplexandam illum quosuis obsecrando ac rogando sollicitabat. Et quoniā sciebat Christo se ea in re summopere gratificari, tanquam humanę salutis unico reparatori, nō simpliciter obsecrabat, sed in nomine Christi, cuius uices gerebat. Et quid obsecrat? Reconciliemini, inquit, Deo. Atqui Deum in Christo fuisse, ac mundum sibi recōciliasse dixit. Quid ergo est quod hic se rogare dicit, ut Deo reconcilientur? Respondeo. Reconciliari Deo, hoc loco, non est reconciliari implacato, sed reconciliationem iam placati, in Christo filio ipsius factam, grato animo per resipiscētiā ac fidē in sanguinem reconciliationis amplecti. Qui hoc non faciunt, Deo reconciliati non sunt, quia ille mundum sibi in Christo reconciliari.

Dices. Si ergo reconciliati sunt cum Deo, qui recōciliationis huius gratiā fide accipiūt, quorsum Corinthios, utiq; fideles & reconciliatos, rogat, ut cum Deo reconcilientur, quasi nondum cum illo sint reconciliati?

1 Respondeo. Erant adhuc inter illos multi quos nondum peccatorum suorum pēnitebat. Vtiq; illi cum Deo reconciliati non erant, quia reconciliationis gratiam per impēnitentiam à se reijciebant. Horum respectu non immerito dicit: rogamus, reconciliemini Deo.

2 Deinde potest & hoc cogitari. Quod hic dicit: rogamus in nomine Christi, recōciliemini Deo, nō sic dici, ut specialiter ad Corinthios pertineat, sed ut significet quā ardentem ministerium hoc reconciliationis obeat, quosuis rogando, ac dicendo reconciliemini Deo. Et huic sententiæ fauet, quod in Græco non est, tanquā Deo uos exhortante, sed simpliciter, tanquā Deo exhortante per nos, ut possit referri ad omnes. Rogabat omnes Apostolus, quibus Christū initio prædicabat, dicens: Reconciliemini Deo, hoc est, gratiam reconciliationis, quam uobis Deus ipse per nos offert, cum pēnitentia & fide in Christum cupide accipite, quo saluemini. In hoc sensu nihil loci habet dicta iam quæstio.

EVM nanq; qui nō nouit peccatum, pro nobis peccatum fecit, inquit, ut nos efficeremur iusticia Dei per illum.] Rursus primariā causam urget, ob quam reconciliari Deo debeamus, mortem uidelicet Christi, sic tamen, ut illā exponat. Poterat dicere, dedit enim filiū suū in mortē, quo per illū reconciliaremur. Verū

A pro eximia sua sapientia consilium Dei in hac causa exprimere uolens dicit: Eum nanq; qui peccatū non nouit, pro nobis peccatū fecit, ut nos efficeremur iusticia Dei per illū. Sic bimēbrem ætiologiam ponit, in cuius primo membro memorat quid in causa salutis nostræ fecerit Deus, in altero ad quid fecerit.

EVM nanq; qui peccatum non nouit, pro nobis peccatū fecit.] Suprà dixit: non imputans eis peccata ipsorum. Hic rursus peccatorum meminit, dum Deū filium suū pro nobis peccatū fecisse dicit. Loquitur enim de hostia pro peccatis, quā more scripturæ peccatū uocat. Sic enim scriptura loquit, ubi de sacrificio pro peccatis meminit, ut Exod. 30. Et expiabit Aheron super cornua eius semel in anno, מִדָּם הַטָּהַר בַּפִּרְיִים, id est, de sanguine peccati expiationū. Hoc est, de sanguine hostiæ expiationū pro peccato oblata. Et Leuit. 4. Et educet iuuentū extra castra, & comburet eum ibi, הַטָּהַר הַקָּהָל חַיָּה, id est, peccatum ecclesiæ ipse est: pro, hostia pro peccato ecclesiæ ipse est. Ad umbras illas legalium sacrificiorum, quibus hostia pro peccatis offerebatur respiciēs, dicit Christum à Deo factum fuisse pro nobis peccatū, quod nihil est aliud, quā factū eum fuisse hostiā ac sacrificium expiatorium pro peccatis nostris. Huius respectu Deus remisit nobis omnia peccata nostra, nec aliquod ex illis imputauit, quandoquidē ea filio suo tanquā hostiæ expiatoriæ in cruce portanda & expianda imposuit.

B Ociosum autē non est, quod nō simpliciter dicit, Christum enim, sed periphrasticis, eum enim qui peccatum nō nouit. Hoc dicens uindicat Christo innocentiam singularem, qua nō modo peccatum non fecit ullum, sed ne nouit quidem peccatū, id est, peccare non nouit. Sic cauet, ne pro suo aliquo peccato crucifixus putetur, quo firmum sit, quod pro nostris peccatis in cruce expiandis, peccatum à Deo factus est. Etenim si peccator fuisset & ipse, peccatū pro nobis fieri non potuisset. In huius rei figuram requirebatur in lege, ut immaculatus iuuentus pro peccato offerretur. Sic igitur uindicat Christo innocentiam & iusticiā, sine qua peccatorum nostrorū expiatio nulla prorsus fuisset. Hunc unum nobis iustum & innocentem dedit Deus, in quo omnia totius generis humani peccata expiari possent.

Et uide quā constanter hic quoq; ad Deū referat, quod pro nobis à Christo est factum. Non dicit: Is enim qui peccatum non nouit, peccatum se pro nobis fecit, sed: Eum enim qui peccatum non nouit, Christum uidelicet, pro nobis peccatum fecit: quis? Deus, de quo dixerat, reconciliemini Deo, cui mox subiunxit, eum enim qui peccatum non nouit, pro nobis peccatum fecit. Magna plane consolatio est, quod Deus ipse innocenti suo filio omnia nostra peccata in cruce, extra portam, expianda imposuit, atque ita illum peccatum pro nobis fecit.



VT nos efficeremur, inquit, iustitia Dei in ipso. Exponit ad quid Deus filium suum innocentem ac iustum, peccatum pro nobis fecerit. Poterat dicere, ut in illo peccata nostra expiaret. Et hoc ipsum sane agebat. Verū placuit uti antithesi peccatorum nostrorum, & iusticiæ Christi. Nos peccatores eramus, ille iustus. Vt commutatio fieret, nostra peccata imposuit filio iusto, ac uicissim iusticiam illius communicauit nobis peccatoribus. Propter aliena igitur peccata, factus ille peccatum est, & nos propter alienam iusticiam iusticia Dei facti sumus. Sicut enim ille non suis, sed nostris peccatis peccatum à Deo, ita nos non nostra ipsorum, sed ipsius iusticia, iusticia Dei facti sumus à Deo. Nihilo enim magis nostra est iusticia qua iustificamur, quam ipsius sunt peccata, per quibus expiandis mortem pertulit. Facta namque commutatione peccata nostra sua, & iusticiam suam nostram fecit. Hoc exprimere uolens Apostolus dicit: Eum enim qui peccatum non nouit, pro nobis peccatum fecit, ut efficeremur iusticia Dei in ipso.

Quid est autē quod nō dicit: ut efficeremur iusti, sed, ut efficeremur iusticia Dei? Eadē ratione querās, quid sit quod nō dicit: eū qui peccatum nō nouit, pro nobis peccatorem fecit, sed pro nobis peccatum fecit. Filiū suū Deus peccatorem non fecit, sicuti nos peccatores sumus, peccatum uero, id est, sacrificium expiatorium pro peccatis nostris fecit. Sic nos iustos non fecit, quemadmodum ille iustus est, ut nihil amplius sit peccati in nobis, sicut in illo nihil erat, nec est peccati, sed fecit nos iusticiam, id est, imputauit nobis iusticiam, idque non nostram, quæ nulla est, sed suam, gratuitam uidelicet & clementer à se imputatam, quam habeamus, non in nobis, sed in ipso filio. Ideo non simpliciter dicit Apostolus, ut nos efficeremur iusticia, sed, ut nos efficeremur iusticia Dei in ipso. Si dicas Christum à Deo factum esse peccatum Dei in nobis, utique non intelligis de peccato, quod Deus fecerit, quemadmodum nos peccamus, sed de eo quod nostra illi peccata, tanquam hostiæ pro nostris peccatis, expianda imposuit. Consimili modo, cum Apostolus dicit: factos nos esse iusticiam Dei in Christo, nō loquitur de iusticia, qua Deus ipse in se iustus est, uel de ea quæ illius sit iusticiæ similis, sed de iusticia quā nobis in Christo imputat, sicuti peccata nostra illi imputauit. Itaque ut Christus in se iusticia Dei, in nobis peccatum factus est, ita nos in nobis peccatum, in Christo uero iusticia Dei sumus. In hac commutatione omnis nostra salus est sita.

Augustinus in Enchiridio, ad Laurentium ca. quadragesimo primo, paucis hæc uerbis expressit dicēs: Ipse ergo peccatū, & nos iusticia, nec nostra, sed Dei, nec in nobis,

sed in ipso, sicut ipse peccatum non suū, sed nostrū  
nec in se, sed in nobis factus est.

# ARGVMENTVM CAP.

**O**ccasione precedentium hortatur Corinthios, ne gratiam Dei quam in Christum credentes receperant, culpate uiuendo frustraneam reddant: & ad id studij suo illos exemplo prouocat. Deinde hortatur eos, ut consortia infidelium fugiant.

## CAPVT VI.



**Q**UIN & adiuuantes obsecramus, ne in uacuum gratiam Dei receperitis. Dicit enim: in tempore accepto exaudiui te, & in die salutis succurri tibi. Ecce nunc tempus acceptum, ecce nunc dies salutis, nullam ulla in re dantes offensionem, ne reprehendatur ministerium, sed in omnibus commendantes nos ipsos, ut Dei ministri, in tolerantia multa, in afflictionibus, in necessitatibus, in anxietatibus, in plagis, in carceribus, in seditionibus, in laboribus, in uigilijs, in ieiunijs, in puritate, in sciētia, in animi lenitate, in benignitate, in spiritu sancto, in charitate non simulata, in sermone ueritatis, in potētia Dei, per arma iusticiæ dextra, ac sinistra, per gloriā & ignominiam, per conuitia, & laudes, quasi impostores, & tamē ueraces, quasi ignoti, & tamen noti, quasi moriētes, & ecce uiuimus, quasi correpti & nō occisi, quasi dolentes, semper tamen gaudētes. quasi pauperes, multos tamen ditantes, ut nihil habentes, & tamen omnia possidentes.

Coherēt ista, quare incōmodū uisum est ea diuidere. Proposuit Apost. in præcedētib⁹ doctrinam salutis nostræ de reconciliatione à Deo ipso facta, qua sibi genus humanum per Iesum Christum reconciliauit, ac reconciliationis huius ministerium Apostolis imposuit. Iam initio capituli huius sexti parænesim subiicit, qua Corinthios hortatur ne tam insignem gratiā male uiuendo inanem sibi ipsi reddant. Sic itaque dicit.

**Q**UIN & adiuuantes obsecram⁹, ne in uacuum gratiam Dei receperitis. ] Græce est: *συνεργούντες δὲ καὶ παρακαλοῦμεν*. i. Cooperantes uero obsecramus etiam. Amphibolum est, cuiusnā se cooperariū esse dicat. Solet aliās Dei se uocare cooperarium. Agnoscit hoc & Chrysostomus, & tñ eò inclinatur, ut referat ad ipsos Corinthios, exponēs, *συνεργούντες ὑμῖν*. i. Cooperantes uobis. Mihi simplicius uidetur, ut respectu præcedētū intelligamus de ministerio illius, quo Deo in reconciliatione per Christum facta, ad hoc cooperabatur, ut ad illam quousque inuitaret. Hoc faciens simul obsecrabat alios ut Deo re-



conciliarentur, alios ne gratiam Dei semel acceptam inanem redderēt. Copulam, & interpres non suo loco posuit, dum uertit: Quin & adiuuantes obsecramus. Nō sic loquitur Apostolus, sed ad hunc modum. Cooperantes autem etiam obsecramus. Cooperationi adijcit obsecrationem, non obsecrationi cooperationem. Vulgata habet: Adiuuantes autem exhortamur. Is interpres copulam omisit, uel si reddidit, negligentia antiquariorum factum est, ut interciderit. Quale autem pectus in eo spiraret Apostolus, quod ministerium suum nō modo docendo sed & quosuis rogando & obsecrando exequutus est, supra admonuimus capite præcedenti, ubi dicit: rogamus nomine Christi reconciliemini Deo.

NE in uacuum, inquit, gratiam Dei receperitis. In Græco additur, *ὅτι*, id est uos. Quali dicat, Et si multi à gratia Dei recidant, uos tamē, in quibus saluandis tantopere laboraui, obsecro, ne quam amplexi estis gratiam Dei, in uacuum receperitis. Non dicit, ut gratiam Dei recipiatis, aut, reconciliemini Deo, quod utrūq; idem est. Loquitur enim ad Corinthios fideles, qui gratiam Dei credētes receperant, illiq; reconciliati fuerant. Qui tales sunt, admonendi ueniūt, ut acceptam gratiam bene collocēt, ne illam sibi ipsi inanem reddant.

Dices: Ecquomodo fieri potest, ut gratia Dei in uanum ac frustra recipiatur, cum sit in illa omnis nostra salus sita, sicut Apostolus hic alibi dicit: Gratia saluati estis. Si gratia saluat, quomodo potest frustra recipi? Respondeo. Saluat quidem gratia, uerum refert plurimum quomodo accipiatur & collocetur. Verbum Dei, uerbum gratiæ, reconciliationis ac salutis accipere, gratiam Dei recipere est, quam autem illud diuersimode accipiatur, notum est ex parabola Dominica Matth. 13. Alij accipiunt quidem sed non intelligunt, ideoq; malus ille ueniens rapit quod erat in cordibus illorum seminatum. Alij protinus & cum gaudio accipiunt, uerū non permittunt, ut radices agat in cordibus ipsorum, sunt enim temporarij, atq; ita fit, ut tribulatione propter uerbum gratiæ oborta, continuo offendantur ac relabantur. Alij & ipsi quidem accipiūt, uerum sic sunt curis huius sæculi, fallacium opum studio, ac uoluptatibus immerfi, ut acceptum uerbum in cordibus illorum suffocetur & infrugiferum reddatur. An non hi omnes gratiam Dei frustra recipiunt, etiam si illud mox atq; audierūt & cupide, & cum gaudio recipiant? An hi demum utiliter accipiunt, qui auditum intelligunt, intellectum cordi tanquam terræ bonæ sincera fide insinuant, ac fructum illius proferunt, alius mediocrem alius uberiolem, secundum mensuram donationis Christi.

Cum itaque Apostolus Corinthios obsecrat, ne gratiam Dei in uacuum receperint, satis indicat, receptam esse in uacuum ac frustra, si fructu suo destituatur. Perinde ac si terram frustra bonum semen recepisse dicas, si uel au-

feratur ab auibus, uel transeuntium pedibus proterat, uel radices agere nequeat, uel spinis suffocetur, atque ita infrugiferum reddatur, & medicinam utut in se bonam, receptam esse in uanum, si sic recepta collocataque fuerit, ut restituendæ sanitati nihil conducatur. Quantum autem ex eo sit exitij, si medicina unde ualitudini adeoque & uitæ consulendum erat, abusu reddatur inefficax, nemo cordatus non intelligit.

Obsecro, quis satis perpēderit, quā sit certa, quā merita, quā irrecuperabilis ex eo perditio, si gratia Dei, sine qua saluari potest nemo, sic inutiliter collocetur, ut in uacuum sit recepta? Leuius malum est non accepisse, quā acceptam malo collocasse. Satiū est non cognouisse uiam iustitiæ, quā à cognita ad priuatiuæ uitæ uomitum more canum reuerti. Sic enim posteriora fiunt peiora prioribus. Admonitio hæc uehementer necessaria est omnibus illis qui Euāgelio Christi, sermoni gratiæ Dei, nomen dederunt, quorum pars maxima dum non Christo sed sibi ipsi uiuunt satis declarat gratiam se Dei parum recepisse utiliter.

DICIT enim. In tempore accepto exaudiui te, inquit, & in die salutis succurri tibi. Citat locum hunc è promptuario prophetice scripturæ, ex Ieshaiah uidelicet cap. 49. ubi sic legimus *בְּחַסְדִּי יְהוָה בָּעַת רִצּוֹן עֲנִיתִיךָ בְּיָמֶיךָ*, id est, Sic dicit dominus: In tempore beneplaciti respondi tibi, & in die salutis succurri tibi. Quo sensu positum sit hoc à propheta uaticiniū, in Commentarijs nostris super Ieshaiah diximus. Apostolus accomodat illud suo proposito, ut consyderatione tam accepti ac salutiferi temporis Corinthios permoueat, quo gratiam Dei non recipiant modo, sed & utiliter recipiant. Huc applicat ista, in tempore accepto, item, in die salutis, quod utrūq; idem est, nisi quod prius per posterius exponitur.

Nam cætera, ut, exaudiui te, item, succurri tibi, non bene conueniunt illis, quibus sic est ultro gratia Dei per Euangelium oblata, ut de illa ne cogitarint quidem antea, nedum ad Deum pro illa clamauerint, ut clamantes exaudiri potuerint, & ut exauditi liberari, quales utique fuerunt, qui ex Gentibus in Christum crediderunt, è quorum numero erant & Corinthij, quo pertinet illud Esaiæ, Romanorum decimo, ab Apostolo citatum: Inuentus fui his qui me non quærebant, conspicuus factus sum his, qui de me non interrogabant. Dicimus igitur hunc locum proprie pertinere ad populum Israël, quem Deus in exilio ad se clamantem cum tempus liberandi uenisset exaudiuit & liberauit. Apostolus uero accomodat eum suo instituto, quatenus in illo mētio fit temporis accepti, ac diei salutis. Vnde & subiicit.

ECC E nunc tempus acceptum, ecce nunc dies salutis. Vides hoc unum ex isto loco ad propositum applicari, quod tempori gratiæ respon-



Respondet. Erat utique & tum tempus beneplaciti diuini, & dies salutis, cum tempesti-  
num esset in conspectu Dei, afflictum suum  
populum ad se clamantem exaudire, & è ca-  
ptiuitate liberare. Verum eius temporis felici-  
tas, uix umbra quædam fuit ad id temporis  
collata, in quo sibi mundum Deus per Chri-  
stum reconciliauit, & sermonem reconcilia-  
tionis per apostolos in totum orbem emisit,  
ac quous ad hanc gratiam uocauit. Vt huius  
temporis felicitatem supra eâ de qua prophe-  
ta ad Israël uaticinatus est extollat, nō sim-  
pliciter dicit, & nunc quoque tempus acce-  
ptum est, ac dies salutis, sed emphatice: Ecce  
inquit, nunc, si unquam uere tempus acceptū  
est, ecce nunc tandem uere dies salutis.

Nullum unquam tempore Deus tantum be-  
neplaciti erga genus humanum ostendit, nul-  
la unquam dies tantæ salutis ferax fuit, quan-  
tæ est hæc præsens. Quare etiam atque etiam  
uide, ne temporis huius gratiam & felicitatem  
contemnentes, aut non utiliter collocan-  
tes, tam insigni uos opportunitate in poste-  
rum priuetis. Hac expositione cauemus ne  
sensus prophætæ destruat, & iuxta ostendi-  
mus, quomodo ista ab Apostolo ad institutū  
quod agebat sint omnium pertinētissime ac-  
commodata.

Obseruemus igitur hoc loco, quibus elo-  
gijs tempus gratiæ Dei, tempus Noui testa-  
menti, & Euangelij exornet, uocat illud tem-  
pus *ἡμεῖς*, id est, beneplaciti Dei, bonæ uolun-  
tatis, cui concordat hymnus angelicus, quo in  
die nati Redemptoris cecinerunt: Gloria in  
excelsis Deo, & in terra pax, hominibus bo-  
næ uoluntas *ἀγαθὴ θέλησις*, quod Ebræis est *רצון*.

Quid est autem beneplacitum hoc Dei  
aliud, quàm quod posita ira misertus est gene-  
ris humani, illudque sibi in Christo filio recon-  
ciliauit, & omnimodam erga illud beneuolen-  
tiam induit? Beneplacitum hoc Dei trahit se-  
cum quæ in cælo sunt & in terra omnia: quid  
dico? ipsum unigenitum Dei, imò Deū ipsum.  
Da mihi beneplacitum principis, non erit in  
eo quicquam, quod simul cum illo non dede-  
ris. Sic Apostolus Ro. 8. Deum pro nobis esse  
dicit, contenditque fieri non posse, ut à quo-  
quam condemnemur.

Deinde uocat hoc tēpus Diem salutis, pro-  
pterea quod in illo salus est, & parata generi hu-  
mano per Christum, & mundo per apostolos  
ministerio prædicationis Euangelicæ dispen-  
sari cœpta.

Vide autem quàm competēter, & quàm or-  
dinate hæc duo, tempus beneplaciti ac diem  
salutis, coniunxerit. Vt enim in beneplacito  
regis est uita, in ira uero mors, ita in beneplaci-  
to Dei sal<sup>us</sup>, in ira uero perditio existit. Pulchre  
igitur tempori beneplaciti Dei diem salutis  
coniunxit.

NULLAM ulla in re dantes offensionem,  
inquit.] Sic habetur in Græco, *οὐδὲν ἴσχυον ἵνα μὴ  
ἀπὸ τοῦ διδόντος ὑπονοηθῶ*. Vulgata habet, nemini

A dantes ullam offensionem. Erasmus uertit:  
Nequam usquam demus offensionem. Pri-  
mum, uocula, ne, nō est in Græco hoc loco, de-  
inde, non est *ἀπὸ τοῦ* demus, sed in participio, *δι-  
δόντος*, id est, dantes. Fefellit hunc interpretem,  
quod existimauit ista per modum exhortatio-  
nis esse dicta, cum de se loquatur Apostolus  
hinc ad finem usq; præsentis contextus. Qua-  
re ordinanda est lectio ad hunc modum. Co-  
operantes autem obsecramus etiam, ne in ua-  
cuum gratiam Dei receperitis. (Dicit enim. In  
tempore accepto, audiui te, & in die salutis suc-  
curri tibi. Ecce nunc tempus acceptum, ecce  
nunc dies salutis) nullam ulla in re dantes of-  
fensionem, ne repræhendatur ministerium,  
sed in omnibus commendantes nos ipsos, ut  
Dei ministri, &c.

Sic ista post parenthesim connectenda sunt  
ei quod initio dixit: Cooperantes autem ob-  
secramus. Loquitur enim de studio suo, quo  
se in ministerio sic gessit inculpabiliter, ut abs-  
que offensione cunctis prodesse & ad salu-  
tem cooperari posset. Quod si omnino parti-  
cipium *διδόντος* in suum uerbum mutandum  
uideretur, melius est ut uertatur: Nullam ulla in  
re damus offensionem, ut constet sibi sermo,  
quo de seipso loquitur Apostolus.

B Non est autem præter rationem, quod ad-  
hortationi, de gratia Dei, cuius ipse minister  
erat, non in uanum recipienda, mox de mini-  
sterio suo subiicit, illique hoc synceritatis uin-  
dicat, quod nemini ex eo aliqua obijciat cau-  
sa, quæ offendatur, sed magis exhibeatur in o-  
mnibus occasio agnoscendi ministrum Dei.  
Etenim nisi eiusmodi integritate commende-  
tur Christi minister, ut in ministerio suo incul-  
pabilis reperiatur, plane elumbes sunt omnes  
illius adhortationes, & quātū uis sedulo ad-  
moneat curandum esse omnibus, ne gratiam  
Dei in uanū recipiant ipse tamen gratiam Dei  
inefficaciter prædicat, & frustra de illa non in  
uanum recipienda hortatur.

Vide autem quàm caute non dicat: nemi-  
nem ulla in re offendentes, sed, nullam ulla in  
re dantes offensionem. Aliud est dare offen-  
sionem, hoc est causam offensionis, & aliud  
offendere maleuolos nulla data offensionis cau-  
sa. Offensio est data & accepta, est data & non  
accepta, est non data & tamen accepta. Offen-  
sionem dare, alienum esse debet à fidelibus o-  
mnibus, alienissimum à Christi ministro. Da-  
tam offensionem accipere, infirmorum est &  
incautorum, quorum potissimum habenda e-  
rat ratio.

Qui firmus est in uia Dei, licet ubique offen-  
sionum causæ occurrant, haud tamen offen-  
ditur, sed inoffenso pede quo cœpit pergit.  
Non datam offensionem accipere, uel erran-  
tium est, uel maleuolorum. Errantium, ut in  
Papatu, si minister sit uxoratus, offenditur po-  
pulus, si sit publicus scortator, non offenditur,  
quia talibus assueuit. Maleuolorum, & quan-  
do prælati ecclesiarū puritate doctrinæ Chri-  
sti offen-



sti offenduntur, per quam dominatui, quæstui, A uentri & ocio illorum derogatur.

Postremum hoc offensionis genus minister Christi cauere non potest, imò nec debet. Offendebat illo Paulus innumeros ex Gêribus, & Iudæis, ex falsis Apostolis & falsis fratribus, cum tamen nemini iustam obijceret offensionis causam. Quod significans dicit, nullam ulla in re dantes offensionē, ne repræhendatur ministerium.

NE repræhendatur ministerium, inquit.] Sic uocat suum Apostolatū. Intelligit autem de ministerio reconciliationis à Deo sibi imposito, cuius capite præcedenti meminit. Non dicit autem simpliciter, ne male audiam ego, ne culper ac contemnar ego, sed, ne repræhendatur ministerium, uel, ne macula inuratur ministerio. Græce, *μη μωμῶν ἢ διακορῖα*. Significat autem *μωμῶν* maculam. Quamuis etiam suæ famæ rationem habeat Apostolus, magis tamen sollicitus est pro ministerio suo, ne illud infamæ maculam incurrat. No- uit enim admodum esse proclive, ut quæ persona ministri delinquit, ipsi impingantur mi- nisterio, præsertim à *μωμοκρίταις*, qui in hoc sunt intentissimi, ut quærant undiq; occasio- nē uituperandi ministerij, quod magis odiunt quàm ministri personam.

Sciens hoc, non modo ipse cauet, ne repræ- hensibilis inueniatur, sed & ab omnibus Chri- sti ministris hanc uitæ ac ministerij integrita- tem requirit, ut sint irrepræhensibiles, primo B Timo. tertio, Tit. primo. Ast hodie tangit paucos hæc cura ministros. Satis est non errare prædicando, quicquid fiat uiuendo. Magna pars bibunt, ludunt, negotiantur, fidem fal- lunt, usuram accipiunt, odio fraterno inficiun- tur, melioribus beneficijs, ut uocant, impuden- ti ambitu inhiant, & inueniuntur, qui ne ab adulterio quidem abstineant. Hi omnes parum curant, quomodo audiat ipsorum ministeriū, quia parum sunt de gloria Christi, & salute fi- delium solliciti.

SED in omnibus, inquit, commendantes nosipsum, ut Dei ministri.] Non est satis Chri- sti ministro, si nullam ulla in re det offensio- nem, ne ministerium repræhendatur, sed & hoc ab eo requiritur, ut se insinuet & com- mendet omnibus, idque non in re una & alte- ra tantum, sed in omnibus, tanquam Dei mi- nistrum, hoc est, ut sic se gerat in omnibus, ut causam inueniant omnes agnoscendi ac pro- bandi ministrum Dei, qui uidelicet gloriam Dei non suam quærat in omnibus, qui spiri- tu Dei imbutus uoluntatem Dei fideliter pro- ponat omnibus, quique omnes huc & uerbo & uitæ studio inuitet, ut salutis suæ rationem habentes gratiam Dei recipiant, & utiliter col- locent. Hoc sentiens Apostolus, postquam di- xit, nullam ulla in re dantes offensionem, mox subiecit, sed in omnibus commendantes nos- ipsos, ut Dei ministri.

Quemadmodum autem in præcedenti par-

ticula diximus, aliud esse offendere maleuo- los sine data offensionis causa, & aliud dare of- fensionem, ita sentiendum est & hoc loco. A- liud est commendare se bonis, & aliud stude- re quidem, ut commendes te omnibus, & ta- men interea displicere multis. Apostolus cum hic dicit: commendantes nosipsum in omni- bus, ut Dei ministri, non euentum exprimit, sed studium, quo se omnibus tanquam Dei ministrum commendare satagebat. Aliàs, ut innumeros offendebat, quamuis nemini of- fensionis causam daret, ita paucis se comm- dabat effectu, licet commendaret se omni- bus studio.

In tolerantia multa, inquit, in afflictio- nibus, in necessitatibus, in anxietatibus, in plagis, in carceribus, in seditionibus, in laboribus, in uigijs, in ieiunijs.

Quomodo & quam constanter sese tanquā minister Dei commendarit in omnibus, con- sequenter memorat. Et principio singularem tolerantiam considerandam proponit, qua se sic obfirmauerat in opere domini obeundo, ut ab eo nullis posset aduersis & molestijs repel- li. Sic dicit: in tolerantia multa, ac mox spe- cies quasdam rerum aduersarum, ac molesta- rum subiicit, quibus tolerantia ipsius in mi- nisterio Christi indefinenter exercebatur, cum dicit: in afflictionibus, necessitatibus in an- xietatibus, &c. Quod dicit, in afflictionibus, genus est, & coniungendum cum præceden- ti, ut legatur, in tolerantia multa, in afflictio- nibus, ac tum sequantur afflictionum & tri- bulationum species, necessitates uidelicet, an- xietates, plagæ, carceres, seditiones, labores, uigiliæ & ieiunia.

IN afflictionibus.] De afflictionibus ipsius illarūq; grauitate & multitudine supra cap. i. dictum est.

IN necessitatibus.] Græce est *ἐν ἀνάγκαις*. Intelligit de rerum necessariorum penuria, cu- ius & infra cap. undecimo mentionem faciet. Hanc quomodo tam insignis Apostolus inci- derit, mihi non minus mirum est, quàm quo- modo pertulerit. In hoc ipsius tolerantia com- mendatur, in illo turpissima eorum qui cre- dere cœperant, ingratitude notatur, demptis tamen illis, qui & ipsi consimili necessitate premebantur.

Videmus hodie quoque non paucos Chri- sti ministros cum egestate admodum despica- bili luctari, cum interea ociosi uentres in ec- clesijs delicatissime saginentur. Antiquum hoc malum est, cui & prophetæ Dei in Vere- ri testamento, in ipso populo Dei obnoxij fue- runt, sicuti secundo Regum quarto, mox ini- tio capitis uidere licet.

IN anxietatibus, inquit.] Græce est *ἐν στενοχωρίαις*. Significat autem *στενοχωρία* proprie lo- corum angustiam, in qua periclitari solēt, qui in illam impelluntur, sicuti in prælijs fieri cō- suevit.



suevit. Transfertur autē ea uox ad animi quoque angustiam & anxietatem, quo sensu hic posita uidetur. Vel, intelligenda est de angustijs, quibus in periculis, undique circumualantibus sic arctabatur subinde, ut nullum pareret effugium.

IN plagis inquit.] De uerberibus loquitur, quorum meminit infrā cap. undecimo, dicēs: A Iudæis quinquies quadragenas plagas una minus accepi. Ter uirgis cælus fui.

IN carceribus, inquit.] De his uidere est, Actorum decimosexto: Sub his compræhenduntur & uincula.

IN seditionibus.] Græce est, *ἰν ἀκαταστασίαις*. Chrysostomus intelligit crebras eiectiones per quas sit ut nequeas ulpiam consistere, ac pedem figere. Et is sensus, nec alienus est ab ipsa dictione, nec male conuenit ijs quæ Paulo sæpenumero acciderunt. Verum uox eadem seditionem quoque significat. Etenim seditione obtinente sic omnia turbantur, ut nihil ferre sit in statu publico, quod non loco & ordine suo moueatur, sic ut omnia confusa reddantur & incerta. Et ex Actis Apostolorum satis patet malum hoc seditionum aliquoties expertum esse Apostolum.

Quare uterque sensus sic est comparatus, ut nihil sit periculi utrum retineas. Admodum graue est, ac periculosum, infame etiam, pro eo haberi qui seditiosus homo sit, & author seditionum. Quid autem iniquius excogitari potest, quàm pro talibus habere eos, qui & pacis sunt studiosissimi, & omnibus ex æquo cōsultissimum esse cupiunt? quales fuerūt Christus & Apostoli, qui tamē a maleuolis pro seditiosis sunt habiti. Mox ad primum Euangelicæ lucis exortum per sua membra Satā tanquam tenebrarum princeps, seditiones excitat, ut harum authores esse uideantur in speciem, qui nouam & insolitam doctrinam adferunt, quo illa hac notetur infamia, quod pariat seditiones. Nos huius rei nostra quoque ætate aliquot uidimus exempla. Hanc Satanæ maliciam minister Christi diligenter quoad eius fieri potest obseruet & caueat. Quod si cauere non poterit, sic tamen se gerat, ut nullam seditioni dedisse causam constare possit, ipsam seditionem cum Paulo animo infracto ferat, oretq; dominum, ut motus à Satana excitatos compescat, largiaturq; pacis serenum, in quo ueritas Dei propagari queat.

IN laboribus, inquit.] Laboriosa res est ministerium Apostolicum, episcopatus plus habet quietis. Laboribus Apostolatus ipse feruor Pauli magnum cumulum adiecit. Plus enim omnibus laborauit. Huc accessit operatio manualia, unde se sustentaret, ne cui esset oneri. Sic uicissim apostolicis & manualijs laboribus, per mare, per terras discurrendo prædicando, unumquenq; separatim sollicitando, & operando noctes ac dies fatigabatur, ut mirū sit quomodo tot tanq; irremissorum laborum tolerantia sufficere potuerit.

A IN uigilijs.] Duplex illi uigiliarum genus, unum erat, quo ad operandum, alterum quo ad docendum utebatur. Posterioris exemplum habetur in Actis cap. uigesimo, ubi memoratur, quomodo Troadæ totam noctem ad diluculum usque in opus domini docēdo & exhortando insumpserit.

Quod illic fecit dubio procul pro consuetudine sua fecit, qua noctu cœtum fidelium congregabat, quod diurni conuentus magno essent cum periculo coniuncti. Hinc usus uigiliarum natus est in ecclesia inter primos Christianos, temporibus persecutionum, quem postea episcopi pacis quoq; tempore retinuerunt, ac diebus profectis deputarunt, perinde ac si tutum non esset interdium congregare ecclesiam. Tandem nil aliud quàm nomen inane remansit.

IN ieiunijs, inquit.] Græce est, *ἰν νηστείαις*. Accipitur autem uox *νηστία* frequentius quidem pro ieiunio religioso, ac sponte suscepto, uerum Actorum. 27. pro necessario quoque usurpatur, in historia uidelicet naufragij, in quo Paulus erat uinctus, ubi sic legitur: Multo autem tempore peracto, & cum esset iam periculosa nauigatio, *διὰ τὸ καὶ πλεονεχίας ὕδατος παρῆλθαι*, id est, quod ieiunium iam præterisset. Erasmus uertit, ob id quoque quod iam ultra tempus sustinuisset inedia, quasi sit *διὰ τὸ καὶ πλεονεχίας ἀστίαις παρῆλθαι*, qua uoce Lucas eodem postea sensu in eadem utitur historia dicens: *πολλὴς δὲ ἀστίας ὑπαρχόντος*, id est, cum autē multa iam esset inedia. Vnde apparet usurpasse Lucam *νηστία* & *ἀστία* ex æquo, de ieiunio neque religioso, neque sponte suscepto, sed de necessario & inuoluntario, quale frequēter accidit militantibus, nauigantibus, & inopia rerū necessariorum pressis.

Iam quod præsentem locū attinet, scio alios exponere de uoluntario ieiunio, alios de necessario, alios de utroque. Mihi rectius sentire uidentur, qui de necessario accipiunt, quod frequenter pertulit Apostolus, non inuitus quidem patienter tamen, tanquam speciem afflictionum Christi. Sic sentire placet, quod præter rationem ac propositum Apostoli uidetur ieiunio uoluntario, ac sponte suscepto tribuere tolerantiam. Cæterū de ieiunio in Mattheo nostro pleraque diximus cap. 4.

IN puritate, inquit, in sciētia, in animi lenitate, in benignitate, in spiritu sancto, in charitate non simulata, in sermone ueritatis, in potentia Dei.] Cœpit recensere, quibus se uirtutibus tanquam Dei ministrum commēderet in omnibus. Inter has primum locum tribuit tolerantia afflictionum, quarum aliquot species adnumerauit. Iam consequenter tolerantia subijcit, & reliquas uirtutes, haud quidē omnes, eas tamen in quibus abunde sufficienter Dei possis agnoscere ministrum.

IN puritate, inquit.] Græce est, *ἰν ἀγνότητι*. Vulgata habet, in castitate. Loquitur de puritate uitæ, cuius oppositum est lasciuiarum &



1. Tim. 4.

scortationū impuritas. Nō loquitur de uirginitate, aut uiduali continentia, sed de puritate, cuius seruantes esse possunt, ac debēt etiam coniuges. Vbi Timotheum suum hortatur, ut sit forma fidelium in sermone, in conuersatione, in dilectione, in spiritu, in fide, *ἐν ἀγάπῃ*, id est, puritate, non hoc agit, ut Timotheus suo exemplo quosuis ad uirginalem castitatē prouocet, sed ut forma sit omnibus, etiam coniugibus uitæ ab omni scortationum, ac libidinum immundicia puræ. Et Tit. secundo: Vbi doceri uult adolescentulas, ut maritos suos diligant, ut liberos ament, ut sobriæ sint, *ἀγνῶς*, inquit, id est, puræ, &c. nō requirit ab illis uirginalem, sed conjugalem castitatem.

Notū est illud Paphnutij, nunquam satis in ecclesia obseruatum dictum, quo in concilio Niceno, cum episcopi nouam legem de adimendo ministris usu coniugij, in ecclesias introducere uellent, diserte testatus est, castitatem esse congressum uiri cum uxore legitima. Vide Socratem libro primo Eccles. hist. cap. II. Et hic ipse Apostolus, non modo coniugium honorabile inter omnes, sed & cubile coniugum impollutum esse dicit.

Cū igitur hic inter cæteras uirtutes, in quibus se minister esse Dei comprobauit, ponit puritatem, significat se in Apostolatu suo uitæ puritatē studiosissime custodiuisse, quod haud parum argumenti habeat impuritas uitæ, ministri non Dei, sed carnis & immundarum libidinum. Iam pontificij cum sint omnis generis libidinibus, palam & impudenter immerſi, uitamque uiuant omnium impurissimam, nihilo tamen secius pro Dei uolunt haberi ministris. Et interea impuritatis eos damnant, qui coniuges Christo domino, in Euāgelio ipsius ministrant.

IN scientia, inquit.] Dubium non est quin non loquatur de scientia sæculari, quam sibi nusquam uindicat. Loquitur ergo de scientia rerum spiritualium, quemadmodum & infra cap. undecimo, cum dicit: Licet imperitus sim sermone, *ἀλλ' οὐ τῇ γνῶσει*, id est, non tamen scientia. Obsecro, sine hac quomodo agnosces ministrum & interpretem Dei? Potest *ιδιώτης* uir esse probus, & Christianus, at Apostolus & minister sermonis uitæ esse non potest, cui nō est donum sciētiae rerum spiritualium, præsertim earum quæ mysteria Christi concernunt. Cum ergo Apostolus scientiā hanc ubertim exponeret, utiq; comprobabat se singularem esse Dei ministrum.

IN animi lenitate.] Græce est, *ἐν μακροθυμίᾳ*. Sonat autem *μακροθυμία* eam animi lenitatem, qua tardus ad iram est, & procul ab *ὀξύθυμία*, id est, excandescencia, quæ ex diametro *μακροθυμία* opponitur. De Deo testantur scripturæ, quod sit *אֱלֹהִים אַרְצֵי רַחֲמִים*, id est, *μακροθυμὸς*. Consequitur ergo nihil minus esse, quàm ministrū beneuoli Dei, qui *ὀξύθυμος* est, id est, præceps ad iram. Qui eiusmodi est, irati Dei minister esse potest, quales sunt tyranni: beneuoli ac mi-

nis esse non potest. Cum ergo Apostolus minister esset gratiæ Dei, non conueniebat ut esset ad iram propensus, quare dono Dei factum est ut esset *μακροθυμὸς*, & ea se uirtute ministrum placati ac beneuoli Dei esse comprobaret.

IN benignitate.] Græce est, *ἐν χρηστότητι*. Vulgata habet in suauitate. Nescio an Latina uox benignitas, Græce *χρηστότης* ex equo respōdeat. Benignitas nanque ea uirtus est, qua quod datur, non maligne, sed benigne, id est, large datur. Vnde terra fructus large reddens benigna uocatur. *χρηστότης* uero animi ac morum placiditatem, comitatem, suauitatemque significat, quæ uirtus admodum est insignis, ac mirum in modum ad commendationem ministerij facit.

Opponit illi Apostolus Romanorū undecimo, *ἀποτομία*, id est, seueritatem, dicens: *ἢ ὅτι χρηστότητα καὶ ἀποτομίαν ἔχεις*. Hæc autem morum placiditas ac suauitas retineri non potest, nisi adsit *μακροθυμία*. Quare illam Apostolus præmisit, quemadmodum & primo Corinthiorum decimotertio, cum dicit: *ὁ ἀγαπᾷ μακροθυμῶν, χρηστότης ἐστίν*. Et Galat. quinto, *μακροθυμία, χρηστότης*. Certe altera non poterit sine altera consistere. Vbi *ὀξύθυμία* est, ibi *χρηστότης* esse non poterit, rursus ubi *χρηστότης* est, ibi *ὀξύθυμία* locum non inuenit.

IN spiritu sancto, inquit.] Non incommode acceperis hoc de donis spiritus sancti, quæ Græce charismata. i. Corinthio. 14. uocantur. Nam & illa plurimum faciebant ad commendandum ministerium. Haud tamen displicet, quod nonnulli spiritum accipiunt hic pro animo ac mente, ut significet Apostolus in omnibus se & erga omnes agere animo sancto, id est, simplici, cādido, puro & ab omni hypocrisis alieno. Et talis animus non est ex carne, sed ex dono spiritus sancti. Qualitas spiritus hominis abscondi constanter non potest, sed leui momento proditur. Plurimum autem facit ad agnoscendum ministrum Dei, si in omnibus quæ agit, spiritum non prophanum, sed sanctum spiret.

IN charitate non simulata, inquit.] Et Christus ipse notā hanc posuit, qua discipuli ipsius cognoscantur. Et Deus cum sit charitas utiq; ministros suos spiritu charitatis imbuat, quibus ipse ministerium reconciliationis imponit. Et per hanc igitur ministrum se Dei declarauit Apostolus, & in omnibus sese commendauit, & approbauit illis, cum quibus egit. Non est autem ociosum, quod non simpliciter dicit: Et in charitate, sed addit: non simulata. Sic enim uindicat sibi ueram charitatem, illamque à falsa distinguit. Vera eorum est, qui spiritu sunt ueritatis regenerati, adeoque & filij Dei, & eorum quoq; , qui ueritatis sunt ministri. Falsa uero eorum, qui spiritu mendacij ducuntur, & cum primis pseudapostolorum, qui uerbis dilectionem iactant, ut incautos fallant.

IN sermone ueritatis, inquit.] Exponunt de doctrina. Sane ministri Dei est q̄ uera sunt docere.



docere. Et utiq; doctrina Apostoli sermo erat non mendacij, sed ueritatis. Docuit quidem quæ uera sunt, & docuit ut minister Dei, at cū ueritas illa Euangelij Dei peregrina sit in terris, & non nisi electis, ac credentibus probeatur, ipse uero in omnibus sese non electis tantum, & fidelibus, sed & quibuslibet commendare scribat, easque hic uirtutes recenseat, quæ incredulis quoque probantur, existimo quod dicit: in sermone ueritatis, intelligendum esse de ueritate omnium eorum, quæ ad conuictum humanum pertinētia, cum quibuslibet loquebatur, ne quo pacto ulla in re uanus in uerbis deprehenderetur, quod genus uicij etiam infidelibus admodum improbatur. Nec fieri potest, ut credant eum in doctrina esse ueracem, quem aliās uanum ac mendacē in uerbis deprehendunt.

Hunc itaque sensum præsentis loci germanum esse iudico. Si tamen de doctrinæ ueritate quisquam accipiendum esse putauerat, habet. 2. Tim. 2. locum, ubi doctrina sermo ueritatis ab Apostolo uocatur.

IN potentia Dei.] De potētia signorum ac miraculorum loquitur, quæ per ipsum edebantur, ut sermo Euangelij quod prædicabat, confirmaretur. Hæc potentia exordijs erat Euangelicæ prædicationis addita, donec illa confirmaretur, postea cessauit, qua cessante subsequuta est operatio Satanæ, qua impostorille per suos apostolos, falsis ac mendacibus signis orbem dementauit, qua de re. 2. Thess. 2. B

PER arma iusticiæ, dextra ac sinistra, inquit, per gloriam & ignominiam, per conuicia & laudes.] In Græco est, *διὰ τῆς δόξης καὶ τῆς ἰσχυρῆς καὶ τῆς ἐνδοξίας καὶ τῆς ἐνδοξίας καὶ τῆς ἐνδοξίας*. Vulgata habet, à dextris & à sinistris. Quoniam arma quæ sunt à dextris dextra, & quæ à sinistris sinistra, recte uocantur, nihil discrepantiæ est in duabus hisce uersionibus.

Comparat autem se militi sic armato, ut dextra gladium habeat, sinistra scutum, gladio impetat hostem, scuto ictus ac tela illius excipiat. Arma iusticiæ sunt, quibus iusticiæ contra iniusticiam militatur. Sic illa & Romanorum sexto, uocat. His se dicit utrinque instructum. Quare in eo quod dicit: per arma iusticiæ dextra ac sinistra, subaudiendum est, instructi. Quæ autem arma iusticiæ intelligat, puto accipiendum esse ex præcedentibus, sic ut sinistra sint, tolerantia, qua ut scuto ictus hostis, ita omnis generis afflictiones excipiuntur ac feruntur, dextra uero, puritas, scientia, animi lenitas, benignitas, spiritus sanctus, cha-

ritas non simulata, sermo ueritatis, ac potentia Dei, quibus antiquus hostis, & omnes qui ueritati Dei aduersantur, repelluntur. Sane his armis pugnando declarauit se militem ac ministrum esse Dei.

PER gloriam, inquit, & ignominiam, per conuicia & laudes.] Quidam ad hæc referunt, quod dixit: per arma iusticiæ, dextra ac sinistra, quasi gloria & laudes sint arma dextra, ignominia & conuicia sinistra, uerum non uideo quomodo hæc sint arma iusticiæ, cum ignominia & conuicia magis iniusticiæ quàm iusticiæ conueniant. Nos hunc existimamus esse Apostoli sensum. His itaque uelut armis iusticiæ à dextris & à sinistris instructi, sic stationem nostram tuemur, ut inde, nec per gloriam, nec ignominiam, neq; per conuicia, neq; per laudes dimoueamur. Quare subaudiendum est uerbum aliquod utpote, penetramus, ut legatur ad hunc modum.

PER arma hæc iusticiæ (habetur enim articulus in Græco, *διὰ τῆς δόξης*) dextra ac sinistra instructi penetramus per gloriam & ignominiam, per cōuicia & laudes. Quasi dicat: Sicut nec gloria & laude efferamur, nec ignominia & cōuicijs deijciamur. Sicubi laudamur & extollimur, non inflamur, sed cōmendamus nos hominibus benignitate, spiritu sancto, & charitate non simulata. Si ignominia & conuicijs impetimur, nec deijcimur animo, nec excādesimus, nec malum pro malo reddimus, sed cōmendamus nos tanquam ministrum Dei, tolerantia & animi lenitate.

Quod autem post gloriā & ignominia, adijcit conuicia & laudes, specificationem habet. Nam gloriam & ignominia in genere, cōuicia uero & laudes ī specie dixit. Species enim gloriæ est laus, & species ignominia est conuiciū. Significat igitur Apostolus idem sibi euenire quod Christo domino, qui & ipse ab alijs laudabatur, ab alijs uituperabatur. Nā alij de illo dicebant, bonus est, alij contra, non, aiebant, sed seducit turbas. Ioan. 7. Et hæc communis fors est omnium uerorū Christi ministrorū, ut à bonis quidem laudentur, à reprobis uero innumeris cōuicijs imperatur ac proscindantur. Quare cogitandum ipsis est, non esse discipulum supra magistrum, curandumq; ut cū Apostolo armis iusticiæ, tā sinistris q̄ dextris, muniti utrunq; euentum sic excipiat, ut in utroq; ueros se Christi declarent esse ministros.

QVASI impostores, inquit, & tamen ueraces, quasi ignoti, & tamen noti, &c. In Græco est, *ὡς πλάνοι, καὶ ἀληθεῖς, ὡς ἀγνοούμενοι καὶ ἰσχυροί, ἢ ἐνδοξοί*, id est, ut impostores, & ueraces, ut ignoti, & cogniti. Omnino subintelligedū est aliquid, nec displicet, quod Eras. uertit, & tamē ueraces, & tamē noti. Quod dixit p ignominia & cōuicia explicat, recēfens aliquot reprobōrū cōuicia, quibus personā ipsius, & per consequens Apostolatū quoque obscurare nitebantur.

Vocabant eum impostorem, hominem ignotum, morti deuotum, castigatum, tristem,



pauperem, ac nihil habentem. Hisce conuitijs annectit singulis, quàm nihil sit minus, quàm quod illi sibi exprobrant. Sic dicit:

QVASI impostores.] Hoc est, habemur pro impostoribus, suspecti reddimur, & auersandi, quasi simus seductores. Fiebat hoc à Iudæis, incredulis ex Gentibus, & pseudapostolis, præsertim illis, qui quæstum exercebāt in sua religione, erantque pessimi impostores. Nam hoc genus hominum sic animatū est, ut emergentem ueritatis lucem, quam ferre non potest, imposturam & hæresim, illiusque ministros impostores, & hæreticos uocet. Accidit hoc & ipsi Christo, de quo ad Pilatum dicebant: Recordati sumus, quod seductor & impostor ille dixit, Matth. 27.

Quid ad hoc Apostolus? Et tamen, inquit, ueraces. Quasi dicat: Vtut habeamur pro impostoribus, impostores tamen non sumus, sed ueraces, ueritatem Dei fideliter docētes. Non dicit, & tamen ipsi sunt impostores, sed, & tamen ueraces, intellige sumus. Nō hoc agebat, ut conuicia conuitijs rependeret, sed & ministerium suum contra insimulationem imposturæ defenderet.

QVASI ignoti, inquit, & tamen noti.] Dicebant, ignotus & obscurus homo est, nescimus quis sit & unde sit. Quemadmodum canes ignotos allatrant, ita illi in eo erāt, ut Paulo quasi ignoto oblatrarent omnes.

ET tamen noti, inquit.] Si quisquam qualis esset notus erat, notus utique erat Paulus. Nam cum in omnibus ministerium se Dei esse comprobaret, utique ignotus & obscurus esse nō poterat, præsertim illis, qui ab ipso in Christo Iesu regenerabantur. Obscuritas familiæ ac natalium, quam ipsi obijciebant reprobi, nihil faciebat ad propositum, & interea celebritatem nominis ac ministerij, qua passim illustrabatur, egregie dissimulabant, imò hæc ipsa erat, quam obscurare moliebātur. At ipse hanc asserens, dicit: & tamen noti. Non affectabat nominis celebritatem, at interea ad maliciam reproborum conuiuere, & opus in se Dei dissimulare non poterat. Quod ipsi obijciebant pseudapostoli, poterat multo iustius illis obijcere, utpote hominibus sic obscuris & ignotis, ut opus haberent literis commendatitijs, cuius meminit suprā cap. tertio: Verum nolebat uicariæ exprobrationis funem cum illis trahere, sed magis ministerij sui celebritatem tueri.

QVASI moriētes, & ecce uiuimus, inquit.] Suprā cap. quarto, dixit se semper in mortem tradi, propter Iesum. Hoc ipsi uicio uerrebatur à reprobis ac pseudapostolis. At, inquit, nondum mortui sumus, sed ecce uiuimus.

Non simpliciter, uiuimus, sed, ecce uiuimus, inquit. Quasi dicat: Vident me frequenter tradi in mortem propter dominū, & id mihi exprobrant, quur non simul uident, quod interim adhuc uiuo? quur non uirtutem Dei, quæ me conseruat, hac in re agnoscunt? Hanc suprā

A quoque cap. 4. considerandam proposuit dicens: Semper enim nos qui uiuimus, in mortē tradimur propter Iesum.

QVASI correpti, & non occisi.] Vulgata habet, ut castigati. Græce est, *ὡς παιδευόμενοι*. Quē admodum infrā cap. undecimo meminit. Virgis aliquoties cæsus fuerat. Id castigari uocat scriptura. Sic Pilatus, cum Christum flagellare ac sic liberare constituisset, dicebat, *παύσατε δὴν αὐτὸν ἀπολύσω*, id est, castigatum igitur dimittā. Maleuoli igitur castigationem hanc singularem iram Dei interprebantur, & sic opprobabant Apostolo, ac si flagiciosi hominis haberet argumentum. Ipse igitur regerit, at non occisi. Quasi dicat: Vtut exprobrent nobis, quod castigemur subinde, interim tamen uidere poterūt, haud esse nos occisos, sed uirtute Dei liberatos. Non est autem ociosum, quod se uiuere, & occisum non esse dicit. Sciebat id uehemēter urere pseudapostolos, quod perpetuo seruabatur, & è tot discriminibus ereptus adhuc uiuebat.

QVASI dolentes, inquit, semper tamē gaudentes.] Cum crebris afflictionibus exerceretur, uidebatur in oculis mundi, uir esse dolorum ac tristitiarum, atque ideo etsi uiueret, uitam tamen uiuere miseram & infelicem, cui mors ipsa sit præferenda.

B Regerit igitur dicens: semper tamen gaudentes, quibus uerbis negat se propterea uirum esse dolorū & infelicitate uiuere, quod crebris afflictionibus exerceatur, cum potius iugiter à domino refocilletur, & exhilaretur. Quemadmodum enim suprā cap. primo dixit, sicut abundabant in ipso afflictiones Christi, ita & consolationes per Christum in ipso abundabant, usq; adeo, ut & alios afflictos consolari posset in domino.

QVASI pauperes, inquit, multos tamen ditantes.] Iuxta sæculum quidem diues non erat, at interim sic pauper non erat, ut egestatis necessitate adactus circuiret, & prædicaret, cuius ipsum insimulabant, dum paupertatem exprobrabant. Itaque sic à se paupertatis probum reijcit, ut dicat se multos ditare, id quod pauperum esse non potest. Quomodo autem multos ditarit, non est ut quæramus. Thesaurum scientiæ Dei, gratiæ, ac salutis circumferebat. Ex illo multos utique, credentes uidelicet, non euanidis ac fallacibus, sed permanentibus, ac ueris opibus ditabat, hoc est, beatos reddebat.

V T nihil habentes, inquit, & tamen omnia possidentes.] Poterat regeri. Quomodo multos ditas, cum ipse nihil habeas? Respondet: Quomodo nihil habeo, cū omnia possideam? Sed dices, ecquomodo possidebat omnia? Possidebat omnia non ut Apostolus, sed ut Christianus, Christianorum enim sunt omnia propter Christū. Sic. I. Corinthiorū. 3. dixit: Omnia uestra sunt, siue Paulus, siue Apollo, siue Cephas, siue mundus, siue mors, siue præsentia, siue futura, omnia, inquam, uestra sunt, uos autem



autem Christi, Christus uero Dei. Vt Christianus igitur possidebat omnia, ut Apostolus uero ac dispensator misteriorum Dei ac thesaurarius Christi, ditabat multos.

De Romanis apostolis dici non potest, quod sint quasi pauperes, cum regum opes ostendent, dici uero potest, quod multos locupletent, uerum alio diuitiarum genere, quam quo multos locupletarunt ueri Christi Apostoli, mundano scilicet ac perituro. Dicit de illis non potest, quod sint quasi nihil habentes, dici uero potest, quod sint omnia possidentes, at non quemadmodum Christiani, sed ut domini, omnibus omnium conscientijs ac oculis manus iniicientes.

Os nostrum apertum est erga uos Corinthij. Cor nostrum dilatatum est. Non estis angustj in nobis, sed estis angustj in uisceribus uestris. Eandem autem remunerationem, ut à filijs exigo. Dilatemi & uos.

Diligebat eos, perinde atque pater diligit filios, ideoque illis pro affectu paterno libere ac fiducialiter loquebatur. Agnoscit hoc, & simul unde sit exponit, perque eam occasionem repræhendit eos, quod sic erga ipsos affecto non responderent ex æquo, & ut id faciant requirit. Sic dicit: Os nostrum apertum est erga uos Corinthij.

Hoc est, libere ac fiducialiter uobis loquor, ô Corinthij, nihil celo, nihil dissimulo, sed ut affectus sum, & ut sentio, sic ad uos loquor. Ore aperto loqui, nihil est aliud quam absque ulla dissimulatione quicquid est in corde proloqui, id quod facere solemus, dum loquimur dilectis & amicis. Significat igitur, loqui se illis, tanquam dilectis. Ideo non simpliciter dicit: Os nostrum apertum est, sed addit, erga uos ô Corinthij. Quasi dicat: Quos in domino diligo, & nihil rerum mearum celare possum.

Obseruemus igitur hoc loco, quam deceat ministrum Christi, ut in ecclesia Dei fratribus loquens libere ac diserte ore non semiclauso, ac muscitabundo, sed aperto loquatur. Habet & lupi, in pastores transformati, os apertum erga gregem domini, uerum non ut quæ salutis sunt libere loquantur, sed ut oues domini discerpant, & omnia uorent.

Cor nostrum dilatatum est.] Hoc est, non sic sum angusto corde, ut uos non capiam omnes, & intra uiscera mea foueam, sed admodum dilatato & amplo, sic ut in me nulla uobis sit angustia. Nemo uestrum excluditur, nemo arctatur in corde meo. Vnde & addit: Non arctamini in nobis. Græce, *ὅτι συνοχεῖται ἐν ὑμῖν*. Significat se illos omnes amanter complecti in domino, nec quenquam illorum ferre grauatum.

SED estis angustj in uisceribus uestris.] Græce est, *συνοχεῖται ἐν τοῖς σπλάγχνοις ὑμῶν*, id

est, arctamini uero in uisceribus uestris. Sensus est: Corda uestra non sunt dilatata, sed angusta, estis in uobis angustj, sic ut me uicissim non capiat, quemadmodum ego uos capio. Et huc facit subiecta expositio, qua dicit.

EANDEM autem remunerationem, ut à filijs exigo, dilatemi & uos.] In Græco est, *τίω δὲ αὐτοὺς ἀντιμισθίαν ὡς τίνασις λόγῳ, πλάθοντες καὶ ὑμεῖς*, quæ mihi coniugenda uidentur, uertendaque ad hunc modum, de eadem autem remuneratione, tanquam filijs, dico, dilatemi & uos. Hoc est, hortor autem uos, ut dilectioni meæ erga uos respondentes sitis, & uos corde dilatato, meque complectamini amanter, quemadmodum ego uos complector. Et hoc posco à uobis tanquam pater à filijs, & posco tanquam æquam remunerationem.

Erasmus in annotationibus suis, per angustiam uiscerum intelligit superstitionem legalium ceremoniarum, & humanarum traditionum obseruantiam, per dilatationem uero conscientiam ab illis in Christo liberam. Verum illius sententiæ connexio uerborum istorum haud fauet.

Sunt autem duo hic de ingenio charitatis obseruanda.

1 Vnum est, quomodo illa & cor reddat dilatatum, & os apertum. Tolle hanc, frigebunt & contrahentur omnia, cor erit angustum & contractum, os uel clausum, uel semiapertum, nihil proferens integrum, nihil syncerum & candidum.

2 Alterum est, quod charitas eandem *ἀντιμισθίαν*, id est, uicariam dilectionem, quæ sit loco remunerationis, poscit ab illis quos diligit. Non poscit eorum bona, sed cor pro corde, dilectionem pro dilectione. Eam ob causam alibi quæritur hic Apostolus, quod plus diligens minus diligatur. Verum hæc est ueræ dilectionis fors, ut raro *ἀντιμισθίαν* inueniat.

Ne ducatis iugum cum incredulis. Quod enim consortium iusticiæ cum iniusticiâ? aut quæ communio luci cum tenebris? aut quæ concordia Christo cum Belial? aut quæ pars fidelis cum infidelis? aut quid conuenit templo Dei cum simulacris? Nam uos templum estis Dei uiuentis, quemadmodum dixit Deus: Inhabitabo in illis, & inambulabo, & ero illorum Deus, & ipsi erunt mihi populus. Quapropter exite de medio illorum, & separemini ab illis, dicit dominus, & immundum ne tetigeritis, & ego suscipiam uos & ero uobis loco patris, & uos eritis mihi uice filiorum, ac filiarum, dicit dominus omnipotens.

Initio capitis huius cœperat exhortari, & obsecrare Corinthios, ut cauere ne gratiam Dei in uacuum receperint.

Eam



Eam exhortationem commemoratione studiij sui quo neminem offendere, sed omnibus sese commendare satagebat, parumper interrupit. Iam igitur ad illam redit, dehortaturque eos ab illicito infidelium commercio. Nam uix aliud quicquam erat quo citius abducerentur à gratia Dei quam acceperant, illiusque efficacia & utilitate priuarentur, quam quod illicitis ac noxijs infidelium commercijs nimium securi miscebantur. Dicit itaque.

NE ducatis iugum cum incredulis.] Græce est: *μη γίνεσθε ἑταροσυγγενεῖς ἀπίστοις*. Non dicit *συγγενεῖς*, sed *ἑταροσυγγενεῖς*. Sunt enim *συγγενεῖς*, qui pares eidem iugo ducendo submittuntur. At tales non sunt fideles & infideles, Christiani, & alieni à Christo. Sunt uero fideles fidelibus, uel infideles infidelibus coniuncti. *ἑταροσυγγενεῖς* uero sunt qui cum disparibus ac diuersis iugum ducunt, perinde ac si equus & bos eidem iugo subdantur. Cum ergo auocare Corinthios uellet, ne iugum duceret cum infidelibus ipsi fideles, conuenienter usus est hac uoce, *ἑταροσυγγενεῖς*, qua illis mox initio disparis commercij absurditatem considerandam proponit, quod statim atque oculos spectantium incurrit pro reprobo habetur. Infideles enim utriusque sunt *ἑταρο*, id est, alij ac diuersi à fidelibus, ut fieri nequeat quin sint *ἑταροσυγγενεῖς* ij fideles qui cum illis iugum ducunt.

Non dicit autem, cum Iudæis, uel, cum Gentibus, sed cum infidelibus, cum incredulis, ut discrimen illud exprimat, quo discernuntur à fidelibus tam Iudæi quam Gentes, & propter quod alij ac diuersi sunt ab illis. Natum esse Iudæum uel Ethnicum non impedit, quo minus ineantur commercia. Quis enim Christianus est, qui non sit natio, uel Iudæus, uel Ethnicus? Verum infidelem esse, id demum reddit alium ac diuersum à Christianis, & impedit ineundæ societatis commercium, tanquam *ἑταροσυγγενεῖς*.

*Ἀπίστοις* uero, id est infideles, uocat non eos simpliciter, qui fidem in corde non habent, quorum multi sunt in ecclesijs Christianorum, qui tamen quoniam baptizati sunt, & fidem Christianam ore profitentur, deque mysterijs Christi cum cæteris fidelibus externa communicatione participant, pro infidelibus non habentur, sed eos, qui ex professo à Christiana fide sunt, adeoque & à Christo & ecclesia Christi alieni, quales sunt hodie Turci & Iudæi. Cū illis non uult ut iugū ducat Christianus. Quare loco hoc abutuntur omnes illi, qui ob qualemcunque dissensionem, & diuersam loci alicuius scripturæ intelligentiam, communicationem dissoluendam esse clamitant, uociferantes, Apostolus monet, ne iugum ducamus cū infidelibus. Quasi mox infidelis sit, qui non in omnibus & per omnia nobiscū sentit. Morbidi animi sunt, qui sic sentiunt. Tales nostra ætate depræhendimus Anabaptistas, quibus infideles habentur, quotquot sectæ ipsorum subscribere detrectant. Quid de Anabaptistis

A dico? Malum hoc inde ab apostolorum temporibus turbauit ecclesias.

Quid est autem ducere iugum cum infidelibus? Sunt qui referant ad imparia coniugia, quibus Christiani nubunt infidelibus. Illi uoce *ἑταροσυγγενεῖς* mouetur. Verum si in textu eo utque legendo progrediaris, ubi ijs quæ in genere ac per similia dixit specificationem subiicit, puto liquere aliò respicere Apostolum quod ad imparia coniugia, quamuis nec illa probet, nec nos repugnemus, quo min⁹ ea uelut species *ἑταροσυγγενεῖς* sub eo quod in genere dicit comprehendatur. Alij loci huius sensum nimis extendunt, referentes illum ad ea quoque quæ humani conuictus commercia concernunt. Nostra sententia est, loqui Apostolum de commercio, quæ religionis possunt uiciare puritatem, siue illa immediate ad religionem pertineant, quale erat quod idolothitis cum infidelibus, idque in templis & sacrificijs illorum, uescebantur, siue aliquo pacto ad uiciandam religionis puritatem faciant, quo referenda sunt quod in spectaculis theatricis, cum infidelium colluue sedebat, & quod nuptias cum infidelibus inibant, deinde & iudicia iudicum infidelium leuib⁹ de causis non coacti sectabantur.

QVOD enim consortium iusticiæ cum iniusticia, inquit? ] Absurditatem *ἑταροσυγγενεῖς* antithesibus aliquot considerandam proponit, quo rationem reddat quare dehortetur eos à consortio infidelium. Adducit autem earum rerum antitheses, quæ sic sunt sibi inuicem contrariæ, ut nullius sint consortij capaces. Ut sunt iusticia & iniusticia, lux & tenebræ, Christus & Belial. Et in hanc classem collocat, fideles etiam & infideles, templum Dei & simulacra, quo parænesim suam confirmet. Sic dicit: Quod enim consortium iusticiæ cum iniusticia? Quasi dicat: Nullum. Si nullum, ergo nec uobis cum infidelibus ullum debet esse consortium. Alioqui eiusmodi uestro & infidelium consortio quantum in uobis est, coniungeretur iusticia cū iniusticia, dum iusti coniunguntur cum iniustis. Hunc sensum poscit, quod non simpliciter dicit: Quod consortium, sed: Quod enim consortium iusticiæ cum iniusticia? Quod autem infidelibus tribuat iniusticiam, facit non hoc tantum loco, sed & 1. Corinthiorum. 6. cum dicit: Sustinet aliquis uestrum negocium habens, cum altero iudicari sub iniustis, & non magis sub sanctis? Et paulo infra. Sed frater cū fratre litigat, idque sub infidelibus. Vbi patet, infideles habendos esse pro iniustis. Videmus hodie nonnullos Euangelij ministros consortia sacrificulorum Papistarum sectari. Possemus eodē illos argumento ab eiusmodi consortio dehortari, ut dicamus: Ne ducatis iugū cum seductoribus. Quod enim consortium ueritati cum mendacio? Vestro cum seductoribus consortio coniungitis, ueritatem cū mendacio, quæ tamen coniungi non possunt.

Obserua. Si iusticia cum iniusticia coniungitur, ubi fidelis consortium init cum infideli, requi-



requiritur ergo ut quēadmodum iniustus est infidelis, ita iustus sit fidelis, ut dum fidelis fidei iungitur, iusticia iusticiæ iungatur. Vnde autem dabuntur nobis hodie tales Christiani, in quibus hæc ratio possit consistere firma? Plerique enim sic comparati sumus, ut si iungamur Turcis, multo illis deprehendamus iniustiores.

**A V T** quæ communio, inquit, luci cum tenebris? Plane nulla. Nulla igitur esse debet fidei cum infidelibus. Est enim fidelis filius lucis, & infidelis filius tenebrarum, sic ut si fidelis iungatur infideli, quantum in ipso est lucē iungat cum tenebris. Ipse lucis ac tenebrarum aspectus clamat, nullius eas esse communionis capaces. Quare & mox initio sic discretæ sunt ab opifice Deo, ut lux diem, tenebræ uero noctem separatim constituent. Significans igitur tam esse absurdum, si cōmunio fidei intercedat cum infideli, quam absurdum est, si per impossibile communio intercedat inter lucem & tenebras. Habet autē Apostolus hoc in more, ut fideles uocet lucem, infideles uero tenebras, sicuti uidere est Ephesiorum quinto, ubi dicit: Eratis aliquando tenebræ, nunc autem lux in domino. Tenebras uocat infideles propter ignorantiam Dei, ac cæcitatem cordium ipsorum, fideles uero lucem, propter scientiam Dei, qua corda illorum per spiritum sanctum illuminantur.

**A V T** quæ concordia, inquit, Christo cū Belial, id est, cum Satana? Omnino nulla. Sunt enim hi duo hostilissime inter se pugnantes. **B** Christ⁹ enim author salutis, Belial author perditionis, Christus restaurator omnium, Belial uero destructor, Christus princeps lucis, Belial princeps tenebrarū est. Quare nulla prorsus inter eos potest esse concordia. Nulla igitur potest esse inter fideles quoque & infideles. Nam fideles Christo, infideles uero Belial sunt infiti.

Vide autem quomodo uim argumentationis huius intendat. Hactenus duabus antithesibus iusticiæ & iniusticiæ, lucis & tenebrarū, absurditatem & impossibilitatem quoque *ἀδύνατον* huius expresse. Iam uero quā horribilis etiam sit & impia in eo declarat, quod Christum & Belial inducit. Quis enim fideiū non exhorrescat, si cogitet se Christum cū Belial coniungere, dum infidelium consortia sectatur?

Vocem Belial autem, quæ nullo alio loco in Nouo testamento legitur, ē Veteris testamenti scripturis desumpta, in quibus homines iniqui, præuaricatores, temerarij ac nullis disciplinis subiecti, filij Belial uocantur, sicuti uidere est. 1. Samuel. 25. de Nabal, & 1. Samuel. 2. de filiis Samuelis, & 1. Reg. 21. de duobus falsis testibus. Vocantur autem filij Belial, propterea quod sunt sine iugo. Nam ipsa uox בליעל idē sonat quod sine iugo à בל, id est, sine, & יל id est, iugum. Vnde & Hieronymus in uersione libri Iudicum, cap. 19. ubi hæc leguntur: Ecce

**A** uiri ciuitates, uiri filij Belial, adiecit de suo, id est, absq; iugo. Quare autem Satanā uocet Belial, non est ut quæramus. Omnium enim iniquissimus est, & omnis præuaricationis author.

Illud lector per se obseruet, quod ubi uetus habet. Quæ conuentio, & Erasmus, quæ concordia, in Græco est *τὴς συμφωνίας*, id est, quæ cōsonantia. Sane sic natura comparati sumus, ut ubi concordia non est, ibi nulla sit cōsonantia, ut non immerito concordiam pro cōsonantia posuerit Erasmus.

**A V T** quæ pars fidei cum infideli, inquit. Hic rem ipsam quā amoliri cupit exprimit. Non dicit autem simpliciter, quæ societas, uel quæ coniunctio, sed, quæ pars fidei cū infideli? Quasi dicat: Nulla. Ergo nec societas ulla. Et enim quibus pars nulla cum reprobis est, illis etiam societas cum reprobis debet esse nulla. Quibus fors & pars eadē est, iungantur utpote fideles cū fidelibus, infideles cum infidelibus.

Loquitur autem de participatione bonorū spiritualium & cœlestiū. In illis enim non participāt infideles, uel si mauis, loquitur de perditione infidelium, in qua utiq; nulla pars est fidei cum infidelibus. Nam in rebus huius uitæ necessitatem concernētibus pars est fidei eadem cum infidelibus.

**A V T** quid conuenit templo Dei cum simulacris, inquit. Rem propius, & uelut acu, ut in prouerbio est, tagit. Multis quidem modis fieri potest, ut fidelis cum infidelibus illicite, & cū religionis Christianæ detrimento coniungatur. Verum ea demum societas immediate religioni Christianæ repugnat, qua templū Dei simulacris commiscetur & conspurcatur. Per simulacra nanq; immortalis & inuisibilis Dei gloria ad similitudinem mortalium, uel hominum, uel animalium mutatur. Ro. 1. Videmus autem hic quā tenax sit hoc malum, præsertim ubi sæculorū aliquot est consuetudine inueteratū. In priore epistola correxit illud, nec dubium est, quin idem fecerit cum esset apud eos præsens, & fidē in Christum initio in cordibus eorum plantaret. Et tamē post hæc omnia necessarium est uisum, rursus eos à cōmercio simulacrorum auocare.

Nō autē simpliciter dicit: Quid cōuenit uobis cū simulacris? sed: Quid cōuenit tēplo Dei cū simulacris? In falsorum Deorum tēplis habentur ipsorum simulacra, quia dii ipsi nō habentur, qui ut uel prorsus nō sunt, uel dii non sunt, ita in tēplis suis præsentēs esse nō possunt. At templi Dei longe diuersa est conditio. Tēplū enim ueri Dei nō absentis Dei poscit imaginem, sed ipsum Deū habet in se præsentem. Quare nihil illi potest esse inconuenientius, q̄ usus simulacrorum. Hoc notans dicit Apostolus: Quid cōuenit tēplo Dei cum simulacris?

**N A M** uos, inquit, tēplum estis Dei uiuētis. Ne dicerent: Nos simulacra templo Dei non inferimus, subiungit: Nam uos templum estis Dei uiuentis. Si quis templo Dei, quod Hierosolymis erat, simulacrum intulisset, rē uisus fuisset



fuiſſet facere omnibus modis abominandam. **A** At interea ueriori q̄ illud erat tēplo Dei ſimulacrorum ſpurcitiem inferebant, cum ſe ſimulacrorum commercio de idolothytis ueſcendo conſpurcarent. Hoc non conſyderantibus exponit dicens: Nam uos templum Dei eſtis uiuentis.

**N**ON ſimpliciter templum Dei eſtis, inquit, ſed addit uiuentis. ] Perſtringit templa falſorum deorum quæ templa ſunt non uiuentiū ſed mortuorum, aut certe nuſquam extātium deorum. At populus fidelium templū eſt Dei non mortui ſed uiuentis. Eſt igitur diſcrimen hoc inter templa falſorum deorum, & templum ueri Dei, quod illa ſine ſimulacris deorum templa deorum eſſe nequeūt, hoc uero ſimulacra uſq; adeo nō requirat, ut per illa prophanetur etiam propterea quod habeat in ſe Deum ipſum, non mortuum ſed uiuentem.

**Q**UEMADMODUM dixit Deus, inquit, in habitabo in illis, & inambulabo, & ero illorū Deus, & ipſi erunt mihi populus. ] Quoniam rarum & inſolens uidebatur, quod dixit: Nam uos templum eſtis Dei uiuentis, probat illud & confirmat per ſcripturas, eaſq; non quaslibet, ſed in quib⁹ Deus ipſe loquatur. Sic dicit: Quemadmodum dixit Deus, in habitabo in illis & inambulabo, &c. Quæ citat ex ſcripturis, nō uno habentur loco, ſi uelis omnia ad finem uſq; capitis coniungere. Quæ hic meminit ad comprobandum, quod populus fidelium templum ſit Dei referunt nonnulli ad. 37. caput Ezechielis, ubi tamen non leguntur niſi iſta: erit tabernaculum meum in eis, & ero eis Deus & ipſi erūt mihi populus. Quare malo referre ad ea quæ Leuit. 26. leguntur ad hūc modum. Et ponam habitationem meam, *בְּתוֹכְכֶם*, in medio ueſtri, & nō abijciet uos anima mea. Et ambulabo in medio ueſtri, & ero uobis in Deum & uos eritis mihi in populum. Locum hūc citat Apoſtolus, ſic tamē ut non ad uerbum. Magis enim ſeſum q̄ uerba ſpectat. Quod illic eſt: ponam habitationem meam in medio ueſtri, pro eo dicit: In habitabo in illis, perſonam etiā mutans, deinde illud, & non abijciet uos anima mea, omittit, cætera ſaris plene appendit, niſi quod perſonam mutat.

Probat igitur fideles eſſe templum Dei ex ipſis uerbis Dei, quibus ſe in illis habitaturum & ambulaturum, ac Deum ipſorum futurum, eoſq; pro populo ſuo habiturum dicit. Si rex quidam de populo ſuo dicat, habitabo in illo, & ambulabo in illo, & ero eis rex & ipſi erunt mihi populus, inde colligi nō poterit eum populum eſſe aulam regis ſui. Aliud enim eſt aulam regis eſſe in medio populi regni, & aliud, ipſum populum eſſe aulam regis, quod poſterius fieri non poteſt, prius uero, regibus cōſuetum, Deo eſt inconueniens. Non enim ille, ut homo, templis manuſactis inhabitat, ſicut rex in ſua aula, ſed ut Deus ſecundum naturam ſpiritus in cordibus ſuorum fidelium, quæ inhabitat, dum ſpiritum illis ſuæ gratiæ infundit.

Dices: At locus Leuit. 26. loquitur de tabernaculo quod in medio populi ſui Deus, utiq; manuſactum habuit.

Reſpondeo. Quem cœli cœlorum, non capiunt quomodo capiet tabernaculum manuſactum? uide. 1. Reg. 8. Cœlum mihi ſedeſ eſt, & terra ſcabellum pedum meorum, inquit dominus ipſe, quam ergo domum ædificabitis mihi? aut quis erit locus quietis meæ. Nonne manus mea fecit hæc omnia. Eſa. 66. Relinquitur ergo, non habitare Deum in templis manuſactis. Quare neq; in tabernaculo manuſacto habitauit, ſed erat illud testimoniij loco, quod habitaret Deus in medio ſui populi in illorum uidelicet cordibus ſedem ſibi parans. Quapropter Apoſtolus locum hūc pertinenter propoſito ſuo accommodauit. De eo autem quod tēplum Dei ſunt fideles, dictū eſt. 1. Cor. 3. Quare non eſt ut hic plura dicamus.

**I**NHABITABO in illis inquit. ] In quibus? Præmiſit Leuit. 26. Si in præceptis meis ambulaueritis & mandata mea cuſtodieritis & feceritis ea, & poſtea inter cætera ſubiecit: Ponam habitationē meam in medio ueſtri, & non abijciet uos anima mea. Ambulabo in medio ueſtri, & ero Deus ueſter, & uos eritis mihi populus. Ergo promiſſio hæc non habet locum in immorigeris, ſed in ijs tātum qui in præceptis Dei ambulant. i. uolūtati ſe domini Dei ſui accommodant, illiq; bona fide adhærent. At tales eſſe non poſſunt, niſi electi ac fideles.

**V**erbum autem inhabitandi, metaphorico ſenſu transfertur ad Deū. Non inhabitat Deus aliquem locū ut homo ſed inhabitare dicitur, quando per ſpiritum ſuum corda electorum perpetuitate gratiæ ſuæ dirigit ac moderatur in omnibus. Quod in textu eſt, *וְאֲנִי אֲבִדְכֶם*, in Leuitico eſt *בְּתוֹכְכֶם*. i. in medio ueſtri uertūt, nonnulli, inter uos. Mallem intra uos, uel ſimpliciter, in uobis, Neq; enim Deus ſic inter nos eſt, ut non ſit & intra nos, quando quidem habitat in cordibus noſtris. Sumus in ædificio templi huius lapides uiui, utiq; propter ſpiritum uiuificantē, qui eſt in nobis, & propter cuius operationem uiui lapides ſumus. Quare ſic in medio noſtri habitat Deus, ut ſit in omnibus templi ſui lapidibus, illoſq; ſingulatim pariter & coniunctim inhabitet, quod de rege dici non poteſt, qui non aliter regiam ſuam inhabitet, q̄ ut extra ligna & lapides, unde illa conſtructa eſt, maneat, & ambulet in uacuo, nec aliquid illis uitalis ſpiritus conferat.

**E**T inambulabo inquit. ] Metaphora eſt ſumpta à rege in medio regiæ ſuæ ambulantis, & quæ conſyderanda ſunt conſyderantis ac curantis. Sic Deus non eſt ocioſus in ſuo templo. Non ſtat in illo clauis perinde atque Marpeſia cautes fixus & immotus, quemadmodum ocioſa & muta ſimulacra in templis Papistarū, imò factitium Chriſtum ſacrario incluſum, ſtare uidemus. Deus uerus ac uiuens ambulat in ſuo templo, hoc eſt, omnia illius luſtrat dirigit ac moderatur, nihil min⁹ quàm ocioſus & immotus



motus inhabitator, qualem imperiti homines A sibiipsis confingunt.

ET ero illorum Deus, inquit, & ipsi erunt mihi populus.] Quorsum in illis habitare & inambulare uelit exponit. Ad hoc uidelicet, ut sit illorū Deus, & moderetur seruetq; eos tanquam suum populum. Deum enim esse alii cuius, est illius esse Seruatorem: & populū Dei esse, est illi fide & obedientia obstrictum esse, ac nomini eius sanctificatum. Quantæ autem felicitatis sit populum esse Dei, nemo unquā satis perpendit. Cogitans hoc propheta dicit: Beatus populus, cui⁹ dominus Deus est. Psal. 144. Reuera sic est. Tantū felicitatis habemus, quantum coniunctionis cum uero Deo, extra quem euanida sunt omnia, quæ stultus hic mū dus cupidissime sectatur.

QVAPROPTER, inquit, exite de medio illorum, & separemini ab illis dicit dominus, &c.] Posteaquam dehortatus eos est, ne iugum ducant cum infidelibus, eo quod eiusmodi societas prorsus sit absurda, impia, & horreda, iam subiicit adhortationem, admonens & colligēs ex præmissis, reliquum esse, ut ab infidelium consortio separentur. Hanc autem parænesim non suis sed ipsius Dei uerbis exprimit, parte illius ex Ieshaiah cap. 52. desumpta, ubi legimus ad hunc modum: סורו סורו צאי משם סמא אל תרעו צאי מתוכה חברו צאי צאי משם סמא אל תרעו צאי מתוכה חברו צאי, id est: Recedite, recedite, exite inde, immundum ne tetigeritis, exite de medio eius, mundamini portantes uasa domini. Hac inclamatione propheta reliquias Israël hortatur ut è medio Babylonis exeant ac discedant, caueantq; ne immundicijs illius polluantur. Eam applicat Apostolus suo proposito, ut significet hanc esse uoluntatem Dei, ut populus liberationis populus in gratiam Dei assumptus, à consortio impiorum, infidelium, & immundorum discedat, ne contaminetur, & à gratia Dei excidat. Rursus autem non inhæret uerbis, sed sensum proponit.

QVAPROPTER, inquit, exite de medio illorum.] Dices. Ergo exeundū fidelibus erat ex omnibus locis, in quibus habitabant infideles, atq; ita deserendus totus orbis. Nam occupabant illi mundum, & erant fideles admodum pauci.

Respondeo. Non hoc requirit Apostolus, ut loca infidelium deserant fideles, unde nulla contaminatio est, sed ut à ritibus ac moribus illorum separeretur, qui partim erant impij, partim flagiciosi ac scelerati. Humanum interim cōiūctum, qui necessarius est tam fideli quā infideli, non soluit. Immo ne mensæ quidem, modo prophanæ, communicationem rejicit, sicuti uidere est. 1. Cor. 10. Quare quod dicit: Exite de medio eorum, & separemini ab illis, in hac causa quam tractat Apostolus non est trahendum ultra illius propositum. Et nos hodie dū quosuis fideles hortamur, ut secundum illud Apocal. 18. cecidit cecidit Babylō magna, &c. Exite de illa populus meus, ne participes sitis

delictorū eius, & de plagis eius ne accipiatis, deserant Babylonem, non requirimus locale separationem, nisi illa cum periculo sit uel cōscientiæ uel uitæ coniūcta, sed eam qua impij cultus & adulterina dogmata uitentur.

ET immundum ne tetigeritis, inquit.] Nō simpliciter dicit: ne impuremini, uel, ne immū dum quid faciatis, sed, & immundum ne tetigeritis. Quasi dicat. Vsq; adeo ab immūdicijis infidelium abstineatis, ut ne tactum quidem illorum uobis permittatis. Non loquitur autē de corporalibus immundicijs, sed de spiritua libus quibus conscientia impuratur, de falsis uidelicet cultibus, deq; communicatione gentilium sacrificiorum. Supersticiosas eorum traditiones, qui cibos à Deo creatos uitādos docent, quasi sint immūdi, cū teste Christo quoque, non impuret hominē, quod intrat per os in stomachum, repræhendit Coloss. 2. dicens: Itaque si mortui estis cum Christo, quid quasi uiuentes in mundo decretis tenemini? Ne tetigeris, ne gustaris, neq; contrectaris, quæ omnia ipso pereunt usu. Hoc genus hominū quæ immūda non sunt pro immundis habet, & interim omnis generis spurcitijs, idololatria, falsis cultibus, Simonia, scortatione, adulterijs & consimilibus alijs immergitur.

ET ego suscipiam uos, inquit, & ero uobis loco patris, & uos eritis mihi uice filiorum ac filiarum dicit dominus omnipotens.] Vnde hæc citet Apostolus non satis liquet. In præmisso Esaie loco non habentur, nisi forsan qd̄ illic legi⁹ ישראל ירמאספכם אלהי, id est, & colliger uos Deus Israël, per id exprimere uoluit, quod dicit: & suscipiam uos.

Illud, & ero uobis loco patris, ex Hieremia cap. 31. sumptum uideri potest ubi legitur: Et factus sum Israël pater. Item: Ero Israël in patre. Quod uero annectit, & uos eritis mihi uice filiorum ac filiarum, unde citet non uideo. Sane ipsa relationis ratio sic habet, ut quorū Deus pater est, hi illi uicissim sint loco filiorū & filiarum, ut de re ipsa nō sit dubium. An uero uim hanc relationis de suo uoluerit exprimere, uel alicubi scriptum adducere, incertum quidem uidetur, mihi tamen uerosimile apparet, quoniā addit, dicit, dominus omnipotens, & ista in forma loquentis Dei ponit, esse hæc alicubi scripta, licet ubi scripta sint ad uerbū, mihi non occurrat.

Nobis obseruandum est, auersari Deum immundicijs spiritualibus inquinatos. Cum dixisset, & immundum ne tetigeritis, subiicit, & ego suscipiā uos & ero uobis loco patris, &c. quibus uerbis significat, nolle se impuros suscipere, nec patris illis esse loco. Hoc tamē nō sic est intelligēdum quod neminem suscipiat, qui aliquando fuerit factus immundus. Immundum fuisse non excludit à gratia, sed obstinate immundum esse. Pristina immūdicies deletur resipiscentia & fide, per remissionem peccatorum & iusticiæ imputationem. Vnde Petro dicebatur diuinitus: quod Deus purifi-



cavit, tu ne immundum dixeris. Ea uero manet, & à Deo separat, quæ omnem resipiscen-  
tiam respuit.

Deinde obserua, quomodo diuinam erga nos dignationem amplifcet. Supra, illud, & ero illorum Deus, & ipsi erunt mihi populus, ci-  
tauit, iam concludens adfert id quod multo est amplius, uidelicet, & ero uobis loco patris, & uos eritis mihi uice filiorum ac filiarum.

### ARGUMENTVM

#### capitis.

**H**ortatur statim initio ad sanctimoniã uitæ. De-  
inde rursus memorat quo sit erga eos animo,  
quo affectu, quaque fiducia, & quantum consolationis  
per Titũ ab ipsis ad se reuersum acceperit. Tertio ex-  
ponit quid utilitatis ex ea prouenerit tristitia, qua per  
priorem fuerant epistolam contristati. Postea redit ad  
consolationem ex aduentu Titi acceptam.

### CAPVT VII.



**H**AS igitur promissiones cū  
habeamus charissimi, mun-  
demus nosipfos ab omni in-  
quinamento carnis ac spi-  
ritus, perficiētes sanctimo-  
niam cum timore Dei.

Parænesis ista, quoniam ex præcedenti-  
bus infertur, & prorsus ad eandem materiam  
pertinet, quæ in illis tractata est, inconueniēti  
diuisione ab illis diuulsa est, & ad principium  
capitis huius translata. Has igitur promissio-  
nes cum habeamus charissimi inquit. Quas?  
Quibus pollicitus est Deus, quod habitare &  
ambulare in nobis tāquam in suo templo, qđ  
Deus noster esse, nosq; pro suo populo habe-  
re, immo quod nos filiorum filiarumq; loco su-  
scipere, patrisq; loco nobis esse uelit. Hæ pro-  
missiones utiq; amplissimæ sunt ac tales, ut  
nec felicius nobis nec maius quicquam con-  
tingere queat.

Quid est autem quod dicit: Has igitur pro-  
missiones cū habeamus? Cum res promissas  
adepti essent, & iam haberent fideles quibus  
scribit. Nā utiq; suscepit eos Deus in Chri-  
sto, ut esset illorum & Deus & pater, & habita-  
bat in eis gratia & uirtute sui spiritus, mox at-  
que credentes fuerant facti.

Respondeo. Promissiones habentur bifa-  
riam. Primo, spe futuræ acquisitionis. Sic ha-  
bemus promissiones futurę resurrectionis, æ-  
ternæ uitæ & gloriæ cum Christo in sempiter-  
num possidendæ. Ipsa promissa bona nondū  
habeamus, sed credentes ac sperantes expecta-  
mus. Deinde promissiones quasdam sic habe-  
mus, ut ipsa quoq; simus promissa cōsequuti.

**A**In hanc classē referendæ sunt promissiones  
quarum hic meminit Apostolus. Hæ nanq; in  
præsenti uita fide acquiruntur. Pertinēt enim  
ad præsentem gratiam, qua electos suos ac fi-  
deles dignatur Deus, mox atq; uocationis ac  
iustificationis fuerint facti participes. Quare  
conuenientius uerteretur ad hunc modū. Hęc  
igitur promissa cum habeamus, id est, adepti  
simus ac possideamus. Quasi dicat. Cum igitur  
simus iam templum Dei, habitantis & ambu-  
lantis in nobis, sitq; ille Deus ac pater noster,  
& nos illius populus filij ac filię. Quid hinc in-  
fert ac faciendum admonet?

**CHARISSIMI**, inquit, mūdemus nosipfos  
ab omni inquinamento carnis ac spiritus. Si  
gnificationem paternæ dilectionis immiscet,  
dū eos uocat charissimos, quo & moueat eos  
ad obsequendum, & quæ subiecturus est præ-  
molliat. Mundemus nosipfos inquit. Respicit  
ad id quod in promissione Dei, ueluti condi-  
tionis uice requiritur, ubi dicit: immū dum ne  
retigeritis. Quasi dicat. Quandoquidem hoc  
est promissioni gratiæ, quā adepti sumus an-  
nexum, ut ab omni immundo sic abstinea-  
mus, ut ne tāgamus quidem quod immundū  
est, ne polluamur, summopere curandū nobis  
est, ut nosipfos ab omni inquinamēto mūde-  
mus, ne tā insigni gratia indigni reperiāmur.

Vide autem quā caute non dicat: munda-  
te uosipfos, sed mundemus nosipfos, quo to-  
lerabiliorem reddat admonitiōē, sic proposi-  
tam, ut se quoq; concernat perinde atq; ipsos,  
ne uideantur ipsi soli opus habere, ut munden-  
tur. Phariseorum est sic monere alios, ut ad se  
pertinere non putent admonitiōē, qua alios  
faciendorum ac uitandorum admonent. Ve-  
rus Christi minister, licet ex officio quosuis ad  
ueræ pietatis studium exhortetur, quoniā ta-  
men & ipse eadem cum alijs est carnis infirmi-  
tate circumdatus, dum admonet alios, sei-  
psum quoq; unā cum alijs eorum quæ facien-  
da sunt, admonet.

**AB** omni, inquit, inquinamento carnis &  
spiritus. Per carnem & spiritū intelligit cor-  
pus & animam. Sunt autē carnis inquinamen-  
ta, quibus corpus ipsum immundis actibus  
polluitur, ut sunt, externi simulacrorū cultus,  
quibus ante illa procumbitur in genua, leuan-  
tur oculi, extendūtur manus, pedibus ad eiuf-  
modi cultus itur ac reditur. His actibus omni-  
no membra corporis polluuntur. Deinde im-  
puratur corpus scortatione, incestu, adulterio  
& alijs infandis libidinibus. Polluitur etiam  
ebrietate, qua sane mirum in modum defæda-  
tur. Spiritus inquinatur immundis affectibus  
ac prauis concupiscentijs, ira etiam, inuidia, &  
odijs, & cum primis diffidētia, cui apponitur  
fides, qua corda purificantur. Et quoniam mul-  
tæ sunt eorum species, quibus caro & spiritus  
inquinantur, non simpliciter dicit: ab inquina-  
mēto, sed, ab omni, id est, ab omnis generis in-  
quinamento carnis & spiritus. Neque enim  
mundus esse poterit, qui et si unam & alteram  
impuri-



impuritatē speciem uitat, cæteris tamen inquinatur. Quare requiritur, ut ab omni nos inquinamento mundemus. Nec carnis tantum sed & spiritus, nec spiritus modo sed simul & carnis puritatem poscit, quo toti simus in conspectu domini mundi, non foris tantum in corpore, sed & intus in spiritu.

Dicit quisquam. Ergo ne immundi adhuc erant fideles quibus scribit, ut opus haberent ab omni inquinamento carnis & spiritus mundari? Quid igitur est quod 1. Cor. 6. ad eosdem scribit dicens: Atq; hæc eratis quidem, sed abluti estis, sed sanctificati estis, sed iustificati estis per nomen domini Iesu, & per spiritum Dei nostri. Si abluti iam erant & sanctificati, utiq; non erant omnis generis inquinamento immundi. Si immundi non erant, quorsum at tinebat admonere eos, ut seipsos ab omni inquinamento carnis & spiritus mundarent?

Respondeo. Abluti quidem erant & sanctificati, uerum haud pariformiter omnes. Nam quod attinebat sacramentum ablutionis ac sanctificationis, baptisma uidelicet omnes quidem sacramentaliter erant mundati, uerum quod uitæ puritatem cōcernebat qua non sacramentaliter tantum sed & realiter mundi essent, nō erant mundi omnes. Quare ad eos qui adhuc carnales erant, adeoq; & immundi, referenda est hæc admonitio, ut quod erant facti sacramentaliter, esse curarent & realiter. Quin & alij, qui re ipsa esse fatagunt, quod secundum gratiam sacramenti facti sunt, non sic sunt perfecti mundi ut nullo inquinamenti genere uita ipsorum impuretur. Quapropter & illis opus est, ut hac admonitione ad plenam mundiciam persequendam stimulentur.

PERFICIENTES, inquit, sanctimoniam cum timore Dei.] Declarat quomodo seipsos ab omni inquinamento mundare debeant. Sanctificati erant, per sacramentum sanctificationis & per nomen Christi, in quod erant initiati perq; spiritum Dei, quem acceperant credentes. Ea sanctificatio initialis erat perfecta quidem quod gratiam sanctificantis Dei, perficienda uero adhuc, quod uitam sanctificatorum attinet. Ad hancillos perfectionem sic hortatur, ut perfectentes cœptam in ipsis sanctificationem ab omni inquinamento carnis & spiritus abstineant, uel si mauis, ab omni inquinamento abstinentes sanctificationem perficiant.

Videmus igitur hoc loco, quid de sacramentali sit sanctificatione sentiendum. Quod illam concernit sumus omnes sancti, quotquot baptizati sumus in Christum. Verum ea sanctificatio ut est initialis, ita perfectionis studium à nobis requirit. Est enim adhuc imperfecta, donec quicquid in carne ac spiritu nostro, pphannum est & impurum, expurgetur. At hæc perfectio non absoluitur, nisi spiritus à corpore liberatus ad cœlestia fuerit translatus.

ADDIT, cum timore Dei.] Respicit ad carnales, quibus hoc procliuē est, ut de gratia Dei persuasi parum timoris Dei retineant in corde,

A id quod nostra hac ætate nimis manifestum est in multis, qui ubi Papisticis superstitionibus per uerbum Dei liberati fuere unā cum superstitione omnem timorem Dei abiecerunt, atq; ita sese omnis generis inquinamenti commaculant, & sanctificationē qua ex uerbi Dei potiti fuerant prophanant. Idem eueniebat plerisq; in ecclesia Corinthiorum. Quare hortatur eos ut acceptam sanctificationem cum timore Dei perficiant. Reuera merito timemus eum, qui nisi misericorditer ignoscere uoluisset iustissimo nos poterat iudicio damnare in sempiternum, & damnaturus etiā est omnes eos qui gratiam suam aut spernētes non accipiunt, aut acceptam male collocant.

Capaces estote nostri: neminem læsimus, neminem corrupimus, neminem fraudauimus. Non hoc ad cōdemnationem uestri dico. Siquidē iam ante dixi uobis, quod in cordibus nostris estis ad commoriendum & conuiuendum. Multa mihi fiducia erga uos, multa mihi gloria, tū de uobis, impletus sum cōsolatione, uehementer exundo gaudio in omni afflictione nostra. Etenim cum uenissemus in Macedoniam nullā habuit relaxatio nem caro nostra, sed in omnibus affligebamur. Foris pugna, intus terrores. Verum qui consolatur humiles consolatus est nos Deus per aduentum Titī. Non solum autem per aduentum illius, uerum etiam per consolationem, quam ille accepit de uobis, cum annuntiaret nobis uestrum desyderium, uestrum fletum, uestrum pro me studium, adeo ut magis gauisus fuerim.

Sunt hæc admodum pathetica, ubiq; singularis dilectionis affectus spirantia. Summa cōtextus istius hæc est. Poscit ab illis uicissim diligere, ac significat quo sit erga ipsos affectu quaque fiducia, & quam sit per aduentum Titī recreatus & exhilaratus. Capaces estote nostri, inquit, uel ut uulgata habet, capite nos. Locū poscit in illorum cordibus ut quemadmodū eos corde dilatato complectebatur omnes, ita illi se uicissim in cordibus suis capiant & complectantur. Sentiebat enim eos cordibus erga se esse angustis, sicuti & supra cap. præcedenti conquestus est dicens: Cor nostrum dilatatum est. Non estis angusti in nobis, sed estis angusti in uisceribus uestris. Eandem autem remunerationem ut à filiis exigo.

NEMINEM læsimus, inquit, neminem corrupimus, neminem fraudauimus.] Hoc est, nulla in re cuiquā ex uobis causam dedimus, quo minus nos amanter corde suo complectatur. Quod nonnulli ex uobis me fastidiunt, & interim sectarum magistros in precio habent,



faciunt hoc absq; mea culpa. Neminem enim ex uobis aliqua iniuria affecimus, (hoc est qd̄ dicit, *ὅτι οὐκ ἔστιν ἡμῖν ὀφειλή*) neminē corrupimus, id est, nullius integritatem per falsam doctrinā à studio recti abduximus & uiciauimus, neminē fraudauimus, Græcè, *οὐδὲν ἀπὸ τοῦ καλοῦ ἔσχατον*, id est, neminem studio auariciæ circumuenimus. Perstringit oblique in pseudapostolis dominatum, à ueris apostolis alienum, corruptelas falsæ doctrinæ, & studiū auariciæ, quo bonis fidelium insidiabantur, dominatum, in eo quod dicit, neminem iniuria affecimus, corruptelas falsæ doctrinæ in eo quod subiungit dicens, neminem corrupimus, studium auariciæ, quo bonis fidelium fraudulenter insidiabantur, in eo quod addit, neminem fraudauimus. Verum hac de re infra capite II. manifestius dicturus est.

Nos hic discrimen uerorum ac falsorum apostolorum obseruamus. Veri, ut alieni sunt à dominatu à falsa doctrina & à studio auariciæ & quæstus, ita nemini inferunt iniuriam, neminem corrumpunt, neminē auariciæ studio circumueniunt, falsi uero quemadmodum infecti sunt spiritu dominationis, falsæ doctrinæ, & auariciæ ac quæstus, ita iniurijs eos afficiunt quibus dominantur, corrumpunt quos docent, circumueniunt incautos, è quibus aliquid potest esse lucri. Inspice Romam & uide quid de sede Apostolica quam sibi uindicant, iudicare debeas. Si reperis eam liberam à dominatu, à corruptelis falsæ doctrinæ, ab inexplēbilis auariciæ quæstu, ut possit dicere, nemini iniuriam intuli, neminem corrumperem, neminem fictis uerbis negociando circumueni, bene, agnosce Apostolicæ synceritatis imitationem, si uero dominatricem corruptricem ac circumuentricem deprehenderis, cognosce sedem Antichristi, & execrabilem imposturam Satanæ sub prætextu sedis Apostolicæ in ecclesia regnantem.

NON hoc ad condemnationem uestri dico, inquit.] Græcè simpliciter est, *ὅτι οὐκ ἔστιν ἡμῖν ὀφειλή*, id est: Non ad condemnationem dico. Id est, non dico ut quempiam ex uobis accusem & condemnem. Non sic innocentiam meam defendo, ut uos condemnem. Videbatur eos accusare, quod innocentem se fastidirent & auersarentur. Verum non hoc agebat, sed simpliciter eos innocentiae suæ admonet, ut cogitent, non esse causam, quare se fastidiāt. Et hoc agens quoniam ueretur, ne plus eos offendant, occupatione tollens, quod suspicari poterant, dicit: Non ad cōdemnationem dico. Vide modestiam Apostoli. Quamuis eos acriter obiurgare & propter tot tamque magna beneficia, quibus eos affecerat, ingratiitudinis accusare posset, nihil huius faciens, sola innocentie suæ defensione contentus est, & sic quoq; ueritus, ne quo pacto offendant negat se quæ dicit, ad ipsorum dicere cōdemnationem. Erant plane condemnabiles, uerum quæ dicebat, non ob id dicebat ut eos condemnaret.

A SI QUIDEM iam ante dixi, quod in cordibus nostris estis ad commoriendum & conuiuendum.] Reddit rationem, qua probet se nō hæc dicere, ut ipsos cōdemnet. Siquidem iam ante dixi inquit, quod in cordibus nostris estis ad commoriendum, &c. Quasi dicat. Vsq; adeo uos diligo ut paratus sim uobiscū ferre ac pati omnia, quæ uobis ferenda fuerint, siue ad uitam siue ad mortem, sic estis in cordibus nostris, ut seperare nos nec mors possit nec uita, tam abest, ut condemnare uos cupiam. Siquidem iam ante dixi inquit, ubi hoc dixerat antea? Capite præcedenti ubi dixit. Os nostrū apertum est erga uos. Cor nostrum dilatatum est. Non estis angustii in nobis. Quod illic obscurius innuit, hic clarius exprimit. Sic autem habet ueræ dilectionis ingenium ut nullo se pacto separari sinant qui diligunt, ab ijs quos corde sunt cōplexi. Non possunt deserere mortuos, non possunt seiungi à uiuis. Reperti sunt catelli usq; adeo herorum suorum amātes, ut à latere uiuorum non discederent, à sepulcro mortuorum auelli non possent. Vtinam sic cōparati simus & ipsi erga Christū, ut à dilectione illi⁹ nec uita nec morte separari possimus. Sine huiusmodi dilectionis spiritu nemo pastor ad ouiculas domini ueraciter dictur⁹ est. In cordibus nostris estis ad commoriendum & conuiuendum.

B Obserua uero sollicitam Apostoli prouidentiam. Quoniam sic statuerat, cum hæc ad Corinthios scriberet, quod nollet eos scribendo offendere, sed magis cōciliare & sibi & inter ipsos mutuo, priusquam ad innocentiae suæ defensionem diceret, neminem lesimus, neminem corrupimus, neminem circumuenimus, præmisit de sua erga eos dilectione, qua omnes amāter gestabat & fouebat in corde, quo cum minore offensione quæ dicturus erat acciperent, & si quid tristius diceret, dilectionis affectui tribuerent. Iam postquam tale quid protulit, unde offendi poterant non contentus præmissa cautione, rursus quā diligat eos cōmemorās, refricat quæ antea dixerat. Sciebat uidelicet, q̄ leui momento præcedens serenitas obliuioni tradatur, ubi uel modica nebula uelatur. Ipsa dilectionis opera mox obscurantur, si uel uerbulū proferas, quod offendant, nedum significatio illius uerbis prolata. Quare haud absque ratione hac est usus diligentia qua dicta iam antea refricaret dicens: Siquidem iam ante dixi, quod in cordibus nostris estis, &c.

MULTA mihi fiducia erga uos, inquit, multa mihi gloriatio de uobis.] Græcè est, *πολλὴ παρρησία*, quod hic legimus, multa fiducia. Fiduciae multæ sunt species, at *παρρησία* cōstat esse libertatem ac fiduciam loquendi, qua citra hesitationem libere ac fiducialiter loquimur, & quæ admonenda uidetur admonemus, quasi sit *παρρησία*. Hæc parrhesia tum recte loquendi libertas uocatur, quando sine metu libere loquimur ubi tamē metuendum esset periculum, Vbi



lum. Vbi uero amicos fiducialiter monemus, bona præditi fiducia, quod respectu amicitiae boni sint liberam admonitionem consulturi, tum recte eiusmodi parrhesiam fiduciam loquendi uocamus. Et hanc intelligit Apostolus cū dicit: Multa mihi parrhesia erga uos. Quod enim suprà capite præcedēti dixit: Os meum apertum est erga uos, hoc ipsum alijs hic uerbis exprimit.

Non ad condemnationem, inquit, hæc dico, nam diligo uos, & habeo in corde meo ad cōmoriendum & ad conuiuendum, sed quæ dico pro mea parrhesia dico, quæ mihi multa est erga uos. Et hoc dicens, iterū exprimit dilectionis ingenium, quæ sic comparata est, ut existimet sibi libere admonendum esse, si quid sit admonendum, idque iure amicitie. Opposita huic est assentatio, quæ falso amicitiam simulat, dum omnia laudat in faciem, etiam quæ laudanda non sunt sed corrigenda.

MULTA gloriatio de uobis, inquit.] Quasi dicat. Quamuis ad uos libere, quia multa cum fiducia, loquor, interim tamen ad alios de uobis multum gloriator, tam abest ut quæ dico ad condemnationem uestri dicam. Non enim tātopere de uobis gloriarer, si non diligerem si improbarem, si accusarem, si condemnarem. Rursus ingenium ueræ dilectionis expressum uides, quæ in faciem libere monet & corripit dilectum, de quo tamen ad alios impense gloriatur, honesteque & amanter loquitur. Contra assentatrix illa *ψευδαγγελία* in facie adulatur, à tergo obloquitur, in faciem simulat amicitia, à tergo spirat hostiles inimicitias. Nec dubito quin hoc ingenio fuerint pseudopostoli, quibus hic Paulus integritatem suam & ueræ dilectionis experimenta opponit.

IMPLETVS sum consolatione, inquit, uehementer exundo gaudio in omni afflictione nostra.] Transiit ad ea quæ de aduentu ad se Titi dicturus est. Loquitur enim de consolatione & gaudio, quibus per illū affectus fuit, quod ob id facit, ut ostēdat, quā non frustra de illis multum gloriatur.

IMPLETVS sum, inquit, consolatione.] Non simpliciter dicit: accepta cōsolatione gauisus sum, sed, ut abundantiam dilectionis suæ erga eos cōsiderandam proponat, dicit se impletum esse consolatione, & uehementer exundare gaudio, nec sic contentus addit in afflictione nostra, immo, in omni afflictione nostra, ut uim consolationis & gaudij tantam esse significet, ut omnem afflictionum suarū molestiam ac tristitiam absorbeat. Vnde autem tantum consolationis & gaudij acceperit mox exponet.

VEHEMENTER, inquit, exundo gaudio.] In Græco est, *ὑπερῶς ἡδονοῦμαι*, quod uetus interpret simpliciter uertit, superabundo. Haud displicet uero, quod Erasmus transtulit, uehementer exundo. Videtur enim Apostolus loqui de multa gloriatione, cuius iā meminit, per quā gaudium de Corinthijs acceptum uelut exun-

dabat. Sic est natura cordis humani, ut impletum affectibus uel gaudij uel tristitiæ, uel dilectionis uel odij exundet in apertum, unde illud est, ex abundantia cordis os loquitur.

IN omni afflictione nostra, inquit.] Sic hic quoque impleri significat quod mox initio capi. primo gloriando & cum gratiarum actione de Deo prædicauit dicens: Benedictus Deus & pater domini nostri Iesu Christi, pater misericordiarum & Deus omnis consolationis, qui consolatur nos in omni afflictione nostra, ubi quæ cogitanda sint admonuimus.

ETENIM cum uenissemus in Macedoniā, inquit, nullam habuit relaxationem caro nostra, sed in omnibus affligebamur. Foris pugnae, intus terrores.] Exponit paucis quod dixit: in omni afflictione nostra. Referunt hæc nonnulli ad ea quæ illi Actorum decimosexto & decimosextimo euenisse leguntur. Verum series historię repugnat. Etenim quæ illic memorantur, euenerunt illi cum primum in Macedoniam euangelizandi gratia uenisset. Quæ uero hic memorat euenerunt cum post Corinthiorum & Ephesiorum conuersionem Macedoniam confirmationis gratia reuiseret, quæ de re uidere est Actorum decimonono, & uigesimo capite primo. Quod ita dicit: Etenim cū uenissemus in Macedoniam, non loquitur de primo in illam aduentu, sed de secundo. Quas autem in illo perpeßus sit afflictiones specialiter quidem non exprimit, in genere tamen significat dicens: nullam habuit relaxationē caro nostra, sed in omnibus affligebamur. Per carnem intelligit externum hominem, quem innumeri labores fatigabant, & simul impiorum hominum insectationes afflictabant, sic ut nulla illi contingeret relaxatio. Nam non afflictionibus tantum, sed & timoribus exercebatur. Sic dicit: Foris pugnae, intus terrores. Foris impugnabatur ab aduersarijs incredulis, qui ueritati Christi contradicebant, & ministros illius persequebantur. Intus cruciabatur timoribus, quibus timebat infirmioribus, ne uel à pseudopostolis seducerentur, uel persecutionibus à professione nominis Christi abstereretur. Sic in omnibus affligebatur, foris, & intus, ut nulla darec carni ipsius relaxatio.

Conuenienter autem carnem & relaxationem cōiungit. Caro nanq; pro infirmitate sua facile fatigatur laboribus & persecutionibus, fatigata uero nihil æque appetit atq; relaxationem. Hanc in se quoque carnis infirmitatem & naturam experiuntur prophete, apostoli, & sancti donec in hac uita laboribus & omnis generis molestijs exercentur.

FORIS pugnae, inquit, intus terrores.] In Græco est, *ἔξω μάχαι, ἐνδον φόβοι*, id est, deforis pugnae, abintus, ut ita dicam, timores. Non dicit simpliciter, *ἔξω μάχαι, ἐνδον φόβοι*, id est: Foris pugnae intus timores. Quare cum dicit, *ἔξω*, intelligendum est de ijs qui foris erant, alieni à fide Christi, & cum addit *ἐνδον*, referendum ad fideles qui erant intus, quemadmodum & 1.



Cor. 6. illos τὸς ἑξω, istos τὸς ἑσω uocat. Quasi dicat. Impugnabar ab illis qui sunt foris, & timores mihi inculiebantur ab ijs qui sunt intus. Hæc uolui lectionis gratia indicare, præsertim cum faciant ad perspicuitatem sensus.

VERVM qui consolatur humiles, inquit, consolatus est nos Deus per aduentum Titi.] Quod dixerat, impletus sum consolatione, uehementer exundo gaudio, id iam consequenter exponit. Duo autem dicit. Vnum, quis se, alterum, unde sit consolatus. Primum tribuit Deo, alterum aduentui Titi. Verum inquit, cōsolatus est nos Deus. Consolationes quibus subinde in afflictionibus recreabat, ut cœpit initio epistolæ ita in progressu quoq; constanter adscribit Deo. Non dicit autem simpliciter: consolatus est nos Deus, sed præmittit, qui consolatur humiles. Sic exprimit ingenium & naturam Dei, qua usque adeo bene uult humilibus, ut singulari quodam studio laborantibus illis succurrat, superbos uero sic detestat, ut resistat illis ex diametro. Non loquitur autem de illis qui animo sunt humili & modesto, sed de abiectis ac depressis. Neque enim dicit: τὸς ταπεινοφρονῶντας sed, τὸς ταπεινός, quia non loquitur de uirtute modestiæ, sed de afflictionibus, quibus pij in hoc sæculo ab impijs deprimuntur & humiliantur, quod & ipsi passim eueniebat. Quod ergo dicit: qui consolatur humiles, nihil est aliud, quàm qui consolatur afflictos ac depressos. Significat autem talem se fuisse factum, cum in omnibus affligeretur, ideoque adfuisse sibi consolatorem humilium & afflictorum, Deum uidelicet, seque esse abunde consolatum.

PER aduentum Titi, inquit.] Meminit unde sit se consolatus Deus. Per aduentum uidelicet Titi. Miserat hunc Corinthum cum nonnullis alijs fratribus, sicuti uidere est capite sequenti, & cum Macedoniam reuirsurus uenisset Troaden, ibique illum non, ut sperauerat, inuenisset, spiritu fatigabatur, ideoque relicta Troade abiit in Macedoniam, interim cupide aduentum illius expectans. Cum ergo interea temporis admodum affligeretur, beneficio domini factum est, ut adueniente illo recrearetur & exhilararetur. Sic dicit: consolatus est nos Deus per aduentum Titi. Erat is ipsi acceptissimus, propterea quod fidus esset omnium laborum socius, illiusque absentiam ægre tulisset, quare plurimum lætabatur, quod saluum eum receperat. Paucos habebat cooperarios in opere domini fideles. Nam plerique non quæ domini, sed quæ sua ipsorum erant quærebat, ut non immerito sollicitus fuerit pro Tito isto, ac plurimum consolationis & gaudij ex reditu illius acceperit.

NON solum autem per aduentum illius, inquit, uerum etiam per consolationem quam ille accepit de uobis, &c.] Vt maneat in proposito, significat magnam partem cōsolationis huius & gaudij ab ipsis esse profectam, ne in solo Titi aduentu conquiescere uideatur, quod ad

iplos parum pertinere uideri poterat. Haud dissimulat exhilaratum se fuisse aduentu Titi. Quare non dicit: Non per aduentum illius, sed: Non solum autem per aduentum illius, uerum potissimam consolationis suæ causam transfert in ipsos, sicuti mox patebit.

VERVM ETIAM per cōsolationem, inquit, quam ille accepit de uobis.] In Græco est, *παρηγορηθὲν ὑμῖν*, id est, qua consolatus, uel, si mauis, refocillatus est in uobis. Quid consolationis uero Titus consequutus sit à Corinthijs, infra circa calcem capitis huius memorabit. Hic obiter subiicit, quid nunciarit sibi de ipsorum erga se desyderio, fletu, ac studio, dicens cum annuntiaret nobis uestrum desiderium, uestrum fletum, uestrum pro me studium, adeo ut magis gauisus fuerim. Tria ponit: desiderium, fletum, ac studium, Græcè *ἡλὼν*, desiderium Corinthiorum erat quo præsentiam Pauli desiderabant ij, qui inter illos erant synceri. Hoc promissione aduentus sui in priore epistola, capite ultimo admodum exacerat. Fletus erat, quo lugebant propter correptionem, qua priore ipsos epistola admodum contristauerat, qua de re mox subiiciet. Zelus pro ipso erat, quo se pseudapostolis & ipsorum sectatoribus nomen Paulo infamantibus opponebant. Hæc igitur cum audisset ex Tito, magis adhuc gaudebat. Intelligebat enim ex illis, tamquam certis argumentis, esse se cordi adhuc Corinthijs, adeoque & opus domini, quod in ipsis cœperat, consistere saluum & integrum, quantumuis illud pseudapostoli in omnium cordibus uiciare conarentur. Hinc itaque afferebatur ipsi maioris gaudij occasio, quia plurimum recreabatur spiritus ipsius, quod esset illorum amantissimus, ac salutis ipsorum cupidissimus. Et alioqui sic est comparatum dilectionis ingenium, ut exhilaretur plurimum qui diligit, si certis argumentis intelligat, esse se charum illis quos diligit. Qualia uero essent dilectionis argumenta, desiderium, fletus, & zelus, in seipso potissimum experiebatur Apostolus, qui & ipse præsentiam Corinthiorum desyderabat, cum lachrymis ad illos scribebat, & ut infra capite undecimo scribit, zelotypus erat erga eos, Dei zelo accensus. Vix certiora habentur amoris indicia quàm quæ hic memorantur, desiderium, fletus, & zelus. Vtinam istis nos argumentis charitatem Christi Seruatoris nostri testatam reddere possimus.

Nam etiam si contristauit uos per epistolam, non me poenitet, tametsi poenituerat. Video namque quod epistola illa, tametsi ad tempus, contristauit uos. Nunc gaudeo, non quod cōtristati fueritis, sed quod contristati sitis ad poenitentiam. Nam contristati estis secundum Deum, sic ut nulla in re detrimento sitis affecti per nos. Nam quæ secundum Deum est tristitia, ea poenitentiam ad salutem haud poeniten-



poenitendam parit, mundi uero tristitia A mortē operatur. Ecce enim istuc ipsum, quod secundum Deum contristati fuistis quantam in uobis operatum est sollicitudinem, imò satisfactionem, imò indignationem, imò timorem, imò desiderium, imò uindictam. Siquidem ubiq; commēdastis uos ipsos, quod puri sitis in eo negotio. Proinde tametsi scripsi uobis, nō eius id causa feci qui læserat, nec eius causa qui læsus fuerat, sed ob id, ut palā fieret studium uestrum pro nobis apud uos in conspectu Dei.

Per occasionē eius quod fletus Corinthiorum meminit, ob quem se magis adhuc gaudere dixit, transit ad exponēdum utilitatem, quam illis ea tristitia pepererat. Videbatur enim inconueniens esse & alienum ab ingenio dilectionis, propterea gaudere quod tristes erant ac flebant Corinthij, quos tantopere se diligere asseuerabat. Cum sit dilectioni conuenientius, flere cum flentibus, cum gaudentibus uero gaudere. Quare cum desiderio ac zelo illorum fletum cōiunxisset ac dixisset: cum annūciaret nobis uestrum desiderium, uestrū fletum, uestrū pro me studium, adeo ut magis gauisus fuerim, essetq; uerosimile cogituros illos, ergo quo tristiores nos sumus, hoc tu magis gaudes? mox subiicit expositionem qua qd̄ dixerat declararet, rationēq; reddat, quare ipse ppter fletū eorū magis fuerit gauisus.

NAM etiamsi cōtristauī uos per epistolam, inquit, non poenitet me.] Sic exponit quod de fletu Corinthiorum dixerat, significans se loqui de tristitia, qua priore fuerant epistola contristati. Videbatur autem dolendum ipsi esse, quod eos quos diligebat contristasset. Et sane doluisset, nisi tristitiā illorum ad salutem ipsis conducere intellexisset. Sic dicit: Nam etiamsi contristauī uos per epistolam, non poenitet me. Quare autem non poenituerit ipsum consequenter exponet. Interim tamē fatetur, quod contristarit eos per præcedentem epistolam, cum suprā capite secundo negauerit se ad hoc scripsisse ut contristarentur. Non deletabatur illorum tristitia ideoque non ob id scripserat, ut contristarentur, sed ut sollicitudini suæ erga eos satisfaceret, salutisq; ipsorum rationem haberet. Et tamen agnoscit epistolā suam in causa illis fuisse, ut contristarentur, cuius se iam haudquaue poenitere dicit.

Illud, tametsi poenituerat, Chrysostomus legendum esse putat, etiamsi poenituisse. Sic enim exponit, οὐκ ἔστιν ὁ πότμος μου μεταμελόμεν, νῦν δὲ οὐ μεταμελόμαι, ἀλλὰ πῶς; οὐ μεταμελόμαι νῦν, ἀλλ' ὅτι μεταμελόμην. Absurdum uidetur, si dicat Apostolus, ante poenituisse se, quod eos contristasset, quasi non spiritus sancti sed humano illos consilio per epistolam contristarit. Ideoque legēdum hic iudicāt: non poenitet me, etiā si poenituisse

haftenus. Verum meo iudicio, quemadmodū pro dilectionis ingenio non ad hoc scripserat, ut eos contristaret, cum tamen hoc esset consilium spiritus sancti ac futurum esset, ut ea tristitia prodesset illis plurimum, ita pro eodem dilectionis ingenio, postq̄ scripsisset, poenitebat ipsum quod eos contristasset, id qd̄ suprā cap. 2. non dissimulat, cum dicit: Sed decreui apud memetipsum non iterum cum dolore ad uos uenire (loquitur autē de priore epistola, quacum dolore ad eos uenerat) Nam si ego mœrore uos afficiam, quis est qui exhilarat me, &c. Eam poenitentiam mutabat postea in gaudiū, cū ex Tito de fructibus tristitiæ huius cognouisset. Nihil hic absurdi admissum uideo, ubi omnia singularē Apostolici pectoris dilectionem spirant. Quare haud grauatim, ut uersum est, lego, tametsi poenituerat. Quod si quis putat inconstantie dandum esse, si quem facti sui poeniteat, reddat rationē quare Deum poenituerit, quod hominē cōdiderat. Gen. 6. in quē tamē poenitētia non cadit, & quare Hieremias non dubitauerit dicere: Bonas facite uias uestras, &c. & poenitebit dominū mali, quod loquutus est aduersum uos. Mihi, quē hic de seipso scribit Apostolus, usq; adeo non esse leuidanda inconstantie uidetur, ut optarim tales hodie esse in ecclesia pastores, qui eodem dilectionis affectu præditi nunc poenitentiæ dolore, nunc rei bene gestæ gaudio afficerentur.

VIDEO nanq; quod epistola illa, inquit, tametsi ad tēpus, contristauit uos.] Dixit: Nam etiamsi contristauī uos per epistolam, non me poenitet, tametsi poenituerat. Iam si consequenter legamus: Video nanq; quod epistola illa grauauit uos, etiamsi ad tempus, apparet referendum esse ad fletum, de quo nūciauerat Titus. Q. d. Quod enim contristauerit uos epistola illa, quis ad tempus, ex eo uideo quod mihi Titus nunciauit. Et hæc lectio cum Græco cōtextu conuenit. Vulgata tamen habet, uidēs quod epistola illa, etsi ad horam, uos contristauit. Hæc lectio mihi cōuenire uidetur cum eo quod dixit, tametsi poenituerat, ut ratio subiiciatur, quare ipsum poenituerit, uidēs, inquit, id est, cum uiderem, quod epistola illa contristauerit uos, licet factum sit hoc ad horā, id est, ad modicū tēpus. Hanc lectionē nō ausim reijcere. Pulchre nāq; ei qd̄ pmissum est coheret.

Non est autē ociosum quod dicit: ἐν καὶ πρὸς ὥραν, id est, licet ad horam, intellige, tantū. Sic enim extenuat tristitiam Corinthiorum, non in se, sed respectu sequutæ illā utilitatis. Nos admonemur conducere hoc saluti delinquentium, ut ad tempus, utut modicum, contristentur, quo contristati resipiscant. Modicum tristitiæ, si prudenter disponatur, plurimum nō nunquam adfert utilitatis.

NUNC gaudeo, inquit, non quod contristati fueritis, sed quod contristati sitis ad poenitentiam.] Quasi dicat. Poenitebat me, quod quis modico tempore contristassem uos per epistolam. Nunc uero, ubi ex Tito cognoui, quātum



emolumēti ex ea uobis sit tristitia natū, gaudeo, tā abest ut eius me poeniteat amplius. Et quoniā audire poterat, ergo de tristitia nostra sumis tibi materiā gaudij: exponens subiicit, nō quod cōtristati fueritis, sed quod cōtristati sitis ad poenitentiā. Quasi dicat. Exhilarat me nō tristitia uestra, quasi illa delectat, cū illa me magis turbarit, sed poenitētia quā tristitia ista peperit. Aliud est tristari simpliciter, & aliud tristari ad bonū aliquē finē. Nemo delectatur tristitia eius quē diligit, delectamur uero oēs salute eorū quos diligimus, adeoq; & mediū placet quoad illā perueniūt, etiam si sit in se triste & austerum. Inhumani sunt admodū, quibus uolupte est, si quem tristem & anxium red dere poterūt, etiam si uiderint illū nullo ipsius bono, imo cum magno malo contristari.

SED quod contristati sitis, inquit, ad poenitentiā. Græce est, *ἐς μετανοίαν*, i. ad resipiscentiam, cuius uocis sensum latina uox poenitentia nō exprimit, quamuis Erasmus illi eundē sensum affingere molitur, dū poenitere idē esse putat, quod pone tenere. i. post factū intelligere. Valla rectius, duo, inquit, uocabula græca *μετάνοια* & *μεταμέλεια* differūt à nostro. Nā poenitētia dicta est à poenitet, quod est, tædet uel piget. Græca uocabula dicta sunt à sensu retractādo, & cura in melius mutāda, elegatior dictio, ut ait Lactantius, q̄ nostra. Itaq; in nostro uerbo significatio est, tristitia cōmissi, in Græcis, mētis emēdatio. Hec ille. Quare si legas hoc loco, sed quod cōtristati sitis ad poenitentiā, perinde sonat ac si dicas, sed quod cōtristati sitis ad tristitiā, siquidē poenitentia dolor est & tristitia de eo quod est admissum. Malo itaq; legere, ad resipiscentiā, secundū uim Græcæ uocis, q̄, ad poenitentiā. Qualē aut resipiscētia tristitia hec peperit, Corinthijs paulo post memorabit. Supra alicubi monuimus, nō esse apostolos similes pharisæis, qui tristitiā in ijs qui deliquerūt magis spectāt q̄ uerā resipiscentiā. Apostolus hic disertē significat non delectari se tristitia Corinthiorū, delectari uero resipiscentia.

NAM cōtristati estis secundū Deū, inquit, sic ut nulla in re detrimēto sitis affecti per nos. Sensus est. Gaudeo quod ad resipiscentiā contristati fuistis. Id nāq; declarat, cōtristatos fuisse uos ex eo, quod Deū uos offendisse intellexistis. Sic rationalem γὰρ, ad præcedens refero, quo dixit eos cōtristatos fuisse ad resipiscētiā. Cōtristati, inquit, estis ad resipiscentiā, quod ex eo est, quod secundū Deū contristati estis. Existimo aut cōtristari secundū Deū, nihil hic esse aliud q̄ cōtristari ob id quod Deū offenderit. Alijs idē esse uideēt, quod ex Deo cōtristari.

Illud, sic ut nulla in re detrimēto sitis affecti per nos, exponūt ad hūc modū. Sic secundum Deū ad resipiscentiā cōtristati estis per nostrā epistolā, ut ex ea nihil acceperitis detrimenti, sed magis adiuti sitis plurimū. Cōmētarij qui Hieronymo dātur, hūc sensum adferūt: Cōtristati estis secundū Deū ut in nullo detrimentū patiamini ex nobis, hoc est, ne ueniētes aliquē

ex uobis damnaremus, intellige si nō essetis secundū Deū ad resipiscentiā cōtristati. Verus in terpres, meo iudicio, cautius uertit, ut in nullo detrimentū patiamini ex nobis, q̄ Eras. q̄ qd̄ in Græco est, *ἐν ὑμῶν*, reddidit, nulla in re, cū apostolus nō de reb⁹, sed de hominib. ad ecclesiā Corinthiorū pertinentibus loquat̄, dicatq; eos sic cōtristatos esse secundū Deū ad resipiscētiā, ut in nemine ex fratribus, ne in eo quidē, q̄ tā enormiter peccauerat, ut ex cōmunicationem meruerit, detrimentū ex ipso accipiāt. Etenim pro detrimēto reputat ecclesiæ, si quisquam ē numero fidelium uelut membrum à corpore propter impoenitentiā autoritate apostolica abscindat̄. Erat hoc euēturū Corinthijs nisi ad resipiscentiā cōtristati fuissent. Huiusmodi detrimēti sensus hodie prope nullus est in ecclesia, etiam si multa Christianorū millia palā ac prorsus quotidie perire cernamus. Romani Pōtiffices sæpenumero integra regna ab Ecclesiæ cōmunionē, quantū in ipsis fuit, nullas iustas ob causas, abiq; hoc ecclesiastici detrimēti sensu absciderunt.

NAM quæ secundū Deū est tristitia, ea resipiscentiam ad salutē haud poenitendā operat̄, mundi uero tristitia mortē operatur. Ad resipiscentiā eos cōtristatos esse dixit, ex eo, quod cōtristati sint secundū Deū. Huius iā rationē subiicit dicens: Nā quæ secundū Deū est tristitia, resipiscentiā ad salutē operatur, mundi uero tristitia mortē operatur. Hæc est ueluti maior, minor uero, cōtristati estis secundū Deū. Argumentatur enim ad hūc modū. Quæ secundū Deū est tristitia, resipiscentiā parit. Vos aut contristati estis secundū Deū. Ergo cōtristati estis ad resipiscentiā. Est aut maior hæc bimēbris, cōstans antithesi duplicis tristitiæ, eius uidelicet quæ sit secundum Deum, & eius quæ sit secundū mundū, & exprimēs diuersam utriusq; operationē. Tristitiam secundum Deū hoc loco esse diximus, quia qui peccauit ob id contristatur, quod Deum offendit, perinde ac si filius contristetur, quod offenderit patrem. Huic tristitiæ tribuit, quod resipiscentiam gignat. Etenim cui dolet, quod Deum offendit, utiq; peccatū suum agnoscit ac damnat, atque ita mutata sententia resipiscit. Sic tristitia quæ secundum Deum est, resipiscentiam gignit. Vbi autem uera resipiscentia est, ibi est & salus. Reddit enim illa gratiæ Dei capaces, iuxta illud: Si conuersus fuerit peccator &c. uita uiuet & non morietur. Et conuertimini ad me & salui eritis. Et: Nolo mortem peccatoris, sed ut conuertatur & uiuat. Ad Deum autem resipiscendo conuertimur. Hoc intelligens dicit: ea resipiscentiam ad salutem operatur. Et addit, haud poenitendam. Græce est, *ἀμεταμέλεια* quæ uox nescio an Latine possit unica uoce proprie reddi. Sumpta est à *μεταμέλεια*, quod curæ, sicuti *μετανοία* sensus mutationē significat. Hinc sunt *ἀμεταμέλεια* & *ἀμετανοία*, quarum prior uox id sonat, quod curæ, posterior uero quod sensus mutationem nō recipit. Rom. 2.



Cor obstinatum & occęcatum, ab omni resipiscencia alienum, uocat ἀμετανόητον καρδίαν. Capi te undecimo charismata Dei uocat ἀμεταμέλητα. Interpretes utrobique impęnitentię significatione reponunt. Nam καρδίαν ἀμετανόητον, uerunt cor pęnitere nescium, & cor impęnitęs, & χάρισμα ἀμεταμέλητα dona sine pęnitentia. Et, dona quorum illum pęnitere non possit, cum uox impęnitentię uim uocum istarum non exprimat, sitque inter illas luculentum discrimen. Si ordinem uerę conuersionis inspicias, primum locum habet tristitia, secundum Deum, quę ex auditu uerbi Dei, operante spiritu sancto acquiritur. Hanc consequitur μετανοία, id est, immutatio mentis, quam resipiscenciam uocamus. Ex illa nascitur μετάνηξις, id est curę quoque mutatio, omnia totius uitę studia complectens. Donec mentis fascinatiō durat, fieri non potest, ut curę ac studia in melius mutantur. Vbi uero locum reperit μετανοία, ibi mutatum sensum sequitur mutatio curę. Hęc breuiter de duabus istis uocibus.

Quod pręsentem Apostoli locum attinet, non displicet, quod uetus interpres ἀμεταμέλητον reddidit stabilę. Nec Valla reprobatur. Illud autem ambiguum est, an eam uocem ad resipiscenciam uel ad salutem referre debeamus. Valla ad salutem pertinere negat. Meo iudicio nihil est periculi, siue ad resipiscenciam siue ad salutem referas. Nam ad utranque referri potest. Etenim resipiscencia, quam tristitia secundum Deum parit, ut uera est & sincera, ita est & ἀμεταμέλητος. Qui secundum Deum tristatur & resipiscit, huius resipiscencia studiō in melius emendationem non mutat, sed retinet. Et salus quam uera resipiscencia conciliat, sic est comparata, ut curę Dei, qua resipiscentes saluare constituit, mutationem non recipiat. Si quis tamen accuratius rem ipsam perpendat, inueniet forsan μετανοίαν, rectius dici μετάνηξις, quā ἀμεταμέλητον, eō quod mentis mutatio curarum quoque mutationem gignit, atque ita epitheton hoc referendum esse ad salutem, ut quemadmodum dona Dei ἀμεταμέλητα, Rom. II. ita hic & salus Dei ἀμεταμέλητος uocetur. Sed obseruationum gratia repetamus ipsa uerba.

NAM quę secundum Deum est tristitia, inquit. Dubium nō est, quin tandem a Deo exhilaretur, quisquis secundum Deum contristatur. Sunt autę eiusmodi tristitię, quatuor species, quę in pręsenti occurrunt. Prima est, cuius meminit hoc loco Apostolus. Et huic soli competit, quod eam resipiscencię dicit esse effectricem. Secūda est, qua pius homo propter nominis Dei ignominiam contristatur. Hoc genere tristitię contristantur quotidie, qui uiuunt uel inter alienos a fide Dei, uel inter falsos Christianos, idololatrias, & uerbi Dei hostes. Sic uiuebant illi, qui pij cum essent, & uiuerent in medio populi Dei in ipsa Hierusalę, super abominationibus quę fiebant, gemebāt & dolebant, de quibus legere licet Ezech. 9.

Illi utique tristabantur secundum Deum, quę admodum & ij, quibus idem accidit in Baby-lone, in Assyria, & alijs gentium locis. Tertia est, qua contristantur omnes illi, qui iniurias, conuicia, & persecutiones propter nomen Dei patiuntur. Ad hanc pertinet locus I. Pet. 2. ubi sic dicit: Nam hęc est gratia, si quis propter conscientiam Dei suffert molestias, pręter meritum affectus malis. Quarta est, nata ex desiderio apparendi in conspectu Dei, quando spiritus hominis fidelis & amantis Dei propter peregrinationis suę prolongatione contristatur. Figura huius erat, quod Dauidi in exilio constituto accidit, cuius mentio fit in Psal. 42. ubi dicit: Quemadmodum desyderat ceruus ad fontes aquarum, ita desyderat anima mea ad te Deus. Quām autem desyderiū hoc cum tristitia fuerit coniunctum, satis aperit, cum dicit: Fuerunt mihi lachrymę meę panes die ac nocte. Item: Quare tristis es anima mea, & quare conturbas me? Hunc affectum ipse quoque Apostolus expertus est, sicut in eo patet, quod dicit: cupio dissolui & esse cum Christo. Hęc sunt tristitię species, quę secundum Deum est. Plures recenseri possunt, sed existimo hasce in pręsenti sufficere. Et utinā locum in nobis habeant.

EA resipiscenciam, inquit, ad salutem haud pęnitendam parit. Tria obserua. Primum, quod tristitia quę secundum Deum est, parit resipiscenciam. Ea autem nō est omnium. Etenim nisi diligas ac magnificas Deum in corde, non cōtristaberis quod peccando eum offendisti. Quare hoc genus tristitię eorū tantum est, qui sunt ex Deo. Reproborum esse nō potest. Ergo nec uera resipiscencia est omnium. Secundum, quod uera resipiscencia facit ad salutem. Non loquor de quauis pęnitentia (nā & Iudam proditiōis suę pęnitebat, sed frustra) sed de uera resipiscencia, quę est ex tristitia secundum Deum. Sed hac de re iam diximus. Terrium, quod salus resipiscencibus per gratiā Dei concessa, non est μετάνηξις, sed stabilis & firma. Nō enim mutat Deus ut homo.

MUNDI uero tristitia, inquit, mortę operatur. Est hoc alterum genus tristitię, priori oppositum. tanquam & natura & effectū diuersum. Vocat illud tristitiam mundi. Nō intelligit autem de mundo, quatenus ille humanum genus cōplectitur, in quo ut multa sunt tristitia, ita multum quoque est tristitię, cui nō competit, quod hic tristitiam mundi mortem operari dicit. Intelligit igitur de mundo, quatenus sub ea uoce corruptio huius sæculi, adeoque & homines mundani, a sensu Dei alieni intelliguntur. Huius tristitiam gemino sensu uocare possumus. Primo, ut sit mundi tristitia, qua mundus ipse, uel, quomodo mundus contristatur. Tristatur autem mundus, quando illi quę cupiditatibus eius sunt contraria, eueniunt, quemadmodum gaudet si illę ex animi sententia succedant. Altero, ut sit tristitia mundi, qua carnaliores homines propter mun-



mundum ob religionis causam offensum & inimicum contristantur. Vtrunque tristitiæ genus, quemadmodum & ex opposito gaudium mundi, mortē operatur. Pius homo tristatur secundum Deum, dum dolet illi quod Deum peccando offendit. Filius huius sæculi tristatur, quando studium peccandi nō ex uoto succedit. Et carnalis Christianus tristatur, sentiens se sustinere inimicitiam mundi. Huius generis tristitia salutem impedit, ac morti reddit obnoxium. Etenim quando resipiscet, qui de peccato non tristatur, nisi quando impeditur, quo minus pro libidine sua peccet? Quando tristabitur ille secundum Deum, ut resipiscat, qui de offensa Dei non tristatur, tristatur uero de offensa & inimicitia mūdi? Credibile est autē inter Corinthios eiusmodi fuisse Christianos, qui mundū in cordibus suis nondum reliquerint, & ab illius amicitia ægre auelli sustinuerint, quales utique erant qui cū infidelibus in eidolio conuiuabantur, quorū gratia seriam illam dehortationem capite præcedēti de fugiendo infidelium consortio posuit.

ECCE enim, inquit, istuc ipsum, quod secundum Deum contristati fuistis, quantam in uobis genuit sollicitudinem.] In Græco est *σπουδή*, id est, studium. Declarat quod tristitiam secundum Deum, resipiscētiā ad salutem gignere dixit. Declarat autem recensione fructuum, quos sic contristati ac resipiscētes protulerunt Corinthij. Hos recenset numero septem, sollicitudinem uidelicet, satisfactionē, indignationem, timorem, desiderium, zelū, & uindictā. Ecce enim, inquit, istuc ipsum quod secundum Deum contristati fuistis. Nequit satis inculcare, quanti debeant facere tristitiam, quam ex priore ipsius epistola conceperant. Non simpliciter dicit: Quod secundum Deum contristati fuistis, magnam in uobis genuit sollicitudinem, sed cum nota admirationis: Ecce enim, inquit, istuc ipsum quod secundum Deum contristati fuistis, quantam in uobis genuit sollicitudinem, &c. Quasi dicat: Ecce tristitia illa uestra, quæ uidebatur molesta & acerba, non uobis modò, sed & mihi ipsi, q̄ fuerit uobis utilis, & quā egregios protulerit in uobis ueræ resipiscētiæ fructus.

QUANTAM in uobis, inquit, genuit sollicitudinem?] *Σπουδή* Græcis est, studium & sollicitudo, qua in res serias diligēter & indefinenter incumbimus. Fuerant Corinthij antea remissi ac socordes, præsertim in causa scortatoris. Verum ubi correpti fuerunt ab Apostolo, socordiam ac negligentiam suam in magnam sollicitudinem commutarunt.

IMO satisfactionem, inquit.] Græcè est *ἀπολογία*. Vulgata habet, defensionem. Malim purgationem. Et ea uox pulchre conuenit sequentibus, ubi dicit: Siquidem ubique commendastis uosipsos quod puri sitis in eo negocio. A uoce satisfactionis periculum est imperitis & incautis, ne Apostolum de Papistica satisfactione loqui existiment, cum illi uox apo-

logia quæ hic habetur, minime omnium conueniat. Nec defensio satis quadrat causæ de qua agitur. Defendere se dicitur, qui per iniuriam inique impetitur ac læditur. Quomodo id Corinthijs hoc loco detur ab Apostolo, nō uideo. Arbitramur itaq; uertendum esse, imò purgationem. Quomodo autem purgauerint se Corinthij, in sequentibus exponet.

IMO indignationem.] Qua uidelicet succensebant sibiipsis, & indigne ferebant, quod in tam enormi scelere tam egissent negligenter, simulque indignabantur scortatori, quod Christiani nominis professionem tanto dedecore infamem reddidisset. Hoc genus indignationis sanctum est & uehementer utile ad corrigenda tam nostra quā aliorū peccata. Etenim qui non succenset peccatis, quando ad illorum emendationem mouebitur? Non laudat Apostolus Phariseorum seueritatem, qua illi peccatis se indignari simulāt magis quā indignantur, dum propriæ iusticiæ opinione inflati peccatores dedignantur, sed loquitur de sancta illa indignatione, quam tristitia secundum Deum in illis, qui ueraciter resipiscunt, operatur.

IMO timorem.] Nō intelligit alium quā Dei. Et reuera non erat præter rationem quod per admonitionem & correptionem Apostoli in seipsos reuersi cognita admissorum grauitate sensu timoris Dei percellebantur. Et præterea conueniens erat, ut securitatem ac socordiam sensus timoris Dei expelleret.

IMO desiderium.] De hoc paulò suprā dictum est, ibi, cum annuntiaret nobis uestrum desiderium. Tam aberat ut accepta per epistolam correptricem tristitia, desiderium Apostoli in fidelibus extingueret, ut magis accenderet etiam. Erat enim tristitia secundum Deū.

IMO zelum.] Et de hoc dictum est suprā, quatenus pro Apostolo suo contra obtrectatores illius singularem zelum ostendebant. In præsentī uero uidetur de zelo loqui, quo pro ecclesia repurganda incaluerant.

IMO uindictā.] Zelo subijcit uindictā, qua scortatorem excommunicauerant. Nam fecerant hoc ex zelo Dei, quo erant accensi. Aliud est uindictā sumere de reprobis, quoniam sic imperat potestas superior, & aliud facere hoc ex zelo Dei ac iusticiæ. Scripserat illis Apostolus de excōmunicando scortatore ac ueteri fermento expurgando. Si hoc fecissent nō nisi Apostoli iussu, ex zelo utique nō fecissent, nec fuisset id operis fructus resipiscētiæ.

SI QUIDEM ubique commendastis uosipsos, inquit, quod puri sitis in eo negocio.] Postquam fructus tristitiæ Corinthiorum & certa indicia ueræ resipiscētiæ, recensuit quid ipse ex illis colligat ac pronunciet hisce uerbis exponit, cum dicit: Siquidem ubiq; commendastis uosipsos quod puri sitis in eo negocio. Rationalis siquidem non est in Græco, sed simpliciter ad hunc modum: *ἐν παντί συνισήσατε ἑαυτοὺς ὡς ἄνθρωποι ἐν τῷ πράγματι*, id est: Per omnia com-

menda-



mendaſtis uoſipſos, quod puri ſitis in eo nego-  
cio. Per omnia, intelligit de indi-  
cijſ ueræ reli-  
piſcentiæ, quæ iam recensuit. Quasi dicat. Ni-  
hil deſydero in uobis amplius. Sic uos exhi-  
buiſtis in hac cauſa ſolicitos, ſic uos purgaſtis,  
ſic indignati eſtis, ſic timore percuſſi fuiſtis, ſic  
præſentiam meâ deſyderatiſ, ſic zelo Dei ac-  
cenſi fuiſtis, ſic uultu eſtis admiſſum facinus, ut  
mihi ſatiſfeceritis per omnia, declaraueritiſq;  
ab omni uos culpa alienos eſſe in eo negotio,  
quo de uobis ſcripſi, ſic ut cōſenſu admiſſi fla-  
gitij haudquaquam fueritiſ polluti.

Hic audire poterat: Quur ergo totam eccle-  
ſiam propter unius hominiſ facinus tanto pe-  
re contriſtare uoluſti? Reſponder.

PROINDE tametſi ſcripſi uobiſ, non id fe-  
ci eiſ cauſa qui læſerat, nec eiſ qui læſus fue-  
rat, ſed ob id ut palam fieret ſtudiū ueſtrum  
pro nobiſ apud uoſ in conſpectu Dei.] Quasi  
dicat. Scripſi quidem uobiſ communiter om-  
nibꝯ, uerum potiſſima cauſa cur ſcriberem,  
non erat ut uniuſ aut alteriuſ rationem habe-  
rem, illorūq; nomine uoſ contriſtarem om-  
neſ, ſed ut certo experimento notum fieret a-  
pud uoſ, quomodo eſſetis erga noſ affecti, id-  
que in conſpectu Dei. Hoc uidelicet cum pri-  
miſ agebam, cum ſcriberem, & iam quod que-  
rebam, luculentiffimiſ eſt argumentiſ à uo-  
biſ patefactum & comprobatum. Sic, meo iu-  
dicio, obiectioni occurrit, & conſilium ſuū ex-  
ponit, quo ad eoſ ſcribere uoluerit.

Sunt tamen quibꝯ lectio Chryſoſtomi, cui B  
& Ambroſiuſ concordat, non diſplicet. Illa ſic  
habet: ſed ob id, ut palam fieret ſtudiū noſtrū  
pro uobiſ apud uoſ. Ea lectio conuenit cū eo  
quod ſuprà cap. 2. paulò poſt initium dixit ad  
hunc modum. Nam ex multa afflictione & an-  
xietate cordiſ ſcripſi uobiſ, per multas lachry-  
maſ, nō ut mœrore afficeremini, ſed ut cogno-  
ſceretis charitatem quam habeo abundantiuſ  
erga uoſ. Idem enim eſt cum eo quod hic ſe-  
cundum Chryſoſtomi lectionem dicit: ſed ob  
id, ut palam fieret ſtudiū noſtrū pro uobiſ.  
Et facilis ſanè lapſuſ eſt, in duobꝯ hiſce pro-  
nominibꝯ ὑμῶν, id eſt, ueſtrum, & ἡμῶν, id eſt,  
noſtrum: item, ὑμῶν ὑμῶν, id eſt, pro uobiſ, & ὑ-  
μῶν ἡμῶν, id eſt, pro nobiſ. Verum quæ iam in u-  
ſu eſt lectio, ſic ad cauſam quam agit Apoſto-  
luſ hoc loco accommoda eſt, ut non uideam  
quur mutari debeat.

PROINDE inquit, etſi ſcripſi uobiſ.] Hoc  
eſt, etſi commune ad uoſ omneſ literaſ ſcri-  
pſi. Emphaſiſ eſt in pronomine, uobiſ. Videba-  
tur enim propter uniuſ priuati peccatum non  
deuiſſe ſcribi communiter omnibꝯ.

NON id feci eiſ cauſa qui læſerat, inquit,  
nec eiſ qui læſuſ fuerat.] Dices hic. Ergo  
uniuſ & alteriuſ ſalutem tanti non faciebat,  
ut propter ipſoſ ſcriberet ad eccleſiam? Atqui  
bonus paſtor non agnitanouem iuſtiſ relictis,  
unicam ouiculam errantem, ne pereat, diligē-  
ter quærit. Num melior eſt diſcipuluſ magi-  
ſtro, & ſeruſ ſuo domino?

Reſpondeo. Salutem peccatoriſ non negle-  
xit Apoſtoluſ, cuiuſ rationē in Episto-  
la prio-  
re habuiſſe negari non poteſt. Verum non fue-  
rat ipſi primaria cauſa ſcribendi uniuſ & alte-  
riuſ, ſed potiſſus totiuſ eccleſiæ reſpectuſ. Non  
hoc egerat ſcribendo, ut propter uniuſ pecca-  
tum totam contriſtaret eccleſiam, ſed ut mani-  
feſtum fieret in ea cauſa, quomodo eſſent erga  
ſe affecti Corinthij. Si legas igitur, non id feci  
eiſ cauſa tantum, qui læſerat, nec eiſ qui læ-  
ſuſ fuerat, non erit locuſ quæſtioni. Quod ſi  
non placet uoculam, tantum, adijcere uel ſub-  
intelligere, reliquum erit ut intelligamus non  
de eo ſimpliciter loqui Apoſtoluſ, quod ſcri-  
pſerat communiter omnibꝯ, ſed quod ſcri-  
bendo ſic cōtriſtauerat omneſ, ac ſi conſtitue-  
rit uniuſ hominiſ facinuſ imputare omnibꝯ.  
Hic negat ſe propter unum & alterum ad eum  
modum ſcripſiſſe omnibꝯ, ut omneſ contriſ-  
taret, ſed conſilium ſibi eiſ inſtituti fuiſſe, ut  
comprobaretur, quo eſſent erga ſe ſtudio.

NON id feci, inquit, eiſ cauſa qui læſerat,  
nec eiſ qui læſuſ fuerat.] Licet nonnulli re-  
ferant hæc ad ea quæ 1. Cor. 6. ſic leguntur. Ita-  
que iam quidem omnino delictum in uobiſ  
eſt, quod liteſ habetis inter uoſ inuicem. Cur  
non potiſſus iniuriam patimini? Cur nō potiſſus  
damnum accipitiſ? Imò uoſ iniuriam facitiſ,  
& damno afficitiſ, idque fratres: quaſi dicat,  
ſe Apoſtoluſ non horum gratia ſcripſiſſe, qui  
uel affecerint alioſ uel ipſi ab alijs affecti ſint  
iniuria, unde liteſ ſint inter ipſoſ nata, mihi ta-  
men illi rectiuſ ſentire uidentur, qui referunt  
ad ſcottatoreſ, & eum qui facinore illiuſ læ-  
ſuſ fuerat, ſiue iſ fuerit ipſiuſ pater, ſiue aliuſ  
quiſquā, cui mulier poſt obituſ patriſ nupſerit.

S E D ob id, inquit, ut palam fieret ſtudiū ue-  
ſtrum pro nobiſ apud uoſ in conſpectu Dei.]  
Ergo ne ob id ſcripſit ut uideret quam ſe ob-  
ſeruarent, quamque dicto ſuo eſſent obedien-  
teſ? At id erat q̄rere ſeipſum, nō illorū ſalutē.

Reſpondeo. Abſit. Quomodo ſeipſum que-  
ſuiſſet, qui per tot diſcrimina cunctiſ prodeſſe  
ſtudebat? Sciebat eoſ tentari per pſeudapoſto-  
loſ, ſciebat inter illoſ eſſe ſtudia ſectarum, ſcie-  
bat ſectarioſ puritatem traditæ à ſe doctrinæ  
labefactare, ſciebat nomen ſuum per illoſ ob-  
ſcurari, ita ut parum adhuc inter illoſ exiſtima-  
tionis habere uideretur. Cum ergo hæc ad de-  
ſtructionem purę fidei in Chriſtum, adeoq; ad  
ipſorum quoque perditionem facere poſſent,  
ut luculento experimento manifeſtum fieret,  
qualeſ eſſent adhuc in uera doctrina fide ac  
pietate, ſani ne uel corrupti, cogitabat illiſ ob-  
ijcere occaſionem per epistolam correptricē,  
unde inter ipſoſ palam fieret quomodo eſſent  
erga ſe ipſorū Apoſtoluſ affecti. Hoc ſuū cō-  
ſilium quod ſcribendo ſequutuſ fuerat, expo-  
nit dicens: Etſi ſcripſi, nō eiſ cauſa ſcripſi qui  
læſerat, nec eiſ qui læſuſ fuerat, ſed ob id ut  
palam fieret ſtudiū ueſtrum pro nobiſ apud  
uoſ, id eſt in ueſtra eccleſia, in conſpectu Dei.  
Non erat reſ iſta leuiſ momenti. Non agebat  
curioſ-



curiose, ut ipse intelligerent, quid adhuc autoritatis haberet apud Corinthios, sed eo magis spectabat, ut si declararent illi esse se adhuc in fide & obedientia synceros, & honorifice erga suum apostolū affectos, pseudapostolorum ex eo & sectariorum improba studia infirmarentur, ac languida redderentur, perinde ac si maritus domo absens & castitati uxoris suæ ab impuris hominibus metuens, luculento aliquo exemplo in ciuitate sua manifestum ab illa fieri cupiat, quam sit erga se constans in fide & amore coniugali, quo postea minus sit spei reliquum nebulonibus pudicitiam illius sollicitandi. Talem mihi apparet fuisse apostolo Corinthiorū curā ac tale consiliū in hac causa.

Illud, in conspectu Dei, non est ociose adiectum. Non hoc quærebat, ut coram Deo manifestum fieret, quales essent Corinthij, cum illa nota sint omnia omnium, sed ut absq; ulla hypocrisis, ueraciter, ac religiose cum conscientia Dei manifestum facerent, quales adhuc essent in accepta fide, religione ac pietate.

Idcirco cōsolationem accepimus ex consolatione uestra magis uero abundantius gauisi sumus ob gaudium Titī, propterea quod spiritus eius refocillatus est ab omnibus uobis, quod si quid apud illum de uobis gloriatus sum, non sum pudefactus, sed ut omnia cum ueritate loquuti sumus uobis, ita & gloriatio nostra, qua usus eram apud Titum ueritas facta est. Et uiscera illius maiorem in modum erga uos affecta sunt, dum recollit omnium uestrum obediētiam, quemadmodum cum timore ac tremore exceperitis ipsum. Gaudeo quod in omnibus confido uobis.

Redit ad ea quæ supra dicere cœperat, ubi dixit: uerum qui consolatur humiles consolatus est nos Deus per aduentum Titī, non solū autem per aduentum illius, uerum etiam per consolationem quam ille accepit de uobis, cū annuntiaret nobis uestrum desiderium, uestrū fletum, uestrum pro me studium, adeo ut magis gauisus fuero. Hanc consolationem de illis per Titum acceptam hactenus explicuit & amplificauit: iam repetens illam transit ad eā, qua Titus ipse apud eos recreatus fuit, memoratque quanto per hanc sit affectus gaudio. Idcirco inquit, consolationem accepimus ex cōsolatione uestra. Hoc est. Cum igitur ad eum modum per omnia cōprobaueritis quod puri sitis in hoc negocio, refocillati quidem sumus ex hac uestra consolatione, quam attulit nobis Titus, uerum id nobis maioris adhuc gaudij materiam peperit quod Titus tantopere apud uos exhilaratus est, & spiritus eius per uos omnes refocillatus.

Idcirco, inquit, consolationem accepimus ex consolatione uestra,] Obserua quæ sit

A consolatio ac recreatio ueri Christi ministri, qualabores suos soletur in ministerio. Si uide licet populum habeat in causa pietatis sollicitum peccatis indignantem, Dei timentem, erga se studiosum ac morigerum. Eiusmodi consolatio à populo fidelium profecta, solata est olim apostoli labores & afflictiones dubio pericul solatur & hodie fidelem Christi ministrū nihil in ministerio suo quærētem aliud, quàm ut multum fructus adferat suo Domino. Secus animati sunt, qui uel uentris uel oculorū farciendorum curam agunt.

MAGIS uero abundantius gauisi sumus ob gaudium Titī.] Hoc dicens, non præfert illis Titum, quasi pluris fecerit illius gaudiū quàm ipsorum respicientiam, sollicitudinem, purgationem, indignationem, timorem, desiderium & zelum, adeoq; & salutem quod admodum fuisset inconueniens ipsius Apostolatuī, cuius omnes labores & afflictiones ad hunc finem tendebant, ut pararet Domino populū fidelem ac promissæ salutis capacem. Imo si recte inspiciantur quæ hic memorat abundantia consolationis, quam se ob gaudiū Titī cōsequutum dicit, dilectionem ipsius ac curam non tam erga Titum quam erga ipsos Corinthios cōmendat, quemadmodū mox patebit.

QVOD refocillatus sit spiritus eius ab omnibus uobis, inquit.] Quid sit spiritum laborantis & in multis molestijs ac periculis uersantis refocillari, notius est quam ut sit admodum. Titus absq; dubio non modo cum labore ac periculo, sed & cum cura ac sollicitudine non modica Corinthum ab apostolo missus uenit, cū sciret eam ecclesiā studio pseudapostolorum scissam esse in studia sectarū, metuereq; sibi ab insidijs falsorum fratrum non minus quam exterorum & infidelium, uerum cum uenisset Corinthum ab eiusmodi cura ac sollicitudine pio erga se fidelium studio refocillatus est ipsius spiritus, uerum id infra aperius exprimet.

Vide uero quam non simpliciter dicat: qd̄ refocillatus sit spiritus eius, quasi in eo conquieuerit gaudij ipsius abundantia, sed addat, ab omnibus uobis, in qua particula uis est gaudij huius sita. Non dicit à Deo, cum tamen omnis consolatio piorum sit à Deo, sed refocillationem hanc deputat Corinthijs, non dicens à nonnullis ex uobis, neque simpliciter, à uobis, sed ab omnibus uobis. Non ob id tantopere gaudebat, quod spiritus Titī refocillatus fuerat, sed propterea, quod refocillatus fuerat ab omnibus Corinthijs fidelibus, quod uidelicet reperisset eos omnes erga se amanter ac reuerenter affectos & per omnia morigeros, inque eo studio concordēs. Timuerat enim ne forsan inueniret eos studijs sectarum sic immersos ac diuisos, ut paucos esset habiturus qui se audirent & monitis suis obtemperarēt.

QVOD, si quid apud illum de uobis gloriatus sum, non sum pudefactus, inquit, sed ut omnia cum ueritate loquuti sumus uobis, ita & glo-



& gloriatio nostra, qua usus eram apud Titū, ueritas facta est.] Quasi dicat: Non ob id tantum gaudis sum maximopere, quod sic Titū acceperitis concorditer omnes, ac reuerenter tractaueritis, ut refocillatus sit à uobis omnibus spiritus eius, sed hanc quoque ob causam quod gloriationes meas de uobis, quibus omnes uos Tito cum illi proficiscendum esset ad uos commēdaui, non fuisse à uero alienas declarastis, ut hic quoq; uerax inueniar, perinde atq; in alijs, quæ ad uos sum loquutus. Hęc uestra laus est, qua uos & Deo & mihi & pijs omnibus acceptos redditis.

Chrysostomus sic exponit, ut ratio reddatur eius quod dixit spiritum Titī refocillatum fuisse ab ipsis omnibus, sitq; sensus. Refocillatus est spiritus eius à uobis omnibus, in eo, quod pudefactus non sum ob ea quæ de uobis sum gloriatus, sed in omnibus uerax inuentus. Verum prior mihi expositio Germanior esse uidetur.

Quod itaq; dicit: quod nō sum pudefactus, non respicit affectū propriæ gloriæ studiosum, sed magis gloriæ ac salutis Corinthiorum cupidum. Etenim ex eo quod sic se gesserunt erga Titū, ut quæ de ipsis gloriatus fuerat ipso- rum Apostolus re ipsa ostēderint esse uera, non tam gloriari Apostolo, quam ipsis laudem ac gloriam gignebat, quemadmodum & ecōtrario ipsis potius ignominiam peperisset, quam Apostolo, si diuersum qd apud eos reperisset Titus, quā ab illo acceperat. Nihil enim habet, quod dedecori confine sit, si præceptor discipulorum suorum amans laudet eos, deq; illorum obediētia ac studijs gloriatur. Quod si illi in peius mutati uituperio magis, quam laude digni fuerint inuenti, ipsis hoc exprobrandum est non præceptorī. Si uero gloriationi præceptoris responderint, deq; eo gaudis ille fuerit, gaudium eiusmodi magis de illorū quam ipsius laude prouenire censendum est, sicut & dolor, si ipsorum culpa pudefactus fuerit, ex illorū potius, quam ipsius illi confusione ac dedecore nascitur. In summa & dolor & gaudiū amantis ex amore nascuntur, & cōcernunt potius amatum, quam amantem. Secundum humanā normam iudicandū est de tota hac causa, qua describit hic Apostolus.

SED ut omnia loquuti sumus uobis cū ueritate, inquit.] Apparet quidem intelligēdum hoc esse in genere de tota doctrina, quam illis cum ueritate utiq; tanquam ipsissimam ueritatem Dei tradiderat, uerum si sic intellexerimus, mox quæri poterit, an quæcunq; de Corinthijs gloriatus fuerat, sic fuerint per omnia uera, sicuti uera est doctrina Christi, quam illis prædicauerat.

Quare Chrysostomo uisum est, intelligenda hæc esse, non de doctrina, sed de omnibus quæ apud Corinthios de Tito fuerat gloriatus. Sic enim exponit, *ἐνὸς γὰρ αὐτὸν καὶ πρὸς Τίτῳ πολλὰ αὐτοῖς ἀπὲρ ἠγνώμην.* Dicit itaq; hoc sensu. Sed quæ admodum cum apud uos essemus, ac Titum

uobis commendaremus, ueraciter de illo diximus omnia, sic ut talem experti sitis qualem uobis prædicauimus, ita uicissim & ea q̄ Tito de uobis gloriādo diximus, uera sunt inuēta.

Alij exponunt ad hunc modum: sed ut omnia loquuti sumus uobis cū ueritate, hoc est, ut nulla nos in re falso quid loquutos depræhendistis, sed ueraces in omnibus. Verū Chrysostomi expositio magis placet. Videtur namque Apostolus de utroq; gaudere, cum quod Titus inuentus esset Corinthijs, qualem ipsis prædicauerat, tū quod Corinthij tales se præbuisent Tito, quales eos esse gloriatus apud illum fuerat.

Illud, ueritas facta est, Ebraismus est, pro, uerax inuenta est. Ebraei sic loquuntur, quia adiectiuus carent. Quin & nobis Germanis in usu est hæc loquutio, ut dicamus, *Es ist die Wahrheit*, pro, *Es ist war*. Interim obserua quod non dicit, ueritas fuit, sed, ueritas facta est. Quæ dicimus, prædicamus, gloriamur, ac promittimus, tum demū uera fiunt, quando re ipsa uera esse declaratur. Promiserat Tito fore ut inueniret Corinthios per omnia morigeros. Ea de illis gloriatio ac promissio tum est facta ueritas, cum se tales Tito exhiberent.

ET uiscera illius, inquit, maiorem in modū erga uos affecta sunt.] Commēdat illis & hac in re Titum, quo magis eos in officio, & in eo quod erga illum ostenderant, studio retineat. Et uiscera illius, inquit. Per uiscera intelligit dilectionis affectum, quem Græci *σπλάγχνον* uocāt, eò quod ille sedem suam in intimis cordis penetralib; habeat. Sic sedes amoris p̄ ipso amoris affectu ponitur, ut ueritas illi; exprimatur. Multa est in cōiūctu humano dilectionis simulatione in uerbis & factis, ubi nihil ex penetralibus uiscerum promanat, ideoq; nec uiscerū appellationem meretur, quæ soli ueræ dilectioni competit, in qua nullus est simulationi locus. Hanc ut commendat in Tito, non dicit: Et ille admodum gloriatur de uobis, ac multa præclara de uobis loquitur, sed, Et uiscera illius maiorem in modum, erga uos affecta sunt.

MAIOREM in modum.] Græce est, *πολλοῦ*, id est, abundantius. Non hoc tantum dicit, quod admodum sint uiscera Titī erga eos affecta, sed quod affecta sint abundantius, adhuc quam antea. Significat illum & antea quidem abunde dilexisse eos, uerum iam abundantius affici erga eos illius uiscera. Diligit minister Christi fideles, quibus præest in uerbo, primū quidem propterea quod sunt Christi, deinde quod sunt curæ suæ ac fidei commissi, præterquam quod sunt eiusdem fidei ac salutis cōsortes, uerum ea dilectio plurimum accipit incrementi, & abundantius afficit illius uiscera, si se in causa pietatis, p̄ omnia exhibeant obediētes ac ductiles, perinde atque pater filios suos primum quidē ob id diligit, quod sunt ipsius pignora, tum uero adhuc abūdantiore dilectione p̄sequitur, ubi uiderit eos in omnibus erga se reuerentes esse, obseruantesq; & morigeras.



Tale quid accidit Tito, & usuuenit omnibus uerbi ministris, syncere erga Christū & ecclesiam eius affectis.

DVM recolit omnium uestrum obedientiam, inquit.] Sic laudat illorum obedientiam, ac tantopere extollit, ut uel recordatio illius uiscera Titi suauiter afficiant. Hac laude cupit eos retinere in cœpta obedientia constantes. Dum recolit, inquit. Vides ingenium animi cādidi in Tito. Memoriam obsequiorum, quibus usus fuerat apud Corinthios, secum asportauit in pectore, illamque postea frequenter recolendo refricuit.

Simul obserua quæ sit efficacia recordationis, in eo qui diligit. Viscera, inquit, illius abundantius erga uos affecta sunt, uel, quod magis probarem, afficiuntur, quando quidem in Græco quoque, non præteriti temporis, sed præsentis, uerbum *ἰσχύω* habetur. Quando afficiuntur?

DVM, inquit, recolit omnium uestrum obedientiam.] Sic recordatio tantum potest in animo diligentis, ut uiscera afficiat Titus, cum recoleret obedientiam Corinthiorum, reuerentiamque & obseruatiam erga se, sic de illa ex intimis uisceribus, amanter loquebatur, ut ipsa illius uiscera affici sentiret Apostolus. Eadem uim recordationis requirit à nobis dominus, cum tradita corporis sui communicatione dicit: Hoc facite in mei commemorationem. Et hanc omnino sentiremus in nobis ipsis, si uel tantum de Christo, quantum habebat de Corinthijs Titus, in pectore nostro resideret. Iam cum hic admodum deficiamus, sit ut mortua sint in nobis omnia. Et interea magnis contentionibus de præsentia corporis domini in pane, quæ in cordibus nostris esse debebat, cœlum ac terram miscemus.

QVEM ADMODVM, inquit, cum timore ac tremore exceperitis ipsum.] Solicitam & anxiam diligentiam in excipiendo Titum declarata, uocat timorem ac tremorem. Non est autem præter rationem, quod nominatim meminit, quomodo illum Corinthij exceperint, & quod uiscera Titi recordatione eius tantopere affecta fuerunt. Etenim sollicitus & anxius ad eos profectus fuerat, & forsan nihil minus sperauerat, quam ut tam ab illis exciperetur reuerenter & amanter. Quare quam initio statim expertus fuerat illorum erga se in excipiendo reuerentiam, penitus imbiberat, ideoque recordatione illius, cum primis afficiebatur. Possum exemplum de eo adducere in medium quod mihi contigit, cum anno millesimo quingentesimo tricesimo primo, Augustam non sine molesta solitudine, & cura, quantumuis uocatus uenissem. Quanta me populus eius ecclesiæ, tanquam Euangelicæ doctrinæ sitiētissimus, cum alacritate & reuerentia exceperit, etiamnum sine uiscerum affectu, recordari non possum. Multis me officijs per annos decem & octo prosequutus est postea, uerum principia illius erga me studij, ut primum in corde meo locum obtinuerunt, ita & penitus inhaerent, & plus

rememorata mouent. Oro dominum, ut eam ecclesiam in gratia sua illibatam conseruet.

GAVDEO, inquit, quod in omnibus cōfido uobis.] Non est in Græco, *ὅτι ἐν πάσιν ὑμῖν ἐμπιστεύω*, id est, quod omnibus uobis confido, sed *ὅτι ἐν παντί ὑμῖν ἐμπιστεύω*, id est, quod in omni, uel per omnia cōfido uobis. His uerbis significat se integram, ac plenam de illis cōcepisse fiduciam, ac bene de eis sperare in omnibus, ad uerā pietatem pertinentibus. Sensus est. Exhilarat me multum, quod tales uos præbueritis, cum apud uos essem, in præsentia mea, & nunc quoque in absentia mea erga Titum, sic uos gesseritis diligentes, reuerentes, & obedientes, ut nulla post hac incidere possit tētatio, ac difficultas, in qua non possim uobis confidere. Et hac cōclusionem terminat causam istam, qua de præsentia capite diligenter egit.

Non est autem hinc leuis materia gaudij omnibus illis, quibus commissa est moderandorum aliorum cura, si sic se gerant obedienter subditi, ut nihil incidat occasionis, quantumuis insidiosæ ac lubricæ, in quo de illorum possint integritate, & constantia dubitare. Quanta hinc sit curarum releuatio, experiuntur quotidie patres familias. Rursus quātus cumulus accedat hinc ad necessarias curas, si tales sint subditi, ut parum illis possis confidere, notissimum est illis, qui molestiam hanc experiuntur. Bona erga subditos fiducia omnium est laborum, & curarum releuatio, magnique gaudij materia. Quare præter rationem nō est, quod Apostolus causam istam, hac clausula terminat, ut dicat: Gaudeo quod in omnibus confido uobis.

#### ARGVMENTVM CAP.

**E**xemplo ecclesiarum Macedoniae exhortatur Corinthios ad eleemosynam, in usus sanctorum qui Hierosolymis erant, conferendam.

#### CAPVT VIII.



**E**RTIORES autem uos facio fratres, de gratia Dei quæ data in ecclesijs Macedoniae, quoniā per multam probationem afflictionis exuberavit gaudium ipsorum, & profunda illorum paupertas exundauit in diuitias simplicitatis ipsorum. Nam pro uiribus, testor, etiam supra uires prompti fuerunt, multa cum obtestatione rogantes nos, ut beneficium & societatem ministerij susciperemus in sanctos: ac nō quatenus sperabamus, quin etiā semet ipsos dederunt, primum domino deinde & nobis per uoluntatem Dei, in hoc, ut adhortaremur Titum, ut quem

admo-



admodum ante cœpisset, ita & consummaret hanc quoque erga uos beneficentiam. Imo quemadmodum ubique abundatis fide, & sermone, & scientia, & omni diligentia, & in ea quæ ex uobis erga nos est charitate, facite, ut in hac quoque beneficentia abundetis.

Existimo materiam hanc de eleemosyna, ac contributione in sanctos faciendam, admodum esse prudenter, ueluti parenthesim quādam in medio epistolæ insertā, ut quæ & ante & post de sinceritate Apostolatus sui, contra pseudapostolos, tam multis inculcat hoc, uelut interstitio tolerabiliora redderentur legentibus, & à fastidio liberarentur. Et in priore epistola cap. ultimo, causam hanc attigit, uerum in presenti tractat eā fusiùs, duobus uidelicet hisce capitibus, octauo & nono.

CERTIORES autem uos facio fratres, de gratia Dei, quæ data est, inquit, in ecclesijs Macedonia. Excitat animos eorum, ut quæ dicturus est audius audiāt, cum sic orditur: Certiores autem uos facio fratres, de gratia Dei quæ data est in ecclesijs Macedonia. Etenim cū sic scribimus amicis, quod certiores eos reddamus, uidemur aliquid dicturi, quod nesciant, & tamen scire ipsos referat. Idē facit hic Apostolus. Intendit autem excitationem hanc, per id quoque, quod non simpliciter dicit: Certiores uos facio de eo quod gerit in ecclesijs Macedonia, sed: Certiores uos facio de gratia Dei, quæ data est in ecclesijs Macedonia. Sic enim loquens significat dicturum se de re non uulgari, sed de tali quæ ex singulari gratia data sit ecclesijs Macedonia.

Gratia Dei & multifaria est, & multis etiā modis, præsertim in ecclesijs Dei, secundum mensuram dispensationis spiritus, dispensatur. Videmus hic ecclesijs Macedoniae concessam fuisse gratiam, quæ sic nondum erat concessa fidelibus ecclesiæ Corinthiorum, ut necessariū duceret Apostolus, de illa ad eos scribere, quod ad æmulationem prouocarentur. Et uigilantes, hoc est, ministri Christi, si quod singulare donum Dei alicui concessum sit ecclesiæ, de illo certiores eos facere, qui suæ sunt curæ commissi, quo congratulentur fratribus & gratias agant domino, consimilemque ab illo gratiam suppliciter petant.

QUAE data est, inquit, in ecclesijs Macedonia. Quid est quod nō dicit: quæ data est ecclesijs, sed, in ecclesijs Macedoniae? Gratia hæc, de qua in presenti loquitur Apostolus, dupliciter in ecclesijs data est. Primum à Deo fidelibus qui in ecclesijs erant. Deinde, per hos sanctis qui erant Hierosolymis, quorum necessitatibus subseruiebatur. Sic gratia Dei in alijs quoque donis, dupliciter datur in ecclesijs. Primum, illis in quos donum effunditur, deinde per hos & reliquis, ad quos utilitas illius pertingit. Perinde atque in corpore nostro, quæ

sunt dotes diuinitus concessæ, datæ sunt primū membris singularibus, alijs aliæ, ut oculis donum uidendi, auribus audiendi, &c. deinde & toti corpori, ad cuius illa usus seruiūt. Nec impedit hunc sensum, quod sancti Hierosolymitani, quibus hæc gratia deputabatur, non erant in ecclesijs Macedoniae. Corpore quidē in illis non erant, erant uero communicatione spiritus, qua unum sunt omnes omnium ecclesiarum fideles.

Et illud obseruandum est, quod non in una & altera tantum ecclesia, gratiam hanc, sed in genere in ecclesijs Macedoniae datam esse dicit. Singularis hoc quoque gratiæ erat, quod cōmuniter omnibus eius prouinciæ ecclesijs concessa erat hæc gratia. Multum quidem in sæcularibus negocijs, ad conformitatem præstat locorum uicinitas, & eiusdem regionis incolatus: uerū in donis Dei si qua reperitur conformitas in unius prouinciæ ecclesijs, tribuendū hoc potius est, & cum primis singulari dispensationi Dei, cuius rationem, nec inquirere debemus, nec reddere possumus. Si quæras unde sit, quod in ecclesijs Germania data est singularis hæc gratia renouatæ, ac restitutæ doctrinæ Christi, qua nondū tanta libertate potiuntur, aliarum prouinciarum ecclesiæ, nō possumus eam referre aliò, quàm ad singulare consilium Dei, quo dona sua, ut uult dispensat. Interea negandum non est, uti Deū medijs qualitati doni sui conuenientibus, inter quæ recte numeratur, & uis uicini exempli, quemadmodum & sedulitas fidelium ministrorū. Sed uideamus quæ nam sit gratia illa Dei, de qua certiores facit Corinthios.

QUONIAM per multam probationem afflictionis exuberavit gaudium illorū, & profunda paupertas illorū, exundauit in diuitias simplicitatis ipsorum, inquit. In Græco est, *ὅτι ἐν πολλῇ δοκιμῇ θλίψεως*, id est, quoniā in multa probatione afflictionis. Et sic legere malo, quā quoniā per multa probationem afflictionis. Exprimit quæ sit illa gratia Dei, quam in ecclesijs Macedoniae datam dixit. Sensus autem eorū est quæ dicit, quod Macedones admodum afflictī, admodū pauperes & simplices, abunde contribuerint in usus sanctorum. Per gaudium nōnulli intelligūt illorum largitionem. Mihi uidetur simpliciter intelligēdum esse de gaudio spiritus sancti, quo in medijs afflictionibus recreabantur, & hilares erant ad dandum, cuius meminit. i. Thess. i. dicēs: Et uos imitatores nostri facti estis, & domini, recipientes sermonē cum afflictione multa, cum gaudio spiritus sancti, ubi perinde atque hic, multæ Macedonū afflictioni gaudiū cōiungit. Legatur itaque ad hunc modum, secundum Græci contextus seriem. Quoniā in multa probatione afflictionis abundantia gaudij ipsorum, & profunda paupertas ipsorū, exundauit in diuitias simplicitatis ipsorum. Hoc est, quoniā abundas illorū gaudium quo alacres sunt, quāuis in multis afflictionibus, quibus probantur, & iuxta ingens pau-



pertas, quam ex spoliatione bonorū suorum contraxerunt, sic exundarunt in cōtributione in usus sanctorum facta, ut opulēter cōtribuerint. Hanc itaq; Macedonum contributionem non proponit Corinthijs simpliciter, sed cum amplificatione ex circūstantijs desumpta. Vt pote quod dederint cum gaudio. i. hilares & alacres ad dandū, quod ob id memorat, ut Corinthij intelligant sibi quoq; dādum esse cum gaudio. Nam hilarem datorem diligit Deus. Deinde quod alacritatem hanc contribuendi ostenderint in multis afflictionibus cōstituti. Tertio, quod gaudiū hoc fuerit in illis nō modicum, sed copiosum & abundans. Quarto, ut quod dederint admodum pauperes. Quinto quod non dederint tenuiter, sed largiter & opulenter. Sic ornat, cohonestat, & commēdat eleemosynam Macedonum, ut manifestum faciat, esse illam singularem quandam gratiam datam à deo, ac dignam, quæ omnibus ecclesijs loco exempli proponatur.

Est igitur diligēter obseruandū, quod eiusmodi eleemosynam, gratiā Dei in ecclesijs datam uocat. Iudicio carnis uidetur illis tantum impartiri gratiā, quibus eleemosyna datur. At iudicio spiritus, nō minus, imō magis eorum est hæc gratia, qui dāt eleemosynam q̄ qui accipiunt. Beatius siquidem est dare, q̄ accipere. Accipere possunt omnes, dare uero nō omnes, sed ij tantum, quibus data est gratia à Deo, ut dent ex animo, dent cum gaudio, dēt largiter. Hoc genus dandi eleemosynam, non habetur in ecclesijs, nisi per singularem gratiā Dei, quia magis beneuolentiam Christianam, quam terrenarum facultatum abūdātiā requirit. Sed ipsa uerba ex ordine inspicimus.

QVONIAM in multa probatione afflictionis, inquit. Nō simpliciter, in multa afflictione, sed, in multa probatione afflictionis. Non affligebantur tantū, quod accidere potest omnibus, sed afflictiones patiēter pro Christi nomine ferentes, probati redderantur. Sic Ro. 5. afflictioni patientiam, patientię probationem tribuit. Et hoc piorum & electorum est tantū. Nam impij ac carnales, dū affliguntur, nō probati per patientiam redduntur, sed per impatientiam potius reprobi depræhenduntur.

Obserua uero, quod non simpliciter dicit: quoniam in probatione, sed, quoniam in multa probatione afflictionis. Ergo non obiter semel atq; iterū, sed grauiter, & in multis ac frequenter per afflictiones fuerant probati Macedones. Sic solet dominus, quos alijs in exemplū probatæ fidei, ac patientiæ proponere cōstituit, multis & grauibz afflictionibus exercere, ac singulari probatione cōspicuos reddere, quales hic Macedones fuisse uidemus.

ABUNDANTIA gaudij ipsorum. Nihil hic mediocre. Probatio afflictionis multa, & gaudium probatorum, non modicū, sed abundans. Ea est dignatio Dei in eos, quos tribulationibus exercet. Multitudini afflictionis abundantia coniungit gaudij, ac consolationis. Sic Da-

uid: Secundum multitudinem dolorum meorum, consolationes tuæ, inquit, lætificauerunt animam meam. Et Apostolus de seipso, suprā cap. 1. Quoniam, inquit, sicut abundant afflictiones Christi in nobis, ita per Christum abundat, & consolatio nostra.

ET profunda paupertas ipsorum. Nō erat illorū qualiscunq; paupertas, sed qua ad fundū usque erant exhausti, ut nihil superesset, q̄ reliquæ quædā modice, uelut in imo fundo relictæ. Qui sic comparati sunt, ad eorum potius uidentur pertinere numerū, quibus sit impartendum ab alijs, q̄ à quibus in usus aliorū expectanda sit aliqua contributio. An pauperes adeo fuerint, priusquam crederent in Christū, uel postea propter nomen Christi spoliati paupertatē hanc incurrerint, non exprimit Apost. quemadmodum nec illud, an omnes fuerint pauperes, uel maior pars tātum. Si priusquam crederent tales fuerant, cogitandum est de eo quod 1. Cor. 1. legimus, elegisse Deum imbecilles & ignobiles, ut cōfunderet robustos & nobiles. Si uero antea diuites, rapinam bonorū suorum, propter Christum passi, facti fuerant pauperes, cogitemus quā ab sim<sup>9</sup> ab hoc exemplo, qui iuxta fortunā sæculi, pauperes diuitias, sub nomine Christi quærimus. Sic animati ne obulum quidem, cum gaudio amittimus, ne dum omnium fortunarum detrimentum, propter Christum alacri animo subimus.

EXVNDAVIT, inquit, in diuitias simplicitatis ipsorū. Mirum quomodo exundare possit quod ad fundum, usq; exhaustum est. Exundatio non exhaustorum, sed ad summum usq; repletorū est. Deinde quod adhuc amplius est, haud qualitercunq; profundam Macedonum paupertatē, sed ad diuitias, usq; exūdasse dicit. Videntur hæc esse impossibilia, si ad literā urgeantur. Verū in hac causa duo consyderanda ueniunt. Vnum est quod Chrysost. annotat dicens: *ὅτι τῷ μέρει τῆς διδομένης ἀλλὰ τῇ γνώμῃ τῶν παραχόντων ἡ φιλοτιμία κρίνεται.* Et Christus cum uiduam quæ duos obulos in gazophylatium dederat plus, quā diuites dedisse dixit, non quantum, sed quo animo dederit expressit, ac circumstātiā expendit, quod illa de necessario, diuites de abundantati cōferrent. Sic modicam Macedonum contributionem exundātiā, Apost. propter conferendi alacritatem, diuitias uero propter profundæ paupertatis illorū respectū uocat.

Alterum est, singularis Apostoli bonitas, & epijcia, qua tam benigne interpretatur fideliorū fortunas, ac beneficētię studia. Sic afficiebatur Macedonum inopia, ut iudicaret eam esse profundam, & modicū quod dabant diuitias aestimaret. Hoc ingenio sunt boni, mali uero pro malicia ingenij sui, omnia maligne interpretantur. Si hæc consyderemus, facile intelligemus, quomodo profundam Macedonum paupertatem, in diuitias exundasse dicat.

IN diuitias, inquit, simplicitatis eorum. Ne uideatur copiam in contributione eorū, & nō magis animum deprædicare, non simpliciter dicit:



dicat: exundauit in diuitias, sed, exundauit in diuitias simplicitatis ipsorum. Loquitur autē de simplicitate animi, qua simpliciter & cādi- de, abiq; omni simulatione, ac duplicitate, ut afficiebantur, erga sanctos & ipsos pauperes, ita & alacriter quantū poterāt, dederāt. Huius- modi simplicitatem in eleemosyna largiēda, in Romanis quoque cap. 12. requirit dicēs, qui impertit in simplicitate.

Ergo Corinthijs Apost. iuxta sæculū diuiti- bus, exemplum Macedonum pauperū propo- nit, ut illorum imitatione discant, nō quātum, sed quanta cum alacritate, ac simplicitate dare debeāt. Si diuites Corinthij Macedonib<sup>9</sup> ege- nis, ad imitandū, pponerētur, esset inimitabile exēplum. Respektus enim nō esset ad beneuo- lentiā, sed ad largiēdi magnificētiā, in qua di- uiti pauper respondere non potest. Quare sin- gulari cōsilio Dei sic cohonestatur piorum ho- minum paupertas, ut in causa eleemosynæ ex- emplo proponatur diuitibus, eoq; tali, ut ci- tius illi, ut multum dent inducantur, quā ut pauperum alacritati, ac simplicitati ex æquo respondeant.

NAM pro uiribus, testor, etiam supra uires prompti fuerunt, inquit. Declarat quæ dixit. Refert autem ea ad prōptitudinem animi, nō ad multitudinē contributorum dicens: Nam pro uiribus, imò supra uires prompti fuerunt. Loquitur de uiribus facultatum. Græce est κα- τὰ δύναμιν, & ὑπὲρ δύναμιν, quod nos Germani di- cim<sup>9</sup>, nach irem vermögen, vnd, über irer vermögen. Si dicas. Quomodo pauperes exhausti exun- dare potuerunt in diuitias? Respondet. Dādo secundum ipsorum facultatem, quātum dare potuerunt. Imò, inquit, etiā supra q̄ potuerunt dare cupiendo. Rursus dices. Quomodo fieri potuit, ut supra uires darent? Quis enim dare poterit plura q̄ habeat? Respondeo. Nō dicit: etiam supra uires dederunt, sed, etiam supra ui- res prompti fuerunt. Maior est pauperum ad dandum prōptitudo, q̄ facultas. In Græco est, αὐτάριτοι. Significat autem αὐτάριτος, eum qui suapte uoluntate motus, non ab alio, sed à se- ipso elegit sibi ipse quod faciat. Et quoniā qui tales sunt, prompte faciunt, quod faciendum suapte sponte elegerunt, fit ut αὐτάριτος uocent prōptos. Hac itaq; uoce præoccupat Aposto- lus, ne dicat quisquam: Quod pro uiribus de- derunt, imò supra uires dare uoluerunt, tua fa- ctum est autoritate, qui sic eos sollicitādo ur- feris, & ad contribuendum impuleris. Ultro, inquit, suapte sponte, non a me impulsu pro ui- ribus dederūt, imò supra uires dare cupiebāt. Et hæc non simpliciter de illis narrat, sed quo plus inuenirēt fidei, testor inquit. Q. d. quæ ui- di ac certo sum expert<sup>9</sup>, testimonio meo uobis cōfirmo. Tāti momēti res est uoluntaria & ala- cris, quantumuis in se modica piorū, pauperū ac simplicium hominū eleemosyna, ut digne- tur eam Apostolus, non simpliciter, sed uelut adiuratus testificando commemorare.

MULTA cum obtestatione rogātes nos, in-

quit, ut beneficium & societatem ministerij su- sciperem<sup>9</sup> in sanctos. Græce est, μετὰ πολλῆς πα- ρακλήσεως διέμνησι ἡμῶν, id est, multa cum obsecra- tione rogantes nos. Vulgata habet: cū multa exhortatione obsecrantes nos. Chrysost. legit hic quædā, quæ nos nō habemus. Sic enim ille habet, μετὰ πολλῆς παρακλήσεως διέμνησι ἡμῶν καὶ ἐν βλῆ- ψει ὄντες καὶ ἐν πινύα. Deinde illud, ut beneficium & societate ministerij suscipere in sanctos, in Græco sic legitur: τὴν χάριν καὶ τὴν κοινωνίαν τῆς διακονίας τῆς ἐκ τούτων ἀγίας διέξασθαι ἡμῶν. i. Ut gratiā & cōmunicationē ministerij, quod est in sanctos suscipere. Quod testatur eos fuisse in hac causa αὐτάριτους, exponit hisce uerbis, unde id in illis cognouerit. Quoniā, inquit, nō expecta- runt, ut super hac re sollicitarentur à nobis, sed ipsi nos ultro plurimum obsecrātes rogarunt, ut gratiam & communicationem suam quam ad ministerium, quod fit in usus sanctorū, iam contribuerant, in nostram curam, ac fidē susci- peremus. Hinc uidelicet facile cognouit, q̄ es- sent in hoc negocio αὐτάριτοι alacres & prōpti, ut ea de re bona fide testificari posset.

Quid autē multa opus erat obsecratione in re tam pia, erga Apostolū Christi, qui & ultro ad ministrandum sanctis propēdebat, & præ- terea admonitus erat ab apostolis, ut memor esset pauperum? Nisi initio detrectasset cōmu- nicationē hanc ab illis suscipere, ulteriore ro- gatu, & obsecrādi instantia, opus utiq; nō fuisset. Quare detrectasse illū, idq; non leuiter, sed obfirmati<sup>9</sup> aliquanto, multa illorum obsecra- tio conuincit. Quir autē detrectarit ex eo pri- mū patet, quod tribuit illis profundā pauper- tatē, & cōtributionem usq; adeo spontaneam ut uires ipsorum excederet, dādi alacritas. Cū uideret eos admodū pauperes, & in cōtribu- tione hac nō habere tenuitatis suæ rationem, inconsultū iudicabat à talibus quicq; accipere, quātūuis in usus sanctorū collatū, ideoq; quā- uis illi obsecraret, ut acciperet, haud tamē cōfe- stim, ac facile cōsensit, donec multa esset obse- cratione permotus. Hodie q̄ quēstū in ecclesiæ festantur, nullis uiduis, nullis orphanis, nullis pauperib<sup>9</sup> parcunt, sed undecunq; coaceruāt, quo luxui, libidini, & ocio suo satisfaciant. Et interim successores sunt Apostolorum.

UT gratiā, inquit, & cōmunicationē mini- sterij, quod fit in sanctos suscipere. Cōtri- buta in usus sanctorum, uocat gratiā & cōmu- nicationē. Gratiā, propter beneficentiā, ex gra- tia & fauore profectā. Sic & 1. Cor. ult. eleemo- synam in sanctos collectam gratiā uocauit di- cēs: ubi uenero, quoscunq; probaueritis, p̄ ep̄- stolas eos mittā, ut perferant gratiam uestram Hierosolymā. Cōmunicationē uero, quod cō- municāda essent sanctis egenis. Sic uocat elee- mosynā in sanctos, & Ro. 15. & infra cap. sequē- ti. Addit, ministerij quod fit in sanctos. Mini- sterium uocat hoc loco, administrationē elee- mosynæ huius, qua colligebatur, & Hierosoly- mā deportabatur. Hāc igitur gratiā & cōmu- nicationē Macedones adferebant ad Paulum,



obnixè rogātes, ut eā in curā suā susciperet, & sanctis administraret. De uocibus istis, gratia & communicatione diximus. I. Cor. ult.

AC non quatenus sperabamus, quin etiā semetipsos dederūt primū dño, deinde & nobis per uolūtātē Dei.] Host est, tāta fuit eorū prōpitudine in hac causa, ut plura dederint, q̄ speraueramus. Sperauerat modicā aliquā contributionē, quod sciret eos esse pauperes admodum. At illi, inquit, non modo de substantiola quisq; sua in usus sanctorum, pro uiribus contulerunt, sed & semetipsos obtulerūt, domino primum in quem credere cōperunt, deinde & nobis, si qua nobis in re adiumento esse possent, per uoluntatem Dei.

AC non quatenus sperabamus.] Ergo errauit Apost. minus de beneuolētia fidelium Macedonū sperādo, q̄ habebat ueritas? Errauit utique, sed p̄ter culpā. Min⁹ bene de fratrib⁹ sperare, q̄ res ipsa poscit, potest fieri dupliciter. Primo p̄ sinistrā suspicionē, uel diffidētiā, q̄ nascitur in animo insincero, & à spiritu charitatis alieno, quod sine culpa fieri nō potest. Qui sic animati sūt erga fratres, de animo illorū ac uolūtate nō bene sentiūt, ideoq; de illis min⁹ bene sperāt. Deinde, respectu tenuitatis, quādo rerū penuria premuntur. Hic nihil est culpę, si quis in causa fraternæ cōtributionis min⁹ sperat de pauperibus, q̄ de opulentis. Accidit hoc Apostolo: Quod autē falsus est, falsus est ut homo, cui nō sunt mox nota omnia, quę Deus in suis est electis, singulari gratia operaturus. In ijs uero q̄ fratris cōcernūt animū, ac uolūtātē charitas plerūq; plura sperat, q̄ habeat res ipsa, atq; ita sperādo fallitur frequēter. Verum satius est multo falli ad hunc modum, q̄ cū diffidētibus, ac reprobis, minus sperare de fratribus, quā conueniat charitati fraternæ.

QVIN etiā semetipsos dederūt primū dño, deinde & mihi.] Adiecit quidē hoc p̄ auxesim, uerū pulchre facit ad uerę pietatis cōplēmētū, cuius pars tātū est, liberale esse ac beneficū, in subleuandis sanctorū necessitatibus, id quod Macedones supra q̄ sperasset, fecisse p̄dicauit. Plenitudo pietatis tribus hisce partibus comprehenditur. Prima, ut nos ipsos demus primū dño, secunda, ut demus nos & ministris dñi p̄ uolūtātē Dei, tertia ut diligamus fratres, ac necessitatib⁹ illorū, pro uiribus succurramus.

QVIN & semetipsos, inquit, dederunt primum dño.] Semetipsum dare dño, est totum se illius uoluntati ac gratiæ, nō modo permittere, sed & ex animo offerre, cōsecrare & addicere, paratūq; esse non solū facere, sed & pati propter illū omnia. At hoc fieri non potest, nisi abnegemus nos ipsos, ut iā non nobis, sed dño uiuamus. Macedones quoniā totos se dederāt dño, absq; ulla tergiuersatione pro nomine illius ferebāt, quicquid afflictionum inferri posset. Deinde, inquit, & nobis. Obserua distributionē. Primū dño, inquit, deinde & nobis. Primum dño, ut dño, deinde Paulo nō ut dño, sed ut dñi seruo & Apostolo. Aliter dño, aliter ser-

uo, domino tāquam ei in cuius sumus iure ac potestate, tāquam Deo, redēptori ac seruatori nostro. Seruo tanquā dominicæ gratiæ ac uolūtatis, erga nos ministro, Macedones post dominū dederūt se ipsos Paulo, tanquā dñi Apostolo, ut doctrinē illius sese præberēt morigeros, ac ductiles. Nō est autē ociosum, quod addit, p̄ uolūtātē Dei. Significat eos hoc fecisse secundum uoluntatem, nō suā, sed Dei. Dei uoluntas est, ut audiantur cū obediētia, quos ipse uerbi sui ministros & interpretes mittit, idq; perinde habet, ac si ipse audiatur. Vnde illud Christi est: Qui uos audit, me audit, quæ uerba haudquaquam eos cōcernunt, qui falsi sunt, non ueri Christi apostoli. De eo quoq; cogitet diligens lector, quod nō dicit, per uoluntatem domini, sed, per uoluntatem Dei. Apostolatū suū, rursus per uolūtatem Dei authenticum esse monet, quo totā dispensationem regni Christi, cuius erat minister, ad uoluntatem Dei patris referat, id quod pro suo more frequenter facit, sicuti uidere est, I. Cor. I. suprà cap. I. Ephes. I. Colos. I. & 2. Timo. I.

Voluntas hæc Dei perpetua est ad finē usq; mundi perdurans, qua cōstituit, ut ueris Christi ministris obsequantur ij, qui ab illis in fide ac uera pietate instituuntur, obsequantur, inquam, nō ad quæuis, sed ad ea quæ ministeriū illorū, & Christi doctrinā ipsorumq; salutē cōcernūt. Qui in Papatu sunt, seruiliter obediūt falsis apostolis & pastoribus, ad omnem illorum, tam tyrannidem, quā imposturam, qui uero de Euangelio Christi gloriantur maiore ex parte, nec domino se, nec illius ministris dederūt, sed suo pte arbitrio indulgēt in omnibus.

IN hoc, inquit, ut adhortaremur Titum, ut quemadmodum ante cōpisset, ita & consummaret hanc quoq; erga uos beneficentiā.] Hactenus gratiā Dei, quā in ecclesijs Macedoniae datā esse dixit, exposuit, amplificauit, & cōmēdauit, iam ad propositū, quod agere constituit trāsīt. Sēsus est, Macedonū hæc alacritas ac pietas, qua nō modo sanctis largiter cōtribuerūt, sed & semetipsos, primum domino, deinde & nobis dederūt, perpulit nos, ut Titum adhortaremur, cū ad uos eum mitteremus, ut gratiā hanc, quam apud uos cōpisset cōsummaret. Cum dicit se Macedonum exemplo motum, ut Titum hortaretur, quo apud ipsos, eādē beneficentiā antea cōpētā cōsummaret, prouocat eos, ut eodem ipsi quoq; moti, cōsimilem in sanctos beneficentiā ostendant.

VT quemadmodum ante cōpisset, inquit.] Insequentibus patet cōpisse Corinthios iam antea, anno uidelicet præcedenti, contribuere in usus sanctorū. Hic apparet factum id fuisse studio, & adhortatu Titi. Sane si uerba inspicias, cōperat Titus Corinthios, non hac in causa tantū, sed & in alijs instituere. Vnde nō simpliciter dicit: ita hanc beneficentiā, sed, ita & hanc quoq; beneficentiā erga uos cōsummaret. Illud erga uos, Græce est, *eis uas*. i. in uos. Sic loquendo significat cōpētā gratiā, si cōsummet cessurā

in emo-



in emolumentū ipſorū Corinthiorū, ideoq; Ti-  
tū cōſummaturū eā erga ipſos nō minus, q̄ er-  
ga ſanctos, in quorum uſus erat cōtribuendū.

Obiter obſerua, quod cōſummationē cœ-  
ptæ beneficentiæ urget. Cœperant Corinthij,  
ſed remiſſiores facti cœptā contributionē nō  
complebant. Sic ſolent qui quod faciunt, non  
faciunt ex animo, non *ἀντὶ καρτῆς*, ſed aliū de im-  
pulſi. In medio curſu ſubſiſtunt, longe diſſimi-  
les à Macedonibus, qui quoniā ſuapte ſponte  
cōtribuēbāt, cōtributionē cōplebant. Tātum  
refert, quo animo quod bonū eſt facere inci-  
pias. Quo ſit autē habēdū loco opus in ſe qui-  
dem bonum, & bene cœptum, uerū per ſocor-  
diam, negligentiam, ac ſaſtidiū deſertū & im-  
perfectū, nō eſt opus ut admoneam⁹. Ipſa nos  
natura in rebus, quas quotidie naſci uidemus  
abunde docet, imperfecta eſſe inutilia. Quare  
frustra incœperis quod bonū eſt, niſi cōpleas.

140, inquit, quēadmodum ubiq; abundatis  
fide, & ſermone, & ſciētia, & omni diligētia, &  
in ea quę in uobis erga nos eſt charitate, facite  
ut in hac quoq; beneficētia abundetis. In Grę-  
co eſt *καὶ* uulgatus interpres reddit: Sed ſicut  
in omnib⁹, &c. Eraſ. uero, imò quēadmodum  
ubiq; Neutra uerſio cōmoda uidet. Ipſa Grę-  
ca uox multæ ſignificatiōis eſt, & ut uarie uſur-  
patur, ita & uarie redditur. Mihi reddēda hoc  
loco ſic uidetur, ut ſit cōmoda tranſitioni, qua  
Apoſt. ab exēplo Macedo. ad exhortationem  
quam inſtituit trāſit. Quare exiſtimo cōmode  
uerſi poſſe ad hūc modum. Sane quēadmodū  
ubiq; abundatis fide, &c. Quod ſi reddi. Sed,  
uel at, uel, uerū quēadmodū ubiq; abundatis fi-  
de, &c. omnino ſubaudiēdū uenit aliqd, utpo-  
te, uerū quicquid ſit de exēplo Macedonū, cu-  
randum uobis eſt, ut ſicut abundatis fide, &c.

Sane quēadmodum ubiq; abundatis, fide,  
&c. Exhortationē quā ſubiicit exēplo Mace-  
donum orditur prudētī cōſilio à laude Corin-  
thiorum, qua tribuit illis excellētiam in fide, uer-  
bo, ſciētia, diligētia, & charitate, quā erga ſe  
oſtendebāt. Primum in genere dicit eos ubiq;  
excellere, intellige de uarijs dotibus, quas in  
Chriſto acceperāt, quibus ſupra ceteras eccle-  
ſias eminebāt. Magna ſane laus, ut nō immeri-  
to exordiū exhortatiōis ſuæ hīc ſumat Apoſt.  
Deinde qđ in genere dixit explicat p̄ ſpecies,  
quas recēſet dicēs, fide, uerbo, ſciētia, & omni  
diligētia, & in ea q̄ ex uobis erga nos eſt cha-  
ritate. Fidem intelligit generaliter, qua crede-  
bant unum eſſe Deum, Chriſtum eſſe dñm, &  
quæ hīſtoriam diſpenſationis Chriſti concer-  
nunt, & quæ alia ſunt eiufmodi, quibus fides  
miraculorū quoq; coniungi poteſt. Neq; enim  
uerosimile eſt loqui ipſum de fide iuſtificāte, in  
qua Macedones poti⁹ q̄ Corinthios excelluiſ-  
ſe apparet. De fide dictū eſt, 1. Cor. 12. & 13. Per  
ſermonem, uel uerbum, intelligit donum ſer-  
monis ſapiētiae ac ſciētiae, cui⁹ meminit. 1. Cor.  
12. Per ſciētiam cognitionē rerū ſpiritaliū, qua  
de mentionē fecit, 1. Cor. 8. mox initio capitis.  
Illud, in omni diligētia, Græce eſt, *ἐν πάσῃ ἐνέργειᾳ*,

quā uocē cap. præcedēti ſollicitudinē uertit, ad  
quē modū hic eā uet⁹ interpres reddidit. Exi-  
ſtimo autem intelligendam eſſe de ſollicitudi-  
ne, quam cap. præcedēti ex triſtitia, quæ ſecun-  
dum Deum erat, natā illis fuiſſe dixit. Auxē-  
ſim autem laudis huius habet, quod omnis  
generis ſollicitudinem illis tribuit.

ET in ea quæ ex uobis erga nos eſt charita-  
te, inquit. Ergo tribuit illis & charitatē, imò  
excellētiam in charitate. Tribuit quidē, uerum  
cum ſpecificatione dicēs, quæ erga nos eſt. At  
cauſa de qua ſcribit, poſcit charitatē fraternā  
erga omnes Chriſti fideles. Hanc illis non tri-  
buit iſtis uerbis. Erat quidem laude dignum,  
quod amanter erant affecti erga ſuum Apoſto-  
lum, uerum id genus dilectionis nō ſatis facit  
dominico præcepto, quo nos inuicē diligere  
iubemur. Inuenias etiā in ſecularibus discipli-  
nis, eiufmodi diſcipulos, qui præceptores qui-  
dem ſuos admodum diligāt, ſe inuicē uero nō  
ita. At Chriſtiana diſciplina non cōtenta hoc  
dilectionis genere mutuā inter ipſos diſcipu-  
los, hoc eſt, Chriſti fideles charitatem requirit,  
ad quā Apoſt. ubiq; ſedulo hortat, præſertim  
in epiſtola priore. Agnoſcit tñ ac laudat hanc  
Corinthiorū erga ſe dilectionē, uerū facit hoc  
in eū finē, ut inde occaſionē ſumat inducendi  
eos ad plenæ & integræ charitatis ſtudium.

FACITE, inquit, ut in hac quoq; beneficē-  
tia abundetis. Non cōuenit, ut hic p̄ gratia le-  
gamus, beneficētia, quod fieri poſſet, ſi diceret,  
*καὶ ἐν χάριτι*, id eſt, & in gratia quoq; abundetis.  
Sic enim dicendo diſtingueret gratiam à doti-  
bus cæteris, in quibus excellebant Corinthij,  
ut recte pro beneficētia poſita intelligeretur.  
Iam cum dicit: ut in hac quoq; gratia abunde-  
tis, perſpicuum eſt, quod ſubintelligēdum ſit,  
ſicut in cæteris, quæ tamen pro beneficētijs  
accipi non poſſunt. Gratia erat fides, gratia ſer-  
mo, gratia ſciētia Corinthiorum, quæ tamen  
non recte beneficētiā uocaueris, licet bene-  
ficiētia inter ſpecies gratiæ referatur. Hortatu-  
rus eos, non ad modicam & uulgarem bene-  
ficiētiā, ſed ad excellētem, qualis erat Mace-  
donum, propoſuit eis excellētiā, non alie-  
narum uirtutum, ſiue Macedonum, ſiue aliorū  
ſed propriarum, & tum demū ſubiecit: ſic faci-  
te, ut in hac quoq; gratia abundetis. Q. d. Quā-  
uis egregium ſit Macedonum exēplum, ac di-  
gnū, ad cuius imitationem prouocentur om-  
nes eccleſiæ, haud tamen ad illud uos exigo,  
ſed ad ueſtrarum uirtutū excellētiā, qua cæ-  
teras eccleſias excellitis. Hanc uobis imitandā  
propono. Voluit uos dominus excellere fide,  
ſermone, ſciētia, ſtudio ac diligētia, & dile-  
ctione erga me ueſtrum Apoſtolum, iā uobis  
etiā atq; etiā uidēdum eſt, ut in hac quoq;  
gratia abundetis, ne cæteris qui tantam cha-  
riſmatum excellētiā non habēt, inferiores  
in hac cauſa reperiāmini, in qua uos ſupra cæ-  
teros eminere conueniebat.

Argumentū exhortationis huius multū ha-  
bet ponderis, ſi recte inſpiciatur. Cui multum  
datum



datum est, ab illo multū requiritur. Corinthiis multum erat à dño datū, sicut supra ceteras ecclesias abundarent fide, sermone, scientia & diligētia, ut cætera charismata taceā. Erat igitur consequens, ut in studio quoq; ueræ pietatis multū ab illis requireretur. Quo uinea diligētius est culta, hoc plus fructus ex illa requirit. Fides, sermo, sciētia, & id genus alia charismata, instar sunt cultus. Fructus est omnis generis beneficētia, ex uera charitate profecta. Quare non est ut dicas: Quid opus erat Corinthiis, ut abundarent in beneficentia? An nō satis erat, quod abundabant fide, sermone, ac sciētia? An hæc est Christianorum conditio, ut qui in uno abūdat, abundare debeat in omnibus? Distinguendum est inter ea, quæ necessario tāquam bonæ arboris fructus requirunt ab omnibus, quale est studium charitatis, & ea quæ non ita poscuntur necessario, qualia sunt, quorum hic excellentiam Corinthiis tribuit, nō quod nullus sit illorum usus, cū, ut diximus, sint instar cultus, unde ueræ pietatis fructus crescāt, sed quod nemo Christianus, secundum mēsuram illorū, uel magnā, uel parū, magis uel minus pius in conspectu dñi censetur. Macedones in illis, nō ita excelebāt (sic pono) ut Corinthi, excelebāt uero in operibus charitatis, tanquā ueris fructibus, unde arbores bonæ cēsemur. Non lego Apostolum adhortatum illos esse, ut quēadmodum abundarent in hac fraterna beneficentia, ita abundarēt etiā in fide, sermone & sciētia, donis etiā linguarū, & ceteris charismatibus, sicuti lego adhortatum esse Corinthios, ut sicut in istis excelebant, ita excelebrent in studio quoq; beneficentiæ fraternæ erga sanctos, ac pauperes declarādæ. Corinthios itaq; Apost. nō hortatur hoc loco ad studiū excellēdi in omnibus, quod carni solet esse agnātū, sed quoniā beneficio dñi, in ijs excelebāt, quæ ad profectum ueræ pietatis facere debebant, in necessarijs uero deficiebant, admonet eos necessario, ut quo pl⁹ acceperāt gratiæ hoc abundantius, etiā ueros pietatis fructus proferant. Consimili ratione admonēda est Germania nostra, ut quemadmodum in fide, sermone & sciētia, dono Dei excellit, ita excellat, & studio ueræ pietatis, charitatis, ac beneficentiæ nō modo erga indigenas, sed & aduenas, propter Euangelium Christi exulantes.

Non secundum imperium loquor, sed per sollicitudinem erga alios, etiā uestre dilectionis synceritatē approbās. Nō, istis enim beneficentiā domini nostri Iesu Christi, quod ppter uos pauper factus sit, cum esset diues, ut uos illius paupertate dītesceretis. Et consilium in hoc do, nam hoc uobis conducit: qui quidē nō solū facere, uerum etiam uelle, iam cōpistis anno superiore. Nūc autem & illud quod facere cōpistis pficite, ut quēadmodū uoluntas prōpta fuit, ita & perfici-

ciatis ex eo quod potestis. Etenim si prius adsit animi prōptitudo, ea iuxta quicquid illud est, quod possidet aliquis, accepta est, non iuxta id quod non possidet.

Quoniā dixit, & in hac gratia abundare, ne uideatur, hoc uelut imperando dicere, atq; ita uel ab inuitis beneficentiā istam extorquere, occupatione suspicionem hanc cauēt dicens:

NON secundum imperium loquor. Nō est ut disputemus hic, potestatem ne habuerit imperandi illis, uel minus. Ipsa causa de qua loquitur, sic est comparata, ut imperium non capiat. Requirit enim datorem non coactum & inuitum, sed spōtaneum & hilarē. Magna laus est eleemosynæ Macedonicæ, quod ne hortatu quidem, nedum imperio Apostoli, sed sponte sua, tam liberaliter cōtribuerunt. Haud igitur præter rationem est quod non modo nihil imperat in hac causa Corinthiis, sed & diserte se non imperādō hæc loqui testatur, ne nō imperās, uel in speciē imperare uideat. Hæc est Apostolica diligētia, qua hodie nō habet opus Ro. Apostoli, qui omnem suum Apostolatū mādandi & imperandi potestate meriuntur.

SED per sollicitudinē, inquit, erga alios etiā uestre dilectionis synceritatē approbās. Græce sic legitur: ἀλλὰ διὰ τὴν ἐνέργειαν τοῦ ἁγίου πνεύματος ἡμετέρας ἀγάπης γνήσιον δοκιμάζων. i. sed per aliorū studiū etiam uestre charitatis synceritatem comprobans. Potest hoc bifariam intelligi. Primo ad hunc modum, sed per curā, qua de aliorū. i. sanctorū, sum necessitatibus sollicitus, hæc ad uos scribo, quo explorē, q̄ sitis in hac charitate ingenui, ac synceri. Et hunc sensum Eras. exprimere uoluit, dum uertit: sed per sollicitudinē erga alios etiam uestre dilectionis synceritatē approbans. Deinde sic: Sed ut per aliorum, id est Macedonum, studium, cuius mentionē feci, uestram quoq; dilectionem, q̄ sit ea ingenua comprobem. Posterior hic sensus mihi magis arridet. Loquitur nō de suo, sed Macedonum studio, quod illis in præcedentibus diligenter amplificando commendauit, ac dicit se illius exemplum ad hoc proposuisse, ut comprobet quā sint ipsi quoq; erga studiū charitatis syncere & ingenue affecti. Haud illibeter autem assentior Chrysost. qui sentit Apostolū nō loqui de cōprobatione, qua ipse synceritatē charitatis Corinthiorum experiatur, sed qua illā alijs reddat certam & cōprobatam. Neq; enim faciebat ad cautionem apostolicam, si se certo experimento cogniturum diceret, q̄ essent in charitate synceri erga fratres. Quin magis sic loquitur, ut significet se ad hoc Macedonum induxisse exemplum, ut charitatem ipsorum, sibi notā, alijs cōprobatā redderet. Et sic sentiebat de illis. Cōfidebat eis in omnibus, idq; cū gaudio, sicuti suprā dixit, in calce cap. præcedētis: Gaudeo quod in omnib⁹ cōfido uobis.

Apparet Apostolum erga Corinthios, perinde fuisse affectum, atq; præceptor literarius erga discipulum, singulari ingenio præditum, de quo



de quo gloriatur apud omnes. Ille, si qua specimina eruditiois ab alijs discipulis ædita fuerint, mox ea singulari suo discipulo æquali dexterritate exprimenda proponit, nō ut ingenij illius uires experiatur ipse, cum habeat eas in comperto, sed ut ostendat alijs se nō frustra de discipulo illo gloriari, & ingenij illius dexterritatem deprædicare. Consimili modo Apost. exemplum Macedonicarum ecclesiarū Corinthijs suis, de quibus admodū gloriabatur, ad hoc pposuit, ut extimulati declararet, q̄ & ipsi ad studium charitatis ingenue essent affecti.

Obseruet autē diligēs lector, quod ab Apostolo in charitate requiritur τὸ ὁμοίον. Significat autem ea uox, id quod est natiuū, quali sit ὁμοίον. Quæ natiua sunt, syncera sunt, tanquam haud corrupta, nulloq; mixturæ adulterio uiciata, aut nullo asciticio colore deformata. Natiu⁹ corporis decor ὁμοίον est, sic charitatis synceritas est, quæ nullis est fucis, & imposturis uiciata, sed p ingenio ueræ charitatis pura & simplex. Requirit igitur Apostolus in Christianis charitatem ὁμοίον, id est, simplicem, puram, synceram & illibatam, in qua nihil sit simulatum, fucatum, ac fictum. Ea synceritas depræheditur in ueris fructibus charitatis, quos hic Apostolus à Corinthijs declarari poscit.

NOSTIS enim beneficentiā, inquit, dñi nostri Iesu Christi. Qui in multis excellūt, haud facile aliqua in re æqualium suorum mouetur exemplo: Putant enim sine detrimento gloriæ suæ fieri non posse, ut eos imitentur, quos ipsi excellunt in multis, & quorum ductores esse debuerint potius, q̄ sectatores. Qui sic animati sunt ex singulariū uirtutum suarū conscientia, non tam æqualium, q̄ præstantiorū exemplis mouentur, à quibus excelli se in omnibus negare non possunt. Tale quid uidetur Apost. metuisse in Corinthijs, ideoq; post inductum Macedonum exemplum ipsius Christi gratiā suspiciendam & imitandam omnibus proposuisse dicēs: Nostis enim gratiā domini nostri Iesu Christi, quod propter uos pauper factus sit, &c. Quasi dicat: Quicquid uobis de exēplo Macedonum uideatur, saltē ipsius Christi imitatores sitis. Huius enim gratiam utiq; nostis, quam & exosculari, & pro uiribus imitari uos cōuenit, ut nullis hac in re opus habeatis præceptis. Ipsa nanq; per se abunde sufficit, ad excitandum imitationis studium, non in uobis tantum, sed & in alijs omnibus.

Poterat dicere: Nostis enim præceptū domini nostri Iesu Christi, quo iubet, ut diligamus nos inuicem, sicut ipse dilexit nos. Quare licet ego uobis hic nihil imperē, constringit tamen uos imperātis Christi autoritas. Verū maluit eos prouocare exēplo, quā urgere præcepto Christi, quo esset cōtributio ipsorū nō coacta, sed uoluntaria. Sic ubiq; accommodat se causæ quam agit. Et reuera in animis uerorū fidelium multū habet efficaciam, si consyderent non doctrinam modo, sed & ipsam Christi uitam, tãquam uiuam eorū imaginē, quæ uerbo illius

A proponūtur, ut nō sit frustra, quod Corinthijs hic ab Apostolo dicitur: Nostis gratiā domini nostri Iesu Christi. Sic in alijs quoq; ad ueram pietatem necessarijs dicendū nobis est: Nostis mansuetudinē domini nostri Iesu Christi. Nostis patientiam, nostis humilitatem, nostis charitatem, &c. Domini nostri Iesu Christi.

QVOD ppter uos, inquit, pauper factus est, cum esset diues, ut uos illius paupertate ditesceretis. Hæc est gratia dñi nostri Iesu Christi, quam si penitus inspexissent Corinthij, nō habuissent op⁹ admonitione Apostolica. Tria dicit. Primum, quod Christus cum diues esset, factus sit pauper. Secundū, propter quos. Tertiū ad quid. Quod pauper factus est, inquit, cum esset diues. Diues erat tanquā unigenitus Dei, & hæres omniū. Pauper factus est, nō amittēdo diuitias suas, sed nō utendo. Cum dñs esset omnium, factus est omnium seruus, ueniēs in mundū, nō ut ministraretur sibi, sed ut ipse ministraret omnibus. Cū ius haberet omniū quæ in cælo sunt & in terra, à possessiōe & usu illorum, ad tēpus abstinuit, usq; adeo, ut min⁹ possideret in terra, q̄ uulpes ac uolucres cæli. Sic enim Matth. 8. dicit: Vulpes foueas habent, & uolucres cæli nidos, filius autē hominis nō habet, ubi caput suū reclinet. Parentū ipsius, natalium, educationis, & conditionis humilitas singularē paupertatem ostēdit. Sic exinaniuit semetipsum sumpta forma serui, unā cū summa humilitate, ac paupertate. Interea tamen omniū erat ditissimus in ipsa etiā paupertate cōstitutus, ut multo uerius ipsi cōpetat illud, quasi pauperes, multos tamē ditantes, ut nihil habentes, & tamen omnia possidentes, quā Paulo. Pauper fact⁹ est. Propter quos? Propter uos, inqt. Quare nō dicit in genere, ppter nos oēs? An ppter Corinthios tātū factus est pauper Christus? Dū generalē Christi gratiam Corinthijs specialiter applicat, nō facit hoc, ut cæteris eā fidelibus auferat, istis uero solis deputet, sed ut seruiat causæ quā agit. Fortius urget si beneficiū Christi cōsideretur, nō ut generale est omniū, sed ut in nos specialiter est collatū. Si audias sic dilexisse Deū hunc mūdū, ut unigenitū suū daret, tātū efficaciam ad cōmouēdū animū nō senties, quātū experiris, si absq; ulla dubitatione cū Apostolo, de beneficio Christi dicas: Qui dilexit me, ac tradidit semetipsum p me. Hoc cōsilio Apost. maluit hic dicere, qd⁹ propter uos, q̄, quod propter nos oēs pauper factus est, quo uidelicet gratiā hāc p̄suis cōsyderātes, efficacī⁹ ad imitationē illi⁹ pmouerēt.

V T uos, inqt, illius paupertate ditesceretis. Hoc est, nō ut uos quoq; pauperes essetis, sed ut p ipsi⁹ paupertatē ditesceretis. Sic exprimit ad quid pauper factus sit Christus. Nō heret in eodem paupertatis, ac diuitiarū genere: Paupertatem tribuit Christo, nō spiritualement, quæ opposita sit ipiritualib⁹ diuitijs, sed terrenā: diuitias uero tribuit fidelib⁹ Christi, paupertate ipsius parras, non terrenas, quæ oppositæ sint terrenæ ipsius paupertati, sed spirituales.

Spiri.



Spiritualis paupertas, locum in Christo habere non potuit. Et si habuisset, neminē prorsus spiritualiter ditasset. Habuit uero terrena, quę spirituales diuitias nō excludit. Rurs⁹ terrenas diuitias fidelibus suis assumpta terrena paupertate, nec quęsiuit, nec suppeditauit, quā nō sunt hę dignę cœlesti gratia, & uocatione, nec reddūt homines uere felices, sed spirituales, quibus ditati felices sint in sempiternum. Quare Christi paupertate non sunt partē opes illę pontificum, episcoporum, carnaliū, & cæterorum prælatorū, quāuis locum hunc Apostoli sibi potissimum comperere putant, quasi propter ipsos pauper sit fact⁹ Christus, ut ipsi terrenis regum, ac principū opibus abundant in hoc sæculo. Non possunt hæc de Christo sine grandi illius contumelia dici, nō minus q̄ si dicant: Christus factus est pro nobis humilis, ut nos simus sublimes & elati in hoc sæculo. Christus factus est sub lege, ut nos aq̄ lege uiuamus omnium liberrime. Christus factus est pro nobis Deo patri obediens, ut nos, nec Deo, nec hominib⁹ obediamus. Christus pro nobis omnis generis afflictiones, ac tentationes subiuit, ut nos in omnis generis uoluptatibus, ac delitijs uiuamus. Adiungant & illud: Christus pro nobis ascendit ad cœlos, ut nos descendamus in ignem æternum. Verum relictis illis inspiciamus mentem Apostoli.

Poterat gratiā Christi, quę multifaria est, sub alia specie, quā paupertatis, ac diuitiarū proponere, utpote, Christus uenit in hunc mūdum, ut nos ad cœlos eueheret, uel, Christus factus est pro nobis filius hominis, ut nos filios Dei efficeret. Vel: Christus mortuus est, p nobis, ut nos per ipsum uiuamus, & quę alia multa eiusmodi adferri poterant, quę omnia species quædam sunt generalis Christi gratię, uerum prudenti cōsilio, eam illius speciem proposuit, quę conueniret causę quam agebat. Erāt Corinthij diuites charismatū spiritualiū. Eas diuitias acceperant beneficio Christi. Erāt iuxta sæculum quoq; diuites. Conabatur eos inducere, ut pauperes sanctos, qui Hierosolymis erant, liberali cōtributione iuuarent. Itaq; ne paupertatis gratia, diuites ipsi cōtemnerēt pauperes sanctos, proponit ipsis paupertatem Christi, cum illius ratione & utilitate, quo admoneretur, uenerandā esse nō contemnendam sanctorum paupertatem, idq; duplici nomine, primū propter Christū, qui pro ipsis factus sit pauper, deinde propter utilitatem, quam ex illius paupertate fuerant consequuti. Duabus hisce rationibus admonemur & nos, ne populum domini pauperē & egenum, propter paupertatis despectū cōtemnamus, quę fors solet esse pauperū in hoc sæculo iuxta illud: Nil habet infelix paupertas duri⁹ in se. Quā quod ridiculos homines facit. Magna paupertatis utilitas, ex Christo & apostolis redijt ad genus humanum. Contra maxima detrimenta, cum pietatis, tū felicitatis prouenerunt ex opulētia Antichristi, ac falsorum illius apostolorum.

**A** Dices. Ecquomodo terrena Christi paupertas spirituales nobis peperit diuitias? Respondeo. Non ex eo quod pauper est factus, sed ex eo quod p nobis pauper est factus, quo nobis seruiret in carne humili, cum docēdo ac mirabilia operando, tum mortem pro peccatis nostris subeūdo. Per paupertatē enim illius subintelligenda uenit, tota susceptę pro nobis dispensationis humilitas.

Communis locus hic est, extra Christū totū genus humanum, ueris esse diuitijs destitutū, ac omnimodę perditioni obnoxii, eos uero solos esse reuera diuites, qui ditati sunt a dño, & in dño. Deinde terrenā paupertatē nemini esse Christiano probrosam, propter pauperem Christum, qui sua paupertate paupertatē fidelium suorum consecrauit, & a contemptu huiusmodi dicauit. Quod tandē ecclesię potentia ac diuitijs excellere cœperunt, quemadmodum id factum est, præter consilium dñi, ita male etiam cessit. Vnde illud Hieron. est, in uita Malchi captiui monachi, postquam ecclesia ad Christianos principes uenit potentia quidē & diuitijs maior, uirtutibus uero minor est facta.

**B** **E**T consiliū in hoc do, inquit, nā hoc uobis conducit, qui quidem non solum facere, uerū etiā uelle iam cœpistis anno superiore, &c.] In hoc, inquit, negocio non impero, sed consulo, non cogo, sed prouoco, quia non inuitos, sed uoluntarios requiro. Dicit quisquam, ubi consiliū datur, ibi nō est obediendi necessitas, sed uel obediēdi, uel non obediēdi libertas. Ergo charitatis synceritas, quam in Corinthijs comprobare cupiebat Apostolus, ex rebus liberis est, quę sine culpa tā possunt non haberi, q̄ haberi. Quid igitur est quod dñs præcipit dicēs: Hoc est præceptū meū, ut diligatis uos inuicē? An non hoc præcepto synceritatem uerę charitatis requirit. Respondeo. Non loquitur hic Apost. de ipsa charitatis synceritate in se, cum dicit: Et consilium in hoc do, sed sicuti sequētia docent de perficiēda cōtributione. Ad hęc hortaturus dicit se illis non imperare, sed consilium dare. Simul tamen cauendum est, ne putemus consilium Apostoli sine culpa, ac noxia posse a fidelib⁹ cōtemni. Licet enim uim præcepti nō adæquet consiliū, quod attinet ipsam cōsulētis Apostoli moderationē, peccat tamē quisquis illud contemnit, & saluti suę admodū male consulit, qui nihil sibi faciendū ducit nisi ad quod expresse mādato astringitur. Nec fieri potest, ut præceptis ex animo obediat, qui consilia salubria secrete contemnit.

**N**AM hoc uobis cōducit, inquit.] Q. d. Cōsulēdo uobis, nō tā aliorū cōmodum, q̄ uestram salutē specto. Ergo qui cōsulit fidelibus, ut largiter cōtribuāt, ad succurrendū necessitatibus pauperū, cōsulit ipsorū utilitati, licet pauperū cōmodis cōsulere uideatur. Quid enim cōsulit aliud, q̄, quod Christus dixit, ut parent sibi amicos, quorum gratia recipiantur in æterna tabernacula? atque terrenas opes in cœlestes thesauros conuertāt, ut haud immerito dicat hic



hic Apostolus: Nam hoc uobis conducit. Emphasis est in pronomine VOBIS. Quasi dicat: magis quam illis quibus estis daturi.

QVI quidem non solū facere, inquit, uerū etiā uelle, iam cœpistis anno superiore.] Erat quidē hoc in illis repræhensibile, quod bonum opus intermiserāt, cuius tamē anno superiore initium fecerāt, id quod manifestum habebat inconstantiae argumentum, uerum nō erat in eo Apost. ut inconstantiam eorū repræhenderet, sed ut quod cœptum erat ad perfectionē perduceretur. Huc usurpat non modo exēpla Macedonum, & ipsius Christi, sed & ipsorum præiudiciū, quo & facto, & uoluntate iā antea testati fuerant, esse cōtributionem hāc, in usus sanctorum faciendā. Huius eos admonens dicit: Nam hoc uobis conducit, qui quidem iam antea non solum facere, uerum etiam uelle cœpistis anno superiore. Q. d. Quid opus aliorū exemplis in causa, quā ipsi, & piam, & uobis utilē esse, iam antea declarastis, dum anno superiore, non modo contribuere, sed & ad contribuēdum uoluntarij esse cœpistis? Existimo autem hoc factum esse, post priorē epistolam. Nam in illa cap. ulti. quædam de collecta hac facienda scripserat, quib⁹ lectis uerosimile est eos cōfestim contribuere cœpisse, at in cœpto non perstitisse, quemadmodum solent, qui nō *αὐτάρτοι* aliquid facere incipiunt, sed aliorum hortatu inducti.

Quid est autem quod dicit: qui nō solum facere, sed & uelle iam cœpistis? An prius est facere, q̄ uelle? Legitimo quidē ordine prius est uelle, quā facere, uerum frequēter accidit, ut faciamus quod nolumus, quodq; nō delectat, ubi uoluntas, nec præcedit factum, nec sequitur. Nonnunquam etiam usuuenit, ut factum sequatur uoluntas, & approbans illud, & continuans, sicuti fieri uidemus in adoleſcētib⁹, qui literis operam dare coacti, faciunt id quidem, sed aliquandiu nolentes, donec tandem literarum dulcedine capti, quod antea inuiti fecerant, uolentes facere incipiāt, & studia sua cū dilectatione prosequantur, uerū quod præsentem causam attinet, Corinthij non modo contribuere cœperant anno superiore, sed & uelle, hoc est, contribuerant, non inuiti, sed uolentes, atq; ita factum suum uoluntate approbauerant. Huius eos admonēs dicit: qui quidem non solum facere, sed & uelle iā antea cœpistis anno superiore. Minus habet leuitatis mutare factum, ad quod non accessit uolūtas, id uero admodum leue est, si in causa bona nō factum modo, sed & uolūtas, quæ factum approbauerat mutetur. Animus in bono cōstans quod uelle ac facere cœpit, nec uelle, nec facere definit, donec perficiat. Quod si à facto impeditur, uoluntatem tamen faciendi constanter retinet, donec faciēdi facultatem recipiat. Hęc erant, meo iudicio, de quibus Corinthios Apostolus hisce uerbis admonere uoluit. Vnde & subiicit.

NUNC uero & illud quod facere cœpistis

A perficite, inquit.] Græce sic, *νυνὶ δὲ καὶ τὸ ποιεῖν ἡμιτελίσαι*, id est, nunc uero & facere perficite. Quasi dicat: nunc uobis incūbit, ut quod uelle cœpistis etiam facto perficiatis. Non simpliciter dicit, *νυνὶ δὲ τὸ ποιεῖν ἡμιτελίσαι*, id est, nunc autem facere perficite, sed adiecta copula, *νυνὶ δὲ καὶ τὸ ποιεῖν ἡμιτελίσαι*, id est, nunc autem etiā facere perficite, ubi subintelligēdum est, quod uelle cœpistis. Vulgatus interpres habet: nunc uero & facto perficite. Nō displiceret, si in Græco esset, *καὶ τὸ ποιεῖν*, id est, & faciendo, quemadmodum ille legisse uidetur. Hortatur itaq; eos ut bonū opus, quod & facere, & uelle cœperant, faciendo perficiant. Voluntas quidem pro facto, coram Deo accipitur, si desit faciendi facultas, uerum ubi illa uolentem, nō destituit, ibi non probatur inefficax, & ignaua uoluntas. Cum ergo nihil impediret Corinthios quo minus quod & facere, & uelle cœperant, perficerent, recte admonentur ab Apostolo, ut quod bene cœperant, perficiant.

Vt quemadmodum uoluntas prōpta fuit, inquit, ita & perficiatis ex eo quo potestis.]

In Græco sic legitur: *ὅπως κατὰ δύναμιν ἢ προθυμίαν ἢ θέλησιν, ὅπως καὶ τὸ ἡμιτελίσαι ἢ ἵκεν*, ubi omnino deest propositio *καὶ*, id quod uel in Chrysostomo uideri poterat, qui sic legit: *ὅπως κατὰ δύναμιν ἢ προθυμίαν ἢ θέλησιν, ὅπως καὶ τὸ ποιεῖν ἡμιτελίσαι ἢ ἵκεν*, id est, Vt quemadmodum animi propensio ex uolūtate, ita & factum ex facultate. Vbi nos habemus *τὸ ἡμιτελίσαι*, ibi legitur *τὸ ποιεῖν*. Sensus igitur est.

B Quod iam antea uoluistis, faciēdo quoq; perficite, ut quemadmodum animi propensionem uolēdo declarastis, ita & perfectionem operis ex eo quod habetis, ac possidetis, declaretis. Sic puto manifestum esse, corruptā nos habere lectionem in Græco, ubi legimus: *ἢ θέλησιν* pro, *καὶ θέλησιν*. Nō simpliciter dicit: *ὅπως κατὰ δύναμιν ἢ προθυμίαν ἢ θέλησιν, ὅπως καὶ τὸ ἡμιτελίσαι ἢ ποιεῖν*, id est ut quemadmodū ex uoluntate est animi propensio & alacritas, ita sit & perfectio operis ex facto, sed, ita sit & perfectio, *καὶ ἵκεν*, id est, ex eo quod habetis. Hoc dicēs cauet ne immoderatam, ac nimiam contributionem, quæ facultates ipsorum excedat, poscere uideatur. Et id in sequentibus fusius explicat. Interim tamen admonet eos tacite, perfectionē eleemosynæ non esse simpliciter ex qualicunq; cōtributione, sed ex tali, quæ facultatibus respondeat, ut quēadmodū nō requiritur nimia, ita & probāda nō sit ea, quæ minor est, q̄ ut facultati dātis respōdeat. Et hęc ratio nō in eleemosyna tantū, sed & in cæteris bonis est operibus spectāda. Bonū opus nō perficitur simpliciter, & utcūq; faciēdo, sed faciendo pro uiribus. Qui minus facit q̄ pro uiribus, palā testatur facere se nō ex animi prōptitudine, sed obiter ac pfunctionē, atq; ita bonū opus non pficit, quia factū ipsius & prōptitudine destituitur, & ad metā facultatis nō perringit. Quare admodum prudēter Apost. ut secundā uolūtate animi ppenſionē, ita secundū facultatē operis pfectionē metitur. Sic enim nec grauat tenuiores, poscendo plura, quā



ra, quàm præstare possint, nec approbat tenaciores, poscēdo minus, quàm pro facultatum ipsorum mensura contribuere queant.

ET ENIM, inquit, si prius ad sit animi promptitudo, ea iuxta, quicquid illud est, quod possidet aliquis accepta est, non iuxta id quod nō possidet. ] Reddit rationem eius quod perfectionem eleemosynæ mēsurā facultatis terminans dixit, ita sit & perfectio, secundū id quod habetis. Et est sensus. Vbi enim animi proptio in ppatulo est (hoc significat *ἐν γὰρ πρὸς ὑμῶν πρὸς ἡμᾶς*) est illa accepta & grata, secundum id quod quis habet, ac præstare potest, nec suprà illud poscitur amplius quicquā. Sic requiruntur hæc tria in eleemosyna, uelle, posse, dare. Tertium sine medio non requiritur, sine primo non probatur. Primum probatur sine tertio, ac sufficit, si desit secundum. In secundo mēsurā tertij consistit. Vide autem prudētiam Apostoli. Quamuis perfectio eleemosynæ nō solū ultra uires nihil poscit, sed & liberalitatē requirit uiribus respondentē, de posteriori tamen nullā facit mentionem, quoniam molestum, & cū sinistra suspicione cōiunctū fuisset, sed in eo quod acceptius erat consistens inculcat, non requiri plura, q̄ cuiusq; possit præstare facultas. Ideo nō cōtētus eō quod dixit, iuxta id quod quis possidet accepta est, addit, non iuxta id quod nō possidet. Quātum autem quisq; possideat consciētis illorum relinquit. Nec determinat quantum de quanto sit dandū, sed simpliciter monet, non requiri multum ab eo qui parum possidet, sed acceptū esse munus, quod & p̄pto animo deī, & dātis facultatē nō excedat.

Non enim ut alijs sit relaxatio, uobis autē angustia, sed ut ex æquabilitate in presenti tempore uestra copia illorū succurrat inopiæ, & illorū copia uestre succurrat inopiæ, ut fiat æquabilitas, quē admodum scriptum est: Qui multū habebat huic nihil superfuit, & qui paululum habebat is nihilominus habuit.

Quare non requiratur eleemosyna, quæ mēsuram possesse facultatis excedat, istis uerbis primum declarat, deinde subiicit qualis requiratur. Accepta est, inquit, animi propētio, secundum id quod quis possidet, nō secundū id quod nō possidet. Quare nō secundū id quod quis non possidet? Quia non hoc requirit, inquit, ut alijs sit relaxatio, uobis autē angustia. Hoc est, non talis quæritur contributio, quæ sanctis Hierosolymis agentibus pro sua copia quietem gignat, ac relaxationem molestiarū, uos uero grauet, p̄pterea quod ultra uires dederitis, & usib⁹ uestris, quæ necessaria sunt detraxeritis, ut tribulationem incurratis.

Dicet quisquam: Si talis eleemosyna non quæritur, quare paulo suprà Macedones eā ob causam laudauit, quod supra uires p̄pti fuerint ad dandum. Respondeo. Aliud est non requirere, & aliud si non quæsitum fiat, laudare.

A Inhumanū uidetur hoc requirere à quopiam, ut quibus ipse opus habet, alijs largiatur, quo illi laute uiuant, ipse autem interim cum fame luctetur, ac misere uiuat. Et tamen si quis hoc ex abundantia charitatis fecerit, quis non laudet? A Macedonibus nunquā requisuit Apostolus, ut tātū darēt, quātū suapte spōte dederunt, ubi dederūt ultro singularem illorū charitatem laudauit. Quis ausus fuisset unquā petere hoc à diuina Maiestate, ut filius Dei pauper fieret pro nobis, quo nos illius paupertate disceremus? Nemo hoc sine grandi impudētia ac diuinæ Maiestatis iniuria, peti posse iudicasset. Et tamen cum ultro sit à filio Dei factū, quis fidelium nō supra omnes cēlos extollit? quis satis celebrare poterit? Quod itaq; dicit Apostolus, nō ut alijs sit relaxatio, uobis autē angustia, nō sic dicit, ut inde colligendū sit, esse culpabile factū, si quis sic seruiat alijs, ut ipse sibi molestia asciscat, quo alijs cōmode uiuere liceat, cum id laudis potius habeat materiā, sed, quod nequeat tale quid citra pudorem peti à quoquam. Sic multa fiunt in rebus humanis, quæ nemo facile petat, uel cuiquā suadeat, & tamen ubi facta sunt, impense laudantur.

B SED ut ex æquabilitate, inquit, in presenti tempore, uestra copia illorū succurrat inopiæ, & illorum copia uestre succurrat inopiæ. ] Ut nihil iniqui peti significet, limitat usum eleemosynæ & cōtributionis æquabilitate, quæ si uspiam certe inter Christianos, tanquā fratres ac filios Dei, locum habere debet. Sed ut ex æquabilitate, inquit. Repetendum est illud *ἵνα* ex præcedenti particula, ac legendum *ἀλλὰ ἵνα ὁ ἰσότης*. i. Sed ut ex æquabilitate. Aliās in Græco est, *ἀλλ' ὁ ἰσότης*, id est, Sed ex æquabilitate. Est autē hic, ex æquabilitate, nihil aliud, quàm ex studio æquabilitatis.

IN presenti tēpore, inquit. ] Particula hæc aliter atq; aliter accipiē. Alij referunt eā ad tempus presentis uite, hoc sensu. Vestra copia quā habetis in presenti tēpore, quasi quod in Græco est legēdū sit ad hunc modū: *τὸ ὑμῶν πρὸς ἡμᾶς ἐν τῷ νῦν καιρῷ*, cū sit, *ἐν τῷ νῦν καιρῷ τὸ ὑμῶν πρὸς ἡμᾶς*. Sane sic quidē habet presentis sæculi cursus, ut in illo alius abūdet opib⁹, alius penuria premeat, uerū Apostolus huc nō spectauit. Alij referunt ad id tēporis, in quo Apostolus hæc scripsit, & sancti in ecclesia Hierosolymitana, & Iudææ magna famis molestia premebant. Et hic mihi sensus magis probat. Voluit enim Corinthios habere rationē presentis calamitatis, ac simul innuit contributionē illā, qua describebat, nō sic posci, ut sit ppetua, sed ut presenti dūtaxat necessitati sanctorū succurrat. Ideo notanter particulam hanc, in presenti tempore, inseruit cui etiam uox *καὶ* concordat, quæ magis articulum temporis, quàm tempus significat.

V E S T R A copia, inquit, illorū succurrat inopiæ. ] Græce est *τὸ ὑμῶν πρὸς ἡμᾶς*. i. Vestra abundantia. Non dicit simpliciter, succurratis illis, sed, ut uestra abundantia succurrat illorum inopiæ, quibus uerbis duo facit.

Primum



1 Primum cauet ne molesta uideatur futura contributio, in eo quod ex abundantia illorum aliquid dādum esse significat. Etenim qui dat ex abundanti necessitatibus suis nihil incommodat, quia de ijs quibus ipse habet opus, nihil deterit.

Dices: At eiusmodi contributio non laudatur à domino, sed ea potius, quæ fit ex necessarijs, sicuti uidere est Lucæ 21. ubi duo minuta æra à uidua in gazophylacium missa præferuntur à Christo omnibus diuitum muneribus, propterea quod illi ex abundantia, ipsa uero ex sua penuria quod habebat dederat. Quid igitur est quod Apostolus Corinthios docet elemosynam dare de abundantanti?

Respondeo. Causam hanc studio sic moderatur, ut Corinthios reddat uoluntarios, inducatq; eos ad contribuendum haud grauatim sed alacriter. Cum ergo dixisset acceptam esse contributionem quæ sit & uoluntaria & secundum id quod quisq; possidet, ne uideatur requirere, ut quod quisq; necessarium habet, alijs elargiatur, moderationem hanc subiecit, qua requirat non necessaria sed quæ dentur ex abundantia. Sic mitigat omnia, sciens se agere non cum Macedonibus, sed cum opulētis Corinthijs. Interea tamen si illi exemplum Macedonum sequuti non ex abundanti tātum sed & ex necessarijs contribuissent, nihilo hoc fecius in illis quàm in Macedonibus laudasset.

2 Deinde, in eo quod inopiæ sanctorū meminit, cui Corinthiorum abundantia succurre re debeat, significat urgentem esse causam, propter quam hæc contributio requiratur, necessitatem uidelicet egentium sanctorum, cuius debeant commiseratione tanq; fratres ad succurrēdum permoueri. Nos admonemur, in quos debeat nostra liberalitas ubertim conferre. In egenos uidelicet & inopes fratres. Inopiam, nō sanctitatem ac merita, sanctorū proponit, cui sit alacriter succurrendum. Postea cœperūt impostores ac quæstores prætexere sanctitatem monachorum & Nonnarum, hominū religiosorum ut aiebant spiritualiū, Deo soli uiuentium, mundo mortuorū, pro omnium salute uigilantium, precantiū ac psallentiū. Et sub hoc prætextu corrasæ sunt ingentes opes, ut iam dici non possit, quod inopiæ taliū succurratur sed quod luxui potius & ocio fomenta subministrēt. Quare quod hic Apostolus dicit: ut uestra abundantia illorum succurrat inopiæ, inuertendum est ac dicēdum, ut uestra inopia illorum abundantia subseruiat. Huius inuersionis exempla omnium sunt manifestissima in redditibus ac tributis, quæ singulis annis in monasteria & Canonicorum collegia ex labore ac sudore plebis conferuntur.

Et illorum copia, inquit, uestræ succurrat inopiæ.] Particulam hanc cōmuniter omnes sic exponunt, ut copia pauperum sanctorum, quibus cōtributio fratrum, succurrere debuit, sit bonorum spiritualium, quæ ab illis prouenerint ad Corinthios, & cæteros quoq; qui ex

A Gentibus in Christum crediderunt (nam uerbū domini ex Sion egressum peruenit ad Gentes) uel, quæ in posterū ad Corinthios ab illis prouenire potuerint, per communicationem uidelicet singularis pietatis ac iusticiæ, in quibus ipsi non abundauerint, sed inopes fuerint. Verum, meo iudicio, nihil horū cogitauit Apostolus, cum hæc scriberet. Etenim, primum nō dicit, quemadmodū illorum copia uestræ succurrit inopiæ sed, *ἵνα καὶ τὸ ἐν ὑμῖν περισσεύμα γένηται εἰς τὸ ὑμῶν ὑστέρημα*, id est, ut & illorum abundantia subueniat uestræ inopiæ. Quare pater non esse intelligendum de eo quod uerbum domini ē Zyon ad Gētes iam tum erat egressum, & ad Corinthios quoq; allatū, sed de futura aliqua bonorum cōmunicatione. Deinde si de bonis spiritualibus, quæ sint pietas & iusticia, quarū potuerit communicatio peruenire ad Corinthios fideles, locū hūc exposuerimus: mox q̄stio nascitur an Christiani qui Hierosolymis erant sic abundanter fuerint pij ac iusti, ut de abundantia iusticiæ ac pietatis suæ inopiæ crederium Corinthiorum succurrere potuerint. Dicant hoc quicunq; uoluerint, ego nūquam dixero. Scio esse communicationem fidelium in bonis spiritualibus, de qua non est ut hic dicamus, uerum nō uideo, quare danda sit ecclesiæ Hierosolymitanæ abundantia, Corinthiacæ uero inopia pietatis & iusticiæ. Nec conuenit hic sensus prudenti moderationi, qua Apostolus causam hanc sic tractat, ne quo pacto Corinthios suos offendat. Quomodo autem non offenderet, si Hierosolymitanis daret abundantiam pietatis ac iusticiæ, ipsis uero inopiam, eamq; talem, cui per illos sit succurrendū, modo ipsi de terrenorum suorum bonorum abundantia aliquid illis impertiant. In summa, nec ueritati, nec prudentiæ Apostoli conuenit hic sensus, & interim fenestras aperit eorum imposturæ, qui sanctorū merita, si detur aliquid, ex quadam illorum abundanti pietate ac iusticia alijs nugatur esse communicabilia. Quare cogor à receptis huius loci expositionibus discedere, eamq; sequi, quæ & simplicior est, & ueritati metiq; apostoli uicinior, nec fenestras reproborum hominū imposturis aperit. Hanc esse iudico, si exponamus non de diuersorum bonorum, corporaliū ac spiritualiū, sed eorundem, corporaliū scilicet, communicatione, ad hunc modum. Ut uestra copia in præsentitempore, quo rerū necessariarū penuria Iudea laborat, inopiæ illorum succurrat, ut in posterum, ubi per uicissitudinem rerum uos cœperitis egere, illi uero melius habere q̄ nunc, illorum copia uicissim uestræ succurrat inopiæ. Hoc sensu admonet Corinthios, esse rerum uices, sic ut non semper abundant, qui ad tēpus abundare uidētur, nec semper inopes sint, qui iam penuria rerū laborant, unde cogitēt, quod sibi in tali casu fieri uelint, id faciāt & alijs, nec insolescant propter luculentiorē modici tēporis fortunam, nec contemnant fratres propter præsentem egestatem, cuius & ipsi olim



sint incommoda experturi. Hæc sententia mihi hoc loco probatur, iudicent cordati.

Vt fiat æquabilitas, inquit. Hoc est, ut remoueat a Christianis inæqualitas illa, qua uidemus inter incredulos & alienos a Christo, alios agere in luxu ac delitijs, alios contra fame torqueri, nec esse ullam communicationem rerum necessariarum, nec commiserationem erga inopes & afflictos, quæ inæqualitas inter Christianos locum habere non debet, inter quos regnat non *φιλαντία* sed *φιλανθρωπία*, quarum altera æquabilitatis, altera uero inæqualitatis est mater. Vtiq; ueris Christianis cor est unum & anima una. Vbi hæc est unitas, ibi non est alius diues, alius pauper, sed suppetit singulis unde uiuant, propter fraternam bonorum communicationem, sicut in exemplo primorum Christianorum Act. 4. uidere licet. De hac æquabilitate loquitur hic Apostolus, quæ sine communicatione rerum necessariarum locum in hoc sæculo habere non potest. Deus enim sic mundum hunc dispensat, ut non reddat omnes ex æquo diuites, neque omnes pariter pauperes, sed alios diuites, alios pauperes, ut sint in quibus liberalitatis suæ, ac rursus in quibus disciplinæ suæ exempla uisenda proponat, detq; diuitibus occasionem exercendæ erga proximos pauperes fraternæ dilectionis ac beneficentiæ, pauperibus uero materiam fiduciæ, qua a prouidentia sua pendeant, & ut interim in patientia comprobentur & exerceantur.

Quis autem sufficienter perpendere poterit, quantum momenti æquabilitas ista ad hoc adferat, ut animi sic inuicem de bonis suis communicantium inter se coalescant, & cor unum & anima una esse in domino pergant? Hic fieri non potest, ut diues fastidiat pauperem, quem pauper esse non finit, sed communicatione fraternæ æqualem sibi reddit. Rursus fieri non potest, ut pauper diuiti opes quas habet inuideat, cum eas propter fraternam communicationem non minus suas quam illius esse uideat. Verum ab hac æquabilitate nostra hæc tempora omnium sunt alienissima, in quibus album & nigrum tam sibi inuicem dissimilia non sunt, atq; inæquales inter se sunt qui opibus abundant & qui inopia laborant.

Quemadmodum scriptum est, inquit: Qui multum habebat huic nihil superfuit, & qui paulum habebat, is nihilo minus habuit. Locum hunc citat ex ijs quæ de Manna Exodi 16. leguntur ad hunc modum. Hic est sermo quem precepit uobis dominus. Colligat unusquisq; ex eo quantum sufficit ad uescendum, Gomer per singula capita, iuxta numerum animarum uestrarum quæ habitant in tabernaculo sic tolletis. Feceruntq; ita filij Israël & collegerunt, alius plus alius minus, & mensi sunt ad mensuram Gomer, ולא העריך חמורבה והממעיס לא החסיר איש לברי אכלו לקטר, id est, & non abundauit qui multum, neq; eguit qui modicum collegerat, singuli quantum ad edendum satis erat collegerunt.

Hanc historiam inducit Apostolus, & proposito suo accommodat, quatenus in illa decla-

ratur quod placeat domino æquabilitas alimentum necessarium in suo populo, quod ipse illi pro sua bonitate suppeditat, & contra quod displiceat auaritia eorum, qui cum detrimento proximorum suorum necessitatis mensuram excedentes, plura sibi coaceruant quam usus necessarius postulat. Æquabilitas exprimitur in eo quod dicit Moses, & non abundauit qui multum, neq; eguit qui modicum collegerat. Quomodo autem factum hoc sit, declarat mox ubi subiicit: singuli quantum satis erat ad edendum collegerunt. Etenim qui numero domesticorum ceteros superabant, necessario quidem plus ceteris, qui uero numero erant pauci, minus quam illi colligebant, & tamen, nec illi abundabant, nec isti egebant, propterea quod singulis Gomer unum deputatum fuerat, tam in numerosa quam in minus numerosa familia, tam diuitibus quam pauperibus. Etenim secundum numerum capitum cuiusq; domus colligebatur & numerus Gomer, quemadmodum præscriptum ac determinatum fuerat a Domino.

Dices. Ergo si qui plus collegissent quam per numero capitum, atq; ita necessarii alimentum mensuram excessissent, culpabiles fuissent tamquam præscripti diuini transgressores. Deinde æquabilitas ista non constabat mutua contributione, quæ locum non habet, ubi nemo est qui egeat. Atq; ita hæc historia damnat abundantes, & nullos habet egentes, adeoque & nullam contributionem. Quare impertinenter ab Apostolo ad causam quam agit adducta uidetur, in qua sunt egentes & non requiritur, ut nemo opibus abundet, sed hoc tantum, ut qui abundat egenti de abundantia sua communique. Respondeo. Scopus est Apostolo commendare fidelibus æquabilitatem. Et quoniam illa pulchre fuerat in populo Israël, cum cælitus per Manna pasceretur, diuino præscripto instituta historia illius hactenus applicat suæ causæ, quatenus simpliciter exemplum habet æquabilitatis, non quatenus singulari præscripto Dei certa colligendi cibi moderatio fuerat determinata, non quod alijs modis non possit fieri æquabilitas, uel quod per se illicitum sit esse diuitem, uel domino displiceat, si in populo ipsius sint pauperes, sed quod ea moderatio tum temporis conueniret circumstantijs & loci in quo agebant annis 40. & alimentum quo de cælo communiter omnes pascebantur, & pædagogia, qua rudis populus manifesto & quotidiano diuinæ erat prouidentia experimento in fide Dei instituendus. Is modus instituendæ ac seruandæ æquabilitatis mutatus postea est, ubi ipsam promissam terram incolere, agros serere, uineas plantare, urbes & pagos inhabitare, & consueta humano generi commercia inter se exercere coeperunt. Ibi alia poscebatur æquabilitatis retinendæ ratio. Ea nimirum quæ charitate & contributione fraterna constaret, qua de eidem est populo præscriptum Deut. 15. ad hunc modum. Non deerunt pauperes in terra habitationis tue, idcirco ego

pauperes in  
domo facit.

1  
2

3



Deut. 29.

co ego præcipio tibi, ut aperias manum fratris tuo egeno ac pauperi, qui tecum uersatur in terra. Hanc rationem & prima ecclesia Christianorum amplexa est Hierosolymis, & Apostolus ubique in scriptis suis urget, quæ ob id est præstantior ea quæ fuit in deserto, quod exercitio mutuae charitatis constat, quæ nos cum Deo coniungit, ac diuinæ bonitatis consortes reddit, à qua illa fuit aliena. Neque enim occasionem dabat mutuae charitatis per contributionem exercendæ, cum nec abundare nec egere quenquam sineret, quod necessarium alimentum concernebat. Quod reliquam substantiâ auri & argenti & pecorum attinebat, erant utique in populo, cum in solitudine quoque ageret, multi diuites, cæteris opulentiores, uerum in necessaria uitæ sustentatione nec diues abundabat, nec pauper egebat. Nam & uestimenta omnium ex æquo infracta durabant in deserto, & calciamenta pedum omnium nulla uetustate absumebantur, & quotidie singulis non minus tenuioribus, quam ditioribus æqua mensura Gomer alimonie gratia cœlitus dabatur. Quare cum æquales essent in uictu & amictu, nec ulla esset cuiquam alterutrius penuria, æquabilitas ista charitatis & mutuae contributionis exercitio destituebatur, conuenientior populo rudi, quam ei qui sit in uerbo domini institutus, ac spiritu ueræ dilectionis imbutus.

Verum deplorandum hoc est admodum, quod usque adeo inter nos, qui Noui testamenti populus sumus, charitas & quæ ex charitate est mutua contributio refriguit, ut multo plures sint causæ, propter quas eiusmodi æquabilitas in uictu & amictu diuinitus nunc detur, qualis fuit in deserto, quæ fuerint olim in populo rudi & nondum in uerbo domini instituto. Alias ad finem usque mundi sperandum non est, ut æquabilitatis commodis potiamur in hoc sæculo.

Gratia autem Deo qui dedit eandem sollicitudinem pro uobis in corde Titi. Nam exhortationem quidem accepit, uerum cum diligentior esset suapte sponte ad uos abiit. Misimus autem unum cum illo fratrem eum, cuius laus est in Evangelio per omnes ecclesias, nec id solum, uerum etiam delectus est ab ecclesijs comes peregrinationis nostræ, cum hac gratia quæ administratur à nobis ad ipsius domini gloriam, & animi uestri promptitudinem: declinantes hoc, ne quis nos carpat in hac exuberantia quæ administratur à nobis, procurantes honesta non tantum coram domino sed etiam coram hominibus. Misimus autem unum cum illis fratrem nostrum quem probauimus in multis sepe numero diligentem, nunc autem multo diligentior ob multam fiduciam quam habeo erga uos, siue Titi

A nomine qui socius meus est & erga uos adiutor, siue aliorum qui fratres nostri sunt & legati ecclesiarum, gloria Christi. Proinde documentum charitatis uestre, & nostre de uobis gloriationis in eos demonstretis, etiam in conspectu ecclesiarum.

Toto hoc contextu laudat & commendat Corinthiis legatos, quos ad eos propter hanc contributionis causam miserat, ut contributa ab illis accepta ad se adferrent. Meminit autem trium: Titi uidelicet, & duorum aliorum, sic ut singulorum encomia seiunctim ponat. Gratia autem Deo, inquit, qui dedit eandem sollicitudinem pro uobis in corde Titi. Hunc cæteris duobus preponit, propterea quod esset Corinthiis notus, imò iam antea haud parum apud eos in opere domini laborasset. An illis præstantior quoque fuerit nostrum non est pronuciare. Orditur autem commendationem eius à *δοξολογία* Dei, laudans diuinam bonitatem, quod cor illius in eandem curam ac sollicitudinem excitaret, qua ipse erga Corinthios admodum afficiebatur. Poterat simpliciter dicere: Abiit ad uos Titus, plenus eiusdem sollicitudinis pro uobis qua ego distineor, uerum ut significaret illis, causam hanc geri diuinitus, atque ita animos eorum propensos ad illam redderet, dixit: Gratia autem Deo, agatur uidelicet, uel, agenda est à uobis, qui dedit eandem sollicitudinem pro uobis in corde Titi.

B Nobis obseruandum est, quod sollicitudinem instituendæ contributionis, qua necessitatibus sanctorum Hierosolymitanorum consulendum erat, uocat sollicitudinem pro ipsis Corinthiis, quos ad contribuendum sollicitabat, quibus uerbis significat se magis ipsorum quam Hierosolymitanorum rationem habere in hac causa, sed huius admonuimus & antea. Deinde, eiusmodi sollicitudinem candidam ac synceram esse donum Dei, qui illam dat in corda uerorum uerbi sui ministrorum. Nisi ille det tales animos, nihil purum erit in omnibus omnium ecclesiarum eleemosynariis ministris, uel potius dominis. Nam domini esse cœperunt, qui olim ministri fuerunt.

NAM exhortationem quidem accepit, inquit, uerum cum diligentior esset, suapte sponte ad uos abiit. Declarat unde cognouerit eandem sollicitudinem in corde Titi datam esse à domino. Nam, inquit, cum exhortarer eum ut ad uos contributionis huius gratia proficisceretur, deprehendi eum uoluntarium ac spontaneum, & in id negocij ultrò & usque adeo propensum, ut manifestum esset curam hanc à domino cordi ipsius esse inditam. Supra meminit unde motus Titum adhortatus sit, ut hanc quoque gratiam erga Corinthios expediret. Hic significat, quod uoluntarium eum ad id negocij inuenerit. Habemus ergo exemplum hic uoluntariæ obedientiæ, quam Apostolus in Tito suo deprædicat. Commendat in eo, quod fuerit *αὐτοδύναμος*, adhortationem acceperit & Corinthum



thum abierit. Hęc sunt ornāmēta syncerę obediētię. Esse uidelicet uoluntarium, adhortationem suscipere, sollicitum esse, & ad id quod faciendum est abire. In his est uerę obediētię plenitudo. Falsa est, ubi adhortatio quidē aure accipitur, uerum quod faciendum est non perficitur, uel ab inuitis, & neglectim perficitur.

SVAPTE sponte, inquit, ad uos abiit. ] Paulo ante ab illis ad Paulum redierat, illiq; resipiscētiā, sollicitudinē & obediētiā eorū depredicauerat sicuti cap. pcedēti uidimus. Iam ad illos denuo mittitur, propter unā hanc causam, ut cōceptam apud eos contributionem expediat, & contributa secum ad Paulum adferat. Constituerat enim ille Hierosolymam proficisci, & sanctis illic gratiam & cōmunicatiōē ecclesiarū ex Gentibus offerre. Abit autē sponte, quia cordi ipsi erant ecclesiarum comoda, & p̄tērea paulo ante corā resipiscētiā & obediētiā Corinthiorū expertus fuerat.

Meminit autem huius de Tito, non tam laudādi illius gratia, q̄ ad hoc, ut intelligeret esse illum erga ipsos amantē affectū, propter p̄teritam obsequētiā, qua se illi ad omnia morigeros exhibuerant, & hinc in ipsa causa propter quā ad ipsos redibat, eō se ductiliores ac magis propensos p̄berent. Poterat alia in illo commendare, uerum quoniā ipsis iam abū de notus erat, tacitis uirtutibus quibus erat p̄ditus, hoc unum significat, quod spōte ad ipsos abiisset, quo animum illius erga se beneuolum agnoscerent.

MISIMVS autem, inquit, unā cum illo fratrem eum, cuius laus est in Euangelio per omnes ecclesias. ] Quod Titum nō solum misit, sed duos illi fratres adiunxit, non est sine consilio factū, sicuti uidebimus mox infra. Quis autem fuerit frater iste, de quo p̄dicat, quod laus illius sit per omnes ecclesias, & quod delectus fuerit comes peregrinationis suę, non est concors omnium sentētia. Alij Lucam, alij Barnabbā intelligunt. Chrysost. de Barnabba intelligit, propterea quod ille comes fuerit peregrinationis Pauli, & p̄tērea clarus propter Euangelij p̄dicationem. Et huic assentiūtur nonnulli ex recentioribus. Sophronius uero p̄sentem locum de Luca exponit. Sic enim de illo scribit. *Λυκάς ἰατρός αἰτιχέως παῖς τῶ συγγράμματος αὐτοῦ ἀνὴρ ἑλληνικῶς ἐκ ἀπείρου σπουδῆς πᾶσι ἀποστόλοις, καὶ πάσι τοῖς ἁγίοις ἀλλοδαπῶς ἀνθρώποις, συντάξας διὰ γράμματος, πρὸς τοὺς ἀδελφούς, ἀπεστάλαξεν φησὶ σὺν αὐτῷ τὸ ἀδελφόν οὗ ἐπαύει ἐν τῷ εὐαγγελίῳ κατὰ πάσας τὰς ἐκκλησίας.* Et huic sententię Hieronymus consentit. Sane de Luca uel ex Actis apostolorum cōstat, quod comes fuerit peregrinationis Pauli. Nec dubium est, quin multum laudis cōsequutus sit in omnibus ecclesijs p̄sertim gentiū, propterea quod Euangelicam historiam singulari fide ac diligentia Græco sermone conscripsit. Probabile nāq; est quod nihil huius in scripto ante illum communicatum fuerit Græcis ecclesijs. Matthæus nanq; Ebraice historiam Christi contexit, quæ à Græcis legi non potuit do-

nec Græco idiomate conuerteretur. Et de Iohāne cōstat quod post ceteros scripserit. Marci Euangelion ut epitomen habet eius quod à Matthæo scriptum est, ita post illud contextū esse patet. Quod ille Græcē scripserit, & non Ebraice uel Ægyptiacē, quomodo probetur non uideo. Hisce coniecturis existimo uerosimilius sentire eos qui hæc de Luca quān quā de Barnabba exponunt.

Mea sentētia sic habet. Quod hic Paulus dicit, fratrem illum quem unā cum Tito Corinthū miserat, comitē fuisse peregrinationis suę ab ecclesijs delectum, intelligendum est nō in uniuersum de tota illius peregrinatione, sed ea tantum, qua collectas ecclesiarū quæ erant inter Gentes, Hierosolymā deportare constituerat. Ad hanc perficiendam delecti fuerunt ab ecclesijs nonnulli fratres, qui unā cum ipso proficiscerentur. Ex his fuisse Barnabbā mihi haudquāq; probabile uidetur. Etenim postq̄ ille diuulsus fuit à Paulo, ob disidiū inter ipsos propter Marcum exortū, non legitur amplius cum eo fuisse coniunctus. De seperatione illorum legimus Act. 15. quo tempore nec Corinthij, nec Macedones ad Christum fuerāt conuersi, Macedonum liquidem conuersio postea subsequuta est sicut uidere est Act. 16. & Corinthiorum adhuc post illam, ut Act. 18. habetur. Cum igitur legatio hæc ad Corinthios facta sit non ante illorum conuersiōē sed diu postea, & Barnabbas anteq̄ illi conuerterentur à Paulo fuerit segregatus, nec illi postea cōiunctus legatur, quomodo ab eo Corinthū cum Tito mitti potuit, in causa, cuius administrationis principium Act. 19. demum inchoatur. Lucam uero in ea peregrinatione Hierosolymā cum Paulo profectū esse, ex ipsius profectiōis narratione omnibus abūde redditur manifestū. Quare q̄ uerba hæc Apostoli de Barnabba exponunt, non satis causam hanc inspexisse uidetur. Respexerunt ad ea quæ de societate Pauli & Barnabbæ Act. 13. 14. & 15. leguntur, & non ad ea tempora, in quibus hæc sunt à Paulo scripta, ad quæ si respexissent, nō amplius Barnabam in comitatu Pauli fuisse deprehendissent.

CVIVS laus est, inquit, in Euangelio per omnes ecclesias. ] Bene de omnibus ecclesijs meritis, merito ab omnibus ecclesijs laudat. Lucas conscribendo Euangelium bene est de omnibus ecclesijs meritis. Ergo, &c. Quod maiorem attinet, admonentur ecclesię, ut bene de illis sentiant ac loquantur, qui laboribus suis bene de ipsis sunt meriti. Magis oprandum est hoc ut fiat, q̄ p̄dicandum quod fiat. Sic sunt nostra tempora. Quod minore concernit, admonentur cordati omnes, quid promereatur illi qui scriptis suis regnū Christi ac doctrinā ueritatis pro suis quisq; uiribus, & mēsurā donationis spiritus, scribendo ac lucubrando illustrent, eoq; laborum genere omnibus, quantum in ipsis est, ecclesijs in causa pietatis ac ueræ salutis profunt. De Luca scribunt nonnulli quod fuerit pictor. Quod si imaginū usus qui

nunc



nunc est, apostolorum tempore fuisset in ecclesijs, & ille picta simulacra Seruatoris, beatę uirginis, Iohannis Baptistę, & apostolorum ad ecclesias misisset, an non dicendū potius fuisset Apostolo cuius laus est in pictura imaginum sanctorum, quę, cuius laus est in Euangelio, per omnes ecclesias? uerum hic pictor, Christi & apostolorum imagines non corporeas penicillo, sed spirituales scripto Euangelico depinxit, atque ita mirum in modum profuit ecclesijs, & laudem, quę etiam nunc durat, est promeritus, ut ueraciter potuerit Apostolus dicere, cuius laus perpetua in omnibus erit ecclesijs.

**N**EC id solum, inquit, uerum etiam delectus est ab ecclesijs comes peregrinationis nostrę. Quoniam quod dixit, cuius laus est in Euangelio, generalius erat quam ut ad propositum faceret, subiungit ista tanquam propius ad causam quam agebat facientia. Diximus autem paulo supra, non loqui ipsum de uniuersa peregrinatione sua, sed ea tantum, qua profecturus erat Hierosolymam & sanctis contributionem ecclesiarum ex Gentibus unam cum quibusdam fratribus ab ecclesijs ad id negocij delectis assignaturus. Ex hisce erat hic Lucas, quę ideo unam cum Tito Corinthum misit, ut aliarum ecclesiarum preiudicio Corinthios induceret ad credendum suas collectas, uiris istis absque ulla hęsitatione fide dignis, quorum prior ipsis erat iam antea notus, de quę ipsis optime meritis, secundus reliquarum ecclesiarum iudicio & electione dignus, de cuius fide de prorsus nihil addubitarent.

**C**VM hac gratia, inquit, quę administratur a nobis ad ipsius domini gloriam, & animi uestri promptitudinem. Declarat cuius peregrinationis suę comes delectus ab ecclesijs fuerit frater iste quem miserat cum Tito. Eius uidelicet, in qua cum gratia, id est, cum collecta ecclesiarum, quam administrandam susceperat, Hierosolymam erat profecturus. In eam profectione delectus erat Lucas ut unam cum ipso proficisceretur. Commendat autem causam hanc non ex eo solum, quod singularis existimatio nis uiros Corinthum miserat qui illam isthic expedirent, sed ex eo quoque, quod ipse eam administrandam susceperat, de cuius fide dubitare non poterant, ad hanc, quod administraturus eam esset non modo ad refocillationem pauperum, sed & ad domini gloriam, & ipsorum promptitudinem. Hęc eo faciebant, ut de causa hac non leuiter sed pie ac religiose sentientes, quo pluris eam facerent, hoc alacriores ac liberaliores ad contribuendum redderentur.

**A**D ipsius domini gloriam, inquit. Erasmus reddidit: ad eiusdem domini gloriam. Sane sic reddi potest quod in Græco legitur, *προς τὴν αὐτοῦ δόξαν*. Nec est ociosa lectio. Pertinenter namque admonet eundem ipsis cum ecclesia fratrum Hierosolymę esse dominum, ad cuius sit gloriam factura ipsorum contributio & contributio nis administratio. Ergo gloriosum in se est, si frater fratri, eiusdem fidei consorti, de bonis suis, sicubi necessitas postulauerit, liberali & alacri animo communicet. Alioqui ad gloriam do-

mini fieri non posset. E contra igitur ignominiosa est omnis auaricia & tenacitas.

Nec est ut quæramus, unde sit comunicatio ista ac liberalitas gloriosa. Accedit ad diuinam naturam, unde nobis omnium indigis omnia necessaria liberalissime suppeditantur, id quod non modo fideles sed & infideles agnoscere coguntur, inter quos magni sunt homines liberales ac munifici, propterea quod diuinum quid spirare uidetur, unde & supersticiosa uetustas eos qui singulare quoddam beneficium mortalibus contulerunt, in deorum numerum retulit. Hinc est illud Christi, sic luceat lux uestra coram hominibus ut uideant opera uestra bona, & glorificent patrem uestrum qui in cœlis est: quibus uerbis de operibus beneficentiae loquitur, quę ab incredulis etiam pro bonis agnoscuntur & laudantur. Vbi ergo Christiani benefici ac liberales esse depræhenduntur, utique ea gloria redit ad dominum, cuius sunt nomini consecrati, & spiritu imbuti, quemadmodum & ignominia ad ipsum redit, si fuerint auari, tenaces, & illiberales.

**E**T ad animi uestri promptitudinem, inquit. Vulgata lectio habet: & destinata uoluntatem nostram, & exponit Lyranus, ad exequendum nostrę uoluntatis ordinationem. Verum in Græco est *καὶ τὴν προθυμίαν ὑμῶν*. Tribuit illis promptitudinem & alacritatem animi, qua propensi fuerint ad contribuendum. Et hoc faciens incitat eos ad maiorem alacritatem, præsertim cum se gratiam hanc non modo ad gloriam domini, sed & ad promptitudinem ipsorum declarandam ac testificandam administraturum dicit. Satis quidem incitamenti homini pio ad hoc est, ut quod bonum est alacriter operetur, si intelligat opus suum facturum ad gloriam domini Dei ac redemptoris sui, uerum sciens negocium sibi esse cum imperfectis adhuc & rudibus, adiecit particulam hanc de laude promptitudinis ipsorum, qua ut homines afficerentur & ad ampliorem contribuendi alacritatem incitarentur. Prudentiam hanc imitentur ministri uerbi, ut duplici hoc affectuum genere, & ipsi fideles cum ut pios, tum ut homines ad pietatis studium excitet.

**D**ECLINANTES hoc, inquit, ne quis nos carpat in hac exuberantia, quę administratur a nobis. Quo consilio non miserit Titum solum sed illi adiunxerit duos fratres probatæ fidei uiros, hisce uerbis aperit. Declinantes, inquit, hoc, ne quis nos carpat. Si coniungas ista præcedentibus, quibus dixit, quę administratur a nobis, dicendum potius fuerat, *σελλομένους*, id est, declinantibus, quę *σελλόμενοι*, id est, declinantes. Iam cum legatur *σελλόμενοι*, manifestum est referendum esse ad illud quod paulo supra dixit: Misimus autem unam cum illo fratrem, cuius laus est in Euangelio, &c. ut sequatur ratio, declinantes hoc, ne quis nos carpat. Quasi dicat. Ideo misimus hunc fratrem, propter Euangelium laudatum in omnibus ecclesijs, & præterea delectum ab ecclesijs, ut sit peregrinationis huius nostrę comes, quo declinemus maleuolorum morsus cauētes ne quis nos carpat, quasi



ram exuberantis pecunię collectam non satis A fideliter administremus.

PROCVRANTES, inquit, honesta non tantum corā domino sed etiā corā hominibus. Quomodo declinet malorū hominum detractionem, ac sinistrā de ministerio suo suspicionem, hæc dicens declarat. Procurando uidelicet honesta. Græcè est, *προνοεῖν*, id est, prouidentes. Significat sibi hoc esse curæ, ut administrationē hanc neq; leuiter, neq; modis suspectis, sed honeste & fideliter obeat, ideoq; non misisse uulgarem aliquem hominē, minus notum, neq; Titum solum, quantum uis uirū probatum ipsisq; cum primis cognitum, sed adiūxisse illi etiā alios uiros honestos & fidei probatē, ne quem locum relinqueret cuiuspiam carpendi se in hac causa. Locus hic diligēter obseruandus est illis qui in ecclesia Dei aliqua in re ministrant, præsertim pecuniaria, quo synceritatē, fidem, & cautionem apostoli imitētur. Principio, uidemus hic q̄ ille non susq; deq; faciat, quid de se loquantur ac iudicent alij, carpāt ne uel laudēt. Declinantes, inquit, ne quis nos carpat in hac exuberantia, quę administratur a nobis. Agnoscit exuberantem esse pecuniarū summam, quam administrandam suscepit, cogitat q̄ facile sit, ut sinistra suspicione propter illam grauetur, & q̄ eiusmodi suspicio indigna sit suo Apostolatui, & noxia futura causæ Christi & sanctorum egenorum, ideoq; declinat illā studiosissime. Hodie nulla est nemica quidē eiusmodi sollicitudinis in animis Rom. pōtificum, de Petri & Pauli successione gloriantium. Administrandam suscepērunt annatarum, ut uocant, pecuniā, multo numerosiorem q̄ fuerit collectarum, de quibus loquitur hic Apostolus. Carpūtur ob illius abalienationem in ipsis Imp. comitijs, nedum multorum piorum hominū sermonibus & querelis, uerū fraus meretricis perfrecta erubescere nescit. Bonis ecclesiæ pro libidine in omnis generis luxum abutuntur, ob quam perfidiā hodie palam accusantur, uerum accusatores suos fastidiosissime exufflant. Deinde, quomodo declinat & cauet, ne a quopiam in administratio ne tam copiose pecunię carpatur? Nō legibus, minis, & execrationibus, sicuti solent pontifices. Quomodo ergo? Modo prorsus Apostolico & efficaci. Hūc ponit bimembrem. Primo, *σελλόμενοι*, inquit. Nō dicit *σελλόντες*, sed *σελλόμενοι*. *σελλω* inter alia significat ordinare ac contrahere, quod legibus & minis fieri solet a tyrannis, *σελλομαι* uero in passiuo contrahi metu ac caue re, quod eorum est, qui honestatis & innocentie sunt studiosi. Sic cōtrahebatur Apostolus, & cauebat, ne incideret in maleuolorū hominum detractrices & carpentes linguas. Deinde *προνοεῖν*, inquit, *καλῶς*, id est, sollicita prouidentia procurantes honesta. Quomodo? Non tantum coram domino, inquit, sed etiā coram hominibus. Hoc est, non solū in ueritate quę nota sit conscientie Dei, sed & in specie ueritatis & honestatis, qua satisfiat consciētis hominum. i. Thess. 5. iubemur abstinere ab omni

specie mala, nedum a malo ipso. Primum quidem est approbare se conscientie Dei, uerum sic animati sunt qui hoc ueraciter faciūt, ut & coram hominibus quę honesta sunt diligēter procurēt, ne quo pacto cuiq; sint offendiculo. Nullius sibi fraudis ac perfidię conscius erat Apostolus, sed sincere coram domino agebat omnia, uerum quo & ecclesię Dei satisfaceret, legationē hanc uirorū fide dignorū ac selectorum Corinthi mittit, quo coram hominibus quoq; honeste ageret. Hoc exemplū Apostoli prorsus est omnib⁹ Christi ministris imitādū.

MISIMVS autē, inquit, unā cum illis fratrem nostrum, quem probauimus in multis sæpenu-mero diligentē. Hunc tertium cōmendat a cōprobata diligentia. Quē probauimus diligentem, inquit, non semel atq; iterum sed sæpenu-mero, non in modicis ac paucis sed, in multis. Sic exprimit non uulgarem sed singularem in hoc fratre diligentiam. Inuenias qui per occasionem, aut respectu proprij alicuius cōmodi, in uno & altero negotio diligentes sese ostendant, quos propterea non uocamus *σπουδαῖς*, id est, diligentes ac sollicitos, quia quod faciunt, faciunt non ex animo sed perfunctorie, & per occasionē alicuius lucri. Qui uero uel natura uel dono Dei uere sunt diligentes, illi in multis, in magnis & paruis, & semper sunt diligētes. Hi autē aptissimi sunt rebus gerendis, præsertim quę singularem sollicitudinem ac diligentiam requirunt. Quare fratrem hunc, propterea quod inuenerat eum sæpenumero diligentem, causæ huic unā cum Tito & Luca præfecit. Quis autē frater hic fuerit, haud facile cōijci poterit. Neq; necessarium est ut conijciatur. Optandū fuerit eiusmodi multos esse in ecclesia, qui curæ, diligentie, sedulitatis, ac sollicitudinis dono diuinitus præditi, negocijs ecclesiasticis utiliter gerendis præfici possint.

NUNC autē diligentiorē, ob multam fiduciam quam habeo erga uos, inquit. Illud, nunc autē diligentiorē, sic positū est, ut ambiguum sit, ad præcedentia ne sit uel ad sequentia referendum. Si ad præcedentia, sensus erit. Misimus autē unā cum illis fratrem nostrum quem probauimus in multis sæpe diligentem, nunc uero, id est, in hac causa, diligentiorē deprehendimus, uel fore confidimus. Misimus autē eum ob multam fiduciā quam habemus erga uos. Si ad sequentia, quod mihi magis probatur, exponendū erit ad hūc modū, qui nūc, in causa hac uestra, propter quam cum primis duobus mittitur, plus adhuc sollicitudinis ac diligentie pollicitus est, ob multam fiduciam, quā me erga uos habere intellexit. Vide autē prudentiā Apostoli. Dum hanc reddit rationē quare frater iste diligentior futurus sit in hoc Corinthiorū negotio, quod uidelicet multū sibi fiducię erga ipsos esse intellexerit, simul eos incitat, ut eiusmodi fiducię promptitudine & liberalitate cōtribuendi respondeant. Etenim uix aliquid magis improbū ac dedecorosum uidet, q̄ bene de nobis speratiū fallere fiduciā.

SI VE Titī nomine, inquit, qui socius meus est, &

frons



est, & erga uos adiutor, siue aliorum qui fratres nostri sunt, & legati ecclesiarum, gloria Christi.] Græca sic habent, *ἔτι ὑπὸ τίτῳ κοινωνῶ ἡμῶν καὶ εἰς ὑμᾶς συνδράσκει. ἔτι ἀδελφοὶ ὑμῶν, ἀπόστολοι ἐκκλησιῶν, ἀδελφοὶ ἡμεῖς, id est: Siue pro Tito, socius meus, & erga uos adiutor, siue fratres nostri, legati ecclesiarum, gloria Christi. Omnino subintelligendum est aliquid, quod sententiam compleat. Chrysostomus sic habet, *τί τίς, ἔτι ὑπὸ τίτῳ; ἀλλὰ τί ἐκκλησίᾳ, φησὶ ταῦτα ἔχω λέγειν, ὅτι κοινωνῶ ἡμῶν, καὶ εἰς ὑμᾶς συνδράσκει. ἔτι ὑπὸ τῷ ἄλλῳ ἀνδρὶ τί βέλτε, ἢ αὐτοὶ ἀδελφοὶ ὑμῶν ἢ ἀπόστολοι ἐκκλησιῶν, id est: Quid est, siue pro Tito? Si dicendum est aliquid, inquit, hæc dicere possum, quod socius meus sit, & erga uos adiutor, siue de alijs audire quid uultis, & ipsi fratres nostri sunt, & legati ecclesiarum. Si cui hæc lectio placet, habebit hunc sensum. In summa, siue de Tito siue de reliquis duobus quid sentire debeatis quæritis. Titus socius meus est, & erga uos cooperarius, cæteri duo fratres nostri sunt, & præterea legati ecclesiarum, gloria Christi. Huic sensui competit, ut illud, *ὑπὸ τίτῳ* uertatur, de Tito.**

Verum uersio Erasmi cum hoc sensu non concordat, neque uulgata, quæ habet, siue pro Tito, qui est socius meus, &c. Hic erit Græca lectio sic complenda, *ἔτι ὑπὸ τίτῳ, ὅς ἐστιν κοινωνῶς ἡμῶν, καὶ εἰς ὑμᾶς συνδράσκει. ἔτι ὑπὸ τῷ ἄλλῳ οἱ ἡμεῖς ἀδελφοὶ ὑμῶν, &c.* ac uertenda. Siue pro Tito, qui est socius meus, &c. siue pro alijs qui sunt fratres nostri, ut sit sensus. Misimus autem unam cum illis fratrem nostrum, quem probauimus in multis sæpenumero diligentem, nunc uero multo diligentiorum ob multam fiduciam quam habeo erga uos, siue pro Tito, siue pro cæteris duobus, qua confido uos illum, tanquam socium meum, & erga uos cooperarium, & istos tanquam fratres nostros & legatos ecclesiarum, propter Christum, cuius sunt gloria, amanter accepturos, ac fidem illis indubitatam non minus quam mihi, si ad uos uenirem, præbituros. Lectori liberum sit iudicium. Vtrum sensum ex his probauerit, nihil est periculi.

**S I U E** pro Tito, inquit, qui est socius meus, & erga uos cooperarius meus.] Titus erat Apostoli discipulus, & tamen uocat eum socium suum. Quare? Quia erat illius cooperarius. Socius erat igitur laborum illius, non ipsius Apostolatus, & Apostolicæ authoritatis. Qua in re uidemus Apostoli modestiam, qua discipulum simpliciter uocat socium suum.

**S I U E** aliorum, inquit, qui sunt fratres nostri, & legati ecclesiarum.] Non dicit, qui sunt legati nostri, sed, qui sunt fratres nostri & legati ecclesiarum. Tanta modestia causam hanc agit, ut authoritatem Apostolatus sui non prætexat, sed magis respectum ecclesiarum, à quibus fratres isti ipsi erant coniuncti, ut ipsarum essent in hac causa legati. Vocat & Rom. Pontifex, quos secum habet Carnales, suos fratres: uerum quos ad reges ex illis, & principes mittit, non ecclesiæ legatos, sed legatos à latere appellat, quo suam in illis authoritatem uenerandam ac suspiciendam esse moneat. Nec im-

merito. Non enim ecclesiarum Christi, sed sua per illos agit negocia.

**GLORIA Christi.]** Siue duos illos fratres, siue unam cum illis & Titum gloriam Christi uocat, nobis obseruandum est, quos debeamus in ecclesia ministros habere in precio, amanter amplecti, ac reuereri. Eos uidelicet, qui sic ministrant solcite ac fideliter, & sic præterea uiuunt, ut sint Christo suo domino non dedecori, sed gloriæ. Qui diuersum agunt, non Christo, sed uentri suo seruietes, quæstui in ecclesia sectantes, oues Christi non pascentes, sed perdentes, ac simul turpissime uiuentes, ut non sint gloria Christi, sed nominis illius ignominia, ita non sunt uenerandi, sed tanquam salinfatuatus contemnendi & abiiciendi.

**PROINDE** documētum charitatis uestræ, inquit, & nostræ de uobis gloriationis, in eos demonstretis, etiam in conspectu ecclesiarum.] Sic claudit commendationem trium istorum legatorum, per parænesim ultro illam consequentem. Etenim cum tales essent quales eos commendauit, consequebatur dignos esse quos amanter susciperent, illisque reuerenter obsequerentur. Sic itaque concludit. Proinde documētum charitatis uestræ, & nostræ de uobis gloriationis, in eos demonstretis.

Hortatur eos, ut duo cōprobent ac demonstrent erga tres hosce fratres ac legatos, quæ utraq; ipsis maxime laudi & ornamento poterant esse futura. Vnum est, ut quàm sint charitate Christi præditi, legatos istos amanter ac reuerenter suscipiendo declarent. Alterum, ut gloriationem suam de ipsis ueram fuisse cōprobent. Hoc est, ut prompte ac largiter in usus sanctorum contribuant. Hoc enim illos facturos spem fecerat, & Tito & fratribus reliquis & Macedonibus quoque, gloriando de illis, quàm essent ad hanc causam animo prompto & alacri.

Vide autem quomodo loquatur. Non dicit simpliciter: Proinde suscipite eos reuerenter ac placide, & largiter contribuite, sed, *τίς ὁρᾷ ἡμεῖς ὅτι ἀγάπησεν ὑμῶν*, id est, ostensionem, demonstrationem dilectionis uestræ, & nostræ de uobis gloriationis in eos *ὑποδείξατε*, id est, ostendite, demonstrate. Quid. Scio uos diligere Christum & Christi ministros, ac propensos esse ad succurrendum egentibus sanctis. Quare non hortor ut tales sitis, sed ut quod estis, erga uiros istos esse uos demonstratis, quo & charitatē non quauis, sed uestram, & promptitudinē iuuandi pauperes, qua estis secundum gloriationem meam de uobis præditi, cōprobetis ac manifestam faciatis. Magnam ubique prudentiam spirant scripta Apostoli, uerum in ijs potissimum, quæ ad Corinthios istos scripsit, si singula diligenter inspicias. Utinam habeamus tales medicos & animarum & corporum, qui tanta sollicitudine ac prudentia utantur erga curandos infirmos.

Illud, etiā in conspectu ecclesiarum, in Greco est, *ἢ εἰς τὸν ὄχλον τῶν ἐκκλησιῶν*, id est, & in faciem ecclesiarum. Chrysostomo idē est quod *εἰς ἀδελφὸν ἢ τιμὴν ἐκκλησιῶν*, id est, in gloriam & honorē ecclesiarum. Hoc sensu, in facie ecclesiarum aliquid



facere, idē est quod respectu ac reuerētia eccle-  
fiarū facere. Etenim, inquit, si hos uiros hono-  
re affeceritis, cedit is honor ecclesijs, à quibus  
sunt missi. Non displicet hic sensus. Potest tñ  
etiā sic exponi. Charitatē uestram, & compro-  
bationē gloriationis nostrę de uobis, ostendi-  
te in eos nō seorsim modo & priuatim, sed &  
in faciē ecclesiarū uestrarū. Lyranus exponit,  
ut & alijs ecclesijs innotescat charitas uestra  
ad ædificationē fidelīū. Quoniā non determi-  
nat de quibus ecclesijs loquat, fit ut alijs de ec-  
clesijs exponāt, quarum fratres istos dixit esse  
legatos, alijs de ecclesijs Achaia, ad quas illi  
mittebantur, alijs in genere de omnibus eccle-  
sijs, ad quas rumor de liberalitate Corinthio-  
rū pertingere poterat. Quomodo cūq; expona-  
mus, uidemus Apostolum requirere à Corin-  
thijs, ut ecclesiarum habeant rationem.

#### ARGUMENTVM CAPITIS.

**E** Andem materiam prosequitur, quā capite præ-  
cedenti cœpit.

#### CAPVT IX.



**N**AM de subministratione q-  
dē quæ fit in sanctos super-  
uacuū est mihi scribere uo-  
bis. Noui enim promptitu-  
dinem animi uestri, quā de  
uobis iactō apud Macedones: quod A-  
chaia parata sit ab anno superiore, & ue-  
strum exemplum prouocauit cōplures.  
Misi tamen hos fratres, ne gloriatio no-  
stra qua gloriatur de uobis, inanis fiat in  
hac parte: ut quemadmodum dicebam,  
parati sitis, ne quo pacto fiat, ut si mecū  
uenerint Macedones, & offēderint uos  
imparatos, nos pudore suffundamur, ut  
ne dicam uos, in hoc argumento gloria-  
tionis. Proinde necessarium arbitratus  
sum adhortari fratres, ut prius accede-  
rent ad uos, & prępararēt iam ante pro-  
missam bonam collationem uestram, ut  
ea sit in promptu, sic tanquam bona col-  
latio, & non tanquam fraudatio.

Cohærent ista cum præcedentibus, à quib-  
nō erant distinctione hac noui capitis auellen-  
da. In calce præcedentis, dixerat: Proinde do-  
cumentū charitatis uestrę, & nostrę de uobis  
gloriationis in eos demonstratis, & in conspe-  
ctum ecclesiarū. Iam postremæ huius particu-  
lę, & in conspectū ecclesiarū, rationē subiicit,  
dicens: Nam de subministratione quidem quę  
fit in sanctos, superuacuū est mihi scribere uo-  
bis. Q. d. Quod uos horror, ut documentū cha-  
ritatis uestrę & nostrę de uobis gloriationis  
in legatos hosce demonstratis, nō hoc animo  
facio, ut ipse experiar quomodo hac in re sitis

affectedi, quasi de uestra charitate dubitē. Nā mi-  
hi quidē, id est, quod me attinet, non est opus,  
sed superuacuū, ut scribam uobis de submi-  
nistratione hac quæ fit in sanctos. Verū quod  
scribo, ob id facio, ut ecclesijs cæteris innotes-  
cat uestra charitas, manifestumq; fiat qđ nō fru-  
stra de animi uestri simus promptitudine glo-  
riati. Etenim mihi illa satis est perspecta. Sic  
postqđ dixit: Nam mihi quidem superuacuū est  
scribere uobis de subministratione hac quę fit  
in sanctos, mox subiicit: Noui enim prompti-  
tudinē animi uestri, quā de uobis iactō a-  
pud Macedones. Verborum itaq; istorum em-  
phasis est in pronomine *MIHI*, & ordinanda  
est lectio ad hunc modum: Nam de submini-  
stratione hac quæ fit in sanctos, mihi quidem  
superuacuū est scribere uobis. Vocula, qui-  
dem, non est ociose posita, id quod infrā pate-  
bit, ubi dicit: Misi tamen hosce fratres. Quod  
si tamen illā ut posita est acceperis, ac legeris:  
Nā de subministratione quidē qđ fit in sanctos,  
& c. ne sic quidē impedit sensus quē ostēdim⁹.

**N**AM de subministratione quidem, inquit,  
quæ fit in sanctos. In Græco est *ὅτι ἡ γὰρ ἡ  
διδασκαλία*. Loquitur de suo ministerio, quo in u-  
sus sanctorū cōtributa à fidelibus colligebat.  
Quamuis nōnulli exponunt de subministra-  
tione contribuentiū non colligentis Aposto-  
li. Notum tamē est, quomodo uoce hac *διδασ-*  
*καλία*, in hac causa utatur. In priore epistola cap.  
ultimo, cum de modo colligendi fidelium cō-  
tributa admonere uellet, uocem *λογισμῶν* usurpa-  
uit dicens, *ὅτι ἡ δὲ λογισμῶν ἡ ἐστὶν τῶν ἀγίων*, id est: De  
collecta uero quæ fit in sanctos. Ipsam uero cō-  
tributionem, & contributa, uocat *χάρις*, & *κοινωνία*  
& *ὁμολογία*, id est, gratiam, communicatio-  
nem & benedictionē. De eo quod dicit: quæ  
fit in sanctos. i. Cor. ultimo diximus.

**S**UPERVACVVM est mihi scribere uobis,  
inquit. Et tamen interim prolixè scribebat,  
quamuis sciret illorum promptitudinem, hoc  
agens, ut illa innotesceret ecclesijs ad ædifica-  
tionē. Admonent hic ministri uerbi, ut etiā si  
sciāt ipsi quomodo animati sint fideles quib⁹  
præsumunt, urgeant tñ eos, ut id manifestū faciāt  
ipsis operibus, quo & alijs ædificent. Deinde et  
illi, qui propterea quod quæ facienda sint no-  
runt, ægrè ferunt si de illis admoneant sepius,  
habēt hic quod cogitent. Superfluū quidē ui-  
deri, si sæpius audiant iam antea cognita, uerū  
nihilō secius admonēdos esse se, ut quæ sciūt,  
opere quoq; præstent ac scire se declarent.

**N**OVI enim, inquit, promptitudinē animi  
uestri. Vnde illam sciebat? Suprà cap. præce-  
dētī dixit: qui nō solū facere, uerum etiā uelle  
iam cœpistis anno superiore. At interea decies  
mutari poterāt, & *μεταβολαί* ipsorū desinere in  
fieri uidemus. Sane quod Galatis accidit, acci-  
dere potuit & istis. Verū pro ingenio charita-  
tis meliora sperabat, credens eos eadē adhuc  
esse prōptitudine præditos in hac causa, qua  
prædicti fuerāt anno superiore. Cum ergo di-  
uersum quid de illis nesciret, hāc se scire dixit.

QVAM



QVAM de uobis iactō, inquit, apud Macedones.] At Macedonibus opus non erat, ut exemplo Corinthiorum ad promptitudinem contribuendi prouocarētur, cum usque adeo *αὐθαίρετοι* essent, ut ipsorum promptitudinē initio capitis præcedentis Corinthijs imitandā proponens, satis commendare & deprædicare nequiverit. Quorsum ergo promptitudinē Corinthiorum tantopere apud eos iactare uoluit? Respondeo. Duo fines erant ipsi gloriandi de alacritate eorum, qui se promptos in hac causa & consimilibus alijs ostendebāt. Vnus erat, ut alios ad imitationem illorum prouocaret. Hoc consilio Macedonum promptitudinem admodum eximiam iactauit in hac Epistola apud Corinthios. Alter erat ut eos qui iam prompti erāt, & *αὐθαίρετοι* in promptitudine quam habebant aliorum exemplis confirmaret, etsi fieri posset magis adhuc proueretur & ad ampliora incitaret. Sic promptitudinem Corinthiorum hic apud Macedones iactare se dicit.

QVOD Achaia parata sit ab anno superiore inquit.] Hoc uidelicet iactabat apud Macedones. Nō dicit qđ Corinthus, sed, quod Achaia parata sit. Non enim de Corinthiorum tantum ecclesia, sed & de cæteris quæ in ea regione erant, loquens, paratas eas esse iactabat. Achaie metropolis est Corinthus. Quare dū eam nominabat, simul & Corinthum complectebat. Et interim de Achaia iactando apud Macedones, non Philipenses tantum, uel Thessalonicenses, qui metropolitani erāt in Macedonia, sed totam Macedoniam exemplo Achaie in promptitudine contribuendi confirmabat.

ET uestrum exemplū prouocauit plures, inquit.] In Græco est, *καὶ ὁ ἡμῶν ζήλος*, id est, & zelus qui ex uobis. Vulgata habet, & æmulatio uestra. Apparet non esse frustra quod nō dicit, *καὶ ὁ ἡμῶν ζήλος*, id est, & uester zelus, sed, *καὶ ὁ ἡμῶν ζήλος*, id est, & zelus qui ex uobis, subintellige, nascebatur. Loquitur enim, meo iudicio, non de Corinthiorum zelo, sed Macedonum, quem illorum complures ex gloriatione ipsius conceperant, qua Achaiam dicebat esse paratam. Quare uulgata rectius haberet, & æmulatio uestri, quā, & æmulatio uestra.

Quid est autem quod Macedones hic exemplo Corinthiorum prouocatos dicit, cum initio præcedentis capitis tantopere de illis prædicauerit, quod fuerint *αὐθαίρετοι* in hac causa, illorumque promptitudinem Corinthijs exempli loco proposuerit? Respondeo. Non dicit, prouocauit omnes, sed, prouocauit plures, significans esse inter eos plures, quibus occasionem æmulationis de Achaia gloriando præbuerit. Interea nō aufertur cæteris gloria, quā illis suprā tribuit. Vide autem quā prudenter prouocet eos Macedonum istorum exemplo, ut & ipsi uicissim per illud ad æmulationem permoueantur.

MISI tamen hos fratres, inquit.] Hactenus ab initio capitis exposuit, quomodo non

A ad hoc de subministratione quæ fit in sanctos ad ipsos scribat, ut ipse cognoscat quā sint prompto erga illam animo, quod id esset superuacuum, quandoquidē abunde sciat, quā sint promptitudine, sed ad hoc potius ut eam declarent erga legatos istos, & ecclesijs manifestam faciant, qua de re iam subiicit, dicens: Misi tamen hos fratres, &c. In Græco est, *ἐπεμψα ἵνα*, id est, sed misi, uel, misi uero, ubi ἵνα respondet ei *καὶ*, quod initio capitis habetur ad hunc modū, *καὶ ἵνα γὰρ ἡ διακονία*, id est, nam de ministerio quod fit in sanctos, superuacuum quidem est mihi scribere uobis, &c. misi tamen hos fratres.

NE gloriatio nostra, inquit, qua gloriior de uobis, inanis fiat in hac parte.] Fusius exponit ad quid fratres istos miserit. Summa est, metuebat ne si imparati depræhenderentur, unā cum ipsis confusione exponeretur, quādoquidem paratos esse fuerat gloriatus. Hoc significans dicit: Ne gloriatio nostra qua de uobis gloriior, intellige, quod parata sit Achaia, inanis fiat. Inane est, quod uero destitutū est. Veritas igitur sola est, quæ omnia nostra dicta & facta solida reddit, sicut sine illa prorsus sint inania. Magna est hæc gloria ueritatis. Iam cū mendax sit omnis homo, quid consequitur aliud, quā uanum & inane esse omnem hominem, quatenus ueritate destituitur? Quare si uanitatis dedecus fugimus, necesse est, ut ueritati studeamus.

INANIS, inquit, fiat in hac parte.] Gloriabatur de illis non hoc tantum, quod parati essent ad contribuendum, sed & quod abundarent fide, sermone, scientia, ac diligentia. Quare ne uniuersam suam de illis gloriationem in hac causam arctare uideretur, ubi dixit, ne gloriatio nostra qua gloriior de uobis, inanis fiat, adiecit, in hac parte, ut reliquam gloriationē ad hanc causam non pertinentem excluderet. De illa siquidem certior erat quā de ista. Erat autem pars ista non minoris momēti, imò hoc maioris, quā illa, quo magis quā illa Christianæ habebat charitatis documentum, sine qua inanis est omnis fides & scientia, id quod adijcere poterat, uerum parcebat illis, sciens quanti facerent fidei, sermonis, & scientiæ, quam habebant, excellentiam.

VT quemadmodum dicebam, inquit, parati sitis.] Ad hoc scilicet miserat legatos istos. Quid autem est illud, quemadmodum dicebam? Quid dixerat? Achaia dixerat esse paratam ab anno superiore. Ne hoc nō ueraciter dixisse uideretur, misit legatos hosce, ut paratos se redderent.

Sed dices. Ergo nondum erant parati, & uerum non erat, quod Achaia paratā esse fuerat gloriatus. Respondeo. Quoniam anno superiore & facere & uelle cœperant, sicut cap. præcedenti dixit, ideo Achaia paratā esse gloriabatur, nō quod in uniuersum paratiam essent, sed quod studio parandi se, & opere ipso essent occupati. Sic solemus de illis gloriari, quos



quos uidemus opus aliquod alacri animo aggre-  
di, ut dicamus illud esse iam factum pro-  
pterea, quod sic animatos haudquaquā ces-  
satu-  
satos esse confidimus, donec quod tam cu-  
pide cœperunt, opere compleant. Accidit hoc  
Apostolo in causa Corinthiorum. Quare non  
est uanitatis accusandus ob id, quod Achaïam  
hoc sensu dixit esse paratam.

NE quo pacto fiat, inquit, ut si mecum uene-  
rint Macedones, & offenderint uos imparatos,  
nos pudore suffundamur, ut ne dicā uos,  
in hoc argumento gloriatiōis.] Quoniam  
apud Macedones, paratam esse Achaïam fue-  
rat gloriatus, & apud illos agebat cum hæc scri-  
beret, essetque probabile, fore in ipsius comi-  
tatu cum discederet, nōnullos Macedones ab  
ecclesijs ad id officij delectos, ut ipsum dedu-  
cerent & comitarentur, metuebat ne si Corin-  
thū unā cum illis ueniret, & imparatos offen-  
deret, pro gaudio pudore suffunderetur.

VT si mecū, inquit, uenerint Macedones.] Quod  
Corinthū postea uenerit, non legimus. Con-  
stituit quidem illō proficisci, ut hic & alijs  
in locis apparet, uerum certis de causis quod  
decernebat, non perfecit. Cum hic dicit: ut si  
mecum uenerint Macedones, quasi de suo ad  
illos aduentu nihil dubitans, de comitatu Ma-  
cedonum tantum dubitanter loquitur, tanq̃  
de re etsi non certo futura, tali tamen quæ fie-  
ri probabiliter possit. Quā in re cum neutrum  
sit postea factum (nam ē Macedonia rectā cō-  
tendit Hierosolymam idque festinanter, ut il-  
lic esset in die Pentecost. habens in comitatu  
suo Macedones quatuor, sicuti uidere est Act.  
20.) nobis obseruandum est, non modo non  
semper euenire quæ sancti decernunt, sed &  
nonnunquam metuere eos frustra, ne eueniāt  
quæ futura non sunt, atque ita probabili euen-  
tuum opinione decipi, perinde atque cæteros  
homines. Cum hæc acciderint ipsis apostolis,  
sunt à nobis patienter ferenda, tanquam hu-  
mana, quibus admoneamur, ut quo minus cer-  
ti de futuris euentibus sumus, hoc maiore fide  
à certitudine diuinæ prouidentiae in omni-  
bus pendeamus.

ET offenderint uos, inquit, imparatos, nos  
pudore suffundamur.] Quo animo ab hoc si-  
bi pudore metuerit, & qualis ille sit, suprā in  
calce capitis septimi annotauimus, ubi dixit:  
Quod si quid apud illum de uobis gloriatus  
sum, non sum pudefactus.

VT ne dicam uos, inquit.] Hac particula  
admonet eum pudorem non sibi tantum, sed  
& ipsis Corinthiis euenturum, si imparati of-  
fendantur. Sed ea quoque de re loco iam cita-  
to diximus.

IN hoc, inquit, argumento gloriatiōis.] In  
Græco est, *ἐν τῇ ὑποστάσει ταύτης ἁκαυχήσεως*. Vul-  
gatus interpres reddidit: in hac substātia. Ad-  
monent nonnulli uertendum esse: in hac fidu-  
cia gloriatiōis, eò quod *ὑπόστασις* non solum  
substantiam, sed & audaciam & confidentiam  
Budæo teste significet. Sane hæc lectio nō ma-

le conuenit præsentī causæ. Etenim quod glo-  
riatus fuerat de Corinthijs Apostolus, esse il-  
los paratos, magis fecerat ex bona erga eos  
fiducia, quā quod facere cœperant perfecturos  
sperabat, quā ex certa scientia. Apparet ta-  
men hanc uocem & hic & infra cap. II. usurpa-  
tam esse pro *ὑποστάσει*, quæ uox propositum, cau-  
sam, materiam & argumētum significat. Vtut  
sit, nihil dicit aliud, quā quod paulo ante di-  
xit, *ἐν τῇ ὑποστάσει ταύτης*. id est, in hac parte: Idem enim  
cauere uoluit hoc loco quod illic.

PROINDE necessarium, inquit, arbitratus  
sum, adhortari fratres, ut prius accederent ad  
uos.] Quare necessarium? An necessariū erat  
Apostolo cauere ne si Macedones uenirēt, im-  
parati offenderentur Corinthij & confusiōi  
una cum ipsis exponeretur? Sic ipse animatus  
erat, & sic sentiebat. Hodie nihil uidetur mi-  
nus esse necessarium, quā uitare confusiōē  
& pudorem, ne ministerium uerbi infametur.  
Nihil enim minus queritur, q̃ quod summo-  
pere quæredum ducebat Apostolus, & ut du-  
cebat ita & sedulo quærebat, ædificationem  
uidelicet ecclesiarum & Regni Christi propa-  
gationem, quæ eiusmodi offendiculis ex com-  
perta mendaciorum uanitate natis, mirum in  
modum destruitur. Quare præter rationē non  
erat, quod ad uitandum hoc offendiculum ne-  
cessarium iudicabat mittere fratres, qui quod  
adhuc curandum erat curarent.

ADHORTARI fratres inquit.] Non satis  
pro authoritate apostolica loquitur, quā ho-  
die Romani mandando & imperādo fortiter  
exercendam esse iudicant. Poterat dicere, mihi  
fratres, uerum quemadmodum miserat eos  
non mandando, sed hortando, ita se illos etiā  
misisse scribit, ut modestiam & factō & scri-  
pto spiret.

VT prius, inquit, accederent ad uos.] Ro-  
manus Pontifex citasset eos peremptorie, ut  
ad se uenirent Romam, non misisset fratres,  
qui ad eos accederent. Verum diuersum apo-  
stolarū diuersi mores comitantur. Verus Chri-  
sti Apostolus, omnia studiosissime uitans, quæ  
aliquam poterant dominatus præferre speci-  
em, non uocauit ad se Corinthios, sed misit ad  
eos fratres, qui quod agendum erat curarent,  
priusquā ipse cū Macedonibus ad eos ueniret.

ET præpararent, inquit, iam ante promif-  
sam bonam collationem uestram.] Ad quid  
eos miserit hisce uerbis tandem exprimit. In  
Græco est *καὶ προπαρατίθωσι*, id est, prius perfici-  
ant, absoluant, & expediant, iam ante promif-  
sam bonam collationem uestrā. In Græco est:  
*ἐν λόγῳ ὑμῶν*, id est, benedictionem uestram. Sic  
autem uocat collectam, quæ in usus sanctorū  
parari debebat. Eam iam anno superiore pro-  
miserant non uerbis modo, sed & factō & uo-  
luntate. Ideo uocat eam ante promissam, ut  
plus ponderis habeat & legatio fratrum, &  
præsens hoc scriptum. Nam ut uulgo dicitur,  
omne promissum cadit in debitum. De debi-  
to tamen tacens, promissionis meminit, quasi  
illius



illius fiducia fretus, fratres istos miserit, ut collectam promissam præpararent.

Vt ea sit in promptu, inquit, sic tanquã bona collatio, & non tanquã fraudatio.] In Greco est, *ὅτι μὴ ὡς πλεονεξίαν*. Vulgata uersio habet, non quasi auariciam. Vox *πλεονεξία* significat nimiam illam cupiditatẽ, qua plura quã par sit cupimus, à plus habẽdo. Ideo uetus interpretis uertit, auariciam. Ambiguum autẽ est, intelligendum ne sit de cupiditate Corinthiorum uel fratrum istorum, quos miserat Apostolus. Sane poterat ex utraq; tam dantium q̃ accipientium parte peccari. Qui dat si det tenacius, facit hoc pleonexiæ uicio. Qui accipit, si accipiat cupidius, æquo & plura appetat q̃ cõueniat, facit hoc & ipse per pleonexiam. Existimo tamen significasse Apostolum Corinthijs, tum demum fore contributionem ipsorum *ἐσθλῶς*, id est, paratam ac promptam, si sit non parca ac tenaciter collata, sed largiter, sicuti de ceter eulogiam, in usus sanctorum promissam. Et huic sensui fauent sequẽtia. Chrysostomus tamen alteri sententiæ adstipulatur. Nam sic exponit: *μὴ νομίσαι, φασὶ, ὅτι ὡς πλεονεκτοῦντες αὐτῶν λαμβάνουσιν, ἀλλ' ὥστε αἰτίαι γίνεσθαι ὑμῶν σπουδίας*. Erasmus quoq; sic sensisse uidetur, dum reddidit: & non tanquam fraudatio. Hoc sensu ferẽ omnes maiorum nostrorum eleemosynæ in pleonexiam degenerarunt.

Illud autem dico. Qui semẽtem facit parce, is parce quoq; metet, & qui semẽtem facit in benedictionibus, in benedictionibus quoq; metet: unusquisq; secundum propositum cordis, nõ ex molestia aut necessitate. Nam hilarem datorem diligit Deus. Potens est autem Deus efficere, ut tota gratia in uos exuberet, ut in omnibus omnem sufficientiam habẽtes exuberetis in omne opus bonum: Quemadmodũ scriptum est: Dispersit, dedit pauperibus, iusticia eius manet in sæculum sæculi.

Exponit quare admoneat Corinthios, ut contributionem faciant non in pleonexia, sed in benedictione. Hoc se exponere uelle significat dicens, *ἵνα*, id est, hoc autem, scilicet, est quod dico, uel, quod specto. Quid? Qui parce seminat, inquit, is parce quoque metet, & qui seminat in benedictionibus, in benedictionibus quoque metet. Quasi dicat. Propterea uelim collectam uestram parari non parce ac tenaciter tanquam pleonexiam, sed liberaliter ac large tanquam benedictionẽ, quod ijs qui parce contribuunt, parce, qui large, large quoque retribuetur à Deo. Poterat sic simpliciter rem ipsam exprimere, uerum maluit similitudine uti omnim & notissima & conuenientissima, sumpta de ijs qui terrenam semẽtem faciunt, & ex illa uitæ suę alimenta colligunt, ut admoneat eandem esse conditionem dan-

tis eleemosynam, quæ est facientis semẽtem. Qui seminat, id quod ex benedictione domini acceperat antea, partim in usus domesticos impendit, partim sementi deputat, & telluri committit. Facit autem hoc non grauatim ingemiscendo, sed alacriter bene sperando, manu non contractiore, sed aperta, semen suum projicit in agrum uacuum, nihil habentem, & ex se nihil reddere ualentem, nec projicit tantum, sed & occando operit, ac uelut in agri uisceribus sepelit, ubi hoc opus suũ perfecit incrementum illius domino committit, & ab illius munificentia fructum expectat.

Consimili modo qui dat eleemosynam, nõ dat nisi ex ijs quæ & ipse antea de manu diuinæ benedictionis accepit (excluditur in hac causa, quod iniquis est modis acquisitũ) quorum alia suis ac suorum usibus accommodat, alia pauperibus consecrat. Et dum hoc facit, non ingemiscendo grauatim, nec parca, sed larga manu facit. Et quod dat ueluti semen in uacuum agrum, sic in famelicum pauperem projicit, ac totum gratiæ Dei commendat, sciens non perire quod in uiscera pauperum sepelitur: Qui sic benigna manu seminat eleemosynam, benignam uicissim diuinæ remunerationis messem sortietur.

Qui semẽtem facit, inquit.] Ergo semen est eleemosyna, id quæ non ut in horreo reconditum, sed ut in agro seminatum, & qui dat eleemosynam, semẽtem facit. Semẽtem autem facere, non est frustra res nostras dilapidare, sed cum scœnore multiplicare.

PARCE, item, in benedictionibus.] Videmus hic, seminare in benedictionibus, & seminare parce, esse opposita quare benedictionis uocem pro copiosa contributione usurpatam esse patet. Vnde hoc sit, annotarunt ante me alij. Sensus hic conuenientior est Ebrææ uoci *ברכה*, quàm uel Græcæ *εὐλογία*, uel Latinæ, benedictioni.

Obserua uero quàm caute non dicat: Qui modicum, sed, qui parce seminat. Etenim licet in terrena satione sic habeat, ut qui parum seminat, parum etiam metat, siue id faciat parce per tenacitatem, siue modice per penuriam seminis, in hac tamen spiritali plurimum discriminis est inter eum qui parce cum large posset si uellet, & eum qui parum cum multa nõ habeat, in usus pauperum seminat. Etenim qui modicum habens, modicum largitur pauperibus, si id ex animo facit, nõ modicum largitur, sed multum. Vt enim iniuriæ, ita & beneficia animo constant.

PARCE metet, inquit, item, in benedictionibus, id est, copiose, metet.] Hoc dicens promittit coelestem remunerationem, tanq̃ messem. Qui metit semẽtem quam fecit, ubi illa matura est, agrum cum falce ingreditur, & sata sua demetit, demessa colligit, inque horrea sua recondit. In hac spiritali messe nihil quaeritur ex agro, id est, ex pauperibus, quibus semen nostrum concredidimus, nihil etiam ab ipso



ipso Deo, agri huius domino, reposcitur, sed quæ ille suo tempore pro liberali sua bonitate rependit, metuntur, id est grato animo de manu illius recipiuntur.

Rependit autem ille parce, ijs qui parce, in benedictione ijs qui in benedictione, nihil ijs qui nihil seminarunt, ut quisque secundum sationis suæ mensuram recipiat, cuius rei imaginem in terrena satione uidemus. Cum nihil illis rependi dico, qui nihil in agro pauperum seminarunt, non loquor de illis qui non tenacitate & immisericordia, sed paupertate impediuntur, quo minus aliquid egenis largiatur, sed de tenacibus & immisericordibus, qui cum habeant unde dare possent, uiscera sua erga pauperes, & cum uisceribus ipsas quoque manus claudunt. Istis sanè nihil rependitur aliud quam iudicium sine misericordia, illis uero ut uoluntas est pro facto, ita non minus rependitur, quam si permulta dedissent.

In eo quod dicit: Qui parce seminat, parce & metet: obseruandum est, quàm nullum bonum irremuneratum diuinæ bonitatis abundantia relinquat. Qui parce dat, quoniam hoc facit uel ex tenacitate, uel ex diffidètia, uel ex defectu charitatis, uel ex fastidio & contemptu pauperum, dignus esset prorsus, cui nihil rependeretur. Ea tamen est natura diuinæ bonitatis, ut & illorum eleemosynam et si parce, remuneret tamen.

Deinde obserua, quod cum dicendum uideretur, qui seminat multum, is & multum metet, dixit: Qui seminat in benedictionibus, in benedictionibus quoque metet. Aliud enim est multum dare manu, & aliud multum dare corde sincero ac uoluntario. Qui manu dat multum, sic dare potest, ut parum sit in conspectu domini. Qui sincero corde dat largiter, copiose dat in oculis domini. Et hoc est in benedictione dare.

VNUSQUISQUE, inquit, secundum propositum cordis. Particulam hanc adiecit, ne quoniam parce mensurum dixit eum qui parce seminat, multum à singulis requirere uideatur. Ideo benedictionem quam requirit, refert ad *προδοξασιν* cordis, non ad abundantiam datorum. Hoc faciens cauet suspicionem pleonexiae. Est autem *προδοξασιν* id quod penes nos ipsos in corde prius eligimus ac statuimus, quam ad faciendum accingamur. In eiusmodi autem proposito est *αὐταίρις*, quam Macedonibus capite præcedenti tribuit, libera uidelicet & spontanea uoluntas. Huic liberum permittit, ut det quantum ipsa statuerit, nihil requirens aliud, quàm ut libera ac uoluntaria contributio fiat. Nequit autem fieri, ut non detur liberaliter, ubi datur uoluntate non reluctante, sed ultro ad dandum propensa. Et hic est fons eius eleemosynæ, quæ sic datur liberaliter, ut possit non modo beneficentia, sed & benedictio uocari.

NON ex molestia, inquit, aut ex necessitate. Græcè est, *μὴ ἐκ λύπης*, id est, non ex tristitia. Aperit quare dixerit: Unusquisque secundum

propositum cordis. Ne uidelicet contributio fiat cum tristitia & uelut ex necessitate coacta. Talis autem fiat necesse est, ubi non datur uoluntario cordis proposito. Quasi dicat. Nemo hic cogitur, nemini ex necessitate quantum dare debeat præscribitur. Quare non est ut quisquam ex uobis det tristis & inuitus. Qui non sponte potest dare, non est ut det inuitus, cum neque sit qui cogat, neque tristis & coacta eleemosyna probetur. Per necessitatem intelligit coactionem, quæ coacti facimus, facimus inuiti, adeoque & tristes. Alias non omnia necessaria reddunt coactos & inuitos. Necessario comedimus, bibimus ac dormimus. Nihil tamè horum coacti & inuiti facimus. Necesse est ad acquirendam salutem, ut resipiscamus & credamus Euangelio. Nemo tamen uere credens ac resipiscens inuitus credit & resipiscit. Necesse est, ut Deum timeamus, diligamus, & colamus super omnia & in omnibus. Et tamen fiunt ista à pijs animo non coacto, sed uoluntario, & in lege Dei meditante dies ac noctes. Sic necesse est ut diligamus proximos, propter mandatū domini. Nec ista necessitas recipit animum coactum. Quis enim coactus & inuitus diligit? Verum si necesse sit ut quæ tua sunt des ei quem non diligis, eiusmodi necessitas reddit coactum & inuitum, non natura sua, sed tuo uicio. Si nanque diligeres, non dares inuitus, sed *αὐταίρις*. Etiam tamen atque etiam animaduertendum est, qualis sit ista coactio, & quatenus demus inuiti. Si carne quidem reluctante, spiritu uero uolente & cogente dederimus, eiusmodi eleemosyna non est prorsus & sic coacta, ut ab inuitis data dici possit. Neque enim iudicandum est de illa secundum carnis, sed magis secundum spiritus uoluntatem. Ea uero tota coacta est & reproba, quam toti tam spiritu quàm carne damus inuiti.

NAM hilarem datorem diligit Deus, inquit. Reddit rationem, quare non sit dandum ex tristitia aut ex coactione. Quia uidelicet non placeat Deo, qui dant tristes & inuiti, eò quod ille diligat datorem hilarem. In promptu uero causa est, hilarem cur ille datorem diligat. Non tam munus ipsum quàm dantis animum spectat. Animi enim in dando hilaritas, multo est præstantior auro. Et sic comparati sunt quotquot homines sunt ingenui, ut magis delectetur dantis beneuolentia, quàm doni magnitudine. Parum iucunditatis habet munus cum tristitia datum, unde & in ea quæ ad Rom. est cap. 12. dicit: qui miseretur, faciat hoc in hilaritate. Et Ecclesiasticus cap. 35. dicit, *ἐν ψάλλῃ δώσας ἡλάρωσεν τὸ πρόσωπόν σου*.

Vide autem quàm prudenter non dicat: nos enim hilares datores diligimus, uel, nam hilarem datorem diligunt pauperes sancti, sed, nam hilarem datorem diligit Deus, quo plus moueat ad spontaneam & hilarem contributionem. Poterat dicere, nam plus gratiæ habet donum hilariter datum, quàm quod datur cum tristitia. Verum prouocare uoluit eorum pietatem



tatem, quibus cordi erat placere Deo. Qui nāque sic animati sunt, nihil cum maiore faciunt delectatione, quā quod Deo placere sciunt. Nec ociosum est, quod non dicit: Munus hilariter datum, sed, hilarem datorē diligit Deus. Munera nō spectat Deus, qui omnibus bonis abundat, & omnia ipse donat, sed bonitatem eorum qui hilariter necessaria tribuūt egenis, eaque in re diuinæ sese naturæ conformant.

POTENS est autem Deus efficere, inquit, ut tota gratia in uos exuberet. Iam illud explicat, quod dixit, qui in benedictionibus seminat, in benedictionibus quoq; metet. Ratio humana non potest aliter iudicare, quā deperditum esse quod erogatur in pauperes, nihil rependere ualentes, non minus quā si in sterilem proijciantur semina harenam. Quare non uidet unde sit messurus qui bona sua profundit in egenos. Ei cogitationi occurrens inducit Deum qui rependat. Huius potētiae meminit dicens: Potens est autem Deus efficere, &c. quo carnem reprimat, quē dicit: impossibile est ut aliquid ex eo metatur, quod a pauperibus sic absumitur, ut nihil supersit residui. Quasi dicat. Et si pauperib⁹ impossibile est, ut retribuunt, Deo tamen non est impossibile, ut totam uestram gratiam, id est, gratuitam elemosynā, in uos exuberare faciat, quemadmodum uos illā ubertim pfunditis in pauperes.

Studio autē non simpliciter dicit: ut de gratia uestra portio aliqua sed, ut tota gratia, nec dicit, ad uos redeat, sed, in uos exuberet, hoc est, cum fœnore ubertim ad uos redeat. Loquitur ad similitudinem largē sationis. Illā Deus sua potentia totam in agricolam exuberare facit, sic ut non modo quantum seminauit, sed multo adhuc plura magno cū fœnore metat. Qui hoc singulis annis ubiq; terrarum tam erga malos quā bonos facit, quomodo non faceret erga sementem eorum quos diligit, quā semetē facit charitas, per spiritum sanctum cordibus electorum infusa?

VT in omnibus, inquit, omnem sufficientiā habentes, exuberetis in omne opus bonum. Exponit quomodo Deus totā gratiā eorū qui succurrūt egenis exuberare in ipsos faciat. Vt in omnibus, inquit, omnem sufficientiam habentes, exuberetis in omne opus bonum. Adhuc loquitur ad similitudinem agricolæ, qui quod seminauit benedictione domini auctū metit, inq; horreum suum colligit. Hic benedictionem domini experitur primū in eo, qđ ex messe sua sufficienter recipit, unde cum suis uiuat, deinde in eo quoq; quod ultra eam sufficientiam adhuc recipit quod & seminet, & pauperioribus quoq; impertiat. De sufficientia propriæ alimonie loquitur cum dicit ut in omnibus, intellige, ad uictum & amictum necessarijs, omnem *αὐτάρκειαν*, id est, sufficientiam uobis satisfaciētē, habentes. De reliqua abundantia, unde ad largiendum egenis sufficiat, loquitur cum subiicit, exuberetis in omne opus bonum. Hoc est, abūde simul habeatis un-

A de omne genus boni operis exerceatis, utpote, esurientes pascatis, nudos uestiatis, &c. Est hæc benedictio domini insignis, & ppria piorum, sic uidelicet quæ in domesticos usus necessaria sunt habere, ut iuxta abūdet, unde beneficentiam exerceamus in pauperes. Vox *αὐτάρκειαν* diligenter obseruanda est hoc loco. Pro mittit pio homini non quæ ad luxum & uoluptates, sed quæ ad necessarios usus sufficiāt, quibus possit esse contentus. Vnde *αὐτάρκειαν* nonnunquam pro frugalitate, & *αὐτάρκειαν* pro contentum esse ponunt. Huius limites qui excedunt, incidunt in uiciū *πλεονεξίας*, & inuoluūt se tentationibus innumeris, redduntq; prorsus ad omne bonum opus steriles & intrugiferos. Quare Apostolus magna ratione cum *αὐτάρκειαν* abundantiam ad omne, opus bonū sufficientem coniunxit. Metienda est autem *αὐτάρκειαν* non multitudine bonorum, sed animo frugali necessario rerum usu contento, quem Apostolus alibi determinat dicēs: Est autē questus magnus, pietas *μετ' αὐτάρκειαν*, id est, cū sufficientia (Erasmus reddidit, cum animo sua forte contento) Nihil enim intulimus in hūc mūdum, uidelicet nec efferre quicquā possumus, sed habentes alimēta, & quibus tegamur, his *ἀρκούνμεθα*, id est, contenti erimus. Animo sic comparato non opus est magna bonorum copia, ad istam *αὐτάρκειαν*, sed modica sufficient. Est enim & ipsa natura minimis contenta. Si ad mensuram *αὐτάρκειαν* uiueremus, nunquam redderemur pauperes. Iam quoniam pars maxima insanie *β' πλεονεξίας* indulget, alter alterum in uicia trudemus, & ad extrema illāc abundantie hac egestatis exorbitamus, atq; ita uitæ nostræ cursum multis nosipfi molestijs grauamus, cum si ad *αὐτάρκειαν* spectaremus, facillima nobis uiuendi ratio, opitulante nos diuina bonitate, constare possit.

QVEMADMODVM scriptū est, inquit: Dispersit, dedit pauperibus, iusticia eius manet in sæculum. Locum hunc scripturę citat ex Psalmo 112. ubi prosperitas uiri iusti ac timentis Dei inter alias & ista prædicatur, quod quis bona sua dispergat in egenos, perpetuo tamē habeat quo pauperibus succurrat. Id in Ebreo sic legit, *פזר נתן לאביונים צדקתו עומדת לעד*, id est: Dispergit, dat pauperibus, iusticia eius perstat perpetuo. Verbo dispergendi non prodigam bonorum profusionem ac dilapidationem, sed largam ac liberalem erogationem, in morem eius qui semen suum aperta manu dispergit in agrum, significat. Liberaliter, inquit dispergit sua bona, nō tenaciter ac parce, dum largitur ea pauperibus. Et tamen hæc illius iusticia non perit dispergendo, sed firma & continua perstat perpetuo. Iusticiam autem intelligit bonitatem ac benignitatē egenis subuenientem, quo sensu uox *צדקתו* in scripturis frequenter ponitur. Illam non consumit larga distributio quæ fit in pauperes, sed magis conseruat, perinde atq; agricolæ non perit semen quod seminet, ex eo quod singulis annis ma-

1. Tim. 6.



gnam seminis sui partem dispergit in terram, sed magis ex eo sic illi seminis copia paratur, ut quo plus seminavit hoc plus habeat quod porro seminet. Igitur hoc scripturae loco tanquam fide digno spiritus sancti testimonio comprobatur illud quod dixit: Potens est autem Deus efficere, ut tota gratia in uos exuberet, ut in omnibus omnem sufficientiam habentes, exuberetis in omne opus bonum. Huius rei imago in fontibus quoque relucet, qui quo largius fluunt ipsorum aquae, uel hauriuntur crebrius, hoc aquarum scaturigines habent & expeditiores & copiosiores. Sic comparata est diuinæ prouidentiae bonitas, ut organis illis, quibus ad succurrendum necessitatibus nostris utitur, hoc plus suppeditet facultatis, quo plus illa in usus nostros erogant. Parca & sordida & tenacia & illiberalia pectora digna sunt, quae tanquam sterilia, etiam ijs quae habent priuentur, & inania reddantur.

Illud, iusticia eius manet in saeculum, exponunt ueteres de aeterno iusticiae premio, quod dabitur in futuro. Verum conformior menti apostoli est expositio quam posuimus.

Qui uero suppeditat semē seminanti, is (potens est) & panem in cibum suppeditare ac multiplicare sementem uestrā, & augere prouentus iusticiae uestrae, ut in omnibus locupletemini, in omnem simplicitatem, quae per nos efficit, ut gratiae agantur Deo. Nam functio huius ministerij non solum supplet ea quae defunt sanctis, uerum etiam exuberat in hoc, quod per multos gratiae agantur Deo, qui per probationem ministerij huius glorificant Deum super obedientia consensus uestri in Euangelium Christi, & de simplicitate communicationis in ipsos & in omnes, & in illorum oratione pro uobis, qui desiderant uos propter eminentem gratiam Dei in uobis. Gratia autem Deo, super inenarrabili suo munere.

Id quod in praecedenti dixit adhuc clarius exprimit, usque ad ea uerba quibus dicit: Nam functio huius ministerij. Qui uero suppeditat semen seminanti inquit. Ab exemplo incrementi diuini, quo seminanti agricolae semen quod in agrum proiecit, copiose multiplicatur, ut uberem messem sortiatur, fidem facit ei quod dixit: Potens est Deus efficere ut tota gratia in uos exuberet, &c. Nequit coepae similitudini satis immorari, qua uix aliud ad praesentem causam accommodatius adduci potuit. Pro eo quod in praecedenti dixit: Potens est Deus, reponit hic periphrasim istam Dei: Qui suppeditat semen seminanti, in qua nos admonet eius potentiae simul ac prouidentiae Dei, qua seminantibus nobis, plantantibus, ac rigantibus incrementum largitur, quo sata nostra multiplicen-

tur. Potest autem quod dicit: Qui suppeditat semē, exponi tam de semine quod seminatur ab agricola, quam de eo quod ab illo metitur. Nam utrumque à Deo est, uirtute benedictionis illius suppeditatum qui sua ipsius dona multiplicat dum quod satum à nobis est copioso facere restituit.

Is, inquit, (potens est) & panem in cibum suppeditare, &c.] In Graeco est, καὶ ἄρτον εἰς βρωσὴν χορηγῆσαι, καὶ πληθύναι τὸν σπέρμα ὑμῶν, καὶ ἀνέξῃσαι τὰ γυνήματα δικαιοσύνης ὑμῶν, id est, & panem in cibum suppeditare, & multiplicare sementem uestrā, & augere germina iusticiae uestrae, &c. Haec tria infinita, suppeditare, multiplicare, augere, quoniam sensum non complent, alij legunt in futuro, suppeditabit, multiplicabit, & augebit, quemadmodum uetus interpres reddidit, alij in optatiuo, suppeditet, multiplicet, & augeat, sicuti uertit Erasmus, quem sensum & Chrysostomus sequutus est, & post Chrysostomum recentiores aliquot. Mihi uero cogitanti, quam sit praeter morem Apostoli infinita ponere pro futuris uel optatiuis, apparet illud ex praecedentibus, δύναται, id est, potens est, repetendum esse, ac legendum: Qui uero suppeditat semen seminanti, potens est & panem in cibum suppeditare, & multiplicare semetem uestrā, & augere germina iusticiae uestrae, &c.

Is potens est, inquit, & panem in cibum suppeditare. Facit hoc dum semen suppeditat seminanti. Verum hic de illis loquitur, qui seminant non in agro luteo sed in agro pauperum, quibus de bonis suis communicant. Ne illi solliciti sint ac dicant: Vnde uiuemus nos & nostri, postquam facultates nostras insumimus in pauperes? dicit Deum, qui semen suppeditat seminanti, posse ipsis & panem suppeditare in cibum. Sic carnis diffidentiae ac solitudini occurrit. Est autem argumentum à minori ad id quod multo est maius. Minoris momenti est sementis quam facit agricola, quam sit ea quam facit Christicola, qui semen suum in agrum Christi, pauperes uidelicet sanctos, larga manu dispergit. Cum ergo Deus agricolae sementi sic ubertim benedicat, ut copiosam messem ex ijs quae seminavit colligat, quomodo Christicolae sementem sic deferere poterit, ut ne panem quidem illi suppeditet in cibum? Per panem autem in cibum, intellige ἀνταρκτικὰν rerum necessariatum, cuius in praecedentibus meminit.

Ac multiplicare semetem uestram, inquit, & augere prouentus iusticiae uestrae.] Idem bis dicit nisi quod prius per posterius exponit. Neque enim terrenam ac triticeam sementem intelligit, cum dicit, ac multiplicare semetem uestram, sed contributionem in usus pauperum faciendam, quam ideo sementem uocat quod pauperibus elargiri non sit detrimentum facere, sed lucrum. De hac se loqui significas subiungit, & augere prouentus iusticiae uestrae. In Graeco est, τὰ γυνήματα, id est, germina. Vocat autem germina iusticiae Corinthiorum, eandem contributionem quam semetem ipsorum appellauit.

Dicit



Dicit Deum hanc posse multiplicare & augere, quo persuadeat ipsis, reiiciendam esse solitudinem carnis, quæ dicit: quo plus impendero egenis, hoc magis facultates meas immينو. Ta abest, inquit, ut in pauperes facta contributio bonorum uestrorum futura sit diminutio, ut nullo possint illa meliori ac feliciori compendio multiplicari & augeri. Est enim illa sementis, germina habens uestre iusticiæ, quam Deus & multiplicabit & augebit. Iusticiam ipsorum bonitatem ac benignitatem ipsorum uocat, respiciens ad locum quem supra ex Psal. 112. citauit. Huic autem admodum pulchre tribuit germina, quæ sunt opera charitatis, misericordiæ, & beneficentiæ, qualia sunt quæ in pauperes impenduntur. Quid ergo uocabimus thesauros diuitum auarorum ac tenacium, quos arcis inclusos magna solitudine instar formicarum Indicarum custodiunt? Si iusticia piorum hominum sic est fecunda, ut quæ tribuunt pauperibus, sint illius sementis & germina, quid aliud thesauros auarorum uocabimus, quam inanes ac steriles iniusticiæ aristas?

Vt in omnibus locupletemini, inquit, in omnem simplicitatem. In omnibus locupletari, nihil est hic aliud, quam quod paulo supra dixit: Vt in omnibus omnem sufficientiam habentes. Nec illud, in omnem simplicitatem, aliud est quam quod illic dixit, in omne opus bonum. Cap. precedenti eandem simplicitatem tribuit Macedonibus, ubi eam esse diximus, qua candide ac simpliciter absque omni hæsitacione ac simulatione synceri homines pauperum inopiæ larga contributione succurrunt.

Quæ per nos efficit, inquit, ut gratiæ agantur Deo. Nonnulli legunt, quæ per uos. Nihil est autem periculi, utrolibet modo legamus. Hactenus prouocauit Corinthios ad hilarem ac largam contributionem, & diffidentiam carnis occurrit, quæ perpetuo deperire putat quæ impenduntur egenis, & paupertatis se incommoda incursum ueretur, si largius illis tribuat. Iam subiicit de gloria Dei, quæ ex contributione illorum sequutura fuerit. Quæ, inquit, simplicitas largiendi hoc per nos est effectura, ut gratiæ agantur Deo. Est autem gratiarum actio, ipsissimi cultus Dei. Quare de illa non frustra quæ sequuntur subiecit, quibus materiam hanc eo sine claudit, ad quem omnia nostra dicta ac facta tendere debent.

Nam functio huius ministerij, inquit, non solum supplet ea quæ defunt sanctis, &c. In Græco est, ὅτι ἡ διακονία τῆς λειτουργίας ταύτης, id est: Nam ministerium officij huius. Vox λειτουργία sonat publicum officium ac ministerium, quo sensu hic ab Apostolo de ministerio curandarum collectarum usurpatur. Exponit præcedentem particulam, qua simplicitatem Corinthiorum per se dixit efficere, ut Deo agantur gratiæ. Tribuit hoc dicto iam ministerio suo. De illo hæc duo prædicat quæ Deo sunt acceptissima. Vnum, quod suppleat ea quæ defunt sanctis,

A hoc est, quod pauperum fidelium, qui Hierosolymis & in Iudæa erant, necessitatibus succurrat. Quoniam autem hoc non tam est in conspectu contribuentium quam in oculis Dei præclarum, non dicit simpliciter: Nam functio ministerij huius supplet ea quæ defunt sanctis, sed: non solum, inquit, supplet ea quæ defunt sanctis, atque ita adiungit alterum: Verum etiam exuberat in hoc, quod per multos gratiæ agantur Deo. Neque dicit simpliciter, quod gratiæ agantur Deo, sed, quod gratiæ per multos agantur Deo, significans quo liberalior sit eleemosyna hoc plurimum necessitatibus succurri, ideoque plures ad gratias agendas Deo promoueri, & sic fieri, ut à pluribus celebretur ac glorificetur Deus.

Larga itaque fidelium eleemosyna præterquam quod egregium habet fidei & charitatis exercitiū, duos hosce fructus in illis parit, quibus per ipsam succurritur, si sint sancti, id est, Christiani ac pii, sustentationem uidelicet pauperum sanctorum, & glorificationem Dei. De primo dicit: Non solum supplet ea quæ defunt sanctis. Et sanctis dum in hac uita degunt, multa defunt, quæ fraterna potest supplere charitas, non solum in corporalibus sed & spiritualibus. Verum superstitio Papistica imperitam Christi plebem à uiuis & multorum egenis sanctis ad mortuos colendos auertit, quorum defectus etiam si qui essent, implere tamen non posset. In illos maximos sumptus facere consueuerunt, uiuis interea & egentibus sanctis egregie neglectis. Cæci homines non uident quam diuinum sit opus, defectus implere sanctorum. Donec sumus in hac uita communi huic conditioni subiaceamus, ut in multis deficiamus, quæ nostra ipsorum nequeamus facultate supplere. Nemo ex omnibus est mortalibus qui sibi ipse sufficiat in omnibus, ut aliorum non habeat opus subsidio. Sic res humanas diuina prouidentia constituit ac disposuit, quo necessario mutuis ueluti uinculis cōstricti coalescamus & conglutinemur, coniungatque uel mutua necessitas quos non mox coniungit mutua charitas. Qui igitur sic animati sunt, ut defectus fratrum supplere gestiant, plane diuini homines sunt ac diuinæ naturæ hactenus consortes quatenus diuino charitatis spiritu ducuntur.

Ad alterum pertinet quod dicit: uerum etiam exuberat in hoc, quod per multos gratiæ agantur Deo, in quo obserua gratitudinem sanctorum, qua pro corporali quoque alimēto gratias agunt Deo, agnoscentes illius esse bonitatem ac prouidentiam, quod per fratres necessitatibus ipsorum subuenitur. Hanc non ita agnoscunt, qui opibus in hoc sæculo abundantes in delitijs ac luxu uiuunt.

Quæ per probationem ministerij huius, inquit, glorificant Deum super obedientia consensus uestri in Euangelium Christi, & super simplicitate communicationis in ipsos & in omnes. Dixit ministerium hoc collectarum exuberare in hoc quoque, quod per multos agantur Deo gratiæ. Id iam fufius explicat dicens: Qui,



uidelicet multi, per probationem, hoc est, certum experimentum, ministerij huius, fructum illius sentientes, glorificant Deū: quapropter? propter obedientiam uidelicet consensus uestri in Euangelium Christi, & propter simplicitatem cōmunicationis in ipsos & in omnes. Probationem ergo & euident experimentum ministerij sui, in hac causa, statuit primum in eo, quod sancti Hierosolymitani per illud cognouerant, & adhuc amplius cognituri erant, q̄ essent fideles ex Gentibus concorditer Euāgelio Christi subditi, deinde & in eo quoque quod experiebantur reipsa, q̄ candide ac large cōtribuerent in suos & aliorū omnium usus. Propter hæc duo glorificabant Deum, quod tantum incrementi dedisset Euangelio Christi inter Gētes, de quibus nulla spes, uel certe parum admodū fuerat spei, quod unq̄ essent ad cognitionē unius ueri Dei in Christo domino peruenturæ. Obseruemus hoc loco, quando susceptum à nobis Euangelium Christi cedat ad gloriam Dei. Glorificant, inquit, Deū super obedientia, uel, subiectione, cōsensus uestri in Euangelium Christi, & super simplicitate cōmunicationis in ipsos & in omnes. Ergo, tum demum causas damus glorificādi Deum propter nos, quando concordī obedientia cōsentimus in Euangelium, id est, in doctrinā Euangelij Christi, præbentes nos cōmuniter morigeros ac ductiles illius apostolis ac ministris, & per charitatem de bonis nostris communicamus egenis fratribus. Qui ad hunc modum se accommodant Euangelio Christi, ueri sunt Euāgelici, propter quos ab omnibus pijs merito glorificatur Deus. Verum ubi tales hodie reperiemus ecclesias, in quibus nulla sit erga Christi Euangelium ἀνυποταγή & ὑπεροχὴ ἰμὸ & αἰτιολογία? Illud, & in omnes, commēdat generalem beneficentiā, qua non in aliquos tantum sed in omnes fidei consores studium cōmunicandi ac beneficiēdi ueri Christiani exercēt. Vide autem quomodo liberet sanctos à suspitione φιλανθρίας dum prædicat de illis qd̄ Deum glorificent non ob id tantum, quod de festibus & egestati ipsorum succurrebatur à fidelibus ex Gentibus, sed &, imò cum primis, quod essent illi subditi Euangelio Christi, idq̄; concordī consensu. Deinde, dum non simpliciter dicit: & super simplicitate cōmunicationis in ipsos, sed addit, & in omnes, ne in hac doxologia Dei proprium emolumentū quod adferebatur ex contributione ecclesiarū magis quā ipsum Euangelij & ueræ charitatis profectum spectare uiderentur, id quod alienum fuisset à sanctis.

ET in illorum, inquit, oratione pro uobis. J Duobus præcedentibus ministerij huius fructibus addit, & tertium, orationem uidelicet sanctorum pro fidelibus Corinthiorū, necessitatibus ipsorum subuenientibus. Non est aut̄ hæc particula referenda ad proxime præcedētia, sed ad id quod paulo suprā dixit: Verum etiam exuberat in hoc, quod per multos agant

gratię Deo, &c. ut hic subiungatur, & in illorū oratione pro uobis, subintellige, exuberat functio uidelicet ministerij huius. Sic tribuit elemosynario huic ministerio tria, supplementū scilicet indigentiae sanctorum, gratiarū actionem, & orationem pro contribuentibus. Hæc est igit̄ retributio ac gratitudo pauperum, qua subuenientibus sibi uices reddunt, non tēporaria pro tēporarijs rependentes, sed Deo gratias agentes & pro ipsis ad illū orantes. Cogitet aut̄ pius homo, q̄ sint hæc tria corā Deo magni momēti, & omnib⁹ sacrificijs externis potiora, cui sancti, quos ipse in filio suo, per spiritū gratiæ suæ sanctificauit, propter ipsum afflictī & depauperati omniū sunt acceptissimi.

Non est autem ociosum quod non dicit: Et in illorum προσευχῇ, id est, oratione, sed δεήσας. Significat autem δεόμεαι indigeo, unde est δεήσις, quæ uox precationem sonat obnixam & urgentem, qualis esse solet indigentū, dum necessitate cōpulsi pro ijs orant, sine quibus consistere non possunt. Tales significat esse preces sanctorum pauperū pro illis, quorū beneficentia subleuātur, quas ego pluris fecero, q̄ omnes omniū sacrificiorum horas, ut uocāt canonicas, siue eas cantēt coniuncti, siue murmuret separati, omnes item omniū missarum orationes & collectas. Vnius pauperulæ uiduæ precationem cum orphanis suis ad Deū pro beneficientiū sibi salute orantis, omnib⁹ istis præferendā dūxero. Hæc egentium sanctorū preces expetat quisquis sapit, & interea intercessionem diuorū in cœlis existētū, quas fingunt & uendūt negociatores templarij, superstitiosis relinquat. De illis nihil certo constat, de istis constat. Obtemperantes ergo ei qui utiliter ac prudenter cōsulens dicit: Tene certū, & relinque incertum, exerceamus opera Christianæ charitatis in egenos sanctos, non in diuos, quibus nihil commodare possumus, & per illorum certas & urgentes preces gratiæ Dei commendari petamus.

QUI desiderant uos, inquit, propter eminentem gratiam Dei in uobis. J Significat sanctos qui Hierosolymis erant, præclare de Corinthijs sentire, sic ut desiderent eos, intellige, uidere. Rom. 1.1. Thess. 3. & 2. Tim. 1. uerbū ἰδεῖν, id est, uidere, cum uerbo desyderandi expresse coniungit. Hic uero & Phil. 1. & 2. non exprimit, ubi tamen subintelligendum uenit. Desideriū sanctorū, quo Corinthios uidere gestiebant, argumentū erat, quod honorifice essent erga eos affecti. Sic nanq; comparati sumus, ut quos magnificamus absentes, uidere cupiam⁹ præsentem. Quare autem magni eos facerent, exprimit cū subiungit: propter eminentē gratiā Dei in uobis. Nō dicit, propter liberalitatē uestrā in ipsos, sed, propter supereminētē gratiā Dei in uobis, quibus uerbis duo facit. Primo, ingeniū sanctorū exprimit, qui gratiā Dei in credentibus magis suspiciunt ac uenerātur, q̄ propriū emolumentū spectāt. Sancti Hierosolymitani non tā propter refocillationē, quā accepturū



accepturi erant ex liberalitate Corinthiorum, quod propter singularem gratiam Dei, in illis relucens, desiderabant eos uidere. Deinde, dum predicat supereminens in illis gratia Dei, quae desiderium uidendi ipsos excitet in sanctis, qui Hierosolymis erant, prouocat eos ad liberaliorem contributionem, quo & gratiae Dei & sanctorum de se exultationi & desiderio competenter respondeant. Non possum satis Apostoli diligentiam, prudentiam, fidem, & zelum in hac epistola admirari.

GRATIA autem Deo, inquit, super inenarrabili suo munere.] Habet haec uerba exclamationem, qua consideratione tam insignis gratiae Dei, tam Corinthijs quod sanctis in iudea concessae, in *λογισμῶν* hac erumpit, & materiam duobus istis capitibus octauo & nono tractata concludit. Sic autem non modo suum erga utranque ecclesiam tam Hierosolymitanam quam Corinthiacam affectum ostendit, sed & Corinthiorum animos prouocat, ut & ipsi gratiam Dei utrobique singularem & excellentem secum magnificent. Et reuera donum Dei est *ἀνιδιόντων*, id est, quod nemo satis exponere ac deprecare queat, si ecclesiae Christi ad hunc modum inter se sint comparatae, sicut de Corinthiorum & Hierosolymitanorum ecclesijs Apostolum in hac materia commemorare uidemus. Nam dona Dei inenarrabilia uocat fructus illos, quos ex contributione ecclesiastica tam dantibus, quam accipientibus prouenire meminit.

#### ARGUMENTVM CAPITIS.

**A**uthoritatem ac potestatem Apostolatus sui contra pseudapostolorum calumnias tuctur.

#### CAPVT X.



**A**ETERVM ipse ego Paulus obsecro uos per lenitatem & mansuetudinem Christi, qui iuxta faciem quidem humilis sum inter uos, absens tamen audax sum erga uos. Rogo autem uos ne praesens audeam ea fiducia qua existimor audax fuisse in quosdam, qui putant nos uelut secundum carnem ambulare: nam in carne ambulantes non secundum carnem militamus. Si quidem arma militiae nostrae non sunt carnalia, sed potentia Deo, ad demolitionem munitionum, quibus consilia demolimur, & omnem celsitudinem quae extollitur aduersus cognitionem Dei, & captiuam ducimus omnem cogitationem ad obediendum Christo, & in promptu habemus uindictam aduersus omnem inobedientiam cum impleta fuerit uestra obedientia.

Diximus initio capitis octauum, materiam de contributione in sanctos faciendam, insertam esse uelut in medio epistolae, ut quae de sinceritate

**A**postolatus sui tractauit antea, & iam in posterum tractaturus est, hoc quasi tolerabiliore interstitio non nihil mitigarentur. Hactenus absoluta, redit ad ea quae nonnullis ante octauum capitibus, ad defensionem Apostolatus sui pertinetia subinde attigerat, quod eam causam nondum satis expediuisse iudicaret, cum magni esset momenti, magnaque necessitate ad resitendum pseudapostolorum improbitati, & ad defendendum Apostolatus sui auctoritatem impelleretur. Hac nanque labefactata, nihil poterat sequi aliud, quam ut omnis illius fructus tam partus quam adhuc pariendus interiret.

Orditur autem exordio admodum emphatico dicens: Ipse autem ego Paulus obsecro uos per lenitatem & mansuetudinem Christi, &c. Emphasis in eo primum est, quod non simpliciter dicit: Obsecro autem uos, sed: Ipse autem ego Paulus, qui iuxta faciem quidem humilis sum inter uos, absens tamen audax sum erga uos. Mox initio perstringit pseudapostolos illorumque sectatores, qui in nomine ipsius ludebant, quod & re & nomine esset modicus ac modici momenti Apostolus (Sonat enim Paulus modicum) de trahebantque illi, quod cum in faciem esset humilis & abiectus, absens audaciam scriptis in ipsos spiraret. Haec notans dicit. Ipse ego Paulus ille, cuius nomen nonnulli apud uos exufflant & irident, & quem tantae dicunt esse reuerentiae, ut cum praesens ob personae humilitatem despicibilis appaream, absens quousque per epistolas terrere praesumam, quicquid illi dicant, & quantumuis in nomine meo ludant, obsecro uos, qui saniores estis, &c. Deinde & in eo est emphasis, quod non dicit simpliciter obsecro uos, sed addit, per lenitatem & mansuetudinem, uel, ut uulgata habet, per mansuetudinem ac modestiam Christi. Hoc dicens, non modo obtestatur eos serio per nomen Christi, sed & admonet eos, quantum oporteat eorum esse peruersitatem qui mansuetudinem & modestiam in Apostolo contemptui exponant, cum Christus ipse, Apostolo suo infinito maior, maluerit mansuetus & modestus uersari inter homines quam splendidus & magnificus, cuius tamen mansuetudinem & modestiam nemo Christianus in argumentum contemptus rapiat, admirentur uero & suspiciant omnes. Sic existimo haec uerba, qui iuxta faciem quidem humilis sum, absens tamen audax in uos, non sic esse posita quod ea ipse de se praedicet Apostolus, sed quod maleuoli ea ipsi improperebant, quibus mox per obliquum humilitatem, mansuetudinem ac modestiam Christi domini obijcit, in quo uideant, quod non sit in Apostolo personae spectanda claritas, cum illa non fuerit in apostolorum domino.

**I**PSE autem ego Paulus, inquit.] Obserua fiduciam hanc in Apostolo. Quo magis Pseudapostoli nomen ipsius subfannabant, & in significationem illius ludebant, hoc ipse de illo minus erubescere, sed quasi gloriando, esse se Paulum profitebatur. Nulla erat in nomine hoc ignominia, nulla in ipsius persona, nulla in



Apostolatu, quare de nullo horū erubescerebat. Admonetur hoc exēplo ministri Christi ut cōsimili fiducia obfirmati, neutiq; cedant aduersa riorū nequiciā, qua uel nomina ipsorum, uel personas, uel fortunas, uel officia ludibrijs exponere moliuntur, scientes se cōtra eiusmodi maliciam & ueritate doctrinæ & innocentia uitæ abunde esse munitos.

2. Tim. 2.

OBSECO uos, inquit, per lenitatem & mansuetudinem Christi.] Lenitate ac mansuetudine erga peccatores Christus dominus uti maluit q̄ seueritate. Quare in omnibus tā uerbis q̄ factis mitis apparuit & māsuetus. Et huiusmodi medicum poscunt cōscientiæ sensu peccatorum percussæ, quibus pacandis nihil minus accōmodū est q̄ pharisaica seueritas, quæ malum magis exasperat q̄ curat. Sciēs hoc Apostolus imitatus est exemplum domini, quo plures mansuetudine ac lenitate lucrificeret, & huius Tim. quoq; admonuit, dicens: Seruū domini oportet non pugnare, sed placidū esse erga omnes, propensum ad docendū, tolerantem malos cum mansuetudine, &c. Cum ergo nihil sit & acceptius & magis necessariū peccatoribus hac Christi mansuetudine ac lenitate, non debemus eam contemnere in illius ministris, sed propter dominicū exemplū, & necessitates nostras cupide amplecti, procul ab ingenio phariseorū & iusticiariorū quibus seueritas & peccatorum dedignatio magis aridet q̄ dominica mansuetudo, qua se peccatoribus mitem ac placidum etiam usq; ad mensæ cōmunicationem præbuit. Non autē probanda nobis tantū est hæc mansuetudo domini, sed & usq; adeo suspicienda ac ueneranda, ut de illa admoniti non minus flectamur ad resipiscētiā, quā si de ira ac iusto iudicio Dei, ipsa quoq; gehenna admoneamur.

QUI iuxta faciem quidem humilis sum inter uos, inquit, absens tamen audax sum inter uos.] Oblerua ingenium hominū maleuolorum. Humilitatem præsentis Apostoli rapiabant in argumentum contemptus & opprobriationis, correctionē epistolarem interpretabantur audaciam absentis, quasi audacia sit, si minister Christi in faciem humilis & erga omnes mansuetus, absens per literas corripiat delinquentes quos in Christo genuit. Humilitati opposita est superbia personæ sublimis. Si despicienda est humilitas, ergo suspicienda est superbia. At coram Deo abominatio est, quicquid altum est coram hominibus. Et corā hominibus quoq; non est admodū grata superbia, siue illa sit externi status, siue personæ, siue morum. Quare humanæ conditioni magis amica & grata est humilitas q̄ superbia. Verum ut febres palatum reddunt amarum, sic odia iudicia rerū corrumpūt, ut culpetur quod alienum est à culpa, & probetur quod natura sua est improbabile.

ABSENS, inquit, audax sum erga uos.] Vbi Romanus pontifex bullis suis iniquissimis excommunicat integras ecclesias, prouincias

& regna, & detonat in reges ac principes, illosq; de sedibus suis deijcit, non accusatur audacię. Quare? Quia non est in faciem humilis, sed admodum superbus triplo diademate coronatus, nō incedit ut homo, sed baiulatur ut eidolum, ac sedet in templo tanquam in maiestate Dei, extolliturq; supra omne quod dicitur Deus. Vbi ad hunc modū alienissimus ab humilitate Apostolica, & supra quamcunq; regiā sublimitatem sublimis ac superbissimus omnium ipsum orbem fastidiosissime damnat, non habetur audax. At cum nostra ætate frater quidam humilis in oculis mundi quæstiofissimas superbi ac Simoniaci pontificis indulgentias luce uerbi Dei reprobabiles ac uitandas esse ostēderet, accusabatur audacię, quod fraterculus obscurus in angulo Saxonico latens non ipsum modo sanctissimū sed & omnes Christiani orbis populos, sanctissimi indulgentias & probantes & ementes, reprobare non dubitaret, quasi unus plus omnibus saperet. Verū humilitas fraterculi illius sic erat ueritate Dei munita, ut Rom. superbiæ prorsus esset inexpugnabilis.

ROGO autem uos, inquit, ne præsens audeam ea fiducia qua existimor audax fuisse in quosdam.] Quæ hætenus à principio capitis dixit imperfectum sensum habent, neq; enim expressum est, quid obsecret Corinthios. Id iā subiicit, cum repetitione obsecrationis dicens: rogo autem uos, ne præsens audeam, &c. ut sic impleatur sensus. Ipse autem ego Paulus qui iuxta faciem humilis sum inter uos, absens tamen audax in uos, obsecro uos per lenitatem & mansuetudinem Christi, imò rogo uos, ne me cogatis, ut præsens audeam ea fiducia, &c. Sic illud, *ἵνα*, per auxesim esset positum. Nec inconueniens esset si quod initio est *παρά καλῶ ὑμᾶς*, uerteretur, hortor & admoneo uos, ut quod sequitur, *ἵνα*, per auxesim legat. imò obsecro ac rogo uos. Omnino plus emphasis est in uerbo *ἵνα* quā in uerbo *παρά καλῶ*, sicuti plus est obsecrare ac rogare quā admonere & hortari. Videtur igitur sic dicere uoluisse. Ipse autē ego Paulus, hortor uos per lenitatem ac mansuetudinem Christi, imò nō hortor tantum sed & rogo, ne me cogatis, ut audeam præsens, quod absens rātum audere putor, nolitis experiri quid possim præsens. Hoc dicens, deprecatur quidem necessitatem seuerius agendi cum immorigeris & contumacibus, uerum simul minatur eam seueritatem si admonitionem, obsecrationem & mansuetudinem suam contemnere pergāt. Vnde & subiicit, qua *λογίζομαι*, id est, cogito audere in quosdam, qui putant nos ueluti secundum carnē ambulare, &c. Erasmus & uetus interpres uerbum, *λογίζομαι*, sensu passiuo reddiderunt, existimor. Verum rectius uertissent sensu actiuo, cogito, quo uerbo, minatur cogitare se de seueritate exercenda in reprobos, nisi emendetur. Annotat Chrysostomus, quod non dicit, paratus iā sum, uel, decreui, sed, cogito. Significat



ficat autem λογίζουαι non simpliciter sed ratio-  
cinando de re aliqua uel facienda uel omitten-  
da cogitare, ad quem modum se Apostolus hoc  
loco cogitare dicit, si pergant esse cōtumaces  
fore sibi præsenti aliquando in eos audēdum.

QVI putant nos ueluti secundum carnem  
ambulare, inquit.] Perstringit eos, in quos si  
bi audendum esse cogitabat. Non dixit, qua  
cogito audere in uos, sed, qua cogito audere  
in quosdā. Eos uidelicet, qui cogitant nos am-  
bulare secundum carnem. Ambulare secundū  
carnem, carnalium est hominum, & latissime  
patet. Est autem non spiritus, sed carnis stude-  
re sensibus, consilijs & affectibus, & secundum  
hanc facere omnia. In præsenti uero, meo iudi-  
cio, cogitabant pseudapostoli Paulum ambu-  
lare secundum carnem, indulgendo suis affe-  
ctibus, & secundum illorum impulsu seue-  
rius scribendo, pluraq; sibi sumēdo, quā hu-  
militati personæ ipsius conueniret, ac sustine-  
re posset. Sane & hoc ingenio caro est, ut ubi  
seueritatem induit, multo acrius infectetur ui-  
cia aliorum, quā ferat ipsius conditio, & in-  
terea tamen zelum iusticiæ simulet. Erat Apo-  
stolus in faciem humilis secundum carnem,  
infirmus & modicæ existimationis. Quare iu-  
dicabant eum nec esse, nec posse, nec præstare  
alia nedum plura quā sit, possit, & præstet  
caro, quāq; esset, appareret, & præstaret præ-  
sens in carne, ideoq; seueritatē illam, qua gran-  
dia quædam detonaret absens in epistolis, ef-  
se inanem, & inefficacem carnalis temeritatis  
præsumptionem. Cōmuniter fere exponunt  
in genere de carnis affectibus ac desyderijs.  
Chrysost. species quasdam expressit, dicens:  
τίνας δὲ τὰς φρεσὶ οἷς ἀπελά; τοὺς λογισμὸν ὁμᾶς ὡς κα-  
τὰ σάρκα περιπατοῦντες. Ἐκείνοι γὰρ αὐτὸν διέβαλον ὡς ὑπο-  
κριτὸν, ὡς πονηρὸν, ὡς ἀλασθέν. Ergo dicebāt eum am-  
bulare secundum carnem, propterea quod iu-  
dicarent eum esse hypocritam, uersutū, & ar-  
rogantem. Sic intellexit Chrysost.

Obsecro, si Paulus in oculis pseudapostolo-  
rum uisus est ambulare secundum carnem, cu-  
ius omnia Christum, in ipso loquentem ac ui-  
uentem spirabant, quis nam post illum sic spi-  
ritualiter ambulabit, ut à reprobis nō dicatur  
ambulare secundum carnem? Maledica repro-  
borū ora nemo Christi minister effugiet, quæ  
ne Christus quidem ipse effugere potuit, quo  
minus audiret seductor, comedo, uini potor,  
publicanorum amicus, & peccatorum socius.  
Hodie matrimonia ministrorū Christi sic infa-  
mant homines spurcissimi, scortatores publi-  
ci, adulteri, incestuosi, & adhuc scelestioribus  
libidinibus absorpti, ut uocēt ea scortationē,  
dicantque nubentes ambulare secundum car-  
nē. Has calumnias minister Christi haud plu-  
ris faciat quā latratū canum, ac cogitet hoc  
genus hominum sic esse comparatum, ut de re-  
bus bonis & honestis bene loqui nesciant.

NAM in carne ambulantes, inquit, non se-  
cundum carnem militamus.] Vocula γὰρ, id  
est, nam, indicat particulam hanc per ætiolo-

giam esse positam. Pseudapostoli iudicabant  
Paulum ambulare secundum carnem. Quare?  
Quia in carne ambulantes, inquit, non secun-  
dum carnem militamus. Ergo ne ob id dice-  
bant eum ambulare secundum carnem, quod  
in carne ambulans non secundum carnem am-  
bularet? Atqui hoc minus debebant eum hu-  
ius infimulare quod secundum carnemambu-  
laret. Non est igitur particulæ huius ætiologia  
ad id referenda, quod proxime præcedit, quia  
non reddit rationē, quare pseudapostoli Pau-  
lum secundum carnem ambulare cogitarint,  
sed ad id qd̄ dixit, qua cogito audere in quos-  
dam, ut rationem redderet, quare cogitaret in  
eos audere qui se secundum carnem ambula-  
re cogitabant. Ob id uidelicet, quod hoc falso  
de se iudicabant. Nam licet in carne ambula-  
ret ut homo carne amictus, secundum carnem  
tamen non ambulabat. Ergo non ideo cogita-  
bat audere in eos quod id de se cogitarent, sed  
quod falso cogitarent. Neq; enim æquum est  
ut propterea ultionem cogites in eum qui ma-  
le de te loquitur, quod id facit, si merito fece-  
rit. Si secundum carnem ambulasset Paulus,  
admodum fuisset iniquum de ultione eorum  
cogitare, qui id dixissent.

Dices. Atqui ne sic quidem cōueniebat A-  
postolo de inimicorum suorum ultione cogi-  
tare, cum Rom. 12. doceat alios, non esse quæ-  
rendam propriæ iniuriæ uindictam, sed domi-  
no permittendam, dicenti: Mihi uindictam, &  
ego retribuam. Respondeo. Vt non quæ sua  
sed quæ Christi & aliorum essent quærebat,  
ita hic quoque non propriæ iniuriæ uindictā,  
sed reproborum hominum repressiōem me-  
ditabatur, qui omnē Apostolatū sui cursū  
subuertere & fructum Euangelicæ doctrinæ  
in ecclesia Corinthiorū dissipare moliebātur.

Obserua uero hic, quod fatetur quidem am-  
bulare se in carne, humili uidelicet & infirma,  
uerum iuxta negat se ambulare secundum car-  
nem. Ergo aliud est uiuere in carne, & aliud ui-  
uere secundum carnem aliud ambulare in car-  
ne, aliud ambulare secundum carnem. In car-  
ne uixit & ambulauit Christus ipse, tanquam  
uerus homo uiuens & circuiens inter homi-  
nes, edens, bibens, dormiens, & quæ alia ad  
carnis infirmitatem pertinet sustinens, secun-  
dum carnem tamen nec uixit nec ambulauit.  
Etenim secundum carnem uiuere & ambula-  
re, est omnia secundum carnis desideria, con-  
silia, & corrupta studia facere, quæ locum in il-  
lo non habuerunt. In Apostolo habere potuis-  
sent, nisi illa uirtute spiritus Christi in se re-  
pressisset.

Non est autem ociosum, quod cum dicen-  
dum uideretur: non secundum carnemambu-  
lamus, dixit, non secundū carnem militamus.  
In carne circuibat orbem, humilis & despica-  
bilis in oculis mundi, & circuitus ipsius non  
erat uagātis, ociosi, ac curiosi hominis sed pri-  
marij ducis Christo domino militātis. Vt hoc  
significaret, dixit se militare. Et ut militiā suā



separaret à militia sæculi, negauit se militare secundum carnem. Non militabat mundano alicui regno, sed regno Christi, in mundo hoc propagando, quod ut mundanum nō est, sed spirituale, ita non poscit illius militia uires carnis, sed uirtutem & operationem spiritus.

SI QUIDEM arma militiæ nostræ non sunt, inquit, carnalia, sed potētia Deo.] Quoniā negauit se militare secundum carnem, ideoq; ali-quod sibi militiae genus uindicauit, (quemadmodum & Christus coram Pilato cum dixisset: Regnum meum non est de hoc mundo, nō regem se, sed mundanum regem esse negauit, ideoq; à Pilato audiuit: Ergo rex es tu) consequenter & probat se à qualitate armorum nō militare secundum carnem, & simul militiae suæ genus & uires exponit, dicens: Siquidem arma militiae nostræ non sunt carnalia: quasi dicat, uel à qualitate armorum quibus utor in hac militia, constare potest, non militare me secundum carnem. Videtis enim me nō esse accinctum more mundi armis carnalibus. Quilibet ergo? Subdit, sed potētia Deo. Dicendum uidebatur, sed, spiritualia, uerum ut contra contemptum infirmitatis, quam in oculis mundi circumferebat carne, armorum suorum robur opponeret, dixit, sed potētia, nec simpliciter potētia, sed, potētia Deo: quasi dicat, cui milito, qui illis per me tanquā suis utitur. Transfer hæc ad nostros Pontifices, & uide num illi quoq; cum Apostolo Christi dicere possint: non secundum carnem, militamus. Siquidem arma militiae nostræ non sunt carnalia, sed potētia Deo. Pro mundano regno belligerantur & qualitati bellorum, ad quæ accinguntur, conueniunt ipsorum arma. Mundanum regnū quærunt carnalibus armis, quibus & Romanos Pontifices & Carnales illorum, & equestres episcopos, accinctos ad belligerandum uidere licuit.

NON sunt carnalia, inquit, sed potētia Deo] An carnalia & potētia arma sibi sunt inuicem opposita? Sic apparet ex hisce uerbis. Poterat igitur dicere, non sunt infirma, sed potētia Deo, nisi hæsisset in termino carnis, secundum quam à reprobis ambulare dicebatur. Interim tamen ex oppositione potentium armorū satis intelligimus infirmitatem tribui carnalib<sup>9</sup> armis. Sunt autē arma carnalia non modo ferrea, lignea, ænea, lapidea, sed & ea quibus sapientia, prudentia, ratio & scientia carnis utitur, qualibus pugnant philosophi, sapientes, docti, rhetores, &c. In summa, infirma est omnis armatura carnis, & ea demū uere potens, quæ est spiritus Dei, qui suos armat uirtute diuina, uerbo uitæ, ueritate, zelo fidei, ardore charitatis, patientia afflictionū, & constātia spiritus inexpugnabili. His armis olim muniti episcopi expugnarūt omnis generis hæreses, maxime gladio uerbi Dei. Iam uero abiectis illis, usurpant sibi arma carnalia, gladios, laqueos, ignē, aquā, carceres, &c. & his se apprime munitos putāt, & fortes ad extirpandā doctrinā Euāgelij. Ve

rū re ipsa experient, arma carnalia esse infirmiora, quam ut ueritatem expugnare ualeant.

AD demolitionem, munitionū, inquit, quibus consilia demolimur, & omnem celsitudinem, quæ extollitur aduersus cognitionē Dei, & captiuam ducimus omnem cogitationē ad obediendum Christo.] In Græco sic legitur, *πρὸς κατάρτισιν ὀχυρομάτων, λογισμὸς κατὰ τὴν γνώσιν, καὶ τῶν ὑψώμα ἐπαυρόμενον κατὰ τὴν γνώσιν, καὶ αἰχμαλωτίζοντες τὰ ὑψηλὰ*, id est, ad destructionem munitionum, consilia destruentes, & omnem celsitudinem quæ extollitur aduersus scientiā Dei, & captiuantes omnem intellectum, &c. Participia illa, destruentes, captiuantes, & in promptu habentes, si ad proxime præcedentia referas, uidelicet: Nam arma nostra non sunt carnalia, sed potētia Deo, ad demolitionē munitionum, nec Græci nec Latini sermonis constructioni cōueniunt. Quare cōiungenda sunt paulō superioribus, & lectio ordinada ad hūc modū. Nam in carne ambulantes nō secundū carnē militamus (siquidē arma militiae nostræ nō carnalia sunt, sed potētia Deo) militamus autē ad demolitionem munitionum, consilia demolientes, &c. Sic puto beneficio parenthesis & repetitione uerbi militamus Græcam posse saluari lectionem.

Potentiā & efficaciam militiae suæ exponit, tribuēs illi expugnationē regni Satanæ, & captiuationē mentiū in obedientiā Christi, deniq; ultionē aduersus omnē inobedientiā. Militamus, inqt, ad demolitionē munitionū. Loquitur ad similitudinē mundanæ militiae, per quā hostiū munitiones expugnant ac destruunt, & qui in illis depræhendunt, captiui abducuntur. De quibus autē munitionibus loquat, euestigio subiungit dicēs: *λογισμὸς κατὰ τὴν γνώσιν*. Vertunt autē *λογισμὸς* consilia. Vox ipsa sonat ratiocinationē. Intelligit de consilijs ratiocinationis humanæ, non synceræ, sed corruptæ, in qua potissimum Satan regnat inter homines. Chrysost. exponit, *τὸ πνεῦμα τὸ ἅγιον καὶ τὸ σοφισμὸς τῶν ἡττομένων*. Hæ gentilis philosophiæ ac sapientiæ munitiones uirtute spiritus Christi per Euangelij prædicationē in cordib<sup>9</sup> hominū destruunt. Huc pertinet & illud quod sequitur: Et omnē celsitudinē, quæ extollit aduersus scientiā Dei. Per celsitudinē intelligunt gloriā & potētiā mundi. Nihil tñ uetat quo minus idē intelligamus quod per munitiones. Quod si de gloria mūdā potētiæ exposuerimus, obseruandū est, quod nō simpliciter dicit, & omnē celsitudinē, sed addit, quæ extollit aduersus scientiā Dei, ne putemus Euāgelij omni simpliciter aduersari potētiæ regū ac principū. Legitimā illorū celsitudinē nō tollit, sed eā quæ scientiæ Dei aduersat, destruit. In summa, omnē celsitudinē Deo aduersantē, siue sit spiritualis siue mūdā, siue sapientiæ, siue gloriæ, siue potētiæ, demolit uirtus Euāgelij. Quomodo? Non ut nulla talis sit amplius in mundo, sed ut sit inefficax, & ut in illis qui credunt, prorsus destruat. Aliās illud Psalm. 2.

Quare



Quare fremunt gentes, &c. Assistent reges terræ, & principes cōueniunt in unum aduersus dominum & aduersus Christum eius, inde ab initio Euangelij in orbe prædicati ad finē usq; durat in mundo.

**E**T captiuam ducimus, inquit, omnem cogitationem ad obediendum Christo. Pertinet hoc ad secundam partem militaris uirtutis, captiuos, regno aduersario ereptos abducere, & in obedientiam ac peculium legitimo regi asserere. Concernit hoc electos, qui per Euangelium è captiuitate Satanæ & peccati liberantur, & Christo uero suo ac legitimo regi ad obediendum adducuntur. Horum mens, uel, ut in Græco est *νόημα*, id est, intellectus, captiuatur luce ueritatis de errore conuicta, & Christo ad obediendum sistitur. Quare quod dicit: *πάν νόημα*, id est, omnem intellectum, non est referendum uniuersaliter ad omnes homines, sed limitandum secundum id quod sequitur, ad obediendū Christo, quod non nisi de electis potest & credentibus exponi. Turius ac simplicius igitur est, ut uertamus, totum intellectum, quā, omnem intellectum, intelligamusque intellectū, qui prius obcæcatus fuerat in tenebris errorum, accepta ueritatis luce totum in unoquoque credentium ad obediendum Christo adduci.

**E**T in promptu, inquit, habemus uindictā aduersus omnem inobedientiam. Tertiam militaris uirtutis partem exprimit, pertinentem ad rebelles, dignos in quos uindicta propter inobedientiam exerceatur. Et hanc militiæ suæ uindicat, ne quid illi desit, sed plena sit, ad perfectam uictoriā instructa & efficax. Dicit hanc esse sibi in promptu, paratam uidelicet, sicut illa possit expedite uti, si quando necessitas poposcerit. Pōnit autem eam indeterminate, quare tam de excommunicatione quā de corporali uindicta intelligi potest, quali usus est in Elymam Magum, & Petrus in Ananiam & Sapphyram. Nec loquitur de una inobedientiæ specie, sed in genere de omnibus, & omnium inobedientium, cum non simpliciter dicit, aduersus inobedientiam, sed, aduersus omnem inobediētiam. Quasi dicat. Qualem cunq; & qualium cunq;, etiam eorum qui apud uos inobedientes esse malūt, quā obediē. Interim tamen non loquitur de alia inobedientia, quā quæ rebellis sit aduersus ueritatem Euangelij Christi.

**C**V M impleta fuerit uestra obedientia, inquit. Adiecit hoc respectu eorum qui in ecclesia Corinthiorum inobedientes esse cœperant, quibus spe resipiscentiæ parcebat, donec ecclesia perfectam obediētiam in causa, de qua duobus præcedentibus capitibus egit, & in cæteris quoque ostendisset. Et hæc dicens, minando terret immorigeros Apostolatus sui contemptores.

**E**st hic locus de efficacia Apostolicæ militiæ admodum insignis, in quo diligens lector obseruabit, primum in eo quod dicit: siquidē

arma militiæ nostræ non sunt carnalia, sed potentia Deo, ad demolitionem munitionū, confilia demolientes, & omnem celsitudinē quæ extollitur aduersus cognitionem Dei, &c. quæ eximia & sublimia sunt in rebus, uiribus, & facultatibus humanis, siue sint *λογισμοί* sapientiæ, siue *ὑψώματα* iusticiæ, gloriæ ac potentiæ humanæ, esse munitiones regni Satanæ, per Euangelicæ prædicationis uirtutem demoliente. Magnæ quidem in speciem sunt illarum uires, sic ut uideantur inexpugnabiles, si prudentiam, gloriam, hypocrisim, & potentiam aduersariæ partis carni formidabilem confyderes, uerum infinito maior est uirtus ueritatis Dei, quæ ubi illucescere incipit, haud secus uires illarum deijcit, quā Sol exortu suo nocturnas tenebras dispellit. Quare nihil minus ferre possunt quā ueritatis Dei lucem, quotquot nomine sapientiæ, gloriæ, iusticiæ, & potentiæ humanæ regnant in mundo, qui omnes ueluti conspiratione facta, aduersus scientiam Dei insurgunt & extollūtur. Igitur pugna est ministris Euangelij nō cum carne & sanguine, cum munitionibus ac turribus lapideis, sed cum sapientia, gloria, iusticia & potentia hominū excēcatorum Satanæ regno militantium, ad quam nullus ipsis est carnalium armorum, sed solius ueritatis Dei in mundo prædicandæ ac declarandæ usus, per cuius armaturam contra portas inferorum uictores euadent, modo fideliter, animo infracto, & constanter, in hac militia pergant, & non de suis ipsorum, sed solius ueritatis Dei uiribus præsumant.

**2** Deinde obseruandum est quod dicit: quæ extollitur aduersus scientiam Dei, ubi uidemus fastum & superbiam hominum impiorū non submittere se, sed aduersari scientiæ Dei. Donec regnat superbia, fieri nō potest, ut obediatur scientiæ Dei. Quare nemo miretur qui fiat quod qui sublimes sunt in hoc sæculo, & mente & conditione elati, tantopere ueritati Dei aduersantur. Humilibus facile persuadet, ut obediānt ueritati, superbis nequaquam.

Quid rationis antē est, quod non dicit: quæ extollitur aduersus Deum, sed, quæ extollitur aduersus scientiam & cognitionem Dei? Regnum Satanæ regnum est tenebrarum & ignorantiae Dei. Huic nihil magis aduersatur quā doctrina scientiæ Dei. Ideo instigantur mancipia Satanæ, ut huic sese opponant. Et quoniā hypocrisi maliciam suam obtegunt, nolunt uideri tales qui contra Deum extollātur, quem apprime se colere simulant, at interim doctrinæ scientiæ Dei manibus & pedibus obfistūt. Obsecro quid aliud faciūt hodie qui uerbum scientiæ Dei tanta cum pertinacia repellunt, & plebem Christi à lectione sacrarum scripturarum sic arcent, ut codices ipsos sacrarum scripturarum è manibus fidelium raptos igni tradant? An nō sedent in sublimi qui hoc faciūt? An non extolluntur aduersus scientiam Dei?

**3** Tertio, in eo quod dicit: & captiuum ducimus omnem intellectum ad obediendū Christo, ad



sto, admonemur sic nos esse per ueritatē Dei liberatos ē regno & potestate Satanæ, ut interim mentes nostræ non sint liberæ ad cogitandum & faciendum quæ nobis adlubeſcant, ſed captiuatæ in obedientiam Chriſto redemptori præſtandam.

4. Quarto, cum dicit: in promptu habentes uindictam aduerſus omnem inobedientiam, cum impleta fuerit ueſtra obedientia, admonemur de prudentia Apoſtolica in ultione rebellium exercenda. Nolebat Apoſtolus ulciſci in rebelles, donec impleta eſſet obedientia reliquorum, unde certus redderet, non eſſe multitudinem fidelium ſociam rebellionis, atque ita ſine diſturbatiōe ſtatus eccleſiaſtici in paucos rebelles exerceri poſſe uindictam.

Quæ in cōſpectu ſunt uidetis? Si quis de ſeipſo confidit quod Chriſti ſit, illud rurſum perpendat ex ſeipſo, quod quæadmodū ipſe Chriſti eſt, ita & nos Chriſti ſumus. Nam ſi & ampliſ quippiam gloriatur de potestate noſtra, quam dedit nobis dominus in ædificationem, & nō in deſtructionem ueſtri, non pudeſſiam. Ne uidear ceu perterrefacere uos per epistoſas. (Nam epistoſa, inquiunt, graues ſunt & robuſta, ac præſentia corporis infirma, & ſermo contemptus) Hoc cogitet qui iſtiusmodi eſt, quod quales ſumus ſermone per epistoſas cum abuſum, tales ſumus etiam præſentes facto.

Cauſam quam initio capitis cœpit, proſequitur. Quæ in cōſpectu ſunt uidetis? inquit. Græcè eſt: τὰ κατὰ πρόσωπον, id eſt, quæ ſecundū faciem ſunt. Deinde, uerbum uidetis, ſic eſt in Græco, ut uerti poſſit, tam uidete in imperatiuo, quàm uidetis in indicatiuo. Vetus interpres uertit, uidete. Et exponunt: uidete uel facta mea, quæ in oculos ueſtros incurrentia, omnium ſunt maniſeſtiſſima, & ex illis iudicate, num ambulem ſecundum carnem, & intelligite militiæ meæ cū qualitate, tum uirtutem. Hoc ſenſu illud τὰ κατὰ πρόσωπον, id eſt, quæ ſecundū faciem ſunt, idem eſt, quod quæ maniſeſta ſunt & euidentia. Chryſoſtomus tamen per interrogationem legit: Quæ ſecundū faciē ſunt uidetis? & in ſenſu exprobrationis exponit ad hunc modum, ἀπὸ τῶ φαινομένου δοκιμάζειτε; ἀπὸ τῶ σαρκινῶν; ἀπὸ τῶ σωματικῶν; τί ἔστιν, ἀπὸ τῶ φαινομένου; ἥτις πλεῖστές, ἥτις πολλὰς περιβλήνται κάλαμας. ἥτις μεγάλα πρὸς ἑαυτὴν λέγουσιν, ἥτις κερδοῦσιν. ἥτις ἐπακροῦνται ἀρετῶν ἐν ἑχαυρίᾳ. τὸ δὲ ὅτι τὰ κατὰ πρόσωπον βλέπειν. Et hic mihi ſenſus probatur, quamuis nec alter quicquam habeat incommodi.

Dicit itaq;. Quoniam iuxta faciem humilis appareo, quod mihi nonnulli obijciunt, & hinc occasionem contemnendi Apoſtolatus mei ſumunt, eſtis ne uos adeo ſpiritualium rerum imperiti, ut & ipſi de me non ſecundum

ueritatem & efficaciam Apoſtolatus mei, ſed ſecundum faciem, id eſt, perſonæ meæ humili tatem iudicetis? & glorioſulos illos in faciem eximios ueſtros magiſtros magnificietis? Eſt itaq; malum hoc, perſonarum uidelicet & facierum reſpectus, quod per omnes ubique regnat eccleſias, non recens, ſed admodum antiquum, & in ipſis Apoſtolicis eccleſijs exortum, tamq; ualidum, ut Apoſtolicam quoque ſupereminentiam, imò Chriſtum ipſum, in cōtemptum coniecerit.

ſi quis de ſeipſo cōfidit, inquit, quod Chriſti ſit, illud rurſum perpendat ex ſeipſo, quod quemadmodū ipſe Chriſti eſt, ita & nos Chriſti ſumus.] Quamuis non aſſeueranter dicit: Sunt apud uos, qui ſe Chriſti eſſe dicant, ſed: Si quis de ſeipſo confidit quod Chriſti ſit, non dubito tamen fuiſſe inter pseudapoſtoloſ, qui ſic ſe dicerent & iactarent eſſe Chriſti, ut hoc nomine aduerſus Apoſtolum inſoleſceret, cuius rei argumentum eſt quod 1. Corin. inter ſchismaticoſ etiam illi numerantur, qui ſe Chriſti eſſe dicebant: Significatum eſt mihi de uobis, inquit, fratres mei, quod cōtentioneſ ſunt inter uoſ. Dico autem illud, quod unusquiſq; ueſtrum dicit, aliud quidem, ego ſum Pauli, ego uero Apollo, ego uero Cephæ, ego uero Chriſti, &c. Vbi expoſuimus, quomodo fieri poſſit, ut ſe Chriſti quiſquam eſſe ſchismaticè dicat. Plane probabile eſt ueniſſe Corinthum pseudapoſtoloſ, qui ob id quod Chriſtum in carne uidiffent, & aliquid forſan conſuetudinis cum diſcipuliſ illius habuiſſent, aut è numero illorum extiſſent, admodum gloriati ſint eſſe ſe peculiariter Chriſti diſcipuloſ, illoſque hic perſtringi ab Apoſtolo, cum dicit: Si quis de ſeipſo cōfidit quod Chriſti ſit, illud rurſum perpēdat, quod quemadmodū ipſe Chriſti eſt, ita & nos Chriſti ſumus. Vide autē quàm modeſte loquatur. Non contendit Chriſti eoſ non eſſe, imò non dicit: uideat uere ne Chriſti ſit uel ſecus. Neque enim mox Chriſti eſt, qui ſe illius eſſe gloriatur, ad quem modū iactantiam eorū reſtringere poterat, ſed quaſi concedens eſſe eoſ Chriſti, unum hoc agit, ut ſe quoque Chriſti eſſe contendat, ad quē ſcopum unice ſpectat. nec imprudenter. Etenim nemo ob id Chriſti ſe eſſe euicerit, ſi alioſ Chriſti non eſſe probauerit, quemadmodum nemo propterea bonus eſt, quod alioſ probat eſſe maloſ, ſicuti cacabuſ ex eo ſe album ac nitidum eſſe non euincit, ſi ollæ dicat: Væ tibi tu nigra.

ILLVD, inquit, rurſum ex ſeipſo perpēdat, quod quemadmodū ipſe Chriſti eſt, ita & nos Chriſti ſumus.] Non ſimpliciter dicit, illud perpēdat, ſed, illud rurſum ex ſeipſo perpēdat, neq; quod & nos Chriſti ſumus, ſed, quod quemadmodū ipſe Chriſti eſt, ita & nos Chriſti ſumus. Sic emphatice poſuit iſta, rurſum ex ſeipſo, & quemadmodū ipſe Chriſti eſt. Argumentum eſt ab æquo. Vir bonus & æquuſ non ſic de ſe bene ſentit, ut de alijs male ſentiat,



riat, sed quod de se honeste iudicat, idem iudicat & de alijs. Est enim admodum iniquum, sine magnis & euidentibus causis non tribuere alijs, quod tibi ipse tribuendum esse iudicas. Sic dicit hic Apostolus: Si quis sibi ipse tribuit, quod Christi sit discipulus, hoc de se ipso sentiens, sentiat & de nobis. Nec est, ut id audiat & cognoscat ex nobis. Si uir bonus est, quem admodum ex se ipso de se iudicat quod sit Christi, ita ex se ipso de nobis quoque sentiat, quod Christi simus. Argumentum hoc æquitatis, locum habet in illis qui eiusdem religionis professione iunguntur: secus uero in illis, qui manifesta dissensione ac professionis diuersitate à se inuicem dissident, quales sunt Iudæi, Gentiles, & Christiani. De Iudæo incredulo, & à professione nominis Christi alieno, nemo Christianus sentiet, quod sicut ipse Christi est, ita Christi sit & ille, qui non modo ad Christum non pertinet, sed & palam se alienum ab illo esse profiteretur. Pseudapostoli & sectarij Christi se esse gloriabantur. Idem faciebat & Paulus. Iam si satis illis erat professio nominis Christi ad hoc, ut Christo accenserentur, debebant hoc ipso iudicio uti & de Paulo, & reliquis Christianis. Si præter publicam Christianæ religionis professionem uel fidei, uel dilectionis ac zeli, uel ministerij gratia Christi se esse confidebant, poterant ac debebant ex se ipsis eandem ob causas de Paulo quoque iudicare quod Christi esset & ipse. Hac æquitatis norma si uteremur hodie in ecclesia, minus haberemus schismatum, minus temerarij iudicij, minus item persecutionum.

Dicer quisquam. Si negocium hoc erat Apostolo cum pseudapostolis, quomodo dicit se Christi esse quemadmodum illi sint Christi? An non aliter Christi est uerus Apostolus, quam falsus? Respondeo. Non dicit se sic esse Christi, sicut illi sint Christi, sed iniquum illorum de se iudicium perstringens, æquitatis eius illos admonet, quia quemadmodum de se ipsis iudicabant quod Christi essent, ita iudicent de se quoque quod & ipse sit Christi. Si mulier honesta à minus honesta diffamata dicat: Si confidis te mulierem esse honestam, ex te ipsa idem de me quoque sentias, ut quemadmodum honestam te iactas, ita honesta sim & ego. Hoc dicens non comparat se mulieri minus honestæ, sed iniquum illius de se iudicium ad æquitatis normam reuocat & reprimat. Quare, ubi dicit, quod sicut ipse Christi est, ita & nos, subaudiendum est, si uere Christi est, Christi sumus.

NAM si & amplius, inquit, quicquam gloriatur, de potestate nostra, quam dedit nobis dominus in ædificationem & non in destructionem uestri, non pudeam. Non simpliciter dicit: Si amplius, sed: Nam si etiam amplius quicquam gloriatur, &c. Quare exponendum est tanquam ætiologia eius quod præcessit. Potest autem trifariam exponi. Primo sicut referatur ad ea quæ paulò suprâ de uirtute & efficacia Apostolatus sui scripsit dicens: Siquidem

arma militiæ nostræ non carnalia sunt, sed potentia Deo ad demolitionem munitionum, quibus consilia demolimur, &c. quasi adhuc amplius quiddam sit potestatem habere ædificandi, de qua si gloriari uelit, non pudeat. Verum hic sensus non satis, meo iudicio, probabilis est. Deinde ut referatur ad proxime præcedentia, quibus dixit, debere eum qui se Christi esse confidit, quemadmodum ipse Christi est, ita ex se ipso reputare, quod ipse quoque sit Christi, hoc sensu. Sic enim comparatum esse se, ut si ultra id quod Christi est, tanquam Christianus, de potestate sua quoque gloriari uelit, quâ à domino tanquam Apostolus accepit, non sit pudescendus. Etenim amplius quiddam est non solum fidelem esse Christi, sed & Apostolum. Tertio, sic quoque non incommode exposueris. Etenim etiam si amplius quippiam quam ipse sibi uindicare queat, de potestate nostra gloriatur, quam nobis dominus dedit, non pudeat. Quare merito, qui talis est, duplici me nomine Christi esse cogitabit, si de se ipso confidere potest, quod sit Christi.

Non dicit autem simpliciter, de potestate nostra, sed addit, quâ dedit nobis dominus. Vindicat Apostolatu suo non audaciam ac temeritatem humanæ præsumptionis, id quod pseudapostoli faciebant, sed potestatem legitimam ab ipso Christo acceptam, cuius demonstratio erat in efficacia manifesta, sic ut de ea glorians non pudefieret. Qui hodie de potestate Apostolica gloriantur, probent eam sibi datam esse à domino, deinde sic eam comprobent efficaciter, ut gloriando de illa non pudeant. Ostendant ueritatem gloriationis suæ ipsius operis efficacia. Potestatem quam dat dominus, non sinit esse uanam & inefficacem, sed munus & instructum reddit eam uirtute spiritus.

Addit, in ædificationem & non in destructionem uestri, quibus uerbis potestatis suæ usum & finem expressit. Quod autem dicit, non in destructionem, non aduersatur ei quod suprâ arma militiæ suæ potentia dixit esse Deo ad destructionem munitionum. Duo erant in ipsius Apostolatu, quæ à Deo acceperat. Potentia uidelicet & potestas. Priorem Græci uocant *δυναμις*, posteriorem *ἐξουσία*. Potentiâ deputat militiæ, datque illi usum destruendi munitiones ac celsitudinem regni Satanæ, captiuasque mentes ducendi in obedientiam Christi, quia de loquutus est in præcedentibus. Potestatem deputat ædificationi fidelium, cuius hoc loco meminit. Cum ergo hic dicit: quam dedit nobis dominus in ædificationem & non in destructionem, non contradicit priori Apostolatus sui officio, sed distinguit inter illud & posterius, separans usum potestatis ab usu potentiae, ideoque non simpliciter dicit, & non in destructionem, sed addit, uestri. Vfus siquidem destructricis potentiae locum habet in impijs & infidelibus, non in pijs ac fidelibus, quorum fides ac pietas ædificanda est, non destruenda. Prius autem est destruere per potentiam Dei omnem



omnem uim Satanæ, & captiuare mentes in obedientiam Christi. Posterius uero ædificare per potestatem à Deo acceptam. Hæc duo destruendi primum, deinde & ædificandi officia non Apostolica modo, sed & prophetica fuerunt. Sic enim Hieremiæ dictum est à Deo: Ecce dedi uerba mea in ore tuo, ecce constitui te hodie super Gentes & super regna, ut euellas & destruas, & disperdas, & dissipes, & ædifices ac plantes. Vtraque incumbit nostris quoque temporibus omnibus illis qui ministerio uerbi præficiuntur in ecclesia, quæ si fideliter exequi uoluerint, infensissimos experientur Pontifices & episcopos, & omnes eos, qui Romanæ tyrannidi sunt deuoti, qui nec destructionem impietatis, superstitionis, ac regni sui nec ædificationem fidelium ferre possunt. Curabunt autem, ut non modo fortiter uerbi potentia ad destruendum uim aduersariam, sed & prudenter potestate sua ad ædificandum fideles utantur, sic ut sint ambidextri una manu destruentes destruenda, altera ædificantes ædificanda. Inuenias qui perpetuo destruant, nunquam uero ædificent, rursus qui ex opposito toti sint ad ædificandum intenti, & interea quæ destruenda sunt non destruant. Qui sic uerbum domini administrant, inutiliter in opere domini sudant. Illi uero omnium sunt peruersissimi, & ipsissima Satanæ organa, qui non modo nec ædificant ædificanda, nec destruunt destruenda, sed quod omnium est pessimum, quæ potentia uerbi destruenda erant, potestate illegitime præsumpta ædificant & extruunt, & quæ legitima potestate ædificanda erant, potentia brachij sæcularis quantum in ipsis est destruunt. Destruere debebant omnem impietatem, idololatriam, superstitionem, cæcitatem, & uim Satanæ uerbo Dei aduersantem. Verum hæc magis ædificant. Ædificare debebant in cordibus fidelium fidem in Christum, ueram fiduciam, pacem conscientiarum, spem futurorum, timorem & obedientiam Deo unice præstandam, &c. at ista pertinacissime quantum possunt destruunt. Et interim sunt Apostolici, catholici & orthodoxi.

NE uidear, inquit, 'ceu perterrefacere uos per epistolas.' Particula hæc sic posita est, ut tam sequentibus quam præcedentibus possit accommodari. Chrysostomus refert ad sequentia. Mihi placet, ut referatur ad præcedentia, hoc sensu. Non pudeat, etiam si amplius quiddam glorier de potestate mea, quam dedit mihi dominus. Verum cohibeo me, gloriando non tantum, quantum ueraciter possem. Quare? Ne uidear uos per epistolas perterrefacere, atque ita confirmare id quod nonnulli caillantur dicentes: Epistolæ sunt graues & robustæ, at præsentia corporis infirma, & sermo contemptus. Sic desyderatur aliquid, uidelicet, sed tæpero mihi, uel, quod dico, ne uidear ceu perterrefacere uos per epistolas. Romani Pontifices procul absunt ab hac Apostolica modestia, ubi per minaces bullas horrendum sonantes

A & ecclesias, & regna perterrefaciunt. Quod Apostolus non modo non faciebat, sed ne uideri quidem tale quid facere uolebat, unde non simpliciter dicit: ne perterrefaciam uos, sed, ne uidear ceu perterrefacere uos per epistolas, hoc illi magno studio faciunt.

NAM epistolæ quidem, inquit, graues sunt & robustæ, at præsentia corporis infirma, & sermo contemptus.] Reddit rationem quare cum possit ueraciter citra pudorem amplius quiddam de potestate sua gloriari, quam à domino acceperat, nolit tamē id facere, ne ueluti perterrefacere eos per epistolas uideatur. Quia, inquit, sunt apud uos qui epistolas nostras graues & robustas, præsentiam uero corporis infirmam, & sermonem contemptū esse dicant, quibus occasionē adhuc amplius oblatrandi nobis dare nolo. Quia scripserat ad eos libere, & redarguerat delinquentes, ac subinde authoritatem Apostolatus sui asseruerat: cum uero præsens apud eos esset, humilis in faciem apparuerat, sermoneque usus fuerat nec rhetorico, nec philosophico, nec aliquo alio pacto iactabundo, sed mansueto ac paterno, erant qui dissimilitudinem ipsi Epistolarum & corporalis præsentiae maligne approbaret ac dicerent: Videte qualis sit Apostolus, qui sibi ipsi dissimilis, absens præsentis. Absens intonat epistolis & scribit imperiose, grauitate ac fortiter, præsens sic est persona humilis & infirmus, & sermone despicibilis, ut uix seruius quicquam & abiectius uideri possit. Si tamen est grandis & robustus reipsa, qualem se fingit in epistolis, quare talis non apparet præsens? Eminus audet, cominus languet. Necessē est igitur, ut fingat uel humilitatem & infirmitatem præsens, uel grauitatem ac firmitudinem absens. Nequit enim fieri, ut tam diuersis modis agat ex uero. Huic malicie sic occurrit, ut nec det occasionem illis, qui occasionē querant, nec dissimulet se nihil iactare arroganter, sed ex uero omnia, sic ut etiam si adhuc amplius quiddam de potestate sua gloriatur, haud tamen pudeat, & interim tamen ipsa maleuolorum uerba exprimat, ut ubi ista in ecclesia legerent, omnibus manifestum fieret, quos nam perstringeret.

NAM epistolæ quidem, inquit, graues sunt & robustæ.] Vide peruersitatem istorum hominum. Opprobant Apostolo grauitatem epistolarum ipsius, quasi illam malo studio simularēt, cum ipsi causam illi ad eum modum scribendi dedissent. Consimili modo nostra ætate illi ipsi scripta Lutheri mordacitatis accusarunt, qui pertinaci sua malicia causam illi seuerius in ipsos inuehendi dabant, cum non modo libris calumniosissimis, sed & editis & bullis doctrinam ueritatis condemnarent, & fideles igne, gladio & laqueis improbisime persequerentur. Pessimum genus hominum, austeritatem illis exprobrant, quos ipsi aceto malicie suæ austeros reddunt.

AT præsentia corporis infirma, & sermo contemptus.]



remptus.] Ad eam præsentiam corporis refero, quod dicebant maleuoli, at præsentia corporis infirma, & sermo contemptus qua primo illis Christum prædicauit. At tum non erat causa, quæ se grauem ostenderet erga fideles, sed potius res ipsa omnem poscebat mansuetudinem ac lenitatem. Posteaquam uero reprobi opus domini in absentia ipsius uiciare moliebantur, & sectæ essent in ecclesiam, cum omnis generis corruptelis, introductæ, poscebat ipsa necessitas, ut scriberet ad eos grauius ac seuerius, quam se initio apud eos gessisset. Quare iniquissime faciebant, qui id ipsi uicio uertebant, præsertim cum causa seueritatis huius esset ex ipsis.

Deinde & illud cogitemus. Erat Apostolus iuxta sæculum non illustris & gloriosus sed humilis. At sic comparatus est Deus, ut humilibus det gratiam. Eueniebat igitur ut in præsentia constitutus propter personæ humilitatem à carnalioribus ac reprobis despicere, quod ipsi quoque Christo accidit, atque ita gratia Dei in ipso minoris momenti reputaretur. Et hoc non Paulo tantum accidit, sed hodie quoque usu uenire uidemus illis, qui cum scriptis suis magnam sibi partim eruditionis partim pietatis estimationem concilient, ubi præsentem spectant humiliores opinione apparent, ut recte dicas: Sæpe uiri magni minuit præsentia famam. Sic comparatum est hoc sæculum, ut non estimet magni, nisi eos quorum & persona est spectabilis, & sermo splendidus ac gloriosus, humiles uero mox primo aspectu fastidiat. Sic fit, ut in formis humilitatis gratia Dei respuatur. At aurum in quocunque cæno ac luto repertum auide colligunt, quod eius studiosiores existant quam gratiæ Dei.

Hoc reputet, qui istiusmodi est, quod quales sumus sermone per epistolas cum absimus, tales sumus & cum adsumus facto.] Cogitabant ac dicebant quoque. Quæ scribit, grauiam quæ de sunt & fortia, sed interim nihil sunt nisi uerba hominis in absentia audientis, in præsentia uero humilis & abiecti. Quæ minatur absens, nunquam tentabit præsens. Occurrit dicens: Qui istiusmodi est, hoc est, qui de nobis ad hunc modum iudicat, hoc reputet ac sibi ipse persuadeat, quod quales sermone sumus per epistolas dum absimus, tales sumus & cum adsumus facto, hoc est, quod absentes scribimus, hoc præsentem facere possumus, potestate & efficacia quam accepimus à domino. Sic intelligendum est quod dicit: tales sumus cum adsumus facto, non de prima illa præsentia, qua Christum initio Corinthi prædicauerat, in qua non erat causa, ut talis esset facto, qualem se postea per epistolas ostendit sermone, sed de futura, si coactus à reprobis denuo ad eos uenisset.

Obserua uero, quod in singulari dicit: Hoc reputet qui istiusmodi est, quemadmodum & in præcedentibus: Nam epistolæ, inquit, graues sunt, &c. ubi uni cuiusdam, quisquis ille fuerit, id obloquutionis dat, quo epistolas ipsi graues

præsentiam uero infirmam & sermonem contemptibilem esse dixerit. Apparet uenisse Corinthum è Iudæa pseudapostolum aliquem qui spiritu liuoris impulsus Apostolo sese opponere tentauerit, id quod & capite sequenti innuitur, ubi dicit: Nam si is qui uenit alium Iesum prædicat, &c.

Deinde & illud obseruemus, quod dicit, quod talis est, pro eo quod dicendum erat, qui hoc dicit. Qualis quisque est talia dicit & facit. Quare ex uerbis & factis prodit quisque qualis sit, bonus ne uel malus, amicus uel inimicus, pius uel impius, sapiens uel stultus, iustus uel iniustus. Ideo recte hic dicit: Hoc reputet qui talis est, id est, qui sic erga me maligne animatus est, ut & præsentiam meam & epistolas diuexet. Vbi audimus aliquem proximi sui dicta & facta obloquendo diuexantem, facile qualis erga illum sit intelligimus.

De eo quoque cogitandum est, quod dicit, quales sumus sermone per epistolas cum absimus, tales sumus & cum adsumus facto, ubi admonemur quid uiro graui, honesto, probo ac ueraci competat. Hoc uidelicet, inter cætera, ut sit sibi ipsi nusquam dissimilis, non alius absens & alius præsens, sed & absens sit qualis est præsens & præsens qualis est absens, tanquam alienus ab omni hypocrisi, instar auri, quod non aliud est in oculis & aliud extra oculos, non aliud in manu diuitis & aliud in manu pauperis sed ubique sibi ipsi constanter simile. Deinde, ut non iactet sermone plura, quam possit præstare facto, ne pudefactus inanis ac uanus depræhèdatur. Multo tutius est minus promittere uerbis, & plus quam promiseris præstare factis. Etenim nemo hinc leuitatis arguitur, quod nequit magnifica præstare facto, si magnifica non promiserit, sed id demum leuitatis est pudori obnoxium, si plura promiseris quam opere præstare possis, præsertim si accesserit iactantia.

Non enim, inquit, sustinemus inferre aut conferre nos ipsos, cum quibusdam, qui se ipsos commendant. Sed isti non intelligunt quod ipsi inter sese se ipsos metiuntur & comparant semet sibi. At nos non in immensum gloriabimur, sed iuxta mensuram regulæ, qua partitus est nobis Deus, mensura pertingendi etiam usque ad uos. Non enim quali non pertingamus usque ad uos, extendimus nos ipsos supra modum. Nam usque ad uos quoque peruenimus in Euangelio Christi, non in immensum gloriantes super alienis laboribus, sperantes futurum, ut subolescente fide uestra in uobis, magnificemur iuxta regulam nostram in exuberantiam, ut in istis quoque regionibus, quæ ultra uos sunt, euangelizem, non per alienam regulam, ut de his quæ parata sunt gloriemur. Ve



rum qui gloriatur, in domino gloriatur. **A** Non enim qui seipse cōmendat ille probatus est, sed is quē dominus cōmēdat.

Dixit se talem esse facto præsente, qualis sit sermone per epistolas absens. Iā quæ subiūgit declarant, alienum ipsum esse ab ea uanitate, qua plura de se iactet uerbis, q̄ opere prestare possit, ad quem modum pseudapostoli inaniter de seipsis gloriari soleant. Sic dicit: Non enim sustinemus inferere aut cōferre nos ipsos cum quibusdam qui seipsos commendant. In Græco est, ἡ γὰρ τελευτή, id est, non enim audeamus, quod nihil est aliud, quā: Non enim sic uani ac temerarij sumus, ut illis nos iūgamus ac similes reddamus, qui seipsos cōmendant, hoc est, studio inanis gloriæ plura de se iactāt quā ueraciter præstare queant. Quare Erasmus non inscite uertit: Non enim sustinemus, ne uideatur Apostolus sic magni facere gloriosos illos Thralones ut non auit se illis comparare, aut albo illorum inferere. Honesta matrona nō audet inferere se ac comparare leuibus mulierculis, quæ & uerbis & factis impuri cordis lasciuia spirant. Hoc genus ἀτολμίας honesti animi indicium habet. Sic quod non audebat Apostolus comparare se uanis Thralonibus, illorumq; se numero inferere, qui inani iactatione insolescebant, argumentum habebat animi ueritatis studiosi, & ab inani iactantia abhorrentis. Quare uanissimum erat, quod in simulabat eū, quisquis fuit, eius leuitatis, qua grauiora sonaret epistolis absens, quā facto præstare posset præsens.

**S**ED isti non intelligunt, inquit, quod ipsi inter sese seipsos metiuntur, & comparant semet sibi. In Græco est, ἀλλὰ αὐτοὶ ἐν ἑαυτοῖς καὶ τοὺς μετροῦντες καὶ συγκρίνοντες ἑαυτοὺς ἑαυτοῖς οὐ συνιδοῖν, id est: Sed ipsi in seipsis seipsos metientes, & comparantes seipsos sibi ipsis non intelligūt. Vulgata uero uersio sic habet: Sed ipsi in nobis nosmetipsos metiētes, & cōparantes nosmetipsos nobis. Hic interpretes refert ista ad ipsum Apostolū, quasi nō de gloriosulis Thralonibus pseudapostolis, sed de seipso loquat, & illud ἡ συνιδῶν, id est, nō intelligunt, omittit. Chrysostomus hic dicit, ἡ πρὸς ἑαυτὸ ταῦτο φησί, ἡ πρὸς ἑαυτὸν. Verum certius est, ut referamus ad eos quorū inanes glorias perstringit, hoc sensu: Non ausimus nos comparare & inferere illis qui seipsos commendant: Verum illi non intelligunt, q̄ sit turpe quod faciūt, propterea quod metiuntur sese non nisi ad seipsos, & cōparant se non ad perfectiores, sed ad seipsos, hoc est, sic placēt sibi ipsis, ut neminem esse putent, cum quo sint conferendi. Non obseruāt, quib⁹ donis à Deo ornati sint alij, sed seipsos tantum spectantes existimant nō inueniri parem nedum potiozem. Si saperent, conferrent ea, de quibus gloriātur, cum donis ac dotibus aliorum, & hoc faciētes facile intelligerēt, nō esse sibi causas insolescendi, gloriandi, & alios præ se fastidiendi, sed potius modeste ac sub-

missius agendi. Ergo illi perinde faciebant, atque sciolos nonnullos. facere uidemus, qui quoniam nec legunt aliorum scripta, nec audiunt alios, sed instar testudinis suo ipsius fuc co contentæ, suam ipsorum dūtaxat eruditionem inspiciūt, illamq; pluris faciunt decuplo, q̄ sit in seipsa, atq; ita opinione scientiæ inflantur, qua stulticia liberari possent, si se non cum seipsis sed cum alijs conferrent. Consimilē plane stulticiam perstringit hoc loco Apostolus in Thralonibus illis qui seipsi commendabāt, iactantes admodum, quod essent Ebræi, Israëlītæ, semen Abrahe, & Christi ministri, sicut capite sequenti uidebimus, & horum consideratione aduersus alios, ipsum quoq; Paulū inflabantur, quasi non & ipse Ebræum se, Israëlītā, semē Abrahe Christi q; ministrū iactare posset.

Admonemur horum exemplo, ut de nobis ipsis iudicaturi non nostras tantum uirtutes, si quæ concessæ sunt diuinitus, sed & aliorū inspiciamus, nosq; non cum nobis ipsis sed cum alijs, præsertim potioribus, cōferamus, ne per stulticiam insolescamus, inflemur, & alios cōtemnamus. Hæreat in mentibus nostris quod dicit: ἡ συνιδῶν, id est, non intelligunt, ne in putidam hanc stulticiam incidamus.

**S**cio à nonnullis locum hūc sic exponi: Sed isti, cum sui similibus sese conferūt, & mutuū muli scalpunt belle sibi mutuo placentes. Et hoc uolunt esse, quod dicit: sed isti ἐν ἑαυτοῖς καὶ τοὺς μετροῦντες ideoq; ἐν ἑαυτοῖς, id est, in seipsis, redunt, inter sese, cum uerti possit, intra sese. Verum sensus quem posuimus, meo iudicio, uerbis est uicinior.

**A**T nos non in immēsum gloriabimur, inquit, sed iuxta mensuram regulæ, qua partitus est nobis Deus mensura pertingendi etiā usq; ad uos. Quod in Græcis exemplaribus est, quæ nobis sunt in manu, οὗ ἡ μέτρον ἡμῶν ἡ θεὸς μέτρον ἐφικίδου ἀπὸ καὶ ὑμῶν, existimo pro μέτρον legendum esse μέτρον, id est, mensuram quemadmodum in Chrysost. quoq; expositione, in exemplari Veronenſi legitur, & uulgata lectio Latina habet. Postquam stulticiam pseudapostolorum perstrinxit qua seipsi uane iactabāt, opponit iam ad finem usq; capitis moderationē suam, qua ipse non gloriabatur ultra mensurā donationis Christi, quo lector uideat, q̄ ini-que egerint pseudapostoli quod insimularunt ipsum eius uanitatis, qua plura sibi tribueret scribendo absens, q̄ prætiteret faciendo præsens, cum ipsi eo uicio laborarent, ut iactarent de se temere magna, quorū nihil prætiteret, nec præstare possent. Sic dicit: At nos non in immensum gloriabimur. Gloriari, ὡς τὰ ἄμνηρα, est gloriari ultra modum & mēsuram eorum quæ prætiteris uel præstare possis. Ideo subiicit, sed iuxta mensuram regulæ, qua partitus est nobis Deus mensuram pertingendi etiā usq; ad uos. Apparet pseudapostolos gloriatos fuisse, quod in longinquum prædicationis suæ cursum extendissent, & quasi totum orbē prædicando peragrassent, quod & Chrysostomus an-



mus annotat, qui dicit: *καὶ γὰρ ἀνὸς ὡς αὐτὸς κομπά-  
ζοντες λέγομεν, ὅτι πλὴν οὐκ ἐμὴν ἰσχυρίαν, πρὸς τὰ ἔργα-  
τα ἃ ἡμεῖς ἀφικόμεθα, καὶ πολλὰ ἔσθρα τοιαῦτα μεγαλυνοῦμεν.*  
Ea gloriatio erat inanis, & in immensum ex-  
tensio. Apostolus uero non gloriabatur ultra  
regulam gloriandi, quæ est, ut secundum men-  
suram donationis Christi, & non ultra glorie-  
mur. Hanc sibi à Deo datam esse dicit, ut ad ip-  
sos Corinthios quoque prædicando Christum  
pertingerit.

Obserua, quod non dicit: nos non gloria-  
bimur, sed, nos non in immensum gloriabimur.  
Ergo non diffitetur in uniuersum se quoque glo-  
riari. Vnde recte colligimus non esse in se illi-  
citurum sanctis, ut glorientur. Illicitum uero &  
culpabile est, si quis gloriatur non ueraciter sed  
falso, iactans ea, in quibus nihil est ueri, uel, non  
de suo sed alieno, uel non moderate, sed ultra  
mensuram à domino acceptam, uel non certa  
& utili ratione sed inaniter ac frustra, uel non  
in domino, sed in carne siue sua siue aliena. Ni-  
hil horum in gloriationibus sanctorum reperit,  
qui gloriatur ueraciter, de suo, moderate, præ-  
gnanti ratione, & in domino.

Deinde obserua quod dicit: sed secundum  
mensuram *κατὰ μέτρον*, id est, regulæ, qua partitus  
est nobis Deus mensuram, &c. uides hic non  
modo dari à Deo, quæ bona sunt, & recte ge-  
runtur, sed & partiri illum unicuique suam me-  
suram, alij plus alij minus, nemini nihil, nemi-  
ni omnia. Adhuc, partitioni huic uides assigna-  
ri canonem, certam uidelicet regulam. Quis ca-  
non ille sit, secundum quem Deus unicuique do-  
na sua secundum mensuram partitur, non ex-  
primit. Neque certo potest exprimi. Quia secre-  
to diuinæ prouidentiae constat, quæ omnia  
sapienter, utiliter, & sufficienter pro uniuscu-  
iusque necessitatibus siue uitæ sustentandæ siue  
obeundi ministerij distribuit. Et hic Canon ser-  
uandus est omnibus illis, quos Deus alijs in  
hac uita uel alendis & educandis, uel instituē-  
dis, uel gubernandis ac protegendis præfecit,  
ut & ipsi unicuique suam mensuram necessitati-  
bus ipsius competentem subministrent.

Illud quoque animaduertendum est, quod di-  
cit: pertingendi etiam usque ad uos. Magnis la-  
boribus & crebris periculis per multas Gætes  
& urbes inde à Iudæa in Corinthum usque euan-  
gelizādo peruenierat. Et ea de re sic gloriatur,  
illamque singulari dono Dei adscribit, ac si  
maximo suo cum emolumento cursum hunc  
perfecisset. Tantus uidelicet inerat pectori il-  
lius propagandi regni Christi ardor, ut quo la-  
tius illius gratia excurrere dabatur, hoc magis  
singularem in se gratiam Dei agnosceret.

NON enim, inquit, quasi non pertingamus  
usque ad uos, extēdimus nos ipsos supra modum.  
Nam usque ad uos quoque peruenimus in Euan-  
gelio Christi.] Exponit quod in præcedētibus  
dixit: at nos non in immensum gloriabimur,  
&c. Gloriari in immensum uocat hic extēdere  
se supra modum, intellige, gloriādo. Et negat  
se hoc facere, dum ad Corinthios usque pertigisse  
euangelium suum gloriatur, dicēs: Dum gloriamur de

A uobis, quod ad uos usque in Euangelio Christi  
peruenimus, uesterque; Apostolus sumus, non  
gloriamur in immensum, nec extēdimus nos  
ipsos supra modum, quasi ad uos usque non perue-  
nerimus, ideoque; plura nobis gloriando tribua-  
mus quod opere præstiterimus, absit, nam & ad  
uos usque Christum uobis euangelizando per-  
uenimus. Non simpliciter autē dicit: Nam usque;  
ad uos peruenimus, sed, nam usque; ad uos quo-  
que peruenimus, quemadmodum & in præcedē-  
tibus dixit, qua partitus est nobis Deus men-  
suram pertingendi etiam usque; ad uos. Sic lo-  
quēdo significat se non sic ad eos usque; uenisse,  
ut inde à Hierosolymis Corinthum usque; nullis  
præterea Gentibus ac populis euangelizauerit,  
nisi ipsis solis, sed potest multas alias regio-  
nes peragratas ad ipsos quoque; pertigisse, qua-  
re gloriari se non ultra mensuram cursus sui quo-  
ties de ipsis gloriatur. Et illud haud ociose adie-  
ctum est, quod dicit: in Euangelio Christi. Du-  
bio procul multi erant ex Iudæis, qui & ipsi Co-  
rinthum uenerant. Nam ibi synagoga Iudæorum  
habebatur, ut uidere est Act. 18. Ut significet i-  
gitur uenisse Corinthum se non ut Iudæum aut  
alias simpliciter ac uulgariter, sed ut Apostolum  
Christi ad prædicandum illic Euangelium Christi,  
cum dixisset: Nam usque; ad uos quoque; perueni-  
mus, addit, in Euangelio Christi, id est, in præ-  
dicatione Euangelij Christi, in Apostolatu præ-  
dicandi Euangelij Christi. Obserua hoc loco  
uerbum *καὶ πρὸς ὑμᾶς*. Locum habet in illis qui  
B modum tenere nesciunt, sed nimia uel lucri, uel  
uoluptatis, uel inanis gloriæ cupiditate rapti  
perpetuo sese ultra mensuram recti, honestatis  
& modestiæ, si factis nequeunt, uerbis saltem  
ac uotis extendunt. Et hoc ingenio fere sumus  
omnes, nisi quod gratia spiritus Dei electos  
cohibet, ne quod ipsorum quoque; est carni agna-  
tum, una cum reliqua multitudine sequatur.

NON in immensum gloriātes super alienis  
laboribus, inquit.] Paulo supra quinque; posui  
mus illicitæ gloriationis species inter quas eā  
quoque; recēsumus, quam hic ponit Apostolus,  
negās se gloriari super alienis laboribus. Quia  
ubi se Corinthum quoque; in Euangelio Christi  
peruenisse dixit, idem poterant in speciem iac-  
tare pseudapostoli, eam illis gloriationē adi-  
mit negans se gloriari super alienis laboribus,  
dum Corinthum se prædicando peruenisse di-  
cit. Venerant quidem Corinthum etiam illi, &  
dubio procul ibi prædicabant, uerum quod ibi  
fidelium Christi repperunt ecclesiam non po-  
terant suis tribuere laboribus. Nam debebatur  
hoc laboribus Apostoli, qui primus Corinthios  
ad fidem in Christum conuerterat, & ecclesiam  
ibi constituerat. Quare cum se Corinthiorum  
gloriaretur esse Apostolum, non gloriabatur su-  
per alienis sed super proprijs laboribus. Et hoc  
dicens putidam reddit illorum iactantiā, qua  
se Corinthum usque; peruenisse gloriabantur. Ve-  
rum infra adhuc plura hac de re subiiciet.

S PERANTES futurum, inquit, ut subole-  
scēte fide uestra in uobis magnificemur iuxta  
regulam nostram in abundantiam, ut ijs quoque;  
regio-



regionibus quæ ultra uos sunt euangelizem.] Ne uideatur metam Apostolici sui cursus sistere in Corinthijs, dicit sibi spem esse extendendi illum adhuc usq; ad ultiores populos. Hoc est, quod cum dixisset: Nam usq; ad uos quoq; peruenimus in Euangelio Christi, non in immensum gloriantes super alienis laboribus, subiungit, sperantes futurum, ut ijs quoq; regionibus quæ ultra uos sunt euangelizet. Vulgata æditio nō exprimit sensum Apostoli. Sic enim habet. Spem autem habentes crescentis fidei uestre in uobis magnificari secundum regulam nostram in abundantia, etiam in illa quæ ultra uos sunt euangelizare. Non enim loquitur Apostolus de spe fidei Corinthiorū qua fore speret, ut illa crescat sed de spe Euangelij ad ultiores quoq; Gentes prædicatione sua propagandi. Quare quod in Græco est *ἐν ἐλπίδι* *ὅτι πιστεύετε ἐν ὑμῖν*, non debebat uerti in genitiuo, fidei uestre, sed in ablatiuo, crescente fide uestra in uobis. Sensus est. Non sic de uobis glorior, quasi prædicationis meæ cursus in uobis terminetur, sed spero futurum, ut ubi fides uestra paulo fuerit facta in uobis uegetior ac firmitior secundum regulam nostram, illum ex abundantia, ad ultiores quoque Gentes, quæ ultra uos sunt, euangelizando extendamus. Verbum *μεγαλυνῆσθαι*, id est, magnificari, sic est positū, ut tam ad præcedens, *ἐν ὑμῖν*, id est, in uobis, q̄ ad sequentia possit referri. Si referas ad præcedens, sensus erit: Spero fore ut magnificemur in uobis ubi fides uestra adoleuerit. Si ad sequentia, significat sperare se ut secundum abundantiam regulæ suæ magnificet, ubi ulterioribus quoque Gentibus euangelizauerit.

SPERANTES futurū, inquit.] Non affirmat, sed sperare se dicit, fore ut adhuc latius Euangelij cursum extēdat. Terminus enim illius erat in scientia ac manu Dei, à cuius dispensatione totus pendebat.

V T subolescēte fide uestra in uobis, inquit.] An cursum Euāgelij nō poterat ad ultiores Gentes extēdere, nisi fides Corinthiorū prius adoleuisset? Quid si prorsus non credidissent? An ipforum incredulitas regnum Christi impediuiisset, quominus ad ultiores populos propagari posset? Respondeo. Incredulitas illorum cursum Euangelij haudquaquā remorata fuisset, remorabatur uero fidei illorū imbecillitas. Etenim si Euāgelium nō recepissent, potuisset excusso pedum suorū puluere transire ad ultiores, id uero facere non potuit posteaq̄ credere cōperant, nisi prius fide illorum aliquousq; corroborata. Hoc scilicet est quod dicit: ut sublescente fide uestra in uobis, &c.

MAGNIFICEMUR, inquit, iuxta regulam nostram in exuberantiā.] Sensus est ut adhuc ampliorem gloriandi materiā acquiramus. Id uocat magnificari secundum regulam suam in abundantia. Regulam eādem intelligit quam supra uocauit mensurā regulæ. Suam eam uocat quod à Deo sibi sit cōstitutā. Verbo autem magnificandi non utitur carnali affectu, quasi appetat ac speret inanis gloriæ augmentū, sed

A usurpat illud & accōmodat proposito suo cōtra pseudapostolos, quorum improbitatē refellere cōepit. Obserua obiter, quod Canonē diuinæ admēsurationis uocat suum Canonē. Talis erat Canonicus Paulus militans ac seruiens sub Canone, id est, regula, non Frācis, nō Bernhaldi, non Dominici, sed ipsius domini. Regula sit non modo ministro sed & cuilibet fidei, mensura diuinæ constitutionis ac uocationis, ut secundum hanc se religiose ac fideliter gerat. Est autem regula hæc duplicis conditionis. Alia nanq; est *ὑποαγωγή*, alia *ἀγώγη*. *ὑποαγωγή*, id est, non scripta, erat ea qua de loquitur hic Apostolus. Neq; enim aliquo erat scripturæ loco expressum quousq; propagaturus esset Euangelium Christi: *ὑποαγωγή* uero est, qua ipsa doctrina præscribitur Euangelij ministris. Et qua fidelibus omnibus ac singulis constituitur quid credere ac uiuere debeat. Hoc sensu sunt omnes Christiani, tam fideles q̄ ministri Canonici, ministrantes ac uiuentes sub regula Dei, à qua si declinauerint multo uerius ac perniciosius irregulares fiunt, quā si monachus cucullatus à sua regula exorbitet.

V T ijs quoq; regionibus, inquit, quæ ultra uos sunt, euangelizem.] Non exprimit eas regiones, quibus ultra Corinthum sitis speret se prædicaturum Euangelium. Nec id referebat admodum. Si cursum illius quo inde à Hierosolymis Corinthum usq; peruenit cōsideres, ultra Corinthum utiq; erat Macedonia, in qua tamē priusquā Corinthum uenisset Christum prædicauerat. Quin in ea quæ ad Rom. est cap. 15. gloriatur se ad Illyricū usq; impleuisse Christi Euangelium, quæ extrema pars est Macedonia. Tandem & Romā usq; licet captiuus, peruenit, & ibi quoq; biennium euangelizauit.

B NON per alienam regulam, inquit, ut de his q̄ parata sunt gloriemur.] Dixit: sperantes futurum, ut magnificemur per regulam nostrā. Iam quorsum id dixerit exprimit subiiciens, non per alienā regulam in ijs quæ parata sunt, intellige, ab alijs, gloriando. Dicit se nolle gloriari de alienis laboribus, de locis in quib⁹ alij Christū prædicauerint, sed de suo labore paratis. Nequit hoc satis inculcare, gloriari se non de alieno sed de suo ipsius labore, nō secundū alienam sed secundum suam regulam, non de ijs quæ ab alijs sed quæ à se sint parata. Sic & Rom. 15. dicit: Non ausim loqui quicquā eorū quæ nō effecit Christus per me, in obedientiā gentium. Et paulo post: ita porro annitens prædicare Euangelium, non ubi nominatus erat Christus, ut ne super alienum fundamentum edificarem, sed quemadmodum scriptum est: Quibus non est annunciarum de eo, uidebūt, & qui non audierant, intelligent. Hæc dicendo perstringit pseudapostolos ac subintroentes fratres, laboribus suis insidiantes, deq; alio nō impenſe gloriantes.

Et utinam id genus hominum nullum post se reliquisset seminariū, neq; tā opere in ea urbe post Pauli labores inualuisset, quā imphissime, ecclesiarū Christi cōstituere magistrā. Et

Anaba-



Anabaptistæ quid aliud faciunt, quàm quod in eas ecclesias, in quibus iam est Euangelicæ doctrinæ fundamentum ab alijs magno cum labore positum, subrepūt, & de suis erroribus superstruunt, unde quod positum est fundamentum subuertatur? Nec Anabaptistæ tantū hoc faciunt. Inuenias siquidem Euangelicos ministros, qui sic in ecclesijs hodie, quas alij non sine multo discrimine ab impietate ac seruitute Papistica liberarunt, & ad Euangelij lucem ac libertatem perduxerunt, haud secus in solescant, quàm si ipsi illarum primi sint apostoli, & quod adhuc peius est, labores antecessorum, quibus ipsi bene utuntur, iniquissimis conuicijs proscindant, ac nomina eorum per quos populus primum Euangelio credere cœpit, odiosa reddere conētur. Pseudapostoli iactabant Hierosolymam & Petrum & Iacobū magnos apostolos. Papistæ iactāt Romam & Petrum. Et isti quoq; habent unde se iactent, haud plus de proprio gloriantes quàm illi.

VERVM qui gloriatur, inquit, in domino gloriatur.] Generalem parænesim ponit, ad omnes pertinentem communiter. Verum inquit, quisquis ille sit qui gloriatur, & undecūque gloriatur, hoc ab illo cum primis requirit, ut gloriatur in domino. In priore epistola ad Cor. cap. 1. eandem parænesim tribuit scripturis dicens: Vt quemadmodum scriptū est. Qui gloriatur, in domino gloriatur, respiciens opinor ad nonum caput Hieremiæ. Gloriarī autē in domino, est nihil eorum de quibus gloriamur, nostris tribuere uel uiribus uel sapientiæ uel iusticiæ, sed omnia diuinæ prouidentie adscribere, & illius tantum non nostram gloriādo spectare gloriam. Qui sic animati sunt, non poterunt gloriari secundum carnem, ideoque nec supra mensuram suam, nec de falso, nec de alieno gloriabuntur, quemadmodū faciebant pseudapostoli, qui quoniam inanis gloriæ studio tenebātur, in domino gloriari nō poterāt.

Quisquis gloriatur, tria hæc gloriādo facit. 1. Primo, gaudet & exultat in seipso, super ijs de quibus gloriatur. De tristibus, unde dolemus, nemo gloriatur, sed de lætis, de bonis, ac præclaris. Loquor de cordatis & honestis hominibus. Carnales siquidem de carnalibus, & mali de malis lætāntur. Sic Pro. 2. Lætātur, inquit, cum male faciunt, & in peruersitatibus maliciæ exultant. 2. Deinde gaudium suum non continent in conscientie suæ secreto, sed prædicāt & iactant apud alios. Hinc est, quod iactantia pro gloriatione sumitur. Et id faciūt non leuiter sed ore pleno, nō semel atq; iterū, sed frequenter, præsertim qui gloriāntur in rebus uanis ac nihili. 3. Terrio laudē & gloriā iactando querunt, unde uerbū est gloriari Latinis, & *καυχῶμαι* Græcis. Et hic studia in contraria scinduntur pij ac reprobi. Pij gloriando non suam ipsorum sed Dei gloriam quærent, quemadmodum in illo exultant quoq; & nō suas uirtutes sed Dei in se dona & gratiam de prædicant, & sic gloriāntur non in se sed in domino. Reprobi uero dum gloriāntur, suā ipso-

rum gloriam ac laudem uenantur, non Deum sed seipsos laudantes. Hinc Ebræis est uerbū, *התהלל*, quod seipsum laudare significat, & tamē ad eorum quoq; gloriationem usurpatur, qui gloriando non suam sed Dei gloriam querunt, & non in carne sed in domino Deo suo exultāt, sicuti uidere est Hier. 9. ubi sic legitur, *כה אמר יהוה אל התהלל חכם בחכמתו ראל יהלל חבור בגבורתו אל יהלל עשיר בעשרו: כי אם בזאת התהלל חמתהלל השכל וידע אתי כי אני יהוה עושה חסד משפט וצדקה בארץ כי id est: Sic dicit dominus, ne gloriatur, uel, ne laudet se, sapiens in sapientia sua, ne gloriatur uir robustus in robore suo, ne gloriatur diues in diuitijs suis. Quin magis in hoc gloriatur qui gloriatur, quod intelligit ac cognoscit me, quod ego sum dominus faciens misericordiam, iudicium & iusticiā in terra. Nam illis delector, dicit dominus. Ex hac itaq; distinctione facile uidere est, qui sint qui in domino, & qui in carne gloriāntur.*

NON enim qui seipsum commēdat, inquit, ille probatus est, sed is quem dominus commēdat.] Reddit rationem quare debeat qui gloriatur gloriari in domino. Sumit autē eam ex opposito & illius uanitate. Commendare seipsum, inducit tanquam oppositum gloriationi quæ fit in Deo. Etenim qui seipsum cōmendat, gloriatur utiq; in seipso, & gloriā quā uindicat sibi ipsi, detrahit Deo, quod maxima est in conspectu Dei iniquitas. Vanitas huius est, quod non præstat id quod ab eo qui seipse commendat queritur. Vult enim probatus haberi, & in hunc se finem gloriādo cōmendat. At propria commendatio probatū reddit neminem, sed suspectū potius de impostura, magisq; contemnendum ac fugiendum quàm suspiciendum. Hoc significans dicit: Non enim qui seipsum commendat ille probatus est.

Iudiciū hoc de ijs qui seiplos commēdant ac uenditant quasi admodum sint probati, de quorū fide & integritate dubitare debeat nemo, summopere necessariū est in ecclesijs, præsertim ubi locum habent hypocritæ qui singulari hypocriseos studio insinuant se ac commēdant imperitis & incautis, & obtinent etiam ut pro iustis, sanctis, ac probatis habeantur, cū sint nequissimi impostores. Si maiores nostri cautione hac fuissent usi, ut cogitassent, secundum Apostoli sententiam probatos non esse eōs qui seipsi commēdant, minus fuissent seductionibus facti obnoxij.

QUEM autem probatū pronunciat? Sed is, inquit, quem dominus cōmendat.] Nō dicit: quem alij commēdant, sed, quem dominus commendat. Humana commendatio probatum non reddit. Commendabantur pseudapostoli cōmendaticijs aliorum epistolis, quæ admodum suprā cap. 4. uidimus, & tamē non erant probati sed impostores reprobandi. Neminem potest homo talem reddere qualē cōmendat. Dum autem commendamus aliquē uirtutis alicuius nomine, fit ut sæpenumero fallamur, bonum existimātes esse eum qui no-



bis inscijs & nō satis circumspēctis malus est ac reprobandus. Imō, quod adhuc peius est, haud raro commēdamus eum quem indignū esse scimus qui commendetur, dum illi magis cupimus esse consultum q̄ quibus eum commendamus. Non igitur prāter rationem est, quod poēta monet dicens.

Qualē cōmendes etiā atq; etiā aspice, ne mox Incutiant aliena tibi peccata pudorem.

Fallimur, & quendā nō dignū tradimus? ergo Quē sua culpa premit, deceptus omitte tueri, Ut penitus notum si tentent crimina serues Tuterisq; tuo fidentem præsidio.

Vbi autem dominus aliquem commendat, ibi nec fallitur ipse nec fallit quenq; quare necesse est, ut sit probatus. Cōmendat ille non ut homo, significans qualis sit quem commēdat, nec commendat uerbis, sed manifestis argumentis, ipsis uidelicet operibus ac donis suis, quibus talem reipsa reddit, qualem uult haberi. Sic commendabat Paulum tanq̄ insignem Apostolum, reddebatq; eum probatū magna Apostolatus ipsius efficacia. Hoc genere commēdationis destituebant pseudapostoli, quare quo probati uiderentur, magnas de se sciētiā, sapientiā, eloquentiā iactabant ampullas, & Paulum prae se tanq̄ humilem & idiotam sermone fastidiebant. Hac regula diuinā commendationis instructi iudicemus de ministris Christi, probati ne sint uel secus. Si donis Dei ad ministerium necessarijs fuerint instructi, idq; manifestis argumentis declarauerint, agnoscamus in illis commēdationem Dei, habeamusq; eos tanquā probatos in precio. Nulla arbor uerborū commēdatione probata reddit, reddit uero bonorū fructuū fertilitate. Sic in ministris quoq; iudicādis ac pbādis, discamus ex fructibus cognoscere arborē.

#### ARGUMENTVM CAPITIS.

**M**ox initio significat, quā cupiat se à Corinthijs patienter audiri, & quare tam sit pro ipsius sollicitus, quāq; nullā dederit ipsis causam, ob quā se fastidire debeant, ac tum fiducialiter ac libere cōtra pseudapostolos dimicat, suamq; gloriationem illorum iactantiā opponit.

#### CAPVT XI.



**VTINAM** tolerassetis me paulisper in insipientia mea imō & suffertis me: nam zelotypus sum erga uos Dei zelo. Adiunxi enim uos uni uiro, ut uirginem castam exhiberetis Christo, sed metuo, ne qua fiat, ut quem admodū serpens Euan decepit uersutia sua, ita corrumpantur sensus uestri à simplicitate quā erat erga Christum. Nam si is qui uenit alium Iesum prādicat, quē non prādicauimus, aut si spiritum alium

accipitis, quem non accepistis, aut Euāgelium aliud, quod non accepistis, recte sustinuissetis. Arbitror enim me nihilo inferiorē fuisse eximijs apostolis. Si uero idiota etiā sim sermone, nō tamē sciētia.

**VTINAM**, inquit, tolerassetis me paulisper.

In Græco quidem sic est, *ὅσον ἄνθρωπος ἴσως*, id est: Utinam tolerassetis me, uerum conuenientius est, ut legamus, utinā toleretis me. Neq; enim respicit prāteritum aliquod tempus, in quo debuerint ipsum tolerare, nō tolerauerint autem, sed loquitur de præsenti causa quam tractat, gloriatione uidelicet cum sua tum pseudapostolorū, & optare se dicit, ut in illa se patienter audiant, cui sensui non conuenit prāteritum, tolerassetis sed præsens, toleretis. Sensus autē est. Esto, uidear uobis quoq; insipienter gloriari. Boni hoc consulens id salte optarim, ut hanc insipientiam meam paulisper toleretis, dum rationem & æquitatem illius explicem.

Tolerantia rerū est non lætarū, non desyderatarum, nō spectabilium & magnificarū, sed tristium, molestarū & ineptarum. Tale autē nihil eorum uideri debebat Corinthijs, quæ scribit ad ipsos Apostolus. Verū quoniam, ut puerbio dicit, propria laus sordet, futurū prauidebat, ut gloriando insipiens factus uideret & tamē ipsa hoc poscebat, imō extorquebat, pseudapostolorum improbitas, ut Apostolatū suū cōtra illos tutaret, & gloriatione sua iactantiā illorū reprimeret, id saltem erga se poscit obseruantia, ut si uideatur desipere gloriādo, in ea ab ipsis insipientia toleretur paulisper. Nec optat hoc ac petit ab illis, tanq̄ à filiis suis, immerito. Debent enim filij parentibus, subditi præpositis, discipuli magistris, non modo dilectionē ac uoluntariā obedientiam, sed & tolerantiam, sicubi uel per ignorantia, uel temptatione aliqua uicti, uel senio aut morbo deficientes, in re aliqua ineptiant & hallucinent, quē admodū & parētes, præpositi & magistri multa tolerāt in ijs qui ipsis sunt subiecti. Sine hac quippe mutua tolerantia conuictus humanæ uitæ nec in prophanis nec in sacris subsistere poterit, quandoquidem nemo est tam in præpositis q̄ in subditis, tam sapiens, tam bonus, tam in bono constās ac perfectus, ut nō subinde labat, & ineptiat. Non ineptiebat Apostolus, sed utitur cōcessionē in hoc loco, & simul poscit tolerantia, quā sibi debebant etiā si reuera alicubi desiperet. Cauendū tamē est, ne patrociniū hoc loco permittamus falsis doctoribus, qui ut plebē Christi subseruiture Antichristi detineant, argumentant ad hūc modū. Etiāsi erret & desipiat aliqua in re Apostolica sedes & ecclesia, non debet tamē ob id deferri, sed tanq̄ mater ecclesiarū obseruanter ac reuerenter tolerari, & quicquid huius est ipsius senio attribui. Nos respondemus, in Rom. ecclesia damnari à nobis non leuia quædā & anilia deliria, sed grauissimas abominationes in cultribus, inferenda flagicia in moribus, & improbissimum dominatū Antichristianamq; tyrānidem



nidem in regimine omnium iniquissimo. Si mater esset, & non meretrix Babylonica, si tantum alicubi deliraret, facile illā toleraremus. Est modus in rebus, sunt certi deniq; fines, ultra quos citraque nequit consistere rectum, ut inquit ille. Idem statuendum est etiam in hac tolerantia, quę legitima esse nō potest, ubi modus illius exceditur, quod fit, ubi ferūtur in ecclesia falsi cultus uerbo Dei repugnātes, simonia prima illa omnium hēresis, grauissima sententia ab ipso apostolo Petro damnata, cuius se Simoniaci gloriantur esse successores, superbissimus dominatus, dogmata non modo erronea, sed & impia, ut uite spurcissime sordes taceam. Hic patientem esse culpabile est, non laudabile. Simus tolerātes, ubi nec glorię Dei, nec puritati fidei nostrę, nec salutis animarum quicquam incommodatur.

IMO & suffertis me, inquit.] Græcè est, *ἀλλὰ καὶ ἐνὶ χριδὶ μου*: quod, ut alij quoque annotarunt, uerti potest tam imperandi modo, tolerate, quā indicandi toleratis me. Vtrolibet modo legamus, sensus est: Verum quid opus uotis in hac causa? Nihil enim iniqui peto, & uos alioqui fertis me, uel, quare tolerate me paulisper.

NAM zelotypus sum, inquit, erga uos, Dei zelo.] Rationalis est hæc particula. Si referas eam ad id quod uersum est: Imò & suffertis me, non uidetur quadrare. Neque enim Corinthij illi, quorum gratia hæc scribit, tolerabant ipsum, alioqui quorsum opus erat optione? deinde etiam si tolerassent, non ideo tamē tolerassent, quod zelo Dei erga ipsos zelotypus esset, sed tolerare ob hanc causam debebant. Quare commodius uidetur, ut legamus in imperatiuo: Imò & tolerate me, ut sequatur ratio, cur debeant ipsum tolerare. Propterea uidelicet, quod sit erga ipsos zelotypus. Quasi dicat. Quoniam quod facio, non facio inanis glorię studio, sed impulsu zeli, quo erga uos afficior non modico, sed admodum magno & singulari, ideo tolerate me paulisper, cogitantes, quæ sit cura & sollicitudo zeli. Vox zelotypiæ non est in Græco, sed simpliciter, *ἐμὺν γὰρ ὁμοῦς διὰ ζήλου*, quod uulgatus interpres uertit: Æmulor enim uos Dei æmulatione. Zelotypus est proprie qui propter pulchritudinem formæ sollicitus est, ne riualem sortiatur in muliercula. Hac uoce nō est usus Apostolus uspiā.

Addit, Dei zelo, quo zelum suum erga Corinthios secernat ab eorum zelo, qui non Deum, sed seipsos zelando respiciunt, quia non Dei, sed sui sunt ipsorum amantes, ac proprię glorię studiosi. Pro ecclesia Corinthiorum zelabatur Apostolus, non quod sibi illam uindicaret, sed quod esset Dei. Hodie Pontifices dū pro regno suo dimicant, & innoxios trucidāt, zelum domus Dei prætexunt, uerum reliqua illorum uita & corruptissima studia satis arguunt, quo zeli genere ferant. Zeli fons amor est, at quis celabit amorem? Nam studijs uitæ proditur omnis amor.

ADIVNXI enim uos uni uiro, inquit, ut uirginē castam exhibeatis Christo.] Exponit zeli sui rationem, explicans quod dixit, Dei zelo. Poterat dicere: Conueriti enim uos ab erroribus ac uanitatibus uestris ad Deum uiuum, uerum quo magis accommodaret se causę, quam aduersus pseudapostolos agebat, Christum inducit, & desponsationis similitudinē, quo conuenientius subiiciat, quid nam ipsis mali à pseudapostolis timeat, qui cum Iudæi essent, nō tam erant in eo ut unius Dei, quā ut Christi fidem in Corinthijs labefactarent. Sic dicit: Adiunxi enim uos uni uiro, ut uirginem castam exhibeatis Christo, uel, exhibeam ac sistam Christo. Quod enim in Græco est, *παρθένην ἀγνὴν παραστήσαι τῷ χριστῷ*. Vtroque modo uerti potest, tam, ut uirginem castam exhibeā, quā ut uirginem castam exhibeatis Christo. Et uerbum *ὑμῶν ἀδελφῶν* non simpliciter adiungere, sed perinde atque ossa in corpore iuncturis suis coaptantur, coadunare & compingere significat, atq; ita ad coniugalem quoq; coniunctionem transfertur.

ADIVNXI enim uos, inquit, uni uiro.] Loquitur ut minister Christi, cui impositum erat ministerium reconciliationis, ut quosuis ad fidem in Christum per Euangelij prædicationem adduceret, illique coniungeret, ac ueluti desponsaret. Non simpliciter autem dicit. Induxi enim uos ad cognitionem ac fidem Christi, quod tamen uere dicere poterat, sed quod adhuc maius quiddam est, adiunxi, uel desponsaui uos, ut uetus habet, uni uiro ut uirginem castam exhibeam uel sistam Christo. Cognitio Christi, & fides in Christum, utræque quidem æternæ habent uitæ promissionem, uerum desponsatio hæc qua Christo tanquam uni sumus uiro in unam carnem connubiali coadunatione arctissime coniuncti, plus habet diuinæ dignationis erga genus humanū, plus dignitatis & honoris, & plus felicitatis. Poterat dicere, subieci uos uni domino, ut illi obediatis & fidem seruetis. Verum sic dicendo summam illam nostri cum Christo coadunationem, dignitatem ac felicitatem non expressisset. Vide simul quā singulari dignitate Apostolatium suum ornet, dum se nō simpliciter ministrum, sed & pronubum Christi facit. Non est hoc cuiusuis serui, ut regi suo uirginem aliquam desponsaret, sed eius qui propter singularem fidem ac familiaritatem id in mandatis accepit à rege. Et competentē quoque ei dignitati fidem exprimit, cum dicit: Ut uirginem castam exhibeam Christo. Non erat contentus qualicunque desponsatione, sed tali incumberebat, qua Christo sisteret non maritatam, alij uiro coniunctam, sed uirginem, eamque non immundo aliquo amore pollutam ac uiciatam, sed castam. Cum dicit, Uirginem, loquitur de statu uirginitatis, in quo puella libera est ab omni maritali commercio, nulli nec legitimo uiro, nec scortatori coniuncta. Cum addit, castam, loquitur de puri-



tate & integritate fidei sponso suo seruandæ. A Exprimitur igitur hac desponsationis metaphora, uerorum Christi fidelium mispat & conditiones. Requirit enim ab illis, ut quod fidē ac religionē attinet, nemini sint obstricti, nemini spirituum siue bonorum siue malorum, & nemini hominum quorumcunq; , nisi uni Christo, deinde, ut uni Christo fidei castitatem illibatam seruent & integram.

ADIVNXI, uel, desponsauit uos uni uiro, inquit.] Desponsatio per subarrationem confirmari solet. Desponsauit Apostolus Corinthios Christo. Qua igitur subarratione confirmauit eam desponsationē? Suprà cap. i. sic dicit: Porro qui confirmat nos unā uobiscū in Christū, & qui unxit nos, Deus est, qui etiā ob signauit nos, deditq; arrā spiritus in cordibus nostris. Ergo desponsationis huius confirmatio per aram spiritus Christi constat, cuius sacramentū est baptisumus. Ipse Apostolus tanquā pronubus, ecclesiā fidelium sacramēto desponsationis, Deus uero spiritu suo tanq; arra confirmauit.

Vt uirginē castā, inquit, exhibeā Christo.] Quid est quod nō pluraliter dicit, ut uirgines castas, sed in singulari, ut uirginē castā exhibeā Christo. Si per uirginē intelligit ecclesiā, quæ sponsa est Christi, quomodo tribuit hoc nomini ecclesiæ Corinthiorum, quasi illa sit sponsa Christi, cum ecclesia quæ Christi sponsa est, sit unica, quā uocat catholicā? Respondeo. Quando ecclesia sponsa Christi unica consideratur, non respicitur ulla particularis, siue Romana, siue Hierosolymitana, siue Corinthiorū, sed catholica, toto terrarū orbe dispersa, tanq; unicū Christi corpus, oēs ubiq; fideles unitate spiritus ac fidei sub uno capite Christo cōplectēs. Hic uero loquitur Apostolus ad ecclesiā Corinthiorum specialiter. Non loquitur igitur de catholica ecclesia, sed particulari, quā Christo desponsauerat. Ergo unaquæq; particularis ecclesia recte Christo desponsata dicitur, ut illi tanq; casta uirgo sistat. Sunt autē eiusmodi innumera. Ergo innumerae sunt uirgines, quæ Christo regi post reginā ipsius, catholicā uidelicet ecclesiā, adducuntur ac desponsantur, ut impleat illud Psal. 45. Adstat regina à dextris tuis cum massa auri Ophir. Audi filia & uide, & inclina aurē tuam, & obliuiscere populi tui & domus patris tui. Et cōcupiscet rex decorē tuum, quoniam ipse dñs tuus, & adorabis eum. Et filia Tyri cum munere, uultū tuum deprecabunt diuites populi. Tota gloriosa filia regis ab interioribus, ex interfertionibus deauratis indumentum eius. Vestibus Phrygianis deducit ad regē, uirgines post eam, sociæ eius, adducunt tibi. Adducunt cum gaudio & exultatione, ingrediuntur palatium regis, &c. Tales uirgines sunt particulares ecclesiæ, quæ sociæ catholicæ, post illā Christo adducuntur ac dispensantur, e quarū numero erat & Corinthiorū ecclesia, quā se hic Apostolus Christo desponsasse dicit, ut eā illi castam exhiberet, ac sisteret uirginem.

Vt uirginē castā, inquit, exhibeā Christo.] Non dicit, gloriosam, pulchrā, nō habentē ma-

culam aut rugā, sed *ἀνύλω*, id est, castā. Christus ipse exhibet sibi ecclesiam gloriosam & perfectā, sicuti uidere est Eph. 5. Vt adhibeat eā, inquit, sibi ipsi gloriosam ecclesiā, non habentē maculam, aut rugā, aut quicquid eiusmodi, sed ut sit sancta & irreprehensibilis. Talis in hac uita reperit nulla ecclesia, sed perfectio ista seruatur in futurum seculum, ad quā tamē cōnitendum est omnibus. At castā uirginē sistere Christo satagebat Apostolus, totus in eo, ut in fide esset sincera & fideliter affecta, quēadmodum casta uirgo erga sponsum suum afficit, & in fide illius sincera & cōstans permanet, licet nō sit prorsus ab omnibus uicijs ac defectibus libera. Hæc fidei castitas uinculum est desponsationis, operitq; uicia reliqua adhuc in animo & moribus hærentia, quæ paulatim per spiritum sanctificationis expurgantur. Nullę sunt uirtutes, quæ perfidiā in uirgine corā spōso illius ueniale reddāt, sunt uero uicia multa quæ per fidei sinceritatem ac castitatē uenialia reddantur. Quare præter rationem non est, quod castitatem hanc in ecclesijs tanquam uirginibus Christo sistendis requirit Apostolus.

Sed metuo, ne qua fiat, inquit, ut quemadmodum serpens Euā decepit sua uersutia, ita corrumpantur sensus uestri à simplicitate quæ est erga Christum.] Hortatus est eos ut se tollerēt. Prætexuit zelum suū erga ipsos, adiecit rationē zeli, iam metum illius exponit dicēs: Sed metuo, &c. Metuebat non sibi, sed ipsis, quos zelabat. In zelo metus est, quēadmodū res est solliciti plena timoris amor. Quid autē illis metuebat? Ne corrumpantur, inquit, sensus uestri à simplicitate quæ est erga Christum. In Græco est simpliciter, *ἀπὸ τῆ ἀπλότητος* id est, à simplicitate quæ erga Christū, uel, in Christū. Eras. uertit quæ erat erga Christū. Vetus, quæ est in Christo Iesu. Nec, erat, nec, est, in Græco habet. Quare æque uerti potest, quæ esse debet erga Christum. Timebat igitur fidelis Apostolus, ne animi ac sensus Corinthiorum corrumpentur à simplicitate, quam uel habuerāt initio conuersionis erga Christum, uel tū adhuc habebāt, uel certe habere debebant. Simplicitas autē erga Christum est integritas mētis, quā Ebrei uocat *נֶחֱמָה*. Hanc Deus erga se à populo suo, hanc maritus ab uxore sua requirit. Ea est, bene sentire de Christo, bene fidere Christo, & bona ab illo pendere cū fiducia, ideoq; nihil esse minus q̄ curiosum ac scrupulosū in illius uerbo, sed illi simpliciter absq; omni curiosa inquisitione ac scrupulositate credere. Eiusmodi simplicitas corrumpit, uel, mētes credentium ab illa corrumpunt, quādo uel proprijs motibus, uel alienis suadelis incipiūt nonnihil de eo dubitare, quod antea indubitato crediderunt, & inquirere in quod antea nō inquisierant, præter Christum ac uerbum eius admirari etiā alia, & paulatim præferre quoq; , nolle amplius stultescere credendo, sed sapere inuestigando ac sciendo. Vbi hæc locū inueniūt in animis credentium, mox simplicitas, quæ fuerat erga Christū, corrumpit, hoc est, sinceritatē suam



suam amittit, perinde ac si liquor preciosus naturam suam integritatem mixtura aliqua uiciatus perdat. Corinthij simplicem ac puram Euangelij de Christo doctrinam initio ab Apostolo acceperant, illiq; simpliciter & candide crediderant, & credentes Christo adhære-re cœperant, deq; Apostolo suo bene tanquam de Christi ministro senserant. Huic illorū simplicitati metuens dicit: Sed metuo ne sensus uestri à simplicitate quæ erga Christum est, corrumpantur.

Vnde autem hoc metuebat? Tribus de causis. Prima erat ab exemplo primæuæ seductionis, qua prima parens nostra Eua per Satanæ astutiam seducta est. Secunda ab insidijs pseudapostolorum, qui Corinthum uenerant. Tertia ab eo quod aures illis accommodare, & imposturam eorum tolerare cœperant. Primam exprimit dicens, ut quemadmodum serpens Euam decepit uersutia sua. Nota est deceptio-nis huius historia, quam in Genesi cap. 3. fuisse exposuimus. Significat antiqui Serpentis maliciam ac uersutiam etiamnum esse cauendā, ideoq; se timere Corinthijs, quod nō ignoret perseuerare illum in uersutia sua, qua initio uti cœpit. Non dicit, quemadmodum Satan Euam potentia sua perdidit: sed, quemadmodū Serpens Euam uersutia sua decepit. Citius manifestum malum etiam admodum uiolētum, quàm deceptio uersuti impostoris cauet. Quare uel ipso decipiendi uerbo, & mentione uersutiae, admonet simplices & imperitos periculum ipsis imminere, nisi admoniti caueant sibi non modo à manifestis tyrannis & impijs hostibus, sed & ab impostoribus, aliud prætendentibus in speciem, & aliud occulte machinantibus. Quæ usus est autem Satanas uersutia ad decipiendum Euam?

1 Principio, non est aggressus ipsum Adam, sed Euam, tanquam mulierem, infirmiorē, & ad curiositatem ac credulitatem propensiorē. Sic solet etiamnum. Infirmitates tētat præ cæteris. Adam, inquit alibi, non est seductus. Quare? Quia uerbis Serpentis ab ipsa Eua expositis, non credidit, sed seductæ uxori obsequutus est. Astute igitur non ipsum, sed Euam tentando est aggressus. Neq; enim fore sperabat, ut mendacibus ipsum uerbis seduceret, sicut de Eua sperabat.

2 Deinde & illud astute fecit, quod solam in absentia Adæ aggressus est. Metuebat enim ne frustra illā tentaret, si id præsentē uiro faceret.

3 Tertio, uersuto & illud consilio fecit, quod laruatus opera serpentis usus est, unde minus uidebatur esse periculi.

4 Quarto, uersute simulauit beneuolentiā, qua honori ac felicitati primorum hominum ex animo faueret.

5 Quinto, tale erat & illud, quod nō in re aliqua leuicula, sed in ea illā tentauit, unde si uinceret, in exitium genus humanum cōiiceret.

6 Sexto, suadendo etiā ac promittendo, quæ curiosæ carni adlubescere poterant.

7 Septimo, uerbo Dei quoq; detrahendo.

A 8 Ultimo, à fide & obedientia Dei abducendo. Hæc omnia consideranda proponit, dum Euam per Serpentis uersutiam deceptā fuisse dicit. Et quid aliud agebat Satan in ecclesia Corinthiorū, q̄ ut plane consimili uersutia per organa sua, laruatos uidelicet apostolos, simplices mendacibus uerbis deceptos, in absentia Apostoli à simplici doctrina ac fide, in qua salus existit, abduceret, corrūperet ac perderet? Hæc illius *παραπλῆξ* in hunc usq; diē nimis efficax, nota debebat esse fidelibus omnibus, præsertim Christi ministris.

NAM si is qui uenit, inquit, alium Iesum prædicaret, quem non prædicauimus, aut si spiritum alium acciperetis, quē non accepistis, aut Euangelium aliud, quod non accepistis, recte sustineretis.] Pertinent hæc ad secundam & tertiā causam, propter quas metuebat, ne sensus illorum à simplici doctrina & fide Christi abalienaretur & corrumpere-nt. Primā esse diximus uersutiam Satanæ, qua olim Euam seduxit. De illa hætenus loquutus est. Secundam, insidias pseudapostolorum, qui Corinthum in ipsius absentia uenerant, ut secundum parabolam dominicā zizania in ecclesia illa, perinde atq; in alijs seminarēt. Tertiā, quod Corinthij aures illis præbere ac improbitatē eorum tolerare cœperāt. Hæ duæ posteriores hisce uerbis notantur. Secunda, in eo quod dicit: Nam si is qui uenit aliū Iesum prædicaret, &c. Tertia in eo quod addit, recte toleraretis. B Tolerabāt ergo pseudapostolum, qui ad ipsos uenerat, sed non recte, ac præter rationē. Quare? Quia non poterat adferre aliud Euangelium, alium Iesum, & alium spiritum, q̄ ipse illis attulerat iam antea & credentes etiam acceperant, ideoq; causa non erat fastidiendi doctrinam acceptam, cōtemnendi Apostolum Christi, à quo fuerant ad fidem Christi conuersi, & alios superuenientes admirari, suspicere, & illi præferre, quasi multo ab illis acciperent portiora q̄ hætenus accepissent. Hoc significans dicit: Quod metuo, ne sensus uestri à simplicitate quæ est erga Christum corrumpantur, nō facio præter causam. Nam toleratis insolentiā noui Apostoli qui ad uos uenit, cum nulla sit ratio, quare id faciatis. Neq; enim adfert uobis alium Iesum, aliud Euangelium, aliū ue spiritum, q̄ attulimus nos, & à nobis accepistis. Fateor, si meliora adferret q̄ nos, recte nobis neglectis ipsum toleraretis. Sed meliora uobis nec adfert nec adferre potest. Quare nō recte, ac nulla de causa, ipsum toleratis. Et hæc uestra curiositas metū hunc mihi incurrit, quo anxie timeo, ne si tales esse pergatis breui corrūpamini, & simplicitatē Christianā amittatis.

NAM si is qui uenit, inquit.] Græcè est, *ὁ ἄλλος* *ἐρχόμενος*. Est autē *ἐρχόμενος* uox anceps, sic ut usurpari possit, perinde in præterito, aut futuro, atque in præsentī tempore, ac uerti, ueniens, uel qui uenit, uel qui uenturus est. Hic autem usurpata est in præterito, de eo qui iam ad Corinthios uenerat, nouus & aduentitius Apostolus. Vtitur hac uoce Aposto-



Ius non ociose, sed emphatice, uocans nouum illum Apostolū, de quo pleriq; admodū gloriabant, *ἀρχαῖον*, id est, aduenticiū, quod neq; missus à domino, neq; uocatus ab ecclesia, suo pte studio Corinthū uenisset, ideoq; indignus qui Apostoli, id est, legari sibi titulū uendicaret, nihil uocandus aliud, q̄ *ἀρχαῖον*, id est, aduentitius, ad eorū numerū pertinens, de quibus conquerit Deus dicens, currebant, & ego nō misera eos, & quos Christus uitare nos iubet dicēs: Cauete uobis à falsis prophetis, qui ueniūt ad uos in uestimentis ouīū. Nō dubito pseudapostolū illum, ubi à curiosis suspici cōpit, digitis fuisse monstratū, idq; his uerbis, *ὁ ἀρχαῖος ἐστὶν ὁ ἀρχαῖος*, id est: Ecce hic est, qui uenit. Quare Apostolus ut hāc illorū curiositatē ac leuitatē perstringat, recte eum uocat *ἀρχαῖον*.

ALIUM Iesum prādicaret, inquit (uulgata habet, aliū Christū) aut si spiritū alium, aut Euangelium aliud.] Obserua hoc loco, quā potissimū requirat, magniq; facienda moneat Apostolus, Iesum uidelicet, spiritū & Euangelium, sic ut qui uerū Iesum, ac uerū Euangelium, non adulterinū, prādicant, & ex quorū prādicatione ij qui credunt nō alium q̄ uerum spiritum Dei accipiunt, etiam si cāterā sint insolentes, tolerari tamen & in precio haberi debeāt, secus uero, si diuersum à uero prādicēt Iesum & Euāgelium, & ex doctrina ipsorū adulterinus accipiat spiritus, etiam si nomē Christi, Euāgelij, & spiritus prātexant, titulūq; sibi uendicet apostolorū Christi. Nō est aut ut hinc se tueant Papistae dicētes: An nō & ipsi uerū Iesum, unigenitū Dei, & filiū uirginis Mariæ, & uerū Euangelium confitemur & prādicamus. An nō spiritum S. quoq; tertiā sanctae Triadis personam esse docemus? Quare ergo nō toleramur, etiam si in nōnullis culpabiles simus? Nō mox Iesum prādicat, qui nō talem prādicat, qualis nobis est à Deo patre ad salutē nostrā datus. Viderint ipsi qualē Iesum habeant, ac sibi ipsis & alijs fingant, an nō, ut Erasmus hoc loco annotat, onustū opibus, onustū imperio, ditione, uoluptatibus, & quicquid hic mundus habet prāstigiārū, ad hāc cācermonijs plus q̄ Iudaicis oblitum, cum uerus ille ab omnibus hisce rebus fuerit purissimus. Iesum habēt in sacrario obseratū & inclusum, in sacrario inq; lapideo & manufacto, in quod ille, secundum scripturas, ingressus non est, sed in ipsum cōlū, ut appareat uultui Dei pro nobis. Iesum habent prorsus ociosum & exauthoratū, ut qui potestatem suam omnē cōlestis ac terreni imperij transfulerit in omniū tēterrimū Romanae sedis monstrū, quod se uicariū illius esse contendit, & omnē hanc sibi potestātē in cōelo, terra & inferis uindicat, atq; ita Antichristū esse se cōprobat. Sub hoc Iesu ditescunt in saeculo, & saeculi principes adaequant. Sub hoc Iesu ueniūt omnia sacra, cōelum, & Iesum ipsum. Sub hoc Iesu deliciant in carne, & horrendis libidinibus immergunē. Sub hoc Iesu dominant in ecclesia & in ouiculas ueri Iesu tyrannidem ad sanguinē usq; quē fundunt exercent. Sub hoc

Iesu omnē Christianae pietatis synceritatē corrumpunt, & in impias superstitiones & idolomanias peruertunt. Quisquis cordatus hāc considerat, facile intelligit qualis habeatur Iesus in Papatu, uerus ne uel fictitius.

De spiritu quid dicam? Non respicio quid de spiritu sancto in speciem loquant, sed qualem habeant ipsi spiritum, & qualem accipiant qui sub iugo illorum detinent, & dogmatis illorum acquiescunt. Vbi fictitius Iesus habet, spiritus ueri Iesu haberi nō potest. Non est spiritus ueri Iesu spiritus Antichristi, sed Christi, nō est spiritus mendacij, sed ueritatis, nō detinet homines in impietate, superstitionibus, idololatria & falsis cultibus, sed corda illorū uera in Christum fide renouat, & ab hisce omnibus liberat, nō est sanguinarius in errantes, sed mansuetus. Vnde & uerus Iesus ad discipulos suos dicebat: Nescitis cuius spiritus sitis: Venit filius hominis seruare animas, non perdere. Quid autem crudelius unquam excogitari poterit, quā quod ab illis in eos exerceri uidemus, qui ab Antichristi iugo deficiunt?

Quale uero prādicent Euangelium, nihil est causae cur admoneam. Tale habent Euangelium, quod ne literam quidem ueri Euangelij iuxta se ferre queat, unde & codices Euāgelij Christi fidelium manibus ereptos, igni tradunt. Prolixum est recensere Euangelij ipsorum dogmata, & forsan tēdiosum quoq; lectori, cum sint omnium notissima, quorū ne unum quidem in uero Christi Euangelio continetur. Et interim in Missis suis murmurant uel cantāt Euangelium, sed lingua populo incognita, luminaria oculis corporis lucentia accendunt: & lucem Euangelij, quae mentes audientium illuminari debebant, extinguūt. De concionibus illorum quid dicā, in quibus maximam partē obtinent Aristoteles, Sophistae, Scotistae, Thomistae, merita mortuorum sanctorum, & doctrina de purgatorio, de Missae sacrificio, de potestate Papae, de intercessione & cultu sanctorum, de indulgentijs Romanis, de meritis bonorum operum, de Decimis, de oblationibus, & quae alia sunt eiusmodi innumera. Quae Christo dantur, dantur obiter, in speciem, ad hoc tantū, ut sub ipsius nomine regnēt, nō ut ipse regnet in cordibus credentiū.

Cum ergo talem habeant Iesum, talem spiritum, tale Euangelium, non uerum, sed fictitium, non est ut prāsentī se loco tueantur, sed competit ipsis potius quod Galat. primo dicit Apostolus ad hunc modum: Cāterum etiam si nos, aut angelus ē cōelo, prādicauerit uobis Euangelium, prāter id quod prādicauimus uobis, anathema sit. Quemadmodum antē diximus, & nunc iterū dico, si quis uobis prādicauerit Euāgelium, prāter id quod accepistis, anathema sit. Locus ille, quoniā mētionem illius feci, non aduersatur huic prāsentī. Cum hic dicit, recte toleraretis eū qui ad uos uenit, si alium Iesum prādicaret, quē nō prādicauimus, & aliud Euāgelium, quod nō accepistis, per aliud Euangelium & aliū Iesum, intelligit



ligit uerū, illic uero, per aliud Euangeliū, intel-  
ligit alienū à uero. Hic dicit: Si nō ego uerū uo-  
bis Iesum & Euangeliū prædicaui, sed falsū,  
ille uero aliū uobis Iesum, & aliud Euangeliū  
uerum uidelicet, prædicat, recte me fastiditis,  
& illum toleratis. Illic uero, constanter sibi ue-  
rum tribuit Euangeliū, & pseudapostolis fal-  
sū, ideoq; anathema pronunciat omnē eum,  
qui aliud ab illo prædicat. Anathematis huius  
grauitatem experiētur olim omnes illi qui E-  
uangelium Christi dogmatum suorum mixtu-  
ra corruerunt. Sed redeamus ad Apostolū.

ARBITROR enim me, inquit, nihilo inferio-  
rem fuisse eximijs apostolis. Græcè est, λογίζομαι γὰρ μηδὲν ὑποδυναμῆναι τῷ ὑποδυναμῆναι ἀποστόλων, id est, ar-  
bitror enim me nihilo inferiorem, uel, nihilo  
posteriorem fuisse (nam utrunq; legi potest)  
illis qui plusq; ualde, uel, supra modū, sunt apo-  
stoli. Vulgata habet. Existimo enim me nihil  
minus fecisse à magnis apostolis. Sēsus est. Nō  
aut recte eum toleratis, quandoquidē neq; a-  
lium ille Iesum prædicat, quē ego nō prædica-  
uerim, neq; alium spiritū accipitis, quē antea  
ex prædicatione mea nō acceperitis, neq; aliud  
Euangeliū ab illo accipitis, ideoq; nihil in A-  
postolatu meo desiderare potestis. Arbitror e-  
nim me, sic illo functum esse apud uos, ut nul-  
la in re posterior ac minor fuerim illis, qui pro  
ualde magnis & excellentibus habent aposto-  
lis. Nemo illorū quantus quantus sit plus uo-  
bis fidei, plus sciētiae & cognitiōis Dei, & plus  
charismatū spiritus attulisset. Quare prorsus  
nihil est causę cur aduenticiū illū tantopere su-  
spiciatis, illiusq; insolētiā toleretis, quasi plus  
fructus ex illius q̄ ex nostra doctrina acqratis.

Illud, eximijs apostolis, sic positū est, ut re-  
ferri possit tam ad pseudapostolos illos glo-  
riosos ac iactabundos, q̄ ad Petrū, Iacobum &  
Ioannē. Si referendū est ad ueros apostolos, ar-  
gumento est, sub illorū se nominibus uendi-  
tasse pseudapostolos illos, cū quib⁹ Paulus lu-  
ctat, ut sit sensus, etiāsi magni ac præcipui apo-  
stoli ad uos ipsi uenissent, nihilo plus uobis cō-  
tulissent, q̄ contulerim ego. Neq; enim ulla in  
re minus uobis cōtuli, q̄ uestra poposcerit sa-  
lus & necessitas, & q̄ illi præstare possint. Qua-  
re non est ut sub illorū nominibus fucū uobis  
fieri sinatis. Verū mihi probabilius est, referen-  
dum esse ad pseudapostolos, nō quod illi exi-  
mij fuerint apostoli, sed quod à Paulo per iro-  
niā ὑποδυναμῆναι ἀπόστολοι, i. supra modū apostoli ob-  
id uocent, quod se supra modū efferrent, & ex-  
cellētis Apostolatus glorias efflarēt. Nō uideo  
alioqui, quid sibi uellet Apostolus, si Petrū, Ia-  
cobum & Ioannem ὑποδυναμῆναι ἀποστόλους uocaret.

Nos obseruemus hoc loco, nō esse de mini-  
stris Christi censendū aliter, q̄ secundū ministe-  
rij ipsorū fructus. Quantūuis in faciē humilis  
sit, quē dñs spiritu suo ad ædificationē ecclesie  
reddidit instructū, nō est propter personæ hu-  
militatē inferior cēsendus illis, qui supra mo-  
dū sunt in ecclesia episcopi, Pontifices, & præ-  
lati, imò præferendus etiā, quatenus ad utili-

tatē est ecclesiarū Christi per gratiā Dei instru-  
ctior. Nec insolens uideri debet, si qui eiusmo-  
di est nihilo seipse inferiorem illis esse, & sen-  
tiat & libere asserat, præsertim si se inflata illo-  
rum autoritate grauari senserit.

SI uero idiota etiā sim sermone, inquit, non  
tñ scientia. Quoniā dicebāt, præsentia corpo-  
ris infirma & sermo cōtemptus, sicuti cap. præ-  
cedēti uidimus, atq; ita Apostolatū ipsius ex-  
tenuare, seseq; comptioris sermonis prætextu  
supra illū efferre moliebant, quasi quo splendi-  
dior est sermo, hoc superior & excellentior sit  
Apostolus, etiā isti calūniæ responderet dicēs: Si  
uero idiota etiam sim sermone, ut illi mihi im-  
pingunt, inde tñ nō cōsequit, esse me ipsis infe-  
riore, quandoquidē scientia nō sum idiota &  
imperitus. Non dicit se esse idiotam sermone,  
neq; erat etiā, sed per cōcessionē, etiāsi sim, in-  
quit, idiota sermone, ubi subaudiendū est, sic-  
ut ipsi mihi opprobrant. Aliās Act. 14. ducē il-  
lum sermonis fuisse legimus, ita ut ab ethnicis  
pro Mercurio haberet. Et tamē nō pugnat pro  
gloria elegātioris sermonis, quā pseudaposto-  
li magnificiebant, quandoquidem in ecclesia  
Christi nō tam requiritur à ministro, ut splen-  
dide rhetorice, q̄ ut sciens sit rerū diuinarū &  
necessariā scientiā uerbis intelligibilibus gra-  
uiter & fideliter proponat. Sæcularē eloquen-  
tiā alij affectant, alij exercēt inutiliter in eccle-  
sia. Notū est illud philosophi qui post longā e-  
ruditorū episcoporū concertationē, qua nihil  
efficiebat cum pij cuiusdā & idiotæ Senis sim-  
plicē sermonē religiose ac cordate prolātū au-  
disset, illoq; in cōscientia sua uictus teneret, di-  
cebat: Donec mecū agebat uerbis, uerbis ego  
uerba rependi, & quæ dicebant dicendi arte  
subuerti, ubi uero pro uerbis uirtus processit  
ex ore dicētis, nō potuerūt uerba resistere uir-  
tuti, nec homo aduersari potuit Deo. Vide in  
Ecclesiast. hist. Ruffini, lib. 1. cap. 3. Nolim tamē  
patrocinari illis, qui ad hoc quidē sunt parati,  
ut puritatē sermonis nihili faciant, & egregie  
sint idiotæ, uerū interea de scientia Dei, ad do-  
cendū necessaria, nihilo plus sunt solliciti, ser-  
mone idiotæ & scientia bardi.

Verum ubiq; manifesti sumus in om-  
nibus erga uos. Num peccaui, quod me  
ipsum humiliāui, ut uos exaltaremini?  
quod gratuito Euangelium Dei prædi-  
caui uobis? Ceteras ecclesias deprada-  
tus sum, accepto ab illis stipendio, quo  
uobis inseruīrē. Et cum apud uos essem  
& egerē, non fui onerosus cuiquā. Nam  
quod mihi deerat, suppleuerunt fratres,  
qui uenerant à Macedonia: & in omni-  
bus sic me seruabam, ne cui essem onero-  
sus, atq; ita seruabo. Est ueritas Christi  
in me, quod hæc gloriatio non interrom-  
petur contra me in regionibus Achaïæ.  
Quapropter, an quod nō diligam uos?  
Deus



Deus nouit. Verum quod facio, idem & faciam, ut amputem occasionem ijs, qui cupiunt occasionem, ut in eo de quo gloriatur, reperiantur quæadmodum & nos.

VERVM ubiq; manifesti sumus, inquit, in omnibus erga uos. ] Græcè est, ἀλλ' ἐν παντί φα-  
νέσθαι ὑμῖν ἐν παντί, id est: At in omni manifestati in omnibus in uos. Vulgata lectio sic habet: In omnibus autem manifestus sum uobis. Sic posita est hæc particula, ut tam ad præcedentia, quæ ad sequentia referri possit. Si ad præcedentia referas, sensus erit. Arbitror enim me nihilo inferiorem fuisse eximijs apostolis. Etiam si autem idiota sim sermone, non tamen scientia. Verum haud opus mihi est, ut ista cōprobem apud uos, quibus abunde & in omnibus sum manifestus. Qualem me gesserim in omnibus erga uos, manifestum est. Et ipsa Apostolatus mei efficacia sic est in uobis manifesta, ut iure gloriari, nihilo me inferiorem esse illis, qui supra modum sunt Apostoli, nec idiotam esse scientia, etiam si me sermone idiotam esse dicant. Sic apparet hæc uerba connectenda esse præcedentibus. Si uero referas ad sequentia, ne sic quidem incōmodus erit sensus, si legas ut in Græco est, absq; uerbo sumus uel fuimus, ad hunc modum. Verum ubiq; manifestati in omnibus erga uos, an peccaui quod meipsum humiliari? Hoc est: Verum cum ubiq; & in omnib; sim erga uos manifestatus tanquam uerus Christi Apostolus, an ideo peccaui, & inferior sum nouis illis uestris apostolis, quod me ipsum uestro bono humiliari, ut uos exaltaremini? an ob id cōtemptibilis est meus Apostolatus, quod uobis Euangelium Dei gratuito prædicaui? Quasi dicat. An adeo estis peruersi, ut quod ad cōmendationem Apostolatus mei facere debebat, ad illius extenuationem peruertatis? An qui se uestro bono humiliat, dignus uobis uidetur, qui contemnatur? An quo minus uos grauauit, hoc inferior sum Apostolus? quasi hæc sit Apostoli conditio, ut hoc sit excellentior Apostolus, quo maioribus sumptis molestum reddit ac sumptuosum Euangelium, & quo plus accipit à fidelibus, hoc illis plus de cœlesti gratia impertiat? Si sic sentitis, toto cœlo erratis. Humiliare seipsum aliorum bono, ad exemplum Christi, & gratis prædicare Euangelium, non inferiorem reddit, sed magis ornatus & cōmendat Apostolum. Et hæc posterior expositio uerbis, ut in Græco habentur, convenientior uidetur.

VERVM cum ubiq; manifesti sumus, inquit, in omnibus erga uos. ] Gloriatur iam secundo, supra cap. 5. & hic esse se Corinthijs manifestum in omnibus, quo omnem illis excusationem adimit. Quomodo enim uel errorem uel ignorantiam prætexere poterit, qui in re non simpliciter, sed sibi cum primis, & non ex parte, sed omnino manifesta mendacium pro ueritate sectatur? Vides exemplum sinceri Christi ministri, qui ubicunq; agit, lux est, non solum do-

cendo, sed & cōuersando, non ex parte tantum, sed in omnib; quæ à Christi ministro requirunt, ne quo pacto fiat, ut fideles à pseudapostolis seducti, inueniant quod errori suo prætexant.

NUM peccaui, inquit, quod meipsum humiliari, ut uos exaltaremini? In Græco est, ἡ ἁμαρτίαν ἡποίησα, id est, num peccatum feci. ἁμαρτία est, quando à scopo præfixo aberratur, quod nos Germani ein fehler uocamus, & ἁμαρτίαν ποιῆν, ein fehler thun. Est autem hoc loco peccatum facere, contra mispat, decorum & scopum ueri apostoli, tale quid facere ob quod merito contemnere, ut si sis superbus, arrogans, ac proprii nominis studiosus, aut uentris seruus, uel turpis lucri cupidus, uel dominij in ecclesia appetens, aut doctrinam Christi nec fideliter nec prudenter tradens. Non dicit aut simpliciter, non peccaui, sed, num peccaui? ad hoc interrogans & urgens, ut cōscientias ipsorum appelleret, num seipsum humiliando peccauerit. Q. d. Adeo ne stupidi & incogitantes estis, ut peccatum esse putetis, si seipsum humiliauerit Apostolus Christi, cum illi magis peccet, qui seipsos exaltant, & & quantum in ipsis est, alios humiliant?

Humiliare uero seipsum, est gerere se non secundum status ac dignitatis suæ amplitudinem, sed quæ infra illam sunt facere, perinde ac si dominus posita dominationis suæ dignitate ac potestate, agat ea quæ sunt serui. Huc facit exemplum Christi, qui cum esset dominus ac magister, usq; ad pedes discipulorum seipsum lauando illos ac tergendo humiliauit. Quomodo aut humiliauerit seipsum Apostolus, mox exponet.

UT uos, inquit, exaltaremini. ] Non dicit: ut exalter, sed, ut uos exaltaremini. Vastrum genus humiliantium se est, qui, quoniam dictum est à domino: Qui seipsum humiliauerit, exaltabitur, ad hoc se humiliant, imò speciem humilitatis præferunt, ut exaltentur, quale est quod Rom. Pontifex sic se seruum seruorum Dei uocat, ut supra omnes in ecclesia domineat & exaltet. Verus Christi Apostolus humiliando se non sui, sed aliorum quærebat exaltationem, quemadmodum & Christus ob id humiliauit seipsum, ut nos ad dignitatem filiorum Dei exaltaremur. Et ei dignitati Apostolus quoq; humiliando se seruiuit. Ob id enim submisit ac modeste agebat apud Corinthios omnia, ut hoc facilius eos ad cognitionem ueritatis & fidem in Christum induceret, unde omnis nostra salus est, felicitas, gloria & dignitas.

QUOD gratuito, inquit, Euangelium Dei prædicaui uobis. ] Græcè est, quod gratuito Euangelium Dei euangelizauit uobis. Euangelium Dei euangelizare, est felicissimum à Deo nunciū, salutis uidelicet, & æternæ uitæ per Christum partem, mortalibus magno gaudio annūciare ac prædicare. Hoc Corinthijs annūciauerat gratuito. Dices: quid hoc magni erat, quod non uendiderat illis Euangelium, sed gratuito obtulerat, cum non emitteret illud, sed gratuito accepisset & ipse, ideoque contra mandatum Christi fecisset, dicentis: Gratis accepistis, gratis date, nisi



nisi gratuito prædicasset? Quod Romanns Pō-  
tífex uēdit clauēs, altaria, Christum ipsum, ni-  
hil habet insolentię. Nam uendere iure potest,  
eo quod emerit, & ipse prius. Verum alia est  
apostolorum Christi conditio.

Respondeo. Nec emit Pontifex quod se uē-  
dere simulat, nec uēdit etiam, quia gratia Dei  
nec emi potest, nec uendi, sed turpis simonię  
fabulam ludit in ecclesia, donec tempus adue-  
nerit iusti iudicij, quod nō dormit. Quod Pau-  
lum attinet, non loquitur ille de gratuita præ-  
dicatione, cuius oppositum sit, nundinatio si-  
monaica, sed de ea qua ne cibū quidem, qui la-  
boranti debetur, à Corinthijs acceperat, quo  
omnibus modis ἀδίκῃανον illis exhiberet Euan-  
gelium, eoq; omnem tergiuersandi, & oblo-  
quendi caulam amputaret.

Videtur autem hic exponere, quomodo se-  
ipsum humiliarit, ut ipsi exaltarentur. Gratui-  
to uidelicet Euangelium Dei prædicando. Est  
enim non modica humilitatis species sic ope-  
rari, ac seruire, ut ne cibum quidem accipias,  
cuius operanti debitum, sed ab eo iure sic ab-  
stineas, ac si ne cibo quidem dignum sit, quod  
operaris, ad quem modum eorum labores ex-  
tenuare uolentes, qui nec utiliter, nec grauiter  
operātur, ne cibum quidem eos promereri di-  
cimus. Nihil unquam geri potest in hoc mun-  
do, & utilius, & preciosius, quodq; maiore di-  
gnius sit honore, quā quod Apostolus gra-  
tuito egit apud Corinthios, uerum ea humili-  
tas, non ipsius modo personę, sed & ipsi Eua-  
gelio Dei, quod gratuito prædicauerat, cōtem-  
ptū pepererat. Quale est quod hodie in Euan-  
gelicis ecclesijs uiuere uidemus, in quibus  
quo minore sumptu constat totum Euangelij  
ministerium, hoc minoris æstimatur. In papa-  
tu magnifice de nugis illis sentiebamus, quę  
non nisi emendo acquiruntur. Hęc est carnis  
nostrę peruersitas. Ipsum cœlum uilescit, si gra-  
tis offeratur, nec de Deo magnifice sentitur,  
nisi bona sua uendat, uel bene meritis tantum  
impertiat.

CAETERAS ecclesias, inquit, deprædatus  
sum, accepto ab illis stipendio, quo uobis infer-  
uirem.] Quoniam mox audire poterat: unde  
ergo necessarios sumptus accepisti? Subiungit  
Cæteras ecclesias deprædatus sum, accepto ab  
illis stipendio, quo uobis inferuirem. Quid hoc  
est? Licet ne Apostolo deprædari ecclesias  
Christi? Æquum ne est, alios deprædari, ut a-  
lios diuites reddas? An par est deprædari pau-  
periores, ut gratis seruias ditioribus?

Respondeo. Neminem more militari, aut  
prædonum deprædatus est Apostolus. Rem  
ipsam simpliciter in sequentibus exprimit di-  
cens: Cum essem apud uos, & egerem, non fui  
onerofus cuiquā. Nam quod mihi deerat, sup-  
pleuerunt fratres, qui uenerant è Macedonia.  
Ergo liberam, ac spontaneam cōtributionem  
Macedonum, qua egestati ipsius succurrerāt,  
cum seruiret Corinthijs, uocat deprædatio-  
nem ac stipendium, non quod adeo multum

A ab illis, ut rectè præda uocari potuerit, accepe-  
rit, sed quod, ut ipse erat animatus, etiam mo-  
dicum à pauperioribus acceptum, magni fa-  
cere, ac instar prædæ habere soleret. Labora-  
bat manibus suis, ne cui esset oneri. Verum nō  
potuit simul pro se & socijs, quos secum habe-  
bat, sic sufficere laborando, ut non adhuc ege-  
ret. Ei necessitati subueniebant Macedones  
qui seipsos primū Deo, deinde ipsius Aposto-  
lo dederant, sicuti suprā cap. 8. meminit. Hoc  
igitur illorum supplemētum, quo id quod de-  
erat supplebatur, nec adeo multum, nec coa-  
ctum, sed spontaneum, uocat deprædationem  
significans, usq; adeo se propter pseudaposto-  
los, noluisse quempiam Corinthiorum graua-  
re in hac causa, ut citius alias ecclesias depræ-  
daturus fuerit, quā cuipiam Corinthiorum  
futurus oneri, quod illud citra Macedonū of-  
fendiculum fieret, hoc uero citra offendiculū  
Corinthiorū fieri nō posset, propter pseudapo-  
stolorum insidias.

Non dicit autem simpliciter: alias ecclesias  
deprædatus sum, sed addit, accepto ab alijs sti-  
pendio, πρὸς τὴν ὑμῶν διακονίαν, id est, ad uestri mi-  
nisterium. Secernit deprædationem suam  
ab ea quę prædonum est, quā illi nemini ser-  
uiētes, sed in quosuis grassantes ociofi ex præ-  
da uiuunt, & confert eam militi, cui debetur  
militare pro ministerio ipsius stipedium, siue  
id accipiat ab illis, quibus militando seruit, si-  
ue à uictis. Ad posterius hoc respicere uidetur,  
B comparās Macedonum fideles, iam uictis, atq;  
ita quod ab illis accipiebat, prædæ ac stipen-  
dij loco ducens: prædæ, respectu uictorię, sti-  
pedij, respectu militiæ suę, ac ministerij, præ-  
sertim cum Corinthij nihil darent, quibus ex-  
pugnandis, ac domino asserendis inferuirebat.

Nos hinc admonemur, qua prudentia ac di-  
scretione uti debeat fidelis Christi minister, in  
illis locis, ubi primum populis seductis Euan-  
gelium Dei prædicat, quod attinet laboris i-  
psius stipedium. A Macedonibus accepit, etiā  
absens & alijs seruiēs Apostolus, à Corinthijs  
& præsens & ipsis ministrans non accepit. Fa-  
ciebat hoc prudenter, discernens inter Mace-  
dones & Corinthios. Macedones dño se iam  
dederant, illumq; plena fide amplexi erant, &  
præterea non erant ad rem intenti, sicuti erant  
Corinthij, sed simplices ac frugi homines, fru-  
galiter uiuentes, ideoq; magis ad dādum q̃ ad  
accipiendum procliues. Corinthij nondū ple-  
no pede ad Euangelium accesserant, & cum es-  
sent diuites, simul erant & tenaciores, adeoq;  
ad accipiendum magis, quā ad dādum pro-  
pensi, quare consultum non erat, ut stipedium  
ab ipsis peteret, consultius uero, ut ultro à Ma-  
cedonibus oblatum acciperet. Ad hunc modū  
hodie quoque Christi minister discernat inter  
eos, qui nomen Christi dederunt Euāgelio, &  
eos qui ad cognitionem ueritatis nondum ue-  
nerunt, nec professionē illius adhuc sunt am-  
plexi, sed primum audire cœperūt. Ab illis ac-  
cipiat stipendium, ab istis nondum. Debetur  
Pp quidem



quidē uictus laborāti ministro, uerū multum refert, à quib⁹ & quomodo accipiat. Romanus Pontifex ministras nemini, omnes depre- datur ecclesias, de cuius prēdis qd attinet me- minisse, cum nullorum prēdonum, tā sint ma- nifeste, quā sunt illius? Illi omnium minime conuenit, præsens hoc Pauli exemplum, con- uenit uero laborantibus, ac ministrantibus fra- tribus, qui ad illius sese imitationem accōmo- dare possunt, & in loco debent etiam, si fideli- ter domino seruire uoluerint.

ET cum apud uos essem, inquit, & egerem, non fui onerosus cuiquam. Exponit quod se alias ecclesias deprædatū esse, & ab illis stipen- dium, ut ipsis inferuaret, accepisse dixit. Ne ui- deretur stipendiū hoc accepisse ab alijs, ut Co- rinthijs prædicaret, priusquā Corinthū uenisset, cum iam Macedoniā deferere cōstituisset, dicit: Et cū apud uos essem, intellige, Euāgeli- zans & ministrans uobis, passus sum egestatē, & quamuis egerem, nolui tamen oneri cuipiā esse ex uobis. Egerat apud eos docēdo annum & menses sex. Operabatur autem cū apud eos esset, manens apud Aquilam & Priscillā, quod eiudem esset cum illis artificij *οὐλοποιήσας* ui- delicet. Credibile est autē & illos fuisse tenuis fortunæ, præsertim cū essent exules, à Claudio Imp. cum alijs Iudæis pulsi, & artificium ipso- rum nō esset de cōmuniter necessarijs, adeoq; minus lucrosus, ut mirū nō sit, eguisse ipsum aliquādiu, donec à Macedonibus quod deerat suppleretur. Neq; enim refertis oculis à Ma- cedonibus Corinthum uenerat. Sic intelligo factum fuisse, ut egeret prædicans Corinthijs, quando quidem illi nihil conferebant.

Illud: Non fui onerosus cuiquam, in Græco est: *ὁ κατανάρκυστος ἦν*. Est autem *κατανάρκυστος* tor- pedine, ac segnicie sua, alijs esse onerosus, & de aliena uiuere quadra, prorsus segnus & in- utilem, qualium innumeram *κατανάρκυστων* præ- latorum, cenonicorum, ac monachorum mul- titudinem ecclesiæ bona deuorare uidemus, cum interea laborantibus ministris, uix arido pane uiuere detur.

Obserua uero, quod nō simpliciter dicit: cū egerē, nihil accepi à quoq; sed, nō fui onerosus cuiquā, quibus uerbis satis exprimit, quare nō acceperit quicquā à Corinthijs. Quod uideli- cet metueret, ne molestū hoc illis esset & one- rosum. Sic animati sunt homines ingenui, ut ægre cuiquā sustineant esse oneri. Et præterea cogitabat, qd nō facturū id esset, ad propagandū Euāgeliū, apud eos, quibus molestū fore me- tuebat, si ali ab ipsis aliquandiu deberet. Hoc ingenio erat, & hac modestia præditus. At ob- secro, quāti sumpt⁹ fuisset alere Christi Apost. nullo nec equestri, nec pedestri satellitū comi- tatu sūptuosū, quales hodie uidem⁹ episcopos & pōtīfices, p̄latos & abbates onera terræ, sed uno & altero cooperatore cōtētum, & omniū frugalissime uiuētē? Sed hæc sors est uerorum Christi ministrorū, ut apud diuites Corinthios magis q̄ apud pauperes Macedo. egere cogāt.

NAM quod mihi deerat, inquit, suppleuerūt fratres, qui uenerant è Macedonia. Qui nam illi fuerint, nō exprimitur. In Act. quidē ca. 18. Silas ac Timotheus è Macedonia Corinthum ad Paulum uenisse leguntur, uerum incertum est, an de illis loquatur, uel alijs quibusdam. Si supplementum illud, quo egestati ipsius sub- ueniebatur, fratres isti de suo cōtulerunt, existi- mo non posse ad Silam ac Timotheū referri. Si uero non de suo, sed de contributione eccle- siarū defectus Pauli suppleuerunt, nō est absi- mile uero, accepisse hos duos ab ecclesijs Ma- cedonijs, quo necessitatibus illius succurrerēt. Et hic sensus, meo iudicio, probabilis est, pro- pter præcedentia, quibus se alias ecclesias de- prædatū esse dixit, quo Corinthijs inferuaret.

Non dicit: *ἀνὰπλήρωσαν*, id est, repleuerunt, sed *προσἀνὰπλήρωσαν*. Significat uero *προσἀνὰπλήρωσαν*, nō simpliciter aliquid ab integro implere, sed id quod rei non sufficienter implete, adeoque adhuc aliquid ad iustam impletionem desyde- ranti deest, facta ad ea quæ adsunt adiectione aliqua supplere, sic ut nihil desit ampli⁹. Ergo non integram & omnimodam sustentationem sui, sed portiunculam tātum, quæ deerat à Ma- cedonibus accepit, reliquā uero partē operan- do manibus suis acquisiuit. Nō quod illi plura conferre nollent, sed quod ipse plura accipere detrectaret, quā quæ ad supplementum ne- cessarij uictus sufficerent.

Hac autē in re uideō in ecclesijs peccari gra- uiter. Primum ab illis magistratibus, qui bona ecclesiæ non modo suę potestati subiecerunt, sed & stipēdia ministris uerbi debita adeo de- curtarūt, ut illi necessitate cogente singulis p- pe annis eorum quæ desunt supplementum ab ipsis precario, ac suppliciter expetere compellatur, eamq; *προσἀνὰπλήρωσαν*, admodum grauati præstant, imò nōnunquā petentes uacuos à se, non sine contumelijs abijciunt. Quā autē illi diuersimode animati sint à Macedonibus, qui non de alieno, sed de suo, non sibi, sed alijs ministranti Apostolo, ea quæ deerant suapte sponte suppleuerūt, iudicet cordati. Deinde à prælatis illis & cenonicis, qui cū de patrimo- nijs suis abunde habeant unde uiuere possent, non tamen contenti sunt aliquo supplemento, sed integra præbendarum suarum corpora, ut uocant, de bonis ecclesiæ exigunt, ac sumunt, non ut sufficientem duntaxat alimoniam, sed & opum abundantiam habeant, unde & pars ma- gna insumi in scorta, equos, mulos, canes, & reliquū uitæ luxum, & simul in thesauros cu- mulus aliquis pecuniarum reponi possit.

ET in omnibus sic me seruabam, inquit, ne cui essem onerosus, atq; ita seruabo. Quod di- xit, cum apud uos essem, & egerem, non fui o- nerosus cuiquam, id iam fusius explicat, sic ut proxime præcedentia: nam quod mihi deerat suppleuerūt fratres, qui uenerāt è Macedonia, per modum parenthesis posita esse uideatur. Explicat autē huius facti sui studiū, propositū, propositi constantiam, specificationem & ra- tionem.



tionem. Studium exprimit dicens: Et in omnibus sic seruabam *ἐμῶν*, id est, meipsum, ne onerosus essem *ὑμῶν*, id est, uobis. Non in causa uictus tantum, inquit, sed & in reliquis omnibus, in quibus uti poteram meo iure, cohibui me, ac seruauī, uiuens parcissime, ne essem uobis oneri. In uerbo, seruandi, dicens, seruabam meipsum studium exprimit facti sui, studium uidelicet abstinentiæ, non ab illicitis tantum, sed ab ijs quoq;, quibus licite ac iure Apostolat<sup>9</sup> sui potuisset uti, *ὅτι ἐν πάσῃ ἐλευθερίᾳ ὡς Χριστὸς ἀνέστοι*. sicut 1. Thess. 2. dicit: Virtus hæc seruādi, ac cohibendi seipsum, insigne donum Dei est, ad hoc pijs datum, ut abstinentiæ bono, cum iusticiæ ac commoditati uitæ suæ studere, tum charitati proximorum inseruire ualeant. Iusticiæ, abstinendo ab illicitis: commoditati uite, ne si affectibus suis indulgeant sibiipsis innumeras molestias asciscant: charitati fraternæ, abstinendo ab omnibus, quibus fratres, uel lædi, uel grauari, uel offendi poterūt, etiam si illis iure queant uti, quo præiens Apostoli facit exemplum.

Ad propositum ipsius pertinet quod dicit: atq; ita seruabo. Nō erat illi satis seruasse se aliquādiu, ne cui esset oneri, nisi id sibi in futurū quoq; faciendū censeret, ac porro facere pponeret. Nam ratio propositi talis erat, ut nō minus futurum, q̄ præteritum abstinentiæ huius studium requireret. Sic affecti sunt, quorū studia non sunt perfunctoria, sed ex animo ad iustum finē spectante profecta. Illis non est satis semel sese atq; iterum cohibuisse, ne quā offensionem præbeant causæ, quam agēdam susceperunt, sed à cœpto studio nō resiliunt, donec quod agēdum est perficiatur, ideoq; quod aliquādiu fecerunt, ad finem usq; facere cōtendunt. Sic animatus Apost. postq̄ dixit: in omnib<sup>9</sup> me sic seruabā, ne uobis essem onerosus, adiecit de suo pposito dicēs, atq; ita seruabo.

Ad constantiam propositi huius facit, quod subiungit: Est ueritas Christi in me, quod hæc gloriatio non interruptetur contra me. Nō simpliciter dicit: Et hoc ppositū haud abijciā, sed, gloriatio hæc non interrūpetur cōtra me. Voce gloriationis significat, se ista dicere non exprobrandi, sed gloriādi affectu, ne grauatim hoc tulisse uideat, quod nihil in usus suos cōferrent Corinthij. Etenim nemo sic animatus est, ut moleste ferat, id de quo gloriatur, uel ut gloriatur de re aliqua, quā grauatim ferat. Imò nō modo uoce gloriationis hoc significat, sed & per id quod dicit: non interruptetur cōtra me, significans contra se, nō pro se fore si quid ab ipsis accipiat, & gloriationem hanc, quod gratuito prædicauerit ipsis Euangelium Christi, amittat. Quod autem interpret uertit: non interruptetur contra me: Græce est, *ὅτι ἐν πάσῃ ἐλευθερίᾳ ὡς Χριστὸς ἀνέστοι*, quod reddi potest: non obturabitur in me. Germanic<sup>9</sup> interpret sic uertit: *so soll mir diser ruom nit gestopffet werden*, quasi dicat: nō obturabitur gloriatio hæc in ore meo, uel nō obturabitur mihi os, ne glorier gratuito me præ-

dicasse uobis Euangelium. Quām uero cōstanter in eo se proposito confirmarit, in eo exprimit, quod iureiurando dicit: Est ueritas Christi in me, quod hæc gloriatio non obturabitur in me. Habet enim particula hæc formam iuramēti, quasi dicat: Per ueritatem Christi quæ in me est iuro, quod gloriatio hæc, &cæ. uel: Quām certo est in me ueritas Christi, tam certo non obturabitur gloriatio hæc in me. Germanicus interpret reddidit ad hunc modum: *so gewiß die warheit Christi in mir ist*. Iurat ergo Apostolus per ueritatē Christi, quod nolit quicquam à Corinthijs accipere, ne obturetur in ore ipsius hæc gloriatio, quod Euangelium illis gratuito prædicauerit. Sic iurando cauet, ne ob id ista scribere putetur, ut Corinthij pudefacti de conferendo aliquid cogitent, quo notam ingratitudinis à se abstergant.

Vide autē quām conuenienter formula hac iuramenti Apostolus Christi utatur dicēs: Per ueritatem Christi quæ in me est. Iuramēti missat, hoc est, ut iuremus per ea quæ nobis sunt admodum in precio, hac cōditione, ut si iuremus falso, damno illorū mulctemur. Cum ergo ueritas Christi omniū esset Apostolo charissima, & maximi momēti, per eā iurauit potissimum, ut significaret tā se nolle in uanum iurare, quām nollet ueritate Christi, quā singulari beneficio Dei acceperat, priuari. Hoc affectu conuenit omnes erga Christi ueritatem præditos esse ministros, ut nihil in toto illi mūdo præferant, & studio illius ab omnis generis mendacijs in uniuersum abstineant. Verū quotus quisq; illorum est, qui in gratiam ueritatis Christi, quam prædicādam suscepit, in omnibus suis sermonibus à mendacio sibi caueat, illudq; ex animo detestetur, ac fugiat?

Erat autē ueritas Christi in Apostolo uarijs modis. Primo, quatenus erat in illo spiritus Christi, qui spiritus est ueritatis, & à mundo capi non potest. Deinde in scientia & intelligentia mysteriorum Christi, qua ueritas illius cognoscitur. Tertio in affectu cordis, quo cognitam amabat, ac plurimi faciebat. Quarto, in ore, per ministerium uerbi, quod de Christo prædicabat. Tres priores modi communes sunt fidelibus omnibus, quartus ad ministerium uerbi pertinet. Quanquā nec alienus prorsus est à fidelibus, qui & ipsi ueritatē Christi habent in ore, dum gratiam ac ueritatem à Christo factā laudib<sup>9</sup> extollūt ac deprædicāt.

In regionibus Achaïæ, inquit. Specificatio est propositi, uel, si mauis, limitatio. Non enim cōstituerat nusquam accipere quicquam sed, à Corinthijs tantum. Ideo dicit: In regionibus Achaïæ, inter quas erat & Corinthus. Alioqui acceperat à Macedonib<sup>9</sup>, & alijs quoque, ubi id citra offendiculum fieri poterat. Quare in promptu est, quod respondeatur illis, qui ex hoc Apostoli facto, generalem omnibus ministris regulam præscribere conantur, debere uidelicet eos gratuito prædicare omnibus. Apostolus hoc non fecit ubique,



quandoquidem non dicit: quod hæc gloria-  
tio non obturabitur in me in toto orbe, sed, in  
regionibus Achaia. Et ne in illis quidem præ-  
iudicauit hoc suo facto sequuturis, post ipsum  
episcopis ac ministris, quasi nec ipsis aliquid  
ab Achaicis fidelibus accipere liceat, quanto  
minus in cæteris. Quare adiecta hæc limitatio  
generalis regulæ præscriptum non admittit.

QVAPROPTER, inquit? An quod non di-  
ligam uos? Deus nouit. Verum quod facio,  
idem & faciam, ut amputem occasionem ijs,  
qui cupiunt occasionem, ut in eo de quo glo-  
riantur reperiantur, quemadmodum & nos.]  
Pertinent ista ad rationem propositi huius.  
Hanc uero non ponit simpliciter, sed per occu-  
pationem. Videbatur enim mirum, quare ab  
Achaicis nihil prorsus accipere constituisset.  
Quare cum fore cogitaret, ut ratio huius re-  
quireretur, præoccupas ponit eam ipse ad hunc  
modum: Quapropter? An quod non diligam  
uos? &c. Non modo quæsituros eos de ratio-  
ne hac, sed & alienam à uero suspicatos co-  
gitabat, quemadmodum fieri solet. Et talem  
inducit ipse, ac refellit, priusquam uerum ex-  
primat.

QVAPROPTER, inquit.] Hoc est. Quam ob  
causam nolo, ut hæc mihi gloriatio obturetur  
in regionibus Achaia? Quid rationis est, quod  
tam constanter nihil à uobis accipere consti-  
tui? An ideo hoc facio, quod nō diligam uos?  
Hæc erat falsa ratio, quam ob id adducit, quod  
timendum erat, ne illam in causa esse suspica-  
rentur. Dices: Et quomodo uerosimile erat  
hoc eos suspicatos? Etenim ut argumētum  
dilectionis non est in eo, si quis accipiat ab a-  
lijs pro labore suo, unde uiuat, ita contemptus  
argumentum in eo non est, si gratuito quis la-  
boret, nolitque pro labore suo accipere quic-  
quam. Respondeo. Quoniam acceperat à Ma-  
cedonibus, à Corinthijs uero non modo non  
acceperat, sed & nunquam accepturum se af-  
firmabat, uidebatur uel non tanta apud eos di-  
ligentia laborasse in opere domini, ut aliquid  
pro labore suo accipiendum esse sibi censeret,  
minus uero diligenter laborasse, ob id quod  
eos contēneret, & tanto non esset amore pro-  
sequutus, quanto affectus fuerit erga Macedo-  
nes. Sic timendum erat, ne propositum hoc  
ipsius sinistre interpretarentur, & in argumen-  
tum contemptus sui raperent. Poterant cogi-  
tare & hoc modo.

Quare accepit à Macedonibus, à nobis ue-  
ro tantopere nihil accipere constituit? An quia  
illi sunt opulenti, nos uero pauperes? Sed hoc  
in causa esse non potest. Sunt enim pauperio-  
res nobis, etiam ipsius testimonio. Restat igitur  
ideo nolle eum accipere à nobis, quod mi-  
nus habeat erga nos fiduciæ, accepisse uero ab  
illis, quod magis ipsis fidat, quam nobis, atque  
ita plus eos etiam diligit, quam nos. Quare  
nunc igitur contemnere, ac diffidere argumen-  
tū habent cordis non diligentis, hætenus po-  
terat cogitare. Non uult à nobis accipere, quia

A non diligit, sed contemnit nos, tantumque fi-  
ducia erga nos non habet, quantum habet erga  
Macedones. Ne sic itaque colligerent, occupa-  
tione cauens dicit: An quod non diligam uos?  
Deus nouit. Subintellige, quod diligam uos.  
Citat Deum testem dilectionis suæ, quo suspi-  
cionem hanc, & sinistram propositi sui inter-  
pretationem rejiciat. Poterat dicere: nequa-  
quam, sed diligo uos. Verum quoniam cupie-  
bat illis esse persuasissimū, quod ipsos dilige-  
ret, maluit Deum, quam seipsum citare testē.

VERVM quod facio, idē & faciam (in Gre-  
co non est, idem, sed simpliciter *ὅτι ποίησω*, id  
est, & faciam, ut subintelligendum sit, ad hoc  
facio) ut amputem occasionem ijs qui cupiunt  
occasionem.] Reiecta pseudologia, quam ex  
facto ipsius colligere poterant in speciem, sub-  
ijcit ueram rationem, propter quam nihil à Co-  
rinthijs ac reliquis Achaicis accipere constitue-  
rat. Eam exprimit primū in genere dicens: Ve-  
rum quod facio, & facturum sum, ob id facio,  
ut amputem occasionem ijs qui cupiunt occa-  
sionem. Dictum est hoc generaliter. Specificā-  
di uero gratia addit: ut in eo de quo gloriatur,  
reperiantur, quemadmodum & nos.

B Vt amputem, inquit, occasionem.] Occa-  
sionem amputare, uel præscindere, est causas  
& principia sequuturæ rei, ueluti radices ex-  
cindere. Græce est: *ἵνα ἐκκόψω τὴν ἀφορμὴν*. Est au-  
tem *ἀφορμὴ* ea causa quæ à facto, uel consilio a-  
liquo nata occasionem gerendi, uel conandi  
saltem aliquid præbet, quod aliās ne tentare-  
tur quidem. In huiusmodi *ἀφορμῇ*, tam præbe-  
dis, quam amputandis, tanq; captandis, quam  
fugiedis omnino situm est multum. Multum  
nocuit, qui occasionem mali, præsertim incau-  
tis & imperitis obiecit. Multum è contra pro-  
fuit, qui occasionem, uel boni præbuit, uel ma-  
li amputauit. Magnam gerendæ rei commo-  
ditatem nactus est, qui occasionem illius uigi-  
lanter captauit. Facile sequuturum malum ui-  
tat, qui occasionem illius præscindit. Princi-  
pijs obsta, inquit ille, sero medicina paratur.  
Dum mala per longas inualuere moras. Hac  
prudētia usus Apostolus, nolebat à Corinthijs  
sumere stipēdium, ne quam si sumeret, pseud-  
apostolis hoc suo facto abutendi occasionem  
obijceret.

Vide autem quomodo loquatur. Non dicit  
simpliciter, ut amputem occasionem pseud-  
apostolis, cum tamē de illis intelligat, sicut in  
sequentibus mox patebit, sed, ut amputem oc-  
casione ijs qui cupiunt occasionem. Græce  
est, *ἵνα ἐκκόψω τὴν ἀφορμὴν τῶν θελήστων ἀφορμῶν*, id est,  
ut amputem occasionem eorum, qui uolunt  
occasionem. Genitium interpres mutauit in  
datium. Occasio, si quærat quorum sit, est  
& dantium, & accipientium, & rerum unde  
sumitur. Græcus contextus tribuit hic occa-  
sionem captantibus. Si uero quærat, quibus  
amputetur occasio, amputatur alia dantibus,  
alia captantibus. Cū ergo Apostolus hoc ege-  
rit, ut occasione & captantium & captantibus  
amputaret



amputaret, nihil est periculi utrolibet modo legamus, siue, ut amputē occasionem eorum, qui uolunt occasionem, siue, ut amputem occasionem ijs qui cupiunt occasionem. Tribuit igitur Pseudapostolis hanc maliciam, imò maliciæ studium, ut non solum oblatiis occasionibus abusi sint ad malū, sed & offerri sibi occasiones cupuerint. Cupere occasionem nocendi, inimicorum est, studiosissime insidiantium. Illis è contra pari studio, & uigilantia omnis est amputanda occasio. Si hoc egissent episcopi, tantum occasionis non esset datum Satanæ, occasionem undiq; uenanti, tam spurcis ac fœdis libidinib⁹, ecclesias cōspurcādi, cuius futuri mali occasionem Paphnutius in concilio Niceno præscindendam esse prudētissime, quidem, uerum frustra monebat.

Dicet quisquam. Æquum ne est, ut ne occasionem inueniat, qui cupit occasionem, abstinere ab eo quod in se est bonum? An quemadmodum non sunt faciēda mala, ut eueniant bona, ita etiam non sunt faciēda bona, ne eueniant mala? Si hoc dicimus, quod nam opus tam bonum esse, tanq; bene fieri poterit, quod mali, non ad occasionem mali abripiant, ideoque fieri à nobis non debeat? Bonū autem esse iustum & æquum, ut minister in opere domini laborans de labore suo, accipiat unde uiuat, præter ipsius Christi, & Apostoli quoq; testimonium ipsa naturalis equitas, & communis omniū consensus comprobatur. Quid igitur necesse erat Apostolo, ut tam confirmato animo nihil acciperet à Corinthijs, ne occasione permitteret illis, qui occasionem cupiebant? Sic nascitur quæstio, an quod bonum est ac rectū, si fiat, ob id sit uitādum, ne mali ex eo sumatur occasio. Nos respondemus, diuidendū esse inter bona necessaria, & bona licita quidem, uerum nō necessaria. Bonum necessariū est prædicare Euangelium Christi. Væ mihi, inquit, si non euangelizauero. Omittendum hoc non est, etiam si mille ex eo malorū occasiones sumantur à reprobis. Bonum licitum, æquum & iustum est, prædicantem sumere uictū & amictum ab illis, quibus prædicat. Potest hoc omitti, si cessurum uidetur ad occasionem mali, propter reprobis insidias. Non peccat, qui iure suo non utitur, si usus illius causæ Christi nociturus uidetur. Imo, q Christo fideliter seruit, nūquam uolet uti iure suo, si uiderit ex eo occasionem fore reprobis, ut ueritati Dei negocium facebant. Non faciebat Apostolus malum, ut eueniret bonum, uel uitaret malum, cum stipendium debitū à Corinthijs accipere nolebat, sed omittebat bonum licitum, ne per maliciam pseudapostolorum eueniret ex eo malum.

Vt in eo, inquit, de quo gloriantur, reperiatur, quemadmodum & nos. ] Supra particulam hanc specificationem habere diximus, cuius uidelicet, rei occasionem pseudapostolis permittere noluerit. Vt reperiatur, inquit, quemadmodum & nos. In quo? In eo, inquit,

A de quo gloriatur. Quod nam erat illud? Apparet illos non accepisse stipendium, quo Corinthios sibi deuinctiores redderent, eaque in re præstantiores Paulo inuenirētur, si stipendium ille pro labore suo sumeret, & hac illis gloriationem noluisse permittere Paulum, ideoque nec ipsum stipendium accipere uoluisse, quo in hac causa non excellerent, sed tales inuenirentur, qualis erat & ipse. Sic pleriq; tam ueteres quam recentiores exponunt.

Sunt tamen hæc uerba sic posita, ut bifariam exponi queant. Primo, quemadmodum iam exposuimus. ut amputem, inquit, occasionem ijs, qui cupiunt occasionem, amputem autem ob id, ut in quo gloriantur, nō excellentiores, sed quales & nos sumus, inueniantur. Inuenirentur autem excellentiores nobis, si nos sumptuosum redderemus Euangelium, accipiendo stipendium à uobis, illi uero gratuitum, nō accipiendo à uobis quicquam. Hanc illis occasionem nunquam permittemus, ideoq; nihil à uobis unquam accipere cōstituiamus. Cōstaret hæc expositio, si constaret pseudapostolos gratuito p̄dicasse Corinthijs. Deinde exponi possunt hoc pacto: ut amputem occasionē ijs qui cupiunt occasionem. Quam occasionē cupiūt? Per quam uidelicet in eo de quo gloriatur reperiatur, quemadmodum & nos, ne minores nobis, ac minus grati, propterea inueniantur, quod stipendium accipiunt à uobis, sed pares, si & ipsi stipendium acciperemus. Quare nolo à uobis accipere quicquam, ne pares nobis inueniantur. In priore expositione uerba hæc, ut in eo de quo gloriantur, reperiatur, quemadmodum & nos, rationē habent, quare Apostolus occasionem pseudapostolis amputare uoluerit. In posteriore uero, exponunt quā occasionē pseudapostoli dari sibi cupierint. Et hac sequit⁹ est Ambrosius. Sic enim ille exponit: Gloria pseudapostolorum, in pecunijs erat accipiēdis. Ideo Apostolus hoc refutauit, ne illis similis uideret⁹, quia nisi hoc ab Apostolo fuisset uitatū, maior illis occasio data fuisset accipiendi, aut magis extorquendi, quando in hac re formam ab Apostolo datā, ostenderet. Hæc ille. Ergo quod in textu est: in eo de quo gloriatur, intelligit de stipendio apostolico, quo de gloriati sint pseudapostoli, quasi in illo uerorū sit Apostolorum argumentum. Sane accepisse eos à Corinthijs, infra in hoc ipso capite patebit. Quare uerosimile non est fuisse eos de gratuita Euāgelij prædicatione gloriatos, ut quod dicit, ut in eo de quo gloriantur, reperiatur quemadmodum & nos, de illa possit intelligi, quamuis & Chrysostomus de ea exponat, non diligens alioqui in exponendis Apostoli sensibus. Annotat ille, quā non sit ociosum quod non dicit: ut in eo quod faciunt, sed, ut in eo de quo gloriantur. Neq; enim simpliciter illi, uel accipiebant, uel gratuito prædicabant, sed ad ostētationem sese comparabant, cuius uanitatem in uerbo gloriandi perstringit. Quorsum gloriarentur in eo quod simula-



bant,abunde intelligebat,ideoq; & occasione quam quærebant diligenter illis amputabat.

Siquidē istiusmodi pseudapostoli operarij dolosi sunt sumpta persona apostolorum Christi: atq; haud mirum, quādoquidem ipse Satanās trāsfiguratur in angelum lucis. Nō magnū est igitur si & ministri illius, personā in se transferunt, quasi sint ministri iusticiæ, quorum finis erit iuxta opera ipsorum.

1 Primo exprimit qui nam sint illi qui occasione cupiant. Pseudapostoli uidelicet: Siquidem istiusmodi pseudapostoli, inquit.

2 Deinde rationē reddit, quare occasionem quam cupiūt amputare illis studeat. Quia dolosi sunt operarij, inquit.

3 Tertio, dolum illorū exponit dicens: transfigurantes se in apostolos Christi, & in ministros iusticiæ.

4 Quarto, dicit eos imitari ingenium Satanæ, tanquam illius ministros.

5 Quinto, minatur illis meritum exitiū. Sed uideamus singula.

SI QUIDEM istiusmodi pseudapostoli, inquit.] Quoniam obscurū adhuc erat, quosnā intelligeret dicens: ut amputem occasionem illis, qui cupiunt occasionem, non simpliciter dicit: Nam sunt illi operarij dolosi, sed: Nam istiusmodi pseudapostoli operarij dolosi sunt. Hac nota, non solum qui sint aperit, sed & fugiēdos eos esse monet. Vēditabāt se pro apostolis Christi, uerum non erant ἀληθαπίστοι, sed ψευδαπόστολοι. Est autem pseudapostolus falsus legatus, qui credētes sibi seducit, & si id in causa salutis fiat, prorsus perdit. Notæ huius sunt istæ. Primo, non est rite missus, sed suapte spōte currit. Deinde, uel prorsus falsa nunciā, uel ueris falsa immiscet, quo sub specie ueritatis seducat. Tertio, seipsum quærit in omnib⁹, ut non modo falsus, sed & suiipsius recte uocari possit Apost. Quarto, iactabundus est & gloriosulus, seipse magnificās, & ueros apostolos cōtemptos reddere satagens. Plane tales erāt, quos hic perstringit Apostolus. Contra, uerus Apostolus est, qui non à seipso currit, sed missus est à domino, non alia nunciat, quā quæ in mandatis accepit, non seipsum quæres, sed dominū cuius est Apostolus, nec iactabundus de suo, sed glorians in dño, nec ueros alios apostolos contēnens, sed magnificiēs & extollēs.

OPERARIJ dolosi sunt, inquit.] Hinc erat Apostolo cautio ac sollicitudo amputandi illis occasione, quā quærebant. Sciebat eos omnia agere, ac moliri dolo improbo. Ea res reddebat ipsum cautum, ac uigilantē. Non dicit simpliciter, dolosi sunt, sed operarij dolosi sunt. Operabātur & ipsi, sed animo dolofo, nō sincero. Videm⁹ hic referre plurimū, quo animo quis operetur in ecclesia dñi. Operari palā mala & noxia, min⁹ habet periculi. Ociari quoq; itidē minus est periculolum. Verū operari cū

A dolo & in speciem, ea quæ uidentur esse bona, re ipsa uero animo seducēdi, admodū est periculolum. Tales uocant in scripturis מרעלי ארץ id est, operarij iniqui, quos & Christus ipse notat, Matth. 7. dicēs: Multi dicēt mihi in illo die: Dñe, dñe, nōne p nomē tuū prophetauimus? & per nomen tuum demonia eiecimus? & per nomē tuum multas uirtutes præstitimus? At tum confitebor illis, nunquā noui uos: Discedite à me, qui operamini iniquitatem.

SUMPTA, inquit, persona apostolorū Christi.] Græce est μετασχηματίζουσι ἐς ἀποστόλους χριστοῦ. i. transfigurati in apostolos Christi. Vulgata habet transfigurātes se in apostolos Christi. Verbum μετασχηματίζουσι, tertio habetur in hoc contextu. Eras. reddidit, iā sumpta persona, iā trāsfiguratur, & tertio, personā in se transferunt. Vulgatus interpres absq; ostentatione copię constanter reddidit per uerbū transfigurandi, nō magis culpabilis in unius Latini, q̄ Apostolus in unius Græci uerbi repetitione. Si uerbū transfigurandi semel usurpatū satisfacit Græco uerbo μετασχηματίζουσι, poterat & secundo & tertio satisfacere.

Quoniā uocauit pseudapostolos operarios dolosos, exponit illorū dolum dicens: transfigurantes se in apostolos Christi. Trāsfigurare se, est natiuæ ac ueræ formę, fallam ac fictā superinducere, illamq; fallendi gratia ostentare. Erant pseudapostoli re ipsa, quos hic perstringit. Hæc erat uera illorū figura, ac ppri⁹ color. B Cū ergo dolosi essent, ueræ figuræ superinducebant fallam, fingentes se apostolos esse Christi. Hęc transfiguratio ueram illorum figuram abscondebatur quidem, uerum nō auferebat, & figuram apostolorū Christi præferebat quidē, at ueros ex illis Christi apostolos non reddebat. Quare pertinet admodum usus est uerbo, transfigurādi, quod sic differt ἀπὸ τοῦ μετασχηματίζουσι, quod hæc uoces essentia ac substantiæ mutationem, illud uero figuræ alienæ assumptionem, uel fictionē significat, quo sensu positum est hoc loco. Neq; enim ueram apostolorū Christi figurā, ueraciter assumebāt, sed falso simulabant ac fingebāt, quemadmodum neq; pseudoprophetę, de quib⁹ Christ⁹ Matt. 7. præmonuit, uestimenta ouium, cum sint lupi rapaces, ueraciter assumunt, sed fingunt ac simulant. Et hoc genus falsorum apostolorum in apostolos Christi transfiguratorum Romanam post Paulum uenisse, eamque ecclesiam uiciasse in uiciata & corrupta, sub pretextu nominis Petri apostolicam sedem falso nominatam miris artibus fundasse, ac mysterium iniquitatis in illa cooperante Satana, cuius erant ministri, efficaci successu operari cœpisse, prorsus nihil addubito. Quod Romæ apostolū Petrū iactarūt, illiusq; autoritatē prætexuerūt, ut Pauli existimationem supprimerēt, improbiissimo studio & antea in alijs quoq; ecclesijs fecerant, sicuti in epistolis Pauli patet. Et hanc subdolam & noxiam transfigurationē ad successores suos, tam efficaciter transmiserunt, ut

cordatus



cordatus quisq; , si consideret illam intentius, ipsissimam Satanæ operationē agnoscere cogatur. Sub hoc Sole nanq; nihil uisum est unquam magis hypocriticū ac dolosum, magisque ad fallendum, & ad inuadendum omnium ecclesiarum magisterium instructum.

ATQVE haud mirū, inq; , quādoquidē ipse Satanā transfigurat in angelū lucis. ] Quoniā imperitioribus res admodū miranda, & incredibilis uidet, fieri posse, ut pseudapostolus trāfigureretur in apostolū Christi, ut admoneat nō debere hoc uideri mirum, ipsius Satanæ exemplum inducit, quod & cognitu necessariū est fidelibus omnibus, & tale, de quo dubitari nō potest, & tamen si consideretur multo est mirabilius. Tantū enim discrepantiā inter pseudapostolum, & uerum Christi apostolū non est, quantum est inter Satanā extremā maliciæ spiritum, & angelū lucis, & tamen in hunc ille pessimus impostor transfiguratur. Quare mirum non est, inquit, si pseudapostoli transfigurantur in apostolos Christi. Hoc dicens, significat eos imitari ingenium Satanæ.

Non dicit autē simpliciter, transfiguratur in angelū, sed, in angelū lucis. Natura spiritus est Satan, quēadmodū & angeli lucis, Angelus nō est, nisi quādo mittit à Deo ad operis alicuius executionē. Sonat enim angelus nunciū. Angelus erat spiritus ille malus, q; mittebat ad seducendum impiū regē Achab, ut esset spūs mēdax in ore oīm, quos habebat prophetarū. Missio hæc reddebat eū angelū, uerū nō angelū lucis, sed tenebrarū & errorū. Angel⁹ lucis, minister est ueritatis, & gratiæ Dei nunciū. Talis erat Gabriel, ad beatā uirginē missus, tales erāt angeli, quos pastoribus euāgelizasse legimus, tales erāt, qui mulieribus resurrectionē Christi nunciabāt, nec alij erāt, qui patriarchis, pphetis, Christo & apostolis apparuerūt. In eiusmodi angelum mutari non potest Satan, trāfigurari potest. Sic spiritus ille seductionis, ut falleret Achab, quem punire uolebat Deus, transfigurabat se in angelū lucis, quasi esset spiritus ueritatis. Hæc trāfiguratio Satanæ inuexit in ecclesias omnis generis errores, impietate, superstitiones, fallos cultus, & idolomaniam, propterea quod neglectis sanctis scripturis episcopi, Satanā nisi nigrū & manifestū, cognoscere noluerunt, transfiguratū uero, ac dealbatum in speciē, pro angelo lucis sunt amplexi.

NON magnum est igitur, si & ministri illius inquit, trāfigurerēt, quasi sint ministri iusticiæ. ] Chrysost. particulā hāc aliter legit. In priorem siquidē ad Cor. cap. 6. homil. 16. super illud: An nescitis quod angelos iudicabimus? sic dicit: Dicūt nōnulli significari hoc loco sacerdotes. Sed absit. Nā de demonibus loquitur. Etenim si de corruptis sacerdotibus dixisset, significasset eos suprà dicēs: nā in uobis iudicatur mundus. Solet enim scriptura malos homines uocare mūdū. Neq; secūdo idē dixisset, nec si maius aliqd dixisset, postremo illud loco posuisset. Verū de angelis illis loquit, de quib⁹ dicit

A Christus: Ite in ignē æternum, qui paratus est diabolo & angelis eius. Et Paulus: Quoniā angeli eius, inquit, trāfigurantur uelut ministri iusticiæ. Hæc ille. Manifestum est, nō esse antiquiorum negligētiā: *ἔτι ἄγγελοι αὐτῶν*. i. quod angeli eius, scriptum pro eo quod est *ἐν καὶ διδόνον αὐτῶν*. i. si & ministri ei⁹, sed ab ipso sic Chrysost. tanquam ab Apostolo scriptum, ad hoc citatū, ut comprobaret & Satanā habere angelos. Et tamen in hoc ipso loco reperitur idē Chrysost. legere non, *ἔτι ἄγγελοι*, sed, *ἐν καὶ διδόνον αὐτῶν*, ut appareat sciolum quendam lectionem illius mutasse, ne à recepta discreparet.

NON est magnum igitur, inquit. ] In se quidem satis magnū est, si ministri Satanæ in ministros iusticiæ trāfigurerēt, nec magnū modo sed & admodum noxiū, uerū respectu maioris nequitiae, qua Satan ipse in angelū lucis transformat, magnū esse negat, id quod ob id facit, ut cautiore reddat Corinthios. Etenim quo facilius est ista transfiguratio, hoc maiore attentione ac uigilantia obseruanda uenit, quo uitetur. Magnum enim nō esse, pro, mirum nō esse dixit. Sunt autem factu difficilia quæ mira, rursum facilia, quæ mira non sunt, & mala quæ facile conflantur, quo expeditiora sunt ad nocendum, hoc sunt diligentius cauēda. Cū itaq; dicit: Nō magnū est, nō extenuat periculū, quod est à transfiguratis ministris Satanæ, sed magis monet diligentius esse uitandum.

SI & ministri illius, inquit. ] Vide quomodo pseudapostolos magis ac magis detestabiles reddat. Primo: Nam si is, inquit, qui uenit, aliū Iesum prædicat. Deinde, ut amputet occasionē, inquit, ijs qui cupiūt occasionē. Tertio: Siquidē istiusmodi pseudapostoli, inq; . Quarto, quo eos prorsus auersandos esse moneat, pro eo quod dicendū uidebatur: non est magnū si & pseudapostoli, nō est magnum, inquit, si & ministri illius, Satanæ uidelicet, transfigurerentur, quasi sint ministri iusticiæ. Nos admone-mur quo loco habendi sint pseudapostoli in apostolos Christi trāfigurati. Pro ipsissimis scilicet Satanæ ministris & apostolis. Quēadmodum enim Christus totus est in saluando, ita Satan è contra totus est in perdēdo genere humano. Et ut Christus apostolos habet salutis huius ministros, ita Satan quoq; apostolos habet, quorum ministerio ad seducendum ac perdendum mortales utitur.

TRANSFIGVRANTVR, inq; , quasi sint ministri iusticiæ. ] Non dicit, ut sint, sed, quasi sint ministri iusticiæ. Ministri iusticiæ aliter atque aliter dicuntur.

Primo, de illis qui iudiciariæ iusticiæ ad defensionem bonorum & oppressionem malorum quocūque modo ministrant, qui omnes ad ordinem magistratus pertinent.

Deinde, de apostolis Christi, q; iusticiæ Dei quæ per fidem est in Christum, euangelizando subseruiunt.

Tertio, de oīs generis doctorib⁹, qui docēdo, hortādo, & corripiēdo quosuis ad iusticiā



& innocentiam uitæ instituunt. Quarto, per Ebraismum, in genere de ministris, iuste ac recte ministrantibus, ut sicut operarii iniqui, operarii iniquitatis, ita ministri iusti, ministri iusticiæ uocentur.

Præsenti uero loco, Chrysostomus exponit ad hunc modum: Quid autem est ministerium iusticiæ? Id scilicet quod nos sumus, euangelion prædicantes uobis, quod iusticiam habet. Nam uel hoc dicit, uel quod iustorum uirorum sibi opinionem assumunt. Existimo conueniens esse, ut intelligam<sup>9</sup> de iusticia, quā pseudapostoli Iudaico more magis quàm Christiano prædicabant, non quod iusticiam amarēt, aut ueraciter prædicarent, sed quod illam cōtra doctrinam gratiæ prætexerent, quam Paulus ubique prædicabat. Paulus absq; ulla dissimulatione ministerium gratiæ Christi obibat, illi uero doctrinam iusticiæ, qua iusti redderentur homines, iactabant, quo sibiipsis quoq; opinionem iusticiæ conciliarent, & cunctis sese approbarent. Nā id genus doctrinæ plausibilior est Iudæis & Gentibus, quàm sit doctrina gratiæ, ac fidei iustificantis.

QVORVM finis erit iuxta opera eorum, inquit.] Habet hæc particula comminationem meriti interitus. Interitum significat per finē. Neq; enim simpliciter uti<sup>9</sup> hac uoce, de morte corporea, qua uerorū quoq; apostolorū cursus finitus est, sed de interitu, quo pereunt pseudapostoli, qui quasi fructus est operum malorū. Sic Rom. 6. eorum finem qui peccato seruiunt mortem, aliorum uero qui Deo obediūt, uitā æternā esse dicit. Sic geminus est mortaliū finis, bonorum alius, alius malorum. Bonorum uita æterna, malorū interitus sempiternus, de quo & Phil. 3. sic dicit: Nam complures ambulant, de quibus sepe dixi uobis, nunc autem & flens dico, inimici crucis Christi, quorum finis perditio est. Consolationis quidem materiam habet, quod finis paratus est omnib<sup>9</sup> ministris Satanæ, hypocritis ac seductorib<sup>9</sup>, ut sciamus nequitiam illorū, haud duraturā in sempiternum, uerum iuxta cōmiserandi ueniūt, si qualitatem finis illorum cōsideremus. Erit enim ille nōn secundum gratiam, sed secundū iustū Dei iudiciū, quod Apostolus innuens, nō simpliciter dicit: quorū erit finis, sed addit, iuxta eorum opera. Significat interitum illorum responsurum meritis ipsoꝝ. Etenim quo magis ingeniū Satanæ operibus suis exprimunt, hoc grauius merētur exitium. Sic nos facile diuinare poterimus, quàm sit graue futurum eorū iudicium & exitiū, qui hodie & ueritatē Dei oppugnando, & ouiculas Christi atrocissime mactando, tā Satanæ se, q̄ uentris & gloriæ suę ministros esse declarāt. Erit enim eorū quoq; finis, secundum opera ipsoꝝ, nisi in tēpore respiciant, quo per gratiam Christi seruentur.

Iterū dico, ne quis me putet insipientem esse, alioqui & iam ut insipientē accipite me, ut paululum quiddā, & ego glo-

rier. Quod dico, non dico secundum do-  
minum, sed uelut per insipientiā, in hoc  
argumento gloriatiōis. Quandoquidē  
multi gloriātur secundum carnē, & ego  
gloriabor. Libenter em̄ suffertis insipie-  
tes, cum sitis sapientes. Suffertis enim, si  
quis uos in seruitutē adigit, si quis exe-  
dit, si quis accipit, si qs attollit sese, si quis  
uos in faciem cedit, iuxta cōtumeliā  
loquor, p̄inde quasi nos infirmi fuerim<sup>9</sup>.

ITERVM dico, inquit.] Rediturus ad ma-  
teriam gloriatiōis suæ, quam suprà ingressus  
est, ut pseudapostolorum iactantiā retūdat,  
dicit: Iterū dico, quasi dicat, quod suprà dixi,  
dico denuo, uel, qd̄ dicere cœpi, repeto. Qua-  
re? Ne quis me putet esse insipientē, quasi obli-  
tus sim eorum, quæ dicere cœpi, ac temere scri-  
bēdo, uelut æstu gloriatiōis inebriatus ferar.  
Potest & sic exponi. Iterum dico. Quid? Id ui-  
delicet. Ne me quisquam reputet esse insipien-  
tem, propter gloriatiōes meas, quas sum con-  
tra pseudapostolos platurus, sed cogitet q̄ gra-  
ui causa, ut eas proferant sim adactus.

ALIOQVI, inquit, & iam ut insipientem ac-  
cipite me.] Græce est, *καὶ ἄλλοτε πάλιν ὡς ἀπρόνοητος ἄ-  
καταλυστος*, id est, Si uero minus, saltem ut insipie-  
tē accipite me. Non loquebatur ex insipientia,  
sed ex Apostolica prudētia, cura & sollicitudi-  
ne, ideoq; poscit ab illis, ne se insipientem esse  
putent. Iam addit ex abundanti dicēs. Sed esto,  
reputetis me insipientem, an nō sic quoq; par  
est, ut me uelut insipientē accipiat<sup>9</sup>? Sic con-  
tendit ab illis quouis modo, ut se accipiant &  
audiant. Si non ut insipiens loquor, inquit, sed  
ut sapiens, accipite me tanquam uera ac neces-  
saria loquētem. Si uero iudicatis me desipere,  
date mihi, uel eam tolerantiam, qua insipien-  
tes quoque subinde patienter audiuntur, pro-  
pterea quod illi quoque sæpenumero uera lo-  
quuntur.

Vt paululum quiddam, inquit, & ego glo-  
rier.] Verbo accipiendi, pro uerbo ferendi, ac  
tolerandi usus est, petens ut se patienter, uel  
quasi insipientem audiant. Iam ad quid se au-  
dire debeant, subiungit. Vt paululum quid-  
dam, & ego glorier, inquit. Non simpliciter, ut  
glorier, sed, ut & ego glorier. Quasi dicat: Quā-  
doquidem pseudapostoli inter uos tantope-  
re gloriantur, & uos illos patienter auditis,  
concedite, ut & ego glorier: quod in illis tole-  
ratis, tolerate & in me, si insipientiam illo-  
rum ferre nostis, ferte & meam.

Significat se non fuisse gloriaturum, nisi ad  
id per iactantiā pseudapostolorum cogere-  
tur, nec iniquum se petere ab illis, cum id ul-  
tro pseudapostolis concedant. Nec ociosum  
est, quod non simpliciter dicit: ut & ego, sed  
ut paululum quiddam, & ego glorier. Signi-  
ficat haud multa sibi & operosa gloriatiōe o-  
pus ad hoc esse, ut iactantiā pseudaposto-  
lorum rejiciat, sed satis fore, si uel modicam  
attingat



atingat eorum partem, de quibus ipse ueraciter, si ita res posceret, gloriari posset. Et reuera sic habebat uirtutum ipsius excellentia, ut uel minima illarum portio pluris esset facienda, quam omnis pseudapostolorum iactantia. Quare opus illi non erat, ut multum & impense gloriaretur, praesertim cum in propatulo esset Apostolatus ipsius excellentia & efficacia.

QUOD dico, inquit, non dico secundum dominum (uulgata habet secundum Deum) sed uelut per insipientiam, in hoc argumento gloriationis.] Ne uideatur Apostolicum esse, & ad mandatum à domino acceptum pertinere, si quis de factis suis gloriatur, cauet diligenter dicēs: Quæ dicturus sum, non sum dicturus, secundum dominum, hoc est, tanquam Apostolus domini, secundum illius mandatum, sed perinde ac si sim insipiens, ut desipiam cum magnis illis uestris magistris, in praesenti causa gloriationis. Lyranus exponit hæc uerba cum adiecta conditione ad hunc modum: Si facio hoc sine causa rationabili, uel necessaria, sicut faciebant pseudapostoli, non loquor secundum Deum, sed quasi in insipientia. Chrysostomus tamen simpliciter absq; conditione accipit sic exponens: Vides quod gloriatio iam non sit secundum dominum. Dicit enim: Quando omnia feceritis dicite, quod serui inutiles sumus. Hoc genus ergo gloriationis, quo gloriabantur pseudapostoli, & ad quod adigebatur Paulus per improbam illorum iactantiam, non est secundum dominum, secundum quem magis est humilitas, ac modestia inutiles se seruos esse dicentium. Significat uel ex iactantia pseudapostolorum manifestum esse, quod non sint ueri Christi apostoli, quandoquidem gloriatio illorum, secundum dominum esse nequeat.

Rursus autem non simpliciter dicit: sed per insipientiam, uerum, sed uelut per insipientiam, ne sibi ipse insipientiae notam inurat. Deinde addit: in hoc argumento gloriationis, quibus uerbis per limitationem cauet, ne quod dicit de tota sua doctrina intelligatur. Ideo restringit illud ad praesentem gloriationis causam. Sic & supra cap. 9. eadem est limitatione, iisdemque uerbis usus.

QUANDO QUIDEM multi gloriantur secundum carnem, inquit, gloriabor & ego.] Quod supra dixit, ut paululum quiddam & ego glorier. Quasi dicat: Quemadmodum pseudapostoli, id iam magis exprimit dicens: Quandoquidem multi gloriantur secundum carnem, gloriabor & ego. Quasi dicat: Nisi secundum carnem gloriarentur tam multi, nolle ego gloriari, uerum quoniam tam multi sunt qui hoc faciant, cogor & ego gloriari parumper secundum carnem. Notanter dicit: secundum carnem, ut intelligas illud: Quod dico, non dico secundum dominum, dictum esse de gloriatione secundum carnem. Quid autem sit gloriari secundum carnem, dictum est alibi. Chrysostomus dicit esse gloriari: ἀπὸ τῆς ἐξουσίας, ἀπὸ δυνάμεως, ἀπὸ πλούτου, ἀπὸ σοφίας, ἀπὸ τῆς ὑποκριτικῆς ἡλικίας καὶ τοιαύτων.

A ἱεροῦσας, ἀπὸ τοῦ ὅτι τὰ πολλὰ διέφευγε. Mox tamen infra glorias pseudapostolorum, quibus secundum carnem gloriabantur, expressurus est.

Non dicit autem simpliciter: quandoquidem nonnulli, sed, quandoquidem multi gloriantur secundum carnem, gloriabor & ego. Admonemur non esse mox faciendum Apostolo, ac ministro Christi, quod in se non sit decorum, & secundum dominum, si unus & alter ineptiant, sed conueniendum magis, ne praeter graues rationes cum insipientibus desipere uideatur, nisi multitudo ineptientium extorqueat, ut faciat, quod facturus alias non erat.

LIBENTER enim suffertis insipientes, inquit, cum sitis sapientes.] Dixit: Si uero minus, saltem ut insipientem accipite me. Huc accommodat quod dicit: Libenter enim suffertis insipientes, cum sitis sapientes. Quasi dicat: Quod alias facitis, haud illibenter insipientiam pseudapostolorum sufferentes, facite & mihi. Hæc autem dicēs, notat & carpit in illis per obliquum, quod tam erant faciles ad ferendum pseudapostolos arroganter sese iactantes. Nō simpliciter dicit: Suffertis enim, sed, Libenter enim suffertis insipientes, significans eos nimis esse propensos erga pseudapostolos, ac insipientia illorum tam non offendi, ut illa delectentur etiam. Morsum habet & illud, quod dicit: cum sitis sapientes.

Tales haberi uolebant, non autem erāt, nisi secundum saeculum forsan. Id uicij notat dicens: cum sitis sapientes, subintellige, uestro iudicio. Sane sapientum est insipientiam patienter ferre stultorum. Illi autem non ferebāt simpliciter, sed ἡδύως, id est, cum delectatione, quod fieri non poterat, nisi insipientia pseudapostolorum uoluptatem ipsis attulisset, uel singularis cuiusdam sapientiae loco habita fuisset. Etenim non reputabant eos esse insipientes. Alioqui locum in illis non habuissent quem mox subiicit dicens:

SUFFERTIS enim si quis uos in seruitutem adigit, si quis exedit, si quis accipit, si quis attollit sese, si quis in faciem uos caedit.] Hæc utiq; à pseudapostolis, omnium minime tulissent Corinthij, si cognouissent eos esse insipientes. Vide autem quales illi fuerint insipientes. Tribuit eis dominatum tyrannicum, uoracitatem, auaritiam, arrogantiam, & contumeliam. Hæc exercere nō potuissent in Corinthios, nisi admodum fuissent uersuti ac dolosi, unde eos supra operarios dolosos uocauit. Hoc genus insipientes nos Germani uocamus *bæse narren*.

SUFFERTIS enim, inquit.] Exprobrat illis præposteram tolerantiam. Non debebant ferre ne in ueris quidem apostolis, quæ ferebant in falsis. Qualis sit, & multis iam saeculis fuerit in ecclesijs pseudopiscoporū tolerantia, qui nihil tam inique praesumere potuerunt, quod nō omnium seruilissime pertulerint maiores nostri, & pars maxima hodie quoq; perferat, non est ut moneamus, cum omnium sit manifestissimum.

Quæ



Quæ Corinthij pertulerūt à pseudapostolis, principia quædā fuerunt, quorum auxesis im-  
mensa in Romana sese ecclesia exeruit, & totū  
Christianum orbem occupare sategit.

s i quis uos, inquit, in seruitutem adigit.] Adigere in seruitutem, est non simpliciter do-  
cere, admonere, corrigere, & cōsolari, sed mo-  
re dominorum quiduis imperare, & omnimo-  
dam qualis seruorum est, obediētiam exigere.  
Si illa præstetur, seruitus est, siue sit coacta siue  
uoluntaria. Si præstetur Christo domino non  
coacte, sed sponte, debita obseruātia est, & gra-  
ta Deo, tamq; non indigna Christianis, ut pro  
summo sit honore cēsenda. Et in hanc ducunt  
nos ueri apostoli. Si uero præstetur homini-  
bus in religione, noxia est, illicita, & dedeco-  
rosa Christianis, quibus Apostolus Christi di-  
cit: Empti estis precio magno, nolite fieri serui  
hominum. Item. State in libertate ad quā uos  
Christus uocauit. In hanc ducūt pseudaposto-  
li, ministri Satanæ. Non debebant illa præsta-  
re Corinthij, præstasse uero, ex eo patet, quod  
Apostolus hic illis exprobrat dicens: Suffertis  
enim si quis uos in seruitutem adigit. Pōtifex  
Romanus, quo seruitutem hanc à toto Chri-  
stiano orbe extorqueret, finxit se supremum  
esse in terris Christi uicarium, & hoc titulo in-  
flatus Persica prorsus superbia, pedem suum  
regibus & principibus osculandū præbet, imò  
ceruicibus regum imponit.

Nota est historia quæ in chronica Germano-  
rū, lib. 13. de Alexandro tertio legitur. Hic Ve-  
netijs Imperatori Fridericho, ad ianuam diui  
Marci imperauit, ut se humi psterneret, ac ue-  
niā clara uoce rogaret. Imperator procidit ad  
pedes Papæ. Papa Cæsaris collum, pede in ter-  
ram premit, dicens: Scriptum est: Super aspi-  
dem & basiliscum ambulabis, & conculcabis  
leonem & draconem. Respondit Friderichus:  
Non tibi Alexander, sed beato Petro, cui te di-  
cis succedere, pareo. Ad hæc Pontifex ait: Et  
mihi & Petro. Idem Alexander cū Romæ om-  
nem sibi potestatem subijcere satageret, cœpit  
cogitare de abrogandis consulibus, & mox id  
effecit, ut consules Pontifici iurarēt, se sedi Pō-  
tificiæ fore fideles, & audientes per omnia, ni-  
hilq; contra sententiam Pontificis facturos. In  
seruitutem subactis Imperatoribus & princi-  
pibus, consulibusq; Romanis, quæ potuit li-  
bertas manere reliquis? Quis nō uidet succes-  
sores pseudapostolorum Romanā ecclesiam  
occupasse, inq; illa dominatum suum sub no-  
mine Petri confirmasse?

s i quis exedit, inquit.] Vbi pseudapostoli  
Corinthios in seruitutem adegerunt, mox om-  
nibus illorum & fortunis & honoribus frenū  
iniecerunt, uorātes, rapiētes, & per superbiam  
contumelijs eos afficiētes. Cum ergo dicit: Si  
quis exedit: notat pseudapostolorū ingluuiē  
insatiabilē, qualis & pseudoprophetis, Esa. 56.  
tribuitur, qui canes impudentissimi saturitatē  
nesciētes eo loco uocant. Rom. Carnaliū gulā  
totus uix orbis exaturare queat, ut taceam nu-

merosum illum porcorum Epicureorū gregē.

s i quis accipit, inquit.] Existimo uerbum  
accipiēdi positum hic esse non simpliciter, sed  
de auiditate accipiendi, qualis esse solet homi-  
num auarorum, ac χρηματοφιλῶν. Tales apostoli  
omnes eorū fortunas, quos sibi seruiliter sub-  
iectos habent, non minus ad se, quā ad illos  
pertinere iudicant, ideoq; impudenter ab illis  
extorquent quicquid ipsis libuerit, sic tamē ut  
id fictis uerbis, secundum dictum Petri, nego-  
ciando faciant. Inspice ecclesias Papisticas, &  
monasteria ociosorum aqualiculorū, & uide,  
an non omnia sacra quæstui sint deuota, sic ut  
nisi detur perpetuo, nihil impetretur.

s i quis, inquit, attollit sese.] Dominio con-  
iunctus est fastus. Existimāt se infinitis modis  
excellere eos, quibus dominantur. Pseudapo-  
stoli efferebant se sub nominibus magnorum  
apostolorum Petri, Iacobi & Ioannis, & infla-  
bant ex prerogatiua carnis, quod essent Ebrei,  
semen Abrahamæ, Israëlita, circumcisi, &c. ita ut  
omnes fideles & gētib; præ se superbissime  
fastidirent. In ecclesijs nostris, quā elatos fi-  
delium patiētia dominos ferat, non modo in-  
flati tituli, sed & pompa uita mōstrat, quā  
uix sæculi principes adæquāt. De Antichristo  
futurum prædixit Apostolus: 2. Thess. 2. ut se  
extollat supra omne quod dicitur Deus, aut  
quod colitur, ita ut in tēplo Dei sedeat osten-  
tans se quasi sit Deus. 1. Ad hāc superbiam  
prorsus diabolicam pertinet, quod se Pōtifex  
Romanus dominū facit cœlestis ac terreni im-  
perij. 22. dist. Can. Omnes. 2. Et quod suam  
sententiam omnium episcoporum sententijs  
præponit, uide in glossa dist. 4. Can. In istis.  
3. Quodq; à nemine se iudicari debere cōte-  
dit, etiam si innumera animarum millia secū  
trahat in gehennam, dist. 40. Si Papa, 4. Et  
quod sibi soli omnē potestatis plenitudinem  
uindicat. 2. quæst. 6. Can. Qui se scit. 5. Item  
quod sit lex animata in terris. Sexti, de officio  
delegati. Can. Ab arbitris, gloss. in uerbo, Iuris.  
6. Et quod solus queat absq; concilio depo-  
nere Imperatorem, & omnes subditos libera-  
re ab illius fide. gloss. in. Ca. Ad apostolicā. De  
sent. & re iudicata, in titulo. 7. Quodq; ius  
habeat condēdi leges, ipse uero nullus sit sub-  
iectus. 25. quæst. 1. Can. Ideo. 8. Et Nicolaus  
Papa, dist. 96. Can. Satis euidenter, ad asseren-  
dum pontificium fastigium citat Constanti-  
num Imperatorem, qui Pōtificem Romanum  
Deum appellarit. Hæc & multa consimilia a-  
lia satis opinor monstrant, quousque pseud-  
apostolorum superbia, in ecclesia Romana a-  
scenderit.

s i quis uos in faciem cedit, inquit.] In faciē  
cedere est præsentem pudore suffundere. Nō  
loquitur de uerberibus manuum colaphis, uel  
alapis. Sed de contumeliosæ uerbere linguæ,  
quod perinde est, ac si colaphum, uel alapam  
incutias, unde & nos Germani ubi pudore suf-  
fundimur dicimus: mir was als bett er mir eins ins  
angsticht geben.

Illud:



Illud: iuxta contumeliam, uel, iuxta ignominiam loquor, alij referunt ad præcedentem particulam, alij ad sequentem. Si referas ad præcedentem expositio illius erit, ac legendum, de ignominia, uel de contumelia loquor, qua uidelicet, uos afficiunt, dū uos in faciem uocant *עלבים, גרים, טמאים*, id est, gentes, canes, incircūcisos, & immundos. Quid sancti patres Romæ uocēt nos Germanos abūde notum est. Si referas ad sequentem, sensus erit. Loquor ista ad exprimendam ignominiam, qua nos afficiunt, dum nos plane hac in parte infirmos fuisse mōstrāt, propterea quod nec in seruitutem uos ad egimus, nec exedimus, nec accepimus, nec elati inter uos, sed humiles fuimus, nec in facie uos cecidimus. Siue ad præcedentem, siue ad sequentem particulam referas, nihil est incommodi.

Illud, perinde quasi nos infirmi fuerimus, in Græco est, *ὡς ὅτι ἡμῶς ἡ ἀδυναμία*, id est, quod nos infirmi fuimus. *ὡς ὅτι*, nanq; idem est quod *ὅτι* simpliciter. Reddi ergo potest, ppter ea quod nos infirmi fuimus. Et hoc sensu connectendum est, cum præcedenti particula, ad hunc modum. Dico ista ad ignominiam nostri, propterea quod nos magnis illis dominis uestris comparati admodū fuimus inter uos infirmi.

Obserua uero, quod hæc incommoda non exprobrat pseudapostolis, qui intulerunt, sed Corinthijs, quod illa sint falsi, aperitque illorum oculos, ut uideant quantum sit discriminis inter Apostolatū suū, quantum uis in speciem infirmum & humilem, & sublimium illorum dominorum fastum & dominatum, quamq; sint ipsi dementes, qui tam superbos, rapaces, uoraces, ac contumeliosos dominos ferre malint, quā amare eum, qui ad hoc se humiliarit inter ipsos, ut ipsi exaltarentur, seruire ipsis, quā imperare, dare quā accipere, cohonestare ipsos, quā ignominia afficere maluerit. Verum nos admonemur, quid cōpetat illis, qui humilem Christi ministrum fastidiunt. Seruitus uidelicet, qua subsint magnis dominis, illorumq; sint fastui, uoracitati, rapacitati, & contumeliosæ libidini expositi. Digni nanque sunt, ut Saulem tyrannum ferrerant, qui Samuelem prophetam contemnunt ac reijciunt, digni sunt inquam, ut pseudapostolorum iugo subdantur, qui uerum Christi ministrum humilitatis gratia respuunt.

Seruiant Satanæ, qui nolunt seruire Christo, uorentur à ministris Satanæ, qui ministros Christi modico pascere grauantur, spoliuntur, à magistris errorum, qui ueritatis ministros egere sinūt, mancipia sint superbiorum, qui humilitatem ministrorum Christi fastidiunt, cædantur in faciem omnis generis contumelijs audiantque bestiae, bardī, laici, &c. qui cohonestari à fidelibus ministris, inque precio haberi nolunt.

Imò, in quocūq; audet aliquis per insipientiā loquor, audeo & ego. Hebræi

**A** sunt? sum & ego. Israelitæ sunt? sum & ego. Semen Abrahamæ sunt? sum & ego. ministri Christi sunt? desipiens loquor, excellētius sum ego, in laboribus copiosius, in uerberibus supra modum, in carceribus abundantius, in mortibus frequenter. A Iudæis quinque quadragenas plagas una minus accepi. Ter uirgis cæsus fui, semel fui lapidatus, ter naufragium feci, noctem ac diem in profundo egi, in itineribus sæpe, in periculis fluminum, periculis latronum, periculis ex genere, periculis ex gentibus, periculis in ciuitate, periculis in deserto, periculis in mari, periculis inter falsos fratres, in labore & molestia, in uigilijs sæpe, in fame & siti, in ieiunijs sæpe, in frigore & nuditate, præterea quæ extrinsecus accidunt, incumbens mihi quotidiana cura omnium ecclesiarū. Quis infirmatur & ego nō infirmor? Quis offenditur & ego nō uror? Si gloriari oporteat, de his quæ infirmitatis meæ sunt gloriabor.

**B** Dixit suprā: Quandoquidē multi gloriātur secundum carnē, gloriabor & ego. Iam gloriaturus dicit se quoq; audere in quocūq; quicquā alius audeat. In Græco est, *ἐν ᾧ ἂν αὐτὶς τόλμῃ*. i. Sed in quo quis audet, per insipientiā dico, audeo & ego. Q. d. uidetur pseudapostoli esse inter uos magni ac præstātes, quod in seruitutem uos adigunt, quod exedunt, quod accipiunt, quod attollūt sese, & quod in facie uos cædunt, ita ut illis cōparatus admodū uidear esse infirmus, qui nihil horū inter uos fecerim. Sane sunt uiri audentes, dū hæc faciunt. Verū si in his situm est argumentū magnorum Apostolorum, in quo quis illorum audet, quanquā insipienter hoc dico, audeo & ego. Non enim minus sum q̄ ipsi ad audēdū instructus. Illud: p insipientiā loquor, ad hoc inseruit, ut significet se eiusmodi audaciā nō probare, sed magis insipientiæ damnare, nec se fuisse quicquā tale dicturū, nisi præter animi sententiā adact⁹ insipientiæ pseudapostolorū occurrere statuisset.

HEBRÆI sunt? sum & ego, inqt. Singularris prærogatiua solet homines reddere audentiores & elatiores. Pseudapost. autē habebant carnis suæ nobilitatem, quod essent Ebræi, Israelitæ, & semen Abrahamæ, pro singulari prærogatiua, & huius nomine admodum inflati, sic audebant inter Gentes, ut quosuis fideles in seruitutem adigerent, & contumeliosius tractarent. Eam illis audaciam & gloriam deprecaturus dicit: An ob id tantopere insolescunt, quod sunt Ebræi? At Ebræ⁹ sum & ego. Quod sunt Israelitæ? Israelita sum & ego. Quod sunt semen Abrahamæ? Et ego sum semen Abrahamæ. Nihil ergo hoc nomine habent, quo me excellent, neq; inferior illis sum, quo minus & ipse gloriari



gloriarī possim in carne, si in carne gloriādum & audēdum esset Apostolo Christi. Consimili modo occurrit illis, & Philip. 3. dicens: Cauete canes, cauete malos operarios, cauete cōcisio- nem. Nos enim sumus circumcisio, qui spiritu Deum colimus, & gloriamur in Christo Iesu, ac non confidimus in carne, quamuis & ego in carne quoq; confidere possim. Si quisquam alius uidetur confidere in carne, ego magis, circūcisus octauo die, Israël ex genere, tribus Bē- iamin, Ebræus ex Ebræis, iuxta legem Phari- sæus, iuxta studium persequens ecclesiā, iuxta iusticiam quæ est ex lege, factus irrepræhen- sibilis, &c.

HEBRAEI sunt, inquit, sum & ego.] De He- ber, unde dicti sunt Ebræi, uide in Commēta- ris nostris sup Genesim, cap. 10. Israëlita sunt? sum & ego.] A Iacobo nepote Abraham, qui ab angelo Israëlitis nomen accepit, uocati sunt Is- raëlita, qui ab illo prodierunt.

SEME N Abraham sunt? sum & ego.] Quasi non sufficeret ad carnis gloriam, Ebræum dici & Israëlitam, propter eximiam Abraham præ- rogatiuam, & benedictionē seminis illi pro- missam, gloriabantur esse se semē Abraham. Se- men Abraham Christus est, in quo benedicuntur omnes gentes. Ad semen Abraham pertinent, nō omnes qui ex carne illius, sed qui ex Isaaco electionis filio, per Iacob descenderunt. Ideo impēsius se Israëlitas, & sic Abraham semen esse iactabāt, unde prodijt Christus. Speciosa erat illorum gloriatio, propter carnem Christi, ue- rum in cognatione carnis Christi innumeri e- rant alieni à spiritu Christi. Et Christus ipse co- gnationē carnis suæ nō agnoscere se, Matth. 12. satis dilerte testatur dicēs: Quæ est mater mea? Et qui sunt fratres mei? Qui facit uoluntatem patris mei, mater mihi est, frater & soror.

Peculiare hoc est Iudæis omnibus, ut se glo- rientur esse filios Abraham, inq; ea carnis præro- gatiua, qua de & Ismaëlita, & Idumæi, perinde atque ipsi gloriari possunt, admodum elati, reliquas nationes omnes contemnunt, & ni- mis securi impie ac pessime uiuunt. Eam glo- riationem repræhendit in illis, & Ioannes Ba- ptista. Matth. 3. & Christus, Ioan. 8. Apostolus hic cum negare posset esse eos uerum Abraham semen, & ueros Israëlitas, per cōcessionem ta- mē sic gloriam hanc extenuat, ut nihil illis re- linquat, in quo se excellāt. Sic obijcit illud, & ego, non ut in carne, perinde atque ipsi glorie- tur, sed ut typhum eorum, & insolētiā nihil habere rationis admoneat, quod aduersum se iactare possint.

MINISTRI Christi sunt? desipiens loquor excellentius sum ego.] Quia non solū de car- nali prærogatiua, sed & de ministerio Christi gloriabantur, iactantes se ministros esse Chri- sti, quo sub illius quoq; nomine dominaretur in ecclesijs, quemadmodum & Romanū Pon- tificē facere uidemus, qui ut sub nomine Chri- sti, dominium exercent in fideles, uicarium se Christi constitutum esse contendit, etiam hāc

illis iactantiam infringit Apostolus dicēs: Mi- nistri Christi sunt? desipiens loquor, plus ego. Non dicit eos esse ministros Christi, quemad- modū nec Israëlitas, & semē Abraham, sed p in- terrogationis figuram: Ministri Christi sunt? inquit. Quasi dicat: Quemadmodum glorian- tur. Esto sint ministri Christi. Ideo ne cōtra me insurgunt, & uobis dominātur, quasi minister Christi nō sim & ego? Cū sim excellentius mi- nister Christi, quā ipsi, mihiq; si hinc gloriari liceret, gloriādum magis sit, quā ipsis? Pote- rat negare ministros eos esse Christi. Verū ne cōtentiosius agere uideretur, cōcessit quidem eos esse Christi ministros, uerum simul excel- lentiam sibi ministerij huius uindicauit, quo causam illis insolescendi adimeret.

IN laboribus copiosius, inquit.] Quod di- xit, excellentius se ministrū esse Christi, ne te- mere dixisse uideatur, probat illud per argu- mentum euidentius, ac manifestū, per omnis ui- delicet generis, labores & pericula, quæ pro- pter Christum, multa ac grauiā ferebat, quorū nōnulla recenset, utpote, labores, uerba, car- ceres, mortes, lapidationes, naufragia, & uaria pericula. Dicit quisquā: Ergo ne quo quis plu- ribus molestijs ac periculis inuoluitur, hoc est excellentius Christi minister? Si pericula Chri- sti ministrum arguunt, pro ministris Christi ha- bendi erunt, quā plurimi hæretici, qui & ipsi haud modicis sese periculis, propter sua dog- mata obnoxios reddiderunt.

B Respondeo. Vt martyrem Christi facit, non passio, sed causa passionis, ita & Christi mini- strū, non simpliciter pericula, sed pericula pro- pter Euangelium Christi fideliter, ac iusto ze- lo prædicatum illata arguunt, & commendāt. Excellentiam non dignitatis, ac prælaturæ, sed ministerij, uindicat sibi Apostolus, illiusq; ar- gumētum proponit in multitudine laborum, ac periculorū. Est enim hæc fors Euāgelij serio & fideliter prædicati in hoc mundo, ut obno- xium reddat Christi ministrum, omnis gene- ris laboribus, afflictionib; & periculis, ut quo quis maiore zelo Christū ubiq; prædicat, hoc pluribus & grauiorib; periculis inuoluatur, & hoc argumento excellēs in ministerio Christi comprobetur. Tribuit & Pontifex Romanus sibi ipse illud *καὶ ἐγώ*, id est, excellentius ego, cæ- teris uidelicet omnibus, uerū quod sequitur, in laboribus copiosius, &c. tribuere sibi nō po- test. Ociosus, delicatus, ac propudiosissimus, uindicat sibi priuatū in ecclesijs omnibus, ex prærogatiua Petri, ex Principum Romanorū constitutionibus, ex primis sessionibus in cō- cilijs, & cōsimilibus alijs nugis, quia nō quæ- rit ministerij, sed dignitatis & honorum su- pereminētiā.

IN laboribus copiosius, inquit.] In Græco est *ἐν κόποις*, quod idem est atq; in molestijs. Po- test tamen intelligi, tam de laboribus prædi- candi, in quibus multum molestiarum pertu- lit, q de afflictionibus. De laboribus Euāgeli- zandj exposuimus, suprà cap. 6. ubi dicit: in la- boribus,



boribus, in uigilijs, in ieiunijs, &c. quēadmodum & cap. 10. ubi non in immensum gloriantes super alienis laboribus. De molestijs loquitur cum Gal. 6. dicit, *καὶ ὁ ἀπὸ τοῦ κόσμου καὶ τοῦ σατανᾶ καὶ τοῦ ἀντιχρίστου*. De cetero labores mihi nemo facessat.

IN uerberibus supra modū, inquit. Quod hic in genere dicit, dicturus est paulo post per speciem.

IN carceribus abundātius. Meminit uerberum & carcerum suprā quoq; cap. 6. Obserua hic insignem metamorphosim. Qui priusq; conuerteretur ad Christum, uiros ac mulieres in Christum credentes carceribus incluserat, post conuersionem & ipse carceribus propter Christū includitur, perferēs afflictiones quas alijs intulerat. Nemo igitur de persecutoribus Euangelij Christi desperet, sed pro conuersione potius illorū ad dominum orēt omnes.

IN mortibus frequēter, inquit. Suprā cap. 4. dixit: Sēper enim nos qui uiuimus, in mortē tradimur propter Iesum. Quoniam discrimina quibus uita ipsius frequenter obijciebatur non eiusdem erant sed uarij generis, non dixit in singulari, in morte, sed pluraliter, in mortibus. Vide autē quomodo paucis uerbis quasi ordinem earum est afflictionum complexus, quas propter Christū patiebatur. Prima erat molestia laborum, deinde plagæ quas inferebant ipsi hostes Christi, tertio carceres quibus tanquā occidendus includebatur, & post carceres expectatio mortis. Et tamē ex his omnibus semper ereptus est à domino, donec tēp<sup>9</sup> adesset, quo dñm sanguine suo sanctificaret.

A Iudæis, inquit, quinquies quadragenas plagas una minus accepi. Species eorū subiicit, quę paucis in genere dixit: Orditur autem à uerberibus, quibus cæsus fuit à Iudæis hostibus infensissimis. Non est autem præter rationem quod Iudæorum mox initio ac nominatim meminit. Per obliquum nanq; Iudaicam pseudapostolorum iactantiam ac gloriam perstrinxit, dū narrat quid ab ea sit gente perpeffus. Quod uero quadragenarium plagarū numerum attinet, legimus Deut. 25. ad hunc modum. Sin autem eum qui peccauit dignum uiderint plagis, prosternent eum, & corā se uerberari facient. Pro mensura peccati erit & plagarum modus, sic tamen ut quadragenarium numerum non excedant, ne fœde laceratus in oculis tuis obeat frater tuus. Itaq; cum Apostolum Christi uerberarent Iudæi auctoritatē legis huius prætexebant, quasi secundum illā dignus esset plagis. Atqui nihil admittebat, quo lex ista in ipsum quadraret, quæ plagas decernit *עשר*, id est, impio idq; secundū modum impietatis ipsius. Deinde non decernit numerum quadragenarium hac conditione, ut minus quadraginta inferre non liceat, sed ne plures inferant. Erat enim non ignota Deo populi huius immisericordia & nimia ad sanguinis effusionem propensio. Illi uero, quamuis nullam iustam uerberandi illum causam haberent, uerberarunt tamen eum pleno. 40. pla-

garum numero, una tantū dempta, quod plures inferre partim lege partim maiorum constitutione prohiberentur, qua in re satis declarabāt, quousq; uerberando progressuri essent, nisi cancellis numeri huius cohiberentur. Scio quid adferat hic Burgenfis, uerum illius sententia cum dicta lege non concordat.

Vbi autem & quibus circumstantijs plagas istas quinquies illatas perpeffus sit, nusquam, quod ego sciam, certo traditur. Et tamen non est ut de illis dubitemus, quandoquidem accepisse se, id est, perpeffum esse illas tam discrete testatur.

TER uirgis cæsus fui, inquit. Semel tantū uirgis cæsum illum fuisse legimus, Act. 16. Secundo ac tertio factum hoc esse, non cōstat nisi ex hisce ipsius uerbis. Poterit autē quæri, quales fuerint quadragenarię illę plagæ quas à Iudæis se quinquies accepisse dixit, an nō & ipsæ uirgis fuerint illatæ. Si uirgis, quorsum hic seorsim ter se uirgis cæsum fuisse dicat. Verum si recte distinguantur hæ plagæ, hætenus aliæ fuerūt atq; aliæ, quod illas à Iudæis, istas à Gentibus inflctas pertulit, quam distinctio nem ponit & Ambrosius.

Obseruet hic lector, quæ fuerit moderatio apud Iudæos & Gētes, in castigandis illis quos ipsi pro hæreticis habebant. A Iudæis Apostolus quinquies quadragenas plagas una minus accepit, & ab ethnicis ter uirgis cæsus fuit & post uerba dimissus. Sic dimissum fuisse, ut recantaret, nec legimus, nec factum esse ullo modo credimus. Dimissus ergo fuit absque recantatione. Si hodie in uiuis existens in manus Papistarū incideret, nisi reuocaret ea quæ docuit, ne uirgis quidem cæsus dimitteretur, sed prorsus neci daretur.

SEME L fui lapidatus, inquit. Factum hoc fuerat Lystris, quo de Act. 14. legimus ad hūc modum. Superuenerunt autē quidam ab Antiochia & Iconio Iudæi, qui cum persuassissent turbis, ac Paulum lapidassent, extraxerūt eum è ciuitate, mortuum esse existimantes. Circumdantibus autem eum discipulis, surrexit & intrauit ciuitatem, ac postero die profectus est cum Barnaba Derbē. Videmus hic quoq; moderatiores fuisse in lapidatione Pauli tam Iudæos quā Gētes, in eo quod non sæuierūt in mortuum, sicuti putabant, sed ubi mortuū esse existimabant, reliquerunt eum ac discesserūt. At hodie tāta est in pseudochristianis crudelitas, ut nō sint occidisse cōtenti, nisi crudelissimis cruciatib<sup>9</sup> quos è medio sublato uolūt sic occidāt, ut decies occisi uideri possint.

TER naufragium feci, inquit. Semel naufragium perpeffum legimus Act. 27. quā historiā lector ipse suo loco inspiciat. Vbi præterea naufragium fecerit non legimus.

NOC TEM ac diē in profundo egi, inquit. Ambrosius sic exponit. Hoc factum est quando missus est Romam, cum appellasset Cæsarem, tunc desperatione uitæ in alto, hoc est, in profundo maris fuit, mortem ante oculos habens.



bens. Sic enim scriptum est in ipso loco: ita ut A desperaremus nos etiā uiuere. Lyranus illud, nocte ac die, idem esse iudicat, quod, per magnū tēpus, quasi dicat se Paulus crebro hinc inde per mare nauigasse. Citat præterea aliorū sententiam, qui putant Paulum sub aquis in ipso fundo maris noctem ac diem stetitisse, diuinaq; fuisse uirtute seruatum ac restitutū. Chrysostomus sic sentit, *οἱ μὲν ἐν μέσῳ πλάγας φῶν, οἱ δὲ ὡς ἡμέραν, ἐπὶ τῇ ἀλυσίᾳ ὅσον ἐκείνῃ οὐτὶ δαύματ' ἔχουσιν, ἐπὶ αὐτῷ τῷ ναυαγίῳ μέσον τίθειται*. Putat ergo Paulum noctem ac diem natare in mari. Erasmus, quoniam in Græco non est, in profundo maris sed simpliciter *ἐν τῷ βαθύ*, id est, in profundo, putat eque de carceris atque maris posse profundo exponi. In re quæ alijs atque alijs modis fieri potuit, non inuenio quid certo affirmari possit, nec libet affirmare ubi cōiecturis tantū relictus est locus. Sequatur lector quod uero putauerit esse propius.

IN itineribus sæpe, inquit.] Positū est hoc absolute, pro crebris profectioibus, quibus in omnes regiones inde à Hierusalem ad Illyricum usq; excurrerat. Quantæ autem sit molestiæ ut pericula taceam, per alienas prouincias & regiones peregrinum hominē crebro proficisci, norunt qui uel modice sunt experti, præsertim si id fiat in causa odiosa, qualis est in hoc sæculo causa Euangelij Christi.

IN periculis fluminum, inquit.] De periculis in mari, mentionem seorsim faciet. Recitat pericula quæ non modica sed multa crebro itineranti euenerunt. Exundantia flumina uix sine discrimine traijciuntur. In eiusmodi pericula sæpe incidit.

PERICVLIS latronum.] Latrocinia exercentur potissimū in peregrinos & inermes. Quare probabile est Paulum quoq; nō semel in illa incidisse.

PERICVLIS ex genere, inquit.] Id est, ex Iudæis, ex quorum gente erat natus. De illorū insidijs & infestationibus quibus ubiq; Paulum opprimere moliebantur in Actis legitur.

PERICVLIS ex Gentibus.] Quibus uidelicet prædicabat, & quorum falsos cultus reprobabat. Et de illis in Actis. Iudæi illū persequebantur, uelut apostatam à lege ac populo Dei. Gentes uero tanquam deorum aduersarium & hostem. Sic omnium ubiq; tam Iudæorū q̄ Gētiū erat odijs & insidijs exposit⁹.

PERICVLIS in ciuitate, inquit.] Ambrosius de ciuitate Damascenorum exponit, cuius infra mentionem faciet. Chrysostomus rectius *ἐν πόλει*, inquit. Neq; enim Damasci tantum sed & in multis alijs ciuitatibus periclitatus fuit. Intelligit autem, opinor, præcipue de seditionibus, quas per ciuitates impij tam ex Iudæis q̄ ex Gētib⁹ aduersus ipsum excitarūt.

PERICVLIS in deserto, inquit.] Deserti pericula sunt post latrocinia, errores, fames, sitis, arenę exagitatio quæ fit in tempestatibus, qua sæpenumero uiatores magnis arenæ cumulis adobruuntur & obteguntur, & bestia-

rum incursum, quibus solitudines sunt refertæ.

PERICVLIS in mari, inquit.] Præter naufragia & tempestatum uiolentiam, qua naues in loca remota plerumque abijciuntur multū periculi nauigantibus in mari à piratis est, & piscibus quoq; marinis, & Charybdi, & Scylla, & Syrti, & Icopulis.

PERICVLIS inter falsos fratres, inquit.] Hæc tanto sunt periculosiora, quanto minus propter familiaritatem fraternam caueri possunt. Loquitur autem de illis potissimum, qui ex circumcisione erant, & propter Mosaicæ legis æmulationem odio ipsum prosequabantur, quamuis & ipsi pro Christianis haberi uellent. Quid hodie pijs hominibus à falsis fratribus accidat, plus nimio manifestum esse uideamus. De falsis fratribus uide Gal. 2.

IN labore, inquit, & molestia, in uigilijs sæpe, in fame & siti, in ieiunijs sæpe, in frigore & nuditate.] De laboribus dictum est supra. Labores illos irremissos quos propter Euangelium obibat, comitabantur in sæculo hoc ingrato & impio, molestiæ uigiliarum, famis, sitis, ieiuniorum, frigoris ac nuditatis, quarum singulę sufficiunt ad molestandum hominem quantumuis laborum patientem. De uigilijs & ieiunijs supra quoq; mentionem fecit cap. 6. De fame, siti ac nuditate, cui coniunctum est frigus, uide 1. Cor. 4.

PRAETER ea quæ extrinsecus accidunt, inquit.] Græcè est, *χωρίς τῶν παρεκτός*. Quoniam *ἡ* *ἑ* aliquando extra, aliquando præter significat, fit ut particula hæc aliter atque aliter accipiat. Alij nanq; legunt, præter ea quæ extrinsecus accidunt, sicuti uertit Erasmus, alij, præter ea quæ prætereo, quemadmodum exponit Chrysostomus dicens, *πλέοντα τὰ παραλειφθέντα τῶν ἀπαριθμηθέντων*. Vulgatus interpres tertiā lectionem posuit. Vertit enim præter illa quæ intrinsecus sunt. Si legas, præter ea quæ extrinsecus accidunt, quærendum uidetur, an non pleraq; quæ hætenus recensuit extrinsecus ipsi acciderint. Item quomodo cura & sollicitudo ecclesiarum extrinsecus illi acciderit. Ad uitandam hanc quæstionem, existimo legendū esse in Græco, *χωρίς τῶν παρεκτός τῶν*, id est, præter ea quæ sunt extra ista. Nisi dicturi sumus quæ sequuntur non pertinuisse ad munus Apostoli, ut extrinsecus dictum sit respectu eorum quæ ad curam ipsius pertinebant. Vulgatus interpres respexit ad naturam curarum, quæ ut externæ molestiæ corpus, ita ipsæ cor affligunt, atque ita quæ hætenus recēsuit pro externis, quæ uero subiicit pro internis reputauit. Hoc sensu illud *τῶν παρεκτός* ad præcedentia referendū esset. Quasi dicat. Præter dicta iam exteriora, sunt & interiora quæ me affligunt, utpote incumbens mihi quotidiana cura omnium ecclesiarum, &c.

INCUMBENS, inquit, mihi quotidiana cura omnium ecclesiarum.] Græcè sic legitur, *ἡ ἐπιούσαίς με ἡ καθ' ἡμέραν, ἡ μέριμνα πασῶν τῶν ἐκκλησιῶν, ἐπιούσαίς* incursum, instantiam & conspersionem



tionem significat. Vulgata lectio habet, instantia mea. Erasmus uertit, incumbens mihi. Et utriq; interpretes illud, καθ' ἡμέραν, id est, quotidiana, coniunxerunt cum sequenti particula, cura omnium ecclesiarum, cum tamen illa distincte sit à præcedenti posita. Malim ego sic legere: Incursum meus qui quotidianus est, cura illa omnium ecclesiarum. Germanicus interpret melius reddidit ad hunc modum. *On was sich sonst zutregt* (sic uertit illud *καθ' ἡμέραν*) *Das ich teglich wyrdt angelauffen, vnd trag sorg fur alle gemeinen.* Sic pulchre illud *ἐπιούσιος* *μὲν*, id est, incursum ille meus, ne actiue sed passiue accipiatur, uerbaliter trāstulit. *Das ich teglich wyrdt angelauffen.* Loquitur autem non de hostili sed de negotiorum incursum ac multitudine, quibus singulis diebus uel aduentu fratrum, uel salutationibus aut consultationibus præsentium fidelium, uel literis absentium molestabatur, quorum indefinens multitudo & cumulus urgēs recte *ἐπιούσιος* uocatur. Quis autem adeo stupidus est, ut non intelligat, q̄ magnam quamque molestā fuisse necesse sit negotiorum multitudinem, quorum illi moles quotidie incubebat. Cum interea pseudapostoli ociose deliciarentur? Vidi specimen huius quoddam, in uiris illis qui primi in opus reformandarum ecclesiarum incubuerunt, uerum quid illi censeferi poterunt Paulo collati? Sane admodum negotiosus ac frequens est incursum Romanorum Pontificum, uerum iuxta non molestus, quia lucrosus, ac talis qui & ocio, & luxui, & opibus, & regno ipsorum plurimum adferat fomenti. In curia Romana *ἐπιούσιος* quotidiana est non eorum qui Apostolū Christi uel Petrum uel Paulum, sed qui Simonem negotiatorem ac uenditorem Christi quærunt.

Illud cura omnium ecclesiarum, appositorie adiectū esse uidetur, ut exponatur, de qua *ἐπιούσιος* loquatur. Ea uidelicet, quæ ad curam ecclesiarum omnium pertinebat. Nullam negligere poterat. Habebat omnes in precio. Et quia recens adhuc erat illarum plantatio, adeoq; multa eueniebant uel ad instructionem imperitorum, uel ad confirmationem infirmorum, uel ad consolationem afflictorum, uel ad correctionem delinquentium pertinentia, curā hanc quā in pectore gerebat, excutere non poterat.

Vindicat sibi & Romanus Pontifex omnium ecclesiarum curam, non ut illis cōsulat, sed ut regnum suum amplifcet, & omnium oculis laqueos iniiciat. Gerebat Paulus omnium ecclesiarum curam, quas ipse uidelicet plantauerat & in Christo genuerat, perinde atq; pater curam liberorum suorum gerit, & curam gerebat, qua saluti ipsarum consuleret, non qua eas domino suo subijceret. At Romanus ille Simon uindicat sibi curam ecclesiarum, quarum nullam nec plantauit, nec rigauit, nec uerbo ueritatis paut, & talem uindicat, quæ non ad salutem animarum sed magis ad perditionem faciat. Quæ uero sit natura, quæ sollicitudo, & quæ sedulitas curæ, non est ut hic memore-

mus, cum id experiantur in seipsis, quotquot aliorum ueram ac fidelem curam gerunt.

Quis infirmatur, inquit, & ego non infirmor? Quis offenditur, & ego non uror? Ad curam ecclesiarum pertinet non modo ecclesias in genere sed & singula illarum membra curare. Erant autem in recentibus adhuc ecclesijs multi infirmi fratres, quorum imbecillitas erat ac tenera fides. Erant item multę offendiculorum occasiones, quibus innumeri à sana doctrina & fide absterrebantur. Hæc omnia pectus Apostoli cruciabant. Non abijciebat infirmos in fide, sicuti facit falsus pastor. Non dānabat eos qui offendeabantur, sed illis compatiēbatur, de istorum offensione admodum dolebat. Videmus hodie innumeros haud parū infirmari fide, quamplurimos etiam sic offendit, ut à recepta doctrina & fide prorsus resiliant, societatem fidelium deserant, & ad pristinas abominationes perinde atque canis ad uomitum relabantur. Verum quotusquisque reperitur ex pastoribus, qui cum infirmis infirmetur, & propter eos qui offensi resiliūt urat?

Obserua uero, quod non simpliciter dicit: Cum infirmis infirmor, & propter eos qui offenduntur uror, sed: Quis infirmatur, & ego non infirmor? Quis offenditur & ego non uror? Significat se omnes Christianos ex æquo amanter complecti, nec discernere inter diuitem & pauperem, inter nobilem & ignobilem, inter doctum & idiotam, sed de omnium pariter esse salute sollicitū. Quasi dicat. Quis nam adeo est despicibilis, cuius infirmitati non compatiar, & de cuius relapsu non excrucier? Qui nō ad hunc modum sunt animati, quemadmodū potiorum tantum, nobilium, diuitum, doctorum, &c. rationem habent, illorumque offensas cauere student, ita nullam gerunt curam ignobilium, pauperum, & idiotarum, deq; horum salute parum sunt solliciti, quia nec Christū nec oues Christi fideliter, sed seipsos per fide quærunt.

Si gloriari oporteat, de his quæ infirmitatis meę sunt gloriabor, inquit.] Iterum significat se non ex animo in materiam hanc sed necessitate adactū descendisse cum dicit: Si gloriari oportet. Per se non erat necesse gloriari, uerum quoniam pseudapostoli perinde gloriabantur in ecclesia Corinthiorum, ac si studium gloriandi insignioris haberet Apostolatus argumentum, necessario & ipse gloriari cogeatur, quo glorias illorum extingueret. Hoc significans dicit: Si gloriari oportet.

De his quæ infirmitatis meę sunt gloriabor.] Absurdū est gloriari de infirmitatibus. Gloriandi siquidem materia in ijs potius est quæ decori sunt & ornamēto, quā in ijs quæ contemptum generant ac despectum. Quare gloriandum magis fuisse uidetur in fortitudine ac potētia, q̄ in infirmitate. Est enim omnis infirmitas despicibilis, gloriosa nulla. Quid igitur est quod se gloriaturum dicit: in infirmitatibus suis? Respondeo. Gloriabantur pseudapostoli



postoli de singulari scientia, de splendore sermonis, de praerogatiua carnis, quod essent Ebraei, Israelitae ac semen Abraham. Vt horum glorias oblique perstringat, negat se de talibus gloriaturum, non quod ueraciter de illis gloriari non posset, sed quod eiusmodi gloriatio nihil faceret ad ueri Apostolatus commendationem, faceret autem potius, si quis ob fidelem ac sedulam Euangelij praedicationem multis sit laboribus, afflictionibus, periculis ac curis obnoxius, & interim tamen ope diuina aduersus strenue in opere Euangelij pergat. Gloriae potentiae, qua in omnibus periculis & laboribus tandiu perdurabat, non sibi sed Deo referuans, sibi ipsi tribuit nihil, quod & carnis & spiritus infirmitatem. Carnis, quam experiebatur in externis laboribus & periculis: spiritus, quam sentiebat in cura & solitudine ecclesiarum.

Hoc genus gloriationis autem, gloriam non ipsius sed Dei commedabat. Etenim quo magis infirmum se esse gloriabatur, hoc magis uirtutem operantis in se Dei extollebat, iuxta illud supra cap. 4. Habemus autem thesaurum hunc in testaceis uasculis, ut uirtutis eminentia sit Dei & non ex nobis, dum in omnibus premimur, at non arctamur, laboramus, at non destituimur, &c. Omnium itaque conuenientissime postquam laborum periculorumque suorum catalogum recensuit, ne de tot ac tantorum discriminum ac molestiarum tolerantia gloriari ac tantam fortitudinem, qua in hisce omnibus infractus perstiterit, sibi ipsi tribuere uideatur, subiicit dicens. Si gloriari oportet, de his quae infirmitatis meae sunt, gloriabor. Quasi dicat. Non de fortitudine, non de uictoria, non de constantia, non de tot laborum meorum fructu, sed de infirmitate mea gloriabor, quo horum omnium uirtus soli Deo cedat. Sane pati aduersa, laborare, affligi, molestari, esurire, sitire, iactari, curis angari, & quae huiusmodi sunt alia, quae propter Euangelium Christi in Apostolatu suo patiebatur, non sunt fortitudinis sed infirmitatis. Fortitudinis potius est, nullum hisce permittere locum, siue ea sit naturalis, siue singulari dono Dei concessa.

Obseruemus igitur hoc loco quid discriminis sit inter gloriationis pseudapostolorum & ueri apostoli. Gloriantur illi de iis quae splendida sunt & plausibilia, Apostolus uero de infirmitatibus suis gloriatur. Quare tam diuersi modo gloriantur? Quia gloriam illi non Dei sed suam, iste uero gloriam non suam sed Dei gloriando quaerit.

Deus & pater domini nostri Iesu Christi, qui est benedictus in saecula, nouit quod non mentiar. In Damasci ciuitate gentis praefectus nomine Aretae regis excubias posuerat in Damascenorum urbe, cupiens me comprehendere, ac per fenestram in sporta demissus fui per moenia, effugique manus eius.

Quoniam de infirmitatibus suis gloriari constituit, inducit historiam, in qua quam fuerit infirmus monstratur. Et quoniam illa mox initio Apostolatus ipsius facta fuerat, cum neminem secum haberet eorum, quos postea & comites & testes accepit eorum quae ipsi eueniunt, inducit eam non simpliciter sed cum iuramento & contestatione conscientiae Dei dicens: Deus & pater domini nostri Iesu Christi, qui est benedictus in saecula, nouit quod non mentiar. Propter Apostolicam auctoritatem satis erat coram fidelibus fide dignus, ut non esset necesse usurpare contestationem Dei, uerum quoniam uersabatur in materia contentiosa, & dimicabat cum pseudapostolis, quos habebat infensissimos ac uersutissimos hostes, propter illorum sectatores iureiurando confirmat ea quae dicit ab omni esse mendacio aliena.

DEVS, inquit, & pater domini nostri Iesu Christi. Poterat simpliciter dicere: Deus nouit quod non mentiar, quemadmodum capite sequenti dicturus est aliquoties: Deus nouit, uerum haud praeter rationem est quod elogijs illis ornat Deum, uocans eum patrem domini nostri Iesu Christi, & benedictum in saecula. Vnus est illis initio quoque praesentis epistolae ad propositum in quo tum uersabatur perinde atque hic. Quare non est ut iterum de illis annotemus, nisi quod illud: qui est benedictus in saecula, sic positum est, ut referri possit tam ad Christum Iesum dominum nostrum, quam ad Deum patrem. Ad Christum refert palam in Rom. cap. nono ubi sic dicit: ex quibus est Christus secundum carnem, qui est in omnibus Deus benedictus in saecula. Amen.

IN Damasci ciuitate, inquit, gentis praefectus nomine Aretae regis, &c. Historiam hanc Lucas Actorum nono narrat ad hunc modum. Saulus autem multo magis inualecebat & confunde- Act. 9. bat Iudaeos, qui habitabant Damasci, affirmans quod is esset Christus. Expletis autem diebus compluribus inierunt inter se Iudaei consilium, ut illum occiderent. Sed intellectae sunt Saulo insidiae eorum. Asseruabantque portas die ac nocte, ut eum interficerent. Accipientes autem eum discipuli nocte, per murum demiserunt submittentem in sporta.

Videntur ista haecenus discrepare a uerbis Pauli quod is insidias contra se factas, & urbis custodiam, refert ad praefectum Aretae regis, Lucas uero ad Iudaeos qui habitabant Damasci, sic ut nullam praefecti huius mentionem faciat. Verum nulla hic est discrepantia. Lucas rejicit totam hanc causam in Iudaeos, quod illi consilium occidendi Paulum cepissent, eiusque maliciae primi authores fuissent. Paulus uero deputat eam praefecto regis, quod is ad instantiam Iudeorum urbem clausisset, & custodias sua potestate portis adhibuisset, quod ipse comprehenderetur & occideretur.

Sed oritur hic quaestio, quid nam sit in hac historia, uel sic incredibile, uel ita ad gloriationem Pauli faciens, ut dignum duci debuerit, cuius



cuius graria Deum citaret testem. Facile credi potuit, præfectū Aretæ regis excubias posuisse in ciuitate Damascenorum ut ad instatiam Iudæorum ipsum caperet & occideret. Deinde nec illud difficile erat creditu, quod per fenestram demissus à discipulis, manus eius effugerit. Hæc duo manifesta erant in ipsa historia, quare non erat ratio, ut diuinæ consciētiae contestatione confirmarentur. Ad hanc questionem respondemus, duo esse in hac historia præcipua quorum fidem operæ precium erat iureiurando confirmari. Vnum, quod salua ueritate quam prædicabat ex tricis illis euaserit. Huc facit euasioneis modus. Etenim si recantasset, opus nō fuisset per fenestram urbicorū mœniorum demissum effugere. Alterū, quod nulla sua uirtute, sed magis ut infirmus consilio & prouidentia Dei adiutus euaserit. Etenim ad hunc modum effugere infirmitatis est non fortitudinis. Et tamen in ciuitate clausa, & excubijs diligenter ab ipso præfecto regio positus non posse capi, sed præter opinionem euadere argumentum habet auxilij diuini. Citat itaq; historiam hanc tanto serio, ut in illa & infirmitatem suam & præsentem opem Dei considerandam proponat, quam utranque in reliquis quoque periculis ipsius concurrisse uidere licet. Ad id uero, fuerit ne decorum Apostolo Christi, hoc pacto periculum effugere, respōderūt aut me alij. De rege Areta, quis fuerit, uidēdus est Iosephus lib. 18. antiquitatum Iudaicarum cap. nono & undecimo.

#### ARGVMENTVM capitis.

**P**rosequitur gloriationes suas, & post mentionē uisionum ac reuelationum gloriatur denuo de infirmitatibus suis. Deinde causam gloriationis suæ rejicit in Corinthios. Tertio innocentia suā, & eorū quos ad ipsos miserat asserit. Quarto significat illis quid metuatur, si ad ipsos reuertatur.

#### CAPVT XII.



**G**LORIARI sane non expedit mihi. Veniā enim ad uisiones ac reuelationes domini. Noui hominē in Christo ante annos quatuordecim, an in corpore, nescio, an extra corpus, nescio, Deus nouit, raptum huiusmodi in tertium usq; cœlum: & scio huiusmodi hominē, an in corpore, an extra corpus, nescio, Deus nouit, raptam fuisse in paradīsum, & audisse arcana uerba, quæ fas non sit homini loqui. Super huiusmodi homine gloriabor, de meipso uero nō gloriabor, nisi super infirmitatibus meis.

**A** GLORIARI sane nō expedit mihi, inquit.] Vulgata lectio habet: Si gloriari oportet, non expedit quidem. At Græca exemplaria, quæ in manibus habentur, non habent, *ἡ ναυχᾶσαι δὲ ἐν συνήθειᾳ* *ἢ, sed, ναυχᾶσαι δὲ ἐν συνήθειᾳ* *μοι. i. Gloria* *ri sane non expedit mihi. Sic legit & Chrysostomus. Quoniam cōmemoraturus iam erat nō ad infirmitatem suam, sed ad singulārē & eximiam dignationem Dei pertinētia, ne studio de illis gloriari uideretur, præmisit hæc uerba quibus testaretur, agnoscere se, quā non sit utile sibi, de uisionibus ac reuelationibus gloriari. Gloriari sane non expedit, mihi, inquit. Et ut significaret, de quo gloriationis genere loqueretur, ueniam enim, inquit, ad uisiones ac reuelationes domini. Quibus uerbis separat hoc genus gloriationis ab eo quo de infirmitatibus suis fuerat gloriatus, de quibus non dixerat, quod sibi de illis gloriari non expedit. Quare autem de uisionibus ac reuelationibus gloriari non expedierit ipsi, infra uidebitur. Dices. Vt quid ergo gloriatur, si non expedit gloriari?*

Respondeo. Non simpliciter dicit: gloriari non expedit, sed, gloriari non expedit mihi. Si simpliciter non expediuisset gloriari, nequaquā ad hoc gloriationis genus descendisset. Quod sibi quidē non expedire sciebat, fecit propter alios, quibus profuturum sperabat.

**B** VENIAM enim, inquit, ad uisiones ac reuelationes domini.] Quid discriminis sit inter uisiones & reuelationes admonuerunt alij. Visionum tria genera assignatur ab Augustino, corporale uidelicet, spirituale & intellectuale uide de Genesi ad literā cap. 11. Vbi uir ille prolixam & intricatam de uisionibus ac præsentī loco disputationem habet. Visiones esse possunt tam spirituales quā corporales in quibus nulla sit reuelatio, nisi separatim contingat. Corporalis uisio erat, qua Balthasar articulos manus in pariete scribentis uidit Dan. 5. & tamen quod uidebat non intelligebat, quia uisio erat sine reuelatione, quā postea per Danielem est consequutus. Spirituales uisiones erāt quas uiderūt Eunuchi Pharaonis in custodia cōstituti Gen. 40. & quas uidit Pharaon cap. 41. in quibus nulla erat reuelatio, donec ea daretur per Iosephū. Spiritualis uisio erat cū adiuncta reuelatione, quam Daniel uidit cap. 7. Et reuelationes sæpenumero contingunt absq; uisionibus, per internum spiritus sancti instinctum. Iam de quarum uisionum ac reuelationum generibus hic loquatur Apostolus, cum dicit: Veniam enim ad uisiones ac reuelationes domini, patet in sequentibus.

**N**OVI hominē in Christo, inquit.] Hominem in Christo idem esse sentio quod hominem Christi, Christianū, ad Christum pertinentē. Chrysostomus nec legit, in Christo, nec exponit. Si uero particulam hanc, in Christo, non ad præcedentia, noui hominem, sed ad sequentia referas, legasq; ad hunc modum Noui hominē ante annos quatuordecim in Chri-

visio  
corp.  
spiritualis  
intellect.



sto raptum in tertium usque cœlum, idem erit quod in causa & uirtute Christi. Vtrunq; uerū est. Et Christianus erat homo iste & in causa pariter & uirtute Christi in tertium usque cœlum raptus fuit. Probabile est plane, uisiones-hasce ac reuelationes pertinuisse ad singularem Christi cognitionem, qua singularis Apostolus Christi erat imbuendus.

ANTE annos quatuordecim.] Libenter illis assentior qui uisiones istas Apostolo circa Apostolatus ipsius principium uel non multo post contigisse censent, ut per illas ad futuros labores & innumera pericula subeunda instructior redderetur, eiq; tempori cōuenire, quod hic dicit, ante annos quatuordecim. Sic nanq; solet Deus præcipua sua organa, quibus uti ad res magnas & periculosas constituit, præcurrentibus aliquot uisionibus instruere ac communire, sicuti uidere est Hiere. i. & Ezech. primo. Reliquis apostolis non ita opus erat spiritualibus uisionibus ac reuelationibus, quoniā per ipsius Christi præsentiam abunde erant in cognitione ipsius instructi, opus autem erat Paulo, post ascensionē Christi demū cōuerso.

AN in corpore, nescio, an extra corpus, nescio, Deus nouit.] Argutatur Augustinus in hisce uerbis Apostoli, quomodo nescierit in corpore ne uel extra corpus raptus fuerit, cū nescire nequuerit corporalia ne uel spiritualia in raptu isto uiderit, nec illud ignorauerit, corporalia extra corpus, & spiritualia in corpore non posse uideri. Verum argutando rem ipsam nihilo reddit clariorem. Quin ibi rectius dicit, cum inquit, quis audeat dicere se scire, quod se nescire Apostolus dixit? Quare meo iudicio non est ut scrutemur ea quæ Apostolus non nouit, nouit uero Deus solus.

Si dicas, ad quid ergo particulam hanc ponere uoluit, cum sine illa re ipsam ponere posset? respondeo, ut significaret uisiones hasce tā fuisse sibi claras & euidentes, ut in dubio hæreat extra ne corpus uel in corpore constituto contigerint. Dubitationi quippe huiusmodi non fuisset locus, si momētaneę & obscure somnioq; q̄ uisionibus similiores extitissent.

Nō dicit, nesciebam Deus uero sciebat, sed, nescio, Deus nouit. Quæ corporalibus oculis uidemus in corpore nos uidere ac uidisse scimus. Quæ uel in somnijs uel in raptu & ecstasi uidemus, interea quidem dum ea uidemus, extra corpus ea uideri à nobis ignoram⁹, postquam uero nobis ipsis restituti sumus haud ignoramus amplius. At Apostolus non modo cum in ipso esset raptu, sed & postquam ad se reuersus esset, in corpore ne uel extra corpus uidisset ea quæ uiderat ignorauit. Magna hæc est sui ignorantia. At in illa clarissimis uisionibus instruēbat Apostolus, q̄ illi hoc fuere magis perspicue, quo magis sibi ipsi fuerat ereptus.

RAPTUM huiusmodi, inquit, ad tertium usque cœlum.] Non simpliciter raptum, sed raptū huiusmodi inquit. Cuiusmodi? Cuiusmodi ego sum. Loquitur quidem de seipso, ue-

rum sic, ut de alio quopiā loqui uideri possit, id quod modestiæ gratia facit. Quod autem non de alio sed de seipso loquat̄ infra patebit.

IN tertium usq; cœlū, inquit.] Mihi dubiū non est uoluisse Apostolum ad interiora se & secretiora sublimioraq; cœli secreta fuisse raptū significare. Quare non est ut anxie de numero cœlorum disputemus. Id sane constat uñius cœli multos esse gradus qui cœli nomine in scripturis uocentur. Sic cœlum est aëreum, à quo uolucres, cœli uolucres uocantur. Sic cœlum est sydereū in quo est Sol, & Luna, & stellæ. Sic cœlum est crystallinū, quod *διαφανὲς* uocant. Et empyreum, id est, igneum. Erit aliquādo, ut de cœlis melius quā nunc de terris iudicare possimus. In eam felicitatis nostrę cōditionē scrutationē cœlorū differendā est cēseo.

ET scio huiusmodi hominem, inquit, an in corpore, an extra corpus, nescio, Deus nouit, raptum fuisse in paradysum.] Dixit, ueniam enim ad uisiones ac reuelationes domini: Ex uisionibus unam subiecit, quę potior erat, ubi raptus, in tertium usq; cœlum meminit. Iam reuelationum quoque unam ex multis subiecturus dicit: Et scio huiusmodi hominē, an in corpore an extra corpus, nescio, Deus nouit, raptum fuisse in paradysum, & audisse arcana uerba, quę fas non sit homini loqui. Disputat Augustinus an idem sit hoc loco per paradysum, quod per tertium cœlum intelligēdum. Et Lyranus idem esse asserit, quem & recentiores nonnulli sequuntur. Verum ipsa narratio duorum raptuum sic est distincta, ut liquidum sit, non esse de uno & eodem tantum raptu intelligenda quæ dicit. In tertium cœlum raptus fuit, ut uideret gloriam Dei & gloriam regnantis in cœlo Christi. In paradysum uero, hoc est, in sedem beatorum spirituum, patriarcharum ac prophetarū, ut non modo quo & ipse post dissolutionem corporis uenturus esset, uideret, sed & archana quædam audiret, unde ad Apostolatū suum instructior rediret. De paradiso autem diximus in Commētarijs nostris super Genesim cap. 2. ibi. Plantauerat autem dominus Deus paradysum, &c. Sic sentiendum esse puto simpliciter absque ulla scrupulositate, præsertim, cum in re tam abstrusa obtusior sit mentis nostrę acies, quā ut ad certitudinē illius indagando pertingere possit. Quantum ac quale discrimen sit inter tertium cœlum & paradysum discutiendum mihi non sumo, donec in hoc mortali corpore detineor, spe tamen utriusque cognitionē in futurum expecto. Interim tamen sic nolim inter tertium cœlum & paradysum cœlestem, beatorum spirituum mātionem, distinguere, ut eos qui in paradiso sunt à Christo separem, cum ad latronem ille dixerit: Hodie mecum eris in paradiso, & hic ipse Paulus dissolui & esse cū Christo in uotis habuerit.

ET audisse, inquit, archana uerba, quæ fas non sit homini loqui.] Propter uerbum audiendi refero ista ad reuelationes, quæ factæ sunt



sint Paulo in ecclasi constituto. Non est autem A  
quærendum quibus modis uerba fiant in pa-  
radiso cœlesti, cum sint in illo non corpora, sed  
beatorum spiritus. Quemadmodum extra se  
cōstitutus formas se corporales uidere, & uer-  
ba corporaliter prolata audire putauit, cum ta-  
men in cœlesti illa mansione non sint corpora,  
sed spiritus, ita etiam hominem illum uerba  
quædam in paradiso audisse dicit.

ET audisse, inquit, arcana uerba.] Græcè est,  
*ἀρρητὰ ῥήματα*, id est, uerba quæ uel non possint,  
uel non debeant dici, quod sint uel auersanda  
& turpia, uel mystica ac propter mysterium ce-  
landa, uel impia, uel prohibita. Nos hæc uerba  
non sic *ἀρρητὰ* fuisse censemus quod dici nequi-  
uerint, sed quod extra paradysum inter homi-  
nes & ab homine dici non debeant. Vnde &  
subijcit, quæ fas non sit homini loqui. Hoc di-  
cens omnem nobis cognoscendi ea curiosita-  
tem amputat.

**Quest. 1.** Quare autem fas non sit homini ut ea lo-  
quatur, si quis quærat, cum fas fuerit Pau-  
lo, ut ea audiret, non est quod respondeamus  
aliud, quàm quod non ad præsentis uitæ con-  
ditionem sed ad paradysi secreta pertinuerint.

**Quest. 2.** Rursus, si quæras, ad quid ergo Paulo pro-  
fuerit ea audire, respondeo, nisi profuisset ipsi,  
ad cognitionem eorum admissus non fuisset.  
Secretorum cognitio ut non conducit omni-  
bus, ita non pertinet ad omnes, conducit autē  
selectis, quos diuina dignatio tanquam singu-  
laria gratiæ suæ organa elegit. Horum enim B  
animos ad res arduas & grauias sustinenda di-  
scrimina conscientia cœlestium secretorū ad-  
modum confirmare potest.

**Quest. 3.** Rursus dices. Atqui Christus dicit: Omnia  
quæ audiui à patre meo nota feci uobis. An  
maiora & secretiora fuerunt quæ Paulus au-  
diuit in paradiso, quàm quæ Christus unigeni-  
tus Dei audiuit à patre suo? Si fas fuit Christo  
loqui de illis omnibus quæ audiuit ex patre,  
cur fas nō fuit Paulo loqui de ijs quæ audiuit  
in paradiso? Respondeo. De hoc reddat ratio-  
nem ipse Paulus, qui diserte dicit: & audiuit  
archana uerba quæ fas non est homini loqui.  
Quæ Christus audiuit ex patre, audiuit ut me-  
diator inter Deū & homines, & ideo audiuit,  
ut ea generi humano reuelaret. Hæc conditio  
non fuit Pauli. Ad hæc quæ Christus audiuit  
à patre, audiuit non ad hoc ut ipsi conduceret,  
Paulus uero in paradysum raptus audiuit ar-  
chana uerba, non quæ alijs exponerentur, sed  
quæ ipsi prodesse.

**Quest. 4.** Adhuc dices: Cum Actorum 20. nihil se sub-  
traxisse dicat, quo minus omne cōsilium Dei  
Ephesijs annūciauerit, quomodo hic sibi quæ  
in paradiso audierat, loqui dicit esse illicitum?  
Respondeo, loquitur ibi de ijs rebus quæ  
cōsilio Dei ad utilitatem erant ac salutem fi-  
delium scitu necessariæ, non in uniuersum de  
secretis omnibus. Vnde & eodem loco dicit,  
ut nihil subtraxerim eorum quæ essent in rem  
uestram, quin annūciarem uobis.

SVPER huiusmodi, inquit, homine gloria-  
bor, de meipso uero non gloriabor, nisi super  
infirmatibus meis.] Videtur adhuc loqui de  
alio quopiam homine, qui raptus fuerit in ter-  
tium cœlum, & in paradysum, cum tam distin-  
cte dicit: Super huiusmodi homine gloriabor,  
de meipso uero non gloriabor, quibus uerbis  
arrogatiam quidem cauet, ne seipse efferre &  
gloriando iactare uideatur, interea tamē sub-  
tili quodam modo seipsum diuidit in homi-  
nem alium atq; alium, de quorum altero glo-  
riari uelit, de altero nolit, nisi quod infirmita-  
tes illius attinet, imò quorum alterum huius-  
modi hominem, alterum seipsum uocet quasi  
alter ille de quo gloriari uelit, nō sit ipse, sit ue-  
ro is de quo gloriari nolit. Quid autem hoc a-  
liud est, quàm gloriari super felicitate sua, cu-  
ius per diuinam dignationem in utroq; raptu  
gestum quædam perceperat, super uirtutibus  
uero suis, & prærogatiuis carnis nolle gloria-  
ri? Quare? Quia in Paulo in tertium usque cœ-  
lum & in paradysum raptus, gloria non carnis  
sed gratiæ Dei relucebat. In Paulo uero E-  
bræo, Israëlita & semine Abraham, gloria erat  
carnis, de qua sine detrimento gratiæ Dei glo-  
riari nō poterat. De eo quod dicit: nisi super in-  
firmitatibus meis, dictum est supra.

Nam si uoluero gloriari non ero insi-  
piens, ueritatem enim dicam: sed parco  
uobis, ne quis de me cogitet, supra id qd  
uidet esse me, aut quod audit ex me. Et  
ne excellentia reuelationum supra mo-  
dū efferrer, datus fuit mihi stimulus per  
carnem, nūcius Satanæ, ut me colaphis  
cederet ne supra modum efferrer. Super  
hoc ter dominum rogauī, ut discederet à  
me, & dixit mihi: Sufficit tibi gratia  
mea, nam uirtus mea per infirmitatē per-  
ficitur. Libētissime igitur gloriabor po-  
tius super infirmitatibus meis, ut inha-  
bitet in me uirtus Christi. Quamobrē  
placeo mihi in infirmitatibus, in cōtume-  
lijs, in necessitatibus, in persecutioni-  
bus, in anxietatibus pro Christo. Cum  
enim infirmus sum, tunc robustus sum.

Quoniam dixit: de meipso uero non glo-  
riabor, ne hoc sic dictum acciperet, quasi etiā si  
quammaxime uellet nihil in se haberet, unde  
ueraciter gloriari posset, significat non ob id  
gloriari se nolle de seipso, quod nō possit, sed  
quod satius esse ducat, ut abstineat à gloriatio-  
nibus, quàm ut more pseudapostolorū glorie-  
tur. Sic dicit: Nam si uoluero gloriari, &c. Le-  
gendum est. Nam si uellem gloriari non essem  
insipiens, ueritatē enim dicerē, uerū abstineo.  
S I uellem gloriari, inquit.] Atqui gloria-  
batur. Verum non de seipso gloriabatur, nisi  
quod infirmitates ipsius attinebat. Subintelli-  
gendum igitur est, de meipso.



NON essem insipiens, ueritatem enim dice-  
rem.] Ergo qui citra ueritatem gloriatur,  
insipiens est. Poterat dicere, non essem men-  
dax, non essem impudens. Etenim etiam qui  
uera de seipso præter rationem iactando glo-  
riatur, insipiens est, quia facit quod uanum est  
ac stultum, qui uero falsa de se iactat, non mo-  
do insipienter, sed & impudenter gloriatur. Ve-  
rū moderatius loqui uoluit, propter eos quos  
perstringebat, qui de seipsis non modo quæ  
carnis erant, sed & pleraque falsa iactabant, id  
quod pro sua modestia deputat insipientiæ.

SED parco uobis, inquit.] Vobis, non est  
in Græco, sed simpliciter, *φείδομαι δέ*, quod nul-  
la necessitate uersum est, parco autem, cum *φεί-  
δομαι* non solum parcere, sed & cauere & absti-  
nere significet. Quare rectius est, ut uerramus,  
sed abstineo, nec addamus, uobis, quia ut adie-  
ctæ rationes indicant, non tam illorum quàm  
sua gratia à gloriationibus abstinebat.

Nobis hic obseruandum est abstinentiæ admo-  
dum Christianæ exemplum. Poterat Aposto-  
lus ueraciter de multis suis uirtutibus ac ge-  
stis gloriari, uerum abstinebat, non quod esset  
illicitum, sed quod inutile & cum periculo con-  
iunctum esse sciret. Sic Christianus nō modo  
ab illicitis, sed & à licitis abstinet, quæ nec sibi  
nec alijs profore nouit.

NE quis de me cogitet, inquit, supra id quod  
uidet esse me, aut quod audit ex me.] Incipit  
rationem reddere, quare de seipso magnifica  
iactare nolit. Reddit autem geminam, unam  
quæ alios, alteram quæ se concernat. Alios cō-  
cernit quod dicit: ne quis de me cogitet supra  
id quod uidet esse me, aut quod audit ex me.  
Græce est, *μή τις ἐς ἐμὲ λογίσται, ὑπὲρ τὸ βλέπει με*, id  
est, ne quis in me reputet, supra id quod uidet  
me, ubi subintelligendum est *ἔσθαι*, id est, esse.  
Cauebat igitur, ne si magnifice de seipso glo-  
riaretur, maioris fieret, quàm esse uidebatur,  
aut quàm essent ea quæ ex ipso audiebantur.  
Nō dicit, supra id quod sum, sed, supra id quod  
uidet esse me, aut quod audit ex me. Erat Apo-  
stolus Christi, minister ac dispensator myste-  
riorum Dei. Id erat manifestum. Videbantur  
& audiebantur ex eo certa huius experimen-  
ta. Supra id non uult tribui sibi quicquam. I.  
Corinth. 4. dicit: Sic nos æstimet homo, ut mi-  
nistros Christi, & dispensatores mysteriorum  
Dei. Ne plaris fieret sedulo cauebat. Notum  
est quid acciderit ipsi ac Barnabbæ. Act. 14. cū  
claudum hominem in pedes erexisset.

Admonemur hoc exemplo, ut non minus  
caueamus ne plaris quàm ne minoris quàm  
sumus habeamur. Qui suo pte studio maioris  
quàm par sit æstimatur, fallit alios, quod pro-  
bi hominis non est, & odiosum se reddit Deo,  
qui eiusmodi superbiam detestatur, denique  
periculo sese magni contemptus exponit, quē  
incurreret mox atque detecta fuerit ipsius uani-  
tas. Qui uero minoris reputatur quàm debe-  
at, ad tempus quidem obscurius degit inter  
homines, Deo autem apprime manifestus est,

ubi uero manifestationis ipsius tempus ad-  
uenerit, modici temporis contemptus indele-  
bili laude commutatur.

Simul obserua in eo quod uidendi & audi-  
endi uerba usurpat, unde iudicium nobis de  
homine constare debeat. Ex ijs uidelicet, quæ  
in illo uidemus, & ex illo audimus. Non solū,  
quod audit ex me, inquit, sed & quod uidet  
in me. Nec dicit, quod audit de me, sed, quod  
audit ex me. Quæ de homine audiuntur ex a-  
lijs, nihilo plus sunt fide digna, quàm digna est  
fama. Quæ uero ex ipso homine de quo iudi-  
candum est audiuntur, coniuncta ijs quæ in il-  
lo uidentur, ueluti duplici testimonio iudiciū  
de illo confirmant. Quare admodum impu-  
dentes sunt, qui cum Bacchanalia uiuant, & i-  
psam impudicitiam ore spirent, nihilo tamen  
secius pro Curijs haberi uolunt, cum & uerbis  
& operibus omnium sint carnalissimi, pro spi-  
ritualibus tamen sese uenditant.

ET ne excellentia reuelationum supra mo-  
dum efferrer, inquit, datus fuit mihi stimulus  
per carnem, nuncius Satanæ ut me colaphis cē-  
deret, ne supra modum efferrer.] Habet hæc  
alteram rationem, quæ ipsum cōcernebat, ob  
quam non conducebat, ut magnifice de seipso  
gloriaretur. Erat enim ipsi alioqui periculum,  
ne propter reuelationum excellentiam supra  
modū efferretur. Id istis uerbis exprimit, qui-  
bus ad hoc sibi datum esse angelum Satanæ di-  
cit, à quo colaphis cædatur, ne propter excel-  
lentiam reuelationum in superbiam efferat.

ET ne excellentia reuelationum supra mo-  
dum efferrer, inquit.] Patet ex hoc loco perti-  
nere ad ipsum, quæ in præcedentibus de ho-  
mine in tertium usque cælum & in paradysum  
rpto gloriatus est. Etenim si de alio loquutus  
esset, nihil ipsi periculi fuisset, ne ppter excellē-  
tiā alienarū reuelationū supra modū efferret.

Cogitandum est hic pio homini, quàm pro-  
cliue sit carni, ut propter qualemcunque præro-  
gatiuam infletur ac superbiat. Etenim si hoc  
erat Apostolo, tot laboribus ac periculis depres-  
so, usque adeo timendū, ut singulari quodam  
antidoto opus haberet, per quod contra tenta-  
tionem superbiæ in humilitate ac modestia cō-  
tinere, quid nobis nō est multo timendū am-  
plius, qui etsi parem reuelationū excellētiā  
consequuti non sumus, multo tamen minus  
habemus roboris ad resistendum tentationi-  
bus superbiæ, quantumcūque leuibis ac mi-  
nutis, quàm habuerit ille cōtra tam graues su-  
perbiendi occasiones. Quare admodum desi-  
piunt qui studio dignitates ac honores in hoc  
sæculo ambiunt, non considerantes quantis  
seipsi periculis obnoxios reddant.

NE supra modū efferrer, inquit.] Græcè est,  
*ἵνα μὴ ὑπερβαίωμαι*. Significat *ὑπερβαίωμαι* supra q̄  
par est ac conuenit efferri, *ὑπερβαίωται* Aposto-  
lus, si magnificētius de seipse sentiat, uel ab a-  
lijs sentiat, quàm conueniat ministro Chri-  
sti, quamque uel in ipso uidetur, uel ex ipso au-  
ditur. De Antichristo secunda Thess. secundo,  
futurum



futurum prædixit Paulus, ut efferatur supra omnem qui dicitur Deus aut numē, adeo ut in tēplo Dei sedeat, ostentans seipsum esse Deū, quo loco uocem *ὑπεραγρόν* legimus. Est autem id reuera supra modum efferri. Etenim unicuique datus est à Deo uel excellentiæ uel humilitatis modus, supra quem si quis extollitur, utique supra modum sibi uidelicet competentem, extollitur.

DATVS fuit mihi stimulus per carnem, inquit, nuncius Satanæ, ut me colaphis cederet, ne supra modum efferer. Quod stimulus uertit, Græcè est *σκόλοψ*, quæ uox sonat palum, paxillum, & sudem, lignum uidelicet in acie præuistum & acutum. Huius apud ueteres, & forsan adhuc apud plerasque nationes alius atque alius usus est, sicut alijs sit uice stimuli, ad impellendum boues, alijs uice cuspidis in conflictu militari, alijs ad conficiendum sepē ac uallum, alijs ad crucifigendum sceleratos. Vtitur hac uoce Apostolus sensu non proprio, sed metaphorico. Quid autem per illam intelligat, significat cum subiungit, nuncius Satanæ. Quis ille fuerit, non est eadem omnium sententia. Alius adfert *κεφαλαιῶν*, qua frequenter laborarit Apostolus, alius iliacam passionem, alius incitamenta carnalis concupiscentiæ, alius terrores Satanæ, alius omne genus tentationis, alius quosdam dæmonas: Chrysostomus uero propius ad sensum Apostoli, meo iudicio accedens, exponit de aduersarijs, qui illum crebris iniurijs, contumelijs & persequutionibus affligerint, inter quos nominatim recenset Alexandrum ærarium, Hymenæum & Philetum. Sane de Alexandro 2. Tim. 4. singulariter conqueritur, quod multa sibi mala intulerit, uerbisq; suis ualde resistit. Existimo tamen loqui Apostolum hoc loco de singulari quodam & insigniter malo aduersario, quem angelum Satanæ singulariter uocet, qualis fuit Alexander, qui nō uno tantum loco molestus ipsi extiterit, sed ubilibet insensibilis aduersatus fuerit. Hunc comparat sudi ac paxillo, quod quemadmodum sudes præacuta carne pungendo affligit, sic sit illius infestationibus ueluti punctationibus afflictatus. Sic intelligo illud, datus est mihi stimulus carni, ut idem sit quod, datus est mihi ueluti stimulus carnem pungens, angelus Satanæ. Non placet ut legamus, stimulus carnis, uel, stimulus in carne, aut, stimulus per carnem, sed ut in Græco est, stimulus carni, quasi sit *ἰδὼν μοι ὁσπὲρ σκόλοψ τῆ σαρκὸς ἄγγελοῦ σατανᾶ*, id est: datus est mihi nuncius Satanæ, qui sit mihi instar stimuli quo caro pūgitur. Dico quid mihi uideatur, sic tamen, ut nemini præiudicare cupiam. Crediderim autem aduersarium illū fuisse ex pseudapostolis, quos cap. p̄cedēti uocauit ministros Satanæ.

Dicit autem non simpliciter, esse sibi stimulus, sed esse sibi datum stimulus, utique non aliunde quā à Deo ipso, idq; non ad puniendum, sed ad conseruandum, loco uidelicet antidoti, quod à medico cōtra periculum pestis

A datur. Quare uidentur mihi non satis perpendere studium Dei in Paulum, qui uerbum *ἰδὼν* sic exponunt. Permisit Deus, ut Satan adhiberet mihi stimulus. Chrysost. forsan ueritus ne Deo mali quicquam tribuatur, sic exponit *συνεχάρησεν τοῖς ἀντικειμένοις ἐπιτίθειν αὐτῷ*. Verum Apostolus non utitur uerbo permittendi, sed dicit: datus est mihi stimulus. Ut significet illum reputari à se pro singulari Dei dono. Hoc genus exponendi sacras scripturas, quo uerba, dandi, tradendi, obdurandi, excogandi, occidendi, perdendi, &c. Deo tributa, per uerbum permittendi exponuntur, meo iudicio, nec menti spiritus sancti satisfacit, nec quod ca uere conatur, cauet.

VT me colaphis cederet, inquit. Intelligit de probis, conuicijs, blasphemijs, & cōtumelijs, quibus ipsum angelus ille Satan afficiebat, ac contemptum reddere moliebatur. Colaphis & alapis cædi contemptus & ignominia notam habet, quemadmodum & capite præcedenti annotauimus. Quare usurpat illud Apostolus pro contumelijs ac probis, quæ sibi aduersarius contemptus gratia inferebat.

Ergo ad hoc contumelijs afficiebatur ab angelo Satanæ, ut contra periculum elationis ac superbiæ in humilitate conseruaretur, cauere turq; ne ex Apostolo Christi: fieret Apostolus Satanæ. Tanto bono seruebat ipsi angelus ille Satanæ, imò Satan ipse, non intelligens consilium Dei, sed cursum Euangelij Christi hoc se pacto impedire posse putans, si Apostolum illius condigna exstimatione priuatum, contumelijs ac probis contemptibilem redderet. Sic infatuatus Satan dum obesse molitur, magis etiam prodest, & quod impedire conatur, expeditum potius reddit quā impeditum. Gloria hæc est sapientiæ ac prouidentia Dei, quam non satis illustrat Chrysost. hoc loco, dum Deum Satanæ permisisse dicit, ut per nuncium suum colaphis cederet Paulum.

NE supra modum efferer, inquit. Particula hæc abundat hoc loco. Nam initio periodi huius posita sic satisfacit præsentī causæ, & consilium Dei exprimit, ut lector illam haudquaquam denuo desideret. Crediderim ab aliquo inconsulto repetitam. Si dicat princeps aliquis, ne per excellentiam potestatis supra modum efferar, datus est mihi peculiaris hic morbus, qui humanæ me conditionis admonet, puto non requiri, ut denuo dicat, ne supra modum efferar. In uulgata æditione non repetitur, & ne quis Græca exemplaria prætexat, à Chrysostomo quoq; non repetitur.

SUPER hoc ter dominum rogaui, inquit, ut discederet à me, & dixit mihi: Sufficit tibi gratia mea, nam uirtus mea per infirmitatem perficitur. Haftenus duas rationes exposuit, quare non conducatur sibi ut de seipso, sicuti faciebāt pseudapostoli, gloriatur. Iam ut cōsiliū Dei erga se in hac causā, cuius in posteriore ratione meminit, plenius exponat, subiungit quomodo se erga aduersarium suum, ange-

*Permissio.*



angelū Satanæ colaphisāntem se, gesserit. Principio, dicit se confugisse ad preces. Non est conatus sui ipsius sese uiribus contra illum tueri, sed dominum ipsum precando implorauit. Super hoc, inquit, dominum *παρηκολούησα*, id est, in auxilium inuocaui. Id enim sonat hoc loco uerbum *παρηκολούησα*. Videbat ac sentiebat non hominis se, sed ipsius Satanæ malicia impeti, quare censebat maiori sibi quā sit humanū opus esse auxilio, ideoq; ad preces conuersus, opem domini implorauit. Ergo precibus contra aduersarios pugnare piorum est, magis q̄ uindictam moliri.

Deinde meminit quid à domino petierit: ut discederet, inquit, à me. Petijt igitur liberari ab infestatore illo angelo Satanæ.

Questio.

Licet quidem orare ad dominum, ut nos liberet à malis, quibus infestamur: uerum poterit hic quæri quare Paulus petierit à domino, ut discederet à se aduersarius, à quo colaphizabatur, cum sciret illum ad hoc sibi datum, ut per eum humiliaretur ne propter reuelationū excellentiam supra modū efferretur. Quis sanæ mentis petierit auferri à se antidotū, quod à medico contra uenenum accepit? Angelus autē ille Satanæ quid aliud erat Paulo, quā antidotum contra uenenum superbix?

Respondeo. Fieri potuit ut consilium domini in ea causa non intelligeret, priusquam illud accepto à domino responso cognouisset. Verum esto, intellexerit etiam priusquam oraret, nihil tamen orando admisit, quod domino displicuerit, quandoquidem & ipse dominus cum passionis suæ calicem deprecaretur, utiq; id deprecatus sit, quod sibi ad totius humani generis salutem perferendum esse sciebat. Quare non est ut culpemus Apostolum in eo quod à domino ipso factum repræhendere non possumus.

Tertio, addit etiam quoties hoc à domino petierit. Non semel tantum ac secundo, sed tertio. Ter, inquit, dominū rogauī. Existimo hoc non ita esse ab illo factum, quod non sæpius fuerit oraturus, nisi accepto responso frustra se hoc petere intellexisset, sed quod ab ulteriore instantia oraculo domini post tertiam precationem fuerat auocatus. Et Christus ipse cū calicem passionis suæ deprecaretur, tertio orauit, postea ab angelo confortatus destitit. Non est itaque quod dicit: ter dominum rogauī, exponendum, sæpius dominū rogauī. Cum semel rogasset, nec impetrasset, rogauit secundo, cum ne tum quidem quod petebat consequutus esset, orauit tertio, atque ibi per oraculum Dei admonitus, cessauit. Nobis hic nō præscribit regula, quoties precari debeamus, quia exemplum hoc non est tale, quod unicuique cōpetat, sed singulare. Generale uero est quod Lucæ 18. semper orare, ac non deficere ab orando docemur.

ET dixit mihi, inquit.] Dominus uidelicet, ad quem orauerat. Quomodo loquutus sit illi dominus, an per uisionem, uel per inter-

nam spiritus sancti reuelationem, uel per ministeriū alicuius sancti ac fidelis hominis, certo statui non potest, nec refert admodum ut modum sciamus quo loquutus sit illi dominus, sed satis est scire quid illi, & à quo sit responsum, & quod aures domini non sint surdæ ad preces fidelium, etiam si petant per imprudentiam quæ noxia magis essent si darentur quā utilia, nedum si utilia & necessaria petant.

SUFFICIT tibi gratia mea, inquit.] Hoc est, non est opus, ut auferatur abs te angelus Satanæ, quasi in cursu Apostolatus tui pergere nequeas, nisi ille à te discedat, sed quātumuis ille insaniat, sufficit tamen gratia spiritus mei ad conseruandum te, & operandum per te, ad quæ missus es à me. Sic puto loquutum esse dominum de gratia spiritus sui quem Paulo dederat, & à quo ille dirigebatur, & per quē efficaciter in Apostolatu suo pergebat. Si Dauid, cum à Saule exagitaretur, orasset ad Deū, ut discederet ille à se, cessaretq; ab improbitate persequendi se, respondissetq; illi Deus istis uerbis: Sufficit tibi gratia mea, utique nihil dixisset aliud, quā, sine ut persequatur te Saul quantum uolet, nihil enim efficiet, sed gratia mea qua te conseruo, abunde sufficit ad eneruandum illius conatus. Vsurpent isto sensu dictum hoc domini, quotquot à reprobis infestantur in hoc sæculo, ut dicant & ipsi: Sæuiant impij quantum uolunt, mihi gratia domini sufficit, per quam abunde contra illorū maliciam conseruari possum.

NAM uirtus mea, inquit, per infirmitatem perficitur.] Græcè non est, *ἀπὸ ἀδυναμίας*, id est, per infirmitatem, sed *ἐν ἀδυναμίᾳ*, id est, in infirmitate. Virtus Dei per infirmitatem Apostoli, illustrabatur quidem, uerum non perficiebatur per illam, sed per spiritum Dei in illa. Reddit rationem, imò magis exponit, quomodo gratia ipsius suffecerit Paulo. Nam, inquit, *δυναμίας*, id est, potentia mea, qua per Apostolatum tuum operor, ac te in omnis generis periculis conseruo, perficitur non in fortitudine tua, sed magis in infirmitate. Etenim si tuo te robore ad gerenda omnia, tuique conseruationē sufficeret, non esset locus potētiæ meæ. Iam quanto tu es infirmior & pluribus periculis obnoxius, hoc plus est loci potētiæ meæ ad operandum in te, & ad conseruandū te, ne tot periculis adobrutus pereas. Quare sine ut colaphizet te angelus ille Satanæ, super quo rogas, ut discedat à te. Nihil efficiet, imò quo magis insanit, hoc plus occasionis ad illustrandā potentiam meam adferet, quemadmodum quo maior est morbus, hoc uirtus medicinæ redditur illustrior.

Nos admonemur hac gnoma, qua uirtutē suam dominus in infirmitate perfici dicit, quo cōsilio suo Deus totum genus humanum tot infirmitatibus obnoxium reddere uoluerit, præsertim quod carnem nostram attrinet, de qua dominus ipse testat quod sit infirma. Ad hoc uide-



videlicet, ut sit uelut officina quædam potentia ipsius, in illa & exerendæ & declarandæ, magis quàm in ipsis angelis. Huius admoneamur quoties propriæ infirmitatis molestijs afficimur, ne unde ad laudandum prouidentiam erga nos creatoris nostri permoueri debemus, inde ad impatientiam impellamur.

**LIBENTISSIME** igitur gloriabor potius super infirmitatibus meis, ut inhabitet in me uirtus Christi.] Quid ex accepto oraculo domini collegerit, ac quomodo p illud affectus sit, subiungit dicens: Igitur, id est, cum hæc sit ratio afflictionum & infirmitatum mearum, ut propter eas inhabitet in me uirtus Christi, libentissime super illis gloriabor, tam abest, ut illarum me pudeat. Non dicit autem simpliciter: Libentissime igitur gloriabor, sed: Libentissime igitur magis gloriabor super infirmitatibus meis. Potest uero illud *μᾶλλον*, id est, magis aliò atq; alio referri. Vtpote, magis quàm antea, uel, magis quàm ut me illarum pudeat, uel, magis q̄ super uirtutibus ac factis meis. Posterior hic sensus magis placet. Videtur enim perstringere pseudapostolos. Quasi dicat. Glorientur illi super prærogatiuis suis, dignitatibus, uirtutibus, ac factis, ego magis, idq; libentissime gloriabor super infirmitatib⁹ meis. Quare? uel, ad quid?

**UT** inhabitet, inquit, in me uirtus Christi.] Græcè est, *ἵνα ἐπισημῶσιν ἐν ἐμοὶ*, quod mihi nō satis pertinenter uerti uidetur, ut inhabitet in me, sed uertendū esse potius, ut incumbat supra me, ut protegat me, ut me, quasi quodā tabernaculo obumbret. Meo iudicio non loquitur de inhabitatione, sed magis de protectione & operatione uirtutis Christi. Ut incūbat supra me uirtus Christi, inquit. Ergo nisi gloriatus esset in infirmitatibus suis, non protexisset ipsum uirtus Christi? Sic apparet. Verū colligendum est ad hunc modum. Libentissime igitur gloriabor potius in infirmitatibus, quàm cū pseudapostolis in uirtutibus meis, ne destituatur uirtute Christi. Ergo uirtute Christi destituuntur, qui de proprijs uirtutibus gloriantur.

**QVAM OBREM** placeo mihi in infirmitatibus, inquit, in contumelijs, in necessitatibus, in persecutionibus, in anxietatibus pro Christo.] Placere sibi, & gloriari, cōiuncta sunt. Nemo enim sibi displicens de seipso gloriatur, ac rursus nemo de seipso glorians, sibi displicet. Significat igitur gloriari se de infirmitatibus suis non obiter ac simulanter, sed prorsus ex animo, sicut placeat sibi in illis. Et ut exponat quid per infirmitates suas intelligat, subiungit, in contumelijs, in necessitatibus, in persecutionibus, in anxietatibus pro Christo, toleratis uidelicet. Per se parum iucunditatis ac præstatiæ habet, unde sibi placere quis queat, contumeliæ, necessitates, persecutiones, & anxietates, sed magis plurimum molestiæ ac contemptus, quare non simpliciter dicit: in contumelijs, in necessitatibus, in persecutionibus,

in anxietatib⁹, sed addit: pro Christo. Quia in re uides quàm eodem sint affectu erga Christum præditi apostoli. Act. 5. de ceteris apostolis legimus ad hunc modum: Et illi quidem ibant gaudentes à conspectu concilij, quod digni habiti essent, ut pro nomine eius contumelia afficerentur. Illis magnæ dignitatis loco erant contumeliæ pro Christi nomine illatæ, sic ut propter illas admodum gauderent. Paulo pariformiter erga Christum affecto tanti erant, ut sibi placeret in illis. Hunc in illis animum gignebat amor quo erga Christum ardebant, cuius tanta uis erat, ut quæ carni sunt acerbissima, spiritui fierent dulcissima, & quæ in mundo sunt ignominiosissima & infelicitissima, ipsis essent gloriosissima & felicissima. De necessitatibus & anxietatibus dictum est supra cap. 6. Cōtumeliæ & persecutiones notæ sunt. Contumelias priore loco posuit, respiciens ad angelum Satanae à quo contumelijs, calumnijs, blasphemijs, probris ac conuicijs perinde atq; colaphis cædebatur.

**CVM** enim infirmus sum, inquit, tunc robustus sum.] Græcè est *δυνατός εἰμι*, id est, potens sum. In ipso oraculo rationem reddidit dominus, quare Apostolo gratia ipsius sufficiat, q̄ uidelicet uirtus ipsius in infirmitate perficiat. Iam ipse quoq; Apostolus, quare placeat sibi in infirmitatibus suis, contumelijs uidelicet, necessitatibus, persecutionibus & anxietatibus, rationem reddit dicens: Cum enim infirmus sum, tunc potens sum.

Videtur prorsus esse paradoxon quod dicit. Primum enim, quando non erat infirmus cum homo esset? Homo semper infirmus est. Apostolus homo erat infirmitati adhuc obnoxius. Ergo semper infirmus erat. Quid est igitur, quod dicit: Cum infirmus sum, tunc robustus sum? Semper ergo robustus erat. Deinde cum infirmum esse, ac rursus esse potentē, idq; simul, inter se sint opposita, sic ut qui infirmus est, ob id non sit potens, quod est infirmus, & qui potens est, ideo non sit infirmus, quod est potens, uidetur contradictio esse in hisce uerbis: cum enim infirmus sum, tunc potens sum.

Respondeo ad primum obiectum. Quemadmodū contumelias, necessitates, persecutiones & anxietates propter Christum illatas uocat suas infirmitates, ita tunc se dicit esse infirmum, quando contumelijs necessitatibus, persecutionibus & anxietatibus afficit. Quare non debet quod dicit ad perpetuam humanæ naturæ infirmitatem trahi.

Ad alterum respondeo. Infirmum esse ac simul esse potentē alio atq; alio respectu ueraciter ab Apostolo dici. Infirmum se dicit, respectu eorum quæ à reprobis illata mala patiebatur. Potentem uero respectu uirtutis Christi per quam in infirmitatibus suis confirmabatur & conseruabatur. Propter Christum infirmus reddebatur, per eundem Christum reddebatur potens. Quare nulla contradictio est in hisce uerbis: Cum infirmus sum tunc potens sum.

Questio.



sum. Consimili ratione recte dicet Christianus: Cum stultus sum, tunc sapiens sum. Cum peccator sum, tunc iustus sum. Cū miser sum, tunc felix sum. Cum inglorius sum, tum gloriosus sum. Cum occidit, tūc uiuificor. Diuersis ista respectibus absque ulla contradictione recte dicuntur non à quolibet, sed à Christiano, qui in mundo stultus, in Christo sapiens, in seipso peccator, in Christo iustus, propter carnis ærumnas miser, propter gratiam Christi felix, in mundo inglorius, in Christo gloriosus est, in carne occiditur, spiritu uiuificatur. In Christo constitutis sunt paradoxa ista uera omnia, extra Christum uero falsa.

Factus sum insipiens gloriando. Vos me coegistis. Nam ego debueram à uobis commendari. Nulla enim in re inferior fui summis Apostolis, tamen si nihil sum. Signa quidē Apostoli peracta fuerunt inter uos cū omni patientia & signis & prodigijs & potentibus factis. Nam quid est in quo fuistis inferiores cæteris Ecclesijs, nisi quod ipse ego non fuerim uobis onerosus? Condonate mihi hanc iniuriam. Ecce tertio propensus animo sum, ut ueniā ad uos, nec ero uobis onerosus. Non enim quæro quæ uestra sunt, sed uos. Non enim debent filij parentibus recondere, sed filijs parētes. Ego uero libentissime impendam & expendar pro animabus uestris, licet uberius uos diligens minus diligar.

Poterat insipiens uideri, quod tam multis gloriationis suæ causam prosequeretur. Excusat se de eo, uerum sic ut quod cōcedit dicens, Factus sum insipiens gloriando, mox per translationem à se reijciat in ipsos Corinthios, imputans illis insipientiæ huius culpam, cum dicit: uos me coegistis. Quod agnoscit uiciosum esse & notā habere insipientiæ, quod tam prolixè gloriationibus suis immoratus esset, documento nobis esse debet, quā non debeamus impudenter negare, si quid à nobis sic geritur, ut speciem uicij alicuius præferat, sed agnoscere quicquid id sit uicij. Agnitio quippe uicij multum de culpa illius deterit, impudēs uero pernegatio multum illi adijcit ponderis. Quod uero culpam trāsfert in Corinthios, & ipsum obseruandum uenit, omnibus uidelicet illis qui per alienam culpam inducti sunt, ut admittant quod sit uiciosum. Illi quemadmodum exemplo Pauli admonētur, ut quod uiciose gesserunt candide agnoscant, ita excusantur etiam, si ad tuendam innocentiam suam culpam non agnoscant sed in authores illius reijciant. Obserua interim, quod non simpliciter dicit, uos mihi occasionem dedistis & uos in causa estis, sed, uos me coegistis. Græcè est, *ἀναγκάσατε*, id est, necessitatem mihi intulistis.

A Nulla externa uī coegerāt ipsum, sed sic se gesserant, ut ipsi necesse esset, materiā hāc gloriationis p̄ter animi sententiā ingredi & tractare.

NAM ego debueram à uobis commendari, inquit.] Exponit quomodo se coegerint. Quod uidelicet se non commendauerāt ipsi sicuti debuerant. Quasi dicat. Si uos me cōmendassetis sicuti debebatis, nulla mihi fuisset necessitas commendandi meipsum. Cum id non feceritis, necessitas tuendi Apostolatus mei ad hanc me propriæ gloriationis insipientiam adegit, cuius culpa in uobis refidet. Ergo usqueadeo necessarium ducebat Apostolus, ut commendaretur, hoc est, in existimatione competenti apud fideles haberetur, ut cum id non fieret à Corinthijs, existimationem sui ipse gloriando tueretur. Hoc faciens non inanem gloriam, sed Apostolatus sui efficaciam ac fructum quærebat. Deinde uidemus hoc loco, ubi quis non facit quod debet, cogi alios ut id faciant, & esse illum in culpa, si qui id faciunt uicij aliquid admittant. Vt exempli gratia. Si legitimus pastor oues fidei suæ cōmissas non pascit, cogitur quisquis neglectarum ouium domino fidelis est, officium ac curā pascendi subire. Quod si id uiciosum & temerarium uidetur, in culpa est pastor, qui quod ex officio facere debebat, non facit, nō is, qui desertarum ouium saluti ac commodis domini sui consulere uoluit.

B NULLA enim in re, inquit, inferior fui summis apostolis, tamen si nihil sum.] Poterat au dire. Commendassemus te, si par esses magnis illis Apostolis, qui post te uenerunt. Quare quod te non commendauimus, non nobis, sed tibi ipsi imputare debes. Occupatione igitur cauet ne tale quid illi regerere possint, dicēs: Nulla enim in re inferior fui summis apostolis. Hoc illis iam secundo inculcat. Nam supra quoq; capite præcedenti dixit: Arbitror enim me nihilo inferiorem fuisse *τὸν πρῶτον ἀποστόλον*, id est, illis qui plus quā ualde sunt apostoli, quemadmodum & hic dicit. Idem ergo cum sit utrobiq; sensus, non est ut illū de nouo ponamus.

Erāt igitur Corinthij culpabiles in eo quod Apostolū nō cōmendabant, cū nulla in re summis esset apostolis inferior, tū demū extra culpam futuri, si inferiorem eum esse comprobare potuissent. Consimili modo culpabiles esse mus, quotquot hodie titulares illos episcopos, ecclesiarum dominos, haud commendamus, si illi nulla essent in re ueris episcopis inferiores. Iam cum ab illis *ἀπὸ τῶν ἀποστόλων* dissideant, sic ut ueraciter commendari nequeant, extra culpam sumus nos, ipsi uero in culpa sunt, quod pro ueris episcopis nō agnoscunt.

Illud, tamen si nihil sum, bifariam accipi potest. Primum ut nihil se esse agnoscat & fateatur, si extra Apostolatus à domino accepti eminetiam, & uirtutem spiritus Christi in ipso operantem consyderetur. Hoc sensu recte uerterūt interpretes: tamen si nihil sum. Hoc dicēs omnem



omnem gloriam Apostolatus sui à se in ipsum dominum reijcit, ne hanc sibi ipsi tantopere gloriano quæsisse uideatur. Deinde, ut nō dicat se nihil esse, sed, etiamsi nihil sit, sicuti de ipso censebant pseudapostoli, nihilo tamen inferiorem esse se illis, qui plusquam ualde sunt apostoli. Si hoc sensu dicit *ἐν ᾧ ὁ δὲ ἑαυτοῦ*, uertendum non est: tamen si nihil sum, sed, etiā si nihil sim. Quasi dicat. Quemadmodum me nonnulli ex uobis, magnis illis apostolis collatū nihil esse iactant. Sic posterior hic sensus per concessionem esset expressus. Priorem alij, alij posteriorem amplectuntur. Meo iudicio parum refert utrum accipiamus, tamen si prior mihi magis arrideat. Quemadmodū nec in eo periculi aliquid est, quod particulam hāc uulgatus interpretis cum sequentibus, Erasmus uero cum precedentibus coniunxit.

Nobis hic cogitandum est quid reputāndus sit homo extra Christum, quantumuis sit potens, diues, sapiens, & iustus. Paulus homo erat. Verum quid est homo? inquit propheta. Ebræus erat, Isrāelita ac semen Abrahæ erat, & præterea phariseus fuerat, ac præcipuus legis æmulator, qua de re uide Philipp. 3. Hæc tamē omnia illic reputat ut stercora, hic nihil esse dicit. Quid minus nihilo? Seruiat hæc cogitatio ad humiliandum carnis typhum.

**SIGNA** quidem Apostoli, inquit, peracta fuerūt inter uos, cum omni patiētia, & signis, & prodigijs, & potentibus factis. Quia nihilo se summis illis apostolis inferiorem esse dixit, subiicit illius cōprobationem ex ijs quæ Corinthi tanquā uerus Christi Apostolus gesserat, quæ ipsi Corinthij, cum inter ipsos gesta essent, ignorare non poterant. Sic dicit: Signa quidem Apostoli peracta fuerunt inter uos. Signa hic uocat certa indicia, de uero Christi Apostolo testantia. Moderate autem non dicit: peregi, sed, peracta fuerunt inter uos, ne quid hic sibi uindicare uideatur, quasi quicquam illorum suapte uirtute peregerit. Quæ erant autem illa signa?

**CVM** omni patientia, inquit, & signis, & prodigijs, & potentibus factis. Duo genera signorū ponit, quibus Apostolatus ipsius inter Corinthios, quemadmodum & alijs locis, ob signatus ac declaratus fuit. Prius est omnis generis afflictionum tolerantia, quam uocat hic omnem tolerantia. Omnis tolerantia est, qua quicquid aduersi propter Christum accidit, cōstanter toleratur. Hanc suprā quoq; cap. 6. primo loco inter ea recensuit, quibus sese in omnibus tanquam Christi ministrum commendabat, dicens: Sed in omnibus commēdamus nos ipsos ut Dei ministros, in multa tolerantia, in afflictionibus, &c. Signum hoc ueri Apostoli non est simpliciter in tolerantia malorū, sed in tolerantia qua propter Christum omnis generis mala alacri animo perferuntur. Aliās habet & Satan suos martyres. Posterius signum tribuit signis, prodigijs, & potentibus factis, quæ per ipsum uirtute & operatione spiritus

**A** Christi fuerāt peracta inter Corinthios. Signa intelligit hic miracula, qualia erant restitutiones morbidorum, cæcorum, claudorum, & leproforum, expulsionem dæmonum, & excitationes mortuorum. Nec alia intelligit per *τίματα* & *δυνάμεις*, id est, portenta & uirtutes aut potentias. Miracula illa quæ per apostolos diuina sunt operatione ædita, signa ob id uocantur, quod significabant doctrinam Euangelij, cui erant annexa, cœlitus esse à Deo missam in mundum, deinde & qualitate sua quosuis admonebant, esse illam missam ad salutem generis humani. *τίματα*, id est, portenta & prodigia ob id uocantur, quod præter consuetum ordinem naturæ fiebant, erantq; instar monstrorū. *δυνάμεις* uocabantur, quod nō nisi singulari potentia Dei gerebātur. Sic diuersis respectibus eadem miracula, signa, prodigia, & potentiæ appellantur.

Posterius hoc signorū genus unde Apostolus Christi cognoscitur, non est simpliciter sicut in miraculosis factis, sed in miraculis prodigijs, & potentijs, quæ Christi sint & inter falsa computari nequeat. Alioqui & de Antichristo, apostolo Satanæ 2. Thess. 2. legitur, quod aduentus ipsius sit insignis, prodigijs & potentijs, uerum additur, mendacibus quæ sint secundum operationem Satanæ, qui mendax est ab initio. Mendacium signorum & operationum Satanæ plenus iam olim est Papatus Romanus.

**NAM** quid est, inquit, in quo fueritis inferiores cæteris ecclesijs, nisi quod ipse ego non fui uobis onerosus? Sufficiētiam signorum Apostolatus sui per collationem reliquarum ecclesiarum astruit. Quasi dicat. Inspecte reliquas ecclesias, quas cæteri plantarūt apostoli, de quibus admodū pseudapostoli gloriantur, & uidete, num in illis plusculū aliquid, quod ad ueri Apostolatus cōprobationem pertineat, reperiatis, quod in uestra ecclesia desiderari queat. Et quoniam de re comperta loquitur summa cum fiducia, non dicit: Nihil est, in quo fueritis inferiores cæteris ecclesijs, sed per interrogationem urgendo & instando. Nam quid est in quo cæteræ uos ecclesiæ excellent, quod ministerium Apostolicū attinet? Quasi dicat. Sitis uos ipsi iudices, num signa ueri Apostoli plura & luculentiora in cæteris ecclesijs quā in uestra reperiuntur. Si nihil est in illis, quod in uestra desiderari possit, quid causæ est, quod aduentitios illos apostolos me fastidito, tantopere suspicitis & magnificitis?

Ergo si ecclesia inferiorem se cæteris ecclesijs in ijs quæ uerum ac fidelem Christi ministrum cōprobant reperiatur, non immerito Apostolum ac doctorem suum fastidit, & eos qui potiores sunt in opere domini præ illo suspicit. Est autem ecclesia alio atq; alio modo cæteris uel inferior uel superior. Primo, in ijs quæ doctrinam & reliqua ministerij specimina cōcernunt. In hisce nullis alijs ecclesijs cedebat ecclesia Corinthiorum. Quare magnam illorū



curiositatē ac leuitatem fuisse necesse est, quā Apostolum suum fastidiebant. Deinde in fructibus legitimi ac sufficientis ministerij, qui a fidelibus requiruntur. In illis Corinthij inferiores erant ecclesijs Macedonię. Verum cum illas quoq; plātarit Paulus, sua ipsorum culpa erant illis inferiores.

NISI quod ipse ego, inquit, non fui uobis onerosus.] Exceptio est, non ad ueritatē causę, sed ad sinistrum Corinthiorum iudiciū accommodata. Etenim quod non fuerat ipsis onerosus, ad maiore potius ipsius existimationem quā ad opinionem defectus facere poterat, nisi fuissent p pseudapostolos fascinati. Tale est & illud quod capite precedenti dixit: Nū peccaui, quod me ipsum humiliavi, ut uos exaltaremini? quod gratuito Euangelium Dei prędicaui uobis? & quę ibi sequuntur. Consimili modo nonnullis hodie ecclesijs dici potest: Quid est in quo defeceritis in causa uerę religionis, cum Christum apud uos prędicarem? Nisi forsan quod nulli annuli aurei digitos nostros amiciebant, nec ulla catena aurea ornati ac torquati incedebamus, neque sericis uestiebamur, quales post nos adepti estis episcopos, magnos dominos magis quā ueros pastores.

CONDONATE mihi hęc iniuriam, inquit.] Quasi dicat. Si iniuste factum est a me, quod onerosus uobis non fui, condonate mihi *τὴν ἀδικίαν ταύτην*, id est, hanc iniusticiam. Nec iniuste egerat, nec petit serio, ut condonent sibi factū hoc, tanquam iniustum, sed accommodat se causę quam agit, & hac ironia Corinthios haud parum pungit. Solemus illa uti, quoties nos illis displicere uidemus, quos amamus, & quibus optime consultum cupimus, ut ingratitude illorum perstringamus. Sic dicimus: an in eo peccaui, quod te domi meę tandiu alui, quod tanto studio ad id honoris in quo es euexi, &c. Cōdona mihi hanc iniuriam, si tam es excors factus, ut non cogites quā rebus tuis consulere uoluerim. Habet hęc ironia ualde falsam ingrati animi repręhensionem.

ECCĒ tertio, inquit, propensus animo sum, ut ueniam ad uos, nec ero uobis onerosus.] Capite pręcedenti cum dixisset. In omnibus sic me seruabam, ne cui essem onerosus, adiecit, atq; ita seruabo. Id iam denuo inculcat, ne animum accōsilium suum mutasse uideatur. Sic dicit: Ecce tertio propensus animo sum, ut ueniam ad uos, nec ero uobis onerosus. Non dicit: Ecce tertio ueniam, sed: Ecce tertio propensus animo sum, ut ueniam ad uos. Adhuc enim incertus erat, uenturus ne ad eos esset uel secus. Quod numerum ternarium attinet, existimant quidam uenisse eum antea ad eos, secundo & cum hęc scriberet, tertio uenire ad eos constituisse. Non repugno. Videtur tamē non de aduentu suo ad eos siue primo, siue secundo, uel tertio, sed de proposito ueniēdi ad eos loqui, quo iam cū ista scriberet, tertio Corinthum proficisci constituerit. De eiusmodi

proposito legimus i. Corinth. ultimo, & suprā capite primo.

NEC ero uobis onerosus, inquit.] Atqui iam condonari sibi petijt hanc iniuriam, quod onerosus ipsis non fuerat. Quid est igit quod iā denuo dicit, nec ero uobis onerosus? Quis ita cōdonari sibi petit admissum, ut mox idem constanter admissurum se & non magis non amplius admissurum dicat? Respondeo. Duplex modus est condonandi aliquid. Primus est, quo cōdonamus delictum, adiecta hac cōditione, ne tale quid in posterum admittatur amplius. Sic dicebat adulterę dominus: Vade, & iam amplius noli peccare, Iohan. 8. Hic condonandi modus seruandus est in remissione grauium peccatorum, flagiciorum ac scelerum. Alter est, quo defectus leues, ac uicia nō enormia sic condonamus, ut in homine illa alius non malo toleremus, etiam si quotidie admittantur. Hoc genus condonandi locum habet in illis qui sic coniūcti sunt, ut leui de causa disiungi nec possint nec debeāt, quales sunt coniuges, quorum alter alteri multa condonare cogitur, ne uinculum coniugij rūpatur. Ad posteriorem hunc cōdonandi modū, non ad priorē pertinet quod Apostolus hic dicit: Condonate mihi hanc iniuriam, & tamē mox subdit. Ecce tertio propensus animo sum, ut ueniam ad uos, nec ero uobis onerosus. Quasi dicat. Si hoc uos offendit, quod nulli ex uobis onerosus fui cum apud uos essem & egerē, condonate id mihi ac tolerate in me, quandoquidem mutare non possum. Nam etiam si tertio ad uos uenirem, adhuc nemini ex uobis onerosus essem.

NON enim quęro quę uestra sunt, inquit, sed uos.] Suprā capite pręcedenti rationem assignauit, ob quam nulli Corinthiorum onerosus esse uoluerit. Hanc uidelicet, ut amputaret occasionem ijs qui cupiebant occasionem, ut in eo de quo gloriebātur, reperirētur quę admodum & ipse. Hic uero adhuc aliam ponit, dicens: Non enim quęro quę uestra sunt, sed uos. Non est insolitum facere rem eandem plures ob causas. Prior ratio cōcernebat pseudapostolos, posterior hęc affectum paternę dilectionis, qua Corinthios prosequabatur, exprimit. Hoc enim illius ingeniū est, ut magis filiorum, qui pater est, quā suis ipsius cōmodis studeat. Et id est non quęre quę illorum sunt sed ipsos. Dilectio non inhiat bonis dilectorum, quia non illa sed ipsos potius diligit. Quod quisque diligit, id unice quęrit, saluūq; esse cupit. Sic animatus erga Corinthios Paulus nolebat illis esse oneri, quia non bona illorum sed ipsos quęrebat. Quęrebat autē ipsos tanquam uerus Christi Apostolus non pecuniarum sed hominum piscator constitutus, & quęrebat non ut sibi eos subijceret, sicuti faciebant, & hodie quoq; faciūt pseudapostoli, sed ut Christo adduceret, adductosq; in gratia illius ac uera salute conseruaret. Utinam intel ligāt fideles Christi, quid quęrāt qui ad ipsos ueniunt



ueniunt legati Romani Pontificis, monachi, A quæstuarij, & qui pasturas & episcopatus ipsorum ambiunt.

Sed dices. Paulus gratuito prædicauit Euāgelium Corinthijs, quia non quæ ipsorum erant, sed ipsos quærebat. Ergo qui non gratuito Christum prædicant, sed uictum & amictū, ac quæ præterea necessaria sunt, ab illis quibus prædicant, accipiunt, non ipsos sed quæ ipsorum sunt querunt. Respondeo. Sic colligendo damnamus nō modo reliquos apostolos, qui de labore suo uixerunt, sed & doctrinam Pauli, quā tradidit 1. Cor. 9. imō ipsius Christi, qui operarium cibo suo dignum esse dicit Matth. 10. Absit. Non sequitur si colligas ad hunc modum. Petrus à fidelibus, quibus prædicabat Euangelium, necessarios sumptus accepit, ergo non illos sed quæ ipsorum sunt quæsiuit. Aliud enim est accipere necessaria debita, ad hoc, ut porro labores ac prois, & aliud quære ut accipias, & inhiare bonis aliorum. Neque sic recte collegeris. Paulus gratuito prædicauit Corinthijs, quia non quærebat ipsorum bona sed ipsos, ergo si quid ab illis accepisset, iā non ipsos, sed bona ipsorum quæsiuisset. Non sequitur. Vt quid ergo non & ipse accepit iniquies? Respondeo. Non erat ipsi hoc tantum agendum, ut singularem in illos dilectionem declararet, sed simul cauendū erat, ne pseudapostolis, quos habebat improbißimos aduersarios, occasionem quærentibus, occasionem permetteret.

NON enim debent filij parentibus recondere, inquit, sed filijs parentes.] Diuino sic est & naturali ordine constitutum, ut parētes filijs, non ut filij parentibus quæ necessaria sunt, in futurum recondant. Non dicit autem simpliciter: Non thesaurizant, sed, non debent, id est, nullo iure tenentē recōdere parētibus. Quare? Quia non est sic diuinitus cōstitutum, deinde, quia præstare hoc non possunt. Neque enim loquitur de filijs adultis, & parentibus senio cōfectis, necessariaque illorum sustentatione, *καὶ νόμιμα πατρὶα*, sed de liberis nondū educatis, ac parentum illorum prouidentia, futuris ipsorum necessitatibus prospiciente. Cum ergo dicit: Non enim debent filij parentibus recondere, sed filijs parentes, reddit rationem, quare non quærat bona Corinthiorum sed ipsos, propter hoc uidelicet, quod sit ipsorum pater, patris autem non sit inhiare bonis liberorum, sed magis necessitatibus illorum quoad eius possit prospicere, etiamsi id sine magno suo detrimento facere nequeat. Vnde & subiicit.

EGO uero libentissime impendam, & expendar pro animabus uestris.] Reperias nōnunquam parentes qui sint erga liberos suos prorsus astorgi, & *μισοτέκνοι* magis quā *φιλοτέκνοι*, in quibus id quod in genere dixit, debere parentes recondere filijs, locum non habet, eo quod nulla cura de liberorum necessitatibus procurandis afficiantur, sed sic res suas agant, ut paratiores sint ad accipiēdum ab illis

quā ad dandum, ad quem modum affecti erga Corinthios erāt pseudapostoli, uitrici, non ueri parētes. Horum respectu dicit: Ego uero libentissime impendam, & expendar pro animabus uestris. Quasi dicat. Etiam si reperias eiusmodi parentes, qui liberis suis ne tantillū quidem recondant, imō magis ad hoc sint propensi, ut ab illis accipiant, quos magistri uestri pseudapostoli imitant, ego tamen, à quo estis in Christo geniti, sic sum erga uos animatus, ut libentissime impendam mea omnia, imō expendar ipse totus, pro animabus uestris. Significat naturalem parentum storgiam erga liberos ipsorum citius deficere posse, quā suā erga eos quos in Christo genuit. Talis locus est & Iesaię quadragesimonono ubi ad Israëlē dicit dominus. An obliuisci potest mulier infantis sui, ut non misereatur filij uteri sui? Et tamen etiamsi illa oblita fuerit, ego tamen tui non obliuiscar.

Excellentiam autem dilectionis suæ erga eos in eo exprimit, quod non simpliciter dicit *δανείζω*, sed, addit, *καὶ ἐνδύω αὐτοὺς ἐμοί, δανείζω* simpliciter sumptū facere & impēdere aliquid, *ἐνδύω* uero, omnia sic expendere significat, ut prorsus nihil retineas, sed omnes tam uires quā facultates infumas, reddarisque exhaustus totus.

Quare uero paratus sit expēdere omnia, in eo significat, quod addit, *pro* animabus uestris. Quasi dicat. Citius quā patiar periclitari animas uestras, expendam pro illis omnia, & exhauriar prorsus. Hinc tamen nemo colligat, ergo poterat Apostolus animas Corinthiorum seruare, si seipsum pro illis expendisset, atque ita non solus Christus Seruator est animarum sed & Apostoli. Absit. Non dicit: Seruabo animas uestras, sed libentissime expendar pro animabus uestris. Quasi dicat. Sic uos diligo, ut si animarum uestrarum perditionem cum uitæ meæ dispendio cauere possem, libentissime expenderem meipsum. Sic Rom. 9. optabat anathema esse à Christo *pro* Israëlitis. Quis nō cupiat charissimorum suorum pignorum uitam, magnis pecuniæ sumptibus redimere? Vnde tamen non sequitur: ergo possunt parētes uitam liberorum suorum pecunia redimere & à morte seruare. Aliud est uelle facere si possis, & aliud posse.

LICET uerius uos diligēs minus diligar, inquit.] Tria dicit. Primum, quod diligat eos *περισσότερον*, id est, copiosius & abundantius. Aperit hic fontem omnis storgiæ qua erga ipsos afficiebatur. Secundum, quod ab illis minus diligatur. Hoc non sine dolore conqueritur, Verum ea fors est impense amantium, ut plus diligentes minus diligantur. Hanc communē habent cum Deo, qui & ipse nos incomparabiliter diligens, minus à nobis diligitur. Verū hoc peruerso sumus ingenio ut quos admodum diligere debebamus minus diligamus, & quos odisse cōueniebat, impēse diligamus, ut recte dicat Basiliius in epistola quadam: *ἀλλ-*



*ἀντὶ τοῦτο καὶ μὴ μισοῦσι τοὺς κρείττους, καὶ φιλοῦσι τὰς χή-  
ρας.* Tertium: Neque sic tamen impediri se,  
quo minus libentissime totum se pro anima-  
bus ipsorum expendat. Ea uidelicet erat abun-  
dantia dilectionis qua ipsos prosequabatur.  
Huius tanta uis est, ut omnia uincat, omnia de-  
uoret ac concoquat, unde extingui poterat, ut  
non immerito dictum sit illud. Amor omnia  
uincit. Sane id citius facit, quod ut uincat seipsum.

Sed esto, ipse non grauavi uos, uerum  
cum essem astutus dolo uos cepi. Num  
per quenquam eorum quos misi ad uos,  
expilavi uos? Rogavi Titum, & una cum  
illo misi fratrem. Num quid a uobis ex-  
torfit Titus? An non eodem spiritu am-  
bulauimus? an non iisdem uestigijs?

Uterant sectatores pseudapostolorum ad-  
modum ad comminiscendum calumnias in-  
structi, uerosimile erat illos ad ea quae iam di-  
xit Apostolus maliciose obiecturos ad hunc  
modum, *ὅτι μὴ ἐκ κατὰρσεως ἡμῶν, ἀλλ' ὑπάρχων πα-  
ρρησίας δόξης τοῦτο ἐλάβες ἡμῶν.* Hoc est: Tu quidem  
non fuisti nobis oneri, uerum cum sis astutus  
dolo nos isto cepisti & in nassam tuam pelle-  
xisti. Huic cauillo occurrit dicens: Sed intelli-  
go quid nonnulli inter uos dicant. Esto fuerim  
astutus, ad hoc non grauans uos, ut eiusmodi  
uos dolo caperem. Si sic sentitis, age num per  
quemquam eorum, quos ad uos post discessum  
meum misi, expiliaui uos? Etenim si non syn-  
cere sed dolose uobiscum in eo egi, quod ne-  
minem ex uobis grauavi, ad hoc ut uos in esca-  
ram & caperem, quibus postea dominarer, do-  
lum eiusmodi post discessum meum cohibere  
non potui, quin proderem per illos, quos ad  
uos misi. Verum uosipsum conuenio, an per  
quenquam eorum quos ad uos misi, aliquid  
ex uobis extorserim, uosque expilauerim. Cum  
autem ne per illos quidem expilauerim uos  
an non manifestum relinquitur, quod egerim  
uobiscum nullo dolo, sed sincere ac candide,  
dum nulli ex uobis onerosus esse uolui?

SED esto, inquit.] Cōcessione figura est,  
quam tamen mox refellit, tam abest, ut hec de  
se per affirmationem dicat. Concedit autem,  
quod maleuoli de facto suo cauillabatur, quo  
gloriam illius obscurarent. Id exprimit dicens:  
Sed esto ipse non grauavi uos, uerum cum es-  
sem astutus dolo uos cepi. Cum dicit: ipse non  
grauavi uos, exprimit concessione pseudapostolorum,  
qui quod negare non poterat fa-  
tebantur quidem, uerum sinistra interpreta-  
tione adiecta, odiosum reddebant dicentes,  
haud quidem ipse uos grauauit, uerum fecit  
hoc astute, ut eiusmodi uos dolo caperet, sibi-  
que in posterum deuinctos redderet. Sic solent  
maleuoli. Quod negare non possunt, sinistris  
interpretationibus maliciose obscurant. Est  
hoc frequentissimum apud eos, qui spirituli-  
uoris ducuntur. Sic pharisei cum gloriam ac  
lucem operum Christi ferre non possent, quo-

aniam ea negare sine manifesta impudentia ne-  
quibant, per sinistram interpretationem cauil-  
labantur, fieri illa per Beelzebub principem dæ-  
moniorum. Nostris temporibus infinita ma-  
licie huius exempla in illis uidere licet, qui ue-  
ritati Euangelij Christi aduersantur. Verum ne-  
mini id mirum uideatur. Etenim si non Paulo  
tantum sed & Christo ipsi malicia hæc nego-  
cium facere tentauit, non debet insolens uide-  
ri si uirus suum in nos quoque effundat. Illi i-  
psi, qui per astutiam suam dolo maiores no-  
stros circumuenerunt, ceperunt, & in seruitu-  
tem omnium seruilissimam coniecerunt, quod  
ipsi faciunt, illius nos insimulant. Quam om-  
nis generis dolo ceperint ecclesias Romani  
Pontifices, episcopi, & monachi, obscurum e-  
rat, cum omnia essent caligine catholicæ igno-  
rantiae obducta, iam uero restituta ueritatis lu-  
ce, uix quicquam magis est perspicuum.

Tria hæc ex ordine subsequuntur, ubi lo-  
cus datur pseudapostolis, dolo uidelicet, ca-  
ptura, & dominium. Dolus uarijs modis pro-  
ponitur imperitis, & incautis, in eo tamen cō-  
uenitur, quod omnis generis doli specie pieta-  
tis ac sanctimonie obuioluntur, quo non mo-  
do lateant, sed & incautos fallant & capiant.  
Huc appositi sunt homines astuti, quibus in-  
proptu est quidlibet fingere, simulare, ac dissi-  
mulare, quales nobis innumeros dedit ea na-  
tio, quæ ante Christum quoque ad totius or-  
bis primatum aspirauit. Quam illi nos Germa-  
nos præcipue dolo admodum insigni cepe-  
rint, causa imperij ad nos translati, si penitus  
inspiciatur, abunde declarat, ut ea quæ religio-  
nem concernunt taceam. Eo dolo capta est  
Germania, & una cum suo imperio Romano-  
rum Pontificum libidinibus subiecta fefelle-  
runt, ceperunt, suoque dominio insignem hanc  
nationem subiecerunt, quam nostra ætate do-  
minus singulari beneficio ad libertatem reuo-  
care dignatur, modo intelligat, qui in illa sunt  
principes ac magistratus.

NUM per quenquam eorum, inquit, quos  
misi ad uos, expiliaui uos? Græcè est, *ἐπιλοῦντες  
σας ὑμᾶς*, uulgatus interpretis uertit: circumueni  
uos. Et Erasmus supra capite nono *παραπαισίζων*,  
uertit fraudationem, ubi illam cupiditatem  
plura habendi significare diximus. Sic refutat  
cauillum maleuolorum. Poterat dicere. Atqui  
non modo ipse nihil, sed neque per quemquam  
eorum quos misi ad uos, aliquid a uobis acce-  
pi. Verum quo consciētias ipsorum appelleret,  
confidenter dicit: Num per quenquam eorum  
quos misi ad uos expiliaui uos? Quasi dicat. A-  
ge dicite uos ipsi, si dolo prædicaui uobis gra-  
tuito, quo caperem uos & postea per meos  
commodius uos expilarem, an per quemquam  
eorum hoc fecerim, quos misi ad uos?

ROGAVI Titum (ueri poterat, hortatus  
sum Titum) & una cum illo misi fratrem. Num  
quid a uobis extorfit Titus? An non eodem  
spiritu ambulauimus? an non iisdem uestigijs?  
Supra capite octauo dixit Titum se esse adhor-  
tatum



tatum, ut quemadmodum antecepisset, ita & consummaret ceptum apud Corinthios opus. Huius hic mentionem facit, dicens: Hortatus sum Titum, ubi subintelligenda sunt quæ iam ex cap. 8. citauimus.

ET unâ cum illo misi fratrem, inquit.] Miserat cum Tito duos, quare quæserit quisquam, quare unius tantum mentionem faciat, & utrum ex illis intelligat. Verum facilis est responsio. Duos quidem cum Tito miserat, uerum unus ex illis magis Ecclesiarum, quam ipse fuerat legatus, sicuti capite octauo uidere licet. Quare unius tantum recordatur, idque alterius, quem non ecclesiæ, sed ipse miserat.

NVM quid à uobis extorsit Titus?] Atqui ad hoc illum miserat, ut pecunias ab ipsis acciperet. Verum non ut sibi, nec ut ipsi, sed ut in usus sanctorum acciperet. Deinde ut acciperet non ab inuitis, sed à spontaneis, idque non ad *πλεονεξίαν*, sed ad *οὐλογίαν*. Quare nihil hic actum fuit à Tito, quod contra ipsius esset propositum.

AN non eodem spiritu ambulauimus, inquit? an non iisdem uestigijs?] Hoc est: An non ille erga uos perinde animatus fuit atque ego? An non pariformiter non uestra quæsiuit, sed uos? Sed dices. Quid autem, si diuerso ille spiritu, alijsque uestigijs ambulasset, id ne Paulo imputandum fuisset? Nemo sic senserit opinor. Neque enim conuenit ut quæ faciunt posteri, illorum maioribus, uel, quæ faciunt discipuli, illorum præceptoribus imputentur. Nec est ut dicas, Paulus miserat Titum ad Corinthios, quare si is diuersum quid ab instituto ipsius egisset, ipsi utique imputandum fuisset. Etenim miserat quidem illum, uerum non ad expilandum, sed ad ædificandum Corinthios. Si illos expilasset, haud leue quidem offendiculum Apostolatui ipsius peperisset, ipse tamē extra culpam fuisset, propterea quod nec ipsius hoc ille iussu fecisset, nec post factum in comitatum ipsius receptus fuisset. Romanus pontifex mittit legatos suos in orbem Christianum ad ecclesias, reges ac principes. Accipiunt illi quæcunque emungere possunt. Si faciunt hoc spiritu non eodem, sed diuerso, declaret hoc Pontifex competenti correptione & emendatione. Verum quis non uidet similes habere labra lactucas, hoc est, eodem illos spiritu, & iisdem uestigijs ingredi? Qua in re uidemus legitimam episcoporum successionem non in eo simpliciter consistere, si perpetua imitatione successores præcedentium uestigijs ingrediantur. Stabilis quidem in eo & nullo discrimine interrupta successio monstratur: Verum non legitima, quæ non est pseudepiscoporum, sed uerorum ac legitimorum. Simon ille, unde orta est in ecclesia Simoniacæ hæresis, suos habet successores, eodem spiritu, & iisdem uestigijs ingredienti. De illorum successione gloriantur pseudepiscopi, de legitima gloriari non possunt.

Illud obseruandum est obiter, quod primo loco eundem spiritum, secundo uero eadē uestigia posuit. Admonemur non esse expectandum ut iisdem uestigijs ingrediantur, qui non sunt eodem præditi spiritu. Diuersa uestigia diuersitatem spiritus arguunt. Est tamen consideratio ista caute ac moderate accipienda. Etenim non possumus tribuere Paulo, quod diuerso ab apostolis spiritu ambulauerit, ubi ecclesias ab æmulatione Mosaicæ legis auocauit magis quam faciebant Apostoli, Petrus, Iacobus, & Ioannes. Nam frequenter hoc accidit, ut eodem spiritu præditi, necesse sit alijs atque alijs modis rem eandem usurpare ac tractare, propter circumstantiarum ac respectuum diuersitatem. Quale & illud est, quod cum ceteri apostoli uictum sumerent propter prædicandi laborem, Paulus à Corinthijs accipere detrectabat. In eadem uero causa, ubi nulla est circumstantiarum uarietas, alijs atque alijs uestigijs ingredi, qualis erat de qua hoc loco scribit Apostolus, non est eorum qui eodem sint spiritu præditi.

Rursum arbitramini, quod nos uobis excusemus? In conspectu Dei, in Christo loquimur, sed omnia charissimi, pro uestra edificatione. Nam metuo, ne quæ fiat, ut si uenero, non quales uelim reperiam uos, & ego reperiar uobis, qualem nolitis, ne quomodo sint contentiones, æmulationes, iræ, concertationes, obtrusiones, susurri, tumores, seditiones. Ne iterum ubi uenero, humilem me faciat Deus meus apud uos, & lugeam multos eorum qui ante peccauerunt, nec eos poenituit immundiciæ, libidinisque & impudiciæ quam patrarunt.

Quoniā tanta diligentia innocentiam suā in hac epistola aduersus pseudapostolorum calumnias tuetur, ut uideri possit ad morē eorum, qui quod male gesserunt, excusare moliuntur, ubi factum negare non possunt, studiosius sese purgare, ut ei cogitationi occurrat, dicit: Rursum arbitramini quod nos uobis excusemus? Vetus interpretes uertit: Olim putatis, cum sit in Græco non *πάλαι*, id est, olim, sed *παλιν*, id est, iterum. Quoniam in præcedentibus aliquoties materiam hanc attigerat, non dicit simpliciter: Arbitramini, sed, Rursum arbitramini. Erat enim uerosimile & antea eos tale quid cogitasse.

QVOD nos uobis excusemus inquit.] Græcè est *ὅτι ὑμῖν ἀπολογεῖσθαι*. Significat aut hoc uerbū adductis rationibus sese purgare & excusare. Negat aut hoc se facere, propterea quod, qui sese excusant, plerumque adferant ea quæ magis sint accommodata causæ quam agunt, quam in se uera. Ideo subiicit.

IN conspectu Dei in Christo loquimur.] Sensus est. Nihil fingimus excusationis gratia, sed quæ uera sunt loquimur. Hoc significans dicit se in conspectu Dei in Christo loqui. Hic enim



non est locus fictionibus. In conspectu Dei loqui, est loqui in conscientia Dei tam religiose, ac si id fiat in conspectu diuinæ maiestatis. Addit, in Christo, quod exponi potest, uel, in causa Christi, id est, Christum concernente, uel in spiritu Christi, uel sub testimonio Christi. Non debemus autem particulam hanc de præsentis tantum causa exponere, sed generaliter de omnibus quæ in Christo loquebatur. Quasi dicat. Non est mei moris ut excusationibus utar, quæ fictis rationibus conflari solent, sed ita sum comparatus, ut quæcunq; in causa Christi præcipue, loquor, loquar nõ temere ac leuiter, sed magna cum religione, tanquam in conspectu Dei constitutus.

SED omnia charissimi pro uestri ædificatione.] Græce est non *ἀλλὰ*, sed, quemadmodum Erasmus hic uertit, sed, *τὰ ὅπαντα*, id est, omnia uero. Vetus melius reddidit. Omnia autem. Si legas, sed omnia charissimi pro uestri ædificatione, omnino desyderabitur aliquid. Vtpote: In conspectu Dei in Christo loquimur, nihil adferentes pro nostri purgatione, sed omnia pro uestri ædificatione. Si uero, omnia autem pro uestri ædificatione, expositio erit, quorsum ista tam multis, tamque religiose in conspectu Dei loquutus sit. Pro ipsorum uidelicet ædificatione. Quasi dicat. Non specto meipsum neque in hac præsentis causa, neq; in alijs, sed ut non uestra, sed uos quæro, ita & omnia pro uestri ædificatione, non pro nostri excusatione loquor. Multa scripsit in hac epistola, quibus in speciem sui ipsius uideri poterat habere rationem, utpote contra aduersarios pugnando, tam multis gloriando, Apostolatus sui autoritatē asserendo, suamq; innocentiam defendendo, &c. Verum in omnibus quæ scripsit, nihil minus quàm seipsum quæsiuit, sed omnia ad hunc finem direxit, ut Corinthij in fide ac synceritate erga Christum ac uera pietate ædificarent. Hoc significans dicit: Omnia uero charissimi pro uestri ædificatione.

NAM metuo, inquit, ne qua fiat, ut si uenero, non quales uelim reperiam uos, & ego reperiar uobis qualem nolitis.] Sane neutrum istorum ad ædificationem Corinthiorum fecisset. Quare cum utrumq; metuendum sibi esse cerneret, in omnes sese formas mutabat, omnēq; lapidem mouebat, ne quod pseudapostoli cœperant, ad destructionem ecclesiæ perficerent. Hoc sentiens dicit: Nam metuo, ne qua fiat ut si uenero, non quales uelim reperiam uos, & ego reperiar uobis qualem nolitis.

NAM metuo, inquit.] Paterni pectoris curam ac sollicitudinē per uerbū metuendi exprimit. Sollicitudo paterna erga liberos sine metu esse nõ potest. Perpetuo siquidem timet sollicitum parentis pectus, ne quid admittant liberi, quod sit inhonestū, aut accidat illis quod sit noxium. Huiusmodi metus sollicitum Apostoli pectus indefinenter molestauit. Quid autem metuebat?

NE qua fiat, inquit, ut si uenero (non est in

Græco, si uenero, sed *μή πως ἰδὼν*, id est, ne quo pacto ueniens, quod uertendū est, ne quo pacto ubi uenero. Vulgatus interpres habet, cū uenero) non quales uelim reperiam uos, & ego reperiar uobis qualem nolitis.] Quoniā in ipsius absentia subingressi fuerant pseudapostoli, metuere cœpit, ne per illorum astutiā decepti, longe in alios quàm quales reliquerat, mutarentur, atq; ita fieret, ut ubi ad eos uenisset, inueniret quales nollet, & per cōsequēs ipse reperiretur qualem ipsi nollent. Sane metus hic non est præter rationem, nec frustra fatigat eorum animos, qui à suis quos diligunt, aliquandiu abesse coguntur. Etenim rarissime accidit, ut domum reuersi reperiant illos quales uolunt, sicut nihil acciderit domi ipsorū, unde contristentur. Quare uehementer culpabiles sunt, qui nulla necessitate coacti domo, uxore, ac liberis relictis, mercenariam militiā sectantur. Hic sæpenumero euenit, ut cōiuges quas castas reliquerant, domum reuersi corruptas reperiant, ut taceam quæ liberis interea, ac rebus domesticis incommoda accidere solent. Hęc licentia in militiā excurrendi in Republica bene constituta ferri non debet.

ET ego reperiar uobis, inquit, qualem nolitis.] Habet hæc particula minas sequuturę seueritatis, quam experturi sint Corinthij, si alij quàm conueniat reperti fuerint. Quemadmodum in ludo literario si præceptor discipulos reperiat quales nolit, mox cōsequitur, ut reperiat & ipse alius quàm ipsi uelint, dum uirga in eos qui deliquerunt, animaduertit, ita metuens Apostolus, ne ubi uenerit Corinthum, reperiat eos quales nolit, annectit hanc particulam dicens: & ego reperiar uobis qualem nolitis. Vtrunque metuebat, quia nec ferre poterat illorum corruptelas, nec sine dolore in delinquentes animaduerrere. Qui amat, quemadmodum lætatur, nõ modo si qualem uult habeat eum quem amat, sed & si habeatur ab illo qualem is cupit, ita uiceuersa non solum ob id contristatur, quod reperit eum qualem non uult, sed & ob id quod sentit se alium esse quàm ille cupiat. Honesti marito uix poterit tristius quicquam accidere, quàm si coniugem suam aliam quàm uult reperiat, & uicissim alium quàm ipsa uelit, præstare se cogatur. Sic enim omnis coniugalis societatis suauitas è medio tollitur, ac tristi acerbitate commutatur. Hoc genus mutux contristationis metuens Apostolus dicit: Metuo nanque, ne qua fiat, &c.

NE quomodo sint contentiones, inquit, æmulationes, iræ, concertationes, obtestationes, susurri, rumores, seditiones.] In Græco desideratur aliquid. Sic enim habetur, *μή πως ὁμιλίαι, ἔρις, ὀργαί, &c.* id est: ne quomodo contentiones, æmulationes, &c. ubi subaudiendum est, sint inter uos. Exponit consequenter utramque metus sui partem. Dixit: Nam metuo, ne qua fiat, ut ubi uenero, non quales uelim reperiam uos. Iam quales eos reperire nolit ac metuat







ET lugeam multos.] Non perstringit omnes sed ex omnibus aliquos. Ergo non omnes tales erant, propter quos lugendum fuisset Apostolo. Nec dicit: Et lugeam aliquos, sed: Et lugeam multos. Erāt igitur in ea ecclesia, quā tantopere diligebat, non pauci aliqui, sed multi impoenitentes, quorū gratia lugendū fuisset Apostolo, si ad ipsos uenisset.

QVI ante peccauerunt, inquit.] An sit hoc intelligendum de peccatis ante baptismū patris, uel de illis quæ post receptā Christiani nominis professionem admiserant illi nō pauci sed multi, nō puto posse certo statui. Fieri potuit, ut in absentia Pauli multi ex Corinthijs ad professionem quidem Christianismi uenerint, uerum sine resipiscencia præcedentium peccatorum. Rursus uerosimile est fuisse in illorū ecclesia multos, qui post baptismū quoque in consueta immundicia, citra resipiscenciam pergerent.

NEC eos pœnituit, inquit, immundiciæ, libidinisque & impudiciæ quam patrarunt.] Quod hic Erasmus libidinem uertit, in Græco est *πορνεία*, quæ uox scortationē significat, quæ admodum & ipse illam Galatis 5. trāstulit, ubi inter opera carnis recēsentur, *μοιχεία, πορνεία, ἀκαθαρσία, ἀσέλγεια*, id est, adulterium, scortatio, immundicia, & impudicitia, uel ut ibi uertit Erasmus, lasciuiia. Immundicia & impudicitia generales uoces sunt, quarū multæ sunt species, adulterium uidelicet, incestus, stuprum, scortatio, & quæ contra naturam admittuntur. Lyranus immundiciam accipit pro Sodomia, & impudiciam pro defloratione uirginū, quā tamen Gal. 5. refert ad exteriorē inhonestatem in aspectu, gressu, tactu, & huiusmodi quæ procedunt ex impudicitia cordis. Annotant nonnulli per *ἀσέλγεια* intelligi Græcis atrociorē petulantiā, quā sonet Latinis lasciuiia. Ab Æsch. ponit pro flagitiosa & obscœna consuetudine stuprandi. Verum uideamus quæ sint hoc loco obiter obseruanda.

1 Principio obserua quod non dicit: & castigem, uel, excommunicem, sed, & lugeam. Castigare & excommunicare peccātes facile est, præsertim iusticiarijs & magnis magistris, lugere uero non ita. Id enim eorum est tantum qui diligunt, & paterna sunt storgia etiam erga delinquētes præditi. Ad luctum uideo nō nullos hodie non tam esse appositos, quā ad excommunicandum, neq; tam esse propensos ad colligendū, quā ad excludendum. Citan tur exempla Pauli, uerū affectus Paulinus paucis est cordi. Citius excommunicātem quā lugentem sequimur.

2 Deinde quid opus erat luctu, cum absens quoq; multos illos impoenitentes perinde atque unicum illum, quo de 1. Cor. 5. legimus, excommunicare posset, ac fermentum illud expurgare, ne reliqua massa corrumperetur? Nō est uidelicet prudēti pastori temere usurpāda quorumuis excommunicatio, sed etiam atq; etiam uidendum, ad ædificationem ne & re-

medium malorum factura sit uel secus. Periculose autem præsumitur, ubi non unus & alter, idq; præpter enorme & omnibus detestabile flagitium, quale erat scortatoris illius, cuius iam mentionem fecimus, sed multi & ob uicia communiora, excommunicantur. Nam periculum illic est, ne multi illi schisma constituent in ecclesia, & malum non emēdetur, sed in peius mutetur. Hoc timens Apostolus, non dicit: Congregatis uobis & meo spiritu, excōmunicate multos illos, qui ante peccauerunt, &c. sed, & lugeam multos &c.

3 Tertio, cum usus excommunicationis sit non modo ut emendetur qui peccauit, & ecclesiam peccato enormi offendit nec desistit, sed & ut reliqui cautiores reddātur, uidemus id in ecclesia Corinthiorum non successisse, quāuis scortator ille iussu esset Apostoli ab ecclesia excommunicatus, quandoquidem adhuc multi in illa erant, de peccatis suis haudquā resipiscētes, quos utiq; exemplum excōmunicati, & metus excommunicationis ad resipiscenciam non permouit.

4 Quarto, nō simpliciter dicit, qui ante peccauerunt sed addit, nec eos pœnituit immundiciæ, &c. Ergo non tam lugubre est peccasse, quā nulla peccati pœnitentia duci. In peccatore resipiscēte non est materia luctus, sed gaudij potius, idq; in cœlis inter ipsos angelos Lucæ 15. Qua in re obseruandum nobis est, quāta sit resipiscenciæ utilitas, & rursus quantū impoenitentiæ malum.

Loquitur autem de resipiscencia uera, qua peccatum non ad tempus suspēditur, sed prorsus abiicitur. In Papatu simulat se sacrifici pœnitentia immundiciæ, scortationis ac lasciuiæ suæ duci, dum scorta & concubinas suas una & altera septimana, tempore quadragesimæ, quam uocant, ædibus suis excludunt, & mox ad pristinam immundiciam reiterandam resumunt, quod genus pœnitentiæ impudentissima est illusio Dei. Verum meliore digni non sunt, qui legitimi cōiugij honestatem propter terrenas ocij ac uentris cōmoditates abiurāt.

#### ARGUMENTVM

capitis.

**M** Inatur hoc capite non parsurū se illis qui ante peccauerunt, sed declaraturum loquentis in se Christi uirtutem, quandoquidem experimentum illius quarebant. Tandem epistolam claudit.

#### CAPVT XIII.



**H**IC tertius erit aduentus meus ad uos. In ore duorū testium aut trium, cōstituetur omne uerbum. Prædixi & prædico, ut præsens cum essem iterum, ita & absens nunc scribo ijs,



ijs, qui ante peccauerunt, & reliquis omnibus, quod si uenero denuo, non parcā. Quandoquidem experimentum quæritis in me loquētis Christi, qui erga uos non est infirmus, sed potēs est in uobis. Nam quamuis crucifixus fuit ex infirmitate, uiuit tamen ex uirtute Dei. Si quidem & nos infirmi sumus in illo, sed uiuemus cū illo ex uirtute Dei erga uos. Vos ipsos tentate, num sitis in fide, uos ipsos probate. An non cognoscitis uosmet ipsos, quod Iesus Christus in uobis est? Nisi sicubi reprobī estis. At spero uos cognituros, quod nos nō simus reprobi.

HIC tertius erit aduentus meus ad uos, inquit.] In Græco est, *τρίτον τοῦτο ἔρχομαι πρὸς ὑμᾶς*, id est. Tertia hac uice uenio ad uos. Vulgatus interpres uertit: Ecce tertio hoc uenio ad uos. Ex hoc & eo qui in capite præcedenti est loco, existimant nonnulli Paulum priusquam hæc scriberet, secundo inuississe Corinthios. Dixi suprà ei me sententiæ non repugnare. Haud tamen uideo quomodo illa ex uerbis istis necessario concludatur. Etenim quid impedit, quo minus secundo se ad eos uenisse dicat, cū priorem ad ipsos epistolā mitteret, & iam per alteram hanc tertio? præsertim cum hic simpliciter dicat: Tertio iā uenio ad uos. Si dixisset. Tertio uenturus sum ad uos, probabilior esset illa sententiā. Verum cum dicat *τρίτον τοῦτο*, id est. Tertio hoc, uel, tertio iā, apparet ipsum loqui de aduētū q̄ fiebat per epistolā quā scribebat.

Nō est autem ociosum quod se iam tertio ad eos uenire dicit. Etenim hoc dicens notat impœnitētium duriciem, qua fiebat, ut semel atque iterum admoniti haud resipiscerent, & simul minatur, si tertiam quoque hanc admonitionem contempserint, tentaturum se seueriora, unde & mox subiicit.

IN ore duorum testium ac trium, constituitur omne uerbum.] Locū hunc citat ex Deut. cap. 19. ubi sic legitur, *על פי שני עדים או על פי שלשה עדים יקום דבר*, id est. Super ore duorū testium, uel, super ore trium testium stabit uerbum. Est autem stare uerbum, idem quod firmari causam de qua testimonia ferūtur, si duo uel tres de illa conformiter fuerint testificati. Hanc legem accommodat suo proposito. Quasi si dicat. Iam tertio conuenio uos, ac redarguo impœnitentes. Quare nihil illis excusationis relinquetur in posterum, si tertiam hanc redargutionem contempserint, sed quemadmodū in ore duorum uel trium testium, iuxta legē, condemnatur rei, firmaturq; iudicium, ita tertia hac admonitione fiet, ut tanquam sufficienter admoniti, merito condemnentur, eo quod manifestum sit, constituisse eos pertinaciter in impœnitentia sua pergere, si ne sic quidem resipuerint. Cōsimile est illud Christi Matth. 18. ubi trina admonitione sufficientiā correptionis terminat dicens: Si peccauerit in te frater

tuus, uade & argue eum inter te & ipsum solum. Si te audierit lucratus es fratrem tuum: sin uero te non audierit, adhibe tecum adhuc unum aut duos, ut in ore duorum aut triū testium consistat omne uerbum. Quod si nō audierit eos, dic ecclesiæ. Quod si ecclesiam non audierit, sit tibi uelut ethnicus & publicanus. Sic in foro iudiciario contumaciæ damnatur, si quis tertio legitime citatus nō cōparuerit.

Itaq; secundum hanc Apostoli sententiam, tot testibus conuenitur & accusatur peccator, quot uicibus siue per unum siue per alios atq; alios admonetur, ac redargutus ad resipiscentiā uocatur. Deinde uidemus hic sufficientibus testimonijs omni excusatione priuari eos qui secundo ac tertio admoniti, præsertim per eos quorum sunt curæ subiecti, resipiscere detrectant. Quod si ex abundanti sæpius redarguantur, facit hoc ad cōdemnationis illorum auxesim, perinde ac si pluribus testibus quā tribus qui in iudicio accusatur, de flagitio admissio conuincatur.

PRAEDIXI, inquit, & prædico, ut præsens cum essem, iterum ita & absens nunc scribo, &c.] In Græco sic legitur, *προέφηκα καὶ προλέγω, ὡς παρὼν τὸ δεύτερον, καὶ ἄπωρ νῦν γράφω*, id est. Prædixi & prædico ut præsens secundo, & absens nunc scribo. Itaq; Erasmus de suo adiecit, cum essem, & ita, & *δευτέρως*, id est, secundo, uertit, iterum Augustinus libro 3. contra epistolā Parmeniani cap. 2. legit ad hunc modum. Prædixi & prædico sicut præsens secundo & nunc absens, his qui ante peccauerunt. Et Ambrosius sic: Prædixi enim & prædico ut præsens secundo aduentu, & absens nunc his qui ante peccauerunt. Vulgatus interpres habet, ut præsens uobis. Pro *δευτέρως* reddidit uobis, & uerbum *γράφω* omisit, quemadmodum illud nec Augustinus nec Ambrosius legerūt. Et uidetur commodius omitti posse, quā legi.

Exponit quorsum legem illam, in ore duorum uel trium testium, &c. citarit. Quasi primum testimonium fuisse significat, quod prædixerat cum secundo apud eos esset, alterum uero quod nunc denuo inculcat, quid? quod nō sit parsurus, ubi ad ipsos uenerit. Sic dicit: Prædixi & prædico, prædixi cum essem præsens secundo, prædico etiam nunc cum sum absens, prædico autē ijs qui ante peccauerūt, & reliquis omnibus, qđ si uenero denuo non parcā. Si ad hunc modum exposuerimus, apparet ipsum secundo uenisse Corinthū, ac præsentem redarguisse peccantes. Verum si illud & prædico *ὡς παρὼν τὸ δεύτερον καὶ ἄπωρ νῦν*, coniūctim acceperimus ad hūc modum, perinde ac si præsens sim secundo, nunc quoque absens hoc prædico, non poterit firmum esse, quod secundo præsens fuerit apud Corinthios. Etenim nō simpliciter dicit, *παρὼν τὸ δεύτερον*, id est, cum præsens essem secundo, sed *ὡς παρὼν τὸ δεύτερον*, id est, perinde ac si sim præsens secundo. Deinde ista iūgit nō cum præterito uerbo, prædixi, sed cum præsentī, prædico. Verum non contēdo, sed diligētē lēctōrē quid cogitet moneo.



Quibus autem prædixit & nunc quoque A prædicat? Illis, inquit, qui ante peccauerunt, & reliquis omnibus. Vbi dicit, ijs qui ante peccauerunt, subintelligendū est illud ex calce capitis præcedētis, nec eos pœnituit immundicię, libidinisq; & impudicię quā patrarunt. Neque enim loquitur in genere de omnibus qui ante peccauerant, sed de illis specialiter, quos peccatorum suorum non pœnitebat.

Illud, & reliquis omnibus, ad hoc adiecit, ut etiam eos qui non ita peccauerant, nec peccabant in præsentī cum ista scriberet, neq; de impœnitentia accusari poterāt, cautos redderet, ne exemplo peccantium & impœnitentiū seducti securius agerent, & in idem malum inciderent. Admonentur hoc exemplo ministri Christi, quā non eos modo qui delinquent corripere & ad resipiscētiā uocare, sed & cæteros cautos ac uigilantes reddere debeat, ne & ipsi peccando à studio innocentie exorbitent. Quid autem illis prædicat?

QVOD si uenero, inquit, non parcam.] Est hæc cōminatio paterna. Sensus est. Si me cōgeritis ut ad uos denuo ueniam, non ueniam frustra, sed animaduertam in eos qui non resipuerunt. Dices: Quorsum opus erat iterū hoc atq; iterum prædicendo comminari? Respondeo, quia adhuc illis parcebat, conabatq; eiusmodi comminationibus paternam erga ipsos storgiam spirantibus, eos qui peccauerant, flectere ad resipiscētiā, ne seuerius aliquid in eos tentare cogeretur, à qua seueritate uehementer abhorrebat, qua de re & suprā cap. primo meminit dicens: Ego uero testem Deum inuoco in animam meam, quod parcens uobis nondum uenerim Corinthum, & quæ ibi sequuntur. Augustinus contra Donatist. dimicans lib. 3. aduersus epist. Parmen. cap. 2. locum hunc sic proposito suo accommodat. Ideoq; idem Apostolus cum iam multos cōperisset & immunda luxuria & fornicationibus inquinatos, ad eosdem Corinthios in secunda epist. scribens, non itidem præcipit, ut cum talibus nec cibum sumerent. Multi enim erant, nec dici de his poterat, si quis frater nominat fornicator, aut idolis seruiens, aut avarus, aut aliquid tale, cum eiusmodi nec cibum quidem simul sumere, sed ait: Ne iterum cum uenero ad uos humiliet me Deus, & lugeam multos ex his qui ante peccauerunt, & non egerunt pœnitentiam super immundicia, & luxuria, & fornicatione quā gesserunt: per luctū suum potius eos diuino flagello coercendos minans, q̄ per illā correptionem, ut cæteri ab eorū coniunctione se contineant. Consequenter enim dicit: Ecce tertio hoc ueniam ad uos, ut in ore duorū uel trium testiū stet omne uerbum. Prædixi & prædico, sicut præsens secundo & nunc absens his qui ante peccauerūt, & cæteris omnibus: quia si uenero iterū nō parcam, quia probationē quæritis eius qui in me loquitur Christus. Quid aliud dixit hic, nō parcam, nisi quod superius ait: Et lugeā multos, ut luctus eius impetraret flagellū à domino,

quo illi corriperebantur, qui iam propter multitudinem non poterant ita corripī, ut ab eorū coniunctione se cæteri continerent, & eos erubescere facerent, sicut faciendū est, si quis frater in aliquo cæteris dissimili crimine nominatur? Et reuera si contagio peccandi multitudinem inuaserit, diuinæ disciplinæ seuera misericordia necessaria est: nam consilia separationis & inania sunt & pernicioſa atq; sacrilega, quia & impia & superba fiunt, & plus perturbant infirmos bonos, quā corrigant animos malos. Hæcille, quæ utinam considerent diligētius fratres illi, q̄ meo iudicio, imprudētius aliquāto ad separationis cōsilia ppendēt.

QVANDO QUIDEM experimentum quæritis, inquit, in me loquentis Christi, qui erga uos non est infirmus, sed potēs est in uobis.] Contemni se uidebat, perinde ac si nulla esset uirtute Christi præditus, atq; ita contemni in se Christum. Cum hoc facerent impœnitētes & secure in peccatis suis pergentes, nec quicq; sibi à Christo per Apostolum ipsius metuētes, eam securitatem moleste ferens interpretatur nihil esse aliud, q̄ tentationem Christi in se loquentis, & per hanc tempestiuum fieri dicit, ut quod experiri q̄ deprecari malunt, re ipsa experiantur. Sic cum dixisset, quod si uenero non parcam, subiungit, quandoquidem, uel ut Augustinus legit, quia probationem quæritis loquentis in me Christi. Minas ipsius securi ridebant, non credētes eas fieri per spiritū Christi nec fore per uirtutem illius efficaces, id quod nihil erat aliud, q̄ experimentū quærere, Christus ne per ipsum minas eas proferret, uel essent inania tantum terribilia, nihil uiriū habentia. Dicit itaq; mallem uobis parcere, id eoq; nondum ueni ad uos Corinthum, sed literis in uiam uos reducere molior. Verū quoniam admonitiones meas quæ per literas sūt perinde cōtemnit, ac si sint hominis infirmi ac contempti & non ipsius Christi, atq; ita experimentum quæritis loquentis in me Christi, age ubi uenero faciam ut quod quæritis inueniatis. Neq; enim parcam amplius, sed declarabo uobis, q̄ sit Christi in me loquentis potētia.

Haud quidē studio ac uolentes id agebant impœnitētes Corinthij, ut certo cognoscerēt admonitiones Pauli, Christi esse in ipso loquentis, uerum quoniam illis non credebāt, sed cōtemptim in impœnitentia sua pergebāt, dicit id nihil esse aliud q̄ uelle experiri, ueritatem ac uirtutem in se loquentis Christi, quatenus uidelicet nō credere minis, sed pergere in malo, nihil est aliud q̄ condignas uelle experiri plagas, perinde ac si præceptor immorigero discipulo, quem nullis admonitionibus acquiescere uidet, dicat: quandoquidem experimentum quæris uirgē, quam in potestate mea habeo, age si monitis hisce meis non paruēris, non parcam amplius, sed faciam, ut quod quæris inuenias, ostendamq; tibi quæ sit illa mea potestas, cuius admonitiones nihili facis.

Hunc existimo germanum esse præsentis loci sensum, ut experimentū quærere, sit pertinaci



tinaci impœnitētia exequutionem minarum A contra se prouocare, ut quod quis credere detrectat, re ipsa experiatur, deinde illud, loquentis in me Christi, de admonitionibus & comminationibus per ipsum factis, intelligatur, licet enim uniuersa Euangelij doctrina quam prædicabat non esset ipsius, sed loquentis in ipso Christi, specialiter tamē hic de potestate sua quam à Christo acceperat, loquitur, ex qua ipsos admonebat & corripiebat, quam impœnitentes contemnebant.

QVI erga uos non est infirmus, inquit, sed potens est in uobis.] Transfert cōtemptum potestatis suæ in ipsum Christum, & ut admo- neat, quā non sit excusabilis, reuocat illis in mentē, quanta sit efficacia & potentia loquen- tis in se Christi inter ipsos declarata. Sic dicit: Qui erga uos non est infirmus, sed potens est in uobis. Non simpliciter dicit: qui non est in- firmus sed potens. Neq; enim in genere de po- tentia Christi loquitur, cum illa sit infinita, sed specialiter de ea, quæ erga ipsos fuerat decla- rata loquens: qui erga uos, inquit, non est infir- mus sed potens est in uobis.

Fuerat autem illa in ecclesia Corinthiorū bifariam declarata. Primo, in ministerio præ- dicationis ipsius per uirtutem cooperantis spi- ritus Christi, in uarijs charismatibus, signis ac portentis, de quibus capite præcedenti dixit: Nulla enim in re inferior fui summis aposto- lis, tamen nihil sum. Signa quippe Apostoli peracta fuerunt inter uos cum omni patiētia, & signis & prodigijs & potentibus factis. Sa- nō per hæc abunde satis declaratum fuerat in- ter Corinthios, nō minus quā in reliquis ec- clesijs, non esse Christum infirmum, sed poten- tem in apostolorum suorum ministerio. Dein de per castigationem necessariam, qua corri- piendi sunt peccantes. Ea quoq; uirtus Chri- sti comprobata fuerat in Corinthijs, priusquā priorem ad illos epistolā scripsisset. Sic enim cap. ii. legimus. Nā qui edit & bibit indigne, iudicium sibi ipsi edit & bibit, non dijudicans corpus domini. Propter hoc inter uos multi imbecilles & inualidi, & dormiunt multi. Ete- nim si nos ipsos dijudicassetus, haudquaquā iudicati fuissetus. At cum iudicamur, a domi- no corripimur, ne cum mundo cōdemnemur. Quibus uerbis satis innuitur immisisse domi- num uirgam paternam illis, qui sacramēto cor- poris & sanguinis ipsius ad iudicium usurpa- bant, eaq; in re declarātū fuisse, non esse Chri- stum sic infirmum, ut nequeat in eos animadu- uertere, qui admonitionum apostolorū ipsius contemptores esse malunt quā obsequuto- res, sed satis potentem, ad castigandam fide- lium suorum impœnitentiam. Quod itaq; di- cit: qui erga uos non est infirmus, sed potens est in uobis, non incommode ad utranq; Chri- sti uirtutem inter Corinthios declaratam re- ferri potest. Nam utræq; sic inter illos declara- tæ fuerant, ut sufficerent singulæ ad redarguē- dum inexcusabilē impœnitentiū contēptum.

Habent hic unde se solētur Christi ministri, ubi se apud eos quoque quibus Christum præ- dicant, nihil authoritatis habere uident. Ete- nim si id accidit Paulo, per cuius prædicationē Christus inter Corinthios potens declaratus fuerat, quid mirum est, si ipsis idem usuueniat, cum nulla tanta sit ipsorum prædicationi uir- tus Christi coniuncta, quanta coniuncta erat Apostolatu Pauli, multis signis ac porten- tis illustrato?

NAM quamuis crucifixus fuit, inquit, ex in- firmitate, uiuit tamen ex uirtute Dei.] Vindi- cat gloriam potentiæ Christi contra contem- ptum crucis. Quoniam prædicabat Christum crucifixum, uidebatur prædicare Christū non potentem sed infirmum, qui sine periculo pos- sit contemni. Occurrit, non negans infirmita- tem carnis in crucifixione ac morte illius ma- nifestatam, sed agnoscens quidem illam, uerū sic ut asserat illi uitam, non amplius infirmita- ti, ut antea, obnoxiam, sed diuina uirtute glo- rificatam, qua se ab omni possit cōtemptu po- tenter asserere. Quasi dicat. An ideo contem- nitis Christum in me loquentem quod mor- tuus est per infirmitatem carnis? Mortuus qui- dem fuit ex infirmitate, uerū non est mortuus amplius, sed uirtute Dei à morte excitatus ui- uit, & uiuit non adhuc infirmus, sed potentia Dei præditus. Et hæc ipsius potentia abunde inter uos est declarata, unde cognoscere pote- stis, habere nos Christum neq; mortuum ne- que infirmum, sed uiuum & potentem.

De eo quod Christum ex infirmitate cruci- fixum esse dicit, annotarunt alij, quomodo in- firmitatis uocabulo de ueritate carnis huma- nę, ab illo salutis nostrę gratia susceptæ admo- neamur, contra eos, qui non naturæ ac condi- tioni susceptę carnis, sed singulari dispensatio- ni tribuunt, quod mori potuit. At Apostolus diserte dicit: Nam crucifixus est ex infirmita- te, quod sanenon potest aliò referri, quā ad carnem illius sic infirmā ut mori posset. Diui- na quidem dispensatione factum est, ut uerbū illud æternum per quod condita sunt omnia, caro fieret, uerū talis caro, quæ infirma esset nostræque dempto peccato, natura & condi- tione similis, imò *quædam*. Et hæc carnis infir- mitas haud quidem intulit Christo moriendi necessitatem, cum mortuus sit, quia uoluit, & quia pater sic constituerat, uerum naturæ suæ infirmitate susceptæ pro nobis dispensationi accommodata seruiuit. Ad hoc enim talem su- scepit, ut quoniā nos carni & sanguini sumus obnoxij, ipse similiter particeps eorundem fa- ctus per mortem aboleret eum, qui mortis ha- bebat imperium. Non ob id est crucifixus ex infirmitate, quod nequiret infirmam suam car- nem reddere firmam, & seruare à necessitate moriendi, si ita uoluisset pater, sed quod obe- diens Deo patri, infirmam suam carnem sponte sua tradidit, ut mortem gustaret in cruce. Quare nec moriendi necessitatē damus Chri- sto ex carnis illius infirmitate, nec sic dispensa-



tionem susceptam agnoscimus, ut infirmitatē carnis in illo negemus. Oportuit Christum sic pati, non propterea quod infirmus erat carne sed quia sic ab eterno disposuerat pater. Infirmus autem factus est carne, ut nostras infirmitates portare, proque peccatis nostris crucifigi posset ac mori, de his sicuti dixi annotarūt ante me alij, uolui autem & ipse de illis admonere, ut sententiā meā ipsorū annotatis cōiungā.

Et illud, uiuit tamen ex uirtute Dei, caute accipiendum est, ne intelligamus tribui Christo, quod non suapte, sed sic Dei uirtute uiuat, quemadmodum nos toti quāti quāti sumus, uirtute nō nostra, sed Dei uiuificabimur. Viuit ille uirtute Dei, sua uidelicet, quatenus uerus Deus est, diuināque potestate quam habet animam, quam posuerat pro nobis recepit, quem admodum & ex infirmitate sua, ut homo, crucifixus fuit. Idem Christus ex sua mortuus est infirmitate, humana uidelicet, & ex diuina sua uirtute uiuit. Verbum autem uiuendi non posuit simpliciter, sed emphatice, ut idē sit quod, uiuendo triumphat ac regnat, uirtutemque suam declarat.

SI QUIDEM & nos infirmi sumus in illo, inquit, sed uiuemus cum illo ex uirtute Dei erga uos.] Græcè est, *ὅτι καὶ ἡμεῖς*, id est. Etenim nos, quasi quod hic dicit uel rationem uel cōprobationem habeat præcedentium, quæ de Christi dixit infirmitate, & uirtute. Rationem habere non potest. Neque enim ideo Christus crucifixus est ex infirmitate, & uiuit ex uirtute Dei, quod Paulus infirmus postea in ipso uiuentus erat cū ipso, ex uirtute Dei erga Corinthios, sed ijs potius quæ de Christo prædicat, ratio assignari potest eorum, quæ hic loquitur de seipso. Cum ergo illud *ὅτι καὶ* nequeat hic uim habere *ἀποδείξαι*, restat ut positum sit sensu comprobandi. Iam quod de Christo dixit, crucifixum illum fuisse ex infirmitate, nullam cōprobationem requirebat, tanquam per se alioqui manifestum. Reliquum igitur est, ut referendum sit ad id quod dixit: Viuit tamē ex uirtute Dei. Huius comprobandi gratia subiicit: Etenim nos infirmi quidem sumus in illo, sed uiuemus cum illo ex uirtute Dei erga uos. Quasi dicat. Vbi senseritis nos uiuere ac posse erga uos per uirtutem Dei cum Christo, qui iā infirmi in illo & nihil posse erga uos uidemur, tum comperietis non esse illum infirmum in nobis, sed potentem erga uos, adeoque non cōtemnendum in nobis sed religiosissime reuerendum. Hunc sensum poscit uocula *καὶ*. Nisi illa esset, appareret ista dicta esse ad exprimendam conformitatem eorum quæ Apostolo similia acciderunt cum Christo, legendaque & exponenda ad hunc modum. Et nos (consimiliter) infirmi quidem sumus in illo, uerum uiuemus cū illo ex uirtute Dei erga uos. Quasi dicat. Quemadmodum ille crucifixus est ex infirmitate, ita & nos in illo multis afflictionibus obnoxij sumus & infirmi, & sicuti ille uiuit ex uirtute Dei, potensque est erga uos, ita

A & nos cum illo, ubi ad uos redierimus, ex uirtute Dei erga uos uiuemus potētesque erimus. Hic sensus stare posset, nisi esset uocula *καὶ*.

Quoniam nō simpliciter dicit: uiuemus cū illo ex uirtute Dei, sed addit, erga uos, manifestum est non esse intelligendū de futura uita, qua cum Christo uiuemus in gloria, sed de ea, qua se potentem erga Corinthios, ubi ad eos uenerit, ad castigandum impēnitētes fore dicat. Quare quorundam expositio, qui hæc de futura gloria exponunt, & impertinens est ad præsentem causam, & ipsis uerbis non conuenit. Minatur adhuc id ipsum quod supra dixit, quod si uenero denuo non parcam. Ei comminationi exequendæ propter formas infirmitatis, quas uarijs modis afflictus præferēbat, impar uidebatur. Comminatur igitur illis fore, ut cum Christo satis sit erga eos uiuax & potens ad castigandum immorigeros, quātumuis in oculis ipsorum infirmus & contemptibilis appareat.

VOS IPSOS tentate, inquit, num sitis in fide, uos ipsos probate.] Transfert causam de qua agit ad ipsorum consciētias. Quasi dicat. Quod si uirtutem uiuentis Christi in me non agnoscitis, agnoscite illam saltē in uobis. Probate & examine uos ipsos, num declarata sit in uobis uirtus Christi. Si illam in uobis deprehenditis, quomodo in me non agnoscitis, per quem illa uobis contigit? Hæc est summa præsentis loci. Sed uideamus ipsa uerba.

B VOS IPSOS tentate, inquit.] Græcè est *πειράζειτε*. Significat *πειράζειν* Græcis immaturo aliquid & frustra neo conatu aggrediendo tentare. Hoc sensu non loquitur hic Apostolus, sed simpliciter iubet eos experimentū capere de seipsis. Quare uerti poterat: Explorate uos ipsos uel, experimentum capite de uobis ipsis.

NVM sitis in fide.] *ἵνα ἢ ἐν τῇ πίστει*, id est, si estis in fide. Sic habet & uulgata æditio. Non iubet eos periculū de seipsis facere, num sint in fide, sed, num sit in ipsis Christus, id quod paulo post exprimet. Dicit. Si estis in fide, id est, si estis fideles & uiri Christiani, experimentum de uobis ipsis capite. Nondum exprimit, cuius rei periculum in seipsis facere debeant. Quare expositio eorum impertinens est, qui sic exponunt: Vosmetipsos tentate, id est, facta uestra examine, antequam ueniam ad uos iudicandum. Non poscit ut sua ipsorum facta examinent, sed ea potius, quæ operabatur in ipsis uirtus Christi.

VOS IPSOS probate.] Repetitio ista confidentiam exprimit qua causam hanc ad ipsorum conscientias trāsferat. Alioqui, nihil aliud intelligit, per uerbum *δοκιμάζειτε* quod per *πειράζειτε*.

AN non cognoscitis uosmetipsos, quod Iesus Christus in uobis est?] Tandem exprimit quod uolebat, & cuius experientiam de seipsis capere debeant. Profert autē id cum quadam stupiditatis exprobratione, dicēs: An nō cognoscitis uosmetipsos, quod Iesus Christus in uobis est? Quasi dicat. Adeo ne stupidi estis

ut ne



ut ne uosipfos quidem cognoscatis? qua in re? Quod uidelicet Iesus Christus in uobis est, hoc est, quod uirtus Iesu Christi agit in uobis, dum tot charismatibus spiritus per fidem in ipsum, ac nominis ipsius professionem cumulari estis? Vnde est uobis sermo sapientiæ, & scientiæ? Vnde fides? Vnde dona sanationum? Vnde prophetiæ? Vnde discretionum spirituum? Vnde genera linguarum? Vnde interpretatio linguarum? An non hæc & eiusmodi alia uirtutem agentis in uobis Christi declarant? Si tā potens igitur in uobis est Iesus Christus, quomodo illum in me non nisi infirmum esse putatis? Vel ex uobisipfis perpendite, quid de Apostolatu meo sentire debeatis.

Illud, quod Iesus Christus in uobis est, exponunt nonnulli de gratia Christi, per quam credentes regenerantur ac iustificantur, & conscientia ipsorum pacificantur. Verum hæc illorum sententia abluat a scopo causæ in qua Apostolus uersatur. Neque enim de gratia iustificare agit hoc loco, illisq; dotibus spiritus, quæ hanc concomitant, sed de potentia Christi, per cuius timorem impenitentes ad penitentiam reuocare moliebatur.

Haud tamen negarim non incommode locum hunc ad id usurpari posse, ut admoneamur singuli, quo nosipfi exploremus, simulne in fide Christi, & habitet in nobis Christus per fidem, uel secus. Sunt enim certa experimenta fidei, unde cognoscamus, sit ne Christus in cordibus nostris per spiritum ipsius uel minus, quandoquidē nequit ociosa esse uera in Christum fides, qua de re in locis nostris uidere licebit, ubi uolente domino in lucem prodibunt.

NISI sicubi reprobi estis, inquit.] Græcè est, *ὅτι οὐκ ἔστιν ἐν ὑμῖν*, id est, nisi in aliquo, aliquatenus, uel aliqua ex parte, reprobi estis. Modè ratiùs loquitur, quàm si simpliciter diceret nisi reprobi estis, quo minus offendat, & tamen interim sollicitos in hac causâ reddat. Dixit: An non cognoscitis uosmetipfos, quod Iesus Christus in uobis est? Hic adiicit exceptionem omnium urgentissimam, dicens: nisi ex parte reprobi estis. Sensus est. Christus in uobis est, agens in uobis per suum spiritum idque uirtute tam manifesta, ut in dubium uocari nō possit, nisi non estis per omnia synceri in fide, sed nō nihil reprob. Ergo nō est in reprobis Christus. Fugit enim spiritus Christi animā in syncerā.

AT spero uos cognituros, inquit, quod nos non simus reprobi.] Quia dixit: nisi ex parte reprobi estis, quoniam id in nonnullis nimis uerum esse apparebat, in quibus testimonium hoc & experimentum conscientia propria quod Christus in ipsis esset, ad quod eos prouocauit, locum non habebat, redit ad ea quæ de seipso in præcedentibus dixit. Est autē sensus. Quicquid sit de plerisque uestrum, etiam si reprobi sint & alieni à Christo, illiusque uirtute ac spiritu, spero tamen ubi ad uos uenero, sic fore experimentum loquentis in me Chri-

sti, quod quæritis, manifestum, ut cognituri sitis, haud esse me reprobum sed uerum Christi Apostolum.

Potest igitur fieri, ut uerus sit ac syncerus Christi minister in ecclesia Dei, etiam si auditores sint reprobi. Et hæc cura competit ministris Christi, ut quales quales sortiantur auditores, ad hoc ipsi contendat, ut non modo nō sint reprobi, sed & reprobi non esse cognoscantur. Id autem obtinere poterunt, si nihil omitant eorum quæ fidelis ministri officium concernunt, sic ut omnis culpa resideat in auditoribus, perinde atq; in sterilibus arboribus, quæ nulla quantumuis diligenti cultura frugiferae reddi possunt. Fit nonnunquam, ut diligentia ministrorum degeneres ac reprobos auditorum animos arguat, dum frustra ad excolēdos eos laboratur, e contra frequenter accidere uidemus, ut sterilitas auditorum arguat indigentiam ministrorum. Verum ea demum felix est ecclesia, in qua profectus auditorum, fidem curā ac diligentiam ueri ministri Christi cōmendat.

Opto autē apud Deum, ne quid mali faciatis, non quo nos probati appareamus, sed ut uos quod honestum est faciatis, nos uero ueluti reprobi simus. Non enim possumus quicquam aduersus ueritatem, sed pro ueritate. Gaudemus enim cum nos infirmi fuerimus, uos uero ualidi fueritis. Hoc autem insuper optamus, uestram integritatem. Propterea hæc absens scribo, necum præsens fuero rigidus sim iuxta potestatem, quam dedit mihi dominus in extructionē & non in destructionem.

Quod Erasmus hic uertit: Opto autem ad Deū, Græcè est, *ὡς ἔχει δὲ πρὸς τὸν θεόν*, quod uerti poterat: Oro autem ad Deum, quemadmodum & uulgata lectio habet, & Germanicus interpretes reddidit. Totus ardebat studio ædificandi Corinthios, omnibus suis laboribus nihil quærens sibi proprii uel commodi uel nominis. Cum ergo dixisset: At spero uos cognituros, quod nos non simus reprobi, ne hoc dicendo suę tantum existimationis studium spirare uideret, quicquid esset de Corinthijs, occurrēs eiusmodi suspitioni subiicit cōfestim: Oro autem ad Deum ne quid mali faciatis, nō quo nos probati appareamus, sed ut uos quod honestum est faciatis, nos uero ueluti reprobi simus. Quibus uerbis diserte significat, alienū esse se à studio proprię existimationis, nec quere aliud in tota hac causâ, quàm ut ipsi probati inueniant, etiā si ipse pro reprobo habeat.

ORO autem, inquit, ad Deum.] Non modo scribebat, & fratres mittebat, quo in uiam reducerentur Corinthij, sed & orabat pro illis ad Deum. Nec immerito. Sciebat enim ni-



hilefficereplantantem,nihilrigantem,nisiincrementum & efficacia operis detur à Deo. Quare scite admodum dictum est alicubi ab Augustino de ministro uerbi: Sit prius orator quam dictor. Oret ad Deum Christi minister non modo pro dono intelligentiæ ac sermonis, sed & pro incremento fructificationis. Oret non solum in ecclesia cum cœtu fidelium pro more usitato, sed & domi suæ secreto, pro zeli sui ardore, quo fiat, ut & in ecclesia ardentius & efficacius loquatur. Frigidum est os docentis, cuius pectus non ante sermonē spiritu & ardore orationis incaluit, animumque ad dicendum ardentem concepit, quo & audientibus animum faciat.

Oro, inquit. Ad quem? Ad Deum. Papisticus doctor orat & ipse pro suggestu, & plebē ad orandum secum inuitat. Recte quidem facit quod orat. Testatur enim orando non esse sui arbitrij, neque facultatem neque efficaciam docendi, quantumuis magnus sit liberi arbitrij doctor, sed aliunde petendam esse utranque. Verum ad quem orat? Paulus: Oro, inquit, ad Deum. An & ipse ad Deum? Ad Deū quidem, sed non solum. Simul nanque orat etiam ad non Deum, dum orat ad beatam uirginem. Neque enim illa Deus est, ideoque quod Paulus à Deo petit, ipsa præstare non potest. In summa. Paulus orat ad Deum, Paulus ille doctor Gentium, Papisticus doctor orat etiā ad non Deum. Paulus petit aquam è fonte, ille petit & è fonte & è cisterna, in qua non est aqua, nisi infundas. Audite inuocatores diuorum. Deificate primū quos inuocatis, ac tum demum ad eos orate, ueroque Deo adorando coniungite, ne sitis adoratores eorum qui dii non sunt. At deificare, hoc est, ex nō Deo Deū facere, non potestis, nec potest hoc Romanus uester Pōtifex mortuorum canonizator. Cessate igitur ab illorum inuocatione, quos fatemini nec esse nec fieri posse deos, & cum omnibus electis, sanctis ac ueris fidelibus adorate & inuocate Deum uerum & unicum, patrem filiū ac spiritum sanctū, cuius estis sacramēto in baptismo ob signati ac sanctificati.

Quid autem petit à Deo Paulus? Oro, inquit, ad Deum, ne quid mali faciatis. Quorsum hoc petebat à Deo, si per liberum arbitrium potest homo uitare malum & quod bonum est facere? Si suppetit nobis ex libero arbitrio facultas uitandi mali, suppetebat ex eodem illa & Corinthijs. Verum Apostolus cū sciret non esse in carne nostra bonum, nec esse quenquam mortalium, qui ex suis ipsis uiribus bonum faciat & nō peccet, orauit ad Deū pro Corinthijs unde est omne bonum, qui operatur in nobis & uelle & perficere, ut per gratiam suam custodiret illorum animos ne quo mali genere delinquerent, & Euāgelium Christi dedecore afficeret, seq; ipsos perderet.

Non est autem ociosum, quod non simpliciter dicit: ne faciatis malum, sed, *μη ποιησατε*

*ὑμᾶς κακόν μηδέν*, id est, ne faciatis uos ullum malum. Poterat dicere, *μη ποιησαι ὑμᾶς κακόν τι*, uerū quo significaret nihil prorsus admittendum esse fidelibus quod sit malum, uoluit, ad hunc modū loqui, *μη ποιησαι ὑμᾶς κακόν μηδέν*. Etenim qui in uno offendit, omnium reus est.

Sed dices. Quomodo fieri potest, ut prorsus nihil faciamus quod sit malum? cum non sit homo qui non peccet, & David dicat: Ne intres in iudiciū cum seruo tuo domine, quia non iustificabitur in conspectu tuo ullus uiuens. Cum ergo fieri nequiret, quod à Deo petebat Apostolus, consequitur quod rem impossibilem frustra petierit.

Respondeo. Deo, à quo hoc petebat, non est impossibile, ut tales nos reddat, qui prorsus nihil mali faciamus. Quare non petijt ab illo rem impossibilem. Deinde, perfecta hæc innocentia, quæ ab omni sit malo libera, quæ admodum grata est Deo, & ad gratiæ illius ornamentum plurimum faceret, ita debet omnibus instar scopi cuiusdam esse præfixa, ut ad illam comitamur pro uiribus. Hoc studij omnibus modis requiritur à nobis, quantumuis nemo sit in hac uita, qui scopum hunc sic feriat, ut nusquam ab illo exorbitet. Qui hoc studio præditi ad præfixam innocentiae metam cum timore domini collimant, etiam si non consequuntur quod cupiunt, sed subinde aberrant, hoc tamen illis propter gratiam Christi, & propter studium pietatis, haud imputatur sed misericorditer condonatur. Quare Apostolus recte hoc à Deo petijt, ut custodiret Corinthios ne quid mali facerent, idque ipsis scripsit, quo ad solidū ueræ innocentiae studium prouocarentur.

Adhuc dices: Cum scriptura dicat: Desine à malo & fac bonum, sitque uera ac perfecta pietas non in eo tantum sita, si nihil mali faciamus, sed requirat etiam ut quod bonum est faciamus, quemadmodum non est satis arbori, si nullos malos fructus ferat, nisi ferat bonos, quid est quod Apostolus pro eo tantum ad Deum orauit, ut daret Corinthijs, ne quid mali facerent?

Respondeo. Prima pars pietatis est innocentia, sine qua ad alteram, quæ est in studio bonorum operū, perueniri potest. Cum ergo tales adhuc essent Corinthij, utpote carnales, quibus nondum esset prorsus exemptum studium mali, timendumque esset ne faciendo quæ mala essent offendiculum gignerent Euāgelio, ac seipsos cœlesti gratia priuaret, uisum fuit summopere necessarium, ut pro dono uitæ innocuæ oraret ad Deum, non quo in primo illo gradu consisterent, sed ut per hunc ad alterum quoque coinuitaretur, ad quem nemo ascendere poterit, nisi primum desistat à malo.

NON quo nos probati appareamus, inquit, sed ut uos quod honestum est faciatis, nos uero ueluti reprobis simus. Potest id quod in se bonū est animo fieri sic insincero, ut non modo lau-



do laudabile non sit, sed & culpabile. Bonum **A** in se erat orare ad Deum pro Corinthijs, ne quid mali-facerent. Verum culpabile fuisset, si hoc Paulus ob id à Deo petijisset, ut recte se gerentibus illis ipse gloriam inde reportaret, proque magno ac probato Apostolo haberetur. Sic enim nec Corinthiorum salutem, nec gloriam nominis Christi, sed suam ipsius spectasset, & insignem hypocritam in conspectu Dei gessisset. Sciens igitur hoc ingenio præditam esse carnem, ut in eo quoque, quod per se bonum est seipsum magis quærat, quam uel gloriam Dei uel salutem eorum, quorum rationem in speciem habere uidetur, ne quod se orare ad Deum dixit, ne Corinthij mali quid faciant, sinistro hoc animo facere uideretur, occupatione hac cauit dicens: non quo nos probati appareamus, sed ut uos quod honestum est faciatis. Quasi dicat. Cum autem id peto à Deo, non quæro meam gloriam in uobis, sed uestram salutem, ne gratiâ Dei in uanum accipiêtes, & illâ amittatis & uos ipsi perdatis.

Refert igitur plurimum nō modo quid, sed & ad quem finem ad Deum orando petas. Inuenias hodie qui orent ad Deum pro ecclesia, ut discordiam hanc qua illa turbatur ac scinditur, auferat, detque illi pacem ac tranquillitatem. Hoc genus orationis si fiat à priuato Christiano, nō est obnoxium suspicioni, quod aliud quærat quàm ecclesiæ bonum. Si uero fiat ab illis qui dominantur in ecclesia, & non nisi uentris ac quæstus gratia orant & psallūt, **B** quis dubitat quæri à talibus concordiam & pacem ecclesiæ, non ecclesiæ sed suo ipsorum respectu? Si pater à Deo petat, ne filij ipsius mali quicquam faciant, probabile est peti hoc ad illorum salutem, propter affectum paternum, qui totus filiorum commodis inseruire solet. Si uero pædagogus aliquis oret, ne discipuli quos non genuit sed instruendos accepit, immorigeri sint & indociles, orat quidē rem in se bonam, uerum admodum in dubio est, possit ne ueraciter cum Paulo dicere: non quo ego probatus appaream, sed ut ipsi in uiros eruditos & tam ecclesiæ quàm patriæ utiles euadant. Non nego reperiri præceptores sic erga discipulos suos animatos, & uelim tales esse non præceptores tantum, sed & pastores in uniuersum omnes. Verum quod Paulus 1. Corinthiorum quarto dixit: Etiam si innumeros pædagogos habeatis in Christo, nō multos tamen habetis patres, id hodie quoque nimis ueraciter dici potest.

**N**O N quo nos probati appareamus, inquit.] Non dicit: non quo nos probati simus, sed, non quo nos probati appareamus. Aliud est esse, & aliud non esse, sed apparere probatum. Probatum uelle uideri magis quàm esse, non uerum probitatis studium sed hypocrisis est, & Deo & hominibus detestabilis. Ad hoc luctari, ut uere sis probatus, hominis est fidem ac ueritatem amantis.

**S**ED ut uos quod honestum est, faciatis, inquit.] Græcè est, τὸ καλόν, quæ uox aliquando, bonum, significat, quemadmodum & uulgatus interpres uertit: sed, ut uos quod bonum est faciatis, uerum magis proprie sonat pulchrum, egregium, & honestum. Habet Christiana professio suum, ut *πρίπον* ita & *καλόν*. Sua cuique statui peculiaris honestas est, & præterea est honestas omnium publica, ne quid indecenter geratur. Verum hac de re nō est ut hic dicamus.

Non dicit autem: Ut uos quod honestum est, sciatis, sed, ut uos quod honestum est faciatis. Scientia boni & honesti acquiritur ex sedula ac diligenti instructione doctoris. Nihil huius desiderabatur in Corinthijs. Verum ut honestum quod sciebant, opere facerent, non poterat dari ab Apostolo, sed à solo Deo, qui dat & uelle & perficere, quare hoc ab illo petebat, sciens ad condemnationem magis quàm ad salutem facere scientiam honesti, ubi meliora cognoscunt & deteriora perpetrant.

**N**O S uero ueluti reprobi simus.] Ergo ne illorum gratia cupiebat esse reprobis, ut ipsi probati inuenirentur? Non dicit simpliciter: nos uero reprobi simus, sed, nos uero ueluti reprobi simus. Aliud est esse reprobum, & aliud, esse ueluti reprobum. Esse autem ueluti reprobum, bifariam accidit. **1** Primum, si quæ species hominis reprobi, qui tamen reprobis non sit, in conuersatione uitæ uel uerbis, uel moribus, uel factis non rite intellectis appareat. Ut exempli gratia: Species hominis reprobi erat, cum Christus cum publicanis & peccatoribus conuiuaretur. **2** Deinde, si quis pro reprobo habeatur, cum neque sit reprobis, neque aliquid faciat, propter quod pro reprobo haberi debeat. Tale quid intelligit hic Apostolus cum dicit: nos uero ueluti reprobi simus, id est: perinde habeamur & æstimemur ac si simus reprobi. Perstringit hoc dicens pseudapostolorum maliciam, à quibus inter Corinthios insimulabatur, quasi esset non uerus sed reprobis Apostolus. Quasi dicat. Parum me moueret, quod in oculis pseudapostolorum pro reprobo habeor, si uos nihil mali facientes probati deprehenderemini. Sic fidelis præceptor animatus est erga suos discipulos, ut æquo animo ferret, si pro indocto haberetur, modo ipsi docti euaderet. Et est huius sententiæ magna ratio. Erat Paulus uerus Christi Apostolus, non ob id ut ipse probatus haberetur, sed ut Christo quamplurimos lucrifaceret, multumque fructus ferret. Vbi ergo id præstare dabatur, conueniebat ut esset contentus, quicquid de se sentirer reprobi, sic tamen ut nullam illis causam male de se sentiendi obijceret.

Magna admodum ignominia est audire hæreticus, apostata, schismaticus, seductor, &c. quæ non præter rationem priscis patribus intoleranda uisa est, è quibus Hieronymus ne-



minem uult esse in suspitione hæreseos patie-  
tem. Verum fidelis Christi ministri pectus stu-  
dio ac zelo lucrificandi mortales ardens, ex  
animo dicet cum Apostolo: oro ad Deum ne  
quid mali faciant, quibus Euangelium Chri-  
sti annuncio: non quo ipse probatus, uerus, &  
orthodoxus doctor appareat, sed ut ipsi quod  
honestum & uere Christianum est, facientes,  
probatu inueniatur, ego uero ueluti reprobis  
hæreticus, schismaticus, & seductor interim  
habeat. Neque enim mea refert, quid de me sen-  
tiant ac iudicent hostes ueritatis, quorum quæ-  
stui ac uentri uniuersa Christiana religio serui-  
re cogitur, quibus Christus ipse cum suis apo-  
stolis, si modo ut olim in terris ageret, pro hæ-  
reticissimis seductoribus haberentur. Quod  
enim me attinet, parum mihi est, ut iudicer ab  
humano die, cum habeam iudicem in cælis.

NON enim possumus aliquid aduersus ueri-  
tatem, inquit, sed pro ueritate. Non simplici-  
ter dicit, se non posse quicquam aduersus ue-  
ritatem, sed subiicit hoc præcedentibus loco-  
rationis, cum dicit: Non enim possumus ali-  
quid aduersus ueritatem. Quare uidendum est  
non modo quid dicat, sed & quomodo id fa-  
ciat ad rationem præcedentium. Vox uerita-  
tis late patet, quod & Pilatus sentiebat, cum  
ad dominum diceret: Quid est ueritas? Existi-  
mo autem usurpatam hic esse de ueritate Chri-  
sti, Christianæque professionis, ad quam perti-  
net, ut qui Christiani sunt, ab omni malo absti-  
neant, & quod bonum honestumque est faci-  
ant. Etenim qui diuersum faciunt, alieni sunt à ue-  
ritate Christi. Cum igitur dixisset, orare se ad  
Deum pro Corinthiis, ne quid mali faciant,  
non quo ipse probatus appareat, sed ut illi quod  
honestum sit, faciant, consequenter adiicit hæc  
uerba: non enim possumus aliquid aduersus  
ueritatem Dei, ut significet, si ueritati Christi  
studentes inculpate se gerant, nihil se in ipsos  
posse, eo quod nihil potestatis acceperit à do-  
mino aduersum eos, qui se recte gerant, sed ma-  
gis pro illis, ut eos magis ac magis ædificet &  
confirmet. Loquitur ut Apostolus Christi, ni-  
hil sibi in quenquam sumens, quod non sit se-  
cundum potestatem à domino acceptam.

Poterat dicere: Non enim possumus quic-  
quam contra iustos, pios, ac fideles. Verum quo-  
niam ueritatis Christi minister & Apostolus  
erat, ad hunc modum loqui uoluit, ut signifi-  
cetur potestatem sibi non esse aduersus alumnos  
ueritatis, qui ueritati studeant, cuius ipse sit mi-  
nister. Consequitur eos impugnare ueritatem  
Christi, qui ueros Christianos uel probris pro-  
scindunt, uel aliis persequuntur, dum & fidem  
& uitam eorum insectantur. Romanus Pon-  
tifex si uerus esset Apostolorum successor, nec  
ipse quicquam potestatis haberet aduersus ue-  
ritatem Christi, quam hodie persequitur. Ha-  
bet autem, sicuti manifestum apparet. Ergo  
non est uerus apostolorum successor, nec ue-  
ritatis, sed mendacii ac seductionis minister,

potentia præditus eius, cuius est minister &  
Apostolus, Satanæ uidelicet, in angelum lucis  
transfigurati. Quare quemadmodum Christi  
Apostolus hic dicit: non enim possumus ali-  
quid aduersus ueritatem, sed pro ueritate, re-  
spiciens ad Apostolatus sui potestatem à do-  
mino acceptam, ita ille recte contrarium di-  
cet: Non possumus aliquid pro ueritate, sed  
aduersus ueritatem, uel: Non possumus ali-  
quid aduersus mendacium, sed pro mendacio,  
si loquendum ipsi sit secundum id, quod à suo  
domino accepit. Quod autem non loquitur ad  
hunc modum, in causa est, quia loqui ipsum o-  
portet non secundum ueritatem, sed secundum  
mendacium, tanquam transfiguratus Apосто-  
lus, ut mysterio transfigurationis suæ, & iræ  
Dei corruptis ecclesijs debitæ seruiat. Non est  
igitur expectandum, ut Apostolus hic menda-  
cij ac seductionum aliud unquam mediteretur  
ac faciat, quam ut mendacio contra ueritatem  
Christi, omnes suas uires impendat. Hoc fecit  
hactenus, facit hodie, & facturus est usque ad  
tempus destructionis ipsius, non palam & ex-  
professo, sed modis transfigurationi ipsius cō-  
uenientibus.

GAUDEMV S enim, cum nos infirmi fue-  
rimus, uos autem ualidi fueritis, inquit. Ad-  
huc aliam rationem adiicit, ut prior sumpta  
est à qualitate Apostolicæ potestatis, ita poste-  
rior hæc à studio quo erat erga eos plane pa-  
terno. Non modo non uindicabat sibi quic-  
quam potestatis animaduertendi in ipsos, si  
in ueritate Christi inculpabiles sese præstitis-  
sent, sed nec delectabatur animaduersione, e-  
tiam si necessaria esset. Gaudebat igitur, si ipsi  
recte se in Christo gererent, ut ut ipse infirmus,  
quasi nihil posset, uideretur. Quoniam tandiu  
parcebat ipsis, spe resipiscentiæ, dabatur hoc  
infirmis ipsius, propter quam, & ut fieri so-  
let, contemnebatur. Hoc se tam non laturum  
moleste dicit, ut gauisurus sit etiam, modo i-  
psi recte ualeant in Christo, sic ut nihil aduer-  
sus ipsos possit. Poterat adiungere: Si uero dese-  
rentes Christi ueritatem, quæ mala sunt facere  
perrexeritis, cogar, nolim uelim re ipsa decla-  
rare, quam sim in Christo potens erga eos qui  
male agunt. Verum de hoc in præcedentibus  
satis meminerat.

Ergo infirmum esse Apostolum est officio  
castigationis uel non posse uti, quod in recte  
agentes nihil potestatis eiusmodi habeat, uel  
non uti per negligentiam, aut propter spem  
futuræ resipiscentiæ. Prior ac posterior mo-  
dus locum habuerunt in Apostolo, medius  
non habuit.

Deinde ualidum esse fidelem in Christo, est  
saluum & integrum esse in fide, ueritate ac  
pietate, sic ut nihil mali, sed quod honestum  
est faciat.

HOC autem insuper optamus, uestram inte-  
gritatem. Hoc est, non modo gaudemus ubi  
fueritis ualidi, sed optamus etiam ut sitis uali-  
di &



di & integri. Græcè est *τὸν ὑμῶν κατάρτισιν*. Sonat autem *κατάρτισις* restitutionem membrorum luxatorum, & laceri corporis redintegrationem. Vñus est hac uoce admodum conuenienter. Erant enim membra ecclesiæ Corinthiorum scissis à se inuicem diuulsa & luxata. Quare optare se dicit, ut suis quæq; locis restituantur, atque ita corpus ipsorum redintegretur. Optamus & nos ecclesiarum *κατάρτισιν*, quas non Euangelij Dei ueritas, sed doctrina mendaciorum discerpitas ac luxatas reddidit, optamus autem ueram quæ sit in unitate fidei ac spiritus sub capite Christo.

PROPTEREA hæc absens scribo, inquit, ne cum præsens fuero, rigidus sim iuxta potestatem quam dedit mihi dominus in extructionem, & non in destructionem.] Tandem concludurus epistolam, exprimit rationem ac consilium suum, quare hæc absens ad eos, priusq; Corinthum aliquando ueniat, scribere uoluerit. Pseudapostoli dicebant: Epistolæ quidem graues sunt, at præsentia corporis infirma, hoc est, ubi præsens est, nihil potest eorum, quæ minatur in epistolis. Quare ad id tantum intonat scribendo, ut epistolaribus minis absterritos, sub potestate sua contineat. Ipse contra. Propterea, inquit, hæc absens scribo, non quod nequeam si præsens fuero, rigidus esse in immeritos, sed ne sim rigidus, id est, ne cogar uti seueritate, iuxta potestatem quam dedit mihi dominus, &c. Non agebat rigide, quia parcebat, illi dicebant, quia non potest. Minatur ergo illis futurum, ut, nisi hoc se scripto in ordinem redigi patiantur, non parcat amplius, sed præsens agat rigide. Quare cum dicit: Propterea hæc absens scribo, ne cum præsens fuero, rigidus sim, subaudiendum est, ut quæ emendanda sunt, priusquam ueniam, emendetis, ut tum sequatur, ne cum præsens fuero, & inemendatos reperiero, rigidus sim iuxta potestatem, &c. Græcè est, *μὴ ἀποτόμως χρῆσθαι*, id est, ne seuerare, rigide, truncatim, præcise, utar, quod idem est, atq; *μὴ τῇ ἀποτομῇ χρῆσθαι*, id est, ne seueritate, rigore, præcisione ac truncatione utar, *ἀποτομία* est, quando incunctanter compendiosa seueritate utimur, & quæ in ordinem redigi emendariq; nullis modis possunt, abscindimus. Hanc abscisionem minari uideretur impoenitentibus, nisi aduerbiū *ἀποτόμως* plerunq; idē significaret simpliciter, quod sæuere ac rigide.

Addit, iuxta potestatem. Græce, *κατὰ τὴν δύσιν*, qua uoce significat se nihil acturum ex commoti animi impetu ac proprio arbitratu, sed ex officio potestatis Apostolicæ. Et ut hæc sibi esse dicat non temere usurpatam, more pseudapostolorum, sed legitimam & authenticam, subiicit: quā dedit mihi dominus in extructionem & non in destructionem. Sed de his uerbis supra cap. 10. diximus, quare non est ut hic illis immoremur.

Quod superest fratres, ualete, integri estote, cōsolationem habete, unanimes

fitis, in pace agite, & Deus charitatis ac pacis erit uobiscū. Salutate uos mutuo, osculo sancto. Salutant uos sancti omnes. Gratia domini Iesu Christi, & charitas Dei, & communicatio spiritus sancti sit cum omnibus uobis, Amen.

Concludit epistolam admodum cōpetenter & apposite, idq; cōclusionē necessarijs membris sic absoluta, ut uix aliquid desiderari possit. Insunt enim illi primū summaria adhortatio, deinde promissio, tertio saluatio, & quarto Apostolica apprecatio.

QUOD superest, inquit, fratres.] Quasi dicat. Hactenus scripsi uobis quæ necessaria uidentur, iam nihil restat aliud quā ut scriptis meis obediētes recte ualeatis, &c.

VALETE, inquit.] Græcè est *χαίρετε*, quod sonat proprie gaudete, quemadmodū & uulgatus interpres uertit, & Chrysost. quoq; exponit dicens: Contristasti, terruisti, anxios reddidisti, tremere fecisti ac metuere, & quomodo gaudere iubes? Propter hoc ipsum gaudere iubeo. Etenim si ijs quæ ego feci, ea quæ uobis cōpetunt, subieceritis, nihil impediet quominus gaudeatis. Etenim quicquid potui feci. Longanimis fui, distuli, non excidi, adhortatus sum, consului, terrui, comminatus sum, quo uos omnibus modis ad fructum resipiscentiæ in unum colligerem. Iam restat, ut quod uestrum est faciatis, quod si feceritis, immarcescibile uobis gaudium erit. Hæc ille: unde manifestum est, quod gaudendi sensu uerbum hoc *χαίρετε* acceperit. Nec uspiam inuenio positū ab Apostolo, pro, ualete, quantum uis Erasmo, uertendum magis uisum fuerit, ualete, quā, gaudete.

INTEGRI estote.] Pertinet ista, *κατὰ τὴν δύσιν*, ad summariam adhortationem quinq; articulis ueluti digitis cōpræhensam, & morbis Corinthiorum accommodatam. Illud, *κατὰ τὴν δύσιν*, uertit Erasmus, integri estote, & uulgatus interpres, perfecti estote. Diximus supra quid sit *κατὰ τὴν δύσιν*, unde satis patet, quid hic uelit Apostolus, quod nec Erasmus in Annotationib; suis dissimulat. Hortatur uidelicet, ut corpus ecclesiæ lacerum ac luxatum integritati suæ, relicto seclatam studio restituant.

CONSOLATIONEM habete, inquit.] Quod in Græco est *παράκλησις*, adhortandi sensum perinde habere potest atq; consolandi, ut idē sit quod, adhortationem meam accipite ac bene collocate, qui mihi sensus præsentis proposito magis conuenire uidetur. Chrysost. tamē putat referendum esse ad consolationes cum mutuas, tum suas, quibus erigendi ueniebant propter crebras tentationes ac pericula.

VNANIMES sitis.] *τὸ αὐτὸ φρονεῖτε*, id est, idē sentite. Potest referri uel ad dogmata, ne in illis discreparent, uel ad animorum in charitate mutua cōsensum. Tale est quod 1. Cor. 1. dicit:

Idem



Idē dicite omnes, & nō sint inter uos dissidia. A

IN pace agite.] *Εἰς τὴν εἰρήνην.* Rectius, paci studere, pacifici estote. Vulgatus interpres habet, pacem habere. Verum in pace agere, & pacem habere, optionis magis est quā adhortationis. Nos Germani dicimus: neminem plus pacis habere, uel in pace magis agere posse, q̄ per uicinos liceat. At paci studere piorum est ac pacificorum, ad quod genus studij Corinthios hic hortatur Apostolus. Paci studere possunt Christiani, etiam si uiuant inter eos qui oderūt pacē, quemadmodū de se canit Dauid: Cum illis qui oderunt pacem, eram pacificus. Reuocat Corinthios à se inuicem dissentientes ad studia pacis.

ET Deus charitatis & pacis erit uobiscū.] Haftenus adhortationē absoluit, cui iam promissionem diuini fauoris subiicit, si idem sentire ac paci studere cōperint. Deus, inquit, erit uobiscum. Hoc est, non destituet uos gratia & ope sua, sed fouebit uos præsenti spiritus sui auxilio. Nec simpliciter dicit, Deus erit uobiscū, sed, Deus charitatis & pacis erit uobiscū. Quare? Quia ut non est odiorum ac dissidiorum, sed charitatis ac pacis Deus, hoc est, & amans & author ueræ charitatis ac pacis, ita de ferere non potest charitati ac paci studentes. Etenim similes similibus congaudent.

Dices: Ergo fieri potest ut priusquam nobiscum sit Deus, sine illius gratia & ope diligamus nos mutuo, idem uelimus ac nolimus, ac paci studeamus, atq; ita Deo causam demus, ut sit nobiscū, cum uerosimilius sit, nihil nos horū posse, nisi ipse nos gratia & ope sua praeueniat. Respondeo. Sic est. Ipse nos praeuenit spiritu gratiæ suæ, & corda nostra ad charitatem & pacē sectandam imbuat, ac tales redditos magis ac magis amanter complectitur. Si quis diligit me, inquit Christus, sermonem meum seruabit, & pater meus diliget eum, & ad eum ueniemus, & mansionem apud eū faciemus. At unde homini ut diligat Christū & sermonem eius seruet? nisi ex gratia diligentis nos Dei? Diligit Deus prior, & ut nos quoq; diligamus, infundit spiritū suum in corda nostra, atq; ita regeneratos ac uicissim diligētes arctius & ampliore gratia complectitur. Nec mirum. Est enim Deus charitas, quemadmodū Ioānes in Canonica sua testat, ideoq; q̄ manet in charitate, in Deo manet, & Deus in eo.

SALVATE uos mutuo, osculo sancto. Salutant uos sancti omnes.] Pertinent hæc ad salutationis officiū, ad quod procliuēs debent esse Christiani, tanquam ad uerum ac syncerū dilectionis exercitium ac symbolum, quo de aliās diximus, cuiusquā fuerit studiosus hic Apostolus in epistolis ipsius, præsertim ea quā ad Romanos scripsit, uidere licet.

De eo quod dicit: Salutate uos mutuo, oscu

lo sancto, dictum est. I. Cor. ultimo. & Rom. ultimo. De osculo sancto Chrysost. sic annotat: *τί στίγμα ἀγίου; μὴ ὡς ἀλλὰ μὴ ἀδελφῶν, καθάπερ ὁ Ἰσίδωρος ἢ χειρὸν ἐφίλησεν.* Addere debebat, *ἢ ὅτι διὰ τὸν χειρὸν ἡμεῶν ἐν χειρὶ φιλάδελφον.*

De eo quoq; quod subiicit: Salutāt uos sancti omnes, dictum est. I. Cor. ultimo, ubi dicit: Salutāt uos fratres omnes, quos hic uocat sanctos. Vtrunq; tam sanctorum quā mutuum salutandi officium tale est, ut nequeat ueraciter usurpari à dissidentibus. Quare hortatus eos prius est, ut idē sentiant oēs, ac paci inter se studeant, actum de salutationibus subiicit.

GRATIA domini Iesu Christi, & charitas Dei, & communicatio sancti spiritus, sit cum omnibus uobis, Amen.] Hæc est apprecatio, qua epistolam claudit. Rom. ult. & I. Cor. ult. simpliciter dicit: Gratia dñi nostri Iesu Christi, sit cum omnibus uobis, quibus uerbis omnia quæ ad salutem nostram pertinent, breuiter cōplexus est. Neq; enim ubi gratia Christi locum habet, charitas Dei & communicatio spiritus deesse poterunt, quas hic tamen propter pseudapostolos exprimit, ut innuat quibus bonis illi priuent ecclesiam Christi, dum eam in sectas discindunt. Deinde non erant illi in doctrina & fide sanctæ Triadis sani, Iudaismū adhuc magis quā uerum Christianismū spirantes. Quare patris, filij, ac spiritus sancti mentionem facit, de filio priore loco, non quod is patre sit maior, sed quod sit mediator, per cuius mediationis gratiam charitas Dei patris, & communicatio spiritus locum in nobis inueniunt, qua de re Calvinus, dilectus in domino frater, ante me annotauit.

Non autem sic tribuit gratiam filio, patri charitatem, & spiritui communicationem, ut singulæ singulis tantum conueniant, & neq; sit filij charitas & communicatio, neq; patris gratia & communicatio, neq; spiritus gratia & charitas, absit. Sunt enim, ut recte annotat Chrysost. *τὰ τὰ τριάδος ἀδίδυμα*, quemadmodum & multis in locis uidere licet, ubi quam hic filio assignat gratiam, & patri & spiritui, & quā charitatem hic patri tribuit, filio ac spiritui, & quam communicationem adscribit spiritui, filio quoq; dare deprehenditur. In huiusmodi donis non est distinctio personarum, est uero in hypostasibus, quarum unicuiq; sua est propria, de quibus non est hic dicendi locus.

Quomodo ex hoc loco refellendi sint hæretici, qui spiritus sancti diuinitatem negant, annotatum est à Chrysostomo.

*Θεῶν ἀνάμνησις.*

*Gratia sit Christi tecum charissime Lector,*

*Cui me commendes, dum mea scripta legis.*











